

This is a reproduction of a library book that was digitized by Google as part of an ongoing effort to preserve the information in books and make it universally accessible.

GoogleTM books

<http://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>







HISTORIALE,

DE NICOLAS VIGNIER

DE BAR SUR SEINE,

MEDECIN ET HISTO-

RIOGRAPHE DV ROY.

*Contenant la disposition & concordance des temps, des histoires, & des historiographes,
ensemble l'estat des principales & plus renommées Monarchies
selon leur ordre & succession.*

Au tres-chrestien Roy de France & de Polongne, Henry troisieme.

TOME SECONDE.



A PARIS,

Chez ABEL l'ANGELIER, Libraire iuré, au premier pilier de
la grand' salle du Palais.

M. D. LXXXVII.

AVEC PRIVILEGE DV ROY.

A TRES-HAVLT ET TRES-
PVISSANT SEIGNEVR, MESSIRE ANNE DE
IOYEVSE, DVC ET PAIR DE FRANCE, PREMIER GEN-
til-homme de la chambre du Roy : Capitaine de cent hommes
d'armes de ses ordonnances : Admiral de France & de Bretagne:
Gouverneur & Lieutenant general de sa Maiesté, en ses pays &
Duché de Normandie.

MONSEIGNEVR ceux qui font profession de la
Philosophie naturelle, tiennent pour une maxime
uniuerselle & indubitable, que la corruption d'une
chose est la generation d'une autre, & la generation
d'une la corruption d'une autre. Ce qui me semble
n'auoir pas moins de lieués Empires, principautez
& dominations qu'és corps composez des quatre
Elemens. Pour exemple dequoy, il se faut proposer
l'Empire des Romains, la grandeur duquel n'a ia-
mais prins accroissement que de la ruine & subuersion des autres roiaumes
& principautez de la terre: Comme i'estime auoir monstré assez clerement
en la premiere partie de ma Bibliotheque historique. Où ceste grãdeur s'estât
abaissée petit à petit, a donné lieu à plusieurs autres Royaumes qui se sont
esleuez de toutes les parties du monde, partie desquels ont desia prins leur
fin, les autres sont encor florissans, aucuns plus, les autres moins. Et de ceux
là y en a qui tousiours ont retenu leur premier nom, bien qu'ils ayent passé
par le gouuernement de diuerses races, familles & nations. Il y en a aussi qui
ont changé de nom, combien qu'ils sont tousiours demourez, sous la domi-
nation d'une seule nation: & d'autres qui se vantent, & de n'auoir chan-
gé de nom, ny esté assubiectis par aucune race estrangere. C'est le subiect que
i'espere deduire en la seconde partie. Laquelle monstrera premierement com-
me l'Empire Romain apres auoir longuement soustenu & repoussé les as-
saults & attaintes d'une infinité de nations Barbares, qui comme un de-
luge se vindrent des contrees de la Scythie & de la Germanie, ou des autres
parties du Septentrion espandre sur les prouinces d'iceluy, fut tellement pie-
ce à piece affoibly, froissé, desmembré & mutilé (outre les infirmittez inte-
rieures que la viellesse amene en chacune chose de ce monde) qu'il se trouua
en fin de tout point accablé en Occident, ne restât pas mesme le nom d'Em-
pereur ny l'Empire en Italie, que iusques à ce qu'il y fut long temps apres ra-
mené par la vertu & proüesse des François. Au moyen dequoy les peuples

*

Epistre.

qui auoient iettez leurs griffes sur iceluy, faisant lors chacun profit de sa prise, les conuertirent & accommoderent en Royaumes & principautez de leur nom. Tellement que de toutes les Prouinces Occidentales de l'Europe & de l'Afrique, qui auoient esté auparauant unies & incorporees à l'Empire Romain: Comme sous un mesme corps, une seule ne fut exempte de tomber és mains d'aucuns d'eux, qui se les approprierent en telle sorte qu'elles sont tousiours depuis demourees departies & diuisees en diuers & particuliers Royaumes, qui se sont gouuernez de leurs propres loix & costumes: Sinon qu'aucuns d'iceux se sont quelquefois veuz reduits sous le gouuernement des Rois leurs voisins. En telle façon l'Afrique, l'Italie, les Gaules, l'Espagne, la grande Bretagne, la Germanie, les Pannonies, la Dalmatie & Illyrie furent chacune à part soy establies en un, ou en plusieurs Royaumes ou principautez, nouuelles, par ceux qui les empieterent les premiers. Aucuns desquels y grauerent si bien leurs noms, qu'ils y sont tousiours demourez: De là est venue l'appellation de France & de Bourgongne és Gaules, de Catelogne, & Vandalie en certaines contrees des Espagnes, de la Lombardie en vne partie d'Italie, d'Angleterre & d'Escoffe, en la Bretagne, de la Hongrie en la Pannonie, de l'Esclauonie en la Dalmatie, de l'Allemagne en la Germanie. Parquoy il nous faudra exposer l'estat de chacune d'icelles Prouinces, depuis qu'elles furent desmembrees de l'Empire Romain par ordre, les changements & mutations de Regnes, de principautez, de familles, de polices, & les occurrences plus memorables qui y sont suruenues. Tellement qu'en parlant de l'Italie l'on verra comme les Rugiës & Turilingiens l'ayans les premiers reduitte sous leurs puissances, & effacé le nom de l'Empire Romain en icelle sous la conduite de leur Roy Odoacer, en furent desbusque, deuant qu'y auoir bien posé leur pied, par les Ostrogots sortis tout expres de la Pannonie pour ce faire. Consequemment aussi comme elle fut gouuernee sous iceux, & depuis qu'ils en furent exterminiez par Narses lieutenant de l'Empereur Iustinian, tant sous les Exarches au nom des Empereurs d'Orient, que sous les Lombars. En apres quel traitement elle a receu sous la domination des Empereurs François, depuis que Charlemagne eut releué le nom de l'Empire Romain en icelle, l'ayant toute reduitte sous sa main, fors les contrees de la Pouille & Calabre, qui demourerent encor aux Empereurs Grecs, iusques au temps que les Normants y vindrent fonder & establir le Royaume de Naples, & des deux Siciles: apres lesquels elle passera par les mains des Allemands, & de rechef par celles des François, des Hongrois, des Espagnols. Cependant on verra encor que les Empereurs de la nation Germanique ayans succédé aux François apres auoir administré l'Empire Italique, en seront entierement exclus par les menees & factions des Papes, & rebellions obstinees des Italiens. On verra l'acquisition de ce grand domaine que les Papes possèdent: l'erection de

Epistre.

de plusieurs grands estats & principautez: comme de Milan, de Ferrare, de Mantoue, & autres: l'introduction de quelques puissantes Republiques libres, comme de Florence & de Gennes, desquelles se separe la Venetienne, pource qu'elle a eu long temps auparavant son origine à part. Dont aussi nous expliquerons les commencements, les progres, & auancements, ensemble les mutations, les accroissements & dechets qu'elle a receu, tant en sa Police qu'en sa Seigneurie. Quant à l'histoire des Gaules, elle nous suggerera matiere de declarer, que nonobstant que les Bourguignons & Visigots s'y fussent les premiers nichez (tesmoing les vestiges qui y restent encor de leur nom) & que les Bretons y eussent aussi quelque temps apres fonde un Royaume à part, es pays delà Loire qu'on dit auioird'huy la petite Bretagne, si est-ce toutesfois que depuis que le braue François ayant passé le Rhin y eut faict, son manoir, & en iceluy estably ses loix & son sceptre (qui s'y est acquis telle duree qu'elle surmonte ia celle de l'ancienne Monarchie Assyrienne, & de tous les autres Empires qui ont esté iamais au monde) l'heur le seconda si constamment en toutes ses entreprises, qu'il le rendit en fin par une infinité de glorieuses victoires non seulement dominateur entier en toute l'estendue d'icelles: apres auoir rompu l'orgueil, & raclé la puissance des Visigots de deça les Pyrenees, qu'on appelloit les premiers dompteurs de l'Empire Romain: aboly le Regne des Bourguignons, & donné sa loy aux Bretons: mais aussi Monarque de toute la Germanie, l'ayant reduitte en toute extremite d'obeissance sous la Gaule. Apres qu'il eut abaissé la fierté des Allemans, humilié la gloire des Bauarois, dompté l'obstination des Saxons, bridé la Barbarie & cruauté des Huns, Auarois & Hongrois, reprimé l'insolence & rapacité des Esclauons. De sorte qu'il alla encor planter les fins & bornes de son Empire bien auant dedans les Pannonies & Dalmaties. Et puis ayants deliuré l'Italie de la seruitude des Grecs & des Lombards, fait qu'elle se soubmeit & entretint volontairement sous ses asles, reprenant sous la pretection & defence d'iceluy le nom d'Empire Romain, duquel elle s'estoit par son impuissance rendue uesue depuis plus de 300. ans. Auquel temps aussi le Zele de defendre & fortifier la cause de la Religion Chrestienne le fait aller esprouuer ses armes sur les Sarrazins en Espagne, à si bonnes enseignes que les pays de Nauarre & de Barcelonne se souuiennent encores d'auoir esté long temps marches de l'Empire de France: et que les affaires des Chrestiens Espagnols, qui ployoient sous la pesanteur du ioug des Mahumetistes, furent tellement remises au dessus & fortifiees, qu'elles ne se trouuerét onques depuis inferieures ny plus foibles, finalement toutesfois s'estant la Monarchie Gallique venue à dissoudre avec le desfinemēt de la race de Charlemagne, elle s'est veüe de rechef detaillee en tant de pieces, que l'Empire Germanique s'en est tousiours depuis retenu une partie, s'estant outre ce qui est tousiours demouré depuis

Epistre.

sous ce qu'on appelle aujourdhuy le Royaume de France, esleues plusieurs autres souveraines principautez en icelle. Comme est celle de Lorraine & les deux Royaumes qui nasquirent en mesme temps es pays qui auoient constitué auparauant l'ancien Royaume de Bourgogne, lesquels s'incorporerent en un, de la dissolution duquel sengendrèrent encore d'autres nouvelles Republiques & principautez, qui sestablirent en Prouence, Dauphiné, Sauoye, es Bourgognes & au pays des Suisses. Au reste par succession de temps partirent de la mesme Gaule ou France, ceux qui allerent deliurer de la seruitude des nations Mahumetiques les Royaumes de Syrie & de Iudee, & conquerir l'Empire de Constantinople, & les Royaumes de Naples & de Sicile, & fonder aussi le Royaume de la lignee des Rois de Portugal. Vn poinct outre plus s'observera d'exemple fort rare & inaccoustumé en la Monarchie de France, qu'on n'a veu depuis unze cens ans, que la Couronne d'icelle ait forligné qu'en deux familles, si nous le prenons par le sexe masculin, car par le feminin elle pourroit sembler n'estre encor passée que par une ligne, ne qu'elle soit venue en main de nation estrangere, fors quelques vingtaine d'ans sous les Anglois, lesquels encor pendant ce temps pour entretenir leur grandeur avec les François, garderent la mesme forme de Republique, que ceux qui estoient vrais lignagers, & auxquels par droit successif elle appartenoit. Ce qui ne se lit estre aduenü en aucune autre Monarchie depuis le mesme temps establie au monde: Car nous monstrerons que l'Espagnole ayant esté du commencement diuisee en trois Royaumes par les Vandales, Sueues & Alains, fut toute possedee apres eux par les Visigots sous Rois de plusieurs & diuerses familles, qui furent aussi tous surmarchez par les Maures & Sarrazins. Nonobstant que de leurs cendres sont issus par decours & succession de temps les Rois & Royaumes de Leon, Castille, Arragon, Nauarre & Portugal. Outre ceux que les Maures mesmes y fonderent, nonobstant qu'ils se trouuent aujourdhuy avec tous les autres reduits sous la main d'un seul depuis cent ans. L'isle aussi qu'on disoit anciennement la grande Bretagne, aiant esté premierement diuisee en un grand nombre de petis Royaumes par les Anglois, Saxons, Escossois, Pictes, & Bretons, a esté finalement reduitte sous deux Royaumes, qu'on dit d'Angleterre & d'Escoce: le premier desquels ne sest peu garentir de la maistrise des Dannois, Normans, & d'aucunes races Françoises, qui succederent consecutiuellement les uns aux autres, apres que le sang royal des Anglois eut esté spolié du sceptre d'iceluy. Mais l'Escoce se vante que depuis qu'elle a esté honorée de ce nom, et que le superbe Escossois y a perché sa demeure, il n'en a peu estre entierement desmarché par aucune nation estrangere: encore que sa Couronne ait couru par une infinité de races et familles. Et parce Monseigneur que ie ne pourrois qu'avec une ennuyeuse prolixité de parole reciter ce que i'ay entrepris d'escrire de tous les autres Empires, royaumes, principautez, & des

Epistre.

Et des nations de la terre, soit de celles qui se sont auancées des ruines de l'Empire Romain ou d'ailleurs, soit Chrestiennes, Mahumetiques ou Payennes, du Septentrion, de l'Orient, du Midy, il vous plaira auoir pour agreable l'humble protestation que ie vous fais, de poursuiure avec mesme diligence que i'ay faict des precedents ce que i'ay trouué par escrit de leurs origines, commencements, progresz, & des changements, vicissitudes, mutations, incidents, faicts & occurrences plus memorables aduenues en iceux: sans obmettre les noms qui ne seront ignorez, de leurs Rois & Princes, & les temps de leurs regnes: Dont on congnoistra comme l'Empire Germanique, depuis qu'il se sequestra de la Monarchie Françoise, s'est conduit sous ses propres Empereurs iusques à maintenant. Et comme aussi l'Empire de Constantinople s'est maintenu depuis que l'Italique a esté aboly, iusques à ce qu'il est tombé entre les mains des Othomans. Adioustant consequemment comme la secte & le regne de Mahomet s'estant comme en un moment allumé au milieu de l'Arabie, se sont venus croistre & dilater des ruines & demolitions d'iceluy, prenant par succession de temps diuersité de noms, de maisons & principautez & de sectes, sous les Arabes, Sarrazins, Egyptiens, Maures, Perses, Turcs & Tartares. A cause des schismes & diuisions qui se sont mis entre eux pour l'interpretation de leur loy, & pour l'opinion dont aucuns d'eux se sont laissez enforcer d'un Haly, ainsi que les autres de Mahomet. Tellement que de là prindrent leur source les Califes de Baldac & du Caire, les Sophians de Perse, avec les fondations des Citez & Royaumes de Maroc, de Fez, & des Benimarins en Afrique. Somme que du faict du reste des autres Royaumes & Monarchies, comme Dannemarc, de Suesse, Noruege & Gotlandie, de Boëme, de Poulongne, Hongrie, Bulgarie, Russie, Moscouie, des nations Tartaresques, & des Othomans, voire aussi de ce peu que i'auray trouué par escrit, de l'Ethiopie & du nouueau monde nouuellement descouuert par les Espagnols & Portugais, ne manquera rien en ceste seconde partie, sinon les choses qui ne seront venues à ma congnoissance, ou que ie n'auray estimé dignes d'y tenir lieu: Et quant à l'Eglise Chrestienne, ie poursuiurai de mesme façon d'exposer les plus memorables occurrences aduenues en icelle, que i'ay faict en l'autre partie. Et pour autant que la plus-part des Royaumes declarez cy dessus, n'auoient au temps que l'Empire Romain estoit en sa splendeur, que bien peu ou du tout point de bruit: ie ne fais pas mon compte de rechercher leurs origines, progresz & auancements, sinon depuis la decadence de l'Empire Romain, qu'ils auront commencé à entrer en bruit, estant la grandeur & puissance des Romains au temps que leur dernier Empire florissoit telle (qu'ainsi que le Soleil quand il est plus luisant) offusquoit la lumiere de toutes les autres nations de la terre. Si bien qu'elles commencerent seulement à se faire con-

Epistre.

gnoistre & renommer, alors que ceste grande Monarchie vint à dechoir de son ancienne splendeur. Ayant beaucoup aydè à celà le deffault qu'elles auoient des gens doctes & lettrez, pour escrire leurs faicts, & en laisser la memoire à la posterité. De sorte que ce que nous en auons encores pour ce iourd'huy, estant pour la plus-part entremeslé & enuelopé de fictions, fables & repugnances, & publié sous le nom d'Autheurs incognuz, & peu fameux, donne occasion à ceux qui sont doüez de meilleur iugement d'y adiouster bien peu de foy. Or ay-ie tousiours protesté de n'escrire chose qui ne soit authorisee par escriture authentique, ou par opinio commune, & avec celà verifiee par bon tesmoignage. Et pour ceste cause n'ay-ie pas tiré (comme ont fait quelques-uns) l'origine de nos François, & des Bretons, de la ruine de Troye: celle des Esclauons & Hongrois de la Tour de Babel. Ayant tousiours eu ceste persuasion, que celuy qui se veut mesler des histoires, & escrire les choses aduenues en autre temps que le sien, doit bien aduiser à la qualité & suffisance de l'Autheur qu'il veut ensuiure à la cōcordance des temps, facilité du faict: si ce qu'il escrit est confirmé par d'autres histoires approuuees, & quel est en celà le iugement des hōmes doctes & de sçauoir. En quoy faisant il pourra bien plus aisément discerner le vray d'avec le faux, & esclaircir ce qui est en obscurité: Ou pour le moins mettre à part ce qu'on congnoistra estre hors de toute verisimilitude & probabilité. Chose que ie me suis proposé en ceste seconde partie, qui contient un brief recueil des faicts, gestes & choses memorables de chacune nation, selon l'ordre & le temps qu'elles sont aduenues és plus fameuses contrees de la terre, dès & depuis l'an 3. de nostre Seigneur. Auquel prindrent commencement & origine les causes & motifs qui amenerent apres eux la dissipation & ruine de l'Empire Romain en Occident, iusques au temps du grand Roy François premier de ce nom, pere & restaurateur des bonnes lettres: Que i'ay tiré & extraict des histoires escrites par les meilleurs & plus renommez Autheurs, en suiuant l'ordre & la regle que i'ay declaree en la Preface de la premiere partie. En quoy ne fault pas estimer que d'autant qu'elles approchent plus pres de nostre aage & congnoissance, que i'aye moins travaillé qu'à la description des premiers temps. Parce qu'on n'y trouue pas moins d'erreur, de faulsetez, repugnances & contrarietez, principalement és dattes & supputations des temps derniers, que nous trouuons és historiens Chronographes qui ont voulu quoter & calculer l'estat & duree des Regnes & Monarchies. Et parce qu'il y a bien peu de gens de sçauoir qui se soient empeschez de les redresser, i'en diray icy en passant ce qu'il m'en semble. Je trouue doncques qu'entre les causes de ceste contrariete & repugnances és dattes & supputations, la principale naist & prouient de la diuersité de compter les ans qui a esté & est entre les nations: Car au temps que l'Empire Romain estoit encor en duree, la plus-part des nations qui

Epistre.

qui luy estoient subiettes s'accommodoient avec les Romains à compter les ans depuis la fondation de Rome par les Consuls & Indictions. Vray est que les Grecs depuis le grand Constantin meirent en compte ceux de la nomination de Constantinople : & les Antiochiens (comme on void es histoires Ecclesiastiques) retenoient ceux de la nomination de leurs villes. Mais depuis que l'estat Consulaire cessa tant à Rome qu'à Constantinople, l'Italie s'adonna à compter les ans depuis la natiuité de nostre Seigneur, suivant la voie qui leur fut monstree par le denombrement & supputation des Cicles de Pasques faicte par un Abbé de Rome nommé Denis, environ l'an 532. Et les Grecs s'arrestèrent aux ans de la creation du monde, suivant la supputation qu'ils ont recueillie des 70. Interpretes. En laquelle ils se sont encor trouuez differents les uns aux autres. De sorte que Maxime Moine qui vivoit du temps de l'Empereur Heraclius l'an 641. en un traitté qu'il a faict du Calendrier des Grecs, declare qu'ils auoient ia de son temps trois supputations diuerses entre eux des ans de la Creation du monde : Selon lesquelles les uns commençoient diuersement leur Calendrier des autres. En prenant chacune son principe à diuerses anneés de la natiuité de nostre Seigneur, selon que nous les comptons avec l'Abbé Denis. Car l'une le prenoit à l'an 345. l'autre à l'an 361. la dernière à 380. & selon la supputation de la premiere, la natiuité de Iesus christe cheut en l'an 5508. de la Creation du monde : Selon la seconde en l'an 5492. & selon la troi-ziesme en l'an 5501. desquelles ceste-cy a esté en suivie de l'Eglise d'Antioche, & de ceux qui dependent d'icelle. Lesquels l'appellent l'Ere des Computeurs & des Astronomes. Mais la premiere a esté retenue iusques à maintenant de toute l'Eglise Grecque, des historiens d'icelle, & d'aucuns des derniers Synodes. Ausquels se sont adioints les Moscouites, Russiens & Bulgariens, retenans toutesfois les uns & les autres avec celà le compte des Indictions. Et encores en ceste forme de compter extraicte du denombrement des Cicles, y a eu quelque diuersité qui a causé grande varieté au nombre des ans : Qui me semble estre procedee de la difficulté qui a esté à trouuer le vray point & iour de l'Equinoxe vernal. Auquel les anciens docteurs de nostre religion estimerēt que nostre Seigneur offrit son corps en sacrifice en la croix, estant la Lune en opposite, qui faisoit le xv. iour du premier mois des Hebrieux en la xviiij. année de l'Empereur Tibere. De façon que plusieurs s'estant trauallez à rechercher ceste matiere par les regles & demonstratiōs de l'Astrologie, à cause que de là dependoit l'intelligence de l'aage qu'auoit nostre Seigneur à sa mort, & la science de trouuer le iour auquel on deuoit celebrer la memoire d'icelle tous les ans, ne se sont peu resouldre en une mesme opinion, Selon que nous auons amplement deduit en nostre traitté des fastes des nations : qui fut cause de retenir longuement les anciennes Eglises en confusion à l'observation du temps de la solennité de Pasques : A l'occa-

Epistre.

sion dequoy un autre Abbé nommé *Victurius* ou *Victorin*, excogita par le commandemēt du Pape *Hilaire* enuiron l'an 462. certaines regles pour trouuer le Cycle *Pascal*, Selon lesquelles il calcula les grandes annees de la Lune, que nous appellons Cycles Lunaires, ou le nombre d'or, en retrogradant iusques à l'annee à laquelle il estimoit (selon l'opinion qu'il auoit du poinct de l'Equinoxe) laditte opposition estre aduenue. De maniere que par le denombrement d'icelle il assembla le nombre des annees, depuis la natiuité & passion de nostre Seigneur: Lequel nombre fut du commencement receu & approuué de plusieurs en Italie. Iusques à soixante & dix ans, apres que l'Abbé cy dessus nommé proposa une supputation beaucoup plus certaine & asseuree que l'autre, par l'approbation non seulement mesme de toute l'Italie, mais aussi de toutes les autres nations, Historiens & Chronographes. A cause qu'elle conuient avec les ans de la fondation de Rome, de la nomination de Constantinople & des regnes des Empereurs: comme aussi avec les Consuls & Indictions. Tellement que *Sigebert* ne s'est osé departir d'icelle en sa Chronique, encore qu'il ait semblé faire plus de cas d'une autre qu'il dit approcher plus pres de la verité Euangelique: Laquelle estoit quasi semblable à celle qui couroit en cour de Rome du temps du Pape *Vrbain* second: Comme il appert par une Bulle dudit Pape *Vrbain*, la soubscription de laquelle contient ces propres termes, Datum Laterani vii. Cal. iiii. Incarnat. Domini secundum Dionysium m. xcviij. secundum verò certiorē Euangelij probationē m. c. xxi. Indictione vi. Epacta concurrente ii. & x. Quant aux autres nations, l'Espagne tant sous les *Visigots* que depuis iusques à l'an 5. du regne du Roy *Iah* premier de ce nom, Roy de Castille, qu'on comptoit 1385. apres la iournee appelée par *Pierre Messie* en ses diuerses Leçons d'*Alinbatte*, & par *Froissard* de *Iuberoth*, obserua les *Æres* de Cesar: L'origine & commencement desquelles, comme aussi l'etymologie ont esté tellement mises en controuerses par la diuersité des opinions qui se sont suscitées sur icelles, que si ie ne me fusse resolu à ce que i'en ay cy deuant escrit en la premiere partie de ceste Bibliotheque, où i'ay déclaré que la plus-part des plus anciens Auteurs conuiennent qu'il les fault rapporter à la 38. annee deuant la natiuité de nostre Seigneur, ie ne trouuois aucun qui me satisfeist en celà. Mais laissant les Espagnols, ie viendray aux Gaulois, lesquels reduits sous la puissance des François pratiquerent une façon de compter leurs ans depuis le trespas de *Saint Martin*, laquelle a eu pareillement ses controuerses, qui seront exposees en leur lieu. Si bien que par tous les plus anciens Historiographes & Annalistes François nous ne voyons point qu'autre supputation ait esté plus en vſage, que celle-là de deuant les Rois *Pepin* & *Charlemagne*, sous lesquels seulement & depuis il semble que les François se soient accoustumez aux ans de nostre Seigneur. Et en celà qui n'aduifera de bien pres à leurs

Epistre.

leurs coustumes, qui est telle, qu'ils commencent tantost leur annee à la Conception, ou à Pasques, tantost à Ianuier, on s'abusera bien souuent, & les trouuera-on en cela discordans des estrangeres. Laquelle diuersité se doit aussi considerer es annees des Grecs derniers, et des Indictions qui prennent leurs commencements au 24. iour de Septembre. Les Sarrazins & Mahometistes tiennent la suite de leur Mahomet (qu'ils appellent Alhigere ou Hegire) à laquelle aussi ils rapportent le commencement de son regne, pour principe de leurs ans, & si les reglent simplement au cours de la Lune selon l'usage commune retenue de tout temps entre les Arabes: Telle diuersité doncques de compter les annees pratiquées entre les nations, est cause bien souuent de la contrariété & repugnance qui se trouue es dattes & supputations. D'autre costé ceux qui ont adiousté les ans de nostre Seigneur à la Chronique d'Eusebe, de S. Hierosme & de Prosper d'Aquitaine, comme aussi deux ou trois Consulats superfluellement inserez en la Chronique Consulaire de Cassiodore, & autres deux annees attribuees par Socrates en son Histoire Ecclesiastique à l'Empire de Valens plus qu'il ne luy en falloit, ont donné occasion d'errer à plusieurs en leurs supputations depuis l'Empereur Constantin, iusques à Iustinian. Faute aussi d'auoir obserué les Consulats & Indictions, & de n'auoir leu ou entendu les histoires des Empereurs de Grece, escrites par ceux de leur nation, ny pris garde aux diuerses manieres dont les Grecs ont compté leurs annees: ont fait que Sigebert Palmerius & leurs semblables n'ont bien supputé ny quotté les regnes de/dits Empereurs. Les troubles, guerres, dissensions, perte & deffault de bons escriuains, & de leurs escrits par la malice & ignorance des temps: corruptions de nombres & de dattes es Autheurs par leurs escriuains: ioint la negligence & stupidité des Autheurs mesmes, sont semblablement cause non seulement que toute l'histoire des temps est confuse, troublée & incertaine ou faulse depuis le temps du Roy Charles le Chauue, iusques à 200. ans apres, tant entre les Italiens que François: & d'un grand discord pareillement entre les Chronographes au rapport des annees, tant des Rois de France que des Empereurs de Germanie, & des Papes: mais aussi de ce qu'elle manque totalement es histoires de Hongrie, Polongne, Boëme, Danne-marc, Suesse, Russie, deuant l'an 1000. ou 1100. de nostre Seigneur. Et es autres nations plus eslongnees & incongnues beaucoup plus tard. Qui est cause que nous ne proposerons les faicts & gestes d'icelles, que sous les temps qu'elles se seront descouuertes. Et pource qu'il n'y a si veritable Autheur qui ne choppe, & si menteur qui ne touche aucune fois la verité: la foy qu'on adiousté à ceux-là est telle coustumierement qu'ils sont receuz sans discretion: & ceux-cy reiettez en tout ce qu'ils disent. Dauantage la distance des pays & diuersité de langage, qui cause que ce qui se fait en un pays, n'est

Epistre.

bien ou fidèlement rapporté ou entendu en l'autre, ont souvent trompé les historiens d'un pays au recit des choses estrangeres. Au contraire l'histoire d'Italie & de France, és temps où il y a apparence de troubles & confusion, se peult en beaucoup de poinct esclarcir, redresser ou verifier par les escrits des estrangers en deffault d'autre lumiere domestique. Nommement de certains Chronographes Allemans, pource qu'ils ont successivement vescu les uns apres les autres esdits temps: & que les affaires de leur pays s'entretenoient alors avec celles des autres. Joint que leur rapport des temps s'accorde avec les dattes & subscriptions qui se trouvent aujourdhuy en beaucoup de tiltres & Chartres anciennes des Rois, Princes, Empereurs & Papes. A quoy toutesfois bien peu de gens ont eu esgard par cy deuant. Estant doncques informé des occasions qui ont peu & peuuent engendrer erreur, trouble & repugnance en l'histoire des temps, i'ay estimé que pour tenir droittement le sentier de verité, il me falloit destourner en premier lieu de celles ausquelles les autres se sont achoppés, & obseruer diligemment toutes les coustumes de nombrer les temps entre les nations. Parquoy i'ay osé le premier faire essay de conferer & rapporter les ans de l'Hegire de Mahomet avec les nostres: tenant le moyen que ie demonstreray sous l'an 622. de nostre Seigneur. Les probations aussi duquel ie proposeray en une table que i'adiousteray. Mais en contrariété d'Autheurs & histoires estrangeres, où il ne se presentent moyen de les accorder, ie prefereray chascun Autheur en l'histoire de son pays à l'estranger, si ce n'est qu'il l'ait bien congnu & frequenté: & donneray plus de foy aux plus anciens & aux choses qu'ils auront escriptes de leur temps & auparavant, lesquelles ils auront peu voir ou entendre de ceux qui les auront veües, qu'à ceux qui en auront esté plus eslongnez. Si ce n'est qu'il faille pour d'autres bonnes considerations condescendre à ceux-cy. Cependant ie feray venir en rang les uns apres les autres selon les temps qu'ils ont vescu, en passages & poincts douteux, obscurs & scabreux. En varieté aussi d'exemplaires, ie chercheray les moyens d'expliquer, esclarcir, confirmer & corriger les uns par les autres: conferant songneusement tous les liures imprimez avec les exemplaires non imprimez, quand aucuns se pourront trouver. Et si ameneray avec cela tous les tesmoignages que ie pourray tirer de l'antiquité, tant en Tiltres, Signatures & Panchartes, anciennes Inscriptions, Epitaphes & Histoires non auparavant iamais mises en lumiere, à l'ayde desquelles ie n'ay pas seulement redressé beaucoup de choses qui estoient esgarees de leurs temps, mais en ay aussi remis en lumiere beaucoup d'autres grandement memorables & indignes d'estre ignorees, desquelles la memoire estoit totalement perdue. Comme ie peux dire estre la plus-part de ce que
i'ay

Epistre.

i'ay escrit de l'estat de nostre France, & des Prouinces circonuoisines, depuis Charles Martel iusques à plus de cent ans apres Hugues Capet: Outre beaucoup d'autres bons & notables poincts esclarcis & expliquez en certains autres endroits, que nos historiens auoient obmis, ou si obscurement traittez, qu'on ne les pouuoit entendre. Comme il se peult voir au sommaire de l'histoire de France que i'ay cy deuant faict sortir en lumiere, & au Traitté de l'Estat des anciens François qui ont esté extraicts de ceste Bibliotheque, & où ils se trouueront encores, mais augmentez & amplifiez de plus d'un tiers, d'une infinité de grandes & haultes matieres, qui n'auoient oncques esté veües ny entendues en nostre histoire. Pour raison dequoy, encore que ie ne vueille aucunement entrer en comparaison avec aucuns de ceux qui ont mis de nostre temps la main à l'histoire de France deuant moy: ie peux dire avec verité & sans arrogance, que i'ay le premier prins peine de monstrier comme l'histoire de France se pouuoit & deuoit escrire selon son vray ordre & ses temps, de prouuer la verité d'icelle où elle estoit douteuse, de concilier, accorder des contrarietez & discordances qui sembloient estre entre les Autheurs d'icelle, d'esclarcir les obscuritez, desnoüer les nœuds qui s'y trouuoient, de la nettoyer des erreurs, fables & mensonges desquelles elle estoit gastee & falsifiée, de reparer & radoubier les bresches que la rouille & malice des siecles precedents y auoient faictes. Bref que i'ay trauaillé de tout mon pouuoir à rendre le corps de laditte histoire entier & esbauché depuis les pieds iusques à la teste. Que si de ce mien labeur quelque proffit reüssit au public, la gloire en appartient à Dieu, qui ouure l'entendement aux hommes pour dire, faire & escrire les choses qui seruent à l'exaltation de son saint nom, & au bien & salut des peuples qui sont sur la terre.

OR Monseigneur ayant dedié au Roy la premiere partie de ceste Bibliotheque, vous pouuiez à bon droit, vous vendiquer la seconde comme chose à vous deuë, par une prerogative du lieu que vos rares vertus & le merite & grandeur de vos ancestres vous ont acquis pres de sa Maiesté. Mais ie vous ay voulu preuenir, & en vous presentant ce que ie ne vous pouuois refuser, pour vous rendre tesmoignage du desir que i'ay de m'acquiter en quelque maniere que ce soit du treshumble seruice que ie vous doibs, & auquel vous m'auiez obligé perpetuellement. Aiant esté à ce faire incité par Monsieur des Portes, Abbé de Thiron & de Iosaphat: lequel à bonne & iuste cause vous ayme & chersse, pour sa singuliere doctrine, graces & perfections qui reluisent en luy: Comme de

Epistre.

mesme affection il embrasse tout ce qui depend de vostre grandeur, & ceux qui ont cet honneur d'en estre fideles seruiteurs.

Monseigneur ie prie Dieu qu'il luy plaise vous donner en continuation de vie toute prosperité, honneur & santé. De Paris ce 20. d'Octobre 1586.

Vostre tres-humble & tres-obeissant
seruiteur, N. Vignier.





SECONDE PARTIE DE LA BIBLIOTHEQUE HISTORIALE.

MESTANT proposé de comprendre en la première partie de la Bibliothèque historique ce qui s'est passé de plus insigne & memorable, & dont la mémoire est venue iusques à nous par les écrits plus fideles & authentiques, qui nous sont restez des anciens, sous les plus renommées Monarchies & Principautez de la terre, depuis la création du monde iusques à la déclinatio de l'Empire Romain : il m'a semblé que puis que ce déclin doit estre le commencement de la seconde partie d'icelle Bibliothèque, que nous ne le pourrions prendre plus proprement & commodément qu'au trespas du grand Empereur Theodose premier de ce nom. Pource que de là principalement s'est veu ensuyure ce que nous auons amplement exposé en nostre seconde Preface, par les causes que nous reciterons presentement.

<i>Du Monde.</i>	4522	<i>Papes.</i>	11	<i>R. des Goths.</i>	12
<i>De Rome.</i>	1146	<i>E. d'Orient.</i>	1	<i>R. des Visigoths.</i>	12
<i>De Iesus Christ.</i>	395	<i>E. d'Occident.</i>	1	<i>R. des Vandales.</i>	15
<i>Indiction.</i>	8	<i>R. de Perse.</i>	7	<i>R. des Lombards.</i>	6

SEXTVS ANICIVS PROBINVS, ET QVINTVS CLAVDIVS OLYBRIVS, Consuls.

LA VICTOIRE miraculeusement obtenue contre les Tyrans, fait reuenir tout l'Empire d'Occident en l'obeissance de l'Empereur Theodose : mais ainsi qu'il faisoit celebrer quelques ieux triomphaux en la ville de Milan ; en resiouissance de sa victoire, son heure fatale le surprint par vne maladie, qui luy fit si bien cognoistre qu'il estoit arriué à la fin de ses iours, qu'il falloit aussi qu'il disposast de sa dernière volonté (apres auoir derechef fait inhiber & interdire de tout point le seruice & adoration des dieux Payens.) A raison dequoy il departit l'Empire Romain à ses deux fils, resignant l'Orient souz Constantinople à l'aîné, qui estoit Arcadius, & l'Occident souz Rome à Honorius, auquel il fit aussi prendre Stilico pour conducteur de ses affaires & de sa gendarmerie, & puis mourut fort religieusement le 17. iour de Iauier, qui estoit le deuxiesme iour de la dixseptiesme année de son regne. Estât le dernier Empereur qu'on dit auoir iouy de l'Empire Romain entier & non diuisé ny rongné ny occupé des autres nations : le corps duquel fut l'année mesme reporté par les gens.

d'armes de son armee, ou par le secours (comme disent Zozimus & Marcell. Comes) que Stilico enuoya d'Italie (sous la conduite de Gainas) à Arcadius pour secourir le pays de la Grece contre les Goths à Constantinople, où à leur arriuee ils meirent à mort le grand maistre Ruffinus, le 17. de Novembre, pource qu'il s'estoit fait soupçonner de desloyauté enuers Arcadius, selon que récitent Socrates liu. 5. chap. dernier de son histoire Ecclesiastique, Orosius, Prosper, & Marcellinus Comes: lesquels rapportét cecy tout d'un accord à ce Consulat. Marcellinus specifie que ce fut en l'Indiction 8. qui est pour monstrier que Socrates s'est mesconté, escriuant que ce fut aussi en la premiere annee de l'Olympiade 294. dequoy l'estime auoir esté cause les deux ans dont il auoit surchargé l'Empire de Valens. Au demeurât pource que la coustume de compter les annees par Olympiades, fut, au rapport de Georgius Cedrenus, avec le reste des obseruations Payennes effacee & mise hors d'usage enuiron le temps dudit Theodose, & les Indictions admises en leur lieu. Je cesseray pareillement icy de les plus mettre au compte, ioinct qu'on n'en peult plus gueres tirer de certitude pour la probation des temps: & que le compte des ans de nostre Seigneur, & des iurisdctions semble assez suffisant pour suppleer leur default. Outreplus ce que nous auôs de l'Epitome de l'histoire Romaine de Sextus Aurelius Victor, qui florissoit en ce temps, finit en cest endroict, à sçauoir à la mort de l'Empereur Theodose. Finablement d'autant que les deux nouueaux Emperours estoient fort ieunes quand leur pere mourut, & avec celà autant imbeciles d'esprit & d'entendement que d'aage, pour conduire l'estat qui leur tomboit sur les bras, leurs Gouverneurs, à sçauoir Ruffin & Stilico, ne se veirent pas plus tost installez en ceste grande auctorité où le pere les auoit mis, que leur ambition les incita à se pouffer & aspirer encor' plus hault: car Stilico se pensant preualoir de ce qu'il estoit allié des Emperours, ayant espousé la fille du frere de leur pere, voulut pretendre sur la superintendance de l'estat d'Orient, aussi bien que de l'Occidét. Ce qui a fait escrire au poëte Claudianus,

*Iamquetuis Stilico Romanapotentia curis
Et rerum commissus apex, tibi credita fratrum
Vtraque maieſtas, geminaque exercitus aula.*

Mais l'autre non seulemēt ne luy voulut pas quitter ce poinct, mais aussi se mit en la fantaisie de despoüiller son maistre de tout point du droict de l'Empire Oriental, pour le ioindre en sa personne, avec la puissance & auctorité qu'il auoit ja dessus: pēdant que les legiōs d'Orient que Theodose auoit menees avec luy, estoient encore en Italie. De sorte qu'il l'induisit par vn malicieux conseil à rompre les alliances que les natiōs de la Germanie & de la Scythie, tant Europee qu'Asiatique, auoient avec son Empire, en leur déniaut les pensions que on auoit accoustumé de leur donner. Qui estoit afin de tellemēt embrouiller l'estat de son maistre, qu'il le peust par ce moyen faire tomber au poinct où il pretēdoit. Ce qui vint aussi à tel effect, que les Huns & Massagetes assaillirent d'une furie espouuentable les prouinces d'Orient, où ils feirent des maux horribles & inenarrables. Et les Vuisigots qu'on appelloit les Confederez, leur estant les pensions qu'on leur donnoit auparauant (afin de garder le passage du Danube contre les nations Scythiques, qui eussent voulu venir entreprendre sur l'Empire Romain) reuoquees. Et leur Prince Alaric, surnomé Balta (qui signifie hardy & courageux) desappointé & mesprisé, ils luy feirent prendre le tiltre de Roy: & puis sous la conduite (en renonçant à l'alliance de l'Empereur) sortirent du pays de Thrace, pour se venir fourrer dedans les prouinces de la Thessalie, Macedone, & de toute la Grece, qui leur fut ouuerte par la lascheté des Capitaines qui auoient la garde de l'entree, à sçauoir Gerontius & Antiochus Proconsul de Grece, s'entendans avec Ruffin, qui auoit donné le mot du guet à Alaric. Au moyen dequoy ils la rauagerent sans pitié, & penetrerent iusqu'au dedans de la Moree, où ils s'emplumerent (sans trouuer resistance) d'un grand butin, ainsi que declarent Eunapius & Zozimus avec le Poëte preallegué, en son Panegyrique du Consulat de ceste annee, où il dit:

*Laxauitque viam bellis, demisit in orbem,
Disposuitque nefas: alij per terga ferocis
Danubij solidata ruunt, expertaque rem os,
Frangunt stagna rotis, alij per Caspia claustra,
Armeniâque niues, inopino tramite ducti,
Inuadunt Orientis opes, &c.*

Puis apres:

Hinc

*Hinc planctus Asia : Geticis Europa cateruis
Ludibrio prædaque datur frondentis adusque
Dalmatiae fines.—*

Cependant que Stilico alla , comme declare le mesme autheur , rembarquer les nations de la Germanie qui s'esbranloient contre l'estat d'Honorius, luy estant possible ceste besongne taillee par Ruffin, afin de le faire penser ailleurs qu'aux affaires d'Orient : ou bien pour se venger du secours par eux donné à Eugenius. Combien que j'ay déclaré en mon traité des anciens François, qu'il m'a semblé que ce voyage que Stilico feit si hastiement en la Germanie, fut plus pour preuenir que les peuples Germaniques ne s'esbranlassent davantage contre l'estat d'Honorius, à cause du trespas de son pere : & afin de confermer & renouveler les anciens accords des Empereurs avec les nations Françoises & Alemandes, à ce qu'il peust vacquer sans destourbier plus libremēt au voyage qu'il auoit entrepris pour la defense de la Grece : ne me pouuant persuader que les peuples Germaniques ayent esté si fort animez à la guerre contre l'Empire, ne si fort estonnez de sa venue, qu'il les ait fait plier souz telles loix, qu'il voulut, en si peu de temps qu'a déclaré le Poëte sus allegué. Mais tant y a que le mesme autheur escrit, qu'il le fit à ce voyage là. Ce qu'il en escrit au Panegyric du troisieme Consulat de l'Empereur Honorius.

*Hunc tamen in primis populos lenire feroces,
Et Rhenum pacare iubes : volat ille citatis
Vectus equis, nullaque latus stipante caterua
Aspera nubiferas qua Rhetia porrigit alpes
Pergit, & hostiles (tanta est fiducia) ripas
Incomitatus adit, totum properare per amnem
Attonitos Reges humili ceruice videres:
Ante Ducem nostrum flauam sparsere Sicambri,
Casariam, pauidoque orantes murmure Franci
Procubere solo : iuratur Honorius absens:
Imploratque tuum supplex Alemannia nomen.
Basternæ venere truces, venit accola syluæ
Bructerus Hercinia : latisque paludibus exit
Cimbrus, & ingentes Albi lique Cherusci.
Accipit ille preces varias, tardèque rogatus
Annuit, & pacem magno pro munere donat.*

Et puis il declare consequemment, tant au mesme lieu qu'en vn autre, qu'au retour de ce voyage il s'embarqua avec vne grãde armee de mer, composee pour la plus-part de la gendarmerie Gauloise (qui se fit lors grandement valoir) pour aller secourir la Grece,

*—post otia Galli
Limitis hortaris (Graias fulcire ruinas)
Ionium legitur velis, &c.—
Partibus Italia tranquilla in pace locatis,
Vtraque castra mouens, Phæbi properabat ad ortus,
Gallica discretis Eoæque robora turmis
Complexus, &c.—
Armenius frons læua datur, per cornua Gallos
Dexteriora locat.—*

Ailleurs:

Puis apres:

Si est-ce toutesfois que Zozimus afferme que son arriuee porta plus de dommage que de profit à la Grece : sinon qu'il cōfesse qu'elle fut cause d'en faire departir le Roy Alaric, & se retirer avec sa gent & son butin en l'Epire; où la cōmodité du pays, & qu'il ne fut poursuuy de personne, le firent arrester & seiourner assez lōg temps, pource qu'il y faisoit sa main comme ailleurs, & qu'on luy donoit loisir de viser où de là il pourroit aller, afin de prendre party. Mais Claudianus recite que Stilico fut retenu de le cōbatre par la defense de l'Empereur Arcadius, qui luy enuoya faire commandement à la suggestion de Ruffin de se retirer incontinent des pays de son obeissance : dont il escrit:

*Inter equos, interque tubas mandata feruntur
Regia, & armati veniunt ductoris ad aures.*
Ailleurs parlant du Roy Alaric:

A ij

-- *scis ipse perosus*

*Arcadia quam densa iugis, cumulauerit ossa:
Sanguine quam largo Graios calefecerit amnes:
Extinctusque fores, ni te sub nomine legum
Proditio regni que fauor texisset. --*

Cependant ils conuinnent que Stilico se retirant renuoya les legions d'Orient qu'il auoit avec soy, qui auoient accompagné l'Empereur defunct en Italie sous la conduite d'un Capitaine nommé Gainas. Lesquelles arriuees à Constantinople y meirent Ruffin à mort, en la presence d'Arcadius. Au moyen dequoy Eutropius maistre des Eunuques du Palais, se poussa par la faueur de l'Imperatrice au rang & en l'auctorité d'iceluy : qui le firent deuenir autant ennemy de Stilico, qu'il auoit esté auparauant son amy. Ce qui furent les premieres causes & motifs des maux & calamitez qui aduindrent puis apres à l'Empire d'Occident: par lesquelles il commença de s'en aller en ruine & en decadence. Dont les historiens ont escrit à bon droit, que l'Empereur Theodote a esté le dernier qui a tenu sous sa main l'Empire entier, & non encore elcartelé ny diminué de ses anciens limites. Cependant s'il fault commencer le regne du Roy Alaric ceste année, il se trouuera auoir duré seulement de quinze à seize ans: mais si on le veut prendre dès le trespas du Roy Athalaric, comme ont fait Isidore, Roderic de Tolette, & vne ancienne Chronique des Vvisgoths, il en faudra compter vingthuit. Ce que dessus est aussi attesté par Eunapius, Socrates liu. 6. S. Hierome, Marcellinus Comes, Iornandes.

SYNESIUS Euesque de Cyrene, personnage docte & eloquent, florissoit en ce temps; lequel composa (mesmement ceste année) vne harangue qu'il presenta à l'Empereur Arcadius. Par laquelle il le vouloit persuader de remettre l'ancienne discipline militaire des Romains au dessus, faisant exercer les subiets de l'Empire aux armes; afin de ne se plus seruir en ses guerres des nations estrangeres, par lesquelles il voyoit l'Empire Romain estre menacé de sa proche ruine.

DEUX synodes d'Euesques furent celebrez, l'un à Turin en Piedmont, & l'autre à Capua, en la terre de labeur en Italie. Onufrius.

IOVINIANVS & Vigilantius viuoient en ce temps, lesquels on a mis au rang des heretiques, en ce qu'ils mettoient le mariage & la virginité en pareil degré, & aussi en ce qu'ils parloient contre la defense & difference des viandes, & contre l'adoration des reliques des Saints.

MARCIAN Euesque des Nouatiens à Constantinople mourut le mesme iour que Ruffinus fut occis. Socrat. liu. 6. S. Augustin fut en la mesme année institué Euesque en la ville de Hippo en Afrique.

VN Moine de Grece nommé Iean estoit en ce temps en grande reputation, pource que on l'estimoit auoir le don de prophetie: d'autant que quand l'Empereur Theodose se voulut mettre en chemin pour aller cõtre Eugenius, il luy predict l'issuë de la guerre telle qu'elle luy aduint. Prosper.

<i>Du Monde.</i>	4523	<i>Papes.</i>	12	<i>R. des Vvisgoths.</i>	13
<i>De Rome.</i>	1147	<i>E. d'Orient.</i>	2	<i>R. des Ostrogoths.</i>	13
<i>De Iesus Christ.</i>	396	<i>E. d'Occident.</i>	2	<i>R. des Vvandales.</i>	16
<i>Indiction.</i>	9	<i>R. de Perse.</i>	8	<i>R. des Lombards.</i>	7

ARCADIUS pour la 4. fois, & **HONORIUS** pour la 3. **AVG.** Consuls.

EUTROPIUS estant substitué es estats & honneurs de Ruffinus, ne fut de rien meilleur que luy, dont les affaires d'Orient n'en reuindrent en meilleur train qu'elles estoient auparavant: d'autant mesmement qu'il se mit à faire mourir par diuerfes calomnies & artifices tous les plus grands personnages qui auoient charge & auctorité au gouuernement del estat de son maistre. Zozimus.

ENVIRON le mesme temps, les Vvandales qui faisoient lors (au dire de Procopius) leur demeure aupres des marais Meotides, ou comme veut Iornandes en la Pannonie, se voyans pressees des incommoditez que la sterilité du pays où ils estoient leur presentoit : ou bien

bien ne se sentans asseurez s'il aduenoit que les Vuisigoths fussent contraincts de s'en retourner au pays duquel ils estoient partiz, se meirent en chemin avec toutes leurs familles, pour aller chercher quelque meilleure fortune en la Germanie, où ils ne furent pas sans auoir affaire à démeller avec les peuples, par les terres desquels il leur fallut passer, signamment (comme dit Procopius) avec les François, par dessus le ventre desquels cōme Orose dit qu'ils passèrent: si d'auanture celà ne se fait au temps qu'ils passerent en la Gaule, cy apres.

CLAUDIANVS & Prudentius, Espagnols Poëtes Chrestiens, florissoient en ce siecle, avec Simplicianus, qui fut cy apres Euefque de Milan.

Du Monde.	4524	Papes.	13	R. des Vuisigoths.	14
De Rome.	1148	E. d'Orient.	3	R. des Ostrogoths.	14
De Iesus Christ.	397	E. d'Occident.	3	R. des Vandales.	17
Indiction.	10	R. de Perse.	9	R. des Lombards.	8

CÆSARIUS & ATTICUS, Consuls.

EVTRUPIUS suyuant les traces de Ruffinus, fut cause qu'on osta les pensions qui se donnoient auparauant aux Ostrogoths & Guthungies. A l'occasion dequoy ils prindrent les armes contre l'Empire: & se meirent sous la conduite d'un Tarbigilies, dedans les provinces de l'Asie, où ils deffirent vne armee de Romains, enuoyee contr'eux sous la cōduite d'Osus & de Leon. Auentinus li. 2. apres le Poëte Claudianus.

NONOBSANT les accords precedents, les Rois des François se voulurent ceste année esmouoir ouuertement contre l'estat d'Honorius. Et pource que leur faict ne fut aduoué & suiuy du consentement public de leur peuple, ils se trouuerent abandonnez en leur entreprinse. Au moyen dequoy Stilico estant retourné pour ceste occasion en la Germanie, print l'un d'iceux nommé Marcomire, & l'enuoya prisonnier en la Toscane: faisant aussi que le frere & compagnon d'iceluy se voulant encor esleuer pour venger la honte & injure faite à son frere, fut mis à mort par ses propres gens au commencement de son entreprinse. Car il semble qu'il fault ainsi entendre ce que le Poëte Claudianus en a escrit, où il dit:

— *Provincia missos*

*Expellet citius, fallax quàm Francia Reges
Quos dederis. Acie non iam pulsare rebelles
Sed vinclis punire licet: sub iudice nostro
Regia Romanus disquirat crimina carcer
Marcomarus Sunnoque docent: quorum alter Hetruscum.
Pertulit exilium: dum se promitteret alter
Exulis ultorem, iacuit mutrone suorum
Res audi conscire nouas, odioque furentes
Pacis, & ingenio scelerumque cupidine fratres.*

Dont nous comprenons que la paix faite avec les François ne fut rompuë par cest accident: & que Stilico feit prendre aux François tels Rois qu'il voulut. A ceste cause il demontre en vn autre endroit, que l'armee que l'Empereur Honorius enuoya en Afrique contre Gildo l'annee ensuiuant, fut suiue & composee la plus-part de gens de guerre des nations Françoises qu'il appelle Sicambriens, & autres peuples Germaniques.

Germania tota feratur

*Nauibus, & socia comitentur classe Sicambri:
Pallida translatus iam sentiat Africa Rhenum.*

Où il declare au mesme lieu que ceste reuolte des François se fait bien peu deuât que Gildo se declarast Empereur en Afrique, monstrant mesmement qu'il commença de se rebeller sur la fin de ceste annee, mesme dès l'Automne, où il dit:

*Post domitas arctos alio prorumpit ab axe
Tempestas, &c. —*

RUFFINVS Prestre d'Aquilee, qui a fait le supplémēt de l'histoire Ecclesiastique d'Eu-

cebe, saint Firmin Euesque d'Amiës, Arsenius Sénateur de Rome & Hesichius moine docte viuoient en ce temps. Auquel aussi saint Hierosime tōba en grande dissension & querelle contre ledit Ruffin, à cause des opinions d'Origene. Tellement qu'ils elcriurent l'un contre l'autre des inuectiues & libelles diffamatoires aigres & virulens.

LES tiers & quatriesme Conciles de Carthage furent celebres en ce Consulat, selon le liure des Conciles; qui monstre qu'il fut ordonné au troisieme que le Baptême & l'Eucharistie ne deuoient estre administrez aux corps des trespassez, à cause qu'ils leur estoient inutiles, chap. 6. Et defendu aux Euesques de bailler leurs enfans aux heretiques, chap. 12. Et au chap. 26. qu'on n'appelleroit l'Euesque du premier siege ne prince ne souuerain des Prestres, ains seulement Euesque du premier siege.

CEPENDANT si ce qui a esté cy deuant escrit du secōd Concile de Carthage est vray, il semblera que ce Concile ne doit estre appelé troisieme. Et encore que Balsamon declare qu'il y a eu quelque assemblee d'Euesques à Carthage en ce Consulat, cela n'empesche que les Canons qui sont attribuez à ce Concile, n'appartiennent plustost (au iugement d'aucuns) au Synode qui fut tenu cy apres, en l'an 418. Qui fait aussi que le quatriesme Concile de Carthage, & les Canons d'iceluy leur sont suspects.

EN la mesme annee saint Ambroise Euesque de Milan mourut, au grand interest de tout l'Eglise Chrestienne; de laquelle il estoit vn des principaux piliers en ce temps. Ce qui fit dire à l'Empereur Honorius, quand on luy porta les nouuelles de son trespas, que la mort d'un tel personnage menaçoit l'Italie de sa ruine. Gregoire de Tours a seulement estimé que saint Martin Archeuesque de Tours mourut au mesme Consulat. Mais Sulpitius Seuerus afferme que ce fut seize ans apres le Concile de Treues.

OUTRE PLUS l'Empereur Honorius fit au mesme temps vne ordonnance, par laquelle il interdisoit à iamais les combats des Gladiateurs: à cause d'un nommé Telemachus qui fut lapidé par le peuple, pource qu'il se voulut entremettre d'empescher vn tel cōbat, qui se faisoit dedans le Theatre à Rome.

Du Monde.	4525	Papes.	14	R. des Visigoths.	15
De Rome.	1149	E. d Orient.	4	R. des Ostrogoths.	15
De Iesus Christ.	398	E. d Occident.	4	R. des Vandales.	18
Indiction.	11	R. de Perse.	10	R. des Lombards.	9

HONORIUS pour la quatriesme fois Consul en Occident, & EUTYCHIANUS en Orient.

PORCE que Stilico se vantoit que le feu Empereur Theodose luy auoit à son trespas recommandé l'estat tant d'Orient que d'Occident, Eutropius craignant qu'il ne vint à Constantinople, le fit par le Senat d'icelle declarer ennemy de la Republique. Et puis fit si bien par ses pratiques, que Gildo Goth de nation, grand Maistre de l'Empereur Honorius, & Gouverneur de l'Afrique, se rebellant contre son seigneur, se fit donner le nom d'Empereur en icelle: ou bien (comme dit Zozimus) la fit distraire de l'obeissance d'iceluy, pour la soumettre à l'Empire d'Arcadius: mais il auoit vn frere nommé Mascezel, lequel ne le voulant ensuyure en sa destoyauté, se retira en Italie: où il luy fut permis par Stilico de faire leuee de si grand nombre de gens qu'il les osa mener en l'Afrique contre son frere. Par le moyen desquels il le mit en fuite, & contraignit de se deffaire soy-mesme. Nous auons monstre cy dessus par le Poëte Claudianus, qu'il fut accōpagné en ceste entreprise le grand nombre de François qu'il appelle Sicambriens, lesquels (comme il declare en vn autre passage du premier liure des louanges de Stilico) furent preposez aux Alemans, qui auoient aussi offert leur seruice en ceste guerre, où il dit:

— quoties sociare cateruas
Optauit, iungique tuis Alemania signis
Nec doluit: contempta tamen spectoque recessit
Auxilio, laudata fides. —

Cependant toutesfois Stilico rendit bien tost apres vne malheureuse recompense à ce Mascezel, du bon deuoir qu'il auoit fait contre son frere, le faisant mourir en trahison: & puis

puis afin de se venger tant d'Eutropius que des autres Capitaines & Lieutenans d'Honorius qui auoient voulu soustraire l'Afrique à son maistre, se mit d'intelligence avec Alaric Roy des Visigoths, sous capitulation de l'employer avec bon estat au seruice d'Honorius: mesmement à reduire les nations d'Illyrie à l'obeissance d'iceluy, lesquelles il auoit enuie de destourner de l'estat d'Arcadius quand l'opportunité se presenteroit de ce faire, come tesmoigne Zozimus. A cause de quoy le Poëte Claudianus declare qu'il y auoit vn accord fait avec Alaric quand il vint cy apres en Italie, iusques deuant *Pollentia*, duquel Sosome fait mention liu. 8. cap. 25. de son histoire Ecclesiastique, où il dit que ce fut lors que Stilico ayant impetré de l'Empereur Honorius pour le Roy Alaric, le fit venir avec sa gent demeurer en Epire: & sous l'intelligence qu'il auoit avec luy, enuoya vn Iouius, pour attirer les prouinces d'Illyrie à l'estat de son maistre.

A v mesme temps aussi l'Empereur Honorius espousa Serena fille de Stilico, icelle estant venue en aage d'estre mariee: car elle luy auoit ia esté fiancée quatre ans auparauant. Claudianus.

SYRICIVS Euesque de Rome mourut selon l'observation d'Onufrius ceste année le 21. iour de Feurier. Et apres que son siege eut vacqué vn mois quinze iours, ANASTASIVS fils d'un Maximus natif de Rome, fut esleu le septiesme iour d'Auril, pour gouverner l'Eglise Romaine en son lieu. Ce que Prosper a compté qu'il fit par l'espace de trois ans vingt & vn iour. Cepédant encore que le temps auquel il a presidé soit bien verifié, neantmoins on n'a pas laissé d'insérer deux epistres en son nom au liu. des Conciles, qui contiennent les constitutions & ordonnances qu'on luy attribue, dont les dattes & souscriptions sont l'une du Consulat d'Arcadius & de Bauto: l'autre du septiesme Consulat de l'Empereur Theodosius & de Palladius, lesquels sont distans l'un de l'autre de 31. an.

EN la mesme année aussi Iean surnommé Chrysostome (qui signifie bouche d'or, à cause de son eloquence) natif d'Antioche, fut esleu Euesque de Constantinople le 26. iour de Feurier, apres le trespas de l'Euesque Nectarius, qui estoit decédé le 27. iour de Septembre auparauant. Socrates liu. 6. Marcell. Comes.

Du Monde.	4526	Papes.	1	R. des Visigoths.	16
De Rome.	1150	E. d'Orient.	5	R. des Ostrogots.	16
De Iesus Christ.	399	E. d'Occident.	5	R. des Vandales.	19
Indiction.	12	R. de Perse.	11	R. des Lombards.	10

FLA. MANLIUS THEODORVS en Occident; & EUTROPIVS Eunuque en Orient, Consuls.

LE dernier desquels ayant esté en fort grand credit & auctorité enuers Arcadius, fut conuaincu ceste année de plusieurs malucluations en ses charges, & executé par sentence de iustice à mort, & son nom aussi biffé & effacé du nombre des Consuls: comme Socrates liu. 6. chap. 5. Marcellinus Comes & Prosper recitent. S. Augustin liu. 18. chap. dernier de la Cité de Dieu, tesmoigne que ce Consulat escheut en la 365. année apres celle en laquelle nostre Seigneur mourut, qui fut (comme nous auons monstre) la fin de la 784. de la fondation de Rome. Ce qui est entierement conforme à nostre supputation: declarant semblablement que ce fut en iceluy que Gaudentius & Iouius Comtes d'Honorius acheuerent de mettre bas tous les temples & autels des dieux Payens, qui estoient encore en Carthage.

VN Capitaine Goth nommé Gainas, qui estoit aux gages de l'Empereur, & en grande auctorité enuers luy à Constantinople, desirant de faire tomber l'Empire d'Orient entre ses mains, fit venir vn grand nombre de ceux de sa nation à luy, sous la conduite d'un Tribigild, avec lesquels il mit toute la Phrygie en combustion de guerre. Et de là faillit à surprendre la cité de Constantinople, au moyen de ceux de sa nation qui estoient dedans; lesquels furent pour ceste occasion tous tallez en pieces. Socrates & Marcellinus Comes. Zozimus dit que ce fut luy qui fut cause de faire démettre Eutropius de son auctorité; & qu'il fut aussi mis à mort.

MASCEZEL s'estant à l'exemple de son frere osé emparer de l'Afrique, & rebeller con-

tre l'Empereur, fût par les gensdarmes Romains mis à mort, tesmoing P. Diacre. Zozimus dit que Stilico le fit mourir par ses embusches.

NONOBTANT que toutes les nations Germaniques se soient veuës en paix & en bon mesnage avec l'Empire Romain, depuis le commencement du regne de l'Empereur Honorius; si est-ce toutesfois qu'elles enuoyerent ceste annee vers iceluy iusques en Italie où il estoit, pour obtenir vne nouuelle paix de luy: laquelle il leur accorda par diuers traictez, qui abstraignoient diuersement les vnes & les autres. Dont il semble que les accords precedents faicts avec icelles ne furent que temporaires seulement, & qui expiroient ou se deuoient renouueller ou reconfirmer en certain temps. Mais comment qu'il en soit, le Poëte Claudianus declare que celà se fit en ce Consulat, selon qu'il se voit déclaré au liure 1. contre l'Eunuque Eutrope, où il fait parler poëtiquement vne Deesse, qui alla trouuer l'Empereur Honorius avec Stilico, en son camp, aupres de la riuere du Pau:

*Diuā potens, vnoque Padum translapsa volatu
Castra sui Rectoris adit, tum forte decorus
Cum Stilicone gener, pacem implorantibus ultro
Germanis responsa dabat, legesque Chaicis
Arduus & flauis signabat iura Sueuis:
His tribuit Reges: his obside fœdera sancit
Indictō: bellorum alios transcribit in usus,
Militet ut nostris detonsa Sicambria signis.*

Lequel tesmoignage aussi nous fait cognoistre combien la vertu & vaillance des Sicambriens, par lesquels il fault entendre les François (ainsi que nous auons démontré ailleurs bien amplement) estoit en bien plus grande estime & reputation que les autres nations Germaniques enuers les Empereurs, qui aimoient mieux se seruir d'eux en leurs guerres, que des autres. A ceste cause le mesme autheur au liure premier des loüanges de Stilico dit que les Alemans ayant offert plusieurs fois leur seruice à l'Empereur (meismement en la guerre contre Gildo) furent refusez, quoy que les François y fussent retenuz.

*— quoties sociare catervas
Optauit, iungique tuis Alemania signis,
Nec doluit: contempta tamen, spretoque recessit
Auxilio, laudata fides. —*

Cependant ceste derniere paix semble auoir esté de telle efficace, qu'elle fit contenir en tranquillité non seulement les François, mais aussi les autres peuples de la Germanie depuis ceste annee iusques en l'an 406. que le cōplot des Vvandales, Sueues, Alains, & Bourguignons vint troubler & alterer le repos de la Germanie & de tout l'Occidēt. Auquel temps aussi le mesme Poëte declare au liure premier contre Eutrope Consul de ceste annee, que par la conuiuence & volonté d'iceluy, le Roy Alaric des Vvisigoths occupa & posseda les pays d'Epire & d'Illyrie, commandant in iceux comme à baguette, où il dit:

*— pridem mos ille vigebat
Ut meritos colerent: impacatosque rebelles
Urgerent odii: at nunc qui fœdera rumpit
Ditatus: qui seruat, eget: vastator Achinæ
Gentis, & Epirum nuper populatus inultam
Possidet: Illyricos iam quos obsedis amicos
Ingreditur muros: illis responsa daturus
Quorum coniugibus potitur, natosque peremit.
Sic hostes punire solent, hæc præmia solunt
Excidis. —*

Ce que toutesfois Zozimus attribue à Stilico.

SULPITIUS SEVERUS natif de la Gaule, disciple & familier de S. Martin (la vie duquel il a aussi escrite en vn stile assez elegant) florissoit en ce temps en bonne renommee de saincteté de vie & de sçauoir, comme les autres escrits font foy.

L'EMPEREUR Arcadius, par le Conseil de saint Iean Chrysostome, defendit en ce temps aux Arriens de faire leurs oraisons & hymnes de nuit. Socrates liu. 10. chap. 8. de l'histoire Tripartite.

du Monde

<i>Du Monde.</i>	4527	<i>Papes.</i>	2	<i>R. des Vvifigoths.</i>	17
<i>De Rome.</i>	1151	<i>E. d'Orient.</i>	6	<i>R. des Ostrogoths.</i>	17
<i>De Iesus Christ.</i>	400	<i>E. d'Occident.</i>	6	<i>R. des Vvandales.</i>	20
<i>Indiction.</i>	13	<i>R. de Perse.</i>	1	<i>R. des Lombards.</i>	11

AVRELIANVS & STILICO, Consuls.

Sous lesquels Gainas estant repoussé de deuant Constantinople, fut encor poursuiuy par Fraintus Lieutenant de l'Empereur, iusques à la mer de l'Hellepont, où il se fallut derechef combattre sur mer. De sorte qu'il fut totalemēt desconfit : & n'ayant moyen de se sauuer, fut prins & mis à mort. Autheurs precedés. Mais Zozimus dit que ce fut delà le fleuve Ister, où Vldes Prince des Huns esperant faire plaisir à l'Empereur, le vint charger avec ses gens, de telle façon qu'il le tua & acheua de deffaire ses compagnons.

D'AUTREPART Alaric Roy des Vvifigoths, apres auoir continuellemēt depuis six ans pillé & rauagé l'Epire, la Macedone, & la Grece, qui estoient de l'estat de l'Empereur Arcadius, & n'y trouuant plus que butiner, passa avec ses gens en la Dalmatie, ou selon Iornandes en la Pannonie, afin d'estre plus pres d'Occident, où il se proposoit de venir chercher sa fortune. Ce qui causa vn grand estonnement tant à l'Empereur Honorius qu'à toute l'Italie, pour la crainte qu'on eut qu'il n'y voulust venir prédre sa brisee. Lequel semble auoir donné occasion à Prosper, Orose, Cassiodore, & autres d'escrire que ce fut en ce Consulat que le Roy Alaric entra en Italie : à cause qu'on pensa qu'il y deust venir au lieu de s'arrester en la Dalmatie, ou de prendre son chemin en la Pannonie.

ISDIGERTES Roy de Perse regna apres le trespas de son pere Varanes 21. an, selon Agathius; combien que Sigebert en compte 34. Procopius adioute que les Romains l'eurent en telle reputation de loyauté, que quand l'Empereur Arcadius mourut, il laissa son fils Theodose en sa tutelle & protection. Qui fut cause qu'il n'eut aucune guerre avec les Romains en tout le temps de sa vie, & qu'il demeura en perpetuelle amitié avec eux.

ENVIRON ce temps Euphianus, Euesque de la ville de Salamine en Cypre, fit à la suggestion de Theophile Euesque d'Alexandrie, assembler vn Cōcile en son diocese, pour y examiner les escrits d'Origene : tellement qu'ils furent condamnez. Mais ce fut principalement pour y trouuer occasion de nuire & de circonuenir S. Iean Chrysostome : comme Socrates liu. 6. chap. 10. & Sozomenes liu. 8. chap. 1. recitent. S. Hierosme au reste en l'epistre à Pammache, cōtre les erreurs de Iean Euesque de Hierusalem, rend vn excellent tesmoignage de cest Epiphanius, disant qu'il fut tousiours si grandement honoré à cause de son grand sçauoir, & de la sainteté de sa vie, qu'il ne fut point touché de Valens. Et que les heretiques mesmes estās en leurs regnes, eussent pēsé que celà eust succedé à leur ignominie, s'ils eussent persecuté vn si excellent personnage, qui (comme tesmoigne l'histoire Tripartite liu. 9.) faisoit aussi beaucoup de miracles. C'est luy cependant qui fut autheur d'une epistre escrite à Iean Euesque de Hierusalem, que saint Hierosme a traduite en langue Latine, où il recite que s'estant vne fois rencontré en vn petit temple, où il voulut entrer pour prier, il y trouua vn voile, ou toile pendāt à la porte, auquel estoit peinte l'image cōme de Iesus Christ, ou de quelque Saint : dont il fut si scandalizé qu'il le déchira, pour ce que c'estoit (dit-il) contre l'auctorité des saintes Escritures : & conseilla aux gardes de l'Eglise d'en enseuelir quelque mort.

EN ce temps le cinquiesme Cōcile de Carthage fut celebré par 70. Euesques, lesquels au Canon troisieme d'iceluy, commanderent aux Euesques, Prestres & Diacres de s'abstenir de leurs femmes, sur peine d'estre priuez de leurs offices. Et au chap. 4. de desmolir certains autels qu'on edifioit çà & là par les champs & chemins publics : & d'admonester le peuple de ne s'adonner à telles superstitions. Au quinquiesme, est aussi ordōné qu'on prioit les Empereurs Arcadius & Honorius de faire oster les reliques & images des Payens.

ON tient aussi que le premier Cōcile de Tolette en Espagne, fut tenu au mesme temps : qui ordonna vingt Canons : le 18. desquels declare que la relaissee d'un Euesque, Prestre ou Diacre, ne se doit remarier : autrement, que tous gens d'Eglise doiuent euites sa compagnie, & ne l'admettre à la communion, sinon à sa mort.

<i>Du Monde.</i>	4528	<i>Papes.</i>	1	<i>R. des Vvisigots.</i>	18
<i>De Rome.</i>	1152	<i>E. d'Orient.</i>	7	<i>R. des Ostrogoths.</i>	18
<i>De Iesus Christ.</i>	401	<i>E. d'Occident.</i>	7	<i>R. des Vvandales.</i>	21
<i>Indiction.</i>	14	<i>R. de Perse.</i>	2	<i>R. des Lombards.</i>	12

FRAVITTA & VINCENTIVS, Consuls.

Sous lesquels Theodosius le ieune fils de l'Empereur Arcadius, nasquit à Constantinople le dixiesme d'Auril.

La teste du Tyran Gainas fut aussi au mesme temps apportee à Constantinople, selon Marcellus Comes. Mais Zozimus dit qu'elle fut enuoyee par Vldes Prince des Huns: en faueur de quoy l'Empereur le receut en son alliance.

La rebellion des peuples de la Rhetie ou des Grifons donna occasion au Roy Alaric & à sa gent de sortir de la Pannonie, pour venir chercher leur fortune en Italie. D'autant mesmement qu'ils furent aduertiz que Stilico auoit mené la pluspart des forces Italiques en la Rhetie, pour appaiser le tumulte d'icelle, quoy qu'il eust cy deuât fait vn certain accord avec eux: ainsi que le tesmoigne le Poëte Claudianus, en son liure de la guerre Getique, où il dit:

Sæpe quidem frustra monui seruator ut ic̃ti

Fœderis, Amathia tutus tellure maneres.

Non nisi perfidia nãti penetrabile tempus

Irrupere Getæ, nostras dum Rhetia vires

Occupat: atque alio desudant Marte cohortes.

Et auparauant:

Tellement qu'ayant trauersé les montagnes du Noric sans grand empeschement (nonobstant que l'Empereur Honorius y eust mis quelques garnisons) se rendit dans Italie par la vallee de Trente, y estant entré, au rapport d'une ancienne Chronique des Vvisigoths, le 19. iour d'Aoust de ce Consulat, au grand estonnement des Romains & Italiens. La pluspart desquels furent sur le poinct de trousser bagage pour se sauuer es Gaules ou en Afrique, si le retour de Stilico ne les eust rassurez. Auant lequel toutesfois Alaric s'osa venir cåper deuant la ville d'Ast, pource que l'Empereur Honorius estoit dedans: lequel s'y laissa enclore & assieger iusques à ce que Stilico l'en vint desgager.

Les Huns apres auoir subiugué & reduit en leur obeissance tout le pays de Dace & de Sarmatie, se vindrēt ceste annee avec leur multitude rendre en la Pannonie iusques aupres du fleuue Tibiscus: de laquelle estoit lors Gouverneur & President pour les Romains vn nommé Matrintus, ou selon les autres Martinus de Sabarie: lequel n'ayant forces suffisantes pour leur faire teste, appella Tetrie ou Dietric de Verōne, Gouverneur aussi de la Germanie pour l'Empereur, à son aide, qui y alla, & se trouua à la premiere iournee qui fut donnée aux Huns deuant la ville de *Potentiana*, où les Romains furent mis en route. Mais apres qu'ils se furent ralliez, ils allerent charger leurs ennemis si inopinément qu'ils le desfirent en la plaine de Tharnokuelg, & en taillerēt en pieces iusques à cēt vingtcing mil, avec vn de leurs principaux Dues nommé Kenue. Mais pource qu'ils firent quasi aussi grande perte que les vaineuz, ils furent si refroidis de les poursuiure, que cōme s'ils eussent esté vaincuz eux-mesmes ils s'arrestērēt en la ville de Tulna, qui appartient ce sourd'huy à l'Autriche, & laisserent rassembler les autres si bien à leur aise qu'ils les vindrent retrouver en aussi bonne deliberation qu' auparauant. Tellement que force fut de les cōbatre derechef à autres enseignes: toutesfois qu'à la derniere iournee, à cause que toute l'armee Romaine fut, ou mise en pieces ou en route, demeurant Matrintus entre les morts; & Dietric de Veronne si outrageusement blessé, que ce fut merueilles de ce qu'il se peut sauuer avec bien peu de gens. Par laquelle victoire, qui auoit neātmoins bien cousté aux Huns 40. mille de leurs gens, & trois de leurs autres Ducs: à sçauoir Bela, Keme, & Kadicha: on tient qu'ils demurerent maistres de la Pannonie, & establirent le siege de leur Royaume en la ville nommée lors Sicābrie, & depuis Bude, sous la cōduite de leurs deux Ducs qui estoient restez, à sçauoir Attila, & Bleda son frere, qui auoient (ce disent aucuns) encores deux autres freres Ottar & Rhoe, comme Bonfinius Decade liu. 3. Abraham Bascha, Ioannes Sambucus & Michaël

& Michaël Ricius racōptent, suiuant les histoires Hongrieſes. Nonobſtant que ie ne trouue rien eſcrit de toutes leſdites occurrēces en aucune hiſtoire qui ait eſtē faite en ce ſiecle, encor que nous en ayons aſſez qui font mention de beaucoup de moindres auentures: qui eſt cauſe de me tenir en ſuſpens de ce que ie doy croire.

S E I Z E ans apres le Concile de Treues, auquel Priſcillianus fut avec ſes adherans adiugé au ſupplice de la mort, ſainct Martin Eueſque de Tours mourut fort ſainctement, comme Sulpicius Seuerus ſon diſciple & cōtemporain recite en ſa vie. Qui me ſemble eſtre d'autant plus croyable en ce poinct, que Gregoire de Tours, qui a eſcrit qu'il deceda l'annee que Cæſarius & Atticus furēt Cōſuls, & Idatius en la 11. annee des Empereurs Arcadius & Honorius. Ce que i'ay bien voulu icy mettre en ieu, afin qu'on ſoit plus reſolu du temps où il faut prendre le commencement du compte des annees des anciens Gaulois & François, qui eurent en ſi grande recommandation & eſtime ſainct Martin, qu'ils ne prindrent qu'une autre couſtume de dénombrer leurs annees que depuis ſon treſpas, iuſques au temps de Pepin & Charlemagne, comme on voit en toutes les anciennes hiſtoires Françoises. Tellement qu'elles rapportēt toutes d'un accord le treſpas du Roy Clouis à la 112. annee apres le decez dudit ſainct Martin. Ce qui reuiert auſſi fort bien au compte dudit Gregoire & du noſtre, en conſtituant ſon decez en ceſte annee, ou en la ſuiuante.

A N A S T A S E Eueſque de Rome mourut ſelon Onufrius ceſte annee, le 27. iour d'Auril, & apres que le ſiege Romain eut vacqué 10. iours.

I N N O C E N T natif de la ville d'Albe en Italie, fut eſleu le 7. iour de May enſuyuāt, pour gouuerner l'Egliſe Romaine en ſon lieu. Ce qu'il fit, au compte de Proſper, le liure Pontifical, & Marcellinus Comes, par l'eſpace de 15. ans, 2. mois, 21. iour. On luy attribue en ſes ordonnances & conſtitutions d'auoir preferé le ſiege Romain à tous autres, & declaré qu'il n'eſtoit ſubiect au iugement de quelque autre ſiege. Enſemble auſſi d'auoir ordonné que la Paix fuſt donnee à baiſer en la Meſſe: & que tous Chreſtiens malades & tendans à la mort fuſſent oings du ſainct huile conſacré par l'Eueſque. L'hiſtoire Tripartite teſmoigne qu'il fut le premier qui commença à rechercher & perſecuter les Nouatiens à Rome: les autres qu'il chaffa les Cataphryges. Aucuns des eſcrits qui portent ſon nom, monſtrēt qu'il a droitement iugé du liberal arbitre, eſtimant que l'homme ne peult rien de ſes propres forces, ſans l'aſſiſtance de Dieu eſ chos qui concernent ſon ſalut.

I E A N Chryſoſtome Eueſque de Conſtantinople, & ſon æmulateur Theophile Eueſque d'Alexandrie, combloient le monde en ce temps de leur renommee & du bruit de leurs diſſenſions.

A V X Eueſques assemblez en vn Concile à Carthage ceſte annee, Anaſtaſius Eueſque de Rome eſcriuit des epiſtres, les admonneſtans de pouruoir à l'herēſie des Donatiſtes. Liure des Conciles.

<i>Du Monde.</i>	4529	<i>Papes.</i>	2	<i>R. des Vviſigoths.</i>	19
<i>De Rome.</i>	1153	<i>E. d'Orient.</i>	8	<i>R. des Oſtrogoths.</i>	19
<i>De Ieſus Chriſt.</i>	402	<i>E. d'Occident.</i>	8	<i>R. des Vuandales.</i>	22
<i>Indiction.</i>	15	<i>R. de Perſe.</i>	3	<i>R. des Lombards.</i>	13

H O N O R I U S & A R C A D I U S Avg. Tous deux pour la 5. fois Conſuls.

T H E O D O S I U S fils d'Arcadius eſtant encor à la mammelle de ſa nourrice, fut par ſon pere declaré Auguſte le 17. iour des Calendes de Feurier. Au moyen dequoy on compte qu'ils regnerent enſemble l'eſpace de 6. ans, 2. mois, 25. iours. Marcellinus Comes.

L E S Rhetiens ou Griſons eſtonnez de la venue de Stilico vers eux plus ſoudaine que ils ne l'eſperoient, les fit facilement cognoiſtre leur faute, en ſe ſoumettant à ſa mercy: leſquels auſſi il receut d'autant plus legerement qu'il ſe ſentoit preſſé d'aller retirer l'Empereur Honorius du danger où il eſtoit dedans Aſt. Tellement qu'auſſi toſt qu'il veit la Rhetie appaiſee, & qu'il eut fait venir à ſoy les legions Gauloiſes qui gardoient la frontiere du Rhin, il approcha ſon armee ſi pres de celle des Vviſigoths, que le Roy Alaric fut contraint leuer ſon camp de deuant Aſt & le mener deuāt la ville de *Pollentia*, où vn des Lieutenans de Stilico nommé Saul, qui eſtoit Capitaine des Alains, le voulut aller temeraire-

ment assaillir le iour de Pasques, auquel Alaric se deliberoit (à cause de la reuerence de la feste) faire surseance de guerre. Mais il fut si irrité de ceste brauade, qu'il soustient de tant plus courageusement son ennemy, & le mit en pieces avec tous ses gens. Ce qui eust mis le reste de l'armee Romaine en extreme danger, sans la vertu de Stilico, qui reuint charger l'armee des victorieux, de si bonne façon qu'il regaigna avec beaucoup d'auantage la perte precedente, & eut (à ce qu'il sembla) peu réporter la victoire entiere de l'ennemy, fil n'eust aymé mieux le laisser euader, que de le contraindre de rechef à combattre en desespoir. Parquoy il luy permit par accord fait de repasser son armee delà le Pau, en retirant de luy les captifs qu'il tenoit, comme declare le Poëte Claudianus par ces vers :

*Heu quibus insidijs qua me circundedit arte
Fatalis semper Stilico, dum parcere fingit,
Rettulit hostiles animos, bellumque remensum
Eualuit transferre Pado, pro foedera sociis
Deteriora iugo: Tunc vis extincta Getarum,
Tunc mihi tunc latum pepigi, violentior armis
Omnibus expugnat nostram clementia gentem.
Mars grauior sub pace latet, capiorque vicissim
Fraudibus ipse meis. —*

Mais quand Alaric eut quelque temps rafraichy son armee, au pays de Veronne, enuie le reprist de rechef de taster du hazard de la guerre, pour euter le deshonneur de festre retiré sur sa perte. Lors Stilico le voyant en lieu où il le pouuoit combattre avec moins de danger, l'alla charger pour la troisieme fois si furieusement qu'il le mit encor honteusement en routte, & le contrainit se sauuer avec les reliques de son armee au sommet de quelques montagnes des Alpes, où Stilico les tint enfermez quelques iours: & puis comme il les pouuoit laisser se consumer eux-mêmes de famine, de maladies & de querelles qu'ils auoient entre eux, sans aucun peril de l'armee Romaine, il leur donna vent, en telle sorte qu'ils eurent moyen de rebrousser les Alpes, & se retirer au lieu d'où ils estoient partis. Ce qui donna soupçon qu'il menoit ceste guerre de mauuaise foy, d'où vint la deffiance qu'on eut depuis de luy. Combien que Claudianus l'en a voulu excuser disant :

*Sed magis ex alijs fluxit clementia causis,
Consultur dum Roma tibi: tua cura coëgit
Inclusis aperire fugam: ne peior in arcto
Scuiret rabies ventura conscia mortis
Nec tanti nomen stirpemve abolere Getarum,
Vt propius paterere fuit. —*

Dont il dit puis apres:

*Vnus in hoc Stilico diuersis artibus hoste
Tres potuit complere duces, fregitque furentem
Cunctando vicitque manu, victumque relegat.*

Mais par ce qu'il s'ensuiuit puis apres, on a cognu que Stilico auoit espargné Alaric & sa gēt tout à escient, afin de l'obliger à son seruice. Tel a esté le progres & issuë de la premiere guerre & inuasion que les nations barbares ont fait en Italie, laquelle Prosper & Cassiodore ont rapportee à ce Cōsulat. Les Poëtes Claudianus, Prudentius & Orose nous l'ont ainsi descrite: les autres en ont ou preposterement ou confusément ou faulxement parlé, sans s'entendre l'un l'autre.

A v mesme temps Epiphanius Euesque de Salamine en Cypre, estant venu à Constantinople voulut contraindre Iean Chrysostome, de condamner les liures d'Origene. Et pource qu'il ne le pouuoit faire sans l'auctorité d'un Concile, ils en tomberent en grand discord. Apres lequel Epiphanius mourut en s'en retournant en son diocese, luy estant aduenue ce que Chrysostome luy auoit predit, comme aussi l'exil aduint bien tost apres à Chrysostome que Epiphanius luy auoit signifié. Car l'Imperatrice Eudoxia qui l'auoit fort à cœur, pource qu'il la taxoit trop asprement en ses presches, luy suscita ce qui s'ensuiuit l'annee ensuiuant.

Les Iuifs considerans l'accroissement continuel de la religion Chrestienne & abaissement de la leur, donnerent d'un consentement à deux de leurs Rabbins nommez Rabi-na &

na & Rabassa, la charge d'assembler & de parfaire leur Thalmud, en faisant vn serment solennel de le garder & obseruer entr'eux inuiolablement. Comme Nacler recite. Mais Picus Mirandula estime que celà s'estoit fait dès le temps de l'Empereur Commodus.

<i>Du Monde.</i>	4530	<i>Papes.</i>	3	<i>R. des Vuisigoths.</i>	20
<i>De Rome.</i>	1154	<i>E. d'Orient.</i>	9	<i>R. des Ostrogoths.</i>	20
<i>De Iesus Christ.</i>	403	<i>E. d'Occident.</i>	9	<i>R. des Vandales.</i>	23
<i>Indiction.</i>	1	<i>R. de Perse.</i>	4	<i>R. des Lombards.</i>	14

THEODOSIUS 2. du nom AVG. & FLA. RYMORIDVS, Consuls.

ALARIC à son depart d'Italie s'en estoit retourné en sa Pannonie. A cause dequoy l'Empereur Honorius s'en vint avec Stilico triôpher à Rome de la deffaitte d'iceluy. D'où neantmoins Stilico enuoya gens vers luy pour conclure vn accord: par lequel il l'appointoit au seruice de l'Empereur, sous promesse qu'il seroit prest de s'employer avec sa gent à la conqueste de l'Illyrie (qui estoit de l'estat d'Arcadius) pour l'Empereur Honorius son maistre, quand l'occasion seroit venue de le mettre en œuvre, & qu'il verroit vn Capitaine nommé Iouius s'aller ioindre à luy, pour mener à fin ceste entreprinse. Suiuant laquelle composition il sortit deslors de la Pannonie qui appartenoit à Honorius, & s'en retourna en l'Épire, attêdre l'issuë des promesses qu'on luy auoit faites. Zozimus & Sozomenes liure huit.

VN nommé Dioscorus, ayant esté dechassé de l'Eglise d'Antioche par Theophile, s'en reuint à refuge à Constantinople vers Iean Chrysostome, qui le receut. Dont Theophile fut tellement picqué, qu'il mit toute son estude à le faire déposer. Tellement que par le moyen de l'Imperatrice & de plusieurs du Clergé de Constantinople, qui l'auoient en haine, à cause de ce qu'il reprenoit trop asprement les vices, il fit assembler vn Synode en la ville de Chalcedone: & puis encores vn autre à Constantinople, ausquels il presida, & donna si bon ordre, que par le decret d'iceux Iean fut déclaré incapable de tenir son siege. Pour raison dequoy l'Empereur l'enuoya en exil. Ce qui se fit avec vn grand schisme & scandale en l'Eglise de Constantinople. Socrates, & Sozomenes liure huitiesme, chapitre dixsept. Les autres adioustet que l'Empereur Arcadius fut excommunié pour ce fait par le Pape Innocent.

<i>Du Monde.</i>	4531	<i>Papes.</i>	4	<i>R. des Vuisigoths.</i>	21
<i>De Rome.</i>	1155	<i>E. d'Orient.</i>	10	<i>R. des Ostrogoths.</i>	21
<i>De Iesus Christ.</i>	404	<i>E. d'Occident.</i>	10	<i>R. des Vandales.</i>	24
<i>Indiction.</i>	2	<i>R. de Perse.</i>	5	<i>R. des Lombards.</i>	15

FLA. HONORIUS AVG. pour la sixiesme fois, avec FLA. ARISTENETVS, Consul.

EVDOXIA femme de l'Empereur Arcadius, à la suggestion de laquelle saint Iean Chrysostome auoit esté enuoié en exil, mourut quatre mois apres le bannissement d'iceluy. Marcell. Comes, Histoire Tripartite.

PAULA mere de Eustochium, natie de Rome, femme fort deuotieuse & assez entêduë en l'Escriture sainte, à laquelle saint Hierosme a dedié plusieurs de ses liures, mourut en ce Consulat.

L'HERESIE des Antropomorphites auoit cours en ce temps, nommément en Egypte, où elle auoit esté inuentee par des Moines, qui maintenoient que Dieu a vn corps. Ce qui fut occasion d'augmenter grandement les troubles qui estoient en l'Eglise. Histoire Tripartite.

B

<i>Du Monde.</i>	4532	<i>Papes.</i>	5	<i>R. des Vvisigoths.</i>	22
<i>De Rome.</i>	1156	<i>E. d'Orient.</i>	11	<i>R. des Ostrogohs.</i>	22
<i>De Iesus Christ.</i>	405	<i>E. d'Occident.</i>	11	<i>R. des Vvandales.</i>	25
<i>Indiction.</i>	3	<i>R. de Perse.</i>	6	<i>R. des Lombards.</i>	16

FLA. ATHEMIVS, & FLA. STILICO, pour la .2. fois Consuls.

LES Isauriens se reuoltans contre l'Empereur, porterent plusieurs dommages aux prouinces d'Orient. Mais Nabazaicus Licutenant de l'Empereur enuoya contre eux, les deffit & mit en route. Marcellinus Comes.

D'AUTANT qu'il se cognoist par le troisieme liure de Claudianus des louanges de Stilico, où il dit, *Consul cessantibus armis, Contentus liétore venit*, que l'Italie estoit au commencement de ce Consulat non seulement en tranquillité, mais aussi en resiouyssance: ce nous est vn argument d'estimer qu'il n'estoit lors aucun bruit de la venue de Radagase, & que ce ne fut ceste annee qu'il y entra.

AVRELIVS Euesque de Carthage, Synesius de Cyrence, Antiochus de Ptolemaide, Marathas de Melopotamie, Optatus de Mileuite en Afrique, Alipius de Zagast, Possidonius de Calarmen, Acatius de Berrhoe, avec Isidore prestre & Hesichius moine, personages de grand sçauoir & erudition, florissoient en ce temps. On tient aussi qu'Exuperius Euesque de Tholose estoit de mesme temps. Lequel vendit tous les vaisseaux & calices de son Eglise, pour suruenir aux pauvres. Tellement qu'il tenoit & portoit le corps du Seigneur en vn panier d'ozier, & distribuoit le sang en vn calice de voirre, sans nulle pompe. A l'occasion de quoy saint Hierosme parle fort honorablement de luy en ses escrits. Outre cest Exuperius fut encore en ce siecle grandement orné d'un bon nombre d'autres bons & saints Euesques, tesmoin Paulinus qui nomme entre iceux Simplicius de Viéne, Aimand de Bordeaux, Diogenianus d'Albi, Diuannus d'Angoulesme, Venerandus d'Auuergne, Alichius de Cahors, Pegasius de Perigueux.

<i>Du Monde.</i>	4533	<i>Papes.</i>	6	<i>R. des Vvisigoths.</i>	23
<i>De Rome.</i>	1157	<i>E. d'Orient.</i>	12	<i>R. des Ostrogohs.</i>	23
<i>De Iesus Christ.</i>	406	<i>E. d'Occident.</i>	12	<i>R. des Vvandales.</i>	26
<i>Indiction.</i>	4	<i>R. de Perse.</i>	7	<i>R. des Lombards.</i>	17

FLA. ARCADIVS AVG. pour la .6. fois, avec ANICIIVS PROVS, Consul.

CE que quasi toutes les nations de la Germanie & de la Scythie se virent tout à vn mesme temps, comme de complot fait, ou par quelque constellation generale esmeuës & esbrâlees de leurs propres manoirs, pour se venir en maniere de deluge desborder sur l'Empire d'Occident, a fait escrire à la plus part des autheurs qui ont mis en memoire les affaires de ce siecle, que ce fut vne trame ourdie tout expressement par l'ambition & desloyauté de Stilico maistre de toute la gendarmerie Imperiale d'Occident contre l'estat d'Honorius. Afin de le tellemēt embrouiller d'affaires, qu'elles luy ouurissent le chemin à le faire tomber entre les mains de son fils Euchere, qui attouchoit le sang Imperial de par sa mere. D'autant mesmement que la mort d'iceluy leur semble auoir donné tesmoignage & argument de leur opinion. Neantmoins toutesfois Zozimus s'est tellement formalisé pour la iustification de Stilico, qu'il a montré par ce qu'il a escrit du mesnage de ce temps, que les autres n'ont sçeu ny entendu ce qu'ils en ont voulu dire. Mais soit que ce deluge de nations se soit suscitè par Stilico, ou de leur propre mouuement pour la faim qu'elles auoient tousiours eu du mordre sur l'Empire Romain, & par l'espoir d'y bien faire leur main que leur donnoit la bestise & le mauuais gouuernement de l'Empereur Honorius; Radagase Roy Payen d'aucuns Goths de la Scythie sefit chef d'un armee de deux cès (ou selō d'autres) de quatre cens mille combatans des plus fieres & nouvelles nations de delà le Danube: qui n'auoient encor aucun sentiment de nostre religion. Lesquelles s'appresterent dès

dés le Consulat precedent, pour marcher sous la conduite d'iceluy. (Ce qui sert pour accorder Prosper, Iornandes, Marcellinus, Cassiodore, Orose, & Zozimus ensemble.) Puis commencerent d'espouuanter ceste année toute l'Italie d'un horrible effroy, par le bruit de la brisée qu'ils prenoient pour y venir. Car il est bien vray-semblable que telles armées ne se firent, & ne peurent faire de si longs chemins en peu de temps.

D'AVTREPART les Vandales, lesquels la sterilité du lieu qu'ils habitoient, auoit (à ce qu'escriit Procopius) fait partir d'aupres des marests Mœotides, ou bien s'ils habitoient (comme veut Iornandes) en la Pannonie, la deffiance qu'ils auoient d'eux-mêmes, s'il aduenoit que les Visigoths fussent contraincts de s'en retourner au pais qu'ils auoient abandonné, les en fit partir, pour venir chercher quelque meilleure fortune en la Germanie. Et y estās arriuez, apres auoir quelque temps erré (selon que declare Saluianus Euesque de Marseille) de lieu en lieu & de contree en contree, à la foule & oppression des peuples, par dessus lesquels il les fallut passer sous la conduite de leur Roy Modogisil, selon les autres Godigisil, se mirent en ligue & de société avec les Alains, nation Scythique comme eux, qui auoient prins vn Rapsendial ou Rosopendial pour leur Roy, au lieu de Goare, qui les auoit (au dire de Gregoire de Tours) abandonnez, pour s'aller appointer au seruice de l'Empereur, ensemble aussi les Sueues, sous lesquels ie comprens la plus-part des nations Orientales de la Germanie, qui n'estoient contenuës sous la communauté du nom des François ny des Alemans, auxquelles Hermeric commādoit en tiltre de Roy. Et les Bourguignons habitans lors de la Germanie, entre les François & les Alemans. Et puis s'estās mis d'une troupe, prindrent leur chemin par la contree des François, qui se voulurent (comme declarent Eutrope & Procope) barrier contr'eux : mais ils se trouuerent trop foibles de reins pour soustenir la pesanteur d'un tel torrent. Au moyen dequoy ils occuperent le passage du Rhin malgré eux. Et pource possible qu'il estoit mal gardé (estans les legions de la garde d'iceluy allees en Italie contre Radagase) entrerent de là en la Gaule avec tout leur train, familles & bagages, comme s'il ne fust plus question de retourner en leur pays. Prosper a noté que ce fut le dernier iour de Decembre : & avec Zozimus & Cassiodore de ce Consulat. Mais ie ne conuiens pas de ce que Blondus & autres ont escrit, que ceste tempeste ne tomba pas seulement sur le pays des François, mais aussi les dechassa des citez, villes & terroir de Treues, Liege, Mets, Toul, Verdun & autres de ceste contree là : lesquelles ils auoient (à leur dire) empietees trois ou quatre ans auparauant dès la 7. ou 8. année de l'Empereur Honorius, y ayans esté appelez par vn Sénateur de Treues, pour la cause que nous reciterons cy apres. Car il se peult aisément monstrier par les escrits de Claudianus, qui viuoit en ce temps là, lesquels comprennent toutes les plus memorables occurrēces qui se sont passées en Occident sous l'Empire d'Honorius, iusques au 1. Cōsulat de Stilico, que celà n'estoit encor fait : tant pource que Stilico ne les y eust si long temps laissées reposer sans les resuciller, que pourautant qu'il tetmoigne euidemment au liure 3. des loüanges de Stilico, que l'Empire d'Occident estoit tranquille & pacifié de toutes parts au commencement du 2. Consulat d'iceluy. Et au Panegyrique du 6. Consulat d'Honorius, que les François n'auoient encor fait vne telle inuasion en la Gaule au commencement dudit Consulat, ny au temps aussi qu'Alaric Roy des Visigoths fut la premiere fois en Italie.

PELAGIUS natif de la grand' Bretagne, selon la plus commune opinion, ou (comme estiment les autres) de Rome, publia son erreur en ce temps, à l'aide de ses disciples Iulian & Celestin : lesquels magnifioient tant le liberal Arbitre qu'ils le preferoiēt à la misericorde & grace de Dieu : soustenant que l'homme peult meriter sans la grace de Dieu, & se peult par ses œuvres & merites ou vertuz naturelles acquerir vraye & entiere iustice enuers Dieu, sans sa grace. De sorte qu'il ne doit auoir cure du Baptesme, ny des prieres & suffrages de l'Eglise. Lequel erreur troubla merueilleusement les Eglises de ce temps, & exerça les gens de sçauoir & de pieté à le refuter & esteindre : comme S. Augustin, Prosper, & le Pape de Rome & autres.

L'armée de Radagase effroyoit les Romains & l'Italie, en telle sorte que plusieurs furent sur le point de quitter la religion Chrestienne, pour reprendre la superstition Payenne : incitez mesmēt à ce faire par les clameurs & obiections d'un Orateur nommé Symmachus, qui preschoit que tous les maux qui aduenoiēt lors à l'Empire, estoient enuoyez par les Dieux, pource qu'on auoit reietté leur seruice. A l'occasio duquel blaspheme, qui auoit esbranlé plusieurs, S. Augustin cōposa ses liures de la Cité de Dieu, & Orosius son histoire.

<i>Du Monde.</i>	4534	<i>Papes.</i>	7	<i>R. des Vvisgoths.</i>	24
<i>De Rome.</i>	1158	<i>E. d' Orient.</i>	13	<i>R. des Ostrogoths.</i>	24
<i>De Iesus Christ.</i>	407	<i>E. d' Occident.</i>	13	<i>R. des Vvandales.</i>	27
<i>Indiction.</i>	5	<i>R. de Perse.</i>	8	<i>R. des Lombards.</i>	18

FLA. HONORIVS pour la 7. fois, & FLA. THEODOSIVS pour la 2. AVGG. Consuls.

Le temps desquels est au Code Theodosien liu. xi. parag. iix. tiltre. xxviij. attribué à la 5. indiction & compte le 40. apres le 2. Consulat de Valentinian, & de Valens.

LES Vvandales estans dedans les Gaules deffirent ce qui s'osa presenter de gens de guerre deuant eux, & puis se mirent à faire vn piteux rauage de villes esdits pais, avec les meurtres & autres calamitez que leur permettoit la licence de la guerre. Tellement que S. Hierosme, Aimoinus liu. 3. Marianus Scotus, & Sigebert resmoignent, que les villes de Majence, Spire, Strabourg, Reims, Terrouanne, Amiens, Arras, Tournay, qui sont comprises par Saluianus sous la premiere Germanie & sous la region des Belges, Langres, Autun, avec plusieurs autres, furent d'une furieuse barbarie prises, saccagees & brulées, ou destruites par eux à leur premiere abordee. D'autant que le conducteur de si malheureux exploits qu'ils nomment Crocus ou Carocus (lequel aussi Marianus Scotus appelé Roy des Vvandales, sans en faire mention d'autre: combien qu'il pourroit auoir esté le Lieutenant general des autres Rois en toute leur armee) se promettoit (à leur dire) en sacruelle, immortalizer la memoire de son nom, par la ruine & desolation des plus illustres & fameuses villes qui pourroient tomber entre ses mains. Mais il est plus vray semblable que son principal but estoit de desmâter l'Empire Romain de ses principales forteresses qu'il auoit en la Gaule, afin qu'ils n'en puissent receuoir puis apres de nuisance: iusques à ce qu'il alla trouuer vne ignominieuse fin de sa malheureuse vie & ambition deuant la ville d'Arles, estant vaincu & pris par vne saillie que Marius ou Marianus gouverneur d'icelle pour les Romains fit sur luy.

Ce pendant la renommee, des maux que la Gaule souffroit par eux, alla porter vne telle crainte aux legions Romaines establies à la garde d'Angleterre, que ce feu ne s'en veit estindre iusques là, qu'elles s'ingerent de faire prendre le nom d'Empereur à l'un de leurs Capitaines nommé Marc, en intention de se conseruer sous sa conduite. Mais se trouuans puis apres estre mal adressez, en choisirent vn autre nommé Gratian: lequel pour estre aussi peu à leur gré que le precedant, ils le garderent seulement quatre mois. Et puis se prindrent à vn troisieme qui s'appelloit Constantin, plus pour le bon presage qu'ils prenoient de son nom, que pour autre meilleure consideration qu'ils eussent de luy. D'autant qu'il n'estoit encor qu'un simple soldat de peu de reputation: lequel toutesfois se montra si bien entendu en son fait, qu'il s'associa d'un sien fils qu'il auoit nommé Constans en la dignité Imperiale, quoy qu'il fist profession de la vie monastique, & puis passa es Gaules, où il institua Iustinian & Neuiogastes ses Lieutenans sur toute la gendarmerie qui y estoit; laquelle se rangea sous luy par faute d'y estre quelqu'un d'autorité, pour les retenir en la foy d'Honorius. Au moyen dequoy il fallà avec icelle esprouuer sur les Vvandales & leurs compagnons: de façon qu'il les deffit, par vne grosse bataille qu'il gagna sur eux. Qui pourroit possible estre celle que nous auons dit, où Crocus fut tué deuant Arles, de laquelle le fil eust bien vû, il n'en fust eschappé pas vn pour en aller porter les nouuelles delà le Rhin: d'autant qu'il ne se mit en peine de poursuiure les fuyans. Dont ils eurent loisir de se sauuer & de se rallier, pour luy donner de rechef puis apres plus d'affaires qu'auparauant. Nonobstant toutesfois qu'ils furent contraints de repasser le Rhin ceste fois: où il mit gardes pour empescher leur retour. Mais il semble aussi qu'il se voulut hastiement despescher d'eux, à fin d'aller au deuant de l'armee qui venoit de la part d'Honorius & de Stilico, sous la conduite de Sais Capitaine des Goths. Par laquelle la sienne qu'il luy vouloit opposer fut toute desconfite, & ses deux Lieutenans Iustinian & Neuiogastes mis à mort. De sorte qu'il fust aussi tombé au mesme passage qu'eux, s'il n'eust trouué la ville de Valence pour s'y enfermer. Où Sais le voulut encores assieger, iusques à ce qu'il sentit approcher le

le grand secours qu'un Capitaine François nommé Edobiuochus, ou (selon Gregoire de Tours) Edobbechus, luy amenoit d'un costé, & Gerontius de la grande Bretagne; qui le firent soudainement trousser bagage, & remener son armée à saueté en Italie, laissant son bagage aux Baucaudes des Alpes, afin de ne luy empêcher le passage. Zozimus, Sozomenes, Orosius, Prosper.

ENTREMETS que ce mesnage se faisoit es Gaules, Stilico fit si bié son deuoir de marcher au deuant de l'armée de Radagase (qui prenoit la route d'Italie) avec la gendarmerie Romaine d'Italie, accompagnée de plusieurs troupes de Huns, d'Alains, & de Goths, sous la conduite de leurs Rois, Vldin, Guare, & Saius, (lesquels l'empereur fit venir à son seruice qu'il l'alla (non cōme dit Zozimus) surprendre à l'inspérée, iusques delà le Danube, mais enclorre & enfermer (comme tesmoignent tous les autres, signamment Paulinus qui viuoit lors) entre les monts Apennins de la Toscane, où il assiegeoit la ville de Florence aupres de Fesules, de si bonne sorte qu'il le deffit avec toute son armée; de laquelle la pluspart fut taillée en pieces, & le reste n'eut meilleur marché que d'estre venduz comme bestes à l'encan. Or combien que l'honneur de ceste glorieuse deffaite soit attribué à Stilico, nō seulement par Zozimus, mais aussi par Paulinus en la vie de saint Ambroise, Prosper & aucuns autres: neantmoins toutesfois Orosius, Sozomenes liure neufiesme, chapitre quatre, Iornandes, P. Diacre, Marcellinus Comes, estimans peut estre qu'elle contreuient à la mauuaise opinion qu'ils ont voulu donner de luy, l'en ont voulu frauder, pour n'en faire part qu'à Saius & à Vldin: affermant mesmement Sozomenes que Stilico estoit à Constantinople quand elle se fit, & qu'il en partit pour faire semblant de venir au secours d'Italie contre le Roy Alaric, qui estoit venu descendre avec sa gent en la marche de Rauenne. Ce qui est totalement faux: d'autant que Zozimus declare qu'apres qu'il se fut veu auoir deliuré l'Italie tant heureusement d'un si proche danger, qu'il se mit en termes d'aller encor' esprouuer son heur à reduire le pays d'Illyrie, sous l'estat de l'Empereur Honorius son maistre, & mander le Roy Alaric pour le venir accompagner avec sa gent en ceste entreprise, selon qu'il auoit conuenu de long temps auparauant avecques luy. Mais la suruenue d'un faux bruit de la mort d'iceluy, avec l'aduertissement que luy enuoya faire l'Empereur, du nouveau mesnage que le Tyran Constantin faisoit en la Gaule, ne le firent pas seulement deporter de ce voyage, mais aussi retourner à Rome, pour consulter avec le Senat sur les troubles de la Gaule. Ce que nous rapportons avec Zozimus, à ceste année: combien qu'Orose & Prosper l'ont attribué au 2. Consulat de Stilico, Marcellinus Comes au precedent.

FELIX Docteur & professeur de l'erreur des Manicheens en Afrique, voulant maintenir sa doctrine, fut publiquement conuaincu en l'Eglise de Carthage par saint Augustin, comme luy-mesme tesmoigne liu. 1. chap. 1. contre ledit Felix.

SAINT Iean Chrysostome estant en exil en vne petite ville du pays du Pont Euxin, mourut le quinzième iour de Nouembre, ou selon l'histoire Tripartite le 14. de Septembre. Plusieurs des Eglises de Thrace & d'Asie se separerent de la cōmunion de celle de Constantinople, à l'occasion du tort qu'on auoit fait audit Chrysostome.

Du Monde.	4535	Papes.	8	R. des Visigoths.	25
De Rome.	1159	E. d'Orient.	14	R. des Ostrogoths.	25
De Iesus Christ.	408	E. d'Occident.	14	R. des Vandales.	28
Indiction.	6	R. de Perse.	9	R. des Lombards.	19

FFA. BASSVS, & ANICIVS PHILIPPVS, Consuls.

SOVS lesquels Arcadius Empereur d'Orient, mourut à Constantinople le 1. iour de May, ayant regné depuis le trespas de son pere 13. ans, 3. mois, 15. iours, son fils nommé Theodose 2. du nom, aagé seulement de huit ans, print le tiltre d'Empereur apres luy, sous la tutelle & gouvernement du Comte Anthemius, hōme sage & vertueux, que son pere luy auoit laissé pour conducteur & modérateur de sa ieunesse: lequel s'aquitta si saintement de ceste charge, que le ieune prince nourry & esleué en bonnes mœurs en valut mieux toute sa vie, & en fut son Empire gouverné en plus grande prosperité &

B iij

tranquillité: ioint que l'amitié que luy porta le Roy de Perse tout le temps qu'il vesquit ayda grandement à le maintenir en repos & en seureté contre tous ses ennemis. Car il se sentit tellement honoré de la fiance qu'il vit que l'Empereur Arcadius auoit de sa vertu & fidelité, l'ayant par son testament institué tuteur de son fils, qu'il enuoya presenter au Senat tous les moyens & puissances à conseruer & maintenir le bien de celuy qui luy estoit recommandé; & ne se vit onques puis apres qu'il eust en aucune maniere contreuenu à sa promesse. Ce pendant on compte que l'Empire fut gouuerné par luy du trespas de son pere iusques au sien l'espace de 42. ans, 2. mois, 28. iours. Socrates liu. 3. chap. 35. Marcell. Comes. Quant à ce que Sozomenes dit liu. 9. que les Perses se voulurent esmouuoir au mesme temps contre les Romains, & puis firent trefues avec eux par 100. ans: celà semble estre aduenü, auant que le testament d'Arcadius leur fust signifié.

ALARIC Roy de Vvisigots se voyant perdre temps en l'Epire à attendre l'occasion que Stilico luy auoit promise de l'employer au seruice de l'Empereur Honorius, en partit enuiron le commencement de ceste annee avec sa gent, & s'en vint occuper les montagnes du Noric, qui separent l'Italie d'avec la Pannonie. Dont il enuoya sommer Stilico de le faire payer du salaire qu'il auoit merité, pour le long sejour qu'on luy auoit fait faire en Epire. Ce qu'estant rapporté par Stilico au Senat, plusieurs Senateurs furent d'avis qu'on deuoit plustost refuser avec les armes au Roy Alaric ses demandes, que de racheter la paix de luy par deniers, au deshonneur de la Majesté Romaine. Mais l'opinion de Stilico emporta qu'une somme de deniers luy seroit deliuree; tant pour le contenter, que pour arres de la paix qu'on accordoit avec luy, laquelle toutesfois ne fut mise à effet, tant pour la suruenue de la mort de l'Empereur Arcadius (qui fit entrer Honorius en deliberation d'aller luy mesme à Constantinople pour y ordonner l'estat d'Orient) & pour l'auancement des affaires du tyran Constantin; que pour les soupçons & defiances que les malueillans & enuieux de Stilico (qui cherchoient de se monter aux despens d'iceluy) imprimerent de luy en l'esprit d'Honorius, qui pour la stupidité de son naturel se rendoit trop credule aux flateries que ses mignons & courtisans luy venoient souffler aux oreilles; & se laissoit plustost manier par telles manieres de gens, que par ceux qu'il deuoit cherir & respecter pour leur vertu, luy donnans à entendre que ce que Stilico luy dissuadoit (encores que ce fust avec bonnes raisons) de s'absenter d'Italie, ains qu'il commist la guerre contre Constantin au Roy Alaric, & se monstroït aussi affecter la commission d'aller luy-mesme executer l'intention d'Honorius à Constantinople, ne tendoït à autre fin qu'à ce que quand il y seroit, il trouuast les moyes de faire mourir le ieune Theodose, pour faire tomber l'estat d'iceluy entre les mains de son fils Eucheré, qu'on soupçonnoit d'auoir mauuaise opinion de la religion Chrestienne. Somme que l'Empereur Honorius apprehéda si fort ceste impression, qu'il partit de Rome, contre l'aduis de Stilico, pour s'en aller à Rauenne, souz pretexte qu'il esperoit d'y estre plus asseuré, si Alaric venoit à reietter la paix qu'on traittoit avec luy: Mais la fin de ceste entreprise, fit paroistre que c'estoit pour plus aisément opprimer Stilico. Car apres qu'on luy eut fait toutes les trauerses dont on l'auisa, en fin la charge de le prendre fut donnée à vn Capitaine nommé Heraclian, qui l'alla tirer d'un temple, où il s'estoit mis en franchise, & du commandement de l'Empereur luy trancha la teste le 22. iour d'Aoust de ce Consulat. Estant le semblable fait bien tost apres à Eucheré, & à ceux qu'on vid auoir esté leurs amis. Ce qui fut quasi cause d'acheuer de perdre & ruiner l'Italie. Pource que les autres parens, amis & alliez des occis s'assemblerent en nombre bien 30. mille, & entrèrent en ligue & en société avec le Roy Alaric contre Rome, lequel toutesfois sans faire aucun acte d'hostilité ne laissa pour eux de pourchasser encore longuement la paix par alées & par venues de messagers, demandant seulement vne mediocre somme de deniers, & qu'il se retireroit avec son peuple en la haute Pannonie, cōme tesmoigne Zozomenes apres Zozimus, lequel afferme que Stilico fut iniustement recompensé de ses merites enuers l'Empire Romain, par vne si honteuse mort, estant mesmement innocent de tous les crimes pour lesquels on vouloit pretendre qu'il l'auoit deserui: & s'estant aussi tousiours monstré par toute sa vie le plus modeste de tous les Capitaines & chefs de guerre de son siecle.

Ce temps pendant Constantin n'estimant pas son estat encor' bien asseuré de la seule possession des Gaules, si les Espagnes n'y estoient aussi adioustées, fut cōseillé d'y enuoyer son fils Constans, avec le principal de ses Capitaines: Gerontius qui menerent si heureusement

ment ceste entreprinse, qu'ils rendirent l'Espagne toute sienné, apres auoir deffait & occis les deux Lieutenans que l'Empereur Honorius auoit en icelle, à sçauoir Didimus & Verianus. Au moyen dequoy Constanus la laissa en garde à Gerontius, & s'en retourna trouuer son pere, sejourant en la ville d'Arles où il se donnoit du bon temps, sans gueres preuoir les affaires qui le talonnoient: lesquelles le firent bien tost apres retourner derechef en Espagne, menant avec soy vn Capitaine nommé Iustus, qui fit si bien entrer Gerontius en ialousie & en soupçon, qu'il se rebella contre eux. Et puis s'estant asseuré des volonteés de la gendarmerie d'Espagne, enuoya solliciter les Vandales & leurs compagnons à repasser le Rhin contre Constantin. Ce qui leur fut d'autant plus facile à faire, que Constantin ayant ses forces distraictes & empeschées en Espagne, ne leur peut mettre en barbe vne iuste armee pour les empescher de reuenir faire leurs ieux en ladite Gaule, comme auparauant. Zozimus, Sozomenes, P. Diacre.

PLVSIEURS Conciles furent celebres ceste année: vn à Constantinople, vn autre en Alexandrie, pour remedier aux troubles & heresies qui gastoient l'Eglise.

L'HERESIE des Abelaïtes & Nazariens ont vogué en ce temps, & celle de Pelagius en Angleterre, où il s'estoit transporté: de sorte qu'il infecta toutes les Eglises d'icelle.

MARCELLE natüe de nobles parens à Rome, ayant esté seulemēt en mariage l'espace de 7. mois, vüa apres le trespas de son mary le reste de sa vie à continence, & à nourrir les pauures de ses biens, ensemble aussi à viure en grande austerité de vie. Non content dequoy, elle se fit aussi soigneusement instruire par S. Hierosme en l'intelligence des saintes lettres. Et puis ayant appris de luy quelques instructiōs appartenantes à la vie Monachale, qui auoient autresfois esté donnees par Pierre & Athanase lors qu'ils se retirerent à Rome, elle attira plusieurs autres femmes de noble maison à luy faire compagnie en telle façon de viure. Neantmoins elle fut bien tost apres mise à mort, au sac de Rome par les Goths. Saint Hierosme.

ZOZIMVS Historiographe Grec, ennemy de la religion Chrestienne, a escrit l'histoire Romaine depuis l'Empire de Philippus iusques au temps d'Arcadius & Honorius, souz lesquels il viuoit: laquelle a esté nouvellement mise en lumiere.

EVAGRIVS dit que Priscus Rhetoricien & Eustachius Epiphanensis descriuirēt l'histoire de ce temps & des subsequents, iusques à la douzieme année de l'Empereur Anastase.

Du Monde.	4536	Papes.	9	R. des Visigoths.	26
De Rome.	1160	E. d'Orient.	15	R. des Ostrogoths.	26
De Iesus Christ.	409	E. d'Occident.	15	R. des Vandales.	29
Indiction.	7	R. de Perse.	10	R. des Lombards.	20

FLA. THEODOSIVS pour 3. fois, & FLA. HONORIVS, pour la 8. AVGG. Consuls.

LA substance de la paix que le Roy Alaric vouloit faire avec l'Empereur, estoit, qu'en luy deliurant vne mediocre somme de deniers qu'il demandoit, avec ostages, il partiroit du pays Noric, où il estoit, & se retireroit avec sa gent en la haute Pannonie. Cependant encore que sa demande luy fust refusee, si est-ce que l'Empereur ne fit pas beaucoup plus de deuoir d'obuier à la tempeste qui s'en deuoit ensuyure: ains se laissant cōduire par le conseil d'un Olympius, personnage mal entendu aux affaires de la guerre, n'eut la prudence, ny de faire amas de si grande multitude de gens de guerre que la necessité le requeroit, ny de pourvoir les legions qu'il auoit à assemblees de bons Capitaines. Qui fut cause qu'Alaric s'aduisant du froid appareil qu'on dressoit contre luy, s'ehardit d'entrer en Italie par le pays d'Aquilee: & ne trouuāt empeschement aucun, ny es villes, ny es prouinces, s'en vint avec son camp rendre deuant la cité de Rome. Laquelle il assiegea (comme tous quasi ont voulu dire) sans intermission l'espace d'environ deux ans. Mais voyant le tesmoignage de Zozimus, confirmé par Sozomenes liu. 9. chap. 6. 8. & 9. de son histoire Ecclesiastique, ie suis contraint de croire qu'il l'assiegea à deux ou trois reprises. A la premiere de laquelle il contraignit les Romains (apres les auoir mattez par vne grande & longue famine, de

compoſer avec luy d'une groſſe ſomme de deniers : à fin de faire retirer ſon ſiege. Et qu'ils procureroient que l'Empereur le receuroit au nombre de ſes allies & confederez, à telle charge qu'il pourroit uſer de ſon ſervice contre tous ſes ennemis. Tellement qu'il remena ſon camp en la Toſcane, attendant que l'Empereur euſt ratifié & acheué l'accord fait avec luy. Au moyen dequoy les Romains furent quelque temps en repos, pendant que gens alloient & venoient vers l'Empereur Honorius, pour confermer l'appoinctement d'entré luy & Alaric. Lequel reuint en fin à nul effet pour le mauuais conſeil d'Olympius & de ſes complices, qui s'eſtudioient plus de faire leur main, que bien conſeiller l'Empereur en vne telle vrgence d'affaires.

La tempeſte que menoient les Bourguignons & les Vvandales en la Gaule, donna occaſion à pluſieurs peuples d'icelles, ſignamment à ceux du pays Armorique (qu'on dit au iourd'huy la petite Bretagne) & aux Bretons auſſi d'Angleterre, ne ſçachans à quels ſaints ſe vouër, puis que la déſenſe des Empereurs leur manquoit, de prendre les armes chacun à part-ſoy, pour ſe conſeruer eux-mêmes. Et en dechaffant les Gouverneurs & Officiers que les Empereurs leur donnoient, ſe mirent en liberté. Et puis ſe rangerent ſouz vne forme de republique, qu'ils choiſirent la plus propre pour les policer, teſmoin Zozimus. Sous laquelle il ſemble qu'ils ſe maintindrent, comme nous dirons cy apres, iuſques au temps d'Aëtius, qui les rangea de rechef ſouz l'Empire.

Ce pendant les Vvandales (apres auoir bien rodé & rauagé les Gaules, prindrent, le chemin de la Gaſcongne, pour paſſer delà les Monts Pyrenees, & faire leurs ieux en Eſpagne, y eſtans poſſible inuitez par Gerontius. Mais ils en furent la premiere fois repouſſez par les gardes que Conſtantin y auoit miſes, ſelon le teſmoinage de Sozomenes. Combien que Proſper & Caſſiodore ont noté qu'ils occuperent l'Eſpagne en ce Conſulat, & y entrèrent le 1. ou le 3. iour d'Octobre, au rapport de la Chronique de Iordanes, citee par Cuſpinian & Idacius, lequel auſſi conuient avec Seuerus que ce fut en l'Ere 447. qui ſe rapporte avec ceſte année, encor qu'Iſidore l'ait attribuée à la precedante. Mais il ſemble qu'ils ont tous voulu parler de la premiere impreſſion ſeulement, qu'ils firent en Eſpagne.

VINCENTIVS & PATERNVS heretiques en ce temps, les ſectateurs deſquels ſe nommoient VINCENTIANISTES & PATERNISTES. Onufrius.

THEODORE de THARSE diſciple de S. Iean Chryſoſtome, homme de grande erudition, florifſoit en ce temps.

Du Monde.	4537	Papes.	10	R. des Vviſigoths.	27
De Rome.	1161	E. d'Orient.	3	R. des Oſtrogoths.	27
De Ieſus Chriſt.	410	E. d'Occident.	16	R. des Vvandales.	30
Indiction.	8	R. de Perſe.	11	R. des Lombards.	21

FLA. VARARI & FLA. TERTVLLVS, Conſuls.

ENCORE que l'Empereur Honorius cognoiſſant ſes fautes euſt chaffé ſes mauuais Conſeillers, ſignamment Olympius, d'autour de ſoy, & en euſt reprins d'autres, notamment vn Iouius, qu'il fit maïſtre de ſa gendarmerie: ſi eſt-ce qu'ils ne luy peurent mettre en teſte de conclure l'accord que le Roy Alaric demandoit. Lequel outre les articles qu'il auoit cy deuant propoſez, requeroit de nouveau que les païs Venitien, Noric & de la Dalmatie luy fuſſent accordez pour la demeure de luy & de ſes gens, ſouz l'obeïſſance de l'Empire, avec la dignité de Duc. Parquoy ſe voyant plainement meſpriſé, & ayant receu vn renfort de gens, que luy amena de la Pannonie Athaulfe frere de ſa femme, remena ſon camp deuant Rome, en deliberation de faire tout le pis qu'il pourroit, ſi les Romains ne ſe vouloient ioindre avec luy, pour faire la guerre à Honorius. A cauſe dequoy (apres qu'il les eut de rechef eſtroitement aſſiegez, iuſques à leur auoir fait manger tous leurs viures, il les fit tomber en telle extremité, qu'ils furent contraints de donner le nom d'Empereur à vn Attalus, qui eſtoit lors leur Gouverneur: duquel Alaric ſe fit Lieutenant au meſpris d'Honorius. Qui fut tellement eſtonné de ceſte aduanture, qu'il fut ſur le point d'abandonner l'Italie, apres meſmement qu'Alaric eut contraint vne partie des Prouin-

ces

ces d'icelle, de prendre le party d'Attalus, si vn differend ne fust suruenü entr'eux, & vne famine dedans Rome, si à propos qu'elle en fit (au dire de Sozomenes) sortir les Goths, emmenant avec eux leur Attalus; qu'ils despoüillerent de la dignité Impériale en la ville d'Arimin, ainsi que tesmoigne Zozimus liu. 6. de son histoire, laquelle se trouue manquer en cest endroit, estant le reste d'icelle pery par l'iniure des temps. Parquoy nous apprenons de Sozomenes liure 9. que l'Empereur Honorius fut par ce moyen plus facilement incité de faire accord avec le Roy Alaric, qui toutesfois dura peu, à cause que quand on estoit apres à le traiter, vn Capitaine barbare nommé Saius, duquel on s'estoit seruy cy deuant contre Radagase (qui pour quelque offense qu'il auoit receüe d'Athaulfe parent d'Alaric, s'estoit donné au seruice de l'Empereur) alla donner vne charge sans commandement aux Vvisigoths, qui les irrita si extremement qu'ils s'en retournerent à Rome. Et l'ayant en fin prinse (au rapport de tous les autres auteurs, ou par trahison d'aucuns, ou par faute de munitions) la saccagerent, pillerent, & puis gasterent & bruslerent en plusieurs endroits, estans entrez dedans, au dire de saint Hierosme, Blondus & Sabellicus, le premier iour d'Auril: combien qu'Orose, P. Diacre, Anastase, & Sigebert tiennent que ce fut le vingt-deuxiesme iour d'Aoust, auquel Stilico auoit esté d'eux auparauant mis à mort. Si d'auenture les vns n'ont parlé de l'une des entrees, & les autres de l'autre. Somme qu'ils disent qu'Alaric en partit le 3. ou 6. iour apres, pour aller faire le semblable es pays de la Campagne, Pouille, & de la Sicile, menant avec soy Galla Placidia sœur de l'Empereur Honorius, qui auoit esté trouuee dedans Rome, que son successeur espousa. Ce que tous les auteurs afferment d'un consentement estre aduenü en ce Consulat: Marcellinus Comes en l'Indictio 6. Parquoy a esté mal aduisé à ceux qui ont estimé que ce fut en la 1164. annee de Rome, & de nostre Seigneur 412. ou 414. Au surplus Sozomene adiouste que Constantin voulut en mesme temps passer en Italie contre Honorius: mais que la mort d'Alaric (avec lequel il auoit intelligence) le fit retourner en Prouence.

A L A R I C apres auoir saccagé Rome, voulut prendre sa route plus loin, mais il mourut au milieu de ses entreprises sans laisser aucuns enfans de soy. Au moyé dequoy Athaulphe (qui estoit son proche parer) fut par les Vvisigoths subrogé en son lieu: lequel reprint aussi tost son chemin à Rome, & y glana tout ce que le premier sac y auoit laissé: voulant encor' faire pis, iusques à effacer le nom d'icelle, pour luy troquer celuy de Gothie, si la prudence & bonne grace de Placidia sœur de l'Empereur Honorius, qu'il auoit prise à femme, ne l'eust fait prendre autre aduis: comme Orose, Iornandes, & P. Diacre recitent. Cependant le temps auquel cest Athaulphe mourut, mostre qu'il ne peult auoir regné depuis son election que de quatre à cinq ans. Parquoy les trois de regne que luy attribue Iornandes, se doiuent prendre au temps que l'Espagne fut conqueste par luy: nonobstant que ie trouue en deux anciennes Chroniques non imprimees, qui semblent auoir esté ecrites deuant 800. ou 900. ans, qu'il a regné six ou sept ans. L'une premise deuant le Code des loix des Vvisigoths, qui va iusques au Roy Bamba: l'autre qui compte les ans des Rois des Vvisigoths, selon les Eres de Cesar à la mode des anciens Espagnols, depuis l'Empereur Auguste. Tellement qu'elle rapporte le commencement du regne dudit Athaulphe à l'Ere cccclviii. Suiuant lequel compte l'origine desdites Eres se deura prendre trentehuit ans deuant la natiuité de nostre Seigneur, où l'ont aussi prins les plus anciens auteurs. Quant à ce qu'elle comence le regne du Roy Vvallia à l'Ere ccccliiii. elle montre qu'elle n'a voulu donner que cinq ans seulement de regne à son predecesseur, & que les Escriptuains en ont mal adiouste deux.

D' A V T A N T que Gerontius auoit suscité les Vvandales & leurs compagnons à retourner en la Gaule, & sembloit aussi qu'il se vouloit seruir d'eux, Constantin fit semblablement venir à son secours vn autre grand nombre d'Alemans par Decimius Rusticus son grand Maistre, & de François par Edobechtus. Lesquels s'estans rencontrez pour ceste querelle avec les Vvandales (plustost comme i'estime, que pour le debat de leur pillage, selon que Auentin s'est persuadé) se choquerent si furieusement, que Modogisil premier Roy des Vvandales y fut tué sur le champ (selon l'observation de Sigebert) en la 30. annee de son regne, avec bien 20. mille de ses gens, par les François, qui eussent encor' mis tout le reste des Vvandales en descōfiture, si Rapsundial Roy des Alains ne fust allé d'aupres du Rhin à leur secours: par lequel ils furent gardez d'estre totalement exterminiez, comme tesmoigne Renatus Frigeridus, au liure second de Gregoire de Tours: où il declare aussi que

celà se fit au temps que Rome fut prinse par les Goths. Et s'il fault semblablement croire quelque chose de ce qui a esté escrit par Blondus & autres apres Aimonius de la prinse des citez, villes & terroir de Treues, Liege, Mets, Toul, Verdun, & autres de ceste contrée-là, par les François, estans inuitez & appelez par vn Sénateur de Treues, qui se voulut vanger du tort fait à l'honneur de sa femme, par le gouverneur du pais nommé Lucius: il ne semble pas qu'il y ait temps, auquel on le puisse rapporter plus commodément qu'à cestui-cy. Ayans cy deuant monstre qu'il ne peut estre aduenu que depuis que le Tyran Constantin eut occupé l'Empire des Gaules, & que les François luy donnerent gens, pour se maintenir contre Honorius, souz la conduite d'Edobinchus. Et qu'on peut aussi croire que quand les François firent ceste si grande desconfiture de Vvandales que nous venons de reciter, qu'ils ne leur faisoient pas guerre en faueur du tyran seulement, mais aussi pour eux-mêmes: tant pour eux venger des maux qu'ils leur auoient faits dedans leur pais, que pour faire leur main en la Gaule comme eux. Car Renatus Frigeridus dit seulement, *Vandalis Francorum bello laborantibus*. Tellement que ceste prinse de Treues se peut consequemment prendre pour la premiere des quatre que ceste cité-là souffrit, selon Saluianus Euesque de Marseille, deuant l'arriuee d'Attila en Gaule: où ils se maintindrent, selon que nous estimons, tant par eux-mêmes, que par l'intelligence qu'ils eurent avec Constantin, & puis avec ceux qui occuperent l'Empire des Gaules apres luy, à sçauoir Iouin & Sebastien. Car il est certain qu'ils furent de la cordelle d'iceux, aussi bien que de l'autre iusques à enuiron l'an 412. ou 413. qu'ils en furent dechassez & contraints s'en retourner en leur premiere demeure par Constantius Lieutenant d'Honorius. Tant y a qu'au moyen de la venue de Rapsendial les Alains se rallians avec les Vvandales & Sueues, s'en retournerent en Aquitaine: où le cœur leur reuiet si bié qu'ils entreprindrent de rechef de passer de force en Espagne, comme Sozomenes escrit. Mais l'entree leur y fut ouuerte, ou par la lâcheté, ou par la trahison des gardes que Constans fils de Constantin y auoit laissees, ou bien par l'aide de Gerontius, qui les vouloit auoir aupres de soy. De sorte qu'ils occuperent en bien peu de temps vne bonne partie du Royaume & des villes d'Espagne, lesquelles ils departirent cy apres entre eux, selon leurs gens & nations. Au demeurant leur entree en Espagne est par Orose & Sozomenes notee au temps que Rome fut prise par les Goths. Ce qu'ont ensuiuy Blondus Sabellicus, & Volaterranus: lequel avec vne ancienne Chronique non imprimee des Vvandales, Sigebert & Albert Crants liu. 1. chap. 26. de la Vvandalique tesmoignent que les Vvandales y arriuerent souz la conduite de leur Roy Gunderic, qui auoit nœuellement succedé au Roy Modogisil son pere. Tellement qu'ils font compte qu'il regna en Espagne 16. ans, Nonobstant que Procopius liu. 3. de la guerre Vvandalique l'appelle Godigiseus: & dit que l'Empereur Honorius luy accorda par contract la possession des Espagnes, moyénant que les anciens habitans d'icelle ne receussent plus mauuais traitement par eux.

JEAN surnommé CASSIAN, qui auoit esté Diacre de l'Eglise de Constantinople, natif de Sichie, homme de grand sçauoir & d'erudition, tant es sciences diuines, que profanes, apres auoir esté dechassé de son Eglise par S. Iean Chrysostome, se retira à Marsailles qui est en Prouence, où il fut prestre & florissoit en ce temps, fauorisant toutesfois en beaucoup de points à l'erreur de Pelagius. On tient qu'il composa la Collation des peres, & depuis sept liures de l'Incarnation de nostre Seigneur contre Nestorius souz Leon 1. Euesque de Rome. Sigebert, Naucler, Supplement des Chroniques.

SAINT Augustin se plaint en ses escrits, que la religion Chrestienne (laquelle le Seigneur Iesus Christ auoit voulu estre libre, estoit ja de son temps si chargee de ceremonies innumerables, que la condition des Iuifs sembloit beaucoup plus tolerable, que celle des Chrestiens: à cause que quelque fardeau de manieres de faire que les Iuifs portassent, ils les auoient de diuine instruction, & non d'humaine presomption.

Du Monde.	4538	Papes.	11	R. des Vvisgoths.	1
De Rome.	1162	E. d'Orient.	4	R. des Ostrogoths.	28
De Iesus Christ.	411	E. d'Occident.	17	R. des Vvandales.	1
Indiction.	9	R. de Perse.	12	R. des Lombards.	22

F L A.

FL. THEODOSIUS AVG. pour la 4. fois Consul en Orient, sans adjoindre.

GERONTIUS se sentant fort d'avoir les Vandales & leurs compagnons joints à luy, ne se voulut plus tenir clos en Espagne; ains faisant par ceux de la faction donner le surnom & tiltre d'Empereur, laissa un sien compagnon nommé Maxime en Espagne: & puis avec une bonne armée alla trouver le Tyran Constantin en Prouence, ayant assiégé en chemin son fils Constans dans la ville de Vienne, & pressé de si pres, qu'il le print & occit en icelle. Mais quand les nouvelles luy furent venues que l'Empereur Honorius avoit despesché un bien vaillant & puissant Capitaine nommé Constantius avec une puissante armée, pour aller denicher & exterminer tous les Tyrans de la Gaule, son plus court fut de s'en retourner bien hastivement en Espagne, où ses gens le mirent à mort. Cependant Constantius approcha Constantin. Et pource que le secours qui luy venoit des François & Alemans sous la conduite d'Edobecus, fut avant qu'arriver à luy deffait, par un Capitaine Romain nommé Vlpilas, Constantius mit son ennemy en si mauvais point, joint qu'advertissement luy vint au même temps (tesmoin Renatus Frigeridus) que Iouinus (qui estoit un des principaux Capitaines de son party) s'estoit attribué la dignité Imperiale en la Gaule contre luy, & allié pareillement les François, les Bourguignons, les Alemans, & les Alains, qu'il le contraignit de renoncer à la dignité Imperiale, & de se rendre à sa mercy: lequel il envoya en Italie, où il fut mis à mort par le commandement de l'Empereur. Sozomenes liu. 9. chap. 13. & 14. Marcell. Comes, Prosper, Cassiodore, P. Diacre.

EN la même année se fit ceste tant memorale conference & dispute pour le point de l'Eglise, qui estoit controuers entre les Catholiques & Donatistes à Carthage ville capitale d'Afrique, où se trouverent 286. Euesques; entre lesquels fut saint Augustin, qui soutint avec six de ses compagnons la dispute, contre autant de Donatistes. Et en sortit tellement à son honneur, que Marcellinus qui commandoit lors en Afrique au nom de l'Empereur, & presidoit au nom d'iceluy à ceste assemblée, donna sentence de condamnation contre les Donatistes: dont ils en appellerent à l'Empereur, comme tesmoigne saint Augustin en ses Epistres, en son Brevicule, & en ses écrits contre les Donatistes. Es actes de ceste conference est écrit qu'elle se fit *P. C. Varanis*: c'est à dire apres le Consulat de Varanes: d'autant qu'il n'y eut ceste année aucun à Consul Rome, à cause du desordre qui y estoit.

EN cetemps la ville de Etphord en la Turingie fut fondée. Epitome des Chroniques du monde.

THEOPHILE Euesque d'Alexandrie mourut au mois d'Octobre: & puis fut substitué en son lieu son nepveu nommé Cyrillus, qui presida 34. ans.

SYNESIUS Cyrenien Euesque de Dalmatie, homme de grand sçavoir, doctrine & eloquence, & bien versé aux lettres, tant diuines qu'humaines, comme ses livres & écrits le tesmoignent, florissoit en ce temps.

Du Monde.	4539	Papes.	12	R. des Visigoths.	2
De Rome.	1163	E. d'Orient.	5	R. des Ostrogoths.	29
De Iesus Christ.	412	E. d'Occident.	18	R. des Vandales.	2
Indiction.	10	R. de Perse.	13	R. des Lombards.	23

FLA. THEODOSIUS pour la 5. fois, & FLA. HONORIUS, pour la 9. AVG. Consuls.

MAXIME estant abandonné de ses gens, fut dégradé de la dignité Imperiale, & envoyé en exil: mais Iouinus autre Capitaine Romain (qui avoit esté si osé que de s'emparer au même temps du tiltre d'Empereur en la Gaule, ne le porta gueres loing, estant en peu de temps mis à mort par les Lieutenans d'Honorius, signamment par Constantius, que l'Empereur avoit esleu pour aller chasser tous les Tyrans de la Gaule. Ce qui ne peut tant intimider un sien frere nommé Sebastianus, qu'il ne suivist son exemple apres la mort: dont il luy print aussi de même, selon les auteurs precedents: aucuns desquels toutesfois rapportent la deffaitte de Iouinus & de son frere au Consulat ensuiuant. Tant y a qu'il semble aussi que ce fut au même temps, & par le même moyen que les François furent chassés

du païs de Treues & des autres d'aupres, qu'ils auoient cy deuant occupé & contraints de s'en retourner delà le Rhin.

ATHAULPHE fuyuant les remonstrances & persuasions de sa femme, partit avec sa gent d'Italie, & la mena en Aquitaine, ou plustost au Languedoc, qu'on appelloit pour lors Septimanie, l'an que Theodose fut pour la 5. fois & Honorius pour la 9. Consuls, ainsi que Prosper & Cassiodore ont noté: de façon qu'ils y planterent leur demeure, & puis voulurent (comme dit Iornandes) entreprendre de conquister les Espagnes sur les Vvandales. De façon qu'ils se faisirēt de la ville de Barcelōne, & par icelle mirent les pieds bien auant dedans l'Espagne, où ils commencerent à guerroyer bien durement les Vvandales & leurs compagnons. Tellement que la guerre dura entre eux bien l'espace de trois ans, comme tesmoigne Orosius, Iornandes & les histoires des Vvisigoths. Il y en a qui se persuadent que cet Ataulphe occupa l'Aquitaine, par accord fait avec l'Empereur Honorius. Mais celà ne se voit expressement déclaré en aucun de noz auteurs, ains il semble qu'on en peut tirer vn iugement contraire.

LES Vvandales & leurs compagnons ayans conquesté & reduit en leur puissance la pluspart des prouinces d'Espagne, s'accordent de les departir entre eux. Et en fut (ce dit la Chronique abregee des Romains par Iordanes citee par Cuspinianus) le partage fait ceste annee: par lequel les Vvandales surnommez lors Silingiens s'arrestèrent en la Bæti-que, qui fut à l'occasion d'eux nommee Vandalousie. Les Sueues souz le Roy Hermeric, (cōme dit la Chronique ancienne) au païs de Gallice, & les Alains en la Lusitanie & prouince Carthaginoise, ou (comme les autres disent) entre les fleuves *Iberus* & *Rubricatus*, où iadis habitoient les peuples *Iacetani*. Au demeurant Cuspinian estime qu'au lieu où est fait mention du nom des Silingiens, qu'il faut lire Turcilingiens. Mais l'ancienne Chronique des Vvisigots citee cy dessus & *Idatius* affermēt notamment, que c'estoit vn surnom qu'auoiant vne partie des Vvandales. Parquoy Auentin liu. 2. de ses Annales des Boiens s'est efforcé en vain de l'attribuer aux Sueues: d'autant que Idacius en parle en ceste sorte: *Gal-litiam Vvandali occupant, & Sueui in extremitate succedunt, Alani Lusitaniam & Carthaginenses prouincias, Vvandali cognomento Silingi Beticas sortiuntur.*

JEAN Patriarche de Ierusalem escriuit en ce temps vn liure de l'institution & regle de viure des moines: par lequel on cognoist qu'il estoit encore alors en la puissance & liberté des moines de se marier, ou non, apres auoir fait profession de leur ordre. Balæus.

HEROS disciple de saint Martin, homme de sainte vie, estant Euesque d'Arles, fut in-justement depose de son siege par ses paroissiens, qui substituerēt en son lieu vn Patroclus, pensant en celà gratifier au Patrice Constans, comme il se lit es exemplaires vulgaires de Prosper: mais autres se persuadent qu'il faut lire Constantius. Tant y a que ceste deposi-tion fut cause d'un grand schisme en ceste Eglise là.

Du Monde.	4540	Papes.	13	R. des Vvisigoths.	3
De Rome.	1164	E. d'Orient.	6	R. des Ostrogoths.	30
De Iesus Christ.	413	E. d'Occident.	19	R. des Vvandales.	3
Indiction.	11	R. de Perse.	14	R. des Lombards.	24

FLA. LVCIANVS & FLA. HERACLIANVS, Consuls.

LE dernier desquels est celuy qui auoit defendu l'Afrique contre Attalus, en faueur dequoy le Consulat luy fut donné ceste annee. Mais pource qu'il reconnut si mal cest honneur, qu'il voulut aspirer au tiltre d'Empereur, & se faire tyran de l'Afrique: d'auantage aussi mettre vne armee sur mer pour la mener contre Rome, qu'on dit auoir esté si grande, qu'elle estoit de 3700 nauires: qui trouua neantmoins rencontre d'une autre ar-mee, souz la conduite d'un Comte nommé Marin, si dure qu'elle fut rompuë & mise en route. Ses gendarmes à son retour le massacrerent en la ville de Carthage; & puis son nom fut par arrest du Senat biffé & effacé du nombre des Consuls. Au moyen dequoy le Comte Marin s'en alla en Afrique, pour ordonner de l'estat d'icelle au nom de l'Em-pereur.

Av mesme temps Decimius Rusticus Agrætius, iadis premier des Secretaires, de Iou-
nius,

nus, fut avec plusieurs seigneurs Auvergnats cruellement occis par le Comte Constantius. Renatus Frigeridus.

Les Bourguignons en ce Consulat se mirent en possession des provinces de la Gaule voisines du Rhin, comme témoignent Prosper, Cassiodore & Jornandes. Il y en a qui se persuadent qu'ils se logerent en ceste contrée là par la permission de Constantius. Ce qui ne se voit écrit en aucun des auteurs que nous avons : & croy que s'il eust peu venir à bout d'eux (comme ils veulent dire) qu'il ne les eust espargnez. Parquoy il est autant vray-semblable, que l'exemple des Visigoths qui s'estoient logez au Languedoc : & ce qu'ils voyoient que l'Empereur faisoit pour suiivre les occupateurs des Gaules, les incita de se choisir un gîte seur & commode : d'autant qu'ils ne s'estoient encores cy devant arrestez en aucunes certaines places. Mais nous estimons que ce premier pais où ils habiterent, estoit une partie de celui des anciens Heluëtiens, & des Sequanois, qui est aujourdhuy habité d'aucuns Cantons de Suisses : comme de ceux de Bâle, Berne, Fribourg & Soleure. Lequel aussi contient toute la contre d'Auenche. De sorte qu'il a esté long temps depuis, à cause d'eux, appelé la petite Bourgongne, iusques à ce que le nom de Nuthlandt ou Vothlândt luy est venu succeder, pour la raison que dit Munster, qui me semble plus vray-semblable que l'etymologie que Beatus Rhenanus a voulu rapporter aux peuples que Cornelius Tacitus appelle *Nuitones* : lesquels il se persuade auoir accompagné les Bourguignons en ceste cômigration, & obtenu licence de s'accommoder en ce quartier : d'autant qu'on sçait bien que ceste nomination est plus fraîche qu'elle ne deuroit estre, selon l'opinion de Rhenanus. Cependant il est bien vray-semblable que l'affiette de ce lieu là les invita premièrement de s'en empieter, pour y estre en plus grande seurété : d'autant qu'il est environné de tous costez, ou du Rhin, ou des montagnes de Iura, & des Alpes. Et qu'ils s'estendirent puis apres par succession de temps iusques au Rône & à la Saone dès le môrt de Vaulge iusques à la mer Adriatique, où sont aujourdhuy la Prouence, le Dauphiné, une partie de la Sauoye, avec le Lyonnais, & ce qui retient encore à cause d'eux le nom de Duché & Comté de Bourgongne. Mais d'autant que par le témoignage precedent ils commencerent seulement en ce Consulat de faire demeure arrestee en la Gaule, cela pourroit faire sembler ce que Paradin & aucuns autres ont écrit : vray-semblable, que s'estans iusques alors conduits & gouvernez sans Rois, furent conseillez à l'exemple des autres nations, & pour la conseruation de leur salut & liberté, de se créer un Roy : duquel ils disent que l'election fut faite l'an 414. qui tomba sur un qu'ils nomment Gundioche, qui se pourroit prendre pour celui que Prosper, Cassiodore & P. Diacre appellent Gundicare, Gregoire de Tours Gondenche : qui dit semblablement qu'il estoit de la race d'Athalaric Roy des Visigoths, autres fils de Bleinde fille d'un Marcomire Roy des François, si nous n'auions bon témoignage, nommément d'Ammianus Marcellinus, qu'ils se gouvernoient de long temps auparavant par Rois, qu'ils nommoient par un nom general Hendinos. Dont il faudroit chercher la raison qui les auroit fait desister d'en auoir : & puis les reprendre maintenant. Outre ce qu'Auentin leur en donne un, qu'il appelle Gauderic : souz lequel il dit qu'ils entrèrent en la Gaule. Tellement qu'il seroit plus probable que quelque election qu'on die qu'ils ayent faite, que le premier Roy qui regna sur eux en la Gaule, & qui leur donna les premières loix & police, selon laquelle ils se deuoient gouverner, se nommoit Gibica, auquel succederent l'un apres l'autre Gothomare, Gislhare, & Gundahare, ou Gundachare, iusques à Gondebault : lequel mesme les appelle en cest ordre au Code des loix des Bourguignons, *Regia memoria auctores suos*. Mais les histoires Romaines ne les pouans naïfvement nommer en leur langue, comme faisoient les Bourguignons en la leur, se sont trouuez differents en les appellans comme chacun d'eux a peu : ioint qu'ils n'ont pas prins garde à les distinguer, ou bien n'ont sceu ny l'ordre, ny le nombre d'iceux.

L'HERESIE de Pelagius auoit ia telle vogue en ce temps en Afrique, pourée qu'un Celestius, disciple dudit Pelagius, la maintenoit & auoioit de tout son pouuoir, que toutes les Eglises de ceste province là n'en estoient pas gueres moins troubles qu'elles auoient esté par le schisme des Donatistes. A cause dequoy deux Synodes furent assemblez pour l'examiner & refoudre : l'un en la Numidie, qui est appelé Mileuitan, auquel saint Augustin se trouua : l'autre à Carthage, qui fut de 207. Euesques. En tous lesquels la doctrine que prêchoit ce Celestius fut reprouuee & condamnée : mais on ne s'y attacha pas, nommément à Pelagius, qui ne fut pas encor si tost ouy. Or pourée que le Mileuitan fut finy deuant

celuy de Carthage, S. Augustin au partir du premier se vint trouuer à l'autre. Comme on peut cognoistre des Epistres dudit saint Augustin 47. 92. 94. 100. 110. 157. & au liu. 2. chap. 33. de ses retractations. Desquels aussi se peut entendre qu'on auoit ja cinq ans au parauant disputé en l'Eglise de Carthage de la doctrine dudit Celestinus. Qui est à dire, que l'heresie de Pelagius a esté publicee plustost que n'a escrit Prosper. Ce pendant par l'Epistre 47. de S. Augustin appert, que le Concile qui fut tenu cy apres à Carthage, ne fut que la continuatiō de celuy qui auoit esté tenu ceste annee. Et par ces mesmes passages aussi sont refutez ceux qui ont voulu rapporter le Concile Mileuitain à l'an 403.

Vn Euesque Chrestien nommé Abdias, ayant au Royaume de Perse rompu le temple auquel les Peres adoroient le feu, irrita de telle façon le Roy Isdigertes, qu'il fit abatre tous les temples des Chrestiens qui estoient dedans son Royaume, & en fit faire vne cruelle persecution d'eux. Tellement que par icelle plusieurs saints personnages reoeurent couronne de martyre. Hist. eccles. Tripartite liu. 10.

<i>Du Monde.</i>	4541	<i>Papes.</i>	14	<i>R. des Vuisigots.</i>	4
<i>De Rome.</i>	1165	<i>E. d'Orient.</i>	7	<i>R. des Ostrogoths.</i>	4
<i>De Iesus Christ.</i>	414	<i>E. d'Occident.</i>	20	<i>R. des Vvandales.</i>	4
<i>Indiction.</i>	12	<i>R. de Perse.</i>	15	<i>R. des Lombards.</i>	25

FLA. CONSTANTIVS, & FLA. CONSTANS, Consuls.

CE Constantius est celuy qui dechassoit en ce temps les tyrans de l'Empire, à qui l'Empereur Honorius fit espouser cy apres sa sœur Placidia: & qui aussi apres que l'Afrique, l'Italie & les Gaules eurent esté retirees des mains de leurs tyrans, fut (comme dit Beda) enuoyé en la grand Bretagne, où il se porta si vaillamment qu'il la remit en son premier estat, souz l'obeissance de l'Empire. A l'occasion dequoy l'Empereur Honorius se delibera se seruir encores de luy à dechasser pareillement toutes les nations estrangeres hors de l'Empire d'Occident. Tellement qu'apres l'auoir fait venir vers soy en Italie, & enuoyé Castinus Comte des domestiques defendre la lisiere du Rhin en son lieu, il le fit retourner incontinent contre les Vuisigots en Aquitaine: faisant son compte que ceux-là deffaits, les autres donneroient moins de peine à dompter. A cause dequoy il se mit à les guerroyer si dextrement, qu'il leur osta premierement toute commodité de viures; les reduisant à telle necessité, que force leur fut d'abandonner le Languedoc, la Gasconne & toute l'Aquitaine, avec la ville de Narbonne, pour se retirer en l'Espagne vltérieure. Quoy que le Roy Ataulphe eust quelque temps au parauant fait reprendre le tiltre & les habits imperiaux à Attalus; afin de tailler par luy plus de besongne à l'Empereur Honorius. Orose, Idatius, Iornandes, P. Diacre.

De l'entree des Francois en la Gaule.



En nonobstant les Francois ne laisserent de faire au mesme temps vne nouvelle course où entreprinse en Gaule, que Gregoire de Tours appelle seconde irruption; où ils saccagerent & bruslerent la grande cité de Treues, qui ne faisoit que commencer à se releuer du heurt qu'elle auoit vn peu au parauant receu d'eux-mesmes. Dont il semble que ce fut lors qu'ils commencerent, au dire du mesme autheur de loger en la Tongrie ou Thoringie, qui est aujourdhuy le pais de Brabant, aupres des bourgs & des villes, où ils se creerent bien tost apres (selon nostre iugement) des Rois Cheuclus, faisant estat de ne plus guerpir du lieu qu'ils auoient empieté, à l'exemple des Bourguignons: se voyans mesmement inuitez de l'opportunité de ce faire, par les empeschemens que l'Empereur Honorius eut en toutes ces annees cy, tant en Languedoc & en la Gasconne, qu'en l'Espagne, contre les Vuisigots & les Vvandales & leurs

leurs compagnons. Et combien que Renatus Frigeridus témoigne que Caltinus Comte des domestiques, fut enuoyé contre les François; d'autant toutesfois qu'il ne se list point en aucun auteur qu'il ait fait quelque chose de memorable en ce voyage, cela me donne argument de coniecturer qu'il fut inutile, ou qu'il les empêcha seulement de s'estendre si avant qu'ils eussent fait: car ie ne m'estime pas tenu de croire ce que Sigonius escrit, que ils furent l'année d'après vaincuz par luy en plusieurs rencontres, & en fin contraincts de s'en retourner delà le Rhin en leur première demeure, s'il ne fait entendre de quel auteur il le tient: d'autant qu'il se demonstre trop souuent coustumier de composer en histoire, selon ses seules imaginations.

L'APPELLATION des Donatistes portée deuant l'Empereur Honorius, sentence de confirmation du iugement donné contr'eux en Afrique fut pronôcée: par laquelle ils furent declarez heretiques, & condamnez: dont vne ordonnance s'en ensuiuit, qui se voit au Code Theodosien l. 44. ch. *de iis qui sup. relig.* & datée de ce Cōsulat à Rauenne: par laquelle les Donatistes furent priuez du droit de tester, & de faire donation de leurs biens. Auquel Cōsulat aussi S. Augustin eut charge de la part des Euesques d'Afrique, d'enuoyer au Pape Innocent les actes des deux Conciles qui auoient esté tenuz en Afrique nouvellement contre les Pelagiens, à sçauoir à Carthage, & en la Numidie. Auec lesquels actes aussi cinq Euesques furent encoir deputez, pour luy escrire ce qui s'y estoit fait: à sçauoir Aurelius, Alippius, S. Augustin, Euodius, & Possidius. Aux lettres desquels semblablement le Pape Innocent fit response, qui se voit datée du 27. de Ianuier de ce Cōsulat: laquelle se voit avec les lettres des autres, entre les Epistres de S. Augustin 62. 93. 95. & 96.

VNE femme nommée Marceline, compagne de la secte Carpocratienne, se trouua en ce temps, qui adoroit les images de Iesus Christ, de saint Paul, d'Homere & de Pythagoras, se prosternât deuant icelles, & leur offrant de l'encens. Pour raison dequoy saint Augustin en son catalogue qu'il a fait des heresies, la mit au rolle des heretiques.

Du Monde.	4542	Papes.	15	R. des Vvisigoths.	5
De Rome.	1166	E. d'Orient.	8	R. des Ostrogoths.	5
De Iesus Christ.	415	E. d'Occident.	21	R. des Vuandales.	5
Indiction.	13	R. de Perse.	16	R. des Lombards.	26

FLA. THEODOSIVS, pour la 6. fois, & FLA. HONORIUS, pour la 10. AVE. Consuls.

ATTALVS étant abandonné du support & appuy des Vvisigoths, quand ils furent chassés en Espagne, fut prins & deliuré entre les mains du Comte Constantius: lequel l'enuoya à l'Empereur Honorius, qui luy fit couper les poings, & le laissa viure en ceste façon. Orosius, Prosper, P. Diacre.

ATHAULPHE estoit à peine arriué en Espagne avec sa gent, qu'il fut mis à mort par l'un de ses gens nommé Vernulphe, ainsi qu'il se mettoit après à reparer ses forces: à cause que s'estant trop accommodé aux appetits de sa femme, il auoit amené les siens en l'extrémité où ils estoient, par faute d'auoir laissé escouler les opportunités qui s'estoient du commencement presentées à luy. Pource que Sigeric, qui par droit de proximité auoit succédé en son lieu à la couronne Gothique, alloit encore trop tiedement à la guerre contre l'Empereur, on luy fit aussi un mesme traitement qu'à son predecesseur au six ou septiesme mois de son regne. De façon qu'il fallut faire eslection d'un autre Roy: laquelle tomba sur Vvallia, homme vaillant, courageux & de grande entreprinse, qui fit promesse de faire incessamment la guerre aux Romains. Et pour s'en acquitter, mit sus une puissante armée sur mer, pour la faire passer en Afrique: mais la tourmente l'accueillit si rudement, qu'elle fut dissipée & renuoyée au bord dont elle estoit partie: comme Orose, P. Diacre, Ado, & Blondus recitent. Prosper adioute expressément que l'election de Vvallia fut faite au dixiesme Consulat de l'Empereur Honorius: mais selon quelques passages de Iornandes, en son liure de l'origine des Goths, il semble que ce ne fut que l'année d'après. Et selon l'ancienne Chronique des Vvisigoths en l'Ere CCCCLIII. Quant à la durée de son regne, Iornandes & Sigebert en font compte de vingtdeux ans: & ceux qui luy ad-

ouissent le temps d'Arthaulphe de vingt-trois. Mais les deux anciennes Chroniques des Visigoths, ensuiuies de Michaël Ricius & d'un Iordanes en ses Annales abregees des gestes des Romains, qui est souuent cité par Cuspinian en son liure des Consuls, (lequel ie ne me puis persuader estre celuy que les autres nomment Iornandes, que nous venons d'alleguer) luy assignent seulement trois ans. Dont Orose semble auoir donné l'occasion aux uns, à cause qu'à la fin de son histoire il semble vouloir donner à entendre que Vallia cessa de regner en la troisieme année de son regne, encore que cela ne se trouue escrit en tous les exemplaires d'iceluy : & aux autres, comme aux Chroniques des Visigoths, la faute & inaduertence des escriuains : car on voit manifestement en celle qui est deuant le Code des loix desdits Visigoths, qu'ils ont adiousté les vingt qui vont deuant trois, pour le regne de Vallia, aux treize que son successeur regna selon Iornandes. Tellement qu'ils en ont fait trentetrois.

LA cité de Valence qui est en Dauphiné, fut ceste année subiuguée & reduite en la puissance des Goths. Sigebert.

L'HERESIE des Predestinez s'esleua (selon Sigebert) en ce temps : lesquels maintenoient que les bonnes œuvres ne profitoient de rien à ceux qui viuoient saintement, s'ils estoient predestinez de Dieu à damnation : non plus que la mauuaise vie ne nuisoit en rien à ceux qui viuoient meschamment, s'ils estoient predestinez à salut.

PORPHYRIUS Euesque d'Antioche presida deux ans.

UN Synode assemblé en la ville de Cyrthe en la Numidie, conferma la condamnation des Donatistes.

Du Monde.	4543	Papes.	16	R. des Visigoths.	1
De Rome.	1167	E. d'Orient.	9	R. des Ostrogoths.	1
De Iesus Christ.	416	E. d'Occident.	22	R. des Vandales.	6
Indiction.	14	R. de Perse.	17	R. des Lombards.	27

FLA. THEODOSIUS AVG. pour la 7. fois Consul, avec IVNIVS QVARTVS PALLADIVS.

SOVS lesquels Vallia Roy des Visigoths desirant auoir paix avec l'Empereur Honorius, luy renuoya sa sœur Placidia : qui fut incontinent apres donnée en mariage au Comte Constantius avec le tiltre & dignité de Cesar, comme Prosper a noté. Les autres toutesfois tiennent qu'elle ne fut rendue qu'apres que la paix fut accordée entre les Visigoths & l'Empereur. Ce qui fait estimer suiuant la Chronique d'Isidore, que ceste paix là fut faite à la reddition d'icelle ceste année mesme, & qu'elle fut seulement confirmée ou rafraischie cy apres.

INNOCENT Euesque de Rome mourut ceste année, selon Onufrius, le vingthuitiesme iour de Iuillet. Et apres que son siege eut vacqué l'espace de vingtdeux iours, son successeur fut esleu le vingtiesme iour d'Aoust, qui se nommoit Zozimus fils d'un Abraham natif de Grece : lequel presida (au compte du mesme auteur) trois ans, quatre mois, sept iours. Nonobstant que Prosper ne luy baille en tout qu'un an, neuf mois, huit iours : & Sigonius environ seize ou dixsept mois : qui estime qu'il ne fut esleu que l'année ensuiuant. Les liures des Papes & des Conciles tesmoignent qu'il ordonna que le Samedi de Pasques, en toutes paroisses le cierge fust benist : & que les Diacres cacheroient leurs mains d'un linge blanc durant la celebration de la Messe. Aucuns ont mis en memoire qu'il souloit dire & confesser, que faire ou changer chose en l'Eglise cōtre les statuts des Peres, n'estoit mesne licite ny permis aux Euesques de Rome. Sigonius tesmoigne qu'il s'embesongna fort diligemment en vne controuerse qui suruint souz luy pour la celebration de Pasques.

Pelagius fut avec ses erreurs condamné & anathematisé solennellement par le Pape de Rome : qui fut cause que saint Augustin se mit apres à le refuter fort viuement & doctement par ses escrits. Prosper.

Du Monde.

<i>Du Monde.</i>	4544	<i>Papes.</i>	1	<i>R. des Vvifigoths.</i>	2
<i>De Rome.</i>	1168	<i>E. d' Orient.</i>	10	<i>R. des Ostrogoths.</i>	2
<i>De Iesus Christ.</i>	417	<i>E. d' Occident.</i>	23	<i>R. des Vvandales.</i>	7
<i>Indiction.</i>	15	<i>R. de Perse.</i>	18	<i>R. des Lombards.</i>	28

FLA. HONORIVS Aug. pour la seconde fois, & FLA. CONSTANTIVS, pour la seconde, Consuls.

AVQVEL Consulat: ledit Honorius entra en triomphe dedans Rome, menant le Tyrann Artalus avec soy, selo Prosper. Les annales de Iordanes avec Idatius, disent que Constantius print en la mesme annee Fridibalde Roy des Vvandales prisonnier, par vne subtile ruse, & l'enuoya à l'Empereur Honorius. Ce qui me fait estimer que ce Fridibalde estoit Roy des Vvandales dits Silingiens seulement. Lequel passage a persuadé aucuns que Constantius faisoit lors guerre aux Vvandales, Alains & Sueues, ayât le Roy Vvallia avec soy: lequel gagna aussi à leur dire au mesme temps vne grâde victoire sur les mesmes peuples entre les villes de Tartesse & de Calpe. Mais Idatius, Isidore, Seuerus, & les autres historiens que nous alleguerons cy apres, conuiénent que ceste guerre se fit en la mesme annee que la cōtree de Narbonne fut accordée au Roy Vvallia. Et s'il est vray que les Vvandales & Sueues se soient guerroyez les vns les autres si cruellement qu'on dir les deux annees ensuiuans: il n'est pas vray-semblable que celà se soit fait lors que l'Empereur & les Vvifigoths ioincts ensemble leur faisoient la guerre à toute outrance.

LES Euesques d'Afrique assemblez à vn Concile en la ville de Telea, condamnerent Iouinian & ses adherans. Liure des Conciles.

APORPHYRE Euesque d'Antioche decedé, fut substitué vn nommé Alexandre, qui gouerna son Eglise trois ans.

AV temps du Pape Zozimus fut tenu vn Synode prouincial des Euesques de Gaule, pour raison d'un Lazare, qui accusoit saint Brice Euesque de Tours: lequel fut lors par iceux déclaré innocent, & son ennemy calumniateur. Hincmarus Archeuesque de Rheims tesmoigne que la sentence de ce Synode fut approuuée du Pape Zozimus,

<i>Du Monde.</i>	4545	<i>Papes.</i>	2	<i>R. des Vvifigoths.</i>	3
<i>De Rome.</i>	1169	<i>E. d' Orient.</i>	11	<i>R. des Ostrogoths.</i>	3
<i>De Iesus Christ.</i>	418	<i>E. d' Occident.</i>	24	<i>R. des Vvandales.</i>	8
<i>Indiction.</i>	1	<i>R. de Perse.</i>	19	<i>R. des Lombards.</i>	29

FLA. THEODOSIVS, pour la huitiesme fois, & FL. HONORIVS, pour la 12. AVGG. Consuls.

PLINTA Comte & Gouverneur de la Palestine, s'estant reuolté contre l'Empereur Theodose, & attribué le nom d'Empereur, fut bié tost apres deffait & occis en vne bataille avec tous ses adherans & complices. Marcellinus Comes.

GVNDERIC Roy des Vvādales, estât entré en guerre cōtre Ermeneric Roy des Sueues, luy donna bataille: en laquelle furent occis grand nōbre de gens, signāment de Sueues. Au moyen dequoy les Vvandales les contraignirent de se sauuer en certaines mōtagnes, où ils les allerent enclorre & tenir assiegez iusques à l'annee ensuiuant, comme tesmoignent Idatius en sa Chronique, & Iordanes en ses Annales. Qui est vn tesmoignage que Constantius & le Roy Vvallia n'auoient encor' commencé eux deux ensemble à faire la guerre à ces deux peuples là.

LES Vvifigoths se voyans continuellemēt inquietez des Romains, furent contraincts, selon le iugement de la plus grande part des autheurs, de s'accorder en ce tēps, & se mesler avec les Alains en l'habitation & cultiuage du païs qu'ils occupoient en Espagne. Qui fut cause que la coustume de parler vint petit à petit à en faire comme vn peuple seul, les nommans Gotholans, & la prouince Gotholanie. Lequel nom estant encor' depuis

mué quelque peu par le commun & vulgaire vsage de parler, fut reduit en celuy duquel nous vsons aujourdhuy, qui est Catelans & Catelogne, chef de ceste nation. Mais pource que nous verrons cy apres que les Vvisigoths ne furent iamais tant meslez avecques les Alains qu'ils n'ayent tousiours eu leurs Rois & leurs Royaumes separez & distinguez: i'estime que ceste confusion & meslange de nom aduint seulement apres que lesdits Vvisigoths eurent deffait le Roy des Alains, & occupé leurs pais. Ou bien (ainsi que nous trouuons en quelques exemplaires non imprimez de P. Diacre, que ce furent les Quades ou Cattiens (dits des Romains *Quadi*, ou *Catti*) peuples de Germanie, lesquels estās venuz quant & les Alains, ou (comme il seroit bien possible souz leur enseigne) occuperent avec eux le pais de Catelogne, lors que les Vvandales s'emparerent de la Betique, dont ils peuuent aussi bien auoir droit en la nomination d'icelle que les Goths. Ioinct que *Beatus Rhenanus* liure premier de la Germanie est de mesme opinion, & *Auentin* liure second.

PRATLLVS Euesque de Hierusalem gouerna son Eglise depuis son eslection, qui fut faite ceste année, 7. ans.

PAR le Synode de deux cens dixsept Euesques, assemblé en la ville de Carthage, que on dit estre le sixiesme, l'heresie de Pelagius fut diligemment examinee, & puis condamnée. De façon que la conclusion en fut enuoyee au Pape Zozimus, qui la fit publier & autoriser par tout le monde, comme Prosper tesmoigne, avec saint Augustin en son Epistre quarantesept, en laquelle aussi il appelle ce Concile Africain, & *plenarium totius Africae Concilium*. Pource que les Euesques de toutes les parties d'Afrique s'y trouuerent, mesmement ceux qui auoient esté au Mileuitain. A cause dequoy il n'auoit appelé le Concile precedent tenu à Carthage, que Provincial de Carthage seulement. Et declare semblablement que ce dernier cy ne fut que la continuation du precedent: d'autant comme il semble que les Euesques s'assemblerent à diuerses fois, pour expedier par ordre les affaires qui se presentent en leurs Eglises: & quand les vnes estoient depeschées, ils s'en retournent en leurs dioceses pour reuenir puis apres aux autres. Ce qui peut estre la raison pourquoy il se voit auoir duré tant d'années. Car il n'est pas vray-semblable que tant d'Euesques ayent demeuré si long temps absents de leurs Eglises; veu que saint Augustin mesme declare en l'epistre deux cens sept, qu'il en estoit ia party le vingtiesme de Septembre de ce Consulat, pour aller suiuant le mandement du Pape Zozimus en la ville de Cæsaree en Mauritanie, donner ordre à quelques negoces Ecclesiastiques. Auquel voyage il entra en dispute avec Emeritus Euesque des Donatistes de ce lieu là, pour maintenir la condamnation qui auoit esté prononcée cy deuant contre les Donatistes à la conference de Carthage. Finalement les actes de ce Concile inferez au premier volume des Conciles, demonstrent qu'il fut assemblé en ce Consulat le premier iour de Iuin, & sur la fin de la vie de Zozimus, & acheué au temps de Boniface. A cause que les Legats dudit Zozimus s'y trouuerent, & y proposerent en son nom vn Canon, qu'ils affermoient auoir esté accordé au grand Concile de Nicee; par lequel toutes les appellations des Euesques de toutes les prouinces pouuoient aller à Rome, estant au pouuoir de l'Euesque Romain d'en prendre cognoissance, ou de la bailler à qui bon luy sembleroit. Mais estans les registres & exemplaires dudit Concile diligemment reueuz & recherchez de toutes parts par les Euesques Africains, de façon mesme qu'on les fit tout expres apporter de Constantinople de l'original, ce que l'Euesque Romain proposoit n'y fut trouué aucunement: dont il fut aussi debouté de sa demande, & ordonné que celuy du Clergé d'Afrique qui appelleroit outre-mer, c'est à dire à Rome, seroit depesché de sa charge: Comme les actes de ce Concile font foy, & les Epistres qui furent enuoyees sur ce fait au Pape Boniface, & à son successeur Celestin par les Euesques d'Afrique, du nombre desquels estoit S. Augustin. Esquelles il est aussi déclaré qu'il ne se deuoit point entremettre mesme d'enuoyer ny legats ny autres de sa part en Afrique; d'autant que cela n'est ordonné en l'Eglise, ny aucunement receuable. Neantmoins il semble que les actes de ce Concile ont esté fort confusément & impertinemment publiez: & que ce que nous en auons, n'est le tout; pource qu'il se fait en iceux bien peu de mention de la condamnation des Pelagiens.

Du Monde.

Du Monde.	4546	Papes.	3	R. des Vvisigoths.	4
De Rome.	1170	E. d'Orient.	12	R. des Ostrogoths.	4
De Iesus Christ.	419	E. d'Occident.	25	R. des Vandales.	9
Indiction.	12	R. de Perse.	20	R. des Lombards.	30

FLA. MONAXIVS, & FLA. PLINTHA, Consuls. Souz lesquels Valentinianus qui fut cy apres Empereur 3. du nom, fils de Constantius Cæsar & de Placidia sœur de l'Empereur Honorius naquit le 2. iour de Juillet. Marcell. Comes. Mais Prosper a noté que ce fut au Consulat precedent.

Les affaires qu'auoit Honorius, le presserent en telle sorte qu'il fut contraint de faire accord avec les Vvisigoths : suiuant lequel il leur laissa le pais d'Aquitaine pour demeure, avec aucunes villes de la prouince de Narbonne & de Gascongne : aux conditions toutesfois d'estre tenuz de le secourir & assister de toutes leurs forces à l'encontre de toutes les nations, toutes les fois qu'il en auroit affaire. Ce qu'estant entendu en Espagne, les Vandales qui tenoient les Sueues assiegez dedans les montagnes de Galice, les laisserent (comme dit Idatius) en paix : & puis s'en allerent empieter la Betique. Lors les Rois tant desdits Vandales que des Sueues & des Alains enuoyerent Ambassadeurs à l'Empereur Honorius, pour le destourner de l'appointement qu'il auoit fait avec le Roy Vallia, ou pour estre receuz en son amitié & alliance, ainsi que les Vvisigoths, souz mesmes capitulations : pour seureté desquelles ils offroient ostages, en remonstrant que ce seroit son profit & aduantage de les laisser entrebatre & guerroyer l'un l'autre : pource que le fruit, ou de leur victoire ou desconfiture reuiendroit indubitablement à luy. Ce qu'ils luy firent (comme recite Orose) entendre en ces termes : *Tu cum omnibus pacem habe, omniumque obsides accipe, nos nobiscum configimus, nobis perimus, tibi vincimur, immortalis verò questus erit Reipublice tue si utriusque pereamus.* Ce nonobstant Constantius se ioignant avec le Roy Vallia, commença avec les forces d'iceluy de faire guerre aux Vandales & à leurs compagnons. Et ayant premierement gagné vne grande victoire sur les Vandales & Alains dedans les frontieres de la Lusitanie, aupres des villes de Tartesse & de Calpe, comme declare Sidonius Apollinaris en son Panegyric adressé à Anthenius, où il dit :

— *simul & reminiscitur illud*

Quos Tartessiacis ausus huius Vallia terris

Vandalicas turmas & victi Martis Alanos

Strauit, & occiduum texere cadauera Calpen.

il chassa les Vandales, qu'on disoit Silingiens, de toute la Betique : & puis en poursuivant ses victoires alla rencontrer l'armée des Alains deuant la ville de Merida, où il en fit vne si cruelle desconfiture, que leur Roy nommé par les vns Ataces, & Achaces, & par les autres Vtacus & Otakar, y demeura sur le champ, accompagné de si grand nombre de ses gens, que ceux qui resterent de ce desastre, reduits à bien peu, furent contraints de se ranger souz l'obeissance & enseigne de Gunderic Roy des autres Vandales, qui dominoient lors au pays de Galice : comme recitent Idatius, vne ancienne Chronique des Vvisigoths, Isidore, Seuerus, Roderic de Tolette, Iordanes en ses Annales, P. Diacre. Tous lesquels conuiennent que ceste guerre se fit ceste année : mais les histoires Vvisigothes & Espagnoles attribuent toutes les victoires precedentes au Roy Vallia seulemēt, qui mena ceste guerre (à leur dire) en faueur de l'Empereur. Au moyen dequoy quand il en fut si heureusement sorty, il s'en reuint prendre possession de la Septimanie & de la prouince Narbonnoise qui luy auoit esté donnee, ou qui luy fut lors seulement (comme aucuns veulent dire) accordée en recompense du seruice qu'il auoit fait à l'Empereur en ceste mesme guerre contre les ennemis d'iceluy. Pource qu'il ne s'estoit fait auparauant qu'une simple paix avec luy, par laquelle il estoit receu & appointé en l'alliance & au seruice de l'Empereur. Quelque moderne adiousté que ce fut avec permission de se loger & s'acommoder avec la gent en Espagne : mais cest article ne se trouue escrit ailleurs : & n'est pas moins croyable que les Vvisigoths retindrent par le mesme accord ce qu'ils auoient ia occupé en la Septimanie. Et que depuis on y adiousta quelques autres villes de Gascongne, qu'ils ne tenoient encor, pour gratifier au Roy Vallia,

apres ce qu'il eut fait sur les Vvandales. Somme qu'il establit deslors le siege de son regne en la ville de Tholose, où les Annales de Iordanes disent qu'il mourut bien tost apres. Tesmoignage que ce n'est le mesme autheur qui a escrit de l'origine des Gots qu'on nôme Iordanes: d'autant mesmement qu'au temps qu'il viuoit, on n'auoit encor commencé de compter les ans de nostre Seigneur és histoires. Parquoy ie ne doute point que ce Iordanes-là n'ait esté quelque autheur plus recent que Iordanes.

Z O Z I M V S ou Sozimus mourut le 26. iour de Decembre, non de ce Consulat, comme Onufrius a estimé, mais du precedant; ainsi que tesmoignent les actes du Concile de Carthage, qui declarent qu'il fut assemblé sur la fin des iours de ce Zozimus. Et la date de l'ordonnance que l'Empereur Honorius fit en faueur de celuy qui sembla le plus legitiment esleu pour gouuerner l'Eglise Romaine apres luy, qui fut Boniface I. du nom fils d'un prestre nommé Iucundus, par vne partie seulement du peuple Romain. Car l'autre en esleut aussi vn de sa part, qui se nommoit Eulalius. Tellement qu'il s'en ensuiuit vn grand schisme & diuision, qui dura selon le liure Pontifical bien sept mois, ou comme a conté Onufrius 3. mois seulement & 7. iours, iusques à ce que l'Empereur Honorius, qui estoit à Milan, eut entendu leur different, & ordonné que l'election de Boniface demurerait pour ceste fois. Mais si dorefnauant deux estoient esleuz en contention, que l'un ne l'autre ne seroit receu. Par ce moien Boniface ayant gagné la cause, presida 3. ans, selon Marcell. Comes. Auquel Prosper & Onufrius adioustent 9. mois 28. iours. L'histoire tripartite la mal preposée à Zozimus.

<i>Du Monde.</i>	4547	<i>Papes.</i>	1	<i>R. des François</i>	5
<i>De Rome.</i>	1171	<i>E. d'Orient.</i>	13	<i>R. des Visigoths.</i>	5
<i>De Iesus Christ.</i>	420	<i>E. d'Occident.</i>	26	<i>R. des Vvandales.</i>	10
<i>Indiction.</i>	3	<i>R. de Perse.</i>	21	<i>R. des Lombards.</i>	31

FLA. THEODOSIUS AVG. pour la 9. fois, & **FLA. CONSTANTIVS CÆSAR** pour la 3. Consuls.

S O V Z lesquels l'armee des Romains en Orient se mutinant contre son Gouverneur & Coronnal nommé Maximius, le mit à mort. Marcell. Comes.

A V Q V E L temps aussi l'Empereur Honorius occasionné par les grandes tempestes desquelles il voioit son Empire agité, ou bien de ce qu'il estoit sans enfans, conféra la dignité d'Auguste à Constantius Cæsar mary de sa sœur Placidia: afin que l'ayant fait egal à soy en puissance & en maiesté, il peust avec plus d'autorité aller rembarrier les ennemis de l'Empire, & administrer avec plus de soin les affaires d'iceluy. Tellement qu'il fit passer dès ceste annee vne grande armee en Espagne: laquelle iointe avec le Roy Vvalia fit guerre aux Vvandales, si asprement qu'ils furent chassés de la Betique, mais non pas du tout de l'Espagne: comme tesmoignent Prosper & Sulpitius Seuerus.

D'A V T R E P A R T le Roy de Perse esmeut vne grande persecution contre les Eglises Chrestiennes, qui estoient en son Royaume: à l'occasion de laquelle grand nombre de saints personages furent grandement martyrisés. Marcell. Comes.

E N la mesme annee S. Hierosme natif de Stridon en la Dalmatie, qui auoit esté Prestre en l'Eglise Romaine, mourut le dernier iour de Septembre en l'age de 91. an, laissant sa memoire fort recommandable à la posterité pour le grand sçauoir qui a esté en luy, & pour l'intelligence des langues qu'il a eu; ensemble pour la multitude des liures qu'il a laissez, qui l'ont fait trouuer digne d'estre nommé le second apres S. Ambroise entre les premiers docteurs de l'Eglise. Prosper.

S O V S les dernieres annees d'iceluy furent en bruit Claudianus & Cyrus poëtes excellens, avec Sozomenes historiographe natif de la ville de Salamine en Cypre.

T H O E D O R V S ou Theodolus 40. Euesque & Patriarche de l'Eglise d'Antioche, presida 4. ans. Nicephore.

Commencement

Commencement du regne des François.

Les François apres s'estre logez & accommodez aupres des Bourgades & des villes en la Tongrie, qui est aujourdhuy le pais de Brabant & des enuïrons du Liege, se creerent (comme escrit Gregoire de Tours) des Rois cheuelus de la premiere & plus noble de leurs races. Par lequel tesmoignage il semble euïdamment signifier, que nonobstant que les nations Françoises se fussent de tout temps au parauant conduites & gournées par Royaultez, ceux qui s'estoient venuz loger deçà le Rhin, firent vne nouuelle election de quelques Rois qui ne l'estoient au parauant, ains seulement de race roiale, pour estre gournéz par eux. Car puis qu'ils estoient diuïsez de là le Rhin en plusieurs peuples & nations, il est bien vraisemblable que l'assemblée de ceux qui passerent en la Gaule pour la conquerre, se fit de toutes lesdites nations, ou de la plus part. Et quand ils se furent ioints & meslez ensemble en vn ost, qu'ils prindrent & choisirent tel de leurs Princes que bon leur sembla, pour estre chef & conducteur de leur entreprise. Auquel apres qu'ils se furent logez en la contree des Tungriens, ils firent prendre l'estat & le nom de Roy, afin de se mieux conseruer par luy, au pais par eux conquesté, & de s'auancer encor plus outre: aussi pour prendre souz luy vne forme de police, pour se gouerner en leur nouuelle demeure. Si d'auenture l'opinion qu'Auentin & aucuns autres Chroniqueurs Allemans ont mis en auant, ne plaist plus: qui recitent que les François ne passerent tout d'vne troupe en la Gaule, ains diuïsez en douze bandes souz autant de Capitaines (selon possible le nombre de leurs peuples) chacun desquels se fit seigneur du pais qu'il conquesta. De façon qu'ils se persuadent que les Rois de Cambray, de Tournay, & de Cologne, qui furent cy apres exterminéz par Clouis, procederent delà. D'autant que les villes de Majence, Vormes & Spire tomberent entre les mains de cinq, deux nommez Arbogastes, Haronic, Drogue, Hagonon, & Geberic, avec son fils Gunthare: Cologne, & les circonuoinfines à Sigebert & à ses fils, Litannic & Erric: Teroüane, Cambray, & autres à Lithomare & Richare. Laquelle opinion, si elle estoit bien fondee & appuyee de quelque bon garët, ne se rapporteroit pas plus mal que la precedete au tesmoignage de Gregoire, qui ne parle simplement d'un Roy seul, que les François se creerent en la Tongrie, ains des Rois: encor que ie ne voudrois pas accorder, que ces douze bandes (qu'ils dient) entrerent en la Gaule souz Childeric fils de Merouee, qui auoit (ce disent) la preeminence sur les douze autres. Mais plustost que leur arriuee se fit au temps que nous auons marqué cy dessus. Et que s'il est quelque chose de ces douze Capitaines, que celuy que nos historiens ont appellé Pharamond (fils à leur dire du Duc Marcomire, qui pourroit estre celuy que Stilico auoit cy deuant enuoyé en exil en la Toscane) en fut l'un, lequel se logea au chasteau de Disparguny en la Tongrie, auquel & à ses compagnons on fit prendre l'estat & le nom de Roy, au temps & pour les mesmes causes que nous auons ja exposees. Et ce q̃ les historiens ont fait mention de luy & de ses successeurs seulement, sans parler des autres est possible pource qu'il a esté le tronc & la tige de la race, ou de la suite des Rois, qui ont conquesté le reste de la Gaule, ou qu'il eut quelque preeminence & superiorité sur ses compagnons. Et d'autant aussi qu'il est escrit entre les chapitres de la loy Salique que nous auons, qu'elle fut faite par les François, qui occuperent ce qui est de la Gaule depuis la forest Charbonniere, iusques à la Loire & la Ripuaire, pour ceux qui s'arresterent entre les riuieres du Rhin, de l'Escaut & de la Meuse (dont ils ont esté appelez Ripnaites, ou Ripuariens & Ribarots) celà me fait estimer que Pharamond & ses successeurs commanderent iusques à Clouis, sur la bande seulement des François, qu'on appelloit Saliés, lesquels nous prenons pour ceux qui estoient partis des peuples de la nomination Françoises les plus eslongnez du Rhin, qui faisoient le train ordinaire de la guerre: allans continuellement chercher leur aduenture au loing, & conquerre nouuelles terres, ou faire courses soudaines & inopinées, la part où ils pensoient faire profit, sans s'arrester guerres en lieu certain. Et qui ne se contentans de la part qui leur estoit aduenue en la Tongrie, se voulurent estendre plus auant, avec les nouuelles troupes des peuples François d'outre

le Rhin, qui se vindrent apres les precedetes ioindre à eux, pour auoir part à leur fortune. D'autant que les autres premiers venus, qui estoient possible issus des peuples les plus proches du Rhin, se contenterent de demeurer en repos, és lieux où ils trouuerent leur gîte entre les trois riuieres susdites plus commode qu'en leur propre país, sans vouloir aller gouster de l'incertain. Si d'auenture il ne fut ainsi ordonné entre eux tous, qu'il en demurerait aucuns d'eux pour la garde du país premier conquis : à fin de seruir de retraite aux autres, qui seroient partis pour cōquester nouuelles terres, si leur entreprise ne venoit à bien. Dont ils furent nōmez Ripuariens, qui eurent leur loy à part dite Ripuaire, à cause qu'ils firent comme vn meſnage ſeparé des autres, lesquels porterent avec eux leurs propres polices & leurs loix, qui prindrent le nom de Saliques és país qu'ils conqueſtrent, entre la forest Charbonniere & la Loire, où fut la borne de leurs conquestes & Empire, iusques à la deffaite des Vviſigots par le Roy Clouis. Si doncques ainſi eſt que les François ayent fait nouuelle election, ou d'un ſeul Roy ou de pluſieurs en la Tongrie; ie ne voy point pourquoy on doie trop ſcrupuleuſement douter de celle de Pharamond, pour ceſte raiſon que Gregoire n'en a point fait de mention, puis qu'elle eſt teſmoignee par Ado auheur ancien des plus doctes & moins fabuleux, & qui merite plus de foy, qu'on n'en voudroit donner aux eſcrits du moine Aimon, & de l'Abbe Triteme: eſtant vray ſemblable qu'il ne la point eſcrite ſans bon teſmoignage ou garent. Ioint que Gregoire demonſtre aſſez euidentement au lieu que nous auons allegué, que les François ont eu quelque Roy en la Tongrie deuant Clodion. Pource qu'en parlāt d'iceluy, il ne dit point qu'il a eſté le premier Roy eſleu, ains ſeulement, *Ferunt autem tunc Clogionem vtilem ac nobiliſſimum in gente ſua Regem Francorum fuiſſe, qui apud Diſpargum habitabat, quod eſt in termino Turingorum.* Quant à ce que le meſme auteur n'a pas ſimplement dit que les François ſe creerēt des Rois, mais des Rois Cheuelus: ce ſurnom là ne conferme pas ſeulement noſtre iugement d'une nouuelle election de Rois, mais auſſi nous fait eſtime ou coniecturer que les François ordonnerent d'un commun aduiſ lors de l'election d'iceux, qu'eux & leurs ſucceſſeurs porteroient doreſnauant leur cheuelure longue & de façon royale, ſuyuant la couſtume des autres Rois de la Germanie, pour eſtre par icelle diſcernez d'avec le populaire. Car on voit eſcrit que les Rois ſe cognoiſſoiēt apres leur mort, & dedans leurs ſepulchres d'avec les autres, par leur longue cheuelure: & qu'auoir la cheuelure coupee eſtoit ſigne de n'eſtre de la lignee royale. Mais qui voudroit tirer argument de là, que les François eſtoient Sicambriens, il faudroit auſſi faire entendre pourquoy tous ne portoiēt la longue cheuelure comme leurs Rois, & comme auoient fait les anciens Sicambriens. Combien que ie ne voudroy point debatre que ceſte nouuelle famille de Rois de laquelle Clouis eſtoit deſcendu, ne fuſt ſortie des peuples qui habitoient particulierement le país des anciens Sicambriens. Pour raiſon dequoy S. Remy en le baptizant l'appella Sicambrien, à l'exemple des Poētes de ſon ſiecle, & de ceux qui ont veſcu ſouſ les derniers Empereurs, qui ont ſouuentesfois confondu le nom des François & des Sicambriens enſemble: appellans ſelon leur ancienne liberte Sicambriens les peuples de la nomination François, qui habitoient dedans & aupres le país que les Sicambriens auoient anciennement habité. Car i'oſe bien aſſeurer qu'il ne ſe trouue point aucun auheur, autre que Poēte, ayant veſcu ſouſ & depuis les derniers Empereurs de Rome, qui ait fait mention ny oy parler d'aucun peuple portant nom de Sicambrien, és ſiecles deſquels nous parlons. Or que l'election de ces Rois Cheuelus ſe ſoit faite en la Tongrie, ou Toringe Gallique, qui eſt deçà le Rhin, & non en la Turingie de la Germanie, celà ſ'entend aſſez de ce que Gregoire adioute incontinent apres ce qu'il a dit cy deſſus, *In his autem partibus, id eſt ad meridionalem plagam habitabant Romani uſque Ligerim: ultra Ligerim Vviſigothi: Burgundiones quoque Arrianorum ſeſſam ſequentes habitabant trans Rhodanum.* Parquoy ſuyuant ce teſmoignage-là, les François qui ont occupé les Gaules, eſleurent leurs premiers Rois deçà le Rhin, & y habiterent dès deuant que Clodion regnaſt ſur eux. Occaſion pourquoy Proſper a eſcrit qu'ils furent chaffeſ des país qu'ils occupoient au pres du Rhin par Aëtius l'an 427. Cependant encor que ie trouue le temps auquel Pharamond fut eſleu incertain, pource que pas vn de noſ anciens hitoriens ne l'a remarqué, & que les modernes n'en ſont d'accord non plus que du nombre des anneés qu'ils diſent qu'il a regné: car aucuns Chroniqueurs Allemans en cōptent 7. ſeulement, autres 9. Onufrius 14. mais quaſi tous noſ Annaliſtes François ſuyuant Sigebert conuiennent de dix ou vnze, lesquels ils commencent l'an 419. ou 420.

de

de nostre salut) il m'a semblé que ie ne pourroy estre reprins si en suyuant la plus commune opinion ie couche souz ceste annee le propos de l'election des premiers Rois des François qui ont regné en la Gaule, avec le commencement du compte de la succession d'iceux, & des temps de leurs regnes en ce pais. D'autant mesmement que ie n'estime pas qu'on se puisse grandement fouruoyer en ce faisant, puis que les François ne peuuent auoir occupé & empieté la Tongrie, que depuis la seconde course & entree qu'ils firent en Gaule, où ils pillerent & bruslerent la grande cité de Treues, qui fut (comme nous auons déclaré cy deuant) enuiron l'an 414. Quand nous aurons dit que le nom de Pharamond se prononce en langue Germanique Vvarmond, qui vaut autant à dire comme veritable ou tuteur, nom possible correspondant à sa signification, ie ne sçay si outre ce que nous auons ja recité de luy il s'en pourra d'auantage trouuer escrit en aucun ancien historien, i'entens des plus approuuez. Car ce que Hunibauld de Triterius en raconte me semble fort suspect & mal asseuré, n'estans moins esmerueillé de ce qu'il se trouue des doctes qui en font mise comme d'un bon auteur. A ceste cause ie ne m'efforceray d'en dire d'auantage de peur de proposer des illusions, ou des comptes scholastiques, pour des faits historiques: sinon qu'Ado, Aimon, Sigebert, Othon de Frisingen & autres tesmoignent, que souz luy les François commencerent de se regler & policer de certaines loix, lesquelles il leur fit composer par quatre des principaux Barons de son Royaume, nommez Vvisogast, ou Vvisouast, Bodegast, Sologast & Vvidogast: lesquels comme legistateurs iugeoient de toutes causes & differents. Mais la preface qui est deuant le liure de la loy Salique, sans faire mention de Pharamond, declare qu'elles furent faites delà le Rhin en trois villes qu'on appelloit Selehain, Bodohain & Vvidohain, où cesdits legistateurs tindrent trois diettes ou Parlements, pour y recercher & recueillir toutes les causes & matieres sur lesquelles ils deueroient ordonner articles de loix. Ce qui nous pourroit faire penser qu'elles auoient esté faites par un commun aduis & consentement de tous les peuples & nations du nom & de la communauté des François, de possible aussi deuant Pharamond, qui en auroit toutesfois esté estimé l'auteur, à cause qu'il les fit obseruer le premier, avec la police qu'il ordonna aux François qui l'esleurent en la Gaule pour Roy. La difficulté est si faut croire avec Sigebert & Othon de Frisingen qu'elles furent dites Saliques dès le commencement, & que la Ripuaire n'ait esté qu'une branche d'icelles accommodée aux Ripuariens. Ou si elles prindrent seulement le nom de Saliques & de Ripuaires quand elles furent diuersifiées pour la police & vsage particulier des peuples qui demeurerent entre les trois riuieres, & des autres qui occuperent les pais d'entre la forest Charbonniere & la Loire. D'autant qu'il semble qu'il y eut un mesnage separé entre ces peuples-là, iusques à ce que Clouis eut reduit les Royaumes de Colongne & Cambray & autres en ses mains: pource qu'il ne commandoit sur iceux au parauant, ou c'estoit d'autre façon que sur les autres pais de son propre Royaume.

A v reste on doit prendre garde que depuis que les François, les Vvandales, Bourguignons, & leurs compagnons eurent quitté la Germanie, pour venir prendre leurs giste en la Gaule, que tout s'y est veu tellement changé, qu'on n'y a onques depuis ouy parler d'aucuns autres noms des anciens peuples d'icelle, que des Saxons, des Frisons, des Turingiés, des Sueues, François orientaux, Baioariens, & Allemans, & si on veut des Auarois: iusques enuiron cent ou deux cens ans apres que les Esclauons se sont venuz nicher en icelle avec eux, chassans les reliques des Sueues de leur ancien pais, si bien qu'ils les ont fait confondre & meller avec les Allemans.

<i>Du Monde.</i>	4547	<i>Papes.</i>	2	<i>R. des François</i>	2
<i>De Rome.</i>	1172	<i>E. d'Orient.</i>	14	<i>R. des Vvisigoths.</i>	6
<i>De Iesus Christ.</i>	421	<i>E. d'Occident.</i>	27	<i>R. des Vvandales.</i>	11
<i>Indiction.</i>	4	<i>R. de Perse.</i>	1	<i>R. des Lombards.</i>	32

FLA. AGRICOLA, & FLA. EVSTATIVS, Consuls.

HONORIVS apres auoir déclaré son beaufreere Constantius Auguste, le signifia à l'Empereur Theodose à Constantinople: qui en fut si peu content, qu'il ne voulut en aucune

forte approuuer ceste association, ny voir l'effigie du nouveau Auguste qu'on luy auoit enuoyee selon la coustume. Ce que Constantins print si à cœur, qu'il s'en laissa mourir de desplaisir, à ce qu'aucuns ont écrit, enuiron le sixiesme mois de son Empire : laissant vn fils nommé Valentinian, qui fut cy apres Empereur troisieme de ce nom, souz la tutelle de sa mere Placidia : pource qu'il estoit lors encor au berceau. A cause de quoy l'Empereur Honorius pourueut le vaillant Ætius, Gentil-homme de grande experience, de la charge des guerres, & de toute la gendarmerie d'Occident. De sorte qu'il partit aussi tost (à ce qu'aucuns ont écrit) pour aller au secours des Vvifigots en Espagne, où ils faisoient guerre aux Vvandales. Prosper, Cassiodore, Iordanes, P. Diacre.

Ce pendant Theodosius Empereur d'Orient espousa en la mesme annee la Princesse Eudoxia, fille d'un Leontius sophiste d'Athenes, qui estoit fort eloquente & docte, laquelle luy enfanta l'annee ensuiuante vne fille nommee aussi Eudoxia. Marcell. Comes.

De la fondation de la Cité de Venise.

LES HVNS estans souz la conduite de leur Roy Mandulchus, ou selon d'autres, de son fils Attila entrez avec vne merueilleuse armee dedans l'Esclauonnie, dicte lors Dalmatie, mirent les Italiens qui habitoient le pais de Padouë & des lieux circonuoisins (qu'on nommoit Venitiens) en tel effroy, qu'ils se transporterent avec tous leurs meubles, en l'isle de la mer Adriatique nommee Realte pour y estre à sauueté. Et depuis y edifierent quelques maisons & edifices pour leur demeure. Ce qu'on tient auoir esté le premier commencement & origine de la fondation de la fameuse cité de Venise : ainsi nommee à raison de ceux qui en furent les fondateurs, selon que M. A. Sabellic liure premier Enneade huitiesme, & liure premier de son histoire Venitienne, avec Volaterranus tesmoignent. Combien qu'Onufrius Panuinius nous afferme auoir leu en quelques bien anciennes inscriptions qui sont à Venise, que les premiers fondemens d'icelle furent iettez l'an 31. de nostre salut. Mais Blondus a estimé que ce fut seulement au temps qu'Attila print & ruina la cité d'Aquilee.

ISDIGERTES Roy des Perles mourut en l'an vingt-vniesme annee de son regne, ayant esté (comme nous auons dit cy deuant) amy des Romains iusques à sa mort. Et pource que Marcell. Comes tesmoigne qu'il y eut guerre & bataille donnee en ce Consulat entre les Romains & les Perles, nous estimons que ce fut apres que Varanes ou Varananes eut succedé à la couronne dudit Isdigertes son pere : le regne duquel dura (tesmoin Agathius) vingt ans. Car Procopius en son liure premier de la guerre Perlique tesmoigne, qu'aussi tost qu'il se trouua establi au siege royal, qu'il entra avec vne grande armee dedans les prouinces de l'Empire pour y faire actes d'hostilité : neantmoins toutesfois qu'il en partit bien tost deuant que d'y auoir fait aucun exploit memorable. Pource que l'Empereur Theodose enuoya vers luy en tiltre d'ambassade son Lieutenant es prouinces d'Orient, qui se nommoit Anatolius, qui le sceut si bien gaigner, qu'il remporta vn renouvellement & composition de paix, telle que l'Empereur demandoit : par laquelle nul des deux Empereurs ne deuoit faire bastir aucune nouuelle forteresse sur les limites de son Empire. Mais Marcellinus monstre que ceste paix fut refaite l'annee d'apres avec les Perles, par le moyen que recite Socrates liure septiesme chapitre dix-huitiesme de son histoire Ecclesiastique. Combien que Cedrenus tient que ce fut suyuant les conditions d'un combat singulier qui fut entre vn Romain & vn Perse. Paul Diacre liu. 14. dit que l'Empereur fit paix avec Varanes, afin qu'il traitast plus gracieusement les Chrestiens qui estoient en son Royaume.

THEODORET Euesque de la ville nommee Cyrus, homme de grand sçauoir & doctrine, selon que ses écrits dont il a laissé grand nombre en toutes especes de science

sciences tesmoignent, florissoit en ce temps. Auquel aussi viuoient Acaïus d'Amidene, Saint Paulin de Nola, Zenobius de Florence, Petronius de Bologne, Eucherius de Lyon, Brice de Tours, Philastrius de Bresses, Euesques de grande erudition & pieté. Eua-grius, Nicephore, Prosper.

<i>Du Monde.</i>	4548	<i>Papes.</i>	3	<i>R. des Ostrogoths.</i>	3
<i>De Rome.</i>	1173	<i>E. d' Orient.</i>	15	<i>R. des Vvisigoths.</i>	7
<i>De Iesus Christ.</i>	422	<i>E. d' Occident.</i>	28	<i>R. des Vvandales.</i>	12
<i>Indiction.</i>	5	<i>R. de Perse.</i>	2	<i>R. des Lombards.</i>	13
		<i>R. des François</i>	3	<i>R. des Escossois.</i>	1

FLA. THEODOSIVS AVG. pour la 10. fois, & FLA. HONORIVS AVG. pour la 13. Consuls.

DEUX certains Capitaines nommez Maximius & Seuerinus ou selon Iornandes, Iouinus, qui s'estoient osez inuestir du tiltre & auctorité d'Empereur en Espagne, furent bien tost apres deffaits & chastiez de leur temerité, estants enuoyez à l'Empereur Honorius à Rome, où ils furent executez à mort, comme tesmoigne Marcellinus Comes. Dequoy toutesfoistous les autres historiens Latins qui ont esté de ce temps, ou n'en ont pas esté fort eslongnez, n'en font aucune mention, comme Prosper & Cassiodore: ny les Espagnols aussi, comme Idatius & Sulpitius Seuerus, sinon Iornandes, nonobstant qu'ils conuiennent tous que ceste mesme annee, les Alains & Vvandales coururent & rauagerent le pais de Grenade & de Portugal avec telle licence, qu'Aerius (à ce qu'aucuns des precedents disent) qui auoit charge de leur faire teste, ne fosa presenter deuant eux, estant contraint de se tenir au pais d'Arragon. A cause dequoy l'Empereur le rappella, & enuoya en son lieu vn autre Capitaine nommé Castinus avec nouvelle armee; qui fut aussi peu hardy que son predecesseur: de sorte qu'il n'osa onques affronter l'ennemy, que premierement Boniface Gouverneur d'Afrique, Capitaine bien experimenté, ne se fust avec ses legions venu ioindre à luy. Ce nonobstant il se comporta tant immodestement & insolemment enuers luy, qu'il fut cause de le faire retirer avec vn fort mauuais contentement en Afrique: dont s'ensuiuit la calamité qui tomba cy apres sus l'Empire Romain. Ce que Prosper & Cassiodore disent estre adueni en ce Consulat. Mais Idatius adioute, qu'apres le depart de Boniface, Castinus poursuiuit si asprement les Vvandales, qu'il les auoit presque amenez au point de se rendre, quand il se voulut hazarder d'acheuer de les deffaire totalement. Car le desespoir les fit prèdre tel courage à se defendre, qu'ils le mirent avec son armee honteusement en routte, le contraignant de se sauuer au pais d'Arragon: pource que la gendarmerie estrangere qu'il auoit lors avec luy, ne fait pas bien son deuoir. A ceste cause Saluianus Euesque de Marseille liure septiesme du gouuernement de Dieu, compare la folie & temerité dont ce Capitaine Romain combatit ceste fois les Vvandales, à celle de Littorius, quand il combattit cy apres les Gots, disant: *Non dissimiliter illud etiam apud Vvandalos, ad quos cum in Hispania sitos pars nostra pergeret, tantamque ad debellandos eos presumptionis fiduciam ferret, quantam ad Gothos, pari superbia fastu, pari exitu corruerunt.*

ANDRAN Roy de la petite Bretagne mourut, & luy succeda son fils nommé Budic, qui regna vingt six ans, au rapport des Annales de la petite Bretagne. Mais nous monstrerons cy apres le peu de creance qu'on y doit adiouter. Toinct qu'Hector Boethius en son histoire d'Escoffe, tient que ledit Adrian regnoit encores l'an quatre cens soixante vn: Et que le Royaume de ladite Bretagne ne fut commencé que depuis l'an quatre cens trente vn.

D

De l'origine & commencement du Royaume d'Escoffe.



Es ESCOSSOIS se vantent en leurs histoires, auoir tiré leur origine d'une troupe de Grecs & Egyptiens : lesquels meslez ensemble se mirent sur mer pour aller chercher leur fortune : & furent premierement portez en Espagne, où apres auoir fait quelque sejour, reprindrent la route de Septentrion. Tellement qu'ils aborderent en l'isle de la grande Bretagne 233. ans deuant la natiuité nostre Seigneur : & y establirent leur demeure, en la region qu'ils habitent encor auioird'huy ; si bien que leur regne y dura sans quelque interruption, souz le gouuernement de quarante Rois, iusques au temps de l'Empereur Maximus, qui tua leur Roy Eugene premier du nom en vne bataille, avec la pluspart de la noblesse Escossoise : & chassa consequemment tout le reste de leur pais : tellement que force fut aux vns de se retirer au pais de Dannemarc, aux autres en la Germanie, où ils demurerent bannis & vagabons l'espace de quarante & quatre ans, iusques à ce qu'ils virent les cartes si bien broüillees par tout l'Empire Romain, qu'ils cogneurent qu'il y faisoit bon pour eux à recouurer leur pais. A l'occasion dequoy il se rallierent souz la conduite d'un *Fergusius* nepueu de leur dernier Roy Eugene. Et par les moyens qu'ils trouuerent, ils aborderent finalement en leur ancien pais, qui estoit lors si mal gardé des Romains qu'il leur fut facile d'y remettre le pied, & d'en reprédre la possession du tout, y reestablisant leur Royaume, d'oit ledit *Fergusius* porta le premier la couronne : laquelle il defendit fort brauement iusques à sa mort (par l'espace de neuf ans) à l'encontre des Romains. Telle est l'opinion que les Escossois ont de leur origine, & du reestablissement de leur Royaume : selon que recite Hector Boëthius & autres en l'histoire d'Escoffe, qui rapportent aussi le retour desdits Escossois en leur pais en l'an de nostre Seigneur 422. Mais les autres gens de sçauoir, & ceux qui peuuent iuger droitement des histoires, s'aduissent bié que les escriuains d'Escoffe, pour se flatter en leur ancienté, se sont legerement fait accroire les fables que quelques songeurs ont inuentees pour histoires bien certaines & verifiees de l'origine, succession & gestes de leurs anciens Rois. Qui est cause que ie n'en ay osé charger le papier cy deuant : m'estât proposé de n'ensuiure que ce que j'auray trouué confirmé & auctorisé par escritures authentiques, & par approbation aussi de bons auteurs. Car encores que nous ayons vn tesmoignage en Cornelius Tacitus, au liure de la vie de Iulius Agricola, que les habitans de la Calidonie sembloient estre originaires de la Germanie, & les Silures des Hiberes ou Espagnols : ce n'est pas pour conclure qu'il ait parlé de la nation des Pictes, ny des Escossois : d'autant mesmement que Gildas les appelle nations Transmarines, qui commencerent les vnes du costé du vêt Circius, les autres de l'Aquilon, à harceler la Bretagne de courses & de voleries par plusieurs annees, depuis que le tyran Maximus en eut amené avec luy toute la ieunesse, & toute la gendarmerie qu'elle auoit pour sa defense. De sorte qu'il fallut auoir en fin recours à l'Empereur, qui y enuoya vne legion, par la vertu de laquelle les Bretons furent conseruez pour vn temps des fascheres de leurs ennemis. Mais quād elle s'en fut retournée à Rome, ils recommencerent à venir iouer leurs ieux accoustumez plus asprement qu'au parauant. Tellement qu'il fallut auoir vne autre legion : la venue de laquelle les fit aussi tost retirer au lieu où ils faisoient la retraite de leurs proyes. Qui fut cause que les Romains cognoissans qu'il seroit trop penible & fascheux à vne armee de faire souuēt telles venues & allees pour des brigades, vagabonds, fuyars & mal-adroits à la guerre, enseignerēt aux Bretos la maniere de se defendre eux-mesmes par les armes, & de fortifier leurs villes. Et puis auant que partir, pour ne plus retourner, leur firent redresser & remparer le mur qu'on auoit autresfois esleué, par lequel les ennemis souloient se ietter dedans les prouinces que tenoient les Romains en la Bretagne. Pour tout celà neantmoins les Escossois & Pictes ne furent retardez ny empeschez d'aller reuoir les Bretons pour la troisieme fois : & de descharger leur tempeste plus furieusement sur eux qu'ils n'auoient encores fait, apres auoir trouué si peu de resistance à la defense du mur, qu'ils l'eurent incontinent ietté par terre : dont les cōplaintes & gemissemens furent portez par vne lettre au Capitaine *Ætius* pour la 3. fois Consul. Qui est pour

est pour monstrier que deuant le troisieme Consulat d'iceluy, les Piétes ne les Escossois n'auoient encores planté leur demeure dedans l'Angleterre. D'autant, comme tesmoignent aussi avec Gildas Beda, P. Diacre liure 14. Ado & autres, qu'à toutes les fois que les legions Romaines allerent au secours des Bretons contr'eux, ils les contraignirent de repasser la mer, estant leur retraite en l'Hybernie. Tellemét que Gildas appelle en vn endroit les Escossois Hybernien : & Beda semblablement au commencement de son histoire Ecclesiastique : dont on peult aussi conclure qu'ils faisoient alors leur demeure en icelle. Ioinct que Claudianus en ses poësies à l'Empereur Honorius nous tesmoigne, qu'elle estoit ia leur patrie dès le temps de l'Empereur Valentinien premier, souz lequel ils furent subiuguez par Theodosius Lieutenant d'iceluy. Quant à leur Roy, ie n'oserois pas nier qu'ils n'en ayent eu, ou pour le moins commencé d'en auoir, quand ils se voulurent esmouuoir contre les Romains : pource qu'ils ne se fussent peu conduire ny faire acte de gens de guerre, sans auoir quelque chef. Ioinct que Beda leur donne vn Roy qu'il nomme Reuda, quand ils entrerent premierement en la Bretagne. Et puis Paul Diacre tesmoigne que la premiere legion Romaine, qui alla au secours des Bretons contre les Escossois, fut enuoyee par l'Empereur Honorius. C'est vn aduertissement que ce ne fut gueres loin du téps que les histoires d'Escoffe ont noté, que les Escossois commencerent ou recōmencerēt troubler l'Angleterre, & à se gouuerner par Rois. Parquoy ie feray moins de difficulté cy apres de les enuiure, en ce qu'elles reciterōt des affaires de leurs Rois, & de leur natiō.

Vn Synode fut assemblé ceste annee en la ville de Hippo par saint Augustin Euesque d'icelle contre les Arriens. Enuiron lequel temps aussi, ou quelque peu auparauant, il publia ses liures contre les Pelagiens, estant incité à ce faire par le Pape Boniface. Prosper.

Du Monde.	4549	Papes.	4	R. des Visigoths.	8
De Rome.	1174	E. d' Orient.	16	R. des Ostrogoths.	8
De Iesus Christ.	423	E. d' Occident.	29	R. des Vandales.	13
Indiction.	6	R. de Perse.	3	R. des Lombards.	1
		R. des François.	4	R. des Escossois.	2

FLA. ASCLEPIODOTVS, & PRETEXTATVS MARINIANVS, Consuls. Honorius Empereur d'Occident, ayant atteint la 39. annee de son aage, & le 28. de son Empire, avec 11. mois & 10. iours, mourut le 15. iour d'Aoust en la ville de Rauenne, sans laisser aucuns enfans. Au moyen dequoy l'Empire sembloit deuoir reuenir au ieune Valentinian son nepueu, fils de feu Constantius Cesar, & de sa sœur Placidia : mais pource qu'il n'estoit lors aagé que de cinq ans, vn nommé Ioannes, qui n'estoit que son maistre Huissier, les autres disent son premier Secretaire, fosa par le consentement ou conuenance de Castinus Coronal de la gendarmerie, mais sans la permission de l'Empereur Theodose, inuestir de la dignité Imperiale d'Occident. Et se mit si bien en point de la defendre, qu'il se maintint en icelle l'espace de deux ans & de quelque peu plus de deux mois. Prosper, Marcell. Comes, Socrates liu. 7. chap. 22. Cassiodore, Jornades. Combien que Procopius luy donne cinq ans, declarant qu'il fut Prince iuste, vertueux, debonnaire, & nullement tyran, cruel, ny auare : pour toutes lesquelles vertuz toutesfois il ne peut en aucune façon induire l'Empereur Theodose par ses prieres & soubmissions à confermer & approuuer son fait : d'autant que la Princesse Placidia sa tante s'y opposoit pour le ieune Valentinian son fils, avec lequel elle s'estoit retiree dès le commencement de ceste annee à Constantinople : pource qu'elle se voyoit estre tombee en mauuaise opinion enuers l'Empereur Honorius son frere, pour quelque soupçon qu'il auoit cogneu qu'elle complotoit avec ses ennemis, contre son estat. Qui fut cause qu'il institua le Capitaine Aëtius grād Maistre de son Palais, & l'enuoya vers les Huns pour cōtraçter alliance avec eux en son nom, afin qu'il fust secouru de leurs moyens à defendre son estat. Gregoire de Tours.

AGELMOND premier Roy des Lombards fut occis en vne bataille par les Bulgariens. Au moyen dequoy Laamissio son fils qu'il auoit engendré en vne cōcubine luy fut subrogé : lequel regna en la Rugilandie l'espace de trois ans. Prosper, P. Diacre.

BONIFACE Euesque de Rome mourut (au rapport d'Onufrius) le 24. iour d'Octobre. Et apres que son siege eut demeuré vacquant l'espace de 9. iours, Celestinus 1. de ce nom fils d'un Priscus citoyen Romain, fut esleu le 24. iour de Nouëbre, pour gouuerner l'Eglise

Romaine apres luy. Ce qu'il fit, au cōpte du mesme auteur, par l'espace de 8. ans, 5. mois, 3. iours. Ce Celestin est celuy, à qui l'Epistre, qui entre les actes du Concile de Carthage fut enuoyee: où il est repris de ce qu'il fut le premier qui adioustât foy aux mensonges d'un certain Appiarius (sans s'estre informé de l'Eglise, par laquelle il auoit esté excōmunié) le receut & admit à la cōmunion, contre l'ordonnāce de tous les anciens Canons, luy donnant faueur, pource qu'il auoit eū recours au siege Romain. Et puis l'admōnesta de n'estre point vne autre fois si prōmpt & soudain à vser de telle façon de faire enuers ceux qui aurōt esté excommuniez des Eglises d'Afrique, & qui voudront auoir recours à l'Eglise Romaine: d'autant que celà contreuiuent aux determinations du Concile de Nicee, & des anciens Peres. Finalement est exhorté derechef de se deporter de telles manieres de faire, qui ne peuvent qu'introduire orgueil & ambition en l'Eglise, au lieu de simplicité & d'humilité qui y sont requises. Au demeurāt Prosper escrit que sans luy les conuēticules & assemblees des Manicheens, qui s'estoient iusques à la 20. annee de l'Empire du ieune Theodosius occultement & clandestinement maintenuës à Rome, furent par Leon Diacre descouuertes, & la turpitude de leurs heresies diuulguee; si bien qu'ils furent condamnez, & leurs liures bruslez. Vincētius Lirinensis declare semblablement qu'il escriuit aux Prestres des Gaules, où il les arguoit de tolerer trop laschemēt aucunes nouueautez prophanes, que quelques vns introduisoient en leur Eglise, disāt ces mots: *Desinat, si ita res est, incessere nouitas vetustate.*

Du Monde.	4550	Papes.	1	R. des Vvisigoths.	9
De Rome.	1175	E. d'Orient.	17	R. des Ostrogoths.	9
De Iesus Christ.	424	E. d'Occident.	1	R. des Vvandales.	14
Indiction.	7	R. de Perse.	4	R. des Lombards.	2
		R. des François.	5	R. des Escossois.	3

FLA. VICTOR, & FLA. CASTINVS, Consuls.

THEODOSE Empereur d'Orient, ayant mis sus vne grande armee contre Iean occu-pateur de l'Empire Occidental, crea son cousin Placidius Valētinianus Cesar, & l'enuoya avec sa mere Placidia, accompagné de son armee, souz la cōduite du Comte Ardabure, vn de ses principaux Capitaines, & de son fils Aspar: lesquels pensans surprendre facilement le Tyran dedans Rauenne où il se tenoit, s'aduiserent que Aspar feroit marcher par terre par la coste de la Dalmatie, iusques au païs d'Aquilee: & qu'Ardabure mōteroit sur les nauires pour venir aborder par mer à Rauenne; comme il fit: mais la tēpeste fut cause qu'il n'y aborda en telle façon qu'il s'estoit proposé. Car estans ses vaisseaux dissipéz, il tōba entre les mains des soldats du Tyran; lequel en luy faisant vn traitement d'amy plustost que d'ennemy, s'auança l'occasion de sa ruine par luy. Cepēdant l'armee de Valentinian entra dedās la ville d'Aquilee, & se fortifia dans icelle. Auquel temps ledit Iean se voulant ioindre l'Afrique, y auoit enuoyé vne armee, qui fut repoussée par le Comte Boniface. Prosper, Marcellinus Comes, Socrates liu. 7. chap. 24. Nicephore, P. Diacre.

VTACVS Roy des Alains en Espagne, fut en ce temps deffait & occis en vne bataille, avec grand nombre de ses gens par Vvallia Roy des Vvisigoths: de façon que ce qui resta d'Alains, fut contrainct de se mettre en la protection des Vvandales. Chroniq. ancienne des Vvisigoths. Ce que les autres ont rapporté cy deuant.

IULIAN Euesque d'Atenelense maintenoit & publioit en ce temps l'heresie de Pelagius. Mais Leon Diacre de l'Eglise Romaine (qui fut depuis Pape) s'opposa si vertueusement à luy par ses escrits, qu'il le fit taire. Prosper.

JEAN surnommé le Grammarien, 41. Euesque d'Antioche, gouerna son Eglise 18. ans, apres le trespas de Theodotus, qui l'auoit administree 36. ans. A la fin desquels Theodoret Historiographe qui viuoit en ce temps, finit son histoire Ecclesiastique, comprise en six liures, contenant les choses aduenües en l'Eglise en l'espace de 105. ans.

Du Monde.	4551	Papes.	2	R. des François.	6
De Rome.	1176	E. d'Orient.	18	R. des Vvandales.	15
De Iesus Christ.	425	E. d'Occident.	2	R. des Lombards.	3
Indiction.	8	R. de Perse.	5	R. des Escossois.	4

FLA.

FLA. THEODOSIUS AVG. pour la II. fois, & FLA. PLACIDIUS VALENTINIANVS CESAR, Consuls.

ESTANT l'armée dudit Valentinianus arrivée en Italie, pource qu'il le Tyran se deffioit peu d'icelle, Ardabure fit secrettement aduertir Aspar son fils du moyen qu'il y auoit de le prendre au despourueu. Lequel fut si heureusement executé, que Aspar entra sans empeschement dedans Rauenne, & y trouuant l'usurpateur de l'Empire, l'enuoya à la Princesse Placidia, qui le fit cruellement mourir. Ce qui fut la fin de ceste guerre & la façon par laquelle l'Empire d'Occident reuint sans plus grand effort au ieune Valentinian, qui print au moyen de ce le nom d'Auguste, par le consentement de l'Empereur Theodose, sous lequel il commanda en Occident iusqu'à son trespas l'espace de 29. ans, 5. mois, 3. iours, apres auoir enuoyé Castinus en exil, conuaincu d'auoir trop fauorisé le tyran defunct. Mais il pardonna à Aëtius, en consideration de ce qu'il auoit esté cause de faire retourner les Huns en leurs pais, qui venoient au seruice de Jean, sans auoir fait mal à l'Italie: ainsi qu'il auoit esté auteur de les y faire venir. Tellement qu'il fut enuoyé deslors en la Gaule, où les cartes estoient grandement brouillees, à l'occasion des troubles d'Italie. Qui auoient incité les Vvisigots d'entreprendre sur les limites de l'Empire: à cause possible qu'ils ne s'estimoient estre tenez d'aucun accord avec l'usurpateur de l'Empire. Tellement que leur armée estoit allée camper deuant la ville d'Archillas (ainsi l'appelle Prosper, mais la Chronique des Vvisigots dit que ce fut la ville d'Arles) laquelle ils battirent de grande furie, iusques à ce que l'arrivée d'Aëtius les fit leuer hôteusement leur siege, apres les auoir lourdement bourrez en vne alarme qu'il leur donna: estât comme on cognoist par les Epistres de Sidonius Apollinaris accompagné d'Auitus patrice & Sénateur d'Auvergne en ceste entreprinse: laquelle ie ne pense point s'estre faite sous le Roy Theodoric, ains plustost sous le Roy Vallia.

ATTECVS Euesque de Constantinople mourut en la 21. année de son Episcopat. Au moyen dequoy Syntius luy fut apres vne grande contenance substitué le dernier iour de Feurier de l'an ensuyuant: tellement qu'il presida vn an, 9. mois, 25. iours. Socrates liu. 1.

Av mesme temps Iuuenalis fut ordonné Euesque de Ierusalem, où il presida 39. ans.

Les Goths occuperent ceste année selon P. Diacre aucunes villes du pais de Thrace, & y demurerent l'espace de 8. ans: s'estans les Gepides & Avarois accommodez quelque peu au parauant es villes de Singidon & de Sirmium en la Pannonie.

Du Monde.	4552	Papes.	3	R. des François.	7
De Rome.	1177	E. d'Orient.	19	R. des Vvisigoths.	12
De Iesus Christ.	426	E. d'Occident.	1	R. des Vandales.	16
Indiction.	9	R. de Perse.	6	R. des Lombards.	1
				R. des Escossois	5

FLA. THEODOSIUS AVG. pour la 12. fois, & FLA. PLACIDIUS VALENTINIANVS AVG. pour la 2. fois, Consuls.

SOVS lesquels Felix fut fait maistre de toute la gendarmerie imperiale d'Occident.

CASTINVS prit à tel despit de se voir estre condamné à exil, qu'il entreprit de s'en venger sur l'Afrique par le moyen d'une armée qu'il y fit passer, l'ayant facilement assemblée au moyen de la dignité qu'il auoit eüe. Mais il fut lourdement repoussé par le Comte Boniface, selon qu'il se peut cognoistre d'une Epistre qu'il en escriuit à S. Augustin. Mais d'autant que ce fait luy augmenta sa gloire & reputation, d'autant aussi luy suscita-il d'envie & de ialousie enuers le Capitaine Aëtius, qui vint à craindre qu'iceluy n'en entraist en plus grand credit & autorité enuers le ieune Empereur & sa mere, & que le sien en fust plus reculé & diminué. Tellement que pour preuenir ce danger, il imprima fausement en l'opinion de l'Imperatrice Placidia, qu'iceluy se preparoit à faire seigneur de l'Afrique. Et puis aduertit Boniface par vne autre malice, de se donner de garde des aguets de l'Imperatrice, qui auoit mauuaise opinion de luy, & se deliberoit de luy faire vn mauuais tour. Qui fut cause que pour mandement qu'elle luy fist, il ne voulut partir d'Afrique pour aller vers elle. Dont il se rendit plus suspect qu'il n'estoit. Procopius, P. Diacre, Iornandes.

Les Vandales, violans la paix qu'ils auoient avec les Sueues, recommencerent à les guerroyer, tesmoin la Chronique Vvisigothe: en telle façon, que Gondaric, ou selon d'autres Godigiscus, ou bien Modogisil, Roy desdits Vandales, print d'assaut la ville de Hif-

palis en Espagne, permettant que ses gens pillassent & saccageassent les temples d'icelle. A cause dequoy on escrit qu'il en deuint insensé & enragé: tellement qu'il en mourut laissant deux fils, l'un nommé Guntharic nay de legitime mariage en fort bas aage; & l'autre Genferich bastard, qui estoit ja puissant & fort adroit aux armes. Occasion pourquoy les Vvandales le preferans à son frere, luy firent prendre la couronne de son pere, & sous sa conduite passerent l'annee ensuiuante en l'Afrique au secours du Comte Boniface, qui les incita sous beaucoup de belles promesses contre l'Empereur. Prosper, Cassiodore, Sigebert. Idatius declare que Gunderic fut occis en la 4. annee, apres le trespas d'Honorius. En laquelle aussi il monstre qu'Ermengere Roy des Sueues fut occis par les Vvandales en vengeance de l'iniure faite à sainte Eulalie.

ZETH 3. Roy des Lombars regna apres le trespas de Zaamiffio quarante ans en la Rugilandie. P. Diacre.

Le Concile Agathense celebre en ce temps, ordonna au 12. Canon, que tous enfans de l'Eglise eussent à ieusner en Careme, & mesme le Samedy, excepté le Dimanche: à cause que le Careme estoit encores en liberte, & n'y auoit ordonnance de ieusne qu'en certains iours, comme le Lundy, & pour les gens d'Eglise seulement.

<i>Du Monde.</i>	4553	<i>Papes.</i>	4	<i>R. des François.</i>	8
<i>De Rome.</i>	1178	<i>E. d'Orient.</i>	20	<i>R. des Vvisigots.</i>	13
<i>De Iesus Christ.</i>	427	<i>E. d'Occident.</i>	2	<i>R. des Vvandales.</i>	1
<i>Indiction.</i>	10	<i>R. de Perse.</i>	7	<i>R. des Lombards.</i>	2
				<i>R. des Escossois.</i>	6

FLA. HYERIUS. & FLA. ARDABURIUS, Consuls.

BONIFACE Lieutenant de l'Empereur en Afrique, fut au pourchas de ses malueillās, nommément d'Ætius qui l'accusoit de se vouloir faire Empereur d'Afrique, proclamé ennemy de l'Empire, & guerre decretee contre luy: la charge de laquelle fut donnee par l'Emperiere Placidia à A. Maruotius & Gallio, lesquels allerent assieger ledit Boniface. Mais ils se trouuerent si loin de leur compte qu'ils furēt tous deux deffaits & occis. A cause dequoy l'Empereur renuoya contre luy le Comte Sigisnult. Ce qui fit aussi, qu'il appella les Vvandales à son secours. Ausquels ceste occasion vint si à propos, d'autant que les Vvisigots festoient mis aux champs avec toutes leurs forces pour les guerroyer, qu'elle fut cause de les haster de passer en l'Afrique. Au moyen dequoy le Roy Vvallia se meit facilement en possession de tout ce qu'il occupoient de pais en Espagne, excepté de la Gallicie que les Sueues retindrent pour eux. Tellement que leur Roy Hermerich y regna deslors l'espace de 14. ans, au rapport de la Chronique des Vvisigots, qui adioust que le Roy Vvallia monta tout incontinent sur mer pour aller poursuiure les Vvandales, mais que la tempeste le repoussa à bord. Ce que Prosper & Iornandes disent estre aduenu en la treizieme annee de son regne, & au Consulat de Hyerius & de Ardaburius, qui est pour monstrer que Vvallia a regné plus de 5. ans. Tant y a que les Vvandales arriuez en Afrique en nombre de quatre vingt mille hommes, se meirent en possession de la Mauritanie, qui leur auoit esté baillée par Boniface: & d'autant qu'ils estoient Arriens, ils infecterent de leur heresie, & commencerent de faire vne cruelle guerre aux Catholiques qui y estoient: témoin Victor en son liure de la persecution Vvandalique. Saluianus Euesque de Marseille afferme en son liure de la prouidence diuine, que la peur des Vvisigots, ne la puissance des Romains ioincte aveciceux, ne les fit partir d'Espagne pour aller en Afrique; ains seulement le mouuement de Dieu: comme ainsi soit qu'ils eussent vaincu toutes les armées Romaines, qui s'estoient osées affronter à eux, & qu'ils se sentissent encor beaucoup plus forts & plus puissans que les Romains & les Gots ensemble. Lequel tesmoignage nous fait penser qu'il n'y auoit plus de guerre lors en la Gaule entre les Romains & les Vvisigots. Ce qui est confirmé par Iornandes, qui dit que Vvallia apres auoir veu les Vvandales passez en Afrique, & reduit en sa main le pais qu'ils occupoient en Espagne sans effusion de sang, il s'en reuint à Tholose, où il restitua aucunes des Prouinces qu'il auoit gaignees à l'Empire Romain, suiuant la promesse qu'il en auoit faite. Cependant le mesme Saluianus nous a proposé vn merueilleux exemple de la iustice & prouidence de Dieu au passage des Vvandales en Afrique, qui se disoient eux-mesmes estre poussez & forcez d'y aller par

par vn mouuement diuin. *Potuerant* (dit-il) *ergo illic degere, nec timebant, sed illa utique celestis manus quæ eos ad puniendâ Hispanorum flagitia illinc traxerat: etiam ad vastandam Africam transire cogebat. Ipsi denique fatebantur non suum esse quod facerent, agi enim se diuino iussu ac perurgeti.*

Les Pannonies apres auoir depuis 50. ans esté en la subiection des Huns, furent en ce Consulat regaignees par les Romains, & reduites en leur premier estat souz l'obeissance de l'Empire Romain: ainsi que Prosper & Marcell. Comes ont noté. Mais nous n'auons aucun autre historiographe, qui nous explique comment celà s'est fait: mesmement que les histoires Hongroises, ne confessent point que les Huns en ayent esté deiettez, si ce n'a esté de quelque partie d'icelle.

L'ovp fut ordonné ceste année Euesque de la ville de Troyes en Champagne, lequel gouerna son Eglise, l'espace de 52. ans, tescmoin Vincent de Beauuais. Les euesques & gēs doctes de son temps l'auoient en telle reputation non seulement de saincteté de mœurs, mais aussi de doctrine & erudition, qu'ils l'appelloient la lumiere, & ornement des Euesques de la Gaule.

Du Monde.	4554	Papes.	5	R. des François.	9
De Rome.	1179	E. d'Orient.	21	R. des Vvisigoths.	1
De Iesus Christ.	428	E. d'Occident.	3	R. des Vandales.	2
Indiction.	11	R. de Perse.	8	R. des Lombards.	3
				R. des Escoffois.	7

FLA. FELIX, & FLA. TAVRVS, Consuls.

Les François festans emparez des prouinces de la Gaule qui sont voisines du Rhin, faisoient montre de vouloir passer plus outre. A l'occasion dequoy Ætius mena vne armee contre eux, qui les rompit & fit retirer lors (comme Prosper & Cassiodore ont noté) que Felix & Taurus estoient Consuls: qui est pour monstrier que les François auoient ja mis le pied en la Gaule souz Pharamond. Si est-ce toutesfois par ce qu'escriit Gregoire de Tours du Roy Clodion, que les François ne furent chassez de tous points de la Gaule; ains de quelque partie seulement qu'ils y occupoient.

VVALLIA Roy des Vvisigots apres auoir veu les Vandales sortis hors d'Espagne, estoit retiré à Tholose, où il fut surpris d'une longue maladie, de laquelle il mourut ayant acheué la 13. année de son regne, comme tesmoigne Iornandes. Car il dit qu'il estoit en icelle, lors que les Vandales passerent. Ce qui nous fait entendre, que c'est le vray temps qu'il a regné, & qu'il ne se faut arrester aux trois que quasi tous les autres luy ont voulu donner: Tant y a que son successeur fut Theodoric ou Thierry, nommé par Gregoire de Tours Theudo, par Isidore, Theodore, & par Idatius Theodore: lequel fut esleu du consentement de tous les Vvisigots pour les bonnes parties qui estoient en luy, tant ciuiles que militaires. Le regne duquel se trouue auoir duré vingt trois ans, & non comme les autres ont compté 33.

Du regne des Huns en la Pannonie.

Les Huns festas laissé gouerner iusques icy par Ducs, estimerent que ce seroit pour le profit & maintien d'eux & de leur republique d'estre reduits souz le gouvernement d'un Roy. Tellement que tout bien considéré, ils esleurent ceste année (qui estoit la vingt huit de leur arriuee en la Pannonie) Attila pour leur premier Roy, qui estoit au parauant l'un de leurs Ducs, frere de Buda, & fils de Bendegus (ou selon d'autres) de Mandulchus, âgé lors au dire d'aucuns de nonâte ans. Ce que toutesfois semble eslongné de verisimilitude. Mais tant y a qu'on tient, qu'il fut choisy entre tous les autres pour estre cognu homme de grād cœur, courageux, vaillant, bien instruit au fait de la guerre, & sur tout ambitieux & cupide de regner & de guerroyer. Ce

D iiij

que ses gens desiroiēt le plus en luy. Tellemēt qu'aussi tost qu'il luy fut permis de prédre le nom de Roy, il se prit à intituler (afin de se rendre plus redoutable, non seulement aux siés, mais aussi aux nations estranges) Roy des Huns, Medes, Goths & Daciens, Terreur du monde, & fleau de Dieu. Puis commença à guerroyer les Mœsies, la Thrace, l'Achaie la Macedone & Illyrie: osant bien encore entreprendre sur la Germanie, de laquelle il fit tant par ses liberalitez & promesses, qu'il fit laisser le party des Romains à Tetric ou Dietric de Veronne, & à la pluspart des Princes Germains, pour se venir rendre à son service; & puis le constitua son Lieutenant sur toute sa gendarmerie estrangere: Selon que recitent Bonfinius dec. 1. liu. 3. de son histoire Pannonique, Abraham Balcica, Nicolaus Olahus, Michaël Ricius, & Volaterranus en leurs histoires de Hongrie. Aucuns desquels toutesfois rapportent le commencement du regne dudit Attila à l'an 401. les autres à ceste année.

En laquelle aussi Socrates recite en son histoire Ecclesiastique, que les Bourguignons qui estoient restez en la Germanie, deffirent l'armée des Huns qui les guerroyoient incessamment, ayans tué leur Roy Hortare sur le champ, en vertu de ce qu'ils festoient fait nouvellement baptizer en la religion Chrestienne par vn Euesque Gaulois. Mais ie croy que cest autheur Grec a esté mal informé des affaires d'Occident. Car il ne semble qu'il y eust plus lors aucuns Bourguignons en la Germanie. Joint que toute leur nation s'estoit de long temps auparauant addonnée à l'heresie Arrienne.

ESTANS Syfinius Euesque de Constantinople decédé le 26. iour de Decembre de l'an precedent, Nestorius natif de la Germanie en Syrie fut 3. mois 15. iours apres esleu pour gouverner la mesme Eglise, apres luy, en faueur de l'eloquence & sçauoir de bien dire qui estoit en luy. Qui le fit entrer en vne telle presumption de soy-mesme, qu'il osa mettre en auant vne pernicieuse heresie, par laquelle il maintenoit que Iesus Christ n'auoit apporté à sa naissance qu'humanité, & qu'il s'estoit apres acquis la diuinité par ses merites. Pourtāt que le nom de mere de Dieu ne conuenoit point à la vierge Marie, selon que tesmoignent Prosper & Marcellinus Comes. Contre laquelle heresie s'esleua Cyrille Euesque d'Alexandrie, homme de grand sçauoir, & la refuta fort doctement.

Du Monde.	4555	Papes.	6	R. des Vuisigoths.	2
De Rome.	1180	E. d'Orient.	22	R. des Vvandales.	3
De Iesus Christ.	429	E. d'Occident.	4	R. des Lombards.	4
Indiction.	12	R. de Perse.	9	R. des Escossois.	8
		R. des François	10	R. des Huns.	1

FLA. FLORENTINVS, & FLA. DIONYSIVS, Consuls.

APRES que Fla. Fœlix fut esleué à la dignité de Patrice, Aëtius fut fait Coronal de la gendarmerie Romaine en occidēt. Qui fut aussi lors que les amis du Comte Boniface ayāt fait cognoistre son innocence à l'Imperatrice Placidia, le remeirent en la grace d'icelle. En faueur dequoy il se voulut mettre en deuoir de renuoyer les Vvandales, qu'il auoit fait venir souz promesse de leur laisser vne partie de l'Afrique, pour y faire leur demeure & residence: mais ils en furent si despittez, qu'ils se tournerent contre luy & l'ayants deffait en vne grosse bataille, l'allerent enfermer & assieger en la ville d'Hippo, où ils ne firent riē: tellement, qu'il en sortit en fin maugré-eux, & se retira à Rome. La fâcherie duquel siege desbaucha lors tellement S. Augustin, qu'il discontinua d'escrire. Prosper, P. Diacre liure 14. Procopius liu. 1. de la guerre Vvandalique

ESTANTS les Eglises d'Angleterre, & d'Hibernie infectées de l'heresie de Pelagius, fallut que les Euesques des Gaules (ainsi que tesmoigne la Chronique d'Iuon) esleussent Germain Euesque d'Auxerre, & S. Loup Euesque de Troyes, qui estoient lors les plus renommez de la Gaule en sçauoir & en sainteté de vie, pour passer en Angleterre: où ils proffiterent si bien par leur doctrine, que les desuoiez furent ramenez à la droite voie, & le pais nettoié d'erreur. Ce qui se fit tesmoin Prosper en ce Consulat. Autres ont escrit que la Bretagne ne fut pas seulement nettoiee de l'heresie Pelagienne en ce voyage par saint Germain, mais aussi deliuree par iceluy mesme du danger & des maux que les Escossois & les Pictes y faisoient: pource que par son conseil & par ses prieres les Bretons firent vne grande desconfiture d'eux: tellement que le reste fut contraint de se retirer de toute l'isle

l'isle. Qui fut cause aussi qu'Ætius l'appella la legion Romaine qui estoit à la garde de Bretagne, estimant que le mur qui fermoit la Bretagne contre la venue des ennemis, seroit suffisant de la preserver contre eux, apres qu'il eut commandé aux Bretons de le redresser, ainsi qu'il auoit esté autresfois par l'Empereur Seuerus.

CESTE année quise rencontroit avec la 4187. de la creation du monde, selon le compte des Iuifs, & 738. du nombre des contrats, mourut Rabbi Ase Iuif, qu'on dit auoir esté le dernier des docteurs qu'ils appellét Tannaim, & le premier de l'ordre de ceux qu'ils ont appellez Amor-haim : pource qu'il fut le premier avec vn autre Rabbi Hina, qui commença de compiler & assembler des escripts & traditions de leurs ancestres ceste partie du Talmud Babylonique ou Doctrinal des Iuifs, qu'ils appellét Ghemeta : mais il le laissa imparfait par sa mort. A cause dequoy ses disciples & son fils R. Mar le poursuivirent & rendirent acheué & accomply enuiron 79. ans apres, comme tesmoigne la grande Chronique des Iuifs, intitulee Cederolam. Or si le temple de Hierusalem fut ruiné par Titus, l'an de la creation du monde 3829. selon les Iuifs, & que celà soit aduenue en la 71. année de nostre Seigneur, comme nous auons montré cy deuant, le trespas de R. Ase ne peult estre aduenue que ceste année. D'autant que l'heresie des Pelagiens trauailloit les Eglises d'Occident : d'autant aussi celle de Nestorius troublait celles d'Orient, quelque effort que Cyrille Euesque d'Alexandrie feist de s'y opposer. Tellemēt qu'il en escriuit au Pape Celestin à Rome, pour l'inciter d'vsfer des moyens qu'il deuoit contre icelle, & contre son auteur.

Du Monde. 4556	Papes. 7	R. des Vuisigoths. 3
De Rome. 1181	E. d'Orient. 23	R. des Vandales. 4
De Iesus Christ. 450	E. d'Occident. 5	R. des Lombards. 5
Indiction. 13	R. de Perse. 10	R. des Escoffois. 9
	R. des François. 11	R. des Huns 2

THEODOSIVS AVG. pour la 13. fois, & VALENTINIANVS, pour la troisieme, Consuls.

LE Patrice Felix étant conuaincu d'auoir machiné quelques nouuelletez contre l'Empire, fut mis à mort en la ville de Rauenne. Marcell. Comes.

LES Piètes & Escoffois s'aduifans des empeschemens que les Romains auoient en Gaule, vindrent derechef tempester l'Angleterre : d'autant mesmement qu'Ætius en auoit retiré la legion que l'Empereur Honorius y auoit cy deuant enuoyee. A cause dequoy les Bretons demanderent secours à Ælius, qui leur enuoya vne legion, laquelle repoussa les Piètes avec grand meurtre, & tant qu'elle fut en Bretagne elle tint les Bretons en seureté. Mais quand Ætius l'eut r'appellée en Gaule, & icelle (comme aucuns disent) distribuee pour la garde de Sens, Paris & Orleans, en laissant vne autre souz la charge de Sebastien pour l'Espagne Tarraconnoise, employant le reste contre les Bourguignons & Vuisigoths : les Piètes entendans le r'appel de ceste legion, vindrent derechef piller & rauager le pais de la grande Bretagne. Qui fut cause que l'Empereur Valentinian commanda à la mesme legion de repasser la mer, souz la conduite de Galien Rauennois, où elle rembarra les Piètes & Escoffois de si bonne façon, qu'ils n'oserent reuenir molester les Bretons, tāt qu'elle fut avec eux.

S. AVGVSTIN Euesque d'Hippo mourut le 28. iour d'Aoust, en l'age de 76. ans, lors que les Vandales tenoient ladite ville assiegee : laquelle leur fut rendue vn mois apres. Ce saint personnage a esté à bon droit nommé entre les quatre premiers Docteurs de l'Eglise, comme celuy qui est estimé de tous auoir esté le plus aigu & docte en Theologie de tous les anciens.

NESTORIUS fut avec son heresie condamné & anathematisé par le Pape Celestin à Rome, apres qu'il eut à ceste fin fait assembler vn Synode de plusieurs Euesques d'Italie : par l'ordonnance desquels il fit sçauoir audit Nestorius, que s'il ne se deportoit de son erreur dedans dix iours apres cest aduertissement receu, qu'il le retracheroit de l'Eglise, donnant charge à Cyrille Euesque d'Alexandrie de faire cest office pour luy. Et pource que Nestorius fit peu de cas de toutes ces menaces & censures, & qu'il ne cessa de troubler l'Eglise de Constantinople de ses factions, l'Empereur Theodose fut à l'instance d'un Basile

Archimandrite, personnage saint, incité de faire de son auctorité & puissance assembler vn Concile general à Ephese, pour en iceluy examiner & iuger la doctrine de Nestorius. Tellement qu'il fut, par le mandement d'iceluy, publié pour l'annee ensuiuant. Marcellinus Comes, histoire Tripartite.

<i>Du Monde.</i>	4557	<i>Papes.</i>	8	<i>R. des Vvisigoths.</i>	4
<i>De Rome.</i>	1182	<i>E. d' Orient.</i>	24	<i>R. des Vvandales.</i>	5
<i>De Iesus Christ.</i>	431	<i>E. d' Occident.</i>	6	<i>R. des Lombards.</i>	6
<i>Indiction.</i>	14	<i>R. de Perse.</i>	11	<i>R. des Esgossois.</i>	1
		<i>R des François.</i>	1	<i>R. des Huns.</i>	3

ANICIVS BASSVS, & FLA. ANTIOCHVS, Consuls.

L'ARMEE que l'Empereur Theodose enuoya en Afrique souz la conduite du Comte Aspar au secours de Boniface, fit si mal ses affaires qu'elle fut deffaite & mise en route par les Vvandales. A l'occasion dequoy Aspar fut contraint se retirer à Constantinople: mais Boniface s'alla rendre à Placidia en Italie. Ce qui donna moyen aux Vvandales d'agrandir leur Empire en Afrique. Procopius.

ESTANT Pharamond parvenu au bout du periode de sa vie, il laissa la secessio de son estat à son fils nommé par Sidonius Apollinaris Cloion, ou Clogion, & par les autres Clodion: à qui ils ont donné le surnom de Cheuelu, pource qu'ils estiment qu'il fit porter aux François longue cheueleure en signe de liberté, afin de les discerner d'auec les Romains, ou (comme d'autres modernes se persuadent) qu'il ordonna que nul de là en auât ne portast la longue cheueleure, qui ne fust du sang Royal. Mais nous auons ia cy deuant démontré par Gregoire de Tours, que s'il y a eu des Rois François deuant Clodion, qu'ils furent surnommés premier que luy. Tant y a cependant que nous ne sommes pas gueres plus asseurez du temps qu'il a commencé de regner que de son predecesseur: pource qu'aucun des anciens historiens qui ont vescu deuant la milliesme annee de nostre salut, ne l'a expressement déclaré: & que ceux qui ont esté depuis, n'en sont d'accord. Car nous auons vne Chronique non imprimee, faite enuiron l'an 1020. qui l'attribue à l'an 425. d'autres à 427. Mais noz Chroniqueurs & Annalistes le rapportent quasi tous à l'an 430. ou 431. à l'opinion desquels nous nous accommodons d'autât plus volontiers, que le commencement des 20. annees que Ado & Aimon luy ont compté pour la duree de son regne, (encore que Sigebert luy en donne 18. seulement) se trouue iustement escheoir en l'une de ces annees là: en receuât le mesme nombre d'annees qu'ils ont compté pour les successeurs Rois d'iceluy iusques à Clouis. Cependant nous auons tesmoignage de luy en Gregoire de Tours, qu'il fut vn tres-noble & profitable Roy en sa nation, qui habitoit le Chastel de Disparus, és limites des Tongres: (qui sont, selon que nous auons déclaré cy deuant, aujourd'huy les Liegeois & Brabançons) d'où voulant accroistre son Royaume, il depescha certains espions pour aller recognoistre l'estat de la ville de Cambray, & du pais circouoisin: & puis à leur rapport il se vint soudainement emparer tant de la ville de Cambray que de tout le pais qui est entre les riuieres de l'Escault & la Somme: où sont aujourd'huy les villes de Mont, Valenciennes, Cambray, & la forest dictée anciennement Charbonniere, apres auoir fait vne grande descouverte de Romains qui se voulurent opposer à luy: comme tesmoignent auec le mesme Gregoire Ado, Aimon, & tous les plus anciens historiens que nous trouuons auoir fait mention de luy. A cause dequoy Sidonius Apollinaris en son Panegyrique dédié à l'Empereur Maiorianus, declare qu'il paruint iusques au bourg Helene ou Hedene, qui estoit au pais des Artesiens, lequel auons estimé estre aujourd'huy Hesdin; par ces vers,

— post tempore paruo

Pugnastis pariter Franci, quâ Cloio patentes

Attrebatum terras peruasferat, hinc cocuntes

Claudebant angusta vias, arcuque subactum

Vicum Hedenam (ainsi lisent les vieux exemplaires au lieu de *Helenam*) *flumenque simul sub tramite longo*

Artus suppositis trabibus transmiserat agger, &c.

Mais il semble que Clogion fut inuité de faire ceste entreprinse sur l'Empire Romain, à l'occasion

l'occasion des grâdes affaires que les Romains auoient en Afrique, & des troubles d'Italie. Or s'il commença de regner ceste année ou la precedente, ce ne peult estre luy qui fut defait par Ætius, & contraint repasser le Rhin.

FERGVSIVS & Durstus son frere, Rois d'Escoffe, apres auoir longuement guerroyé les Bretons, s'oserent presenter en bataille deuant Maximianus Gouverneur d'Angleterre pour les Romains : mais ils furent miserablement desconfits & mis à mort. Au moyen dequoy tout le reste des Escossois eust peu estre exterminé ou chassé hors de la Bretagne, si le vainqueur eust voulu poursuivre sa victoire. Mais les affaires qui luy suruindrent d'ailleurs, l'inciterent à faire paix avec eux, à la charge de se contenir d'oresnauant en leurs limites, sans plus entreprendre sur les marches des Romains. Au moyen dequoy les Escossois se rallians, esleurent pour leur Roy le fils de Fergusius, qui se nommoit Eugene : lequel Hector Boethius liu. 7. de son histoire d'Escoffe dit auoir regné 30. ans. Mais les autres historiens monstrent que le Roy qui regnoit sur les Escossois l'an 441. s'appelloit Reuda. Mais s'il a esté quelque chose de la deffaitte de ce Fergusius & de les Escossois, il semble qu'elle se fit par la legion qu'Ætius renuoya en la Bretagne.

GENSERICH, desirant que le Royaume des Vvandales demeurast à luy seul, trouua moyé de faire mettre à mort son frere Gútharic, à qui la couróne appartenoit legitimemét.

Av 3. Synode general assemblé en la ville d'Ephese, où se trouuerent 200. Euesques (tesmoin Prosper & Vincentius Lirinensis) furent condamnees les heresies tant de Pelagius, que de Nestorius : & conclud que Iesus Christ estoit vne seule personne en deux natures : ensemble aussi q la vierge Marie pouuoit estre deuément appelée mere de Dieu. Les actes dudit Concile monstrent qu'il fut commencé dès l'an precedent. Tant y a que Nestorius y fut aussi excóunié, depósé & enuoyé en exil le 29. iour de Iuin. Et vn nommé Maximianus créé le 25. iour d'Octobre en son lieu, lequel presida 2. ans, 5. mois, 19. iours. Marcell. Com. Nicephore. Palladius premier Euesque des Escossois fut en la mesme année (tesmoin Prosper, Vincétius Lirinensis, & Marianus Scotus) choisi pour les aller cōuertir & instruire en la religion Chrestienne : mais il mourut en la mesme année. A l'occasion dequoy vn nommé Patrice, natif de la grande Bretagne, fut député pour suppléer à son default, avec vn Segestius, lequel passa en l'Hybernie pour y extirper l'heresie Pelagienne. Sigebert.

Av mesme temps furent celebres trois autres Synodes : l'un à Pamphylie & à Rome contre les Nestoriens : & l'autre à Antioche par l'Euesque Iean, contre Cyrillus Euesque d'Alexandrie ; d'autant que ce Iean supportoit Nestorius.

<i>Du Monde.</i>	4558	<i>Papes.</i>	1	<i>R. des Vvisigoths.</i>	5
<i>De Rome.</i>	1183	<i>E. d'Orient.</i>	25	<i>R. des Vvandales.</i>	6
<i>De Iesus Christ.</i>	432	<i>E. d'Occident.</i>	7	<i>R. des Lombards.</i>	7
<i>Indiction.</i>	15	<i>R. de Perse.</i>	12	<i>R. des Escossois.</i>	2
		<i>R. des François.</i>	2	<i>R. des Huns.</i>	4

FLA. ÆTIVS, & FLA. VALERIVS, Consuls.

L'EMPIRE d'Occident estant gouverné souz le nom d'un ieune Empereur, qu'on nourrissoit mal, par vne femme qui estoit sa mere Placidia, ne pouuoit faillir (comme il se voit coustumierement aduenir souz tels gouuernemens) de tomber en vn mauuais mesnage : comme il fit, quand Boniface estant de retour en Italie se iustifia si bien enuers l'Imperatrice Placidia, qu'il fit cognoistre qu'il auoit esté cy deuant accusé à tort de trahison. Et pource qu'il estoit aduertý qu'Ætius luy auoit presté ceste charité, ils entrerent en tel discord, que toute l'Italie fut bouleuersee de guerre, iusques à ce qu'ils se fussent donnez bataille : en laquelle Ætius fut vaincu & mis en route. Au moyé dequoy Boniface le fit démettre & casser de ses estats, mais il mourut bien tost apres, laissant sa vefue nommée Pelagia, fort riche & opulente, à laquelle il exhorta de se remarier apres luy à Ætius, duquel il voyoit que l'Empire auroit besoin : pour n'y auoir Capitaine suffisant que luy lors pour le garentir de sa ruine, où il le laissoit pres de tomber, tant par son trespas que par leurs querelles : lesquelles donnerent vn grand moyen aux Vvandales de s'agrandir en Afrique (quoy que Trigetius, qui auoit succédé en icelle à Boniface, fit tous ses efforts de rembarrer leurs entreprinse aux Vvisigoths en Espagne, & en Aquitaine aux Bourguignons delà le Rhin,

& aux François de se glisser dedans la Gaule Belgique. Blondus s'est abusé, estimant que Boniface mourut de desplaisir de voir les maux que les Vvandales faisoient en Afrique. Marcellinus Comes, Prosper, P. Diacre.

CELESTIN I. Euesque de Rome mourut, selon Onufrius le 6. iour d'Auril: & fut l'eslection de son successeur faite le 27. iour du mesme mois, qui se nommoit Xistus, natif de Rome, qui fut 3. de ce nom. Lequel Marcell. Com. & Prosper tesmoignét auoir exercé sa charge l'espace de 8. ans: mais l'autre n'en cõpte seulement que 7. & 11. mois. Les Historiographes Romains recitent qu'il fut accusé par vn Prestre nommé Bassus (qui auoit grand credit à Rome) d'auoir violé vne Religieuse nommée Chrysogonis. Mais il fut receu à s'en iustifier par fermét en vne assemblée de 85. Euesques. Tellement q̃ l'Empereur ne voulut point que on en fist plus d'autre examen ny iugement: & si enuoya son accusateur en exil. Vincentius Lirinensis tesmoigne qu'il escriuit vne lettre à Iean Euesque d'Antioche, où il confermoit la sentence du Concile d'Ephese contre Nestorius, disant ceste sentence en icelle: *Quia fides una est, quæ euidenter obtinuit, dicenda credamus, & tenenda credamus.* Car ce Iean là s'estoit fait defenseur de l'erreur de Nestorius, lequel mesme il auoit emmené avec soy apres sa deposition en son diocese: où il l'entretenoit & maintenoit ses erreurs contre les escrits de Cyrille Euesque d'Alexandrie, qui se faisoit lors grandement valoir à les impugner & refuter.

Du Monde.	4559	Papes.	2	R. des Vvisigoths.	6
De Rome.	1184	E. d'Orient.	26	R. des Vvandales.	7
De Iesus Christ.	433	E. d'Occident.	8	R. des Lombards.	8
Indiction.	1	R. de Perse.	13	R. des Escossois.	3
		R. des François.	3	R. des Huns.	5

FLA. THEODOSIVS AVG. pour la 14. fois, & FLA. ANICIVS MAXIMVS Cõsuls.

ÆTIVS ayant failly d'estre tué par aucun de ses ennemis, s'absenta d'Italie, & se retira en la Dalmatie vers les Rois de Hongrie: par l'aide & intercession desquels il refit en fin la paix avec l'Empereur Valétinien. De sorte qu'il fut rappelé & remis en ses premiers estats & honneurs. Prosper, P. Diacre.

LE Royaume de la petite Bretagne fut en ce temps fondé, selon les histoires d'Escoffe.

ENCORE que l'heresie Nestorienne fust condamnée, si est-ce que Diodorus Euesque de Tharse, & aucuns autres, se meirent en auant pour la maintenir, en la palliât souz autres termes & manieres de parler. De façon qu'ils en enuoyerent quelques escrits aux Armeniens, qui furent cause de faire assembler cy apres quelques Synodes en Armenie. Liberatus chap. 10. de son Breuia.

Du Monde.	4560	Papes.	3		
De Rome.	1185	E. d'Orient.	27	R. des Vvisigoths.	7
De Iesus Christ.	434	E. d'Occident.	9	R. des Vvandales.	8
Indiction.	2	R. de Perse.	14	R. des Lombards.	9
		R. des François.	4	R. des Huns.	6

FLA. ASPAR, & FLA. AREOBINDA, Cõsuls.

ÆTIVS estant remis en ses estats, fut enuoyé es Gaules pour les defendre contre les entreprinſes & inuasions que faisoient les François & les Bourguignons. Sur lesquels Iordanes dit qu'il gagna ceste annee vne victoire. Qui fut possible lors, que les François vindrét courir iusques au païs d'Artois, iusques au bourg appelé lors Helene ou Hedene, que on estime estre auourd'huy Hedin: où Maiorianus (qui fut cy apres Empereur) Capitaine de la caualerie Romaine souz Ætius, chargea vne de leurs troupes qui faisoient des nopces: & l'ayât deffaite, pris l'espousee avec vne partie de ceux qui l'accompagnoient: comme declare Sidonius Apollinaris au lieu cy dessus allegué, où il dit:

Illic te posito pugnabat ponte sub ipso

Maiorianus eques. —

On veut dire aussi que les François furent semblablement rechassés lors par Ætius, ou empêchés de s'estendre plus auant. Or lors que le Roy Clodion s'efforçoit d'empieter la Gaule Belgique, les Vvisigoths occupoient (ce dit Gregoire de Tours) tout ce qui est delà

de là la Loire, & les Bourguignons tout delà le Rhosne: ne restans plus aux Romains que ce qu'est deçà la Loire, horsmis encore le pais Armorique (dit au iourd'huy la petite Bretagne) qui s'estoit, au rapport de Zozimus, distrait dès cy deuant de l'Empire.

MAXIMIANVS Euesque de Constantinople, mourut le 12. iour d'Auril: & fut subrogé en son lieu Proclus, disciple de S. Iean Chrysostome, qui estoit au parauant Euesque de Cyzie: lequel gouerna l'Eglise de Constantinople enuiron vnze ou douze ans. Nicéphore, Zonare.

PHILASTRIVS Euesque de Bresse, Vincent Lirinense Gaulois, Iean surnomé Cassian moine à Marseille, & Hesichius prestre de l'Eglise de Herusalem, personnages fort renommiez en sçauoir, florissoient en ce temps. Les trois premiers desquels escriuirent contre les heresies de leurs temps, mesmement Vincent son liure intitulé *Aduersus profanas omnium hereseon nouitates*, lequel il composa ceste annee. Mais on dit que Cassian fut vn peu entaché de l'heresie Pelagienne.

Du Monde.	4561	Papes.	4	R. des Vvisigoths.	8
De Rome.	1186	E. d'Orient.	28	R. des Vvandales.	9
De Iesus Christ.	435	E. d'Occident.	10	R. des Lombards.	10
Indiction.	3	R. de Perse.	15	R. des Huns.	7
		R. des François.	5		

FLA. THEODOSIVS AVG. pour la 15. fois, & **FLA. VALENTINIANVS AVG.** pour la 4. Consuls.

SOVZ lesquels Sebastien Gouverneur d'Afrique, qui auoit autresfois espousé la fille du Comte Boniface, fut mis à mort en icelle. Marcell. Comes.

VVRIDICAZIVS Roy des Bourguignons de la Gaule, ne se contentant point du pais qu'il y auoit ia empieté, entreprenoit sur les limites des Romains. A cause dequoy **Ætius** luy vint faire la guerre, à si bon escient qu'il le vainquit en vne bataille, où furent (cōme declare la Chronique d'Itatius) deffaits 20. mille Bourguignons accompagnez de huit mille Vvisigots, qui estoient allez à leur secours. Au moyen dequoy il le contraignit de demander la paix, laquelle il luy ottroya, aiant possible enuie de se seruir de luy contre les François encontre les Vvisigots, avec lesquels il estoit ja en guerre, où il y fut bié tost apres. Mais le Bourguignon n'eut pas longuement le contentement de ceste paix: pource qu'il fut bien tost apres occis en vne autre bataille par les Huns: Comme Prosper, Cassiodore & Iordanes tesmoignent. Qui est à dire qu'il ne fut pas mis à mort à la iournee Catalaunique contre Attila. Combien qu'il se trouue vne fort ancienne Chronique non imprimee, qui appelle Peritius le Roy Bourguignon, qui fut enuiron trois ans apres mis à mort. Et croy que ny l'un ny l'autre de ces noms n'est le propre du Roy qui regnoit en ce temps sur les Bourguignons, ains vn de ceux qui sont nommez au Code des loix des Bourguignons, à sçauoir Gischarius ou Gislaharius, qui est le 3. Mais le 4. Gondahanus, ou Gondechanus pourroit bien auoir esté occis par Attila. Cependant l'importance de la guerre precedente, & de celle qui se preparoit contre les Vvisigots, semble auoir esté cause de la paix qui se fit en la mesme annee entre l'Empereur & les Vvandales, suyuant les conditions de laquelle le pais de Numidie en Afrique, ou vne partie de celuy qu'ils y auoient conuesté, leur fut octroyé pour sy habiter avec la ville d'Hippo. Autheurs precedens.

A v. mesme Consulat l'Empereur Theodose fit par certains Iurifconsultes compiler & assembler toutes les constitutions des Empereurs ses predecesseurs, depuis le grand Constantin iusqu'à luy, & icelles reduire sommairement par chapitres en vn volume, lequel il fit appeller, à cause de luy, le Code Theodosien, & publier à Constantinople le 25. iour de Feurier, pour estre dorelnauant obserué & mis en vsage és iugements des courts & iurisdiction. Et pource que la dissension qui estoit entre les Archeuesques d'Antioche & d'Alexandrie, continuoit de troubler lesdites Eglises, le mesme Empereur enuoia mandement à Iean d'Antioche, de se reconcilier avec Cyrille d'Alexandrie en souscriuant à la condamnation de Nestorius. Qui fut cause de faire remettre eux & leurs Eglises en vnion, & que Nestorius estant abandonné de tous, fut enuoie en exil: ayant veu ses escrits tellemēt condamnez par vn nouveau edict de l'Empereur, qu'il n'estoit pas licite de les auoir, lire

ny transcrire. Et son nom tellement fait odieux, qu'il fut ordonné que ceux qui voudroient adherer aux erreurs d'iceluy, seroient non seulement nommez Nestoriens, mais aussi Simoniaques, ainsi qu'on auoit autresfois donné aux Arriens le tiltre de Porphyriens.

ON tient aussi que ce fut au mesme temps, que le Pape Xiste estant accusé d'auoir violé vne nonnain, se presenta à vn Synode à Rome deuant l'Empereur, & vn grand nôbre de ses Conseillers & de gens Ecclesiastiques, & se iustifia par son serment du crime qui luy estoit imposé.

<i>Du Monde.</i>	4562	<i>Papes.</i>	5	<i>R. des Vuisigoths.</i>	9
<i>De Rome.</i>	1187	<i>E. d'Orient.</i>	29	<i>R. des Vandales.</i>	10
<i>De Iesus Christ.</i>	436	<i>E. d'Occident.</i>	11	<i>R. des Huns.</i>	8
<i>Indiction.</i>	4	<i>R. de Perse.</i>	16	<i>R. des Lombards.</i>	11
		<i>R. des François.</i>	6		

FLA. ISIDORVS, & FLA. SENATOR, Consuls.

SOVZ lesquels l'Empereur Valentinian espousa Eudoxia, fille de l'Empereur Theodose.

LA guerre contre les Bourguignons, finie succeda celle que les Romains furent contrainsts d'auoir contre les Vuisigots. Lesquels contreenans à la paix qu'on leur auoit cy deuant accordée, faisoient tousiours de nouvelles entreprinſes sur les villes & païs qui rédoient encor obeissance à l'Empire Et puis s'ingerent encor d'assiéger la cité de Narbonne, si estroitement qu'ils reduisirent les habitans, apres qu'ils leur eurent fait mâger tous leurs viures, à l'extremité de se rendre, si l'empereur ou Aëtius ne leur eust enuoié vn Capitaine nommé Littorius Celsus pour les deliurer du danger de la famine & du siege. Lequel fit entrer quelque quantité de farine dedans la ville, par le moyen de laquelle ils se defendirent encor iusques à ce qu'Auitus Sénateur d'Auuergne, eut induit le Roy Theodoric de leuer son siege, & les laisser en paix. Ainsi que nous entendons par vn Panegyrique de Sidonius Apollinaris, dedié audit Auitus. Et pource que celà se fit (tesmoin Prosper, Cassiodore & Iordanes) en ce consulat, nous cognoissons que le Roy Vualia estoit ja decédé.

CE pendant Genferic Roy des Vandales embrassa l'heresie des Arriens avec son peuple: à cause dequoy il se mit d'vne cruelle & horrible rage à persecuter les Eglises Catholiques d'Afrique: selon que Prosper d'Aquitaine Euesque de Rezzo en la Romagne tesmoigne en son Chronic. Lequel aussi en ce mesme temps escriuit contre le liure de Cassianus moine, intitulé de la protection de Dieu: auquel il magnifioit par trop le liberal arbitre. Marcellinus Comes.

<i>Du Monde.</i>	4563	<i>Papes.</i>	6	<i>R. des Vuisigoths.</i>	10
<i>De Rome.</i>	1188	<i>E. d'Orient.</i>	30	<i>R. des Vandales.</i>	11
<i>De Iesus Christ.</i>	437	<i>E. d'Occident.</i>	12	<i>R. des Huns.</i>	9
<i>Indiction.</i>	5	<i>R. de Perse.</i>	17	<i>R. des Lombards.</i>	12
		<i>R. des François.</i>	7		

FLA. SIGENVTES, & FLA. AETIVS pour la 2. fois Consuls.

COMME la guerre se continuast contre les Vuisigots en la Gaule, les Romains firent venir vne grande troupe de Huns à leur seruice, avec lesquels Prosper dit qu'ils firent quelques heureux exploits de guerre sur leurs ennemis. Mais ne luy ny autre n'ont déclaré quels y furent, s'il ne les faut prendre pour vne grande & horrible desconfiture de Bourguignons, qui alloient possible au secours d'iceux, laquelle (comme nous tenons escrit en vne fort ancienne Chronique non imprimée) fut faite ceste année par Aëtius, estat leur Roy, qu'elle appelle Peritius occis sur le champ avec vn nombre inestimable des siens. Dont il se pourroit faire que c'est le Gondicarius, qui fut comme a escrit Prosper occis par les Huns, lesquels i'estime estre ceux que le Comte Littorius auoit fait venir au seruice

de l'Empereur en la Gaule. Avec lesquels aussi Sidonius Apollinaris declare qu'il alla environ le mesme temps faire la guerre aux peuples de la petite Bretagne (c'estoit lors le pais Armorique) pour les reduire souz l'obeissance des Empereurs, de laquelle ils festoient au rapport de Zozimus distraits dès le temps de l'Empereur Honorius, pour se mettre en liberté: & puis qu'il les ramena contre les Vvisigots qui gastaient & ravaageoient le pais d'Auvergne, ainsi qu'il declare par ces vers:

*Littorius Scythicos Equites tum forte subacto
Celsus Arvernico, Geticum rapiebat in agmen
Per terras Arverne tuas, qui proxima quaque
Discursu flammis, ferro, feritate, rapinis
Delebant, pacis fallentes nomen inane.*

Qui pourroit estre la cause par laquelle le mesme autheur appelle en vn autre endroit *Ætius* libérateur de la Loire. Et semble aussi qu'il faut rapporter au mesme temps l'entreprise que le Roy Theodoric fit sur les villes d'Arles & d'Auvergne, lesquels sembloient deuoir tomber entre ses mains, si Auitus qui fut cy apres Emperer & beau-pere de Sidonius Apollinaris, qui estoit lors ce qu'on appelloit *Præfekt^o pratorio* des Gaules, ne l'eust par sa prudence destourné d'Auvergne, & *Ætius* d'Arles par vn colloque familier qu'il eut avec luy, eux n'ayans le moyen de l'en faire deporter par armes.

A v mesme temps Hermerich Roy des Sueues en Espagne, apres auoir longuement guerroyé les Galleciens d'Espagne, s'accorda finalement avec eux. Et pource qu'il se trouua fort caduc & maladif, il designa son fils Ricila son successeur & heritier de sa couronne. Et puis remettant l'administration des affaires de son Royaume entre les mains d'iceluy, l'enuoia faire la guerre à Andenot Capitaine pour les Romains en la Betique, le quel il vainquit & mit en routte aupres de la riuere Singilis. Et au retour encor de ce voyage, se fit rendre par siege la ville de Merida, qu'on appelloit lors *Emerita*. Idatius, Isidore.

C'est l'année, qui estoit la 30. de l'Empire de Theodose, se firent de grans & horribles tremblemens de terre à Constantinople, qui durerent l'espace de quatre mois, & ne cessèrent (comme on a escrit) deuant que le peuple eust commencé par grande deuotion de chanter en l'Eglise l'hymne qui se chante encore au iourd'huy en l'Eglise Romaine, *Sanctus Deus, sanctus fortis, sanctus immortalis &c.* A cause dequoy le Patriarche Proclus ordonna qu'il fust dorénavant chanté ordinairement. Nicephore liure 37. chapitre 46. P. Diacre.

VICTOR Euesque de Numidie en Afrique composa en ce temps vn liure contre les Arriens, qu'il presenta au Roy Genferich, qui en fut si peu edifié, qu'il ne desista pourtant de persecuter les Catholiques aussi cruellement qu'il eust point fait. Tellement qu'il fit mettre à mort quatre peronnages de grande autorité enuets luy, nommez Archadius, Probus, Paschatus & Eutichius, qui ne se vouloient reduire à ses opinions. Prosper, Cassiodore.

SOCRATES, Sozomenes, de Salamius & Philippe Sidites, historiographes des choses des Ecclesiastiques (desquels les deux premiers ont escrit les affaires aduenues en l'Eglise depuis l'Empereur Constantin iusques au 17. Consulat du ieune Theodose, l'vn en 5. liures, l'autre en 7.) viuoient en ce temps, avec Sulpitius Seuerus disciple de S. Martin, & Polychronius Euesque de Herusalem, qui vouloit maintenir que l'Eglise de Herusalem est la premiere & superieure de toutes les autres,

Du Monde.	4564	Papes.	7	R. des Vvisigots.	1
De Rome.	1189	E. d'Orient.	31	R. des Vandales.	12
De Iesus Christ.	438	E. d'Occident.	13	R. des Lombards.	13
Indiction.	6	R. de Perse.	18	R. des Huns.	10
		R. des François	8		

FLA. THEODOSIVS EMP. AVG. pour la 16. fois Consul, avec ANICIIVS ACILIVS GLAB.

VNE grande sedition ou faction populaire ou de payfans, excitee par vn Atto, selon

E ij

les autres Baton ou Tibaton, troubla (à ce qu'écrivit Sigebert) les Gaules contre les Romains en ce temps, non moins que la guerre Vvisigote. Auentin se persuade que c'estoit vne rebellion du populaire & des payfans contre la noblesse, & les gens d'Eglise, suscitée par vn Eudoxius Medecin, laquelle fut nommée des Bagaudes ou Bacgaudes. Mais Saluianus Euesque de Marseille, qui viuoit en ce temps, declare que les Bagaudes estoit vne faction de bannis & de fugitifs ou de serfs, lesquels pour les grandes & intolerables exactions, & concussions que les Gouverneurs des pais faisoient sur eux, ou pour l'iniustice des Iuges enuers eux, ou cruauté de leurs maistres & seigneurs, s'absentoient de leurs maisons & patrie, pour s'aller rendre ou ioindre aux ennemis de l'Empire Romain. Ou bien eux-mesmes se mettoient en troupes pour brigander & voler, ou faire la guerre comme ennemis. Les paroles de l'auteur sont : *De Bagaudis nunc mihi sermo est, qui per malos indices & cruentos afflicti, spoliati, necati, postquam ius Romanæ ciuitatis amiserant, etiam Romani nominis honorem amiserant. Et imputatur his infelicitas sua: imputamus ijs nomen calamitatis sue, imputamus nomen quod ipsi fecimus, vocamus rebelles, vocamus perditos, quos esse compulimus criminosos. Quibus etiam aliis rebus Bagaude facti sunt, nisi iniquitatibus nostris, nisi eorum proscriptionibus & rapinis, qui exactionis publicæ nomen in quaestus proprii emolumenta verterant?* Ce qui me fait estimer que les Bagaudes des Alpes, desquels nous auons fait cy deuant mention, estoient de ceste sorte de gens, qui se retiroient és Alpes pour faire le mestier que font au iourd'huy les Bandoliers des Monts Pyrenees. I'ay esté aduertty qu'on trouue és memoires de S. Maur des Fossees pres Paris, qu'il s'appelloit anciennement *Castrum Bagaudarum*, pource qu'il a esté vn temps l'vn des Forts où ils faisoient leur retraite.

EN la mesme annee les Vvisigoths aians pris les armes contre les Sueues, gagnerēt vne grande bataille sur eux, par laquelle ils mirent leur Roy Ricila en fuite, & gaignerēt vn grand butin sur eux. Iornandes.

ENVIRON lequel temps aussi Beremuth fils de Thorismund Roy des Ostrogoths, quittant volontairement le Royaume de son pere pour n'estre vassal des Huns, se retira en Espagne vers Theoderic nouvellement Roy, qui luy fit espouser femme, en laquelle il engendra Vederic, qui fut pere d'Eutharic, lequel espousa cy apres Amalasuinthe fille vnique de Theoderic Roy des Ostrogoths en Italie, dont nasquit son successeur Atharic. Ce pendant Vallamir homme fort vaillant à la guerre fut comme plus proche du sang royal constitué Roy des Ostrogots, au lieu dudit Beremuth.

L'EGLISE de Constantinople qui depuis la deposition de S. Iean Chrysostome estoit demouree en schisme & en diuision, fut reduicte ceste annee en concorde & vnion par l'entremise du Patriarche Proclus qui fit rapporter à Cōstantinople le corps dudit Chrysostome du lieu où il estoit decedé. Socrates liu. 7. chap. 25. & 45.

Du Monde.	4565	Papes.	8	R. des François.	9
De Rome.	1190	E. d'Orient.	32	R. des Vvisigoths.	2
De Iesus Christ.	439	E. d'Occident.	14	R. des Vvandales.	13
Indiction.	7	R. de Perse.	19	R. des Lombards.	14
				R. des Huns.	11

FLA. THEODOSIVS EMP. AVG. pour la 17. fois Consul, avec FLA. FESTVS.

LES beaux exploits de guerre que Littorius auoit cy deuant faits sur les Vvisigoths, le firent conceuoir vne telle opinion de soy-mesme, que pour paruenir à la reputation en laquelle il voioit Aetius estre, il se mit en fantasie de chasser lesdits Vvisigoths totalement de la Gaule. Tellemēt que suiuant ceste intention il mena son camp droit deuant la ville de Tholose (comme tesmoigne la Chronique d'Idatius) pour ce que c'estoit la principale & de plus d'importance de toutes celles qu'ils auoient en la Gaule. Ce qui donna aussi vne telle crainte au Roy Theoderic de la perdre, qu'il luy enuoia demander la paix fort humblement par aucuns Euesques: laquelle il refusa d'autant orgueilleusement, qu'il se tenoit assuré de la victoire par la promesse que luy en faisoient les Deuins. Dont il fut forcé à Theoderic en faisant de necessité vertu, exposer courageusement toute sa puissance au hazard du combat contre la Romaine. Enquoy l'heur luy aduint si bien, qu'il en obtint vne glorieuse victoire, avec laquelle Littorius demeura son prisonnier, qu'il fit entrer captif

captif dedans la ville qu'il assiegeoit, le iour mesme qu'il s'estoit presumptueusement vanté d'y entrer victorieux : où il mourut fort miserablement, selon que recite Saluianus en son liu. 7. du iuste iugement de Dieu : où il décrit aussi ce fait en telle sorte, qu'il merite d'estre icy rapporté es mesmes termes qu'il nous l'a donné, disant : *Probauit hoc bello proximo in felicitas nostra. Cum enim Gothi metuerent nos, presumpsimus nos in viribus spem ponere, illi in Deo: cum pax ab illis postularetur, illi Episcopos mitterent, nos repelleremus: illi etiam in alienis sacerdotibus Deum honorarent, nos etiam in nostris contemneremus: prout actus utriusque partis ita & rerum terminus. Illis data est in summo timore palma, nobis in summa elatione confusio. Namque agnouit hoc ille dux nostræ partis, qui eandem urbem hostium quam eodem die se intraturum esse presumpsit, captiuus intrauit. Il dit encor' apres: Ille denique longo tempore & diuturno in ergastulo Barbarorum tabe consumptus, in hanc miseriam radactus est. Denique Rex ipse hostium, quantum res prodidit ac probauit, usque ad diem pugnae prostratus cilicio preces fudit. Ante bellum in oratione iacuit, ad bellum de oratione surrexit, priusquam pugnam manu capesseret, supplicatione pugnavit. Et ideo fidens ad pugnam processit, quia iam meruerat in oratione victoriam.* Or combien que Prosper afferme que la victoire fut incertaine, si est-ce qu'il conuient avec Iornandes, Isidore, Idacius, & la Chronique des Vuisigoths, qu'elle se fit ceste annee. Et que bien tost apres s'en ensuiuit la paix, quand Aëtius, qui auoit lors la superintendance sur toute la gendarmerie d'Occident, eut enuoyé Auitus vers Theodoric, lequel il persuada si bien qu'il le fit cōdescendre d'appointement avec l'Empire, par lequel la guerre qui estoit entre les Romains & les Goths, fut terminée, estant l'Empereur contraint de la rechercher ou accepter par les Vvandales, qui s'agrandissoient en Afrique.

CAR Genferich contreuenāt à la paix qu'il auoit iuree avec les Romains, s'empara par surprise de la cité de Carthage, & y entra en la mesme annee, le 19. iour d'Octobre, 585. apres qu'elle eut esté reduite en l'obeissance des Romains. Au moyen dequoy tout le reste de l'Afrique fut forcé de se ranger souz la loy des Vvandales. Tellement que Genferich y fut tousiours depuis le plus fort iusques à sa mort, par l'espace de 39. ans. Prosper, Procopius, Marcellinus Comes, P. Diacre.

VN Concile à Liege en la Gaule Narbonnoise fut celebré à l'occasion de deux Euesques, qui auoient consacré l'Euesque d'Ambrun sans l'auctorité de leur Metropolitain. Et fut ceste matiere furent ordonnez certains statuts audit Concile, qui fut appelé Regienfe. Vn à Hierusalem, & deux à Rome furent celebres souz le Pape Xiste. Liure des Conciles, Onufrius.

SOZOMENES Historiographe, natif de la ville de Salamine en Cypre, a continué son histoire Ecclesiastique, diuisee en neuf liures, iusques à ce Consulat, depuis celuy de Crispus & de Constantin.

Du Monde.	4566	Papes.	1	R. des Vuisigoths.	13
De Rome.	1191	E. d' Orient.	33	R. des Vvandales.	14
De Iesus Christ.	440	E. d' Occident.	15	R. des Lombards.	15
Indiction.	8	R. de Perse.	20	R. des Huns.	12
		R. des François.	10		

FLA. VALENTINIANVS AVG. pour la 5. fois Consul, avec **FLA. ANATOLIVS.**

GENSERICH cherchant tous moyens de s'agrandir, mena vne armee en Sicile, où il sembloit qu'il eust deu faire quelque chose de bon pour luy, si aduertissement ne luy fust venu, qu'un Capitaine Romain nommé Sebastian, estoit par le commandement de l'Empereur Valentinian passé d'Espagne en Afrique contre luy. Qui fut cause de le faire retourner garder son Royaume : où il eut moins d'affaires qu'il ne pensoit, à cause de la lascheté de son ennemy, qui en s'acquittant trop mollement de son deuoir, & en se montrant plus amy des Vvandales que de l'honneur de son maistre, se laissa facilement surprendre & mettre à mort, par les menées du Roy Genferich. Prosper, P. Diacre.

A L'ESTAT de Littorius decedé entre les mains des Goths, fut substitué vn Albinus: lequel estant arriué en Gaule, entra pour le gouuernement d'icelle en dissention avec

Ætius, voulant commander de pareille auctorité que luy. Et pource que leur discord sembla menacer la Republique Romaine de quelque danger, le Pape Xiste enuoya Leon Diacre de son Eglise vers eux pour les reconcilier ensemble. Apres celà, Ætius s'en voulut retourner en Italie: mais auant son depart (si ce que nous trouuons escrit en vne ancienne Chronique non imprimee est vray) il laissa la garde de Valence aux Alains, sur lesquels commandoit vn nommé Sambida, que l'estime estre celuy qui sera cy apres appellé Sangiban, avec laquelle il leur assigna quelques terres pour les posseder en propriété, pour raison desquelles ils entrèrent deux ans apres en guerre contre ceux qui les voulurent empêcher d'en prendre possession. Mais ce que ladite Chronique attribue la garde de Valence donnée aux Alains à la dixhuitiesme année de l'Empire du ieune Theodose, est pource qu'elle compte son regne depuis la mort de l'Empereur Honorius, comme si l'Empire d'Occident fust par icelle reuenue à luy: ce que ie voy aussi auoir esté fait, par plusieurs autres anciennes Chroniques.

Il semble pareillement que ce fut au mesme temps que l'Empereur Valentinian r'appella la legion qu'il auoit cy deuant enuoyee en la Bretagne pour la defense & ruition d'icelle, contre les Escossois & les Pictes: & que Galion qui en estoit Capitaine, la mena par son commandement en Espagne. Mais quād il voulut partir, cognoissant qu'il seroit trop penible & fascheux à vne armee, de faire souuēt telles allees & venuës en ceste isle là, pour des brigandeaux, vagabons, fuyars & mal-adroits à la guerre, ils enseignerēt aux Bretōs la maniere de se defendre eux-mesmes par les armes, & de fortifier leurs villes. Et puis pour ne plus retourner, firent redresser & remparer le mur qu'on auoit autresfois esleué, à l'endroit par lequel les ennemis auoient accoustumé de se ietter dedans les prouinces que les Romains tenoient en la Bretagne. Gildas, Beda, P. Diacre, Ado.

D'AVTREPART Ricila fils du Roy des Sueues d'Espagne, voyant les forces que l'Empereur auoit en Espagne, passees en Afrique, se ietta sur les terres des Romains, & occupa le païs Betique, avec la prouince Carthaginoise. Iordanes.

XISTE Euesque de Rome mourut le 28. iour de Mars. Et pource que le peuple fauorisoit grandement à Leon Diacre de l'Eglise Romaine, qui estoit allé es Gaules en ambassade pour reconcilier Ætius avec Albinus, l'election d'un nouveau Pape fut retardee iusqu'à son retour, par laquelle il fut esleu, des voix de tous, Euesque de Rome, le douzieme iour de May: tellemēt qu'il presida deslors au siege Romain (au compte d'Onufrius) vingt ans, vnze mois. Tous les Historiographes conuiennent qu'il a esté homme de bonne vie, de grand iugement, bien entendu en affaires d'estat, & de singuliere erudition, de laquelle ses epistres Decretales rendent bon tesmoignage, 66. desquelles sont venuës iusques à nous avec aucuns autres escrits: où il a fort doctement soustenu la doctrine Catholique contre l'heresie de Pelagius, Nestorius, Eutyches, & autres qui eurent vogue de son temps. Occasion pourquoy le surnom de Grand luy fut donné. En l'epistre 80. il parle du mariage des Ministres de l'Eglise en ceste sorte: Declarant qu'il estoit d'aduis que ceux qui estoient mariez, & auoient encores leurs femmes avec eux, pouuoient estre admis au ministere. Et ceux aussi qui y estoient ia, se pouuoient semblablement marier, pourueu que ce ne fust en secondes nopces, ny à vne vefue, ny à vne repudiee.

SEDLIVS Escossois de nation, homme de grand sçauoir & iugement, duquel ses escrits rendent tesmoignage, florissoit en ce temps, ayant son contemporain en Afrique l'Euesque Primasius, personnage aussi excellent en sçauoir & en pieté, qui a laissé grād nombre d'escrits à la posterité.

IULIAN Euesque de Capua en Italie, estant demis de son Euesché pour ses maluerfactions, s'adonna par despit à maintenir l'heresie d'Arrius.

Du Monde.	4567	Papes.	2	R. des Visigoths.	14
De Rome.	1192	E. d'Orient.	34	R. des Vandales.	15
De Iesus Christ.	441	E. d'Occident.	16	R. des Lombards.	16
Indiction.	9	R. de Perse.	1	R. des Huns.	13
		R. des François.	11		

F L A.

FLA. CYRVS, sans adioint, Consul.

L'EMPEREUR Theodose ayant honte de voir l'Afrique alienee de l'Empire Romain, despescha vne grande armee pour l'aller retirer des mains des Vandales: laquelle estant venue descendre en Sicile, souz la conduite des Comtes Arcobinde, Anaxile & Germain, y fit si long sejour, qu'elle y fut plus onereuse que secourable à l'Afrique. Ce nonobstant le Roy Genserik craignant la puissance de l'Empereur Theodose, l'enuoya requerir de paix. Prosper, Iordanes.

D'AUTREPART estant mort Varananes fils d'Isdigertes Roy des Perles en la 20. annee de son regne, l'un de ses fils, qui n'a esté nommé par Agathius, luy succeda à la couronne, avec laquelle il regna selon le mesme Auteur 17. ans, 4. mois, qui n'a fait mention d'aucune chose memorable executee par luy. Les autres toutesfois l'ont appelé Varananes 5. de ce nom. Marcellinus Comes aussi tesmoigne, que les Perles, Sarrazins, Isauriens, Zanniés & Huns orientaux, se desborderent sur les prouinces Orientales de l'Empire Romain, qui fut cause que l'Empereur Theodose enuoia les Comtes Anatolius & Aspar avec armee contre eux, qui au lieu de les combattre, accorderent trefues avec eux pour vn an.

Les Turingiens, Saxons & autres peuples d'Allemagne furent au mesme temps vaincus par Clodion Roy des François, selon que Funcius a noté. Autres adioustent, que la cité de Majence fut aussi conquestee par luy, & qu'il diuisa semblablement son Royaume en deux parties, nommant celle du costé du Rhin Austrasie, & l'autre qui regardoit l'Occident Vvestrie ou Neustrie. Mais ie ne sçay si tout cela pourroit bien estre party du tesmoignage de quelque ancien auteur autre que le Humbaut de Triterius. Combien que ie ne peux croire que les François soient demeurez en repos depuis douze ou quatorze ans entre tant d'empeschemens que les Romains y ont eu contre les Gots, Vandales, Bourguignons & Sueues. Car il ne semble pas qu'on puisse attribuer qu'à eux, ce qui est escrit des villes de Majence, de Cologne & de Treues, au liure de Saluianus Euesque de Marseille où il dit: *Non hoc agitur iam in Magontiacensium ciuitate, sed quia deleta & excisa est. Non agitur de Agrippina, sed quia hostibus plena. Non agitur de Treuerorū urbe excellentissima, sed quia quadruplici est euerfione prostrata.* Ailleurs parlāt à icelle: *Nam quia te ter excidia non correxerunt, quarto perire meruisti.* Or il nous fait entendre en vn autre endroit, que cela estoit aduenu deuant la prise de Carthage par les Vandales. Et puis que la ville de Treues a esté tant de fois prise & destruite, c'est bien à dire qu'on la voulu autant de fois restaurer, & que cela ne fust pas fait sans guerre.

HERMERIC Roy des Sueues en Espagne mourut, & luy succeda à la couronne son fils Riccila, qui conquesta par sa vaillance les prouinces Betique & Carthaginoise, & les annexa à son royaume: où il regna (tesmoin l'ancienne Chronique des Visigoths) 8. ans. Qui est aussi le Compte de Roderic de Tolete, & autres lesquels cōuiennent qu'il regnoit ja avec son pere, & admistroit les affaires de son Royaume dès long temps auparauant.

BLEDA & Attila Roy des Huns, & de plusieurs nations Scythiques sortans de la Pannonie avec grāde armee, coururent & rauagerent les païs de Grece & d'Illyrie: où ils prirent, saccagerent & ruinerent les villes de Naissum & Sigidunum, avec plusieurs autres en la Moesie, contraignans toutes les nations par où ils mettoient le pied, de se mettre en leur obeissance. Ce qui causa vne telle crainte aux autres peuples, que Ardaric Roy des Gepides (tesmoin Michael Riccius) se rendit volontairement à eux: l'exemple duquel fut incōtinent ensuiuy des Marcomans, Sueues, Heruliens & Turingiens. Qui fut cause que l'Empereur enuoia deux siens Lieutenans à sçauoir Iean & Arnesgil, contre eux, desquels le dernier combatit Attila assez heureusement aupres de la ville de Martianopolis en la Moesie: & l'autre Bleda en la Thrace. Qui fut cause de mettre vne ialousie entre ces deux personnages, à l'occasion de laquelle Iean fut mis à mort par son compagnon. Prosper, Marcellinus Comes.

DOMNVS ou Domino fut ceste annee institué Euesque d'Antioche, & presida 7. ans. Nicephore

Le premier Concile d'Aurenges au Languedoc fut tenu ceste annee selon le liure des Conciles.

La faction ou sedition des Bagaudes, qui souz la conduite d'un Capitaine nommé Atto trouboit les Gaules, fut par Æce esteinte & opprimee. Sigebert. Auentin dit qu'Eudoxe Medecin, qui en estoit le principal auteur, s'enfuit aux Huns.

<i>Du Monde.</i>	4568	<i>Papes.</i>	3	<i>R. des Vvisgoths.</i>	15
<i>De Rome.</i>	1193	<i>E. d'Orient.</i>	35	<i>R. des Vvandales.</i>	16
<i>De Iesus Christ.</i>	442	<i>E. d'Occident.</i>	17	<i>R. des Lombards.</i>	17
<i>Indiction.</i>	10	<i>R. de Perse.</i>	2	<i>R. des Huns.</i>	14
		<i>R. des François.</i>	12		

FLA. EVDOXIVS, & FLA. DIOSCORVS, Consuls.

L'EFFROY que les Huns donnoient aux Romains, força l'Empereur Valentinian d'oſtroyer paix aux Vvandales, en leur laiſſant en propriété pour leur demeure, la moitié de l'Afrique. Prosper, Caſſiodore.

A ſçauoir les contrees de Byzacene, Abaritane, Zeugitane, avec vne partie de la Getulie, deſquelles ils deuoient (ce dit Procopius) rendre certain tribut à l'Empereur Valentinian, & rendre le reſte qu'ils auoient occupé à l'Empire: afin de rappeler l'armee qu'il auoit en Sicile, pour l'enuoyer contre les Huns. Leſquels apres auoir gaſté, deſtruit & ruiné le pays Illyric, vindrent deſcharger leur tempeſte ſur la Thrace, de telle forcenerie qu'elle n'auoit onques eſté auparauât traitee de ſi miſerable façõ par aucune autre natiõ barbare. Et vindrèt encor faire vn auſſi piteux meſnage en la Grece & Macedonne. Tellement qu'il n'y eut pais ny faux-bourg de forte ville, ny ville forçable, depuis la mer Ionique iulques à Conſtantinople, qui ne ſe ſentiſt lors de leur cruauté, ſans que l'armee qui eſtoit enuoiee contre eux, peult autre choſe faire, que de les irriter d'auantage. Prosper, Procopius, Iornandes, Marcellinus Comes, Caſſiodore.

EVCHERIVS homme de grand ſçauoir, floriſſoit en ce temps en la Gaule, teſmoin Claudianus & Mamertus, qui nous fait eſtimer qu'il eſtoit autre que celuy qui fut depuis Eueſque de Lyon.

LES deux Synodes de Veſenſe furent celebrez enuiron ce temps: l'un deſquels ordonna qu'on chantat à la Meſſe trois fois *Sanctus &c.* Et qu'on adiouſtaſt au *Gloria patri &c. Sicut erat in principio.* Qu'on chantat oultre plus *Kyrie eleiſon* aux Eglises. Defend auſſi aux preſtres de prendre aucun ſalaire pour la ſepulture des morts. Et leur enioint auſſi de preſcher en toutes les paroiſſes: & en deſaut d'eux, aux Diacres de lire les Homelies des ſaincts Peres.

<i>Du Monde.</i>	4569	<i>Papes.</i>	4	<i>R. des Vvisgoths.</i>	16
<i>De Rome.</i>	1194	<i>E. d'Orient.</i>	36	<i>R. des Vvandales.</i>	17
<i>De Iesus Christ.</i>	443	<i>E. d'Occident.</i>	18	<i>R. des Lombards.</i>	18
<i>Indiction.</i>	11	<i>R. de Perse.</i>	3	<i>R. des Huns.</i>	15
		<i>R. des François.</i>	13		

FLA. ANICIVS MAXIMVS, & FLA. PATERNVS, Consuls.

L'EMPEREUR Theodoſe ſe voyant ne pouuoir par armes rembarre les Huns, fut contraint de marchander avec eux vne paix moins honneſte que neceſſaire, afin de les faire retirer en leur pais: laquelle luy fut accordee moyennant la ſomme de ſix mille liures d'or qu'ils receurent contant, & de mille mines d'or qui leur deuoient eſtre paiees tous les ans, ſils n'entreprenoient rien plus ſur les prouinces de l'Empire. Ce qui fut le ſeul moyen de les faire retourner, emmenans tout leur butin avec eux avec plus de ſixvingt mille creatures captiues. Procopius.

EN la meſme annee, qui eſtoit la 20. apres le trespas de l'Empereur Honorius, laquelle aucunes anciennes Chroniques diſent eſtre la 20. de l'Empire du ieune Theodoſe) le pais appellé lors Sapaudia fut donné aux Bourguignons, pour eſtre partagé avec les habitants naturels, ſelon qu'il ſe trouue eſcrit en vne fort ancienne Chronique Latine non imprimee. Et pource qu'il eſt fait mention au liure intitulé *Notitia imperij Romani*, de ce mot de Sapaudia, entre les offices des gardes des ports & riuages des riuieres de la Gaule, où *Præſectus claſſis Barcariorum Ebreduni Sapaudiæ* eſt nommé, & *Tribunus Cohortis primæ Flauie Sapaudiæ Calaronæ*, autres liſent *Gratianopoli*: celà me donne argument d'eſtimer

d'estimer que le païs qui fut donné ceste année aux Bourguignons, comprenoit vne partie de ce qu'on appelle auioird'huy le Dauphiné & la Sauoye, & que de Sapaudia s'est fait le nom de Sabaudia, qui pourroit aussi auoir son origine de la cohorte diète *Flauia prima Sapaudia*.

CLODION Roy des François, après auoir réduit les païs de Cambray, Tournay, des Tongriens dits Brabançons, & des Toxiandriens en son obeissance, mena son armée en ce temps (tesmoin Sigebert & les histoires de Flandres) contre ceux de Theroüane, qu'on appelloit Moriniens : lesquels furent pareillement cōtraincts de se submettre à luy, après qu'ils eurent veu le secours des Cimbres & Rhuteniens qui venoit pour eux, desconfit : & leur Capitaine nommé Godmard occis, qui auoit vne fille que Clodion fit espouser à vn sien nepueu fils de sa sœur Blesinde, qui se nommoit Flandbert : & puis luy donna le gouuernement des païs desdits Rutheniens & Cimbres, & generally de tout le païs maritime de la Belgique, qu'il auoit nouvellement conquis. De façon que lesdites histoires de Flandres tiennent qu'il print deslors l'appellation de Flandres, du nom de son premier gouuerneur François. Mais pource que ny Gregoire de Tours, ny Aimoinus, ny aucun autre ancien & fidele Historiographe François a fait mention de ladite nomination de Flandre, non plus que de son autheur deuant Charlemagne : celà fait sembler l'opinion des autres plus vray-semblable, qui en attribuent l'origine à Flandra, femme du premier Comte dudit pays.

Le second Synode d'Aurenges tenu ceste année, ordonna 25. Canons : l'un desquels tient pour excommuniez ceux qui estiment qu'aucuns sont predestinez à mal. Vn autre defend le mariage aux Diacres. Liure des Conciles.

Au mesme temps le Pape Leon descouurit quelques assemblees & conuenticules de Manicheens, qui se faisoient à Rome. Au moyen dequoy il les fit chasser, & brusler leurs liures. Prosper.

Du Monde.	4570	Papes.	5	R. des Vvisigoths.	17
De Rome.	1195	E. d'Orient.	37	R. des Vvandales.	18
De Iesus Christ.	444	E. d'Occident.	19	R. des Lombards.	19
Indiction.	12	R. de Perse.	4	R. des Huns.	16
		R. des François.	14		

FLA. THEODOSIVS AVG. pour la 18. fois Consul avec DECIVS ALBINVS. Au temps desquels l'Empereur Theodose fit mourir par vn Saturninus, vn Prestre nommé Seuerus, & Ieā Diacre, qui seruoient l'Imperatrice Eudoxia sa femme en la ville d'Elia : en despit dequoy elle fit aussi mettre à mort iceluy Saturnin. Qui fut cause que l'Empereur luy ostant tout son train Royal, la confina à acheuer le reste de sa vie en ladite ville. Marcellinus Comes.

En la mesme année, Attila se trouua tellement enyuré d'ambition de regner seul, qu'il fit mourir son frere Bleda, afin qu'il rangeast souz sa main toutes les nations qui auoient esté de l'appartenance d'iceluy : selon que Prosper, Cassiodore, Marcellinus Comes ont noté : combien que les histoires de Hongrie tiennent que celà se fit apres son retour des Gaules.

Le Concile de Carpentras rapporté à ce temps, fait mention d'un abus qui estoit pour lors en vsage, des biens de l'Eglise : pource qu'il y auoit des Euesques qui en prenoient tout le reuenue, sans en laisser que bien peu aux Eglises auxquelles ils appartenoient. Lequel abus il redarguë & corrige. Liure des Conciles.

BRICE Euesque de Tours, disciple & successeur de saint Martin, mourut ceste année. Gregoire de Tours.

Du Monde.	4571	Papes.	6		
De Rome.	1196	E. d'Orient.	38	R. des Vvisigoths.	18
De Iesus Christ.	445	E. d'Occident.	20	R. des Vvandales.	19
Indiction.	13	R. de Perse.	5	R. des Lombards.	20
		R. des François.	15	R. des Huns.	17

VALENTINIANVS 3. AVG. pour la 6. fois Consul, avec FLA. NONIVS SYMMACHVS.

Av temps desquels Prosper d'Aquitaine qui viuoit & florissoit en ce temps, a terminé son Chronicon selon que nous l'auons : combien que d'autres tiennent qu'il l'a continué iusques au 8. Consulat dudit Valentinian. On cognoist par ses escrits, qu'il fut grandement docte tant es lettres humaines que diuines. A cause dequoy le Pape Leon le fit son Secrétaire, pour s'aider de luy à écrire ses epistres Decretales. Les contemporains d'iceluy furent Eucher Euesque de Lion, qui a escrit vn liure de Questions sur le vieil & nouveau Testament : Salonius Archeuesque de Vienne, Vincent vn autre Euesque, & Saluianus Euesque de Marseille, duquel nous auons huit excellens liures de la Prouidence & iustice diuine, dediez audit Salonius, esquels il décrit fort naïfement & elegamment les causes des calamitez qui aduindrent en ce siecle aux provinces Occidentales de l'Empire Romain par les nations barbares : & semble qu'il les publia en ceste dixiesme d'annees, auant que Attila fust entré es Gaules, pource qu'il ne fait aucune mention d'iceluy : Mais Vincent, si c'est luy qui a esté surnommé Lirinensis, ayant composé son liure intitulé *Aduersus omnium hereseon profanas nouitates*, dès l'an 434. comme luy-mesme tesmoigne.

Vn Euesque d'Arles nommé Hilaire, faisoit coustume d'ordonner des Euesques en sa prouince, sans en prendre aduis du Pape de Rome. Qui fut cause que le Pape Leon s'en plaignit à l'Empereur Valentinian, lequel en escriuit au Comte Ætius ; pour defendre à cest Euesque de plus faire aucune ordination d'Euesques deuant que d'en auoir le commandement du Pape.

THEODORET Euesque de Cyre, homme fort eloquent & de grande erudition, comme ses escrits tesmoignent, florissoit en ce temps, avec Basile Euesque de Seleucie, Memnon d'Ephese, Eusebe de Dorilee.

Du Monde.	4572	Papes.	7	R. des Visigoths.	19
De Rome.	1197	E. d'Orient.	39	R. des Vandales.	19
De Iesus Christ.	446	E. d'Occident.	21	R. des Lombards.	21
Indiction.	14	R. de Perse.	6	R. des Huns.	18
		R. des François.	16		

Q. AVRELIVS SYMMACHVS, & FLA. ÆTIVS, pour la 3. fois Consuls.

LES Escossois accompagnez des Pictes, espierent à leur accoustumee, le temps que la grande Bretagne estoit plus mal gardee que de coustume. A cause dequoy ils reuindrent donner dedans, de telle furie qu'ils renuerferent le mur qui leur empeschoit le passage. Et puis firent ce qu'ils voulurent de maux aux pauvres Bretons : lesquels firent entendre leurs doleances par lettres fort pitoyables au Capitaine Ætius, qui estoit lors pour la troisieme fois Consul. Mais pource que les affaires qu'il auoit ailleurs (Beda pèse qu'il estoit ia occupé à la guerre contre les Huns) ne luy permirent de leur enuoyer secours, force leur fut (dit Hector Boëthius liure septiesme) de se rendre tributaires de leurs ennemis, apres qu'ils eurent esté desconfit par eux en vne grosse bataille.

GILDAS escrit que la peste & la famine contraignirent quelques anneés apres les Escossois (qu'il appelle Hiberniens) de se retirer en leurs maisons pour en reuenir bien tost apres : cependant que les Pictes se meirent en possession de la derniere partie d'Angleterre qui regarde le North, pour y faire leur demeure & residence perpetuelle : & que les Bretons faisans de necessité vertu, commencerent de s'accommoder à l'usage des armes, pour estre prests de se defendre contre leurs agresseurs : faisans quant-&-quant eslection d'un Roy, pour estre conduits & gouuernez par luy ; lequel se nommoit (au rapport de Paul Diacre & d'Ado) Vvortigere, qui toutesfois s'abusent en l'estimant auoir esté Saxon de nation. Cela nous sert d'aduertissement, pour monstrier que les Bretons n'estoient gouuernez par Rois auparauant ; & que les Escossois aussi auant ceste derniere arriuee qu'ils firent, ce disent Beda & Polidore Virgile liu. 3. souz leur Roy Reuda, qui se deuroit appeller, selon Hector Boëthius, Eugene, n'auoient encore leur demeure arrestee au pais qu'ils habitent auourd'huy.

PROCLVS

PROCLUS Euefque de Constantinople mourut ceste annee, & luy fut donné Flavianus pour fuccesseur, qui gouuerna son Eglise huit ans. Nicephore, Zonare.

Du Monde.	4573	Papes.	8	R. des Vvifigoths.	20
De Rome.	1198	E. d Orient.	40	R. des Vvandales.	21
De Iesus Christ.	447	E. d Occident.	22	R. des Lombards.	22
Indiction.	15	R. de Perse.	7	R. des Huns.	19
		R. des François.	17		

FALTONIVS PROBVS ALIPIVS, & FLA. ARDABVRIVS, Consuls.

ATTILA apres auoir subiugué & reduit en son obeissance la pluspart des nations de la Scythie, se resolut encore de faire la guerre à toutes les nations de l'Europe qui ne se vou droient volontairement soumettre à luy: tellement que souz ceste deliberation, il com mença de dresser ses apprests & prouisions de guerre. Mais il ne laissa cepédant de marcher tousiours en pais. De sorte qu'il faisoit tousiours quelque nouuelle conquête, signâment sur les prouinces Romaines: à toutes lesquelles il denonça la guerre, pourautant comme il disoit que l'Empereur Theodose auoit cessé de payer le tribut qu'il luy auoit promis. Car il enuoya vne grande troupe de ses Huns pour courir le pais de Dace, où il leur fut fa cile d'entrer, s'estant le Danube trouué gelé pour leur donner passage. Si est-ce toutes fois que ce fut à leur malheur: car nonobstant que Marcellinus Comes escriue qu'ils def firent & mirent en pieces l'armee Romaine qui s'osa presenter deuant eux, avec le Capitai ne d'icelle nommé Aragillus ou Arnegillus, qui fut occis sur le champ: neantmoins nous sommes par Sidonius Apollinaris autremét informez de l'issuë de ceste bataille. Car il de clare au Panegyrique dedié à l'Empereur Anthemius, que ce fut luy qui estât chef de l'ar mee Romaine en ceste guerre, avec Arnegillus, mena l'ennemy qui couroit la Dace de si bonne façon, qu'apres l'auoir lassé, enfermé & assiégué, vint à la bataille contre luy: de la quelle il emporta la victoire par sa prudence & vaillance: nonobstant que son compagnon l'eust trahy & abandonné en icelle, s'estant allé rendre au camp des Barbares. A cause de quoy apres qu'il les eut desconfits & vaincus, il permit à ceux qui eschapperent de ce con flict, de s'en retourner en paix en leur pais, moyennant qu'ils fissent mourir le traistre qui s'estoit donné à eux. Ce qui se voit décrit au lieu où il dit: *Gens ista repente venerat, & sectas inciderat orbita lymphas:* & ce qui suit apres. Or combien que telle ait esté l'issuë de ceste en treprinse des Huns, neâtmoins l'Empereur Theodose redoutât la puissance & fierté d'At tila, qui menaçoit tout le monde de ruine & de subuersion, enuoya des Ambassadeurs de uers luy; entre lesquels fut (à ce qu'escriit Iornandes) Priscus l'historien, pour traiter vne nouuelle paix avec luy. Qui semble auoir esté accordee, parce qu'Attila ne fit de plusieurs annees apres aucune entreprinse sur l'Empire Romain: & que nous sommes aduertis par vne epistre de Theodoric Roy d'Italie, qui est entre celles de Cassiodore, qu'il fit aussi paix au mesme temps avec l'Empereur Valentinian pour l'Empire d'Occident, ayans esté Car pilio fils d'Ætius & Cassiodore ayeul dudit Cassiodore le Senateur, enuoyez vers iceluy pour l'impetrer. Combien qu'il la pourroit bien auoir accordee, afin de plus aisémét trom per par icelle l'Empereur Valentinian, comme il s'efforça de faire cy apres par la ruzé dont il voulut vser enuers luy.

EN la mesme annee l'Empereur Theodose fit publier le Code de ses nouuelles Consti tutions, lequel il fit appeller les Nouuelles; & ordonna qu'il fust adiousté à son Code, & te nu de mesme auctorité d'iceluy és iugemens.

CYRILLVS Euefque d'Alexâdrie mourut ceste annee, & eut pour successeur Diosco rus, qui presida quatre ans. Nicephore & Zonare.

SALONIVS Euefque de Vienne florissoit en ce temps en reputation de sçaitoir & de saincteté.

<i>Du Monde.</i>	4574	<i>Papes.</i>	9	<i>R. des Vvisgoths.</i>	21
<i>De Rome.</i>	1199	<i>E. d'Orient.</i>	41	<i>R. des Vandales.</i>	21
<i>De Iesus Christ.</i>	448	<i>E. d'Occident.</i>	23	<i>R. des Lombards.</i>	23
<i>Indiction.</i>	1	<i>R. de Perse.</i>	8	<i>R. des Huns.</i>	20
		<i>R. des François.</i>	18		

RUFFINVS POSTVMIANVS PRETEXTATVS, & FLA. ZENO, Consuls.

CLODION surnommé le Cheuelu, second Roy des François, mourut ceste année (tesmoin Sigebert & les histoires de France) laissant trois fils legitimes en fort bas aage, nommez Rauchaire ou Rauachaire, Regnault & Alberic ou Aulberon (selô que Iaques Meyer & Richard de Vvassebourg en leurs histoires de la Gaule Belgique racomptent) souz la tutelle & gouuernement de son Connestable ou Maistre du Palais nommé Merouee, que l'Abbé de Vrsperg toutesfois estime auoir esté son fils bastard, & tous les autres son proche parent pour le moins. Mais tant y a que pource qu'il estoit en telle reputation enuers tous les François à cause de sa vaillance & experience au faict de la guerre, qu'ils l'aimèrent mieux faire leur Roy que les enfans du defunct encores fort ieunes. Ce qu'on estime encor auoir esté cause que plusieurs François qui n'estoient iamais sortis de leur ancien pais, le vindrent volontairement trouuer en la Gaule: où il semble s'estre le premier donné la loy de se promener hardiment, soit que par force d'armes il s'y ouurist la voye, ou que par capitulation faite avec les Romains luy fust donnee assiette en la Gaule, où aucun de ses predecesseurs n'auoit encore eu siege arresté & paisible. Et pour ceste cause noz ancestres le recognoissant quasi comme premier Roy qui passa en ces pais, appellerent les François Merouingiens. Combien que la pluspart estime que ce fut à raison de ce qu'il estoit le premier de sa lignee qui regna sur les François iusques à Pepin. D'autant que les enfans de Clodion furent supplantez par luy, & deboutez du droict de la succession de leur pere, non sans grand danger mesmement de leurs personnes, si leur mere ne les eust (au rapport des auteurs precedents) retirez au Royaume de Turingie, où (quand ils furent venuz en aage) ils s'allierent de plusieurs nations d'Alemagne, qui les secoururent (comme ils disent) & aiderent à recouurer vne portion du Royaume de leur pere: comme le pais de Cambresi, Tournay, Hainault & Cologne. De sorte qu'ils s'en nommerent Rois, & les defendirent longuement eux & leur posterité cōtre les successeurs de Merouee iusques à Louys, tant par leurs propres forces, que par le support des Bourguignons & des Romains qui dominoient encor à Soissons & en Lorraine. Qui pourroit estre l'occasion que Gregoire de Tours, Aimoinus, Ado, la Chronique de Iordanes, de laquelle Cuspinianus fait mention en son liure des Consuls, appellent vn certain Rauachaire & ses freres Rois de Cambray, de Cologne & des enuirs; lesquels le Roy Clouis mesme confessoit estre de sa parenté. Dont on peult raisonnablement inferer, qu'ils estoient de la race de Clodion, par qui le Cambresi (tesmoin mesme Gregoire) auoit esté conquesté. Autrement on ne voit point pourquoy ils se fussent osez donner le tiltre de Rois dudit pais, ny porter la longue chevelure comme les Rois, ainsi que tesmoigne Aimoinus liure premier, chapitre vingttrois. Encores qu'ils ne facent mention d'aucuns enfans dudit Clodion: si nous ne voulions adiouter foy au tesmoignage des Chroniqueurs de Flandre, qui les appellent seulement ses arriere-nepueux, & fils de Flandebert, par la mort duquel ils luy succederent cy apres es pais de Cambresi, Hainault & Artois, par la permission du Roy Chilperic. Ou si l'opinion d'Auentin & de quelques autres Historiens Alemans n'auoit plus d'apparence, qui disent que quand les François se delibererent premierement d'entrer en la conqueste de la Gaule, qu'ils diuiserent toutes leurs forces en douze bandes, souz douze Capitaines, portans le nom de Rois: desquels toutesfois Childeric fils de Merouee estoit le principal: & entrerent par autant d'endroits en ladite Gaule, afin de causer plus d'espouuement aux Romains & aux peuples qu'ils vouloient subiuguer: & qu'on ne sceust aussi de quelle part aller au deuant d'eux. Dont il aduint que chascun Roy se fit seigneur du pays qu'il conquesta. De façon qu'ils se persuadent que les Rois de Cambray & de Cologne procederent aussi de là.

D'autant

D'autant que les villes de Majence, Spire & Vvormes tomberent entre les mains de cinq desdits Rois, nommez Arbogaste, Drogo, Haronic, Haganon, Geberich, avec son fils Gunthare: Cologne & les circonuoinfines à Sigebert & à ses fils, Litannie & Erric: Terroüane, Cambrai & autres à Littomare & Richare. Mais d'autant que nous ne voions point que ceste opinion soit aduouee de quelque ancien autheur, & que s'il falloit croire quelque chose de ces douze Capitaines François, qu'il faudroit avec plus d'apparence rapporter leur arriuee en la Gaule au temps que nous auons monstre que les François se vindrent loger en la Tongrie, puis qu'il est certain par le tesmoignage de Gregoire & de Saluianus, que les François s'estoient dès long temps deuant le Roy Childeric faits seigneurs des villes de Treues, Cologne & Majence, & auoient auancé leurs conquestes iusques à la riuere de Somme & à la forest Charbonniere, sans qu'il se sçache qu'ils en ayent esté dechassez: outre ce que ie ne voudrois pas dire que toutes leddites villes & pais ayent esté occupez par eux tout à vn coup & en mesme temps. Mon opinion est, que pour accorder le different des opinions precedentes, on peut avec quelque verisimilitude estimer, que Clodion estant mort (soit en la 18. selon Sigebert, ou 20. annee de son regne comme Ado & Aimoinus ont voulu) Merouee laissa les pais par iceluy conquestez à ses hoirs & heritiers de son corps, s'il en a eu, qui les diuiserent entre eux, & les possederent iusques à Clouis. Ou bien (s'il a esté vn des fils de Clodion) qu'il en print seulement sa part avec les autres. Et s'il ne l'a esté, mais que Clodion ait aussi eu ses compagnons es pais occupez par les François en la Gaule, qu'il laissa chacun d'eux en l'estat qu'ils tenoient, & qui y voulurent demeurer souz le nom de Ripuariens, se contentant cōment qu'il en soit de se faire chef des Saliens, & des volontaires qui le voulurent suiure: comme aussi des nouvelles troupes des peuples François de delà le Rhin, qui se vindrent apres les premieres ioinde à luy pour auoir part es pais qu'ils pourroient acquerir de nouveau souz la conduite sur l'Empire Romain par deçà la riuere de Somme & la forest Charbonniere. Dont ce que luy & ses successeurs y ont obtenu iusques à la riuere de Loire, semble auoir esté leur propre manoir, plustost qu'entre les trois riuieres de la Meuse, de l'Escault & du Rhin: sinon depuis que Clouis eut deffait les Vvisgoths, & que la loy & police qu'ils y ont portee ou fait obseruer, a esté appelée Salique. Parquoy ce qu'il a esté le premier qui a commencé de mettre le pied & regner dedans le pais de la loy Salique, peut auoir donné occasion à ses successeurs qui y ont tousiours fait depuis leur principal siege & domicile, & d'où ils ont acheué d'abolir l'Empire que les Romains auoient en Gaule, & d'extirper les autres Royaumes qui y auoient aussi pris fondement auant eux, de se faire surnommer par luy Merouingiens iusques à Pepin, plustost que par Clodion, qui n'estoit venu que iusques à la forest Charbonniere, ou par Pharamond, qui n'estoit point sorti de la Tongrie. Mais ce qui est escrit au proëme de la loy Salique du peuple pour qui elle fut faite, & par qui le principal des Gaules fut conquesté en ces mots: *Hægest enim gens quæ parua dum esset numero, fortis robore, validum Romanorum iugum de suis ceruicibus excussit pugnando*: Nous conferme le soupçon que nous auons ja eu cy deuant, que Pharamond, Clodion & Merouee ne commanderent pas generalement sur tous les peuples de la communauté des François, ains seulement sur l'un ou sur l'autre partie d'iceux, signamment sur ceux qui portoient le nom de Saliens. Car nous auons assez demonstre cy dessus & en nostre traité de l'origine des François, que tous les peuples de leur nom & communauté ne faisoient pas vne petite gent ou nation.

A R I C I A Roy des Sueues en Espagne decedé, succeda son fils Riciarius, qui regna 9. ans, & fut espoux de la fille de Theodoric 2. Roy des Vvisgots, selon le tesmoignage d'une Chronique des Vvisgoths & des Sueues. Les Annales de Iordanes adioustēt qu'il mena en la mesme annee vne armee en la Gascongne, où elle fit vn grand degast.

B V D I C Roy de la petite Bretagne mourut ceste annee, laissant vn fils nommé Hoel premier nom, qui regna cinquante huit ans apres luy, selon le tesmoignage des Annales de la Bretagne. Mais nous dirons cy apres, ce que nous estimons qu'il en faut croire.

E V T I E N E S Abbé du monastere de Constantinople, ayant mis en auant en ce temps vne heresie qu'il auoit excogitée de son cerueau, par laquelle il maintenoit que les deux natures de Christ, diuine & humaine, auoient esté tellement meslees & confondues en son incarnation, qu'il n'y estoit plus resté aucune distinction: fut cause que Fla-

uianus Eueſque de Constantinople fit aſſembler vn Concile de pluſieurs Eueſques en ladiſte ville. Leſquels apres auoir bien examiné ladiſte hereſie, ſouſcriuirent tous la condamnation d'icelle & de ſon autheur. Ce que Euagrius liu. 1. chap. 9. de ſon hiſtoire eccléſiaſtique rapporte à ce Conſulat, d'autres au ſuyuant.

<i>Du Monde.</i>	4575	<i>Papes.</i>	10	<i>R. des Vuiſigoths.</i>	22
<i>De Rome.</i>	1200	<i>E. d'Orient.</i>	42	<i>R. des Vvandales.</i>	22
<i>De Ieſus Chriſt.</i>	449	<i>E. d'Occident.</i>	24	<i>R. des Lombards.</i>	14
<i>Indiſtion.</i>	2	<i>R. de Perſe.</i>	9	<i>R. des Huns.</i>	21
		<i>R. des François.</i>	1	<i>R. des Anglois.</i>	1

FLA. PROTOGENES, & TVRCIVS SECVNDVS ASTERIVS, Conſuls.

De l'arriuee des Anglois en la grande Bretagne, ditte par eux Angleterre, & du commencement de leur regne en icelle.

LA peſtilence auoit couru ſi furieufement par toute la grand' Bretagne, que le nombre des habitans en fut merueilleuſement (comme eſcrit Gildas) diminué: & ſi bien encore eſtonné (quand les Eſcoſſois, apres ſ'eſtre rafraichis en leur païs, les vindrent reuoir) que force fut à leur Roy Vvortigere de prendre conſeil de ſe pouruoir de ſecours hors de ſon Royaume. Tellemēt qu'il eut recours aux Saxōs Anglois, qui faiſoient alors leur demeure en vne regiō de la Germanie nōmee depuis Angrie, & auoient fort bon bruit de la guerre. Qui fut cauſe, que ſuiuant les promeſſes qu'on leur faiſoit, ils choiſirent vne bonne troupe des plus vaillans de leur ieuneſſe, & les firent aller ſouz la conduite de deux freres nommez Hengiſt & Horſon au ſecours des Bretōs ſur trois grandes nauires, qui s'appelloient (comme dit Gildas) en leur langue *Cynle*. Dont elles ſemblerent à certains diuinateurs ſeruir de preſage, pour ſignifier que la nation qu'elles portoient, commanderoit par l'eſpace de 300. ans au pays qu'elle alloit ſecourir: mais qu'elle ne ceſſeroit d'y faire beaucoup de maux par l'eſpace de 150. ans. Ce pendant toutesfois le Roy Vvortigere ne laiſſa de leur faire bon recueil. Tellement qu'à leur arriuee il leur assigna le païs de Kents, dit *Cantium* en Latin, pour leur demeure, qui eſt la plage qui regarde le coſté de Leuant: faiſant ſon compte de les retenir pour touſiours à ſon ſeruiſſe, & de les employer en toutes ſes affaires. De façon qu'il les mena tout incontinent contre ſes ennemis ordinaires; ſur leſquels ils firent vne telle preuue de leur vaillance, que Vvortigere commença d'eſtre vainqueur & ſuperieur de ceux qui l'auoient tant de fois au parauant vaincu & mis en deſtreſſe. Dont il mit ſi fort ſon aſſurance eſdits Saxons, qu'il ſe laiſſa perſuader par eux d'en faire encore venir vne autre nouuelle multitude de la Germanie. Laquelle eſtant ioincte avec les premiers, les fit entrer en telle confiance d'eux-meſmes, qu'ils commencerent à meſpriſer ceux qui les auoient appelez à leur aide, & à leur vouloir donner la loy. Ce que toutesfois il commencerent principalement à ſe mettre en eſſect ſouz le Roy Vvortimere, apres le trespas de ſon pere Vvortigere, ſouz leſquel ils auoient receu tout leur auancement. De ſorte que pour applanir les moyens de paruenir à leurs deſſeins, ils deuindrent premierement allies & amis des Pictes & des Eſcoſſois: & puis empieterent l'autre partie de l'iſle qui voiſine l'Eſcoſſe. De laquelle ioincte avec celle qui leur auoit ja eſté donnee auparauant, ils conſtituerent vn Royaume, qui fut appellé de Kents ou de Cambrie, & des Anglois Orientaux Mediterraneens, auquel Hengiſt & ſon frere regnerent enſemble 25. ans (leſquels ſont toutesfois comptez dès leur premiere arriuee en ladiſte Bretagne, qui fut ſelon le conſentement de tous les Hiſtoriographes Anglois l'an 449. de noſtre ſalut) & leur poſterité ſucceſſiuement iuſques à 363. ans apres. En quoy ſemble auoir eſté accomplie la predictiō mentionnee cy deſſus du preſage

sage des trois nauires : selon que recitent Beda, Sigebert, P. Diacre, Polidore Virgile en son histoire d'Angleterre, Ioannes Lilius, Ioan. Maior & autres. Beda dit encores que la nation Angloise estoit separee des Saxons : Mais qu'ils occuperent ensemble la grande Bretagne, ayants encor en leur compagnie vne troisieme natiō de ceux qu'on nommoit *Vites*, ausquels le peuple de Kents & les habitans de l'Isle de Veſte rapportent leur origine.

EUTYCHES se plaignant d'auoir esté iniustement condamné, fut cause que l'Empereur fit rassembler les mesmes Euesques en la cité de Constantinople, lesquels apres auoir encor examiné son heresie, conſermerent la condamnation d'icelle, & le deposèrent de sa dignité. Qui fut cause qu'il se retira vers Dioscorus Euesque d'Alexandrie, lequel adheroit apertement à son erreur. Tellement qu'il fit assembler par la permission de l'Empereur vn autre Synode en la ville d'Ephese le premier iour d'Aoust, dont il eut la superintendance, nonobstant que les Euesques de Herusalem, d'Antioche, de Constantinople, & les Legats du Pape Leon y fussent avec luy. Au moyen de laquelle il n'y admit que ceux qu'il ſçauoit fauoriser à sa cause. Parquoy la conclusion & determination de ceste assemblee fut faite à son plaisir : par laquelle le decret des Conciles precedents de Constantinople fut annullé, & Flavianus Euesque condamné & depose. Ce qui donna vne telle hardiesse à ses malueillans, qu'ils se ietterent sur luy, & le massacrerent & puis restituerent Eutyches en sa premiere dignité. Qui fut cause que plusieurs receurent & approuuerent sa doctrine. Mais les Legats du Pape Leon estans retournez à Rome, firent que luy du conseil de quelques Euesques rescriuit au mois d'Octobre lettres à l'Empereur Theodose & à sa sœur Pulcheria, remonſtrant par icelles l'iniquité de la sentence du Concile d'Ephese, auquel toutes choses ſeſtoient faites contre raison. Dont il le supplioit de permettre qu'un autre Concile de plus grand nombre d'Euesques fuſt celebré en Italie, pour y faire examiner la doctrine d'Eutyches plus ſincerement & de meilleure façon qu'elle n'auoit esté à Ephese. Et puis estant l'Empereur Valentinian venu de Rauenne à Rome avec sa mere & sa femme, il les pria encores d'interceder enuers Theodose à obtenir ceste permission de luy de faire assembler le Concile qu'il demandoit en Italie. Ce que toutesfois ils n'impetrerent, & ſemble que Theodose ne l'eust iamais permis, qui auoit en meilleure opinion le Concile d'Ephese, lequel ſe voit auoir esté asſemblé par la ſeule autorité d'iceluy, & qu'il y fit preſider qui il voulut : meſmement auſſi qu'il ſ'attribuoit la puissance d'asſembler les Conciles generaux.

Ce pendant Anatolius fut ſubrogé en la place de Flavianus au ſiege de Constantinople, où il preſida neuf ans : comme auſſi fut Maximus au ſiege episcopale d'Antioche, où il preſida cinq ans, apres Domnio qui en auoit esté ſemblablement deietté par le ſuſdit Concile. Euagrius liure premier chapitre neuf & dix, de son histoire Ecclesiastique, Nicephore.

SAINCT Remy qui fut cy apres Euesque de Reims naſquit ceste annee. Sigebert.

Du Monde.	4576	Papes.	11	R. des Viſigoths.	13
De Rome.	1201	E. d'Orient.	43	R. des Vandales.	23
De Ieſus Chriſt.	450	E. d'Occident.	25	R. des Lombards.	25
Indiction.	3	R. de Perſe.	10	R. des Huns.	22
		R. des François.	2	R. des Anglois.	2

VALENTINIANVS 3. AVG. pour la 3. fois, Conſul, avec GENNADIVS CORVINVS ANIENVS.

SOVZ lesquels l'Empereur Theodose deuxiesme fils d'Arcadius mourut à Constantinople le vingthuiſt ieſme iour de Iuillet, eſtant paruenue à la quarante deuxiesme annee deux mois & vingt cinq iours de son Empire, & de son aage le quarantecinquesme an, trois mois, dixneuf iours. Auquel Martianus natif du pais d'Illyrie qui n'eſtoit encor que ſenateur & Tribun de gendarmerie, fut ſubſtitué à la faueur & inſtance de l'Impetratrice Pulcheria, qui eſtoit sa sœur. De façon qu'il tint par ce moyen & gouerna l'Empire depuis le trespas de ſon predeceſſeur, iuſques au iour qu'il mourut, ſix ans, cinq on ſix mois. Les quatre premiers deſquels, enſemble huiſt mois & dixhuiſt iours ſe paſſerent avec l'Empereur Valentinian 3. Comme nous recueillons du tef-

moignage des histoires Ecclesiastiques de Socrates, Theodoret, Zozomenes, Nicephore, Marcellinus Comes, Euagrius & Theodore lecteur. Lequel avec Marcellinus attribue cecy notamment à l'Indiction 3. Au reste Martianus auoit en telle recommandation la iustice & pieté, que trouuant à son aduenement l'estat de son Empire merueilleusement troublé, tant en la police à cause des inuasions des Barbares, qu'en l'Eglise, pour raison des schismes & contentions que l'heresie d'Eutiches y auoit amenees; son premier soin fut de chercher les remedes pour remedier à l'un & à l'autre mal. Et pource suyuant le conseil du Pape Leon, fit publier vn Concile general pour l'annee ensuyuant en la ville de Chalcedone.

GENSERIC Roy des Vvandales ayant demandé à Theodose Roy des Vvifigots sa fille en mariage, pour son fils Hunneric; souz opinion qu'il eut qu'elle vouloit l'empoisonner, luy fit couper le nez, & la renuoia à son pere. Et pource qu'il se doubta qu'il ne se voulsist res sentir de l'iniure faite à sa fille, afin de luy tailler de la besongne ailleurs, il enuoya solliciter Attila Roy des Huns par beaucoup de belles promesses & presents, d'entreprendre la reduction des nations Occidentales à son obeissance, ainsi qu'il auoit fait les Septentrionales, l'assurant de son secours & assistance en ceste entreprinse. Laquelle semonce embrasa de telle façon l'ambition de ce Roy barbare, fier & auare, qui ne songeoit qu'à la ruine du monde, comme celuy qui s'estimoit & appelloit le fleau de Dieu, qu'il fit tout incontinent sortir à effect sa deliberatiō de suiure le cōseil du Roy Vvandale. Mais craignāt d'estre empesché, si l'Empereur venoit à se mettre d'intelligēce avec les Vvifigots, enuoya ses Ambassadeurs vers eux; pour lous pretexte de rechercher leur amitié, & de vouloir aider l'un à deffaire l'autre, les mettre en querelle & en deffiāce l'un de l'autre: afin d'auoir puis apres meilleur marché d'eux. Puis avec cest espoir sortit de la Pānonie & de là en la Germanie, accōpagné d'Vvalamire, Theoderic & Vindemire Rois des Ostrogots, & d'Ardaric Roy des Gepides, & d'une armee de cinq cens mille combatans, amassez tant de ses propres subiects que des autres nations du Septentrion par luy subiuguees ou vaincues. Entre lesquelles Sidonius Apollinaris compte les nations Françoises, qui estoient restees delà le Rhin, comme les Bructeres & Turingiens, avec les Bourguignōs, qui pourroient auoir esté des reliques de ceux qui estoient restez (comme tesmoigne Agathius) en la Scythie. Mais ie ne sçay pourquoy il a mis l'Escossois avec eux, disant: *Scotum Burgundio cogit*. Si ce n'est qu'il entende d'un autre peuple que de celuy qui habitoit l'Hybernie. Somme que toute ceste tempeste d'hommes entra avec luy de la Germanie en la Gaule, faisant vn horrible degast de pais & de villes par où il passoit, signamment de celles qui estoient sur le Rhin. Pour raison desquelles Sidonius Apollinaris l'appelle en l'Epistre *ad Tonantium* destructeur du Rhin. Combien que ie suis en doubte, si ie dois croire qu'il destruisit & brusla les villes de Cologne, de Treues & de Tongres. Car il n'eust rien trouué à gaster & brusler en Treues, qui auoit ja esté destruite & bruslee quatre fois depuis cinquante ans: & la quatriesme fois ne se peut attribuer à luy, puis que Saluianus n'a fait aucune mention de sa venue en la Gaule. D'auantage ce seroit merueilles que les François l'eussent ainsi laissé faire au milieu du pais qu'ils occupoient en la Gaule, sans s'estre rebecquez (comme on dit que firent les Bourguignons dedans le leur) & qu'il ne s'en trouue rien escrit en aucun authur: veu qu'on n'a pas oublié d'escire que Merouee se trouua du party d'Ætius à la iournee de Chaallons. Ioint qu'il est bien vray semblable qu'Attila ne voulut pas tant mescontenter les François de la Germanie qu'il auoit avec luy, s'il faut croire Sidonius qu'il en ait eu. Parquoy j'accorderay plus facilement, qu'ayāt pris son chemin par la ville que les Romains appelloient Argentine ou *Argentoratum*, qu'il la rendit si bien ruinee & deserte, qu'il n'y laissa aucune porte ou muraille qui peust empeschier d'y entrer ou d'en sortir par quelque endroit que ce fust. Qui a donné occasion a plusieurs d'estimer, que le nom de Strabourg proceda de là. Lequel toutes fois *Beatus Renanus* tient n'estre autre que son ancien nom corrompu ou mutilé par les anciens Allemans, quand ils la reduirent en leur subiectiō: lesquels ne pouuans aisement prononcer en leur langue *Argentoratum* entier, mangeoient les deux premieres syllabes, faisant au lieu d'icelles sonner vne S. De sorte qu'ils l'appelloient Storatburg, & depuis par succession de temps Strataburg. Tant y a que Gregoire de Tours tesmoigne qu'elle estoit ja nommee de son temps Strataburg. Ce pendant Attila continuant son voiage arriua deuant les villes de Mets, l'on & Reims: lesquelles ne furent pas plus gracieusement traittes que

que la precedente. Mais estant venu iusques à Troyes en Champagne, il y fut si bié adoucy par la force du beau parler de l'Euesque nommé Loup, qu'on tint pour vn grâd miracle, non moindre que les Poëtes ont chanté souz la fable de Linus & de Orpheus, de ce qu'il passa par dedans la ville sans y mal faire. Auentin adioust, qu'au partir de là il entra dedâs le Royaume de Bourgongne, où il passa sur le ventre de l'armee des Bourguignôns, que leur Roy Gundicarius (selon Auentin Gundaric) luy osa donner en barbe; où il perdit luy-mesme la vie, estant à l'opinion d'aucuns, celui que Gregoire de Tours appelle Gundeuchus, qui laissa 4. fils nommez Gundebault, Gundegefile, Chilperic & Gothomarc, heritiers de son Royaume, qu'ils partagerent entr'eux, selon que ledit Gregoire de Tours, Aimoinus, P. Diacre & autres recitent. Combien que les deux Codes des loix des anciens Bourguignons, faits souz les Rois Gundebault & Sigismond, font mention de 4. Rois Bourguignons, qui regnerent en la Gaule, les nommant Gibica, Godomarüs, ou Gondomarc, Giflaharius ou Gifcharius, & Gundaharius ou Gundocharius, deuant ledit Gundebault, lequel mesme les appelle ses ancestres en ces mots: *Regia memoria Authores nostros, id est Gibicam, Gondomarem, Gifcharium & Gundocharium*. Et puis adioust, *patrem quoque & patrum*: Voulât comme il semble declarer, qu'il eust encore son pere & son oncle outre les precedents. Ce qui est bien vraisemblable, eu esgard au temps qu'il faudroit qu'il eust vescu & regné depuis son pere, si c'est celui qui fut occis par Attila. Parquoy il se peult faire que le Gundeuchus de Gregoire, & Gundoucus selon Ado, a esté fils de Gundocharius mentionné cy dessus, que nous prenons pour le dernier des quatre precedés, & pere de Gundebault, & de ses trois freres. Lesquels comment qu'il en soit diuiserent le Royaume de leur pere en Tetrarchies: la principale desquelles aduint à l'aîné, que les vns disent auoir esté Gundebault: les autres Chilperic, que lon sçait auoir eu sa portion en celle partie de la Bourgongne où est auourd'huy constitué le Duché. Ce pendant on est d'accord, qu'ils ne demurerent pas long temps en concorde entr'eux, & que de l'ambition de regner s'ensuiuit vne guerre, en laquelle Gundebault apres auoir esté vaincu en bataille par ses freres Chilperic & Gothomarc, se remit si bien au dessus, que le tout de la Bourgongne reuint finalement à luy. Ce que toutesfois ne se sçait bonnement en quel temps il est aduenü.

SAINCT Germain Euesque d'Auxerre mourut ceste annee à Rauenne en Italie. Sigebert. Sidonius Apollinaris en vne Epistre à l'Euesque Prosper, parle de luy en telle sorte: *Dum summis laudibus Anianum Lupo parem Germanoque non impari vis celebrari*.

LE Pape Leon aduertit de la conclusion du Concile d'Ephese, en fit assembler vn à Rome qui la condamna, & en enuoia les actes & sentences au Concile de Chalcedone: & en furent d'autres aussi assemblez ailleurs par mesme occasion, comme à Cōstantinople souz Anatolius, & à Ephese. Enuiron le mesme temps Hilarius Euesque de Vienne, ou de Narbonne, preschoit fort librement, que S. Pierre n'auoit esté Prince des Apostres: & que l'Euesque de Rome n'auoit aucun droit de superiorité sur les Eglises des Gaules: qui fut cause que le Pape Leon escriuit contre luy son Epistre 71. aux Euesques Gaulois, par laquelle il accuse d'ambition ledit Hilarius.

Du Monde.	4577	Papes.	12	R. des Visigoths.	1
De Rome.	3202	E. d'Orient.	1	R. des Vandales.	24
De Iesus Christ.	451	E. d'Occident.	26	R. des Lombards.	26
Indiction.	4	R. de Perse.	11	R. des Huns.	23
		R. des François.	3	R. des Anglois.	3

MARTIANVS AVG. & CLODIVS ADELPHVS, Consuls.

MARTIANVS voulant obuier aux entreprinſes des Huns, fit paix avec les Perſes, puis enuoia vne armee en la Pannonie souz la conduite d'vn Capitaine nommé Arneſtes, qui deſſit vne troupe de Huns pres la ville de *Martianopolis*. Mais Attila renuoia vne autre troupe de gens, qui le ſurprindrent ſi à propos, qu'ils le deſconfirent avec tous ſergens. Sabellic liu. 1. Enneade 8.

ATTILA apres auoir fait tout le meſnage recité cy deſſus, mena ſon armee deuant la ville d'Orleans, ſouz l'eſpoir que Sangiban Roy des Alains, qui (comme a laiſſé par eſcrit Iornandes) auoit le gouuernement de la contree de Loire pour

es Romains) luy auoit donné de la mettre entre ses mains. Mais Ætius ayant decouuert ceste entreprinse, & la ruze par laquelle Attila l'auoit pensé rendre ennemy de Thierry Roy des Vuisigoths, le fit si bien pratiquer par Auitus Patrice d'Auuergne, qui fut secondé d'Aignan Euesque d'Orleans, à ce qu'Idatius escrit, qu'il se vint ioindre, accompagné de son fils aîné, avec l'arriereban de ses forces au camp des Romains. Auquel aussi Gregoire de Tours dit que le Roy Merouee se trouua avec les François, qui furent (si Iornandes a dit vray) suivis de plusieurs troupes de Sarmates, Armoricaîns, Litians, j dit *Lityj*, mais j'aimerois mieux lire *Leti*, Bourguignons, Saxons, & de ceux qu'il appelle *Ibriones*, iadis soldats de l'ordonnance Romaine (lors auez & gens de secours) & Ripariols, qui se doiuent plustost prendre pour les compagnies destinees à la garde des ports & riuages de la Gaule, que pour ceux qu'on dit auourd'huy Ribarols, avec autres nations de Gaule & de Germanie. Lesquelles firent vne si grosse armee, qu'Attila ne fut conseillé de l'attendre deuant Orleans, quoy qu'elle fust sur le point de se rendre à luy, ayans les citoyens d'icelle (au rapport d'un ancien autheur) ia fait porter paroles de reddition, apres auoir à l'exemple & exhortation de leur Euesque longuement tenu bon en attendant le secours qui leur vint. Parquoy il se retira en la plaine Catalaunique, qu'on appelloit autrement les champs S. Maurice: où l'armee d'Ætius l'alla combattre de si sanglante façon, qu'il n'estoit point memoire qu'une si grande occision de gens se fust faite auparauant en vne seule bataille. Car on tient que furent comptez cent nonante mille hommes morts sur le champ, entre lesquels fut Thierry ou Theodoric Roy des Vuisigoths, sans nonate mille Gepides & François, qui s'estoient charpentez les vns les autres la nuit deuant ce grand choc. Si d'auanture il ne s'en fit qu'un, ainsi que Cassiodore, Iornandes, Iordanes, Gregoire de Tours & Ado ont estimé: car Idatius, Freculfe, & un autre fort ancien autheur non imprimé, conuiennent qu'Attila a esté combattu par deux fois: la premiere aupres de la Loire, non gueres loin d'Orleâs, où Thierry fut tué: & l'autre en la plaine champagne de Chaalons, apres qu'il eut (comme ils declarent) repassé la riuere de Seine, à laquelle Thorismund fils de Thierry se trouua. Qui sont tesmoignages expres, que la iournee Catalaunique ne se fit aupres de Tholose: outre ce que Sidonius declare qu'elle se donna au pays Belgique; & qu'il est bien certain que le Roy Theodoric ne laissa entrer l'armee des Huns si auant dedans son pays. Mais tant y a que l'issuë de ceste bataille fut telle, que si Attila n'eust esté le premier qui ayant failly à vaincre se tint pour vaincu, & deslogea avec son armee, pour se retirer en son pays, ses ennemis ne se fussent osez attribuer la victoire: lequel mesme ils laisserent aller sans le poursuiure, suivant le conseil d'Ætius, lequel ne trouuant pas que ce fust le profit de l'Empire d'auoir pleine victoire de luy, de peur qu'elle ne haussast par trop le cœur aux François & aux Vuisigoths, leur donna de si belles paroles, que chacun de leurs Rois pensa faire beaucoup pour soy de se retirer en sa maison, signamment Thorismund, à qui on remonstroît que son trop long retardement le pourroit faire priuer de la succession de son pere par ses freres. Ainsi fut l'Empire d'occident, signamment la Gaule, deliuree d'une horrible cruauté & danger. Ce que Marcellinus Comes, Iordanes & Cassiodore attribuent à ce Consulat & Indiction: parquoy les autres Chroniqueurs l'ont mal rapporté à l'an 454.

Le Concile general, suivant la publication faite par l'Empereur Marcianus, fut commencé en ce Consulat le 8. iour d'Octobre en la ville de Chalcedone en Asie, apres que le Pape Leon eut en vain poursuiuy (comme il se voit escrit en ses epistres) de le faire celebrer en Italie. On dit que le nombre des Euesques qui s'y trouuerent, fut de 630. qui estoient tous d'Orient. Car il ne se list point qu'il y en soit allé d'Occident, que les deux, à sçauoir Paschase & Lucence, qui y allerent avec un Prestre nommé Boniface, pour tenir la place du Pape Leon en ceste assemblée: lesquels furent secondez des Patriarches Anatolius de Constantinople, Maxime d'Antioche, Dioscore d'Alexandrie, & Iuuenal de Hierusalem. Par eux la sentence du dernier Concile d'Ephese, les faicts & actes d'iceluy, & toutes les façons dont y auoit esté procedé, avec la doctrine tant de Nestorius que d'Eutyches, leurs raisons, responses & argumens diligemment debatuz & examinez: & puis du consentement de tout le Synode cassez, annullez, condamnez & anathematisez, avec tous leurs autheurs & adherans. Par laquelle sentence la verité des deux natures & de l'union d'icelles en Iesus Christ fut tresbien esclarcie & maintenue cōtre l'opinion contraire: pour raison de laquelle Eutyches & Dioscorus furent deposez, degradez de leurs ordres & dignitez.

gnitez, & puis enuoyez en exil. Par mesme moyé aussi vn Proterius fut substitué à Dioscorus au siege d'Alexandrie, où il presida six ans : qui fut occasion & commencement d'un grand schisme en icelle Eglise, comme recitét Euagrius liu. 2. chap. 5. Marcellinus Comes. Nicephore, Liberatus, & les actes dudit Concile. Lesquels aussi nous déclarent qu'il y eut vn autre grand different en iceluy entre les Legats du Pape Leon & les Peres du Concile à cause qu'ils declarerent entre les conclusions de la 14. session, que l'Eglise de Constantinople tiendrait le second lieu de Primauté apres l'Eglise Romaine, ayant la presidence & superintendance des Eglises de Grece, du Pont, d'Asie, & des Orientales, à cause qu'elles estoient comprinses souz l'Empire de Constantinople, pour la mesme raison qu'ils laissoient les Occidentales au siege de Rome. Et que lesdits Legats en la derniere session, formerent opposition cōtre la constitution de ce second Primat, cōme ayant esté faite en leur absence : allegans aussi qu'il ne s'estoit iamais veu autre Primauté en l'Eglise q̄ celle du siege Romain. A cause dequoy ceste matiere fut remise sur le bureau, & en fin conclu que les allegations & oppositiōs n'auroient aucun lieu, demeurant le 2. degré de Primauté, apres le siege Romain, au Patriarche de Constantinople, pour auoir sa iurisdiction & superiorité sur les Metropolitains des dioceses de Grece, du Pont, de Thrace, & d'Asie. D'autant qu'il estoit Prelat de la cité, qui estoit siege d'Empire comme Rome, & nommée la Neue Rome. Pour raison dequoy Liberatus escrit en son Breuiarium, *Cum Anatolius consentiente concilio primatum obtinisset, Legati verò Romani Episcopi contradicerent, à iudicibus & Episcopis omnibus illa contradictio suscepta nō est : & licet sedes Apostolica nunc usque contradicat quòd à Synodo firmatum est, Imperatoris patrocinio permanet.* Et en vertu de ceste concession, Anatolius Patriarche de Constantinople, commença deslors de s'attribuer la Primauté sur tous les Euesques des Eglises d'Orient, sans en excepter les Patriarches de Hierusalē, d'Antioche, & d'Alexandrie. Qui fut cause que le Pape Leon ne voulāt ratifier ny aduouër l'article que nous venons de declarer, s'opposa fort asprement à cest Anatolius par les lettres qu'il en escriuit tant à l'Empereur qu'à luy en ce Consulat, & au suiuant, qui sont les 51. 52. 53. de ses Epistres : où il le taxe fort aigrement de son ambition, où il demonstre que ceste entreprinse se faisoit contre les statuts & Decrets du Concile de Nicee, lesquels il ne vouloit permettre estre violez ny annullez : mais on ne sçait ce que l'autre luy respondit. Cependant il ne se voit escrit en aucune desdites Epistres de Leon, ny de toutes les autres qu'il a escrites, ny aussi en aucun des auteurs alleguez cy dessus, que le nom d'OEcumenique ou d'Euesque vniuersel, ait esté présenté par ce Synode à l'Euesque de Rome, ne qu'il l'ait refusé, comme les Papes qui sont venuz apres Leon ont fait entēdre, pour la raison que dit S. Gregoire liu. 4. epistre 32. de son registre. *Certè pro beati Petri Apostolorum principis honore per venerādam Chalcedonensem Synodū Romano pontifici oblatum est, sed nullus eorū unquam hoc singularitatis vocabulū assumpsit, nec uti consensit, ne dum priuatum aliquid vni daretur, honore debito sacerdotes priuaretur vniuersi.* Et en l'Epistre 38. du mesme liure : *Nunquid sicut sanctitas vestra nouit, per venerandum Chalcedonense Concilium huius Apostolicæ sedis Antistites (cui Deo disponente deseruio) vniuersales oblato honore vocati sunt ? Sed tamen nullus unquam tali vocabulo appellari voluit, nullus sibi hoc temerarium nomen arripuit, ne si sibi in Pontificatus gradu gloriam singularitatis arriperet, hanc omnibus fratribus denegasse videretur.*

ENVIRON le mesme temps, fut selon Euagrius, célébré vn autre Concile en Orient par les Euesques des dioceses d'Antioche & de Hierusalem, souz leurs Patriarches Maxime & Iuuenal ; auquel fut accordé que les trois Palestines appartiendroient au diocese de Hierusalem, & les deux Phœnicies avec l'Arabie au Patriarchat d'Antioche. Lequel decret fut aussi confirmé par l'Empereur, & par les autres Patriarches. Euagrius liu. 2. chapitre dernier.

A THEODORIC decedé succeda au Royaume des Vvisigoths son fils nommé Thorismund, qui regna (tesmoin Iornandes, Volaterranus & l'une des Chroniques des Vvisigoths) trois ans : encor que Michaël Ricius luy assigne dix ans de regne : l'autre Chronique Vvisigothe vn an seulement ; laquelle aussi rapporte avec la Chronique d'Idatius le commencement de son regne à la premiere année de l'Empereur Marcianus & à l'Ere de Cesar cccxc. Cependant Gregoire de Tours, liure 2. chap. 8. tesmoigne que Thorismund subiugua & dompta les Alains.

<i>Du Monde.</i>	4578	<i>Papes.</i>	13	<i>R. des Visigoths.</i>	2
<i>De Rome.</i>	1203	<i>E. d' Orient.</i>	2	<i>R. des Vandales.</i>	25
<i>De Iesus Christ.</i>	452	<i>E. d' Occident.</i>	27	<i>R. des Lombards.</i>	27
<i>Indiction.</i>	5	<i>R. de Perse.</i>	12	<i>R. des Huns.</i>	24
		<i>R. des François.</i>	4		

ASPORATIVS, & HERCVLATIVS, Consuls.

ATTILA estant de retour en Hongrie, remit sus vne nouvelle armee, laquelle il fit par la Dalmatie & Esclauonie entrer en Italie: où apres plusieurs rauages & destructions de villes & de païs, assiegea & prit finalement de force apres vn long siege (qui ne dura toutesfois, cōme plusieurs ont escrit, trois ans) la cité d'Aquilee. Pource que Marcell. Comes & Cassiodore tesmoignent qu'elle fut prinse, destruite & saccagee par luy en ce Consulat. Les habitans de laquelle, & des villes voisines s'estans transportez avec tous leurs biens meubles és isles de Rialto, de Grado & de Corcelo, Amiano, Burano, Murano & autres, à sauueté, s'habituèrent avec ceux qui trente ans auparauant ou enuiron y auoient ia commencé les fondemens de la cité de Venise. De façon que par leur moyen elle receut alors vn grand accroissement. Qui a fait estimer à plusieurs, que ce fut lors seulement le commencement de sa fondation; ainsi que Blondus & Sabellic recitent en leurs histoires Venitiennes. Cependant Attila partât du païs d'Aquilee, se mit en chemin pour aller à Rome: mais l'Empereur Valentinian fit aller le Pape Leon au deuant de luy, pour l'en diuertir: qui s'acquitta si dextrement de ceste charge, qu'il fit, ou par la grace de son bien dire, ou par vne vision miraculeuse qui luy assista (comme on dit) que le barbare posant sa fierté bas, remena paisiblement son armee en Hōgrie. Cōme Cassiodore, Iornandes, Marcell. Comes tesmoignent: lesquels conuiēnent aussi que la ville d'Aquilee fut prise ceste annee. Combien que Paul Diacre, Blondus & Sabellic ont estimé que ce fut au bout de la troisieme annee apres qu'elle eut esté assiegee, ayans esté incitez à ceste opinion par Procope, qui assure qu'elle fut prise apres la mort d'Ætius. Mais il semble qu'il a eu opiniō qu'il fut mis à mort plus tost que les autres n'ont dit: & que son trespas fut le motif de faire venir Attila en Italie pour recommencer de rauager l'Europe, où il contraignit l'Empereur Valentinian de s'obliger à luy payer certain tribut tous les ans, afin qu'il laissast son Empire en paix. Laquelle conuenance le pourroit aussi tost auoir fait retirer d'Italie, que la vision qui se presenta à luy quand on dit que le Pape Leon l'alla trouuer de la part de l'Empereur Valentinian, pour obtenir quelque appointment de luy.

VOCONIVS Euesque de Mauritanie, excellent en sçauoir, escriuit fort doctement contre toutes les heresies de ce temps. Gennadius.

VIGILIVS aussi Romain de nation Euesque de Trente, florissoit au mesme temps en doctrine & grace de faire miracles, & en sainteté de vie.

LES fauteurs de l'heresie Eutychiene s'estans ralliez ensemble, mirent sus vn nouveau moyen de reietter & contredire les Decrets du Concile de Chalcedone, s'efforçans tant par escrits que par autres voyes de les reprouer; mais si couuertement qu'on ne sçauoit qui en estoit le chef ny l'auteur. Pour raison dequoy leur secte fut nommee des Accephales, c'est à dire de ceux qui sont sans chef: lesquels rallumerent le schisme que Nestorius & Eutyches auoient commencé en l'Eglise, plus fort qu' auparauant: tellement que les Eglises d'Orient furent merueilleusement troubles, signāment celle d'Alexandrie, en laquelle les partisans de Dioscorus exciterent vne grande sedition à l'occasion d'iceluy cōtre Proterius: pource qu'iceluy s'opposoit constāment de bouche & par escrits contre ceste heresie Accephalique, laquelle avec Eutyches reiettoit la propriété des deux natures en Christ: ayant pour compagnon en ceste bōne querelle Anastasius Euesque des Sinaites, avec plusieurs autres: de sorte que Proterius en fit pour ceste occasion assembler vn Synode en la ville d'Alexandrie. Neantmoins toutesfois Nicephore Calliste liu. 18. chap. 4). de son histoire Ecclesiastique, declare que ceux qui ensuyuoient l'erreur d'Eutyches, apres qu'il eut esté condamné au Concile precedent, se nommerent Diacrinomenes, c'est à dire les Separéz ou douteux, lesquels il ne fut possible de ramener au bon chemin: combien qu'ils se diuiserent en douze sectes & opinions sur la diuersité des interpretations de la doctrine de leur

leur maître. Aucuns desquels furent simplement appelez Eutychiens, pource qu'ils voulurent demeurer en la simple opinion d'iceluy, sans la desguiser aucunement d'additions de nouvelles opinions : comme firent les autres qui vindrent à la file l'une apres l'autre : à sçavoir des Acephales, Theodosiens, Monophysites, Iulianistes, Iacobites, Paulianistes, Trithemites, Agnoetes, Theopachites, Seuerites, Aphthartodocites, & Armeniens ; laquelle fut des premieres, car elle prit au mesme temps son commencement en l'Armenie par vn certain Euthanius, qui prescha tant les Armeniens qu'il leur fit receuoir l'heresie d'Eutyches, augmentee & additionnee de plusieurs meschans articles, comme de l'immolation des bœufs, agneaux & brebis qu'ils faisoient à l'exemple des Iuifs, & de la manducation de l'agneau Paschal : ensemble aussi de l'adoration de la Croix qu'ils faisoient de toute maniere ; & l'auoient en telle reuerence, qu'ils se signoient du signe d'icelle en leurs mysteres, ceremonies & actions le front avec leurs doigts, selon que Euthimius recite en la seconde partie tiltre 20. de sa Panoplie.

D'AVTREPART l'Eglise de Hierusalem ne fut moins troublee de seditions que celle d'Alexandrie, à l'occasion de quelques Moines qui tenoient pour Eutyches, lesquels voulurent contraindre leur Patriarche Iuuenal à son retour de Chalcedone, de condamner le Decret qui y auoit esté fait. De sorte qu'il fut contrainct par leurs efforts de s'en retourner à Constantinople. Au moyen dequoy son absence fit prendre la hardiesse au principal de ses aduersaires nommé Theodose, d'occuper le siege de Hierusalem, souz le port & faueur que luy portoit la Princesse Eudocië. De sorte qu'il establit des Euesques à sa poste es sieges des Euesques de son dioecese, qui estoient allez au Concile de Chalcedone : & en chassa & fit mourir plusieurs qui ne se vouloient accorder avec luy ; comme Seuerien Euesque de Scytopolis, & Athanase Diacre de son Eglise. Mais apres que ceste tyrânie eut duré 20. mois, Iuuenal fut remis en son siege par Dorothee Gouverneur de la Palestine du commandement de l'Empereur, s'estant Timothee enfuy en la montagne de Sina. Nicéphore liu. 15.

<i>Du Monde.</i>	4579	<i>Papes.</i>	14	<i>R. des Vvisigoths.</i>	3
<i>De Rome.</i>	1204	<i>E. d'Orient.</i>	3	<i>R. des Vandales.</i>	26
<i>De Iesus Christ.</i>	453	<i>E. d'Occident.</i>	28	<i>R. des Huns.</i>	25
<i>Indiction.</i>	6	<i>R. de Perse.</i>	13	<i>R. des Lombards.</i>	28
		<i>R. des François.</i>	5		

FLA. VINCOMALVS, & FLA. OPILIO, Consuls.

ATTILA apres auoir laissé l'Italie, remena son armee en la Gaule contre les Alains, qui habitoient delà la Loire souz la domination des Vvisigoths, ou bien de leur Roy Sangipan : mais le Roy Thorismund se presenta au deuant de luy, & l'ayât deffait en bataille, le contrainct de se retirer derechef en son pays, comme tesmoigne Iornandes, qui est le seul autheur que nous auons veu faisant mention de ceste seconde venue d'Attila en Gaule, j'entens des anciens : car ce que quelques modernes en ont escrit, ils le tiennent seulement de luy. Ce qui me fait soupçonner qu'il n'en a esté du tout rien, tant pource que Idatius & Isidore ne l'eussent ignoree ou voulu taire, que pource qu'Attila n'eust peu faire ceste entreprise sans contreuenir à la paix qu'il auoit fraichement faite avec l'Empereur pour tout son Empire, & comme declare Sigonius ceste annee mesme. Car il ne pouoit pas amener vne armee iusques à la Loire, sans fouler les prouinces Romaines : ioinct que ces Alains-cy estoient gens de grand secours, & de l'ordonnance des Empereurs. D'auantage, quelle si grande cause pouoit inciter ce Roy Hun de venir chercher de si loin vne si petite poignée de gens, lesquels mesmes auoient intelligence avec luy au tēps qu'il assiegea la ville d'Orleans. Qui plus est, il se retira ceste annee d'Italie (comme veult Sigonius) enuiron le Printemps pour le plus tost : & qu'il s'en soit retourné de là ou en la Scythie ou en la Pannonie : comment est-il possible qu'il en soit peu reuenir iusques au cœur de la Gaule, avec vne grande armee, par vn si long chemin de tāt de païs, auāt que la mesme annee fust expiree ? & sans qu'Ætius se soit venu opposer à luy, comme il fit au mesme Roy Thorismund, quand il voulut entreprendre sur la ville d'Arles ? Car Sidonius Apollinaris tesmoigne en ses Epistres, que Ferredus Gouverneur general des Gaules fit retirer

le Roy Thorismund (qu'il appelle hoste du Rosne) par bâquet de deuant les portes d'Arles: d'où Ætius libérateur de la Loire ne l'auoit peu faire partir par le combat. Les paroles de cest autheur sont : *Ferreolus, qui Gallias administravit, tum cum maxime incolumes erant, Attilam Rheni hostem, Thorismundum Rhodani hospitem, Ætium Ligeris liberatorem sola dispositio- num salubritate toleravit, & propter prudentiam tantam curam eius prouinciales cum maximo plau- suum accentu spontaneis subiere cernicibus, quia sic habenas Galliarum tractauerat, ut possessor exhau- stus tributario iugo releuaretur. Rex Gothiæ ferocissimus affatu eius inflexus est, cumque ab Arelaten- sium portis remouit conuiuio, quem Ætius non potuerat praelio.* De là semblablement nous co- gnoissons qu'il ne fault point rapporter celà plustost à l'amee suiuaute qu'à ceste-cy.

LES Bourguignons estoient en ce temps en fort grande reputation entre les Gaulois, pource que de iour en iour ils augmentoient & amplifioient par leur vaillance, l'estendue de leur domination. P. Æmile.

CE Consulat est prouué estre le LXXIII. apres le premier Cōsulat de l'Empereur Theo- dose premier du nom, par tesmoignage de l'epistre 64. du Pape Leon I.

LE troisieme Concile celebré en la ville d'Arles en Prouence, par les Prelats de l'Egli- se Gallicane, se fit en ce Consulat, tesmoin le liure des Conciles, les Canōs duquel ne con- tiennent rien de nouveau.

Du Monde.	4590	Papes.	15	R. des Vvisgoths.	1
De Rome.	1205	E. d'Orient.	4	R. des Vandales.	27
De Iesus Christ.	454	E. d'Occident.	29	R. des Lombards.	29
Indiction.	7	R. de Perse.	14	R. des Huns.	26
		R. des François.	6		

FLA. ÆTIVS, & FLA. STVDIVS, Consuls.

ÆTIVS Coronal de la gendarmerie Romaine d'Occident, estant tombé en mauuaise opinion enuers l'Empereur Valentinian, par les faux rapports de Maximus, qui se traçoit ia par la ruine d'iceluy le moyen (cōme dit Procopius) & de venger l'iniure faite à la cha- steté de sa femme, & de paruenir au poinct où il se verra cy apres parueni: fut par son cō- mandement iniustement mis à mort, comme ayant par sa faute laissé eschapper Attila de la iournee Catalaunique: au grand detrimēt de l'Empire d'occident, qui n'estoit plus lors soustenu & appuyé que de la vaillance & conduite d'iceluy: n'y ayant Capitaine es- gal ne second à luy, par qui on peust repousser & rembarer l'effort & les assauts de tant de nations qui ne cherchoient qu'à y mordre: tellement qu'il se trouua vray ce qu'un des familiers de Valentinian luy dist, qu'il s'estoit par la mort dudit Ætius couppé la main dex- tre par sa fenestre: dont on s'apperceut bien tost apres par le branle que l'Empire prit de sa ruine & decadence. Car les François ne s'oublans en si belle occasion, se redirent en peu de temps maistres & seigneurs des villes de Paris, Sens & Orleans, & de leurs despendan- ces: & la pluspart des citez de la Gaule, de desir de recouurer leur liberté, ou espoir de quelque meilleur traitement souz eux, se rangerent volontairement souz l'obeissance & protection du Roy Merouee. Qui plus est, les Euesques Gaulois les plus zelez à la reli- gion Chrestienne, inuitoient & sollicitoient les François à se venir emparer de leurs vil- les & païs, qui estoient lors comme exposees à l'abandon: afin de ne tomber entre les mains des Vvisgoths, pource qu'ils estoient Arriens, fassurans d'un meilleur traitement souz les François, nonobstant qu'ils fussent idolatres. Ainsi que nous declare Gregoire de Tours par plusieurs exemples, & comme nous recueillons de Cassiodore, Iordanes Iornandes, Marcellinus Comes, P. Diacre, Sigebert, P. Æmile & autres. Tellement que ce fut au mesme temps qu'aduint ce qu'escriit le Poëte Sidonius Apollinaris en son Panegy- rique dedié à son beau pere Auitus:

— *Armoricus Piratam Saxona tractus
Sperabat, cui pelle salum sulcare Britannum
Ludus, & assueto glaucum mare findere lembo:
Francus Germanum primum Belgamque secundum
Sternebat: Rhenumque ferox Alemanne bibebas,*

Romans

*Romanis ripis, & utroque superbus in agro,
Vel civis, vel victor eras. --*

Lequel passage nous donne à entendre clairement, que les François estoient ja deslors habitans & possesseurs de la seconde Germanie & premiere Belgique, qui cōtenoient toute la contrée entre le Rhin & la Meuse, & depuis Majence en à-val iusques à la mer (où sont auioird'huy les païs de Cologne, Cleues, Gueldres, Iulliers, Liege, Treues, Vtraiçt, & des Ribarots. Et qu'ils commençoient seulement de s'avancer en la premiere Germanie (qui cōtenoit la ville de Majéce & les autres en à-môt de dessus le Rhin iusques à Basle. Et en la seconde Belgique, laquelle commençoit depuis la riuere de Meuse en deça, comprenant la Picardie & la Champagne iusques à la Marne, avec la Lorraine d'auioird'huy. A cause dequoy Ammian Marcellin luy attribuoit les peuples de Mets, de Reims & de Chaaliôs sur Marne. Quant aux Allemans, il semble que ce fut aussi lors qu'ils enuahirent & occuperent les terres de deça le Rhin les plus proches d'eux, que les Bourguignons n'auoient encor occupees. Comme vne partie de celles qui auoient appartenu aux anciens Heluetiens, à sçauoir celles qui sont entre le Rhin & la riuere de Rus en Suisse, qu'on dit estre le separateur de la Duché de Suaube qui a esté ditte autresfois d'Allemagne, & de la petite Bourgongne, autrement du païs de Nuiçland: à cause dequoy le Canton de Zurich & leurs voisins se sont tousiours dits de la Duché d'Allemagne. D'autrepart il est bien vraisemblable que les Bourguignons ne s'endormirent non plus qu'eux en vne si belle occasion, & qu'ils s'efforcerent d'elargir l'estendue de leurs puissances & limites en la Gaule.

THORISMUND Roy des Vvisigots ne se donnât garde de ses freres fut par leurs pratiques mis à mort. De sorte que son autre frere nommé Theoderic, qui fut 2. du nom, occupa son lieu: lequel il tint (au compte de Iornandes & des deux Chroniques Vvisigothes non imprimees) 13. ans. Iordanes toutesfois, à qui on attribue les Annales des Romains, rapporte le trespas de Thorismund à l'an 452. Qui est vn argument pour monstrier que l'autre Iornandes & luy sont diuers auteurs. Sidonius Apollinaris liu, 1. Epistre 2. fait vne honorable mention de ce Roy Theoderic, declarant qu'il estoit fort sage & vertueux.

ATTILA faisant le tiers des trois plus grands personages de la terre, qui moururent (ainsi que les Historiographes ont obserué) en vne annee, finit sa vie ainsi qu'on dit qu'auoit fait Iules Cesar le 13. iour de Mars, suffoqué d'une trop grande eruption de sang qui luy aduint le soir qu'il espousa & coucha avec Micolta, les autres disent Hildico, fille du Roy de Bactrianie: encore qu'il eust au parauant enuoié demander la sœur de Valentinian, & menacé l'Empereur Martien vers qui elle estoit, si l'on ne la luy enuoioit. Qui sert pour monstrier qu'il ne pouuoit estre lors paruenue à l'age de 124. ans, comme la pluspart des Historiographes de Hongrie se sont fait accroire. Et qu'il y a plus de verisimilitude en l'opinion de Callimachus & de Sabellic, qui estiment qu'il mourut seulement en la 56. annee de son age. Nonobstant que Nicolaus Olahus ait fait tous ses efforts de confermer le tesmoignage des histoires Hongroises, tant en ce point cy qu'en la declaration de l'annee qu'il mourut, qu'ils disent estre la 445. de nostre Seigneur. Mais Cassiodore & Marcellinus Comes semblent auoir micux obserué que ce fut au Consulat de Fla. Aëtius & Fla. Studius. Tant y a qu'on tient que sa mort fut preueüe par l'Empereur Marcianus, qui vit en songe l'arc d'iceluy rompu, lors qu'il mourut. Cependât on racôpte encor diuersemēt ce que deuint la grâdeur de l'Empire des Huns apres le trespas d'Attila; pource que Iornandes escrit que de 60. fils qu'il laissa, les deux aînez estimez les plus vail-lans, à sçauoir Ellac & Durichus se voulurent porter pour heritiers en tout & par tout des seigneuries de leur pere: & entrerent en dissention l'un contre l'autre pour le partage d'icelles. Qui fut occasion au Roy Arderic des Gepides, de se retirer de leur obeissance, pour se remettre en liberté: & que son exemple fut incontinent ensuiuy des Marcomans, Heruliens, Turingiens, Quades & Ostrogoths. A cause dequoy Ellac s'osa mettre aux champs avec 30. mille Huns, pour aller eontenir les Gepides: mais il fut honteusement desconfit & taillé par eux en pieces, avec la pluspart de ses gens. De sorte que le reste fut contrainct de quitter le païs de Dace au Roy Arderic, qui s'en mit en possession par le prix de ceste victoire: & puis y constitua le siege de son Royaume. Cependant les reliques de l'armée d'Ellac se rallierent souz son frere, & l'allerent accompagner à chasser les Ostrogoths de leur païs. Combien que d'autres ont escrit qu'il y fut malheureusemēt deffait, & tellement

desconfit, que force luy fut de reprendre la routte avec le reste de ses gens de son ancien pais de Scythie, où ils disent qu'il fut en peu de tēps mis à mort: & qu'il eut pour successeur vn nommé Zeliobes ou Zeliobes, que Sabellic Ennea. 8. liu. 3. estime estre celuy qui alla au seruice du Roy Chosroé Roy de Perse, accompagné de 20. mille Huns, avec tous lesquels il fut taillé en pieces pour la trahison qu'il auoit premeditee. Iornandes toutesfois escrit, que les Ostrogoths chassés de leur pais occuperent du vouloir & consentement de l'Empereur les Pannonies, apres en auoir (comme recitent Bonfinius & Ioannes Sambucus) deboutte Ernacus fils d'Attila, 3. ans apres le trespas de son pere, & contraint avec vn sien autre frere de se retirer en la haute Scythie. Les autres histoires de Hongrie ensuiuies par Nicolaus Olahus, Volaterranus & Michael Ricius, font encor mention de deux autres fils d'Attila, qui apres son trespas (ou selon aucuns) de leur frere Ellac, entrerent en contenance l'un contre l'autre de la succession de leur dit pere. Tellement que la pluspart des Huns se mit du party de l'un des freres qui se nommoit Chaba, qui estoit fils de la fille de l'Empereur Honorius. Et les estrangers qui auoient suiuy Attila en ses guerres, nommément les Allemans, souz la conduite de Tetrich ou Dietrich de Veronne, se tindrent pour l'autre qu'on nommoit Adalarius, fils de la Duchesse de Bauiere. Tellement qu'ils se donnerent deux fort cruelles batailles pres la ville de Sicambrie, dont la premiere fut gagnée par Chaba. Mais la ruze de Tetrich fut cause que Adalarius acquit la victoire de la seconde. Au moyen de laquelle il demeura en possession de la Pannonie avec ses Allemans, & vn bien peu de Huns: pource qu'une partie des autres, qui pouuoient estre en nombre de 45. mille, s'enfuirent avec Chaba en la Grece: où ils furent gracieusement recueillis de l'Empereur, en faueur de la memoire de sa mere. Et ceux qui ne les voulurent suiure, ne s'osans arrester au pres des Allemans qui les haïssoient, s'allèrent rendre au pais des Zazingiens, qu'on estime estre la derniere contree de Dace, nommée au iourd'huy la Transsiluanie: où ils se donnerent le nom de Zetel, qui vaut autant à dire en Latin que *Siculi*, à nous Siciliens. Tellement que leur posterité y est encore permanente, se gouernant selon ses propres loix, mœurs & coustumes, qui ressentent plus la barbarie Hunique, que celles de leurs voisins. Tant y a ce pendant que tous sont d'accord que par le trespas d'Attila, & par la dissension de ses fils, toutes les nations qui luy estoient subiectes & suiuiuoient ses enseignes, se mirent en liberté, & en possession quant & quant des pais qu'elles peurent empier. De façon qu'Arderic avec ses Gepides s'arresta (comme a esté ja dit) en la Dace. Les Sarmates & Cemandriens en vne partie de l'Illyrie. Les Scyres & Sedegariens, ensemble les Alains en la basse Mysie & Scythie mineur. Les Rugiens accompagnez de quelques autres en la contree de Bisis & Archadiopolis. Ernac dernier des fils d'Attila avec les siens en vne partie de la Scythie mineur. Eumedzur & Vvltizintur ses parens en la Dace litorale. Les Heruliens & Turingiens à la bouche du Danube d'où ils furent tirez 20. ans apres, & menez en Italie par leur Roy Odoacer, que quelques-vns ont osé prendre pour Dietrich de Veronne. Telle fut la dissipation & demolition de ce grand Empire des Huns, qui auoit esté souz Attila. Bonfinius dec. 1. liu. 6.

SAINCT Seuerin moine arriua ceste annee au pais d'Austriche & de Baujere, qu'on appelloit lors le Noric, pour y prescher l'Euangile, & conuertir les habitans à Iesus Christ. Cuspinian.

ESTANT Maximus Euesque d'Antioche decedé, succeda en son lieu Basilius, qui presida 5. ans.

Du Monde.	4591	Papes.	16	R. des Vvisigoths.	1
De Rome.	1206	E. d'Orient.	5	R. des Vvandales.	28
De Iesus Christ.	455	E. d'Occident.	30	R. des Lombards.	30
Indiction.	8	R. de Perse.	15	R. des Huns.	27
		R. des François	7		

VALENTINIANVS 3. AVG. pour la 8. fois Consuls, avec FLA. ANTHEMIVS.

VALENTINIAN entre autres lascheté qu'il commettoit ordinairement osa raur l'honneur de la chasteté de la femme de Maximus Patrice & Senateur, qui estoit lors en grande

grande auctorité à Rome : lequel ne pouuant digerer vn tel ouurage, se dedia du tout à en chercher la vengeance sur l'autorité d'iceluy : tellement qu'il pratiqua si bien deux soldats, qu'ils le mirent à mort dedans la cité de Rome, le dixseptiesme iour de Mars; se vantans qu'ils auoient voulu venger par cest acte le tort fait au vaillant Ætius. Dont on eust moins fait de compte, que s'il n'en fust procedé vne trop grande trainee de miseres & calamitez aux Romains. Pource qu'estant l'Empire d'Occident ainsi destitué de chef, Maxime ne faillit de se presenter à telle occasiō, contraignant l'Imperatrice Eudoxia veſue de son predecesseur de l'espouser, afin que par son respect il eust les prouinces & gēs de guerre plus à son commandement. Mais elle s'estant resoluë à la vengeance de son feu mary, incita si bien par messagers Genſerich Roy des Vvādāles, qu'il partit d'Afrique avec 300000. mille combatans, & vint aborder l'Italie; qui se trouua tellement estonnee de son arriuee, qu'il entra sans grande resistance dedans Rome le huitiesme iour de Iuin, qu'il donna en proye à ses gens: & les mena encor apres rauager toute la campagne & le païs Latin, apres auoir fait mourir le tyran Maxime. Puis au bout de 14. iours, chargeant son butin & les plus precieux ioyaux & ornemens de l'Empire sur ses nauires, repassa en Afrique, accompagné de l'Imperatrice Eudoxia & de sa fille, qu'il fit espouser à son fils. Or pource que ceste derniere prise de Rome aduint peu d'annees apres la 1200. de la fondation d'icelle, plusieurs se sont persuadez que la verité fut accomplie en icelle de la prediſtion du diuinateur Vettius, qui auoit dit autresfois à M. Varron, que les douze Vaultours appeceuz par Romulus au iour qu'il fonda sa Rome, signiſſoient douze cens ans de la duree de l'Empire & maieſté d'icelle. A cause que depuis le trespas dudit Valentinian, il ne semble pas que l'Occident ait eu iusques à Charlemagne aucun vrayemēt Empereur: nonobstant que plusieurs se soient osé ingerer de se qualifier d'vn tel tiltre en Italie, mesmement iusqu'à la venue d'Odoacer. Mais il n'y en eut iamais vn qui en ait tenu d'auantage qu'une bien petite partie en son obeissance. Cependant on tient que l'Empire demeura encore vacquant & sans Empereur depuis la mort de Maximus par l'espace de vingthuit iours iusques au dixiesme iour de Iuillet, qu'un nommé Fla. Auitus Maximus, beau-pere du Poëte Sidonius Apollinaris, de Senateur & Patrice Romain se fit souz l'appuy & faueur de Theodoric 2. Roy des Vvisigoths, saluer & proclamer Empereur Auguste au païs des Gaules: à ſçauoir à Tholose, & puis à Arles: & de par les Gaulois conduire à Rome, où il fit alliance premierement avec l'Empereur Marcianus, & puis accompagné du secours dudit Theodoric mena vne armee contre les Huns en la Pannonie, vne partie de laquelle il restitua à l'Empire Romain (ainsi que Paul Diacre tesmoigne.) Mais il n'a peu faire pour celà que son regne ait duré d'auantage de dix mois, cinq iours, selon que nous recueillons d'un ancien Chronicon, de Cassiodore, Euagrius liure 2. de son histoire Ecclesiastique, Theophanes, Anastasius & Zonare. Autres adioustent qu'incontinent apres son eslection, il declara Messianus son Lieutenant sur toute la gendarmerie d'Occident: & Gilles Lieutenant d'iceluy sur celle des Gaules. Auquel aussi il donna le gouuernement de ce qui restoit en icelle aux Romains deçà la Loire, pour le defendre contre les François: & au Comte Ecdicius la garde de ce qui restoit delà la Loire contre les Vvisigoths.

LES Rugiens souz la conduite de leur Roy Flaccitheus, apres s'estre à l'exemple des autres retirez de la seruitude des fils d'Attila, s'habituèrent en celle contree du Noric, qu'on appelle auioird'huy Autriche: où ils se rendirent la ville de Vienne, qu'on appelloit lors la ville des Flauians, tributaire. Mais les autres peuples de Baioarie ou Boioarie, dictē maintenant Baviere, se mirent souz l'obeissance d'un Adalogerion qu'ils firent leur Roy: tellement qu'il regna sur eux iusques au temps du Roy Clouis. Auentin liu. 2.

LA nation des Ostrogoths diuisee en trois cantons, habitoit en trois côtrees de la Pannonie, souz le gouuernement de trois freres: à ſçauoir Vvalemire, qui estoit l'aîné, Theodemire & Vvidemire: le premier aupres la riuere qu'on appelloit lors Searnunga: le second aupres du Lac de Pelsode: & l'autre au milieu d'iceux. Or pource qu'ils s'estoiēt mis en liberté par la mort d'Attila, les fils d'iceluy les voulans ramener souz leur ioug, comme ils auoient esté souz leur pere, vindrent à grande puissance donner dessus le canton de Vvalemire au desceu de ses freres. Lequel toutesfois les soustint si vertueusement, qu'il mit par terre vn nombre inestimable de leurs gens, & le reste honteusement en route: lesquels s'en retournerent en la Scythie. De laquelle victoire ledit Vvalemire donna aduertissement à son frere Theodemire le iour mesme que son fils Theoderic luy naquit de sa concubine

relicna; comme tesmoigne Iornandes. Mais nous le rapportons à ceste annee, à cause de l'aage de Theodoric, qu'on compte auoir vescu 72. ans.

RICIARIUS Roy des Sueues, estimant que le trespas du Roy Tharismond deust estre motif de quelque dissension entre les Vvisigots, qui luy deust presenter le moiê de bié faire ses affaires sur eux; mit sus vne grande armee, faisant son compte de subiuguer le reste d'Espagne. Qui fut cause de faire partir d'Aquitaine par le conseil & consentement de l'Empereur Auitus le Roy Theodoric (duquel Riciarius auoit espousé la sœur) pour venir au secours de son païs. Tellement qu'il alla rencontrer son ennemy pres la ville d'Asture: & le combatit si vertueusement, qu'il le deffit & mit en route. Et puis ainsi qu'il se pensoit sauuer à la fuitte, le reprit & occit. Au moyen dequoy les Sueues furent contraints de se mettre eux & leur païs en son obeyssance, receuant vn Gouverneur de sa main nommé Athulfe, ou selon les autres Agiulfe ou Acliulfe Auerngnat de nation, qu'il leur donna. Comme Iornandes, Bonfinius, Decade 1. liu. 7. Ioannes Olaus liu. 15. de son histoire Gortique & autres recitent. Mais les anciennes Annales souz le nom de Iordanes tiennent avec Idatius, que cecy se fit ceste annee: suiuant laquelle occasion Iornandes & Isidore disent que Theodoric a esté le premier qui a legitimelement regné en Espagne par la permission de l'Empereur Auitus, en faueur de ce qu'il l'auoit aidé à paruenir à l'Empire.

PAVLINVS natif de Frâce, cōpagnō & familier du Poëte Ausonius, hōme excellent en sçauoir & plus en saincteté de vie, estoit Euesque de Nola en Italie, lors que Genferic Roy des Vvādales y arriua, & en emmena vne infinité de captifs avec soy en Afriq, mesmement du diocese dudit Paulinus: pour lesquels racheter il vendit & engagea tous ses meubles, & ceux de son Euesché. Et quand il ne luy resta plus rien à vendre, il se donna luy-mesme à vne pauvre femme pour estre mené en Afrique en eschange du fils d'icelle: comme dit S. Gregoire en ses Dialogues, & P. Diacre, & autres recitent.

<i>Du Monde.</i>	4592	<i>Papes.</i>	17	<i>R. des Vvisigoths.</i>	2
<i>De Rome.</i>	1207	<i>E. d'Orient.</i>	6	<i>R. des Vvandales.</i>	29
<i>De Iesus Christ.</i>	456	<i>E. d'Occident.</i>	1	<i>R. des Lombards.</i>	31
<i>Indiction.</i>	9	<i>R. de Persé.</i>	16	<i>R. des Huns.</i>	28
		<i>R des François.</i>	8		

FLA. IOANNES & FLA. VARARIS, Consuls.

SOVZ lesquels Fla. Ricimer Goth de nation, ou selon Sidonius Sueuien, les autres disent Vvandales, Patrice Romain, & coronal de toute la gendarmerie Imperiale d'Occidēt qui auoit succédé aux estats & honneurs d'Ætius, ne pouuant recognoistre Auitus pour Empereur, lequel s'estoit aussi rendu par sa vie luxurieuse & dissoluë odieux à tout le Senat, tesmoin Gregoire de Tours, s'esleua contre luy: & apres l'auoir à l'aide du Senat, au moyen aussi de ce qu'il fut destitué du secours du Roy Theodoric, qui faisoit la guerre aux Sueues en Espagne, reduit à l'extremité de ses affaires, le contraignit se deposer de la dignité Imperiale enuiron le 18. iour de May, il luy permit d'acheuer le reste de sa vie en estat priué dedans la ville de Plaisance; d'où il fut bien tost apres ordonné Euesque. Ce pendant on tient que l'Empire demeura vaquant depuis sa deposition l'espace de 10. mois, 15. iours, en attendant que l'Empereur de Constantinople eust ordonné vn nouueau Empereur. Car Ricimer, à ce qu'on dit, se disoit auoir deposé Auitus par le commandement d'iceluy, comme aiant esté esleu sans son ordonnance, comme le Chronicon precedent & Cassiodore nous monstrent. Au mesme temps Genferich Roy des Vvandales faisant son profit des rechangemens d'Empereurs en Italie, s'empara de ce que les Empereurs s'estoiēt reseruez en Afrique par l'accord qu'ils auoient cy deuant fait avec luy. Tellement qu'ils n'y eurent onques rien depuis iusques à l'Empereur Iustinian.

CEREALIS Euesque Castalense, & Maxime Euesque de Turin, excellents en sçauoir & en intelligence des saintes lettres, & en saincteté de vie semblablement, florissoit en ce temps. **Gennadius.**

Du monde

<i>Du Monde.</i>	4593	<i>Papes.</i>	18	<i>R. des Vvisgoths.</i>	3
<i>De Rome.</i>	1208	<i>E. d'Orient.</i>	1	<i>R. des Vvandales.</i>	30
<i>De Iesus Christ.</i>	457	<i>E. d'Occident.</i>	1	<i>R. des Lombards.</i>	32
<i>Indiction.</i>	10	<i>R. de Perse.</i>	17	<i>R. des Huns.</i>	29
		<i>R. des François.</i>	9		

FLA. CONSTANTINVS & FLA. RVFFVS. Consuls.

L'EMPEREUR Marcianus qui deceda en la cité de Constantinople le 26. iour de Ianuier fut substitué Fla. Leo I. du nom natif de Thrace (premier de la nation Grecque & qui n'estoit encore que Tribun militaire) au siege Imperial d'Orient suyuant l'election des Senateurs & de la gendarmerie Oriëntale, moiennant aussi les pratiques du Patrice Aspar, en faueur de quoy Ardaburius son fils fut par ledit Leon orné & pourueu de la dignité de Cesar souz le nom de laquelle il commanda avec luy à l'Orient enuiron l'espace de 14. ans. Mais depuis qu'il fut depose, Leon regna encores seul 3. autres annees ou enuiron. Comme nous recueillons de Theodore lecteur, Euagrius liu. 2. cha. 28. Marcell. Comes, Nicephore Patriarche & Call. George Cedrenus & Zonare. Procopius afferme qu'Aspar eust esté fait Empereur plustost que Leon sans ce qu'il estoit adonné à l'heresie Arrienne.

QUANT à l'Occident, Ricimer prit la hardiesse au mesme Consulat de sa propre authorité de le pouruoir d'un Empereur nouveau qui se nommoit Fla. Iulius Valerius Maiorianus, sans en attendre le vouloir ou intention de l'Empereur Leon. Combien que Iordanes s'est persuadé qu'il receut l'Empire par l'ordonnance de l'Empereur Marcianus. Ce qui a fait estimer a autres que ce fut plustost par l'Empereur Leon. Mais tant y a qu'il en fit l'election le 1. iour d'Auril, depuis lequel on compte qu'il a tenu l'Empire d'Occident iusques à son trespas l'espace de 4. ans 4. mois 2. iours, selon que nous sommes instruits par l'ancien Chronicon & Cassiodore. Procopius nous adioust qu'il fut le plus vertueux & vaillant Prince qui eust regné deuant luy en Occident, & qui se fit autant aimer & cherir des siens pour sa benignité & clemence, que redoubter de ses ennemis pour sa vaillance. Tellement qu'on estoit que si la mort ne luy eust si tost rompu ses desseins, qu'il eust exterminé les Vvandales de l'Afrique, apres qu'il eut commencé de les guerroyer. On raconte entre ses hardis faicts, qu'il alla luy-mesme comme espion en habit dissimulé decouvrir l'estat de l'Afrique. C'est luy qui auoit cy deuant fait vne grande desconfiture de François pres le bourg Helene, lors qu'il auoit le gouuernement de la caualerie Romaine souz Etius. Ainsi que nous auons monsté par Sidonius Apollinaris, qui declare ailleurs qu'iceluy s'estant transporté es Gaules, depuis son election ramena la cité de Lion à l'obeissance de l'Empire, qui en auoit possible esté soustraite par les Bourguignons, ou bien par les Alains, encor que d'autres veulent dire par Theodoric Roy des Vvisgots. On tient aussi que ceste mesme année Genferich Roy des Vvandales esperant encore faire son profit des troubles d'Italie, y fit passer vne armee de Maures & de ses Vvandales, laquelle fut lourdement repoussée par la vaillance & bonne conduite de Maiorianus.

THEODORIC tenant la ville de Merida assiegee, fut contraint de leuer son siege pour retourner en la Gaule, à cause de l'armee que l'Empereur auoit leuee pour enuoyer contre les Vvandales, laquelle il craignoit (comme escrit Iordanes) que ce ne fust contre luy; tellement que ce soupçon luy fit rompre la paix qu'il auoit avec les Romains, & se ietter avec son armee dedans la Prouence, où elle fit vn miserable degast. Ce pendant Agiulfe se reuolta contre luy à l'instance des Sueues. Qui fut cause de le faire reuenir de rechef en Espagne, à si bonnes enseignes qu'il le vainquit en vne bataille, où il l'occist. Et puis fut si gracieux aux Sueues, qu'il leur bailla permission d'eslire vn Roy de leur nation, à condition qu'il fust son vassal. Au moyen de quoy ils donnerent leurs voix à vn nommé (par Bonfinius, Ioânes Magnus & autres) Rosimôd, qui s'esle estre celui que les Annales de Iordanes appellent Richmond. Mais la Chronique des Vvisgoths dit avec Idatius, que les Sueues apres ceste permission entrerent en dissension pour l'election d'un Roy. De sorte que les vns esleurent vn nommé Fracanus, les autres vn Masdra, qui estoit fils d'un autre Masdra fils de Massila, qui mourut 3. ans apres son election, apres auoir regagné vne partie du pais de Portugal, & souzmis à soy la ville d'Vlixbonne, son competeur estât decédé

deuant luy . Ce fut en ceste guerre que Theodoric receut vn grand secours de Bourguignons, quiluy furent menez par leur Rois Gondebault & Chilperic , tefmoin Iornandes.

Les complices de Timothee furnommé Herulus ou Ælurus, fauteur de l'heresie Eutichienne, s'estans esleuez à l'occasion du trespas de l'Empereur Marcianus , qui les auoit tousiours tenus en crainte, contre Proterius Euesque d'Alexandrie, le mirent cruellemēt à mort:& puis bruslerent son corps qui fut cause d'un grand schisme en l'Eglise d'Alexandrie: laquelle à ceste occasion commença deslors d'auoir deux Euesques, l'un heretique, l'autre Catholique. Ce pendant ce Timothee est celuy qu'on dit auoir esté successeur dudit Proterius en la chaire d'Alexandrie, & y auoir presidé quatre ans, selon Nicephore, & Cedrenus. Nonobstant que l'election fust reprouuee de tous les Euesques qui adheroient à la decision du Concile de Chalcedone. Tellement que le Pape Leon en escriuit à l'Empereur, qui en demanda aussi l'aduis par lettres des autres Euesques de son Empire, & d'aucuns grans personages de la profession monastique, qui estoient les plus renommez en ce temps. Comme Simeon Baradates & Iacques. Desquels Simeon fut le premier qui commença de faire sa demeure en vne colonne. Vn seul Amphilochous Euesque de Syrie se trouua lors impugnateur du decret de Chalcedone, quoy qu'il n'approuast l'election de Timothee. Euagrius liu.2.chap.9.& 10.

<i>Du Monde.</i>	4594	<i>Papes.</i>	19	<i>R. des Vuisigoths.</i>	5
<i>De Rome.</i>	1209	<i>E. d Orient.</i>	2	<i>R. des Vandales.</i>	31
<i>De Iesus Christ.</i>	458	<i>E. d Occident.</i>	2	<i>R. des Lombards.</i>	33
<i>Indiction.</i>	11	<i>R. de Perse.</i>	1	<i>R. des Huns.</i>	30
		<i>R. des François.</i>	10		

FLA. LEO, & FLA. IULIUS MAIORIANVS AVG. Coss.

AVQUEL Consulat Cassiodore dit que Maiorianus fit quelque entreprinse sur les Vandales en Afrique. Mais les Annales de Iordanes expliquēt qu'il enuoia vne armee en Afrique contre eux, qui fut deffaire: & qu'il en remit sus puis apres vne autre, qui estonna tellement le Roy Genferich, qu'il demanda paix. Mais Procope declare qu'il fut luy mesme le conducteur de ceste armee, avec laquelle il descendit en Afrique, apres qu'il eut esté comme vn espion descouurir l'estat d'icelle en habit dissimulé; & que sans vne maladie il fust venu à bonne fin de son entreprinse, nonobstant qu'il fit en icelle conceuoir vne telle expectation de luy, qu'on eut opinion qu'il eust recouuré l'Afrique des mains des Vandales, si la mort ne l'eust preueni trop tost. Cependant Theoderic apres auoir deffait Arnulfe depart son armee en trois, desquelles il enuoia l'une souz la conduite d'un sien Capitaine nommé Cherula pour courir la Bethique (à ce qu'escriit Idatius) & l'autre s'en alla faire vn grand degast & rauage sur les Sueues au pays de Gallice, ayant pour ses Capitaines Sigeric & Nepotian. Mais il s'en reuint avec la troisieme partie en la Gaule, où il fit vn autre piteux mesnage en la Prouence. Idatius toutesfois rapporte l'allee de Maiorianus en Espagne à l'annee ensuiuant.

EN la mesme annee le Pape Leon escriuit lettres à l'Empereur Leon, pour l'inciter de perseuerer en la doctrine qui auoit esté confermee & approuuee és Conciles de Nicee & Chalcedone. Qui fut cause qu'il enuoia scauoir particulierement & à part l'opinion de tous les Euesques de son Empire, lesquels se trouuerent tous vnis en la confession desdits Conciles.

EN la seconde annee de l'Empereur Leon la cité d'Antioche fut grandement gastee par vn merueilleux tremblement de terre, qui se fit le 14. iour de Septembre 506. ans apres que ceste cité eut pris ceste nominatiō, & 347. depuis vn autre tremblement de terre qu'elle auoit receu souz l'Empereur Traian, & 159. apres. qu'elle eut esté mise en liberté, & priuilegiee d'estre gouuernee par autre que par ses citoiens: Euagrius liu.2.

PERSES Roy des Perles, homme fort belliqueux, mais beaucoup plus hardy que prudent en affaires, regna apres le trespas de son predecesseur vingt ans. Agathius liure 4.

APRES

APRÈS le trépas de Martianus Genferich Roy des Vandales fit abbatre toutes les murailles des villes d'Afrique, excepté de Carthage : comme Nicephore & Procopius recitent ; lequel dit aussi que cela facilita d'autant cy après la victoire que Bellisarius obtint des Vandales sous Justinien en trouvant moins de résistance es villes.

VALLAMIR Roy des Ostrogoths, après avoir chassé Ernac fils d'Attila de la Pannonie, regna en icelle 4. ans, témoin Ioannes Sambucus ; selon lequel ledit Vallamir eut deux autres frères, qui regnerent avec luy chacun en vne partie de ladite Pannonie, nommez Vindimer & Theodemir ou Thindimer : lequel, au rapport de Iornandes, engendra au temps de l'Empereur Majorianus vn fils nommé Theodoric, qui conquesta cy après l'Italie : par l'âge duquel cependant nous cognoissons que Vallamir a regné plus longuement en la Pannonie que Sambucus n'a compté.

GENNADIUS homme docte & eloquent, gouverna l'Eglise de Constantinople après Anatolius 13. ans. Zonare. Marcellinus Comes témoigne qu'il laissa vn grand nombre de doctes commentaires sur plusieurs liures du vieil & nouveau Testament.

ET Acatius fut après Basilius substitué en l'Eglise d'Antioche, où il présida vn an : & puis eut successeur Martyrius, qui présida 8. ans.

Du Monde.	4595	Papes.	20	R. des Visigoths.	6
De Rome.	1210	E. d'Orient.	3	R. des Vandales.	32
De Iesus Christ.	459	E. d'Occident.	3	R. des Lombards.	34
Indiction.	12	R. de Perse.	2	R. des Huns.	31
		R. des François.	1		

FLA. PATRICIUS, & FLA. RICIMER, Consuls.

MEROVEE 3. Roy des François mourut, selon le témoignage des histoires de France, en la 10. année de son regne, laissant la succession de sa couronne à son fils Chilperic, homme mieux nay pour la guerre que pour conduire vn Royaume en iustice & en paix : pource qu'il se monstra si plein d'insolence & de lubricité dès qu'il fut installé en l'estat de son pere, qu'il se rendit en peu de temps odieux à tous les plus grands de son Royaume, & en fin dechassé par eux. Qu'à ce qu'aucuns ont voulu dire, qu'il a esté le premier vrayement Roy de la Gaule après les Romains, & qui plus paisiblement l'a possedee, tant pource que ses predecesseurs ne furent naiz en icelle, & qu'ils n'y regnerent qu'en guerre, sans y auoir eu siege de Royaume arresté & paisible, que pource qu'il fut non seulement le premier Roy nay en icelle, mais aussi le premier Roy esleu & déclaré Roy de la France & de la Gaule tout ensemble, par la cōmune voix des deux nations, à sçauoir François & Gaulois ioinctes ensemble en vn corps de republique : d'autant qu'il leur semble que Merouee, quoy qu'on l'ait nommé Roy des François, ait esté rien plus qu'estranger au regard de la Gaule, ne qu'il ait regné sur les François & les Gaulois tout ensemble, ny aussi iamais esté créé par la volonté & consentement des deux nations vnies & incorporees ensemble. Cela se peut plus aisément coniecturer & magnifiquement dire, que prouuer estre certain par témoignage authentique : encore qu'on le puisse avec beaucoup de raisons attribuer au Roy Clouis. D'autant mesmemēt que Chilperic n'occupoit encor qu'une petite portion de la Gaule, signamment de la Belgique, quand il succeda à l'estat de son pere, & que nous auons assez démontré par cy deuant que son pere & ses predecesseurs n'ont pas regné moins paisiblement en ce qu'ils ont tenu de la Gaule, que luy ou les Bourguignons & Visigoths. Ioinct que la question des Rois de Cambray, de Tournay, & de Cologne, qui furent cy après exterminés par Clouis, n'est pas encor bien décidée, s'ils estoient ia du temps de Childeric, & s'ils ne se nommoient pas Rois des François en la Gaule comme luy : ensemble aussi s'il regnoit aussi tant sur les Ripuariens, que sur les Saliens.

Vne partie des Sueues guerroyoit ceste année sous la conduite de Maldra le païs de Portugal, & l'autre le païs de Galice sous la conduite de Richmund. Mais les Heruliens (s'il ne faut lire Alains) assaillirent la Betique. Qui fut causé que l'Empereur Marcianus (par l'aduis & conseil de ses principaux Capitaines) se remeit d'appointement avec le

le Roy Theodoric, afin d'avoir secours de luy tant contre les Sueues que contre les Vandales, auxquels il pretendoit encor recommencer la guerre : comme tesmoignent les Annales de Iordanes, qui rapportent cecy expressément à l'an 459. Mais pource que Cuspinianus l'a compris souz le Consulat ensuiuant, Sigonius en a fait de même. Le conuiens toutesfois que ceste paix faicte avec les Vvisigoths, est celle dont Sidonius Apollinaris a fait mention en son Panegyrique à Maorianus : nonobstant qu'il demostre auoir plustost faicte comme victorieux que par contraincte, ayât obtenu victoire, & retiré à soy la ville de Lion des mains de l'ennemy. Qui a fait estimer à Sigonius, que ce fut du Roy Theodoric. Mais j'ay plus d'opinion que ce fut des Bourguignons, qui estoient lors amis & allicz des Vvisigoths, comme tesmoigne le secours que leurs Rois leur auoient mené vn peu auparauant contre les Sueues iusques en Espagne. D'autant que la cité de Lion estoit plus proche, & quasi enuironnée d'eux : & qu'il leur eust faict grand mal de voir le Roy Theodoric s'approcher & aggrandir si fort pres d'eux. Dont il semble que ceste paix ne fut faicte avec luy seulement, mais aussi avec les Bourguignons. Voilà cependant ce qu'il en escrit :

*Et quia laxatis nimium spes unica rebus
Venisti, nostris petimus succurre ruinis,
Lugdunumque tuam, dum præteris aspice victor.
Ocia post nimios poscet te fracta labores.
Qui pacem das redde animum, boue, fruge, colono,
Ciuiibus exhausta est, stantes fortuna latebat.
Dum capitur, va quanta fuit. Post gaudia princeps
Delectat meminisse mali, popularibus, igni
Et si concidimus, veniens tamen omnia tecum
Restituis. fuimus vestri quia causa triumphii,
Ipsa ruina placet. --*

Or on cognoist de ce passage & de plusieurs autres dudit Sidonius, que l'Empereur Maorianus fut non seulement ceste annee, mais aussi les deux ensuiuantes de sejour en Gaule, signamment en Arles.

EN ce temps l'Empereur fit punition des meurtriers qui auoient mis à mort Proterius Euesque d'Alexandrie.

Du Monde.	4596	Papes.	21	R. des Vvisigoths.	7
De Rome.	1211	E. d'Orient.	4	R. des Vandales.	40
De Iesus Christ.	460	E. d'Occident.	4	R. des Huns.	3
Indiction.	13	R. de Perse.	3	R. des Lombards.	35
		R. des François.	2		

APOLLONIVS, & MAGNVS, Consuls.

MALDRA Roy des Sueues fut, selon Idatius & les Annales de Iordanes, occis ceste annee par le Roy Theodoric, laissant (au rapport de la Chronique des Vvisigoths) vn fils nommé Arismund ou Remismund, qui fut contraint d'entrer en guerre pour la succession de son pere contre vn Frumarius, qui mourut en fin le premier, laissant son competeur en possession paisible du Royaume des Sueues, qui fit au demeurant paix avec les Galliciens à son arriuee : & puis avec le Roy Theodoric, suiuant laquelle les mêmes auteurs disent avec Isidore, Sulpitius Seuerus & les autres histoires Vvisigothes, que l'Empereur Maorianus se trāsporta en la même annee en Espagne, où il fut iusques à Sarragosse pour passer ce là en Afrique contre les Vandales. Mais leur estant son entreprinse signifiée par la desloyauté des siens mêmes, ils vindrent surprendre & rompre son appareil de mer, dōt il fut contraint de s'en retourner, non en Italie, comme ils veulent, mais en Gaule plustost : où il se mit encores à faire nouueaux preparatifs, pour recommencer son entreprinse : lesquels estonnerent en telle sorte le Roy Genferich, qu'il enuoya vne Ambassade vers luy pour traiter d'appointement, lequel luy fut accordé.

VN nommé Lando fils de Charles surnommé le Bel, qu'on dit auoir esté gendre de l'Empereur Valentinian, & Gouverneur de la Belgique cōtre les Romains, se rebella cōtr'eux, prenant

nant le party des François. En cōsideration dequoy leur Roy luy laissa le gouuernement dudit pais entre ses mains, pour le defendre cōtre les fils de Clodion le Cheuclū, qui mennoient guerre incessamment au Roy Childeric, pour le recouurement du Royaume de France: dont ils auoient esté spoliez par Merouee. Maistre Richard de Vassebourg en son histoire de Lorraine. Dequoy toutesfois ie ne voudrois pas faire mise, qu'il ne l'eust tiré de bon auteur.

Discours du Royaume des Bretons de la Gaule.

VORTIGERE Roy de la grāde Bretagne mourut enuiron ce temps, laissant vn fils nommé Vvortimere, qui succeda à sa couronne. Mais les Anglois & Saxons qui estoient en son Royaume, commencerent à faire si peu de cas de luy, qu'ils s'estrangerent de son alliance non seulement, mais aussi se prindrēt à si mal traicter les Bretons en toute maniere d'hostilité, que plusieurs furent contrains de s'estranger de leur pais pour s'exempter des maux qu'ils leur faisoient: Ainsi que Polidore Virgile tesmoigne liu. 3. De façon que passants la mer vindrent chercher vne plus gratieuse demeure en celle partie de la Gaule que les anciens appellerent Armorique. Qui a possible donné occasion à plusieurs d'escrire, qu'elle fut lors non seulement occupée par eux & assuiettie, mais aussi denommée de leur nom, & d'auantage façonnée à leur langage: Et à Pasquier aussi de rechercher doctement ceste matiere par beaucoup de grandes raisons & argumens, lesquels me font bien balancer en vne partie de son opinion, mais ils ne m'ont encore peu persuader ce point qu'il dit de Conan: Lequel s'estant du temps de l'Empereur Maximus premier venu habiter avec vne infinité de Bretons en l'Armorique: y ait donné commencement au Royaume de nostre petite Bretagne, & le premier cours à la langue que nous appellons Bretonnante. Pource qu'outre que son dire ne se peut aduouer du tesmoignage d'aucun bon ancien Auteur, il se peut au contraire suffisamment prouuer qu'il n'a esté aucun vent ne bruit ny de Bretons ny de leur langage, ny de leur Royaume en la Gaule souz les derniers Empereurs que depuis Ætius. Car Zozimus escrit expressement, que quand les Vvandales & Bourguignons entrerent en la Gaule, qu'ils donnerent occasion aux Armoriciens de se souleuer contre les Romains, & de s'accommoder souz vne forme de Republique qui leur sembla la plus conuenable pour se conseruer en liberté. A cause dequoy nous auons demonstré cy dessus par le tesmoignage de Sidonius Apollinaris, que les Armoriciens furent reduits & subiuguez par Littorius Celsus Capitaine Romain. D'auantage Gregoire de Tours tesmoigne, quād le Roy Clodion renuoia de la Tongrie des espions pour descouurir l'estat des prouinces prochaines, tout ce qui est deçà la Loire estoit encore souz l'obeissance des Romains. Finalement il se peut obseruer & remarquer tant en Sidonius Apollinaris qu'en Gregoire, qu'ils n'ont fait mention ny ouy parler des Bretons habitans en la Gaule, que depuis la mort de l'Empereur Auitus. Cependant ie suis bien d'accord de l'autre point, que si quelques Bretons se sont venus ramager & accommoder en la Gaule Armorique, à cause du mauuais traitement qu'ils receurēt des Saxons en leur pais (comme ie croy qu'ils ont fait enuiron ce temps-cy: d'autant que le Concile qui fut celebré à Tours l'annee ensuiuant, declare qu'il y en auoit ja deslors) qu'ils ne l'ont pas pourtant subiuguee ny occupée de force, ains qu'ils y ont esté seulement receuz du gré & consentement des anciens habitans, qui ne leur baillerent pas seulement permission de se mesler & habiter avec eux, mais aussi pource qu'ils se virent grandement accrus de nombre par eux, qu'ils en furent incitez de se mettre en liberté, comme ils auoient ja fait cy deuant: Et pour se maintenir en icelle, qu'ils esleurent d'vn consentement vn Roy sur eux pour les gouuerner & cōduire, qui semble estre celuy de Iornandes & Freulfe nommé Riothimus, qu'ils auoient souz l'Empereur Anthemius: afin d'auoir plus de moien de se defendre & garentir souz iceluy des assauts & inuasions de tant de nations qui deschiroient lors l'Empire Romain, signamment les Gaules de toutes parts, ne se trouuant plus aucun Capitaine depuis la mort d'Æ-

tius qui les peust soustenir ne rébarrer. Autrement il n'est pas possible que les Bretos soiét fortis hors de leur pais en si grande multitude de gés de guerre, qu'ils aient par force peu donner la loy aux habitans de l'Armorique: pource que Gildas dict le sage, qui viuoit lors en la grande Bretagne, confesse qu'il y auoit lors fort peu de Bretons qui fussent bien aguerris: & que la peste les auoit reduits en si petit nombre, qu'ils auoient esté contrains de faire venir les Anglois à leur secours. Et puis le piteux estat auquel il declare qu'ils estoient plustost souz les Anglois, & de ceux mesmes qui passerent la mer, monstre qu'ils estoient plustost en point pour aller exciter pitié & commiseration d'eux, que pour faire violence & conquête en pais estrange. *Itaque* (dit-il) *nonnulli miserarum reliquiarum in montibus deprehensi, acervatim iugulabantur. Alij fame confecti accedentes manus hostibus dabant in eum seruituri, si tamen non trucidarentur, quod altissima gratia stabat loco. Alij transmarinas petebant regiones cum ululatu magno ceu celestis vice, hoc modo sub sinibus velorum cantantes: Dediisti nos tanquam oves escarum, & in gentibus dispersisti nos. Alij montibus, collibus minacibus, præruptis, vallatis & densissimis saltibus, marinisque rupibus vitam suspecta semper mente credentes, in patria licet trepidi perstabant.* Outreplus, les plus fideles histoires d'Angleterre tesmoignêt, que les anciens Bretons se maintindrent encor plus de deux cens ans depuis contre leurs ennemis: de façon qu'ils eurent vn Royaume franc & libre à part eux. Et puis que quand toute l'isle fut rangée souz la deuotion des Saxons, qu'ils ne furent seulement que confinez en vn arriere coing d'icelle nommee Gales. Qui est vn argument assez euidant, pour monstre que si grande troupe de gens & d'hommes de guerre mesmement, ne pourroit ou voudroit auoir si laschement laissé son pais, en la seruitude des estrangers, pour s'aller monstre ailleurs plus hardis & vaillans, & occuper par force vn autre en si peu de temps, que deuant quasi que d'y auoir assis leur pied, on les ait veu courrir & rauager l'Anjou, le Poitou, & l'Angoulmois sur les Vvisgoths & François, nations pour lors les plus redoutables au fait des armes: Et puis se faire appeller au secours d'un Empereur de Rome contre lesdits Vvisgoths. Ainsi que Iornandes recite: ce que nous monstrerons ne pouuoir estre adueni plustard que l'an 470. ou 471. Parquoy ce n'est pas de merueilles, que ny Gregoire de Tours, ny Aimoinus, ny aucun autre des plus anciens Historiographes qui ont escrit des affaires de la Gaule, n'ont aucunement parlé de la venue des Bretons en l'Armorique; encore qu'ils aient bien diligemment remarqué & obserué le temps & arriuee des autres nations en la Gaule: d'autant qu'elle se fit d'amitié, sans bruit, & sans violence, & comme chez voisins & consuets d'un mesme Empire.

TIMOTHEE Euesque d'Alexandrie, estant depose de sa dignité par l'Empereur Leon, receut en son lieu vn successeur nommé aussi Timothee, du nom, surnommé le Blanc: qui gouerna ladite Eglise 22. ans, & fut homme Catholique & religieux. Cependant son predecesseur fut par le iugement des Euesques des prouinces de l'Empire enuoié en exil. Nicephore, Cedrenus.

LE Concile Venitien assemblé ceste annee ne chanta que reiterations des Canons de quelques Cōciles precedets, desquels il y en a vn qui defend aux Abbez d'auoir plusieurs logis & monasteres. Liu. de Conciles.

<i>Du Monde.</i>	4597	<i>Papes.</i>	1	<i>R. des Vvisgoths.</i>	8
<i>De Rome.</i>	1212	<i>E. d'Orient.</i>	5	<i>R. des Vvandalas.</i>	41
<i>De Iesus Christ.</i>	461	<i>E. d'Occident.</i>	5	<i>R. des Lombards.</i>	30
<i>Indiction.</i>	14	<i>R. de Perse.</i>	4	<i>R. des Huns.</i>	4
		<i>R. des François.</i>	3		

FLA. SEVERINVS, & FLA. DAGALAPHVS. Coff.

ESTANT Maiorianus (au rapport de Iornandes) allé contre les Alains, que souz la conduite de leur Roy Beogus couroient les Gaules, Ricimer s'esleua en Italie contre luy: & apres qu'il y fut retourné ou pour obuier aux entreprinſes d'iceluy, ou pour l'aller defendre contre lesdits Alains, qui faisoient monstre de vouloir passer, le rangea en tel estat, qu'il le contraignit comme son predecesseur de quitter & renoncer l'Empire le 2. iour d'Aoust, & au 6. le fit mettre à mort en la ville de Derthone au grand regret de tous ses subiets, desquels il estoit autant aimé (comme dit Procopius) que redoubté de ses ennemis, pour

pour sa vaillance : & puis apres auoir laissé l'Italie sans Empereur l'espace de trois mois 16. iours, supposa vn Fla. Vibius Seuerus ou Seuerianus en son lieu ; souz le nom duquel l'Empire d'occident fut gouverné depuis sa creation, qu'on tient auoir esté faicte le 20. iour de Nouembre iusques à son trespas l'espace de 3. ans , 8. mois, 28. iours. Chronicon ancien, Marcellinus Comes, Cassiodore, Euagrius, Iornandes.

Les François apres auoir quelque temps toleré les mauuaises complexions de leur Roy Childeric, s'offenserent en fin de ses deportemens, & de ce qu'il desbauchoit ou pourchassoit leurs femmes & leurs filles; en telle sorte qu'ils le contraignirent estant en la troiesme annee de son regne, de s'enfuir au Royaume de Turingie, pour illec attendre la reuolution de sa fortune. Mais auant son partement il donna secrettement sa parole à son amy Vidomare, selon d'autres Guinémaux ou Vvinomad, homme de bon esprit : & rompit vne piece d'or dont il luy laissa la moitié, à ce qu'il n'adiousta foy qu'à celuy qui luy rapporteroit ladite moitié : par lequel moyen il recouura son Royaume sans coup frapper au bout de 8. ans. Pendant lequel temps les François prindrent pour leur Roy vn Sénateur appelé par les autres citoyen de Rome & Comte, qui estoit Capitaine de la gendarmerie des Gaules pour les Romains, & chef des garnisons, comme aussi Gouverneur des villes qui tenoient encor pour eux en icelle, nommé Gillon ou Egide, qui faisoit sa residence à Soissons, comme recitent d'un consentement Gregoire de Tours, Ado & Aimoinus. Parquoy s'il est vray ce que Sulpitius Seuerus Espagnol a escrit en son histoire des Vuisigoths, que Eredic frere du Roy Theodoric, faisant la guerre aux François, fut en vne bataille vaincu & occis par eux aupres de la Loire, en la cinquiesme annee de l'Empereur Leon, cela se doit estre faict souz ce Gilles, si d'auanture il n'a commencé de regner plus tard.

EUGENE 2. à nostre compte, ou selon les histoires fabuleuses, 42. Roy d'Ecosse, mourut sans enfans. Au moyen dequoy Dongard son frere Germain luy succéda à sa couronne, qui regna 5. ans. Hector Boëthius liu. 8.

LEON premier du nom Euesque de Rome, surnommé le Grand à cause du grand sçauoir qui fut en luy, mourut le 11. iour d'Auril, & luy fut substitué en son siege le 19. iour du mesme mois, Hilarius, aussi premier de ce nom, natif de Sardaigne, qui gouerna l'Eglise Romaine (selon Marcellinus Comes) l'espace de 6. ans : ausquels Iordanes, Herman Contract & Onufrius adioustent 3. mois 10. iours. Platine tesmoigne que ce Pape s'est fort occupé & addonné à bastir & orner les Temples : tellement qu'on tient qu'il a esté le premier qui y fit bastir des chappelles. Les ordonnances & statuts qu'on luy attribue (la pluspart desquels sont attribuez à quelques vns de ses predecesseurs) se trouuent comprins es Canons du Synode qui fut souz luy celebré à Rome.

Vn Synode des Euesques de l'Eglise Gallicane fut celebré en ce Consulat, le 16. iour d'Octobre en la ville de Tours, sous Perpetuus Euesque d'icelle, qui auoit esté esleu en la mesme annee : où ne se traitta gueres autre matiere que du mariage des Prestres; lequel y fut interdit, selon que tesmoignent les Canons d'iceluy, qui sont au liure des Conciles. Ce nonobstant le mariage a esté permis aux Ecclesiastiques par plusieurs autres Conciles qui ont esté faits cy apres en France. Aux Canons aussi d'iceluy est fait mention des Bretons habitans en l'Armorique, & de leur Euesque Mansuetus : par laquelle ils sont distinguez des anciens habitans d'icelle, qui sont nommez Romains.

Au mesme temps florissoit en la Grece vn Medecin nommé Iean, natif d'Achaie : qui pour la reputation qu'on auoit de sa science & de son experience, fut appelé pour penser l'Empereur Leon, de quelque maladie qu'il auoit : & estant arriué pres de luy, s'assit hardiment en la chaire Imperiale, proche de son liét, sans commandement : allegant qu'il le faisoit à l'exemple des anciens Iuriconsultes.

Du Monde.	4598	Papes.	2	R. des Vuisigoths.	9
De Rome.	1213	E. d'Orient.	6	R. des Vandales.	42
De Iesus Christ.	462	E. d'Occident.	1	R. des Lombards.	31
Indiction.	15	R. de Perse.	5	R. des Huns.	5
		R. des François.	4		

FLA. LEO AVG. pour la 2. fois Consul, avec FLA. SEVERVS AVG.

GENSERICH Roy des Vvandales, estant aduerty de la mort de Maorianus, avec lequel il auoit fait paix, s'estima n'estre obligé de l'observer enuers son successeur, cōmença de faire des entreprinſes sur les isles de la mer Mediterranee, cōme Sicile, Corſeigue, Sardaigne, & les Baleariques, pour les reduire en son obeissance: mais Seuerus s'opposa si vertueusement à ses efforts, qu'il s'en acquist vne grande loüange.

EN la mesme annee, selon les Annales de Iordanes, combien que d'autres l'attribuent à l'an 466. la cité de Narbone fut renduë entre les mains des Vvisigoths par Gilles Roy des François, & Gouverneur de Soissons pour les Romains. Mais Isidore l'appelle Agrippin: Iordanes, Rauennius: autres, Rabenus & Atrapenus vn Comte, qui la deliura meschamment, l'ayant en sa garde: & comme dit Idatius, par haine & enuie qu'il portoit à Gilles: dont il semble que la guerre recommença entre le Roy Theodoric & les Romains: de laquelle toutesfois il ne se trouue rien escrit en aucun autheur que nous ayons veu.

VVALLAMIR Roy des Ostrogoths cessa, selō Ioan. Sambucus, de regner ceste annee; ce que nous n'ensuiuons.

VN Abbé nommé Victorinus ou Vitturinus, composa en ce tēps, par le cōmandement du Pape Hilaire, les reigles pour trouuer le Cicle Paschal; suiuant lesquelles on pouuoit faire le denombrement des annees depuis la natiuité de nostre Seigneur: mais elles furent cy apres trouuees vitieuses par l'Abbé Denis. Marianus Scotus.

Du Monde.	4599	Papes.	3	R. des Vvisigoths.	10
De Rome.	1214	E. d'Orient.	7	R. des Vvandales.	43
De Iesus Christ.	463	E. d'Occident.	2	R. des Lombards.	38
Indiction.	1	R. de Perse.	6	R. des Huns.	6
		R. des François	5		

FLA. VIBIANVS & CÆCINNA, DECIVS BASILIVS Felix, Consuls.

ARISMUND Roy des Sueues, faisant paix & alliance avec le Roy Theodoric, prit sa fille en mariage: & puis alla faire guerre au pais de Portugal, où il soumit à soy la ville de Cornimbrie. Chronique des Vvisigoths.

AV mesme temps l'Empereur Leon donna le gouvernement des prouinces Oriētales de son Empire à Zenon son gendre; qui auoit à sa suite vn Prestre nommé Petrus Gnaffeus, faisant professiō de l'heresie d'Apollinaris, excita vn grād schisme en l'Eglise d'Antioche: à l'occasion duquel Martyrius qui en estoit Euesque, fut dechassé, & ledit Gnaffeus subrogé en son lieu par ses adherans. Auquel il introduisit la coustume en son Eglise de consacrer le Cresme, & de faire l'eau Beniste: faisant outre-plus adiouster aux prieres Ecclesiastiques l'inuocation de la Mere de Dieu, & *Sanctus, sanctus, sanctus, qui propter nos crucifixus*: ce qui fut bien receu des Theopaschites: selon que tesmoigne Georgius Cedrenus.

LA Gaule produisit en ce siecle vn nombre infiny d'excellens personnages, tant en literature & sçauoir des sainctes lettres, qu'en saincteté de vie; qui furent quasi tous Euesques ou Pasteurs des Eglises: dont Paul Æmile semble auoir eu raison de dire, que les Eueschez receuoient ou rendoient lors les Euesques saincts. Du nombre desquels furent Paulinus, & Prosper d'Aquitaine Euesque de Rezzo en Italie, apres auoir esté Secretaire du Pape Leon, auquel Marcellinus Comes & autres disent, qu'il dicta les Epistres qui ont esté publiees en son nom contre les heresies d'Eutyches & de Nestorius: ausquels firent compagnie Sidonius Apollinaris d'Auuergne, Exuperius de Tholose, Mamertus de Vienne, & Simplicius son predecesseur, Perpetuus de Tours, Amād de Bordeaux, Diogenian d'Albi, Dinamius d'Angoulesme, Alitheus de Cahors, Pegasius de Perigueux.

Du Monde.	4600	Papes.	4	R. des Vvisigoths.	11
De Rome.	1215	E. d'Orient.	8	R. des Vvandales.	44
De Iesus Christ.	464	E. d'Occident.	3	R. des Lombards.	39
Indiction.	2	R. de Perse.	7	R. des Huns.	7
		R. des François.	6		

FLA.

FLA. RVSTICVS, & FLA. ANICIVS OLYBRIVS, Consuls.

BEORG Roy des Alains, accompagné d'une troupe infinie de gens qui partirent (comme on estime) avec luy de la Gaule, entra par la coste de Trente en Italie, lors que Seuerus estoit en la troisieme annee de son Empire, apres auoir pillé & rauagé toute l'Istrie, la Marque Treuifine, & une grande partie de la Lombardie : esperant y faire ses affaires come aux autres. Mais il trouua le Goth Riciner enuoyé par Seuerus auccuant de luy, en si bonne conche qu'il fut deffait & occis par luy avec tous ses gens, pres le lac Benaco, & de la ville de Bergame le 6. iour de Feurier. Marcellinus Comes, Cassiodorus, Iornandes, P. Diacre.

BIORNO 81. (comme on dit) Roy de Suesse & de Gothie, quelque temps apres auoir deffait & occis en une bataille Suio Roy de Dannemarc, qui luy auoit raui & enleué sa femme, mourut, laissant un fils nommé Rauald, qui luy succeda en ses Royaumes, desquels il fut le 82. Roy, & à la poursuite de la querelle de son pere contre les Danois. De façon qu'on escrit qu'il leur fit beaucoup de maux & fascheries en sa vie : & qu'il laissa à son trespas son Roiaume à son fils Suartinannus. Ioannes Magnus liu. 8. chap. 28. de son histoire Gothique.

UN personnage nommé Ajax, natif du pais de Galice, & non de Gaule, comme Vaseus s'est persuadé, aimant mieux lire *Gallia* que *Galicia*, infecta en ce temps & empoisonna les Sueues de l'heresie Arrienne : tellement qu'il les fit separer de la communion des Orthodoxes, & demeurer en cest erreur enuiron l'espace de 90. ans. Chronique des Vuisigoths, & Isidore.

Du Monde.	4601	Papes.	5	R. des Vuisigoths.	12
De Rome.	1216	E. d'Orient.	9	R. des Vandales.	45
De Iesus Christ.	465	E. d'Occident.	4	R. des Lombards.	40
Indiction.	3	R. de Perse.	8	R. des Huns.	8
		R. des François.	7		

FLA. BASILISCVS (cy apres Empereur) & HERMINERICVS, Consuls.

SOVZ lesquels l'Empereur Seuerus fut par les pratiques du Goth Ricimer ou Riciner, empoisonné, tellement qu'il en mourut à Rome le 15. iour d'Aoust. Et pource qu'il ne se soucia de pouruoir l'Empire Occidental d'un autre Empereur, il demetra sans chef l'espace d'un an 7. mois, 27. iours : comme nous sommes aduertis par un ancien Chronicon. Qui peult estre la cause pourquoy Marcellinus Comes assigné la mort de Seuerus au Consulat ensuiuant. Cependant les affaires de l'Empire Occidental se gouernoient par le Patrice Ricimer, qui eut beaucoup de peine, à ce qu'escrit Sidonius Apollinaris, de defendre les ports & la coste d'Italie, & les isles aussi de la mer Mediterranee, contre les entreprinse & aggressions que le Roy Genferich des Vandales y faisoit tous les ans : tellement qu'il se rendit en fin possesseur de Sardaigne & de Minorque & Mallorque, sans espargner nō plus les mers & contrees de l'Empire Oriental, où il se hazardoit aussi souuēt que sur les autres. A cause dequoy l'Empereur Leon donna la charge de la defense de ses mers contre les courses d'iceluy à Basiliscus Consul de ceste annee, frere de sa femme Verina : lequel fut conseillé par le Patrice Aspar, de ne poursuiure trop chaudemēt ceste guerre, de peur que s'il en obtenoit bien tost bōne issue, l'Empereur Leon n'en deuint trop insolēt. Procopius.

AV mesme temps la cité de Constantinople fut miserablement quasi toute bruslee par un feu casuel, qu'on dit y auoir esté mis par un diable, souz la semblance d'une femme, Marcellinus Comes, Euagrius liu. 2.

VVALLAMIR Roy des Ostrogoths interpretant à son mespris, ce que l'Empereur Leon cessoit de luy enuoyer les estreines & autres presents, par lesquels on auoit accoustumé le recognoistre pour amy & allié de l'Empire, & que Theodoric surnommé Strabo fils d'un Triarus Roy d'une autre nation de Goths, estoit mieux venu & recogneu que luy, s'irrita de telle sorte qu'il fit prendre les armes à ses gens, & entra avec eux de grande furie dedans le pais d'Illyrie : tellement qu'il le mit tout en son obeissance : & puis eust passé plus outre, si l'Empereur chageant de cōseil ne l'eust fait addoucir par belles offres. Au moyen desquelles leur alliance se renouuella : mais en seureté d'icelle, le ieune Theodoric fils de

Theodémir, âgé lors seulement de 8. ans fut donné en ostage à l'Empereur, qui le trouua tant à son gré, qu'il le prit grandement en amitié. Iornandes, P. Diacre liu. 16. Ioannes Magnus liu. 9. de l'histoire Gothique, Bonfinius liu. 1. dec. 7.

ANASTASIUS 50. Euesque de Hierusalem, presida 6. ans, ou (selon Metaphrastes) 10. apres Iuuenal. Nicephore escrit 18.

EN la mesme année le Pape Hilaire celebra vn Concile à Rome, auquel se trouuerent plusieurs Euesques Gaulois avec ceux d'Italie; lesquels d'un consentement confermerent les decrets du Concile de Chalcedone, & condamnerent l'heresie d'Eutyches, & toutes les autres qui estoient lors en vogue. Liure des Conciles.

<i>Du Monde.</i>	4602	<i>Papes.</i>	6	<i>R. des Vvisgoths.</i>	13
<i>De Rome.</i>	1217	<i>E. d'Orient.</i>	10	<i>R. des Vvandales.</i>	46
<i>De Iesus Christ.</i>	466	<i>E. d'Occident.</i>	5	<i>R. des Huns.</i>	9
<i>Indiction.</i>	4	<i>R. de Perse.</i>	9	<i>R. des Lombards.</i>	1
		<i>R. des François.</i>	8		

FLA. AVG. LEO, pour la troisieme fois Consul, avec TITVS FABIVS TITIANVS.

SOVZ lesquels les Vuandales estans venuz descendre selon leur coustume en Sicile, furent illec honteusement vaincuz & deffaits par vn Capitaine nommé Marcellin, qui se tenoit depuis la mort d'Ætius, duquel il auoit esté grãd amy, en la Dalmatie: & de là l'Empereur Leon l'auoit appellé à son seruice, pour l'employer en ceste guerre. Iordanes, Idatius, & Procope. Combien qu'il y en a qui estiment que ce fut de la Sardaigne qu'il chassa les Vvandales: mais celà se fit apres qu'il eut retiré la Sicile de leurs mains.

VVIDOMARE, ou selon Iean le Heron Momald, seigneur de Haute-ville, fut le premier qui exerça en ce temps l'estat de grand Conseiller de France, autrement grand Referendaire, qu'on nomme aujourdhuy Chancelier.

COMME le Roy Theodoric ne se fust laissé estre innocent de la mort du feu Roy son frere, aussi la iustice Diuine permit que le payement luy en fust donné en mesme monoye, en la 13. année de son regne, par ses autres freres; l'un desquels, qui se nommoit Euricus ou Euric, occupa son lieu, & le tint l'espace de 18. à 19. ans, au compte de Iornandes & de la Chronique Vvisgothe: laquelle rapporte aussi le commencement de son regne à *Ere d'III.* combien que celle d'Idatius dit seulement la *DIII.* mais Sulpitius Seuerus declare expressement que ce fut en la 10. année de l'Empereur Leon. Cependant pource qu'il n'y a aucun Historiographe qui escriue que ce Roy Euric ait esté violemment mis à mort, il ne se peut faire que ce soit luy que Sidonius Apollinaris Euesque d'Auergne liu. 7. de ses Epistres, & Gregoire de Tours liu. 2. chap. 20. & 25. de l'histoire des Rois de France appellét Euarix & Eorix, pource qu'ils disent qu'il fut tué par ses gens. Parquoy il conuiendroit plustost à Theodoric: nonobstant que Gregoire de Tours liu. 2. chap. 20. dit que son successeur Eorix regna 27. ans. Dont il se pourroit faire qu'il a par mespris attribué la mort du predecesseur, à qui elle aduint (comme il dit chap. 25. du mesme liure) pour auoir persecuté l'Eglise de Dieu en faueur de l'Arrianisme, auquel il estoit addonné, à son successeur. Sinon il faudra que les autres historiens se soiét abulez, en ce qu'ils ont escrit de la mort de l'un & de l'autre: ou penser que Gregoire a pris son Eorix pour Theodoric, & Euarix pour le frere & successeur d'iceluy. Cependant la Chronique des Vvisgoths qu'on attribue à Isidore, tesmoigne que les Vvisgoths commencerent premierement souz luy d'vser de loix escrites, s'estans conduits auparauant par certaines coustumes de mœurs.

LETH 13. Roy des Lombards decedé, succeda en son Royaume son fils nommé Gildcoch ou Kuilcoch, qui regna 4. ans. P. Diacre, Anastasius.

DONGARD 13. Roy d'Ecosse, fut occis en vne bataille par les Bretons en la 5. année de son regne l'an 465. de nostre salut, & luy succeda à sa couronne son frere nommé Constantin, qui fit durer son regne 17. ans: comme tesmoigne Hector Boëthius liu. 8. de l'histoire d'Ecosse.

PROSPER natif d'Aquitaine, Euesque de Rezzo, homme de fort grand sçauoir, cōme les escrits par lesquels il a fort doctement refuté l'heresie de Pelagius tesmoignent, mourut cest

ceste annee, apres auoir gouuerné son Eglise l'espace de 22. ans, tefmoin l'autheur de la preface de ses œuures: Au mesme temps viuoit en grande reputation Theodoric Euesque de Cyre qui a laissé vne infinité de doctes escrits tefmoins de sa grande doctrine, entre lesquels sont ceux qu'il publia en ce temps contre la doctrine d'Eutyches & de Dioscorus Euesque d'Alexandrie. Marcell. Comes.

<i>Du Monde.</i>	4603	<i>Papes.</i>	7	<i>R. des Visigoths.</i>	13
<i>De Rome.</i>	1218	<i>E. d'Orient.</i>	11	<i>R. des Vandales.</i>	47
<i>De Iesus Christ.</i>	467	<i>E. d'Occident.</i>	6	<i>R. des Lombards.</i>	2
<i>Indiction.</i>	5	<i>R. de Perse.</i>	10	<i>R. des Huns.</i>	10
		<i>R. des François.</i>	9		

FLA. PVSÆVS, & FLA. IOANNES, Consuls.

LEON Empereur d'Oriēt sçachât que c'estoit à luy de pouruoir à l'Empire d'Occidēt, en institua vn de ses Patrices, nommé Antemius, selō Procopius Arthemius, Empereur, & l'enuoia en Italie pour y estre receu, afin qu'il fust par luy aydē & secouru en la guerre qu'il se deliberoit faire aux Vandales. Tellement qu'il fut couronné pour tel à Rome le 12. d'Auril, à cause dequoy son regne est compté auoir duré deslors en Italie l'espace de cinq ans & trois mois. Au commencement desquels il donna sa fille en mariage à Ricimer, avec le gouuernement de la Gaule Narbonnoise que les Romains tenoient encor en leur obeissance. Chronique ancienne, Marcellinus Comes, Euagrius, Cassiodore, P. Diacre. Combien que la Chronique d'Idatius Espagnol, qui se termine à la mort de Maiorianus, la rapporte à l'an precedent de nostre Seigneur, & à l'Ere D III.

CHABA fils d'Attila apres auoir seiourné l'espace de 13. ans en la Grece, s'en retourna avec ses gens en son ancien païs de Scythie, où il espousa vne femme de la gent des Chorosmaniens, qui luy engendra deux fils, Edemen & Ed, lequel fut pere de Vgek, duquel fut fils t leud, qui fut pere d'Ælinus, qui engēdra Arpad, l'un des sept Capitaines, souz lesquels les Huns retournerent 344. ans apres le trépas d'Attila, en la Hongrie.

Histoire de Hongrie.

LE Pape Hilaire mourut au rapport d'Onufrius le 28. de Iuillet & fut dix iours apres son trespas, à sçauoir le 8. iour d'Aoust, supposé en son lieu vn Simplicius qui a esté seul de ce nom entre les Euesques de Rome, natif de la ville de Tybur, fils d'un Castinus, lequel gouuerna l'Eglise Romaine au compte du mesme autheur 15. ans, 6. mois, 23. iours.

PIERRE surnommé Gnaffee fut de Prestre ordonné Euesque de l'Eglise d'Antioche. Mais pource qu'il se trouua fauteur de l'heresie d'Appollinaris, force luy fut quelques mois apres son election de quitter la place à vn Iulianus, qui presida selon les autheurs d'Onufrius 6. ans, combien que Nicephore en dit 15. Et au liu. 18. chap. 51. il dit que ce Gnaffee fut aussi l'inuenteur de l'heresie dictē des Theopaschites ou Patripassiens, qui dogmatizoient que Dieu le pere auoit souffert avec Iesus Christ en la passion: à cause dequoy il voulut faire adjoûter à l'hymne, *Sanctus, Sanctus, Sanctus, & immortalis*, &c. qui se chantoit par toutes les Eglises, ceste sentence qui a esté crucifié pour nous. Il tenoit aussi l'heresie Eutychiene, dont la sienne a esté ditte vne branche d'icelle.

Samuel prestre de la ville d'Edessa estoit en grande reputation en ce siecle, à cause de la singuliere grace qu'il auoit à prescher & enseigner la parole de Dieu, & le grand zele qu'il auoit à conseruer en sa pureté la doctrine celeste, ensemble aussi à la defendre contre la rage des heretiques. Gennadius.

H

<i>Du Monde.</i>	4604	<i>Papes.</i>	8	<i>R. des Vvisigoths.</i>	14
<i>De Rome.</i>	1219	<i>E. d'Orient.</i>	12	<i>R. des Vvandales.</i>	48
<i>De Iesus Christ.</i>	468	<i>E. d'Occident.</i>	7	<i>R. des Lombards.</i>	3
<i>Indiction.</i>	6	<i>R. de Perse.</i>	11	<i>R. des Huns.</i>	11
		<i>R. des François.</i>	10		

FLA. ANTHEMIVS AVG. pour la 2. fois Consul sans adioint.

GENSERICH Roy des Vvandales s'estoit (comme recite Procopius liu. 1. de la guerre Vvandalique, depuis le trespas de l'Empereur Valentinian accoustumé de mettre tous les ans aux champs quelque flotte de ses gens de guerre pour aller rauager, piller & saccager les pais & villes des costes maritimes ou d'Italie, ou de Sicile, ou de la Grece, ou des autres contrees de l'Empire d'Orient, sans prendre autre aduis du lieu où il les vouloit faire tirer que du vent qui les pousseroit. A cause dequoy l'Empereur Leon se trouua tellement picqué & irrité de tant d'iniures qu'il se delibera d'emploier tous ses moiens pour en auoir sa raison par le moien d'une armee de mer, la plus grande qu'aucuns de ses predecesseurs eussent assemblee de long temps au parauant, qu'il equippa, estant composée de plus de cent mille combatans. Et puis la fait passer en Afrique souz la conduite de Basiliscus frere de sa femme Verinna. Combien que P. Diacre tesmoigne qu'elle alla premierement descendre en Italic, où elle deffit & mit honteusement en route l'armee que Genserich Roy des Vvandales y auoit menee contre l'Empereur Anthemius. Tellement qu'il fut contraint de s'en retourner ignominieusement à Carthage. Mais Procopius racompte seulement que deuant que toute ceste grande flotte eust fait voile, qu'un Capitaine nommé Heraclius s'embarqua avec quelque nombre de vaisseaux à Constantinople, & delà s'en alla prendre terre à Tripoli en Afrique, laquelle se rendit à luy apres qu'il eut deffit une armee de Vvandales qui le vouloit empêcher. Tellement qu'il eut moien de mener sa troupe par terre vers Carthage, pendant que Basiliscus vint aborder avec toute la grosse flotte, à un port assez pres d'icelle. Où s'il eust en diligence tiré droit sans conuiuer ny laisser trop reposer ses gens, l'eust certainement emportee & eust avec icelle amené tout l'estat des Vvandales en ruine. Mais en executant trop laschement & mal adextrement sa charge, soit par ne la bien entendre, ou plustost de malice deliberee (car on dit que la Patrice Aspar & luy auoient pris intelligence ensemble, de ne faire reüssir l'issüe de ceste guerre au souhait de l'Empereur, au bien duquel ils estoient mal affectez) il donna loisir à l'ennemy de se rassurer qu'il auoit ja tout le cœur failly de se voir en un tel dâger, & de se fortifier aussi en telle sorte qu'il ne laissa plus auoir l'auantage sur luy ny l'opportunité de l'accabler qu'on auoit eu, si on en eust voulu user. De sorte que l'armee Imperiale fut en fin contrainte de s'en retourner sans auoir autre chose fait, laissant reuenir l'Isle de Sardaigne, en la puissance des Vvandales. Auquels un Patrice nommé Marcellinus ou Marcellianus, icy deuant compagnon d'Ætius, l'auoit ostee durant ce tumulte, ayant esté (au rapport de Marcellinus Comes) enuoié ioindre à l'armee d'Afrique ceste annee. Nonobstant qu'il y fut desloyallemēt mis à mort par ceux qui n'estoient (à ce qu'on pense) gueres plus aimez de l'Empereur que de luy.

EN la mesme annee se fit (au rapport d'Idatius) un merueilleux prodige au milieu de la cité de Tholose, d'un ruisseau de sang qui sortit de terre, & coula l'espace d'une iournee: signifiant à ce qu'il dit, l'accroissement futur de la puissance & domination des François sur la ruine de l'Empire des Vvisigoths.

VALLAMIR Roy des Ostrogots considerāt que la vertu de ses gēs s'abbatar disoit par trop long repos, fut incité de faire un voiage avec eux sur les Satâgniens ou Sagadiens qui habitoient la basse Pânonie. Mais quād Diuzio ou Sillon, ou selōles autres Duizia, fils d'Attila qui estoit Roy des Reliques des Huns, qu'on nommoit Satages qui restoient en ces marches-là, fut aduertie de son entreprise, il s'allia de plusieurs autres nations, par le secours desquelles il leua une grande armee qu'il mena dedans le pais des Ostrogots quand ils en furent partis, & y assiegea la cité de Bassiana, qui fut cause de faire retourner Vallamir contre luy à si bonnes enseignes: qu'il le mit en route avec tous ses Huns, apres en auoir fait une si horrible boucherie que ce qui resta, ne se peut onques de long temps depuis remettre

tre

tre sus pied, ny faire chose memorable, comme Iornandes, Bonfinius dec. 1. liu. 7. Ioannes Magnus liu. 9. de l'hist. Gottique recitent. Marcell. Comes adioust seulement que la teste dudit Diuzio fut apportee à Constantinople l'annee que Zeno & Marcianus furent Consuls, qui me fait croire qu'il fut occis en ceste guerre par les Goths.

<i>Du Monde.</i>	4605	<i>Papes.</i>	9	<i>R. des Vvisigoths.</i>	15
<i>De Rome.</i>	1220	<i>E. d' Orient.</i>	13	<i>R. des Vandales.</i>	49
<i>De Iesus Christ.</i>	469	<i>E. d' Occident.</i>	8	<i>R. des Lombards.</i>	4
<i>Indiction.</i>	7	<i>R. de Perse.</i>	12	<i>R. des Huns.</i>	12
		<i>R. des François.</i>	11		

FLA. ZENO (qui fut cy apres Empereur) & FLA. MARCIANVS Consuls.

ARNAVDVS ou Arnandus, selon d'autres Seruandus Gouverneur des Gaules pour l'Empereur, accusé de leze Majesté enuers luy, à sçauoir d'auoir escrit au Roy Theodoric qu'il ne falloir faire paix avec l'Empereur Grec (il entendoit Antemius qui estoit venu de Grece) & deuoit assaillir les Bretons logez sur la Loire. Et puis partager les Gaules avec les Bourguignons suiuant le droit commun gardé en toutes gens & nations. Ses accusateurs estoient Tonantius Ferreolus iadis Gouverneur des Gaules, Taumastes & Petronius hommes eloquents, par lesquels aiant esté conuaincu il fut degradé de ses honneurs, remis au rang du populaire & enfermé en prison publique. Comme recite Sidonius Apollinaris en vne de ses Epistres: Mais Cassiodore, Iornandes & Iordanes ont rapporté ce iugement à ce Consulat. Duquel aussi nous prenons indice que les Bretons auoient quelque bruit & reputation en la Gaule.

EN la mesme annee Chideric Roy des François, apres auoir esté bāny 8. ans, de son Roiaume, fut par les pratiques de sō amy Vidomare, selō les autres Guinemaut, rappelé, lequel auoit si dextremēt ioué son personnage, q̄ Gilles Gouverneur de Soissons se moiēna luy-mesme la cause de la haine que les François conceurent contre luy: à l'occasion de laquelle ils le dechasserēt en reprenāt Childeric. qui fut cause que l'autre eut recours aux Vvisigots, lesquels l'eussent (si P. Emile dit vray) secouru, sans les Bretōs qui les destournerent de ce faire. Lesquels voulant accroistre leurs limites, couroient en ce temps-là (selon son dire) les pais d'Anjou, Poictou & d'Angoulmois, ou plustost (selon que Iornandes, Gregoire de Tours li. 2. ch. 18. & Freulfus témoignent) s'en alloient en nombre de 12. mille au secours de l'Empereur Anthemius souz la conduite de leur Roy Riorthimus, cōtre Euric Roy des Vvisigots, selō que nous reciterōs cy apres. Tāt y a ce pēdant que Childeric se mit à recouurer son Royaume & en vint à bout, apres auoir gagné vne grosse victoire sur son aduersaire, par le moiē de laquelle il fit aussi venir en sa puissance la ville qu'on nommoit lors Agrippine, que les François firēt deslors appeller Cologne, à cause qu'elle auoit esté Colonie des Romains. Leq̄l point toutesfois m'est douteux, pource que nous auōs veu cy deuant qu'elle estoit ia de long tēps auparauāt entre les mains des François, & qu'il faudroit outre celā que Childeric l'eust dōnee à Sigebert, qui la tenoit en tiltre de Roy souz Clouis. Mais il est certain que Childeric s'acquit à son retour vne villaine tache d'ingratitude enuers le Roy Basin de Turingie, qui auoit esté son hoste tout le temps de son exil, pource qu'il luy enleua sa femme & l'emmena avec soy en France, où il engendra en elle le Roy Clouis, qui nasquit, s'il a vescu 45. ans & son pere regné 24. en la 10. d'iceluy. Ce qui nous est aussi indice quand Childeric fut de retour de la Turingie. Gregoire de Tours, Aimoinus, Othon de Frisingen, Sigebert.

LES Bretons d'Angleterre trouuans bien peu de recours en leur Roy contre les Saxōs, se rangerent souz la cōduite d'un Aurelius Ambrosius, homme modeste, qui restoit quasi seul de la race des Capitaines Romains en leur pais, & puis se mirent à faire teste si brauement aux Saxons qu'ils gaignerent plusieurs batailles sur eux, en l'une desquelles Horfon frere d'Hengiste fut occis, tesmoin Beda, P. Diacre & Polidore. Gildas adioust que celā leur apprit deslors le moiē de vaincre leurs ennemis qui s'estoient pour quelque temps retirez en leurs maisons lors qu'Ambrosius fut esleu.

LES tremblements de terre qui estōnerent merueilleusement en ce tēps toute la Gaule, & les bestes sauuages qui y faisoient beaucoup de maux aux personnes, avec certaines illu-

sions qui espouuntoient les hommes, furent cause que Mamertus Archeuesque de Viéne ordonna qu'on fist prieres & supplications publiques par tout son diocèse; lesquelles sont estimees auoir esté la source & origine de ces Letanies & processions qu'on appelle Rogations, qui se font communément en l'Eglise Romaine trois iours durant deuant l'Ascension, pource que ceux qui vindrent apres en ont fait loy & ordonnance annuelle attribuee à Leon 3. Combien qu'elle semble estre aujourd'huy obseruee, avec autres additions dont les anciens n'auoient vsé.

<i>Du Monde.</i>	4606	<i>Papes.</i>	10	<i>R. des Vvisigoths.</i>	16
<i>De Rome.</i>	1221	<i>E. d'Orient.</i>	14	<i>R. des Vvandales.</i>	50
<i>De Iesus Christ.</i>	470	<i>E. d'Occident.</i>	9	<i>R. des Lombards.</i>	5
<i>Indiction.</i>	8	<i>R. de Perse.</i>	13	<i>R. des Huns.</i>	13
		<i>R. des François.</i>	12		

FLA. SEVERVS, & FLA. IORDANVS. Consuls.

EURIC Roy des Vvisigoths, suiuant le conseil que Arnandus luy auoit donné, se mit à faire la guerre aux terres & païs des Romains proches de soy; afin de reduire souz sa main ce qui restoit encor en Gaule souz la domination des Empereurs. Qui fut cause que l'Empereur Anthemius appella à son secours Riothime Roy des Bretons: qui se delibera d'y aller de tant plus volontiers qu'on en vouloit aussi à luy & à ses gens: mais comme il s'alloit ioindre à luy avec 12. mille combatans, les Vvisigoths l'allerent charger dedans le païs de Berry si à point, qu'ils le mirent en route avec sa gent; ne luy laissant moyen de se sauuer que dedans le païs des Bourguignons, qui estoient lors amis & aliez des Romains, comme recite Iornâdes. Qui semble estre ce que Gregoire de Tours a voulu dire, liu. 2. chap. 18. que les Bretons furent chassés du Berry par les Goths, apres qu'ils en eurent fait vne grande descôiture pres le bourg de Dole. Qui fut cause que l'Empereur Anthemius s'entremet de refaire appointment avec le Roy Euric, afin de le faire contenir en ses anciens limites, & aux traittez qui auoient esté cy deuant faits avec luy. Auquel temps aussi Anthemius fit executer vn Patrice nommé Romain, qui le trouua conuaincu d'auoir machiné contre sa Maiesté. Iordanes.

D'AVTREPART Genferich Roy des Vvandales partit à son accoustumee d'Afrique, avec vn grand nombre de vaisseaux, pour venir enuahir la Sicile: mais il y trouua le Patrice Basiliscus, Lieutenant de l'Empereur Leon en icelle. Lequel desirant recouurer l'honneur qu'il auoit cy deuant perdu contre luy, fit vn si grâd deuoir de la bien defendre, qu'il contraignit Genferich de s'en retourner honteusement d'où il estoit venu, avec perte d'un grand nombre de ses gens & vaisseaux. Procope.

GEDEOCH fils de Gildeoch, 5. Roy des Lombards, regna apres son pere 12. ans, tefmoin P. Diacre & Anastasius. Sigebert tient que les Lombards occuperent souz luy la Rugilandie, qui estoit le païs des Rugiens, apres que leur Roy Pheleteus eut esté deffait par Odoacer Roy d'Italie.

<i>Du Monde.</i>	4607	<i>Papes.</i>	11	<i>R. des Vvisigoths.</i>	17
<i>De Rome.</i>	1222	<i>E. d'Orient.</i>	15	<i>R. des Vvandales.</i>	51
<i>De Iesus Christ.</i>	471	<i>E. d'Occident.</i>	10	<i>R. des Lombards.</i>	6
<i>Indiction.</i>	9	<i>R. de Perse.</i>	14	<i>R. des Huns.</i>	14
		<i>R. des François.</i>	13		

FLA. LEON AVG. pour la 4. fois Consul, avec FLA. PROBIANVS.

ASPAR Prince des Patrices d'Orient, s'estant rendu coupable de leze Maiesté enuers l'Empereur Leon, fut mis à mort avec ses deux fils en la ville de Constantinople: nonobstant que l'un, à sçauoir Ardaburius, fust gendre dudit Empereur. Ce que Marcellinus Comes attribue à ce Consulat. Cassiodore au precedent.

AV ME S M E temps le procez fut fait en Gaule à vn Capitaine Romain nommé Seronatus, citoyen d'Auuergne, par Ecdicius fils du feu Empereur Anicius, qui auoit lors

lors le gouvernement des villes que les Romains tenoient encor entre le Rhin & la Loire: pource qu'il fut trouué conuaincu d'auoir intelligence avec les Vuisigoths, & entrepris de leur trahir les villes de l'Empire: comme nous sommes informez par aucunes Epistres de Sidonius Apollinaris.

En ces entrefaites vne grande diffension se mit entre l'Empereur Anthemius & le Patrice Ricimer son gendre, pour les causes que nous exposerons cy apres. Et pource qu'il le sembla menacer la Republique Romaine de quelque perilleux encombre, plusieurs s'entremirent de les appointer; qui firent incliner Ricimer (qui se tenoit lors à Milan) à la paix: pour laquelle moyenner, Epiphanius Euesque de Paue, homme de grande reputation en ce siecle, fut enuoyé vers Anthemius, qui en rapporta ce qu'on demandoit: mais ceste reconciliation ne fut de duree, estant rompuë bien tost apres par Ricimer.

A Gennadius homme de grâde doctrine & pieté decedé, fut substitué au siege Patriarchat de Constantinople vn Acarius, qui y presida 14. ans: esquels il se monstra grandement different de la constance de son predecesseur, en la defenise de la doctrine Orthodoxe contre les Eutychiens. Nicephore, Zonare.

GIBVLVS Roy des Alemans en ce temps. Auentin.

Du Monde.	4608	Papes.	12	R. des Vuisigoths.	18
De Rome.	1223	E. d'Orient.	16	R. des Vandalles.	52
De Iesus Christ.	472	E. d'Occident.	11	R. des Lombards.	7
Indiction.	10	R. de Perse.	15	R. des Huns.	15
		R. des François.	14		

FLA. FESTVS, & FLA. MARCIANVS, Consuls.

L'AFFINITE que Ricimer auoit avec son beau-pere Anthemius, n'empescha point qu'il ne s'esleuast aussi bien contre luy que contre ses predecesseurs. Et pource qu'estant Arrien, il vouloit faire vn Temple dedans Rome aux Arriens: ce qu'Anthemius ne voulut permettre; à cause dequoy ils entrerent en grande diffension l'un contre l'autre: laquelle estant, se conuertit bien tost apres en vne guerre cruelle: pour raison de laquelle Anthemius fit venir Bilimer Gouverneur des Gaules à son secours. Lequel estant arriué en Italie, se voulut aller ioinre à Anthemius qui estoit assiégué dedans Rome: mais Ricimer se mit audeuât de luy, & le combatit de telle façon qu'il le vainquit & occit: ce qui causa vn tel estonnement aux Romains, qu'ils le laisserent entrer dedans leur ville le 10. iour de Iuillet, où fut occis Anthemius. Mais Ricimer ne porta longuement la ioye de ceste victoire, à cause qu'il mourut 40. iours apres: ayant auparauant substitué à Anthemius en la dignité Imperiale, vn nommé Fla. Anicius Olybrius; lequel vesquit encor seulement iusques au 23. iour du mois d'Octobre ensuiuant, ainsi qu'on trouue noté en vn ancien Chronicon. Qui est pour monstrier que depuis le trespas d'iceluy, l'Empire demeura vacquant en Occident l'espace de 4. mois, 12. iours: lesquels toutesfois Marcellinus, Euagrius, Iornâdes, Iordanes, Cassiodore, P. Diacre, & autres, ont compris sous le temps de l'Empire dudit Olybrius: ou bien compter depuis le iour que Ricimer luy eut fait prendre le tiltre Imperial: car ils conuiennent tous que celà s'estoit fait deuant le trespas d'Anthemius; ayant esté Olibrius enuoyé de Constantinople en Italie par l'Empereur Leon. De sorte que P. Diacre en escrit en ceste sorte: *Inter hæc Olybrius à Leone Augusto missus ad urbem venit: vinóque adhuc Anthemio Regiam adeptus est potestatem.*

Au mesme temps, Euric Roy des Vuisigoths fit la guerre en Espagne en plusieurs endroits: car ayant diuisé ses forces, fit assaillir & gaster d'un costé la Lusitanie, où est auioird'hui le Portugal. De l'autre il subiugua les villes de Pampelune & Sarragosse, & toute la prouince Tarraconnoise, qu'on diroit maintenant Arragonnoise. Tellement qu'il se veit seigneur & possesseur de toute la haulte Espagne, qu'on appelloit lors la Superieure, apres qu'il eut deffait toute la Noblesse Tarraconnoise en vne rencontre, qui se vouloit opposer à luy: comme recitent Idatius (qui rapporte cecy expressément à la 16. année de l'Empereur Leon) avec Isidore & autres Chroniques Vuisigothes. On voit bien que les troubles qui estoient en Italie l'inuiterent à ce faire: s'il ne fut d'auanture sollicité à ce faire par

Genferich Roy des Vvandales, qui desiroit (comme escrit Iornandes) mettre par luy l'Empire d'Occident en trouble, & celuy d'Orient par les Ostrogoths, afin qu'on le laissât des deux costez en paix.

HVNIMVND Roy ou Duc des Sueues en la Germanie, allât avec ses gens courir en la Dalmatie, fit enleuer en passant quelques troupeaux de bestail, qui appartenoit aux Ostrogoths : lesquels voulans auoir la raison de ce rapt, attendirent les ravisseurs à leur retour, en des embusches qu'ils leur dresserent, souz la cōduite du Roy Theodomire, où ils ne faillirent de se venir precipiter : tellement qu'ils y furent tous deffaits aupres du Lac nommé de Pelsade; demeurât le Roy Hunimund prisonnier, que Theodomire toutesfois renuoya fort humainement en son païs : mais il fit si peu de cas de ceste gracieuseté, qu'il incita les peuples appelez Scyres, qui habitoient aupres du Danube, à prendre les armes contre les Ostrogoths, desquels ils estoient auparauant amis & confederez. A l'occasion dequoy le Roy Vvallamir mena ses forces contr'eux, & les combatit de telle animosité, qu'il les deffit : mais en se poussant trop hazardeusement en la meslee, il fut occis. Parquoy son frere Theodomire poursuivit la victoire, faisant vne si horrible boucherie de ses ennemis, que le reste ne fut quasi suffisant pour continuer leur race & leur nom. Ce qui fit preuoir à Hunimund & Alaric Princes des Sueues, que la tempeste en reuiendroit apres sur eux. A cause dequoy ils faillierēt de Beuca & de Balbas Rois des Sarmates & des Princes des Gepides, & des Rugiens : & puis allerent trouuer l'armee des Ostrogoths deuant la riuere de Balia en Hôgrie ; où la meslee fut derechef si cruelle entr'eux, que la place demeura toute couuerte d'vne infinité de morts : tant que le malheur tomba finalement sur les Sueues, peu desquels retournerent voir leur païs. Ainsi Theodomire se retira victorieux au Royaume de son frere, duquel il fit part à son autre frere Vvindimere, & prit possession du reste : puis prindrent conseil entr'eux d'aller subiuguer les nations de la terre : retenant Theodomire la charge d'aller guerroyer les Orientales, & Vvindimere les Occidentales. De façō qu'il prit avec son armee la route d'Italie; à l'entree de laquelle il mourut; laissant la conduite de ses gens à son fils-nommé comme luy Vvindimere : lequel trouuant la conqueste d'Italie trop difficile pour luy, fit paix avec l'Empereur Glycerius, & puis s'alla ioindre aux Vvisigoths, vnissant les siens avec eux en vn peuple. Cependant Theodomire ayant trouué son opportunité, entra avec son armee dedans le païs des Sueues, qui estoit lors (comme dit Iornandes) confiné du costé de l'Orient des Baioariens : du Midy des Bourguignons : du Septentrion des Turingiens : & de l'Occident des François & Alemans : où il les vainquit en quelques rencontres. Mais pource qu'il ne peut faire plus grāde chose sur eux, force luy fut de remener son armee en sa maison, où il trouua son fils Theodoric, aagé lors de 18. ans, que l'Empereur luy auoit renuoyé : comme Iornandes & les auteurs precedents recitent, sans specifier le temps ny l'annee où cecy aduint. Combien que l'age dudit Theodoric avec le temps de Glycerius declarēt assez que cecy ne peult estre adueni qu'en ceste annee, signamment le retour de Theodomire & de son fils en sa maison : car les choses precedentes peuuent auoir esté faictes auparauant : excepté que l'arriuee & mort de Vvindimere le pere semble estre escheuē au tēps q̄ Olybrius mourut, ou que Glycerius luy fut substitué.

SAINCT Remy fut ceste annee ordonné Euesque de la cité de Reims, ainsi que Gregoire de Tours & Sigebert ont obserué. Ce que toutesfois les Annales de Iordanes ont attribué à l'an 470. Sidonius Apollinaris Euesque d'Auuergne & Senateur Romain, homme de grand sçauoir en toute literature, fut son contemporain; tellement qu'il rend vn excellent tesmoignage en ses escrits de la singuliere eloquēce & sçauoir d'iceluy, par laquelle il precedoit tous ceux de son temps.

<i>Du Monde.</i>	4609	<i>Papes.</i>	6	<i>R. des Vvisigoths.</i>	7
<i>De Rome.</i>	1224	<i>E. d'Orient.</i>	17	<i>R. des Vvandales.</i>	53
<i>De Iesus Christ.</i>	473	<i>E. d'Occident.</i>	12	<i>R. des Lombards.</i>	31
<i>Indiction.</i>	11	<i>R. de Perse.</i>	16	<i>R. des Huns.</i>	16
		<i>R. des François.</i>	15		

FLA. LEO pour la 5. fois Consul, sans adioinct.

Lequel designa & crea ceste annee le fils de sa fille Ariadne & de Zenon Isaurique nommé Leon,

Leon, César & Auguste, en intention de le laisser son successeur. Theodorus Lector & Euagrius. Fla. Glycerius à l'instance & faueur de Gondibar nepueu de Ricimer, les estats & honneurs duquel il auoit esté substitué par Olybrius coronal de la gendarmerie Imperiale d'Occident fut esleu & constitué Empereur en Italie le 5. iour de Mars, de façon qu'il regna en ceste sorte l'espace de 1. an, 3. mois, 21. iour. Mais deuant que les nouuelles de son election fussent portees à Constantinople, l'Empereur Leon auoit designé Fla. Iulius Nepos Empereur d'Occident : Lequel entendant qu'un autre auoit pris sa place, commença du consentement de l'Empereur, d'apprester vne armee pour se faire conduire par icelle en Italie. Ancien Chronicon, Iornandes, Cassiodore, Marcellinus Comes, P. Diacre Iordanes.

Le ieune Theodoric desirât commencer à faire preuue de sa vertu & vaillance, s'ingera sans le sçeu de son pere, de passer le Danube avec ceux qui le voulurent suyure, & entra dedans le païs des Sarmates, auxquels il donna vne si furieuse escarmouche, qu'il en fit vn merueilleux massacre. Au moyen dequoy il leur osta la ville de Singidon, qu'ils auoient occupee sur les Romains, & l'annexa à la domination de son pere. Lequel se trouuant au mesme temps incité des promesses & allechements du Roy des Vvandales, entreprist avec ses seules forces d'enuahir les deux Empire. Tellement qu'il en donna vne partie à son frere Vuindimere, pour aller conquerir l'Italie : Lequel en approcha au temps que Glycerius ne faisoit que venir de mettre le pied dans l'estrier de l'Empire. Dont il n'y a doute, qu'il n'eust reduict l'Italie en vn grand danger, si la mort ne l'eust preuenue au commencement de son entreprise, qui le contraignit la laisser avec sa succession parfaire à son fils Vvindimere. Lequel toutesfois n'estant de tel cœur que luy, ayma mieux accepter les offres d'appoinctement sans danger qui luy furent presentez par Glycerius, que de poursuyure sa fortune, se contentant d'auoir permission de s'aller ioindre avec toute la compagnie que luy auoit laissée son pere, aux Vvisigots en la Gaule. Où sa venue augmenta grandement leur puissance, & le moyen de faire les belles conquestes que le Roy Euric fit bien tost apres en icelle. Iornandes.

Cependant le Roy Theodomire, s'en alla faire la guerre aux Sarmates qu'on disoit Lintigantes, lesquels se trouuerent tellement estonnez de sa venue, qu'ils ne luy osèrent faire aucune resistance. Au moyen dequoy il se mit en possession de la ville de Nayssus capitale du païs d'Ilyrie, d'où il enuoya vne partie de ses gens courir iusques en la contree Vlpiane, qu'ils occuperent, & entrerent de là en la Thessalie, où ils prindrent encor les villes de Larisse & Heraclee.

A Iulianus decedé fut substitué au siege Episcopal d'Antioche vn nommé Petrus Fullo, qui presida trois ans. Nicephore.

Le Pape Simplicius en la 3. de ses Epistres monstre, que de son temps les biens Ecclesiastiques estoient diuisez en 4. parties: L'une desquelles se distribuoit aux Clercs, c'est à dire à ceux qui estoient nourris & entretenus du consentement des parens pour seruir vn iour à l'Eglise, selon qu'ils seroient propres & idoines: & à ceux aussi qui seruoient desia effectivement, & non titulairement. La seconde estoit distribuee aux pauvres. La 3. s'emploioit à maintenir les edifices & autres telles necessitez Ecclesiastiques: tellement toutesfois que tout l'ornement des temples (outre ce qu'on y gardoit vne grande mediocrité) estoit mesme encore employé pour les pauvres en vne necessité. Quant à la 4. partie, elle faisoit à l'Euesque (Canon Apostol. 38.) non point pour en disposer à son appetit (ce qui ne se peut faire sans euident sacrilege & sans contrarier du tout à ce qui est ordonné par le 4. Concile de Carthage) ains pour fournir à soulager les pauvres prisonniers, & pour receuoir les pauvres estrangers. Comme recite Gelase, & saint Hierosme le monstre euidemment.

<i>Du Monde.</i>	4610	<i>Papes.</i>	14	<i>R. des Vvisigoths.</i>	20
<i>De Rome.</i>	1225	<i>E. d'Orient.</i>	18	<i>R. des Vvandales.</i>	54
<i>De Iesus Christ.</i>	474	<i>E. d'Occident.</i>	13	<i>R. des Lombards.</i>	9
<i>Indiction.</i>	12	<i>R. de Perse.</i>	17	<i>R. des Huns.</i>	17
		<i>R des François.</i>	16		

LEON LE IEVNE AVG. Consul sans adioinct.

Sovz lequel Leon i. du nom Empereur son grand pere, mourut au mois de Januier à Constantinople, laissant ledit Leon le ieune son successeur en la dignité Imperiale : lequel toutesfois se cognoissant fort maladif, & à ce moyen incapable de se pouvoir acquitter d'une si pesante charge, resigna son droict à son pere Zenon, dict autrement Tharasis Codicus, au rapport d'Agathius, natif d'Isaurie, remettant la couronne Imperiale entre ses mains. De façon que l'Empire se compte deslors avoir esté gouverné par luy iusqu'à son trespas l'espace de 17. ans, 2. mois, 17. iours, comme Marcellinus Comes, Euagrius, Nicephore & Zonare recitent. Combien que Theodore Lecteur tient que le ieune Leon resigna seulement son droict 10. mois apres le trespas de son ayeul.

Quant à l'Occident, pource que Glycerius n'estoit agreable aux Romains, Julius Nepos qui avoit ia esté esleu Empereur par l'Empereur Leon, amena vne armee : par laquelle il le contraignit de se démettre & déposer solennellement de la dignité Imperiale, le 29. iour de Juin : & puis la transporta à soy, en laquelle toutesfois il n'eut moyen de se maintenir qu'un an, 2. mois, 4. iours : durant lesquels il substitua Orestes, qui estoit Capitaine des Bandes Gotthiques, que les Romains avoient à leur service, en la charge & dignité que Gundibar avoit eu apres Ricimer sur toute la gendarmerie Romaine, qui fut cause de sa ruine. Cependant afin que Glycerius eust quelque soulagement en sa malencontre, il luy permit d'estre fait Evesque en la ville de Salon en la Dalmatie. Cassiodore, Marcellinus Comes, Iornandes, Iordanes, P. Diacre.

Lors Euric ou Euarix Roy des Vvisigoths, se voyant grandement accru de moyes, & de puissance, tant par les conquestes qu'il avoit fait en Espagne, que par les Ostrogoths, qui s'estoient venuz ioindre à luy, ne voulut faillir à vne si belle occasion & opportunité que luy presentoit (comme dit Iornandes) le frequent changement de tant d'Empereurs, pour aggrandir sa fortune, commença de faire bastir des pretextes de querelle, pour avoir occasion de mordre sur ce qui appartenoit encor à l'Empire Romain. Ce que preuoyant l'Empereur Nepos envoya vers luy Epiphanius Evesque de Paue, pour l'addoucir & obtenir quelque nouveau appointment de luy : auquel il se cōdescendit, mais il le rompit aussi tost apres le depart d'iceluy, se mettant à faire la guerre plus cruellement qu'il n'avoit point encor fait, non seulement aux terres des Romains, mais aussi à leurs Eglises & à leurs Evesques & Pasteurs, auxquels il en vouloit principalement, pource qu'il estoit Arrien, s'estimât faire acte de pieté de les mal-traitter. De sorte qu'il fut cause que la plupart des Temples que les Catholiques avoient aupres de ses terres, demeurerent si deserts que les herbes croissoient en iceux, & que les ronces bouschoient les entrees. Aussi que les Evesques de Bordeaux, Perigueux, Rhodes, Limoges, de Geaudan (qui est Mande) d'Eoufe, Cominge, Aix, & Bazas, furent tuez ou chassez. Et pource qu'il ne recevoit d'aucun lieu plus de fescheries & d'empeschemens que de la cité d'Auvergne, qu'on appelle au iourd'huy Clermôt; à cause que Egdius fils du feu Empereur Auitus (qui est dit par Iornandes, Decius) qui estoit Gouverneur d'icelle, s'opposoit vaillamment à toutes ses entreprises, il fut incité de mener son camp deuant icelle, pour l'assiéger; avec deliberation de ne se retirer deuant que l'avoir emportee. De sorte qu'il fut arresté iusques à l'annee ensuiuant à la battre & assaillir : à raison du grand deuoir que fit Egdius à la defendre, comme nous recueillons des Epistres de Sidonius Apollinaris, qui estoit enclos en icelle, & de Iornandes.

Avquel temps aussi Theodomire Roy des Ostrogoths, accōpagné de son fils Theodoric, partant de la ville de Naiffe, s'alla ioindre à ses gens en la Thessalie, pour assiéger avec eux la ville de Thessalonique, que gardoit un Patrice nommé Clarianus, lequel n'esperant secours de l'Empereur, & se sentât trop foible pour soutenir vne telle tempeste, trouva moyen de si bien addoucir le Roy Theodomire, qu'il obtint un appointemēt de luy; par lequel il le fit lever son camp, & se retirer en la contree Orientale du pais Illyric, qui luy fut accordé pour la demeure de luy & de sa gent; où ils s'arrestèrent deslors en paix, comme tesmoigne Iornandes. Ce que nous rapportons à ceste annee ou à la suiivante, pluſtost que aux precedentes, pource que nous estimōs que les courses que les Scyres & Huns, ou Massagettes firent, cōme escrit Euagrius liu. 3. ch. 2. dedans la Thrace, & autres provinces de l'Empire Oriental au commencement de l'Empire de Zenon, sans y trouver resistāce aucune, se doiuent seulement entendre de ceste entreprise des Ostrogoths, ou de quelque autre

autre, si d'avanture celle-cy ne se fit plustost cy apres, comme Marcellinus Comes semble vouloir signifier.

HENGISTE ayant fait venir vne nouvelle troupe de Saxons d'Allemagne, les mena contre le Roy Aurelius, & luy donna bataille pres la riuere de Dune; dont l'issuë fut telle, que la victoire demeura aux Bretons, demeurât Hengiste occis sur le champ; à la couronne duquel succederent ses deux fils nommez Osca, & Otha, qui regnerent apres luy sur les Saxons d'Angleterre. 19. ans. Beda, Polydore, Ioannes Maior.

A PRES quel'Eglise de Carthage eut esté l'espace de 24. ans sans Euesque, vn nommé Eugenius, personnage de grand sçauoir, en fut esleu Pasteur: duquel fut cōtemporain Cerialis Euesque de Castille en Afrique, & Salonius Euesque de Vienne:

<i>Du Monde.</i>	4611	<i>Papes.</i>	15	<i>R. des Vuisigoths.</i>	21
<i>De Rome.</i>	1226	<i>E. d'Orient.</i>	19	<i>R. des Vandales.</i>	55
<i>De Iesus Christ.</i>	475	<i>E. d'Occident.</i>	14	<i>R. des Lombards.</i>	10
<i>Indiction.</i>	13	<i>R. de Perse.</i>	18	<i>R. d'Italie.</i>	1
		<i>R. des François.</i>	17		

Commencement du regne d'Italie.

L. A. ZENO, pour la 2. fois Consul, sans adioinct.

A V temps duquel le ieune Leon mourut: qui fut cause de faire aspirer vn Basiliscus frere de Verrina, belle-mere de l'Empereur Zenon, à l'Empire, & de dresser si bien ses affaires, qu'il paruint à chef de ses intentions; par les menees & pratiques d'icelle. De sorte qu'estant ledit Zenon circonue-nu, fut debouté du siege Imperial, & contrainct se retirer à sauueté en son pais d'Isaurie: où il attendit le retour de sa fortune, pendant que son ennemy se maintint pour Empereur d'Orient à Constantinople; & y commanda en la cōpagnie de son fils nommé Marc, qu'il auoit fait son adioinct vn an & enuiron six mois, selon Procopius, Marcell. Comes, Theodorus, Euagrius, Nicephore, Zonare, Agathius liu. 1.

C E P E N D A N T, Euric Roy des Vuisigoths continua si opiniaistrement son siege deuant la ville de Clermont en Auvergne, qu'il contraignit Egdicius (apres auoir employé tous moyens de la bien defendre) de la laisser venir entre ses mains, par faulte de secours, & se retirer en lieu plus seur. Dont Nepos aduertty, l'appella pour venir à luy, afin de l'honorer de la dignité de Patrice: & puis fit aller Orestes defendre les Gaules, au lieu de luy contre les Vuisigoths. Lequel vsant desloyalement de ceste puissance contre son bien-faicteur, quoy que Procopius l'ait estimé homme tres-sage, s'en vint à Rauenne; où apres auoir gaigné la faueur de la gendarmerie estrangere qui estoit en Italie, signamment des Goths; auxquels il promettoit la troisieme partie des terres: se reuolta inopinément cōtre Nepos, le prenant si au despourueu (pource qu'il n'auoit preueu vne telle desloyauté) qu'il le rendit en tel estat, qu'il fut contrainct de quitter la dignité Imperiale, le 27. iour de Septembre, pour se retirer à Salone en Dalmatie, où il auoit enuoyé son predecesseur estre Euesque: laquelle il transféra enuiron vn mois apres, à sçauoir le 1. de Nouembre, à son fils nommé Romulus Momyllus, qui estoit si ieune & de si peu de faict, que les Italiens luy donnerent pour ceste occasion le nom d'Augustulus: souz lequel toutesfois ce qui restoit de l'Empire en Italie, fut gouuerné l'espace de 9. mois, 24. iours. Ancien Chronicon, Cas-siodore, Iornandes, P. Diacre.

O R E S T E S fit en ce temps alliance avec le Roy des Vandales. P. Diacre.

E N V I R O N le mesme temps, Theodomire Roy des Ostrogoths mourut au pais qui luy auoit esté accordé par l'Empereur; apres auoir déclaré son fils Theodoric surnommé Vvalamer son heritier & successeur, quoy qu'il l'eust eu d'une concubine, à cause des bōnes parties qui reluysoient ia en luy: lesquelles firent que les Ostrogoths l'accepterent tant plus volontiers pour leur Roy. Iornandes.

FLANDEBERT Gouverneur de la Gaule Belgique pour le Roy des François, mourut ceste annee, laissant plusieurs fils, qui par la permission dudit Roy succederent aux estats & seigneuries de leur pere, apres en auoir fait partage entr'eux, par lequel Sigebert qui estoit l'aîné, obtint le pais & la cité de Cologne: Canaquaire ou Ragamir le second, la contrée de Cambresy, dont il se fit appeller Comte. L'autre dit Cararic, la seigneurie & les appartenances des Moriniens qui sont auourd'huy ceux de Theroüane. Le dernier appelé Heribert la principauté de la ville de Treues: ainsi que racomptent les Chroniques de Flandre. Mais les Annales de France avec Sigebert ont noté que la ville de Treues fut ostee l'an 476. par les François, à Gilles Romain Gouverneur de Soissons pour les Romains. Qui est à dire qu'elle n'aduint à Heribert par la succession de son pere. Ioint que Jacques Meier en ses dernieres Chroniques de Flandre, & M. Cichard de Vvassebourg en ses histoires de la Gaule Belgique, tiennent que luy & ses freres estoient de la race du Roy Clodion. A raison dequoy Gregoire de Tours les appelle parens du Roy Clouis, & Rois des pais qu'ils tenoient, pour monstrier qu'ils les occupoient à autre tiltre que de vassaux. Ainsi se monstre pluistost euidemment faux que incertain, ce que nous venons de reciter dudit Flandebert & de ses enfans.

Les fils de Hengeste, aiât rassemblé nouvelle armee, combatirent de rechef en champ de bataille le Roy ou Duc Aurelius, lequel les soustint encor si vertueusement qu'il les mit en routte: mais il y fut si extremement blessé qu'il en mourut bien tost apres. Enuiron lequel temps Vvortimere Roy des Bretons mourut semblablement, & luy succeda à sa couronne (tesmoin Polidore) son fils Vterpandragon, que les autres estiment auoir esté frere d'Aurelius.

BASILISCUS desirant sacquerir la faueur des Euesques qui adheroient à l'heresie d'Eutyches, proposa vn edict à l'instigation de Petrus Gnaffæus, & de Timothee surnommé Ælure, qu'il auoit rappellé d'exil, auquel il estoit depuis 18. ans, par lequel il reprouuoit les decrets du Concile de Chalcedone, & la decision faite par le Pape Leon coniointe à iceux. Qui fut cause de faire leuer les cornes aux Eutychiens, tellement que les Euesques qui auoient esté cy deuant enuoyez en exil, ou demis par les Empereurs catholiques, se vindrent remettre par force en leurs sieges: comme Timothee surnommé Ællure au siege Episcopal d'Alexandrie, où il presida encor vn an, Paul en l'Euesché d'Ephese: Qui fut cause de mettre les Eglises d'Oriët en grand trouble. En la pluspart des Euesques desquelles se demonstrent lors de merueilleux exemples de grande legereté & inconstance. Combien qu'Acacius Patriarche de Constantinople, se comporta plus vertueusement que les autres. Car il s'opposa si constamment à l'edict precedent, qu'il contraignit Basiliscus de le reuoker & en publiervn autre tout contraire: par ce qu'il eut crainte que le peuple de Constantinople ne fust incité à rebellion par luy. Euagrius liu. 3. ch. 5. 6. 7.

<i>Du Monde.</i>	4612	<i>Papes.</i>	9	<i>R. des Vuisigoths.</i>	10
<i>De Rome.</i>	1227	<i>E. d'Orient.</i>	3	<i>R. des Vvandales.</i>	56
<i>De Iesus Christ.</i>	476	<i>E. d'Occident.</i>	1	<i>R. des Lombards.</i>	7
<i>Indiction.</i>	14	<i>R. de Perse.</i>	19	<i>R. d'Italie.</i>	1
		<i>R. des François.</i>	18		

FLA. BASILISCUS AVG. pour la 2. fois, & **ARMATVS. I. Coss.**

ZENON ayant mis sus vne puissante armee en son pais d'Isaurie, reuint avec icelle trouuer son ennemy deuant Constantinople, où la fortune luy fut fauorable, qu'apres plusieurs escarmouches donnees, le total de la victoire luy demeura, se trouuant Basiliscus si bien vaincu, que pour n'empirer son marché, composa avec luy en remettant la dignité Imperiale entre ses mains. Nonobstant qu'Agathius estime qu'il le fit mourir. Mais Procope racompte, que comme il se fust rendu odieux & mal agreable, tant à ses domestiques & aux gens de guerre qu'à tout le Senat, & au peuple de Constantinople par son auarice, & par les autres mauuaises complexions, entre lesquelles l'estime que fut le remuement qu'il voulut faire en la religion, Harmetius Lieutenant de son armee falla rendre volontairement avec toute sa suite à Zenon, aussi tost qu'il s'approcha du camp d'iceluy. Parquoy dès que les nouvelles de ceste trahison furent portees à Constantinople, où Basiliscus

cus

cus estoit, il s'alla sauuer dedans vn temple, esperant que la reuerence du lieu sacré luy feroit euader la peine entiere de la faute qu'il auoit commise. Mais Acacius Patriarche de Constantinople l'en alla tirer dehors, & le mit entre les mains de Zenon, qui le fit mener tout aussi tost avec sa femme & ses enfans tous nuds en la Cappadocie, estans au milieu de l'hyuer avec defense de leur dōner aucune nourriture. Dont ils moururent tous miserablement & de faim & de froid. Par Zenon s'estant en ceste sorte remis en son estat, il le garda iusques à son trespas, l'espace de 15. ans. Lesquels il faut seulement commencer à la fin de ceste annee. Au reste Zenon apres estre venu à chef de son entreprinse, declara le fils d'Armatus Cesar, en la ville de Nicee en recompence du seruice que son pere luy auoit fait. Lequel neantmoins il fit mourir bien tost apres, alleguant qu'il ne seroit pas plus fidele que celuy qu'il auoit trahy. Zonare le garda depuis iusqu'à son trespas enuiron l'espace de 15. ans. Marcell. Com. Euagrius, Nicephore.

La fin de l'Empire Romain en Italie fut le commencement du regne des nations estrangeres en icelle.

Les Goths & nations estrangeres, qui depuis plusieurs annees auoient fait le train de la guerre à la souldie des Romains en Italie, s'estimans auoir meritē quelque recompense, demanderent aucunes terres du terroir de l'Empire à Orestes, pour y faire leur demeure: Lequel ne leur osant accorder leur demande fit prendre (comme quelques Historiographes anciens ont escrit) occasion à vn Capitaine Rugien ou Russien selon Procopius Italien de nation nommé Odoacer, de se mettre en auant enuers eux, & de se faire fort de les mettre en iouyssance de leurs desirs: au cas qu'ils le voulussent receuoir & prēdre pour leur Prince & Capitaine, quoy qu'il fust des seruiteurs domestiques (ce dit Procopius) d'Orestes. Ce qu'estant fait, il se mit à guerroyer Augustule, & son pere Orestes, de telle puissance qu'il leur fit perdre l'Empire d'Italie, le transportant à soy-mesme: de sorte qu'il son fit nommer & couronner Roy. Mais Iornandes, Cassiodore, P. Diacre, & vn ancien Chronicon, tēmoignent qu'il estoit ja Roy des Heruliens, Scyres & Turilingiens, qui habitoiēt au parauant le pais nommé maintenant la Vallachie, les autres disent la basse Germanie, où est au iourd'huy la Pomeranie & Prussie, & qu'il en partit avec vne tresgrosse armee pour venir conquerir l'Italie. A l'entree de laquelle Orestes se presenta au deuant de luy avec ses forces, & le combatit en champ de bataille, de si grand malheur qu'il fut miserablement deffait & occis sur le champ. A cause dequoy le pauvre Augustule destituē de tout moien de se pouuoir plus maintenir en la dignitē qu'on luy auoit fait vsurper, ne trouua meilleur marché que de la quitter & resigner à son ennemy, luy demeurant la vie sauue. Ce qu'on a notē estre aduenū le 23. iour d'Aoust. Auquel ledit Odoacer se mettant en possession de l'Empire de Rome & d'Italie, commença à se nommer & intituler Roy. Tellement qu'on compte que son regne y dura souz ce tiltre l'espace de 16. ans, 6. mois, 11. iours. En laquelle maniere l'Empire Romain perdit son nom & sa gloire en Italie en la personne dudit Augustule. Nous trouuons aussi que ce fut 496. ans, apres qu'il eut acceptē la dignitē tribunaire avec ses autres tiltres, & 501. apres que ce glorieux surnom d'Auguste luy eut esté presentē pour ses merites, autant iustement que ce dernier fantosme fut par mocquerie, qualifié du tiltre d'Auguste. Lequel aussi s'est veu comme (par vne ordonnance fatale) l'auoir perdu au mois, qui en l'honneur du premier Auguste auoit esté honorē du surnom d'iceluy: Selon les auteurs prealleguez, entre lesquels, P. Diacre, conuient avec nous de l'annee que cecy se fit.

En ces entrefaittes, Euric Roy des Vuisigoths, ne trouuant aucun empeschement en ses entreprinse, se mit à poursuiure si bien ses victoires qu'il reduisit en son obeissance les villes d'Arles & de Marseille & generally toute la Prouence: estendit les limites de sa domination iusques au Rhosne. Au moyen dequoy il establit le siege de son regne en la ville d'Arles. Puis donna, comme dit Gregoire de Tours liu. 2. chap. 26. aux Auuergnats & à sept citez qu'il auoit conquises, vn Gouverneur de sa main nommé Victorin. Combien que ie ne me vouldrois arrester à ce qu'il dit, que celà se fit en la 14. annee du Roy Euric, pource qu'il estime qu'il a regné à la 27. Or pource que les Bourguignons se voulurent possible opposer alors à ses entreprinse, il leur en bailla sur les doigts, par vne bastonnade qu'il leur fit receuoir, selon que recueillons de Iornandes, P. Diacre & Sigebert. Lequel dit aussi que les François, se voulans aggrandir des ruines de l'Empire Romain, à l'exemple des Vuisigots se faisièrent de la cité de Treues, en la mesme annee qui

fut la 324. deuant que l'Empereur Charlemagne, ramenast en sa personne, le nom du mesme Empire en Occident. Mais ie ne sçay comme ceste cité eust reste, iusques alors à venir entre leurs mains, veu qu'elle auoit ja esté tant de fois prise, bruslee & ruinee, tant par eux que par autres deuant la venue d'Attila. Et y prit commencement le regne & domination des estrangers, & ce 504. ans apres qu'il fut reduit souz le gouuernement d'un seul, par l'Empereur Auguste, entre lesquels, P. Diacre conuient avec nous de l'annee de nostre Seigneur que cecy se fit.

P E R O S A S Roy des Perſes, eſtant entré en different pour raiſon des limites de ſon Royaume avec les Nephtalites, appelez par Procopius Euthalites, qui ſont de la nation des Huns, mena vne armee contre eux. Mais il ſe laiſſa ſi bien attraper en leurs embuſches, qu'il y fut pris : & pour eſchapper de leur mains, fut contraint de ſe proſterner reuerement aux pieds de leur Prince, en faiſant ſerment de ne leur iamais eſmouuoir guerre, & de le recognoiſtre pour ſon ſuperieur & maiſtre. Comme Nicephore liu. 16. chap. 36. recite apres Procopius, liu. 1. de la guerre Perſique, & Agathius : Selon leſquels ces Euthalites eſtoient limitrophes de la Perſide, du coſté de la biſe, habitans vne ville nomé Gorga. Leſquels auſſi ne viuoient pas à la façon des autres Huns, comme Nomades : ains obſeruoient vne vie politique entre eux, comme les autres nations ſouz le gouuernement d'un Prince. Procopius declare expreſſement, que cecy aduint ſouz l'Empereur Zenon.

L' E S T A T des Eglises d'Orient eſtoit tel en ce temps, que les Eueſques ſe mordoient & mangeoient les vns les autres, & aduenoit le plus ſouuent que les pires chaffoient les meilleurs. Ce que ſe vit par exemple ceste annee en l'Eglise d'Antioche, où Pierre ſurnomé Gnaffeus, ſe remit par force en la dignité Episcopale, de laquelle il auoit eſté demis pour ſa mauuiſe doctrine, & y preſida encor vn an, apres en auoir deietté ſon predeceſſeur, du conſentement de l'Empereur Baſiliſcus.

L E S Prelats d'Afrique, tant Catholiques qu'Arriens, aſſemblez par l'auctorité du Roy Genſerich à Carthage, tindrent vn Synode pour conſerer enſemble des differens de leur doctrine. Euagrius. Mais apres qu'il eut eſté deietté de l'Empire, Zenon caſſant & adnullant tous les edicts & ordonnances qu'il auoit faites, ſignamment celles qui concernoient la religion, ordonna que tous les Eueſques Catholiques retournasſent en leurs ſieges, & que les heretiques en ſortiſſent. Lors ſe vit vne merueilleuſe legereté & inconſtance es Eueſques d'Asie à regagner la grace du nouveau Empereur, & à palier la faute qu'ils auoiét commiſe ſouz Baſiliſcus, s'excusans l'auoir faite de bouche & non de cœur. Euagrius liu. 3. chap. 9.

C E S T E meſme annee ou enuiron les points ou notes & accés, dôt les Iuiſ & Hebreux vſent en leur eſcriture, avec leurs lettres, furent inuétées en la ville de Tiberiade de Galilee par deux Rabins nommez Aaron fils d'Aſer, & Iacques fils de Nephtalis : Leſquels auſſi s'eſtans mis en diſcord pour les points d'aucuns mots, furent ſemblablement cauſe que les Iuiſ ſe departirent en deux ſectes & opinions. L'une deſquelles qui eſtoit de Iacques, a eſté ſuiuie par les Iuiſ Orientaux qui habitent la Meſopotamie. L'autre par les Occidentaux. Rabbi Elias liu. 2. des accents, & Rabbi Rimhi.

A V E C le corps de ſainct Barnabé Apoſtre fut trouué en la ville de Salamine en Cypre, l'Euangile de ſainct Matthieu en Hebreu eſcrit des propres mains dudit Euangeliste. Qui fut cauſe de faire faire l'Eglise de Salamine metropolitaine, & de la diſtraire de l'Eglise d'Antioche. Georgius Cedrenus.

Fin de l'Empire d'Occident.

<i>Du Monde.</i>	4613	<i>Papes.</i>	10	<i>R. des François.</i>	19
<i>De Rome.</i>	1228	<i>E. d'Orient.</i>	4	<i>R. des Vviſgoths.</i>	11
<i>De Ieſus Chriſt.</i>	477	<i>R. d'Italie</i>	2	<i>R. des Vuandales.</i>	57
<i>Indiction.</i>	15	<i>R. de Perſe.</i>	20	<i>R. des Lombards.</i>	8

L E S

Les guerres qui troublèrent tant l'Orient que l'Occident, furent cause que ceste année se passa sans Cōsuls: durât laquelle Fla. Martianus fils d'Anthemius & de la fille de l'Empereur Marcianus, fut par ses freres Romulus & Procopius incité à se rebeller contre l'Empereur Zenon, en v'surpant luy-mesme le nom d'Empereur: mais il fut pourſuiuy de si pres par Zenon, & reduit en telle extremite, que force luy fut auant l'expiration de l'année, de renōcer au droict & à l'v'surpation qu'il auoit faicte de l'Empire, & puis s'en aller en exil. Euagrius, Zonare.

ODOACER pourſuiuant les reliques de la gendarmerie Romaine qui reſtoit encor en Italie, deſſit & occit en bataille deuant la ville de Rauenne, le Comte Braulka, qui luy vouloit encore faire reſiſtance. Et puis afin de contenir les Italiens en ſa crainte, & de les accommoder à ſa domination, il leur impoſa nouueaux tributs, ſouz pretexte de les vouloir employer à la deſenſe d'Italie contre les ennemis eſtrangers: & ſupprima la dignité Conſulaire & l'auctorité que le Senat auoit à Rome; reuocquant toute l'adminiſtration & diſpoſition des affaires à ſon propre Conſeil. Et afin auſſi de retenir les Goths & autres nations eſtrangeres qui faiſoient depuis long temps le train de la guerre en Italie, à la ſoulde des Empereurs, en ſa deuotion; il leur fit diſtribuer les champs qui leur auoient eſté promis par Oreſtes. Puis pour mieux eſtablir & fortifier ſon eſtat, enuoya ſes Ambaſſadeurs pour impetrer l'amitié & alliance des Bourguignons qui habitoiēt en la Gaule, & d'Eric Roy des Vuiſigoths: par les conditions de laquelle il remettoit entre ſes mains ce que les Romains auoient retenu iuſques alors en leur puissance, depuis les Alpes iuſqu'au Roſne, pour le poſſeder d'oreſnauāt comme propre; avec ce qu'il poſſedoit ia en la Gaule. Par lequel moyen les Vuiſigoths ſe trouuerent lors les plus grands ſeigneurs de la Gaule, qui eſtoit tellement deſchiree & diuiſee, que les Bourguignons, Alemans, Bretons, & François y auoient auſſi leur part. Outre certains Capitaines Romains qui reſtenoient encor en leur propre nom les villes, places, & prouinces qui leur auoient eſté donnees cy deuant en gouuernement, ſans plus recognoiſtre Empereur ny Empire: comme Gilles la prouince de Soiffons, & Paul la Comté d'Angers, où ils ſe maintenoient, tant par leur propre puissance, que par le moyen des intelligences qu'ils auoient les vns avec les autres, iuſques à ce qu'ils furent finalement contraincts de ſe ſouſmettre aux François, tant pour ne tomber es mains des Vuiſigoths, qui eſtoient Arriens, & traittoiēt mal les Catholiques, que pour ce qu'ils voyoient les François plus humains, qui ne forçoient les conſciences de ceux qui ſe donnoient à eux, quoy qu'ils fuſſent idolatres, les laiſſoient viure en leurs anciennes couſtumes & polices. Ce qui fit auſſi que les autres Legions Romaines & les peuples qui eſtoiēt eſtabliz à la garde des ports, riuages & coſtes maritimes des Gaules, cōme les Agboriches, deſquels Procope fait mention liu. i. de la guerre Gothique. Quād les vns & les autres virent (à ce qu'eſcrit le meſme auſteur) q̄ toute ſeuereté leur eſtoit cloſe & interdite pour retourner en leurs maiſons, & qu'ils n'eſperoient plus ſecours d'aucun Empereur, ſe mirent ſouz la ſauuegarde & protection des François: remettant les places qu'ils gardoiēt entre leurs mains: & ſe donnans à leurs appointemens, avec pareilles conditions qu'ils eſtoient ſouz les Empereurs, ſans rien changer, ny de leurs couſtumes, ny de leurs habits, ny de leurs manieres de faire. Ce que nous auons recueilly de Marcell. Comes, d'un Chronicon ancien, de pluſieurs paſſages de Procope, Iornandes, Gregoire de Tours, & autres.

S V I V A N T l'ediēt & ordonnance de l'Empereur Zenon, Pierre ſurnommé Gnaffee fut contrainct de quitter le ſiege de Patriarchat d'Antioche, & receuoir vn Iean 2. du nom en ſon lieu; qui pour n'en eſtre trouué capable, n'eſtant adherant à la doctrine Catholique, en fut demis vn mois apres: & vn Eſtienne 2. du nom ſubſtitué au meſme, où il a eſté le 52. qui y a preſidé 2. ans. On voit encor auioird'huy des epiſtres d'iceluy fort elegātes, qui teſmoignent qu'il a eſté fort eloquent & de grande literature. Timothee ſurnommé Hellure cuſt eſté auſſi chaſſé du ſiege d'Alexandrie; mais pource qu'il eſtoit en extreme vieilleſſe, on attendit ſa mort, qui luy aduint naturellement ceste année. Parquoy ſes adherans voulurent introduire Pierre ſurnommé Moggus en ſon lieu: mais pource qu'il faiſoit profeſſion de l'hereſie Eutychiene, l'Empereur l'en fit deſnichier vn mois apres ſon introduction: ordonnant que Timothee ſurnommé Leucus ou le Blanc, qui en auoit eſté dechaſſé par Baſiliſcus, y r'entraſt. Au moyen dequoy il y preſida encor ſix ans. Euagrius, Nicephore, Zonare, Onuſrius.

P E R O S A S violant ſon ſerment, recommença guerre aux Nephtalites; en laquelle il fut

encor si mal soigneux de se donner garde d'eux, qu'il tomba derechef en leurs embusches. Au moyen dequoy il fut non seulement vaincu, mais aussi taillé en pieces avec tous ses gens. Parquoy son frere qui se nommoit Valens ou Blases, fut fait Roy de Perse en son lieu: lequel estant plus addonné à la paix qu'à la guerre, ne fit en tout le tēps de son regne, qu'on dit auoir duré 4. ans, aucun acte digne de memoire: comme Agathius recite. Mais Procopius estime que Cabades succeda immediatement à Perofas son pere: & que souz luy les Perles furent subiects des Euthalites l'espace de deux ans, iusques à ce qu'il eut acquis force pour se deliurer de leur subiection.

SEVERIN natif d'Afrique, apres auoir presché la doctrine de Iesus Christ par plusieurs prouinces de la Germanie, fut finalement esleu Euesque du pais Noric, nommé depuis Baviere: en laquelle charge il conuertit à Iesus Christ par sa predication, & exemple de sa bonne vie, plusieurs peuples & Princes d'Allemagne. Et fut tant aimé de tous en general, qu'ils ne l'eussent voulu esconduire de chose qu'il leur eust demandee. De sorte qu'Odoacer passant avec son armee par le pais Noric allant en Italie, le voulut bien voir & prendre la benediction. Auentin.

Du Monde.	4614	Papes.	11	R. des François	20
De Rome.	1229	E. d'Orient.	5	R. des Visigoths.	12
De Iesus Christ.	478	R. d'Italie.	2	R. des Vandales.	1
Indiction.	1	R. de Perse.	1	R. des Lombards.	9

FLA. ILVS V. C. Consul, sans adioinct.

LA ville dicte anciennement *Boiodurum*, depuis *Bathauia*, tenant encore pour les Romains au pais Noric fut ceste annee prise, saccagee, & miserablement destruite par Hunimund Roy des Sueues & Alemans. Auquel temps aussi *Filithens* (selon d'autres *Fæna* ou *Fasianus*) regnoit apres *Flaccithens* son pere, sur les Rugiens, au pais d'Austriche. Auentin liure 2.

VN nommé Audoacre ou Odoacre, Capitaine de quelques Saxons (qui faisoient estat d'escumer la Mer) estant venu prendre terre vers le quartier d'Anjou, s'auança tellement, qu'il se fit maistre de quelques lieux qui sont sur la Loire: lesquels Gregoire de Tours appelle isles: d'où il contraignit les Angeuins de faire quelque accord avec luy, & de luy bailler ostages pour seureté d'iceluy. Lors Childeric Roy des François estoit à Orleans, ayant (comme il semble) esté appelé au secours des Romains, qui estoient demeurez en la Gaule par Paul Comte d'Angers, pour faire la guerre avec luy aux Visigoths, qui vouloient possible passer la Loire: ou faisoient la guerre aux peuples qui sont de-çà celle riuiere. Et entendant la venue d'Odoacre à Angers, s'en alla contre luy: tellement qu'il entra dedans Angers le iour d'apres qu'Odoacre y fut arriué. Et s'y trouuât le plus fort, fit mourir le Comte Paul, à cause (comme ie croy) qu'il auoit fait l'accord precedent avec Odoacre, contre le gré des Romains: qui auoient pour ceste occasion appelé Childeric, afin d'estre à luy plustost qu'au Saxon. Et pource que celà ne se peut faire sans feu & sans cousteaux, outre la mort de Paul & de ceux qui l'accompagnerent, la grande Eglise de la ville fut bruslee. Mais Odoacre & ses Saxons se sauuerent: parquoy Childeric ioinct avec les Romains les pourfuiuit si chaudement, qu'il en fit vne grande tuerie: par le moyen de laquelle il brusla & gasta les isles où ils faisoient leur retraite, & aggrandit la seigneurie des François iusques à Orleans & Angers, qui se rendirent à luy. Tel est le sens que nous auons peu extraire de ce qu'a escrit Gregoire de Tours liu. 2. chap. 18. & 19. fort ambiguëment & obscurément de cest Odoacre & du Comte Paul.

A v mesme temps, Sidonius Apollinaris, noble & excellent, non seulement de race & de dignité (car il estoit vn des principaux Senateurs des Gaules; & auoit espousé la fille du feu Empereur Auitus nommee Papianille: outre ce qu'il auoit le tiltre de Comte & de Præfect à Rome; & que ses pere & ayeul auoient esté ce qu'on appelloit Præfects du Pretoire de Gaule:) mais aussi en poësie & en toute literature, ensemble aussi en sainteté & innocence de vie, fut fait Euesque d'Auuergne apres Eparchius. Ses contemporains furent Auitus Euesque de Vienne, qui a laissé plusieurs doctes escrits tesmoins de son erudition.

Sainct

Sainct Remy Archeuesque de Reims, duquel ledit Sidonius réd vn excellent tesmoigna-
ge en ses escrits, à cause du sçauoir & de l'eloquēce qui estoit en luy; par laquelle il dit qu'il
precedoit tous ceux de son temps, avec saint Loup Euesque de Troye: lequel le mesme
auteur appelle le Pere & Prince des Euesques Gaulois: mais il estoit ia lors fort ancien.
Tellement qu'il y en a qui escriuent qu'il mourut l'annee ensuiuant 479.

SIMPLICIUS Pape de Rome, desirant obuier aux troubles qui auoient coustume de
suruenir aux eslections des nouueaux Papes, fit vne constitution qu'il ne s'en pourroit d'o-
resnauant eslire aucun, sans le consentement & aduis de celuy qui gouuernerait Rome
pour le Roy Odoacer, ou pour autre qui auroit l'Empire. Mais pource que ceste Saction
preiudicioit à la liberte de l'Eglise, on veult dire que le Pape Symmachus la reuoqua & an-
nulla cy apres.

GENSERICH premier Roy des Vvandales en Afrique, mourut 39. ans apres qu'il eut
commencé à regner en icelle, laissant vn fils nommé Honorich, qui succeda à sa couronne
& regna 8. ans. Esquels il ne fit rien de memorable que de persecuter cruellemēt par tot-
tes sortes de supplices les pauvres Catholiques, pour les contraindre à receuoir la doctri-
ne Arrienne: selon que recite Procopius. Mais Victor au premier liure de la persecution
des Vvandales tient que Genserich regna seulement en Afrique 37. ans, 3. mois: & Ho-
norich 7. ans, 10. mois.

<i>Du Monde.</i>	4615	<i>Papes.</i>	12	<i>R. des François.</i>	21
<i>De Rome.</i>	1230	<i>E. d'Origt.</i>	6	<i>R. des Vvifigoths.</i>	13
<i>De Iesus Christ.</i>	479	<i>R. d'Italie.</i>	4	<i>R. des Vvandales.</i>	4
<i>Indiction.</i>	2	<i>R. de Perse.</i>	2	<i>R. des Lombards.</i>	10

FLA. ZENO AVG. pour la 3. fois Consul, sans adioinct.

GILLES Gouverneur de Soissons pour les Romains, mourut; & luy succeda en ses
biens & estats son fils nommé Siagrius, qui voulut cy apres pretendre droit au Royaume
de France. Sigebert, Chronique des Rois de France.

AVQUEL temps aussi Childeric Roy des François s'appointa avec Odoacre & les Sa-
xons, afin d'estre aidé par eux à chasser les Alains de la Gaule, qui auoient cy deuant cou-
ru vne partie d'Italie. I'estime que c'estoient de ceux qui y auoient accompagné le Roy
Beogor; & qu'il faut lire en Gregoire de Tours liu. 2. chap. 19. où il fait mention de ce
que nous recitons icy, *Alanorum* pour *Alamanorum*: car la mesme faulx se voit euidem-
ment en plusieurs autres endroits du mesme liure. Ioinct qu'il ne se list point en aucun au-
tre bon auteur, que les Allemans ayent fait aucun voyage en Italie par tout le siecle pre-
cedent. Somme, que depuis la deffaicte de ces Alains, & la reducō des villes d'Orleans
& Angers, la seigneurie des François s'est tousiours veu auoir eū son estenduē en la Gau-
le iusques à la Loire. Mais quant au dire de l'Abbé Triterius, qui estime que les Duchez
& Comtez furent instituees & erigees en ce temps par le Roy Childeric en la France, qui
les donna & distribua aux Princes de son sang: Il y a bien plus d'apparence que les François
arrivans en la Gaule, retindrent seulement la police generale que les François y auoient
plantée, avec la nomination des Duchez & Comtez, qui ne signifioient autre chose que
prouinces generales & subalternes, qui auoient leurs Gouverneurs souverains & inferieurs
ou Lieutenans appelez Ducs & Comtes. Ainsi que le liure des Magistrats Romains nous
fait cognoistre. Combien que le nom de Comte se trouue aussi auoir esté tiltré de dignité
seblable à noz Baillifs, Iuges & Presidēs des prouinces d'un territoire, & d'une seule ville
ou pais commis par le Prince à l'exercice de cest office: comme es anciennes loix de tous
ces peuples Septentrionaux le mot de *Grafio* ne signifie autre chose auant qu'il vint à estre
tel qu'il est aujourdhuy. De sorte que lesdits pais, prouince & territoire d'une seule ville,
qu'ils tenoient en leur gouvernement, estoient appelees Comtez; & eux Comtes d'icelles.
Comme pareillement les Comtes estoient ceux qui auoient souz eux vne prouince grāde,
ou plusieurs telles Comtez: lesquels ny les vns ny les autres ne tenoient point en domaine
perpetuel & hereditaire; ains s'eslisoient quelquesfois par le peuple, & prenoient confir-

mation des Rois. Somme que ces estats semblent estre demeurez en ces termes, ou à peu pres (du moins sans changement fort remarquable) iusques à Charles le Simple & ses prochains successeurs. Ce que ie ne me suis peu passer de dire, pour mieux donner à entendre quel a esté l'estat de la Frâce cy apres: encore que ie sçache bien qu'il a esté beaucoup plus amplement escrit & expliqué par autres.

LES Maurusiens ou Maures d'Afrique, s'estans contenuz paisiblement sans s'esmouvoir tout le temps que Genferich auoit vescu, s'esleuerent incontinent apres le trespas d'iceluy contre les Vvandales; leur donnans beaucoup de fascheries & empeschemens. Procope.

LE Pape Simplicius ayant receu lettres d'Acacius Patriarche de Constantinople & de l'imothée d'Alexandrie: par lesquelles ils accusoient Pierre Mogge, qui auoit esté chassé du siege d'Antioche par Zenon, d'estre non seulement fauteur & professeur de l'heresie Eutychienne, mais aussi d'auoir esté participant au meurtre qui auoit esté commis en la personne de Proterius; assigna temps de repentance, & de recognoistre sa faulte audit Mogge: & puis l'excommunia & anathematiza pour sa pertinacité. Iordanes, Euagrius.

ESTIENNE 3. du nom fut apres le second Estienne Euesque d'Antioche 3. ans. Nicephore, Onufrius.

<i>Du Monde.</i>	4616	<i>Papes.</i>	13	<i>R. des François.</i>	22
<i>De Rome.</i>	1231	<i>E. d'Orient.</i>	7	<i>R. des Vvifigoths.</i>	14
<i>De Iesus Christ.</i>	480	<i>R. d'Italie.</i>	5	<i>R. des Vvandales.</i>	3
<i>Indiction.</i>	3	<i>R. de Perse.</i>	3	<i>R. des Lombards.</i>	11

FLA. BASILIUS IVNIOR, Consul sans adioinct.

ONVFRIUS a demonstré que ce Basilius fut Consul en Occident: à cause dequoy Sigonius s'est persuadé qu'il fut esleu par la permission du Roy Odoacer, qui rendit de son bon gré à la cité de Rome le droit & liberté de faire ses Consuls, lequel il auoit les années precedentes supprimé. Mais d'autant qu'il semble auoir dit celà de son propre iugement, sans en auoir témoignage d'aucun ancien autheur, & que ceste raison ne se peut accommoder à l'Orient, qui fut sans Consul ceste année, & plusieurs des suivantes, il n'y a point de doute qu'il en fault presumer vne autre.

FL. IVLIVS Nepos cy deuant Empereur, fut en ce Consulat mis à mort à Salone, ville de la Dalmatie, par deux Comtes nommez Onida & Viator: qui fut cause qu'Odoacer entreprit de leur faire la guerre.

THEODIMIRE Roy des Ostrogoths fit (comme tesmoigne Marcellinus Comes au mesme Consulat) vn voyage en la Grece, où Sabinianus Gouverneur & Lieutenant general pour l'Empereur en la Marche d'Illyrie (qui estoit le plus vaillant & sage Capitaine qui fust lors en tout l'Empire Oriental) s'opposa à luy si prudemment, qu'il l'empescha de faire ce qu'il voulut. Ce qui a fait estimer à Bonfinius & autres, que ce fut en ce voyage qu'il vint en la Thessalie, pour assieger la ville de Thessalonique, apres que ses gens y eurent fait l'entree deuant luy, & pris les villes d'Heraclee & de Larissa (ainsi que nous auons ia recité cy deuant: & qu'il fut destourné de son entreprinse, par l'accord que Clarianus Patrice & Gouverneur du pais pour l'Empereur, fit avec luy: suiuant lequel les villes de Pollia, Euripa, Medinna, Pctina, Bereum, Sinin, & Certas, qui estoient en la contree Orientale d'Illyrie, luy furent assignees pour sa demeure & de ses gens; où il se retira & demeura en repos iusques à sa mort. Dequoy toutesfois ie n'oserois rien asseurer, pource que le mesme Marcellinus declare que ce Theodimire (qu'il nomme Theodoric, par la faulte possible des escriuains, fils de Triarius) retourna 2. ans apres deuant Constantinople. Et estât mort au retour dudit voyage, son fils Theodoric courut encore l'année d'apres les deux Macedones & la Thessalie. Mais s'il est quelque chose de l'accord fait par Clarianus avec Theodimire, (auquel Iornandes est tesmoin, qui dit qu'il se fit vn peu deuant le trespas d'iceluy) il faudra prendre ce Clarianus pour le Sabinianus de Marcellinus. En quelque façon que ce soit, Sigebert semble auoir mal attribué la mort de Theodimire à l'an 473. si ce n'est qu'il

qu'il faille prendre avec Iornandes ce Theodoric fils de Triarius, qui estoit bien Goth de nation, mais non de la race des Amale pour vn autre que Theodemire.

RAVALD fils de Biorno Roy de Suesse, Gotthie & de Dannemarc mourut, laissant vn fils nommé Suart Mannus, qui fut horriblement cruel enuers ses subiects, tellement qu'une grande partie des Danois, pour s'exempter de sa cruauté, se retira en pais estranges. Cependant Ioannes Magnus liu.8. de l'histoire Gottique, tesmoigne qu'il regna environ 28. ans.

LOVE Euesque de Troye, appelé par Sidonius Apollinaris son contemporain, Perc & Prince des Euesques Gaulois, mourut en la 52. année de son Episcopat, & luy succeda en son Euesché vn nommé Hunerius. Sigebert.

La vertu & vaillance des François estoit en telle estime en ce temps entre les Gaulois, que tous les desiroient auoir pour Princes & seigneurs. Tellement qu'Aprunculus Euesque de Langres, personnage de sainte vie, tomba pour ceste occasion en loupçon enuers les Bourguignons : dont il fut contrainct se sauuer à Clermont en Auvergne ; d'où il fut fait Euesque apres Sidonius. Gregoire liu. 2.

<i>Du Monde.</i>	4617	<i>Papes.</i>	14	<i>R. d s François.</i>	23
<i>De Rome.</i>	1232	<i>E. d Orient.</i>	8	<i>R. des Vvisgoths.</i>	15
<i>De Iesus Christ.</i>	481	<i>R. d Italie.</i>	6	<i>R. des Vandales.</i>	4
<i>Indiction.</i>	4	<i>R. de Perse.</i>	4	<i>R. des Lombards.</i>	12

FLA. PLACIDVS, Consul sans adioinct.

ODOACER faisant la guerre en la Dalmatie, deffit & occit en bataille vn Capitaine nommé Odina, qui luy estoit desobeissant. Cassiodore. Ou comme les autres veulent dire, pource qu'il auoit fait mourir Iulius Nepos.

EN la mesme année Theodoric Roy des Goths, dictz Scyres, surnommé Strabo, fils (comme dict Marcellinus Comes) d'un Triarius, s'en alla courir avec ses gens iusques à quatre mille pres de Constantinople ; & puis s'en retourna sans mal-faire. Mais deuant qu'il fust de retour en l'Illyrie, il fut tellement blessé dedans son chariot, qu'il en mourut : comme tesmoigne Marcellinus Comes, & Iornandes. Euagrius liure troisieme, chapitre vingteinq, fait aussi mention de ce voyage du Roy, qu'il appelle comme l'autre Theodoric, iusques deuant Constantinople : laquelle il eust prise, sans qu'il descouurit vne conspiration de ses gens contre luy ; qui le fit remener son camp en son pais : où il mourut de la mesme mort que l'autre a recitee.

ESTANT l'Angleterre toute troublée de guerre, Ella Capitaine Saxon y arriua avec vne nouuelle troupe de Saxons, & occupa la partie Meridionale de ladite isle, qu'il erigea en vn Royaume, que luy & ses successeurs possederent l'un apres l'autre : à sçauoir Sisca, Edeluachius, Berutius, & Aldinius, qui fut occis par Iras ou Iuo Roy des Saxons Occidentaux. Polydore Virgile, Beda.

SEVERIN Eueque de Bauiere mourut. Estant Anastasius Eueque de Hierusalem decedé, vn nommé Martyrius luy fut substitué, qui presida (selon les auteurs d'Onufrius) 2. ans ; ou comme veut Metaphrastes 8.

<i>Du Monde.</i>	4618	<i>Papes.</i>	15	<i>R. des François.</i>	24
<i>De Rome.</i>	1233	<i>E. d Orient.</i>	9	<i>R. des Vvisgoths.</i>	16
<i>De Iesus Christ.</i>	482	<i>R. d Italie.</i>	7	<i>R. des Vandales.</i>	5
<i>Indiction.</i>	5	<i>R. de Perse.</i>	1	<i>R. des Lombards.</i>	1

FLA. SEVERINVS, & FLA. TROCENDVS, Consuls.

GLAFFO, 6. Roy des Lombards, fils de Gedeoch, regna 6. ans en la Rugilandie apres son pere. P. Diacre.

VN Synode d'Euesques Arriens assemblé en Afrique par l'autorité du Roy Hunneric, condamna la doctrine catholique, & approuua l'erreur d'Arrius, qui fut cause que Hunneric, proposa de fort cruels edicts contre les Catholiques, à l'occasion desquels ils furent cruellement persecutez par toute l'Afrique. Marcell. Com. Victor liu. de la persecution Vvandalique.

ESTANT Valens ou Blases Roy de Perse decedé en la 4. année de son regne, Cabades son nepueu, qui estoit fils du feu Roy Perozas, fut receu en son lieu. Auquel il regna paisiblement l'espace de vnze ans: sinon qu'il fut les deux premiers tributaire des Euthalites, & puis se deliura de leur subiection. Agathius tesmoigne qu'il fut homme belliqueux, mais turbulent tant en paix qu'en guerre: & qu'il gagna plusieurs victoires sur les Romains, & autres peuples ses voisins.

THEODORIC Roy des Ostrogots surnommé Vvallame, suyuant l'exemple du Roy Theodoric decedé cy deuant, sortit avec sa gent de l'Illyrie, & la mena dedans la Macedone: & apres l'auoir couruë & rauagee, s'en alla visiter de mesme façon la Theffalie, où il prist & s'accagea la ville de Larissa. Marcell. Comes.

D'AVTREPART Timothee 3. du nom surnommé le Blanc, Patriarche d'Alexandrie, mourut. Au moyen dequoy les Alexandrins aians obtenu permission de l'Empereur, de luy donner tel successeur qu'ils auroient choisy, nommerent pour leur Patriarche apres l'autre, vn Iean de Talasiota ou Tabennioses. Lequel accepta leur election, nonobstant qu'il eust fait promesse au parauant à l'Empereur, qu'il ne se laisseroit iamais substituer à Timothee au siege d'Alexandrie. Dont il fut tellement indigné contre luy, qu'il le contraignit de quitter la place, permettant que Pierre surnommé Moggus sy remit, qui en auoit esté deietté cy deuant pour l'heresie Eutychieenne, moyennant qu'il consentist & souscriuist au contenu d'une lettre (qu'il appelloit Henoticon, c'est à dire de reconciliation & concorde qu'il luy escriuit. Laquelle portoit abiuration de toutes les heresies contreuenantes aux decrets des Conciles de Nicee & de Chalcedone, & confession de la doctrine receuë & approuuee de tous les Orthodoxes. A quoy Moggus ayât satisfait d'escriit & de bouche, encore qu'on estime que ce ne fut de cœur, Aiadius Euesque de Constantinople pour gratifier à l'Empereur, le reçut en la cōmunion de l'Eglise, & le conferma au siege d'Alexandrie, sans auoir communiqué premierement cest affaire aux autres Patriarches, d'entre lesquels toutesfois Martyrius de Herusalem s'accommoda avec luy. Qui fut cause que Iean qui estoit deietté, se retira à Rome vers le Pape Simplicius, auquel il fit entendre qu'il n'estoit chassé pour autre occasion que pour estre defenseur du decret du Concile de Chalcedone. Ce qu'il creut si facilement, qu'il prit sa defense en main, pour laquelle il en escriuit à l'Empereur & à Acadius. Et combien qu'il eust receu leurs responses & defenses, par lesquelles ils reiettoient la cause de la reietction de Iean sur son pariure, & alleguoient la confession faite par Moggus, la mort le faist en ceste opinion, qu'il le fit laisser l'accomplissement de sa deliberation à son successeur. Comme declarent Euagrius, Liberatus & Nicephore; lesquels nous demonstrent que la cause tant de Iean que de Moggus estoit mauuaise. Dont il semble qu'on proceda pour & contre l'un & l'autre des deux costez, d'affection & d'ambition plus que de bon zele.

JEAN troisieme du nom, successeur d'Estienne troisieme en l'Euesché d'Antioche, presida quelque mois: & puis eut pour successeur vn nommé Calendio, qui dura 5. ans en son siege. Onufrius.

<i>Du Monde.</i>	4619	<i>Papes.</i>	1	<i>R. des François.</i>	25
<i>De Rome.</i>	1234	<i>E. d'Orient.</i>	10	<i>R. des Vuisigoths.</i>	17
<i>De Iesus Christ.</i>	483	<i>R. d'Italie.</i>	8	<i>R. des Vvandales.</i>	6
<i>Indiction.</i>	6	<i>R. de Perse.</i>	2	<i>R. des Lombards.</i>	2
				<i>R. des Escoffois.</i>	1

ANICIUS

ANICIVS FAVSTVS Consul. sans adjoindre.

L'EMPEREUR Zenon desirant se reconcilier entierement la nation des Ostrogoths, fit venir leur Roy Theodoric à Constantinople, où il l'institua son Lieutenant sur toute la gendarmerie Imperiale, & le designa Consul, pour l'annee d'apres: luy donnant outre plus le Gouuernement de la lisiere de Dace, & de la Moesie inferieure. Marcellinus Comes, Iornandes, Bonfinius.

A Constantin Roy d'Escoffe occis en trahison, succeda en son Royaume son nepveu, fils de son frere Dongard, qui se nommoit Congal, lequel regna enuiron 19. ou 20. ans, tefmoin Hector Boëthius liure 8. Qui toutesfois semble mal rapporter cecy au temps de la premiere arriuee des Saxons en Angleterre.

SIMPLICIVS Euesque de Rome mourut (tesmoin Onufrius) le 2. iour de Mars. Et fut 6. iours apres, à sçauoir le 9. du mesme mois substitué en son lieu au gouuernement de l'Eglise Romaine, vn certain prestre nommé Felix 2. ou 3. de ce nom, duquel la presidence dura 8. ans, 11. mois, 17. iours. Combien que Marcellinus Comes en compte 12. ans. Cependant les auteurs sont d'accord, qu'il estoit fils legitime d'un autre prestre de l'Eglise Romaine, qu'Onufrius appelle Cardinal nommé Felix. Qui est pour monstrier que le mariage n'estoit alors encore defendu aux Ecclesiastiques par les Papes. Au demeurant son estude fut de poursuiure le fait de son predecesseur contre Acacius Euesque de Constantinople. Car prestant l'oreille aux suggestions de Iean dechassé d'Alexandrie, & aux aduertissements que certains moines de Constantinople & d'Egypte luy faisoient contre Acacius, qu'ils disoient communiquer avec Moggus notoirement heretique, & l'auoit contre toutes les constitutions canoniques confirmée au siege d'Alexandrie au preiudice d'un catholique qui y auoit esté legitimement establi, despecha deux siens Nonces Vital & Mefenus à l'Empereur Zenon, pour l'admonester de faire confermer par son autorité le decret du Concile de Chalcedone, & de desnicher Moggus heretique du siege d'Alexandrie: ensemble aussi de faire aller Acacius à Rome vers luy pour respondre aux accusations que Iean proposoit contre luy. Mais il ne receut autre response d'eux, sinon que Iean auoit esté deietté pour son pariure, & pour ses autres fautes: & que Moggus n'auoit point esté admis qu'on ne se fust bien diligemment enquis & informé de sa foy. Qui plus est, il semble qu'ils furent tellement offensez du mandement hautain qu'on leur faisoit, qu'il les fit opiniastrer d'auantage en la cause de Moggus: & que l'Empereur ne fut plus depuis si ardent à maintenir l'autorité du Concile de Chalcedone, ny à reprimer les Eutychiens qu'il auoit esté au parauant: au contraire qu'il se monstra plus rigoureux contre les aduersaires de Moggus, comme à l'endroit de Calandio Patriarche, qui accusoit Moggus de beaucoup de crimes, & ne vouloit communier avec luy: & qu'il fit peu de cas des mandements & censures de Felix. Comme nous cognoissons du liu. 3. chap. 17. 18. 19. & 20. d'Euagrius. Dont il a semblé à aucuns, que si on eust vſé de plus grande modestie enuers vn tel Empereur, que l'Eglise n'en eust esté tellement troublee & diuisee qu'elle fut avec tant de scandales.

SALVSTIVS fut apres le trespas de Martinus, Euesque de Hierusalem l'espace de huit ans, selon Nicephore. Gennadius l'appelle Lucianus, & dit que le corps de S. Estienne fut trouué par luy.

Le pais de Bourgongne fut en ce temps merueilleusement affligé d'une famine nō accoustumee, durant laquelle il se trouua vn bon Senateur nommé Ecdicius, qui nourrit & sustenta 4. mille pauvres de ses propres facultez. Dont il a esté merueilleusement loué par Sidonius Apollinaris en ses Epistres, & par Gregoire de Tours liu. 2. cha. 24. Où il semble signifier que cest Ecdicius estoit celuy duquel nous auons parlé cy deuant, qui estoit fils du feu Empereur Auitus. Car il dit qu'il estoit parent de Sidonius, & si vaillant qu'il auoit autresfois mis en fuite vne grande multitude de Goths avec dix compagnons seulement.

PATIENS Euesque de Lyon viuoit au mesme temps, lequel a esté aussi grandement loué par les mesmes auteurs, pour auoir vſé de semblable charité, qu'Ecdicius enuers les pauvres indigens.

<i>Du Monde.</i>	4620	<i>Papes.</i>	2	<i>R. des François</i>	1
<i>De Rome.</i>	1235	<i>E. d'Orient.</i>	11	<i>R. des Vuisigoths.</i>	18
<i>De Iesus Christ.</i>	484	<i>R. d'Italie.</i>	9	<i>R. des Vvandales.</i>	7
<i>Indiction.</i>	7	<i>R. de Perse.</i>	3	<i>R. des Lombards.</i>	3
				<i>R. des Escossois.</i>	2

THRODORICVS Roy des Ostrogoths, & FLA. VENANTIVS, Consuls.

LEONCIVS Comte des provinces d'Orient, se reuoltant contre l'Empereur Zenon, se donna luy-mesme le nom d'Empereur : & fit rebeller avec soy toutes les provinces de son gouuernement, nommeement la Sicile, en laquelle il se maintient en estat d'Empereur l'espace de 4. ans, ayant attiré Ilus & Marfus Gouverneurs de l'Isaurie. Euagrius, Marcellinus Comes.

A Childeric Roy des François decedé en la 25. annee de son regne, succeda son fils Clouis, des Allemans Luduig, & de Cassiodore Luduin, qu'il auoit eu de sa femme Basina. Lequel regna au compte de tous les Historiens 30. ans : combien que Iordanes en compte en sa Chronique 31. estant lors en la 15. annee de son aage, s'il est vray qu'il n'ait vescu q̄ 45. ans. Neantmoins toutesfois il se môstroit ja si bien nourry & instruit en toutes les vertus & bonnes parties qui se peuuent desirer en vn grand Monarque, que iamais Roy si ieune, non pas mesmes le grand Roy Alexandre, ne paruint avec plus grande esperance à vne courône que luy. Laquelle aussi il ne trôpa. Car tous ceux qui ont escrit des Frâçois tesmoignent, qu'il a surmonté par sa magnanimité la gloire de tous ses predecesseurs. De façon qu'il dompta ou soubmit à son obeissance les plus fieres & belliqueuses nations de l'Europe, mesmement celles qui auoient pris & saccagé la cité de Rome, & les premiers fait bresche dedans l'Empire Romain, apres qu'il eut acheué d'exterminer de tout point la puissance que les Romains auoient en la Gaule : dont il semble qu'on luy doit à bô droit rapporter la vraye entree & promotion des François en icelle : Comme nous recueillons des escrits de Gregoire de Tours, d'Ado, Aimoinus, & des autres historiens modernes.

FELIX Pape de Rome, ne se tenant pour satisfait des responses & excuses que l'Empereur Zenon & Acacius luy auoient enuoiees, assembla vn Concile à Rome, auquel se trouuerent quelques moines venus de Grece & d'Egypte, à l'instance desquels & de Ican qui auoit esté dechassé d'Alexandrie, Pierre surnommé Moggus fut comme heretique excommunié, & déclaré (tant pour ceste occasion, que pour auoir esté ordonné par heretiques) incapable & indigne de tenir aucun degre en l'Eglise Catholique. Et la mesme sentence prononcee contre Acacius, pour auoir approuué & confirmé vn heretique, & communié avec iceluy : ensemble aussi entretenu l'Empereur Zenon en mauuaise opinion, ne le diuertissant de l'affection qu'il portoit à Moggus. Laquelle sentence estant portée à Constantinople, enflamba le feu plus qu'il n'estoit. Car Acacius ne se separa pas non seulement de la communion de Moggus, mais aussi incita les autres qui en faisoient difficulté de suiure son exemple. Qui plus est, fit effacer le nom de Felix des prieres publiques qu'on faisoit en son Eglise. Ce qu'il fit venir Moggus en telle frenesie, qu'il se declara ennemy appert du decret du Concile de Chalcedone, donnant toutes les fascheries dont il se peut aduiser à ceux qui ne se voulurét entendre avec luy. Dequoy toutesfois ny l'Empereur Zenon, ny Acacius ne s'esmeurent pas beaucoup. Car ils enuoierent bien gés pour inciter les Alexandrins de se reduire en concorde avec Moggus : Mais non pour reprimer l'audace d'iceluy, ny pour le garder de vomir son poison contre la doctrine catholique. Somme que l'Eglise de Constantinople fut en ceste sorte separee de la Romaine au grâd, scandale plus tost qu'à l'aduancement de l'Eglise catholique, comme tesmoigne Liberatus chap. 18. de son Breuiarium. Mais nous auons recité le fait de ce schisme, selon qu'il nous a esté proposé par Euagrius liu. 3. qui semble deuoir estre plustost en suiuy que Sigonius, qui dit que Felix excommunia par deux fois Acacius & Moggus, & qu'il etuoya apres la premiere ses Nonces Vital & Mefenus à Constantinople. Car il n'est pas vraisemblable que Felix ait si promptement & legerement donné iugement, deuant qu'auoir admoneité, comme il appartient, les parties. Et y a moins d'apparence en ce que Cedrenus escrit,

que

que les enuoiez de Felix demeurerent à faire leur legation depuis la 12. iusques à la 16. année de Zenon.

SOLEMNIVS Euesque de Chartres, homme de grand zele enuers la Religion Chrestienne, preschoit en ce temps avec vne merueilleuse constance & hardiesse la doctrine de Iesus Christ aux François. Sigebert.

<i>Du Monde.</i>	4621	<i>Papes.</i>	3	<i>R. des Vvisgoths.</i>	19
<i>De Rome.</i>	1236	<i>E. d'Orient.</i>	12	<i>R. des Vvandales.</i>	8
<i>De Iesus Christ.</i>	485	<i>R. d'Italie.</i>	10	<i>R. des Lombards.</i>	4
<i>Indiction.</i>	8	<i>R. de Perse.</i>	4	<i>R. d'Escoffe.</i>	3
		<i>R. des François.</i>	2		

Q. AVRELIVS SYMMACHVS, Consul seul.

EVRIC Roy des Vvisgoths étant entré en la 19. année de son regne, preueit (ce disent Jacques Valera & Didacus) son trespas, 9. iours auparavant. A cause dequoy il declara son fils nommé Alaric son heritier de sa couronne, & le fit recevoir Roy par ses subiects auant que mourir. Ce nonobstant Gregoire de Tours liu. 2. chap. 25. tesmoigne qu'il fut occis miserablement par la iustice diuine, à cause de la persecution qu'il auoit inuentee contre les Eglises : aussi que le regne de son fils a duré 27. ans. Et semble que l'inaduertence des escriuains est cause qu'on ne trouue que 12. en Aimoinus, ayās oublié vn 10. Mais les deux Chroniques des Vvisgoths luy en comptent 23. l'une desquelles rapporte aussi la premiere année de son regne, ainsi que nous faisons, à la 12. de l'Empereur Zenon, & à l'Ere **DXII.**

ACACIVS Euesque de Constantinople, perseuerant tousiours de mesme obstinacite en la defense de la cause de Moggus, mourut. Au moyen dequoy vn Prestre de l'Eglise de Constantinople luy fut donné pour successeur, qui se nommoit Flauitas ou Phrabitas, autres disent Phrauitas : lequel (à ce que dit Zonare) estoit frappé de mesme humeur que luy. A cause dequoy Euagrius escrit, qu'il cōmuniqua par lettres avec Pierre Moggus, lequel aussi luy enuoya les siennes : par lesquelles il taxa fort aigremēt la sentence du Concile de Chalcedone. Lequel tesmoignage nous fait ensuyure la supputation d'Onufrius, qui rapporte la mort d'Acacius à ceste année, plustost que des autres, qui suyuaēt l'Ere de Nicephore, Zonare & Cedrenus, ont estimé qu'il presida au siege de Constantinople 17. ans, 9. mois : & que Moggus mourut deuant luy.

LES Eutychiens, outre ce qu'ils estoient tous en general nōmez Monophysites, pource qu'ils dogmatizoiēt, qu'apres l'vñion ineffable, il n'y auoit qu'une nature en Iesus Christ du Verbe & de la Chair : cōmencerent aussi d'estre dicts Acephales, à cause qu'ils n'auoient point de chef ou d'auteur ; ou qu'ils n'estoient subiects aux Euesques. Car quand les Euesques & Prestres qu'ils auoient, furent morts, ils ne se soucierent de celebrer le seruice diuin entr'eux, ny d'administrer les Sacremens de l'Eglise, selon la coustume ancienne d'icelle, ne comme ils auoient accoustumē auparavant. Mais ils auoient vn pain de Communion gardé de long temps, qu'ils diuisoient en petites particules, pour le distribuēr es festes de Pasques, aux personnes qui venoiēt communier. Or pource qu'il ne fut possible de les reduire à l'edict d'vñion de Zenon, & qu'il ne les fit rechercher ne forcer, ils vesquirent en liberté, prenans telle puissance & permission que bon leur sembla. Nicephore Caliste liu. 18. chap. 46.

<i>Du Monde.</i>	4622	<i>Papes.</i>	4	<i>R. des Vvisgoths.</i>	1
<i>De Rome.</i>	1237	<i>E. d'Orient.</i>	13	<i>R. des Vvandales.</i>	1
<i>De Iesus Christ.</i>	486	<i>R. d'Italie.</i>	11	<i>R. des Lombards.</i>	5
<i>Indiction.</i>	9	<i>R. de Perse.</i>	5	<i>R. d'Escoffe.</i>	4
		<i>R. des François.</i>	3		

CÆCINNA MAVRVS DECIVS, & FLA. LONGINVS, Consuls.

RANCHAIRE ou Ranachaire premier du nom mourut, laissant trois enfans : à sçauoir

Ranchaire 2. Richer & Regnault, qui succederent à leur pere au Royaume de Cambray, portans tiltre de Rois, comme Richard de Vvassebourg en son histoire de la Gaule Belgique tesmoigne. Le tesmoignage duquel i'ay bien voulu inserer en ce lieu, pource qu'il n'est pas hors de verisimilitude, & qu'il ne cōtreuient à Gregoire de Tours, qui appelle vn Ranchaire Roy de Cambray. Combien que ie ne me laisse pas aisément faire croire, qu'il y ait eu vn Ranchaire premier du nom, fils de Clodion, & vn Ranchaire second, sans l'auoir veu tesmoigné d'un plus ancien auteur.

HONORICH Roy des Vvandales en Afrique mourut sans laisser aucuns enfans. Au moyen dequoy Gundamund fils de son frere Genzon, succeda à sa couronne par droit de proximité, & regna 12. ans: esquels il eut de grandes & perilleuses affaires contre les Africains; dont il vint en fin à chef, suiuant son souhait: mais il fut encor plus cruel & enemy des Catholiques que n'auoient esté ses predecesseurs. Procopius.

PHRAVITAS apres auoir gouuerné l'Eglise de Constantinople enuiron quatre mois, mourut: parquoy on luy bailla pour successeur en son siege vn autre Prestre nommé Euphemius, auquel il presida selon Onufrius 10. ans. Combien que Nicephore n'en cōpte que 6. & 6. mois: mais tant y a, que luy, ayant meilleure opinion de la Religion que son predecesseur, ne voulant auoir aucune société ny communication avec Moggus: pource que par les lettres par lesquelles il l'en sollicitoit, il le voyoit blasphemer la doctrine confirmée au Concile de Chalcedone. Dont ils entrerent en grande discorde l'un cōtre l'autre; laquelle les faisoit preparer leurs Synodes, pour excommunier l'un l'autre par iceux, quand la mort vint saisir Pierre en son siege d'Alexandrie, luy faisant mettre fin à son entreprinse & opiniastrété: comme recite Euagrius liu. 3. Parquoy vn nommé Athanasius, qui aussi faisoit profession de mesme heresie que luy, fut substitué en son lieu: auquel il presida au compte de Nicephore 7. ans. Cōbien qu'Onufrius en compte 10. Euagrius dit qu'il s'efforça grandement de reduire en concorde les Alexandrins, qui estoient diuisez entr'eux pour la faction de son predecesseur: mais qu'il ne luy fut possible d'en venir à bout.

<i>Du Monde.</i>	4623	<i>Papes.</i>	5	<i>R. des Vvisigoths.</i>	2
<i>De Rome.</i>	1238	<i>E. d Orient.</i>	14	<i>R. des Vvandales.</i>	2
<i>De Iesus Christ.</i>	487	<i>R. d Italie.</i>	12	<i>R. des Lombards.</i>	6
<i>Indiction.</i>	10	<i>R. de Perse.</i>	6	<i>R. d Escoffe.</i>	6
		<i>R. des François.</i>	4		

ANICIUS MANLIUS SEVERINVS BOETHIUS V. C. Consul sans ad-ioint.

LES Ostrogoths habitans encor la Pannonie, deuindrent d'une trop longue paix & repos ennuyez, tellement que chatouillez de reprendre l'exercice des armes, entrerent en equippage de guerre dedans le pais de Thrace, & vindrent iusques à la ville de Melentia, pres de Constantinople, souz la conduite de leur Roy Theodorich: par lequel ils firent prier l'Empereur de leur bailler permissiō d'aller conquerir l'Italie, & d'en dechasser les E-ruliens, afin d'y faire leur demeure. Ce qu'il leur fallut accorder par contraincte: comme Procopius liure 1. & Paul Diacre tesmoignent. Combien que Marcellinus Comes qui rapporte cecy à ceste annee, afferme que ce fut apres auoir destruit & bruslé les pais où il auoit passé.

FELTHEUS, ou Felitheus, selon d'autres Fena, Roy des Rugiens, qui habitoient lors au pais Noric, qu'on maintenant Autriche, auoit (tesmoin Auentin liu. 2.) vn fils nommé Frederic, qui mit à mort malheureusement vn sien oncle, qui se nōmoit Frederic comme luy. A l'occasion duquel parricide Odoacer Roy d'Italie entreprit de faire la guerre audit Feltheus: mais d'autres estiment que ce fut pour la defense des reliques des Eruliens, lesquels il vouloit dechasser du pais d'où Odoacer estoit party auant la conquête d'Italie. Tant y a que Cassiodore, & vn Chronicon ancien, tesmoignent qu'Odoacer combatit en champ de bataille ledit Feltheus ceste annee, le quinzième iour de Nouembre: & que le malheur y fut si grand pour les Rugiens, qu'ils furent quasi tous taillez en pieces: demeurant

rant leur Roy Feltheus prisonnier, qui fut emmené en Italie. Auentin adiousté que son fils Frederic regaigna son païs par force, apres le depart d'Odoacer : lequel auoit vn frere nommé Arnulfe ou Onulfe, qu'il enuoya contre iceluy, lequel il dechassa, & contraignit se retirer avec le reste de ses Rugiens, & ioindre à Theodoric Roy des Ostrogoths.

ALBERIC ou Aulberon 2. fils du Roy Clodion, qui regnoit au païs d'Ardenne & de la Gaule Belgique pres du Rhin, mourut, laissant deux fils, l'aîné desquels nommé Vvaubert succeda aux estats & seigneuries de son pere : laissant aussi deux fils nommez Aufbert & Vvaubert, qui furent chassés de leur païs par le Roy Clouis. Mais leur posterité y fut restituée apres son trespas : de laquelle on tient estre issus les ancestres de Charlemagne ; comme nous declarerons cy apres : tescmoin Richard de Vvassebourg. Ce que toutesfois ie reçoÿ à mesme condition que nous auons cy dessus recité de Ranchaire.

VLAFFO Roy des Lombards, mourut en la sixiesme annee de son regne ; & luy succeda son fils nommé Dadō Adelingus, qui regna dix ans en la Rugilandie sur les Lombards. De laquelle il fut le premier qui les fit sortir, & les mena habiter au païs de Felden en la Germanie : selon le tescmoinage de Paul Diacre. Procopius toutesfois liure 2. appelle Bachen le Roy des Lombards, qui viuoit en ce temps.

EUPHEMIVS Patriarche de Constantinople s'estant sequestré de la communion de Pierre Moggus, & ayant apres son trespas condamné la memoire d'iceluy, fit remettre le nom du Pape Felix és commentaires ou tables de l'Eglise de Constantinople, qu'on appelloit Diptyches : & luy enuoya semblablement lettres synodales pour le receuoir en la communion de l'Eglise. Ce que toutesfois ne luy fut accordé, pource qu'il se monstra trop restif à condamner la memoire de ses deux predecesseurs, & à faire effacer leurs noms des Diptyches, nonobstant qu'on le recogneust bien luy-mesme pour Orthodoxe. Qui fut cause de faire retenir encor les Eglises d'Orient & d'Occident en diuision & en schisme : pource que l'Occidentale ne vouloit receuoir l'autre en comunion, qu'elle n'eust cōdamné la memoire d'Acacius & de son successeur, & oster leurs noms des Diph-tyches. Nicephore, Marianus Scotus.

A v mesme temps Calandio Patriarche d'Antioche, defendant constamment la pureté de la doctrine Catholique, fut pour ceste occasion dechassé de son siege (ainsi que tescmoinét Zonare & Cedrenus) par l'Empereur Zenon : combien qu'Euagrius declare que ce fut pour estre soupçonné de porter faueur à Ilus & Leontius. Tellement qu'il l'enuoya en exil en vn lieu appellé Oasis. Et puis fit remettre Pierre surnommé Gnaffee en iceluy, qui en auoit ia esté dechassé deux fois auparauant : pource qu'il s'estoit cy deuant reconcilié avec Acacius, & auoit communié avec Pierre Moggus, & soubscrit à la lettre dicte Henoticon de Zenon. Car il fault ainsi prendre ce qu'en escrit Euagrius liu. 3. chap. 16. ou estimer que Calandio mourut deuant tous ceux-là ; & que toute la supputation des temps que les deux Nicephores, Zonare, Cedrenus & Onufrius, nous ont proposée de ces Patriarches-là, este faulse. Mais tant y a qu'ils conuiennent que ce Pierre presida encor pour ceste derniere fois au siege d'Antioche 3. ans : durant lesquels Cedrenus dit qu'il troubla son Eglise merueilleusement, tant par sa mauuaise doctrine, qu'en dechassant les bons Euesques qui s'opposerent à luy, & en substituant d'autres indignes de leurs sieges. Car il dit que ce fut luy qui fit Xenaias Euesque de Hierapoli, deuant qu'il fust baptisé.

<i>Du Monde.</i>	4624	<i>Papes.</i>	6	<i>R. des Visigoths.</i>	4
<i>De Rome.</i>	1239	<i>E. d'Orient.</i>	15	<i>R. des Vandales.</i>	3
<i>De Iesus Christ.</i>	488	<i>R. d'Italie.</i>	13	<i>R. des Lombards.</i>	1
<i>Indiction.</i>	11	<i>R. de Perse.</i>	7	<i>R. des Escoffois.</i>	7
		<i>R. des François.</i>	5		

CLAVDIVS IVLIVS ÆDESIVS DINAMIVS, & FLA. SIFIDIVS, Consuls.

L'ARMEE de l'Empereur Zenon arriuee en Orient, deffit en bataille rangée les rebelles de Cilicie & d'Isaurie. De façon que Leombus, Ilus & Marfus furent pris, & puis executez à mort. Marcellinus Comes.

SIAGRIVS Comte de Soissons fils de Gilles le Romain, querellant (selon l'opinion d'aucuns) le Royaume des François par la pretension du droit que son pere y auoit eu, & incité aussi par la ieunesse du Roy Clouis, dressa vne grande armée contre luy: si d'auanture Clouis ne fut luy-mesme le premier qui l'alla chercher avec sa puissance, pour acheuer d'exterminer avec luy le nom & le reste de l'ombre de l'Empire Romain dehors de la Gaule. Mais tant y a que pour quelque cause que ce soit, leurs armées se combattirent au pres de Soissons, estant Clouis en la 5. année de son regne, accompagné de son cousin Ranachaire, qui portoit aussi tiltre de Roy comme luy. Où le malheur se vint si bien ranger de la part du Romain, qu'il se trouua desconfit & vaincu. Et par ce que la cité de Soissons ne luy sembla plus seure retraite ny ressource en son desastre, il se sauua vers le Roy des Vvisigoths, lequel toutesfois à la repetition de Clouis n'osa refuser de le rendre. Au moié dequoy il fut mis à mort, & toute sa Comté de Soissons avec les dependances d'icelle; bref toutes les villes qu'il tenoit encor de l'ancié estoc de l'Empire Romain, furent reduites souz la loy des François. En ceste sorte fut esteint & aboly ce peu qui estoit resté du nom ou de l'ombre de l'ancienne puissance des Romains, 537. ou 538. ans apres qu'elle eut esté entierement reduitte souz l'Empire Romain par Iules Cesar. Gregoire de Tours, Aimoinus, Ado, Iordanes.

<i>Du Monde.</i>	4625	<i>Papes.</i>	7	<i>R. des Vvisigoths.</i>	5
<i>De Rome.</i>	1240	<i>E. d'Orient.</i>	16	<i>R. des Vvandales.</i>	2
<i>De Iesus Christ.</i>	489	<i>R. d'Italie.</i>	14	<i>R. des Lombards.</i>	1
<i>Indiction.</i>	12	<i>R. de Perse.</i>	8	<i>R. des Escoffois.</i>	8
		<i>R. des François.</i>	6		

ANICIVS PROBINVS & EVSEBIVS CHRONIO, Consuls.

L'EMPEREUR Zenon apres estre venu au dessus de ses ennemis, deuint si troublé d'entendement, qu'il fit iniustement mettre à mort plusieurs grands & sages personnages: comme vn Comte Marcianus qui auoit quelque sçauoir de predire les choses futures. Par lequel il luy auoit signifié qu'un de ses Huissiers deuoit occuper son Empire, & sa femme apres luy, avec vn de ses Lieutenants nommé Arcadius, & vn Zozimus Poëte & Rhetoricen de grande reputation. Cedrenus.

THEODORIC Roy des Ostrogoths, s'estant incontinent apres la permission de l'Empereur mis avec ses gens en equipage & ordre pour aller conquerir l'Italie, fut au sortir de la Moësie entrant en la Pannonie aduertv du destourbier que Trasilla Roy des Gepides se preparoit à luy donner. A cause dequoy il s'adressa premièrement à luy, & le chargea si furieusement qu'il le desconfit & occit avec ses gens. Puis alla encor trouuer Buza Roy ou Duc des Bulgariens, informé qu'il estoit du mesme complot. De façon qu'il remporta vne semblable victoire de luy. Au moyen dequoy il ne se trouua plus personne qui luy ofast plus dresser aucun empeschement en son voyage, tant qu'il arriua finalement avec son peuple (tesmoin Cassiodore au Consulat de Probinus & d'Eusebius) en Italie: où de premiere rencontre il mit en routte l'armée de Odoacer deuant la ville d'Aquilee. Et puis acheua de la desconfire deuant la ville de Veronne, apres qu'elle se fut ralliée. Tellement que force fut à Odoacer de se retirer à sauueté dedans la cité de Rauenne: où il fut encore incontinent enclos par les Ostrogoths, qui y mirent leur siege deuant le dixiesme iour de Iuillet. Cassiodore, Chronicon ancien, Iornandes, P. Diacre, Bonfinius Deca. 1. liu. 7. Ioannes Magnus liu. 9. de l'hist. Gotthique.

ALCIMVS Auitus Euesque de Vienne en Dauphiné, & Sabinianus aussi Euesque de Marseille, florissoient tous deux en ce siecle, non seulement en reputation de saincteté de nœurs, mais aussi en sçauoir & en cognoissance de toutes lettres tant diuines qu'humaines, singulierement en l'intelligence des histoires.

VICTOR natif d'Vtique en Afrique escriuit en ce temps le discours de la persecution des Chrestiens faite par les Vvandales.

Du Monde

<i>Du Monde.</i>	4626	<i>Papes.</i>	8	<i>R. des Visigoths.</i>	6
<i>De Rome.</i>	1241	<i>E. d'Orient.</i>	17	<i>R. des Vandales.</i>	5
<i>De Iesus Christ.</i>	490	<i>R. d'Italie.</i>	15	<i>R. des Lombards.</i>	3
<i>Indiction.</i>	13	<i>R. de Perse.</i>	9	<i>R. des Escoffois.</i>	9
		<i>R. des François.</i>	7		

ANICIVS FAVSTVS, & FLA. LONGINVS pour la 2. fois Consuls.

ODOACER ne se tenant vaincu pour les defaictes precedents, remit encores une puissante armee, qui fut pour la 3. fois desconfite, & luy contraint de se renfermer de rechef dedans Rauenne. Cassiodore.

GONDICARIVS ou Gondeuchus Roy des Bourguignons, auoit laisse (comme a esté dit cy deuant) son Royaume à ses quatre fils: deux desquels, à sçauoir Chilperic & Gode-mare, conspirerent quelque temps apres de despoiller leurs deux autres freres de leur partage. De sorte que Gunde-bault fut souz ceste querelle vaincu par eux en bataille, & tenu pour mort. Mais bien tost apres comme on ne se doubtaist de rien moins que de luy, il trouua moyen de se remettre sur pied, & de regagner non seulement le sien, mais aussi de s'adiointre le leur, quand il les eut attrapez & mis à mort dedans la ville de Vienne: sauuant seulement la vie aux deux filles de Chilperic, desquelles il confina l'une en un Monastere, & retint l'autre nommee Clotilde à sa court, qui deuint avec l'aage si excellemment belle & de gentile façon, que Clouis Roy de France estant informé de ses perfections, enuoya ses Ambassadeurs en ce temps au Roy Gunde-bault pour la demander à femme. Lequel combien qu'il preueit bien ce qui luy en pourroit aduenir, ne l'osa refuser de peur de prouocquer auant le temps les armes des François contre luy. Parquoy elle luy fut enuoyee. Et pource qu'elle estoit Chrestienne, elle vsa de tous les moyens dont elle se peut aduifer, estant avec luy, pour le conuertir & reduire à la religion Chrestienne. Mais elle n'en peut venir à bout de long temps apres, qu'avec les occasions que le temps ensuiuant amena. Adu, Paul Émile. Mais nous tenons des Annales de Iordanes, que Clouis espousa Clotilde ceste annee.

ARTVS fils du Roy Vterpandragon commença ceste annee à regner en la grande Bretagne, selon aucuns.

APRES le trespas de Petrus Gnaffeus vn nommé Palladius fut ordonné Euesque d'Antioche: lequel gouerna son Eglise 10. ans. Nicephore, Cedrenus.

VN nommé Xenias natif de Perse preschoit & maintenoit constamment en ce temps, qu'on ne deuoit aucunement receuoir ny admettre l'usage des images de nostre Seigneur ny des Saints dedans les temples des Chrestiens. Georg. Cedrenus.

Génadius homme docte a iusques icy continué son liure qu'il a escrit des personnes illustres.

<i>Du Monde.</i>	4627	<i>Papes.</i>	9	<i>R. des François.</i>	8
<i>De Rome.</i>	1242	<i>E. d'Orient.</i>	1	<i>R. des Visigoths.</i>	7
<i>De Iesus Christ.</i>	491	<i>R. d'Italie.</i>	16	<i>R. des Vandales.</i>	6
<i>Indiction.</i>	14	<i>R. de Perse.</i>	10	<i>R. des Lombards.</i>	4
				<i>R. des Escoffois.</i>	10

FLA. OLYBRIVS IVNIOR Consul sans adioint.

SOVS lequel l'Empereur Zenon d'Orient mourut à Constantinople le 6. iour d'Avril: auquel fut incontinent substitué à la faueur & instance de l'Imperatrice Ariadne, femme du defunct, qui auoit enuie de l'espouser, Anastasius, qui n'estoit au parauant qu'Huissier de la chambre Imperiale, homme factieux & turbulent au possible, mais encore plus ennemy de la vraye religion & des Catholiques, selon que la plupart des Historiens ont escrit. Dequoy comme Euphemius Patriarche de Constantinople eut quelque soupçon, il luy fit auant que le couronner iurer & promettre par escrit signé de sa main, qu'il n'innoueroit rien contre le decret du Concile de Chalcedone, ains qu'il le maintiendrait en son entier. Mais les autres ont eu meilleure opinion de luy. Car Euagrius li. 7.

K

chap. 30. declare qu'il fut homme fort prudent & politique, qui s'estudia de tenir tous les subiects de son Empire tant laiz qu'Ecclesiastiques en paix & concorde, sans vouloir permettre qu'il fust rien innoué au gouvernement de l'Eglise plus qu'à celui de la Republique. Mais qu'il emploia tous ses esprits à rendre les Eglises sans trouble & tumulte, & à chasser toutes les occasions de discorde & de contentions tant des choses Ecclesiastiques que civiles. Mais pource qu'il laissa viure vn chacun de ses subiects en liberté de leurs consciences, & qu'il ne voulut vlc de force plus enuers les heretiques que les Catholiques, sinon sur ceux qui excitoient tumultes, seditions & scandales pour la religion de quelque faction qu'ils fussent, celà la fait mettre au nombre des mauuais Empereurs par la plupart des autres Historiographes. Combien que Zonare & Cedrenus enle descriuât pour vn Prince ennemy de la vraye & pure religion, qui tenoit l'heresie des Synchitiques, c'est à dire des confondans les deux natures de Iesus Christ en vne; confessent neâtmoins qu'il fut fort assidu au seruice diuin, qu'il se trouuoit au tēple dès deuât le iour, & n'en sortoit que l'assemblée Chrestienne ne fust enuoiee, demeurant avec icelle en prieres. Qu'il ieusnoit souuent, faisoit de grandes liberalitez & aumosnes aux pauvres & indigens: qu'il chassa tous les flatteurs & delateurs non seulement de sa cour, mais aussi de la cité. Qu'il fit aussi que souz luy les offices & dignitez ne furent venales. Et qu'il se gouverna en toutes autres choses fort honnestement & magnifiquement au gouvernement de la Republique. Parquoy Dieu permit que l'Empire fut gouverné par luy l'espace de 27. ans, 3. mois, trois iours: comme nous recueillons de Marcellinus Comes, d'Euagrius, Theodore Lecteur, des deux Nicephores, Zonare, Cedrenus, Michael Glyca. Quant à ce qu'il se trouue escrit en Euagrius qu'il commença de regner en la 207. annee de l'Empire de Diocletian, 532 & 7. mois de l'Empire du grand Auguste, 832. & 7. mois du regne du grand Alexandre, 1052. & 7. mois de la fondation de Rome, & 168. & 7. mois de la prise de Troye: on voit bien qu'aucuns de ces nombres-là ont esté corrompus par la faute des escriuains. Car les deux premiers sont vrais: pour le troisieme il faut lire huit cens soixante deux, à compter depuis le trespas d'Alexandre, ou 872. depuis le regne de Seleucus: pour le 4. 1242. & pour le dernier 1674.

GVNDAMVND Roy des Vvandales, entendant en quelle disposition estoient les affaires d'Italie, enuoia gens de sa part pour contracter alliance & confederation avec le Roy Theodoric. En vertu de laquelle il laissa la Sicile en paix, que ses gens auoient accoustumé de molester de courses continuelles. Lors le Roy Theodoric tenoit tousiours assiégué dedans Rauenne le Roy Odoacer: lequel voulut donner vne fois vne forte escarmouche au camp des Ostrogoths, où il en desfit vn grand nombre, mais il fut en fin contraint de se retirer dedans la ville, donnant loisir au Roy Theodoric d'aller reduire à son obeissance les autres villes d'Italie, qui luy estoient encore contraires, avec vne partie de son armee. Cassiodore, Iordane, Iornandes, P. Diacre.

LES Lombars estoient en ce temps tributaires des Eruliens. Procopius.

PATRICIVS second Euesque d'Hibernie mourut en l'age de 122. ans, selon Sigebert & Vincent de Beauuais: lesquels avec d'autres luy attribuent l'inuention du purgatoire d'Hibernie. Mais Iean Balæus Anglois le rapporte à vn autre Patricius, qui vint long temps apres.

HELIAS successeur de Salustius fut 54. Euesque de Herusalem l'espace de vingt trois ans.

Du Monde.	4628	Papes.	1	R. des Vuisigoths.	8
De Rome.	1243	E. d'Orient.	2	R. des Vvandales.	7
De Iesus Christ.	492	R. d'Italie.	17	R. des Lombards.	5
Indiction.	15	R. de Perse.	11	R. des Escoffois.	11
		R. des François.	9		

FLA. ANASTASIUS AVG. & FLA. RVFFINVS, Consuls.

LONGINVS frere de l'Empereur Zenon, mal content de ce que l'Empereur Anastasius luy auoit esté preferé, s'esleua contre luy, & luy commença la guerre au pais d'Isaurie

d'Isaurie, qui dura 6. ans. En laquelle il eut de son party vn Capitaine natif dudit pais nommé Athenodorus. Qui pourroit bien auoir esté la cause pourquoy Anastasius pour s'acquiescer la faueur du peuple fit oster en ce temps & abolir le tribut nommé Chrysargire, qu'on auoit accoustumé de payer aux Empereurs de 4. ans en 4. ans, tant pour chascun teste de bestes que d'hommes, de quelques estats, aages, condition, sexe ou qualité qu'ils fussent. Marcell. Com. Euagrius, Cedrenus.

ODOACER fut encore toute ceste année assiégré dedans Rauenne par les Ostrogoths.

GONDEBAULT Roy de Bourgongne esperant faire son profit des troubles qui estoient en Italie, passa les Alpes avec vne grande armee : & apres auoir pillé & rauagé toute la Ligurie, & receu les villes de Piedmont par composition en son obeissance, se retira en son pais chargé de despouilles & d'un merueilleux butin, ensemble aussi d'un grand nombre de prisonniers. P. Diacre. liu. 16. Cassiodore a fait aussi mention de ce voiage en ses Epistres, où il en parle selon le vent d'Italie.

Les Anglois festants mis aux champs à grande armee contre les Bretons, les vindrent choquer aupres d'un mont nommé Blachemorac ou Badouis. Mais le malheur y tomba si bien sur les Anglois, qu'ils y perdirent leurs Rois Osca & Otha, avec vn nombre infiny de leur gendarmerie. Ce que les histoires disent estre aduenu en la 44. année depuis la premiere arriuee des Anglois en la grande Bretagne. Gildas adioute, qu'il naquit en la mesme année: Beda & Polydore, que les Anglois firent succeder Himeric, qui fut pere du Roy Ethelbert, ausdits Osca & Otha en leur Royaume.

Vn Synode assemblé à Constantinople par l'Euesque Euphemius conferma les decrets du Concile de Chalcedone. Cedrenus.

A Felix 2. Euesque de Rome decedé le 28. iour de Feurier, succeda Gelasius premier de ce nom, natif d'Afrique, & fils d'un Euesque qui se nommoit Valerius. L'élection duquel fut faite (tesmoin Onufrius) le 3. iour de Mars. Depuis lequel il tient qu'il gouerna l'Eglise Romaine iusqu'à son trespas l'espace de 4. ans, 8. mois, 19. iours. Ses escrits, par lesquels il refute tres-viuent l'heresie Eutychieenne, tesmoignent qu'il a esté homme de grand sçauoir & bien zelé à la defense de la pure & vraye doctrine du fils de Dieu: Les autres aussi disent, qu'il signia son election par lettres à l'Empereur Anastase, & l'admonesta de faire maintenir la doctrine qui auoit esté confirmée au Concile de Chalcedone: ensemble aussi de faire effacer des Diptyches les noms d'Acacius & de Frauitas, qui estoit le seul point qui tenoit en schisme l'Eglise Romaine (qui n'en vouloit rien rabatre) d'avec la Grecque: nonobstant que le Patriarche Euphemius fist tous ses efforts iusques au danger de sa personne, de maintenir la vraye religion. A cause dequoy l'Empereur ne fit pas grand cas des remonstrances de Gelase, pource qu'il festoit proposé (comme tesmoigne Euagrius liu. 3. chap. 30.) de tenir les Eglises de son Empire toutes en repos & en tranquillité, selon l'estat auquel elles se trouuerent à son aduenement: sans permettre qu'il y fust rien innoué ny changé par trouble ne par tumulte. Car là où la doctrine du Concile de Chalcedone estoit preschée, il ne voulut pas qu'on l'en ostant: & là où elle ne l'estoit, qu'on l'y preschast de force & de sedition. Ny que les Euesques des diuerses factions s'excommuniasent & anathematissent les vns les autres, ou inuectiuassent l'un contre l'autre: ne qu'on preschast aussi seditieusement es assemblees publiques pour ou contre le Concile de Chalcedone, de peult d'esmouuoir sedition: ains que chacun marchast du pied qu'il auoit accoustumé sans tumulte & sans bruit. Pour ce que quand il vint à l'Empire, il trouua vne merueilleuse confusion en l'Eglise, à cause des querelles, dissensions & partialitez qui y estoient. Car les vns retenoient si fermement le decret de Chalcedone, sans y vouloir admettre aucun changement en la lettre ny au sens, qu'ils n'eussent pas voulu conuerser ny communier en aucune maniere avec ceux qui l'oppugnoient ou repudioient. Ceux cy aussi se comportoient de mesme façon enuers leurs contraires. Autres tenoient chemin moié; aimas la cōcorde se tenoient à la lettre Henotique de Zenon, qui estoit cōme vn Interim de nostre temps. Et n'estoient lors les Eglises d'Occident & d'Afrique plus tranquilles que les Orientales. Car l'heresie Arrienne y mettoit vne mesme begarrerie.

K ij

<i>Du Monde.</i>	4629	<i>Papes.</i>	2	<i>R. des Visigoths.</i>	9
<i>De Rome.</i>	1244	<i>E. d'Orient.</i>	3	<i>R. des Vandales.</i>	8
<i>De Iesus Christ.</i>	493	<i>R. d'Italie.</i>	1	<i>R. des Lombards.</i>	6
<i>Indiction.</i>	1	<i>R. de Perse.</i>	1	<i>R. d'Ecosse.</i>	12
		<i>R. des François.</i>	10		

EVSEBIUS CHRONIO pour la 2. fois Consul, avec DECIVS ALBINVS.

S-O-V-Z lesquels les Scythes entrèrent à grande puissance dedans le pays de Thrace, & y desconfirent vne armee de Romains enuoiee contre eux souz la cōduite de Iulianus Coronal de la Gendarmerie Imperiale.

A-V. mesme temps aussi l'esmeut vne grande sedition & mutinerie en la cité de Constantinople contre l'Empereur, qui fut à grande difficulté appaisée. Marcell. Comes.

Commencement du regne des Ostrogots en Ita'ie.



DOACER se maintenoit tousiours si brauement dedans la cité de Rauenne, que Theodoric ne pouuoit venir à chef de luy. A cause dequoy il l'aduista que la force luy seruiroit moins que la ruse. Parquoy il fit vne paix fourree avec luy, qui fut traittee le 26. iour de Feurier, suyuant les conuentions de laquelle ils deuoient (ce dit Procopius) iouir tous deux egaleme[n]t de la principauté de Rauenne, ou bien (selon les autres) fut à Theodoric seulement permis d'entrer dedans Rauenne le 13. iour de Mars ensuiuant pour s'y rafraischir seulement. Mais il l'accompagna de si grand nombre de gens, qu'il s'y trouua le plus fort. Au moyen dequoy il y fit massacrer cōtre toute fidelité & loyauté le Roy Odoacer avec tous ses principaux Capitaines. Et puis donna vn autre Roy aux Heruliens, souz lequel il les enuoya faire leur demeure en vn certain païs hors de l'Italie. De laquelle cependant il se rendit possesseur, & s'en fit nommer & couronner Roy. De façon que les Historiens comptent que son regne y dura depuis le trespas de son aduersaire iusques au sien, l'espace de trente trois ans, cinq mois, vingt huit iours. Selon la supputation qu'on en peut faire Chronicon ancien, Cassiodore, Iornandes, P. Diacre.

COMBIEN que Procopius fait compte que Theodoric a regné 37. ans en Italie. Mais il est certain qu'il prēd leur commencement dès l'entree d'iceluy en Italie. Ce pendant luy & tous les autres Historiens de ce temps rendent vn si excellent tesmoignage de luy, qu'ils l'ont osé comparer aux plus vertueux & grands Princes qui ayent esté en tous les siecles precedents: pource qu'il estoit accomply en toutes les vertus & conditions tant militaires que ciuiles & politiques, autant qu'on scauroit desirer en vn Monarque. Au moyen dequoy l'Italie fut continuellement souz luy sans aucun tumulte ny sedition. Car il l'entre tint en l'estat auquel elle estoit souz les Empereurs d'Occident, sans violer les priuileges d'icelle, laissant au Senat de Rome son autorité telle qu'il l'auoit eu au parauant. Et se rendant autant iuste, equitable & debonnaire enuers les Italiens qu'à l'endroit des siens propres, dont il estoit autant agreable aux vns qu'aux autres. Mais d'autant qu'il se fit aimer des siens, d'autant aussi se fit honorer & redoubter de tous les Rois, peuples & nations d'alentour de luy. Tellement que nul n'osa oncques de son viuant entreprendre sur son estat ne sur l'Italie. Ains ne s'est veu aucun de qui l'alliance & confederation ait esté plus curieusement recherchee que la sienne.

LORS Clouis Roy des François estat en la 10. annee de son regne, fit guerre aux Toringiēs de telle façon qu'il les vainquit & cōtraignit de prendre la loy de luy. Comme tesmoigne Gregoire de Tours, sans faire mention de la cause qui l'incita d'entreprendre ceste guerre, ne s'il la fit aux peuples de Liege, & de Brabant, qu'il appelle ailleurs Toringiens, ou aux Turingiens de delà le Rhin, desquels sa mere estoit sortie, ny mesme s'il leur l'alla faire iusques sur leur terre, où si eux s'estoient ingerez de venir courir sur les siennes.

CANADES

CANADES ou Cabades Roy des Perſes, ayant fait vn edict, par lequel il vouloit que toutes femmes fuſſent communes en ſon Royaume, irrita tellement ſes ſubieſts à l'encontre de luy, qu'ils le depoſerent; & puis l'enſerrerent en vne priſon, qu'on diſoit de la mort, pour y eſtre perpetuellement, donnant ſon Royaume à vn ſien frere nommé Zambazes par Agathius, & par Procopius & Nicephore Calixte liu. 16. chap. 36. de ſon hiſtoire Eccleſiaſtique. Blaſius ou Blaſes, lequel regna 4. ans: combien que Procopius n'en compte que deux.

SOVZ le Pape Gelafe fut celebré le Concile dict Epaonenſe, qui me ſemble auoir eſté au Royaume de Bourgogne, pource que le liure des Conciles tient que ce fut auffi ſouz vn Roy Sigismund. Quant aux decretſ qui furent faitſ en ce Synode, vne partie ſe trouue eſtre ceux qui ſont attribuez à Gelafe. Mais l'autre n'eſt quaſi que des repetitions des Canons des autres Conciles.

Du Monde.	4630	Papes.	3	R. des Viſigoths.	10
De Rome.	1245	E. d'Orient.	4	R. des Vandales.	9
De Ieſus Chriſt.	494	R. d'Italie.	2	R. des Lombards.	7
Indiction.	2	R. de Perſe.	2	R. d'Eſcoſſe.	13
		R. des François.	11		

TVRCIVS SECVNDVS ASTERIVS, & FLA. PRESIDIVS, Conſuls.

VNE armee de Bulgariens courut & pillà en ce temps tout le païs de Thrace. Paul Diacre.

ANASTASIUS ne vouloit point de bien à Euphemius Patriarche de Conſtantinople, tant pource qu'il auoit extorqué de luy vne promeſſe de ne rien innouer cōtre la ſentence du Concile de Chalcedone, que de ce qu'il ne le peuuoit induire (cōme dit Cedrenus) à la luy rendre, ny à s'entēdre avec luy, ſans s'affectionner trop euidentement contre les improbateurs dudit Concile. Car Euagrius fait auffi mention de ceſte cauſe. Il commençà (teſmoin Marcellinus Comes) ceſte année de manifefter la mauuaiſe volonté qu'il luy portoit: car il apoſta vne faulſe accuſation ſur luy, par le moyen de laquelle il le fit depoſer de ſon ſiege l'année d'apres, & aller en exil en vn lieu qu'il luy assigna, où il acheua le reſte de ſes iours. Pour laquelle occaſion quelques hiſtoriens, qui ont eſcrit des Papes, ont voulu dire que Gelafe excommunia l'Empereur Anaſtaſius. Mais d'autant que pas vn de tous les hiſtoriens Grecs n'en dit rien, & que celà euſt courroucé ceſt Empereur en mauuaiſe ſaiſon, lors qu'il s'employoit à procurer pour l'Italie enuers le Roy Theodoric, à ce qu'il la traittaſt gracieuſement avec le Senat & la cité de Rome, & que Marcellinus declare qu'Euphemius fut condamné pour vne faulſe accuſation, celà nous fait croire que il fut chaſſé pour quelqu'autre pretexte que de la ſimple Religion: ſinon, que ce fuſt pour s'en eſtre trop tumultueuſement paſſionné, contre l'ordonnance de l'Empereur, qui (comme declare Euagrius) ne vouloit point ouyr parler d'aucun tumulte ny contention en l'Egliſe. Et qui pour la meſme cauſe de chaſſa auffi des Eueſques Eutychiens de leurs ſieges: ioinct qu'il n'eut pas admis Macedonius au lieu d'iceluy, qui ne ſe monſtra moins ardent à la deſenſe de la pure & ſincere Religion. Dont nous concluons qu'il n'eſt rien de l'excommunication qu'on a voulu pretendre.

De l'origine des Heruliens.

LES HERULIENS ſe diſans (comme eſcrit Iornandes, iſſuz de la grāde Scandinauie) & ayans eſté anciennement chaffeſ d'icelle, ſ'eſtoient venuz renger & habiter auprès des Mareſ Mœotides, où ils ſejourn. rent quelques ſiecles; iuſques à ce qu'eſtans par decours de temps accreuz & multipliez de forces & de multitude d'hommes, ſe rendirent vainqueurs & ſuperieurs de tous les peuples leurs voiſins. Au moyen dequoy ils rapprocherent leur demeure iuſques auprès du Danube, &

du païs d'Illyrie, ainsi que declare Procope. Or comme ils donnaissent la loy à tant de nations (entre lesquelles estoient les Lombards) qu'ils en receuoient tribut & obeissance sans contradiction, occasion vint à leur defaillir d'employer leurs armes: dont il fallut qu'ils demeurassent en paix & en repos l'espace de trois ans, sans molester personne. Lesquels leur semblerent durer si long temps, pour le desir qui les chatoüilloit de guerroyer, qu'ils ne se peurent retenir d'avantage de chercher matiere & occasion de faire guerre sur leurs amis, en default de ne la pouvoir trouver sur leurs ennemis. Tellement que suiuant ce seul motif, & sans aucune autre occasion valable, ils commencerent en ce temps la guerre aux Lombards, qui estoient leurs tributaires. Lesquels faisans de necessité vertu, se defendirent si vertueusement, qu'ils desconfirent avec vn merueilleux massacre leurs ennemis: tellement que leur Roy Rodolfe y fut occis, accompagné de si grand nôbre de ses gens, que ceux qui resterent reduits en vne petite troupe, furent contraincts de laisser les Lombards non seulement en paix, mais aussi d'abandonner leur païs accoustumé. Tellement qu'une partie d'eux se vint accommoder & habiter en l'Illyrie. Autres s'allerent ranger en la contrée habitee autresfois par les Rugiens, dont ils partirent puis apres pour aller gouter de l'Italie: de laquelle la peste les fit encore reuenir chercher leur demeure aupres des Gepides. Mais ceux qui estoient du sang Royal entr'eux, s'en retournerent en leur ancienne patrie, qui estoit la Scandinauie: vers lesquels les Heruliens qui estoient demeurez és contrées de deçà, enuoyerent querir cy apres au temps de l'Empereur Iustinian, le Roy que Procopius liu. 2. de la guerre Gotthique nomme Hathin ou Darin, que Ioannes Magnus liu. 8. chap. 32. de son histoire Gotthique, estime auoir aussi esté Roy de Suesse & de Gotlandie, & fils du susdit Roy Rodolfe: le pere duquel auoit esté Tordo Roy de Suesse. Qui me fait estimer que ce Rodolfe pourroit semblablement estre celuy que Iordanes dit estre party de la Gotlandie, pour aller en Italie, trouver le Roy Theodoric. Nous auons tesmoignage en vn Panegyrique dedié à l'Empereur Maximian cōpagnon de Diocletian, que les Heruliens estoient habités des plus loingtaines parties de la Germanie dès le temps d'iceluy.

Vn Synode fut celebré à Rome par l'auctorité du Pape Gelase, touchant l'Eucharistie. Liure des Conciles.

<i>Du Monde.</i>	4631	<i>Papes.</i>	4	<i>R. des François</i>	12
<i>De Rome.</i>	1246	<i>E. d'Orient.</i>	5	<i>R. des Visigoths.</i>	11
<i>De Iesus Christ.</i>	495	<i>R. d'Italie.</i>	3	<i>R. des Vandales.</i>	10
<i>Indiction.</i>	3	<i>R. de Perse.</i>	3	<i>R. des Lombards.</i>	8
				<i>R. des Escoffois.</i>	14

FLA. VIATOR, & FLA. ÆMILIUS, Consuls.

CLOVIS apres auoir subiugué les Turingiens, estedit les limites de sa domination iusques à la riuere de Seine, comme tesmoignent les Annales de Iordanes & Sigebert. Ce qu'il faut entendre des païs maritimes de la Gaule iusques auxquels la Seine se va rendre en la mer, qui sont aujourd'huy nommez Normâdie. Car le Roy Childeric auoit ia esté plus auant que la Seine.

THEODORIC Roy des Ostrogoths, apres auoir reduit la Sicile en son obeissance par Cassiodore le Senateur, & la Dalmatie & Rhœsie par autres, se mit à establir & fortifier son estat par alliances & mariages avec les Rois ses voisins. Car il prit en mariage Audeffede (qu'on interprete Blanchefleur) sœur ou (comme veult Iornandes) fille, s'il en pouoit auoir ia vne mariable, du Roy Clouis: & donna sa fille Theodobise à Alaric Roy des Visigoths: vne autre nommee Ostrogute à Sigismund fils de Gondebault Roy de Bourgongne: & la fille de sa sœur nommee Amalberge à Hernenford Roy de Turinge. Et puis enuoya de sa part Epiphanius Euesque de Pauie, homme de grande reputation, tant pour son sçauoir que pour sa saincteté de vie, à Gondebault Roy de Bourgongne, pour transiger avec luy de la redemption des prisonniers qu'il auoit emmenez cy deuant d'Italie. Paul Diacre.

Vn Synode assemblé à Rome par l'auctorité de Gelase, restitua vn certain Messenus Euesque, qui auoit esté cy deuant depose par Simplicius, apres auoir cogneu sa penitence. Naucier, Onufrius.

ARSACES

ARSACES Roy d'Armenie estant alié & confederé du Roy de Perse, fut accusé envers luy de machiner & vouloir entreprendre contre l'estat des Perses. A cause dequoy il l'enuoya querir souz pretexte d'amitié. Mais il le retint prisonnier, le confinant en la prison que les Perses appelloient de la mort. Où vn sien amy le vint visiter par la permission de Blases, & puis le mit à mort, s'estimant faire beaucoup pour luy en le deliurant de la captiuité où il estoit. Agathius liu. 1.

A Euphemius depose fut substitué au siege Patriarchal de Constantinople vn nommé Macedonius, qui estoit au parauant garde des tresors de l'Eglise, du consentement de l'Empereur Anastase, nonobstant qu'il le cognust estre bon Catholique. Mais Cedrenus dit qu'il le fit premierement souscrire à la lettre de Concorde qu'on appelloit Henoticon de Zenon: afin de contenir ou reduire en vnion les Catholiques avec les Eutychiens: comme tesmoignent Euagrius, Marcellinus Comes, Zonare & Cedrenus, selon lesquels ce Macedonius presida 16. ans, & non 6. mois seulement, comme Nicephore a escrit.

Du Monde.	4632	Papes.	5	R. des Visigoths.	12
De Rome.	1247	E. d'Orient.	6	R. des Vandales.	11
De Iesus Christ.	496	R. d'Italie.	4	R. des Lombards.	9
Indiction.	4	R. de Perse.	4	R. d'Ecosse.	15
		R. des François.	13		

FLA. PAVLVS Consul. sans adioint.

L'ARMEE de l'Empereur enuoiee en la Cilicie souz la conduite du Capitaine Jean Scytha deffit en champ de bataille les rebelles. Tellement que les chefs, nommément Athenodore, demurerent occis sur le champ, & furent leurs testes portees à l'Empereur. Qui fut la fin de la guerre Isaurique. Marcell. Comes, Euagrius, Nicephore liu. 6.

CLOVIS continuant ses victoires & conquestes, fit tant par ses prouesses qu'il fit aller les limites de son Royaume iusques à la riuiere de Loire. Sigebert & Iordanes. Ce qu'il faut entendre des pais de l'Armorique qu'on dit au iourd'huy la petite Bretagne: car Childeric estoit ja paruenue iusques à Angers & Orleans. Gregoire liu. 4. dit aussi que les Bretons furent subiuguez par Clouis.

IOANNES surnommé Hamulla, successeur d'Athanasius en l'Euesché d'Alexandrie, presida neuf ans. Nicephore. Euagrius tesmoigne que ce Jean fut des Improbateurs du Concile de Chalcedone, comme auoient esté ses deux predecesseurs, & qu'il sollicita cy apres Flavianus d'Antioche de communier avec luy.

GELASE Pape de Rome mourut ceste annee le 21. iour de Nouembre, & le 27. du mesme mois Anastasius 2. de ce nom natif de Rome fut esleu pour gouverner l'Eglise Romaine en son lieu. Ce qu'on tient qu'il fit l'espace d'un an, vnze mois, vingt-quatre iours. Platine escrit qu'il se monstra du commencement bien zelé, au maintien de la doctrine Catholique contre les Eutychiens & Nestoriens. Tellement qu'il excommunia pour ceste cause l'Empereur Anastasius. Mais qu'il fut bien tost apres seduit par Acacius cy deuant Euesque de Constantinople; de façon qu'il deuint fauteur de la mesme heresie qu'il auoit condamnée: & fit tous ses efforts de reuoker d'exil ledit Acacius. A cause dequoy il est pris pour le second des Papes (ayant esté Liberius le premier) infames & notez d'heresie. De sorte qu'on tient qu'il fut à la fin frappé du iugement de Dieu, en telle sorte qu'il creua, les boyaux luy sortans du ventre comme il estoit assis au retraict. Ce qui est plaine-ment faux. Car Acacius estoit long temps auparauant decedé, sans auoir esté depose, ny enuoyé en exil, quoy que Simplicius l'eust excômué. Mais il se peut faire qu'on a eu mauuaise opinion de luy, pource qu'il ne fut si ardent que ses predecesseurs à poursuiure ce qu'iceux auoient commencé contre Acacius. Combien que Sidonius ne l'a voulu confesser, descriuant qu'il enuoia comme ils auoient fait deux Euesques vers Anastase, pour l'admonester de faire effacer le nom dudit Acacius & de ses compagnons de tous les Diptyches des Eglises d'Orient. *Quoniam* (dit-il) *nihil tum erat, quod Pontificis Romani curam vehementius exerceret.*

K iij

<i>Du Monde.</i>	4633	<i>Papes.</i>	1	<i>R. des Vuisigoths.</i>	13
<i>De Rome.</i>	1248	<i>E. d'Orient.</i>	7	<i>R. des Vandales.</i>	12
<i>De Iesus Christ.</i>	497	<i>R. d'Italie.</i>	5	<i>R. des Lombards.</i>	10
<i>Indiction.</i>	5	<i>R. de Perse.</i>	1	<i>R. des Escoffois.</i>	16
		<i>R. des François.</i>	14		

FLA. ANASTASIVS AVG. pour la 2. fois Consul, avec VENANTIVS DECIVS.

LONGINVS surnommé par Marcellinus Selinunteus, & Indus natif d'Isaurie, compagnons des Rebelles precedents, voulurent apres leur mort s'emparer de la principauté d'Isaurie. Mais vn Capitaine de l'Empereur nommé Iean Cyrtus les vainquit de rechef, & prit prisonniers. De façon qu'il les enuoya en triumphe à Constantinople. Au moyen dequoy les Isauriens furent entierement domptez, & contraints de se rendre tributaires de cinq cens liures d'or à l'Empereur. Autheurs precedents.

EN ce Consulat les Vuisigots deffirent vn Capitaine nommé Burdunellus, qui s'estoit emparé par tyrannie des villes que les Romains tenoient encore en Espagne: & l'ayant entre leurs mains, le firent cruellement mourir. Et puis se mirent en possession des terres qu'il auoit occupees. Qui est-ce qu'un ancien autheur Espagnol a voulu dire, apres auoir parlé de la deffaire de Burdunellus, que *Hoc anno nempe Anastasii Imperatoris vij Consule Anastasio Aug. Gotthi in Hispaniis sedes acceperunt.*

CANADES cy deuant Roy des Perles, estant eschappé de la prison où il estoit detenu par la ruse & subtilité de sa femme, de laquelle il prit les habits, pource qu'elle auoit liberté de l'aller visiter, se retira vers le Roy des Nepthalites, lequel luy donna vne armee, à l'aide de laquelle il se mit & restitua en son Royaume. Ioinct que Zambazes y renonça volontairement. Par ainsi on tient qu'il regna de rechef iusqu'à la 5. annee de l'Empire de Iustinian. Agathius.

LE chasteau de Melun sur Loire, s'estant rebellé contre le Roy Clouis, & donné à vn de ses principaux Conseillers nommé Aurelien, fut repris de force par les François, avec tout le terroir & appartenances d'iceluy. Chron. & Annal. de France.

ENVIRON ce temps Vterpandragon, Roy des anciens Bretons, mourut, laissant vn fils nommé Artus, qui tint son Royaume apres luy, & fut au rapport des histoires d'Angleterre si vaillant & heureux en guerre, qu'on estime que s'il eust plus long temps vescu, qu'il ne fit, qu'il eust entierement chassé les Anglois de toute la Bretagne. Qui semble auoir esté la cause & occasion des fables & menfonges qui ont esté cy apres escrites & publiees de luy & des Cheualiers de la table ronde instituez par luy. On tient cependant qu'apres luy ont regné en ligne continuelle sur lesdits Bretos 8. Rois, iusqu'au Roy Cadoualadrus, à sçauoir, Aurelius, Connanus, Vvortiporius, Malgigo, Caretius, Heli, Cadaanus, Cadoualus, qui fut pere de Cadoualadrus, duquel nous parlerons cy apres.

HONORATVS Euesque de Marseille, homme excellent en doctrine & en eloquence, laquelle il auoit si prompte & à commandement qu'il pouuoit prescher fort disertement & sans premeditation, estoit en ce siecle en bruit avec Gennadius son contemporain & prestre de son mesme diocese, lequel a redigé par escrit les escrits des autheurs Ecclesiastiques de son temps. Tritemius.

AV mesme temps Epiphanius Euesque de Paue, homme fort bien renommé en ce siecle, pour les bonnes parties qui estoient en luy, mourut au retour d'un voiage qu'il venoit de faire vers le Roy Theodoric, pour obtenir allegement des tributs pour les peuples de la Ligurie. Sigonius.

Du Monde

<i>Du Monde.</i>	4634	<i>Papes.</i>	2	<i>R. des Vvisgoths.</i>	14
<i>De Rome.</i>	1249	<i>E. d'Orient.</i>	8	<i>R. des Vvandales.</i>	1
<i>De Iesus Christ.</i>	498	<i>R. d'Italie.</i>	6	<i>R. des Lombards.</i>	1
<i>Indiction.</i>	6	<i>R. de Perse.</i>	2	<i>R. d'Efcosse.</i>	17
		<i>R. des François.</i>	15		

DECIVS PAVLINVS, & IOANNES SCYTHA, Consuls.

CANADES fit paix avec l'Empereur Romain, en la 2. année de son regne. Niphore Cal. liu. 16. de son histoire Ecclesiast.

CLOVIS Roy des François, étant en la 15. année de son regne, eut (comme tesmoignent tous les anciens & modernes historiens François) guerre contre les Alemans : mais aucun d'eux n'en a déclaré la cause ny le motif, sinon les modernes, qui se sont persuadés que ce fut à l'occasion des Sicambriens (ou selon les autres) Vbiens peres & alliez des François, qu'on guerroyoit. Mais d'autant que le nom des Sicambriens n'estoit lors plus en estre, j'estime que par eux on a entendu les François Ripuaires, qui habitoient le long de la coste du Rhin, qui est dedans la Gaule : dedans le pais desquels les Alemans estoient entrez pour y faire leur profit. Auentin liu. 2. les a voulu prendre pour les Sueuiens, estimant que ce n'a esté qu'une nation comprise souz ces deux noms-là. Ce que toutesfois ie ne luy peux accorder : combien que ie ne veux debatre que les Sueuiens n'ayent esté compagnons des Alemans (desquels ils estoient voisins) en ceste entreprinse, souz la conduite de leur Roy Alaric, qui auoit avec soy les Baioariens ou Bauariés & leur Roy Adalagerion : mais tant y a que Clouis, soit pour ceste occasion ou autre, se vint trouuer avec vne grande armee au pais de Toul, ayant avec soy Siagre ou Sigebert Roy de Cologne : ce qui cōferme nostre iugement : où les Alemans le vindrent aussi rencōtrer avec leurs forces, aupres d'un village appellé Tolbiac. Et fut la charge si furieuse qu'ils se donnerent, que la chance fut en bransle de tomber sur les François : qui fut causé de faire esleuer la pēce du Roy Clouis au Dieu que sa femme adoroit : en faisant vœu de se faire Chrestien, s'il obtenoit lors la victoire de ses ennemis. L'issue finalement fut telle, que le desastre se renuersa sur eux comme il auoit desiré, & si à bon escient que le champ en demeura couuert d'un infinité de morts, estans mesmes leurs deux Rois du nombre. Ce qui fit si bien faillir le cœur à ceux qui estoient restez, qu'ils receurent le ioug & la loy des François. De maniere qu'ils permirent que leur Royaume fust par le Roy Clouis reduit en prouince, & erigé en Duché appellé d'Alemagne : sous laquelle estoient compris non seulement les Souabes ou Sueues, mais aussi les Alsatiens, & vne partie des Heluetiens, dictés maintenant Suisses, avec plusieurs autres peuples voisins. Aufquels semblablement il donna de sa main un Gouverneur ou Lieutenant appellé Duc. Mais Theodon succeda de son consentement à son pere Adalagerion en la principauté de Bauiere, à cōdition de la tenir feodalement de luy : souz tiltre de Duc seulement : comme Beatus Rhenanus, Auentin & Munster tesmoignent. Il se trouue vne lettre du Roy Theodoric d'Italie à Clouis entre celles de Cassiodore Senateur Romain, qui luy seruit de Chancelier ou de Principal secretaire : par laquelle il l'admonnesta soy cōtenter d'auoir les Alemans pour subiects, puis qu'ils ne luy demandoient que la vie sauue : que leurs Rois ayans esté occis en bataille, & eux tuez en si grand nombre, l'orgueil de ce peuple auoit esté chastié suffisamment : qu'il se portast donc modestement en la victoire. Car s'il vouloit faire la guerre au reste, il donneroit à cognoistre qu'il ne les auoit encore entierement vaincuz. Finalement Gregoire de Tours, Aimoinus, Ado & Sigebert disent, que Clouis, à son retour, se fit suiuant son vœu instruire en la Religion Chrestienne, & baptizer en la ville de Reims par saint Remy, donnant exemple aux François de faire le semblable. Les histoires de France adioustent qu'il prit alors les fleurs de Lis en ses armoiries, au lieu (comme dit Paul Æmile) de trois couronnes de Guellés en champ d'argent : ou selon Tritemius un Lion d'or en champ de sable. Combien que d'autres disent trois Croissants. Laquelle diuersité a fait estimer au seigneur Pasquier en ses recherches de France, que chacun Roy de France auoit lors en ses armoiries sa deuse particuliere à plaisir. Ioinct que du Tillet afferme que la banniere des fleurs de

Lis fut apportee en France par les ancestres de Hugues Capet. Qui plus est, Beatus Rhenanus se dit auoir leu en vn ancien autheur, que la banniere Royale que les Rois de France faisoient porter deuant eux en guerre, estoit seulement la chappe de saint Martin: de laquelle vint, comme il estime, le nom des Chappelains souz les Rois de la lignee de Charlemagne: iusques à ce que leurs successeurs eurent pris ce qu'on a appelé l'Oriflamme pour leur banniere Royale. Or combien que nous ayons racompté le baptême de Clovis souz ceste annee, si est-ce qu'il se pourroit bien estre fait en la suiuite, afin que nous ne soyons grandement esloignez du calcul de Hincmar Archeuesque de Reims: par lequel il le vult rapporter à l'an 500. de nostre salut.

D A D O, selon d'autres Taro Roy des Lōbards fut occis par son nepueu fils de son frere, nommé Vvachao, qui semble estre celuy que Procopius liu. 3. appelle Baces: lequel s'empara en ceste sorte de son Royaume, & le posseda dixhuit ans. Paul Diacre.

T R A N S I M V N D par le trespas du Roy Gundamund son frere, fut institué Roy des Vvandales en Afrique, sur lesquels il regna vingsept ans, en plus grande douceur & modestie que n'auoient fait ses predecesseurs, lesquels on dit aussi qu'il surpassa en prudence & en magnanimité; qui ne le peurent neantmoins exempter d'une grande playe & defconfiture qu'il receut en son regne par les Maurusiens. On le louë d'auantage de s'estre gracieusement & humainement comporté enuers les Chrestiens. Procopius.

C E S T E annee vn Senateur de Rome nommé Festus, fut enuoyé de la part du Roy Theodoric vers l'Empereur Anastase à Constantinople, comme tesmoignent Theodore Lecteur, Nicephore Caliste liu. 16. ch. 35. de son histoire Ecclesiast. Il y en a qui se persuadent que ce fut pour renoueller leurs amitez & confederations: mais estant cest Ambassadeur à Constantinople, persuada l'Empereur de faire celebrer en son Eglise la feste de saint Pierre & saint Paul. Et en faueur de ce que celà luy fut accordé, & qu'il y en eut vne ordonnance Imperiale faicte, il promit à l'Empereur en particulier d'induire à son retour le Pape Anastase à consentir & approuuer l'edict d'vnion ou de pacification, qu'on appelloit Henoticon fait par Zenon. Ils disent que ce fut luy qui mit par brigues & contentions le trouble & la diuision qui fut en l'eslection de Symmachus, luy ayant suscité son competeur, duquel il'esperoit obtenir ce qu'il auoit promis à l'Empereur. Procopius.

A N A S T A S I V S 2. du nom Pape de Rome, mourut (comme on dit) de la façon recitee cy deuant, le dixneuuesme iour de Nouembre. Au moyen dequoy le peuple s'assembla deux iours apres pour faire eslection d'un nouveau Pape: mais il se trouua diuisé en deux parties. L'une desquelles esleut vn Symmachus natif de Sardaigne: l'autre, vn Prestre de Rome nommé Laurent. A l'occasion desquels tous les estats de la eité de Rome furent merueilleusement troublez de schismes & partialitez, pour la faueur que chacun portoit à son esleu. Tellement qu'il fallut que Theodoric Roy des Ostrogoths interposast son auctorité pour les appaiser. Parquoy il fit assembler vn Synode d'Euesques à Rauenne; par le iugement desquels Symmachus fut confirmé en la Papauté: & son competeur pourueu de l'Euesché de Nocera, afin de le conforter. Si est-ce neantmoins que ses adherans le firent quatre ans apres reuenir à Rome: en sorte que Symmachus fut tout le temps de sa presidence (qu'on dit auoir duré quinze ans, sept mois, vingthuit iours) en peine & en falcherie. Cependant on escrit qu'ils s'addonna aussi bien à faire des nouvelles constitutions & ordonnances que ses predecesseurs, mesmement qu'il redigea la Messe en autre forme qu'elle n'estoit auparauant.

A l'occasion du schisme qui estoit en l'Eglise Romaine, furent celebrez sept Conciles: vn à Rauenne en presence du Roy Theodoric, & six à Rome. Le premier desquels fut tenu en ce Consulat souz Symmachus, auquel furent ordonnez certains decrets, pour obuier aux brigues & praticques qui se faisoient lors coustumierement en l'eslection des Papes. Liure des Conciles.

E N la 8. annee de l'Empereur Anastasius, Macedonius Patriarche de Constantinople: celebra vn Concile à Constantinople, par lequel il fit confermer le decret du Concile de Chalcedone: & suiuant iceluy s'efforça de reduire en vnion les Constantinopolitains, qui estoient diuisez les vns des autres par le Henoticon de Zenon. Cedrenus.

Du Monde.

Du Monde.	4635	Papes.	1	R. des François	16
De Rome.	1250	E. d Orient.	9	R. des Vvisigoths.	15
De Iesus Christ.	499	R. d'Italie.	7	R. des Vvandales.	2
Indiction.	7	R. de Perse.	3	R. des Lombards.	2
				R. des Escossois.	18

FLA. IOANNES GILBVS, & FLA. ASCLEPIVS, Consuls.
Les Bulgariens entrez à grande puissance dedans le país de Thrace, y deffirent l'armee que l'Empereur enuoya contr'eux, souz la cõduite du Capitaine Aristus, Coronal des Legions d'Ilyrie: & en occirent si grand nõbre , que l'cslite des meilleurs hommes y demeurera. Marcellinus Comes.
ALARIC Roy des Vvisigoths, receuant tous les bannis de France qui se retiroient en son Royaume, se monstroit porter enuie à la prosperité & aggrandissement des François. Qui fut cause d'engendrer premierement vne inimitié entre luy & le Roy Clouis, laquelle se couua si longuement, qu'elle s'alluma cy apres en vne guerre ouuerte. P. Æmile.
Le 2. Concile celebré souz Symmachus à Rome , fut tenu en ce Consulat. Liure des Conciles.
FVLGENTIVS natif d'Afrique, Abbé d'un Monastere d'aupres de Carthage, homme docte es lettres diuines, comme ses escrits tesmoignēt, & fort zelé au maintien de la vraye Religion, pour laquelle il fut grandement persecuté des Vvandales, florissoit en ce temps:

Du Monde.	4636	Papes.	2	R. des François.	17
De Rome.	1251	E. d Orient.	10	R. des Vvisigoths.	16
De Iesus Christ.	500	R. d'Italie.	8	R. des Vvandales.	3
Indiction.	8	R. de Perse.	4	R. des Lombards.	3
				R. des Escossois.	19

FLA. PATRICIVS, & FLA. HIPPIATIVS, Consuls.
THEODORIC Roy des Ostrogoths fit en ce Consulat sa premiere entree à Rome, & y fut receu fort triumpamment, faisant concevoir aux Romains un bon espoir de luy: car il auoit tousiours iusques alors fait sa résidence à Rauenne. Cassiodore.
CLOVIS se voyant apres la deffaite des Alemans grandement augmenté de puissance & d'Empire, & n'ayant plus d'ennemy estrãger à qui entendre, presta l'aureille aux suasions de sa femme, (qui desiroit l'employer à la vengeance de la mort de son pere) & de l'oncle d'icelle nõmé Godegisille ou Gondegisille, qui se plaignoit estre iniustemēt fraudé de sa succession paternelle par son frere. Tellement qu'à leur instance il mena vne armee contre le Roy Gondebault de Bourgongne, lequel il deffit en champ de bataille deuant la ville de Dijon. Et puis le contraignit de faire part de la moitié de son Royaume à son frere Godegisille, luy permettant de iouyr du reste à condition d'un certain tribut: auquel il s'accorda, afin d'estre delaisné en paix. Autheurs precedents, avec les Chroniques & Annales de France.
FLAVIANVS 2. du nom, successeur de Palladius, presida en l'Euesché d'Antioche 13. ans, selon Onufrius. Euagrius tesmoigne qu'il eut bonne opinion de la vraye doctrine, qui auoit esté consermee au Concile de Chalcedone, & qu'il fut grandement persecuté pour icelle.

Du Monde.	4637	Papes.	3	R. des François.	18
De Rome.	1252	E. d Orient.	11	R. des Vvisigoths.	17
De Iesus Christ.	501	R. d'Italie.	9	R. des Vvandales.	4
Indiction.	9	R. de Perse.	5	R. des Lombards.	4
				R. des Escossois.	20

RUFFIUS MAGNVS, FAVSTVS AVIENVS SENIOR, & FLA. Pompeius, Consuls.

VNE armée de Sarrazins qu'on appelloit Scenites, sortant de Carabie se desborda par la Syrie, Palestine, & Phœnicie: où elle fit beaucoup de maux & de rauages, iusques à ce que les Capitaines Romains eurent fait vn accord avec eux pour toute leur nation. Cedrenus, Euagrius.

L'ARMÉE de Clouis retiree en France, Gundebault se mit contre l'accord fait avec Clouis à pourfuiure son frere Gondégisille, de telle diligence qu'il l'alla enfermer & assiéger en la ville de Vienne, luy donnant si peu de loisir de s'y fortifier, qu'il entra dedahs par force, & le fit cruellement mourir. Qui fut cause de faire retourner le Roy Clouis avec nouvelle armée contre luy: qui le mit en tel point, que force luy fut d'abandonner son Royaume au pouuoir des François, & se retirer vers les Vvisgoths. La partie duquel qui est deçà la Sone, fut retenue par Clouis. Mais il rendit l'autre (comme estime Paul Émile) à Sigismund fils dudit Gundebault. Combien que Procopius liu. 1. tient qu'il en laissa vne partie à Theodoric Roy d'Italie, suiuant le Concordat qui auoit esté fait entr'eux deuant le commencement de ceste guerre, par lequel le Roy Theodoric deuoit aussi bien enuoyer vne armée de sa part pour la paracheuer q̄ Clouis. Et celuy de qui l'armée seroit arriuee apres que l'autre auroit combatu, deuoit foncer pour ceste tardiueté vne somme de deniers à son compagnon pour auoir part au fruit de la victoire. Tellement que le Goth sembla à nostre autheur auoit besogné fort sagement en ce fait, de ce qu'il fit marcher son armée si lentement à ceste expedition, qu'elle arriua la victoire estant ja gaignee: & neantmoins participa au fruit d'icelle sans perte de sang de son costé, pour vne petite somme de deniers. Si est-ce toutesfois qu'il ne se sçait point quelle part il eut du Royaume de Bourgongne, à cause qu'il sacquist la Prouence cy apres, depuis le trespas du Roy Alaric, ne quand Gundebault en fut chassé. Car Gregoire de Tours tésmoigne qu'il tint tout le Roiaume entre ses mains l'espace de quelque tēps depuis la mort de son frere, & qu'il y ordonna quelques loix, pour contenir en paix & en seureté les anciens Gaulois (qu'il appelle Romains, avec les Bourguignons. Qui pourroient estre celles que le liure des Constitutions d'iceluy signifie auoir esté faites au Consulat d'Abienus V.C. où il faut possible lire *Auienus*: qui estoit le surnom d'un des Consuls de ceste annee-cy & de la suiuite. Qui plus est, nous cognoissons par les Epistres de Cassiodore, que Gundebault regnoit encor quand Clouis & Alaric se voulurent faire la guerre.

CONGALLVS Roy d'Escoffe mourut en la 20. annee de son regne, laissant plusieurs enfans en fort bas aage. Qui fut cause que Couranus, ou selon les autres Goranus, tint le Roiaume d'Escoffe apres luy 35. ans: Selon Hector Boëthius liu. 8. & 9. où il adioust qu'il viuoit au temps du Roy Artus.

LE 3. Concile tenu souz Symmachus à Rome ne parle quasi que des biens & possessions de l'Eglise, & de la conseruation d'iceux Li. des Conciles.

<i>Du Monde.</i>	4638	<i>Papes.</i>	4	<i>R. des Vvisgoths.</i>	18
<i>De Rome.</i>	1253	<i>E. d'Orient.</i>	12	<i>R. des Vvandales.</i>	5
<i>De Iesus Christ.</i>	502	<i>R. d'Italie.</i>	10	<i>R. des Lombards.</i>	5
<i>Indiction.</i>	10	<i>R. de Perse.</i>	6	<i>R. des Escossois.</i>	1
		<i>R. des François.</i>	19		

RUFFIUS MAGNVS FAVSTVS AVIENVS IUNIOR, & FLA. PROBVS Consuls.

CABADES estant sommé de rendre vne grande somme de deniers qu'il deuoit aux Euthalites ou Nepthalites pour le secours qu'ils luy auoient donné à se remettre en son Royaume, enuoia prier l'Empereur Anastase de la luy prester: & pource qu'elle fut refusée, il rôpit les trefues qu'il auoit avec luy: & mit vne armée dedans la Mesopotamie & Armenie, où elle fit vn merueilleux degast de pais: & prit d'assault la ville de Theodosiopolis, & celle d'Amida par la trahison de quelques moines. En recompense de laquelle il les fit mourir. L'Empereur cependant à l'occasion de ceste guerre fut contraint de faire accord

cord avec Aretha prince des Sarrazins. Marcell. Comes, Procopius liu. 1. Nicéphore li. 16 de son histoire Ecclesiastique, Cedrenus.

Les Bulgariens estants de rechef entrez à grande puissance dedans le païs de Thrace & de l'Illyrie, gagnerent vne grande bataille sur les Romains, tellement qu'ils en taillerēt en pieces vn merueilleux nombre. Marcell. Com. Zonare.

DE PUIS que le Roy Clouis & les François se furent conuertis à la religion Chrestienne, le Royaume de France ne cessa tousiours d'aller en augmentant, & l'Empire de Constantinople en decadence. Chron. des Rois de France.

Les adherens de Laurent aians intelligēce avec aucuns Senateurs, le rappellerent à Rome, & firent tous leurs efforts de déposer & de chasser Symmachus. De laquelle chose le Roy Theodoric fut si fâché & indigné, qu'il entuoia Pierre Alcinat Eueque de Ravenne pour tenir le siege Romain au lieu des autres. Mais Symmachus fit tant qu'il assembla vn Concile à Rome de 120. Euesques, enuers lesquels il fit si bien valoir sa cause qu'il fut déclaré absous & innocent des crimes dont il estoit chargé par ses aduersaires, & son election de rechef confirmée & approuuée, pour la seule raison que les Euesques disoient, que le Pape ne deuoit auoir autre iuge que Dieu, & que l'election d'iceluy, ensemble de la conuocation des Conciles appartenoit seulement aux Clercs & non aux gens Laics. Ce que toutesfois ne se passa sans noise & tumulte iusques à grande effusion de sang, tant qu'il fallut que le Consul y apportast la main forte. Liure des Conciles, Paul Diacre.

SIGONIVS adioute que Symmachus assembla encor vn autre Concile au mois de Novembre, par la sentence duquel il fit annuler le decret qui auoit esté fait souz le Roy Odoacer, qu'il ne se pourroit faire election d'un nouveau Pape sans la permission du Roy qui commanderoit à l'Italie. Mais il confesse luy-mesme que Symmachus compta sans son hôte par ceste reuocation: pource qu'il dit qu'elle n'eut aucun lieu iusques à Benoit second, auquel l'Empereur Constantin l'accorda volontairement.

EVSTATIVS Epiphanensis Historiographe Grec viuoit en ce temps, auquel il escriuit l'histoire qui comprend en deux volumes les choses aduenues depuis le regne des Empereurs Honorius & Arcadius iusques à la 12. de l'Empereur Anastasius.

<i>Du Monde.</i>	4639	<i>Papes.</i>	5	<i>R. des Visigoths.</i>	19
<i>De Rome.</i>	1254	<i>E. d'Orient.</i>	13	<i>R. des Vandales.</i>	6
<i>De Iesus Christ.</i>	503	<i>R. d'Italie.</i>	11	<i>R. des Lombards.</i>	6
<i>Indiction.</i>	11	<i>R. de Perse.</i>	7	<i>R. des Escoffois.</i>	2
		<i>R. des François.</i>	20		

FLA. DEXECRATVS, & FLA. VOLVSIANVS, Consuls.

L'ARMEE que l'Empereur enuoia contre les Perles souz la conduite des Capitaines Patritius & Hippatius & Areobinda beau-pere d'Olybrius, qui auoit cy deuant regné en Italie, fut miserablement deffaite & mise en route par la negligence des Capitaines. Ce nonobstant les Perles remirent la ville d'Amyda es mains de l'Empereur, moyennant vne somme de deniers qui leur fut deliuree par lesdits Capitaines: Comme Marcellinus Comes recite. Combien que Procopius estime qu'elle fut reprise deux ans seulement apres qu'elle eut esté entre les mains des Perles. Au moyen de ce que Cabades ne la peut secourir estant allé contre les Huns, apres qu'il eut desconfit l'armee des Romains.

Les Bulgariens au sortir de la Thrace se vindrent desborder sur la Pannonie, qu'on dit au iourd'huy Hongrie: où ils prirent & occuperent la ville de Sirmium, outre le rauage qu'ils y firent. Qui fut cause que le Roy Theodoric pour gratifier à l'Empereur Anastase, ou pour conseruer le païs duquel il estoit party, enuoia vne grande armee contre eux souz la conduite du Côte Perza, qui auoit avec soy Vitiges, qui fut cy apres Roy d'Italie. Comme tesmoignent Cassiodore, Iornandes & Procopius, qui attribue ceste guerre aux Gepides & non aux Bulgariens. Mais Iornandes dit que Sirmium estoit tenue par vn Roy nommé Transaric fils de Traffifle, sur qui elle fut prise.

LE 5. Concile de Rome tenu souz Symmachus se fit ceste annee. Liu. des Conciles.

L

<i>Du Monde.</i>	4640	<i>Papes.</i>	6	<i>R. des Vvisigoths.</i>	20
<i>De Rome.</i>	1255	<i>E. d'Orient.</i>	14	<i>R. des Vvandalas.</i>	7
<i>De Iesus Christ.</i>	504	<i>R. d'Italie.</i>	12	<i>R. des Lombards.</i>	7
<i>Indiction.</i>	12	<i>R. de Perse.</i>	8	<i>R. d'Escoffe.</i>	3
		<i>R. des François.</i>	21		

FLA. CETHÆVS, Consul sans adioint.

L'ARMÉE que l'Empereur enuoya contre les Perses souz la cōduite de Celer, apres auoir rappellé Areobindus, donna tant d'affaires au Roy Caruades dedans son Royaume, ce pendant qu'il estoit empesché de faire la guerre aux Huns, qu'il fut contraint de faire trefues avec l'Empereur pour 7. ans. Marcell. Comes, Nicephore, Procopius estimé que ce fut lors qu'Amida fut reprise par composition.

L'ARMÉE de Theodoric allee au secours de la Pannonie, gaigna vne grande victoire sur les Bulgariens. Au moyen de laquelle la ville de Symrium se mit en son obeïssance: à laquelle il donna vn Gouverneur de sa main. Cassiodore. Procopius toutesfois estime que ceste guerre fut faite contre les Gepides, & que Vitiges qui fut cy apres Roy des Ostrogoths, se porta fort vaillamment en icelle.

Le temple de S. Pierre, qui fut depuis dedié en l'honneur de sainte Geneuiefue, fut ceste annee fondé en la ville de Paris par le Roy Clouis. Iordanes en ses Annales.

PASCASIVS Diacre de l'Eglise Romaine composa trois liures du saint Esprit. Et pour ce qu'il fauorisoit à Laurent competeur de Symmachus, S. Gregoire escrivit que S. Germain Euesque de Capua vit son ame tourmentee en Purgatoire. Tritermus.

IL se trouua en ce temps vn Alkemiste à Constantinople, qui trompa plusieurs par ses impostures, leur vendant vn metal sophistiqué pour du vray or, dont il fut puny par l'Empereur Anastasius. Ce qui monstre que l'imposture de l'Alkemie n'est chose nouvelle. Cedrenus.

<i>Du Monde.</i>	4641	<i>Papes.</i>	7	<i>R. des Vvisigoths.</i>	21
<i>De Rome.</i>	1256	<i>E. d'Orient.</i>	15	<i>R. des Vvandalas.</i>	8
<i>De Iesus Christ.</i>	505	<i>R. d'Italie.</i>	13	<i>R. des Lombards.</i>	8
<i>Indiction.</i>	13	<i>R. de Perse.</i>	9	<i>R. d'Escoffe.</i>	4
		<i>R. des François.</i>	22		

FLA. MANLIVS THEODORVS, & FLA. SABINIANVS, Consuls.

L'ARMÉE de l'Empereur enuoiee contre Mundo Capitaine Scythe, souz la conduite du ieune Sabinianus, fut honteusement desconfite avec grande occision de Romains. Tellement que l'Empire Oriental n'auoit (comme tesmoigne Marcellianus Comes) fait de long temps auparauant vne si grande & lamentable perte, laquelle toutesfois Iordanes declare leur estre aduenue par Petza Lieutenant de l'armée du Roy Theodoric en la Pannonie, qui s'alla avec icelle ioindre à Mundo, qui estoit ja reduit par Sabinianus à telle extremité, qu'il se fust à sa venue rendu à luy. Ce Mundo estoit vn des descendants d'Attila, lequel estant chassé par les Gepides (i'estimerois plustost les Bulgariens, qui faisoient alors parler d'eux en la Scythie plus que les autres) s'estoit venu renger en vne forteresse aupres du Danube, d'où il faisoit des courses sur les prouinces d'Illyrie.

EN la mesme annee Alarich Roy des Vvisigoths, considerant l'aggrandissement du Roy Clouis, enuoya (selon l'observation de Sigebert) des Ambassadeurs vers luy pour auoir son amitié & alliance, le priant qu'ils se vissent en quelque lieu. Ce que luy estant accordé par Clouis, ils s'assemblerent en vne Isle de la riuere de Loire pres Amboise, où ils se promirent amitié, & banqueterent ensemble. Si est-ce toutesfois que ceste amitié ne dura pas long temps: d'autant que la difference de religion ramena bien tost apres des occasions de ialousies & d'inimitiez entre eux. Qui vindrent principalement de ce que la

pluspart

plupart des Gaulois qui vivoient sous la subiection des Vvisigoths & des Bourguignons, desiroient auoir les François pour seigneurs: d'autant qu'ils estoient addonnez à la vraie & pure religion. Dequoy s'estans apperceuz les Rois de Bourgogne & des Vvisigoths, ils en traittoient mal les Euesques Catholiques de leur pais. De sorte que Quintian Euesque de Rodas fut contraint pour ceste occasion de s'enfuir vers Euphrase Euesque de Clermont en Auvergne, & Cæsarius Euesque d'Arles enuoié en exil à Bordeaux par le Roy Alaric. Gregoire de Tours.

AVSTRASIVS Duc de Tongre & de Brabant, gouverneur de la Gaule Belgique pour le Roy Clouis, mourut en ce temps, laissant vn fils nommé Charles Nasson, qui succeda aux estats & seigneuries de son pere par la permission dudit Roy: Selon le tesmoignage de Richard de Vassebourg, auquel ie ne me voudrois pas trop fier en cecy.

JEAN troisieme du nom, successeur de Jean deuxiesme en l'Eglise d'Alexandrie, presida vnze ans,

Du Monde.	4642	Papes.	8	R. des Vvisigoths.	22
De Rome.	1257	E. d'Orient.	16	R. des Vandales.	9
De Iesus Christ.	506	R. d'Italie.	14	R. des Lombards.	9
Indiction.	14	R. de Perse.	10	R. d'Ecosse.	5
		R. des François.	23		

FLA. MESSALLA, & FLA. AREOBINDA, Consuls.

VN Capitaine Saxon Anglois nommé Ella ou Alla, s'estant mis en possession de la prouince de Deira en Northumbelande, l'erigea en vn Royaume, où il regna 30. ans. Polidore.

ALARIC Roy des Vvisigots estant en la 22. annee de son regne, fit faire par vn homme de sçauoir nommé Anian, vn abbrege du Code de Theodose, & des liures des anciens Iurisconsultes Romains: lequel fut publié en la ville d'Aire ou Atyre peu deuant sa mort, cōme il appert au proëme du liure. Les loix appellees Gothiques furent (nonobstant le peu de temps que regna Alaric depuis la publication d'icelles) pratiquees par les Goths & les Gaulois habitans l'Aquitaine: voire iusques au temps de Charles le Grand & plus tard.

ENVIRON les 14. & 15. annees du regne du Roy Theodoric, furent celebrez deux Conciles en Espagne: vn à Ilerde, & l'autre à Valence. Au 1. furent ordonnez 16. canons: aucuns desquels enseignent comme il faut pouruoir aux biens des Euesques qui meurent, à ce qu'ils ne soient pillez & desrobez. D'autres portent, que la femme du Prestre, Diacre, ou Euesque ne se pourra plus remarier, si elle ne veut estre priuee de la communion à sa mort. Autres aussi defendent les nopces en certains temps, & les danfes en icelles. Quant au Concile de Valence, ses statuts sont reduits en 6. canons, aucuns desquels veulent forcer les Ecclesiastiques de laisser leurs femmes. Dont on s'esmerueille fort, d'autant que le mariage estoit encore permis en ce siecle à tous les Ecclesiastiques des Eglises d'Occident. A cause dequoy les histoires de France tesmoignent que l'Euesché de Laon auoit en ce temps vn Euesque nommé Gerard qui estoit marié, & eut vn fils qui luy succeda en son Euesché.

L'EMPEREUR Anastase se voiant deliuré de toute sollicitude de guerre estrangere, se mit à molester les Euesques Catholiques de son Empire, signammēt Macedonius Patriarche de Constantinople: afin de les induire à s'entendre avec luy en la doctrine de foy dont il faisoit professiō. Et pource qu'il ne les peut esmouuoir de leur bon propos & intention, il lascha la bride aux Euesques de son païs, & autres de diuerfes religions, à imprimer comme ils vouldroient les decretz du Concile de Chalcedone. Cedrenus.

Du Monde.	4643	Papes.	9	R. des Vvisigoths.	23
De Rome.	1258	E. d'Orient.	17	R. des Vandales.	10
De Iesus Christ.	507	R. d'Italie.	15	R. des Lombards.	10
Indiction.	15	R. de Perse.	11	R. d'Ecosse.	6
		R. des François.	24		

L ij

FLA. ANASTASIUS AVG. pour la 3. fois Consul, avec VENANTIUS DECIVS.

VNE ville nommee Anastasiopolis, fut en ce temps fondee par le commandement de l'Empereur, sur les limites de l'Empire Romain & des Perles (pour estre comme la borne d'iceux) en la plaine nommee Daras: où l'armee de Darius dernier Roy de Perse auoit esté autresfois desconfite par Alexandre le Grand. Les Perles desirans empescher l'auancement d'icelle, furent destourbez de ce faire, par la guerre qu'ils auoient contre les Huns. Procopius, Cedrenus, Nicephore liure septiesme, chapitre trentesept de l'histoire Ecclesiastique.

IDAS Capitaine Saxon, homme fort belliqueux, s'estant emparé de l'autre partie de Northumbellande, qu'on nomme Bernicie, l'erigea en Royaume: où il regna douze ans. Les successeurs duquel occuperent & vnirent ensemble toute la Northumbellande, selon le tesmoignage de Polidore. Combien que selon Beda ce Royaume fut commencé l'an 547.

AVITVS Abbé d'Orleans florissoit en ce temps. Iordanes.

Du Monde.	4644	Papes.	10	R. des François	25
De Rome.	1259	E. d'Orient.	18	R. des Vvisigoths.	1
De Iesus Christ.	508	R. d'Italie.	16	R. des Vandales.	11
Indiction.	1	R. de Perse.	12	R. des Lombards.	11
				R. des Escoffois.	7

VENANTIUS DECIVS IVNIOR, & FLA. CELER, Consuls.

L'armee de mer enuoyee par l'Empereur souz la conduite du Comte Rusticus, qui estoit de cent grosses naues armees, pour courir la coste d'Italie, alla iusques à Tarente, qu'elle faillit à prendre: & s'en retourna avec grand butin. Comme Marcellinus Comes tesmoigne, sans declarer l'occasion de faire enuoyer ceste armee de Grece en Italie. Laquelle aussi ne se voit auoir esté mentionnee par aucun autre auteur. Mais il se peut faire que l'Empereur Anastase l'enuoya, à celle fin de prendre vengeance du dommage que son armee auoit receu en la Thrace ou en l'Illyrie par Munde, à l'aide des gés du Roy Theodoric: si ce que Iornandes en a escrit est vray.

LA paix ayant duré quelque temps entre les Rois Alaric & Clouis, fut finalement rompuë par diuerses occasions recitees par les historiens. Combien que Gregoire ne dit point que Clouis ait pretendu autre cause de faire la guerre, que l'enuie qu'il auoit de deliurer toutes les Gaules de la seruitude des Vvisigoths, ennemis de la vraye Religion: si est-ce toutesfois que les Epistres de Cassiodore nous demonstrent qu'il y eut d'autres pretexts de leur inimitié. Car il y en a du Roy Theodoric d'Italie aux deux Rois, par lesquelles il s'efforçoit de les destourner de venir aux armes pour si peu d'occasion qu'ils en auoient, n'y ayant point encor de sang espandu, ny de place prise: que c'estoit peu de chose des paroles, qui se pouuoient oublier & amender par l'entremise de leurs amis. D'auantage, qu'ils estoient en la fleur de leur ieunesse, & Rois de deux nations bien renommes. Que les François & Vvisigoths s'estoient acquis vne grande reputation, par la paix que leurs parens auoient si longuement gardee. A cause dequoy il les prioit la vouloir entretenir, & remettre leurs differents au iugement des Rois leurs voisins. En celle d'Alaric il l'admonnestoit particulièrement de ne hazarder ses gens, que la longue paix auoit de long temps desaguerris & desaccoustumez l'exercice des armes: & menaçoit Clouis de se declarer contre luy, s'il ne se laissoit plier à la paix. Dont il semble qu'il auoit grand deffoy de l'issuë de ceste guerre pour Alaric. D'autant mesmement qu'il escriuit aux Rois des Turingiens, des Heruliens, & à Gondebault Roy de Bourgongne, qu'ils deuoient enuoyer gens d'un accord vers le Roy Clouis, pour le diuertir de guerroyer les Vvisigoths: & où il ne se voudroit soumettre à raison, de se ioindre tous ensemble contre luy: pource que si l'heur le fauorisoit contre les Vvisigoths, que leur ruine viendroit à decouler puis apres sur eux. Tout celà cependant n'empescha que la guerre ne s'eschauffast en telle

telle sorte, que Clouis accompagné de Cloderic fils de Sigebert surnommé le Boiteux Roy de Cologne, passa la Loire avec son armée, & alla trouver ses ennemis en un lieu nommé Vogledin près Chauvigné à cinq lieues de Poitiers; où la mêlée fut si furieuse, que la plus-part de l'armée des Visigoths taillée en pièces, le reste mis en fuite, demeura leur Roy Alaric occis sur le champ par les propres mains du Roy Clouis. Tellement que les François s'acquirent à cette journée l'honneur d'une très-glorieuse & profitable victoire, pource qu'au moyen d'icelle le pays d'Angoumois, le Bourdelois, le Périgord, Quercy, Rouergue, Albi, Auvergne, Poitou, avec la cité de Tholose, & généralement tout ce que leurs ennemis occupoient en la Gascogne & Aquitaine, se mirent entre leurs mains, avec les trésors du Roy Alaric, entre lesquels furent trouvez les principaux de ceux que le premier Roy Alaric avoit apportez du sac de Rome. Ne restant plus de toute la Monarchie des Gaules à plier sous leur puissance, hormis ce que les Bourguignons y tenoient, que la Prouence & le Languedoc. Ainsi mourut Alaric Roy des Visigoths, en la vingt-troisième année de son règne, prenant avec luy fin le Royaume de Tholose environ quatre vingts huit ans après qu'il eut esté accordé au Roy Vallia. Isidore & les autres histoires d'Espagne, déclarent expressément que ce fut en l'Ere (qui estoit alors la façon de compter des Espagnols) DCLV. & en la XVII. année de l'Empereur Anastase. Ce qui nous l'a fait aussi rapporter à cette année. Joinct que Gregoire nous donne argument de ce faire, disant que Clouis après la défaite d'Alaric, & réduction des pays déclarez cy dessus, s'en vint hyerner à Bourdeaux, deuant qu'il feist marcher son armée contre Carcassonne.

ALARIC Roy des Visigoths laissa un fils nommé Almaric : au lieu duquel, pource qu'il estoit en trop bas aage lors que son pere mourut, les Visigoths prindrent (au rapport de Procope) pour leur Roy le frere naturel d'iceluy nommé Gafelic, selon les autres Geseric & Gesalaric ou Sefalaric, qui pour n'estre homme de grande conduite, regna seulement en troubles & en tumulte l'espace de quatre ans : au bout desquels il fut en exil environ un an, comme tesmoigne Isidore, avec toutes les plus certaines histoires des Visigoths. Selon lesquelles aussi, signâment d'Isidore & de Sulpitius Seuerus Espagnol, ce Gesalaric estant encor à Narbonne, où il avoit esté esleu, fut assiégué en icelle par Gondebault Roy de Bourgogne; où il se defendit si mal, qu'il la laissa prendre & saccager par les Bourguignons : estant contrainct de se sauver à Barcelonne, où il demeura en regret & en fâcherie, ayant perdu la grace des Espagnols, iusques à ce qu'il fut entièrement chassé d'Espagne par le Lieutenant du Roy Theodoric. Lequel faict estant veritable, ie croy que le Roy Gondebault tenoit le party du Roy Theodoric, & qu'il prit la charge de reduire Narbonne, laquelle il remit puis après entre les mains d'Ibba.

CLAVIS estant encores à Bordeaux, fit marcher son armée sous la conduite du Prince Theodoric son fils, pour aller achever de reduire en son obeissance les villes qui tenoient encor pour les Visigoths au Languedoc & en Prouence, lesquelles n'eussent pas eue la condition des autres, sans l'armée qu'on dit avoir esté de quatre vingts mille combatans, sous la conduite d'un Comte nommé Hippo ou Ibba, que Theodoric Roy d'Italie enuoyoit au secours du Roy Alaric. Lesquels estans arriuez après son malheur, contrainrent pour le moins l'armée des François de se desplacer de deuant la ville de Carcassonne & d'Arles qu'ils tenoient assiegee, & se retirer en France, comme Procopius tesmoigne. Combien qu'il semble par les Epistres de Cassiodore, que ce fut de deuant la ville d'Arles plustost, où il declare qu'elle fut si constamment defendue par les citoyens d'icelle, sous la conduite d'un Capitaine nommé Tolon, qu'ils en furent remunerez d'une exemption de toutes tailles & subsides pour quatre années, qui deuoient finir en la quatrième Indiction. Argument que celà se fit en la premiere. Ce qu'il a aussi plus euidemment signifié en la Chronique, où il dit que ce fut en ce Consulat, après que les François eurent esté vaincuz & mis en route. Qui a donné occasion à Iornandes & Paul Diacre, de commenter sur celà, en haine du nom François (duquel ils estoient ennemis) qu'ils en laisserent aussi de morts sur le champ, iusqu'au nombre de vingt ou trente mille. Encore que Procope, Gregoire de Tours, Aimoinus & Ado ne semblent avoir aucunement ouy parler d'une si lourde défaite, qui n'eust pas moins effacé de la gloire du Roy Clouis, que la victoire precedente luy en avoit acquis : s'il la digera mesmement de telle façon, qu'il ne s'en soit oncques depuis (qu'on sçache) en aucune maniere ressenty. Combien que

ie ne vueille pas nier que l'armee de Theodoric n'ait non seulement empesché les François de s'emparer de la Prouence & Languedoc, mais aussi ne l'ait acquise à son maistre, qui la retint, & y mit quatre siens Lieutenans : à sçavoir Gemel à Arles, Marobode ou Marade à Marseille, Vandilo à Avignon, & Ibbas à Narbonne, souz pretexte de la vouloir garder au mineur & pupile du Roy defunct nommé Almaric, duquel il se declaroit tuteur & protecteur. Pour recouurer aussi la succession duquel il enuoya vne autre armee en Espagne, souz la conduite d'un sien Lieutenant nommé Theuda, qui en occupa vne partie, & la gouverna au nom de son maistre pour le ieune Prince : mais il ne peut si tost deposseder Gésalaric du reste. Voilà tout le grand exploit que fit l'armee du Roy Theodoric en la Gaule, qui a fait escrire à Cassiodore en termes tragiques pleins de vent & de iactance ou flaterie Italique, *His Conf. contra Francos à Domino nostro destinatur exercitus, qui Gallias Francorum depredatione confusas victis hostibus atque fugatis adquisiuit imperio.* Comme si elle eust conquesté toutes les Gaules entierement, & non vn petit eschantillon d'icelles seulement : semblablement aussi exterminé les François de la possession totale de ce qu'ils y occupoient. Au contraire, d'autant que ny luy, ny Iornandes, ny Procope, ny aucun autre historien de leur party, ne nous a fait entendre qu'il y ait eu quelque appointment fait entre Clouis & Theodoric depuis que son armee eut occupé le Languedoc & la Prouence : & qu'il est certain que Clouis a tousiours paisiblement iouy de toute l'Aquitaine depuis la deffaitte d'Alaric, & qu'il s'en reuint l'annee d'apres triompher à Tours, & recevoir les presents & congratulations de l'Empereur, pour la belle victoire qu'il auoit obtenuë de son ennemy : puis de là à Paris, d'où il s'alla empeschier iusques à son trespas contre les Rois de Tournay, de Cambray & de Cologne, sans qu'il se sçache qu'il ait eu autre occupation ailleurs : Cela donne vn grand argument d'estimer qu'il n'y a point eu de guerre entre luy & Theodoric, ou qu'elle a esté si petite qu'elle s'est appaisée de soy-mesme. Et que Clouis laissa volontairement occuper la Prouence & le Languedoc à Theodoric, quand son armee en approcha, l'appellant la sienne plustost qu'autrement, soit qu'il n'eust enuie de l'irriter dauantage à cause de l'alliance qui estoit entr'eux, soit de peur de prouocquer tous les Rois ensemble (ausquels Theodoric auoit escrit) contre luy : ou qu'il se tint content du fruit que sa victoire luy auoit apporté. Car qui se persuadera qu'une armee de quatre vingts mille combatans, apres auoir mis vingt ou trente mille François par terre, se soit seulement contentee du Languedoc & de la Prouence, & arrestee si court, qu'elle n'ait osé passer outre, laissant vacquer le Roy Clouis à ses plaisirs & autres occupations, autant que s'il n'eust eu vn tel ou non pas mesme vn seul ennemy si proche de soy? Je laisse discourir le reste à ceux qui peuuent contempler les consequences des grandes causes : cela suffira pour donner à entendre qu'il ne se fault pas arrester du tout à ce que Cassiodore a escrit en d'autres endroits des François.

THEODON Prince des Boëmiens & Noriciens, ayant reduit en son obeissance la cité de Ratisbonne, dechassa les Romains & Chrestiens qui y habitoient : & puis y remit la Religion payenne, se declarât avec celà & intitulant Roy de Baioarie, que nous disons maintenant Bauiere. Auentin.

<i>Du Monde.</i>	4645	<i>Papes.</i>	11	<i>R. des François.</i>	26
<i>De Rome.</i>	1260	<i>E. d'Orient.</i>	19	<i>R. des Visigoths.</i>	2
<i>De Iesus Christ.</i>	509	<i>R. d'Italie.</i>	17	<i>R. des Vandales.</i>	12
<i>Indiction.</i>	2	<i>R. de Perse.</i>	13	<i>R. des Lombards.</i>	12
				<i>R. des Escossois.</i>	8

IMPORTVNVS DECIVS Consul sans adioinct.

VNE armee de Sarrazins Scynites souz ses Capitaines Alamandarus & Zarethas, entra en armes dedans la Mesopotamie, Armenie & Phœnicie : où l'armee des Romains les recontrâ si à propos, qu'elle les deffit. De façon qu'ils furent cōtraints d'entrer en appointment avec les Romains, & se retirer en leur pais. Niceph. **CLAVIS** retourna de la guerre de Gascongne trouua en la ville de Tours les Ambassadeurs de l'Empereur Anastase, enuoyez

enuoiez vers luy pour luy faire entendre de la part de leur maistre le plaisir qu'il auoit receu de la victoire obtenue sur la nation qui auoit la premiere commencé à faire broncher l'Empire Romain. Et en faueur de ce, luy porter & presenter l'honneur de l'ordre de Patrice & de Consul, en signe de confederation & alliance. Qui estoit le plus grand honneur dont les Empereurs pensoient lors caresser vn Prince estranger, qui le receuoit aussi comme vn present honorable. Tout ainsi que les ordres de la cheualerie de France se sont veuz enuoyez aux Princes estrangers, & par eux volontiers receuz : sans toutesfois que par ceste dignité de Patrice, Clouis ait iamais entendu preiudicier à sa souueraineté, cōme il est escrit en vne des Epistres qui est au liu. 8. de celles de Cassiodore sur le propos du mesme tiltre enuoié au Roy Theodoric: que *Sic se magnorum beneficia semper extollunt, ut quibus imperare nequeunt, iura venerationis imponant*. Tant y a cependant qu'elle fut accompagnée de plusieurs autres presents, signamment d'une fort riche couronne d'or, abondamment enrichie de pierres precieuses. Laquelle il enuoia (comme on dit) presenter à l'Eglise de saint Pierre de Rome: & puis se transporta à Paris, où il establit & colloqua le siege royal de son Royaume. Comme tesmoignent Gregoire de Tours, Iordanes, Ado, Aimoinus. Toutes lesquelles choses & ce que nous reciterons cy apres, sont encor indices que l'armee de Clouis n'auoit receu vne si lourde estrillée de celle du Roy Theodoric.

GUNDEBAULT Roy de Bourgongne mourut, laissant deux fils, Sigismund l'aîné & Gothomare: desquels Sigismund succeda (au rapport de Sigebert) ceste annee à son pere au Royaume de Bourgongne. Combien qu'il y en a qui estiment que ce fut seulement en celle partie (comme aucuns estiment) de Bourgongne qui est delà les riuieres de la Saone & du Rhosne: Laquelle vn Flodomeus son tuteur & gouuerneur luy fit obtenir par son industrie du Roy Clouis. Qui ce pendant se retint avec la cité de Lyon, ce qui est deçà lesdites riuieres. Mais si Gundebault son pere n'est point decedé plustost que ceste annee, il fault qu'il ait moult longuement vesçu. Mais nous ne receuons point l'opinion de Paul Æmile & des autres modernes, qui ont estimé que Gondebault auoit esté chassé cy deuant de son Royaume par Clouis, & contraint se retirer vers les Vuisigoths. Car l'Epistre alleguee cy dessus du Roy Theodoric, tesmoigne qu'il viuoit & regnoit encor en Bourgongne, lors qu'Alaric & Clouis se voulurent mener guerre. Et n'y a point d'apparence qu'il l'en ait dechassé depuis: pource que le Roy Theodoric qui tenoit la Prouence, ne luy eust manqué de secours. Ioint que le Concile tenu à Orleans, declare assez que Clouis ne commandoit encor à aucune des prouinces de la Bourgongne au temps qu'il fut celebré, par les raisons que nous exposerons cy apres. Isidore & Sulpitius Seuerus Espagnols tesmoignent, que Gundebault assiegea avec ses Bourguignons le Roy Gensalaric lors qu'il tenoit la ville de Narbonne.

SVARTMANNVS dit le cruel, Roy de Suesse, Gotlâdie & de Dannemarc, mourut ceste annee, en la 28. de son regne, laissant vn fils nommé Tordo, qui luy succeda non seulement en ses Royaumes (desquels on dit qu'il fut le 84. Roy) mais aussi en ses vices & cruauttez: qui le rendirent tant redoutable, que plusieurs de ses subiects furent contraints de se retirer de son païs, les vns en Angleterre, & les autres en Allemagne: où ils leuerent vne grosse armee, par le moié de laquelle ils l'allerēt dechasser de son Roiaume. Mais il alla prendre secours des Ostrogoths, avec lequel il s'y vint remettre. Finalement toutesfois on dit que Harald Capitaine des bannis de Dannemarc, fit partir le Roy Artus de Bretagne avec armee, & luy donna l'adresse de conquerir le Roiaume de Dannemarc, qui fut en ceste sorte longuement possédé des Bretons & d'autres tyrans. Cependant on estime que ce Tordo fut pere du Roy Rodolfe, qui (comme escrit Iornandes) laissa son Roiaume à son fils nommé Hattin ou Dattin (que les Heruliens firent leur Roy, tesmoin Procopius liu. 2. souz l'Empereur Iustinian) pour s'aller ioindre avec Theodoric Roy des Ostrogoths. Ioannes Magnus liu. 8. chap. 29. & 30. de son hist. Gothique adioust, que les successeurs dudit Hattin, qui gouvernerent successiuelement l'un apres l'autre lesdits Roiaumes de Suesse & de Gothlandie, furent Attilus 87. Roy, Tardo, Algothus, Gostagus, qui frauda la lignee de son predecesseur de son droit de succession, auquel toutesfois elle rentra apres son trespas: tellement que Artus fils d'Algothus fut son successeur, & puis Haquinus, Charles, Charles 2. Birgerus, Erichus, Torillus, Biorno, le regne duquel commença l'an 764.

L iij

<i>Du Monde.</i>	4646	<i>Papes.</i>	12	<i>R. des François.</i>	27
<i>De Rome.</i>	1261	<i>E. d'Orient.</i>	20	<i>R. des Vvisigoths.</i>	3
<i>De Iesus Christ.</i>	510	<i>R. d'Italie.</i>	18	<i>R. des Vandales.</i>	13
<i>Indiction.</i>	3	<i>R. de Perse.</i>	14	<i>R. des Lombards.</i>	13
				<i>R. des Escossois.</i>	9

ANICIUS MANLIUS SEVERINUS BOETHIUS, & FLA. EUTHARICUS
Consuls.

EN ceste annee les Allemans qui habitoient les pais montagneux & aspres de Boëisme & de Nortgan, dit au iourd'huy Bauiere, sortans d'iceluy en grand nombre souz la conduite de leur Prince Theodon fils d'Adalagerion, qui estoit vassal du Roy Clouis de France, conquererent & subiuguerent les villes de l'autre pais de Bauiere, qui tenoient encore pour les Romains: & y planterent leur demeure (comme à Ratisbonne, ou Renisbourg, Otingue & autres: & ce souz l'appuy & faueur dudit Roy Clouis, à cause que Theodon l'auoit vaillamment seruy en la guerre contre le Roy Alaric. Ce que Auentin liu. 3. tesmoigne estre aduenue au Consulat de Seuerinus Boëthius & de Eutharicus.

LOTHO Roy des Pictes, & Conranus Roy des Escossois, estant en guerre contre le Roy Idas de Bernicie, furent par luy vaincus & mis en routte. Polidore

LES Eglises d'Orient estoient grandement troubles en ce temps par les menees & factions de Xenaïas dit Philoxene, qui auoit esté fait Euesque de Hieropoli deuant qu'estre baptisé: lequel couuant quelque monstre d'erreur en son cerueau se fit ennemy de Flavian Patriarche d'Antioche, l'accusant d'estre Nestorien, nonobstant qu'il fust bô Catholique: & pource qu'il se iustifia de ceste note par vne confession contraire à l'heresie Nestorienne, il le voulut cōtraindre d'excommunier par nom & par surnom certains personnages qu'il disoit estre infectez de ladite heresie, desquels Flavian n'auoit aucune cognoissance: dont il fit quelque temps difficulté, iusques à ce qu'il se vit tellement poursuiuy par d'autres Euesques, qui se vindrent ioindre à Xenaïas, qu'il ne luy fut possible d'eschapper de leurs calomnies par autre passage. Ce que toutesfois ne le mit hors de fâcherie. Car ils le reuindrent chercher d'une autre façon, le sommant de condamner & excommunier tant le Concile de Chalcedone, que ceux qui mettoient deux natures en Christ, l'une de diuinité, l'autre d'humanité. Et pource qu'ils ne le peurent induire à ce faire, & qu'il leur bailla vne confession toute contraire, ils continuerent à l'accuser d'estre Nestorien, & par leurs fallaces & tromperies induisirent les Isauriens de condamner avec eux le Cōcile de Chalcedone, & ceux qui receuoient deux natures & proprieté en Christ. Puis se voyant accreuz & fortifiez de nombre de sectateurs, se mirent à dresser des mesmes embusches au Patriarche de Herusalem, & à Macedonius de Constantinople. Car leur ayant fait presenter leur confession de foy, bastirent sur icelles les mesmes calomnies que sur l'autre. Mais celle de Macedonius offensa particulièrement les moines de Constantinople, qui estoient d'union avec luy, de laquelle ils se separerent; pource qu'il n'auoit pas fait expresse mention en icelle des Conciles d'Ephese & de Chalcedone. Encore qu'il eust maudit & anathematizé la memoire de Nestorius & d'Eutyches. Telles furent les premieres causes, pour lesquelles ces bons prelatz & plusieurs autres furent bien tost apres enuoiez en exil. Dont on peut entendre en quel piteux estat estoient lors les Eglises d'Orient. Euagrius liu. 3. chap. 31. Nicephore Caliste liu. 16. chap. 28.

CESARIUS Euesque d'Arles estoit en ce temps en grande reputation à cause de sa doctrine & bonne vie, lequel toutesfois fut vne fois accusé de quelque contrauention à vne defense faite par le Roy Theodoric, & contraint s'en aller iustifier vers luy. Auquel il se presenta avec telle grauité & assurance, qu'il estima qu'on l'auoit accusé à tort, & le réuoia avec presents & permission de racheter tous les captifs que les Vvisigots auoient emmenez de son diocese. Auquel voyage aussi le Pape Symmachus & les Senateurs de Rome esmeuz de la renommee d'iceluy, ne voulurent pas le laisser sortir d'Italie deuant que les auoir veuz à Rome.

OLYMPUS Euesque de Carthage, sectateur de l'heresie Arrienne, estant aux estuues où il tenoit des propos blasphematoires de la Trinité, fut par vn feu casuel & inopiné brulé. Naucler.

Du Monde

<i>De Monde.</i>	4647	<i>Papes.</i>	13	<i>R. des Vvisigoths.</i>	4
<i>De Rome.</i>	1262	<i>E. d'Orient.</i>	21	<i>R. des Vvandales.</i>	14
<i>De Iesus Christ.</i>	511	<i>R. d'Italie.</i>	19	<i>R. des Lombards.</i>	14
<i>Indiction.</i>	4	<i>R. de Perse.</i>	15	<i>R. des Eſcoſſois.</i>	10
		<i>R. des François.</i>	28		

FELIX GALLVS, & SECVNDINVS, Consuls.

THEODON premier Roy de Baioarie, ditte Bauiere, mourut, laissant vn fils portant meſme nom que luy, qui succeda à ſa couronne, & gagna vne grande victoire ſur les Romains aupres de la riuere d'Eue. Auentin liu. 3. Selon lequel cecy aduint 4. ans apres la conquēte du païs de Bauiere.

GESALARIG vſurpateur de la couronne des Vvisigoths, s'eſtant oſé hazarder contre les François pour venger la perte de ſon predeceſſeur, fut (à ce qu'aucuns ont eſcrit) miſerablement deſſait & occis par eux. Mais Iornandes, Iſidore & les autres hſtoiriēs teſmoignent vnanimement, que l'armee du Roy Theodoric apres luy auoir aſſeuré la Prouence & le Languedoc, paſſa en Eſpagne, & en chaſſa le Roy Geſalaric, le contraignant ſe ſauuer en Afrique vers Traſamund Roy des Vvandales, qui le retint enuiron vn an. Mais apres que le Roy Theodoric à qui il eſtoit allié, luy en eut eſcrit (ainſi qu'il ſe voit au liu. 5. des Epistres de Caſſiodore) il ne l'oſa plus retenir. A cauſe dequoy il s'en reuint és Gaules, où il fut mis à mort aupres de la Druence. Or l'armee qui paſſa en Eſpagne, pourroit bien auoir eſté ceſte grande troupe de Gepides, leſquels le Roy Theodoric fit paſſer és Gaules dès la troiſieſme indiction pour la garde d'icelle, comme il ſe lit és Epistres du liu. 8. de Caſſiodore. Si d'auenture ceux-là ne demouroient en garniſon en Prouence & au Languedoc, & les Vvisigoths qui y eſtoient deuant eux ne paſſerent de là en Eſpagne. Mais tant y a que ceux-là ſe ſont meſcontez qui ont eſtimé que ceſte nouuelle armee de Gepides fut enuoiee pour faire leuer le ſiege aux François de deuant la ville d'Arles. Car il eſt certain qu'elle fut ſeulement aſſiegee en la premiere indiction, lors qu'elle fut ſi conſtamment defendue par vn Capitaine nommé Tolom ou Tolumnus, & par les citoiens d'icelle. En faueur dequoy le Roy Theodoric leſ exempta de toutes charges & ſubſides pour quatre ans, qui finiſſoient en la quatrieſme indiction. Somme que le Royaume des Vvisigoths en Eſpagne fut en ceſte ſorte reduit en la main du Roy Theodoric, qui en prit le gouuernemēt ſouz le tiltre du ieune Roy Almaric ſon petit fils, quin'eſtoit lors encor venu en aage de commander. Au moien dequoy il intitua ſon Lieutenant general audit gouuernement vn nommé Theodis, ſelon d'autres Theuda, ſouz lequel il ordonna d'autres Gouverneurs ſubalternes en chacune prouince, qui luy rendoient compte tous les ans du reuenu d'icelles. Cependant encor que le temps du gouuernement de Theodoric ſoit diuerſemēt compté par les auteurs, ſi eſt-ce qu'il eſt certain qu'il a duré iuſques à ſon trespas par l'eſpace d'enuiron 13. ans ou 14. ans ſeulement, à les cōpter depuis la deſpoſitiō & fuite de Gaſelic, laquelle Iſidore rapporte à la 21. annee de l'Empereur Anaſtaſe. Quant à ce que la Chronique de Iordanes dit, que le Roy Almaric fut occis l'an 512. par ſon frere Adalbert, pource qu'il traittoit mal ſa femme Rothilde, à cauſe qu'elle eſtoit Catholique, il ſemble qu'il a pris ce nom-là pour Gaſelic ou Geſalaric.

MACEDONIVS Eueſque de Conſtantinople ne s'eſtant iamais voulu accorder avec l'Empereur Anaſtaſe en ſes mauuaiſes opinions, & ne luy ayant voulu rendre ſon obligation qu'il auoit faite de ne rien innquer contre la ſentence du Concile de Chalcedone, eſtoit ja de long temps fort mal-voulu de luy. Tellement qu'il ne ceſſoit de chercher occaſions apparentes pour le dechaſſer de ſon ſiege. Parquoy s'eſtant la diſſention precedente ja preſentee, il le voulut encor contraindre de mettre entre ſes mains l'original des decrets du Concile de Chalcedone. Ce qu'il ne voulut faire. Pour raiſon dequoy il l'enuoia en exil à Euchaite, où l'on eſtime qu'il le fit mourir quelque temps apres, comme déclarent Cedrenus & Nicephore. Combien qu'Euagrius n'en dit rien, qui recite au contraire, liu. 3. chap. 34. qu'ayant enuie de chaſſer aucuns Eueſques de leurs ſieges, pour meſme cauſe que Flauianus, & luy eſtant mandé qu'il ne ſe pourroit faire ſans effuſion de ſang,

il escriuit qu'il ne vouldroit pas auoir pensé de venir à bout d'aucune chose, quelque grande & memorable qu'elle peust estre, s'il falloit espandre pour icelle vne seule goutte de sang. Tant y a cependant qu'il substitua de sa propre auctorité au siege de Constantinople vn Timothee surnommé Theopaschite, ou *Celon & Litrobunes*, pource qu'il s'accordoit à ses mauuaises opinions. Lequel ne voulut exercer son ministere qu'il n'eust veu premiere-ment les effigies & armoiries de Macedonius mises hors du Temple. On tient qu'il presida 6. ou 7. ans. Marcell. Comes, Euagrius, Cedrenus & les deux Nicephores.

LES Manicheens furent en ce temps à l'instance du Pape Symmachus chassés de Rome, & leurs liures bruslez publiquement.

LES Temples & Abbayes commencerent en ce temps à estre fondees en la France, par la deuotion des hommes qui les dedioient à l'honneur des Saints, tesmoin Sigebert & les anciennes histoires.

<i>Du Monde.</i>	4648	<i>Papes.</i>	14	<i>R. des François</i>	29
<i>De Rome.</i>	1263	<i>E. d'Orient.</i>	22	<i>R. des Visigoths.</i>	1
<i>De Iesus Christ.</i>	512	<i>R. d'Italie.</i>	20	<i>R. des Vandales.</i>	15
<i>Indiction.</i>	5	<i>R. de Perse.</i>	16	<i>R. des Lombards.</i>	15
				<i>R. des Escoffous.</i>	11

FLA. PAVLLVS, & FLA. MVSCHIANVS, Consuls.

LA nation des Heruliens estant dechassée de son pais, eut recours à l'Empereur Anastasius, qui leur donna vne certaine prouince de son Empire pour y faire leur residence: selon que Marcellinus Comes recite. Procopius liu. 2. adioute, que ceste prouince qui leur fut assignee, estoit aupres du Danube. Ce qui me fait estimer que c'estoit la Thrace, ou bié quelque contree de l'Illyrie. Mais il declare aussi que le pais qu'ils habitoient auparauant estoit confin & limitrophe des Gepides. Au moyen dequoy ils estoient incessamment & sans remission trauaillez & molestez d'eux de toutes sortes d'actes d'hostilité. Qui les contrainquirent en fin apres les auoir longuement patientees de leur abandonner la place: & ayans passé le Danube, se retirer es pais qui leur furent destinez par l'Empereur. Esquels neantmoins ils ne furent long temps sans abuser de la grace qu'on leur auoit faite, se comportans trop insolemment & faicheusement avec leurs cohabitans & autres subiects de l'Empire. Tellement qu'il fallut que l'Empereur Anastase enuoyast vne armee contr'eux, pour les chastier; qui en fit vne merueilleuse desconfiture: & eust peu accabler tout le reste, s'ils ne se fussent obligez par serment de seruir les Empereurs en toutes leurs affaires.

PLVSIEURS se trouuoient regnans & commandans en ce temps en certaines prouinces de la Gaule Belgique, comme à Cābresi, Artois, à Cologne, & au pais où s'est gardée la loy Ripuaire souz tiltre de Rois, lesquels Clouis appelloit & recognoissoit pour ses parents & cousins, & qui estoient (comme il semble) exempts de la subiection: selon que nous enseignent Gregoire de Tours, Iordanes, Ado, & Aimoinus. Ce qui a donné occasion à d'autres d'estimer qu'ils estoient fils ou arrierefils du feu Clodion. Mais on aura recours à ce que nous en auons ia dit cy deuant. Tant y a que faisant mal à Clouis de se voir auoir tant de cōpagnons en qualité de Rois des François, se mit en teste de destraper le monde d'eux, non par guerre ouuerte, ains par diuers moyens & artifices. Car il s'adressa premierement à Cloderic fils Syagre (selon les autres Sigebert) dict le Boiteux Roy de Cologne (lequel l'auoit fidelement seruy & accompagné à la guerre des Alemans) & l'amorça souz main de tant de belles esperances, qu'il fit meschamment mourir sondit pere: & puis fit mourir le mesme fils en vengeance du pere; s'adioignant quant-&-quant les biens & Royaume d'iceluy, du consentement des habitans du pays; lesquels le receurēt pour leur Roy, le mettant sur le pauois à la maniere accoustumee. Or pource qu'ils n'estoient ses subiects auparauant, il se peult faire qu'apres qu'il les eut reduits à soy, qu'il les laissa tousiours viure selon leurs anciennes loix & coustumes, qui furent ou estoient ia appelees Ripuaires, à cause qu'ils faisoient mesnage à part des autres François, qui venoient souz la loy Salique.

que. Laquelle aussi le proëme qui est deuant les chapitres d'icelle, tesmoigne qu'il corrigea & additionna de plusieurs articles, & accommoda aux statuts & mœurs des Chrestiens, apres qu'il eut receu le baptesme. Et d'autant qu'on estime qu'il a esté solliciteux de la police de son estat, d'autant aussi s'est-il monstre soigneux de celle qui touchoit l'Eglise. Car à la sollicitation de saint Melaine Euesque de Rennes, qui luy estoit fort familier, commanda aux Euesques de son Royaume s'assembler à Orleans, pour deliberer sur les articles qu'il leur enuoya : ainsi qu'on peut voir au proëme du Synode qui est imprimé. Lesquels articles (qui estoient la pluspart de police Ecclesiastique) furent neantmoins renuoyez à Clouis par les Euesques, pour estre par luy approuuez, s'il les auroit pour agreables, estans signez par les propres noms.

<i>Du Monde.</i>	4649	<i>Papes.</i>	15	<i>R. des François.</i>	30
<i>De Rome.</i>	1264	<i>E. d'Orient.</i>	23	<i>R. des Visigoths.</i>	1
<i>De Iesus Christ.</i>	513	<i>R. d'Italie.</i>	21	<i>R. des Vandales.</i>	16
<i>Indiction.</i>	6	<i>R. de Perse.</i>	17	<i>R. des Lombards.</i>	16
				<i>R. des Escoffois.</i>	12

ANICIUS PROBUS, & CLEMENTINUS, Consuls.

FREDELIN fils du Roy ou du Prince d'Escoffe & d'Hybernie, viuoit encor en ce tēps, tesmoin Noggerus : nonobstant qu'il eust esté familier de saint Hilaire. Le surnom de Pelerin luy fut donné, pource qu'il auoit voyagé par les pays fort loingtains, & y auoit annoncé la parole de Dieu.

Le second des autres Rois François à qui Clouis en voulut, fut Cararic, souz pretexte de ce qu'il ne s'estoit voulu ioindre avec luy, quand il alla faire la guerre au Roy Siagre. Tellement qu'iceluy estant tombé entre ses mains, il le fit avec son fils tondre & confiner en vn monastere, & bien tost apres mettre à mort ; se saisissant par mesme moyen de leurs biēs & seigneuries. Et puis s'adressa à vn Ranachaire ou Ranchaire, selon d'autres Canacres, qui regnoit au païs d'Artois & de Cambresi : lequel il traita avec deux siens freres de mesme façon que les precedents : ayant sollicité leurs familiers & domestiques à les luy liurer entre ses mains : dont il les paya de faulse monnoye. Bref il ne s'aduifa d'aucun autre Roy ou parent qu'il eust, à qui il ne fist par vne barbare cruauté perdre la vie : afin qu'il ne restast plus aucun qui peust contester contre luy, ny le troubler en son estat & en son Royaume. Lesquelles façons de faire toutesfois me semblent auoir esté examinees d'autre façon qu'elles ne deuoient par les anciens historiens, pour en donner le iugement qu'a fait Gregoire en parlant de la mort du Roy Sigebert, & de son fils : où il dit, *Prosternebat enim Deus quotidie hostes eius sub manu ipsius, & augebat regnum eius, eo quod ambularet recto corde coram eo, & faceret que placita erant in oculis eius.* Car on ne peut dissimuler que ceste tache de cruauté n'ait grandement maculé la loüange des autres grandes vertuz qu'on dit auoir esté en luy. Et que ce n'ait esté vn mystere de la iustice & prouidence diuine, de ce qu'il fut retiré de ce monde en la fleur de son aage, à sçauoir en la quarante-cinquième année de sa naissance, ayant regné trente ans entiers. Et que ses enfans & les enfans d'iceux ne furent pas moins cruels enuers l'un l'autre, que luy auoit esté enuers ses parens. Aussi que de telle façon qu'il les supplanta, la posterité fut supplantée par les ancestres de Charlemagne. Outre ce qu'apres la mort d'iceluy, le Royaume qui ne commençoit encor qu'à naistre, se trouua par deux fois desmembré en quatre parties avec vne infinité de guerres ciuiles. Et neantmoins qu'apres tant de diuisions il se reconstitua en fin de compte apres la mort des autres Rois en vn seul.

ALAMANDARUS Prince d'un certain canton ou lignee de Sarrazins, se fit en ce temps baptiser en la Religion Chrestienne. A cause dequoy Seuerus Euesque d'Antioche enuoya deux de ses Prestres vers luy, pour l'instruire en ses mauuaises opinions. Mais pource qu'il auoit esté à vne meilleure escole, il les renuoya tout confus par vne subtile & facecieuse similitude ; leur faisant entendre qu'il auoit receu nouuelles que saint Michel

Archange estoit decedé. Et comme ils le prissent à mocquerie, ainsi qu'une chose impossible, Comment doncques est-il plus possible (ce leur dit il) que selon vostre opinion Dieu ait esté crucifié en Iesus Christ, s'il n'a eu deux natures en soy? Zonare, Nicephore.

Or ce Seueré, apres s'estre installé au siege d'Antioche, enuoya ses Epistres synodales à Helie Patriarche de Hierusalem, & aux Euesques de Palestine, pour se ioindre avec luy en la communion de l'heresie qu'il maintenoit, & impugnation du Concile de Chalcedone: mais ils les reietterent avec grande ignominie de ceux qui les auoient apportees. Vn tel accord ne se trouua es Euesques du diocese d'Antioche. Car les vns s'accorderent volontairement avec Seueré: les autres par contraincte seulement, ayans autre opinion en leur cœur. Il y en eut qui perseuererent constamment en la meilleure opinion, sans vouloir aucunement fleschir pour luy. Plusieurs autres, apres l'auoir fuiuy du commencement, l'abandonnerent: & abjurans ses erreurs, se remirent au troupeau des bons, comme les Isauriens: ou laisserent les Eueschez qu'ils tenoient souz luy pour s'en aller ailleurs. Deux Euesques se trouuerent en Cypre, à sçauoir Cosme d'Epiphanie, & Seuerien d'Arethuse, qui prindrent la hardiesse de l'excommunier, & luy signifier leur sentence, par vn libelle. Qui fut cause que l'Empereur les voulut dechasser de leurs Eglises. Mais quand Asiatique Gouverneur d'une contree d'Asie, qui auoit le mandement de ce faire, l'eut aduertuy qu'il ne le pourroit sans effusion de sang, il l'en fit deporter. Euagrius liure 3. Nicephore liure 16.

ENVIRON le mesme temps, Timothee Patriarche de Constantinople institua & ordonna qu'es assemblees publiques de son Eglise, quand l'Euesque catechiserait & enseigneroit les premiers fondemens de nostre Religion, qu'on prononceroit le Symbole du Concile de Nicee, qui souloit estre auparauant leu & recité en l'Eglise vne fois chacun an seulement le iour du Vendredy saint. Nicephore Caliste liure sezieme, chapitre trentecinq.

<i>Du Monde.</i>	4650	<i>Papes.</i>	16	<i>R. des François.</i>	1
<i>De Rome.</i>	1265	<i>E. d'Orient.</i>	24	<i>R. des Visigoths.</i>	2
<i>De Iesus Christ.</i>	514	<i>R. d'Italie.</i>	22	<i>R. des Vandales.</i>	17
<i>Indiction.</i>	7	<i>R. de Perse.</i>	18	<i>R. des Lombards.</i>	17
				<i>R. des Escoffons.</i>	13

M. AVRELIVS CASSIODORVS dict LE SENATEVR, Consul sans adioinct.

Vn Capitaine de Thrace nommé Vitallianus, prenant à cœur les violences dont l'Empereur vsoit enuers le peuple de Constantinople, pour le contraindre d'adherer à ses opinions heretiques, s'esleua contre luy, & dressa si bien ses affaires, qu'il se fit maistre de plusieurs places, tant de la Thrace que de la Misie, de lesquelles il tira vne armee, qu'il mena iusques deuant Constantinople. Si est-ce toutesfois qu'il se laissa si bien endormir par les piperies de l'Empereur, que son entreprise vint à neant. Ioinct que l'industrie du philosophe Proclus à brusler ses nauires par le moyen d'un miroir ardent, seruit grandement à inualider ses efforts: de sorte qu'il fut finalement contrainct de se retirer sans rien faire. Marcellinus Comes, Euagrius liure 3. Paul Diacre, Zonare, Cedrenus. Selon lesquels aussi ce Proclus a esté grandement loué, tant pour la philosophie Platonique, de laquelle il faisoit profession, que pour le sçauoir qu'il s'estoit acquis es sciences mechaniques, par lequel il n'auoit pas seulement l'intelligence des machines qui auoient esté inuentees par Archimedes, mais il en auoit aussi inuenté plusieurs autres de son industrie.

Le peuple de Rome, qui depuis l'eslection du Pape Symmachus estoit demeuré en partialité & en diuision enuers le Clergé (tesmoin Cassiodore Consul de ceste annee en la Chronique Consulaire) retourna en concorde & en vnion ensemble. Au moyen de quoy l'Eglise reuint aussi en tranquillité. Ce qui semble estre aduenü par le trespas dudit Symmachus, qui estoit la cause de ce schisme.

CLOVIS

CLAVIS estant aagé de 45. ans, mourut en la 30. ou 31. année de son regne : & fut son corps mis en sepulture en l'Eglise de S. Pierre & S. Paul qu'il auoit fondée à Paris : Ses fils qui estoient 4. diuiserent la Monarchie en autant de Tetrarchies ou Roiaumes, qui eurent leurs sieges en quatre puissantes & fameuses citez, ausquelles respondoient plusieurs régions grandes & fertiles. Tellement que la cité de Paris avec ses dependances escheut à Childébert, qui (au rapport d'Agathius & des autres Historiographes) estoit l'aîné, lequel s'en fit nommer Roy : Comme aussi firent les autres freres, à sçauoir Clotaire de Soissons : Clodamire d'Orléans & de Bourgogne : Theodoric de Mets, qui neantmoins estoit l'ancien de tous les autres, mais fils d'une concubine, de laquelle dependoient les provinces qui obeïssent de delà le Rhin, & celles aussi de deçà, qui tiroient du costé d'Orient, qui furent pour ceste occasion dites le Royaume d'Austrasie. Cependant toutesfois on estime que le Baïsemain & la souveraineté des trois autres Royaumes estoit deuë à celuy qui estoit Roy de Paris, comme le premier de tous, & appartenant à l'aîné. Aussi que Paris estoit le siege royal de toute la Monarchie Françoisse, selon que nous auons recueilly de Iordanes, Gregoire de Tours, Aimoinus & Ado. Lesquels aussi tesmoignent d'un consentement, que les anciens François, qui comptoient leurs années en ce temps depuis le trespas de S. Martin, mirent en leurs memoires que la mort de Clouis escheut en la cxij. année de ce compte, qui se rapporte iustement à la 514. de nostre salut. En establisant le trespas de S. Martin, suyuant l'auctorité de Sulpitius Seuerus (qui estoit son disciple & contemporain) à la 16. année (qui se trouua en la 7. des Empereurs Arcadius & Honorius) apres la celebration du Concile tenu à Treues souz l'Empereur Maximus : Nonobstant que ledit Gregoire de Tours la voulu rapporter au Consulat de Cælius & Atticus, & à la 2. année d'iceluy Empereurs. Mais il est force que nous reduisions sa supputation à la nostre ; d'autant qu'il constitue la 31. année du regne de Gontran Roy d'Orléans (où il finit son histoire des François) en la 5. du pontificat du premier Gregoire Pape de Rome, ayant auparauant donné 51. an de regne du Roy Clotaire de Soissons son pere. Dont il faut que le trespas de Clouis se prenne selon luy-mesme en la 514. année de nostre Seigneur. Le Schisme qui ne s'appaisoit à Rome à cause de l'élection de Symmachus, donna occasion de faire assembler un 6. Synode par l'auctorité du Roy Theodoric, où les decrets des Synodes precedents furent confermez, & les accusateurs de Symmachus de rechef condamnés, la condamnation aussi de l'heresie Nestorienne & Eutichienne reiteree, dont l'Empereur fut grandement offensé, selon le liure des Conciles. Lequel en recitant les actes des Synodes qui se sont tenus souz Symmachus, declare combien de flateries luy ont esté dites par les Euesques qui y assisterent, indignes & mal conuenantes à la grauité des Conciles.

L'EMPEREUR Anastase mal-content des Euesques de la Palestine qui ne se vouloient accorder ny ioinde à la communion & opinions de Seuer d'Antioche, enuoia une grande multitude de gens d'armes en Hierusalem, souz la conduite d'Olympie Gouverneur de la Palestine, pour contraindre par force, ou deposer les refusans de leurs sieges. Lequel eut grandement affaire à executer sa charge, à cause de la resistance que luy firent les moines. Mais ils ne peurent si bien faire, qu'il ne deicest en fin le Patriarche Helie du siege de Hierusalem, mettant en sa place un nommé Iean, qui fut le 9. du nom fils de Martien : lequel bien qu'il s'entendist avec Seuer, toutesfois il ne preschoit & defendoit publiquement le Concile de Chalcedone, comme tesmoigne Nicephore Caliste. Mais Nicephore le Patriarche dit, que ce Iean 3. presida 11. ans : Onufrius, 13.

SYMMACHVS Euesque de Rome mourut le 19. iour de Iuillet : & fut le 2. iour d'apres faict l'élection de son successeur, qui se nommoit Hormisdas, natif d'Italie, lequel on dit auoir gouverné l'Eglise Romaine 9. ans, 18. ans. C'est à luy que quelques-uns assignent l'ordonnance de la diuision du clergé en deux ordres. L'un desquels deuoit alternatiuement respondre à l'autre, quand les Pseaumes se chantoient en l'Eglise. Quelques histoires escriuent, que de son temps aucuns moines de Scythie corrompus de l'heresie Nestorienne furent à Rome, dont il les fit en fin dechasser, pource qu'ils ne vouloient aucunement abjurer leur erreur, & qu'ils ne cessoient de diffamer ledit Hormisdas. Tellement qu'il en escriuit certaines Epistres contre eux, où il depeint fort bien l'hipocrisie & les mœurs d'iceluy moines. Mais pource qu'il y en auoit une dont les heretiques en ce temps faisoient bouclier, à cause qu'elle s'adressoit à un Possesseur Euesque d'Afrique, qui faisoit notoirement profession de la doctrine des heretiques ; Ioannes Maxentius homme de grand sça-

uoir en ce temps, & qui defendoit fort courageusement & constamment la foy du Concile de Chalcedone contre les Nestoriens & Acephaliens, fut incité d'y respondre par vne autre Epistre, qui se voit encores au iourd'huy imprimee. En laquelle il monstre que celle qui diffame lesdits moines, est faussement attribuee à Hormisda, ou qu'il est heretique, d'autant qu'il se monstre par icelle auoir intelligence avec les heretiques. Tant y a cependant, qu'il declare que les pauvres moines furent iniustement dechassez de Rome par luy, & mal traitez: d'autant qu'ils estoient professeurs de la vraye religion, & qu'ils s'estoient transportez à Rome seulement pour conferer avec luy de ce qu'ils deuoient croire contre l'heresie Nestorienne. Et puis il adioute qu'il s'estoit ainsi desbordé contre eux en faueur de Dioscorus Euesque d'Alexandrie, qu'on auoit renuoié deuant luy, se voulant despecher de ceux qui eussent peu former quelque accusation à l'encontre de luy: & auoit si bien seduit ledit Hormisda, qu'il n'estoit plus si zelé à la defense de la foy du Concile de Chalcedone, qu'il festoit montré du commencement.

<i>Du Monde.</i>	4651	<i>Papes.</i>	1	<i>R. des Vuisigoths.</i>	3
<i>De Rome.</i>	1266	<i>E. d'Orient.</i>	25	<i>R. des Vandales.</i>	18
<i>De Iesus Christ.</i>	515	<i>R. d'Italie.</i>	23	<i>R. des Lombards.</i>	18
<i>Indiction.</i>	8	<i>R. de Perse.</i>	19	<i>R. des Escoffois.</i>	14
		<i>R. des François.</i>	2		

FLA. FLORENTIVS, & FLA. ANTHEMIVS, Consuls.

VITALLIANVS apres s'estre retiré avec son armee en la Thrace, gagna quelques victoires sur les Capitaines de l'Empereur. Neantmoins il se laissa derechef si bien piper de ses dons & promesses, qu'il refit son appointement avec luy. D'autant que pour le cōtenter on fit assembler vn Concile d'environ deux cens Euesques en la ville d'Heraclee, comme pour y confermer les decrets du Concile de Chalcedone, & abolir les edicts qui auoient esté faits à l'encontre: ensemble aussi rappeler les Patriarches qui auoient esté enuoiez en exil. Mais l'Empereur fit en telle sorte par sa malice, que de ceste assemblee ne sortit aucun effect: à laquelle le Pape Hormisda deuoit enuoier ses Legats à la sollicitation du Roy Theodoric, fauorisant à Vitallian. Marcellinus Comes, Paul Diacre, Cedrenus.

ARIADNE femme de l'Empereur Anastasius mourut, & Macedonius semblablement cy deuant Euesque de Constantinople, pendant qu'il estoit en exil. Georg. Cedrenus.

Q V O Y que l'Empereur Anastase vlast de grande rigueur contre ceux qui ne se vouloient ioindre à Seuer d'Antioche, plusieurs toutesfois perseuererent constamment en la saine opinion, sans vouloir fleschir: signamment les moines, & entre iceux deux attirez de quelques monasteres de la Palestine nommez Theodore & Sabbas, lesquels ne peurēt estre par aucune crainte & violence empeschez de prescher & defendre publiquement la doctrine du Concile de Chalcedone. Qui plus est Sabbas sermōna si bien le nouveau Patriarche Iean de Herusalem, qu'il le fit distraire & retirer de la communion de Seuer. Dequoy l'Empereur fut tellement irrité contre Olympie, qu'il le reuoqua de sa charge, & surrogea en icelle vn Anastase: lequel en pensant auoir induit Iean à se retracter, le veit cōtre son esperance prescher la foy Catholique en pleine assemblee, sans qu'il eust moien de luy en faire pire traitement, selon la charge qu'il auoit de l'Empereur, à cause du peuple de Herusalem qui se mutina pour son Euesque. Nicephore Calliste.

VN Synode assemblé à Rome souz le Pape Hormisda par le commandement du Roy Theodoric, conferma & reitera la condamnation de l'heresie Eutychienne, par laquelle Seuerus estoit noté, & ses escrits qui la defendoient anathematizez: selon Nicephore liu. 17. chap. 2. de son histoire Ecclesiastique.

Du Monde

<i>Du Monde.</i>	4652	<i>Papes.</i>	9	<i>R. des Visigoths.</i>	4
<i>De Rome.</i>	1267	<i>E. d'Orient.</i>	26	<i>R. des Vandales.</i>	19
<i>De Iesus Christ.</i>	516	<i>R. d'Italie.</i>	24	<i>R. des Lombards.</i>	1
<i>Indiction.</i>	6	<i>R. de Perse.</i>	20	<i>R. d'Ecosse.</i>	15
		<i>R. des François.</i>	3		

FLA. PETRVS Consul sans adjoind.

LES Huns dits Sabériens sortans des portes Caspiées en grand nombre se desborderēt en l'Armenie, Licaonie & Cappadocie : & puis vindrent iusqu'au pont Euxin, où ils causerent vne telle peur à l'Empereur, qu'il fut contraint de transiger avec eux d'vne certaine somme de deniers pour les faire retirer. Et pource qu'ils vindrent iusques au lieu où Macedonius cy deuant Patriarche de Constantinople estoit confiné en exil, il se voulut retirer autrepars pour raison dequoy l'Empereur enuoia gens qui le mirent à mort. Nicephore liu. 16. Georg. Cedrenus.

HELIE cy deuant Euesque de Hierusalem mourut ceste année en exil, tesmoin Marcell. Comes, apres auoir (comme dit Nicephore) predit l'heure & le iour que l'Empereur Anastase deuoit mourir. Lequel cependant ne faisoit pas moins de faicheries aux Euesques des Eglises Occidentales de son Empire, qu'aux Orientales. Car il en fit venir plusieurs d'Illyrie à Constantinople, lequel toutesfois il fut contraint de renuoyer en leurs sieges, de peur de quelque esmotion contre luy en leur pais. Au mesme temps se trouua à Constantinople vn certain Euesque nommé Oemandre, preschant publiquement avec grande admiration pour le Concile de Chalcedone. Qui fut cause que l'Empereur l'appella à soy pour l'induire à se conuertir à ses opinions. Mais toy-mesme (se luy respondit-il) abandonne les erreurs de ce damnable Eutyches, de Dioscore & de Seuer, si tu veux euitier la mort eternelle. Car ta robbe ne t'accompagnera apres tō trespas, ains la vertu & pieté seulement que tu auras eu. Cedrenus.

Av mesme temps Theodoric Roy d'Italie fit venir Eutharic fils de Vviteric, qui estoit de la race roiale des Amales & des Ostrogots d'Espagne, où il demouroit, en Italie, & luy donna sa fille Amalasuntha en mariage. Iornandes.

Av Synode Terracin ceste année furent ordonnez dix canons de constitutions. Onulfrius.

DIOSCORVS successeur de Iean troisieme en l'Euesché d'Alexandrie, presida 7. ans. Ioannes Maxentius tesmoigne qu'il estoit Eutychien, & que le Pape Hormisdas fut seduit & corrompu par luy.

EN ce Consulat fut celebré vn Synode des Prelats d'Espagne en la ville d'Arragon ditte lors Terracon, les statuts duquel furent redigez en 13. canons, selon que recite le liure des Conciles: qui dit encor que cecy se fit au temps du Pape Felix en la 6. année du Roy Theodoric, laquelle discordance ne se peut pas facilement excuser. Il fut ordonné que la solemnité du Dimanche se commenceroit dès la fin du Samedi, ce qui s'obserue encor en Espagne.

CESTE année, qui est selon la supputation des Iuifs la 4465. de la creation du monde, Merimar & Mar fils de Rabbi Ase acheuerent, & amenerent à fin la compilation du Talmud Babylonique, c'est à sçauoir celle partie d'iceluy que les Iuifs appellent Ghemata, commencé long temps au parauant & amplifié aucunement par leurdit pere. Et apres qu'ils l'eurent seellé & cacheté de leurs sings, ils le firent publier & diuulguer entre les Iuifs, qui le receurent de telle affection qu'ils s'obligerent par vn serment solennel de le garder & obseruer inuiolablement, en se conduisant par apres selon la doctrine d'iceluy. Ce qui fut la plus manifeste & extreme rebellion des Iuifs contre Dieu. Theodore Bibliander en sa Chronologie. Mais Genebrard le rapporte à l'an cinq cens cinq, & dit que ce fut trois cens dixsept ans apres l'acheuement de la premiere partie dudit Talmud qu'on appelle Misna, & enuiron cent ans apres le Talmud de Hierusalem, & vingt neuf ans apres l'inuention des points & des accents. Quoy qu'il en soit, à compter iustement selon la supputation des Iuifs, & qu'il l'a faut rapporter à la nostre, cela

M ij

semble se deuoir plustost attribuer à l'an cinq cens huit, & à la soixante dixneuuesme année apres le trespas de Rab. Ase.

<i>Du Monde.</i>	4653	<i>Papes.</i>	3	<i>R. des Vvisigoths.</i>	5
<i>De Rome.</i>	1268	<i>E. d Orient.</i>	27	<i>R. des Vvandales.</i>	20
<i>De Iesus Christ.</i>	517	<i>R. d'Italie.</i>	25	<i>R. des Lombards.</i>	2
<i>Indiction.</i>	10	<i>R. de Perse.</i>	21	<i>R. des Escoffois.</i>	16
		<i>R. des François.</i>	4		

FLA. ANASTASIUS AVG. pour la 4. fois Consul avec **ACAPITVS.**

Vne trouppé de Scythes s'estant encore desbordée en la Macedone, Epire & Thessalie, y fit vn tel rauage qu'il fallut que l'Empereur composast avec eux d'une grande somme de deniers, tant pour les faire retirer, que pour la rançon des prisonniers qu'ils tenoient. Marcell. Comes, Nicephore.

CHOCILAIC Roy des Dahnois, estant descendu par mer avec vne grande armée dedans le Royaume de Theodoric Roy de Mets, fut par Theodebert son fils honteusement desconfit & occis, restant bien peu de ses gens pour en aller porter les nouuelles en leur pais. Gregoire de Tours, Aimoinus, Ado, Sigebert.

VVALTHARI ou Vvaldiare surnommé Adelingue, 9. Roy des Lombards, regna 7. ans apres le trespas de Vvachao, de qui Theodebert fil de Theodoric Roy d'Austrasie auoit espousé la fille. Selon le tesmoignage de P. Diacre. Procopius liu. 3. l'appelle Baldare: & dit que pource qu'il estoit au commencement de son regne fort ieune, il eut vn sien parent nommé Audoin qui gouerna son Royaume en son nom.

ENVIRON le mesme temps le Pape Hormisda enuoia des Ambassadeurs à l'Empereur Anastase, pour l'inciter de se deporter de ses erreurs & de se reconcilier avec l'Eglise Catholique: lesquels il rechassa fort contumelieusement d'aupres de soy, & à ce qu'on veult dire les renuoia sur vne nauire cassée & rompuë, en intention de les faire noyer. Lequel danger toutesfois ils euaderent.

LES statuts du Concile Gerundese celebré en ce temps furent reduits en dix canons: aucuns desquels ordonnent qu'aucun ne soit baptisé sinon à la feste de Pasque & de Pentecoste, moyennant qu'aucun danger de maladie n'intervient. Vn autre aussi commande que l'oraison Dominicale soit dite tous les iours par le prestre aux prieres du soir & du matin.

<i>Du Monde.</i>	4654	<i>Papes.</i>	4	<i>R. des Vvisigoths.</i>	6
<i>De Rome.</i>	1269	<i>E. d Orient.</i>	1	<i>R. des Vvandales.</i>	21
<i>De Iesus Christ.</i>	518	<i>R. d'Italie.</i>	26	<i>R. des Lombards.</i>	3
<i>Indiction.</i>	11	<i>R. de Perse.</i>	22	<i>R. d'Escoffe.</i>	17
		<i>R. des François.</i>	5		

FLA. MAGNVS & FLA. FLORENTIVS Consuls.

SOVZ lesquels Anastasius Empereur aagé de 80. ans receut le salaire de ses impietez par vn feu du ciel qui tomba sur luy, de telle façon qu'il en mourut (au rapport de plusieurs) enuiron le 10. iour de Juillet. Et pource qu'il ne s'estoit pourueu de successeur auât son trespas, les soldats de sa garde esleurent de leur propre mouuement vn nommé **FLA. ANICIVS IVSTINVS** natif de bas lieu au pais de Thrace, qui estoit lors leur maistre Capitaine pour l'Empereur. Tellement qu'ils l'establirent au siege Imperial, où il presida 9. ans & enuiron 21. iours, à les compter depuis le trespas de son predecesseur (si d'auenture il a esté noté par les auteurs, & qu'ils n'ayent pris vn mois pour vn autre) iusques au sien. D'autant que Marcell. Com. adioust 2. mois aux 9. ans, Niceph. 3. au lieu desquels on auroit possible mis en Euagrius liu. 4. cha. 9. 3. iours. Tât y a que Marcell. tesmoigne qu'il a regné depuis la 11. iusques à la 5. Indictio. Euagrius li. 4. ch. 1. adioust que son regne comença en

en la 506. année du compte des Antiochiens : qui est pour monstrier qu'ils cōptoient leurs années depuis le regne de Iules César. Cependant Cassiodore finit sa Chronique Consulaire en ce Consulat.

Les Perses, à l'occasion du trespas de l'Empereur Anastase, rompirent les trefues qu'ils auoient avec les Romains. A cause dequoy Iustin enuoya plusieurs presens à Zeliordes Roy des Huns, pour l'attirer à son alliance. Qui promit tout ce qu'on luy demanda, & ne laissa toutesfois de mener vingt mille hommes de guerre au secours du Roy Cabades. lequel informé de sa desloyauté, le fit tailler en pieces avec tous ses gens, & puis se rappointa avec l'Empereur Iustin : selon que Paul Diacre liure quinziesme recite. Sabellic & autres adioustent, que ceux des Huns qui resterent de ceste deffaiete, esleurent vn autre Roy sur eux, qui se nommoit Auarius : souz lequel ils quitterent non seulement leur pais, qui estoit comme on dit la Scythie Asiatique, mais aussi leur ancien nom des Huns comme infortuné & odieux, se faisans nommer Auarois ou Auares : & puis se vindrent cy apres habiter au pais appelé anciennement Noric, qu'ils firent nommer de leur nom Bauarie ou Bauiere. Mais Auentin semble auoir suffisamment monstrier, que les Boiens partis du pais de Boëme le firent premierement à l'occasion d'eux nommer *Boioaria* : & qu'il prit seulement le nom de Bauiere depuis que les Rois & Empereurs de la lignee de Charlemagne furent faillis en Allemagne. Bonfinius aussi confesse bien qu'Auarius qui fut auteur du nom des Auarois, fut successeur d'un Zeliordes : nonobstant qu'il se persuade que c'estoit vn autre que le precedent : & que tous deux regnerent sur les reliques des Huns, qui auoient occupé les Pannonies souz Attila & ses fils, apres qu'ils en furent dechassez par les Gepides, & contrains se retirer en vne partie de Noric, qui appartient maintenant à l'Autriche, où ils se maintindrent puissamment iusques au temps de Charlemagne.

Mais Procopius liure premier raconte autrement la cause de la guerre des Romains contre les Perses. Qui vint (comme il dit) de ce que Cabades Roy des Perses, estant en deliberation de designer l'un de ses fils pour son successeur, & desirant faire venir cest honneur au troisieme nommé Chosroes, plustost qu'à l'aîné ou aucun des autres, s'aduisa d'enuoyer prier l'Empereur de conclure vne bonne & durable paix avec luy, moyennant laquelle il adoptast ledit Chosroes pour son fils. Ce qu'il faisoit afin qu'il fust en la protection de l'Empereur, & que par icelle il fust maintenu contre ses freres. Mais les Conseillers de l'Empereur, interpretans ceste adoption en autre fin, ne furent d'aduis qu'il l'accordast en la sorte qu'on la demandoit. Parquoy du refus qui en fut fait, s'en ensuyuit le renouvellement de la guerre d'entre les Perses & les Romains, avec la haine irreconciliable que Cabades & son fils Chosroes porterent tousiours depuis aux Empereurs. Quant à l'appointement que Paul Diacre dit que Cabades fit avec Iustin, Procopius n'en fait aucune mention.

SAINTE Brigide qui estoit de la race des Rois d'Escoffe, mourut ceste année. Tritemius.

JEAN surnommé Basilides, natif de Cappadoce, successeur de Timothee en l'Euesché de Constantinople, presida environ deux ans. Nicephore liure dixsept de son histoire Ecclesiastique, tesmoigne qu'il fit assembler ceste année vn Concile à Constantinople, par lequel il fit approuuer & confermer les decrets du Concile de Chalcedone, & condamner par mesme moyen Seuerus Euesque d'Antioche qui les oppugnoit. Les actes dudit Concile tesmoignent qu'il fut celebré en ce Consulat, en l'Indiction 11. le vingtiesme de Iuliet.

Les Ambassadeurs enuoyez de la part du Pape Hormisdas vers Anastasius, pour l'exhorter à repentance & amendement vn peu deuant son trespas, receurent vn mauuais traitement & recueil. Et puis eurent response que c'estoit au Pape d'obeir à l'Empereur, & non de luy commander. P. Diacre.

Le Concile de Sarragosse en Espagne tenu ceste année, declara pour excommuniez ceux qui reçoient l'Eucharistie, & ne la mangent point. Et ordonna que les Vierges & Nonnains ne pourroient estre voilees deuant l'age de quarante ans. Liure des Conciles.

<i>Du Monde.</i>	465	<i>Papes.</i>	5	<i>R. des François.</i>	6
<i>De Rome.</i>	1270	<i>E. d'Orient.</i>	2	<i>R. des Visigoths.</i>	7
<i>De Iesus Christ.</i>	519	<i>R. d'Italie.</i>	27	<i>R. des Vandales.</i>	22
<i>Indiction.</i>	12	<i>R. de Perse.</i>	23	<i>R. des Lombards.</i>	34
				<i>R. des Escoffois.</i>	18

FLA. IVSTINVS AVG. & FLA. EVTHARIVS CILICA, Consuls.

Vn Capitaine nommé Theocrite souz l'appuy d'Amantius grand Maistre du Palais Imperial, & d'André premier Chambellan, s'osa esleuer contre l'Empereur Iustin. Mais leur entreprinse rencontra si malheureuse issue, qu'ils furent en peu de temps pris ensemble, & puis decapitez. Auquel temps aussi Vitallianus Scythia s'en alla souz la foy de l'Empereur a Constantinople, & y fut pourueu de l'estat de Coronal de toute la gendarmerie. Cependant ceux qu'on appelloit de la faction Venetique, exciterent plusieurs troubles & seditions en Orient: à l'occasion desquelles grand nombre d'homicides & de meurtres se commirent. Marcellinus Comes, Cedrenus.

IDAS Roy de Bernicie en Northumbellande mourut ceste annee, & luy succeda son fils nommé Addas. Beda, Polydore.

IVSTIN cognoissant que c'estoit entre ses charges de procurer à remettre l'Eglise en repos & tranquillité, qui estoit lors toute troublee par la faction Eutychienne, ioinct le bon zele qu'il auoit à la pure doctrine, fit deposer, & couper la langue à Seuerus Euesque d'Antioche, à cause que c'estoit le chef & porte-en-seigne des blasphemateurs contre la vraye doctrine du fils de Dieu, & qui tenoit toutes les Eglises d'Orient en diuision: & puis substituer en son lieu vn nommé Paul second de ce nom, lequel presida seulement trois mois. Outreplus donna bon ordre à rendre nette la cité de Constantinople de tous heretiques, nommément de ceux qui faisoient profession de l'heresie Eutychienne: reuocquant par mesme moyen tous les Catholiques que ses predecesseurs auoient enuoyez en exil. Et en ce faisant aussi ferma les Temples des Arriens, lesquels il donna aux Orthodoxes. Dequoy le Pape Hormisdas aduertit, reconcilia l'Eglise Romaine avec la Grecque, en reuocquant les censures que ses predecesseurs auoient prononcees contre les pasteurs & ministres d'icelle. Euagrius liu. 4. Sigebert, Nicephore Caliste liure 18. de son histoire Ecclesiastique.

APRES que Iean Patriarche de Constantinople luy eut enuoyé la confession de sa foy, pour celà toutesfois les erreurs de Seuerus ne laisserent d'auoir encor cours long temps depuis. Et pource que sa doctrine contrarioit en plusieurs poincts à la foy Catholique, ceux qui l'ensuiuient furent à l'occasion d'iceux nommez de diuers noms, selon que les vns s'acheuroient plus à maintenir l'vn de ses erreurs que l'autre. Tellement que de luy proceda non seulement l'appellation des Seuerites, mais aussi des Triteites, qui faisoient trois Dieux de la Trinité: & des Agnoetes, dont auoit esté autheur autresfois Themiste philosophe. Mais icelle estant esteinte avec son autheur, il la remit au dessus: par laquelle il maintenoit que Dieu verbe auoit pleine cognoissance de toutes choses, non l'humanité qui luy estoit vnée & adoptee, laquelle ne les cognoissoit parfaitement. Puis apres ces Agnoetes, Seuerites & Triteites vindrent à se diuiser en Theodosiens, Contobabdités, Pauliens, Angelites, Damianistes, Petrites, Cononites, Tetradites.

LES Pasteurs de l'Eglise Romaine estoient (ce dit Isidore) contentez du tiltre seulement d'Archeuesques depuis le Pape Syluestre, à qui il auoit esté premierement donné: mais le Pape Hormisdas fut le premier qui se laissa nommer Patriarche par l'Empereur. En quoy il fut secondé & ensuiuy de ses successeurs, iusqu'à Boniface 3. lequel se donna le nom d'Oecumenique ou Vniuersel.

Vn Synode fut tenu en ce temps en la basse Syrie par les Euesques d'icelle province.

Du Monde.

<i>Du Monde.</i>	4656	<i>Papes.</i>	6	<i>R. des Vvifigots.</i>	8
<i>De Rome.</i>	1271	<i>E. d'Orient.</i>	3	<i>R. des Vvandales.</i>	25
<i>De Iesus Christ.</i>	520	<i>R. d'Italie.</i>	28	<i>R. des Lombards.</i>	5
<i>Indiction.</i>	13	<i>R. de Perse.</i>	24	<i>R. des Escossois.</i>	19
		<i>R. des François.</i>	7		

FLA. RVSTICVS, & VITALIANS, Consuls.

Le dernier desquels fut, nonobstant la sauueté qui luy auoit esté cy deuant donnée, mis à mort au 7. iour de son Consulat par le commandement de l'Empereur : pource qu'il auoit auparauant porté les armes contre l'Empire. Marcell. Comes.

THEODON Prince des Boiens ou Bauariens, desirant exterminer totalement la puissance Romaine du pais Noric, passa avec ses forces la riuere d'Oene : & fit en sorte qu'apres auoir deffait les Romains qui restoient en ce quartier-là par vne grosse bataille, acheua de reduire en son obeissance tout le pais de Nortgan dit Noric. Tellement qu'il comença deslors de prendre à l'occasion de ses gens qui rapportoient leur origine aux anciens Boiens, le nom de *Boioarie*, qui se tourna puis- apres en Baioarie, & puis en fin en Bauiere ou Bauarie, qu'il retient encore auourd'huy. Auentin liu. 3.

CABADES Roy des Perles, estant en termes de faire guerre à l'Empereur, fut destourbé de son entreprinse par vne autre guerre qui luy suruint contre les Iberiens, qui habitoient la contree qui est aupres des portes Caspies du costé de la bise (lesquels on estime estre au iourd'huy les Georgiës) dont luy-mesme fut le motif : pource qu'estans ses subiects il les voulut contraindre de renoncer à la religion Chrestienne qu'ils auoient embrassée, pour viure selon les ceremonies & coustumes de faire des Perles, qui estoit d'adorer les idoles, & exposer les corps de ceux qui mouroient entre eux aux champs pour estre deuorez par les chiens & oiseaux. A cause dequoy Gurgenes Roy des Iberiens enuoia demander secours à l'Empereur, le priant de ne laisser exterminer luy & sa gent par les Perles. Ce qui fit, que Probus nepueu de l'Empereur defunct eut charge de la part de Iustin d'aller solliciter les Huns de là le pont Euxin à donner secours & confort aux Iberiens. Où il ne fit rien : dont il semble que ce fut lors qu'aduint ce qu'a esté cy dessus dit du Roy Zeliobes des Huns. Parquoy quand il fut de retour, il despescha vn Capitaine nommé Pierre avec quelque peu de Huns, pour aller ioindre au Roy des Laziens, qui defendoit la cause des Iberiens. Mais pource que toutes leurs forces iointes ensemble ne se trouuerent bastantes pour soustenir la grande puissance que le Roy Cabades enuoia contre eux, force fut à Gurgenes d'abandonner son pais, & se retirer avec toute sa famille & parenté, & les principaux de son Royaume en la contree des Laziens : qui pour estre close & enuironnée de montagnes inaccessibleles, osta le moien aux Perles de poursuiure les fuians, & de faire autre exploit plus memorable sur eux. Apres celà Pierre accompagné desdits Iberiens sen reuint à Constantinople. Procopius.

VVAUBERT arriere fils du Roy Clodion, mourut laissant deux fils : l'aîné desquels nommé Aulsebert succeda es seigneuries que sa mere tenoit es pais de l'appartenance des Vvifigots. Et puis espousa cy apres la fille du Roy Clotaire 1. apres qu'il fut de retour de Rome, où il auoit esté mené & fait Sénateur souz le Roy Theodoric, tesmoin vne ancienne Chronique non imprimee. Quant à son frere nommé Vvaubert 2. du nom, s'il est vray que cest Aulsebert s'en soit enfuy en Italie, on peut penser que ce fut pour euitier le traitement que Clouis faisoit à ses autres parens. Mais d'autant que celà est incertain, ie croy plustost qu'il ne fut appelé Sénateur & surnommé Romain, que pource qu'il estoit de la race des anciens nobles Gaulois, qu'on appelloit Romains, plustost que pour auoir obtenu ceste dignité-là en Italie. Car il s'en trouue d'autres en Gregoire de Tours de la nation Gauloise qualifiez du mesme tiltre, lequel on ne peut dire qu'ils l'aient apporté de Rome. Qui plus est, ce que les Chroniqueurs Lorrains ont escrit de la genealogie de cest Aulsebert, se verifie par vne infinité d'argumens & de preuues estre totalement fabuleux, & ne se pouoir prouuer par aucun bon autheur. Combien que nous ne nions pas que Charlemagne n'ait tiré sa genealogie de luy : qui est cause que nous l'auons voulu inserer en ceste oeuvre, encor que nous n'accordions pas tant de tiltres & de dignitez hereditaires au

Royaume d'Austrasie aux descendans d'iceluy.

S'ESTANT Paul Euesque d'Antioche volontairement deposté, vn Prestre nommé Euphrasius luy fut substitué en son siege, auquel il presida enuiron 5. ou 6. ans.

AVQVEL temps aussi Epiphanius fut subrogé à Iean Basilides en l'Euesché de Cōstantinople: tellement qu'il l'exerça l'espace de 13. à 14. ans. Euagrius, Nicephore.

<i>Du Monde.</i>	4657	<i>Papes.</i>	7	<i>R. des François.</i>	8
<i>De Rome.</i>	1272	<i>E. d'Orient.</i>	4	<i>R. des Vuisigoths.</i>	8
<i>De Iesus Christ.</i>	521	<i>R. d'Italie.</i>	29	<i>R. des Vandales.</i>	24
<i>Indiction.</i>	14	<i>R. de Perse.</i>	25	<i>R. des Lombards.</i>	6
				<i>R. des Escossois.</i>	20

FLA. VALERIUS, & FLA. IUSTINIANVS, qui fut cy apres Empereur, Consuls.

ENVIRON ce temps l'Empereur Iustin enuoya vne armee en la Perfarmenie contre les Perfes, souz la conduite de deux ieunes Capitaines Sitta & Bellisarius, qui firent quelques courses & pillages sur l'ennemy. Et fut lors que Bellisarius commença de se faire cognoistre & renommer, n'estant auparauant qu'un simple homme d'armes de la compagnie du Prince Iustinian, qui fut cy apres Empereur. Procopius liu. 2.

LES villes de Corinthe & de Dirrachium, dicté Durrazzo, furent ceste annee merueilleusement gastees du feu du ciel. Cedrenus.

<i>Du Monde.</i>	4658	<i>Papes.</i>	8	<i>R. des François.</i>	9
<i>De Rome.</i>	1273	<i>E. d'Orient.</i>	5	<i>R. des Vuisigoths.</i>	10
<i>De Iesus Christ.</i>	522	<i>R. d'Italie.</i>	30	<i>R. des Vandales.</i>	25
<i>Indiction.</i>	15	<i>R. de Perse.</i>	28	<i>R. des Lombards.</i>	7
				<i>R. des Escossois.</i>	21

Q. AVRELIVS SYMMACHVS, & ANICIVS MANLIVS SEVERINVS BOETHIVS, tous deux pour la 2. fois Consuls.

LESQUELS en ce temps estoient tenuz en Italie pour les deux plus grands personnages d'entre les Romains, tant à cause de leur noblesse de race, auctorité & richesses, que pour le grand sçauoir dont ils estoient renommez en tous genres de sciences, selon qu'ils ont faict paroistre, nommément Boëce, par leurs escrits.

LE Royaume de Turingie estoit en ce temps reduit souz la main de trois freres qui y regnoient, nommez Baderic, Hermenfroy, & Bertaire: lequel fut malheureusement occis par Hermenfroy, qui en eust fait tout autant à l'autre s'il ne se fust vertueusement defendu par l'espace de quelque temps. Finalement toutesfois sa defense luy vallut si peu, que la vie luy fut ostee, comme à l'autre. Au moyen de ce que son frere obtint vne armee de Theodoric Roy de Mets, souz promesse qu'il luy feroit part de sa victoire. Neantmoins quand il fut par icelle venu à chef de ses intentions, & reduit tout le Royaume de Turingie en sa main, il la renuoya sans faire monstre de se vouloir acquitter de la promesse qu'il auoit faicte pour l'obtenir: d'autant qu'il se tenoit fort de l'alliance de Theodoric Roy d'Italie; laquelle fit aussi dissimuler au Roy de Mets ceste injure, iusques à ce que le temps luy eut amené l'opportunité d'en auoir sa raison. Autheurs precedents.

IL semble par ce qu'on trouue escrit de ceste guerre, que le Royaume de Turingie n'estoit pas fort esloigné du Rhin. Ce qui nous fait estimer qu'il cōprenoit souz soy vne partie des prouinces Orientales & Meridionales, qui auoient esté auparauant de l'ancienne France.

VN Capitaine Saxon nommé Cerdicius, qui estoit le dernier de ceux de sa nation arriué de la Germanie en Angleterre au secours de ses compagnons, fonda & erigea ceste annee le septiesme Royaume des Saxons dictés Occidentaux en ladite isle. Polidore Virgile liu. 4. & 6.

Du Monde.

<i>Du Monde.</i>	4659	<i>Papes.</i>	9	<i>R. des François</i>	10
<i>De Rome.</i>	1274	<i>E. d'Orient.</i>	6	<i>R. des Vvisigoths.</i>	11
<i>De Iesus Christ.</i>	523	<i>R. d'Italie.</i>	31	<i>R. des Vandales.</i>	25
<i>Indiction.</i>	1	<i>R. de Perse.</i>	27	<i>R. des Lombards.</i>	1
				<i>R. des Escossois.</i>	22

F. ANICIUS MAXIMVS, Consul sans adioinct:

ENVIR O'N cetemps, Zathus prince de la nation des Laziens, (qu'on estime estre ceux qu'on appelloit anciennement les peuples de la Colchide) se transporta à Constantinople avec vne grande troupe de ses subiects: où il se fit baptiser en la Religion Chrestienne. En faueur dequoy l'Empereur luy donna le tiltre de Roy, & selon les autres, d'Empereur des Laziens; qui fut cause qu'estant de retour en son pais, il s'aliena de l'alliance & subiection du Roy de Perse. Nicephore, Cedrenus, Zonare, Paul Diacre liu. 15. Procopius ne fait point de mention de la venue de ce Roy des Laziens; mais il parle de celle du Roy des Iberiens, qui estoit Chrestien.

LE tumulte excité es parties d'Orient à l'occasion des partisans de la faction Venetique & Prasine, fut appaisé aux despens des auteurs d'iceluy; qui en receurent le chastiment. Cedrenus.

AVDOIN de la race des Gaufes, 10. Roy des Lombards, regna sur eux en la province de Fulden l'espace de 18. ans, selon les auteurs precedens. Procopius dit qu'il estoit parent seulement du Roy precedent: à l'occasion dequoy le Royaume des Lombards luy escheut apres sa mort; mais il l'appelle Baces.

HORMISDA mourut le 8. iour d'Aoust, laissant son siege vacant l'espace de 7. iours, ou selon Onufrius 5. Au bout desquels Iean 1. de ce nom, natif de la Toscane, qui se nommoit auparavant *Maurus*, fut esleu pour tenir son lieu, par lequell'Eglise Romaine fut gouvernee l'espace de 2. ans, 9. mois, 14. ou 16. iours.

AV mesme temps Theodoric Roy d'Italie commença de deuenir plus rigoureux enuers les Romains, signamment enuers le Senat de Rome, se doutant qu'il ne fust de mauuaise volonté enuers luy. Tellement que cela luy fit apprehender vn faux soupçon du grâd Boèce, à l'appetit duquel il l'enuoya en exil à Paue, où il composa ses liures de la consolation.

A Dioscorus Euesque d'Alexandrie decedé, fut substitué en sa charge vn nommé Timothee, lequell'exerça 17. ans. Onufrius.

<i>Du Monde.</i>	4660	<i>Papes.</i>	1	<i>R. des François.</i>	11
<i>De Rome.</i>	1275	<i>E. d'Orient.</i>	7	<i>R. des Vvisigoths.</i>	12
<i>De Iesus Christ.</i>	524	<i>R. d'Italie.</i>	32	<i>R. des Vandales.</i>	27
<i>Indiction.</i>	2	<i>R. de Perse.</i>	28	<i>R. des Lombards.</i>	2
				<i>R. des Escossois.</i>	23

FL. IUSTINVS AVG. pour la 2. fois Consul, avec **FL. OPILIUS.**

Le gouuernement des provinces d'Orient contre les Perfes, fut donné ceste annee à vn Patrice nommé Secundus. Cedrenus.

CABADES Roy des Perfes, fit enuiron cetemps massacrer plusieurs milliers de Manicheens, à cause qu'ils auoient induit son fils Phatuarfan, qui adheroit à leur doctrine, à se rebeller à l'encontre de luy, & à se faire Roy deuât sa mort. P. Diacre, Cedrenus, Siebert.

<i>Du Monde.</i>	4661	<i>Papes.</i>	2	<i>R. des François</i>	12
<i>De Rome.</i>	1276	<i>E. d'Orient.</i>	8	<i>R. des Vvisigoths.</i>	13
<i>De Iesus Christ.</i>	525	<i>R. d'Italie.</i>	33	<i>R. des Vandales.</i>	1
<i>Indiction.</i>	3	<i>R. de Perse.</i>	29	<i>R. des Lombards.</i>	3
				<i>R. des Escossois.</i>	24

ANICIUS PROBVS IVNIOR, & FL. PHILOXENV, Consuls.

SYMMACHVS & Boëthius, personnages fort honorables & de grand renom en Italie, estans entrez en mauuaise suspition enuers le Roy Theodoric, furent suiuant son commandement iniustement executez à mort. P. Diacre, Procopius.

L'ARMEE des Romains estant entree en ce temps dedans l'Armenie, eut rencontre avec les Perles, desquels estoient lors Capitaines Narles & Aratius, qui se vindrent bien tost apres rendre au seruice de l'Empereur, où ils firent fidelement leur deuoir souz Bellisarius, qui les mena aussi cy apres en Italie. Sur ces entrefaictes l'Empereur enuoya encor vne nouvelle armee en Orient, souz la conduite d'un Libellarius natif de Thrace, qui voulut aller brauer l'ennemy iusques dedans son pais: & toutesfois en reuint honteusement, sans qu'il eust veu personne qui le poursuiuit. A cause dequoy l'Empereur le r'appella, & puis donna la charge de toute l'armee Romaine qui estoit aupres de Damas à Bellisarius, luy adioignant Procopius l'historiographe pour vn de ses Conseillers. Procopius liu. 1.

TRASAMUND Roy des Vandales en Afrique decedé, succeda son fils nommé Ilde-ric, qui regna 7. ans: lequel tant de son propre mouuement, que pour raison de l'alliance & amitié qu'il contracta avec l'Empereur Iustin, fut si fauorable aux Catholiques, qui estoient en son Royaume, qu'il les laissa viure en telle liberté que les siens. Procopius.

APRES Adda Roy de Northumbellande, qui mourut en ce temps, regnerent successi- uement audit Royaume Clapas, Theodulfe, Frendulphe, Theodoric & Ederic. Mais on tient que leur regne ne dura en tout que trentedeux ans. Polidore hist. d'Angleterre.

Du Monde.	4662	Papes.	3	R. des Visigoths.	14
De Rome.	1277	E. d Orient.	9	R. des Vandales.	2
De Iesus Christ.	526	R. d'Italie.	34	R. des Lombards.	4
Indiction.	4	R. de Perse.	29	R. d'Ecosse.	25
		R. des François.	13		

ANICIUS OLYBRIVS IVNIOR Consul, sans adioinct.

VNE Roine des Huns dits Saberiens, nommee Boreza, estant son mary qui s'appelloit Malachus decedé, prit le party des Romains contre le Roy de Perse. Tellement qu'en fa- ueur d'eux elle leua vne armee de cent mille Huns, par le moyen desquels elle deffit deux Rois d'une autre nation de Huns: & occit vingt mille de leurs gens, qui alloient au se- cours des Perles, demeurât l'un desdits Rois nommé Glac occis, & l'autre appelé Styraux prisonnier, qu'elle enuoya à l'Empereur. Georgius Cedrenus.

ESTANT le Roy Theodoric merueilleusement courroucé de ce que l'Empereur Iustin auoit chassé les Arriens de leurs Eglises, contraignit le Pape Iean de l'aller prier de reuo- quer son edict, ou de luy faire entendre que faisant autrement il le feroit bien tost aduer- tir de la ruine de la cité de Rome, & de la dissipation de toutes les Eglises Catholiques qui estoient en Italie. Laquelle menace fut de telle efficace, qu'il impetra (estant arriué à Con- stantinople) ce qu'il demanda par ses remonstrances. Mais pource que l'Empereur luy fit vn si grand & honorable recueil, qu'on a bien osé escrire qu'il alla en personne au deuant de luy, se prosterna à ses pieds, & l'adora Theodoric: s'imprima vne si mauuaise opinion de luy, que sans forme de procez il le fit encoffrer à son retour en vne cruelle prison, où il mourut le 27. iour de May, laissant son siege vacquant iusques au 25. iour de Iuillet, auquel Felix quatriesme, fils d'un Castorius natif de Beneuent, fut esleu pour gouverner l'Eglise Romaine; qui exerça ceste charge l'espace de quatre ans, deux mois, dixhuit iours. Au- quel les escriuains de l'histoire des Papes attribuent l'institution du Sacrement de l'extre- me onction, qu'il disoit auoir son fondement en l'epistre de saint Iacques chapitre cin- quiesme. Nicephore Caliste tesmoigne liure dixsept, chapitre neuf, que ce Iean estant à Constantinople, fut semond & inuité à s'asseoir en pareil degré, & se mettre aupres de l'Euesque de Constantinople. Ce qu'il ne voulut faire, ny renôcer à la prerogatiue de son siege, ains voulut estre assis en vn throsne au dessus d'Epiphanie. Lors aussi il receut tous les Patriarches d'Orient à la Communion, horsmis Timothee d'Alexandrie, pource qu'il adheroit à l'erreur des Eutychiens.

L'IN-

L'INIVSTICE commise enuers les deux personnages precedens, se representa si souvent in l'imagination du Roy Theodoric, qu'elle le fit en fin tomber en vne pernicieuse maladie, de laquelle il mourut en la 72. année de son aage, en la ville de Rauenne le second iour de Septembre, qui estoit le 100. apres le trespas du Pape Iean, laissant le Royaume d'Italie au fils de sa fille nommé Atalaric, souz le gouuernemēt de sa mere Amalasuntha, à cause qu'il estoit encore en fort bas aage. De sorte qu'il fut gouuerné par eux en ceste maniere enuiron l'espace de huit ans. Anastasius, Paul Diacre, Chronicon ancien.

AMALARIC ou Amalric fils du feu Roy Alaric, estant paruenue en aage de discretion, prit le gouuernement de son Royaume en sa main, apres le trespas du Roy Theodoric son oncle. Si d'auanture, comme aucuns ont escrit, il ne le prit quelque peu deuant. Tant y a que la Chronique Vvisigothe rapporte le commencement de son regne à l'Ere DLXIII. & tient avec les autres Chroniques d'Espagne, qu'il regna cinq ans. Procopius adioute qu'il fut conseillé au commencement de son regne de chercher l'alliāce des Rois de France, en prenant leur sœur Clotilde en mariage, qui luy fut donnee avec la Comté de Tholose pour le dot d'icelle: nonobstant qu'il laissa encore iouyr les Ostrogoths du païs de Prouence, qui est delà le Roine, afin de ne s'estranger de leur amitié, reprenant à soy ce qui est du costé des Pyrenees. Qui nous est vn tesmoignage, que le Roy Theodoric estoit decedé deuant luy: ioinct que Iornandes l'a expressement déclaré.

VNE partie de la cité d'Antioche fut renuersee par vn horrible tremblement de terre: tellement que plusieurs milliers de personnes y furent perduz, entre lesquels se trouua l'Euesque Euphrasius. A cause dequoy vn nommé Euphramius, qui auoit esté cy deuant Comte d'Orient, luy fut donné pour successeur: tellement que sa presidence dura dixhuit ans. Cependant ceste piteuse calamité auoit esté auparauant prediēte par vn moine de Cesaree nommé Zozimus; lequel estoit lors en grand bruit & reputation en Orient, avec vn Iean Cuzicite de mesme profession que luy, pour la bonne vie qu'ils menoient, & pour la grace qu'ils auoient de predire les choses futures. Euagrius liure quatriesme. Cedrenus.

Du Monde.	4663	Papes.	1	R. des François.	14
De Rome.	1278	E. d'Orient.	10	R. des Vvisigoths.	1
De Iesus Christ.	527	R. d'Italie.	1	R. des Vandales.	3
Indiction.	5	R. de Perse.	30	R. des Lombards.	5
				R. des Escoffois.	26

FL. MAVORTIVS Consul sans adioinct.

SOVZ lequel Fl. Anicius Iustinus dixseptiesme Empereur d'Orient, se sentant approcher de la fin de ses iours, institua & declara Fl. Anicius Iustinianus fils de sa sœur, son heritier & successeur en la dignité Imperiale. De façon qu'il le fit saluër & proclamer Empereur Auguste le premier iour d'Auril (tesmoin Euagrius liure quatriesme, chapitre neuf, & Marcellinus Comes) l'année qu'on comptoit de la nomination de Constantinople 197. & en l'indiction cinquiesme. Et ne vesquit de là que 4. mois apres, pource qu'il mourut le premier iour d'Aoust: auquel nous commençons à compter l'Empire dudit Iustinianus premier du nom, qu'on dit auoir duré trentehuit ans, trois mois, treze iours: en l'espace desquels il releua & remit quasi entierement au dessus par sa prudence & sagesse l'ancienne gloire & grandeur de l'Empire Romain. Tesmoin les auteurs precedens, avec Theodore Lecteur, les deux Nicephores, P. Diacre, Zonare, & Cedrenus.

IUSTINIAN estant paruenue à l'Empire, commanda à Bellisarius de bastir vne forteresse sur les limites des Perses, faisant aller ioindre à luy deux Capitaines nommez Cuzes & Buzes, qui auoient la cōduite des Legions qui gardoient le Liban avec leurs troupes, afin de l'aider, & à paracheuer l'œuvre, & à repousser l'ennemy s'il se venoit ingerer de le destourner. Mais il y vint si fort, & en telle compagnie, que les Romains furent deffaits & mis en route, & leur entreprinse rompuë. Procopius liure premier de la guerre Persique.

SIGISMUND Roy de Bourgongne, ayant perdu sa premiere femme, qui estoit fille de Theodoric Roy d'Italie, qui luy laissa vn fils nommé Sigeric ou Sugere, en auoit espouſé vne seconde, à la suggestion de laquelle (qui portoit enuie à la noblesse de la premiere) il fit mourir trop hastiuement son fils. D'ôt il eut vn tel regret (ce dit Sigebert) qu'il en fit par penitence fonder le monastere de S. Maurice en Valais. Mais Gregoire de Tours declara qu'il l'auoit fondé au parauant, & nous donne quant & quant des indices que Sigismund vſa de ceste inhumanité enuers son fils apres le trespas du Roy Theodoric seulement. Ce qui est aussi bien vraisemblable, qu'il ne l'eust pas osé faire deuant: veu que la Roine Clotilde fut bien incitée d'induire ses fils à entreprendre avec la vengeance de ceste mort, celle de ses pere & mere. Tellement qu'ils menerent souz ce pretexte vne grande armee en Bourgongne, qui mit les Bourguignons avec leur Roy Sigismund & son frere Godomare en routte, s'estant Godomare sauué par la fuite d'estre pris. Mais Sigismund par faute d'estre si habile que luy, fut repris par Clodomire Roy d'Orleans, & emmené prisonnier avec sa femme & ses enfans à Orleans. Où quand il fut aduertie que Godomare estoit remis en possession du Royaume de Bourgongne, il les fit tous ensemble precipiter dedans vn puis contre les remonstrances de l'Abbé Auit, qui luy predisoit vne semblable fin & à ses enfans, qu'il donnoit aux autres. Puis se remit à rassembler son armee pour la remener en Bourgongne. Gregoire de Tours.

LES Lombards souz la conduite de leur Roy Audoin partirent du país de Fulden, & se vindrent rendre en la basse Pannonie, ditte maintenant Autriche: d'où ils dechasserent les Gepides avec le Roy Thorismund, qui l'occupoient: & y planterent leur demeure, qui y dura l'espace de 42. ans. Paul Diacre, Blondus, Sabellic. Toutesfois les Historiens de Hongrietiennent que ce furent les Ostrogoths que les Lombards chasserent de la Pannonie. Mais Bonfinius Decade 1. liu. 7. est de l'aduis des autres touchant les Gepides: adioustant que leur Roy Thorismund fut occis en la bataille, par la propre main d'Alboin fils du Roy Audoin, lequel occit encore depuis Turisinde fils & successeur dudit Thorismund. Mais Procopius liu. 3. de la guerre Gotthique afferme que ce fut l'Empereur Iustinian qui donna la ville de Noric, avec plusieurs autres places & forteresses en la Pannonie, aux Lombards. Qui fut cause de les faire partir de leur ancienne demeure, pour se venir ranger au lieu que l'Empereur leur auoit assigné, qui estoit proche du Danube, & confin des Gepides. Qui fut cause de les faire auoir cy apres de grands debats & differents ensemble.

CRETAS Roy des Heruliens, accompagné d'une grande troupe de ses subiects arriua à Constantinople, où il se fit baptizer & instruire avec eux en la religion Chrestienne. Cedrenus.

<i>Du Monde.</i>	4664	<i>Papes.</i>	2	<i>R. des Vuisigoths.</i>	2
<i>De Rome.</i>	1279	<i>E. d'Orient.</i>	1	<i>R. des Vandales.</i>	4
<i>De Iesus Christ.</i>	528	<i>R. d'Italie.</i>	2	<i>R. des Lombards.</i>	6
<i>Indiction.</i>	6	<i>R. de Perse.</i>	31	<i>R. des Escossois.</i>	27
		<i>R. des François.</i>	15		

FLA. IUSTINIANVS AVG. pour la 2. fois Consul sans adioint

Le país d'Armenie qui n'auoit iusques alors esté gouuerné que par Ducs ou Comtes souz l'Empire, fut par l'Empereur donné ceste annee en tiltre de principauté à vn Capitaine du país nommé Tzita, homme belliqueux & vaillant, avec la sœur de la femme dudit Empereur en mariage. Cedrenus.

CLODOMARE Roy d'Orleans, s'estant le Roy Theodoric son frere venu ioindre à luy, ramena son armee en Bourgongne, où ils combattirent eux deux ensemble le Roy Godomare, & le mirent de rechef en routte. Mais en poursuiuant trop chaudement & inconsiderémēt Clodomire, se trouua si fort esloigné de ses gens, que les Bourguignons qui s'enfuoient, eurent loisir & moyen de le mettre à mort deuant qu'il peust estre secouru. Ce que toutesfois n'amanda de rien leur marché: Car les François les poursuyuirent de tant plus furieusement, & en firent plus grand carnage, outre ce qu'ils reduisirēt la Bourgongne

gongne en leur puissance, nonobstant qu'ils la reperdirent bien tost apres. Ainsi que tesmoignent Procopius, Agathius & Gregoire de Tours. Lesquels conuiennent aussi & de l'issuë de ceste guerre, & de la maniere de la mort du Roy Clodamire telle que nous auons recitee. Et pource qu'ils viuoient en ce temps aussi bien que Cassiodore, & l'autre peu de temps apres, leur tesmoignage semble deuoir estre preferé à celui dudit Cassiodore: d'autant qu'il se voit estre autant eslongé du soupçon de passion, que l'autre plein du vent & des fumees d'Italie. Car comme vn declamateur a loüage il recite en l'vne de l'onzième liure de ses Epistres, que Atalaric Roy d'Italie enuoya vne armee en Prouence pour la defendre, si les François eussent voulu entreprendre sur icelle (lors qu'ils faisoient la guerre aux Bourguignons souz la conduite d'un Capitaine (qu'il nomme ailleurs) Tolumnius. Lequel causa vn tel estonnement de sa venue au Roy Theodoric (il le prend pour Clodamire) qu'il fit la cane, & s'en laissa mourir de peur & de langueur. Voilà comme il en parle: *Franci (dit-il) tot barbarorum victoris prepotentes, quam ingenti expeditione turbati sunt? Lacesiti metuerunt cum nostris inire certamen, qui precipites fortibus semper prelia gentibus intulerunt. Sed quamuis superba natio declinauerit conflictum: vitare tamen nequiuit proprii Regis interitum. Nam Theodericus ille potenti nomine gloriatus in triumphum principum nostrorum languoris potius pugna superatus occubuit. Ordinatione credo diuina, ne nos aut affinium bella polluerent, aut iuxta productus exercitus vindictam aliquam non haberet. Maeste procinctus Gotthorum, procinctus omni felicitate iucundior, qui hostem Regalem capite cadis, & nobis nec vnius ultimi facta subducis.* Car qui est si despourueu de iugement qui ne voit en ce recit plus de flatterie que de verité historique? & puis qu'il y auoit affinité (comme il confesse) entre les Princes de France & d'Italie, & nulle guerre declaree, quelle occasion eussent eu les François d'aller combattre les Goths, s'ils ne les fussent venu prouoquer ou assaillir?

A Iean 3. du nom Euesque de Herusalem decedé, fut donné pour successeur vn nommé Pierre, qui presida 20. ans.

QUELQUES Euesques, moines & autres, habitans du pais de Thrace, conuaincus du peché de Sodomie, furent executez à mort. Cedrenus.

Du Monde.	466j	Papes.	3	R. des Visigoths.	3
De Rome.	1280	E. d'Orient.	3	R. des Vandales.	5
De Iesus Christ.	529	R. d'Italie.	3	R. des Lombards.	7
Indiction.	7	R. de Perse.	32	R. des Escossois.	28
		R. des François.	16		

CÆCINNA MAVRVS BASILIVS DECIVS Consul sans adioint.

SOVZ lesquelles constitutions & ordonnances Imperiales comprises dedans le Code de Iustinian, furent publiques & receües en auctorité: encore que Marcellaye estimé que ce fut 2. ans apres.

A v mesme temps vn Capitaine nommé Iulian se rebella avec les Iuifs & Samaritains contre l'Empereur en la Palestine. Mais il fut bien tost apres deffait & occis. Euagrius. Cedrenus.

LE succes de la guerre de Bourgongne haulsa tellement les pensées du Roy Theodoric de Mets, qu'elles luy firent sembler l'opportunité luy estre venue de pouuoir prédre sa raison de la trouffe que Hermanfroy Roy de Turingie luy auoit cy deuant iouée: d'autant mesmement qu'il le voioit estre destitué (comme dit Procopius) du plus grand support & appuy qu'il eust en ce monde. Qui estoit le respect, duquel s'il eust esté encor viuant, il n'en eust sceu poursuivre la vengeance. Si est-ce que pour asseurer mieux son fait, il appella le Roy Clotaire son frere à son aide, souz promesse de luy faire part du fruit de la victoire qu'il rapporteroit. Au moié dequoy ils entrèrent tous deux ensemble avec leur forces dedans le Royaume de leur emmemy, qu'ils reduisirent à telle extremité qu'il fut contraint d'exposer toute sa puissance au hazard de la bataille: laquelle luy fut si contraire & aduerse qu'elle luy fit perdre (au dire de Procopius) la vie & tout son estat ensemble, qui demoura par ce moyen au pouuoir des deux Rois. Mais Gregoire de Tours declare, que Hermefroy ne mourut lors, ains se sauua, & puis estat son Roiaume réduit entre les mains

N

du Roy Theodoric, fut quelque temps apres mandé par luy pour l'aller trouuer à fiance en son Royaume d'Austrasie: où souz la foy & assurance duquel estant venu, il fut desloialement precipité du haut des murailles de la ville de Tolbiere en bas par son commandement. Ce qui s'accorde mieux avec ce que le mesme Procopius dit: sçauoir est que la femme d'iceluy se desrobba secrettement apres sa mort, & se retira vers Theodat son frere, lors qu'il regnoit en Italie. Tant y a que Gregoire racompte ceste guerre (par laquelle les prouinces de delà le Rhin qui auoient esté de l'ancienne France furent reduites en la puissance & subiection des François habitans en la Gaule) entre celle de Bourgongne & d'Espagne, qui fut 531. Procopius la met apres la mort du Roy Theodoric d'Italie. Dont il n'y a doubte qu'au moyen d'icelle & des autres guerres & affaires qui occuperent les Rois de France incontinent apres celle de Bourgongne, le Roy Godomare ne se soit remis en possession du Royaume de Bourgongne, & l'ait encore gardé quelques annees: à l'aide (comme ie croy bien avec Cassiodore) de l'armee des Goths qui estoit en Prouence: laquelle il attribue, selon son babil, à grande triomphe & louange, d'auoir rendu au Bourguignon son país sans peril & sans danger. Car il dit incontinent apres le passage que nous auons allegué l'annee precedente: *Burgundio quinetiam vt sua reciperet deuotus effectus est, reddens se totum dum accepisset exiguum. Elegit quippe integer obedire, quam immunus obsistere. Tutius tunc defendit regnum, quando arma deposuit. Recuperauit enim prece, quod amisit acie.* Et en vn autre Epistre du liu. 8. *Mittitur (parlant de Tolumnus) Franco & Burgundione decertantibus ad Gallias tuendas, ne quid aduersa manus præsumeret, quod noster exercitus impensis laboribus vindicasset. Acquisita sunt Reipub. Romanæ aliis contendentibus absque ulla fatigatione prouincia. Et factum est quietum commodum nostrum, ubi non habuimus bellica contentione periculum. Triumphus sine pugna, sine labore palma, sine cade victoria. Tantum ergo eius gloriæ debemus, quantum utilitatis accepimus.* Quoy qu'il vueille dire, ses paroles mesmes nous demonstrent que les François estoient empeschez à d'autres guerres, sans lesquelles ils ne se fussent pas sans mot dire laissez spoliez de la Bourgongne, puis qu'ils y reuindrent bien puis apres, & qu'ils oferent cependant entreprendre des guerres plus lointaines.

BELLISARIUS de Capitaine general de toute la gendarmerie Romaine qui estoit à la garde des limites de l'Empire Romain contre les Perles, fut institué par l'Empereur son Lieutenant general en tout l'Orient, avec charge expresse de marcher avec l'armee Romaine dedans la terre de l'ennemy, luy estant enuoyé vn autre grand Capitaine nommé Hermogenes pour adioint. Mais eux estans en chemin de marcher sur l'ennemy du costé de Daras, l'armee du Roy Cabades se presenta deuant eux, qui pouuoit estre de 40. mille combatans, souz la conduite de Pytiases & Marasmanas, n'estant la Romaine que de 25. mille. Laquelle toutesfois ils attaquerent de si bonne façon qu'ils en obtindrent vne glorieuse & memorable victoire, l'ayant honteusement mise en routte avec vne grande desconfiture de gens: apres l'auoir auparauant lourdement estrillee en quelques autres petites escarmouches. Outre lesquelles le combat singulier d'vn André (qui n'auoit auparauant fait estat que de maistre d'escole seulement) rendit encor ceste guerre memorable pource qu'il combatit deux Cheualiers Perles l'vn apres l'autre, & les vainquit contre l'expectation de tous ses compagnons. Procopius liu. 1.

VETHES Roy des Heruliens, & Gorda Roy des Huns qui habitoient aupres du Bosphore, ensemble aussi vne Roine vefue nommee Boazer, & plus de cent mille de leurs subiets receurent la religion Chrestienne avec le baptême: Comme Procopius, liu. 2. de la guerre Gotthique & Euagrius liu. 4. recitent. Selon lesquels aussi lesdits Heruliens mirent quelque peu d'annees apres leur Roy Aniric à mort, sans auoir eu aucune occasion valable de ce faire. Et pource qu'il ne se peurent passer de Roy ou de Prince, ils enuoierent en l'isle Scandinauie, qu'on disoit lors Thule, vers ceux de leur nation, qui s'y estoient cy deuant retirez, querir quelqu'un de sang royal, pour le faire leur Roy. Tellement qu'on leur amena vn Darin ou Hatin (duquel nous auons fait mention cy deuant) souz lequel ils se voulurent alier de l'alliance & confederation qu'ils auoient avec l'Empereur, par qui ils auoient esté accommodez de demeure, pour s'en retourner accointer des Gepides.

Du Monde

Du Monde. 4666	Papes. 4	R. des Visigoths. 4
De Rome. 1281	E. d' Orient. 4	R. des Vandales. 6
De Iesus Christ. 530	R. d' Italie. 4	R. des Lombards. 8
Indiction. 8	R. de Perse. 33	R. d'Escoffe. 29
	R. des François. 17	

POSTUMIUS LAMPADIUS, & FLA. ORESTES, Consuls.

LA charge de reduire le droit Romain en vn corps souz certains tiltres & chapitres, compilé des liures & responses des anciens Iuriconsultes, que lon nomme aujourdhuy les Digestes, fut en ce Consulat donnée & commise à vn nommé Trebonianus par l'Empereur: lequel ce pendant chargeoit ses subiets d'exactions si intolerables, que ne les pouuants plus porter, esmeurēt vne seditiō en la cité de Cōstantinople, qui fut ditte Nica, par laquelle il fut reduit au plus proche danger de sa vie, estant le feu d'icelle si auant embrasé, qu'il ne se peut esteindre que par l'effusion de sang de plus de trente mille personnes. Procopius.

CABADES voulant auoir sa reuange de la perte, qu'il atoit receüe, remit sus vne nouvelle armee: en laquelle estoient grand nombre d'Alains & de Huns. Et ptis l'enuoia souz la conduite d'un Capitaine nommé Mermeros en la Perfarmenie. Mais les Capitaines de l'Empereur, dont le chef estoit Sytta, l'allerent charger de telle animosité, qu'ils la mirent en routte: & par ce moyen recouurerent entierement tout ce que les Perles auoient occupé de la Perfarmenie. Au mesme temps la gēt des Zaniens, qui habitoient au pres de l'Armenie, & faisoient profession de la religion Chrestienne, s'allia avec l'Empereur contre les Perles.

CEPENDANT vn Ambassadeur nommé Ruffin alla de la part de l'Empereur son maître trouuer le Roy Cabades pour traiter de la paix avec luy. Mais pource qu'on luy proposa des conditions trop dures, entre lesquelles le Roy vouloit que l'Empereur ordonnast gēs pour garder les portes des monts Caspiens, on fit razer & ruiner la ville de Daras, l'Empereur ne les voulut accepter. Parquoy la guerre continua tousiours. Ce qui se fit (tesmoin Procopius) en la 4. annee de l'Empereur Iustinian qui se rapporte avec ceste annee en la commençant en Auril, non au trespas de Iustin.

DEuant que les Rois Theodoric & Clotaire furent partis de la Turingie, Clotaire prist en mariage la niepce du Roy Hermenfroy, qui estoit fille du feu Roy Bertaire nommee Radegonde, sans l'auoir cōmuniq̄ au Roy Theodoric. Ce qu'il prist en si mauuaise part, qu'il fut en deliberation de faire tuer son frere, s'il ne s'en fust donné de garde. A cause dequoy ils se departirent mal contents l'un de l'autre. Auquel tēps aussi vn faux bruit fut porté en Frāce, que le Roy Theodoric estoit occis en la guerre de Turingie, qui incita le Roy Childebert son autre frere de se mettre en possession de la cité de Clermont en Auergne, icelle luy estant liuree par aucuns traistres. Gregoire de Tours.

A v mesme temps aussi vne armee de Scythes se mit dedans l'Illyrie, où elle fut deffaite par Mundus Lieutenant de l'Empereur en ladite marche, lequel apres cela alla encore trouuer les Bulgariens qui rauageoient le país de Thrace, & les vainquit aussi heureusement que les autres. Marcell. Comes.

Les suiets & voisins du Roy Gordas mal contans de ce qu'il s'estoit fait Chrestien, firēt tant par leurs menees qu'ils le mirent à mort, & puis donnerent son Royaume à son frere nommé Maogera: contre lequel l'Empereur enuoia vne grande armee, qui le deffit & mit tout le país du Bosphore en l'obeissance de l'Empire. Cedrenus.

Vn hōme nommé BENOIST, natif d'Italie, habitant au mont Cassin composa en ce temps selon sa deuotion vne reigle particuliere de vie monastique, qu'il fit obseruer à ses disciples. A cause dequoy il a esté appellé le pere & fondateur des moines Occidentaux, & de tous les Moines cloistriers qui ont esté depuis luy iusques au temps que les ordres des mendiens commencerent. Car auparauant les moines n'auoient point encore esté diuisez ny en diuers ordres ny en diuerses sectes, comme ils ont esté deffors, aians leurs reigles differētes les vnes des autres. Ce pendant la regle sera cy apres

N ij

reformée, changée amplifiée & par certains Papes; tellement qu'il se trouuera quelques diuersitez de regles entre les Moines d'Occident: mais ce ne seront sinon que dependances de la regle dudit Benoist iusques aux Mendians. Au demeurant on tient qu'il eut vne sœur nommée Scolastique, qui de son costé fit enuers les femmes ce qu'il auoit fait enuers les hommes de son temps: d'autant qu'elle institua des Nonnains de son ordre & secte. On adiouta finalement qu'il fut requis des François de la Gaule, de leur enuoyer vn de ses disciples, pour les instruire en la vie & discipline Monastique. A cause dequoy il leur en enuoya vn nommé *Maurus*, qui fit edifier beaucoup de Monasteres par la France: de sorte que par son moyen l'ordre Monachal y fut grandement multiplié. Sabellicus Enneade 8. liu. 3. Platine, Triterius & autres.

LE 2. Concile de Tolette en Espagne fut célébré la 5. année du Roy Almaric. Liure des Conciles.

FELIX Pape, 3. du nom mourut en ce Consulat le 12. iour d'Octobre: & fut assemblé le peuple trois iours apres pour eslire son successeur. Mais il se trouua diuisé de telle sorte, qu'une partie esleut vn Prestre nommé *Bonifacius*, des Grecs Agathon natif de Rome. L'autre vn Dioscorus, qui mourut 28. iours apres son election. A cause dequoy son competeur demeura en possession du siege Papal l'espace d'un an, 2. iours; durant lequel on dit qu'il fit celebrer trois Synodes à Rome: l'un desquels suiuant son auctorité cassa & annulla le decret de l'un des autres, dont il auoit esté auteur, qui permettoit à tous Papes d'eslire leur successeur. D'autant qu'il se repentoit d'auoir suiuant ceste declaration designé vn certain Vigilius pour le sien. Mais il ordōna que trois iours apres le decez de chaque Pape l'on procederoit à nouvelle election.

<i>Du Monde.</i>	4667	<i>Papes.</i>	1	<i>R. des François.</i>	18
<i>De Rome.</i>	1282	<i>E. d'Orient.</i>	5	<i>R. des Vuisigoths.</i>	5
<i>De Iesus Christ.</i>	531	<i>R. d'Italie.</i>	5	<i>R. des Vandales.</i>	7
<i>Indiction.</i>	9	<i>R. de Perse.</i>	34	<i>R. des Lombards.</i>	9
				<i>R. des Escossois.</i>	30

De l'origine & commencement de la nation des Esclauons ou Sclauins.

DANS les provinces de l'Empire Romain voisines du Danube, quasi continuellement infestées des courtes & aggressions que la nation Esclauonne ou Sclauine s'estoit depuis quelques années accoustumée de venir faire en icelles, force fut en fin à l'Empereur Iustinian, d'aduiser du moyen de leur barrer le passage. De sorte qu'estant en la quatrième année de son Empire, il choisit vn bien vaillant & renommé Capitaine, qui se nommoit Childibius, à qui il donna le gouuernement de toute la Thrace, avec charge expresse de defendre & estouper le passage du Danube aux Barbares, à ce qu'ils ne peussent venir par iceluy faire leurs ieux accoustumés sur les provinces de deçà le mesme fleuve: lequel s'acquitta si vertueusement de ceste commission, que tout le temps qu'il l'exerça, qui fut de trois ans, il ne se trouua barbare qui ait eu le moyen de trauerser le fleuve qu'il defendoit. Mais luy-mesme le passant avec ses gés, toutes les fois qu'il voulut, alla souuent trouuer les Esclauons iusques à leur feu, où il en fit plusieurs grandes desconfitures sans la multitude des prisonniers & captifs qu'il en amena: ainsi que recite Procopius liu. 3. de l'histoire Gothique: où il dit aussi que l'appellation des Spores auoit esté anciennement commune, tant aux Antares qu'aux Sclauins, comme estās vne mesme nation diuisée en deux peuples: à cause que chacun d'eux habitoiēt espars & dispersez souz de petites cabanes & logettes esloignées les vnes des autres sans forme de villes ny villages, vsans de ceste police entr'eux, qu'ils ne se laissoient conduire ne gouverner par vn seul homme souz tiltre de Prince ou seigneur, ains viuoient de toute ancienneté souz vne liberté commune & populaire. De sorte qu'ils ordōnoient & dispoient de toutes

tes choses viles ou difficiles par vn cōseil & commun aduis. Quant à leur Religio, mœurs & façons de faire, ils adoroient les forests, Nymphes & Dæmons comme Dieux : & se persuadoient qu'il y a vn Dieu maistre & supérieur de tous les autres, qui a la puissance de faire le tonnerre & la foudre. Leurs armes en guerre estoient le bouclier & le dard avec lesquels ils alloient en bataille sans autres armeres : la plupart aussi d'eux à pied seullement, & sans vestemens, sinon de ce qui couuroit leurs parties honteuses. Au reste ils se voyoient tous de forte & robuste complexion, & de haulte stature : de couleur de visage entre blanche, brune & rousse, viuans grossement & rustiquement, sans friandise ny delicateffe, à la maniere des Massagetes : mais ils rapinoient selon la coustume des Huns. Iornandes toutes-fois qui a esté contemporain de Procopius, appelle Vvenides, la nation souz laquelle les Sclauins & Antes estoient comprins, avec plusieurs autres peuples, qui chageoient d'appellation & de noms, selon leurs familles & les lieux qu'ils habitoient. Mais il montre que la contree principale qu'ils occupoient lors, estoit d'un costé separee de la Dace, par les monts desquels sort la Vistule : en telle sorte que les Sclauins s'estendoient depuis la Cité neuue, & ce qu'il appelle *Sclauinum Ruminense*, ensemble depuis le Lac Musim iusques à la riuere de Danastre, laquelle les separoient des Antes ou Antares (tenuz pour les plus vaillans & belliqueux d'entr'eux) qui aussi s'estendoient delà iusques au Danube, s'elargissant d'un costé vers la Mer Euxine. Cependant encore que ny l'un ny l'autre de noz auteurs ne specifie expressément si la contree que nous venons de descrire a esté de toute ancienneté la patrie des nations Sclauines, si est-ce toutes-fois qu'on peut entendre par les autres historiens & Geographes qui ont esté deuant eux, qu'elle auoit ia esté habitee auparauant par d'autres peuples. Dont il semble qu'il n'y auoit pas fort long temps que lesdites nations s'y estoient venues habiter, estans parties (comme il est vray-semblable) de la Sarmatie, plustost que de la Scythie. D'autant qu'il ne se trouue aucune mention faicte de la nation Sclauine en aucune histoire qui soit en lumiere deuant le temps de Constantin le Grand. Si d'auanture l'appellation des premiers peuples ne s'estoit par quelque occasion transmuee en Vvenides & en Sclauins ou Esclauons. Mais cōment qu'il en soit, on peut tirer argument certain des indices precedens pour refuter l'opinion d'Albert Crants & de la plupart des escriuains Allemans, qui en se mignardant à extoller & magnifier les aduantages & singularitez de leur patrie (des entrailles de laquelle ils voudroient bien extraire tout ce qui a iamais esté de grand en ce monde, en faict de peuples ou de nations) sans faire discretion du vray d'avec le faux, ont osé, contre toutes les preuues & tesmoignages de l'antiquité, rapporter non seulement l'origine de la nation Sclauonique à la Germanie, mais aussi à la Boëme & aux Vvâdales (desquels ils disent la Boëme auoir esté l'ancienne & propre demeure) en imposant de mesme impudēce l'appellation de Vvandalic à tous les païs, tant hors que dedās l'Allemagne, qui sont auourd'huy habitees des peuples parlans la langue Sclauonique : cōme Moraue, Boëme, Silesie, Pologne, Pomeranie, Russie, avec toute la coste maritime d'Allemagne iusques à Dannemarc : ensemble l'Illyrie, Croatie, & Dalmatie : cōme s'ils ne se trouuoient pas bien empeschez à prouuer que la Boëme ait iamais esté le païs des Vvandales : & que c'est vne faulse conclusion, que puis que les Esclauons habitent le païs des Vvandales, qu'il fault croire qu'ils sont procedez d'eux : & que ce n'est qu'une mesme nation. Encore que Procopius tesmoigne expressément que les Vvandales vsoient de mesme langage que les Goths, lequel on sçait notoirement auoir esté aussi different de l'Esclauon, qu'est auourd'huy l'Allemand du Polonois. Outre ce qu'on est tout informé q̄ les Vvandales se sont tousiours gouuernez par Rois; & qu'il y auoit ia lōg temps deuant Iustinian, qu'ils faisoient profession du Christianisme, selon la doctrine Arrienne. Ioinct que l'ancien païs des Vvandales, deuant qu'il fust occupé des Gepides, cōfinoit (tesmoin Iornandes) de la part d'Occident les Mareomans : du Septentrion les Hermundures. Parquoy si la nation Sclauine a esté si populeuse de ce temps, que dit Iornandes, il est bien vray-semblable que s'estans cy apres accreuz & multipliez, & ne se trouuant leur païs, ou pour son infertilité, ou pour la trop grande multitude des hommes capable de les subster, qu'ils furent contraincts de se desborder sur les païs & contrees les plus proches & voisines d'eux, portans avec eux les diuersitez de noms & d'appellations, qu'on a eu depuis celles qu'ils conquererent & occuperent. Tellement que les Meridionaux se deschargerent sur l'Illyrie, Istrie & Dalmatie, qui en retient encor le nom d'Esclauonie : les Occidentaux sur la Boëme, Moraue, Silesie : les Septentrionaux

sur la Russie, Pologne, Prussie, Pomeranie, & sur vne partie de Saxe, où ils establirent avec leur langage, le nom des Sorabes, Obodrites, Vilzes, signamment aussi de Vuenides, lesquels tous les historiens qui ont esté deuant & apres Charlemagne, tesmoignent vnanimement auoir esté de nation Esclauonne, & qu'ils demouroient au lieu qui retient encor aujourd'huy le nom de Vvenden en Saxe. Ce que le langage aussi qui y est en vſage certifie: dont on ne peult nier sans vergongne, qu'il ne leur faille rapporter l'origine d'iceluy, plustost qu'aux Vvandales: encore que le nom des Vvenides eust esté long temps auparavant vſité au mesme païs.

CESTE annee ayant esté sans aucuns Consuls, fut appelée les Fastes Romains la premiere apres le Consulat de Lampridius & Orestes, laquelle Marcellinus Comes a constituée en l'Indiction 9. L'Abbé Denis en son liure du Cicle Paschal en la 531. de nostre salut, & 247. de l'Empire de Diocletian. Ce qui est aussi amplement confirmé par Onufrius Panuinius en son commentaire de ses Fastes Consulaires.

LA grande victoire que les Perſes gagnerent ceste annee sur l'armee de Bellisarius le iour de Pasques, à l'occasion de la mutinerie & desobeissance de ses soldats, fut cause de moyenner vne trefue entr'eux & les Romains. Procopius.

ALMARIC Roy des Vvisigoths traitant mal sa femme, pource qu'elle ne se vouloit accommoder avec luy en l'heresie Arrienne qu'il tenoit, fut cause que les Rois freres d'icelle, specialement Childebert & Clotaire, selon Aimoinus, ou (comme veut Gregoire) Childebert seulement, combien que Procopius attribue le tout à Theodebert leur neveu fils du Roy Theodoric, passerent avec vne grande armee en Espagne cōtre luy, où ils le descōfirent en vne grosse bataille, tellement qu'il fut aussi occis en s'enfuyant. Au moyē dequoy ils prindrent & saccagerent la ville de Tolette, & puis ramenerent leur ſœur en France. Mais en passant ils mirent toute la Gascongne avec les autres païs que les Vvisigoths tenoient encor deçà les monts Pyrenees en leur obeissance. A cause dequoy les Vvisigoths qui y demouroient se retirerent avec toutes leurs familles en Espagne. De sorte que de leur ruine s'ensuiuit l'aduancement & aggrandissement de l'Empire des François, qui deuindrent par ce moyen possesseurs entierement des Gaules, fors que d'une partie de la Prouēce, qui demeura encor quelque peu de temps entre les mains des Ostrogoths d'Italie, & de quelque peu de villes du Languedoc les plus proches d'Espagne, si d'auanture les Vvisigoths ne les regagnerent cy apres.

CEPENDANT pource qu'Almaric n'auoit laissé aucuns enfans, Theodis, ou Theodi, selon les autres Theuda ou Theudes & Theudiscus, homme belliqueux & vaillant, qui cy deuant auoit esté Gouverneur du Royaume d'Espagne souz le Roy Theodoric (tesmoin Procopius) fut en consideration & faueur de ses bonnes parties, & de ce qu'il estoit pere de la mere dudit Almaric esleu Roy en son lieu, & si bien receu au gré de tous les Vvisigoths, qu'il les gouerna paisiblement l'espace de 16. ans 6. mois, au cōpte des deux Chroniques Vvisigothes. L'une desquelles rapporte le commencement de son regne à l'Ere DLXVIII. Combien que les autres luy donnent 17. ans, 6. mois de regne. Procopius, Gregoire de Tours. Aimoinus, Antoine Benter en sa Chronique Espagnole, Ioannes Magnus liu. 19. chap. 3. de son histoire Gotthique.

CABADES Roy des Perſes, se trouuant grandement estonné des grosses bastonnades qu'il auoit receuës des Imperiaux, ne ſçauoit quasi plus à quel Sainct se vouër, si vn Roy des Sarrazins dicts Scenites ne luy eust remis le cœur au ventre, par les belles promesses qu'il luy fit. Car n'ayant depuis 50. ans cessé de guerroyer les prouinces Romaines, & les ayant par vne infinité de fois couruës, pillées & ranagees depuis l'Egypte iusques à la Mesopotamie, sans auoir iamais trouué empeschement en ses entreprises, ny en rencōtre, dont il ne fust sorty à honneur & profit, quelques ennemis & aduersaires que l'Empereur Iustinian & ses predecesseurs luy eussent fuscité en son païs mesme, comme vn Aretas, à qui ils auoient donné le tiltre de Roy en son païs, afin de le faire plus puissant contre luy, il s'estoit acquis vne telle reputation de vaillance & de prudence en l'art militaire enuers les Perſes, que tout ce qu'il leur persuada, fut facilement creu. De sorte qu'on luy donna vne armee dont vn Ezarethas auoit la superintendance) laquelle il mena, non comme on auoit accoustumé auparavant, par la Mesopotamie, ains par la Comagene dedans les prouinces Romaines, où ils firent vn tel degast, que Bellisarius fut contrainct de s'aller opposer à eux avec l'armee Romaine: & (encore qu'il n'en eust enuie, pour le peu d'auantage qu'il auoit

auoit de les attaquer) leur liura bataille par l'importunité de ses soldats : qui toutesfois ne peurent si bien faire leur deuoir qu'ils ne fussent vaincus & mis en routte, laissant gagner vne belle victoire sur eux à leur ennemy, nonobstant qu'elle luy fust vendue si cherement qu'il n'en fit pas non seulement gain d'une seule ville, mais aussi luy osta l'enuie de se mettre plus auant en pais. Tellement qu'il s'en retourna sans auoir fait autre exploit plus memorable sur les Romains.

A v. mesme temps l'Empereur Iustinian despescha ses Ambassadeurs qui deuoient aller cōtracter alliance en son nom contre les Perses avec la natiō des Homerites qui habitoiēt la coste de la mer rouge, du costé de l'Ethiopie : & avec le Prince & Monarque des Ethiopiens, le nom duquel estoit Helliſtree, qui faisoit profession de la religion Chrestienne & en estoit fort diligent obseruateur. Mais ceste alliance ne valut pas beaucoup à l'Empereur, à cause de la grande distance qu'il y auoit depuis de l'Ethiopien iusques au pais des Perses. Comme recite Procopius liu. 1. de la guerre Persique, où il rapporte tout ce que nous venons de reciter au commencement de la 5. année de Iustinian : adioustant que le Prince Ethiopien Helliſtree auoit quelques années auparauant vaincu & subiugué la nation des Homerites & par mesme moien contraints de receuoir de sa main vn Roy nommé Esimiphee, qui fut biē tost apres mis à mort par eux, prenās au lieu de luy vn Abram pour leur Roy, qui deſſit cy apres deux ou trois grandes armées d'Ethiopiens que Helliſtree enuoya contre luy. Qui fut cause de le faire laisser en paix iusques apres le trespas d'iceluy, qu'il se reconcilia avec son successeur se faisant son tributaire, dont il fut confirmé en son Royaume.

BONIFACE Pape de Rome mourut le 17. jour d'Octobre, laissant son ſiege vacquant l'espace de 3. mois, 5. iours, à cause des brigues & partialitez qui se mirent en l'election d'un nouveau Pape apres luy.

Du Monde.	4668	Papes.	1	R. des Visigoths.	1
De Rome.	1283	E. d' Orient.	6	R. des Vandales.	1
De Iesus Christ.	532	R. d'Italie.	6	R. des Lombards.	10
Indiction.	10	R. de Perse.	35	R. des Escoſſois.	31
		R. des François.	19		

2. année apres le Consulat de Lampadius & Orestes, sans Consuls tant en Orient qu'en Occident.

EN laquelle Hippatius & Pompeius nepueux de l'Empereur Anastasius trouuerent moien par vn tumulte populaire de se faire proclamer Empereurs en la ville de Constantinople contre Iustinian, mais leur entreprinſe fut si mal fondee que la ruine en tomba sur leurs testes, d'autant qu'ils furent bien tost apres vaincus & mis à mort avec grand nōbre qu'on dit bien auoir esté de 30000. leurs complices, par le moien & vaillance de Bellisarius nouuellement de retour d'Orient : comme Marcell. Comes a noté, combien qu'Euagrius rapporte cecy à l'année ſuyuante. Ce qui ſemble aussi estre l'opinion de Procopius liure premier.

CABADES Roy des Perses, ayant enuoyé vne nouuelle armée en la Meſopotamie cōtre les Romains ſouz la conduite de Chanarange, Aſpebedus & Merincroes, ainſi qu'elle tenoit la ville de Martyropolis aſſiegee, mourut (teſmoin Agathius) en la 5. année de l'Empire de Iustinian, laissant son Royaume à son fils Chosroes, qui regna sur les Perses 48. ans. Combien que le temps de sa mort noté par Euagrius, Nicephore ou Landulfus Sagax, ſemble donner teſmoignage que son regne a duré dauantage, ou commencé plus tard. Cependant il eſt certain que ce Chosroes ſ'acquit vne telle reputation & renommee au moyen de ſes grands faits & victoires qu'il rapporta de ſes ennemis, que ſes gens n'eſtimerent pas qu'il y euſt eu aucuns de ſes predeceſſeurs, non pas meſmes le grand Cyrus, digne d'eſtre parangonné à luy. Mais ce qui commença à faire bruire son nom, furent deux grandes victoires que ſes gens gagnerent à ſon aduenement en deux memorables rencontres sur les Romains pres les villes de Niſibe, & de Duras, par leſquelles l'entree de la Meſopotamie luy fut ouuerte. Qui fut cause que Scythia Lieutenant de Iustinian en

ceste guerre apres Bellifarius, lors qu'il fut rappellé contre les Vvandales, s'estimant trop foible pour soustenir leurs efforts, fit tant par les Ambassadeurs qu'il moienna vne paix qui deuoit estre perpetuelle entre Chosroes l'Empereur, par lequel elle fut signee & ratifiée au 4. Consulat d'iceluy. Marcell. Com. Procopius liu. 1.

A M A L A S V N T H A mere d'Athalaric Roy des Ostrogoths, femme vertueuse & prudente aymant l'honneur & le salut de son fils, mettoit toute son estude à le faire instruire, non seulement en vertus & en toutes bonnes mœurs, mais aussi es bonnes lettres; à cause dequoy elle ne laissoit aucun approcher de luy, par qui il peust estre desbauché de sa bonne nourriture. Ce que les Goths trouuerent si mauuais, estimans qu'elle le veult rendre trop mol & effeminé, qu'ils contraignirent de le laisser viure en plus grande licence, qu'elle ne faisoit. Dont il vint tellement à se corrompre & desborder en vices, qu'il commença de se mesconnoistre enuers sa mere mesme. A cause dequoy elle preuoiant ce qui en pourroit aduenir, elle delibera se retirer vers l'Empereur Iustinian à qui elle fit entendre son intention. Auquel temps aussi vne semblable deliberation se mit en la fantasie de Theodohal nepueu du feu Roy Theodoric (homme pour l'estude qu'il auoit appliquee à la Philosophie de Platon mieux versé en la theorique de bien faire qu'en la pratique) qui pour s'estre par vne extreme auarice, acquis de grands biens en la Toscane au dommage d'autrui, se voioit en mauuaise opinion enuers tout le monde, signamment à l'endroit d'Amalasuntha. Qui estoit la cause pour laquelle il enuoya signifier à l'Empereur, l'enuie qu'il auoit de se retirer vers luy avec ses thresors & richesses, en mettant toute la Toscane entre ses mains: lors (comme dit Procopius) liu. 1. de la guerre Gothique qu'Ambassadeurs allerent vers le Pape de Rome, pour conferer des moiens de remedier aux differets qui estoient en l'Eglise, à cause des controuerses pour aucuns points de la religion. Ce qui semble estre adueni lors que Iustinian enuoia sa confession au Pape.

V I L I M E R fils du frere du feu Roy Honorich des Vvandales s'estant laissé embraser de l'ambition de regner, se rebella contre le Roy Hilderic, & fit en sorte que les Vvandalles l'esleurent pour leur Roy. Au moyen dequoy il retint Hilderic prisonnier: puis craignât qu'en luy eschappât il ne luy donnast encor des affaires, il le fit mourir apres s'estre emparé du Royaume des Vvandales qu'il posseda l'espace de 3. ans. Procopius liu. 1. de la guerre Persique & Vvandalique.

L E Roy Childeric de retour d'Espagne se mit (comme tesmoigne Gregoire de Tours, que nous en suiuous plustost qu'Aimoinus, qui semble auoir troublé l'ordre de ceste guerre & des precedentes) de faction avec Clotaire, pour aller recouurer le Roiaume de Bourgogne, duquel Godomare s'estoit derechef emparé: à laquelle ils inuiterent le Roy Theodoric, qui ne s'y voulut ioindre: nō pour la raison que dit Aimoinus, qu'il auoit espousé la fille du feu Roy Sigismund (car ce n'estoit seulement que la fille de Sigeric) mais pour l'enuie qu'il auoit de recouurer la ville de Clermont qu'on luy auoit cy deuant emblee. Tellement qu'eux deux seulement entreprirent & paracheuerent (selon le tesmoignage de nostre Autheur) ceste guerre, avec leurs propres forces, qu'ils menerent iusques deuant la ville d'Authun, qu'il leur fallut prédre de grâde force, pource que le Roy Godomare s'y estoit enclos & fortifié. Lequel estat eschappé de ceste prise, & n'esperant pas d'estre plus asseuré en vn autre lieu, abandonna totalement son Royaume au pouuoir des François, & s'enfuit en Espagne: d'où il fut encore contraint se sauuer en Afrique (ce dit Paul Emile) pource que les Vvisigots ne l'oserent retenir. Ce pendant les 2. Rois se donnerent licence de partager le Royaume de Bourgogne entre eux, sans auoir esgard aux enfans du feu Roy Clodamere. Comme tesmoignent tous nos Historiens François, qui ne font non plus aucune mention du Roy Theodoric de Mets en ce partage. Combien que Procopius & Agathius (qui conuiennent expressement que l'acquisition de la Bourgogne se fit apres la conqueste de la Turingie, estant le Roy Theodoric d'Italie decédé) afferment noirement qu'il emporta sa part dudit Royaume de Bourgogne. Ce qui se verifera aussi plus amplement cy apres: dont nous estimons que chacun d'eux s'accommoda de ce qui estoit plus proche de luy. Telle fut la fin du premier regne des Bourguignons (qui demeurerēt tousiours depuis souz la subiection des François iusques apres la mort de l'Empereur Charles le Gros) & de la noble famille du Roy Gondiochus ou Gibica, nonobstant qu'elle ait semblé estre encore demeuree par la Roynie Clotilde en ses fils.

I E A N 2. de ce nom citoien Romain surnommé Mercure, à cause de son eloquence, & de la

de la grace qu'il auoit de bien dire, fut (tesmoin Onufrius) estably au siege Papal de Rome le 22. iour de Ianuier, en la 2. annee apres le Consulat de Lampadius & Orestes. Tellement qu'on tient que sa presidence dura depuis le iour de sa creation, iusques à son trespas, 2. ans, 4. mois, 6. iours. Le liure Pontifical & autres, tesmoigne que l'Empereur Iustinian l'eut en si bonne estime, qu'il luy enuoya plusieurs riches & precieux presents, avec la confession de sa foy, signee de sa propre main, par ses Ambassadeurs.

Vn Abbé de Rome nommé Denis, fort entendu en l'Astrologie, prenant la charge de reformer les regles de trouuer le vray tēps de celebrer la Pasque en chascue annee (pource que celles qu'on obseruoit lors, luy sembloient vicieuses) mit en auant en ce Consulat ses demonstrations du Cicle Paschal, ou de la Lune. Suiuant lesquelles il monstra que ceste annee estoit la 532. de la natiuité de nostre Seigneur, & 248. de l'Empire de Diocletian, & y prit semblablement le commencement de la supputation de ces Cicles au 22. iour de Mars. Qui fut cause que l'Eglise Romaine, & consequemment l'Italie, se prit à compter les annees depuis la natiuité de nostre Seigneur, ce qu'ils n'auoient auparauant accoustumé de faire. D'auantage la plupart des Eglises ne fouloit compter que depuis Diocletian. Les autres suiuant la mode des Romains par les Consultats, & depuis la fondation de Rome, en y adioustant les Indictions & ans des Empereurs. Combien que les François eurent de particulier outre celà, qu'ils comptoient depuis le trespas de saint Martin, les Espagnols de l'Ere de Cesar, les Grecs & Constantinopolitains depuis la creation du monde, & de la fondation de Constantinople.

<i>Du Monde.</i>	4669	<i>Papes.</i>	2	<i>R. des Visigoths.</i>	2
<i>De Rome.</i>	1284	<i>E. d'Orient.</i>	7	<i>R. des Vandales.</i>	2
<i>De Iesus Christ.</i>	533	<i>R. d'Italie.</i>	7	<i>R. des Lombards.</i>	11
<i>Indiction.</i>	11	<i>R. de Perse.</i>	1	<i>R. des Escoffois.</i>	32
		<i>R. des François.</i>	20		

FL. IUSTINIANVS AVG. pour la 3. fois Consul sans adioinct.

Les 50. liures des Digestes, ausquels tout le corps du Droit Ciuil des Romains, expliqué de l'ancien droit, & reduit en vn ordre nouveau, estoit compris avec les 4. liures des Institutions Imperiales, composé par le Iurisqueultre Trebonian, du commandement de l'Empereur, comēcerent premierement en ce Cōsulat à prendre cours & auctorité es Courts des iugements de l'Empire Romain. Ce Trebonian estoit (ce dit Procopius) homme de grande doctrine & erudition en toutes sciences, & de mœurs fort humain & gracieux. Lesquelles vertuz il deffiguroit grandement par l'extreme auarice qui estoit en luy, qui luy faisoit casser ou inuenter tous les iours quelques loix, selon que le profit luy commandoit.

CHILDIVS Lieutenant de l'Empereur Iustinian au païs de Thrace, s'estant osé hasarder de passer le fleuve Ister, avec petit nombre de gens, fut par les Esclauons desconfit & tué. Lesquels au moyen de ceste victoire, commēcerent à faire non seulement renommer leur nom (qui auparauant estoit quasi incogneu) mais aussi à passer librement ledit fleuve, & à courir delà les prouinces Romaines. Procopius liure premier de la guerre Gotthique.

THEODORIC Roy de Mets, apres auoir retiré la cité de Clermont en Auvergne, & les autres places voisines qu'on luy auoit ostées, durant que ses freres estoient empeschés à la guerre de Bourgongne, eut affaire contre vn sien parent nommé Manderic, qui se voulut esleuer & faire Roy contre luy. Mais il le fit en fin tuer de mauuaise guerre, & puis se reconcilia avec le Roy Childebert, par vne confederation qu'ils firent ensemble, qui ne dura pas longuement.

ENVIRON lequel temps aussi Childebert, jaloux de l'affection qu'il voyoit que la Reine Clotilde sa mere portoit aux enfans du feu Roy Clodomire, & craignant qu'elle ne les voulust faire succeder à l'estat de leur pere, complotta avec le Roy Clotaire, ou de les faire tondre, qui estoit à dire de les rendre inhabiles à succeder à l'estat Royal, ou de les faire

mourir. Et pource qu'il eschappa de dire à la Roine Clotilde, qu'elle les aimoit autât voir morts que tonduz, ne pensant à ce qui s'en devoit ensuiure, Clotaire la prit si bien au mot, qu'il tua de ses propres mains, d'une forcenerie plus que barbare, les deux aînez des 3. freres: à sçavoir Theodouald & Gonthier, en presence de Childebert, qui eut horreur d'un si malheureux spectacle, quoy qu'il en fust l'auteur. Mais le plus ieune des freres nommé Cloud fut sauué par ses amis. Au moyen dequoy il s'alla rendre moine: parquoy ses deux oncles partagerent le Royaume d'Orleans ensemble, sans en faire part (qui soit mentionnee) à Theodoric. Leur mere apres auoir fait enterrer les corps de ses petits enfans aupres de leur grand-pere, se retira fort dolente en la ville de Tours, pour y acheuer le reste de ses iours. Gregoire de Tours.

REPARATVS Euesque de Carthage en ce temps, & Gregoire de la ville de Langres, qui (au rapport de *Fasciculus temporum*) estoit marié.

LA paix qui auoit esté traittee cy deuât par les Ambassadeurs de l'Empereur avec le Roy Chosroes, ne s'estoit encore peu bien accorder: mais l'Empereur s'estât resolu à la guerre d'Afrique & d'Italie, enuoya presenter toutes les conditions que Chosroes demandoit: qui fut cause qu'elle fut accordée & passée au commencement de la 7. année de Iustinian, & dictée Aperanton, côme si elle eust deu tousiours durer. Ce q̄ toutesfois elle ne fit. Procop.

Du Monde.	4670	Papes.	1	R. des François.	21
De Rome.	1285	E. d'Orient.	8	R. des Visigoths.	3
De Iesus Christ.	534	R. d'Italie.	1	R. des Vandales.	3
Indiction.	12	R. de Perse.	2	R. des Lombards.	12
				R. des Escoffois.	33

FL. IUSTINIANVS AVG. pour la 4. fois Consul, avec DECIVS THEODORVS PAVLLINVS.

LE Code de Iustinian apres auoir esté reueu & corrigé, commença aussi de nouveau à prendre cours & auctorité es iudicatures par tout l'Empire, tesmoin Marcellinus Comes, qui aussi, à son rapport, finit son Chronicon en ce Consulat. Parquoy ce qui y est adiousté ne luy doit estre attribué.

ENVIRON ce mesme temps Zarauagus Roy des Hiberiens, accompagné d'une grande suite de ses gens, se transporta à Constantinople, pour y contracter alliance & confederation avec l'Empereur.

LA Roine Amalasuntha, ayant fait entendre à l'Empereur la deliberation qu'elle auoit prise de se retirer vers luy, fut retardée de la mettre à execution, apres qu'elle eut fait mettre à mort aucuns grands seigneurs qui luy estoient les plus aduersaires & contrarians. Mais en ces entrefaictes vne maladie suruint à son fils par ses excez & dissolution, dont on n'esperoit pas qu'il en deust releuer, qui la fit rentrer non seulement au mesme propos, mais aussi de remettre toute l'Italie entre les mains de l'Empereur, se doutant que ses ennemis ne luy deussent iouer d'un mauvais tour apres le trespas du Roy Atalaric son fils, qui mourut aussi bien tost apres auant qu'auoir engendré aucuns enfans: & que la responce fut venue de l'Empereur. Parquoy elle prit l'administration du Royaume d'Italie en son nom, & afin de la retenir, avec plus d'auctorité, pource qu'elle estoit veuve, elle se remaria à Theodat ou Theodahat fils de la sœur du feu Roy Theodoric, luy faisant prendre le nom de Roy, souz lequel ils regnerent quelque peu de temps ensemble, iusques à ce que luy, oubliant ce bien-faict (encore qu'il fust addonné aux bonnes lettres, & bien instruit en la philosophie, spécialement Platonique, à laquelle il auoit merueilleusement appliqué son esprit) se laissa si bien gagner à l'ambition de regner seul, ou du desir qu'il auoit de se venger des querelles qu'il auoit eu autresfois avec elle, qu'il l'a démit premierement de l'administration des affaires du Royaume, & puis apres l'enuoya par maniere d'exil en l'isle d'un Lac de la Toscane aupres de Bolsena, où il donna encore permission bien tost apres de la massacrer, aux enfans de ceux qu'elle auoit fait mourir cy deuant, pource qu'ils corrompoient les mœurs de son fils. Ce qui despleut tellement à l'Empereur Iustinian, qu'il entreprit la guerre contre les Ostrogoths pour venger sa mort. Supplément de Marcellinus, Procopius, Iornandes.

IUSTI-

IUSTINIAN ayant grandement à cœur la mort du Roy Hilderic, s'estoit totalement resolu de lavenger, & par mesme moyen de restituer l'Afrique à l'Empire. A cause de quoy il y enuoya vne armee souz la conduite du vaillât Bellisarius, qui en l'espace de trois mois deffit ses ennemis en plusieurs rencontres, signamment en vne derniere, qui se fit en la mi-Decembre, par laquelle Gilimer fut reduit à tel point, qu'il ne trouua autre refuge en son defastre, que vers les Maurusiens: ce qui luy valut encore peu, pource que Bellisarius l'alla faire poursuiure & assieger par vn sien Capitaine nommé Pharas, iusques à ce qu'il l'eut contrainct de se rendre à la mercy de l'Empereur, se rendant prisonnier à Bellisarius, qui se saisit avec iceluy de tous les thresors & richesses des Vandales: remit aussi la cité de Carthage, & toutes les autres d'Afrique, en leur premier estat, souz l'obeissance de l'Empire Romain 95. ans, apres qu'elles en eurent esté alienées & distraictes par le Roy Genferich: & puis avec son butin & ses prisonniers, s'en retourna en triomphe à Constantinople. En laquelle maniere le regne des Vandales en Afrique prit fin. A quoy aida grandement, ce que Genferich avoit cy deuant fait desmanteler & mettre bas toutes les murailles & forteresses des villes d'Afrique: d'autant que Bellisarius eut moins d'affaire à les prendre, ainsi q̄ recite Procopius au liu. 1. & 2. de la guerre Vandaliq̄ue: où il mōstre aussi que ceste guerre fut commencee en la 7. année de l'Empereur Iustinian; & que la derniere bataille se donna contre Gilimer en Decembre, apres laquelle Bellisarius séjourna encore quelque temps en Afrique deuant que s'en retourner à Constantinople; & qu'apres son retour l'honneur de Consulat luy fut donné. Ce qui nous enseigne qu'il arriua dès le mois de Septembre de l'année precedente (estant ia la 7. de Iustinian commencee) en Afrique, & qu'il en partit seulement ceste-cy.

JEAN 2. du nom Pape de Rome, mourut (tesmoin Onufrius) en ce Consulat, le 27. iour de May: & fut le 7. iour d'apres subrogé en son lieu vn nommé Rusticus, dict Agapetus, fils legitime d'un Prestre nommé Gordianus, à l'instance mesmement du Roy Theodat: lequel aussi l'enuoya incontinent apres son election vers l'Empereur, pour s'excuser (cōme plusieurs ont escrit) enuers luy de la mort de la Roine Amalasuntha. Mais pour quelque occasion que ce fust, on dit que l'Empereur luy fit à son arriuee à Constantinople vn fort honorable accueil, qui se tourna bien tost apres en mauuaise chere: pource qu'il ne vouloit communier avec le Patriarche Anthimus, qui sembloit estre trop au gré de l'Empereur, iusques à ce qu'il luy eut si bien fait entendre ses remonstrances, qu'en fin il les print de bonne part.

ESTANT Epiphanius Euesque de Constantinople decedé, vn Euesque de Trebizonde nommé Anthimus ou Anthemius, se fit subroger en son lieu, par les pratiques de Theodora femme de l'Empereur Iustinian: nonobstant qu'il luy fust defendu par les constitutions Ecclesiastiques de laisser sa premiere Eglise. Qui fut en partie cause qu'Agapetus estant venu à Constantinople, le fit deposer par vn synode le 10. Mars apres son election: en partie aussi pource qu'il adheroit à l'erreur d'Eutyches. Puis on mit en son lieu vn Prestre nommé Menas, qui y presida enuiron dixsept ans. Supplément de Marcellinus, Nicephore, Zonare. D'autant que l'Empereur Iustinian estoit ardent & zelé au maintien de la pure doctrine de l'Eglise, d'autant sa femme luy estoit contraire en ceste partie: tellement que comme il fauorisoit & supportoit les Catholiques, elle aussi ceux qui reiettoient le decret du Concile de Chalcedone. Tellement qu'elle ne fit pas seulement par ses menées & pratiques establir Anthimus au siege Patriarchal de Constantinople, pource qu'il estoit de son humeur, mais aussi fit reuenir d'exil à Constantinople Seuerus, qui auoit esté cy deuant chassé du siege d'Antioche par l'Empereur Iustin, lequel se trouuant conforme en opinion avec Anthimus, le prescha si bien qu'il l'induisit à quitter son siege, plustost qu'à se departir de son erreur. Au moyen dequoy les troubles de l'Eglise furent encore entretenus par eux, quoy que Iustinian fist tous ses efforts de les appaiser: cōme Nicephore, Euagrius, Cedrenus, Onufrius, & Sigonius tesmoignent. Parquoy Platine & autres se sont abusez, qui ont escrit que Iustinian voulut astraindre Agapetus d'approuuer avec luy l'heresie Eutychienne.

<i>Du Monde.</i>	4671	<i>Papes.</i>	1	<i>R. des François.</i>	22
<i>De Rome.</i>	1286	<i>E. d'Orient.</i>	9	<i>R. des Visigoths.</i>	4
<i>De Iesus Christ.</i>	535	<i>R. d'Italie.</i>	2	<i>R. des Vandales.</i>	4
<i>Indiction.</i>	13	<i>R. de Perse.</i>	3	<i>R. des Lombards.</i>	13
				<i>R. des Escoffois.</i>	34

FL. BELLISARIUS Consul en Orient sans adioinct.

Laquelle dignité luy fut conferee en faueur de la guerre Vvandalique, qu'il auoit nouvellement mise à fin. Nonobstant qu'apres son depart les Maurusiens se fussent rebellez souz la conduite d'un Stozas. Mais Salomon, qui estoit demeuré Lieutenant pour l'Empereur en Afrique, les vainquit ceste annee en vne grosse bataille, où il en tua cinq mille, sans qu'il perdist vn seul des siens, sans les pouuoir toutesfois subiuguer du tout. Procopius.

LES Bulgariens courans la Misie, furent desconfits par Tritte Capitaine Romain. Supplément de Marcellinus.

IUSTINIAN incité de l'occasion precedente, & du desir aussi de deliurer l'Italie de la subiection des Goths, pour la reduire souz son Empire, enuoya signifier la guerre au Roy Theodat, de laquelle il donna la conduite à Bellisarius, lequel estant embarqué sur mer avec son armee, alla premierement aborder en la Sicile, qui se rendit en si peu de temps à luy, que l'annee n'estoit encore expiree, quand il l'eut totalement reduite en l'obeissance de l'Empereur. Cependant le Capitaine Mundus avec vne autre armee de Romains prit la route par terre de la Dalmatie, où il deffit en bataille rangée vne armee de Goths, pres la ville de Salone: qui fut cause que les Ostrogoths renuoyèrent soudainement vne autre armee contre luy, laquelle il vainquit derechef l'annee ensuiuant. Mais ceste victoire luy fut si cher vendue, qu'il la paya au prix de sa vie, & de celle de son fils, selon Procopius liure premier de la guerre Gotthique: où il dit aussi expressément que ceste guerre fut commencee en la neuuesme annee de Iustinian, & que Bellisarius entra dedans Syracuse, le dernier iour de son Consulat, suiuant la raison que nous auons dicté cy deuant.

COVRANVS Roy d'Escoffe fut occis en la 36. annee de son regne. Au moyen dequoy Eugene 3. du nom, fils du feu Roy Congal, tint le Royaume d'Escoffe apres luy 34. ans. Hector Boëthius liu. 9.

LE Pape Agapete estant encor à Constantinople fut surprins d'une maladie, de laquelle il mourut le vingt & vnième iour de May: qui fit que l'Eglise Romaine demeura sans Pasteur iusques au vingtiesme de Iuillet, auquel le Roy Theodat sans attendre l'election du peuple, esleut de sa propre auctorité Syluerius fils legitime du feu Pape Hormisdas, pour Pape de Rome, lequel Cedrenus a mal appelé Syluestre, qui demeura en ce degré iusques à ce que Bellisarius l'en eut démis, vn an, dix mois, sept iours, apres qu'il y eut esté esleué. Si est-ce toutesfois que Paul Diacre escrit, qu'il prit si bien les remonstrances qu'il luy fit de la cruauté qu'on auoit commise enuers les Neapolitains à la prise de leur ville, qu'il fit rassembler tous ceux qui en estoient eschappez, & s'en retourner en leurs maisons.

NICEPHORE Caliste estime qu'il y eut vn autre Pape esleu entre Agapete & Syluerius, lequel il nomme Agathon, & semble qu'il veult dire que ce fut à Constantinople, où il se trouua & presida à vn Concile avec Menas.

LA coustume de chanter en l'Eglise *Vnigenitus filius*, & *verbum Dei*, &c. fut par le commandement de l'Empereur Iustinian introduite, en la 8. annee de son Empire. Nicephore Caliste, liure dixseptiesme de son histoire Ecclesiastique. Paul Diacre.

LE 2. Concile d'Orleans celebré en ce temps, fit quelques decrets, qui furent reduits en 21. Canons.

Du Monde.

<i>Du Monde.</i>	4662	<i>Papes.</i>	2	<i>R. des François.</i>	23
<i>De Rome.</i>	1287	<i>E. d' Orient.</i>	10	<i>R. des Visigoths.</i>	5
<i>De Iesus Christ.</i>	536	<i>R. d' Italie.</i>	3	<i>R. des Lombards.</i>	14
<i>Indiction.</i>	14	<i>R. de Perse.</i>	4	<i>R. d' Ecosse.</i>	35

1. année apres le Consulat de Bellisarius sans Consuls.

CONSTANTIANVS subrogé en la place de Mundus, conquesta la ville de Salona sur les Ostrogoths, & par mesme moyen les chassa de toute la Dalmatie & Liburnie. Procopius.

CE pendant les legions Romaines qui estoient en Afrique se mutinerent en telle sorte contre Salomon, qu'elles le contraignirent se retirer à refuge en Italie vers Bellisarius, & puis se rangerent souz la conduite de Stozas: tellement qu'ils luy aiderent à assieger & reduire en sa puissance la ville de Carthage. Mais la nouvelle armee de l'Empereur qui arriua bien tost apres, dont estoient chefs Germanus, Symmachus & Dominicus, la regagna apres auoir totalement deffait les rebelles. Procopius.

THEODAT commençant depuis la perte de la Sicile à sentir le poix & l'importance de la guerre qui luy venoit tomber sur les bras, se trouua tellement estonné, que son refuge fut de requerir fort instamment la paix à l'Empereur: en luy signifiant qu'il estoit prest de luy ceder le Royaume d'Italie, & aller acheuer aupres de luy le reste de sa vie. Mais lors qu'il estoit en ces termes allans & reuenans messagers de luy à l'Empereur pour paracheuer ce marché: les nouvelles de la mort de Mundus en la Dalmatie vindrent, qui le firent autant temerairement que legerement departir de son propos (quoy que son armee eut esté deffait) renuoiant les Ambassadeurs de l'Empereur avec mauuaise response. A cause dequoy commandement fut fait à Bellisarius de commencer la guerre aux Goths. Lequel ne s'estoit encore bougé de la Sicile, attendant par le commandement de l'Empereur l'issüe de toute ceste trafique. Sinon que Procopius tesmoigne liu. 2. de la guerre Vandalique, qu'il fit vn voiage en Afrique, lors que Stozas vouloit assieger la ville de Carthage. Où il ne fit aucune chose memorable, à cause du petit nombre de gens qu'il y mena avec luy. Tel a esté le commencement de la guerre appelée Gotthique, laquelle a esté écrite par Procopius en trois liures. Et ce qui se fit la premiere année d'icelle, qui se rencontra avec la dixiesme de l'Empire de Iustinian. Combien que la conqueste de la Sicile se fit à la fin la 9. A cause dequoy le mesme auteur dit que Bellisarius passa en Italie, où il prist Rome en l'onzième, & en la seconde aussi de ceste guerre, laquelle il commence avec toutes les autres au commencement du printemps.

CEPENDANT Theodat apres s'estre remis en deliberation de se maintenir en son regne, se mit aussi en termes de rendre aux Rois de France ce que les Ostrogoths occupoient encore de la Gaule, afin qu'ils se liguaissent avec luy pour sa defense contre Bellisarius. Mais la mort le preuint auant qu'il eust mis à effect sa deliberation, comme tesmoigne Procope. Combien que Gregoire de Tours afferme qu'il leur enuoia vne grãde somme de deniers pour les appaiser de la mort de la Roine Amalasuinte, laquelle ils se disoient vouloir venger, icelle estant leur cousine. Et pource que Childebert & Theodebert fils du Roy Theodoric partirent ceste somme entre eux sans en faire part à Clotaire, ice-luy s'en recompensa sur les tresors du feu Roy Clodamire, où il mit la main luy seul. Ce qui est vn indice que Theodoric Roy de Mets, qui estoit le plus aagé de ses freres, mourut apres le Roy Theodat. On peut tirer des couuertes de Procope & d'Agathius, que ce fut long temps deuant: nonobstant que Gregoire dit que ce fut en la 23. année de son regne, laissant seulement vn fils, à sçauoir ledit Theodebert, homme (au dire du mesme auteur) fort religieux & charitable enuers les pauvres, liberal enuers tous, & iusticier: ensemble aussi grandement belliqueux & vaillant en fait de guerre, lequel luy succeda à ses tiltres & estats; esquels il se maintint si brauement que ses deux oncles Childebert & Clotaire s'estans bandez ensemble pour s'en desarçonner, se trouuerent par la prudence d'iceluy & par la fidelité que ses subiets luy porterent, rebutez de leur entreprinse. Qui fut cause que Childebert se rappointa avec luy cõtre Clotaire. Agathius luy dõne l'honneur

d'auoir le premier subiugué la nation Allemande : Combien que tous les autres l'ont attribué à Clouis. Parquoy il se peut faire qu'ils s'estoient rebellez & qu'il les subiugua de rechef & remit en plus grande seruitude. Ce que P. Æmile escrit de l'armee qu'il mena en Italie du viuant du mesme Roy Theodat, n'a aucune apparence, si Procopius & tous les autres n'ont ignoré ce voiage.

P A R vn concile prouincial assemblé à Constantinople apres la mort du Pape Agapete, Anthimius cy deuant Euesque dudit siege fut admonesté de presenter requeste de penitence, & remonstrer que les crimes qui luy estoient imposez estoient faux. Au moien dequoy il luy seroit permis de retourner en son siege de Trebizonde. Neantmoins toutesfois il ne se voulut oncques représenter. Qui fut cause que le Concile le degrada, & declara inhabile de toute la dignité sacerdotale.

L A Q V E L L E sentence prononcee, requestes & aduertissemens furent aussi presentez au mesme Concile de la part des moines de Constantinople, de la Palestine & de la 2. prouince de Syrie, contre Seuerus Euesque d'Antioche, Pierre d'Apamee en Syrie, & Zooras moine de Syrie: lesquels estans conuaincus de plusieurs crimes enormes outre l'heresie Eutychienne & autres, furent avec tous leurs adherens & complices condamnez & anathematizez par vn decret prononcé le 4. iour de Iuin. Qui fut cause que l'Empereur publia le 4. iour du mois d'Aoust ensuiuant vn edict, par lequel il confermoit la sentence du Concile precedent, & de l'autre qui auoit esté celebré souz le Pape Agapete, & ordonoit quant & quant que tous les escrits de Seuerus fussent prohibez & bruslez avec peine de mort à ceux qui les retiendroient & garderoiēt. Aussi qu'Anthimius vuideroit hors la cité de Constantinople. Or comme Nicephores s'est lourdement abusé, escriuant que le Pape Agathon successeur d'Agapete presida avec Menas à ce Concile, auquel aussi il imposa les mains. Ce que iamais auparauant n'estoit aduenü : aussi est-ce à Sigonius à monstrier l'auteur de qui il tient que ce fut Agapete qui fit cest office-là enuers Menas, puis qu'il ne s'en trouue rien escrit ailleurs.

L E S Bauariens ou Baioariens furent ceste annee par la predication de l'Euesque Rupert conuertis à la religion Chrestienne: tellement que le Roy Theodon se fit baptizer avec ses enfans. Auentin. liu. 3.

E D V I N fils d'Alla regnoit en ce temps au Royaume de Deire en Angleterre apres son pere.

M A V R V S Romain, & Faustus Italien disciple de S. Benoist furent en ce temps par luy enuoyez en France pour y enseigner la vie & regle monastique de leur maistre, à la requeste de l'Euesque du Mans, qui l'auoit requis par messagers de ce faire. Tellement que l'ordre monastic dudit saint Benoist fut introduitte par ce moyen en la France. Volaterranus.

<i>Du Monde.</i>	4673	<i>Papes.</i>	I	<i>R. des François.</i>	24
<i>De Rome.</i>	1288	<i>E. d'Orient.</i>	II	<i>R. des Visigoths.</i>	6
<i>De Iesus Christ.</i>	537	<i>R. d'Italie.</i>	I	<i>R. des Lombards.</i>	15
<i>Indiction.</i>	15	<i>R. de Perse.</i>	5	<i>R. d'Ecosse.</i>	36

2. annee apres le Consulat de Bellizarius.

G E R M A N V S Lieutenant de l'Empereur en Afrique, aiant derechef deffait les rebelles en vne 2. bataille, les contraignit de s'enfuir aux desers.

A v mesme temps aussi vn Capitaine nommé Iean Scotiste, s'estant gaigné la faueur de quelques legions d'Orient se fit par elles proclamer Empereur. Mais ceux qui estoient demeurez en fidelité enuers Iustinian luy donnerent bataille pres la ville de Daras, où il fut occis. Supplement de Marcell.

E S T A N T l'hyuer passé, avec lequel expira la premiere annee de la guerre Gorthique, Bellisarius suyuant le commandement de l'Empereur passa avec l'armée Imperiale de la Sicile en Italie: où Ebrimire, selon d'autres Ebremud, gendre du Roy Theodahat, se vint avec aucunes troupes de Goths volontairement ioindre à luy. Au moyen dequoy il sen alla

alla avec luy assiéger la cité de Naples : laquelle il trouua si bien mise en point pour estre defendue, qu'il eut sans doubte failly à l'emporter, si vn vieil canal ne se fust descouvert, par lequel il fit entrer quelque nombre de gens de guerre dedans icelle, qui donnerent entree à tout le reste de son camp. Parquoy l'ayant reduitte en l'obeissance de son maistre, se mit plus auant en pais, conquestans forces places sur les Goths, qui s'en irritèrent tellement contre leur Roy Theodahat (estimâs que telles pertes leur aduenoiét par sa lâcheté & festardise) qu'ils s'alienerent totalement de luy, substituâs en son lieu pour leur Roy vn nommé Vitiges, homme fort expérimenté au fait de la guerre, nonobstant qu'il ne fust de sang royal : lequel pour establir mieux son autorité enuoia gens apres Theodahat qui s'enfuoit, lesquels le mirent à mort (ayant tenu le Royaume d'Italie l'espace de trois ans souz son manement) & puis s'en vint tenir conseil à Rome sur les moiens de repousser l'ennemy qu'il auoit sur le dos. Où fut aduisé que pource que la principale gendarmerie des Goths estoit ou empêchée à la garde des prouinces qu'ils tenoient encore en la Prouence contre les François, ou esparse par les citez & forteresses de la Lombardie & de la Romagne, estoit le meilleur qu'il se transportast à Rauenne pour la rallier & rassembler, & pour prendre l'alliance des Rois de France qu'il cognoissoit luy estre de grande importance : remettant entre leurs mains tout ce que les gens tenoient encor delà les monts, afin de retirer toutes les garnisons avec le Lieutenant qu'il y auoit nommé Martia, homme vaillant & de bonne conduite, à foy. Tellement que ceste conclusion prise, il laissa la cité de Rome en garde à vn sien Capitaine nommé Lendere accompagné d'aucunes compagnies de Goths : & s'en estant venu à Rauenne, y trouua Matasuntha fille d'Amalasuntha, qu'il fit par force son épouse. Mais aussi tost qu'il fut esloigné de Rome, Bellisarius aiant aduertissement de la bonne volonté que les Romains auoient à l'Empereur, il mena son armee en telle diligence que les portes d'icelle luy furent ouuertes malgré les Goths qui estoient dedans, lesquels furent contraints d'en ressortir par vne porte, au mesme temps que Bellisarius entroit par vne autre. Ce qui se fit au rapport d'Anastasius le 10. iour de May de l'Indiction 15. selon le continuateur de Marcellinus Comes en ce Consulat : adioustant Procopius 60. ans passez apres qu'elle eut esté par Odoacer reduitte en la puissance des estrangers, & en la 11. année de l'Empereur Iustinian, qui est à dire qu'il la compte dès le iour qu'il fut créé & déclaré Auguste par l'Empereur Iustin, & non à la mort d'iceluy. Tant y a cependant que ceste prise succeda si bien pour les affaires de l'Empereur, qu'elle donna exemple & occasion à la pluspart des villes de la Pouille, Calabre & de la Toscane, de leuer les enseignes d'iceluy, & à quelques Capitaines Goths de se venir avec leurs gens rendre à Bellisarius. Qui fut cause que Vvitiges enuoia vne armee souz la conduite de deux siens Capitaines Vnila & Pissa, en la Toscane : laquelle fut deffaite, & quasi toute mise en pieces par Constantinus & Bessas Capitaines de Bellisarius. Auquel temps aussi vne autre armee de Goths fut enuoiee en la Dalmatie souz la charge de deux Capitaines Asinarius & Vligisilaüs : où ils eurent rencontre à leur desauantage avec les Romains aupres de la ville de Sarno, & puis furent encore totalement mis en route deuant la ville de Salone, qu'ils voulurent assiéger. Ce qui est le sommaire (hors les grâds apprests que Vvitiges fit d'vne grosse armee pour aller assiéger Rome, & la diligence que Bellisarius fit à la remparer & fortifier contre luy) de ce qui se fit en la seconde année de la guerre Gotthique. Encore que Procopius y semble vouloir comprendre le commencement du siege de Rome par Vvitiges, mais nous monsturons qu'il se doit plustost rapporter ou à la fin d'icelle, ou à la suyuant & au Consulat ensuiuant. Ce qui est aussi le tesmoignage du continuateur de Marcell. Comes. Tant y a que Iornâdes, Triterius, Sabellic & Paul Æmile ont mal escrit, que la reddition de la Prouence au Roy Theodebert fut faite par Amalasunthe mere du Roy Atalaric vn peu apres le trespas de son pere. Parquoy les François se virent deslors Monarques & possesseurs des Gaules (fors de ce peu de pais que les Vvisigoths tenoient encor au Languedoc) où ils perpetuerent leur nom & Empire iusques auourd'huy sans tomber en main estrangere.

BELLISARIUS estant arriué à Rome, deposa, suiuant le commandement de l'Impératrice Theodora, le Pape Syluerius le 26. iour de May, pource qu'il refusoit de remettre Anthemius en son siege : ou pource qu'il l'estimoit estre trop plus addonné au Roy des Ostrogoths, qu'à l'Empereur. De sorte qu'il ne le deposa pas tant seulement, mais aussi l'en-

roya en exil, où il mourut (tesmoin Onufrius) l'annee ensuiuant : combien que Liberatus chapitre vingtdeuxiesme de son *Breniarium*, estime que Vigilius Archidiacon lors de l'Eglise Romaine, le fit mourir & confiner en vne cruelle prison, s'estant fait incontinent apres la deposition d'iceluy constituer & establir au siege Papal, au moyen du credit qu'il auoit enuers Bellifarius, & de la promesse qu'on dit qu'il luy fit de satisfaire à l'intention de l'Imperatrice. Ce qui a fait confesser franchement à Onufrius, qu'il paruint au Papat par force & par ambition, afin de luy attribuer plus hardiment (ce que nul autre n'a escrit deuant luy) qu'il a esté le premier qui de son auctorité ordonna (contre la coustume ancienne) que les Papes nonobstant qu'ils fussent esleuz legitiment par le peuple, ne pourroient exercer le Papat, ny estre consacrez ou ordonnez par les Euesques, deuant que leur eslection fust confermee & approuee par l'Empereur: pour faire penser que Iustinian & ses successeurs ne se sont attribuez la licence de confermer les Papes de leur temps, que par la permission des Papes mesmes : comme si la disposition de Syluerius, & la creation mesme de Vigilius, ne fournissoient preuue contraire. Mais il est certain (ce qu'Onufrius aussi n'a peu dissimuler) que la puissance des Papes estant deuenue beaucoup plus grande souz les Ostrogoths, que lors qu'il y auoit encore des Empereurs en Italie, pouuoit grandement seruir à retenir ou alier l'Italie de l'obeissance des Empereurs. A cause dequoy Iustinian & ses successeurs voulurent de puissance absoluë auoir cognoissance des Papes esleuz, afin qu'il n'y en vint point desquels ils ne fussent assurez. Mais auparauant, les Empereurs ne se mesloient non plus de l'eslection des Papes, que des autres Patriarches & Euesques, laquelle ils laissoient selon les anciens statuts de l'Eglise au peuple & au Clergé. Cōbien qu'on ne la pouuoit faire sans auoir ordonnance d'eux.

IL se voit vne epistre attribuee à Syluerius, escrite à vn Euesque nommé Amator du temps de son exil : en laquelle il fait entendre, que nonobstant qu'il fust dechassé de son siege, qu'il ne se deportoit point de faire son office, ains ayant assemblé ce qu'il auoit peu d'Euesques, auoit avec eux excommunié ceux qui l'auoient ainsi mal-traitté, & reduit en l'estat auquel il estoit : & ordonné quant-&-quant par l'auctorité Apostolique & Synodale, qu'on n'vlast plus enuers aucun Euesque de telle tromperie qu'on auoit vñ enuers luy. Dauantage que le tesmoignage d'un faux tesmoin ou ennemy, ne seroit admis ny pourroit prejudicier à aucun Euesque accusé. Mais si ceste epistre n'est supposee, il est bien vray-semblable que ces Decrets furent faicts si secrettemēt, que Bellifarius ny ceux à qui ils cōcernoient n'en furent aduertis.

CHARLES surnommé Nasson, fils d'Austrasius Roy de Tongre & de Brabant, mourut laissant trois fils, l'aîné desquels nommé Charles, & surnommé Hasbain, duquel le pais de Hasbain prit son appellation, succeda aux seigneuries de son pere : ses autres freres, à sçauoir Beldric ou Bertaire, & Hermanfroy, succederent à l'heritage de leur mere nommee Vualberie, fille du feu Roy Bertaire de Turingie, duquel ils furent cy apres dechassez par les Rois de France : selon que recite Richard de Vassebourg, auquel ie ne voudrois croire en cecy, que souz autre plus certain gage. Au contraire, on pourroit par beaucoup de bonnes raisons ou preuues, monstrier que tout cecy est faux.

THEODON 2. du nom Roy de Bauiere mourut, laissant trois fils : l'aîné desquels nommé pareillement Theodon, qui fut 3. du nom, & luy succeda à la couronne, apres auoir donné le partage à ses freres. Auquel Childebert Roy de France auoit donné sa fille en mariage. Auentin, Munster.

ELEVTHERE Euesque de Tournay, Medard de Noyon, & Gildard de Rouën, florissoient en ce temps.

Le grand Temple de Constantinople nommé sainte Sophie, fut ceste annee fondé & edifié par l'Empereur. Supplément de Marcellinus.

Du Monde.

Du Monde.	4674	Papes.	2	R. des François.	25
De Rome.	1289	E. d'Orient.	12	R. des Visigoths.	7
De Iesus Christ.	538	R. d'Italie.	2	R. des Lombards.	16
Indiction.	1	R. de Perse.	6	R. des Eſcoſſois.	2

FL. IOANNES, & FLA. VOLVSIANVS, Consuls.
VITIGES ayant assemblé tout l'arriereban de ses forces, qui faisoient nombre de 150. mille combatans, les mena deuant Rome, en intention de l'assiéger de si aspre façon, qu'il faisoit ia son compte qu'elle ne dureroit rien deuant luy. Mais Bellisarius luy tailla si bien chausseure à son pied, qu'il se trouua honteusement rebuté de son entreprinſe, eſtât lourdement repouſſé en tous les assauts qu'il y donna: & beaucoup plus durement traité en vne infinité de faillies qu'on fit sur luy, à l'vne desquelles il perdit plus de 30. mille de ses gens. Neantmoins toutesſois la peste & la famine euſſent reduit en fin Bellisarius en vn mauuais party, si l'Empereur ne luy euſt enuoyé à deux fois nouueau renfort de gens; entre leſquels eſtoient grand nombre d'Isauriens, Eſclauons, & de Heruliens. Ce qui acheua de faire perdre tout le reſte de l'eſpoir à Vitiges. Ioinct vne autre troupe que l'Empereur depeſcha encore en Italie ſouſ la conduite d'un ſien couſin nommé Iean, qui prit la ville d'Arimin. Et en s'approchant de Rauenne, haſta les Goths de leuer leur ſiege de deuant Rome, apres l'y auoir tenu vn an entier, & neuf iours. Ce qui ſe fit toutesſois au Conſulat enſuiuant, au commencement de la 4. année de ceſte guerre: car le ſiege auoit eſté mis au commencement de la 3. en ce Conſulat au mois de Mars, enuiron (ce dit Leonard Aretin) les Ides d'iceluy: duquel Procopius liu. 1. & 2. racompte encore celà de memorable, qu'on y combatit fort cruellement 67. fois d'eſcarmouches & de faillies.

EN faueur de la Prouence renduë aux François, Theodebert de Mets fit aller ſur la fin de ceſte année vne groſſe armée de Bourguignons de ſon obeiſſance, au ſecours des Goths en Italie, ſans permettre qu'il y euſt vn ſeul François: afin qu'il ne ſemblat contreuenir à l'alliance qu'il auoit avec l'Empereur: dont il vouloit meſme qu'on penſaſt que toute celle compagnie ne marchoit de ſon commandement, ains comme y'eſtant allée à la deſrobee, & contre ſon intention. Laquelle cependant aida grâdement les Goths au ſiege qu'ils mirent deuant la cité de Milan, & à recouurer pluſieurs autres villes, qui auoient tourné leur robbe contr'eux. Procopius.

VIGILIVS Pape de Rome eſtât ſommé par l'Imperatrice Theodora, de remettre Anthimus en ſon ſiege, ſuiuant la promeſſe qu'il luy en auoit faiçte, refuſa de ce faire, iuſques à ce que l'Empereur Iuſtinian euſt commandé de remener Siluerius à Rome, pour luy faire là ſon procez, afin que s'il eſtoit trouué innocent des poinçts dont il auoit eſté accuſé, il fuſt remis en ſon ſiege: car il promit lors à Bellisarius de faire tout ce qu'on luy cōmanderoit, pourueu qu'on luy mit Siluerius entre ſes mains: lequel luy eſtant à ceſte cōdition deliuré, il le fit miſerablement mourir de faim en priſon le 20. de Iuin. Liberatus, Sigonius.

LES Bulgariens entrerent en ce temps à grande puiſſance dedans la Moëſie, contre leſquels l'Empereur enuoya vne armée; à laquelle ſ'alla ioindre Alcune Roy des Huns qui habitoient en l'Illyrie, par le moyen duquel les Bulgariens receurent vne grande deſconfiture, qui rendit les vainqueurs tellement nonchalans de ſe tenir ſur leurs gardes, qu'ils donnerent moyen & occaſion à leurs ennemis de les venir recharger ſi à l'improuiſte, que ils eurent la reuange de leur premiere perte: mais avec telle vſure, que ledit Alcune demeura leur priſonnier. Cedrenus.

Du Monde.	4675	Papes.	3	R. des François.	26
De Rome.	1290	E. d'Orient.	13	R. des Visigoths.	8
De Iesus Christ.	539	R. d'Italie.	3	R. des Lombards.	17
Indiction.	2	R. de Perse.	7	R. d'Eſcoſſe.	3

FLA. APPIO ÆGIPTIVS, Consul sans adjoind.

LES Huns entrez en grande multitude dedans l'Europe, gasterent vne infinité de païs: tellement que la ville de Potidee fut par eux miserablement ruinee & saccagee, qu'on nommoit lors Cassandrie. Le Chersonnese avec toutes les villes de la Grece, excepté la Moree, reduites en leur puissance: lesquelles toutesfois ils abandonnerent en fin de leur propre mouuement, & se retirerent en leur païs, avec plus de deux cens mille captifs, ayans mené ce mefnage l'espace de trois ans. Procopius liu. 2. de la Perfique.

L'AFRIQUE estant toute reduite en tranquillité souz l'Empire, Germanus fut r'appellé de l'Empereur, & Salomon enuoyé en son lieu, contre lequel les Maurusiens se rebellerent derechef, souz la conduite d'un Capitaine nommé Antala: de façon qu'ils le tuerent en vne rencontre. A l'occasion dequoy l'Empereur substitua en sa charge vn neveu d'iceluy nommé Sergius, luy enuoyant quelque temps apres pour adioinct en icelle, le Patrice nommé Areobindus. Mais auant qu'il arriua en Afrique, Stozas s'en reuint avec grand nombre de Maurusiens ioindre à Antalla. Ce que Procopius attribué à la 13. année de Iustinian, qui commençoit ceste année.

MUNDVS Capitaine Gepide s'estant donné au seruice de l'Empereur, fut par luy ordonné Gouverneur de la Marche Illyrique, où il fit vne grande desconfiture de Bulgariens. Cedrenus.

Le renfort de gens (entre lesquels estoient grand nombre de Heruliens) enuoyé nouvellement de par l'Empereur à Bellisarius, fut par luy nonobstant les empeschemens des Goths, d'une merueilleuse ruze & habilité introduicte dedans Rome. Ce qui amena Vitiges en tel desespoir de pouoir plus bien faire ses affaires au siege d'icelle, que force luy fut de retirer honteusement son camp vn an & neuf iours apres qu'il eut commencé de l'assieger. Ioinct que Vitallianus autre Capitaine de l'Empereur le fit penser ailleurs, faisant plusieurs conquestes des villes & places sur les autres prouinces des Goths. Cependât qu'il chommoit deuant Rome, & que Mundilas enuoyé par Bellisarius, avec quelques compagnies de Thraciens & d'Isauriens à Milan, receut les citoyens d'icelle en la protection de l'Empereur. Parquoy Vitiges voulant recouurer ses pertes, s'en reuint au partir de Rome amener son camp deuant la ville: où il fit aussi mal ses affaires qu'ailleurs, estant lourdement rembarré à vn assault qu'il voulut donner. Qui fut cause qu'il laissa vne partie de son camp deuant, pour continuër le siege sans l'assaillir; & ramener l'autre deuant Milan, entendant qu'elle estoit mal gardée, & que Mundilas y auoit amené trop peu de gens de guerre dedans. Au moyen dequoy il se delibera de la tenir si estroitement assiegee, qu'il osta le moyen aux Capitaines de l'Empereur de la secourir. Ioinct qu'ils s'empescherent l'un l'autre de ce faire par leurs dissensions. Tellement qu'elle fut finalement reprise par faulte de viures & de prouisions de guerre: & puis miserablement saccagee, destruite & bruslee. Outre l'horrible boucherie qui se fit des personnes qui furent trouuees dedans; desquelles on fait compte de 3. cés mille qui furent massacrees. Cependant toutesfois Bellisarius ne laissa de faire prosperer les affaires de l'Empereur ailleurs, se faisant rendre grand nombre de villes & de forteresses. Outre lesquelles il alla faire leuer le siege d'Arimin, qui sans son arriuée estoit prest de venir à telle issue que celuy de Milan: & eust peu encore faire beaucoup d'autres belles conquestes, tât au païs d'Vrbain que de Spolette, sans le discord qui se mit entre luy & Narfes Capitaine d'une nouvelle armée que l'Empereur enuoya à son secours, lequel portant enuie à sa gloire, luy contrarioit en toutes ses deliberations & entreprises, iusques à ce que l'Empereur l'eut r'appellé à Constantinople. Ce qui se fit en la 4. année de ceste guerre. Procopius liu. 2.

LES Rois Theodebert & Clotaire entrerent en ce temps en mauuais mefnage avec Clotaire: dôt on n'a escrit la cause, sinô la ialousie, l'ambition & la cupidité de s'aggrâdir de l'autrui, & vne particuliere enuie qu'auoit (ce dit Gregoire) Childebert sus Clotaire. Tellement que ses forces ioinctes avec celles de Theodebert son neveu, ils les firent marcher contre Clotaire. Lequel n'ayant puissance esgale à eux, se vouloit laisser assieger, plustost que combattre. Mais on dit que les prieres de la Roine Clotilde leur mere, qui estoit lors à Tours, furent de telle efficace enuers Dieu, qu'il fit miraculeusement departir par vne tempeste leurs armées deuant que se mal-faire. Combien que ce qu'escrit Agathius historien Grec, qui viuoit en ce siecle, pourroit aussi estre interuenue. Qui est que si quelque differêt s'esmouuoit (comme il dit) en ce temps entre les Princes François, tous les autres se mettoient

toient en armes ne plus ne moins que s'il falloit marcher en guerre: & s'allans presenter en ordre de bataille deuant les assemblees des Princes qui se vouloient combattre, les contrainoient de se reconcilier, & debatre leur querelle par voye de droict, plustost que par armes avec menaces de les faire repentir s'ils faisoient autrement: ne voulans que le bien public receust detrimement par leurs dissensions particulieres. Ce qui faisoit que les ennemis se refaisoient amis: & posant bas les armes conuersoient les vns avec les autres reciproquement comme auparauant. Et de là venoit que les petits compagnons & les subiets s'accoustumoient à faire obseruer la iustice pour la conseruation de leur patrie: & que les Princes se rendoient aussi plus enclins & obeïssans à raison. Au moyen dequoy par ceste charité qu'ils se portoient les vns aux autres, & pource qu'ils s'assubietissoient tous également à la loy, fils estoient rendus si forts & inuincibles, qu'ils conqueroient aisément & augmentoient de iour à autre l'estenduë de leur Empire. Car c'est sans doute (comme conclud le mesme auteur) qu'ou la iustice & concorde sont obseruees & entretenues, elles y font la chose publique heureuse & durable, & qu'elle ne peut estre facilement accablée ny opprimée de ses ennemis.

L E S prosperitez aduenues cy deuant en Afrique à l'Empereur Iustinian, & les auantages qu'il auoit ia en la guerre d'Italie, meirent si bien la pulce en l'oreille à Chosroes Roy des Perse: craignant qu'elles ne reuinssent puis apres greller sur luy, qu'il se mit apres à trouuer occasiōs & pretextes de rompre la paix qu'il auoit fait: les Romains se persuadans que sans icelle les victoires precedentes ne leur fussent aduenues, & qu'en la rompant qu'il empescheroit le secours de leurs prosperitez. Mais estant ia fort eschauffé en ceste deliberation, Ambassadeurs luy vindrent de la part de Vitiges Roy des Ostrogoths, qui per leurs remonstrances l'embraferent de tout point à recommencer la guerre. Tellement qu'il fit premierement commencer la querelle par Alamandarus Roy des Sarrazins, qui tenoit son party contre Aretas Roy aussi d'autres Sarrazins partizans de l'Empereur. Et puis receut les Armeniens en sa protection, lesquels aiant massacré le Gouverneur que l'Empereur leur auoit donné pour les tyrannies qu'il exerçoit sur eux, & defait l'armee qu'on auoit enuoiee contre eux, souz la conduite de Sittas (lequel mesme estoit demouré occis sur le champ) s'estoient resolu de se defendre constamment contre l'autre armee, qui de la part de l'Empereur venoit encore sur eux, souz la conduite de Bizes. Procopius liu. 2.

V N autre Synode assemble à Constantinople condamna de rechef Anthimus, & les fauteurs de l'heresie Eutychienne, comme Seuerus Euesque, & vn Pierre & Zonaras. Combien qu'on estime que ledit Seuerus auoit vne particuliere opinion appelée des Seueristes, qui ne correspondoit en tout & par tout à l'Eutychienne. Niceph.

L E 3. Concile d'Orleans celebré en la 26. année de Childbert Roy de France ordonna quelques decrets, qui furent reduits en 32. canons. Aucun desquels interdit le mariage aux gens d'Eglise. D'autres portent que la celebration des Messes se doit commencer à trois heures, & ce seulement es principales solemnitez, à fin que les prestres puissent tous assister à l'office diuin de vespre. Surquoy nous auons à noter qu'en tous les escrits de ce siecle le mot de Messes n'est point pris ny vsté en nombre singulier, mais en pluriel seulement. A cause que par ce nom de Messes on comprenoit tout le seruice diuin du matin, comme il appert parce que les Messes sont opposees ordinairement es canons des Synodes de ce temps & autres semblables à l'office diuin du soir, appelé pour ceste cause du nom de Vespres. La souscription dudit Concile déclaré qu'il fut celebré *Paulino Iuniore V. CL. Consule*. Mais ce Consulat là ne se trouue mentionne en aucuns fastes consulaires.

<i>Du Monde.</i>	4676	<i>Papes.</i>	4	<i>R. des François.</i>	27
<i>De Rome.</i>	1291	<i>E. d'Orient.</i>	14	<i>R. des Visigoths.</i>	9
<i>De Iesus Christ.</i>	540	<i>R. d'Italie.</i>	14	<i>R. des Lombards.</i>	81
<i>Indiction.</i>	3	<i>R. de Perse.</i>	8	<i>R. des Escoffois.</i>	4

F L A. I V S T I N V S V. C. Consul sans adioint.

C H O S R O E S mettant à effect sa deliberation rompit de tout point la paix qu'il auoit cy deuant faite avec l'Empereur Iustinian, nonobstant qu'elle eust esté accordée à durer

sans fin; dont on l'appelloit Aperanton. Tellement qu'il entra avec vne grande puissance dedans les prouinces de l'Empire: & pource que l'Empereur n'y auoit lors aucune armee pour l'opposer à luy, il y fit vn merueilleux & horrible degast de pais sans trouuer que bien peu de resistance en toutes les villes desquelles il approcha. Au moyen dequoy il prist, laccagea & brussa les villes de Sura, Berœa d'Apamee & la grande cité d'Antioche: permettant à ses gens de faire passer par le fil de l'espee autant de personnes qui se trouuerent en icelles, sans espargner sexe ny aage. Qui fut cause que l'Empereur enuoia des Ambassadeurs vers luy, qui par le moyen d'une grande somme de deniers qu'on luy deliura contant, & qu'on luy deuoit fonder tous les ans à tiltre de garder les portes Caspies, obtindrent promesse d'une paix: qui fut aussi peu gardee & obseruee que les autres, nonobstant qu'elle le fit retourner en son pris. Ce que Procopius tesmoigne estre aduenu liu. 2. de la guerre Persique en la 13. annee de Iustinian & au liu. 2. de la guerre Gotthique, en la 4. annee d'icelle.

TELEMENT que deuant que ceste nouuelle paix fust accordee, Iustinian estoit ja entré en deliberation de faire paix avec le Roy Vitiges, afin de reuoquer Bellisarius, en intention de l'employer contre les Perses. Dequoy mesme il luy en fit sçauoir sa volonté. Mais luy sentant les auantages qu'il auoit sur les Goths, ne laissa de poursuiure la guerre, assiegant luy-mesme la ville de Auximum, qui estoit de grâde importance pour eux. A cause dequoy ils s'efforcerent de la mieux defendre. Neantmoins ils furent en fin contraints de la luy rendre par composition, tant pour faute de viures & de munitions, que pource que Vitiges fut retardé de la secourir par la venue des François. Au moyen dequoy Bellisarius l'alla poursuiure & enfermer dedans Rauenne. Où il le rendit encor assiégué si estroitement, que force luy fut finalement de se rendre avec toutes ses richesses entre les mains de Bellisarius. Lequel estimant auoir par ce moyen mis fin à la guerre, donna ordre aux affaires d'Italie, la laissant en la garde de Bessas, Jean & Vitellius. Et puis emmena son vaincu avec soy à Constantinople (lequel l'Empereur mit en l'ordre des Patrices) puis luy donna la conduite de la guerre contre les Perses en Orient.

CE qui fut la fin de la cinquiesme annee de ceste guerre, ainsi que recitent Procopius avec Iornandes, qui finit en cest endroit son liure de l'histoire Gotthique ou Scythique: où il dit aussi estre le 1300. an du regne des Goths en la Scythie. Dont il faudroit qu'il y eust commencé deuant la fondation de Rome: mais il peut estre quant à ce point mal asseuré de son baston. Or comme les Austrasiens auoient pris leur dessein sur l'Italie: Childibert & Clotaire entreprirent semblablement de passer avec leurs armées en Espagne contre les Vvisgoths, non tant pource qu'ils tenoient la doctrine Arrienne (quoy qu'on vueille dire) que pource qu'ils estoient anciens ennemis des François, comme la fin de ce voyage fit paroistre: qui fut telle, qu'apres qu'ils eurent contraints les habitans de la ville de Sarragosse de se rendre à eux, ils eurent pour despouille en leur ville la robbe de S. Vincent Martyr, qu'ils emporterent avec eux, & la donnerent à l'Abbaie de S. Germain des Prez à Paris. Gregoire de Tours, Ado, Aimoinus, Sigebert, Didacus, Valeranus, Ioannes Magnus.

ESTANT les Rois de France reconciliez ensemble, furent conßeillez d'employer leurs armées au loing. Tellement que Theodebert se proposa l'Italie, esperant y faire ses affaires entre les troubles d'icelle. A cause dequoy il passa avec vne grande armée de ses Austrasiens & Bourguignons outre les Alpes: lesquels faignants estre arriuez tant au secours des Goths que des Romains, gaignerent par surprinse quelques victoires sur les vns & sur les autres. Mais vne mortalité se mit en leur camp, qui les contraignit de se retirer en leur pais, chargez toutesfois d'un grand butin & de despouilles. Ioint que Bellisarius enuoia remonstrer au Roy Theodebert, le tort qu'il faisoit à son honneur & à sa reputation, d'estre ainsi venu fouler ses allies & confederes sans occasion legitime. Tellement que celà le fit retourner en son Royaume, aussi soudainement qu'il en estoit party: ayant tellement degousté les Ostrogoths, de son inconstance, qu'ils ne peurent oncques depuis par les remonstrances & belles promesses qui leur enuoia faire apres son retour par ses Ambassadeurs, estre destournez ny retardez d'accepter la paix que Bellisarius leur accorda.

LES Esclauons ayants passé le fleuue Ister, coururent tout le pais de l'Illyrie. Procopius.

AVDOIN, selon Procopius Baces, 11. Roy des Lombards, mourut en la 18. annee de son regne

regne, laissant la succession à son fils, selon P. Diacre: Alboin, qui regna sur eux en la basse Pannonie l'espace de 27. ans, 6. mois. Mais Procopius afferme qu'il n'estoit pas son fils, ains qu'il fut fait seulement tuteur du fils d'iceluy, qui se nommoit Baldare, à cause qu'il estoit encore en trop bas aage pour gouverner de soy-mesme affaires de Royaume: Et que pource qu'il mourut bien tost apres, que ledit Alboin obtint le Royaume des Lombards apres luy.

LA feste de la Purification nostre Dame fut premierement instituee à Constantinople souz l'Empereur Iustinian, afin d'appaiser vne grande pestilence. De sorte que les Grecs l'appelloient Hipapante, qui en leur langue signifie rencontre, pource que son institution se fit en memoire de ce que Simeon rencontra Iesus Christ au temple quand il y fut apporté & présenté par Ioseph & par Marie.

CHOSROÛS approchant de la cité d'Antioche fut cause que l'Euesque Euphremie s'enfuit, emportant avec soy les tresors & ioyaux de son Eglise, lesquels il vendit pour racheter ses Diocefains prisonniers. Niceph.

LE trespas de Timothee Euesque d'Alexandrie, fit diuiser les paroissiens en deux factions, à cause de l'election de son successeur. Et pource qu'elles ne se peurent accorder, chacune d'elle esleut son Euesque: l'un nommé Gainas ou Galanicus, qui ne presida qu'un an: l'autre Theodosius, qui dura deux ou trois ans. Combien que Cedrenus escrit qu'ils furent tous deux deposez l'annee d'apres par le commandement de l'Empereur. De façon qu'un nommé Paul fut substitué en leur lieu, qui presida (selon Onufrius) 4. mois. Mais Nicephore escrit 2. ans.

LA cause de faire entrer les Alexandrins en ceste diuision, vint de ce qu'ils adheroient à l'erreur d'Eutyches ayants esté endoctrinez en icelle par leur Euesque Timothee, vers lequel Seuerus cy deuant Euesque d'Antioche, & Iulian de Halicarnasse s'estoient retirez: lesquels estants d'accord en l'erreur d'Eutyches, vindrent tomber en controuerse sur la corruptibilité & incorruptibilité du corps de Iesus Christ. Chacun d'eux aiâts ses partisans & defenseurs, qui esleurent pour Euesques ces deux qui s'entendoient avec eux. Selon Cedrenus. Nicephore tesmoigne que de ce Theodose vint le nom des Theodosiens, qui s'accordoient en d'aucuns points à la doctrine de Seuerus, & en d'autres discordoient. Et pource qu'aucuns de ses sectateurs ne voulurent en suyure, l'opinion qu'il maintenoit de la Trinité, faisans secte à part furent nommez Contobaboites, à cause du lieu où ils faisoient leurs monopoles, qui furent de tous les Seuerites seuls sans auoir Euesque. On donna semblablement le nom d'Angelites à ces Theodosiens, à l'occasion du lieu de Angele où ils s'assembloient. Tous lesquels aussi tenoient l'opinion des Triteites, & en icelle conuenoient avec les Petrites & Conionites, qui estoient autres branches des Seuerites.

<i>Du Monde.</i>	4677	<i>Papes.</i>	5	<i>R. des François.</i>	28
<i>De Rome.</i>	1292	<i>E. d'Orient.</i>	15	<i>R. des Visigoths</i>	10
<i>De Iesus Christ.</i>	541	<i>R. d'Italie.</i>	1	<i>R. des Lombards.</i>	1
<i>Indiction.</i>	4	<i>R. de Perse.</i>	9	<i>R. des Escossois.</i>	5

FLA. BASILIUS Consul sans adioint.

QUI est le dernier personnage priué qu'on tient auoir porté le nom de Consul. D'autant qu'apres luy l'Empire tant Oriental qu'Occidental cessa d'auoir des Consuls particuliers. Mais les Empereurs annexerent la dignité Consulaire avec l'Imperiale: tellement qu'ils exerçoient l'une & l'autre ensemble ce qu'ils commencerent toutesfois à faire seulement 25. ans apres. Ce pèdât on nota encore es festes Cōsulaires, premiere, 2. 3. 4. 5. 6. & c. annee apres le Consulat de Fl. Basilius V.C.

OR pource que l'Italie semble auoir pareillement cessé de compter les ans depuis la fondation de Rome, & au lieu d'iceux festre accommodée aux ans de nostre Seigneur, nous ferons aussi le semblable en ceste Chronologie.

LES Laziens festans volontairement mis en la protection de l'Empereur depuis environ 10. ans, estoient en ce temps gouuernez par vn Lieutenant nommé Iean Zibe, qu'il leur

donna: lequel les traittant trop tyranniquement, fut cause qu'ils se rebellerent contre l'Empereur, & enuoyerent prier le Roy Chosroes de les recevoir en sa protection. Ce que non seulement il ne refusa pas, mais aussi mena luy-mesme vne armee en leur pais à leur secours pour en dechasser les garnisons Romaines. Et pource qu'il rompoit en ce faisant la paix qu'il auoit faite avec les Romaines, l'Empereur enuoya Bellisarius derechef pour gouverner les prouinces d'Orient. A quoy l'absence de Chosroes hors de son Royaume, donna occasion d'aller tenter la ville de Nisibis qu'il esperoit deuoit estre mal gardee. Mais elle se trouua si bien munie de gens de guerre, qu'il fut frustré de son entreprise, ayant perdu quelque nombre de ses gens, par vne saillie que les assiegez firent sur luy: nonobstant qu'il les eust fort lourdement rembarrez. Parquoy il transporta son camp deuant la forteresse de Sisauranum, & afin qu'elle ne peust estre secourüe, fit aller Aretas Roy des Arabes avec sa troupe courir & rauager toute la Mesopotamie. Ce qui succeda bien pour faire rendre la forteresse à Bellisarius. Mais il fit que l'Arabe, apres auoir bien fait sa main en ceste course, s'en retourna mener droit son butin en son pais sans reuenir trouuer l'armee de l'Empereur: laquelle fut par ce moien contrainte de se retirer hors du pais de l'ennemy. Et puis estant l'hyuer suruenu, Bellisarius s'en reuint trouuer l'Empereur à Constantinople. Procopius.

Les Ostrogoths n'ayants peu induire Bellisarius à se faire Roy d'Italie esleurent pour leur Roy au lieu de Vitiges vn seigneur nommé Ildouald, ou Ildibald & Theudibald: lequel toutesfois ils mirent à mort à cause de ses cruautéz, n'ayant à peine acheué de regner la premiere annee de son regne: encore qu'ils eussent souz sa conduite gaigné quelques victoires sur les Capitaines de l'Empereur, & commencé de retirer beaucoup de villes & de pais de l'Italie à eux. Puis firent prendre le nom de Roy à vn nommé Alaric: lequel se trouua aussi peu à leur gré que le precedent. A cause dequoy ils ne le garderent qu'environ trois mois, s'adressans à vn Totilas, homme fort braue & vaillant, pour estre gouuernez par luy. Lequel en moins que rien se porta si vertueusement contre les Capitaines, que Bellisarius auoit laissez en Italie, qu'il gagna plusieurs victoires sur eux, par le moyen desquelles il ramena plusieurs prouinces en son obeissance: comme la pluspart de la Toscane & de la Campagne d'Italie avec la cité de Naples. Ce qui remit tellement les affaires des Visigoths au dessus, qu'il ne se trouuoit Capitaine Romain qui leur osast faire teste, selon Procopius liure troisieme. Où toutesfois il rapporte la creation de Totilas, à la septiesme annee de la guerre Gothique seulement, & le temps d'Ildouald & d'Alarie aux 5. & 6. d'icelle.

Vn nommé Baudinus Euesque de Tours estoit en ce temps (tesmoin Gregoire de Tours) grand Referendaire de France qui estoit vn estat semblable à celuy de Chancelier de maintenant, lequel fut aussi appelé Auriculaire & grand Conseiller de la France.

ARTVS Roy de la grande Bretagne mourut ceste annee, au rapport de Ioannes Maior liure deuxiesme, chapitre sixiesme de son histoire d'Escoffe, combien que les autres n'en font d'accord. Mais tous conuiennent que son successeur fut vn nommé Constantin, que Gildas tesmoigne auoir esté cruel & desloial, souz lequel il semble aussi qu'il viuoit & florissoit.

DATVS Archeuesque de Milan, & Nicetius de Treues, estoient en ce temps florissans en grande reputation de grande saincteté de vie & de bonne doctrine. Gregoire de Tours liu. 3.

<i>Du Monde.</i>	4678	<i>Papes.</i>	6	<i>R. des François.</i>	29
<i>De Rome.</i>	1293	<i>E. d'Orient.</i>	16	<i>R. des Visigoths.</i>	11
<i>De Iesus Christ.</i>	542	<i>R. d'Italie.</i>	1	<i>R. des Lombards.</i>	2
<i>Indiction.</i>	5	<i>R. de Perse.</i>	10	<i>R. des Escoffois.</i>	6

C'OMME l'entreprise precedente de Bellisarius sur les prouinces des Perles, fut cause de faire reuenir le Roy Chosroes de son voyage du pais des Laziens; aussi en fut-il tellement irrité, qu'apres qu'il eut ceste annee rassemblé ses forces, il les alla esprouuer à son tour

tour sur les provinces Romaines. Ce nonobstant la ville de Sergiopolis qu'il assiegea, se defendit si vertueusement contre luy, qu'il y perdit son temps : lors Bellisarius fut renuoyé contre luy, qui l'estonna tellement de sa venue, au moyen du bon ordre qu'il mit en ses affaires, & de la prudence dont il vſa à faire sembler son armee beaucoup plus grande aux Perſes qu'elle n'estoit, que Chosroes fut le premier qui enuoya porter paroles d'accord : dont treues ensuiuirent entre luy & Bellisarius en attendant reſponſe de la volonté de l'Empereur. Procopius.

Le gouvernement d'Italie auoit esté apres le depart de Bellisarius donné par l'Empereur à vn Alexandre, lequel s'addonnant plus à remplir ses coffres qu'à se faire aimer des Italiens, donna moyen aux Goths de se remettre au dessus. Qui fut cause que les autres Capitaines de l'Empereur s'assemblerēt : & ayans mis leurs forces aux champs pour rompre les commencemens de Totilas, se mirēt dedans la ville de Veronne; mais ils en furent aussi tost chassés par les Goths. Parquoy Totilas pourſuiuāt l'opportunité que luy presentoit la diſſenſion & poltronnerie des Capitaines de l'Empereur, retira à son obeissance la pluspart des villes de la Toscane, de la Pouille & Calabre, signamment Beneuent & Naples. Mais les Capitaines qu'il enuoya deuant Florence, faillirent à la prendre, estant bien defendue par vn Iustin Capitaine de l'Empereur. Ce qui se fit en la 7. annee de ceste guerre. Procopius.

BENOIST Abbé du mont Cassin, fondateur & instituteur de l'ordre Monachal d'Occident, mourut. Onufrius.

Vn peuple d'Indie nommé les Azimites, entra en ce temps en guerre contre les Homerites ses voisins, à cause qu'à l'induction de quelques Iuifs, ils empêchoient les marchâs Romains d'aller à eux : à l'occasion dequoy ils se donnerent bataille, qui fut perdue par les Homerites : tellement que leur Roy nommé Damianus y demeura prisonnier, & son Royaume conquesté des Azimites, dont ils furent incitez de receuoir la Religion Chrestienne. De façon qu'ils enuoyerent demander à l'Empereur Iustinian des Euesques pour les instruire & baptiser. Nicephore liure dixseptiesme, chapitre trentecinq de son histoire Ecclesiastique. P. Diacre.

Du Monde.	4679	Papes.	7	R. des François.	3
De Rome.	1294	E. d'Orient.	17	R. des Visigoths.	12
De Iesus Christ.	543	R. d'Italie.	2	R. des Lombards.	3
Indiction.	6	R. de Perſe.	11	R. des Escoſſois.	7

Vne grande pestilence s'estant mise es païs des Perſes, rendit le Roy Chosroes d'autant enclin à la paix, qu'elle fit refroidir l'enuie que l'Empereur Iustinian auoit de l'accorder avec luy. Tellement qu'au lieu d'enuoyer ses Ambassadeurs pour la conclure, comme il auoit entrepris, fit commandement à tous ses Lieutenâs & Capitaine qu'il auoit en Orient, de se ietter tous ensemble avec leurs troupes dedans les païs de l'ennemy : mais ils y entrerent en si mauuais ordre, qu'ils donnerent moyen & opportunité à Nabades Lieutenant du Roy Chosroes de les desconfire & mettre honteusement en route. Ce qui fut la fin de ceste entreprinſe. Procopius.

Les Maurusiens se rebellans derechef contre les Romains, souz la conduite d'un Capitaine nommé Stozza, donnerent beaucoup d'affaires à Sergius Lieutenât de l'Empereur en Afrique. Procopius.

TOTILAS continuant ses conquestes en la Toscane, fit venir les villes de Cumes & plusieurs autres en son obeissance, puis alla planter son camp deuant Tibur & Ottrante. Procopius, Supplément de Marcellinus. Lesquelles choses toutesfois sont comprises par ledit Procopius, sous les 8. & 9. annees de ceste guerre.

MAVRVS disciple de saint Benoist, qui auoit esté enuoyé par luy en France, pour y fonder l'ordre Monachal de son ordre, à la requeste de l'Euesque du Mans, mourut ceste annee, selon la Chronique de Iordanes : mais Onufrius escrit que ce fut saint Benoist meſme.

L'EMPEREUR ayant fait venir vers soy Theodose & Galanie, qui occupoient l'Eglise d'Alexandrie en diuision, les deposa tous deux, & substitua vn Paul en leur lieu : lequel apres auoir presidé 4. mois, en fut depose, par le commandement de l'Empereur, s'estant trouué auoir quelque intelligence avec Seucere. Parquoy vn nommé Zoile luy fut donné pour successeur, qui tint le siege d'Alexandrie 7. ans. Nicephore, Onufrius. Ce Paul conuenoit à ce que dit Nicéphore liu. 18. avec Seucere en l'erreur des Triteites : mais il approuuoit la sentence du Concile de Chalcedone : ses sectateurs furent nommez Pauliens, qui s'accordoient avec les Damianistes.

Fin du compte des ans de Rome.

<i>Du Monde.</i>	4680	<i>E. d'Orient.</i>	18	<i>R. des Vuisigoths.</i>	13
<i>De Iesus Christ.</i>	544	<i>R. d'Italie.</i>	3	<i>R. des Lombards.</i>	4
<i>Indiction.</i>	7	<i>R. de Perse.</i>	12	<i>R. d'Escoffe.</i>	8
<i>Papes.</i>	8	<i>R. des François.</i>	31		

STOZAS Capitaine des rebelles d'Afrique, s'estant attaqué en vne rencontre à vn des Capitaines de Sergius fut occis : à cause dequoy ses complices prindrent vn Antalas pour leur Capitaine, qui se maintint encore fort longuement & brauement contre les gens de l'Empereur.

NOUVEAUX troubles commencerent d'agiter les Eglises d'Orient, signamment de la Palestine en ce temps : lesquels furent suscitez par aucuns qui s'efforçoient de remettre au dessus les erreurs d'Origene, qui auoient esté par plusieurs Conciles precedens cōdamnez : les articles desquels estoient, que les ames se transportét suiuant la doctrine Pythagorienne de corps en corps, & que les peines des damnez & des diables ne doiuent estre perpetuelles : aussi que les corps ne resusciteront en mesme estat qu'il estoient en leur vie.

ENVIRON ce temps florissoient en France deux freres nommez Medard & Gildard, qui nasquirent d'une ventree, furent esleuz & sacrez, l'un Euesque de Noyon, l'autre Archeuesque de Rouën. Et trespasserent aussi en vn mesme iour, qu'on dit aussi auoir esté de si sainte vie, qu'on les a canonizez entre les Saints. Epitome de la Chronique des Rois de France.

EUPHRAIMVS ou Fuphemius Euesque d'Antioche decedé, succeda en son lieu Domnio, qui gouuerna son Eglise 14. ans.

LES Juifs & Samaritains se mutinerent en ce temps, de telle façon contre les Chrestiens qui estoient en la Palestine, qu'ils en massacrerent vn grand nombre : qui fut cause que l'Empereur enuoya Amantius Capitaine de sa gendarmerie contr'eux, qui les chastia fort rigoureusement. Nicephore.

VN Concile prouincial fut celebré en ce temps souz le Roy Theodebert en la ville d'Auuergne par les Prelats de l'Eglise Gallicane. On trouue aucuns Canons d'iceluy, extraits d'un ancien liure : l'un desquels enioinct aux Prestres d'admonester les peuples qui leur sont cōmis, de ne point refuser logis à aucuns des estrangers qui vont par pais. Et pour oster toute occasion de rapine, leur defend aussi de rien vendre plus cher ausdits estrangers, qu'au prix qu'ils le pourroient vendre aux marchez ordinaires. Par lequel Canon il appert qu'il n'y auoit pas pour lors des hostelleries dressees comme il y a de present.

<i>Du Monde.</i>	4681	<i>E. d'Orient.</i>	19	<i>R. des Vuisigoths.</i>	14
<i>De Iesus Christ.</i>	545	<i>R. d'Italie.</i>	4	<i>R. des Lombards.</i>	5
<i>Indiction.</i>	8	<i>R. de Perse.</i>	13	<i>R. des Escoffois.</i>	9
<i>Papes.</i>	9	<i>R. des François.</i>	32		

CHOSROES

CHOSROES ayant faillly à prendre la ville d'Edeffe, qu'il auoit longuement assiegee, fut contrainct de faire treues avec l'Empereur pour cinq ans, & de remener ses gens en son Royaume. Ce que Procopius attribue à la 19. année de Iustinian, qui commençoit ceste année, & finissoit la suiuite.

L'EMPEREUR cognoissant que par la faulte de ses Capitaines & Lieutenans l'Italie se perdoit pour luy, fit reuenir Bellisarius d'Orient, où il faisoit la guerre aux Perses : & puis le renuoya pour la seconde fois en Italie, pour y conduire la guerre contre les Goths. Mais il y trouua les choses en bien autre estat qu'il ne les auoit laissees : d'autant que Totilas & les siens auoient l'auantage par tout. Aussi qu'il amena bien peu de gens de guerre avec soy pour remettre les affaires de l'Empereur au dessus. Si est-ce toutesfois qu'on ne le peut empescher de venir prendre terre à Ottrante. Au moyen dequoy il contrainit les Goths de leuer leur siege qu'ils auoient mis deuant : mais ils prindrent aussi en recompense la ville de Tibur. Puis apres quelques autres petits exploits de guerre que les vns firent sur les autres, se termina la 10. année de ceste guerre. Procopius.

VIGILIUS Pape de Rome, se mit (suiuant le mandement de l'Empereur) en chemin pour aller à Constantinople : mais quand il fut arriué en Sicile (où il fit quelque sejour) il enuoya grande quantité de froments aux Romains, que les Goths tenoient lors assiegez : selon que recite Procopius, qui rapporte cecy à l'vnzième année de la guerre Gotthique, sans faire autre mention de la cause pourquoy l'Empereur auoit mandé Vigilius, ny des outrages & contumelies que le peuple luy fit à son embarquement. Cōbien que Niceph. & Cedrenus affermēt qu'il s'en alla de Rome apres qu'elle eut esté reprise des Goths la seconde fois. Mais les histoires Papales tiennent, que l'Empereur, à la suggestion de sa femme, enuers qui les Romains l'auoient accusé d'auoir dejetté injustement, & puis fait mourir son predecesseur, & de ce qu'il auoit fait mourir quelques personnes, le fit battre & emprisonner, puis enuoyer en exil.

<i>Du Monde.</i>	4682	<i>Papes.</i>	10	<i>R. des François.</i>	33
<i>De Iesus Christ.</i>	546	<i>E. d'Orient.</i>	20	<i>R. des Visigoths.</i>	15
<i>Indiction.</i>	9	<i>R. d'Italie.</i>	5	<i>R. des Lombards.</i>	6
		<i>R. de Perse.</i>	14	<i>R. des Escoffois.</i>	10

AREOBINDA ayant succédé à l'estat de Sergius au gouvernement d'Afrique, depescha vn de ses Capitaines nommé Guntharis contre les rebelles, lequel au lieu de leur faire la guerre, se rendit avec tous ses gens à eux. Et puis reuint chercher Areobinda en telle sorte qu'il le fit enfuir de la ville de Carthage : mais il l'enuoya r'appeller à seureté, nonobstant laquelle il le fit cruellement massacrer avec ses amis. De laquelle desloyauté Antalas fut tellement mal edifié, qu'il s'aliena derechef de Guntharis : lequel à ceste occasion voulut enuoyer son armee contre luy & contre les Maurusiens, souz la conduite d'aucuns de ses Capitaines, laquelle fut repoussée. A cause dequoy il voulut retourner luy-mesme en personne : mais auant qu'il les eust combatuz, vn des Capitaines de l'Empereur nommé Artabanes, qui s'estoit rendu à luy, ayant la conduite de quelques compagnies d'Armeniens, le tua au milieu d'vn bāquet avec la pluspart de ses cōplices. Parquoy les autres qui s'estoient soubmis par contrainte au tyran defunct, se rallierent souz luy : avec lesquels il reduisit la cité de Carthage en la puissance de l'Empereur comme auparauant. En faueur dequoy il l'institua son Lieutenant en Afrique. Et d'autant qu'il demanda bien tost apres d'estre reuocqué de ceste charge, Iean frere de Pappus luy fut donné pour successeur : lequel gagna du commencement beaucoup de grādes & memorables victoires sur Antalas & les Maurusiens, qui aussi se remirent puis apres sur pieds avec nouvelles forces : par lesquelles ils le vainquirent à leur tour, & le rechasserent iusques à Carthage. En fin toutesfois tant de nouvelles forces luy reuindrent de toutes parts, qu'il regaigna totalement l'auantage sur ses ennemis : tellement qu'il en deffit la pluspart en plusieurs rencontres, & contrainit les autres se sauuer es extremités de l'Afrique. Ce qui fut la fin des tumultes & rebellions d'icelle : comme recite Procopius à la fin de son histoire Vandalique.

A v meſme temps Alamandarus & Arethas, Rois chacun de quelques Arabes, ſe firent guerre l'un à l'autre de ſi aſpre façon, qu'ils ſe donnerent deux ou trois rencontres. Cependant le Roy Chofroes faillit à ſurprendre par trahiſon la ville de Daras ſur l'Empereur, nonobſtant les treues qu'ils auoient enſemble. Qui fut cauſe que l'Empereur (luy eſtant preſentee quelque occaſion de ramener les Laziens à ſon obeïſſance, qui ſ'en eſtoient cy deuant alienez) leur enuoya vn petit nombre de gens de guerre, ſouz la conduite d'un Daſiſtaus, pour les aider à chaffer les garniſons des Perſes hors de leur païs, ſignamment de la ville de Petra: de ſorte qu'elle fut aſſiegee par eux; mais ſi laſchemét & de mauuaïſe ſorte, qu'ils furent lourdement repouſſez par les aſſiegez: & puis encore par vne armee de Perſes venue au ſecours d'iceux, hôteuſement mis en route. Ce que toutesſois ne fut la fin de la guerre: car l'Empereur renuoya vne ſeconde armee pour la cōtinuër; laquelle iointe aux Laziens, donna plus d'affaires aux Perſes qu'ils n'en auoient encor eu, iuſques à ce qu'ils les eurēt cōtraints d'abādōner de tout point les fortereſſes qu'ils tenoiēt au païs Lazide. Toutes leſquelles occurrences ſe firēt (ce dit Procopius à la fin du 2. liu. de la guerre Perſique) en l'eſpace de 4. ans depuis la 19. iuſques à la 23. annee de l'Empire de Juſtinian.

T O T I L A ſiāt deſcouuert le peu de gés de guerre que Belliſarius auoit amené avec ſoy, ſemit de tant plus alaigremét à pourſuiure ſa pointe, tellemét qu'il augmenta touſiours ſes cōqueſtes de pluſieurs priſes & reductiōs de villes en la Romagne & Toſcane. Deſquelles il paſſa puis apres en la Lucanie & au païs des Bruttiens, où il trouua bien peu de reſiſtāce. Parquoy les ayans rangez en ſon obeïſſance, & ſçachant l'eſtat des Romains, amena tout ſon camp deuant la cité de Rome, avec intention de n'en partir qu'il ne fuſt entré victorieux en icelle.

C E P E N D A N T l'Empereur Juſtinian voulant enuoyer vne nouuelle armee en Italie au ſecours de Belliſarius, fit venir par le moyen de Narſes ſon Chambellan (lequel mit à fin cy apres ceſte guerre) grand nombre de Heruliens pour la remplir: leſquels rencontrèrent en leur chemin aucunes compagnies d'Eſclauons, venans de piller les prouinces Romaines: leſquels ils deſſirent, & recouurerent les priſonniers qu'ils emmenoiēt. Qui fut lors que l'Empereur leur voulut assigner vn certain païs pour y faire leur demeure, ſ'ils ſe vouloient alier avec luy: mais pource qu'ils demandoient quel l'Empereur feit Gouverneur de la prouince proche d'eux, vn qu'ils diſoient eſtre Childibius, qui auoit eſté cy deuant occis par eux, lequel fut trouué eſtre vn impoſteur, & puny de ſa fraude par Narſes, rien ne ſe peut conclure avec eux. Procopius liu. 3. de la guerre Gotthique.

C O M V N D Roy des Gepides entra en ce temps en guerre contre les Lombards, pour venger, comme eſcrit Bonfinius liu. 7. dec. 1. la mort de ſon pere Turifinde, ſils & ſucceſſeur du Roy Thorifmund, qui auoit eſté mis à mort en vne bataille par le Roy Alboin. En fin toutesſois Procopius liu. 3. teſmoigne qu'ils ſe mirēt d'accord: à cauſe que les Gepides demanderent la paix, ſçachant que l'Empereur auoit pris l'alliāce des Lombards, & qu'il leur enuoyoit vn grand ſecours.

L A 12. annee de la guerre Gotthique eſtoit venue, quand Vigilius arriua à Conſtantinople, teſmoin Procopius, où il luy fut fait à ſon arriuee, au rapport de Blondus & Sabellicus, vn grand & honorable recueil par l'Empereur: mais quand il eut reſuſé à l'Imperatrice Theodora, de remettre, comme ils diſent, Anthemius en ſon ſiege, la feſte fut ſi bié changee contre luy, qu'il fut outragé, battu & flagellé publiquement, emprisonné, & puis enuoyé en exil: duquel il fut reuocqué ſeulement apres le trefpas de Theodora. Ce que toutesſois ſemble eſtre aliene de verité, d'autant que ſ'il auoit eſté ainſi traité apres auoir eſté accuſé & cōuaincu des charges qu'on luy imputoit, on n'eût pas failly de luy bailler vn ſucceſſeur, ainſi qu'on auoit fait à ſon predeceſſeur. Dauantage, Theodora n'eût pas voulu attēdre l'eſpace de dix ans à le ſommer & enuoyer querir, pour accōplir la promeſſe qu'on dit qu'il luy auoit faiçte. Cependant on confeſſe que Pelagius Diacre gouerna l'Egliſe Romaine tout le temps de ſon abſence comme ſon Vicaire. Qui plus eſt, ſi l'Empereur eſtoit ſi affectiōné à la deſenſe du decret du Concile de Chalcedone, qui croira qu'il euſt laiſſé moleſter Vigilius, pour ne pas vouloir reſtituer Anthmius en ſon ſiege? Parquoy ſi Vigilius a eſté ſi mal traité qu'on a dit en la Grece, il fault que ç'ait eſté pour autre occaſion que celle que nous venons de reciter. A ceſte cauſe, Nicephore Caliſte liure dixſeptieſme, chapitre vingtiſix, declare que Vigilius apres auoir eſté honorablement receu à Conſtantinople, l'Empereur luy promit de reduire l'Egliſe en vnion & en concorde, moyennant

moyennant qu'il condamnaît trois articles repugnans au decret du Concile de Chalcedone, ainsi qu'aucuns ont voulu dire : ou bien trois personages, à sçavoir Theodore de Mopsuestie, Theodoric de Cyre, & Iba d'Edeffe : lesquels ayâs abjuré les heresies qu'ils auoient maintenues & publiques, s'estoient fait absoudre & recevoir en la communion de l'Eglise par ledit Concile, pource qu'il y en auoit qui mettoient en teste à l'Empereur, qu'il falloit encor condamner leur memoire pour le bien de l'Eglise : ce qu'il vouloit aussi obtenir de Vigilius, lequel apres cela deuint si superbe & insolent, qu'il ne se voulut aucunement comporter avec le Patriarche Menas ; ains le suspendit de la communion l'espace de quatre mois. Qui fut cause que Menas le paya de mesme monnoye, le reiettant de la sienne : chose qui fit entrer Iustinian en telle cholere, qu'il enuoya gens pour apprehender Vigilius au corps ; lequel craignant sa peau, s'alla cacher dans les canaux ou tuyaux sacrez de l'Eglise de Serge Martyre, d'où il ne luy fut possible de sortir sans les rompre & abbatre, tant il estoit gros & gras & de grande corpulence, quand l'Empereur l'eut rappelé. Voilà ce qu'en dit ce Nicephore, lequel toutesfois ne dit point si cela se fit incontinent ou long temps apres l'arriuee de Vigilius à Constantinople, sinon que l'Empereur le reprit en sa grace l'annee que Menas mourut.

ARATOR Sousdiacre de l'Eglise Romaine, composa en ce temps les Actes des Apostres en vers hexametres.

SAINT Remy Apostre des François, aagé de quatre vingts quatorze ans, mourut en la 74. annee de son Episcopat. Auquel temps aussi Algeric Euesque de Verdun, Gregoire de Langres, Nicetius de Treues, Eleuthere de Tournon, Medard de Noyon, Gildard de Rouën, estoient en bruit & en reputatiō de sçavoir & de sainteté de vie. Sigebert.

<i>Du Monde.</i>	4683	<i>Papes.</i>	11	<i>R. des François.</i>	34
<i>De Iesus Christ.</i>	547	<i>E. d'Orient.</i>	21	<i>R. des Visigoths.</i>	16
<i>Indiction.</i>	10	<i>R. d'Italie.</i>	6	<i>R. des Lombards.</i>	6
		<i>R. de Perse.</i>	15	<i>R. d'Ecosse.</i>	11

TOTILAS continuant son siege deuant Rome, reduisit par la longueur d'iceluy les assiegez en telle necessité de viures, qu'ils se voulurent rendre par cōposition : mais pource qu'il leur proposa d'autres conditions qu'ils ne demandoient, elles les firent tant tarder à se rendre, qu'il trouua en fin moyen d'entrer dedans par trahison : qui fut cause qu'il la donna en proye à ses gens : lesquels firent à l'entree vn horrible massacre de citoyens. Mais les prieres & remonstrances de Pelagius Diacre de l'Eglise Romaine, & qui en estoit aussi superintendant en l'absence de Vigilius, furent cause non seulement de le faire incōtinent cesser, mais aussi de faire tellement penser Totilas à l'incertitude des issues & euenemens des guerres, qu'il cogneut que son plus expedient seroit d'auoir paix avec l'Empereur, que de luy estre tousiours ennemy. Dont il depeſcha iceluy Pelagius pour aller à Constantinople, porter paroles d'appointement à l'Empereur. Et pource qu'il reuint sans rien faire, les Goths d'une rage effrene & horrible, desmolirent tous les plus beaux edifices de la cité de Rome, mettans le feu dedans les autres, & renuerferent par terre les murailles & fortereſſes d'icelle : & puis afin de la rendre deserte de tous poinets, escarterent & disperferent tous les citoyens & habitans par les villes de la Campagne Italique, sans permettre qu'une seule personne y restast pour l'habiter. Tellement qu'elle demeura en ceste sorte deserte & inhabitee l'espace de 40. iours : au bout desquels Bellisarius se vint ietter dedans, & la cōmença d'une autāt admirable celerité que hardiesse à reparer & remettre sus, faisant reuenir les citoyens pour la repeupler, luy estant l'opportunité de ce faire presentee par Totilas, qui au partir de Rome auoit mené vne partie de son armee en la Calabre cōtre vn Capitaine de Bellisarius nommé Iean Vvitalianus ; lequel sentant ses forces trop minces, s'enferma dedans la ville d'Otrante : qui fut cause que les Goths remirent en peu de temps entre leurs mains ce qui s'estoit aliéné d'eux en la Lucanie, Brutie & Calabre. Mais cependant Bellisarius fit telle diligence à redresser & remparer les murailles de Rome, qu'il fit accourir Totilas avec son armee pour le destourber & empescher : mais il fut puissamment repouſſé, & contraint de reprendre la route de la Pouille, où il deſſit l'armee de Vvital-

lianus, & gagna son camp. Cependant Bellisarius eut moyen de paracheuer son œuvre.

A v meſme temps la ville de Tarente en Italie, autresfois tresfloriſſante, ayant eſté par les dernieres guerres ruinée & du tout abandonnée, fut remiſe ſus & aucunement reparee en forme de petite ville, par les Calabrois & Lucaniens, qui eſtoient chasſez de leurs propres villes. Procopius.

C E P E N D A N T que les Oſtrogoths trauailloient à remettre leurs affaires au deſſus, ſouz le Roy Totilas, Theodebert ſ'aduifa qu'il faiſoit bon pour luy en Italie. De ſorte qu'il paſſa les Alpes, avec vne armee de Bourguignons & de Auſtrasiens: par le moyen de laquelle il ſubiugua & mit tout le païs de Veniſe, la Romagne & la Ligurie en ſon obeïſſance: auſquelles il laïſſa ſes Gouverneurs & Lieutenants: pource que les Oſtrogoths ſçachants que l'amitié des François leur eſtoit plus neceſſaire que de les irriter contr'eux, firent des aueugles à ceſte leur arriuee en Italie, les laïſſants faire tout ce qu'ils y voulurent, teſmoin Procopius liu. 3. & Agathius. Mais Gregoire de Tours liu. 3. chap. 32. & Aimoinus liu. 2. chap. 22. & 23. adiouſtent que le meſme Theodebert, eſtant venu iuſques à Pauie, enuoya de là vne partie de ſon armee pour cōtinuer la guerre, contre les Imperialiſtes, ou pluſtoſt comme i'eſtime pour gouverner & defendre les païs qu'il auoit conqueſtez en Italie. Lequel ſe porta ſi heureuſement en ceſte charge, qu'il gagna pluſieurs belles victoires ſur Bellisarius ou ſur les autres Capitaines de l'Empereur. Ce qui nous fait preſumer que les belles victoires que Totilas gagna ſur les armees de l'Empereur, luy auindrēt par l'aide & vaillance des François, encore que les autres Histoſiens ne le declarent: & qu'elles firent auſſi que l'Empereur meſmes, afin de regagner le cœur des François, leur quitta & reſigna cy apres de ſon plein gré le droit que luy & ſes ſucceſſeurs pouuoient pretendre en la Prouence, & en toute la Gaule Narbonnoïſe. Encore que les Goths l'eufſent ja dēs auparauant remiſe entre les mains des Rois de France.

L E païs de Nortumberland en Angleterre, ayant eſté depuis l'arriuee des Saxons & Anglois en icelle, gouverné par l'eſpace de 94. ans, par certains Seigneurs qui ſ'appelloiēt Ducs ſeulement, qui dependoient du Royaume de Kents, ceſte annee il tomba entre les mains d'un fort vaillant & noble Seigneur nommé Ida: lequel le fit de Duché vn Royaume, duquel il ſ'intitula le premier Roy ſans y plus recognoiſtre aucun autre par deſſus luy. Et ſe maintint ſi heureuſement en ceſt eſtat, qu'il le poſſeda iuſques à ſa mort par l'eſpace de 14. ans. Guillaume de Malmesberie.

M A C A R I V S 57. Eueſque de Hieruſalem 2. du nom ſuccedant à Pierre, gouverna ſon Eglife, 31. an. Mais l'Empereur ne voulut de long temps apres confermer ny approuuer ſon election, pource qu'il eſtoit ſouſçonné d'eſtre fauteur & approbateur des erreurs d'Origene, tellement qu'il l'en fit pour ceſte occaſion quelque temps apres depoſer, & ſubſtituer vn autre en ſon lieu.

E N V I R O N cetemps vn quidam nommé Theodore, natif de la ville de Mopſocrene en la Cilicie, renouellant l'heresie Neſtorienne, diſtinguoit les natures & perſonnes en Chriſt, de telle façon qu'il nioit que Ieſus Chriſt Dieu & homme fuſt né de la vierge, & ne vouloit attribuer la naiſſance ſinon à l'homme. Par laquelle doctrine & aſſertion il ne ſembloit pas non ſeulement impugner la conionction & vnion des natures, mais auſſi vouloir inferer que la nature diuine eſtoit aduenue à l'homme ſeulement depuis ſon engendrement. Lequel erreur ſe trouuant defendu de pluſieurs, fut auſſi oppugné de beaucoup de gens de bien & de ſçauoir

<i>Du Monde.</i>	4684	<i>Papes.</i>	12	<i>R. des François.</i>	35
<i>De Ieſus Chriſt.</i>	548	<i>E. d'Orient.</i>	22	<i>R. des Viſigoths.</i>	17
<i>Indiction.</i>	11	<i>R. d'Italie.</i>	7	<i>R. des Lombards.</i>	7
		<i>R. de Perſe.</i>	16	<i>R. d'Eſcoſſe.</i>	12

T H E O D O R A femme de l'Empereur Iuſtinian mourut ceſte annee, ſelon Procopius: qui toutesfois l'attribuē à la vingtdeuxieſme de Iuſtinian, & à la quatorzieſme annee de la guerre Gotthique.

T O T I L A S ayāt failly à reprendre Rome, ramena ſon camp deuant Peruſe, que ſes gēs tenoient

tenoient ja de long temps assiegee. Cependant vn Capitaine del'Empereur, nommé Iean, se volut hazarder d'aller deliurer & mettre en liberté les Senateurs & Patrices de Rome, que Totilas auoit dispersez par la campagne. Qui fut cause de le faire partir de son siege, avec vne partie de son ost en telle diligence qu'il vint rencontrer & charger aupres de Naples, la troupe dudit Iean, laquelle il mit en routte. Et puis encore s'en alla au deuant d'une nouuelle armee que l'Empereur enuoyoit à Bellisarius. De laquelle il mit en pieces, ceux qui auoient ja pris terre. Qui fut cause de faire rembarrer le reste & aborder à Tarente, où Bellisarius se voulut aller ioindre: mais estant destourbé de ce faire par la tourmente, il se trouua en fin sans y penser és enuirs de Crotona si pres de Totilas, que leurs gens ne se peurēt departir sans combattre. Où l'heur faillit si bien à ce coup, qu'il fut honteusement deffait & mis en routte, quoy qu'il eust en vne rencontre precedente fait vn grand eschet des gens de Totilas. Ce quise fit en la treiziesme annee de ceste guerre. Procopius.

Le pais de la petite Bretagne estoit en ce temps gouuerné par vn seigneur nommé Chauao portant le nom seulement de Comte, qui fit mettre à mort tous ses freres, excepté vn appelé Maclianus, lequel ayant eschappé de ses mains, se fit eslire Euesque de Vennes. Ce nonobstant quand son frere fut decedé, il luy succeda à la principauté de la petite Bretagne. Selon que recite Gregoire de Tours liu. 4. chap. 4. où il adioust, que les Princes de ladite Bretagne furent tousiours depuis le trespas du Roy Clouis vassaux des Rois de France, s'abstenans du nom de Rois, & s'intitulans seulement Comtes.

THEODI Roy des Vvisigoths, s'estant par son ingratitude acquis la haine de beaucoup de ses subiets, incita aucuns d'eux à pourchasser sa mort, tellement qu'ils la meirent à execution. Au moyen dequoy les Princes Vvisigots esleurent vn sien parent en son lieu pour leur Roy, nommé Theudegisille; qui se fit aussi peu aimer par ses mauuaises mœurs que son predecesseur. De façon qu'il reçeut vne mesme fin que luy 1. an, 6. mois, 13. iours apres son election: tesmoin les deux Chroniques Vvisigothes.

BENOIST le ieune, disciple & successeur de Benoist premier, en l'Abbaie du mōt Cassin, florissoit en ce temps, ayant (comme disent plusieurs) l'esprit de Prophetie, tellement qu'on escrit que Totilas le fut visiter à son retour de Sicile en Italie, & qu'il luy declara les choses qui luy deuoient aduenir, signamment l'issuë de la guerre contre l'Empereur, & la fin de son regne. Blondus Deca. liu. 7. Sabellic Enne. 8. liu. 4.

Du Monde.	4685	Papes.	13	R. des François.	36
De Iesus Christ.	549	E. d Orient.	23	R. des Vvisigoths.	1
Indiction.	12	R. d Italie.	8	R. des Lombards.	8
		R. de Perse.	17	R. des Escossois.	13

BELLISARIUS conceuant vn mauuais espoir de la guerre Gotthique, enuoya sa femme à Constantinople, qui pratiqua si bien qu'elle le fit rappeler par l'Empereur, en intention d'estre enuoyé contre les Perses. Mais auant qu'il en partit, Totilas se fit rendre par composition la ville de Ruscia, apres qu'il l'eut longuement assiegee, & empesché avec de grandes difficultez que les Capitaines de l'Empereur ne la peussent secourir. Somme qu'apres le depart de Bellisarius (qui se fit en la 14. annee de ceste guerre) la pluspart des villes qui tenoient encore pour l'Empereur en Italie, s'en retournerent les vnes apres les autres en la puissance des Goths. A cause dequoy Procopius dit que l'Empereur perdit de rechef l'Occident. D'autāt que la Thrace & l'Illyrie estoient lors tellement affligees des Esclauons, que l'Empereur ne se pouuoit dire y rien auoir. Et que les Gepides occuperent au mesme temps quasi toute la Dalmatie, avec la ville de Sirmium. Outre ce que l'Empereur fut contraint de quitter & resigner le droit que luy & ses successeurs pourroient pretendre en la Prouence, & en toute la Gaule Narbonnoise, aux Rois de France, afin qu'ils ne luy fussent ennemis. Encores que les Goths l'eussent ja remise dès auparauant entre leurs mains. En vertu dequoy ils commencerent deslors (ce dit Procopius) à faire battre monnoye d'or à leur coing. Où ils ne faisoient grauer que leur effigie seule, sans y faire voir

celle de l'Empereur. Ce que toutesfois aucun autre Roy ou Monarque n'auoit encore osé entreprendre de faire en monnoie, ny les Rois de Perse mesme, encore qu'ils fissent forger monnoye d'argent à leur discretion. Mais il ne s'estoient pas encore ingerez de mettre leurs effigies en pieces d'or.

VIGILIUS estant encore à Constantinople en la quinzième année de la guerre, sollicita si diligemment l'Empereur, qu'il se disposa d'enuoyer vne nouuelle armee en Italie, pour la retirer de la puissance des Goths, selon que Procopius recite liure troisième: qui me semble monstrier par là, que Vigilius n'auoit esté enuoyé en exil par Theodora. Et pource que l'Empereur s'occupoit fort diligemment en ce temps à composer les controuerses de la religion, qui estoient lors és Eglises Orientales, il se pourroit semblablement faire que Vigilius auroit esté retenu pour la mesme occasion, & qu'à son instance le Concile ensuiuant de Constantinople auroit esté assemblé: ou pour le moins conuqué dès le 5. iour de May de l'Indiction 12. ainsi que l'Epistre de ladite conuocation tre tesmoigne.

ZOILVS 42. Euesque d'Alexandrie mourut, & fut subrogé en son lieu vn Apollinaris, qui presida 19. ans.

<i>Du Monde.</i>	4686	<i>Papes.</i>	14	<i>R. des François.</i>	37
<i>De Iesus Christ.</i>	550	<i>E. d'Orient.</i>	24	<i>R. des Visigoths.</i>	1
<i>Indiction.</i>	13	<i>R. d'Italie.</i>	9	<i>R. des Lombards.</i>	9
		<i>R. de Perse.</i>	18	<i>R. des Escoffois.</i>	14

ALLANS les affaires de Totilas tousiours de mieux en mieux, l'inciterent d'aller de rechef tenter la cité de Rome. Ce qui luy succeda si bien, qu'il y entra de mesme façon qu'à la premiere fois, par la trahison de quelques Isauriens qui le mirent dedans. Mais il se porta plus gracieusement en ceste prise qu'à la premiere, à l'occasion d'un reproche qui luy en auoit esté fait par vn des Rois de France, de qui il demandoit la fille en mariage, qui luy fit dire qu'il ne se pouuoit dire Roy d'Italie, n'ayant sceu garder ny defendre la cité de Rome. Laquelle finalement prise, il mena son camp deuant Centumcelles, qui luy fut aussi renduë par composition, quasi en mesme temps que ses gens recouurerent par intelligence la ville d'Arimin en la Romagne. Au moyen dequoy l'Italie ainsi reduitte, le fit esperer que la Sicile tiendrait moins. Mais pource que la garnison de l'Empereur estoit encore dedans Tarente & Rezzo, villes maritimes de Calabre, il les assiegea toutes deux ensemble. Tellement qu'il prit Tarente d'assaut, qui fut cause de faire rendre l'autre par composition. Dont les affaires de Sicile furent reduittes à tel point, qu'il n'y eut pas vne ville, qui à son arriuee ne luy ouurist les portes, & qu'il ne se soubmit à ses commandemens. Cependant toutesfois les villes d'Otrante & de Croton restoient, à cause de la commodité du port, en la puissance des Grecs.

Au mesme temps vne troupe de trois mille Esclauons seulement, ayants passé le Danube sans trouuer resistance, s'espandirent par les prouinces Romaines en deux troupes: dont l'une prit le chemin de la Thrace, l'autre de l'Illyrie, où ils deffirent tous les Capitaines Romains, qui s'oserent presenter deuant eux, signamment vn Asbadus que l'Empereur auoit tout expressement enuoyé contre eux. Lequel estant tombé en leurs mains, fut bruslé vif par eux. Au moyen dequoy il firent vn horrible degast de païs: où ils prirent aussi, s'accagerent & bruslerent plusieurs villes, places & forteresses; ce qu'ils n'auoient oncques auparauant fait. Tellement qu'ils penetrerent iusques à la mer de Thrace: d'où ils s'en retournerent remener leur butin & despouilles en leur pays, lors que Germanus equipoit vne grande armee de diuerses nations, pour la mener au recouurement d'Italie. Dont la charge luy estoit donnee au grand desir des Italiens, & des Capitaines que l'Empereur auoit en Italie. Procopius.

Le Concile d'Orleans fut célébré en la 38. année du Roy Childebert, Indiction 13. & les statuts d'iceluy reduits en trente sept canons, aucuns desquels condamnoient l'heresie Eutychiene:

Eutychienne : d'autres ordonnent que la Caresme & la feste de Pasques soient esgalement obseruees par toutes les Eglises. Vn autre canon dit, que c'est sacrilege d'administrer la Cene autrement que Iesus Christ ne la ordonnee. Parquoy il defend de rien offrir es oblations du calice sacré, sinon du vin pur qui ne soit point trempé d'eau. C'est à dire qu'aucun ne presume d'vser sinon de pur vin en la Cene. D'autant que ce sera grand crime au prestre qui presumera d'offrir autre bruuage que de vin pur en la consecration du sang du Seigneur. Ce qui est contraire aux canons de beaucoup d'autres Conciles qui ont esté faits cy deuant, qui commandent de meller l'eau avec le vin en la Cene.

A v mandement de l'Empereur Iustinian, plusieurs Euesques de Grece, d'Italie, d'Illyrie & d'Afrique se trouuerent à Constantinople, pour appaiser les differents & cōtrouerses qui estoient suscitez pour la Religion, signamment pour les erreurs d'Origene, lesquels plusieurs Euesques maintenoient à la Court de l'Empereur & ailleurs : ensemble aussi, si nous croyons Sigonius & autres, pour condamner derechef trois autres heresies, les auteurs desquelles les auoient abiurees plus de cent ans auparauant au Concile de Chalcedone. Car l'Empereur estoit stimulé à ce faire par Theodore Ascidas Euesque de Cæsaree, qui luy mettoit en teste que celà pourroit faire reuenir les Eutychiens à l'vniõ de l'Eglise. Combien que tous les historiens Grecs conuiennent que ceste question ne fut esmeuë que depuis qu'Eustachius eut esté substitué à Macarius au siege de Hierusalem. Mais pour quelque cause que ce soit, Vigilius ne voulut qu'il fust rien arresté & decreté en ceste assemblée, ains que la resolution totale de ce qui estoit en dispute fust reseruee iusques à vne assemblée plus generale, à laquelle plus grand nombre d'Euesques d'Italie fussent venuz. Lequel empeschement despleut grandement à l'Empereur & aux Euesques de Grece, tellement que Nicephore l'attribuë à vn grand orgueil & insolence.

<i>Du Monde.</i>	4687	<i>Papes.</i>	15	<i>R. des François.</i>	38
<i>De Iesus Christ.</i>	551	<i>E. d'Orient.</i>	25	<i>R. des Visigoths.</i>	2
<i>Indiction.</i>	14	<i>R. d'Italie.</i>	10	<i>R. des Lombards.</i>	10
		<i>R. de Perse.</i>	19	<i>R. des Escoffois.</i>	15

Les Esclauons prindrent tel goust en la picoree qu'ils auoient faicte l'annee precedente sur les prouinces Romaines, qu'ils furent affriandez d'y retourner la suiuite (qui fut la 16. de la guerre Gothique) en plus grand nombre qu'ils n'auoient iamais fait : causant vn tel effroy à l'Empereur (pource qu'on veit qu'ils prenoient leur chemin à Thessalonique) qu'il fit surseoir à Germanus son nepueu son voyage d'Italie, pour aller premieremēt contr'eux avec l'armee qu'il auoit assemblée pour les Goths. La venue duquel (d'autant qu'ils auoient ia autresfois esprouuë sa vaillance à leur grand malheur) leur fit si bien mettre de l'eau en leur vin, qu'ils ne prindrent le loisir de l'attendre, ains rebroussans chemin passerent les montagnes de l'Illyrie : d'où ils se rendirent en la Dalmatie, s'esloignās tellement de Germanus, qu'il ne les voulut poursuiure : ains commença de faire prédre la route d'Italie à toute son armee : mais vne maladie l'arresta, de laquelle il mourut soudainement, au grand detrimēt de l'Empire, pour la vertu qui estoit en luy. Qui fut cause de faire encore sortir vne autre grande troupe d'Esclauons de leur país, & se venir ioindre avec les premiers. De façon qu'ils se desborderent, en rauageant país iusques aupres de la ville d'Adrianopolis : où ils desconfirent & mirent en route vne grande armee que l'Empereur enuoya contr'eux, souz la conduite des Capitaines Constantianus, Aratius, Nazares, Iustin & Iean. Lesquels toutesfois apres s'estre ralliez, donnerent derechef sur vne troupe de leurs ennemis escartez des autres, en telle sorte qu'ils radouberent aucunement leur honneur de la desconfiture qu'ils en firent. Qui fut cause de faire retirer les autres avec leur butin en leur país : ainsi que recite Procopius liu. 3. Attentin toutesfois s'est persuadé qu'ils s'arrestarent, & habituerent deslors en la Liburnie & Dalmatie. Mais il est plus vray-semblable qu'ils commencerent lors seulement à apprendre le chemin pour y venir, comme on verra cy apres qu'ils ont fait. Combien qu'il est bien possible qu'estant la gent Sclauine, diuisee en plusieurs peuples & natiõs de diuerses appellations, que ceux qui habitoient

du costé de l'Allemagne & de la Sarmatie, furent incitez à l'exemple des autres habitans aupres du Danube sortirent de hors leur pais, pour aller chercher leur fortune en la Boëme & en Pologne, ainsi que declarerons icy bas.

C E P E N D A N T l'Empereur ayant enuoyé deux armées par mer pour defendre l'Italie & la Sicile, l'une souz la conduite d'Artabanes Armenien, l'autre de Liberius, la premiere fut par la torméte rōpuë & dissipée, l'autre estât abordee en Sicile: n'y fit rien de memorable ny de profitable pour l'Empereur, ains Totilas ayât fait ce qu'il y voulut la, laissa souz le gouuernement de quatre Capitaines, & repassa en Italie pour y donner ordre contre l'autre plus grande & puissante armée que l'Empereur auoit dressée contre luy par terre. De laquelle Germanus deuoit auoir la conduite, mais apres son trespas elle fut donnée aux enfans d'iceluy, & à vn Capitaine nommé Iean, qui la menerent hiuerner en la Dalmatie, afin de la faire passer le printemps ensuyuant par Rauenne en Italie.

T H E O D E B E R T quelque temps apres son retour d'Italie dressoit ses pensees & appareils à des entreprinſes haultes, à ſçauoir de mener vne armée en Thrace contre l'Empereur, quand la mort luy treucha les moyens de paruenir à ses desseins en la 14. année de son regne, qui estoit la 37. (tesmoin Gregoire de Tours) apres le trespas du Roy Clouis: & selon Procopius liu. 3. & Agathius liu. 1. la 24. ou 25. de l'Empire de Iustinian, ensemble aussi la 16. ou 17. de la guerre Gotthique, ayant vn seul fils nommé Theodobald, qui luy succeda à ses estats & couronne, plustost qu'à sa vertu & magnanimité (pource comme dit Agathius) qu'outre son bas aage il estoit voluptueux, maladif & de peu d'esprit: deuers lequel (le Roy Totilas estant mort) les Ostrogots enuoyerent leurs Ambassadeurs pour obtenir quelque secours de luy, pource que son pere auoit contracté alliance avec eux vn peu auant son trespas.

A T H E V D E G I S I L L E occis fut subrogé par les Visigoths vn grand Seigneur nommé Agila, qui regna sur eux l'espace de 5. ans, 6. mois, 13. iours, tesmoin les deux Chroniques Vvisigothes, & Mic. Ricius. Les Chroniques Espagnoles nommément de Dom Roderic & de Dom Antoine Buter, tesmoignent que son predecesseur fut occis l'an 550.

L E S inimitiez festans remflambees entre les Gepides & Lombards, furent cause qu'ils se donnerent bataille, dont l'issuë fut si malheureuse aux Gepides, qu'ils demurerent desconfits avec vne horrible occision de leurs gens: entre lesquels se trouua leur Roy Comund, le test duquel le Roy Alboin fit enchasser en or pour s'en seruir à boire en maniere de hanap en ses plus magnifiques banquets. Qui fut cause de luy faire cy apres tramer sa mort par sa femme Rossimunde, fille dudit Comund, qu'il prit en mariage apres ceste victoire. Par laquelle aussi les Gepides furent tellement mattez & abbatus, qu'ils ne se peurent oncques depuis remettre en leur premiere liberté, estans vne partie d'eux contrainsts de demeurer souz la subjection des Lombars; & l'autre souz les Huns dits Auarois, qui habitoient en ces quartiers-là. Procopius liu. 3. Blondus liu. 4. Dec. 1. Bonfinius dec. 1. liu. 7. Sabellic Enneade 8. liu. 3.

De l'origine & arriuee des Esclauons és pays de Pologne, & de Boheme.

L E S Esclauons sortans ceste année (comme Bernardus Vaponius historiographe Polonois a obserué) des pays que Martinus Cromerus liu. 2. chap. 16. de son histoire Polonoise estime Russie & Sarmatie, ou plustost de la prouince qu'ils habitoient lors au rapport de Iornandes, laquelle n'estoit pas au dire de Procopius, loin du Danube d'un costé, & attouchoit de l'autre la Sarmatie: ainsi que nous auons déclaré cy deuant, souz la conduite de deux freres nommez Czech ou Chech & Lech (qu'ils auoient esleuz pour leurs chefs & Capitaines) se vindrent rendre premiere-ment és terres demy desertes, qui auoient esté (selon leur opinion) au parauant habitees des Vvandales. Où ils n'eurent longuement seiourné, qu'ils prindrent aduis de se separer en

en deux bandes : l'une desquelles souz l'enseigne de Zeth ou Chech , prit la route de la Germanie. De façon qu'elle arriua au pais anciennement habité des Boiens , peuples Gaulois (qui au rapport de Strabo & de Cornelius Tacitus, luy auoient laissé le nom de Boëme) lequel se trouua tellement à leur gré , qu'ils y establirent leur demeure , s'accommodans pour y faire leur residence à tousiours : tellement qu'on les y nomme encore aujourdhuy en langue Sclauique Checques ou Czechiens. Mais l'autre troupe prenant son chemin avec Lech, entre l'Orient & Septentrion, s'alla trouuer en la plaine où l'on tiét estre aujourdhuy situee la Slesie & le Royaume de Pologne, du nom de Pole , qu'on dit signifier en langue Esclauonique, la plaine d'un champ. Combien que Cromerus se persuade qu'il ne fault entendre par la nomination des Polonois, dits Polaches ou Polagues, que la posterité seulement de Lechon au de Lachz: d'autât que les Russiens & Moscouites les nomment encore aujourdhuy Lechites. Tant y a cependant, que ceste bande estant abordee en ceste ample & spacieuse plaine, qui contient le Royaume de Pologne, pour la cultiuer & y habiter, y fonda un Chasteau nommé Gnesna , pres le fleuve de Vorta, qu'on tiét encor estre maintenât en la grâde Pologne, avec aucunes autres fortresses pour leur retraite & comodité. Cepédant les histoires Polonoises & Boëmiennes, recitent d'un accord, que la posterité des deux freres susdits, regna successiuement apres leur decez l'espace de 150. ans es pais & prouinces par eux occupees, où ils firent plusieurs memorables conquestes & vaillans faicts sur leurs voisins. La memoire desquels a esté tellement enseuelie en oubly, ou par le default des historiographes, ou par la malice des temps, que les ans auxquels ils sont aduenuz, ne sont obseruez ny marquez, ny les chefs & princes souz lesquels ils se firent, nommez.

L'EMPEREUR voulant venir à fin de ce qu'il poursuioit, commanda aux Euesques qui estoient à Constantinople de cōmencer le Concile: & pource que Vigilius s'y opposa derechef, les Euesques de Grece ne laisserent pas pour luy d'obeyr à l'Empereur, & de cōmencer la besogne. Qui fut cause que Vigilius se separa d'eux, & se trouuant avec aucuns Euesques d'Italie en lieu à part, excommunia & suspendit tous les Euesques de leurs dignitez qui voudroient proceder à l'encontre de ses oppositions, comprenât le Patriarche Menas mesme en ses censures. Ce qui se fit (comme veult Sigonius) ceste annee. Dont il fault aussi que ç'ait esté au mesme temps que Menas (ainsi que recite Nicephore Caliste) luy rendit son change en mesme monnoye, le suspendant reciproquement de ses ordres: & que l'Empereur irrité de son orgueil & insolence, enuoya gens pour les prédre au corps: des mains desquels il eschappa, s'estant allé cacher dans les tuyaux du temple de sainte Serge martyr: lesquels il fallut rompre pour l'en retirer puis apres, à cause de sa grosseur & grande corpulence. Mais il estime que celà se fit deuant le trespas de l'Imperatrice Theodora. Cependant on prendra garde que le faict de Vigilius, & les causes des differents qu'il eut avec l'Empereur, sont entremeslees de tant de diuersitez & repugnances, tant pour la substance que pour le temps, en ce que les auteurs en ont escrit, qu'on ne le sçait cōment demesler. Ioinct qu'on s'esmerueille pourquoy Vigilius s'opposa si obstinément ces deux annees-cy au vouloir de l'Empereur, qui demâdoit chose si raisonnable, qu'elle luy fut accordée au Concile vniuersel ensuiuant, du consentement mesme de Vigilius, veu qu'il ne se trouua pas plus d'Euesques d'Italie qu'il y en auoit ia d'assemblez ceste annee à Constantinople, & que cestuy-cy eust esté autant vniuersel que l'autre. Car Sigonius qui a recité toute ceste action à l'aduantage de Vigilius, n'a point satisfait à celà.

CLOTILDE Roine de France, vesue du feu Roy Clouis, mourut enuiron ce temps en la ville de Tours, & fut son corps enterré à Paris aupres de son mary. Gregoire de Tours.

UN schisme surueni en l'Eglise de Ierusalem, à cause que le Patriarche Macaire faisoit profession des erreurs d'Origene, fut cause de faire eslire Euesque un nommé Eustochius ou Eustachius, de l'ordonnance de l'Empereur, qui presida 18. ans: au commencement desquels il fit tous ses efforts de chasser les sectateurs d'Origene de la ville de Laura: tellement que plusieurs d'eux se retirerent à la Cour de l'Empereur, où ils furent fauorisez par Theodore surnommé Ascidas, Archeuesque de Cesaree en Cappadoce, qui auoit lors l'aureille de Iustinian, & estoit des principaux de son conseil, pource qu'il estoit de ceux qui maintenoient les opinions reprouuees dudit Origene. Euagrius liu. 4. Nicephore, Onufrius. Tous lesquels conuiennent avec Zonare & Cedrenus, que ceste controuersie des opi-

nions d'Origene fut portee par cest Eustachius deuant l'Empereur, depuis lequel fut fait Euesque de Ierusalem : neantmoins Sigonius s'est persuadé qu'elle estoit commencee dès l'an 545.

On presume que Lech & Czech ayans en ceste sorte fondé leurs principautez, administrerent iustice à leurs peuples, non pas par loix & ordonnances (car il n'en y auoit encore aucunes entre eux) mais par raison & equité naturelle, estant bien vray semblable qu'ils furent doux & benings en leurs gouuernemens, traittans leurs subiets non comme maistres & seigneurs, ains comme peres. Car à grand peine vn peuple rude & libre tel que ceux-là, eust voulu obeir ou peu supporter d'un commencement des tyrans violans & iniustes. Tant y a cependant que quand Vaponius auroit à credit rapporté l'arriuee des Esclauons où Slauons és païs de Pologne & de Boëme à ceste annee, qu'on ne peut failir de prendre enuiron ce temps-cy le commencement de l'estat de Pologne & de Boëme: pource que nous auons monstré cy dessus par le tesmoignage de Procopius qui viuoit en ce siecle, que les nations qu'il appelle Sclauines, ne s'estoient iamais tant licenciées de sortir de leurs païs, ny en plus grandes troupes pour se desborder sur les autres contrees, signamment sur les Romaines, sans craindre les forces de l'Empereur, qu'ils firent ceste annee & la precedente. Ce qui nous donne à penser que leurs compagnons qui habitoient du costé de la Sarmatie & de la Germanie, furent incitez de leur exemple d'aller chercher leur fortune souz la conduite des deux freres susnommez dedans les contrees de Morauie, Boëme & Pologne. Où le peu possible de resistance qu'ils y trouuerent, les occasionna de s'y habiter & arrester deslors. Et d'autant aussi que le mesme Procopius & Iornandes leur donnent vne origine autre que des Vvandales, il me semble qu'Albert Crants s'est inutilement estudié les extraire des Vvandales, & à vouloir faire croire qu'ils n'estoient sortis d'ailleurs que de la Boëme.

<i>Du Monde.</i>	4688	<i>Papes.</i>	16	<i>R. des François.</i>	39
<i>De Iesus Christ.</i>	552	<i>E. d'Orient.</i>	26	<i>R. des Visigoths.</i>	3
<i>Indiction.</i>	15	<i>R. d'Italie.</i>	11	<i>R. des Lombards.</i>	11
		<i>R. de Perse.</i>	20	<i>R. des Escossois.</i>	16

L'EMPEREUR s'estant raduisé osta la conduite & lieutenance de son armee qu'il vouloit enuoier en Italie, à Iean, & puis la transfera à Narfes ou Narfissus vn de ses chambellans, qui estoit eunuque: lequel preuoyant prudemment l'importance de ceste charge, donna ordre que l'armee qu'il deuoit conduire fust la plus grande & la plus puissante qu'il fust possible, en y receuant Grecs, Thraciens, Huns, Gepides, Heruliens & autres nations barbares. Outre lesquels il fit encore venir douze mille Lombards d'esslite. Mais auant qu'il peust faire marcher toute ceste flotte, vne armee de Huns entra en la Grece, qui le retarda longuement. Ce pendant Totilas enuoya vne armee de mer pour courir & rauager les isles & ports de la Grece, afin qu'en donnant des affaires à l'Empereur iusques dedans son païs, il fust retardé de penser à l'Italie. Mais apres qu'elle eut rodé quelques isles avec la coste de l'Istrie & Dalmatie, Totilas la fit venir assieger la ville d'Ancone par mer, pource que luy la vouloir assaillir par terre. Qui fut cause que Iean qui en attendant Narfes auoit la superintendance de l'armee que l'Empereur auoit en la Dalmatie, en meit vne partie sur mer, avec laquelle il alla secourir, & leuer le siege de ladite ville, ayant deffait & rompu par vne bataille nauale toute l'armee de mer des Goths, qui fut cause que la terrestre se retira. Auquel temps aussi vn autre mauuais desastre tomba sur les Goths par l'armee d'Artabanes, qui auoit esté l'armee precedente rompuë & dissipée par la tempeste; lequel l'ayant refaite & rassemblée, la ramena en la Sicile, d'où il dechassa tous les Goths. Tellement qu'il la remet en l'obeyssance de l'Empereur, & puis enuoya secours à la ville de Croton en Italie, ne les gens que Totilas tenoient assiegee en toute extremité. Lequel cependant enuoya gens és isles de Corse & de Sardaigne, qui les reduisirent en son obeyssance. Procop.

LES

Les Esclavons ayants de rechef passé le Danube vindrent courir & ravager les provinces Romaines comme auparavant: où ils firent ce qu'ils voulurent à la barbe des Capitaines & de l'armée que l'Empereur enuoya contre eux, lesquels ne les osèrent attaquer. Et pource que les Gepides les portoient & fauorisoient en leurs entreprises, l'Empereur s'allia des Lombards, qui estoient lors en querelle & en guerre avec eux. Tellement qu'ils leur donnerent bataille, qui fut perdue par les Gepides, avant mesmes que le secours que l'Empereur enuoyoit aux Lombards fust arriué à eux. Procopius.

En la mesme année, qui estoit la 17. de la guerre Gothique l'Empereur Iustinian enuoya vn Ambassadeur vers Theodebald Roy d'Austrasie, aiant nouvellement succédé à son pere, pour prendre alliance avec luy contre Totilas, ou pour le faire deporter de luy donner secours, ensemble aussi pour se plaindre des usurpations que son pere auoit cy deuant faites en la Ligurie au pais de Venise & en la Romagne. Mais la réponse fut qu'il ne pouuoit sans occasion legitime quitter l'amitié des Goths: & quant aux usurpations, que les siens ne tenoient rien en Italie qui ne leur eust esté abandonné par Totilas. Combien qu'il se soubmettroit volontiers au iugement d'arbitres pour ce different, & qu'il enuoyeroit Ambassadeurs à Constantinople pour faire entendre ses defenses à l'Empereur. Procopius.

ENVIRON le mesme temps Clotaire Roy de Soissons voulut prendre le tiers du reueu des Eglises: mais Iniuriosus Archeuesque de Tours s'opposa si constamment à luy, qu'il le fit deporter de son entreprise, le menaçant que Dieu luy osteroit son Royaume s'il faudoit les pauvres de leur bien. Car lors la plupart du reueu des Eglises s'employoit à la nourriture des pauvres. Gregoire de Tours.

<i>Du Monde.</i>	4689	<i>E. d'Orient.</i>	27	<i>R. des Visigoths.</i>	4
<i>De Iesus Christ.</i>	553	<i>R. d'Italie.</i>	1	<i>R. des Lombards.</i>	12
<i>Indiction.</i>	1	<i>R. de Perse.</i>	23	<i>R. des Escossois.</i>	17
<i>Papes.</i>	17	<i>R. des François.</i>	40		

L'ARMÉE de Narfes toute iointe entra par le pais de Venise dedans l'Italie, quoy que les François luy voulussent empêcher le passage. A cause de quoy Totilas accompagné de toutes ses forces, se vint presenter au deuant en la Romagne aupres d'un village nommé Brixelles. Tellement qu'ils se donnerent bataille, qui fut combatue de merueilleuse opiniastreté & animosité des deux partis. Mais force fut à la fin aux Goths de ceder à la vaillance des Lombards, qui lors firent si bien que sans eux Narfes perdoit assurément la victoire. Tant y a que Totilas fut en ceste sorte non seulement vaincu, mais aussi mis à mort, & son armée quasi toute taillee en pieces, en l'onzième an de son regne. A cause de quoy les villes & provinces quasi de toute l'Italie, s'accommodans à la fortune du vainqueur, se rendirent presque en vn instant: qui toutesfois ne peut entrer dedans Rome que par force, à cause de la garnison des Goths qui la defendoient. Lesquels dès la iournée de Brixelles s'estoient esleu vn autre Roy nommé Teja, environ le mois de Feurier, qui ne regna sur eux que l'espace d'un an. Car apres auoir fait ses efforts de remettre les affaires des Goths au dessus, & à ceste intention recherché en vain l'alliance des François, sans le support desquels il sentoit bien que sa resistance ne pourroit estre de durée, fut en fin contraint de tenter de rechef la fortune contre Narfes, laquelle ne luy estant plus gratuite qu'à son predecesseur, le rendit (comme elle auoit l'autre) occis & vaincu sur le champ, mettant le reste des Goths en tel desespoir, que force leur fut de recevoir la paix que Narfes leur accorda, suyuant laquelle ils commencerent de s'accommoder souz les loix de l'Empire.

L'ABBAYE appelée de P. Germain fut ceste année fondée és faux-bourgs de Paris par le Roy Childebert, suyuant le conseil de S. Germain Euesque lors de Paris. En faueur aussi duquel il donna à ladite Abbaye la robe de saint Vincent qu'il auoit apportée de la guerre d'Espagne. Aimoinus.

EDELBERT Roy de Nortumbellande en ce temps.

A V 5. Concile d'Orleans celebré ceste année selon Onufrius, fut ordonné que l'élection des Euesques se feroit par le consentement du Roy, du clergé, du peuple, & des autres Euesques de la prouince, avec quelques autres statuts de peu de conséquence.

D V R A N T que la cause des Origenistes se debatoit à la Cour de l'Empereur, Theodore archeuesque de Cesarce qui les fauorisoit, se voyant touché par ceste poursuite, & que l'Empereur estoit persuadé de le faire condamner & anathematiser, par le iugement commun de l'Eglise mit en auant vne question, à sçauoir s'il falloit excommunier les heretiques ja decedez. De laquelle vn prestre d'Amasene nommé Eutychius sembla au gré de l'Empereur en auoir mieux parlé de tous les assistans. A cause dequoy il le mit en la chaire Episcopale de Constantinople apres Menas, qui vint à deceder soudainement au mesme temps. Combien que les actes du Concile 6. de Constantinople tesmoignent, qu'il mourut en la 21. année de Iustinian. Ayant au dire de Nicephore Caliste vn peu au parauant celebré la Dedicace du temple des Saints Apostres le 29. iour de Iuin, auquel il auoit porté les reliques desdits Saints, avec grande pompe en vn chariot d'or: nonobstant que Cedrenus & les Annales de Nicephore tiennent que cela s'estoit fait en la 23. année de Iustinian. Ce pendant on conuient que Menas s'estoit reconcilié auant son trespas avec le Pape Vigilius, iceluy ayant esté rappelé & repris en grace de l'Empereur.

V N tremblement de terre affligea ceste année toute la Grece & l'Asie, de si horrible forte par l'espace de 40. iours, que grand nombre de villes furent par iceluy renuersees en la Palestine, Syrie, Mesopotamie & Arabie. Cedrenus.

V N seigneur des Vvisigoths nommé Athanagild s'eleua en ce temps contre le Roy Agila, & enuoia demander secours à l'Empereur Iustinian, qui en faueur d'iceluy despecha vne grande armée, par le moyen de laquelle il guerroya si longuement le Roy Agila qu'il obtint en fin victoire de luy. Comme la Chronique Vvisigothe tesmoigne. Ioannes Magnus en son histoire Gotthique adioute que Amatus Patrice Romain, auquel Narfes auoit donné le gouuernement de la Gaule, alla à son secours. Mais Gregoire de Tours liu. 4. afferme que l'Empereur enuoya vne armée contre luy, pource qu'il traittoit trop tyranniquement ses sujets, laquelle conquesta quelques villes sur luy.

Q V E L Q V E temps apres le Concile de Constantinople, & deux autres Synodes prouinciaux furent celebrez pour mesmes fins, & occasions l'vn en la ville de Mopsuestie, & l'autre à Hierusalem. Niceph. Onufrius.

G R A N D nombre de Philosophes se trouuoient encore en ce temps en la Grece, viuans souz les erreurs & persuasions des anciens payens & idolatres: nonobstant qu'ils fussent grandement exercez en toutes les parties de la Philosophie humaine, entre lesquels on nommoit Damascius Syrien, Simplicius de Cilicie & Eulalius de Phrygie, Prifanius Lydien, Hermias & Diogenes de Phœnicie, Isidore de Gaze en Perse: lesquels entendant que Chosroes cherissoit fort les Philosophes, s'en allerent vers luy, mais il s'en reuindrent bien tost, ne se pouuans accommoder avec les mœurs des Perses. Agathius.

C O M M E les cōtrouerses de la religiō perseueroient tousiours, l'Empereur fit assembler vn Synode à Cōstantinople, qui fut appelé le 5. vniuersel. Auquel l'heresie des Nestoriés, & Eutychiens avec ses fauteurs tant viuants que decedez fut de rechef condamnée, & toutes opinions contraires aux 4. premiers Conciles vniuersels. Notamment aussi fut de rechef conclu & arresté cōtre l'heresie de Theodore de Cilicie, Theodorite & Ibda, que la vierge Marie seroit licitement appelée *Mere de Dieu*: selon que Nicephore, Cedrenus & le liure des Conciles recitent. Euagrius tesmoigne que Vigilius estant lors à Constantinople, consentit par escrit au decret de ce Synode. Mais qu'il n'y voulut assister en presence, de peur (comme les autres disent, nommément Nicephore liu. 17. chap. 27.) qu'il ne fust mis au bas ou aupres d'Eutychius qui y presidoit. Combien qu'il prist son excuse de ce qu'il y auoit trop peu d'Euesques d'Occident avec luy. Laquelle fut aussi refutée par les autres, allegant qu'il y en auoit eu aussi peu aux 4. premiers Conciles. Cedrenus tesmoigne que ce Concile fut celebré 102. ans apres celuy de Chalcedone.

Du Monde

Fin du regne des Ostrogoths.

<i>Du Monde.</i>	4690	<i>E. d'Orient.</i>	28	<i>R. des Visigoths.</i>	5
<i>De Iesus Christ.</i>	554	<i>R. de Perse.</i>	24	<i>R. des Lombards.</i>	13
<i>Indiction.</i>	2	<i>R. des François.</i>	41	<i>R. d'Escoffe.</i>	18
<i>Papes.</i>	18				

NONOBTANT la paix accordée par Narſes aux Oſtrogoths, aucuns de ceux qui habitoient en la Lombardie ne pouuans encore oublier leur ancienne liberté, s'ingèrent d'esmouoir les François de leurs miſeres. Ce qui ſucceda comme ils demandoient. Car nonobſtant que le Roy Theodebald ſe monſtraſt fort froid à leur demande, n'ayant aucunement eue de ſ'aller hazarder au peril d'autrui: ſi eſt-ce toutesfois qu'il permit que deux Capitaines Alemans nommez Leutharis & Bultin (qui auoit le gouuernement de la nation Alemande ſouz luy) entrepriſſent à leur inſtance ce voyage: auquel ils furent ſuiuſ de ſeptante deux mille combatans, tant François qu'Alemans. Leſquels eſtans arriuez en Italie, ſe mirent à courir & rauager de toutes parts. Tellement qu'ils paſſerent iuſques à la Sicile, où ils firent vn tel meſnage qu'ils voulurent, cauſant vn grand eſtonnement aux Imperiaux au moyen de quelques victoires qu'ils gaagnerent ſur eux: leſquelles donnerent occaſion à pluſieurs autres Goths de ſe rebeller contre Narſes, où de ne luy vouloir obeir, ſignamment à ceux qui tenoient la ville de Lucques, leſquels ne luy voulurent pas ſeulement ouurir leurs portes, mais auſſi s'opiniaſtrerent iuſques à toute extremité à ſe defendre contre luy. De ſorte qu'il ne les peut forcer de ſe rendre, que par vn long & fort penible ſiege. Finalement l'intemperance de l'air & inaecoſtumanee du pais, ayant ietté ſes effets ſur les corps des François qui couroient l'Italie, tant de pernitieufes maladies ſe meirent en leur camp, qu'elles en conſommerent le plus grand nombre, laiſſant le reſte tant attenué de langueur qu'ils furent en la ſeconde année de leur arriuee facilement deffaits & exterminés par Narſes. Tellement que celà fut la fin du regne & de la guerre des Oſtrogoths en Italie. Combien que Procopius & Agathius la prennent au treſpas du Roy Teja, qu'ils diſent eſtre aduenue en la vingt ſixieſme année de l'Empire de Juſtinian, dixhuiſt ans apres le commencement de ceſte guerre, & ſoixante vn ou enuiron apres leur entree ſouz le Roy Theodoric en Italie. A cauſe que les reliques des Oſtrogoths qui eſchapperent de ceſte guerre, furent contraints delaiſſer leur ancien nom, & de ſe meſler & confondre avec les Italiens ſouz l'appellation des ſubiets de l'Empire. Mais Agathius qui commence ſon hiſtoire à l'arriuee des François en Italie, monſtre qu'ils y furent enuiron 2. ans depuis le treſpas de Teja, & qu'ils furent ſeulement deffaits l'année enſuiuant.

ENVIRON cetemps Maclianus qui eſtoit Eueſque de Vennes, ſucceda à la Comté & principauté de toute la petite Bretagne, cy apres le treſpas de ſon frere Chanaa, pour la crainte duquel il auoit pris les ordres Eccleſiaſtiques. Il ſemble que c'eſt luy-meſme que Gregoire appelle puis apres Conoobre.

Les Eueſques de la Ligurie, du pais Venitien & de l'Iſtrie n'entendant pas bien ce qui auoit eſté decreté au Concile precedent de Conſtantinople, eſtimerent qu'on y auoit conclud quelque point repugnant à la determination du Concile de Chalcedone. A cauſe dequoy ils celebrerent vn Synode, auquel les Archeueſques de Rauenne, d'Aquilee & de Milan preſiderent, & conuindrent qu'ils ne receuroient ledit Concile. Qui fut cauſe d'un grand ſchiſme & different entre eux, & le Pape Pelagius. D'autant qu'ils ne l'en voulurent croire, ny ſ'en rapporter à luy: dont il ſ'efforça les années enſuiuantes de les en faire punir par Narſes. Sigonius.

Q

<i>Du Monde.</i>	4691	<i>Papes.</i>	19	<i>R. des François.</i>	42
<i>De Iesus Christ.</i>	555	<i>E. d'Orient.</i>	29	<i>R. des Visigoths.</i>	1
<i>Indiction.</i>	3	<i>R. de Perse.</i>	23	<i>R. des Lombards.</i>	14
				<i>R. des Eſſoſſois.</i>	19

CHOSROES Roy des Perſes ayant eu vne fois entre mains les meilleures & plus cô-modes fortereſſes qui fuſſent au pais des Laziens (on les diſoit au parauant Colchiens) ſe reſentoit touſiours depuis de les auoir perdues. Tellement qu'il ſe delibera de hazarder de rechef ſa puiſſance à non ſeulement les recouurer, mais auſſi à reduire tout le pais des Laziens entierement en ſa puiſſance. De laquelle entreprinſe l'Empereur bien aduiſé & informé, ne voulut laiſſer tomber les Laziens ny leur Roy Gubazes en ce danger : tant pource qu'il les auoit receuz en ſa protection & deſenſe, que pour ne laiſſer gagner le moyen à ſon ennemy d'auoir entree par eux au pont Euxin, & par iceluy dedans les entrailles de ſon Empire. Parquoy dès auſſi toſt que Chosroes eut commencé de faire paroître l'effet de ſon intention par vne armee qui marchoit ſouz la conduite de ſon Lieutenant Mermeroës, homme fort vaillant & experimenté au fait de la guerre, l'Empereur ſemblablement deſpecha ſes Capitaines, à ſçauoir Beſſas, Buzes, Martin & Iuſtin fils de Germain, avec forces ſuffiſantes pour luy aller empeſcher l'entree du pais des Lazides. Ce qu'ils firent aſſez diligemment du commencement, s'eſtans mis aux deſtroits par où il falloir paſſer. Dont ils euſſent contraints Mermeroës de quitter ſon entreprinſe, ſ'il ne ſe fuſt aduiſé de leur iouër d'une ſubtile ruze, par laquelle en faiſant courir vn faux bruit qu'il eſtoit malade, les rendit plus negligents à ſe tenir és deſtroits qu'ils deuoient garder. Au moyen dequoy il les paſſa lors qu'ils ne ſe doubtoient point de luy : & eſtant entré dedans le pais Lazide, alla rencontrer l'armee Romaine iuſques aupres de la riuere du Phaside, où il la deſſit & mit honteuſement en routte. Mais auant que pouoir recueillir le fruit de ſa victoire, vne maladie le ſurprit, de laquelle il mourut au grand detrimement des affaires du Roy de Perſe & au grand regret de tous les ſiens. Son corps fut ſelon la couſtume de ſon pais, expoſé tout nud aux champs pour eſtre mangé des beſtes & des oiſeaux en lieu de ſepulture. Ce qui ſe fit (au rapport d'Agathius) en la vingt huitieſme annee de l'Empereur Iuſtinian, & en la trois cens vingt neufieſme ou enuiron apres que les Perſes eurent ramené la Monarchie d'Orient à eux ; leſquels ſemblent de-uoir eſtre leuz au lieu de la trois cens dix qui ſont en la traduction Latine d'ice-luy. Finalement le Roy Chosroes meit en la charge de Mermeroës vn Narchoragas. Mais auant qu'il fuſt ioint à ſon armee, les Capitaines Romains meirent traîtreuſement & honteuſement à mort le Roy Gubazes, de deſpit de ce qu'il les auoit accuſez en-uers l'Empereur de n'auoir pas bien fait leur deuoir en leurs charges : & puis allerent aſſaillir l'armee des Perſes, par laquelle ils y furent derechef ignominieusement & avec plus grande perte de gens deſconfits. Laquelle deſconfiture ſembla leur auoir eſté iuſtement enuoiee par la iuſtice diuine, pour le tort fait à Gubazes. Et meit les Laziens en branſle de ſe rebeller contre l'Empereur, iuſques à ce qu'ils ſe fuſſent raduiſez qu'il valoit mieuz luy enuoier demander iuſtice des malſaiſteurs avec vn autre Roy.

THEODOBALD Roy des Met, eſtant fort malade mourut au compte de Gregoire de Tours en la ſeptieſme annee de ſon regne : Mais Agathius nous enſeigne que ce fut enuiron le temps que ſon armee fut deſſaite en Italie. Ce qu'on peut prouuer auſſi par le temps qu'Euphronius a eſté Eueſque de Tours, deuoir eſtre l'opinion de Gregoire meſme. Tant y a que pource qu'il ne laiſſa aucuns enfans, le Roy Clotaire ſe mit en poſſeſſion du Royaume & des eſtats d'iceluy, en vertu (comme dit Aimoinus) de ce qu'il l'auoit par ſa der-niere volonteé inſtitué ſon heritier, ſans faire mention de Childebert, qui ſ'en trouua tel-lement offenſé, qu'il ſe declara ennemy de ſon frere. Dont ils furent en termes (au rap-port d'Agathius) d'entrer en vne groſſe guerre l'un contre l'autre : nonobſtant qu'ils ſe re-mirent bié toſt apres (à ſon dire meſmes) d'appointemēt. Pource que Childebert ſe voiât ja fort ancien & caduque & ſans enfans, renonça volōtairement au droit duquel il ne pou-uoit longuement iouir ; & n'auoit à qui le laiſſer, qu'à celuy cōtre qui il le falloir quereller :
Combien

Combien que Gregoire ne fait mention de ce premier different, ains de celuy seulement qu'ils eurent cy apres pour Charamnus, quand il s'esleua cōtre le Roy Clotaire son pere, lequel possible pourroit auoir pris son origine du premier. Or pource qu'apres la deffaitte des deux Capitaines François en Italie, le Roy Theodobald se ioucia peu (comme declare Gregoire de Tours liu. 4. chap. 9.) de les aller secourir & garder; Narfes trouuant le pais Venitien, la Romagne & la Ligurie sans aucune defense, ny Gouverneur pour les Rois de France, les remit facilement souz l'obeissance de l'Empereur par vn sien Capitaine nommé Dagistee: ainsi que P. Diacre semble vouloir declarer. Ce qui a fait estimer à Blondus, Sabellic & P. Amile, que Narfes voyant que les François ne s'estoient gueres esmeuz de ceste perte, il se saisit encore de la Prouence, à laquelle il donna vn citoyen Romain nommé Amatus pour Gouverneur, ayant aussi laissé la garde des Alpes à vn Francilio, à fin d'empescher le passage d'Italie aux François. Lequel point toutesfois de la Prouence ie ne leur accorderay pas volontiers: encore que ie ne vueille debatre de l'autre, d'autant qu'il ne s'en trouue aucune mention en pas vn des anciens autheurs, & qu'Agathius ne l'eust ignoré ne teu, non plus qu'il n'a la mort du Roy Childebert, ny le different qu'il eut avec le Roy Clotaire, apres la mort du Roy Theodebald: aussi que la donation de la Prouence auoit esté consermee & ratifiée aux François par l'Empereur Iustinian, dont il est mal vraisemblable qu'ils se fussent si laschement laissés despouiller d'une telle piece si proche d'eux, sans le sentir, quoy qu'ils se soient monstrez endormis à la perte d'Italie; d'autant qu'elle estoit plus loingtaine, & qu'ils y auoient moins de droit. Ioint qu'il semble qu'Agroerula fut fait Patriee & Gouverneur de la Prouence, ensemble du pais bas souz luy apres Buccelin (appellé par Agathius Bullin) ainsi qu'il auoit esté souz le Roy Theodebert.

ATHANAGILD apres auoir deffait & mis à mort le Roy Agila, s'empara par force du Royaume des Vvisigoths, & le posseda au compte de l'une des Chroniques des Vvisigots quinze ans six mois, & selon l'autre seize: laquelle aussi rapporte le commencement de son regne à l'Ere DCCIII. & la fin à l'Ere DCVIII. Ce qui est aussi confirmé & approuué par les histoires Espagnoles, tefmoin Dom Roderic de Tollete & Anthoine Buter, qui commence aussi son regne l'an 555.

AVRELIVS Connanus Roy des Bretons régna apres Constantin 2. ans.

LES Iuifs & Samaritains se mutinerent en ce temps de telle façon contre les Chrestiens de la Palestine, qu'ils en massacrerent vn grand nombre avec le Lieutenant de l'Empereur: lequel aussi les en fit chastier par vn sien Capitaine nommé Adamantius selon leur merite. Annal. de Constan. Cedrenus,

Du Monde. 4692	Papes. 1	R. des François. 43
De Iesus Christ. 556	E. d'Orient. 30	R. des Vvisigoths. 2
Indiction. 4	R. de Perse 24	R. des Lombards. 15
		R. des Escossois. 20

ENVIRON ce temps vn Roy des Bretons, lesquels Agathius appelle Bretons de la race des Heruliens (qui auoient esté à ce qu'on dit colloquez aux Alpes par le Roy Theodoric) nommé Sifuald ou Sinduald, qui cy deuant auoit fait seruice au Roy Odoacer, & icy luy mort à l'Empereur souz Narfes, se voulut esleuer contre luy, esperant faire ses affaires en Italie. Mais il enuoya vn de ses Capitaines nommé Dagistee contre luy, qui le chargea de si bonne sorte, qu'il le vainquit en vne bataille, & retint prisonnier: puis le fit ignominieusement estrangler. Depuis laquelle deffaitte l'Italie, demeura tousiours paisible iusques au trespas de Narfes souz le gouvernement d'iceluy. Lequel faisant sa demeurance ordinaire à Rome, fut cause de la faire reuenir aucunement en son ancienne beauté & splendeur. Agathius, P. Diacre, Blondus, Sabellicus.

LES Romains souz la conduite du Comte Iean deffirent & subiuguerent de rechef les Mysiens, qui s'estoient rebellez contre l'Empereur: tellement qu'il les contraignirent de demander pardon de leur offense.

JUSTINIAN prenant cognoissance du meurtre du feu Roy Gubazes, enuoya Iuges pour faire le procez à ceux qui en estoient coupables : tellement que les Autheurs en furent executez à mort. Ce qui contenta si bien les Laziens, qu'ils se confermerent en l'alliance de l'Empereur, receuant le Roy qu'il leur donna, qui estoit frere du defunct nommé Zathes. Cependant Nichoragan s'estant venu ioindre à l'armee du Roy de Perse son maistre, la mena camper deuant la ville de Phasis. Et pource qu'elle estoit de consequence, les Romains se mirent en deuoir de la defendre, si bien qu'ils ne la garderent pas seulement d'estre prise, mais aussi mirent toute l'armee des Perles en routte. Agathius.

LES Saxons estants de long temps tributaires des Rois d'Austrasie, se voulurent incontinent apres la mort du Roy Theodebald emanciper de ceste subiection enuers son successeur, à l'occasion possible de ce qu'ils le voioient en dissension avec le Roy Childbert. Mesinement aussi vindrent faire des courses iusques dedans les limites des François. Qui fut cause de faire aller le Roy Clotaire avec vne puissante armee contre eux: par laquelle il les vainquit en vne grosse bataille qu'il leur donna, où il fit vne grande desconfiture d'eux. Au moyen dequoy il transporta de là son armee contre les Turingiens, qui auoient donné faueur aux autres: ausquels il fit sentir leur faulte par le grand rauage qu'il fit en leur pais, deuant que remener son armee en son Royaume. Gregoire de Tours, Aimoinus, Sigebert.

ATHANAGILD s'estimant bien estably en son Royaume, voulut réuoier l'armee que l'Empereur auoit enuoiee à son secours. Mais pource qu'elle auoit ja fait quelques conquestes en Espagne, elle n'en voulut partir. Parquoy force luy fut de commencer guerre aux Imperiaux, qui dura fort long temps, l'issue de laquelle luy fut en fin fauorable. Gregoire de Tours, Chroniq. Vvisigothe, Aimoinus.

VIGILIUS ayant impetré par le moyen de Narfes (comme on dit) son retour de Constantinople à Rome, fut arresté par maladie en chemin, dont il mourut ceste annee, tefmoin Onufrius, en Sicile le 10. iour de Ianuiet, laissant son siege vaquant iusques au mois d'Auril ensuiuant: auquel Pelagius 1. du nom natif de Rome Archidiacre de l'Eglise Romaine, & qui cy deuant l'auoit gouuernee comme vicaire en l'absence dudit Vigilius, fut esleu pour en estre le Pasteur en chef, apres s'estre publiquement purgé & iustificé par vn serment solemnel de ce qu'on le soupçonnoit auoir esté autheur & procurateur des fascheries qu'on auoit faites à son predecesseur. Cependant l'exemple des deux Papes precedents nous donne à cognoistre, que les Euesques de Rome estoient encores en ce temps tellement subiets aux Empereurs, qu'ils n'eussent pas osé sans leur confirmation ou approbation, non seulement accepter ny exercer le pontificat, mais aussi ils estoient par eux mis & deposez quand bon leur sembloit.

<i>Du Monde.</i>	4693	<i>E. d'Orient.</i>	31	<i>R. des Vvisigoths.</i>	3
<i>De Iesus Christ.</i>	557	<i>R. de Perse.</i>	25	<i>R. des Lombards.</i>	16
<i>Indiction.</i>	5	<i>R. des François.</i>	44	<i>R. des Eſcoſſois.</i>	21
<i>Papes.</i>	2				

ENTRE les nations du pais de Lazide, il y en auoit vne qui s'appelloit des Mysianiés; lesquels aiats mis à mort vn Capitaine de l'Empereur qui passoit par leur terre, tant pource qu'il vouloit entreprendre sur leur liberté, que pource qu'il outragea aucuns Ambassadeurs qu'ils enuoierent vers luy, s'allerent rendre en la protection des Perles. Qui fut cause que les Capitaines Romains qui estoient au pais Lazide, enuoierent vne armee contre eux, qui fit vne grande desconfiture de Perles, qui estoient allez à leur secours, & reduisit la ville de Rhodopolis en l'obeissance de l'Empereur, ensemble aussi chastia si lourdement les Mysianiens qu'ils furent en fin cōtraints de recognoistre leur faute, & se remettre à la mercy de l'Empereur. Lequel apres celà institua Iustin son nepueu fils du feu Germanus Gouverneur de la Colchide & de l'Armenie en son nom, au lieu de Martin qu'il priua de ceste charge, pource qu'il auoit esté coupable de la mort de Gubazes.

AVQVEL temps aussi Chosroes deposa Nichoragan de sa charge, & le fit escorcher tout vif, pource qu'il s'estoit laissé vaincre par les Romains deuant la ville de Phaside. Et puis encore considerât que tout luy estoit venu à rebours en ceste guerre, & qu'il n'en pou-

uoit

uoit mieux esperer à l'aduenir, despescha vn Ambassadeur nommé Gich vers l'Empercur, pour traiter de la paix entre eux. Laquelle fut accordee souz cōdition qu'à chacun d'eux demeureroit ce qu'il tenoit au pais Lazide sans en plus quereller l'vn l'autre. Agathius li. 4.

A V Q V E L temps aussi deux moines arriuerent des Indes à Cōstantinople, apportans avec eux vn nombre de vers qui filent la soye, qui estoient au parauant incognus en la Grece. Tellement qu'ils furent les premiers qui donnerent cognoissance aux Grecs de la maniere de faire la soye. A cause dequoy quand ces vers furent multipliez en grand nombre, on apprint aussi à faire le taffetas & autres draps de soye, lesquels ou apportoit seulemēt de Perse auparauant. Zonare. Nonobstant qu'Aristote semble auoir eu cognoissance desdits vers.

L' A R M E E de Clotaire ne fut pas plustost de retour en France, que les Saxons se mirēt de rechef à remuer nouveau mesnage, estans (à ce que dit Gregoire) incitez souz main à ce faire par Childebert. Qui fut aussi cause que Clotaire remit son armee aux champs, & les alla reuoir, auant que leur donner loisir de se mieux preualoir contre luy. Dont ils se trouuerent si estonnez, qu'ils enuoyerent gens au deuant de luy pour se iustifier de leur faute, & pour luy faire entendre le deuoir auquel ils se vouloiēt mettre enuers luy. Qui luy sembla si raisonnable & suffisant, qu'il les eust pris à leur mot sans la grande importunité dont ses soldats vsferent enuers luy, qui le contraignirent de les aller combattre contre son vouloir. Ce qui fit entrer les Saxons en tel desespoir, qu'ils se defendirent plus opiniastrément qu'on n'attendoit: & obtindrēt vne telle victoire lors de l'armee de Clotaire, qu'il fut force de leur accorder vn appointment beaucoup plus auantageux pour eux qu'ils ne l'auoient demādē au parauant. Mais pēdāt qu'il estoit empeschē au plus fort de ceste guerre, vn de ses fils nommé Chramne, à qui il auoit donné le gouuernement du pais de Guienne, y ayant fait beaucoup d'excez, & de concussions, s'attendoit qu'il en seroit bien mal venu enuers luy. Neātmoins au lieu de recognoistre ses fautes, prist si malheureusemēt le mors aux dents, qu'il se mit de complot avec le Roy Childebert son oncle pour faider l'vn l'autre à occuper ce qu'ils pourroient sur son pere. De sorte qu'il commença de sa part à reduire le pais de Guienne en sa main, où deux de ses freres Cherebert & Gotran s'allerent avec vne armee opposer à luy du commandement de leur pere: en telle façon qu'ils furent sur le point de le chocquer, sans vn orage inaccoustumé de temps, qui fit, au dire de Gregoire, departir leurs armees l'vne d'aupres de l'autre sans combattre. Et puis vn faux bruit s'esleua par la malice de Chramne de la mort de leur pere occis par les Saxons, qui fit encore retirer les deux freres avec leur armee en Bourgogne. Où il les vint poursuiure si chaudement, qu'il se fit receuoir dans la ville de Chaallons. Mais il fut reietté de la ville de Dijon. Dont il falla de là ioindre avec le Roy Childebert, qui rauageoit au mesme temps le pais de Champagne avec son armee.

A V mesme temps Maximian Archeuesque de Rauenne, & vn autre Euesque nommé Thracius abusans (comme on leur imputoit) des biens de l'Eglise à leur propre vsage, entrerent pour ce fait en controuersie avec le Pape Pelagius, qui vouloit vsfer d'autorité enuers eux pour les faire contenir en leur deuoir. Mais ils firent si peu de cas de ses mandemens, qu'il fut incité d'implorer par lettres l'aide de Narfes, qui estoit à Rauenne, à les cōtraindre d'obeir à ses commandemens & iussions, comme tesmoigne Sigonius. Mais il ne se sçait quelle responce il receut. Combien qu'il se vit bien lors que les Euesques de la Lombardie, du pais Venitien, de la Ligurie & Istrie, deferoient moins au Pape Pelagius qu'il ne vouloit. Car outre ce qu'ils s'estoient separez de la communion de ceux qui acceptoient le dernier Cōcile de Cōstantinople, Honorat Archeuesque de Milā fosa en la mesme annee ingerer contre la coustume ancienne, si Sigonius dit vray, consacrer Paulin, qui auoit esté nouuellement esleu Archeuesque, apres le trespas de Macedonius.

A V mesme temps aussi aucuns Euesques de France celebrent vn Synode prouincial à Paris, où ils firent 8. canons de statuts. Onufrius.

A V R E L I V S Connanus Roy des Bretons fut en la 2. annee de son regne occis en vne grosse bataille par les Saxons. A cause dequoy son fils nommé Vvortiperius luy succeda à la couronne, & regna 4. ans: esquels il fit quelques beaux exploits de guerre sur ses anciens ennemis. Polidore.

<i>Du Monde.</i>	4694	<i>Papes.</i>	3	<i>R. des François.</i>	45
<i>De Iesus Christ.</i>	558	<i>E. d'Orient.</i>	32	<i>R. des Visigoths.</i>	4
<i>Indiction.</i>	6	<i>R. de Perse.</i>	26	<i>R. des Lombards.</i>	17
				<i>R. d'Ecosse.</i>	22

V N terrible & inaccoustumé tremblement de terre espouuenta merueilleusement toute la cité de Constantinople par l'espace de 40. iours. Agathius.

L E S Auarois chassés de leur pais enuoierent des Ambassadeurs de Constantinople pour estre receuz és provinces de l'Empire. Niceph. & Euagr. li. 5. ch. 1. tesmoignét qu'ils estoient de la nation des Scythes, qu'on nommoit Hamaxobiens, habitans le pais qui est de là le mont Taurus, d'où ils furent chassés par les Turcs leurs voisins, & contraints se retirer auprès du Bosphore: où apres auoir sejourné quelque temps, ils se pousserent plus auant subiuguans & passans par dessus le ventre de toutes les nations qui se trouuerent en leur chemin, iusques à ce qu'ils furent arriuez auprès du Danube. Qui fut lors qu'ils enuoierent à l'Empereur: lequel toutesfois fit aller son neveu Iustin celle part, afin ne les garder de surmarcher les provinces Romaines.

O N ne pouuoit pas moins esperer que l'issuë d'une cruelle & sanglante tragedie du commencement de la guerre qui estoit entre les deux freres Rois de France, si Dieu ne l'eust preuenue par sa prouidence, retirant le Roy Childebert de ce monde par la maladie de la mort au plus fort de son entreprinse, estant selon Sigebert en la 45. annee de son regne. Ce qui semble aussi estre l'opinion de Gregoire, qui monstre ou que Clotaire n'estoit pas encor de retour de son voyage contre les Saxons, ou que ce fut bien tost apres. Et pour ce qu'il dit aussi qu'Euphronius fut esleu Archeuesque de Tours au temps mesme que Clotaire retourna du mesme voyage, ce nous est vne preuue qu'il se fit iustement l'an 557. D'autant qu'il fut en ceste dignité 17. ans, & Gregoire 21. apres luy, iusques à la 31. du Roy Gontran: ensemble aussi que Childebert ne mourut en la 49. de son regne, comme Aimoinus a estimé. Somme que sa mort apporta non seulement fin à ceste malheureuse guerre (parce que Chramne se voyât destitué de support, se vint rendre cy à la mere de son pere, qui le receut en grace) mais aussi reduisit & reünit toute la Monarchie de France souz la main de Clotaire, en la possession de laquelle il acheua le reste de ses iours.

N A R S E S fut tellement sollicité du Pape Pelagius, qu'il voulut contraindre par force les Euesques de Rauenne du pais Venitien & de la Ligurie de se soumettre aux iugemens du siege Romain: à cause dequoy ils l'excommunierent. Qui fit que Pelagius l'importuna encor plus de les enuoyer souz bonne garde à l'Empereur, pour estre par luy iugez tant le nouveau Euesque d'Aquilee que celui de Milan, qui l'auoit ordonné contre la coustume ancienne de l'Eglise, & deuant que l'Empereur en eust ordonné. Lequel dispoit lors des elections des Euesques en la sorte que declare l'une des lettres dudit Pelagius, qui furent lors escrites à Narfes, selon que Sigonius la proposee. *Recolere enim debet celsitudo vestra, quid per vos Deus fecerit tempore illo quo Istriam & Venetiam tyranno Totila possidente, Francis etiam cuncta vastantibus, non ante tamen Mediolanensem Episcopum fieri permisisti, quam ad clementissimum Principem exinde retulissetis, & quid fieri debuisset eius iterum scriptis recognouissetis. Et inter ubique feruentes hostes, Rauennam tamen & is qui ordinabatur, & is qui ordinandus erat, prouidentia culminis vestri deducti sunt.*

B R I D V S Roy des Pictes fut en ce temps conuertty à la religion Chrestienne par saint Colombain.

E N ce temps furent celebrez 2. Conciles provinciaux de l'Eglise Gallicane en la cité de Paris. Onufrius.

Du Monde

<i>Du Monde.</i>	4695	<i>E. d'Orient.</i>	33	<i>R. des Vvisigoths.</i>	5
<i>De Iesus Christ.</i>	559	<i>R. de Perse.</i>	27	<i>R. des Lombards.</i>	18
<i>Indiction.</i>	7	<i>R. des François.</i>	46	<i>R. des Escossois.</i>	23
<i>Papes.</i>	4				

VNE partie des Zamiens qui s'estoient rebellez contre l'Empire, furent de rechef subieuez & rendus tributaires par le Capitaine Theodore.

A Domnius decedé succeda enuiron ce temps vn nommé Anastasius (personnage de grand zele à la defense de la doctrine Catholique, ainsi que tesmoigne Euagrius, au siege patriarchal de l'Eglise d'Antioche, auquel il presida 12. ans.

ENVIRON le mesme temps aussi Macaire, qui auoit esté expulsé du siege de Hierusalem, fut du consentement de l'Empereur remis en iceluy, apres auoir abiuré & maudit l'heresie des Origenistes, de Didimus & d'Euagrius, estant Eustochius, qui auoit esté mis en son lieu, contraint de le quitter. Comme tesmoignent Euagrius liu. 4. chap. 38. & Nicephore Caliste liu. 17. cha. 29. Qui est vn tesmoignage que la supputation de l'autre Nicephore qu'a suyue Onufrius, n'est pas certaine.

<i>Du Monde.</i>	4696	<i>Papes.</i>	5	<i>R. des François.</i>	47
<i>De Iesus Christ.</i>	560	<i>E. d'Orient.</i>	34	<i>R. des Vvisigoths.</i>	6
<i>Indiction.</i>	8	<i>R. de Perse.</i>	28	<i>R. des Lombards.</i>	19
				<i>R. des Escossois.</i>	24

A Ida premier Roy de Northumberland decedé en la 14. annee de son regne succeda vn autre seigneur Saxon nommé Alla, lequel augmenta grandement l'estenduë de son Royaume, & regna heureusement trente ans: durant lesquels aucuns ieunes enfans Anglois furent menez pour estre venduz à Rome, lesquels inciterent par leur beauté le pape Gregoire premier de despescher certains moines de Rome pour aller prescher l'Euangile aux Anglois. Guill. de Malmesberie.

BALDREDE homme de grand sçauoir en Escosse, florissoit en ce temps. Ioannes Maior.

<i>Du Monde.</i>	4697	<i>Papes.</i>	1	<i>R. des François.</i>	48
<i>De Iesus Christ.</i>	561	<i>E. d'Orient.</i>	35	<i>R. des Vvisigoths.</i>	7
<i>Indiction.</i>	9	<i>R. de Perse.</i>	29	<i>R. des Lombards.</i>	20
				<i>R. des Escossois.</i>	25

ENVIRON les dernieres annees de l'Empire de Iustinian, les Huns dits Cotriguriens entrerēt à grande puissance dedans le pais de Thrace, duquel ils se desborderent en la Grece, où ils firent vn horrible degast des pais esquels ils mirent le pied. De façon qu'on fut contraint d'enuoier Bellisarius ja tout courbé de vieillesse contre eux, qui les alla charger si vigoureusement qu'ils furent honteusement desconfits & mis en routte. Mais la charge de poursuiure ceux qui estoient eschappez de la deffaitte, fut donnee à vn Capitaine nommé Germanus, qui s'en acquitta si heureusement, que les ayant choquez dedans le Cheronese, il les fit quasi tous mettre en pieces en deux charges qu'il leur donna sur mer & sur terre: Comme recite Agathius liu. 5. & dernier de son histoire, laquelle il finit aussi en cest endroit. Cedrenus.

A Vvortiperius Roy des Bretons decedé succeda son fils nommé Maglo, ou selon que disent les autres Maglocunnus.

PELAGIVS Pape de Rome, apres auoir (au compte d'Onufrius) gouuerné l'Eglise Romaine 4. ans, 10. mois, 18. iours, mourut en ceste annee le 11. de Mars. A cause dequoy Iean 3. du nom surnommé CATELLINVS natif de Rome, luy succeda au gouuernement de l'Eglise Romaine, estant son election faite seulement 2. mois 24. iours apres le trespas de son predecesseur. Tellement qu'on fait compte qu'il exerça le pontificat deslors iusques à son trespas 13. ans 16. iours. Autres tesmoignent qu'il a fait vne ordonnance toute contraire à vne qu'on dit auoir esté faite par son predecesseur, par laquelle il declaroit expressement que quelque Euesque que ce fust, ne se pouuoit legitimement attribuer ny vsurper le nom d'Euesque ne de prestre souuerain ou vniuersel. Isidore adioust qu'il osta l'imposition des mains aux vicaires, pour l'attribuer à leurs Euesques seulement.

Du Monde.	4698	E. d'Orient.	36	R. des Visigoths.	8
De Iesus Christ.	562	R. de Perse.	30	R. des Lombards.	21
Indiction.	10	R. des François.	49	R. d'Ecosse.	26
Papes.	2				

Du Monde.	4699	Papes.	3	R. des François.	50
De Iesus Christ.	563	E. d'Orient.	37	R. des Visigoths.	9
Indiction.	11	R. de Perse.	31	R. des Lombards.	22
				R. d'Ecosse.	27

ARETAS Roy des Sarrafins se transporta ceste annee à Constantinople, pour recommander ses enfans en son Royaume à l'Empereur Iustinian. Laudulfe en ses Annales.

CHRAMNE apres s'estre par l'entremise de ses amis reconcilié avec son pere, & auoir obtenu pardon de sa felonnie, fit si mal son profit de ceste grace qu'il retomba de rechef en sa rebellion, & s'enfuit à refuge vers Conoobre ou Conabo Comte ou Roy de la petite Bretagne, qui le receut & entreprit de le defendre. A cause dequoy Clotaire entra avec son camp dedans son pais, où il luy donna bataille, qui fut perdue par les Bretons, demeurant leur Prince occis sur le champ, & Chramne prisonnier; que son pere fit enclorre & brusler tout vif dedans vne maison, avec sa femme & ses filles. Ce qui semble estre aduenu par le iuste iugement de Dieu, d'auoir esté occasionné de faire luy mesme mettre à mort son propre fils, ayant auparauant inhumainement meurtry de ses propres mains les fils de son frere, qui ne l'auoient en aucune sorte offensé. Gregoire de Tours, Aimoinus, Sigebert.

ENVIRON ce temps l'Empereur Iustinian tomba en l'erreur de ceux qui estimoient que Iesus Christ auoit pris dès son incarnation vne chair immortelle & non passible: Tellement qu'il voulut contraindre Eutychius Archeuesque de Constantinople de souscrire à son opinion. Et pource qu'il demeura ferme & constant en la defense de la vraye doctrine, il l'enuoya en exil, & substitua en son lieu vn nommé Iean de Syrmie, qui presida environ 11. ou 12. ans, comme Cedrenus & vn des Nicephores recitent. Combien que Nicephore ou Landulfe tesmoigne qu'Eutychius presidoit encore à l'aduenement de Iustin, & qu'il fut couronné par luy. Euagrius aussi tesmoigne, qu'il se vouloit aussi adresser à Anastasius Archeuesque d'Antioche, qui s'opposoit de toutes ses forces à luy, si la mort ne l'eust preuenue; laquelle aussi empescha que l'ediect qu'il auoit ja fait dictier, ne fust publié, par lequel il vouloit contraindre vn chacun de croire en son erreur, lequel fut appelé des Aphtardocites.

Du Monde

<i>Du Monde.</i>	4700	<i>Papes.</i>	4	<i>R. des François.</i>	1
<i>De Iesus Christ.</i>	564	<i>E. d'Orient.</i>	38	<i>R. des Visigoths.</i>	10
<i>Indiction.</i>	12	<i>R. de Perse.</i>	32	<i>R. des Lombards.</i>	23
				<i>R. d'Escoffe.</i>	28

Le sage & excellent Capitaine Bellifarius, comparable aux plus renommez des anciens, pource que par sa vaillance l'Empereur Romain s'estoit quasi remis en son ancienne grandeur souz l'Empereur Iustinian, mourut grandement aagé en la cité de Constantinople. Georgius Cedrenus.

Ce fut merueilles que Clotaire Monarque des François, qui estoit resté seul des fils du Roy Clouis, mourut le iour mesme qu'il auoit vn an iustement auparauant fait brusler son fils en la 51. année de son regne. Ce qu'il fault entendre du commencement d'icelle seulement, comme on verra par la suite de nostre supputation, laissant quatre autres fils viuans, qui departirent derechef la Monarchie François en ses premieres Tetrarchies. Tellemēt que celle de Paris aduint à l'aîné nommé Cherebert ou Charibert: Soissons à Chilperic: Orleans avec la Bourgogne à Gontran: & à Sigebert l'Austrasie, avec les prouinces de delà le Rhin souz la ville de Metz. Nonobstāt que deuāt que paruenir à ce partage, il fallut que les trois se liguassent ensemble, & prinsrent les armes cōtre Chilperic, pour le contraindre de rēdre gorge des thresors de leur pere, desquels il s'estoit saisi. Et par le moyen d'iceux de la cité de Paris. De sorte qu'il ne peult estre que par force contraint de se contenter de la part qui luy aduint: dont il semble s'estre donné de là l'occasion de toutes les querelles qu'il eut cy apres avec ses freres, & de la dent qu'il leur porta tousiours. Touchāt le Roy Cherebert, pource qu'il fut fort addonné aux femmes, il a fait estimer qu'il a peu vescu & regné: d'autant mesmement que Gregoire de Tours n'a mis son regne en compte, combien qu'il recite qu'il fut excommunié par saint Germain Euesque de Paris, pource qu'il auoit repudié sa femme pour en reprendre vne autre: & que souz luy aussi fut tenu vn Synode prouincial en la ville de Xaintonge, auquel les Euesques d'icelle deposèrent Emelius de l'Euesché de Xaintonge, comme y ayant esté ordonné contre les statuts Canoniques. Mais d'autant que ç'auoit esté par le commandement du Roy Clotaire, Cherebert s'en trouua tellement offensé, qu'il cassa leur decret, & les fit payer vne grosse amēde pour auoir contreuenue à l'ordonnance de son pere. Pour laquelle occasion aussi il se pouuoit faire que le 2. Concile de Tours auroit esté celebré souz luy: d'autant que l'Archeuesque de Tours ne voulut pas soubssigner au precedent. Cependant Sigebert luy attribue neuf ans de regne.

<i>Du Monde.</i>	4701	<i>Papes.</i>	5	<i>R. des François.</i>	2
<i>De Iesus Christ.</i>	565	<i>E. d'Orient.</i>	39	<i>R. des Visigoths.</i>	11
<i>Indiction.</i>	13	<i>R. de Perse.</i>	33	<i>R. des Lombards.</i>	24
				<i>R. des Escoffois.</i>	29

IUSTINIAN Empereur d'Orient, aagé de 83. ans, desquels il en auoit regné seul les 38. avec trois mois & 13. iours, mourut à Constantinople le 13. iour de Nouembre, estant la 15. Indiction ia encouruē, apres auoir auparauant institué & ordonné par son testament Iustin le ieune ou second du nom, fils de sa sœur, qui estoit grand Maistre du Palais, son heritier & successeur. Lequel au moyen de ce, prit possession de l'Empire Oriental, & le gouerna depuis le iour du trespas de son oncle iusques au sien l'espace de dix ans, dix mois, vingt iours: selon le compte d'Onufrius & Zonare: encore que Cedrenus luy attribue 13. ans: la Chronologie dictée de Nicephore 12. ans, 2. mois, 20. iours. Nous auōs tesmoignage en aucunes de ses constitutions, qu'il commença de regner en la 15. Indiction, dont

l'une est ainsi datée, *Dat. xviii. Kal. Octob. Imp. D. N. Iustino. P. P. Aug. an. i. Indict. xv.* Et en vn autre, *Dat. Kal. Mart. Imp. D. N. P. P. Aug. Iustinian. v. Indictione III.*

ENVIRON ce temps, le Gouverneur d'Afrique nommé Iean, refusant la pension que l'Empereur auoit accoustumé de donner à vn Chutinas Prince de Mauritanie, fut cause qu'il mit toute l'Afrique en trouble, pour lequel pacifier l'Empereur enuoya Martianus son Lieutenant en Afrique, qui en satisfaisant aux enfans dudit Chutinas que Iean auoit fait occire, appaisa toute ceste emotion. Nicephore.

CHILPERIC ne se veit pas plustost auoir moyen de faire paroistre la mauuaise volonté qu'il portoit à ses freres, qu'il la fit incontinent sortir à effect, signamment à l'endroit de Sigebert; lequel les Huns vindrent incontinent apres le trespas de son pere (qui estoit, au dire de P. Diacre, le principal motif de les faire partir, souz l'espoir qu'ils se proposoient de bien faire leurs affaires sur les François) avec vne puissance effroyable visiter iusques dedans son Royaume. Car lors qu'il sembla estre bié empesché à les repousser & rembarrer, (côme il fit) si heureusement que leur Roy Cagan se trouuant plus loin de son cõpte qu'il n'auoit pensé, le vint le premier rechercher à appointment, & accepter celuy qu'on luy accorda, Chilperic s'alla ietter sur les pais de l'appartenance d'iceluy, tellement qu'il se saisit de la ville de Reims, & d'aucunes autres de la Champagne. Qui fut cause que Sigebert apres auoir composé avec ses ennemis, ramena son armee victorieuse à la recouffe de ses pertes : où elle luy seruit encor si bien, qu'il ne retira pas seulement le sien, mais aussi luy fit auoir sa reuange sur la ville de Soissons, qui estoit de l'estat de Chilperic, laquelle fut prise de force, & Theodebert fils d'iceluy trouué en icelle, q son oncle renuoya souz promesse de ne porter iamais les armes contre luy. Ce que Gregoire de Tours liu. 4. Aimoinus, & P. Diacre tesmoignent estre aduenü bien tost apres le trespas du Roy Clotaire. A cause dequoy Auentin s'est persuadé que Theodon 3. du nom, & Theodoual Rois de Bauiere, accompagnerent le Roy Sigebert en ceste guerre cõtre les Huns : mais s'ils l'accompagnerent aussi en la 2. guerre qu'il eut contr'eux, qui fut pour le plustost l'annee ensuiuant, il ne se peult faire que ledit Theodon soit decedé à son compte l'an 565. laissant vn fils nommé Theodopert, qui ne luy succeda pas incontinent à sa courõne, mais son dernier frere nommé Theodouald, qui se mit en possessiõ de tout le pais de Bauiere. Parquoy ou il fault que il soit decedé plus tard, ou qu'il ne se soit trouué à ladite guerre.

P A R la mort de l'Empereur Iustinian l'Eglise d'Orient recouura son repos, pource que son successeur Iustin desirât bailler quelque bon espoir de luy, rappella à son aduenement tous les Euesques, fors Eutychius de Constantinople, que son oncle auoit enuoyez en exil, & les remit en leurs sieges : puis fit publier vn edict fort seure, qui defendoit qu'il n'y eust aucun si hardy d'entreprendre de rien innouer en la Religion. Et pource que les Eglises d'Egypte estoient alors merueilleusement troublees & diuisees par l'heresie Eutychienne, & des Monothelites, que Pierre Archeuesque d'Alexãdrie & ses complices y faisoient valloir : il donna charge à vn moine nommé Photin, qui estoit beau-fils de Bellisarius, les aller remettre en vnion & tranquillité. Euagrius liu. 5. chap. 1. 2. Nicephore liu. 17. chap. 33. de l'histoire Ecclesiastique.

<i>Du Monde.</i>	4702	<i>Papes.</i>	6	<i>R. des François.</i>	3
<i>De Iesus Christ.</i>	566	<i>E. d'Orient.</i>	1	<i>R. des Visigoths.</i>	12
<i>Indiction.</i>	14	<i>R. de Perse.</i>	34	<i>R. des Lombards.</i>	25
				<i>R. d'Ecosse.</i>	30

THEODOVALD Roy de Bauiere, incité par Narles (comme on dit) de mesme façon que furent les Lombards cy apres, entra avec vne grande puissance de gens en Italie : où il s'empara par armes des villes & pais qui sont aupres du Pau. A l'occasiõ dequoy aucuns ont escrit qu'il fut appellé Roy d'Italie. Mais il mourut bien tost apres, à sçauoir l'an 567. de nostre Seigneur, auant que son nom fust quasi cogneu, laissant vn fils nommé Thassilon ou Theffalon, qui fit partage du Royaume de Bauiere avec son cousin Theodopert fils du feu Roy Theodon 3. tellement qu'il en eut sa part. Cependant les Italiens se rebellerent contr'eux:

contr'eux : qui fut cause de leur faire fauoriser les Lombards à leur arriuee en Italie, Auentin liu. 3.

ENCORE que Narfes se fust acquis par ses grands & excellens faïets pour l'Empire Romain vne si grande reputation, que son nom en estoit celebre par tout le monde, si est-ce que l'enuie ennemie coustumiere de vertu, luy suscita des malvueillans, qui l'accusèrent de faulces charges enuers l'Empereur : lesquelles eurent tel pouuoir, que l'Imperatrice luy fit enuoyer son rappel, avec lequel aussi elle luy escriuit des contumelies si picquantes, qu'il ne se peut contenir de respondre, qu'il luy tailleroit vne telle besongne, qu'elle ne la pourroit acheuer de toute sa vie. Dont il fit bien tost paroistre l'effect : car il enuoya lettres au Roy des Lombards, pour le solliciter de venir conquerir l'Italie. Et puis en laissant la ville de Rome il se retira à Naples, où il trouua la fin de ses iours bien peu deuât l'arriuee des Lombards en Italie, enuiron 12. ou 13. ans apres l'abolition du regne des Ostrogoths. P. Diacre, Anastasius. Auquel temps aussi Charles Sigonius commence son histoire du Royaume d'Italie.

ENVIRON ce mesme temps, Gontran Roy de Bourgogne & d'Orleans, disposant des estats du Royaume de Bourgogne, institua Celse Iuriconsulte, Patrice & Gouverneur de la Bourgogne Transjurane, au lieu d'Agrecula qui l'estoit auparauant. Quant à ceste dignité de Patrice, il semble qu'elle estoit alors particulièrement donnee en la France à ceux qui auoient le Gouvernement en chef du de la Prouence ou de la Bourgogne Transjurane seulemēt ; c'est à dire des prouinces les plus proches d'Italie, lesquels ailleurs se fussent appelez Ducs. Tellement qu'on les trouue par fois nommez *Patricij Transjurani*, & par sainct Gregoire Pape, *Patricij Galliarum*. Ce qui se fit possible ou à l'exemple ou æmulation de ceux auxquels les Empereurs de Constantinople & les Lombards commettoient les Gouvernemens des prouinces d'Italie souz tels tiltres.

Du Monde.	4703	Papes.	7	R. des François	4
De Iesus Christ.	567	E. d'Orient.	2	R. des Visigoths.	13
Indiction.	15	R. de Perse.	37	R. des Lombards.	26
				R. des Escossais.	31

ESTANS les 25. ans passez depuis que l'Empire eut cessé d'auoir des Consuls, & qu'on n'otoit seulement es-fastes de l'Empire, le nombre des annees qui venoient par ordre de puis le Consulat de Fla. Basilius V. C. l'Empereur Iustin fut le premier qui rompit ceste coustume, & qui se declara Consul ceste annee sans adioinct, introduisant vne autre coustume à luy & aux autres Empereurs, de ioindre la dignité Consulaire avec l'Imperiale, comme estoit auparauant la Tribunaire : ainsi qu'on voit en la datte d'une de ses constitutions, *Dat. Kal. Maias Constant. Imperij Dom. Iustini. P. P. Aug. an. III. Cons. eiusdem II.* Tellement que comme les ans de la Tribunalité signifioient les ans du regne de chaque Empereur, aussi pareillement le nombre des Consulats vint cy apres à denoter le semblable : d'autāt que les Empereurs qui ont suiuy Iustin, ont aussi tost exercé le Consulat que l'Empire, iusques bien long temps apres, excepté toutesfois l'Empereur Maurice.

LES Huns dits Auarois, habitans la contree du pais qu'on nomme aujourdhuy Autriche, entre le pais de Bauiere & la Hongrie, ne furent long temps sans se repentir de la paix ignominieuse qu'ils auoient cy deuant faicte avec le Roy Sigebert. A cause dequoy ils se mirent en deliberation de regagner leur honneur, souz quelque opinion d'en reuenir avec plus d'auantage qu'ils n'auoient fait. Tellement qu'ils se remirent aux champs avec vne grande puissance, qui mit le Roy Sigebert en necessité de retourner contr'eux, à si mauuaise heure qu'il se trouua (au dire de Gregoire de Tours & d'Aimoinus) vaincu & retenu prisonnier, au moyen (comme on estima) de certaines forcelleries dont ils vserent. Auentin afferme aussi que les deux Princes de Bauiere, à sçauoir Theodon 3. & Theodouald, furent semblablement prisonniers : mais ils conuiennent tous, qu'ils firent si bien leur faict, qu'ils eschapperent subtilement de leurs mains, ayant fait Sigebert, selon Gre-

goire, vne nouuelle paix & alliance avec eux, & avec leur Roy Cagan ou Cacane, par le moyen des presens qu'il leur fit. Combien qu'Auentin racompte qu'ils releuerēt vne autre armee si promptement, qu'ils ne donnerent loisir aux Huns de preuoir leur venue. Au moyen dequoy ils furent chargez si bien au despourueu, qu'on leur rendit facilement le change de ce qu'ils auoient donné: pource que leur Roy se veit avec son armee deffaite retenu prisonnier, & puis pour impetrer sa deliurance, contraint de s'accommoder au traité de paix qu'on fit avec luy. Ce que (selon Auentin & P. Diacre) semble estre aduenu l'annee ou la plus proche d'apres qu'ils eurent esté premierement vaincuz par Sigebert: mais si lesdits Princes de Bauiere se trouuerent à ceste guerre, il fault qu'ils soient tous deux decedez plus tard qu'Auentin n'a escrit: d'autant que Clotaire ne peult estre decédé deuant le temps que nous auons monstré. Ado toutesfois l'attribuë à la 8. annee du Roy Sigebert.

AUSBERT surnommé le Senateur, fils aîné de Vvaubert premier du nom, qui estoit (à ce qu'on dit) descendu de la race de Clodion, & tenoit de grâdes seigneuries au Royaume d'Austrasie, mourut, laissant quatre fils, lesquels il auoit eu de Blizilde fille du Roy Clotaire premier (encore qu'une Chronique ancienne non imprimee die de Clotaire second.) Dont l'aîné nommé Ansigis ou Arnoul, selon les autres Anchises, & Buggise luy succeda en ses seigneuries d'Austrasie & de Moselane, & fut pere de saint Arnoul. Les autres freres estoient appelez, Feriol, Mederic & Condulphe. Iacques Meier en ses Chroniques de Flandres, & Richard de Vassebourg en ses histoires de Lorraine.

ENVIRON ce temps mourut Dalmatius Euesque de Rhodes, homme de grande sainteté, qui auoit vescu en continence, ainsi que recite Gregoire de Tours liu. 5. chap. 46. où il declare apertement qu'il estoit encore lors en la liberté des Prestres & des Euesques d'estre mariez.

L'HERESIE des Monothelites se reueilla en ce temps és parties d'Orient: lesquels nioient qu'il y eust en Iesus Christ deux natures, l'une diuine & l'autre humaine, à cause qu'elles semblent estre contraires l'une à l'autre. Volaterranus liure 17. Antrop. Onufrius.

<i>Du Monde.</i>	4704	<i>Papes.</i>	8	<i>R. des François</i>	5
<i>De Iesus Christ.</i>	568	<i>E. d'Orient.</i>	3	<i>R. des Visigoths.</i>	14
<i>Indiction.</i>	1	<i>R. de Perse.</i>	38	<i>R. des Lombards.</i>	1
				<i>R. des Escossois.</i>	32

Commencement du regne des Lombards en Italie.

ALBION Roy des Lombards, suiuant l'aduertissement de Narfes, disposa en telle sorte du pais de la Pannonie où il habitoit, qu'il le laissa en garde à quelques Huns, à condition de se pouoir remettre dedans, le cas aduenant que son voyage ne succedast comme il pretendoit. Puis avec tout son peuple, enfans, familles, biens & bagages; ayant pareillement en sa compagnie enuiron vingt mille Saxons (qu'il auoit tirez de leur pais, souz promesse de leur faire part de sa bonne fortune) sortit de ladite Pannonie le 2. iour d'Auril en la premiere Indiction l'an 568. de nostre salut (comme P. Diacre liu. 2. chap. 6. de son histoire des Lōbards a diligemment noté conformément à la supputation qui est au Code des loix desdits Lombards) pour venir occuper & conquerir le pais d'Italie. De façon qu'il y arriua en la mesme annee: & y trouua les choses si bien disposees à sa faueur, qu'il meit d'entree toutes les garnisons de l'Empereur en fuite. Tellement que la ville & toute la contree du Freuil fut incontinent reduite en sa

en sa puissance, avec plusieurs autres grandes & riches villes d'alenuiron, les habitans desquelles fuyans la cruauté & inhumanité de ses gens, s'estoient retirez à sauueté dedans la ville de Venise. De façon qu'on tient qu'elle en prit vn beaucoup plus grand accroissement & de grandeur, & de peuple qu'elle n'auoit. Cependant le commencement du regne & domination des Lombards en Italie a esté tel, où il se trouuera auoir duré 206. ans. Paul Diacre, Blondus, Sabellicus.

Les Saxons ayans delaisé leur païs vuide d'habitans, donnerent occasion aux Sueues de s'y aller habiter, apres toutesfois auoir receu permission de ce faire du Roy Sigebert.

CHRODIN Maire du Palais d'Austrasie, personnage vertueux & vtile à la Republique, ayant cy deuant renoncé de son gré à cest estat (pource qu'estant de grand parenté, plusieurs de ses parents souz le support qu'ils esperoient de luy, se licencièrent de faire plusieurs excez & violences) l'auoit remis entre les mains du Roy Sigebert, qui en inuestit vn Gogo, personnage aussi fort renommé entre les Austrasiens: lequel il enuoya semblablement enuiron ceste annee ou la precedente en Espagne, pour demander pour luy la fille du Roy Athanagil, qui se nommoit Brunechilde ou Brunchault, à femme. De sorte qu'il l'amena avec soy à son maistre. Dequoy toutesfois elle luy rendit bien tost apres vn pauvre salaire: faisant par ses calomnies & faux donner à entendre, que le Roy Sigebert son mary le fit mettre à mort. A cause dequoy Aimoinus l'a depeincte pour vne Medee des François: combien que Gregoire de Tours l'a beaucoup plus espargnee, pour la raison possible que nous dirons cy apres: si ce n'est qu'elle se môstra autre en sa ieunesse, qu'elle fit en son vieil aage, lors qu'elle fut en auctorité de commander. Cependant Chilperic incité de l'exemple de son frere, & du mauvais bruit que luy, Cherebert & Gontran ses freres s'estoient acquis par les femmes qu'ils auoient prises indignes d'eux, enuoya semblablement demander en mariage la sœur aisnée de Brunechilde, nommée Galsonde: laquelle luy estant enuoyee, deuint si ialouse, quand elle s'aduisa que son mary entretenoit vne Fredegonde, qu'elle ne le peut dissimuler: dont elle fut trouuee morte dedans son liét. Occasion pourquoy ses autres freres luy commencerent guerre: & furent sur le point de le dechasser (à ce que dit Aimoinus) de son Royaume, s'ils ne se fussent aussi legerement departis de leur entreprise, qu'ils l'auoient commencée. Combien que Gregoire afferme qu'ils l'en deietterent tout à fait: mais il ne dit point ce qui en aduint, ne comme il s'y remeit

Les Huns dictz Auarois, prenans permission des Lombards, se remirent en possession de la basse Pannonie, dictée maintenant Hongrie, souz la conduite de leur Roy Auarius, qui y regna 29. ans. Mais ie ne voy point d'apparence d'estimer qu'il ait esté celuy qui auoit cy deuant succédé au Roy Zeliobes. Bonfinius, Ioannes Sambucus, P. Diacre, Sabellic.

Le second Concile de Tours celebré en la sixiesme annee de Cherebert Roy de Paris, ordonna quelques statuts, qui furent reduits en vingthuit Canons: aucuns desquels commandent à chacune ville & cité, de nourrir les pauvres tant domestiques qu'estrangers: & aux Prestres, de tenir leurs femmes avec eux comme ils feroient leur sœur. Les autres ne sont pas de fort grande importance, non plus que ceux qui furent faits au premier & second Concile de Paris. Liure des Conciles.

<i>Du Monde.</i>	4705	<i>Papes.</i>	9	<i>R. des François.</i>	6
<i>De Iesus Christ.</i>	569	<i>E. d Orient.</i>	4	<i>R. des Visigoths.</i>	15
<i>Indiction.</i>	2	<i>R. de Perse.</i>	39	<i>R. des Lombards.</i>	2
				<i>R. des Escossois.</i>	33

Vn differend suruint en ce temps entre les Rois Gontran & Sigebert, procedant de l'ambition d'augmenter le sien aux despens d'autrui: pource que Sigebert sans occasion valable (qui se sçache) fit saisir la cité d'Arles en son nom par vn sien Capitaine nommé Adonare, & par Firmin Comte d'Auvergne, sur le Roy Gontran, à qui elle appartenoit. Qui fut cause qu'il depescha le Patrice Celse avec vne grande armee, pour l'aller recouurer. Lequel s'acquitta si heureusement de ceste charge, qu'il la retira des mains des occupants, à leur grande honte & confusion, & la remit au pouuoir de son maistre: comme recite Gregoire de Tours liure quatriesme, chapitre trente, nous declarant par cela qu'il n'est rien de ce que Paul Æmile a écrit apres Blondus & Sabellic, que la progrez des affaires des Lombards en Italie ait esté cause que l'Empereur de Constantinople re-

R

meit la prouince entre les mains des Rois de France, afin de les faire entendre avec luy contr'eux : & que de là s'ensuiuit le motif du differend precedent d'entre les deux Rois : pource que Sigebert vouloit auoir sa part de la Prouence. D'autât mesme qu'il ne se trouue aucun autheur ancien qui face mention de ceste reddition : & que Gregoire qui viuoit alors, ne seroit excusable de negligence, l'ayant reuë : qui declare toutesfois apertement en beaucoup d'endroits, que la ville d'Arles a tousiours esté du domaine de Gontran.

A V Q V E L temps aussi Alboin Roy des Lombards, apres auoir reduit tout le pais de Friul en son obeissance, & iceluy erigé en Duché (de laquelle son nepueu Gisulphe fut inuesty) pourfuiuit si asprement la victoire, qu'il se fit encore rendre ceste annee les villes de Taruise, Vincence, Veronne, Trente, & toutes les autres du pais Venitien : où il meit ses Lieutenans & garnisons, sans que le nouveau Exarche s'osast ingerer de luy donner empeschement, n'ayant amené forces suffisantes avec luy pour ce faire.

Commencement de l'Exarchat d'Italie.



V A N D l'Italie se veit despourueë de Gouverneur par la mort de Narfes, l'Empereur commit au gouvernement d'icelle vn de ses Patrices nommé Longinus : qui fut le premier des Vicaires & Lieutenans de l'Empire, qui se nommerent d'un nom Grec Exarches. Lequel suiuant l'exemple des Goths establit le siege de sa residence en la ville de Rauenne, de laquelle il enuoya ses Lieutenans & commis en toutes ses villes d'Italie, ordonnant à chacune d'icelles son particulier Magistrat, que l'on appelloit Duc, ou Capitaine, excepté celuy de la cité de Rome, qui se nommoit President : nonobstant qu'il fust encore cy apres appelé Duc. Souz laquelle police l'Italie fut deslors gouuernee souz les Exarches, tant que les Lombards & eux y durerent : mais quand à Longinus, elle passa souz son gouvernement l'espace de quinze ans. Paul Diacre, Anastasius, Blondus, Sabellic, Onufrius. Sigonius toutesfois escrit qu'il arriua en Italie dès deuant la venuë des Lombards.

E D E I B E R T cinquieme Roy de Kentz ou des Anglois Orientaux depuis Hengistus, commença ceste annee à regner apres le trespas du Roy Hunerich, & dura son regne cinquantesix ans. On tient qu'il a esté le premier qui commença de guerroyer les autres Rois de sa nation en Angleterre, & que de leur ruine augmenta grandement l'estenduë de son Royaume. Polidore Virgile.

S. V A S T Euefque d'Arras, fort renommé à cause de la sainteté de sa vie, mourut ceste annee. Annales de France.

E N ce temps les Papes de Rome priuez de toute puissance temporelle, estant la reuerence spirituelle qu'on leur portoit au precedent, comme abastardie & aneantie par la dissimulation de leurs bonnes coustumes, qui cōmençoient desia à se passer, estoient subiects aux Empereurs, souz la cōfirmation desquels, ou de leur Exarque, bien qu'ils fussent esleuz par le Clergé & peuple de Rome, ils n'osoient accepter ou exercer leur Pontificat : ainçois d'autant que communément le siege de la Religion ensuit la puissance de l'Empire & des armes, les Euefques de Constantinople & de Rauenne disputoient souuentesfois de la superiorité avec l'Euefque de Rome. François Guicciardin liu. 3.

Du Monde.	4706	Papes.	10	R. des Visigoths.	16
De Iesus Christ.	570	E. d'Orient.	5	R. des Lombards.	3
Indiction.	3	R. de Perse	40	R. des Escosson.	34
		R. des François.	7	E. d'Italie.	1

ESTANT

ESTANT le Roy Athanagild decedé, son Royaume demeura vacquant l'espace de cinq mois, iusques à ce que les Vvisigoths eurent esleu en la ville de Narbonne en son lieu vn Prince nommé Luyba, ou selon les autres Lymba, & cōme veult Gregoire de Tours Leuuan : qui fit si peu de cas de cest honneur, que deuant qu'il fust venu au bout de la 2. annee de son regne, il resigna volontairement tout le Royaume d'Espagne à son frere nommé Leonegild, selon Gregoire de Tours Leuccilde, se reseruant seulement ce que les Vvisigoths tenoient encor deçà les monts Pyrenees : comme tesmoignent les 2. Chroniques Vvisigothes; l'vne desquelles rapporte le commencement du regne de Lymba à l'Ere DCVIII. Or le trespas du Roy Athanagild peult auoir esté cause de faire deporter les trois freres Rois de France, de plus guerroyer leur frere Chilperic.

ALBOIN Roy des Lombards, continuant ses conquestes, se fit d'vne mesme course ouurer les portes de Bresse, Bergame, Laude, Come, & des autres de la Ligurie iusques aux Alpes : & puis se vint finalement affronter à la ville de Milan, les habitans de laquelle se voulurent, souz la confiance de leurs murailles, quelque temps opiniastrer contre luy : mais ils furent si mal menez, qu'ils ne se peurent garentir d'estre pris d'assault par luy. Au moyen dequoy il y en a qui disent qu'il en fit vne grande occision : autres qu'il les receut à composition. Somme que P. Diacre declare qu'il entra dedans leur ville le 5. iour de Septembre de l'Indiction 3. Et pource que c'estoit la principale du pais, il se fit deslors saluer Roy d'Italie, prenant vne lance pour ses armoires Royales. Ce qui a fait dire à Landulfus Sagax, que les Lombards entrerent en Italie en la premiere Indiction : qu'ils commencerent de la conquerir & ravager en la seconde : mais qu'ils y establirent leur regne & domination en la troisieme. Auquel temps aussi la ville de Creme fut (au rapport de Sigonius) fondee es marefts, qui sont entre Cremone & Laude, le 16. iour d'Aoust, par aucuns peuples qui s'y estoient retirez pour la crainte des Lombards, entre lesquels se trouua vn personnage de plus grande apparée & condition que les autres, nommé Cremes, duquel ceste nouvelle ville fut ainsi nommee.

IL est certain que bien tost apres le recouurement, le Roy Sigebert enuoya vn Gentilhomme François nommé Vvarnaire, avec Firmin Comte d'Auuergne, en tiltre d'Ambassadeurs à Constantinople, pour contracter alliance en son nom avec l'Empereur Iustin : lesquels retournerent l'annee d'apres avec expedition de leur charge, telle que leur maistre demandoit, & par eux on eut aduertissement des affaires d'Orient. Gregoire de Tours.

EVGENE 3. Roy d'Escoffe, mourut en la 34. annee de son regne, & luy succeda à sa couronne, suiuant la coustume du pais, son frere nommé Connal, qui regna 10. ans. Heët. Boëthius.

LE 1. Concile de Lion, fut (tesmoin le Tome des Conciles) celebre en la 6. annee du Roy Gontran, & en la 3. Indiction. Greg. liu. 5. ch. 20. nous fait entendre, que ce fut à l'occasion de 2. Euesques nommez Salonius & Sagittarius, qui par sentence d'iceluy furent deposez, se trouuans cōuaincuz de beaucoup de crimes enormes, & d'auoir tousiours scandaleusement vesçu. Neantmoins le Roy Gontran s'affectionna si fort pour eux, qu'il les enuoya avec lettres de recomandation au Pape Iean de Rome, lequel luy estant vne telle planche presentee, les reintegra en leur degre de sa propre auctorité, sans auoir ouy leurs parties, & sans autre forme de procez. Au moyen dequoy ils se reuindrent mettre en leurs sieges, souz la faueur du Roy Gontran, où ils firent pis qu'auparauāt. Ce que les Euesques de son Royaume trouuerēt de si mauuais exemple, qu'ils ne les voulurent oncques depuis recognoistre pour freres, ny communiquer avec eux non plus qu'avec des retranchez de l'Eglise : ains firent en sorte qu'ils furent encor cy apres dechassez derechef.

ESTANT Eustachius, Euesque schismatique, & vsurpateur de l'Eglise de Hierusalem, depose par les Catholiques, Macarius retourna en son siege, duquel il auoit esté cy deuant demis, comme Onufrius a noté. Combien qu'Euagrius liu. 4. ch. 39. monstre qu'il estoit ia restitué deuant le trespas de Iustinian. Mais Anastasius Archeuesque d'Antioche, peut bien auoir esté depose au mesme temps par le plaisir de l'Empereur qui luy en vouloit, d'autant qu'il ne luy auoit voulu laisser prendre l'argent de son Eglise. A cause dequoy vn nommé Gregoire auparauant moine, duquel Euagrius rend vn honorable tesmoignage, fut substitué en son lieu ; auquel il presida selon ledit Onufrius, vingt trois ans : qui dit aussi que Iean quatriesme du nom, succeda l'annee auparauant en l'Euesché d'Alexandrie, où il presida neuf ans apres Apollinaris. Combien qu'Euagrius n'a fait mention de luy.

R ij

<i>Du Monde.</i>	4707	<i>Papes.</i>	11	<i>R. des Vvisigoths.</i>	1
<i>De Iesus Christ.</i>	571	<i>E. d'Orient.</i>	6	<i>R. des Lombards.</i>	4
<i>Indiction.</i>	4	<i>R. de Perse.</i>	41	<i>R. des Escossois.</i>	1
		<i>E. des François.</i>	8	<i>Eexarche d'Italie.</i>	2

LA cité de Milan renduë, Alboin Roy des Lombards mena toute sa puissance deuant la ville de Paue, d'autant qu'il estoit si bien informé de l'estat d'icelle, & du nombre de gens de guerre qui estoient dedans, qu'il ne la pourroit auoir sans l'acheter bien chèrement. Aussi fit-il son compte de ne retirer son camp de deuant, qu'elle ne luy fust renduë. De sorte qu'il fut acculé deuant l'espace de trois ans & aucuns mois : comme Paul Diacre mesme tesmoigne expressement; qui est vn certain aduertissement qu'Alboin ne mourut ceste annee, comme Onufrius & tous les autres ont cy deuant estimé : & qu'il faut compter les trois ans six mois que Paul Diacre & Aimoinus disent qu'il a regné en Italie, du iour de la prise de Milan : d'autant mesmement que Gregoire dit que l'Italie fut rauagee souz luy l'espace de sept ans; ioinct l'autre raison que nous alleguerons au regne du Roy Autharis. Cependant afin de recompenser le temps qu'il luy falloit perdre au siege de Paue, il laissa vne partie de son armee à la continuation d'iceluy, & mena l'autre en la Toscane.

EN ce temps commença de regner sur les Sueues d'Espagne vn Roy nommé par la Chronique Vvisigothe, Theudemire : qui les fit conuertir à la Religion Catholique, en laissant l'heresie Arrienne. Mais il semble estre celuy que le liure des Conciles appelle Ariamire ou Miriclie, pource qu'il dit qu'es seconde & troisieme annee de son regne, & en l'Ere DCX. & DCXI. furent celebrez le premier & second Synode de Brachara, en la province de Gallice ou de Portugal, qu'occupoient alors lesdits Sueues.

LA cité nommee Iustinopolis, qui est la capitale du pais d'Istrie, dicte auioird'huy Esclauonie, fut en ce temps fondee, & puis peuplee d'Istriens : ensemble aussi fortifiée & remparee de bonnes forteresses, afin d'estre rempart & defense tant à l'Italie qu'aux autres provinces de l'Empire Romain, contre les inuasions des nations barbares, par l'Empereur Iustin second, comme il se preuue par vne inscription antique, de laquelle Volaterranus & Sabellicus ont fait mention : dont nous auons bien voulu ioindre icy la coppie, qui est telle.

D. N. CÆS. IUSTINVS P. SAL. PIVS, FELIX, V. TRIB. SEMPER AVG. PONT. MAX. FRAN. MAX. GOTH. MAX. VAND. MAX. CONS. IIII. TRIB. VII. IMPER. V. CONSPICVAM HANC ÆGIDIS INSVLAM, INTIMA MARIS ADRIATICI COMMODISS. INTERIECTAM, VENERANDÆ QVONDAM PALLADIS SACRARIVM, ET COLCHIDV M ARGONAVTARVM PERSECVTORVM QVIETEM OB GLORIAM PROPAGANDAM IMP. S. C. Q. IN VRBEM SVI NOMINIS EXCELLENTISS. NVNCVPANDAM ET HONESTISS. P. P. P. DESIGNAVIT, FVNDAVITQVE C. R. P. Q. ET GENTE HONESTISSIMA REFERTAM.

<i>Du Monde.</i>	4708	<i>Papes.</i>	12	<i>R. des François.</i>	9
<i>De Iesus Christ.</i>	572	<i>E. d'Orient.</i>	7	<i>R. des Vvisigoths.</i>	2
<i>Indiction.</i>	5	<i>R. de Perse.</i>	42	<i>R. des Lombards.</i>	5
				<i>R. d'Escoffe.</i>	2
				<i>E. d'Italie.</i>	3

L'AN septiesme del'Empire de Iustin, la paix qui estoit entre les Perfes & les Romains, fut (comme tesmoignent Nicephore en ses Annales, Cedrenus & Landulphus Sagax) rompuë : à cause que l'Empereur Iustin receut en sa protection les haults Armeniens, qui sont

sont appelez par Euagrius liure cinquiesme chapitre huit, Persarmeniens (pource qu'ils estoient de long temps subiects des Perses) & par les auteurs precedens Homerites : qui s'estoient rebellez contre le Roy de Perse, à l'occasio de ce qu'il les traittoit trop mal pour l'amour de la Religion Chrestienne qu'ils auoient embraslee : & souz la conduite d'un Vardanes, auoient mis à mort tous leurs Princes & Gouverneurs. Ioinct aussi qu'on cessa de payer la pension au Roy de Perse, qui auoit esté cōuentie cy deuant avec luy, pour l'entretenir en paix avec l'Empire. Tant y a cepédant que Iustin fut le premier qui enuoya ses Ambassadeurs vers Archetas Roy de quelque canton d'Arabes, selon d'autres des Æthiopiens, qui estoit Chrestien, pour contracter alliance avec les Perses : laquelle fut si facilement accordée, qu'il s'en alla tout aussi tost ietter avec sa gent dedans le pais des Perses, & y fit un merueilleux degast, se monstrant beaucoup plus ardent à satisfaire au desir de l'Empereur, qu'iceluy ne fit à poursuiure son entreprinse. Car il donna seulement charge à un de ses Capitaines nommé Martianus ou Martin, de commencer la guerre sans luy mettre une armee suffisante en main, pour venir à honneur de quelque grande entreprinse.

Au mesme temps vint un Ambassade de la part des Huns, qui furent aussi appelez Turcs, par la region des Alains, à l'Empereur Iustin : laquelle le conferma grandement en la deliberation de la guerre contre les Perses, tefmoins les auteurs precedents qui en ont escrit.

D'AVTREPART Alboin faisoit avec les Lombards si bien son faict en ce temps en la Toscane, qu'il ne s'adressa en lieu d'où il ne reuint à honneur. Aucuns estiment que ce fut lors qu'il erigea le pais de Spolet en Duché, duquel Faroald fut le premier inuesty. On pense aussi qu'au mesme voyage les villes de Dertone, Parme, Plaisance, Brixelles & Mutine, vindrent en son obeissance.

LEONE GILD, ou selon d'autres Leuigild, suiuant la permission de son frere, regna en Espagne (au compte des deux Chroniques Vvisigothes) dixhuit ans : mais l'estime qu'il en regna treze seul, & enuiron de dixsept à dixhuit avec son fils Riccaredo, cōme nous monstrerons par la suite. Gregoire de Tours dit qu'il espousa en secondes nopces Gunfinuthe mere de Brunehilde, & eut deux fils de sa premiere femme, l'un desquels espousa aussi la fille du Roy Sigebert, & l'autre du Roy Chilperic.

A Carentius Roy des Bretons d'Angleterre decedé, succeda enuiron ce temps le Roy nommé Cadicanus.

FORTVNATVS natif d'Italie florissoit en ce siecle, lequel estât allé visiter le sepulchre de saint Martin, où il esperoit trouuer guerison du mal qu'il auoit aux yeux, fut fait Euesque de Poitiers : en laquelle charge il composa la vie de saint Hilaire, & les miracles de saint Martin, avec 77. Hymnes. Tritemius & l'Abbé d'Vrsperg.

<i>Du Monde.</i>	4709	<i>Papes.</i>	13	<i>R. des François.</i>	10
<i>De Iesus Christ.</i>	573	<i>E. d'Orient.</i>	8	<i>R. des Vvisigoths.</i>	1
<i>Indiction.</i>	6	<i>R. de Perse.</i>	43	<i>R. des Lombards.</i>	6
				<i>R. d'Escoffe.</i>	3
				<i>E. d'Italie.</i>	4

QUELQUE petit nombre de gens que Martianus ou Martin Lieutenant de l'Empereur eut avec luy, il ne laissa pas de faire si bien son deuoir, qu'il entra dans le pais des Perses : & ayant rencontré une troupe d'eux aupres d'une ville qu'on appelloit Sagarthon, le combatit si heureusement qu'il obtint victoire, laquelle nonobstant qu'il l'eust assez cherement achetée par la perte d'un grand nombre de ses gens, luy fit prendre la hardiesse d'aller assieger la cité de Nisibis : mais pource qu'il demeura trop à la prédre, à cause qu'elle estoit trop bien defendue, & qu'il n'estoit assorty d'une armee conuenable pour la forcer, l'Empereur estimant qu'il y eust de sa faute, luy enuoya trop inconsiderément un successeur, homme arrogant & inhabile d'une telle charge, nommé Acatus, & par les autres Archelaus : dont les soldats qui estoient au siege de Nisibis furent si mal-contens, qu'ils quitterent honteusement le siege, & se desbanderent. Au moyen dequoy Chosroes venant

avec ses forces, apres qu'il les eut assemblees, assiegea la ville de *Circesium*, qui n'estoit sur les frontieres de l'Empire Romain.

EN ses entrefaittes la ville de *Sirmium* en la Pannonie, habitee des Gepides, fut prinse par les Auarois, apres qu'ils eurent deffaits les Romains en vne rencontre. Euagr. liu. 5. ch. 8. 9. 10. Niceph. en ses Annall. Landulfus Sagax, Cedrenus.

ALBOIN Roy des Lombards, apres auoir reduit en sa puissance quasi toute la Toscanne & le pais d'Urbain qu'on appelloit Vmbrie, s'en reuint au siege de Paue: lequel il poursuiuit de telle opiniaistreté, qu'il fit en fin quitter aux assiegez leur constance, pour se rendre à sa mercy. Au moyen dequoy il entra dedans leur ville, & l'ayant disposée en l'estat qu'il voulut, il y establit son siege royal. Sigonius.

CHEREBERT ou Charibert Roy de Paris mourut (au rapport de Sigebert & des Croniq. de Frâce) en la 9. année de son regne, sans laisser aucuns enfans mâles, ny sans auoir laissé dequoy parler de luy en bonne façon. Qui fut cause de faire entrer ses freres en grande controuersie pour la succession d'iceluy, laquelle se tourna finalement en guerre, qui fut au dire de P. Æmile de longue duree. Neantmoins encore que Gregoire de Tours & Aimoinus en ayent fort confusément & indistinctement parlé, sans designer le temps qu'elle commença, ny quand Cherebert mourut: si est-ce toutesfois que Gregoire declare liu. 4. chap. 40. & liu. 5. chap. 48. qu'ils firent vn partage entre eux du Royaume d'iceluy, suyuant lequel les villes de Tours & de Poitiers avec l'Anjou aduindrent à Sigebert. Mais il ne dit point expressement qu'elle part eurent les autres, sinon qu'il nous donne ailleurs aucunement à entendre, que Chilperic obtint vne partie de la Normandie avec Rouën: Gontran le Berry, Perigueux avec la Gascongne. Mais ils retindrent tous leur part en la ville de Paris, faisant vn compromis que nul d'eux n'entreroit cy apres en icelle sans le consentement des deux autres. A cause dequoy Gontran disoit cy apres, que ses deux freres auoient fait mauuaise fin pour auoir faussé leur serment.

AV mesme temps aussi Vvaubert 3. du nom, seigneur du pais d'Ardenne & de Hainaut, deceda, laissant deux fils, l'aîné nommé Vvaubert, qui fut 4. du nom: lequel succeda aux estats de son pere, & fut aussi pere de la Princesse Vvaultrude, qu'on a canonizée entre les saintes. Lepuisnay appelé Brunulfe, obtint pour son partage quelques autres seigneuries du pais de Hainaut & d'Alsatie: & fut aussi pere de celle qu'on appelloit sainte Aye, & de la Princesse Clotilde. Richard de Vvassebourg.

LE premier & second Synodes de Braccara en Espagne furent celebres en Ere Dcx. & DCXI. Aufquels les heresies de Sabellius, Samosatenus, Marcion, des Priscillianistes & des Gnostiques, furent condamnez, & quelque statuts ordonnez pour la police & discipline des Eglises: quelques vns desquels commandent de solemnizer la feste de la natiuité de nostre Seigneur selon la chair: d'autres anathematizent ceux qui s'abstiennent de manger chair, non pour abstinence qui leur serue à dompter la chair de leur corps, mais pour superstition. Vn autre aussi enioint de receuoir l'usage du seruice diuin selon la forme de l'Eglise Romaine. Et si ordonne que lon exorcise & adieuze les enfans, quand ils son nez, 20. iours deuant qu'on les baptize. Liu. des Conciles.

<i>Du Monde.</i>	4710	<i>Papes.</i>	14	<i>R. des François.</i>	11
<i>De Iesus Christ.</i>	574	<i>E. d'Orient.</i>	9	<i>R. des Visigoths.</i>	2
<i>Indiction.</i>	7	<i>R. d'Italie.</i>	5	<i>R. des Lombards.</i>	7
		<i>R. de Perse.</i>	44	<i>R. des Escoffois.</i>	4

CELVY que Euagrius appelle Chosroes Roy des Perles, qui tenoit la ville de *Circesium* assiegee, & à qui l'Empereur Iustin auoit commencé la guerre, est es Annales de Niceph. & en Cedrenus nommé Hormisda. Ce qui me fait estimer que c'estoit le fils à qui le pere donna la charge & conduite de son armee & de ceste guerre, à cause de sa vieillesse, contre les Romains. Mais tant y a que son siege dura deuant *Circesium* cinq mois: pendant lequel temps il enuoia vn de ses Capitaines nommé Adaarmenes ou Arimardanes, selon Cedrenus

Cedrenus, Artabanus, avec vne partie de sa gendarmerie, pour aller courir & rauager les prouinces de l'Empire. Lequel trouua si peu de resistance deuant soy, qu'il prist la ville de Daras : & paruint iusques deuant la ville d'Antioche, laquelle il eust facilement prise, si se fust hazardé de l'assaillir, d'autant qu'il n'y auoit aucunes gés de guerre dedans, & que la pluspart des citoyés s'en estoient fuis avec leur Euesque. Mais la grandeur d'icelle luy fit ignorer l'opportunité qu'il auoit de la prendre. Parquoy il s'alla recompenser sur les villes d'Heraclee & d'Apamee en Syrie, qui ne se peurent garentir de tomber en ses mains. Au moyen dequoy il les donna en proie & pillage à ses gens. Et puis s'en retourna ioindre au camp de Chosroes ou de son fils Hormisdas deuant Circesium, laquelle luy fut finalement renduë au bout du temps déclaré cy dessus, qui se trouua en huiuer. Parquoy apres la reddition d'icelle, il ramena son camp hyuerner en son Royaume, ayant causé vn tel estonnement à tout l'Empire Romain, signamment à l'Empereur Iustin, qu'il en tomba de despit & de desplaisir en phrenesie, & en vn deuoyement d'entendement. Qui fut cause que l'Imperatrice Sophie sa femme, & ceux de son conseil, afin de remedier aux necessitez & affaires de son Empire, & pource qu'il n'auoit aucuns enfans, le conseillerent par sa femme d'adopter pour son fils & successeur Tiberius Anicius Constantius natif d'assez bas lieu au pais de Thrace, mais homme fort vaillant & bien entendu au faict de la guerre: auquel il fit quant & quant prendre le nom & appellation de Cesar le 13. iour de Nouembre, & avec iceluy l'administration des affaires de la republique. Ce que Nicephore ou Landulfe en ses Annales de Constantinople dit estre aduenü en la 9. annee de Iustin, apres la trefue faicte avec les Perles pour vn an, ou selon Euagrius pour trois. Ce qui semble estre le plus vray: pource qu'il ne se voit point en aucun d'eux qu'il y ait eu depuis ceste trefue aucune guerre entre les Perles & les Romains, qu'apres le trespas de Iustin.

O R fut ceste trefue trafiquee par vn sage personnage nommé Trajan, qui alla de la part de l'Imperatrice Sophie, non de son mary, vers le Roy de Perse pour l'obtenir: & pour luy remonstrer que son mary estant malade, ce luy seroit peu d'honneur de faire la guerre à vne femme.

É T A N S les Rois de France en controuersé pour la succession de leur feu frere Chilperic, fut le premier qui commença de quereller à bon escient. Car il surprist d'emblee les villes de Tours & de Poictiers, qui estoient du partage du Roy Sigebert. Lequel à ceste occasion demanda confort au Roy Gontran, qui luy enuoia le Patrice Mumole pour conduire sa guerre: par la vaillance duquel Clouis fils de Chilperic fut chassé de Tours, où il s'estoit rendu le plus fort. Mais il eut rencontre avec deux certains Comtes Basile & Sigare, qui le voulurent avec leurs gens empêcher d'approcher de Poictiers. Combien que ce fut à leur grand malheur: car ils furent quasi tous deffaits & taillez en pieces. Au moyen dequoy la ville de Poictiers se remit entre les mains du Roy Sigebert, qui auoit vn Capitaine nommé Sigulfe, lequel aiant veu Clouis s'estre au partir de Tours retiré à Bordeaux, l'y alla encore poursuiure, si chaudement qu'il la luy fit abandonner, & se sauuer vers son pere à Angers: comme tesmoigne Gregoire de Tours liu. 4. chap. 40. & 47. nous signifiât ailleurs que cecy estoit aduenü deuant qu'il fust ordonné Archeuesque de Tours, apres le trespas de son predecesseur Euphronius: qui mourut (comme il nous a admortesté environ l'onzième annee du regne de Gontran: d'autant qu'il dit que la 31. d'iceluy fut la 21. de son Archiepiscopat. A cause dequoy l'auteur de la vie dudit Gregoire a iustement dit, qu'il fut esleu Archeuesque 16. ans deuant l'election de S. Gregoire Pape, & 172. ans apres le trespas de S. Martin.

LA prise de Paue causa vn tel espouuamment à toute l'Italie, que beaucoup de villes & de pais qui ne s'estoient encore rendus au Roy Alboin se vindrent volontairement soubmettre à luy. Et sembloit q le reste eu deust faire le semblable en peu de tēps, si sa femme nommee Rosemunde (qu'il auoit prise en secondes nopces apres le trespas de Clotofinde fille du feu Roy Clotaire sa premiere) ne luy eust procuré & auancé sa mort le 25. iour de Septembre en la ville de Veronne, où il tenoit son conseil pour ordonner de l'estat de son Royaume (ayant esté incitée à ce faire du despit qu'elle conceut de ce qu'il l'auoit auparauant contrainte de boire dedans vne couppe faite du taiz de son feu pere Gomund Roy des Gepides (lequel il auoit occis en vne bataille) & pource qu'il ne laissa aucuns enfans de soy, les Lombards esleurent vn de leurs Princes nommé Clephe ou Clepho, pour leur

R iiii

Roy en son lieu, qui regna dixhuit mois ou environ. Et fut aussi-peu humain & gracieux envers les Italiens, qu'auoit esté son predecesseur. Paul Diacre, Anastasius, Aimoinus, Onufrius.

LEVVIGILD desirant agrandir sa puissance, commença la guerre aux peuples & villes qui ne luy rendoient obeissance. Tellement qu'il subiugua les Aregenses, & s'empara des villes de Sabarie & d'Orospide. Qui fut cause que toutes les autres se mirent en ligue ensemble contre luy. Chronq. Vvisigothe.

JEAN 3. du nom Pape de Rome, surnommé (tesmoin Euagrius) Catellinus, mourut selon Onufrius ceste année le 13. iour de Juillet, laissant le siege papal vaquant l'espace de 10. mois & 3. iours. Combien que le liure pontifical (qu'on attribue à Anastasius) tesmoigne qu'il estoit decedé en la mesme année que Narfes: & que son successeur commença de gouverner l'Eglise Romaine lors que les Lombards entrerent en Italie.

<i>Du Monde.</i>	4712	<i>Papes.</i>	1	<i>R. des François.</i>	12
<i>De Iesus Christ.</i>	575	<i>E. d Orient.</i>	10	<i>R. des Vvisigoths</i>	3
<i>Indiction.</i>	8	<i>R. de Perse.</i>	45	<i>R. des Lombards.</i>	1
				<i>R. des Escossois.</i>	5
				<i>E. d Italie.</i>	6

CLEPHE Roy des Lombards voulant suiure les erres de son predecesseur, se mit en deuoir d'estendre & amplifier le Royaume qu'il luy auoit laissé par ses conquestes. Tellement qu'il reduisit en sa puissance la ville de Tanet, & celle qu'on nommoit anciennement *Forum Cornelium*: où il fit construire vne forte citadelle, qu'il nomma *Imola*: afin qu'elle luy fust comme vn rampart contre ceux de Rauenne. A cause de laquelle toute la ville en fut nommee cy apres du mesme nom. Sigonius.

A v mesme temps vn different se mit entre les Rois Gontran & Sigebert, à cause (comme on pense) de leurs partages, auquel toutesfois Gontran se voulut remettre au iugement des Euesques. De sorte qu'il fit assembler pour ce fait ceux de son Royaume de Paris. Mais Sigebert refusa des'y soumettre. Parquoy ils entrerent en mauuais mesnage ensemble. Lequel sembla à Chilperic luy presenter occasion de retirer la ville de Tours & autres de dessus la Loire, avec Poitiers & le reste de la Guienne, en son obeissance. Tellement qu'il y enuoia son fils aîné Theodebert à ceste fin. Où il eut rencontre avec Gondebald Lieutenant de Sigebert, lequel il mit en routte. Au moien dequoy les villes & places qu'il pourchassoit, luy ouurirent les portes, pour se soubmettre à la deuotion de son pere: combien que ce fut apres auoir fait vn horrible degast és pais de Limoge & de Cahors, sans y espargner temple ne monastere ne prestre ne moine ny fille: Comme recite Gregoire de Tours liu. 4. chapitre 47. Mais au liu. 5. chap. 48. il demonstre que ceste prise de la ville de Tours se fit ou à la fin de l'onzième année du Roy Gontran, ou en la douzième. Car il dit qu'il n'y auoit pas encor long temps qu'il estoit esleu Archeuesque de Tours.

A Celse Patrice de la Bourgongne transurane & de la Prouence decedé, fut substitué environ ce temps par le Roy Gontran vn nommé és exemplaires imprimez de Gregoire de Tours, Peritius, mais par les non imprimez Amatus: lesquels au lieu de Peritius escriuent Patritius, autres Pœnius: souz lequel (ce qui n'a esté autrement specifié par les auteurs, mais il semble bien que ça esté bien tost apres le trespas du Roy Alboin) les Lombards incitez & de leur prosperité & de l'occasion qui les inuitoit (à l'opinion d'aucuns) d'aller pescher és troubles de la France, ou possible par leur nouveau Roy, qui vouloit plus faire que n'auoit son predecesseur, ou bien pource qu'ils scauoient que les Rois de France auoient fait alliance avec l'Empereur Iustin, & mesprisé la leur, s'ingererent de sortir en grand nombre hors de l'Italie: & ayants passé les Alpes, de venir ietter leur tempeste dedans la Bourgongne Transurane; de telle furie que le Patrice Amatus voulant faire deuoir de les rembarrer, fut avec son armee qui estoit de Bourguignons, defait & mis en pieces par eux. Au moien dequoy ils s'en retournerent avec l'honneur d'une belle victoire, chargez & de despouilles & d'un grand butin en Italie. Gregoire, P. Diacre, Aimoinus,

Aimoinus, or ceste venue de Lombards pourroit bien auoir esté cause de faire mettre fin à la querelle qui estoit entre les Rois Gontran & Sigebert. Car il ne se lit point en noz auteurs comme elle fut appaisée.

T H A S S I L L O N Duc ou Roy de Bauiere fonda ceste année le monastere ou escole ecclesiastique de Vveltembourg pres le Danube, au lieu où l'ancienne Colomnie des Romains ditte *Artobriga* estoit située. Auentin liu. 3.

LE V V I G I L D poursuiuant sa chance rangea par force toutes les villes qui luy estoient desobeissantes. Auquel temps aussi Myron succeda à Theudemire au Royaume des Sueues en Espagne, & regna 14. ans: Selon que tesmoigne la Chronique Vvisigothe. Mais il mourut (comme elle veut) deuant ledit Leuuigild, il faut qu'il ait regné moins.

B E N E D I C T ou Benoist 1. de ce nom, appelé par Euagr. Bonossus fut esleu ceste année le 17. iour de May pour gouverner l'Eglise Romaine: tellemēt qu'on fait compte qu'il presida iusqu'à son trespas l'espace de 4. ans, 2. mois, 15. iours.

V N certain Abbé nommé Egippius, escriuit en ce temps vne regle pour les moines, selon que tesmoigne Triterius. A cause que depuis que les moines se furent vne fois permis de faire des regles à leur discretion, tous ceux qui eurent quelque credit & autorité entr'eux, y besongnerent comme ils l'entendoient.

<i>Du Monde.</i>	4713	<i>Papes.</i>	2	<i>R. des François.</i>	13
<i>De Iesus Christ.</i>	576	<i>E. d'Orient.</i>	11	<i>R. des Vvisigoths.</i>	4
<i>Indiction.</i>	9	<i>E. de Perse.</i>	46	<i>R. des Lombards.</i>	1
				<i>R. d'Escoffe.</i>	6
				<i>E. d'Italie</i>	7

V N maladie de iambes s'attacha de telle sorte à l'Empereur Iustin, que sans y pouoir trouuer remede conuenable elle le fit mourir le second iour d'Octobre en la ville de Constantinople. Au moyen dequoy Fl. Tiberius Anicius Constantius, suiuant le droit de son adoption, entra en possession de l'Empire apres luy, & le gouerna au iugement de tous les gens de bien avec vne grande loüange de preudhommie & de liberalité l'espace de 6. ans, 10. mois, 11. iours. Si d'auenture son predecesseur mourut en l'onzième de son regne, comme Onufrius & Sigonius avec Ado & autres ont escrit. D'autant que Nicephore estime que ce fut au 12. & en sa Chronologie au 13. Dequoy aussi Cedrenus & Zonare conuiennent avec luy: comme fait aussi Euagrius liu. 5. cha. 23. où il declare qu'il regna seul 12. ans, 10. mois, & demy, & son successeur apres luy 4. seulement.

L E S Lombards se trouuerent tellement affriandez du premier bon heur qui leur estoit adueni en France, qu'ils le voulurent encore l'année d'apres reuenir tenter, passants de rechef les Alpes en plus grand nombre qu'ils n'auoient fait. De sorte qu'ils se rendirent avec plus d'assurance dedans le pais d'Ambrun en Daulphiné. Mais Gontran ayant preueu leur venue, auoit subrogé en l'estat de Patrice au defunct vn Capitaine nommé Ennius, & surnommé Mumolus (par Fortunat Mumolenus) de qui il se promettoit beaucoup. Lequel aussi pour satisfaire à l'opinion qu'on auoit de luy, s'alla si vertueusement opposer à eux avec l'armée qu'on luy mit en main, qu'il leur fit payer avec grande vsure l'amende de leur folle reuenue, par vne plus lourde estrille qu'il leur rendit, que celle qu'ils auoient donnée à son predecesseur en vne memorable bataille qu'il gagna sur eux. Ce Mumole au reste estoit à ce que dit Gregoire issu d'un assez bas lieu de la ville d'Auxerre (nonobstant que Fortunat afferme qu'il estoit d'ancienne race) & de degré en degré parueni par sa vaillance & industrie à telle reputation qu'il fut trouué digne d'une telle charge. Mais comme il se voulut auancer par un mauvais commencement, ayant malicieusement supplanté son pere en la Comté d'Auxerre, qui estoit lors autant que Iuge ou Baillif, aussi en receut-il par la iustice diuine vne mauuaise fin. Gregoire de Tours liu. 4. chap. 36. Aimoinus, P. Diacre. Quant à ce que le continuateur de Gregoire nommé Fredegair Scholastique, rapporte la venue des Lombards au tēps qu'ils furent gouvernez par les Ducs, celà se peut plus aisément confesser de la dernière que des premières, puis qu'elles se sont toutes faites deuant le trespas du Roy Sigebert.

A V S S I qu'il se peut bien faire que le malheur qui leur aduint à la seconde venue, fut

en partie causé qu'ils prindrent leur Roy Clephe en telle haine (avec ce qu'il deuint trop cruel & felon enuers eux) que ses domestiques mesmes le mirent à mort: & que se trouuâs degoustez du gouuernement des Rois, entrerent en appetit d'un autre. Qui les fit choisir 30. ou 36. Capitaines d'entre eux, qu'ils nommerent Ducs: lesquels departirent leur Royaume en autant de Duchez qu'ils estoient, prenans chacun la sienne à gouuerner. De sorte que Paue fut en ceste maniere faitte Duché avec ses depêdêces, qui aduint à Zabban, Milan à un Alboin, Bergame à Vallary, Bresse à Alahis, Trente à Eoin. Lesquels avec les autres se conduirent souz ceste police l'espace de dix ans. Durant lesquels ils firent si bien leurs affaires, que grande partie de ce qui restoit en Italie, où les Rois precedents n'auoient encore touché, fut par eux conquis & reduit en leur obeissance: comme la contrée d'Vmbrie ditte au iourd'huy Vrbain (encore que d'autres disent qu'Alboin y auoit ja mis la main) & celle partie de la Marche d'Ancone qui voisine l'Appennin, à laquelle ils donnerent un Duc qui faisoit sa residence à Spolete: qui fut l'origine de la Duché de Spolete. On tient aussi qu'ils se faquirent encor des pais des Peligniens & des Samnites, & de toute la Cāpagne d'Italie (qu'on dit la Terre de labeur) excepté de Naples & de Pozzolo. Ensemble aussi de tout ce qui est compris entre lesdites contrées maritimes & la ville de Tybur iusques à Rome, laquelle il ne leur fut possible de reduire en leur puissance. Mais il est certain qu'ils establirent avec tout celà la cité de Beneuent en Duché, souz lesquels ils comprindrent certaines villes & pais, lesquels ils soubmirent au gouuernement d'un Duc, Paul Diacre, Anastasius, Blondus, Pandolfo, Collinnutio, Sabellic Sigonius.

D'AUTREPART Sigebert Roy d'Austrasie irrité de la brauade que luy auoit faite son frere Chilperic, se mit en teste d'en auoir sa raison à quelque prix que ce fust par vne puissante armee qu'il mit aux champs, tant des nations de deça que de delà le Rhin. Laquelle fit telle peur à Chilperic, qu'il se mit de confederation avec le Roy Gontran, qui promit de fermer le passage à Sigebert par ses terres. Mais quand se vint au point de le faire, & qu'il vit que la nuee fust tombee premierement sur luy, il l'aima mieux laisser aller son cours que de recevoir le danger d'autrui sur soy. Tellemēt que l'armee de Sigebert passa par ce moïé iusques au pais qui est entre Chartres & Paris, mettant le Roy Chilperic en telle perplexité qu'elle le fit deffier du hazard de la guerre: parquoy il aimait mieux faire offres de paix à son frere (par lesquelles il luy rēdit ce qu'il auoit occupé souz luy) que d'exposer sa fortune au iugemēt d'une bataille. Ce qu'estant accepté par Sigebert, il remena son armee en son pais. Tesmoin Greg. de Tours li. 4. ch. 49. Mais au li. 5. ch. 48. il declare que la ville de Tours demeura encore 2. ans souz la main de Sigebert depuis ce dernier recouurement d'icelle.

MIRON en la 2. année de son regne fit guerre aux Rocconiens, lesquels il subiugua. Chroniq. des Vvisigoths.

MERLIN Caledonien dit le Sauvage florissoit en ce tēps souz le Roy Maglocunnus des Bretons. Et disent Ranulfe & Treuisa que c'est luy qui predisoit les choses futures, & non l'enchanteur qui auoit long temps auparauant vescu souz le Roy Vvortigerus.

ESTANT Iean Scholastique Patriarche de Cōstantinople decedé, Eutychius fut reintegré au gouuernement de ladite Eglise, duquel il auoit esté cy deuant demis & deietté par l'Emperer Justinian: tellement que l'Emperer Tybere fut couronné par luy. Zonare.

<i>Du Monde.</i>	4714	<i>E. d'Orient.</i>	1	<i>R. des Vvisigoths.</i>	5
<i>De Iesus Christ.</i>	577	<i>R. de Perse.</i>	47	<i>R. des Lombards.</i>	2
<i>Indiction.</i>	10	<i>R. des François.</i>	14	<i>R. d'Escoffe.</i>	7
<i>Papes.</i>	3			<i>E. d'Italie.</i>	8

LA premiere année de l'Empire de Tibere l'occupa totalement tant à establir son estat qu'à reprimer les complots & machinations de ses auersaires contre luy, lesquels vouloïent esleuer au siege Imperial Iustinian nepueu du grand Iustinian & cousin de Iustin, signamment la vesue d'iceluy, qui se faschoit de ce que Tibere ne la pouuoit espouser comme elle festoit proposee du viuant de son mary, estimant qu'il ne fust point marié selon qu'il faisoit entendre lors. Nonobstant celà toutesfois il se monstra si benin & debonnaire enuers ce Iustinian, qu'il luy donna le gouuernement des prouinces d'Orient, avec la conduite de la guerre contre les Perfes: pource qu'ayant esté enuoié vers le Roy Chosroes pour

pour renouveler les trefues qu'il auoit faictes avec l'Empereur defunct, & pour l'aduertir de la promotion de Tybere, n'auoit donné responce que de guerre. Cependant Tybere fit porter d'Egypte en Italie vne grande quantité de froments, pour soulager le default de viures qui affligeoit grandement les Romains & Italiens, au moyen des falcherics que les Lombards leur donnoient. Nicephore, Landulfus Sagax.

ENVIRON ce temps Theodopert Duc d'une partie de Bauiere mourut, laissant vn fils nommé Gariouald, qui au moyé de l'absence de Thassilon Prince de l'autre partie de Bauiere, qui estoit lors avec le Roy de Metz, se mit en possession non seulement de ce qui luy appartenoit, mais aussi de tout le reste du Royaume de Bauiere entierement. Et en conceut vne telle presumption, qu'il s'en fit nommer Roy : & puis s'allia des Lombards. Ainsi Thassilon frustré de son bien, fut contraint de demeurer en la Cour du Roy d'Austrasie. Auentin liu.3.

QUELQUE temps apres la deffaite des Lombards en la Prouence, les Saxons qui les auoient accompagnez à la conqueste d'Italie, souz espoir d'auoir part en leur fortune, se voyans non seulement frustrés des promesses qu'on leur auoit faites, mais aussi mal-traittez, voulurent venir chercher quelque meilleur party en la France : mais estans entrez és prouinces du Roy Gontran, & s'y portans comme en terre d'ennemis ou de conqueste, furent si lourdement rembarrez par le Patrice Mumole, que force leur fut de repasser en Italie, apres auoir iuré de se reuenir rendre au seruice, & à la subiection des François. De sorte que suiuant ceste capitulation ils s'en retournerent querir leurs femmes, enfans & toutes leurs hardes : lesquels ils ramenerent consequemment en la France, où ils obtindrent finalement permission du Roy Sigebert de passer, & s'en aller recouurer leur ancien pais, duquel ils estoient partiz auparauant, & auquel ils eurent cy apres vne grosse guerre contre les Sueues, qui s'y estoient ia habitez & accommodez : comme recitent Gregoire de Tours liu.4.ch.37. P. Diacre & Aimoinus : lesquels declarent aussi que les mesmes Saxons tromperent beaucoup de gens en ce passage, leur vendans pour vray or des lingots d'airain si naïfement teints en or, qu'ils sembloient estre fin or & naturel. Ce qui monstre que l'imposture des Alchimistes se praticquoit ia deslors. Or combien qu'il ne se lise en aucun historien, que Sigebert ait eu autre affaire avec les Saxons, que celle que nous venons de reciter : neantmoins le Poëte Fortunat fait mention en son liu.2. d'une course & entreprise que les Saxons firent en la Turingie, au temps du Roy Sigebert, qui fut cause qu'il enuoya contr'eux vn de ses Capitaines nommé Loup, pour les repousser : lequel en fit vne grande desconfiture aupres d'un fleue qu'on appelloit Hordaha. Et en vn autre endroit, il dit encor que le mesme Roy eut vne 2. guerre contr'eux, en laquelle il se trouua en personne à vne grosse bataille qu'il leur donna, dont il obtint la victoire ; y ayant perdu les 2. fils d'un vaillant personnage nommé Conda, qui le seruoit de grand Maistre, ayant exercé le mesme estat souz les 3. autres Rois d'Austrasie ses deuanciers. Je ne sçay toutesfois si nostre Poëte auroit point pris les Saxons pour les Huns, desquels nous auons parlé cy deuant ; ou bien pour les Sueues, qui occuperent le pais des Saxons.

TANT y a qu'au depart des Saxons de France, succeda incontinent apres vn troisieme retour des Lombards en icelle, qui s'y promettoient possible quelque meilleure rencontre qu'au auparauant, au moyen de la dissension des Rois. De sorte que pour y mieux faire leur faict, ils se departirent en trois troupes, souz la conduite de 3. Capitaines nommez Zaban (qui estoit comme on dit Duc de Paue) Rodane & Aino : & ayans passé les monts par diuers lieux, Zaban se vint rendre deuant Valence, qu'il assiegea : Rodane au pais de Grenoble, & Aino dedans la Prouence. Mais comme chacun d'eux s'efforçoit de faire sa main en son quartier, Mumole Lieutenant du Roy Gontran vint avec l'armee de son maistre attaquer premierement la troupe de Rodane de telle vaillance, qu'il la fit quasi toute passer par le fil de l'espee, sans en laisser eschapper que bien peu, qui par la faueur des bois & montagnes se sauuerent avec leur Capitaine vers Zaban, lequel toutesfois n'eschappa à meilleur marché des mains de Mumole, qu'eux : car luy & sa troupe furent encore pirement traittez par iceluy. Ce qui fit si sage Aino, qu'il n'attedit pas que la gresle vint encore à tomber sur luy, ains abandonnant son butin, regaigna le deuant en Italie avec ses compagnons : donnant occasion à vn autre Capitaine François nommé Crammiche, de les poursuiure iusques sur les frontieres d'Italie, où il prit & saccagea vn Chasteau nommé par Aimoinus Anagnie, ayant trouué en iceluy vn Comte Lombard de Largare nommé Ru-

gilo, accompagné de quelque nombre de Lombards. Mais s'estant encore osé hasarder de passer outre iusques au pais de Trente, il y paya l'amende, & de sa temerité & la deffai-cte de ses compagnons par la sienne, qui luy fut (au dire de P. Diacre) seulement donnée par Zoin Duc de Trente. Combien que ny Gregoire de Tours, ny Aimoinus n'en ont fait aucune mention. Ce qui me fait soupçonner ou que ceste deffai-cte n'a esté telle que dit P. Diacre, ou qu'il a presté ceste charité aux François en faueur de la nation. Cependant si ce dernier voyage des Lombards s'est fait depuis qu'ils eurent esleu les 30. Ducs pour les gouverner, il ne peult estre adueni ne gueres plus tost ne plus tard q̄ ceste annee. Car Gregoire monstre bien qu'il se fit deuant le trespas du Roy Sigebert : nonobstant que s'il a bien recité les choses selon leur vray ordre, qu'il semblera estre adueni quelque peu auparavant.

S. AMAND Euesque d'Vltrech, & Magloire aussi Euesque de Dole, florissoient en ce temps : desquels Gildas natif d'Angleterre, qui a escrit l'histoire de son pais, estoit contemporain. Gregoire de Tours, Balæus.

<i>Du Monde.</i>	4715	<i>Papes.</i>	4	<i>R. des Visigoths.</i>	6
<i>De Iesus Christ.</i>	578	<i>E. d'Orient.</i>	2	<i>R. des Lombards.</i>	3
<i>Indiction.</i>	11	<i>R. de Perse.</i>	48	<i>R. des Escoffois.</i>	8
		<i>R. des François.</i>	15	<i>E. d'Italie.</i>	9

CHOSROES ayant signifié la guerre de l'Empereur, fut le premier qui son armee aux champs, par laquelle il assiegea & prit la ville de Daras : & puis se vint ietter dedans l'Armenie : qui fut cause que l'Empereur luy opposa la sienne en la Cappadocie, qui estoit leuee tant des nations de la Scythie & de la Germanie, que de celles de son Empire : & se trouua si grande, qu'il ne s'en estoit point veu de semblable de long temps auparavant sous les Empereurs precedens. Au moyen dequoy s'estant rencontrée avec celle de Chosroes, elle en mit vne partie en pieces, & le reste honteusement en route ; ayant gagné tout son bagage & ses plus precieux meubles & ioyaux : puis luy chaussa les esperons de si pres, qu'il n'eut loisir que de se sauuer de grande viffesse avec vn petit nombre de ses gens en son Royaume, abandonnant avec la ville de Daras toutes les autres qu'il auoit cy deuant prises sur les Romains en Asie & en Armenie : lesquels le poursuiuirent encor si chaudement, qu'ils entrèrent iusques au cœur de son Royaume : & sans y trouuer obstacle ou empeschement, y passerent l'hyuer entierement, aux despens de leur ennemy. Euagrius, Nicephore, Cedrenus, Zonare.

LA paix auoit à peine duré enuiron vn an entre les Rois de France, que l'enuie prit de rechef le Roy Chilperic de recommencer mauuais mesnage avec le Roy Sigebert : & pour mieux adouber son faict, fit vn nouveau complot avec Gontran, sous l'assurance duquel il mit aux champs vne grande armee, qu'il mena luy-mesme iusques dedans la Champagne, où elle fit vn piteux rauage iusques aupres de la ville de Reims. Pendant que son fils Theodebert alla par son commandement faire le semblable dedans la Guienne. Qui fut cause que Sigebert rassembla pareillement vne autre armee des mesmes nations de delà le Rhin, qui l'auoient seruy l'annee precedente, laquelle il ramena par vn mesme chemin, ne s'estant le Roy Gontran voulu formaliser pour le passage non plus qu'auparauant, iusques deuant Paris, d'où il en fit aller vne partie sous la conduite de deux Capitaines, Godegisile & Gontran en la Guienne, contre son nepueu : qui le rencontrerent si à poinct, qu'ils le mirent en pieces avec sa troupe aupres d'Angoulême, luy faisant recevoir le salaire du pariure qu'il auoit commis enuers son oncle. Lequel toutesfois eut (au dire de Gregoire de Tours) bien peu de loisir de se resiouyr du fruit de ceste victoire, & du bon heur qui l'accompagnoit lors en ses affaires : car il afferme qu'il fut aussi mis à mort le 18. iour apres le trespas de son nepueu : nonobstant qu'il semble qu'il en fault lire d'auantage, tant selon luy-mesme que selon Aimoinus, qui escrit que Chilperic & Sigebert se reconcilierent ensemble apres le trespas de Theodebert, au desauantage du Roy Gontran, contre lequel ils voulurent retourner leur forces : mais il fut si diligent à pouruoir à son faict, qu'il eut aussi tost

toft qu'eux leur armée preste à les combatre & repouffer de son païs; si leurs amis & Confeillers ne se fussent interposez à les destourner de venir aux mains, & à les mettre derechef d'appointement tous trois ensemble, qui fut conclu & iuré dedàs la ville de Troyes. Duquel toutesfois les Austrasiens qui ne s'estoient pas encore assez engraissez du lait de la France, furent si despitez, qu'ils cōtraignirent par force le Roy Sigebert de les allet employer sur Chilperic. Lequel souz la fiance de l'accord precedent, auoit ia licencié quasi toute son armee. Au moyen dequoy il se trouua si bié surpris, qu'il n'eut plus belle eschapatoire que de se sauuer de vifesse avec vnē troupe de cauallerie & son train dedans Tournay. Cependant toutesfois Gregoire sans faire mention de ce qui se passa entre les trois freres depuis la mort de Theodebert, racompte seulement que Chilperic estant aduerty de la nouvelle reconciliation de Gontran avec Sigebert, s'alla enclorre & fortifier dedans la ville de Tournay avec sa femme & ses enfans. Mais comme ie ne voudrois proposer le tesmoignage du liure d'Aimoinus à Gregoire; m'aduifant bié que l'auteur qui l'a ainsi agencé de plusieurs escrits, n'a pas tousiours narré les choses en l'ordre qu'elles sont aduenues, signammēt celles depuis le Roy Clotaire : & qu'il y a inseré beaucoup d'autres notoirement faulses (qu'on sçait certainemēt n'auoir esté écrites d'aucun ancien auteur) comme il se pourroit facilement demonstrier : aussi se peult-il faire que Gregoire a de propos deliberé espargné ce qui sembloit prejudicier à l'hōneur de Sigebert, qui estoit son seigneur. Auquel aussi il semble auoir porté plus d'affection qu'à Chilperic : si d'auanture il n'y a quelque chose de perdu en cest endroict là és exemplaires imprimez d'iceluy. Tant y a qu'il est certain que Sigebert poursuiuit si chaudement le cours de sa victoire, qu'il alla faire son entree, comme victorieux & seigneur en triomphe dedans la cité de Paris: où comme il dresseoit ses apprests du siege qu'il pretendoit aller mettre deuant Tournay, fut admonnesté par saint Germain Euesque du lieu, que si son intention estoit d'aller faire grace & misericorde à son frere, qu'il reuiendrait vif & victorieux de son entreprise: autrement qu'il tomberoit luy-mesme le premier en la fosse qu'il preparoit à son frere: si est-ce qu'il fit marcher son armee deuant Tournay, souz la conduite de ses Lieutenans: & luy-mesme s'en alla cependant à Vitry: où les Barons & seigneurs du Royaume de Ioaris, qui auoient esté subiects du feu Roy Childebert, le vindrent trouuer & recognoistre pour leur Roy. Mais comme il se tenoit en telle asseurance entr'eux, que sans defiance de personne il se faisoit negligemment garder, deux soldats attiltrez par la Roine Fredegonde femme de Chilperic, le vindrent sans empeschement massacrer au milieu de ses gens en la 14. annee de son regne, ou au commencement de la 15. si le compte de Gregoire doit estre vray, qui dit que ce fut 29. ans apres le trespas du Roy Theodebert Roy de Metz. Parquoy sa mort apporta vn merueilleux chāgement en sa maison: car son armee qu'il auoit deuant Tournay se desbanda: & ceux qui estoient ses subiects naturels, se voyans sans chef, se retirerent en leur païs: les autres qui s'estoient donnez à luy, se rallierent souz Chilperic; lequel se veit en ceste sorte tout en vn instant non seulement deliuré du danger où il estoit, mais aussi remonté du plus bas au plus hault de sa fortune. Tellement que partant de Tournay, il s'en vint mettre dedans Paris sans aucune resistance, & y fut receu comme Roy legitime: quoy que Brunehilde ou Brunehault vefue du feu Roy Sigebert y fust encore: laquelle se voyant abandonnée du support des seruiteurs & amis de son mary, & entendant la venue du Roy Chilperic, auoit fait secrettemēt emporter son fils Childebert, aagé lors seulement de cinq ans (qui luy estoit seul demeuré de masles de son mariage) au Royaume d'Austrasie, par le Duc Gondebault: lequel l'ayant rendu en seureté entre les nations & peuples de son feu pere, le fit par iceux recevoir & recognoistre pour le legitime heritier d'iceluy. Tellement qu'il cōmença de regner le iour de la natiuité nostre Seigneur: auquel aussi Gregoire de Tours commence de cōpter les ans du regne d'iceluy. A cause dequoy la pluspart de ce que nous venōs de reciter, doit estre attribuee à l'annee precedēte.

EN la mesme annee saint Germain Euesque de Paris, mourut en grande reputation de sainteté & d'innocence de vie. A cause dequoy le Roy Chilperic luy composa luy-mesme son Epitaphe, qui est en Aimoinus; lequel est indice qu'il n'a pas esté si ennemy des lettres & des gens d'Eglise qu'à dit Gregoire, qui peult estre luy en vouloit d'ailleurs: dequoy le Synode de Brénac nous en donne quelque soupçon: & peult estre que celà vint de ce que Chilperic ne se monstra pas si deuotieux enuers saint Martin. Comme peult aussi estre la cause, pour laquelle Aimoinus l'a quelque peu plus supporté qu'il n'a fait

Brunechilde. Le Poëte Fortunat Euesque de Poitiers semble pareillement auoir eu quelque meilleure opinion de luy par l'Epigramme qu'il luy adressa parlant du Synode de Brennac. Au reste les contemporains de ce Germain, furent Nicetius Euesque de Lion, Tetricus de Langres, Auitus d'Auvergne, tous excellens personnages en integrité de vie, avec Agrocœula Euesque de Mascon, qu'on dit auoir esté fort eloquent.

BRUNECHILDE estant en la ville de Paris, fut aduertie de la mort du Roy Sigebert son mary. A cause dequoy elle enuoya son fils Childebert ou Cherebert, qui estoit avec elle, au Royaume d'Austrasie, qui commença deslors a estre gouuerné en son nom: & en fut couronné Roy, tescmoin Gregoire de Tours liu. 3. le 25. iour de Decembre, encor qu'il fust fort ieune. Cependant Chilperic se remit en possession du Royaume de Paris, où il trouua Brunechilde, qu'il enuoya en exil à Rouën. Gregoire de Tours, Aimoinus, Ado, Sigebert, & vne Chronique fort ancienne non imprimee.

LEVVIGILDE Roy des Vvisigoths, fut le premier qui commença d'vser de magnificence Royale en habits: pource que ses predecesseurs n'auoient auparauant accoustumé de porter rien de dissemblable du commun en leurs habillemés. Chroniq. des Vvisigoths.

CONNAL Roy d'Ecosse mourut en la 10. annee de son regne, laissant vn frere nommé Kinnatillus, que les Ecossois firent estre leur Roy apres luy: lequel ne regna que 2. ans entiers, au temps que saint Colomban fut en Ecosse. Heët. Boëthius liu. 9.

SAINT Germain Euesque de Paris mourut ceste annee. Gregoire de Tours.

EVL OGIVS tint apres Iean 4. le siege Patriarchal de l'Eglise d'Alexandrie l'espace de 27. ans. Et Iean 4. du nom moine acenite entra aussi au siege Patriarchal de Hierusalem apres Macarius, où il presida 16. ans.

Du Monde.	4716	Papes.	5	R. des Vvisigoths.	7
De Iesus Christ.	579	E. d'Orient.	3	R. des Lombards.	4
Indiction.	12	R. de Perse.	49	R. d'Ecosse.	6
		R. des François.	19	E. d'Italie.	10

EN ce temps la langue Latine commença à se corrompre, defaillir & alterer, tant à Rome que par toute l'Italie & autres nations d'Occident, qui auoient esté autresfois subiectes à l'Empire Romain, à cause du meslange du langage des nations barbares. Blondus, Sabellic.

IUSTINIAN apres auoir passé tout l'hyuer avec l'armee Imperiale dedans le Royaume des Perfes, la ramena en grande gloire & triomphe, chargée de despoüilles, & d'un butin inestimable, dedans les prouinces de l'Empire: où il acheua le reste de l'annee sans faire autre chose. Ce qui fut possible l'occasion pour laquelle l'Empereur le cassa de sa charge, à cause qu'il n'auoit assez poursuiuy & vsé cōme il pouuoit, & de la victoire & de l'aduantage qu'il auoit eu sur les Perfes: comme declare Euagrius liu. 5. chap. 14. & 19.

CHILPERIC apres auoir despoüillé Brunechilde tant de ses bagues & ioyaux que des thresors de son feu mary, qu'elle auoit avec soy, l'enuoya en exil à Rouën: & puis despescha son fils Merouee pour aller reduire les villes & pais de dessus la Loire en son obeissance. Lequel toutesfois au lieu d'aller accomplir le mandement de son pere, tira droit à Rouën, où il espousa Brunechilde, par l'aduis de Pretexatus Archeuesque du lieu. Dequoy le pere fut tellement irrité, qu'il s'en alla à Rouën, & ayant retiré son fils de la franchise d'un Tēple (où il s'estoit mis) afin de le separer d'avec sa nouuelle espousee (laquelle les Austrasiens enuoyèrent au mesme temps remāder au nom de son fils Childebert, & leur fut rendue) l'emmena avec soy à Soissons: où comme ils furent de sejour, vne armee de gens de guerre du Royaume d'Austrasie s'esleua contre luy, pour aller assieger luy & sa femme & son fils en icelle: mais il eut son armee aussi tost preste pour se garentir de ce danger, par laquelle il deffit & mit l'autre en route. Et pource qu'il se douta que ce mesnage luy auoit esté dressé à la faueur de Brunechilde & de son fils Merouee, il le fit confiner en vn Monastere de la ville du Mans, pour y viure souz la reigle Monastique: & puis enuoya son autre fils Clodouee avec vne nouuelle armee en la Guiēne, accōpagné d'un de ses Capitaines nommé

mé Didier, pour acheuer de remettre en sa main ce que le Roy Sigebert y auoit tenu, cōme en Perigueux, Limosin, Agenois : mais ils y trouuerēt le Patrice Mumole, Lieutenant du Roy Gontran, si bien accompagné pour defendre le droit de son maistre, qu'ils furent par luy honteusement desconfits, avec perte de plus de 24. mille hommes de leurs gēs : lesquels toutesfois furēt vengez par la tuerie d'environ cinq mille de ceux d'iceluy. Lors Merouee qui estoit accoustumé de viure à la Royale, non à la Moinesque, ne peut se contenir long temps dedans le Monastere où son pere l'auoit mis : de sorte qu'il ietta le froc aux orties, & se retira en l'Eglise S. Martin de Tours, comme en lieu de franchise : y estant ia vn Capitaine nommé Gontran, qui auoit cy deuant mis à mort son frere Theodebert. Mais pource qu'il en partit encore pour se retirer vers la Roine Brunehilde, son pere le fit si biē cheualer, qu'il tomba és mains de ceux qui auoient charge de le pourfuiure, qui le mirent à mort, apres auoir esté reietté du Royaume de Bourgogne & d'Austrasie, où il s'estoit voulu retirer. Gregoire de Tours liu. 5.

ENVIRON le mesme temps, le Roy Chilperic fit assembler par deux fois à deux Synodes les Euesques de son Royaume; l'vn à Paris, où il fit faire le procez à Pretexte Archeuesque de Rouē, pource qu'il auoit consenty au mariage de son fils Merouee avec Brunehilde : suiuant lequel il le confina en exil perpetuel, luy ayant fait confesser par fraude ce qu'il n'auoit fait. L'autre à Brennac, pour faire aussi le procez à Gregoire Archeuesque de Tours, auteur de l'histoire Françoisē, qu'il accusoit d'auoir touché l'honneur de sa femme : mais il s'en iustifia par son serment, & en fut l'accusateur enuoyé en exil. Le Poëte Fortunat Euesque de Poitiers se trouua à ce Synode, auquel il fit vn Epigramme à l'honneur de Chilperic, lequel se voit entre ses escrits, & se commence, *Rex bonitate placens, decus altum, & nobile germen, &c.*

LES Lombards deuenus sages à leurs despens, s'equiperent à recouurer d'oresnauant les pertes qu'ils auoient fait en France sur les Italiens : de sorte qu'ils firent Faroal, Duc de Spolet, chef de leur guerre; lequel bien aduertie que la ville de Rauenne n'estoit pas encore meure pour hoher, s'alla saisir d'une ville nommée Classe, qui en estoit proche : laquelle il mit en tel estat, qu'elle fut plusieurs ans apres comme vne espine à ceux de Rauenne. Sigonius.

AYANT le siege Papal vacqué depuis le trespas du Pape Benoist, qui mourut ceste annee (au compte d'Onufrius & du liure Pontifical) le 29. iour de Iuillet l'espace de 3. mois, 13. iours. Pelagius 2. du nom natif de Rome fut esleu le 11. iour de Nouembre pour luy succeder au gouuernement de l'Eglise Romaine : tellement qu'ils tiennent qu'il l'exerça 10. ans, 2. mois, 29. iours. Et pource que son eslection ou consecration seulement (selon Onufrius) fut faicte sans le consentement & auctorité de l'Empereur (ce qui ne se deuoit faire) à cause (comme dit Platine) que les Lombards tenoient lors la ville de Rome assiegee, il fault qu'elle l'ait esté par deux fois en ce temps, ou que la creation de Pelagius soit venue depuis l'eslection du Roy Antharis. Tant y a que force luy fut d'enuoyer cy apres Gregoire Archediacre de son Eglise à Constantinople, pour faire prendre son eslection en bonne part à l'Empereur.

PAR l'ordonnance du Synode celebré en ce temps en l'isle de Grado dependante de Venise, le siege Patriarchal qui estoit en la ville d'Aquilee, fut transporté en ladite isle, à l'occasion des courses ordinaires des Barbares. Sabellic, Enneade 8. liu. 8.

Du Monde.	4717	Papes.	1	R. des Visigoths.	8
De Iesus Christ.	580	E. d'Orient.	4	R. des Lombards.	5
Indiction.	13	R. de Perse.	50	R. des Escossois.	10
		R. des François.	17	Exarche d'Italie.	11

CESTE annee, qui fut la 4. de l'Empereur Tybere, iceluy adiouta à ses tiltes le surnom de Constantin, & selon les Fastes Grecs se fit aussi Consul sans adioinct. Et puis ayant enrollé en ses ordonnances plusieurs nouvelles compagnies de soldats estrangers, qui faisoient nombre de 15. mille, les nomma à cause de luy Tyberienēs, & en fit Capitaine Maurice Comte des Confederez. Auquel il auoit vne telle fiance à l'occasion de sa vertu &

proüesse, qu'il l'enuoia prendre la charge de la defense des prouinces d'Orient & de la guetie cõtre les Perles, au lieu de Iustiniã qui ne s'en estoit pas assez biẽ acquittẽ à son grẽ: comme tesmoignẽt Euagrius, Nicephore en ses Annales, Landulfe Sagax, Cedrenus, Zonare. Et pource que Grẽgoire de Tours liu. 6. chap. 2. tesmoigne que Chilperic Roy de France enuoya des Ambassadeurs à Constantinople vers cest Empereur pour contracter alliance avec luy, lesquels reuindrent en la sixiesme annee du Roy Childebert, ayants demourẽ l'espace de trois ans ou enuiron en ce voiage: & qu'ils rapporterent entre autres presents plusieurs medalles pesants chacune vne liure d'or, qui estoient marquees de l'effigie dudit Empereur, avec ceste inscription: **TYBERII CONSTANTINI PERPETVI AVGVSTI**. Cclà nous monstre qu'ils arriuerent ceste annee ou en la suyuantẽ à Constantinople, & conforme nostre supputation du temps du Roy Childebert.

LES Lombards s'estimants auoir donnẽ assez d'empeschement à l'Exarche de Rauẽne par la ville de Classe, conuertirent tout le restẽ de leurs forces sur les villes & païs de la Toscane, qui tenoient encore pour les Romains: & apres y auoir fait vn piteux mesnage, s'en allerent deuant la citẽ de Rome, qu'ils tindrent longuement assiegee, iusques à ce que l'Empereur y eut enuoiẽ viures, qui reconforterent tellement les assiegez, qu'ils firent perdre tout espoir aux Lombards de les auoir. Landulfus Sagax, Sigonius.

AV mesme temps le Roy des Auaros pria l'Empereur Tybere par Ambassadeurs de luy enuoiẽ des manouuriers & charpẽtiers pour luy bastir des estuues. Mais il les employa par force à faire vn pont sur le Danube, par lequel il faisoit son compte de passer dedãs les prouinces Romaines quand il voudroit. Zonare.

LA petite Bretagne auoit eu cy deuant deux Comtes, l'vn nommẽ Maclianus, & l'autre Bodicus, qui pour l'amitiẽ mutuelle qu'ils se portoient, auoient fait ensemble vne pactiõ, que celuy qui suruiuroit son compagnon, auroit les enfans d'iceluy en telle recommandation que les siens propres. Ce nonobstant quand Bodicus fut le premier decedẽ, Maclianus chassa contre sa promesse, le fils d'iceluy nommẽ Theodoric de son païs. Tellement qu'il en fut long temps absent, iusques à ce que la necessitẽ luy fit chercher les moies d'assembler quelque nombre de gens avec lesquels il se remeit en possession de ses terres, apres auoir deffait & occis son ennemy en vne rencontre. Mais il ne peut empeschẽr que Vvarochus ou Varoc fils d'iceluy ne succedast aux estats & seigneuries d'iceluy.

KINVITALLVS Roy d'Ecosse mourut au 14. mois de son regne, qui fut cause que le Royaume reuint à son nepueu Aidanus fils du feu Roy Conuallus, lequel regna 29. ans, & fut couronnẽ, comme on dit par S. Colombain. Hector Boeth. liu. 9.

<i>Du Monde.</i>	4718	<i>E. d'Orient.</i>	5	<i>R. des Vuisigoths.</i>	9
<i>De Iesus Christ.</i>	581	<i>R. de Perse.</i>	51	<i>R. des Lombards.</i>	6
<i>Indictiõ.</i>	14	<i>R. des François.</i>	18	<i>R. des Ecossois.</i>	1
<i>Papes.</i>	2			<i>E. d'Italie.</i>	12

MAVRICE ayant prins la conduite de la guerre contre les Perles, s'en acquita si bien & heureusement, qu'il mit (tesmoin Euagrius) l'armee du Roy de Perse en routte, de laquelle Adaarmanes & Thamaschosroes (qui fut occis) estoient chefs: & recouura (comme dit Nicephore) toutes les villes que les Perles auoient conquestees sur les Romains souz l'Empereur Iustinian & Iustin. Parquoy si Chosroes Roy des Perles mourut (comme a escrit Agathius) en la 51. annee de son regne, il faut que celà soit aduenu du desplaisir qu'il receut du degast que Maurice fit en son païs laissant son Royaume à son fils Hormisdas, qui le tint apres luy 8. ans. Combien qu'Euagrius estime qu'il estoit ja decedẽ pour la mesme occasion dẽs le temps que Iustinian Lieutenant de Tybere luy donna la chasse iusques dedans son Royaume, apres auoir fait vne loy qui defendoit aux Rois de Perse ses successeurs de se plus trouuer personnellement en guerre contre les Romains.

LES troubles de la petite Bretagne donnerent possible occasion au Roy Chilperic d'y enuoyer vne armee, que deffit celle du Comte Vvaroch, & le contraignit de se rendre vassal & tributaire dudit Roy. Lequel auoit aussi fait quelque peu auparauant guerre aux Poictes-

Poiteuins & Angeuins, aiant gagné vne victoire dans leur pais sur les hommes de son nepueu Childebert. Au moien desquelles prosperitez il se voulut licentier d'imposer charges & subsides inaccoustumez sur les subiets. Dont ils exciterent de grands murmures & seditions contre luy, qui l'enaigrèrent encor en telle sorte, qu'il en fit de fort rigoureuses punitions. . Gregoire de Tours liure cinquiesme chapitre vingtsix, Aimoinus, liure 3. chapitre 25.

C E P E N D A N T les Saxons qui auoient cy deuant accompagné les Lombards à la conquête d'Italie, s'en estans du viuant du Roy Sigebert retournez en leur pais, en voulurent ceste annee dechasser les Sueues, qui l'auoient occupé: lesquels en voulurent du commencement composer avec eux. Mais pource qu'ils ne les voulurent receuoir à autre composition que de vider du tout, ils se mirent si bien en defense, que Messieurs les Saxons se trouuerent bien loin de leur cōpte, quand ils les osèrent assaillir: d'autant qu'ils furent honteusement desconfits en deux sanglantes batailles: où ils perdirent si grand nombre de gens, que le reste reduit en bien petit nombre furent contraints de s'accommoder selon la volonté des vainqueurs audit pais. Ce que P. Diacre liu. 3. chap. 4. de l'histoire des Lombards tesmoigne estre aduenü 14. ans apres l'arriuee des Lombards en Italie. Mais Gregoire de Tours monstre qu'ils estoient retournez d'Italie dès le temps du Roy Sigebert, & que ceste annee ils furent deffaits par les Sueuicns.

E N laquelle aussi par la sentence d'un Synode des Prelats du Royaume de Bourgonne tenu à Chaallons sur la Saone par l'autorité du Roy Gontran, les deux Euesques Salonius & Sagitarius, qui s'estoient cy deuant remis par la faueur du Pape en leurs sieges en furent de rechef deiettez & deposez à cause de leur mauuaise vie. Gregoire de Tours liu. 5. chap. 27.

LEANDER Euesque de Tollette en Espagne florissoit en ce temps en grande reputation de sçauoir & de doctrine. Platine.

<i>Du Monde.</i>	4719	<i>Papes.</i>	3	<i>R. des Vvisigoths</i>	10
<i>De Iesus Christ.</i>	582	<i>E. d'Orient.</i>	6	<i>R. des Lombards.</i>	7
<i>Indiction.</i>	15	<i>R. de Perse.</i>	1	<i>R. des Escossois.</i>	1.
		<i>R. des François.</i>	19	<i>E. d'Italie.</i>	13

C E S T E annee qui estoit la 18. du Roy Chilperic, les petits Bretons entrerent à grand puissance dedans les limites de la France, & y firent quelques rauages. Qui fut cause que les Rois de France enuoierent vn Capitaine nommé Buppolenus contre eux, qui leur chaussa les esperons si court, qu'ils n'eurent loisir que de rentrer hastiement en leur pais, où il les poursuuiuit encor si viuement, qu'il y fit quelques belles conquestes. Gregoire de Tours liu. 5. chap. 29.

LEVVIGILDE Roy des Vvisigoths s'anima si asprement ceste annee contre les Catholiques de son Royaume, qu'il en fit vne cruelle persecution sans pardonner à son fils Hermeuigilde, lequel il enuoia en exil, à cause qu'il s'estoit conuertü à la religion Catholique, reniant l'erreur Arrien par la predication de Leandre Euesque de Seuille, & à la persuasion de sa femme qui estoit fille du feu Roy Sigebert. Ce que toutesfois Gregoire de Tours semble monstre estre aduenü en la 6. ou 7. annee du Roy Childebert, & en la 20. de Gontran.

A v mesme temps Miron ou Myrio Roy de Gallice & des Sueues en Espagne, enuoya demander l'alliance des Rois de France par ses Ambassadeurs. Greg. de Tours.

BRENDEVS Roy des Piétes en ce temps.

GREGOIRE qui fut cy apres Pape surnommé le Grand, estant pout l'occasion recitee cy dessus arriué à Constantinople, confuta & conuainquit en la presence de l'Empereur Eutychius Archeuesque, qui maintenoit que les corps seroiēt apres la resurrectiō vniuerselle faits spirituels & exempts de toutes les qualitez sensibles & elementaires, plus subtils & deliez que vent ou aer. Mais ceste heresie fut biē tost apres esteinte avec son autheur, qui mourut en la mesme annee, ou selon Onufrius 2. ans deuant: & eut pour successeur ce-

luy que nous auons dit cy dessus, Iean surnommé le Jeuneur, comme recitent Cedrenus, Beda, Sigebert.

Les victoires obtenues sur les Perses par Maurice luy acquirent vne telle reputation enuers l'Empereur Tybere, qu'il l'estima digne de son alliance & de sa succession. A ceste cause pource qu'il n'auoit pour tous enfans que deux filles dès qu'il fut de retour d'Oriët, il le fit son gendre de l'aînée d'icelle, nommee Constantia, & l'adopta quant & quant pour son fils, honorât aussi la dignité de Cesar, dont la solénité fut faite selō Onufrius le premier iour de Iuillet, estant pareil honneur fait à vn autre Duc nommé Germain, à qui la seconde fille nommee Charito fut mariee, lequel ne vesquist pas vn an avec elle. Euagrius, Niceph. Cedrenus, Zonare.

<i>Du Monde.</i>	4720	<i>Papes.</i>	4	<i>R. des Vvisgoths.</i>	11
<i>De Iesus Christ.</i>	583	<i>E. d'Orient.</i>	7	<i>R. des Lombards.</i>	8
<i>Indiction.</i>	1	<i>R. de Perse.</i>	2	<i>R. d'Escoffe.</i>	2
		<i>R. des François.</i>	20	<i>E. d'Italie.</i>	14

L'EMPEREUR Tybere deceda, selon la pluralité des auteurs le 10. iour d'Aoust, combien que Cedrenus escrit le 14. Avant peu de iours au parauant resigné son Empire à Tyberius Mauritius son gendre, & fils adoptif, homme magnanime & fort vtile à la republique, les ancestres duquel estoient issus du pais de Capadocie lequel fut receu Empereur apres luy. De maniere q l'Empire fut gouuerné souz luy l'espace de 19. ans. 3. mois 11. iours. Côme nous supputons depuis le premier iusques au dernier iour de son regne. Euagr. liu. 5. & 6. Theophanes, Nicephore en ses Annales, Zonare, Cedrenus. Gregoire s'est abusé ayant noté que Tybere mourut en la 22. année du Roy Gontran.

CHILPERIC inuenta en ce temps quatre lettres Françoises, lesquelles il adiouta à l'Alphabet de la langue Françoisé qui estoient semblables à aucunes Grecques, comme Ω. Æ. The. vni. Desquelles les caracteres estoient Ω. Ψ. Ζ. Π. Tescmoin Gregoire de Tours: ou (selon Aimoinus) X. Θ. Φ. Et puis ordonna par vn edict qu'elles fussent enseignées aux enfans. Ce qui nous monstre avec les autres choses qu'ayant escrit de luy, qu'il a esté curieux, studieux & aucunement versé es lettres & en la Poësie aussi. Mais sa curiosité le fit tomber en l'heresie de Sabellius: de laquelle toutesfois il fut reuoké par les Euesques de son Royaume, se montrant docile à leurs remonstrances. Cependant il permit (ce dit Gregoire de Tours liu. 5.) que Clouis qui estoit le dernier des fils de son premier liët, fut mis à mort à l'appetit de sa marastre, ou selon vne ancienne Chroniq. il l'occit de ses propres mains.

ALORS les Rois dispoioient en France des Duchez & Comtez comme bon leur sembloit: tellement qu'ils en pouuoioient & dispoioient à leur discretion. Mais la coustume leur osta depuis ceste puissance, si les Comtes & Ducs n'estoient conuaincus de quelques grands crimes. Puis ils les donnerent finalement à perpetuité. P. Æmile.

HERMEVIGILDE prenant à son secours l'armee que l'Empereur d'Orient auoit en Afrique, commença guerre à son pere: & puis s'estant ioinct avec les forces du Roy Myron, s'osa hazarder de le combattre en champ de bataille. Dont l'issuë luy fut si contraire qu'il fut deffait & retenu prisonnier. A cause dequoy sa femme qui estoit sœur (selon Aimoinus) du Roy Childebert, nommee Imgrunde, s'enfuit en Afrique avec son fils qu'elle auoit de luy, où elle mourut. Cependant Miron voulut remettre sus vne nouvelle armee qui par son ennemy fut aussi malheureusement deffaitte que la premiere, lequel le pressa encores de si pres qu'il le força de se rendre son vassal en reprenant son Royaume de luy. Puis à peu de iours delà fut par la mort deliuré de toutes ses fascherics, laissant sa succession à son fils nommé Euric, qui en fut deboutté biē tost apres, & confiné en vn monastere par Andecamary de sa sœur. Selon que Gregoire de Tours & Aimoinus tesmoignent. Combien que la Chroniq. Vvisgothe escrit, que Leuigilde luy mena guerre en faueur d'Euric, à cause que le Roy Myron son pere luy auoit porté faueur contre son fils: & qu'il le poursuuiuit de telle animosité, qu'il ne se contenta de l'auoir deffait qu'il n'eust aussi totalement

ment

ment aboly avec luy le Royaume des Sueues en Espagne. Ce que toutesfois Michaël Ritus & les hist. d'Espagne disent estre aduenü 177. ans apres leur premiere arriuee en icelle L'opinion desquels semble estre confirmee par Greg. de Tours, qui declare que Hermegiule fut seulement enuoyé en exil ceste annee, & qu'il se remit encore au dessus les annees ensuiuantcs contre son pere.

Les Auarois afin de laisser d'oresnauant l'Empire Romain en paix, se firent accorder & promettre par l'Empereur vne pension de cent mille escuz d'or. Cedrenus.

S. MAUR disciple de S. Benoist, instituteur & propagateur de son ordre en Frâce, mourut en ce temps en vn monastere du pais d'Anjou. Onufrius.

<i>Du Monde.</i>	4721	<i>E. d'Orient.</i>	1	<i>R. des Visigoths.</i>	20
<i>De Iesus Christ.</i>	584	<i>R. de Perse.</i>	3	<i>R. des Lombards.</i>	9
<i>Indiction.</i>	2	<i>R. des François.</i>	21	<i>R. d'Ecosse.</i>	3
<i>Papes.</i>	5			<i>E. d'Italie.</i>	15

L'EMPEREUR Maurice apres s'estre declaré Consul sans adioint en la 2. annee de son Empire, enuoia son beau-frere nommé Philippicus, qui auoit espousé sa sœur ou fille (comme d'autres veulent) au gouuernement des prouinces d'Orient. A cause que Iean Mistaco, qu'il auoit l'annee au parauant constitué en ceste charge, ne sembloit (comme dit Eua- grius) auoir assez bien fait son deuoir contre les Perfes. Nonobstant que Nicephore tes- moigne qu'il auoit mis en route l'armee du Lieutenant du Roy de Perse. Tant y a cepé- dant que l'un & l'autre confessent que Philippicus entra bien auant dedans le Roiaume de Perse: où il gasta beaucoup de pais, deffit & mit en route l'armee du Roy, & puis s'en retourna glorieux & triumpant es prouinces de l'Empire. Euagr. liu. 6. cha. 3. Cedrenus, Zonare, Nicephore.

Les Romains & Italiens estants pressees & opprimees grandement des Lombards & laschement secourus & soulagees par l'Exarche Longinus, firent tant enuers l'Empereur aians enuoie à cest effect Gregoire apocrisaire de l'Eglise Romaine, qui fut cy apres Pape, pour luy faire entendre le miserable traitement qu'ils receuoient des Lombards, qu'il le rappella d'Italie, & enuoia en son lieu le Patrice Smaragdus, qui gouuerna l'Italie souz til- tre d'Exarche l'espace de 3. ans. Et enuoia à son arriuee vn Gregoire gouuerner le Du- cat de Rome: puis se mit à poursuiure la guerre & le siege que son predecesseur auoit mis deuant la ville de Classe, que les Lombards tenoient. Pendant lequel temps vn Dortulfe vaillant Capitaine, Sueue de nation, laissant le party des Lombards, se vint rendre à luy fa- uec la ville de Brixelle, qu'il leur auoit surprise. Lequel luy seruit si bien qu'il obtint par son moien plusieurs belles victoires sur ses ennemis. P. Diacre.

Les Ambassadeurs du Roy Chilperic enuoiez à l'Empereur de Constantinople, retour- nerent ceste annee avec plusieurs grands & riches presens pour leur maistre. Avec le Roy Childebert son nepueu, qui fit paix & alliance au mesme temps, à fin d'estre assure de luy contre le Roy Gontran, auquel il vouloit commencer guerre pour retirer la ville de Marseille qu'il pretendoit luy estre detenue par luy: estant incité à ce faire par l'intelligence qu'il auoit avec Mumole Lieutenant dudit Gontran, qui s'estoit nouuellement reuolté cō- tre luy, & emparé pour sa defense de la ville d'Auignon. Greg. de Tours li. 6.

A v mesme temps s'esleua en Frâce vn Godebould, qui se disoit fils du feu Roy Clotaire, souz la faueur du Patrice Mumole: au moien de laquelle il enforccla tant de gens de ceste opinion, que plusieurs s'adioignirent à luy en Prouence & en Languedoc: tellement qu'il sy maintint long temps contre Gontran.

Les Huns appelloiét en ce temps tous leurs Rois par vn nom general Chagan ou Cha- ian, ainsi que tesmoigne Greg. de Tours li. 4. Qui pourroit estre le tiltre de Cham, dont les Tartares, Scythes & Turcs appellent encores auourd'huy leurs Rois.

CAIAN Prince des Auarois estat aduertty de la mort de l'Empereur Tybere, enuoia ses Ambassadeurs vers Maurice, tant pour renouation & cōfirmation d'alliance, que pour se faire augmenter de vingt mille escuz d'or la pension que les Empereurs luy auoient paiee

cy deuant, qui ne montoit qu'à quatre vingt mille. Et pource que ceste premiere cruë luy fut accordée, & que la 2. qu'il renuoia bien tost apres demander luy fut deniee, il s'en despita de telle façon, qu'il se mit à faire fort cruellement la guerre aux villes d'Illyrie: tellement qu'il prit & saccagea celle de Sigidon & autres. Qui fut cause que l'Empereur luy enuoia ce qu'il demandoit. Niceph.

L'HERESIE des Sadduceens qui nioient la resurrection des morts, des Anabaptistes & Agnoites, fut excitée en ce temps au diocèse d'Alexandrie, par vn certain Euesque nommé Pierre Apamee.

LICINIANS Euesque de Carthage, homme de grand sçauoir, florissoit en ce temps. Onufrius.

<i>Du Monde.</i> 4722	<i>Papes.</i> 6	<i>R. des Visigoths.</i> 13
<i>De Iesus Christ.</i> 585	<i>E. d'Orient.</i> 2	<i>R. des Lombards.</i> 10
<i>Indiction.</i> 3	<i>R. de Perse</i> 4	<i>R. des Escossois.</i> 4
	<i>R. des François.</i> 22	<i>E. d'Italie.</i> 1

L'ARMEE de l'Empereur qui estoit en Orient diuisee en deux, Iestan Mistaco prit la conduite del'vne des parties, avec laquelle il deffit les Perses pres le fleuve de Nymphium. Mais Philippic mena l'autre en la Perse, d'où il remporta vn butin merueilleux. Cependant Caian Roy des Auarois aiant eu ce qu'il demandoit, ne laissa pourtant de rompre la paix qu'il auoit promise saintement à l'Empereur. Car il fit entrer vne armee d'Esclauons dedans le pais de Thrace, qui prit & saccagea les villes de Sigidin, d'Anchiale & autres: & vint iusques deuant le lieu qu'on appelloit les Longs murs. Mais Commentiolus Lieutenant de l'Empereur sortit sur eux, si apoint qu'il les deffit & mit en routte. Et puis en les poursuivant en deffit encore vne autre troupe deuant la ville d'Adrianopoli. Euagrius, Cedrenus, Niceph. Zonare.

D'AUTANT que le Roy Childebert estoit fondé en volonté de faire la guerre au Roy Gontran son oncle, d'autant Chilperic s'efforça de l'y enfoncer plus auant, non tant pour occasion valable qu'il eust, que pour sa cupidité d'auancer ses bornes sur l'autru: promettant de le laisser seul heritier de toute sa succession apres son trespas: puis qu'il auoit depuis peu de temps perdu tous ses fils. Somme que Childebert apres auoir disposé son fait, trouua moien par vn de ses Capitaines de retirer la ville de Marseille. Parquoy quand Chilperic le vit entré à bon escient en picque, se mit aussi de la partie contre Gontran, faisant entrer vne sienne armee dedans la Guienne souz la conduite d'vn Capitaine nommé Didier: Lequel alla rencontrer Ragnould Lieutenant de Gontran, si à propos qu'il le mit en route avec ses gens. Au moié dequoy il reduisit tout le Limosin, Perigueux & Agenois entre les mains de son maistre, qui y mit Comtes, Gouverneurs & Officiers en son nom. Cependant Gontran fit assieger Mumole dedans Auignon: lequel fut secouru par Childebert: qui outre celà enuoia de rechef reconfermer l'alliance qu'il auoit iuree avec Chilperic: & puis mit avec luy vne armee comme aux champs, qui souz la conduite des Ducs Didier, Bertulfe & Blandastes s'en alla camper deuant Bourges: de laquelle ceux qui la defendoient pour Gontran, firent vne saillie sur eux en nombre de 15. mille, qui fut si furieuse que de ceste charge demeurerent plus de 7. mille occis sur le châp que des vns que des autres. Si est-ce toutesfois que pour celà le siege n'en fut leué. Parquoy Gontran fut contraint de marcher avec vne autre armee contre Chilperic: lequel aussi aiant la sienne preste, l'osa choquer à si grâd malheur toutesfois qu'il fut vaincu avec perte de la moitié de son camp. Ce qui le rendit plus enclin à se reconcilier avec son frere. Et pource que Gontran ne se monstra pas plus difficile aux propos de paix, que leurs Conseillers entamerent, ils se remirent de leurs differents au iugement des sages gens & hommes d'Eglise.

L'EMPEREUR Maurice cherchant les moyens de remettre l'Italie hors de la puissance des Lombards, & de la deliurer de leurs mains, s'aduifa qu'il ne luy seroit pas possible de venir à chief de son intention plus facilement que par les François, lesquels il esperoit faire condescendre aisément à sa volonté, aians occasion de se ressentir des brauades que les Lombards leurs estoient venu faire iusques sur leur fumier, & par les victoires, qu'ils auoient obtenues

obtenues d'eux de les peu craindre. Parquoy suivant le conseil de l'Exarche de Rauenne, il enuoia ses Ambassadeurs vers le Roy Childeric, pour l'induire à s'embarquer avec luy en ceste entreprinse. A quoy voulans obuier les Lombards, enuoierent aussi vers luy & vers ses deux oncles, autres Ambassadeurs, pour se faire recevoir en leur alliance & protection, souz promesse d'un tribut annuel. Si est-ce toutesfois que les deniers contens de l'Empereur eurent plus de pouuoir à faire entrer Childebert en ligue avec luy cōtre les Lombards. Ce qui les mit en telle doute de leurs affaires, qu'ils tomberent tous d'aduis de se remettre souz le gouvernement d'un Roy, cōme ils auoient ia esté. Et suivant ceste conclusion, ils esleurent le fils du feu Roy Clephe pour leur Roy, nommé par les Italiens Antharis, & par Gregoire de Tours Aptacarius, qui portoit le surnom de Flavius : à cause de quoy ses successeurs le porterent aussi apres luy. On fait compte qu'il a regné cinq ans, six mois. Anastasius & Blondus disent qu'à son aduenement il mena son armee deuant la cité de Rome, rompant la paix que les Romains auoient avec les Lombards, & qu'il la tint si longuement assiegee, qu'il l'eust en fin reduite à sa volonte, sans l'empeschement qui luy vint par un delbordement des eaux. Mais Sigonius estime que sa premiere entreprise fut sur la ville de Brixelles, que l'Exarche auoit cy deuant reprise sur les Lombards, laquelle il assiegea iusques à ce qu'elle luy fut rendue.

LE VIGILDE fit fonder enuiron ce temps en la Celtiberie vne ville qu'il fit nommer Riccopolis en faueur de son fils Riccarede. Auquel temps aussi, craignant que le Roy Childebert ne luy voulust mouuoir guerre, à cause de sa sœur qui estoit espouse de son fils aîné Hermenigilde (à qui il faisoit guerre) enuoya rechercher l'alliance du Roy Chilperic, demandant sa fille nommee Rigunthe pour ledit Riccarede son fils.

CESTE annee furent assemblez plusieurs Euesques avec les Legats de tous les Patriarches à Constantinople pour iuger de la cause de Gregoire Patriarche d'Alexandrie, touchant quelques crimes, desquels il se iustifia si bien, qu'il fut declaré absous, & renuoyé en son Diocese : où il ne fut plustost arriué, qu'un tremblemēt de terre renuersa grand nombre d'edifices en la ville d'Antioche. Ce qu'Euagrius liu.6. chap. 8. dit estre aduenu en la 637. annee du compte des Antiochiens, & 61. apres l'autre tremblement de terre qui auoit fait un semblable degast en la 7. annee de l'Empereur Iustin premier. Dont il fault estimer que les Antiochiens prenoient le compte de leurs annees enuiron le temps que Iul. Cesar fut créé Dictateur pour la premiere fois.

<i>Du Monde.</i>	4723	<i>Papes.</i>	7	<i>R. des Vuisigoths.</i>	1
<i>De Iesus Christ.</i>	586	<i>E. d'Orient.</i>	3	<i>R. des Lombards.</i>	1
<i>Indiction.</i>	4	<i>R. de Perse.</i>	5	<i>R. des Escossons.</i>	5
		<i>R. des François</i>	23	<i>E. d'Italie.</i>	2

Philippic estant derechef entré dedans la Perse, gaigna deux nobles & memorables victoires sur les Perses. Au moyen desquelles il cōquesta la ville d'Arseuene, & s'en retourna avec grand butin. Euagrius, Nicephore.

LE Roy Chilperic fut tant pouruiuy & sollicité du Roy des Vuisigoths, qu'il fit partir sa fille en grande bōbance pour aller espouser le second fils d'iceluy : mais auāt qu'elle fust hors des limites de son Royaume, la mort d'iceluy suruint, qui rompit totalemēt l'accomplissement de son voyage & de son mariage : pource que ceux qui auoient charge de l'accompagner, ne l'abandonnerent pas seulement, mais aussi la deualiserent de tous les meubles, bagues & ioyaux qu'on portoit avec elle. Or la fin de Chilperic aduint (au rapport de Aimoinus & d'Ado) en telle sorte, qu'ayant descouuert quelque chose des amours de sa femme Fredegonde, & de son adultere Landry, qui estoit Maire de son Palais, fut preuenu d'eux auant qu'auoir moyen de se ressentir : car comme il retournoit de la chasse, ils le firent massacrer au mois de Septembre, en la 23. annee de son regne, luy restant un fils nommé Clotaire, qui fut 2. du nom, qui estoit nay enuiron 4. mois auparauant : lequel fut déclaré successeur & heritier des estats de son pere, souz la tutelle du Roy Gōtran son oncle. Qui pour prendre le gouvernement & administration du Royaume qui auoit esté au feu Roy Chilperic, s'en vint à Paris, où il confirma Landry en son estat de Maire du Palais, &

le constitua son Lieutenant au Roiaume de son nepueu, lequel sa mere mena nourrir à Rouën : mais il retint la cité de Paris, avec ce qui auoit esté des despences du Roiaume du feu Roy Cherebert, pour soy : alleguant qu'il estoit entierement deuolu à luy, par la transgression du compromis que les deux freres auoient fait avec luy. Cependant ce que Gregoire de Tours n'a fait aucune mention de la maniere de la mort du Roy Chilperic, encore qu'il declare liu. 10. chap. 19. qu'il fut tué par vn qui voulut aussi tuer Childebert, nous donne argument de soupçonner qu'elle vint d'ailleurs que d'où Aimoinus a dit : d'autant qu'il l'eust aussi tost sçeu que luy, & que c'en n'est pas la coustume d'espargner Fredegonde. Car en faisant iugement du Roy Chilperic, il l'appelle le Neron & l'Herodes de son temps, tant pour les tyrannies & cruautés enuers ses subiects, & paillardises, que pour le peu d'honneur & de reuerence qu'il portoit aux Prelats & gens d'Eglise : s'estant laissé tellement enforcer du desir de complaire aux appetits de sa femme, qu'elle le faisoit maculer son regne & sa vie de toutes sortes de faicts tyranniques : car apres auoir recité ses autres vices, il dit : *Sacerdotes Domini assidue blasphemabat, nec aliunde magis dum secretus esset, exercebat ridicula vel iocos, quam de Ecclesiarum Episcopis: illum ferebat leuem, alium superbū: illum abundantem, istum luxuriosum, illum asseribat elatum, hunc tumidum: nullam rem plus odio habens quam Ecclesias. Aiebat enim plerumque, ecce pauper remansit fiscus noster, ecce diuitie nostrae ad Ecclesias translatae sunt: nulli penitus Episcopi regnant, periit honos noster & translatus est ad Episcopos ciuitatum.* Lequel tesmoignage toutesfois nous aduertit, que quel qu'ait esté Chilperic, il aduisa bien ingenieusement la source & origine, ou qui estoit ia de son temps, ou qui se deuoit bien tost voir es mœurs des gens d'Eglise. Surquoy on doit aussi remarquer es histoires & écrits de ce siecle, que le grand zele & deuotion que les hommes y monstroient à honorer les reliques, à bastir & enrichir Temples & Monasteres, & à faire du bien & de l'honneur aux gens d'Eglise, est tellement loué & magnifié, que qui a eu ceste vertu, n'a semblé auoir eu aucune autre chose vituperable en luy : ou ce qu'il en a eu, a esté comme dissimulé sans y prendre garde, ou bien froidement censuré : tesmoin aucuns faicts du premier Roy Clovis, & Clotaire : tesmoin aussi Brunechilde que saint Gregoire a tant louée en ses epistres, de laquelle aussi Gregoire de Tours n'a fait mention qu'avec honneur: qui n'a espargné au contraire Fredegonde, non plus que la plus faulxe Medec qui ait iamais esté au monde : encore que le Continueur de Gregoire, Aimoinus, Ado, & tous les autres, ayent vnaniment testifié que Brunechilde la surpassa en malice. Qui plus est, on faisoit entendre aux Rois & Princes, que les victoires qu'ils obtenoient de leurs ennemis, venoient par le seul mesme moyen, & les defaictes par le default d'iceluy. Ainsi que les Euesques respondirent au Roy Gontran, apres que son armee eut esté defaict au Languedoc par les Vuisigoths heretiques. *Qualiter (disoient-ils) nos hoc tempore victoriam obtinere possumus? qui ea quae patres nostri consequuti sunt, non custodimus? Illi vero Ecclesias edificantes, in Deum spem omnem ponentes, Martyres honorantes, Sacerdotes venerantes, victorias obtinuerunt.*

MAIS auant le trépas du Roy Chilperic, vn autre nouveau mesnage s'estoit fait en France : car Gontran rendant la ville de Marseilles au Roy Childebert, pour laquelle il estoit en querelle avec luy, l'auoit non seulement induit à se reconcilier & racointer avec luy, mais aussi à le faire entrer en intelligence cōtre Chilperic : afin de retirer les villes que Childebert pretendoit luy estre detenuës par iceluy : dont la guerre s'en fust incontinent ensuiuie, sans le voyage que Childebert fut sollicité de faire en Italie contre les Lombards par l'Empereur Maurice. Lequel mesme il fit en personne (quoy qu'il fust lors seulement aagé de 13. ou 14. ans) avec vne grande armee, qui combla toute l'Italie de l'espouuement de sa venue. Tellement que le Roy Antharis faisoit ia seulement estat de defendre les villes & places fortes, sans se vouloir mettre en campagne contre luy, quand son cōseil se trouua d'aduis que ce n'estoit son plus expedient de reduire les Lombards au pis. Au moyen dequoy il fut aussi tost persuadé de ramener son armee en son Roiaume, auant qu'elle eust fait aucun exploit memorable, pour la cause qui l'auoit fait acheminer à ceste expedition. Ioinct que les presents du Roy Antharis, & les belles offres & promesses qu'il luy enuoya faire de son seruice contre tous ses ennemis, avec les remonstrances qu'il ne luy reuiendroit rien du faict de ceste guerre, sinon le sang & la vie de ses gens, qu'il auroit employé pour ceux qui ne luy seroient pas plus amis qu'aux Lombards, eurent grand pouuoir à luy faire expedier son retour en France : où il fut encore sur le point d'enuoyer vne armee en Espagne au secours de Hermeuigilde mary de sa sœur, contre le Roy Leuwigilde.

gilde. Mais la survenue du trespas du Roy Chilperic le reuocqua de ceste deliberation, pour le faire entendre à recouurer par ceste occasion la portion du Roiaume de Paris, que son pere auoit possedee deuant son trespas. Tellemēt qu'il en fut en differend avec le Roy Gontran, qui s'attribuoit le tout, & s'estoit ia fait donner le serment de tous les peuples des villes de dessus la Loire, du Poictou, & du Limosin: encore que les Tourangeaux & Poiteuins appetassent fort d'estre à Childebert. De sorte qu'ils en furent molestez par ceux du Berry, pour s'estre voulu declarer. Et de ceste affection des Tourangeaux, se peult imaginer vne des occasiōs pour laquelle Gregoire de Tours a plus espargné Brunechilde que Fredegonde: & ce qu'il n'a fait mention de la cause ny des autheurs de la mort de Chilperic.

CHARLOMAN fils de Charles surnommé Hasbain, succeda apres le trespas de son pere à la Duché de Tongre & de Brabant, & fut pere du premier Pepin Maire du Palais. Chronique de Iacques Meier, & Richard de Vvassebourg. Mais il est bien difficile à croire que tels fiefs fussent ia hereditaires.

LEUVIGILDE Roy des Vvisigoths mourut, au rapport des histoires Espagnoles, nommément de Roderic de Tolette, & de Dom Antoine Benter, l'an 585. Ce qui est aussi confirmé par la Chronique des Vvisigoths non imprimée, qui rapporte la mort de son fils Riccard ou Riccarede (qui luy succeda à sa couronne) à l'Ere DCXL. apres qu'il eut regné 15. ans, 6. mois, 10. iours. Et par le liure des Conciles aussi, qui remet la celebration des Synodes de Tolette & de Seuille aux quatre & 5. années de son regne, & aux Eres DCXXVII. & DCCXXVIII. Parquoy Gregoire de Tours liu. 8. chap. 46. & Aimoinus liure 3. semblent auoir preposterement écrit, que son pere mourut en la 26. année du Roy Gontran. Si ce n'est qu'on ait pris occasion d'estimer que son pere mourut ceste année, pource qu'il institua & designa son fils Riccarede son successeur & heritier de sa couronne, mesmement aussi qu'il le fit deslors regner avec soy au lieu de son fils Hermeuigilde: lequel luy faisant la guerre de long temps, s'osa encor ceste année (qui estoit la 9. du Roy Childebert) hazarder de luy dresser des embusches, esquelles il fut luy-mesme pris. Au moyen dequoy il le confina en exil. Parquoy sa femme nomme Iugunthe, qui estoit sœur du Roy Childebert, s'enfuit en Afrique, d'où elle fut enuoyee à Constantinople: mais elle mourut en passant par Sicile, tesmoin Gregoire de Tours liu. 6. chap. 43. Cependant Myron Roy des Sueues de Gallicie, souz l'appuy duquel & des Lieutenans que l'Empereur auoit en Afrique & en aucunes villes d'Espagne, Hermeuigilde auoit tenu bon contre son pere, ayant ses forces encore debout, avec le secours qu'il auoit des gens de l'Empereur, osa tenter le hazard de la guerre contre le Roy Leuwigilde: où l'heur luy dist si mal, qu'il fut vaincu; & pour euiter pis, contraint de se rendre son vassal en reprenant son Royaume de luy. Puis à peu de iours de là, fut deliuré de toutes fascheries par vne maladie qui l'osta de ce monde, laissant vn fils nommé Euric, qui fut bien tost apres debouté de la succession d'iceluy par Andecamary de sa sœur, qui se fit Roy de Galice, ainsi que nous auons ia déclaré cy deuant. Gregoire de Tours, Isidore, Roderic de Tolette.

ANTHARIS Roy des Lombards, quitta (tesmoin Sigonius) en la premiere année de son regne la superstition payenne, de laquelle il faisoit encore profession, & se conuertit avec sa gent à la Religion Chrestienne, selon l'interpretation toutesfois des Arriens.

L'EXARCHE d'Italie estimant que le siege de la Religion deust suiure le siege & la puissance de l'Empire & des armes, voulut esleuer & augmenter l'auctorité de l'Eglise de Rauenne, où il faisoit sa residence, plus qu'elle n'estoit. De façon qu'il y fit venir par force l'Archeuesque de Grado, & trois autres Euesques du pais d'Istrie, pour les contraindre de rendre obeissance à son Archeuesque de Rauenne, & serment de le recognoistre tousiours pour leur superieur à l'aduenir: ensemble aussi de se declarer reprobateurs du decret du dernier Concile vniuersel de Constantinople. Dequoy le Pape de Rome fut si mal-content, qu'il les excommunia cōme schismatiques. P. Diacre liu. 3. chap. 12. de l'histoire des Lombards.

Le 2. Synode prouincial des Prelats de l'Eglise Gallicane celebré à Lion, ordōna quelques statuts, qui furent reduits en 6. Canons, lors que le Roy Gontran estoit en la 22. année de son regne. Gregoire de Tours liu. 6. Liu. des Conciles.

<i>Du Monde.</i>	4724	<i>Papes.</i>	8	<i>R. des Vvisgoths.</i>	2
<i>De Iesus Christ.</i>	587	<i>E. d' Orient.</i>	4	<i>R. des Lombards.</i>	2
<i>Indiction.</i>	5	<i>R. de Perse.</i>	6	<i>R. des Eſcoſſois.</i>	6
		<i>R. des François.</i>	24	<i>E. d' Italie.</i>	3

L'HEVR fauoriſoit tellement les Romains en ce temps contre les Perſes, qu'ils gaignerent touſiours la victoire d'eux en toutes les eſcarmouches & rencontres, tât ceſte annee cy que la ſuiuante. De façon qu'un Capitaine de l'Empereur nommé Germanus deſcôſit vne de leurs armées, avec ſi grande occiſion, qu'il n'en laiſſa quaſi reſter vn ſeul pour eſtre rapporteur de ce deſaſtre en leur païs. Philippic auſſi eſtant party de Conſtantinople (où il ſ'eſtoit venu rafraîſchir l'hyuer precedent) les alla charger deuant la ville comme eſcrit Euagrius de Martyropolis, ou comme dit Nicephore Anazarbon: de façon qu'il mit le Cardarigue (qui ſignifie autant que Lieutenant du Roy de Perſe) & toute ſon armée en route: & puis aſſiegea la ville de Martyropolis, mais il ne la peut prendre. Cependant il enuoya Heraclius pere de l'Empereur Heraclius cy apres, avec vne troupe de gés de guerre, pour recognoiſtre les prouinces de Perſe: lequel apres auoir trauerſé toute la Meſopotamic & Medie, ſ'en reuint glorieuſement à luy. Euagrius, Nicephore.

SMARAGDV S Exarche d'Italie au mandement de l'Empereur, ſ'en retourna en la Grece: & vint vn autre Patrice nommé Romanus en ſon lieu, qui gouerna l'Italie en tiltre d'Exarche l'eſpace d'unze ans, ſelon P. Diacre, Anaſtaſius, & Onufrius. Sigonius toutesfois racompte, ſuiuant P. Diacre, que Smaragdus apres auoir repris la ville de Brixelles, fit trefues pour trois ans avec les Lombards, à la requeſte du Roy Antharis, qui craignoit poſſible le retour des François. Mais on ne peut comprendre de ce qu'ils ont eſcrit eux-mêmes, qu'il y ait eu aucune ſurſeance de guerre entr'eux, ſinon qu'elle ait bien peu duré. D'autant meſmement que Landulfe teſmoigne que les Lombards rauagerent encore les terres de l'Exarchat de Rauenne & de Rome au mois de Decembre en la 6. Indiction, qui fut ſur la fin de ceſte annee. Ioinct que Gregoire liu. 7. & 8. teſmoigne, que nouueaux Ambaſſadeurs vindrent de la part de l'Empereur Maurice au Roy Childebert (qui eſtoit en la 10. annee de ſon regne) le ſommer de ſes promeſſes: qui furent cauſe (avec l'eſpoir de retirer ſa ſœur Iugunde, qu'on penſoit ſ'eſtre ſauuee à Conſtantinople apres le trespas du Prince Hermeuigilde ſon mary, que ſon pere auoit fait mourir) qu'il enuoya derechef vne grande armée contre les Lombards, laquelle toutesfois y fit auſſi peu que la premiere, au moyen de la diſſenſiō qui ſe mit entre les Capitaines d'icelle, ou (comme veut P. Diacre) entre les François & les Allemans.

OR Hermeuigilde ayant eſté l'an precedent enuoyé en exil par ſon pere, voulut poſſible attenter encore quelque choſe cōtre luy: qui fut cauſe qu'il le fit prédre & mettre cruellement à mort le iour qu'on celebroit la feſte de la Reſurrection de noſtre Seigneur. Or cōme ceſte punition a eſté à bon droit deteſtee de tous les hitoriés Eſpagnols, & de Beda, & de Gregoire Pape, qui ont eſtimé qu'elle ne fut dōnce au fils, que pour ne ſe vouloir accorder en la Religion Arrienne avec ſon pere: neantmoins les entreprinſes precedentes du fils cōtre le pere n'ont trouué aucun lieu d'excuse enuers Gregoire de Tours, qui en a parlé en telle ſorte. *Cum patrem ad ſe cum exercitu venire cognouit, conſilium iniit qualiter venientem aut repelleret aut necaret, neſciens miſer iudicium ſibi imminere diuinum, qui contra genitorem quēlibet hæreticum talia cogitaret*: en quoy il n'eſt de ceux qui eſtimēt pieté de perſecuter & massacrer pere, mere, frere, pour hereſie ſeulement.

TANT y a que quand l'armée de Childebert fut de retour d'Italie, il ſollicita encore le Roy Gontran d'entreprendre la vengeance de la mort de ce Prince Vviſgoth, à cauſe de ſa ſœur. De ſorte que pource que l'iniure n'atouchoit pas moins l'un que l'autre, & que l'enueie de debuſquer les Vviſgoths de tout en tout de ce qu'ils tenoient encore deçà les Pyrenées, ſ'y adiouſtoit, il y eut vne grande armée miſe ſus, qui tira droit en la Septimanie, que l'on dit maintenant le Languedoc: mais d'autant qu'elle fut mal conduite, tant par la faute des Capitaines que de leurs gens, qui pour eſtre de diuerſes natiōs, à ſçauoir de Bourgonne, du Dauphiné, de Prouence, de Guienne, & des païs delà Loire, voulurēt marcher en troupes

troupes separees, qui se mirēt à piller villes & villages, plustost que faire ee que l'ordre de la guerre commande en conqueste de pais. Aussi fut la fin de ceste entreprinle honteuse & malheureuse, pource qu'il n'en reuint qu'une grande perte de soldars, & de Capitaines, encore qu'ils fussent entrez dedans Carcassonne. Si est-ce toutesfois que de ceste masadventure Gontran fut plus irrité que flechy: tellement qu'il ne voulut aucunement ouyr les Ambassadeurs du Roy Leuigilde, qui le vindrent instamment requérir d'accord & de paix. Parquoy son fils Ricarede, lequel il auoit ja designé son successeur au Roiaume des Vvisigoths, s'en vint faire des courtes iusques dedans la Prouence, & la Gasconne. Qui furent cause que Gontran osta le gouuernement de la Prouence avec le Patriciat à Agila, & le mit entre les mains de Leudegisile. Deuant que l'annee fust expiree nasquit vn fils au Roy Childebert, qui fut nommé Theodebert: quoy qu'il ne fust tout au plus qu'au 15. an de son aage. Pretexte Archeuesque de Rouen estant de retour d'exil en son Eglise, fut malheureusement occis le iour de Pasques, dedans vn temple en celebrant le seruice sacré, par les pratiques de Fredegonde. Greg. de Tours. li. 7. & 8.

MAIS au parauant, pource que la dissension qui auoit esté entre Gontran & Childebert auoit donné grand moyen à l'imposteur Gondouald ou Gondebauld, duquel nous auons parlé cy dessus, qui se disoit fils du Roy Clotaire, de s'auancer & aggrandir: tellement que non seulement la pluspart des peuples & des villes de la Prouence, de la Gasconne, du Languedoc & de la Guiéne, s'estoient ia donnez à luy, le recognoissans pour leur Roy: mais aussi des premiers & principaux Seigneurs & Capitaines de la France: comme le Patrice Mumole, Blandaste, Vado, Didier avec l'Euesque Sagittarius: au moien dequoy il menoit vn train roial: Gontran se voyant contraint d'aller au deuant des accroissements d'iceluy, s'appointa de rechef avec son nepueu Childebert, luy restituant toutes les terres qui auoient esté à son feu pere, & l'adoptant aussi pour son fils, en intention de le laisser son heritier & successeur. Puis despescha vne grâde armee souz la conduite de son Connestable Leudegisile & du Patrice Agila contre l'imposteur: lequel ils assiegerent dedans la ville de Cominges delà la Garonne, avec ses complices. Et pource qu'ils trouuerent qu'il faudroit grand temps & autant de peine à les auoir, Leudegisile s'aduisa de les abuser si finement tous ensemble par ses belles promesses, qu'il les fit trahir tous les vns les autres. Au moien dequoy ils tomberent tous entre ses mains, où ils trouuerent la fin de leur vie & de leur sedition, en la 24. annee du Roy Gontran. Ce qui se fit au temps ou deuant que Childebert passast en Italie. Greg. de Tours liu. 7.

A v mesme temps vn Schisme suruint entre l'Eglise d'Aquilee & de Rauenne, à cause qu'estant Helias Patriarche d'Aquilee decedé, Seuerus citadin de Rauenne luy fut subrogé, lequel se fit approbateur du decret du dernier Concile vniuersel de Constantinople, touchant ce qu'on appelloit les 3. articles du Concile de Chalcedone, avec les Catholiques. Occasion pourquoy Iean Archeuesque de Rauenne le fit par force amener à luy par l'Exarche, & le traitta en telle façon qu'il le contraignit en fin de se condescendre à l'opinion contraire de celle qu'il tenoit. Dequoy vint le mescontentement que l'Empereur eut dudit Exarche, qui fut le motif de le faire rappeler. P. Diacre, Sigonius.

A v 2. Synode celebré en la ville de Mascon lors que le Roy Gōtran estoit en la 24. annee de son regne, fut ordonné & déterminé que le baptisme ne se deuoit point administrer sinon la veille de Pasques & de la Pētecoste, excepté en cas de necessité. Qui est pour montrer que les anciens n'ont pas trouué bon qu'on baptizast tous les iours & à toutes heures. Mais qu'il y eust certains iours en l'an deputez au baptisme, afin qu'il fut plus honoré & administré par meilleur ordre. D'auantage vn autre canon commande, que tous les Dimanches l'oblation de l'autel soit faite tant du pain que du vin, par tous generalemēt tant hommes que femmes: reprenant ceux qui n'assistoient point à l'office diuin, & n'y offroient point celle hostie diuine en l'autel sacré. Lequel statut nous enseigne que non seulement les hommes appelez laics, mais aussi les femmes offroient & sacrifioient des hosties sacrees, par lesquelles on entend non seulement les prieres, oraisons & actions de graces, mais aussi les biens qu'ils offroient pour le soulagement des pauvres. Mais il fait expresse mention de l'oblation du pain & du vin, tant pource que tous communiquoient à la cene souz les deux especes du pain & du vin, que pour autant aussi qu'ils estoient pris des offrandes que les fideles portoient en l'Eglise. Ce pendant par vn autre canon dudit Concile est déclaré que

T

la maison de l'Euesque receura vn chacū par hospitalité sans acceptiō de personnes: pour ce que par l'aide de Dieu elle est ordonnee à cela, sans y nourrir ny entretenir chiens, de peur du danger qui en pourroit aduenir aux pauvres. Vn autre aussi defend expressement à la vefue d'un Euesque, Prestre ou Diacre, souz certaines peines de se romarier. Ce que nous auons bien voulu reciter, pour monstrier aucunement qu'elle estoit la figure des Eglises de ce siecle.

<i>Du Monde.</i>	4725	<i>Papes.</i>	9	<i>R. des Vvisigoths.</i>	2
<i>De Iesus Christ.</i>	588	<i>E. d'Orient.</i>	5	<i>R. des Lombards.</i>	2
<i>Indiction.</i>	6	<i>R. de Perse.</i>	7	<i>R. des Escoffons.</i>	7
		<i>R. des François.</i>	15	<i>E. d'Italie.</i>	1

CHAIAN violât l'accord qu'il auoit fait avec l'Empereur, se mit à faire la guerre aux villes de la Moésie: tellement qu'il en prit, saccagea & ruina plusieurs, entre lesquelles fut Ratiarus, Bnomia, Dorostale, & Martianopolis; sans que Commentiolus Lieutenant de l'Empereur s'osast opposer à luy de toutes ses forces. Mais aiant diuisé son armee en plusieurs troupes souz les Capitaines Castus & Martin, le faisoit escarmoucher par diuers endroits: en aucuns desquels il perdit, & en d'autres il se recompēça. Mais il ne le peut empêcher qu'il n'entraist en fin avec son armee dedans le païs de Thrace, où il prit la ville d'Aplerie, & plusieurs autres, desquelles il emmena vn nombre infiny de captifs. Ce pendant Philippic prosperant tousiours contre les Perses, tant de soy-mesme que par ses Capitaines, fut pour quelque cause cassé de sa charge par l'Empereur, qui luy bailla pour successeur Priscus, souz lequel toutesfois les legions ne se voulurent aucunement ranger: dont il fut force à l'Empereur de leur rendre Philippic. Euagr. Niceph.

Les Ambassadeurs vindrent de rechef au Roy Gontran de la part du Roy des Vvisigoths, pour traiter de la paix, lesquels furent aussi renuoyez sans rien faire, comme les precedents: tant auoir le Roy Gontran à cœur l'iniure faite à sa niepce. Qui fut cause que Richarde de fils du Roy des Vvisigoths descendit à Narbonne, d'où il fit plusieurs courtes sur les païs de France. Au mesme temps Nicetius fut fait Patrice & Gouverneur des villes & païs que le Roy Childebert auoit en la Prouēce: & Beppolenus fut institué Duc & Gouverneur des provinces du Roiaume du ieune Roy Clotaire par le Roy Gontran: Lequel aiāt tousiours imprimé en son esprit la vengeance de sa niepce, fit passer de rechef vne armee en la Septimanie, souz la conduite des Ducs Austronault & Didier: laquelle y fit aussi peu que la premiere: à cause (cōme disent Aimoinus & le cōtinuateur de Gregoire) de la contrariété de l'air, & du temps qu'ils y eurent. Combien que Gregoire declare que ce fut par la temerité du Duc Didier, qui se voulut hazarder trop temerairement d'entrer dedans Carcassonne, où il fut mis à mort avec ceux qui le suiuoient.

En ces entrefaites, Leuwigilde Roy des Vvisigoths indigné de l'iniure qui auoit esté faite au ieune Roy des Sueues, qui s'estoit rendu son vassal, mena son armee contre l'auteur d'icelle Andeca, qui occupoit le Roiaume d'iceluy: avec laquelle il le mena de si rude façon, qu'il le deffit en vne bataille. Au moyen dequoy il ne le despoüilla pas seulement de son Roiaume, mais aussi le fit rendre moine: & puis reduisit les Sueues entierelement souz son obeissance. Ce qui fut la fin de leur Roiaume en Espagne, apres qu'il y eut duré (au compte d'Isidore & de tous les autres Chroniqueurs Espagnols) 177. ans. Qui est vn tesmoignage que cecy n'aduint l'an 584. & que Gregoire de Tours l'a biē rapporté à la 12. année du Roy Childebert. Comme aussi le trespas du Roy Leuwigilde, qui mourut (comme ils nous donne à entendre) bien tost apres la reduction du Roiaume des Sueues, estât paruenue iusques au commencement de la 18. année de son regne, à les prendre en la maniere que nous auōs declaree cy deuant. Somme que par sa mort, son fils Riccaredo gouverna seul le Roiaume des Vvisigoths apres luy: qui se laissa si bien persuader par Leander Archeuesque de Seuille, qu'il renonça à la doctrine Arriene (que son pere auoit obstinément maintenue) pour se ioindre à la communion des Catholiques. Qui fut cause que

Gontran

Gontran & Childebert, apres estre bien aduertiz de sa conuersion, receurent tant plus facilement les excuses qu'il leur enuoya faire de la mort de son frere. Et que depoussant la haine qu'ils luy portoient, ils luy accorderent leur alliance, qu'il recherchoit de long temps avec la sœur de Childebert nommée Clodasuide à femme : quoy qu'elle eust ja esté promise auparauant à Antharis Roy des Lombards, lequel à ceste occasion alla rechercher Theodelinde fille de Garibald Roy de Bauiere. Gregoire de Tours liure 8. chap. 38. 45. & 46. & liure 9. chap. 16.

De l'origine des Gascons de la France.

LES GASCONS, peuples habitans encore en ce temps es monts Pyrenees, incitez de l'exemple des Vvisigoths, qui alloient faire hardiment des courtes iusques dedans la France, où furent suscitez par eux, descendirent de leurs montagnes au plat pais, degastans les champs & terres labourables & les vignobles, ensemble aussi emmenans avec eux vne infinité de pauvres captifs avec tout leur bestail. Quoy qu'Austroualt Duc & Gouverneur d'Aquitaine fist tous ses devoirs de se presenter deuant eux pour les rembarquer ; mais il ne luy fut oncques possible de bien cheuir d'eux : comme recite Gregoire de Tours liure neufiesme chapitre sept. Et pource que c'est là le premier endroit où se trouue estre faite mention de la nation des Gascons en l'histoire Françoisse : & qu'ils semblent auoir esté iusques icy incogneuz tant à noz vieils Gaulois, qu'aux François : aussi qu'il est bien mal-aisé que l'on puisse bien decouurer en quel temps ils vindrent planter leur demeure en Aquitaine, pour estre leur venue presque oubliee, ou par l'iniure des temps, ou par la nonchallance de noz ancestres & predecesseurs. Ce neantmoins on peult avec quelque raison coniecturer de là, qu'ils empieterent depuis ce temps-là le pais qui est auourd'huy nommé de leur nom : ne recognoissans autre seigneur que le leur, iusques à ce qu'environ seize ans apres ils furent subiuguez & contraincts de recevoir la loy, & vn Gouverneur de la main des enfans de Childebert. Dont nous voyons que n'ayans noz auteurs fait auparauant aucune mention d'eux, commencent de là en auant de les mettre assez souuent sur les rangs. Cependant, pource qu'il est certain qu'ils furent vn peuple de l'Espagne, qu'on disoit Citerieure, assis de toute ancienneté entre les monts Pyrenees du costé de l'Aquitaine, ayans ia le nom qu'ils ont retenu iusques auourd'huy : tesmoin Cornelius Tacitus liure vingtiesme de ses Annales, Iuuenal en la dixseptiesme Satyre, & Silius Italicus. Ce a esté mal aduisé à Blondus & autres, de vouloir rapporter le commencement & origine de leur nomination aux Vvisigoths.

HELIAS Archeuesque d'Aquilee, apres estre sorty des mains de l'Archeuesque de Rauenne, se repentit d'auoir donné consentement aux opinions d'iceluy : parquoy, il fit assembler vn Synode des Euesques de son diocèse, auxquels il confessa sa faulte, & se reconcilia avec l'Eglise Catholique. P. Diacre, Sigonius.

CHAIAN qui en ce temps regnoit sur les Auaros, Esclauons & Bulgariens, estoit si vaillant & belliqueux, qu'il gagna plusieurs belles victoires sur l'Empire Romain. Nicephore en ses Annales & P. Diacre liu. 18.

ESTANT l'Eglise en plus grande paix & tranquillité qu'elle n'auoit esté cy deuant, tant avec les Princes tyrans, qu'avec les heretiques : le diable recōmença par d'autres moyens à la troubler, qui luy furent presentez par l'ambition & auarice des Prelats & superieurs d'icelle, qui auoient si bien gaigné le dessus en eux, qu'on les y voyoit plus reluire que l'ancien zeile de l'auancement de la gloire de Dieu, auquel ils n'estoient beaucoup affectionnez, & lequel auoir esté en leurs predecesseurs. Tellemēt que les vns vindrēt à entrer en debat & cōtendance pour la primauté & superiorité. Et le premier qui entra en ceste lice, fut Iean surnommé le Ieusneur, Archeuesque de Cōstātinople, lequel se sentāt fauorisé de

L'Empereur commença souz son auduis de se tracer & preparer les moyens pour estre déclaré OEcumenique, c'est à dire Superieur & Primat, ou Chef de l'Eglise vniuerselle, alleguant qu'une telle prerogative appartenoit à l'Euesque de la ville, qui estoit le siege de l'Empire du monde: comme si le siege de la Religion ensuiuoit le siege de la puissance de l'Empire & des armes. Et pour mieux faire sortir à effect ses projects, assembla ceste année tous les Euesques de son Patriarchat en vn Synode à Constantinople; où il leur fit si bien entendre ses raisons, qu'ils conclurent tous à ses fins & intentions. Mais le Pape Pelagius s'y opposa si constamment, & son successeur Gregoire encore mieux (comme luy-mesme tesmoigne au liure quatriesme epist. 36. de ses epistres) que ceste orgueilleuse determination fut reiettee & condamnée des autres Eglises. Tellement que cest ambitieux Euesque ne peut obtenir enuers les autres dioceses ce qu'il pretendoit: encore qu'il eust le support & assistance de l'Empereur.

C'EST merueille toutesfois qu'il ne se trouue rien escrit de tout ce differend, ny en Euagrius qui viuoit en ce temps, ny en aucun autre autheur Grec, qui se trouue: encore que tous les historiens Grecs ayent donné des tesmoignages fort honorables, tât de charité enuers les pauvres, & de sobriété de bouche, dont il fut dict le leusneur, que de modestie de ce Iean Patriarche de Constantinople.

<i>Du Monde.</i>	4726	<i>Papes.</i>	10	<i>R. des Visigoths.</i>	4
<i>De Iesus Christ.</i>	585	<i>E. d'Orient.</i>	6	<i>R. des Lombards.</i>	3
<i>Indiction.</i>	7	<i>R. de Perse.</i>	8	<i>R. des Esclavons.</i>	8
		<i>R. des François.</i>	26	<i>E. d'Italie.</i>	2

PHILIPPIC ayant repris la charge de la guerre contre les Perles, se trouua neantmoins vaincu par eux avec son armee deuant la ville de Martyropolis. Occasion pourquoy l'Empereur le reuocqua derechef, & substitua Commetiohus en sa charge: souz lequel les Romains prospererent encore de si bonne sorte sur les Perles, qu'ils mirent leur armee par deux memorables fois en route: à l'une desquelles le Lieutenant de leur Roy fut tué. Et à l'autre, qui se fit en la Suaue ou Albanie pour la defense des Huns dictz Turcs, le Capitaine Barames (auquel le Roy Hormisda auoit donné la charge de les subiuguer) fut si mal mené, que pour n'en receuoir encore vn pire salaire de son maistre, se rebella avec son armee contre luy. Qui fut cause, (ioinct la haine qu'il s'estoit ia acquise de tous ses subiects par sa tyrannie) qu'on s'esleua generalement contre luy; tellement qu'estant pris, on luy creua les yeux: & establit-on son fils nommé Chosroes en son lieu.

LES Bretons de la petite Bretagne, contreuenans à la paix qu'ils auoient avec les François, entrèrent à grande puissance en façon d'ennemis dedans la France, & deuant qu'on print garde à eux, ils eurent loisir de courir & rauager tant les villes que le plat país de Nantes & du Mans sans aucune resistance. Ce nonobstant la crainte & estonnement se mit si fort entr'eux au bruit des forces que les Rois Gontran & Childbert faisoient marcher contr'eux, que leurs Comtes Varoch & Vinocle cogneurent leur plus expedient estre de les preuenir, allant faire reparation de leur faulte, ensemble aussi nouveau serment de fidelité, avec hommage de leur país ausdits Rois: comme Gregoire de Tours liure neufiesme chapitre dixhuit recite. Par l'auctorité duquel, comme de celuy qui viuoit en ce siecle, sont refutees les histoires de la petite Bretagne, qui nous forgent vn Roy d'icelle en ce temps nommé Alain.

DAVTREPART vn Ranchingus, qui estoit des principaux Barons de la Cour du Roy Childbert, prenant intelligence avec Vrsio & Bethefroy, ensemble avec aucuns des plus grands seigneurs du Royaume du Roy Clotaire second, fit vn complot avec eux de faire mourir le Roy Childbert, & puis departir entr'eux les gouuernemens des Royaumes d'iceluy & du ieune Roy Clotaire, souz le nom de ses fils. Mais estant ceste

conspiration

conspiration euentee par le Roy Gontran, il fit que Childebert mit si bon ordre à son faict, que tous les auteurs d'icelle receurent le chastimēt de leur mauuaise & pernicieuse volonté & deliberation, apres qu'ils se furent tous deux entreueuz à vn parlement qu'ils assignerent: auquel ils recōfermerent leur amitié, & renouellerent les conuentions que ils auoient cy deuant faictes entre eux, selon la formule qui est exposée par Gregoire de Tours liure neufiesme chapitre vingt, où il est monstre par la datte d'icelle, qu'elle fut faicte le vingthuitiesme iour de Nouembre, en la douziesme annee du Roy Childebert, & vingtquatre de Gontran.

RICCAREDE Roy des Vvisigoths, n'estimant auoir assez faict de s'estre emancipé des tenebres Arriennes, les voulut semblablement dechasser de son Roiaume: pour laquelle fin il fit assembler les Prelats de tous les quartiers d'iceluy, tant Arriens que Catholiques, en la ville de Tolette: où l'heresie Arrienne fut si diligemment examinée & conuaincuë de tout poinct, qu'il ne se trouua personne qui eust moyen de la defendre. A cause dequoy elle fut anathematizée de tous, & par decret exterminée de toute l'Espagne, apres que les liures où elle estoit maintenue, eurent esté bruslez publiquement: comme tesmoigne Gregoire de Tours liure neufiesme, chapitre quinze & seze, avec le supplément d'iceluy, Sigebert, ensemble les histoires d'Espagne, & le liure des Conciles: qui declarent expressement qu'il fut cōmencé le huitiesme iour de May, & en l'Ere **DCXXVII**. & en la quatriesme annee du Roy Riccarede, à compter (comme nous l'entēdons) depuis que son pere l'eut fait regner avec luy, & non pas depuis la mort d'iceluy, comme nous fait entendre Iean l'Abbé Euesque de Gerunde, qui se trouua audit Concile, en vn petit Chronicon qu'il a fait des choses de ce temps, où il dit: *Riccaredus primo regni sui anno, mense decimo, Deo adiuuante Catholicus efficitur, & sacerdotes sectæ Arriana sapienti colloquio ag-gressus ratione potius quam imperio ad fidem Catholicam facit conuerti, gentēque omnem Gothorum & Suenorum ad unitatem & pacem reuocat Ecclesiæ Christianæ.* Car il n'y a point de doute qu'il ne parle là de ce Concile, qui fut tenu dix mois apes le trespas du pere. Somme que Fulgentius, Isidore le Grand, & Leandre Archeuesque de Seuille, assisterent à ce Synode, avec enuiron soixante autres Euesques, tant d'Espagne que des païs que les Vvisigoths tenoient en la Septimanie; lequel a esté appelé le troisieme de Tolette. Auquel furent outreplus ordonnez plusieurs Canons bons & salutaires: comme est celuy qui commande que le Symbole de la foy qu'on appelle le *Credo*, soit recité en toutes les Eglises d'Espagne, selon la forme des Eglises d'Orient: & qu'il soit presché à haute voix deuant que l'oraison Dominicale se die: afin que la vraye foy soit manifestee, & qu'elle ait tesmoignage: & que les cœurs estans purifiez par foy, aillent à la communion du corps & du sang de Christ. De laquelle ordonnance nous recueillons plusieurs poincts, à sçauoir que du temps de ce Concile il n'y auoit pas encore par tout vne metme forme: & que le Symbole de la foy n'estoit pas seulement recité & chanté en langue entendue du peuple, mais aussi qu'il estoit presché & exposé pour mieux preparer le peuple à recevoir dignement la Cene. D'auantage, qu'en ce temps-là les Prestres ne communioient point tous seuls à la Messe, comme ils font aujourd'huy, mais aussi le peuple communioit avec eux. Or incontinent apres la determination de ce Concile, Riccarede enuoya rechercher l'amitié & alliance des Rois Gontran & Childebert, comme il auoit ia fait par cy deuant. Mais il receut meilleure responce de Childebert, que de Gontran, qui ne pouuoit encore oublier l'injure faicte à sa niepce Iugunde: car Childebert luy promet bien son amitié, nonobstant qu'il ne voulut pas accorder sa sœur Clodofuide deuant qu'il en eust eu le consentement du Roy Gontran son oncle: comme recite Gregoire de Tours, qui rapporte cecy à la douziesme annee du Roy Childebert liure neufiesme chapitre dix-sept. Qui est pour monstre que Riccarede n'estoit pas marié au temps du Concile de Tolette, comme **Vasæus** avec ses auteurs ont estimé, qui appellent sa femme **Badda**.

T iij

<i>Du Monde.</i>	4727	<i>Papes.</i>	11	<i>R. des Vvisigoths.</i>	4
<i>De Iesus Christ.</i>	590	<i>E. d Orient.</i>	7	<i>R. des Lombards.</i>	4
<i>Indiction.</i>	8	<i>R. de Perse.</i>	1	<i>R. d'Escoffe.</i>	9
		<i>R. des François.</i>	37	<i>E. d'Italie.</i>	3

CHOSROES ayant esté estably au Roiaume des Perles au lieu de son pere, s'oublia tellement enuers ceux qui auoient esté cause de son aduancement, qu'il se rendit odieux à toute sa noblesse, dõt il n'eust failly de receuoir le mesme party que son pere, s'il ne se fust à bonne heure retiré à sauueté vers l'Empereur Maurice : lequel prenant sa cause en main, permit à ses Lieutenans & Capitaines, nommément à vn Narses, de le reconduire & restituer en son Roiaume. Ce qui se fit apres qu'ils eurent deffait en champ de bataille, l'armee de leurs aduerfaires : dont Baranes principal de ceux qui se formalisoient cõtre Chosroes estoit chef. Au moyen dequoy il demeura tousiours depuis dominateur paisible du Roiaume des Perles iusques au bout de 38. ou 39. ans, au rapport d'Euagr. liu. 6. ch. 17. 18. 19. & de Niceph. ou de Landulfus Sagax en ses Annal. de Const. & de Cedrenus : lequel avec Zonare adioust que Chosroes estoit fort entendu en la science des Astres, par les cõtèplations de laquelle il dist à vn des Capitaines Romains, de ceux qui le reconduisoient en son Roiaume, pource qu'il le brocaroit d'auanture : que les calamitez & miseres feroient vne fois retour sur les Romains, en telle sorte que la natiõ Babylonique tiendrait souz ses pieds toute la puissance Romaine, l'espace de trois reuolutions septenaires d'annees : lesquelles expirees les Romains maistriferoient derechef le Roiaume des Perles par cinq septenaires d'annees, au bout desquels le iour esclairera sans vespre les Romains.

QUELQUE accord qu'il y eust entre Childebert & Gontran, l'vn n'estoit pas encore bien content de l'autre, signamment Gontran, qui se plaignoit que l'appointement qui auoit esté fait avec luy, n'estoit pas de tout point accõply. Qui fut cause que Childebert enuoya ses Ambassadeurs : (entre lesquels fut Gregoire de Tours) vers luy, tant pour le cõtèter que pour auoir son consentemēt du mariage de sa sœur avec le Roy des Vvisigoths, qui la poursuiuoit tousiours : & pour luy demander aussi confort de ses forces, à paracheuer le voyage d'Italie qu'il auoit entrepris de faire : afin de s'acquitter de la foy & promesse qu'il auoit cy deuant faicte à l'Empereur Maurice, de luy aider à mettre les Lombards hors d'Italie. Aufquelles demandes, Gontran respondit, qu'il acquiesceroit volontiers, au cas que son nepueu s'acquittast comme il deuoit de l'accord qu'ils auoient fait ensemble, sinon qu'il ne luy pouuoit pas pour lors donner de ses gens pour la guerre d'Italie, que ce ne fust les enuoyer temerairement comme à la mort certaine, estât alors l'Italie toute gastee de peste. Ce nonobstant Childebert depescha vn Ambassadeur nommé Grippo vers l'Empereur, pour aller communiquer avec luy des moyens d'amener à fin ceste entreprinse : & puis sans attendre le retour d'iceluy, fit passer vne troisieme annee en Italie pour commēcer le ieu : laquelle causa vn tel despit aux Lombards, & à leur Roy Antharis (tant pour auoir esté son alliance mesprisee, que pource qu'on le venoit si souuent brauer à credit iusques sur son fumier) qu'il se delibera de iouer à quitte ou à double. De sorte qu'il se vint avec ses forces presenter en bataille rangee deuant les François, & les combatit de telle animosité, qu'il en obtint vne memorable victoire ; par la grande desconfiture qu'il fit d'eux : ayant mis le reste en route, qui s'en reuint en pauvre equipage en Frâce. Neantmoins quand il entendit que Childebert releuoit encore vne autre puissante armee, pour aller venger la honte de la premiere, il enuoya des Ambassadeurs vers luy avec grands presents pour rechercher son amitié, en luy offrant vn tribut annuel, avec promesse de luy faire seruice contre tous ses ennemis. Qui fut cause de faire surseoir le depart de ceste armee, en attendant qu'on eust veu l'effect que le Roy Lombard voudroit donner aux propos de paix qu'il auoit fait porter par son Ambassadeur : comme recite Gregoire de Tours liu. 9. chap. 20. 25. & 29. où il declare aussi expressēmēt, que tout cecy se fit en la 13. annee de Childebert, apres Pasques : car l'Ambassade de Childebert fut vers Gontran au temps de la feste de la Resurrection de nostre Seigneur : & ce que Gontran ne voulut donner de ses gens

les gens à cause de la peste d'Italie, est vn témoignage que ce fut aussi l'année que le Pape Pelagius mourut plus-tost que Sigonius a estimé l'an 588.

A v mesme temps aussi les Bretons contreuenans aux promesses qu'ils auoient cy deuant faiçtes aux Rois de France, vindrent faire des courtes & degasts sur les pais de Nantes & de Rennes. Gregoire de Tours liu. 9. chap. 24.

A L L A 2. Roy de Northumberland mourut en la 30. année de son regne, sans laisser aucuns enfans. Parquoy Ethelric fils d'Ida entra en son lieu, étant ia grandement aagé : à cause dequoy il regna seulement cinq ans. Guill. de Malmesberie.

A v mesme temps aussi Thassilon Duc d'une partie du pais de Bauiere, avant esté chassé de son appartenace par son parét Garionald ou Charibald, que les autres disent Gerbault, fils de Theodebert Roy du reste de Bauiere, s'estoit retiré vers le Roy Childbert d'Austrasie : lequel prenant en main sa restitution, luy donna vne armee, ou bien fit (comme estime Sigonius) passer celle qu'il enuoyoit en Italie par le Roiaume de Bauiere, où elle fit bien qu'elle remit non seulement le dechassé en son bien, mais aussi en possession de celuy de l'usurpateur, qu'il cōtraignit se retirer avec ses enfans vers le Roy de Lombardie, qui le fit lors son beau-pere, prenât sa fille Theodebinde, qui luy estoit ia promise en mariage, étant cependant inhibé audit Thassilon, de prendre autre que son premier tiltre de Duc. Auentin liure 3.

V N E grande multitude d'Esclauons sortiz de la Scythie, ayans passé le Danube avec toutes leurs familles, s'espandirent par le pais d'Istrie & de l'Illyrie, où ils trouuerēt si peu de resistance, qu'il n'y eut rien qui les empeschast de s'en faire maistres, & d'y accommoder leur demeure : en telle sorte que le nom d'Esclauonie y a tousiours depuis demeuré. Ce que S. Gregoire en vne de ses epistres à Ionius Gouverneur d'Illyrie, dit estre aduenü en la 7. année de l'Empereur Maurice.

L E fleuve du Tybres s'estoit desbordé si estrangement dès l'Automne precedent, que le terroir de Rome en fut quasi tout noyé, au grand detrimēt d'une infinité d'edifices de la cité : & penetra si auant, qu'il fit sortir vn nombre inestimable de serpents hors de leurs retraittes, lesquels estans menez par le cours de l'eau à la Mer, y furent suffoquez, & de là reiettez au riuage ; où ils engēdrerent vne si horrible putrefaction, que l'air d'alenuiron en fut tout infecté & corrompu : dont s'en ensuiuit vne deplorable pestilence, qui de Rome s'espancha par toute l'Italie, & y fit vn horrible eschee de personnes, qui seroit impossible de raconter. Tellement qu'elle n'espargna le Pape Pelagius, qui en mourut ceste année, qui estoit (au dire de Gregoire de Tours liu. 10. chap. 1.) la 14. ou plustost 13. du regne du Roy Childbert : & cōme a obserué Onufrius le 8. iour de Feurier. Au moyen dequoy Gregoire premier de ce nom, fils d'un Sénateur Romain, fut de Moine qu'il estoit, & de Diacre de l'Eglise Romaine esleu Euesque & Pasteur d'icelle, non plustost toutesfois que 6. mois & 25. iours ne se fussent passez depuis le decez de son predecesseur. A cause possible du temps, ou de ce qu'il auoit fait tous ses efforts d'empescher qu'il ne fust esleu, & que son eslection fust approuuee de l'Empereur. Occasion pourquoy il semble auoir esté vn Ange à comparaisō de ses succeffeurs. Ce qui a fait aussi avec la doctrine & sçauoir qui estoit en luy, qu'on luy a donné le quatriesme lieu entre les Docteurs de l'Eglise, & le surnom de Grand. Ioinct la sollicitude, zele, pieté & diligence qu'on dit qu'il fit paroistre en foy à l'aduancemēt & exaltation de l'Eglise, & à s'acquitter du faix de sa charge, au temps auquel toutes les bonnes disciplines estoient abastardies : la clarté de l'intelligence des escriptures grandement obscurcie. La face non seulement de l'Eglise miserablement changée, mais aussi de toute l'Italie & des autres Roiaumes de la terre. Cependant il n'y a faute de gens auourd'huy qui estiment qu'il y a plus de zele que de science & de iugement es constitutions, ceremonies & traditions qu'on dit auoir esté par luy introduictes & adioustees au seruice diuin qui se fait en l'Eglise Romaine. Comme aussi il y en a eu qui n'ont point fait de difficulté d'estimer que par luy la Messe a esté composee & reduicte en l'estat auquel elle est pour le present, luy attribuant non seulement toutes les parties d'icelle, qui se trouuent sans certains auteurs : mais aussi celles qu'on assignoit à d'autres ia deuant luy. Ce neantmoins luy-mesme témoigne en l'epistre 62. du liu. 7. que le Canon de la Messe en la sorte qu'on l'a de present, fut composé en ce siecle par vn nommé Scholasticus, qui ramassa & assembla en vn corps toutes les piéces qui auoient auparauāt luy esté inuentees de plusieurs, afin de le rendre parfait & accompli en toutes ses parties.

D'auantage Platine ne se peut persuader q̄ l'office & seruice diuin qui est vſité en l'Eglise Romaine, ſoit celuy meſme dont on eſtime Gregoire auoir eſté auteur. D'autant qu'il le dit eſtre tellement remply & additionné de barbariſmes & ſolœciſmes, qu'il le rendent en deſdain aux gens de ſçauoir, eſtants tant és diſtions qui ne ſont ne Latines ne Grecques, qu'en la compoſition, qu'on ne peut auoir argumēt de penſer qu'il ſoit procedé d'un tel perſonnage. Cependant Iohan. de Voragine cha. 46. de ſon hiſtoire des Lombards teſmoigne, que lors que Gregoire compoſa ſon ſeruice appellé Gregorien, que les Eglises d'Italie ſe ſeruoient de celuy que ſainct Ambroſe leur auoit inſtitué: lequel fut encores obſerué iuſques au temps d'un Pape Adrian, qui mit le Gregorien en vſage, laiſſant l'obſeruation de l'Ambroſien à l'Eglise Milānoïſe ſeulement. Finalement on trouue eſcrit en vne epiſtre d'un Eueſque d'Augsbourg au Pape Nicolas premier, que Gregoire voulut interdire le mariage aux preſtres, & qu'il reuoqua en fin ſon ordonnance, ayant cognu par vne experience qu'elle vtilité pouuoit reuenir à l'Eglise de telle deſenſe. Au reſte les auteurs tiennent qu'il a preſidé à l'Eglise Romaine l'eſpace de 13. ans 6. mois 11. iours. Du regiſtre de ſon pontificat on peut tirer confirmation qu'il a commencé ceſte année.

EN laquelle auffi le 3. Synode de Maſcon fut celebré ſelon Onuſius, & le premier de Hiſpale ditte Seuille, qui conſtitua 23. canons. Ce que le liure des Conciles refere à l'Ere dcxxviii. & à la 5. année de Riccarede Roy des Vviſgoths.

R A D E G O N D E Roine de France, femme comme on dit de ſainte vie, mourut. Greg. de Tours.

<i>Du Monde.</i>	4728	<i>Papes.</i>	1	<i>R. des Vviſgoths.</i>	6
<i>De Ieſus Chriſt.</i>	591	<i>E. d'Orient.</i>	8	<i>R. des Lombards.</i>	5
<i>Indiction.</i>	9	<i>R. de Perſe.</i>	2	<i>R. des Eſcoſſois.</i>	10
		<i>R. des François.</i>	20	<i>Exarche d'Italie.</i>	4

THEODOSE fils aîné de l'Empereur Maurice, fut le 15. d'Auril, auquel on celebrait ceſte année la feſte de Paſques à Conſtantinople, deſigné Auguſte par ſon pere, & fait conſort à luy en toutes les nominations & preeminences Imperiales: tellement qu'on fait compte que deſlors l'Empire fut gouuerné par eux deux enſemble l'eſpace de vnze ans 7. mois 6. iours. Auquel temps auffi Maurice ſe voiant auoir paix en Orient, fit venir les legions qui y eſtoient au païs de Thrace, afin de les oppoſer aux entrepriſes des Auarois. Niceph. ou Laudulfus Sag. Cedrenus.

Q V O Y que le Roy Childebert euſt promis de donner ſa ſœur au Roy Riccarede pour femme, ſi eſt-ce que Gontran ſ'eſtima encore occaſionné d'enuoyer vne armee en la Septimanie contre les Vviſgoths ſouz la conduite de deux Capitaines Boſon & Anteuſius, afin d'aller ayder le Duc Auſtronault à acheuer de reduire le reſte des villes dudit païs en la main de leur maïſtre: car Auſtronault auoit ja conqueſté & reduit la ville & prouince de Carcaſſonne. Mais ils en furent ſi deſpitez contre luy, à cauſe qu'il ne les auoit attenduz, qu'ils voulurent conduire le reſte de ceſte entrepriſe ſans luy, avec telle indiſcretion & temerité qu'ils donnerent priſe ſur eux à leur ennemy. Au moyen dequoy ils furent honteuſement deſfaits avec leurs gens par vn Claudius Duc de Luſitanie Lieutenant de Riccarede: à ce que diſent les Hiſtoriens Eſpagnols, qui magnifient ſi exorbitamment ceſte victoire, qu'ils ont bien oſé eſcrire qu'elle fut acquiſe par trois cens combatans ſeulement ſur vne armee de plus de 60. mille François. Combien que Gregoire afferme qu'il n'y auoit en icelle que des compagnies de gens de guerre des païs de Perigueux, Bordeaux, Tholoſe, Sainctōge, & Agenois, qui furent deſconfits, ſ'eſtās laiſſez attirer en des embuſches: tellement qu'il en demeura cinq mille de mors ſur le champ, & deux mille priſonniers, qui eſtoient tous gens de pied. Car ceux de cheual ſe ſauuerent des autres peu ou point ſans tomber entre les mains de l'ennemy. Tant y a que ceſte deſſaite penſa faire rentret le Roy Gontran en mauuais meſnage avec le Roy Childebert, eſtimant que ce deſaſtre luy fuſt aduenü par l'intelligēce qu'il auoit avec le Roy Riccarede, à cauſe qu'ils eſtoient appointez enſemble: ioint auffi qu'il eut ſouſpon qu'il ne vouluſt entreprendre ſur

sur le Royaume de Paris, apres auoir donné son fils aîné Theodebert aux Seigneurs de la prouince de Soissons qu'ils luy auoient enuoié demander pour le faire leur Roy. Comme recite Gregoire de Tours liu. 9. cha. 30. 31. 32. & 36. où il attribue cecy à la 14. année du Roy Childebert.

A v meſme temps Thaffilon Duc d'une partie de Bauiere, eſtant dechaffé de ſon eſtat par ſon parent Garouald, ou Charibald fils de Theodebert, s'en vint (comme recite Auētin liu. 3. de ſes Annales) à refuge vers le Roy Childebert, qui luy donna vne armee, par laquelle il ne fut pas ſeulement remis & reintegré en ſon bien, mais auſſi chaffa Garouald du ſien : dont il ſe retira vers le Roy des Lōbards. Il ſemble que ce fut la meſme qui eſtoit apreſtee pour retourner en Italie, ou vne partie d'icelle. Car Sigonius teſmoigne qu'apres qu'elle eut remis le Bauarois chez luy, qu'elle paſſa de là en Italie avec la troupe qu'il y fit bien toſt apres aller (eſtant ſon Ambaſſadeur Grippo de retour de Cōſtantinople) ſouz la conduite de vingts Capitaines, qui s'eſpandirent en diuerſes bandes par l'Italie, faiſans vn grand degaſt de païs : où ils prindrent auſſi aucunes villes & fortereſſes de peu d'importance, & rembarrerent lourdement quelques compagnies de Lombars qui leur venoient donner de petites algarades dedans leur camp. Mais apres auoir rauagé l'Italie en telle ſorte l'eſpace de trois mois, ſans auoir peu faire le nez à l'ennemy dehors des villes, leſquelles il faiſoit ſeulement eſtat de defendre, ſignamment les plus d'importances : & que l'armee de l'Empereur faillit de ſe ioindre au iour qu'on l'attendoit, meſmement que la mortalité ſeſtoit ja furieuſement miſe dedans leur camp, à cauſe de l'inaccouſtumance de l'air, force leur fut finalement reprendre le chemin de la France, deuant qu'auoir fait aucun plus memorable exploit, ſinon poſſible celui qu'aucuns ont eſcrit de la priſe de Pauię : de laquelle ils eſtiment qu'elle fut nommee Papię, à cauſe du Capitaine François nommé Papius, ſouz la conduite duquel elle ſ'eſtoit faite. Ce nonobſtant le Roy Antharis deſpeſcha ſoudainement ſes Ambaſſadeurs apres eux vers les Rois Childebert & Gontrā, afin qu'ils ſe deſiſtaſſent des plus ennemis des Lombards, leur offrant tribut, obeïſſance & ſeruiſe contre tous leurs ennemis. Mais auant leur retour il mourut (comme ont noté les Hiſtoriens d'Italie) le 5. iour de Septembre en la ville de Pauię. Parquoy ſon ſucceſſeur (que Gregoire nomme Paul, ſon Continuateur Ago, l'Abbé d'Vrſperg Agio, les Hiſtoriens d'Italie Agilulfe) conferma & paracheua l'accord qu'il vouloit faire avec eux. Ce qui fut la fin de l'inimitié d'entre les François & Lōbards, laquelle fut deſlors conuertie en vne paix qui a eſté de longue duree. Comme recite Gregoire de Tours liu. 10. chap. 3. Où il ſemble attribuer ce dernier voyage à la 15. année du Roy Childebert, & à celle d'apres que le Pape Gregoire fut eſleu. Mais il donne aſſez à cognoiſtre par le meſme paſſage, & par pluſieurs autres, que ce 4. voyage d'Italie ſe fit l'année d'apres, le 3. Dont il ne peut eſtre attribué qu'à la 14. dudit Childebert : & à ceſte-cy de noſtre Seigneur pluſtoſt, qu'à la precedente, quoy qu'il y ait vne Epiſtre au regiſtre de Gregoire dattee de la 9. Indiction, & de la premiere année de ſon Papat. Par laquelle Sigonius a voulu conclure que le Roy Antharis mourut à la fin de la 8. Indiction : pource qu'il eſt là dit que Dieu ne luy fit la grace de voir la ſolemnité de Paſques prochaines, pour auoir empeſché de baptizer tous les fils des Lombards nouuellement nez en la foy de l'Egliſe Catholique aux Paſques precedentes. Car nous auons monſtré par les teſmoignages alleguez eſ deux années precedentes, que le troiſieſme voyage d'Italie ſe fit en la 13. année de Childebert apres Paſques. Dont il n'y peut auoir raiſon d'eſtimer que le 4. ſe ſoit fait en vn meſme eſté. Parquoy j'ayme mieux croire que l'Epiſtre qui nous contredit, a eſté tranſpoſee par celui qui a rasſemblé ce regiſtre, que preferer le teſmoignage d'icelle à tant d'autres contraires plus certains, qui ſont en noſtre Gregoire, lequel viuoit auſſi au meſme temps que l'autre.

O r eſtant doncques le Roy Antharis decedé par le moyen (comme on a eſcrit) d'un poiſon qui luy fut donné, pource qu'il ne laiſſa aucuns enfans, les Lombards permirent que la Roine Theolinde ſa femme pour la grace qu'elle ſ'eſtoit acquiſe enuers eux par ſa prudence & modeſtie, qu'elle demeurat encore leur Roine à cōdition de choiſir & nommer pour mary & pour leur Roy celui d'entre tous les Princes de la Lombardie qu'elle iugeroit le plus digne d'elle & de leur couronne. Tellement que ſuyuant ceſte permiſſion elle leur nomma le premier iour de Nouembre Agilulfe Duc & Prince de Turin & de Piedmont, qu'on diſoit eſtre Turingien de la race des Hamauues. Lequel regna par ce moien en Italie tant ſeul qu'avec ſon fils Adalvvald, qui fit regner avec ſoy dès la 9. année

de son regne, l'espace d'environ 22. ans; & non comme Paul Diacre & Onufrius ont compté vingt-cinq. Lesquels aussi tesmoignent qu'il se fit de rechef confermer & couronner Roy au mois de May en viuant en la ville de Milan du consentement de tous les estats de son Royaume. Qui fut lors (à ce qu'aucuns Historiés ont mis en escrit) que la Roine Theodelinde luy posa sur le chef vne couronne d'or entrelassée d'un cercle de fer, à l'exemple de laquelle ils estiment que tant les Rois Lombards ses successeurs, que les autres comme François & Allemans qui ont successiuellement regné en Italie, se sont tousiours depuis fait couronner d'une semblable couronne à Milan, laquelle on appelloit la couronne de fer.

Le Pape Gregoire estimant que pour appaiser la peste qui duroit si longuement à Rome, il falloit premierement appaiser l'ire de Dieu contre les pechez des hommes, institua certaines prieres & supplications solemnelles que les Grecs disent en leur langue *Litania*, les nostres Letanies: qui se firent le iour S. Marc, estant (comme dit Gregoire de Tours liu. 10.) le Roy Childebert d'Austrasie en la 15. année de son regne, mais il faut plustost lire 14. car il est certain qu'il se fit mesconté es années dudit Childebert, si son pere n'a regné moins de 13. ans en la maniere qu'il recite, qui est bien differente de celle dont on vse aux Litanies du iourd'huy qui se font à mesme iour, dont on estime que celles ont pris leur source & origine des precedentes: encore que Mammert Archeuesque de Vienne eust ja institué les autres au parauant, qu'ils disent petites. Ce nonobstant il confesse bien que toutes personnes de toutes qualitez, aages & sexes assistoient ausdites supplications qui se faisoient à Dieu distribuées en processions de sept ordres ou rangs, qui alloient de temple en temple, chantans par les rues *Kirie eleison*, faisans les prestres & clerics le premier rang: les moines avec leurs Abbez le second: les Abbeſſes avec leurs nonnains le troisieme: les ieunes enfans le quatrieme: les laics & seculiers le cinquieme: les femmes veſues le 6. les mariees le 7.

Deux Synodes prouinciaux furent celebrez en la mesme année en France, à ſçauoir l'un à Lyon, & l'autre à Poitiers. Onufrius.

Du Monde.	4729	Papes.	2	R. des Visigoths.	7
De Iesus Christ.	592	E. d'Orient.	9	R. des Lombards.	2
Indiction.	10	R. de Perſe.	3	R. d'Eſcoſſe.	11
		R. des François.	19	E. d'Italie.	5

CHAIAN Roy des Auarois & des Bulgariens, se ſentant augmenté de puissance, cherchoit toutes occasions de quereller contre les Romains. Et pour venir à ses fins, euyra demander à l'Empereur augmentation de la pension qu'on luy paioit ja au parauant. Et pource qu'elle fut refusee, il se mit à faire la guerre aux prouinces Romaines qui sont en l'Illyrie. De façon qu'il ſaccagea de rechef la ville de Sigidon: & puis mena son camp deuant Syrmium. Zonare, Niceph.

ENVIRON le mesme temps l'Exarche d'Italie partit de Rauenne pour aller à Rome, se faisant conduire par vne armee, par le moien de laquelle il regaigna sur le chemin toutes les villes de l'Empire que les Lombards auoient occupees durant les trefues qui estoient entr'eux & les Romains. P. Diacre, Sabellic.

AGILULFE Roy des Lombards apres auoir obtenu paix des Rois de France, laquelle Eoin Duc de Trente fut conclure & arrester, se mit à poursuiure aucuns Ducs & Seigneurs qui ne le vouloient recognoistre, & auoient attiré les citoyens de Padoue à leur complot. Mais il fit en fin quitter le jeu: pendant lequel temps Ariulfe Duc de Spolet eut aussi charge de luy d'aller assieger la cité de Rome: pource qu'il estoit bié aduertý qu'il y auoit faute de gens de guerre en icelle. Si est-ce toutesfois qu'il remít sans rien faire, sinon qu'à son retour il subiugua la ville de Camerin souz la couronne des Lombards. Paul Diacre, Sigonius.

Les Bretons ne cessans de faire courſes sur les lizieres de France toutes les fois qu'ils auoient quelque opportunité de ce faire, furent causé que le Roy Gontran enuoia vne armee contre eux pour les chaſtier souz la conduite de deux Capitaines Beppolenus & Ebraccharius:

Ebraccharius: l'un desquels qui estoit Ebraccharius, portant enuie à son compagnon, le fit tout de fait aduis tomber mal-aduisement entre les mains de l'ennemy par lequel il fut avec la plus grande partie de son armee defait & mis en pieces. Et puis au moyen de l'intelligence qu'il auoit avec Vvaroch Prince des Brets, l'induisit facilement à se mettre d'appoinctement avec luy, promettant de se soubmettre au bon vouloir du Roy Gontran, dont il bailla ostages, nonobstant lesquels il ne laissa pas encore de donner iur la queue de l'armee Françoisse comme elle s'en retournoit: tellement qu'il en fit un grand eschet. Comme recite Gregoire de Tours liu. 10. chap. 9. où il rapporte aussi à la 29. annee du Roy Gontran. En laquelle aussi il dit au chap. 23. du mesme liure, qu'il se fit vne eclipse de Soleil au milieu du mois d'Aoust, laquelle fut precedee & suivie de quelques autres prodiges. Parquoy il n'y a point de doute que ce ne soit la mesme que Niceph. & Landulf. Sagax en ses Annales de Constantinople tesmoignent s'estre veüe en Orient en la 9. annee de l'Empereur Maurice avec suite d'autres prodiges, & que de ce consentement ne se doibue tirer vne confirmation de nostre supputation.

En la mesme annee un homme nommé Sunugisile, s'estant trouué en vne maison royale du Roy Childebert, confessa volontairement qu'il y auoit esté enuoyé par Fredegonde pour le mettre à mort par assassinat: & estant mis à la question, reuela ses complices & plusieurs autres crimes par luy commis, signamment le meurtre du Roy Chilperic, & accusa quant & quant Gilles Archeuesque de Reims d'auoir esté compagnon de la conspiration qui auoit esté cy deuant intentee par aucuns Seigneurs & Capitaines contre la personne du Roy Childebert: lequel a ceste occasion luy fit faire son procez par les Euesques de son Royaume, lesquels apres l'auoir conuaincu de beaucoup d'autres crimes, le degraderent de tous ses ordres. Et puis il fut confiné en exil à Strasbourg. Comme recite Gregoire de Tours liu. 10. chap. 19. où il donne à penser pourquoy ayant déclaré que ce meurtrier auoit esté attilré par Fredegonde, & qu'il se confessa bien coupable de la mort de Chilperic, neantmoins a teu par qui il fut incité à ce faire, & passé ce point là si couramment.

L'ENFREDI Duc d'Allemagne ayant commis quelque offense deuers le Roy Childebert, fut demis de ses estats, & un nommé Vacilin ou Vncelene substitué en iceux. Supplément de Greg.

JEAN Archeuesque de Constantinople s'estant cy deuant par l'auctorité d'un Synode fait declarer Euesque & Patriarche vniuersel, ne se contenta pas de faire aussi consentir l'Empereur Maurice à ses intétions; mais se voulut pareillemēt seruir de son autorité à induire le Pape Greg. non seulement de s'y cōdescendre, mais aussi de se soubmettre ausiege de Constantinople cōme au primat & vniuersel de toute l'Eglise. A quoy tant s'en faut que Gregoire se soit accordé, qu'il fit biē entendre tant à l'Empereur & à l'Imperatrice, qu'audit Euesque, que quiconque s'ose attribuer vne telle appellation qu'il nomme profane, presumptueuse, orgueilleuse, nouuelle & excogitee tant contre les statuts euangeliques que contre les decretz canoniques, ne peut estre que precurseur de l'Antechrist, & promoteur de la ruine & dilaceration de l'Eglise Chrestienne. Comme on peut voir au 4. liu. de ses epistres depuis la 32. iusques à la 40. & au liu. 6. epistre 77. & 80. tellement qu'il en parle en ces propres mots, en un endroit. *Sed absit à cordibus Christianorum nomen istud blasphemiam, in quo omnium sacerdotum honor adimitur, dum ab uno sibi dementer arrogatur.* Ailleurs: *Triste tamen valde est ut patienter feratur, quatenus despectis omnibus predictus frater & Coepiscopus meus solus conatur appellari Episcopus. Sed in hac eius superbia, quid aliud nisi propinqua iam Antichristi esse tempora designatur.* Ailleurs: *Si vnus Patriarcha vniuersalis dicitur, Patriarcharum nomen ceteris derogatur: Sed absit hoc, absit à Christiana mente id sibi velle quempiam arripere, unde fratrum suorum honorem imminuere ex quantulacumque parte videatur.* Et en escriuant audit Euesque mesme: *Certe Paulus Apostolus cum audiret quosdam dicere, Ego sum Pauli, Ego Apollo, Ego vero Cepha, hanc dilacerationem corporis Domini per quam membra eius aliis quodammodo se captibus sociabant, vehementissimè perhorrescens exclamauit, dicens. Nunquid Paulus pro vobis crucifixus est? Aut in nomine Pauli baptizati estis? Sic ergo ille membra domini corporis certis extra Christum capitibus & ipsis quidem Apostolis subiici euitauit. Tu quid Christo vniuersali scilicet Ecclesie capiti in extremi iudicii es dicturus examine, qui cuncta eius membra tibi met conaris vniuersalis appellatione supponere?* Outreplus il declara encore par vne autre lettre à Eulogius Patriarche d'Alexandrie, qu'il ne se pouuoit contenter d'auoir esté par luy qualifié de tel tiltre. Dont on

escriit qu'en detestation d'iceluy il aima mieux se faire appeller seruiteur des seruiteurs de Dieu. Cōmandant par vne ordonnance à tous ses successeurs de s'abstenir de tout autre tiltre que de celuy-là. Neantmoins toutesfois ceux qui conferent ce que nous venons reciter avec ce que le mesme Greg. s'attribue en ses autres epist. & escrits, & ce qu'on escrit qu'il s'est vsurpé de fait sur les autres Eglises, y pensent trouuer vne telle discordāce, qu'elle leur fait sembler ou qu'il s'est condāné soy-mesme, ou qu'on y a meslé plusieurs escrits avec les siens qui ne sont de luy, & qu'on luy attribue des choses qu'il n'a faites ne dites: ou qu'il s'est estudié souz vne modestie de degoustē les autres du tiltre d'Euesque vniuersel, afin qu'ils le laissassent vsurper à luy seul & à ses successeurs. Cōme ainsi soit qu'il ne leur sēble pas plus de se dire Euesque vniuersel, que de s'attribuer de fait & de paroles la primauté, la superintēdance, la cure & sollicitude de toutes les Eglises de la terre: de cōmander, ordonner, defendre, casser, annuler, ce qui luy a semblé bon en l'Eglise: instituer & demettre de son autorité les Euesques: condāner & absoudre en l'Eglise. Ensemblé aussi d'enuoyer le *Pallium* aux Archeuesques & Metropolitains, par lequel il les declaroit ses vicaires en leurs prouinces & dioceses, & leur ottoioit les charges & qualitez qui semblent essentiellement annexees à la dignité d'Euesque: comme d'ordonner les autres Euesques, corriger, admonester, reformer, celebrer Synodes prouinciaux. Car si les Archeuesques & Metropolitains mesmes estoient ses vicaires, & les Euesques ses souzvicaires, & n'auoient rien que de luy: n'est-ce pas à dire qu'il se donnoit à entendre estre Euesque vniuersel?

IULIAN Euesque de Halicarnasse excita en ce temps l'heresie des Aphtadorcites: avec laquelle aussi celle des Frontinianistes, Monophysites, & Agnoites eut vogue, & des Donatistes aussi qui repulluloit en Afrique. Greg. li. 3. epist. 35. li. 8. epist. 35. 36. 42. liu. 11. chap. 55. Niceph. Onufrius.

<i>Du Monde.</i>	4730	<i>Papes.</i>	3	<i>R. des Visigoths.</i>	8
<i>De Iesus Christ.</i>	593	<i>E. d'Orient.</i>	10	<i>R. des Lombards.</i>	3
<i>Indiction.</i>	11	<i>R. de Perse.</i>	4	<i>R. des Escossais.</i>	2
		<i>R. des François.</i>	30	<i>Exarche d'Italie.</i>	6

L'EMPEREUR estant contraint d'obuier aux entreprinſes des Auarois qui estoient entrez en la Moesie, à cause qu'on ne leur vouloit augmenter la pension qu'on leur donnoit auparauant, donna la conduite de son armee & de toute ceste guerre à vn Capitaine nommé Priscus, qui pour recognoistre la contenance de ses ennemis, fit marcher deuant son Lieutenant Saluianus, par lequel vne troupe d'Auarois escartee fut mise en pieces. Mais le corps de l'armee de Chaian se trouua si fort, que Priscus ne s'y osa en aucune sorte attaquer, estant mesme contraint de se laisser enfermer & assieger dedans vn chasteau, d'où toute la puissance de l'Empereur ne l'eust peu garentir, s'il ne se fust aduisé d'une ruzé, qui fut si dextrement iouée, qu'elle fit leuer le camp à Chaian, & le remener sans coup frapper en son pais apres auoir accordé trefues à Priscus. Niceph. Cedrenus.

LA vertueuse conuersation & sainteté de mœurs de Theodelinde Roine des Lombards, fut cause en ce temps de faire conuertir & reduire grand nombre de ses subiects à la religion Catholique, de laquelle ils estoient desuoyez.

LE gouuernement ou principauté des Sept introduit en la grande Bretagne par les Saxons & Anglois, commença ceste annee, tellement que par iceluy toute la dignité roiale qui estoit en ladite Bretagne, fut abolie. Ioan. Balæus en ses Centur.

GREGOIRE Patriarche d'Antioche mourut, apres auoir gouuerné son Eglise 23. ans. Au moyen dequoy Anastasius surnommé Sinaite fut remis au siege de ladite Eglise duquel il auoit esté deietté cy deuant, & y presida encore 6. ans. Euagr. au dernier liu. & chap. de son hist. Ecclesiastique.

Du Monde

Du Monde. 4731	Papes. 4	R. des Visigoths. 9
De Iesus Christ. 594	E. d'Orient. 11	R. des Lombards. 4
Indiction. 12	R. de Perse 5	R. des Escoffois. 13
	R. des François. 31	E. d'Italie. 7

PRISCUS receuant la charge de defendre le passage du fleuve Ister aux nations Esclauoniques, deffit l'armee d'un de leurs Rois qui se nommoit Flordagastus ou Ardagastus: laquelle s'estoit aduancee d'entrer dedans les prouinces Romaines: à l'occasion de laquelle bonne rencontre il se hazarda encore si à point de passer l'Ister, qu'il alla surprendre le Roy Muscius frere du precedent iusques dedans son palais, d'où il l'enuoya prisonnier à l'Empereur. Niceph.

CÆSAREA femme du Roy de Perse, accompagnée de grande suite de ses gens, arriua enuiron ce temps à Constantinople pour y estre baptizée en la religion Chrestienne, selon que tesmoigne le supplement de Gregoire de Tours & autres auteurs. Qui semble auoir mieux auoir obserué le temps de ceste occurrence, que ceux qui l'ont constituée long temps apres l'abolition du Royaume des Perses par les Sarrazins.

LES Baioariens ou Bauarois s'estans osez ietter dedans le pais des Esclauons, y gaignerēt premierement quelque victoire sur eux. Mais quād le Roy Chaian se fut avec plus grandes forces opposé à eux, la chance fut si bien tournée qu'ils reperdirent avec l'honneur qu'ils auoient gaigné, plus de vingt mille de leurs gens. Blondus, Auentin, Conrard, Licosthenes.

A Iean Patriarche de Hierusalem decedé fut substitué vn nommé Hamos ou Heamus qui presida 8. ans. Niceph.

CETTE année saint Gregoire reprit fort aigrement par lettres Iean Archeuesque de Rauenne, de ce que sans la concession du Pape de Rome il portoit le *pallium* Archiepiscopal, non seulement en faisant le seruice diuin, mais aussi es processions & en d'autres lieux; si est-ce toutesfois qu'il fut contraint de se cōtenter quand il sceut que les predecesseurs d'iceluy en auoient tousiours ainsi vsé. Or ce *pallium* estoit vne sorte de manteau ou d'accoustrement Episcopal, que les Papes auoient ingenieusement inuenté pour en honorer les Archeuesques, Metropolitains & autres Euesques, qu'ils voulurent fauoriser de quelque grace plus que les autres: afin qu'ils s'estimassent ou fussent estimez auoir par iceluy quelque plus grande autorité & preeminence sur les autres: mais la fin estoit de les obliger par ce moyen à la subiection du siege Romain. D'autant que par ledit *pallium* ils les faisoient se declarer estre seulement leurs vicaires en leurs prouinces & dioceses. A telle intention aussi ils souloient enuoyer outre ledit *pallium* des paratures, benedictions & des reliques des Saints avec les priuileges des Abbayes.

CE nonobstant il y en a qui doubtent de ceste epistre, pource que dès l'Empereur Iustinian l'Eglise de Rauenne estoit en diuision avec la Romaine, à cause du decret du 5. Concile vniuersel de Constantinople, & du 3. art. du Concile de Chalcedone, pour raison dequoy & pour les autres que nous auons allegues cy deuant, les Archeuesques d'icelle ne recognoissoient aucunement les Papes de Rome. Parquoy il leur semble que ceste Epistre eust esté enuoyée mal à propos à cest Archeuesque.

THEOFREDE Duc de la Bourgogne transurane mourut. Au moyen dequoy le Roy Childebert luy substitua en sa charge vn nommé Vandalmare. Comme tesmoigne Aimoinus avec le Continuateur de l'histoire de Gregoire Archeuesque de Tours, lequel a mis fin à icelle en ceste année, qu'il dit estre la 31. du Roy Gontran, & la 5. du Pape Gregoire, à compter selon luy depuis son election, & non de sa confirmation. Si ce n'est qu'il ait entendu du commencement de la 5. d'iceluy, comme les autres comptent, & de la fin de la 31. de Gontran, ensemble aussi la 21. depuis sa promotion à l'Euesché de Tours. Mais quand il adioust que ce fut aussi en la dixneuuesme année du Roy Childebert, & deux cens dixhuiet apres le trespas de saint Martin, celà doit estre plustost attribué à la faute des escriuains que de luy. Car il faut certainement lire pour le premier nombre

dixsept, & pour le second, cent quatre vingts. Ce qui est la vraye & droicte intention d'iceluy consermee par le tesmoignage de l'auteur de sa vie, qui dit, qu'il fut esleu Archeuesque l'an cent soixante & douze, depuis S. Martin, & seize ans deuât l'election du Pape Gregoire: ioint qu'on n'en doit pas compter d'auantage par son compte mesme. Car il dit que Clouis mourut en la cent douzieme annee de saint Martin, & que le Roy Clotaire regna depuis luy cinquante vn an, & Gontran trente vn. Comment qu'il en soit, la mesme aussi, celle qu'on dit qui mit fin à sa vie, à ce qu'escriit l'auteur de sa vie, qui declare que ce fut le dixsept iefme iour de Nouembre: ayant esté fort renommé en sa vie par toute la France, à cause de son sçauoir, & de la bonne vie qu'il a mence. Tellement qu'il y en a qui ont escriit que la Gaule n'a moins esté honorée de luy, que l'Italie par l'autre Gregoire. Occasion aussi pourquoy le Poëte Fortunat Euesque de Poictiers, les a comparez tous deux à Gregoire Nazianzene, disant que l'un a esté donné à l'Orient l'autre au Midy, & cestuy-cy à l'Occident.

<i>Du Monde.</i>	4732	<i>Papes.</i>	5	<i>R. des Visigoths.</i>	10
<i>De Iesus Christ.</i>	595	<i>E. d'Orient.</i>	12	<i>R. des Lombards.</i>	5
<i>Indiction.</i>	13	<i>R. de Perse.</i>	6	<i>R. des Escoffous.</i>	14
		<i>R. des François</i>	32	<i>E. d'Italie.</i>	8

PRISCUS ayant espié sa cōmodité passa de rechef le fleuve Ister, & entra dedàs le país des Esclauons, d'où il remporta vn grand butin, selon Nicephore en ses Annales. Par le temoignage aussi duquel Chaian fut encore ceste annee en paix avec l'Empereur: Combien que les autres racomptent qu'il mena vne armee dedàs le país de Thrace, où les Capitaines de l'Empereur gaignerent vne bataille sur luy.

C E P E N D A N T l'Empereur ayant vsé de tous les moyens qu'il auoit peu enuers le Pape Gregoire à le faire condescendre à recognoistre le Patriarche de Constantinople pour vniuersel & superieur, fut si fasché que son intention n'estoit suiue, qu'il fit en despit de luy paix avec les Lombards, sans y comprendre les Romains: mais pour plustost bailler meilleure occasion au Roy Agilulf de leur faire la guerre à bon escient, reuoqua toute sa gendarmerie qu'il auoit en Italie. Gregoire liure quatriesme de ses Epistres chapitre trente vn, datte de l'Indiction quatorze. Combien qu'il y en a d'autres par lesquelles il declare que l'Empereur retira ses garnisons de Rome, irrité contre Gregoire qu'il estimoit estre cause de ce que les Lombards n'estoient dechassez & mis hors de l'Italie.

T H A S S I L L O N Roy de Bauiere ayant remis sus vne nouuelle armee, gaigna avec icelle vne grande victoire sur les Esclauons. Conrad. Licost.

L E P A P E Gregoire ayant esté moine, fut tousiours depuis fauorable ausdits Moines. Tellement qu'en leur faueur il fit faire & celebrer ceste annee vn Synode à Rome de vingt quatre Euesques, par le consentement desquels il affranchit les Moines de toutes subiections, fors de celles de leurs Abbez: & les exempta de toutes les charges qui appartiennent aux Curés & Pasteurs des ames. Liure des Conciles, Abbé d'Vfperg: selon lesquels ce Concile fut tenu en la treiziesme Indiction, & treiziesme annee de Maurice.

E N la mesme Indiction le Pape Gregoire enuoya le mâteau Archiepiscopal (appellé *palliu*) à Vigile Euesque d'Arles, avec lequel il le declaroit son vicaire sur les Eglises du Roy Childebert: luy donnant l'auctorité de cognoistre les differens d'entre les Euesques, & de s'enquerir des cas concernans la religion, ensemble aussi d'assembler tous les Synodes: selon qu'il se voit escriit en l'epistre qu'il luy a adressée, qui est la 51. du liu. 4. du Registre. Mais d'autant qu'on peult assez prendre de tesmoignages & de probations par l'histoire de Gregoire de Tours, que les Euesques de France, signamment les Metropolitains, n'auoient encore accoustumé en ce siecle là d'aller rechercher ny receuoir tels habits & commissions des Papes, ny de les exercer souz & par leur auctorité, les estimans naturellement annexes à leurs offices: celà fait prendre garde à plusieurs au mystere qui se iouoit là, & par

par ce *Pallium*, & par ceste epistre, ou aux paroles qui y sont dictes pour l'Eueſque. *Quod in tuis litteris iuxta antiquum morem usum Pallij, ac vices sedis Apostolica postulasti, absit ne aut transitoria potestatis culmen aut exterioris cultus ornamentum in vicibus nostris ac Pallio te quæſiſſe suspicer.* Ioinct qu'on ne ſçait point puis que l'Eueſché d'Arles eſtoit du Roiaume du Roy Gontran, ſi le Roy Childebert euſt voulu permettre à vn eſtranger d'auoir la ſuperintendance des Eglises de ſon Roiaume. Qui plus eſt, le priuilege contenu au liu. 12. du meſme Regiſtre pour l'Abbaye de ſainct Medard de Soiffons, donne encore plus d'argument de ſoupçon : tant pource qu'il eſt datté de l'indiſtion 11. & de l'an 693. de noſtre Seigneur (ce qu'on ſçait certainement que les Papes n'auoient encore accouſtumé de faire) que pource qu'il met le Roy Theodoric entre les ſouſſcriuains d'iceluy priuilege, & le ſignifie auſſi ia regnant deſlors, & en poſſeſſion de la cité de Soiffons : en laquelle toutesfois il n'eut iamais rien, & ſi ne pouuoit eſtre à peine lors en aage de parler.

A v meſme temps Ethelric 3. Roy de Northumbellande en Angleterre, mourut en la 5. annee de ſon regne, laiſſant vn fils nommé Ethelric ou Ethelfrid, qui luy ſucceda à ſa couronne, & regna 24. ans. Beda, Guill. de Malmesberie.

Vn certain Preſtre de la France, voulut en ce temps remettre ſus l'heresie des Sadduceens, qui nioient la reſurreſtion des morts. Greg. de Tours.

E V A G R I V S Epiphanenſis ſurnommé Scholaſtique, viuoit en ce temps; auquel il a compriſe en ſix liures de l'hiſtoire Eccleſiaſtique, depuis que Neſtorius publia ſon heresie iuſques à la 12. annee de l'Empereur Maurice.

Du Monde.	4733	Papes.	6	R. des Viſigoths.	11
De Jeſus Chriſt.	596	E. d'Orient.	13	R. des Lombards.	6
Indiſtion.	14	R. de Perſe.	7	R. d'Eſcoſſe.	15
		R. des François.	33	E. d'Italie.	9

P R I S C V S eſtant aduertie que l'Empereur le vouloit rappeler, voulut auant que ſon ſueceſſeur fuſt arriué, executer encore quelque entreprinſe ſur les Eſclauōs. De ſorte qu'il fit derechef paſſer ſon armee dedans leur pais, où elle fit vn grand butin. Mais il fut contraint d'en faire part au Roy Chaian, qui autrement menaçoit de luy recōmencer la guerre. En quoy Nicephore & Landulfus Sagax monſtrent que ce Chaian ne dominoit ſus les Eſclauons. Mais les autres auteurs, nommément Caliſte liu. 18. chap. 19. de l'hiſtoire Eccleſiaſtique teſmoignent, que les Eſclauons appelloient ainſi leur Roy Chaian, avec lequel Priſcus fit ceste annee ſurſeance de guerre par certaines trefues.

L E Pape Gregoire, deſirant conuertir les Anglois à la Religion Chreſtienne, qui viuoient encore ſouſ le ſeruice des Idoles, fit prendre ceste charge à vn moine natif de Rome nommé Auguſtin, & à deux ſiens compagnons Melitus & Iean, qui faiſoient enſemble profeſſion de la regle S. Benoist: leſquels ſe transporterent pour ceſt effect ceste annee en Angleterre, & y commencerent de toute diligence à mettre à execution leur charge, ne labourans en terre ſterile. Cependant la race des anciens Bretons n'y eſtoit encore toute faillie, qui viuoient ſelon la Religion Chreſtienne, en laquelle leurs anceſtres les auoient inſtruiſts, eſtans diuiſez en ſept Eueſchez dependantes d'une Archeueſché, toutes pourueës de bons Eueſques & Paſteurs. Outre leſquels ſe trouuoient auſſi Monafteres peuplez de moines, viuans du labour de leurs mains, à la façon ancienne, & obſeruans entr'eux vn ordre bon & droit. Ce nonobſtant, pource qu'il y auoit encore vne vieille haine enracinee entre les Anglois & anciens Bretons, ceux-cy ne les vouloient frequenter ny rechercher de leur ſalut: les autres auſſi ne ſe vouloient fier en eux. Qui fut le principe d'une iakouſie qui ſe mit entre les Eueſques & Moines Bretōs, & les Moines Romains, qui ſe tourna encores en debat. Quand les Bretons virent les ceremonies & manieres de faire dont uſoient les Romains, toutes diuerſes des leurs, & qu'on les vouloit auſſi cōtraindre comme de force à les receuoir, & à ſ'y accommoder à la forme du ſeruice diuin & façon de faire de l'Egliſe Romaine qu'ils appelloient vniuerſelle: par l'auctorité de laquelle outreplus ledit Auguſtin & ſes compagnons entendoient de deuenir les primats & ſuperieurs

des Bretons. Tellement qu'ils s'alienerent entierement les vns des autres : comme on recueille du tesmoignage de Beda liure 2. chapitre 2. de son histoire Angloise, & de Godfredus Manumetensis liure huitiesme chapitre quatre, & d'aucunes epistres de saint Gregoire à Augustin, esquelles il fault entendre que la rigueur & violence dont il vsoit enuers les Bretons, à les vouloir entierement reduire aux ceremonies de l'Eglise Romaine, ne luy plaisoit, n'estant son intention de priuer aucune Eglise de sa liberté, où il ne va que de la matiere des ceremonies. Au demeurât, pource que lesdits Augustin & ses compagnons estoient fort instruits en la reigle de saint Benoist, par leur moyen furent edifiez grand nombre de Monasteres en Angleterre, qui remplirent avec le temps non seulement toute l'isle, mais la France & Allemagne aussi de moines bien differents de ceux que les moines de nostre siecle tiennent : car les Conuents d'alors, à comparaison des nostres, estoient comme colleges & boutiques de vertu, où les hommes s'instruisoient & exerçoient à patience, humilité, austerité de vie, obediencce, sobriété, continence, & au contemnement des choses mondaines : ensemble aussi en toutes bonnes & louables disciplines, tant diuines qu'humaines : tellement qu'on tiroit de là les Pasteurs tous façonnez pour la conduite des Eglises. Qui fut aussi vn moyen par lequel les bonnes lettres & sciences & les langues furent conseruees & maintenues en estre contre le danger de la barbarie, qui les auoit lors quasi bannies de tout l'Occident, sinon de ces assembles ; desquelles sortit la semence qui en repeupla puis apres toute l'Europe, tesmoins les grands personnages qui en sortirent, comme Beda & ses compagnons & disciples.

QUANT aux epistres qui se voyent au liure sixiesme du Registre de saint Gregoire, ecrites du mois de Iuillet aux Rois Theodoric & Theodebert, & à la Roine Brunehilde leur mere, par lesquelles il leur recommande iceluy Augustin & ses compagnons, les priant de leur faire bon recueil en passant par leur Roiaume pour aller en Angleterre : nonobstant qu'elles soient dattees de la quatorzieme Indiction, si est-ce que d'autant qu'elles parlent à eux comme s'ils fussent ia regnans (ce que font aussi les cent quinze & cent vingtiesme du liure septiesme plus euidentement, qui sont ecrites en la seconde Indiction, dont il faudroit que leur pere fust ia decedé, aussi bien que Gontran, autrement ces recommandations-là se doiuent plustost adresser à eux) ce poinct les rend suspectes aussi bien que les precedentes, si elles ne sont transposées.

JEAN Patriarche de Constantinople, apres auoir gouuerné son Eglise l'espace de treze ans, mourut. Nicephore Caliste liure dixhuitiesme chapitre trentequatre de son histoire Ecclesiastique escrit, que pource qu'il dompta si vertueusement les voluptez & appetits de sa chair, tint en bride les affections de son esprit, & commanda à son ventre & à sa gorge, il fut surnommé le Ieusneur : & d'aucuns autres l'Aumosnier, pour sa grande & admirable charité enuers les pauvres & indigens : tellement qu'il en fut trouué pauvre apres son trespas. Occasion pourquoy l'Empereur & tout le peuple de Constantinople l'eurent en vne telle reputation, qu'ils l'ont mis entre les Saints. Et ne se trouue aucun autre historien Grec qui ait autrement parlé de luy. Parquoy c'est merueille de l'arrogance & presumption que saint Gregoire dit en ses epistres auoir esté en luy, s'estant osé donner le tiltre d'OEcumenique ou d'vniuersel en l'Eglise, sans que les Grecs en ayent fait aucune mention. Comment qu'il en soit, son successeur fut vn Cyriacus auparauant Prestre & OEconome de ladite Eglise, qui presida dix ans. Lequel à ce qu'escrit saint Gregoire suiuant les brisees de son predecesseur, voulut aussi retenir le tiltre d'Euesque vniuersel. A cause dequoy il s'opposa de mesme façon à luy qu'il auoit fait à l'autre : comme les epistres 24. & 28. du liu. 6. de son Registre tesmoignent, où il le prie de s'abstenir de ce nom profane d'OEcumenique, adioustant ceste sentence : *Et quia hostis omnipotentis Antichristus est, studiosè cupio ne proprium quid inueniat non solum in moribus, sed etiam nec in vocabulo sacerdotum.* Mais en la 30. epistre du mesme liure escrite à l'Empereur Maurice, il dit encore : *Ego autem fidenter dico, quia quisquis se vniuersalem sacerdotem vocat vel vocari desiderat, in elatione sua Antichristum præcurrit,*

Du Monde.

<i>Du Monde.</i>	4734	<i>Papes.</i>	7	<i>R. des Vvisigoths.</i>	12
<i>De Iesus Christ.</i>	597	<i>E. d'Orient.</i>	14	<i>R. des Lombards.</i>	7
<i>Indiction.</i>	15	<i>R. de Perse.</i>	8	<i>R. des Escossais.</i>	16
		<i>R. des François.</i>	10	<i>E. d'Italie.</i>	10

GONTRAN Roy d'Orleans, des Bourguignons & de Paris, Prince iuste, vertueux, debonnaire, paisible, liberal enuers les pauvres, & grandement deuotieux, mourut le 28.iour de Mars, en la 33. annee de son regne, & fut mis en sepulture à Chalons sur la Saone: ayant auparauant institué son heritier par testamēt le Roy Childebert d'Austrasie son nepueu, de tous ses biens, Roiaumes & seigneuries, pource qu'il ne laissoit aucune lignée. A cause dequoy Childebert s'en mit en possēssion: & faisoit ia son compte de vouloir aussi prendre entre ses mains la tutelle & gouuernement du ieune Roy Clotaire son cousin si sa mere Fredegonde, qui scauoit bien à quelle importance celà luy reuiendrait, ne l'eust preuenue, prenant elle-mesme la charge de son fils, & le maniement de ses affaires entre ses mains. Ce qui fut si difficile à porter à l'Austrasien, qu'il enuoya vne puissante armee souz la conduite de son Lieutenant Quintrio ou Vvintrio, accōpagné de Gondoald Duc & Gouverneur de Chāpagne, dedās le Roiaume de son cousin, pour recouurer son droit: où elle eut au deuant pres la ville de Soissons l'armee de ses aduersaires, que conduisoit le Conestable Landry en si bonne deliberation que les Austrasiens se trouuerent les plus foibles à la rencontre, perdans avec l'honneur & la victoire de la bataille, plus de vingt mille de leurs gēs. Ce qu'on dit estre aux Clotariens aduenue par le moyen de Fredegonde, laquelle marchant en personne d'homme de guerre deuāt les rangs de son armee, & faisant tous les actes de bon Capitaine, auoit merueilleusemēt enflammé les gens à bien faire. Tant y a qu'elle demeura par ceste victoire en possession de ce qu'elle tenoit, & Childebert frustré de ce qu'il pretendoit. Supplément de Greg.

A v mesme temps Chaian Roy des Auarois enuoya ses Ambassadeurs vers Agilulfe Roy des Lombards, pour contracter alliance avec luy en son nom.

<i>Du Monde.</i>	4735	<i>Papes.</i>	8	<i>R. des Vvisigoths.</i>	13
<i>De Iesus Christ.</i>	598	<i>E. d'Orient.</i>	15	<i>R. des Lombards.</i>	8
<i>Indiction.</i>	1	<i>R. de Perse.</i>	9	<i>R. des Escossais.</i>	17
		<i>R. des François.</i>	11	<i>Exarche d'Italie.</i>	11

PIERRE estant entré en trop grande confiance de soy pour la victoire qu'il auoit obtenue sur les Esclauons, s'osa aller affronter à vne troupe de Bulgariens, avec lesquels il n'auoit guerre declaree. Mais ils le rembarrerent de telle sorte, que ce fut à sa hōte & cōfusion: pour laq̃lle reparer il se voulut encore aller esprouuer sur les Esclauōs, tellement qu'il occit leur Prince Ardagastus en vne escarmouche. Ce qui luy fut si cheremēt vendu bien tost apres qu'il eut mis le pied plus auant dedans leur pais, qu'il fut contrainct d'en partir plus honteusement qu'il n'y estoit entré. Occasion pourquoy l'Empereur le cassa de sa charge, & renuoya Priscus en son lieu. Nicephore.

ROMANVS Exarche d'Italie mourut en l'vnziesme annee de son Exarchat à Rauēne. A cause dequoy l'Empereur pourueut de son estat vn de ses Patrices nommé Callinicus, par lequel l'Italie fut gouuernee l'espace de quatre ans. Anaſtasiſ, Niceph. P. Diacre.

AVARIVS Roy des Huns Auarois de la Pannonie, dict Chaian, mourut, & luy succēda vn autre Roy qui fut aussi nommé Chaian, lequel regna 6. ans. Funccius.

CE fut en la mesme annee que le Pape Gregoire ayant esté deferé à l'Empereur d'auoir fait executer à mort par iustice vn Euesque Lombard nommé Malchus, qui estoit en prison pour quelque crime, escriuit à vn Sabiniā Diacre de son Eglise, qui estoit lors en Ambassade vers l'Empereur, *De qua re vnum est quod breuiter suggeras serenissimis dominis nostris, quia si ego seruus eorum in morte Longobardorum miscere me voluissē, hodie Longobardorum gens nec Regem, nec Duces, nec Comites haberet, atque in summa confusione esset diuisa.*

<i>Du Monde.</i>	4736	<i>Papes.</i>	9	<i>R. des Vvisigoths.</i>	14
<i>De Iesus Christ.</i>	599	<i>E. d'Orient.</i>	16	<i>R. des Lombards.</i>	9
<i>Indiction.</i>	2	<i>R. de Perse.</i>	10	<i>R. d'Escoffe.</i>	18
		<i>R. des François.</i>	12	<i>E. d'Italie.</i>	1

PRISCUS étant arrivé en la province, rompit la paix que l'Empereur avoit avec le Roy Chaian : lequel à ceste occasiō s'empara de la ville de Sigidon. Mais Priscus en chassa bien tost apres les Bulgariens, & la remit en l'obeissance de l'Empereur. Nicephore.

LES Vvarnes peuples de la Germanie, s'estans declarez ennemis des François, furent facilement subiuguez & contraincts de recevoir la loy d'eux, par l'armee que le Roy Childebert enuoya dedans leur païs, apres qu'elle les eut combatuz & vaincuz en vne bataille. Aimoinus, Supplément de Gregoire, P. Æmile.

VVAMBERT 3. du nom, seigneur de Hainau, Cābresi & d'Ardenne, mourut, laissant vne fille vnique, qu'on a nommee sainte Vaultrude, qui fut heritiere des biens & seigneuries de son pere, & puis apres se rendit Religieuse. Richard de Vvassebourg.

THASSILON Duc ou Roy de Bauiere mourut, & luy succeda en son Roiaume son fils nommé Gerbold ou Gariouald, qui fut pere de Theodon quatriesme son successeur : lesquels semblent avoir bien peu vecu, pource qu'Auentin tesmoigne que Thossilon 2. du nom, & Theodpert fils dudit Theodon 4. regnoient ia auāt le trespas du Roy Theodoric d'Austrasie.

A SERENVS Euesque de Marseille, qui fit en ce temps abbatre toutes les images des Saints qui estoient es Temples de son diocese, pour l'erreur qui s'y commettoit, saint Gregoire escriuit que son zele luy plaisoit plus en ce faict que le faict mesme : declarant selon son aduis, que c'est autre chose d'adorer la peinture, que d'apprendre ce qu'on doit adorer par la signification d'icelle : & que l'image es Eglises seruoit de representation & d'instruction aux idiots & simples gens, comme la lettre aux sçauans & lettrez : comme on list au liure septiesme epist. 109. du Registre dudit S. Gregoire : les mots de laquelle il m'a semblé bon d'adiouster icy : *Præterea indico dudum ad nos peruenisse quod fraternitas vestra, quosdam imaginum adoratores aspiciens, easdem Ecclesiæ imagines confregit atque disiecit. Et quidem zelum vos ne quid manu factum adorari posset habuisset laudauimus, sed frangere easdem imagines non debuisset iudicamus. Idcirco enim pictura in Ecclesiis adhibetur, ut ij qui litteras nesciunt saltem in parietibus videndo legant quæ legere in codicibus non valent. Tua ergo fraternitas & illas seruare & ab earum adratu populum prohibere debuit. Quatenus & literarum nescij haberent, unde historiæ scientiam colligerent, & populus in pictura adoratione minimè peccaret.*

EN la mesme Indiction aussi, il enuoya le Mâteau ou *Pallium* Archiepiscopal à Siagrius Euesque d'Autun, avec la 112. epistre du mesme liure, en laquelle il declare la cause de cest enuoy en ces mots : *Quia dignum præfetto te esse credimus ut cum mentis gravitate qua Deo propitio te pollere credimus, ita habitus quoque exterioris clarior in te cultus accresceret, præsertim cum te hunc non ad superflua elationis pompam, sed pro genio & honore tuo arbitramur petuuisse.* Or on voit par icelle, qu'il luy donna semblablement avec ce Manteau l'auctorité de congreger les Synodes, & la prerogatiue de tenir le secōd lieu & degré apres l'Archeuesque de Lyon : qui est la cause de la petition de l'Euesque. Tant y a qu'il ne semble point qu'on eust encor ouy parler du temps de Gregoire de Tours de ces Manteaux Archiepiscopaux en France, & de ces pratiques de les enuoyer aux Euesques d'icelle.

<i>Du Monde.</i>	4737	<i>Papes.</i>	10	<i>R. des Vvisigoths.</i>	15
<i>De Iesus Christ.</i>	600	<i>E. d'Orient.</i>	17	<i>R. des Lombards.</i>	10
<i>Indiction.</i>	3	<i>R. de Perse.</i>	11	<i>R. des Escoffois.</i>	19
		<i>R. des François.</i>	13	<i>E. d'Italie.</i>	2

CHAIAN ayant mis sus ses forces, se rua dedans la Dalmatie, de telle puissance qu'il y prit & saccagea plus de quarante villes, iusques à ce que Priscus eust fait donner sur vne troupe

troupe de gens d'iceluy par vn sien Capitaine nommé Guy, si à point qu'elle fut toute taillée en pieces. Ce qui fit retirer ledit Chaian en son pais. Nicephore, Georgius Cedrenus.

CHILDEBERT Roy d'Austrasie mourut avec sa femme tout en vn mesme iour (qui donna soupçon d'auoir esté tous deux empoisonnez) en la 23. année de son regne, qui estoit la 4. apres le trespas du Roy Gontran: comme tesmoignent vnanimement tous les Historiographes & Chroniqueurs tât anciens que modernes de Frâce, ausquels ie m'arreste plus qu'aux epistres du Pape Gregoire, signamment à celles que nous auons alleguees cy deuant, & au 112. 115. & 120. du liu. 7. de son registre, qui semblent vouloir signifier qu'il estoit ja decedé dès la 14. Indiction ou deuant la seconde: à cause des defiances que nous auons d'icelles: tant y a cependât qu'il laissa deux fils legitimes, l'vn nommé Theodebert, à qui le Royaume de Metz & d'Austrasie aduint par partage. Mais Theodoric qui estoit l'autre, fut Roy d'Orleans & de Bourgogne. Nonobstant que tous deux à l'occasion de leur iunesse demurerent du commencement souz la tutelle & gouuernement de leur ayeule Brunehilde.

AGILULFE Roy des Lombards, se trouuant en paix avec les Romains, enuoya renoueller l'alliance que ses predecesseurs auoient faite avec Theodebert Roy d'Austrasie: & puis commença guerre à aucuns de ses Ducs, qui s'estoient rebellez contre luy. Tellement qu'il assiegea Vangrulf dedans Veronne, Gandulf en Bergame, & Varnecance en Pauie: & les aians tous pris les fit mourir.

ANASTASIUS premier du nom Patriarche d'Antioche mourut: au moyen dequoy les Antiochiens prindrent en son lieu pour leur Patriarche vn autre Anastasius 2. du nom, qui presida 12. ans.

ISIDORE le grand Euesque de Seuille en Espagne florissoit en ce temps.

AVGVSTIN Legat du Pape Gregoire en Angleterre, ayant conuertie vn grand peuple d'Anglois à la religion Chrestienne, colloqua ceste année en sa personne le siege de la dignité Archiepiscopale & Metropolitaine d'Angleterre en la ville de Cantorbrie, qui auoit au parauant appartenu à la cité de Londres. Ioannes Balæus liure deuxiesme.

<i>Du Monde.</i>	4738	<i>E. d'Orient.</i>	18	<i>R. des Visigoths.</i>	16
<i>De Iesus Christ.</i>	601	<i>R. de Perse.</i>	12	<i>R. des Lombards.</i>	11
<i>Indiction.</i>	4	<i>R. des François.</i>	14	<i>R. d'Ecosse.</i>	20
<i>Papes.</i>	11			<i>E. d'Italie.</i>	3

CHAIAN desirant venir au dessus de la guerre qu'il auoit contre l'Empereur, mit aux champs tout l'arriereban de ses forces, avec lequel il donna dedans la Mœsie cômme pour iouer à quitte ou à double: de sorte qu'il ne se trouua ville deuant luy qui ne fust forcee & saccagee par ses gens. Et quand il vit que l'Empereur ne pourroit auoir si tost assemblé vne telle puissance qui fust suffisante pour s'opposer à luy, rien ne le peut destourner de passer de la Mœsie en la Thrace, & d'aller planter son camp deuant la cité de Cōstantinople. Niceph. Zonare, Cedr.

L'EXARCHE d'Italie cognoissant que la paix qu'il auoit avec le Roy des Lombards estoit mal assuree, aima mieux luy commencer la guerre, qu'attendre qu'elle luy fust recommencée: d'autant mesmement qu'il se sentoit auoir intelligence avec aucuns Ducs & Capitaines Lombards, qui ne se pouuoient mettre en bon mesnage avec leur Roy. De sorte qu'il mit son armee aux champs, qui subiugua les villes de Mutine, Rezzo, & puis Parme: où fut trouuee la fille du Roy Agilulfe avec son mary. Dont Agilulfe se trouua tellement picqué, qu'il dressa tout incontinent trois armees, opposant l'vne à l'Exarche, l'autre aux Romains: mais avec la troisieme il s'alla si furieusement attaquer à la cité de Padoue, que ses predecesseurs n'auoient encore peu ioinde à leur Royaume, que quelque defense qu'il y eust dedâs, il la prist de force, & d'vn despit enragé la fit totalement destruire & ruiner: tellement que les citoyens d'icelle furent contrains de se retirer à Venise, où vne partie d'eux s'arresta à Realte & Metamoque, & l'autre s'alla loger en l'isle de

Gemini entre Reale & Castello. Ce qu'on dit auoir esté la 7. fondation & augmentation de Venise, qui se fit au compte de Sabellic 180. ans apres la premiere destructiõ de Padouë par Attila. Mais touchant ce que les Annales de Milan escriuent, que la Roine Theodelinde fit au mesme temps establir le siege royal en la ville de Modoëtia, qui est bien pres de Milan, & qu'elle y laissa aussi par le consentement & approbation du Pape Gregoire la couronne de fer dequoy les Rois Lombards deuoient estre cy apres couronnez, n'est fondé sur aucune raison, tesmoignage, exemple, ou auctorité qu'on doieue croire,

ENTRE Fredegonde & Brunehilde il y auoit eu de long tēps vne ialousie ou pluost haine mortelle, laquelle se fit encore plus paroistre quand la Roine Brunehilde se vit auoir le gouuernement & tutelle du Royaume & de la tutelle des ieunes Rois d'Austrasie. Car tout incontinent apres le trespas du Roy, la guerre salluma entre ses fils & le Roy: dont on ne sçait qui fut le premier motif, s'il ne vint de ce que Fredegonde mit son fils en possession du Royaume & de la cité de Paris. Pour raison dequoy l'armee de luy & de ses cousins s'allerent rencontrer au pres d'un village nommé *Litophaum* (il y en a qui estimēt que ce fut pres de Moret en Gastinois) où la tuerie des Austrasiens & la victoire des Clotariens fut si grande, qu'elle les assura de ce qu'ils auoient ja occupé sur les deux freres: & leur moyen aussi de reduire es mains de leur Roy tout ce qui est de Bourgongne deça la Saone. Au moyen dequoy sa mere Fredegode l'alla mener de là à Paris en grand triomphe & magnificence, où elle mourut bien tost apres, laissant sa memoire autant celebre enuers la posterité, à cause de la vertu militaire qui estoit en elle (laquelle accompagne rarement celles de son sexe) que maudite & detestee pour raison de sa malheureuse vie, estant cependant le Roy Clotaire son fils ja grand et riche, puissant & bien obey de ses subiets. Continueur de Gregoire, Aimoinus, Audo, Sigebert. Selon lesquels aussi vne armee de Huns dits Auarois (qui habitoient lors le pais dit auioird'huy Autriche) vint à l'occasion des troubles qui estoient en France, entrer au mesme temps dedans le Royaume d'Austrasie: lesquels Brunehilde voiant les forces de ses enfans distraittes & empeschées ailleurs, aima mieux faire retirer par le moien d'une somme de deniers qu'elle leur deliura, que de laisser tenter le hazard de la guerre avec eux

VN Synode principal des Prelats de l'Eglise Gallicane fut ceste annee celebré à Mets. Onufrius.

ENVIRON lequel temps aussi Hamos ou Heamus Patriarche de Hierusalem mourut, & fut substitué en son lieu vn nommé Isacius ou Isicius qui presida 8. ans.

<i>Du Monde.</i>	4739	<i>E. d'Orient.</i>	19	<i>R. des Visigoths.</i>	1
<i>De Iesus Christ.</i>	602	<i>R. de Perse.</i>	13	<i>R. des Lombards.</i>	12
<i>Indiction.</i>	5	<i>R. des François.</i>	15	<i>R. des Escossois.</i>	21
<i>Papes.</i>	12			<i>E. d'Italie.</i>	4

LES Constantinopolitains se trouuerent reduits à tel estonnement par l'armee de Chaiian, qu'ils furent en deliberation d'abandonner leur ville & se retirer en Asie, si vne peste ne se fust mise si asprement dedans le camp des Auarois, qu'outre l'horrible eschet qu'elle y fit, elle emporta pour vn iour sept des fils du Roy Chaiian. Ce qui l'humilia en telle sorte, qu'il presenta volontairement la paix à l'Empereur Maurice, souz condition qu'il rachetast d'une pas fort grande somme de deniers tous les prisonniers qu'il tenoit entre ses mains: laquelle luy estant refusee il les fit tous mettre à mort deuant que retirer son camp du pais de Thrace. Dont l'Empereur s'acquit vne mauuaise reputation enuers tous ses subiets.

ANCHISES nommé des autres Arnoul ou Arnault, seigneur de Moselane au Royaume d'Austrasie, & du Marquisat qui est sur l'Escaut, renonça en ce temps au monde pour suiure la vie monastique, apres auoir resigné tous ses estats, seigneuries & possessions à son fils nommé Arnoul, qui se fit cy apres grandement renommer pour la sagesse & sainteté de sa vie. A l'occasion dequoy il fut tout son temps en grand credit & auctorité avec

Pepin

Maire du Palais d'Austrasie, sous le Roy Clotaire. Jacques Meyer, Richar de Vvaf-
feb.

L'EMPEREUR Maurice averti de l'estat des affaires d'Italie, prit si mauuaise opi-
nion de l'Exarche Callinicus, pource qu'il auoit sans cause rompula paix avec les Lom-
bards, & n'auoit peu empescher la prise de Parme, qu'il le reuocqua de sa charge, & ren-
uoya Zmaragdus ou Samagdus pour gouverner de rechef l'Italie sous le tiltre d'Exarche,
qui en auoit esté cy deuant demis. De sorte qu'il exerça encores ceste charge pour la 2. fois
enuiro l'espace de 9. ans. Mais en ce changemēt Agilulfe poursuiuant la pointe de sa vi-
ctoïre, fit venir grand nombre d'Auarois, que leur Roy Chaian luy enuoya de la Panno-
nie à son aide, avec lesquels il alla assieger les villes de Cremone & de Mantouë, l'une apres
l'autre, de si furieuse façon qu'il prit d'assaut la premiere le 21. iour d'Aoust, & l'autre le 13.
de Septembre. Au moyen dequoy il les mit en tel estat, qu'il auoit fait cy deuant la ville
de Padouë, cependant qu'Ariulfe Duc de Spolet empeschoit que l'Exarche ne les vint
secourir. P. Diacre, Anastasius, Onufrius.

RICCAREDE Roy des Vvisigoths decedé, succeda son fils nommé Liuba, selon les
autres Limba, aagé seulement de 6. ans, qui regna au compte des deux anciennes Chro-
niques des Vvisigoths & de Roderic de Tolledo 2. ans. L'une desquelles Chroniques rap-
porte aussi le commencement de son regne à l'Ere Dcxl. & de son successeur à l'Ere
DcxlII.

ETHELBERT Roy de Kents en Angleterre à l'instance de sa femme nommee Ber-
the, qui estoit François, & d'Augustin Legat du Pape, se fit ceste année avec toute sa fa-
mille instruire & baptizer en la religion Chrestienne, selon les ceremonies de l'Eglise Ro-
maine: ayant Edelfrede Roy de Northumbellande avec ses subiects fait vn peu au para-
uant le semblable. Qui fut cause qu'au nom & en l'auctorité d'iceluy ledit Augustin fit as-
sembler vn Synode, auquel furent citez tous les Euesques Bretons & Escossois, tāt pour
les persuader ou contraindre de se soubmettre à l'obeissance de l'Eglise Romaine, rece-
uant les traditions d'icelle, que pour leur faire aussi entendre qu'il estoit leur primat &
superieur. Desquels toutesfois il ne receut autre responce, que celle que leur fit vn Ab-
be nommé Dinot: qu'ils ne s'estimoient tenir d'aucun droit, ny n'auoient volonté de
tenir rien de luy ny de son Eglise, n'estans deliberez de se laisser spolier de leur ancienne
liberté, qui leur auoit esté laissée par leurs ancestres. Ce nonobstant le Legat ne laissa pas
non seulement apres plusieurs menaces de passer outre, se declarant Archeuesque & Me-
tropolitain de tout l'Angleterre, & constituant son siege en la ville de Cantorberi. Mais
aussi incita à l'aide du Roy Ethelbert ledit Edelfrede à faire la guerre aux anciens Bre-
tons, & à certains moines d'un monastere de Bangorie, qui faisoient le nombre de 1208. &
se vouloient plus opiniastrement maintenir en leur ancienne maniere de viure. A cause
dequoy estant la ville où ils estoient prise, furent tous cruellement massacrez en icelle. Be-
da liu. 2. chap. 2. de son hist. Eccles. Galfredus Manumetensis liu. 8. Mantuan en ses Fastes,
Ican. Bal.

Du Monde.	4740	Papes.	13	R. des Vvisigoths.	2
De Iesus Christ.	603	E. d'Orient.	1	R. des Lombards.	13
Indiction.	6	R. de Perse.	14	R. des Escossois.	22
		R. des François.	16	E. d'Italie,	1

TANT d'occasions de mescontentement de l'Empereur Maurice se presenterent ou-
tre la precedente, au peuple de Constantinople, qu'il voulut eslire contre luy son gendre
nommé Germanus. Mais Phocas qui de Centenier de bande s'estoit ja fait proclamer par
les legions de la Grece Empereur, suruint si soudainement dedans la ville, qu'il se rendit
le plus fort, ne se trouuant homme qui osast tenir contre luy pour Maurice, lequel à ceste
occasion se sauua en la ville de Chalcedone, où ses ennemis l'arrestèrent, & mirēt à mort
cruellement le 24. iour de Nouembre, Indiction 6. en la 20. année de son Empire, n'e-
stant le 602. de nostre Seigneur encor expiré. Au moyen dequoy l'Empire ainsi tyranni-

quement occupé par Phocas, demeura en sa possession l'espace de 8. ans avec 4. mois, 3. iours. Niceph. Zon. Cedr.

OR combien qu'il fust en telle sorte parvenu à l'Empire, si est-ce que le Pape Gregoire (tesmoin mesme Sigonius) se monstra fort ioyeux de sa promotion. De sorte qu'il en fit faire toutes les demonstrations de ioye dedans Rome dont il se peut aduïser, esperant ou que les affaires d'Italie s'en porteroient mieux contre les Lombards, ou ce qui n'est pas trop non probable, que la cause du Patriarche de Constantinople n'en vaudroit pas mieux. Neantmoins le Roy des Lombards ne laissa de poursuiure si chaudement la guerre contre l'Exarche Smaragdus, qu'il le contraignit de luy rendre la ville de Parme, & ceux qui auoient esté pris dedans, afin d'obtenir trefues, qui luy furent accordees à l'instâce du Pape Gregoire iusques à la 8. Indiction. Desquelles toutesfois l'Empereur Phocas fut si mal cõtant à ce que disent Sabellic & autres, qu'il rappella ses garnisons d'Italie. Au moïé dequoy les Lombards allerent assieger la cité de Rome, qui les accula l'espace d'un an, iusques à ce qu'ils furent contraints par les fascheries du temps de se retirer sans auoir rien fait. Mais ny Paul Diacre, ny aucun autre bon autheur n'ont fait mention de ce siege.

QVINTRIO Duc & Gouverneur de la Champagne, fut par les pratiques de Brunehilde mis à mort. Ce que les Austrasiens prindrent tant à cœur, qu'ils la dechasserent, & cõtaignirent se retirer vers le Roy Theodebert son autre fils en Bourgongne, qui perdit au mesme temps Vvaulgarius son Maire du Palais. Supplement de Gregoire.

L'HERESIE des Seuerites se diuïsa en ce temps en plusieurs rameaux, dont les vns s'appelloient Cantobardites, les autres Theodosiens, Angelites, Petrites, Canonites : qui se contrarioient & condamnoient les vns les autres. Mais les Theodosiens estimoient entre autres points, qu'il y a difference & separation de personnes & d'hypostases en la Trinité. Nicephore liu. 18. de l'histoire Ecclesiastique. L'heresie qui a esté publiee de nostre temps par vn Italien nommé Valentin Gentil semble fort approcher de l'heresie desdits Theodosiens.

D'AUTRES disent & adioustent, qu'un Iean le Grammarien surnommé Philopone, qui a tant escrit de cõtentaires sur les liures de la Philosophie d'Aristote, inuenta au mesme temps les heresies des Monophysites, Theopaschites & Chazinziens.

<i>Du Monde.</i>	474 ¹	<i>Papes.</i>	1	<i>R. des Visigoths.</i>	1
<i>De Iesus Christ.</i>	604	<i>E. d'Orient.</i>	2	<i>R. des Lombards.</i>	14
<i>Indiction.●</i>	7	<i>R. de Perse.</i>	15	<i>R. des Escossois.</i>	23
		<i>R. des François.</i>	17	<i>E. d'Italie.</i>	2

PHOCAS en la 2. année de son Empire prit & exerça la dignité Consulaire, suiuant la coustume des derniers Empereurs. Onufrius.

AVQVEL temps aussi le Coronal des legions d'Orient nommé Narses se fit par icelles proclamer Empereur en la ville d'Edessa: & puis se reuolta ouuertement contre Phocas, qui enuoya contre luy vn sien Lieutenant nommé Germanus.

L'ARMEE des Lombards leuee de deuant Rome, s'alla rendre deuant la ville de Cremonne, qu'elle prit d'assaut, & l'ayant destruite se transporta deuant Mantoüe, qui se redit par cõposition. A cause dequoy l'Exarche essaia tant de moyens, qu'il obtint trefues d'eux pour vn an. Blondus Sabellic.

LES Rois d'Austrasie & d'Orleans venans à se resentir des fascheries que le Roy Clotaire leur auoit cy deuant faict, dresserent suiuant le conseil de leur ayeule Brunehilde vne armee pour en aller prendre leur raison: qui rencontra celle du Roy Clotaire aupres de la ville de Sés, où la fortune dist si mal aux Clotariens qu'ils perdirent la bataille, demeurant le Roy Clotaire reduit à telle extremite, qu'il luy fut force d'accepter les conditions de paix que les vainqueurs luy voulurent presenter, qui estoient si defauantageuses que Clotaire ne les peut entretenir, pource qu'ils ne luy referuoient quasi que douze villes de tout son Royaume. Enuiron lequel temps aussi Colenus François de nation fut au lieu de Nicetius

Nicetius ou Leudegesile fait Patrice de Prouence. Aimoinus, Supplement de Gregoire.

VVITTERIC ou Bertric, Prince de grande auctorité & puissance entre les Vvisigoths, ayant par ses pratiques fait mourir le ieune Roy Luyba, se fit en son lieu eslire Roy desdits Vvisigoths: tellement qu'il regna sur eux l'espace de 7. ans, dequoy tous les auteurs cōueinent,

GREGOIRE premier du nom, surnommé le Grand, mourut le douzième iour de Mars. Et ne fut esleu son successeur deuant le premier iour de Septembre, lequel se nommoit Sabinianus ou Sabinianus, natif de la Toscane, qui presida si peu de temps (car Onufrius ne dit que cinq mois & dixneuf iours) qu'il n'eut loisir de recommander sa memoire à la posterité par d'autre plus insigne fait que par l'ingratitude qu'il fit paroistre en soy enuers son predecesseur qui l'auoit auancé & esleué aux honneurs & dignitez Ecclesiastiques, luy en rendant si pauvre recompense qu'il mit tous ses efforts de denigrer & diffamer d'autant la memoire d'iceluy, qu'il la voioit prisee & honoree des hommes, iusques à vouloir mesme faire brusler tous ses. escrits. Occasion pourquoy aucuns l'ont mis au compte des Papes infames, & qu'on dit estre terminez de malheureuse fin. Les autres disent qu'il doit estre appelé le dernier des Archeuesques ou Patriarches de Rome, pource qu'ils estiment son successeur auoir esté le premier qui s'est qualifié du tiltre que saint Gregoire auoit repudié. En la mort duquel Beda & Ado sont repris, pour l'auoir rapportee à la 5. Indiction: encore Ado confesse que ce fut en la deuxième année de Phocas.

Du Monde.	4742	E. d'Orient.	3	R. des Vvisigoths.	2
De Iesus Christ.	601	R. de Perse.	16	R. des Lombards.	15
Indiction.	9	R. des François.	18	R. d'Escoffe.	24
Papes.	1			E. d'Italie.	3

CHOSROES Roy de Perse portoit vne telle affection à l'Empereur Maurice, à cause qu'il auoit esté remis en son Royaume par son moyen, qu'il faisoit estat de luy comme de son pere: de sorte qu'il s'estoit tousiours depuis entretenu en bonne paix avec les Romains. Aussi quand il fut aduertty de la maniere comment il auoit esté mis à mort, le desplaisir qu'il en receut fut si grand, qu'il se proposa de hazarder toute sa puissance à le venger. L'effect en fut tel, qu'il entra avec vne grande armee dedans les prouinces de l'Empire, où il deffit & mit en routte l'armee que Germanus osa présenter deuant luy, qui fut encore si bien blessé que sa mort s'ensuiuit. Et fut outreplus piremēt traitte par luy la 2. armee que Phocas renuoia contre luy: de sorte que l'Empire receut lors vne merueilleuse perte de gens & de forces, qui ragrandit d'autant la confiance & puissance de ses ennemis. Niceph. Cedrenus.

AGILULF Roy des Lombars fit en ce temps regner son fils Adouald avec luy. Onufrius.

EDELFRED Roy de Nortumbellande gagna en ce temps vne grande victoire sur Edan Roy d'Escoffe. Herman Contr.

A Sabinianus Pape de Rome decedé le 19. iour de Feurier fut 2. iours apres substitué au siege Romain Boniface 3. du nom, natif de Rome, qu'on dit aussi auoir seulement presidé iusqu'à son trespas (qui luy aduint en la mesme année le 12. iour de Nouembre) l'espace de 8. mois 23. iours. Auquel interualle de tēps on dit qu'il fit plus pour son siege que tous ses predecesseurs n'auoient iamais peu faire. Pource qu'ayāt pris esgard aux affaires qu'auoit Phocas qui craignoit grandemēt que l'Italie ne se declarast cōtre ou alienast de luy, & ne cerchoit qu'occasion de contrarier aux faits de son predecesseur: il le print si a point, qu'il luy fit adiuger la primauté & superiorité toute l'Eglise au siege Romain, que les Patriarches de Constantinople s'attribuoient ia; souz l'espoir que telle declaration retiendrait les Italiens en sa deuotion, faisant aussi d'un mesme moyen declarer que l'Euesque de Rome est le chef souuerain & vniuersel de toute l'Eglise & de tous les autres Euesques

allegant ceste raison, que comme la cité de Rome estoit la mere princesse & premier siege de l'Empire Romain, aussi deuoit-elle auoir le siege & primauté de la Religion. Qui estoit pour respondre à l'argument dont les Euesques de Constantinople se seruoient. Lesquels toutesfois ne voulurent pour celà bailler cause gaignee aux Euesques de Rome. De sorte q l'Eglise Grecque en fut tousiours depuis en Schisme & discord perpetuel avec la Latine. Cependant Boniface pour effectuer le priuilege qu'il auoit obtenu de Phocas, fut le premier qui commença d'vser en ses decrets & ordonnances de ceste maniere de parler: **NOVS VOVLONS ET ORDONNONS, COMMANDONS ET ENIOIGNONS.** Et qui fit aussi (comme on a escrit) celeber vn Synode à Rome de 72. Euesques, pour faire par iceluy confermer ledit priuilege; accordant toutesfois pour amadouër les Patriarches de Constantinople, qu'ils tiendroient d'oresnauant le second lieu en l'Eglise apres les Papes de Rome: lesquels cependant ne firent plus deslors conscience ny scrupule de s'orner du nom que Gregoire auoit tant abhorré & detesté. Beda, Anastasius, P. Diacre, Ado, Sigebert, l'Abbé d'Vspers, Ranulfus de Cestrio liu. 5. cha. 10. de son Polychronicon, Liu. des Conciles, Durant liu. 4. du Rational, Blondus, Platine, Sabellic, Robert Barus, Onufrius.

THEODOSIUS ou Theodore tint le 46. lieu entre les Archeuesques & Patriarches d'Alexandrie apres Eulogius, l'espace de 5. ans.

<i>Du Monde.</i>	4743	<i>Papes.</i>	1	<i>R. des Visigoths.</i>	3
<i>De Iesus Christ.</i>	606	<i>E. d'Orient.</i>	4	<i>R. des Lombards.</i>	16
<i>Indiction.</i>	9	<i>R. de Perse.</i>	17	<i>R. d'Ecosse.</i>	25
		<i>R. des François.</i>	19	<i>E. d'Italie.</i>	4

NARSES ayant esté chassé de la ville d'Edessa par l'armee que Phocas auoit enuoyee contre luy, se laissa encore si bien piper des promesses que luy fit Domentiolus capitaine dudit Phocas, qu'il s'alla rendre à luy, & se laissa mener à Constantinople, où il fut desloyalement mis à mort contre la foy qui luy auoit esté donnee. Encore qu'il eust fait beaucoup de grands seruices à l'Empire souz les Empereurs precedens contre les ennemis, mesmement contre les Perles, enuers lesquels son nom estoit si redoubté qu'il seruoit d'espouuentail à leurs enfans. Parquoy ne sçachants plus de Capitaines en tout l'Empire qui leur sçeust donner crainte, se hazarderent si auant qu'ils subiuguerent la cité de Daras, avec toute la haute Syrie & Mesopotamie. Nicephore, Georgius, Cedrenus.

Les trefues qui estoient entre les Lombars & les Romains furent prolongees iusques à 3. autres annees. Blondus.

CESTE annee naquit vn fils bastart qui fut nommé Sigebert, au Roy Theodoric d'Austrasie: lequel fit au meisme temps sans occasion legitime mettre à mort le Patrice *Ægila* la seule subiection de son aieule Brunehilde. Et puis ioignât ses forces avec celles du Roy Theodebert son frere, les firent marcher contre les Gascons, qui faisoient des courtes & briganderies continuelles sur les terres & pais de leur obeissance. Dont il fut force de iouer des cousteaux avec eux. Et pource qu'ils se trouuerét plus foibles que les François, ils furent contraints en perdant leur liberté se soumettre à la loy des vainqueurs: par laquelle ils furent faits tributaires & vassaux desdits Rois, qui leur firent aussi recevoir vn Gouverneur ou Duc de leur main, nommé Genault. Tefmoin le Continuateur de Gregoire de Tours & Aimoinus, qui nous donnent à cognoistre par là, que les Gascons estoient ja nichez en quelque endroit du pais qui est aujourd'huy nommé d'eux Gasconne.

Les Esclauons en compagnie des Huns coururent en ce temps toute la coste de l'Istrie & de l'Illyrie. Sabellic.

ENVIRON ce temps la langue Latine & Romaine qui auoit esté tout le temps que l'Empire Romain fut debout, comme la maternelle & vulgaire, non seulement de la cité de

de Rome & de toute l'Italie, mais aussi de la plupart des nations d'Occident qui estoient subiectes aux Romains, commença de se corrompre, changer & pervertir du tout, par le mélange des langages diuers des nations que possedoient lors les provinces de l'Europe, iusques à ce qu'elle fut totalement transformée en autres diuers langages. Nonobstant que l'usage du Latin se retint tousiours és Eglises tel qu'il y estoit du temps des Romains, reserué les grands barbarismes qui y ont esté adioustez depuis.

Du Monde.	4744.	Papes.	1	R. des Visigoths.	4
De Iesus Christ.	607	E. d'Orient.	5	R. des Lombards.	17
Indiction.	10	R. de Perse.	18	R. des Escoffous.	26
		R. des François.	20	E. d'Italie.	5

Les Perles ayans passé l'Euphrates, firent des maux sans nombre aux Romains de la Syrie, Palestine & Phœnicie, sans que Phocas se donnast grand'peine d'y remedier, ne vacquant cependant à autre occupation qu'à cruelizer & martyriser ce qui restoit encores des parens & amis de son predecesseur, & à contenter aussi son esprit de paillardises, violences & exactions qu'il faisoit en la ville de Constantinople. Ce qui donna moyen aux Perles apres auoir fait leur rase en la Syrie, de tourner leur tempeste sur l'Arménie, & de là sur la Paphlagonie & Gelatie, où ils firent de piteux rauages, mesmement sur les villes de Cæsaree & d'Edessa. Tellement qu'ils vindrent en butinant & saccageant tout iusques deuant la cité de Chalcedone, n'estant cependant l'estat des autres provinces de delà la Thrace, ny de la Thrace mesme en meilleure condition, souz les entreprinſes, violences & aggressions que les Scythes, Huns & Auarois y faisoient tous les iours. Somme qu'on fait compte que l'Empire Romain fut alors tellement appauury de gens de guerre, que toutes les vieilles legions se trouuerent defaillies: & que quand Heraclius vint à l'Empire, qu'il ne trouua que deux soldats seulement de ceux qui auoient esté enrollez souz l'Empereur Maurice. Nicephore, Cedrenus.

La guerre s'estant esmeuë & declaree entre les François & les Saxons, iournee se donna, qui fut fort sanglante pour toutes les deux parties: mais on n'a point escrit qui en eut l'aduantage.

Vaultreue Princesse de Hainault, d'Ardenne & des pais nommez cy apres la basse Lorraine, estant en deuotion de suiure la vie Monastique, resigna tous ses biens & possessions à vne sienne cousine, qui se nomoit Aie, fille de son oncle Brunulphe; laquelle ne laissa aucuns enfans. Au moyen dequoy toute sa succession paruint au fils de sa sœur Clotilde nommé Brunulfe ou Sigilfe, qu'on dit auoit esté frere de saint Amour. Richard de Vassebourg.

Ayant le siege Romain demeuré vacquant depuis le trespas de Boniface troisieme l'espace de neuf mois; quinze iours, son successeur fut en fin esleu ceste annee le 28. iour d'Aoust, qui se nommoit Boniface 4. lequel presida au compte d'Onufrius 6. ans, 8. mois, 12. iours, estant fils d'un Medecin natif de Valeria ville du pais des Marches. Le plus memorable de ce qu'on luy attribue, c'est la consecration du vieil Pantheon de Rome, (qui auoit esté dedié à la deesse Cybele & à tous les dieux) à la vierge Marie & à tous les Saints. Ensemble aussi d'auoir institué la feste de la Toussaints, & colloquee au mois de May, comme auoit esté celle de ladite Cybele: outreplus d'auoir fait esgaulx les moines aux autres Prestres en la puissance de lier & de deslier. Autheurs precedents.

Acyracus Euesque de Constantinople decedé, fut substitué un nommé Thomas, qui presida deux ans. Cedrenus. Selon Nicephore Caliste trois ans & deux mois.

X

<i>Du Monde.</i>	4745	<i>Papes.</i>	2	<i>R. des Visigoths.</i>	5
<i>De Iesus Christ.</i>	608	<i>E. d'Orient.</i>	6	<i>R. des Lombards.</i>	18
<i>Indiction.</i>	11	<i>E. de Perse.</i>	19	<i>R. des Escossois.</i>	27
		<i>R. des François.</i>	21	<i>E. d'Italie</i>	6

ENVIRON ce temps les partisans de ceux qu'on appelloit de la faction Venete & Præfine, qui estoient noms de ceux qui couroient les vns contre les autres és ieux publics, entrèrent en telle emulation les vns contre les autres, qu'ils mirent, à cause de leurs querelles & diffensions, qui auoient la semblance de vraies guerres, toutes les prouinces d'Asie & d'Egypte iusques à Constantinople en tumulte & en combustion. Paul Diacre, Sabellic.

VN seigneur François nommé Bertoald, personnage fort sage & loyal à son maistre, fut fait en ce temps Connestable du Roy Theodoric, qui donna aussi au mesme temps l'estat de Patrice & Gouverneur de la Bourgogne Trāsiurane à Protadius, apres que Vandalmare qui en estoit pourueu auparauant l'eut laissé vacquant par sa mort. Supplément de Gregoire.

LE faux Prophete Mahomet estant en l'age de 40. ans, apres auoir lōguement couué & premedité la pernicieuse doctrine dont il vouloit empoisonner le monde, cōmença 13. ans deuant son Hegire, qui reuiét à enuiron le 608. de nostre Seigneur à la diuulguer & prescher clandestinement entre les hōmes de sa nation, afin de se gaigner & attirer des croyans & sectateurs. Autheur de la Chronique de ses faicts en Arabie.

PAR sentence d'un Synode des Euesques du Royaume de Bourgogne tenu à Mascon, Didier Euesque de Vienne fut depose & enuoyé en exil, à la poursuite de Brunehilde. Supplément de Gregoire.

<i>Du Monde.</i>	4746	<i>Papes.</i>	3	<i>R. des Visigoths.</i>	6
<i>De Iesus Christ.</i>	609	<i>E. d'Orient.</i>	7	<i>R. des Lombards.</i>	19
<i>Indiction.</i>	12	<i>R. de Perse.</i>	20	<i>R. des Escossois.</i>	28
		<i>R. des François.</i>	22	<i>E. d'Italie.</i>	7

BRVNECHILDE ayant ia auancé son mignon Protadius à l'estat de Patrice, eut enuie de le pousser encore plus hault, par la ruine de Bertault Maire du Palais de Bourgogne, qui se monstroït trop à son gré homme de bien, & loyal enuers son maistre. Tellement qu'elle s'aduança de luy dresser vne commission pour le faire tomber au point que elle pretendoit : qui fut de luy bailler charge d'aller leuer les reuenuz de son maistre, és pais qu'il auoit acquis sur le Roy Clotaire, avec vne petite suite de gens : laquelle sembla presenter opportunité au Roy Clotaire de regaigner quelque chose de ses biens. Tellement qu'il depescha son Connestable Landry avec vne armee pour aller donner dessus Bertault, & pour retirer ce qu'il pourroit du Roiaume de Theodoric : mais Bertault preueit l'auenue. Au moyen dequoy pour ne se voir si bien accompagné que luy, se retira dedans la ville d'Orleans : où il se laissa assieger, sans se vouloir exposer au combat, encores qu'il y fust prouocqué par Landry, iusques à ce que le Roy Theodoric luy eut amené vne grande armee à son secours : laquelle ne fit pas seulement retirer, mais aussi la poursuivit si chaudement, qu'elle la rencontra aupres de la ville d'Étampes.

AV mesme tēps Buggisfus, dict des autres Arnoul & Ansigis, fils aîné d'Anselbert, qu'on disoit le Senateur, & de Blitilde fille du Roy Clotaire premier, mourut, laissant de sa femme Oda plusieurs enfans : l'aîné desquels nommé Arnoul luy succeda aux principaux biens & seigneuries qu'il auoit au Roiaume d'Austrasie, & au pais de Mosellane : duquel ie ne voudrois pas confesser sans autre plus certaine preuue qu'il eust ia deslors esté Duc hereditaire. Car celles que Richard de Vassebourg & vn autre Chroniqueur Lorrain depuis luy en ont voulu produire par chartres, ne sont de qualité pour estre creues,

creuës, ainsi que nous auons demonsté ailleurs. Et la pluspart aussi de ce qu'ils ont escrit de l'origine d'iceluy, est accompagné de fables & de faulsetez. Mais si cest Arnoul est luy qui fit cy apres avec Pepin obtenir le Royaume d'Austrasie au Roy Clotaire: ie leur confesseray bien qu'il a esté grand & puissant seigneur au Roiaume d'Austrasie: & ay veu vn fort ancien Chroniqueur, qui disoit qu'il estoit nay de la fille du Roy Clotaire, & qu'il fut grand Maistre du Palais de France souz le Roy Clotaire: mesmes aussi le premier qui cōmença de gouverner & conduire les affaires du Roiaume: car il dit, *Tempore Clotarij patris Dagoberti regnum Francorum regi ceptum & administrari ab iis qui prouisoires ante Regia vel maiores domus esse videbantur: diuina hoc dispensante prouidentia, ut ad horum progeniem Francorum transferretur regnum: fuitque eo tempore maior domus in Palatio Clotarij Regis Arnolfus, (uir ut postmodum clauit) Deo amabilis, qui post seculi gloriam Christi seruitio se subdens mirabilis in Episcopatu extitit.*

ENVIRON lequel temps aussi Theodoric Roy de Bourgongne espousa Hermembergue fille du Roy Bertric d'Espagne, laquelle il renuoya l'annee d'apres à son pere: pource qu'estant enforcé ou de l'amour ou des malefices de ses concubines, ne peut oncques auoir sa cognoissance. Supplément de Gregoire.

LES Iuifs se mutinans en la cité d'Antioche, massacrerent grand nombre de Chrestiens, entre lesquels fut le Patriarche Anastasius. A cause dequoy l'Empereur depecha vn de ses Lieutenans, qui apres les auoir chastiez selon leur merite, fit eslire vn Gregoire pour presider au siege patriarchal d'Antioche, qui y tint le 65. lieu entre les Euesques l'espace de dixneuf ans.

AVQUEL temps aussi estant Thomas Patriarche de Constantinople decedé, fut institué en son lieu vn nommé Sergius Iacobite, qui faisoit profession de l'heresie des Monothelites: tellement qu'elle fut par son moyen & auctorité releuee & soustenuë en la Grece tout le temps qu'il presida, qui fut de 23. ans. Nicephore, Zonare, Cedrenus.

OR ce Serge fut appelé Iacobite, pource qu'il estoit infecté des erreurs d'vn nommé Iacques Syrien de nation, surnommé Zanzale, à cause de sa pauureté: lequel auoir quelque temps auparauant restauré & publié par toute la Syrie les heresies d'Euryche de Dioscore, Pierre & de Seuer, qu'on appelloit des Seuerites, Theopaschites, Aphthartodocites & Monophistes. Avec lesquelles vint aussi à se reueiller & remettre au dessus au mesme temps celle des Armeniens, lesquels on appelloit aussi Chazinariens & Staurolatres ou Adorateurs de la croix, laquelle ils appelloient entr'eux Chazus. Lesquels discordoient en ce point d'avec les Iacobites: mais ils dogmatisoient, au lieu qu'il y auoit deux natures en Iesus Christ, l'vne desquelles auoit souffert en la croix, & l'autre en auoit esté distraicte & separee, & faicte spectatrice de ceste passion. Niceph. liu. 18.

MAIS en Italie Gisulfe Duc de Feriul, suiuant le consentement Agilulfe, restitua la dignité Patriarchale à la ville d'Aquilee, qui luy auoit esté cy deuant ostee par les Papes, & transferee à Venise en l'isle de Grade: tellement qu'il en inuestit vn moine nommé Iean l'Abbé. Blondus.

VN Synode prouincial fut aussi tenu à Luce en Espagne. Onufrius.

<i>Du Monde.</i>	4747	<i>E. d'Orient.</i>	8	<i>R. des Visigoths.</i>	7
<i>De Iesus Christ.</i>	610	<i>R. de Perse.</i>	21	<i>R. des Lombards.</i>	20
<i>Indiction.</i>	13	<i>R. des François.</i>	23	<i>R. des Escossois.</i>	29
<i>Papes.</i>	4			<i>E. d'Italie.</i>	8

L'ARMEE du Roy Clotaire, souz la conduite du Maire Landry, estant rencontrée par celle du Roy Theodoric, qui alloit au secours de Bertauld, pres la ville d'Estampes, le iour auquel on celebrait la memoire de la natiuité nostre Seigneur, il y eut meslee fort cruelle & sanglante: dont la victoire toutesfois demeura aux Austrasiens, par la vertu de Bertauld, qui y fit si bien que son exemple fut ensuiuy de tous les siens, nonobstant qu'il y fut tué. Tant y a cependant qu'au moyen de ceste victoire, Theodoric entra victorieux dedans la ville de Paris.

THEODEBERT voulât secourir son frere, amena vne autre armée dedans les terres de Clotaire: lequel se presenta avec la siene deuant luy pres la ville de Compiène: si est-ce qu'ils

departirent amis sans estre combatuz, ne voulât possible Theodebert laisser trop aggrandir son frere: avec lequel mesme il se doutoit qu'il faudroit qu'il eust bien tost apres du garbounge; d'autant que leur ayeule Brunechilde ne cessoit de l'inciter à se mettre en mauvais meünage avec luy, soufflant incessamment aux oreilles d'iceluy, que Theodebert ne luy estoit que frere supposé seulement, & non legitime: dont il ne luy appartenoit de iouyr de la succession de leur pere.

EN la 8. année de l'Empereur Phocas, les Iuifs qui estoient à Antioche se mutinerent d'une si horrible façon contre les Chrestiens, qu'ils en mirent vn nombre infiny à mort, sans espargner leur Archeuesque, lequel ils martyriserent d'une cruelle façon. Qui fut cause que Phocas enuoya Bonose Comte d'Orient contr'eux: lequel ayant chastié les plus coupables, chassa le reste hors la ville. Au moyen dequoy les Antiochiens esleurēt vn autre Gregoire pour gouverner leur Eglise au lieu du defunct Anastase, pour lequel Nicephore Calliste a mal pris en son histoire Ecclesiastique son predecesseur Anastase Sinaite.

JEAN Cyprien surnommé l'Aumosnier, tint le quarante-septiesme lieu entre les Patriarches d'Alexandrie apres Theodosius l'espace de dix ans: & Zacharie le 62. entre les Patriarches de Hierusalem l'espace de vingt ans apres Isidus.

AVOUEL tēps le Pape Boniface fit tenir vn Synode à Rome: par le decret duquel il otroya telle puisſance & auctorité aux moines, tāt en la puisſance & faculté de lier & deslier, q̄ de prescher & administrer les Sacrements, que les Prestres auoient: encore que Gregoire premier les eust releuez cy deuant de ceste charge. Beda, Ranulff. Phil. de Bergome.

<i>Du Monde.</i>	4748	<i>Papes.</i>	5	<i>R. des Visigoths.</i>	1
<i>De Iesus Christ.</i>	611	<i>E. d'Orient.</i>	1	<i>R. des Lombards.</i>	21
<i>Indiction.</i>	14	<i>R. de Perse.</i>	22	<i>R. des Escosſon.</i>	1
		<i>R. des François.</i>	24	<i>R. d'Italie.</i>	1

ESTANT toute l'Illyrie & la Thrace fouldroyee des Huns & des Scythes, & les provinces de Leuant occupees des Perſes, sembloit que l'Empire Romain fust exposé à l'abandon de tous ses ennemis par la ſetardise de Phocas, qui ne s'estudioit lors qu'à viure selon ses plaisirs & voluptez. Ce qui vint en fin à faire si mal aux bons Princes & Capitaines de l'Empire, que plusieurs se dedierent & liguèrent ensemble pour y mettre remede. L'effect dequoy fut tel, qu'ils s'esleuerent tous ensemble en vn temps contre le tyran: mais les mieux ſuiuiz furent Heracleon natif de Cappadocie, Gouverneur de l'Afrique, & son fils Heraclius, & Priscus: qui apres auoir sondé leurs affaires, se rendirent tous ensemble à Constantinople, si à propos qu'ils trouuerent Phocas encores impourueu de toutes choses contr'eux. Au moyen dequoy le peuple s'alla ietter d'une telle rage sur luy, qu'il fut assommé fort cruellement. Cedrenus dit que ce fut le treziesme iour de Mars: mais Onufrius a trouué le vingtsixiesme en l'Indiction quatorze, où il rapporte aussi le principe de l'Empire de Flavius Heraclius, que les soldats trouuerent tant à leur gré, à cause des bonnes parties qui reluiſoient en luy, qu'ils l'aimerent mieux declarer Empereur que son pere qui n'estoit encore arriué. De sorte qu'il fut en ceste sorte estably au ſiege Imperial, & couronné par le Patriarche Sergius: & le temps de son regne compté iusques à son trespas de trente ans & enuiron deux mois. Niceph. Zonare, Cedrenus.

CEPENDANT les Perſes apres s'estre emparez des villes d'Apamea & d'Edessa en Syrie, s'en vindrent courir iusques deuant la cité d'Antioche: où ils deffirent quelques legiōs de Romains. Ce qui rendit encore leur Roy si presomptueux, qu'il renuoya sans rien faire les Ambassadeurs qu'Heraclius fit aller deuers luy pour traiter de la paix.

SMARAGDVS Exarche d'Italie fut en la premiere année d'Heraclius reuocqué par luy, & vn nommé Iean Lemiges destiné en son lieu, par qui l'Italie fut gouvernee souz tiltre d'Exarche 4. ans. Onufrius.

DE la victoire precedente s'engendra vne diffension mortelle entre les deux freres Rois d'Austrasie: estant Theodoric incité & stimulé des propos de son ayeule Brunechilde. De sorte que souz couleur d'iceux, il se dispoſoit à dejetter son frere de tous ses droits.

droits. Mais comme on estoit en termes de les appointer, Protadius Cornestable de Bourgogne (comme ioüant le personnage de Brunehilde) se trouua seul ennemy de la paix. Dont les Bourguignons furent tellement irritez, qu'ils le mirent à mort, contre la defense mesme de Theodoric. Ce qui le fit entendre qu'il falloit necessairement qu'il se reconciliast avec son frere. Lequel apres cela, mit vn Capitaine nommé Claudius ou Docudius, de la race des Gaulois, homme sage & facecieux, en l'estat de Cōestable de Bourgogne à Protadius. Aimoinus, Supplément de Gregoire de Tours, Paul Æmile.

VVITTERIC Roy des Vvisigoths, se sentant merueilleusement offensé de l'injure faite à sa fille, que le Roy Theodoric luy auoit renuoyee, faisoit ia ses efforts d'inciter les autres Rois de France Clotaire & Theodebert, & Agilulfe de Lombardie, à prendre les armes pour sa querelle: quand il fut preuenü par ses ennemis, qui luy rendirent le salaire en mesme monnoye de la felonnie qu'il auoit commise contre son predecesseur. Aimoinus estime que cecy aduint en la trezieme annee du Roy Theodoric, à quoy semble fauoriser la supputation de Roderic de Tolette. Mais ce qui viendra apres, avec le continuateur de Gregoire de Tours, nous fait icy colloquer sa mort: par le moyen de laquelle vn nommé Gondemar ou Gondamire, fut institué Roy des Vvisigoths apres luy, sur lesquels il regna, au compte des deux Chroniques Vvisigothes & des autres historiés d'Espagne, deux ans, ou vn an, vnze mois quatorze iours. En l'espace desquels on dit qu'il deffit & subiugua les Gascons des monts Pyrenees: & obtint quelques victoires sur les Romains: c'est à dire sur ceux qui tenoient encore le party de l'Empire en Afrique, ou en Espagne. La mort toutesfois de son predecesseur doit estre attribuee à l'annee precedente: car Isidore la rapporte à l'Ere DCXLVIII.

AIDAN ou Edan Roy d'Escoffe, fut (au rapport de Sigebert) occis en vne bataille par Edelfrede Roy de Northumbellande. A cause dequoy les Escoffois luy donnerent pour successeur le fils du feu Roy Connal, qui se nommoit Kennetus Keir, lequel mourut 4. mois apres son election. A cause dequoy la couronne d'Escoffe reuint à Eugene quatrieme du nom, fils dudit Aidan. Hector Boëthius liure neuuesme.

Du Monde.	4749	Papes.	6	R. des Vvisigoths.	2
De Iesus Christ.	612	E. d'Orient.	2	R. des Lombards.	22
Indiction.	15	R. de Perse.	23	R. des Escoffois.	2
		R. des François	28	E. d'Italie.	2

LA ville de Cæsaree en la Cappadocie, fut ceste annee prise & destruite par les Perses. Nicephore.

ENVIRON lequel temps aussi Caganus ou Chaïan Roy des Auaros, descendit avec vne grande armee en Italie contre les Lombards: où il chargea l'armee que le Duc de Friul osa presenter deuant luy, de telle sorte qu'il la mit en route, demeurant le Duc Gisulphe occis sur le champ. Au moyen dequoy il alla assieger sa femme nommee Romilda dedans la cité de Friul, où elle s'estoit enfermee avec ses enfans, & toutes ses plus precieuses richesses. Et la pressa de si pres, qu'il entra finalement par force dedans. De sorte qu'apres l'auoir saccagee, destruite & razee, il se retira en son pais, emmenant avec soy son butin & ses prisonniers. Blondus, Sabellic.

LEMIGES Exarche d'Italie, ayant reconfermé & renouellé la paix que son predecesseur auoit faite avec le Roy des Lombards, s'entretint diligemment en icelle tout le tēps qu'il fut en Italie.

DIDIER Euesque de Vienne reprenant trop librement la mauuaise & dissoluë vie du Roy Theodoric d'Austrasie, fut par son commandement mis à mort. Comme aussi fut Vvolfe Patrice de Bourgogne & de Prouëce, par les praticques de Brunehilde: à cause qu'il auoit esté consentant à la mort de Protadius: & puis fit substituer au lieu de luy en l'estat de Patrice vn nommé Richomeris Gaulois de nation.

VN Synode prouincial fut celebre en ceste annee en la ville de Mascon en Bourgogne.

<i>Du Monde.</i>	4750	<i>E. d' Orient.</i>	3	<i>R. des Vvisigoths.</i>	1
<i>De Iesus Christ.</i>	613	<i>R. de Perse.</i>	24	<i>R. des Lombards.</i>	23
<i>Indiction.</i>	1	<i>R. des François.</i>	26	<i>R. des Escossois.</i>	3
<i>Papes.</i>	1			<i>E. d' Italie.</i>	3

F L A. Heraclius Constantius fils de l'Empereur Heraclius nay de l'annee precedente, fut le 26. iour de Mars en la premiere Indiction declaré Empereur Auguste par son pere, & couronné de la couronne Imperiale par le Patriarche Sergius: tellemēt qu'on fait compte que l'Empire a esté gouverné depuis souz le nom d'eux deux ensemble l'espace de 28. ans, 2. mois. Auquel temps aussi vne armee de Sarrazins sortie de son pais fit beaucoup de mesnage par la Syrie, deuant que se retirer. Nicephore, Onufrius.

S. COLOMBAIN moine de la nation d'Escoffe s'estoit cy deuant retiré de son pais en France pour y enseigner la vie monastique, auoit fondé & erigé vn monastere en Bourgogne nommé Luxeul: auquel grand nombre de personnes incitez tant de la vie qu'il menoit que de ses predications, s'estoient venus rendre, pour y viure souz la mesme regle que luy. Laquelle par son austerité & simplicité sembloit si sainte à toutes autres personnes, que sa renommee en voloit par toute la France. De sorte qu'elle n'attiroit pas seulement les petits compagnons à l'aller voir & visiter, mais aussi les plus grands seigneurs & les Rois mesmes, qui auoient en grande admiration sa conuersation & profession de vie. Or comme le Roy Theodoric l'allast souuent trouuer, tant pour escouter sa doctrine que pour se recommander à ses prieres, il se trouua tousiours repris de sa mauuaise vie, & admonesté de se distraire de l'amour de ses concubines, en se soubmettant à la loy de mariage. Mesmement aussi il osa quelquesfois disputer librement deuant luy, que ses bastards ne luy pouuoient legitimement succeder. Ce qui mit si bien la pulce en l'oreille de Brunehilde, qui sçauoit biē que la venue d'une Roine legitime luy pourroit raualler sa puissance & auctorité, qu'elle n'eut iamais cesse que Colombain ne fust chassé hors des Roiaumes de son fils. Lequel à ceste occasion prit le chemin d'Italie; où il fonda vn monastere en la Lombardie nommé Bobia: mais en passant par la France, on dit qu'il predict au Roy Clotaire (qui luy faisoit vn gracieux recueil, que dedans les trois ans ensuiuans il se verroit possesseur & heritier de tous les biens & Roiaumes de ses deux cousins: selon le continuateur de Gregoire. Sigonius adioust qu'estât en Italie il cōfondit quelques Arriēs en dispute, & apres auoir fondé son monastere, qu'il y mourut l'annee ensuiuant: mais les autres estiment qu'il reuint encor en Allemagne.

GONDENAR ayant payé le tribut de nature, les Vvisigoths esleurent en son lieu vn grand personnage d'entre eux nommé Sitebute, pour la reputation qu'il auoit d'estre bien excellent tant en l'art militaire que bon Catholique & bien affectionné à la vraye & pure Religion. Cependant, encore que le regne d'iceluy soit diuersement compté par les auteurs, & que Roderic de Tolette & Alphonse Carthag. rapportēt le commencement d'iceluy à l'Ere 654. & à l'an de nostre Seigneur 616. si est-ce qu'il m'a semblé le plus seur de m'arrester au tesmoignage des deux anciennes Chroniques des Vvisigoths non encore imprimées, qui font compte de 8. ans, 11. mois, 14. iours pour le temps de son regne. D'autant que l'une (qu'on estime estre d'Isidore) se termine à la fin d'iceluy, lequel elle cōmence en l'Ere DCLII. & qu'elle est en cela cōfermee par la Chronique de S. Benigne, qui tient que ce fut en la 13. annee du Roy Theodoric.

LE continuateur de Sigebert dit qu'il subiugua & reduisit le pais de Cantabrie souz son obeissance, qui appartenoit auparauant aux François: souz lesquels vn Duc nommé Francio en auoit eu le gouvernement, duquel il leur en payoit vn tribut annuel.

A V mesme temps viuoit & florissoit Maxime Euesque de Sarragosse, historiographe qui a escrit les gestes des Vvisigoths.

P A R le trespas du Pape Boniface 4. qui mourut ceste annee le 8. iour de May, demoura son siege vacant par l'espace de 5. mois, 25. iours: à cause de la difficulté qui suruint à faire eslection de son successeur, laquelle fut en fin faicte au commencement de Nouembre, estant tombee sur vn nommé Theodatus, ou Deufdedit, que nous dirions Dieu donné, natif

né, natif de Rome, & fils legitime d'un Soufdiacre, lequel on tient auoir presidé trois ans, neuf iours. C'est luy qu'on dit auoir esté autheur & inuenteur de la consanguinité & affinité spirituelle qu'on a mise entre les parrains, marraines, comperes, commeres, filieuls & filieules. Tellement qu'il ordonna qu'un compere ne pourroit espouser sa commere: ne mesmes que le fils d'iceluy qui auroit donné le nom à vne fille au baptisme, ne pourroit prendre ladite fille en mariage. Platine, Sabellic, Berg. Rob. Barus, Vvicelius.

<i>Du Monde.</i>	4751	<i>Papes.</i>	1	<i>R. des Visigoths.</i>	2
<i>De Iesus Christ.</i>	514	<i>E. d'Orient.</i>	4	<i>R. des Lombards.</i>	1
<i>Indiction.</i>	2	<i>R. de Perse.</i>	25	<i>R. des Escossais.</i>	4
		<i>R. des François.</i>	27	<i>E. d'Italie.</i>	4

L'EMPIRE se ressentoit encore tellement de la calamité qui luy estoit aduenüe souz Phocas, que l'Empereur Heraclius n'auoit peu iusques icy par son bon mesnage non seulement reparer les dommages que les Perses y auoient faicts en Orient, mais aussi ne pouuoit encore empescher qu'ils n'y en fissent. Tellemēt qu'ils prindrent & saccagerent la ville de Damas: & ne voulurent entendre à aucune condition d'appointement qu'on leur enuoyast demander. Nicephore.

CEPENDANT les Esclauons, qui sont ceux qui se nomment en Latin Slani; lesquels occupoient lors seulement le riuage de l'autre costé du fleuve Ister, ayans espié l'occasion qui leur estoit presentee par les affaires qui tenoient tout l'Empire Romain en branle, se ietterent dedans le pais d'Illyrie & de la Dalmatie, de telle façon que s'en faisans maistres, ils y establirent leur demeure perpetuelle. A l'occasion dequoy le nom de l'Esclauonie y demeure encore auourd'huy. Sabellic. Ennee 8. liu. 6.

CACANE Prince des Huns & Auarois, qui dominoient lors en la Panhonie, faisant coustume d'aller à la picoree sur ses voisins quand bon luy sembloit, se vint avec vne grande multitude de ses gens ietter dedans la Duché de Forli. Qui fut cause que Gisulfe qui en estoit Duc, se vint avec ses forces opposer à luy. Mais elles estoient si minces pour son ennemy, qu'elles furent avec luy taillees en pieces. Au moyen dequoy la ville de Forli fut tellement destituee de defense, que les Huns poursuyuans leur victoire entrerent dedans, & y commirent des horribles & plus que barbares cruautéz, tant à l'endroit du populaire que de la femme du defunct & de ses enfans. Les fils toutesfois s'estans sauuez, succederent apres le depart des barbares aux estats & biens de leur pere: le plus ieune desquels nommé Grimoald eschappa le danger precedent, par vn acte fort memorable de grande vertu & vaillance: c'est luy qui se fit cy apres Roy des Lombards. Paul Diacre, Sigonius.

AGILULF ou Ago Roy des Lombards mourut, tefmoin le supplément de Gregoire de Tours, en la vingtsixiesme annee du Roy Clotaire second; laissant son fils Adouald ou Adauald, qui auoit ia cy deuant commencé à regner avec luy: lequel tint le Roiaume des Lombards apres luy avec sa mere Theodelinde, l'espace de dix ans. Paul Diacre, Anastasius. Sigonius toutesfois rapporte la mort d'iceluy à l'annee ensuiuant. Tous les historiens & autres escriuains de ce temps: signamment aussi saint Gregoire, rendent vn fort honorable tefmoignage de ceste Theodelinde, à cause du zele & affectiō qu'elle auoit à l'auancement de la Religion Chrestienne selon la science d'alors.

ISIDORE le Grand Euesque de Seuille florissoit en ce temps.

Le differend qui estoit entre l'Eglise de Grado & celle d'Aquilee, fut appointé en ce temps, à ceste condition que la superiorité & superintendance des Eglises dependantes de ce Patriarchat qui estoient en terre ferme, demeureroient à celuy qui presideroit en la ville d'Aquilee: mais que les autres qui estoient du diocese du Ducat de Venise, respōdroient à l'Euesque de Grado. Blondus.

<i>Du Monde.</i>	4752	<i>Papes.</i>	2	<i>R. des Visigoths.</i>	3
<i>De Iesus Christ.</i>	615	<i>E. d'Orient.</i>	5	<i>R. des Lombards.</i>	2
<i>Indiction.</i>	3	<i>R. de Perse.</i>	26	<i>R. des Escossois.</i>	5
		<i>R. des François.</i>	28	<i>E. d'Italie.</i>	1

LES Perles pourſuiuans leurs conqueſtes , reduirét en leur puiſſance toute la Paleſtine & Iudee, avec la cité de Hieruſalem qu'ils ſaccagerent, & emporterent avec eux le bois de la croix où l'on diſoit auoir eſté crucifié noſtre Seigneur. Nicephore en ſes Annales, Cedrenus, Sigebert.

LES citoyens de Rauenne ne pouuans plus endurer de l'inſolence & arrogance de l'Exarche Remiges , occaſion ſe preſenta, qui les fit mutiner tellement contre luy, qu'ils le mirent à mort avec tous ſes domeſtiques. P. Diacre, Onufrius.

THEODORIC ennuyé de trop long repos, voulut remuer meſnage ſur les Roiaumes de ſon frere, & ce par l'induction de Brunechilde. Mais quand il vit que ſon entrepriſe ne plaſoit à aucun de ſes ſubieſts, & qu'il ioüoit à bon chat bon rat, eſtant ſon frere en auffi bon equippage pour maintenir ſon eſtat que luy pour l'afſaillir, force luy fut de rôpre ſon coup, & ſe remettre de ce qu'il vouloit pretendre contre ſon frere au iugement de quelques ſages arbitres, deſquels ils conuindrent : par leſquels il fut condamné pour reparation de ſa faulte, de quitter au profit de ſon frere les pais où ſont auourd'huy les Comtes d'Alſatie, de Champagne, & de Tours, avec d'autres terres de ſon appartenance. Ceux qui diſent que ceſte guerre fut ſuſcitée à cauſe du repudiment de la femme de Theodoric : & que les Rois Clotaire, d'Eſpagne & des Lombards ſ'en meſlerét avec Theodebert, lequel les trompa par ceſte paix qu'il fit ſans eux : ont entierement mal appliqué ceſte queuë à ce veau. Mais au contraire, Theodoric ſemble auoir eſté haſté de ſe deſuelopper de ceſte guerre par les Allemans, qui pendant qu'il eſtoit occupé contre ſon frere, vindrent entrer avec vne grande armee dedans la Bourgogne Tranſiurane : où ils ſaccagerent, bruſlerent, & rauagerent la pluſpart de la contree d'Auenches. Et apres y auoir deffait & mis en route l'armee des Tranſiurās, cōduite par les Ducs Herpin ou Herpon & Attelin, ſ'en retournerent chargez de grand butin en leurs maiſons. Supplément de Gregoire.

EDILBERT Roy de Kentz ou de Cantorbie mourut , & luy ſuccéda ſon fils nommé Cabaldus, qui regna 22. ans. Auquel temps auffi Radouald fut fait Roy des Anglois Oriētaux, par la mort du Roy Edelbert ſon predeceſſeur. Sigebert.

LES decrets du Concile d'Auxerre celebré ſouz le Pape Theodat, furent reduits en 45. Canons : en vn deſquels la couſtume de ſ'entredonner ce qu'on appelle les eſtreines le premier iour de l'annee, eſt defendue & appelée diabolique.

EN vn Synode celebré en l'isle de Mona outre les Prelats d'Angleterre & d'Eſcoſſe, la matière de la celebration de Paſques fut grandement debatüe, voulans les Eſcoſſois avec leur Eueſque Columbain perſeuerer en la couſtume de leurs anceſtres, & les Anglois les faire accōmoder à la regle de l'Egliſe Romaine, en laquelle ils eſtoient inſtruits. Tritermius.

<i>Du Monde.</i>	4753	<i>Papes.</i>	3	<i>R. des Visigoths.</i>	4
<i>De Iesus Christ.</i>	616	<i>E. d'Orient.</i>	6	<i>R. des Lombards.</i>	3
<i>Indiction.</i>	4	<i>R. de Perse.</i>	27	<i>R. des Escossois.</i>	6
		<i>R. des François.</i>	29	<i>Exarche d'Italie.</i>	2

LES Perles apres auoir paſſé la Paleſtine, ſe ietterent dedant l'Egypte, qu'ils adiouſterét à leurs autres conqueſtes par faulte de deſenſe. Et puis entendans qu'Heracleon pere de l'Empereur qui gouernoit l'Afrique eſtoit nouuellemēt decedé, celà les incita d'autant plus de ſ'y acheminer : tellement qu'ils ne trouuerent encore rien qui y peult durer contr'eux, excepté la ville de Carthage, qui ſe defendit longuement contr'eux.

Vn Patrice nommé Eleutherius fut par l'Empereur institué Exarche d'Italie. Mais auant qu'il y arriuaft vn Gentil-homme de Constantinople, qui se nommoit Iean Campsin ou Cousin, faisant son profit des troubles de l'Empire, s'empara quasi tout en vn moment de fait & de force des païs de la Pouille, Calabre, Labruzzo, la Lucanie & Campagne. P. Diacre, Onufrius.

Les Allemans se rebellans contre les François firent ceste année des courtes iusques dedans la Bourgogne Transjurane. Aimoinus.

ARNOLD fils d'Anchises autrement dit Buggisus, duquel (comme tesmoigne Sigebert) auoit esté pere Ausbert fils de Blitilde fille du premier Roy Clotaire) Seigneur de Mosellane, apres auoir bien sagement & vertueusement gouverné le Royaume d'Austrasie, renonça au monde pour prendre l'habit de Moine. Lequel toutesfois il fut contraint de quitter l'année d'apres pour accepter l'Euesché de Mets; ayant au parauant resigné & departy ses seigneuries & possessions entre ses fils. L'aîné desquels nommé Anchises ou Antichisges obtint pour sa portio les seigneuries que son pere auoit aupres de l'Escaut: & prit en mariage Begga fille de Pepin l'ancien Maire du Palais d'Austrasie, qui luy engendra Pepin Heristel, qui fut pere de Charles Martel. Le second Clodulfe fut heritier des païs qui appartenoyent à son dit pere es enuiron de la Moselle, qu'on appelloit pour ce regard la Mosellane: ainsi que recite maistre Richard de Vassebourg. Au fils aîné duquel nommé Martin, fut coniointe la race des Princes d'Ardenne, par le mariage de luy & de Beatrix qui en estoit seule heritiere. De sorte qu'on estime que d'eux issirent les Ducs de Mosellane, d'Ardenne & de Lorraine, qui furent cy apres.

THEODAT (tesmoin Onufrius) mourut ceste année le 8. iour de Novembre, & fut son successeur qui se nommoit Boniface, esleu seulement vn mois 16. iours apres son trespas: tellemēt qu'on fait cōpte qu'il presida deslors au siege Papal l'espace de 5. ans 10. mois. Les autres escriuent qu'il estoit natif de la cité de Naples: & qu'il fut le premier qui ordonna que les Eglises & lieux sacrez fussent lieux de franchise à tous delinquans & malfaiteurs qui sy retireroient.

L'HERESIE des Monophysites eut grande vogue en ce temps: les principaux defen-seurs de laquelle estoient vn nommé Iacques & Iean le Grammarien surnommé Philoponus Alexandrin (qu'on dit estre celuy qui a laissé plusieurs commentaires sur les liures d'Aristote). A cause dequoy leurs sectateurs s'appelloiēt aussi Iacobites, lesquels maintenoient que la diuinité & humanité sont tellemēt cōfondues & meslees en Christ, qu'il n'en reüssit qu'une seule nature. Enquoy leur opinion conuenoit avec les Eutychiens & Monothelites. Mais ils auoient d'autres points, desquels ils n'estoient d'accord. Car Philopone mit le premier en auāt l'erreur qui fut appellé des Triteites, qui faisoient en la Trinité trois Dieux. Et pource qu'il defendoit ses opinions par plusieurs subtiles raisons & par beaucoup d'escrits, plusieurs autres personnages se mirēt aussi à les refuter & oppugner, cōme vn Conon, Leonce moine & George de Pisidie. Nicephore Calliste en son histoire Ecclesiastique.

Du Monde.	4754	Papes.	1	R. des Visigoths.	5
De Iesus Christ.	617	E. d'Orient.	7	R. des Lombards.	4
Indiction.	5	R. de Perse.	28	R. d'Ecosse.	7
		R. des François.	30	E. d'Italie.	3

FL. Heraclius Constantinus fils de l'Empereur Heraclius fut fait Consul, & son ietne frere nommé aussi Constantin déclaré Cesar ceste année, Nicephore Georgius Cedrenus.

ELEUTHERIUS étant arriué en Italie, donna premierement ordre aux affaires de Rauenne: & puis tira droit avec son armée à Rome, d'où il passa iusques au Royaume de Naples. Tellement qu'il rencontra l'armée de Campsin, laquelle il combatit si heureusement en champ de bataille, que la victoire luy demoura par la mort de son ennemy. Au moyen dequoy toutes les prouinces qu'il auoit occupees se remirent en l'obeyssance de l'Empire. Pandolfo Collinutio, Blondus.

THEODORIC se resentant encor de la fâcherie qui luy auoit esté faite par les Alle-mans (laquelle il estimoit luy auoir esté pratiquée par son frere) & de la honte des'estre laissé si rudement pincer par l'accord precedent, s'embraça de plus grande ardeur que ia-mais à chercher les moyens de rendre le change à son frere. Car de peur qu'il ne fust de-stourbé de ce faire par le Roy Clotaire, il conuint avec luy premierement, que s'il se te-noit neutre en ce différent sans se declarer plus pour l'un que pour l'autre, de luy rendre (au cas que la victoire luy aduint) la Duché de Dentelin, & les autres terres que Theode-bert auoit cy deuant acquises sur luy. Et puis ayant assemblé toutes les forces de son Royaume, les fit passer iusques au cœur du Royaume d'Austrasie, où celles de Theodebert se trouuerent aussi prestes à le recevoir pres la ville de Toul en Lorraine. De sorte qu'ils se donnerent vne cruelle & furieuse bataille, qui fut perduë par Theodebert. A cause de-quoy il se sauua à Mets, & de là à Cologne, où il fit venir à soy vne nouvelle armee de Saxons, Turingiens & des autres nations Germaniques, qu'il alla de rechef hazarder cõ-tre celles de Theodoric (qui le poursuiuoit) aupres de Tolbiac avec plus malheureuse issue que la premiere. Car il ne fut pas seulement vaincu, mais aussi si chaudement poursuiuy en s'enfuyant qu'il fut pris & ramené en la ville de Cologne, où il le fit mourir sans respit en la 17. année de son regne, qui estoit la 31. du Roy Clotaire: comme Aimoinus, Sigebert & autres anciens Historiographes recitent. Mais le supplement de Gregoire dit seulement que son frere fut ramené & mis en gardé à Chaallons sur la Saone. Ce qui a fait possible escrire à P. Æmile qu'il ne fut mis à mort. Ce pendant il n'y a personne qui ait escrit ce qu'il deuint, ne qu'on en ait iamais ouy parler depuis. Excepté la Chronique de S. Beni-gne avec Auentin liu. 3. qui disent q la Roine Brunehilde le fit rēdre moine à Chaallōs, & puis cruellement mourir: à cause dequoy au procez qui fut fait cy apres à Brunehilde la mort de Theodebert luy fut entre ses autres crimes imputee.

EDELFREDE Roy de Northumbellande apres auoir chassé Eduin fils d'Alla du Royaume de Deire, & iceluy enuoyé en exil, voulut consequemment faire la guerre à Ra-douald Roy des Anglois Orientaux, pource qu'il l'auoit receu en sa protection: de sorte qu'ils se donnerent bataille, en laquelle Edelfrede fut deffait & occis. Au moyen dequoy Eduin se remit en son Royaume, où il regna encor depuis (tesmoin Herman Contract) l'espace de 17. ans: & les enfans dudit Edelfrede nommez Osuald, Osuius, Enfrede, Of-ric & Offa, furent contraints se retirer vers Eugene Roy d'Escoffe, à l'aide duquel ils furent cy apres restituez au Royaume de leur pere. Ce pendant Eduin amplifia grandement l'es-tenduë de son Royaume par sa vaillance. Ce que Beda tesmoigne estre adueni en l'Indi-ction 5. Polydore li. 4.

SISEBUTE estant en la 4. ou 5. année de son regne, contraignit par vn edict (tesmoin Isidore le ieune) tous les Iuifs de son Royaume de se conuertir à la religion Chrestienne, & prendre le baptême, ou de vider: ce que plusieurs aimants mieux faire, se retirerent avec ceux qui estoient en France; tellement que le nombre en fut merueilleusement aug-menté; qui fut cause, ce dit P. Æmile, de les faire dechasser puis apres tous ensemble. Le-quel exemple toutesfois n'a pleu à l'auteur de la Chronique des Vvisigoths non imprimee, qui dit que Sisebute fut plus mené de zele en ce fait que de science. A cause qu'il luy semble qu'on ne deuoit vser de contrainte enuers ceux qu'il falloit plustost attirer & gagner par la raison de la foy.

<i>Du Monde.</i>	4755	<i>E. d'Orient.</i>	8	<i>R. des Vvisigoths.</i>	6
<i>De Iesus Christ.</i>	618	<i>R. de Perse.</i>	29	<i>R. des Lombards.</i>	5
<i>Indiction.</i>	6	<i>R. des François.</i>	31	<i>R. d'Escoffe.</i>	8
<i>Papés.</i>	2			<i>E. d'Italie.</i>	4

LES Ambassadeurs de l'Empereur Heraclius retournent de rechef vers le Roy Chof-roes pour traiter de la paix rapporterent vne responce de luy plus orgueilleuse & defrai-sonnable que les precedentes. Car il menaçoit de ne se deporter de guerroyer les Chre-tiē, qu'il ne les eust cõtraints de renier Iesus Christ. A cause dequoy l'Empereur fut con-traint

traint de se preparer à la guerre. Nicephore.

ELEUTHERE suyuant l'exemple de Iean Campsin se voulut faire d'Exarche Roy d'Italie. Mais pource qu'il n'auoit gaigné le cœur de ses soldats, & qu'ils ne vouloient aussi manquer de fidelité à l'Empereur Heraclius, ils le mirent à mort en la ville de Lutheoli. A cause dequoy l'Empereur enuoya vn des Patrices de Constantinople nommé Ithaach pour exercer sa charge: lequel estant arriué en Italie le gouerna souz tiltre d'Exarche l'espace de 23. ans. P. Diacre, Onufrius. Parquoy Sabellic semble auoir mal compté qu'il arriua en Italie, dès que le Roy Agilulfe mourut. Pource que par l'accord fait avec le Roy Theodoric le Roy Clotaire se saisit, & mit en possession de la Duché de Dentelin & des autres païs qui luy auoient esté promis: Theodoric se sentant grandement aggrandy de la ruine de son frere, se mit en teste de luy faire desgorger ce morceau: ne se sentant pas plus incité de luy garder la foy, qu'il n'auoit fait à s^{on} frere. Mais cōme il se dispoisoit à mettre fin à ceste deliberation, vn different suruint entre luy & Brunechilde, qui le voulut destourner d'espouser la fille du feu Roy Theodebert, luy remontrant la proximité: d'autāt qu'elle luy auoit fait entendre au parauant que son frere ne luy estoit rien. A l'occasion duquel elle le fit (à ce qu'on dit) empoisonner: de sorte qu'il en mourut (au rapport d'une ancienne Chronique) par vne caquesangue. Combien qu'Auentin escrit que ce fut par vn coup de foudre, duquel il fut frappé entrant en la ville de Mets. Tant y a cependant qu'un si cruel Parricide ne pouuoit faillir d'estre puny de quelque fin tragique, qui luy aduint comme par vn iuste iugement de Dieu, en la 18. année de son regne. Au moyen dequoy les Austrasiens à la suscitation d'Arnoul & de Pepin, qui estoient les plus grands Seigneurs de leur Royaume, appellerent Clotaire pour estre leur Roy: quoy que Brunechilde fist tous ses efforts de les retenir pour les enfans bastards dudit Theodoric, nommez Sigobert, Hildebert, Carbon & Merouee. De façon qu'elle enuoya Sigobert au Royaume de Türinge pour y faire leuee de gens, avec son Cōestable Varnahaire qui s'estoit dedié à le seruir fidelement, iusques à ce qu'il fut aduertý des embusches qu'on luy dressoit, qui le firent aller rēdre au Roy Clotaire. Qui fut cause de faire aussi tellemēt esbranler les Bourguignons & Austrasiens avec luy, qu'ils tournerent le dos à Sigobert & ses freres, quand ils se furent presentez en bataille deuant Clotaire. Tellement que des quatre freres les trois demeurerent prisonniers: à deux desquels, à sçauoir Sigobert & Carbon, Clotaire fit oster la vie, la reseruant à Merouee. Quant à Hildebert, on tient que la fuitte l'exempta du danger de ses freres. Mais le supplement de Gregoire dit qu'il se retira en lieu dont on n'ouit iamais plus parler de luy en France: si ce n'est luy qu'on vueille prendre (comme nous dirons cy apres) pour le fondateur de la race des Comtes de Hasbourg. Cependant la victoire precedente rendit les Royaumes de Bourgogne & d'Austrasie entierement paisibles entre les mains de Clotaire, & toute la Monarchie Françoisse pour la seconde fois reconfolidee en vn. De maniere qu'il laissa Varnahaire pour Cōestable aux Bourguignōs, aux Austrasiens Rhadon, & aux Transjurans Herpon, apres qu'il eut fait receuoir à Brunechilde le chastiment de ses demerites par vne fort estrange & horrible mort: laquelle toutesfois (encor qu'elle soit tesmoignee de tous les anciens Historiographes) a semblé à Boccace Florentin & à P. Æmile auoir esté escrite à credit: cōme estant totalement aliene de la douceur & clemēce qu'on dit auoir esté en ce Roy. A cause de laquelle il n'y eut iamais Prince ny mieux aimé ne mieux obey tant de ses anciens subiets que des autres nouvellement reduits à son obeissance. Outre ce que saint Gregoire leur semble donner vn grand argument de leur opinion, ayant si fort loué Brunechilde en ses Epistres. Mais il faudroit aussi par la mesme raison que Theodebert & Theodoric eussent esté innocens de tant de vices & de mauuais faits qu'on leur a imputé. Quand à ce qui leur semble impossible que tant de crimes soient procedez d'une femme seule, ceste excuse iustificera aussi Fredegonde de tous ceux que Gregoire de Tours luy a imputez, qui ne sont moindres que ceux de l'autre. D'auantage il se peut faire qu'elle se monstra mieux morigenee, ou dissimula mieux son naturel en ses ieunes ans, lors que les deux Gregoires viuoient encore, qu'elle ne fit depuis le trespas du Roy Childebert son fils, quand elle eut le gouuernement du Royaume & des enfans d'iceluy en sa main, lesquels n'eurent autre nourriture & instruction que celle qu'elle leur fit auoir. Qui plus est, tous les plus deuotieux & liberaux enuers les Eglises & gens d'icelle, ne se sont pas tousiours veuz les plus consciencieux & exempts d'autres vices.

SAINCT Colombain estant chassé de la Cour du Roy d'Austrasie, se retira en Allemagne, pour y prescher (comme on dit) l'Evangile, & conuertir à Iesus Christ les peuples qui n'en auoient encore la cognoissance. Mais à ce qu'on voit par les escrits de ce temps, & par les fruits qui sortirent de son labeur, la principale profession estoit d'inciter les hommes de ce temps à se retirer du monde pour viure souz la regle & discipline de la vie monastique, plustost que d'enseigner la doctrine del'Evangile, en la façon & maniere que les Apostres l'auoient presché. D'autant qu'il estimoit que renoncer aux affaires de ce monde, se reparer des hommes seculiers, matter les esguillons & delices du corps & de la chair, par vne grande austerité de vie s'exercer par vne discipline fort estroite & rigoureuse à parfaire & accomplir toutes les œuvres de la loy, que c'estoit la vraye vie euangelique, & le plus certain moien de paruenir à Iesus Christ.

NEANTMOINS Auentin tesmoigne au 3. liu. de ses Annal. que les Euesques de Bauiere qui auoient esté instruits en la religion Chrestienne par S. Seuerin, tindrent plusieurs Conciles contre luy & contre ses disciples: alleguans qu'ils introduisoient des nouuelles ceremonies. Ce pendant toutesfois ceste nouuelle profession rencontra si grand nombre de sectateurs & imitateurs, qu'il n'y eut quartier ny anglet de la France & de Germanie, où il ne s'y en trouuast qui y fonderent des Conuents & Monasteres, pour y faire leurs retraites & assemblees. En sorte mesme qu'on n'auoit point encore veu siecle au parauant produire plus grande moisson de personages renommez en saincteté Monachale, que la France & Germanie représenterent depuis Colombain iusqu'à Charles Martel ou à Pepin. Car les hommes & femmes non seulement de basse condition, mais aussi les grands Seigneurs, Princes & Princesses en firent profession, entre lesquels on compte S. Arnoul, qui fut Euesque de Mets, ayeul de Charles Martel, Grino ou Aldigilus nepueu du Roy Dagobert, Gertrude fille de Iette femme de Pepin Maire d'Austrasie, Iosse fils du Roy de Bretagne, & autres, nommément Carlomâ frere de Pepin. Mais les premiers cōpagnons, disciples & propagateurs de la doctrine de Colombain, ce fut Gal (qui s'arresta en Suisse, Rumrichus ou Romarich, Leodegarius: qui furent ensuiuis d'Arbagastus, Amandus & vne infinité d'autres qui seroient trop long à racompter, plusieurs desquels furent tirez de leurs Monasteres pour estre Euesques & Pasteurs des grandes Eglises.

<i>Du Monde.</i>	4756	<i>Papes.</i>	3	<i>R. des Visigoths.</i>	7
<i>De Iesus Christ.</i>	619	<i>E. d'Orient.</i>	9	<i>R. des Lombards.</i>	6
<i>Indiction.</i>	7	<i>R. de Perse.</i>	30	<i>R. des Escossais.</i>	9
		<i>R. des François.</i>	32	<i>E. d'Italie.</i>	2

HERACLIVS desirât de faire paix avec Chaian Roy des Auarois qui ne cessoit de foudroier continuellement le pais de Thrace, afin d'auoir moins d'empeschement d'entredre à la guerre des Perses, enuoia ses Ambassadeurs pour luy presenter conditions d'appointement, lesquelles il fit semblant d'accepter à bon escient, & de vouloir à ceste occasion parler avec Heraclius. Mais il fit cognoistre par effect que ce n'estoit que pour le surprendre & emmener, si la desloyauté n'eust esté premierement decouuerte. Niceph.

HERPON de Bourgogne, fut par la factio d'un Gentil-homme nommé Alethee, qui se disoit estre issu des Rois de Bourgogne, mis à mort: qui voulut encore introduire la Roine Beltrade par l'entremise de Leudemôt Euesque de Sion, à faire le semblable au Roy Clotaire. Mais quand ceste entreprise fut venue à notice, le Gentil-homme receut le salaire de ses crimes. Combien que l'Euesque ne fut puny de plus rigoureuse peine, que d'une defense de ne sortir nullement de son diocese. Aimoinus.

ETHELFRID Roy de Northumberlande aiant commencé la guerre à Radouald Roy des Anglois, fut par iceluy defait & occis en vne grosse bataille, en la 24. année de son regne: laissant deux fils en fort bas aage nommez Osuald & Osuius, qui furent sauuez en Escosse. Au moyen dequoy Eduen fils d'Alla recouura le Royaume de son pere & regna 17. ans. Beda.

SISEBTE fit en ce tēps guerre aux Imperieus d'Afrique, tellement qu'il les dechassa non seulement de toutes les villes & forteresses qu'ils tenoient encor en Espagne, mais aussi

aussi passa avec vne armee en Afrique, où il fit plusieurs belles conquestes sur eux, témoin Aimoinus, Michaël Ricius, P. Æmile. Selon lesquels aussi il subiugua le pais de Cātabrie, qui auoit esté auparauant souz l'obeyssance des François: tellement qu'il estendit les limites de son Royaume iusques aux Pyrenees.

AVGVSTIN I. Archeuesque de Cantorbiemourut, & fut ordonné en son lieu vn nommé Laurent. Polidore.

Le second Concile de Seuille (ditte lors Hispalis) en Espagne fut celebré souz le Roy Sisebute, en l'Ere DCLVII. Liure des Conciles. Et selon Isidore en la 7. année de Sisebute, pour refuter & condamner l'heresie des Acephales, laquelle vn Euesque de Syrie maintenoit lors opiniaistrement en Espagne..

Du Monde.	4757	Papes.	4	R. des Visigoths.	8
De Iesus Christ.	620	E. d'Orient.	10	R. des Lombards.	7
Indiction.	8	R. de Perse.	31	R. d'Ecosse.	10
		R. des François.	33	E. d'Italie.	3

QUELQUE trouffe que l'Empereur eut receu de Chaian, si est-ce que la necessité le forçoit de l'auoir amy. A cause dequoy il l'enuoya de rechef plus instamment prier d'appoinctement. Tellement que ses Ambassadeurs rapporterent vne paix par luy iuree & signee, souz l'assurance de laquelle Heraclius se disposa pour aller en personne contre les Perfes, qui tousiours faisoient rage sur les prouinces & pays de l'Empire. De sorte qu'ils prindrent encor ceste mesme année la ville d'Ancyre en la Galatie. Les deux Nicephores, le Patriarche & Calliste liure dixhuietieme de son histoire Ecclesiastique.

CARLOMAN Duc de Tongrie, appelée maintenant Brabant (auquel, comme escrit Iacques Meyer, les Princes de Brabant qui vindrent cy apres referent leur origine) mourut laissant vn fils surnommé Pepin, & d'aucuns Landen, qui fut cy apres Maire du Palais d'Austrasie, de laquelle il fut Gouverneur avec Arnoul Euesque de Mets. C'est luy qui avec Arnoul fit recevoir le Roy Clotaire au Royaume d'Austrasie. A cause dequoy il fut tousiours depuis en grand credit & auctorité non seulement enuers luy, mais aussi enuers ses successeurs. Richard de Vvassebourg.

Le pais de Flandre, qui en ce temps-là estoit pour la pluspart peuplé seulement de Forests, receut pour Gouverneur de la main du Roy Clotaire vn nommé Luyderic ou Lyderic, surnommé Buccense: lequel à ceste occasion fut appelé Forestier qui fut le premier qu'on tient auoir porté ce nom. Qui n'estoit du commencement hereditaire, d'autant qu'il se conféroit par les Rois qui sont venus cy apres, à ceux que bon leur sembloit ordonner au gouvernement dudit pais iusques au temps de Charlemagne. On tient ce pendât que ce Lyderic eut vn fils nommé Bouchard, qui fut Comte de Louvain. Chronique de Flandre.

EUGENE 4. du nom Roy d'Ecosse mourut en la 12. année de son regne, laissant 4. fils, l'aîné desquels nommé Ferqu'hard tint le Roiaume d'Ecosse apres luy l'espace de 13. ans, le frere duquel nommé Fiacre d'Euesque se rendit moine, & s'en alla en France pour viure comme incognu en plus grande austerité de vie, où il fut canonizé entre les saints apres sa mort. Hecot Boethius liu. 9.

GEORGE 2. du nom tint le 48. lieu entre les Patriarches d'Alexādrie l'espace de 10. ans, apres Iean l'Aumosnier.

Du Monde.	4758	Papes.	5	R. des Visigoths.	9
De Iesus Christ.	621	E. d'Orient.	11	R. des Lombards.	8
Indiction.	9	R. de Perse.	32	R. d'Ecosse.	11
		R. des François.	34	E. d'Italie.	4

HERACLIVS festinant bien assuré de la paix qu'il auoit avec les Auarois, fit passer les legions qui estoient au pais de Thrace en l'Asie pour les ioindre à l'armee qu'il dres- soit contre les Perles: lesquels cependant trauailloient & vexoient d'exactions & de tri- buts insupportables les prouinces par eux conquises. Niceph.

LE Roy des Lobards desirant retirer les pais de Iuree & de Piedmont, nommément le Marquisat de Suze que les François auoient autrefois osté à ses predecesseurs, enuoia ses Ambassadeurs en France, qui gaagnerent si bien par presents les Conseillers du Roy Clo- taire, qu'ils le firent condescendre non seulement à la restitution desdits pais, mais aussi à renoncer au tribut que les Lombards souloient de long temps payer tous les ans aux Frâ- çois pour estre tenuz par eux en leur protection: par le moyen toutesfois d'un solemnel appoinctement qui fut lors passé & accordé entre les deux Rois & Roiaumes, qui se trou- ue auoir esté tefmoin Aimoinus & P. Æmile) inuiolablement obserué iusques au temps du Roy Pepin, encore que P. Diacre ait escrit que le Roy Grimoald deffit peu de temps a- pres par surprise vne armee de François. Le supplement de Gregoire attribue cecy ex- pressément à la 35. annee du Roy Clotaire. Ce qui monstre que ce ne fut souz le Roy Agi- lulfe, comme Sigonius a estimé apres ledit suppl.

<i>Du Monde.</i>	4759	<i>Papes.</i>	6	<i>R. des Vuisigoths.</i>	1
<i>De Iesus Christ.</i>	622	<i>E. d'Orient.</i>	12	<i>R. des Lombards.</i>	9
<i>Indiction.</i>	10	<i>R. de Perse.</i>	33	<i>R. des Escossois.</i>	12
<i>Del'Egire.</i>	1	<i>R. des François.</i>	35	<i>E. d'Italie.</i>	5
<i>1. Cicle des Arabes.</i>	1			<i>Cal. des Sarrazins..</i>	1

HERACLIVS estant au 12. an de son Empire, Indiction 10. partit de Constantinople le 4. iour d'Auril pour aller trouuer son armee, afin de la faire marcher contre les Perles. Tellement qu'il l'amena iusqu'en l'Armenie, où par vne memorable bataille il desconfit l'amee du Roy de Perse, qui estoit souz la cō duitte d'un Sarbarus: de façon qu'on racom- pte qu'il en tailla en pieces vn nombre inestimable, & en retint plus de cinquante mille prisonniers. Et puis laissant hyuerner son armee en l'Armenie, s'en retourna passer l'hyuer à Constantinople. Les deux Nicephores.

ESTANT le Roy Sisebute decedé, Riccard ou Riccarede 2. du nom son fils luy suc- ceda en faueur de ses merites à sa couronne. Mais auant qu'il eust acheué la premiere an- nee de son regne, il mourut en fort bas aage: ainsi que tefmoignent les histoires d'Espagne, de Roderic, d'Antoine Buter, Ioannes Magius. Aimoinus & Sigebert semblent auoir re- feré le trespas de son pere à la 9. annee du Roy Dagobert.

BONIFACE 5. Pape de Rome mourut selon Onufrius ceste annee le 26. iour d'Octo- bre, & fut 12. iours apres Honorius 1. du nom fils d'un Petronius natif de la Campagne d'Italie, esleu pour tenir son lieu, auquel on tient qu'il y presida environ l'espace de 12. ans, 11. mois, 7. iours. Ce pendant les actes ou Concile de Constantinople assemblé souz l'Em- pereur Iustinian 2. & ceux du 2. Concile de Nicee session 6. avec ceux du 8. de Constanti- nople, afferment d'un consentement qu'il fut reiecté de l'Eglise Catholique, & excom- munié pource qu'il fauorisoit à l'heresie des Monothelites, & qu'il s'entendoit avec Cyrus Patriarche d'Alexandrie, Sergius de Cōstantinople & autres, qui faisoient profession de la mesme heresie. Mais Platine & Onufrius se sont efforcez de le iustifier de ceste tache, al- legans que les exemplaires des actes dudit Concile de Chalcedone ont esté falsifiez par les Grecs, dont il faudroit aussi que ceux du Concile de Nicee & du 8. de Cōstantinople eussent esté faux.

Commencement

Commencement du regne & de la secte de Mahomet & des Sarrazins, ensem- ble aussi du compte de leurs annees depuis l'Hegire dudit Ma- homet.

MAHOMET natif d'Arabie, homme cault & fin, ayant par l'espace de 13. ans semé & publié clandestinement sa peruerse & malheureuse doctrine comprise en son Alcoran, & par ses moyens & inuentions si bien gagné l'opinion de plusieurs de sa nation (specialement des plus grossieres & faciles à recevoir toutes choses nouvelles) qu'ils le tenoient & auoient en estime de Prophete enuoyé de Dieu, fut finalement resolu de ne se plus tenir couuert, & de se manifester non seulement en public, mais de contraindre par force les hommes à se ranger souz sa doctrine & ses loix. De façon qu'outre le nom de Prophete, il prit le tiltre de Duc & conducteur de son peuple. Ce que les Chroniques Arabesques & Sarrazinesques, comme celle de ses faicts qui est imprimée avec l'Alcoran, avec le liure de Hasciar des Rois, le liure Ariscele & Nafboor disent (au rapport de Guillaume Postel liu. 2. de la Concorde du monde) estre aduenue en la 50. année de son aage. Et en Ziden cité de l'Arabie deserte, les Potentats de laquelle le dechasserent premierement, quand il voulut comencer à vser d'auctorité enuers eux : & le poursuiuirent de telle sorte, qu'il fut contrainct de se sauuer en la ville de Ietriba surnommée Medina Talnabi, qui signifie cité du Prophete ; à cause qu'il y establit premierement son siege Royal, & y seiourna l'espace de trois ans : faisant de là des rauages & courses continuelles sur les pais d'environ, avec vne troupe de gens perduz, ramassez & vagabonds, & cupides de liberté, qui s'alloient les vns sur les autres ioindre à luy : dont le nombre se trouua en fin si grand, qu'il les osa mener de là deuant la ville de la Meche, qu'il prit d'assault : & apres l'auoir mise en proye, contrainit les habitans de se soubmettre à sa doctrine & à ses loix. Tellement que ce fut le temps auquel il sembla auoir commencé à mettre en effect le pouuoir de sa principauté ou tyrannie. A cause dequoy les histoires cy dessus alleguees y constituent le principe & commencement, tant de son regne que du vray establisement de sa loy ; nommément alors qu'il fit marcher son armee deuant ladite ville. Ce qu'elles tesmoignent estre aduenue en la 53. année de son aage, & 621. apres la natiuité de nostre Seigneur, trois ans aussi apres sa fuite de Ziden. Tout lequel espace de temps s'appelle pour ceste consideration par les Arabes Alhigere ou l'Hegire, qui vault autant à dire, au rapport de tous les interpretes, que fuite ou exil. Au premier duquel toutesfois Postel afferme que les Sarrazins & Mahumetistes rapportent la nomination & origine de leurs annees. Mais les histoires Arabesques semblent l'attribuer à la dernière année, & à la 622. de nostre Seigneur : à sçauoir comme tous les Astrologues tant Arabes qu'autres qui ont ensuiuy leur doctrine, ont compté à la premiere Lune qui se fit vn Vendredy 621. an, 6. mois, 15. iours tous expirez apres la natiuité de nostre Seigneur, ou bien apres le principe duquel les Chrestiens comptent leurs annees. Car on voit qu'Albumasar, Hali, Albategnius, Abkabitius, le fils de Sanny en son liure des Eres, qui a vescu enuiron l'an 1000. de nostre salut, Campanus, & apres eux Alfonse, Guido Bonatus, Ioannes Hispalensis, Nicolas de Lusa, Ioannes Anglus Linconiensis, & presque tous les autres l'ont ainsi expresément déclaré : & ont rapporté toutes leurs supputations à ce principe-là. Auquel aussi se peult prouuer par vne infinité de tesmoignages irreprochables, que tous les Mahumetistes tant Sarrazins que Maures & Turcs, ont pris & prennent encor le fondement de leur compte des annees depuis leur Mahomet : encore que les Turcs l'appellent par ie ne sçay quelle cause (si ce n'est par l'ignorance de leurs propres histoires, lesquelles ils font estat de mespriser) la natiuité d'iceluy. & les autres l'Hegire ou Alhigere : sans toutesfois qu'il y ait aucun discord entr'eux pour iceluy. Ainsi le traité de paix que l'Empereur Char-

es 5. fit avec le Roy de Tunes, est datté de l'an de Christ 1535. le 6. d'Aoust: & selon le cōpte des Maures de la 6. l'vne du mois Asa de l'an de Mahomet 942. Semblablement aussi le grand Turc Soliman enuoya lettres au Roy Ferdinand l'an 1547. dattees de l'an 954. du natal de Mahomet.

PAR VOY Robertus Ketenenfis en sa traduction de l'Alcoran, laquelle il fit par le cōmandement de Pierre Abbé de Cluny son Abbé, dit, suiuant le calcul precedent, qu'elle fut acheuee l'an 1143. de nostre salut, & 537. de l'Alhigere. Et Guido Bonatus tesmoigne que le 6. iour de Iânier de l'an 1267. de Christ se rencōtra avec le 9. iour, 3. mois de l'an 665. de l'Hegire. Hieronymus Ramnufius estant à Damas, où il fit coppier vn exemplaire d'Auincenne, escriuit à la fin d'iceluy: *Natus est Auincenna an. 373. à fuga Mahometis. Nam habent illi pro suo millesimo 890. à fuga Mahometis. Nos autem à Christo 1484. Annus horum constat ex duodecim Luna cursibus.* Dauantage i'espère monstrier souz l'an 1513. 1514. 1515. & 1516. que Iean Leon d'Afrique a esté de mesme accord que les precedents. A ceste cause Cedrenus tesmoigne qu'il y eut en la cité d'Alexandrie vn Astrologue nōmé Estienne, fort expert, qui predit par la science des Astres, que dès la 12. annee de l'Empire d'Heraclius, qui se rencōtra, selon la supputation qu'il ensuit, avec la 6131. de la creation du monde, la puissance & domination des Arabes deuoit paruenir à vne telle grâdeur, que rien ne luy pourroit nuire de 309. ans apres. Au bout desquels elle viendrait à estre troublee & agitee de grâdes & diuerses calamitez, tumultes & diuisions, par l'espace de 56. ans: & puis tomber du tout en ruine & en decadence. Ce qui s'est veu estre aduenu enuiron l'an 1000. de nostre salut à la naissance de l'Empire des Turcs. Au reste, d'autant que les Arabes comptent leur annee selon le cours de la Lune simplement, sans la rapporter par aucune intercalation à celle du Soleil, il est d'autant mal-aisé de confronter les annees de Mahomet avec les nostres, que celles-là sont plus courtes de quelque peu moins douze iours. Tellement que 33. desdites annees en font 32. seulemēt, & 6. iours des Chrestiennes. Neantmoins pource que les pieces de l'an Arabic assemblees ensemble font vn cercle rond & entier en l'espace de 30. desdits ans, lequel espace ils appellent Cicle, afin de cōpter plus commodémēt icelles annees Arabesques avec les nostres, nous les diuiserons par Cicles, & declarerons en quels iours, mois & an de nostre Seigneur chacun desdits Cicles prēd son principe & commencement: & consequemment toutes les autres annees d'iceux.

Du Monde.	4760	Papes.	1	R. des Vvisigoths.	1
De Iesus Christ.	523	E. d'Orient.	13	R. des Lombards.	10
Indiction.	11	R. de Perse.	34	R. des Escossois.	1
De l'Hegire, 2. se commen-		R. des François.	36	E. d'Italie.	6
çant le 4. iour de Iuillet.				Calife des Sarrazins.	2

HERACLIVS estant allé retrouver son armee, la fit entrer dedans le Roiaume de Perse: où il prit, saccagea & brula grand nombre des principales villes, sans que Chosroes s'opast avec son armee presenter deuant luy. Au moyen dequoy il passa tout l'Esté en ceste sorte dedans son pais: & puis s'en vint avec ses despoüilles & prisonniers hyuerner au pais d'Albanie. Nicephore.

BERLINDE femme du Roy Clotaire mourut: à cause dequoy il prit en secōdes nopces Sichilde, qui estoit au dire de Rich. de Vassebourg sœur de Brunulphe fils de Clotilde, qui auoit (cōme nous auons dit cy deuant) succedé es seigneuries de Hainault & d'Ardenne par la resignation de sa sœur Aye. Cependant ceste Sichilde engendra de Clotaire vn fils, qui fut nommé Haribert. Aimoinus.

CINTILLA ou Suintilla fils (selon Aimoinus) du premier Roy Riccarede, paruint apres le trespas du ieune Riccarede à la couronne des Vvisigoths, tant par droit de proximité, que par ses merites (comme dit Ioannes Magnus) enuers la Republique Gothique. Combien qu'Aimoinus & noz autres historiographes François nous l'ont décrit pour vn Prince vicieux & cruel enuers ses subiects. A cause dequoy ils tiennent que son regne ne dura longuement. Mais la Chronique des Rois des Vvisigoths & les Chroniques d'Espagne, tesmoignent d'un consentement, qu'il a eu 10. ans de duree pour le moins: & qu'il a esté le premier qui apres auoir chassé les garnisons que les Empereurs d'Orient auoient encore en certaines villes d'Espagne, obtint & posseda la Monarchie entiere des Espagnes.

Du Monde.

<i>Du Monde.</i>	4761	<i>Papes.</i>	2	<i>R. des Vvisigoths.</i>	2
<i>De Iesus Christ.</i>	624	<i>E. d'Orient.</i>	14	<i>R. des Lombards.</i>	1
<i>Indiction.</i>	12	<i>R. de Perse.</i>	35	<i>R. des E/çoffois.</i>	2
<i>De l'Hegire,</i>	3. le 23. Iuin.	<i>R. des François</i>	37	<i>E. d'Italie.</i>	7
				<i>Cal. des Sarrazins.</i>	3

HERACLIVS estant entré derechef dedans le Roiaume de Perle, se trouua reduit en grand danger par deux armées que le Roy Chosroes luy auoit mises en barbe & à dos. Mais Dieu luy assista de telle façon, qu'il les deffit toutes deux & mit en route. tellement que le chef de l'une qui se nommoit Sarablagas, y fut tué. Mais l'autre s'alla rallier avec vne troisieme armée que Chosroes enuoyoit à leur secours souz la conduite d'un autre Satrape nommé Sathin. De maniere qu'ils donnerent beaucoup d'affaires aux Romains, iusqu'à ce qu'ils furent arriuez en l'Armenie, où ils rechargerent encore vne fois les Perles, si à point qu'ils les taillerent quasi tous en pieces. Somme que le Satrape Sarbaras qui en estoit Capitaine lors, fut quasi seul de tous les hommes de marque qui eschappa de ce desastre. Nicephore.

THEODOLINDE Roine des Lombards, femme de grande vertu, mourut. A l'occasion dequoy les Princes de Lombardie demirent son fils Adalduald de la dignité Royale, pource qu'il estoit aliené de son entendement. Et puis receurent en son lieu pour leur Roy vn nommé Haruald ou Ariuald, & selon d'autres Arioald ou Charoald, qui regna sur eux 12. ans. P. Diacre, Abbé d'Vrsperg. Onufrius.

SIGONIVS toutesfois n'est pas d'aduis que Theodelinde soit encore decedee ceste année, adioustant que le Pape Honorius & l'Exarche de Rauenne prirent tellement à cœur la deposition d'Adalduald, qu'ils se delibererent de le remettre en son siege: mais ils n'en peurent venir à bout, quoy qu'il le Pape eust cité à Rome les Euesques qui fauorisoient Ariuald.

A v mesme temps Suintilla Roy des Vvisigoths fit vne grande descōfiture de Galcons, qui estoient venuz courir iusques dedans le pays d'Arragon, & de leurs despoüilles & des deniers qu'il leur fit payer pour l'amende de leur faulte, fit edifier vne ville qu'il nomma Oligit, qu'on estime estre le Valdolid en Castille, ou Olit en Nauarre. Isidore.

ENVIRON cetemps Dagobert fils aîné du Roy Clotaire, fit par contumelie donner les estriuières & arracher la barbe à son precepteur & gouverneur Sadragesile, pource qu'il luy estoit trop rude. Ce que le Roy Clotaire prit en si mauuaise part, qu'il fallut que Dagobert s'ostast de deuant sa presence.

ETHELBERT Roy de Kantz mourut la 56. année de son regne: & luy succeda à la couronne son fils nommé Eldebald, qui regna 25. ans. Herman Contr. Polydore Virgile.

<i>Du Monde.</i>	4762	<i>Papes.</i>	3	<i>R. des Vvisigoths.</i>	3
<i>De Iesus Christ.</i>	625	<i>E. d'Orient.</i>	15	<i>R. des Lombards.</i>	2
<i>Indiction.</i>	13	<i>R. de Perse.</i>	36	<i>R. des E/çoffois.</i>	3
<i>De l'Hegire, 4. le 12. Iuin.</i>		<i>R. des François.</i>	38	<i>E. d'Italie.</i>	8
				<i>Cal. des Sarrazins.</i>	4

SARBARAS apres auoir receu vne nouuelle armée, se remit derechef à costoyer celle de Heraclius, sans l'approcher toutesfois de si pres qu'il eust peu estre cōtraint de cōbattre. De façon qu'ils ne se firent que donner des escarmouches ceste année. Nicephore ou Landulfus Sagax.

THEODEBERT Roy d'Austrasie auoit (comme disent les recercheurs de la genealogie de la maison d'Austriche & de Hapsbourg, nommément Tritemius, Hierosme de Gebuiler, Volf. Lazius & Munster) laissé à son trespas plusieurs enfans legitimes, qui furent aussi tous mis à mort en la ville de Metz par le commandement du Roy Theodoric leur oncle, reserué vn seul nommé Sigebert ou Sigisbert, qui se sauua par la fuite vers Godefroy & Genebald Ducs de Franconie, ses oncles. Lequel fit tant ceste année enuers le Roy Clotaire, qu'il luy donna pour son entretenement & appennage les villes, terres & places

qui estoient situees apres du Rhin dedans le pais dit aujourdhuy Suisse, à sçavoir en Brisgoie & Sunggoie, où sont les villes de Basle, Constance & Sediū, à les tenir en propriété souz tiltre de Duché d'Allemagne, à telle condition que luy ne ses successeurs ne deussent jamais rien pretendre au Roiaume d'Austrasie. De façon qu'ils tiennent que de ce Sigisbert issirent les Comtes de Hapsbourg: pource qu'il eut vn fils nommé Otbert, qui s'intitula Comte de Hapsbourg, c'est à dire d'un Chasteau dit Auenden, assis apres de la Moselle, que les Allemans nommoient en leur langue Auensbourg: mais il vint depuis à se dire Haspourg. Ce que toutesfois semble auoir bien peu d'apparence de verité: d'autāt qu'on ne peult verifier par tesmoignage d'aucun historiographe fidele & anciē, que Theodebert ait laissé aucuns enfans, encores que le supplément de Gregoire ait fait mētion de ceux du Roy Theodoric, qui n'estoient que bastards. Qui me fait estimer que s'il est quelque chose de ce Sigebert, qu'on le peult auoir pris pour l'un d'iceux, nommément pour Hildebert, plustost que pour son frere Sigebert, qu'on escrit expressēmēt auoir esté mis à mort. Mais Albert de Strasbourg racōpte bien vne dissemblable origine de la maison de Haspourg.

S. PAVLIN Euesque de Vvarvic, enuoyé de par Iuste Euesque de Cantorbie, alla precher l'Euangile au Roiaume de Northumbellande.

<i>Du Monde.</i>	4763	<i>Papes.</i>	4	<i>R. des Vvisigoths.</i>	4
<i>De Iesus Christ.</i>	626	<i>E. d Orient.</i>	16	<i>R. des Lombards.</i>	3
<i>Indiction.</i>	14	<i>E. de Perse.</i>	37	<i>R. des Escossois.</i>	4
<i>De l'Hegire 5. le 1. de Iuin.</i>		<i>R. des François.</i>	39	<i>E. d Italie.</i>	9
				<i>Cal. des Sarrazins.</i>	5

CHOSROES prenant 50. mille combatans de l'armee de Sarbaras, les donna à Sathis, selon d'autres Saythes, avec vne autre troupe de gēs qu'il auoit nouuellement leuee, pour faire teste tousiours à Heraclius: & puis enuoya ledit Sarbaras avec le reste de ses gens se ioindre aux Auarois, Esclauons, & Gepides, pour assieger avec eux la cité de Constantinople: mais il n'alla que iusques à Chalcedone, au siege de laquelle il fut acculé longuement, & en fin contraint en partir sans rien faire, à cause qu'il y auoit vne bōne garnison dedans qui les soustint vaillamment: & que l'Empereur enuoya vne partie de son armee pour defendre les pais de l'Europe contr'eux. Au lieu desquels il fit venir à son seruice quarante mille Huns dictz Turcs ou Cazariens, que luy enuoya leur Prince Zeibil, qui toutesfois arriuerent apres que son frere Theodore eut mis Sathis avec son armee en route. Nicéphore.

DAGOBERT estant venu en aage d'adolescence, fut par son pere institué Roy d'Austrasie, reserué qu'il s'en retint quelque partie des Ardennes, & ce qui est es enuirs du mont de Vauge. Et afin qu'il apprist micux à se bien conduire en l'administration de ce Roiaume, il luy donna pour Gouverneurs & Cōseillers le Prince Pepin surnommé Landen, & saint Arnoul Euesque de Metz. Ce que le supplément de Gregoire avec Aimoinus, & vne ancienne Chronique d'Austrasie, tesmoignent estre adueni en la 39. annee du Roy Clotaire.

ISIDORE (tesmoin Alfonse Cartagena) mourut en la 4. annee de Suintila le 4. iour d'Auril: mais Roderic dit que ce fut en l'Ere 681. souz Suintila 2.

THEOBILPHE Roy des Saxons Orientaux, fut ceste annee defait & occis en vne bataille par Edoin Roy de Northumbellande. Polidore.

EN la mesme annee Penda fils de Pitba de la race des Saxons d'Angleterre, cōmença le Roiaume des Merciens ou des Merriens en icelle, qui fut l'un des plus grāds de tous ceux que les Saxons eussent: souz lequel il reduisit les villes de Hontischir, Herefordchir & de Clocestre: & puis se mit à faire la guerre aux autres Rois ses voisins, si cruellement qu'il deffit & occit en plusieurs batailles les Rois Eduin & Osuald de Northumbellande. Sigebert, Egeric & Anne des Anglois Orientaux: & ayant par trois fois defait & mis en route Cenvalkim Roy des Saxons Occidentaux, le cōtraignit en fin de s'absenter de son Roiaume. Son regne dura, selon Guillaume de Malmesberie, 30. ans.

Du Monde.

Du Monde.	4764	Papes.	5	R. des Vuisigoths.	5
De Iesus Christ.	627	E. d'Orient.	17	R. des Lombards.	4
Indiction.	15	R. de Perse.	38	R. des Escossois.	5
De l'Hegire 6.le 21.de May.		R. des François.	40	Exarche d'Italie.	10
				Cal. des Sarrazins.	6.

LES Turcs apres auoir quelque temps accompagné l'armée de Heraclius, s'escoulerēt tous, & s'en retournerent en leur pais. Ce nonobstant Heraclius ne laissa de poursuiure Chosroes dedans son Royaume, iusques à ce qu'il gaigna encores trois victoires sur luy. A l'une desquelles Razates Prince de ses Satrapes fut tué le 13. de Decembre, & le meilleur quasi de ce qui restoit des forces au Roy des Perses haché en pieces. Au moyē dequoy les Romains passerent le fleuve d'Euphrates, & prindrent la ville de Niniue.

VN marchād de la ville de Sēs en Chāpagne accōpagné de plusieurs autres de mesme qualité que luy, arriua en ce temps au pais des Escloūōs dits Vvindes, qui s'ennuyoiēt fort d'estre en la subiectiō des Hūs Auarois. A cause dequoy il les incita de se mettre en liberté, se presentant pour estre leur chef. De façon que souz sa conduite ils baillerent bataille aux Huns, dont ils gagnerent la victoire. Au moyen de laquelle ils recouurerent leur liberté. En faueur dequoy ils esleurent ledit Marchand nommé Samon pour leur Roy: tellement qu'il regna sur eux trente six ans. Aimoinus, Supplement de Gregoire. Bernardus Monachus en Krembsenster adioust en son traitté de l'origine des Bauarois, que ce Samon regna en la Carinthie pres la riuere de Sane & Drane, où il eut quatre successeurs l'un apres l'autre, iusques à Charlemagne, nommez Boruth, Rarastus, Chemauarus & Vvalthuus.

EDVIN Roy de Northumbellande fut ceste annee, qui estoit l'onziēme de son regne, & 180. de l'arriuee des Anglois en la grand Bretagne, en l'Indiction 15. institué en la religion Chrestienne, ensemble aussi baptizé avec toute sa famille & son peuple par saint Paulin. Qui fut cause que suyuant son exemple Carpuald Roy des Anglois Orientaux se fit aussi bien tost apres avec tous ses subiects introduire en la religion Chrestienne. Beda liure deuxiesme de son histoire Ecclesiastique, Ado, Herman Contr. Polidore Virgile.

L'HERESIE des Theopaschites, Iacobites, Armeniens, & Chazenzariens, qui estoit vn rameau des Monosophites, auoit grande vogue en ce temps par l'Orient, à cause des gens de nom qui le maintenoient. Tellement que plusieurs ne sçauoient de quel costé cliner. Mais Nicephore qui a esté grand Iconolatre, tesmoigne liu.8. de son histoire Ecclef. qu'ils auoient celà de particulier entre les autres erreurs, qu'ils se faisoient des images de la Trinité & de la croix, leur portans grand honneur & reuerence, encore (comme il dit) que la Trinité ne se puisse representer par figure.

Du Monde.	4765	Papes.	6	R. des Vuisigoths.	6
De Iesus Christ.	628	E. d'Orient.	18	R. des Lombards.	5
Indiction.	1	R. de Perse.	39	R. des Escossois.	6
De l'Hegire 7.le 10.de May.		R. des François.	41	E. d'Italie.	11
				Cal. des Sarrazins.	7.

CHOSROES, fessant apres la perte de Niniue enfuy de son Palais qu'on nommoit Damastager ou Dagastera (auquel il faisoit sa residence ordinaire) en la ville de Ctesiphonte, se trouua reduit en tel desespoir de ses affaires, qu'il se voulut demettre de son Royaume pour en inuestir le plus ieune de ses fils nommé Merdases. Ce que l'aîné Siroes ou Siroë trouua de si mauuaise digestion, qu'il s'allia de l'Empereur, & par son moyen se mit en possession du Royaume des Perses, apres auoir fait perdre la vie à son pere & à son frere Merdases. Mais par le conuenu qu'il fit avec l'Empereur, il luy rendit tous les pais & prouinces que son pere auoit occupees sur l'Empire Romain, avec tous les prisonniers &

captifs Romains qui estoient entre ses mains, nommément le Patriarche de Hierusalem, & la croix sur laquelle nostre Seigneur auoit esté crucifié. Ce pendant le fleuve du Tygre demeura borneur & separateur des deux Monarchies. Ce qui fut la fin de la guerre Persique en la 18. année de l'Empire d'Heraclius, 7. ans apres qu'il fut entré dedans le Royaume des Perses. Lequel en retournant à Constantinople passa par la ville de Hierusalem, où il fit vne entree fort triomphante avec la croix qu'il remit en son lieu accoustumé, & le Patriarche Zacharie en son siege. Combien que celà ne se fit qu'en la 19. année d'Heraclius, en laquelle aussi il fit vn edict, par lequel il defendoit aux Iuifs d'approcher la ville de Hierusalem de plus pres de trois milliaires. Nicephore, Zonare, Georgius Cedrenus.

D A G O B E R T fit en cetemps mourir vn grand Seigneur de son Royaume nommé Rodald, à cause de sa mauuaise vie: encore qu'il l'eust auparauant esleué à grans honneurs, & que son pere luy eust commandé de le reseruer en vie. Aimoinus.

L'AN 7. de l'Hegire la cité de la Meche en Arabie fut forcee de se rendre par composition à Mahomet, & de receuoir sa loy & son ioug. De façon qu'il eut moyen de se transporter de là aux autres villes, pour les contraindre de faire le semblable, & d'entreprendre aussi sur les villes voisines de l'Empire, selon que recite la Chronique Sarrazinesque de ses faits: laquelle toutesfois auoit dit auparauant qu'il estoit entré dedans la Meche, dès la premiere année de son regne. Occasion pourquoy Guill. Postel escrit, que les historiés Arabes sont grandement discordans entr'eux. Au temps de la prise d'icelle, estimans les vns qu'elle fut prise la 1. année de l'Hegire, les autres la 2. ou la 3. d'autres la 4. 7. & 8. Dôt il estime qu'elle s'est plusieurs fois reuoltée & laissée reprendre. Combien que les autres tiennent qu'il l'assiegea par quatre fois, & ne la prit qu'à la quatriesme. Cependant il bailla premierement le gouuernement d'icelle à vn de ses Capitaines nommé Moab, qui y ordonna toute la police & les dignitez tant ciuiles que sacrees. Nonobstant qu'on tient qu'il y enuoya quelque temps apres quand il voulut aller contre la ville de Cambich, vn de ses beaux-peres nommé Enbechar ou Enbochara, pour la gouuerner en son absence, afin qu'il n'y suruint aucun remuement.

L'HERESIE de Pelagius recommença en ce temps de pulluler, & se remettre sus au pais d'Escoffe & d'Angleterre. Beda.

<i>Du Monde.</i>	4766	<i>Papes.</i>	7	<i>R. des Visigoths.</i>	7
<i>De Iesus Christ.</i>	629	<i>E. d'Orient.</i>	19	<i>R. des Lombards.</i>	6
<i>Indiction.</i>	2	<i>R. de Perse.</i>	1	<i>R. des Escoffois.</i>	7
<i>De l'Hegire, le 30. d'Auril. 8.</i>		<i>R. des François.</i>	42	<i>E. d'Italie.</i>	12
				<i>Cal. des Sarrazins.</i>	8

S I R O E ou Siroc commença (tesmoin Nicephore) à regner dès le mois d'Auril, & mourut enuiron vn an apres, laissant son Royaume à son fils nommé Æthesir, qui le garda seulement l'espace de 7. mois, au bout desquels le Satrape Sarbaras le mit à mort, qui esperoit de retenir son Royaume pour soy-mesme. Mais il en fut encore deietté 6. ou 8. mois apres Niceph.

D A G O B E R T prenant en mariage Cometrude sœur de la derniere femme de son pere, s'en acquist si bié la grace d'iceluy, qu'il luy laissa tout ce qu'il s'estoit reserué du Royaume d'Austrasie, & le fauorisa tousiours depuis en toutes choses. Aimoinus.

L E S Royaumes de Suesse & de Gothlandie auoient en ce temps vn Roy nommé Artus, la memoire & renommee duquel est aussi celebre entre les Goths & Sueffiens que de l'autre Roy Artus entre les Bretons, à cause de sa prouesse & vaillance, dont il fit preuue par les victoires qu'il gagna sur les Moscouites & Liuniens. Au demeurant on tient qu'il estoit paruenue à la dignité roiale par le trespas de son predecesseur Gostagus, lequel il auoit occis à cause de sa tyrannie. Et puis qu'il mourut sans enfans: au moyen dequoy Hacquiu fils dudit Gostagus se remit en possession des Royaumes de son pere, & en fut le Roy 93. Ioan. Magnus li. 8. cha. 41. de son histoire Gotthique.

H O N O R I V S Archeuesque de Cantorbic commença en ce temps à disposer les paroisses de sa prouince, & les offices de son clergé, en la forme & maniere de l'Eglise Romaine: comme

cōme Beda & Ranulfe racomptent. Fabianus adiouste, qu'il n'auoit esté licite auparauant aux Euesques & Prelats d'Angleterre, de se faire porter par païs en voyageant que sur des iuments, mais qu'ils se dispenserent deors de ceste coustume, & de s'accoustumer à cheuaucher plus pompeusement.

<i>Du Monde.</i> 4767	<i>Papes.</i> 8	<i>R. des Visigoths.</i> 8
<i>De Iesus Christ.</i> 630	<i>E. d'Orient.</i> 20	<i>R. des Lombards.</i> 7
<i>Indiction.</i> 3	<i>R. de Perse.</i> 1	<i>R. des Escossos.</i> 8
<i>De l'Hegire, 9. le 19. d'Auril.</i>	<i>R. des François.</i> 43	<i>E. d'Italie.</i> 13
		<i>Cal. des Sarrazins.</i> 9

Les Perles ayants deniché Sarbaras, rendirent leur Royaume à Bornarin ou Bornain, fils du feu Roy Chosroes, ou selon Cedrenus à sa fille ditte Baraina, qui n'eut puissance de le retenir que 7. mois, au bout desquels elle en fut deiettee comme les autres: tellement qu'il reuint à Hormisdas, qui s'en ensaisina en la 20. année de l'Empire d'Heraclius, & en demeura possesseur iusques à la 30. que les Sarrazins le reduirent en leur puissance. Les deux Nicephores.

Vn Patriarche des Iacobites nommé Anastasius estant venu trouuer l'Empereur Heraclius le surprit si bien par vne captieuse demande, qu'il luy fit approuuer l'heresie des Monophysites. En faueur dequoy il fut aussi fait Patriarche d'Antioche, où il presida 20. ans. Qui fut cause que Cyrus, qui succeda semblablement à George decedé au Patriarchat d'Alexandrie en la mesme année, & Sergius de Constantinople, se donnerent licence de faire profession ouuerte de ladite heresie, & d'impugner le decret du Concile de Chalcedone. Mais Sophronius qui aussi auoit nouuellement pris le lieu de Zacharie en l'Archeuesché de Hierusalem, s'opposa vertueusement à eux, faisant condamner leurs erreurs par plusieurs Synodes qu'il fit assembler en son Diocèse. Tellement que les Eglises d'Orient se retrouvèrent par celà en vne merueilleuse confusion, à laquelle Heraclius pensant remedier, fit vn edict qui defendoit qu'aucun n'eust à faire mention ny d'une ny de deux volontez en Christ. Ou bien qu'aucun n'eust à debatre & contester qu'il y eust vne ny deux volontez & action en Iesus Christ, mais le mal n'en fut pourtant guery. Car les Iacobites & Theodosiens s'en esleuerent d'auantage: comme tesmoigne Nicephore Patriarche, Cedrenus & le liure des constitutions des Empereurs de Grece, lesquels toutesfois ont mal estimé que celà se fit souz le Pape Iean de Rome.

Vvarvair Connestable de Bourgogne mourut, laissant vn fils nommé Godin, qui prit en mariage sa marastre contre le vouloir du Roy: dont il en fut contraint de la repudier. Ce qu'elle prit si à cœur, qu'elle l'accusa de crime de leze majesté, & fit valoir son aceusation si bien qu'il en fut condamné à mort. Aimoinus.

La ville de saint Gal en Suisse prit son commencement ceste année, lors que saint Gal apres auoir presché l'Euangile par l'Allemagne y fonda vne Abbaye. Munster.

Les Romains faisant leurs efforts de regagner la puissance & auctorité qu'ils auoient eue au parauant en Espagne, furent non seulement frustrez de leur compte, mais aussi si bié estrillez par le Roy Suintila en quelques rencontres, que force leur fut de quitter toutes les villes qu'ils auoient regagnees en Espagne, depuis le trespas du Roy Sisebute, & de perdre toute esperance d'y pouuoir iamais remettre le pied. Tellement que toute la Monarchie d'Espagne fut par ce moyen reduitte en la puissance dudit Suintila. Lequel avec celà eut affaire aux Gascons, qui auoient osé faire quelque entreprinse sur l'Espagne. Mais les repoussa si lourdement, qu'ils furent aussi contraints de construire à leurs propres cousts & trauaux la ville Dolita sur les frontieres. Ioannes Magnus, liu. 16. chap. 16. de son hist. Gotthique.

<i>Du Monde.</i>	4768	<i>Papes.</i>	9	<i>R. des Visigoths.</i>	9
<i>De Iesus Christ.</i>	631	<i>E. d Orient.</i>	21	<i>R. des Lombards.</i>	8
<i>Indiction.</i>	4	<i>R. de Perse.</i>	1	<i>R. des Eſcoſſois.</i>	9
<i>Ds l'Hegire 10. le 8. d'Auril.</i>		<i>R. des François.</i>	44	<i>E. d'Italie.</i>	14
				<i>Cal. des Sarrazins.</i>	10

LA mort du Connestable de Bourgogne fut cause de faire assembler au Roy Clotaire les estats de Bourgogne à Troye en Champagne, pour aduiser avec eux du Cōnestable qu'il leur donneroit. Mais ils luy firent tous vnanimement entendre qu'ils se cōtenteroient d'estre cōmandez apres Dieu de luy seul: à cause dequoy ils cesserent d'auoir des Connestables iusques au temps du second Clouis: comme recitent Aimoinus & le Continuateur de Grégoire. Mais Sigebert tesmoigne qu'au mesme tēps les Saxons souz la conduite d'un Prince nommé Bertaire vindrent entrer à grande armee dedans les prouinces d'Austrasie, qui sont delà le Rhin. Qui fut cause de faire marcher Dagobert contre eux avec les forces de son Royaume, & leur donna bataille où il fut vaincu & tellemēt blessé, que le Roy Clotaire en estant aduerty se mit aux champs en extreme diligence avec vne nouuelle armee, pour l'aller secourir: par laquelle il recharga si furieusement les Saxons, qu'il leur fit paier bien cherement l'amende de l'estrille qu'ils auoient donnee à son fils. Car on dit qu'il y en eut bien peu de toute leur armee, qui n'ayent passé par le tranchant de leur espee: pource qu'il auoit fait commandement à ses gens de rongner tous les Saxons qu'ils prendroient excedans la hauteur de leur espee: irrité de ce que Bertaire le brocardant à cause de son poil blanc, l'auoit appelé vieille iument. Ce qui me fait doubter de tout ce qu'on a escrit de ceste guerre, d'autant qu'il n'auoit pas lors encore passé 44. ans, & que le Continuateur de Grégoire n'en fait aucune mention: encore qu'il n'ait pas oublié à racompter que Clotaire fit en la 44. annee de son regne assembler ses fils, & les Princes, Seigneurs & Prelats de son Royaume à vn Parlement general qu'il assigna à Clypiac, pour ordonner & aduiser avec eux de ce qui concernoit le bien & vtilité publique de son Royaume. Et que lors s'eleua vne grande querelle entre les Seigneurs de France, à l'occasion de laquelle vn grād Seigneur de Saxe nommé Ægina ou Aignan mit à mort Hermare ou Hermenhare, Maire du Palais de Haribert, second fils de Clotaire: dont il s'en fust ensuiuy vn grand scandale. Pource que Brunulfe oncle maternel dudit Haribert fit vne grande assemblee de gens pour venger la mort du defunct, si le Roy Clotaire n'eust par sa prudence & auctorité mis fin à ce trouble. Indice que s'il a esté quelque chose de la guerre Saxonique, qu'elle estoit auenuë au parauant: & que ceux-là font tort à la memoire du Roy Clotaire, qui escriuent qu'il auoit sur la fin de ses iours entierement delaisé le soin de toutes ses affaires, & ne faisant plus rien par conseil pensoit tout luy estre licite. De sorte qu'il laissa (à leur dire) aneantir toutes les bonnes loix & coustumes.

S. Arnoul Euesque de Mets, resignant son Euesché à vn sien parent nōmé Goëri, s'en retourna viure solitairement en son Hermitage: à cause dequoy Dagobert prit au lieu de luy pour son Conseiller Chunibert Archeuesque de Cologne: tesmoin Richard de Vvassebourg.

FERQVHARD Roy d'Eſcosse mourut en la 13. annee de son regne, apres auoir esté deposé de son Royaume par ses subiets, lesquels substituerent en son lieu Doucuald 3. fils du dernier Roy Eugene, qui regna 19. ans. Hector Boëtius liu. 9.

MAHOMET mourut (tesmoin la Chroniq. Sarrazinesque de ses faits) en la 10. annee de l'Hegire, & en la 63. annee de son aage: ayant employé les dix à cōposer & publier clandestinement son Alcoran: & dix autres à le faire receuoir par force. Ce que Nicephore & Landulfus Sagax & Cedrenus rapportent à la 21. annee de l'Empire d'Heraclius.

Du Monde

<i>Du Monde.</i>	4769	<i>Papes.</i>	10	<i>R. des Visigoths.</i>	10
<i>De Iesus Christ.</i>	632	<i>E. d' Orient.</i>	22	<i>R. des Lombards.</i>	9
<i>Indiction.</i>	5	<i>R. de Perse.</i>	2	<i>R. des Escoffois.</i>	10
<i>De l'Heure, 11. le 28. de Mars.</i>		<i>R. des François.</i>	1	<i>E. d' Italie.</i>	15
				<i>Cal. des Sarrazins.</i>	1

M A H O M M E T ayant despesché quatre de ses Capitaines que les Arabes nommoient Amiraux, pour faire la guerre aux nations Chrestiennes, vn des Lieutenâs de l'Empereur en Syrie nommé Theodore se presenta deuant eux de si bonne sorte, qu'il en deffit & tail- la en pieces les trois avec leur troupe. De façon que le 4. resta seul pour en aller porter les nouuelles en son pais. Auquel temps aussi les Perses se faisoient la guerre entr'eux mesmes. Nicephore.

C L O T A I R E 2. du nom mourut (tesmoin Aimoinus, le supplement de Gregoire, & deux autres fort anciennes Chroniques, l'une de Lorraine, l'autre de Dijon) au commé- cement ou en la quarante cinq iefme année de son regne, laissant deux fils de deux fem- mes, Dagobert de la premiere, & Aribert selon d'autres Charibert & Adbert, de la secô- de, qui estoit encor en enfance, à cause dequoy son pere luy auoit donné pour tuteur & gouverneur de sa ieunesse son oncle Brunulphe, lequel à ceste occasion s'employa tout incontinent à briguer les cœurs & volentez de tous les François pour son nepueu : mais Dagobert mit si bon ordre à son fait que son droit d'ainesse luy estant gardé fut reçu & accepté pour Roy tant des Austrasiens que des Neustriens & Bourguignons. Au moyen dequoy il vit toute la Monarchie Françoisse reduitte souz sa main. Neantmoins afin qu'il ne fraudast iniustement son frere de la succession de son pere, il luy assigna tout le pais d'Aquitaine, & de Guienne pour son appennage. Auquel il donna le nom de Roiaume, & le borna de la riuere de Loire & des monts Pyrenees : à condition de ne plus rien pre- tendre au reste de la France. Puis apres s'adonna à gouverner ses subiets en paix & en tranquillité, faisant estroitement obseruer par tout son Royaume les loix & coustumes anciennes d'iceluy. On conuient que tant qu'il se laissa conduire & gouverner par le con- seil de Pepin Maire du Palais d'Austrasie, Prince grandemēt vertueux & sage, & de Chuni- bert Euesque de Cologne, apres qu'il eut succedé en la place de S. Arnoul, qu'il ne fit chose qui ne fust vertueuse & louable.

S V I N T I L L A estât en la 10. année de son regne, resigna sa couronne à son fils Rachimi- re, & le fit actuellement regner avec luy. Mais son trespas aduint incontinent apres, qui fut aussi bien tost apres suiuy de celuy dudit Rachimire, à cause dequoy son regne n'a esté mis en compte. Michel Ricius.

H O E L 3. du nom Roy de la petite Bretagne, mourut en la 39. année de son regne, sans laisser aucuns enfans. Au moyen dequoy vn nommé Iudicaël ou Iudicail s'empara de son Royaume, & le posseda l'espace de 15. ans, Au rapport des Annales de ladite Breta- gne. Mais nous auons monstré cy deuant par le tesmoignage de Gregoire de Tours, que les Princes de Bretagne, n'auoient depuis le Roy Clouis vñ du tiltre de Comptes, estants subiets & vassaux des Rois de France. Qui me fait dire que ce Iudicail fut le premier qui reprit le nom de Roy en son pais.

E N B E C E R ou Enbochara surnommé Abdalla, pere de l'une des femmes de Mahom- met, fut apres le trespas d'iceluy suiuant son testamēt esleu Prince & Chef des Sarrazins ; & pour ceste occasion nommé en leur langue Emir, que les Grecs ont voulu dire en la leur A- miras. Cōbien qu'il prit aussi le nom de Calife, qui signifie aux Arabes successeur. Souz les- quels tiltres il exerça la principauté que son gendre luy auoit laissée l'espace (au compte de la Chronique Sarrazine) d'environ 3. ans, ou selon Nicephore & Cedrenus de 2. ans, 6. mois. Lesquels aussi racomptent, qu'une troupe de gēs de guerre Arabes nommez Sarrazins Scenites (qui souz les gages de l'Empereur gardoient les limites du desert) s'alla ioindre à luy, receuant la doctrine de Mahomet, & abandonnant le seruice de l'Empe- reur, à cause d'une parole contumelieuse qu'un tresorier d'iceluy leur dist. Dont sa puis-

sance fut tellement augmentee, qu'on tient que par leur moyen ses affaires receurent en bien peu de temps vn merueilleux progres & auancement. Car il sortit avec eux de l'Arabie, & s'empara premierement de la ville de Gaza : puis apres des autres, qui defendoient les limites de l'Empire en Syrie. Cependant pource qu'on les appelloit Sarrazins, à cause (comme dit Sabellic) d'une ville d'Arabie nommee Sarraca, ou pource qu'ils se vantoient d'estre issus de Sarra femme d'Abraham (en se reniant estre de la semence de sa chambriere Agar) furent cause que tous les autres Arabes & Mahometistes se nommerent depuis Sarrazins.

Commencement des ans de Iesdagird selon les Perfes.



PENDANT tous les Astrologues Arabes conuiennent, qu'en la mesme annee de l'Hegire, à sçauoir 11. mourut ou fut occis Iesdagird Roy des Perfes, qu'on estime auoir esté le dernier. Tellement qu'Albumazar au traité des grandes conionctions, declare que ce fut le 22. iour du mois Rabbe premier, qui est le troisieme de l'an Arabesque, 3624. iours apres le commencement de l'Alhigere ou Hegire, qui contiennent dix ans Arabesques, deux mois entiers de 59. iours & 21. du troisieme mois, & des annees Chrestiennes 9. & 337. iours. De sorte que par ce calcul ceste mort d'Iesdagird escheut au 16. iour du mois de Iuin de l'an 632. de nostre salut; remarquable, pource que les Perfes prennent le commencement du compte de leurs annees depuis le trespas de ce Roy Iesdagird, à cause dequoy les Astrologues l'ont appellé l'Ere d'Iesdagird, où ils commencent aussi le premier mois des Perfes, qu'ils appellent Fordimerch. Combien que nous ne pouons pas bien entendre la cause de ceste obseruation: d'autant qu'il ne se trouue point qu'aucun Roy des Perfes ait esté occis en ce temps-là: ny aussi que les Sarrazins ayent si tost conquesté le Roiaume des Perfes par leurs histoires mesmes: dont il se peut faire que les Perfes ont pris ce compte non de la mort du dernier de leurs Rois: mais du precedent, estimans possible Hormisda n'auoir esté de la race des Rois legitimes, ains tyran & vsurpateur seulement, & son predecesseur le detnier Roy legitime: ou bien qu'ils ont pris Iesdagird en leur langue pour Mahomet, & le principe de leurs annees à la mort d'iceluy: pource qu'ils furent bien tost apres reduits souz la doctrine & les loix d'iceluy.

SERGIVS Patriarche de Constantinople mourut: parquoy son lieu fut donné à Pyrrhus, qui y presida 11. ans: & fut contaminé de la mesme heresie dont son predecesseur auoit fait professiō. Auquel temps aussi Sophronius fut depose de l'Euesché de Hierusalem: & vn nommé Modestus substitué en son lieu, qui y presida 2. ans. Nicephore.

<i>Du Monde.</i>	4770	<i>Papes.</i>	11	<i>R. des Visigoths.</i>	1
<i>De Iesus Christ.</i>	635	<i>E. d'Orient.</i>	23	<i>R. des Lombards.</i>	10
<i>Indiction.</i>	6	<i>R. de Perse.</i>	3	<i>R. des Escossais.</i>	11
<i>De l'Hegire 12. le 17. Mars.</i>		<i>R. des François.</i>	2	<i>E. d'Italie.</i>	16
				<i>Cal. des Sarrazins.</i>	2

PLVSIEURS signes prodigieux, nōmément vne Comette admirable apparue au ciel, signifient, suiuant l'interpretation des Astrologues, la grande puissance que s'alloient acquerir

acquérir les Sarrazins : lesquels au même temps gagnerent une victoire sur l'un des Lieutenans de l'Empereur en la Palestine, lequel ils tuèrent. Nicephore.

DAGOBERT après s'être mis en possession de l'état de son père, s'en alla tout incontinent visiter le Roiaume de Bourgogne : où il gagna merueilleusement par sa iustice les cœurs de ce peuple-là, donnant audiences publiques, receuant les requestes d'un chacun, faisant iustice sur le champ, oyant les plaintes & doléances de ses subiects, defendant viement les veufues, les orphelins, & les pauvres contre la violence des grands & des riches, donnant les dignitez, estats, degrez & offices selon les merites & vertuz, & estimant chacun selon qu'il cognoissoit le meriter. Autant en fit il par tout où il alla : car après auoir passé par les villes de Bourgogne, il s'en reuint à Paris : où en se comportant tousiours de telle façon, s'y rendit si agreable aux François, que chacun louoit la bonne fortune de la France, à laquelle Dieu auoit donné un tel Prince. De sorte que les nations loingtaines qui ne luy appartenoient d'estre commandées de luy, & celles qui voisinoient les Auarois & Esclauons, s'offroiēt volontairement de le seruir & accōpagner de toute leur puissance, s'il eust voulu entreprendre de subiuguer iceux Esclauons & Auarois. Si est-ce toutesfois que ie ne confesseray pas pour celà qu'il ait esté le premier Roy qui fit certaines loix pour la iustice & police du Roiaume, & qui commença de donner audiences à son peuple, & à tenir quelque forme de iustice.

RACHIMIRE laissa à son trespas deux freres : l'aîné desquels nommé Suintilla, ou selon Roderic, Cindaſuinde, sembloit estre plus au gré des Vvisigoths. Qui fut cause que le plus ieune qui se nommoit Sisenande, le preuint, & s'empara de force du Roiaume d'Espagne. Combien qu'Aimoinus tient avec le Continuateur de Gregoire, qu'il paruint à la couronne par le secours que le Roy Dagobert luy enuoya, souz la conduite de deux Capitaines, Abondantius & Venerandus, qui allerent iusqu'en Sarragosse, & contraignirent en fin les Vvisigoths de le receuoir pour Roy. En recompēse dequoy il enuoya une grande somme de deniers au Roy Dagobert, qui fut employee à l'acheuement du Temple de S. Denis. Ce que toutesfois ledit Aimoinus liu. 4. chap. 28. & le supplément de Gregoire disent estre aduenü en la 8. année du Roy Dagobert : d'autant qu'ils semblent faire leur compte depuis le temps qu'il fut fait Roy d'Austrasie, & qu'il eut pris le dernier Suintilla (qu'ils disent auoir regné un an seulement) pour le precedent. Ce qui est aussi l'opinion de Vafæus. Mais d'autant que Suintilla le père a esté merueilleusement loué par Isidore, Roderic de Tolette, & tous les plus anciens escriuains Espagnols : tellement qu'ils ont escrit que *præter militaris gloriæ laudes plurimæ virtutes Regiæ effulserunt, fides, prudentia & industria, in iudiciis examinatio prouida, in regimine cura præcipua, circa omnes largitas læta, erga inopes misericordia semper promptæ: ita ut non solum princeps populorum, sed etiam pater pauperum vocaretur* : & qu'il mourut aussi quasi au même temps que son fils Rachimire qui regnoit avec luy, ie ne feray de difficulté de prendre celuy qui fut debouté du Roiaume d'Espagne, par Sisenande pour un autre que le premier Suintilla successeur de Sisebute, soit qu'il ait esté fils d'iceluy ou nō, & nommé de même nom, ou d'autre. Car outre ce que Roderic l'appelle Cindaſuinde, il se voit appelé en aucuns exemplaires des actes du 4. Concile de Tolette Suintala, en d'autres Simithalana. Lesquels aussi declarēt qu'il se priua soy-même du Roiaume, & despoüilla de sa dignité & puissance, pour crainte de ses propres meffaiçts. A cause dequoy les Euesques, avec le consentement des estats du Royaume, prononcerent ceste sentence contre luy : Qu'il ne seroit iamais receu pour estre reüny avec eux en société, ne luy ne sa femme (à cause des maux par eux commis) ny leurs enfans : ny iamais aussi reſtabliz & reintegrez és honneurs desquels ils auoient esté dejettez par leurs iniquitez. Le même iugement fut semblablement donné contre Geilla frere dudit Suintilla : par lequel nous entendons qu'ils estoient tous deux freres de Sisenande : car il est dit en iceluy, *Non aliter & Geillanen Suintillanis & sanguine & scelere fratrem qui nec in germanitatis fide stabilis extitit, nec fidem glorioso domino nostro pollicitam conseruauit*. Cependant la Chronique non imprimée, & les histoires d'Espagne, nommément de Dom Roderic, attribuent à Sisenande 4. ans, 11. mois. 16. iours de regne.

CADOVALD Roy des anciens Bretons, prenant l'alliance de Penda Roy des Merciens, commença guerre à Eduin Roy de Northumbellande. De sorte qu'il l'occit en une bataille, qui fut cause que ses deux fils firent partage de son Royaume entr'eux : par lequel la Bernicie aduint à Eufrede, & la Deire à son frere Osric : qui furent encor si malheureux

à la poursuite de la vengeance de leur pere, que deuant que la premiere annee de leur regne fust acheuee, Cadouald les occit tous deux en vne rencontre. Au moyen dequoy Osuald fils du feu Roy Edelfrede partit d'Escoffe, où il estoit demeuré depuis le trespas de son pere, & s'en alla sans empeschement remettre en possession du Royaume de Northumbellande, où il regna iusqu'à sa mort 15. ans : durant lesquels il fut si heureux & vaillât en guerre, qu'il gaigna plusieurs belles victoires, tant sur les Piétes, Escossois & autres Anglois, que sur les Bretons : tellement qu'il les soubmit à son obeissance (apres qu'il eut fait mourir leur Roy Cadouald, (ennemy mortel des Anglois) en vne bataille : selon que recitent Beda & Polidore Virg. Combien que les autres histoires d'Angleterre disent au contraire, qu'Osuald fut occis par l'autre, qui regna encore depuis luy plusieurs annees : tellement qu'il mourut en la 4. annee de son regne.

Les citoyens & habitans de la ville de Gand au pais de Flandre, furent ceste annee conuertiz à la Religion Chrestienne. Jacques Meier.

<i>Du Monde.</i>	4771	<i>Papes.</i>	12	<i>R. des Visigoths.</i>	2
<i>De Iesus Christ.</i>	634	<i>E. d'Orient.</i>	24	<i>R. des Lombards.</i>	11
<i>Indiction.</i>	7	<i>R. de Perse.</i>	4	<i>R. des Escossois.</i>	12
<i>Del'Hegire 13. le 6. Mars.</i>		<i>R. des François</i>	3	<i>E. d'Italie.</i>	17
				<i>Cal. des Sarrazins.</i>	3

HERACLIVS s'estant iusques icy conduit heureusement & en reputation de Prince vertueux & craignant Dieu, se laissa toutesfois en ce temps si bien transporter d'une folle curiosité, qu'il addonna son esprit à entendre & sçauoir les sciences des Deuins & Magiciens, plus que la reuerence de la Religion Chrestienne ne luy permettoit. A cause dequoy il s'aliena encore tellement de la doctrine Catholique, qu'il se laissa facilement seduire & corrompre de l'heresie Monothelite par Pyrrhus Archeuesque de Constantinople. Nicephore, Paul Diacre.

L'ARMEE que l'Empereur auoit enuoyee en Arabie souz la conduite de son frere Theodore, estant deffaite & mise en route par les Sarrazins, le fit entrer en deffiance de pouuoir plus defendre la Syrie contre lesdits Sarrazins. A cause dequoy il fit apporter la Croix & toutes les plus precieuses choses qui estoient de la ville de Hierusalem à Constantinople. Nicephore.

Les Gascons s'estans rebellez contre le Roy Aribert, furent par son armee souz la conduite de son oncle Brunulphe, subiuguez & reduits en leur premier estat, souz l'obeissance des Rois de France, & tout le pais de Gascongne entierement. Tellement que les limites du Roiaume d'Aribert furent estendus iusqu'aux frontieres des Visigoths. P. Æmile, Chroniq. des Rois de France.

EN la mesme annee, Pepin Maire d'Austrasie mena Sigebert fils de Dagobert nouvellement nay, à Orleans, pour estre baptizé, où le Roy Aribert le presenta au baptesme : comme recite le Continuateur de Gregoire, sans faire mention de ce qu'Aimoinus & Sigebert ont trop legerement escrit, que l'enfant respondit *Amen* à l'Euesque Amand qui le baptisoit, encore qu'il ne fust aagé que de 40. iours.

AVSQUELS temps aussi vne nation d'Esclauons qui estoient encor idolatres, furent subiuguez & reduits en l'obeissance du Roy Dagobert. Sigebert.

EMBERER mourut (au rapport de la Chronique Arabesque) en la 13. annee de l'Hegire : & eut pour successeur vn nommé Omar ou Haumar, qui fut le 2. Emir ou Amiras & Calife des Sarrazins, qu'on dit auoir regné l'espace de 12. ans, 6. mois. Durant lesquels il donna (tesmoin Iean Leon en son histoire d'Afrique) permission à vn chacun de ses subiects de tenir telle Religion qu'il voudroit, moyennant qu'il luy payast le tribut qu'il impositoit.

SOPHRONIVS estant restitué par les Catholiques au siege Patriarchal de Hierusalem, y presida derechef 2. ans iusqu'à la prise d'icelle.

Du Monde.

<i>Du Monde.</i>	4772	<i>Papes.</i>	13	<i>R. des Visigoths.</i>	3
<i>De Iesus Christ.</i>	635	<i>E. d'Orient.</i>	25	<i>R. des Lombards.</i>	12
<i>Indiction.</i>	8	<i>R. de Perse.</i>	5	<i>R. des Escoffois.</i>	13
<i>De l'Hegire 14. le 23. Fevrier.</i>		<i>R. des François.</i>	4	<i>E. d'Italie.</i>	18
				<i>Cal. des Sarrazins.</i>	1

Les Sarrazins apres la deffaitte des Romains en la Palestine, passerent leur armee en Egypte : mais pour les faire retirer, Cyrus Patriarche d'Alexandrie leur fit promettre deux cens mille escus d'or de tribut annuel. A cause dequoy ils laisserent l'Egypte en paix par l'espace de 3. ans. Niceph. Cedrenus.

La cité de Poitiers ayant fauorise les Gascons en leur rebellion, fut destruite & ruinee par le Roy Dagobert. Annales de France.

EN VIRON la 25. annee de l'Empereur Heraclius, les Sarrazins souz la conduite d'Omar, entrerent à grande armee dedans le Roiaume de Damas. A cause dequoy l'Empereur enuoya vne autre armee de 40. mille combatans cōtre eux : les Capitaines de laquelle ne se pouuans accorder ensemble, donnerent moyen à leurs ennemis de les facilement vaincre & desconfire, & de s'emparer quant & quant de toute la basse Syrie, signâment de la cité de Damas : où ils establirent le siege de leur Empire. Et puis sans resistance alerent courir iusqu'en Egypte : au retour de laquelle ils assiegerent la cité de Hierusalem, & se la firent rendre par composition au bout de deux mois (encore que Nicephore ait escrit deux ans.) Apres laquelle conqueste, Homar donna vne partie de son armee à l'un de ses Capitaines nommé Iaddus, pour aller conquerir le reste de la Syrie : tesmoin Nicephore & Cedrenus. Autres adioustent que ce Homar fut l'un des plus cruels Princes du monde, estant le premier inueteur de la punitiō des bastōnades dōt l'on vse en Turquie.

HONORIUS premier du nom Pape de Rome, mourut (au compte d'Onufrius) ceste annee, le treziesme iour d'Octobre, laissant son siege vaquant l'espace d'un an, sept mois, dixhuit iours. Combien que les autres ne font mention de ceste vacance.

VN Synode assemblé au diocese de Hierusalem, par l'auctorité de Sophronius, condamna les erreurs de Pyrrhus Archeuesque de Constantinople, & de Cyrus d'Alexandrie. Zonare.

<i>Du Monde.</i>	4773	<i>Papes.</i>	1	<i>R. des Visigoths.</i>	4
<i>De Iesus Christ.</i>	636	<i>E. d'Orient.</i>	26	<i>R. des Lombards.</i>	1
<i>Indiction.</i>	9	<i>R. de Perse.</i>	6	<i>R. d'Escoffe.</i>	1
<i>De l'Hegire 15. le 12. Fevrier.</i>		<i>R. des François.</i>	5	<i>E. d'Italie.</i>	19
				<i>Cal. des Sarrazins.</i>	2

ARIOBULD 16. Roy des Lombards mourut en la 12. annee de son regne, sans laisser aucuns enfans. Au moyen dequoy les Princes Lombards accepterent Rotaric, dict par le Continuateur de Gregoire Crothaire, de la race dicte Harode, pour leur Roy, ayant esté choisi pour tel, & pour mary de leur consentemēt par Gondeberge vesue du defunct. Tellement que depuis son eslection & couronnement, qui fut fait en la ville de Pauie, il regna sur eux 15. ans, 4. mois. Les hist. tesmoignēt qu'il estoit Prince fort vaillant de sa personne, & singulierement obseruateur de iustice & de droicteure : tellement que s'il n'eust esté maculé de l'heresie Arrienne, qu'on n'eust sceu que desirer en luy. Nonobstāt toutesfois qu'il ne fust point tant ennemy des Catholiques, qu'il ne les laissast viure en liberte de leur Religion souz leurs Euesques. Qui fut cause que durant tout son regne, chascune ville de son obeissance eut 2. Euesques, l'un Catholique & l'autre Arrien. P. Diacre, Onufrius.

DA DO appelé par les autres Ouen, homme fort vertueux & bien entendu aux affaires du Royaume, estoit en ce temps grand Referendaire de France, qui valloit autant lors que Chancelier maintenant : lequel (au rapport de Sigebert) auoit deux autres freres, nōmez Ado & Rado, qui estoient fort grands & illustres personages, & bien deuotieux : tellement que chacun d'eux fonda certains monasteres.

SIGEBERT Roy des Anglois Orientaux, fonda en ce temps l'Escole & Vniuersité de la ville de Cantorbruge, pour y faire instruire la ieunesse, tant es lettres & sciences humaines que diuines, par le conseil & instruction d'un certain François nommé Felix, qui estoit natif de Bourgongne, & auoit esté son precepteur, l'ayant amené de la France, lors qu'il y fut en exil du viuant de son pere. Tellement qu'il auoit apprins par luy (ce dit Baleus) qu'il n'y a chose qui puisse acquerir tant d'ornement à la patrie, que les lettres : d'autât que elles apportent soulas & vtilité à toutes sortes de personnes & à tout aage. Au moyen dequoy les sciences & bonnes lettres, qui auoient esté iusqu'alors peu estimees & mal cultiuees en la grande Bretagne, commencerent comme à y renaistre & fructifier par le benefice dudit Sigebert. De façon que ce qu'elle a produit cy apres grand nombre de personages illustres en sçauoir, luy doit estre attribué : cōme Beda, Polydore, & Baleus tesmoignent. Ainsi les Anglois semblent par ce Felix auoir emprunté des François ce qu'ils leur rendirent cy apres par Alcuin & ses compagnons.

LE 4. Synode de Tolette tenu en la 3. année du Roy Siseuaude, ordonna que les Prestres d'Espagne adiousteroient la priere Dominicale aux autres prieres Ecclesiastiques de tous les iours : à cause qu'ils ne la disoient seulement que le dimanche. Outreplus que l'Apocalypse de S. Jean seroit preschee & enseignee au Temple depuis Pasques iusqu'à la Penthecoste. D'auantage qu'il seroit permis aux Prestres d'auoir leurs femmes en legitime mariage, & non en maniere de chambrières & estrangeres. Ce que le liure des Conciles dit auoir esté fait en l'Ere DCLXXXI. Mais il semble qu'il faudroit plustost lire, DCLXXIII.

SOPHRONIVS Euesque de Hierusalem, homme bien touché du zele de Dieu, mourut bien tost apres la prise de la ville par Omar. Les histoires n'escriuent point qui fut son successeur. Nicephore.

<i>Du Monde.</i>	4774	<i>Papes.</i>	2	<i>R. des Visigoths.</i>	5
<i>De Iesus Christ.</i>	637	<i>E. d Orient.</i>	27	<i>R. des Lombards.</i>	2
<i>Indiction.</i>	10	<i>R. de Perse.</i>	7	<i>R. des Escoffois.</i>	2
<i>De l'Hegire, 16. le 2. Feurier.</i>		<i>R. des François.</i>	6	<i>E. d'Italie.</i>	20
				<i>Calife des Sarrazins.</i>	3

VN Lieutenant de l'Empereur en la prouince Ofroëne nommé Iean Catzas, empescha les Sarrazins de passer l'Euphrate, & ce au desceu de l'Empereur: lequel à ceste occasion le cassa de sa charge, & la donna à vn qui se nommoit Ptolomee. Niceph. Cedrenus.

DAGOBERT s'estant iusques icy assez louablement & modestement conduit, cōmença tellement à s'addonner apres les femmes, que quelque part qu'il allast, il trainoit apres soy vn troupeau de courtisanes à la maniere des Rois de Perse. Dequoy S. Amand l'osa reprendre fort librement, dont il fut enuoyé en exil. Aimoinus, Chronique des Rois de France. Duquel toutesfois il le rappella puis apres quād il eut recogneu ses fautes. Neantmoins encore qu'il ait esté tel, & encore beaucoup plus diffamé d'autres vices: si est ce que cela n'a empesché aucuns d'excogiter & publier plusieurs fables & mēsonges en son honneur, à cause qu'il se monstra grandement deuotieux & liberal enuers aucuns Temples & Monasteres, signamment enuers le Temple & Abbaye de S. Denis, qu'il fit fonder & edifier à grands fraiz & despeses: prenant vn singulier plaisir à l'embellissement & enrichissement d'iceluy: quoy qu'il ait spolié les autres Eglises de son Roiaume de leurs principales richesses pour les transferer en iceluy.

BRVNVLPHÉ oncle du Roy Aribert d'Aquitaine, fut par le commādement du Roy Dagobert mis à mort, & ses biens confisquez: dont ses enfans furent frustrez, iusques à ce que le Roy Sigebert, qui y vint cy apres, les leur rendit. Richard de Vvassebourg.

OMAR poursuiuant le cours de ses victoires, mena son armee deuant la cité d'Antioche, qu'il assiegea de telle puissance qu'elle fut en fin forcee de se rendre à luy. Au moyen dequoy il en bailla le gouuernement, & des autres pais aussi par luy conquestez, depuis l'Egypte iusques à l'Euphrates à son Lieutenāt Muharias, luy laissant vne partie de son armee pour y tenir main-forte: & puis enuoya l'autre souz ses autres Capitaines contre les Egyptiens, qui faisoient refus de luy payer le tribut qu'ils luy auoient cy deuant promis par

par Cyrus Patriarche d'Alexandrie pour estre laissez en leur liberté. A cause dequoy ils chasserent toutes les garnisons de l'Empereur hors de l'Egypte, & la reduirent totalemēt en leur obeissance, y faisant edifier, fōrtifier, & peupler de leurs gens plusieurs villes, afin d'oster tout moyen de rebellion aux Egyptiens. Qui plus est, donnerent encor iusqu'en Afrique, où ils prindrent la cité de Tripoli au bout de six mois. Et cependant Omar se ietta en personne dedans la Phœnicie, qu'il rangea comme il voulut à sa deuotion. Nicephore, Cedrenus, Jean Leon liu. 8. de l'histoire d'Afrique.

PLVSIEURS Rois d'Angleterre se liguans ensemble cōtre Eduin Roy de Northumbellande, en faueur des enfans du feu Roy Edelfride, luy commēcerent la guerre à si bon escient, qu'ils l'occirent en vne cruelle bataille. Au moyen dequoy ils remirent Eanfrede fils aîné d'Edelfride, & vn siē cousin Ofrie au Royaume de Northūbellande: lequel ils partagerent entr'eux, prenant Eanfrede celle partie qu'on appelloit la Bernicie pour soy: de laquelle il se dist Roy, & Ofrie la Deire, où ils regnerent chacun vn an seulement. Beda, Guillaume de Malmesberie.

SEVERINVS ou Sepherinus 2. du nom natif de Rome, fils d'un Labienus, fut finalement esleu ceste annee pour pasteur de l'Eglise Romaine: tellement qu'il la gouerna depuis son eslection, qu'on dit auoir esté faicte le premier iour de Iuin iusqu'à son trespas l'espace d'un an, 2. mois, 4. iours: d'autāt qu'on estime qu'il mourut enuiron le 4. iour d'Aoust.

Du Monde.	4775	Papes.	1	R. des Vuisigoths.	1
De Iesus Christ.	638	E. d'Orient.	28	R. des Lombards.	3
Indiction.	11	E. de Perse.	8	R. des Escossois.	3
De l'Heure 17. le 22. Iāuier.		R. des François.	7	E. d'Italie.	21
				Cal. des Sarrazins.	4

S'ovz le Pape Seuerin l'Exarche Isaacius se transporta à Rome, pour confermer selon la coustume l'eslection d'iceluy au nom de l'Empereur. Mais à son depart il en emporta le meilleur, qui fut es tresors de l'Eglise Romaine, dont toutesfois il en distribua vne partie à ses soldats, alleguant que celà estoit mal-seant aux Papes d'assembler si grand nombre de finances, & de ne rien contribuer aux fraiz de la guerre. Cepédant on ne dist point qu'il en ait esté excommunié. Le liure Pontifical & Blondus.

Le Temple & Monastere de S. Denis fut fondé & edifié en ce temps par le Roy Dagobert, qui print si grand plaisir à l'enrichissement & embellissement d'iceluy, qu'il spolia les principales richesses des autres Eglises de son Roiaume, pour les transferer à ceste-cy, encor qu'il fust merueilleusement liberal & deuotieux enuers toutes. Tellement qu'il n'y eut onques Roy deuāt luy qui leur ait plus prodigalemēt eslargy de son patrimoine & domaine. A l'occasion dequoy les moines ont publié des fables & mensonges en son honneur.

A Siseuande decedé succeda son frere Suintilla 2. du nom, selon les autres Cuttula, au Roiaume d'Espagne, du consentement des Vuisigoths: tellement qu'il regna, au rapport des histoires d'Espagne & de Mich. Ricius, enuiron l'espace de 3. ans: ausquels toutesfois la Chronique non imprimee adioust 9. mois, 9. iours. Le liure des Conciles adioust, que le 5. Concile de Tolette fut celebré en la premiere annee de son regne. Mais il semble auoir mal obserué (si n'est par la faute des escriuains) que ce fut en l'Ere DCLXXXIII. d'autāt qu'il faudroit plustost lire DCCLXXVI. comme on voit par les ans des Rois precedents & subsequēts. Nonobstāt que Roderic rapporte la premiere annee de son regne à l'Ere 679.

OSRIC & Efrid Rois de Deire & de Bernic en Northumbellande, ayant renoncé à la religion Chrestienne qu'ils auoient receuē, furent cause que Cedoualla ou Cadouald Roy des Bretons se declara leur ennemy, & leur commença vne si cruelle guerre, qu'il les desfit & occit tous deux en vne rencontre, apres auoir seulement regné vn an. Qui fut cause de faire partir Osuuald frere dudit Euphrid d'Escoffe, avec quelque nombre d'Escossois, qu'il receut du Roy Doncuald, avec lesquels il vint combattre le Roy Cedouallā, ou Cadouald & les Bretons, de telle vaillance & animosité qu'il obtint vne glorieuse victoire d'eux, demeurant le Roy Cadouald occis sur le champ. Au moyen dequoy il recouura le Roiaume de Northumbellande, & le gouerna fort vertueusement & heureuse-

inent iusques à son trespas l'espace de huit ans, selon Guillaume de Malmesberie. Mais Cadoualadre fils du Roy Cadouald luy succeda apres son trespas au Roiaume des anciës Bretons, & y regna douze ans, tesmoin Polydore Virgile : qui toutesfois parle autremēt ailleurs du regne d'iceluy.

VN Synode prouincial fut ceste annee celebré en Hierusalem, tesmoin Onufrius.

IEAN quatriesme du nom, fils d'un Venantius de la Dalmatie, fut esleu quatre mois, vingtquatre iours apres le trespas du Pape Seuerinus, qui mourut à la fin du mois de Decembre, pour gouuerner l'Eglise Romaine, à laquelle il presida seulement vn an & neuf mois.

<i>Du Monde.</i>	4776	<i>Papes.</i>	1	<i>R. des Vuisigoths.</i>	2
<i>De Iesus Christ.</i>	639	<i>E. d'Orient.</i>	29	<i>R. des Lombards.</i>	4
<i>Indiction.</i>	12	<i>R. de Perse.</i>	9	<i>R. des Escossois.</i>	4
<i>De l'Hegire 18. le 11. Ianuier</i>		<i>R. des François.</i>	8	<i>E. d'Italie.</i>	22
<i>finissoit le 31. de Decembre au-</i>				<i>Cal. des Sarrazins.</i>	5
<i>quel aussi il commençoit.</i>					

ROTARIC fit tant par sa vaillance, qu'il rangea toute la Ligurie & Toscane en son obeissance : & puis s'adressa au pais des Venitiens, sur lesquels il prit d'emblee la ville d'*Opi-tergium*, & la ruina de telle façon, que les citoyens d'icelle furent contraincts souz la conduite de leur Euesque nommé Altinas, d'aller fonder vne autre ville dedans les estangs de la mer Adriatique pour y faire leur demeurance, laquelle ils nommerent Heraclee en faueur d'Heraclius.

AVQUEL temps aussi Maurice Chartulaire & Gouverneur de la ville de Rome pour l'Empercur, se voulut rebeller contre l'Exarche : mais il enuoya vne armee, qu'il prit & mit à mort : tesmoin Blondus & Sabellicus Enne. 8. liu. 6.

LES Ambassadeurs de France, Paternus & Seruatius, enuoyez de la part du Roy Dagobert à Constantinople, pour contracter alliance & confederation avec l'Empercur, furent ceste annee de retour, apportans avec eux mandement d'Heraclius : par lequel il prioit (comme dit Aimoinus) Dagobert de faire vider tous les Iuifs de son Roiaume, qui ne se voudroient faire baptiser : d'autant qu'il auoit esté aduertty par vn Astrologue, que l'Empire Chrestien estoit menacé de grandes calamitez par la gent circôcise, ne s'aduisant pas de la Mahumetique : qui fut cause de luy faire-faire vn edict : ainsi que tesmoignent d'un consentement tous noz anciens historiens. Ce que toutesfois Paul Émile estime plustost auoir esté faict à l'exemple du Roy Sisibute, qui auoit faict le semblable environ 18. ou 20. ans auparauant.

AIDAN natif d'Escoffe premier de ce nom Roy de Northumbellande en ce temps. Polydore Virgile.

IADDVS Capitaine d'Omar, prenant, suiuant le commandement de son maistre, la route d'Orient avec son armee, se fit rendre par composition la ville d'Edessa, & prit la cité de Constantia par assault, qui voulut attendre le siege, & la cité de Daras pareillemēt : qui fut cause que toute la Mesopotamie se rendit facilement entre ses mains, prenant tel loy de luy qu'il voulut. Nicephore, Cedrenus.

SOVZ le Pape Iean furent tenuz plusieurs Synodes, tant à Rome, qu'en l'Afrique Numidie & Mauritanie, qui condamnerent tous l'heresie des Monothelites. Nicephore.

A l'occasion de l'heresie de Pelagius, qui repulluloit en Angleterre, le Pape Iean escriuit aux Anglois, tant pour les exhorter de s'en donner garde, que pour se conformer avec l'Eglise Romaine en la celebration de Pasques. Beda.

Du Monde.

<i>Du Monde.</i> 4777	<i>Papes.</i> 2	<i>R. des Vvisgoths.</i> 3
<i>De Iesus Christ.</i> 640	<i>E. d' Orient.</i> 30	<i>R. des Lombards.</i> 5
<i>Indiction.</i> 13	<i>R. de Perse.</i> 10	<i>R. des Escossois.</i> 5
<i>Del' Hegire 19. le 20. d' Avril.</i>	<i>R. des François.</i> 9	<i>E. d' Italie.</i> 23
		<i>Cal. des Sarrazins.</i> 6

ARIBERT Roy d'Aquitaine mourut, laissant vn seul fils en bas aage, qui le suruesquit seulement peu de iours. A cause dequoy le Roy Dagobert fut soupçonné de sa mort: pour ce qu'il remit tout incontinent le Royaume d'Aquitaine entre ses mains, le reünissant à la Monarchie de France par Dagobert, & la Duché d'Aquitaine semblablement, dont Sadragefile estoit Duc, qui trespassa aussi au mesme temps. Enuiron lequel on tient (s'il faut croire à Munster) que Dagobert erigea le pais d'Alsatie ou d'Auxay en Duché, en demembrant la Duché d'Allemagne en plusieurs & diuerses seigneuries. Aimoinus, Supplement de Gregoire, P. Æmile, Munster.

QUELQUES marchans de France allans traffiquer au pais des Esclauons Vvinodes, où regnoit Samo, furent desualisez & mis à mort. A cause dequoy le Roy Dagobert enuoya vn Ambassadeur vers eux pour leur en demander reparation: lequel parla si orgueilleusement (il les appelloit Chiens) que delà s'en ensuiuit vne forte & cruelle guerre entr'eux & les François. Tellement que Dagobert fit le premier marcher vne grande armee d'Austrasiens contre eux: à laquelle se vindrent ioinde grand nombre d'Alemans, & de Lombards que leur Roy y enuoya. Mais ils se departirent tous en trois bandes, qui entrerent par autant d'endroits dedans le pais de leurs ennemis, lesquels aussi ils combattirent separément. Tellement que les Lombards & les Allemans obtindrent chacun victoire de leur lieu: mais les Austrasiens furent rompus & mis en routte, non tant par la vaillance de leur ennemy, que par leur lascheté qui leur procedoit d'estre mal traittez du Roy Dagobert. Ce qui fit toutesfois si bien esleuer le cœur aux Esclauons, qu'il s'oserent venir ietter dedas les prouinces de France, & puis contraindre les autres Esclauons qui estoient alliez de long temps des François de se ioinde à eux.

L'HEVR fauorisoit tellement à toutes les entreprises des Sarrazins, que Iaddus continuant ses conquestes paruint finalement au Royaume de Perse, qu'il trouua tant affoibly & debilité des guerres dernieres contre Heraclius, qu'il eut bien peu de peine à desconfire l'armee des Perles, qui s'osa presenter deuant luy en bataille. Tellement que leur Roy Hormisda fut estimé bon marchant d'estre eschappé de leurs mains par la fuitte, en leur laissant son Royaume en proye & abandon, qui par ce moyen demeura en la puissance & subiection des Sarrazins; qui ne se contenterent point seulement de ceste conqueste & d'auoir donné la loy aux Perles, mais aussi les forcerent de renier leur ancien nom, pour d'oresnauant se nommer du nom de Sarrazins. Ce que Nicephore ou Landulfus Sagax en ses Annales de Constantinople tesmoigne estre adueni en la 30. année de l'Empire de Heraclius. Et comme les autres ont supputé 413. ans apres que le Roy Artaxerxes eut en sa personne ramené l'Empire d'Orient de la subiection des Parthes en la puissance des Perles. Haittonus adioust que le Roy Hormisda (qu'il appelle Ascarioth) auoit auant sa deffaite appelé à son secours ses voisins, mesmement ceux de Turquesten, qui confinent aux Perles deuers Occident (qu'aucuns prennent pour ceux qu'on appelloit anciennement Parthes, qui se nommerét depuis Turquimans, & apres Turcs) lesquels n'auoient lors aucune loy ny police. Mais qu'ils arriuerent trop tard, encore qu'ils fussent ja entrez iusqu'au nombre de six mille combatans avec leurs femmes & enfans dedans vn pais de Perse, appelé Chorafen ou Chorosten, par d'autres Choropam. Qui fut cause qu'ils s'arrestèrent, & qu'ils enuoyerent prier les Sarrazins de les y laisser faire leur demeure, en leur payant certain tribut tous les ans. Ce qui leur fut facilement accordé: tellemēt qu'ils deuindrent non seulement leurs tributaires & subiets, mais aussi s'accommoderent si bien par continuelle frequentation à leurs loix, coustumes & manieres de viure, qu'on ne vit quasi plus de difference entr'eux ny en loy ny en forme de viure. Et puis vesquirent en ceste sorte enuiron l'espace de 300. ans souz eux.

A Cyrus heretique Patriarche d'Alexandrie decedé fut substitué en sa dignité Pierre, qui presida 10. ans.

APRES que le siege Papal eut vacqué depuis le trespas du Pape Jean l'espace d'un mois, 3. iours, Theodore I. du nom fils d'un Euesque de Grece nommé aussi Theodore, fut esleu le 26. iour de Novembre, pour le remplir: tellement qu'il y presida au compte d'Onufrius l'espace de 6. ans, 5. mois, 19. iours. Aucuns luy attribuent l'ordonnance de la consecration du Clergé la vucille de Pasques.

LE 6. Concile de Tolette fut célébré en la 3. année du Roy Cuttula, lequel conferma les constitutions des Conciles precedents, & y presida Isidore le grand Euesque de Seuille. Roderic, Ioan. Magnus, liu. des Conciles.

<i>Du Monde.</i>	4778	<i>Papes.</i>	1	<i>R. des Lombards.</i>	6
<i>De Iesus Christ.</i>	641	<i>E. d'Orient.</i>	1	<i>R. des Escoffois.</i>	6
<i>Indiction.</i>	14	<i>R. des François.</i>	10	<i>Exarche d'Italie.</i>	1
<i>De l'Hegire 20. finissoit le</i>		<i>R. des Vuisigoths.</i>	1	<i>Cal. des Sarrazins.</i>	7
<i>9. de Decembre & commen-</i>					
<i>ca le 21.</i>					

HERACLIVS surpris d'hidropisie, ou selon l'opinion des autres d'une fort estrange maladie, mourut, témoin Georgius Cedrenus, l'vnziesme iour de Mars. Combien que Onufrius s'est persuadé que ce fut à la fin du mois d'Auril ou de May. Ce pendant nous conuenons de la 14. Indiction, & du commencement de la 31. année d'iceluy, auquel temps Maximus Moine declare qu'il composa son liure de la maniere de computer l'an, & dit que ce fut l'an 6133. de la creation du monde selon la seconde supputation des Grecs. Au moyen dequoy Fl. Heraclius Constantin son fils aîné dit le ieune, Prince vertueux & Catholique, suyuant le droit de son aage & ordonnance de son pere, fut receu Empereur au grand contentement de tous, excepté de sa marastre nommée Martine, & de Pyrrhus Patriarche de Constantinople: lequel n'estoit content de ce qu'il n'adheroit point à ses erreurs. Mais l'autre eust mieux aimé que l'Empire fust tombé entre les mains du fils qu'elle auoit eu d'Heraclius, qui se nommoit Heracleon, aagé lors seulement de dix ans: d'autant que le gouuernement & la tutelle d'iceluy ne luy eust manqué. A cause dequoy ils dresserent si dextrement leur malheureuse entreprise, qu'ils firent mourir le bon ieune Heraclius, auant qu'il eust tenu l'Empire quasi 4. mois, & puis establirent leur Heracleon en son lieu.

ESTANT Isacius 7. Exarche d'Italie decedé, sa charge fut donnée à vn Theodore surnommé Galliopa Patrice de Constantinople, qui gouuerna l'Italie souz le tiltre & auctorité d'Exarche l'espace de 8. ans. Onufrius.

DAGOBERT irrité de la deffaitte des Austrasiens, le fut encore plus quand il entendit que les Esclauons le venoient encore prouoquer iusques dedans ses terres. Tellement qu'il s'en alla avec vne grande armée de Bourguignons & d'Austrasiens iusques à Majence, qui estoient conduits par leurs Ducs & leurs Graffions. Le Continuateur de Gregoire dit Graffiones: mot qui signifioit lors aux peuples Septentrionaux autât qu'aux François *Comes* ou *Comte*, & depuis à nous Iuge ou Bailly d'un terrouër ou païs (dont pourroit possible estre venu le nom de Greffe & de Greffier en nostre langue, si on ne le vouloit rapporter au Grec) en bonne deliberation de marcher de là contre eux. Si les Ambassadeurs des Saxons ne se fussent venus presenter deuant luy, se faisants forts d'entreprendre à leurs propres perils & dangers, de defendre & garentir les limites des François, des inuasions & aggressions des Esclauons, moyennant qu'ils fussent quittes & absous du tribut de 500. vaches qu'ils auoient accoustumé de rendre tous les ans aux Rois d'Austrasie par forme de tribut depuis le temps du premier Roy Clotaire. Qui furent cause de l'arrester, estant conseillé de les laisser faire: neantmoins toutesfois il ne leur fut possible d'effectuer leurs promesses, ny d'empescher que les Esclauons ne vindrent de rechef foudroyer & gaster les prouinces de delà le Rhin.

SVINTILA ou Cuttula mourut sans enfans. A cause dequoy les Vuisigoths esleurent pour

pour leur Roy vn nommé Tulga, eu (selon d'autres) Iulga, qui estoit seulement (au iugement de Michaël Ricius du sang Royal) mais Aimoinus liu. 4. chap. 35. & Sigebert tiennent qu'il estoit fils du dernier Siseuaude, & fort ieune, quand il paruint à la couronne. De laquelle toutesfois tous les auteurs confessent qu'il n'a esté gardien & iouissant qu'environ deux ans: ausquels la Chronique au Code des loix des Vvisgoths adioute quatre mois.

ALHAD selon d'autres Anne, Roy des Anglois Orientaux, mourut en vne bataille qu'il eut contre Peuda Roy des Meriens: & luy succeda à sa couronne son fils nommé Carcombert ou Ercombert, qui regna 25. ans. Durant lesquels on tient qu'il fut le premier qui fit abbatre & renuerser les Idoles que les Anglois adoroient encore, & exauça grandement la religion Chrestienne en son Royaume. Cependant Sigebert tesmoigne qu'il y fit aussi introduire & recevoir l'observation du temps & du ieusne de la Careme: & remit quant & quant (ce dit Euerfdenus) au dessus de la religion Romaine qui s'y en alloit en mespris & decadence.

Du Monde.	4779	Papes.	2	R. des Lombards.	7
De Iesus Christ.	642	E. d'Orient.	1	R. des Escossois.	7
Indiction.	15	R. des François.	11	E. d'Italie.	2
De l'Hegire 21. finissoit le		R. des Vvisgoths.	22	Cal. des Sarrazins.	8
29. de Novembre & com-					
mençoit le 22.					

HERACLEON eut a peine occupé deux mois (selon la plus commune opinion) ou (comme veut Cedrenus) 8. letrosne Imperial, que le Senat de Constantinople fut totalement informé de la meschanceté par laquelle il estoit parvenu à ce degré, qui meritoit vne punition exemplaire & remarquable. A cause dequoy le procez faict aux coupables la langue fut par arrest couppee à la mere qui l'auoit fort à commandement, & au fils le nez, qui estoit fort beau. A quoy aussi on adiosta le banissement, auquel Pyrrhus fut compris, apres auoir esté degradé de sa dignité. Et puis firent asseoir au throsne Imperial Fla. Heraclius Constans, fils dudit Constantin, environ (comme estime Onufrius) le mois d'Octobre, Indiction 15. Tellement que l'Empire fut deslors gouuerné souz luy iusques à son trespas environ 27. ans: ou, si Onufrius a bien calculé, 26. ans, 8. mois, avec quelques iours. Selon les probations aussi duquel, Constans commença dès la premiere annee de son Empire d'exercer son 1. Consulat à l'exemple de ses predecesseurs.

Les Saxons n'ayans peu mettre à chef leur entreprise, firent que le Roy Dagobert s'aduifa d'vser du moyen de regagner les cœurs des Austrasiens qui estoient tout desbauchez de bien faire, à cause du mauuais traitement qu'ils auoient receu de luy, en erigeant de rechef l'Austrasie en Royaume: auquel il annexa les prouinces d'outre le Rhin, établissant le siege d'iceluy en la ville de Mets. Et puis en couronna Roy son fils aîné Sigebert: luy donnant deux sages & vertueux personages pour conseillers & conducteurs de sa ieunesse. Chunibert ou Humbert Euesque de Cologne (ainsi faut-il lire en Aimoinus liu. 4. chap. 26. au lieu de *Presul Campanie*) avec Adadalgisile gouuerneur de son Palais, qui est par la Chronique de S. Benigne appelé Anchisic. Occasion pourquoy j'estime que c'est celuy que les histoires d'Austrasie disent auoir esté fils aîné de S. Arnoul, & luy auoir succédé es terres & seigneuries qu'il auoit sur l'Escault, mais non au Marquisat du saint Empire, comme Richard de Vassebourg escrit. Car il n'estoit lors aucunes nouvelles ny de Marquisat ny d'Empire: & qui espoula aussi à leur dire Begga fille de Pepin l'ancien, De laquelle il eut Pepin Heristel (si d'auenture il ne fut aussi fils de S. Arnoul) qui fut pere de Charles Martel. Tant y a que ce nouveau gouuernemēt fit si bien reprédre aux Austrasiens leur force & vertu, qu'ils ne se laisserent plus depuis passer le pied sur le ventre par les Esclauons, & leur osterent l'enuie de les plus venir harceler sur leur fumier. Aimoinus, Supplement de Greg. P. Emile.

A Pyrrhus enuové en exil pour ses demerites, fut subrogé au Patriarchat de Constantinople vn nommé Paulus, qui presida 10. ou 12. ans: lequel ne fut pas de meilleure doctrine que ses 2. predecesseurs. Ccdr. Zon.

<i>Du Monde.</i>	4780	<i>Papes.</i>	3	<i>R. des Lombards.</i>	8
<i>De Iesus Christ.</i>	643	<i>E. d'Orient.</i>	2	<i>R. des Eſcoſſois.</i>	8
<i>Indiction.</i>	1	<i>R. des François.</i>	12	<i>E. d'Italie.</i>	3
<i>De l'Hegire 12. finissoit le</i>		<i>R. des Vvisigoths.</i>	1	<i>Cal. des Sarrazins.</i>	9
<i>17. de Novembre, & com-</i>					

mença le 23.

LES troubles qui suruindrent en Espagne apres le trespas du Roy Tulga donnerent moyen & occasion à Chindasuinde ou Cindasuinde, homme puissant & bien appa-
ré, de s'emparer & inuestir du Royaume des Vvisigoths: pour auquel se maintenir en seureté
à cause (comme dit Aimoinus) qu'il cognoissoit bien la promptitude de ses subiets à se re-
beller & mettre à mort leurs Rois, fit par diuers moiens occir tant ceux de la noblesse que
du peuple qu'il scauoit estre les plus mutins & enclins à rebellion. Tellement qu'il regna
par ce moyen paisiblement iusqu'à son trespas l'espace d'environ 10. ans: ainsi que les hi-
stoires d'Espagne, Michaël Ricius & Ioan. Magnus ont compté. Mais le Catalogue des
Rois des Vvisigoths qui est deuant le Code de leurs loix, tesmoigne qu'il regna premiere-
ment seul v. ans 111. mois, xx. iours: & puis avec son fils Receuinde 111. ans, vii. mois, xii.
iours.

LA ville de Césaree en la Palestine, apres auoir soustenu l'effort des Sarrazins l'espace
de 7. ans (si d'aventure on ne veut lire 7. mois) fut finalement prise par Muhania Lieute-
nant d'Omar. Niceph.

<i>Du Monde.</i>	4781	<i>Papes.</i>	4	<i>R. des Lombards.</i>	9
<i>De Iesus Christ.</i>	644	<i>E. d'Orient.</i>	3	<i>R. des Eſcoſſois.</i>	9
<i>Indiction.</i>	2	<i>R. des François.</i>	13	<i>E. d'Italie.</i>	4
<i>De l'Egire 23. escheut au</i>		<i>R. des Vvisigoths.</i>	2	<i>Cal. des Sarrazins.</i>	10
<i>7. de Novembre & com-</i>					

mença le 24.

ROTAIRE desirant reduire la police de son Royaume en bon estat fit vn recueil de
toutes les loix & ordonnances de ses predecesseurs, qui estoient en vsage entre les siens,
estans retenues par memoire plus que par escrits, lequel il assemblea en vn liure qu'il fit à
l'imitation de Iustinian appeller Code. Ce que luy-mesme tesmoigne qu'il entreprit & cō-
mença de faire en la 8. annee de son regne, Indiction 2. le 22. de Novembre, & en la 77.
annee de l'arriuee & regnē des Lombards en Italie.

AV Roy Dagobert estoit né dès l'annee precedente vn second fils de sa femme Nan-
tilde, nommé Clouis ou Louis, lequel fit penser à son pere qu'il deuoit preuenir les oc-
casions de discord qui pourroient naistre apres sa mort entre iceluy & son frere Sigebert,
à cause du partage de ses Royaumes, se souenant de luy-mesme, qui auoit fait la part à
son plus ieune frere. Tellement que par l'aduis de son conseil il conferma le Royaume
d'Austrasie (selon l'estendue qu'il auoit tenuē au parauant) à son fils Sigebert, & designa la
partie Occidentale de son Royaume, qu'on nommoit Neustrie (& qui se dit maintenant
le Royaume de France) accompagné de la Bourgogne à son autre fils nouvellement né.
Et ordonna quant & quant Pepin l'ancien Duc de Brabant pour Connestable à son fils Si-
gebert: apres auoir contraint les Austrasiens comme par force d'approuuer & cōsentir à
ce departement: quoy qu'il leur semblaſt inegal & derogeant à la prerogatiue de l'ainesse.
Dont on pourroit penser que Dagobert par quelque dent qu'il leur portoit, auroit à
cause d'eux voulu plus auantager le ieune, que l'aisné: Si ce n'est pource qu'il tenoit la
mere du dernier pour son espouse legitime, & l'autre pour cō cubine. Aimoinus, Suppl. de
Greg. Richard de Vassebourg.

OMAR estant dedans la ville de Hierusalem y fit fonder & construire vn temple à l'v-
sance de sa religion, au mespris & contēnement des Chrestiens. Nicephore monstre que
Heraclius

Heraclius preuoyant la prise de laditte ville, en auoit au parauant retiré & transporté la croix où auoit esté crucifié nostre Seigneur.

PYRRHVS estant en Afrique fit semblant qu'il auoit repentence de son erreur enuers vn Euesque nommé Maximus, homme Catholique, lequel à ceste occasion l'enuoia au Pape Theodore avec lettres de recommandation, en faueur desquelles il communia avec luy. Mais quand il eut passé outre iusqu'à Rauenne, il recommença de faire profession de son ancien erreur. A cause dequoy le Pape Theodore l'excommunia par vn Concile qu'il fit assembler à Rome, & ceux aussi qui luy adheroient en sa doctrine, & qui ne vouloient receuoir la regle de foy que l'Eglise Catholique tenoit. Nicephore, Onufrius & autres.

Du Monde.	4782	Papes.	5	R. des Lombards.	10
De Iesus Christ.	645	E. d'Orient.	4	R. des Escossois.	10
Indiction.	3	R. des François.	14	E. d'Italie.	5
De l'Hegire 22. finissoit le		R. des Vvisigots.	3	Cal. des Sarrazins.	11
27. d'Octobre & com-					
mençoit le 22.					

RADVLFE Duc & Gouverneur du Royaume de Turingie pour le Roy Dagobert, gaigna ceste année vne grande victoire sur les Esclauons dits Vvinides, qui estoient venus courir iusques dedans ses marches: laquelle le fit deuenir si presomptueux, qu'il se voulut esleuer contre Adalgise ou Anchise Maire du Palais d'Austrasie, & à son occasion se rebeller contre le Roy Sigebert, si est-ce toutesfois que ses machinations ne peurent venir à aucun effect qui soit escrit. Continuateur de Gregoire.

A v meisme temps Sadragesille fut mis à mort par quelques ennemis secrets qu'il auoit & pource que ses enfans ne firent compte de poursuiure la vengeance de la mort, Dagobert confisqua tous leurs biens, suiuant en cela les constitutions Romaines, qui priuent les enfans de la succession du pere duquel ils ne vengent l'homicide. Aimoinus.

VN Prince Sarrazin nommé Maouin ou Maouiua commença ceste année à regner en la ville de Hescen. Chroniq. Arabesque.

PLVSIEURS Conciles furent en ce temps tenus en Afrique, qui tous condamnerent l'heresie des Monophelites. Onufrius.

Du Monde.	4783	Papes.	6	R. des Vvisigoths.	4
De Iesus Christ.	646	E. d'Orient.	5	R. des Lombards.	11
Indiction.	4	R. des François.	15	R. des Escossois.	11
De l'Hegire 26. le 16. d'O-				E. d'Italie.	6
ctobre				Cal. des Sarrazins.	12

QVOY que les Gascons eussent esté cy deuât subiuguez par le Roy Aribech, si est-ce que comme estans subiects à la pille, ne se pouoient tenir de faire des courses & briganderies sur les païs & subiects du Roy Dagobert: dont il fut en fin tellement irrité, qu'il fit marcher vne armee de Bourguignons contr'eux, souz la conduite d'Ouen ou Audoene son Refrédaire, qui auoit dix Capitaines ou Ducs souz soy, Almagare, Arembert, Leudebert, Vandalmare, Valderic, Ermenric, Baraut, Hariard, Raulene, Vvilibald Patrice de Bourgongne & Ægine Saxon de nation. Contre lesquels les Gascons s'oserent presenter en bataille rangée. mais ce fut à leur grand malheur, pource qu'ils furent totement deffaits & rompuz, & poursuiuz iusques dedans les montagnes & destroits où ils faisoient leur retraite. En l'vne desquelles le Duc Arembert s'estant osé trop temerairement fourrer, y fut avec sa troupe mis en pieces. Ce qui n'empescha toutesfois que les Gascons ne fussent contraincts de recognoistre leur faute, & se soubmettre à telle loy & à telle reparation que le Roy Dagobert leur voulut donner.

LEQUEL se voyant auoir en si peu de temps & si heureusement la fin de ceste guerre, voulut encore employer la mesme armee contre les Bretons de la petite Bretagne, qui l'auoient en plusieurs sortes offensé: ayant mesmement (comme s'ils se fussent voulus soustraire de la couronne de France) quelque temps au parauant fait prendre le nom & tiltre de Roy & leur Prince Iudicaël ou Gicquel (quoy que les Annales veulent opiniaistrement debatre qu'il le tenoit hereditairement de ses ancestres, qui l'auoient sans intermission porté deuant luy, signamment Hoel troisieme du nom à qui il auoit succédé enuiron 14. ans au parauant) mais il leur enuoya premierement remonstrer leur faute par Eloy, personnage de sainte vie, qui fit si bien entendre la deliberation du Roy Dagobert, que Iudicaël pesant le peu de moyen qu'il pourroit auoir de soustenir les forces d'un si grand Monarque, si elles venoient à tomber sur ses bras, se transporta vers le Roy Dagobert, où il fit la cause si bonne qu'il fut receu en son amitié & alliance, & puis renuoyé avec beaux presents en son pais, apres auoir fait foy & hommage de son Royaume pour luy & ses successeurs. Ce que le Supplement de Gregoire & Aimoinus disent estre aduenu en la 14. annee de Dagobert. Or pource que ce Iudicaël se trouue auoir esté le premier es plus fideles histoires qualifié Roy de la petite Bretagne depuis le grand Clouis, & que tous ses predecesseurs s'appelloient Comtes simplement: il me semble aussi qu'on ne peut estimer qu'il y en ait eu aucun autre deuant luy, qui ait repris le nom de Roy en son Roiaume & pais.

OMAR estant en vn temple de la religion où il faisoit ses prieres, fut par vn soldat natif de Perse, induit par Hali, mis à mort en la douzieme annee de son regne. A cause de quoy vn nommé Odmen ou Hotman fut du consentement de la pluspart des Sarrazins esleu Amiras 4. & Calife 3. des Sarrazins en son lieu. Laquelle dignité il exerça au compte de Nicephore 10. ans: & selon la Chronique Arabesque (s'il n'y a faute) douze, qui tesmoigne aussi qu'il esleut & deputa certains personnages, auxquels il fit reuoir & corriger, assembler & distribuer aussi en chapitres toute la loy de Mahomet (qui au parauant estoit toute confuse, meslee & dispersee en plusieurs pieces) en vn liure qu'il fit appeller Alcoran ou Alfurcan. En quoy toutesfois il ne peut (comme escrit Postel) si bien satisfaire à ses successeurs, qu'ils ne trouuassent encor a y adiouter apres luy ou retrancher des sentences qu'il y auoit laissées.

<i>Du Monde.</i>	4784	<i>Papès.</i>	1	<i>R. des Lombards.</i>	12
<i>De Iesus Christ.</i>	647	<i>E. d'Orient.</i>	6	<i>R. des Escossois.</i>	12
<i>Indiction.</i>	5	<i>R. des François.</i>	16	<i>Exarche d'Italie.</i>	7
<i>De l'Hegire 27. le 5. d'Octobre.</i>		<i>R. des Vuisigoths.</i>	5	<i>Cal. des Sarrazins.</i>	1

GVERRE s'estant esmeuë entre le Roy Rotaric & l'Exarche, ils se donnerent bataille pres la ville de Mutine: où les Imperiaux ayans le pis perdirent sept mille combatans de leur armee sur le champ. Au moyen de laquelle victoire Rotaric fit passer les monts Apennins à son armee: où elle subiugua toute la Ligurie; & tout le pais qui alloit depuis la ville de la Lune iusqu'aux frontieres de la France: chose que ses predecesseurs n'auoient encore peu faire depuis leur arriuee en Italie. Blondus, Sabellic.

PEPIN premier du nom, surnommé d'aucuns de Landeu, Duc de Tongrie & de Brabant, ensemble aussi Maire d'Austrasie, mourut (tesmoin Sigebert) ceste annee. Combien qu'Aimoinus refere sa mort à la quatrieme annee du Roy Clouis, laissant vn fils nommé Grimoald, qui tint ses estats & seigneuries apres luy: mais il mourut en peu de temps, ayant deux sœurs, l'une nommée Gertrude, qui prit l'habit de religion, & fut canonisée entre les Sainctes. Mais l'autre qu'on nommoit Begga, espousa Anchises fils aîné de S. Arnoul seigneur de Mosellane, d'où nasquit Pepin surnommé Heristel, qui fut pere de Charles Martel. Supplement de Gregoire, Richard de Vassebourg.

ESTANT Osuuald Roy de Northumblande en Angleterre decedé sans hoirs, son Roiaume fut derechef diuisé en deux: car Osuius son frere occupa la Bernicie ou le Bernick, & Osuin fils du dernier Roy Ofrich son oncle le pais de Deire: où ils regnerent l'espace de

space de quelques années en concorde & en paix l'un avec l'autre, jusques à ce que l'ambition les fit devenir ennemis l'un de l'autre: en telle sorte que Osiuin fut mis à mort par Osiuie. A qui par ce moyen tout le Roiaume de Northumbellande reuint, lequel il posséda jusques à son trespas tant entier que diuisé, depuis le trespas de son pere 28. ans. Guill. de Malmesberie. Mais si son successeur Egfride commença de regner en la 13. Indiction, comme declare Beda, il n'en peult auoir regné qu'environ 23.

LE 7. Concile de Tolette fut célébré en la 5. année du regne du Roy Chindasuinde. Liure des Conciles. Roderic de Tolette.

IVDICAEL Roy de la petite Bretagne mourut ceste année, laissant deux fils: l'aîné desquels nommé Iodocus, plus deuotieux que cupide de regner, quitta volontairement son droit à son frere Salomon, qui par ce moyen regna sur les Bretons 20. ans. Annales de la petite Bretagne.

THEODORE premier du nom Pape de Rome mourut, tefmoin Onufrius, ceste année, le 14. iour de May. Ce nonobstant son successeur ne fut esleu qu'un mois 21. iour apres, à sçauoir le 5. iour de Iuillet, qui se nommoit Martin, qui a esté le premier de ce nom, fils d'un Fabricius Tudertin.

Du Monde.	4785	Papes.	2	R. des Lombards.	13
De Iesus Christ.	648	E. d'Orient.	7	R. d'Ecosse.	13
Indiction.	6	R. des François.	1	E. d'Italie.	8
De l'Hegire 28. qui commen-		R. des Vuisigoths. 6		Cal. des Sarrazins.	2
ce le 24. de Septembre.					

DAGOBERT étant au lieu d'Espinau pres la riuere de Seine, mourut, selon l'observation d'aucuns le 19. & selon d'autres le 29. iour de Ianuier, 16. ans apres le trespas de son pere: comme Aimoinus & le supplément de Gregoire ont expressément tesmoigné. Tellemēt que quelques fort anciennes memoires de Lorraine non imprimez, disent aussi que ce fut au commencement de la dixseptiesme année de son regne. Qui sert pour reprouuer la supputation de noz Chroniqueurs & Annalistes, lesquels suiuant l'opinion de Sigebert, tiennent qu'il a regné seulement quatorze ans depuis son pere. Cependant la succession de ses Roiaumes fut si amiablement departie entre ses deux fils, qu'ils s'accorderent de se tenir à la declaration de sa dernière volonté. Tellement que Sigebert (cōbien qu'il fust l'aîné) se contenta du Roiaume d'Austrasie, permettant que son frere Clouis ou Loys, qui fut 2. du nom, entra en possession des Roiaumes de France & de Bourgōgne. Et que le Prince Egua, qui estoit fort sage & vertueux, fust son Maire du Palais, selō que recitent Aimoinus & le supplément de Gregoire. Au reste il semble qu'avec Dagobert mourut pareillement la grandeur, la gloire & la splendeur des Rois de France: & de leur mort naquit la puissance & auctorité des Maires du Palais, qui commencerent souz ce tiltre à l'occasiō de la ieunesse des deux Rois, d'embrasser entre leurs mains tout le maniement & gouuernement des affaires des deux Roiaumes. Tellement qu'ils vindrēt à estre autant redoutez & respectez que les Rois mesmes.

LE Roy Chindasuinde étant en la cinquieme année, au troisieme mois, & vingtiesme iour de son regne, declara son fils Rocasuinde Roy & heritier de sa couronne, le faisant aussi deslors regner actuellement avec soy, tefmoin le catalogue des Rois des Vuisigoths, qui est deuant le Code de leurs loix, où vn exemplaire dit que ce fut en la DCCLXXII. année de nostre salut, & VIII. du Cicle Lunaire. Mais il se peult faire qu'il y fault seulement lire DCXLVII. & III. du Cicle. Combien que par vn autre exemplaire celà se doit rapporter à la mort dudit Rocasuinde.

VNE armee de Sarrazins entree en Afrique, deffit en bataille rāge le Gouverneur que l'Empereur auoit en icelle nommé Gregoire: & firent en sorte qu'ils le chasserēt avec toutes les garnisons, puis mirent les Africains à tribut. Nicephore.

LA plupart des peuples de la Flandre furent en ce temps cōuertiz à la Religion Chrestienne par vn nommé Eligius ou Eloy, qu'on dit auoir esté des disciples de saint Colombain. Iacques Meyer.

<i>Du Monde.</i>	4786	<i>Papes.</i>	3	<i>R. des Lombards.</i>	14
<i>De Iesus Christ.</i>	649	<i>E. d Orient.</i>	8	<i>R. des Eſcoſſois.</i>	14
<i>Indiction.</i>	7	<i>R. des François.</i>	2	<i>E. d Italie.</i>	9
<i>De l'Hegire 29. le 13. Se-</i>		<i>R. des Vviſigoths.</i>	7	<i>Cal. des Sarrazins.</i>	3
<i>ptembre.</i>					

EDEBALD 6. Roy de Câtebruge, mourut, & luy ſucceda en ſon Roiaume ſon fils nommé Erchombert ou Erchambert, qui regna vn tel nombre d'annees qu'auoit fait ſon pere, à ſçauoir 25. Beda, Polydore Virgile.

MUHANIAS Lieutenât du Calife, avec vne armee de mer qui eſtoit de 700. vaiſſeaux, paſſa en l'isle de Cypre; où il prit & ruina la ville de Conſtantia: mais celle d'Aradus le ſouſtint ſi conſtamment, que force luy fut en fin de la laiſſer pour ſ'en retourner hyuer-ner à Damas. Ioinct que la venuë de Carcozirus Lieutenant de l'Empereur, avec grandes forces l'empêcha d'eſtendre plus auant ſes viſtoires & conquêtes. Niceph. Cedrenus.

LE Pape Martin cōuoqua vn Synode de 110. ou 115. Eueſques à Rome, par lequel l'he- reſie des Monothelites fut condamnée, & les auteurs d'icelle (ſignamment Paul Arche- ueſque de Conſtantinople) avec ſes predeceſſeurs, Serge, Pyrrhe, & Cyrus, anathematizez. Ce qui ſe fit, teſmoin Nicephore & Cedrenus, en la 8. année de l'Empereur Conſtans, eſtant toutesfois la 8. Indiction ia commencee.

EN la meſme Indiction l'Egliſe de Rauenne ſe ſouleua de la ſubmiſſion & obeiſſance qu'elle rendoit auparauant à l'Egliſe Romaine, eſtant Maure Archeueſque d'icelle, cauſe de ce ſchiſme & ſouleuement ſouz l'appuy de l'Empereur Conſtans. Au moyen dequoy ne luy ne ſes ſucceſſeurs ne voulurent de long temps depuis rendre aucune recognoiſſan- ce aux Papes Romains: dont ils furent dictz auteurs de l'heresie Autocephalie. Sigonius.

<i>Du Monde.</i>	4787	<i>Papes.</i>	4	<i>R. des Lombards.</i>	15
<i>De Iesus Christ.</i>	650	<i>E. d Orient.</i>	9	<i>R. des Eſcoſſois.</i>	15
<i>Indiction.</i>	8	<i>R. des François.</i>	3	<i>E. d Italie.</i>	10
<i>De l'Hegire 30. le 2. Se-</i>		<i>R. des Vviſigoths.</i>	8	<i>Cal. des Sarrazins.</i>	4
<i>ptembre.</i>					

L'EMPEREUR courroucé contre le Pape, de ce qu'il auoit condamné & excommu- nié ſon Patriarche, rappella (comme on dit) Theodore Calliopa d'Italie, & enuoya au gouuernement d'icelle ſon Chambellan nommé Olympius, avec charge de prendre le Pape, & luy enuoyer: enſemble auſſi de faire receuoir aux Italiens l'heresie des Monothelites. Mais il trouua les choſes tellement diſpoſées en Italie, qu'il ne luy fut poſſible de ſa- tisfaire à aucunes de ſes charges. Cependant on eſtime qu'il ait gouuerné l'Italie l'eſpace de trois ans. Anaſtaſius, Blondus, Sabellic, Platine, Onuſtrius.

AVOVEL temps auſſi Paſagnatheus gouuerneur pour l'Empereur en Armenie, fit al- liance & confederation avec Muhanias Capitaine des Sarrazins au deſauantage de l'Em- pereur ſon maiſtre, qu'il ſ'en eſtima tant offenſé, qu'il ſe mit en chemin pour en aller pren- dre ſa raiſon de luy. Mais quand il fut en la Cappadocie, il cogneut qu'il luy ſeroit impoſ- ſible de mettre à execution ſa volonté, à cauſe dequoy il ſe retira ſans rien faire. Niceph. ou Landulfus Sagax.

ÆGA Conneſtable de France mourut, ayant ſagement gouuerné les affaires du Roiau- me. Parquoy on luy ſubſtitua en ſon eſtat vn Ercembauld, ſelon les autres Archinault, qui eſtoit parent du feu Roy Dagobert de par ſa mere: lequel eſtant fort debonnaire & paci- fique, ſ'eſtudia de maintenir la France en paix le plus qu'il peut tout le temps qu'il veſcut.

ENVIRON le meſme temps auſſi mourut Pepin l'ancien Mzire du Palais d'Auſtraſie, au grand regret des Auſtraſiens qui l'auoient en ſinguliere affection, à cauſe de ſa iuſtice, bōté & preud'homme. Parquoy en memoire de luy, ſon fils qu'il laiſſa nommé Grimoald ne fut gueres moins que luy bien venu enuers eux. Tellement que tous ſouhaittoient de le voir eſſeüé aux degrez & honneurs de ſon pere. Quand vn Otto ſe fiant au credit qu'il penſoit auoir enuers le Roy Sigebert, à cauſe de ce qu'il auoit eu le gouuernement de la perſonne d'iceluy

d'iceluy en son bas aage, voulut entrer en brigue contre luy de l'estat de Maire d'Austrasie.

CLODVIFE 2. fils de S. Arnould Duc (à ce qu'on dit) de Mosellane, & frere du Duc Anchise, imitant l'exemple de son pere, renonça volontairement aux affaires de ce monde, pour viure monastiquement en vn hermitage. Duquel toutesfois il fut retiré bié tost apres, pour estre Euesque de Mets, ayant resigné ses principaux estats à son fils aîné nommé Martin, qui fut aussi dict Duc de Mosellane apres luy (si celà se peult prouuer par autre tesmoignage que des chartres qui ont esté alleguees par Richard de Vvassebourg & Fr. de Rosieres en leurs Chroniques de Lorraine) lequel fut cousin germain de Pepin Heristel pere de Charles Martel, desquels nous parlerons encore cy apres.

THASSILON 2. du nom Roy de Bauiere, fils du Roy Theodon 4. du nom, mourut; laissant trois fils, nommez Theodon 5. du nom, Suninhold ou Grimold, & Theopert: lesquels diuiserent entr'eux les Roiaumes & seigneuries de leur pere. Auentin, Munster.

ENVIRON ce temps Cadoualadrus dernier Roy des anciens Bretons, quitta volontairement son Roiaume, & se retira pour viure religieusement à Rome, où il mourut. Au moyen dequoy les Anglois & Saxons occuperent sans difficulté tout son Roiaume. Mais ils en laisserent vne partie aux anciens habitans pour y faire leur demeure, laquelle ils nommerent Galles ou Vallie & lesdits habitans Gallois ou Valliens, qui signifioit estrangers. Quant à l'autre, on tient qu'ils la departirent entr'eux. En laquelle façon toute l'isle d'Angleterre fut reduite souz leur puissance, excepté le pais que les Piétes & Escossois y tenoient. Polydore Virgile.

MVHANIAS estant retourné en Cypre, r'assiegea de plus grande puissance la ville d'Aradus qu'il n'auoit encore fait: tellement que se l'estant fait rendre par force, il la ruina: & puis fit ce qu'il voulut par tout le reste de l'isle. Cependant vn autre Capitaine Sarrazin nommé Busuf fit de grands rauages au pais d'Isaurie. A cause dequoy l'Empereur voyant que ses affaires se portoient mal de toutes parts contr'eux, enuoya demâder trefues à Muanias, qui les luy accorda pour deux ans. Nicephore.

MACHARIUS heretique Monothelite tint le 67. lieu entre les Pattiarches d'Antioche l'espace de 31. an apres Anastasius. Auquel temps Pierre Archeuesque d'Alexâdrie mourut: mais on ne sçait qui fut son successeur, pource que les Sarrazins tenoiét lors l'Egypte.

<i>Du Monde.</i> 4788	<i>Papes.</i> 5	<i>R. des Lombards.</i> 1
<i>De Iesus Christ.</i> 651	<i>E. d'Orient.</i> 10	<i>R. des Escossois.</i> 1
<i>Indiction.</i> 9	<i>R. des François.</i> 4	<i>E. d'Italie.</i> 2
<i>De l'Hegire</i> 31. le 22. d'Aoust.	<i>R. des Visigoths.</i> 9	<i>Cal. des Sarrazins.</i> 5

A Rotaric Roy des Lombards decedé ceste annee, succeda son fils nommé Rodoald, qui regna sur lesdits Lombards 5. ans, 7. iours. P. Diacre, Onufrius.

GRIMOALD voulant tailler de la besongne à son competeur Othon, luy suscita vne querelle avec Leuthere Duc d'Allemagne, lequel le prit si à poinct qu'il le mit à mort en la 10. annee du Roy Sigebert, à compter depuis que son pere l'eut fait couronner Roy. Au moyen dequoy la Mairie & le gouuernement d'Austrasie fut sans contredit mis entre les mains de Grimoald. Mais au mesme temps que l'Austrasie fut troublee par l'ambition de ceux qui pretendoient aux premiers estats d'icelle, vn semblable feu vint de plus grande furie embraser la France & la Bourgongne, à l'occasion de ce que la Roine Nantilde institua vn sien fauory nommé Flancate (qui estoit François de nation) Connestable de Bourgongne: dont Villibald Patrice & Gouverneur de la Bourgongne Transjurane, fut tellement mal-côtent (soit pource qu'il luy eust esté postposé, ou qu'il y eust ia dés auparavant quelque picque entr'eux, ou de ce qu'il luy sembloit qu'un tel honneur n'estoit deu qu'à vn Bourguignon naturel) qu'il ne se voulut aucunement disposer à le recognoistre pour son superieur: ains voyant qu'il se venoit avec la puissance du Roy faire establir au gouuernement de Bourgongne, il s'opposa à luy avec vne armee. De sorte qu'ils se donnerét vne cruelle & sanglante bataille, apres de la ville d'Authun: qui donna fin à l'opiniastreté de Villibald par la mort qu'il y receut, & acquist vne victoire à Flancate, qui luy fut de courtoie, pource qu'il mourut 11. iours apres en la ville de Dijon, où il fut enterré. Par

AA ij

quoy le tumulte qu'ils auoient suscité par leur ambition, fut tout incontinent estouffé & assoppy par leur mort : laquelle fut aussi precedee de quelque peu de iours de celle de la Reine Nantilde mere du Roy Clouis en la quatriesme année du regne d'iceluy : parquoy le gouuernemēt du Roiaume passa encore l'espace de quelque temps par les mains du Connestable Erchinould, iusques à ce que le Roy Clouis fut venu en aage de pouuoir cōmander : car il n'auoit encore que de huit à neuf ans au trespas de sa mere. Et à ce qu'on peut cognoistre par le temps qu'il donna vn de ses derniers fils aux Austrasiens, il estoit encore fort ieune quand il print femme : tellement que c'est merueilles qu'il ait peu si tost engendrer tant d'enfans qu'on veult dire qu'il a fait : sa femme se nommoit Baudour ou Bathilde, qui estoit natifue de Saxe. Supplément de Gregoire, Aimoinus.

DONEVALD Roy d'Escoffe mourut en la 15. année de son regne. Au moyen dequoy la couronne reuint entre les mains d'un sien nepueu fils du feu Roy Ferquhard, lequel regna 16. ans. Hector Boëth. liu. 9.

L'ARMEE que le Calife auoit en Afrique, qui estoit de quatre vingts mille combatans, souz la conduite d'un Capitaine nommé Hucba Ibun Nafich, fit si bien son deuoir, qu'après auoir deffait & dechassé toutes les forces & garnisons que l'Empereur y auoit, ruina l'ancienne cité de Carthage, donnant telle crainte aux autres, tant de la Barbarie que de la Numidie, qu'elles se soubmirent volontairement audit Hucba au nom de son maistre. Au moyē dequoy il establī le siege de ses forces en la ville de Tunes, qui y demeura pour vn temps. Mais quand il se fut aduisé que ce n'estoit vn lieu d'assez seure retraite, tant pour son armee que pour son butin, ny pour asseurer les conquestes, fut conseillé de fonder & fortifier à cent mille pres de la ville de Tunes vne cité qu'il nomma Cairaran, qui en bien peu de temps creut en vne merueilleuse & admirable amplitude : tellement qu'elle fut iadis comptee entre les plus grandes de la terre : & puis la fit peupler & habiter de ceux de sa nation. Qui fut vn moyen par lequel il retint tousiours depuis la possession de l'Afrique, en la puissance des Arabes : comme recite Iean Leon liu. 1. 5. & 6. de son histoire d'Afrique : où il dit toutesfois que ceste fondation fut faicte l'an 40. de l'Hegire. Mais si ce fut souz Odmen, il semble qu'il fault plustost lire 30.

<i>Du Monde.</i>	4789	<i>Papes.</i>	6	<i>R. des Lombards.</i>	2
<i>De Iesus Christ.</i>	652	<i>E. d'Orient.</i>	11	<i>R. des Escoffois.</i>	2
<i>Indiction.</i>	10	<i>R. des François</i>	5	<i>E. d'Italie.</i>	3
<i>De l'Hegire 32. le 12. d'Aoust.</i>		<i>R. des Vuisigoths.</i>	10	<i>Cal. des Sarrazins.</i>	6

CESTE année tomberent des cendres du ciel à Constantinople, qui effroyerent merueilleusement les hommes. Nicephore.

RADULFE Vice-roy au Roiaume de Turingie pour le Roy d'Austrasie, s'estant dès cy deuant rendu desobeissant & rebelle à son Roy, n'auoit point encore esté chastié ne contrainct de recognoistre sa faute : à cause dequoy il redoubloit tousiours en sa felonnie. Parquoy force fut au Roy Sigebert de ne le plus dissimuler. Tellemēt qu'il marcha luy-mesme en personne en la 8. année de son regne avec toute la gendarmerie du Roiaume d'Austrasie contre luy, qui estoit telle qu'il ne sembloit pas qu'il eust deu durer contre. Neantmoins pource qu'elle fut mal conduite & employee, tant à cause de la ieunesse du Roy, que pour les contrarietez d'opinions qui furent en ce conseil, que tout ce voyage reuint à mauuaise fin : dautant que Radulfe ayant espié l'occasion, fit vne saillie sur les Austrasiens, qui le tenoient assiegé dedans vne forte place, si heureuse qu'il les mit tous hôteusement en route. Dont Sigebert fut contrainct se retirer honteusement en son Roiaume, sans auoir autre chose faict : laissant son ennemy se gouuerner à sa guise en la Turingie, où il se porta cōme Roy. Et pour se maintenir en son estat, s'allia des Esclauons Vvinides, & de toutes les autres nations qu'il sçauoit estre ennemis des François. Auteurs precedents.

SIGEBERT Roy des Anglois Orientaux, Mecenat en son temps des bonnes lettres & des gens de sçauoir, ayant preferé la vie solitaire à la Roiale, s'estoit rendu moine en vn Monastere, où il fut en ce tēps mis à mort avec son cousin Egric par Penda Roy des Merciens. Baleus Cent. 1.

Du Monde.

<i>Du Monde.</i>	4790	<i>Papes.</i>	7	<i>R. des Lombards.</i>	3
<i>De Iesus Christ.</i>	653	<i>E. d'Orient.</i>	12	<i>R. des Escossois.</i>	12
<i>Indiction.</i>	11	<i>R. des François.</i>	6	<i>E. d'Italie.</i>	1
<i>De l'Hegire 33. le 1.^r d'Aoust.</i>		<i>R. des Vvisigoths.</i>	11	<i>Cal. des Sarrazins.</i>	7

OLYMPIVS Exarche d'Italie, apres auoir desconfit vne armee de Sarrazins qui estoit venue descendre en Sicile, mourut. Au moyen dequoy l'Empereur renuoya derechef Theodore Calliopa tenir le lieu d'Exarche d'Italie, qui y demeura encore pour ceste seconde fois (au tesmoignage de Donatus Bossius & d'Onufrius) l'espace de trente quatre ans. Encore que Blondus n'estime pas qu'il y ait demeuré d'auantage de dix huit ans. Tant y a cependant qu'il reuint, avec charge expresse d'enuoyer le Pape Martin à l'Empereur. Pour à laquelle satisfaire, il ioua si cauteleusement son personnage à Rome, qu'il rendit en fin l'intention de son maistre accomplie : par laquelle le Pape emmené à la maniere d'un criminel à Constantinople, fut enuoyé en exil en vne isle du Chersonese, où il mourut ceste annee en grande misere & pauvreté le 12. de Nouembre, apres auoir tenu le siege Papal 6. ans, 4. mois, 7. iours : lequel vacqua par son trespas l'espace de 8. mois 28. iours deuant que on en fust bien aduertý à Rome. Onufrius, Platine, Blondus, Nicephore, Cedrenus.

SIGEBERT Roy d'Austrasie fut tellement affectionné enuers les Eglises, Monasteres & gens de Religion, qu'il fit fonder & renter vn grand nombre de Monasteres par son Roiaume, receuant ordinairement en sa Cour, & fauorisant en toutes sortes les personnes viuans monastiquement. A cause dequoy les historiographes tesmoignent qu'il se fit souz son regne plus de nouuelles fondations d'Eglises & de Monasteres, tant par les Roiaumes de France que d'Austrasie : & sy retirerent plus de personnes de tous sexes, aages & qualitez, abandonnans les delices du monde pour y viure en plus grande austerité de vie, que de long temps auparauant ny depuis ne s'estoit ny fut veu.

SINDASVINDE ou Chindasuinde Roy des Vvisigoths, mourut le dernier iour de Septembre, laissant son fils Recisuinde, ou selon d'autres Recesmundes, en son lieu, qui regna seul, à compter depuis le trespas de son pere, iusques au sien, 18. ans, 11. mois. Quant aux 23. ans, 8. mois, 12. iours, que le catalogue des Rois des Vvisigoths, qui est deuant le Code de leurs loix dit qu'il regna, il semble qu'il les fault commencer au temps que son pere le fit regner avec luy : comme aussi la 10. annee de son regne, que Isidore cōstitue en la 12. annee du Cicle Lunaire. Il se trouue toutesfois d'autres exemplaires, selõ lesquels il n'a regné que 13. ans, 7. mois, 11. iours, depuis le trespas de son pere. Mais on voit bien qu'il y a de la faulte des escriuains.

OSVIN Roy de Deire fut par Osiue Roy de Bernicie deffaict & mis à mort. Au moyen dequoy tout le Roiaume de Northumbellande fut derechef reduit en vnion souz l'obeissance dudit Osiue. Herman Contract.

L'AN 12. de l'Empire de Constans, Muharias prit avec son armee terre en l'isle de Rhodes, qu'il bailla totalement en proye à ses gens. Tellement qu'ils rompirent & demolirent le grand & fameux Colosse du Soleil, qui y estoit tout de fonte : les pieces duquel furent sur neuf cens chameaux portees iusqu'en la ville d'Alexandrie : comme Nicephore, Cedrenus & Zonare recitent. Combien que Sabellic Enneade 8. liu. 6. & Melancthon tiennent pour fabuleux celà du Colosse, lequel ils disent auoir esté renuerlé lōg temps auparauant par vn tremblement de terre.

PAR la mort de Paul Patriarche de Constantinople, Pyrrhus qui auoit esté cy deuant démis du Patriarchat, y fut restitué : au moyen de ce que l'Empereur luy donna son consentement, en faueur de l'heresie des Monothelites : mais il mourut 4. mois apres sa restitution. A cause dequoy on esleut vn nommé Pierre pour Pasteur de l'Eglise de Constantinople, qui y presida selon Onufrius 2. ans, 3. mois. Combien que les autres escriuent 12. ans. Et qu'il fut aussi fauteur de l'heresie des Monothelites. Nicephore, Zonare, Cedrenus.

<i>Du Monde.</i>	4791	<i>Papes.</i>	1	<i>R. des Lombards.</i>	4
<i>De Iesus Christ.</i>	654	<i>E. d'Orient.</i>	13	<i>R. des Escossois.</i>	4
<i>Indiction.</i>	12	<i>R. des François.</i>	7	<i>E. d'Italie.</i>	2
<i>De l'Hegire 33. qui commen-</i>		<i>R. des Vuisigoths.</i>	1	<i>Cal. des Sarrazins.</i>	8
<i>ce le 21. de Iuillet.</i>					

C'EST E année l'Empereur Constans fit prendre le nom d'Auguste Empereur à son fils nommé Constantin Pogonat, & puis couronner de la couronne Imperiale par le Patriarche Pierre, enuiron le mois de Mars, selon que Nicephore & Zonare tesmoignent. Qui me fait estimer que l'on doit icy prendre le principe des ans de l'Empire dudit Constantin, comme ils sont comptez es actes du 6. Concile vniuersel de Constantinople.

M V H A N I A S faisant faire vn grand nombre & appareil de nauires à Tripoli en Asie, pour aller assiéger la cité de Constantinople, fut empesché de ce faire par le feu que deux Chrestiens y mirent: mais il remit sus vn autre nombre de vaisseaux, avec lequel il alla trouuer l'Empereur Constans en la Lycie: & ayant mis son armee de mer en route, courut à son aise toute la coste de la mer Égee. Nicephore, Cedrenus.

LES Romains bien informez du trespas du Pape Martin, substituerent en son lieu vn Eugenius, qui fut premier de ce nom, natif de Rome, lequel depuis son eslection, qui fut faicte le 10. iour d'Aoust, presida au siege Papal 2. ans, 9. mois, 24. iours. Aucuns luy attribuent d'auoir ordonné des prisons pour y punir les heretiques, & les delicts des Ecclesiastiques rebelles & desobeissans.

<i>Du Monde.</i>	4792	<i>Papes.</i>	2	<i>R. des Lombards.</i>	5
<i>De Iesus Christ.</i>	655	<i>E. d'Orient.</i>	14	<i>R. des Escossois.</i>	5
<i>Indiction.</i>	13	<i>R. des François.</i>	8	<i>Exarche d'Italie.</i>	3
<i>De l'Hegire 34. qui commen-</i>		<i>R. des Vuisigoths.</i>	2	<i>Cal. des Sarrazins.</i>	9
<i>ce le 10. de Iuillet.</i>					

SIGEBERT Roy d'Austrasie, ayant esté long temps sans pouuoir engendrer enfans, faisoit son compte qu'il n'en auroit iamais. A cause dequoy il se laissa si bien gagner par Grimoald ou Grimauld Maire de son Palais, qu'il adopta le fils d'iceluy nommé Hildebert ou Childebert, & le declara son heritier & successeur: mais il eut bien tost apres vn fils, qui fut nommé Dagobert, selon que recite Sigebert.

S T E L T E R V S estoit en ce temps Roy des Saxons Anglois. Au temps duquel aussi les Anglois Orientaux auoient vn Arnulfe pour leur Roy. Beda.

L'ARMÉE que Muhantias enuoya en la coste de la Phoenicie, fut rompuë par les Chrestiens: mais celle qui courut la mer Égee, fit beaucoup de maux aux isles Cyclades. Nicephore.

V N nommé Constantin Syluanus, remit en ce temps au dessus l'heresie des Paulianistes, qui estoit aussi celle des Manichees. De sorte que les Eglises d'Orient en furent merueilleusement troublees & corrompuës, outre la confusion que l'heresie des Monothelites & Monophysites y auoit ia mise: dont les hommes estoient reduits en telle suspendance d'esprit, qu'ils ne sçauoient que croire. Qui fut cause que l'erreur de Mahomet fut bien plus tost & plus facilement receu & dilaté par les prouinces d'Orient. Cedrenus, & autres.

Du Monde.

Du Monde.	4793	Papes.	3	R. des Lombards.	1
De Iesus Christ.	656	E. d'Orient.	15	R. des Escossois.	6
Indiction.	14	R. des François.	9	E. d'Italie.	4
De l'Hegire 35. le 29. Iuin.		R. des Visigots.	3	Cal. des Sarrazins.	10

R O D O A L D Roy des Lombards, s'estant ingeré de faire force à la chasteté d'une femme, fut par elle mis à mort au commencement de la 6. année de son regne. A cause dequoy Aribert fils de Gundoald, duquel estoit pere Garibald Roy de Bauiere, de Comte d'Ast, fut fait Roy des Lombards, sur lesquels il regna (au compte de P. Diacre & d'Onufrius) l'espace de neuf ans. Mais le commencement du regne du Roy Grimoald nous fera cognoistre que son regne ne doit auoir duré que six ans.

H A L I ayant espousé la fille de Mahomet, qui se nommoit Falerna, s'estimoit auoir esté iniustement fraudé depuis la mort de la dignité de Calife par les Emires precedents; tellement qu'il n'auoit cessé de pratiquer tous moyens pour la recouurer, iusques à ce qu'il se fut adioint tant de gens à son party, qu'il se trouua fort assez pour assieger le Calife d'Odmen, en la ville où il estoit retiré : & l'eust reduit en telle extremité, que force luy fut de se deffaire soy-mesme pour ne tomber entre les mains de ses ennemis. Qui fut le chemin par lequel Hali se fit en fin esleuer à la dignité de Calife par ceux de son party. Mais ceux qui auoient tenu pour Odmen, voulurent esleuer son fils Muhamat. Auquel la fortune fut encore si aduersé, qu'il dura bien peu de temps contre son compétiteur. A l'encontre duquel s'esleua derechef vn autre plus fort aduersaire, à sçauoir Muharias, qui souz la faueur de la gendarmerie Sarrazinesque qui estoit en Egypte & en la Syrie, osa pretendre à la dignité de Calife. De façon qu'il se defendit si brauement contre Hali en la Mesopotamie, qu'il ne laissa rien gagner sur luy, sans qu'il eust aucunement hazardé le total de ses forces. Qui fut cause qu'apres que les deux armées se furent veües de pres l'une l'autre, & fort long temps escarmouchées, que Hali s'en alla tenir son siege en la ville de Damas, & que Muharias establit le sien en la ville de Hescen. Cependant l'Empire Romain demeura en repos par quelques années, au moyen des trefues que les Sarrazins furent contraincts à cause de leurs dissensions accorder à l'Empereur : selon que recitent Niceph. Cedr. Zonare, & Iean Leon. La Chroniq. Sarrazinesque adioust, que Hali vesquit en la dignité de Calife iusques à son trespas 4. ans, 9. mois. Durant lesquels quelques autres Chroniques disent qu'il fit vn voyage en la Cyrenaique, où il s'acquit vne telle reputation, qu'on y fonda vn temple en son honneur, auquel les Maures d'Afrique s'accoustumerent d'aller en pelerinage d'aussi grande deuotion que les autres à la Meche. Pource (comme tesmoigne Guillaume de Tir liu. 19. chap. 21. de son histoire sainte) qu'ayant conceu vne grande opinion de soy au faict de la guerre, il s'estima estre trop plus excellent personnage que Mahomet, & qu'il n'estoit assez honoré par le tiltre de son successeur. A cause dequoy il fit si bien enuers ses adherens, qu'ils le prindrent en opinion de plus grand Prophete que n'auoit esté Mahomet. Laquelle persuasion prit encor tel cours enuers plusieurs autres, qu'elle n'a eu depuis faute de croyans. Dont s'en ensuiuit vn grand schisme entre les Sarrazins, qui a tousiours perseueré iusques icy, demeurans les vns es traditions de Mahomet, qui se nommerent Suiury en leur langage. Les autres es opinions de Hali, qu'on appelloit Cya. Ce que possible Nicephore a voulu entendre par l'heresie des Caururgites ou Charugites, qui s'esleua (comme il dit) en ce temps entre les Arabes : les sectateurs de laquelle estoient diuisez en deux sectes : dont l'une s'appelloit des Hifamites, qui auoit la vogue principalement au pais de Perse, & l'autre des Heraclites qui couroit par la Syrie : ausquels Muharias s'adonna de telle sorte, qu'il fit tous ses efforts de supprimer les autres. Qui sert pour monstrer que les Collecteurs de l'hist. Eccles. de Magdebourg ont mal rapporté ladite heresie à celle des Monothelites.

P E N D A I. Roy des Mericiens d'Angleterre, faisant la guerre à Osoun frere & successeur d'Osuald au Roiaume de Northumbellande, fut par luy deffait & occis en vne grosse bataille, laissant cinq fils; Vveda, Vulfere, Ethelrede, Mercualde & Mercelme.

A A iij

Desquels Vveda qui estoit l'aisné, succeda à vne partie du Royaume de son pere du consentement d'Osuin, duquel il auoit espousé la fille, qui occupa tout le reste dudit Royaume par le moyen de la victoire precedente. Beda, Guill. de Malmesberie.

Du Monde.	4794	Papes.	3	R. des Lombards.	2
De Iesus Christ.	657	E. d'Orient.	16	R. des Escossois.	7
Indiction.	15	R. des François.	10	E. d'Italie.	5
De l'Hegire 37. le 18. de Iuin.		R. des Vuisigots.	4	Cal. des Sarrazins.	1

CESTE annee l'Empereur Constans mena vne armee contre les Esclauons, qui luy auoient commencé la guerre, où il prospera si bié qu'il les deffit & subiugua. Au moyen dequoy il s'en retourna avec grand nombre de prisonniers & de butin. Niceph.

PENDA Roy des Merciens, & ennemy trescruel des Chrestiens, fut ceste annee deffait & occis en vne bataille par Osuin Roy de Northumbellande: lequel par ce moyen annexa le Royaume de son ennemy au sien; & fit que les Merciens receurent la religion Chrestienne. Herman Contract, Sigebert.

EVGENE Pape de Rome mourut le 4. iour de Iuin, laissant son siege vacquant iusques au 21. de Iuillet, auquel Vitallianus fils d'un Anastasius de la ville de Sigmium en la Campagne fut esleu pour gouverner l'Eglise Romaine apres luy souz la dignité de Pape: laquelle on dit qu'il exerça l'espace de 14. ans, 5. mois, 29. iours. Platine & Mutuan tesmoignent qu'il fut si bon Musicien, qu'il composa luy-mesme le chant qu'il vouloit qu'on châtast dedans l'Eglise, auquel il adiousta dedans l'harmonie des orgues. D'autres disent qu'il excommunia l'Archeuesque de Rauenne, pource qu'il ne se vouloit renger souz les commandemens de l'Eglise Romaine, lequel en fit si peu de cas qu'il luy rendit son change en mesme monnoye.

LE septiesme Synode de Tollette fut celebré en la 4. annee du regne du Roy Ricesuinde.

Du Monde.	4795	Papes.	1	R. des Lombards.	3
De Iesus Christ.	658	E. d'Orient.	17	R. des Escossois.	8
Indiction.	16	R. des François.	11	E. d'Italie.	6
De l'Hegire 38. le 7. de Iuin.		R. des Vuisigoths.	5	Cal. des Sarrazins.	2

MVHANIAS voyant les empeschemens qu'il auoit, fit accord avec l'Empereur, à condition de luy paier tous les ans vn certain tribut. Niceph.

SIGEBERT Roy d'Austrasie mourut (au rapport de quelques anciennes memoires qui sont en quelques Bibliothèques de Lorraine) le 1. de Feurier l'an 26. de son aage, & 16. ou 17. de son regne. Ainsi que le Suppl. de Greg. Aimoinus & Sigebert tesmoignent, laissant vn fils nommé Dagobert, qui deuoit legitimement succeder à sa couronne. Mais au moié de sa grande ieunesse Grimoard Maire du Palais le prit à la suggestion de Dado Euesque de Poitiers, & l'enuoia rendre moine en vn certain lieu d'Escoffe, afin d'establir son fils Childebert au siege royal d'Austrasie: lequel Sigebert auoit cy deuât adopté pour son fils. Dont les Austrasiens furent si desplaisans, qu'ils s'esleuerent contre luy, & appellerent le Roy Clouis de France à leur aide. Qui se transporta en si bon equippage, qu'il deffit lesdits Grimoard & son fils en vne grosse bataille: tellement qu'ils demurerent ses prisonniers. Au moyen dequoy il les fit mener à Paris, où ils moururent en prison: & se mit en possession du Roiaume d'Austrasie, duquel toutesfois il institua Roy le plus ieune de ses fils nommé Childerich, luy donnant pour son Maire du Palais vn sage & vaillant Prince d'Austrasie nommé Vvallefroy, ou selon d'autres Vvolfandus: par le conseil duquel les affaires dudit Royaume furent bien sagement conduittes. Autheurs precedents, & Richard de Vassebourg.

La 10. année du regne du Roy Recesuinde (à compter comme nous estimons du temps que son pere le fit regner avec luy) escheut (tesmoin Isidore en son liure des Etymologies chapitre des Cicles) en la douzième année du cicle Lunaire. Et en l'Ere selon aucuns exemplaires Dcxcvi. Car il y a grâde diuersitéés autres tant imprimez que non imprimez.

Le 8. Concile de Tolette fut tenu en la 5. année du Roy Recesuinde.

Du Monde.	4796	Papes.	2	R. des Visigoths.	6
De Iesus Christ.	659	E. d'Orient.	18	R. des Lombards.	4
Indiction.	2	R. des François.	12	R. des Escossois.	9
De l'Hegire 39. le 27. de				E. d'Italie.	7
May.				Cal. des Sarrazins.	3

CONSTANS ayant esté ceste année fait mettre à mort son propre frere nommé Theodose, pource qu'il le soupçonnoit de machiner quelques nouuelletez contre sa majesté, fit prendre le tiltre & la dignité de Cesar à ses deux derniers fils Heraclius & Tyberius. Nicephore, Cedrenus.

ARIBERT fut (comme on dit) si affectiéonné à l'Eglise Romaine, qu'il luy fit donation des Alpes Coccies & de la coste de la Lygurie. P. Diacre, Blondus. Mais c'est à sçauoir si les Empereurs l'en ont laissé iouir.

Du Monde.	4797	Papes.	3	R. des Visigoths.	7
De Iesus Christ.	660	E. d'Orient.	19	R. des Lombards.	5
Indiction.	3	R. des François.	13	R. d'Escoffe.	10
De l'Hegire 40. le 17. May.				E. d'Italie.	8
				Cal. des Sarrazins.	4

VVEDA fils de Penda ayant esté mis à mort par sa femme, les Merciens se rebellerent contre Osain Roy de Northumbellande, qui les vouloit reduire en sa main: & se remirer en l'obeissance de Vvlfhere, fils du feu Roy Penda. Au moyen dequoy il regna sur eux l'espace de 17. ans. Selon Herman Contract & Polidore Virgile: Combien que Guill. de Malmesberie en compte 19.

Le neuuiesme Concile de Tolette fut celebré en la 7. année du regne du Roy Recesuinde.

Du Monde.	4798	Papes.	4	R. des Visigoths.	8
De Iesus Christ.	661	E. d'Orient.	20	R. des Lombards.	6
Indiction.	4	R. des François.	14	R. des Escossois.	11
De l'Hegire, 41. le 6. May.				E. d'Italie.	9
				Calife des Sarrazins.	5

EN ce temps les Sarrazins conrurent les prouinces de l'Empire, & y firent de grands rauages. Niceph.

La famine fut si grande en ce temps par tout le Royaume de France, que pour obuier à la necessité des pauvres, le Roy Clouis fit despouiller la couuerture de l'Eglise de saint Denis de l'or & de l'argent que le Roy Dagobert y auoit fait mettre; à fin d'en faire distribution aux indigens & necessiteux. Mais en recompense de ceste subtraction il exempta ladite Eglise de la subiection de l'Euesque de Paris, & luy adiousta plusieurs priuileges, rentes & reuenus: ainsi qu'Aimoinus tesmoigne qu'il finit en cest endroit son histoire des François, avec le 41. chap. du liu. 4. d'iceluy. Car ce qu'on y voit adiousté iusques aux gestes de Pepin, appartient à quelque autre moine, qui n'a qu'un peu desguisé ce qu'il a trouué dedans l'Appendix de Gregoire de Tours, sans se soucier de pourfuiure l'histoire

avec telle diligence & elegance de stile qu'auoit fait le premier. Richard de Vvassebourg l'appelle Eginaldus: Lequel toutesfois i'ose bien dire n'estre si ancien que plusieurs se persuadent: ains n'estre qu'un recueil fait par quelque homme de peu de sçavoir & de iugement, qui pensant plus à rendre l'histoire de France ornee par son Latin que là deduire selon l'ordre qu'il l'auoit trouuee escrete par les anciens escriuains, la rendue plus confuse & obscure qu'elle n'estoit: outre ce qu'il fest licentié de l'additionner de plusieurs choses fausses & mensongeres, qui estoient diuulguees de son temps: lesquelles on sçait bien n'estre aduenues aucunement aux temps auxquels il les attribue. Quant au fait de Clouis, les moines ont escrit qu'il deuint insensé & hors d'entendement par punition diuine. Et puis quand il eut recouuré son bon sens, qu'il conuoqua les Prelats de son Royaume à Clichy pres Paris, pour en leur presence faire reparation de l'excez & outrage fait à ladite Eglise. Combien que le Continuateur de Gregoire & d'Aimoinus tesmoignent, qu'il a fait vne mauuaise fin. Les autres disent que sa lignee s'en alla tousiours en decadence. Ce que ie laisse à considerer aux bons iugemens, qui peseront pareillement ce que du Tillet a escrit de ce fait en son Fpitome de la Chronique des Rois de France: Combien que s'il a esté vraiment insensé sur la fin de ses iours (comme ils disent) qu'il n'y a point de doute que de là, la puissance & auctorité des Maires du Palais n'ait pris beaucoup plus grand accroissement, n'y estant mesmement aucun de la lignee roiale en aage pour pouoir pretendre au gouuernement du Royaume contre eux. Et se doit aussi remarquer que de tous ceux qui ont regné en France iusques à Charles Martel ou Pepin, il ne s'en est veu aucun qui ne soit venu à la couronne fort ieune, & qui n'ait peu vesçu & regné. Or estoit Clouis (à ce qu'on a obserué) en la 14. annee de son regne, quād ceste grande famine & ce qui s'en ensuiuit, vint en France.

A v 10. Concile de Tolette celebré en la 8. annee du Roy Recestuinde, fut dit que la celebration de la feste de l'Annonciation nostre Dame n'estoit conuenable au temps de Carefme: & pourtant qu'on la deuoit celebrer 8. iours deuant Noel.

<i>Du Monde.</i>	4799	<i>Papes.</i>	5	<i>R. des Lombards.</i>	1
<i>De Iesus Christ.</i>	692	<i>E. d'Orient.</i>	21	<i>R. des Escossois.</i>	12
<i>Indiction.</i>	5	<i>R. des François.</i>	14	<i>Exarche d'Italie.</i>	10
<i>De l'Hegire 42. le 25. d'Avril.</i>		<i>R. des Visigoths.</i>	9	<i>Cal. des Sarrazins.</i>	6

CONSTANS se voyant hay de tous ses subiets, tant pour les pertes qu'il auoit faites contre les Sarrazins, que pour ses parricides & mauuais traitement fait aux Catholiques, entreprit de faire la guerre en personne aux Lombards, se persuadant qu'il en auroit bonne issue au moie de leurs dissentiōs. A cause dequoy il partit de la Grece, cōme disent Niceph. & Cedr. en la 20. annee de son regne, & se fit avec vne armee porter par mer en la Pouille.

ARIBERT Roy des Lombards fut par ses domestiques mis à mort, laissant deux fils, l'un nommé Partherith, & l'autre Gunderberth, qui departirent son Royaume entr'eux. De sorte que Gunderberth establit son siege à Milan, & l'autre à Paue. Mais pource qu'ils entrerent en different l'un contre l'autre, Grimoald Duc de Beneuent s'aduisa de faire son profit de leur querelle: en telle maniere qu'il institua son fils Romoald Duc de Beneuent: & puis avec vne armee s'en vint au secours (cōme il faignoit) de l'un des freres, afin d'auoir meilleur moyen de les surprendre tous deux, comme il fit. Car il chassa premierement Partherith de Paue, le contraignant de se retirer vers Cagan Roy des Auarois. Et puis se deffit tout à son aise de Gunderberth, lequel il fit mourir dedans la ville de Milan 15. mois apres le trespas de son pere. P. Diacre.

LA guerre prit tellement trait entre Hali & Muhantias, qu'ils se donnerent bataille pres la ville de Basra en l'Arabie heureuse, où Hali fut au rapport de la Chronique Arabeque mis à mort. Combien que Nicephore & les autres ont escrit qu'il fut occis par les embusches & pratiques dudit Muhantias, en vne Mosquee pres la ville de Cufa ou Saphis en l'Arabie. A cause dequoy le lieu où celà se fit, où il fut aussi enseuely, fut appellé Massadale, qui signifie

signifie la maison de Hali. Tant y-a cependant que les adherens dudit Hali, nommément les citoyens de Cufa & d'Arata firent prendre incontinent apres son trespas le nom de Calife à son fils aîné nommé Alhacem ou Alhalem, & selon d'autres Husem, qui luy a uoit engendré la fille de Mahomet. Mais il fut si pusillanime qu'il n'osa defendre son droit iusques au bout: ains aussi tost que son ennemy se fut présenté deuant luy en bataille, il s'alla volontairement rendre & remettre sa dignité quant & quant entre ses mains: laquelle toutesfois il luy restitua, pour ce que luy ayant fait boire du poison secrettement, il s'attendoit bien qu'il ne la pourroit garder longuement; tellement qu'il mourut au commencement du 6. mois, apres qu'il eut commencé à l'exercer. Qui fut le moyen par lequel elle reuint audit Muharias, & qu'il l'exerça encor seul iusqu'à sa mort, enuiron l'espace de 19. ans. Au commencement desquels il transporta son siege de la ville de Hescen où il l'auoit tenu cy deuant, en la cité de Damas, apres auoir rallié & reünny souz son obeissance les Sarrazins tant Orientaux que Meridionaux & Occidentaux. Lesquels deslors remarquerent si bien l'annee que ceste reconciliation fut faite, qu'ils l'appellerent Alema. Cependant ceux qui voulurent opiniastrément perseuerer es opinions de Hali, furent cruellement recerchez & persecutez comme heretiques & schismatiques par toute l'Asie du commandement de Muharias. Qui fut cause d'en faire retirer plusieurs tant en l'Afrique qu'en l'Arabie; où ils se maintindrent en telle sorte qu'il y a tousiours depuis demouré des propagateurs de leur secte. Chronique des Sarrazins, Niceph. Zon. Guill. de Tir, Jean Leon li. 3.

L'HERESIE des Charurgites auoit vogue en ce temps entre les Arabes. Nicephore.

Du Monde.	4800	Papes.	6	R. des Lombards.	1
De Iesus Christ.	663	E. d'Orient.	22	R. des Escossois.	13
Indiction.	6	R. des François.	16	E. d'Italie	11
De l'Hegire 43. le 14. d'Auril.		R. des Visigoths.	10	Cal. des Sarrazins	7

L'EMPEREUR estât arriué en Italie avec son armee, remit quelques villes de la Pouille en son obeissance. Mais en voulant aller plus outre, fut rencontré de l'armee du Roy Grimoald, qui défit vne bien grande partie de la sienne. De sorte qu'il fut contraint de se retirer hastiuement à Rome, où il fit son entree en l'Indiction 6. Et apres y auoir seiourné l'espace de 12. iours seulement, en partit pour aller en Sicile: aiant fait premierement charger sur des nauires, afin de le transporter à Constantinople, tout ce qui restoit de beaux & de precieux en la cité tant en richesses qu'en ouurages, statues antiques & peintures apres le sac des nations barbares, que l'on dit n'auoir esté de beaucoup pres si dommageable que cestui-cy. P. Diacre, Anastasius, Ado, Blondus.

GRIMOALD estant venu au dessus des deux freres, se mit en possession totale du Royaume des Lombards, duquel il fut iouissant iusques à son trespas par l'espace de 9. ans. Ainsi que P. Diacre & Onufrius tesmoigne. Selon la supputation desquels si Aribert auoit regné 9. ans, le regne de ses deux fils deuroit estre constitué l'an 665. Et la premiere annee de Grimoald l'an 666. Mais d'autant qu'il y a vne ancienne ordonnance dudit Roy Grimoald au Code des loix des Lombards dattee de la 6. annee de son regne, & de l'Indiction 11. elle nous monstre que son regne commença en la 6. Indiction enuiron l'an 663. de nostre Seigneur. Ioint que P. Diacre tesmoigne que Grimoald estoit ja en regne, quand l'Empereur Constans arriua en Italie: d'autant que ce fut luy-mesme qui le desconfit en bataille. Quant à l'armee que P. Diacre, Blondus & Platine disent auoir esté enuoyee par le Roy Clouis de France au secours des deux freres, & par le Roy Grimoald toute taillee en pieces, moiennant vne ruze par laquelle ils racomptent qu'il la surprist: il semble ou qu'ils ont fait la chose plus grande qu'elle n'a esté, ou qu'il n'en a esté rien du tout: d'autant qu'il ne s'en trouue aucune mention ny memoire, ny en Aimoinus, ny au Suppl. de Greg. de Tours, ny en aucune autre ancienne ou moderne Chronique de France. Et que Paul

Æmile approuue & afferme auoir trouué d'accord la plus part des auteurs en ce point, que la paix que le Roy Clotaire 1. fit avec le Roy Agilulf dura sans interruption iusques au Roy Pepin.

Vn schisme s'esleua en ce temps és Eglises d'Orient pour raison des ieunes. Paul Diacre.

<i>Du Monde.</i>	4801	<i>Papes.</i>	7	<i>R. des Visigoths.</i>	11
<i>De Iesus Christ.</i>	664	<i>E. d'Orient.</i>	23	<i>R. des Lombards.</i>	2
<i>Indiction.</i>	7	<i>R. des François.</i>	17	<i>R. des Escossois.</i>	14
<i>De l'Hegire 44. le 3.^d Avril.</i>				<i>E. d'Italie.</i>	12
				<i>Cal. des Sarrazins.</i>	8

L'EMPEREUR au partir de Rome se retira à Naples, & de là passa en la Sicile, où il séjourna depuis la 7. iusques à la 12. Indiction, au grand detrimēt & oppression des Siciliens. P. Diacre li. 5. chap. 5.

FERQVHARD 2. du nom Roy d'Escoffe, mourut en la 16. année de son regne. A cause dequoy les Escossois esleurent Malduin fils du feu Roy Doneuald pour estre leur Roy: tellement qu'il regna sur eux l'espace de 17. ans. Hector Boëthius liu. 9.

ALIDVVE Roy des Estranglois commença ceste année à regner, apres le trespas de son predecesseur. Beda.

PAR capitulation faite avec les Sarrazins, l'Empereur Constans leur resigna le droit qu'il pretendoit tant en la cité de Damas, qu'au reste aussi de ce qu'ils tenoient en la Syrie. Nicephore.

Les Eglises d'Angleterre & d'Escoffe estans de long temps en controuersē & dissentiō pour raison de la celebration de la feste de Pasques, que les vns vouloient celebrer selon la coustume des Asiatiques, & les autres à la forme de l'Eglise Romaine, se mirent finalement d'accord par le moyen d'un Synode. Mais ce fut en s'accommodant à la coustume de l'Eglise Romaine. Beda, Sigebert,

<i>Du Monde.</i>	4802	<i>Papes.</i>	8	<i>R. des Visigoths.</i>	12
<i>De Iesus Christ.</i>	665	<i>E. d'Orient.</i>	24	<i>R. des Lombards.</i>	3
<i>Indiction.</i>	8	<i>R. des François.</i>	18	<i>R. d'Escoffe.</i>	15
<i>De l'Hegire 45 le 23. Mars.</i>				<i>E. d'Italie.</i>	13
				<i>Cal. des Sarrazins.</i>	9

GRIMOALD entendant que l'armée de l'Empereur estoit passée en Afrique, se mit à retirer toutes les places que les Grecs auoient cy deuant reprises sur luy & sur les siens: & puis institua Trasemund Duc de Spolet, qui au parauāt estoit Duc de Capua seulemēt, en faueur des grands seruices qu'il luy auoit faits en la guerre contre l'Empereur. P. Diacre, Blondus.

CLOVIS 2. du nom mourut (au rapport d'Ado, P. Æmile & autres) apres auoir regné 18. ans, combien que le Continuateur de Gregoire & la Chronique de Dijon disent 18. Mais tant y a que ce fut pour le plus tard en la 23. année de son aage, si le dernier nombre est plus certain. Car selon le premier il seroit decedé en la 21. Dont on peut presumer que l'aîné des trois fils qu'il laissa nommé Clotaire (estants les autres Theodoric & Childeric, qui estoit ja Roy d'Austrasie) ne pouuoit estre encor qu'en bas aage, quand il succeda à la couronne de son pere par la prerogative de son aage. A cause dequoy il laissa gouverner les affaires par sa mere Bathilde, & par son Maire du Palais Ecsembauld, selon les autres Erich (qu'aucuns estiment aussi auoir esté appelé Duc de France) & ne fit en tout le temps de son regne (qu'on dit auoir duré 4. ans, ou selon du Tillet 5. pource qu'il dit y auoir tiltre de S. Denis daté de la 5. année d'iceluy) aucune chose digne de recommandation enuers la posterité, sinon qu'on estime qu'il entretint ses subiets en paix. Mais s'il luy faut donner cinq

cinq ans de regne, on comptera le 1. avec la 18. de son pere. Auquel du Tillet n'en a donné pour ceste occasion que 17. seulement.

CARCONBERT Roy des Anglois Orientaux mourut & luy succeda à sa couronne son fils nommé Egbert qui regna 8. ou 9. ans. Sigebert, Herman Contraët.

VNE armee de Sarrazins souz la conduite d'un Capitaine nommé Habdirramen entrerent dedans les provinces de l'Empire. Où s'alla joindre à eux vne grande troupe d'Esclavons, qui estoient au service de l'Empereur : & puis tous ensemble se ietterent dedans la Syrie, où ils prindrent & saccagerent la ville d'Apamea. Niceph.

<i>Du Monde.</i>	4803	<i>Papes.</i>	9	<i>R. des Lombards.</i>	4
<i>De Iesus Christ.</i>	666	<i>E. d'Orient.</i>	25	<i>R. des Esglises.</i>	16
<i>Indiction.</i>	9	<i>R. des François.</i>	1	<i>E. d'Italie.</i>	14
<i>De l'Hegire</i>	46 le 12. Mars.	<i>R. des Vvisigoths.</i>	13	<i>Cal. des Sarrazins.</i>	10

VN Capitaine Sarrazin, nommé Buzur fit quelques courses & entreprises sur les provinces de l'Empire. Nicephore.

LE Pape Virallianus fut aduerty, que les ceremonies & coustumes de l'Eglise Romaine, que ses ancestres auoient fait planter en Angleterre, s'en alloient en mespris & anichilement. A cause dequoy s'aduisa d'y enuoyer ceste année quelques moines avec vn Theodore de Tharse en la Cilicie, homme de grand sçauoir és lettres Grecques, pour les confermer & remettre au dessus. Ensemble aussi pour faire que les heures canoniques, cantiques, ceremonies & Messes y fussent faites & dites en langue Latine & selon la mode Romaine, avec les tonsures & onctions. Ainsi que Beda, & Baleus en les centuries racontent. Où il adioute que ce Theodore fut à cause de son sçauoir créé Archeuesque de Cantorbrie. En laquelle dignité il fonda & institua plusieurs escolles & vniuersitez en Angleterre pour l'institution de la ieunesse, tant és langues Grecques & Latines avec les sciences humaines & liberales. Qui fut cause d'y faire florir les lettres.

PIERRE Patriarche de Constantinople mourut, à cause dequoy vn nommé Thomas fut substitué en son lieu. Auquel il presida selon Zon. & Niceph. 2. ans, 7. mois. Combien qu'Onufrius luy attribue 18. ans.

<i>Du Monde.</i>	4804	<i>Papes.</i>	10	<i>R. des Lombards.</i>	5
<i>De Iesus Christ.</i>	667	<i>E. d'Orient.</i>	26	<i>R. des Esglises.</i>	1
<i>Indiction.</i>	10	<i>R. des François.</i>	2	<i>E. d'Italie.</i>	15
<i>De l'Hegire</i>	47. le 1. de Mars.	<i>R. des Vvisigoths.</i>	14	<i>Cal. des Sarrazins.</i>	11

CEPENDANT que l'Empereur estoit encore en la Sicile, d'où il enuoioit son armee faire guerre aux Sarrazins d'Afrique, son Lieutenant au pais d'Armenie nommé Saporius, se rebella contre luy, & pour sa seureté fallia des Sarrazins, qui s'en allerent à son secours. Nicephore.

ERCEMBAULD ou Erich Maire du Palais de France mourut. A cause dequoy le Roy Clotaire receut en son lieu pour son Maire vn Ebroin (selon les Allemans Ebernin) natif, à ce qu'on dit de Germanie, homme cruel, felon & malicieux, qui luy fut donné par les François. Quelques modernes ont voulu disecourir qu'il se sceut si finement accommoder aux complexions de ce Roy (qu'il voioit estre addonné à leur dire, à toutes voluptez & dissolutions) qu'il luy fit oublier la sollicitude de l'administration des affaires de son Royaume, & s'en decharger totalement sur luy. Mais comme la ieunesse où estoit Clotaire le peut iustifier des blâmes precedents. Car au temps mesmes qu'il mourut, il n'eut peu estre aagé de plus de 11. ou 12. ans, son pere ne l'engendrâ deuant l'aage de 14. ans. Aussi ne peut elle empêcher qu'on ne doie croire qu'Ebroin a esté le premier, qui abusant de l'imbecillité de l'aage de son maistre, esleua la puissance & auctorité de sa dignité au plus haut où elle

eust point encor esté, en rauallant aussi d'autant la grandeur & majesté de Rois. Tellemēt qu'ils ne peurent onques depuis si bien faire, que toutes leurs affaires d'importance ne passassent souz le bon plaisir de leurs Maires, demeurant deuers eux le vray effect de la principauté. Ainsi comme nous declarerons cy apres plus amplement. Pource que les successeurs de ce Clotaire se laisserent tellement aller à la mercy de leurs plaisir & voluptez, que la generosité & valeur de leurs ancestres se vit toute conuertie en eux en oisiveté, paresse & pusillanimité. Ioint que leurs Maires furent d'autant soigneux de les y nourrir & entretenir des leurs ieunesses (qui leurs seruoient comme d'instrument à leur faire prendre tel ply qu'ils vouloient) que diligens & aspres à defendre leur estat, contre ceux qui voulurent debatre & aspirer au gouuernement des affaires comme eux, souz pretexte de vouloir garder les droits de la couronne & de leurs Rois imaginaires, leur aiant osté ce chemin premierement ouuert & fraié par Ebroin.

SAPORIUS Gouverneur de l'Armenie & de la liziere de Perse pour l'Empereur, se rebellant contre son maistre entra en confederation avec Muhantias: tellement qu'il luy enuoya vne armee souz la conduite de Phadelas à son secours. Mais il mourut en la ville de Chalcedone auant qu'elle fut arriuee iusques à luy. Qui fut cause que Muhantias despecha son fils Iezid avec vne autre armee pour la ramener: lesquelles iointes ensemble prindrent les villes de Chalcedone & d'Amorium en Phrygie: qui toutesfois fut bien tost apres reprise par surprise des Imperiaux. Niceph.

<i>Du Monde.</i> 4805	<i>Papes.</i> 11	<i>R. des Lombards.</i> 6
<i>De Iesus Christ.</i> 668	<i>E. d'Orient.</i> 27	<i>R. des Escossois.</i> 2
<i>Indiction.</i> 11	<i>R. des François.</i> 3	<i>E. d'Italie.</i> 16
<i>De l'Hegire</i> 48. <i>le 19. Feurier.</i>	<i>R. des Visigoths.</i> 15	<i>Cal. des Sarrazins.</i> 12

GRIMOALD adiousta ceste annee quelques loix & ordonnances à celles de ses predecesseurs, qui furent inserees & comprises au Code des loix des Lombards.

A Thomas Archeuesque de Constantinople decedé fut donné pour successeur vn des ministres de ladite Eglise nommé Iean, qui presida au compte de Zon. 4. ans: ou selon Nicephore en sa Chroniq. 5. ans, 9. mois. Mais Onufrius n'estime pas qu'il soit venu si tost.

EN la mesme Indiction fut tenu vn Synode à Rome souz le Pape Vitallianus. Epist. d'iceluy.

<i>Du Monde.</i> 4806	<i>Papes.</i> 12	<i>R. des Lombards.</i> 7
<i>De Iesus Christ.</i> 669	<i>E. d'Orient.</i> 1	<i>R. des Escossois.</i> 3
<i>Indiction.</i> 12	<i>R. des François.</i> 4	<i>Exarche d'Italie.</i> 17
<i>De l'Hegire</i> 49. <i>le 8. Feurier.</i>	<i>R. des Visigoths.</i> 16	<i>Cal. des Sarrazins.</i> 13

CONSTANS estant pour ses mauuaises mœurs & pour ses exactions & paillardises intolerables en haine enuers tout le monde, donna occasion à ses domestiques nommément à vn Mizizius, qui cy-deuant auoit eu le gouuernement de l'Armenie, de conspirer contre luy. Dont ils dresserent si dextrement leur entreprise, qu'ils luy firent perdre la vie enuiron le 15. iour de Iuillet à Sarragosse en Sicile, en l'Indiction 12. comme le liure pontifical d'Anastasius en la vie du Pape Vitallianus, avec P. Diacre, Ado & Herman Contractesmoignent. Au moyen dequoy Mizizius se voulut emparer du tiltre Imperial. Mais il estoit encore si mal fondé, qu'il ne se peut defendre contre l'armee qui estoit en Italie, laquelle le deffit & occit. Combien que Nicephore & autres sont d'aduis que ce fut Constantin fils de Constans surnommé Pagonat, qui signifie Barbu, lequel fit passer vne armee en Italie pour venger la mort de son pere. Tant y a cependant que l'Empire luy demeura paisible par la mort du tyran. De sorte qu'on fait compte qu'il fut gouuerné par luy enuiron l'espace de dixsept ans, tesmoin Nicephore, Zonare, Anastasius, Georgius Cedrenus. Ou selon le calcul d'Onufrius 16. ans, 7. mois & aucuns iours. Nicephore

Nicephore adiouste que les legions luy voulurent du commencement donner de l'affaire, en faueur de ses freres Tyberius & Heraclius : dont toutesfois il se depestra si sagement, qu'il fit en fin couper le nez à sesdits freres, leur ayant osté le moyen de plus entreprendre sur luy.

ENVIRON ce temps, Loup Duc de Friuli se rebella contre le Roy Grimoald, lequel abhorrant la guerre ciuile aimoit mieux luy dresser vne partie avec le Roy Cacan, des Auarois, qui à sa suscitation le vint, accompagné d'une grande armee, enfermer dedans la ville de Friuli : où il le tint si longuement assiéger, que nonobstant qu'il se defendist vaillamment, il entra finalement dedans la ville, où il le tua : pour laquelle toutesfois recouurer, Grimoald fut contrainct de leuer vne armee, qui fit retirer lesdits Auarois. Et puis colloqua la fille du Duc defunct avec son fils Romoald Duc de Beneuent, apres auoir toutesfois inuesty vn Vectaris, de la Duché de Friuli. Qui fut cause qu'Arnefrides fils dudit Loup prit vne grande armee d'Esclauons pour la recouurer, avec lesquels il reuint assieger la ville : mais les Lombards firent vne saillie sur eux si à point, qu'ils les taillerent en pieces ou mirent honteusement en route. Dequoy les Princes de l'Esclauonnie se sentirent tellement picquez, qu'ils renuoyèrent vne nouvelle armee en Italie, pour venger ou effacer la honte de la premiere : laquelle au contraire la redoubla & augmenta. Car elle fut derechef rompue & deffaiete par Vectaris. P. Diacre, Blondus.

ESTANT le Roy Clotaire decedé sans enfans en la 5. annee de son regne, son frere Theodoric, estant l'autre nommé Childeric ia regnant en Austrasie, se mit du consentement des François, & par le moyent d'Ebroin Maire du Palais en son lieu : car Ebroin preuoyant que si Childeric Roy d'Austrasie venoit à succeder (selon son droit) à la couronne de France, que son Connestable Vifode le precederoit en credit & gouuernement d'affaires, il s'ingéra de faire couronner Roy Theodoric, qui estoit resté le plus ieune des enfans du feu Roy Clouis. Qui fut cause de faire venir Childeric avec toute sa puissance en France, par le moyen de laquelle il deffit ses ennemis : tellement que son frere tomba entre ses mains, lequel il enuoya rendre moine à saint Denis : & son Connestable Ebroin à Plombiers, ou selon les autres à Luxeul en Bourgogne. Et puis il se fit couronner Roy, au grand contentement de tous ses subiects, qui auoient vne bonne esperance de luy : laquelle toutesfois il trompa, pource qu'il regna tout son temps fort orgueilleusement & avec grande cruauté & iniustice. Les Chroniqueurs & Annalistes modernes, suiuan la supputation de Sigebert, estiment que son regne a duré depuis la mort de Clotaire 12. ans : & celui du Roy Theodoric apres luy 17. ans. Mais tous les autres conuiennent vnaniment, que le regne de Theodoric en a duré 19. souz lesquels aussi ils comprennent le temps qu'il fut moine, estant Childeric estably en son lieu : & si declarent assez euidentement (signamment Ado) que le regne dudit Childeric n'a esté de si longue duree qu'a dit Sigebert en sa Chronique. Lequel outre cela nous auons remarqué estre assez coustumier de tailler & couper des annees des Rois selon que bon luy semble sans auctorité, afin de les faire venir à son point, quand il ne peut autrement. Parquoy ie suiurai la trace des plus anciens, racomptant les choses aduenues souz ces deux Rois, par l'ordre qu'ils nous les ont données : nonobstant que nous ne voyons point qu'il se puisse sçauoir en combien d'annees elles se sont faictes : sinon que le Continueur de Gregoire nous fait soupçonner que Childeric a seulement regné enuiron 5. ans, pource qu'il dit que Theodoric en a regné 14. apres luy. Supplément de Gregoire, P. Emile, Chronique & Annales de France.

VNE armee de Sarrazins entree en Afrique, en emmena plus de quatre vingts mille prisonniers. Nicephore.

CE FARRIVS Euesque d'Arles, personnage docte, qui auoit esté auparauant moine, florissoit en ce temps : auquel fut Contemporain Colmanus Euesque de Lindisfarn en Angleterre.

BB ij

<i>Du Monde.</i>	4807	<i>Papes.</i>	13	<i>R. des Lombards.</i>	8
<i>De Iesus Christ.</i>	670	<i>E. d'Orient.</i>	2	<i>R. des Eſcoſſois.</i>	4
<i>Indiction.</i>	13	<i>R. des François.</i>	1	<i>E. d'Italie.</i>	18
<i>De l'Hegire 50. le 28. Janvier.</i>		<i>R. des Vviſigoths.</i>	17	<i>Cal. des Sarrazins.</i>	14

EGFREDE Roy des Northumbriens en Angleterre, commença en ceste Indiction à regner, selon Beda, apres le trespas de son pere Oſuue.

<i>Du Monde.</i>	4808	<i>Papes.</i>	14	<i>R. des Lombards.</i>	9
<i>De Iesus Christ.</i>	671	<i>E. d'Orient.</i>	3	<i>R. des Eſcoſſois.</i>	5
<i>Indiction.</i>	14	<i>R. des François.</i>	2	<i>E. d'Italie.</i>	19
<i>De l'Hegire 51. le 17. Janvier.</i>		<i>R. des Vviſigoths.</i>	18	<i>Cal. des Sarrazins.</i>	15

EN ce temps fut celebré vn Concile prouincial en la ville d'Auxerre. Liure des Conciles.

<i>Du Monde.</i>	4809	<i>Papes.</i>	1	<i>R. des Lombards.</i>	1
<i>De Iesus Christ.</i>	672	<i>E. d'Orient.</i>	4	<i>R. d'Eſcoſſe.</i>	6
<i>Indiction.</i>	15	<i>R. des François.</i>	3	<i>E. d'Italie.</i>	20
<i>De l'Hegire 52. le 6. Janvier.</i>		<i>R. des Vviſigoths.</i>	19	<i>Cal. des Sarrazins.</i>	16

VNE armee de Sarrazins, souz la conduite de deux Capitaines, à ſçauoir Muhammat & Cayſe, ſubiugua les païs de la Lydie & de Cilicie : & puis s'alla rendre deuant Conſtantinople pour l'afſieger, où il ſe vint ioindre à eux vne autre armee qu'un Capitaine nommé Canus conduiſoit. Nicephore.

GRIMOALD eſtant à Pauie, mourut, au moyen de quelques vnguens empoisonnez que ſes Medecins luy applicquerent ſur vne veine qu'il auoit ouuerte, ſouz couleur de vouloir eſtancher le ſang qui en couloit tres-abondamment. A cauſe dequoy ſon fils nommé Garibald, qu'il auoit eu de la fille du feu Roy Aripeth, fut, tout enfant qu'il eſtoit, déclaré Roy en ſon lieu par ſes amis : mais la Nobleſſe l'ayant en meſpris, à l'occaſion de ſon aage, rappella ſon oncle Partarith qui eſtoit en France, & luy rendit le Roiaume, lequel il poſſeda iuſques à ſa mort l'eſpace de 17. ans : à ſçauoir les ſept premiers ſeul & ſans compagnon, & les dix derniers avec ſon fils Chuniberth. P. Diacre.

RECESVINDE Roy des Vviſigoths mourut (teſmoin le catalogue des Rois Vviſigoths, qui eſt deuant le Code de leurs loix) le premier iour de Septembre, en l'Ere dccx. ferie iiii. heure iiii. an. viii. du Cicle Lunaire, Lune iiii. Au moyē dequoy les Vviſigoths eſleurent d'un conſentement pour regner ſur eux en ſon lieu, vn ſage & vaillant perſonnage nommé Vvamba ou Bamba, qui regna, ſelon le meſme teſmoignage, 8. ans, 1. mois, 13. iours : s'eſtant fait couronner le xiiii. des Kal. d'Octobre, Lune xxi. On dit que ſouz luy vne grande armee de Maures & de Sarrazins voulut venir prendre terre en Eſpagne, avec 27. nauires : mais que la tourmente la rompit & diſſippa.

LE ſiege Papal ayant vacqué depuis le trespas du Pape Vitallianus, qui mourut ceste annee le 27. iour de Ianuier, iuſques au 8. ou 9. d'Auril, vn moine nommé Adeodatus, de nous Dieu-donné, fils d'un Iouianus natif de Rome, fut eſleu pour gouuerner l'Egliſe Romaine : tellement qu'Onufrius fait compte qu'il preſida au ſiege Romain depuis ſon eſlection iuſques à ſon trespas, 4. ans, 2. mois, 16. iours.

Du Monde.

<i>Du Monde.</i>	4810	<i>Papes.</i>	2	<i>R. des Lombards.</i>	2
<i>De Iesus Christ.</i>	673	<i>E. d'Orient.</i>	5	<i>R. des Escossois.</i>	7
<i>Indiction.</i>	1	<i>R. des François.</i>	4	<i>E. d'Italie.</i>	21
<i>De l'Hegire 53. le 15. Decéb.</i>		<i>R. des Vvisigoths.</i>	1	<i>Calife des Sarrazins.</i>	17

L'ARMEE des Sarrazins campee deuant Constantinople, la tint assiegee depuis le mois d'Auril iusqu'au mois de Septembre. Mais l'arriuee de l'hyuer les fit retirer honteusement, avec grande perte de gens & de vaisseaux. Nonobstant quoy toutesfois ils ne laisserent de retourner l'annee d'apres & les autres suiuautes iusqu'à la septiesme, qu'ils furēt totalement deffaits & rompuz avec tout leur equipage de mer, tāt par les forces de l'Empereur, que par la tempeste. Mais en la 5. annee de Constantin, Florus, Petronius, & Cyprianus Capitaines d'iceluy sur la marine, vainquirent vne armee de Sarrazins: dont Suphian fils d'Auruph auoit la conduicte. Et puis brulerent la plupart de leurs nauires, par le moyen du feu Gregeois, qui fut lors excogité & inuenté par vn ingenieux nommé Callinicus, de la ville de Heliopolis de Cilicie. Nicephore.

RENOCINDE Duc de Celtiberie, dictē maintenant Arragon (ou comme dit Roderic) Hilderic Comte de Nismes, rappella par le conseil de Gunuld Euesque de Maguelonne qu'on dit maintenant de Montpessier) les Iuifs en son pais contre les statuts d'Espagne, & fit d'autres actes par lesquels le Roy Bamba sentit sa majestē tant offensē, qu'il enuoya vne armee contre luy souz la conduite d'un Capitaine Gascon ou François nommé Paul: lequel au lieu de satisfaire en loyautē à la charge qui luy estoit commise, se vint rendre du party de ceux qu'il deuoit guerroyer. Dont il fut force à Bamba de prendre luy-mesme la conduicte de ceste guerre en main: laquelle il amena si heureusement à chef, qu'il en veit la fin au bout de six mois apres que la ville de Nismes & toutes les autres qui s'estoiēt alienees de luy, se furent remises en la puissance: & qu'il eut fait receuoir aux chefs de ses ennemis par la perte de leurs yeux, le chastiment de leur temeritē. Iulianus Ponicerius Archeuesque de Tolette, en son liure intitulē *Prognosticon futuri seculi*. Roderic, Michael Riccius, Franciscus Tarata.

A v mesme temps le pais d'Aquitaine eut vn Duc nommé Loup. Roderic de Tolette.

ECBERT ou Ecbrech Roy des Kents mourut, & luy succeda en son Roiaume son frere nommé Lothere, qui regna 11. ans, 7. mois. Beda.

VNE armee de Sarrazins entree dedans le pais de Thrace, assiegea par mer & par terre la ville de Cyzicum, & l'ayant prise, ne cessa par l'espace de 7. ans de guerroyer les autres prouinces de l'Empire. Nicephore.

A v Concile prouincial celebre ceste annee en la ville de Herdfort en Angleterre, fut ordonné que la feste de Pasques seroit celebre par toutes les Eglises d'Angleterre, selon la coustume de l'Eglise Romaine: & que le Clergé seroit distinguē en ordres par l'Archeuesque Theodore. Dauantage, que les quatre Conciles generaux seroient tenuz & approuuez. Beda, Baleus.

<i>Du Monde.</i>	4811	<i>Papes.</i>	3	<i>R. des Lombards.</i>	3
<i>De Iesus Christ.</i>	674	<i>E. d'Orient.</i>	6	<i>R. des Escossois.</i>	8
<i>Indiction.</i>	2	<i>R. des François.</i>	5	<i>Exarche d'Italie.</i>	22
<i>De l'Hegire 54. le 5. Decéb.</i>		<i>R. des Vvisigoths.</i>	2	<i>Cal. des Sarrazins.</i>	18

CHILDERIC Roy de France estant d'esprit leger & de mœurs dissoluz, donna de grādes occasions aux François de mescontentement de soy, par ses mauuaises façons de faire: l'une desquelles fut qu'il cōfina (à ce que dit Sigebert) Leger Euesque d'Authun, personnage de sainte vie, au monastere de Luxeuil. Combien qu'aucun des anciens n'en fait mētion. Qui plus est, le supplēment d'Idatius afferme qu'il fut souz luy en si grand credit, qu'il estoit comme Maire du Palais: mais par vne autre il fit donner les estriuiers (sans aucune raison)

à vn gentil-homme nommé Bodile : dont il excita vn tel scandale contre luy, que la plupart des plus grands seigneurs de son Roiaume se rebellerent contre luy à l'exemple de Ingolbert ou Vigobert & Amalbert : donnans occasion à Bodile de tellemēt apprehender les moiens de venger l'injure qui luy auoit esté faite, qu'il l'espia vn iour qu'il reuenoit de la chasse, où il le fit massacrer à l'aide de ses complices : lesquels aussi ne firent non-plus de grace à sa femme, quoy qu'elle fust enceinte. Qui fut cause que Vlfualde s'enfuit en Austrasie : & que les seigneurs de France prindrent au lieu de luy pour Maire de leur Palais, par le conseil de Leger Euesque d'Authun, Leudesie ou Leudesile fils du feu Ercembauld. Lequel (comme semblent vouloir signifier Aimoinus & Ado) tirāt Theodoric ou Thierry du monastere, le remit au siege Royal. Mais le Continuateur de Gregoire declare que ce fut Ebroin. Ce que nous estimons estre aduenü enuiron ce temps, plustost qu'en la 13. apres la mort du Roy Clotaire.

Le Synode vnziesme de Tolette, & le troisieme de Braccara en Espagne, furent celebrez en ce temps.

<i>Du Monde.</i>	4812	<i>Papes.</i>	4	<i>R. des Lombards.</i>	4
<i>De Iesus Christ.</i>	675	<i>E. d'Orient.</i>	7	<i>R. des Escossois.</i>	11
<i>Indiction.</i>	3	<i>R. des François.</i>	6	<i>E. d'Italie.</i>	23
<i>De l'Hegire 55. le 24. Nombre.</i>		<i>R. des Visigoths.</i>	3	<i>Cal. des Sarrazins.</i>	19

A Vvolphere Roy des Mericiens en Angleterre decedé, succeda son frere nommé Edilrede ou Egilrede, qui regna 25. ans. Auquel temps aussi Cadouallo Roy des anciens Bretons mourut, & luy succeda son fils Cadualadrus, selon Polydore. Mais Guillaume de Malmesberie commence seulement l'an 678. le Roiaume de ce Edelfrede, auquel il attribue aussi 30. ans de duree.

A Iean Patriarche de Constantinople decedé, fut substitué audit Patriarchat vn nommé Constantin, qui presida vn an, 11. mois, 7. iours. Nicephore, Zonare.

<i>Du Monde.</i>	4813	<i>Papes.</i>	5	<i>R. des Lombards.</i>	5
<i>De Iesus Christ.</i>	676	<i>E. d'Orient.</i>	8	<i>R. des Escossois.</i>	12
<i>Indiction.</i>	4	<i>R. des François.</i>	7	<i>E. d'Italie.</i>	24
<i>De l'Hegire 56. le 13. Nombre.</i>		<i>R. des Visigoths.</i>	4	<i>Cal. des Sarrazins.</i>	20

ESTANT la Cour de France en grande confusion par la mort du Roy Childeric, Ebroin sortit de son cloistre : & ayant ietté le froc aux orties, se fit chef d'une troupe de gens ramassez, qui accoururent de toutes parts à luy, souz l'esper de pescher en eau trouble : avec lesquels, suiuant l'aduertissement que S. Ouen ou Odoëne Euesque de Rouën (cy deuant Referendaire de France) luy enuoya donner, qu'il se souuint de Fredegonde : il alla charger le train de Leudesile (qui ne se donnoit aucunement garde de luy) de si desesperée façon, qu'il en fit vn chappelis horrible : avec lequel il gaigna les finances du Roy. Puis en poursuivant Leudesile, il le fit souz sa foy venir parler à luy : contre laquelle toutes-fois il le fit desloyalement mettre à mort. Au moyen dequoy il retira Theodoric de son monastere : & l'ayant remis en l'estat Royal, se fit par luy confermer & reintegrer en la dignité qu'on luy auoit ostée. A l'occasion aussi de laquelle il se mit à rechercher & poursuivre si cruellement ses ennemis, & ceux qui luy auoient esté contraires en aduersité, qu'il rendit la Cour & la France toute sanglante de meurtres, de massacres & de saccagemēs, sans espargner sexe ny aage, ny qualité ny sainteté. De sorte que combien que Leger Euesque d'Autun se fust rendu grandement recommandable enuers tous, par l'innocence & integrité de sa vie, n'eschappa de ses mains avec son frere Gerin à meilleur marché que d'une cruelle mort.

EDILREDE Roy des Mericiens fit en ce temps guerre au Royaume de Kents. Beda.

P A R

PAR le trespas du Pape Adeodatus, qui mourut le 26. iour de Iuin, le siege Papal demeura vacquant iusqu'au 2. ou 3. iour de Novembre, auquel Domnius ou Dominus 1. du nom fils d'un Maurice citoyen Romain, fut esleu pour tenir le siege Romain, auquel il presida 2. ans, 5. mois, 10. iours.

Du Monde.	4814	Papes.	6	R. des Visigoths.	5
De Iesus Christ.	677	E. d'Orient.	9	R. des Lombards.	6
Indiction.	5	R. des François.	8	R. des Esgossois.	13
De l'Hegire 57. le 2. Nouëbre.				E. d'Italie.	9
				Cal. des Sarrazins.	21

UNE nation de gens appelez les Mardaites, se saisirent ceste annee des sommets des montagnes qui sont depuis le mont Taurus iusqu'au Liban : où les captifs, esclaves, & ceux du pais qui estoient mal-traitez des Sarrazins, s'allerent ioindre à eux. De sorte que leur nombre en fut merueilleusement augmenté. Au moyen dequoy ils commencèrent à donner tant d'affaires & de fascheries aux Sarrazins, qu'ils se rendirent merueilleusement redoutables à eux. Parquoy Muharias s'aduisant du danger où ils l'auoient reduit, enuoya bien humblement demander paix à l'Empereur ; qui par un mauvais aduis la luy octroya pour 30. ans : encore qu'elle semblast fort aduantageuse & honorable pour l'Empire : d'autant que par les conuentions d'icelle les Sarrazins estoient tenuz de payer tous les ans un grand tribut d'argent, d'esclaves & de cheuaux à l'Empereur. Niceph. Cedrenus, Zonare.

LE Pape Domnus fit si bien en ce temps par ses raisons & remonstrances enuers Theodore Archeuesque de Rauenne, qu'il se soubmit & son Eglise à la Romaine, avec laquelle ses predecesseurs auoient depuis enuiron cent ans souz la faueur des Exarches disputé & debatue de la superiorité : ou pour le moins n'auoient voulu confesser tenir ny despendre du siege Romain. Laquelle soubmission toutesfois se fit contre le gré, tant du Clergé que du peuple de Rauenne. Auquel cependant force fut de dissimuler iusques à Iustinian 2. pource que l'Exarche s'entendoit avec Domnus. Platine, Sabellic, Naucler,

Du Monde.	4815	Papes.	7	R. des Visigoths.	6
De Iesus Christ.	678	E. d'Orient.	9	R. des Lombards.	7
Indiction.	6	R. des François.	9	R. d'Esgosse.	14
De l'Hegire 58. le 22. Octob.				E. d'Italie.	10
				Cal. des Sarrazins.	22

LES Auarois, Esclauons & autres nations ennemies ordinaires de l'Empire Romain, informées de l'accord fait par l'Empereur avec les Sarrazins, enuoyerent aussi deuers luy pour se mettre d'appoinctement. Nicephore.

APRES le trespas de Constantin, un Prestre nommé Theodore fut substitué au Patriarchat de Constantinople, par lequel la doctrine Catholique fut constamment maintenue. Dont il semble qu'à son occasion l'Empereur se delibera de faire assembler un Concile vniuersel à Constantinople, & qu'il l'enuoya signifier en ceste Indiction au Pape Domnus, plustost que comme a estimé Sigonius pour le Patriarche George, qui ne fut esleu de trois ans apres.

Du Monde.	4816	Papes.	8	R. des Lombards.	8
De Iesus Christ.	679	E. d'Orient.	10	R. des Esgossois.	15
Indiction.	7	R. des François.	10	E. d'Italie.	11
De l'Hegire 59. le 11. Octob.		R. des Visigoths.	7	Cal. des Sarrazins.	23

PETHARIT ou Partharit Roy des Lombards, fit ceste annee regner son fils Chuniberth avec luy : contre lesquels Alahis Duc de Trente se rebella quelque temps apres : mais il fut vaincu. P. Diacre.

DOMNVS Pape mourut le 11. iour d'Auril, laissant son siege vaquant iusqu'au 10. iour de Juillet: auquel Agatho 1. du nom fils d'un Pannonius de Panorme en Sicile fut esleu pour luy succeder au siege Papal où il presida 2. ans, 6. mois. Gratian tesmoigne qu'il ordonna que les decrets & ordonnances des Papes de Rome fussent receuz en telle estime & auctorité enuers les Chrestiens, comme s'ils estoient commandez des Apostres & de la parole de Dieu. Beda liu. 4. chap. 8. de son histoire d'Anglet. tesmoigne qu'il enuoya ceste année vn certain moine en Angleterre nommé Iean, qui estoit premier chantre de Rome, pour enseigner aux Anglois la façon de lire & de chanter és temples avec l'usage des ceremonies: ensemble aussi la maniere de celebrer la Messe selon la maniere de l'Eglise Romaine. De sorte qu'il assembla pour cest effect vn Synode prouincial en la ville d'Azuinford, où il presida. Qui estoit la maniere pour reduire de tous points les Eglises d'Angleterre au modèle de la Romaine.

<i>Du Monde.</i>	4817	<i>Papes.</i>	9	<i>R. des Lombards.</i>	9
<i>De Iesus Christ.</i>	680	<i>E. d'Orient.</i>	11	<i>R. des Escossois.</i>	16
<i>Indiction.</i>	8	<i>R. des François.</i>	11	<i>E. d'Italie</i>	12
<i>De l'Hegire 61. le 30. de Septembre.</i>		<i>R. des Vvisgoths.</i>	8	<i>Cal. des Sarrazins</i>	1
				<i>R. des Bulgariens.</i>	1

De l'origine & Royaume des Bulgariens.

LA nation des Bulgariens habitans en son ancien país de Scythie, entre les paluds Meotides & les fleuves qu'on disoit Athel & Tanais, estoit diuisee en deux cantons, l'un desquels se nommoit des Onogundureusiens, & l'autre des Contragiens; lesquels auoient vn peu au parauant vn Roy nommé Orbatus, qui à sa mort laissa cinq fils qui departirent son Royaume entre eux. Mais les quatre derniers prenant les habitans des país qui leur estoient aduenus en leurs partages, s'en allerent chercher leur fortune en autres diuerses contrees. De sorte que leur aîné seul qui se nommoit Buthaias ou Bathaias demeura avec ses subiets en son ancien país. Auquel la nation des Gazariens sortant en nombre infiny de la profonde Scythie, apres auoir subiugué toutes les prouinces qui sont depuis leur país iusques à la mer Pontique, se vint volontairement soubmettre à luy, & le receuoir pour Prince & Roy. En telle façon qu'ils se mirent encore souz sa conduite à faire la guerre aux prouinces de l'Empire du costé de la Thrace. Qui fut cause que l'Empereur assembla toutes ses forces de terre & de mer. Avec lesquelles il eust fait quelque chose de bon sur eux, si vne maladie de iambes ne l'eut fait retirer de son camp, mettant ses gens en telle des fiance, qu'ils se mirent quasi deux-mesmes en routte. Au moyen dequoy les Bulgariens firent vn eschet memorable: & poursuivirent leur fortune si asprement, que l'Empereur fut en fin cōtraint de s'obliger à eux d'une grande pension tous les ans en maniere de tribut, pour les faire deporter de rien entreprendre sur l'Empire. Autres aussi disent qu'il leur permit semblablement de prendre la Moesie inferieure, pour y accommoder leur residence & demeure: A l'occasion de laquelle elle retient encore le nom de Bulgarie. Diction dont l'origine prouient du fleuve dit Bulga, qui passoit par le país où ils habitoient premierement. Cependant Buthaias se trouue auoir en ceste maniere regné sur eux iusques à son trespas environ l'espace de vingt ans. Nicephore en ses Annales, Nicephore Gregoras liure 2. Sigebert.

BAMBA Roy des Vvisgoths estant releué d'une fort dangereuse maladie prit en tel mépris les biens & honneurs de ce monde, qu'il resigna volontairement sa couronne le 14. iour d'Octobre, qui estoit iour du Dimeneche & le 15. de la Lune, entre les mains des Vvisgoths, pour en disposer à leur volonté. Mais vn Seigneur nommé Eringius fils d'un Capitaine

Capitaine Andernascus, qui estoit venu de Grece au temps du Roy Chindasuinde, iouïa si dextrement son personnage enuers eux, qu'ils l'accepterent pour leur Roy, & le firent couronner le 21. iour d'Octobre apres auoir deboutté Theofrede fils du feu Roy Recisuinde du droict qu'il pretendoit à la couronne. Au moyen dequoy il regna au rapport de tous les auteurs l'espace de 7. ans. Au premier desquels il fit celebrer le 12. Concile de Tolette que son predecesseur auoit ja fait publier. Le 6. chap. duquel monstre que l'election des Euesques estoit lors en la disposition des Rois. Ce que le Catalogue des Rois des Vvisigoths, qui est deuant le Code de leurs loix, & le mesme Code aussi avec la soufcription dudit Concile tesmoignent estre aduenü en l'Ere dccxviii. Iulianus Pomœrius Archeuesque de Tolette, homme de sçauoir, qui a vescu souz ce Roy, confesse aussi en son 3. liu. contre les Iuifs qu'il estoit en regne en l'Ere dccxxiiii. laquelle à son dire se rapportoit à la 686. de nostre Seigneur: pource que le Principe de leurs Eres se prenoit trête huiët ans deuant la natiuité de Iesus Christ.

MUHAMMAD Calife des Sarrazins, mourut en la 24. annee de son regne à compter depuis le trespas d'Othmen l'an 60. de l'Hegire ayant vn fils nommé Gizid ou Iesid homme lasche & pusillanime, qui luy succeda en l'Amirauté, & au Califat des Sarrazins, où il ne dura seulement que 3. ans, 8. mois. Chron. Arabesque & Niceph.

Le trouble que l'heresie des Monothelites donnoit es Eglises d'Orient, fut cause de faire conuoquer vn Synode de grand nombre d'Euesques d'Italie à Rome, par lesquels le Pape fit condamner ladite heresie. Et puis le fit sçauoir aux Eglises d'Angleterre, qui pour la mesme occasion assemblerent vn autre Synode en la ville de Hedfort, pour y cōfermer le decret du precedent. Beda. liu. 4. ch. 17.

Il se trouue aussi qu'un Synode fut au mesme temps celebré en l'Archeuesché de Milan pour la mesme occasion. Ce qui se faisoit pareillement pour recueillir les sentences & iugemens des Eglises d'Occident, afin de les enuoyer au Concile qui se deuoit assembler à Constantinople. Neantmoins toutesfois il ne se trouue point par escrit que les Eglises des Gaules & des Espagnes se soient assemblees ny fait ouyr en toute ceste negotiation. Ce qui fait penser à aucuns que c'est pource qu'elles ne s'estoient encores assubiecties ny accoustumées à receuoir les mandemens des Papes.

Du Monde.	4818	Papes.	10	R. des Lombards.	10
De Iesus Christ.	681	E. d'Orient.	12	R. d'Ecosse.	17
Indiction.	9	R. des François.	12	E. d'Italie.	13
De l'Hegire 62. le 19. de Septembre.		R. des Vvisigoths.	1	Cal. des Sarrazins.	2
				R. des Bulgariens.	2

L'EMPEREUR Constantin ayant conceu quelque mauuaise opinion de ses freres Tybere & Heraclius, les priua & demit de la dignité Cæsarienne, & regna deslors seul avec son fils Iustinian. Niceph. Cedrenus.

ENVIRON ce temps Vulfalde ou Volfande Maire du Palais d'Austrasie mourut, à cause dequoy les Austrasiens luy substituerent en sa dignité ou en la regence des affaires de leur Royaume Pepin fils d'Angile selon le Continuateur de Gregoire (qui l'appelle seulement *Nobilem Francum*) ou comme les autres veulent d'Anchises ou Anchisifus fils de S. Arnoul & de Bega fille de Pepin l'ancien: luy donnant pour adioint & compagnon en icelle son cousin germain nommé Martin (que les Historiens de Lorraine disent auoir esté fils de Clodulfe Duc (à leur dire) de Mosellane 2. fils de S. Arnoul. Ce que toutesfois Sigebert a voulu rapporter à l'an 687. Mais d'autant que nous auons monstre que Childeric & Théodoric n'ont si longuement regné qu'il s'est persuadé, il faut necessairement que cecy soit aduenü beaucoup plustost: combien que ie ne voy pas qu'on puisse certainement designer l'année à laquelle il est deu.

L'EMPEREUR Constantin estimant que la perte qu'il auoit faite cy deuant contre les Bulgariens luy estoit aduenüe par les offenses de luy & de son peuple contre Dieu: & que

le premier moyen de rappaiser l'ire diuine seroit de supprimer & estouffer le schisme & les controuerses & differents qui troubloient les Eglises d'Orient, & les tenoient en diuision d'auec les Occidentales depuis l'espace de 46. ou 50. ans, à l'occasion de l'heresie des Monothelites, & de ceux qui dogmatizoient, qu'il n'y a qu'une operatiō & volonté en Christ, assembla de son propre mouuement & auctorité ceste annee, qui estoit la 28. depuis que son pere luy eut fait prendre le nom d'Auguste (ce que les Collecteurs de l'histoire de Magdebourg n'ont entendu) & la 13. depuis le trespas de son pere, Indiction aussi 9. en la cité de Constantinople, vn Concile vniuersel que lon appelle le 6. vniuersel, qui auoit ja esté publié les annees precedentes. Auquel tesmoin Nicephore, se trouuerent 299. Euesques, sur lesquels l'Empereur presida estant assis avec les principaux de sa cour au milieu: entre les Legats du Pape Agathon qui tenoient le costé gauche, & les Patriarches Georges de Constantinople & Macharius d'Antioche qui estoient au droict, avec les Legats des deux autres Patriarches. En la 4. section fut luë l'epistre que le Pape Agathon escriuoit à l'Empereur Constantin & à ses freres. Au cōtenu de laquelle il louoit le zele & affection dudit Empereur à conuoyer le Concile: & que par l'obeissance qu'il luy deuoit, il auoit enuoyé suiuant son commandement certains Euesques à ceste assemblée au nom de luy & du Synode qu'il auoit celebré à Rome. En fin estant la doctrine des Monothelites bien debatue & examinee, & les raisons que Macarius d'Antioche voulut proposer pour la defense d'icelle, (de laquelle il estoit le principal fauteur) diligemment ouyes & confutees: elle fut du consentement de tous declaree erronee, pernicieuse & contraire à la parole de Dieu. A cause dequoy anathematizee avec ceux qui l'auoient maintenue & maintenoient encore tant viuans que decedez. Suyuāt laquelle conclusion Macharius Patriarche d'Antioche ne voulant recognoistre sa faute fut demis de sa dignité. Et vn Theophanes subrogé en son lieu qui y presida enuiron 5. ans, depuis son election qui fut faicte en la 10. Indiction, à la fin aussi de laquelle le Synode fut acheué comme on voit par les actes d'iceluy qui furent enuoyees au Pape Leon successeur d'Agathon, lequel les approuua & conferma. Neantmoins Onufrius s'est osé persuader par le tesmoignage d'Anastasius qu'ils furent falsifiez, mesmement à l'endroit où ils condamnent la memoire du Pape Honorius. Par laquelle raison il faudroit aussi que ceux du 7. Concile de Nicee & du 8. de Constantinople eussent esté corrompus. Mais si les Papes ont approuué d'autres actes que ceux que nous auons, c'est merueilles ou qu'ils ne les ont fait publier eux-mêmes, ou qu'Anastasius de son temps & Onufrius n'en ayent veu les vrais & legitimes exemplaires en la Bibliotheque Papale, d'autant mesmement qu'on dit que le Pape Leon les translata en Latin. Cedrenus dit que ce Synode 6. fut celebré 129. apres le 5. vniuersel, & 122. deuant le 7. qui fut celebré à Nicee. Tous lesquels il afferme aussi auoir esté appelez œcumeniques & vniuersels, par ce que tous les Euesques, signamment les Metropolitains & Patriarches qui estoient souz l'Empire Romain, furent mandez par les Empereurs pour s'y trouuer & assembler.

ESTANT Theodore Patriarche de Constantinople demis quelque temps deuant que le Concile precedent fust assemblé, George fut substitué en son lieu, qui y presida 3. ans 3. mois. Onufrius a faussemēt estimé qu'il fut esleu en l'an 682. Sigonius aussi s'est abusé declarant qu'il estoit ja esleu dès l'an 678.

<i>Du Monde.</i>	4819	<i>Papes.</i>	1	<i>R. des Lombards.</i>	11
<i>De Iesus Christ.</i>	682	<i>E. d'Orient.</i>	13	<i>R. des Escossois.</i>	18
<i>Indiction.</i>	10	<i>R. des François.</i>	13	<i>E. d'Italie.</i>	14
<i>De l'Hegire 63. le 8. Septēb.</i>		<i>R. des Visigoths.</i>	2	<i>Calife des Sarraxins.</i>	3
				<i>R. des Bulgariens.</i>	3

EBROIN aduertit du changement qui estoit en Austrasie par la mort du Maire Vlfualde, enuoya (comme escrit P. Aemile) sommer les Princes Pepin & Martin au nom du Roy Theodoric son maistre, de se venir représenter deuant eux: & puis à leur refus mena les forces de France en Austrasie pour les employer contre eux. Mais les plus anciens eicri-uains declarent que Pepin & Martin furent les premiers qui commencerent la guerre au Roy Theodoric: tellement qu'ils amenèrent leur armee iusques en France, où elle fut rencontrée

contree de celle d'Ebroin en vn lieu nommé Locofie, lequel la combattit de telle animosité qu'il mit les Austrasiens en route: estant Pepin contraint de se sauuer en Austrasie. Mais Martin n'eut loisir que de se retirer à Laon d'où Ebroin le fit sortir souz la mesme foy qu'il auoit cy deuant donnee à Leudesile: laquelle aussi luy fut de mesme fidelité gardee. A cause dequoy les Austrasiens se remeirent entierement souz le gouuernement de Pepin. Continuateur de Gregoire, Ado.

EN ce temps vn nommé Muftar ou Mutar Lieutenant de Gifdan au Roiaume de Perse cognoissant la lascheté de son maistre se rebella contre luy, & en s'attribuant le nom de Propheté, excita vn grand schisme entre les Sarrazins, aucuns estiment qu'il estoit de la secte de Hali; & que de luy est procedee la race des Rois qui regnent au iourd'huy en Perse souz le nom de Sophi. Niceph. Cœlius August.

AGATHON Pape de Rome mourut le 10. iour de Ianuier, laissant son siege vacquât iusques au 10. du mois d'Aoust, auquel Leon 2. du nom natif de Sicile fut esleu pour pasteur de l'Eglise Romaine, laquelle on dit qu'il gouuerna l'espace de 10. mois, 19. iours. Platine dit qu'il approuua les actes du 6. Concile vniuersel, & qu'il les translata luy mesme en Latin. On dit aussi que l'Empereur commanda en sa faueur à l'Eglise & aux Archeuesques de Rauenne, de rendre obeissance aux Euesques de Rome, & se faire consacrer par eux.

Du Monde.	4820	Papes.	1	R. des Lombards.	12
De Iesus Christ.	683	E. d Orient.	14	R. d'Escoffe.	19
Indiction.	11	R. des François.	14	E. d'Italie.	15
De l'Hegire 64. le 29. Aoust.		R. des Visigoths.	3	Cal. des Sarrazins.	4
ptembre.				R. des Bulgariens.	4

EN cetemps Romnal Duc de Beneuent subiugua & soubmit à foy les villes de Tarente & de Brindes, avec les pais d'alentour. Comme P. Diacre tesmoigne, qui toutesfois refere cecy au temps qu'Alahis Duc de Friol fut occis. Mais le temps de Romnal nous admoneste qu'il le faut icy rapporter. Pource que depuis la victoire precedente Ebroin continuoit de plus en plus en ses cruautéz, il trouua en fin vn Hermenfroy qui les luy fit laisser avec la fin de sa vie, & puis se sauua vers Pepin en Austrasie. Au moyen dequoy le Roy Theodoric ou bien les Seigneurs de France prirent vn Vvaraton pour leur Maire du Palais, homme sage & prudent, lequel fit paix avec Pepin & les Austrasiens, qui ne dura gueres. Auteurs precedents.

AV mesme temps Canaladrus succeda en la grande Bretagne au Royaume des anciés Bretons, de la lignee desquels il estoit, à son pere Caduallon decedé, & regna 3. ans. hist. d'Angleterre.

EGFRIDE Roy des Northumbriens mena en ce téps vne armee en Hibernie contre les Pictes. Sigebert.

LES habitans de la ville de Cufa en Arabie se mescontentans de la mauuaise vic de Gizid esleurent Halhiatem ou Hacem contre luy Calife.

PAR le trespas du Pape Leon 2. qui mourut le 28. de Iuin, le siege Romain demeura vacant l'espace de 11. mois, 21. iour. Onufrius.

Du Monde.	4821	Papes.	1	R. des Lombards.	13
De Iesus Christ.	684	E. d Orient.	15	R. d'Escoffe.	20
Indiction.	12	R. des François.	15	E. d'Italie.	16
De l'Hegire 65. le 18. Aoust.		R. des Visigoths.	4	Cal. des Sarrazins.	5
				R. des Bulgariens.	5

VVARATON auoit vn fils nommé Gislemare fin, malicieux & ruzé en affaires d'estat, auquel il faisoit exercer sa lieutenance. Au moien de laquelle il ioüa si bié son personnage,

qu'il supplanta son pere de son estat. Et puis s'estant estably en iceluy recommēça la guerre à Pepin, en laquelle il gagna quelque victoire sur luy par trahison, dōt il eut courte ioie. Car bien tost apres le retour de ce voyage n'ayant voulu faire raison à son pere comme S. Audoēne l'admonestoit, fut preueni de la iustice diuine, qui l'osta de ce monde. Continuateur de Gregoire.

ANCHISES ou Anchisus heritier de Pepin l'ancien de par sa femme Bega, & pere de Pepin surnommé Herister, qui luy succeda en ses biens & seigneuries, & fut cy apres Maire de deux Palais de France, mourut, selon Richard de Vassebourg. Mais ce que nous auons dit es annees precedentes, monstre que ce trespas est pluſtost adueni. Si d'auenture Pepin ne gouuernoit ja l'Austrasie deuant le trespas de son pere.

EGRIDE Roy de Northumberlande apres auoir quelque temps fait la guerre aux Pictes fola en fin trop temerairement attaquer à eux : tellement qu'il fut deffait & occis en la 18. annee de son regne. Au moyen dequoy son frere nommé Alfrede luy succeda à sa couronne, & regna 19. ans: nonobſtāt qu'il ne fust né de legitime mariage. Sigebert, Guill. de Malmesberie.

S V I V A N T le trespas du Calife Gezid, les Sarrazins qui tenoient son party en la ville de Damas, esleurent pour leur Calife son fils Abdala, cōbiē que d'autres l'appellēt fils de Zubedir: lequel fit marcher tout incontinent toute sa puissance contre Alhiatem ou Haccem fils de Hali, lequel mit traitreusement à mort en la plaine de Carbala pres la ville de Cufa, enuiron vn an apres qu'il eut pris la dignité de Calife. Ce pendant les Sarrazins de la Phœnicie & Palestine esleurent vn Marnan pour leur Calife, contre lequel aussi Abdala eut guerre & le tua en fin comme l'autre au bout de 9. mois. Au moyen de quoy l'Empire des Sarrazins luy demeura l'espace de quelque temps en tranquillité. Chronique Arabesque, Nicephore.

BENOIST 2. du nom fut esleu Pape de Rome le 19. iour de Iuin. Au moyen dequoy on compte qu'il a presidé 10. mois, 27. iours. Blondus, Platine & Onufrius tesmoignēt que l'Empereur Constantin ordonna en sa faueur que l'election qui seroit d'oresnauant faite legitimement par le clergé & par le peuple, seroit vallable, sans qu'il fallut plus attendre le consentement ny l'approbation des Empereurs ou des Exarches.

E N ce temps l'heresie de Pelagius & de Heluidius fut resueillée en Espagne par aucuns partis d'Auuergne, qui maintenoient que la vierge Marie n'auoit tousiours esté vierge. Mais ils furent confondus par Alfonse Archeuesque de Tolette. Roderic.

E S T A N T George Patriarche de Constantinople decedé, Theodore fut restitué en son lieu, auquel il presida de rechef 3. ans. Niceph.

L E 13. Cōcile de Tolette fut celebré en la 4. annee du Roy Eringius, & en l'Ere dccxxi. Le liure des Conciles & le Code des loix des Vvisgoths.

<i>Du Monde.</i>	4822	<i>Papes.</i>	1	<i>R. des Lombards.</i>	14
<i>De Iesus Christ.</i>	685	<i>E. d'Orient.</i>	16	<i>R. des Escossois.</i>	1
<i>Indiction.</i>	13	<i>R. des François.</i>	17	<i>E. d'Italie.</i>	14
<i>De l'Hegire</i>	66. le 7. Aoust.	<i>R. des Vvisgoths.</i>	5	<i>Cal. des Sarrazins.</i>	1
				<i>R. des Bulgariens.</i>	6

P A R la mort de Gislemare, Vvaraton se remit en l'estat de Maire du Palais de France. Auquel on ne ſçait pas certainement combien il y dura, nonobſtant qu'on ſçait bien qu'il ne le garda pas fort long temps apres le trespas de son fils, le laiſſant par le sien entre les mains de son gendre nommé Bertaire qui ne fut gueres, agreable aux Seigneurs de France, à cause de son peu d'entendement, & de ce qu'il meſpriſoit leurs conſeils. Suppl. de Gregoire, Ado.

CANALADVS dernier Roy des Bretons de la grāde Bretagne, apres auoir deffait Lothaire Roy des Saxons de Kents, & aussi Atholuald Roy des Saxons Occidentaux, tant à raison des guerres continuelles commencees, que pour la grande famine & pestilence qui y estoit lors, il s'en alla à Rome, où il s'estoit rendu religieux, mourut bie tost apres, sans laiſſer lignee ou ſucceſſeur en son Royaume. Lequel perdit son nom bien tost apres le trespas d'iceluy. Car les Bretons furent appelez Vvolches, en François Galots ou Galois,

lois, & leur païs Gales. Ce qu'on dit estre aduenü 236. ans apres l'entree des Anglois & Saxons en la grande Bretagne souz la conduite de Hengestus & Horsus.

A Lothere Roy des Anglois decedé succeda son fils nommé Edric qui regna 2. ans. Beda.

A v mesme temps aussi Malduin Roy d'Escoffe mourut en la 20. année de son regne, estranglé par sa femme pour sa paillardise, laquelle en fut bruslée, & fut substitué en son lieu Eugene 5. du nom, qui estoit son nepueu, lequel regna 4. ans. Hector Boëthius.

Les Sarrazins de la faction de Hali estans ennemis iurez de la race d'Eubocara nommée entre les Arabes Maraunonia ou Maraunia: de laquelle estoit le Calife Abdalla, pource qu'elle auoit longuement vsuré le Califat sur celle de Hali qu'ils nommoient Abazona, à qui elle sembloit mieux appartenir, comme tirant sa source de Mahomet, s'assemblerent de rechef en la ville de Cufa, où ils firent prédre le tiltre de Calife & d'Amiras à Habdimelech, selon d'autres Habdulmalich ou Melech, fils selon Nicephore de Marnan, ou comme les autres disent de la race Abazione: lequel fut si fauorisé de fortune, qu'il vint en fin au dessus de tous ses competeurs & aduersaires, tellement que l'Empire des Sarrazins fut (au compte de Nicephore, Cedrenus & Zonare occupé par luy l'espace 22. ans. Selon lesquels aussi il renouella & conferma la paix au commencement de son regne, que son ayeul auoit faite avec l'Empereur. Et puis enuoia vne partie de ses forces avec vn sien Capitaine nommé Ziphien (qu'ils estiment auoir esté frere de Muhanias) contre Muhtar tyran de Perse; lesquelles furent desconfites par luy. Mais la Chron. Arabesque tesmoigne qu'il despecha premierement vn sien parent nommé Ciafa contre son competeur Abdalla, & qu'il marcha ce pendant en personne contre vn autre aduersaire nommé Dadacus, qui s'estoit au meisme temps esleué contre luy.

BENOIST 2. Pape de Rome mourut le 15. iour de May: & fut 2. mois, 5. iours apres son trespas Iean 5. du nom natif d'Antioche pour gouverner l'Eglise Romaine; lequel presida 1. an, 9. iours. Luit prand & Platine disent qu'il ordonna, que comme il auoit esté consacré par les Euesques d'Hostie, du Port & de Velitres, que ses successeurs aussi le seroient par les mesmes.

THEODORIC Roy de France, par le conseil du Maire Ebroin fit conuoquer vn Synode de Prelats de France, par lesquels il fit degrader & enuoyer en exil Amand Archeuesque de Sens, & Lambert Euesque d'Vtrai, encores qu'ils fussent estimez saints personnages. Sigebert.

Le 14. Synode de Tolette fut célébré en la 9. année du Roy Eringius.

Du Monde.	4823	Papes.	1	R. des Lombards.	15
De Iesus Christ.	686	E. d'Orient.	1	R. des Ecossois.	2
Indiction.	14	R. des François.	17	Exarche d'Italie.	1
De l'Hegire 67. le 27. Iuillet.		R. des Vpifigoths.	6	Cal. des Sarrazins.	1
				R. des Bulgariens.	7

CONSTANTIN surnommé Pogonat 4. du nom mourut enuiron la fin du mois de Ianuier, laissant Fl. Heraclius Iustinianus 2. du nom son fils heritier & successeur de l'Empire, qui fut le dernier de la race du grand Heraclius, & regna depuis le trespas de son pere iusques à ce qu'il fust chassé, 11. ans, 5. mois & aucuns iours: selon que tesmoignent Niceph. & Zon. Le temps de son regne nous est confirmé par vne ancienne ordonnance ou iussion dattee la 2. année de son Empire, & de la 15. Indiction. Si l'epist. aussi qu'on dit auoir écrite par luy au Pape Iean qui est de la mesme Indiction & année & du 13. des Kal de Mars est vraye, il faut que le Pape Iean soit decedé plus tard qu'Onufrius n'a estimé, ou bien que l'epist. ait esté écrite & enuoyée deuant son trespas, & que son successeur la reçeut.

ROMVALD Duc de Beneuent mourut, laissant vn fils nommé Grimoald qui luy succeda en sa Duché, & la posseda 3. ans. P. Diaere.

INASSII. Roy des Saxons Occidentaux descédu de la lignee de Cerdicus premier autheur du Royaume des Saxons Occidentaux d'Angleterre, s'empara par la mort du Roy Cualadrus dernier Roy des Bretons du Royaume d'iceluy: lequel il fit appeller Gales, & luy fut aussi le 1. appelé Roy d'Angleterre. Il regna 37. ans, durant lesquels il eut plusieurs guerres avec les Rois des Saxons de Kent.

A v meſme temps Egfrede Roy de Northumberlande (qu'on diſoit autrement de Bernich) violant, ſe voyant aſſiſté des forces de tous les autres Rois Saxons qui eſtoient en Angleterre, denonça la guerre au nouveau Roy d'Eſcoſſe (nonobſtant qu'il fuſt en trefues avec les Eſcoſſois :) tellement qu'il mena vne grande armee contre luy, laquelle toutes-fois fut miſerablement deffaiſte pres la riuiere de Leuce en Galonai en vne cruelle bataille qu'il leur donna, où luy-meſme fut tué ſur le champ, avec enuiron 20. mille de ſes gens: ſans que les Eſcoſſois perdiſſent que 6. mille de leur : à ce que teſmoignent leurs hiſtoires. Selon leſquelles auſſi Brudus Roy des Pictes ſe trouua à la iournee precedente du coſté des Saxons : mais il les trahit laſchement.

HABDIMELECH renouellant la paix que ſes predeceſſeurs auoiét faiſte avec l'Empereur, obtint quant-&-quant (pource qu'il augmentoit le tribut qu'il auoit accouſtumé de payer que les Mardaites fuſſent oſtez du mont Liban. Ce qui fut cauſe cy apres de la ruine del'Empire. Cependant Iuſtinian ne laiſſa d'enuoyer vne armee en l'Armenie, ſouz la conduite d'un ſien Patrice nommé Leoncius, qui ſe porta ſi heureuſement en ceſte charge, qu'il remit l'Armenie en l'obeiſſance de ſon maiſtre, apres en auoir dechallé les Sarrazins : enſemble auſſi la Medie, Albanie, & Hircanie. A cauſe dequoy Habdimelech ſe trāſporta à Cerceſium, où il ſ'empara de la ville d'Eupolis.

JEAN 5. du nom Pape de Rome, mourut le 3. iour d'Aouſt. A cauſe dequoy Pierre Archepreſtre del'Egliſe Romaine, & Theodore Preſtre, ſe rendirent competeurs de la dignité Papale. De ſorte que l'un d'eux fut eſleu par le peuple, & l'autre par les gens de guerre. Mais pource que par ceſte diuiſion la cité fut miſe en grand trouble, en fin fut trouué bon de tous de les debouter tous deux, & proceder à nouuelle eſlection : par laquelle Conon ou Chuno natif de Thrace, fut du conſentement de toutes les parties déclaré Pape le 21. iour d'Octobre. En ſorte qu'il preſida au ſiege Papal 11. mois entiers, en l'eſpace deſquels on dit qu'il enuoya vn Chilianus moine Eſcoſſois en la Franconie ou France Orientale, pour conuertir les François à la Religion Chreſtienne.

CEPENDANT pource que le Synode dernier de Conſtantinople n'auoit fait aucuns Canons, l'Empereur Iuſtinian fit rasſembler la pluſpart des Eueſques qui ſ'y eſtoient trouuez, iuſqu'au nombre de 227. leſquels compoſerēt iuſqu'au nombre de 102. Canons, pour la police & réformation de l'Egliſe (comme Pierre Eueſque de Nicomedie, & Gratian en ſon decret teſmoignent) leſquels toutesfois le Pape de Rome ne voulut receuoir ny approuuer, pource que les 13. 36. 46. & 52. contrariaient aux ſtatuts, ordonnances & priuileges de l'Egliſe Romaine. Ce qui a fait eſtimer à Blondus & à Sabellic, que ceſte nouuelle aſſemblée auoit eſté faiſte en haine du Pape Romain. Neantmoins Anaſtaſius en ſon hiſtoire Eccleſiaſtique, ſuiuant le teſmoignage de Theophanes, debat fermement que leſdits Canons ne furent faits ny compoſez ou publiez que 27. ou 28. ans apres en la 2. année du retour de Iuſtinian à l'Empire, ainſi que nous dirons encore cy apres. Mais l'epiſtre que l'Empereur eſcriuit au Pape, declare ſeulement, qu'il luy ſignifia qu'ayant trouué le regiſtre du Synode & des actes d'iceluy fait par ſon pere, qu'il auoit aſſemblé le Synode mentionné cy deſſus : afin de les faire ſoubsſigner & cacheter tant par luy & par les principaux officiers de ſon Palais, que par vn chacun des Prelats, à ce qu'ils ne peuſſent eſtre cy apres falſifier ny corrompuz.

A Theophanes decedé ſucceda au Patriarchat d'Antioche Alexandre, qui preſida 16. ans.

Du Monde.	4824	Papes.	1	R. des Lombards.	16
De Ieſus Chriſt.	687	E. d'Orient.	2	R. des Eſcoſſois.	3
Indiction.	15	R. des François.	18	E. d'Italie.	2
De l'Hegire 68. le 16. Iuillet.		R. des Viſigots.	7	Cal. des Sarrazins.	2
				R. des Bulgariens.	8

L'EMPEREUR Iuſtinian rompant la paix que ſon pere auoit faiſte avec les Eſclauons & Bulgariens, mit ſus vne armée, qu'il enuoya pour leur faire la guerre. Nicephore, Cirenus.

ESTANT Theodore ſurnommé Calliopa Exarche decedé, Iean ſurnommé Platine, des autres

autres Platon, fut par Iustinian establi en son lieu, lequel gouverna l'Italie sous tiltre d'Exarche 15. ans. Anastasius.

A v mesme temps Alachis Duc de Trente ayant gagné quelque victoire sur le Prince de Bauiere, en deuint si presomptueux, qu'il osa mespriser son Roy Pertarich : lequel à ceste occasion l'alla assieger iusques dedans sa ville, où il receut vne lourde estrille par vne saillie que les assiegez firent sur luy. Neantmoins Chunipeit son fils qu'il auoit lors avec luy, fut cause de le faire desister de son entreprinse, reprenant Alahis en sa grace : mais il preueit bien que son ennemy rendroit cy apres mauuaise grace à son fils de celle qu'il luy faisoit. P. Diacre.

BERTAIRE Maire du Palais de France, pour estre mal capable de la charge qu'il portoit (à cause du peu de sens qu'il auoit) se rendit si peu agreable aux seigneurs de France, qu'ils s'alienerent de luy, & allerent (signamment vn Andramne & Reole) prendre intelligence avec Pepin, pour l'inciter à recommencer la guerre au Roy Theodoric, & à son Maire Bertaire. Tellement qu'il amena vne armee contr'eux, qui les vint rencôtrer en vn lieu nommé Texieres en Vermandois, où il les desfit & mit en route. Ce qui donna moyen & occasion à aucuns de la suite de Bertaire (qui ne l'aimoient point) de le mettre à mort : par laquelle le Roy Theodoric fut reduit à la necessité de faire la paix avec Pepin, luy mettant le gouvernement de son Palais en main, comme il auoit ia celuy d'Austrasie. Au moyen dequoy la France qui sembloit estre diuisee & departie, se rassembla en son ancien corps sous luy, & commença de recouurer son lustre qu'elle auoit quasi perdu par les diuisions & dissensions precedentes. Lesquelles aussi auoient donné occasion aux Aquitains & Gascons de se ranger à part sous le gouvernement d'un propre prince qu'ils appelloient Duc. A cause dequoy Roderic de Tolette fait mention d'un tel Duc en ce temps, qu'il appelle Loup. Or pource que tous les auteurs conuiennent, signamment Fredegair en son supplément de Gregoire & Aimoinus, que Pepin a exercé la Mairie (ce que nous entendons de celle de France) l'espace de 37. ans, 6. mois : celà nous a fait rapporter le commencement d'icelle à ceste annee, avec les occasions par lesquelles il y paruint.

BRIDAVS Roy des Pictes en ce temps mourut, & eut pour successeur apres luy en son Roiaume son fils Douardus. Ioannes Maior.

VILFRED fils d'Egbert, succeda enuiron ce temps à son pere au royaume de Kents; auquel temps aussi estant Edrich Roy des Anglois decedé, les autres Rois ses voisins mirent en desarroy son royaume, par l'espace de 4. ans. Sigebert.

PAR le trespas du Pape Chuno decedé le 20. iour de Septēbre, l'Eglise Romaine tomba derechef en trouble, à cause de deux contendans à la Papauté, qui estoient Theodore, Prestre, & Paschal Archidiaque, lesquels par leurs brigues s'efforçoient de se faire eslire. De sorte que deux mois 23. iours se passerent deuant qu'il y eust aucun legitimentement déclaré Pape, iusques à ce que par accord on les eust tous debouttez, pour prendre Sergius natif de Sicile, fils d'un Antiochien: lequel presida depuis son election faite le 17. iour de Decembre iusques à son trespas, 13. ans, 8. mois 23. iours. Le liure Pontifical, Beda, P. Diacre, liu. 6. chap. 4. de l'histoire des Lombards, Ado, Othon de Frisingen, & Blodus tesmoignent que pource qu'il ne voulut approuuer ne confermer les canons du Concile de Constantinople nouvellement faits (encore que P. Diacre dise l'erreur ou les decrets du Concile heretique fait à Constantinople sous l'Empereur Constantin) Iustinian son fils enuoya Zacharie son Protospataire en Italie pour le prendre, & luy enuoyer à Constantinople. Mais quel'Exarche & la gendarmerie qui estoit es enuiron du pais d'Italie, l'empescherent de ce faire.

APRES le trespas de Theodore Euesque de Constantinople vn nommé Paul succeda en son lieu, qui y presida 7. ans. Nicephore.

<i>Du Monde.</i>	4825	<i>Papes.</i>	1	<i>R. des Lombards.</i>	17
<i>De Iesus Christ.</i>	688	<i>E. d Orient.</i>	3	<i>R. des Escossois.</i>	4
<i>Indiction.</i>	1	<i>R. des François.</i>	19	<i>E. d Italie</i>	3
<i>De l'Hegire 69. le 5. Juillet.</i>		<i>R. des Vvisgoths.</i>	1	<i>Cal. des Sarrazins</i>	3
				<i>R. des Bulgariens.</i>	9

QUELQUES peuples d'Esclavons ayants esté vaincus en bataille par l'Empereur Iustinian, se rendirent à luy. Mais les Bulgariens vindrent assaillir son armee en vn destroit si a point, qu'ils la mirent en routte. De sorte que luy-mesme se sauua malaisement. Nicephore, Cedrenus.

PARTHERITH Roy des Lombards mourut, laissant son fils Chuniperth, qui tint son Royaume apres luy l'espace de 12. ans. Contre lequel Alahis Duc de Trente se reuolta de rechef. De sorte qu'ils se menerét vne fort cruelle & lōgue guerre, à la fin de laquelle Alahis se trouuant quasi victorieux fut vaincu & occis: apres auoir mis les affaires de Chuniperth en tel branle au moyen des batailles qu'il gaigna sur luy, qu'elles se veirent sur le point d'estre renuersees.

QUELQUE temps apres que Pepin eut pris possession de la Mairie de France, luy estant de besoin d'aller reuoir les affaires d'Austrasie, institua vn sien fauorit nommé Norbert son Lieutenant & Vicaire pour exercer sa charge en son absence au gouuernement de la France, & des deux fils qu'il auoit, fit Drogon qui estoit l'aîné, Duc de Champagne. Auteurs precedents.

ESTANT le Roy Eringius des Vvisgoths decedé, Egica succeda au Roiaume d'Espagne en faueur de ce qu'il estoit son gendre, aiant espousé sa fille Cæcilia ou Cæclonq, & cousin du Roy Bamba: nonobstant qu'il fust fort vieux & mal viuant. Cependant les hist. d'Espagne nommément de Roderic tesmoignent que son regne a duré 10. ans.

EUGENE 5. du nom, Roy d'Escoffe apres auoir gaigné vne grande bataille sur Egfrede Roy de Northumberland, mourut en la 4. annee de son regne. Au moyen dequoy le Royaume d'Escoffe reuint à Eugene 6. du nom, fils du feu Roy Ferquhard, qui le posseda dix ans. Hector Boëthius liu. 9.

MUCTAR estant vaincu en vne grosse bataille par Musalé frere du Calife Abdalla Zubar, prit la fuitte en la Syrie; où il fut mis à mort. Au moyen dequoy toute la Perse fut reduitte en l'obeissance de Abdalla pour ledit Musabe. Mais comme il sen retournoit avec son armee victorieux à Damas, Habdimelech le vint rencontrer aupres del'Euphrates, où il le chargea si furieusement qu'il le deffit & occit. Parquoy toute la Perse reuint en la puissance de Habdimelech. Chron. Sarraz. & Nicephore.

CEDOVALVS Roy des Anglois Orientaux s'en alla ceste annee à Rome, où il fut baptizé par le Pape Sergius, & mourut bien tost apres. Herman Contract.

<i>Du Monde.</i>	4816	<i>Papes.</i>	2	<i>R. des Lombards.</i>	1
<i>De Iesus Christ.</i>	689	<i>E. d Orient.</i>	4	<i>R. des Escossois.</i>	1.
<i>Indiction.</i>	2	<i>R. des François.</i>	1	<i>E. d Italie.</i>	4
<i>De l'Hegire 70. le 24. Iuin.</i>		<i>R. des Vvisgoths.</i>	2	<i>Cal. des Sarrazins.</i>	4
				<i>R. des Bulgariens.</i>	10

THEODORIC Roy de France apres auoir regné 19. ans mourut, laissant deux fils, l'aîné nommé Clouis, qui fut 3. du nom (combien qu'Ado, s'il n'y a faute, l'appelle Clotaire) en fort bas aage: lequel regna au compte du Continueur de Gregoire, Ado & Sigebert, 4. ans, nonobstant qu'Aimoinus par la faute des escriuains n'en dise que deux.

CADVALADRVs Roy des anciens Bretōs se sentant trop foible pour resister aux efforts des autres Rois d'Angleterre, & estant aussi contraint par vne mortalité qui couroit en son pais, s'estoit retiré par quelques annees en la petite Bretagne: d'où s'estant remis en chemin pour retourner en son Royaume, vne deuotiō le surprit d'aller à Rome: où il mourut laissant ceux qui luy succederent en son Royaume, fort embesongnez contre leurs anciens

ciens

ciens ennemis: qui se defendirent encore fort vaillamment & longuement contr'eux. Sigebert.

H A B D I M E L E C H aiant ja mis bas vne partie de ses ennemis, enuoia son parent Ciafas que Nieephore appelle Caian, pourfuiure les autres. Lequel s'adressa premierement à Abdalla Zubir, & fit en sorte qu'il le chassa de la Cité de Damas, où il auoit regné trop tyrâniquement. Et l'ayant encore pourfuiuy iusqu'en Egypte, ne luy bailla loisir de s'y establir vne seure retraitte. De sorte que force luy fut de se retirer en vne isle, où ceux qui le recognerent le firent mourir. Qui fut la maniere par laquelle la race & domination des Califes de Damas fut exterminée & supprimée. D'autant que toutes les prouinces des Sarrazins & Mahumetistes se rendirent sans exceptiō souz la main d'Abdimelech. Et ne se trouua plus aucun qui se voulust formaliser cōtre luy. Mesmement apres que Ciafas fut entré au nom de luy en la cité de Damas, & y eut fait cruellement mourir tous ceux qui se trouuerēt de la race Maronione; & rechercher aussi les autres qu'on disoit en estre par les autres prouinces. Qui fit que ceux qui peurent euader, se sauuerent en la Mauritanie Tingitane; entre lesquels se trouua vn Abderramon ou Abedramon, qui s'y acquit par son hipocrisie vne telle auctorité & reputation entre les Mahumetistes du pais, qu'ils l'esleuerēt pour leur Calife. Dont aucuns ont estimé qu'il fut le 1. qui y prit le tiltre de Miralmunin, qui signifie en langue Arabesque le Prince des croians: & qui fonda semblablement la grande eité de Maroc. Combien que les autres l'attribuent à Ioseph fils de Tefin, Chron. Arabesque, Nicephore.

<i>Du Monde.</i>	4827	<i>Papes.</i>	3	<i>R. des Lombards.</i>	2
<i>De Iesus Christ.</i>	690	<i>E. d'Orient.</i>	5	<i>R. des Escossois.</i>	4
<i>Indiction.</i>	3	<i>R. des François.</i>	2	<i>E. d'Italie.</i>	5
<i>De l'Hegire 71. le 13. Iuin.</i>		<i>R. des Vuisigoths.</i>	3	<i>Cal. des Sarraxins.</i>	5
				<i>R. des Bulgariens.</i>	11

R O M N A L Duc de Beneuent mourut, & luy succeda Gisulfe son frere en ladite Duché, laquelle il posseda 17. ans. P. Diacre. Il me semble que ce fut souz le Roy Clouis 3. que les Saxons & Sueuiens (qui à l'occasion des guerres precedentes s'estoient par succession de temps distraits de la subiection & obeissance des François, furent sommez par Pepin de reuenir en leur deuoir. Et pource qu'ils luy firent cognoistre qu'il ne les y pourroit faire retourner que par force, il passa le Rhin avec vne armee cōtre eux: par laquelle il leur donna de si lourdes algarades, qu'ils furent en fin rangez au point qu'il voulut. Au moyen dequoy la France demeura quelque temps en paix, recourant petit à petit son auctorité & renomnee enuers les nations estrangeres.

E S T A N T le Royaume de la petite Bretagne troublé des partialitez, pource que plusieurs y pretendoient. Daniel surnommé Deinrus, qui signifie face vermeille, se mit dedās à la trauerse, & par armes en deietta tous ses competeurs. Puis sen fit couronner Roy, & y regna comme on dit 41. an. Annal. de la petite Bretagne.

L E 15. Concile de Tolette fut célébré en la 3. année du Roy Egica. Li. des Conciles.

<i>Du Monde.</i>	4828	<i>Papes.</i>	4	<i>R. des Lombards.</i>	3
<i>De Iesus Christ.</i>	691	<i>E. d'Orient.</i>	6	<i>R. d'Escoffe.</i>	5
<i>Indiction.</i>	4	<i>R. des François.</i>	3	<i>E. d'Italie.</i>	6
<i>De l'Hegire 72. le 3. Iuin.</i>		<i>R. des Vuisigoths.</i>	4	<i>Cal. des Sarraxins.</i>	6
				<i>R. des Bulgariens.</i>	12

L' E M P E R E U R Iustinian vsant de mauuais conseil rompit la paix qu'il auoit faite avec les Sarrazins, en ne se voulant contenter de la monnoye qu'on luy enuoioit pour le tribut qu'ils deuōient. Et puis volut transporter le peuple qui estoit en Cypre ailleurs pour la repeupler d'autre, lequel fut par la tormente submergé & noyé en la mer. Nicephore, Cedrenus.

<i>Du Monde.</i>	4829	<i>Papes.</i>	5	<i>R. des Lombards.</i>	4
<i>De Iesus Christ.</i>	692	<i>E. d'Orient.</i>	7	<i>R. des Eſcoſſois.</i>	6
<i>Indiction.</i>	5	<i>R. des François.</i>	4	<i>E. d'Italie.</i>	7
<i>Del' Hegire 73. le 23. May.</i>		<i>R. des Vviſigoths.</i>	5	<i>Calife des Sarraxins.</i>	7
				<i>R. des Bulgariens.</i>	13

I V S T I N I A N faſſeurant en vne troupe de 30. mille Eſclauons qu'il auoit fait venir à ſon ſeruiſſe, oſa commencer la guerre aux Sarraxins: de forte qu'il gagna vne grande victoire ſur eux pres la ville de Sebaſtopolis. Mais leur Capitaine Muhammat trouua ſi bien le moyen de gagner le Capitaine des Eſclauons, qu'ils ſe vindrent quaſi tous rendre à luy. Au moyen dequoy il mit bien facilement en routte l'armee de l'Empereur. En deſpit dequoy il fit precipiter dedans la mer tout le reſte d'Eſclauons qui eſtoient demourez avec luy. Niceph. Ccdr.

L E S Saxons & Sueuiens à l'occaſion des guerres des François, s'eſtoient par ſucceſſion de temps diſtraits de leur ſubiection & obeïſſance. Mais Pepin les ayant ſommez de reuenir en leur deuoir, entendit qu'il faudroit qu'ils les y fiſt retourner de force. Partant il paſſa le Rhin avec vne armee contr'eux, qui leur donna tant d'algarades qu'ils furent en fin rangez au point qu'il voulut. Au moyen dequoy la France demeura quelque tēps en paix, recourant petit à petit ſon auſtorité & renommee enuers les nations eſtranges.

H E V R E D Roy des Saxons Occidéaux mourut, & luy ſucceda en ſon Royaume ſon fils nommé Inas, qui regna 27. ans. En l'eſpace deſquels il vainquit en guerre les Rois de Kents & des Saxons Orientaux. Puis à la fin de ſes iours ſ'alla rendre moine à Rome.

<i>Du Monde.</i>	4830	<i>Papes.</i>	6	<i>R. des Lombards.</i>	5
<i>De Iesus Christ.</i>	693	<i>E. d'Orient.</i>	8	<i>R. des Eſcoſſois.</i>	7
<i>Indiction.</i>	6	<i>R. des François.</i>	1	<i>E. d'Italie.</i>	8
<i>Del' Hegire 74. le 12. May.</i>		<i>R. des Vviſigoths.</i>	6	<i>Cal. des Sarraxins.</i>	8
				<i>R. des Bulgariens.</i>	14

S A B B I S ou Sabbatius Gouverneur de l'Armenie pour l'Empereur, ſçachant le deſaſtre qui luy eſtoit aduenu, rendit toute l'Armenie entre les mains des Sarraxins: leſquels auſſi remirent au meſme temps toute la Perſide interieure qu'on nommoit Ceraſa en leur obeïſſance. Mais il ſe trouua lors vn Sabinus, qui par ſes embuſches deſſit grand nombre d'eux. Ce nonobſtant ils ne laiſſerent de là en auant de touſiours entreprendre & ſurmarcher hardiment ſur l'Empire. Niceph. Ccdr.

C L O V I S 3. du nom Roy de Frâce mourut eſtāt encore fort ieune, laiſſant ſa ſucceſſion à ſon frere Childebert, qui fut 2. du nom: lequel par le moyen d'icelle regna ſur les François de 17. à 18. ans. Ainſi que teſmoigne avec Aimoinus Herman Cōtraēt: lequel auſſi cōmence comme nous le regne d'iceluy ceſte annee, & le finit 710. nonobſtant que les exemplaires imprimez du Supplément de Gregoire & d'Ado n'en diſent que xiii. eſtant poſſible ceſte faute ſuruenue par les eſcriuains, qui deuoient mettre xviii. Tant y-a qu'il ſemble que ce fut ſouz luy que Pepin fit guerre à Rabod Duc de Friſe, qui eſtoit encore Païen & Idolatte. De forte que l'ayant vaincu & ſubiugué par vne bataille, ne voulut autrement faire paix avec luy qu'il ne permiſt qu'un moine nommé Vvillebrot, des autres Clement, homme de ſçauoir & de bonne vie, allaſt inſtruire les Friſons en la religion Chreſtienne, laquelle fut par ce moien receuë de la pluſpart du peuple. Mais les principaux du païs demeurèrent en leur ancien erreur avec leur Prince: qui toutesfois eut vne fille nommee Theodoſinde qui fut Chreſtienne, laquelle eſpouſa Grimoald le plus ieune des fils legitimes de Pepin. P. Æmile, Sigebert.

Du Monde

<i>Du Monde.</i> 4831	<i>Papes.</i> 7	<i>R. des Lombards.</i> 6
<i>De Iesus Christ.</i> 694	<i>E. d Orient.</i> 9	<i>R. des Escossois.</i> 8
<i>Indiction.</i> 7	<i>R. des François.</i> 2	<i>Exarche d'Italie.</i> 9
<i>De l'Hegire 75. qui commen-</i>	<i>R. des Visigoths.</i> 7	<i>Cal. des Sarrazins.</i> 9
<i>ce le 1. de May.</i>		<i>R. des Bulgariens.</i> 15

IVSTINIAN estant vne fois absent, laissa le gouuernement de la cité de Constantinople à vn Eunuche nommé Estienne: lequel abusant de ceste auctorité, commettoit tant d'insolences, qu'entr'autres il osa se iouer de bailler les estriuières à la mere de l'Empereur comme à vn enfant. De laquelle temerité l'Empereur fit si peu de compte, qu'il s'en acquit la haine & mal-vueillance de tout le monde. Cependant Muhammad Capitaine des Sarrazins, accompagné des Esclauons, vint faire des courses dedans les prouinces de l'Empire. Nicephore, Cedrenus.

A Paul Patriarche de Constantinople decedé, fut substitué au Patriarchat vn nommé Callinicus, qui presida 12. ans. Nicephore.

Le dixseptiesme Concile de Tolette en Espagne, fut celebré en la septiesme année du Roy Egica. Roderic.

<i>Du Monde.</i> 4832	<i>Papes.</i> 8	<i>R. des Lombards.</i> 7
<i>De Iesus Christ.</i> 695	<i>E. d Orient.</i> 10	<i>R. d'Escoffe.</i> 9
<i>Indiction.</i> 8	<i>R. des François.</i> 3	<i>E. d'Italie.</i> 10
<i>De l'Hegire 76. le 26. Avril.</i>	<i>R. des Visigoths.</i> 8	<i>Cal. des Sarrazins.</i> 10
		<i>R. des Bulgariens.</i> 16

GRIMOALD Duc de Bauiere (qui estoit demeuré seul de tous ses freres) mourut, laissant vn fils nommé Theodon 6. qui tint le Roiaume de Bauiere apres luy, & fut pere de Theodon 7. de Grimoald 2. & de Hugobert, lesquels il fit regner avec luy. Auentin liure troisieme.

ENVIRON le mesme temps aussi Romnald Duc de Beneuent, s'aduissant que le pais de Calabre estoit mal gardé par les gens de l'Empereur de Grece, se mit si à poinct dedas, qu'il se rendit maistre & seigneur des villes de Tarente & de Brindes, & de tout le pais circonuoisin, l'annexant à sa Duché. P. Diacre.

EN ce temps florissoit Adelhelnus Euesque Anglois, homme de sçauoir, qui alla (comme dit Baleus) prendre la confirmation de son Euesché à Rome: où il entendit que le Pape Sergius estoit accusé d'adultere, d'autant qu'on le disoit estre pere d'un enfant nouuellement nay. A cause dequoy il l'admonesta secrettement de sa faute. Duquel faiet aussi Pierre de Premonstré a fait mention.

<i>Du Monde.</i> 4833	<i>Papes.</i> 9	<i>R. des Lombards.</i> 8
<i>De Iesus Christ.</i> 696	<i>E. d Orient.</i> 11	<i>R. d'Escoffe.</i> 10
<i>Indiction.</i> 9	<i>R. des François.</i> 4	<i>E. d'Italie.</i> 11
<i>De l'Hegire 77. le 9. Avril.</i>	<i>R. des Visigoths.</i> 9	<i>Cal. des Sarrazins.</i> 11
		<i>R. des Bulgariens.</i> 17

IVSTINIAN s'estant par ses infortunes rendu contemptible & par ses cruautéz odieux enuers tous les siens, se deliberoit encore ceste année faire vn grand massacre de peuple à Constantinople, ayant enuie de commencer par le Patriarche Callinie. Qui fut cause qu'un Patrice nommé Leonte, lequel aussi il vouloit enuoyer en exil, apres l'auoir longuement tenu prisonnier s'esleua contre luy, & se trouuant fauorisé & secondé du Patriarche & de tout le peuple, le deiecta non seulement de l'Empire enuiron le mois de Iuillet; mais

aussi luy fit coupper le nez, & puis le mener en exil au Cherfonnefe, où il courut diuerfe fortune en l'espace de dix ans. Cependant Leonce, de Capitaine de la gendarmerie Grecque, occupa en ceste façon l'Empire Oriental l'espace de trois ans, qui auoit passé sans interruption pour le gouuernement d'une seule race depuis le grand Heraclius l'espace de 86.ans. Nicephore, Zonare, Cedrenus.

L'EGLISE d'Aquilee ne voulant accepter ne souscrire aux conclusions du Concile de Chalcedone, estoit pour ce fait en discord avec la Romaine. Qui fut cause que le Pape Sergius fit celebrer vn Synode d'Euesques en la ville d'Aquilee, par l'auctorité duquel l'Eglise d'icelle abjura l'erreur qu'elle maintenoit pour se reunir avec les Catholiques.

<i>Du Monde.</i>	4834	<i>Papes.</i>	10	<i>R. des Escossois.</i>	1
<i>De Iesus Christ.</i>	697	<i>E. d'Orient.</i>	2	<i>E. d'Italie.</i>	12
<i>Indiction.</i>	10	<i>R. des François.</i>	5	<i>Cal. des Sarrazins.</i>	12
<i>De l'Hegire 78. le 29. Mars:</i>		<i>R. des Vuisigoths.</i>	10	<i>R. de Bulgarie.</i>	18
		<i>R. des Lombards.</i>	9	<i>Ducs de Venise.</i>	21

Commencement des Ducs & de la Republique de Venise.



A cité de Venise diuisee en plusieurs petites islettes & places qui auoient forme de bourgades, s'estoit depuis sa fondation gouuernee par certains magistrats qui se nommoient Tribuns, establis en chacune isle & place de la cité, qui faisoient quasi autant de formes de seigneuries ou de polices, qu'elles estoient en nombre; pource que chacune vsoit de son droit particulier. A cause dequoy ne se pouuans la plupart du temps accorder ensemble, mettoient non seulement le corps de la cité & seigneurie en trouble & en confusion, mais aussi l'exposoient au danger de leurs ennemis. Pour à quoy remedier les estats assemblez, aduiserent d'un consentement que c'estoit le plus expedient de se reduire souz le gouuernement d'un seul chef qui se nommeroit Duc: & le premier qui fut esleu à porter ce tiltre, fut Paulio Luceio, selon les autres Anazat citoyen d'Heraclee, homme de grande vertu & de race: lequel remit par sa prudence la Republique en vnion, & la gouuerna l'espace de vingt ans, six mois: au compte de Sabellic & de Volaterranus (encore que d'autres en disent moins) selon lesquels aussi nous establissons icy l'institution de la Republique Venitienne en l'estat auquel elle a tousiours demeuré depuis: d'autant que furent lors composees les premieres loix, selon lesquelles les Venitiens se sont gouuenez: mais le siege Ducal fut premierement estably en la ville d'Heraclee. Ce que toutesfois Contarin & autres ont mieux aimé rapporter à l'an dccvi.

ELEUTHERE fils de Martin, se voulant dedier à la vie monastique, resigna les biens & possessions qu'il auoit en la Duché de Mosellane & en Ardenne à Lambert son frere (s'il fault croire toutesfois que telles dignitez fussent deslors hereditaires.) Richard de Vvassebourg.

EVGENE 6. du nom Roy d'Escoffe, mourut en la 10. annee de son regne, & eut pour successeur le fils ou nepueu du feu Roy Eugene 5. nommé Ambirkelethus, qui regna seulement 2.ans. Hector Boethius.

LES Sarrazins souz la conduite d'un Capitaine nommé Alid ou Seualid, firent ceste annee plusieurs courses & entreprinse sur les prouinces de l'Empire. Nicephore.

CESTE annee fut celebré vn Concile en la ville de Niden en Angletetre. Beda.

Du Monde.

<i>Du Monde.</i> 4835	<i>Papes.</i> 10	<i>R. des Escossois.</i> 2
<i>De Iesus Christ.</i> 698	<i>E. d'Orient.</i> 3	<i>E. d'Italie.</i> 13
<i>Indiction.</i> 11	<i>R. des François.</i> 6	<i>Cal. des Sarrazins.</i> 13
<i>De l'Hegire 79. le 18. Mars.</i>	<i>R. des Vvisigoths.</i> 1	<i>R. des Bulgariens.</i> 19
	<i>R. des Lombards.</i> 10	<i>Duc de Venise.</i> 2

LA ville de Lazica & ses appartenances, fut en ce temps mise entre les mains des Sarrazins par Sergius qui en estoit Gouverneur pour l'Empereur. Lesquels aussi firent passer au mesme temps vne autre grande armee de leurs gens en Afrique, qui en dechassa les garnisons de l'Empereur, & la soubmit en l'obeissance du Calife: mais l'Empereur renuoya vn sien Patrice nommé Iean, avec plus grandes forces, qui la recouura & la retint iusqu'à ce que le Calife eut aussi renuoyé vne seconde armee touz la conduite d'un Capitaine nommé Abencapella, qui fit totalement quitter la place aux Imperiaux; & assura si bien toute l'Afrique pour les Sarrazins, qu'ils n'en furēt iamais depuis deiettez: tesmoin Niceph. & Cedrenus. Qui fut aussi lors, comme disent les histoires d'Espagne, que les Sarrazins s'emparerent du Roiaume de Maroc.

EGICA Roy des Vvisigoths d'Espagne decedé, succeda son fils nommé Vitiza à sa couronne, lequel on dit auoir regné fort tyranniquement l'espace de neuf ans. Les histoires d'Espagne racomtent entre les exemples de sa paillardise, qu'il fit mourir vn grand seigneur qui se nommoit Phaphilla, qui fut pere du Roy Pelagius, pour auoir la iouissance de sa femme. Roderic toutesfois a estimé qu'il commença de regner en l'an 740.

S. LAMBERT Euesque d'Vtrecht ou du Liege, ayant esté remis par le Prince Pepin en son Euesché, de laquelle il auoit esté dechassé par Ebroin, osa neantmoins reprendre en ce temps ledit Pepin d'adultere, qu'il commettoit avec vne damoiselle nommée Alpaide (qu'il appelloit ordure & empeschement infernal) mesprisant la compagnie de la femme Plestrude: pour laquelle cause il fut mis à mort par le frere de la cōcubine. Mais le meurtrier & ses complices moururēt tous miserablement en la mesme annee. P. Æmile, Chroni. & Annales de France.

<i>Du Monde.</i> 4836	<i>Papes.</i> 11	<i>R. d'Escoffe.</i> 1
<i>De Iesus Christ.</i> 699	<i>E. d'Orient.</i> 1	<i>E. d'Italie.</i> 14
<i>Indiction.</i> 12	<i>R. des François.</i> 7	<i>Cal. des Sarrazins.</i> 14
<i>De l'Hegire 80 le 8. Mars.</i>	<i>R. des Vvisigoths.</i> 2	<i>R. des Bulgariens.</i> 20
	<i>R. des Lombards.</i> 11	<i>Duc de Venise.</i> 3

L'ARMEE de l'Empereur expulsée d'Afrique, s'estoit retirée en Crete attendant renfort & mandement de l'Empereur pour tirer où il luy seroit ordonné. Cependant vne mutinerie & mescontentement se mit en icelle: au moyen duquel Tyberius Apſimar Drungaire (qui estoit comme Admiral de la mer) se fit saluër & proclamer Empereur. Et apres auoir pris leur serment, se fit accompagner par eux à Constantinople, où il surprit Leonce si au despourueu, qu'il ne luy fit pas seulement quitter l'Empire; mais aussi luy fit endurer la peine mesme qu'il auoit fait recevoir à son predecesseur. En sorte qu'il occupa par ce moyen l'Empire l'espace de 7. ans. Niceph. Zonare.

AMBIſBELETVS Roy d'Escoffe fut occis en vne bataille qu'il eut contre Garuard Roy des Pictes, ayant vn frere nommé Eugene, qui fut septiesme du nom, lequel tint le Roiaume d'Escoffe apres luy l'espace de 17. ans. On dit qu'il fit rediger par escrit l'histoire des Escossois. Hector Boëthius liu. 6.

VN Capitaine Sarrazin nommé Abderracman se souleua en ce temps au Roiaume de Perse contre le Calife Habdimelech, se conduisant en telle façon qu'il en dechassa son Lieutenant Ciafas, dit des autres Caiem. Au moyen dequoy il rangea toute la Perſe ſouz son obeissance. Cedrenus.

<i>Du Monde.</i>	4837	<i>Papes.</i>	13	<i>R. des Escossois.</i>	2
<i>De Iesus Christ.</i>	700	<i>E. d Orient.</i>	2	<i>E. d Italie.</i>	15
<i>Indiction.</i>	13	<i>R. des François.</i>	8	<i>Cal. des Sarrazins.</i>	14
<i>De l'Hegire & l. le 25. Fevrier.</i>		<i>R. des Vuisigoths.</i>	3	<i>R. des Bulgariens.</i>	20
		<i>R. des Lombards.</i>	12	<i>Ducs de Venise.</i>	4

VNE armee de Romains souz la conduite d'Heracius frere d'Aphimarus deffit en Syrie plus de deux cens mille Sarrazins. Nicephore.

ENVIRON lequel temps aussi, la ville de Ferrare fut ceinte & enuironnee de murailles par l'Exarche d'Italie.

A Cuniberth Roy des Lombards decedé, succeda son fils Lintperth ou Luitpert, lequel estant encore en fort bas aage, regna souz la tutelle d'Arisprand ou Ansprand, hōme sage & vertueux, l'espace de huit mois seulement : d'autant que Ragumbert ou Gariberth Duc de Thurin, s'esleua contr'eux, & se trouua si bien suiuy qu'il deffit en bataille rangee l'armee que Arisprand presenta deuant luy. Au moyen dequoy il le mit avec Luitberth en fuite, & occupa le Roiaume des Lombards. P. Diacre, Anast. Blond.

ESTANT Bathaias premier Roy des Bulgariens decedé, succeda en son lieu Terbellis, ou selon Nicephore Trebelius, qui regna au rapport de Sigebert 27. ans.

Des Polonois & Boemiens.

ESTANT la posterité des deux freres Esclauons, à sçauoir de Lech, & de Zech, toute faillie, tant en Pologne qu'en Boëme, les Barons de Pologne assembléz au chasteau de Gnesna, creèrent 12. ou (selon l'opinion d'autres) 7. seulement Vaiuodes, ou Palatins, pour les gouverner : tellement qu'ils demeurèrent souz leur regime & gouvernement l'espace de quelque temps, qui n'a pas esté bien compré ny spécifié par les auteurs : mais à ce qu'on peult cōiecturer, n'a pas esté fort esloigné de cest aage. Tant y a cependant qu'apres que les Polonois se furent saoulez de ceste Aristocratie, qu'enuie les reprint de retourner souz le gouuernemēt Royal : en sorte qu'ils se creèrent vn autre Roy d'entr'eux, qui auoit nom Cracus ou Crocus, par lequel on dit que la cité de Cracouie fut fondée : où il transporta le siege de son Roiaume, qui n'auoit iusques alors bougé du chasteau de Gnesna. Somme qu'on est d'accord qu'il laissa aussi son Roiaume apres son trespas à ses enfans, qui le possederēt successiuement l'vn apres l'autre : à sçauoir Cracus 2. qui estoit l'aisné, & Lecus 2. puis leur sœur nōmee Vvauda ou Vvenda, qui regna pareillement apres eux à son tour. Mais pource que pas vn d'eux ne laissa lignee, la Pologne fut apres leur trespas vne autre espace de temps derechef gouuernee par les Palatins : iusques au temps que Premisse ou Leske premier fut esleu, selon que recitent Bernardus Vapokius, Mathias Mechonius & Martin Cromer en leurs histoires de Pologne. A l'opinion desquels aussi ce premier Cracus ne regna pas seulement sur les Polonois, mais aussi sur les Boëmiens. Combien que ceux qui escriuent l'histoire de Boëme, comme Æneas Siluius & Haggerus, disent que le Roiaume de Boëme a esté tenu par vn autre Cracus que par celuy de Pologne : & qu'ils furent tous deux concurrens de temps & d'aage : aussi que le Boëmien fit construire le chasteau de Cracouie en Boëme comme l'autre la ville de Cracouie en Pologne : mais qu'il laissa trois filles seulement apres luy : la premiere se nommoit Bressa, qui fut docte en l'art de Medecine, & fit bastir & edifier le chasteau de Bresse : la seconde Therba ou Therbisa, qu'on dit auoir esté sorciere ou deuineresse : la derniere Libussa, la mieux instruite des autres es sciences humaines & politiques. Qui fut cause que ses sœurs laisserent entre ses mains l'administration de tous les affaires de leur Roiaume apres le trespas de leur pere, iusques à ce qu'elle fut contraincte par ses subiects de prendre mary pour auoir lignee ; qui fut vn laboureur qui se nommoit Primislaus, lequel sembla auoir esté diuinement esleu & choisi pour Prince de ceste terre par vn cheual

vn cheual qui s'alla arrester deuant luy, (lors que suiua la deliberation qu'on auoit prinse) carriere & liberte luy fut donnee de s'aller rendre deuant celuy à qui son mouuement le poufferoit. Tellement qu'il fut en ceste façon pris & receu pour 3. Duc de Boëme. Ce nonobstant on dit que sans luy vne pucelle nommee Valasque, damoiselle de la maison de Libussa, s'empara d'une merueilleuse façon de la principauté de Boëme, & la posseda tyranniquement à la maniere des Amazones l'espace de 7. ans : au bout desquels elle fut mise à mort avec toute sa compagnie de femmes par ledit Primislaus : lequel ayant en ceste forte recouuré ses estats, les garda iusqu'à sa mort. Et apres luy sa posterité posseda sans interruption de pere en fils son Roiaume : souz tiltre toutesfois de Ducs seulement, iusqu'à Vratisslaus, qui fut le premier qui se donna le nom de Roy. Toutes lesquelles histoires nous auons bien voulu reciter icy tout d'un fil, ne sçachant les temps à qui chascune occurrence se pourroit iustement rapporter. Et ne nous a semblé bon de les exposer si amplement que nous les auons trouuees escrites, pource qu'elles ne sont pas bien certaines, & qu'elles semblent plus tenir de la fable que de l'histoire.

ABDIMELECH, Calife des Sarrazins, desirant recouurer le Roiaume de Perse, depescha vne puissante armee, qui s'alla ioincre à Ciasas. Au moyen de laquelle ayant deffait & occis en vne bataille le tyran Abderachman, se remit cōme auparauant au gouuernement de la Perse pour son maistre. Georgius Cedrenus.

Vn certain personnage nommē Fortunat, faisant profession de l'heresie Arrienne, auoit par sa doctrine mist toute l'Eglise d'Aquilee en trouble & en erreur : tellement qu'on faisoit difficulté d'approuuer le cinquiesme Concile vniuersel. Pour à quoy remedier, le Pape Serge fit de son auctorité assembler vn Concile, où l'affaire se trouua si bien examinee, qu'il n'y eut plus personne en l'Eglise d'Aquilee qui voulust puis apres s'arrester aux opinions de Fortunat. Regun. Plat. Onufrius.

<i>Du Monde.</i>	4838	<i>Papes.</i>	14	<i>R. d'Escoffe.</i>	3
<i>De Iesus Christ.</i>	701	<i>E. d'Orient.</i>	3	<i>E. d'Italie.</i>	1
<i>Indiction.</i>	14	<i>R. des François.</i>	9	<i>Cal. des Sarrazins.</i>	15
<i>De l'Hegire 82. le 8. Feurier.</i>		<i>R. des Visigoths.</i>	4	<i>R. des Bulgariens.</i>	1
		<i>R. des Lombards.</i>	1	<i>Duc de Venise.</i>	5

RAGVMBERTH ayant seulement regné sur les Lombards l'espace de trois mois, ou selon Sigebert vn an, mourut, laissant vn fils dict Aribeth, qui se mit en possession de son Roiaume : pour lequel force luy fut de se defendre contre Luitberth & Arisprand qui s'y vouloient remettre. Mais il en vint si brauement à son poinct, qu'il fit perdre la vie au ieune Luitberth en ceste poursuite, & contraignit Arisprand avec son fils Luitprand de se sauuer au Roiaume de Bauiere, où ils n'eurent moyen de le facher d'environ douze ans apres : pendant lesquels il gouerna les Lombards à sa volonté. Paul Diacre, Anastasius, Blondus.

A VQUEL temps aussi Iean surnommé Platine Exarche d'Italie, fut rappelé par l'Empereur, qui au lieu de luy enuoya Theophilacte Chambellan de sa Majesté, tenir le lieu d'Exarche en Italie, où il fut 8. ans. Et à son arriuee voulut contre la coustume de ses predecesseurs tirer droit à Rome, plustost qu'à Rauenne, pour se saisir de la personne du Pape. Mais les Romains informez de son intention, y donnerent si bon ordre, que ce fut son plus expedient de se retirer bien hastiement à Rauenne, plustost que de rien entreprendre sur le Pape. Blondus, Onufrius.

Vne armee de Sarrazins souz la conduite d'un Capitaine qu'on nommoit Abdalla ou Abdelas, entra dedans les prouinces de l'Empire, & assiegea la ville d'Antarade, qui se defendit si brauement, que force fut en fin aux barbares de leuer hôteusement leur siege de deuant : mais en se retirans ils fortifierēt la ville de Mopsuestia, en telle façon qu'ils la rendirent presque imprenable.

A Sergius Pape de Rome decedé le 27. iour d'Aoust, fut substitué Iean 6. du nom, fils d'un Petronius natif de Grece, lequel on fait cōpte auoir presidé depuis son eslection, qui fut faicte le 30. iour d'Octobre, 3. ans, 2. mois, 3. iours : durant lesquels on dit que ses mena-

ces eurent tant de pouuoir, qu'elles firent retirer le Duc Gisulfe de Beneuent en son pais, qui gastoit toute la campagne.

<i>Du Monde.</i>	4839	<i>Papes.</i>	1	<i>R. d'Escoffe.</i>	4
<i>De Iesus Christ.</i>	702	<i>E. d'Orient.</i>	4	<i>E. d'Italie.</i>	2
<i>Indiction.</i>	15	<i>R. des François.</i>	10	<i>Cal. des Sarrazins.</i>	16
<i>De l'Hegire 83. le 3. Feurier.</i>		<i>R. des Vuisigoths.</i>	5	<i>R. des Bulgariens.</i>	2
		<i>R. des Lombards.</i>	2	<i>Ducs de Venise.</i>	6

V N nommé Philippique, qui estoit Patrice, fut enuoyé en exil par l'Empereur, qui auoit songé vn songe qui luy sembloit predire l'Empire audit Philippique. Georgius Cedrenus.

A V Q V E L temps aussi Baanes Heptademon, Lieutenant pour ledit Empereur en la quatriesme Armenie, se reuoltant contre son maistre, liura tout le pais qui estoit en son gouvernement, entre les mains des Sarrazins. Nicephore.

P A R le trespas d'Alexandre Patriarche d'Antioche, l'Eglise Antiochienne demeura quarante ans sans Pasteur, estans les Antiochiens destourbez d'en eslire vn par les Sarrazins. Onufrius.

<i>Du Monde.</i>	4840	<i>Papes.</i>	2	<i>R. des Escoffois.</i>	5
<i>De Iesus Christ.</i>	703	<i>E. d'Orient.</i>	5	<i>E. d'Italie.</i>	3
<i>Indiction.</i>	1	<i>R. des François.</i>	11	<i>Cal. des Sarrazins.</i>	17
<i>De l'Hegire 84. le 23. Iauier.</i>		<i>R. des Vuisigoths.</i>	6	<i>R. de Bulgarie.</i>	3
		<i>R. des Lombards.</i>	3	<i>Ducs de Venise.</i>	7

V N Capitaine Sarrazin nommé Azar, avec dix mille Sarrazins, entra dedans la Cilicie, où il trouua Heraclius frere de l'Empereur, si bien accompagné pour le soustenir, qu'il fut deffait avec tous les siens.

E N V I R O N lequel temps aussi les Princes de l'Armenie desirans retourner souz la domination de l'Empire, demanderent secours à l'Empereur pour se mettre hors de la seruitude des Sarrazins. Mais le Capitaine Muhammad les preuint de si bonne heure, qu'il ne leur donna loisir de venir à chef de leur entreprinse, faisant vne tres-cruelle & horrible punition de tous les principaux auteurs de ceste rebellion. Nicephore, Georgius Cedrenus.

G I S V L F E Duc de Beneuent, esperant bien faire ses affaires du discord qui estoit entre le Pape & l'Exarche, rompit la paix qu'il auoit avec les Romains, & entra dedans le pais de la Campagne, qui estoit de l'appartenance des Romains, faisant tout le pis dont il se pouuoit aduiser: de façon qu'il se rendit maistre des villes de Sora, Arpin & Arce, iusques à ce que le Pape Iean les eut retirees de luy, & les prisonniers aussi qu'il auoit entre ses mains, moyennant vne certaine somme de deniers. Paul Diacre, Blondus, Sabellicus.

P A R le trespas de Nortbert grand Maistre du Palais de France, Grimoald fils de Pepin fut pourueu de l'estat d'iceluy par l'auctorité de son pere, selon que tesmoignent Aimoinus & Ado: nonobstant que P. Diacre liu. 6. chap. 8. semble estre d'aduis, qu'Anchises fils d'Arnoul estoit en ce temps grand Maistre du Palais de France. Ce Grimoald fut espoux de Theodesinde fille de Ratbot Duc de Frise.

A L F R E D E Roy de Northumbellande en Angleterre mourut en la dixneufiesme annee de son regne; laissant vn fils nommé Osrede en fort bas aage, lequel regna seulement vnze ans. Beda, Guillaume de Malmesberie.

Du Monde.

<i>Du Monde.</i>	4841	<i>Papes.</i>	3	<i>R. des Escossois.</i>	6
<i>De Iesus Christ.</i>	704	<i>E. d'Orient.</i>	6	<i>E. d'Italie.</i>	4
<i>Indiction.</i>	2	<i>R. des François.</i>	12	<i>Cal. des Sarraxins.</i>	18
<i>De l'Hegire 85. le 12. Janvier.</i>		<i>R. des Vvisigoths.</i>	7	<i>R. des Bulgariens.</i>	4
		<i>R. des Lombards.</i>	4	<i>Ducs de Venise.</i>	8

IVSTINIAN n'ayant bougé du Cherfonnese, (où l'on l'auoit confiné en exil, fut enco-
re aduertie que l'Empereur se vouloit totalement deffaire de luy. A cause de quoy il se re-
tira vers le Roy des Auarois, qui le receut humainement, & luy bailla sa fille en mariage.
Ce nonobstant il fut sçeu que bien tost apres il auoit receu presents de l'Empereur Apfi-
marus, pour rendre entre ses mains ledit Iustinian : qui fut cause de le faire retirer à sauueté
vers le Roy Trebellius de Bulgarie. Nicephore.

LES Esclauons estans entrez dedans la Duché de Friul, deffirent & mirent en pieces
le Duc Fredulfe avec son armee, qui s'osa temerairement presenter deuât eux. Au moyen
dequoy la Duché fut donnee à Pemmo, qui fut pere de Rachise. P. Diacre.

VITIZA Roy des Vvisigoths fut si desbordé en luxure & en cruauté, qu'il permit par
vn edict aux Prestres de son Roiaume d'espouser autant de femmes qu'ils en voudroiet &
pourroient entretenir. Fit aussi sans legitime occasion mourir grand nombre de seigneurs
de son pais, entre lesquels fut Fauilla Duc de Cantabrie, pere de Pelagius ; qui pour ceste
cause s'enfuit en la Cantabrie. Fran. Taraffa.

VNE armee de Sarraxins souz la conduite d'Azid ou Azidas, print d'assault le chasteau
de Sizium en la Cilicie, où elle estoit retiree. Mais il fut bien tost apres retiré par Heraclius
frere de l'Empereur Apfimare, apres qu'il eut deffait douze mille Sarraxins en vne charge,
& retint grand nombre d'eux prisonniers, qu'il enuoya à son frere. Nicephore.

<i>Du Monde.</i>	4842	<i>Papes.</i>	1	<i>R. des Escossois.</i>	7
<i>De Iesus Christ.</i>	505	<i>E. d'Orient.</i>	7	<i>E. d'Italie.</i>	5
<i>Indiction.</i>	3	<i>R. des François.</i>	13	<i>Cal. des Sarraxins.</i>	19
<i>De l'Hegire 86 le 1. Janvier.</i>		<i>R. des Vvisigoths.</i>	8	<i>R. des Bulgariens.</i>	5
		<i>R. des Lombards.</i>	5	<i>Ducs de Venise.</i>	9

ARITBERTH Roy des Lombards fit en ce temps donation à l'Eglise Romaine de la
seigneurie du pais des môts Appennins, & de la cité de Genes avec son territoire. P. Dia-
cre, Blondus.

L'ESTAT du Roiaume de France estoit reduit à tel point en ce siecle, que depuis que
les Rois qui vindrent apres le premier Roy Dagobert, eurent par leur nonchallance & im-
becillité d'esprit (estant la generosité du grand Roy Clouis toute abastardie en eux) laissè
le soin de toutes les affaires d'importance à leurs Maires ou Connestables, ils leur donne-
rent si bon moyen d'augmenter leur puissance & auctorité, que rien n'y defailloit plus que
le nom de Roy. Le vray effect de la principauté estant deuers lesdits Maires, qui admini-
stroient mesmement & contrerolloient la despense des Rois, faisoient la guerre, la paix,
les alliances, les ordonances & coustumes du Roiaume à leur discretion. En sa chaire seoit
le Roy (dit vne ancienne Chronique) la barbe sur son pis, & les cheueux espars sur ses es-
paules. Les messagers qui venoient de diuerses parts à la Cour oyoit, & leur donoit telle
response comme le Maire luy enseignoit, ainsi comme ce fust de son auctorité. Eguinard,
Theodulfe, Landulfe Sagax & autres adioustēt encore, que les Rois viuans en oisiveté se
monstroient seulement en public vne fois l'annee, le premier iour de May, en vne assem-
blee generale qu'ils tenoiet tous les ans pour les affaires publiques du Roiaume, en vn lieu
qu'on appelloit le Champ de Mars: où ils estoient portez sur vn chariot mené par 4. bœufs
à la façon rustique : & là presidoient en pompe & magnificence Royale, assistez de la plus
grand part des Barons, donnans response tant aux plaintes de leurs subiects, qu'aux Am-
bassadeurs des Princes estrangers ; le tout selonc les instructiōs & memoires que souz main
ils retenoient de leurs Maires : lesquels ont aussi semblé à Pasquier auoir premierement in-

troduit ceste forme d'assemblee qu'on appelloit Parlement annuel, afin de gagner la faueur de leurs subiects, & pour euitier le soupçon de vouloir tout entreprendre. Combien qu'il se peult prouuer par beaucoup de tesmoignages de Gregoire de Tours, de son Continuateur & d'Aimoinus, que telles assemblees estoient ia en vsage souz les Rois precedés: mais non pas annuelles ny à iour certain. Eginhard, Theodulfe, P. Æmile, Est. Pasquier.

ALFREDE fils bastard du Roy Osuius de Northumbellande, qui tenoit le 9. lieu apres le Roy Idas, mourut: & eut pour successeur Ofrede, qui regna 12. ans. Herman Contr. Sigebert, Ranulfus.

JEAN 6. de ce nom Pape de Rome, mourut le 7. de Iâuiier, & eut pour successeur Jean 7. fils d'un Grec nommé Platon, lequel depuis son eslection, qui fut faicte le premier iour de Mars, presida 2. ans, 7. mois, 17. iours. Regino, Onufrius.

VN Synode assemblé ceste annee en Angleterre, disposa de certains Euesques qu'il falloit employer en certaines prouinces qui en estoient encores despourueës. Bede liu. 9.

Du Monde.	4843	Papes.	2	R. des Escossois.	8
De Iesus Christ.	706	E. d Orient.	1	E. d Italie.	6
Indiction.	4	R. des François.	14	Cal. des Sarrazins.	20
De l'Hegire 87. le 10. Decembre.		R. des Vuisigoths.	9	R. des Bulgariens.	6
		R. des Lombards.	6	Ducs de Venise.	10

IUSTINIAN ioua si dextrement son personnage enuers le Roy de Bulgarie, qu'il impetra de luy vne arme, avec laquelle il se fit reconduire ceste annee en la Grece, où les affaires luy succederent si heureusement, qu'il passa dessus le ventre de tous ses ennemis: en sorte qu'il fit cruellement meurer Leonce, qui se trouua en prison: & ne fit pas plus de grace à Apfimare quand il luy fut ramené de la fuite. En ceste façon doncques, ayant recouré l'Empire enuiron le commencement d'Aoust, regna derechef avec son fils Constantin Cesar l'espace de six ans & aucuns iours: selon que Nicephore & Cedrenus ont observé. Mais si les Canons du 6. Concile de Constantinople furent faicts en la 2. annee dudi Iustinian au mois de Ianuier, Indiction 4. il faudra aussi confesser que son Empire aura recommencé dès l'an 705. comme Sigebert a aussi estimé.

GISVLPH Duc de Beneuent mourut, laissant vn fils nommé Romnald, à qui la possession de sa Duché reuint apres, & demeura 26. ans. Enuiron lequel temps aussi Trasimund Duc de Spolet deceda, laissant Faroald & Volchila ses deux fils en possession de sa Duché. P. Diacre.

CALLINICVS s'estant monstre trop affecté au party de l'Empereur Apfimare, en receut punition de Iustinian par la perte de ses yeux, & priuation de sa dignité Patriarchale de Constantinople, qui fut conferee à Cyrus en recompense de ce qu'il auoit auparauant predict à Iustinian qu'il recouurerait l'Empire, de façon qu'il l'exerça six ans. Nicephore, Zonaré.

Du Monde.	4844	Papes.	3	R. des Escossois.	9
De Iesus Christ.	707	E. d Orient.	2	Exarche d Italie.	7
Indiction.	5	R. des François.	15	Cal. des Sarrazins.	21
De l'Hegire 88. le 29. Novembre.		R. des Vuisigoths.	1	R. des Bulgariens.	7
		R. des Lombards.	7	Ducs de Venise.	11

LES cruautéz du Roy Vitiza estrangerent de telle sorte ses subiects de luy, qu'il fut facile à plusieurs grands seigneurs de s'eueuer contre luy, nommément à Dom Rodrigo ou Roderic fils de Theophrede, qui auoit esté cy deuant exclus du Roiaume par Eringius: lequel ayant trouué moyen par ses adherans d'assembler vne armee, rencontra Vitiza, qu'il vainquit & retint prisonnier, ne luy faisant souffrir autre peine que la priuation de ses yeux, & du Roiaume, que plusieurs tiennent, qu'il mit entre les mains de son frere Costa, qui estoit son aîné. Mais il se peult faire qu'il luy cōmuniqua que le tiltre de Roy, retenant à soy l'auctorité de commander & administrer les affaires. En quoy se pourroit accorder le diffé-

le differend qui semble estre entre les Historiens Espagnols touchant ce poinct: comme Alfonse Carthagena & Fr. Taraffa (vn desquels tesmoigne que Costa regna cinq ans, 7. mois: l'autre trois ans apres Vitiza) & Rod. de Tolette avec Dom Antoine Benter, qui ne font aucune mention de Costa, & disent que Roderic regna 2. ans avec Vitiza, qu'ils ont pris possible pour Costa.

ETHELREDE Roy des Merciens & des Saxons d'Angleterre, se demettant de l'administration du Roiaume qu'il auoit tenuë en nom de tuteur de son nepueu Cheuirede fils du feu Roy Vlfere, se rendit moine, nonobstant qu'il eust vn fils nommé Celrede. Polidore Virgile liu. 4.

ENVIRON la 21. annee du Calife Abdimelech s'esleua (selon l'exemplaire non imprimé du Nicephore, que nous auons) vn Abdalas fils de Zubedir, selon les autres de Hali, avec vn autre tyran qui se nommoit Dadacus contre ledit Calife. Mais ils furent en peu de temps exterminés: car Abdalas fut mis à mort en la Meche. Ce que les histoires d'Espagne ne semblent auoir ignoré, comme on voit par Antoine Benter, qui dit qu'Abdalas fut aussi appelé Aroan. Cependant le Nicephore imprimé ne semble faire mention que d'un Abdalas, fils de Lubedir, & de Gezid.

JEAN 7. du nom Pape, mourut le 17. iour d'Octobre, & eut pour successeur vn Sisinnius ou Sozinus natif de Syrie, qui fut esleu le iour d'apres: lequel toutesfois estoit ia tant debilité de maladie, qu'il mourut au 20. iour de son election. A cause dequoy Constantin 1. du nom, Syrenien aussi de nation, fut pris en son lieu. Tellement qu'on fait compte qu'il presida depuis le vingttroiesme iour de Decembre qu'il fut esleu, 8. ans, 1. mois, 20. iours. Onufrius.

IUSTINIAN estant en la 2. annee du recouurement de son Empire, fit, au rapport de Platine & de Naucier, publier & mettre en lumiere les Canons & decisions du 6. Concile de Constantinople. Combien que Theophanes en les Annales afferme qu'il ne les fit pas seulement publier, mais aussi composer & digerer. A cause dequoy le 3. desdits Canons tesmoigne, qu'on estoit assemblé à les faire enuiron le 15. de Ianuier Indiction 4. an de la creation du Monde (selon la supputation Grecque) 6199. Cependant il est certain que le Pape de Rome ne les voulut approuuer ny ratifier (encore, comme dit Platine, que l'Empereur luy eust enuoyé sa confession, pour la luy faire aussi approuuer: afin que l'Eglise Latine reuint en concorde avec la Grecque, de laquelle elle s'estoit estrangée à cause desdits Canons) pource qu'il y en auoit d'aucuns qui sembloient deroger à la primauté & aux priuileges de l'Eglise Romaine, ensemble aussi aux constitutions d'icelle touchant principalement le mariage des gens d'Eglise. Qui me fait estimer que ce qu'on a escrit du voyage du Pape Constantin à Constantinople, a esté inuenté à plaisir. Ioinct que Nicephore ny les autres auteurs Grecs n'en ont fait aucune mention: nonobstant que Sigonius escrit que l'Empereur n'enuoya pas à ceste fois, comme il auoit fait à la premiere, le volume & les actes du Concile de Constantinople, pour les luy faire approuuer, ains seulement pour les soubmettre à sa correction. Mais si cest Empereur a esté si enormément vindicatif, que tous les Historiens Grecs afferment d'un cōsentement, ie laisse penser s'il aura mieux voulu couurir son naturel enuers les Papes de Rome.

<i>Du Monde.</i>	4845	<i>Papes.</i>	10	<i>R. des Escossiois.</i>	10
<i>De Iesus Christ.</i>	708	<i>E. d'Orient.</i>	3	<i>E. d'Italie.</i>	8
<i>Indiction.</i>	6	<i>R. des François.</i>	16	<i>Cal. des Sarrazins.</i>	22
<i>De l'Hegire 89. le 18. Nouëb.</i>		<i>R. des Vuisigoths.</i>	2	<i>R. des Bulgariens.</i>	8
		<i>R. des Lombards.</i>	8	<i>Ducs de Venise.</i>	12

L'EMPEREUR mesconnoissant les biens qu'il auoit receu du Roy de Bulgarie, rompit sans occasion qui fust vallable, la paix qu'il auoit avec luy, faisant entrer vne armée dedans la Bulgarie, laquelle toutesfois fut par la iuste iustice de Dieu deffaicte, & l'Empereur contrainct se retirer avec sa courte honte. Nicephore, Cedrenus.

DROGON Duc ou Gouverneur de la Champagne Gallique, mourut ceste annee. Au moyen dequoy ses estats furent donnez à Thibault son fils par son ayeul Pepin. Ado.

DD ij

THEODON 6. du nom Roy de Bauiere mourut, laissant 3. fils, Theodon 7. Grimauld 2. & Hugobert, qui diuiserent le Roiaume de Bauiere entr'eux. Auentin liu. 3.

ENVIRON ce temps s'esleua vne secte entre les Mahumetistes de ceux qui remettoient au liberal arbitre plusieurs choses defenduës en l'Alcoran, laquelle eut grand' vogue par toute l'Asie & l'Afrique l'espace de plus de cent ans. Iean Leon.

Du Monde. 4846	Papes. 2	R. d'Escoffe. 11
De Iesus Christ. 709	E. d'Orient. 4	E. d'Italie. 1
Indiction. 7	R. des François. 1	Cal. des Sarrazins. 1
De l'Hegire. 90. le 7. Nov ^e .	R. des Visigoths. 3	R. des Bulgariens. 9
	R. des Lombards. 9	Ducs de Venise. 13

JEAN Tizocope Patrice de Constantinople, fut au lieu de Theophilacte commis au gouvernement de l'Italie, sous la dignité d'Exarche par l'Empereur, en laquelle il demoura l'espace de deux ans. Onufrius.

CHILDEBERT Roy de France fit ceste annee guerre à vn Prince rebelle nommé Vvillarius, selon qu'on trouue escrit en la Chroniq. de S. Benigne de Dijon. Mais Ado declare que ce Vvillarius estoit vn Prince des Sueuiens qui s'estoient rebellez, & que l'armee qu'on enuoya contr'eux, fut conduite par vn Fuesque nommé Anepos.

ESTANT Abdimelech decedé (que nous prenons pour celui que Iean Leon liu. 3. & 5. de son histoire d'Afrique appelle Habdulmalich) succeda son fils qu'il appelle Qualid ou t lqualid, en la principauté & Emirauté des Sarrazins. Combien que Nicephore, Cedr. & Rod. de Tolette le nommēt Vlid, autres t uelid, fils d'Abdalhar, selon d'autres d'Abedramon, duquel nous auons parlé cy deuant, qui s'estoit fait nommer en la Mauritanie Miralmumin, ou comme P. Iouie & noz autres Historiens escriuent Miramemolin: qui estoit vn tiltre, (au dire de Volaterranus) de dignité & de principauté entre les Arabes; nommément, comme estime Postel, entre ceux d'Afrique. Mais il se persuade que les Chrestiens ont accommodé ce mot à leur langue pour celui des Arabes Emir Elmumin, ou selon Theodore Bibliander, Mumanin (qu'il dit signifier Prince des fideles ou des croyans.) Ocasione pourquoy il me semble que c'est le tiltre d'Amermumnes, que les Maures d'Espagne donnoient (tesmoin Zonare & Cedrenus) à leurs Princes. Tant y a cependant que le Calife sous lequel les Sarrazins cōquistrent les Espagnes se nommoit Miramemolin, qu'on dit auoir regné 9 ans. Roderic tesmoigne qu'il commença en l'Ere DCCXLVI.

EN ce temps l'Eglise de Paue fut en dissension avec celle de Milan, pour raison de la iurisdiction que l'Archeuesque de Milan se disoit auoir sur l'autre. De sorte que le Pape Constantin fut fait arbitre de ce differend: qui priua bien l'Eglise de Milan du droit qu'elle pretendoit: mais il l'adiugea au siege Romain. Paul Diacre liure 6. chap. 1. de l'histoire des Lombards. Platine.

Du Monde. 4847	Papes. 3	R. les Escoffon. 12
De Iesus Christ. 710	E. d'Orient. 5	E. d'Italie. 2
Indiction. 8	R. des François. 1	Cal. des Sarrazins. 2
De l'Hegire 91. le 28. Octob.	R. des Visigots. 1	R. des Bulgariens. 10
	R. des Lombards. 10	Ducs de Venise. 14

CHILDEBERT second du nom Roy des François, ayant regné dixsept ans, mourut, laissant (à l'opinion de quelques vns) deux fils, l'aîné nommé par tous les anciens Dagobert, & par Sigebert Clouis: l'autre Daniel, qui fut fait moine, & de moine cy apres Roy. Combien qu'il y en a qui estiment que ce ne fut pas luy, mais Theodoric surnommé Sca ou de Chelles (duquel nous ferons mention cy apres) qui estoit frere de Dagobert. Lequel cependant tous les auteurs afferment auoir regné cinq ans: mais Ado & les anciennes Annales (desquelles nous parlerons cy apres, & auxquelles j'adiouste plus de foyn qu'à tous les autres, tant pour leur ancienneté, que pource qu'elles semblent auoir plus diligem-

ment

ment observé les temps) déclarent expressément qu'il mourut l'an 715. signamment deuant la venue des choses que nous reciterons souz icelle année. Ce qui est aussi l'opinion du Continuateur de Gregoire, (qui viuoit lors) de Herman Cōtraët, & de Lambert de Schanab : ensemble de Tritermius & d'Auentin, & vne preuue suffisante que le commencement du regne d'iceluy doit estre iustement rapporté à ceste année 710. & non comme Sigebert a voulu à l'an 716. & que nostre supputation des Rois precedents est plus certaine que la sienne.

C O S T A Roy des Vvisigoths decedé, succeda son frere Dom Rodrigue ou Roderic en son lieu ; qui fut le dernier qui a porté tiltre de Roy des Vvisigoths. Roderic ne les autres histoires ne semblent auoir esté bien resoluz ne du temps qu'il eommēça, ne combien il a regné.

L E Temple principal que les Chrestiens auoient en la ville de Damas, fut ceste année dedié par Vlid aux ceremonies de sa religion.

A V mesme temps aussi vn Capitaine Sarrazin nommé Masalmas, assiegea & prit la ville de Tyrannium sur les Grecs. Qui fut cause que l'Empereur enuoya vne armee contre luy souz la conduite de deux Capitaines, qui par leurs discords donnerent moyen à leur ennemy de les deffaire. Niceph. Cedrenus.

L'EGLISE de Rauenne fut ceste année pourueüe (tesmoin Onufrius) d'un Euesque nommé Felix, qui ne voulut (comme dit Platine) s'acquitter d'une somme de deniers qu'il auoit promise à l'Empereur pour son inuestiture. A cause dequoy l'Empereur fit aller Theodore Patrice son Lieutenant en Sicile à Rauenne, où il ne peut entrer que de force pour la resistance des citoyens : & y ayant trouué ledit Felix, l'enuoya à l'Empereur, qui luy fit creuer les yeux. Ce que toutesfois Blondus & autres disent luy estre aduenu pour s'estre voulu soustraire de l'obeissance de l'Eglise Romaine. Les autres rapportent cela au temps de Leon 2. Sigonius à l'année precedente, deuant que le nouveau Exarche fust arriué en Italie.

Vn Synode assemblé ceste année en Angleterre par l'auctorité du Pape Constantin, decerna de l'adoration & veneration des Images, suiuant les aduertissemens qu'on disoit estre aduenus à vn certain moine nommé Eguuinus par visions : & fit aussi interdiction du mariage aux Prestres. Nacler, Blondus, Cent. 1. Onufrius. Neantmoins toutesfois nous ferons paroistre cy apres, que ceste ordonnance du mariage n'a esté receüe en Angleterre de plus de 300. ans apres.

<i>Du Monde.</i>	4848	<i>Papes.</i>	14	<i>R. d'Escoffe.</i>	13
<i>De Iesus Christ.</i>	711	<i>E. d'Orient.</i>	6	<i>E. d'Italie.</i>	1
<i>Indiction.</i>	9	<i>R. des François.</i>	2	<i>Cal. des Sarrazins.</i>	3
<i>De l'Hegire 93. le 17. Octob.</i>		<i>R. des Vvisigoths.</i>	2	<i>R. des Bulgariens.</i>	10
		<i>R. des Lombards.</i>	11	<i>Ducs de Venise.</i>	15

T I Z O C O P E Exarche d'Italie se cōportant trop tyranniquement enuers les citoyens de Rauenne, les irrita de telle façon qu'ils le massacrerent. Au moyen dequoy l'Italie fut l'espace de trois ans sans Exarche. Onufrius.

L A ville & chasteau de Cleues fut ceste année fondée par vne dame du païs qui se nommoit Beatrix. Munster.

C H E V I R R E D E ou Chouirrede Roy des Merciens d'Angleterre, esmeu de certaine deuotion, quitta volontairement son Roiaume, & se retira avec Offa fils de Sigebert Roy d'autres Anglois à Rome, où ils se firent tous deux moines. Au moyen dequoy Celrede son cousin fils d'Ethelrede succeda audit Cheurede, qui regna 8. ans. Polid. Virgile liure 4. Guill. de Malmesberie.

L'AN 92. de l'Hegire, Elqualid fils d'Habducmalich Calife des Sarrazins, qui tenoit son siege en la ville de Damas, expedia vne puissante armee souz la conduite de Musa ou Muca fils de Nofair dict Auennair ou Abinofair, pour passer en Afrique, où elle fit maintes belles conquestes es deux Mauritanies au nom du Calife, & subiugua plusieurs nations qui n'auoient auparauant esté touchees des Arabes. Jean Leon liu. 3. de l'hist. d'Afrique.

<i>Du Monde.</i> 4849	<i>Papes.</i> 5	<i>R. des Escossois.</i> 14
<i>De Iesus Christ.</i> 712	<i>E. d'Orient.</i> 1	<i>E. d'Italie.</i> 2
<i>Indiction.</i> 10	<i>R. des François.</i> 3	<i>Cal. des Sarrazins.</i> 4
<i>De l'Hegire 94. le 6. Octobre.</i>	<i>R. des Visigoths.</i> 3	<i>R. des Bulgariens.</i> 11
	<i>R. des Lombards.</i> 12	<i>Duc de Venise.</i> 16

Les Chersonesiens du pont Euxin, ayants pour quelques occasions esté fort durement traittez de l'Empereur Iustinian, se voyoient encores en voye de recevoir pis. Qui fut cause de les faire si bien aduiser à leurs affaires, qu'ils entrèrent en ligue avec leurs voisins pour se defendre, & prindrét pour leur chef vn certain Capitaine nommé Philippic & surnommé Bardanes, que l'Empereur Apsimare auoit relegué en leur contree. Pour auquel obuiuer, Iustinian mit sus vne armee, qui au lieu d'aller accomplir son intention, s'alla ioindre à son ennemy, avec lequel elle reuint contre celuy qui l'auoit enuoiée. Qui se trouua pris si au despourueu, qu'il n'eut loisir que de faire vne petite leuee de gens, avec lesquels osant faire teste à ses ennemis, fut facilement deffait & mis à mort enuiron le 13. d'Aoust. Au moié de quoy rien ne se trouua plus qui retardast Philippic de se saisir de l'Empire, la iouissance duquel luy demeura deslors l'espace de 2. ans, 9. mois, 7. iours. Niceph. Zon. Cedr. Lesquels avec tous les autres Historiens Grecs affermént, que Iustinian fut bien peu regretté de ses subiets, à cause de ses horribles cruautéz & mauuaises mœurs: dont c'est merueille que Sigonius escrit que son inconuenient fut tant plaint & lamenté à Rome. Quoy qu'il vueille dire que ce fut pour le bon recueil qu'il auoit faict au Pape, qui l'estoit allé voir & saluër vn peu au parauant iusques en la Grece, & en l'Asie, sans declarer qu'il eust eu autre fin & occasion d'y aller que celle-là.

IULIAN Comte de Sebta ou Cepta & de Cousnegra en la coste d'Afrique à l'endroit du destroit de Gilbatar (qui semble estre celle que Ptolomee appelloit Estitissa) ensemble aussi Gouverneur pour le Roy Roderic es pais qu'il tenoit encores en Afrique, estant depiteusement irrité contre son maistre, pour l'iniure qu'il auoit faite à la chasteté de sa fille qu'on nommoit la Caba, s'allia des Sarrazins, & leur fit si bien entendre ses raisons, que Musa dit Abenofair ou Auenobair Lieutenant du Calife Vlid en Afrique, luy bailla vn sien Capitaine nommé Tarife ou Tarifa ancuzaria, avec 4. nauires, & vn certain nombre de Sarrazins, pour aller descouurer l'estat de l'Espagne: lesquels descendirent premierement en vne isle qui est au destroit de Gilbatar, dont les Sarrazins la nommerent Gibeltarif, qui signifie autant que mont de Tarif (car on l'appelloit au parauant Calpe, d'où ils entrèrent consequemment par la bouche de la riuere, dictée de present Guadabibir & des anciens Betis) dedans l'Espagne, & y commencerent à faire la guerre fort cruellement, signamment en la Betique; de façon qu'ils en tirerent & emmenerent ceste année vn grand butin. Ce que Roderic de Tollete, Alfonse Cartagena, Anto. Beuter, & autres Historiens d'Espagne tesmoignent d'vn accord estre aduenu en l'Ere DCCL. année de nostre Seigneur DCCXII. & de l'Hegire xci. cōbien qu'au compte des autres il faudroit plustost xciii. ou xciiii.

CYRVS Patriarche de Constantinople fut par l'Empereur deietté de son siege, pour ce qu'il maintenoit constamment les cōclusions du S. Concile vniuersel: & vn nommé Iean substitué en son lieu, qui s'accommodoit mieus aux affections d'iceluy, lequel presida 2. ans, 6. mois, Nicephore, Zonare.

<i>Du Monde.</i> 4850	<i>Papes.</i> 6	<i>R. des Escossois.</i> 15
<i>De Iesus Christ.</i> 713	<i>E. d'Orient.</i> 2	<i>E. d'Italie.</i> 3
<i>Indiction.</i> 11	<i>R. des François.</i> 4	<i>Cal. des Sarrazins.</i> 5
<i>De l'Hegire 95. le 25. Septemb.</i>	<i>R. des Visigoths.</i> 4	<i>R. des Bulgariens.</i> 12
	<i>R. des Lombards.</i> 1	<i>Ducs de Venise.</i> 17

VNE armee de Bulgariens apres auoir couru tout le pays de Thrace s'alla presenter iufques aux portes de Constantinople, fans qu'on ofast sortir pour les combatre, à cause de quoy ils se retirerent à leur aise en leur pays avec leurs despouilles & le butin. Zonare.

ASPRAND apres auoir demouré en repos & sans auoir guerre au royaume de Bauiere l'espace de neuf ans impetra en fin vne armee du Roy de Bauiere, de laquelle il s'accompagna iufques en Italie contre le Roy Aritberth, qu'il trouua ia auffi bien accompagné de ses forces que luy. Tellement que quand les deux armées se furent attaquees, le piomba sur les Bauarois. Mais Aritberth sceut si mal vfer de sa victoire (comme on dit) qu'il en laissa tourner le fruit à sa ruine. Car quād il vit que les affaires n'en alloient pas mieux, il se voulut mettre en fuite, en laquelle il fut noyé au passage d'un fleue. Au moyen de quoy la possession du royaume des Lombars demeura audit Arisprād homme vertueux & louable, qui mourut trois mois apres l'auoir goustee, à sçauoir le 15. iour de Iuin de la 10. Indiction: de sorte qu'elle tomba és mains de son fils Luitprand, qui en fut en faisine l'espace de 31. an. 6. mois, au compte que P. Diacre & Sigebert en ont fait, qui se trouue estre veritable, tant par ce que nous en ferons apparoirre à la fin de son regne, que pource que les dates de plusieurs de ses ordonnances & edicts qui sont contenus au Code des loix des Lombards, estans de la 1. 8. 9. 11. 13. 15. 16. 17. de son regne és Indictiōs 2. 3. 4. 6. 8. 10. 11. 12. signifient apertement que le commencement de son regne se doit prendre en l'Indiction 10. plustost qu'en la premiere, où Onufrius l'a voulu rapporter.

CEUX qui comptent, comme a fait Aimoinus, que Childebert ou Hildebert Roy de France a regné 17. ans, rendent aussi témoignage qu'il mourut deuant le Maire Pepin: suivant lequel nous colloquons icy son trespas. Ce qui reuiendra au propos d'Ado, qui n'estime pas qu'il ait regné d'auantage que d'environ 13. ans. Tant y a ce pendāt que comme il est certain que Dagobert son fils fut son successeur à la couronne de France, aussi est-il mal asseuré de combien d'annees il l'a gardee, tant sont en celà les opinions des auteurs differents.

GARVARD Roy des Piçtes en la grande Bretagne en ce temps, Musa, selon les autres Muca, estant appelé pour aller vers le Calife Vlid, laissa le gouuernement de l'Afrique en son lieu à Taric diēt Abentiet: lequel ayant conceu bon espoir des affaires d'Espagne par le voyage precedent, donna douze mille Sarrazins au Comte Iulian pour y retourner ceste annee: lesquels s'y porterent si bien, qu'ils gagnerent la ville, qu'on disoit lors Carthieia: laquelle ils commencerent deffors de nommer Tarifa en faueur du Capitaine qui les conduisoit. Et de là se mirent à faire courses & entreprinſes sur les autres villes: de sorte que le Roy Roderic fut contrainct de leur opposer bien hastiement vne armee, dont son parent Ignicus auoit la conduite: sur laquelle le meſchef tomba si malheureusement, qu'elle fut entierement deffaiçte, en l'Ere DCCLI. Auteurs precedents.

Av meſme temps vn autre Capitaine Sarrazin nommé Abas, courut avec vne grande armee les prouinces de l'Empire, & print la ville d'Antioche en la Pisidie. Niceph.

RABBATH Roy d'Hegias en Arabie, dressa en ce temps vne Academie en la ville de Balberich, diète auourd'huy des Arabes Badrahenem, où venoiet de toutes parts les hommes diçtes pour estudier és sciences de Medecine, Astrologie & Philosophie en langue Arabesque.

L'AN 94. del'Hegire la ville d'Argilla en Afrique fut conqueſtee sur les Vvisgoths par les Sarrazins, & depuis par eux possedee par l'espace de deux cens ans. Jean Leon liu. 3. de l'histoire d'Afrique.

VN moine faisant profession de l'heresie des Monothelites auoit autrefois predict à l'Empereur Philippic que l'Empire viendrait vne fois entre ses mains: dont il luy fit promesse que si tost que sa prediction seroit accomplie, qu'il ne faudroit en faueur de luy d'vfer de tous les moyens qu'il pourroit pour abolir & annuler les decrets du 6. Concile vniuersel. Pour laquelle promesse executer, quand Philippic se veit estably au ſiege Imperial, fit assembler vn Synode à sa poste, qui condescendit à la conclusion qu'il voulut, laquelle fut incontinent publiee & signifiee par toutes les prouinces de l'Empire par edicts & ordonnances expressees, pour estre ensuiuie selon son intention. Qui estoit telle, qu'il vouloit aussi que toutes les peintures qui se trouueroient és temples, exprimans les actes & decrets dudit Concile, & les images & statues pareillement des peres qui les auoient decernees, avec toutes les autres de quelque Sainct que ce fust, fussent effacees, rompuës &

mises bas. Mais tant s'en faut que le Pape Constantin voulust obtempérer à tels mandemens, qu'il fit au contraire assembler vn autre Synode à Rome, par sentence & ordonnance duquel il excommunia l'Empereur: defendit au peuple Romain de le recognoistre pour seigneur, ny de receuoir aucun commandement, iussion, lettres, pourtrait ou effigie de luy, ny en bosse ny engrauee, ny en monnoye: ne voulant pas mesmement que son nom fust inferé es prieres Ecclesiastiques. Qui plus est fit pourtraire les mesmes peintures, & eriger aussi les mesmes statues au portique de saint Pierre que l'autre auoit fait abbatre à Constantinople: selon que Nicephore, P. Diacre, Zonare & Georgius Cedrenus recitent. Autres font d'aduis que de là proceda la source de ce malheureux schisme qui dura si longuement entre l'Eglise Grecque & Latine pour la restitution & abolition des statuës & images: pource qu'ils estiment que ceux qui voulurent defendre la cause de l'Empereur, commencerent à mettre en dispute s'il estoit licite de tolerer & auoir des images dedans les temples & Eglises des Chrestiens: dont on vint puis apres à s'enquerir s'il les falloir aussi adorer & honorer. Cependant on voit bien que les Grecs defendans leur cause par mauuais & illicites moyens, la rendirent beaucoup plus odieuse & eux aussi à la pluspart du monde.

<i>Du Monde.</i>	4851	<i>Papes.</i>	7	<i>R. des Esclabois.</i>	16
<i>De Iesus Christ.</i>	714	<i>E. d'Orient.</i>	3	<i>E. d'Italie.</i>	4
<i>Indiction.</i>	12	<i>R. des François.</i>	5	<i>Cal. des Sarrazins.</i>	6
<i>De l'Hegire 96. le 15. Septeb.</i>		<i>R. des Visigoths.</i>	5	<i>R. de Bulgarie.</i>	13
		<i>R. des Lombards.</i>	2	<i>Ducs de Venise.</i>	18

THEODOVALD ou Thibault fils de Grimoald fut en la place de Grimoald son pere fils du Prince Pepin (qu'un soldat de Frise mit à mort au mois d'Auril au temple de saint Lambert de la ville de Lieges, où il estoit allé voir son pere accouché de maladie) par ledict Pepin son ayeul, qui mourut aussi en la mesme année au mois de Decembre. Ayant exercé les deux Mairies avec grand heur, prosperité & honneur l'espace de vingt sept ans & demy, apres auoir resigné la Mairie d'Austrasie à vn sien fils naturel nommé Charles (qui luy estoit demouré de sa concubine Alpaide) recognoissant en luy les signes d'une generosité grande, qui le rendroit capable & suffisant d'une telle charge, quoy qu'il fust encore fort ieune: ce qui donna moyen & grand occasion à Plectrude ou Plectonde femme legitime de Pepin, de le faire cauteleusement apprehender & emprisonner en la ville de Cologne, tant pour la ialousie nouercalle qu'elle luy portoit, que pour auoir moien aussi en le priuant du benefice de son pere, de faire tomber l'estat d'Austrasie entre les mains de son petit fils Theudouald, s'assurant bien que le maniement des affaires luy demeureroit souz le nom d'iceluy, (comme nous trouuons escrit en certaines annales anciennes non encores imprimees, qui recitent en langage Latin les choses faictes par les François en chacune année, depuis sept cens quatorze iusques à huit cens quatre vingts vn. Auquel temps l'auteur d'icelles tesmoigne clairement qu'il estoit en vie. A cause dequoy nous les enuiurons de tant plus hardiment en l'observation des temps, lesquels elles semblent en beaucoup d'autres endroits auoir mieux observez que les autres. Et pource que le nom de leur auteur s'ignore, nous les mettrons cy apres en auant souz le nom des anciennes Annales, encores qu'elles soient intitulees *Gesta Francorum*.

OSREDE Roy de Northumberlande ayant regné l'espace de vnze ans ou enuiron, fut malheureusement mis à mort par ses deux cousins Leurede & Ofric, fils du defunct Roy Egfrede. Au moyen dequoy ils se remirent en possession du Royaume d'iceluy, qui leur appartenoit par le droit de leur pere, & le possederent 11. ans. Guillaume de Malnesberie.

VNE troupe de Sarrazins souz la conduite d'un Capitaine nommé Masalmas, couut toute la Galatie, d'où elle remporta vn grand butin. Nicephore.

MAIS les Sarrazins d'Afrique affriandez des heureux succez qui leur estoient aduenus les années precedentes en Espagne, ne se firent beaucoup tirer l'oreille pour y repasser a 3. fois en plus grand nombre. Ioinct l'assistance qu'ils y esperoient receuoir des aliez, parens

parens & complices du Comte Iulian: lesquels fallerent tinctement ioindre à eux à leur arriuee. A cause dequoy les affaires du Roy Roderic se trouuerent reduites en tel point, qu'il luy fut force de mettre sus ses forces & de les commettre au hazard du combat. Parquoy il se vint camper de l'un des costez de la grande riuere Guadakhir, qui n'auoit encore alors perdu son nom de Betis: où il soustint avec son ost la puissance de ses ennemis, de telle constance qu'il fut l'espace de 7. iours entiers & cōsecutifs à les combattre pour leur empêcher le passage. Mais au 8. la chance tourna si malheureusement sur luy, qu'il fut misérablement vaincu, & toute sa puissance deffaitte & accablée. Aucuns disent aussi qu'il y fut occis, qui me semblent auoir mieux atteint la verité, d'autant qu'on n'ouit oncques depuis ce desastre parler de luy, & qu'on ne sçait qu'il deuint. Car ce que d'autres ont écrit, qu'il se retira en vne solitude pour y acheuer le reste de ses iours en la compagnie d'un seul Hermite, ressemble plus son romant ou sa fable que son histoire. Tant y-a ce pendāt que l'armee des vainqueurs se diuisant en trois bandes, alla subiuguer & conquerir toutes les villes & prouinces de l'Espagne, lesquelles destituees de chef, se laisserent facilement prédre les vns apres les autres en l'espace de 14. mois, ou de 2. ans au plus. Antoine de Gueuare en ses epist. dit, que depuis ceste malheureuse iournee qui fut pres du fleuue de Bedalac aupres de Xerxes de la frontiere, que les Maures suiuirent si bien leur victoire qu'en l'espace de 8. mois gaignerent & dominerent de Xerxes la frontiere iusques à la Peugue Horadade, qui est au dessus de la ville Dogue. Et qui est plus d'esmerueiller que ce que les Maures gaignerent en huit mois entiers, demeura à estre recouuert par les Chrestiens presque huit cens ans. Car autant se passa depuis la perte d'Espagne iusques au recouurement totale d'icelle. Ou qui voudra compter iustement 778. Somme que les pais d'Asturie & de Cantabrie qu'on dit auioird'huy Biscaie, empêcherent que les Maures ne peurēt estendre leurs conquestes plus auant, parce qu'ils y trouuerent de la resistance plus qu'ailleurs, y aians les reliques des pauvres Vvisgoths qui auoient peu eschapper de leurs glauiues, trouuē leur retraite: & que l'asperité du pais leur denioit passage. A cause dequoy force leur fut de se conuertir à disposer de ce qu'ils auoient conquis en l'Espagne, de sorte qu'on dit qu'ils esleurent premierement Bellazis fils de Musa ou Muca, qui estoit un de leurs Capitaines Roy sur l'Espagne, qui retint vne partie de l'armee Sarrazinesque, & renuoia l'autre en Afrique. Mais il se rēdit bien tost apres si odieux à ses gens, qu'ils le deposerent, & en ordonnerent d'autres les vns apres les autres en son lieu, qui leur furent aussi peu agreables. Tellement qu'on fait compte du nombre de 15. qu'ils eurent en moins de 20. ans. Roderic & vne Chron. Arabes. recitent, que la plus grand part des villes d'Espagne furent subiuguees par Tarif: & qu'un Capitaine dit Mogeitairomi occupa Cordoue, Malaca, Multa, Tolette, & Grenade. Que Musa & Tarif furent aussi rappelez en la mesme annee du Calife Vlid, pour luy aller rēdre cōpte des thresors d'Espagne: de sorte qu'Abdula-ziz ou Abdulezid fils ou nepueu de Musa, tint le lieu d'iceluy en Espagne, où il espousa Eglona vefue du feu Roy Roderich, par le conseil de laquelle il s'institua Roy de Seuille. Ce que les Sarrazins trouuerent si mauuais, qu'ils les mirent tous deux à mort. Et puis substituerent par maniere de prouision un autre parent de Musa nommé Aiuth en l'estat dudit Abdulezib, iusqu'à ce que le Calife en eut autrement ordonné: par lequel la ville dicte anciennement Bilbilis fut restauree, & nommee Calataiuth. En fin les Califes diuiserent l'Espagne en plusieurs prouinces, qui se nommerent royaumes, pource que les Gouverneurs d'iceux s'en intitulerent Rois, à l'exemple d'Abdulezid. Mais on tient qu'ils furent au bout de quelque tēps reduits en trois principaux: le 1. desquels fut estably à Cordoue, qu'il appella le Roiaume d'Abenalibet ou Abenaliberique: le 2. à Seuille: & l'autre à Cartage la neuue, qui dura iusques au temps des Princes nōmez les Almorades, qui en furent dechassez par Ferdinand Roy de Castille 3. du nom enuiron l'an 1212. D'autres adioustēt que les Sarrazins cefferent d'estre appelez par leur nom en Espagne, pource que les Espagnols ne les nommerent autrement que Maures, d'autāt qu'ils estoient sortis de la Mauritanie pour venir sur eux. Autheurs Roderic de Tolette, Alphonse Cartagena, Antoine Bether, Franc, Taraffa, Ioan. Magnus liu. 16. de l'histoire Gotthique, Iean Leon liures 3. & 5. Coelius Augustinus 2. & autres. Selon le consentement desquels la derniere malheureuse iournee aduint à un iour de Dimenche, qui estoit selon aucuns le 4. ou comme veulent les autres l'vnziesme de Septembre, ou selon Antoine Gueuare 5. de Iuillet, en l'Ere dcccii. de nostre Seigneur dcccxi. Et comme dit P. Diacre liu. 10. de l'histoire des Lom-

bards, 10. ans deuant que les Sarrazins missent le pied en France contre le Prince Martel. Mais si la lettre qu'on appelle Dominicale fut sur le G. l'an 714. comme on cognoist par les regles du nombre d'or, celà ne peut estre adueni en pas vn des iours alleguez cy dessus, ains au 8. de Iuillet, ou 2. ou 9. de Septembre.

EN vn Synode assemblé en Angleterre, la Messe fut establie selô les ceremonies de l'Eglise Romaine, & le mariage defendu aux prestres. Naucler.

<i>Du Monde.</i> 4852	<i>Papes.</i> 8	<i>R. des Escossois.</i> 17
<i>De Iesus Christ.</i> 715	<i>E. d'Orient.</i> 1	<i>E. d'Italie.</i> 1
<i>Indiction.</i> 13	<i>R. des François.</i> 1	<i>Cal. des Sarrazins.</i> 7
<i>De l'Hegire</i> 97. le 3. Septemb.	<i>R. des Visigoths.</i> 1	<i>R. des Bulgariens.</i> 14
	<i>R. des Lombards.</i> 3	<i>Duc de Venise.</i> 19

COMME Philippic dissipoit les thresors & richesses de l'Empire amassees de l'ogre main en despenses inutiles & friuoles, laissant ce pèdant le pais de Thrace & les autres prouinces de l'Empire en proye aux ennemis: aucuns Senateurs incitez de l'affection du bien public espierent si bien l'occasion qu'ils luy creuerent les yeux à vn iour qui estoit selon Zonare veille de Pentecoste, ou comme Onufrius a trouue, le 20. Iuin. Au moyen dequoy le Senat & le peuple de Constantinople assemblez ensemble donnerent d'un accord le iour ensuiuant l'Empire à Flavius Artemius (qui se nommoit aussi Anastase 2.) pour la bonne opinion qu'il auoit donnee de son erudition, & d'estre bien entendu au maniemment & gouuernement d'affaires d'estat. Ce que toutesfois ne luy seruit pas d'auantage à retenir l'Empire plus que de 15. mois. Niceph. Zonare, Cedrenus.

SCHOLASTIQUE Patrice de Constantinople fut ceste annee enuoyé en Italie pour la gouverner souz la dignité d'Exarche, laquelle charge il exerça l'espace de 10. ans, selon Onufrius. Mais Sigonius tesmoigne que son predecesseur Jean Tizocope auoit esté massacrè par ceux de Rauenne, pource qu'il les traittoit trop tyranniquement.

LES François ne s'accommodas pas volontiers au gouuernement d'une femme, ou bien se faschans de voir leur Mairie se faire hereditaire, qui auoit auparauant depèdu de leur election se soubzleuerent de grande animosité contre Theudouald, & s'attaquans de mains & de cousteaux avec ceux qui voulurent defendre la cause d'iceluy, en firent vne merueilleuse desconfiture & occision en la forest qu'on appelloit lors Cocie: & sans la fuite qui le sauua, il ne fust eschappé de leurs mains. Cōbien que les Historiens ne font deslors plus mention de luy. Et pource que le Roy Dagobert mourut au mesme temps, ils tirerent du monastere vn certain Daniel qui estoit de la lignee roiale, pour le faire estre leur Roy, luy changeants son nom premier en Chilperic ou Hilperic: puis preuoians à qui ils auoient affaire, entrerent en confederation & alliance avec Rabbot Duc de Frise. Cependāt Charles Martel s'eschappa d'une merueilleuse sorte des prisons de sa marastre Plectrude, & ayāt trouuè façon de faire quelque amas de gens pour recouurer son droit, esueillā les François à luy aller couper les aisles deuant qu'il peust voler: par vne armee que Rainfroy conduisit avec le Roy Chilperic iusques aupres de la Meuse. Mais Rabbot de Frise les preuint: car il chargea le premier la troupe de Charles si brusquement, qu'il la rompit & dissipa en la saison, comme dit Ado, du mois de Iuillet. A cause dequoy Charles apres auoir rallié les reliques de ses gens en lieu fort, fut contraint de se reseruer à vne meilleure occasion. Qui sera neantmoins l'endroit où ie commenceray à l'exemple des vieilles Annal. de Regino & de Herman Contract, de compter le temps de sa principauté, qu'ils disent auoir esté 27. ans, plustost que ceux des Rois qui ont regné souz luy: Tant pource qu'ils ont esté plus diligemment comptez & obseruez que ceux desdits Rois, que pource aussi que le vray estat de la principauté & roiauté semble auoir esté en luy mieux qu'en ceux qui n'estoient autre chose que ce que ceux qui les esleuoient à la dignité royale les faisoient estre.

LES Ambassadeurs de l'Empereur Artemius, enuoyez vers le Calife Vlid pour traiter de la paix, ne rapporterent sinon qu'aduertissement des preparatifs qu'ils auoient veu faire aux Sarrazins pour venir assieger la cité de Constantinople: qui fut cause aussi que l'Empereur

L'Empereur commença de se mettre en point pour les recevoir. Nicephore, Georgius Cedrenus.

JEAN Patriarche de Constantinople fut pource qu'il auoit maintenu & fauorisé l'Empereur precedent en ses mauuaises opinions, depouillé par Artemius, & en son lieu vn nommé Germain substitué, qui auoit esté au parauant enuoyé en exil par Constantin Pogonat, lequel en ceste sorte gouerna son Eglise 14. ans, cinq mois, sept iours. Nicephore; Zonare.

<i>Du Monde.</i> 4853	<i>Papes.</i> 1	<i>R. d'Escoffe.</i> 1
<i>De Iesus Christ.</i> 716	<i>E. d'Orient.</i> 1	<i>E. d'Italie.</i> 2
<i>Indiction.</i> 4	<i>R. des François.</i> 3	<i>Cal. des Sarraxins.</i> 8
<i>De l'Empire.</i> 99. le 23. Aoust.	<i>R. des Visigoths.</i> 1	<i>R. des Bulgariens.</i> 15
	<i>R. des Lombards.</i> 5	<i>Ducs de Venise.</i> 20

ARTEMIVS estant contraint d'enuoyer vne armee de mer contre les Sarraxins d'Alexandrie, plusieurs se trouuerent en la troupe de si mauuaise volonté enuers luy, qu'ils inciterent leurs compagnons à se reuolter tous ensemble contre luy. Ce qui vint à tel effect, que reprenans la route de Constantinople (de laquelle Artemius s'abienta à leur venue) furent receuz dedans par intelligence. Au moyen dequoy ils s'adresserent à vn nommé Theodoze Adramien (personnage iusques alors peu cogneu) & le contraignirent contre sa volonté d'accepter l'Empire: puis s'en allerent poursuiure Artemius si chaudement, qu'ils le reduirent à la necessité de quitter totalement la dignité (qui luy auoit esté donnee 15. mois au parauant) au nouveau esleu, & de se laisser confiner delà en vn monastere: ce qu'on dit estre aduenü le 19. d'Aoust, Indiction 14. où il faut aussi prendre le commencement de l'Empire dudit Theodose. Sigonius dit qu'il fit remettre sus les images & peintures du Concile de Chalcedone, que Philippique auoit mises bas: mais les Historiés Grecs n'en disent mot.

LA donation des monts Apennins & de la Ligurie faite autre fois par le Roy Aritberth des Lombards à l'Eglise Romaine, fut en ce temps renouvellee & confirmee par le Roy Luitprand. Anastasius.

AYANT le Roy Chilperic & son Connestable Rainfroy mis leur armee aux champs, la menerent courir iusques dedans le pais de Cologne, où ils trouuerent si peu de resistance, qu'il n'y eust pas eu moié de les en faire retirer sans vne somme de deniers que la Princesse Plestrude leur deliura. Mais au retour Charles les vint charger pres d'Ablis, si à propos qu'ils ne se doutoient de rien, qu'il leur osta tout leur bagage. Annales vieilles, Ado.

ENVIRON le mesme temps la Comté de Sebta fut par les Maures ostee au Comte Iulian, qui fut le salaire de sa trahison. Jean Leon. liu. 3.

CONSTANTIN premier du nom Pape mourut, au rapport d'Onufrius, ceste année l'vnziesme iour de Feurier: combien que le liure pontifical afferme que ce fut en la treiziesme Indiction. Cependant Gregoire deuxiesme du nom fut fait son successeur, fils d'un Marcel citoyen de Rome, lequel ont tient auoir esté esleu le vingt vniesme iour de Mars: & de là auoir presidé iusques à sa mort quatorze ans, dix mois, vingt deux iours. Onufrius tesmoigne & afferme que souz luy fut assemblé ceste année vn Synode à Rome, les decisions duquel furent reduites en seize Canons: dont les vns concernoient le faict des statues & images, declarans qu'elles deuoient estre honorees & reuerrees.

<i>Du Monde.</i>	4854	<i>Papes.</i>	2	<i>R. des Escossois.</i>	2
<i>De Iesus Christ.</i>	717	<i>E. d Orient.</i>	1	<i>E. d'Italie.</i>	3
<i>Indiction.</i>	15	<i>R. des François.</i>	3	<i>Cal. des Sarrazins.</i>	9
<i>De l'Hegire 99. le 1^{er} Aoust.</i>		<i>R. de Castille.</i>	1	<i>R. des Bulgariens.</i>	16
		<i>R. des Lombards.</i>	5	<i>Ducs de Venise.</i>	1

ENCOR que l'Empereur Theodoze fust assez lourd en conduite d'affaires d'Empire, si est-ce qu'il se fit paroistre de si bonne & honneste nature, qu'on ne fait point de doute qu'il n'eust esté vtile à la republique, s'il luy eust esté loisible de commander plus longuement, qu'il ne fit, pource qu'entre les autres Capitaines d'Artemius, vn Leon surnommé Corion natif du pais d'Isaurie, à qui le gouvernement en auoit esté donné, se vint à constituer chef de ceux qui ne luy vouloient rendre obeysſſance; & amena vne armee iusques aupres de Nicomedie, où il fut salué Empereur Auguste. Qui fit penser à Theodose que ce ieu ne se pouuoit departir sans guerre & sans effusion de sang, laquelle il abhorroit tant qu'il aima mieux se demettre volontairement de la dignité Imperiale qu'il auoit acceptee par contrainte 8. mois six iours au parauant, & se laisser puis-apres reclure en vn monastere, que de se reduire à autre party: toutesfois Zonare & Cedrenus tiennent qu'il a tenu l'Empire 2. ans. Mais Niceph. en ses Annal. tesmoigne que Leon entra en regne dès le 24. iour d'Auril de la 15. Indiction, (où l'on comptoit selon la supputation des Grecs ensuiui de Cedrenus & de Nicephore Calliste en son hist. Eccles. l'an 6209. de la creation du monde) qui dura 24. ans, 2. mois, 25. iours.

A PAOLO Lucio Duc de Venise decedé succeda en la dignité Ducale du consentement de tous les citoiens vn citoyen d'Heraclee nommé Marcel, qui gouuerna la republique Ventienne 9. ans. Sabellic Volaterranus.

PHAROAL Duc de Spolet mit enuiron ce temps le siege deuant la ville de Rauenne tant par mer que par terre: de sorte qu'elle luy fut en fin renduë. Mais le Roy Luitprand le contraignit bien tost apres de la remettre entre les mains des Romains. P. Diacre.

CHARLES s'estant remonté en meilleur espoir par le succez du bon heur precedent (qui luy amorça encore plus grande suite de gens de guerre qu'il n'auoit à se venir embarquer en sa fortune) ne se voulut plus arrester en si beau chemin: ains estant l'huiuer passé, il se remist avec tout ce qu'il peut faire de forces aux champs pour venir trouuer ses ennemis. Lesquels aussi s'estans appareillez à l'aller rechercher pour auoir leur reuange, ne luy laisserent pas faire long chemin sans le rencontrer. Ce qui luy fit mettre si bien de l'eau en son vin (voyant que le ieu ne seroit pas sans hazard) qu'il leur fit porter paroles d'appointement. Auquel ils ne voulurent entendre: dont il luy fut force d'exposer son armee au combat contre eux, qui se fit le 21. iour de Mars en vn lieu nommé Vinciat pres Cambray, avec telle furie & animosité des vns & des autres, qu'il en demeura vn nombre inestimable de morts sur le cháp. Mais Charles conduisit lors si brauement son fait, qu'il obtint la victoire, mettant le Roy Chilperic & son Rainfroy en routte: ausquels mesmes il donna la chasse iusques à Paris: où il mit fin à icelle, pour ramener son camp chargé de despouilles & de butin en Austrasie. Au moyen dequoy il eut tousiours depuis l'aduantage sur ses ennemis. Ce que toutesfois Sigebert ensuiuy de tous les modernes declare estre aduenu l'annee ensuiuant. Mais les anciennes Annales Ado & Lambert de Scaff. l'attribuent à ceste annee. Nonobstant que pource qu'Ado & Sigebert ont dit que la bataille de Vinciat se fit le 13. des Cal. d'Auril: Lambert de Scaff. le Dimenche prochain deuant Pasques (qu'on dit des Rameaux) quoy qu'Aimoinus & le Cōtinuateur de Greg. eussent dit le 12. pour le 13. des Cal. Mercator s'est persuadé que l'observation de Sigebert est plus vraye. Ce que ie luy accorderois aussi, si les François eussent lors celebré les Pasques selō les reigles du Cicle de l'Abbé Denis, & non selon celles de Victor, ou Vitturin: comme Aimoinus avec le Continuateur de Victor certifient qu'ils faisoient encore: outre ce que Sigebert mesme & la vieille Chron. d'Angoulesme non imprimee declarent, que les François obseruoient le temps de la solemnité de Pasques autrement en ce siecle qu'ils n'ont fait depuis. Tous lesquels Auteurs prennent aussi le commencement des 25. annees qu'ils disent que Charles a regné, dudit iour & annee.

Commencement

Commencement du regne des Rois de Leon ou de Castille au lieu des Vvisigoths.

DE s peuples del'Asturie & de Cantabrie, qui sont deçà les montagnes d'Ogne & d'Horadade en Espagne, se trouuoient tellement estonnez de la miserable condition des autres Espagnols, qu'ils estoient sur le point de s'aller rendre aux Sarrazins pour estre receuz à quelque meilleure composition si Dom Pelayo ou Pelage fils de Fauilla Duc de Biscaye (que le Roy Vitize auoit cy deuât fait mourir) ne se fust trouué deuât eux pour les empescher de ce faire par ses remonstrances. A cause dequoy les reliques des Chrestiens Espagnols eschappez de la malheureuse iournee de Bedalac se ralliâs avec eux esleurēt ledit Pelayo pour leur Roy, le cognoissant au fait de la guerre le plus vaillât & heureux de tous les Princes d'Espagne, & fort aimé. Ce qu'estât par toute l'Espagne diuulgué, ce qu'il y auoit de vaillâs & belliqueux qui ne se vouloient soumettre aux Maures, se vindrēt renger souz luy: de sorte qu'il se trouua en peu de temps bien accôpagné pour faire teste au Maures. Qui pour ne le laisser croistre d'auantage, ne faillirent aussi de le venir chercher bien tost en bon nombre iusques dedans son nid souz la conduite d'Abraeme ou Abdeamace enuoié de la part de Tarife qui auoit en sa compagnie Opazius fils du feu Roy Egica Archeuesque de Seuille. Mais ils y trouuerēt si bien à qui parler, qu'ils furent repoussés avec plus de 20. mille hōmes de perte de leurs gens, n'estant la condition du reste beaucoup meilleure, qui en se sauuant furent arrestez par vne montagne, qui par vn tremblement de terre (comme miraculeusement enuoié) s'ouurit pour les abismes tous, ayât esté à ce voyage-là, selon qu'on escrit, la ville appelée Tarraca, qui estoit ancienne Colonie des Romains, & de laquelle la nomination du pays d'Arragon semble estre procedee, destruite & ruinee par eux, pource qu'elle estoit trop constamment defendue. Sōme qu'en despit de ce defastre-là Mucas & Tarife firēt mourir le Côte Iuliā & la pluspart des principaux de ses cōplices, cōme s'ils se fussent entēduz avec Pelage: lequel se cōferma cepēdant en son regne, qui dura, au cōpté de Roderic & des autres hist. d'Espagne 18. ans. Mais s'il mourut à leur tesmoignage mesme l'an 732. & qu'il n'ait esté esleu que l'an 717. il n'en peut pas auoir plus gueres regné de 14. ou 15. Si ce n'est qu'on n'ait voulu cōprendre souz son regne, ce qu'il y eut de distāce depuis le trespas du Roy Roderic iusques à son electiō. Tant y-a que cōme le nom des Rois Vvisigoths fut esteint avec le Roy Roderic, aussi prist commencement en Dom Pelage le nom & origine des Rois de Leon & de Castille ou d'Ouiedo: pource qu'il ne se donna du cōmencement autre tiltre que de Roy de Leon, à cause que ce fut la premiere ville qu'il retira de la puissance des Maures que la ville de Leon, qui se nōmoit en Latin *Legio*, situee aupres des confins d'Asturie, où il establit son siege roial: & que les Espagnols la nommerent au temps apres Castille la neuue, non seulement à la differēce de la vieille, qui est assise aupres de Cordouē, mais aussi pource que telle est l'appellation qu'ils dōnent à la maison royale & à son clos & enuiron.

C E P E N D A N T Estiēne Garibey en son Histoire d'Espagne, estime que ce Roy Dom Pelayo estant fort aimé du peuple, à cause qu'il se voyoit par luy miraculeusement preserué de tomber souz le ioug des Maures, fut le premier des Rois d'Espagne qui s'intitula de ce hault & excellent surnom de Dom, duquel les Rois & Princes avec la pluspart de la Noblesse Espagnole, se sont tousiours depuis accommodez. Et se met, selon l'humeur de son pays, à philosopher sur la dignité & excellence de ce mot-là, si auant qu'il n'en peut sortir. Car il se persuade qu'il luy fut imposé pour vn tiltre nouueau plus hault, excellent & magnifique que tous les autres que les Rois ses predecesseurs portoient auparauant, non seulement pour la mesme cause que le mot de *Dominus* des Latins duquel il est procedé, estoit anciennement aux Romains du temps que leur Republique estoit en sa plus grande liberté, de si grande souueraineté que l'Empereur Auguste ne l'osa accepter, lors qu'il luy

E E

fut présenté du consentement de tout le peuple Romain, pource qu'il signifioit vne trop grande puissance sur gens qui n'estoient pas encore accoustumés à la seruitude. Mais aussi d'autant que le mesme mot estoit encore en plus haulte estime entre les Cantabrois, que enuers les Romains : comme ainsi soit qu'ils ne l'attribuassent qu'aux Saints & bié-heureux. Car Dom ou Done (qui est tout vn) leur signifioit autant qu'à nous & aux Latins Saint. Dont il conclud que les Cantabrois voyans ce Pelayo leur estre présenté pour la sauueté & conseruation des pauvres & miserables reliques des Chrestiens d'Espagne, ainsi que si Dieu le leur auoit miraculeusement delegué du ciel tout expres, à ceste fin luy donnerent le nom de Dom ou de Done, en signe de ce qu'ils l'estimoient quelque chose plus qu'humaine. Quant à moy pour le faire court, puis qu'il n'y a doute que ce Dom ne vienne de *Domnus*, & ce *Domnus* de *Dominus* Latin, & qu'il se peult verifier par vne infinité de tesmoignages des Escriptuains de ce siecle-là, & de plus de cent ans auparauant, tant d'Espagne que d'Italie & de France, que le tiltre de *Domnus* s'attribuoit dès deuant ce Pelayo non-seulement aux Princes d'Italie, aux Papes, aux Euesques, & aux Rois de France (tesmoin ce qu'on en peult voir en Gregoire de Tours) mais aussi aux Rois des Vuisigoths : Je laisse à iuger si Garibey n'a pas voulu faire en ce mot d'une Mouche un Elephant. Cependant, nonobstant que toute l'Espagne fust en la sorte que nous auons recitée reduicte souz le ioug des Maures, fors les pays d'Asturie & de Cárabrie, si est-ce qu'il ne laissa pas d'y demeurer grand nombre de Chrestiens avec eux, tant dedans les grandes & petites villes que hors icelles, avec exercice libre de leur ancienne Religion, souz les mesmes loix & conditions que ceux de Tolette & de Sarragosse. Et pource qu'ils furent en ceste sorte meslez & confonduz avec les Arabes, on estime qu'ils furent pour ceste occasion appelez Musarabes ou Mucarabes, qui signifie Meslez avec les Arabes. Combien que d'autres aiment mieux rapporter l'origine de ceste appellation-là au Capitaine Musa ou Muça, qui auoit acheué de conquerir l'Espagne apres Tarif. A cause qu'ayant conçu vne ialousie contre l'honneur qu'iceluy s'estoit acquis par ses conquestes, voulut en offusquer la memoire en Espagne, en y establisant & perpetuant la sienne, qui fut en faisant prendre le nom de soy & de sa patrie ensemble aux Chrestiens d'Espagne, viuans souz la subiection des Arabes : dont ils furent nommez Mucarabes ou Muçarabes du nom dudit Muça & d'Arabes. Et pour encore les faire plus volontiers accommoder souz ceste appellation-là, il ne leur cōferma pas seulement en faueur de celà les franchises & exemptions que Tarif leur auoit ia octroyees & promises ; mais aussi les augmenta & amplifia de beaucoup, au moyen de la superiorité qu'il auoit sur iceluy. Telle est l'opinion qu'on a de l'origine de l'appellation des Chrestiens Mucarabes. Lesquels au reste continuèrent de celebrer leur seruice diuin, qu'ils auoient accoustumé en leurs Temples & Eglises ; lequel estoit lors commun par toute l'Espagne, en la forme & maniere qui leur auoit esté dictée & enseignée au Concile de Tolette, selon qu'il est escrit par saint Isidore Archeuesque de Seuille. Lequel seruice on dit aussi qu'ils conseruerent & entretindrent iusques au temps que la cité de Tolette fut reprise sur les Maures.

A v mesme temps Tarif & Musa furent mandez par le Calife Vlod pour luy aller rendre compte de leurs gouuernements. Qui fut cause que Muza auant que departir institua son fils Abdulaziz Gouverneur des Espagnes, lequel establit son siege à Seuille, qu'on disoit lors *Hispalis*. Razes.

O S R E D E Roy de Northumbellade en Angleterre mourut, & luy succeda son fils nommé Conrad ou Conrede, qui regna au compte de Sigebert 3. ans. Combien que Herman Contract en compte 40. si ce n'est que les escriptuains aient mis 40. pour 4.

A Eugene Roy d'Ecosse decedé en la 17. année de son regne, succeda du consentement des Ecossois à la couronne Mordacus fils du feu Roy Ambikerlechus, homme vertueux & pacifique : qui regna autant que son predecesseur, assauoir 17. ans. Souz lequel les Anglois, Pictes, Bretons & Ecossois furent en paix les vns avec les autres. Hector Boëthius liu. 9.

De Munda.

Du Monde.	4855	Papes.	3	R. d'Escoffe.	3
De Iesus Christ.	718	E. d'Orient.	2	E. d'Italie.	4
Indiction.	1	R. des François.	4	Cal. des Sarrazins.	1
De l'Hegire 100. le 31. Juillet.		R. de Castille.	2	R. des Bulgariens.	17
		R. des Lombards.	6	Ducs de Venise.	2

Vne armee d'Esclauons entree en cetemps en Italie fut lourdement estrillee par Iulian, Duc de Friol, que d'autres ont nomm  Pemmo : tellement que force leur fut de se retirer en leur pais   leur grande honte & confusion. Paul Diacre, Blondus.

CHARLES s'estimant par la victoire precedente assure du cost  de la France, voulut employer ses forces   acheuer de reduire en sa main tout ce qui restoit encore du Royaume d'Austrasie. Tellement qu'il remena son armee deuant la ville de Cologne sur le Rhin, qui fut si mal defendue qu'il entra dedans par force, & contreignit la Princesse Plectrude deluy rendre les thesors de son pere. Au moyen dequoy il aspira encore plus haut : & pour faire mieux valoir sa cause contre ses ennemis, mit en auant vn qu'on disoit estre oncle du Roy Dagobert dernier mort, nomm  Clotaire ou Lothaire, luy faisant prendre le tiltre de Roy. Et avec luy s'en alla rechercher le Roy Chilperic & son Rrainfroy, qui par le moyen du Duc Eudes d'Aquitaine s'estoient remonte de forces. Tellement qu'ils ne s'oserent presenter deuant luy en bataille rangee au pays de Champagne, eombien que ce fut encores   leur honte & confusion. De sorte qu'estans desconfits & mis en routte, Chilperic fut contraint se retirer   sauuet  avec tous les thesors vers ledict Eudes d'Aquitaine, que les Aquitains durant tous les troubles, qui furent cy deuant en France entre les Connestables, auoient esleu pour leur Duc & Gouverneur. Cependant toutesfois il les gouuernoit comme seigneur souuerain, sans recognoistre aucunement les Rois de France : iusques   se porter luy-mesme par ses tiltres Roy de France. Mais aucuns Historiens Espagnols ont os  escrire, qu'Eudes estant de race & de nation Vvisigothe, fut esleu & institue l'an sept cens quatorze Duc d'Aquitaine, & de Guienne par le Roy Roderic, comme d'un domaine dependant de l'Espagne.

Vlid ou Qualid deceda (au rapport de tous les auteurs) en la neufiesme annee de son regne, en la ville de Damas; ayant vn frere nomm  par Iean Leon liure cinquiesme de l'histoire d'Afrique, Heseiem, par Nicephore Zulcimin, & par Georgius Cedrenus & Zonare Soliman ou Suleiman, qui luy succeda en la dignit  de Calife, & en l'Admiraut  & principaut  des Sarrazins : laquelle il garda seulement enuiron deux ans, pource qu'il mourut au siege de Constantinople, auquel il mena en personne l'armee que son frere auoit ja apprestee. D'une partie de laquelle il bailla la conduite   vn de ses plus fameux Capitaines nomm  Masalmas, & l'autre qui deuoit tenir la mer.   Haumar. Lesquels arriuerent deuant la cit , le quatorziesme iour d'Aoust, en la premiere Indiction. On dit que toute leur flotte estoit de trois mille nauires, & de trois cent mille combatans; esquels consistoit le meilleur des forces des Sarrazins, tant de l'Asie que de l'Afrique. Leurs siege dura enuiron trois ans. Or estants Tarif & Muza arriuez vers Vlid vn peu deuant son trespas, Tarif accusa son compagnon d'auoir mal vers  en sa charge. Ce qui fut si facilement receu, que Muza en fut condamn    vne grosse amande, laquelle il prist   tel despit qu'il s'en laissa mourir.

Du Monde.	4856	Papes.	4	R. des Escoffois.	4
De Iesus Christ.	719	E. d'Orient.	3	Exarche d'Italie.	5
Indiction.	2	R. des François.	5	Cal. des Sarrazins.	2
De l'Hegire 101. le 20. Iuillet.		R. de Castille.	3	R. des Bulgariens.	18
		R. des Lombards.	7	Dnc de Venise.	3

Seconde partie

SERGIVS Gouverneur de la Sicile pour l'Empereur, estant aduerty du siege de Cōstantinople, se reuolta contre l'Empereur Leon, faisant prēdre le nom d'Empereur à vn nommé Gregoire ou Basile, afin de pouuoir luy-mesme regner souz le manteau d'iceluy. Mais quand Leon eut enuoyé faire entendre aux Siciliens l'estat de ses affaires, & la peine où il estoit pour la defense de l'Empire, vn tel chāgement de volonte en aduint, que Basile fut soudainement apprehendé & enuoyé à l'Empereur. Mais Sergius euada. Nicephore, Zonare, Cedrenus.

CLOTAIRE Roy titulaire de France, mourut. A cause dequoy le Prince Charles enuoya redemander le Roy Chilperic au Duc d'Aquitaine, qui le luy renuoya, en retenant vne partie des thresors Royaux: tellement qu'il le recogneut deslors pour Roy de France, & en deuint amy d'Eudes. Annal.ancien. Ado.

DOM Pelago Roy de Castille donna ceste annee sa fille en mariage à Alfonso fils de Pierre Comte de Nauarre, qui descendoit en droicte ligne du Roy Riccardede.

CELREDE Roy de la Merche ou des Merciens d'Angleterre, mourut en la 8. annee de son regne, laissant sa succession à Ethelbald son cousin, qui regna en grande tranquillité l'espace de 41. an, selon Guill. de Malmesberie.

ZVLCEMIN ayant regné enuiron 2. ans, mourut le 2. iour d'Octobre, deuant la cité de Constantinople. A cause dequoy les Sarrazins qui estoient en l'armee, firent prendre la dignité de Calife à Haumar fils d'Abdimazid, qui estoit l'vn de leurs soldats: souz lequel ils furent contraincts de leuer leur siege, & se retirer honteusement en Asie, apres qu'ils eurent perdu quasi tout ce qui y estoit allé, tant de gens que de vaisseaux, par maladies, falcherics du temps & de la tourmente: ensemble aussi par la vertu & constance des assiegez, & par la prudence & industrie de l'Empereur: mesmement à faire brusler leurs nauires par le moyen du mirouer ardent. Ioinct vne desconfiture que firent les Bulgariens d'vne grande trouppé d'eux, qui estoient allez courir en leurs terres. Somme que de trois mille nauires, ne s'en trouuerent que dix de retour avec Haumar. Qui pour en descharger son indignation, commença de faire beaucoup plus pire traitement aux Chrestiens de son pais, les contrainans par edicts & supplices, de renier leur religion & prendre la Mahumetique.

A v mesme temps Abdulazis Lieutenant general du Calife en Espagne, ayāt par le conseil de sa femme qui estoit Chrestienne, pris l'estat & tiltre de Roy en Espagne, fut mis à mort par ses gens. Parquoy vn nommé Aiub luy fut substitué en son estat, lequel il exerça seulement l'espace de six mois, esquels il transporta son siege de Seuille à Cordouē.

Vn moine d'Angleterre nommé Vinefride (& depuis Boniface) receut en ceste Indiction du Pape Gregoire, la charge & commission d'aller prescher & conuertir à la religion Chrestienne les nations de la Germanie qui n'auoient encores receu l'Euangile: & de reformer par mesme moyen les vices & dissolutions des gens d'Eglise, qui estoient entre les autres nations qui auoient la cognoissance de Iesus Christ: ensemble aussi de les reduire aux constitutions & façons de faire de l'Eglise Romaine. Auentin liu. 3.

Du Monde.	4857	Papes.	5	R. des E. scosses.	5
De Iesus Christ.	720	E. d'Orient.	4	E. d'Italie.	6
Indiction.	3	R. des François.	6	Calife des Sarrazins.	1
De l'Hegire 102. le 9. Iuillet.		R. de Castille.	4.	R. des Bulgariens.	19
		R. des Lombards.	8	Ducs de Venise.	4

CONSTANTIN fils de l'Empereur Leon, nasquit le 26. iour d'Octobre, prenant le surnom de Copronime: pource qu'il purgea son ventre dedās les Fonts lors qu'on le baptisoit. Ce que le Patriarche Germain tira en mauuais presage. Nicephore, Zonare, Cedrenus.

CHILPERIC ou Hilperic, Roy titulaire de France, mourut. Au moyen dequoy Charles luy substitua Theodoric ou Theotric surnommé Scala ou de Chelles (à cause de ce qu'il y auoit esté nourry) fils du dernier Roy Dagobert, qui regna à la façon des autres de ce temps, à sçauoir en masque, l'espace de dix huit ans ou dixneuf. Annal. ancien.

En la mesme annee les Sarrazins ou Maures d'Espagne, passans les mōts Pyrenees avec vne grande armee, rauagerent tout le pais de Languedoc, où ils prirent la ville de Narbonne

bonne : mais ils furent deffaits deuant Tholose (qu'ils vouloient assieger) par les François, souz la conduite (comme l'estime) du Duc Eudes. De sorte qu'ils y perdirent leur Roy Zamar, selon les autres Azam : au lieu duquel ils prirent Abderramen pour leur chef de guerre : comme tesmoignent Roderic de Tolette & la Chronique d'Alfonse. Dequoy toutesfois aucun de noz Historiens François n'a fait mention. A cause possible que cela ne se fit par vne armee souz le nom & adueu du Roy de France. Or ce Azam ou Adham auoit esté vn peu auparauant enuoyé par le Calife Izid en Espagne, pour la gouuerner en son nom : quoy qu'un nommé Alahor fils d'Abderramen se fust mis subtilement en la place d'Aiub.

THEODON 7. du nom Roy d'une partie de Bauiere, estant de retour du voyage qu'il estoit allé faire à Rome par deuotiō, mourut, laissant vn frere nommé Grimoard, qui s'empara de la portion de Bauiere que son frere tenoit, & l'annexa à la sienne, sans en faire part aux fils de son frere Theodpert, qui à ceste occasion le mirent à mort cy apres. Auentin liure troisieme.

AV SYNODE des Prelats de la Germanie, assemblé en la ville de Majence, Vinesfride ou Boniface, recita & fit entendre la charge pour laquelle il estoit là venu. Onufrius.

Du Monde.	4858	Papes.	6	R. des Escossos.	6
De Iesus Christ.	721	E. d'Orient.	5	E. d'Italie.	7
Indiction.	4	R. des François.	7	Cal. des Sarraxins.	2
De l'Hegire 103. le 30. Iuin.		R. de Castille.	5	R. des Bulgariens.	20
		R. des Lombards.	9	Ducs de Venise.	5

CONSTANTIN né de l'an precedent, fut par l'Empereur son pere designé Empereur, & souz ce tiltre couronné le iour de Pasques par le Patriarche Germain. Niceph. Cedr.

CHARLES ne pouuant auoir l'esprit content de voir encore son ennemy Rainfroy sur pieds, l'alla chercher iusques dedas la ville d'Angers, où il l'assiegea de telle puissance, qu'il le fit venir à telle composition qu'il voulut. Par le moyen de laquelle il luy laissa le pais d'Anjou pour l'entretienement de sa vie, apres luy auoir fait totalement renōcer au droit qu'il eust peu pretendre en la Connestablie. Annal. ancien. Ado.

ARTEMIS qui auoit esté cy deuant Empereur, fut ceste annee conseillé de se retirer de la ville de Thessalonique, où il estoit vers Terbelis Roy de Bulgarie, afin de tirer secours de luy pour se remettre en la dignité Imperiale. A cause dequoy il receut vne armee, par laquelle il se fit conduire iusques deuant Constantinople. Mais estant reietté des citoyens, les Bulgariens le rendirent à l'Empereur Leon, & se retirerent en leur pais. Nicephore, Cedrenus.

MUSA & Tarife estans allez vers le Calife Haumar, pour rendre compte de leurs gouuernemens & deportemens en Espagne, Musa fut accusé par l'autre, & conuaincu de maluerfation. A cause dequoy le gouuernement de l'Afrique luy fut osté, duquel vn nommé Gizid fut pourueu. Mais Tarife demeura Lieutenant general en Espagne.

PAR le moyen du Roy Luitprand des Lombards, l'Eglise d'Aquilee fut reconciliée à la Romaine. A cause dequoy la preéminence Archiepiscopale & Metropolitaine dont elle auoit esté spoliée enuiron l'espace de 150. ans, luy fut rendue. Ce qui haussa si bien le courage à Seuer Archeuesque d'icelle, que s'aidant du secours des Lombards, osa surprendre l'isle & ville de Grade : où il fit recevoir à l'Archeuesque du lieu toutes les indignitez & opprobres qu'il voulut : à cause qu'ils estoient en contenance ensemble de la primauté Metropolitaine. Sabellic.

VN Cōcile assemblé ceste annee à Rome par l'auctorité du Pape Gregoire, declara qu'il n'estoit licite à aucun d'espouser la vesue d'un Prestre ny d'un Diacre, non plus aussi qu'une Religieuse. Liure des Conciles.

<i>Du Monde.</i>	4859	<i>Papes.</i>	7	<i>R. des Escossois.</i>	7
<i>De Iesus Christ.</i>	722	<i>E. d'Orient.</i>	6	<i>E. d'Italie.</i>	8
<i>Indiction.</i>	5	<i>R. des François.</i>	8	<i>Cal. des Sarrazins.</i>	1
<i>De l'Hegire 104 le 20. Iuin.</i>		<i>R. de Castille.</i>	6	<i>R. de Bulgarie.</i>	21
		<i>R. des Lombards.</i>	10	<i>Ducs de Venise.</i>	6

P A R edict de l'Empereur, fut enjoinct aux Iuifs & Montanistes de se faire baptiser, & recevoir la Religion Chrestienne. Mais les Montanistes furent si opiniastrés, qu'ils aimèrent mieux se brusler dedans leurs maisons, que d'obtemperer à ce commandement. Nicephore.

L E S Saxons estans en termes de se rebeller contre les François, faisoient tous leurs efforts de se joindre les Allemans & Bauarois. Mais Charles sçachant comme il falloit obvier à leurs entreprinſes, les alla trouver avec ses forces dedans leur pais à son retour d'Angers, si promptement qu'il ne leur donna loisir que de venir reprendre la loy de luy.

A V meſme temps Ratbot Duc de Phryſe mourut.

H A V M A R ayant regné deux ans, deceda. Au moyen dequoy les Sarrazins esleurent pour leur Calife Gifid ou Ifid, dict Mauli-lebe ou Molabe, selon d'autres Maule-abi, fils d'Abdimelech : contre lequel s'esleua en meſme temps vn autre Gifid dict Moalabs en la Perſide. Mais le premier enuoya son Capitaine Meſalmas ou Maſabnach avec vne armee, qui deſſit l'autre, & mit la Perſide en l'obeiſſance de son maistre : lequel on fait compte auoir tenu la principauté des Sarrazins l'espace de quatre ans. Nicephore, Cedrenus. Autres eſtiment que ce Maule-abi conqueſta & ſubiugua pluſieurs pais en la Scythie.

E V C H E R E Eueſque d'Orleans, ayant tenu le party de Rainfroy contre Charles, fut depoſé de son Eueſché, & enuoyé en exil. Au contempt dequoy on dit qu'il fut autheur du bruit qui courut dudit Charles apres ſa mort, qu'il eſtoit damné. Auentin liu. 3.

P E T R O N A X citoyen natif de Breſſe, qui fut Abbé & inſtaurateur de l'Abbaye de S. Benoist au mont Caſſin, florifſoit en ce temps. Onufrius.

<i>Du Monde.</i>	4860	<i>Papes.</i>	8	<i>R. d'Eſcoſſe.</i>	8
<i>De Iesus Christ.</i>	723	<i>E. d'Orient.</i>	7	<i>E. d'Italie.</i>	9
<i>Indiction.</i>	6	<i>R. des François.</i>	9	<i>Cal. des Sarrazins.</i>	2
<i>De l'Hegire 105. le 9. Iuin.</i>		<i>R. de Castille.</i>	7	<i>R. des Bulgariens.</i>	22
		<i>R. des Lombards.</i>	11	<i>Ducs de Venise.</i>	7

V N tumulte ſurueni (comme teſmoigne Auentin liu. 3.) au pais de Bauiere, à cauſe des fils du feu Roy Theodon, qui redemandoient la ſucceſſion de leur pere, que leur oncle Grimoald leur retenoit, fut cauſe de faire occire iceluy Grimoald. A cauſe dequoy la veſue d'iceluy avec ſes enfans, ſe retira vers le Prince Charles, pour l'inciter de prendre cognoiſſance de ſa querelle. Et pource que les aduerſaires d'elle, ayans gaigné la faueur des Bauariens, faisoient eſtat de ne ſe ſoumettre (à l'exemple des Saxons) aux commandemens de Charles (meſmement auoient à meſme fin pris intelligence avec les Allemans, qui refuſoient ia de payer le tribut qu'ils deuoient aux François) Charles ſe mit en chemin d'aller voir les vns & les autres, à ſi bonnes enſeignes qu'ils n'eurent meilleur marché que de ſe ranger plus eſtroitement à ſa volonté qu'ils n'eſtoient. Mais les Bauariens furent encores contraincts de recevoir Hugobert dernier fils du Roy Grimoald 7. pour leur Duc ou Roy : à condition toutesfois qu'il aſſignaſt aux fils du Roy Theobert leurs partages. Auentin liure troiſieſme.

L A ville de Narnia en l'Ombrie, fut enuiron ce temps occupee ſur les Romains par le Duc de Spolet Lombard. Sabellic.

L E corps de S. Auguſtin qui eſtoit en l'ille de Sardaigne, fut ceſte annee transporté à Paue par le commandement du Roy Luitprand, de peur qu'il ne tombaſt entre les mains des Sarrazins. Abbé d'Vſperg.

GEBER natif de Grece, Philosophe & Prince des Alchemistes, demeurât entre les Sarrazins, viuoit cent ans apres Mahomet. Jean Leon liu. 3.

VINEFRIDE apres auoir bien amplement satisfait à la charge que luy auoit baillee le Pape en Allemagne, s'en retourna à Rome, où il fut créé Archeuesque & Primat de toutes les nations d'outre le Rhin : ensemble aussi Legat du Pape, pour y prescher, instruire, reformer, ordonner & fonder les Eglises à la forme & exemple de la Romaine. Ce nonobstant Auentin liu. 3. dit que se trouuerent aucuns Prestres & Euesques qui ne le vouloient aucunement recognoistre, l'appellans autheur de mesonges, perturbateur & corrupteur du repos de la Chrestienté & de la loy Chrestienne : lesquels il declara schismaticques & heretiques.

INAS Roy des Saxons Occidentaux & des Anglois, mourut en la 37. année de son regne. Parquoy son fils Ethelarde luy succeda à son estat & couronne, lors que Beda escriuoit ses histoires, qu'il dedia au Roy de Northumbellande.

<i>Du Monde.</i>	4861	<i>Papes.</i>	9	<i>R. des Escossois.</i>	9
<i>De Iesus Christ.</i>	724	<i>E. d Orient.</i>	8	<i>E. d Italie.</i>	10
<i>Indiction.</i>	7	<i>R. des François.</i>	10	<i>Cal. des Sarrazins.</i>	3
<i>De l'Hegire 106. le 29. May.</i>		<i>R. de Castille.</i>	8	<i>R. des Bulgariens.</i>	23
		<i>R. des Lombards.</i>	12	<i>Ducs de Venise.</i>	8

SCHOLASTIQUE 13. Exarche d'Italie, apres auoir exercé sa charge l'espace de 10. ans, fut reuocqué par l'Empereur, qui entoya en son lieu vn Patrice nommé Paul ; souz lequel l'Italie fut gouuernée 2. ans, selon Onufrius. Mais P. Diacre & Sigonius adioustent, qu'il eut charge de l'Empereur de faire tout le pis qu'il pourroit au Pape Gregoire, se doutant bien qu'il s'opposeroit à l'entreprise qu'il projettoit contre les Images. Tellement qu'aussi tost qu'il fut arriué en Italie, il s'ingera d'aller à Rome, pour mettre le commandement de son maistre à effect. Mais le Pape ayant descouuert son intention, appella les Lombards à son secours, qui firent retirer l'Exarche à Rauenne. Et de ceste dissension il estime que le Roy Luitprand fut incité de recommencer la guerre aux Exarches. Ce que toutesfois semble estre mal-aisé à croire, si le Pape fut causé par ses prieres l'année ensuiuant que le Duc de Venise aida à l'Exarche à recouurer la cité de Rauenne des mains des Lombards : & qu'il les ait appelez en l'epistre qu'il en escriuit *Nefandam gentem*, veu le bien-faict qu'il auoit receu d'eux l'année auparauant. Laquelle epistre se voit és commentaires des Bormiterdes, de Sabellic Enneade 8. liu. 7. & en Sigonius.

CHARLES ne fut pas plustost de retour de Bauiere, que force luy fut d'y retourner, à cause de la reuolte des Bauariens apres son depart : de sorte qu'il les chastia rudement, & les contraignit de satisfaire à son vouloir : comme tesmoigne Ado, qui dit aussi qu'au sortir de ce voyage il amena encore son armee contre les Saxons, & puis cōtre les Allemans & Sueuiens, lesquels prenans garde au progres des affaires de Charles, s'estoient laissez facilement induire par Plectrude vefue du feu Prince Pepin, & par sa fille Sonichilde (qui s'estoient retirees à eux) à reprendre les armes contre luy, souz la conduite de leurs Ducs Lanfroy & Theoudald. Mais il se trouua si tost vers eux en l'equippage qu'il falloit, qu'ils n'eurent moyen que de retourner en appointment avec luy. Ce qui se fit en si peu de temps, qu'il eut encore loisir de remener son armee en Aquitaine cōtre le Duc Eudes : lequel faisant son compte que les Allemans luy auroient taillé de la besongne pour plus long temps, s'estoit osé declarer contre luy, & ingerer de faire plusieurs courses & entreprises sur le Roiaume de France. Qui fut cause de luy faire tant plus tost perdre le courage & le moyen de se defendre, quand il vit le soudain retour de Charles, estant depesché des affaires precedentes, & que les François auoient passé la Loire. De sorte qu'il ne trouua autre recours en ses affaires, qu'à gagner le deuât en la Gascongne, laissant faire aux François le mefnage qu'ils voulurent en son pais. Annal. ancien,

EE iij

<i>Du Monde.</i> 4892	<i>Papes.</i> 10	<i>R. des Escossois.</i> 10
<i>De Iesus Christ.</i> 725	<i>E. d'Orient.</i> 9	<i>E. d'Italie.</i> 1
<i>Indiction.</i> 8	<i>R. des François.</i> 11	<i>Cal. des Sarrazins.</i> 4
<i>De l'Hegire</i> 107. <i>le 18. May.</i>	<i>R. de Castille.</i> 9	<i>R. des Bulgariens.</i> 24
	<i>R. des Lombards.</i> 13	<i>Ducs de Venise.</i> 9

L'EMPEREUR Leon poussé & incité de certaines causes, fit en la 9. année de son Empire vn edict, par lequel il commâdoit tres-instamment, que ce qu'il y auoit de peintures, images, effigies, & statuës de Dieu & des Saints en quelque Temple de Chrestiens que fust en aucun pais de son Empire, fussent effacees, rompuës, brizees & abbatuës: déclarât consequemment tous ceux la idolatres qui leur portoient honneur & reuerence. Et ne se contenta pas de ce simple edict, mais il s'opiniastra encores si fort à le faire mettre en effect, que plusieurs furent de son ordonnance mis à mort, ou enuoyez en exil, qui ne voulurent luy obtemperer. Aussi en procederent de grands troubles, qui n'altererent pas seulement l'estat de la Grece, mais aussi des autres prouinces. De sorte que ceste cause en fut rendue fort odieuse, iusques à luy en faire donner le surnom d'Eiconomache, qui signifie ennemy & ruineur des Images. Cependant nous trouuons trois opinions de la cause qui peult auoir instigué ce Prince à ceste entreprinse: l'une de ceux qui l'attribuent à deux Iuifs, qui luy auoient prédit sa fortune, auant qu'il fust Empereur: l'autre à l'exemple du Calife Gizid: la troisieme, à vne lettre que luy auoit cy deuât escrete le Calife Haumar en laquelle il taxoit les Chrestiens d'idolatrie à l'endroit des images & de l'inuocation des trespassez. Nicephore, Zonare, Cedr. & autres.

MARCEL Duc de Venise mourut. Parquoy les citoyens prindrent en son lieu Olaus Hippatus surnommé Vrsin pour leur Duc, qui demeura en ceste charge l'espace d'vnze ans, durant lesquels (lors aussi que Paul tenoit l'Exarchat de Rauenne Luitprand Roy des Lombards tenant la ville de Rauenne assiegee, fut (comme recitent Sabellic & Volaterranus) requis d'aller secourir la France contre les Sarrazins. Tellement qu'il y mena la plus grande partie de son armee, laissant le reste au siege souz la conduite du Duc Hildebrand de Vincence son nepueu & de Perendeus, qui firent si bien leur deuoir en son absence, que la ville fut à eux: laquelle toutesfois ils reperdirent bien tost apres par leur mauuaise garde. Pource que les Venitiens, à l'instance de l'Exarche & aux prieres du Pape, les y vindrent souz la conduite de leur Duc charger si improuistement, que Hildebrand fut fait prisonnier, & Perendeus mis à mort. P. Diacre toutesfois & Blondus semblent estre d'aduis que Rauenne fut assiegee seulement ceste fois sans estre prinse; & que les Lombards allerent au partir du siege deuant Clusium, qu'ils prindrent & saccagerent. A cause de quoy Paul Diacre declare apertement, que les Lombards ne furent maistres de Rauenne que de long temps apres. Mais l'epistre du Pape Gregoire qui est en l'histoire de Sigonius, faisant mention de la prise d'icelle, conferme la premiere opinion. Les autres aussi ne sont pas d'opinion, que Luitprand ait esté au secours des François qu'à la seconde guerre qu'ils eurent contre les Sarrazins.

QUANT à la premiere, elle vint de ce qu'Eudes plus irrité que vaincu, & neantmoins se desfiant de ses forces, eut recours ausdits Sarrazins par le moyen de Mugnoce seigneur de Cerdagne son gendre leur vassal: lesquels ayans vaincu l'Orient, subiugué l'Afrique, & dompté les Espagnes, & comblé quasi tout le rond de la terre de l'espouuancement de leur nom, n'esperoient pas qu'au reste des humains se deussent trouuer hommes ayans seulement la hardiesse de leuer la teste deuant eux. De façon que leur estant vne si belle occasion présentée, faisoient ia estat de la France, comme de pais qui fust ia en leur possession. Aussi ne se faisans pas beaucoup semondre pour partir d'Espagne, descendirent en nombre (comme on dit) de quatre-cens mille ou enuiron en Aquitaine avec leurs femmes & enfans, ne plus ne moins que s'il eust esté questiō de ne plus retourner. De sorte qu'ils se trouuerent tout incontinent espanduz comme vn deluge d'eau par toute la Guienne, iusques deuant Poitiers: où ils bruslerent le Temple S. Hilaire, ayant fait le semblable de tous les autres qu'ils auoient trouuez en leur chemin. Ce que les vieilles Annales & la Chronique de S. Benigne de Dijon avec Marianus Scotus tesmoignent estre aduenue ceste année.

année. En laquelle aussi vn certain liure de Marianus Scotus non imprimé, dict qu'ils destruisirent la ville d'Authun. A cause dequoy Paul Diacre & Anastasius ont dit que ce fut dix ans apres leur arriuee en Espagne, dont il se faut moins arrester à Sigebert, & à nos autres Historiens de France qui l'ont voulu rapporter à l'an 730.

Le Roy Pelagius fit en ce tēps plusieurs belles conquestes de villes & de places sur les Sarrazins, ayant Alfonse fils de Pierre Duc de Cantabrie son gendre à son ayde. Anto. Benthier. Les autres disent que le Calife des Sarrazins donna au mesme temps, à sçauoir en la 107. année de Mahomet vn Gouverneur general aux Espagnes nommé Ihahea qui y commanda 2. ans & demy.

<i>Du Monde.</i>	4863	<i>Papes.</i>	11	<i>R. des Escossois.</i>	11
<i>De Iesus Christ.</i>	726	<i>E. d Orient.</i>	10	<i>E. d'Italie.</i>	2
<i>Indiction.</i>	9	<i>R. des François.</i>	12	<i>Cal. des Sarraxins.</i>	1
<i>De l'Hegire 108. le 7. May.</i>		<i>R. de Castille.</i>	10	<i>R. des Bulgariens.</i>	25
		<i>R. des Lombards.</i>	14	<i>Duc de Venise.</i>	10

La sedition fut telle par toute l'Italie à l'occasion de l'edict des images, que l'Empereur vouloit indifferemment estre obserué par toutes les prouinces de son Empire, qu'il n'y eut ville qui ne se soubleuast contre luy à l'instigation du Pape. Tellement qu'on y fut sur le point de creer vn autre Empereur. Si est-ce toutesfois que le feu ne s'estendit plus outre, q̄ sur les Magistrats & Officiers de l'Empereur, qui furēt tous ou massacrez ou iettez hors des villes, & autres substituez tumultuairement en leur lieu. De sorte que l'Exarche Paul fut du nombre des massacrez à Rauenne. A cause dequoy l'Empereur enuoya vn Euty-chius tenir son lieu en Italie, où il fut Exarche l'espace de 24. ans. Et pource qu'il osa faire la paix à son arriuee avec les Lombards au desauantage du Pape & des Romains, le Pape l'excommunia, faisant si bien qu'il se mit d'accord avec le Roy Luitprand, moyennant qu'il luy laissât la iouissance des villes & places qu'il tenoit ja occupees sur l'Empire. P. Diacre, Anastasius, Blondus.

Cependant comme les edicts de l'Empereur se publioient par l'Orient, il n'y eut défaut de personnages de sçauoir à s'opposer à l'encontre, iusques à les reprendre de faits & d'escrits. Mais entre les autres Jean Damascene surnommé Chrysaoras ou Mansur se fit le plus renommer en ceste querelle. Car pour estre d'assez excellent sçauoir, il escriuit plusieurs liures pour la defense des images. Et à son instance fut assemblé vn Synode d'Euesques en la Syrie souz la donation des Califes: lesquels anathematiserent l'Empereur & ses edicts: qui aussi ne fut despourueu d'escruiains ne d'Euesques maintenans sa cause de toute la puissance de leurs entendemens.

Charles n'estimant assez d'auoir assemblé toute la gendarmerie de France pour repousser les Sarrazins, cognut aussi qu'il estoit expedient que le Duc Eudes luy fust reconcilié, qui n'estoit ja pas moins empesché de sa part d'une telle nuee que luy. A cause dequoy s'estant tant plus facilement retiré de nostre costé, seruit grandement à gagner la victoire de la iournee qui leur fut donnée deuant la ville de Tours vn Samedy du mois d'Octobre ou selon Marianus Scotus l'ynzième des Cal. de Septembre. Où les François firent vne telle boucherie d'eux, qu'ils semblerent les auoir plustost immolez que tuez, pour le peu de perte de gens qu'il y firent au regard des autres. De sorte que ce seroit chose du tout incroyable, si le tesmoignage des estrangers ne nous en faisoient foy. Tant y-a cependant que leur Roy Abdirame y demeura pour les gaiges, qui semble estre celuy que Nicephore appelle Habdirame fils de Muharias. Annal. anciennes, Ado. P. Diacre, Anastasius, Blondus.

Les histoires d'Espagne appellent Abdirame Roy de Cathelogne, & disent que deuant la iournee de Tours il estoit retourné avec vne partie de ses gens contre Mugnore seigneur de Cerdagne, qui se plaignoit de ce que les Sarrazins ne tenoient la foy qu'ils auoient promise à son beau-pere: de sorte qu'il l'auoit assiégé dedans son chasteau, & contraint par faute de prouisions de l'abandonner & s'enfuir ailleurs, mais qu'il tomba entre les mains d'autres Sarrazins qui le mirent à mort avec sa femme. Autres adioustent que

ce fut en ceste guerre, que le surnom de Martel fut donné à Charles pour auoir fait vn tel martelis de ses ennemis.

G I S I D E M I R Amiras & Calife des Sarrazins decedé, succeda son fils nommé **Euelid**, ou selon Cedrenus **Ifain**, en ses estats, lesquels il tint l'espace de 18. ans au compte que Nicephore en fait, qui recite aussi qu'il mena ceste année vne grande armee dedans les prouinces de l'Empire, où elle fit mal ses affaires. Mais elle n'en sortit pas sans payer cherement son voyage sur les gens de l'Empereur.

O S R I C Roy de Northumbellande voulant mourir resigna son Royaume à **Ceolnulf** frere du feu Roy **Leurede** son compagnon, avec qui il auoit regné 2. ans seulement. Au moyen dequoy il tint le mesme Royaume apres luy enuiron l'espace de 10. ans. Il est loué d'auoir aimé & fauorisé les lettres & gens d'icelles. A cause dequoy **Beda** luy dedia ses histoires.

<i>Du Monde.</i>	4864	<i>Papes.</i>	12	<i>R. des Escossais.</i>	12
<i>De Iesus Christ.</i>	727	<i>E. d'Orient.</i>	11	<i>Exarche d'Italie.</i>	1
<i>Indiction.</i>	10	<i>R. des François.</i>	13	<i>Cal. des Sarrazins.</i>	2
<i>De l'Hegire 109. le 26. Avril.</i>		<i>R. de Castille.</i>	11	<i>R. des Bulgariens.</i>	26
<i>uembre.</i>		<i>R. des Lombards.</i>	18	<i>Ducs de Venise.</i>	2

L E S tumultes & diuisions se dilaterent en telle sorte par tout l'Empire à l'occasion des images, que plusieurs s'esleuerent ouuertement contre l'Empereur, & signamment les legions & garnisons de la Grece & des Cyclades, lesquelles iointes ensemble souz la conduite de leurs Colonels se vindrent rendre deuant Constantinople le 18. d'Auril : où la fortune leur fut si contraire qu'ils se trouuerent en fin de compte tous deffaits & rompus, la pluspart estant submergez dedans la mer. **Niceph. Cedrenus.**

S V I V A N T laquelle occasion aussi les Romains se souleuerent totalement de la subjection des Empereurs de Grece, & se soubmirent eux & ce qu'on appelloit le Duché Romain, qui comprenoit les villes & pais dependantes de la prouince de Rome, au Gouvernement du Pape & de ses successeurs: tellement qu'il leur est tousiours depuis demeuré comme vn propre patrimoine, ainsi que tesmoigne **Sigonius**. Ce qui fut vn grand accroissement de la puissance Papale en biens temporels

A V T A N T que Charles despeschoit d'affaires, autant luy en renaissoient de nouvelles, qui faisoient que la gendarmerie de France ne pouuoit auoir aucun repos souz luy. Car ne faisant que sortir de la guerre Sarrazine, se vit contraint de remener son armee contre les Bourguignons qui donnoient à paroistre en eux quelque enuie de rebellion contre les François à la suscitation cōme aucuns ont voulu dire des Prouéceaux : mais se trouuerent si soudainement visitez par luy & de son armee, qu'ils n'eurent que loisir que de se remettre eux & leurs villes en son obeissance. Au moien dequoy il y laissa ses garnisons mesmement en la cité de Lion. **Annal ancien.** Les autres disent qu'il s'empara aussi de toutes les villes de la Prouence & du Languedoc au mesme voyage.

D O M **Garcie**, **Catie** ou **Garcias**, **Ximenes** ou **Scimenece**, selon d'autres **Ymugne** Capitaine de loüable memoire de la race des Goths, ayant par sa vaillance & conduite preferué les peuples de la Sobrarbie, & de la pluspart du Royaume de Nauarre & des enuirs, qui sont entre les monts Pyrenees, de tōber en la cruitude des Sarrazins, gaigné plusieurs belles victoires, & de leurs mains retiré beaucoup de fortes places, fut en faueur de tant de merites créé Roy desdits pais, qu'on disoit de Sobrarbie, ou (selon les autres) d'Arragon, où il regna l'espace de 30. ans, & en fut le premier Roy. **Anto. Benth. Franc. Taraf.** Mais les autres histoires d'Espagne tesmoignent qu'il en fut seulement déclaré Roy l'an 730. & que ceste année il partit des pais de Nauarre pour faire guerre aux Sarrazins.

V I R E C H Roy d'une partie des Anglois deceda, ayant vn fils nommé **Hildebert**, qui fut son heritier & successeur. **Sigebert.**

D E V X armées de Sarrazins, l'une souz la conduite de **Masalmas**, & l'autre de **Muhanias** frere d'**Euelid**, entrèrent par diuers lieux dedans les prouinces Romaines, où elles firent de piteux mesnage, mesmement en la cité de **Cesaree** en **Cappadocie**, qu'elles

qu'elles prindrent. Et puis allerent avec 90. mille combatans assieger la ville de Nicce, qui fut si braueuement defendue qu'ils faillirent à la prendre, Nicepho.

<i>Du Monde.</i> 4865	<i>Papes.</i> 13	<i>R. d'Escoffe.</i> 13
<i>De Iesus Christ.</i> 728	<i>E. d'Orient.</i> 12	<i>E. d'Italie.</i> 2
<i>Indiction.</i> 11	<i>R. des François.</i> 14	<i>Cal. des Sarrazins.</i> 3
<i>De l'Hegire.</i> 110. le 15. <i>Auril.</i>	<i>R. de Castille.</i> 12	<i>R. des Bulgariens.</i> 27
	<i>R. des Lombards.</i> 16	<i>Ducs de Venise.</i> 3

Les Romains se confians en la paix qu'ils auoient avec les Lombars, se laisserent surprendre d'emblee la ville & le chasteau de Sutrium, qui estoit de leur appartenace: mais à la priere du Pape elle leur fut bien tost apres renduë. Anastasius. Mais auant ceste red-dition, Sigonius tesmoigne que l'Exarche entra en ligue avec le Roy Luitprand, afin de se secourir reciproquement l'un l'autre contre leurs ennemis, entre lesquels le Pa-pe estoit nommé. Tellemēt qu'il estime que ce fut la cause qui fit cy apres aller Luitprand deuant Rome à son retour de Beneuent & Spolet.

EVDES Duc d'Aquitaine mourut au rapport des anciennes Annales ceste annee: oc-casion pourquoy Charles fit passer son armee outre la Loire, qui mit toute la Guienne & Aquitaine en son obeissance, spoliant Gaifer & Vvalde fils du decedé de la succession de leur pere. A cause dequoy ils se retirerent en Languedoc (qu'on appelloit la Gothie & Septimanie) où ils esmeurent en telle sorte ceux du pais, qui se nommoient Vvisi-goths (pour lequel nom toutesfois Aimoinus semble auoir vŕe du nom de Vvandalas) ensemble les Narbonnois & Prouenceaux, à telle pitié d'eux, qu'ils se resolurent de pren-dre tous ensemble les armes pour leur restitution. Et afin de mettre plus facilement leur intention a effaict, ils s'allierent premierement des autres Vvisigoths d'Espagne. Et puis tant de leurs propres pais que de leurs aliez mirent vne grande armee aux champs, qui en rauageant & foudroyant tout, trauerŕa toute la Bourgongne, se venant trouuer de-uant la cité de Sens, qui estoit si bien munie de bonnes gens de guerre, qu'ils oferent al-ler donner dedans le camp de leurs ennemis de si grande hardiesse, qu'ils en firent vn grand eschet. Qui fut cause de faire retirer les autres en leur pais. Ayant ja aussi aduertif-ŕement que Charles approchoit d'eux avec son armee. Ce pendant P. A mile & nos Hi-storiens François pensants que ces Vvisigoths fussent encore addonnez à l'Arrianisme, comme ils auoient esté autrefois, les blasonnent en cest endroit de toutes sortes de con-ŕices, comme si l'heresie Arrienne n'eust esté reiettee long temps au parauant de tous les Vvisigoths. Les histoires d'Espagne tesmoignent que Eudes eut vn autre fils outre les precedents, qu'elles nomment Asuar, qui conquesta cy apres le pays d'Arragon, & en fut le premier Comte.

CEOLVLF ou Cednulf fils d'Orisch ou Ostrich Roy de Northübellade en ce tēps regna 8. ans apres le trespas de son pere. Enuers lequel venerable Bede fut en grande au-torité & reputation, & luy dedia son histoire Eccles.

APRES Terbellis ou Trebelius, regna sur les Bulgariens Cormusius l'espace de 33. ans. Sigebert.

MASALMAS entra de rechef avec vne armee de Sarrazins dedans les prouinces Ro-maines, & en emmena vn grand butin. Nicephore.

<i>Du Monde.</i> 4866	<i>Papes.</i> 14	<i>R. des Escoffois.</i> 14
<i>De Iesus Christ.</i> 729	<i>E. d'Orient.</i> 13	<i>E. d'Italie.</i> 3
<i>Indiction.</i> 12	<i>R. des François.</i> 15	<i>Cal. des Sarrazins.</i> 4
<i>De l'Hegire.</i> 111. le 4. <i>Auril.</i>	<i>R. de Castille.</i> 13	<i>R. des Bulgariens.</i> 1
	<i>R. des Lombards.</i> 17	<i>Ducs de Venise.</i> 4

LVITPRAND se voyant en paix avec le Pape & l'Exarche, se resolut d'entreprendre de reprimer l'insolence des Ducs de Benevent & de Spolet, qui faisoient ja coustume de le mesconnoistre & de n'obeir à ses commandemens. De sorte qu'il mena ses forces contre eux, par lesquelles ils furent contraints de venir à satisfaction enuers luy, & en s'en retournant passer par Rome, pour (comme dit Anastasius) se saisir d'icelle, & de la personne du Pape aussi: Combien que Blondus ayme mieux que ce fust pour le saluer & visiter. Tant y-a cependant qu'il n'est memoire qu'il y ait fait autre chose.

LE tumulte des Vvisigoths fit prendre occasion aux Frisons & à leur Duc Pepon ou Poppon fils de Ratbot, de remuer mesnage contre les François. Mais ils se trouuerent si soudainement visitez de l'armee de Charles, qu'ils ne durerent gueres sans estre desconfits, & contraints se retirer en quelques isles du Rhin: qui leur seruirent encores de si peu, que les François les y aiats pourluiuus par nauires, acheuerent de matter & rompre du tout leur obstinacite. De sorte qu'estant leur Duc mis à mort, force fut de se soubmettre aux commandemens du vainqueur, qui leur fit renoncer au seruice des Idoles pour se ioindre au troupeau de Iesus Christ. Cependant les fils du Duc Eudes avec le secours des Vvisigoths recouurerent vne partie de la Guienne, auant que Charles peust estre de retour à eux.

EGBERT Roy des Anglois mourut ceste annee le iour de Pasques, qui se trouua (tel-moin Beda liu. 9.) au 9. de May.

HYME fils de Chaian Prince de Cazarie ou des Cazariens (qu'on disoit aussi Turcs) sortant de son pais avec grande armee se vint rendre dedans l'Armenie: où il fit vne grande desconfiture de Sarrazins & de leur Capitaine Gradacus, qui auoit le gouuernement tant de l'Armenie que de la Medie pour le Calife. Au moyen de laquelle il courut & rauagea comme il voulut, toutes lesdites prouinces: & puis les rendit à l'Empereur de Grece, mettant toute la nation Mahumetique en vn grand espouuement. Niceph.

<i>Du Monde.</i>	4867	<i>Papes.</i>	15	<i>R. des Escossois.</i>	15
<i>De Iesus Christ.</i>	730	<i>E. d'Orient.</i>	14	<i>E. d'Italie.</i>	4
<i>Indiction.</i>	13	<i>R. des François.</i>	16	<i>Cal. des Sarrazins.</i>	5
<i>De l'Hegire 112. le 29. Mars.</i>		<i>R. de Leon</i>	14	<i>R. des Bulgariens.</i>	2
		<i>R. des Lombards.</i>	18	<i>Ducs de Venise.</i>	5

LA reconciliation faicte entre le Pape & l'Exarche, s'esleua en ce temps en la Toscane vn nommé Tiberius Petasius contre l'Empereur, aiant du commencement si bien dressé son fait, que beaucoup de villes se rendirent de son party. Mais l'Exarche le vint trouuer en telle diligence, deuant qu'il eust moyen de se plus aggradir, qu'il le deffit & mit à mort. Anastasius, Onufrius.

LES Sarrazins informez du deportement des Vvisigoths en France, se laisserent facilement surprendre du desir d'y retourner pour vanger ou effacer leur premiere honte. A cause dequoy ils fallierent premierement des Vvisigoths donnât & prenant ostages d'eux: & puis se trouuans assemblez en nombre impossible à compter souz la conduite de leur Roy Anthimes ou Arhin, descendirent au Languedoc: où la cité d'Auignô fut incontînet mise entre leurs mains par la trahison du Comte Maurice de Marseille. Au moyen dequoy ils commencerent à faire courtes iusques dedans le Dauphiné: qui fut cause que Charles despecha deuant son oncle Childebrâd avec vne partie de ses forces pour les resserrer dedans Auignon, ou pour les garder de s'estandre iusques à ce qu'il eust avec le reste rassuré la Bourgogne, qui faisoit mine de se vouloir esbranler: tellement qu'il se fit faire serment de fidelité par les Lionnois: ce que les anciennes Annales rapportent à ceste annee, Sigebert à la 734.

DANIEL Drem Rus, qui signifie face vermeille, Roy de la petite Bretagne, mourut sans laisser aucuns enfans. Qui fut cause de faire tomber ses subiects en beaucoup de partialitez: pource que chacun des principaux seigneurs du pays se mit en possession de la terre, où il se peut rendre le plus fort, & s'en nomma Roy. Au moyen dequoy ils demourerent ainsi partis & diuisez iusques au temps de Charlemagne.

MA S A L M A S estant enuoyé contre les Gazariens & Huns dits Tentazites, qui signifie

fic Gentils, augmenta & doubla la honte & perte qu'ils auoient ia faicte aux siens, esperant l'aller venger : d'autant qu'il fut luy mesme avec son armee vaincu & mis en route par eux. Nicephore.

L'EMPEREUR Leon n'ayant peu en aucune maniere faire condescendre l'Euesque de Constantinople ne plusieurs d'autres prouinces à son opinion des images, fit assembler vn Concile de tous les Euesques d'Orient à Constantinople le 7. iour de Ianuier, en l'Indiction 13. où apres qu'ils eurent longuement debatue & conféré de la controuersie des images, la conclusion fut, que non seulement la veneration & adoration d'icelles; mais aussi l'usage sembloit estre totalement prohibee par la parole de Dieu : & leurs approbateurs & defenseurs coupables d'idolatrie. En vertu dequoy Germain Patriarche de Constantinople, perseuerant toujours en sa premiere opinion, fut deposté de sa dignité; & vn nommé Anastasius son disciple substitué en icelle, où il presida 24. ans. Mais l'Empereur fit publiquement rompre, briser, & bruler toutes les statues & images qui se trouuerent dedans Constantinople : commandant par vn edict fort rigoureux, de faire le semblable par toutes les prouinces de son Empire. Nicephore, Anast. Zon. Cedr.

Du Monde. 4868	Papes. 1	R. des Escosses. 16
De Iesus Christ. 731	E. d'Orient. 15	E. d'Italie. 5
Indiction. 14	R. des François. 17	Cal. des Sarrazins. 6
De l'Hegire 113. le 14. Mars.	R. de Leon. 15	R. des Bulgariens. 3
	R. des Lombards. 19	Ducs de Venise. 6

LA Bourgongne rassuree, Charles avec l'arriereban de ses forces, s'alla ioindre à son oncle Childerand. Au moyen dequoy ils assiegerent la cité d'Avignon, de telle puissance qu'ils entrèrent en fin dedans par assault : où ils eussent attrapé le Roy Athin, s'il ne se fust sauué par le benefice du Rosne, & retiré à Narbonne. Annales anciennes, Aimoinus.

MARIANVS Scotus declare que ce fut en ceste guerre, que Luitprand Roy des Lombards amena secours au Prince Charles : par lequel il luy aida à chasser les Sarrazins hors d'Avignon & du Languedoc. Qui fut aussi lors (ce disent Anastasius & autres) que l'Exarche embrassant l'opportunité que luy presentoit l'absence d'iceluy, mit vne armee aux champs, avec laquelle il mit en route vne armee de Lombards qui se vint presenter deuant luy, & retira de leurs mains tout le pais qu'on appelloit l'Emilie & le Pentapolis.

APRES Mahomet vn Abderramen obtint le Roiaume de Cordoue en Espagne l'espace de 3. ans : qui estoit le principal siege des Sarrazins en icelle.

MASALMAS Capitaine Sarrazin desirant recouurer la perte qu'il auoit faicte sur les Cazariens, se mit dedans les prouinces de l'Empire, mesmement dedans la Cappadocie : où il prit plusieurs Chasteaux, & en emmena vn grand butin. Nicephore.

CENT ans ou enuiron apres le trespas de Mahomet, le Calife des Sarrazins (tesmoin les Histoires Sarrazinesques & G. Postel) assemble vn Concile en la cité de Damas, de tous les plus fameux Docteurs de la religion Mahometique, leur ayant fait apporter avec eux tous les liures, exemplaires & escrits parlans de la doctrine, loy & religion dudit Mahomet. Desquels il fit recueillir & assembler en six volumes par six des principaux d'entre eux tout le sommaire de ladite loy, avec l'interpretation & explication de l'origine, progres & aduancement d'icelle. Ce que chacun desdits volumes comprenoit en loy, combien que ce fust selon l'imagination & conception de celuy qui l'auoit compilé. A l'occasion dequoy ils furent nommez Sunueh, qui signifie loy, & receuz en pareille autorité que l'Alcoran, apres qu'on eut ietté dedans le fleuve prochain tous les autres escrits & volumes desquels ils estoient extraicts & compilez. Mais quand on eut trouué que la declaration des opinions & interpretations des six precedents auteurs engendroit de plus grandes doutes qu'il n'y en auoit auparauant, la charge fut comme on dit encore donnée bien tost apres à quatre autres grands personnages de leur religion, de reduire en lieux communs les principaux poincts & articles de leur creance, selon lesquels ils se deuoient resoudre : lesquels toutesfois ne se trouuerent pas moins discordans en opinions

& iugemens que les precedents. Qui engendreront autant de sectes entre les Mahumetistes, qu'il y auoit de nations & de prouinces viuans souz la doctrine de Mahomet. Neantmoins on tient que les Maures & Africains s'addonnerent principalement à l'interpretation de l'un desdits quatre Docteurs nommé Melic: les Arabes & Damasquins à l'autre qui s'appelloit Afaf. Mais les Perles & Armeniens s'affecterent à Alambec: les Assyriens & Alexandrins à Buanif. Lesquelles choses toutesfois aucuns autres estiment auoir esté faictes souz le Calife Merban, fils d'Elhassen; d'autres souz Ahubekare ou Muharias.

GREGOIRE 2. du nom mourut, tesmoin le liure Pontifical, en la quatorzième Indiction, & comme Onufrius a obserué, l'vnzième iour de Feurier, laissant son siege vacant iusques au quatrième iour du mois de Mars ensuiuant. Auquel Gregoire troisième, natif du pais de Syrie, fut esleu pour tenir son lieu au siege Romain, où il presida l'espace de dix ans, huit mois, vingt quatre iours. Et se rendit à son aduenement si embesorgné à la defense des images, qui auoient esté condamnées au Concile precedent de Constantinople; pource que les actes d'iceluy luy auoiēt esté enuoyez à Rome, qu'il fit conuoyer en la mesme Indiction qu'il fut esleu, vn autre Synode à Rome. Auquel par l'aduis de 93. Euesques (comme tesmoignent Anastasius, le liure des Conciles & Sigebert: encore qu'Onufrius & Bôfinius ayent voulu dire 1080) qui s'y trouuerent, fut déclaré que l'adoratiō & veneration des images n'est pas non-seulement contreuenāte au seruice ny à la parole de Dieu, mais qu'elle luy est plustost agreable & plaisante. Et qu'anatheme estoit prononcé sur ceux qui en osoient parler autrement. De sorte que l'Empereur y fut nommément comprins, & quant-&-quant iugé indigne & incapable de la dignité qu'il s'attribuoit. En vertu dequoy toute l'Italie se souleua & retira tout en vn instant de son obeissance, luy déniaut tous les deuoirs à quoy elle estoit tenuē enuers les Empereurs: comme Nicephore en ses Annales d'Orient, Blondus dec. 1. liu. 10. Sabellic Enneade 8. liu. 8. & Platine avec Onufrius tesmoignent. Neantmoins celuy qui a remis depuis vingt ans en lumiere le liure intitulé du nom de Charlemagne, contre le decret du 2. Concile de Nicée (que l'on dit auoir esté le seigneur du Tillet) a osé debatre, qu'il ne se peult faire, ny que le Concile precedent de Rome, ny que les Papes de ce temps ayent si crument ordonné de l'adoration ou veneration des images: mais qu'ils se voulurent seulement opposer à la tyrannie & intemperance de laquelle vsoit l'Empereur en ce faict. Lequel cependant apporta grand accroissement à la puissance & auctorité que les Papes auoiēt en Italie. Pource que d'autant que les Italiens s'alienoient de l'Empereur, d'autant plus volontairement se venoient-ils ranger souz les commandemens des Papes, leur portans (comme dit Guicciardin) non pas vne vraye subiection, mais vne certaine obeissance volontaire, qui ne se manifesta que lentement.

<i>Du Monde.</i>	4869	<i>Papes.</i>	2	<i>R. d'Escoffe.</i>	17
<i>De Iesus Christ.</i>	732	<i>E. d'Orient.</i>	16	<i>E. d'Italie.</i>	6
<i>Indiction.</i>	15	<i>R. des François.</i>	18	<i>Cal. des Sarrazins.</i>	7
<i>De l'Hegire 114. le 3. Mars.</i>		<i>R. de Leon.</i>	16	<i>R. des Bulgariens.</i>	64
		<i>R. des Lombards.</i>	20	<i>Ducs de Venise.</i>	7

ROMVALD Duc de Beneuent mourut, laissant vn fils nommé Gisulfe, à qui le Roy Luitprand osta la Duché & en inuestit vn sien nepueu nommé Gregoire, qui la posseda 7. ans, comme P. Diacre tesmoigne. Combien que Blondus & Sabellic semblent estimer qu'il mourut au temps que la Duché de Spolet fut aussi ostee au Duc Trasamund par le mesme Roy,

CHARLES poursuivant le Roy Athin, l'alla enclore & assieger dedans la cité de Narbonne: en laquelle il se defendit si brauement, que nonobstant tous les efforts que firent les François, il ne leur fut possible de l'emporter ceste annee. Annales anciennes, Aimoinus.

ENVIRON le mesme temps aussi (lequel toutesfois n'a pas esté autrement specifié par les auteurs) aduint ce qu'on escrit, que Charles desirant confermer l'alliāce qui estoit entre les François & les Lombards, enuoya le Prince Pepin son fils, encore fort ieune, vers le Roy

Roy Luitprand, pour selon la coustume qui alors estoit entre les Chrestiens, se faire couper sa premiere chevelure par luy, qui estoit vn signe d'alliance spirituelle qu'ils faisoient entr'eux. Aimoinus liu. 4. P. Diacre.

DOM Pelayo ou Pelage premier Roy de Leon, mourut vn Vendredy 18. en Septembre, en l'Ere, tefmoin Roderic, 770. ayant vn fils nommé Fafilla ou Fauille, qui luy succeda à sa couronne, & fut tué par vn Ours en la 2. annee de son regne. On dit que luy & son pere portoient pour leurs armoiries vn Lion en châp d'argent, non à raison de la ville de Leon, mais de la Legiō Romaine que l'Empereur Nerua y auoit autrefois colloquee. Nicephore, Richard, Franc. Taraffa.

MORDACVS Roy d'Escoffe, homme benin & pacifique, mourut en la 17. annee de son regne. Au moien dequoy le Roiaume d'Escoffe reuint à Elfin fils du feu Roy Eugene 7. qui s'estudia autant à maintenir son Roiaume en tranquillité, qu'auoit fait son predecesseur. De sorte qu'en tout le temps de son regne qu'on dit auoir esté de 30. ans, il n'eut aucune guerre. Hector Boëtius liure 9. Neantmoins Beda tefmoigne en son histoire d'Angleterre que les Pictes & Escoffois assaillirent ceste annee le Roiaume d'Angleterre. Ce que possible il faudroit rapporter à Mordacus. Où il declare aussi qu'il acheua ses histoires en la derniere annee de ce Roy Mordac.

MASALMAS ayant remis sus vne grande armee, la mena iusques aux portes Caspiennes pour donner dedans le pais des Cazariens. Mais la crainte qu'il eut d'eux, le garda de passer outre, & le fit retirer en arriere. Nicephore.

Du Monde. 4870	Papes. 3	R. des Escoffois. 1
De Iesus Christ. 733	E. d'Orient. 17	E. d'Italie. 7
Indiction. 1	R. des François. 19	Cal. des Sarrazins. 8
De l'Hegire 115. le 20.	R. de Leon. 1	R. de Bulgarie. 5
de Feurier.	R. des Lombards. 21	Ducs de Venise. 8

EIRENE fille de Chaïen Prince de Cazarie, espousa Constantin fils de l'Empereur Leon, apres qu'elle se fut faite baptizer en la religion Chrestienne. Nicephore.

L'EMPEREUR desirant auoir la raison du Pape & des Italiens qui l'estoient distraits de son obeissance, equippa vne grande armee pour la faire passer en Italie souz la conduite d'un Patrice nommé Manes. Mais la tormente qui la rompit & dissipa, ne permit qu'il vint à chef de ses intentions. Qui fut cause qu'il exigea de grâds & extraordinaires imposts & subides de la Sicile & Calabre. Nicephore, Cedrenus.

CHARLES n'ayant accoustumé d'estre frustré d'aucunes de ses entreprises, se resolut de ne quitter le siege de Narbonne, qu'il n'en fust venu à chef. Qui fut aussi cause de faire partir d'Espagne vne autre grande armee de Sarrazins souz la conduite du Roy Amorhee, pour venir au secours des assiegez. Mais les François leur firent encore sentir vne telle esprouue de leur vaillance, que la plupart d'eux fut taillee en pieces avec leur Roy, & le reste n'eut meilleur marché que de regagner leur pais à la fuite. Occasiō pourquoy force fut au Roy Athin d'abandonner Narbonne, & se retirer bien legerement en Espagne avec ses gens. Auteurs precedens. Qui fut possible lors que Charles enuoia (cōme recite Fran. Taraffa) vn vaillant Capitaine Allemand nommé Ogier Golland, & surnommé Gothelō, accompagné de 9. autres grands Seigneurs, & d'un bon nombre de gens de guerre en Espagne pour faire la guerre aux Sarrazins dedans leur pais: où ils assiegerent la ville d'Emporia en Gerunde, laquelle ils faillirent à prédre, à cause de leur Capitaine qui mourut, qui fit retirer ses compagnons & leurs gens.

Du Monde. 4871	Papes. 4	R. des Escoffois. 2
De Iesus Christ. 734	E. d'Orient. 18	E. d'Italie. 8
Indiction. 2	R. des François. 20	Cal. des Sarrazins. 9
De l'Hegire. 116. le 9.	R. de Leon. 2	R. de Bulgarie. 6
de Feurier.	R. des Lombards. 22	Ducs de Venise. 9

ENVIRON ce temps Pemmo Duc de Friol en Italie, fit beaucoup de fascheries à l'Archeuesque d'Aquilee, iusques à le retenir en ses prisons, Dequoy le Roy Luitprâd fut tellement irrité, qu'il le despoüilla de sa Duché. Mais il la rēdit à son filz Rachise, qui fut cy apres Roy de Lombardie. En faueur aussi duquel il remit la vie à son pere. P. Diacre.

CHARLES pouruiuant le reste de ses ennemis qui estoient eschappez de ses mains, fit qu'ils s'ēbarquerēt sur mer, esperās luy oster la faculté de les suiure. Mais la tormēte les vint accueillir de si cruelle façon, qu'elle les submergea tous dedās les vndes. Ancien. Annales.

A Fauilla Roy de Leon decedē en l'Ere 772. sans enfans, succeda à sa courōne Alphōse premier du nom filz de Pierre Duc de Biscaye, en faueur de sa femme Ernuſande ou Ornoſube, ſœur du Roy defunct, & fille de Dom Pelayo. De sorte qu'il regna 19. ans. On tiēt qu'il estoit issu de la race du Roy Riccarede des Vvisigots: & que le surnom de Catholique luy fut donné, ou pource qu'il extermina l'heresie Arrienne de son Roiaume qui y recommençoit à pulluler, ou pource qu'il restaura & remit sus les Eglises & monasteres en Espagne, ou bien à raison des belles victoires qu'il gagna, & les conquestes qu'il fit sur les Sarrazins à l'auantage du nom Chrestié. Car il fut le premier qui passa la Gallicie pouruiuant les Maures, & qui les chassa d'Astorgue, Pont, Ferrade, Ville-franche & Tuy. Qui gagna aussi la citē de Leō, où il edifia vn Palais royal pour la residāce de luy & de ses successeurs. Bref qui retira beaucoup de villes & places de marque tant au Roiaume de Portugal & de Nauarre, que de Gallice. En la mesme annee aussi vn Abdemeli occupā le Roiaume de Cordouē en Espagne, qūi estoit le principal siege des Sarrazins en icelle, & y regna 4. ans.

A v mesme temps les prouinces qui estoient de l'Empire en Asie furent piteusement affligees, courües, rauagees & saccagees par Muhaniaſ filz d'Euelid. Nicephore.

Le venerable Bede Anglois, persōnage de vie louable & d'un singulier ſcauoir, mourut ceste annee, laissant grand nombre de disciples desquels, fut Alcuin, par lesquels les bōnes lettres & sciences furent bien tost apres ramenees & remises sus en l'Europe.

Du Monde.	4872	Papes.	5	R. des Eſcoſſois.	3
De Iesus Christ.	735	E. d' Orient.	19	E. d' Italie.	9
Indiction.	3	R. des François.	21	Cal. des Sarrazins.	10
De l' Hegire 117. le 29.		R. de Leon.	1	R. de Bulgarie.	7
de Ianuier.		R. des Lombards.	23	Ducs de Venise.	10

LES Romains souz la conduicte d'Agathon Duc de Peruse, assiegerent en ce temps la ville de Boulongne la Grasse. Mais les Capitaines du Roy Luitprand la defendirent si vertueusement, qu'ils ne leur osterent pas seulement le moien de la prendre, mais aussi les mirent houteusement en routte. P. Diacre.

CHARLES apres auoir encore fait ceste annee vne grande desconfiture de Sarrazins, mit la guerre Sarrazinesque totalemēt à fin. Au moien dequoy il voulut auoir sa raison tāt de Maurice Comte de Marseilles, que des peuples de Prouence & de la Septimanie (qu'on dit maintenant Languedoc) qui auoient eu intelligence avec ses ennemis. Tellement qu'il prit telle reparation d'eux qu'il voulut: & fit encore desmenteler & desnuer de murailles, les villes de ceux qui s'estoient les plus declarees, comme de Narbonne, Montpellier (dit lors *Sustancion*) Nismes, Beziers, Arles & Auignon. Ostant par mesme moyen la Comté de Marseille au Comte Maurice, que les autres ont nommē Mauruce, ou Marentin. Ainsi fut le Languedoc ramenē totalement en la subjection des François. Ancien. Annales, Ado, Regino, P. A. mile.

HVGObERT Duc & Prince de Bauiere mourut, laissant vn filz nōmē Vtilo ou Odilo, qui tint ses estats apres luy, & eut en mariage Hildrude fille de Charles Martel. Auentin liurē 3.

CELEOLVLE Roy de Northumbellande fut par ses ennemis tonsuré & reclus en vn monastere, apres auoir par contraincte resignē son Roiaume à son cousin Egibert, qui regna 22. ans, ou selon Guillaume de Malmesberie 20. seulemēt. On luy donne le los d'auoir aimē grandement les lettres, & auancē les gens lettrez.

VN Capitaine Sarrazin nommē Zulcymīn ou Solyman filz d'Isam, mena ceste annee vne armee en Armenie, où il ne fit rien de memorable. Nicephore.

Du Monde.

<i>Du Monde.</i>	4873	<i>Papes.</i>	6	<i>R. des Eſcoſſois.</i>	4
<i>De Ieſus Chriſt.</i>	736	<i>E. d'Orient.</i>	20	<i>E. d'Italie.</i>	10
<i>Indiction.</i>	4	<i>R. des François.</i>	22	<i>Cal. des Sarrazins.</i>	11
<i>De l'Hegire 118. le 18. Janvier.</i>		<i>R. de Leon.</i>	2	<i>R. des Bulgariens.</i>	8
		<i>R. des Lombards.</i>	24	<i>Ducs de Veniſe.</i>	11

CESTE partie de la Gaule qui eſt deçà & delà les riuieres de Seine & de Loire, ſe nomma (au rapport de Godefroy de Vviterbe) la province Godine iuſques au temps de Charles Martel, ſouz lequel elle commença (à ſon dire) non ſeulement d'eſtre nommée la France Occidentale, mais auſſi en faueur de luy Carlingie : combien que les autres ont eſtimé que ce fut quand elle aduint en partage à Charles le Chauue.

ZULCYMIN avec vne armee de 60. mille Sarrazins courut les provinces de l'Asie mineur. De ſorte qu'il paruint iuſques en la Cappadocie, où il prit vn grand nombre de priſonniers, entre leſquels ſe trouua vn natif de Bergame, qui ſe diſoit eſtre Tybere fils de l'Empereur Iuſtinian : lequel Euelid, ou (ſelon Cedrenus) Iſain pere de Zulcymin fit veſtir d'habits Imperiaux, & aller en ceſte ſorte ſe monſtrer avec grande ſuitte à toutes les villes de Syrie. Nicephore, Cedrenus.

<i>Du Monde.</i>	4874	<i>Papes.</i>	7	<i>R. des Eſcoſſois.</i>	5
<i>De Ieſus Chriſt.</i>	737	<i>E. d'Orient.</i>	21	<i>E. d'Italie.</i>	11
<i>Indiction.</i>	5	<i>R. des François.</i>	23	<i>Cal. des Sarrazins.</i>	12
<i>De l'Hegire 119 le 7. Janvier.</i>		<i>R. de Leon.</i>	3	<i>R. des Bulgariens.</i>	9
		<i>R. des Lombards.</i>	25	<i>Ducs de Veniſe.</i>	12

L'INSOLENCE & les faſcheuſes mœurs d'Vrſin 3. Duc de Veniſe le rendirent tant odieux à ſon peuple (qui n'auoit rien plus cher que ſa liberté) qu'en fin il ſe mutina de telle façon contre luy, qu'il le mit à mort. Et comme ſi le nom de Duc & la forme de gouuernement qui auoit eſté tenuë ſouz luy auparauant, ſe fuſt renduë coupable de meſme offence que luy, ſe voulut accommoder ſouz vn autre nom & forme de Magiſtrat, qui fut ſeulement annuel. De ſorte que Dominic Leon fut eſleu par ce moyen chef de la Republique Venitienne en la ville de Metomacca ſouz tiltre de Maiſtre de la Gendarmerie, ayant toutesſois meſme puiffance & auctorité que le Duc, excepté qu'elle expiroit avec ſon an. Blondus, Sabellie.

LES Saxons ayans fait paroître en eux durât la guerre des Sarrazins vne deliberation de remuer meſnage contre les François, furent cauſe que Charles au partir de la Prouence ſ'achemina ſi legerement contr'eux, qu'il ne leur donna loĩſir de ſe mettre en eſtat de deſenſe. Au moyen dequoy il les fit reuenir à telle raiſon qu'il voulut : teſmoin les anciennes Annales. Ainſi fut (comme dit P. Æmile) la France ſi bië embesongnee ſouz luy ſans aucune relache, qu'il n'y eut à peine vn ſoldat on gendarme qui ſe ſoit trouuë auoir eu loĩſir de reprendre ſeulement ſon aleine hors de la guerre. Qui fut auſſi cauſe de ſi bien aguerrire la nobleſſe François, qu'elle ſ'acquit non ſeulement en ce ſiecle, mais auſſi au ſuiuant l'honneur des armes ſur toutes les nations de la terre.

LES provinces d'Asie furent derechef couruës & pillées par l'armee de Zuleymin, avec la ruine & deſolation de pluſieurs places. Nicephore.

AV meſme temps Rachis Duc de Forli fit vne glorieuſe & memorable deſcõſiture d'une armee d'Eſclauons, qui eſtoient venuz courir iuſques dedans l'armee : en quoy il ſ'acquit grand bruit & renommee.

<i>Du Monde.</i>	4875	<i>Papes.</i>	8	<i>R. des Eſcoſſois.</i>	6
<i>De Ieſus Chriſt.</i>	738	<i>E. d'Orient.</i>	22	<i>E. d'Italie.</i>	12
<i>Indiction.</i>	6	<i>R. des François.</i>	24	<i>Calife des Sarrazins.</i>	13
<i>De l'Hegire 120. le 16. Decembre.</i>		<i>R. de Leon.</i>	4	<i>R. des Bulgariens.</i>	10
		<i>R. des Lombards.</i>	26	<i>Ducs de Veniſe.</i>	13

ENVIRON ce temps Trafamund Duc de Spolet se rebella contre le Roy Luitprand, qui mit si soudainement son armee aux champs, qu'elle le trouua dedas la Duché de Spolet deuant que Trafamund fust bien en poinct de la defendre. Au moyen dequoy il en fut facilement dechassé, & contrainct se sauuer dedans la cité de Rome, ne pouuât empêcher que Luitprand ne la donnast à vn de ses fauoris nommé Hilderich. P. Diacre, Anast. Liu. des Conciles.

A Dominic Leon succeda Felix di& Cornicula en la dignité de Maistre de la Gendarmerie de Venise. Au temps duquel les Esclauons entrerent à grande puissance dedans la Duché de Friol: d'où ils furent honteusement repoussez par le Duc Rachise. Sabellic.

MAVRICE Comte de Marseille estimant Charles fort empêché en Allemagne, se remit par son absence en sa Comté, & incita toute la Prouence à s'esmouuoir avec luy. Ce qui fit retourner Charles en telle diligence contre luy, qu'il n'eut loisir que de faire place aux François, & se retirer ailleurs à sauueté. Au moyen dequoy toutes les villes, places & forteresses, qui s'estoient ia donnees à luy reuindrent facilement en la puissance de Charles. Ce que les anciennes Annales disent estre aduenu ceste année & en la suiuite.

Au mesme temps vn Capitaine Sarrazin nommé Ocha s'esleua contre Abdemelech Roy de Cordouë, & principal Gouverneur des Sarrazins d'Espagne souz les Califes: & l'ayant vaincu en bataille, occupa l'estat d'iceluy, & le posseda l'espace de cinq ans. Roderic, Valsus.

<i>Du Monde.</i> 4876	<i>Papes.</i> 9	<i>R. des Escosson.</i> 7
<i>De Iesus Christ.</i> 739	<i>E. d'Orient.</i> 23	<i>E. d'Italie.</i> 13
<i>Indiction.</i> 7	<i>R. des François.</i> 25	<i>Cal. des Sarrazins.</i> 14
<i>De l'Hegire</i> 122. le 5. Decemb.	<i>R. de Leon.</i> 5	<i>R. des Bulgariens.</i> 11
	<i>R. des Lombards.</i> 27	<i>Ducs de Venise.</i> 1

Les Romains sommez par le Roy Luitprand de rendre le Duc Trafamund qui s'estoit retiré deuers eux, refuserent de ce faire. A cause dequoy le siege fut en ceste Indiction mis deuant la cité de Rome par les Lombards. Mais quand le deuoir que faisoient les Romains à se bien defendre, leur eut fait entendre que leurs forces n'estoient bastantes pour l'emporter, ils se contenterent de s'emparer de quatre fortes places du Duché de Rome, auant que Luitprand les remenast en son Roiaume: où estant de retour fit regner son neveu Hildebrand avec luy. Cependant Trafamund avec vne bonne trouppes de Romains, auxquels Godescal (qui s'estoit nouvellement mis en possession de la Duché de Beneuent, par la mort du Duc Gregoire) se vint ioindre: & s'alla ietter dedans la Duché de Spolet, de si bonne sorte qu'il s'en rendit derechef possesseur deuant que la mesme Indiction fust expirée. Anast. Liu. des Conciles.

THEODAT fils d'Vrsin dernier Duc de Venise fut le 3. Maistre de la Gendarmerie de Venise, que l'on dit toutesfois auoir esté par l'inconstance de ses citoyens enuoyé en exil, & puis rappelé. Autres disent qu'il fut encore continué l'an ensuiuant en la mesme dignité, en laquelle il mourut. A quoy neanmoins la plupart des autres auteurs contredisent.

PENDANT que la cité de Rome estoit assiegee des Lombards, le Pape Gregoire enuoya les clefs du Sepulchre & des lieux de S. Pierre au Prince Martel: qui estoit luy faire entendre, qu'il mettoit, luy, l'Eglise, & la cité de Rome en sa protection & sauuegarde. A cause dequoy il enuoya prier le Roy Luitprand de laisser en sa faueur les Romains en paix. Ce qui ne fut sans efficace. Qui fit que deslors les Papes eurent tousiours depuis refuge & recours en leurs affaires & falcheries aux Princes & Rois de France. Ce qu'Anast. declare expressement estre aduenu en la 7. Indiction. Desquels aussi la defense & le secours ne leur manqua. Aimoinus, Anastasius, Blondus, P. Amile.

ZVLCYMIN avec plus de cent mille combatans entra derechef dans les provinces de l'Empire, où il se diuisa en plusieurs bandes. La principale desquelles, qui souz la conduite de Malich & Batale s'alla aduancer sur le pais de Thraee, fut deffait & taillee en pieces par l'Empereur Leon: qui fut cause de faire retirer les autres. Nicophore.

Du Monde.

<i>Du Monde.</i>	4877	<i>Papes.</i>	10	<i>R. d'Escoffe.</i>	8
<i>De Iesus Christ.</i>	740	<i>E. d'Orient.</i>	24	<i>E. d'Italie.</i>	14
<i>Indiction.</i>	8	<i>R. des François.</i>	26	<i>Cal. des Sarrazins.</i>	15
<i>De l'Hegire 123. le 25. Nouëb.</i>		<i>R. de Leon.</i>	6	<i>R. des Bulgariens.</i>	12
		<i>R. des Lombards.</i>	28	<i>Ducs de Venise.</i>	1

IVLIAN Cæparin se nommoit celuy qui fut 4. Maistre de la Gendarmerie à Venise. Sabellic.

THEODORIC Roy titulaire de France mourut, & luy succeda au tiltre Royal Childe-ric son frere, qui fut le dernier Roy de la race du grand Clouis. Les anciennes Annales disent aussi qu'estans les Goths vaincuz & domptez, les Saxons & Frizons subiuguez, & la Prouence regaignee, la Frâce fut ceste annee en paix. Combien qu'Aimoinus tesmoigne que Charles vn peu deuant son trespas fit partage de ses estats & seigneuries entre ses enfans: & puis enuoya Pepin accompagné de son oncle Childebrand & d'une armee en Bourgongne, qui faisoit mine de s'esbranler à rebellion, Mais il semble plustost que ce fut pour en mettre Pepin en possession, à qui elle estoit assignee en son partage avec la Neustrie, ainsi que l'Austrasie avec les prouinces de delà le Rhin à son frere aîné.

INAs Roy des Saxons Occidentaux, qui tenoit l'vnziesme lieu apres Cerdicius, rendit en ce temps son Roiaume tributaire au Pape, tesmoin Polydore Virg. liu. 4. Mais Balæus racompte qu'il estoit allé à Rome, où il s'estoit rendu moine dès l'année 728. De sorte qu'il y mourut, ayant vn fils nommé Ethelhard, qui luy succeda en son Roiaume. Autres apportent encore son trespas plus tost.

<i>Du Monde.</i>	4878	<i>Papes.</i>	11	<i>R. des Escoffois.</i>	9
<i>De Iesus Christ.</i>	741	<i>E. d'Orient.</i>	25	<i>Exarche d'Italie.</i>	15
<i>Indiction.</i>	9	<i>R. des François.</i>	27	<i>Cal. des Sarrazins.</i>	16
<i>De l'Hegire 124. le 14. Nouëb.</i>		<i>R. de Leon.</i>	7	<i>R. des Bulgariens.</i>	13
		<i>R. des Lombards.</i>	29	<i>Duc de Venise.</i>	1

A Leon Iconomache Empereur d'Orient decedé, succeda son fils Constantin 5. ou 6. surnommé Copronyme, au throsne Imperial d'Orient: lequel s'estant autāt violemment ou, (comme on dit) intemperamment & immodestement conduit en la controuersie des images qu'auoit fait son pere, nous a esté depeinct par Nicephore & Zonare pour le plus vicieux, cruel & detestable tyran que la terre eust iamais porté: confessans neantmoins que son regne a assez heureusement duré depuis le 18. iour de Iuin de l'Indiction 9. auquel Leon mourut iusques à son trespas l'espace de trêtequatre ans, 3. mois, 6. iours: ainsi que tesmoigne Nicephore en vn endroit, qui toutesfois en vn autre a escrit 35. ans, 2. mois, 27. iours. Selon lequel aussi la 9. Indiction en laquelle ledit Leon mourut, escheut en la 6648. an de la creation du Monde, selon la supputation des Grecs: ou au compte des Alezandrins 6232. & depuis le trespas du Roy Alexandre 1063.

A Iulian Cæparin succeda en la dignité de Maistre de la gendarmerie Venitienne le seigneur Iean Fabriciat: à qui toutesfois elle fut ostee, & les yeux creuez deuant que son annee fust expirée. D'autant que le peuple suiuant son inconstance accoustumee deuenusoul d'un si frequent changement de Magistrats, reprit enuie des premiers. Tellement qu'il fallut retourner à la creation d'un Duc, qui tomba sur Theodat fils de celuy Vrsin à l'occasion dequoy elle auoit esté supprimée. Au moyen dequoy il fut le 4. qui exerça la dignité Ducale en l'isle de Metamocca l'espace de 13. ans. Blondus, Sabellic.

CHARLES Martel premier nommé Prince des François, mourut à Paris le 22. iour d'Octobre: selon qu'Aimoinus tesmoigne, avec le supplément de Gregoire. Et combien qu'il eust la pluspart de son temps cōbatu pour la Religion Chrestienne; neantmoins il s'en est trouué qui n'ont point eu de honte de mettre en auant beaucoup de comptes, pour faire croire qu'il a esté damné pour n'auoir restitué les biés des Eglises qu'il auoit empruntez pour souldoyer la gendarmerie au temps de la guerre cōtre les Sarrazins. Cependant il est certain qu'il laissa 4. fils, Carloman, Pepin surnomé le Bref, Gilles Archeuesque

le Rouën, & Griffon qui estoit d'une autre mere que les autres. Ce nonobstant Carloman & Pepin tirerent toute la succession de leur pere à eux. Aimoinus, Supplément de Gregoire. Nous trouuons par anciennes Panchartes, qu'ils s'intituloient Ducs & Princes des François. Ancien. Annal. Aimoinus, A do, avec le Continuateur de Gregoire nommé par aucuns Fredegair Scholaistique, qui finit la continuation de son histoire des François à la mort dudit Charles. Duquel aussi semble auoir esté extraict tout ce qui est en Aimoinus, depuis le 41. chap. iusques au 57. du liu. 4. estant le reste compilé d'autres auteurs. Quant à ce qu'ils ne comptent tous que 25. ans pour le temps de la principauté de Charles, c'est pource qu'ils les commencent seulement de la iournee de Vinciati.

EVELID Calife des Sarrazins fit ceste année tailler en pieces tous les Chrestiens captifs & prisonniers qu'il auoit entre ses mains. Nicephore.

GREGOIRE 3. du nom Pape de Rome, fut le 3. des plus grands personages de la terre, qui mourut ceste année le 28. iour de Novembre. A qui fut donné pour successeur le 1. iour de Decembre, vn moine natif de Grece nommé Zacharie: le pere duquel se nommoit Polycronius, qui presida au compte d'Onufrius 10. ans, 3. mois, 14. iours. Aucuns ont estimé, que ce fut luy qui inuenta la façon des habits dont les Prestres & gens d'Eglise vsent à la difference des autres.

<i>Du Monde.</i>	4879	<i>Papes.</i>	1	<i>R. des Escossois.</i>	10
<i>De Iesus Christ.</i>	742	<i>E. d'Orient.</i>	1	<i>E. d'Italie.</i>	16
<i>Indiction.</i>	10	<i>R. des François.</i>	1	<i>Cal. des Sarrazins.</i>	17
<i>De l'Hegire 125. le 3. Nouë.</i>		<i>R. de Leon.</i>	8	<i>R. de Bulgarie.</i>	14
		<i>R. des Lombards.</i>	3	<i>Ducs de Venise.</i>	1

L'EMPEREUR Constantin estant party de Constantinople pour marcher contre les Sarrazins, se vint trouuer au païs des Obsciens, desquels Artabasdus (qui exerçoit l'estat de Curopalate, & auoit sa sœur en mariage) estoit Gouverneur pour luy. Neantmoins ils entrerent en telle defiance l'un de l'autre, que l'Empereur le pensant faire saisir finement, le trouua si bien sur ses gardes, qu'il ne se desueloppa pas seulement à l'aide des Obsciens du danger de ceux qui auoient la charge de l'apprehender: mais aussi alla d'une façon si desesperée donner sur le train de l'Empereur, qu'il le contraignit se sauuer de grande vitesse en la ville d'Amonum. Au moyen dequoy Artabasdus se transporta à Constantinople, où en haine de Constantin il fut salué & proclamé Empereur par le peuple le 27. de Iuin. Cependant Constantin fit telle leuee de gens qu'il peult de ceux qui ne luy auoient encore rompu la foy, tant pour se remettre sus que pour reuenir desfricher son ennemy. Nicephore, Zonare.

LUITPRAND auant enuie de recouurer la Duché de Spolet, mit aux champs à ceste intention une armee, laquelle en trauersant une forest fut assaillie par les Romains si à propos, qu'ils en firent un grand eschech: qui eust esté encore plus grand, si Rachise Duc de Frioli n'eust par sa vaillance empesché les Romains de faire pis. Mais tant y a qu'il fut tel, que Luitprand se trouua pour ceste fois rebutté de son intention: tenant toutesfois tousiours son armee si preste, que dès qu'il ouyt le vent du retour des Romains (qui estoient allez au secours de Trasamund) à Rome au mandement du nouveau Pape, il se remit aussitost dedans la Duché de Spolet, & y fit un tel exploit, que la plupart des villes furent en peu de temps reduictes en sa puissance. Au moyen dequoy comme le reste sembla ne deuoir plus guerres durer contre luy, & qu'il menaçast la cité de Rome, le Pape Zacharie luy enuoya presenter tant de belles paroles, qu'il l'appaisa, luy fournissant aussi tout ce qui estoit de gendarmerie à Rome pour l'accompagner à paracheuer de debeller le Duc Trasamund: lequel estant en ceste sorte destitué de tous moyens de defense, se rendit à la mercy du Roy, qui le confina en une moinerie, & puis institua Agiprand son nepueu Duc de Spolet. Ce qui fit entendre à Godescal Duc de Beneuent, qu'il ne luy en pendoit pas moins à l'œil. A cause dequoy il se voulut retirer à Constantinople. Mais les Beneuentins le prindrent & occirent. Parquoy la Duché fut aussi donnée à Agiprand. En fin estant Luitprand venu à chef de tous ses cōtredifans, il restitua au Pape les 4. villes qu'il auoit ostées aux Romains, & reconferma l'accord qu'il auoit fait avec luy. P. Diacre, Anast.

Vn seigneur nommé Hunauld auoit esté cy deuant fait par Charles Gouverneur du pais d'Aquitaine souz tiltre de Duc, ou comme veult Aimoinus, de Patrice: & neantmoins dès le viuât d'iceluy cōmença de proietter les moyēs de se faire seigneur propriétaire & en souueraineté du pais duquel on ne luy auoit donné que le gouuernement seulement. Tellement que Charles y ayant pris garde, auoit enuoyé dès l'an 739. l'Abbé de S. Germain pour descouurir ses intentions, lequel fut par luy retenu iusques au trespas de Charles, qui le fit ouuertement declarer qu'il ne vouloit aucunemēt recognoistre les fils & heritiers d'iceluy. Qui fut cause que Carloman & Pepin menerent leur puissance en telle diligence contre luy, qu'il n'eut loisir que de leur faire place, & se reconcilier avec eux. Au moyen dequoy il ne se trouua personne en Aquitaine qui osast plus branler deuant eux. De sorte qu'ils n'eurent plus affaire qu'à departir entr'eux la succession de leur pere. Et par le partage qui s'en fit, le Roiaume d'Austrasie, ensemble les Prouinces d'outre le Rhin, aduint à Carloman. Le reste fut à Pepin, sans faire compte de leur frere Griffon: lequel ne pouvant digerer ce tort, se laissa inciter par sa mere (qui estoit de la maison de Bauiere) à s'emparer de la ville de Laon, pour auoir meilleur moyen de là de repeter son droit: mais ses freres l'eurent si tost preuenü, qu'il ne se peut garentir de tomber en leurs mains, ne d'estre enuoyé par eux tenir prison en vn Chasteau des Ardennes, restât encore le loisir ceste annee à Carloman de mener son armee contre les Allemans, qui auoient osé remuer mesnage depuis le trespas de leur pere, à la suggestion de leur ancien Duc Theodoual, qui auoit esté cy deuant déchassé par Charles: lesquels il rendit tellement estonnez de sa venue, qu'ils ne se firent pas longuement harceler pour obeir à ses commandemens. Aimoinus, ancien. Annal. Ado, Regino.

CHARLES surnommé depuis le Grand, fils de Pepin, naquit ceste annee (cōme tesmoigne le temps de l'aage qu'on dit qu'il a vescu) en vne petite ville nommee Iugelhim, qui est deçà le Rhin: comme toutes les histoires Françoises apres Eginhard & Aimoinus tesmoignent: nonobstāt qu'Auentin s'est efforcé de faire croire que ce fut au pais de Bauiere, lors que Pepin alla faire la guerre à Odillon.

LA guerre ciuile qui estoit entre l'Empereur & ses aduersaires, donna occasion & moyen d'entrer & faire de grands degasts dedans les prouinces de l'Empire. Nicephore.

Av mesme temps vn nommé Abdemelic ayant vaincu Oca ou Ocha, se remit en possession du gouuernemēt general des Espagnes pour le Calife des Sarrazins, duquel il auoit esté debouté par iceluy 5. ans au paruant. Il tenoit son siege à Cordouë, dont il estoit aussi appelé Roy: tellement qu'il y regna encore vn an. Rod. de Tolette, Vasaüs.

L'EGLISE d'Antioche ayant demeuré l'espace de 40. ans sans Patriarche par l'empeschement des Sarrazins, eut ceste annee permission d'en eslire vn, qui se nommoit Estienne, lequel presida 2. ans. Nicephore.

Du Monde.	4880	Papes.	2	R. des Escossois.	11
De Iesus Christ.	743	E. d'Orient.	2	E. d'Italie.	17
Indiction.	11	R. des François.	2	Cal. des Sarrazins.	18
De l'Hegire 126. le 23. O-		R. de Leon.	9	R. des Bulgariens.	15
Etobre.		R. des Lombards.	31	Ducs de Venise.	2

ARTABASDVS se maintenoit si brauement en la dignité qu'il auoit vsurpee, qu'il osa ceste annee marcher contre Constantin iusques en Asie. Mais quand il veit qu'il le venoit aussi chercher luy-mesme, il se retira dedans Constantinople, laissant son fils avec vne armee pour soustenir ses ennemis, par lesquels il fut mis en route. Au moyen dequoy Constantin assembla tout ce qu'il peut de forces, & vint assieger par mer & par terre la cité de Constantinople: laquelle fut assez long temps defendue vaillamment. Nonobstant que toutes les saillies que fit Artabasdus sur luy ne vindrent à aucun profit. Mais en fin Constantin la pressa de si pres, (ioinct que la grande famine qui y estoit, en fit sortir & escouler grand nombre de personnes) qu'il entra dedans le 2. iour de Nouembre, estant ia en la 3. annee de son Empire: & y prit vne cruelle vengeance de ses ennemis, faisant toutesfois seulement creuer les yeux à Artabasdus & à 2. de ses fils, lesquels furent repris en se voulant sauuer. Nicephore.

C E P E N D A N T le Roy Luitprand des Lombards informé des affaires de la Grèce, fit guerre à l'Exarche de Rauène, de si bonne sorte qu'il luy osta plusieurs places, & se vouloit aller aduanturer deuant Rauenne, si le Pape Zacharie à la priere de l'Exarche ne se fust transporté dedans son camp: où il fit tant par ses remonstrances enuers luy, qu'il ne leua pas seulement son siege, mais aussi rendit à l'Exarche tout ce qu'il auoit occupé sur luy depuis deux ans. Ce qu'Anastasius, Blondus, & le liure des Conciles disent estre aduenü en ceste Indiction.

O D I L O N Duc de Bauiere auoit (au rapport de Sigebert) rauy la sœur des Princes Carloman & Pepin: ou selon les autres, s'estoit rebellé contr'eux. Tant y-a que pour quelque occasion que ce fut, qu'ils marcherent tous deux contre luy, & l'ayants desconfit en bataille rangée, le firent venir recognoistre sa faute, & reprendre son Royaume d'eux à condition (comme dit Auentin liu. 3.) de n'en porter plus d'oresnauant que tiltre de Duc seulement. Ce pendant ils luy laisserent leur sœur pour femme. Aimoinus, ancien. Annal. Regino.

E V E L I D ou Isain 15. Calife & Emir des Sarrazins mourut, & luy succeda en sa dignité Gezid 3, du nom (selon Nicephore fils d'Abdimelech, qui régna seulement vn an: lequel toutesfois a esté appelé par Cedrenus & autres Euelid, par qui on dit que les habitans de Cypre furent transportez en Syrie. Les histoires d'Espagne appellent ce Gezid Isid, & disent que les Sarrazins d'icelle se rebellerent contre luy. A cause dequoy il y enuoya vn sié Lieutenant nommé Abubacard, pour les reduire en son obeyssance. Lequel en voulant executer son intention, fut bien tost apres son arriuee mis à mort. Au moyen dequoy vn Maure nommé Redoam, (selon Roderic, Toban) s'empara du gouuernement general des prouinces que les Sarrazins tenoient en Espagne, lequel il n'exerça pas long temps.

C O S M E Patriarche d'Alexandrie reiettant l'heresie des Monothelites, se remit avec tous ses paroissiens au troupeau des Catholiques. Niceph.

L A cité de Majence fut en ceste Indiction designée par le Pape Zacharie Metropolitaine & capitale de toute la Germanie en la spiritualité, de laquelle toutes les autres deuoient reprendre: & en fut aussi par mesme moyen institué premier Primat & Metropolitain Boniface Legat dudit Pape en la Germanie. Encore qu'il se trouuaist grand nombre de Prestres, qui ne le vouloient receuoir ny recognoistre, l'appellant autheur de mensonges, turbateur & commoteur de la loy & paix Chrestienne. Auentin li. 3.

P E T R O N A X citoien de la ville de Bresse en Italie, s'estant addonné à la vie monastique fit par le commandement du Pape Zacharie rebastir & remettre au dessus le monastere de S. Benoist du môt Cassin, qui auoit demeuré en ruine depuis 110. ans. Et puis apres y auoir rassemblé quelques moines, en fut fait Abbé par le mesme Pape, duquel il receut aussi la regle qu'on deuoit obseruer en son ordre, avec la primauté & superiorité sur toutes les autres Abbayes & Abbez. P. Diacre.

Du Monde.	4881	Papes.	3	R. des Escossois.	12
De Iesus Christ.	744	E. d Orient.	3	E. d Italie.	18
Indiction.	12	R. des François.	3	Cal. des Sarrazins.	1
De l'Hegire 127. le 12. Octob.		R. de Leon.	13	R. des Bulgariens.	16
		R. des Lombards.	32	Ducs de Venise.	3

L E S Saxons se rebellans contre les François furent cause de faire marcher le Prince Carloman au partir de Bauiere contr'eux, en si bon equippage qu'il prit le chasteau d'Ofchembrug sur eux. Et les estonna en fin de telle façon, qu'ils se soubmirent à ses commandements, luy baillant leur Duc Theodoric pour ostages de leur promesses, lequel bien tost apres fut renuoyé sur sa foy. Ancien. Annales, Aimoinus, Ado, Regino, Auentin.

Du

Du retour des Huns en la Pannonie ditte maintenant Hongrie.

LA nation des Huns (comme recitent les Annales des Hongrois) estoit multipliee en ce temps en telle abondance de peuple au pais de la Scythie Orientale, qu'ils s'aduiferent pour descharger leur terre de prédre par sort de 108. familles, ou lignees & tribus qui estoient entr'eux, deux cents seize mille personnes, pour aller chercher leur fortune & aduanture ailleurs. Lesquels ayants fait ceste resolution, se diuiserent en sept bandes, chacune desquelles comprenoit trente mille huit cens cinquante sept personnes, souz la conduite de sept Capitaines, qui recognoissoient vn souuerain & general sur eux, qui estoit Arpad fils d'Almus ou Almus mesme (qu'on disoit estre descendu en ligne directe d'Attila). Car ils estimoiēt que Chabas fils d'Attila fut pere d'Edede, qui fut fils d'Vegek ou Vegek pere d'Elendus, de qui nasquit Almus. Somme qu'ils sortirent en ceste disposition à iour nommé de leur pais, avec bonne intention d'aller conquerir la Pannonie ja par leurs ancestres autre fois occupee & habitee: ou de se ioinde à ceux qui y estoient restez. En sorte qu'ils trauserent vne infinité de pais & de fleuves, mesmement le Tanais. Et ayants passé les regions des Roxolans, Sarmates, Amasobiens & Tauroscytes, se vindrent en fin rendre au pais dit au iourd'huy la Transiluanie. Où chaque bande edifia pour sa tetracte & seureté son chasteau à part. Qui fut cause de faire cy apres nōmer la terre des sept Chasteaux: en laquelle le Prince Almus fut occis en faisant guerre aux peuples d'alcnuiron, comme Basterniens, Albiens & Chumaniens. A cause dequoy les Huns subrogerent son fils Arpad en son lieu, par qui ils furent incitez de se pousser encore dedans la Pannonie, qu'on dit maintenant Hongrie. Ce qui leur succeda si bien qu'ils s'en rendirent maistres & possesseurs, après en auoir deiētē les Esclauons & Polonois qui la possedoient & occupoient, aiantz occis en vne rencontre leur Roy Zuentoplug ou Suatoplug, selon d'autres Suathes. Au moyen dequoy Arpad establit sa demeure au pres de la ville d'Albe, dicte Belgrade, sur le mont de Noë, & y commanda iusques à son trespas sur les Huns: lesquels Mathias Mechonijs en son liure des peuples de la Sarmatie Europee, estime auoir esté particulierement nommez Iurhi (à raison de la contree dont ils estoient partis, qui se nommoit Iurha) les autres Auari ou Iuuari: & de là estre en fin procedee la nomination des Hongrois, que les Polonois mesmes nomment encore au iourd'huy Hugres. Combien qu'Aeneas Silvius l'aime mieux rapporter à vne certaine nation de Scythie, de laquelle Iornandes a fait mention souz le nom de Hunugari. Mais il semble que cela conuient mieux à ceux qui occuperent cy apres les Pannonies souz l'appellation de Hugres ou de Hongres (qui aussi se disoient Turcs) au temps de l'Empereur Arnoul: à cause qu'il ne se trouue point que ceux qui les ont tenuës en ce temps & iusques audit Arnoul, & qui furent aussi vaincus & subiuguez par Charlemagne, aient iamais esté autrement nommez que Huns & Auarois, pour la raison que nous auons exposee cy deuant: comme il se peut verifier par toutes les hist. tant Grecques que Latines, signamment par Eginhard, les anciennes Annal. Aimoinus, Ado, Regino & autres. Cependant aussi d'autant que ceste nouvelle arriuee des Huns en la Pannonie ne se trouue auoir esté sçeuë ou entendue ny tesmoignée d'aucune histoire ancienne & fameuse que des Hongroises modernes seulement, qui l'ont rapportee à l'an 744. Anto. Bonfinius en ses decades ne s'est point pensé abuser, reputant ce qu'on en a escrit entre les choses non aduenues: pour ce qu'il a ceste opinion que les Huns seuls qui n'estoient bougez de la Pannonie depuis le temps d'Attila, se trouuerent en ce temps accreuz & augmentez en telle abondance qu'ils eurent moiē de recommencer à faire parler d'eux comme au parauant, donnans à imaginer qu'une autre nouvelle troupe de Huns s'estoit venue ioinde à eux. Ce qui me semble auoir d'autant plus de verisimilitude, que ce que nous auons recité cy dessus de Zuentoplug Roy des Esclauons semble iustement appartenir à Zuendibolch, dit par d'autres Zuendebald ou Sua-

rebog Roy des Esclavons de Moraue, qui fut deffait & occis par les Hugres souz l'Empereur Arnoul. Comment que ce soit toutesfois, on tient que dudit Arpad est issu la genealogie des Rois Chrestiens de Hongrie: d'autant qu'ils disent qu'il fut pere de Zultan, de qui fut fils Toxon ou Toxis pere de Geicza premier Roy Chrestien de Hongrie, qui fut aussi pere de S. Estienne, & eut vn frere nomm   Michael, la lignee duquel tint le Royaume de Hongrie apres que celle de Geicza fut faillie. Quant aux Capitaines des Huns qui estoient souz Arpad, on nomm   les six d'entr'eux Zabolch, Gyula (de qui est procedee la lignee des Giulai qui dure encores) Keuund, que l'on estime aussi estre autheur de la race des Kendiens, Lehel, Berbulcho & Vvrs. De l'un desquels aussi on dit estre issu Seytha ou Seytha, qui fut le premier qui s'aduanca de reduire les Hongrois    la religion Chrestienne, ayant    son arriuee plusieurs Chrestiens, nomm  ment vn Adeodat   de la famille des Tanseuerinesques de Sicile, qui fonda deux monast  res en la Pannonie, l'un appell   de Sata, & l'autre de Parato: & tint aussi sur les fons le Roy Estienne premier de ce nom. Bonfinius, liu. 9. dec. 1. Abraham Bascka, Michael Ricius, Volaterranus, Nacler, Ioan. Sambucus.

EN vne guerre ciuile excitee entre les Sarrazins, Euclid ou Gizid fut occis, & luy succeda en ses estats son fils nomm   Hycles, par Cedrenus Izid Leips  , ou Abraham, qui au rapport de Nicephore acheta la principaut   de D  rtas d'Abdimelech, que Basilius Herold estime faussement auoir est   son grand pere, qui auoit tenu 40. ans au parauant le Califat, pource que cel   semble plustost appartenir    vn autre.

EN vn Synode de 34. Euesques celebr      Rome par l'auctorit   du Pape Zacharie, le mariage fut interdit aux Euesques. Hist. Eccles. de Magdebourg.

A v m  me temps aussi fut celebr   vn autre Synode en France    Soissons par l'auctorit   de Pepin, auquel les Euesques condamnerent l'heresie d'un Adalbert, & commanderent de brusler certaines petites croix (qu'on appelloit Crucilias) qu'il auoit fait planter par sa paroisse. Liu. des Conciles.

<i>Du Monde.</i>	4882	<i>Papes.</i>	4	<i>R. d'Esboffe.</i>	13
<i>De Iesus Christ.</i>	745	<i>E. d'Orient.</i>	4	<i>E. d'Italie.</i>	19
<i>Indiction.</i>	13	<i>R. des Fran��ois.</i>	4	<i>Cal. des Sarrazins.</i>	1
<i>De l'Hegire 128. le 1. Octob.</i>		<i>R. de Leon.</i>	11	<i>R. des Bulgariens.</i>	17
		<i>R. des Lombards.</i>	1	<i>Ducs de Venise.</i>	4

LVITPRAND Roy des Lombards mourut en la 32. annee de son regne, laissant le droit de sa succession    vn sien nepueu nomm   Hirprand ou Hildebrand (qu'Onufrius estime auoir est   son fils, pource possible qu'il l'auoit adopt  ) qui auoit ja commenc   de regner avec luy deuant son trespas. Mais les Princes L  bards cognoissants sa ne  tise le depos  rent 5. mois apres: & establirent en son lieu Rachise Duc de Friuli homme vaill  r & debonnaire, qui leur c  manda l'espace de 5. ans, 6. mois: selon que tesmoignent Anastasius, Blondus & Onufrius. Mais la date d'une sienne ordonnance, qui est de la 2. annee de son regne & de la 14. Indiction, nous aduertit qu'il faut icy constituer le c  mencement de son regne, plustost que l'an 743. P. Diacre d'Aquilee finist son hist. des Lombards au trespas du Roy Luitprand.

NONOBTANT que Theodoric Duc de Saxe eust est   renuoi   sur sa foy, toutesfois il incita les Saxons    se reuolter de rechef contre les Fran  ois. Dequoy indignez les deux freres retournerent avec vne seconde puissante armee contre luy, par laquelle ils le ramenerent prisonnier. Regino.

MARVAN ou Maroan ou Marias, & selon d'autres Muharias, ayant occis en vne rebellion le Calife Hycles, duquel les histoires d'Espagne disent qu'il estoit frere, s'empara en la 4. annee de l'Empire de C  stantin de la principaut   & du Califat des Sarrazins. De sorte qu'il le tint l'espace de 6. ans: nonobstant que 2. puissans seigneurs s'esleuer  t c  tre luy,    s  auoir Thebith & Darach Arurileusien. Mais il les deffit avec leur armee deuant la ville d'Emessa, o   Thebith fut tu   ainsi que tesmoigne Niceph. qui dit que Maruan estoit de la parent   de Gizid.

Du Monde

<i>Du Monde.</i>	4883	<i>Papes.</i>	5	<i>R. d'Escoffe.</i>	14
<i>De Iesus Christ.</i>	746	<i>E. d'Orient.</i>	5	<i>E. d'Italie.</i>	20
<i>Indiction.</i>	14	<i>R. des François.</i>	5	<i>Cal. des Sarrazins.</i>	1
<i>De l'Hegire 129. le 20. Septeb.</i>		<i>R. de Leon.</i>	12	<i>R. des Bulgariens.</i>	18
		<i>R. des Lombards.</i>	2	<i>Ducs de Venise.</i>	5

L'EMPEREUR Constantin fit ceste annee venir demourer à Constantinople tous les parens & descendans de la parenté de sa mere, nonobstant qu'ils fissent profession de l'heresie des Monophysites. Nicephore.

CARLOMAN quittant les honneurs & delices de ce monde, s'alla rendre moine au mont Soracte en la Toscane, iusqu'à ce qu'il vit que c'estoit vn lieu trop frequenté & decouvert. A cause dequoy il se transporta au mont Cassin lieu plus solitaire & loingtain: où Regino racompte merueilles de sa patience qu'il eut à porter le bois qu'il falloit pour la cuisine, & qui pis est à endurer des coups de bastons des autres moines. Les Annales. ancien. toutesfois referent cecy à l'an ensuiuant.

CONTRE Maruan s'esleua de rechef vn autre aduersaire nommé Zulchymmin, à qui la fortune estant aussi peu fauorable qu'aux autres, le rendit vaincu par Maruan: de sorte qu'il fut contraint se retirer à sauueté au pais de Perse. Neantmoins Darach osa remettre sus vne autre armee, par laquelle il mit le fils dudit Maruan en routte. Mais quand le pere eut luy-mesme amené ses forces contre luy, il dura si peu, qu'à la premiere rencontre il le defit & tua. Au moyen dequoy les villes de Damas, d'Heliopolis & de Hierusalem, qui auoient tenu pour les aduersaires, se rengerent souz sa puissance, avec la ville d'Emessa ou Emetessa, en laquelle (comme dit Nicephore) il fit mettre à mort tous les enfans & parens de son predecesseur Hiscem qui peurét tomber entre ses mains. Qui me fait estimer que c'est luy que Jean Leon appelle Hiskem.

VIRGILIUS Euesque de Saltzebourg en Bauiere, homme de grande erudition, maintenoit en ce temps qu'il y auoit des Antipodes. Dont il fut reprins par Boniface Archeuesque de Majence: & depuis suiuant le commandement du Pape Zacharie depolé de son Euesché, comme auteur d'une peruerse doctrine. Auentin li. 3.

<i>Du Monde.</i>	4884	<i>Papes.</i>	6	<i>R. des Escoffois.</i>	15
<i>De Iesus Christ.</i>	747	<i>E. d'Orient.</i>	6	<i>E. d'Italie.</i>	21
<i>Indiction.</i>	15	<i>R. des François.</i>	6	<i>Cal. des Sarrazins.</i>	2
<i>De l'Hegire 130. le 9. Septeb.</i>		<i>R. de Leon.</i>	13	<i>R. des Bulgariens.</i>	19
		<i>R. des Lombards.</i>	3	<i>Ducs de Venise.</i>	6

CONSTANTIN faisant son profit des guerres ciuiles qui estoient entre les Sarrazins, mena vne armee en la Syrie, qui prit la ville de *Germanicia* avec celle de *Dulichium*, & fit aucuns autres exploits de guerre. Ce pendant les garnisons qu'il auoit en l'isle de Cypre repousserent lourdement vne armee de Sarrazins qui y voulut venir prendre terre. Nicephore.

PEPIN ayant reduit toute la Monarchie de France souz sa main, poursuuiuit son frere Griffon: lequel aiant rôpu ses prisons, s'estoit retiré au pais de Saxe, où il incitoit ja les Saxons à prendre les armes pour luy contre son frere. Mais les anciennes Annales disent qu'ils se mirent en deuoir de les reconcilier ensemble. Qui fut cause que Griffon entra en desffiance d'eux, & se retira au pais de Bauiere.

GRAND nombre d'Eglises, d'Eueschez & de Monasteres furét en ce temps fondees & instituees en Allemagne par Boniface Archeuesque de Majence, Legat & facteur du Pape. Deuant lequel aussi il accusa enuiron le mesme temps plusieurs Euesques d'Allemagne d'heresie & de beaucoup d'autres crimes, comme de mauuaise vie & de rebellion contre luy: mesmement de ce qu'ils l'appelloient prescheur & auteur de mensonges,

corrupteur de la loy & perturbateur de la paix Chrestienne, & ne se voulants soubmettre ny assubietir aux commandemens & traditions de l'Eglise Romaine. A cause dequoy ils furent cōdamnez & demis de leurs ministeres, nommement Gebolib, Clemens & Sanfon Escossois, Sidonius de Bauiere & Albert natif de France. Auentin liu. 3. Nacler, Baleus. Vicelius confesse qu'Albert fut declaré heretique, pource seulement qu'il moientenoit que les ceremonies de faire dont on vsoit en l'Eglise Romaine en l'imposition des mains, en la confirmation des baptizez, & en faisant le signe de la croix, estoient superstitieuses & sans fondement en la parole de Dieu.

<i>Du Monde.</i>	4885	<i>Papes.</i>	7	<i>R. des Escossois.</i>	16
<i>De Iesus Christ.</i>	749	<i>E. d'Orient.</i>	7	<i>Exarche d'Italie.</i>	22
<i>Indiction.</i>	1	<i>R. des François.</i>	7	<i>Cal. des Sarrazins.</i>	3
<i>De l'Hegire 131. le 29. Aoust.</i>		<i>R. de Leon.</i>	14	<i>R. des Bulgariens.</i>	20
		<i>R. des Lombards.</i>	4	<i>Ducs de Venise.</i>	7

VNE grande pestilence affligea grandement la cité de Constantinople, & la pluspart de la Grece en ce temps: auquel aussi beaucoup de monstres & autres choses inaccoustumees & terribles aduindrent.

GRIFFON estant arriué au pais de Bauiere, pource que le Duc Odilo ne s'y trouua, qui accompagnoit le Prince Pepin, il se saisit facilement de la personne du ieune Tassillon fils d'iceluy, & de la Princeesse Hildrude sa mere (qui estoit sa sœur) & par consequent de tout le Duché de Bauiere, à l'aide mesmement d'aucuns François & Bauariets (qui accoururent à luy avec Suatogerion & Landfroy Duc des Sueuiens) se delibérant de le retenir pour soy, comme y ayant droit à l'occasion de sa mere. Mais Pepin reuint avec sa puissance cōtre luy, qui le desnichā non seulement de Bauiere, & y restitua Tassillon, mais aussi l'ayant pris en vne bataille, l'emmena avec luy en France, où il luy donna la Duché Dandeli, qui comprenoit souz soy 12. Comtez du pays de Northandie. Dequoy il fut si peu content, qu'il se retira l'année mesmes vers Gaifer fils de Hunauld Duc d'Aquitaine, pour l'inciter à se rebeller contre Pepin, selon les auteurs precedents. Quant à la Duché Dandeli, La zius s'est lourdement persuadé qu'elle estoit en la Bourgongne Transjurane, veu que le nom de Dandeli l'informoit assez de ce qui en est.

SIGEBERT 14. Roy des Saxons Occidentaux en Angleterre, aiant esté fort cruel envers ses subiets & changé leurs anciennes loix & coustumes, fit pour le cōble de ses maux meurtrir iniustement vn des seigneurs de son Royaume, lequel reprenoit de ses vices. Occasion pourquoy son peuple s'esleua contre luy, & le deposa: & substitua en son lieu Kenulphe, qui ne fut pas gueres plus vertueux que luy. Dōt il eut aussi vne semblable fin, apres auoir regné 31. an. Car Sigebert apres sa depositiō fut occis en vn bois par vn Porcher.

<i>Du Monde.</i>	4886	<i>Papes.</i>	8	<i>R. des Escossois.</i>	17
<i>De Iesus Christ.</i>	750	<i>E. d'Orient.</i>	8	<i>E. d'Italie.</i>	23
<i>Indiction.</i>	2	<i>R. des François.</i>	8	<i>Cal. des Sarrazins.</i>	4
<i>De l'Hegire 132. le 19. Aoust.</i>		<i>R. de Leon.</i>	15	<i>R. des Bulgariens.</i>	21
		<i>R. des Lombards.</i>	5	<i>Ducs de Venise.</i>	8

RACHISE Roy des Lombards violant la paix qu'il auoit avec les Romains, mit vne armee aux champs, qui entra dedans le terroir de Rauenne, où elle assiegea la ville de Peruse. Mais le Pape Zacharie l'y vint trouuer, & le prescha de si bonne façon, qu'il ne luy fit pas seulement rompre son entreprinse, mais aussi prendre en tel mespris les affaires de ce monde, qu'il resigna son Royaume à son frere nommé Aistulphe, & s'en alla rendre moine à Rome. Au moyen dequoy Aistulphe regna sur les Lombards sept ans. Anastasius, Blondus, Onufrius.

GALAZE Roy des Sarrazins de Tolette en Espagne en ce temps.

Du Monde

<i>Du Monde.</i>	4887	<i>Papes.</i>	9	<i>R. des Eſcoſſois.</i>	18
<i>De Jeſus Chriſt.</i>	750	<i>E. d'Orient.</i>	9	<i>E. d'Italie.</i>	24
<i>Indiction.</i>	3	<i>R. des François.</i>	9	<i>Cal. des Sarrazins.</i>	5
<i>De l'Hegire 133. le 8. Aouſt.</i>		<i>R. de Leon.</i>	16	<i>R. des Bulgariens.</i>	22
		<i>R. des Lombards.</i>	1	<i>Ducs de Veniſe.</i>	9

Les predeceſſeurs de Pepin ayants deſpouillé les Rois de France de leur auctorité, ſe-
ſtoient toutesfois contentez de leur laiſſer le ſimple tiltre de Roy, afin de ſ'accommoder
auec le peuple François, qui auoit ce nom en telle reuerence, qu'il ſembloit eſtre impoſſi-
ble de le pouuoir oſter à la race de Clouis ſans tomber en vn grand trouble & conſuſion.
Celà toutesfois ne ſatisfaſſant à l'ambition de Pepin, qui affectoit de ioindre en ſoy le
nom auec l'auctorité roiale, n'eſtât retenu que par quelque mine de religion & conſcience,
ſ'aduiſa pour ſe deſpeſtrer de ce ſcrupule, d'enuoyer Bourchard Eueſque de Vvitz-
bourg en la Franconie (qui eſtoit creature de l'Archeueſque Boniface de Majence) auec
Wvolorad preſtre ſon domeſtique à Rome non (comme pluſieurs ſe ſont perſuadez) pour
impetrer diſpenſe du Pape Zacharie tant pour luy que pour les François du ſerment de fi-
delité & obeyſſance qu'ils auoient au Roy Childeric ou Hilderic, mais pour le faire iuge,
ſi celui qui ne prenoit aucun ſoin ne cognoiſſance du Royaume, eſtoit plus digne de re-
gner que celui qui portoit toute la charge & les moleſties des affaires d'iceluy. Et à ce
que par ſon iugement & approbation Pepin ſit ſembler iuſte & raſſonnable aux François,
ce qu'il pretendoit obtenir d'eux par ceſte menſee. Car on ne ſçauoit encore alors que
c'eſtoit de diſpenſes, & moins qu'il fuſt en la uiſſance des Papes de depoſer & inſtituer
les Rois. A cauſe de quoy Hinemarus Archeueſque de Reims teſmoigne en ſes Epiſtres
(comme nous reciterons encore cy apres ſouz l'an 869.) que les eſtats de France & de
Lorraine, enſemble le Roy Charles le Chauue meſme reſpondirent au Pape Adrian 2.
qui les vouloit contraindre par excommunications de laiſſer le Royaume de Lorraine à
l'Empereur Loys: Qu'il ne ſ'eſtoit iamais veu ny ouy qu'aucun Pape ſe fuſt voulu entre-
mettre de iuger des Roiaumes. Et ce qui ſe pourra voir outre plus au meſme lieu. Pour la
meſme cauſe auſſi l'Empereur Henry 4. & ſes ſucceſſeurs, ou ceux qui ont deſendu leur
cauſe au different qu'ils ont eu cy apres auec le Pape Hildebrand & les ſucceſſeurs d'ice-
luy, ont tousiours reproché l'allegation du fait de Zacharie à l'endroit du Roy Childeric;
duquel ils ſe vouloient preualoir contre eux, comme ne ſe deuant pas prendre en la ſorte
qu'on l'obicctoie. Quoy que ce ſoit, il n'y alla perſonne pour plaider la cauſe de Hilde-
ric. Ce pendant la deliberation de toute ceſte affaire fut traittee ceſte année: mais l'Am-
baſſade n'alla à Rome que l'an 751. qui ſera pour accorder Aimoinus, Ado, Regino, auec
les anciennes Annales.

Les parens, allies & tenans de la maiſon de Hiſkem, comme eſtans de la lignee &
parenté de Hali, lequel ils preſeroient à Mahomet, eſtoient pour ce regard te-
nus pour heretiques & ſchiſmatiques enuers la pluſpart des Mahumetiſtes, qui les trait-
toient fort cruellement où ils ſe pouuoient rencontrer. De ſorte que force leur eſtoit d'e-
ſtre fugitifs & ſe tenir couuerts & cachez en l'Arabie mineur ſouz la cōduite & obeyſſan-
ce d'un nommé Hibraim fils d'Euelid, lequel ſ'aduiſa d'enuoyer en ce temps vn de leur ſe-
cte & de leurs eſclaves, nommé Amuſlin aux Maurophores de Chorafan en Perſe, pour
les inciter do s'eſleuer en faueur de ſon maiſtre contre Maruan. Leſquels ſuiuants le con-
ſeil d'un Carabane ſoliciterent par menſees tous les eſclaves des autres contrees de Perſe
de mettre leurs maiſtres à mort, & de ſe garnir de leurs armes, montures & richesses. Ce
qui fut fait, en telle façon que ces eſclaves deuindrēt maiſtres du païs, ſe diuiſans en deux
ſections, l'une deſquelles ſe nomma des Lamonites, l'autre des Caiſmiés; deſquels Amu-
ſlin ſe conſtitua chef, pource qu'il les trouua les pluſ forts, & par eux deſſit & extermina
les Lamonites. Et puis ſ'alla preſenter deuant Hiblin fils d'Halbaren, Lieutenant de Mar-
uan en Perſe, qui le venoit chercher auec cent mille combatans, de telle allegreſſe qu'il le
deſſit & mit en routte. De ſorte qu'il fut force à Maruan d'amener l'arriereban de ſes ſor-
ces (qu'on diſoit faire nombre de plus de trois cens mille combatans) en perſonne contre

luy. Qui firent aussi peu que les premiers. Car s'estans les deux armées attaquées au pres le fleuve de Zaba, le malheur tomba de rechef si despitueusement sur Maruan, qu'il n'eut moyen de sauuer de toute son armée que 4. mille hommes, avec lesquels il se sauua en Egypte. Nicéphore, Cedrenus.

Les Hongrois six ans apres leur arriuee en la Pannonie commencerent à molester de courses & de voleries les regions circonuoisines, comme la Stirie & Carinthie, faisant retentir le son de leurs armes iusqu'en la Moraue & Boëme. Naucler, Bonfinius.

Du Monde.	4888	Papes.	10	R. d'Escoffe.	19
De Iesus Christ.	751	E. d'Orient.	10	Fin de l'Exarche d'Italie.	
Indiction.	4	R. des François.	10	Cal. des Sarrazins.	6
De l'Hegire 134. le 28. Iuillet.		R. de Leon.	17	R. des Bulgariens.	23
		R. des Lombards.	2	Ducs de Venise.	10

LEON 4. du nom, nay seulement du 25. iour de Ianuier de l'annee precedente, fut par l'Empereur Constantin son pere déclaré Auguste comme luy ceste annee, le iour de la Pentecoste, & couronné quant & quant de la couronne Imperiale par le Patriarche Anastase. De sorte qu'on fait compte qu'il a gouuerné l'empire souz ce nom avec son pere l'espace de 24. ans, 3. mois, 9. iours. Nicéphore.

ASLVLFE desirant estendre les limites de sa domination sur les Romains, denonça la guerre tant à l'Exarche qu'au Pape, s'il ne luy rendoit la cité de Rome tributaire. Au refus de quoy il mena son camp deuant la cité de Rauenne, qui se defendit si mal, qu'elle luy fut en fin rendue avec toutes les villes & places de l'Exarchat. Ausquelles l'Empereur de Grece ne peut subuenir pour les empeschemens qui le retenoient ailleurs. En quoy prit fin le gouuernement des Exarches & de l'Exarchie semblablement en Italie 183. qu'elle y eust esté estable. Anastasius. Li. des Cōciles, Blodus, Onufrius. Sigonius le rapporte à l'annee ensuyuant.

LE Pape Zacharie ayant entendu l'Ambassade de Frāce, ne se fit gueres solliciter de donner responce à l'intention de Pepin, le support duquel luy estoit necessaire contre les Lombards. Aussi qu'il estoit bien raisonnable qu'il fit ce (dont Albert Crants s'est bien aduisé) qui est dit en l'écriture, *Qui me glorificet, ego exaltabo*. Tellement qu'il bailla declaration de sa volonté en vne lettre que les Ambassadeurs porterent aux estats de France; la datte de laquelle estoit du 4. Nouemb. Indict. 5. & 33. annee de l'Empire de Constantin: pource qu'on le comptoit de l'annee que son pere l'auoit déclaré Auguste: & que le commencement des Indictions ne se prenoit pas encore lors en cour de Rome au commencement de Ianuier, mais au 24. Septēbre selon les Grecs. Aimoinus, Ado, Regino, ancien. Annal. Auentin.

MARVAN pouruiuy par ses ennemis, nommément par Salin fils de Hali, qui estoit des principaux de la race de Hali, fut de rechef defait en vne cruelle bataille en Egypte, où il perdit la vie. Au moyen de quoy les principaux chefs de la race de Hiskem & de Hali departirent par sort entr'eux toutes les prouinces de l'Empire des Sarrazins. Par lequel partage Abdallas fils de Hali & frere de Salin obtint la principauté de Syrie: Abuballas fils de Muhammat le Royaume des Perles: Abdallas son frere la Mesopotamie, qui établit son siege en la ville de Badach ou Bagadet ditte anciennement Babylone. De laquelle il fut appelé Calife, & y regna 5. ans. Mais Salin frere de l'autre Abdallas, demeura possesseur de l'Egypte, où il prit aussi le nom de Souldan & de Calife, que ses successeurs ne voulurent depuis abandonner. Ce pendant aucuns tiennent qu'Amuslin mourut en Perse, où il laissa de sa lignee qui a duré iusqu'au iourd'huy, de laquelle ils disent estre procedez ceux qui portent le nom de Sophi. Les autres recitent que les fils & parens de Maruan dechassez en ceste façon de l'Asie, s'escarterent en diuers lieux: de sorte que les vns se retirerent en Espagne, où ils s'accommoderent avec les Rois de la lignee de Muhania qui y regnoient, à raison de laquelle ils s'attouchoiēt de cōsanguinité. Les autres s'arrestērēt en la Mauritanie, où par succession de temps ils fonderent le Royaume de Fez. Nicéph. Cedrenus, Iean Leon en son hist. d'Afrique. Coelius August.

A Theophilaſte

A Theophilaſte Patriarche d'Antioche decedé, ſucceda au Patriarchat Antiochien Theodore fils d'un Bigarre, natif d'Arabie, qui preſida ſix ans. Niceph.

Du Monde.	4889	Papes.	1	R. des Eſcoſſois.	20
De Jeſus Chriſt.	752	E. d'Orient.	11	Cal. des Sarrazins.	1
Indiction.	5	R. des François.	1	R. de Bulgarie.	24
De l'Hegire 135. le 17. Juillet.		R. de Leon.	18	Ducs de Veniſe.	11
		R. des Lombards.	3		

Les villes de Theodoſiopolis & de Malitene furent ceſte année priſes par les Sarrazins par l'Empereur Conſtantin. Niceph.

S V I V A N T la volonté & declaration du Pape, les eſtats de Frâce assemblez à Soiffons degraderent le Roy Childeric & ſa femme Giſale de la dignité royale, & les enuoyerent faire profeſſion de la vie monaſtique au païs de Bauiere ſans y auoir deuotion. Puis coſe-
quemment donnerent le nom de Roy au Prince Pepin, le faiſant couronner au commence-
ment de ceſte année par Boniface Archeueſque de Majence. De ſorte que la France fut deſlors gouuernée par luy ſouz tel tiltre, enuiron l'eſpace de 17. ans, apres que la race des Merouingiens en fut ainſi deboutte & ſpoliee de ſon honneur 293. ans apres le trespas de Merouee, & apres le commencement du regne de Clouis 267. & 238. apres le trespas d'iceluy: Enſemble auſſi 47. ans apres que Pepin Heriſtel eut transporté en ſa lignee la dignité du Maire du Palais des deux Frances: & enuiron 888. apres que le Maire Ebroin eut commencé d'eſleuer & aggrandir la puiſſance & auctorité de ſa dignité au deprimement & raualllement de celle des Rois. Ce qui ſe fit ſemblablement 238. ans deuant que Hugues Capet vſurpaſt la couronne de France ſur la lignee de Pepin. Qui eſt vn nombre conſiderable en la Cabale Pythagorique, es changemens des republiques: pource qu'il eſt ſolide, compoſé de 20. Septenaires: lequel m'a fait encore aduiſer, que le 496. qu'on eſtime eſtre le plus propre à tels effaits, ſe peut obſeruer depuis ceſte année iuſques à l'an 1247. Auquel l'Empereur Frederic 2. fut à la ſuggeſtion d'un Pape demis de ſa dignité, & vn autre ſubſtitué en icelle: ainſi que Childeric fut ſelon le conſeil de Zacharie degradé, & Pepin eſleu. Eginhard Aimoinus & les anciennes Annal. declarent euidentement auoir eſté au commencement de ceſte année, ou à la fin de la precedente. Nous auons le teſmoignage d'une ancienne inſcription faite de la 3. année du regne dudit Pepin, Indiction 7. Cependant on obſeruera que toute ceſte menée fut conduite par creatures Papales ſans qu'aucun Prelat de France y fuſt employé, qui n'eut point encore fait le ſerment au Pape. Auſſi l'on cognoiſt que le transport de la couronne de France en la maiſon de Pepin apporta vn grand auancement de la grandeur, auctorité & puiſſance du ſiege Romain en l'Europe, ſignamment ſur les Eglises de France, qui au parauant ne rendoient aucune obeyſſance aux Eueſques de Rome, au moins telle qu'ils ont fait depuis, encores qu'ils leur attribuaſſent quelque preeminence ſeulement & ſuperiorité ſpirituelle. De ſorte qu'ils aſſembloient leurs Synodes ſans leur auctorité, & ſans y appeller leurs Legats pour y preſider. Nonobſtant que Loup Abbé de Ferrieres en vne de ſes Epiſtres que nous alleguerons cy apres, afferme que le Pape Zacharie par le conſentement d'un Synode tenu à Rome, auquel ſe trouua Boniface Archeueſque de Majence, donna permiſſion à Pepin de choiſir en ſa Cour, tels qu'il verroit eſtre dignes pour eſtre Eueſques des plus honorables Eglises. Mais tous les autres attribuent celà au Pape Adrian. Finalement il ſe remarquera encore que la race de Pepin ſera cy apres par vn exemple ſingulier de la prouidence diuine ſupplantee par Capet & par ſes anceſtres, quaſi par tels moiens, occasions & progres que la precedente a eſté par Pepin.

A v meſme temps vn nommé Thoaba perſonage belliqueux & noble fut eſtably Gouuerneur general des païs que les Sarrazins occupoient en Eſpagne, ayant ſon ſiege à Cordouë, où il régna ſeulement vn an. Vaſeus.

ZACHARIE Pape mourut le 15. iour de Mars: auquel fut donné pour ſucceſſeur vn certain Preſtre nommé Eſtienne, qui mourut 4. iours apres ſon election, qui auoit eſté fait 8. iours apres le trespas de ſon predeceſſeur. A cauſe de quoy il n'a eſté mis au catalo-

gue des Papes: mais on a fait compte seulement de celuy qui fut estably en sa place portant mesme nom que luy, à sçavoir d'Estienne qui presida depuis le 30. iour de Mars (auquel son election fut faite, iusqu'à sa mort l'espace de 5. ans 29. iours. Aucuns ont escrit qu'estant esleu, le peuple le porta sur ses espauls iusques au temple de Constantin. A cause dequoy on le compte pour le premier qui s'est fait porter de ceste façon.

EN cetéps s'estleua vne grande sedition populaire en la ville de Gand en Flandre, à l'occasion des images que les vns vouloient auoir & honorer dedans les temples, les autres au contraire les reiettoient. De sorte que l'Abbé Fulbert fauorisant les images y fut tué. Jacques Meier en sa Chron. de Flandre.

<i>Du Monde.</i>	4890	<i>Papes.</i>	2	<i>R. des Escossons.</i>	21
<i>De Iesus Christ.</i>	753	<i>E. d Orient.</i>	12	<i>Cal. des Sarrazins.</i>	2
<i>Indiction.</i>	6	<i>R. des François.</i>	2	<i>R. des Bulgariens.</i>	25
<i>De l'Hegire 136. le 6. Juillet.</i>		<i>R. de Leon.</i>	19	<i>Duc de Venise.</i>	12
		<i>R. des Lombards.</i>	4		

LES Saxons suyuant leur inclination naturelle à rebellion, ou à ne se pouuoir comporter en seruitude, reprindrét les armes contre les François. Qui fut cause que le Roy Pepin s'achemina contre eux l'annee d'apres son couronnement, à si bonnes enseignes qu'il leur fit bien lourdement sentir leur faute en vne bataille qu'il gagna sur eux, où l'Archeueque de Cologne nommé Hildigarius fut tué. Auquel temps son frere Griffon passant par le pais de Sauoye pour aller remuer quelque mesnage avec le Roy des Lombards, fut mis à mort par Theodin ou Theodon Gouverneur du pais pour Pepin.

Cependant Aistulphe Roy des Lombards ayant reduit tout l'Exarchat de Rauennne, se voulut encore approcher de la cité de Rome pour y mordre s'il pouuoit. A cause dequoy le Pape Estienne se transporta vers luy pour l'inciter par ses remonstrances à le deporter de son entreprinse: & pource qu'il le trouua obstiné, il passa de là en France pour auoir secours du Roy Pepin: lequel à son retour de Saue, luy fit vn si honorable recueil (qu'on a osé dire qu'il luy tint l'estrier à descendre de son cheual, & se delibera de conduire luy-mesme vne armee de la les monts en sa faueur, nonobstant que le Prince Charlotman son frere fust aussi venu deuers luy de la part de son Abbé, pour recommander & defendre la cause du Roy Aistulphe. Mais Anastasius tesmoigne que le Pape arriua seulement en France au comencement de l'annee ensuiuante, estant party de Rome le 24. iour d'Octobre de la 7. Indiction pour faire ce voiage. Annales anciennes, Aimoinus, Sigebert.

ALFONSE surnommé le Catholique 3. Roy de Leon mourut (tesmoin Roderic) en l'Ere DCCXCI. laissant deux fils legitimes de sa femme Ormisinde, à sçavoir Froila qui estoit l'aîné, & Dom Aurelio, & deux naturels d'une concubine nommez Viueran & Mauregat, avec vne fille qui se nommoit Odifinde. Mais Froila par la prerogative de son aage obtint le Royaume apres luy, lequel il gouerna fort heureusement l'espace de 13. ans. Car il gagna plusieurs belles victoires sur les Maures, mesmement vne qui fut insigne entre les autres, quand il deffit l'armee de Iuseph Roy de Cordouë, qui estoit entré dedans la Gallicie, & en tailla en pieces iusqu'au nombre de 54. mille avec le Capitaine d'icelle nommé Aumar. Au moyen dequoy tout le pais de Gallice fut à luy. D'autres disent qu'il subiuigna puis apres les Nauarrois & Gascons, qui se vouloient soustraire de son obeissance. Anto. Béther luy attribue d'auoir fait la cité d'Ouietto siege Cathedral: ensemble aussi d'auoir reformé le Clergé le faisant viure en celibat, pource qu'il auoit esté marié depuis le Roy Vitiza.

A Thoaba decedé fut substitué au Royaume de Cardouë & au Gouvernement general des Espagnes pour les Sarrazins, vn nommé Iuseph ou Iusaph, qui fut fort rigoureux aux Chrestiens, lequel exerca cest estat 9. ans. Roderic.

Du Monde

<i>Du Monde.</i>	4891	<i>Papes.</i>	3	<i>R. des Escossois.</i>	22
<i>De Iesus Christ.</i>	754	<i>E. d'Orient.</i>	13	<i>Cal. des Sarrazins.</i>	3
<i>Indiction.</i>	7	<i>R. des François.</i>	3	<i>R. des Bulgariens.</i>	26
<i>De l'Heure 137. le 25. Juin.</i>		<i>R. de Leon.</i>	1	<i>Ducs de Venise.</i>	13
		<i>R. des Lombards.</i>	5		

Le Pape ayant passé les monts au commencement de l'annuier, se trouua à Pontigon le iour de la feste des Rois avec Pepin: lequel apres luy auoir fait le recueil qui a esté recité cy dessus, l'enuoya (pendant que l'armee qui se dressoit pour luy se mettoit sus) faire sa résidence à Paris & au monastere S. Denis. Où Pepin se fit de rechef sacrer & couronner Roy de France, avec ses deux fils Charles & Carloman par luy le 28. iour d'Aoust, ainsi que nous trouuons escrit en quelques fort anciens memoires non imprimez, qui rapportent aussi cecy à ceste année 754. Comme fait Anastasius & Aimoinus semblablement (à ce qu'il semble) dont on fait difficulté de s'arrester à l'Epistre du Pape Estienne qui est en Regino, qui se rend suspecte de soy-mesme, tant par les discours qui y sont contenus, que par la date d'icelle, qui est du treziesme d'Aoust de l'an sept cens cinquante trois de nostre Seigneur. Ce qui n'estoit pas du stile d'alors. Mais tant y-a qu'on conuient qu'avec ce couronnement le Pape donna à Pepin & à ses deux fils sa benediction, & à toute leur race future, & adiura les François par grandes execrations de ne se iamais faire ny prendre autres Rois que d'icelle. Ce que les Escriuains d'Italie selon le haut vent & de leur pays font sonner si fastueusement haut, qu'ils le prirent pour vn benefice nompereil du siege Romain enuers la couronne de France. Auquel mesme ils ne voudroient pas esgaler ny comparer les recôpensés qu'ils en ont receuës, outre celles de cy apres: premierement par Pepin, lequel incontinent apres ces choses se mit en chemin avec son armee pour aller exposer le sang & la vie de luy & des siens pour la querelle du Pape, qu'il accompagna iusques à l'entree d'Italie (dont il le fit de là reconduire par son frere Hieronyme à Rome puis estant toute son armee passée les Alpes mit le Roy Aistulphe en telle extremité qu'il fut contraint non seulement de laisser au Pape les iustices de S. Pierre & de Rome, mais aussi de luy rendre l'Exarchat de Rauenne & tout ce qui en dependoit: iacoit que l'Ambassadeur de l'Empereur Constantin se presentast lors pour protester du droict de son maistre audit Exarchat. Qui est pour monstrier que l'Empereur Constantin premier ne l'auoit donné au Pape Syluestre ny à ses successeurs. Lequel exploit se fit en si peu de tēps, que Pepin apres l'accord iuré & passé avec le Roy Lombard, se retrouua au milieu du prochain hyuer en France. Auteurs precedents avec les anciens. Annales & Sigonius.

CEPENDANT Carloman frere de Pepin mourut de regret (comme on pense) & de fascherie à Lion, ou selon d'autres en vn monastere de la ville de Vienne, auquel son frere l'auoit confiné. Aucuns ont osé escrire qu'il n'eut mal qu'il n'eust bien meritē, pour auoir osé defendre la cause du Roy Lombard contre le Pape. Aimoinus, ancien. Annal. Ado, Regino, Anastasius, Blondus, Sabellic, P. Æmile.

BERVRE DE occit en ce temps Edelbald Roy des Mer-ciens en Angleterre, & s'empara de son Royaume: duquel il n'eut loisir de iouir long temps, pource qu'il fut aussi bien tost apres mis à mort par Offa, qui au moyen de ce soubmit à soy ledit Royaume.

L'EMPEREUR Constantin ayant enuie de faire approuuer de tout le monde l'opiniō que luy & son pere auoient maintenue iusques icy des images, assembla à ceste fin vn Cōcile des Euesques d'Orient en la cité de Constantinople, qu'il vouloit faire appeller le 7. vniuersel: pource qu'ils sy trouuerent bien 338. Euesques; lesquels aians conféré ensemble de la controuersie pour laquelle ils estoient assemblez, en ceste Indiction depuis le 2. iour de Feurier iusques au 8. d'Aoust tomberent en fin en ceste conclusion: que non seulement la veneration & adoration des Images, mais aussi des reliques des Saints avec l'inuocation d'iceux est totalement reprouuee de Dieu, & que l'vsage des images doit estre totalement en Anatheme aux vrais Chrestiens. D'auantage que l'intercession des Saints est nulle enuers Dieu, comme aussi tous ceux qui maintenoient & auoient maintenu l'o-

pinion contraire, nommément Germain cy deuant Patriarche de Constantinople; Gregoire Euesque de Cypre & Iean Damascene dit Mansur, surnommé Chrysoroas, qui em-
ploioit lors toutes les forces de son esprit & erudition à defendre l'eiconolatrie, & à cō-
futer les Eichonomaches. Ayant mesmement fait celebrer plusieurs Synodes en la Syrie
souz la domination des Sarrazins contr'eux, comme tesmoignent Nicephore & Cedre-
nus. Le liure intitulé souz le nom de Charlemagne tesmoigne, que ce Concile & celuy qui
fut cy apres celebré en la ville de Nicee souz Eirene, furent tous deux condamnez au Cō-
cile de Francfort, pource que ne l'un ne l'autre n'auoit tenu moyen ne moderation en la
prohibition & approbation des images.

ESTANT Anastasius Patriarche de Constantinople decedé, succeda en son lieu vn nō-
mé Constantin, qui presida 12. ans. Nicephore.

<i>Du Monde.</i>	4892	<i>Papes.</i>	4	<i>R. des Escossois.</i>	23
<i>De Iesus Christ.</i>	755	<i>E. d'Orient.</i>	14	<i>Cal. des Sarrazins.</i>	4
<i>Indiction.</i>	8	<i>R. des François.</i>	4	<i>R. des Bulgariens.</i>	27
<i>De l'Hegire 138. le 14. Iuin.</i>		<i>R. de Leon.</i>	2	<i>Ducs de Venise.</i>	1
		<i>R. des Lombards.</i>	6		

AISTVLPHÉ se persuadant que les François qui s'estoient retirez, ne voudroient
pas encore repasser si liberalement les Alpes pour la cause d'autrui, entra en delibera-
tion de ne satisfaire à l'accord qu'il auoit iuré avec Pepin : & puis remit sus son armee, a-
uec laquelle il regaigna tout ce que Pepin luy auoit osté, & marchant plus outre mena
son camp iusques deuant Rome. Mais quand il entendit que Pepin s'equipoit ja pour re-
tourner contre luy, leua son siege, & se retira à Paue pour s'opposer à iceluy.

THEODAT Duc de Venise faisant bastir vn chasteau sur le fleuve de Brinte, engen-
dra soupçon en plusieurs qu'il se vouloit preparer les moyens de conuertir sa principauté
en tyrannie. Qui fut cause qu'un citoyen de Metamacca nommé Galla s'esleua à l'aide
de quelques vns contre luy, & luy creua les yeux. Au moyen dequoy il s'inuestit de for-
ce de la dignité Ducale, laquelle toutesfois luy fut arrachée en la mesme année, apres
qu'on luy eut fait par sentence publique le mesme traitement qu'il auoit à son predeces-
seur: comme tesmoigne Sabellic qui toutesfois rapporte cecy au temps de Didier Roy des
Lombards.

EGFREDE Roy de Northumberlâde estant surpris de deuotion renonça aux estats de
ce monde, pour acheuer le reste de sa vie en vn monastere souz l'habit de moine. Au
moyen dequoy la couronne fut occupee par vn nommé Molo, qui regna souz icelle vnze
ans. Guill. de Malmesberie.

BONIFACE Archeuesque de Majence estant au pays de Frise fut occis le qua-
triesme iour de Iuin par certains garnemens ou infideles : ou bien comme escrit Volater-
ranus liure quatriesme par ceux mesmes du pays, indignez de ce qu'il auoit despoüillé la
race de Clouis de la couronne de France, & couronné Pepin. Vvillibaldus, anciennes
Annales.

<i>Du Monde.</i>	4893	<i>Papes.</i>	5	<i>R. des Escossois.</i>	24
<i>De Iesus Christ.</i>	756	<i>E. d'Orient.</i>	15	<i>Cal. des Sarrazins.</i>	5
<i>Indiction.</i>	9	<i>R. des François.</i>	5	<i>R. des Bulgariens.</i>	28
<i>De l'Hegire 139 le 3. Iuin.</i>		<i>R. de Leon.</i>	3	<i>Ducs de Venise.</i>	1
		<i>R. des Lombards.</i>	7		

L'EMPEREUR fit ceste année transporter grand nombre de peuple de la Syrie & Ar-
menie au païs de Thrace, où il sema l'heresie des Paulianistes. Auquel temps aussi les Bul-
gariens

gariens pretendans que l'Empereur auoit contreuenue à la paix qu'il auoit avec eux, firent quelques courtes & entreprinſes ſur les prouinces de l'Empire. Nicephorè.

A v lieu de Galla les Venitiens eleurent pour leur Duc le ſeigneur Dominic Monegare, homme ſuperbe & insolent: auquel pour ceſte occaſion furent donnez deux Tribuns annuels pour luy aſſiſter de conſeil, ſans leſquels il n'eut rien ſçeu ordonner ny entreprendre. Blondus, Sabellic.

PEPIN ayant repaſſé les monts avec ſon armee, combatit le Roy Aſtulphe en champ de bataille: & l'ayant lourdement vaincu, le cōtraignit ſ'aller enfermer dedans Patie, où il l'afſiegea iuſques à ce qu'il l'eut reduit à la neceſſité (pour eſtre laiſſé en ſon entier) de remettre derechef entre les mains du Pape les places qu'il auoit occupees du Duché de Rome: enſemble auſſi l'Exarchat de Rauenne, avec ce qui en deſpendoit, que l'on diuiſoit lors en deux parties: l'vne deſquelles s'appelloit Pentapoli; l'autre Æmilie (qui furent bien toſt apres reduites ſouz l'appellation de la Romagne.) A cauſe dequoy les anciennes Annales, Aimoinus, Ado, Anaſtaſius, Sigonius, teſmoignent que Pepin apres eſtre venu à chef de ceſte guerre, enuoya faire donation à ſainct Pierre & au Pape, par vn Abbé ſon Ambaſſade nommé Felrad, de la cité de Rauēne & de Pentapoli. Neantmoins les Papes qui ſont venuz cy apres, ont mieux aimé par ie ne ſçay quelle meſcognoiſſance rapporter ce benefice à Conſtantin le Grand, fraudant iniuſtement ceux de qui ils l'auoient receu, de l'obligation qu'ils en deuoient. Qui plus eſt, Onuſrius & Sigonius, nonobſtant qu'ils ayēt bien deſcouuert & recogneu comme il en eſt allé, & parce qu'ils en ont eſcrit, deſméty & conuaincu les menſonges d'Auguſtin Eugubin, ou de ceux qui ont forgé en Grec la donation de Conſtantin, pour luy donner plus de luſtre, parlent avec tous les autres eſcriuains d'Italie, ſi baſſement & petitemēt de ce benefice, & des autres, que le ſiege Romain receura encor cy apres de Charlemagne & de Louys: au contraire, tonnent ſi haultemēt & tragiquemēt (à leur mode) le hault & celeſte benefice de la ſacree-ſaincte benediſtion Papale qui leur a eſté dōnee, & les faueurs que leur firent Eſtienne & Zacharie, qu'ils ne mettent rien en compte les autres aupres de ceux-cy: ains veulent qu'on entende que noz Rois doiuent infiniment & ſans cōparaifon de retour au ſiege Romain. Mais c'eſt merueilles de ce qu'on ne nous a peu ou non voulu monſtrer ny produire iuſques icy la teneur en ſa forme des priuileges & donatiōs faiſtes par Pepin & par Charlemagne au ſiege Romain, comme ils ont fait celle qu'ils diſent eſtre de Louys le Debonnaire. Ce qui nous donne à penſer qu'il y auoit quelques reſtriſtions qu'on ne veult qu'on ſçache: & que les Rois ſ'eſtoient touſiours reſeruez la garde & ſouueraineté des païs donnez. Autrement il n'eſtoit pas beſoin d'en auoir confirmation de l'Empereur Louys, attendu que Pepin les auoit conqueſtes à la pointe de l'eſpee ſur les Empereurs de Conſtantinople.

ABUBALAS diſt Muhammat 18. Calife ou Emir des Sarrazins, mourut; eſtant ſon frere Abdalas, qui luy deuoit ſucceder, allé à la Meche. Au moyen dequoy Habdalas fils de Hali & frere de Salin, Souldan de Syrie, qui eſtoit (comme diſent les hiſtoires d'Eſpagne) du lignage d'Aben Alaneci, mena vne armee en la Meſopotamie, pour la prendre en ſa poſſeſſion. Mais Amuſlin (qui auoit pris la charge de defendre & conſeruer le droit de l'autre Abdalas iuſqu'à ſon retour) l'alla combattre aupres de la ville de Niſibis, de telle puissance, qu'il le mit honteuſement en route. Parquoy cognoiſſant qu'il luy eſtoit impoſſible de venir à chef de ſes deſirs par force ouuerte, ſ'aduſa de prendre & Abdalas & Amuſlin, ſi à ſon aduantage qu'il les fit tous deux mourir en trahiſon l'vn apres l'autre en peu de temps. De façon que la dignité de Calife luy demeura, laquelle il exerça l'eſpace de 19. ans, comme recite Nicephore. Dequoy nous prenons quelque coniecture que ceſt Abdalas fut celuy que Iean Leon liu. 3. de ſon hiſtoire d'Afrique appelle Habdulla Suffec, qui paruint à la dignité de Calife par le moyen d'Habbus oncle de Mahommet, lequel feignoit de fauoriſer la maiſon de Hali, pour la rendre iouyſſante de ceſte dignité; expedia ſes Ambaſſadeurs, & moyenna tant que la maiſon d'Vmene, ou de Humeia, de laquelle eſtoit le Calife deſunſt Abubalas, & ſon frere Habdala qui luy deuoit ſucceder, en fut deſſaiſie, & qu'elle paruint entre les mains dudit Abdala: lequel cognoiſſant qu'outre ce que ceux de la maiſon de Hali ne pouuoient pretendre à ceſte dignité, les pourſuiuit ſi viuement, que les principaux furent contraints de prendre la fuite, ſ'eſcartans les vns en Aſie & les autres en Indie, ou (comme declarent les Hiſtoriens Eſpagnols) en Eſpagne.

PEPIN eſtant retourné en France porta avec luy le chant, les ceremonies & manieres

de faire de l'Eglise Romaine au service diuin. Et fut la charge d'y faire accoustumer les François donnée à Gilles, appelé des autres Remy Archeuesque de Rouën. Qui estoit vn moyen pour accommoder les Eglises de France avec la Romaine, & pour les accoustumer à reprédre d'icelle, selon P. Æmile & autres. Mais la vieille Chronique d'Angoulême avec celle de Vverimbert & d'Erdulbert, que ie croy plus volontiers qu'eux, afferment que ce fut Charlemagne qui amena le chant Romain en France, au retour de l'un des voyages qu'il fit en Italie.

<i>Du Monde.</i>	4894	<i>Papes.</i>	1	<i>R. des Escossois.</i>	25
<i>De Iesus Christ.</i>	757	<i>E. d'Orient.</i>	16	<i>Cal. des Sarraxins.</i>	1
<i>Indiction.</i>	10	<i>R. des François</i>	6	<i>R. des Bulgariens.</i>	29
<i>De l'Hegire 140. le 24. May.</i>		<i>R. de Leon.</i>	4	<i>Ducs de Venise.</i>	2
		<i>R. des Lombards.</i>	1		

PEPIN ne voulut partir d'Italie, que premieremēt Aistulphe n'eust satisfait de poinct en poinct au concordat qu'il auoit fait avec luy. Si est-ce toutesfois que quād il en fut dehors, que les villes de Ferrare & de Fauence restoient encore à rendre au Pape, lesquelles il sembloit qu'Aistulphe eust encore delibéré de retenir. Quand vn iour allant à la chasse, il se garda si mal, qu'il fut tué d'un sanglier. Au moyen dequoy Disier ou Didier Duc de Toscane, & Capitaine de l'Eglise, qui auoit esté son Connestable auparauāt, s'empara par faute d'heritier idoine du Roiaume des Lombards. Qui fut cause de faire sortir Rachise du monastere, en esperance de venir reprendre son Roiaume, qu'il auoit cy deuant quitté. Et pource que Didier ne faisoit son compte de desmordre, on ne pouuoit esperer de leur differend qu'une cruelle guerre ciuile, si elle n'eust esté preuenue par le Pape, qui fit à force de porter Rachise de son entreprinse, s'estant laissé gagner par les belles promesses de Didier; lequel par ce moyen demeura en possession du Roiaume, iusques à ce qu'il en fut despoüillé par Charlemagne. Ancien. Annales, Anastasius, Blondus, Sabellic. Cependant si Aistulphe mourut (comme aucuns ont obserué) dès l'annee precedente, les anciennes chartres faites souz le Roy Didier, monstrent que ce ne peult auoir esté qu'en l'vniésme ou dernier mois d'icelle.

PEPIN à son retour d'Italie fit assembler tous les Estats de la France en la ville de Cōpiegne, où Thassilon Duc de Bauiere vint, accompagné de la noblesse & des grands seigneurs de son pais, faire sermēt de fidelité au Roy & à ses enfans. Qui fut aussi lors que les Ambassadeurs de l'Empereur Constantin apporterent au Roy Pepin plusieurs riches presents de la part de leur maistre, entre lesquels estoient des orgues, la maniere desquelles n'auoit point encore esté veüe en France, comme Aimoinus, les anciennes Annales, Ado & Regino tesmoignent: qui appellēt telles assemblees *Conuentus & Placita*, & noz plus anciennes histoires Françoises Parlements. Aufquelles se decidoient coustumierement toutes affaires qui estoient de quelque consequence au Roiaume: pour laquelle cause par decours de temps elles arriuerent en tel degré d'admiration, qu'elles sembloient estre cōme vne ressource de laquelle despendoient les resolutions des grandes & importantes affaires de la France; voire mesme que bien souuent les differends des Princes & seigneurs estrangers, par leurs submissions volontaires y estoient terminez: comme Pasquier a doctemēt remōstré en ses Recherches de France. Or pource q̄ telles assemblees furēt plus soigneusement obseruees dudit Pepin que de ses predecesseurs, afin que par le moyen d'icelles il ostast toute la mauuaise opiniō qu'on eust peu auoir de luy pour l'inuasion qu'il auoit faite de la couronne, & monstraist que de sa seule grandeur ne despendoient toutes les affaires de France: celā fait estimer à plusieurs qu'il a esté le premier instituteur du Parlement, encor qu'il eust esté long temps apres introduit.

SALIN Calife & Soudan d'Egypte, ayant mis sus vne armee de quatre vingts mille Sarraxins, la mena dedans la Cappadocie. Mais entendant que l'Empereur venoit avec sa puissance contre luy, se retira sans faire autre chose. Auquel tēps aussi Nicephore dit qu'il defendit aux Chrestiens qui viuoient souz luy, de plus edifier de nouvelles Eglises, de voir la croix, & de disputer de leur religiō avec les Sarraxins: & qu'il enuoya aussi Theodore Patriarche

triarche d'Alexandrie en exil, le soupçonnant d'auoir reuelé les affaires des Sarrazins à l'Empereur.

ESTIENNE 3. du nom Pape de Rome, mourut le 26. iour d'Auril. A cause dequoy Theophilaëte Archediacre de l'Eglise Romaine, entra en contédance pour le Papat contre Paul premier du nom, fils d'un Constantin citoyen de Rome, qui n'estoit seulemēt que Diacre de ladite Eglise. Lequel toutesfois l'emporta en fin, estant legitiment déclaré Pape le 29. iour de May. De sorte qu'on fait compte qu'il presida iusques à sa mort 10. ans, 1. mois.

Du Monde.	4895	Papes.	2	R. des Escossois.	26
De Iesus Christ.	758	E. d'Orient.	17	Cal. des Sarrazins.	2
Indiction.	11	R. des François.	7	R. des Bulgariens.	30
De l'Hegire 141. le 13. de May.		R. de Leon.	5	Ducs de Venise.	3
		R. des Lombards.	2		

Les Saxons ayans derechef repris les armes contre les François, firent aussi que Pepin repassa avec sa puissance contr'eux : où il fut si heureux qu'il les deffit en vne grande bataille. Au moyen dequoy ils furent contraincts de reprendre telles cōditions de paix qu'il leur voulut donner; par lesquelles ils s'obligerent de luy rendre tous les ans à chacun Parlement general de France trois cens cheuaux de seruice de guerre par forme de tribut. Aimoinus, Anciennes Annales, Regino.

DOM Garcie Ximene premier Roy de Nauarre, qu'on disoit de Sobrarbre ou Sobrarbie, mourut en la 42. année de son regne, laissant vn fils nommé Dom Garcie Yniguez, qui luy succeda à sa couronne, & regna l'espace de 44. ans : durant lesquels on dit qu'il retira des mains des Maures la cité de Pampelune, capitale du pais de Nauarre, avec plusieurs autres. Mais si elle fut conqueſtee sur les Sarrazins par Charlemagne, quand il fit le voyage d'Espagne, il se peult faire qu'il la luy donna, ou bien qu'elle fut reprise par eux apres le depart d'iceluy, & que Dom Garcie la retira derechef de leurs mains. Cependant les histoires d'Espagne tesmoignēt que vers ce Roy se retira vn Seigneur du pais de Guiēne, de grand & illustre parentage nommé Asnar, qui estoit fils d'Odon ou Eudes iadis Duc d'Aquitaine : lequel apres que Charles Martel & Pepin eurent reduit toute l'Aquitaine en leur main, estoit passé en Biscaye : & s'estant mis à la suite & au seruice de ce Roy Dom Garcie, se porta si vaillamment contre les Maures, qu'il gagna & conquist à force d'armes les terres qui sont entre les riuieres d'Arragon & Subordan : & gagna aussi la cité de Iaca, ainsi nommee à cause du lieu de son assiette, qui est vn vallon en vne belle pleine entourée de monts. Puis estant venu à chef de tant de hautes entreprises, fut appelé Comte d'Arragon, à cause qu'il fut le premier qui passa le fleuve nommé Arragon par force sur les Maures, estant accompagné (à ce que noz autheurs disent) de bon nombre de Chrestiens, vaillans hommes & bien affectionnez à l'aduancement du nom Chrestien : lesquels i'estime qu'il auoit amenez avec soy de la Guienne. On dit aussi qu'il vainquit & occit avec eux quatre petits Rois Maures, qui estoient venuz avec grande puissance, pour le chasser de la ville de Iaca, situee sur les frontieres d'Arragon & de Nauarre : & ayāt coupé les testes de ces quatre Rois, les fit peindre en son escusson pour ses armoiries. Valsæus, Marineus Siculus liu. 1. Gariney liu. 21. de l'histoire d'Espagne.

Le Roiaume de Northumbellande en Angleterre, commença en ce temps d'aller en decadence, estāt le Roy Ofulphe mis à mort par vne conspiration de ses gens. Au moyen dequoy vn nommé Altrede fut mis en son lieu, qui regna dix ans. Polydore.

Du Monde.	4896	Papes.	3	R. des Escossois.	27
De Iesus Christ.	759	E. d'Orient.	18	Cal. des Sarrazins.	3
Indiction.	12	R. des François.	8	R. des Bulgariens.	31
De l'Hegire 142. le 2.		R. de Leon.	6	Ducs de Venise.	4
May.		R. des Lombards.	3		

L'EMPEREUR Constantin subiugua en ce temps les Eclauons qui habitoient aupres de la Macedone. Nicephore.

HABDALLAS Calife des Sarrazins, augmenta ceste annee les tributs des Chrestiens, & leur imposa de plus griefues charges que les predecesseurs n'auoient fait. Niceph.

THEODORE Patriarche de Ierusalem en ce temps.

S'ESTANT Habdalla ou Habdula Suffec de la lignee d'Aben Alaneci emparé & inuesty de la Monarchie des Sarrazins sur les Princes de la maison d'Vmene ou d'Humeia, plusieurs de ceux qui estoient de ceste lignee, fuyans la persecution des autres, se retirerent en Espagne souz la conduite d'Habderramen, où ils firent guerre à Iuzef Lieutenant general des Califes & Miramolins d'Asie en Espagne, si asprement qu'ils le vainquirent & occirent. Au moyen dequoy Habderramen occupa la cité de Cordouë, qui estoit le siege capital de l'Empire des Maures en Espagne, & à raison d'icelle se porta pour grã Miramolins d'Espagne, comme estant chef du sang d'Aben Humeia, sans vouloir recognoistre comme auoient fait les predecesseurs les Califes de Baldac & d'Arabie. Ce nonobstant beaucoup des Gouverneurs particuliers des autres villes & prouinces que les Maures occupoient en Espagne, ne se voulurent soubmettre à luy. A cause dequoy la puissance & auctorité des Rois de Cordouë demeura grandement diminuee: car ceux qui commandoient sur aucunes citez & prouinces en tiltre de Gouverneurs ou de Lieutenans seulement, les retindrent à l'exemple de luy en propriété & en souueraineté, se nommans Rois d'icelles, sans plus vouloir obeir ny se rendre subiects des Rois de Cordouë. Et de là prindrent leur source & origine les Rois & Roiaumes de Valence, Leon, Seuille, Oeura, Murcia, Saragosse & autres, desquels on n'auoit ouy parler. Mais le premier qui se nomma Roy de Saragosse fut Ibnallac ou Ibnaballa, qui se retira cy apres estant dechassé vers Charlemagne. Or combien qu'un certain Historien Maure nommé Razis, ait, comme tesmoigne Valæe en sa Chronique d'Espagne, rapporté le commencement du regne d'Abderramen à l'an 138. de Mahomet; si est ce que le tesmoignage de ceux qui l'ont attribué à l'an 142. m'a semblé deuoir estre plustost ensuiuy selon la supputation des annees des grands Califes.

<i>Du Monde.</i>	4897	<i>Papes.</i>	4	<i>R. d'Escoffe.</i>	28
<i>De Iesus Christ.</i>	760	<i>E. d'Orient.</i>	19	<i>Cal. des Sarrazins.</i>	4
<i>Indiction.</i>	13	<i>R. des François.</i>	9	<i>R. des Bulgariens.</i>	32
<i>De l'Hegire 143. le 21. Avril.</i>		<i>R. de Leon.</i>	7	<i>Ducs de Venise.</i>	5
		<i>R. des Lombards.</i>	4		

CONSTANTIN ayant mené vne armee contre les Bulgariens, fut honteusement desconfit, & mis en route par eux. Nicephore.

VVAIFER ou Gaifer Duc d'Aquitaine, faisoit en ce temps plusieurs griefs & fascheries aux gens d'Eglise de son pais, qui en allerent faire leurs doleances au Roy Pepin: lequel prenant leur cause en main mena vne armee en Aquitaine, qui fit venir Vvaifer à composition, par laquelle ils s'obligeoit de satisfaire aux Ecclesiastiques. A cause dequoy Pepin le laissa en paix: mais ce fut bien tost apres à recommencer, pource que l'Aquitaine ne tint aucune de ses promesses, & ne se peut contenir à toutes occasions de se reuolter iusques à sa mort. Aimoinus, anciennes Annales, Regino.

EN ce temps quelques sedueteurs de la nation des Maurophores de Perse, s'esleuerent parmy les Sarrazins, faisans accroire aux plus simples qu'ils les vouloiēt faire voler iusques au ciel: si bien que plusieurs enforcelez par eux vendoient leur bien, & se precipitoient des hauts lieux en bas, se persuadans voler au ciel, encore qu'ils se trouuassent froissez & desrompuz de leur cheute. Qui fut cause que Abdalas fit aller Alin en la Berthoce & Calcite, pour destraper le pais de telles gens. Nicephore.

<i>Du Monde.</i>	4898	<i>Papes.</i>	5	<i>R. d'Escoffe.</i>	29
<i>De Iesus Christ.</i>	761	<i>E. d'Orient.</i>	20	<i>Cal. des Sarrazins.</i>	5
<i>Indiction.</i>	14	<i>R. des François.</i>	10	<i>R. des Bulgariens.</i>	33
<i>De l'Hegire 144. le 10. Avril.</i>		<i>R. de Leon.</i>	8	<i>Ducs de Venise.</i>	1
		<i>R. des Lombards.</i>	5		

DOMINIC

D O M I N I C Monegarre apres auoir gouuerné la Republique de Venise souz tiltre de Duc l'espace de cinq ans (au compte de Sabellic) irrita en fin par son insolence les Venitiens, de telle façon qu'ils le degraderent de sa dignité, & luy creuerent les yeux : puis substituerent vn citoyen d'Heraclee en son lieu nommé Maurice, homme vertueux & bien aduisé, à qui ils permirent de prendre son fils pour adioinct en ceste dignité, laquelle il exerça l'espace de 23. ans. Blondus, Sabellic.

V V A I F E R non content de n'auoir en rien satisfait aux promesses qu'il auoit faictes au Roy Pepin, mit encore vne armee aux champs pour s'aller venger de ses pertes : laquelle vint iusques deuant Chastillon, que les anciennes annales appellent *Canilo*. Aimoinus, *Cabilo*. Mais au seul vent de la venue de Pepin, il se retira bien hastiement en son pais : où il fut pouruiuy si viuement, que l'armee des François monta iusqu'en Auvergne : où elle prit beaucoup de bonnes villes & fortes places, comme Bourbone, Cantille & Clermont. Et ne cessa de marcher iusques à ce que l'hyuer l'eut contraincte de se reposer. Autheurs precedents.

E T H E B A L D Roy des Merciens ou de la Merche en Angleterre, estant en la 41. année de son regne, fut malheureusement mis à mort par aucuns de ses subiects, à la suggestion d'un Beruredé. Mais sa mort fut bien tost apres vengée par vn sien parent nommé Offa, lequel occupa quant-&-quant son Roiaume, & le posseda l'espace de 39. ans : tescmoin Guillaume de Mallesberie.

V N armee de Sarrazins entree en l'Armenie, deffit & occit le Gouverneur que l'Empereur y auoit, avec plusieurs autres grands personages : & prit avec celà grand nombre de prisonniers. Nicephore.

V N schisme s'esleua en ce temps en l'Eglise de Constantinople & d'Orient, à cause de la celebration de Pasques : pource que les vns que Nicephore dit Orthodoxes, estimoient qu'il le falloir celebrer le 8. des Ides d'Auril ; & les heretiques le iour desdictes Ides.

<i>Du Monde.</i>	4899	<i>Papes.</i>	6	<i>R. des Escossois.</i>	30
<i>De Iesus Christ.</i>	762	<i>E. d'Orient.</i>	21	<i>Calife des Sarrazins.</i>	6
<i>Indiction.</i>	15	<i>R. des François.</i>	11	<i>R. des Bulgariens.</i>	1
<i>De l'Hegire 145. le 30. de</i>		<i>R. de Leon.</i>	9	<i>Ducs de Venise.</i>	2
<i>Mars.</i>		<i>R. des Lombards.</i>	6		

L A prime-verre retournée, l'armee des François conquesta dedans le pais d'Aquitaine la cité de Bourges, avec le chasteau de Toüars, & autres places : & apres auoir esté iusques en Limosin, retourna hyuerner en France. Autheurs precedents.

C O R M E S I V S Roy de Bulgarie, fut en ce temps mis à mort par ses propres subiects, qui prindrent au lieu de luy pour leur Roy vn nommé Thelesis ou Zeletis, lequel ne leur dura qu'environ 2. ans. Sigebert, Nicephore.

V N Syrien nommé Theodore Libanites, s'esleua avec grand nombre d'autres Libanites contre les Sarrazins. Mais il fut en peu de temps deffaict, & tous ses compagnons taillez en pieces par eux. Auquel temps aussi toute l'Afrique fut en cōbustion de guerre. Niceph.

L E Roiaume de Pologne estant constitué en grands troubles, à cause des dissensions qui estoient entre les gouuerneurs & Vaiuodes d'iceluy, les Hongrois se donnerent occasion d'y entrer à grande puissance, souz espoir d'y bien faire leurs besongnes. Qui fut cause que les Polonois se reduirent souz la conduite d'un qu'ils estimoient le plus vaillant & expérimenté aux armes d'entre leurs seigneurs, (combien qu'il y en a qui ont dit qu'il estoit orfeure de son mestier) qui se nommoit Primislaus, pour se defendre contre leurs ennemis. Lequel satisfit si heureusement en ceste charge à l'opinion qu'on auoit de luy, que les Hongrois furent honteusement repoussez & mis en route. En faueur dequoy les Polonois le creerent leur Duc & Prince, le nommās Lesco, en memoire de leur premier Prince, qui auoit esté ainsi nommé. De sorte que la Republique Polonoise fut fort prudemment gouuernée souz luy assez longuement, iusqu'à sa mort : à laquelle il ne laissa aucuns enfans. Au moyen dequoy les Polonois luy firent succeder vn ieune homme, à qui ils firent aussi prédre le nom de Lesco 3. lequel Martin Cromer liu. 2. de son histoire Polonoise, estime estre celuy qui fut mis à mort par Charlemagne, comme nous dirons encore cy apres.

Vn moine nommé André Calibite, ayant osé trop superbemēt & en public redarguer l'Empereur Constantin, de la rigueur & tyrannie dont il vſoit en la prohibitiō des images, l'appellant Valentinianiste & Ciuilianiste, fut par son commandement mis à mort. Nicephore.

<i>Du Monde.</i>	4900	<i>Papes.</i>	7	<i>R. des Escossois.</i>	1
<i>De Iesus Christ.</i>	763	<i>E. d'Orient.</i>	22	<i>Cal. des Sarrazins.</i>	7
<i>Indiction.</i>	1	<i>R. des François.</i>	12	<i>R. des Bulgariens.</i>	2
<i>De l'Hegire</i> 146. <i>le 19. Mars.</i>		<i>R. de Leon</i>	10	<i>Ducs de Venise.</i>	3
		<i>R. des Lombards.</i>	7		

CONSTANTIN mena ceste annee vne grande armee contre les Bulgariēs, sur lesquels il gagna vne grande victoire le dernier iour de Iuin, en la 1. Indiction, ayant mis leur Roy Zelebis en fuite. Au moyen dequoy il s'en retourna triomphamment à Constantinople: mais les Bulgariens reietans la coulpe de ce defastre sur leur Roy, le mirent à mort, & en prindrent vn autre nommé Sabinus, qui auoit esté gendre du feu Roy Cormesius, qui ne regna qu'vn an. Nicephore, Sigebert.

A l'issuē du Parlement de France tenu à Neuers, l'armee des François entra pour la 4. fois dedans le pais d'Aquitaine: d'où elle ne partit qu'apres plusieurs conquestes de villes, esquelles Thassilon Duc de Bauiere accompagna le Roy Pepin: & puis incité de quelque mauuais vouloir, se desroba secrettement de luy pour s'en retourner en son pais, cōme les mesmes auteurs tesmoignent. Combien qu'Auentin recite que ce fut pour aller prendre possession du pais de Bauiere, qui luy estoit adueni par le trespas de son pere Vitlon ou Odilon nouvellement decedé: nonobstant qu'il estime que ce fut l'an 765. Mais il ne semble pas qu'il eust occasion par là de s'en aller sans le sçeu du Roy.

ÆTFIN Roy d'Escoſſe decedé en la 30. annee de son regne, succeda audit Roiaume Eugene 9. du nom, fils du feu Roy Mordac: qui fut de si mauuaise vie, qu'elle l'empescha de regner dauantage de 3. ans. Hector Boëthius.

QUELQUES gens nommez les Cassiotes s'esleuerent en ce temps contre les Maurophores, à cause de quelque iniure à eux faicte. Mais Salin mena vne armee contr'eux, qui les deffit. Nicephore.

<i>Du Monde.</i>	4901	<i>Papes.</i>	8	<i>R. des Escossois.</i>	2
<i>De Iesus Christ.</i>	764	<i>E. d'Orient.</i>	23	<i>Cal. des Sarrazins.</i>	8
<i>Indiction.</i>	2	<i>R. des François.</i>	13	<i>R. des Bulgariens.</i>	1
<i>De l'Hegire</i> 147. <i>le 8. Mars.</i>		<i>R. de Leon.</i>	11	<i>Ducs de Venise.</i>	4
		<i>R. des Lombards.</i>	8		

PLVSIEURS espouuantables prodiges aduindrent ceste annee, qui estonnerent merueilleusement toute la cité de Constantinople: mesmement pource que la mer Maieur, qu'on disoit le pont Euxin, se veit gelee en plusieurs endroits, de telle sorte qu'on alloit dessus comme sur terre. Nicephore.

Av Parlement de France tenu à Vvormes, fut deliberé de la guerre contre le Prince de Bauiere & d'Aquitaine. Mais il semble qu'il n'y eut rien decerné contre les Bauarois, d'autant qu'il ne s'est point veu que Pepin ait rien entrepris sur luy deuant sa mort. Autres estiment aussi qu'il fut en trefues ceste annee avec les Aquitains. Tant y a que tous les auteurs conuiennent qu'il ne mit ceste annee aucune armee aux champs contre ses ennemis: si ce ne fut possible celle que dit P. Æmile qu'il fit passer en la Biscaye, sur laquelle le Prince Charles son fils commandoit, pour secourir ceux du pais contre les Sarrazins.

DOM Froila Roy de Leon fit enuiron ce temps mourir Dom Vimeran son frere naturel de ses propres mains, craignant qu'il ne voulust entreprendre contre luy: & puis de repentance adopta son fils Vermudece. Ant. Benthier.

SABINVS Roy de Bulgarie, voulant faire paix avec l'Empereur sans le consentement des Bulgariens, fut chassé par eux, & contrainct s'enfuir vers Constantin. Cependant vn nommé

nommé Pagan fut constitué en son lieu, qui regna sept ans. Nicephore.

TORILLVS ou **Totillus** 97. Roy de Suesse & de Gotlandie, estant en guerre avec **Harald** Roy des Danois perdit vne bataille contre luy, où il fut mis à mort : ayant vn fils nommé **Biorno**, qui luy succeda ceste année à la couronne, & regna comme on dit en grande tranquillité tout le reste de ses iours, laissant son Roiaume apres son trespas à son fils **Alaric**, qui fut pere de **Biorno** 100. Roy desdits Roiaumes, qui vesquit souz Charlemagne. **Ioannes Magnus** liu. 8. de son hist. Gotthique.

<i>Du Monde.</i>	4902	<i>Papes.</i>	9	<i>R. des Escossois.</i>	3
<i>De Iesus Christ.</i>	765	<i>E. d'Orient.</i>	24	<i>Cal. des Sarrazins.</i>	9
<i>Indiction.</i>	3	<i>R. des François.</i>	14	<i>R. des Bulgariens.</i>	1
<i>De l'Hegire</i> 148. le 26.		<i>R. de Leon.</i>	12	<i>Ducs de Venise.</i>	5
<i>Feurier.</i>		<i>R. des Lombards.</i>	9		

L Roy de Bulgarie ayant requis temps & lieu de pourparler de paix avec l'Empereur, se trouua trompé d'un accord fourré qu'on fit avec luy, pource que n'estant en doute de rien souz la confiance d'iceluy, fut assailli iusques dedans son Roiaume par vne armee que l'Empereur y amena, laquelle toutesfois s'en retourna sans y auoir fait autre chose que brusler & rauager le plat pais. **Nicephore**.

Soit que l'armee des François qui estoit allée en Biscaye, fust encore ceste année empêchée contre les Sarrazins, ou qu'il y eust trefues avec le Duc d'Aquitaine, il est certain que **Pepin** demeura dedans son Roiaume sans faire autre expedition de guerre. Mais **Gaifer** ne doutant point que les François ne le deussent encore venir voir, fit desmâter toutes les fortresses de ses frontieres, auxquelles les François se fussent peu fortifier. **Paul Æmile**.

EUGENE Roy d'Escoffe, ayant fait entree de bon Prince, voulut faire la fin d'un tyran. Ce que ses subiects endurerent si enuy, qu'ils le massacrerent dedans son Palais : & firent regner en son lieu **Fergusius** 3. du nom fils du feu Roy **Erfin** : lequel faisant mal son profit de l'exemple de son predecesseur, voulut ensuiure ses brisees, qui aussi l'amenerent à vne telle fin que luy, laquelle sa femme luy donna au bout du mesme terme que le regne d'**Eugene** auoit duré. **Hector Boëthius**.

Vne grande troupe de Turcs sortie des portes Caspiques, entra dedans le pais d'Arménie, où elle fit vn grand massacre de personnes & rauages de pais : comme tesmoigne **Nicephore**. **P. Æmile** s'est abusé, disant qu'ils subiuguèrent lors l'Arménie, & qu'ils y receurent la religion de Mahomet.

<i>Du Monde.</i>	4903	<i>Papes.</i>	10	<i>R. des Escossois.</i>	1
<i>De Iesus Christ.</i>	766	<i>E. d'Orient.</i>	25	<i>Cal. des Sarrazins.</i>	10
<i>Indiction.</i>	4	<i>R. des François.</i>	15	<i>R. des Bulgariens.</i>	2
<i>De l'Hegire</i> 149. le 15. Fe-		<i>R. de Leon.</i>	13	<i>Ducs de Venise.</i>	6
<i>urier.</i>		<i>R. des Lombards.</i>	10		

L'ARMEE nauale que l'Empereur auoit fait equipper contre les Bulgariens, fut rompue & defaite par eux, auant qu'elle eust exploité aucune chose memorable sur eux.

Cependant **Constantin** faisoit perpetrer de grandes cruautés enuers ceux qui maintenoient l'adoration des images es terres de son obeissance. Mais **Theodore** Patriarche d'Antioche, **Theodore** d'Alexandrie, & **Cosme** de Ierusalem, excommunierent solennellement vn Euesque d'Epiphanie, qui vouloit fauoriser aux opinions de l'Empereur. **Nicephore**.

Cest que le Prince Aquitain auoit preueu, luy aduint : car les François entrans dedans son pais, prirent les villes sur lesquelles il auoit plus d'assurance, & les desmantelerent : comme Angoulesme, Agen, Perigueux. Et au contraire firent releuer les murailles des autres qu'on auoit mises bas : comme du chasteau d'Argenton & de Bourges, où ils laisserent garnison apres les auoir mises en defense.

Pour ce que le Roy Dom Froilla de Leon auoit cy deuant fait mourir son frere bastard Vimeran, son frere legitime, Dom Aurelio prit aussi la hardiesse de luy procurer la mort, afin de faire venir le Royaume de Leon à l'oy. De sorte que tout succeda à sa mauuaise intention. Et regna apres le trespas de son frere 6. ans, lesquels Dom Roderic & Alfonso commencent en l'Ere 804.

En la mesme annee (selon Sigebert) vn Roy des Sarrazins d'Espagne, qui se nommoit Amirmonon (qui pourroit possible estre le nom de Maramolin) enuoya ses Ambassadeurs avec presents vers le Roy Pepin pour impetrer son amitié & alliance.

Vne grande troupe de Turcs sortit de rechef des portes Caspies, à laquelle les Sarrazins liurerent bataille, qui fut aussi sanglante pour les vns que pour les autres. Ce pendant le Calife Habdallas fit par certain moyen empoisonner Hyce, qui par le sort qui auoit esté ietté cy deuant, luy deuoit succeder à la dignité de Calife, à fin qu'il la peust transporter à son fils Habdallas Muhammat, surnommé Madi. Le poison toutesfois fut si foible, que Hyce vesquit encore 2. ans apres. Nicephore.

Alcrede Roy de Northumberlande en Angleterre, estant en la 10. annee de son regne fut chassé de son Royaume par ses subiets, lesquels receurent au lieu de luy pour leur Roy Egbert, qui fut aussi dit Adelrede fils du feu Roy Molo, lequel il permurent seulement de regner sur eux 5. ans.

Constantin Patriarche de Constantinople, aiant tenu quelques propos au deshonneur de l'Empereur, fut par son commandement depose, & puis apres mis à mort. Au moyen dequoy Nicetas Eunuque luy fut substitué le seiziesme des Kal. de Decembre au Patriarchat : auquel il presida treze ans, deux mois, vingt deux iours. Nicephore, Cedrenus.

<i>Du Monde.</i>	4904	<i>Papes.</i>	1	<i>R. des Escossois.</i>	2
<i>De Iesus Christ.</i>	767	<i>E. d Orient.</i>	26	<i>Cal. des Sarrazins.</i>	11
<i>Indiction.</i>	5	<i>R. des François.</i>	16	<i>R' des Bulgariens.</i>	3
<i>Del' Hegire 150 le 14. Feurier.</i>		<i>R. de Leon.</i>	1	<i>Ducs de Venise.</i>	7
		<i>R. des Lombards.</i>	11		

L'Empereur Constantin ne s'efforçoit pas seulement en ce temps de faire reprouer l'usage & adoration des images, mais impugnoit de toute sa puissance l'intercession & inuocation de la vierge Marie & des Saints, ensemble la veneration de leurs reliques. Nicephore.

Or pource que la mesme question des images troubloit aussi grandement les Eglises d'Occident, mesmes celles de Frâce, pource qu'on en parloit diuerfement, & que les vns debattoient s'il en falloit auoir de peintes seulement, ou de taillees & formees dedans les temples: D'auantage aussi que les Eglises d'Orient ne s'accordoient en tout avec la Romaine touchant le point du saint Esprit. Le Roy Pepin fit de son auctorité assembler les Prelats de son Royaume à Gentilly, pour leur faire declarer leur aduis de toute ceste matiere. Mais il ne se trouue aucun auteur ancien & non suspect (s'il ne s'en montre quelque autre que les anciennes Annales, Aimoinus, Ado, Regino) qui ait fait aucune mention de ce qu'ils en determinerent. Tant y-a ce pendant que ceste assemblee finie, l'armee des François retourna de rechef contre Vaifer; sur lequel ils prindrent les villes de Cahors, Toulouse, Albi & autres d'alentour. Et apres s'estre de là quelque temps reposée, pendant que le Roy tenoit le Parlement general à Bourges, ils reuindrent encore auant la fin de l'annee conquerir d'autres places sur l'ennemy.

Ethelrede fut en ce temps deietré du Royaume de Northumbellande, duquel Ethelbert s'empara, qui en fut aussi quelque temps apres dechassé par Osuald, lequel le garda l'espace d'vnze ans. Polidore.

Pavle Pape de Rome mourut, tesmoin Onufrius, le 28. iour de Iuin: auquel aussi vn nommé Constantin fils de Tothon Duc de Nepefe n'estant encore que simple lay, se fit par voye extraordinaire plus que par election canonique eslire Pape, au moyen de sa puissance, & de la force qu'il receut de son frere & du Roy des Lombards. A cause dequoy il a

il a semblé indigne d'estre compté au catalogue des Papes legitimes) ioint que ses successeurs declarerent tous ses actes de nulle valeur. Nonobstant qu'il ait occupé le siege Papal l'espace d'un an, 2. mois, 9. iours.

<i>Du Monde.</i>	4905	<i>Papes.</i>	1	<i>R. d'Escoffe.</i>	3
<i>De Iesus Christ.</i>	768	<i>E. d'Orient.</i>	27	<i>Cal. des Sarrazins.</i>	12
<i>Indiction.</i>	6	<i>R. des François.</i>	17	<i>R. des Bulgariens.</i>	4
<i>De l'Hegire 151. le 24. Janvier.</i>		<i>R. de Leon.</i>	2	<i>Ducs de Venise.</i>	8
		<i>R. des Lombards.</i>	12		

PEPIN s'estant resolu de mettre à fin bien tost la guerre d'Aquitaine, poursuivit si asprement sa victoire, qu'il acheua de reduire en sa puissance ce qui restoit encores de villes au Prince Aquitain. De sorte que sa mere, ses sœurs & nieces furent prises dedans la ville de Xaintes. Somme qu'il fut reduit à l'extremité de commettre (ce qu'il auoit toujours differé) le resté de sa fortune au hazard d'une bataille qui fut donnée en Perigort, où il perdit avec la victoire, la vie & la principauté ensemble: qui en ceste maniere fut rassemblée souz la couronne de France, receuant un Gouverneur (qui selon la coustume de ce temps s'appelloit Duc) de la main du Roy Pepin, lequel remenant son armée victorieuse en France, fut arrêté d'une maladie à Tours, qui le fit se transporter à saint Denis, où il deceda le 24. iour de Septembre en l'année de son aage: laissant deux fils, l'aîné nommé Charles, qui par l'excellence & grandeur de ses faits, s'acquit cy apres le surnom de Grand; & l'autre Carloman, lesquels se declarerent ses heritiers, faisant partages de ses Seigneuries, en telle maniere que la France Occidentale avec la Bourgogne & Aquitaine aduint à Charles, établissant son siege en la ville de Noion: & à Carloman l'Orientale, souz laquelle les provinces d'outre le Rhin estoient comprises, qui prit son siege à Soissons. Aimoinus, ancien. Annal. Ado, Regino.

LA Roine d'Escoffe tomba en telle ialousie contre le Roy Fergusus son mary, qu'elle le mit à mort, & l'accompagna de la sienne. Au moien de quoy le Roiaume d'Escoffe vint entre les mains de Soluatius fils du feu Roy Eugene 8. qui regna en beaucoup meilleure reputation que ses predecesseurs l'espace de 20. ans. Hector Boëthius.

LES Chrestiens qui viuoient souz l'obeissance des Sarrazins, furent en ce temps merueilleusement molestés & affligés par le Calife qui leur empeschoit en toutes les manieres qu'il pouoit les exercices de leur religion. Niceph.

UNE partie du Clergé de Rome qui ne vouloit recognoistre Constantin pour Pape legitime, eleut le dernier iour de Juillet un moine de Rome nommé Philippe contre luy. Mais il se maintint si puissamment en son endroit, que force fut à l'autre de renoncer cinq iours apres à son election. Ce pendant pource qu'il se faisoit paroistre par trop affectionné au party de l'Empereur, mesmement en la cause des images, le peuple entierement s'en trouua si extremement scandalisé, qu'il donna force au Clergé d'assembler un Synode des Euesques d'Italie à Rome: par sentence desquels Constantin fut ignominieusement dégradé de la dignité Papale, & confiné en un monastere comme en prison perpetuelle: & consequemment un nommé Estienne 3. du nom substitué en son lieu le 13. iour d'Aoust, où il presida 3. ans, 5. mois, 27. iours. Plusieurs luy attribuent d'auoir le premier assubiecté l'Eglise de Milan au siege Romain, qui s'estoit iusques alors maintenue franche & libre. Liure Pontific. Platine, Sigebert. Sigonius adioute, qu'il enuoya à son aduenement des Ambassadeurs vers le Roy Pepin, le priant de luy enuoyer aucuns doctes personnages de son Roiaume pour composer par leur auctorité le desordre qui estoit lors en l'Eglise.

HH

<i>Du Monde.</i>	4906	<i>Papes.</i>	1	<i>R. des Eſcoſſois.</i>	1
<i>De Ieſus Chriſt.</i>	759	<i>E. d Orient.</i>	28	<i>Cal. des Sarrazins.</i>	13
<i>Indiction.</i>	7	<i>R. des François.</i>	1	<i>R. des Bulgariens.</i>	1
<i>De l'Hegire 152. le 13. Iânier.</i>		<i>R. de Leon.</i>	3	<i>Ducs de Veniſe.</i>	9
		<i>R. des Lombards.</i>	13		

CONSTANTIN fit ceste annee couronner ſa 3. femme nommee Eudocia, & donna le nom de Ceſar aux enfans qu'il auoit eu d'elle, à ſçauoir Chriſtoſſe & Nicephore, comme Cedrenus & Nicephore recitent. Mais Onuſrius dit qu'ils furent ſeulement declarez Enſans treſnoblés, qui eſtoit vn tiltre & degré de dignité en Orient que les Empereurs excogiterent pour diſtinguer leurs enfans, quand ils en auroient pluſieurs. De ſorte que le nom d'Auguſte eſtoit le premier & ſupreme: le nom de Ceſar ſon ſuiuant, precedant celui de Treſnoble enfant. A l'exemple dequoy il ſemble que les Rois d'Eſpagne aiēt voulu nommer leurs enfans, Infans & Infantes.

COMME la mort des Rois & des Princes a couſtume d'apporter avec ſoy troubles & changemens en leurs eſtats & ſeigneuries, auſſi les Gaſcons & Aquitains eſtimans que la fortune des François fuſt changée avec leur Prince, ſe laiſſerent facilement enyurer du deſir de recouurer leur liberté. De ſorte que pour ſ'eſtablir les moyens d'y paruenir, les Gaſcons creerent pour leur Duc vn grand ſeigneur de leur païs nommé Loup. Et les Aquitains de leur part vn qui ſe nommoit Hunault; lequel cognoiſſant qu'il falloit encore faire plus, ſe rendit le plus fort en toutes les villes que les François auoient cy deuant cōquises. Ce que toutesſois luy ſeruit ſi peu, qu'il n'eut pas meſme moien de les defendre ny de ſubſiſter deuant l'armee que Charles amena contre luy, eſtant force ſe retirer à ſauueté vers le Duc Loup en Gaſcogne, qui le remit entre les mains de Charles, afin d'auoir meilleur marché de ſa paix enuers luy. Au moyen dequoy l'Aquitaine fut remiſe en l'eſtat auquel elle eſtoit au parauant. Mais pour retenir les Aquitains & Gaſcons en leur deuoir, Charles fit encore conſtruire vn Fort appellé Fraiſſac aupres de Liborne en Bordelois, où il laiſſa vne bonne garniſon de François. Auteurs precedents.

EN l'Indiction 7. le Pape Eſtienne conuoca vn Synode à Rome de grand nombre d'Eueſques par leſquels il fit abolir & annuler tous les actes du Pape Conſtantin, & deſgrader tous les Eueſques & gens d'Egliſe qui auoient eſté ordonnez par luy. Marianus Scotus adioute, qu'il le fit meſmement auſſi bruſler, pource qu'il auoit adheré à l'Empereur Conſtantin. Ce que toutesſois ie n'ay encore trouué auoir eſté teſmoigné par autre. Mais tant y-a que l'Empereur meſme & tous les autres Profanateurs (qu'ils diſoient) des images furent lors excommuniez & declarez heretiques, & le Concile fait par eux à Conſtantinople anathematizé. Comme auſſi conſequemment fut determiné & eſtably que l'adoration & veneration des images eſtoit approuuée & ordonnée de Dieu, & pieté de leur offrir de l'encens. Liure des Conciles, liure Pontifical, Platine & Sigebert.

<i>Du Monde.</i>	4907	<i>Papes.</i>	2	<i>R. des Eſcoſſois.</i>	2
<i>De Ieſus Chriſt.</i>	770	<i>E. d Orient.</i>	29	<i>Cal. des Sarrazins.</i>	14
<i>Indiction.</i>	8	<i>R. des François.</i>	2	<i>R. des Bulgariens.</i>	6
<i>De l'Hegire 153. le 3. Iânier.</i>		<i>R. de Leon.</i>	4	<i>Ducs de Veniſe.</i>	10
		<i>R. des Lombards.</i>	14		

LEON fils ainſné de l'Empereur Conſtantin eſpouſa ceste annee à Conſtantinople la Princeſſe Eirene, laquelle fut auſſi conſequemment proclamée & couronnée Imperatrice. Niceph.

A v meſme temps auſſi Charles, par le conſeil de la Roine Berthe, ou Bertraide ſa mere, prit en mariage la fille ou ſœur de Deſier Roy des Lombards, laquelle toutesſois il repudia bien toſt apres, qui fut lors que Thaffillon vint faire ſa paix avec luy & avec ſon freres, leſquels

lesquels il auoit (dit Auentin) offensez, espousant sans leur adueu l'une des filles dudit Roy des Lombards dite Lythopirga, qui l'auoit aussi desbauché de leur rendre le deuoir d'obeissance à quoy il estoit tenu. Ancien. Annal.

Les Saxons estans fort degoustez du nom & du gouuernement des Rois, se laisserent en ce temps conduire & gouuerner par 12. des plus apparens Princes du pais qui auoient charge chacun à son tour de l'administration de toutes les affaires publiques, & de pouruoir à ce qui cōcernoit l'vtilité cōmune de tous par chacun an seulement, avec lequel s'expiroit le pouuoir que chacun auoit en son ordre, sinon qu'il suruint quelque grande & loügue guerre de dehors. Auquel cas celuy qui estoit en siege lors qu'elle estoit commēcée, n'en departoit qu'elle ne fust amenee à fin, luy estant permis de commander de puissance & auctorité roiale, afin que les autres fussent plus disposez à luy obeir. Mais à l'issuë de la guerre son pouuoir expiroit, tellement que les autres reuenoient à leur rang de gouuerner. Albert Crants en son hist. de Saxe & en sa Metropolitaine.

<i>Du Monde.</i>	4908	<i>Papes.</i>	3	<i>R. des Escossois.</i>	3
<i>De Iesus Christ.</i>	771	<i>E. d'Orient.</i>	30	<i>Cal. des Sarrazins.</i>	15
<i>Indiction.</i>	9	<i>R. des François.</i>	3	<i>R. des Bulgariens.</i>	7
<i>De l'Hegire 155 le 12. Decēb.</i>		<i>R. de Leon.</i>	5	<i>Ducs de Venise.</i>	11
		<i>R. des Lombards.</i>	15		

CONSTANTIN premier fils de l'Empereur Leon & de Eirene nasquit ceste annee. Nicephore.

CARLOMAN Roy d'Austrasie mourut à Salmonce ou Salmonciac le 4. Nouembre, selon d'autres de Decembre, laissant deux fils souz la tutelle de leur mere: lesquels toutesfois Charles ne permit de succeder aux biens de leur pere, pource que luy-mesme les annexa à son domaine. A cause dequoy ils se retirerent avec leur mere vers Didier Roy des Lombards, qui les receut fort humainement. En despit dequoy Charles repudia la sœur ou fille d'iceluy qu'il auoit à femme. Aimoinus, ancien. Annal. Ado, Regino, Abbé d'Urfperg.

EN la mesme annee Asnar fils d'Eudes iadis Duc d'Aquitaine, premier Comte d'Arragon, pource qu'il auoit le premier retiré par sa vaillance ceste contree-là de la main des Maures, mourut: laissant vn fils nommé Gabinde qui luy succeda au Comté d'Arragon, lequel ne laissa à son trespas qu'une fille, qui porta en dot cy apres la Comté d'Arragon à Dom Fortuné Roy de Sobrarbie. Valsæ, Gariney.

APAGAN decedé succeda au Royaume de Bulgarie vn nommé Teleric, qui regna au rapport de Sigebert 2. ans. Combié que Niceph. & Cedr. tesmoignent qu'il se retira 7. ans apres à Constantinople vers l'Empereur sans expliquer pourquoy ne combien il y demeura.

LES Northumbriens se desgoustans de leur Roy Egbert, le deposèrent de son estat; & apres l'auoir enuoié en exil, receurent Alfunolde, selon d'autres Osuald, en son lieu: lequel leur commanda 17. ans. Du temps duquel Alcuin fut enuoié en France tant par iceluy que par les autres Rois d'Angleterre, pour contracter au nom d'eux alliance avec le Roy Charlemagne. Guill. de Malmesberie.

VN Capitaine Sarrazin nommé Banacas entra avec vne armee dedans les prouinces de l'Empire, d'où il emmena grand nombre de captifs. Les Romains d'autrepart entrerent dedans la 4. Armenie, où ils porterent beaucoup de dommages. Auquel temps aussi Salin Souldan d'Egypte & de Syrie mourut: & fut Germanicia transferee en la Palestine. Nicephore.

L'EMPEREUR Constantin contraignit en ce temps par vne grande tyrannie & force-nerie (s'il est vray ce qu'on en escrit) plusieurs moines à se marier avec les religieuses & nōnains, enuoiants ceux qui estoient refusans de ce faire en exil. Et fit aussi beaucoup d'autres outrages & indignitez à ceux qui faisoient profession de la vie monastique. Niceph.

HH ij

<i>Du Monde.</i>	4909	<i>Papes.</i>	1	<i>R. des Escossois.</i>	4
<i>De Iesus Christ.</i>	772	<i>E. d Orient.</i>	31	<i>Cal. des Sarrazins.</i>	16
<i>Indiction.</i>	10	<i>R. des François.</i>	4	<i>R. des Bulgariens.</i>	1
<i>De l'Hegire 156. le 1. Decéb.</i>		<i>R. de Leon.</i>	6	<i>Ducs de Venise.</i>	12
		<i>R. des Lombards.</i>	16		

A v Parlement de France tenu à Vvormes fut conclud de faire la guerre aux Saxons, tant pource qu'ils s'estoient rebellez, que pour les contraindre à recevoir la religion Chrestienne, qu'on estimoit estre le plus certain moien de les retenir en fidelité, & empescher de retôber si souuent en rebelliô. Parquoy Charles mena son armee en Saxe, où elle prit d'entree la ville d'Eresbourg, l'une des plus grandes que les Saxons eussent. Et puis mit par terre le plus fameux de tous leurs temples qui estoit dédié à l'idole nommé Irminsul ou Hermanfaul, à laquelle ils auoient plus de deuotion. Ce qui les mit en tel estonnement, qu'ils se sommirent à toutes les conditions de paix que Charles leur voulut donner; pour seureté desquelles il prit 12. ostages d'eux, qu'il emmena avec soy en France; côme les auteurs precedents recitent. Mais Albert Crâts & les Chron. de Saxe disent, que Vvittikinde Duc d'Angrie estoit Gouverneur de Saxe en son tour, quand Charles y entra. Qui fut cause de l'appeller Roy, & qu'il eut la souveraine puissance en Saxe (le siege de laquelle estoit en Angrie) tout le temps que dura la guerre contre les François. Combien que d'autres hist. Allemandes ont estimé que Vvittikinde natif de Dannemarc s'estoit venu quelque temps au parauant ranger & accommoder en Saxe, où l'adventure luy vint si bié qu'il en fut fait Prince & Seigneur. Tellement qu'il en fut à leur dire le premier Duc: laquelle opinion se fait mieux croire pour ce point que l'autre. Que si Charles fit paix ceste annee avec les Saxons, Vvittikinde aura eu occasion de se departir de sa charge, pour laisser entrer les autres en leur tour. Ce pédant Funccius tesmoigne que Vvittikinde auoit espousé la fille de Sigefroy Roy de Dannemarc, de laquelle il eut son fils Vvitpert.

A V R E L I O Roy de Leon en Espagne, ayant regné 6. ans mourut (tesmoin Roderic) en l'Ere 810. sans enfans. Au moié de quoy son nepueu Veremund, lequel il auoit institué son heritier se voulut emparer de sa succession. Mais Sillon qui auoit espousé Egimonde sœur legitime de deux Rois defuncts, le preuint, & se mit luy-mesme en possession de la couronne de Leon, qu'il garda iusqu'à sa mort l'espace de 8. ans. Durât lesquels il subiugua les Galliciens, qui s'estoient voulu alier de luy. Mais il fut contraint de faire vne paix ignominieuse avec les Maures, laquelle aussi fut mal gardee. Roderic, Franc. Tarafa, Michaël Riccius.

B A N A C A S entra de rechef avec vne armee au pais d'Isaurie, où il deffit & mit en routte l'armee des Romains que l'Empereur enuoya contre luy. Niceph.

E S T I E N N E 3. du nom, Pape de Rome mourut le dernier de Ianuier. Au moyé de quoy les Romains substituerét 8. iours apres en son lieu Adrian premier de ce nom, fils de Theodore citoyen de Rome, qui presida 23. ans, 10. mois, 17. iours. Tous les auteurs conuiennét qu'il a esté si diligent à bien conseruer les biés de l'Eglise, & à augmenter la puissance, grandeur & auctorité du siege Romain, qui n'estoit point encore paruenue à si haut degré que souz luy: au moien toutesfois de l'intelligence qu'il eut avec le Roy Charles. Aucûs disent qu'il a esté le premier qui a scellé ses bulles de sceaux de plomb. N'estant moins affectionné que ses predecesseurs à defendre la cause des images, composa comme on dit, vn liure de la veneration & vtilité d'icelles. Autres adioustent comme *Fasciculus temporum*, qu'il fit totalement cesser de celebrer la Messe par les Eglises en la forme que S. Ambroise l'auoit ordonnée, & qu'il fit recevoir au lieu celle que l'Eglise Romaine obseruoit par l'ordonnance du Pape Gregoire premier. Nonobstant que l'Eglise de Milan perseuera tousiours en sa premiere coustume.

Du Monde

<i>Du Monde.</i>	4910	<i>Papes.</i>	2	<i>R. des Eſcoſſois.</i>	5
<i>De Ieſus Chriſt.</i>	773	<i>E. d'Orient.</i>	32	<i>Calife des Sarrazins.</i>	17
<i>Indiction.</i>	11	<i>R. des François.</i>	5	<i>R. des Bulgariens.</i>	2
<i>De l'Hegire 157. le 20. de</i>		<i>R. de Leon.</i>	1	<i>Ducs de Veniſe.</i>	13
<i>Novembre.</i>		<i>R. des Lombards.</i>	17		

H V N A V L D cy deuant Duc d'Aquitaine, eſtât eſchappé des priſons de Charlemagne, ſ'enfuit vers Didier Roy de Lombardie : lequel il incita de telle façon par ſes raiſons, qu'il ne cherchoit plus que pretexte & occaſion de faire la guerre aux François : laquelle il ſe preſenta en fin luy-même, voulant premierement par ſubtilité induire, & puis par menaces contraindre le Pape Adrian de couronner l'un des fils du feu Roy Carloman Roy de France. Au refus dequoy il luy commença la guerre de toute ſa puiſſance, par laquelle il gaigna pluſieurs places de l'Exarchat : & euſt même emporté la ville de Rauenne, ſi on ne l'eût vaillamment defenduë. Qui fut cauſe de le faire adreſſer à d'autres villes : comme Vrbin, Agubio & Senogalles, qui ſe rendirent à luy. Au moyen dequoy il prit ſon chemin deuers Rome. Mais les comminations & cenſures du Pape l'empêcherent d'en approcher, qui cependant enuoya demander ſecours en France : lequel ne luy fut pas ſeulement octroyé (les hſtoriens Italiens n'ont pas oublié à eſcrire que ce fut en faueur & cōſideration des biens receuz de l'Egliſe Romaine) : mais auſſi Charles voulut eſtre luy-même le conducteur d'iceluy. Si bien qu'il paſſa les Monts, ayant paſſé ſur le ventre de deux armées que les Lombards luy voulurent oppoſer à la deſcente des Alpes : & mit le Roy Didier en tel point, que force luy fut de ſ'enfermer dedâs la cité de Paue, où les François l'allerēt aſſieger. Et pource que le ſiege fut iugé deuoir eſtre lōg, Charles y laiffa vne partie de ſon camp, & mena l'autre deuant les autres de la Lombardie, qui ſe rendirent en peu de temps toutes à luy : meſmement la ville de Veronne, en laquelle furent trouuez les deux fils de Carloman, avec leur mere, & Adelgiſe fils du Roy Didier, qui ſe deſroba en fin des mains des François, & ſ'enfuit à Conſtantinople : mais les autres furent enuoyez en France. *Autheurs precedents.*

H A D A L L A S Calife des Sarrazins enuoya ceſte année vne grande armée en Afrique, ſouz la conduite de Mualabic, & en depeſcha vne autre que conduiſit Alfadalbinar, ou Phadallus, dedans les prouinces de l'Empire : d'où il enuoya grand nombre de captifs, que les Mopſueſſiens recouurerent, ayans chargé ceſte troupe de Sarrazins, ſi vaillamment qu'ils la mirent quaſi toute en pieces. Nicephore.

<i>Du Monde.</i>	4911	<i>Papes.</i>	3	<i>R. d'Eſcoſſe.</i>	6
<i>De Ieſus Chriſt.</i>	774	<i>E. d'Orient.</i>	33	<i>Cal. des Sarrazins.</i>	18
<i>Indiction.</i>	12	<i>R. des François.</i>	6	<i>R. des Bulgariens.</i>	3
<i>De l'Hegire 158. le 9. Nouëb.</i>		<i>R. de Leon.</i>	2	<i>Ducs de Veniſe.</i>	14
		<i>Fin du royaume des Lombards.</i>			

L E ſiege de Paue perſeuerant encore, Charles ſ'en alla faire ſes Paſques à Rome, où les hſtoriens d'Italie ſeuls (car pas vn des noſtres anciens n'en ſonne mot) diſent qu'il reſtitua au Pape ce que les Lombards luy auoient oſté : & conferma non-ſeulement la donation que ſon pere auoit faiëte au ſiege Romain de l'Exarchie d'Italie, mais auſſi l'augmentation de tout ce qui eſt de la Ligurie, depuis les vieilles ruines de la ville de Luna iuſques aux Alpes. A quoy aucuns eſtiment auſſi qu'il adiouſta le droit & les iuſtices de Rome, ordonnant que le Pape en fuſt d'oreſnauant appellé ſeigneur. Mais il ſemble que celà ſe fit cy apres. Anaſtaſius dit encore plus, à ſçauoir qu'il adiouſta à l'augmentation precedēte les iſles de Corſegue, de Sardaigne & de Sicile : enſemble les Duchez de Spolet & la Toſcane. Et ſi nous croyons à la confirmation des donations de Charles, que le même auteur avec Volaterranus, Sigonius & autres, nous ont representees ſouz le nom de l'Empereur Louys ſon fils, la pluſpart des deux Calabres, de la Pouille, & de la terre de Labour,

y aura semblablement esté comprinse, outre ce que nous exposerons cy apres. Tellement qu'à ce cōpte, Charles ne se feroit q̄ bien peu reserué à soy & à ses successeurs, du domaine d'Italie, pour estre protecteur & gardien du reste, qu'il auoit dōné aux Papes à ses propres despens & dangers. Ce qui n'a aucune apparence de deuoir estre creu; outre ce qu'il n'est pas vray-semblable que Charles eust voulu estre liberal de ce qu'il n'auoit pas encore cōquesté, & n'eut iamais & ne pouuoit presumer qu'il deust auoir en sa puissance. Cependant ie ne veux pas nier que Charles & Pepin n'ayent fait de grandes donations, cōme de l'Exarchat & d'autres païs: mais l'estat & le gouuernement de l'Italie comme il a esté cy apres souz luy & souz ses successeurs, nous donne euidentement à cognoistre qu'elles n'ont esté si amples qu'on dit. Tant y a cependant qu'en recompense de tant de biens-faicts, le Pape le crea lors de sa propre auctorité Patrice Romain (faisant ce que iamais nul autre n'auoit osé faire ny entreprendre sur l'Empereur deuant luy: & ce qu'on est encore à demander s'il le pouuoit faire) & l'honora du tiltre de Tres-chrestien. Qui plus est, assembla vn Synode de 153. Euesques à Rome, par l'aduis & consentement desquels il luy donna & à ses successeurs le droit & priuilege d'eslire & de confermer les Papes: ensemble aussi d'instituer tous les Euesques & Archeuesques qui seroient par les prouinces de son obeissance par la verge & par l'anneau. Ce qu'il faut entendre seulement des Euesques d'Italie, & non de ceux de France: car comme dit Valtrame Euesque de Naumbourg, qui viuoit l'an 1100. en son liur. de Inuestituris Episcoporum: *Longè antè decretum Adriani Papæ, eiusque successorum Reges qui erant vncti, & maiores domus inuestituras Episcoporum fecerunt: scilicet Dagobertus, Sigebertus, Theodebertus, ab iis intronizati sunt Remachus, Audomarus, Aulpertus, Eligius, Lampertus, alique sanctissimi Presules. Postquam autem Papa Stephanus venit in Frāciam & vnxit Pepinum Regem, eiusque filios, ubi de inuestiendis Episcopis antiquam consuetudinem confirmauit. Et puis apres: Legitur etiam de Episcopis Hispaniæ, Scotiæ, Angliæ, Vngariæ, quomodo ex antiqua institutione usque ad modernam nouitatem per Reges introierunt cum pace temporalium purè & integrè.* Outreplus, *Magnus Gregorius, Theodorico, Theodeberto & Brunechildi scribit, vt inuestituras Episcoporum absque simonia faciant.* Quant aux eslections des Euesques de France, s'il ne faut attribuer à cest Adrian ce que Loup Abbé de Ferrieres en vne de ses Epistres à Amulus Euesque de Lion, escrit en auoir esté ordōné par le Pape Zacharie, en vn Synode tenu à Rome en faueur de Pepin, il ne semble pas qu'il luy ait concedé autre chose sur icelles: car nous monstrerons cy apres par les epistres de Hicmaré Euesque de Reims, qu'elles se faisoient encore du temps de Charles le Chauue & de ses fils, selon la coustume obseruee de toute ancienneté en l'Eglise. Mais ce qui en fut ordonné par Zacharie, s'entendre possible plus volontiers par les propres paroles de l'epistre de l'Abbé preallegué, où il dit: *Nō est nouitium neque temerarium quod ex palatio honorabilioribus Ecclesiis Rex procurat Antistites. Nam Pepinus (a quo per Maximū Carolum & religiosiss. Ludouicum ducit Rex noster originem) exposita necessitate huius regni Zachariæ Romano Papæ, in Synodo cui Martyr Bonifacius interfuit, eius accepit consensum, vt acerbitati temporis, industria sibi probatissimorū, decedentibus Episcopis moderatur, ne fortè simplicitate Pontificum posset cōtingere, quod in hac Eduorum vrbe (cuius nos nunc cura exercet) euenit.* Somme que Charles adiouta deslors le nom de Patrice Romain à ses tiltres, avec lequel il alla retrouver son camp deuant Pauie, qui fut en fin reduicte à la necessité de se rendre souz telle composition qu'il voulut: par laquelle le Roy Didier se mettant entre les mains avec ses enfans, fut enuoyé acheuer le reste de ses iours en exil au Liege, demeurant tout ce que luy & ses ancestres auoient possédé & occupé en Italie, au pouuoir des François, qui en firēt vne prouince de leur domaine, où Charles ordonna ses Lieutenāts, receuant le serment de fidelité d'eux. Et commença semblablement de s'en intituler Roy, & de compter les ans de son regne en icelle avec ceux de son regne en la France. Sigonius adiouta qu'il introduisit aussi lors en Italie la loy Salique (qui estoit dont les François vsoient) avec la Lombarde & Romaine: permettant vn chacun de viure souz elle, des trois qu'il voudroit choisir & eslire, & d'estre iugé selon icelle. Tellement que ceste coustume y demeura tousiours depuis, iusques au temps de l'Empereur Lothaire 2. Nous auons aussi veu vn ancien autheur qui parle du gouuernement & de la police establie par Charles en Italie en telle sorte, que pource qu'elle ne se voit auoir esté escrete par autre, elle merite d'estre icy proposee par les propres termes d'iceluy: *Accipiete (dit-il) regnum Italicum. Camla, Romam profectus est, deditque ibi donaria multa quæ usque hodie tenet Romanorum dominium, de regni huius consinibus. Fecitque pactum cum Romanis eorumque Pontifice, & de ordinatione Pontificis ut interesset*

ut interesset quis legatus, & ut contentiosas lites ipse deliberaret. Constituebant autem annualia dona in Pape palatium perducenda, auri libras x. argenti 100. pallia optima 10. exceptis priuatis donis. Et quando Imperator adueniebat Romam vel suus legatus, mittebantur iudices à palatio singulis annis, qui per cuncta Romanorum confinia, legalia vendicabant placita, compellantes habitatores illorum locorum, venire ad placitum, indicantibus eorum iudicibus rectam legem in presentia Imperialium iudicum. Et fraterius gentis inuenirentur habitatores, regali iudicio iudicabantur. Erant denique monasteria in Sabinis, Domini Saluatoris & sancte Dei genitricis Mariae, necnon & monasterium beati Andreae Apostoli. Et puis il declare finalement que les Romains furent ainsi gouvernez iusques au temps que le Pape Leon donna le tiltre d'Empereur à Charles. Dont nous cognoissons que les iustices ne la seigneurie de Rome ne fut jamais donnee au Pape par Charles. Cōment qu'il en soit, telle fut la fin du regne des Lōbards en Italie, & la maniere aussi cōme les François le transporterent à eux : 206. ans apres que le Roy Alboin l'eut estably en icelle, qui y laisserent (au dire de Sigonius) beaucoup plus d'illustres & excellētes marques & monumēts de leur dominaō & indice à l'vtilité de l'Italie & dignité du siege Romain, que les autres nations qui y ont dominé depuis eux. Anciēnes Annales, Aimoinus, Ado, Anastasius, Regino, Chron. d'Aimar, Ranulfe, Abbé d'Vsp̄erg, Platine, Blondus, Onufrius, Sigonius.

CEPENDANT les Saxons esperans que le voiage de Charles en Italie deust estre de plus longue duree qu'il ne fut, se mirent en deuoir de recouurer leur liberte deuant son retour. De sorte qu'ils assiegerent la garnison qu'il auoit dedans Eresbourg, si asprement qu'elle leur fut en fin renduë. Au moien dequoy ils s'oserent encor hazarder de faire des courses iusques dedans le païs de Hesse. Mais estāt l'armee de Charles retournee d'Italie, il la diuisa en 4. bandes, qui entrerēt par 4. endroits dedans leur païs, où les trois eurent rencontres, qui laisserent taches sur leurs ennemis: & la 4. sans rencontre gasta seulement du païs. Or pource qu'il falloit preuenir les nouuelles entreprinſes que les Saxons pourroient faire cy apres, qui auoient commencé à fortifier vne nouuelle ville nommee Sachsenhusen sur la riuē de l'autre costé de la riuē du Mein, Charles en fit aussi fonder vne autre à l'opposité d'icelle de l'autre riuē, qui fut nommee Francfort, pour seruir de fort aux François contre l'autre. Auteurs precedents.

L'EMPEREUR Constantin mena ceste annee vne armee contre les Bulgariens, auxquels il donna bataille, qu'il gagna. Niceph.

Du Monde. 4912	Papes. 4	R. des Escosson. 7
De Iesus Christ. 775	E. d'Orient. 34	Cal. des Sarrazins. 19
Indiction. 13	R. des François. 7	R. des Bulgariens. 4
De l'Hegire 159. le 29. Octob.	R. de Leon. 3	Ducs de Venise. 15

L'EMPEREUR Constantin retournant de la guerre contre les Bulgariens, où il n'auoit rien fait par faute de ses nauires que la tourmēte auoit rompuës, fut surpris d'une maladie, de laquelle il mourut en grande destresse le 24. de Septembre, auquel finissoit la 13. Indiction, selon que ie trouue noté en mon Niceph. escrit à la main. Au moien dequoy Leon 4. du nom son fils regna en son lieu avec ses freres Nicephore & Christofle Césars l'espace de 4. ans. 11. mois, 7. iours. Nicephore tesmoigne qu'il dissimula du commencement l'opinion qu'il auoit des images, se montrant plus gracieux enuers les Iconolatres, que n'auoit fait son pere. A cause dequoy le peuple de Constantinople l'eut aussi en meilleure estime.

APRES le conseil tenu en la ville de Durie, Charles retourna en personne contre les Saxons, sur lesquels il prit le chasteau de Sigisbourg, & fit reparer & fortifier la ville de Eresbourg que les ennemis auoient ruinee: desquels aussi il fit vn grand eschet au passage de la riuē de Visare ou Visuge, qu'ils luy vouloient empescher. De sorte qu'il eut la maiſtrise des deux riuages d'icelle. Au moien dequoy il departit son camp en deux bādes: l'une desquelles alla saluer les Saxons Orientaux, si bien qu'ils les firent venir avec leur

Duc Hascin à composition de se rendre: dont ils baillerent ostages. En quoy ils furent en-
suiuis des Angrians & de leur Duc nommé Bruno (qui est à dire que Vvitikinde ne l'estoit
pas en ce temps) mais l'autre troupe demeura pour la garde de la mesme riuere de Vvi-
fare, selon d'autres Vvisurge) afin que le retour ne leur fust forclos. En laquelle intention
aussi ils furent encore chargez d'une seconde compagnie de Saxons, desquels ils se deffirēt
aussi heureusement que des premiers. Neantmoins Charles fut en fin incité de leur accor-
der trefues, d'autant qu'on l'aduertissoit ja de quelque remuement d'Italie. Auteurs pre-
cedents.

O F F A Roy des Merciens en Angleterre, suiuant l'exemple de son predecesseur le Roy
Inar rendit son Roiaume tributaire au Pape, estant allé par deuotion visiter la cité de Ro-
me. Polydore.

H A B D A L L A S Calife des Sarrazins mourut (tesmoin Nicephore) en la mesme annee
& au mesme mois que l'Empereur Constantin, aiant vn fils nommé Mady ou Habdallas
Muhannat qui luy succeda à sa dignité, laquelle il exerça l'espace de 9. ans.

<i>Du Monde.</i>	4913	<i>Papes.</i>	5	<i>R. des Escossois.</i>	8
<i>De Iesus Christ.</i>	776	<i>E. d'Orient.</i>	1	<i>Cal. des Sarrazins.</i>	1
<i>Indiction.</i>	14	<i>R. des François.</i>	8	<i>R. des Bulgariens.</i>	5
<i>De l'Hegire 160. le 18. Octob.</i>		<i>R. de Leon.</i>	4	<i>Duc de Venise.</i>	16

L'EMPEREUR Leon à l'instance du peuple de Constantinople enuers qui il se rendit
amiable à son aduenement par quelque simulation (comme Nicephore se persuade) de
modestie: fit ceste annee couronner son fils Constantin Empereur Auguste comme luy
le vingtquatriesme iour d'Auril par le Patriarche. Et puis aiant descouuert que ses freres
Christofle & Nicephore machinoient quelque nouuelleté contre luy, il les enuoia en e-
xil. Niceph.

A V Q V E L temps aussi Adelgise fils de Didier Roy des Lombards prit vne armee de
mer de luy, avec laquelle il vint aborder en la coste d'Italie, donnant occasion à plusieurs
de sa nation qui là desiroient de se rebeller contre les François, mesmement à Rotgand, à
qui la Duché de Friuli auoit esté donnee par Charles. Qui fut cause de le faire passer en
Italie, en telle diligence qu'il se trouua d'heure pour estouffer le feu de ceste esmotion, de-
uant qu'il fust plus grand. De sorte que laissant bonne garnison dedans les villes qui s'e-
stoient rendues suspectes, il se rendit d'aussi grande celerité en Allemagne qu'il en estoit
venu. Pource que les Saxons nonobstant qu'ils se cogneussent faciles à estre vaincus, le
trop gracieux traitement toutesfois qu'ils estoient accoustumez de receuoir des Frâcois
en leur infidelité, ne leur pouuoit faire perdre l'enuie de se reuolter à toutes occasions qui
s'offroient contr'eux. Comme ils firent aussi tost que Charles eut regardé l'Italie, repre-
nans les armes, en telle façon qu'ils assiegerent la ville d'Eresbourg de plus grande puis-
sance qu'ils eussent point encore faict. Mais elle fut si vaillamment defendue, que Char-
les fut de retour d'Italie deuant qu'ils fussent venus à chef de son entreprinse. Ce qui leur
raualla si bien leurs cornes, que ne s'aduifans de plus propre expediant pour se garentir du
chastiment qui les menaçoit de leur desloiauté, se rendirent à sa mercy souz promesse de
faire Chrestiens, en faueur de laquelle il se contenta seulement de prendre ostages d'eux,
Auteurs precedents.

<i>Du Monde.</i>	4914	<i>Papes.</i>	6	<i>R. des Escossois.</i>	9
<i>De Iesus Christ.</i>	777	<i>E. d'Orient.</i>	2	<i>Cal. des Sarrazins.</i>	2
<i>Indiction.</i>	15	<i>R. des François.</i>	9	<i>R. des Bulgariens.</i>	6
<i>De l'Hegire 161. le 7. Octob.</i>		<i>R. de Leon.</i>	5	<i>Ducs de Venise.</i>	17

T E L E R I C Roy de Bulgarie s'enfuit en ce temps à Constantinople ou l'Empereur le
receut fort humainement: & apres l'auoir fait baptizer, il luy donna l'une des parentes de
l'Imperatrice

l'Imperatrice en mariage avec la dignité de Patrice, comme Nicephore & Cedrenus témoignent. Sigebert montre que Cardames fut après luy Roy des Bulgariens l'espace de 29. ans.

Les bonnes conditions de Maurice Duc de Venise luy acquirent tant de faueurs envers tous les estats de la republique, qu'il eut permission de s'adjoindre son fils qui se nommoit Iean en la dignité Ducale & administration des affaires. Tellement que les Venitiés commencerent lors premierement d'estre gouvernez par deux Ducs. Sabellic.

CHARLES pour faire accomplir aux Saxons leurs promesses, se transporta en Saxe: où la plupart des nobles & apparents (excepté le Duc Vvittikinde, qui se retira de crainte vers Sigefroy Roy de Dannemarc) se trouuerent: & apres auoir receu par simulation (cōme il semble) le baptême, firent le serment de fidelité & d'obeïssance à luy & à ses successeurs. Qui est tout ce qui se fit selon les anciens. Annal. Aimoinus, Ado & Regino, de memorable ceste année en France. Neantmoins Marianus Scotus & Bonfinius en son hist. de Hongrie ont osé reciter, que Charles commença aussi guerre aux Bretons de la petite Bretagne, qui refusoient de luy obeïr, laquelle dura l'espace de 10. ans deuât qu'il les peust rendre mattez.

En ce siècle furent premierement instituez les colleges Metropolitains des Chanoines, qui n'estoient gueres dissemblables en maniere de vie & de discipline des monastiques. Curio liu. 2. de sa Chronol.

<i>Du Monde.</i>	4915	<i>Papes.</i>	7	<i>R. des Escossois.</i>	10
<i>De Iesus Christ.</i>	778	<i>E. d'Orient.</i>	3	<i>Cal. des Sarrazins.</i>	3
<i>Indiction.</i>	1	<i>R. des François.</i>	10	<i>R. des Bulgariens.</i>	7
<i>De l'Hegire</i>	<i>162. le 27. Septēb.</i>	<i>R. de Leon.</i>	6	<i>Ducs de Venise.</i>	18

L'EMPEREUR Leon mena ceste année vne armée de cent mille combatans en la Syrie contre les Sarrazins, qui assiēgea Isbal fils de Madi dedans *Germanicia*, & occit en vne bataille cent mille Sarrazins & 5. de leurs Satrapes. Nicephore.

ABVABALA Roy des Maures de Sarragosse en Espagne, ayant esté chassé de son Royaume par les autres Rois ses voisins nommez Abantar & Deuissez, s'estoit retiré en France vers le Roy Charles, qui prit sa cause en main comme vne bonne occasion d'aller combattre les ennemis de la religion Chrestienne, de telle façon qu'il passa luy-mesme en sa faueur les Pyrenees avec vne puissante armée, qui prit d'assaut sur les Sarrazins la ville de Pampelune: receut par composition Sarragosse: & fit beaucoup d'autres beaux exploits, qui causerent vn grand espouuement aux autres Sarrazins, qui fit que beaucoup de leurs Rois se rendirent tributaires du Roy Charles. Au moien dequoy l'estat des Espagnols Chrestiens en fut tellement fortifié, que les Sarrazins n'eurent oncques depuis l'aduantage sur eux. Si est-ce toutesfois que les François receurent à leur retour au passage des Pyrenees vne grande perte de bagage & de gens, & signamment de ceux de la cour, entre lesquels fut (comme témoigne Eguinhard) Agard maistre d'hostel de l'Empereur, Anselme Comte Palatin, & Roland Gouverneur de la Marche de Bretagne, qui leur fut faite par les bandoliers Gascons. Sur laquelle on a forgé les Romans de la mort du fort Rolād & des autres preux de la France. Qui est tout ce que les plus anciennes & approuuees histoires ont recité de ce voyage, cōme d'Eguinhard, d'Aimoinus, ancien. Annal. Ado, Regino, Sigebert, Othon de Frisingen & l'Abbé d'Vsp̄erg, qui le rapportēt à ceste année d'un accord. Cōbien que les Historiēs Espagnols semblent s'estre d'une malice enuieuse d'autāt affectez à extenuer & amaigrir la grandeur des choses que les François firent à l'aduancement du nom Chrestien & à l'utilité de toute l'Espagne, que d'autres se sont estudiez à les amplifier & enrichir souz le nom de l'Archeuesque Turpin de comtes fabuleux ou alienes de toute verisimilitude. Et puis qu'il ne se peut prouuer que Charlemagne ait iamais mis le pied luy-mesme que ceste fois en Espagne, ce ne peuuent auoir esté les promesses du Roy Alfonse le chaste de le faire son heritier, qui l'y firent aller: comme a voulu dire

Roderic de Tolette, puis qu'il confesse luy-mesme que Sillon Roy de Leon regna iusques à l'Ere 818. & d'autres plus anciens que luy (qui sont alleguez par Vassæus) iusques à l'Ere 821. & Mauregat 5. ans apres luy, deuant que cest Alfonse entraist en regne, qui par mesme consequence ne peut estant Roy auoir fait ceste desconfiture de l'armee de Charlemagne. Mais n'est-ce pas vne aussi grande impudence aux historiens Espagnols, de vouloir contre le tesmoignage de tant d'autheurs si anciens, & dont les trois de ceux que nous auons alleguez, estoient du temps mesmes, nier que la ville de Pampelune ait iamais esté prise par Charlemagne sur les Sarrazins? A fin d'attribuer l'honneur de la prise d'icelle à vn Dom Garrie Ynegues, qu'ils disent auoir esté 2. Roy de Sobrarbie, lequel possible ne fut iamais en estre: d'autant que le mesme Roderic ne semble auoir rien sçeu de ce Roiaume là. Et que parce que tant de bons autheurs ont escrit de ce voyage, nous pouuons clairement entendre que le pais de Nauarre n'estoit entre les mains d'aucun Roy Chrestien quād Charles y entra. Et puis que Aimoinus liu. 5. chap. 8. tesmoigne que la ville de Pampelune & les autres du pais de Nauarre estoient encore en la subiection des François es dernieres annees de la vie de Charlemagne: & qu'Estienne Gariney en cōuient au liu. 21. de son Histoire vniuerselle d'Espagne: il fault que si Pampelune a esté quelquesfois entre les mains de ce Dom Garrie, ou qu'il l'eust gaignee & reperdue deuant la venue de Charles, ou qu'iceluy la luy laissa en garde à son depart avec le pais de Nauarre, pour la gouverner en son nom, ainsi qu'on sçait qu'il donna le gouuernemēt de la Barcelonne à d'autres.

C E P E N D A N T le moindre voiage qui faisoit eslongner Charles des Saxos, leur estoit occasion de rompre leur foy & de se rebeller. En sorte que Vvittikinde qui s'estoit retiré vers les Danois, aduertie de son allee en Espagne reuint aussi tost avec vne grande troupe de Danois en Saxe: & n'eut pas beaucoup de peine d'inciter les Saxons à reprēdre les armes avec luy, pour se ietter tous ensemble dedans le pais des François. Mais Charles estāt de retour en France, fit aller les Austrasiens & Allemans au deuant d'eux, qui les rembarrent si lourdement qu'ils en mirent par terre vn grand nombre, hastans les autres de se sauuer en leur pais plus viste qu'ils n'en estoient partis.

H I L D E G A R D E femme du Roy Charles accoucha ceste annee de Lois son fils, qui succeda cy apres à tous les Royaumes de son pere: lequel ce pendant eut l'apannage du tiltre de Roy du pais auquel il nasquit, qui estoit l'Aquitaine, l'erigeant en Royaume, qu'il distribua en neuf prouinces pour estre mieux policé, qui furēt appellees Comtez; chacune desquelles eut son Comte ou Gouverneur, qui auoient telle charge que noz Baillifs & Seneschaux d'auourd'huy. De sorte qu'on recite qu'Auuergne fut l'vne des Comtez que eut Itier pour son Comté: le Bordelois, Seguin: Tolose, Therfin, ou Corson: Albi, Haimō: la Vvallagie ou Valaine, Bulle: le Perigueux, Vvitkod: Limosin, Rotgare: Bourges, Humbert: Poictou, Abbon ou Albon. Outre lesquels aussi il institua par toute l'Aquitaine l'estat des Vassaux & des Abbez, que l'on prend pour les Nobles & Gentils-hommes: d'autant qu'il se trouue encore des Gentils-hommes ainsi nommez au pais des monts Pyrenees, comme recite Eginaldus souz le nom d'Aimoinus liu. 5. chap. 1.

<i>Du Monde.</i>	4916	<i>Papes.</i>	8	<i>R. des Escossois.</i>	11
<i>De Iesus Christ.</i>	779	<i>E. d'Orient.</i>	4	<i>Cal. des Sarraxins.</i>	4
<i>Indiction.</i>	2	<i>R. des François.</i>	11	<i>R. des Bulgariens.</i>	1
<i>De l'Hegire 163. le 16. Septēb.</i>		<i>R. de Leon</i>	7	<i>Ducs de Venise.</i>	1

L' A R M E E de France retournée contre les Saxons, gaigna vne grande bataille sur eux pres vn lieu nommé Bochoithz. Au moyen dequoy elle passa outre, & subiugua les Saxons & Vvestphaliés qui habitoiēt delà la Vvisfare. Au retour duquel voyage Hildebrand Duc de Spolet vint trouuer le Roy Charles à Compiègne, pour luy faire hommage de sa Duché. Autheurs precedents.

E S T A N T Maurice Duc de Venise decedé, son fils, qui se nommoit Iean, exerça seul la dignité Ducale apres luy, iusques à ce qu'il eut permission de s'adioindre son fils en icelle, ainsi que son pere auoit fait luy.

L E Calife Madi estant demy enragé du defastre qui estoit adueni sur ses gens l'annee precedente,

precedente, ne songeoit qu'à en auoir la reuange. De sorte qu'il renuoya ceste annee vne grande armee souz la conduite d'un Capiraine qui se nommoit Afach dedans les prouinces Romaines. Mais l'Empereur mit ordre que les viures leur furent coupeez par où ils deuoient passer : si bien que celà les fit retirer sans rien faire. Nicephore.

<i>Du Monde.</i>	4917	<i>Papes.</i>	9	<i>R. des Escossois.</i>	12
<i>De Iesus Christ.</i>	780	<i>E. d'Orient.</i>	5	<i>Cal. des Sarraxins.</i>	5
<i>Indiction.</i>	3	<i>R. des François.</i>	12	<i>R. des Bulgariens.</i>	2
<i>De l'Heure 164. le 5. de</i>		<i>R. de Leon.</i>	8	<i>Ducs de Venise.</i>	2
<i>Septembre.</i>					

L'EMPEREUR Leon ayant commencé à descouurir la haine qu'il portoit aux adoreurs des images, fit sembler que la cruauté dont il vsoit enuers eux ne plaisoit à Dieu, par la mort qui luy fut enuoyee (s'il est vray ce qu'on en escrit) inopinément, luy estant venu vn charbon pestilentiel sur la teste, où il s'estoit posé vne couronné de pierrerie dediee au grand Temple de Constantinople, dont il mourut (au dire de Nicephore) le 6. iour de Septembre, si d'auanture il ne fault lire 6. des Kal. pour 6. des Ides de Septembre : d'autant qu'il afferme que ce fut en la 4. Indiction, & qu'il passa les cinq annees de son regne. Mais tant y a qu'il laissa vn fils nommé Constantin 7. qui fut dit Porphyrogenite, pource qu'il estoit nay au Palais Imperial, lequel luy succeda au trone & au tiltre Imperial, souz la conduite de l'Emperiere Eirene sa mere (pource qu'il estoit encore aagé seulement de dix ans) femme accorte & bien aduisee, mais ambitieuse au possible, qui se sceut si dextrement accommoder, qu'il luy fut permis de retenir en sa main le gouuernement de l'Empire, souz le nom de son fils. De sorte qu'il fut manie par elle l'espace d'environ 10. ans, 2. mois, 2. iours, au grand contentement des Eiconolattes, auxquels elle donna beaucoup de demonstresances à son aduenement de vouloir fauoriser leur cause. Au moyen dequoy il luy fut d'autant plus facile d'esteindre vne conspiration qui se brassoit au desauantage d'elle & de son fils, en faueur de Nicephore frere de son feu mary, qui le vouloit esleuer à la dignité Imperiale, & de le priuer luy-mesme de la dignité de Cesar, & de ses autres hōneurs. Nicephore, Zonars, Cedrenus.

COMME il sembla que la guerre de Saxe fust par les exploits precedents quasi assopie, Vvittikinde Duc de Saxe rallia tout ce qui pouuoit rester de gens de guerre en Saxe, qu'il voulurent suiure ; & avec eux fit paroistre aux François que le ieu n'estoit encor acheué pour eux en Saxe. Qui fut cause que le Roy Charles prit luy-mesme la conduite de l'armee qu'il mena contre luy : laquelle ayant passé la riuere d'Albis, l'attaqua si rudement qu'elle le mit en desconfiture & en route, le contraignant de s'enfuir derechef vers le Roy de Dannemarck. Au moyen dequoy Charles pouuoit meritoirement chastier à sa discretion la desloyauté des rebelles Saxons, s'il ne les eust mieux aimé amener par douceur & clemence à receuoir la religion Chrestienne. De sorte qu'en ayant veu baptiser vn grand nombre, & receu ostages d'eux, il s'en retourna en France : comme Albert Crants en l'histoire de Saxe recite. Combien que les anciennes Annales & Regino n'ont fait mention de guerre, ains seulement de ceux qui se firent baptiser.

ESTANT Sillon Roy de Leon decedé en l'Ere (selon Roderic) 818. sans laisser aucuns enfans, Alfonse ou Adelfonse 2. du nom surnommé le Chaste (pource qu'il vesquit toute sa vie en virginité) se voulut suiuant son droict comme estant fils du feu Roy Froila, mettre en possession du Roiaume de Leon. Mais vn sien oncle nommé Mauregat, fils bastard du feu Roy Alfonse le Catholique, se vint à l'aide des Maures (desquels il s'estoit rendu tributaire de 50. damoïselles tous les ans) opposer à luy, si puissamment qu'il luy fit quitter la partie, & se retirer en Nauarre, laissant le gain à son ennemy ; par lequel il demeura en possession du Roiaume d'Espagne, iusques à sa mort l'espace de 5. ans. Si est-ce toutes fois qu'il fault icy prendre le commencement de la 41. annee, que Roderic & les autres historiens d'Espagne disent que ledit Alfonse regna : come le mesme Roderic declare liu. 4. chap. 7. Ce qui a fait errer Fr. Carafa & plusieurs autres, par faulte de l'auoir aduise : d'autant qu'il semble que les Espagnols ayent desdaigné de mettre en compte le regne de Mauregat.

M A D I de despit & de rage d'auoir failly de venir à ses atteintes, fit cruellement persecuter & tyranniser les Chrestiens qui viuoient souz son Empire: & puis enuoya derechef deux autres armées contre les Chrestiens de l'Empire: l'une desquelles souz la conduite de son fils Aaron entra dedans l'Armenie, où elle cōquesta plusieurs places: l'autre qui faisoit nombre de cinquante mille combatans souz la charge d'Ithumas vient en Asie, où elle fut desconfite par Michaël Lycanodraco, demeurant le frere d'Ithumas du nombre des occis. Nicephore.

N I C E T A S Patriarche de Constantinople mourut le 6.iour de Feurier: & fut substitué en son lieu vn nommé Paul, natif de Cypre, qui presida 4.ans, 6.mois, 13.iours. Nicephore, Cedrenus.

<i>Du Monde.</i>	4918	<i>Papes.</i>	10	<i>R. d'Escoffe.</i>	13
<i>De Iesus Christ.</i>	781	<i>E. d'Orient.</i>	1	<i>Cal. des Sarraxins.</i>	6
<i>Indiction.</i>	4	<i>R. des François.</i>	13	<i>R. des Bulgariens.</i>	3
<i>Del' Hegire 165. le 25. Aoust.</i>		<i>R. de Leon.</i>	1	<i>Ducs de Venise.</i>	3

L A paix avec les Saxons donna loisir au Roy Charles de penser aux affaires d'Italie. De sorte qu'avec la deuotiō qu'il auoit d'aller visiter Rome, il passa les monts avec sa cour. Et estant en Lombardie il institua son fils Pepin Roy d'Italie, à fin qu'il fust prest d'obuier aux entreprises des Grecs, desquels il auoit quelque doubte: & qu'il eust l'œil sur Aragise Duc de Beneuent, qui luy estoit suspect. Mais le mena delà à Rome, où luy & le ieune Lois son frere furent és festes de Pasques par le Pape Adrian couronnez au nom de Rois d'Italie & d'Aquitaine, qui estoit pour Lois qu'il auoit fait apporter avec luy, dedans vn berceau, estant encore à la mammelle, & le renuoya en la mesme maniere nourrir & regner au pais dont il l'auoit fait nommer Roy, luy adioustant pour Gouverneur tant de sa ieunesse que de son Royaume vn sage personnage nommé Arnoul. Aimoinus liu. 4. & 5. Ancien. Annal.

T H A S S I L L O N Duc de Bauiere s'estant en plusieurs manieres rendu suspect aux François, outre ce qu'il auoit espousé la fille du Roy Didier des Lombards qui le faisoit tourner comme elle vouloit, fut en fin induit par elle à se soubstraire de la subiection des François. Tellement que pour fonder mieux son fait, il s'allia (comme dit Auentin) des Huns & Auarois, & des autres nations qu'il voioit estre peu amies des François. Mais afin d'estre veu iustement prouué à ce qu'il se proposoit de faire, il enuoia faire ses doléances au Pape du rigoureux traitement que Charles luy faisoit, par lequel il estoit reduit à la necessité de prendre les armes pour la defense & conseruation de soy & de ses subiects. Mais le Pape aiant descouuert ses proiers, l'enuoia sommer par ses Legats de se venir représenter deuant le Roy Charles, tant pour se iustifier de la mauuaise opinion qu'il auoit donnée de soy, que pour satisfaire à ses devoirs enuers luy. A quoy ne pouuant contreuenir sans se rendre déclaré de toutes sortes, & se voyant pris d'autre façon qu'il n'esperoit auant qu'estre en estat de se pouoir defendre, fut contraint de le venir trouuer à son retour d'Italie à Vvormes, ne laissant neantmoins (quelque hommage & serment de fidelité qu'il luy eust rendu) de s'en retourner en son pais aussi mal affectionné enuers luy qu'au parauant. Auteurs precedents.

M A D I esperant encore reparer ses pertes, renuoya vne autre armée contre les Grecs, qui fut aussi honteusement desconfite par les autres.

C E S T E année fut tiré de terre vn cercueil de pierre au pais de Thrace entre de vieilles ruines, dedans lequel se trouuerent les cendres d'un corps mort avec vn rouleau contenant ces mots, Le Christ naistra de la vierge Marie. Je croy en luy. O Soleil tu me verras de rechef souz l'Empereur Constantin & Eirene. Niceph. Zonare, Cedrenus.

Du Monde

Du Monde.	4919	Papes.	10	R. des Escossois.	14
De Iesus Christ.	782	E. d'Orient.	2	Cal. des Sarrazins.	7
Indiction.	5	R. des François.	14	R. des Bulgariens.	4
De l'Hegire 166. le 14. Aoust.		R. de Leon.	2	Ducs de Venise.	4

LES Grecs aians esprouvé cy deuant avec Adalgise fils du Roy Didier la vaillance des François & leur puissance aussi, estoient entrez en grande crainte d'eux. Qui fut cause que l'Imperatrice Eirene, qui gouuernoit lors leur Empire avec son fils, craignant d'estre en fin contrainte d'auoir affaire avec eux, enuoia ceste annee rechercher l'alliance du Roy Charles par ses Ambassadeurs, & pour contracter le mariage de sa fille avec l'Empereur Constantin son fils.

CEPENDANT vn Heluedius Gouverneur de la Sicile pour le mesme Empereur, se rebella contre luy en faueur de Nicephore. Mais Eirene despecha vn sien Lieutenant nommé Theophile, pour aller en Sicile, laquelle il ramena en l'obeyssance de son maistre, apres en auoir dechassé le rebelle, qui se retira en Afrique, où les Sarrazins le saluerét Empereur, luy donnant habits & pompe Imperiale au mespris de l'Empereur. Nicephore.

CHARLES cherchant tous les moyens d'oster occasion aux Saxons de se rebeller contre luy, se delibera de tenir tous les ans vn Parlement general en leur pais, en la maniere de celuy qu'il tenoit en France. De sorte qu'il se transporta ceste annee pour cest effect en Saxe: où à son mandement tous les Seigneurs & Barons du pays furent assemblez (excepté Vvittikinde qui s'en absenta). En presence desquels il respondit aux Ambassadeurs du Roy Sigefroy (ou selon les ancien. Annal.) Godefroy de Dannemarc, & à ceux de Cagan ou de Iugurre Roy des Huns & des Auarrois. Neantmoins il n'eut pas gueres plustost retourné le visage deuers la France, que les Saxons furent par Vvittikinde incitez & persuadez de se rebeller, iusques à s'oser attaquer à vne armee des François Orientaux, qui souz la conduite du Connestable Geillon & d'autres grands Seigneurs de France, alloiét eontre les Esclauons dits Sorabes, aiant fait quelque entreprinse sur la Turingie: lesquels ils prindrent si à leur auantage, qu'ils en firent vn lourd eschec, plus lamentable toutesfois pour les hommes de qualité qui y demourerent, que pour le nombre. Qui fut cause de faire aller le Roy Charles en Saxe, avec vne telle puissance qu'il se fit deliurer les chefs de ceste rebellion, desquels il en fit mourir ou aller en exil le nombre de 4. mille 5. cens. Auteurs precedents.

LA ville de Magdebourg en Allemagne, ditte anciennement Parthenopolis, fut en ce temps amplifiée, augmentee & fortifiée par Charlemagne, pour l'opposer aux Saxons par lequel aussi on dit qu'elle obtint la nomination qu'elle retient encore. Chroniq. de Saxe.

AVOUEL temps aussi Aaron fils de Madi se mit avec vne nouvelle armee de Sarrazins dedans l'Asie: où il eut rencôtre avec les Romains. En laquelle l'heur luy dist si bien, qu'il remporta vne memorable victoire d'eux & de leur Capitaine Lachonodracon deuant la ville de *Darinum*. Qui fut cause que l'Imperatrice Eirene l'enuoya rechercher de la paix par son Ambassadeur, qui fut retenu iusques à ce qu'elle eut accepté & iuré les conditions d'appoinctement qu'il luy proposoit, par lesquelles les Romains deuoient paier certain tribut tous les ans aux Sarrazins. Niceph.

Du Monde.	4920	Papes.	11	R. des Escossois.	15
De Iesus Christ.	783	E. d'Orient.	3	Cal. des Sarrazins.	8
Indiction.	6	R. des François.	15	R. des Bulgariens.	5
De l'Hegire 167. le 3. Aoust.		R. de Leon.	3	Ducs de Venise.	5

EIRENE se voyant deliuree de la guerre des Sarrazins, enuoia le Patrice Stauratius Logothete avec armee contre les Saxons qui habitoient aupres de la Thessalie: lequel

s'acquita si brauement de ceste charge, qu'il les subiugua tous, & amena en l'obeissance del'Empire. Niceph. Cedrenus.

COMME les esprits des Saxons estoient fretillans & prompts à se rebeller à toutes occasions, aussi apprestèrent-ils aux François matiere d'augmenter le nombre de leurs victoires sur eux. A cause dequoy Charles marcha deux diuerfes fois en personne contre eux ceste année. A toutes les deux il les deffit, & rapporta victoire d'eux deuant que de retourner en France.

BERTE mere de Charlemagne & Hildegarde sa femme moururent en la mesme année. A cause dequoy il reprit vne autre femme nommee Fekarde. Regino, Aimoinus.

LES Northumbriens s'estans acoustumez de ne garder leur fidelité enuers leurs Rois, mirent malheureusement à mort leur Roy Alfunolde en l'vnziesme année de son regne. Et puis tirent de prison Athelrede ou Ethelrede, pour le faire leur Roy: lequel fut le dernier qui porta le titre de ce Roiaume-là. Alcuin a fait mention d'iceluy en ses Epist. où il dit: *Benedictus Deus qui facit mirabilia solus. Nuper Edebreus filius Edeluuold de carcere processit in solium, & de miseria in maiestatem. Cuius regni nouitate detenti sumus ne veniremus ad vos.*

Du Monde. 4921	Papes. 12	R. des Escosson. 16
De Iesus Christ. 784	E. d'Orient. 4	Cal. des Sarrazins. 9
Indiction. 7	R. des François. 16	R. des Bulgariens. 6
De l'Hegire 168. le 23. Iuillet.	R. de Leon. 4	Ducs de Venise. 6

LA ville de Beroë en Thrace fut restauree & amplifiée par l'Imperatrice Eirene, qui la fit nommer Eirenopolis. Niceph.

LES Saxons s'opiniaistroient tellement en leurs desastres & malheurs, que c'estoit encore à recommencer apres eux, quand on pensoit auoir fait. Car lors que leur felonnie deuoit estre domptee par les desastres precedents, ils attirerent les Vvesphaliens à prendre les armes avec eux. Qui fut cause que Charles se delibera de ne plus rien laisser derriere de ce qu'il falloit pour amener ceste guerre à fin. Somme qu'il departit ses forces, & fit chef le Prince Charles son fils d'une partie pour tirer contre les Vvesphaliens. Mais il mena luy-mesme l'autre dans le pais de Saxe, où ne se trouua personne qui s'osast presenter deuant luy, tellement qu'il s'en reuint en ceste sorte à Vvormes: où le Prince Charles son fils le vint aussi trouuer apres auoir fait vne grande desconfiture de Vvestphaliens. Aimoinus, Regino.

BERTRICH Roy des Saxons Occidentaux d'Anglerre regna 16. ans, apres son predecesseur Genulphe, qui fut occis par quelques brigans en la 31. année de son regne. Guill. de Malmesberie.

PAVL Patriarche de Constantinople mourut le dernier iour d'Aoust, s'estant vn peu auant son trespas depose volontairement & rendu en vn monastere. On dit aussi qu'il cōseilla à l'Imperatrice Eirene de reuoker l'edict de la prohibition des images. Laquelle estant aussi ja en mesme pensement, fit proposer en son lieu vn sien Secretaire nommé Tharasius par qui elle esperoit venir à chef de son intention, nonobstant qu'il fust simple lay, & n'eust encore passé par aucun ordre Ecclesiastique. A cause dequoy il fit tous les semblans du monde de ne vouloir accepter vne telle charge: à laquelle toutesfois il fut en fin establi le 25. iour de Decembre en l'Indiction 3. comme Nicephore, Cedrenus & Zonare recitent. Le liure intitulé du nom de Charlemagne contre le Concile des Grecs touchant les images liu. 3. chap. 2. reproche à ce Tharasius d'auoir entrepris la defense de l'adoration des images pour reparer la faute qu'il auoit commise en acceptant la dignité Episcopale deuant qu'il en fust capable par les statuts Ecclesiastiques. Il se trouue vne epistre escrete par luy au Pape Adrian, où sont repris fort viuement ceux qui vendent ou achèptent les dignitez Ecclesiastiques, & qui prennent ou donnent argent pour icelles. Et semble qu'il

adresse

adresse celà audit Hadrian cōme les paroles de l'Epistre declarent selon la traduction Latine. *Mundi sumus à sanguine eorum qui transgrediuntur canonicas constitutiones, & multo magis eorum qui pecunijs ordinauerunt vel ordinati sunt, cum diuinus Petrus Apostolus (cuius Cathedram sortita est fraterna vestra sanctitas) ut Simonem Magum eos deposuerit. Eam ob causam veritatem annunciare non veremur seruantes & retinentes ea quæ à sanctis Apostolis & inclytis patribus nostris tradita sunt: & si quid eorum ab aliquibus est præteritum auersamur. Fraterna ergo vestra sacerdotalis sanctitas (quæ nec iure nec ex Dei voluntate Pontificale munus administrat) magna laborat infamia.*

Du Monde.	4922	\ Papes.	13	R. des Escossois.	17
De Iesus Christ.	785	E. d' Orient.	5	Cal. des Sarrazins.	1
Indiction.	8	R. des François.	17	R. des Bulgariens.	7
De l'Empire 169. le 12. Iuillet.		R. de Leon.	5	Duc de Venise.	7

CHARLES suiuant la deliberation precedente faisoit estat de ne laisser les Saxons en paix qu'il ne les eust mattez à sa discretion. A cause dequoy il auoit laissé beaucoup de compagnies en leur pais, qui ne cessoient de les trauailler. Mais quand la commodité du temps fut venue, il se remit luy-mesme en chemin pour les aller reuoir. Neantmoins quand il se vit auoir moien de les bien traiter selon leur merite, il s'offroit encore volontairement de les receuoir bien humainement à composition. Ce qui eut plus de pouuoir à rompre ou amollir la fierté de leur cœur, que toute la puissance qu'on auoit employée cy deuant contre & enuers eux. Signamment à Vvittikinde qui les auoit tousiours sollicité, & entretenus à rebellion, qu'il s'en alla souz vn saufconduit rendre à sa mercy accompagné d'un grand Seigneur de Holsatie nommé Albion: & pour luy presenter non seulement leur seruite & obeïssance, mais aussi s'offrit de franche volonté à estre instruits & baptisez en la religion Chrestienne. En faueur dequoy ils furent merueilleusement bié & gracieusement receuz. D'autant que leurs subiects se conformerent à leur exemple, donnans à cognoistre qu'ils auoient enuie de mieux receuoir & garder la religion qu'ils n'auoient par cy deuant: dont on pouuoit esperer qu'ils ne se laisseroient pas cy apres si facilement esmouuoir à rebellion. Ce pendant toutesfois le Roy leur ordonna certains Magistrats & des loix pour les regler au fait de la religion: & pour les retenir en leur deuoir, apres qu'il eut confirmé Vvittikinde en la Duché d'Angrie. Duquel les Historiens modernes Alemans disent estre issuë la race des Ducs de Saxe, & les ancestres de Hugues Capet Roy de France. Pour celà neantmoins ceste année ne doit estre prise pour la 30. de la guerre de Saxe, qu'on dit auoir duré, encore qu'on vouldust prendre le commencement d'icelle au tēps de Pepin. Aimoinus, ancien. Annal. Albert Crants.

A Mauregat occupateur du Roiaume de Leon decedé sans enfans, succeda au mesme Roiaume Veremund 2. ou Vermudece fils adoptif de Froila, & legitime de Dom Vimerano ou Veremund: lequel faisant scrupule de se mesler des affaires seculieres du Roiaume, aiant ia esté imité es ordres de prestre, reuoqua (selon l'opinion de Roderic) le Roy Alphonse son cousin, & le fit regner & viure avec luy l'espace de 4. ans, 6. mois. Mais les autres sont d'aduis qu'apres qu'il eut tenu seul le Roiaume 2. ans, qu'il le rendit audit Alphonse pour se rededier à la spiritualité. Ce pendant les Maures informez du changement qui estoit au Royaume d'Espagne, entrerent ceste année souz la conduite de Mugay ou Muga avec vne armee de 60. ou 70. mille combatans dedans l'Asturie, où ils furent lourdement desconfits par Alphonse avec perte quasi de toute leur troupe. Roderic.

MADI dict aussi Muhammat 20. Calife, & Amiras des Sarrazins, mourut laissant vn fils nommé Moyse, qui luy succeda en ses estats, & ne les garda que quelque peu plus d'un an. Nicephore.

THARASIVS se voyant estably au siege Patriarchat de Constantinople commença de mettre en euidence les moyens dont il vouldoit vser à oster le schisme qui estoit en

l'Eglise de Constantinople pour raison des images. Car il enuoya avec lettres de l'Imperatrice signifier au Pape à Rome & aux autres Patriarches le Concile qu'il vouloit assembler à Constantinople. Nicephore.

<i>Du Monde.</i>	4923	<i>Papes.</i>	14	<i>R. des Eſcoſſois.</i>	18
<i>De Ieſus Chriſt.</i>	786	<i>E. d Orient.</i>	6	<i>Cal. des Sarrazins.</i>	2
<i>Indiction.</i>	9	<i>R. des François.</i>	18	<i>R. des Bulgariens.</i>	8
<i>Del'Hegire 170. le 1. Juillet.</i>		<i>R. de Leon.</i>	6	<i>Ducs de Veniſe.</i>	8

L'ISSUE de la guerre Saxonique fut l'entree de la Britannique, que l'on commença aux Bretons de la petite Bretagne : pource qu'ayans tousiours esté vassaux & tributaires des Rois de France depuis Clouis & Dagobert, se voulurent emanciper en ce temps & ne plus rien recognoistre du Roy. Mais d'autant qu'ils auoient affaire à vn Prince qui auoit peu dompter & donner la loy à d'aussi braues nations qu'eux; il ne se faut esmerveiller s'ils furent facilement & en peu de temps contrainsts de se repentir en receuant le chastiment de leur temerité par vne compagnie de gens de guerre que Charles enuoya contr'eux souz la conduite d'un deses Seneschaux nommé Arnulfe ou Adulfe. Lequel apres auoir pris telle satisfaction & autant d'ostages d'eux qu'il voulut, mena les principaux de leurs Barons & grands Seigneurs avec luy pour rendre hommage & serment de fidelité à son Roy : Comme tous les auteurs que nous auons nommé cy dessus, recitent. Nonobstant que les Historiens de la petite Bretagne ont osé excogiter, que les petis Bretons eurent en ce temps vn Roy nommé Araſtagus, qui mourut avec Roland au voiage d'Espagne. A cause dequoy ils esleurent apres luy vn de leurs Comtes nommé Machonus pour leur Roy, qui fut tributaire du Roy Charles iusqu'apres sa mort.

HERVE DETRUYDE fille du Roy Charles fut ceste annee fiancee & promise à Constantin Empereur de Grece. Nicephore.

SVYVANT la publication du Concile qui se deuoit tenir à Constantinople par l'Imperatrice Eirene, & par le Patriarche Tharasius, le Pape Adrian & les autres Patriarches y firent aller leurs Legats. Tellement que l'assemblée se commença le septiesme ou huitiesme iour d'Aoust en ceste Indiction. Et pource qu'il y eut grand nombre d'Euesques qui reprouuoient l'vsage & la veneration des images, aussi bien que d'autres qui defendoient l'opinion contraire, ils entrerent en grande dispute les vns contre les autres, allegans les escritures chacun de leur part pour la defense de leur cause, iusques à ce que aucunes des bandes de la garde Imperiale, qui auoient encore la emmoire du feu Empereur Constantin leur maistre en singuliere recommandation, commencerent à tumultuer & à se vouloir esmouuoir pour la dispute & querelle d'iceluy contre ses aduersaires, sans toutesfois faire aucune iniure ny violence à personne. Ce qui fit neantmoins quitter & abandonner le lieu & place à Tharasius & à ses adherens. A cause dequoy les Euesques leurs contredifans sortirent tous de l'assemblée, criants & publians que la victoire estoit à eux. De sorte que ce Synode fut ainsi finy & acheué, & les Euesques de Grece renuoyez en leurs maisons. Mais les Legats du Pape Adrian & des autres Patriarches d'Orient furent retenus par l'Imperatrice, qui se propoſoit de venir par d'autres moyens à chef de ce qu'elle auoit commencé : d'autant qu'elle auoit trouué ses aduersaires encore trop forts. Nicephore, Zonare, Georgius Cedrenus.

Du Monde

<i>Du Monde.</i>	4924	<i>Papes.</i>	15	<i>R. des Escossois.</i>	19
<i>De Iesus Christ.</i>	787	<i>E. d'Orient.</i>	7	<i>Cal. des Sarraxins.</i>	1
<i>Indiction.</i>	10	<i>R. des François.</i>	19	<i>R. des Bulgariens.</i>	9
<i>De l'Hegire 171. le 21. Iuin.</i>		<i>R. de Leon.</i>	7	<i>Ducs de Venise.</i>	9

COMME l'Italie commençoit de se mettre en vn florissant estat, au moyen de l'heureux & gracieux repos dont elle iouyssoit souz le sage gouuernement de son Roy Pepin: Aragise Duc de Beneuent ne se pouuant de bon cœur voir subiect des François, vint par son orgueil & ambition se faire cause de rompre l'aïse d'icelle, en se voulant soustraire de l'obeyssance des François par les signes qu'il osa donner de ne se plus recognoistre tenir son estat d'eux: en ce faisant au lieu de Duc appeller Prince de Beneuent, & couronner par les Euesques de son pais, à la façon des Rois: d'auantage aussi en faisant des entreprises sur les terres du Pape. Et pource qu'on craignoit encore que son faict ne deust traîner vne plus grande queue de la part des Grecs desquels il s'approchoit, Charles avec vne armee de gens d'eslite passa par les Alpes au commencement de ceste année. De sorte qu'il fit la feste de Noël à Florence en la Toscane, pour de là tirer à Beneuent. Ce qui fit si bien penser Aragise à son faict, craignant que toute ceste tempeste ne vint à tomber sur son estat, qu'il enuoya ses deux fils vers luy, pour luy faire entendre sa volonté d'obtemperer à tous ses cōmandemens: laquelle il prit en telle satisfaction, que se contentant du serment de fidelité qu'il luy faisoit, & de quelques ostages de ses promesses (entre lesquels fut le plus ieune de ses fils nommé Grimoald) il luy renuoia son aîné: comme les anciens. Annal. Aimoinus, Ado, Regino & Sabellic témoignent. Qui me semblent aussi croyables que ceux qui ont induit Blondus & P. Æmile à estimer que Charles ne fit aucun voiage en ce temps en Italie, & que ce qui se fit contre Aragise fut seulement fait par le Prince Pepin son fils. Tant y-a cependant que Charles estant de retour se mit en equipage pour aller avec trois armées contre Thassillon Duc de Bauiere, qu'il estimoit s'estre mespris enuers luy. Mais l'autre aduerty d'vne telle mence, ne fut pas conseillé d'attendre qu'elle se vint descharger sur sa teste, ains se venant luy-mesme humilier & excuser le mieux qu'il peut de sa faute, fit qu'elle luy fut pardonnée en donnant ostages de ses promesses, qu'il feroit mieux à l'aduenir. Auquel temps aussi le procez fut fait à Adeleric Comte de Gascongne, & à Corson Comte de Tolose, qui se trouuoient auoir delinqué en leurs charges. A cause dequoy ils furent degradez de leurs estats, & enuoyez en exil: estant vn seigneur nommé Guillaume fait Comte de Tolose au lieu dudit Corson, dit des autres Thersin. Pour raison dequoy les Gascons se voulurent mutiner: mais ils furent bien tost contrains par le Prince Lois de s'appaiser. Aimoinus li. 5.

A MOISE 21. Calife & Amiras des Sarraxins decedé, succeda en la mesme dignité son frere Aaron, qui regna au comte de Nicephore vingt trois ans. Guillaume de Tirliure premier, chapitre troisieme de l'histoire sainte, tesmoigne qu'on le surnommoit Ressith, & qu'il commanda à toutes les prouinces d'Orient, excepté à l'Indie, estant grandement honoré & prisé de ses subiects pour les bonnes conditions qui estoient en luy. Iean Leon liure troisieme de son histoire d'Afrique adiousté, que par luy la lignee de Hali fut despoüillée & priee de la dignité de Calife, à qui elle appartenoit, s'en estant saisi & inuesti frauduleusement par le moien d'un sien oncle.

A v mesme temps Hislem estoit Roy des Maures de Cordouë en Espagne, duquel fut fils & successeur Alcan. Avec eux aussi Adala qui tenoit la principauté de Valence.

<i>Du Monde.</i>	4925	<i>Papes.</i>	16	<i>R. des Escossois.</i>	1
<i>De Iesus Christ.</i>	788	<i>E. d'Orient.</i>	8	<i>Cal. des Sarrazins.</i>	1
<i>Indiction.</i>	11	<i>R. des François.</i>	20	<i>R. des Bulgariens.</i>	10
<i>De l'Hegire 172 le 10. Iuin.</i>		<i>R. de Leon.</i>	8	<i>Ducs de Venise.</i>	10

EIRENE s'estimant venuë à chef de ses intentions, fit rassembler de toutes parts les Euesques de la Grece, qui fauorisoient à la cause des images, pour se venir trouuer au Synode general, qu'elle faisoit publier en la ville de Nicee. Niceph.

TASSILON estant retombé en sa felonnie, fut deuant les Estats de France tenuz à vn Parlement à Ingelhelim, accusé par ses propres subiects d'auoir derechef contreuenu par vn nouveau intentat, de la foy, loyauté & fidelité qu'il deuoit & auoit iuree à Charles; & si bien aussi conuaincu, qu'il ne s'en peut iustifier: en vertu dequoy il fut condamné au dernier supplice. Mais le Roy luy remettant la vie, se contenta que luy & son fils Theodon fussent confinez en vn monastere, pour y acheuer le reste de leur vie: demeurât cependant le pais de Bauiere confisqué & réduit entre les mains du Roy, qui le fit borner & distinguer de ses limites, pour estre d'oresnauant compté entre les prouinces du domaine des Rois de France. Ce qui se fit apres que les Bauarois avec le secours des François en eurent vertueusement repoussé les Huns Auarois par deux fois. Lesquels y estoient venuz la premiere fois en grand nombre pour donner secours à Thassilon: & la secôde pour venger la honte & perte de la premiere. Mais ils firent à toutes les deux vne grande perte de gens. Auteurs precedents.

ARAGISE Duc de Beneuent mourut en ce temps, succedant son fils Grimoald à ses estats par la permission du Roy. A cause dequoy il s'alla tout incontinent ioindre à Ildebrand Duc de Spolet, pour obuier aux entreprinſes des Grecs, qui auoient tout fraische-ment pris terre en Italie, avec grande armee. De sorte qu'il les fallut combattre en bataille rangée: mais ils ne peurent soustenir l'effort des François & des Lombards ensemble, qui firent lors vne si merueilleuse espreuue de leur vertu, que c'est chose incroyable du nombre des Grecs qu'ils mirēt en pieces. Entre lesquels fut trouué Adelgise fils de Didier Roy des Lombards. Ce qui degousta si bien les autres Grecs, qu'il ny en eut pas vn qui de long temps apres eust enuie de reuenir voir l'Italie. Annales anciennes, Regino, Aimoinus.

ESTANT Soluathius Roy d'Escoſſe decedé en la 30. annee de son regne, Achaius fils du feu Roy Etfin, fut aduacé par les Escossois pour regner en son lieu, lequel il tint l'espace de 32. ans. C'est luy qu'on dit auoir esté le premier qui contracta alliance avec les Rois de France, laquelle a duré inuiolablement iusqu'aujourdhuy: & qui pacifia aussi vn tumulte commencé es Isles par le fils de Banus Mahdonald, & puis accorda paix aux Irlandois, apres qu'ils se furent guerroyez les vns les autres quelque espace de temps. Au temps duquel aussi Hongus Roy des Pictes deſſit Athelsten Roy des Vvestſaxons aupres du village Ethelstenfurd. En memoire de laquelle victoire, qu'on dit que premierement luy & les Pictes, & apres leur bannissement, les Escossois commencerent & firēt coustume de porter en guerre la croix qu'on dit de saint André, ainsi comme elle apparut en l'air la nuit deuant ceste iournee. Hector Boëthius liu. 10.

I Z E M, selon d'autres Ixeca Roy de Cordouë en Espagne, mourut, laissant vn fils nommé Alcan ou Halihatan, qui entra en possession du Roiaume de son pere: mais quand son oncle Abdale seigneur de Valence en fut aduertý, il fit venir de Tanger son frere, dict Columela ou Abdalia, qui n'estoit gueres esloigné de luy, pour eux deux ioincts ensemble avec leur puissance aller oster le Roiaume à leur nepueu: Lequel estât aussi aduertý de leur entreprise, se trouua aussi tost qu'eux aux champs avec ses forces. De sorte qu'ils furēt mis en route par luy, ne restant à Abdala autre retraitte que Valence. Anton. Benth. Autres rapportent cecy à l'an 794.

LEAN Patriarche de Ierusalem en ce temps. Auquel aussi fut tenu vn Synode prouincial des Prelats de la Germanie en la ville de Ingelhein.

Du Monde.

Du Monde. 4926	Papes. 17	R. d'Escoffe. 1
De Iesus Christ. 789	E. d'Orient. 9	Cal. des Sarrazins. 2
Indiction. 12	R. des François. 21	R. des Bulgariens. 11
De l'Hegire 173, le 30. May.	R. de Leon. 9	Ducs de Venise. 11

E I R E N E contreuenant au concordat qu'elle auoit fait avec le Roy de France, touchât le mariage de son fils avec la fille d'iceluy, fit venir vne pucelle d'Armenie nommee Marie, laquelle elle fit espouser à sondit fils, contre sa volonté, qui estoit afin de le desnuër de plus grand appuy. Auquel temps aussi, ayant non-seulement desarmé, mais aussi dissipé & enuoyé en exil les plus opiniaftres & constans oppugnateurs de la cause des images, & asseuré leurs aduersaires du gain de leur cause: Elle fit commencer l'vnziesme iour d'Octobre de l'Indiction vnziesme & de la neuuesme annee de son Empire, le Synode qu'elle faisoit appeller 7. vniuersel en la cité de Nicee en Bithinie, afin que la memoire du premier qui y auoit esté celebré, seruist de quelque plus grand lustre au second. Auquel se trouuerent, comme on dit, 350. Euesques avec les Legats des Patriarches d'Oriët. Mais ils n'y eurent de tout l'Occident que deux ou trois Euesques qui y allerent en tiltre de Legats du Pape Adrian. Somme que toute la conclusion de toute ceste assemblee fut la condamnation & anathematization des Conciles precedents & des Euesques & autres personages qui auoient consenty & approuué la reiectiõ & inhibition de l'usage des images & Temples des Chrestiens. Ensemble aussi la declaration & decisiõ, qu'il n'est pas seulement licite, mais aussi necessaire & salutaire de les auoir & retenir dedans les Temples, cõme aussi de les y adorer & venerer de toute sorte de veneration. Niceph. Anastasius, Cedr. les Actes dudit Concile.

V N E nation d'Esclauons appelez Vvlfes ou Vvliens habitans la coste de l'Ocean Germanique, par-de-là le fleuve d'Albis, faisoit continuellement des fascheries tant aux François qu'à leurs alliez & confederez par leurs courfes & briganderies. De sorte qu'il fut expedient que le Roy Charles, pour reprimer leurs insolences, menast vne armee contr'eux, qui estoit accompagnee de Saxons (sõuz la conduite de Vvittikindus) & des Sorabes & Obodrites, par laquelle leur principale ville nommee Dragamite fut prise, & leur armee deffaicte en quelque rencontre: dont ils furent si estonnez, qu'ils se rendirent tributaires & subiects des François, donnant ostages pour seureté de leurs promesses. Autres disent qu'il fit aussi fonder la cité de Brandebourg contr'eux pour les tenir en bride.

G A R C I A S 2. du nom surnommé Ynegues Roy de Sobrarbie & de Nauarre, mourut, laissant vn fils nommé Fortuné ou Fortunien, selon d'autres Hortune, qui luy succeda en son Roiaume, & regna 27. ans. Et pource qu'il espousa la fille vniue de Garinde Comte d'Arragon: il posseda pareillemēt puis apres à raison d'elle ladite Comté, & on l'en nomma Comte. François Tarafa.

L E S Danois aborderent premierement ceste annee en l'isle d'Angleterre avec 3. nauires, & commencerent à piller la coste d'icelle. Polydore Virgile. Signamment le Roiaume de Northumbellande, où ils gasterent beaucoup de Tēples & de monasteres, ainsi que tesmoigne Alcuin en ses Epistres: en l'vne desquelles à l'Archeuesque de Cantorbie nommé Alardo, il semble declarer que celà se fit ceste annee, disant: *Hoc dico propter flagellū quod nuper accidit partibus insule nostre, quæ propè trecentis & 40. annis à parētibus inhabitata est nostris. Legitur in lib. Gildi Britonum sapientissimi, quòd iidem Britones propter auaritiā & rapinā principum, propter iniquitatem & iniustitiā iudicum, propter desidiam prædicationis Episcoporum, propter luxuriā & malos mores populi, patriam perdidērunt. Caueamus hæc eadem vitia nostris temporibus inolescere: quatenus benedictio diuina nobis patriam conseruet in prosperitate bona, quam nobis sua misericordissima pietate perdonare dignatus est.* Or estoiet ces Danois venuz en Angleterre plus pour espionner l'estat d'icelle, & pour descourir la puissance & les forces des habitans d'icelle. Qui fut cause que nonobstant qu'ils en eussent esté vaillammēt repoussez ceste fois par Bitrich Roy des Saxons Occidentaux, assisté des autres Rois, de les faire retourner quelque temps apres en plus grande compaignie.

<i>Du Monde.</i>	4927	<i>Papes.</i>	18	<i>R. des Escossois.</i>	2
<i>De Iesus Christ.</i>	790	<i>E. d'Orient.</i>	10	<i>Calife des Sarrazins.</i>	3
<i>Indiction.</i>	13	<i>R. des François.</i>	21	<i>R. des Bulgariens.</i>	12
<i>De l'Hegire 174. le 19. de</i>		<i>R. de Leon.</i>	10	<i>Ducs de Venise.</i>	12
<i>May.</i>					

CONSTANTIN estant parvenu en aage de pouuoir commander, se vouloit emanciper de la tutelle de sa mere, & prendre l'administration de l'Empire entre ses mains. Ce qu'elle trouua de si mauuaise digestion, qu'elle le fit enfermer: mais les legions de l'Europe, suiuant l'exemple de celles d'Armenie, le redemanderent en toute instance. A cause dequoy force luy fut de le remettre en liberte, & de luy rendre le maniemment des affaires pour en disposer par son propre conseil. Ce qui se fit en l'Indiction 14. ia commencee au mois d'Octobre. Nicephore, Zonare.

CHARLES tenant sa Cour en la ville de Vvormes, onyt l'Ambassade des Huns, qui venoit faire quelques remonstrances sur le faict des limites de leur Roiaume. Et pource que la responce qu'on leur fit ne fut totalement à leur gré, on pense qu'elle fut occasion de la guerre qui fut cy apres declaree contr'eux. Cependant Charles se mit à faire construire & dresser des ponts de merueilleux artifice sur les riuieres du Sal & du Mein. Aimoinus.

VEREMVND ou Veremundere Roy de Leon, preferant la vie monastique (de laquelle il auoit ia cy deuant fait profession) à la Roiale, remit du tout son Roiaume entre les mains de son cousin Alfonse, qui fut 2. du nom, surnomé le Chaste, pour retourner au monastere: orés qu'il eust deux fils de sa femme Ernasinde, nommez Raymire & Garcias. Roderic toutesfois estime qu'Alfonse recouura le Roiaume tant seulement apres sa mort: tellement qu'il le tint depuis seul iusques à son trespas l'espace de 31. an seulement. Car les 41. qu'il dit qu'il a regné, se doiuent compter dès le trespas du Roy Silo. A quoy n'ayans prins garde les autres Chroniqueurs, sont tombez en grand erreur touchant les annees des Rois de Leon.

<i>Du Monde.</i>	4928	<i>Papes.</i>	19	<i>R. des Escossois.</i>	3
<i>De Iesus Christ.</i>	791	<i>E. d'Orient.</i>	11	<i>Cal. des Sarrazins.</i>	4
<i>Indiction.</i>	14	<i>R. des François.</i>	23	<i>R. des Bulgariens.</i>	13
<i>De l'Hegire 175. le 3. de May.</i>		<i>R. de Leon</i>	11	<i>Ducs de Venise.</i>	13

CONSTANTIN Empereur, ayant osé mener vne armee contre le Roy de Bulgarie, souz l'espoir de la victoire qui luy estoit promise par vn Astrologue nommé Pâcrarius, fut toutesfois honteusement vaincu & mis en route, estant contrainct de laisser son bagage au pouuoir de ses ennemis, Niceph.

AVCVNS grands seigneurs d'Espagne s'esleuerent en ce temps contre le Roy Alfonse, & le contrainquirent de se retirer en vn monastere. Mais vn autre grand seigneur reuint à son aide, qui le remit en son Roiaume: auquel estant bien estably, erigea la Chaire cathedrale d'Oruictto. Anton. Benth.

LES Sarrazins à grande armee coururent iusqu'en l'isle de Cypre: mais l'armee de l'Empereur qui les costoit, les empecha de faire aucune conqueste. Niceph.

FLACCVS Alcuinus surnommé Albinus, disciple du venerable Beda, & le plus consommé en sçauoir & erudition de tous les Anglois apres luy, estant venu cy deuant en France, y auoit esté si bien receu, que le Roy Charles s'estoit seruy premierement de luy comme de precepteur, & puis apres d'Aumosnier. Mais il fit ceste annee à son instâce fonder & instituer la fameuse Vniuersité & Academie de Paris, laquelle a tousiours depuis esté le plus celebre & accoustumé manoir & domicile des Muses, des lettres, & des bonnes sciences non seulement de l'Europe, mais aussi de toutes les autres parties du monde. Plusieurs adioustent que deux moines venans d'Escoffe, se transporterent au mesme temps à Paris,

à Paris: où ils firent entendre qu'ils auoient le sçauoir & la sapience à vendre; & que le prix qu'ils en demandoient estoit seulement la nourriture & entretenement de leur corps. Pour raison dequoy Charles en retint l'un, nommé Clement, pour lire & instituer la jeunesse à Paris: & enuoya l'autre à Pauie en la Lombardie, où il auoit fondé vne autre Vniuersité. Ce que les autres toutesfois attribuent audit Alcuin & à ses compagnons, Claude Rabanus, Jean dict Mailrosius l'Escoffois, tous disciples de Bede, personnages d'excellent sçauoir: teimoin Balæus & les histoires de France.

Mais le moine de S. Gal, qui a escrit la vie & les mœurs du Roy Charlemagne, selon ce qu'il en auoit appris de la bouche de deux personnages nommez Adalbert & Vverimbert, qui auoient vescu à la suite d'iceluy, recitant tout ce que nous venons de raconter d'Alcuin & des deux Escoffois, ne fait aucune mention de l'institution de l'Vniuersité de Paris, ains seulement que Charles voulant aller à vne guerre, enuoya l'un des Escoffois à Pauie en Italie, pour y enseigner la jeunesse dedans le monastere S. Augustin: & fit demeurer l'autre nommé Clement en France, luy donnant vn grand nombre d'enfans, tant nobles que de plus basse condition, pour les instruire es bonnes lettres. Mais il retenoit tousiours Alcuin à sa suite, sinon que quand il alloit en quelque guerre lointaine, il luy donnoit permission d'aller faire sa residence à l'Abbaye de S. Martin de Tours (dont il l'auoit fait Abbé) iusques à son retour. Pendant lequel temps il employoit son loisir à enseigner les lettres & sciences à ceux qui accouroient à luy pour acquerir du sçauoir: dont s'en ensuiuit ce qu'il dit en ces termes: *Cuius in tantum doctrina fructificauit, vt moderni Galli sue Franci antiquis Romanis vel Atheniensibus æquarentur.* Iceluy même a déclaré en ses Epistres les causes qui le firent arrester en France: car en vne à ceux de Vvaruich, il dit: *Non pro auri auaritia (testis est cognitor cordis mei) Franciam veni nec remansi in ea, sed Ecclesiastica causa necessitatis.* Et en vne autre à Offa Roy des Merciens: *Ego paratus etiam cum muneribus Caroli Regis ad vos redire, & in patriam reuerti, sed melius mihi est visum propter pacem gentis mee in peregrinatione remanere: Nesciens quid fecissem inter eos, inter quos nullus securus esse, & in salubri consilio proficere potest. Ecce sanctissima à Paganis vastata: altaria periuriis fœdata: monasteria adulterius violata: terra sanguine Dominorum & Principum fœdata.*

Du Monde.	4929	Papes.	20	R. des Escoffois.	4
De Iesus Christ.	792	E. d'Orient.	12	Cal. des Sarrazins.	5
Indiction.	15	R. des François.	24	R. des Bulgariens.	14
De l'Hegire 176. le 27. Avril.		R. de Leon.	12	Ducs de Venise.	14

CONSTANTIN estant conseillé de retourner encore contre les Bulgariens, remit le gouuernement des affaires de l'Empire entre les mains de sa mere. Cependant son second voyage de la Bulgarie luy apporta aussi peu de profit que le premier, & en reuint plus honteusement vaincu, ayant perdu son Astrologue à la charge que luy donna Cardanus Roy de Bulgarie le 21. iour de Iuillet, avec beaucoup d'autres personnages de nom. Dequoy ne sçachant à qui se prendre, reuint descharger tout son courroux sur ses oncles Nicephore & Chrestophle, auxquels il fit creuer les yeux au mois d'Aoust, en l'Indiction 15. pource que le peuple les auoit voulu faire Empereurs en son absence: faisant aussi endurer le même supplice à quelques autres des premiers de son Palais. A quoy faire toutesfois on estime qu'il fut induit par la malice de sa mere, qui esperoit faire son profit de la haine qu'elle sçauoit bien qu'il s'acquerroit par tels moyens enuers tous ses subiects. Nicephore, Cedrenus.

LA guerre entreprinse par les François contre les Huns qui se disoient aussi Auarois, à l'occasion des courses & entreprinse continuelles qu'ils faisoient sur les Abrodites & autres alliez ou subiects des François, fut declaree & ouuerte ceste annee, prenant le nom d'Auaroise, à raison de ceux à qui elle se faisoit, qui occupoient lors le pais de la Pannonie, depuis le fleuve qu'on nommoit Aoraste ou Anise (par qui ils estoient reparez d'avec les Bauarois) iusques à celuy qu'on appelle vulgairement Rabba, entre lesquels est compris le pais d'Austriche. Dedans lequel Charles fit entrer vne armee souz la conduite de deux

de ses fauoris, Theodoric & Alfrede, qui s'acquitterent si bien de leur charge, qu'ils gagnèrent tous les Forts qui pouuoient empêcher l'entree & passage d'iceluy : causant vn tel espouuancement à leurs ennemis, qu'ils les firent retirer és dernieres fins de leurs terres, laissant toute la haute Pannonie au pouuoir des François, qui en firent des lors vne de leurs prouinces, la faisant nommer avec le temps Austrie, pour la raison que nous reciterons cy apres. Cependant Charles estant arriué avec vne seconde armee vers les premiers, fit encore pourluiuere les Huns iusques dedàs la basse Pannonie, dicté auourd'huy Hongrie : où il se mit à tout deuoir de les attirer au combat, iusques à ce qu'il veit qu'il ne leur en pourroit faire manger. A cause dequoy il fut conseillé de faire dresser vn Fort pour les tenir en bride, qu'il laissa en la garde de Henry Duc de Friul & de Gerold Gouverneur de Bauie-re : & puis retira le reste de son armee en France. Aucuns sont tesmoins qu'il laissa quant- & quant des lors grand nombre de Saxons sur les frontieres de Hongrie, desquels on estime estre procedez les Allemans qui habitent encore auourd'huy en la Transsylvanie. Eginardus, Aimoinus, anciennes Annales, Regino, Abbé d'Vrsperg, Bonfinius.

LA coniuration que Pepin bastard du Roy Charles auoit dressée contre son pere, fut aussi au mesme temps descouuerte & opprimée. Ceux se sont abusez qui l'ont pris pour le Roy d'Italie. Mais cependant que Charles estoit en Allemagne, les garnisons qu'il auoit laissées sur les frontieres d'Espagne, s'efforcerent de recouurer la ville de Barcelonne, que les Sarrazins auoient reprise : dont elles ne peurent venir à bout, estans repoussez avec grande perte de gens. Ce qui donna la hardiesse à d'autres Sarrazins de venir courir iusques dedans le Languedoc, d'où ils emmenerent vn grand butin. Annales Anciennes, Aimoinus.

QUELQUES grands seigneurs Maures se mirent tellement en peine ceste annee, qu'ils mirent d'appointement Abdalla seigneur de Valence, avec Alcan Roy de Cordouë son nepueu, souz la condition qu'il fut permis à Abdalla de s'intituler Roy de Valence, & que son nepueu luy assigneroit certain pais d'alentour, avec vne pension suffisante pour s'entretenir en estat de Roy : moyénant toutesfois qu'il se deuoit recognoistre feodal de sondict nepueu, & enuoyer son fils à son seruice. Ainsi fut le Roiaume de Valence en Espagne commencé. Anton, Benthier.

FELIX Espagnol Euesque Aurelitaïn, mit en auât en ce temps vne heresie, par laquelle il vouloit maintenir que nostre Seigneur Iesus Christ n'est propre fils, ains seulement adoptif de Dieu. Pour raison dequoy il luy fallut comparoistre deuant le Pape Adrian, qui le contraignit d'abiurer ses erreurs, apres les auoir veu condamner & censurer deuant ses yeux : combien qu'on a cogneu depuis que ce fut par feinte. Aimoinus, Ado, Regino.

<i>Du Monde.</i>	4930	<i>Papes.</i>	21	<i>R. des Escossais.</i>	5
<i>De Iesus Christ.</i>	793	<i>E. d'Orient.</i>	13	<i>Cal. des Sarrazins.</i>	6
<i>Indiction.</i>	1	<i>R. des François.</i>	25	<i>R. des Bulgariens.</i>	15
<i>De l'Hegire 177 le 16. Avril.</i>		<i>R. de Leon.</i>	13	<i>Ducs de Venise.</i>	15

LES Legions d'Armenie se mutinerent de telle façon, pour le tort qui auoit esté fait au Patrice Alexius leur Coronal, à qui l'Empereur auoit fait creuer les yeux, qu'ils se rebellèrent contre luy. A cause dequoy il les alla voir avec vne armee : par le moyen de laquelle il les vainquit en champ de bataille le 15. d'Aoust ; ou selon d'autres exemplaires non imprimez de Nicephore, le 25. de May. De façon qu'il chassa comme il voulut les principaux chefs & incitateurs de la rebellion, qui fut cause qu'aucuns d'eux mirent le chasteau d'Amarchan entre les mains des Sarrazins.

CHARLES apres auoir fait dresser à Majence vn pont de merueilleuse structure & artifice sur le Rhin, voulut encore faire aller de là vn canal iusques au Danube, par lequel on eust peu nauiger de l'vn des fleuues à l'autre. Mais nouuelles luy vindrent en ces entrefaites de la rebellion des Saxons qui auoient massacré tous les Officiers qu'il leur auoit donnez : & aucuns Capitaines qu'il auoit depechez pour aller faire leuee de gens en leur pais, avec quelques troupes que Theodoric conduisoit contre les Auarois. Annal. anciennes, Aimoinus, P. Æmile.

EN la

EN la mesme année Lideric Comte de Harledec ou Hallebec fut le 14. iout de Ianuier institué grand Forestier & Admiral du pais de Flandre pour le Roy Charles, à l'intention qu'il en estrangeast & repurgeast toutes les volleries & brigaderies qui s'y commettoient ordinairement: pource que tout y estoit plein de bois & de forests. Cependant on dit que ce Lideric espousa Iunigarde, fille du Comte Gerard, de laquelle il eut Enguerran ou Englerran, qui fut son successeur en ses estats, & pere d'Andrac, duquel Baudouin (marry de Iudith fille de Charles le Chauue) fut fils. Chroniq. Annales de Flandre, Sigebert.

VN discord suruint enuiron ce temps entre le Roy Charles & Offa Roy des Merciens d'Angleterre, duquel l'occasio ne se trouue escrete: mais à cause d'iceluy, le commerce qui estoit entre les deux Roiaumes fut interdict: ainsi que tesmoigne Alcuin en vne de ses Epistres, où il dit: *Nescio quid de nobis venturum sit. Aliquid enim dissensionis diabolico. fomento inflammante nuper inter Regem Carolum & Regem Offam exortum est, ita ut utrinque nauigatio interdicta negotiis cesset. Sunt qui dicant nos pro pace esse in illas partes mittendos.* Si est-ce toutes-fois que la paix se refit bien tost apres, suiuant laquelle le commerce fut recommencé, & la nauigation de l'un à l'autre Roiaume permise: tesmoin Guillaume de Malmesberie.

LA question de l'usage des images fut aussi bien debatue par les Espagnes en ce temps que par l'Asie. De sorte qu'il y eut pour ce faict vn Synode tenu, qui est appelé au liu. des Conciles Elibertin: dont aucuns se trouuent en doute, si ce fut de la ville qu'on disoit anciennement *Eliberis* (aujourd'huy appelée Grenade) pource qu'elle estoit lors en la puissance des Maures. Mais il est tout verifié par les principales histoires d'Espagne, que nōobstant que quasi toute l'Espagne fust alors possedee desdits Maures, qu'il ne laissa pas pourtant de rester grand nombre de Chrestiens avec leurs Euesques en beaucoup de villes: ausquels les Sarrazins de là peurent aussi bien permettre leurs assemblees & Synodes, que ceux d'Asie les permettoient au mesme temps aux Chrestiens qui viuoient souz eux: tesmoin ceux qui furent celebres souz Iean Damascene pour la defense des images. Tant y a cependant qu'on voit ce qui est porté par les 36. & 48. Canons des Actes de ce Synode, concernât l'usage & veneration des images, ne se bien rapporter avec ce qui en auoit esté déterminé au Concile precedent de Nicee.

Du Monde.	4931	Papes.	22	R. d'Escoffe.	6
De Iesus Christ.	794	E. d'Orient.	14	Cal. des Sarraxins.	7
Indiction.	2	R. des François.	26	R. des Bulgariens.	16
De l'Heure 178. le 5. d'Auril.		R. de Leon.	14	Ducs de Venise.	16

ESTANT Felix retombé en l'heresie qu'il auoit cy deuant abiuree, & qu'on la voyoit ia grandement germer en plusieurs personnes par le pais de Languedoc & de la Gascogne, mesmement qu'Eliphantus Archeuesque de Tolette en faisoit profession ouuete: par l'auctorité du Roy Charles fut assemblé vn Synode des Prelats tant de la France que de la Germanie en la ville de Francfort. Ausquels aussi se vindrent ioindre grand nōbre d'Euesques d'Italie, avec les Legats du Pape Adrian nommez Theophilacte & Estienne, qui y presiderent. Par le iugement desquels l'heresie dudit Felix fut pour la 3. fois condamnée & anathematisee. Les anciēnes Annales avec Regino & Ado disent aussi que le faux Synode qui auoit esté tenu vn peu auparauant par les Grecs pour l'adoration des images (Aimoinus liure 4. chapitre 85. & l'Abbé d'Vrsperg, avec le moine qui a fait les Annales de Pepin & de Charles adioustent) à Constantinople souz l'Imperatrice Eirene & Constantin son fils, lequel ils appelloient le septiesme vniuersel, fut totalement condamné, & déterminé qu'il n'estoit pas indigne seulement de l'appellation de septiesme & vniuersel, mais aussi d'estre mis au nombre des Conciles. Surquoy sont suruenus auourd'huy deux opinions: l'une que maintient fort asprement Surius, qu'il n'y a eu que le Synode fait à Constantinople, souz l'Empereur Leon contre l'usage des images, que les defenseurs d'iceluy vouloient faire appeler le septiesme vniuersel qui ait esté condamné au Synode de Francfort. A cause dequoy il reproche le tesmoignage du liure qui a esté diuulgué souz le nom de Charlemagne contre le 7. Cōcile des Grecs pour l'adoration des images, & remis en lumiere depuis 30. ans à Paris, lequel il appelle *Capitulare aduersus Synodū quæ pro sacrarum*

imaginum erectione in Nicea acta est : voulans demonstrier par la respõse que le Pape Adrian fit audit liure, qu'il n'auoit esté cõposé de l'auctorité des Peres du Cõcile de Francfort: & le persuade aussi q'on a de malice deliberee falsifié le passage de l'Abbé d'Vrßperg (d'autãt qu'il n'auoit encore veu celui d'Aimoinus) où il dit ce que nous auons recité cy dessus du 7. Concile vniuersel souz l'Imperatrice Eirene, &c. pource q'le nom de la cité de Cõstantinople y repugne. Mais ceux qui maintiennent l'opinion diuerse, alleguent pour leur defense le tesmoignage de Hincmarus Archeuesque de Reims, au chapitre 20. *Aduersus Hincmarum Episcopum Laudunensem*. Auquel ils adioignent celui d'Anastasius Biblioth. en sa Preface sur la traduction des Actes, du huitiesme Concile vniuersel & d'Aimoinus liu. 5. chap. 18. pour monstrier que les François ont eu autre opinion des images au temps de Charlemagne qu'ils n'ont eu depuis. Cependant i'en laisse le iugement à ceux à qui il appartient.

CHARLES, estant le Concile de Francfort acheué, mena son armee contre les Saxons; de laquelle il bailla vne partie au Prince Charles son fils, pour les enuahir d'une part: & se retint l'autre pour les assaillir d'autre endroiẽt. Dont ils se trouuerent si estonnez, que nonobstant qu'ils se fussent preparez à se defendre, aimerent mieux experimenter la clemence du Roy, que de se precipiter en plus grand danger. Dont mieux leur en prit: car ils furent receuz à composition, en faisant nouveau serment de plus grande fidelité à l'aduenir. Ancien. Annal. Aimoinus, Regino.

VNE armee de Sarrazins prit le chasteau de Sebasan sur l'Empereur de Grece, & s'en retourna chargee de grand butin. Nicephore.

Du Monde.	4932	Papes.	23	R. des Escossois.	7
De Iesus Christ.	795	E. d Orient.	15	Cal. des Sarrazins.	8
Indiction.	3	R. des François.	27	R. des Bulgariens.	17
De l'Hegire 179. le 25. de		R. de Leon.	15	Ducs de Venise.	17
Mars.					

CONSTANTIN apres auoir repudié sa femme nommee Marie, que sa mere luy auoit fait espouser contre son gré, prit en mariage vne des damoiselles de chambre de sadiẽte mere, qui s'appelloit Theodora: & puis mena son armee contre les Sarrazins, où il se porta si bien, qu'il gagna vne bataille sur eux, pres vn chasteau qu'on nommoit Amusan. Nicephore.

LES Saxons retombez en leur infidelité coustumiẽre, dressèrent vne embuscade à certaine troupe d'Abrodites, qui avec leur Roy Vvirzius alloient au secours de Charles: de façon qu'ils les taillèrent tous en pieces. A cause dequoy Charles remena son armee en la Saxe, qui y fit vn merueilleux degast auant que retourner en Frãce. Pendant lequel temps vn grand seigneur d'entre les Huns nommé Thudon luy enuoya signifier qu'il mettoit soy & son pais en son obeissance; se delibérant aussi de receuoir la Religion Chrestienne. Aimoinus. Annal. anciennes.

E TEL REDE Roy de Northumberlande en Angleterre, fut de mesme desloyauté que ses predecesseurs cruellement mis à mort par ses subiects. Qui fut cause que son Roiaume demeura sans Roy l'espace de trentetrois ans, d'autant qu'il ne se trouua personne qui se voulust hazarder d'entrer en son lieu, de peur d'en estre payé de mesme monnoye que les Rois precedents. Ioinẽt que les Danois qui estoient cy deuant venuz courir iusques en Angleterre, y retournerent avec plus grandes forces, & occuperẽt quasi tout ledit Roiaume, iusques à ce qu'ils en furent dechassez par le Roy Egbert l'an 827. Guillaume de Malmesberie tesmoigne que Charlemagne fut merueilleusement courroucé de la mort du Roy Edelrede. Tellement qu'Alcuin en escriuit à Offa Roy des Merciens en telle sorte: *Sciat veneranda dilectio vestra, quod dominus Rex Carolus amabiliter & fideliter saepe mecum locutus est de vobis: & in eo habetis fidelissimum amicum. Ideo & vestra dilectioni digna dirigit munera, & Episcopales sedes regni vestri. Similiter & Edelredo Regi, & ad suas Episcoporum sedes dona direxit. Sed heu pro dolor! donis datis & Episcopis in manus missorum superuenit tristis legatio, permissos qui de Scotia reuersi sunt per vos: de infidelitate gentis & nece Regis. Ita Carolus retracta donorum largitate, in tantum iratus est contra gentem illam, ut ait perfidam, & peruersam, & homicidam domi-*

dam dominorum suorum, peiorem eam Paganis aestimamus: ut nisi ego intercessor essem pro ea, quidquid eis boni abstrahere potuisset, & mali machinari, iam fecisset. Si est-ce toutesfois que Aimoinus, Regino & Sigebert tesmoignēt, que le Roy Charlemagne remit l'an 808. vn Roy Ardulf au Roiaume de Northumbellande, qui en auoit esté dechassé. Mais il se lit aussi vne Epistre de Charlemagne à ce Roy Offa, en l'histoire de Guillaume de Malmesberie, qui declare les causes de l'affection qu'il luy portoit, & les dons qu'il luy enuoya, avec vn accord qu'il fit avec luy en faueur de ceux d'Angleterre qui voudroient venir traffiquer es païs de son obeissance, ou passer par iceux pour aller en pelerinage à Rome. Ce qu'on entendra mieux par les mots de ladicte Epistre: Carolus &c. viro venerando & fratri charissimo Offa Regi Merciorum S. Primò gratias agimus omnipotenti Deo, & saluatori animarum, de Catholica fidei sinceritate quam in vestris laudabiliter Paganis reperimus exaratam. De peregrinis verò qui pro amore Dei & salute animarum suarum beatorum Apostolorum limina desiderant adire, cum pace sine omni perturbatione vadāt. Sed si aliqui non religioni seruientes, sed lucra sectantes inueniantur inter eos, locis opportunis statuta soluant telonea. Negotiatores quoque volumus ut ex mandato nostro patrociniū habeant in regno nostro legitime. Et si in aliquo loco iniusta affligantur oppressione, reclamant se ad nos & nostros iudices, & plenam iubebimus iustitiā fieri. Cognoscat quoque dilectio vestra quod aliquam benignitatem de Delmaticis nostris & palliis ad singulas sedes Episcopales regni vestri & Ethelredi direximus, in eleemosynam Domini Apostolici Adriani: deprecantes ut pro eo intercedi iubeatis: nullam habentes dubitationem, beatam illius animam in requie esse: sed ut fidem & dilectionem ostendamus in amicum nobis charissimum. Sed & de thesauro humanarum rerum, quas Dominus Iesus noster nobis gratuita pietate concessit, aliquid per Metropolitanas ciuitates direximus. Vestra quoque dilectioni unum balteum & unum gladium Huniscum, & duo pallia serica. De laquelle Epistre semblablement & des precedentes, se cognoist que le Roy Ethelrede mourut biē tost apres le Pape Adrian.

ADRIAN Pape de Rome mourut (tesmoin Onufrius) ceste annee le 26. iour de Decembre, & fut l'ellection de son successeur si precipitee, que deuant que le lendemain fust passé, le siege Papal fut pourueu d'un autre qui porta le nom de Leon 3. fils d'un Azzupius citoyen de Rome, lequel on fait compte auoir presidé 20. ans, 5. mois, 15. iours.

Du Monde.	4933	Papes.	1	R. des Escossois.	8
De Iesus Christ.	796	E. d Orient.	16	Cal. des Sarrazins.	9
Indiction.	4	R. des François.	28	R. des Bulgariens.	18
De l'Heure 180. le 14. Mars.		R. de Leon.	16	Duc de Venise.	18

CARDAMES Roy de Bulgarie ayant enuoyé sommer l'Empereur de luy satisfaire à aucunes demandes fort defraisonnables qu'il faisoit, receut vne responce semblable. A cause dequoy il mit son armee aux champs pour venir trouuer l'Empereur. Mais quand il fut aduertie qu'il estoit aussi prest & appareillé de le bien receuoir, que luy de l'assaillir: il se mit luy-mesme comme en fuite, reprenant les brisées de son Roiaume.

PENDANT lequel temps vne armee de Sarrazins vint courir iusques deuant la ville d'Amorium, laquelle ils faillirent bien à prendre: mais non pas à temporter vn grād butin avec eux en leur païs. Nicephore.

COMME la guerre contre les Auarois se continuast sans cesse, Henry Duc de Freul espia l'occasion de leur donner des affaires, enuoyant l'un de ses Capitaines nommé Voumirro Esclauon de nation, avec armee pour courir sur eux: lequel rencōtra vne armee d'Auarois conduits par leur seigneur Irhingus, lesquels il deffit. Au moyen dequoy il entra dedans le Palais de leurs Rois, qu'ils nommoient Rhingus ou Rinch, où estoient gardez tous leurs thresors, mesmement ceux qu'ils auoient peu assembler par tant de siecles, de tant de païs & prouinces par eux pillees & saccagees. Lesquels furent emportez & enuoyez au Roy Charles, qui en distribua vne bonne partie aux seigneurs de sa Court & à ses fauoris. Vn autre enuoya par vn Abbé Engilbert au Pape Leon, qui luy auoit enuoyé signifier son ellection, avec plusieurs presents: entre lesquels furent les clefs del'Eglise de S. Pierre, & la Banniere de la cité de Rome, le priant de depescher homme expres pour aller receuoir en son nom le sermēt de fidelité de luy & des citoyens Romains. Cependant

KK

pource que nouvelles vindrét de la guerre civile qui s'estoit esmeuë entre Cagan Roy des Auarois & Inguerro ou Ingurro l'un de ses Princes, lesquels s'estoient entreueux l'un l'autre en vne bataille. De façon que les Auarois s'estoient esleuz vn autre Roy nommé Cara. Charles fit aller le Prince Pepin Roy de Lombardie celle part, pour y meliorer & augmēter tousiours ses affaires. Lequel arriua à si bone heure qu'il gagna vne bataille sur le nouveau Roy, & le despoüilla du reste de ses thresors, dont la gendarmerie François fut grandement enrichie: & puis reuint trouuer son pere en Allemagne à son retour de Saxe, où il auoit fait vn voyage pour tenir les Saxons en crainte. Ce fut lors aussi que le Prince Theodon se vint presenter deuant luy, pour suiuant sa promesse se faire baptiser & receuoir entre les vassaux du Roy. Annal. anciennes, Aimoinus, Regino, Abbé d'Vrsperg.

<i>Du Monde.</i>	4934	<i>Papes.</i>	2	<i>R. des Escossois.</i>	9
<i>De Iesus Christ.</i>	797	<i>E. d Orient.</i>	17	<i>Cal. des Sarrazins.</i>	10
<i>Indiction.</i>	5	<i>R. des François.</i>	29	<i>R. des Bulgariens.</i>	19
<i>De l'Hegire 181. le 3. Mars.</i>		<i>R. de Leon.</i>	17	<i>Ducs de Venise.</i>	19

Le bruit courût que les Grecs s'apprestoient pour faire quelque entreprinse sur l'Italie: & que ceux de Beneuent auoient intelligence avec eux, fut cause que Charles renuoya le Prince Pepin son fils en Italie. Pendant lequel temps vn seigneur Sarrazin nommé Zathin rendit ou de son propre mouuement ou par malice la ville de Barcelonne, qui estoit sous son gouuernement au Roy Charles: lequel enuoya le Prince Louys son fils pour en prendre possession, & pour assieger la ville d'Osca. Mais apres qu'il se fut retiré, ayant laissé garnison de François dedans Barcelonne, Zathin la fit malheureusement toute tailler en pieces, se disposant à si bien defendre la ville, que l'armee qui retourna pour la recouurer n'y peut rien faire de deux ans apres. En ces entrefaites vn grand Prince Sarrazin nommé Abdella (qui pourroit estre celuy dont nous auons parlé cy deuant, qui estoit Roy de Valence en Espagne) fils du Roy Ibiminanga fut trouuer le Roy Charles (faisant sa cheuauchee accoustumee par la Saxonie) pour auoir aide de luy en ses affaires contre son frere Mange Roy de Mauritanie (ou plustost comme il me semble de quelque partie d'Espagne) qui l'auoit expulsé de son pais. A cause dequoy charge fut donnee au Prince Louys de le reconduire en Espagne, apres que responce eut esté faite aux Ambassadeurs de l'Empereur de Grece, des Huns & du Roy Alfonse de Leon, qui l'estoient venu saluer avec presents. Aimoinus, Regino, Annales de France.

GOTTRICH ou Godefroy commença enuiron ce temps à regner sur les Danois, ayant succedé à Gormo qui auoit tenu le Roiaume de Dannemarc deuant luy. Quant à Gottrich, les Histoires de son pais tesmoignent qu'il fut homme vaillant, liberal, vertueux, & bien exercé au fait de la guerre. Au moyen dequoy il se rendit dominateur d'une partie des Saxons: dompta les Frizons, & donna des affaires aux François, Selon Albert Crants. Mais Aimoinus & les autres appellēt Sigefroy celuy qui regnoit en ce tēps sur les Danois.

<i>Du Monde.</i>	4935	<i>Papes.</i>	3	<i>R. des Escossois.</i>	10
<i>De Iesus Christ.</i>	798	<i>E. d Orient.</i>	1	<i>Cal. des Sarrazins.</i>	11
<i>Indiction.</i>	6	<i>R. des François.</i>	30	<i>R. des Bulgariens.</i>	20
<i>De l'Hegire 182. le 21. de</i>		<i>R. de Leon.</i>	18	<i>Ducs de Venise.</i>	20
<i>Feurier.</i>					

L'ARDEUR & conuuitise furieuse de regner, auoit tellement embrasé le cœur d'Eirene mere de Constantin, que depuis qu'elle eut esté contraincte de luy rendre l'administration de l'Empire, elle ne cessa de s'ourdier les moyens de la recouurer par quelque voye que ce fust; iusqu'à se despoüiller de toute l'affection que les meres sont poussees par l'ordonnance de nature à porter à leurs enfans. En sorte que par ses menées & inuentions, elle estrangea premierement les cœurs & volonte de ses subiects de la fidelité & obeissance qu'ils deuoient à son fils: & fit si bien son profit de ceste alienation, qu'elle trouua gens en fin qui olerent par son cōmandement mettre la main sur la personne de son fils, & luy arracher

racher les yeux d'une si cruelle façon, qu'il en mourut le 15. iour d'Aoust, qui estoit le me me auquel il auoit fait endurer semblable tourment 5. ans auparauant à ses oncles Chrestophle & Nicephore. Au moyen dequoy elle se remit sans contredit de personne en l'administration de l'Empire: laquelle luy demeura l'espace de 5. ans, 2. mois, 15. iours. Cependant encore que Nicephore, Cedrenus, Landulfus Sagax, Zonare, Michael Glyca, Constantinus Manasses & autres, soient tesmoins & rapporteurs de ceste horrible tragedie, tout en la sorte que nous l'auons recitee, & qu'ils racomptent que le Soleil mesme sembla l'auoir en horreur, pource qu'il fut l'espace de 17. iours au temps qu'elle se faisoit, si obscurey qu'il ne rendit quasi aucune clarté, ou si petite qu'elle mettoit bien peu de difference entre le iour & la nuit: si est-ce qu'ils n'ont pas laissé pourtant de charger & orner ceste Princeesse d'une infinité de louanges; signamment pource qu'elle se monstra fort zele & affectionnee au maintien & à la defense de la cause des images. Nonobstant qu'ils declarent eux-mesmes assez apertement en leurs escrits, que ce ne fut à autre intention que de s'acquiescer la faueur & bienveillance du peuple, tout ce qu'elle en fit; afin de paruenir au but où elle pretendoit. A cause dequoy Constantin Manasses ne s'est peu contenir de la cōparer à vne Medee plus cruelle enuers sa chair que les Tigres, Leopars, Sâgliers, & chiens enragez.

NE la religion que les Saxons auoient receue, ny leur serment, ny les chastimens que on leur auoit donnez, pour l'auoir violé tant de fois, ny la clemence aussi dont Charles auoit vûe enuers eux: Brief ny les garnisons qu'il auoit laissées en leur pais, ne leur foiblesse, ne la grande puissance qu'il pouuoit amener sur eux, ne les peut destourner de faire encore ceste annee vn coup de leur desloiauté accoustumee. Car apres s'estre alliez des peuples qui habitoient delà le fleuve Albis, que l'on nommoit Nordilindes, souz leur confiance, mirent à mort tous les Officiers & Iusticiers que Charles leur auoit laissé, sans espargner vn sien Ambassadeur qui s'en alloit vers Sigefroy Roy de Danneemarck. Et non encor rassasiez ny cōtens de tant de desloyautez cōmises, voulurent aller assaillir les Abodrites allies des François iusques dedans leur pais: lesquels souz la conduite de Thasco leur Prince, auoient si bien pourueu à leurs affaires au bruit de leur venue, que quand ils eurent mis le pied dedans leur pais, ils en taillerent en pieces iusqu'au nombre de 4. mille: renuoyans le reste à leur grande honte & confusion en leur pais. Desquels Charles eut telle compassion, qu'il les receut benignement à mercy. Auquel temps luy vindrent Ambassadeurs de la part de l'Imperatrice Eirene, pour negotier la paix avec luy: & autres de la part du Roy Alfonse de Leon, luy signifians la victoire grande qu'il auoit obtenue sur les Maures: dont il y en auoit eu enuiron de 70. mille tallez en pieces sur le champ, à l'aide des François qui estoient avec luy. Par le moyen de laquelle il auoit retiré la cité de Lisbonne de leurs mains, capitale du Portugal, & ramené les Nauarrois en la puissance des Chrestiens, cōme tesmoignent Aimoinus, Regino, P. Æmile. Michael Riccius & Tarafa adioustent qu'il fit encore, des despoüilles qu'il gagna lors de ses ennemis, eriger deux Eglises Cathedrales en ses pais. Cependant Charles 3. fils du Roy Charles receut au lieu de son frere Pepin la charge de la guerre cōtre les Huns, & de la defense des limites de la Hongrie. P. Æmile.

EN VIRON lequel temps aussi Achaius Roy d'Ecosse contracta alliance avec le Roy Charlemagne, auquel il enuoya Rabanus son subiect, homme de grand sçauoir, accompagnant Guillaume ou Guillemire son frere pour la conclure: lequel Rabanus fut retenu pour Professeur des bonnes lettres en l'Vniuersité de Paris, où il demeura vn temps. Les histoires d'Ecosse disent aussi que ce Guillaume amena deslors avec soy pour confirmation de la ligue 4. mille homes de guerre Ecossois, au seruice du Roy Charles en ses guerres: & que puis apres il s'en alla acheuer le reste de ses iours en Allemagne; où il fonda 15. Abbayes: deux desquelles sont en la ville de Colongne, pour estre possedees par les Ecossois, tant ceux qui y estoient pour estre les moines que les mesmes Abbez. Ioannes Maior.

VNE armee de Sarrazins souz vn Capitaine Habdimelech courut la Cappadocie; où l'Imperatrice Eirene les enuoya prier de paix, qui luy fut refusee. Niceph. Ce fut vne rencontre grandement prodigieuse qui aduint ceste mesme annee, d'une mesme calamité à 2. des premieres personnes du monde. La seconde fut, apres l'Empereur Constantin, le Pape Leon, lequel allant à vn iour de feste en procession, fut par vn tumulte de peuple excité par les parés du Pape dernier defunct, qui se plaignoient de ce qu'il s'efforçoit de casser aucuns des actes d'iceluy: & se disoient vouloir remettre la cité de Rome en son ancienne

liberté, la deliurant de la subiection des Papes, à laquelle ils s'ennuyoiēt ia de s'estre soubmis) non-seulement outragé grandement en sa perlonne : tellement qu'ils luy penserent (comme dit Nicephore) faire perdre la veuë. Ce que toutesfois ils ne peurent, quoy que d'autres ayent dit le contraire : comme aussi il s'en trouue d'autres qui afferment qu'ils luy creuerent l'un des yeux seulement, ayant laissé l'autre blessé, mais aussi l'enfermerent en prison : de laquelle il fut retiré par Viginise Duc de Spolet, & mené au Roy Charles, qui le fit reconduire fort honorablement par bonne compagnie à Rome : selonc Aimoinus, Regino, Anast. Nicephore dit que cela luy aduint l'année mesme que les yeux furent creuez à l'Empereur Constantin. Mais il semble ou qu'il vint en France, ou qu'il retourna à Rome l'année ensuiuant.

<i>Du Monde.</i>	4936	<i>Papes.</i>	4	<i>R. des Escossois.</i>	11
<i>De Iesus Christ.</i>	799	<i>E. d'Orient.</i>	2	<i>Cal. des Sarrazins.</i>	12
<i>Indiction.</i>	7	<i>R. des François.</i>	31	<i>R. des Bulgariens.</i>	21
<i>De l'Hegire 183. le 10. Feur.</i>		<i>R. de Leon</i>	19	<i>Ducs de Venise.</i>	21

G V Y Gouverneur de la marche de la petite Bretagne, mit ceste année toutes les villes, citez & fortes places de ladicte Bretagne (qui estoit alors subiecte à plusieurs & diuers seigneurs du pais) en l'obeissance du Roy Charles. Ce que personne n'auoit encore peu entierement faire. Au moyen dequoy il enuoya quelque temps apres les noms & armes des seigneurs qui s'estoient renduz au Roy : auquel vindrent en la mesme saison deux autres contraires aduertissemens d'autre part : l'un de la mort du vaillant Duc Henry de Freiul occis malheureusement en passant par la marche Treuifine : & l'autre de la defaïcte de l'armée qu'il auoit en la Pannonie par les Huns, où auoit esté tué Gerold Gouverneur de Bauiere. Mais en recompense vn seigneur Sarrazin nommé Azan Gouverneur de la ville d'Osca en Espagne, luy enuoya les clefs de ladicte ville, promettant de la tenir souz son obeissance. Aimoinus, Regino, Annal. anciennes.

O F F A Roy de la Merche ou des Merciens en Angleterre, mourut en la trentenuiesme année de son regne, ayant auparauant resigné son estat & sa couronne à son fils Egfert : lequel le suruequit seulement de quatre mois, mourant en sa ieunesse : comme témoigne Guillaume de Malmesberie. Ce qui fit écrire Alcuin en vne de ses Epistres : *Non arbitror quod nobilissimus iuuenis Egfertus propter peccata sua mortuus sit : sed quia pater suus pro confirmatione regni eius multum sanguinis effudit.* Parquoy les Merciens recurent au lieu de luy pour leur Roy vn sien cousin, ou plus proche parent nommé Renulfe, qui estoit fils ou arriere-fils du feu Roy Keuvalkin : lequel regna sur eux 24. ans.

L E S B A L E A R I Q V E S, à sçauoir les isles Maillorque & Minorque, furent ceste année retirees par les François des mains des Sarrazins, qui les auoient l'année precedente prises & saccagees.

M A I S les Sarrazins d'Asie firent derechef des courtes souz la cōduite d'Abdimelech sur l'Empire Romain. Nicephore.

A V mesme temps Zuleima & Abdalia freres du feu Roy Ixeca de Cordouë & Miramolin des Espagnes, ayans esté cy deuant dechassez par luy, s'en reuindrent avec vne grande armée d'Afrique en Espagne, pour se remettre en leurs biens : mais leur nepueu Halihatam s'opposa si vertueusement à eux, qu'il les deffit en vne grosse bataille ; où l'un d'eux fut occis. A cause dequoy l'autre fut contrainct de s'appointer avec son nepueu. Vaseus.

<i>Du Monde.</i>	4937	<i>Papes.</i>	5	<i>R. des Escossois.</i>	12
<i>De Iesus Christ.</i>	800	<i>E. d'Orient.</i>	3	<i>Calife des Sarrazins.</i>	13
<i>Indiction.</i>	8	<i>R. des François.</i>	32	<i>R. des Bulgariens.</i>	22
<i>De l'Hegire 184. le 30. de Ianuier.</i>		<i>R. de Leon.</i>	20	<i>Ducs de Venise.</i>	22

LES Normans ayans commencé de faire des courses & briganderies en la coste de la Gaule Belgique, furent cause que Charles mit garnisons es riuages d'icelle : & ordonna vne armee pour repousser les Pyrates. Enuiron lequel temps la Roine Luitgarde sa femme mourut. Parquoy apres auoir fait ses obseques, il laissa le Prince Louys son fils Regent en France, & passa en Italie, tant pour cognoistre du different du Pape & de ses aduersaires, que pour obuier aux entreprinſes de Grimoald Duc de Beneuent, qu'on diſoit eſtre aliené de son obeiffance, ayant pris le party des Grecs. Mais auant qu'arriuer à Rome, il chaſtia les Treuiſins, qui eſtoient coupables de la mort du Duc Henry de Friul, & ordonna d'un autre Duc en son lieu. Finalement eſtant dedans Rome, il reconcilia le Pape avec ſes aduersaires : dont ſes ſucceſſeurs ont pris argument de dire qu'ils ne pouuoient eſtre iugez q̄ par eux-mesmes. Nous auons auſſi auſſi (qui ne s'eſt nommé, qui eſtoit Italien, & viuoit du temps de l'Empereur Louys fils de Lothaire & du Roy Charles le Chauue) declarant que Charles fit decapiter vn grand nombre de citoyens Romains, de ceux qui furent trouuez coupables de l'excez commis ſur la perſonne du Pape. Et que pour la meſme occaſion tous les bourgeois & citoyens Romains, tant petits que grands & moyens, auſſi bien les Eueſques & autres du Clergé que les lays, furent faits ſubieſts de l'Empereur. Ce que ie ſuis contrainct de reciter par les propres mots d'iceluy, à cauſe que ie voy que tous les autres Hiſtorienſ d'Italie ont diſſimulé ce poinct, ou en ont eſcrit au cōtraire de la verité. *Inuentum eſt* (dit-il pour ladicte occaſion) *ut omnes maiores Romæ eſſent Imperiales homines, tam Episcopi quā laici, & omne vulgus, pariter enim ij facerent fidelitatem Imperatori. Et ut ſuus Miſſus omni tempore moraretur Romæ, ad deliberandas litigioſas contentiones. Morabatur quippe in Palatio ſancti Petri, & erat conſtitutum quanta & qualia ſtipendia ei darentur quotidie. Quod autem reliquum erat de ſupradictis monaſteriis* (il entend de ceux deſquels nous auons parlé ſouſ l'an 774.) *vel patrimoniis deferebatur affluenter. Tanta nempe Imperialis virtus ibi vigeat, ut ſi in legali iudicio minoris vel inſciij cauſa poſtponeretur, & ille alicuius conſilio pedes teneret legati Imperatoris, petens ab eo iuſtam legem : & Miſſus adiuraret Principes Romanorum dicens. Per eam fidem quam Romanorum Imperatori debetis, facile huic homini iuſtam legem nemo erat auſus declinare, neque ad dexteram neque ad ſiniſtram, etiam ſi à propinquis Pontificis illata eſſet iniuria. Multoties vero non ante Apoſtolicum ſed à lateratus, ubi quidam locus dicitur ad Lupiam (quæ vocabatur mater Romanorum) ibi iudiciariam legem finiebant. Compositiones, id eſt multæ quoque, quæ ſoluebantur à malefactoribus, æqualiter diuidebantur Miſſo Imperatoris & Apoſtolici. Si autem talis culpa erat, ut res ſclerati fiſco publico ſubderetur, non ad Eccleſiaſticam trāſibat ſubiectionem, niſi per donatum Imperiale præceptum. Si enim aliquis iram incurrebat Imperatoris Episcopus aut iudex Romanus, & licitum eſſet Cæſari venire Romam, veniebat. Sin autem mittebatur Dux Spoletinus, comprehendebatur offeſor & ducebatur in exilium. Domus verò illius ſignabatur annulo Regis, uſque ad eius conſultum : ut ſi quando reuerteretur ad gratiam, haberet propria ſalua. Sin aliàs per Imperialia præcepta diſtribuebatur & mittebatur militibus. Quod ſi ad iudicis poteſtatem reijciebatur quiſquam & Cæſaris adhæret clemētiæ, mittebatur pro tali negotio Legatus ab Imperatore qui diligēter examinaret rei veritatem : & ſi eiectus propriam haberet culpam, ſuſtineret iniuriam. Hac conſuetudine uſi ſunt Romani uſque ad Ludouicum ſecundum Imperatorem Lotharij filium.* Voilà ce que dit noſtre auſſi, qui nous a donné à entendre quelle poiſſance ont eu les Empereurs François ſur la cité de Rome, & ſur les Romains : & de quelle forme de police ils ont eſté regiz & gouuernez par eux.

A v reſte Charles receut encor au meſme temps les preſents qui luy furent enuoyez du Patriarche de Hieruſalem par vn moine nommé Zacharie. Cependant le Prince Pepin ſon fils, accōpagné de Vviginſe Duc de Spolet, alla faire la guerre au Duc de Beneuent, qui ſe defendit à bon eſcient : de ſorte qu'ils gaignerent peu ſur luy ceſte année. Mais le Prince Charles ſon autre fils ſe porta ſi heureuſement contre les Huns & Auarois, qu'il deſſit quaſi toute leur nobleſſe en beaucoup de rencontres, gaigna le reſte de leurs threſors qu'ils auoient pillé par pluſieurs ſiecles ſur toutes les nations de la terre. Brief les rendit en ſi petit nombre, que pluſieurs de leurs villes ſe trouuerent vuides de tous habitans : le reſte expoſé en proye & abandon, non ſeulement aux François, mais auſſi aux Eſclauons. Ce qu'on dit auoir eſté la fin de la guerre que les François leur menerent l'eſpace de huit ans, par laquelle ils furent expulſez de toute la haute Pannonie, qu'ils occupoient : & renuoyez dela le fleuve Arrabon, qui ſeparoit anciennement la baſſe d'avec la haute : laquelle auſſi fut par ce moyen faicte prouince des François, prenant le nom

(suivant l'ordonnance du Roy Charlemagne) de Marche ou de Marquizat & liziere de la partie Orientale de leur Roiaume : d'ot on estime estre procedé le nom d'Austrie ou d'Austrie (qui fut depuis erigee en Duché par l'Empereur Frederic deuxième :) à cause que c'estoit la coustume des anciens peuples de la Germanie & du Septentrion de nommer les regions de leurs païs qui regardoient l'Orient Austrie ; & celles d'Occident Vvestrie : qui est ce que nous disons en nostre langue Neustrie : ainsi que nous voyons auoir esté souuent praticqué par les Lombards au Code de leurs loix. Et par les Goths semblablement : ensemble aussi par les Anglois en Angleterre. D'autres sont aussi d'aduis que la Marche de Stirie fut en mesme temps constituee pour seruir de barriere & de muraille contre les entreprinſes & irruptions que pourroient faire non-seulement les Grecs & Illyriens de ce costé-là, mais aussi les Huns : lesquels estans ainsi accablez, se cõtindrent en leurs limites iusques au temps de l'Empereur Arnulfe : qui (comme recite l'Abbé d'Vrſperg) rompit les interpolitions ou cloſtures & digues difficiles que Charlemagne auoit fait faire pour les barrer & separer d'avec nous, afin de leur oster le moyen de se desborder du costé de Midy & de l'Occident sur les nations de l'Europe. Eginhard, Anciènes Annales, Aimoinus, Regino, Bonfinius, Abbé d'Vrſperg, P.Æmile.

BRITRICH sezième Roy des Saxons Occidentaux depuis Cerdicius, fut empoisonné par sa femme Ethelburga en la sezième année de son regne. Qui fut cause de faire vne ordonnance que d'oresnauant nulle femme seroit appelée Roine en son Roiaume, ny pourroit s'asseoir en place publique avec son mary. Mais pource qu'il ne laissa aucuns enfans de son corps, ses subiects rappellerent de France le Prince Egbert, qui estoit le plus proche de la lignee Roiale à luy succeder, à cause de la bonne opinion qu'ils auoient de luy : laquelle auoit aussi fait conceuoir au Roy Britrich vne telle ialousie cõtreluy, qu'il l'auoit contrainct de s'enfuir en Angleterre, & se retirer en France. Ce que Guillaume de Malmesberie dit s'estre fait *Dei consilio, ut vir ille ad tantum regnum electus, regnandi disciplinam à Frācis acciperet. Est enim gens illa & exercitatione virium & comitate morum cunctarum Occidentalium facile Princeps. Hac igitur contumelia Egbertus ut cote usus est, qua detrita Mercie rubigine, aciem mentis expediret, & mores longè à gentilitatis barbarie alienos indueret.* Au moyen de quoy dès qu'il fut estably au siege Royal, il se rendit merueilleusement amiable enuers tous ses subiects : lesquels il gouuerna fort heureusement & humainement l'espace de trentesept ans : au temps desquels il subiugua & soubmit à son obeissance les anciens Bretons, qu'on dit maintenant Valliens ou Gallois. Puis apres vainquit en bataille rangee Bertulfe Roy des Merciens, & prit prisonnier Etheuolphe Roy des Kents. Au moyen de quoy il reduisit son Roiaume en sa puissance, faisant aussi le semblable de celuy de Sutare Roy des Saxons Orientaux, apres qu'il eut gaigné vne bataille sur luy. Qui fut cause que les Northumbriens se rendirent volontairement eux & leur Roiaume à luy. Et que luy-mesme, quand il veit sa puissance ainsi accreuë, fit vn edict ; par lequel il ordonnoit que l'isle qu'on disoit Bretagne ne fust plus d'oresnauant appelée qu'Angleterre, & les habitans d'icelle Anglois. Vvillermus liure second chapitre premier de son histoire Angloise, & Polydore Virgile liure 5. Combien que Lilius rapporte cecy à l'an 802. estant fauorisé de l'autheur precedēt, qui dit que ce fut en la 34. année du Roy Charles : nonobstant qu'il declare aussi que ce fut l'an 800.

GORMO 100. Roy de Sueſſe & de Gotlandie commença ceste année à regner apres le treſpas du Roy Alaric son pere, qui estoit fils & successeur de Biorno : tefmoin Ioan. Magnus liu. 17. ch. 1. qui dit ainsi que ledit Gormo fut allié & cōfederé du Roy Charlemagne.

ENVIRON l'an 185. de l'Ègire estans ceux de la maison de Hali perſecutez & recerchez pour estre mis à mort par les Califes de ce temps, vn nommé Idris, l'un des nepeux dudit Hali, s'estât sauué en Afrique, s'empara par beaux moyens de la domination & principauté d'icelle : & puis y fit fonder & edifier la grande cité de Fez, où il colloqua le siege capital de toute la Mauritanie : & y regna luy & sa posterité l'espace de 180. ans, l'ayāt ainsi fait nommer, à cause que le premier iour qu'on ietta les fondemens d'icelle, quelque quantité d'or y fut trouuee, qui en langage Arabeſque se nomme Fez. Selon Iean Leon liu. 3. de son hist. d'Afrique, où il dit aussi que cecy aduint au temps du Calife Aaron.

Du Monde.

<i>Du Monde.</i>	4938	<i>Papes.</i>	6	<i>R. d'Escoffe.</i>	13
<i>De Iesus Christ.</i>	801	<i>E. d'Orient.</i>	4	<i>Cal. des Sarrazins.</i>	14
<i>Indiction.</i>	9	<i>R. des François.</i>	33	<i>R. des Bulgariens.</i>	23
<i>De l'Heure 165. le 19. Janvier.</i>		<i>R. de Leon.</i>	21	<i>Ducs de Venise.</i>	23
		<i>R. d'Angleterre.</i>	1	<i>E. d'Occident.</i>	1

STAVRATIVS Patrice de Cōstantinople, cherchant les moyens de parvenir à l'Empire & d'en deietter l'Imperatrice Eirene, excita quelque sedition contr'elle en la Capadocie. Mais la mort le surprint, qui l'empescha de parvenir à toutes ses intentions. Nicephore.

De la reduction de l'Empire Romain en Occident par les François.

E trouuant l'Empire des Grecs non seulement en mespris, mais aussi odieux aux Italiens tant pour estre alors manié d'une femme, que pource que l'Italie n'en eust sceu recevoir aucune defense ny protection à l'encontre de ses ennemis: d'autre part estant la vertu & debonnaireté des François, la vaillance & modestie de leur Roy Charlemagne prisee & redoutée par toute l'Europe, la memoire aussi de leurs bien-faits enuers toute la Republique Chrestienne, signamment enuers le siege Romain, ensemble aussi la deliurance de la seruitude des Lombards deuant les yeux de toute l'Italie, avec toutes les particulieres obligations dont le Pape Leon leur estoit redevable: tout cela fut cause que le Roy Charlemagne se venant trouver au service qui se faisoit au temple de S. Pierre à Rome le iour qu'on celebre la memoire de la natiuité de nostre Seigneur, qui faisoit l'entree de l'an 801. de nostre salut, fut du consentement vniuersel du peuple Romain, de toute la noblesse d'Italie, & à l'instance aussi du Clergé, salué & proclamé Empereur Auguste d'Occident par le Pape Leon à la façon des anciens Romains: & puis apres consacré & couronné de la couronne Imperiale, lors qu'il estoit en la 33. année de son regne sur les François, & 26. sur les Lombards, l'Imperatrice Eirene (comme dit Nicephore) en la 4. année de son Empire, l'Indiction 9. en cours, 324. ans apres le trespas d'Augustule, en qui le nom d'Empire Occidental auoit totalement pris fin en Italie. Lequel nombre estant rond & solide de 9. multipliez, qui composent 45. de lesquels resultent cinq neufuaines de neufuaines d'années, ne semblera pas estre exempt de la Caballe Pythagorique à ceux qui attribuent vne grande puissance aux nombres à donner changement, issué & ruine aux Republiques: & n'estre aussi sans mystere que le nombre de 496. qu'on estime le plus parfait & plus propre pour les changemens en la mesme Caballe, se trouue accompli depuis l'an 304. de nostre salut (auquel les plus diligens Chronographes rapportent la fin du regne des Empereurs Diocletian & Maximian, qui se deposerent volontairement, apres auoir fait au mesme an departement des prouinces de l'Empire Romain entre leurs successeurs: par lequel celle d'Orient aduint à l'un & les Occidentales à l'autre: ce qui n'estoit oncques au parauant aduenü) iusques à ce commencement de l'an 801. Ensemble aussi que le mesme nombre de 496. se peut obseruer depuis l'année que le Pape Leon se iustifia deuant Charlemagne, iusques à celle que le Pape Boniface 8. fut esleu, entre lequel & le Roy Philippe qui regnoit lors en France, fut un mesnage bien different de celui qui s'est veu entre Leon & le puissant & magnanime Monarque Charlemagne, lors que le nom d'Empire fut en la sorte que nous venons de reciter, ramené & remis sus en Occident en la personne d'iceluy qui tenoit ja souz ses bras toute la Monarchie des Gaules, toute la Germanie, & le meilleur de l'Italie, & comman-

KK iiij

doit à vne partie des Espagnes. De façon qu'il a tousiours deslors demeuré en la puissance de sa posterité, & en ceux qui ont succédé en icelle de nostre temps. Qui est le moyen par lequel l'Orient & l'Occident ont eu à l'exemple des siècles precedents chacun leur Empereur à part. Mais de là est aussi procedee la coustume, que ceux à qui le sceptre ou gouuernement de l'Empire est donné, fallent faire oindre ou sacrer par le Pape. Dont plusieurs Papes qui sont venus cy apres, ont voulu prendre argument de dire que l'Empire qu'on estimoit au parauant estre tenu seulement du ciel & de l'espee, venoit du benefice du Pape, ayant iceluy esté transporté des Grecs aux François par le siege Romain. Mais si les François s'estoient ja de long temps acquis le Royaume des Lombards par leur sang & vaillance, & par le mesme moyen auoient conquesté l'Exarchat de Rauenne, & iceluy donné de leur pure liberalité au siege Papal: d'auantage si le Pape & les Romains n'ayants moyen ny de leur part ny du costé des Grecs de se garentir de tomber en la seruitude & subiection des Lombards, auoient esté contrains de se mettre en la protection & sauuegarde du Roy Charlemagne, & puis se donner à luy eux & leur ville, comme à leur patron & defendeur: quel nouueau transport luy a peu faire lors le Pape Leon, mesmement de ce qu'il n'auoit, & que luy ny aucun de ses predecesseurs n'auoient iamais eu? Et quant au tiltre d'Empereur, si les Grecs l'ont aussi tousiours retenu deuers eux, & n'en ont eüe spoliez: qui peut dire proprement qu'il ait esté transporté d'eux aux François? Parquoy ce qu'on peut par droict iugement estimer auoir esté donné à Charlemagne, est que les Romains sentans encor en leurs cerueaux l'impression des fumees de l'ancienne magnificence du peuple Romain au temps qu'il estoit en ses triomphes & grands pouuoirs, aduiserent à l'exemple d'iceluy d'honorer ce Prince, auquel ils s'estoient soubmis pour tant de parties dont ils luy estoient redevables, du tiltre d'Empereur Romain qu'ils estimoient plus magnifique que le simple Roial, en releuant la coustume de ce faire qui auoit esté depuis tant de siècles intermise en Occident. Dont Iacques de Paris Docteur en Theologie de l'ordre des Iacobins, qui semble auoir vescu souz Philippe le Bel, s'est bien aduisé, car respondant à ceux qui obiectoient de son temps, que le Pape auoit transporté l'Empire des Grecs aux François dit selon les termes *Non transtulit veritatem sed nomen, quia indignabatur Romani, quod Imperium vel Imperij nomen ab eis Constantinopolin erat translatum: & ideo Carolo quem pro sua defensione vocauerant, victoris habitis laudes acclamauerunt, & ei nomen Imperatoris dederunt. Et ex tunc fuit quasi diuisum potius quam translatum Imperium: dum duo dicerentur Imperatores. Amplius non fuit factum per solum Papam, sed populo exclamante & faciente, cuius est se subijcere cui vult, sine alterius praeiudicio. Ideo hoc fuit factum ex causa necessaria pro sui defensione contra infideles, & paganos: ubi per alium non videbantur posse defendi: quod de iure poterant; nam populus facit Regem, exercitus Imperatorem.* Mais ce qu'on dit encores que les Papes leurs enuoyerent au parauant les clefs de l'Eglise S. Pierre de Rome, c'estoit seulement pour tirer aide & confort d'eux, pour se mettre en leur protection & defense: ce pendant ils en receurent comme en recompence les iustices de Rome ou de S. Pierre (ainsi appelloit-on lors la seigneurie de la ville). Parquoy il ne faut point en celà recourir à Constantin, ains faut confesser que les Papes ont eu la plus part du bien & des seigneuries qu'ils ont de la maison de France. Extraict d'Aimoinus, A do, ancien. Annal. Regino, Anastasius, Othon de Frisingen, Abbé d'Viperg, Sigebert, Blondus, Sabellic, P. Æmile, Sigonius: Quant à ce que Cuspinian, Quintin, Volphangus Lazius, Munster, Theodoric, Michaël Coccinius, Lupoldus de Babembeg, Conrard, Ventinger, Bebelius, Vvipelingus, & autres escriuains Allemans, debattent avec grande vehemence que l'Empire Occidental a esté en la personne de Charlemagne transporté des Grecs à la France Germanique seulement, & non à la France Gallique: à cause (comme ils disent) que Charlemagne estoit né en vne ville habitee des Germains, & parloit la langue d'iceux, fit pareillement la plus grand part de sa demeure es villes de la Germanie, desquelles aussi les François estoient issus: ie dis au contraire que s'ils ne veulent faire part de ce gasteau à la France Gallique, qu'ils seront possible contrains de luy quitter le tout. Car cōbien que ie ne vueille denier que les François doiuent leur origine à la Germanie: si est-ce qu'on ne peut dissimuler que ceux souz lesquels Charlemagne receut l'Empire, & par la vaillance & aide desquels il subiugua nō seulement l'Italie & autres nations d'Europe: mais se rendit aussi tributaire la Germanie comme estrangere, l'ayant reduitte en toute extremité d'obeissance souz la France Gallique, estoient habitez depuis trois ou quatre cens
ans

ans en la Gaule avec les anciens Gaulois, laquelle leur posterité tient encor au iourd'huy & n'en a esté aucunement debouttee depuis. Veu qu'il ne se trouue point que ceux qui la conquererent souz les Rois Clodion & Merouees'en soient apres depuis departis & ayent repassé le Rhin, comme on ne peut dire aussi que la posterité des anciens Gaulois qui auoient tousiours demouré en la Gaule avec les François, qui s'y estoient venus habiter, ne doiuent auoir part à l'honneur des victoires & conquestes de Charlemagne, & de ses predecesseurs, puis qu'ils estoient vnis & confondus ensemble : mais ie diray d'auantage que c'est aux anciens Gaulois plus qu'aux François, qu'est deuë l'honneur de la police & discipline que les premiers Rois de France, signamment Clouis, establirent du commencement de leur Monarchie en Gaule, suyuant laquelle leurs successeurs se sont tousiours conduits depuis, & qui semble auoir fait paruenir la Monarchie à la grandeur où elle s'est veüe & à la duree qu'elle a eüe iusques à maintenant : d'autant qu'ils se laisserent gouuerner par les Euesques qui estoient tous gens sages, & prudents, de sainte vie, & qui auoient quasi tous esté Senateurs en la Gaule souz les Empereurs Romains, & employez aux maniemens des affaires d'estat & de iustice : lesquels aussi n'aiderent pas moins à faire soubmettre les peuples Gaulois à leur domination que leurs armes & vaillances, de peur de tomber en la subiection des Vvisgoths : car on sçait que ce furent les Euesques qui plus inciterent les Gaulois, à se donner à iceux qu'aux autres. Et qui est aussi celuy qui ne peut imaginer comme les François estoient neufs en toute ciuilité, quand ils sortirent de la Germanie. Parquoy attribuer le premier transport de l'Empire Occidental à la Germanie seulement, est autant que faire les Grecs & Troiens fondateurs de l'Empire de Rome : d'autant que les Romains estoient issus d'eux. Ce que les Allemans mesmes entendent bien, quand ils reiettent & separent les Rois de la posterité de Capet d'avec eux, encores que les plus fideles & auctorisez Historiens d'entre eux l'estiment estre en ligne directe & masculine descendus des Princes de Saxe. Mais quant au droit qu'ils veulent pretendre en la naissance de Charlemagne, bien que le Rhin (ancien borneur & diuiseur de la Gaule d'avec la vraye Germanie) n'attribuast ce lieu à la Gaule à laquelle il appartient plus proprement, & que Charlemagne eust esté mis au monde dedàs le milieu de la Germanie, voire au pays de Bauiere (comme Auentin le nous voudroit bien faire à croire) si est-ce que pour celà n'auroient-ils cause gaignee, puis qu'il auoit sa vrayement patrie en la Gaule, qui auoit donné naissance & origine à tous ses peres, aieulx & ancestres. En laquelle estoit le siege & fond de leurs biens, estats, possessions & seigneuries : outre ce qu'elle estoit & auoit tousiours esté depuis le grand Clouis le manoir & domicile roial des Monarques François, en laquelle ils auoient pris leur couronne, sepulture, leurs forces & finances, pour maintenir & augmenter leurs estats. Tellement qu'on peut voir à l'œil par l'histoire de Gregoire de Tours & de son Continuateur Fredegair, qui viuoit souz Charles Martel, que les François n'ont eu depuis le Roy Clouis ou Childeric son pere iusques à Pepin aucune guerre ou autre affaire à desmesler avec les nations de là le Rhin, à sçauoir Allemans, Saxons, Turingiens, Esclauons, Frisons & Sueuiens, qu'ils ne l'ayent parachees & mises à fin par les armées qu'ils ont tirees & fait partir de la Gaule. Et principalement qu'il ne s'estoit oncques trouué vn seul Prince ou Roy de France, lors mesme que la Monarchie François fut diuisee en quatre Tetrarchies, & puis és Royaumes de Neustrie & d'Austrasie (souz lequelles prouinces d'outre le Rhin estoient comprises) qui ait esleu son siege en aucune ville de la Germanie. Qui plus est par le partage que Charlemagne fit avec son frere, & Pepin aussi leur pere avec son frere Carlomã de toute leur succession, leur appennage escheut tousiours en France Neustrique : de façon que l'autre France leur a tousiours esté vn accessoire de principauté. Parquoy ceste naissance dudit Charlemagne preiudicie aussi peu à la France Gallique en ce droit de l'Empire Occidental, qu'à l'Empire Romain celle de Nerua, Trajan & de Theodose Empereurs nais en Espagne, pour laquelle cause on ne sçauroit dire bonnement & sans vne impudence insupportable, qu'il eust esté fait propre aux Espagnols ny Bretons, quand Cōstantin le Grand la tenu, lors mesme qu'il le diuisa & transporta à Constantinople : non plus aussi que les Allemans ne nous voudront attribuer leur Charles 5. pour auoir luy & son pere, ensemble leurs ayeuls maternels prins leur naissance en Flandres, pays de toute ancienneté subiect & dependant de la couronne de France. Quant aux tiltres & allegations desquelles Auentin s'est voulu seruir en son li. 4. en ceste cause, encore que la pluspart

soient faulſes & friuoles, ou qui ne viennent rien au point comme eſt vne entre autres que la Franconie a eſté appellee France Vveſtrique ou Occidentale: ie confeſſe neantmoins que les autres ſuffiſent pour attester que les provinces de la Germanie qui eſtoient de l'Empire des François ſ'appellerent la France Orientale, depuis les partages faiſts entre les fils de Loys le Debonnaire. Mais elles n'empeschent pourtant que la Gaule ſpecialement l'Occidentale n'ait auſſi eſté appellee la France Occidentale, teſmoin le nom de Neuſtrie ou de Vveſtrie, ainſi meſme qu'Orthon de Friſingen li.6.chap.17. confeſſe apertement ne qu'elle n'ait ſemblablement eſté le vray & propre Roiaume des François pluſtoſt que l'autre: ſignamment au temps de Charlemagne & de ſes predeceſſeurs, ſouz leſquels la France Orientale qu'on nommoit Auſtraſie, auoit ſon ſiege royal & ſes limites bien auant dedans la Gaule Belgique. Ioint qu'on ne peut dire en aucune maniere que le pays de Bauiere & d'Auſtriche, duquel Auentin entendoit principalement de parler, ait eſté nommé Royaume des François deuant Charlemagne ou ſes fils, ce qui ſe peut aſſez ſuffiſamment verifier tant par l'hiſtoire entiere de Gregoire de Tours, que par maints paſſages du 4. & 5. liu. de l'hiſt. d'Aimoinus: l'auteur de laquelle viuoit ſouz eux, eſquels ne fait iamais mention du pays & des peuples de deçà le Rhin, horsmis de ceux de la Bourgonne & de l'Aquitaine, que ſouz le nom de France ſimplement & des François, & des autres delà le Rhin, que ſouz le nom des Germains, ou en particulier d'Allemands, Sueuiés, Baioariens, Saxons & Turingiens: ſ'il ne les nomme d'auenture quelquefois François Orientaux. Qui plus eſt Eguinhard en la vie de Charlemagne, declarant les provinces de la Germanie qui appartenotent à l'Empire des François, du temps de Pepin, ſignifie euidentement que celle qu'on appelle au iourd'huy Franconie eſtoit habitee de ceux qui furent depuis iceluy appelez François Orientaux. Les paroles d'iceluy ſont: *Et pars Germania, quæ intra Saxoniam & Danubium Rhenumque ac Salam fluvium, qui Turingos & Sorabos diuidit, poſtea à Francis qui Orientales dicuntur, incolitur: & præter hæc Allemanni atque Baioarii ad regni Francorum poteſtatem pertinerent.* D'antage il nous eſt auſſi facile qu'à luy, de produire beaucoup de teſmoignes d'anciennes Pancartes, faites non ſeulement ſouz Charles le Chauue (où il eſt appellé Roy des François, & les ans cottez de ſon regne en la France) mais auſſi ſouz Charlemagne teſmoin iceluy, qui eſt en Aimoinus liu.5.cha.1. où il nomme expreſſément la France de l'Auſtrie, en telle ſignification que nous diſons. Outre ce que noſtre different ſe peut vider par le iugement des eſtrangers, qui viuoient lors hors de la Gaule & de la Germanie, leſquels en leurs eſcrits appelloient ceux qui cōmandoient ſur la Monarchie François Gaulois & non Allemands ny Germains. Ainſi qu'il ſe voit vne ancienne chartre d'un commandement de Didier Roy des Lombards, où il diſt en ces termes: *Non enim non ſumus iuſtitie deſtructores, ut nos apud Gallos accuſat Hadrianus Papa.* Et en la vie de Charlemagne eſcrite par un Allemand (qu'on eſtime auoir eſté moine de ſainct Gal, qui ſe dit auoir veſcu au temps d'iceluy) où en parlant du fruiſt que la doctrine d'Alcuin auoit apporté en la Gaule, diſt: *Cuius intantum doctrina fructificauit, ut moderni Galli ſue Franci Antiquis Romanis vel Athenienſibus æquarentur.* Et puis apres parlant de deux Chantres qui furent enuoyez par le Pape Leon au Roy Charles pour enſeigner en France le chant Eccleſiaſtique, dont on vſoit à Rome, l'un deſquels fut mis à Mets, adiouſte: *Cuius industria non ſolum in eodem loco pollere, ſed & per totam Frâciam in tantum cœpit propagari, ut nunc uſque apud eos qui in ijs regionibus Latino ſermone vtuntur, Eccleſiaſtica Cantilena dicatur Metenſis. Apud nos verò qui Teutonice ſue Teutiſca lingua loquimur, aut vernaculè Met aut Mette, aut ſecundum Græcam deriuationem uſitato vocabulo Metiſca nominetur.* Quant aux autres anciens eſcriuains eſtrangers qui ont eſté plus modernes que les precedents, ie me contenteray d'en alleguer cinq, deſquels Iean Teutonique Allemand en eſt l'un, lequel eſcriuant ſur le droit Canon diſt: *Imperium prius Francorum fuit: & poſtea Teutonici ſuis virtutibus promouerunt, in quos hodie eſt tranſlatum.* Deux des autres ſont Leo Hoſtienſis en ſa Chronique du mont Caſſin, & Guill. de Malmesberie Anglois, qui viuoient tous deux l'an 1100. Leſquels parlent de la tranſlation de l'Empire des François aux Teutoniques de meſme façon que le precedent. Mais Marſille de Pauie & Pandolphe ou Radulphe de Columnio, tous deux Italiés, en leurs traittez de la tranſlation de l'Empire, conferment plus apertement noſtre dire, vſans de ſes termes: *Sic facta fuit Imperij tranſlatio de Francis Gallicis in Germanos.* Parquoy ce qu'on nous obieſte de pluſieurs Papes qui ont eſté cy apres, leſquels ont eſcrit en leurs epiſt. decretales (ainſi que le Pape Innocent 3. en vne ſienne au Duc de Zeringen) que l'Empire

l'Empire a esté transporté des Grecs aux Germains en la personne de Charlemagne par le siege Romain, ne nous esmeut pas beaucoup : pource qu'on voit bien qu'ils ont voulu flatter par icelles ceux à qui ils escriuoient, afin de leur persuader plus aisément ce qu'ils pretendoient. Joint qu'il ne nous est pas moins licite de repudier en cet endroit ce mot de Germains, qu'à ceux qui nous l'objectent de nier que ceste translation a esté faite par le siege Romain. Au demeurant la langue que Charlemagne parloit, estoit celle que les premiers François auoient apportée avec eux en la Gaule, & rendue aussi vulgaire que la Romaine, à cause que les Gaulois n'en auoient plus alors de propre. Et ce qu'il a fait si souvent sa demeure aux villes d'Allemagne (quoy qu'il ne l'ait pas moins fait en celles de la Gaule, spécialement à Aix) c'a esté pour la tenir de plus pres en crainte, & pour obuier plus soudainement aux esmotions & rebellions d'icelle. Ce pendant la Germanie n'a dequoy nous reprocher ny en l'origine des François, ny en la langue, puis qu'elle nous a seulement rendu ce que noz ancestres souz Sigouefus & les Boïes & autres luy auoient premierement presté, & qu'elle a esté aussi bien cōtraincte de se laisser occuper & peupler des estrangers que la Gaule, tesmoin les Saxons (qui se disent venus d'ailleurs) & les Huns, Auarois, Esclauons, & les Allemans mesmes (que plusieurs des plus doctes Escriuains Alemans) estiment estre sortis des Alains: aussi les Bourguignons. Dont il faut qu'on nous confesse, que quand on aura mis à part les Saxons & Bourguignons d'avec les autres peuples que nous venons de nommer (qu'on sçait notoirement auoir esté vraiment estrangers de la Germanie) que tous les pays qui ont esté occupez par iceux, signamment par les Esclauons (cōme Boëme, Morauie, la Pomeranie & les autres de la Marche de Lubec) cesserent d'estre de la Germanie, & faits Esclauonie, depuis qu'ils y eurent estably leur demeure, leur Empire & leur langage (qui y est encor au iourd'huy) comme aussi les pays de Noric & la Vindelicie, & les Gaules semblablement d'estre Gaules, & l'Espagne d'estre Espagne, & faites Italie ou Romanie, depuis que les Romains les eurent subiuguées, remplies de leur Colonies, & estably leur langue & Empire en icelles. Si les Escriuains Allemans veulent que nous leur accordions ce qu'ils débattent si obstinément, que la pluspart des pays bas de la Gaule qui sont proches du Rhin, sont deuenus Germains depuis qu'ils ont esté occupez & habitez des nations Germaniques, ayants fait perdre au Rhin son ancien droit de separer la Gaule d'avec la Germanie : & par mesme raison que les Gaules furent transportées autrefois à leur tour en la Germanie: puisque Iulius Cesar liu. 6. de ses commentaires & Cornelius Tacitus escriuent expressement, qu'il fut vn temps que les Gaulois precederent de beaucoup les Germains en prouesse & vaillance bellique: de sorte qu'ils allerent les premiers manger le pain des Germains, & se loger en leurs gistes, peuplant le pays de là le Rhin de leurs gens, afin de descharger le leur qui n'estoit pas suffisant pour nourrir la multitude du peuple qu'il auoit renduë. Parquoy si le langage que les anciens Gaulois parloient du temps de Iulius Cesar, & au parauant, nommément ceux qui suiurent Bellouefus en Italie, & Sigouefus en la Germanie, & les deux Brennus aussi à Rome & en la Grece, estoit le mesme dont la Germanie vse encor au iourd'huy, comme Auentin & ses compagnons avec Glareanus & Schudus se sont efforcez de verifier par vne infinité d'argumens & de raisons, produisans mesmement le tesmoignage de Strabo & de saint Hierosme à leur intention, que les Galates ou Gallogrecs de l'Asie parloient encor de son temps le mesme langage qu'il auoit ouy parler en la ville de Treues : qui ne cōfessera que les Gaulois allerent habiter en la Germanie deuant que les Germains vinssent rendre le change à la Gaule? Ce qui m'a fait aussi aduiser ailleurs qu'on vsoit de deux langues toutes differentes en la Germanie du temps de Cesar & de Tacitus: l'une des anciens Germains, que parloit Ariouistus & ses gens, l'autre dont les peuples issuz des Gaulois vsoient que ledit Ariouistus n'entendoit. Dont il faut conclure que la langue Gallique a si bien preualu la Germanique en la Germanie, qu'elle s'y est fait adopter ou mettre pour la plus part en la place de l'autre: si ainsi est que l'ancienne des Gaulois soit la mesme ou fort semblable à celle dont vsent au iourd'huy les Allemans, signamment ceux des pays bas de la Germanie, comme Flamans, Frisons, Saxons & Danois. De tous lesquels Goropius Becanus s'est efforcé de prouuer le langage auoir esté tousiours different des hauts Allemans, tant en formules de parler que pour estre moins rude & aspre. Pour de laquelle consequence eschapper, noz aduersaires se sont aduisez de bonne grace de

nous ietter des fables & des chansons des vieilles de leur pays pour de la poudre aux yeux : nous voulans faire croire par icelles, que Bellouesus, Sigouesus, Belgius, les deux Brennus, les Gaulois qui furent en la Grece & en l'Asie, & ceux qui prindrent Rome & donnerent leur nom à la Gaule Transalpine, estoient sortis de la Germanie & non de nostre Gaule. Lequel point toutesfois ie me suis reserué d'esclaircir plus amplement en la premiere partie de nostre Bibliotheque historique, ayant esté tousiours grandement contrainct d'entrer en la dispute precedente plus auant que ie n'eusse fait, si noz aduersaires se fussent contentez de debattre leur fait par quelque ombre de modestie & de raisons, sans s'attacher de conuices & de calomnies à toute la nation François. Combien que ie ne pretends pour cela deroger à l'honneur ny aux droicts de la nation Germanique, laquelle ie ne doute point n'auoir dequoy pour dire ce que Beatus Rhenanus vn docte Allemand se mocquant sur le propos precedent de la vanité de noz parties, qu'il appelle *Ambitiosos Germanorum dilaudatores*, leur reprochoit, que *Satis habet laudem Germania, etiam si suis Gallis non suffurentur*.

MAIS pour reuenir à l'histoire, le Prince Pepin s'estant venu trouuer au sacre de son pere à Rome, fut pareillement avec luy déclaré & couronné Roy d'Italie, & de là renuoyé contre le Duc Grimoald : lequel il assiegea dedans la ville de Beneuent aucune espace de temps, iusques à ce qu'il vit qu'il seroit trop malaisé de l'auoir. A cause dequoy il transporta son camp deuant la ville de Chietry, laquelle voulant faire resistance & tenir fort dedans, fut prise d'assault, saccagée & bruslée. Ce qui fit prendre exemple à la ville d'Orthone de se rendre par composition. Quoy mis à fin il laissa son armee souz la charge de Viginise Duc de Spolet, & s'en alla retrouver l'Empereur son pere à Rome, lequel ayant aduisé de pouruoir au repos de toute l'Italie, consentit que la Gaule Cisalpine, où sont Milan & Paue, sieges anciens des Rois Lombards, & où se recognoissoit aussi la nation Lombarde de l'Italienne, se nommast Lombardie. De sorte que ce nom-là luy est tousiours demouré depuis iusqu'à presët. Mais en ces entrefaites Grimoald voulut auoir sa reuange de ce que les François auoient fait sur luy. Tellement qu'il assiegea Viginise dedans la ville de *Luceria*, si furieusement & si asprement qu'il la prit d'assault, & Viginise dedans tout malade qu'il estoit, lequel toutesfois il traita fort gracieusement. Autheurs precedents.

PENDANT que l'Empereur Charles estoit encore en Italie, le Prince Loys Roy d'Aquitaine passa avec vne armee en Espagne, où il prit la ville d'Illerde, & le terroir d'icelle. Et pource que la ville d'Osca ne se voulut rédre, il fit gaster tout le finage d'icelle. Le supplement d'Aimoinus liure cinquiesme chapitre cinq dit, que passant deuant la ville de Barcelonne, le Gouverneur d'icelle qu'il nomme Addo se vint presenter deuant luy comme subiect, sans toutesfois luy vouloir remettre la ville entre ses mains, laquelle mesme il monstre n'auoir esté reprise des François deuant l'an 808. Ce nonobstant le quatriesme liure chap. octante huit prouue & afferme qu'elle fut prise par eux ceste annee, & le Gouverneur d'icelle nommé Zathin enuoyé à l'Empereur, qu'il le confina en exil.

Vn merueilleux tremblement de terre adueni en Italie ceste annee fut cause (comme Sigonius a escrit) que le Pape Leon ordonna les Rogations, & Processions qui se font tous les ans les trois iours deuant la feste de l'Ascension : lesquelles auoient ia bien esté inuentees par Mamertus Euesque de Vienne, mais elle ne s'estoient pas obseruees coustumierement.

<i>Du Monde.</i>	4939	<i>Papes.</i>	7	<i>R. d'Escoffe.</i>	14
<i>De Iesus Christ.</i>	802	<i>E. d'Orient.</i>	5	<i>R. d'Angleterre.</i>	2
<i>Indiction.</i>	10	<i>E. d'Occident.</i>	2	<i>Cal. des Sarrazins.</i>	15
<i>De l'Heure 156. le 29. Decéb.</i>		<i>R. des François.</i>	34	<i>R. des Bulgariens.</i>	24
		<i>R. de Leon.</i>	22	<i>Ducs de Venise.</i>	24

IL sembloit bien que les François ayants si heureusement mis à fin la guerre de Beneuent, ne se vouldroient pas arrester en si beau chemin, ains que pourfuiuant le cours de leur

leur bon heur voudroient acheuer de desfricher les Grecs de toute l'Italie. Afin qu'il ne restast plus rien en tout le circuit & enuiron d'icelle, qui ne pliaist souz leurs loix. Aussi l'Imperatrice Eirene redoubtant ceste tempeste pour son estat, enuoya ses Ambassadeurs vers Charles pour traiter d'appoinctement entre les deux Empires. A cause dequoy il en renuoya d'autres de son costé pour la demander en mariage. Ce qui fut bien pres de sortir effect, à cause que le ieu ne desplaisoit à la partie. Mais elle fut en fin retenue de ce faire par vn Patrice nommé *Ætius*, qui auoit bien grande auctorité enuers elle : & cherchoit les moyens de faire tomber l'Empire entre les mains d'un sien frere nommé *Leon*. Cependant pource qu'il se comportoit trop arrogamment enuers tous, plusieurs de la cour furent incitez de conspirer contre luy non seulement sa ruine, mais aussi de l'Imperatrice. De façon qu'ils dresserent si bien leurs affaires, qu'ils mirent le grand *Logothete* nommé *Nicephore* en possession & saisine de l'Empire. Au moyen dequoy il confina l'Imperatrice en l'Isle de *Methelin* dite anciennement *Lesbos*, luy faisant payer l'amende de son impieté enuers son fils. Et puis se voyant confirmé en l'estat Imperial, acheua de capituler la paix avec les Ambassadeurs de *Charlemagne*, qui n'estoient encore partis de *Constantinople*; par laquelle fut accordé que les deux Princes s'appelleroient tous deux freres & Empereurs Augustes à la maniere des anciens, l'un d'Orient & l'autre d'Occident. Que l'Italie seroit en telle sorte departie, que tout ce qui est depuis *Siponte* iusques à *Naples*, demoureroit aux Grecs avec toute la *Sicile*: mais que le reste qui vient deuers les *Alpes* estoit déclaré de l'Empire d'Occident. Excepté que la cité de *Venise* & la Duché de *Beneuent* demeurans en leur liberté comme neutres sans tenir plus de l'un que de l'autre, feroient la separation des deux Empires; à la charge de porter autant de respect & de faueur à l'un comme à l'autre. Quant à *Nicephore* on tient que l'Empire fut gouverné par luy depuis sa creation, qui fut faite le premier iour de *Nouembre* en l'Indiction *II*. iusques à son trespas, l'espace de 8. ans, 8. mois, 26. iours. Encore que *Cedrenus* ne compte seulement que 8. ans 9. iours: si d'auenture les *Escruains* n'ont failly à mettre mois au lieu de iours. *Nicephore*, *Constantin Manasses*, *Aimoinus*, *Anastasius*, *Blondus*, *Pandol. Collinut*. La plupart desquels nous l'ont depeint pour vn homme sanguinaire, peruers, auare, & sordide, comme on disoit auoir esté le Roy *Madas*.

PENDANT lequel temps la ville de *Luceria* fut de rechef prinse d'assaut par le Roy *Peppin*, ayant repris la charge de poursuiure la guerre de *Beneuent*: qui trouua le Duc *Grimoald* de *Beneuent* dedans, auquel la vie fut reseruee, moyennant qu'il remettoit toutes les villes de sa Duché entre les mains des François, & la ville de *Paue* ordonnee pour sa demeure: où *Sabellic* dit qu'il mourut bien tost apres de regret & de desplaisir. Combien que *Pandolfe Collin.* est d'aduis, qu'il fut remis en ses biens par l'accord fait entre les deux Empires, *Palmerius*, *Donatus*, *Bossius*, & *P. Æmile*, adioustent avec les precedents, que l'Empereur *Charles* deuant que partir d'Italie pour ne rien oublier de ce qui pouuoit seruir à la remettre en sa premiere beauté, auoit donné ordre de faire reparer les choses ruinees qui sembloient plus meriter de l'estre. De sorte que suyuant son ordonnance la cité de *Fluence* (qu'on dit auourd'huy *Florence*) se rebatissoit en ce temps, ayant esté ruinee par les anciennes guerres: & s'assembloient les anciens *Fluentins* des villes prochaines où ils estoient espars & dispersés.

UN Synode prouincial des Prelats de la Germanie assemblé ceste annee par l'auctorité de l'Empereur en la ville de *Saltsbourg* en *Bauiere*, composa le different qui estoit alors en l'Eglise pour raison des decimes. En telle façon qu'il fut ordonné selon les anciens status de l'Eglise, que les oblations des temples & les biens de l'Eglise seroient distribuez en quatre portions: dont la premiere demouroit à l'Euesque, la seconde aux prestres diocésains: l'autre estoit pour la nourriture des pauvres: & la derniere pour l'entretienement & reparation des temples. *Auentin liu. 3.*

L L

<i>Du Monde.</i>	4940	<i>Papes.</i>	8	<i>R. des Escossois.</i>	16
<i>De Iesus Christ.</i>	803	<i>E. d'Orient.</i>	1	<i>R. des Anglois.</i>	3
<i>Indiction.</i>	11	<i>E. d'Occident.</i>	3	<i>Cal. des Sarrazins.</i>	16
<i>De l'Hegire 188. le 18. Decēb.</i>		<i>R. des François</i>	35	<i>R. des Bulgariens.</i>	25
		<i>R. de Leon.</i>	24	<i>Ducs de Venise.</i>	25

EIRENE cy deuant Imperatrice mourut en l'isle de Lesbos le 9. Aoust, en l'Indict. 11. Nicephore.

L'ACCORD faict avec l'Empereur de Grece fut signé & ratifié à la fin de ceste annee par Charles, estant lors en la Germanie aupres de la riuere de Salts : où il dresseoit son equippage pour marcher contre les Saxons, qui s'estoient de rechef reuoltez, & auoient brauement pratiqué & attiré les Vvestphaliens. Mais l'indisposition du temps empescha que son camp n'approchast d'eux ceste annee; selon les Autheurs precedens. Paul Æmile adiouste, que l'Empereur fit crier & publier au mesme temps plusieurs loix & ordonnances par les prouinces & contrees de son Empire: & qu'il en reforma & renouuella beaucoup des anciennes qui y estoient ja, voulant que lesdites contrees & prouinces fussent par icelles bien reglees & gouuernees. Mais les François estimans que leur liberté en fust greuce, ne voulurent point permettre qu'il y eust rien de changé en leurs bonnes & anciennes coustumes.

CE que toutesfois il semble auoir mal pris & entendu: car il se trouue escrit és plus anciennes histoires que Charles fit des additions à la loy Salique l'an 802. Lesquelles les François obseruerent, tellement qu'une fort vieille Chronique latine en parle en ceste sorte. *Ex anno Domini 802. Carolus Imperator Romanorum ac Francorum per omne Imperium suum Legatos ad faciendum iudicium & iustitiam cunctis dirigit: & Legum 23. Capitula instituit. has quidam leges legi Salicæ addidit, & illis uti acceperunt & dignum duxerunt perpetuis obseruare temporibus.* Luy mesme aussi au liure 3. des loix des Lombards tiltre des chap. de la loy Salique, declarant ainsi que lesdits chapitres fussent tenus pour la Salique mesme: *Generaliter (dit-il) admonemus omnes ut capitula que præterito anno legi Salicæ omnium consensu addenda censuimus, iam non ulterius capitula sed leges dicantur, imò pro legibus Salicis teneantur.*

HUNGVS regnoit en ce temps sur les Pictes de la grande Bretagne, alliez & voisins des Escossois: lequel fit aussi comme eux alliance & confederation avec le Roy de France. Et fut en guerre contre Athelstan fils de Ethelulphe Roy des Saxons Occidentaux: de sorte qu'il le deffit & occit en vne forte & cruelle bataille. De laquelle pource qu'il luy fut aduis que la victoire luy estoit aduenue par l'aide de S. André, on dit qu'il prit en memoire d'icelle la croix qu'on dit de S. André, pour son enseigne quand il alla à la guerre. En quoy ses successeurs & les Escossois l'imiterent.

VNE sedition suscitée ceste annee entre les peuples de Venise, fut cause de la ruine de la ville d'Heraclee qui s'en ensuyuit bien tost apres: pource que le Duc Iean de Venise ayant en faueur de l'Empereur de Grece pourueu vn certain Grec de l'Euesché d'Olie, les Tribuns de Venise le trouuerent si mauuais, qu'ils sollicitèrent Iean Archeuesque de Grado, de s'opposer à la promotion du Grec. Ce qu'il fit, dont le Duc se trouua tellement courroucé qu'il alla trouuer l'Archeuesque iusques dedans son manoir Episcopal, où il le fit mourir l'ayant precipité d'une haute roche en bas. En despit dequoy les Tribuns luy firent subroger en son Archiepiscopat vn parent d'iceluy nommé Fortunat, qui se dedia tout aussi tost à venger l'iniure faite à son predecesseur.

VNE armee de Sarrazins vint courir iusques en la Phrygie, où elle vainquit l'armee de l'Empereur Nicephore, & la mit en route.

VN Synode prouincial fut ceste annee tenu à Halle en Allemagne par les Prelats de la Germanie. Onufrius.

PAVL Vvarnefride Diacre de l'Eglise d'Aquilee florissoit en ce temps, lequel ayāt esté Chancelier du dernier Roy des Lombards, fut amené avec luy prisonnier en Frâce: où il fut en grād credit vers l'Empereur Charles, par le cōmandemēt duquel on dit qu'il fit vn ex-
traict

traict de toutes les vies & legendes des Saints, desquelles aussi il composa leçons propres & conuenantes pour estre chantees ou recitees és iours de feste de chacun Saint pour toute l'annee. On dit aussi qu'il composa la vie de saint Gregoire premier: de Saints Arnoul & Benoist: qu'il adiouta à l'histoire d'Eutrope deux liures des faits & gestes des Empereurs Romains. Outre lesquels il comprit aussi en six autres liures l'Histoire des gestes des Lombards. Finalement aucuns luy attribuent la composition de l'Hymne, *Vt queant laxis*, &c. Tritermius. Phil. de Bergome.

<i>Du Monde.</i>	4941	<i>Papes.</i>	9	<i>R. des Escossois.</i>	17
<i>De Iesus Christ.</i>	804	<i>E. d'Orient.</i>	2	<i>R. des Anglois.</i>	4
<i>Indiction.</i>	12	<i>E. d'Occident.</i>	4	<i>Cal. des Sarrazins.</i>	17
<i>De l'Heure 189. le 7. de Decembre.</i>		<i>R. des François.</i>	36	<i>R. des Bulgariens.</i>	26
		<i>R. de Leon.</i>	25	<i>D. de Venise.</i>	26

NICEPHORE en la deuxiesme annee de son Empire declara son fils Stauratius Empereur Auguste avec luy. Nicephore & Cedr. tesmoignent que celà se fit en la 6206. annee de la creation du monde selon la supputation des Grecs: en laquelle aussi il mena vne armee contre les Arabes, qui fut honteusement deffaitte & mise en routte, tellement qu'à peu qu'il n'y demeura prisonnier.

L'ARMEE des François composée de plusieurs nations d'Allemagne entra dedans le pays de Saxe, où elle deffit en bataille rangee les Saxons & les Vvestphaliens leurs allies, lesquels ne trouuant apres ce desastre en qui plus auoir recours, furent contrains selon leur ancienne coustume de se remettre à la mercy du vainqueur: qui pour toute satisfaction leur fit reprendre la religion Catholique & Chrestienne, qu'ils auoient abandonnee & delaissee. Et pour leur oster ceste promptitude qu'ils auoient à rebellion, tira bien dix mille mesnages de leur pays (qui est delà la riuere d'Albis) & les enuoya (comme on dit) peupler le pays qui le nomme au iourd'huy le pays & seigneurie de Flandres, qui estoit encores pour lors quasi la pluspart desert ou en bois. De sorte qu'on estime que la pluspart des Flamans & Brabançons, signamment tous ceux qui vsent de la langue Germanique, tirent leur origine d'eux. D'autres sont aussi d'aduis qu'une partie desdits Saxons fut distribuee en la contree qui est au iourd'huy habitee des Suisses ou Suisses, lesquels ils estiment auoir non seulement pris leur origine, mais aussi leur nomination d'eux, comme estans du pays des Vvittes, qui estoient en Saxe. Ce que Nacler, Bonfinius & plusieurs autres auteurs disent estre semblablement adueni aux Allemans, qui sont encore demeurans & residans en la Transiluanie. Combien que pour le regard des Suisses, ie ne pense pas qu'il soit venu de plus loin que du village dits Suuits, qui est le moindre de tous les Cantons, duquel furent les auteurs du commencement de la liberte & confederation des Suisses, qui acquerirent tant de reputation par cest exploit là, que tous les autres Cantons en voulurent estre nommez Suisses, qui ne l'estoient au parauant. Dont il ne semble pas qu'ils soient dits d'ailleurs, mesmement des Vvittes. Car ceste appellation eust esté plus generale qu'elle n'a esté du commencement & plus ancienne. Tant y-a cependant, que pour obuier à ce que la demeure premiere, de ceux qu'on auoit transportez d'autre part ailleurs ne deuint vuide & inutile, fut permis par l'Empereur aux Abro-dites de se mettre dedans pour s'accommoder. Enquoy prit totalement fin la guerre Saxonique, qui auoit duré l'espace de trente quatre ans ou enuiron. Ce nonobstant Charles fut encores vn temps à sejourner aupres de la riuere d'Albis, attendant l'arriuee & la venue de Godefroy (appellé par Albert Crants, Gottric) Roy des Danois, qui le deuoient venir trouuer en personne comme il luy auoit signifié. Mais il n'y enuoya que ses Ambassadeurs, comme tesmoignent Aimoinus, Regino, Ado, l'Abbe d'Vrperg.

AVQVEL temps s'esleua au pays de Perse vne guerre ciuile, pour laquelle pacifier le Calife Aaron fut contraint s'y transporter. Niceph.

FORTVNAT Patriarche de Grade voulant faire venir à effect son entreprinse, se delibera avec vn Obelaire Tribun de Metamaucco de s'adresser à l'Empereur Charlemagne pour l'inciter contre le Duc Iean, comme se monstrant plus partial pour l'Empereur de Grece qu'il ne deuoit. Mais le Duc ayant senty le vent de leur volonté & deliberation, les alla si asprement & soudainement trouuer en la ville de Grade, qu'ils furent contrains eux, leurs amis & alliez à gagner au pied: tellement qu'ils se sauuerent en la ville de Tremise, où Obelaire fut par ses compagnons déclaré Duc de Venise. Sigonius.

EN la mesme annee Alcuin Philosophe excellent & Precepteur es bonnes de lettres l'Empereur Charles deceda. Odoranus.

LA vieille Chronique d'Angoulesme tesmoigne qu'il laissa plusieurs autres heritiers de sa doctrine & Philosophie, entre autres vn Smaragdus, qui fut aussi Precepteur de la mesme Philosophie de Theodulphe Euesque d'Orleans, duquel Helias l'Escossois Euesque d'Orleans fut semblablement disciple. Et d'iceluy Henry, qui enseigna Remy & Hucbald le Chauue Moynes professeurs comme leurs maistres de la Philosophie en leurs temps, à sçauoir souz le Roy Loys d'Outremer & Lothaire son fils.

LE ROYAUME de Nouerge estoit en ce temps gouuerné par vn Roy nommé Gotto, souz lequel les Nouergiens dits Normans, se meslerent avec les Danois, & commencerent tous ensemble par bandes à faire courses, pilleries, briganderies & autres tels mesnages sur les seigneuries & pays de Saxe, Frise, Angleterre, Frace & beaucoup d'autres contrees, ne laissant rien exempt de leur cruauté & barbarie, où ils pouuoient auoir entree & accez. Albert Crants.

<i>Du Monde.</i>	4942	<i>Papes.</i>	10	<i>R. d'Escoffe.</i>	18
<i>De Iesus Christ.</i>	805	<i>E. d'Orient.</i>	5	<i>R. d'Angleterre.</i>	5
<i>Indiction.</i>	13	<i>E. d'Occident.</i>	5	<i>Cal. des Sarrazins.</i>	18
<i>Del' Hegire 190. le 26. Noueb.</i>		<i>R. des François.</i>	37	<i>R. des Bulgariens.</i>	27
		<i>R. de Leon.</i>	26	<i>Ducs de Venise.</i>	1

NICEPHORE se voyant assiduelement molesté des Sarrazins, fit fortifier plusieurs villes en ce temps en la Gallatie, nommément la cité d'Ancyra, pour estre rempars contre leurs irruptions. Niceph.

LES citoyens d'Eraclee & d'Aquilee, qui sont places des appartenances de la cité de Venise, furent en ce temps en tel discord les vns contre les autres, qu'ils se guerroyent en toute telle maniere qu'eussent fait vrais ennemis, iusqu'à la venuë des Ducs Iean & Maurice, qui toutesfois y faisoient des auengles. Ce qui leur acquit vne si mauuaise reputation enuers leurs citoyens, qu'elle presenta vne grande occasion à leurs malueillans, mesmement à Fortunat Archeuesque de Grade (l'oncle duquel ils auoient fait mourir) de cōspirer contr'eux. Mais estant leur conspiration trop tost esuantee, Fortunat fut contraint de se retirer vers l'Empereur Charles. Ce nonobstant la haine qu'on portoit aux Ducs, s'augmenta en telle façon, qu'ils ne peurent empescher leurs ennemis de faire eslire vn autre Duc contr'eux, qui fut Obelaire citoyen & Tribun de Metamocco. Auquel le peuple permit de prendre son frere nommé Beât pour adioint & coadiuteur en la dignité Ducale. Au moyen dequoy on trouue qu'ils l'exercerent ensemble l'espace de 5. ans, non pas toutesfois sans grandes difficultez, à cause que les autres ne voulurent quitter la place sans coup frapper. En forte qu'on racompte que les citoyens d'Heraclee se deffient quasi tous les vns les autres en ceste partialité, comme Blondus, & Sabellic recitent. Mais Sigonius dit seulement que Obelaire ayant ja esté esleu Duc cy deuant, assembla ceste annee à l'aide de ses amis & partisans vne grande & puissante armee, avec laquelle il vint assieger la cité & ville d'Heraclee, qui estoit le commun siege & ordinaire des Ducs, & l'ayants prise la razerent toute de fond en comble, contrainans

traignans les habitans d'icelle de se retirer partie à Metamocco, partie à Torcello & beaucoup d'autres à Roalte. Au moyen dequoy Fortunat s'en reuint de France pour se remettre en possession & en exercice de son Patriarchat.

LA Comté & gouvernement du pais de Vvallois, appelé anciennement des Segusiens, fut donnée ceste année en propriété à Theodore Euesque de Sion pour luy & pour ses successeurs par l'Empereur Charlemagne. Munster.

LECCHO ou LESCO, selon d'autres Letzo & Letho Prince des Esclavons qui habitoient au pays de Boëme, faisoit continuellement des courses & voleries sur les provinces des François & de leurs alliez. Ce qu'estant impossible à l'Empereur de plus dissimuler, donna vne armée en main au Prince Charles son fils pour les aller chastier. Laquelle estant arriuee dedans leur pays y fit vn si beau mefnage qu'ils furent contrains pour l'empescher de se venir avec leur Prince presenter en bataille deuant les François: Qui les receurent de si bonne façon, que la desconfiture tomba sur les Esclavons, par laquelle ils perdirent avec leur Duc vn nombre inestimable de leurs gens, comme tesmoignent les anciennes Annales, Aimoinus, Theodulfe & Regino. Ce pendant les histoires de Boëme ne font aucune mention de Prince qui ait souz ce nom de Lesco regné en Boëme. Qui a fait penser à Martin Cromer en son histoire de Pologne que c'est luy qu'on appella Lesco deuxiesme, qui fut successeur de Premisslaus dit Lesco, non seulement au Royaume de Pologne, mais aussi de Boëme: la succession desquels il laissa pareillement à Lesco troisieme son fils, qu'on dit auoir regné fort prudemment: & au bout de ses iours auoir laissé en possession de ses estats, Popiel premier du nom son fils legitime, qui fut pere de Popiel deuxiesme, que les Rats (au compte qu'on en fait) mangerent dedans vn chasteau par permission diuine, pource qu'il auoit fait cruellement mourir plusieurs de ses parens.

LA puissance des Huns & Auarois, auoit esté si bien mattee par les François, qu'eux qui auoient esté autrefois la terreur du monde, ne se pouuoient pas plus soustenir contre les algarades des autres nations. Nommément des Esclavons, qui les alloient incessamment molester iusques dedans leurs maisons. A cause dequoy Cagan Roy desdits Auarois, vint trouuer ceste année l'Empereur Charles, auquel il fit si grande pitié de ses doléances, qu'il luy fut permis de s'aller habiter luy & sa gent, dedans le pays qui se nomme au iourd'huy la Styrie & Carinthie (lequel on disoit estre lors entre la Sabarie, & Carentanie ou Carnunte) souz le mesme tiltre & preeminence qu'il auoit en son premier pays. Laquelle permission toutesfois luy fut de tant plus facilement accordée qu'il estoit Chrestien, nommé au Baptisme Theodore. Mais il n'eut pas esté gueres de temps au lieu qu'il auoit demandé, que la mort l'y surprit, par laquelle il eut vn successeur qui obtint aussi de l'Empereur Charles la mesme auctorité sur les siens, que son predecesseur auoit eu, comme les anciennes Annales, Aimoinus, Regino & Ado recitent. Paul Æmile est d'aduis que la Pannonie fut faite par ce moyen prouince des François. Et que les Huns & Auarois, cessans bien tost apres d'auoir des Rois, prindrent totalement loix & coustumes de l'Empereur Charles.

Du Monde.	4943	Papes.	11	R. d'Escoffe.	19
De Iesus Christ.	806	E. d'Orient.	4	R. d'Angleterre.	6
Indiction.	14	E. d'Occident.	6	Cal. des Sarrazins.	19
De l'Hegire 191. le 15 Nouëb.		R. des François.	38	R. des Bulgariens.	28
		R. de Leon.	27	Ducs de Venise.	2.

AARON Roy des Perles entra ceste année avec vne armée de trois cens mille combatans dedans les prouinces de l'Empire, qui mit l'Empereur Nicephore en telle perplexité, que pour s'en desuelopper, composa de certain tribut, & d'une somme de deniers avec le Calife Aaron, afin de le faire retirer. Mais quand il eut remené son armée en son pays, l'Empereur fit refus d'accomplir le reste des conuentions qu'il auoit iurées. Dequoy le Calife fut si fort irrité, qu'il renuoya soudainement vn autre armée en Cypre où elle fit vn piteux & horrible mefnage. Niceph. Anasta.

CHARLES desirant mettre ordre en sa vie à ce qu'il laissast ses enfans en paix apres son trespas, fit assembler vn Parlement general auquel par l'aduis de tous fut designé vn

LL iij

chacun d'eux la part & portion des Royaumes & seigneuries de leur pere à laquelle ils devoient succeder. Aimoinus, Regino.

LES deux Ducs de Venise à sçavoir Obelaire (dit par Aimoinus Vvillerus) & Beat accompagnés de Paul Duc & de Donat Evesque de l'adara furent trouver ceste année l'Empereur Charles pour recevoir (comme estiment Aimoinus & Regino) quelque reglement & prouision de luy de leurs Duchez & seigneuries: ou comme veulent les autres, pour estre receuz en son amitié, alliance & protection. Mais P. Æmile est d'avis que ce fut plustost pour l'inciter à s'emparer de la Dalmatie. Ce qui n'est pas sans grande apparence, d'autant que les mesmes auteurs confessent que Nicephore enuoia en la mesme année l'un de ses Patrices nommé Nicetas avec armée pour la recouurer à foy. A cause dequoy P. Diacre & Blondus tesmoignent, que ce Nicetas fit tant enuers les Venitiens en ce voyage, qu'ils renoncerent à l'alliance de Charles & des François. Et à ceste fin conféra l'estat de grand Spataire au nom de son maistre au Duc Obelaire, pour le rendre plus enclin à prendre le party des Grecs. Ce que Sigonius confesse qu'eux & les Dalmatiens firent d'aussi grande legereté qu'ils s'estoient voulu estranger des Grecs sans attendre le secours que Pepin Roy d'Italie s'apprestoit de leur mener.

CEPENDANT l'Empereur Charles mit plusieurs autres armées aux champs: l'une desquelles souz la conduite du Prince Charles son fils s'alla rendre dedans le pays des Esclavons dits Sorabes, habitans le long de la riuere d'Albis, lesquels s'estoient declarez ennemis des François. A cause dequoy il leur liura bataille, dont ils perdirent la victoire avec leur Duc Mileduich. Au moyen dequoy force leur fut de se soubmettre à sa discretion, & de souffrir pour estre tenus en bride deux Forts qu'il fit faire, l'un sur la riuere d'Albe, & l'autre sur le Salts. Ce qui fut fait en si peu de temps, qu'auant que la saison fust passée il eut encore loisir d'aller avec son armée, voir & visiter les Esclavons de Boëme, lesquels ne le peurent empêcher de faire sa cheuauchée à sa discretion par leur pays.

L'UNE des autres armées fut celle que Pepin Roy d'Italie enuoya par mer souz la conduite d'Ademare Comte & Gouverneur de la cité de Gennes, contre les Sarrazins qui estoient descendus en la Corse pour la butiner; lesquels furent lourdement repoussés. Mais Ademare en se trop hazardant y demeura.

QUANT à la troisieme, il semble que le Roy Loys d'Aquitaine la fit passer en Espagne: où elle prit, au rapport d'Aimoinus liure quatrieme & de Regino, la cité de Pampelune sur les Sarrazins; & ramena le Nauarrois en l'obeissance des François qui s'en estoient estrangés. Et semble aussi qu'aduint lors ce qui est escrit au Supplément dudit Aimoinus liure cinquieme chapitre cinq, qu'Addo Gouverneur de la cité de Barcelonne fut pris & amené au Roy Loys, qui l'enuoya à l'Empereur son pere. Et que les Gascons se voulurent esleuer pour l'occasion & raison de la Comté de Tholose, que le Roy Loys donnoit à un Luitard apres la mort de Burgondion qui l'auoit autrefois tenu.

THARASIVS Patriarche de Constantinople mourut le vingt huitiesme iour de Feurier en la quatorzieme Indiction: & fut subrogé en son lieu le quatrieme iour d'Avril ensuyuant un Nicephore Secretaire de l'Empereur, tant du consentement d'iceluy que du peuple, nonobstant qu'il n'eust passé au parauant par aucun ordre Ecclesiastique. Tellement qu'il presida par ce moyen l'espace de neuf ans ou environ. Comme luy-mesme tesmoigne en sa Chronologie, avec Zonare, Georgius Cedrenus, & Anastasius en son histoire Ecclesiastique, laquelle il confesse auoir compilée des Histoires de George, de Theophanes, & du mesme Nicephore, comme il dit en la preface d'icelle.

Du Monde.

<i>Du Monde.</i>	4944	<i>Papet.</i>	12	<i>R. des Escossois.</i>	20
<i>De Iesus Christ.</i>	807	<i>E. d' Orient.</i>	5	<i>R. des Anglois.</i>	7
<i>Indiction.</i>	15	<i>E. d' Occident.</i>	7	<i>Cal. des Sarrazins.</i>	20
<i>De l'Heure 192. le 4. de No-</i>		<i>R. des François.</i>	39	<i>R. des Bulgariens.</i>	29
<i>vembre.</i>		<i>R. de Leon.</i>	28	<i>Ducs de Venise.</i>	3

L'EMPEREUR Nicephore estant party de Constantinople avec vne armee pour marcher contre les Bulgariens, fut contrainct d'en reuenir sans rien faire, à l'occasion de la desobeissance de ses gens. Cependant Pepin Roy d'Italie fit trefues avec le Patrice Nicetas Lieutenant de l'armee dudit Nicephore sur la mer. Niceph.

Les Ambassadeurs que Charles auoit enuoyé quatre ans auparauant au Roy de Perse retournerent ceste annee, ramenans avec eux vn autre Ambassadeur dudit Roy, qui signifioit que l'amitié de l'Empereur Charles estoit en telle recommandation enuers son maistre, qu'il la preferoit à celle de tous les autres Princes ou Potentats de la terre. Pour declaration dequoy il luy faisoit present de la ville de Hierusalem, & du lieu auquel auoit esté crucifié & enseuely le Redempteur des humains, pour estre tenu comme sien & en son nom.

Les Maures d'Espagne faisans coustume d'escumer & courir incessamment les isles & riuages de la mer Tyrrhene furent cause de faire mettre sus à l'Empereur Charles de plus grandes forces de mer pour les defendre qu'il n'auoit point encore fait. De sorte qu'il en bailla la conduite à son Connestable Bouchard, qui les alla premierement adresser en la Corse, où il scauoit que les Maures estoient ia comme accoustumez de venir rapiner. Aussi aduint-il qu'estans repoussez de l'isle de Sardaigne par les Sardiots, avec perte de plus de trois mille hommes, se voulurent venir rallier & rafraischir en la Corse. Mais l'armee des François leur y fit vn si dur recueil, qu'ils payerent plus cherement l'amende d'y estre venuz qu'en Sardaigne : ne leur laissant pas moins de 13. de leurs nauires, sans les hommes qui estoient dedans, pour ceste rencontre. Eginard, Aimoinus, Regino, Blondus.

Vvittikinde Duc de Saxe fut en ce temps mis à mort par Gerold Duc de Suaube, laissant vn fils nommé Vvitpert, qui luy succeda en ses estats & seigneuries. Chronique de Saxe.

A CARDAMES Roy de Bulgarie decedé, succeda Chrumnus, qui regna treze ans. Sigebert.

<i>Du Monde.</i>	4945	<i>Papes.</i>	13	<i>R. des Escossois.</i>	21
<i>De Iesus Christ.</i>	808	<i>E. d' Orient.</i>	6	<i>R. des Anglois.</i>	8
<i>Indiction.</i>	1	<i>E. d' Occident.</i>	8	<i>Cal. des Sarrazins.</i>	21
<i>De l'Heure 193. le 24. Octob.</i>		<i>R. des François.</i>	40	<i>R. des Bulgariens.</i>	1
		<i>R. de Leon.</i>	29	<i>Ducs de Venise.</i>	4

GODEFROY Roy de Dannemarc, que les autres appellent Goltic, entra en ce temps en telle presumption de foy & de ses forces, qu'il se delibera de soubmettre à foy toute la Germanie : n'estimant pas qu'il y eust chose qui le deust garder d'en venir bien tost à chef. A cause dequoy s'alliant des Esclauons dictz Vviltzes, se voulut premierement adresser aux Abodrites, sur lesquels il gaigna quelques villes & chasteaux. Mais le reste se defendit si vertueusement, qu'ils luy firent perdre le meilleur de ses hommes, avec l'espoir de venir à bout de ses intentions. De sorte qu'estant encore aduertie que l'armee des François ayât passé la riuere d'Albe venoit à puissance contre luy souz la conduite de Charles fils de l'Empereur, il reprit hastiement les arres de son Roiaume : & se retrancha sur les auenuës d'iceluy du costé qu'ils le pouuoient venir assaillir. Mais ils prindrēt le chemin du pais des Liuoniens (les autres disent Heliuōs) & Sineldinges, qui s'estoient declarez pour les Danois en ceste entreprinse, dont ils les firent ressentir. Aimoinus, Regino, Albert Crants.

L L iiii

VN Roy de Northumbellande en Angleterre nommé Eardulfe, estant chassé de son Roiaume, vint trouuer l'Empereur Charles à Noyon : par l'entremise duquel & des Ambassadeurs du Pape il fut restitué en son Roiaume. Autheurs precedents.

MAIS au mesme temps Louys Roy d'Aquitaine, ayant descouvert en quel estat estoit de la cité de Barcelonne, fut conseillé de l'aller assieger : tellement qu'il se transporta pour cest effect delà les monts Pyrenées, avec vne grande armee qu'il diuisa en 3. camps : l'un desquels demeura avec luy à Roussillon : l'autre souz la conduite de Rostang Comte de Geronde assiegea la cité : la troisieme fut ordonnée pour empescher qu'il ne vint secours aux assiegez, & pour le repousser s'il en venoit. Ce qui succeda si bien, que l'armee que le Miramolin de Cordouë voulut enuoyer pour le siege, n'en peut approcher, ains fut contraincte de s'en retourner en arriere. Au moyen dequoy les 3. camps se rassemblerent ensemble, & poursuivirent le siege en toute opiniastrété iusqu'à ce que les Barcelonnois reduits à default de viures & de toutes munitions se rendirent vies & bagues sauues entre les mains du Prince Louys. Lequel apres auoir fait son entree en leur ville, la laissa en garde à vn Comte nommé Bera, pour la gouverner en son nom : & puis ramena son armee en Guienne. Ce qui se fit, tesmoin le Continuateur d'Aimoinus, (nommé par Richard de Vassebourg, Eginald) liu. 5. chap. 5. lequel viuoit lors, & estoit des domestiques du Prince Loys, l'annee deuant le siege de Tortose. Et pource que le 4. li. ch. 88. dudit Aimoin. declare que Barcelonne auoit ia esté prise dès l'an 801. il nous fait croire qu'elle a esté prise par deux fois par les François : mais depuis ceste derniere elle n'est oncques plus retombée entre les mains des Sarrazins.

VNE armee de Sarrazins enuoyee de la part du Calife Aaron souz la conduite de Chumeid courut & rauagea tout le plat pais de l'isle de Rhodes, sans y pouoir prendre aucune forteresse. Niceph.

ISNARD moine viuoit en ce temps, lequel on dit auoir esté le compilateur du Martyrologue des Saints. Triterius.

<i>Du Monde.</i>	4946	<i>Papes.</i>	14	<i>R. des Escossois.</i>	22
<i>De Iesus Christ.</i>	809	<i>E. d'Orient.</i>	7	<i>R. des Anglois.</i>	9
<i>Indiction.</i>	2	<i>E. d'Occident.</i>	9	<i>Cal. des Sarrazins.</i>	22
<i>De l'Heure 194. le 13. Octob.</i>		<i>R. des François.</i>	41	<i>R. des Bulgariens.</i>	2
		<i>R. de Leon.</i>	30	<i>Ducs de Venise.</i>	5

VNE armee de Bulgariens souz la conduite de leur Roy Chrumnus, entra ceste annee dedans les prouinces de l'Empire de Grece, où elle prit la ville de Sardica, & mit en route vne troupe de six mille Grecs. Qui fut cause que Nicephore ne s'osa presenter deuant eux. Nicephore.

LE Roy de Dannemarc ne voulant estre veu auoir en rien contreuenue à l'alliâce qu'il se disoit auoir avec les François, demanda lieu & temps de colloque pour les Ambassadeurs de l'Empereur Charles & de luy. Lesquels toutesfois ne peurent de rien conuenir entr'eux. A cause dequoy l'Empereur fit edifier vn fort sur la riuere d'Albis pres de la frontière de Dannemarc.

CEPENDANT Trasillo Duc des Abodrites avec le secours des Saxons, courut & passa tout le pais des Vvilifes ses voisins, comme ils auoient fait le sien auparauant. Et apres en auoir tiré vn grand butin s'alla ietter dedans le pais des Smeldinges, où il fit le semblable. Mais il fut quelque temps apres mis à mort en trahison, par certains Danois. Vne armee desquels assaillit au mesme temps le pais de Frise avec deux cens voiles, & se rendit les Frisons tributaires. Aimoinus, Regino, Albert Crants.

A Lyderic Comte de Harlebec premier Forestier de Flandre decedé, succeda son fils nommé Englerran ou Enguerrand au gouvernement de ladite Flandre ; lequel n'eut pas moins d'affaires qu'auoit eu son pere, tant à nettoyer le pais de voleurs & brigans, qu'à faire essarter les bois qui y estoient, & restaurer les villes ruinees par les Vandales. En quoy toutesfois il fut aidé & secouru de l'Empereur. Histoire de Flandre.

LES François estans forts sur la mer Mediterranee, donnerent enuie à l'Empereur de Grece de se rendre aussi puissant qu'eux. A cause dequoy il equippa deux armees de mer : de l'une desquelles le Patrice Nicetas eut la charge pour la defense de la coste Dalmatique.

que. Et l'autre fut donnée à Paul Gouverneur de la Cephalonie, avec laquelle il alla prendre d'emblee la ville de Piombino en la coste de la Toscane, laquelle il raza, brulant & saccageant de là tout le terroir d'alenuiron. Qui fut cause que Pepin mena son camp à Ravenne, & fit retirer son armee de mer au port de Commachio, où elle se trouua incontinent assiegee par Nicetas. Mais les François le chargerent de si desesperée façon, qu'ils ne luy laisserent auoir l'honneur de les auoir tenus longuement assiegez. Somme que force luy fut de se retirer avec honte & beaucoup moindre nombre de gens qu'il n'auoit amené. Pource il se contenta deormais de garder la coste Dalmatique. Or combien que les Venitiens comme neutres ne deussent favoriser les vns plus que les autres, si est-ce que sous couleur de pourchasser les moyens d'accorder les deux parties ensemble, qu'ils secoururent les Grecs d'argent & de galeres. Chasserent outreplus leurs Ducs Obelaire & Beat, pource seulement qu'ils sembloient se trop affecter à la cause des François : encore que l'Empereur de Grece en eust faict l'un son Spataire, & l'autre de ses principaux Conseillers. En quoy faisant ils firent conceuoir si mauuaise opinion d'eux au Roy Pepin, qu'il se resolut à leur faire la guerre tant par mer que par terre, au mandement de son pere.

D'autrepart le Prince Louys d'Aquitaine s'estudiant à donner tousiours des affaires aux Sarrazins d'Espagne, fit encores passer les monts Pyrenees à son armee : laquelle prenât le chemin de Barcelone, y tira droit : où furent pris & mis en route ceux qui s'y trouuerent de Maures & d'ennemis, sans espargner villes, villages, metairies, ne hamcaux, qui n'eust senty par le soldat le mal de la guerre, iusques à ce qu'elle fut venue à sainte Colombe, où elle se diuisa vne partie, allât assieger la ville de Dertose, qu'on dit auourd'huy Tortose, qui est assise sur la riuere d'Ebre (qui estoit aux anciens Iberes) avec laquelle le Prince Louys s'arresta : l'autre sous la conduite des Comtes Issembard, Ademare, Bera & Borrel, monta contremont le mesme fleuve, & l'ayant trauerse à gué à six ou sept iournees de Tortose, penetra bien auant dedans l'Espagne sans trouuer rencontre, pource qu'on n'auoit preueu leur venue. Au moyen dequoy ils gasterent vn grand circuit de pais, & en emmenerent vn butin indicible : ayans honteusement deffait & mis en route les Maures qui s'estoient assemblez pour le venir recourir. Ce nonobstant la ville de Tortose faillit d'estre prise par ceux qui l'assiegeoient. Ains fallut que le Prince Louys, apres auoir perdu son temps deuant icelle, ramenast son armee en la Gascogne, se contentât du degast de la victoire, & de la proye que ses gens auoient obtenuë sur l'ennemy. Ce qui se fit, côme il est escrit au liu 4. ch. 6. d'Aimoinus, & es ancien. Annal. en Ado & en Regino l'an 809. & selô le mesme Aimoinus liu. 4. ch. 6. l'annee d'apres la prise de Barcelonne : & l'annee deuant la 2. course que le Prince Louys enuoya faire par ses Lieutenans Ingobert ou Vvigobert, Ademare, & Bera iusques à Tortose : qui est vne preueue que tout ce que nous venons de reciter, se fit en vn seul voyage & non en deux. Cependant l'armee des François ne fut pas plustost de retour en la Gascogne, que nouvelles vindrent au Prince Louys de la mort du Comte Aureole Gouverneur des marches de France & d'Espagne pres la ville d'Osca & de Sarragosse : & que de ses estats s'estoit emparé le Gouverneur de la ville de Sarragosse nommé Amoroz ou Amaros, qui enuoyoit signifier à l'Empereur Charles qu'il estoit en son commandement & puissance. Ce qu'il faisoit, afin qu'il le receust en sa garde & protection contre le Miramolin de Cordouë. Aimoinus, liu. 4. & 5. Regino.

A v mesme temps les Sarrazins de Tollete se rebellerent contre le Miramolin de Cordouë : lequel ne voulât mettre ses forces en hazard pour les chastier de leur faulte : d'autât mesmement qu'il en auoit affaire contre les François, s'aduisa de les retirer à soy par vne semblable ruze dont Darius auoit vsé autresfois enuers les Babyloniens par Zopirus, ou Tarquin le superbe enuers les Gabiniens par son fils : car il attitra le Gouverneur de la ville de Huesca, qui fit ce mystere, & les trahit. Roderic de Tolette, Vasaus.

AARON surnommé Reffitz Calife & Empereur des Sarrazins mourut en la 7. annee de l'Empire de Nicephore, laissant deux fils : l'aîné desquels nommé Muhammad luy succeda en ses estats, & regna 5. ans. Nicephore.

A l'occasion de certains moines qui s'estoient separez de la communion du Patriarche de Constantinople, fut assemblé ceste annee vn Synode à Constantinople. Nicephore.

MAIS en vn autre qui fut assemblé au mesme temps à Aix en Allemagne, par l'auctorité de l'Empereur, la question du saint Esprit, à sçauoir-mon s'il procede seulement du Pere, fut debatue & examinee. Aimoinus.

<i>Du Monde.</i>	4947	<i>Papes.</i>	15	<i>R. des Escossois.</i>	13
<i>De Iesus Christ.</i>	810	<i>E. d'Orient.</i>	8	<i>R. des Anglois.</i>	10
<i>Indiction.</i>	3	<i>E. d'Occident.</i>	10	<i>Cal. des Sarrazins.</i>	1
<i>De l'Hegire 195. le 3. Octob.</i>		<i>R. des François.</i>	42	<i>R. des Bulgariens.</i>	3
		<i>R. de Leon.</i>	31	<i>Ducs de Venise.</i>	1

PEPIN irrité (comme a esté dit) contre les Venitiens, fit passer son armee de mer dedans les isles de Venise; desquelles les principales furent prises, comme Brandolo, Palestina, Albiola, ensemble Metamaucco, qui fut trouuee vuide, où leurs Ducs faisoient leur residence coustumiere, & se depeschoiét leurs principales affaires. Mais Eraclee & Equilio furent bruslees. Ce qui mit le reste en tel espouuamment, qu'ils se rendirent par composition au Prince François. Lequel les ayant en ceste sorte subiuguez, remena son armee à Rauenne, pour n'estre surprise de la Grecque qui la venoit chercher; où il mourut bien tost apres, à sçauoir le huitiesme iour de Iuillet, laissant vn grand regret de soy, pour la bonne opinion qu'on auoit conceuë de luy, qui faisoit esperer que la vertu de ses peres & ayeuls n'eust de rien degeneré en luy: avec vn fils nommé Bernard, qui fut cy apres Roy d'Italie. Cependant l'Empereur de Grece desirant remedier aux affaires des Venitiens, enuoya ses Ambassadeurs traiter de la paix vers l'Empereur Charles, laquelle leur fut en fin accordée: & par le benefice d'icelle les Venitiens remis en leur premiere liberté. Ce que nous trouuons auoir esté en ceste sorte recité & tesmoigné non-seulement par les anciens Historiographes François, & qui en parlent en ceste sorte: *Pipinus Rex perfidia Ducum Venetorum incitatus Venetiam bello, terra, marique iussit appeti: subiectaque Venetia ac Ducibus eius in deditionem acceptis, eandem classem ad vastanda Dalmatiae littora misit*: ou qui n'ont esté fort esloignez d'iceluy, comme l'auteur des anciens Annales, Ado, Regino: mais aussi par Blondus Italien, qui tesmoigne aussi l'auoir appris de P. Diacre d'Aquilee, & de Godefroy de Viterbe. Ce nonobstât Sabellic n'ayant leu nos Histoires, ose bien reprocher le tesmoignage de ceux de son pais, qu'il dit auoir esté en cecy trop suspects & enuieux de la gloire Venitienne, pour penser faire accroire que l'armee de Pepin ayant voulu entrer dedans l'isle de Realte, y fut honteusement & avec vne memorable perte de gens desconfite, Pepin aussi contrainct se retirer ignominieusement à Rauenne. Comme s'il estoit possible qu'un si victorieux Monarque que Charles (tel mesmes que tous les Italiens confessent auoir esté) eust voulu dissimuler vne telle honte, & faire paix si soudainement & à si bon marché avec si petits compagnons qu'estoient lors les Venitiens, de qui il l'auoit receuë, comme on dit qu'il fit en la mesme annee, deuant que s'estre autrement mis en peine de la venger, ou de s'en faire-faire quelque reparation. Eux-mesmes ont bien experimété par la derniere paix qu'ils ont faicte avec le grand Turc, si c'est la coustume des grands Potentats de se racoinpter si legerement avec moindres qu'eux qui les ont pincez. Parquoy si Sabellic & ses semblables vouloient faire sembler leur faulx victoire plus vray-semblable, ils se deuoient plus modestement affecter à l'extoller & amplifier de tant de vent Italique & d'exclamations scholastiques au denigrement des François. Et du Haillan aussi se deuoit (à mon iugement) plus diligemment informer du nombre & de la qualité des tesmoins de la cause, deuant que de la bailler gaignee si promptement à ses ennemis: en leur accordant (ce que Sigonius mesme qui est Italien ne confesse pas estre vray) que tous les escriuains s'accordent que les François furent vaincuz, & les Venitiens rapporterent vne grande victoire d'eux. Tant y a cependant qu'on est d'accord qu'à l'occasion de ceste guerre tout le plant de la cité de Venise fut entierement changé: pource que l'experience ayant fait cognoistre aux Venitiens que les places de leur ville esparfes & escartees loin l'une de l'autre, ne leur pouuoit apporter aucune seureté, ils s'aduiserent de faire tant de ponts, qu'ils ioignirent par iceux enuiron de 60. petites islettes prochaines de Realte; lesquelles, qui ne sembloient rien à part, firent ensemble vne belle, grande & magnifique cité, siege aujourd'huy de leurs Ducs & de leur sage Senat. Mais le premier qui y establît le siege & Palais Ducal, fut Messer Angelo Patriciato dict Badoer, homme bien aduisé, que les Venitiens esleurēt ceste annee, à sçauoir 810. pour chef de leur Republique, au lieu des deux freres precedés que l'on

quel'on auoit enuoyez en exil : par lequel ils furēt gouuernez l'espace de 18. ans. Sabellic, Contarin.

G O D E F R O Y Roy de Dannemarc perseuerant en ses presomptions, se delibera de faire la guerre tant par mer que par terre aux François; se vantant mesmes de vouloir aller trouuer l'Empereur Charles iusqu'à son feu. Mais il equippa premierement vne armee de mer de deux cens voiles, qui alla courir toute la coste de Frise: & apres auoir gaigné vne bataille sur les Frizons, les mit à tribut. Luy d'autrepart faisoit vne autre leuee de gens pour marcher par terre avec eux. Cependant comme Charles faisoit aussi mandement de toutes ses forces pour obuier à eux de toutes parts, nouuelles vindrent certaines que le Roy Danois son ennemy estoit mort, ayant esté tué par vn archer de sa garde: & que Hemmingue fils de son frere tenoit ia son lieu sur les Danois. Qui fut cause de faire penser l'Empereur à d'autres affaires: si est-ce toutesfois que le nouveau Roy ne mit gueres apres d'enuoyer ses Ambassadeurs deuers luy pour conclure de quelque paix ou de trefues, qui ne s'en retournerent sans rien faire. Aimoinus & Regino. Albert Crants toutesfois appelle Olaue celuy qui succeda à Godefroy, duquel il le diēt estre fils.

A v mesme temps les Vvilses, nation Esclauonique, s'estans declarez contre les François en faueur des Danois, entrerent à grande puissance dedans l'Allemagne: où ils prindrent & ruinerent le fort de Hambourg sur la riuere d'Albe. Albert Crants.

D' A V T R E P A R T les Sarrazins d'Espagne, sçachans le Roy Pepin empesché contre les Grecs & Venitiens, se vindrent ietter dedans les isles de Sardaigne & de Corsegue, qu'ils trouuerent vuides de gens de defense. Au moyen dequoy ils en tirerent tous les habitans, & les emmenerent captifs avec eux, excepté les impotens. Qui pourroit auoir esté la cause pourquoy le Roy Louys d'Aquitaine fit repasser vne armee en Espagne, souz la conduite de ses Lieutenans Ingobert ou Vvigobert, Ademare, & Bera (car l'Empereur Charles luy auoit defendu d'y aller en personne, pource qu'il vouloit qu'il vacquast à faire bastir vn grand appareil de mer contre les Normans) qui alla courir iusques deuant la ville de Tortose, où elle tailla en pieces vne troupe de Maures, qui oferent faillir sur eux, souz la conduite d'Abardus Gouverneur de Tortose, & puis se retira sauue en Gascogne. Cependant Ambulas ou Abuzali Roy de Cordouë en Espagne (qui semble deuoir estre celuy que les historiés d'Espagne nomment Alcan, les autres Hali Hatan, ou bien Abdallas, qui estoit son oncle, Roy de Valence) enuoya demander la paix à l'Empereur Charles par ses Ambassadeurs, qui leur fut accordee. Mais vn peu de temps apres Abdirama fils d'Abuzali, chassa de la ville de Sarragosse Amoros, qui auoit failly de promesse à l'Empereur Charles: car ayant demandé de parlementer avec luy sur les frontieres d'Espagne, pour conuenir avec eux des conditions de se rendre à luy, ne s'estoit trouué: & le contraignit se retirer en la ville d'Osca, qu'on dit maintenant Huesca. Aimoinus liu. 4. & 5.

H A B D A L L A S frere du Calife Muhamat, s'esleua en ce temps contre luy, pour auoir sa portion des estats & seigneuries de leur feu pere. Qui fut cause de faire diuiser tous les Sarrazins en partialitez par toutes les prouinces qui retenoient la doctrine de Mahomet. Nicephore.

E G I N H A R D Secretaire del'Empereur Charles, homme docte & assez bien exercé es deux stiles, florissoit en ce temps: lequel redigea par escrit la vie de son maistre en vn liure, & composa vne autre Histoire à part des gestes des François. Tritemius.

<i>Du Monde.</i>	4948	<i>Papes.</i>	16	<i>R. des Escossois.</i>	14
<i>De Iesus Christ.</i>	811	<i>E. d'Orient.</i>	9	<i>R. des Anglois.</i>	11
<i>Indiction.</i>	4	<i>E. d'Occident.</i>	11	<i>Cal. des Sarrazins.</i>	2
<i>De l'Hegire 196. le 23. Septēb.</i>		<i>R. des François.</i>	43	<i>R. des Bulgariens.</i>	4
		<i>R. de Leon.</i>	32	<i>Ducs de Venise.</i>	2

N I C E P H O R E estant en guerre contre Chrunute Roy de Bulgarie, gaigna quelques victoires sur luy: qui le firent entrer en telle presumption, qu'il ne voulut recevoir le Bulgarien à aucune composition qu'il offrist. Qui fut aussi cause de le reduire à tel desespoir, que pour iouer à quitte ou à double, il alla donner avec ce reste de forces qui estoiet avec

luy, dedans le camp des Grecs (lors qu'ils n'attendoient rien moins) de telle furie qu'il les mit tous en route, apres en auoir taillé vn grand nombre en pieces. Entre lesquels fut trouué l'Empereur Nicephore, auquel il fit couper la teste, & le taiz d'icelle fit enchasser en argent, pour seruir cy apres de coupe à boire aux Rois de Bulgarie.

Cependant Stauratius fils de Nicephore estât eschappé tout blessé de la deffaitte precedente, se retira en la ville d'Hadrianopolis, où il se voulut porter pour Empereur, comme ayant ia esté designé Auguste cy deuant par son pere. Mais il fut bien tost aduertie que le Senat de Constantinople s'estoit ia pourueu d'un autre contre luy, qui auoit espousé sa sœur Procopia : à sçauoir de Michel dict Rangabes, Gouverneur ou Superintendant du Palais Imperial (qu'on nommoit lors Curopalate) ce qui luy fit cognoistre, qu'il luy seroit impossible de se maintenir gueres plus longuement en possession de l'Empire. A cause de quoy il s'en demit le 2. ou 5. iour d'Octobre, 2. mois, 10. iours apres le trespas de son pere, qui auoit esté deffait le 24. iour de Iuillet, pour se confiner en vn monastere. Et par sa renonciation, laissa son beau-frere possesseur entier de la dignité Imperiale. Laquelle toutesfois ne luy demeura qu'un an, 9. mois, 9. iours : en l'espace desquels il fit prendre le nom d'Auguste à son fils Theophilaëte avec luy : comme recite le Nicephore Patriarche qui viuoit souz eux, en ses Annales d'Orient : où il declare que Michel commença à regner en l'Indiction 5. qui commençoit à la fin de Septembre de l'an 811. & en l'an de la creation du Monde, selon la supputation Grecque 6304. Mais Michael Glyca & Constantinus Manasses se sont notoirement mescomptez, qui ont estimé que l'Empire de Michael Rangabes dura 1111. ans, 9. mois, 9. iours : si celà n'est venu de la faulte des escriuains. Au reste Jean Scylica Historiographe Grec a commencé ses Annales au temps que ledit Michael commença de regner.

Les trefres qui estoient entre les François & les Danois, furent non-seulement entretenues mais aussi conuerties en paix. Au moyen dequoy l'Empereur Charles enuoya trois armées en autant de cōtrees, pour ranger les affaires d'icelles à sa volonté. Tellement que l'une prit le chemin de la petite Bretagne pour ramener les Bretons en leur deuoir : lesquels souz la conduite d'un Roy nommé Cenulfe qu'ils s'estoient esleuez (combien que leurs Annales l'appellent Machonus) faisoient ia ordinaire de mespriser ses commandemens. L'autre alla visiter le pais des Liuniens ou Helinôs (qui s'estoient declarez ennemis des François) & repara le Fort que les Vvilles auoient ruiné sur la riuere d'Albe. Mais la troisieme fut mencee en Hongrie, pour faire cesser les differends qui estoient entre les Esclauons & Auaros, qui estoient lors souz le regiment d'un Prince nommé Camzance. Cependant il s'en alla luy-mesme visiter l'equippage de l'armée de mer, qu'il faisoit dresser en la coste de la mer Belgique, où il fit reparer la haulte tour qui est aupres de la ville de Boulongne, pour seruir de signal aux nauigeans, comme elle auoit fait anciennement.

Sur la fin de l'année le Prince Charles son fils aîné mourut au pais de Bauier le 4. iour de Decembre, au grand regret de toute la France, pour l'esperance qu'on auoit conceu de sa vertu. De façon que de tous les fils legitimes de l'Empereur, le Roy Louys d'Aquitaine resta seul en vie : lequel auoit en la mesme année fait repasser une armée en Espagne, par laquelle il s'estoit fait rendre la ville de Tortose, que les François auoient failly tant de fois cy deuant à prendre. Anciennes Annales, Aimoinus liu. 4. & liu. 5. chap. 7. Regino, Chronique d'Aymar. Or de ceste conquête faite en Espagne, semblent auoir fait mention Alcuin en une de ses Epistres. *Etiam & eiusdem Christianissimi Regis Duces & Tribuni multam partem Hispania tulerunt à Saracenis quasi per trecenta millia in longum per maritima.* Et Eginard en sa vie, où en recitant les pais & prouinces qu'il reduisit en sa puissance les uns apres les autres, adioute: *Totumque Pyrenæi montis iugum & usque ad Iberum amnem, qui apud Nauarros ortus & fertilissimos Hispania agros secans, sub Derthosa ciuitatis mœnia, Balearico mari miscetur.* Lesquels tesmoignages j'ay bien voulu adiouster pour conuaincre les Histoires Espagnoles, qui nient obstinément que la puissance de Charles ait penetré si auant en Espagne.

ALCAN Roy de Cordouë en Espagne mourut (au rapport d'Antonius Benthier) ceste année, ayant un fils nommé Abderramen ou Addirrama, qui luy succeda à sa couronne : de laquelle toutesfois son oncle Abdalla Roy de Valence le voulut spolier : mais il se maintint en son droit si brauement, que son oncle étant ia fort ancien, se laissa mourir de despit de ne pouuoir venir à chef de ses intentions. Ce qui donna moyen à son nepueu de

de s'en aller avec armée emparer du Roiaume de Valence, l'ostant au fils d'Abdalla. Cependant Roderic de Tolette témoigne qu'Alfonse Roy de Leon gagna en la 30. année de son regne une grande bataille sur ledit Abderrama.

B I O R N O Roy de Suesse enuoya demander environ ce temps à l'Empereur Charles, des Euesques & gens de lettres, pour instruire luy & ses subiects en la Religion Chrestienne, comme recite Ioannes Magnus liu. 17. A cause dequoy Helmodius témoigne qu'on luy enuoya un certain personnage nommé Herbert à ceste fin; qui s'acquitta si bien de ceste charge, qu'il assembla en peu de temps une Eglise, & edifia un Temple en la cité de Lincope: où il fallut luy enuoyer encores d'autres coadiuteurs à plâter la Religion Chrestienne au mesme pais.

M V H A M M A T s'estant rencontré avec l'armée de son frere, perdit une grande bataille contre luy. Au moyen de laquelle il fut contrainct de se mettre d'appointement avec luy: par lequel il se condescendoit à ce que l'Amirauté des Sarrazins fut tellemēt departie entre eux, que l'un & l'autre porta le nom d'Amiras & de Calife. Ce que tous les Sarrazins trouuerent si mauuais, que la plus grande partie de leurs prouinces se retirerent de leur obeissance, & se firent 4. autres Princes: l'un desquels se mit en possession de l'Egypte & de l'Afrique: deux autres de l'Espagne: & le dernier de la Palestine & d'une partie de la Syrie. Niceph. Blondus, Sabellic.

<i>Du Monde.</i>	4949	<i>Papes.</i>	17	<i>R. des Escossois.</i>	15
<i>De Iesus Christ.</i>	812	<i>E. d'Orient.</i>	1	<i>R. des Anglois.</i>	12
<i>Indiction.</i>	5	<i>E. d'Occident.</i>	12	<i>Cal. des Sarrazins.</i>	3
<i>De l'Hegire 197. le 11. de</i>		<i>R. des François.</i>	44	<i>R. des Bulgariens.</i>	5
<i>Septembre.</i>		<i>R. de Leon.</i>	33	<i>Ducs de Venise.</i>	3

L' A R M E E enuoyee par l'Empereur Charles contre les Vvilles, s'y porta si heureusement, qu'elle les contraignit se soumettre à l'obeissance d'iceluy, en baillant ostages de leurs promesses.

C E P E N D A N T le bruit que les Sarrazins d'Afrique & d'Espagne estoient sortiz pour venir faire quelque entreprise sur la coste d'Italie, fit que l'Empereur Charles institua Bernard fils du Roy Pepin Roy d'Italie, & luy donna pour son conseil un fort sage personnage nommé Vualie fils de ce Bernard son oncle, qu'il laissa au siege de Paue, lors qu'il alla premierement à Rome. Par lequel aussi toutes choses furent si bien ordonnees en Italie, que quand les Sarrazins y eurent voulu mettre le pied, tous furent quasi deffaiets. Aimoinus, Ado, Regino.

A u mesme temps Grimoald cy deuant Duc de Beneuent, eut permission par l'Empereur Charles de retourner prendre possession de sa Duché, à condition de là tenir désormais comme vassal & tributaire du Roy. Aimoinus, Blondus.

L O V R S Roy d'Aquitaine fit aussi au mesme temps, à sçauoir (cōme témoigne expressément Aimoinus liu. 5. ch. 8.) l'année d'après la reddition de Tortose, deux ans après la course qu'il fit faire deuant icelle, & trois après que luy-mesme l'eut assiegee, & quatre après la prise de Barcelonne, passer son armée à l'accoustumee en Espagne: où elle assiegea la ville d'Osca, sans la pouuoir prendre. Et après s'estre retiree en la Gascogne, il la remena luy-mesme en personne contre les Gascons des mōts Pyrenees, qui se vouloient lors emanciper de son obeissance. Mais quand ils le virēt pres d'eux, force leur fut de recognoiſtre leur faulte. Neantmoins quand il eut passé outre iusques à Pampelune, qui estoit lors, comme declare le mesme auteur, en la puissance des François, & qu'il y eut fait ce qu'il voulut, & qu'il se fut mis au retour: les Gascons suiuaus leur infidelité coustumiere, se disposerent à le venir charger entre les montagnes. Ce qu'ayant preueu, il les preuint de si bonne sorte, qu'ils eurent peu de moyen de luy nuire. Sur quoy il semble que Roderic de Tolette, Alfonse, Cartagena & les autres Historiens d'Espagne ensuiuiz par P. Æmile, aient voulu fonder le voyage qu'ils disent que Charlemagne fit en personne ceste année en Espagne au mandement du Roy Alfonse, qui promettoit de le faire son heritier ou quel-

MM

qu'un des siens apres sa mort : au retour duquel luy aduint ceste tant renommee deffaiete de l'arriere-garde de son armee en la vallee de Rôceuaux, où l'on dit que le fort Roland son nepueu & les autres Preux de la France moururent. Mais les plus fidelles Historiographes anciens, comme Eginhard, Aimoinus, Ado, Regino & les anciennes Annales nous rendent assez certains, que Charlemagne ne fit autre voyage en personne delà les Pyrenees, que celui que nous auons recité cy deuant. Ioinct que l'aage d'iceluy l'excufoit assez de faire vne si penible expedition en ce temps.

HEMMINGVE Roy des Danois mourut sans enfans. Au moyen dequoy Sigefroy (qui semble estre appellé par Albert Crants Siuuard Ringo) nepueu ou fils de la fille du feu Roy Gottric ou Godefroy, (lequel estoit aussi Roy de Noruegue) se voulut par la faueur des Sialendiens & Scaniens, mettre en possession de sa couronne. Mais les Iuliens luy opposerent Ringon, nommé par noz Historiens Amilon, nepueu du feu Roy Heriold & cousin de l'autre. Lequel voulant faire valoir son droit, mit son armee aux champs, avec laquelle il alla rencontrer son ennemy, de telle animosité qu'ils se tuerent l'un l'autre. Mais la victoire demeura aux gés d'Amilon, qui auoit deux freres, Rainfroy & Hariold; lesquels ils firent Rois. Au moyen dequoy ils enuoyerent incontinent renouveler & confermer la paix & alliance que leur predecesseur auoit faicte avec Charlemagne : selon que tesmoignent d'un consentement noz anciens Historiographes François nommez cy dessus. Ausquels i'adiouste en cecy plus volontiers foy, d'autant que ce que Saxon en escrit, n'en est pas si esloigné que ce qu'Albert Crants en recite, qui nie q Siuuard & Ringon se soient tuez l'un l'autre, ne du viuât de Charlemagne, ne l'annee mesme q Hemmingue mourut. Et est d'aduis que Regnerus fils de Siuuard succeda tout incontinent à son pere, tant au Roiaume de Dannemarc que de Noruege. Combien que les Iuliens luy opposerent vn peu apres (pendant qu'il estoit allé faire la guerre en Angleterre & en Escosse) vn nommé Harald du sang Roial, qui semble estre celui que les precedents appellent Hariold, encore qu'il ne face point mention qu'il fust frere de Ringon.

VNE armee de Pyrates Normans, s'estant aduancee d'entrer en l'isle d'Hybernica, qui appartenoit aux Escossois, fut lourdement repoussée par eux, & contraincte se retirer avec grande perte.

LES Chrestiens viuans souz l'obeissance des Sarrazins, estoient en ce temps fort durement traittez par eux, à l'occasion de leurs guerres ciuiles. Nicephore.

Du Monde.	4950	Papes.	18	R. des Escossois.	16
De Iesus Christ.	813	E. d' Orient.	2	R. des Anglois.	13
Indiction.	6	E. d' Occident.	13	Cal. des Sarrazins.	4
De l' Hegire 189. le 31. d' Aoust.		R. des François.	45	R. des Bulgariens.	6
		R. de Leon.	34	Ducs de Venise.	4

MICHEL, pour estre homme debonnaire & mieux instruit en affaires de paix & de police que de guerre, pourueut si mal à ses affaires, qu'estant contrainct d'aller au deuant des Bulgariens qui estoient entrez dedans la Thrace, & auoient pris la ville de Mesembria, fut honteusement vaincu & mis en route par eux le 22. iour du mois de May. A cause dequoy les Legions le prindrent en tel mespris, qu'elles se reuolterent contre luy, & firent recevoir le nom d'Empereur comme de force à Leon dict l'Armenien fils de Bardas Patrice: à qui cest aduancement aduint (tesmoin Nicephore) le 3. iour de Iuillet, en l'Indiction 6. Ce qui fit tellement desesperer Michel de ses affaires, qu'il renonça pleinement à l'Empire, & se laissa encoffrer en vn Monastere, suiuant l'exemple du Castor qui s'arrache les genitoires quand les chasseurs le poursuiuent. Au moyen dequoy ledit Leon (qui fut 5. du nom) demeura Empereur paisible l'espace de 7. ans, 5. mois, 14. iours, selon que Zonare, Cedrenus, Michaël Glyca, & Constantin Manasses tesmoignent avec Nicephore en ses Annales, lesquelles il finit selon mon exemplaire au temps dudit Leon. Combien qu'O-nufrius estime qu'il a encore supputé le temps d'aucuns autres Empereurs.

L'AGE caduc de l'Empereur Charles, avec la perte de ses autres enfans, luy fit tenir ceste

ceste année vn Parlement general en la ville d'Aix la chappelle. Auquel il declara le Prince Louys son fils (qui portoit le tiltre de Roy d'Aquitaine) son heritier & successeur de tous ses estats & seigneuries, le faisant deslors (qui fut le 25. iour de Decembre: Tegan dit que ce fut vn Dimanche seulement) nommer & saluer Empereur Auguste come luy. Et souz tel tiltre aussi prendre le serment & hommage de tous les Princes & Seigneurs qui se trouuerent à la mesme assemblee. Puis eux deux ensemble & souz le nom d'eux, firent des loix pour le reglement & establisement de ce nouveau regne; entre lesquelles se trouue vn article pour le reglement des Eglises, par lequel ils permettoient au peuple & au Clergé de chaque diocèse, d'eslire librement selon les status des anciens Canons, sans acception de personne, tel Euesque d'entr'eux qu'ils estimeroient estre capable & digne d'une telle charge, par le merite de sa vie & doctrine: afin qu'ils peussent seruir à l'edification de leur Eglise, par exemple & par parole. De laquelle Sigonius a voulu conclure que Charlemagne renonça pleinement au priuilege que le Pape Adrian luy auoit donné sur les eslections des Papes. Mais il semble plustost qu'ils ont voulu remedier aux faultes & abuz qui se pouuoient commettre es eslections, lesquelles il est certain qu'ils ont tousiours laissé faire selon la coustume ancienne; leur ayant esté donné le priuilege precedent sur les Eglises d'Italie & de Rome, & non sur celles de France: ausquelles seules ladicte concession s'adressoit: sinon qu'il leur fut bien permis de pourueoir aucunes fois en cas de necessité aucunes Eglises, signamment les plus honorables: ainsi que nous auons demonstté cy deuant par vne Epistre de Loup Abbé de Ferrieres, où il dit: *Non est nouitium neque temerarium, quod ex Palatio honorabilioribus Ecclesiis Rex procurat Antistites. nam Pipinus à quo per maximū carolum & religiosiss. Ludovicum Impp. ducit Rex noster originem, exposita necessitate regni huius Zacharie Romano Papæ in Concilio cui Martyr Bonifacius interfuit, eius accepit consensum, ut acerbitate temporis industria sibi probatissimorum decessentibus Episcopis mederetur: ne forte simplicitate Pontificum posset contingere quod in hac Eduorum urbe, cuius nunc cura nos exercet, euenit, &c.* Laquelle opinion se voit aussi confermee es articles du Synode tenu à Meaux l'an 845. & en Regino souz 869. où il declare que les Rois de France laissoient coustumierement eslire les Euesques des grandes Eueschez, nonobstant qu'ils se dissent auoir la puissance de les donner quand bon leur sembleroit. Mais toutes les autres eslections se font tousiours faictes selon les anciennes constitutions de l'Eglise, signamment en France, où les Rois en ont autrement vŕe que l'Empereur Lothaire n'a fait au Roiaume de Bourgogne. Car apres qu'on auoit demandé permission au Roy de faire eslection, il nommoit ou designoit quelque Euesque, pour y assister & presider de sa part en tiltre de Visiteur: ainsi qu'il se voit es Epistres de Hincmare Archeuesque de Reims: desquelles on peult apprendre la maniere comme on procedoit esdictes eslections, signamment d'une escrete au Roy Charles le Chauue pour l'Euesché de Senlis vacquante, où il dict: *Venerunt tres Clerici & duo Laici Syluaneŕensis Ecclesiæ ad indignitatem meam, innotescentes eandem Ecclesiam fratre & consacerdote nostro Herpoino defuncto viduatam esse pastore: ferentes etiam ipsius Ecclesiæ tam cleri quam plebis petitionem, ut eis secundum sacras Regulas pastor tribuatur. Quos interrogavi si verbum erat de pace cleri ac plebis ipsius Ecclesiæ, ex aliqua designata persona. Qui responderunt se non aliam petitionem ex parte sociorum afferre, nisi apud solitam misericordiam vestram illis liberam ac regularem electionem obtinere satagerent: quatenus secundum sacras regulas illuc Canonico visitatore directo ab omnibus Ecclesiæ ipsius alumnis valeat eligi, cui debet ab omnibus obediri. Ego autem licet Sacerdotem vestrum Herpoinum per fratrem Hildeboldum compresbyterum nostrum octauo Id. Iunij defunctum audierim, non tamen statui antea dominationi vestre quidquam inde suggerere, aut pro eadem Ecclesia postulare, priusquam secundum regularem morem ab ea legatos acciperem. Puis apres: Propterea domine Reuerendiss. ac clementissime dignetur mihi dominatio vestra sine litteris significare, quam vultis de coepiscopis nostris ut ei ex more litteras Canonicas dirigam: ut visitatoris officio fungens in eadem Ecclesia electionem Canonicam faciat, & aut per se aut per litteras suas Vicario suo differente eandem electionem Canonicam faciat, & aut per se aut per litteras ad me referat, & per me ipsa electio ad dominationis vestre discretionem perueniat. Et en vne autre au peuple de Beauvais: *Electio Canonica à domino nostro Rege vobis solita benignitate concessa. Neantmoins ce que nous venons de reciter ne repugne à ce qu'il a escrit en plusieurs autres de ses Epistres: que Nulla sit ratio vl inter Episcopos habeatur, qui nec à Clericis sunt electi, nec à plebe expetiti, nec à prouincialibus Episcopis cum Metropolitanis iudicio consecrati. Ailleurs: Nullus inuitis detur Episcopus, Cleri & ordinis consensus & desiderium requiratur.* Et croy semblablement que*

MM ij

ny Charlemagne ny les autres Empereurs de sa race ne se sont iamais plus attribuez de puissance sur les eslections des Papes que ce qu'ils auoient sur les Euesques de France. Car elles se sont tousiours faictes souz eux par le Clergé & peuple Romain, y assistant & presidant vn Legat de l'Empereur, cōme visitateur : afin qu'elle se fist sans trouble & corruptiō, apres qu'on l'auoit aduerty & obtenu licence de la faire : & icelle estant faicte, on l'en aduertissoit derechef pour la confermer, deuant que le nouueau esleu fust consacré. Car il ne s'est point veu qu'aucun Empereur François aye donné vn Pape de sa main seule aux Romains, comme ont fait les Empereurs Allemas. C'est pourquoy plusieurs Papes se sont enuoyez excuser de s'estre laissez eslire par les Romains deuant qu'auoir entendu l'aduertissement de la volonté de l'Empereur, ou de s'estre laissez consacrer deuant qu'auoir esté confermez en leur eslection par iceluy.

T E G A N François de nation, Archeuesque de Treues, cōmence ceste annee son Chronicon, qui n'est encore mis en lumiere, des faicts & gestes de l'Empereur Louïs, souz lequel il viuoit. Iceluy m'a esté monstré par monsieur de Sauoye Pithou.

H E R M E N G A R E Comte d'Empus, estant aduerty d'une entreprinse que les Maures d'Espagne estoient allez faire sur la Corseque, les attendre à leur retour aupres de Maillorque; & les trouuant en desordre, en prit tel marché quasi qu'il voulut. Car il leur osta huit de leurs nauires, avec le butin & les prisonniers qu'ils emmenoiēt. Dequoy se pensans aller recouurer sur la coste d'Italie; prirent & saccagerent les villes de Ciuitavechia, & de Nicee en Prouence. Mais ils furent si lourdement traittez en la Sardagne, où ils voulurent aussi venir descendre, qu'ils n'eurent de long temps apres ny l'enuie ny le moyen de s'exposer à telles aduantures. Annales anciennes, Aimoinus, Regino, Blondus & Sabellic.

L E peuple de Vuesterfeldie, qui est la prouince la plus Occidentale du Roiaume de Dannemarc, ne se voulant soubmettre à l'obeissance des deux Rois, fut ceste annee dompté & subiugué par eux. Mais les Sudoniens ou Sueffiens leur vindrent dresser vn autre mesnage à leur retour. Car ayans retiré deuers eux de long temps les fils du feu Roy Godefroy, s'armerent ceste annee pour leur restitution. Et se porterent si heureusement en ceste entreprinse, qu'ils deffirent non-seulement l'armee des deux freres, à sçauoir de Rainfroy & de Hariold, mais aussi les expulserent du Roiaume de Dannemarc: où ils reestablishent leldits enfans de Godefroy, comme les auteurs precedents recitent. Cependant toutesfois Albert Crants n'est point d'aduis que Heriold ou Harald ait esté expulsé par d'autre que par Regnerus fils du feu Roy Suiuard, qui estoit aussi Roy de Neruegue. Parquoy il se peult faire que noz auteurs l'ont cōprins souz l'vn des fils du Roy Godefroy, ou que c'est luy que nous nommerons cy apres Horic.

E D E L V V O L P H E dernier Roy de Kentz en Angleterre, se laissant vaincre en guerre par Egbert Roy des Saxons Occidentaux, perdit son Roiaume, que son ennemy annexa au sien, 365. ans apres l'arriuee des Anglois en la Bretagne. Polidore Virgile.

V N E armee de Sarrazins souz la conduite de Thebith, alla courir dedans les prouinces de l'Empire, où elle fut deffaicte par Leon Armenien, qui n'estoit lors que Lieutenant de l'Empereur Michel. Nicephore.

C I N Q Conciles prouinciaux furēt de l'auctorité de l'Empereur Charles, celebrez ceste annee en autant de villes de son Empire, pour la reformation des gens d'Eglise: à sçauoir à Majence, à Reims, à Tours, à Arles, & à Chaallons sur la Saone. Sigebert.

<i>Du Monde.</i>	4951	<i>Papes.</i>	19	<i>R. des Escossois.</i>	17
<i>De Iesus Christ.</i>	814	<i>E. d'Orient.</i>	1	<i>R. des Anglois.</i>	14
<i>Indiction.</i>	7	<i>E. d'Occident.</i>	1	<i>Cal. des Sarrazins.</i>	5
<i>De l'hegire 199. le 20.</i>		<i>R. des François</i>	1	<i>R. des Bulgariens.</i>	7
<i>d'Aoust.</i>		<i>R. de Leon.</i>	35	<i>Ducs de Venise.</i>	5

L E S Bulgariens affriandez de tant de prosperitez qui leur estoient cy deuant aduenues en la Grece, se vpulerent encore hazarder plus auant. De sorte qu'ils se vindrent ceste annee à grande armee camper deuant la cité de Constantinople, estimans que tout s'y deust presenter à souhait pour eux comme auparauant. Mais d'autant que celà les rendoit plus nonchallans

nonchallans de se donner garde de leurs ennemis, aussi faisoit-il auoir plus de moyen à l'Empereur Leon de les surprendre. Dont il les prit vn iour si à poinct par vne faillie qu'il fit sur eux, qu'il leur rendit à peu pres pour vn coup ce qu'ils auoient presté à ses predecesseurs. Somme qu'ils furent tous mis en defarroy, & leur Roy Chramne fort blessé contrainct se retirer honteusement en son pais. Nicephore, Cedrenus, Zonare, Aimoinus, Regino.

CHARLES surnommé pour ses grands faicts le Grand, ayant par sa vaillance ramené l'Empire en Occident, & augmenté (comme disent les Historiens) la Chrestienté de Temples, d'Eglises, de vertuz, & de Regions, deceda de ce siecle à Aix la Chappelle, (où il faisoit son plus coustumier sejour, quand il n'estoit empesché ailleurs) le 28. iour de Ianuier, en l'Indiction 7. en la 72. annee de son aage, 46. de son regne des François, 43. de son regne sur les Lombards, & 14. de son Empire: comme son epitaphe, Eginhard, Aimoinus, Ado, Regino, Othon de Frising, & autres tesmoignent. Selon lesquels aussi le Prince Louis son fils (cy deuant Roy d'Aquitaine) luy succeda, tant à l'Empire Romain qu'au Roiaume de France. De sorte qu'on fait compte qu'il a regné depuis le trespas de son pere iusqu'au sien l'espace de 26. ans, 4. mois, 24. iours: luy estant le surnom de Debonnaire donné, à cause de sa debonnaireté de mœurs, & du grand zele qu'il auoit enuers les Eglises, qui le firent sembler digne d'estre comparé à Numa & à Antonin le Debonnaire. Mais d'autant qu'il se veit grandement inferieur à son pere en generosité d'esprit, en magnanimité de cœur, en prudence & experience militaire: aussi celle force & vigueur de vertu, qui auoit accompagné ses pere, ayeul, & grand ayeul à l'accomplissement de tant de haults faicts & entreprises, commença de degenerer & flestrir grandement en luy, avec la diminution & decroissement de l'honneur, reputation & grandeur du nom & de l'Empire des François. Si est-ce pourtant qu'il commença de gouverner ses affaires par vne grande prudence: car il donna premierement vn bon ordre à ce qui estoit necessaire pour le gouvernement d'Italie & de la France: commettant le gouvernement du Roiaume de Bauiere au Prince Lothaire son fils aîné: & au Prince Pepin: à l'autre de ses fils le Roiaume d'Aquitaine. Et apres auoir instruit le Prince Bernard son nepueu à bien gouverner le Roiaume d'Italie, & renouellé & ratifié les traittez de paix que son pere auoit faicts avec l'Empereur de Constantinople & autres Princes estrangers, depescha gens d'eslite pour aller par toutes les prouinces de son appartenace, rendre la iustice à vn chacun: lesquels s'appelloiēt Enuoyez, en Latin *Missi Dominici & Regales*. Lesquels nous pourrions mieux dire Gouverneurs & Lieutenans pour le Roy, ou plustost Commissaires: desquels la charge estoit en visitant les prouinces qui leur estoient departies, de s'enquerir soigneusement de l'estat des affaires, comme se comportoient les Euesques, Abbez, Abbesles, & autres personnes Ecclesiastiques: ensemble les Comtes ou Iuges des lieux: aduiser à ce que les Eglises & Monasteres fussent fournies de Vidames & Aduoyers preud'hommes, & que les iustices tant Roiales qu'Ecclesiastiques fussent bien & deuëment administrees, faire raison à vn chacun sur sa plainte & doleance; & generalement pouruoir à tout ce qui leur seroit possible: & du surplus à quoy ils ne pourroient donner ordre, le renuoyer au Roy, & luy en faire rapport fidelle. En ceste charge estoient lors ordinairement employez les Clercs, comme Euesques & Abbez, avec quelques autres des principaux de la Cour. Teganus, Aimoinus, anciennes Annales.

Les deux freres expulsez de Dannemarc trouuerent moyen de faire quelque leuee de gens pour recouurer leur droit. Mais le contraire leur aduint, pource qu'ils furent detachef desconfits par leurs ennemis, lesquels toutesfois perdirent l'aîné des fils du Roy Godefroy, en recompense de Rainfroy, qui fut aussi tué. De sorte que Hariold ou Harald demeuré seul hors de pouuoir de se remettre au dessus, fut contrainct se retirer vers l'Empereur Louys pour auoir secours de luy, selon l'alliâce que son pere auoit faicte avec l'Empereur Charles. Autheurs precedents.

CHARLEMAGNE vn peu deuant son trespas, fit conferer & corriger la version Latine des 4. Euangelistes, sur le texte Grec & Syriaque: tesmoin Teganus.

MM iij

<i>Du Monde.</i>	4952	<i>Papes.</i>	29	<i>R. des Eſcoſſois.</i>	18
<i>De Ieſus Chriſt.</i>	815	<i>E. d'Orient.</i>	2	<i>R. des Anglois.</i>	15
<i>Indiction.</i>	8	<i>E. d'Occident.</i>	2	<i>Cal. des Sarrazins.</i>	1
<i>De l'Hegire 200. le 9.</i>		<i>R. des François.</i>	2	<i>R. des Bulgariens.</i>	8
<i>d'Aouſt.</i>		<i>R. de Leon.</i>	36	<i>Ducs de Veniſe.</i>	6

L'EMPEREUR Leon, à la perſuaſion (comme on dit) de quelques moines qui luy auoient autresfois prediſt qu'il paruiendroit à l'Empire, commença derechef à faire la guerre aux images & aux Iconolâtres, c'eſt à dire aux deſenſeurs & adorateurs d'icelles. De forte qu'il fit vn edict, par lequel il commandoit de les mettre toutes bas. Et pource que le Patriarche Nicephore ne ſe voulut condeſcendre à ſes intétions, il le depoſa, & enuoya en exil, ſubſtituant en ſon lieu vn ſien familier nommé Theodote, qui preſida au Patriarchat de Conſtantinople 6. ans : ſelon que Zonare & Cedrenus recitent. Leſquels en toutes vertuz ont grandement recommandé la memoire de ceſt Empereur, excepté au faiſt des images, deſquelles ils ont eſté deſenſeurs. A cauſe dequoy Zonare avec aucuns autres eſcriuent, qu'il fut excommunié par le Pape de Rome, dont il ſe mocqua, diſant: C'eſt luy-meſme qui eſt excommunié de Dieu, pourtant qu'il eſt idolatre.

L'EMPEREUR Louys voulut ſe ſeruir des Saxons à la reſtitution qu'il ſe deliberoit faire du Roy Hariold en ſon Roiaume, les remit, & les Frizons quant-&-quant en leur premier droit de teſter & d'heriter à leurs parents, duquel ils auoient eſté priuez cy deuant par Charles pour leurs rebellions, eſtant allé tenir vn Parlement general dedans leur païs. Qui fut cauſe de les rendre touſiours depuis plus fideles & obeiffans aux François. De forte auſſi qu'ils ſe trouuerent en fort bon equippage avec les Abodrites pour aller recôduire le Roy Hariold en ſon Roiaume, ſuiuant le commandement de l'Empereur. Mais quand ils furent entrez dedans les auenuës du Roiaume de Dannemarc, du coſté de la Sialandie, leurs ennemis, ſe preſenterent ſi forts deuant eux, ſans toutesfois faire mine de vouloir rien hazarder qu'à leur aduantage, qu'il n'y eut moyen de faire quelque choſe à l'aduancement de la cauſe de Hariold. Anciennes Annales, Teganus & Aimoinus. C'eſt ce que Claude l'Eſcoſſois a voulu dire en la Preface de ſon Commentaire ſur S. Matthieu, eſcrivant que l'Empereur Louys enuoya vne armee contre les nations Barbares en la ſeconde année de ſon regne.

EN la meſme année la paix qui eſtoit entre l'Empereur Louys & le grand Miramolin d'Eſpagne fut rompuë, trois ans apres qu'elle luy eut eſté accordee, pource qu'on veit qu'il ne l'obſeruoit pas fidellement. A cauſe dequoy la guerre luy fut derechef declaree. Auteurs precedents.

A FORTVNIVS Roy de Sobrarbie & Comte d'Arragon decedé, ſucceda ſon fils nommé Dom Saucio Garcias, qui fut dernier Roy de Sobrarbie, où il regna dix ans, ou ſelon Valæus vingt : en l'eſpace deſquels on dit qu'il fut aſſez heureux contre les Sarrazins, pource qu'il conqueſta ſur eux (à ce qu'ils diſent) le païs de Nauarre. Franc. Tarafa. Mais il faudroit que ce fuſt apres que les François l'eurent abandonné ou perdu. Mais il ſe pourroit bien faire que luy & ſon pere en auroient eſté Gouverneurs pour le Roy Charles.

HABDALLAS ayant mis ſon frere en fuite, demeura poſſeſſeur total du Roiaume des Perſes & de l'Empire Oriental des Sarrazins, l'eſpace d'environ 17. ans, ſelon le compte de Sigebert & de Funccius : eſtans cepédant les autres prouinces des Sarrazins occupees par l'autres Princes. A cauſe dequoy les Chreſtiens qui viuoient en ce temps ſouz leur obeiffance, eſtoient miſerablement traittez & affligez.

ESTANT le Pape Leon tombé en vne grande maladie, la populace de Rome ſe mutina ſi deſpiteuſement contre luy, qu'elle alla piller, ſaccager & bruſler toutes les metairies qu'il auoit nouuellement fait conſtruire es terroirs de toutes les villes : & puis ſ'en reuint à Rome, pour retirer de luy par force ce qu'il auoit vſurpé ſur eux. Mais Bernard Roy d'Italie enuoya Viginife Duc de Spolet avec main forte, qui appaiſa ceſte ſedition.

Du Monde.

<i>Du Monde.</i>	4953	<i>Papes.</i>	1	<i>R. des Escossois.</i>	19
<i>De Iesus Christ.</i>	816	<i>E. d'Orient.</i>	3	<i>R. des Anglois.</i>	16
<i>Indiction.</i>	9	<i>E. d'Occident.</i>	3	<i>Cal. des Sarrazins.</i>	2
<i>De l'Heure 201. le 29. Juillet.</i>		<i>R. des François.</i>	3	<i>R. des Bulgariens.</i>	9
		<i>R. de Leon.</i>	37	<i>Ducs de Venise.</i>	7

Les Esclavons Sorabes festimans par la mort de Charles affranchis de l'obeissance qu'ils deuoyent aux François, voulurent en ce temps remuer meünage. A cause dequoy l'Empereur enuoya les Austrasiens & Saxons contr'eux; qui se porterent son leur intention en ceste charge si heureusement, qu'ils firent sans grande peine reuenir les rebelles au point auquel ils estoient au parauant. Comme aussi fit l'autre armee, qui alla contre les Gascons au mesme temps: pource qu'ils s'estoient rebellez & mutinez a l'occasion de leur Duc Seguin, que l'Empereur leur auoit osté pour ses maluerfations. De sorte qu'il leur fut seulement laissé le moyen de se repentir d'auoir trop tard reconnu leur faute. Teganus, Inno. ancien. Annal.

AMBVLAS ou Abuzali (selon les autres Alcan, selon les autres Hali Hatan) Roy de Cordouë & de la principale partie d'Espagne, dont il se disoit Miramolin, mourut, comme semble auoir voulu monstrier Aimoinus) en ce temps, ayant vn fils nommé Abdirramen (outre 18. autres) qui luy succeda, & enuoya ceste annee demander l'alliance de l'Empereur Loys, ou bien vn renouvellement de paix avec luy, à cause que la guerre auoit esté declarée à son pere, qui pour ceste occasion s'emparoit (comme disent les histoires d'Espagne) d'aller assieger la ville de Barcelonne au temps qu'il mourut. On dit que ce fut luy le premier qui ordonna par vn edict que les fils des Maures pourroient d'oresnauant succeder aux biens de leurs peres: pource que les freres & les estrangers souuentesfois en heritoient au paruant.

Le Pape Leon mourut, tesmoin Onufrius, ceste annee le 11. Iuin: combien qu'Aimoinus & autres ont escrit le 5. des Kal. de Iuin. Tant y-a ce pendant qu'on luy donna vn successeur dès le 2. iour de Iuillet, qui fut nommé Estienne 4. deuant qu'on fust aduertie de la volonté & intention de l'Empereur. A cause dequoy il se transporta tout incontinent en France, tant afin de faire receuoir ses excuses à l'Empereur, que pour impetrer aussi le retour à aucuns bannis de Rome. Mais deuant qu'auoir congé d'aller reuoir l'Italie, l'Empereur se fit par luy donner la couronne Imperiale vn iour de Dimanche le 29. d'Octobre en la ville d'Aix: ou (selon que tesmoigne Hincmare Archeuesque de Reims en vne de ses Epistres au Pape Adrian) à Reims, ce qui est confirmé par Teganus: & pource qu'il fit preuue en ce voyage de la debónaireté & mansuetude de ce Prince, elle le fit (comme on dit) encore tant presumer, qu'il osa faire vne ordonnance, par laquelle declarant estre licite au Senat & au Clergé de Rome d'eslire le Pape (nonobstant qu'il reseruast la confirmation & approbation d'iceluy à l'Empereur) le priuoit toutesfois du droit qu'il auoit en l'election des Papes: laquelle ordonnance neantmoins il ne peut pas faire venir à effect deuant son trespas, qui fut 6. mois 23. iours apres son election. Si toutesfois il est vray qu'il l'ait oncques faite. Car on peut voir en Guitard qui viuoit en ce temps-là, que trois Papes successiuelement vindrent en France pour s'excuser à l'Empereur qu'ils auoient esté contraincts par le Clergé de Rome d'accepter la dignité Papale, le suppliant de l'auoir pour agreable. Ce qu'il fit de peur d'irriter le Clergé, qui auoit lors vne merueilleusement grande auctorité. On aura aussi recours à ce que nous auons dit cy deuant de ces elections. Ioint que Teganus qui voit lors, tesmoigne ce que *Stephanus statim pontificatum suscepit, insit omnem populum Romanum fidelitatem cum sacramento promittere Ludouico.*

MM iij

<i>Du Monde.</i>	4954	<i>Papes.</i>	1	<i>R. d'Escoffe.</i>	20
<i>De Iesus Christ.</i>	817	<i>E. d'Orient.</i>	4	<i>R. d'Angleterre.</i>	17
<i>Indiction.</i>	10	<i>E. d'Occident.</i>	4	<i>Cal. des Sarrazins.</i>	3
<i>De l'Hegire 202. le 19. Iuillet.</i>		<i>R. des François.</i>	4	<i>R. des Bulgariens.</i>	10
		<i>R. de Leon.</i>	38	<i>Ducs de Venise.</i>	8

A v Parlement general tenu à Aix la Chappelle l'Empereur Loys declara le Prince son fils aîné Empereur Auguste comme luy, & pour son adioinct en la mesme dignité: de sorte qu'il le fit aussi couronner souz tel nom. Mais il fit prendre le tiltre de Roy à ses deux autres fils, donnans pour appannage le Royaume d'Aquitaine à Pepin. Et à Loys la Duché de Bauiere. La ialouzie dequoy fut possible cause à Bernard Roy d'Italie, de se laisser induire à rebellion contre l'Empereur son oncle: qui pour obuier à ses entreprinſes fit soudainement passer les Alpes a vne armee, par laquelle le pauvre Roy Bernard se trouua reduit si au despourueu, qu'il ne luy resta meilleur conseil que de s'aller presenter à la mercy de son oncle. Qui toutesfois par sentence de son conseil luy fit creuer les yeux, de la douleur desquels il se laissa mourir le 17. iour du mois d'Auril de l'annee ensuyuant (selon que telmoigne son Epitaphe qui est à Milan en ceste sorte. *BERNARDVS CIVILITATE MIRABILIS, CÆTERISQVE PIIS VIRTVTIBVS, INCLYTVS Rex hic quiescit. Regnavit annis 4. menses 5. obiit 15. Cal. Maij. Indictione 11. filius pie memorie Pipini.*) Combien que Teganus & autres afferment qu'il mourut trois iours apres avoir perdu les yeux, ayant vn fils (comme dit Regino) nommé Pepin qui fut pere de Bernard Pepin & Heribert: duquel aussi nasquit Heribert Comte de Vermandois qui fit en ses prisons mourir le Roy Chales le simple. Ce pendant la reuolte des Abodrites transalbiens souz la conduite de leur Roy Sclaomir, qui auoit succedé à Trasicon, fit entendre l'Empereur Loys à eux: de sorte qu'il fit aller vne armee contr'eux, qui les fit retourner à recognoissance de leur faute: sans que l'alliance qu'ils auoient faite avec les fils du Roy Godefroy de Danemarck ny leurs secours y peust mettre aucun empeschement. Aimoinus, ancien. Annales, Regino.

EN ce temps Bratemund 101. Roy de Sueſſe & de Gotlandie regnoit, sans toutesfois qu'on ſache ny combien ny en quelle annee, mais tant y a que ce fut souz l'Empereur Loys, ayant succedé à son pere Biorno ou Bero, qui luy laissa aussi vn frere nommé Fro, ou Siuard. Lequel pretendant droict en la succession de son pere comme luy, le voulut decider par armes, de sorte qu'ils se donnerent bataille, où Bratemund fut occis, nonobstant qu'il eust le Roy de Noruerge à son secours. Au moyen dequoy Siuard ou Fro, demeura possesseur total du Royaume de Sueſſe: tenant le 102. lieu entre les Rois. Et ne se contentant point de ceste premiere prosperité, se voulut encore resentir de l'assistance que le Roy de Noruerge (nommé aussi Siuard) auoit faite à son frere, l'alla chercher iusques dedans son Royaume, où il le desconfit & mit à mort. Et puis s'empara de son Royaume, qu'il annexa au sien. Lequel fut en fin cause de sa ruine, pource que traitant trop tyranniquement les Noruergiens & leurs femmes, ils se rebellerent contre luy, prenans Regnier Roy de Dannemarc à leur aide: par le moyen duquel ils recouurerent non seulement leur liberté, mais aussi se despecherent de leur tyran, l'ayant occis en vne rencontre. A cause dequoy les Sueſſiens se firent vn autre Roy qui se nommoit Herot: lequel fut le 103. de leurs Rois. Et eut en son temps guerre contre ledit Roy Regnier de Dannemarc, pour raison de la Scoringie. Ioan. Magnus. li. 17. ch. 3. 4. 5.

ESTANT le Pape Estienne decedé enuiron le 24. iour de Ianuier, les Romains sans attendre la volonté de l'Empereur esleurent dès le 28. iour du mesme mois Paschal fils de Bonose natif de Rome en son lieu. Lequel enuoya tout aussi tost (comme auoit fait son predecesseur) faire entendre ses excuses à l'Empereur, le priant de confermer & ratifier les donations & oſtrois faits à ses predecesseurs (ainsi qu'Aimoinus liu. 4. recite, où il declare que l'Empereur les luy accorda sans en dire d'auantage. Surquoy les Historiens d'Italie ont mis en auant, que l'Empereur gagné par les belles remonstrances de Paschal, renonça par mesme moyen tout plainement à la puissance qu'il s'attribuoit sur l'election des

des Papes la remettant entre les mains du Clergé & du peuple, comme elle estoit au paravant: de laquelle renonciation mesmes ils disent qu'il se fit donner lettres signees & sceelées du seau de l'Empereur: desquelles Volaterran en sa Geographie & Charles Sigon en l'histoire d'Italie ont exhibé la copie en la forme qu'ils se persuadent, qu'elle a esté faite, qui se voit contenir avec ladite renonciation, la confirmation & ratification de tous les octrois faits cy deuant par Charles & Pepin au siege Romain. Mais comme ie ne voudrois pas nier que Loys n'ait confirmé au Pape Paschal les octrois & donations faites par ses predecesseurs au siege Romain, & qu'il ne les ait amplifiées & augmentées: aussi ne voudrois-je pas accorder que la forme en laquelle il les conferma, soit celle-là mesme qu'on nous propose au iourd'huy: tant pource qu'elle ne s'est point veüe effectuée souz le mesme Empereur & souz ses successeurs pour le regard de la renonciation du droit sur l'élection des Papes. Telsmoin ce qu'en escrit Guittard, & ce que nous en alleguerons cy apres d'Aimoinus souz l'an 827. Ioint ce qu'en a dit Guiciardin, que l'élection du Pape s'est tousiours confirmée par les Empereurs, souz le nom desquels se gouvernoit non seulement la ville de Rome, mais aussi les Papes mesmes par leurs bulles, priuileges & concessions qu'ottoient le temps d'icelles par ces paroles expressees, *Imperante Carolo ou Ludouico Imperian. Domino nostro*, sans qu'ils ayent aussi cessé de continuer en ceste recognoissance & subiection, deuant que la Majesté & puissance des Empereurs de la race de Charlemagne commençast à s'écouler & diminuer: que pour autant que nous auons autheur lequel nous alleguerons cy apres, qui viuoit souz l'Empereur Loys fils de Lothaire, & qui declare expressement que ce fut Charles le Chauue qui renonça le premier au droit de l'élection des Papes, & à la pluspart des autres points qui sont faussement attribuez à Loys par la pretendue renonciation.

METHODIUS d'Illyrie & Cyrillus florissoient en ce temps, auquel grand nombre d'Esclauons & de Polonois se cōuertirent à la religion Chrestienne par leur predication: de façon qu'ils dresserent plusieurs Eglises & temples en leur pays, où ils faisoient celebrer le seruice diuin en langue vulgaire. Chron. de Pologne, Onufrius,

Du Monde.	4955	Papes.	2	R. des Escossois.	21
De Iesus Christ.	818	E. d'Orient.	5	R. des Anglois.	18
Indiction.	11	E. d'Occident.	5	Cal. des Sarrazins.	4
De l'Heure 303. le 8. Iuillet.		R. des François.	5	R. des Bulgariens.	11
		R. de Leon.	39	Ducs de Venise.	9

L'EMPEREUR Loys apres auoir fait par le iugement d'un Synode chastier les complices de la rebellion de Bernard Roy d'Italie, mena son armee en personne en la petite Bretagne, qui s'estoit souleuee contre luy à la sollicitation d'un seigneur nommé Morman ou Murman, qui s'en disoit & intituloit Roy sans son consentement. Et se pensoit si fort, qu'il s'y osa presenter en bataille deuant l'armee des François, par laquelle il fut avec ceux qui se voulurent opiniastrer pour luy, taillé en pieces. Au moyen dequoy ne restant plus en tout le pais qui eust encore le pouuoir ou la hardiesse de se formaliser cōtre l'Empereur, force fut à tous les Bretons de se remettre à viure souz les loix & ordonnances. Parquoy partant de leur contree vint respondre aux Ambassadeurs de Sigon Duc de Beneuent, qui le venoient excuser de la mort de Grimoald son predecesseur: ensemble aussi à ceux des Abrodites & des Gouverneurs des marches de Hongrie & de la Dalmatie, qui luy venoient faire entendre le different qui estoit suruenu entre Lindeutte Gouverneur du pays d'Austrasie, & Cadale ou Cadolac Comte de la marche Treuifine: de sorte qu'ils s'estoient donnez bataille, de laquelle Lindeutte auoit eu pis. Et pource s'accusoient l'un l'autre enuers sa maiesté. Teganus, Aimoinus, Sigebert, & Paul Æmile.

CLAUDE Euesque de Turin Espagnol de nation florissoit en ce temps, estant fort connu & renommé en la cour de l'Empereur. Ionas toutesfois Euesque d'Orleans au liure qu'il a escrit contre luy pour la defense des images, tesmoigne qu'il fut déclaré heretique par le Pape Paschal, pource que tant par presches que par escrits, nommément par vne

epistre qu'il auoit écrite à l'Abbé Theodmir, il maintenoit estre erreur & idolatrie de porter honneur & reuerence aux images & peintures, mesmement de les tolerer dedans les temples. Que c'estoit superstition d'aller en pelerinage à Rome, & de visiter les reliques des Saincts par maniere de deuotion. Outreplus aussi de ce qu'il debattoit de la primauté du Pape, alleguant que celuy-là seulement se pouuoit iustement appeller Apostolique, qui accomplissoit l'office de l'Apostre, plustost que celuy qui presidoit en la chaire de S. Pierre.

<i>Du Monde.</i>	4956	<i>Papes.</i>	3	<i>R. d'Escoffe.</i>	32
<i>De Iesus Christ.</i>	819	<i>E. d'Orient.</i>	6	<i>R. d'Angleterre.</i>	19
<i>Indiction.</i>	12	<i>E. d'Occident.</i>	6	<i>Cal. des Sarrazins.</i>	6
<i>De l'Hegire 204. le 27. Iuin.</i>		<i>R. des François.</i>	6	<i>R. des Bulgariens.</i>	12
		<i>R. de Leon.</i>	40	<i>Ducs de Venise.</i>	10

S L A O M I R Roy des Abrodites s'estant rebellé contre l'Empereur, fut ceste année defconfit en vne grosse bataille par vne armee des François Orientaux & de Saxons, qui aussi l'amenerent prisonnier à l'Empereur: qui pour le salaire de sa rebellion l'enuoya en exil, donnant son Royaume à Ceadragon fils du feu Traficon.

C E P E N D A N T vne grande querelle suruint entre les Gouverneurs & Lieutenans de l'Empereur en la Gascongne. A l'occasion de laquelle les Comtes Berengier de Tolose & Guerin d'Auuergne donnerent vne cargue à Loup Duc de Gascongne: & l'ayants bien lourdement testonné, le vindrent encor accuser deuant l'Empereur de ses maluerfations qui furent trouuees si veritables, qu'il fut en reparation d'icelles adiugé à l'exil.

L' E M P E R E U R Loys estant sa premiere femme decedee, il prit en seconde nopces Iudith, fille de Huelpe ou Vvelphe, Comte comme on dit Altorf & de Rauensberge ou selon Auentin de Suaube, Tegan dit de la lignee des Princes de Bauiere, & de par sa mere des Princes de Saxe, qui auoit vn frere nommé Henri, à qui elle fit donner en sa faueur la Duché ou gouvernement de Bauiere, duquel on dit estre issué de la lignee des Ducs de Brunswig. Selon l'Abbé d'Vrsperg, & Albert Crants. Combien que ledit Auentin luy donne seulement deux freres Conrad & Rodolfe: la posterité desquels obtint cy apres possession du pays de Bauiere. Tant y-a qu'on conuient qu'elle gaigna si bien par ses mignotises l'Empereur son mary, que la tragedie qui se recitera cy apres s'en ensuyuit.

L E S Abodrites reconduirent par le commandement de l'Empereur le Roy Heriold en son Royaume: où deux des fils du feu Roy Godefroy le vindrent trouuer pour le seconder à chasser leurs deux autres freres, afin qu'ils regnassent par egalité avec luy. Aimoins.

L E Duc Patriciat de Venise de deux fils qu'il auoit, en enuoia l'un qui se nommoit Iustinian vers l'Empereur Leon à Constantinople: & fit ce pendant que l'autre nommé Iean luy fut associé au gouvernement de la Republique. Ce que l'autre prit tellement à cœur, qu'il ne se voulut à son retour presenter aucunement deuant son pere: qui pour le rapaiser voulut faire deporter l'autre de la dignité qu'il luy auoit moiennee: & en son refus le fit par le peuple condamner à exil, afin de reprendre son frere avec luy. Sabellic.

A C H A I V S Roy d'Escoffe mourut. Au moyen dequoy son Royaume reuint, suyuant la coustume d'iceluy (nonobstant qu'il eust deux fils) à Conual son cousin, fils de Dongal frere du Roy Elfin, qu'il regna pacifiquement l'espace de 5. ans ou enuiron. Hector Boëthius liu. 10.

Du Monde

<i>Du Monde.</i>	4957	<i>Papes.</i>	4	<i>R. des Escossois.</i>	1
<i>De Iesus Christ.</i>	820	<i>E. d'Orient.</i>	7	<i>R. des Anglois.</i>	20
<i>Indiction.</i>	13	<i>E. d'Occident.</i>	7	<i>Cal. des Sarrazins.</i>	7
<i>De l'Heure 205. le 16. Juin.</i>		<i>R. des François.</i>	7	<i>R. des Bulgariens.</i>	13
		<i>R. de Leon.</i>	41	<i>Ducs de Venise.</i>	11

MICHEL surnommé le Begue ou le Tranle, natif de Phrygie, Comte du Palais de l'Empereur de Constantinople, se trouua conuaincu enuers l'Empereur Leon d'auoir cōspiré contre luy. A cause dequoy il fut par sentence des Iuges adiugé à mort. Laquelle eust esté executée le propre iour qu'elle fut prononcée, qui fut le 24. de Decembre, sans la reuerence de la solemnité du lendemain: ou comme autres disent sans les prieres de l'Imperatrice sa femme, qui intercedoit pour iceluy. Qui fit trouuer moyen au condamné de corrompre ses gardes & de les gagner, si bien qu'ils le seconderent à massacrer l'Empereur dedans le Temple, assistant aux matines qu'on a accoustumé de chanter la veille de Noël: & s'empara aussi par mesme moyen de l'Empire & de la cité de Constantinople tout ensemble, sans que personne se presentast pour luy donner empeschement. De maniere que l'Empire fut en ceste sorte occupé & detenu par luy depuis le commencement de l'an 921. iusques à son trespas l'espace de 8. ans, 9. mois, deux iours. Comme Nicephore & Zonare tesmoignent. Qui semble aussi estre le nombre que Cedrenus & Ioannes Curopalates ont voulu suiure au lieu de 9. ans, 8. mois. Au reste ceux qu'on appelloit Iconolâtres esperants que cest Empereur deust estre zelé à l'adoration des images, le voulurent solliciter à les remettre sus. Mais il protesta qu'il ne changeroit rien en la religion, & qu'il ne contraindrait personne de croire de Dieu sinon ce qu'il voudroit. Dont tous les Historiens confessent qu'il a bien esté ennemy des images, sans user toutesfois de violence ny de contrainte enuers ceux qui se formalisoient pour icelles. Et qu'il fit vn edict, par lequel il defendoit estroittement qu'on ne donnast le nom de saint à aucune image quelle qu'elle fust en aucun lieu peinte ou taillee, alleguant que les noms de Saint ne conuiennent qu'à vn seul Dieu.

L'EMPEREUR Loys indigné de se voir braué par Luideutte, fit marcher trois armées contre luy en la Pannonie. Qui ne firent que gaster & riffler le pays: pource que Luideut ou Lindeut cognoissant son impuissance, se contenta de garder & defendre les places fortes, laissant la campagne à l'ennemy. Mais cela fit que ses alliez & les peuples voisins de la Carinthie le laisserent pour se remettre souz l'obeyssance de l'Empereur. Aimoinus, Teganus.

La paix faicte entre les Frâçois & Abderramen fils d'Ambulaz Roy & Miramolin des Maures d'Espagne fut rompuë, & guerre commencée entr'eux. Auquel temps aussi Bera Comte de Barcelonne estant accusé d'infidelité enuers l'Empereur, & ne s'en pouuant iustifier, mesmement ayant esté vaincu en camp clos par son accusateur, fut enuoyé en exil par la grace que luy fit l'Empereur, qui cōuertit le supplice de la mort (auquel il estoit adiugé) en ceste peine. Parquoy l'Empereur mit vn autre Gouverneur de la marche d'Espagne en son lieu, que i'estime auoir esté ce Bernard duquel nous parlerons cy apres. Lequel tous les Historiens Espagnols ont mal estimé auoir esté le premier Comte de Barcelonne: d'autant que ce Bera le fut deuant luy, qui laissa vn fils nommé Vilemund, qui se reuolta avec Aizon cōtre l'Empereur l'an 827. Parquoy ceux se sont aussi lourdement trompez, qui ont pris cest Aizon pour le Bera duquel nous parlons: & qui ont escrit qu'il fut enuoyé en exil pour auoir trahy la ville de Barcelonne dès l'année precedente au Roy de Cordoue, des mains duquel elle fut retiee ceste cy par le Comte Bernard: puis que nous ne voyons estre faite aucune mention de ceste prise & reprise en noz auteurs. Cōbien qu'il se peut faire que Bera s'estoit laissé pratiquer pour la rendre aux Maures: & que son entreprise estant descouuerte il en fut accusé, & guerre aussi declarée pour la mesme occasion, non au Roy Ambulaz, comme il est escrit en Aimoinus, mais au Roy Abderramen son fils: pource que le mesme auteur auoit dit auparauant cest Abderramen l'auoit enuoyé demander cinq ans au parauant. Dōt nous estimōs qu'elle luy auoit esté accor-

dce, & qu'elle fut rompuë, pource qu'il ne la gardoit pas sincerement, ayant voulu entreprendre sur Barcelonne. Tellement que commandement fut fait aux Gouverneurs de la marche d'Espagne de faire tout le pis qu'ils pourroient aux Maures.

VNE troupe de Pirates Normans & Danois, aborda ceste annee en la coste de Flandres & d'Aquitaine, où ils saccagerent quelques villes & emporterent vn grand butin. Aimoinus.

CHRYMNE Roy de Bulgarie cessa ceste annee de regner selon Sigebert, qui finit aussi en luy la continuation & succession des Rois de Bulgarie. Mais Cedrenus & Zonare témoignent que Mortagon ou Crytagon, selon Auentin Ormotag, regna sur les Bulgariens apres luy. Pource qu'ils disent qu'il vint au secours de l'Empereur Michel contre Constantin, & qu'il auoit fait paix pour 30. ans avec Leon.

CESTE annee selon Sigebert (combien qu'Aimonius dit que ce fut 816.) vn Concile des Prelats de France fut tenu à Aix la Chappelle: par ordonnance duquel furent composez deux liures extraits des escrits de S. Hierosme, S. Augustin, Prosper, Isidore, Gregoire, & des anciennes constitutions des Conciles. Dont l'vn ordonnoit de la vie, mœurs & offices des religieux, moines, chanoines & clercs: l'autre de la vie des nonnains & religieuses.

<i>Du Monde.</i>	4958	<i>Papes.</i>	5	<i>R. des Escossois.</i>	2
<i>De Iesus Christ.</i>	821	<i>E. d Orient.</i>	1	<i>R. des Anglois.</i>	21
<i>Indiction.</i>	14	<i>E. d Occident.</i>	8	<i>Cal. des Sarrazins.</i>	8
<i>De l'Hegire 206. le 5. de Iuin.</i>		<i>R. des François.</i>	8	<i>R des Bulgariens.</i>	1
		<i>R. de Leon.</i>	1	<i>Ducs de Venise.</i>	12

THOMAS surnommé Constantin, Capitaine des bandes des confederes en Asie, s'estimant aussi digne de l'Empire qu'estoit Michel Tranle, ne se desdaigna pas seulement de se soubmettre à luy, mais aussi se fit eslire & proclamer Empereur par ceux de sa sequelle, auxquels toutes les prouinces & legions d'Orient donnerent consentement. De sorte qu'il se trouua suiuy & accompagné d'une grande puissance de gens: outre lesquels il prit encore à sa solde vne grande compagnie de Perses & de Sarrazins. Et avec toute sa troupe se vint camper deuant Constantinople, où Mortagon Roy de Bulgarie se vint aussi rendre pour le secours de l'Empereur Michaël, estant accompagné d'une si grande troupe de gens de guerre, que les Orientaux au premier choc qu'ils donnerent, furent desconfits & mis en routte. En despit duquel desastre, ou pour faire leur paix plus facilement avec les vainqueurs, ils prindrent leur Constantin, & le rendirent à l'Empereur, qui le fit cruellement mourir avec les principaux de ses complices. Georgius Cedrenus, Zonare.

AV Parlement general tenu à Theonuille, l'Empereur Loys fit confermer par ses Barons les partages qu'il auoit fait entre ses enfans de ses Royaumes & seigneuries. L'aîné desquels, qui se nommoit Lothaire, fut aussi lors marié à Hermingarde fille du Côte Hugues. Aimoinus.

VNE armee de François entree dedans la Pannonie contre Luideutte, fit vn grand ravage de pays sans trouuer rencontre, & en emporta vn grand butin.

CEADRAON Roy des Abrodites estant conuaincu d'infidelité enuers l'Empereur, fut priué de son Royaume & de ses estats: & Sclaomire qui en auoit esté cy deuant depouillé, remis en iceux, lequel mourut peu de temps apres. Qui fut aussi lors que Borna Duc de la Dalmatie & Liburnie deceda: & que l'Empereur donna la charge qu'il auoit au nepueu d'iceluy nommé Ladislaus Aimoinus.

EN la mesme annee Dom Sanche Garrit Roy de Nauarre ou de Sobrarbie, fit vne fort grande desconfiture de Maures en vne bataille qu'il gagna sur eux en vn lieu appellé Ocharan.

ALFONSE ou Adelfonse deuxiesme du nom surnommé le Chaste, pource qu'on dit qu'il vaiscut en perpetuelle virginité iusques à la fin de sa vie, mourut (tesmoin Roderic) en l'Ere 819. Au moyen dequoy Dom Raymire fils du feu Roy Vermudece ou Veremund, qui estoit Diacre, se mit par droit de proximité en possession du royaume de Leon,

&

& de ses dependances, où il regna 6. ans, 9. mois. Nonobstât qu'un Comte Palatin d'Asturie nommé Nepotianus, se voulut du commencement opposer à luy, en intention de le dejetter de la roiauté. Mais en fin il fut défait & confiné en un monastere, Selon Roderic & Alfonse. D'autres toutesfois rapportent la mort de cest Alfonse à l'an 825. Mais s'il y a bulle de la 4. année du Papat du Pape Paschal, par laquelle il conferma (au dire de Valæus) l'institution de l'ordre des Cheualiers de S. Jacques & le veu fait par le Roy Raymire successeur de cet Alfonse, en consideration de la victoire par luy obtenüe sur les Sarrazins en la 2. année de son regne: il faut que l'un d'eux soit decedé, & l'autre ait commencé de regner plustost que ceste année, à sçauoir dès l'an 817. Dont il s'en trouue aucuns à ce que dit le mesme Valæus, qui l'ont ainsi estimé. Mais si ie l'auois veüe, ie me tiendrois plus assuré du chemin que ie dois suiure.

H V N G V S Roy des Piçtes en la grande Bretagne mourut en ce temps, & luy succeda son fils nommé Dostorlogus. Hector Boëthius.

A Theodore patriarche de Constantinople decedé fut substitué un nommé par Zonare Anthoine Cassinate, & par Cedr. Theodore Cassitere, qui presida 13. ans.

Du Monde.	4959	Papes.	6	R. des Escossois.	3
De Iesus Christ.	822	E. d'Orient.	2	R. des Anglois.	22
Indiction.	15	E. d'Occident.	9	Cal. des Sarrazins.	9
De l'Heure 107. le 25. May.		R. des François.	9	R. des Bulgariens.	2
		R. de Leon.	2	Ducs de Venise.	13

V N E partie des Bretons souz la cōduite d'un seigneur nommé Vitomarche se rebelerent contre les François. A cause dequoy l'Empereur fit marcher en diligence vne armee contr'eux souz la conduite des Comtes de la marche de la Bretagne, qui firent si bié leur deuoir, qu'ils ne laisserent aucune occasion aux rebelles de se resiouir de leur faute.

A V Q V E L tēps aussi l'Empereur fit aller le Prince Lothaire en Italie pour la gouuerner, & le Prince Pepin son autre fils en l'Aquitaine, les faisant accompagner tous deux de sages personnages pour se conduire selon leur conseil. Cependant Suppo Comte de Bresse fut institué Duc de Spolet au lieu du Duc Venigise, qui s'estoit rendu moine.

L E S Saxons du commandement de l'Empereur prirent un fort nommé Delbenda sur les Esclauons, & le fortifierent pour seruir de rempart contr'eux. Cependant vne armee de François entra de rechef dedans la Pannonie: où elle besongna si bien qu'elle en desnichâ Lindeulte, le cōtraignant se retirer au pays des Sorabes, d'où il enuoya les Ambassadeurs vers l'Empereur pour traiter de la paix avec luy.

M A I S les garnisons Françoises qui estoient es marches d'Espagne, firent souz la cōduite de leur Gouverneur, courses & exploits de guerre dedâs le pais des Maures, signammēt sur les terres d'Aben Cacin Roy de Sarresse, qui s'estoit reuolté contre Abderramen Roy de Cordouë. Aimoinus.

D O M Raymire Roy de Leon fut en ce temps deffié par les Maures, s'il ne leur redoit le tribut que Maurégato leur auoit cy deuât promis. Mais il se defendit si brauement avec son frere Dom Garcias, qu'il deffit leur armee en bataille rangee pres la ville de Calagurra, & en fit demourer sur le champ iusqu'au nombre de 6. mille. Au moyen dequoy non seulement Calagurra, mais aussi Albaida, Aluelda, Clauigium & autres prochaines villes se redirent en son obeyssance. Qui fut lors que les Espagnols se persuaderent que S. Jacques s'apparut en leur secours. En memoire dequoy ils instituerent l'ordre des Cheualiers de S. Jacques, & commencerent d'inuoyer en guerre S. Jacques pour leur patron. Roderic Alfonse, Anthoine Benter.

NN

<i>Du Monde.</i>	4960	<i>Papes.</i>	7	<i>R. d'Escoffe.</i>	4
<i>De Iesus Christ.</i>	823	<i>E. d'Orient.</i>	3	<i>R. d'Angleterre.</i>	23
<i>Indiction.</i>	1	<i>E. d'Occident.</i>	10	<i>Cal. des Sarrazins.</i>	10
<i>De l'Heure 208. le 14. de May.</i>		<i>R. des François.</i>	10	<i>R. des Bulgariens.</i>	3
		<i>R. de Leon.</i>	3	<i>Ducs de Venise.</i>	14

LOTHAIRE fils de l'Empereur fit son entrée à Rome, où il fut couronné Empereur Auguste par le Pape Paschal le 5. d'Auril, auquel escheoit la feste de Pasques. Mais apres qu'il fut party de Rome pour retourner vers l'Empereur son pere, quelques Gentils-hommes furent par vne certaine ialouzie qu'on auoit sur eux pour le monstrier trop fideles & seruiables à l'endroit des deux Emperours, cruellement massacrez, sans qu'on fist aucune recherche des meurtriers. Qui fit estimer que le Pape estoit consentant à leur mort. Dequoy il se iustifia seulement par son serment, qu'il fit en vne assemblée d'Euesques conuoez à ceste fin par luy-mesme. Et neantmoins il declara les coupables du faict, comme estās de la famille de S. Pierre (c'est à dire subiects du Pape) absouz: & les tuez comme coupables de leze majesté iustement punis du supplice qu'ils auoient meritē. Ce qu'il fallut digerer doucement à l'Empereur, comme recite Aimoinus. Qui est vn exemple digne de consideration. Ce pendant Anastasius & autres ont osé escrire qu'en ce mesme temps l'Empereur à fin de pouruoir à la tranquillité d'Italie, fit vne declaration des villes & citez de l'Italie qui deuoient appartenir à l'Empire, & de celles de l'Eglise Romaine: par laquelle les villes d'Arrezzo, Volaterre, Clusi, Florence, Pistoie, Pise, Lucques, & Perouse furent adiugees à l'Empire: & le reste des autres villes de la Toscane à l'Eglise Romaine, avec le pais des mons Appennis & de la Romagne. Ce que toutesfois ie n'ay trouué escrit ny en Aimoinus ny en aucun des anciens Historiens de France. Combien que Sigonius peut auoir esté occasionné de ne faire mention de ceste declaration, à cause qu'elle repugne à ce qu'il auoit escrit au parauant de la confirmation & renonciation faicte par l'Empereur Loys. Mais quoy qu'on tiennē la donation faite cy deuant par Pepin & l'Empereur Charles au Pape de Rome toute certaine, si est-ce qu'il ne se peut prouuer par aucune histoire non suspecte, qu'ils ayent vrayemēt & realemēt iouy que plus de 400. ans depuis, à sçauoir iusques à l'Empereur Rodolfe de Hapsbourg de ce qu'elle comprenoit, sinon d'auenture de quelque peu du reuenue & des fructs. D'autant que la garde & souveraineté s'est tousiours veüe aux Emperours ou à ceux qui ont eu le cōmandemēt sur l'Italie. Outre ce qu'elle se voit clerement n'auoir esté si ample que Sigonius & Volaterranus l'ont proposee, pource qu'elle comprend beaucoup plus d'Italie que les Emperours ne s'en reseruoient, signamment de ceux où ils n'auoient & n'eurent iamais rien. Cōme (de la Pouille, Calabre, terre de labeur & de la Sicile) qui eust esté faire du cuir d'autrui large courroie. Ioint que la pluspart des autres villes & pays qui sont nōmez en icelle, ont esté tenus & possedez par les Seigneurs particuliers en domaine hereditaire depuis & dès deuant l'Empereur Othon premier, sans qu'il se sçache que le siege Romain y ait iamais rien pretendu. Comme es possessions du Comte Boniface & de la Comtesse Mathilde sa fille, qui se disoit en ses tiltres estre par la grace de Dieu ce qu'elle estoit, en ces mots: *Mathilda Dei gratia si quid est.* Lesquelles mesmes on dit auoir esté donnees par elle au siege Romain, dōt il est escrit en la Chron. du mont Cassin que l'Empereur Henry entra en different avec le Pape Hildubrand pour la donation qu'elle en vouloit faire sans son cōsentement, & contre le droit de l'Empire.

A v Parlemēt general tenu à Frācfort, les deux fils du feu Roy Liubit des Viltzes (qui auoit esté tué en vne escarmouche par les Abodrites Orientaux) à sçauoir Melegast l'ainné & Celeadrage, se vindrent rapporter au iugemēt de l'Empereur du different qui estoit entr'eux pour la succession de leur pere: pource que l'ainné en auoit esté deietté par ses subiects à cause de ses mauuaises complexions: & l'autre mis en possession. A qui aussi elle fut adiugee & confermee par l'Empereur. Qui toutesfois vſa de grande liberalité & d'autres bienfaits enuers l'ainné, afin de ne le laisser aller mal cōtent. Auquel lieu aussi Ceadragus Prince des Abodrites fut par le mesme Empereur reintegré en ses premiers estats, desquels Sclaomir auoit esté inuesty deuant son trespas, apres qu'il se fut iustifié des fautes dōt il estoit accusé.

Cependant

C E P E N D A N T la guerre qui estoit entreprinse en la Dalmatie contre Lindeuitte, fut mise à fin par sa mort: pource qu'il fut mis à mort par ceux entre les mains desquels il s'estoit mis. Mais les fils du feu Roy Godefroy de Dannemarc expulserent de rechef Heriold de leur Royaume, qui fut à ceste occasion contraint de venir à refuge vers l'Empereur. Aimoinus, Abbé d'Vrſperg, Sigebert, Auentin.

V N E maniere de gens ont vogué en ce temps, qui ſen alloient par diuerſes bandes par la Moëſie & autres prouinces del'Europe, ſe meſlans de predire les choſes futures, en la maniere que font au iourd'huy ceux que nous appellons Égyptiens, les Allemans Cinganes. Mais ceux-là ſ'appelloient Vxiens. Zonare, Cuſpinian.

Du Monde.	4961	Papes.	1	R. des Eſcoſſois.	5
De Ieſus Chriſt.	824	E. d'Orient.	4	R. des Anglois.	24
Indiétion.	2	E. d'Occident.	11	Cal. des Sarrazins.	11
Del'Heſpire 109. le 3. de May.		R. des François.	11	R. des Bulgariens.	14
		R. de Leon.	4	Ducs de Veniſe.	15

M I C H E L Empereur d'Orient reſnouuella ceste annee par ſes Ambaſſadeurs l'alliance que ſes predeceſſeurs auoient faite avec les François. Auquel temps auſſi l'Empereur Loys mena vne puiſſante armee contre les Bretons qui n'estoient encore voulu reuenir en leur deuoir. De ſorte qu'il les fit aſſaillir par trois diuers endroits: & fit vn ſi beau meſnage en leur pais par l'eſpace de 40. iours, qu'ils furent en fin contraints de faire promeſſe de luy eſtre plus fideles à l'aduenir, & de deliurer oſtages pour la ſeureté d'icelle. Aimoinus.

D E V X Comtes François nommez Æblus & Aſinarius menerent par l'ordonnance de l'Empereur vne armee de Gaſcons de là les monts Pyrenees: où elle fit quelque beaux exploits de guerre ſur les Maures. Mais au retour elle fut entre les montagnes quaſi toute deſſaite & taillee en pieces par les montagnars demeurans les deux Comtes priſonniers, desquels Æble fut enuoyé au Roy de Cordouë, & l'autre mis en toute liberté. Aimoinus.

V N E armee de Normans aborda ceste annee en Eſpagne, qui furent chaeſez par le Roy Raymire de ſon Royaume, & contraints prendre leur route du coſté de Seuille, qu'ils oſterent aux Maures; & après l'auoir gardee l'eſpace d'vn an ou enuiron, s'en retournerent en leur pays. Aucuns diſent que Raymire la recouura par ce moyen. Anthoine Benthier.

A Conual ou Congal Roy d'Eſcoſſe decedé, ſucceda Dongal fils du feu Roy Soluathius homme ſage, qui regna 6. ou 7. ans. Hector Boëthius liu. 10. Selon lequel auſſi Alpinus frere de Dorſtologne Roy des Piétes, ayant malheureuſement occis ſon dit frere, occupa ſon Royaume, lequel il garda ſeulement deux ans: au bout deſquels il reçut le ſalaire de ſa meſchâceté par la femme de ſon feu frere. Au moié de quoy le Royaume des Piétes ſe trouua deſtitué de legitime heritier maſle. Qui fut cauſe qu'Alpin fils d'Achais Roy d'Eſcoſſe & nepueu du feu Roy Hungus de par ſa ſœur demanda le droit qui luy appartenoit en ce Royaume. Au refus de quoy Dongal Roy d'Eſcoſſe denonça la guerre aux Piétes en faueur d'Alpin.

A N G V E R R A N D ou Englerran Comte de Harlebec fils de Lideric, ſecōd Foreſtier de France, mourut, & luy ſucceda ſon fils Audaquier ou Odoacre en ſes eſtats & poſſeſſions, lequel donna (comme on dit) au peuple de Flandre autant de terre que chacun en pourroit eſſarter. Chron. de Flandre.

M I C H E L Empereur de Conſtantinople, eſperant recompenſer la perte qu'il auoit cy deuant faite contre les Sarrazins de Crète, enuoia de rechef en ce temps vne armee contr'eux ſouſ la cōduite de Craterus, qui courut auſſi mauuaſe fortune que l'autre. Pource qu'elle fut deſſaite. Au moié de quoy les Sarrazins ſe fortifierent à leur aſe dedās la meſme iſle, où ils fonderent vne forte ville pour leur ſeruir de retraite, laquelle ils nommerēt Candie, dont toute l'iſle prit puis après la nomination de Candie, à cauſe que le lieu où elle eſt ſituee ſ'appelloit Candace. Zonare, & autres.

PASCHAL premier du nom Pape de Rome mourut le 14. iour de May: auquel fut substitué 4. iours apres Eugene 2. du nom, Cardinal du tiltre de S. Sabine, fils d'un Boëmund citoyen de Rome, en faueur de son eloquence, de bonneraité, & affabilité: qui fit que Zinzimus qui brigoit le Papat contre luy, fut debouté. De sorte qu'il presida 3. ans, 6. mois, 24. iours. Onufrius. Tegan dit qu'il fit enterrer le corps de son predecesseur au lieu où il auoit ordonné, aiant les Romains au parauant empesché que cela ne se fit.

MICHEL Empereur de Constantinople, ayant mesme opinion des images que son predecesseur, defendit par vn edict fort estroit qu'aucun n'eust à escrire le mot de Saint auprès d'aucune image ou effigie en quelque lieu ou endroit qu'elle peust estre. Alleguant que tel tiltre n'appartenoit qu'à vn seul Dieu, comme Cedrenus recite. Combien que Zonare estime que cest Empereur fut homme sans Dieu, & contempteur de nostre religion. A cause possible de ce qu'il ne voulut remettre les images au dessus, ne rappeler d'exil le Patriarche Nicephore qui y auoit esté enuoyé à l'occasion d'icelles. Ou pource qu'il se monstra quasi comme neutre en ceste cause. Mais Aimoinus tesmoigne qu'il enuoya ceste année ses Ambassadeurs à Rome pour conferer avec le Pape, & ouyr son aduis de la veneration des images. Lequel il demandoit (comme tesmoigne Simoneta liu. 5. chap. 5.) estre prouué & fondé sur les tesmoignages expres de la parole de Dieu. A cause dequoy ils disent que le Pape les renuoya sans responce, sinon que de leur faire entendre que l'Empereur estoit vn arrogant.

<i>Du Monde.</i>	4962	<i>Papes.</i>	2	<i>R. des Escossois.</i>	1
<i>De Iesus Christ.</i>	825	<i>E. d'Orient.</i>	5	<i>R. des Anglois.</i>	25
<i>Indiction.</i>	3	<i>E. d'Occident.</i>	12	<i>Cal. des Sarrazins.</i>	12
<i>De l'Hegire 210. le 23. de</i>		<i>R. des François.</i>	13	<i>R. des Bulgariens.</i>	5
<i>Auril.</i>		<i>R. de Leon.</i>	5	<i>Ducs de Venise.</i>	16

A v Parlement tenu à Aix la Chappelle, l'Empereur Loys respondit aux Ambassadeurs des Bulgariens, qui tendoient à fin de bornage & limitation de leur pays & contrees d'avec celles des François. Et receut les Barons de Bretagne, qui se vindrent presenter deuant luy pour luy prester serment de fidelité & d'obeissance. Entre lesquels estoit Vvitomarch qui auoit esté autheur de la rebellion precedente. Lequel toutesfois estant renuoyé, fit si peu de cas du serment qu'il auoit fait, qu'il recommença de rechef à troubler la Bretagne, iusques à ce que les gens du Comte Lambert Gouverneur de la marche de Bretagne l'eurent mis à mort. Aimoinus.

EN la mesme année Loys 3. fils de l'Empereur fut par son pere déclaré & institué Roy de Bauiere. Auentin.

DOM Sancio ou Sancho Garcias Roy de Sobrarbie, se trouuant en vne bataille contre les Maures fut occis, & son Royaume de rechef occupé par eux avec celuy de Nauarre & vne partie de la Comté d'Arragon. De sorte qu'ils les possederent encore long temps depuis, prenant en ceste maniere fin ledit Royaume de Sobrarbie, ayant duré l'espace de 97. ans. Selon Franc. Tarafa. Qui estiment que ce Roy ne regna que 10. ans. Mais Vassus avec ses auteurs tient qu'il en regna 20. Et qu'il fut occis l'an 835. Aussi que le Royaume de Sobrarbie ne fut esteint & aboly avec luy, ains qu'il demeura seulement sans Roy l'espace de 4. ans. Pendant que les Nauarrois enuoierent au Pape à Rome pour auoir loix & ordonnances de luy, selon lesquelles ils deuroient gouverner & polier leur Roiaume. Et puis qu'ils esleurent Dom Ennic ou Enechon Areste pour leur Roy, qui porta le premier tiltre de Roy de Nauarre. D'autant toutesfois qu'il n'a qu'un seul autheur moderne de son opinion, & que l'histoire des Papes ne fait aucune mention de ceste allee de Nauarrois à Rome, qui n'a coustume d'oublier telles occurrences, si honorables pour le siege Romain: le m'arrestera à l'opinion la plus fauorisée, qui commence seulement l'an 912. le regne dudit Ennic ou Enechon. Ioint que les Annal. du Roy Alfonso & Roderic en sa Chron. ne disent pas que Garcias ait esté tué en bataille, ains seulement pris & retenu prisonnier l'espace de 20. ans.

Paix

P A I X fut ceste année accordée entre les fils du feu Roy Godefroy de Dannemarc & les François, Comme Aimoinus tesmoigne. Neantmoins Albert Crants recite que Regnier reuint au mesme temps audit Royaume, où il recouura ce que le Roy Heriold auoit occupé sur luy, & le dechassa par mesme moyen de ce qu'il tenoit en Dannemarc, le contrainant se retirer vers l'Empereur.

P L V S I E V R S corps des Saints (tesmoin Sigebert & le *Fasciculus temporum*) furent en ce temps transportez d'Italie en France, en Allemagne & Angleterre. Qui est à dire que les Italiens n'auoient pas grande deuotion à les garder.

<i>Du Monde.</i> 4993	<i>Papes.</i> 3	<i>R. des Escossois.</i> 2
<i>De Iesus Christ.</i> 825	<i>E. d' Orient.</i> 6	<i>R. des Anglois.</i> 25
<i>Indiction.</i> 4	<i>E. d' Occident.</i> 13	<i>Cal. des Sarraxins.</i> 13
<i>De l' Hegire</i> 211. le 8. d' Aoust.	<i>R. des François.</i> 13	<i>R. des Bulgariens.</i> 6
	<i>R. de Leon.</i> 6	<i>Ducs de Venise.</i> 17

C E A D R A G V S Prince des Abrodrites fut malheureusement accusé enuers l'Empereur Loys de quelques maluerfations le quel toutes fois estant aduertie que la meilleure part des Abrodrites se contentoient de luy, le renuoya sans prendre autre punition de luy. Aimoinus.

HERIOLD Roy de Dannemarc se fit avec sa famille, vn sien frere nommé Rotuc & grande multitude de Danois baptizer en la religion Chrestienne à Majence en presence de l'Empereur, estant le premier Roy des pays de Septentrion qui se fit Chrestien. En faueur de quoy l'Empereur luy donna la Duché de Horestad au pays de Phrise pour y faire sa retraite, s'il aduenoit qu'il fust reietté de ses subiects à l'occasion de la religion. Teganus, Aimoinus, ancien. Annal. Sigebert.

B R V N V L P H E Roy des Mericiens fut ceste année deffait & occis en vne guerre par Egbert Roy des Saxons. Guillelmus liure deuxiesme chapitre premier de l'histoire d'Angleterre.

V N Capitaine natif du pays que les François tenoient sur les frontieres d'Espagne, nommé Aiso ou Addo (selon Tarafa Haydo) qui s'estoit au parauant donné au party des François. En faueur de quoy l'Empereur l'auoit institué Gouverneur de la liziere d'Aquitaine, tourna ceste année sa robbe: & apres s'estre par trahyson saisy de la ville ditte *Ausona*, & d'aucunes autres fortes places, se remit souz la protection & sauuegarde du Roy Abderramen de Cordouë, duquel il receut nombre de gens pour faire la guerre aux François. L'Empereur Loys estoit lors en vne ville delà le Rhin, quand la nouvelle de ceste reuolte & trahison luy fut portee: ainsi q̄ tesmoigne Aimoinus avec les anciennes Annales, qui tesmoignent expressément que celà se fit ceste année. Qui est pour conuaincre ceux qui veulent dire qu'il s'estoit rebellé dès l'an 819. ayant liuré la ville de Barcelonne entre les mains des Maures.

L A maniere de faire les orgues fut ceste année enseignée aux François par vn prestre nommé George, amené de la Dalmatie à l'Empereur. Aimoinus.

V V A L A F R I D E Allemand Abbé de saint Gal, homme de sçauoir, viuoit en ce temps: auquel il composa quelques opuscles assez recommandables, entre lesquels on fait cas d'vn intitulé *De officijs diuinis*: où il semble au chap. 8. tenir l'opinion des images, que le liure intitulé souz le nom de Charlemagne & Hincmarus Archeuesque de Reims disent auoir approuué au Concile de Francfort. Mais au chap. 7. il n'approuue la coustume de celebrer le seruice diuin en langue non vulgaire.

NN iij

<i>Du Monde.</i>	4964	<i>Papes.</i>	4	<i>R. des Escossois.</i>	3
<i>De Iesus Christ.</i>	827	<i>E. d' Orient.</i>	7	<i>R. des Anglois.</i>	26
<i>Indiction.</i>	5	<i>E. d' Occident.</i>	14	<i>Cal. des Sarrazins.</i>	14
<i>De l' Hegire 212. le 31. May.</i>		<i>R. des François.</i>	14	<i>R. des Bulgariens.</i>	7
		<i>R. de Leon.</i>	7	<i>Ducs de Venise.</i>	18

L'EMPEREUR Lothaire estant à Rome ordonna certains Iuges & Magistrats pour administrer la iustice aux Romains. A cause (ce dit Aimoinus) qu'ils auoient abusé grandement de la liberté qu'il leur auoit esté permise souz les Empereurs Charles & Loys.

A MESSER Angelo Patriciaco surnommé Badoër Duc de Venise decedé en la 18. année de son gouuernemēt, succeda son fils Messer Iustiniano Patriciaco en la dignité Ducale, laquelle il auoit ja exercée au parauāt avec son pere. Mais il ne l'exerça depuis qu'environ deux ans, six mois. En l'espace desquels il fut autheur de faire enuoyer vne armee de mer en la Sicile contre les Sarrazins au secours de l'Empereur de Grece, laquelle retourna sans rien faire: comme Sabellic & Blondus tesmoignent: le dernier desquels dit notamment que le Seigneur Angelo le pere mourut ceste année.

PLUSIEURS Capitaines & Gentils-hommes Nauarrois, nommément Vilemūd fils de Bera cy deuant Comte de Barcelonne, qui auoit esté enuoyé en exil pour son infidelité, suyuant l'exemple d'Aïson quitterent le party des François, & se ioignirent aux Maures, lesquels avec le secours du Roy Abderramen que conduisoit vn Capitaine Sarrazin nommé Abumarvain, vindrent courir souz l'enseigne dudit Aïson dedans les limites des François, à sçauoir de la Ceritanie du pays Geronde & de Barcelonne: où ils firent de grands rauages & degasts deuant que l'armee que l'Empereur enuoyoit contre eux, fust arriuee. Ce qu'on attribué à vne grande faute des Capitaines, qui la conduisoient. Lesquels (comme dit Aimoinus) ne la firent hastier. Et n'y eut que Bernard Comte de Barcelonne qui s'opposa à eux, & les empescha de faire aucune conqueste sur les terres de son gouuernement: estant seul (comme declare Fran. Tarafa) de tous les Gouverneurs de la marche d'Espagne, qui demeura constant en son deuoir. Ce qui pourroit bien auoir esté la cause pour laquelle il fut tant bien venu cy apres enuers l'Empereur: & de la ialouzie que les desappointez en conceurent contre luy.

HERIOLD Roy de Dannemarc fut par Horic & ses freres fils du feu Roy Godefroy expulsé de son Royaume. Aimoinus.

VNE armee de Bulgariens entree dedans la Pannonie, occupa le pays des Esclauons, qui habitoient aupres de la riuere du Drane, & y establirent leurs Gouverneurs. Aimoinus.

L'AN 812. de l'Hegire, duquel le mois Muharain commença lors le deuxiesme iour du mois de nostre Aueil de l'an 821. Maymon estoit Prince ou Calife des Sarrazins en la ville de Bulduē, par le commandement duquel le liure de l'Almageste de Ptolemee fut traduit en langue Arabique par vn Chrestien nommé Elbe, & par vn Iuif nommé Alheser. Scaliger.

EUGENE Pape de Rome mourut au compte d'Onufrius le treiziesme iour de Decembre: combien qu'Aimoinus estime que ce fut au mois d'Aoust. Cependant il est certain qu'un nommé Valentin Diacre de l'Eglise Romaine luy fut substitué, qui mourut quarante iours apres son election, qui auoit esté faicte le lendemain du trespas de son predecesseur.

Du Monde

Du Monde.	4965	Papes.	1	R. des Escossois.	4
De Iesus Christ.	828	E. d'Orient.	8	R. des Anglois.	27
Indiction.	6	E. d'Occident.	15	Cal. des Sarrazins.	15
De l'Hegire 213. le 19.		R. des François.	15	R. des Bulgariens.	8
de Mars.		R. de Leon.	1	Ducs de Venise.	1

L'ARMEE que l'Empereur Louis auoit en Italie, passa souz la conduite du Comte Boniface Gouverneur de la Corse en Afrique : où elle fit vne merueilleuse destruction de Maures en cinq rencontres qu'elle eut avec eux. De sorte que toute l'Afrique en fut terriblement espouuantee, qui y firent retourner les Sarrazins qui tenoient la Sicile. Aimoinus, Sigebert, Platine.

Av Parlement tenu à Aix la Chappelle, le procez fut fait aux Capitaines qui auoient l'an precedent laissé par leur faulte entrer les Sarrazins si auant dedans les marches de France : tellement qu'ils furent degradez de leurs honneurs. Et Baldric Duc de Friuli, pour auoir par sa lascheté laissé entrer les Bulgariens dedans la Pannonie, fut par l'Empereur priué de ses estats & honneurs, & sa Duché diuisee en quatre Comtez.

HERIOLD ayant rompu par sa temerité les commencements de paix qui se traittoient entre les François & les Danois, courut & brulla vn grand pais du Roiaume de Danemarck. Qui fut cause que les fils de Geofroy se vindrent avec leur puissance ietter à l'improuiste sur les troupes Françoises qui gardoient la frontiere de Dannemarck : lesquelles ils deffirent & mirent en route. Aimoinus.

LES Northumbriens furent en ce temps vaincuz & subiuguez par Egbert Roy des Saxons Occidentaux. En quoy prit fin le Roiaume desdits Northumbriens en Angleterre. Polydore Virgile liu. 4.

DOM Raymire Roy de Leon mourut, tefmoin Roderic, en l'Ere 866. ayant vn fils nommé Dom Ordogue ou Ordonie, qui luy succeda à sa couronne, & regna dix ans. Au premier desquels on dit qu'il subiugua les Gascons qui s'estoient rebellez cõtre luy, & mit aussi en pieces vne armee de Maures, qui le vint charger à son retour : puis apres il se mit à restaurer & repeupler les villes de Tuida, Astorica, Lione, Amaia, Oreues, Patricia; qui estoient quasi demeurees desertes & desmolies depuis que le Roy Alfonse les eut reprises des Maures. Roderic, Anth. Benthier.

Av Pape Valentin decedé le 22. iour de Ianuier, fut 4. iours apres substitué au Papat Gregoire 4. natif de Rome, qui ne s'osa faire ordonner ne consacrer que les Ambassadeurs de l'Empereur Louis ne fussent allez premierement examiner & approuuer son election : ainsi qu'Aimoinus tesmoigne : pource que l'Empereur ne se vouloit pas laisser frauder de son droit, sur lequel Pascal & autres auoient ia osé entreprendre. Cependant ce Gregoire se trouue auoir presidé 16. ans.

Du Monde.	4966	Papes.	2	R. d'Escoffe.	5
De Iesus Christ.	829	E. d'Orient.	9	R. d'Angleterre.	28
Indiction.	7	E. d'Occident.	16	Cal. des Sarrazins.	16
De l'Hegire 214. le 8. de Mars.		R. des François.	16	R. des Bulgariens.	9
		R. de Leon.	2	Ducs de Venise.	2

MICHEL surnommé Tranle, qui signifie Beguo, mourut le premier iour d'Octobre, estant la 8. Indiction ia commencee, & l'an 829. non encor expiré : ayant vn fils nommé Theophile, qui tint l'Empire apres luy l'espace de 12. ans, 3. mois, 20. iours : estant cõme les predecesseurs oppugateur des images : lesquelles il auoit en telle horreur, qu'il ne permettoit pas seulement qu'on en fist aucunes en peinture, attribuant à faulte & paureté de iugement, ou plustost à bestise & vraye folie de les auoir en respect, appellant ceux qui les y auoient Idolomanes, mais aussi traittoit fort cruellement ceux qui s'osoient formaliser

contre les opinions. Comme on dit qu'il fit aucuns moines, qui voulurent deuant luy maintenir la veneration des images par quelques auctoritez qu'ils alleguoient du Prophete Elaye. Neantmoins Zonare & Cedrenus, Michael Clyca & Constantin Manasses, confessent que s'il eust esté plus temperé en ce poinct, qu'on ne luy pourroit oster l'honneur d'auoir esté Prince iuste, & ennemy formel de toute iniustice: ensemble aussi soigneux & diligent au gouuernement de la Republique. Ils disent aussi que ce fut luy qui inuenta l'instrument de Musique, qu'on appelle Orgues. Mais nous auons monstré cy deuant qu'il estoit ia inuenté: parquoy il semble qu'ils ont voulu dire qu'il inuenta seulement les soufflets par lesquels on les entonne de vent pour les faire sonner.

A v Parlement tenu à Vvormes, l'Empereur ayant voulu assigner au Prince Charles son fils qu'il auoit de sa Iudith la Duché d'Allemagne, qui est la Rhetie, & vne partie de la Bourgongne pour son appennage, ainsi que tesmoigne Teganus, commença de descourir les conspirations & monopoles qui se dressoient ia contre luy pour ceste occasion. Qui fut cause qu'il renuoya le Prince Lothaire en Italie, & appella Bernard Comte de Barcelonne & des marches d'Espagne pour le faire son grand Chambellan. Ce qui fit embraser tant plus le feu qui se couuoit contre luy, d'autant qu'il estoit soupçonné d'estre trop familier de l'Imperatrice Iudith: à laquelle aussi on portoit enuie de ce qu'elle se faisoit trop croire de l'Empereur, & auançoit par trop ses parents & fauoris: dont les fils de l'Empereur estoient moins respectez. Mais ceux qui attizerent ce brazier, furent les Capitaines & autres qui auoient esté cy deuant démis de leurs charges & honneurs pour leurs fautes. Selon Aimoinus liu. 4. qui se termine en cest endroict, ayant esté compilé ce qu'il a escrit de Pepin, Charlemagne & de Louïs iusques icy, de l'escrit d'un moine nommé Ademare, qui auoit vescu avec Charlemagne, par l'auteur qui a escrit la vie de Louïs, qui est contenuë au commencement du liu. 5. dudit Aimoinus: lequel estoit des familiers & domestiques d'iceluy. Lequel declare aussi ce que nous venons de reciter audit liu. chap. 11. Mais depuis n'agueres a esté remis en lumiere ce qui defailloit en Aimoinus, des gestes de l'Empereur Louïs iusques au trespas d'iceluy.

<i>Du Monde.</i>	4967	<i>Papes.</i>	3	<i>R. des Escossois.</i>	6
<i>De Iesus Christ.</i>	830	<i>E. d'Orient.</i>	1	<i>R. des Anglois.</i>	29
<i>Indiction.</i>	8	<i>E. d'Occident.</i>	17	<i>Cal. des Sarrazins.</i>	17
<i>De l'Heure 215. le 25. Feurier.</i>		<i>R. des François.</i>	17	<i>R. des Bulgariens.</i>	10
		<i>R. de Leon.</i>	3	<i>Duc de Venise.</i>	1

PAR l'auctorité de l'Empereur Louïs, fut celebré ceste année vn Synode des Prelats de France à Aix la Chappelle: par lequel fut defendu aux Prelats & gens d'Eglise de porter habits superflus & somptueux, comme de soye, de velours, & autre semblable estoife: & commandé de s'abstenir de toute bombance, pompe & dissolution en toutes choses. Ce qui despleut tellement aux principaux Euesques de la France, qu'ils se firēt les principaux promoteurs de la conspiration contre l'Empereur: en laquelle mesme on fit entrer ses deux fils aînez, Lothaire & Pepin, si auant qu'ils se laisserent persuader que leur pere estoit enforcé. De sorte que sur ceste faulx opinion, Pepin partit d'Aquitaine avec vne armee pour venir, comme il disoit, reformer la maison d'iceluy. Qui se trouua pris si au despourueu à sa venue (ne sachant à qui se fier) qu'il ne peut empescher qu'il ne fallust que Bernard Comte de la Marche d'Espagne (qui estoit selon Tegan du sang Roial, & filleul de l'Empereur, qui l'auoit leué du baptême) se retirast en son Gouuernement, pour ne tomber entre ses mains. Et que l'Imperatrice Iudith ne fust tonduë & renduë en vn monastere. Mais comme il eut bien la prudence de dissiper ceste premiere nuée, par le moyen d'un Parlement general tenu à Noyon, auquel ses plus fideles subiects, come estoient lors les Allemans, sur lequel mot Auentin n'a peu dissimuler la legereté de son cerueau, quoy qu'il fust fort gros) furent instruits de se trouuer en si grand nombre, que surmontans leurs parties contraires, le remirent en son premier pouuoir & auctorité: par lequel il rappella sa femme à Noyon, l'ayant premierement fait iustifier des crimes dont on l'accusoit. Aussi s'il en eust vscé comme il deuoit, lors qu'il eut les principales testes de ses ennemis entre ses mains, en opprimant

primant toute leur entreprise, il se fust garenty du danger où il retomba bien tost apres, par sa trop grande debonnaireté & clemence. Anciennes Annales, Aimoinus, Platine.

<i>Du Monde.</i> 4968	<i>Papes.</i> 4	<i>R. d'Escoffe.</i> 1
<i>De Iesus Christ.</i> 831	<i>E. d'Orient.</i> 2	<i>Cal. des Sarraxins.</i> 1
<i>Indiction.</i> 9	<i>R. des François.</i> 18	<i>R. des Bulgariens.</i> 11
<i>De l'Hegire</i> 216. <i>let 4. Fevrier.</i>	<i>R. de Leon.</i> 4	<i>Ducs de Venise.</i> 11

L'EMPEREUR Louïs, apres auoir remis la vie à ceux qui estoient adiugez par les loix à la perdre, & pardonné à ceux qui auoient en quelque sorte delinqué contre luy, les remettant en leur patrie, biens, estats & honneurs, receut aussi en ses iustifications le Comte Bernard, qui se vint trouuer & presenter deuant luy à vn Parlement tenu à Theonuille, pour faire preuue de son innocence, soit par le combat singulier ou autre maniere, contre ceux qui l'eussent voulu coulper des crimes dont on l'auoit accusé. Et pource que personne ne se mit en auant contre luy, la mesme grace luy fut faicte qu'aux autres. Qui fut cause de faire rentrer les enfans de l'Empereur de sieure en chauld mal, notamment Pepin : lequel il fit tenir en garde pour sa desobeissance. Qui toutesfois trouua moyen d'eschapper, & se retira en Aquitaine, sans vouloir oncques plus retourner au mandement de son pere: Aimoinus.

A VOUEL temps aussi Iean le Maire dit que les Prelats de France se ressentans encore du Concile precedent, qui auoit refrené leurs pompes & dissolutions, qu'ils en tindrent vn autre à Compiègne, où ils conclurent contre l'Empereur.

CEPENDANT ce n'est pas sans merueilles, que l'Empire des François qui estoit lors enuironné d'ennemis de toutes parts, avec lesquels il n'y auoit aucune paix ou accord iuré, ne se trouua assailly d'aucun ennemy estranger tout le temps qu'il fut en combustion de dissensions intestines, comme s'ils eussent pris plaisir à le veoir se consumer soy-mesme, sans l'aller endommager à leur danger. Combien que j'ay bien opinion que ce fut en ce temps-là que les François reperdirent la ville de Pampelune, & les autres qu'ils tenoient au païs de Nauarre : lequel les Sarraxins regaignerent, & chasserēt aussi par mesme moyen les Espagnols qui tenoient le païs de Sobrarbie. Estant confermé en ceste coniecture par Roderic & les Annales du Roy Alfonse, qui disent que ce fut Mahomet fils d'Abderramen, qui regaigna Pampelune sur les Chrestiens, & prit prisonnier Dom Garcias dernier Roy de Nauarre.

A Dongal Roy d'Escoffe decedé au commencement de la guerre contre les Piétes, succeda par droict de proximité Alpin fils du feu Roy Achaius, qui regna 4. ans : & poursuivit la mesme guerre qui auoit esté commencee par luy-mesme, iusques à tant qu'il eut deffait les Piétes, & occis leur Roy Feredethus en vne grosse bataille. Hector Boëthius.

HEROT 103. Roy de Sueffe & de Gothlandie, mourut enuiron ce temps. A cause de quoy les Sueffiens substituerent en son lieu vn seigneur de leur païs nommé Charles, & par Saxo Sorle, qui tint le cent quatriesme lieu entre leurs Rois. Ioannes Magnus liure 17. chapitre 6.

ESTANT Abdalas decedé, vn nommé Muhammat tint le Califat & principauté des Sarraxins apres luy l'espace de quaranteans, selon que Funccius tesmoigne : combien que Zonare & Cedrenus monstrent qu'un nommé Imbraël tenoit ia le Califat souz l'Empereur Theophile.

<i>Du Monde.</i>	4969	<i>Papes.</i>	5	<i>R. des Eſcoſſois.</i>	2
<i>De Ieſus Chriſt.</i>	832	<i>E. d'Orient.</i>	3	<i>R. des Anglois.</i>	31
<i>Indiction.</i>	10	<i>E. d'Occident.</i>	19	<i>Cal. des Sarrazins.</i>	2
<i>De l'Hegire 217. le 4. de</i>		<i>R. des François</i>	19	<i>R. des Bulgariens.</i>	12
<i>Feurier.</i>		<i>R. de Leon.</i>	5	<i>Ducs de Veniſe.</i>	3.

Le bruit que Louïs Roy de Bauïere ſollicitoit la Germanie contre l'Empereur ſon pere, fit qu'il mena vne armee iuſques à Ausbourg, où il trouua les choſes en meilleur eſtat qu'il n'auoit eſperé; qui le firent incontinent retourner en France, pour obuier aux entreprinſes de Pepin, lequel ſe vint bien repreſenter deuant luy à Orleans: mais il ſe deſroba bien toſt apres de luy pour aller recommencer ſes ieuX. Qui fut cauſe que l'Empereur ſe delibera de faire vn nouveau departement de ſon Roiaume, pour en faire part à ſon plus ieune fils Charles qu'il auoit eu de ſa femme Iudith. Ce que toutesfois il ne peut pour lors amener à fin, pour les empeſchemens qui entreuindrent: car il retourna en Aquitaine, où il eut ſi mauuais temps, & trouua le peuple ſi effarouché contre luy, qu'il n'eut loiſir que de reuenir trouuer la Frâce, pour ne perdre toute la troupe qui eſtoitallee avec luy. Ce qui donna d'autant plus d'occafion & de hardieſſe à ceux qui eſtoient mal affectionnez enuers luy, de mettre en euidence l'effect de leurs mauuiſes volonteZ. De ſorte que par leurs ſuggeſtions & calomnies, ils firent que les autres fils, le Pape & les principaux Eueſques de la France, ſe mirent de la partie contre le pere. Aimoinus, Anciennes Annales.

En ce temps vn ſeigneur Eſpagnol nomé Muza Benhianſig ou Abenheafin, de la race des Goths, qui auoit pris la Religiō Mahumerique, ſe rebella avec ſa gēt qu'on diſoit Bencaharine cōtre le Roy de Cordouē: iouānt ſi dextremēt ſon personnage, qu'il prit ſur luy pluſieurs villes, plus d'emblee que de force, comme Sarragoſſe, Toſca, Tudela, Valence, & Tolette: laquelle il donna en garde à ſon fils qui ſe nommoit Loup: & puis ſe vint encore aduanturer ſur la Catelogne, & ſur les Marches de France; où il gagna quelques victoires, tant ſur les Chreſtiens que ſur les Maures. Meſmement ſur deux Capitaines Chreſtiens qu'il deſſit, nommez Sancio & Pulio, comme auſſi ſur deux autres Princes Maures, à ſçauoir Ibembeaniza & Alpore avec ſon fils Aſeth. Ce qui le fit entrer en telle arrogance, qu'il ſ'oſa faire appeller & intituler le troiſieſme Roy en Eſpagne: pource que le Roy de Cordouē, de qui tous les Maures d'Eſpagne deſpēdoient, en eſtoit l'vn: & Dom Ordogne Roy de Leon l'autre. Par lequel toutesfois il fut en fin ſi rudement mené, quād il eut pris la hardieſſe de ſ'aller affronter à luy comme aux autres, qu'il fut contrainct ſe rendre ſon vaſſal & ſubiect: comme recitent Roderic & Ant. Benthier, qui toutesfois ont mal eſtimé que cecy aduint ſouZ le Roy Charles le Chauue: auquel ils diſent que les victoires de Muſa firent peur, puis qu'il eſt certain qu'il n'a point commençé à regner que long temps apres le trespas du Roy Ordogne.

A v meſme temps auſſi on dit qu'Abderan Roy des Sarrazins d'Afrique, paſſa avec vne grande armee en Eſpagne: où il ſaccagea, pilla & bruſla tout le plat païs voiſin de Geronde & de Barcelonne.

REGNIER Roy de Dannemarc, ſe delibera de conquerir le Roiaume de Sueſſe pour l'vn de ſes fils, auſquels il pretendoit appartenir par le droit de leur mere, qui eſtoit fille du feu Roy Herot, cōmença guerre au Roy Charles, à ſi bon eſciēt qu'il luy fit perdre la vie en vne bataille qu'il gagna ſur luy. Au moyen de laquelle les Sueſſiens furent contrainct de receuoir ſon fils Biorno pour leur Roy: auquel ils obeirent tant que ſon pere ne fut eſloigné d'eux. Mais apres ſon depart, ils dechafferent ſon fils, & prindrent en ſon lieu Iugenal & Iugel fils ou nepueu du feu Roy Herot, qui leur dura bien peu, pource qu'il eut des ennemis qui le bruſlerent dedans ſon Palais. Parquoy ſa couronne fut tranſportee à Ohaue ſurnommé Tritelia, qui fut le 107. des Rois Sueſſiens. Lequel eut à ſon arriuee vne forte & dangereuſe guerre cōtre Biorno & Inar ſon frere fils de Regnier, qui vouloient recouurer leur droit par armes. De ſorte qu'il ne leur en peut faire perdre l'enuie que par vne bataille qu'il gagna ſur eux, qui les fit retirer & perdre l'eſpoir à leur pere de plus voir Biorno Roy de Sueſſe. A cauſe dequoy il l'ineſtit du Roiaume de Noruege.

Pour

Pour celà neantmoins son autre frere nommé Vvitsercus ne voulut encore se desesperer de son droit : ains poursuivit toujours la guerre contre le Sueffien, par telle façon qu'après quelques batailles donnees, il le fit venir en appointment avec luy : par lequel Iugo fils aîné d'Olaue prit en mariage la fille du Roy Regnier. Mais Vvitsercus eut la Principauté de la Findlandie, où l'on dit qu'il fut bien tost après mis à mort par Daxon Prince de Russie. Ce qui fut la conclusion du differend des Sueffiens & Danois : lesquels après celà s'addonnerent plus librement à faire la Piratique sur la mer, & des brigandages sur les autres prouinces & Roiaumes de l'Europe, comme Ioannes Magnus liu. 17. chap. 8. 9. 10. 11. 12. de son hist. Gotthique recite : où il adioute que le Roy Olaue après auoir long temps vescu & regné en prosperité, laissa son Roiaume à son fils Eric, qui fut le 109. Roy des Sueffiens : lequel accompagna le Roy Regnier son ayeul de par sa mere, es voyages & entreprinse qu'il fit sur les nations lointaines. Combien que Saxo & Albert Crants se persuadent qu'il fut fils naturel dudit Regnier : en l'absence duquel ils disent qu'un sien bastard nommé Vvbo, fit ses efforts de se mettre en possession du Roiaume de Dannemarc, lors qu'il commençoit à guerroyer le Roy Charles. Ce qu'ils ont cependant déclaré seulement estre aduenü en ce temps, sans specifier, ny designer ou distinguer les années esquelles chascune particularité soit aduenüe.

EN ce temps Theophile Empereur de Grece enuoya plusieurs grands personages en exil, ou fit affliger grandement, pource qu'ils se formalisoient contre luy pour les images : entre lesquels furent Theodore Metrophanes & Methodius.

Du Monde.	4970	Papes.	6	R. d'Escoffe.	3
De Iesus Christ.	833	E. d'Orient.	4	R. d'Angleterre.	32
Indiction.	11	E. d'Occident.	20	Cal des Sarrazins.	3
De l'Heure 218. le 24. Iauier.		R. des François.	20	R. des Bulgariens.	13
		R. de Leon.	6	Ducs de Venise.	4

MICHEL fils de l'Empereur Theophile, fut nay ceste année, prenant le surnom de Porphyrogenite, pource que sa naissance vint son pere estant Empereur, dedans le Palais Imperial.

LE dernier acte de la tragedie qui se iouoit contre l'Empereur Louïs, fut tel, que ses 3. premiers fils mirent sus vne armee de tous leurs complices & adherans, avec laquelle ils vindrent trouuer leur pere à Vvormes, qui auoit aussi assemblé sa puissance pour se defendre. Mais estans la pluspart de ses gens subornez & intimidez des promesses des fils, & de ce qu'on pensoit que le Pape fust venu excommunier le pere, & ceux qui se formaliseroient pour luy. Quoy que les Euesques de son party fissent sonner bien hault qu'ils ne feroient rien pour les censures du Pape, disans : *Si excommunicatus venit, excommunicatus abibit* : le rendirent quasi abandonné de tous, & contrainct de se mettre le dernier iour de Iuin en la puissance de ses enfans, souz promesses de faire à luy & à sa femme autre traitement qu'ils ne firent. Car dès qu'ils le tindrent entre leurs mains, ils confinerent sa femme en vn monastere d'Italie, & firent garder son fils Charles en vn autre ; & departirent entr'eux l'Empire : demeurât l'Empereur après que Pepin s'en fut retourné en Aquitaine, & Louïs en Bauiere en la garde de Lothaire, qui le mena quelque temps avec soy en maniere d'esclau ou d'un captif : iusques à ce que les Prelats de leur faction, assemblez à Compiègne, ou selon d'autres à Lion, le declarerent indigne par ses demerites de la dignité Imperiale, & le condamnerent à faire perpetuelle penitence au monastere de saint Medard de Soissons : où il fut, suiuant leur sentence, recluz & encoffré. Aimoinus, Annales anciennes.

OR si le Pape a esté innocent de la conspiration des fils contre le pere, comme P. Æmile avec les autres Historiés d'Italie se sont efforcez de faire : (encore que les anciennes Annales & Guittard soient d'aduis contraire) ils nous deuoient aussi demōstrer quelle puissance eust peu auoir ce Concile, si le Pape n'eust aduoué ou toleré la sentence d'iceluy. A ceste cause Hincmare Archeuesque de Reims, en vne de ses Epistres au Pape Adrian, parle de la venue de ce Pape Gregoire en France en ceste sorte : *Quomodo Gregorius subreptus cum*

Lothario à patre suo repugnante in Franciam venit: & pax postea in Francia ut antea non fuit. Et ipse Papa cum tali honore sicut docuerat & sui antecessores fecerunt, non rediit.

A V S G A R moine de Corbie en France, ayant esté cy deuant esleu par l'Empereur, avec plusieurs de ses compagnons, pour aller peupler le monastere (qu'on nomma de Corbie en faueur de celuy dont ils estoient partiz) qu'il faisoit edifier en la Germanie Septentrionale, pour y façonner & instruire plusieurs disciples és langues & sciences diuines, afin qu'ils fussent capables d'aller prescher & annoncer la Religion Chrestienne entre les nations Septentrionales, se trouua auoir si bien fait son deuoir, que grand nombre des pais de Dannemarc, de Suesse, Noruege & Gotthie, estoient par son moyen, & de ses compagnons, cōuertiz à Iesus Christ. En faueur dequoy il fut ceste année à l'assemblée de Vvormes institué par l'Empereur premier Archeuesque de Hambourg en Saxe, luy estans les peuples d'outre la riuere d'Albis iusques aux dernieres fins de Septentrion soubmis souz sa iurisdiction Ecclesiastique. Albert Crants liu. 1. ch. 42. de la Metropol.

Du Monde.	4971	Papes.	7	R. des Escossois.	4
De Iesus Christ.	834	E. d'Orient.	5	R. des Anglois.	33
Indiction.	12	E. d'Occident.	21	Cal. des Sarrazins.	4
De l'Hegire 219. le 13. Janvier.		R. des François.	21	R. des Bulgariens.	14
		R. de Leon.	7	Ducs de Venise.	5

L E miserable & piteux estat de l'Empereur Louïs, toucha de si pres le cœur de ses fideles & loyaux subiects, de plusieurs que grands seigneurs, tant de la France que de la Bourgongne, Aquitaine & Germanie, s'allierent & prindrent les armes d'un grand zele, pour la restitution d'iceluy. Les premiers qui s'esmeurent à ceste fin, furent les Comtes Eggebard & Guillaume Connestable en la Frâce Gallique, & Bernard & Vvatin ou Guarin la Bourgongne : qui firent si bien leur deuoir, que grand nōbre de gendarmerie se mit aux champs souz leur conduite. Mais Louïs Roy de Bauiere redoutant (comme ie croy) plus l'aggrandissement de son frere que de son pere, enuoya solliciter le Prince Pepin d'Aquitaine son frere, de s'armer aussi pour la mesme cause comme luy. Mais ce que plus les incita à ce faire, furent les promesses que l'Empereur leur pere leur enuoya faire par un moine nommé Genebault, de leur augmenter leurs appennages : & la ialousie de ce que Lothaire se monstroia les mespriser & vouloir auoir luy seul le profit de la despoüille de leur pere. Somme qu'estant toute la Gaule & Germanie en armes pour ceste querelle, les troupes Françoises & Bourguignonnes se trouuerent encore les premieres deuant Paris, souz les Comtes Eggebard, Varin & Bernard; en si bonne deliberation, que Lothaire fut cōtrainct de laisser son pere à saint Denis, & se retirer à Vienne en Daulphiné. Au moyen dequoy l'Empereur Louïs fut remis en liberté; sans toutesfois vouloir reprendre la couronne, ny la dignité Imperiale deuant qu'elle luy fust renduë par les Euesques, en la mesme sorte qu'elle luy auoit esté ostee. Pour celà neantmoins la guerre ne fut si soudainemēt esteinte : car les Gouverneurs que Lothaire auoit mis en la Neustrie, nommez Malefroy & Lambert, desconfirent en vne bataille ceux que son pere enuoya pour les chasser. De façon que Odon ou Vdon Comte d'Orleās, & Theodon Abbé de saint Martin de Tours y furent occis. Qui plus est, Lothaire reuenant au secours de ses gens, prit & brüla la ville de Chaallons sur la Saone, pource qu'elle voulut tenir bon contre luy. En fin toutesfois il sembloit qu'il n'eust pas amendé son marché (d'autant qu'une nouuelle armee de nations d'outre le Rhin, vint avec Louïs au secours de son pere) s'il ne se fust venu rendre à la mercy de sondict pere, qui selon sa debonnaireté le receut facilement en sa grace, & le renuoya & ses autres freres aussi (qui l'estoient venuz trouuer à son mandement) chacun en leurs prouinces. Aimoinus, anciennes Annales.

O B E L A I R E cy deuant Duc de Venise, surprit en ce temps l'isle de Veglia, qui appartenoit aux Venitiens. A cause dequoy le Duc l'alla assieger en icelle. Cependant les habitans de Metamaucca se reuolterent en faueur dudit Obelaire : qui fut cause de faire retirer le Duc de Veglia pour venir contr'eux. Si bien qu'il les prit à tel marché qu'il voulut. Au moyen dequoy il retourna derechef deuant Veglia, pour s'y opiniastrer en telle façon qu'il

qu'il n'en departit de deuant qu'il ne fust entré dedans, & qu'il y eust fait mourir l'ennemy de la Republique. Sabellic.

A Anthoine Casimate Patriarche de Constantinople decedé, fut substitué au mesme Patriarchat vn nommé Ioannes ou Iean Synerosiores, qui estoit pedagogue de l'Empereur: lequel presida selon Zonare 16. ans: combien que Cedrenus en dit 13. n'en baillant aussi à son predecesseur que 6. seulement.

Du Monde.	4972	Papes.	8	R. des Escossois.	1
De Iesus Christ.	835	E. d'Orient.	6	R. des Anglois.	34
Indiction.	13	E. d'Occident.	22	Cal. des Sarrazins.	5
De l'Hegire 220. le 2. de		R. des François.	22	R. des Bulgariens.	15
Ianvier.		R. de Leon.	8	Ducs de Venise.	6

L'EMPEREUR Louïs estant à Theonuille, fit par les Estats & Prelats de France, faire le procez aux Euesques qui l'auoient cy deuant iniustement condamné & dégradé. De sorte qu'ils furent condamnez par contumace, pource que pas vn d'eux ne se voulut représenter, s'en estans la plupart fuïs en Italie, où ils moururent: excepté Elbe Archeuesque de Reims, qui se presenta & condamna luy-mesme de sa propre bouche, dont il fut enuoyé en exil: selon que recite Floard & Aimoinus. D'autres adioustent que Theodulfe Euesque d'Orleans, homme grandement facond pour son temps, & bien exercé au stile poétique, fut emprisonné pour la mesme cause: où il composa, comme ils disent, le cantique & hymne qu'on a depuis chanté es Eglises le iour de la feste des Rameaux, qui commence, *Gloria, laus & honor tibi sit, &c.* lequel il chanta vn iour quel Empereur passa deuant le lieu où il estoit detenu. En faueur dequoy il fut mis en liberté.

A v mesme temps le Pape Gregoire transféra à l'instance de l'Empereur la feste de Toussaincts du 13. iour de May (où les Italiens la celebrent par l'ordonnance du Pape Boniface) au premier de Novembre: où elle a tousiours depuis esté solemnisee. Sigebert, Vincent de Beauuais.

Les guerres intestines finies en France, les estrangeres reuindrent, prenans commencement par les Danois & Normans: vne armee desquels sortant de leur pais, prindrent la hardiesse à l'occasion des troubles de la France, de venir descendre en la Vallachie, isle de Zelande: où ils firent vn piteux mefnage, & allerent de là faire le mesme au pais des Frizons: desquels ils exigerent grande somme de deniers: puis apres vindrent encore taster de la Flandre, qu'ils traiterent encore pirement que les autres iusqu'à la Meuse. De sorte qu'ils y saccagerent & bruslerent plusieurs villes avec celle d'Anuers, deuant que l'armee que l'Empereur enuoya contr'eux (qui les rechassa) fust arriuee. Anciennes Annales. Flodoard au liure des Archeuesques de Reims.

ALPIN Roy d'Escoffe estant entré avec son armee dedans le pais des Piétes, fut defait & occis par eux, & leur Roy Brudus. Au moyen dequoy les Escossois receurent son fils Kennethe en son lieu pour Roy: souz lequel ils vindrent à chef de la guerre contre les Piétes. Hector Boëthius.

ENVIRON le mesme temps, Egbert Roy des Saxons Occidentaux, apres auoir reduict en sa puissance le Roiaume des Saxons Orientaux, dont Sutrede estoit Roy, il ne se trouua plus aucun pais, excepté le Roiaume d'Escoffe, qui ne fust reduit souz sa main. Au moyen dequoy il fit l'Edict duquel il a esté ia faict mention cy dessus, par lequel il ordonna que tous ses subiects se nômassent d'oresnauant Anglois: & l'isle qui se nômoit Bretagne, Angleterre: selon Polydore Virgile. Vvillelmus liure second adiousté, qu'il vainquit au mesme temps & repoussa lourdement vne troupe de Danois, qui voulut venir mettre pied dedans son Roiaume.

Les Sarrazins de Syrie & de la Palestine estoient en ce temps gouuernez par Imbraël, qu'aucuns disent auoir esté Calife & successeur de Muhamed. Tant y-a que Zonare & Cedrenus tesmoignent qu'il se faisoit nommer Amermamnes: qui pour illustrer sa renommee sur les Chrestiens, comme auoient faict ses predecesseurs, entra avec vne

grande puissance dedans les prouinces de l'Empire. Qui fit aussi que l'Empereur Theophile mena la sienne contre luy, accompagné de deux vaillans Capitaines nommez Theophobe (qu'on disoit estre issu de la race des anciens Rois de Perse) & Manuël : qui luy servirent si bien lors, que sans eux il ne pouuoit eschapper d'estre pris de ses ennemis, & son armee deffaite. Cependant le temps auquel cecy aduint, monstre que cest Imbraël fut autre que celuy de qui fut fils Mahmet, que deffit Tangrolipix premier Empereur des Turcs au temps de l'Empereur Basile Porphirogenite : pource que ce fut pour le moins 160. ans apres.

<i>Du Monde.</i>	4973	<i>Papes.</i>	9	<i>R. d'Escoffe.</i>	2
<i>De Iesus Christ.</i>	836	<i>E. d'Orient.</i>	7	<i>R. d'Angleterre.</i>	35
<i>Indiction.</i>	14	<i>E. d'Occident.</i>	23	<i>Cal. des Sarrazins.</i>	6
<i>De l'Hegire 222. le 11. Decembre.</i>		<i>R. des François.</i>	23	<i>R. des Bulgariens.</i>	16
		<i>R. de Leon.</i>	9	<i>Ducs de Venise.</i>	7

Les troubles de la France donnerent (au dire des Annales de la petite Bretagne) occasion aux Bretons de se vouloir emanciper de la subiection des François, souz la conduite de Neomenius, ou plustost selon Regino, de Murmane. De sorte qu'ils chasserent les Officiers & Gouverneurs que l'Empereur leur auoit donné. Qui fut cause qu'il depecha vne armee contr'eux ; qui (au rapport dudit Regino) reuint sans auoir rien fait de memorable. Neantmoins i'estime que cecy a esté transposé en iceluy, ou qu'il n'a pas esté bien rapporté à son propre temps. Car on ne peut presumer que ce qu'il vient de dire de Murman ne se doie entendre de celuy de qui nous auons ia parlé cy deuant : si ce n'est que les Bretons se soient rebellez en diuers temps souz deux Princes de mesme nom : ou que le nom de ce dernier soit supposé pour vn autre en Regino. Ce qui me semble le plus vray-semblable : car l'auteur qui a escrit la vie d'iceluy en Aimoinus, liu. 5. chap. 10. témoigne qu'il y eut au mesme temps quelque tumulte de la part des Bretons, qui fut bien tost esteint, disant : *Hoc eodem tempore Britonum impetus est motus, sed tam facile conquieuit, quia Imperator in eis spem posuit. Cui veracissime dicitur, Subest enim tibi domine cui volueris posse.* Qui plus est, il se voit de là que Regino n'a pas en cest endroit parlé des Bretons comme il falloit. Et se verra encor cy apres, que la pluspart de ce qu'il a escrit des affaires des Bretons, tant de Neomenius, de son fils Herispee, que de leur successeur Salomon, n'est veritable ; ou qu'il a esté transposé & mal colloqué par luy en ses téps & annees. Ce que nous estimons estre procedé du default des bons enseignemens & memoires qu'il a eu des affaires qui se sont passees souz Louïs le Debonnaire & Charles le Chauue, ainsi que luy-mesme confesse, souz l'an 814.

PAR vne conspiration de quelques mal-vueillans, le seigneur Iean Duc de Venise fut enuoyé en exil en France. Au moyen dequoy son ennemy capital nommé Carosius, se voulut emparer de la dignité Ducale, sans la declaration du peuple ny du Senat. Qui fut cause de les faire esleuer contre luy, en telle sorte qu'ils le degraderent & luy creuerent les yeux. Sabellic.

BRVDVS Roy des Pictes mourut de desplaisir de ne pouuoir appaiser les dissensions qui estoient entre les siens. Lesquels toutesfois conuindrent bien à prendre son frere, qui se nommoit Druskenus pour leur Roy au lieu de luy. Hector Boëthius.

Les Normans derechef retournent en la Vallacrie, contraignirent les habitans de leur payer vn grand tribut, apres qu'ils eurent deffait & occis en vne bataille, qui fut donnee le quinzieme des Calendes de Iuliet, leur Comte nommé Eginhard & Hemmingue fils de Halpdanus, avec plusieurs autres gens de nom. Et puis allerent encore descharger leur tempeste sur la ville d'Orestade, qu'ils prindrent & saccagerent. Et deuant que se retirer en leur pais, se firent derechef donner vn grand tribut des Frizons. Anciennes Annales.

Les Sarrazins semblablement n'estoient pas sans faire leurs ieux : car ils tenoient les costes

les costes & riuages d'Italie & de Prouence en telle subiection par leurs courtes, que les Euesques estoient contraincts de prendre & porter les armes avec les autres, pour les repousser. Tellement que Claude Euesque de Turin tesmoigne qu'il se trouua quelquesfois contrainct de vacquer plus aux armes qu'à l'estude.

Du Monde.	4974	Papes.	10	R. des Escossois.	3
De Iesus Christ.	837	E. d'Orient.	8	R. des Anglois.	36
Indiction.	15	E. d'Occident.	24	Cal. des Sarrazins.	7
De l'Hegire 223. le 29. de No-		R. des François.	24	R. des Bulgariens.	17
mbre.		R. de Leon.	10	Ducs de Venise.	8

MURMAN foy disant Roy de la petite Bretagne, mourut. Au moyen dequoy l'Empereur inuestit en la ville de Iugelheim vn nommé Neomenie de la Duché de Bretagne, qui luy en fit foy & hommage: comme Regino tesmoigne. Les Annales de ladicte Bretagne disent qu'il se rebella bien tost apres, & prit le nom de Roy. On aduifera à ce que nous auons dit cy dessus de Murman.

AVDAQVIER ou Odoacre troisieme Forestier de Flandre, mourut en la ville d'Aldebourg, ayant vn fils nommé Bauldouyn premier, qu'aucuns ont surnommé le Bon, autres Brancdacier, à cause (comme ils disent) de sa vaillance: qui luy succeda en ses estats: & fut cy apres institué premier Comte de Flandres, apres qu'il eut espousé Iudith fille du Roy Charles le Chauue. Chroniques de Flandres, Iacques Meier, & autres.

JEAN Duc de Venise, ayant esté rappellé & remis en la dignité Ducale, en fut neantmoins derechef deietté par ceux de la famille Mastalique, & enuoyé aussi en exil, où il mourut. Sabellic.

DOM Ordogne Roy de Leon, quelque temps apres auoir conquesté & subiugué la ville de Cauria avec son Roy Zeyt, & Salamanha avec son Roy Muserez, mourut en l'Ere (tesmoin Roderic) huit cens septantecinq, ayant quatre fils: Alфонse, Vermund, Minio, & Froila: desquels Alфонse, qui fut surnommé le Grand, luy succeda à la couronne, en faueur de son aînesse: & regna quarantesix ans: nonobstant qu'il eut affaire du commencement avec Froila, fils (selon Roderic) du feu Roy Vermudece, qui se voulut opposer à luy, s'emparant de la Gallicie: de laquelle il fut bien tost apres deietté: pource que les Galliciens le mirent hors. Tarafa estime qu'il estoit son frere, & qu'il fit aussi creuer les yeux à ses deux autres freres, pource qu'ils se rendirent suspects enuers luy aussi bien que l'autre. Somme qu'ils conuiennent tous que cest Alфонse a esté fort vaillant & heureux en toutes les guerres qu'il eut contre ses ennemis. De sorte qu'ils disent qu'il deffit & mit en route pres de Duero deux armées enuoyées par le Roy de Tolette pour assieger la ville de Leon. Vne autre fois apres il leua le siege de Coimbria, qu'ils tenoient assiegee: où il en mit en pieces iusques au nombre de quarante mille. Outreplus qu'il defendit encore si brauement la ville de Zamora, lors qu'il la faisoit edifier, que l'armée qui se vint presenter pour l'empescher, souz la conduite d'un Alchaman, qui se disoit Prophete, fut par luy toute desconfite, & son Alchaman mis à mort: demeurant vn grand seigneur Maure nommé Alboali prisonnier, qui se racheta de deux cens mille escus: lesquels furent employez à la fondation du Temple de saint Iacques. On dit aussi qu'il espousa François nommée Ameline, afin d'auoir par elle l'alliance & amitié des François: de laquelle il eut les enfans qui luy succederent.

OO ij

<i>Du Monde.</i>	4975	<i>Papes.</i>	11	<i>R. des Escossois.</i>	4
<i>De Iesus Christ.</i>	838	<i>E. d'Orient.</i>	9	<i>R. des Anglois.</i>	37
<i>Indiction.</i>	1	<i>E. d'Occident.</i>	25	<i>Cal. des Sarrazins.</i>	8
<i>De l'Hegire 224. le 18. de</i>		<i>R. des François</i>	25	<i>R. des Bulgariens.</i>	18
<i>Nouembre.</i>		<i>R. de Leon.</i>	1	<i>Ducs de Venise.</i>	1

A la poursuite & instance de l'Imperatrice Iudith, l'Empereur son mary donna pour appennage à son dernier fils Charles qu'on a surnommé le Chauue, toute la France Occidentale, qui se nommoit Neustrie (laquelle Auentin apres Marianus Scotus a prise pour la Rhetie, Bourgongne, & le pais de Suabe, à cause qu'il les luy auoit voulu donner quelque temps auparauant.) De sorte qu'il l'en auoit ia institué & couronné Roy dès le mois de Septembre de l'annee precedente. Mais venant le Prince Pepin à mourir au commencement de ceste annee, il se delibera encore luy adioindre le Roiaume d'Aquitaine, pource que Pepin fils du defunct sembloit vouloir trop retenir des mœurs de son pere. Et afin qu'il ne peust estre troublé cy apres en la possession du partage qu'il luy assignoit, il adiura le Prince Lothaire son fils aîné, de le prendre & recevoir en sa tutelle & protection: declarant à vn Parlement tenu à Vvormes, qu'en faueur d'icelle il luy resignoit avec la dignité Imperiale tout le Roiaume des François; excepté que la Neustrie depuis la Meuse, avec l'Aquitaine, demoureroit à Charles: & de toutes les prouinces de delà le Rhin le Roiaume de Bauiere seulement à Louïs. Qui se sentit tellement interessé de ce partage, qu'il se delibera de n'endurer aucunement que son plus ieune frere fust plus aduantage que luy. De sorte qu'il alla parlementer avec Lothaire en la vallee de Trente à son retour de France, au desaduantage de son pere: & en l'assemblee des Estats de la Germanie, fit le vingtneufiesme iour de Nouembre ses doléances de l'injure qui luy estoit faite: comme Aimoinus, Anciennes Annales, & Auentin recitent. Selon lequel aussi les Morauis qui habitoient la partie Septentrionale du Danube s'estoient quelque temps auparauant, à la suggestion de leur Prince Ratomare, reuoltez contre les François. Mais l'armee que Louïs Roy de Bauiere fit aller contr'eux, souz la conduite de Rathobode, les auoit par vne grosse bataille derechef vaincuz & subiuguez.

PIERRE Tradonio ou Gradenigo, natif de Pola, fut subrogé à Iean en la dignité Ducale de Venise; laquelle il exerça l'espace de vingtneuf ans, luy estant donné pour adioinct en icelle le fils dudit Iean: selon Sabellic & Contarin: combien que Blondus rapporte son election à l'an 836.

L'EMPEREUR Theophile auoir apres sa premiere route fait vn second voyage sur les Sarrazins; qui luy fut si heureux qu'il gagna vne grande victoire, par laquelle il eut bien vingt cinq mille prisonniers. Qui le firent encore prendre enuie de faire ceste annee vne troisieme expedition sur eux. Mais il s'y gouerna si indiscrettement, que sans la vaillance du Capitaine Manuel, son armee eust à peine euité le danger d'estre defaite. Ce que toutesfois fut si mal recogneu enuers luy, que l'Empereur pour vne legere suspicion le voulut faire mourir. A cause dequoy il se retira vers les Sarrazins, qui l'employerent contre les Perles: sur lesquels il gagna plusieurs belles victoires, & fit de grands exploits de guerre, iusques à ce que l'Empereur le rappella. Zonare, Cedrenus.

EGBERT Roy des Anglois & Saxons Occidentaux, apres auoir grandement augmenté & amplifié l'estendue de son Roiaume, & repoussé les Danois, qui s'estoient osez venir hazarder dedans l'Angleterre, deceda; laissant vn fils nommé Ethelvolphe ou Athulfe, qui regna apres luy vingt ans, cinq mois. Au commencement desquels il fut assailli des Danois: mais il en vint vaillamment à son honneur. Cependant pource qu'il auoit fait profession de la vie monastique deuant qu'il fust Roy, on recite qu'il se transporta cy apres à Rome pour auoir dispense du Pape de se marier. Il se soucioit si peu de regner, qu'il ne se voulut retenir que le Roiaume qui auoit esté tenu de ses ancestres: laissant posséder à son fils Ertan tout ce que son pere auoit conquis. Polydore Virgile liure cinquieme, Balæus, Guillaume de Malmesberie. Selon lesquels aussi le Roiaume des

Merciens

Merciens auoit au mesme temps vn Roy nomm  Burrhede : auquel Ethelunolphe d na sa fille en mariage , & le secourut contre les Bretons.

<i>Du Monde.</i>	4976	<i>Papes.</i>	12	<i>R. des Escossois.</i>	5
<i>De Iesus Christ.</i>	839	<i>E. d Orient.</i>	10	<i>R. des Anglois.</i>	1
<i>Indiction.</i>	2	<i>E. d Occident.</i>	26	<i>Cal. des Sarraxins.</i>	9
<i>De l'Hegire 225. le 7. de</i>		<i>R. des Franois.</i>	26	<i>R. des Bulgariens.</i>	19
<i>Novembre.</i>		<i>R. de Leon.</i>	2	<i>Ducs de Venise.</i>	2

THEOPHILE ayant remis sus nouvelles forces , entreprit vn quatriesme voyage sur les Sarrazins : auquel il courut & gasta quasi toute la Syrie, non sans prendre plusieurs villes. L'une desquelles fut Sosopetra, lieu de naissance au Prince qui commandoit lors sur les Sarrazins, appell  par Zonare & Cedrenus Amermumnes ; qui semble estre l'appellation de Miramolin, laquelle noz Historiens donnent aux souuerains Monarques des Sarrazins de ce temps. Mais il a sembl    d'autres qu'il se nommoit Maumus : le persuadans qu'il fut fils & successeur d'Imbrael. Cependant Theophile ayant fait son voyage contre les Sarrazins , laissa la conduite de ses Legions en Syrie au Capitaine Theophobe ; l'une desquelles, qui estoit la pluspart composee de Perses, le salua Empereur en despit de ce qu'on les frustrait de leurs gages. Mais il ne se laissa pourtant diuertir de sa fidelit  & loyaut  enuers son seigneur. Qui pourroit estre la cause pour laquelle l'Empereur luy donna sa s ur en mariage, l'ayant pri  de la dignit  de Patrice : & fit vne loy qui permettoit aux Romains de s'allier par mariages avec les Perses : ainsi qu'il se voit  crit au premier liure du droit Oriental.

LOVRS Roy de Bauiere, suiuant le mescontentement qu'il auoit du partage fait avec ses freres, se mit en deuoir de faire sien tout ce qui estoit de la Germanie de dela le Rhin. Mais apres que l'Empereur son pere eut fait aller vne arm e contre luy, souz la conduite de Drogon son premier Ch bellan , & du Comte Adelbert, pour obuier   ses entreprises, & que luy-mesme les eut quelque temps apres suiues, force luy fut de reuenir chercher la grace de son pere. De sorte que ce voyage se fit sans effusion de sang : car apres leur reconciliation faicte, l'Empereur s'en retourna soudainement en France, tant pour  tablir le Prince Charles en possession du Roiaume d'Aquitaine, que pour en deictter le ieune Pepin, qui se vouloit maintenir par force. Auteurs precedents.

AV mesme temps Abderramen grand Miramolin des Maures d'Espagne, qu'on disoit aussi Roy de Cordou , mourut, laissant quarantecinq fils tous viuans, & quarantedeux filles : desquels l'a n  nomm  Mahommet luy succeda   ses  tats, & regna de trentequatre   trentecinq ans. Au commencement desquels les habitans de Tolette se rebellerent contre luy, souz l'appuy & confort du Roy de Leon : mais il se gouuerna si finement enuers eux, qu'il les d fit, avec le secours des Espagnols : & les ayant bien lourdement chastiez, les fit retourner en son obeissance comme ils estoient auparauant. Les Annales d'Alfonse disent que ce fut luy qui prit Fortunius Garfias Roy de Sobrarbie prisonnier, & le retint bien vingt ans entre ses mains deuant que le remettre en libert  : aussi qu'il reduisit la ville de Pampelune entre ses mains. D'autres attribuent cecy   l'an huit cens quarantequatre.

KENNETH Roy d'Ecosse, s'affectionnant   venger la mort de son pere, mena en la quatriesme ann e de son regne vne grande arm e contre les Pictes : ausquels il liura bataille pres de Steraglinus : l'issu  de laquelle fut, qu'il les mit en route. Au moyen dequoy les Othoniens & Orestiens furent contraincts de se rendre   luy, receuant ses garnisons en leur ville. Hector Bo thius.

Du Monde.	4977	Papes.	13	R. des Escossois.	6
De Iesus Christ.	840	E. d' Orient.	11	R. des Anglois.	2
Indiction.	3	E. d' Occident.	27	Cal. des Sarrazins.	10
De l' Hegire 226. le 27.		R. des François.	27	R. des Bulgariens.	20
d' Octobre.		R. de Leon.	3	Ducs de Venise.	3

LA recidiue de Louïs de Bauiere en rebellion, fit derechef passer le Rhin à l'Empereur son pere contre luy. De sorte qu'il le contraignit de s'absenter de l'Allemagne, & se sauuer es dernieres fins des Esclauons. Au moyen dequoy il disposa les affaires de la Germanie en telle maniere qu'il voulut : mais estant venu en la ville de Saltzburg vne maladie le surprit, qui l'accompagna iusqu'à la mort, qui luy aduint le 20. iour de Iuin, en vn lieu qui est sur le Rhin aupres de Majence, en la 64. annee de son aage, & 27. de son regne, apres auoir enuoyé les ornemens & accoustremens Imperiaux au Prince Lothaire, ia cy deuant par luy declaré Empereur. Qui fut cause de le faire partir d'Italie pour venir prendre possession des prouinces de deçà les Alpes : faisant son compte de ne le tenir au partage que son pere luy auoit assigné : ains de laisser à Louïs seulement le Roiaume de Bauiere pour son nepueu (encore à le tenir en fief deluy) & à Charles le Roiaume d'Aquitaine, souz mesme condition. Mais pour venir plus facilement à chef de son entreprinse, il se delibera d'endormir Charles de belles promesses, luy signifiant par Ambassadeurs qu'il le vouloit maintenir au partage que luy auoit fait son pere : pourueu qu'il se desistast de rien entreprendre sur leur nepueu Pepin : afin qu'il le laissast opprimer son frere sans se mouuoir. Qui fut cause que Charles l'enuoya reciproquement prier de se souuenir de son serment, & de laisser son frere en paix. Ce qui eut toutesfois si peu d'effect enuers luy, qu'il ne laissa de passer outre, se saisissant de la ville de Vormes, d'où il passa le Rhin, pour accabler Louïs de diligence s'il eust peu. Mais il le trouua si bien accompagné à se defendre, qu'il estima estre son plus court d'appointer avec luy, que de le combattre. Au moyen dequoy ils parlerent ensemble à Francfort l'vnielme iour de Novembre : comme recite Guiccard ou Vvittard fils de la fille de Charlemagne, qui a mis par escrit ceste guerre ciuile. Cependant ny Charles ny Louïs ne laisserent pourtant de se declarer & intituler Rois des Roiaumes & prouinces qu'ils auoient deliberé de retenir & garder pour leur part. A sçauoir Louïs de la Germanie, & Charles de la France Occidentale & Aquitanique : qui ont tousiours depuis retenu le nom de Roiaume de France, où il se trouue auoir regné enuiron trentehuit ans : Louïs trentesept seulement en la Germanie : qui commença seulement dès lors à se nommer la France Orientale ou Austrie. Car auparauant le siege de l'Austrie, qu'on disoit aussi Austrasie, tenoit des prouinces de deçà le Rhin. Qui furent bien tost apres nommees le Roiaume de Lothaire : ainsi que les Allemans appellerent le Roiaume de Charles, Carlingien, ou des Carlingiens : comme recite Aimoinus liure cinquieme, chapitre dixneuf, où finit ce qui y est d'un autheur, qui viuoit souz l'Empereur Louïs, & estoit de ses domestiques. Anciennes Annales, Ado, Regino, Sigebert, Othon de Frisingen, Flodoard, Abbé d'Vrsperg, Auentin. Il se trouue chartre dont la soubcription est telle : F A I C T, au Palais de Enguleheim, le 24. de Iuin, regnant l'Empereur Lothaire successeur de son pere, l'an premier de son retour en France, Indiction 3.

LES Othoniens du Roiaume des Pictes, ne se pouuans accommoder souz la domination des Escossois, se reuolterent en telle façon qu'ils taillerent en pieces toute leur garnison qu'ils auoient en leur ville. Dequoy le Roy Kennethe se trouua tant offensé, qu'il retourna & de plus grande furie & de plus grande puissance contr'eux, qu'il n'auoit encores fait. Tellement qu'ils n'eurent pas moyen de l'empescher de prendre leur ville capitale nommee Camelodum d'assault : où il fit vn piteux & horrible massacre des gens qui se trouuerent dedans : ny de poursuire le reste à toute outrance, iusques au plus profond de leur Roiaume, tant qu'il eut reduit leur Roy Druskenus à l'extremite de commettre le residu de sa fortune au hazard d'une bataille, qui ne luy porta autre profit que d'auoir bien cherement vendu la victoire que ses ennemis gaignerent sur luy & ses gens, qui furent quasi tous massacrez avecques luy. En laquelle maniere fut aboly le Roiaume des Pictes en la grâde Bretagne, estans toutes leurs villes, chasteaux & forteresses reduictes en la main

la main des Escossois, lesquels y laisserét des Gouverneurs de la main de leur Roy. Hector Boëthius li. 10. Polydore Virgile li. 4.

VNE sedition & mutinerie intestine qui suruint en la Duché de Beneuent fut la source & l'origine d'une infinité de maux & calamitez, qui aduindrét non seulement à ceste cōtree là, mais aussi à toutes les autres d'Italie. Car par icelle Sichard qui en estoit Prince & seigneur, fut mis à mort par ses subiects à cause de ses mauuaises complexions, & Siconolfe son fils selon Sigonius, ou selon l'exemplaire que nous auons veu de la Chron. du mont Cassin frere, contraint s'en aller en exil à Tarente. Au moyen dequoy Radelchis selon la dite Chroniq. ou comme veut l'autre Adelchise, Tresorier du defunct, s'empara de l'estat & succession d'iceluy. Mais pource qu'il s'estoit par ses extorsions mis en mauuaise opiniō enuers les citoiens de Capuë, ils se laisserent facilement induire par Landulfe leur Chastelain & Gouverneur de rappeler Siconolfe pour le faire leur Prince. Auquel vn grand nombre de Beneuentains (qui ne vouloient pas plus de bien à Radelchise que les autres) se vindrent encore rendre: par le moyen desquels il commença guerre à son ennemy, & ayant mis vne armee aux champs assiegea sur iceluy la cité de Salerne. Deslors la principauté de Capuë demeura desmembree de la Duché de Beneuent. Leon d'Hostie en la Chronique du mont Cassin liu. 1. D'autrepart vn Patrice Theodose enuoyé de la part de l'Empereur de Grece son maistre à Venise donna au nom d'iceluy l'estat de Protospataire à Pierre l'un des Ducs de Venise, afin de plus facilement obtenir des Venitiens le secours qu'il leur demandoit contre les Sarrazins, qui rauageoient la coste de la Pouille, & auoient pris terre souz la conduite d'un Sabas au port de Tarente. Tellemēt qu'il obtint quelque nombre de leurs nauires de guerre, lesquelles estans trop peu pour la multitude de leurs ennemis, furent facilement deffaites & rompuës par eux. Au moyen de laquelle victoire ils s'allerent plus hardiment hazarder sur les autres villes de la coste Dalmatique & Adriatique, où ils prirent & saccagerent Ancone, avec plusieurs autres. Sabellic & Sigonius.

L'EMPEREUR Lothaire estant de retour en France voulut restituer Ebon en l'Archeuesché de Reims, qui en auoit esté deposé cy deuant. A cause dequoy il y eut vn Synode de quarantetrois Euesques de France assemblé à Soissons, qui s'opposa à ceste restitution. Ce nonobstant il se maintint en son Euesché, iusques apres que Lothaire fut vaincu par ses freres. Flodoard.

RABANVS surnomé Magnentius moine Escossois, Haimon Angloissaxon qui estoit de la parenté du venerable Bede, & son parent Strabus Abbé d'Auge tous disciples & auditeurs d'Alcuin, se firent renommer en ce temps par leur grand sçauoir & erudition. Mais Rabanus les precedoit de beaucoup estant excellemment versé en toute espeece de sciences & disciplines, comme en Theologie, Philosophie, Astronomie, Poësie & en la Rhetorique. Tellement que l'Italie n'auoit son semblable, ny la Germanie son second: selon qu'on pouuoit faire iugement par ses escrits qu'il a laissez en grand nombre. Neantmoins pource qu'en aucuns d'iceux, signamment aux trois liures *De institutione Clericorum*, il parle du Sacrement de la Cene en telle sorte qu'au liu. 3. chap. 12. & 13. il appelle locution figurée, ce qui nous est commandé que nous mangions la chair & buuions le sang du Seigneur; Et au liu. 1. chap. 3. liu. 2. cha. 2. & 14. qu'il enseigne que le mystere de la Cene est tout spirituel; Thomas Vvaldenus Anglois, en l'epistre qu'il a escrite cy apres au Pape Martin 5. & en son li. des Sacremens la mis au rang des heretiques. Aureste on dit que Strabus a esté le premier qui commença de colliger la glose qu'on appelle ordinaire sur la sainte Escriture, la compilant des commentaires des anciens docteurs. Herman Contract, Sigebert, Tritemius.

<i>Du Monde.</i>	4978	<i>Papes.</i>	14	<i>R. des Escossois.</i>	7
<i>De Iesus Christ.</i>	841	<i>E. d'Orient.</i>	12	<i>R. des Anglois.</i>	3
<i>Indiction.</i>	4	<i>E. d'Occident.</i>	1	<i>Cal. des Sarrazins.</i>	11
<i>De l'Hegire 227. le 16. Octo-</i>		<i>R. des François.</i>	1	<i>R. des Bulgariens.</i>	21
<i>bre.</i>		<i>R. de Leon.</i>	4	<i>Duc de Venise.</i>	4
		<i>R. de Germanie.</i>	1		

LOTHAIRE ayant failly à ce qu'il s'estoit promis en Allemagne, s'en reuint avec son armee en France pour taster s'il viendroit mieux à bout de Charles. Tellement qu'il se mit à solliciter les peuples d'entre la Meuse & la Loire à le recevoir. Qui fut cause de faire partir Charles d'Aquitaine, pour venir rompre ce coup, & de luy enuoyer nouveaux Ambassadeurs, pour l'admonester du serment qu'il auoit fait à leur pere, ensemble de ses promesses. Ce pendant Pepin ioignant son fait avec la cause de Lothaire, mit toute l'Aquitaine en trouble contre luy: & pour se voir bien suivi, alla enfermer & assieger la mere de Charles dedans vne forte place, d'autre part les Bretons souz leur Duc Nomenius vindrent aussi à se declarer pour Lothaire. Parquoy force fut à Charles de repasser en Aquitaine, où il mit Pepin & son armee en route. Ce que toutesfois n'amenda pas d'auantage de beaucoup son fait: d'autant que Lothaire par le moyen de son absence passa la Meuse, & ayant gagné la volonté de Hilduin Abbé de S. Denis & de Berard Comte de Paris, receut tous les peuples de deçà la Loire en son obeissance. Lors Charles craignant que les autres peuples d'Aquitaine ne suyussent le mesme train, fut conseillé d'euiter ce danger par quelque appointment, que Lothaire (qui ne vouloit non plus que luy hazarder ses forces, afin de les reseruer contre Loys) luy accorda. Par lequel il luy laissa pour son estat toute l'Aquitaine, la Prouence, la Septimanie & les douze Comtez d'entre la Seine & la Loire, moiennant qu'il ne sortist des limites d'Orleans deuant le 28. iour de Mars, auquel ils se deuoient trouuer eux deux ensemble à Attigny. Ce fait Lothaire remena son armee en Allemagne pour en deietter son frere, à la suggestion d'Othgare Archeuesque de Majence, & d'Adelbert Côte de Mets (qui luy estoient ennemis) lesquels aussi auoient acquis tant d'intelligences à Lothaire entre ceux qui tenoient pour Loys, qu'elles luy donnerent moyen à ceste fois de faire quasi tout ce qu'il voulut en Allemagne: pource qu'il contraignit son frere de s'enfuir en Baviere, à cause que la pluspart de ceux qui l'accompagnoient l'abandonnerent laschement au besoin. Et puis afin de luy trencher les moyens de se remettre sus pieds, laissa ceux qu'il luy scauoit estre ennemis en Allemagne, pour empescher les entreprinse: pendant qu'il s'en retournoit en France pour obuier aux nouveaux mouuemens de Charles, qui depuis son depart s'estoit appointé avec Neomenius Duc des Bretons, & ayant pris serment de fidelité de luy, & estans aussi les Comtes Thibaut & Vvarin avec la pluspart de la noblesse de Bourgogne, de Prouence & de Tholose, venus ioindre à luy, s'estoit si bien remonté, qu'il n'estoit pas seulement osé sortir des limites qu'on luy auoit assignees, mais aussi auoit passé de force la riuiere de Seine, & fait quitter la ville de Paris aux Comtes Guntbault, Vvarnaire, Arnoul & Gerard, qui la tenoient pour Lothaire. De sorte qu'il estoit parueni iusques à Troye avec son armee, se disant soy aller trouuer à la iournee du Colloque d'Attigny: encore que ce fust pour s'approcher de Loys, lequel il entendoit s'estre remis sus pieds, & en chemin avec nouvelles forces pour se venir ioindre à luy. Tellement qu'il deffit & mit en route le 13. May, l'armee qui estoit demeuree pour empescher de passer le Rhin. Si est-ce qu'il l'eut peu empescher de se ioindre à Charles (pour laquelle occasion ils le requierent tous deux d'appointment) s'il n'eust mieux aimé aller recevoir son nepueu Pepin, qui amenoit vn grand nombre d'Aquitains à son secours, pour avec eux cōmemettre le iugemēt de son differend au hazard d'une bataille, qu'il eut contre la puissance de ses freres à Fontenay pres Auxerre, si cruelle que la fleur de la gendarmerie Françoisse y demeura. De sorte qu'elle ne peut depuis estre remise en l'estat auquel elle estoit, ains s'en allerent deslors avec forces en s'escoulant iusques à ce qu'elles vindrent à ne baster assez à defendre & conseruer leurs limites. Ainsi qu'on escrit qu'il aduint à l'Empire Romain apres la bataille que les trois fils du grand Constantin eurent eu l'un contre l'autre. Si est-ce toutesfois que la

la victoire demeura aux deux freres estant Lothaire desconfit & mis en route: auquel de-
 fastre aduint (tesmoin Guittard & les anciènes Annales) le 25. de Juin: encore que d'autres
 ayent mal escrit que ce fut le iour de Pasques ou de l'Ascension. Au moien dequoy Char-
 les voulut aller pour suiure son nepueu Pepin iusques en Guienne, pendant que Loys s'en
 retourna en Allemagne pour en desbusquer de tout point ses ennemis. Mais à Charles
 s'opposa Lothaire avec vne nouvelle armee d'Austrasiens, de Saxons & d'Allemands qu'il
 rassembla, & à Loys Etgare Archeuesque de Majence avec ses complices. Tellemēt qu'il
 fallut que Charles l'allast avec toute sa puissance degager, par laquelle il mit en route les
 ennemis d'iceluy. Et puis s'estant ioint à son frere reuouellerent solennellement leur li-
 gue & confederation ensemble (en la forme exposee par Guittard) à Strasbourg: d'où ils
 partirent aussi pour retourner contre Lothaire, lequel estonné quitta le passage de la Mo-
 selle qu'il leur vouloit defendre, & se retira au Lyonnois. Guittard, ancien. Annal. ancien.
 Chron. d'Angoulesme non imprimee.

LES Venitiens ayants remis sus vne puissante armee de mer, allerent rechercher les Sar-
 razins qui auoient l'annee precedente vaincu leurs nauieres, & s'estans rencontrez obtin-
 drent vne memorable victoire d'eux, qui les recompensa de la perte precedente, & con-
 traignit l'ennemy de se sauuer en la coste de la Dalmatie, où il se campa deuant la cité de
 Raguse pour l'assiéger. Sigonius.

LA dissension d'entre Adelgise & de Siconolf vint en tel embrasement, que chacun
 d'eux apella à son secours les Sarrazins qui n'auoient encore accoustumé de venir roder
 les costes & riuages maritimes d'Italie qu'en maniere de Pirates plüstoit que de gens de
 guerre. Tellement qu'Adelgise appella le premier Roy des Sarrazins de la Barbarie à soy;
 lesquels partirent de Raguse qu'ils tenoient assiegee pour se venir ioindre à Pandon Ca-
 pitaine de Bari: lequel ne se meffiant d'eux, fit si pauvre garde de sa ville qu'il se laissa par
 eux surprendre & occire en icelle: au moyen dequoy ils la retindrent en leur main & s'y
 fortifierent en telle sorte qu'ils n'en peurent estre de long temps depuis desnichez, & ne
 cesserent de 30. ans apres d'aller rauager de là tous les pays de la Pouille, Calabre & terre
 de labour. Cependāt toutesfois Adelgise ne fut desineu de se seruir d'eux. Tellemēt qu'ils
 l'accompagnerent à courir & gaster toute la prouince de Siconolf & des Capuans. Mais
 Siconolf ayant prins à sa soude les Sarrazins d'Espagne, luy rendit non seulement son
 change, mais aussi regaigna la ville de Salerne, & fit que la pluspart des villes qu'il tenoit
 s'alienèrent de luy. Ainsi les Italiens se voient tousiours estre les auteurs de leurs propres
 miseres & calamitez. Chron. du mont Cassin, Blondus, Ahaftasius, Sigonius.

Du Monde. 4979	Papes. 15	R. des Escossois. 8
De Iesus Christ. 842	E. d'Orient. 1	R. des Anglois. 4
Indiction. 5	E. d'Occident. 2	Cal. des Sarrazins. 12
De l'Hegire 228. les. d'Octo- bre.	R. des François. 2	R. des Bulgariens. 22
	R. de Leon. 5	Ducs de Venise. 5
	R. de Germanie. 2	

THEOPHILE Empereur d'Orient mourut ceste annee le 19. iour de Ianuier laissant
 vn fils nommé Michel 4. du nom dit Porphyrogenite, souz la tutelle de son grand maistre
 Manuël, & du Patrice Theoctiste, qui luy succeda au tiltre Imperial. Mais le gouuernemēt
 des affaires de l'Empire demeura deuers sa mere Theodora, avec laquelle il regna en ceste
 sorte l'espace de 14. ans, 1. mois, 9. iours. Et depuis elle 11. ans, 9. mois, 5. iours: qui font en
 tout 25. ans & plus de deux mois. Or combien que Theophile eust expressément defendu
 & fait promettre auant sa mort à Theodora & à Theoctiste de n'esmouuoir aucun trou-
 ble en l'Eglise pour la restitution des images, si est-ce toutesfois qu'ils n'eurent pas plu-
 stoit la puissance de commander, qu'elles furent non seulement remises à Constantino-
 ple par leur auctorité, mais aussi ceux qui ne se vouloient accorder, cruellement traitez
 en leurs personnes: Nommément le Patriarche Iean, qui fut outre sa deposition adiugé à
 auoir les yeux creuez, luy estant imposé d'auoir effacé les yeux d'une image de la vierge
 Marie. Mais ce supplice fut conuert en deux cents bastonnades, qu'il receut auant que

d'aller en exil. Au moyen dequoy on mit vn Methodius en son lieu, homme extrémement affectionné à la defente des images: l'usage & adoration desquelles il fit aussi tost cōfermer & approuver par vn Synode des Prelats de mesme intelligence que luy: selon que recitent Zonare, Cedrenus, Onufrius & Sigonius: lesquels on voit en ce fait des images nous proposer tousiours quelque nouveau autheur & aimulateur aux Empereurs de leur faire abbatre ou releuer les images.

Le defastre precedent n'auoit peu encore tant gagner en l'esprit de Lothaire qu'il luy eust fait quitter l'espoir & le vouloir de reuenir à bout de ses premières intentions, ne meisme aussi le rebut de toutes les entreprinſes qu'il auoit voulu faire depuis, tant sur l'Allemagne que sur la France. A cause dequoy les deux freres rassemblerēt de rechef leurs forces avec lesquelles ils le meirent de rechef en fuite le 16. de Mars: pource que ses gens ne le voulurent suyure. Neātmōins les moyēs luy reuindrēt encore si bien, qu'il se reueit accōpagné d'une bien grāde armee auprès de la ville de Mascon, où il sembloit qu'il voulust experimenter l'issuē d'une seconde bataille. Mais ceux qui auoient en horreur les guerres ciuiles, & qui ſçauoient combien elles apportoit de dommage à toute la Republique Françoisē, firent tant par leurs remonſtrances enuers luy & ses freres, qu'ils conuindrent de trefues & de certain nombre d'arbitres (du nombre desquels fut Guittard) qu'ils nōmerent chacun de leur part pour pacifier leur different, en leur assignant de bonne foy ce qui leur conuenoit pour leurs partages. Ancien. Annales, Auentin, avec ledit Guittard ou Vvittard, qui fut fils d'une des filles de Charlemagne, par qui ceste guerre a esté amplement eſcrite.

<i>Du Monde.</i>	4980	<i>Papes.</i>	16	<i>R. de la Germanie.</i>	3
<i>De Iesus Christ.</i>	843	<i>E. d' Orient.</i>	2	<i>R. des Eſcoſſois.</i>	9
<i>Indiction.</i>	6	<i>E. d' Occident.</i>	3	<i>R. des Anglois.</i>	5
<i>De l' Hegire 229. le 24. Septē.</i>		<i>R. des François.</i>	3	<i>Cal. des Sarrazins.</i>	13
		<i>R. de Leon.</i>	6	<i>Ducs de Venise.</i>	6

Les conditions de l'appointemēt fait le 16. Mars à Verdun entre les freres, furent telles que Charles surnommé le Chauue retint pour sa part ce qui estoit de la France Occidentale dite Neustrie, borné de la Saone, de l'Eſcaut, de la mer Oceanne, des mōts Pyrenees, & de la Meuse. Qui est ce qu'au iourd'huy on nōme vraiment le Royaume de France. Mais les Allemans l'appellerent le Royaume de Charles & des Carlingiens. Combien que le Supplément d'Aimoinus en a voulu soustraire l'Aquitaine, estimant qu'elle fust attribuee au ieune Pepin. Mais Loys obtint toute la Germanie entierement avec la Hongrie, lesquelles il fit comprendre souz le nom de France Orientale: Lothaire demeura en possession du tiltre & de l'effect de l'Empire d'Italie, ensemble de ce qui restoit de la Gaule, contenu au parauant souz les Royaumes d'Austrasie & de Bourgongne, signamment depuis le Rhosne & la Saone iusques au Rhin. Par lequel departement se cognoist combien la France Occidentale estoit lors plus prisee & eualuee que la Germanie. Cependant vne conspiration d'Eſclauons contre leurs maistres se descourrit en Saxe qui y fit aller le Roy Loys pour l'esteindre. Ancien. Annal. Mais ceux s'abusent lourdement qui disent qu'il faut commencer de ceste annee la datte du regne du Chauue. Car les tiltres & panchartes faiçtes souz luy tesmoignent du contraire: nonobstant qu'il est bien certain que deuāt les partages faiçtes entre les freres on comptoit es instruments publics les annees depuis le trespas de l'Empereur Loys seulement en la sorte qui s'enſuit, que nous auons trouuee eſcrite en aucuns tiltres, *Datum pridie Kal. Februarias: & vn autre, Mense Decembrio anno 2. post obitum Domino nostro Ludouico Imperatore filij sui Regnorum eius. Datum in anno 3. post obitum domino nostro Ludouico Imperatore filij sui Regnorum eius Tricaſſis.*

Vne armee de Sarrazins estant pāssee d'Afrique en Italie s'empara de la ville de Beneuent, selon les ancien. Annal. Ado dit que les citoiens la meirent entre leurs mains, apres auoir massacré leur Duc Segardō Sicard. Mais Sigonius declare qu'elle fut seulemēt assiegee l'annee precedente sans pouuoir estre prise par Siconolphe ennemy d'Adalgise à l'ayle des Sarrazins d'Eſpagne qu'il auoit avec luy.

L'estat

L'ESTAT du Royaume de Noruege estoit tombé en ce temps en telle confusion, que pource qu'aucun n'y estoit reconnu pour vray Roy, tout y alloit par pieces & par loppins: lesquelles ne pouuans satisfaire à la cupidité & ambition de tous les Capitaines qui y estoient, ceux qui ne pouuoient auoir leur part des gouuernemens des prouinces & Bailliages, alloient chercher leur fortune sur la mer: où ils faisoient estat comme de leur propre de ce qu'ils pouuoient escumer & brigander tant sur leurs voisins que sur les pays loingtains. Mais entre ceux qui se firent les plus renommer en ceste sorte de brigandage, se sont trouuez estre nommez Horic ou Boric, Ordouic, Ignare, Rodolfe, Godefroy & Hastingue. Lesquels se diuisans par bandes tenoient toutes les mers, ports & riuages Septentrionaux & Occidentaux en crainte & en subiection. Nonobstant qu'ils en vouloiēt principalement aux Chrestiens, desquels ils se disoient estre les mortels ennemis, le faisant paroistre par toutes les sortes de cruauté dont ils se pouuoient aduiser quand le moyen leur en estoit présenté, comme recite Albert Crants. Neantmoins les ancien. Annal. & Aimoinus tesmoignent, que les Noruegiens auoient en ce temps vn Roy nommé Boric. Somme qu'une armee de telles gens entra de rechef ceste annee en l'isle d'Angleterre, où elle fit vne infinité de maux.

Du Monde.	4981	Papes.	1	R. de Germanie.	4
De Iesus Christ.	844	E. d'Orient.	3	R. d'Ecosse.	10
Indiction.	7	E. d'Occident.	4	R. d'Angleterre.	6
De l'Regire 230. le 13. de Se-		R. des François.	4	Cal. des Sarrazins.	14
ptembre.		R. de Leon.	7	Ducs de Venise.	7

Le partage precedent fait, Charles auoit en vertu d'iceluy mené son armee en Aquitaine pour en deietter le ieune Pepin son nepueu, qui la vouloit retenir pour soy; combien qu'Auentin suyuant le Supplémēt d'Aimoinus estime qu'elle luy auoit esté attribuee par le mesme partage: & que son oncle & luy entrerent en different pour raison de leurs limites seulement. Tant y a cependant que l'armee de Charles n'auoit encore fait sur luy que des courses & escarmouches. Mais elle fut en fin ceste annee toute deffaite & mise en routte estant surprise par les Capitaines de Pepin. Les ancien. Annal. disent que ce fut le 7. des Ides de Iuin. combien qu'Auentin a leu de Ianuier. De sorte que Hugues oncle de Charles fut occis sur le champ avec plusieurs autres grands Seigneurs. Ce qui fut possible cause de faire tomber d'accord l'oncle avec le nepueu par lequel fut permis à Pepin (comme tesmoignent les actes du Concile tenu à Soissons) de retenir beneficiairement l'Aquitaine de son oncle, qui estoit alors empesché pour vn trouble suruenu es marches de la petite Bretagne entre vn Ramald (qu'une vieille Chron. d'Angoulesme appelle *Comitem Artabilacensem*) & Lambert Comte de Nantes qui estoit autant à dire que Gouuerneur de la marche de Bretagne, de laquelle la ville de Nantes estoit la principale: pour raison duquel Ramold fut mis à mort par Lambert en vne rencontre, & Charles entra avec vne armee pour la premiere fois dedans la petite Bretagne, où il fit vn grand degast de pays par le feu & par l'espee. Ce que ladite Chron. racompte en ces mots, declarat que ce fut en la 4. annee apres le trespas de Loys le Debonnaire. *Eodem anno Ramoldus Artabilacensis Comes cum Lamberto Nannetio Comite congressus occisus est: & Nannetis eo anno Anuefaldingis capta est, & Carolus primo Britanniam ferro & igne vastauit.* Voilà que dit ladite Chronique, que j'ay appelée d'Angoulesme, pource que le nom de l'auteur d'icelle s'ignore, qui semble auoir esté de ce pays-là, & auoir vescu du temps du Roy Loys d'Oultremer. Neantmoins vn nouueau fabulateur plustost que Chroniqueur Breton, se persuade sans aucun ancien tesmoignage, que ce different suruint de ce que le Roy Charles donna la Comté de Nantes à vn Regnaut, avec la Comté de Poictou, l'ayant refusee à ce Comte Lambert, qui se retira pour ceste occasion vers Neomenie Prince des Bretons, duquel il receut gens, avec lesquels il deffit son aduersaire. Et puis s'estant ioint à vne troupe de Normans, vint assaillir de telle force la cité de Nantes, qu'il s'en rendit maistre & possesseur. Qui fut cause que Charles mena vne puissante armee en Bretagne, qui fut honteusement desconfite par celle de Neomenie. Mais puis que la Chronique prementionnee ne fait point mention

d'une si lourde desconfiture que celle que racompte le nouveau Chroniqueur, il ne faut doubter qu'il n'y ait adiousté beaucoup du sien: comme nous monstrerons encore cy apres qu'il a fait en ce qu'il recite de ce Comte Lambert. Ce pendant ie croy bien qu'à l'occasion de la querelle precedente, Neomene Prince des Bretons commença de se rebeller cōtre le Roy Charles, & de ne le pl^r vouloir recognoistre pour seigneur, ne luy garder la fidelité qu'il luy auoit cy deuant promise, au rapport de Guittard.

BERNARD Comte de Barcelonne fut du commandement du Roy Charles occis en trahison selon les ancien. annal. Combien que Tarafa estime que ce fut 828. Les autres histoires d'Hespagne tiennent qu'un Geofroy d'Arie luy fut substitué en ses estats, & qu'il fut le premier Comte hereditaire de Batcelonne.

GREGOIRE 4. mourut au rapport d'Onufrius ceste annee le 25. iour de Ianuier, & eut pour successeur en son siege Sergius 2. qui fut esleu le 10. iour de Feurier. Onufrius estime qu'il n'est rien de tout ce que les autres Historiens ont cy diuant escrit qu'il se nommoit Groin de porc: & que Iean 12. a esté le premier qui changea son nom, se nommant au parauant Oétauius, & donna exemple à les successeurs de changer le leur qu'ils auoient pris à leur baptesme. Ce pendant on compte qu'il a presidé 3. ans, 2. mois, 3. iours. Or pource qu'il se fit, ou laissa eslire & consacrer sans l'ordonnance de l'Empereur Lothaire, il s'en trouua tellement offensé, qu'il despescha le Prince Loys son fils accompagné d'une grande & puissante armee, de Drogo Euefque de Mets, fils naturel de Charlemagne, de 20. autres Euefques, d'un grand nombre d'Abbez, & de plusieurs Princes & grands Seigneurs, pour aller faire resentir les Romains de leur presumption. Tellemēt que quand ils furent arriuez à Rome, *Post multa damna Romanis illata* (ce sont les mots d'un ancien autheur non imprimé, qui vesquit en ce siecle, auquel nous tenons ce que nous venons de reciter) *ipsos Romanos fidelitatem Imperatori iurare fecerunt, & prædictum Sergium in sede iterum confirmauerunt.* Lequel apres celà couronna lediēt Prince Loys en tiltre non seulement de Roy d'Italie, ou (comme dit nostre autheur) des Lombards le 5. d'Auril, mais aussi l'Empereur Auguste. C'est pourquoy le Continueur de Damase en la vie de ce Pape confesse que Loys & les Euefques qui estoient à sa suite, eurent de grandes disputes avec ce Pape, qui se sceut (à son dire, si bien defendre qu'ils tomberent en fin d'accord, nonobstant lequel le Pape ne voulut consentir que les Romains prestassent ierment de fidelité à ce Roy Loys, ains seulement à l'Empereur Lothaire son pere. *Tunc demum* (comme il dit) *in eadem Ecclesia sedentes pariter, tam beatissimus pontifex quam magnanimus Rex & omnes Archiepiscopi atque Episcopi, stantibus reliquis Sacerdotibus & Romanorum ac Francorum optimatibus fidelitatem Lothario magno Imperatori semper Augusto promiserunt.* Qui est pour monstrier que les Romains n'estoiēt encor deslors exēpts de la subiection des Empereurs, comme la plupart des Historiens d'Italie se sont efforcez de faire croire; ayant mesmement desguisé vilainement tout ce fait pour le faire venir à leur point. Et pource qu'ils ont encore dissimulé ce que le premier autheur recite du Pape Sergius, ie l'adiousteray es propres termes qu'il la couché. *Huius Pōtifcis* (dit-il) *frater fuit Benedictus nomine Brutus, & valde stolidus, qui propter Pontificis imbecillitatem Ecclesiasticam & publicam curam usurpauit. Ab hoc etiam maximis muneribus primum & dominum Romæ ab Imperatore sibi acquisiuit. Demum verè Albanensem Episcopatum usurpare non metuit, & omnia infra & extra Romam sua auaritia & vanitate vastauit. Vigebat etiam Pontificis & fratris eius tempore Symoniaca hæresis in tantum ut etiam publicè venderet Episcopatus, & qui plus dabat Episcopatum accipiebat: nec erat aliquis Episcoporum aut quisquam virorum Ecclesiasticorum, qui zelo Dei ductus cum Imperatore aut Rege ageret ut hoc nefas prohiberetur. Et quia nemo erat Christianorum per quem hoc malum corrigeretur, misit diuina potentia flagellum Paganorum ad ulciscenda peccata Christianorum. Nam superuenientes Sarraceni innumeros hominum interfecerunt: castella & vrbes multas captas accepta præceda igni dederunt: demum Regem expugnantes fugauerunt, & multis captis & interfectis maxima hominum & omnium rerum præda onusti reuersi sunt.* Ce que nous monstrerons s'estre fait deux ans apres. Il y a d'autres Historiens qui attribuent à ce Sergius l'ordonnance de chanter iteratiuemēt trois fois le *Sanctus* en la Messe.

Du Monde

<i>Du Monde.</i>	4982	<i>Papes.</i>	2	<i>R. des Escossois.</i>	11
<i>De Iesus Christ.</i>	845	<i>E. d'Orient.</i>	4	<i>R. des Anglois.</i>	8
<i>Indiction.</i>	8	<i>E. d'Occident.</i>	5	<i>Cal. des Sarrazins.</i>	15
<i>De l'Hegire 231. le 2. de</i>		<i>R. des François</i>	5	<i>Ducs de Venise.</i>	7
<i>Septembre.</i>		<i>R. de Leon.</i>	8	<i>R. d'Allemagne.</i>	5

NEOMENIVS ne se contentant plus du tiltre de Duc, se fait nommer & couronner Roy de la petite Bretagne sans le consentement du Roy Charles. Qui pour ceste occasion mena vne armee contre luy, laquelle fut lourdement traittee, à ce que racomptent beaucoup d'historiens, qui ont donné occasion à vn nouveau Chroniqueur Breton de s'elargir par trop en cest endroit, & d'en reciter plus qu'il n'en a trouué par escrit en aucun auteur. Mais tant y a qu'à l'exemple dudit Neomene, Solocrate ou Bolocrate Comte d'Arles se voulut aussi au mesme temps avec autres grands Seigneurs esmouuoir contre l'Empereur Lothaire: mais il sceut mieux venir à bout d'eux à son honneur. Annales de ce temps.

Av mesme temps Bernard Comte de Poictou & Aracus son frere Comte d'Auuergne, festans mis en equipage pour venger la mort du feu Comte Ramold leur pere, furent comme luy deffaits & occis par le Comte Lambert. Chronique d'Angoulesme.

Ce pendant le Roy Loys de Germanie tenoit vne diette en Allemagne, à laquelle se trouuerent 14. Ducs de Boëme, qui se firent baptizer en la religion Chrestienne, avec vn grand Seigneur de Dänemarc nommé Harald, à qui fut assigné vn certain quartier de pays de Saxe pour faire sa demeure. Auentin tesmoigne aussi que Boric ou Horne Roy des Normans y enuoya ses Ambassadeurs pour refaire la paix avec le Roy Loys, en restituant ce que ses gens auoient pillé sur ses marches. Pource qu'une armee de Normans (au rapport des Anciennes Annales & d'Aimoinus) estoit vn peu auparauant sortie de son adieu du Royaume de Noruerge sous la conduite d'un Capitaine nommé Raguenaire, pour se venir auanturer dedans la France: où elle trouua si peu de resistance, qu'elle eut moyen de rebrousser la riuere de Seine, & venir brusler & saccager l'Abbaye de saint Germain, qui est es faubourgs de Paris, causant vn tel deffoy au Roy Charles, qu'il fut contraint de composer de quelque certaine somme de deniers avec eux pour les faire retirer. A cause de quoy ils prindrent leur chemin par la Picardie au pays de Frise, où ils traiterent encore les Frisons d'une pitieuse façon en deux secondes rencontres de despit de ce qu'ils les auoient trop vaillamment repoussez en vne premiere. De sorte qu'ils ne trouuerent point d'empeschement pour aller prendre & saccager la ville de Hambourg, qu'on disoit lors Hemmabourg en la coste de Saxe, auant que de retourner veoir leur maisons. Ce que les anciennes Annales attribuent à ceste annee, avec les actes du Concile qui fut tenu à Meaux en la mesme, au mois de Iuillet.

DONT il semble que cest à ce voyage qu'il faut rapporter ce que Loup Abbé de Ferrieres a escrit en ses epistres de la prise & saccagement de la ville de Melun par eux, & du grand deuoir que les Comtes Odon & Gerard firent lors à les repousser & rembarrer. Tellement qu'on en a donné le nom de Capitaine tres-excellent audit Gerard, que nous prenons pour celuy qu'on a surnommé de Rouffillon.

EN la mesme annee fut tenu vn autre Synode des Euesques de France en la ville de Beauuais, où entre autres affaires de l'Eglise & du Royaume fut ordonné que Hincmare auparavant moine de saint Denis seroit estably au siege Episcopal de l'Archeuesché de Reims, au lieu d'Esbon qui en auoit esté cy deuant deposé. Qui fut cause que l'Empereur Lothaire pria le Pape Sergius de prendre congnoissance de ce fait & tira lettres d'iceluy pour remettre sus la cause & le procez de la depositio dudit Ebon.

PP

Tellement qu'il en voulut à cest effect faire tenir vn Synode en la ville de Trierues, lequel toutesfois fut transferé à Paris, où la sentence du Synode precedent fut confirmée. Floard.

B O G O R I S Roy des Bulgariens voulut en ce temps recommencer la guerre à l'Empereur de Grece. Mais la remonstrance que luy fit faire l'Emperiere Theodora, qu'il ne pourroit acquerir honneur de faire la guerre à vne femme, soit qu'il eust la victoire d'elle, ou elle de luy, le fit desister de son entreprise, & renouer l'alliance qu'il auoit eu avec l'Empereur: Et pource qu'il auoit esté autrefois captif à Constantinople, où il s'estoit laissé instruire en la religion Chrestienne, il fit tant aussi par succession de temps avec les Bulgariens, qu'ils renoncerent à leur idolatrie pour se conuertir à Iesus Christ. En faueur dequoy l'Empereur permit qu'ils s'emparassent d'un de ses pays, pour le ioindre au leur, lequel ne leur sembloit suffire pour toute leur multitude. Zonare, Cedrenus. Mais les Annales de Russie estiment que les Bulgariens furent amenez à la religion Chrestienne par le moyen de la sœur de leur Roy nommee Heleine, qui auoit esté captiue à Constantinople.

<i>Du Monde.</i>	4983	<i>Papes.</i>	3	<i>R. d'Escoffe.</i>	12
<i>De Iesus Christ.</i>	846	<i>E. d'Orient.</i>	5	<i>R. d'Angleterre.</i>	8
<i>Indiction.</i>	9	<i>E. d'Occident.</i>	6	<i>Cal. des Sarrazins.</i>	16
<i>De l'Hegire 232. le 22.</i>		<i>R. des François.</i>	6	<i>Ducs de Venise.</i>	9
<i>d'Aoust.</i>		<i>R. de Leon.</i>	5	<i>R. de Germanie.</i>	6

G I S L E B E R T ou Gisalbert gouverneur du pays d'Aquitaine pour le Roy Charles, fut si presumptueux qu'il osa rauer & enleuer la fille de l'Empereur Lothaire, & de l'amener aussi en son gouvernement, où il l'espousa, sans que Charles fait semblât d'en rien sçauoir. Ce qui fait estimer au pere que cela ne s'estoit peu faire que de son consentement. Dont il se vouloit resentir, si le Roy de Germanie ne le feust interposé pour le destourner de venir aux armes. Lequel apres cela mena son armee contre les Esclauons qui se vouloient departir de son obeissance. Et les ayant subiuguez leur donna Ratisslaus fils ou nepueu de Boemarus pour Duc & Gouverneur. Mais au retour les Boemiens firent vne lourde charge sur son armee, par laquelle ils en firent vn grand échec. Anciennes Annales, Auentin.

L E S Princes & grands Seigneurs de Guyenne & de Gascongne estans en diuision les vns contre les autres & contre le Prince Pepin, donnerent occasion aux Normans de se venir desborder dedans leur pays. Qui fut cause que Seguin appelé par Loup Abbé de Ferrieres Duc des Gascons, & par la vieille Chronique d'Angoulesme, Comte de Bourdeaux & de Xaintonges, se voulut opposer à eux, & les combattre à si mauuaise heure qu'il fut avec son armee miserablement deffait, pris & occis par eux. Pendant lequel temps le Roy Charles estant allé en la petite Bretagne pour donner ayde & confort à ceux d'icelle qui s'estoient mis de son parti contre le Duc Neomenius qui s'en disoit Roy, lequel se voulant opposer à luy fut vaincu & mis en route, comme tesmoigne la vieille Chronique d'Angoulesme, de laquelle nous adiousterons icy les propres mots, afin de les opposer aux refueries & calomnies du nouveau Chroniqueur Breton. *Alio anno Seguinus Comes Burdegalsis & Seonniensis à Normannis captus & occisus est, & Seonnis à Normannis concremata est. Carolus iterum Britanniam pergit, cum Nomenio duce dimicat, & victor fuit Nomenio fugato.* Mais Loup Abbé de Ferrieres fait aussi mention des occurrences precedentes en la premiere epistre à Guenilo Archeuesque de Sens en ceste maniere.

Cur autem sicut constituerat dominus noster Rex ad sanctum Martinum non accesserit, hac ut nuntij nostri retulere, causa fuit quod Britanni sibi preter solitum diffidentes Regem nostrum in Britanniam versus euocare, ut pars que contra Nomenium ducem sentiebat

sentiebat, ad eum tuto deficeret. De Pipino unde vestra quasiuit paternitas, nihil certi in palatio dicebatur. Leuiter tantum fama iactabat, eos qui nuper ab eo desuissent in concordiam redituros. Quidam verò de Aquitania venientes Normannos inter Burdegalam & Sanctones irruptionem fecisse his diebus retulere, & nostros, hoc est Christianos, pedestri cum eis praelio congressos, & miserabiliter (nisi quos fuga eripere potuit) peremptos. In quo bello comprehensum ducem Vasconum Signium & peremptum etiam iurando testati sunt: quæ res, quam vera sit dominica sententia, omne regnum in se diuisum desolabitur, indicat, & discordiam amplectentibus qui fructus maneat.

VNE armee de Sarrazins partis d'Afrique vint rauager toute la coste d'Italie & se hazarda encore si auant, qu'elle assiegea la cité de Rome sans la pouuoir prendre, mais elle brusta le temple de saint Pierre qui estoit aux fauxbourgs. Guy Duc de Spolet fut enuoyé avec armee au secours par l'Empereur Loys qui estoit lors en la Lombardie, mais il y arriua trop tard & à la male heure. Car il fut avec les gens vaincu & mis en route par les Sarrazins, lesquels au moyen de ceste victoire s'en allerent brusler & saccager la ville de Fundi, & puis s'arrestèrent au pres de Caiette. Combien que Leon d'Hostie dit qu'ils s'en voulurent retourner en Afrique, & que la tempeste les submergea en la mer. Anciennes Annales, Anastasius, Leon d'Hostie en sa Chronique du Mont Cassin.

A Methodius Patriarche de Constantinople decedé fut substitué au Patriarchat vn moine eunuque nommé Ignatius, fils selon Cedrenus du feu Empereur Michel Rangabes: ou selon Iean Curopalare de la fille de l'Empereur Nicephore. Au moyen duquel furent excitez cy apres de grands differents entre l'Eglise Grecque & Romaine.

IOHANNITIVS moine Grec, homme de grande erudition mourut en la cinquiesme année de l'Empereur Michel. Metaphrastes.

Av mesme temps estoit en bruit Ansegise Archeuesque de Sens, homme bien exercé & entendu en la Theologie, comme ses écrits tesmoignent.

<i>Du Monde.</i>	4984	<i>Papes.</i>	1	<i>R. des Escossais.</i>	13
<i>De Iesus Christ.</i>	847	<i>E. d'Orient.</i>	6	<i>R. d'Angleterre.</i>	9
<i>Indiction.</i>	10	<i>E. d'Occident.</i>	7	<i>Cal. des Sarrazins.</i>	17
<i>De l'Hegire 233. le 11.</i>		<i>R. des François.</i>	7	<i>Ducs de Venise.</i>	10
<i>d'Aoust.</i>		<i>R. de Leon.</i>	10	<i>R. de Germanie.</i>	7

ENVIRON ce temps l'Emperiere Theodora fait fort cruellement persecuter les Manicheens qui estoient espars par l'Orient, de sorte qu'on en massacra bien plus de dix mille. Cedrenus.

VNE autre armee de Normans reuenue en la Phrise saccagea & brusta la ville de Horestad. Anciennes Annales.

MAIS ceux qui l'année precedente auoient deffait l'armee des Gascons, se voians auoir bien sceu pour n'estre aucun Capitaine qui s'osast opposer à eux en toute l'Aquitaine, se desborderent si furieusement par icelle, qu'ils y firent vn horrible degast: Comme recite la vieille Chronique d'Angoulesme. Ce qui me fait estimer que le Roy Charles le Chauue fut pour ceste occasion cōtraint de faire quelque accord avec Neomene Prince des Bretons: En vertu duquel & à l'instance dudit Neomene, il osta le gouuernement de la Conté & marche de Nantes au Comte Lambert, le recompanfant d'autres dignitez, pource possible qu'il auoit cy deuant trop molesté les Bretons. Car il semble qu'il faut rapporter là ce qui est escrit en vne remonstrance & monition que les Euesques de France firent audit Neomene, qui se voit entre les Epistres de Loup Abbé de Ferrieres, où tels disent: *Eum enim amator pacis dominus noster Carolus etiam ad tuam suasionem remoueri à finibus tuis & aliis honoribus decorauerat.*

ETHELVVOLPHE Roy des Anglois esmeu de deuotion feit vn voyage à Rome où il impetra dispense du Pape pour se marier, d'autant qu'il auoit esté moine: en faueur de quoy il luy rendit vne partie de son Royaume tributaire, tescmoin Polidore Virg. liu. 5.

LES histoires de France disent qu'il passa à son retour par la France, où il print la Princesse Iudith fille du Roy Charles à femme. Mais Balæus estime que ce fut à son second retour de Rome. Ce que d'autres disent estre aduenu l'an 850.

SERGIVS 2. Pape de Rome mourut le 12. iour d'Apuril, & eut pour successeur Leon 4. du nom natif de Rome, qui fut esleu le mesme iour, depuis lequel on compte qu'il a presidé iusques à sa mort huit ans trois mois six iours. On dit que pource qu'il fut fort soudainement esleu à cause de la crainte des Sarrazins, qu'il se laissa aussi consacrer deuant que son election fust approuuee par l'Empereur. Mais il s'en enuoya bien tost excuser.

RABANVS fut en faueur de son grand sçauoir esleu ceste annee Archeuesque de Maience, où il assembla vn Synode d'Euesques au mois d'Octobre, pour refuter l'erreur d'un Prestre nommé Godescal, qu'on disoit auoir mal escrit du liberal arbitre, de la predestination & du sang de Iesus Christ en la Cene. Dont il fut condamné apres qu'on eut disputé contre luy. Anciennes Annales. Hincmare Archeuesque de Reins escriuit contre les erreurs de Godescal, ainsi que Flodoard recite en sa vie.

Du Monde.	4985	Papes.	2	R. d'Escoffe.	14
De Iesus Christ.	848	E. d'Orient.	7	R. d'Angleterre.	101
Indiction.	11	E. d'Occident.	8	Cal. des Sarrazins.	18
De l'Hegire 234. le 31.		R. des François.	8	Ducs de Venise.	11
de Iuliet.		R. de Leon.	11	R. de Germanie.	8

PAR l'entremise du Roy de Germanie le Roy Charles fut reconcilié avec l'Empereur Lothaire, qui receut aussi en grace le rauisseur de sa fille. Anciennes Annales.

LAMBERT cy deuant Comte de Nantes ayant esté demis de son gouuernement, le prist si à cœur, qu'il s'en rebella contre le Roy Charles, & se mettant d'intelligence avec Neomene Prince des Bretons, commença de faire beaucoup de maux aux prouinces de France, sous le port & faueur dudit Neomene. Qui fut cause que les Euesques de France l'admonesterent de se deporter & amender ses fautes & malefices. Car c'est ce que veult dire la remonstrance cy deuant prementionnee des Euesques de France audit Neomene. *Nuper excipiens Lambertum, quem Ecclesia materna pietate aliqua ex parte receperat, ea scilicet conditione ut se corrigeret, & mala solita perfectè declinaret: fecisti te participem siue auctorem perturbationis populi Christiani. Eum enim amator pacis dominus noster Carolus etiam ad vnam suasionem remoueri à finibus tuis valuerat, & aliis honoribus decorauerat. Et nunc eum rebellare conantem velut in gremium recepisti, & ut in malo proficiat fouere non desinis.*

LE mauuais traitement qu'on faisoit en la Grece aux Manichees, fut cause de faire retirer vn grand nombre d'eux au pays des Sarrazins, nommément vn Capitaine de guerre nommé Carbeas, qui se feit si bien croire enuers le Calife des Sarrazins, qu'il entreprit la guerre contre l'Empereur, de laquelle il donna la charge au Soudan de Melitene, & au gouuerneur de Tarse. Lequel toutesfois pour estre lors destourbé d'une guerre ciuile, ne peut si tost mettre son armee aux champs contre les Romains. Mais l'autre estant entré avec la sienne en l'Armenie, y fut avec tous ses gens taillé en pieces. Cedrenus, Zonarc.

Du Monde.

Du Monde.	4986	Papes.	3	R. de Germanie.	9
De Iesus Christ.	849	E. d'Orient.	8	R. d'Ecosse.	15
Indiction.	12	E. d'Occident.	9	R. d'Angleterre.	11
De l'Heure 235. le 20. de Iuil-		R. des François.	6	Cal. des Sarraxins.	19
let.		R. de Leon.	12	Ducs de Venise.	12

Les Boëmiens ne se pouuans bien accommoder souz la subiection des François, reprirent de rechef les armes contre eux. A cause dequoy le Roy Loys fit aller vne puissante armee contre eux, souz la conduite de Hermisse (selon les autres) Ernest Gouverneur de la Marche proche d'eux, qui auoit en sa compagnie Taculfe, ou Daculphe, Gouverneur de la marche Sorabique. Lesquels firent à leur arriuee vne charge si furieuse sur leurs ennemis, qu'ils en laisserent sur le champ vn nombre merueilleux : dont le reste fut si estonné, qu'ils enuoierent leur Ambassadeurs pour parler de se rendre à composition. Mais pour ce qu'ils s'adresserent à Taculfe seulement, à cause qu'il entendoit mieux leur langue & manieres de faire: Les autres Capitaines le prirent en si mauuaise part qu'ils s'allerent sans ordre & discretion, ietter avec leurs gens sur les Boëmiens, qui n'attendoient que response de la grace qu'on leur vouloit faire. Si est-ce toutesfois qu'ils le soustindrēt si vertueusement que la victoire leur demeura, par la desconfiture de ceux qui les voulurent assaillir: laquelle fut si grande qu'il eust esté impossible au reste de l'armee d'eschapper de la main de l'ennemy, sans conclusion d'un ignominieux appoinctement qu'il fallut faire avec luy pour auoir licence de se retirer à sauueté. Anciennes Annales, Sigebert, Auentin.

La rebellion du Comte Lambert & les maux qu'il faisoit à la France, ensemble le support que Neomene Prince des Bretons, luy donnoit, fut cause que le Roy Charles entreprist vn 3. voyage contre les Bretons. Mais auant que le faire, il tint premierement son Parlement general à Limoges, & puis entra avec son armee en la petite Bretagne, où il fit vn grand degast de pais par le feu & par l'espee. Apres lequel il remena son armee en la Guenée. Ce qui donna occasion au Duc Neomene de sortir de son pays & de se venir ietter dedans la marche de Bretagne, où il prit & saccagea les villes de Rennes & de Nantes, qu'il trouua despourueus de defense auant que de remener son armee en son pays. Ce que la Chronique d'Angoulesme racompte en telle sorte. *Anno VIIII. post mortem Ludonici Carolus Caluus Lemouicæ Conuentum generalem habuit, & tertia vice Britanniam igne & ferro vastauit: & dum in Aquitaniam regressus esset, Nomenius Dux Redonas ciuitatem & Nannetum capiens destruxit eas, & Britanniam repedit.* Voilà tout ce qui fut fait au dernier voyage que le Roy Charles fit contre le Duc Neomene en Bretagne. Neantmoins Regino recite que son armee fut entierement desconfite lors par les Bretons, & luy contraint d'abandonner le reste & s'enfuir honteusement de nuit en son pays: nonobstant eut vn grand nombre de Saxons à son seruice. Mais comme il n'y a point de doute que cet autheur là n'ait mal rapporté tout ce cy à l'an 816. aussi crois-je pour certain qu'il a eu de mauuais aduertissemens de ce fait, & qu'il en a escrit à la volée, ou par affection, ainsi que d'autres choses que nous auons declarees cy deuant. Ce pendant Neomene ayant fait ce beau meſnage que nous venons de dire dedans les citez de Nantes & de Rennes, chassa les Euesques d'icelles, & y en meit d'autres à sa poste, par lesquels il s'efforça de faire cōfermer le Pape Leō qui estoit lors. Qui fut cause que les dechassez se retirerent vers Landran Euesque de Tours leur Metropolitain, lequel en faueur d'eux assemblea les Euesques de France à vn Synode à Tours, où ils se trouuerent en nombre de 23. desquels il y auoit trois Metropolitains, à ſcauoir ledit Landran de Tours, Hincmar de Reims, & Guenilo de Sēs, & y declarerēt vne monitiō pour ſommer neomene de reparer ses fautes & excès, sur peine d'encourir les cēſures Ecclesiastiques. De laquelle nous adiouterōs icy les principales clauses: *Dominus quidem Deus occulto, iusto tamen iudicio permisit esse te rectore gentis tue, in quo tamen regimine qualē te exhibueris, testis est cōscientia tua & amare querimonia diuersarum Ecclesiarū & affectiones nobilium & ignobilium diuicū & pauperum, viduarum & orphanorum, quos damnabili cupiditate & horribili crudelitate vexasti. Sed quia Christianum nomen non penitus abiicisti, & nos ex Apostolica*

successione debitores sumus omnibus, ut benè agentes ad perseverantiam exhortemur: delinquentes autem ad poenitentiam auctoritate diuina prouocamus: vehementissimis tuis excessibus condolemus, & à tuo interitu paterna & Episcopali sollicitudine te cupimus reuocare. Cupiditate sua vastata est terra: Christianorum templa Dei partim destructa partim incensa. Episcopi legitimi sedibus propriis expulsi, fures & mercenarij introducti. Vicarium beati Petri Leonem Apostolicum spreuisti. Cum enim eum postulasses ut in libro suo te scriberet, & pro te Dei clementiam exoraret, & ille directis literis se id facturum promississet, si se monentem obedienter audires, non solum nihil eorum quæ mandauerat fecisti, sed ne literas quidem ipsas recepisti. Et quia nolebas à malo recedere, timuisti bene monentem audire, &c. Et puis apres fuyt ce que nous auõs allegué cy dessus du Comte Lambert: Nec ignoras quòd certi fines ab exordio dominationis Francorum fuerunt, quos ipsi vendicauerunt sibi, & recti quos peccatis concessere Britannis. Quomodo ergo despicias legem Dei, quæ precepit ne transgrediaris terminos quos posuere patres tui, & terram Francorum iniuste tibi defendere conaris. Et puis apres: Id quoque tibi pollicemur, quia si te Deo restituaris, apud Deum intercessores pro peccatis tuis esse cupimus, & apud pium principem nostrum ut tibi tuæque posteritati benigne consulat conabimur obtinere. Pour la fin: Hæc etiam per tuum ministerium denunciamus Lamberti hominibus, & quibuslibet gentis tuæ, quod coniurauerint ipsi, & rebellioni eius consenserint, anathemate condemnabuntur & traditi sine fine peribunt: Conuersos autem recipimus, & in pace Christiana permanere optamus, atque pro eis parati sumus domini nostri Regis clementiam quantum possumus flectere.

V N B armee de Sarrazins aiant pris terre au port d'Hostie ou de Sardeigne, faisoit montre de vouloir venir deuant Rome, cõme deux ans au parauât. Qui fut cause de faire sortir les Romains accompagnez des Neapolitains & Caietãs hors de leur cité au deuant d'eux, en si bonne deliberatiõ qu'ils n'en laisserent eschapper pas vn de leurs mains, qu'ils ne feussent morts ou retenus prisonniers. On dit que le Pape Leon se trouua en personne à ce bel exploit, aiant si efficaciously encouragé ses gens, par sa harangue, qu'il fut la principale cause de la victoire. Et puis afin que la cité de Rome ne fust plus expolce au dâger des Sarrazins, comme elle auoit esté auparauant, il fit ceindre celle partie de murailles & de rempars qui ne l'estoit encore, laquelle fut appelée à cause de luy Leonine, comme recitent Blondus, Platine, Sabellic. Ce que toutesfois Siebert a mal referé à l'an 837.

Du Monde.	4987	Papes.	4	R. d'Escoffe.	16
De Iesus Christ.	850	E. d'Orient.	9	R. d'Angleterre.	12
Indiction.	13	E. d'Occident.	10	Cal. des Sarrazins.	20
De l'Ægire 236. le 10. de		R. des François.	10	Ducs de Venise.	13
Iuillet.		R. de Leon.	13	R. de Germanie.	10

Loys Roy d'Italie fut par Lothaire son pere declaré Empereur Auguste le 25. iour de Decembre, selon Onufrius. Mais Ado, Leon d'Hostie & les Panchartes anciennes témoignent, qu'il auoit ia esté couronné Empereur Auguste par le Pape Sergius.

Rozv ou Ruoruc Capitaine Normand frere de feu Horiald Roy de Dannemarc, à qui l'Empereur Loys auoit donné la ville de Horestad pour sa demeure estant ledict Empereur & son frere decedez, fut faulxement accusé de desloyauté enuers l'Empereur Lothaire, qu'il le fit sans ceste occasion retenir en prison: de laquelle estant eschappé au bout de quelques annees, se retira vers le Roy de Germanie, qui le retint en sa protection & sauuegarde iusques à tant que l'enuie le print de suiure le train des autres Normans & Dannois. En sorte qu'il se fit chef d'une troupe de telles gens pour faire la Piratique avec eux sur mer. Mais il en voulut principalemēt aux pais maritimes de l'Empereur Lothaire. De façon qu'il entra ceste annee par la bouche du Rhin dedans la Frize: où il s'empara de la ville d'Horestad, la mettant en si bon point de la garder & retenir, qu'il fit perdre l'espoir à l'Empereur de l'en pouuoir debusquer sans grand hazard de ses forces. A cause dequoy il aima mieux la luy laisser en paix, à cõdition de la tenir en reprise de luy, & de maintenir en seureté toutes les prouinces de son appartenence, contre les courtes & voleries des autres Danois. Anciennes Annales.

NEOMENIS

NEOMENES Prince des Bretons, faisant peu d'estat des remonstrances & menaces des Euesques de France, continua d'exploicter la mauuaise volonte sur la France. Tellement qu'il sortit de la marche de Bretagne, qu'il auoit nouuellement conquestee : & vint d'une forcenerie enorme courir & rauager les lizieres de France, iusques au pais de Touraine & d'Anjou : ou apres auoir fait (sans respect de choses sacrees ny profanes) vn degast horrible, estant deuant la ville d'Angers, receut vn coup en la teste qu'on ne scait d'ou il vint, duquel il mourut : qui fit estimer qu'il luy auoit este enuoye miraculeusement : comme tesmoignent Regino & Sigebert, avec la Chronique d'Angoulesme. Selon laquelle toutesfois nous rapportos cecy a ceste annee plustost qu'avec ceux-la a l'an 860. ou 862. pour les raisons que nous auons ia declarees cy deuant, & deduirons encor cy apres. Tant y a que tous conuiennent que Neomenes eut pour successeur a ses estats son fils nome Erispee ou Erispoius, qui prit comme luy le tiltre Royal, & se mit en estat de le defendre, avec les terres & pais que son pere auoit conquestees sur la France. Occasion pourquoy le Roy Charles entra pour la quatriesme fois avec vne armee dedans la Bretagne contre luy : ou il le combatit, & obtint la victoire ; l'ayant toutesfois achetee bien cherement, par la perte d'une grande partie de son armee, & d'un de ses principaux Capitaines nomme Viuian. Ainsi le recite la vieille Chronique d'Angoulesme : *Anno sequenti iubente domino Nomenoius ab Angelo percussus interiit, & Carolus Caluus quarto Britanniam ingressus cum Erispoio filio Nomenoi dimicauit & victor extitit, sed magnam partem exercitus sum cu Viuiano duce amisit.* Ce qui a fait escrire a Regino que *Carolus cum immenso exercitu Britonum fines inuasit, sed minime ut optauerat preualuit.* Mais si ce Viuian duquel nous venons de parler fut occis par le Comte Lambert, ainsi que racompte le mesme Regino, il faudra croire que ce fut a ce voyage, estant Lambert en l'armee d'Erispee, lequel il accompagnoit comme il auoit fait son pere.

ENVIRON ce temps Alfonse Roy de Leon chassa les Maures d'une partie du pais de Portugal, qu'il donna aux Chrestiens pour habiter. Franc. Tarafa.

LES premiers commencemens des differends qui suruindrent en l'Eglise pour la question de la presence du corps de Iesus Christ en la Cene, s'esmeurent au temps du Roy Charles le Chauue, & que Rabanus florissoit.

Du Monde.	4988	Papes.	5	R. des Escossois.	17
De Iesus Christ.	851	E. d'Orient.	10	R. des Anglois.	13
Indiction.	14	E. d'Occident.	11	Cal. des Sarrazins.	21
De l'Heure 237. le 29. de		R. des François	11	Ducs de Venise.	14
Iuin.		R. de Leon.	14	R. de Germanie.	11

LOVVS fils de l'Empereur Lothaire, enuoye par son pere cõtre les Sarrazins qui troubloient l'Italie, les deffit en vne grande bataille, ou ils perdirent leur chef qui se nommoit Amalmater. Au moyen dequoy ils furent chasses de la ville de Beneuent qu'ils occupoient, selon que recite Ado. Mais les Historiens d'Italie racomptent que Massar Prince des Sarrazins qui occupoient la ville de Bari, estant appelle au secours d'Adelgise ou Radelchise, qui estoit en la ville de Beneuent contre Siconolfe son competeur, porta plus de domage a ceux qu'il se disoit estre venu defendre, qu'a leurs ennemis. Tellement qu'apres auoir vilainement gaste leur terroir, s'en allerent occuper la ville de Delestia : & puis coururent iusques au terroir de la ville d'Acquin. Dequoy estant aduertie l'Empereur Louis qui estoit lors a Mantouë, se mit aux champs avec vne armee contr'eux. Tellement qu'il les vint enfermer en la ville de Beneuent, ou Adelgise & les citoyens les mirerent tous entre ses mains avec leur Capitaine Massar. Au moyen dequoy il les fit tous passer par le fil de l'espee : & puis afin d'estouffer la cause de la guerre qui estoit entre Sicanolfe & Adelgise, il diuisa la Duché de Beneuent en deux parts : dont Adelgise eut l'une avec Beneuent, & l'autre demeura avec Salerne a Siconolfe. Ce qu'on dit auoir este le commencement & origine de la principauté de Salerne. Leon d'Holtic en sa Chronique du mont Cassin.

LES fils du feu Roy Pepin d'Aquitaine, a sçauoir Pepin & Charles, se rendans par leur mauuaise conduite odieux aux Aquitains, furent par eux delaissez & abandonnez. Au moyen dequoy ils tomberent entre les mains du Roy Charles leur oncle, qui les fit puis

PP iiii

apres par sentence des Princes & des Prelats de son Roiaume assemblez en vn Synode à Soissons, tonsurer & prendre l'habit & la profession de Religion : à sçauoir Pepin au Monastere de saint Medard de Soissons, d'ou quelques moines le voulurent puis apres tirer, qui en furent excommuniez : Et Charles en l'Abbaye de Corbie, d'où il eschappa bien tost apres, & se retira vers le Roy de Germanie son oncle.

C E P E N D A N T le Roiaume d'Aquitaine, qui contenoit souz soy les païs de Biscaye, de Bearn & les conquestes d'Espagne, fut entieremēt reduit souz la puissance du Roy Charles, du consentement des Aquitains, comme recitent les anciennes Annales : l'auteur desquelles viuoit en ce siecle, avec les actes du Synode de Soissons. La Chronique d'Angoulesme adiouste qu'en la mesme annee qui suiuiot celle où Neomene Prince des Bretons estoit decedé, Lambert Comte de Nantes fut occis en vne bataille par Gauzbert Comte du Mans. Qui fit que Charles entra pour la cinquiesme fois avec armee en la petite Bretagne, qu'il courut & rauagea : & se l'estant acquis, son nepueu Pepin la subiugua & reduisit en sa puissance, au moyen qu'Erispee fut occis. Les mots comme elle le dit fort obscurément, sont : *Et Carolus quinta vice Britanniam deuastauit, & Pipinum nepotem suum acquirens Britanniam sibi subiugauit occiso Erispeo*. Neantmoins il semble qu'il fault entēdre cecy de Pepin : selon ce que nous en venons de reciter auparauāt. Quant à la mort d'Erispee, ie croy plus volontiers qu'il soit decedé ceste annee, que non pas l'an 866. comme Regino & Sigebert ont noté : estant leur erreur conuaincu par le Concile de Sauonniere, qui fut celebré l'an 859. Ce qui nous fait aussi douter si on les doit croire de ce qu'ils ont escrit de la façon de la mort du Roy Erispee, & de ce qui s'estoit passé auparauant entre luy & le Roy Charles : car ils racomptent souz l'an 863. qu'iceluy ayant failly de venir à bout des Bretons apres le trespas de Neomene, fit paix avec eux. Et ayant fait venir Erispee deuant luy, le receut en appointment : par lequel il se soubmit à sa domination. Et puis souz l'an 866. que ledit Erispee fut cruellement mis à mort par les siens. Au moyen dequoy le Duc Salomon (que d'autres estiment auoir esté son cousin, & qui pretendoit cōme luy droit en la Principauté de Bretagne) se substitua en son lieu, faisant estat de s'y maintenir si bien, que quand Charles se fut mis aux champs avec nouuelle armee pour aller sur luy, aima mieux le recevoir au mesme appointment qu'auoit esté son predecesseur, que de tenter le hazard de la guerre contre luy. Tant y-a qu'il est certain que Salomon succeda à Erispee, à la principauté de Bretagne : & que pour icelle fit sermēt de fidelité au Roy Charles, comme nous prouuerons cy apres : nonobstant qu'il prit aussi comme ses deux deuantiers le tiltre Roial d'icelle.

A v resté nous sommes encor aduertiz par la mesme Chronique d'Angoulesme, que Gauzbert Comte du Mans, apres auoir mis à mort le Comte Lambert, fut semblablement occis par ceux de Nantes en la mesme annee, l'ayant iceux attiré en des embusches. Les Annales de ce temps toutesfois veulent dire que celà fut fait du commandement du Roy Charles (ce qui est aussi l'opinion de Regino) : & que pour ceste occasion les seigneurs de sa parenté inciterēt les Aquitains avec plusieurs prouinces de la France de se souleuer l'annee ensuiuant contre le Roy Charles.

C E P E N D A N T Louis Roy de Germanie mena en personne vne armee contre les Sorabes : lesquels s'estans rebellez contre luy, osoient encore faire des courses & briganderies sur ses marches. Mais il leur rendit si rudement leur change, qu'il ne leur laissa autre expedient que de venir recercher sa mercy, & de se soubmettre derechef à ses commandemens. Anciennes Annales, Auentin.

V N E armee de Normans qui faisoient leur compte de venir aussi bien faire leurs affaires en France qu'auoient leurs autres compagnons, sortirent ceste annee de leur contree souz la conduite d'un Capitaine nommé Godefroy. Et estans entrez dedans la France par les mesmes brisees que les autres, ne s'y firēt paroistre ne plus gracieux ne benins qu'eux. Ce qui mit le Roy en telle perplexité, que nonobstāt qu'il eust armee suffisante à les combattre : & l'Empereur mesme son frere venu à son secours en personne, aima mieux toutesfois les faire retirer par composition, que de tenter le hazard de la guerre sur eux, comme Auentin recite. Mais les Annales de ce temps adioustent qu'il fut contrainct de leur assigner ou vne partie ou vne certaine prouince de son Roiaume, pour y accommoder leur demeure. Apres auoir (comme tesmoigne la Chronique d'Angoulesme) mis en route apres d'un village nommé Brilliac l'armee que Ranulfe Comte de Poitou & son cousin

Ramold

Ramold Conte (comme elle dit) Artabilacensis leur voulurent opposer.

ANGELONVS moine de l'ordre de saint Benoist, natif de Lisieux en Normandie, homme docteur en langues Grecques, Latines & Hebraïques florissoit en ce temps : auquel il composa des Commentaires sur les liures des Rois & des Cantiques.

Du Monde.	4989	Papes.	6	R. des Escossois.	18
De Iesus Christ.	852	E. d'Orient.	11	R. des Anglois.	14
Indiction.	15	E. d'Occident.	12	Cal. des Sarraxins.	22
De l'Hegire 238. le 18. de		R. des François.	12	Ducs de Venise.	15
Iuin.		R. de Leon.	15	R. de Germanie.	12

LES fauxbourgs de la cité de Rome furent en la 6. année du Pape Leon acheuez d'estre fermez de murailles & reduits en forme de ville, qui fut en faueur de son autheur nommee Leonine. Platine. Sigebert semble auoir mal attribué cecy au Pape Gregoire & à l'an 836.

GENALD Capitaine Normand (lequel Auentin semble auoir mal pris pour Harald ou Heriold cy deuant Roy de Dannemarc) s'estant cy deuant absenté du Royaume de Dannemarc pour raison du mauuais vouloir qu'auoit le Roy Horuc son seigneur enuers luy, trouua vn gracieux refuge en la cour du Roy de Germanie, qui l'incita de se faire baptiser. Neantmoins se trouuant coupable ceste année de quelque trahison, fut par les Gouverneurs pour le Roy en la marche de Dannemarc mis à mort.

CEPENDANT le Roy mesme se transporta en Saxe & en Turingie : où il ordonna certaines loix pour la police du pais : entre lesquelles fut celle qui ne permettoit à aucun Gouverneur ou autre Officier d'une prouince de faire plaider aucune cause qu'ils eussent respōdante à la mesme prouince par Aduocat ou Procureur, ains par eux-mesmes seulement. Combien qu'il leur laissoit estre licite ailleurs de plaider pour leur fait eux-mesmes, ou par autrui. Annales de ce temps.

AV Synode assemblé à Soissons en la treziesme année du Roy Charles, Indiction premiere, fut par les Prelats de France déclaré qu'Ebbo cy deuant Archeuesque de Reims auoit esté legitiment depōsé, & Hincmarus canoniquement substitué en son lieu. D'autant que l'Empereur Lothaire insistoit à la suggestion du Pape, à faire remettre ledit Elbo en son siege.

Du Monde.	4990	Papes.	7	R. des Escossois.	19
De Iesus Christ.	853	E. d'Orient.	12	R. des Anglois.	15
Indiction.	1	E. d'Occident.	13	Cal. des Sarraxins.	23
De l'Hegire 239. le 9. de		R. des François.	13	Ducs de Venise.	16
Iuin.		R. de Leon.	16	R. de Germanie.	13

LES Aquitains ne se pouuans contenter du mauuais traitement qu'ils receuoient du Roy Charles, enuoyerent supplier le Roy de Germanie de les recevoir en sa protection, & de prendre le gouuernement de leur Roiaume en sa main : ou de leur bailler son fils pour les deliurer de la tyrannie en laquelle ils estoient detenez, auant que d'estre reduits à l'extremité de se mettre en la puissance d'un estranger. Annales de ce temps. Nonobstant que Sigebert l'a voulu attribuer à l'an 859. Regino 866.

PEPIN estant eschappé du monastere de Soissons, fut repris & mis en garde fort estroict à Compiègne.

INDULFE Duc de Saxe fonda ceste année la premiere cité d'Ostrofaxonne, laquelle il nomma Gander Heun. Chronique de Saxe.

LES Normans estans derechef entrez par la bouche de la Loire en la France, surprindrent d'emblee la ville de Nantes : où ils mirent tout à feu & à sang, sans pardonner à l'E-

quelque qu'ils trouuerent celebrant le seruice de la veille de Pasques. Et de là, s'espandans comme vn deluge, raserent tout le pais de Touraine & d'Anjou : ayant mesmement pris & saccagé la ville de Tours & d'Angers. Annales de ce temps, Regino, Sigebert.

<i>Du Monde.</i>	4991	<i>Papes.</i>	8	<i>R. de la Germanie.</i>	14
<i>De Iesus Christ.</i>	854	<i>E. d'Orient.</i>	13	<i>R. des Escossois.</i>	20
<i>Indiction.</i>	2	<i>E. d'Occident.</i>	14	<i>R. des Anglois.</i>	16
<i>De l'Hegire 240. le 29. de</i>		<i>R. des François.</i>	14	<i>Cal. des Sarrazins.</i>	24
<i>May.</i>		<i>R. de Leon.</i>	17	<i>Ducs de Venise.</i>	17

L'EMPEREUR Lothaire fut en ce temps aduertý que les Romains se degoustans de la domination des François, faisoient monopoles & deliberations secrètes pour remettre l'Empire d'Italie & de Rome entre les mains des Empereurs de Grece. Qui fut cause de luy faire-faire vn voyage à Rome : où l'on dit qu'il chastia les principaux auteurs de ceste conspiration, & rechangea les Officiers & Gouverneurs del'Italie. Mais il fit renouveler & confermer au Pape Leon les anciens Concordats faicts entre les Empereurs & les Papes. Ce que toutesfois Sigonius attribüe à l'annee ensuiuant : qui tient aussi que ce ne fut pas l'Empereur Lothaire qui fit ce voyage, mais qu'il y enuoya son fils ; lequel aussi marcha, à son dire, ceste annee contre les Sarrazins qui estoient restez en la ville de Bari, pource qu'ils continuoient tousiours à rauager l'Italie par leurs courses. Tellement qu'il les assiegea, & eut plusieurs cōbats avec eux. Mais il ne peut venir à bout de les debusquer de là, à cause que les Capuans ne luy estoient pas fideles. Dont il fut contrainct de s'en retourner en la Lombardie, apres auoir institué vn Ademare Prince de Salerne au lieu de Siconolfe nouvellement decedé : ayant trouué le fils d'iceluy indigne de luy succeder en ses estats. Ou bien pour punir les Capuans qui luy auoient esté traistres en ceste guerre : ainsi que declare Leon d'Hostie en sa Chronique du Mont Cassin, liure premier, chap. trentedeux.

LOUYS fils de Louys Roy de Germanie, alla de l'ordonnance de son pere au mandement des Aquitains. Mais il se trouua auoir esté demandé de quelque peu de seigneurs seulement, qui estoient courroucez contre le Roy Charles, pour vn seigneur de leur parenté nommé Gotzbert qu'il auoit fait mourir. A cause dequoy il se retira deuers son pere deuant que d'entreprendre plus outre : Comme les Annales de ce temps tesmoignent. Regino toutesfois parle autrement de la mort dudit Gotzbert. Ce qui nous est tesmoignage qu'il a esté mal informé des affaires de la France & de ce siecle-là.

CEPENDANT Louis Roy de Germanie deffit en vne grande bataille Ratisslaus, selon Dubranus Ratisslaus & Ratiss Duc de Morauie & d'Esclauonie, qui s'estoit rebellé contre luy, prenant le tiltre de Roy du pais qui luy estoit donné seulement en gouuernement. Si est-ce toutesfois que pour ceste deffaicte la guerre ne fut finie. Anciennes Annales, Auentin.

ETHELVVOLPHE Roy d'Angleterre commença ceste annee de faire payer le tribut qu'il auoit assigné au Pape sur son Roiaume, en faueur de la dispense qu'il luy auoit donnee : de se marier : lequel tribut estoit vne certaine piece de monnoye que chascune famille deuoit payer tous les ans. Car ce fut en ce temps-là qu'il s'en alla à Rome ; où il fut vn an, & à son retour espousa la fille de France. Fucius, Balæus.

LES Normans, qui depuis vingt ans n'auoient cessé d'escumer & brigander la mer, & les pais maritimes de la France ; s'estans ralliez ensemble reprindrent la route de leur pais : où ils trouuerent le Roy Horuc de Dannemarc (que les autres disent Eric) en guerre contre Gudain ou Gutturin fils de son frere Haroald, qui querelloit contre luy le Roiaume de Dannemarc ; pretendans qu'il luy appartenoit mieux qu'à luy. A cause dequoy les vns se dōnerent au party de l'un, les autres se rangerent à la suite de l'autre : les faisant venir à la conclusion de se donner bataille : Qui fut si cruelle & obstinée, qu'ils se hacherent quasi tous en pieces les vns les autres, sans qu'aucun du sang Roial y fust espargné. De sorte qu'il n'en resta qu'un ieune enfant, fils du feu Roy Siuuard : qui par le benefice de son bas aage fut exempté du desastre qui aduint lors à toute sa lignee : Selon que recitent les Annales de ce temps, Sigebert, Albert Crants liu. 4. chap. 12. de son histoire Danoise : où il tesmoigne

tesmoigne que Eric cy dessus nommé, fut celuy qui s'estoit parforcé d'auoir le Roiaume de Dannemarc apres le trespas du Roy Siuard ou Suiuard, fils du Roy Regnier, & pere du petit qu'on dit qui resta de la lignee Roiale, qui se nommoit Eric; duquel fut fils Canute ou Kunthe, qui luy succeda puis apres à sa couronne deuant Froto. Saxo Dan. en son histoire de Dannemarc.

Du Monde.	4992	Papes.	9	R. des Escossois.	1
De Iesus Christ.	855	E. d'Orient.	14	R. des Anglois.	17
Indiction.	15	E. d'Occident.	15	Cal. des Sarrazins.	25
De l'Hegire 241. le 20. de		R. des François.	15	Ducs de Venise.	18
May.		R. de Leon.	18	R. de Germanie.	15

LOTHAIRE 3. Empereur des François, esmeu de quelque deuotion ou de repentance de ses fautes, se demit du soin & de l'administration de l'Empire pour faire profession de la vie monastique en l'Abbaye de Prumien : où il mourut bien tost apres, à sçauoir le 29. iour de Septembre, ayant tenu l'Empire Occidental depuis le trespas de son pere 15. ans & enuiron 3. mois. Au moyen dequoy Louis 2. du nom son fils aîné demeura en possession de l'Empire Romain & du Roiaume d'Italie, qui luy auoit ia esté designé cy deuant. De sorte qu'il regna 19. ans & enuiron 10. mois. Mais ses deux autres freres eurent pour leur portion des biens de leur pere tout ce qui luy auoit appartenu en la Gaule deçà les Monts. Dequoy ils firent partage entr'eux : par lequel Charles eut avec la Bourgongne Transjurane les pais des Alpes, & les Comtez de Prouence & du Dauphiné : Lothaire la Bourgongne, où est auourd'huy la franche-Comté, avec ce qui estoit anciennement du Roiaume d'Austrasie deçà le Rhin ; qui commença par luy d'estre nommé le Roiaume de Lorraine. Annales de ce temps, Ado, Regino.

L'AUTEUR qui viuoit en ce siecle, que nous auons ia cy deuant allegué, declare que ce Louys fit quasi tout le temps de son regne sa demeure & son sejour à Rome, ou es environs d'icelle, où il commāda de plus grande puissance que n'auoit fait aucun de ses predecesseurs : dont il fut mal-voulu des Papes, apres mesmement qu'il eut pris l'Archeuefque de Rauēne en sa protection contre le Pape Nicolas. Tellement que cest auteur parle de luy en ceste sorte : *Hic quia magis ita Italiam habitare elegit, vicinior factus est Romæ, ubi & ampliori quadam usus est potestate, habens strenuos viros, eius urbis scientes antiquam Romanorum Imperatorum consuetudinem, & intimantes Cæsari, qui suggererant illi antiquam repetere Imperatorum consuetudinem, & nisi ob reuerentiam beatorum Apostolorum dimisisset, pro certo fecisset.*

RASTIC ou Ratissaus Duc de Morauie, estoit apres le depart du Roy de Germanie, venu faire des courtes iusques dedans les marches d'iceluy. Qui fut cause qu'il remena vne armee contre luy ceste annee, qu'il fit s'enfermer en vn lieu si aduantageux, qu'il n'y eut moyen de l'y assaillir. De sorte que l'armee se retira sans autre chose faire. Mais le Morauien donna sur la queue si asprement, qu'il en fit vn grand eschec. Annales de ce temps.

QUINZE ans apres la iournee de Fontenay, Charles le Chauue se fit oindre & sacrer Roy en la ville de Limoges, au Temple de saint Sauueur, (vne ancienne chartre dit que ce fut le 6. de Iuin) & de là s'en retourna en France, comme tesmoigne vne ancienne Chronique d'Angoulesme non imprimee. Celle d'Aimar adioute qu'il fut aussi lors aduise de supprimer le Roiaume d'Aquitaine, & l'eriger en Duché : dont le siege fut mis à Bordeaux, & par tout des Comtes & Gouverneurs pour resister aux Normans.

KENNETHE Roy d'Escoffe mourut en la 20. annee de son regne, apres auoir par ses prouesses grandement amplifié l'estenduë de son Roiaume, & iceluy reformé & melioré de bonnes loix. Au moyen dequoy les Escossois prindrent son frere Douald pour leur Roy en son lieu, qui fut cinquiesme du nom : ayans opinion qu'il ne deust forligner des bonnes mœurs & conditions de son frere, d'autant qu'il auoit bien sceu dextrement palier & dissimuler iusques alors ses mauuaises complexions. Hector Boëthius.

A Leon 4. Pape de Rome decedé le 17. iour de Iuliet, apres qu'il eut acheué de faire fermer de murailles celle partie de Rome où est le Vatican, & icelle dediee, succeda selon Anastasius au siege Papal Benoist 3. fils d'un citoyen Romain ; qui presida depuis son election, qui fut faicte le 23. iour du mesme mois, 2. ans, 5. mois, 16. iours. Tous les autres tou-

tesfois qui ont escrit l'histoire des Papes, tesmoignent d'un consentement qu'une certaine femme natifue de Majence, qui auoit estudié à Athenes, occupa le siege Papal souz le nom de Iean 8. l'espace (comme dit Iean Lucide) de 2. ans & 1. mois, entre lesdits Leon & Benoist: Au bout desquels elle mourut en trauail d'enfant. Mais Onufrius maintient fermement qu'elle n'a iamais esté, & que c'est pure fable ce qu'on a escrit d'elle; d'autant qu'Anastasijs, Luitprand, Regino, ne les anciennes Annales, n'aucun autre des plus proches de ce siecle n'en ont fait aucune mention: estimans que ce qui en est escrit en la Chronique de Sigebert, y a esté faulsemēt adiousté. Cependant Marianus Scotus, qui viuoit l'an 1080. declare bien expressement que celà se disoit ia de son temps. Au reste on tient que Benoist eut un competeur nommé Anastasijs, qui fut esleu cōtre luy par vne partie du peuple, & fut confermé par les deux Empereurs. Neantmoins toutesfois il luy fit en fin quitter la place.

V N Synode d'Euesques assemblé ceste annee à Valence en Daulphiné, par l'auctorité de l'Empereur Lothaire, à l'occasion de quelques Escoffois, decerna de la Predestination, du liberal Arbitre, & de la Iustification. Auquel Synode aussi les Euesques qui y assisterēt formerent vne plainte à l'Empereur Lothaire, de ce qu'il dōnoit des Euesques & Pasteurs ignorans aux Eglises: le prians de rēdre le droict au peuple & au Clergé de faire eslection canonique des Euesques, comme il auoit accoustumé auparauant. Ou bien que s'il luy plaitoit dōner des Euesques tirez de sa Cour aux Eglises, qu'il permist au moins aux Metropolitains de les examiner de leur vie, conuersation, doctrine & sçauoir. Tesmoignage que les Rois abusoient ia deslors de la puissance qu'ils auoient sur les eslections. Nonobstant que souz le Chauue, on n'en vsoit pas encor de telle façon, ou si frequemment sur les Eglises de France. Tesmoin Hincmare en ses Epistres, où il declare que les eslections se faisoient encore selon la coustume ancienne.

V N autre aussi fut pareillement celebré en la Lombardie, pour la reformatiō des mœurs des gens d'Eglise, & pour remedier à quelques abuz qui auoient lors vogue en icelle: où presiderent Angilbert Archeuesque de Milan, & André Patriarche d'Aquilee. Mais c'est merueilles qu'il ne se list point qu'il se soit parlé en aucun des Synodes de ce temps, du differend qui estoit lors entre l'Eglise Romaine & la Milanoise.

<i>Du Monde.</i>	4993	<i>Papes.</i>	1	<i>R. des Escoffois.</i>	2
<i>De Iesus Christ.</i>	8,6	<i>E. d'Orient.</i>	15	<i>R. des Anglois.</i>	18
<i>Indiction.</i>	4	<i>E. d'Occident.</i>	1	<i>Cal. des Sarrazins.</i>	26
<i>De l'Heure 242. le 9. de</i>		<i>R. des François.</i>	16	<i>Ducs de Venise.</i>	19
<i>May.</i>		<i>R. de Leon.</i>	19	<i>R. de Germanie.</i>	16

L'EMPEREUR Michel estant paruenue en aage d'adolescence, voulut prendre le gouvernement de l'Empire entre ses mains. A cause dequoy il fit par le conseil de son oncle Bardas, mourir le Patrice Theocrifte; & contraignit l'Imperatrice Theodora sa mere de s'en deffaire & deporter: tesmoin Zonare, Michaël Glyca, Constantin Manasses & Cedrenus, qui disent aussi que ce Michel commença deslors de se si mal conduire & gouverner en tous vices & dissensions, qu'aucuns l'ont comparé à un Sardanapalus: dont il fut surnommé l'Yurongne, à cause de son yurongnerie & gourmandise.

LOVS Roy de Germanie, ayant remis sus vne grande armee, la mena par le païs des Sorabes cōtre les Dalmatiens: lesquels Auentin estime estre les Vvendes ou Vvindes, qui sont delà la riuere d'Albis. Tant y a que par le moyen d'une bataille qu'il gagna sur eux, il les subiugua derechef, & les rendit ses tributaires. Qui fut cause que quelques Ducs & Seigneurs de Boëme se rendirent volontairement à luy, en repassant par deuers eux: comme les Annales de ce temps recitent. Au reste la region de Germanie qui se nomme encore aujourdhuy Vvāden, semble estre deriuee de ces Vvinides, que tous les Escriuains de ce siecle & des precedents, disent estre descenduz des Esclauons plustost que des Vvandales. Quoy que Melanthon, Albert Crants & autres se soient efforcez de maintenir l'opinion contraire. Car Iornandes mesmes tesmoigne que tous les Esclauons s'appelloient en general

en general Vvinides : & que leur païs estoit hors la Germanie.

RABANVS Archeuesque de Majence mourut le quatriesme iour de Feurier. Annales le ce temps.

LOTHAIRE Roy de Lorraine espousa ceste annee Thierberge sœur d'un Abbé de Bourgongne nommé Hucbert : avec laquelle il fit cy apres mauuais mefnage. Regino. Du Tillet afferme qu'elle estoit aussi sœur de la femme du Comte Bouine, dont il eut Richilde femme du Roy Charles le Chauue, & Boson.

NOGERE Euesque du Liege, homme docte & bien versé en la Philosophie, Musique, Poësie, Astrologie & Theologie, comme ses escrits tesmoignent, florissoit en ce temps : à qui on attribue l'inuention de l'usage des Sequences qui se chantent en l'Eglise, lesquelles furent approuuees par le Pape Nicolas. Tritemius.

Du Monde.	4994	Papes.	2	R. des Escossois.	3
De Iesus Christ.	857	E. d'Orient.	16	R. des Anglois.	19
Indiction.	5	E. d'Occident.	2	Cal. des Sarrazins.	27
De l'Hegire 243. le 2.		R. des François.	17	Ducs de Venise.	20
d'Auril.		R. de Leon.	20	R. d'Allemagne.	17

A la poursuite de Bardas Curopalate oncle de l'Empereur Michel, les bonnes lettres & sciences liberales furent remises en leur premiere estimation & honneur en la Grece, au moyen des gages & pensions qui furent assignez aux professeurs d'icelles : entre lesquels Leon cousin du Patriarche lean, s'acquit grand bruit en la profession d'interpreter la Philosophie & les Mathematiques. Cedrenus.

A Ethelwvlphe appelé es histoires de France Edelulfe Roy des Anglois decedé, succeda son fils nommé Ethelbalde, qui mourut le cinquiesme mois apres. Au moyen de quoy son fils Ethelbert fut son successeur & heritier, lequel regna heureusement huit ans : car il deffit à son arriuee vne grande armee de Danois, qui s'estoient osé venir hazarder dedans son Roiaume, selon que Polydore recite. Mais Balus est d'aduis que le Roy Ethelwvlphe mourut bien tost apres son retour de son second voyage de Rome : auquel il auoit espousé Judith fille du Roy Charles le Chauue. Qui fut la cause pourquoy (comme Vvillermus liure second, chapitre troisieme de son histoire d'Angleterre recite) son fils Ethelbald se rebella contre luy, & departit le Roiaume d'iceluy avec son frere Ethelbreth : prenant pour soy la Vvestsaxonie, & laissa à son frere la Cantie, païs de Kentz. Mais si cela se fit ceste annee, comme il veult, Ethelwvlphe ne peult auoir regné vingt ans, cinq mois : dont il se peult faire qu'ils luy laisserent encore quelque peu de son Roiaume. Tant y-a que l'histoire d'Angleterre est en cest endroit fort troublee & confuse. Les Chroniques de Flandre & de France adioustent que ladiète Judith s'en retournant apres le trespas de son mary en France, fut arrestee par Bauldouin Forestier des Ardenes : qui deuint tant amoureux de sa beaulté, qu'il l'espousa sans le consentement de son pere. Lequel toutesfois voyant que la chose faicte ne se pouuoit amender, fut cōtrainct de l'aduouër pour son gendre, & de luy dōner à tiltre de fief, en faueur de ce mariage, tout le païs de Flandre, qu'il erigea en Comté : faisant le semblable du pays de Holande, pour le donner à mesme tiltre à Thierry, afin de le rendre plus diligent & soigneux à le defendre contre les Normans : cōme tesmoignent les Chroniques & Histoires de Flandre. Mais Floard en la vie de Hincmare Archeuesque de Reims, declare que ceste Princeesse apres auoir vëdu ce qu'elle auoit en Angleterre, s'en reuint en France, & se tint à Senlis : où Bauldouin la vint si bien carresser, qu'elle se laissa emmener de son bon gré par luy : du cōsentement toutesfois de Louys le Begue son frere, nonobstant que le Roy Charles son pere n'en sceust rien. Lequel fut aussi tellement irrité de ce faict, qu'il fit condamner & bannir le raptur par sa iustice temporelle, & excommunier par iugement des Euesques assemblez : avec defences de ne le laisser habiter en aucun Roiaume des Frâçois, mais le contraindre d'ester à droict, & faire penitence selon la loy Canonique. Ce nonobstât il fut retiré par le Roy Lothaire de Lorraine : & puis de là s'en alla finalement avec sa femme à Rome vers le Pape Nicolas I. qui en leur faueur enuoya cy apres Rhodoald Euesque du Port, accōpagné d'un autre Euesque, deuers le Roy Charles pour faire leur paix. A la poursuite desquels les Euesques de

France furent assemblez à Soissons, qui reuocquerent les censures precedentes, estant le Roy Charles appaisé, qui donna bien consentemēt à ce mariage: mais il ne se voulut trouuer aux espousailles faictes à Auxerre. S'il honora aussi lors son gendre du tiltre de Comté ou Marquisat hereditaire, ie ne l'ay pas encor leu en autheur ancien.

<i>Du Monde.</i>	4995	<i>Papes.</i>	1	<i>R. des Escossois.</i>	4
<i>De Iesus Christ.</i>	858	<i>E. d Orient.</i>	17	<i>R. des Anglois.</i>	20
<i>Indiction.</i>	6	<i>E. d Occident.</i>	3	<i>Cal. des Sarraxins.</i>	28
<i>De l'Hegire 244. le 18.</i>		<i>R. des François.</i>	18	<i>Ducs de Venise.</i>	21
<i>a^r Avril.</i>		<i>R. de Leon.</i>	21	<i>R. de Germanie.</i>	18

CHARLES Roy de Prouence, appellé par Flodoard Roy de la Gaule Cisalpine, mourut: tesmoin Regino, ceste annee. Combien qu'Ado & Guillaume de Malmesberie estiment que ce fut huit ans apres le trespas de son pere. Mais tant y a qu'il ne laissa aucuns enfans. Au moyen dequoy Charles Roy de France se voulut empieter de son Roiaume: dōt il entra en dispute avec le Roy Lothaire, qui en fin le fit retirer chez soy, à l'aide que luy enuoya l'Empereur Louis: ausquels la succession de leur pere appartenoit legitiment. De sorte qu'ils la departirent entr'eux, en telle maniere que Louys retint toute la Prouence & le Daulphiné à soy, avec le pays des Alpes: Lothaire toute la Bourgongne, qui est depuis le mont S. Bernard iusques au Vauge. C'est ce que semble Hincmare auoir voulu signifier en ses Epistres (au rapport de Flodoard) où il declare que le Comte Gerard l'auoit aduertie que Charles Roy de France vouloit enuahir le Roiaume de Charles Roy de la Gaule Cisalpine son seigneur. Ce que toutesfois il n'estime estre veritable. Si est-ce qu'il ne semble point que Charles ait eu aucune occasion de se vouloir mesler de ceste succession ceste annee, veu le differend qu'il eut avec son frere & ses subiects, & les affaires que luy donnoient les Normans & Bretons. Parquoy il est plus croyable que ce qu'a escrit Regino de luy conuient à l'Empereur Louys, ainsi mesme qu'Ado nous declare. Si ainsi est, comme recitent les Annales de ce temps, que Loys Roy de Germanie apres auoir laissé vne armee à son fils Carloman, pour contenir les Esclauons de Morauie: vne autre à Louys son autre fils, pour s'opposer aux Abodrites & Liuoniens: & la troisieme à vn Capitaine nommé Tracolse, pour aller reduire les Sorabes, qui faisoient refus de luy rendre obeissance. Et auoit mené luy-mesme le reste de sa puissance en la France: nonobstant les dissuasions que Hincmare Archeuesque de Reims & les autres Euesques de France luy enuoyèrent faire par lettres: où la pluspart des seigneurs, signamment de l'Aquitaine, l'auoient enuoyé solliciter de venir, pour les prendre en sa protection & sauuegarde, contre la tyrannie du Roy Charles: lequel estant lors occupé contre les Normans aupres de la Loire, fut contrainct de les laisser pour s'opposer à son frere: nonobstant qu'il ne s'osast pas hazarder de le combattre, ny aussi d'approcher de luy, se deffiant de ses propres gens (si mal affectionnez enuers luy, que la pluspart d'eux se rendirent mesme souz l'enseigne de son ennemy. De sorte qu'ils le firent couronner Roy de France en la Bourgongne par Guenilo Archeuesque de Sens: tesmoin Odorannus. Somme que luy estant forcé de caller le voile, son frere fut receu en la ville de Sens; où il commença de faire estat de la France comme de son propre domaine: prenant telle confiance en ceste premiere faueur de fortune, qu'il renuoya toute la gendarmerie qui l'auoit accompagnée d'Allemagne: comme les anciennes Annales de ce temps recitent. Auentin pensant enrichir ce faict à l'exaltation de sa nation, l'a tellement amplifié de conuices & de calomnies, qu'il s'est monstré totalement despoüillé du sentiment de ceste modestie & grauité qu'il requiert es autres qui en ont moins faulte que luy.

SCLAVISTA ou Schalauingat de Vvitztrach Prince de Boëme, entra ceste annee en debat contre vn sien frere, pour la succession de leur pere. Et fit en telle sorte qu'il l'en frauda du tout. Qui fut cause qu'il se retira vers le Roy de Germanie, de qui il receut vne armee souz la conduite d'Ernest Gouverneur des marches de Bauiere, & de Rodolfe Comte Palatin, accompagnez d'un Euesque Otgarie pour se remettre en son droit. Ce qui luy succeda si bien, qu'il chassa son frere de tout le pais de Boëme, & le contraignit se retirer

retirer vers Ratiflaus ou Rastic Roy des Esclavons de Morauie. Annales de ce temps. Cependant les histoires de Boëme ne font aucune mention de ce Sclauista entre leurs Princes sous tel nom, ny de toutes les guerres de Boëme mentionnées cy dessus & cy apres. Indice qu'il ne fault pas beaucoup se fier en icelles : nonobstant qu'il semble qu'elles veulent mettre en ce temps vn Creuomissius ou Grezomisslaus, qu'Æneas Siluius appelle 8. Duc de Boëme, Dubranus le 9. disant qu'il fut fils de Vvesslaus ou Vvisslaus.

BENOIST troisieme Pape de Rome mourut le 8. iour d'Auril, & eut pour successeur Nicolas I. fils d'un citoyen de Rome, qui presida depuis son election faite 15. iours apres le trespas de son predecesseur, 9. ans, 6. mois, 20. iours : pourueu que le tesmoignage d'Onufrius & de ses auteurs soit plus veritable que de Regino, A do & des Annales de ce temps, qui disent qu'il mourut l'an 867. Les Historiens qui escriuent l'histoire des Papes, l'ont tellement prisé à cause de sa bonne vie, qu'ils ne font point difficulté de le preferer à tous les Papes qui l'ont precedé depuis Gregoire le Grand : d'autant mesmement qu'il auança plus la puissance & auctorité de son siege, qu'aucun autre n'auoit fait : estant le premier qui mit en pratique tout ce qu'on dit que les autres luy auoient attribué par leurs constitutions, & ce que luy-mesme s'attribuoit par les siennes, qui sont recitees au liure Pontifical & des Conciles. Par l'une desquelles il affermoit qu'aucun ne peult estre sauué qui ne se soubmift à l'Eglise Romaine : & qu'il n'est pas licite de disputer & reuocquer en doute la puissance du Pape. Neantmoins pource qu'il voulut interdire le mariage & la compagnie des femmes legitimes aux gens d'Eglise, il se trouue vne Epistre que luy escriuit Vldarich ou Huldreich Euesque d'Ausbourg : en laquelle il l'argue fort franchement de vouloir estre promoteur d'une (qu'il appelle) si pernicieuse ordonnance : s'efforçant de montrer par beaucoup de raisons & exemples, que le mariage des Prestres est approuué de Dieu ; & qu'on ne leur peult iustement defendre. A quoy il adioute que comme le Pape peult errer, qu'il est aussi licite aux autres de l'admonester de son erreur, & de refuter & reietter ses statuts s'ils sont iniques.

JEAN Erigene surnommé l'Escoffois, homme merueilleusement docte es lettres & sciences Grecques, Latines, Hebraïques, Chaldaïques & Arabiques, florissoit en ce tēps : auquel il translatà de Grec en Latin les œuvres de la Hierarchie celeste, qu'on attribue à saint Denis Areopagite, à la requeste de Charles le Chauue. On dit aussi qu'il composa vn traité de la Cene, qu'il intitula du Corps & sang du Seigneur. Qui fut, comme on dit, condamné cy apres au Concile de Versel ; pource qu'il maintenoit la mesme opinion que Bertramus. Ranulfus, Tritemius.

<i>Du Monde.</i>	4996	<i>Papes.</i>	2	<i>R. des Escoffois.</i>	5
<i>De Iesus Christ.</i>	859	<i>E. d'Orient.</i>	18	<i>R. des Anglois.</i>	1
<i>Indiction.</i>	7	<i>E. d'Occident.</i>	4	<i>Cal. des Sarrazins.</i>	29
<i>De l'egire 245. le 7. d'A-</i>		<i>R. des François.</i>	19	<i>Ducs de Venise.</i>	22
<i>uril.</i>		<i>R. de Leon.</i>	22	<i>R. de Germanie.</i>	19

Les François ne pouans bien compatir avec les fieres & mal-gracieuses complexions des Allemands, auxquels ils auoient tousiours depuis le Roy Clouis donné la loy ; se degoustèrent en peu de temps de leur accointance. Qui fut cause que le Roy Charles ayant recouuré nouuelles forces, les fit retirer avec son frere (comme Sigebert & Vincent tesmoignent) honteusement en Allemagne, apres qu'ils eurent passé l'hyuer en la France, ou bien la moitié de l'hyuer seulement : car il y a chartre qui tesmoigne que Charles fut restitué en son Roiaume le quinzieme iour de Ianuier. Ioinct que son accroissement estoit ia trop suspect à l'Empereur Louis & à son frere. Combien que les Annales de ce temps & Auentin estiment que la rebellion des Venedes & Sorabes le firent retourner chez soy, pour entendre à la guerre que ses gens auoient commencee à Rastic ou Ratiflaus Duc des Esclavons de Morauie, qui auoit receu le frere du Prince de Boëme en son pais : lequel se defendit si mal, qu'il fut en bien peu de temps (au dire de Regino & de Sigebert) deffait en vne bataille, & retenu prisonnier par les Allemands, qui aussi luy creuerent

QQ ij

les yeux. Nonobstant qu'Auentin recite avec les Annales de ce temps, que son Roiaume luy fut laissé à tiltre de fief, & de payer tous les ans certain tribut au Roy de Germanie: avec lequel furent cependant tenuz plusieurs colloques & embouchemens, afin de le reconcilier avec son frere: qui ne reuindrent à aucun effect pour ceste annee.

EN laquelle aussi le Roy Lothaire institua Hucbert Abbé de saint Richier frere de sa femme Thietberge, Duc & Gouverneur de la Bourgongne, qui est entre le mont de Iou & les Alpes, selon Regino. Mais ce que Lazius a escrit de la genealogie d'iceluy, est appertement refuté par vn tesmoignage du Pape Nicolas premier, qui est au decret, chapitre *Theugaldum*, où il appelle ledit Hucbert & sa sœur enfans d'un certain Côte nommé Boson.

LE Roy Charles apres auoir recouré son Roiaume, fit celebrer deux Conciles des Euesques des douze prouinces de France: l'un à Mets le premier iour de Iuillet, l'autre à Sauonniere au territoire de Toul. La cause fut pour y faire le procez à Vvenilo ou Gue- nilo Archeuesque de Sens, qui l'auoit desloyalement trahi & abandonné: se dōnant à son frere, encor qu'il eust esté par luy estably à l'Euesché de Sens. Plusieurs statuts furent faicts en ce dernier, nommément vn contre aucuns qu'on disoit auoir mal dogmatizé de la Predestination. Aussi les Euesques de Bretagne y furent admōnestez de ne se soustraire de l'obeissance de leur Metropolitain, qui estoit l'Archeuesque de Tours; & d'aduouër leur Roy Salomon de garder la foy qu'il auoit iuree & promise au Roy Charles se retournant en son obeissance, & se souuenant que dès le commencement auoit esté subiecte aux François: autrement qu'il seroit excommunié, ainsi que tesmoignent les actes desdits Synodes, qui se voyent auourd'huy en la Librairie de l'Eglise de Beauuais. Floard avec du Tillet & Masson en font mention, monsieur Fauchet President en la chambre des Monnoyes à Paris, m'a affermé les auoir eu entre ses mains, en vn ancien liure qui semble auoir esté escrit plus de cinq ou six cens ans auparauant: qui est pour satisfaire aux ca- uillations d'un nouveau Chroniqueur Breton, qui a voulu gronder contre le tesmoignage de du Tillet pour iceux. Bodin liure premier de sa Republique, fait mētion de l'as- semblee des Estats de France ceste mesme annee, où les Bretons & leur Prince furent accu- sez de leze Majesté, pour rebellion contre le Roy Charles. Je ne sçay s'il a entendu celà desdits Synodes, ou d'un Parlement general. Celà cependant est certain tesmoignage cō- tre Regino & Sigebert, que les Rois Neomene & Erispee estoient decedez long temps deuant qu'ils n'ont escrit.

LES Nauarrois & Gascons estans guerroyez des Sarrazins, furent secouruz & deliurez enuiron ce temps par le Roy Alfonse. Fran. Tarafa.

LINDVLFE Duc de Saxe mourut, laissant trois fils nommez Brunon, Dankemort & Othon: lequel fut seul de ses freres qui espousa femme, dont il laissa lignee. Chroniq. de Saxe.

LE Souldan de Melitene estant derechef entré avec vne armee de trente mille hom- mes dedans les prouinces de l'Empire de Grece, deffit & mit en route vne autre armee bien plus grande que la sienne, que l'Empereur Michel luy voulut opposer: lequel mesme y eust demouré sans le Capitaine Manuël, qui le retira du danger. Cedrenus.

<i>Du Monde.</i>	4997	<i>Papes.</i>	3	<i>R. de la Germanie.</i>	20
<i>De Iesus Christ.</i>	860	<i>E. d'Orient.</i>	19	<i>R. des Escossois.</i>	6
<i>Indiction.</i>	8	<i>E. d'Occident.</i>	5	<i>R. des Anglois.</i>	2
<i>De l'Hegire 246. le 27. de</i>		<i>R. des François.</i>	20	<i>Cal. des Sarrazins.</i>	30
<i>Mars.</i>		<i>R. de Leon.</i>	23	<i>Ducs de Venise.</i>	23

LES peuples de la Dalmatie, Seruie & Croatie se rebellerent enuiron ce temps contre l'Empereur de Grece, & se mirent en liberté. Cedrenus.

PAR l'entremise du Roy Lothaire & de beaucoup de gens de bien, les Rois Louïs & Charles se mirent d'accord en la ville de Conuenance en Lorraine, faisant serment solen- nel l'un à l'autre de l'observer cy apres inuiolablement. Annales de ce temps.

A VOYEL temps aussi les Pictes qui estoient bāniz de leur païs, furent aduertiz du mau- uais gouuernement du Roy d'Escoffe, qui leur sembloit presenter vn grand moyen de re- couurer leur païs. Occasion pourquoy ils firent si bien entendre leur affaire aux Rois

Osbreth

Osbreth & Ella des Anglois & Bretons, qu'ils receurent vn grand secours d'eux : avec lequel ils entrerent dedans le Roiaume d'Escoffe, où le Roy Douald leur donna du cōmencement des affaires plus qu'ils n'auoient esperé, les ayant fort rudement traittez en deux rencontres. Mais il en conceut vne telle confiance, qu'elle luy fit oublier le soin de faire obseruer la discipline militaire dedans son camp. A quoy ils prindrent si bien garde, qu'ils l'allerent surprendre tout à poinct que ses gens estoient en desordre. Au moyen dequoy ils taillerent la pluspart en piéces : mirent les autres en route, & le retindrent luy-mesme prisonnier. Qui fut cause de faire condescendre les autres à telles conditions de paix que voulurent les Piétes. Par lesquelles tout le païs qui est delà les riuieres de Forthea & de Cluda leur fut rendu, en remettant le Roy Douald en liberté. Qui fit si mal son profit de ceste trauerse de fortune, qu'il ne s'en mōstra pourtant touché d'aucune enuie d'amender sa vie. De laquelle les Escossois furent en fin si degoustez qu'ils le mirent en prison, où il se tua soy-mesme en la sixiesme année de son regne. Au moyen dequoy Constantin fils du feu Roy Kenneth, regna du consentement des Escossois en son lieu, & dura son regne 13. ans. Hector Boëthius liu. 10.

S o v z le Roy Charles le Chauue les lettres & sciences liberales florirent grandement en France, par le benefice & liberalité d'iceluy ; qui y attira de toutes parts, mesmement de la Grece & de l'Hybernie, les gens de sçauoir qui en faisoient profession : ainsi que tesmoigne Henry moine d'Auxerre en vn de ses escrits, où il en parle en ceste sorte : *Illud vel maxime tibi aternam parat memoriam, quod famatissimi aui tui Caroli studium erga immortales disciplinas non modò ex aquo representas, verumetiam incomparabili fauore transcendis. Dum quod ille sopitis eduxit cineribus, tu fomento multiplici, tum beneficiorum tum auctoritatis vsque prouehis. Ne enim nostra inertia quæ cecitatem sua sponte amplectitur, velum sibi excusationis de ignorantia obduceret, neve præceptorum inopia meritò causaretur : id tibi singulare studium effecisti, ut sicubi terrarum magistri florent artium, quarum principalem operam philosophia pollicetur, hoc ad publicam eruditionem undecumque tua celsitudo conduceret, comitas attraheret dapilatas prouocaret. Luget hoc Græcia nouis inuidiæ aculeis lacerata, quam sui quondam incolæ cum Asiaticis opibus aspernântur, tua potius magnanimitate delectati, studiis allecti, liberalitate confisi. Dolet inquam se olim singulariter mirabilem ac mirabiliter singularem à suis destitui. Dolet certè sua illa priuilegia, quod nunquam hætenus verita est, ad climata nostra transferri. Quid Hyberniam memorem contempto Pelagi discrimine pænè totam cum grege philosophorum ad litora nostra migrantem? quorum quisquis peritior est, vltro sibi indicit exilium.* Puis apres : *Dum te tuosque ornamentis sapientiæ illustrare contendis, cunctarum ferè gentium scholas & studia sustulisti.* Apres il conclut : *Hinc est quod cum sit perantiqua sententia, silent leges inter arma, hæ tamen tam belli quàm pacis tempore apud te plurimum semper obtinent dignitatis, ita ut meritò vocitetur schola palatium, cuius apex non minus secularibus quàm militaribus consuecit quotidie disciplinis.* Pour ceste cause l'auteur Italien lequel nous auons allegué plusieurs fois cy deuant, dit, que Charles, *Erat in literis sicut philosophus.* Qui fut cause que ce siecle produisit en France vn grand nombre de doctes personages, bien verséz és langues Grecques & Latines, ou és sciences diuines, humaines, philosophiques, comme ledit moine Henry, avec Hincmare Archeuesque de Reims, Ansegise de Sens, Jonas d'Orleans, Freulf de Lizieux, Hilduin de Paris, Ado de Vienne, Euesques, avec Loup Abbé de Ferrieres.

M E T H O D I V S natif d'Illyrie, homme docte & zelé à l'aduancement de la gloire de Dieu, ayant translaté les liures de la sainte Escriture en langue vulgaire aux Esclauons, Vvandaes & Dalmatiens, leur persuada d'vser de langue vulgaire au lieu de la Latine, tât en leurs prieres Ecclesiastiques qu'en leur seruice diuin. A cause dequoy on dit que les Euesques du païs le prindrēt si à cœur, qu'ils le contraignirent de s'enfuir en la Morauie, où il mourut, comme Balæus recite. Mais la Chroniq. de Pologne liu. 1. ch. 13. & Philippe de Bergome liu. 11. disent que ce fut le Pape Nicolas qui voulut cōmander aux Esclauons de faire le seruice diuin, & administrer les Sacrements en langue Latine : & que ne luy voulans obtemperer, il leur permit par maniere de dispense de le faire en leur langue, afin qu'ils semblassent tout faire selon ses statuts.

<i>Du Monde.</i>	4998	<i>Papes.</i>	4	<i>R. des Escossois.</i>	1
<i>De Iesus Christ.</i>	861	<i>E. d'Orient.</i>	20	<i>R. des Anglois.</i>	3
<i>Indiction.</i>	9	<i>E. d'Occident.</i>	6	<i>Cal. des Sarrazins.</i>	31
<i>De l'Hegire 247. le 16. de</i>		<i>R. des François.</i>	21	<i>Ducs de Venise.</i>	24
<i>Mars.</i>		<i>R. de Leon.</i>	24	<i>R. de Germanie.</i>	21

ROBERT fils, à ce que les Escriptuains Allemans modernes disent, de Vittikinde de la race des Ducs de Saxe : mesmement de celuy. qui auoit si long temps tenu bon contre Charlemagne, fut ceste année institué Comte & Gouverneur du pais qui est entre la Seine & la Loire, pour la defendre contre les aggressions des Bretons & Normans, par le Roy Charles qui l'auoit fait venir à son seruice, en cōsideration de sa vaillance & prouesse : comme Regino tesmoigne. On cognoistra cy apres que de luy est issuë en ligne directe la race de Hugues Capet.

A v mesme temps plusieurs Princes & seigneurs d'Allemagne furent conuaincuz d'infidelité & desloyauté enuers leur Roy Louis, qui les fit punir comme il appartenoit. Mais ce qu'il courrouça plus, fut que Carloman mesme son fils aîné se trouua aussi vouloir machiner quelque nouuelleté contre luy ; d'autant qu'il s'ingera de deposer au desceu de son pere les Gouverneurs de la marche d'Hongrie, & en supposer d'autres à sa poste : tesmoin les Annales de ce temps. Auentin s'est bien gardé d'exagerer ce faict de conuices & calomnies, comme celuy de l'entreprise contre le Roy Charles, au denigrement de la nation François.

LA Sicile & ce que les Grecs tenoient en Italie, tomba enuiron ce temps en la puissance des Sarrazins, apres qu'ils eurent pris la ville de Syracuse, laquelle ils firent desmanteler, & toutes les autres forteresses aussi qui estoient en l'isle, excepté Panorme, que ils se reseruerent pour retraite : d'où ils commencerent quant-&-quant à molester & faire tous actes d'hostilité contre toutes les places voisines de terre ferme, & les isles de la Grece.

CEPENDANT le Souldan de Melitene (combien que Coelius August. estime que ce fut Maumus fils du Calife Imbrael) esperant faire aussi bien ses affaires dedans les prouinces de l'Empire qu'il auoit auparauant, s'y meit derechef avec vne armee de quarante mille hōmes, qui vint iusques dedans l'Armenie : où se trouua Petronas oncle de l'Empereur avec vne autre armee, qui fit si vaillamment son deuoir contr'eux, qu'il les tailla quasi tous en pieces, & le Souldan mesme en vn lieu qui se nommoit Lalaceon. Qui fut cause que les Sarrazins de ce costé-là n'oserent de long temps apres venir harceler l'Empire Grec. Cedrenus.

ETHELBALD fils du Roy Ethelunolphe, apres auoir regné cinq ans au Roiaume des Saxons Occidentaux en Angleterre, mourut. Au moyen dequoy tout le Roiaume de son pere reuint entre les mains de son frere Ethelbert, qui regnoit ia au pais de Kentz. Guillaume de Malmesberie.

Commencement du Royaume de Rulsie & Moscouie.



LES RUTHENIENS & Russiens estans en dissension quasi continuelle contr'eux, pour n'auoir point de Prince à qui ils se peussent rapporter de leurs differends, furent en fin conseillez par vn citoyen de Nouogarde nommé Gotomissel, de faire venir du pais des Vvaragiés trois freres qui se nommoient Truber ou Truor, Rurich, & Sinan ou Sinaus, pour commander sur eux : à cause de la bonne opinion qu'on auoit de leur vertu & preud hommie. Lesquels estans en ceste sorte receuz de tous les Russiens, departirent entr'eux les prouinces de Rulsie. De telle maniere que la Nouogarde aduint à Rurich, qui établit

establi son siege en la cité de Ladoga: la Pleſcouie à Trubor ou Truor: & le pays du Lac blanc à Sinaus, qui mourut le premier peu de temps apres, & son frere Trubor semblablement. Au moyen dequoy toute la Russie fut entierement réunie sous la puissance de Rurich, qui y establi aussi bien sa lignee que les Princes de Moscouie qui sont aujourdhuy en reprennent leur origine. Car il laissa à sa mort vn fils nommé Igor en fort bas aage sous la tutelle & gouvernement d'un sien parent nommé Olech, en qui il se fioit grandement. Lequel toutesfois s'empara pour soy-mesme de la principauté de Russie, & la garda iusques à sa mort par l'espace de 33. ans, durant lesquels il gagna plusieurs victoires sur ses voisins, moyennant lesquelles il augmenta son domaine de beaucoup de conquestes de Prouinces. Et vint en fin à telle puissance qu'il osa mener vne armee iusques dedans la Grece, qui assiegea la cité de Constantinople. Mais apres luy la principauté retourna à Igor qui fut mari d'une fille de Pleſcouie nommee Olha, desquels nous parlerons encore cy apres. Ce pendant ce commencement de regne de Russie est par la supputation des Grecs que les Moscouites ensuyuent attribué à l'an de la creation du monde 6370. qui reuiert au iugement de Sigismund Herbesten Baron au traité des Moscouites & de Martin Cromer en son histoire de Pologne à l'an de nostre Seigneur 861.

Aucuns autres comptent depuis le commencement du regne de Rurich iusques au trespas de son fils Igor 100. ou 103. ans, car il y en a qui disent qu'il mourut l'an 950. autres 964. dont il faudroit que le pere & le fils eussent long temps regné. Ce pendant nous n'oublirons à dire que les Russiens & Moscouites ne se souuiennent d'aucuns de ceux qui ont regné deuant Rurich sur eux ne qui furent les premiers qui iamais se firent Seigneurs & ont commandé en la Moscouie, Lithuanie & Russie blanche, estant venue telle ignorance de ce que ces peuples n'vsoient d'aucuns caracteres pour escrire les faicts & gestes de leurs Roys & Republiques deuant que regnast Michel le Paphlagonien Empereur en la Grece: sous lequel ils s'accorderent à la langue & aux caracteres des Esclauons, desquels aussi ils se disoient estre originaires, nonobstant que leurs Princes se vantent estre descendus des Romains. Ce que nous entendons des Empereurs de Constantinople, qui se disoient Romains, en le prenant encore par ligne maternelle: Car il se confessent eux mesmes en leurs histoires estre issus de ce Rurich, qu'ils enuoyerent querir au pays des Vvaregiens ou de Vvagrie ou Vvaregie, qu'aucuns estiment estre le pays de Pomeranie non loing de Lubec & du Duché de Holſate en Allemagne pres la mer Liuonique où Balthee, parce qu'encores aujourdhuy les Russiens appellent icelle mer Vvarets Koye Morie qui signifie mer de Vvaregie, qui est le sein separant l'Allemagne de la Prussie & Liuonie & la partie maritime de Moscouie d'avec le Royaume de Sueſſe.

La cité de Brunſuig en Allemagne fut en ce temps fondee & construite par Bruno & Dranchmor Ducs de Saxe, Chroniques de Saxe.

<i>Du Monde.</i>	4999	<i>Papes.</i>	5	<i>R. d'Escoſſe.</i>	2
<i>De Iesus Christ.</i>	862	<i>E. d'Orient.</i>	21	<i>R. d'Angleterre.</i>	4.
<i>Indiction.</i>	10	<i>E. d'Occident.</i>	7	<i>Cal. des Sarrazins.</i>	32
<i>De l'Hegire</i>	248. le 6. de	<i>R. des François.</i>	22	<i>Ducs de Venise.</i>	25
<i>Mars.</i>		<i>R. de Leon.</i>	25	<i>R. de Germanie.</i>	22

Loys Roy de Germanie apres auoir receu en grace son fils Carloman, alla parlementer avec le Roy Lothaire son nepueu à Maience, & puis mena son armee contre les Abodrites qui luy refusoient leur obeissance accoustumee. Mais sa venue les estonna de telle façon qu'ils furent contraints avec leur Duc Tabannazil de se rendre à sa discretion, & de bailler ostages de leurs promesses. Annales de ce temps.

Environ ce temps regna au pays de Pologne vn Prince nommé Piaſt ayant esté esleu Roy du consentement de tous les estats du pays apres le trespas de Popiel ſecond, que on dit auoir esté deuoré des rats. Et combien qu'il n'eust mené au parauant autre vie que la rustique, si est-ce qu'on n'eust ſceu mieux ſagement ny prudemment gouverner Royaume qu'il ſeit le ſien iusques à ſa mort, qui le prit à ce qu'on dit en la 120. annee de son aage, laissant ſa ſucceſſion à ſon fils Ziemouitte. La poſterité auſſi duquel ſucceda de ligne en li-

gne au Royaume de Pologne iufques à Cafimire fecond, en qui elle print fin. Martin Cromer liu. 2.

LES Princes, Barons, Miniftres de iuflice & Prelats de la France afemblez en vn lieu dit Piftis, qu'on eftime eſtre aujourd'huy Poiffy, qui eſt fur la riuere de Seine, (ou les Normans auoient vn temps auparauant fait ſejour) avec le Roy Charles, lors qu'il eſtoit en la 23. annee de ſon regne, Indiction 10. en cours, reſolurent que pour remedier aux calamitez que Dieu enuoioit ſur le Royaume par les Normans, qu'il failloit appaiſer ſon ire par amandement de vie, reformation de tous eſtats & correction des vices & crimes qui ſembloient alors auoir plus de cours. Liure des Conciles.

JEAN Archeueſque de Rauenne, deſirant remettre ſon Eglife en ſon ancienne auctorité & liberté, trouua moyen de ſ'inſinuer en la grace de l'Empereur Loys, ſous l'appuy duquel il ſe voulut departir de l'obeiſſance & ſubiection du Pape, alleguant qu'il n'auoit aucune ſuperiorité ny puissance ſur les autres. De ſorte qu'il empeſchoit qu'aucune appellation n'allat de ſon Diocèſe à Rome, deſtournant auſſi tant qu'il pouuoit ceux qui y alloient par deuotion, qu'il diſoit eſtre ſuperſtition. A cauſe dequoy le Pape Nicolas ſeit aſſembler vn Concile de certains Eueſques à Rome, auquel il fut cité & en défaut de comparoir condamné & excommunié par contumace. Qui fut cauſe que tout le monde ſe ſepara de ſa compagnie & frequétation, dont il fut en fin reduit à la neceſſité de ſaller ſoubsmettre à tous les vuloirſ & commandements du Pape, la puissance duquel fut grandement augmentee par ceſte victoire. Comme la pluſpart des hiftoriens d'Italie recitent. Mais il ſe trouue vn autheur qui viuoit en ce ſiecle, lequel parle de ce different en ceſte ſorte. *Præſidebat (dit-il) tunc Rauennati Eccleſiæ Ioannes Archiepiſcopus, qui ſeruiens Imperatori familiarior erat: unde inuidia ductus Romanus Pontifex nomine Nicolaus exarſit in iram contra illum, vocans eum ſubdolè Romam, vt quaſi Eccleſiaſtico iudicio poſſet hunc condemnare & alterum ſubrogare. Hiſ quippe auditis Archiepiſcopus conſugit ad Reginam Engelbergam, quæ ſuos legatos direxit Apoſtolico, rogans vt redderet gratiam Archiepiſcopo. Quod cum impetrare nequiret, ſuo domino humiliter intimauit vt gratiam interſerret ſuæ tuitionis Archiepiſcopo, vetans Apoſtolicum ei nullam inquietudinem facere. Et quia inaudito Principe Apoſtolicus excommunicationes in eum protulit, grauis inimicitia inter eos facta eſt. Erectus eſt denique Regius honor contra Apoſtolicam dignitatem, obſciens ei antiqua patrum ſtatuta, non licere Prelato excommunicare Episcopum inconfulto Synodali Concilio: Et quia Synodus non à Papa ſed ab Imperatore vocari deberet. Plurimæ denique irrogationes pro tali occaſione illatæ ſunt Romano Pontifici. Nam Pentapoli beneficiales ordines ſuis diſtribuit, præcipiens nullam adminiſtrationem impendere Romæ exceptis ſuffragiis nouali deportatione. Fecit etiam occupare nonnulla patrimonia in Campania partibus Regio vſui ſuorumque fidelium. Conſtituit denique conſultu Romanorum Principum in vrbe Roma Arſenium quendam Episcopum ſanctitate & ſcientia adornatum, & Apocriſarium ſedis Romana, deditque illi adiutorem Ioannem Diaconum Archicancellarium ſuumque Secretarium. Tempore igitur congruo Imperator veniebat Romam & ſuſcipiebatur ab omnibus tam maioribus quàm minoribus honorificè, veniebatque cum eo iam dictus Archiepiſcopus Rauenna, nil metuens minas Pontificis. Vnde euenit maior diſcordia inter Papam & Imperatorem. Erat quippe Imperator in Palatio ſancti Petri, & Papa ad ſanctos Apoſtolos.*

OR DE ceſte occaſion le Pape Nicolas conceut vn tel deſpit contre l'Empereur, qu'il entra en deliberation de deſpouiller Loys de l'Empire, & de le transferer à Charles le Chauue. Ce qu'il ſe fuſt efforcé poſſible de faire, ſi les moyens ne luy euſſent (comme ie croy) defailliy. Dont il ſe voit eſcrit en la harangue que le Pape Iean ſeit quand il couronna Charles le Chauue Empereur. *Et quia pridem Apoſtolica memoria deceſſori noſtro Papæ Nicolao id ipſum iam inſpiratione cœleſti reuelatum fuiſſe comperimus, elegimus hunc merito & comprobauimus, &c.*

Du Monde.

<i>Du Monde.</i>	5000	<i>Papes.</i>	6	<i>R. de Germanie.</i>	23
<i>De Iesus Christ.</i>	863	<i>E. d'Orient.</i>	22	<i>R. d'Ecosse.</i>	3
<i>Indiction.</i>	11	<i>E. d'Occident.</i>	8	<i>R. d'Angleterre.</i>	5
<i>De l'Hegire 249. le 24. de</i>		<i>R. des François.</i>	23	<i>Cal. des Sarrazins.</i>	33
<i>Feurier.</i>		<i>R. de Leon.</i>	26	<i>Ducs de Venise.</i>	26

CARLOMAN ayant esté accusé enuers le Roy de Germanie son pere, de plusieurs faul-
ses charges, fut contraint de s'enfuir au pays de Carinthie qu'on disoit lors Carentanie, où
son pere le voulut aller trouuer en personne. Mais il se vint si humblement presenter deuât
luy, qu'il le receut en ses iustifications. Ce pendant il laissa Gundachare Comte de Carin-
thie, pource qu'il festoit retiré dudit Carloman à luy. Annales de ce temps.

ENVIRON ce temps les Sarrazins de Crete coururent les isles Cyclades. Cedrenus.

LOTHAIRE Roy de Lorraine s'estant par trop extrememēt amouraché d'une sienne
concubine nommée Vvaldrade, voulut repudier sa femme Thietberge pour prendre l'autre
en son lieu. Et pource qu'il s'asseuroit bien de la faueur des principaux Prelats de son
Royaume, il les feit assembler à Mets en l'indictiō (comme disent les Annales de ce temps)
vnziesme au mois de Iuin sous la presidence de Gunthier Archeuesque de Coulongne, &
Thietgaud Archeuesque de Treues oncle de Vvaldrade, pour ouyr les accusations qu'il
vouloit proposer contre sa femme, qui estoient si enormes qu'ils luy permirent de se sepa-
rer d'avec elle, encore qu'elles leur deussent sembler n'estre biē verifiees: si est-ce que ceste
permission ne le feit pas encore arrester là. Car il assembla bien tost apres vn autre Synode
à Aix la chapelle, où il se feit encore permettre de prédre vne autre femme, puis que la pre-
miere n'estoit & ne pouuoit plus estre sienne, remontrant qu'il ne luy estoit possible de se
contenir sans femme. Somme que suyuant ceste derniere permission, Vvaldrade fut prise
pour femme & espousée solemnellement par luy au grand scandale & murmure des autres
Eglises de France. Qui firent d'autant plus hardiment prendre cognoissance de ceste ma-
tiere au Pape Nicolas apres que les freres de la repudiee l'eurent rapportee deuant luy. Car
ce fut la premiere qui leur ouurit le passage pour faire venir toutes les appellations des E-
glises de France à Rome. Annales de ce temps, Regino, Auentin liu. 4.

CHARLES fils du feu Roy Pepin d'Aquitaine aiant exercé l'Archeuesché de Maience
depuis Rabanus, mourut. Au moyen dequoy vn nommé Luitpert homme docte luy fut
subrogé en son lieu, qui s'offensa grandement de la trop grande auctorité & puissance que
les Papes de ce temps s'attribuoient ia sur les Eglises de France & d'Allemagne. De sorte
qu'il eut bien la hardiesse d'escrire vne epistre au Roy Loys, par laquelle il luy faisoit enten-
dre, que comme le Pape peut errer, qu'aussi appartient-il à l'Empereur & aux Euesques de
le iuger & corriger: l'accusant que par vne inaccoustumee & occulte persecution il prepo-
soit les choses humaines aux diuines, & en delaisant le sentier de salut se precipitoit en l'a-
byisme de perdition avec ceux qui suiuiroient ses pas. Pource admonestoit le Roy de se ioin-
dre le Roy Charles son frere & les Euesques d'iceluy pour faire reuenir le Pape en son che-
min, & se contenir en son ordre, comme il se voit en ladite epistre.

BARDAS oncle de l'Empereur Michel de Constantinople, ayant esté redargué &
reietté de la cene par le Patriarche Ignatius pour ses vices, le prit tellement à cœur qu'il
le feit en fin déposer & approuer sa deposition par les Legats du Pape Romain, qui es-
toient lors à Constantinople pour traiter du fait des Images, lesquelles plusieurs s'ef-
forçoient derechef de remettre bas. Puis feit substituer en son lieu Photius, nonobstant
qu'il n'eust point encore passé par aucun ordre Ecclesiastique, comme Cedrenus recite.
Pource toutesfois que plusieurs trouuoient ceste deposition estre faite contre la disposi-
tion des canons Ecclesiastiques, l'Empereur Michel pria le Pape de luy enuoyer ses Le-
gats pour accorder ce different. Comme il feit apres qu'il eut fait decider ceste matiere
en vn Synode à Rome. Liure des Conciles. Sigonius toutesfois rapporte cecy à l'an 860.

<i>Du Monde.</i>	5001	<i>Papes.</i>	7	<i>R. d'Escoffe.</i>	4
<i>De Iesus Christ.</i>	864	<i>E. d'Orient.</i>	23	<i>R. d'Angleterre.</i>	6
<i>Indiction.</i>	12	<i>E. d'Occident.</i>	9	<i>Cal. des Sarrazins.</i>	34
<i>Del' Hegire 250. le 13.</i>		<i>R. des François.</i>	24	<i>Ducs de Venise.</i>	27
<i>de Feurier.</i>		<i>R. de Leon.</i>	27	<i>R. de Germanie.</i>	24

Lors Roy de Germanie partit avec armee au mois d'Aoust pour aller assieger Rastie Duc des Esclavons de Moraue en vne sienne cité, où il l'amena à tel point qu'il fut contraint de se rendre à sa merci, & faire serment de fidelité enuers luy à l'aduenir. Ce qui se fit en si peu de temps qu'il eut encore moyen de venir au mois de Septembre, trouuer le Roy Charles son frere à Dufic, où ils parlerent ensemble & se departirent amis. Annales de ce temps.

CHARLES Prince d'Aquitaine fils du Roy Charles le Chauue, mourut. Ado.

ENVIRON lequel aussi les Russiens troublerent merueilleusement par leurs courtes, toutes les Prouinces maritimes de la mer Maiour, ditte anciennement le Pont Euxin. De sorte que la cité de Constantinople en fut reduitte en grande perplexité. Mais apres qu'ils eurent receu vne lourde estrille en quelque lieu où ils l'oserent adresser, force leur fut de se retirer en leur pays dont il enuoieret demander à Constantinople gens de sçauoir pour les instruire en la religion Chrestienne. Zonare, Cedrenus.

Les Legats du Pape arriuez à Constantinople firent entendre en plein Synode l'intention d'iceluy: qui estoit en Ignatius, ayant esté illegitamment depose, fut remis en son siege. Auquel point toutesfois il ne fut obtemperé, mais son mädement de l'adoration des Images fut receu. Zonare, liure des Conciles.

Le Roy Lothaire interpellé de respondre au Pape de la repudiation de sa femme, fait aller par l'aduis des Euesques de son Royaume, les Archeuesques Günthier & Thietgaud à Rome, pour rendre raison de leur fait au Pape. Lequel sans les vouloir quasi voir ny ouyr, print seulement le libelle, auquel estoient exposees les raisons des actes des Conciles de Mets & d'Aix. Et sans autre forme de procez, les declara excommuniés & degradez de tous ordres Ecclesiastiques, avec tous ceux qui auoient donné approbation & consentement à la repudiation de la Roynie Thietberge. A cause de quoy, comme ils se complaignoient enuers l'Empereur, & les hommes de l'iniustice & tyrannie dont on vsoit enuers eux, les traittant si ignominieusement contre les regles canoniques, sans auoir esté ouys, examinez ny conuaincus, sans l'auctorité de l'Empereur & consentement des autres Metropolitains: Le Pape aussi fit sçauoir aux Euesques de France & d'Allemagne, qu'il auoit tout faict iustement, vñant de la puissance qui luy estoit donnee de Iesus Christ, duquel il exerçoit le Vicariat en terre. Qui fit que les autres publierent vne Apologie fort aigre & aspre contre luy, pour leur iustification, laquelle les Annales de ce temps, Regino & Auentin liu. 4. ont interee en leurs histoires. Ou apres l'auoir depeint selon leur affection pour vn arrogant, iniuste & presumptueux tyran, qui sous l'habit d'un pasteur se fait paroistre Loup rauissant, & comme vn larron s'attribue à luy seul toutes les graces que Dieu a eslargies à toute son Eglise, & en se disant seruiteur des seruiteurs s'efforce de dominer tous les dominants: Concluent finalement qu'ils ne font cas de ses censures, interdictions & excommunications, non plus que luy mesme n'obtempere aux edicts de Iesus Christ en troublant la concorde & la paix des Eglises. Mais qu'il s'elgalloit à la diuinité, quand il se vantoit de ne pouuoir & n'auoir iamais erré. Celà neantmoins n'amenda nullement leur cause, tant estoit le monde mal edifié du fait du Roy Lothaire.

<i>Du Monde.</i>	5002	<i>Papes.</i>	8	<i>R. des Escoffois.</i>	5
<i>De Iesus Christ.</i>	865	<i>E. d'Orient.</i>	24	<i>R. des Anglois.</i>	7
<i>Indiction.</i>	13	<i>E. d'Occident.</i>	10	<i>Cal. des Sarrazins.</i>	35
<i>De l'Hegire 251. le 2. de</i>		<i>R. des François.</i>	25	<i>Ducs de Venise.</i>	28
<i>Feurier.</i>		<i>R. de Leon.</i>	28	<i>R. de Germanie.</i>	25

LES censures du Pape Nicolas eurent telle efficace enuers le Roy Lothaire , qu'elles luy firent laisser sa Vvaldrade , en reprenant sa premiere femme . Laquelle toutesfois il ne meit gueres à reietter de rechef:& ne peut estre oncques depuis persuadé par aucunes censures de la reprendre. Qui fut cause que l'Abbé Hubert frere d'icelle, Duc de la Bourgogne Transjurane, se rebella contre luy, faisant rebeller avec soy tout le pays qui estoit de son gouuernement: par la force duquel il repoussa vaillamment toutes les armées que Lothaire enuoya contre luy, iusques à ce qu'un Comte nommé Conrard l'eust fait mourir pres vn chasteau qui se nommoit Vrba: Comme les Annales de ce temps & Regino recitent. Mais ce Conrard me semble estre celuy qui fut pere du Roy premier cy apres de la Bourgogne Transjurane, pource qu'il y a bien apparence que Lothaire luy laissa le gouuernement du pays qu'auoit eu son ennemy.

CE pendant les Sarrazins qui occupoient la ville de Bary en la Pouille, estoient en ce temps gouuernez par vn Prince nommé Soldan ou Seodan, lequel à la suggestion d'Adelgisé Prince de Beneuent, s'empara par force de la principauté de Capoë: & puis se meit à gaster & rauager d'une piteuse façon les Prouinces circonuoisines. Qui fut cause de faire aller le Duc de Spolet, & aucuns autres Comtes d'Italie se ioindre aux Lieutenans que l'Empereur de Grece y auoit, pour les defendre, mais il furent vaincus & mis en routte. Occasion pourquoy l'Empereur Loys fut incité de marcher en personne avec vne armee contre eux, par laquelle il gagna quelques victoires sur eux. Au moyen desquelles il retira la principauté de Capoë de leurs mains, & les fait reserrer dedans la ville de Bary: où il commença de les assieger, mais il n'y eut moyen de les en desnicher 4. ans apres. Leon d'Hostie en la Chronique du mont Cassin liu. i. ch. 38. Sigonius.

BAVLDOVIN ayant fait la paix avec le Roy Charles, pour raison du rapt de sa fille, fut par luy ceste annee institué Comte de Flandre. Chronique de Flandre.

AVSGARD premier Archeuesque de Hambourg mourut, & eut pour successeur Rambert. Albert Crants.

LES actes du Concile precedent de Constantinople estants portez à Rome, ne se trouuerent au gré du Pape: pource que son auctorité sembloit estre par quelques articles diminuee. Ce qui fait qu'il desauoia tout ce que ses Legats y auoient accordé, & les ayant excommuniez les deposa de leurs dignitez: Puis fait par lettres entendre à l'Empereur & à Bardas qu'il ne pouoit approuuer la deposition d'Ignatius, & substitution de Photius: encore qu'elle eust esté approuuee par le Synode precedent, & que ses Legats y eussent consenty. Dequoy Photius fut si asprement irrité, qu'il composa vn liure contre la tyrannie du Pape Romain, lequel il fait aduouër & auctoriser de tous les Euesques de la Grece, qui furent assemblez pour cest effect à vn Synode à Constantinople. Et puis le colloqua en la Bibliothéque où se gardoient les actes des autres Synodes. L'Empereur aussi escriuit vne epistre au Pape Nicolas, par laquelle il luy remonstroit de l'auctorité des anciens peres & Conciles, qu'il n'auoit aucune principauté sur les autres Eglises, & qu'il ne se deuoit tant affecter à l'vsurper. Liure pontifical, Tome 2. des Conciles.

Du Monde.	5003	Papes.	9	R. de Germanie.	26
De Iesus Christ.	866	E. d'Orient.	25	R. d'Ecosse.	6
Indiction.	14	E. d'Occident.	11	R. d'Angleterre.	8
De l'Hegire 252. le 22. de		R. des François.	26	Cal. des Sarrazins.	36
Januier.		R. de Leon.	29	Ducs de Venise.	29

BARDAS oncle de l'Empereur Michel, s'estant fait supçonner d'auoir voulu machiner contre l'estat de son nepueu, fut par l'ordonnance d'iceluy mis à mort Et vn nommé Basilus natif de Macedonne, qui se vantoit d'estre issu de la race des Arsacides anciens Rois de Perse, substitué en ses estats. Esquels il se rendit tant agreable à l'Empereur, qu'il l'adapta encore bien tost apres pour fils, luy adioustant la dignité de Cæsar: Mesme luy vint à departir & communiquer le gouuernement de l'Empire, iusques à le faire couronner comme Empereur le 26. iour de May, en la 14. indiction, ayant esté Bardas occis le 1. iour d'Auril. Cedrenus.

Loys fils de Loys Roy de Germanie, fut en termes de se reuolter contre son pere ayant opinion qu'il vouloit plus aduancer son frere Carloman que luy: mais la reconciliation fut tost apres faicte en vne assemblee, à laquelle vindrent Ambassadeurs de la part du Roy de Bulgarie, priant qu'on luy enuoyast gens de sorte pour instruire le peuple de Bulgarie en la religion Chrestienne, à laquelle il estoit nouuellement reduit.

A v seigneur Pierre Gradenig 13. Duc de Venise, que quelques vns massacrent de guet à pant, fut substitué par les suffrages des Citoyens, en la dignité Ducale le Seigneur Vrsin ou Orso Patriciaque, surnommé Badoer, qui l'exercea au conte de Sabellie 17. ans. Blondus confesse en sa Venitienne, qu'il fut esleu enuiron les dernieres années du Pape Nicolas. Mais il estime que Iean fils du susdit Gradenig l'auoit precedé par vne espace de temps en la dignité Ducale, depuis le trespas de son pere. Sabellie dit encore que sous luy les Sarrazins de Crete, furent faire leurs courses iusques à la coste de l'Istrie, où il les alla combattre de si bonne sorte qu'il remporta l'honneur d'une belle victoire de la desconfiture qu'il fit d'eux.

A Ethelbert Roy des Anglois decedé succeda son frere nommé Ethelrede, qui regna 5. ou 6. ans ainsi que ses freres. Durant lesquels il fut quasi en guerre continuelle contre les Dannois, pour la defense de son pays. Tellement qu'on escrit qu'il les combatit neuf fois en bataille rangee pour vne année, & qu'il occit en vne rencontre leur Roy ou Capitaine, nommé Iaare. A cause dequoy ils prindrent deux freres, pour les gouuerner & conduire au lieu de luy, qui se nommoient Agnere & Vbo: Au mesme temps regnoient concurremment sur les Anglois Orientaux, le Roy Edmund, & sur les Merciens & Northumbriens, Osbert. Guill. de Malmesberie, Polidore liu. 5.

<i>Du Monde.</i>	5004	<i>Papes.</i>	10	<i>R. de la Germanie.</i>	27
<i>De Iesus Christ.</i>	867	<i>E. d'Orient.</i>	1	<i>R. des Escossou.</i>	7
<i>Indiction.</i>	15	<i>E. d'Occident.</i>	12	<i>R. des Anglois.</i>	1
<i>De l'Hegire 253. le 31. de</i>		<i>R. des François.</i>	27	<i>Cal. des Sarrazins.</i>	37
<i>Decembre.</i>		<i>R. de Leon.</i>	30	<i>Ducs de Venise.</i>	1

L'EMPEREUR Michel se repentant d'auoir adopté Basile le Macedonien, cherchoit les moyens de se deffaire de luy. Mais l'autre le preuint en telle façon qu'il luy fit perdre la vie le 23. iour d'Auril en l'indiction 15. l'an de la creation du monde selon la supputation des Grecs 6359. Au moyen dequoy il demeura sans contredit en possession de l'Empire iusques à sa mort, par l'espace de 19. ou 18. ans, 10. mois, 7. iours. Nonobstant que le Patriarche Photius luy voulut du commencement refuser la communion de la Cene, à cause du parricide qu'il disoit auoir commis à l'endroit de son predecesseur: dont il fut tellement irrité, qu'il assembla vn Synode d'Euesques à Constantinople, par sentence desquels Photius fut depose de son siege, & Ignatius restitué en iceluy. Qui est pour montrer que les decrets & conclusions des Synodes dependoient lors de la volonté des Princes. Si est-ce toutesfois que Photius ne voulut pas pour celà quitter son droit. Qui fit que la cause fut renuoyee deuant le Pape de Rome. Zonare, Cedrenus, Iean Curopalate, liure Pontifical, *Michel Glyca, Constantin Manasses.*

Les Normans sous la conduite d'un Capitaine nommé Hastingue, qui s'estoit donné à eux, n'estant de leur nation, ains François, natif d'un village aupres de Troye en Champagne, vindrent de rechef entrer par la riuere de Loire dedans la France: Où ils recommencerent à faire d'aussi beaux mesnages que leurs compagnons sur les marches de la Côte de Nantes, de Touraine, d'Anjou, & de Poitou. Qui fut cause que Ranulfe Duc d'Aquitaine, & Robert le Saxon, Comte de la Marche de la Loire, se presenterent gaillardement avec leurs forces en bataille deuant eux. Mais ils ne peurent si bien faire que la victoire ne demourast aux ennemis. Qui fut d'autant plus dommageable aux François, qu'ils firent perdre par icelle des deux chefs de leur armee: Desquels Robert laissa deux fils nommez Odon & Robert, qui ne succederent du commencement aux estats de leur pere, à cause de leur ieunesse. Mais vn Seigneur dit Hugues l'Abbé, que la Chronique de saint Benigne de Dijon, dit auoir esté frere de leur pere, fut commis en la marche de la Loire, apres

apres Roy de France. Annal. de ce temps, Regino, Sibegbert.

Les Dannois estans de rechef entrez en Angleterre souz la conduite d'un Capitaine nommé Oleg, furent lourdement desconfits par deux Rois d'Angleterre, à sçavoir Elfrede le ieune & Ethelrede. Vvillelmus li. 2. cha. 14. de l'hist. d'Angleterre.

Les Sarrazins d'Afrique informez du mauvais mesnage qui estoit entre les peuples de la Dalmatie & l'Empereur de Grece, s'estimerent auoir en main vn bon moyen d'aller bié faire leurs affaires sur eux. Qui fut cause de les faire partir en grand nombre, souz la conduite de trois Capitaines, Soldan, Saba, & Calfuse, pour venir descendre en la Dalmatie: où ils conquererent plusieurs villes, nômément Rofa, Britama & Decatara. Mais se voulans aller puis-apres adresser à la ville de Raguse, se trouuerét par la vaillance de ceux qui la defendirent frustrez de leur intention: comme Zonare & Cedrenus recitét. Il semble aussi par ce que Blondus & Sabellic racomptent, que ce fut au mesme voiage qu'ils se porterent iusques deuant l'isle de Grade, où ils eurent l'armee des Venitiens souz la conduite du Duc Orselin en barbe, qui les salua si rudement, que force leur fut de prédre leur route ailleurs. En recompense duquel deuoir fait par les Venitiens, l'Empereur donna l'estat de son Protospatairc à leur Duc. Mais quant aux deux Capitaines qui sont nommez cy dessus avec Soldan, i'estime plustost qu'ils estoient ceste annee venuz au secours d'iceluy, contre l'Empereur Loys qui continuoit tousiours la guerre à ceux de Bari. Lesquels mesmes on dit qu'il assiegea encore ceste annee à peine perduë: mais en ramenant son camp il retira par force la ville de Nocera de leurs mains, par le moien du secours que le Roy Lothaire son frere luy amena, apres qu'il les eut lourdement estrillez en vne rencontre: n'obstant qu'il eut esté auparauant assez mal traité d'eux en vne precedente. Tant y-a toutesfois qu'apres qu'il se fut retiré à Beneuet, qu'une troupe d'eux sortirent encore de Barry, qui allerent piller le mont S. Michel qui est au mont Gargan.

NICOLAS I. Pape de Rome mourut (tesmoin Onufrius, qui semble l'auoir appris d'Anastasi) le 13. Nouembre. Flodoard dit de Decëbre, nous donnant quelques indices de se faire plustost croire que l'autre. Combien que les Annales de ce téps avec Ado & Regino monstrent qu'il viuoit encore l'annee ensuyuant, mais Flodoard fauorise aux precedents. Tant-y a cependant que son successeur fut Adrian 2. du nom natif de Rome, fils d'un Euesque nommé Thalaris, qui fut esleu 7. iours apres le trespas de son predecesseur, & presida quatre ans, vnze mois, douze iours, au compte qu'en fait Onufrius: qui confesse toutesfois que l'histoire des Papes est depuis le Pape Nicolas iusqu'à Clement 2. incertaine, confuse, troublee & mal traittee, pource qu'Anastasi la seulement deduitte iusques au Pape Nicolas. On dit ce pendant que les Ambassadeurs de l'Empereur Loys qui alloient à l'election du nouveau Pape, furent faschez & mal contents de l'auoir trouuee faite deuant leur arriuee. Combien que force leur fut de la confermer contre leur volenté. Mais Flodoard en la vie des Archeuesques de reims dit, qu'il succeda à son predecesseur, *electione clericorum & consensu Imperatoris*. Et ce qui me le fait plustost croire, & qu'il fut en meilleur mesnage, tout le temps qu'il presida avec l'Empereur Loys, que n'auoit esté son predecesseur. Car il se formalisa en telle sorte pour luy à cause du Royaume de Lothaire contre les Roys de France & de Germanie, qu'il fosa ingerer de parler de plus haute façon contre eux qu'aucun de ses predecesseurs n'auoit encor fait contre aucun autre Roy de France où de la Chrestienté. De sorte que Hincmare Archeuesque de Reims, tesmoigne, qu'il luy fit porter de sa part telles paroles ausdits Rois, & aux Princes, Seigneurs, peuples & Prelats de leurs Royaumes. *Dominus Apostolicus Hadrianus, sicut multis est cognitum, & literis suis quas præ manib⁹ habeo, exiguitati meæ dignat⁹ est, intimare, regibus ac præsulibus ac regnorum primoribus in his Galliarū regionibus, & inter cætera auctoritate ministerij sui mandauit, ut regnum quondam Lotharij regis, quod domino imperatori Ludouici spirituali filio eius hereditario iure debetur, & quod ad eum post mortem ipsius rediit, vel homines in eo degentes mortalium nullus inuadat, nullus commoueat, nullus ad se conetur inflectere. Quod si quis præsumpserit, non solum per suæ auctoritatis ministerium infirmabitur, verumetiam vinculis anathematis obligatus nomine Christianitatis priuatus cum diabolo omnino locabitur. Et si quis nostrum de Episcopis tam nefariæ temeritatis auctorem vel tacendo fugerit, vel non resistendo consenserit, non iam pastorem, sed mercenarij nomine se noverit censendum: & quia iam ad eum non pertinebit de ouibus, non pertinebit consequenter de pastoralibus dignitatibus.* Or s'estant ainsi eschaufé pour ceste cause, il se laissa tant plus facilement transporter pour vne autre beaucoup moins iuste, qui le fit vser de commandements &

RR

paroles plus aigres enuers le Roy Charles, qu'il n'auoit pour la precedente.

RUTHART moine de l'Abbaye de Hirfanguie, disciple & auditeur de Rabanus & de Stabus, homme versé (comme on dit) en toutes les sciences liberales & en Theologie, florissoit en ce temps, estant le premier qui s'ingera de gloser & commenter la reigle de saint Benoit. Triterius.

DEuant le trespas du Pape Nicolas fut celebré vn Concile à Mets des prouinces de France, à sçauoir de Reims, Rouën, Tours, Sens, Bordeaux & Bourges, le 25. iour d'Octobre: où fut plaidee la cause d'un Vulfade, à cause duquel aussi Hincmare y fut accusé d'aucuns, dont il se iustifia. Les actes de ce Synode furent portez à Rome au Pape Nicolas par Arctarde Euesque de Nantes, qui auoit esté chassé de son Euesché par vn certain Duc de Bretagne: ainsi le nomme Hincmare, ne luy donnant le tiltre de Roy. Flodoard.

Du Monde.	5005	Papes.	1	R. de Germanie.	28
De Iesus Christ.	868	E. d'Orient.	2	R. d'Escoffe.	8
Indiction.	1	E. d'Occident.	13	R. d'Angleterre.	2
De l'Hegire 254. le 20. de		R. des François.	28	Cal. des Sarrazins.	38
Decembre.		R. de Leon.	31	Ducs de Venise.	2

QUELQUES conspirations descouuertes qui se faisoient contre l'Empereur Basile, furent cause qu'il donna ceste annee le nom d'Empereurs Augustes à ses deux premiers fils, Constantin & Leon. Auquel temps aussi il fit aller vne armee de cent nauires de guerre au secours de Ragusius, souz la conduite du Patrice Nicolas surnommé Orypha, qui fit descamper les Sarrazins de deuant Raguse, & se retirer en la Pouille & Calabre, où ils reduirent en leur puissance la ville de Bary (comme Zonare & Cedrenus recitent) & de là se mirent à rauager le terroir de Beneuent. Qui fut cause au dire des Annales de ce temps, de Regino & de Sigebert que l'Empereur Loys appella le Roy Lothaire son frere à son ayde pour se venir opposer avec luy à eux. Qui se mit d'autant en meilleur equipage d'y aller, qu'il esperoit par ce moyen refaire plus facilement la paix avec le Pape.

DEuant lequel aussi la cause de Photius Patriarche de Constantinople, fut par les Ambassadeurs de l'Empereur rapportee au mesme temps: qui pour auoir de luy vne expedition plus fauorable de leur charge, luy presenterent le liure que Photius auoit cy deuant escrit contre son auctorité: qui fit qu'un Synode assemblé à Rome pour cest effect donna tout incontinent sentence contre Phocius, & ordonna que publiquement fut brulé le liure d'iceluy. Au moyen dequoy le Pape despescha ses Legats pour aller signifier sa volonté à Constantinople. Liu. des Conciles.

L'EMPEREUR Loys poursuyuant la guerre aux Sarrazins de Bari, regaigna de leurs mains les villes de Matera, Venusia & Canosses: mais il fallit encore à les desbusquer de Bari, tant ils s'y estoient si bien fortifiez. Sigonius.

PAR les Canons d'un Synode qui fut ceste annee celebré à Majence, est signifié que la coustume estoit encore en ce temps de baptiser seulement deux fois l'annee, à sçauoir à Pasques & à la Pentecoste. Lambert Scaffuaburg.

Du Monde.	5006	Papes.	2	R. de la Germanie.	29
De Iesus Christ.	869	E. d'Orient.	3	R. des Escoffois.	9
Indiction.	2	E. d'Occident.	14	R. des Anglois.	3
De l'Hegire 256. le 9. de		R. des François.	29	Cal. des Sarrazins.	39
Decembre.		R. de Leon.	32	Ducs de Venise.	3

LES citez de la Pouille & Calabre affligées des Sarrazins, demâderent secours à l'Empereur Basile, qui leur enuoya son Patrice Nicetas (qui semble estre celuy qu'Aimoinus liure cinquieme, chapitre 22. appelle Albara) avec 300. nauires pour se ioindre avec la puissance de l'Empereur Loys, que Cedrenus appelle Dolychus: afin que tous ensemble peussent plus facilement ietter les Sarrazins hors de l'Italie. Si est-ce qu'ils reprindrēt seulement la ville de Bary sur eux, quatre ans apres qu'elle eut esté continuellement assiegee: & puis

puis s'en allerent mettre leur siege deuant Tarente, nonobstant qu'ils eussent deffait & mis en routte leur armee demeurant leur principal Capitaine; nommé Soldan ou Scodan, entre les mains de l'Empereur Loys, qui le feit mourir. D'autres estiment que ce fut Adalgise Duc de Beneuent, qui fut pris par luy, lequel on a pris pour ce Souldan, d'autant qu'il tenoit le party des Sarrazins. Mais les vns & les autres, peuuent auoir dit la verité. Car Leon d'Hostie tesmoigne que l'Empereur Loys, apres auoir pris Bary, s'en vint à Beneuent, où il pardonna à Adalgise, & le reprist en sa grace. Somme qu'on est aussi d'accord que le Roy Lothaire avec ses Lorrains & Bourguignōs, firēt vn merueilleux deuoir en ceste guerre, iusques à ce que la peste & les maladies qui s'estoient mises entre ses gens l'eussent fait retirer à Rome, où il se fit absoudre du Pape, souz promesse de reprendre sa première femme: mais il n'alla de là iusques à Plaisance, qu'il fut surpris d'une maladie de laquelle il mourut le 6. ou 7. d'Aoust. Cedrenus, Zonare, Annales de ce tēps, Regino, Aimoinus. Autres adioustent que l'armee marine des Venitiens, souz la conduite de leur Duc Vrsin, combatit au mesme temps les Sarrazins en mer aupres de Tarente & en emporta la victoire.

Le Roy Charles fut le premier aduerty du trespas de son nepueu: & pource qu'il estoit le plus proche & moins empesché que son frere, & l'Empereur son nepueu, il se transporta en telle diligence en Lorraine, que les Barons, Seigneurs & Prelats Lorrains l'esleurent & le receurent pour leur Roy: luy firent serment de fidelité, & le vindrent couronner à Mets, par l'Archeuesque de Reims le neufiesme iour de Septēbre. A cause dequoy le Pape luy enuoya faire commandement par ses Legats, de se deporter sur peine d'excommunication de la succession du Roy Lothaire, qu'il disoit n'appartenir qu'à l'Empereur Loys, & à Hincmarus Archeuesque de Reims, de prononcer les censures Ecclesiastiques sur luy, s'il differoit d'obtemperer à son mandement. A quoy fut respondu par l'aduis du cōseil de France, & des estats du Royaume de Lorraine tenus à Reims, que ceste nouvelle tyrānie se trouuoit fort estrange. D'autant qu'un semblable commandement n'auoit oncques encore esté fait par le siege Romain aux Euesques de Frāce: & qu'il ne s'estoit mesme iamais veu ny ouy qu'un Pape se fust voulu entremettre de iuger des droits des Royaumes, pource qu'il ne pouuoit estre Roy & Euesque tout ensēble. Que tous ses predecesseurs s'estoient contenus en leur ordre: c'est à dire contentez de leur iurisdiction spirituelle, sans enjamber sur la Republique, qui appartenoit aux Rois seulement. Tant s'en faut qu'ils eussent eu la hardiesse, & impudence d'imposer loy aux François, de s'affubiettir à ceux auxquels ils vouloient seruir & obeir en liberté seulement: pour le maintien de laquelle, eux aussi qui estoient leurs successeurs & heritiers ne voudroient espargner ne leur sang ne leur vie: & par plus forte raison, qu'ils se laisseroient plus enuy contraindre par luy de prendre un Roy, qui estoit si loingtā d'eux, qui ne les eust peu secourir ny defendre contre les subites & inopinees aggressions des Normans & infideles. Quant aux excommunications, que les roiaumes ne s'acquierent, n'augmentēt, ne defendent par icelles: qu'elles leur seruiroient de peu cōtre les Normās. Bref que si ce n'estoit leurs pechez & iniquitez qui leur empeschēt l'entree à la vie eternelle, que l'excommunication irreguliere ne leur en pourroit estoupper l'entree. Finalement protestoient que le Roy Charles n'occupoit point iniustement les biens de son nepueu: mais ce qui luy appartenoit seulement par droit de conuentions & de contracts. Au reste qu'ils n'esperoient pas que le chemin de Paradis leur deust estre plustost fermé, pour ne pas receuoir un Roy que le Pape leur vouloit donner à son plaisir. Aimoinus & Hincmarus en ses Epistres & autres escrits. Mais d'autant que ceste response du Roy a esté encor peu diuulguee, & qu'elle esclaireit grandement l'histoire de ce temps, il m'a semblé bon d'adiouster les principales pieces d'icelle, qui sont contenues en la response que Hincmare fit au mandement d'Adrian: *De hoc quod scripsistis ut si ipse Rex Carolus in obstinationis sue perfidia post meam comminationem persistere maluerit, quam iuxta monita vestra resipiscere, ab illius me communionem & consortio resipiscam: & secundum Apostolum nec ei aue dicam, si vestrae communionis volo esse particeps, presentiam eius modis omnibus deuitem. Cum magno cordis dolere ac gemitu dico. Quoniam & Ecclesiastici & secularis ordinis viri, qui de diuersis regni partibus Remis ciuitatem plurimi conuenerant, quos mandatum vestrum ibidem mihi delatum, quia non debuit latere, non potuit exiguitati meae (qui quantum sciui & potui semper Apostolica sedis priuilegium extuli) impropere dixerunt, & dicunt, nunquam huiusmodi præceptionē ab illa sede ulli decessorū meorū missam fuisse. Cū inter Reges sacramētis etiā confœderatos, sed inter patrem ac filios, ac inter fratres prælia & seditiones eorū tēporibus fuisse noscātur.* Et apres s'estre plaît de ce

R R ij

qu'il n'auoit fait vne li rigoureuse menace, a autre qu'à luy, vient encore à dire: *Talem præceptionem & comminationem, ab antecessore vestro nullus Episcoporum in isto Regno acceperit: nec etiam ab hæreticorum vel schismaticorum, siue tyrannicorum Imperatorum ac Regum (quales fuerunt Constantinus, Arrianus, ac Apostata Iulianus, & Maximus tyrannus) præsentia & salutatione sine colloca-tione sedis Apostolica, principes se subtraxisse leguntur. Et si alius Episcopus Regi nostro communicantibus, ego me ab illius opinione vel præsentia subtraxero, dicant secundum Concilium Africanum, quandiu illi non communicauero, ut mihi ab illis non communicetur Episcopis. Præsertim cum ipse Rex se periculum esse deneget, se inuasorem regni alterius, & non ad se pertinet Regnum diffiteatur, se tyrannum non esse cõfirmet, se hæreticum vel schismaticum (quibus Apostolus nec Aue à quocunq; dici præcepit) diffiteatur: sed confessione recte fidei, & amplexione Ecclesiastica pacis, se Catholicum & in pace Ecclesiastica manere & permanere velle demonstret, & secundum leges ac canones præsens in iudicio aut ad obiecta respondere, aut obiectis conuinci se non refugere dicat. Et ut de Regia persona (inquunt) reticeamus, nec sicut quemlibet plebeium vel liberi capitis virum in istis regionibus secundum Ecclesiasticas regulas & secundum leges publicas illum accusatum vel sponte confessum aut legaliter ac regulariter aperte conuictum audiuimus. Sed in libris illi satis notissima oculis ingerunt, qualiter proauus suus Pipinus à Stephano ipsius auxilium petente, & pro liberatione Romanæ Ecclesiæ in Galliam veniente, in Regem sit vnctus: Cum adhuc Romana Ecclesia degeret sub nomine, & non auxilio defensionis Græcorum Imperatoris, & idem Pipinus non excommunicatione Apostolica, sed virtute hostili Hastulsum qualem-cunque Regem Christianum oppressit, & Italiam domuit, ac iustitias sancti Petri obtinuit. Similiter & quæ auus eius Carolus temporibus Hadriani & Desiderij Regis Longobardorum egerit, & quomodo Patriatum Romanum suscepit: quomodo etiam temporibus Leonis Papæ nomen Imperatoris adeptus fuit, & quæ in Italia & quanta erga Ecclesiam Romanam fecerit. Et quomodo Stephanus in Belgicam veniens Remis patrem suum in Imperatorem coronans sacrauerit. Et quomodo Gregorius subreptus cum Lothario, patre suo repugnante, in Franciam venit, & pax postea in Francia ut antea non fuit: & ipse Papa cum tali honore, sicut decuerat & sui antecessores fecerunt, Romam non rediit. Et cõputant quanta iste ab Episcopis & populo qui Regem non habebant, & à Paganis & à seditiosis impetebantur in Regnum quod Lotharius habuit inuitatus, exordinata ordinauerit. Et dicunt secularem omnem scripturam dicere, quia omne Regnum seculi huius bellis quæritur, victoriis propagatur, & non Apostolici vel Episcoporum excommunicationibus obtinetur: & scripturam diuinam dicere. Quia domini est Regnum & per eum Reges regnant, ab eo Regnum postulare debetis qui litigatis & belligeratis pro temporali gloria. Cum si dominum pia intentione postularetis, ipse vobis necessaria ad vsum temporalem & ad fruendum perpetuò superna bona tribuerit. At cum potestatem sancto Petro primo Apostolorum & in eo suis successoribus datam, sed & Apostolis, & in eis Episcopis Pontificium ius ligandi & soluendi illis insinuare volumus. Respondent. Et vos ergo solis orationibus vestris Regnum contra Normannos & alios impetentes defendite, & nostram defensionem nolite quærere. Et si vultis ad defensionem nostrum habere auxilium, sicut volumus de vestris orationibus habere adiutorium, nolite quærere nostrum dispendium: & petite dominum Apostolicum, ut quia Rex simul & Episcopus esse non potest, & sui antecessores Ecclesiasticum ordinem quod suum est, & non Rempublicam quod disposuerunt, non præcipiat nobis habere Regem qui nos in sic longinquis partibus adiuuare non possit cõtra subitaneos & frequentes Paganorum impetus, & nos Francos non iubeat seruire cui nolumus seruire: quia istud iugum sui antecessores nostris antecessoribus non imposuerunt: & nos illud portare non possumus, qui scriptum esse in sanctis libris audimus, ut pro libertate & hereditate nostra vsque ad mortem certare debeamus. Et si aliquis Episcopus aliquem Christianum contra legem excommunicat, sibi potestatem legandi tollit. Et nulli vitam æternam potest tollere, si sua peccata illi eam non tollunt. Et non conuenit ulli Episcopo dicere, ut Christianum qui non est incorrigibilis, non propter propria crimina, sed pro terreno regno alicui tollendo vel acquirendo nomine Christianitatis debeat priuare: & cum cum diabolo collocare quem Christus sua morte & suo sanguine de potestate diaboli venit redimere, & Christianos pro fratribus suis animas suas docuit ponere. Propterea si dominus Apostolicus vult pacem quærere, sic pacem quærat ut rixam non moueat: quia non nos concredemus ut aliter ad regnum dei peruenire non possimus, si illum quem ipse commendat terrenum Regem nõ habuerimus. Et puis apres: Quapropter quomodo ipsius Regis, in cuius regno parochia & prouincia mea consistit, & eorum qui cum eo degunt sine anima periculo & mihi commissæ Ecclesiæ detrimento consortium vel præsentiam valeam deustare, non video. Ce qu'il conferme par plusieurs sentences & tesmoignages, tant de l'écriture que de S. Augustin, & des Papes Gregoire & Leon, & conclud: Cum Rex & cohabitantes mecum una cum Rege non solū in parochiā verumetiam & in ciuitatem meam sæpe conueniant, & ibi tandiu sicut Regi placuit degant, & cum tanta multitudine, tam de regno quod antea habuit, quàm & de regno*

quod Lotharius habuit: necnon & de regnis ad eum confluentibus (sicut missi vestri viderunt) & hoc quam saepe illi videtur in ciuitate mea sustineo, qui Ecclesiâ & plebem mihi commissam deserere & aliorum ut mercenarius non valeo fugere: nec quò extra regnum eius fugiam habeo, sed regio cultu & recepto de Ecclesiasticis facultatibus, sicut præcipit & quandiu præcipit, illi & sibi obsequentibus serui: ut quicquid secundum quod instat tempus, cum mihi commissis degere possim. Dicit enim hanc potestatem suos decessores habuisse, quam ipse nullius interdictione dimittet. Quæ omnia supra & infrascripta, sicut non ad accusandum, sic nec ad excusandum in aduocatione præfati Regis depromo. Etatem enim habet ipse, de se loquatur: neque ad resistendum vestra auctoritati, neque ad contradicendum vestre præceptioni, sed consulendum qualiter nos Episcopi, & ego præcipue in quem tantam cõminationem intentastis, erga Regem nostrum gerere nos debeamus. Cum beatus Augustinus Apostoli exponens sententiam dicat. Apostolica inquit, doctrina ut omnis anima sub primoribus potestatibus subdita sit & ut reddatur omnibus onus, cui tributum tributum, cui vectigal vectigal, &c. Quant à ce point de droit de cõtract, il entend non seulement le cõtract fait avec Loys Roy de Germanie pour le partage du Royaume de Lothaire, mais aussi la donatiõ faite par Loys le Debõnaire, de ceste partie que Charles auoit occupee dudit royaume. Car en l'epistre que nous venõs d'alleguer, il est écrit deuât ce qui en a esté recité, que Charles affermoit, hanc regni partem sibi à patre Ludouico consensu, tam Episcoporum quàm cæterorum procerum traditam fuisse & a fratre Lothario sacramento publicè confirmatam. Et semble auoir aussi voulu denoter l'article qui est au testamēt de l'Empereur Charlemagne (auquel Iean Naucler nous a produit la teneur) par lequel il ordonna que le peuple (c'est à dire les estats) esleut quicquid luy seroit agreable des fils de ses enfans, commandant aux autres qui seroient lors suruiuans d'acquiescer à telle election.

La guerre & les empeschemens que Loys Roy de Germanie auoit cõtre les Esclauons de Morauie, les Sorabes, Suilsiens & Vvides qui auoient osé faire courtes sur la Germanie, furent cause que le Roy Charles le preuint en la succession du Roy Lothaire, pource que encor qu'il eut enuoyé vne armee contre les Bohemiens, vne autre de laquelle le Prince Carloman eut la conduite contre Rastie Duc de Morauie, sur lequel il gagna deux memorables victoires, & vne troisieme contre Gundacare Comte de la Marche de Carinthie qui s'estoit reuolté & rendu à Rastie ou Rastis: si est-ce qu'il les fallut faire reuenir rafraischir, au mois d'Aoust, pour les renuoyer de rechef dompter l'audace des Sorabes & de Zuendebald nepueu dudit Rastie, contre lequel aussi le Roy mesme se fust acheminé sans vne maladie qui l'arresta, à l'occasion de laquelle le Prince Charles son dernier fils y alla pour luy. Où il feit si brauement son deuoir, qu'il mit son ennemy en routte, & degasta tout son pays: estant vn mesme heur adueni au Prince Carloman, sur Zuendebald, & au Prince Loys, sur les Sorabes & leurs confederez, qui furent par luy vaincus en deux rencontres & contrains se rendre par composition. Auteurs precedents avec Herman Cõtract, Othon de Fresinge, & Auentin.

A v mesme temps les Normãs firent plusieurs courtes sur la France iusques à se venir aduēturer deuât Paris, où ils receurent grãde descõfiture par vne saillie qu'on feit sur eux: Laquelle toutesfois ne les eut fait retirer, si on n'eust par quelq̃ autre moyen cõposé avec eux.

Le Roy de Bulgarie receuant la religion Chrestienne, & se faisant baptizer, auoit peu de temps apres renoncé aux honneurs de ce monde, pour suiure la vie monastique, apres qu'il eut resigné son Royaume à son fils: lequel degenerant de l'exemple de son pere s'efforça de faire reuolter ses subiets contre la Religion qu'ils auoient prise. Qui fut cause que son pere sortit du monastere pour prendre les armes, avec lesquelles il deffit son fils en bataille, & luy feit creuer les yeux. Regino. Combien que Sigebert le refere à l'an 805.

Le Pape Adriã suiuant la deliberatiõ de son predecesseur enuoya le decret du Synode precedent de Rome à Constantinople par ses Legats, qui estoient Donat Euesque d'Hostie, & Estienne Euesque de Nepele, & Martin Diacre de l'Eglise Romaine accompagnez d'Anastasius bibliothecaire, homme bien versé es langues Grecques & Latines: Lesquels pour le faire mieux effectuer conuoquerent tous les Prelats de la Grece du consentement de l'Empereur, en la 3. annee d'iceluy, en vn Synode qui fut tenu à Constantinople. Qu'ils voulurent estre appellé le 8. œcumenique ou vniuersel, nonobstant qu'ils ne permirent qu'aucun entrast ou eust voix en ceste cõgregatiõ, qui n'eust premieremēt sousigné vn libelle qu'on leur presentoit, par lequel ils s'obligeoient par serment à redre toute obeissance, subiectiõ & reuerence au siege Romain. De sorte que la porte fut fermee à ceux qui se trouuerent refusans de faire ceste sommission. Au moyen dequoy le schisme qui auoit troublé l'Eglise de Constantinople à cause de la deposition d'Ignatius, & substitution de Photius fut

facilement appaisé, estant ledit Photius demis & anathematizé, pour auoir denigré l'autorité & preeminence du Pape de Rome, & Ignatius restitué au siege patriarchal, ou il preida sept ans. C'est merueille qu'Aimoinus liu. 5. chap. 27. & vn ancien chronicon escrit deuant 400. ans, ont osé dire en ces propres termes: Que ce Synode ordonna de l'adoration des Images, autrement que les Docteurs orthodoxes, n'en auoient au parauant décidé & déterminé, & que les Grecs y accorderent quelques points au gré du Pape de Rome, pource qu'il se condescendit à eux en l'adoration des Images. Outre lesquels aussi ils en constituerent d'autres, contraires aux anciens statuts, & à leur Synode même. Car il est certain qu'on y declara, que les Images de nostre seigneur Iesus Christ ne deuroient pas moins estre honorees & adorees, que les liures de l'Euangile: & que les sages, aussi bié que les idiots, receuoient profit & utilité, de ce que represente l'Image par l'operation imaginaire des couleurs. D'auantage que les Princes & Empereurs, deuoient recognoistre les Euesques pour leurs esgaux, afin qu'ils les osassent plus librement reprendre, & admonester de leurs fautes. Qui estoit en bons termes rendre la dignité imperiale inferieure, à celle de l'Euesque de Rome, auquel la superiorité sur tous les autres Patriarches & Prelats, fut aussi lors accordée & confirmée, selon qu'on peut veoir es actes dudit Concile. A cause dequoy, Onufrius s'est persuadé, que par la dissimulation & conniuece tant des Grecs que des Latins, les Euesques Romains & Constantinopolitains commēcerent des lors de se nommer & intituler tous deux œcumeniques. En telle sorte toutesfois que le Constantinopolitain se nomma Patriarche œcumenique, comme estant plus digne que les autres Patriarches, tenant toutesfois le second lieu apres le Romain, qui print le tiltre de Pape œcumenique, se faisant ceste appellation propre, laquelle auoit auparauant esté commune à tous Euesques, pour signifier par icelle la dignité de sa puissance, & la prerogative sur toutes les Eglise Chrestiennes.

Ayant esté au même Concile accordé, avec grande difficulté, que les Bulgariens nouvellement conuerts à la religion Chrestienne, seroient comprins sous la iurisdiction de l'Eglise Romaine: le Pape enuoya trois siens Legats en la Bulgarie, pour y ordonner & establir les Eglises, à la forme & exemple de la Romaine. Mais les Bulgariens se degouterent en fin tellement des Prestres Latins, qu'ils les dechasserent & se soubmirent à l'Eglise Grecque. Qui fut cause de la faire rentrer en plus grande diuision & inimitié avec la Latine, qu'au parauant. Platine & autres.

<i>Du Monde.</i>	5007	<i>Papes.</i>	3	<i>R. d'Escoffe.</i>	10
<i>De Iesus Christ.</i>	870	<i>E. d'Orient.</i>	4	<i>R. d'Angleterre.</i>	4
<i>Indiction.</i>	3	<i>E. d'Occident.</i>	15	<i>Cal. des Sarraxins.</i>	40
<i>De l'Hegire 257. le 29. de</i>		<i>R. des François.</i>	30	<i>Ducs de Venise.</i>	4
<i>Novembre.</i>		<i>R. de Leon.</i>	33	<i>R. de Germanie.</i>	30

CARLOMAN poursuivant sa victoire contre Zuendebald, le feit en fin venir au point, de mettre soy & son Royaume, entre les mains du Roy de Germanie, pour en disposer à sa volonté. Dequoy Rastic son oncle, luy sceut si mauuais gré, que s'il eust peu effectuer sa volonté, il luy eust fait perdre la vie. Qui fut aussi cause que Zuendebald le surprit à son auantage, & le rendit prisonnier à Carloman: lequel soubmit par ce moyen toutes les places & villes de l'appartenance d'iceluy à l'obeissance de son pere, & en ordonna comme d'un pays de conqueste, auant que se retirer. Qui fut possible lors qu'on feit creuer les yeux à ce Rastic, ainsi qu'autres ont escrit, qui l'appellent Rastaus & Rastis: lesquels aussi luy donnent pour successeur au Royaume de Morauie, vn Hormidorus, & à iceluy vn Suatobogius, lequel pourroit estre le Zuendebald que nous venons de nommer, qui fut predecesseur de Suatoplus, que nous nommerons cy apres Zindiboleh, souz l'Empereur Arnoul. Dubrauius adioust que lors que Hermidorus regna en Morauie, Neclan estoit dixiesme Duc de Boëme, apres son pere Creuomislius. Contre lequel se rebella, vn des Seigneurs de son pays, nommé Crasnitius, qui pour venir à chef de son entreprinse feit venir Hermodure Roy de Morauie à son ayde: tellement qu'ils donnerent bataille à Neclan, dont ils perdirent la victoire, par la mort de Crasnitius, qui fut tué avec plusieurs des siens. Parquoy Neclan demeura en paix iusques à sa mort, à laquelle il laissa la succession à son

à son fils aîné Hostinitius, qui fut vnziesme Duc de Boëme. Cependant le Roy de Germanie, apres auoir enuoyé sommer le Roy Charles de se deporter du Roiaume du feu Roy Lothaire, le fit en fin condescendre de luy faire part de sa prise : d'autant qu'il luy eust fallu auoir le frere & le nepueu ennemis tout ensemble. De sorte qu'ils s'accommoderent entr'eux, en telle façon que Charles luy quitta la haulte Lorraine, retenant la basse pour soy, avec la Franche Comté de Bourgogne & la principauté de Vienne en Daulphiné. Ce qui fut accordé le 28. iour de Iuillet, duquel Charles commença à compter les années de son regne en Lorraine. Si est-ce toutesfois que voulant aller prendre possession de la Bourgogne, il trouua de la résistance en la ville de Vienne, par vn Comte de Bourges nommé Gerard, (qui la vouloit possible defendre pour l'Empereur Louïs) mais il se la fit en fin rendre par composition. De façon qu'il en donna le gouuernement au Comte Boson frere de sa femme Richilde, qu'il auoit nouuellement espousée apres le trespas de sa premiere femme : estans ladicte Richilde & Boson enfans de la sœur de Thietberge vefue du Roy Lothaire. De laquelle Cuspinian & Onufrius avec Sigonius estiment qu'il laissa vn fils nommé Lothaire, qui fut pere de Hugues cy apres Comte d'Arles & Roy d'Italie. Nonobstant que les Annales de ce temps, Aimoinus & Regino n'en ont fait mention : & que le differend qui fut entre les Rois Louïs & Charles pour la succession du Roy Lothaire, fait sembler qu'il n'auoit point de plus proche heritier qu'eux ; ne s'estant présenté personne pour debatre le droit d'iceluy. Combien que par vn lieu qui est en la response alleguee cy dessus de Hincmare au Pape Adrian, il semble qu'il y eut quelque protestation faicte pour les enfans de Lothaire : mais qu'on les tenoit naiz d'adultere : nonobstant que les mots d'iceluy soient tellement corrompuz en l'exemplaire qui se trouue, qu'il ne s'en peut tirer vn certain sens. Car il y a : *Sed & domino nostro Regi Carolo ad exaggerationem dicitur à quibusdam, quod nec pro Lothario sicut multorum certa notitia est, & infantes inde geniti protestati sunt, publico adulterio denotabo : & apud sedem Apostolicam denotabo.* Si est-ce que ces mots d'*infantes inde geniti*, nous denotent encor que Lothaire laissa plus d'vn fils, soit legitime ou illegitime : & que ce Lothaire duquel on est en dispute, en fut l'vn, avec Hugues l'Abbé, duquel se parlera cy apres.

QUANT au Comte Girard duquel nous venons aussi de parler, il semble que c'est luy qu'on dit auoir esté surnommé de Roussillon, duquel les Romains racomptent tant de fables & de mensonges : d'autant que les memoires de l'Abbaye de Potieres au diocese de Langres, qui fut fondée par luy en la 23. année du regne de Charles (selon que témoigne le tiltre d'icelle) où il se dit : *Misericordia omnipotentis Dei, apud Regalem clementiam Comitum honore sublimatus*, declarent qu'il estoit si grand seigneur, qu'il tenoit quasi toute la Bourgogne, Prouence, Auvergne, Languedoc, avec les Comtez de Limoges, d'Auxerre, & de Tonnerre, bref tout le pais qui est depuis l'Espagne iusques en Allemagne souz sa main. Au moien dequoy il eut de grandes guerres contre le Roy Charles, esquelles il succomba à la fin, & fut depossédé de ses biens & seigneuries. Dequoy ont couru ces vers anciens François.

*Autour de Dal & Daliron
De Vandemaur & Moabaston
Perist Girard de Roussillon.*

Ce sont lieux en la Franche Comté au diocese de Bezançon. Ce qui me fait estimer que celà se doit entendre de ce qu'il estoit Lieutenant & Gouverneur de tous les pays que le feu Roy Lothaire & l'Empereur Louys auoient deçà les Alpes en la Bourgogne Transjurane : lesquels Lothaire mort il voulut defendre & retenir entierement pour Louys, contre Charles le Chauue, iusques à ce qu'il en fut debouté. A ceste cause Flodoard fait mention en la vie de Hincmare, qu'iceluy auoit escrit en ses Epistres, que Carloman fils du Roy Charles s'esleua contre son pere, faisant vne infinité de violences & d'excez en son Roiaume, pendant qu'il estoit empesché à Viéne contre le Comte Gerard qui s'estoit departy de luy : & en vne autre il fait mention que ce Gerard appelloit Charles Roy de Prouence frere de ce Lothaire & de l'Empereur Louys son seigneur. Mais Loup Abbé de Ferrieres declare en ses Epistres, qu'il auoit esté auparauant au seruice de Charles le Chauue. Tellement qu'il eut charge pour iceluy es limites de Champagne & Bourgogne contre les Normans : qui fut possible lors qu'il estoit Comte d'Auxerre & de Tonnerre. Et puis quand il eut reduit le Roiaume d'Aquitaine en sa main, qu'il luy donna le gouuernement

RR. iiij

de la Comté de Limoges. Et pource que lesdits memoires afferment quant & quant qu'il mourut à Auignon, cela fait sembler vray-semblable ce que Lazius escrit de luy, que apres luy estre demeurée vne petite terre seulement en Prouence, qu'il la laissa à sa mort à son fils Theodoric ou Thierry, qui fut pere de Falco, duquel Gerard fut fils, & pere de Gaultier qui engendra Regnault, qui fut pere de Regnault premier Comte de la Franche Comté de Bourgongne. Duquel dernier point ie ne conuiens, pource que le premier Comte de Bourgongne fut fils d'Orthe Guillaume Comte de Dijon, qui estoit issu d'un Adelbert de Lombardie: si ce n'est qu'il eust espousé la fille de ce Gaultier, de laquelle il eut Regnault: & que de là le tiltre de Comte de Viéne soit venu à ses descendans, qui l'ont porté.

LE Duc de Venise enuoya en ce temps 12. cloches, à la façon de celles dont les Chrestiens d'Occident vsent en leurs Temples, à l'Empereur de Grece: qui furent les premieres que les Grecs eussent encore veuës en leur país. Blondus.

FROTO Roy des Danois ayant enuie de regagner l'honneur que ses gens auoient perdu cy deuant en Angleterre, voulut estre conducteur d'une autre armee qu'il y fit passer. Mais y ayant à son arriuee subiugué quelques peuples, fut en fin si bien preché par aucuns d'eux, qu'il se conuertit à la Religion Chrestienne: ainsi que recite Albert Crants liure 4. chap. 18. de son histoire Danoise. Combien que Helimandus, Vincent de Beauuais, liure 20. chap. 40. & Vvillelmus liu. 2. chap. 14. de l'histoire d'Angleterre tiennent que ce fut à Gormo ou Gormund que cecy aduint en ce mesme temps, apres qu'il eut esté vaincu & retenu prisonnier avec trente de ses Capitaines par le Roy Elfrede, qui besongna si bien quant & quant enuers luy, qu'il receut à sa remonstrance le Baptisme, & ceux aussi qui estoient de sa troupe. En faueur dequoy le país des Anglois Oriétaux luy fut assigné pour y faire sa demeure avec les siens.

LES Sarrazins s'estans derechef transportez en la coste de la mer Adriatique, surprindrent & bruslerent la ville d'Ancone. Qui fut cause que les Venitiens depeschèrent contre eux souz la conduite du seigneur Iean fils de leur Duc: qui s'acquitta si brauement de ceste charge, qu'il les mit en route, & les poursuivit encore si chaudement iusques aupres de l'isle de Grade, où ils se pensoient rallier, qu'il les acheua totalement de deffaire. Au moyen dequoy toute la mer se trouua nettoyée de leurs brigandages. Blondus, Sabellic.

HINCMARE Euesque de Laon ayant donné quelques biens de son Eglise sans le consentement de son Archeuesque au Roy Charles, pour en faire present à vn Capitaine Normand, les volut bien tost apres repeter de luy. Et pource qu'il les voulut seulement rendre au Roy Charles, de qui il disoit les auoir receuz, il l'excommunia. Dont il fut repris & condamné par vn Synode assemblé à Vvermerie, nonobstant qu'il en appellast au Pape: estât dict qu'il ne pouuoit en telle cause par les anciens statuts de l'Eglise, mesmement par les Canons du Concile de Carthage appeller ailleurs. Neantmoins ne cessant pour celà de troubler l'Eglise, en s'opiniastrant contre le Roy & contre son Metropolitain, les Euesques des dix prouinces de France assemblez derechef avec leurs Metropolitains à Attigny ou Acigny, condamnerent tant sa desobeissance & rebellion, que ses autres faicts: & le contraignirent de faire promesse, obeissance & subiection au Roy & à son Metropolitain, qui estoit pour lors Hincmare Archeuesque de Reims son oncle, en la forme qu'a exposée Aimoinus liure cinquiesme chapitre vingtquatre. Dequoy le Pape Adrian fut si extremement offensé contre le Roy & contre Hincmare, qu'il leur enuoya par diuerses fois lettres pleines d'outrages & de contumelies, par lesquelles il appelloit le Roy perjure, tyran, perfide, & distraeteur des biens de l'Eglise: l'argüant de n'auoir patiemment receu ses mandemens & corrections: & commandant en ceste sorte tant à l'un qu'à l'autre: **NOVS VOVLONS ET COMMANDONS PAR L'AUTORITE APOSTOLIQUE, QUE TV FACE VENIR HINCMARE DE LAON, ET SES ACCVSATEURS VERS NOSTRE CLEMENCE, POVR IUGER DE LEVR CAUSE.** Mais l'Archeuesque de Reims respondit pour soy entr'autres points, que ne luy estant pas licite de partir hors du Roiaume que par l'expresse permission & consentement du Roy, que moins luy estoit aussi permis d'en faire partir les autres. La response du Roy fut, qu'il n'appartenoit à vn Pape d'escire lettres si contumelieuses à vn Magistrat

Magistrat, qui n'auoit oncques esté legitiment accusé ny conuaincu d'aucun crime. Que les predecesseurs d'Adrian ne s'estoient iamais tant oubliez que d'escrire lettres si imperieuses & ineptes aux Rois de France, qui n'estoient Mancipes ny executeurs des iussions des Euesques, mais Seigneurs en leurs terres. Que luy-mesme estoit cōtempneur de toutes reprehensions, contre l'exemple de saint Pierre & de saint Gregoire. Finalement il luy remonstra par l'auctorité des saintes Escritures, par le tesmoignage des anciens Peres, ordonnances des Empereurs, exemple de tous les Papes precedents, & par les constitutions Synodales & Canoniques : que le Pape Adrian s'ingeroit contre toute forme de droict & de raison de prendre la defense en sa main d'un Euesque condamné legitiment & canoniquement pour ses demerites, par le iugement des autres Euesques. Brief qu'il n'auoit aucune puissance ny prerogative de luy escrire lettres si contumelieuses, ny commander si arrogamment à luy ny aux autres Euesques de son Roiaume. Ce qui se voit beaucoup plus amplement deduit & exposé es Epistres dudit Hincmar Archeuesque de Reims, & en ce qu'il a escrit contre l'autre Hincmar de Laon, qu'on dit auoir esté son nepueu.

<i>Du Monde.</i>	5008	<i>Papes.</i>	4	<i>R. des Escosses.</i>	11
<i>De Iesus Christ.</i>	871	<i>E. d'Orient.</i>	5	<i>R. des Anglois.</i>	5
<i>Indiction.</i>	4	<i>E. d'Occident.</i>	16	<i>Cal. des Sarrazins.</i>	29
<i>De l'Heure 258. le 18. de</i>		<i>R. des François.</i>	31	<i>Ducs de Venise.</i>	5
<i>Nouembre.</i>		<i>R. de Leon.</i>	34	<i>R. de Germanie.</i>	31

Les Manichees d'Orient s'estans rassemblez en grand nombre, qui faisoit vne bonne armee, se mirent avec le Prince Chrisochir dedans les prouinces de l'Empire Grec. A cause dequoy l'Empereur enuoya vne armee contr'eux, souz la conduite du Coronnel de ses Legions, qu'on appelloit le Prince des Ecoles. Qui fit vn si grand deuoir sur eux, qu'il les mit en route. Zonare, Cedrenus.

Le Souldan ou Seodan que tenoit l'Empereur Louys depuis deux ans prisonnier, fit en sorte par sa ruse qu'il le fit entrer en deffoy du peuple de Beneuet & de Capua : auquel aussi il fit scauoir le mauuais vouloir qu'il leur portoit. Qui fut cause que ledit peuple se rebella contre les François : donnant moyen audit Souldan d'euer, & d'aller reprendre vne nouvelle armee en Afrique, avec laquelle il reuint assieger lesdictes villes. Ce qui fit que elles se mirent en la protection de l'Empereur de Grece, qui leur enuoya secours : comme Zonare & Cedrenus recitent. Mais Regino & Aimoinus au liure 5. chap. 29. Sigebert & Auentin tiennent qu'Adalgise Duc de Beneuent estant seduit par les Grecs, fut autheur de ceste rebellion. Somme qu'ils disent que l'Empereur Louys mena son camp cōtre luy : par lequel il reprit les villes qui s'estoient alienees de luy : & le contraignit aussi luy-mesme de se rendre à sa mercy. Si est-ce qu'il se laissa neantmoins si bien surprendre par ses promesses & tromperies, qu'il fut en poinct de ne pouuoir eschapper de ses mains, s'il ne luy eust fait serment de ne le plus aller inquieter en la Duché de Beneuent. Combien que Aimoinus estime qu'on ne peut venir à bout de luy par force, à cause du secours que luy donnerent les Grecs. La Chronique du Mont Cassin dit qu'il fut quarante iours entre les mains d'Adalgise, au bout desquels il fut remis en liberté, apres auoir fait le sermēt declare cy dessus, à cause d'une grāde armee de Sarrazins qui vint d'Afrique : & puis qu'il se retira de Beneuent à Berola, où il sejourna l'espace d'unze mois.

Louys & Charles fils du Roy de Germanie, ne pouuans bien digerer que leur pere faisoit sa deliberation de retrancher quelque portion du partage de ses biens, qu'il auoit cy deuant conuenue avec eux, de leur laisser apres sa mort, pour aduantagez celui de leur frere Carloman, prindrent les armes contre luy, & s'emparerent de la ville de Spire. Mais le pere ne voulut que ce feu fist plus grande brazee. De sorte qu'il employa tous les moyēs à contenter ses enfans & se les reconcilier.

Pour ce que Zuendebald Duc des Esclauons de Moraue, qui s'appelloient lors Marahenses ou Maragenses, estant accusé d'infidelité enuers le Roy Louys, fut constitué prisonnier, ses subiects estimerent l'auoir perdu à iamais. A cause dequoy ils prindrēt vn sien

cousin nommé Selagomare pour leur Duc, nonobstât qu'il fust Prestre : qui ainsi se voulut mettre en deuoir de reduire en sa puissance toutes les citez & forteresses de la Morauie. Mais les garnisons & les Lieutenans de Carloman le repousserent bien lourdement. Cependant Zuendebald fut trouué innocent de ce dont il estoit accusé ; & remis non seulement en liberté, mais aussi accompagné d'une armee pour se remettre en son païs : où il ne fut pas plustost rentré, que se ressentant plus de la premiere iniure, que de ce dernier bien-faict, qu'il se declara ennemy des François : & prit l'armee qui le conduisoit si à despourueu, qu'il la deffit & mit en route avec vne grande occision. Au moyen dequoy il entra en possession de la Morauie : comme les Annales de ce temps & Auentin recitent. Selon lesquels aussi les Boëmiens vindrent faire des courses iusques dedans les marches de Bauiere : où ils furent lourdement traittez par les gardes du païs.

A v mesme temps Carloman fils du Roy Charles, que son pere auoit dedié à l'Eglise, s'estant rebellé contre luy, troubloit toute la France de meurtres & de voleries, iusqu'à ce que son pere l'eut reduit entre ses mains. Qui donna aussi en la mesme annee la Comté de Bourges & le gouuernement du païs d'Aquitaine à Boson frere de sa femme : & au Comte Bernard le Marquisat de Gothie ou du Languedoc, souz lequel la Comté de Tholose fut comprise. Aimoinus liu. 5. chap. 27.

LOVVS Empereur des François en Italie receut ceste annee la couronne Imperiale à Rome le 5. iour de Iuin, auquel on celebra la feste de Pentecoste, par les mains du Pape Adrian. Aimoinus, Onufrius.

LES moines du monastere de saint Vldric d'Ausbourg estoient mariez en ce temps : & continuèrent de l'estre iusques au temps du Pape Hildebrand. On dit aussi que les moines de l'Abbaye de Fulden, le furēt souz l'Abbé Hadamare, comme Gaspar Bruschius tesmoigne en ses antiquitez.

ANASTASIVS Bibliothecaire de l'Eglise Romaine viuoit en ce siecle, qui a composé la vie des Papes depuis Damase iusques à Nicolas, avec vne histoire Ecclesiastique que j'ay eüe entre mes mains ; & a traduit de Grec en Latin barbare les Annales de Nicéphore Patriarche de Constantinople, & les actes du huitiesme Concile vniuersel de Constantinople. En la preface duquel (que ie n'ay point encore veüe imprimée) il se plaint grieuement & seuerement de ce que les François n'auoient encore receu la veneration des images de son temps.

<i>Du Monde.</i>	5009	<i>Papes.</i>	5	<i>R. des Escossois.</i>	12
<i>De Iesus Christ.</i>	872	<i>E. d'Orient.</i>	6	<i>R. d'Angleterre.</i>	6
<i>Indiction.</i>	5	<i>E. d'Occident.</i>	17	<i>Ducs de Venise.</i>	6
<i>De l'Hegire 259. le 7. de</i>		<i>R. des François.</i>	32	<i>R. de Germanie.</i>	32
<i>Novembre.</i>		<i>R. de Leon.</i>	35		

LES Ambassadeurs de l'Empereur Basile vindrent ceste annee trouuer le Roy de Germanie pour contracter alliance avec luy. Qui fut lors qu'il fit vn nouveau partage de son Roiaume entre ses mains, designant la portion que chacun d'eux deuoit auoir apres son trespas. Et puis enuoya vne armee de Saxons & Turingiens contre les rebelles de Morauie ; par lesquels ils furent deffaits & mis en route. Au moyen que Carloman n'estoit avec eux : qui fut cause de l'y faire aller avec vne nouvelle armee, laquelle fut encore renuoyee avec grande perte, iacqoit qu'elle eust vaillamment combattu l'ennemy : qui deuint si hazardeux de ceste prosperité, qu'il alla charger les nauires que les François auoient sur la riuiere d'Ister, de telle sorte qu'il les enfonça toutes, ou osta le moyen de s'en plus seruir, sans laisser eschapper que bien peu de ceux qui les auoient en garde. Mais l'autre armee qu'on fit aller contre les Boëmiens, qui aussi se vouloient departir de l'obeissance du Roy de Germanie, y arriua en si bonne heure, qu'elle obtint vne memorable victoire sur eux ; mettant leurs cinq Ducs nommez Zventislan, Vvitoslan, Herman, Spolimare, & Myslan, avec tous leurs gens en route : nonobstant qu'ils fussent grand nombre, apres en auoir fait vn merueilleux carnage. De sorte qu'ils s'en retournerent victorieux en Allemagne. Luitpert Archeuesque de Majence estoit conducteur de ceste armee : n'estant lors chose inaccoustumee

coustume de voir les Euesques & Abbez se mesler des guerres, & de se trouuer es batailles & rencontres. Annales de ce temps, Auentin.

L'EMPEREUR Louis apres estre fort des mains du Prince de Beneuent, remit sus vne armee, laquelle il employa par ses Lieutenans sur les Sarrazins: tellement qu'elle en mit en pieces le nombre de trois mille en vne rencontre, & neuf mille en vne autre, qui se fit aupres de la ville de Capue. Au moyen dequoy l'Empereur se transporta en ladite ville: qui fut cause de faire retirer tout le reste de l'armee des Sarrazins en la Calabre, laquelle ils traitteret à leur guise, & puis s'en retourneret en Afrique. Leon d'Hostie en la Chronique du Mont Cassin.

LES Danois ayans repris nouvelles forces en leur pais, reuindrent derechef descendre en Angleterre, avec aussi peu de profit qu'auparauant; pource qu'ils furent deffaits en bataille rangee par le Roy Ethelbert: lequel neantmoins y fut tellemēt bleś, qu'il en mourut; laissant la succession à son frere, appellé par Guillaume de Malmesberie Elfrede, par les autres Alurede, qui regna apres luy 28. & demy ou 30. ans. Au commencement desquels il luy prit deuotion d'aller à Rome, où il fut couronné par le Pape Adrian, se faisant le premier des Rois d'Angleterre, qui ont pris leur couronne du Pape: dont il fut nommé le fils adoptif du Pape, selō Polydore Virgile, Cappranus, & Balæus. Mais Guillaume de Malmesberie afferme qu'il auoit eēt seulement courōné par le Pape Leon quand son pere fut à Rome, qui l'auoit mené avec luy. Et qu'il n'eut pas le loisir d'aller voir en ce temps le Pape Adrian, pource qu'il fut en guerre perpetuelle contre les Danois les neuf premieres annees de son regne.

L'EMPEREUR Basile desirant esprouuer sa puissance sur les Sarrazins, mena en personne vne armee contr'eux es parties d'Orient, qui conquesta maintes belles forteresses, & gagna quelques victoires au pais de Tephrica sur le Prince Chrisochir ennemy perpetuel des Chrestiens. Et puis apres se transporta deuant la ville de Melitanie, qu'il faillit à prendre; qui le fit se retirer de là à Constantinople. Zonare, Cedrenus.

LE Pape Adrian mourut ceste annee (au dire d'Onufrius) le premier iour de Novembre: & eut pour successeur Iean 8. fils de Gundi citoyen Romain, homme comme on dit fort sçauant es lettres Grecques & Latines: qui presida depuis son eslection, qui fut faicte le 14. iour de Decembre, 10. ans, 2. iours. Ses faicts tesmoignent qu'il n'a pas eēt moins studieux d'auancer l'auctorité de son siege, que ses deux predecesseurs. Tellemēt qu'il semble qu'il fit à Charles le Chauue quitter ceste grande ardeur qu'il auoit cy deuant monstree à defendre la liberte de l'Eglise Gallicane, apres qu'il luy eut donné la couronne Imperiale. Au reste il luy aduint ce qui n'est ny depuis ny deuant aduenue à aucun autre Pape, de couronner trois Empereurs l'un apres l'autre.

<i>Du Monde.</i>	5010	<i>Papes.</i>	1	<i>R. des Escossois.</i>	13
<i>De Iesus Christ.</i>	873	<i>E. d'Orient.</i>	7	<i>R. des Anglois.</i>	1
<i>Indiction.</i>	6	<i>E. d'Occident.</i>	18	<i>Ducs de Venise.</i>	7
<i>De l'Hegire 260. le 27.</i>		<i>R. des François.</i>	33	<i>R. de Germanie.</i>	33
<i>d'Octobre.</i>		<i>R. de Leon.</i>	36		

ENVIRON ce temps Charles fils du Roy Charles le Chauue fut mis à mort par meſgarde, par vn qui ne pensoit pas auoir affaire à luy. Mais son pere fit par le iugement d'un Synode d'Euesques creuer les yeux à son autre fils Carloman, pource qu'il ne se desistoit de troubler la France par ses malefices. Annales de ce temps, Aimoinus.

D'AUTREPART l'Empereur Louis apres auoir chassé les Sarrazins de la Campagne Italique, vint à se ressentir de l'iniure que luy auoit faicte le Duc Adalgise: qui fut cause de le faire partir de la ville de Capue, où il auoit sejourne (au dire de la Chronique du Mont Cassin) l'espace d'un an, pour venir consulter avec le nouveau Pape, du serment qu'il auoit fait audit Adalgise de ne plus retourner contre luy. Et combien qu'il en fust declaré absous (à ce que Regino, Sigebert & Godefroy de Viterbe declarent) neantmoins il ne voulut pas retourner en personne contre son ennemy: ains y fit aller son armee, souz la conduite de sa femme: qui mit l'homme en tel deſſy de ses affaires, qu'il abandōna Bene-

uent & tout son païs au pouuoir des François, & se retira à sauueté en l'isle de Corseque.

LES Danois suiuant l'exemple des precedents repasserent encore ceste annee avec vne grande armee en Angleterre, souz la conduite de leur Roy Agnere, où la fortune leur fut tellemēt fauorable, qu'ils desconfirent le Roy Bertulfe des Merciens, & se mirent en possession de son Roiaume, où ils establirent vn Roy d'entr'eux, qui se nommoit Ceonolphe: & puis allans plus outre, vainquirent encore les Northumbriens, & saccagerent leur ville. De sorte qu'ils se vindrent de là rendre dedans le Roiaume des Anglois Orientaux, duquel le Roy se nommoit Edmund, qui fut aussi bien contrainct de tenter la fortune contr'eux que les autres: dont il n'eut pas meilleur marché que de la perte de sa vie & de son Roiaume ensemble. Auquel ils donnerent pareillement vn Roy de leur nation nommé Gulhorme, qui y fut succedé d'un Eric, que les Anglois massacrerent, ainsi que Polydore liu. 4. & 5. recite. Cependant Ioan. Magnus liu. 17. ch. 13. de son hist. Gotthique, est d'aduis que ledit Agnere fut fils de Regnier cy deuant Roy de Dannemarc, qui auoit eu deux freres qui tenoient le Roiaume de Dannemarc. Mais il se persuade qu'il viuoit au tēps que Eric Segerfel 100. de Sueffe & de Gotlâdie & l'Empereur Othon 1. aussi regnoiet. Dont il faudroit que le regne dudit Eric eust extraordinairement duré. Si est-ce neantmoins que sans celà l'histoire tant des Danois que des Sueffiens & Noruergiens se trouue fort confuse & embrouillée en cest endroit, & les temps d'icelle bien mal distinguez & obseruez. A cause dequoy nous ne nous faisons fort que de reciter ce que les auteurs en escriuent: mesmement que les Annales de ce temps nous font entendre que les Danois auoient deux autres Rois en ce temps, qui se nommoient Sigefroy & Habdagen ou Halbdan & Abden, qui cōtrafterent alliance avec le Roy de Germanie par leurs Ambassadeurs. Nonobstant laquelle vn Capitaine Normand qu'on nommoit Heruoloulphe, ou selon Aimoinus Rodolfe, apres auoir long temps & à plusieurs fois rauagé les prouinces du Roy Charles, osa bien encore se venir hazarder dedans le Roiaume d'Allemagne. Mais il trouua si bien à qui parler, qu'il ne fut pas permis ny à luy ny à la plus grande partie de sa troupe d'en porter les nouuelles en leur païs.

CEPENDANT vne autre armee de Danois de ceux qui estoient en Angleterre, alla descendre en Escosse souz la conduite de deux Capitaines dictz Hulba ou Hubo & Humgar freres, (comme dit Hector Boëthius) d'un Roy qu'il nomme Gadune, en deliberation de remettre les Piétes dedans leur païs. Si est-ce toutesfois que leur entreprise ne reuint à autre effect que d'auoir desconfit l'armee des Escossois au païs de Fifa en vne bataille, où fut tué le Roy Constantin: auquel les Escossois firent succeder son frere nommé Ethus, apres le depart des Danois, qui regna enuiron quatre ans. Hector Boëthius liure dixiesme.

LES Princes & grands Seigneurs de France iouyffoient en ce temps du reuenu des Abbayes, du consentement des Rois, spécialement du Roy Charles le Chauue (qu'on estime auoir le premier introduit ceste coustume, qui fut entretenuë iusques au Roy Robert) ne se desdaignans point de nommer Abbez, qui estoit vn tiltre autant honorable que de Prince ou Comte. Mais ils esliuoient vn des moines pour chef & gouuerneur des autres, qu'on appelloit Doein: & ne leur laissoient pour toutes choses que leurs viures & necessitez. A cause dequoy Hugues qui fut Duc & Gouuerneur d'Orleans, & de la Marche d'Anjou, apres Robert de Saxe & en grand credit & auctorité souz les Rois Charles le Chauue, Louys le Begue & ses enfans, se trouue grandement renommé souz ce tiltre par toutes les Histoires de ce temps.

VVALLO successeur d'Auentius decedé depuis deux ans en l'Euesché de Metz, ayant receu le *Pallium* Episcopal que luy enuoya le Pape Iean, s'en vouloit seruir cōme s'il eust esté par iceluy emâcipé de la subiection & obeissance qu'il deuoit à son Metropolitan, qui estoit l'Archeuesque de Treues nommé lors Bertolfe, lequel ne voulant ainsi laisser diminuer le priuilege de son Eglise, luy commâda par la puissance qu'il auoit sur luy, de s'abstenir dudit *Pallium*: & ne se peut par aucunes lettres du Pape laisser desmouuoir de son propos. Auquel mesme il estoit confirmé par Hincmare Archeuesque de Reims: qui aussi remonstra audit Vuallo qu'il estoit tenu d'obeir en ce cas à son Metropolitan plustost que au Pape: comme les actes des Euesques de Treues tesmoignent. Qui est pour monstrer que les Prelatures Ecclesiastiques de France ne se reprenoient encore lors des Papes: & que les Metropolitains n'estimoient rien tenir d'eux.

Du Monde.

Du Monde.	5011	Papes.	3	R. de la Germanie.	35
De Iesus Christ.	874	E. d'Orient.	8	R. des Escossois.	1
Indiction.	7	E. d'Occident.	19	R. des Anglois.	3
De l'Hegire 261. le 16. de		R. des François.	35	Cal. des Sarrazins.	42
d'Octobre.		R. de Leon.	37	Ducs de Venise.	10

LOVVS Roy de Germanie passa ceste annee en Italie, où il parlementa aupres de Veronne avec l'Empereur son nepueu, & le Pape Iean. Et à son retour receut à composition Zuendebald Duc de Moraue, qui luy promettoit tribut, fidelité & obeïssance, moïennant qu'on le laissast en paix dedans son pais. Cependant les Sorabes appelez par Regino Vvin-des fallierent des Siuiliens leurs voisins apres le trespas de Taculfe Duc de la Marche Sorabique, en deliberation de se rebeller contre le Roy de Germanie. Mais Rodolphe succe-seur de Taculfe les traitta si rudement qu'il ne leur donna loisir que de se repentir de leur faute. Annales de ce temps, Regino.

VNE nouvelle armee de Normans entree par la riuere de Loire dedans la France, def-fit les gouuerneurs du pays qui se voulurent opposer à eux. Au moien dequoy ils gaigne-rent la ville d'Angers, se deliberas la garder, pource qu'elle leur sembla inexpugnable. Qui fit que le Roy Charles les vint assieger dedans avec toute sa puissance: à laquelle Salomon Duc de la petite Bretagne s'estoit ioinct, si estroictement qu'ils furent en fin cōtraincts de la rendre & se retirer bagues sauuës, moïennant vne somme de deniers qu'ils deliurerent au Roy pour auoir seureté de leur retour. Neantmoins encor qu'ils eussent conuenue de se retirer en leur pais pour ne plus retourner molester la France, ils ne laisserēt d'y rentrer in-continēt apres, & à faire pis qu'auparauant. Annales de ce temps, Regino, Aimoinus, Sigebert.

LA ville nommee anciennemēt Burges auourd'huy Burgos, fut ceste annee repeuplee de nouueaux habitans qui y furent mis par le Comte Didaco Prince de Castille. Histoire d'Espagne.

AV mesme temps Adelgise estant de retour de la Corseque se remit en possession de la Duché de Beneuent, où il mourut peu de temps apres, luy succedant Iean son frere ou son fils en icelle.

D'AVTREPART Mahommet Roy de Cordouë & grand Miramolin des Maures d'Es-pagne, mourut (selon les Annales d'Alfonse, combiē que d'autres ont escrit que ce fut plus tard) laissant à ce qu'on dit 34. fils & 20. filles. L'ainé desquels nommé Almundir regna en-viron 2. ans. On escrit de ce Mahommet qu'il respondit vne fois à vn sien familier qui se promenoit avec luy dans vn iardin, & disoit, O le plaïsant lieu, le beau & le ioyeux siecle, si la mort ne troubloit tout. Tu t'abuse (dit-il) sans la mort ie ne serois pas en regne. Roderic de Tolette, Vaseus.

Du Monde.	5012	Papes.	4	R. de la Germanie.	36
De Iesus Christ.	875	E. d'Orient.	9	R. des Escossois.	2
Indiction.	8	E. d'Occident.	20	R. des Anglois.	4
De l'Hegire 262. le 5.		R. des François.	36	Cal. des Sarrazins.	43
d'Octobre.		R. de Leon.	38	Ducs de Venise.	11

LOVVS Empereur des François en Italie, fils de Lothaire mourut au commencement du mois d'Aoust en la ville de Milan. Ayant esté comme tesmoigne Regino Prince de-bonnaire, misericordieux, religieux, iusticier, net en simplicité, defenseur & protecteurs des Eglises, pere des veufues & orphelins', & obeïssant aux seruiteurs de Dieu: qui ne laissa pour tous enfans qu'une fille nommee Hermengarde, qui fut cy apres femme de Boson Roy de Prouence.

L'ESCRIVAIN de ce temps que nous auons allegué plusieurs fois cy deuant, tesmoi-gne qu'il auoit deliberé auant son trespas de resigner tout son estat à son cousin Carloman
SS

fils du Roy de Germanie. Mais le Pape craignant qu'il ne deust estre aussi rude enuers le
 siege Romain qu'auoit esté Louys, il sollicita souz main le Roy Charles de France oncle
 d'iceluy, de venir prendre les affaires d'Italie en sa main. *Et quia* (comme dit le mesme Au-
 theur) *erat in literis quasi Philosophus, rogabat illum subuenire beato Petro: & de seruitutis iugo ad pro-*
priam libertatem reducere suam Ecclesiam, ac si per vim ab aliquo esset oppressa. Qui fut cause que
 Charles au premier aduertissement qu'il receut de la mort de son nepueu, se diligenta en
 telle façon, qu'il fut outre les Alpes avec vne armee au mois de Nouembre (nonobstant
 que les fils du Roy de Germanie ses nepueux fussent venus avec puissance luy empescher
 le passage) ayant esté mandez par l'Imperatrice Engelberge, veufue du defunct, suiuant la
 derniere volonté d'iceluy. Et puis dedans Rome le 16. iour de Decembre, où il fit si bien
 par ses promesses & liberalitez enuers le Pape Iean, qu'il receut de luy la couronne Impe-
 riale le 25. iour du mesme mois, auquel commençoit l'an 876. de nostre salut: laquelle il luy
 fit aussi confermer par vn Synode de prelatz qu'il assembla pour cest effect à Rome, leur
 ayant prononcé vne harangue à la recommandation d'iceluy. Laquelle nous a esté rap-
 portee en ses propres mots par Masson en ses Annales, où il le depeint de couleurs toutes
 contraires à celles dont l'Empereur Adrian l'auoit cy deuant charbonné, disant de luy:
Is Carolus nobis qui caliginosi temporis ex quadam parte tetras arumnas & miseras sustinebamur, tan-
quam splendidissimum astrum ab arce colorum illuxit: qui non solum progenitoris liberalitatem alacriter
equiparauit, verumetiam omne prorsus auitum studium vicit, & uniuersum paternum certamen in cau-
sa religionis atque iustitiae superauit: Ecclesiis videlicet Domini diuersis operibus ditatis sacerdotes eius
honorans, hos ad utramque Philosophiam informans: illos ad virtutes sectandas adhortans, viros peri-
tos amplectens, religiosos venerans, inopes recreans & ad omne bonum penitus subsecutus, & omne
malum medullitus detestatus. Quapropter & nos charissimi fratres attendentes dilectionem eius, atque
virtutum audientes insignia, & laudabilium longe lateque diffusa morum eius intuentes iudicia, pie-
tatisque illius affectus experti frequentissime & multifarie viscera, non immerito intelleximus istum
esse proculdubio, qui à Deo constitutus esset saluator mundi multo praestantius ac decentius ita vocatus,
quam Ioseph qui pœnè solam Aegyptum seruauit, &c. Puis apres. Denique non hic perpetuus Augu-
 stus ad tanta fastigia se velut improbus intulit, non tanquam importunus fraude aliqua & praua ma-
 chinatione, aut inhianti ambitione ad Imperialem apicem aspirauit, absit: neque enim sibi honorem
 presumptuose assumpsit, ut Imperator fieret, sed tanquam desideratus, optatus, postulatus à nobis, &
 à Deo vocatus & honorificatus, ad defendendam religionem & Christi ubique seruos tuendos humili-
 ter atque obedienter accessit. Mais l'occasion qui fit lors dire tant de biens de luy, a esté expo-
 sée par l'Historien (qui viuoit au mesmetemps, que nous auons allegué cy dessus) reci-
 tant que Charles auant que receuoir la couronne Imperiale auoit fait vn accord avec les
 Romains: Perdonans illis (ce sont les propres mots d'iceluy) iura Regni, & consuetudines illius,
 tribuens illis sumptus de tribus monasterijs, id est Domini Saluatoris, & beate Mariae in Sabinis, atque
 sancti Andreae iuxta montem Soractis, & de ceteris quamplurimis monasterijs fiscalia patrimonialia.
 Patrias autem Samniae & Calabriae simul cum omnibus ciuitatibus Beneuenti eis contulit. Insuper ad
 decorem regni totum ducatum Spoletinum cum duabus ciuitatibus Tusciae, quod solitus erat habere ipse
 dux, id est Aricium & Clusium: quatenus ut is qui praerat regia vice antè Romanis, videretur post
 esse subiectus iisdem. Remouit etiam ab eis regias legationes, assiduitatem vel praesentiam Apostolicae
 electionis. Quid plura? Cuncta illis contulit, quae voluerunt, quemadmodum dantur illa quae nec rectè
 acquiruntur, nec possessura sperantur. Puis apres: Ab illo autem die honorificas consuetudines Regiae
 dignitatis nemo Imperatorum, nemo Regum acquisiuit. Quia aut virtus defuit, aut scientia pro multis re-
 gni contentionibus, & assiduis diuisionibus, unde multa praelia, direptiones & rapina fuerunt in re-
 gno. Parquoy l'election & promotion de Charles par le Pape fut facilement & sans con-
 trouerle louee, approuee & confermee par la voix & souscription de tous les Euesques
 qui se trouuerent au Synode. Lesquels aussi declarerent excommuniez & anathematizez
 tous ceux qui voudroient cy apres en aucune façon quereller & debatre du droit par eux
 conferé à Charles. Tellement qu'on voit qu'il a en ceste façon obtenu & tenu l'Empire
 iusques à sa mort, l'espace de 2. ans, & environ quelque peu plus de deux mois. Cependant
 le Roy de Germanie son frere, s'estimant en ceste sorte estre iniustement fraudé de l'Empire
 qu'il pretendoit luy appartenir de droit d'ainesse, en voulut prédre vengeance sur le Roi-
 aume de son frere lors qu'il estoit en Italie. De sorte qu'il fit entrer vne armee dedans avec
 l'un de ses fils. Mais par le bon ordre que la Roine Richilde & le Prince Louys le Begue
 leur fils donnerent, force luy fut d'en sortir deuant quasi que l'annee fust expirée.

En laquelle aussi Salomon Duc ou Roy de la petite Bretagne fut occis en trahison par aucuns Seigneurs de son pais, les principaux desquels se nommoient Pasquitaire, & Vrfande, ou Vrbane & Vigon fils de Raulne: lesquels venâs apres partager son Roiaume entr'eux, se trouuerent en si grand different, que Pasquitaire qui auoit quelque cōpagnie de Normâs à son secours, fut mis à mort par Vrfande, qui mourut aussi bien tost apres de sa mort naturelle, sans laisser aucuns enfans, cōme aussi n'auoit fait son aduersaire: Mais il auoit vn frere nommé Alain, qui par droict de succession se mit en possesiō d'vne partie de la Bretagne, & eust bien voulu empieter le tout, si Iudichael ou Iuhael fils ou nepueu du feu Roy Herispee ne l'eust preueni. Pour raison dequoy il fut en perpetuelle querelle contre luy iusqu'à sa mort. Annal. ancien. Aimoinus, Regino, Herman Contr. Marianus Scotus, Sigebert.

IAMFREDE Côte de Barcelonne fut mis à mort par aucuns François: à cause dequoy son fils Iamfrede 2. du nom luy succeda en sa Côté, à qui on dit qu'elle fut dōnée en propriété par les rois de Frâce pour la defēdre de ses propres forces cōtre les Sarrazins. Frâc. Tarafa.

A Piaft Roy de Polongne de cedé enuiron ce tēps succeda son fils nommé Ziemouitte, hōme vaillât & heureux, qui regna 31. an, ou selō aucuns 20. tant seulemēt. Martin Cromer.

VALLŌ Euesque d'Auxerre frere de Luitperth Archeuesque de Sens, & son chapelain Eric, personnages de grande erudition & sçauoir florissoient en cetemps, avec le moine Hucbald excellent Poëte & musicien, qui cōposa vn Poëme à la louange des Chaulues, tous les mots duquel se cōmençoient par C. en ceste sorte: *Carmina Clarifona Caluis Cātate Camæna*. Et le dedia au Roy Charles. On dit aussi qu'il cōposa d'autres œures en Musique.

QUANT à l'estat des moines & monasteres d'alors, Triterius en son Chronicon Hirsantien se tesmoigne que c'estoient cōme escoles publiques Chrestiennes, où non seulemēt la ieunesse, mais aussi les hōmes qui s'y vouloient adōner estoient instruits & enseignez en toutes sortes de lettres, sciēces & bōnes mœurs. A sçauoir ou es sciences diuines, ou es humaines & liberales, cōme Mathematique, Aritmethique, geometrie, Astronomie, Philosophie, Musique, Poësie, Rhetorique, ensēble aussi en l'intelligēce des lāgues Hebraïques, Arabiques, Grecques & Latines: par personnages tant seculiers que moines experimētez en sçauoir & en bōnes mœurs, que l'on ordonoit à ce faire, & qu'on faisoit venir de monastere en autre quād il ne s'en trouuoit de capable à telle charge. A cause dequoy si quelque monastere estoit renommé d'estre mieux pourueu d'excellēs professeurs, les moines & escoliers s'y transportoient en plus grāde affluence, estāt permis aux ieunes moines des autres monasteres ja promēz & initiez en quelques sciēces d'y aller pour venir à plus hault degré de sçauoir. Par lesquels exercices les monasteres & conuents de ce siecle estoient en si bōne reputatiō enuers les seculiers, qu'on en tiroit coustumieremēt ceux qu'on vouloit estre Pasteurs des Eglises, & les preposer aux Eueschez & autres dignitez Ecclesiastiques.

Helias l'Escoffois Euesque d'Angoulesme hōme docte en la Philosophie, en laquelle il auoit esté instruit par Theodulphe Euesque d'Orleās, mourut laissant Héry & Hucbald le Chauue moine ses disciples & les successeurs en la professiō de la Philosophie. Chr. d'Ang.

Du Monde.	5013	Papes.	5	R. de Germanie.	37
De Iesus Christ.	876	E. d'Orient.	10	R. d'Escoffe.	3
Indiction.	9	E. d'Occident.	1	R. d'Angleterre.	5
De l'Hegire 263. le 24. de		R. des François.	37	Cal. des Sarrazins.	44
Septembre.		R. de Leon.	39	Ducs de Venise.	72

CHARLES ne voulant partir d'Italie, qu'il ne se fust assuré de l'estat d'icelle, assembla toute la noblesse en la ville de Pauie, où il institua le Comte Boson frere de sa femme Richilde Duc de la Lombardie ou de Pauie, selon les vieilles Panchartes Duc d'Italie, mettant luy-mesme la couronne Ducale sur sa teste. Et puis fit aussi deux autres Princes Lombards de la lignee royale, à sçauoir Berengier fils de Eurard Duc de Foriul & Gui Duc de Spolet. Boson toutesfois ne se contentāt point de cest honneur, trouua moie aussi tost que l'Empereur fut hors d'Italie de tirer Ermingarde fille de Louïs Empereur defūct d'estre les mains du Duc Berégier, qui la tenoit en sa maison: & la fit sa fēme deuāt que d'en auoir pris l'aduis de l'Empereur, qui toutesfois ne semble en auoir fait grand cōpte, si celà d'auature ne se fit l'annee ensuiuant, pource qu'il y a chartre en l'Abbaye de saint Benigne à Dijon dattee en ceste sorte, *Regni Caroli in Francia xxxvij. in successione regni Lothariensis septimi*

Imperij ij. Indiēt. viij. Id. Ianuar. En laquelle il parle de Boson de ceste façon, l'appellant *Charissimum suum, Italie Ducem, Missum & sacri Imperij Archiministrum*. Lequel tesmoignage i'ay bien voulu icy referer, pource qu'il sert aussi à l'esclarcissement d'autres poincts. Cependāt Charles estant de retour en France, se voulut resentir des fascheriēs que les Allemās auoiēt fait en son Roiaume en son absence. Mais aduertty que son nepueu lors estoit ja en bō equipage pour le receuoir, force luy fut encore de temporiser, & d'ēuoier Ambassades vers luy pour traicter d'appointement. Qui furent aduertis en chemin de son trespas, qui aduint le 26. ou 28. d'Aoust en la 37. annee de son regne, laissant trois fils legitimes, Carloman, Louis, & Charles surnōmé le Gros, avec vne fille nōmee Lutbarde ou Hildegarde qui fut Religieuse. Lesquels apres que Louis ou (selon les autres) Charles eut honteusement repoussé & mis en route le 8. iour d'Octobre l'armee de l'Empereur Charles leur oncle, qui estoit venue iusque deuāt la ville d'Andernach pour se mettre en possēsiō du Roiaume de la haute Lorraine, frēt partage entr'eux des Roiaumes & Seigneuries de leur pere. Par lequel Carlomā qui estoit l'aîné obtint souz tiltre de roiaume le païs de Bauiere, d'austrie, Esclauōnie, Boēme, morauie, & d'une partie de la Hōgrie: laissant à Loys les prouinces de Frāconie, Saxe, Turingie, & Frise, avec vne portiō de Lorraine, qu'ō appelloit la Frāce Oriētale. Et à Charles tout le païs qu'ō appelloit Allemagne, accōpagné du surplus des citez de Lorraine.

QUELQUES mois auparauant, aucuns Normans à l'instāce de Hugues l'Abbē Marquis de Frāce, qu'on disoit aussi (tesmoin Aimoinus) Comte de Paris, s'estoiēt venus faire baptizer en France. Ce qui n'empescha qu'une armee de Normans ne se vint encore fourrer dedans la France au mois de Septēbre par la bouche de la Seine, pour y recōmencer les jeux que leurs cōpagnons y auoiēt faicts auparauāt. Et pource que l'empereur estoit lors au plus fort de ses affaires en Allemagne, il ne luy challut qu'il luy coustast à les faire sortir de son Roiaume: d'autant qu'il se trouuoit bien empesché de se remettre sus apres le desastre d'Andernach. Mais les Frisons Occidētaux ne se voulurēt laisser ainsi traicter d'une autre grāde troupe de Normans qui les oserent venir chercher dedans leur pays. Car ils les chargerēt de telle furie, qu'ils en firent vne boucherie memorable, & gagnerent toutes leurs richesses. Anciennes Annal. Aimoinus, Regino, Lambert de Scaff. Marianus Scotus, Othon de Frising. & Luitprand de Pauie, lequel commence son histoire ceste annee.

MAIS vne autre cōpagnie de Normās estāt au mesme tēps venue descēdre en Aquitaine, fut cōbatue par Turpio Comte d'Angoulesme. De sorte qu'en ceste rencōtre il tua de sa main le Capitaine desdits Normās nōmé Mauro, par leq̄l il fut aussi luy-mesme occis, aiant vn frere nōmé Emero, qui fut Côte d'Angoulesme apres. Vieille Chron. d'Angoulesme.

CEPENDANT les Sarrazins qui tenoient encore la ville de Tarente, voyās l'Empereur absent d'Italie, assemblerent leurs forces: avec lesquelles ils vindrent courir le terroir & les enuiron de la ville de Bari, causant vn tel estonnement aux Neapolitains, Salernitains & Malfites, qu'ils les contraignirent de se mettre de ligue avec eux, pour tous ensemble aller assaillir la citē de Rome. Mais le Pape estant aduertty de leur intentiō, appella les Ducs, Guy & Lābert son frere de Spolet à son secours: lesquels y allerēt par le cōmandement de l'empereur Charles. De sorte qu'ils s'en allerent avec luy iusques à Salerne & à Naples, où ils firent tant que Gaifer Prince de Salerne se departit de la ligue des Sarrazins pour se ioindre à la leur. En quoy pource que Sergius Duc & Gouverneur de Naples ne le voulut ensuiure, Arhanasius son frere qui estoit Euesque de Naples, le prit & enuoia prisonnier à Rome. En faueur dequoy le gouuernemēt de Naples luy fut laissé: duquel il s'acquitta si malheureusement, qu'il se remit de ligue avec les Sarrazins: & puis leur donnant vn lieu de retraite apres de Naples, se mit à courir avec eux les terroirs & pays de Beneuent, Naples, Salerne, Capouē & de Rome. Pour raison dequoy le Pape fut contraint d'ēuoier sommer l'Empereur Charles de le venir secourir. Leon d'Hostie en sa Chronique du Mont Cassin.

ALVREDE Roy des Anglois estant de retour de son voyage de Rome en Angleterre, trouua son Roiaume assaillly des Dannois: tellement qu'il fut contraint de se defendre de bon escient. En quoy l'heur luy assista si bien, qu'en l'une des sept rencontres qu'il eut avec eux, Hubo frere du Roy Agnere demeura mort. Ce qui fit tellement perdre cœur à ses gens, qu'ils se mirent de composition avec Alurede, par laquelle ils se deuoient d'oresnauāt contenir en ce qu'ils occupoient ja en Angleterre, sans venir rien plus entreprēdre sur luy. Polydore liure 5.

TROIS

TROIS Synodes furent ceste année celebrez en France, l'un à Augni ou Acigni: l'autre à Vermecie: le tiers à Pontigon au mois de Juillet par l'autorité de l'Empereur, qui voulut en iceluy contraindre les Prelats de Frâce à recevoir Ansegise Archeuesque de Sens pour Legat & Vicaire general du Pape es Gaules & Germanies. A quoy toutesfois fut contredit, pource que cela contreuenoit aux priuileges des Metropolitains, & aux constitutions œcumeniques. Mesmement que l'Eglise gallicane en seroit fraudee de sa liberté: laquelle il sembloit que Charles eust abandonnee. au Pape en eschange de la dignité Imperiale qu'il auoit receüe de luy, l'ayant auparauant si courageusement defendue contre le Pape Adria. Or d'autant qu'Aimoinus liu. 5. chap. 32. tesmoigne expressement que tous les Prelats de France (excepté l'Euesque de Bordeaux seul, qui pour complaire à l'Empereur accorda ce qu'il voulut) ne voulurent en aucune façon recevoir ny accepter le Primat & Vicariat de Ansegise: & que le Synode fut rompu avec leur refus & opposition: il n'y a point de doute que le decret qui a esté proposé par le moine Odorânus en faueur de l'Eglise dont il estoit paroissien, comme ayant esté fait au nom de ce Synode, ne soit supposé. Disant, *Sicut Dominus Ioannes Papa sanxit conuiente & consentiente ac condecernente Domino ac gloriosiss. Carolo Imperatore semper Aug. Ansegisum venerabilem Episcopum Senonum suam vicem tenere, & primatum ei Gallie ac Germanie cōtulit, &c. & nos unanimiter laudamus omni deuotione: & ut ita ipse primatū teneat Gallie ac Germanie decernimus ac sancimus, cūctique successores in propria vrbe.* Car il ne se prouuera que luy ne ses successeurs ayent iamais iouy de ce priuilege. Si ce n'est qu'il faille prendre ce decret pour vn de ceux qui auoient esté faicts au Synode precedent de Rome, lequel les Legats du Pape apportèrent à ce Synode de Pontigon pour le faire confermer par les Euesques de France. Dont il semble que Charles eut honte de le presenter deuant les yeux des Euesques François pour estre leu, & qu'il faut ainsi prendre ce qu'Aimoinus en escrit. *Potentibus autem Episcopis ut eis permetteretur ipsa legi Epistola quibus erat directā, non adqueuit Imperator, sed responsum quæsiuit ab eis, quid de his iussis Apostolicis responderent. Quorum responsio talis fuit: ut seruato singulis Metropolitanis iure priuilegiū secundum sacros Canones & iuxta decreta sedis Romanæ Pontificum ex eisdem sacris canonibus promulgata, Domini Iohannis Papæ Apostolicis iussionibus obedirent. Et cū Imperator & Apostolici legati satagerent ut absolute Archiepiscopi responderent se obedituros de primatu Ansegisi sicut Apostolicus scripsit, aliud nisi ut prædictum est responsum ab eis extorquere non potuerunt. Et puis apres il dit, que Charles accepit ipsam Epistolā inuolutam vnā cum Iohanne Tusculano & Iohanne Aretino, & dedit illam Ansegiso.*

Du Monde. 5014	[Papes.	R. d'Escoffe. 1
De Iesus Christ. 877		E. d'Orient. 11	R. d'Angleterre. 6
Indiction. 10		E. d'Occident. 2	Ducs de Venise. 13
De l'Hegire 264. le 13. de		R. des François. 38	R. de Germanie. 1
Septembre.		R. de Leon. 40	

L'EMPEREUR Basile desirant exterminer les Sarrazins de toute l'Italie, donna la charge à Phocas (ayeul de celui qui fut cy apres Empereur) de laquelle il s'acquitta si sagement qu'il ne laissa vn seul Sarrazin en toutes les prouinces de l'appartenance de son maistre en Italie, les cōtraignās de se cōtenir en la Sicile. Et fit en sorte que depuis ce tēps-là iusques à Cōstantin Porphirogenite l'Italie demeura paisible de ce costé-là. Cedrenus.

CHARLES estant sollicité du Pape & des Princes d'Italie de les aller secourir cōtre les Sarrazins, disposa premierement des affaires de la France, & en laissa le Prince Louis son fils Regent en son absence. Finalement estat passé en la Lōbardie contre l'aduis de sa fēme & des Princes de son Roiaume qui ne le voulurēt accōpagner, nōmement Hugues l'Abbé, le Duc Boson, & les deux Bernards, l'un Comte d'Auuergne & l'autre Marquis du Languedoc, se trouua à Paue avec le Pape Ie: n, où il luy fit couronner sa femme. Et auant qu'en partir furent aduertis que Carloman son nepueu amenoit vne grāde armee cōtre eux. Qui fut cause de faire retirer le Pape à Rome, & Charles en Piedmont, où il attendit quelque tēps les Princes susnōmez avec leurs gens qu'il auoit mandez, iusqu'à ce qu'il sceust qu'ils auoient conspiré de n'y aller. Parquoy se voulant rapprocher de la Frâce, fut arresté en vn lieu nommé Brios (selon Aimoinus.) Combien que Sigebert dit que ce fut à Mantoüe. Mais la Chroniq. de S. Benigne monstre que ce fut en vn monastere de Sauoye dit Nantoïde: tant ya que ce fut par vne fieur, de laquelle il mourut le sixiesme iour d'Octobre,

par le moyen toutesfois de la force d'un poison que son medecin luy fit boire au lieu de medecine, plus que de la maladie. Cependant Carloman ayant esté faussement aduertý que l'Empereur alloit aussi au deuant de luy à grande puissance, s'estoit retiré en son pays, comme tesmoigne le supplément d'Aimoinus. Mais les Annales de ce temps & Auentin afferment, que ce fut apres auoir pris le tiltre d'Empereur de Rome, & festre fait faire hómage avec serment de fidelité aux Princes & Seigneurs d'Italie. Tant y a cependant que Louis surnommé le Begue, comme heritier & successeur de son pere, se declara non seulement Roy de France (s'en faisant courónner en pleine assemblee de ses Princes & Prelats à Reims le 8. iour de Decembre par Hincmar Archeuesque dudit Reims) mais aussi Empereur d'Italie. De façon qu'on fait compte qu'il a regné depuis le trespas de son pere iusques au sien l'espace de 1. an, 6. mois, 5. iours. Aimoinus tesmoigne qu'il fut en different auant son couronnement avec les Primats de son Royaume, à cause qu'il auoit distribué les estats & dignitez de la France sans leur aduis: tellement que force luy fut de les contenter.

C E V X au reste qui ont voulu mettre en auant que Boson fut institué Roy de Prouence par Charles vn peu deuant son trespas, se trouuent refutez tant par le tesmoignage des Annales de ce temps & d'Aimoinus, que par ce que nous auons recité cy dessus, & par la chartre de son election.

C E P E N D A N T Landenulfe Euesque de Capüe festimant metter la faueur du Pape, pource qu'il tenoit son party contre les Grecs, le pria de mettre la ville de Caiette, qui obeissoit lors au siege Romain, souz sa iurisdiction. Mais Docibilis duc de Caiette sy opposa, faisant venir les Sarrazins de la ville d'Agropoli à son secours. Qui fut cause que le Pape le voulant distraire de letr alliance, luy accorda ce qu'il voulut. Au moien de quoy il se rendit leur ennemy: tellement qu'il les voulut aller attaquer en vne rencontre. Mais pource qu'ils le rembarrerent si lourdement qu'ils mirent en pieces grand nombre de ses gens, & en retindrent autant de prisonniers, luy afin de les retirer, s'appointa d'erechef avec les Sarrazins, faisant construire vne forteresse à la bouche du Gariglian, qu'il leur donna pour y faire leur retraite. D'où ils firent depuis de gráds maux à toute l'Italie, par l'espace de plus de 40. ans, sans en pouoir estre par aucune force ou puissance dechassez. Leon d'Hostie en sa Chronique du Mont Cassin.

E T H V S Roy d'Ecosse s'estudiant plus de conforter sa vie au malheureux exemple de son oncle Douald, qu'aux vertus de son pere, rendit en fin les Ecossois si mal contents de luy, qu'ils ne le demirent pas tant seulement de son Roiaume, mais aussi le confinerent en perpetuelle prison: prenant en son lieu pour leur Roy Gregoire fils du feu Roy Dôgald, qui auoit cy deuant regné deuant Alpin. Lequel se cōporta si vertueusement en ceste charge, laquelle il exerça (comme on dit) l'espace de 18. ans, qu'il regaigna & repara toutes les pertes que ses predecesseurs auoient faictes contre les Pictes. Hector, Boëtius liu. 10.

L E S Esclauons qu'on appelloit Liuoniens & Siciliens, s'allians de leurs voisins se voulurent emanciper de la subiection des fils de Louys defunct Roy de Germanie. A cause de quoy le Prince Louys enuoia vne armee contr'eux, qui les fit reuenir au point qu'il voulut. Annales de ce temps.

P A R le trespas d'Ignatius Patriarche de Constantinople, Photius, qui auoit esté cy deuant depose, fut remis au siege Patriarchal du consentement d'un Synode assemble de l'authorité de l'Empereur: de sorte qu'il presida encores 9. ans. Zonare, Cedrenus.

<i>Du Monde.</i>	5015	<i>Papes.</i>	7	<i>R. des Ecossois.</i>	2
<i>De Iesus Christ.</i>	878	<i>E. d'Orient.</i>	12	<i>R. d'Angleterre.</i>	7
<i>Indiction.</i>	11	<i>E. d'Occident.</i>	1	<i>Ducs de Venise.</i>	14
<i>De l'Hegire 265. le 2. de</i>		<i>R. des François.</i>	1	<i>R. de Germanie.</i>	2
<i>Novembre.</i>		<i>R. de Leon.</i>	12		

L'EMPEREUR de grece apres auoir esteint le feu de la cōspiratiō de Curcuas Patrice & de ses cōplices, mena vne armee en Orient cōtre les Sarrazins & les Manichees: sur lesquels il print leur ville capitale nommée *Camaia*, & reconura quelques chasteaux que les Sarrazins luy

luy auoient osté. Georgius Cedrenus. Constantin Manasses adiousté, que l'Empire de Grece qui s'en alloit lors flestrissant & en decadence, par l'abastardissement de l'exercice & discipline militaire qui y estoit, commença deslors de se reuigorer & remettre au dessus par le bon ordre que l'Empereur mit à y faire reuenir en estat l'exercice & pratique des armes.

Le Pape esperant mieux des François que des Allemans, faisoit tout son possible de reduire l'Italie à la deuotion du Roy Louys le Begue. A cause dequoy il se rendit ennemy de ceux qui s'estoient ia dediez à la cause de Carloman: lesquels faisoient entrer en leur ville les Comtes Lambert fils de Vlton & Adalbert fils de Boniface, le prirent & mirent en prison. De laquelle toutesfois il eschappa par le moyen de ses adherans, & se retira en France, portant avec soy les tresors de l'Eglise, apres auoir excommunié ses aduersaires d'une façon horrible. Qui toutesfois ne laisserent pout celà de retenir la cité de Rome en deuotion enuers Carloman. Cependant le Pape se fit conduire depuis la cité d'Arles par le Duc Boson iusques à Lion, où le Roy Louys luy enuoya compagnie pour le venir trouuer à Troyes. De sorte qu'ils s'y trouuerent tous deux le premier iour de Septembre, y estant ia le Concile assemblé des Prelats de France; auquel le Roy se fit couronner de la couronne Imperiale le 7. iour de Septembre. Et puis fit espouser la fille de Boson à son fils Carloman. En apres les censures iettees par le Pape contre ses aduersaires confermees, Hincmarus (selon les autres Immaurus) continué en sa charge d'Euesque de Laon, non obstant qu'il fust auéglé, & remis sur le champ en possession de faict par les Euesques, apres que le Roy de sa part luy eut ottroyé la moitié du reuenue de cest Euesché: Hugues fils de Lothaire avec vn Linno, qui faisoient la guerre à plusieurs Eueschez, excommuniiez: contribution aussi ordonnée du reuenue de tous les Euesques à l'entretienement du Pape. Lequel apres auoir encore sejourne ce que bon luy sembloit en France, se fit reconduire par le Comte Boson fort pompeusement en Italie, pendant que l'Empereur Louys alla trouuer le Roy Louys de Germanie en la Lorraine, où ils cōclurent ce traité de paix du premier de Novembre, qui est recité par le supplément d'Aimoinus liu. 5. chap. 38. Par lequel la question de droit de l'Empire fut remise à vn autre temps, estant dit que la possession demeureroit à vn chacun de ce qu'il tenoit ia en Italie, iusqu'à ce qu'on en eust autrement conuenu. Annales de ce temps, Aimoinus, Regino.

Au reste Flodoard tesmoigne en ses vies des Archeuesques de Reims, que Hincmarus s'estant trouué à ce Concile, y fut accusé enuers le Pape Jean d'auoir parlé irreueremment & contemptiblement des Epistres decretales des Papes, ne leur attribuant aucune auctorité: & d'auoir aussi dit, que le Pape n'estoit pas de plus grande auctorité que luy. Dont il se defendit, & s'excusa de bouche & par escrit.

Au mesme temps l'Empereur Louys fit espouser la fille du Comte Boson à son fils Carloman: & puis par l'aduís de son conseil desappointa (comme veulent dire d'autres) Bernard Marquis de Gothie de ses dignitez, qui furent departies à d'autres; à sçauoir à Theodoric son grand Chambellan (qu'ils se persuadent auoir esté fils du Comte Gerard de Vienne ou de Roussillon) & à Bernard Comte d'Auuergne. Mais ie ne sçay si celà se tient de bon auteur.

ALVRED le grand Roy des Anglois, fut si bien instruit (comme on dit) es bonnes lettres, qu'il escriuit plusieurs liures de son inuention, & en translata d'autres de la langue Latine en sa maternelle. A cause dequoy fauorisant aux lettres & aux gens de sçauoir, institua des Escoles & Colleges des arts liberaux en la ville d'Oxone: où il proposa gages à ceux qui y voudroient faire profession publique de lire & enseigner les bonnes lettres. On fait compte aussi de luy qu'il distribuoit les vingt quatre heures du iour à son usage, en telle sorte qu'il employoit les huit à mediter, estudier & composer: les autres huit à vacquer aux affaires du Roiaume: le reste à ses commoditez corporelles. Tritemius, Balzus.

<i>Du Monde.</i>	5016	<i>Papes.</i>	8	<i>R. des Escossois.</i>	3
<i>De Iesus Christ.</i>	879	<i>E. d' Orient.</i>	13	<i>R. des Anglois.</i>	8
<i>Indiction.</i>	12	<i>E. d' Occident.</i>	1	<i>Cal. des Sarrazins.</i>	4
<i>De l' Hegire 266. le 23.</i>		<i>R. des François.</i>	1	<i>Ducs de Venise.</i>	15
<i>d' Aoust.</i>		<i>R. de Leon.</i>	42	<i>R. de Germanie.</i>	3

L'EMPEREUR Basile entra en ce temps avec vne armee en la Syrie, contre les Sarrazins : où il prit la ville de Cefaree en Cappadocie, avec plusieurs autres, apres qu'il eut mis l'armee d'Ababdeles fils d'Ambron Amiras d'Anarbe & des Meliteniens en route.

CE fut au mesme voyage qu'il assiegea la ville de Germanicopolis, dicte autrement Adata : & que quelque force dont il peult vser à la prendre, il n'en peut venir à bout : & estant dit par vn vieillard qui estoit en icelle, qu'elle ne pourroit estre prise, que cy apres par vn Empereur qui se nommeroit Constantin. Cedrenus, Michaël Glyca.

Louys troisieme & Carloman

Rois 27. des François.


BERNARD Marquis de Gothie ou du Languedoc, donnant occasion de desestimer de sa fidelité à l'Empereur Louys, en voulant, à ce que disent aucuns, occuper la Comté d'Autun, l'irrita en telle façon, qu'il le fit mettre en chemin avec sa puissance pour l'aller visiter. Mais vne maladie l'arresta à Troye, qui le fit, touz espoir de recouurer sa santé, retourner à Compiègne, où il mourut le dixiesme iour d'Auril de ceste annee : & non (comme quelqu'un ignorant a voulu contester) de la suiuite, laissant sa femme enceinte, qui accoucha bien tost apres d'un fils qu'on nomma Charles (qui se fit apres estant venu à la couronne surnommer le Simple) auquel son pere ordonna par son testament Odon ou Eudes frere de Robert Comte d'Anjou pour tuteur. Apres auoir prié cependant les Princes de son Roiaume, comme Hugues l'Abbé, Theodoric Comte d'Autun, les Comtes Boson & Bernard d'Auuergne, de faire sacrer & couronner Rois de France apres luy Louys & Carloman ses deux fils, (lesquels il auoit eu en sa ieunesse d'une fille nommee Aufgard, qu'il auoit prise à espouse sans le sceu de son pere, (& par le commandement d'iceluy l'auoit aussi repudiée.) Neantmoins Goslin Abbé de saint Germain, & Conrard Comte de Paris alliez de quelques Comtes & Euesques de France, se partialiserent de toute leur puissance pour faire venir Louys Roy d'Allemagne prendre les affaires de France en sa main. Tellement qu'il se rendit à leur mandement à Verdun. Mais le party des autres Princes qui vouloient ensuiure la volonté de l'Empereur defunct, se trouua si fort que les deux freres furent declarez & couronnez Rois, afin de mieux reprimer souz leur auctorité les entreprinsees que faisoient incessamment les Normans sur la France, apres toutesfois qu'on eut accordé la part du Roiaume de Lorraine au Roy Louys, que luy & son feu pere auoient querellee contre les Rois precedents. Ce feu ainsi esteint, se presenta vne autre cōtrouerse pour la Comté d'Autun entre les Comtes Theodoric à qui elle auoit esté donnee par l'Empereur defunct, & Boson qui la pretendoit pour quelque autre raison que nous ignorons (car celle qu'escriit P. Amile ne conuient.) Si est-ce toutesfois qu'elle luy fut adiugee par Hugues l'Abbé, à cōdition qu'il laissoit les Abbayes avec leur reuenu qu'il auoit en ces quartiers-là au Comte Theodoric. Nous auons veu plusieurs tiltres cōfermans le temps auquel nous rapportons le regne de ces deux freres, desquels la darte est telle, *Datum mense Decembri, anno 1. regnante domino nostro Karlomanno Rege gloriosissimo, Indictione 13.* Auquel lieu fault entendre que ceste Indiction-là commençoit au mois de Septembre de l'an 879. & le reste d'icelle appartenoit à l'an 880. ainsi qu'il fault obseruer aux deux ensuiuans : *Datum 13. Kal. Octob. Indict.*

li. c. 11. anno. 1. regnante Karlomanno Rege glor. Datum 10. Kalend. Februarias, Indictione. 1. an. 1. regnante Karl. Reg. glor. apud Compendium Palatium. Il s'en trouue vn autre de la mesme annee, duquel nous auons extraict ce qui sensuit: *Karlomannus Dei gratia Francorum Rex. Monachi Dernenfes per intermissionem Hugonis Abbatis venerabilissimi humiliter petierunt, ostendentes aui & progenitoris nostri preceptum diuinarum recordationum, scilicet Caroli Augusti ac Ludouici progenitoris nostri ac piissimi Regis, in quibus continebatur, &c. Itaque concedimus etiam quatenus pro nobis & patribus gloriosis nostris Carolo Augusto & Ludouico Rege, & aua nostra gloriosa Regina Hermentrudi, nec non genitrice nostra Augardi, fratreque nostro charissimo Ludouico & statu regni nostri, deuotius clementiam Dei omnipotentis exorent. Actum Augusta Treverorum ciuitatem. Signum Karlomanni serenissimi Regis.*



DE VANT le trespas de l'Empereur Charles, Emeno Comte d'Angoulesme estant entré en differend contre Landry Comte de Xaintonge, s'estoient si bien bourrez l'un l'autre, que tous deux y estoient demeurez. A cause dequoy l'Empereur auoit estably Vvalgrin frere d'Alduin lors Abbé de S. Denis aux Comtez d'Angoulesme & Perigueux, lesquelles il defendit par plusieurs annees contre les Normans, iusques au temps du Roy Charles le Simple: faisant bastir & fortifier cōtr'eux les chasteaux de Mauanliac & de Massac. Ce nonobstant Emeno auoit laissé vn fils nommé Adenare, qui fut cy apres Comte de Poitou. Vieille Chronique d'Angoulesme.

Commencement du Royaume d'Arles.

 EPENDANT comme l'estat de la France estoit en telle sorte troublé & cōfōndu, & la Majesté des Rois si abbaissée, qu'il sembloit que chacun qui auoit pouuoir, eust le droit d'y puiser comme en son pays, Bolon mesme ne se peut encore contenter de se voir estre ce qu'il estoit; ains incité de la cōmodité & opportunité du temps, des moyens qu'il auoit ia, & des aiguillons que luy donnoit sa femme, se desdaignant de sa vie, si elle qui estoit fille d'Empereur, à qui le Roiaume de Bourgongne legitiment appartenoit, & ayant esté promise à vn Empereur de Grece, ne pouuoit auoir la puissance de faire son mary Roy, vint à pleinement descognoistre non-seulement les Rois ausquels il auoit vn peu auparauant fait serment de fidelité, comme si celà luy eust esté aussi licite qu'à leur ayeul de les desaduouer & desdaigner de son sang; mais aussi à s'emparer du Roiaume de Bourgogne, s'en faisant partie par promesses & par dons, partie par menaces, declarer & couronner Roy à Mantale maison Royale en Daulphiné, le quinziesme iour d'Octobre del'Indiction 12. & de l'an de nostre salut 879. par la pluspart des Euesques, Barons & seigneurs tant du Lionnois, Daulphiné & Prouëce, que des Duché & Comté de Bourgongne & de Sauoye: selon que nous voyons testifié en la chartre de son eslection & en Aimoinus. Mais Regino est autheur que les deux ieunes Rois se trouuerent tellement offenz de ceste brauade, qu'ils porterent tousiours depuis vne haine mortelle & irreconciliable à Bolon, qui se continua encore en leurs successeurs, iusques à faire obliger avec eux par serments & execrations tans leurs Capitaines & Lieutenans que leurs soldats, à procurer de toute leur puissance & moyens la ruine d'iceluy. De sorte que ce fut vn non-pareil & singulier exemple de grande prudence, sagesse, sagacité & d'industrie en luy, de si bien pouruoir à ses affaires, qu'ils ne le peurent oncques attraper ne circonuenir ne faire tomber en leurs mains ou embusches, non pas mesme estranger de luy ou practiquer contre luy aucun de ceux qui s'estoient vne fois donnez à son seruice: encore que ce fust crime capital enuers ses ennemis de luy prester aucun aide, faueur ou assistance. Mais il y a tiltre au Chartulaire de l'Abbaye de Monstier Ramez, dio-

cele de Troyes, auquel il donne bien à cognoistre le mespris auquel il auoit lesdits Rois, deuant mesme qu'il fust esleu Roy de Bourgongne, duquel nous auons extraict les clauses qui s'ensuiuent: *Ego Bosogratia Dei id quod sum, & dilecta coniux mea Hermengaris proles Imperialis damus pro amore Dei Monasterio Derno. &c. Damus res nostras quas dominus Imperator Carolus serenissimus Augustus nobis per preceptum dedit, que sunt in pago Laticense. Et ego in Dei nomine Bosogratia hanc chartam donationis subscripsi, & firmare rogavi. Hermengaris proles Imperialis consensi. Signum Richardi Comitis, Sig. Teutbaldi Comitis, Sig. Bernardi Comitis. Ego Stephanus Archicancellarius iubente inclito & illustri viro domino Bosone sine cōiuge eius domne Hermengarda hanc chartam scripsi & subscripsi. Datum 9. Kalendas Aug. anno incarnationis Domini MCCCLXXXVIII. an. 1. post obitum Ludouici gloriosissimi.*

Charles troiefme dict le Gros Empereur septiefme des François.

L'EMPIRE d'Italie demouré vacquant par la mort de l'Empereur Louys, aucun ne se trouua plus en France ayant le pouuoir ny la hardiesse de le quereller. Au moyen dequoy Charles surnommé le Gros Roy de Suabe, prit du consentement du Roy Carloman son frere (detenu lors de maladie, dont on n'esperoit pas qu'il deust iamais releuer) le nom d'Empereur; & souz iceluy s'en alla prendre possession de l'Italie, qui se rendit volontairement en son obeissance. Les deux Rois de France l'accompagnerent, comme dit Aimoinus, iusqu'en la Lombardie, d'où ils furent rappelés pour venir defendre le pays de la Loire, que les Normans gastoient; sur l'armee desquels ils se ietterent à si bonne heure, qu'ils en taillerent en pieces iusqu'au nombre de cinq mille, le iour de la feste saint André.

Si est-ce cependant que Charles, nonobstant que l'Italie se fust ia obligée à luy, ne commença de compter les années de son regne en icelle, ou sinon apres le trespas de son frere, ou depuis son couronnement. Ainsi fut transporté l'Empire de la main des François Occidentaux aux Orientaux. Annales de cetemps, Aimoinus, Regino, Marianus Scotus.

BAVD VIN premier du nom surnommé Bras de fer, pource qu'il alloit tousiours armé, & premier Comte de Flandre, gendre de Charles le Chauue mourut, laissant vn fils de sa femme Iudith portant mesme nom que luy, qui fut en memoire de son grand-pere surnommé le Chauue, qui luy succeda en ses estats: lesquels il posseda iusques en l'an 918. & fut espoux d'Eltrude fille d'Elfrede Roy d'Angleterre. Son epitaphe qui est à S. Bertin, porte que Charles luy auoit infeodé la Comté de Flandre. Mais Jacques Meyer rapporte la mort du pere à ceste année, la nouuelle Chronique de Flandre à la suiuite.

HASTING Prince des Dannois, qui estoit lors en Angleterre, se trouuant contrainct d'en partir avec ses gens, print la route de France pour y aller trouuer sa fortune comme ses predecesseurs: selon que Vincent de Beauuais recite liu. 23. chap. 40. & 44. On ne sçait si furent eux que les deux Rois de France desfirent, comme a esté dit cy dessus.

Du Monde.	5017	Papes.	9	R. des Escossois.	4
De Iesus Christ.	880	E. d'Orient.	14	R. des Anglois.	9
Indiction.	13	E. d'Occident.	2	Ducs de Venise.	16
De l'Hegire 267. le 12.		R. des François.	2	R. de Germanie.	4
d'Aoust.		R. de Leon.	43	Cal. des Sarrazins.	48

De la ruine de Tephrica que fit l'Empereur de Grece, les forces & la puissance des Sarrazins de Tharse prindrent plus grand accroissement, en sorte qu'ils recommencerent à donner plus de fascheres par leurs courses à l'Empire Grec. Dont il fut forcé à l'Empereur

à l'Empereur d'enuoyer contr'eux pour les rembarrer vn sien Lieutenant avec armee nommée André, Scythe: lequel prospera si bien en ceste charge, qu'il gagna plusieurs batailles sur eux: en l'une desquelles l'Amiras de Tharse fut tué. Cedrenus.

Louys Roy d'Allemagne, estimant s'estre fait tort d'auoir accepté l'accord que les Princes de France luy auoient présenté cy deuant, voulut retourner en Lorraine pour voir si les affaires de France se pourroient représenter à sa deuotion comme auparauant. Et pource qu'il les trouua disposées contre son intètion, ce fut son plus expedient de demourer en amitié avec ses cousins les Rois de France, que se mettre en peine de remuer mesnage contr'eux. Somme qu'il ne fit autre chose en ce voyage, sinon qu'au retour en Allemagne il deffit vne armee de Normans qui se presenta deuant luy. Cependant il n'eut pas si tost mis le pied hors de la Lorraine, que Hugues fils du dernier Roy Lothaire & de sa concubine Vvaldrade, s'y vint fourrer pour la penser troubler contre luy: tellement qu'il se mit en possession de quelques villes & chasteaux. Dont il fut forcé de renuoyer gens d'Allemagne pour obuier à ses entreprinſes, n'estant possible au Roy Louys d'y retourner luy-mesme, à cause du Roy Carloman son frere aîné, qui mourut en ces entrefaictes le vingt-deuxiesme iour de Mars, l'ayant institué par son testament heritier des prouinces qu'il tenoit en Allemagne, pource qu'il ne laissoit aucun hoir de son corps, sinon vn fils nay hors mariage nommé Arnoul, qui fut cy apres Empereur, auquel il vouloit que la Principauté de Carinthie demeurast pour son appennage.

Or comme il estoit empesché à prendre possession de ceste nouvelle succession, les deux cousins Rois de France se trouuerent enuiron Pasques en la ville d'Amiens, où ils firent partage entr'eux du Roiaume de France: par lequel tout ce qui estoit de la France Neustrique avec toutes ses marches aduint à Louys: & l'Aquitaine avec la Bourgongne, accompagnée aussi de leurs marches à Carloman. Et puis allerent trouuer les Normans, qui au sortir de Gand, où ils auoient fait leur hyuer, s'alloient espandre par le pays bas: & les attacquans de bonne façon, en mirēt en pieces iusques au nombre de neuf mille en la forest Charbonniere. Dequoy toutesfois plus irritez que vaincuz, gasterent & saccagerent de plus grande furie (comme recitēt les Chroniques de Frandre) les villes d'Aldembourg, Rodembourg, Osthbourg, Harleberi, Auldenarde, Aloste & Anuers, causans vn tel espouuamment aux habitans de Tournay & d'Arras, que les vns s'en allerent habiter à Noyon, les autres à Beauuais; où ils furent de sejour l'espace de trente ans. Finalement le iour vint du Parlement à Gondreuille, que les Rois de France & les deux de Germanie s'estoient assigné: où l'Empereur Charles faisant pour son frere le Roy Louys, qui ne s'y estoit peu trouuer, conclud vne ferme ligue & société avec ses cousins à l'encōtre de tous leurs ennemis: en vertu de laquelle les freres de France accompagnerent premierement de leurs forces l'Empereur, à dechasser Hugues le bastard de la Lorraine. De maniere que ils deffirent & mirent en route l'armee qui faisoit là pour luy, souz la conduite d'vn sien beau-frere nommé Thibauld ou (selon les autres) d'vn Capitaine qui se nommoit Hugues, lequel leur vendit, comme on dit, bien cherement sa perte: & puis reuindrent tous ensemble contre le Roy Boson, qui auoit ia quasi reduit en sa puissance toute la Bourgongne. De sorte qu'ils eurent rencontre à luy deuant la ville de Mascon: laquelle apres qu'ils l'eurent vaincu & mis en route, leur fut renduë par Bernard surnommé Plante Veluë, qui la defendoit pour luy. Entre les mains aussi de qui ils la laisserent encore (de sorte qu'on estime estre procedee de luy la race des Comtes hereditaires de Mascon) pour aller recevoir les autres villes de la Bourgongne qui est deçà la Saone: & pour poursuiure aussi leur ennemy, qui à leur venuë se laissa enclorre & assieger dedans la ville de Vienne. Mais il en sortit bien tost pour aller trouuer ailleurs remede à ses affaires: laissant vne partie de ses forces à la defense d'icelle, où demouroit sa femme & ses enfans. Qui fut cause de faire entrer les Rois en deliberation de ne bouger le siege de deuant qu'elle ne leur fust renduë. Lors l'Empereur Charles se departit d'eux pour aller en Italie: où il receut la couronne Imperiale à Rome par les mains du Pape, le iour qu'on celebrait la feste de la Natiuité de nostre Seigneur, auquel on commence à compter l'huit cens octante & vn de nostre salut. A cause dequoy il semble auoir seulement commencé lors à compter les anneés de son regne en Italie, comme on voit és anciennes panchartes & tiltres.

Or entre-deux que les choses se passoient de ceste façon és Roiaumes de Lorraine &

de France, vne autre troupe de Normans s'alla ietter dedans le pays de Saxe, où ils firent vne si pitieuse boucherie de Saxons, qui se presenterent en bataille deuant eux, que douze Comtes, deux Euesques & dixhuit Capitaines signalez, se trouuerent de compte fait sans les moindres entre les morts. Ce que les Esclauons tant de la Dalmatie que de Boëme & les Sorabes d'outre la riuiere d'Albe, estimerent estre si bien venu à propos pour eux, qu'ils prindrent la hardiesse d'entrer dedans la Turingie : où ils trouuerent toutesfois le Comte Popo si bien accompagné, qu'ils furent par luy honteusement rechassez & mis en route. Annal. de ce temps, Regino, Aimoinus, Auentin.

ESTANS les Rois de France d'appointement avec les Rois de Germanie leurs cousins, il semble que Conrard Comte de Paris qui s'estoit trop formalisé contr'eux, fut démis de la Comté : & que Eudes ou Odon Comte d'Anjou en fut pourueu en son lieu, pource que Aimoinus tesmoigne qu'il l'estoit ia deuant le trespas de Carloman.

MANASSIER fils d'Albon secōd du nom, succeda ceste année à son pere es seigneuries qu'il auoit en la Comté de Hainault & es enuiron de la riuiere de Meuse : comme recite Richard de Vvassembourg, si toutesfois il fault croire que tels fiefs fussent ia hereditaires.

FROTO. 6. du nom fut Roy de Dannemarc en ce temps apres le trespas du Roy Canute, à qui il auoit succédé. Funccius.

ENVIRON ce temps la dispute de l'article de la Cene, touchant la maniere de la presence du corps de Iesus Christ en icelle : à sçauoir-mon si elle est tellement reelle que ce soit sans figure ou sans mystere, fut remise en auant par vn Cheualier d'Allemagne nommé Fredevvard. A cause dequoy l'Abbé Paschasius de Corbie en Saxe, compola vn liure de ceste matiere.

<i>Du Monde.</i>	5018	<i>Papes.</i>	10	<i>R. des Escossois.</i>	5
<i>De Iesus Christ.</i>	881	<i>E. d'Orient.</i>	15	<i>R. des Anglois.</i>	10
<i>Indiction.</i>	14	<i>E. d'Occident.</i>	3	<i>Cal. des Sarrazins.</i>	49
<i>De l'Hegire 268. le 1. iour</i>		<i>R. des François.</i>	3	<i>Ducs de Venise.</i>	17
<i>d'Aoust.</i>		<i>R. de Leon.</i>	44	<i>R. de Germanie.</i>	1

LOUYS Roy de Germanie, faisant tous ses efforts de chasser les Normans hors de son Roiaume, conuint en fin avec eux de les laisser retirer bagues sauues, à condition de n'y retourner iamais. De sorte qu'ils remonterent sus leurs nauires : mais ce fut pour reuenir tourmenter le Roiaume de ses cousins, qui estoient encore au siege de Vienne. A cause dequoy force fut à Louys d'en partir pour venir defendre le sien. Louys de Germanie le vint trouuer à Gondreuille, où il receut à mercy le bastard Hugues, luy laissant pour son entretenement quelques Comtez & Abbayes, afin qu'il le retint en fidelité enuers luy. Au depart Louys de France alla chercher les Normans avec ses forces, de telle façon qu'il en fit boucherie de neuf mille pour vne rencontre. Dequoy leurs compagnons firent si peu de compte, qu'ils se rallierent en plus grand nombre, & allerent faire plus de maux qu'ils n'auoient encores fait du pays de Lorraine & de Picardie : où ils saccagerent & brusserent les villes d'Amiens, Therouënne, Cambray, Colongne, Aix & autres qui sont sur les riuieres de l'Escault & de Meuse ; cōme Louvain, Vtrecht, Liege. Les autres toutesfois sont d'aduis que ce mefnage fut fait par vne nouuelle armee de Normans : lesquels souz la conduite de deux Rois qui se nommoient Godefroy & Sigefroy, & des deux Capitaines Vvormes & Halison, se vindrent rendre par la bouche de la Meuse dedans la Flandre au mois de Nouembre ; d'où ils s'espandirent par les pays du Liege, Hainault, Brabant, Gueldres, cōme vn deluge si espouuentable, qu'il n'y eut ville ne chasteau qui peust durer deuant eux, ne qu'ils ne missent à feu & en ruine. D'autant mesmement qu'il n'y auoit personne (estant le Roy Louys de Germanie detenu lors de griefue maladie) qui s'osast opposer à eux. Nonobstant qu'il eust vn peu auparauant renuoyé vne armee en Lorraine, qui en dechassa le bastard Hugues, le contraignant s'enfuir en Bourgongne, pource qu'apres son retour en Allemagne il s'estoit remis à iouer ses premiers ieux. Annales de ce temps, Regino, Aimoinus, Auentin.

ENVI-

ENVIRON le même temps Alured Roy des Anglois vainquit par guerre Cenolphe Roy des Merciens, & annexa son Roiaume au sien.

MAIS Gregoire Roy d'Escoffe chassa en la même saison les Danois du pays de Fifa, & puis apres de la Loudouie, Merchie & Bernicie, lesquels il remit en son obeissance. Ce qui mit le Roy Constantin de Galles en telle crainte, qu'il ne se fit forcer de luy rendre ce qu'il occupoit des Escoffois.

ANDRÉ Scythe estant reuocqué de l'Empereur de Grece, à l'occasio de quelque faux rapport, sa charge fut donnée à vn nommé Scypiotas : lequel se conduisant en icelle plus de temerité que de conseil, donna moyen à ses ennemis de le vaincre & deffaire avec toute son armee, selon Cedrenus, qui toutesfois n'a point spécifié l'année où cecy aduint.

LES elections des Euesques s'estoient tousiours faictes en France depuis Charlemagne canoniquement, & selon la coustume ancienne. Mais en ce temps les Conseillers des ieunes Rois les voulurent induire à ne plus cōsentir à l'election Canonique. Qui fut cause que Hincmar Archeuesque de Reims en escriuit aux deux Rois, leur remontrant ainsi que dit Flodoard: *Quòd de ordinando Episcopo non Regis vel Palatinorum debet esse cōmendatio: sed cleri & plebis electio, & Metropolitani in electione diiudicatio, deinde terreni Principis consensio.*

Du Monde.	5019	Papes.	11	R. des Escoffois.	6
De Iesus Christ.	882	E. d'Orient.	16	R. des Anglois.	11
Indiction.	15	E. d'Occident.	4	Cal. des Sarrazins.	50
De l'Hegire 269. le 21. Iuillet.		R. des François.	4	R. de Germanie.	1
		R. de Leon.	3	Duc de Venise.	1

LOVYS Roy de Germanie, qui tenoit les Roiaumes de Bauiere & d'Allemagne souz soy, ayant dressé vne armee pour s'opposer aux Normans, mourut à Francfort le 20. iour de Ianuier, sans laisser aucuns enfans. Au moyen dequoy l'Empereur Charles son frere luy succeda en tous ses Roiaumes & seigneuries. Et pource qu'il estoit lors en Italie, le trepas de son frere eüst sceu en l'armee qu'il auoit apprestee, fut cause qu'elle se rompit & dissipa; donnant moyen aux Normans de poursuiure les reliques, & de se faire entree aux pays où ils n'auoient point encore eu d'accez. Lesquels ils ne traiterent pas plus gracieusement que les autres. De sorte qu'en ceste traite le chasteau de Confluence fut pris & bruslé par eux : la ville de Treues saccagee & bruslee, apres qu'ils eurent fait passer par le fil de l'espee les habitans d'icelle, le 5. iour d'Auril. Qui fut cause que leur Archeuesque Bertoffe se vint ioindre avec Vuallo Euesque & Albert Comte de Metz, pour s'opposer à eux en la Lorraine : où toutesfois ils ne firent que augmenter le nombre des triomphes de leurs ennemis par leur deffaite. On dit que la principale occasion de les auoir fait prendre le chemin de Lorraine, vint de Hugues le bastart : lequel ayant ramassé grand nombre de Bandoliers & de gens vagabons, pour se remettre par eux dedans le Roiaume de Lorraine; y faisant tant de maux, que le commun populaire s'esleua en grosse compagnie, & mit en pieces la plupart de ses gens, avec le Capitaine Thibault son beau-frere, dont il s'estoit retiré par desespoir aux Normans. Cependant il est certain que le miserable estat de la France & de la Germanie fit hastier l'Empereur Charles de partir d'Italie. Mais auant qu'il eüst disposé des affaires d'Allemagne & des Roiaumes qui luy estoient aduenuz par la mort de son frere, & que toutes les forces fussent assemblees, il fit aller les Franconiens souz la conduite de leur Comte Henry, & les Bauariens avec son nepueu Arnulfe, arrester les ennemis. Ce qu'ils firent sans les oser assaillir dedans leur fort, iusques à ce que l'Empereur eut amené le reste de sa puissance, par laquelle il les enferma & assiegea. Voyant toutesfois qu'il luy seroit impossible de les dénicher de là sans grand hazard & sans grande perte, se laissa plus facilement persuader de faire paix avec eux, quand ils l'eurent demandee. Les conditions de laquelle furent telles, que celui de leurs Rois nommé Sigefroy (qui n'auoit enuie de suiure l'exemple de son compagnon) receuant vne grande somme de deniers, vuideroit avec ses gens des prouinces de l'appartenance de l'Empereur, sans iamais y rentrer, & se pourroit retirer la part que bon luy sembleroit, fust-ce dedans le Roiaume de ses cousins. Mais l'autre Roy Godefroy aimant mieux, se faisant Chrestienner, entrer en possession du pais de Frise, pour la demeure de luy & des siés, qui luy estoit

T T

donnée avec Gisla fille du feu Roy Lothaire en mariage, que d'aller chercher party ailleurs: comme les Annales de ce temps recitent, qui finissent en cest endroit. L'auteur desquelles declare qu'il viuoit en ce temps, & auoit esté des subiects du premier Roy Louys de Germanie. Il semble qu'Auentin les ait veüs, & s'en soit seruy en son liu. 4. par leur tesmoignage, & de Regino aussi, ensemble d'Aimoinus & de Godefroy de Vviterbe. Sigebert se trouue auoir mal rapporté aux années 883. & 884. tout ce que nous auons recité souz ceste année.

CEPENDANT Loys Roy de Frāce, après auoir refusé les Lorrains qui se vouloient remettre en son obeissance apres le trespas de Louys de Germanie, & enuoyé le Comte Theodoric à leur secours cōtre les Normans, mourut (au rapport d'Aimoinus & de Guill. de Malmesberie) le 4. iour d'Aoust de ceste Indiction. Combien qu'il le veult attribuer à l'année precedente en la ville de Tours, apres auoir seulement regné 2. ans, 3. mois, 24. iours: où il attendoit les Bretons, qui venoient à son secours contre lesdits Normans: lesquels souz la conduite de leur Capitaine Hastingue gastoient tout le pays de la Loire. Pour laquelle occasion & pour disposer aussi de l'estat de son Roiaume, Carloman son frere laissa ses gens à la continuation du siege de Vienne, & s'en reuint en France; où il n'eut esté gueres que nouvelles luy vindrent au mois de Septembre de la prise de ladicte ville par ses gens, qui auoient trouué dedans la femme & la fille du Roy Boson: lesquelles Richard Comte d'Autun son frere auoit emmenees en sa Comté. Cōbien qu'Auentin estime qu'il fut pris avec elles. Aimoinus tesmoigne que luy & Boson estoient fils du Comte Bouan. Si Belleforest vouloit qu'on creust plustost qu'il a esté fils de Theodoric Comte, comme il songe, d'Autun, il le deuoit prouuer par quelque meilleur auteur, & nō m'imputer faulxement que ie suis de son aduis. Cependant on ne sçait à quel tiltre il tenoit la Comté d'Autun, ne si c'estoit du benefice de son frere, ou des Rois de France (sinon qu'il faille croire qu'elle luy fut donnée en faueur de ce qu'il auoit espousé (au dire de du Tillet) la fille du feu Empereur Louys le Begue:) ausquels toutesfois la pluspart tiēt qu'il fit seruice en toute ceste guerre. Regino & Godefroy de Vviterbe sont d'aduis que Louys ne mourut que l'année ensuiuant.

A V Seigneur Ourfin ou Ourfelin dict Patriciaque Badoer decedé, succeda son fils nommé Iean Badoer Patriciaque en la dignité Ducale de Venise, du consentement & declaration des citoyens. Tellement que la Republique Venitiēne fut gouvernee souz son nom l'espace de six ans. Blondus, Sabellic, Sigonius. Selon lesquels aussi ce Duc Iean enuoya incontinent apres son eslection vn sien frere vers le Pape, pour luy demander la Comté de Comachio. Qui fut cause que Marin qui en estoit lors Comte, l'attendit à son retour sur le chemin, & le blessa en telle façon qu'il en mourut. Occasion pourquoy le Duc Iean son frere mena vne armee deuant Comachio, qu'il battit de telle façon qu'il entra dedans, & y chastia ceux qui se trouuerent coupables de la mort de son frere, selon leur merite.

LA victoire precedente que les Sarrazins auoient obtenuē sur les Grecs, enfla si fort le cœur à Esman Souldan de Tharse, qu'il s'osa avec sa puissance aller mettre dedans les prouinces de l'Empire Grec, & s'attacher à la ville d'Euripe. Au siege toutesfois de laquelle en se voulant trop opiniastrer, fut par vne faillie qu'on fit sus luy, mis à mort, & son armee mise en route. Cedrenus.

JEAN huit ou neuuiesme du nom Pape de Rome, mourut le quatorziesme de Nouembre, & eut pour successeur vn nommé Marin, selon les autres Martin, second fils d'un Palumbe Prestre natif de Galesia ville des Falisques (qu'on dit auoir esté fort addonné à la Necromantie) qui fut esleu le dixhuitiesme iour du mesme mois, sans consentement de l'Empereur: d'autant que les Papes commençoient ia lors de s'emanciper de ceste subiection. Cependant on ne fait point de compte que sa presidence ait duré dauantage d'un an & vn mois. Onufrius. Sigonius dit que l'ancienne discipline de l'Eglise commença de se corrompre & abastardir dès le temps de ce Pape, à cause des diuisions & partialitez qui s'esleuerent entre les Papes & les Comtes de Tusculane, pour le gouvernement de la police de Rome, que chacun d'eux vouloit attirer à soy. Tellement que toutes choses se vindrent à corrompre par l'heresie des Nicolaites (qu'il dit estre ceux qui defendent le mariage des personnes Ecclesiastiques) & des Simoniaques qui faisoient marchandise des choses sacrees.

En la

EN la mesme année Hincmare Archeuesque de Reims mourut. Ses escrits tesmoignēt qu'il a esté excellemment versé quasi en toutes sciences, comme en Theologie, Philosophie, Poësie, & lettres humaines, signamment es constitutiōs Ecclesiastiques. Ses faictz aussi ont monstřé qu'il a esté de bonne vie, & de grande prudence : ensemble aussi des plus fermes & constans à maintenir les libertez de l'Eglise Gallicane. Son successeur fut Foulques, qui sollicita grandement par lettres le Pape Martin de luy confermer le Primat de l'Eglise de Reims sur toutes les Eglises de France, qu'il disoit auoir esté attribué à icelle par saint Pierre & par le Pape Hormisda. Floard en la vie des Euesques de Reims.

Du Monde.	5020	Papes.	1	R. des Escossois.	7
De Iesus Christ.	883	E. d'Orient.	17	R. des Anglois.	12
Indiction.	1	E. d'Occident.	5	Ducs de Venise.	2
De l'Hegire 270. le 10.		R. des François.	5	R. de Germanie.	2
de Iuillet.		R. de Leon.	46	Cal. des Sarrazins.	46

LES Normans ayans esté rechassez de la basse Germanie par le Comte Henry frere de Poppon, se vindrent rendre avec leur Roy Sigefroy en nombre de quarante mille hommes deuant Paris : laquelle fut si vaillamment defendue par le Comte Eudes, qui fut cy apres Roy de France, & par Goslin Abbé de saint Germain, que force leur fut à la parfin de se retirer à leur grande honte & confusion : ayans perdu, comme aucuns ont escrit, dix mille de leurs gens.

PENDANT lequel temps l'Empereur passa en Italie pour obuier à la rebelliō de Guy Duc de la Toscane, & ayant laissé la charge de le poursuiure au Duc Berengier, s'en retourna en Allemagne, où il semble qu'il tint vn Parlement à Vvormes (combien qu'Auentin l'attribue à l'an precedent) au mois de Nouembre : auquel le Roy Boson se vint rendre en sa protection, & receut le bastard Hugues en sa grace, luy assignant son entretenement sur le reuenu de l'Euesché de Metz. Aimoinus tesmoigne que Hugues l'Abbé y alla de la part du Roy Carloman, pour repeter de luy la Lorraine, selon la conuenance faicte avec le feu Roy Louys d'Allemagne.

ENVIRON lequel temps aussi s'esleua vne guerre ciuile au pays de Bauiere & d'Austrie entre les Gouverneurs d'icelles ; à l'occasiō de laquelle Suatbold ou Zindibolc, Prince de Moraue, y fit beaucoup de maux. Auentin.

ALFONSE troisieme du nom surnommé le Grand Roy de Leon ou de Castille, mourut en la quarantesixieme année de son regne, lors qu'on comptoit (comme dir Roderic) l'Ere 921. (qui se rapporte à la 883. de nostre salut) laissant 4. fils, Dom Garcias, Ordogne, Froila, & Gonfalue. Mais Garcias estant l'aîné, tint la couronne apres son pere l'espace de trois ans.

SVEROPILE Roy de la Dalmatie, ayant subiugué la nation des Esclaouons qui habitoient la coste de la mer Adriatique, les contraignit de receuoir la Religion Chrestienne. Sabellic. Ennead. 8.

SAËL Prince des Sarrazins de Creté fils d'Apocapse, enuoya en ce temps vne armee contre l'Empereur de Grece : laquelle apres auoir couru grand pays maritime, fut en fin deffaicte par Nicetas Admiral de l'Empereur. Cedrenus.

REMY moine & Euesque d'Auxerre, homme docte & bien versé, selon le temps, es lettres diuines & humaines, florissoit en ce temps, avec l'Abbé Franco, homme excellemment bien versé en toutes sciences ; cōme Theologie, Musique, Poësie, Rhetorique, Philosophie, Geometrie & Astronomie : de façon qu'il a escrit de la Quadrature du Cercle. Sigebert, Tritemius.

Du Monde.	5021	Papes.	1	R. des Escossois.	8
De Iesus Christ.	884	E. d'Orient.	18	R. des Anglois.	13
Indiction.	2	E. d'Occident.	6	Ducs de Venise.	3
De l'Hegire 271. le 28.		R. des François.	6	R. de Germanie.	3
de Iuin.		R. de Leon.	1	Cal. des Sarrazins.	47

L'EMPEREUR Charles repassa pour la troisieme fois au commencement de ceste annee en Italie; où il receut, au rapport d'Auentin, le Duc Guy de Spolet en ses iustificatiōs, & le remit en ses honneurs. La Chronique de saint Benigne de Dijon, dit que le Roy Carloman fut parlementer avec luy lors qu'il y alloit. Les Normans cependant luy taillerent de la besongne: car apres auoir gaste tout le pays de Beauuais; de Noyon, & de Soissons, vindrent deuant la cité de Reims, qu'ils eussent facilement prise (pource que tous les habitans s'en estoient fuys) s'ils se fussent hazardez de l'assaillir. En fin, comme ils alloient pillans pays, escartez en diuerses bandes, Carloman vint charger les vns avec ses forces, de telle puissance qu'il en fit vne grande boucherie, noya grand nombre d'autres en la riuere d'Aisne, & recouura beaucoup de pillage qu'ils emmenoient. Neantmoins le nombre des autres qui restoient se trouua si fort & si difficile à deffaire, que ce fut le plus court & expedient d'acheter trefues d'eux iusques au terme de douze ans, pour vne grande somme de deniers qui leur fut deliuree comptant. Lesquelles toutesfois durerēt bien peu de temps; pource que Carloman commençant à prendre repos, fut bien tost apres mis à mort, estant à la chasse du Sanglier. Guillaume de Malmesberie dit que ce fut le sixiesme iour de Decembre de ceste annee, ayant regné en France de cinq à six ans. Dequoy les Normans aduertiz, recommencerent leurs ieux de plus belle que deuant; alleguans qu'ils auoient fait trefues seulement avec luy, & non avec ses heritiers ou successeurs. Auentin adioust qu'ils se vindrent encore presenter deux fois ceste annee deuant la ville de Louvain: & que l'armee que l'Empereur Charles enuoya contre eux n'y fit rien de memorable. Cependant il se trouue tiltres des deux dernieres annees du regne de Carloman de nostre supputation, combien que d'atez d'une mesme Indiction: l'un, *Data 2. Idus Decembris, Indict. 2. anno 5. regnante Karlomanno gloriosissimo Rege, Actum compendio*. L'autre, *Datum 13. Kalend. Septembris, Indictione 2. anno 6. regnante Karlomanno, &c.* Car la seconde Indiction commençoit au mois de Septembre de l'an 883.

GARCIA Roy d'Espagne estant contrainct de se defendre contre vn Roy des Maures nommé Aiolan, gagna vne bataille memorable sur luy: en laquelle il le retint son prisonnier. Roderic.

A v mesme temps vne armee des Sarrazins alla surgir en la coste d'Italie & de Sicile, où elle fut deffaite & mise en route par deux fois: la premiere aupres de la ville de Methone: l'autre en Italie par Nasar Admiral de l'Empereur de Grece, qui auoit succedé à la charge de Nicetas. Au moyen dequoy les Grecs retirerent le chasteau de Tarente de leurs mains. Vne de leurs troupes s'estant escartee, alla brusler le monastere de saint Benoist au Mont Cassin, apres y auoir massacré l'Abbé Bertaire, & pillé tout ce qu'ils trouuerent à leur vſage, selon Cedrenus: mais Leo Hostiensis dit que les Sarrazins qui destruisirent l'Abbaye du Mont Cassin, estoient de ceux qui occupoient la forteresse du Gariglian.

A v Pape Martin decedé le quinzieme iour de Ianuier, fut substitué au siege Papal le dixhuitiesme iour du mesme mois Agapite fils d'un citoyen de Rome, lequel print le nom d'Adrian 3. & se fit non-seulement consacrer, sans attendre l'approbation de l'Empereur: mais aussi fit vne declaration en maniere d'ordonnance; par laquelle les Empereurs furent totalement priuez du droit d'eslire les Papes, affectant qu'il fut dit (comme aucuns ont escrit) que ce priuilege leur auoit esté aussi bien osté par vn Adrian, comme il leur auoit esté donné par vn autre. Sigonius dit qu'il fit encore vn autre decret, par lequel il ordonnoit que Charles le Gros venant à mourir, l'Empire d'Italie seroit mis entre les mains des Princes Italiens. Mais les occasions de ce faire furent, pource qu'on voyoit les Empereurs François tellement empeschez contre les Normans, qu'ils ne pouuoient pas tousiours venir assez à temps au secours de l'Italie: Sa presidence cependant fut (au compte d'Onufrius) d'un an, 3. mois, 19. iours.

TEAN Scotigene, surnommé l'Escot, homme de grand sçauoir & iugement, fut ceste annee mis à mort par aucuns de ses disciples, à l'instigation (comme on dit) de certains moines, lesquels il auoit asprement taxez & repris: encore que le Roy Alfrede ou Alured luy eust auparauant donné la superintendance de son Vniuersité d'Oxonne, & ses propres enfans à instituer es bonnes lettres. En laquelle charge on dit qu'il translata de Grec en langue Chaldaïque, Arabique & Latine, les Morales d'Aristote. Vvillelmus liu. 1. ch. 16. Ranulfus liu. 5. de son Polich. 2. On luy fit vn tel Epitaphe:

Claudius

*Clauditur in tumultu sanctus Sophista Ioannes,
Qui ditatus erat iam viuens dogmate miro,
Martyrio tandem Christi conscendere regnum
Quam meruit. regnant sancti per secula cuncti.*

Du Monde.	5022	Papes.	1	R. des Escossois.	9
De Iesus Christ.	885	E. d' Orient.	19	R. des Anglois.	14
Indiction.	3	E. d' Occident.	7	Ducs de Venise.	4
De l'hegire 272. le 17.		R. des François.	1	R. de Germanie.	4
de Iuin.		R. de Leon.	2	Cal. des Sarrazins.	48

Louys Fai-neant, Charles le Gros, 28. Roy de France.

PAR la mort du Roy Carloman les Princes & Seigneurs de France entrerent en grande diuision entr'eux, pource qu'il laissa vn fils nommé Louys, à qui le surnom de Fai-neant a esté donné (ou pource qu'il dura peu, ou qu'en son regne il ne fit chose digne de memoire) que les vns à la poursuite mesme de Hugues l'Abbé vouloient faire successeur à son pere. Mais ceux qui cognoissoient quel peu de recours on trouueroit en luy à l'encontre des Normans, aimoiēt mieux que la couronne de France reuint entre les mains de Charles le Gros Empereur : entre lesquels estoit Fulco Archeuesque de Reims, qui le sollicita par lettres, comme dit Flo-doard, de venir prendre le gouuernement des affaires de France en sa main. A cause de-quoy beaucoup de prouinces, mesmement celles qui sont deçà la Seine, avec la Bourgon-gne, se mirent en sa protection. Mais tout ce qui estoit delà la Seine, & ce qu'on appelloit la Neustrie, semble estre demeuré souz l'obeissance de Louys. Par laquelle raison ne les Es-criuains Allemans, ne les François, tant modernes qu'anciens, ne semblent auoir tort, si les vns ont mis l'un & les autres l'autre au rang des Rois de France. de sorte que la Chro-nique de saint Benigne tesmoigne que Louys a porté le nom de Roy iusqu'à sa mort l'es-pace de deux ans. Et que les Normans qui voulurent entrer en la Neustrie lors qu'il y re-gnoit, furent si bien estrillez par la vaillance de Hugues l'Abbé, qu'ils n'y osèrent remet-tre le pied de long temps apres. Ce que mesme le supplément d'Aimoinus n'a teu. Mais Sigebert afferme que Charles a tenu le Roiaume de France apres Carloman l'espace de cinq ans. Combien que nous monstrerons cy apres qu'il n'en fault compter que trois au plus : d'autant qu'on est acertené par beaucoup de tiltres & panchartes qu'il a seulement ceste année commencé à regner en la Gaule ou France Occidentale : comme on voit par l'exemplaire d'un qui est entre les chartres du Monastere de S. Benigne de Dijon : & par ceux qu'Auentin nous a representez en son quatriesme liure, la datte desquels est telle : *Datum VIII. Kal. Septemb. anno Incarn. Domini DCCCLXXXV. Indictione III. anno Imperatoris Ca-roli, in Italia V. in Francia IIII. in Gallia I. D'vne autre : dat. XIIII. Kal. Martij, anno Dominice Incarnationis DCCCLXXXVI. Indictione IIII. Anno verò piissimi Imperatoris Caroli, in Italia VI. in Francia V. in Gallia II.* Mais on a aussi obserué par iceux, que Charles est le premier qui fit mettre en la soubscription des lettres, epistres & autres instruments publics qu'il en-uoyoit, ou qu'on faisoit en son nom, les annes de nostre Seigneur, qui ne sembloient s'y adiouster par les autres deuant luy.

A v mesme temps Hugues bastard du ieune Roy Lothaire, desirant recouurer les moyens de se mettre en possession du Roiaume de Lorraine, ne trouua plus expedient d'y venir, que par l'aide de Godefroy Roy des Normans son beau-frere, qui habitoit en Frise. Et pource qu'il n'eust pas eu pretexte raisonnable de commencer ce ieu, il luy con-seilla de requerrir à l'Empereur de luy assigner vne autre terre pour la demeure de sa gent, meilleure que celle qu'il auoit : afin que s'il estoit refusé, ce luy fust occasion de s'estran-

ger de la fidelité qu'il deuoit à l'Empereur. Aussi que si on luy accordoit sa demande, qu'il eust par le lieu tel qu'on luy eust sceu assigner, accez & entree en toutes les prouinces de l'Empire. Mais l'Empereur ne fut si lourdault qu'il ne s'aduist bien à quoy ils visoient. Parquoy ne se voulant laisser preuenir, fit dresser vn tel saupiquet au Normand par son Comte Henry, qu'il n'en peut elchapper sans la mort. Au moyen dequoy Hugues destitué de refuge, luy fut amené, & par son commandement encoffré perpetuellement en vn monastere, apres qu'on luy eut creué les yeux. Regino, Godefroy de Viterbe, Marianus Scotus.

Le Pape Adrian decedé le neufiesme iour de May, succeda en son lieu Estienne cinquiesme, que l'on nommoit aussi Basilus, qui fut esleu le troiesme iour apres le trespas de son predecesseur. Gratian dit qu'il a le premier déclaré que tous Chrestiens estoient tenus obligatoirement d'obeir aux statuts de l'Eglise Romaine: & qui defendit aussi aux Princes Chrestiens de plus faire iugement par le fer chault & par l'eau bouillante, comme on faisoit alors en la maniere qui est explicquee par Auétin liu. 4. Onufrius au reste compte que sa presidence a duré 6. ans, 9. iours.

<i>Du Monde.</i>	5023	<i>Papes.</i>	2	<i>R. des Escossois.</i>	10
<i>De Iesus Christ.</i>	886	<i>E. d'Orient.</i>	1	<i>R. des Anglois.</i>	15
<i>Indiction.</i>	4	<i>E. d'Occident.</i>	8	<i>Cal. des Sarrazins.</i>	11
<i>De l'Hegire 273. le 6. de Iuin.</i>		<i>R. des François.</i>	2	<i>R. de Germanie.</i>	5
		<i>R. de Leon.</i>	3	<i>Duc de Venise.</i>	5

BASILE surnommé le Macedonien mourut, tesmoin Onufrius, le premier iour de Mars, laissant vn (que Zonare estime auoir esté son fils putatif, estant nay de Michel son predecesseur nommé Leon sixiesme) qui luy succeda à la couronne Imperiale; & fut surnommé Porphirogenite, des autres le Philosophe, pource qu'il nasquit au Palais Imperial, qu'on appelloit Porphira. Onufrius ne cōuient avec Zonare, Michaël Glyca & Constantin Manasses, du temps qu'il a regné depuis le trespas de son pere, comme aussi ne cōuenōs avec luy: car soit qu'il soit decedé selon ledit Zonare & Cedrenus l'vnziesme iour de May, ou comme a noté Iean Curopalates, l'vnziesme de Iuin: si son fils Constantin aussi deceda en la troiesme Indiction, apres auoir regné cinquantequatre ans, deux mois apres luy, il ne se peult faire que son pere ait regné deuât luy plus hault de dixhuit ou dix-neuf ans, avec quelques mois. Ce que nous testifie aussi l'aage de son frere Alexandre, qui n'auoit seulement (comme dit Cedrenus) que vingt ans quand il prit l'Empire avec ledit Constantin: & l'Indiction en laquelle Romanus Lagapenus occupa l'Empire.

ON racompte de ce Leon, que son pere l'ayant quelque peu deuant son trespas chassé d'auec soy, le rappella & reprit en grace, par le moyen d'un Perroquet, qui ne cessoit d'appeller le nom du fils. La cause de ceste alienation estoit venue par vn moine Magicien: lequel ayant esté appelé en cōtumelie Sorcier par Leon (pource qu'il auoit fait voir à l'Empereur Basile vn autre sien fils qui estoit decedé) s'en vengea par vne mauuaise opiniō qu'il mit en la teste du pere de son fils.

LES Normans irritez au possible de la mort de leur Roy Godefroy, se mirent aux champs en bonne deliberation de la venger. De sorte qu'ils vindrent assieger le chasteau de Louuain, de si grande opiniastrété qu'ils l'emporterent en fin, sans que l'armee que l'Empereur enuoya contr'eux leur peust faire leuer leur siege, ny osast mesme les approcher. Regino.

LA ville de Syracuse, dicté aujourd'huy Sarragosse en Sicile, fut en ce temps prise, saccagee & bruslee par les Sarrazins. Cedrenus.

<i>Du Monde.</i>	5024	<i>Papes.</i>	3	<i>R. des Escossois.</i>	11
<i>De Iesus Christ.</i>	887	<i>E. d'Orient.</i>	2	<i>R. des Anglois.</i>	16
<i>Indiction.</i>	5	<i>E. d'Occident.</i>	9	<i>Cal. des Sarrazins.</i>	12
<i>De l'Hegire 274. le 27. de</i>		<i>R. des François.</i>	3	<i>R. de Germanie.</i>	6
<i>May.</i>		<i>R. de Leon.</i>	1	<i>Ducs de Venise.</i>	6


L E S

Les Normans partâs de deuant Louvain se vindrēt rēdre deuât Paris souz la cōduite de leur Roy Sigefroy, esperāt d'y faire aussi biē leur profit qu'à l'autre. Mais elle fut si brauemēt defendue par le Comte Eudes ou Odon & par l'Abbé Goslin, qu'ils se trouuerent totalement frustrez de leur pretente. Cependant toutesfois l'armee que l'Empereur Charles (solicite par Foulques Archeuesque de Reims ainsi que tesmoigne Flodoard, enuoia au secours de la citē souz la conduite du Comte Henry (qui auoit tuē cy deuant le Roy Godefroy) n'eut pas le pouuoir de faire leuer leur siege: ny le Comte Henry mēme n'eut pas le sçauoir de se garder si bien d'eux, qu'ils ne l'attrapassent en leurs embusches, où il fut massacré. Ce qui fit hastier l'Empereur mēme d'y venir en personne avec l'arriereban de ses forces. Lesquelles toutesfois il ayma mieux conseruer faisant paix avec ses ennemis, que de les mettre en hazard. Par les conditions de ceste paix toutes les villes & pais de la Neustrie qui est de delà la Seine, leur furent (comme dit Regino) concedees pour les occuper & s'y habiter, s'ils pouuoient. A cause qu'elles n'auoient encore voulu recognoistre l'Empereur ny receuoir ses commandemens. Ce qui a faict penser à P. Æmile & autres qu'ils s'y habiterent dēslors, & qu'ils la nommerent de leur nom Normandie. Mais il est plus vraisemblable qu'ils en furent repoussez par la vertu de Hugues l'Abbé au nom du Roy Louis Faineant, & qu'ils n'eurent le moien d'en prendre la possession realle deuant le temps du Roy Charles le simple. Combien que la Chronique S. Benigne afferme qu'ils saccagerent dēslors la pluspart des villes de la Neustrie, nommément Roüen, Eureux, & Baieux: mais elle confesse aussi qu'ils ne s'y arresterēt. Dont on les vit dēs l'annee mēme retourner foudroyer les autres parties de la France, sans espargner le pais de l'Empereur aussi cruellemēt qu'au parauant. Ioinct que les Annales de Reims tesmoignent expressément que la Normandie fut seulement donnée à Rollo pere du Duc Guillaume. Dauantage Regino declare que Hugues (renommé par le surnom d'Abbé, pource qu'on estime qu'il auoit le premier des Princes laics vsurpé le reuenu des Abbayes, ne se desdaignant d'en porter aussi le tiltre) Prince de grande vertu & autorité en son temps mourut (tout celà faict) en la mēme annee à Orleans, qui estoit de son gouuernement & Marquisat de France. A cause de quoy Charles transféra ses estats: à sçauoir le gouuernement du pais d'entre la Seine & la Loire à Eudes ou Odon Comte de Paris, fils de Robert. La Chronique de S. Benigne dit qu'il estoit frere dudit Hugues. Aimoinus adioust que Louis Faineant ne resta gueres après luy qu'il ne mourust. Ceux qui ont escrit de luy, signāment vn ignorant qui s'est meslé d'escire les Annales de France aux despens d'autrui, ont osé dire qu'il fut si paillard, vicieux, cruel & adonné à ses plaisirs, qu'il rauit vne religieuse du Monastere de Chelles, & la prit à femme. Mais s'il mourut ceste annee, comme peut il auoir esté tel, n'estant qu'en l'age de 8. ans au plus? Car eux-mēmes disent qu'il fut fils de la fille de Boson, laquelle son pere Carloman espousa au temps que Louis le Bègue tenoit l'Empire.

Cependant Charles mēme deuint en peu de temps si hebeté de sens & d'entendement, que quand les Princes de l'Empire cogneurent qu'il n'y auoit aucun espoir d'amendement en luy, & que les affaires de l'Empire en pourroient tomber en mauvais train, ils se trouuerent tous d'auis le 8. iour de Nouembre à Francfort, que son nepueu Arnulphe ou Arnoul, fils naturel du feu Roy Carloman, le prist en sa curatelle, souz laquelle il mourut bien tost apres, à sçauoir le douziēme iour de Ianuier de l'an ensuiuant, qui fut huiēt cens oētante huiēt. Au moyen de quoy fut encores permis (non sans grande contradiction toutesfois) à son nepueu de prendre le nom d'Empereur, souz lequel nous trouuons que l'Empire a esté gouuerné par luy l'espace de vnze ans, dix mois, dixhuiēt iours, à les compter depuis le trespas de son oncle iusques au sien. Mais ce que nous les commençons à l'an, huiēt cens oētante huiēt, plustost que huiēt cens nonante vn, comme a faict Sigebert au huiēt cens nonante quatre avec Palmerius, se faict non seulement par l'acertnement des anciens tiltres & panchartes, mais aussi par le tesmoignage de Regino, Herman Contract, Marianus Scotus, Guillaume de Malmesberie, Godefroy de Viterbe, Othon de Frinsingen, Abbé d'Vrsperg, le supplément d'Idatius, d'Ado de Verdun, la Chronique de saint Benigne, & de la souscription du Concile de Triburic, qui fut tenu en la huiētiēme annee de son regne, Indiction treiziēme, & de nostre Seigneur huiēt cens nonante trois. Mais pour nous jecter hors de ceste doute, j'adiousteray icy les souscriptions d'aucunes chartres qui se voyent es cartulaires d'aucunes Abbayes de

TT iiij.

la Comté de Troyes, qui sont telles: *Signum Odonis gloriosissimi Regis data ij. Cal. Octobris, Indictione 6. Anno Incarnatione Dominice DCCCLXXXVII. An. 1. Regnante Odone gloriosissimo Rege. Odo clementia D. R. Signum Odonis gloriosissimi Reg. Datum 10. Calend. Ianuarij. Indict. 12. Anno 7. Regnante Odone Rege.*



NEANTMOINS il s'en trouue de là seconde année d'iceluy, qui est telle. *Actum die Dominico in mense Decembri. 11. Cal. Ianuarias in anno 20. Regnante Odone Rege.* Qui monstrent qu'il auoit commencé de regner dès l'an 887: pource que l'onzième des Calendes de Ianuier se rencontra avec vn dimanche l'an 888. seulement: si ce n'est que le copiste du Chartulaire ait failli de mettre en cet endroit 12. pour 11.

DOM Garcias Roy de Leon retournant d'une destrouffe mourut à Zamora, lors que l'on comptoit au dire de Roderic l'Ere 924. Et pource qu'il ne laissa aucuns enfans, son second frere Dom Ordogne, qui fut 2. du nom, succeda à la couronne de Leon en son lieu, laquelle il maintint fort prudemment & sagement par l'espace de 8. ans, 6. mois, en l'espace desquels on fait compte qu'il gagna de belles & glorieuses victoires sur les Sarrazins. Roderic, Alfonse Cartag.

ANGÆO ou Hangio, selon d'autres Aio, Roy de Lombardie (ainsi appellerent les Grecs les Ducs de Beneuent ou de Spolet) gendre (comme ils disent) du Roy de France, estant informé de la mort de l'Empereur Basile se rebella contre les Grecs s'emparant de tout le país qu'ils tenoient en Italie. Occasion pour laquelle l'Empereur Leon depescha vn sien Patrice nommé Constantin contre luy, avec les Legionnaires d'Occident. Auxquels il fit encore si bien cognoistre ce qu'il scauoit faire, que leur venue ne seruit de rien à l'Empereur. Mesmement que Constantin en eschappa à bon marché se sauuant d'Italie sans estre pris ny tué. Comme Cedrenus, Zonare & Iean Curopalates recitét. Ce que toutesfois tous les historiens Italiens semblent auoir ignoré. Ne par eux-mesmes on ne peut entendre qui fut ledit Angæo ou Agæon, si on ne le vouloit prendre pour Guy (en Latin Guido) Duc de Spolet, qui se disoit Roy d'Italie & de la race des anciens Rois de Lombardie. De fait Sabellicus & Platine racomptent que souz le Pape Estienne l'Empereur de Grece enuoia vn sien Capitaine nommé Simbaticus avec armee en Italie, qui assiegea & prit au bout de trois mois la ville de Beneuent sur les Lombards, la remettant en l'obeissance de l'Empereur: Mais que Guy Duc de Spolet & de Beneuent en chassa les Grecs trois ans apres, & la remit en sa subiection. Il semble aussi que ce Guy est celuy que Floard dit que le Pape Estienne adopta pour son fils.

JEAN Patritiaque Duc de Venise obtint en ce temps que son frere Pierre luy fust adjoinct & associé en la dignité Ducale. Sabellic.

LES Sarrazins estans entrez ceste année en l'isle de Samos, assiegerent la principale cité qui fust en icelle. Cedrenus.

LEON estant paruenue à l'Empire deposa Photius du siege Patriarchal de Constantinople, & y substitua son frere nommé Estienne, qui y presida sept ans. Zonare.

Du Monde.	5025	Papés.	4	R. des Escosses.	12
De Iesus Christ.	888	E. d'Orient.	3	R. d'Angleterre.	17
Indiction.	6	E. d'Occident.	1	Ducs de Venise.	1
De l'Hegire 275. le 15. de		R. des François.	1		
May.		R. de Leon.	2		

Eudes

Eudes ou Odon vingtneufiesme Roy des François.

Les Roiaumes & Prouinces qui estoient liees & vnies souz l'Empire & obeyssance de Charles le Gros, se trouuans (comme dit Regino) comme vacans & destituez de legitime heritier apres sa mort, commencerent à se dissouldre & separer, tachant vn chacun à part soy d'auoir vn Seigneur de son corps. Qui fut occasion de grandes guerres & diuisions. Ce mal toutesfois n'aduint point par default de Prince François, qui pour sa noblesse, force & sagesse peust commander à tous ces Roiaumes & pays. Mais pource que lors il y en auoit tant de telle estoffe qu'ils ne cedoient en rien l'un à l'autre en noblesse de dignité & puissance: tellement qu'on n'eust peu choisir vn entre les autres auquel ses compagnons se fussent voulu soumettre: Par tel moien les Italiens, les Bourguignons & les François desirans se voir gouuernez par Princes de leur nation, plustost que par estrangers, se trouuerent cependant diuisez en factions & partialitez, quand il fut question de choisir & eslire celuy de qui ils vouloient estre gouuernez. Lesquelles aussi donnerent occasion au Roy Arnulfe de penser retirer à soy le Roiaume de France, pendant que Charles le Simple vray heritier d'iceluy ne seroit encore en aage capable de le gouuerner, d'autant qu'il estoit seulement lors en la 12. année de son aage. Combien que Flodoard dit expressement qu'il le refusa luy ayant esté offert par Fulco Archeuesque de Reims: mais pource que la plupart des Princes & Seigneurs tant de France que d'Aquitaine, ne trouuerent bon de se mettre en la subjection d'un estranger. Cependant toutesfois qu'il failloit obuier presentement au danger eminent des Normans, fut en fin resolu par la pluralité des volontez, signamment, comme declare Yues Euesque de Chartres en son Epistre 48. des Bourguignons Aquitains, qu'il failloit qu'Eudes ou Odon fils de Robert Comte de Paris & de France, tuteur aussi du ieune Charles, prist le gouuernement des affaires de France souz tiltre de Roy (nonobstant que ce fust au dire du mesme Yues contre son vouloir & luy y resistant) pource qu'on n'eust sceu choisir Prince en toute la France mieux accomply que luy, des conditions & graces qu'il failloit à manier vne telle charge. Au moien dequoy il fut sacré & couronné Roy à la maniere accoustumee par Gautier Archeuesque de Sens, du consentement du mesme Roy Arnulphe, à qui (comme disent tous les anciens historiens Allemans) il falla faire approuuer luy portant certains presens tirez du thesor des Rois. Ce qu'il ne voulut receuoir la couronne des mains de Foulques Archeuesque de Reims fut, pource qu'il s'opposoit de toute sa puissance avec Bauldouin Comte de Flandre à son election, ayant mandé Guy Duc de Spolet en Italie pour venir prendre les affaires de France en sa main. Or estant en ceste sorte estably en ce degré, il distribua les estats qu'il auoit auparauant: à sçauoir la Comté de Paris & de France (que l'on disoit aussi Marquisat) au Prince Robert son frere. Et si ie ne me trompe, ie pense que Richard Comte d'Autun fut aussi au mesme tēps institué par luy Duc & gouuerneur general de ce qu'on appelloit lors la basse Bourgongne, qui est auourd'huy la Duché, & vne partie de la Comté: à fin que souz tel tiltre il eust plus de force & d'autorité à la defendre contre les Normans. Lesquels ayans esté en la mesme année lourdement repoussez de deuant Paris par la vaillance du Comte Robert, se voulurent venir recouurer sur la ville de Sens, qu'ils tindrent si long temps assiegee, qu'ils sembloient s'estre obligez de n'en partir deuant que la prendre. Si le Duc Richard ne les fust allé charger dedans leur camp, de si grande puissance qu'ayant fait vne grande boucherie de leurs gens, furent contrains trouffer bagage, & s'aller pourmener ailleurs, sans pouuoir toutesfois estre empeschez de faire encore de piteux mesnages par la Bourgonne: comme Regino recite. Albert Krants adiouste qu'ils prindrent, bruslerent & saccagerent en la mesme année la ville de Meaux. La Chronique de saint Benigne dit aussi le Chasteau de Melun, apres qu'ils eurent fait le semblable de la ville de Beauuais & des prochaines d'icelle. Mais pour acheuer nostre propos de Richard, comme il ne se trouue qu'aucun (dont le nom soit mentionné

en aucune histoire) ait porté le tiltre de Duc de Bourgogne deuant luy, encores que les Annales de Reims l'appellent aussi Marquis, ne que luy-mesme ait esté ainsi qualifié deuant le regne du Roy Eudes: d'autant que la chartre de l'élection de Louis fils de Boson declare notoirement qu'il portoit l'appellation de Duc dès l'an 809. nous ne concluons pas tant seulement qu'il a esté le premier institué Duc de Bourgogne en ce temps, mais aussi qu'il a laissé ceste dignité hereditaire & patrimoniale à ses successeurs: mesmement qu'on ne fait point de doute que les Duchez & Comtez n'ayent commencé quasi par tout de se faire Domaniales souz Eudes & Charles le Simple.

Commencement du Royaume de la Bourgogne Transjurane.

E qu'on a appelé la Bourgogne Transjurane contenoit totalement le pays qui est entre le mont de Iou (dit des anciens Iura) & les Alpes, où sont aujour-d'huy la Sauoye & le pays des Suisses, & de Valais, les habitans duquel n'estans pas moins excitez que les autres en telle occasion qui se presentoit à prendre vn Prince en leur pays: se laisserent facilement induire à receuoir Raoul ou Rodolfe fils (comme dit Regino) du Comte Conrard, que l'on surnommoit (au dire de Lazius) de Stratlinge: & arriere fils (si le nom de *Nepos* n'estoit pris pour nepueu) de Hugues l'Abbé, pour leur Roy, qui estoit auparavant leur gouverneur depuis son pere. De sorte qu'ayant assemblé la noblesse & les principaux du pays à saint Maurice, se fit de leur consentement saluer & couronner Roy. Et pour esprouuer plus outre sa fortune, employa tous les moiens dont il se peut aduiser par messages & promesses, à conuertir les autres Bourguignons & Lorrains proches de son pays de se venir ioindre souz luy. Ce que le Roy Arnulfe trouua de si mauuais goust, qu'il sentit bien qu'une telle entreprinse sur luy ne se deuoit pas dissimuler legerement. A cause dequoy il entra avec vne puissante armee dedans la Bourgogne Transjurane pour en denicher totalement son ennemy: qui auoit ja si bien pourueu à ses affaires, qu'on ne peut auoir iamais aucune prise sur luy, au moyen des lieux difficiles & inaccessibles qu'il faisoit seruir à sa defense: Ce sont ceux de Valais. Somme que l'Empereur fut en fin contrainct de luy quitter la place, & ramener ses gens en son pays, le laissant fortifier en son nouveau Royaume, si à son aise qu'il n'y eut iamais moyen d'en deietter depuis ne luy ne sa race tant qu'elle dura en ligne masculine. En laquelle celà aduint de considerable, qu'elle prit fin par vn Rodolfe cent quarante deux, ou enuiron apres ce Rodolfe de qui elle descendoit, lequel nous trouuons par nostre compte auoir regné de vingtdeux à vingt trois ans, ayant amplement monstré en nostre Chronique de Bourgogne, que ce ne fut luy qui mourut l'an neuf cent trente sept: où nous auons aussi refuté l'opinion de ceux qui l'ont estimé fils ou de Boson Roy d'Arles, ou de Richard Duc de Bourgogne. Quant à l'Abbé Hugues, duquel Regino dit qu'il estoit nepueu, il semble qu'il ait plustost entendu celui qui fut Comte ou Marquis de France. Combien qu'il y en a qui l'aimeroient mieux prendre pour Hugues le Bastard fils de Lothaire. Mais dire que ce Roy Rodolfe a esté inuesty de ceste partie de Bourgogne par le Roy Eudes (comme a fait Belleforest) & qu'il en portoit le nom royal, mais sans sacre & sans couronne iusques à l'an huit cens nonante quatre, qu'Eudes voulant à son dire brider & auilir la faction du sang des Bosonistes, fit avec les Prelats de Bourgogne que Raoul fut fait & sacré Roy, est pleinement falsifier l'histoire à credit.

Commencement

Commencement du Royaume d'Italie.

Les Italiens semblent auoir esté les premiers, lesquels desirans s'emanciper par l'occasion precedente de la subiection des estrangers, entrerent en dissention entr'eux pour eslire vn Roy de leur pais: pource qu'estant la noblesse assemblee sur ce fait, vne partie esleut Guy Duc de Spolet à Padoüe: l'autre Berengier fils d'Ebrard Duc de Foriul à Pauie. Lesquels se voulans maintenir en leur droit, commencerent à se guerroyer l'vn l'autre iusques à ce qu'on les eust mis (au dire de Luitprand) d'accord, par lequel Berengier deuoit demourer Roy d'Italie, allant Guy receuoir le Roiaume de France qui luy estoit présenté par aucuns Princes, nommément par l'Archeuesque de Reims, qui ne se pouuoit compatir avec le Roy Eudes. De sorte qu'il se transporta souz cest espoir iusques à Mets: où il trouua que les affaires de France estoient en si mauuaise disposition pour luy (d'autant qu'on luy fit cognoistre que si les François ne se vouloient pas laisser gouverner par les Allemans, encoré le voudroient ils moins par les Italiens) que c'estoit son plus expedient de reprendre bien soudainement la routte d'Italie, afin de se remettre tout chaudement au droit qu'il y auoit quitté. Ce que nous rapportons avec Regino, Marianus Scotus, Oton de Frising. & l'Abbé d'Vrsperg, à ceste annee. Où les anciennes Chartres semblent aussi prendre le commencement du regne du Roy Berengier. Car il s'en trouue vne entre les Antiquitez de Veronne dattee de la 14. Indiction, & de la 8. annee d'iceluy.

C E P E N D A N T nous sommes informez par les histoires de ce siecle cy, qu'il y a eü vne telle difference en l'estat de l'Italie, comme il a esté souz les François & souz ceux de sa propre nation, qu'il y eut en l'estat des hommes souz le siecle doré & souz les autres derniers siecles. Qui plus est on verra que depuis que l'Empire des François a esté diuisé, que les Allemans & François Occidentaux se sont si constamment maintenus en leur liberté, qu'ils n'ont iamais permis qu'aucun autre que de leur nation leur ait commandé. Mais que l'Italie aiant recouuré sa liberté, s'en est laissé derechef spolier par l'inconstance & instabilité des siens, qui en ne se pouuant comporter souz le gouvernement ne d'un domestique ne d'un estranger retomba en vne plus forte seruitude, souz laquelle elle est detenue encore au iourd'huy sans l'auoir iamais peu ny secoüer ny endurer.

A P R E S que le Seigneur Iean Patriciaque Duc de Venise eut vengé la mort d'un sien frere, qui auoit esté occis par le Comte de Comacle, vne maladie le surprit: à l'occasion de laquelle le peuple luy permit de resigner sa dignité à son frere Pierre. Mais quand il fut releué de maladie, il ne luy fut seulement qu'adioint vn peu d'espace de temps, pource qu'il vint à mourir. A cause de quoy il luy fut encores permis de se radioindre son autre frere nommé Orson.

E N fin comme il s'apperceut que le peuple se degoustoit de luy, il se deposa volontairement, laissant le peuple en sa liberté d'en eslire vn autre. Si bien que Pierre Candien fut admis à ce degré: auquel il dura seulement cinq mois, au bout desquels il fut occis en vne rencontre de mer par les Narentaniens & habitans de la coste de la mer Adriatique. Dont il fut force à Iean Patriciaque de reprendre l'administration de la Republique pour vn temps, iusques à ce qu'on eust fait eslection d'un autre Duc: qui fut Pierre surnommé Tribun, lequel dura seulement (au compte de Sabellic) en ceste charge 19. ans. Mais Blondus fait compte de 23. qui rapporte aussi son eslection comme nous à l'an 888. & au tēps mesme que Berengier se nomma Roy d'Italie. Ce qui reuiert semblablement à la supputation de Contarin.

L E S Normans & Dannois faisans la guerre à leur accoustumee en Allemagne, perdirent vne grande bataille contre l'Empereur Arnulfe, tesmoin Albert Krants liure 4. chap. 17. de son histoire des Dannois: où il declare que Harald fils de Froto regnoit lors sur les

Dannois. Combien que Saxo semble estre d'aduis que c'estoit Harald 5. du nom fils de Gormo.

La guerre f'estant signifiée & declaree entre Simeon Roy de Bulgarie & l'Empereur de Grece, Procopius Crenita fut fait Lieutenant de l'Empereur en l'armee qu'il enuoia contre les Bulgariens, qui estoit venu courir iusqu'en la Macedone: où ils se rencontrèrent l'un l'autre. Mais le Grec fut vaincu avec son armee & retenu prisonnier. Zona. Cedrenus.

<i>Du Monde.</i>	5026	<i>Papes.</i>	5	<i>R. des Escossois.</i>	13
<i>De Iesus Christ.</i>	889	<i>E. d'Orient.</i>	4	<i>R. d'Angleterre.</i>	18
<i>Indiction.</i>	7	<i>E. d'Allemagne.</i>	2	<i>Ducs de Venise.</i>	2
<i>De l'Hegire 276. le 4. de</i>		<i>R. des François.</i>	2	<i>R. d'Italie.</i>	1
<i>May.</i>		<i>R. de Leon.</i>	3	<i>R. de Bourgongne.</i>	1

Boson Roy de Prouence mourut, tefmoin Paradin, en ceste Indiction, apres auoir regné 10. ans. Mais en la Chartre de l'eslection du Roy Louis son fils est exposé, que comme le Roiaume d'Arles eut apres le trespas de Charles le Gros, demeuré l'espace de quelque temps sans Roy, au moien dequoy les Normans le venoient d'un costé brigander & piller, & les Sarrazins de l'autre, sans qu'aucun s'opposast à eux: à ceste cause les Princes & Prelats du Lionnois, Dauphiné & Prouence furent contraincts de creer ledit Louis fils de la Roine Hermengarde Roy de Prouence du consentement de l'Empereur Arnoul, du Pape Estienne, & de Richard Duc de Bourgongne: afin qu'il fust souz son autorité preserué du danger des Normans & Sarrazins. Encores que l'Empereur Charles luy eust ja auant son trespas accordé le tiltre de Roy. Dont il y a quelque apparence que son pere estoit decedé deuant ceste annee, & que son droit paternel ne luy seruit de rien pour paruenir à la couronne.

Les Normans laissans la Bourgongne reuindrent derechef assieger la ville de Paris: où se trouuans aussi mal traictés qu'auparauant, remonterent la riuere de Marne, & de là rauageant la Champagne s'en allerent assaillir la ville de Troyes, qu'ils saccagerent & mirent en cendres. Puis se transporterent au pais de Verdun & de Toul, ayant l'armee du Roy Eudes tousiours à leur dos, qui en les costoit fit en fin vne grande desconfiture d'eux sur la riuere d'Aine. Regino. Sigebert a accoustumé en cest endroit de reciter souz deux ou trois annees ce qui est selon tous les autres adueni en vne.

Othon Duc de Saxe regnoit en ce temps, lequel ayant espousé la fille de l'Empereur Arnoul engendra en elle Henry, qui fut depuis Empereur. Chroniq. de Saxe.

De l'arriuee des Hongrois & de leur regne au pays appellé mainte- nant Hongrie.

La cruelle & redoutable nation des Hugres ou Hongrois, dits en leur langue Mes-ares, des Grecs (au rapport de Zonare, Cedrenus, Nicetas) Turcs, pource qu'ils estiment qu'ils sortirent d'un mesme pais & de la mesme nation que les Turcs, estant expulsee d'icelle par les Pezinathes ou Patzinaces, sortit en ce temps de la Sarmatie Asiatique, ou (comme veult Auentin) de la Scythie maritime, qui est en l'extremité du Septentrion par delà le fleuve Rha, & la Sarmatie Asiatique: où l'on dit estre aujourdhuy les Russiens blancs. Et apres auoir trauerse toute la grande Russie, le Boristhene, le Tanais & la Thrace, se vint espandre comme vn horrible torrent par leur multitude inbrable par toute la Scythie Europee. Ce que venant au souhait de l'Empereur Leon, qui s'imagina qu'il pourroit par eux auoir sa reuence des Bulgariens, les enuoia solliciter de leur

leur faire la guerre, se mettant luy-mesme aux champs avec son armee pour les assaillir d'un costé. Mais les Hongrois ayans les premiers rencontré les Bulgariens, les mirent en routte & en desconfiture. A cause dequoy le Roy Simeon enuoia demander paix à l'Empereur, lequel la tenant ia comme faicte retira son armee auant que d'en auoir plus grande assurance. Ce que le Bulgarien trouua si à propos pour luy, qu'il alla recharger les Hongrois qui ne se doutoient plus de luy, de telle furie qu'il leur rendit au double ce qu'il auoir receu d'eux. Si est-ce toutesfois que la perte qu'ils firent fut de si peu d'apparence en si grand nombre qu'ils estoient, qu'ils ne laisserent pourtant de passer outre, & de se venir (comme nous enseignent Luitprand liure 1. chapitre 3. & Regino qui ont vecu tous deux en ce siecle) en maniere de gresle & de tempeste rendre ceste annee dedans les Pannonies: se faisant d'arriuee maistres & possesseurs de la basse (qu'on dit Transiluanie) pource qu'il fut impossible à ces pauures reliques de Huns & Auarois qui y estoient restez depuis le temps de Charlemagne, de pouuoir durer & subsister contr'eux. Et puis s'estans accommodez, commencerent par les horribles & espouuantables cruautéz, violences & façons de faire dont ils vsoient sur les peuples & nations plus proches d'eux, de combler toute l'Europe de la terreur & espouuancement de leur nom. Auentin en son 4. liure confesse bien qu'ils entrèrent ceste annee en l'Europe souz la conduicte de leur Roy Cusula: aussi estime-il qu'ils furent l'espace de trois ans vagabonds, deuant que de s'arrester en certain lieu iusques à ce que l'Empereur Arnoul les eust faict venir à son seruice. Cependant Sabellic & Gaspar Peucer ne sont point d'avis, qu'ils ayent esté d'autre gent que de Huns, lesquels partans de la Scythie comme auoient faict les anciens, se vindrent ioindre avec ceux de leur race, qui habitoient encore en la Pannonie, & y estoient au tesmoignage de Sigebert & de l'Abbé d'Vrsperg) si bien enfermez de certaines barrieres & interpositions ou claustrures, qu'il leur estoit totalement impossible de les outrepasser ny du costé du Midy ny de l'Occident, pour se pouuoir venir pourmener és prouinces de deça. De façon qu'on tient pour chose certaine qu'il les fallut rompre lors que l'Empereur Arnoul se voulut seruir d'eux. Au moien dequoy le passage leur fut tousiours depuis ouuert en l'Europe, toutes les fois qu'ils s'y voulurent venir esbatre à leur façon. Ce nonobstant le mesme Abbé d'Vrsperg, & Bonfinius liure dixiesme, decade premiere de son histoire Hongroise, n'ont peu croire que ceste nouuelle esmotion & nuee de Hongrois qui firent si horriblement parler d'eux en ce siecle, soit partie ou venue d'ailleurs que de la Pannonie mesmes, ny procedee d'autre gent que des Huns & Auarois qui y habitoient (comme a esté dit) dès le temps de Charlemagne: où par succession de temps le nom des Huns & Auarois s'estoit conuertiy en Hongrois, & eux multipliez en abondance & multitude d'hommes si effroiable, qu'ils oferent à l'exemple des Sarrazins & des Normans (d'autant mesmement que les troubles & diuisions qui s'estoient mises entre les François, leur en presentoient la meilleure occasion qu'ils eussent sceu desirer) de se remettre sus & recommencer sur leurs voisins à faire parler d'eux. Mais puis que le nom de Hongres ou Hongrois se voit par toutes les histoires tant de la Grece que de l'Europe, auoir esté seulement entendu & diuulgué en ce siecle, aussi que les Grecs les nomment expressement Turcs, comme estans sortis d'une mesme origine, dauantage qu'on n'auoit iamais sceu ny entendu que ceux qui tenoient auparauant la Pannonie eussent esté autrement nommez que Huns & Auarois: il ne semble qu'il faille de plus ample probation à demonstrier que les Hongrois de ce temps sont sortis d'autre gens que des Huns & Auarois de la Pannonie. Tellement que Mathias Mechonius en la Sarmatie Europee, & Sigismond en la Moscovie, suiuant le tesmoignage des histoires Moscouites, estiment qu'ils se nommoient proprement Iurhi, à cause du pais dont il pense qu'ils estoient sortis, nommé Iurha, qui est tributaire du grand Duc de Moscovie. Ioint que l'autorité des premiers auteurs que nous auons nommez, semblent suffisans pour nous mettre hors de doute.

A B D A L L A 3. du nom Roy de Cordouë & grand Miramolin des Maures d'Espagne mourut, & eut pour successeur Abderramen son fils, qui se nomma en ses tiltres Ananfer Ledin Alla, qui signifie defendeur de la loy de Dieu: & sur ceste opinion se declara ennemy des Chrestiens, leur commençant la guerre.

<i>Du Monde.</i>	5027	<i>Papes.</i>	6	<i>R. des Escossois.</i>	14
<i>De Iesus Christ.</i>	890	<i>E. de Grece.</i>	5	<i>R. des Anglois.</i>	19
<i>Indiction.</i>	8	<i>E. d'Allemagne.</i>	3	<i>Ducs de Venise.</i>	3
<i>De l'Hegire 177. le 24. de</i>		<i>R. des François.</i>	3	<i>R. d'Italie.</i>	2
<i>d'Auril.</i>		<i>R. de Leon.</i>	4	<i>R. de Bourgogne.</i>	2

Les Normans (comme la Chronique de saint Benigne tesmoigne) assiegerent la cité de Paris par l'espace de 7. ou (selon Flodoard) 8. ans : à cause comme nous auons ja veu qu'ils reuenoient quasi tous les ans deuant, & ne s'en estoient depuis sept ans de guerres eslongnez. Aussi fut elle encore assiegee ceste annee par eux avec aussi peu de profit qu'aux autres. De sorte que cela les fit prendre conseil d'aller ailleurs : à sçauoir en la petite Bretagne, qui se resentoit encores des troubles qui s'y estoient mis depuis la mort du Roy Salomon par le discord d'entre Iuhael ou Vvidicheil & Alain. Au moien dequoy ils gaignerent tant plus facilement quelques batailles sur les Bretons en quelques rencontres, en l'une desquelles Iuhael fut occis. Qui fut cause de faire rallier tous les Bretons souz la conduite d'Alain, qui les mena recharger les Normans d'une telle alegresse, qu'ils en firent une grande & memorable desconfiture, par laquelle de quinze mille qu'ils estoient, les quatre mille seulement se sauuerent dedans leurs nauires. En ceste façon toute la petite Bretagne demeura deslors tranquille souz l'obeissance dudit Alain iusques à sa mort. Selon que nous sommes aduertis par Regino, lequel ayant vescu en ce siecle, & continué sa Chronique seulement iusques à l'an 905. semble plus croyable en cecy que les histoires propres des Bretons, qui rapportent le commencement du regne d'Alain à l'an 910. & tiennent qu'il fut pere de Iuhael.

ESTANT l'Imperatrice Theophanon femme de l'Empereur Leon decedee, il prit à espouse la belle Zoe qui luy auoit seruy auparauant de concubine. Cedrenus.

GUY Duc de Spolet estant de retour de France en la Lombardie, voulut reprendre le nom de Roy d'Italie qu'il auoit quitté cy deuant. Et pource que Berengier ne voulut desmordre ce qu'il pensoit ja tenir bien ferme, la guerre s'eschauffa bien fort entr'eux d'eux : de sorte que Guy tant de ses moiens propres que des Camerins & Spoletains qui se vindrent ioindre à luy, mit aux champs une belle armee, avec laquelle il combatit Berengier non seulement une fois aupres de Plaisance, mais aussi derechef aupres de Brece : où il demeura tousiours victorieux. Au moyen dequoy la possession du Royaume d'Italie demeura sienne, estant Berengier contraint de guerpir l'Italie. Luitprand liure septiesme.

SOUS l'Empereur Arnoul fut (à ce que recitent les histoires de Boëme) Hostinitius fils de Neolan onzième Duc de Boëme : qui eut une grosse & cruelle guerre contre son frere Mistibogius pour la principauté. Dont en fin ils s'accorderent, estant donné apanage raisonnable à Mistibogius, pour lequel des despouilles d'autrui il alla faire la guerre aux terres de Suatoplus Roy de Moraue, pendant qu'il estoit allé vers l'Empereur Arnoul. Mais à son retour il mit une armee aux champs, qui recouura ses pertes, ayant donné deux batailles à son ennemy, desquelles toutesfois il perdit la dernière. Cependant Hostinitius demeura tousiours amy & allié du Morauien iusques à son trespas, qui vint bien tost apres, laissant sa succession à son fils nommé Boriuorius, ou selo Aeneas Siluius Borsiuorius, qui fut le premier Prince Chrestien de Boëme. Dubravius.

AV mesme temps les Espagnols Chrestiens deffiez par le Miramolan Abderramen, mirent le siege deuant la ville de Talanere au Roiaume Castillan de Toled. Au secours de laquelle Abderramen enuoia une armee, qui fut honteusement desconfitte. Au moien dequoy la ville fut contraincte de se rendre au Roy Dom Ordogne de Leon.

Du Monde

<i>Du Monde.</i>	5028	<i>Papes.</i>	1	<i>R. des Eſcoſſou.</i>	15
<i>De Ieſus Chriſt.</i>	891	<i>E. d'Orient.</i>	6	<i>R. d'Angleterre.</i>	20
<i>Indiction.</i>	9	<i>E. d'Allemagne.</i>	4	<i>Ducs de Veniſe.</i>	4
<i>De l'Hegire 278. le 13.</i>		<i>R. des François.</i>	4	<i>R. d'Italie.</i>	3
<i>d'Auril.</i>		<i>R. de Leon.</i>	5	<i>R. de Bourgongne.</i>	3

Vn nommé Baſile parent de l'Imperatrice Zoe, eſtant conuaincu d'auoir machiné contre l'Empereur, fut puny de ſon crime. Cedrenus.

Les Normans eſchappes de la Bretagne allerent requerir nouuelle compagnie de gens en leur païs, & reuindrent par les meſmes brisées qu'ils auoient autrefois tenues, rentrer dedans la Gaule Belgique, qu'on appelle la baſſe Allemagne: où ils gaſterent beaucoup de villes, entre leſquelles fut la ville de Vvormes. A cauſe dequoy l'Empereur Arnoul empeſché lors contre Zindibolch Roy de Boëme, fit aller premierement les Lorrains & les bas Allemans ſouz la conduite d'un ſien Lieutenant nommé Arnoul, & de Sunderhold Archeueſque de Majence contre eux: leſquels furent miſerablement deſfaits le vingtquatrieſme iour de Iuin au pays de Brabant. Dont il fut force à l'Empereur meſme de venir en perſonne, amenant avec luy grand nombre de Sueuiens & Franco-niens: leſquels ſe ioingnans avec les autres bandes d'Allemans & Lorrains, allerent donner dedans le fort des Normans qui eſtoit ſur la riuere de Tilia, non gueres loing de Louvain, à un premier iour de Septembre, d'un tel courage qu'ils les taillerent en pieces quaſi tous. Tous les hſtoriens qui ont parlé de ceſte deſſaite, eſtiment qu'il y eut bien cent mille Normans tuez ſur le champ. Mais ie ne peux entendre quels Rois Godefroy & Sigefroy furent ceux qu'ils diſent qui demorerent avec eux. Somme que le nombre fut ſi petit de ceux qui en eſchapperent par la foreſt d'Ardenne, & ſe ſauuerent en leurs nauires, qu'ils ne peurent faire prendre enuie à ceux qui n'y auoient eſté, de venir voir de long téps apres ces quartiers là. Albert Crants liu. 4. chap. 17. a fait mention de la meſme deſcôiture. Mais il ſemble qu'elle conuient mieux à ceſte annee, où Regino & Marianus Scotus l'ont rapportee; que non pas à l'an 888.

ZINDIBOLCH Roy des Eſclauons de Moraue fut pour l'amitié que l'Empereur Arnoul luy portoit, & pour la fidelité qu'il eſperoit de luy, inueſty de la Duché de Boëme, qui n'auoit eſté gouuernée iuſques alors que par ſes Princes naturels. Mais au contraire celà le fit entrer en telle meſconnoiſſance de ſoy-meſme, & les Boëmiens le prindrent à ſi grand deſpit, qu'ils vindrent à nier toute obeifſſance à l'Empereur, & à faire le Morauien chef de leur rebellion, qui ſe preſentoit à eux. Si eſt-ce toutesfois que la premiere armée qui alla contre luy, (pource qu'il n'en peut pas oppoſer vne pareille pour garentir ſon païs du degaſt & du pillage, & ſe preſeruer de pis aduenir) luy abbaiffa tellement les cornes qu'il l'alla humilier deuant l'Empereur, luy rendant quelque ſatisfaction par la recognoiſſance de ſa faulte: Comme Luitprand & Regino racomptent. Auentin eſtime que la guerre qui en ſuruint, ne prit fin qu'en la ſecôde annee. Mais les hſtoires de Boëme niét que Zuen-debald, qu'elles nomment Suatophie, ait oncques eſté Duc de Boëme, ains afferment que Boriuorius eſtoit lors leur 12. Duc.

BERENGIER vaincu s'eſtoit retiré en Allemagne vers l'Empereur Arnulphe, pour l'inciter à prendre ſa deſenſe & reſtitution en main, ſouz promeſſe de luy rendre à l'aduenir obeifſſance de vaſſal. Cependant Guy s'efforçoit ſi bien d'aduancer ſes affaires, que voulant voler plus hault qu'il n'eſtoit, ſe fit donner le tiltre d'Empereur, & ſouz iceluy couronner & conſacrer à Rome par le Pape Eſtienne cinquieme du nom, le dixneuſieſme iour de Feburier: lequel mourut le 21. iour du mois de May enſuiuant. Au moien dequoy les Romains luy baillerent pour ſucceſſeur dès le 27. iour du meſme mois Formoſus premier, qui preſida au rapport de Luitprand & d'Onufrius, 4. ans, 6. mois, 18. iours. Les autres diſent qu'il y eut grande brigue à ſon eſlection, pource qu'il eut un competeur nommé Sergius, à qui meſme l'Empereur Guy fauoriſoit. C'eſt merueille que Platine dit qu'il ne fit aucune oeuvre memorable, & que toutesfois ſon ſucceſſeur fut ſi animé à reſcinder ſes faits & decrets.

CEPENDANT on doit obseruer parce qu'on a escrit de l'ellection du Pape Formose, qu'on n'auoit pas accoustumé deuant luy d'admettre aucū à la papauté, qui ne fust du clergé de l'Eglise Romaine. Tellement qu'il fut dit auoir esté le premier appelé d'un Eglise estrāge, comme estoit l'Euesché du port au gouuernement de l'Eglise Romaine. Dont il fut déclaré cy apres au Cōcile de Rauenne: *Quia necessitatis causa de portuensi Ecclesia Formosus ob vite merita ad Apostolicam sedem est euocatus, statuimus ne quis id in exemplum trahat sacris legibus prohibentibus.* Pour laquelle occasion aussi la Chronique du Mont Cassin dit, que l'une des causes pour laquelle le Pape Estienne son successeur le fit deterrer de son sepulchre fut: *Quod cum esset Hostiensis Episcopus contra sanctorum Canonum decreta, sedem Apostolicam inuaserat.* Nō obstant lesquels toutesfois on n'a pas laissé depuis d'eslire des Papes d'autre Eglise.

A v mesme tēps vne compagnie de Pirates Sarrazins partis d'Espagne, vindrent prendre terre en Italie: où ils trouuerent si peu de resistance, qu'il leur fut loisible d'occuper vn chasteau qu'on nōmoit le Fraxinete, qui est dedans les Alpes Cotties: où ils se fortifierent de telle façon, que toute la puissance d'Italie ne leurs nouueaux Empereurs ne les en peut dechasser de long temps depuis: ny mesmes empescher de faire vne infinité continuelle de maux aux pais & habitans de la Lombardie.

D'AUTRE-PART Leon Empereur de Grece prouoqué de beaucoup de braueries qu'il auoit receu du Prince de Beneuēt nōmé Aio, & s'aduisant que l'Italie n'estoit plus defēdue par les François cōme auparauant, depescha vn siē Patrice & Protospataire nōmé Symbaticius avec vne grosse armee, pour aller assieger la cité de Beneuēt. Lequel s'acquitta si heureusēment de ceste charge, qu'il se la fit redre le 15. iour d'Octob. au bout de 3. mois. Au moie de quoy elle demeura quelques annees en la subiectiō des Empereurs de Grece. Car apres ce Symbaticius, George Patrice en eut le gouuernemēt 3. ans, 9. mois: au bout desquels les Grecs en furent derechef dechassez par le Marquis Guy. Leon d'Hostie en sa Chroniq. du Mont Cassin liu. 1. Qui declare aussi que les Princes de la nation Lombarde auoient iusques à la mesme annee tenu & possédé la Duché de Beneuent.

ABDERRAMEN ayant remis sus vne nouvelle armee, reuint assaillir le Roy de Leon de plus grande audace qu'au parauant: de sorte qu'il luy rendit vne aussi lourde estrille qu'il auoit receue de luy. Au moie que les Cōtes de Castille firēt deffaut de se trouuer (cōme ils estoient tenus) avec leurs gēs au secours de Dō Ordogne, qui à ceste occasiō les fit mettre à mort. Dont les Castillans furent si fort offensez, qu'ils se mirent en liberté, eslisans deux iuges de leur nation pour les gouuerner, qui se nommoient l'un Namo Rasurano, & l'autre Lamo Caluo. De l'un desquels on cōfesse que la maison des Cōsalues est sortie, & les Rois mesmes qui regnent au iourd'huy en Castille. De l'autre le vaillāt Dom Rodrigo Biuar Didaco surnommé Cide. Roderic de Toller.

LE Roy de Bulgarie deuenu superbe pour la victoire qu'il auoit obtenuē sur les Hōgrois, refusoit la paix qu'il auoit le premier demandee & consentie. A cause de quoy l'Empereur depescha vne nouvelle armee contre luy souz la cōduite de Catallaccon, laquelle se venāt à rencōtrer en la Bulgarie avec son ennemy, fut par luy honteusēment descōfite. Cedrenus.

Du Monde.	5029	Papes.	2	R. des Escossois.	16
De Iesus Christ.	892	E. de Grece.	7	R. des Anglois.	21
Indiction.	10	E. d'Allemagne.	5	Ducs de Venise.	5
De l'Heure 279. le 2.		R. des François.	5	R. d'Italie.	4
d'Auail.		R. de Leon.	6	R. de Bourgongne.	4

ENCORE que le Roy Eudes fust Prince vaillant, & tel que la republique Françoisē requeroit: si est-ce que son regne se trouua si peu agreable en ce temps à ceux mesmes qui l'auoient esleu à ce degré, que ses parēs luy estoient les plus cōtraires. Mesmemēt vn siē nepueu entre les autres, nōmé Vvaltaire, qui souz l'appuy d'aucuns grāds Seigneurs, s'esleua ouuertemēt contre luy, se mettāt en possēssiō de la ville de Lion. Mais son oncle l'alla si soudainement enclorre dedans, qu'il le prit & fit mourir. Ce qui ne fut que le cōmencement du jeu: pource qu'un autre nouvelle rebelliō s'esleua tout en mesme temps au pais d'Aquitaine par la faction d'Ebolo Abbé de saint Germain, qui auoit succedé à Goslin, & du Comte Ranulfe, lequel Auentin (par ie ne sçay quel aduertissement) dit auoir pris le nom de Roy en Aquitaine

Aquitaine dès que Eudes le prit en France) accompagné de son frere Gotzbert: qui fit partir Eudes de Lion pour aller obuiier à leur entreprinse. Cependant comme il entendoit à eux, la plupart des autres Seigneurs de la Neustrie prindrent, à la poursuite de Foulques Archeuesque de Reims & des Comtes Heribert & Pepin, le ieune Charles dit le Simple vray & legitime heritier de la couronne, ayant lors atteint le douzième an de son aage. Et le firent sacrer & couronner en la ville de Reims: plus toutesfois par la ialousie & enuie des factions, & par la cupidité & ambition de gouverner, esperans manier les affaires à leur plaisir souz le manteau de l'imbecillité de ce ieune Roy, que pour esgard qu'il eussent au public. Quoy que Fulco ou Foulques Archeuesque de Reims fit entendre lors par lettres à l'Empereur Arnoul & au Pape Formose, que ce fut pour ce qu'Eudes abusoit tyranniquement de la dignité roiale. Et pource que l'Empereur Arnoul ayant approuué l'eslection d'Eudes trouuoit ceste reuolte contre luy fort estrange: Foulques s'efforça par plusieurs raisons d'excuser son fait, allegant que Charles estoit le seul heritier de la couronne: & que ce n'estoit pas la coustume des François d'esslire Rois sinon du sang des Rois: adioustant *quòd in omnibus gentibus penè notum fuerit, gentem Francorum Reges ex successione habere consueuisse.* Nonobstant qu'il auoit bien consenty à l'eslection d'Eudes: mais que ce fut apres qu'Arnoul eut refusé le Roiaume qui luy estoit offert: & que Charles ne se voyoit encore capable de le pouuoir gouverner & defendre contre la tempeste des Normans par son aage: aussi qu'on esperoit mieux d'Eudes. Flodoard met l'Epistre de Fulco tout au long. Neantmoins le successeur d'iceluy Herinee ne se monstra de tel aduis, quand il esleut cy apres Robert frere d'Eudes, ny celuy aussi qui fit l'eslection de Rodolfe. Somme.

En la mesme annee fut celebré vn Concile prouincial des Prelats de France à Reims, par lesquels Baudouin Comte de Flandres fut repris & argué de ce qu'il auoit occupé par force l'Abbaye de S. Vast d'Arras, & de ce qu'il s'en nōmoit Abbé au mespris des droicts diuins & humains: & puis admonesté de s'amender, s'il ne vouloit encourir les césures Ecclesiastiques. Somme que de là s'engendra vne longue & perilleuse guerre pour la France: pource que Eudes ne voulut ainsi desmordre sa prise, ny renoncer au tiltre qu'il portoit: ainsi que recite Regino. Combien que la Chronique de Dijon tesmoigne qu'il fit le contraire, & qu'en restituant volontairement le roiaume à Charles, vne partie luy fut liberalement rendue. Qui est-ce que P. Æmile & autres ont voulu dire, que l'Aquitaine luy fut donnée, à fin de se desister du reste de la France. Mais on voit bien qu'ils ont pensé & cōmenté cela: pource qu'en ceste diuision l'Aquitaine & la Bourgogne se maintindrent du party d'Eudes, & la Neustrie & Belgique se donnerent pour la plupart au roy Charles. Nonobstant que Floard tesmoigne que Foulques Archeuesque de Reims escriuit au Pape Formose, le priant d'amonester le roy Odon & les Princes de France de se mettre d'appointement avec le roy Charles: à fin qu'iceluy iouyst du roiaume à luy adueni par succession hereditaire. Ou que si pour le present on ne le luy vouloit rēdre tout entier, au moins qu'ils luy en accordassent vne portion conuenable à sa grandeur en diuisant le roiaume entr'eux paisiblement & iustement. Mais cela se fit seulement cy apres. Nonobstant qu'il est certain que Charles fut couronné ceste annee en la façon que nous venons de reciter: ainsi qu'il se peut prouuer par les tiltres & chartres desquels il s'en voit deux au tresor du chapitre de nostre Dame de Paris: de l'un desquels nous auōs escrit ceste inscription, *Datum xv. Cal. Iulij, Indictione XIII. anno Incarnationis Dominice DCCCCXI. anno XIX. Regnante nostro Rege Carolo, & redintegranda XIII. Actum villa Canigiaco in Dei nomine feliciter. Amen.*

Z V E N D I B O L C H, selon les autres Suatebog, ou Suatopluc, soy disant roy de Boëme & de Moraue, estant retombé en felonnie, fut adiourné pour comparoistre deuant l'Empereur à vn Parlement qu'il tint au pays d'Austriche à son retour de la guerre contre les Normans. Et pource qu'il ne tint compte de se venir représenter, il fut déclaré ennemy de l'Empire. Mais l'Empereur se delibérant de faire valoir tout ce qu'il auoit de moyens à le chastier de sa temerité, s'aduisa de se seruir des Hongrois & de leur roy Cusula, qui n'auoient encores aucune certaine demeure (comme estime Auentin) arrestee, contre luy d'un costé; Vradislaus Prince de Polongne d'un autre: & puis avec ses propres forces l'assaillir luy-mesme d'un troisieme endroict. De sorte qu'il luy fut impossible de durer contre tant d'efforts. Si est-ce toutesfois qu'estant en ceste sorte chassé de son pays, ayma mieux perseuerant en son opiniastrété s'aller cacher és retraittes de la forest Hercinie, que d'experiméter la mercy de l'Empereur: lequel voulāt remener son armee

donna aux Hongrois en recompense de leur service vne partie du pays que son ennemy occupoit, qui est-ce que les anciens appelloient Dace, où est auourd'huy la Transilvanie, laquelle ils accommoderent à leur demeure, apres auoir dechassé (comme a esté dit) les Huns & Auarois.

L'AMBERT fils de Guy Empereur d'Italie, fut par son pere institué & déclaré Roy d'Italie: souz lequel nom il regna l'espace de 3. ans. Luitprand, Onufrius.

PAR l'autorité de Louis fils de Boson Roy de Prouence, fut celebré ceste annee vn Synode des Prelats de l'Eglise Gallicane en l'Eglise de St: Sauueur de Vienne en Dauphiné, où presiderent Iean & Paschal Legats du Pape Formose: par la decision duquel on cognoist que le mariage n'estoit encores lors interdit aux Prestres. Iean le Maire.

ESTIENNE Patriarche de Constantinople deceda enuiron ce temps. Au moien de quoy l'Empereur fit subroguer en son lieu Antoine surnommé Cauleas, qui presida 8. ans. Zonare, Cedrenus.

<i>Du Monde.</i>	5030	<i>Papes.</i>	3	<i>R. des Escossois.</i>	17
<i>De Iesus Christ.</i>	893	<i>E. de Grece.</i>	8	<i>R. des Anglois.</i>	22
<i>Indiction.</i>	11	<i>E. d'Allemagne.</i>	6	<i>Ducs de Venise.</i>	6
<i>De l'Hegire 280. le 22.</i>		<i>R. des François.</i>	6	<i>R. d'Italie.</i>	5
<i>de Mars.</i>		<i>R. de Leon.</i>	7	<i>R. de Bourgongne.</i>	5

LE Roy Eudes ayant donné ordre aux affaires d'Aquitaine, amena vne armee en France contre ses aduersaires, lesquels s'osans trouuer deuât luy en bataille, furent mis en route. De sorte que force fut au Roy Charles de se retirer vers l'Empereur Arnoul, qui luy donna nombre de gens pour le reconduire en France. Mais Eudes s'alla presenter deuant eux, si hardiment qu'il les fit retirer en leur pais, laissant le Roy Charles destitué de toute suite & confort: qui ne trouua lors plus expedient où se retirer qu'en Bourgongne, où le moien luy fut encore offert de remettre sus vne nouvelle armee, par laquelle il donna derechef beaucoup d'affaires à son ennemy qui se tenoit lors en la cité de Paris.

EN ces entrefaictes Ebulo ou Ebolo Abbé de saint Germain fut tué deuant vne ville d'Aquitaine qu'il tenoit assiegee. Au moien de quoy le Roy Eudes conféra son Abbaie à Robert Comte de Paris son frere, lequel Aimoinus dit auoir esté le secôd des Princes laics apres Hugues l'Abbé qui porta le nom d'Abbé de saint Germain, & institua souz luy des Doyens qui auoient la charge & cōduicte des moines. C'est merueille toutesfois si n'a esté seculier (comme on parloit lors) qu'il ait faict estat & exercice des armes. Parquoy il y a quelque occasion d'estimer qu'Aimoinus a parlé d'un autre Ebulo que de celui que Regino dit auoir esté tué ceste annee en Aquitaine: d'autant mesmement qu'il le qualifie seulement Abbé de saint Denis, si d'auanture celà ne vient de la faulte des escriuains. Somme que ie suis encore en doute que l'Ebulo de Regino ne soit Ebles 1. du nom, que l'Annaliste d'Aquitaine appelle 3. ou 4. duc d'Aquitaine. Nonobstant que la vieille Chronique d'Angoulesme dit qu'il y eut vn Comte de Poitiers nommé Ranulfe du temps du Roy Odon, auquel il estoit grandement familier & amy: tellement qu'il estoit des principaux de sa court: où ses malueillans firent en sorte qu'ils l'empoisonnerent, & firent mourir iceluy ayant vn fils vnique en fort bas aage nommé Ebles, qui fut porté par Gerald Euesque d'Angoulesme à Guillaume Comte d'Auuergne frere dudit Ranulfe, qui fut cy apres duc d'Aquitaine. Car auant luy Adenare fils d'Emenon cy deuât Comte d'Angoulesme, fut estably Comte de Poitou par le Roy Eudes. Cest Ademare espousa Sancra fille de Bernard Comte de Perigort. Vieille Chronique d'Angoulesme.

AV mesme temps le Pape Formose estant sollicité par Fulco Archeuesque de Reims, enuoia lettres au Roy Eudes pour l'admonester de laisser le Roy Charles en paix sans rien vsurper de ce qui luy appartenoit, & de faire trefues avec luy iusques à ce que ledit Fulco fust allé de Rome vers luy. Flodoard.

ABDERRAMEN Roy de Cordouë, irrité de la perte qu'il auoit faicte deuât Talanere, demanda secours au Roy de Tingitanie, où sont auourd'huy les Roiaumes de Maroc & de Fez, nommé Almotaraph: & ayant receu de grandes forces de luy, les amena avec les siennes

siennes dedans les terres de Dom Ordogne Roy de Leon, pres la ville de saint Estienne de Gormatz : où les Chrestiens les receurent de si bonne façon, qu'ils les descōfirent hon-teusement; demeurans les Chefs principaux de l'armee Morefque occis sur le champ. Au moyen dequoy le Roy Dom Ordogne alla faire des courses iusques bien avant dedans le Roiaume d'Abderramen, lesquelles l'inciterent de rallier ses forces, & de les mener de-dans le pays de Gallice : où Dom Ordogne les vint retrouver & combattre, avec tel heur qu'il en eut aussi bō marché que des premieres. Pour celà toutesfois Abderramen ne laif-fa d'estre tousiours ennemy des Chrestiens : car on escrit que s'estant remis sus, vint entrer puis apres dedans le Roiaume de Nauarre, où il rendit à Dom Ordogne ce qu'il luy auoit auparauant presté. Qui fut lors qu'ayant pris plusieurs prisonniers Chrestiens, & entr'au-tres le fils d'un Comte Espagnol nommé Pelagius, qui n'estoit aagé que de quatorze ans, il le fit mourir d'un cruel & horrible martyre, pource qu'il ne s'estoit voulu accorder à ses ordes voluptez. Roderic, Alfonse, Garibey, Vasaüs.

Vn Angescalus Gouverneur de la liziere de Bauiere du costé de la Moraue, se trouuant conuaincu d'auoir intelligence avec le Roy Zuendibolch, fut par le commandement de l'Empereur executé à mort : ayant vn frere qui en fut si desplaisant qu'il s'alla de despit rendre audit Zuendibolch : auquel il remit si bien le feu en la teste, qu'il recommença la guerre à l'Empereur : qui pour reprimer aussi son audace, appella derechef les Hongrois à son aide. A cause dequoy force fut au Morauien de quitter totalement le ieu, & se remet-tre à la simple mercy de l'Empereur. Les Hongrois se departans de luy, demurerent en paix au pays qu'il leur auoit donné, iusques apres sa mort. Auentin.

Sans la nouuelle esmotion du Morauien, l'Empereur Arnulfe estoit disposé d'aller en personne au secours du Roy Berengier en Italie. A cause dequoy il laissa la conduite de l'armee qu'il auoit apprestee à ceste fin à son fils Zuendibolch : lequel sans aucune resistā-ce la fit entrer en Italie. Guy auoit bien preueu que la ville de Paue seroit la premiere où ils ietteroient leur effort. Aussi quand les Allemans se vindrent camper deuant, & qu'ils l'eurent battuë en toute extremité l'espace de vingt iours ils se trouuerent si bien reculez de tout espoir de bien-faire, que Guy eut bien tost apres par ses presents gaigné tant le Chef que les principaux de l'armee pour les faire retourner en Allemagne : où Berengier aussi alla retrouver l'Empereur apres eux : comme recite Luitprand. Combien que Sigo-nius dit que ce fut à la fin de ceste annee que l'Empereur Arnoul arriua en Italie; & que le voyage de son fils s'estoit fait dès l'an 991.

Les Sarrazins d'Afrique occuperent en ce temps la ville de Taurominium en Sicile sur les Grecs, desquels ils y firent vn grand massacre. Mais ceux d'Asie occuperent l'isle de Lemnos, & en emmenerent grand nombre de captifs. Cedrenus.

Du Monde.	5631	Papes.	4	R. des Escossois.	18
De Iesus Christ.	894	E. de Grce.	9	R. des Anglois.	23
Indiction.	12	E. d'Allemagne.	7	Ducs de Venise.	7
De l'Hegire	281. le 11. de	R. des François.	7	R. d'Italie.	6
Mars.		R. de Leon.	8	R. de Bourgongne.	6

L'EMPEREUR Leon s'estant trouué à vne solennité qui se faisoit en vn Tēple le iour de Pentecoste, fut quasi massacré par vn certain personnage qui s'estoit disposé à ceste en-treprinse : & puis se presenta vn moine nommé Marc, qui luy pronostiqua que dix ans a-pres il mourroit, le mesme iour qu'on l'auoit ainsi failly à tuer. Cedrenus.

L'EMPEREUR Arnoul se trouuant de pesché d'affaires, n'eut repos qu'il ne fust passé luy-mesme avec vne seconde armee en Italie, à la suggestion de Berengier. Mais il s'alla premierement adresser à la ville de Bergame, qui fut si pauurement defenduë, qu'il entra dedans par force, & y fit estrangler le Comte Ambroise qui l'auoit en garde. Ce qui mit vn tel espouuātement en toutes les autres villes de la Lombardie, qu'il n'y en eut pas v-ne qui se fit gueres attendre à luy enuoyer ses clefs. De sorte que tout le Roiaume d'Italie fut en peu de temps rangé souz son obeissance. Et estant aduerty que le Roy Guy s'estant mis en fuite estoit decedé, ne sembla plus auoir affaire que laisser ses Gouverneurs en chaf-

que prouince (entre lesquels Othon Duc de Saxe ayeul du premier Othon Empereur, eut le gouuernement du pays de Milan) & remener son armee en Allemagne. Si est-ce toutesfois que les affaires de ses ennemis n'estoient point encores si deplorees, que Lambert fils du Roy Guy ne vint à se remettre sur pied aussi tost qu'il fut party; ne se contentant point seulement du tiltre de Roy d'Italie, qu'il portoit ia du viuant de son pere. Mais aussi se portant pour Empereur, apres auoir prins la couronne Imperiale par les mains du Pape Formose. Encore que Berengier ayant descouuert que sa vie n'estoit pas en seureté aupres de l'Empereur, se fust desrobé de luy & rendu maistre de la cité de Paue; où il sembloit estre en chemin de recouurer toutes ses pertes, si les Seigneurs d'Italie craignans la vindication & cruauté à laquelle ils sçauoient bien que son esprit estoit addonné, n'eussent mieux aimé accompagner Lambert à recouurer la cité de Paue. dont Berengier fut en fin contrainct l'abandonner, & s'aller cacher vne espace de temps à Veronne; n'ayant forces pareilles pour opposer à ses ennemis. Luitprand, Regino, Marianus Scotus, Onufrius.

CEPENDANT l'Empereur Arnoul ramenant son armee en Allemagne, la fit passer par la Bourgongne Transurane, à intention d'en desnichier le Roy Rodolfe, qui toutesfois se maintint si vaillammét, que force fut à l'Empereur de passer outre. Et pource qu'il ne luy pouuoit faire pis, à vne Diette qu'il alla tenir en Allemagne, il fit donation d'aucunes des terres que tenoit le Bourguignon, à Louys Roy de Prouence. Ce qui seruit aussi peu au donnant qu'à l'acceptant, pource que l'occupateur ne s'en laissa deposseder. Regino.

ZVENDIBOLH Roy des Esclauons de Moraue & Duc de Boëme, mourut en vn hermitage, où il s'estoit (comme disent Dubrauius & Æneas Syluius) rendu hermite: laissant son Roiaume à deux fils qu'il auoit, nommez Moemarus & Suatebogus, qui en furent bien tost apres miserablement deietrez par les Hongrois: tesmoin Regino & Auentin. Munster en sa Cosmographie adiouste que les Polonois, Boëmiens & Silesiens se firent vn Roy apres luy, pource qu'ils auoient esté ses subiects en son viuant.

GREGOIRE fils de Dongald Roy d'Escoffe, mourut en la 18. année de son regne, apres auoir resigné & mis son Roiaume entre les mains de Donald 5. du nom, fils du feu Roy Constantin second, qui le gouerna du consentement des Escossois, l'espace d'vnze ans. Hector Boëth. liu. 11.

LE corps de saint Denis Areopagite, qu'on estimoit estre en l'Abbaye de saint Denis en France, fut en ce temps desrobé, & transporté par l'Empereur Arnoul à Ratisbonne en Bauiere: comme Othon de Frising. l'Abbé d'Vrsperg & Auentin afferment & monstrent par beaucoup de demonstrations. Mais les François, mesmemét les moines de saint Denis ont tousiours debattu du contraire, maintenans qu'il est encores deuers eux. De forte qu'il y en eut procez intenté à Rome souz le Pape Leon 9. Vvittikinde de Saxe liu. 2. & ledit Abbé d'Vrsperg, avec Cuspinian, semblent faire pour eux, en ce qu'ils tesmoignent que Charles le Simple enuoya cy apres à l'Empereur Henry premier, l'vn des bras dudit Saint.

<i>Du Monde.</i>	5032	<i>Papes.</i>	5	<i>R. des Escossois.</i>	1
<i>De Iesus Christ.</i>	895	<i>E. de Grece.</i>	10	<i>R. des Anglois.</i>	24
<i>Indiction.</i>	13	<i>E. d'Allemagne.</i>	8	<i>Ducs de Venise.</i>	8
<i>De l'Hegire 282. le 28.</i>		<i>R. des François.</i>	8	<i>R. d'Italie.</i>	7
<i>de Feurier.</i>		<i>R. de Leon.</i>	1	<i>R. de Bourgongne.</i>	7

EN vne assemblée des Princes & Seigneurs d'Allemagne, l'Empereur Arnoul institua & inuestit de leur consentement son fils bastard nommé Zuendibolch Roy de Lorraine, où il regna iusqu'au trespas de son pere. Regino.

A v mesme Parlement aussi le Roy Eudes alla trouuer l'Empereur, pour reconfermer l'alliance qui estoit entr'eux. Les Historiens Allemans se persuadent que ce fut pour reprendre le Roiaume de luy, comme s'il y eust eu aucun droit. Si est-ce cependant qu'apres qu'il eut esté receu fort honorablement, & eut impetré ce qu'il vouloit, que Zuendibolch Roy de Lorraine, vint vn peu apres le retour d'iceluy en France assieger la ville de Lion,

Lion, comme pour la remettre entre les mains du Roy Charles, duquel il feignoit tenir le party, encore que ce fust pour en faire son profit. Mais aussi tost qu'il fut aduertý qu'Eudes marchoit en gráde puissance contre luy, la crainte luy chaussa si hastiement les esperôs, & à toute son armee, qu'il ne dóna le loisir aux François de le trouuer deuant Lyon. Regino. Flodoard en la vie de Fulco Archeuesque de Reims, declare que l'Empereur Arnoul fauorisa en ceste guerre vne fois le Roy Eudes, & autresfois le Roy Charles. Tellement qu'il vint courir les terres du diocèse de Reims: d'autant que l'Archeuesque Fulco n'auoit obtemperé à vn commandement qu'il luy auoit fait. Et que puis apres le Roy Eudes vint assieger la cité de Rheims, d'où il fut repoussé par l'armee du Roy Charles.

Les Grecs occupans encore la ville & Duché de Beneuent, vn seigneur nommé Vido ou Guy, que Leon d'Hostie en la Chronique du Mont Cassin appelle Duc & Marquis, leur commença la guerre à si bon escient, qu'il les dechassa de Beneuent & s'en mit en possession, en laquelle il demeura deux ans.

BORSIVOIVS ou Beriuius 12. Duc de Boême fils de Hostiuitius, fut par la predication de Methodius Euesque de Moraue, conuertý à la Religion Chrestienne, & baptisé ceste année (selon Æneas Syluius) avec sa femme Ludmilla, de laquelle il eut Spitignee & Vratisslaus, qui luy succederent l'un apres l'autre en la Principauté de Boême. Ausquels Dubrauius adiouste Boleslaus: disant que les Boëmiens enuoyerent premierement Beriuius en exil, pource qu'il s'estoit fait Chrestien, prenant vn Stomyrus pour leur Duc en son lieu. Lequel toutesfois ils reietterent bien tost apres pour reprendre ledit Beriuius. Dubrauius.

DOM Ordogne Roy de Leon en Espagne mourut (selon Roderic) en l'Ere 932. qui se rapporte avec le 894. de nostre salut: laissant deux fils, Alfonse & Raymire; lesquels toutesfois ne luy succederent point: pource que Froila 2. du nom leur oncle paternel les debouta par force de leur succession paternelle, & s'empara du Roiaume de Leon: lequel toutesfois il fut contrainct de laisser quatorze mois apres, par sa mort qui le prit en l'Ere 933. Au moyen dequoy les seigneurs d'Espagne rendirent (selon l'opinion de Roderic & d'autres) le Roiaume à Dom Alfonse fils de Dom Ordogne. Combien qu'Alfonse Carthagene & Franc. Tarafa, sont d'avis que ce fut au fils aîné dudit Froila, qui se nommoit aussi Alfonse: & auoit trois freres, Raymire, Ordogne & Froila. Tant y-a que celui qui tint la couronne, fut quatriésme du nom, & regna depuis la 933. de l'Ere l'espace de cinq ans, sept mois.

Vne nouuelle armee de Normans partie du pays de Noruerge, souz la conduite d'un Capitaine nommé Rollo, se transporta ceste année en Angleterre, en intention de s'y accommoder avec ceux de leur pays qui y estoient habitez. Mais les trouuans en paix, ne se delibererent d'en partir deuant que d'auoir fait faicts d'armes sur les Anglois. Albert Crants dit que ce fut sur les Northumbriens qui auoient leur Roy Alstanus, lesquels il mit deux fois en route. Somme qu'ils les laisserent en fin en paix, pource que Rollo fut aduís de reprendre la route de France par vn songe qui luy aduint. Vvillelmus liure 2. chap. 14. & Polydoreliu. 5. rapportent cecy à l'an 887. Mais puis que tous cōfessent qu'ils ne sont entrez en France que souz le Roy Charles le Simple, le tesmoignage d'Albert Crants semble plus receuable, qui le rapporte à l'an 895.

La guerre continuelle qui estoit entre les Bulgariens & les Grecs, donna occasion aux Sarazins de mettre sus vne armee de mer, qui souz la cōduite d'un Leon Tripolites Chrestien renié, alla courir dedans les prouinces de l'Empire, où elle mit en route l'armee de l'Empereur, dont Eustathius Admiral estoit Chef. Au moyen dequoy ils prirent encores & saccagerent la ville de Thessalonique. Cedrenus, Zonare.

<i>Du Monde.</i>	5033	<i>Papes.</i>	1	<i>R. des Escossois.</i>	2
<i>De Iesus Christ.</i>	896	<i>E. de Grece.</i>	11	<i>R. des Anglois.</i>	25
<i>Indiction.</i>	14	<i>E. d'Allemagne.</i>	9	<i>Ducs de Venise.</i>	3
<i>De l'Heure 283. le 17.</i>		<i>R. des François.</i>	9	<i>R. d'Italie.</i>	8
<i>de Feurier.</i>		<i>R. de Leon.</i>	2	<i>R. de Bourgongne.</i>	8
		<i>R. de Bulgarie.</i>	1		

Le mauvais traitement que Sergius & ses complices faisoient au Pape Formose : & ce qu'Estienne & Constantin Princes Romains tenoient la cité de Rome à la deuotion de Lambert, furent cause de faire repasser l'Empereur Arnoul pour la seconde fois en Italie, avec vne puissante armee, qui y estoit ia entree dès la fin de l'an precedet, & auoit mis toute la Toscane souz sa main. De sorte qu'il n'eut plus à aller ceste annee que deuant Rome, que Lambert & ses adherans se faisoient forts de vouloir defendre. Mais les Allemas l'assaillirent de telle allegresse, qu'ils entrèrent dedans par force, & y firent vne cruelle punition des ennemis du Pape & del'Empereur. Lequel apres y auoir prins la couronne Imperiale des mains dudit Pape, & le sermēt de fidelité, tant du Pape (qui le fit, au dire de Sigonius, en telle forme) [Je fais Dieu tesmoin, & tous les Saints, & iure par tous les mysteres diuins, que ie seray toute ma vie loyal & obeissant à l'Empereur Arnoul, sans porter ny donner aucune faueur à Lambert ny à sa mere : lesquels mesmes ie m'employeray du tout à empescher qu'ils n'obtiennent aucune dignité en ceste cité] que des Romains, reuint pour suiure ses ennemis. De sorte qu'il assiegea la femme du feu Roy Guy nommee Engeltrude, dedans la ville de Fermo : où il prit vne maladie (qu'on dit luy auoir esté moyēnee par vn bruuage empoisonné qui vint de ladite Engeltrude) que force luy fut de se retirer soudainement en Allemagne, ou pour se faire penser, ou pour changer d'air. Au moyē de quoy Lambert qui s'estoit allé cacher dedans les montagnes de la Toscane, se remit incontinent au dessus. Luitprand toutesfois semble estre d'aduis liu. 1. chap. 9. 10. 11. que son pere Guy mourut seulement à ce voyage, que Regino rapporte à ceste annee. Combien qu'Onufrius l'a aimé mieux attribuer à la precedente : en laquelle aussi il estime que le Pape Formose mourut le 4. iour de Decembre. De quoy ie ne veux point debattre, n'ayant argument vallable pour calanger l'opinion de l'un plustost que de l'autre : quand ie considere le temps que Regino a vescu, & la diligence & les bons auteurs que l'autre a veu. Auquel cependant i'accorde bien que les Romains ayent esleu Boniface 6. natif de la Toscane, fils d'un Euesque, trois iours apres le trespas de Formose, qui ait aussi si peu de temps duré qu'il ne soit venu iusques au commencement de l'annee ensuiuant. Cependant si le Pape Formose a eu iuste occasion, estant si sainct comme on dit qu'il a esté, de faire reuenir l'Empereur Arnoul en Italie : & qu'iceluy Empereur n'y soit retourné qu'à son instance & requeste, c'est merueilles que le Concile tenu cy apres souz le Pape Iean 9. à Rauenne, appella le courōnement de l'Empereur Arnoul fait par Formose, barbare, & ayant esté extorqué par surreption.

ROLLO (tesmoin Albert Crants) entra ceste annee par la bouche de la Seine en la Neustrie avec sa troupe. Sigebert nous fait mention souz la mesme annee d'un qu'il nomme Hundeus Roy des Normans, qui fut baptisé & tenu sur les fons par le Roy Charles le Simple. Qui a fait penser à Auentin en son quatriesme liure, que c'est luy qu'on appelloit autremēt Rollo, à qui la Duché de Neustrie fut donnee en appennage avec la fille dudit Roy. Ce qui est incompatible avec l'aage qu'il auoit lors, pour estre pere d'une fille ia mariable. Cependant s'il est quelque chose de ce Hundeus (selon les autres Hontho) ie le prendrois plus volontiers pour Hastings, à qui les Historiens de France disent que la Comté de Chartres fut donnee, apres qu'il eut receu le Baptisme, plustost que pour Rollo : d'autant que Regino qui viuoit alors, n'eust ignoré ne teu les grādes choses qu'on dit qu'il fit en France, auant que de se faire baptiser : si ce n'estoit que Glaber tesmoigne que Hastings estoit natif d'un village d'aupres de Troyes en Champagne. Mais il se pourroit bien faire que ce fut de ceste flotte de Normans, avec lesquels le Roy Charles voulut entrer en cōfederation, pour se seruir d'eux à retirer son Roiaume des mains de ses ennemis, s'il n'eust

s'il n'eust esté destourné de ce faire par Fulco Euesque de Reims, pource qu'ils estoient encore payens & idolatres, luy remontrant en ceste sorte : *Quisquis vobis sicut oportet fidelis est non expauescat vos inimicorum Dei amicitiam velle, & in cladem ac ruinam nominis Christiani pagana arma, & fœdera detestanda suscipere? Nihil enim distat utrum quis se paganis societ, an abnegato Deo idola adoret.* Et apres auoir confermé son propos par plusieurs autres arguments & raisons, entre lesquels il disoit qu'il ne s'estoit encor veu vn seul de ses predecesseurs depuis qu'ils eurent renoncé au Paganisme, qui se fust seruy de telles manieres de gens, il conclud finalement en ces mots, que *Melius fuerat vos non nasci, quam Diaboli patrocinio velle regnare, & illos iuuare quos deberetis per omnia impugnare.*

MO EMARVS & Suatebogus Princes de Moraue, commencerent en ce temps à se guerroyer cruellement l'un contre l'autre, à l'occasion des partages: en quoy Suatebogus fut supporté de l'Empereur. Auentin.

ENVIRON le mesme temps l'Empereur Leon enuoya deux vaillans Capitaines, Eustathius & Andronicus, faire la guerre aux Sarrazins d'Orient: sur lesquels ils gaignerent beaucoup de belles victoires, selon Cedrenus. Mais ses affaires se porterent plus mal en Italie: car vn seigneur Guy, que la Chronique du Mont Cassin appelle Duc & Marquis, dechassa la garnison d'iceluy de la cité de Beneuent, & s'en rendit possesseur l'espace de deux ans.

Du Monde. 5034	Papes. 1	R. des Escosson. 3
De Iesus Christ. 897	E. de Grece. 12	R. des Anglois. 16
Indiction. 15	E. d'Allemagne. 10	Ducs de Venise. 10
De l'Hegire 284. le 6. de	R. des François. 10	R. d'Italie. 9
Feurier.	R. de Leon. 3	R. de Bourgongne. 9
	R. de Bulgarie. 2	

LAMBERT Roy d'Italie s'estimant estre venu au dessus de ses ennemis, commença à deuenir trop rigoureux enuers ses subiects. De sorte qu'il fit trancher la teste à Maginfroy Comte de Milan, pource qu'il luy auoit esté tousiours desobeissant depuis cinq ans. Qui fut cause que les seigneurs d'Italie le prindrent en telle haine, qu'elle effaçà non-seulemēt celle qu'ils portoient à Berengier, mais aussi fit qu'Albert surnommé le Riche (pource que c'estoit le plus pecunieux & opulent seigneur de toute l'Italie) Marquis de la Toscane, ou de Lucques, & le Comte Hildebrand se rebellerent ouuertement contre luy, iusques à l'aller assieger dedans la ville de Paue; s'estimans si forts qu'ils n'estimoient pas qu'il leur fust de besoin de se donner plus garde de luy. A quoy il prit si bien garde, qu'il leur alla par vne nuit, avec cent chevaux seulement, donner vne chaulde alarme dedans leur camp. Lequel se trouuant surpris, fut facilement deffait & mis en route, demeurās les Chefs prisonniers. Ausquels comme il pensoit faire receuoir la mort, la sienne luy fut auancee par le fils du feu Comte Maginfroy, duquel il se seruoit de Secretaire.

ENTRE l'Euesque de Vvircembourg & les enfans du Duc Henry de Bamberg en Allemagne, s'esleua vne grande querelle, à l'occasion de laquelle furent faicts de grands meurtres & degast de pays. Regino.

N'ESTANT la guerre qui estoit en France pour la querelle de la couronne encore asopie, Rodolfe Comte de Cambray, frere ou (selon Regino) fils de Bauldouin Comte de Flandres, se faisit en faueur du Roy Charles des villes de Peronne & de S. Quentin, sur Hebert fils de Pepin Comte de Vvermandois, qui tenoit lors le party du Roy Eudes: lequel aussi venant à son secours, accompagné d'une troupe de Normans, tua le Comte Rodolfe en vne rencontre. Au moyen dequoy il recouura non-seulement les villes qu'on auoit ostées au Comte Hebert, mais aussi prit la ville d'Arras sur ses ennemis: laquelle toutesfois fut bien tost apres regaignee par le Comte de Flandres: comme Iacques Meyer recite en sa Chronique de Flandre. Toutesfois Flodoard és vies des Archeuesques de Reims, declare par vne Epistre del'Archeuesque Fulco, escrite au Pape Estienne successeur de Formose, que la paix se fit ceste annee ou la precedente, par l'entremise dudit Fulco entre les Rois Charles & Eudes. Dont il se peult faire que ce fut par ceste reconcilia-

tion, qu'une partie du Roiaume fut laissée à Eudes, en quittant l'autre, ainsi qu'a esté dit cy dessus. Qui plus est, j'ay veu des tiltres de toutes les années d'iceluy iusques à la dixiesme, outre les deux prementionées cy dessus, qui attestent qu'il a esté recogneu pour Roy iusques à son trespas, au Comté de Troyes : la datte desquelles est telle: *Actum Trecae ciuitate*. Autres: *Actum Lugaria villa*. Autres: *Medio Sequana an. 5. 6. 7. 8. 9. 10. Regnante domino nostro Odone gloriosissimo & piissimo Rege*. Vn de la sixiesme année d'iceluy. *Ego Archembaldus pro remedio ac salute anime piissimi dilectissimi que senioris mei Domini Odonis Regis nihilominus addita deprecatione carissimi genitoris nostri Abbatis Erchengarij ex Cœnobio Dervensido, & signum Archembaldi qui hanc donationē fieri rogauit, & Adelelmi Comitis Trekarum qui consensit. Actum Trecae ciuitate*. De laquelle ledit Adelin se dit en vn autre, *Diuina suffragante gratia Comes*: nonobstant qu'il ne fust que beneficiaire.

ESTIENNE natif de Rome, fils d'un Prestre nommé Iean auparauant Euesque d'Anagnie, fut par la faction de Sergius & de ses complices, esleu le sixiesme iour de Ianuier de l'an precedent (selon Onufrius) combien que par le tesmoignage de Regino, ce doit auoir esté ceste-cy, pour tenir le siege Papal (auquel on fait cōpte qu'il presida vn an, deux mois, dixneuf iours. A cause dequoy Leon Hostiensis & Sigebert, disent que ce fut luy qui cassa & annulla tous les actes & decrets du Pape Formose, & fit tirer son corps hors du sepulche pour le faire ietter dedans le Tybre. Mais Luitprand liu. 1. chap. 8. afferme que ce fût Sergius son ennemy, apres qu'il fut esleué à la Papauté par Adalbert Marquis de la Toscane. Combien qu'Onufrius ne l'a mis au nombre des Papes que lōg temps apres. Selon lequel aussi ledit Estienne mourut ceste année, le 24. iour de Mars; & eut pour successeur en son siege Romanus fils de Constantin, frere du feu Pape Marin, qui mourut le 19. iour d'Aoust, 4. mois, 23. iours apres son eslection : ayant fait remettre en terre le corps de Formose, & restably les actes d'iceluy en leur valeur, faisant place à Theodore 2. du nom citoyen de Rome, qui dura encores moins que luy, pource qu'il mourut 20. iours apres. Au moyen dequoy Iean 9. ou 10. du nom, fut dès le lendemain de son trespas, mis en son lieu; où il presida 2. ans, 15. iours : ayāt eu Sergius pour competeur de la Papauté, qui l'auoit ia briguee cy deuant, & tenoit avec ses adherans toute la ville de Rome en factions & partialitez. Tellement qu'on pense que par eux la vie fut accourcie aux Papes qui ont si peu duré en ce temps, pource qu'ils estoient de faction contraire. Cela est finalement à obseruer és Papes de ce siecle, que la plupart d'eux, au tesmoignage mesme d'Onufrius, ont esté fils de Prestres ou d'Euesques.

L'AN 286. de l'Hegire, (si le nombre n'est corrompu, au liu. 19. chap. 25. de l'Histoire sacree de Guillaume de Tir) vn nommé Abdalla fils de Hab, fils de Huffereth, fils du grand Hali, partant de la grande cité de Semelia en Occident, se vint rendre en Afrique desguisé (comme dit Iean Leon liure 5. de l'Histoire d'Afrique) en habit de Pelerin: où se feignant estre du commencement de la race & parenté de Mahomet, fit si bien par ses ruzes & palliations, qu'il gaigna en peu de temps la faueur & amitié des Maures. De telle sorte qu'il s'empara par leur aide de la Principauté de Cairaran, estant le premier qui (au rapport du mesme auther) s'en fit nōmer Calife, non comme successeur de Mahomet, mais de son grand ayeul Haly; lequel il exaltoit & magnifioit comme Prophete plus excellent beaucoup que Mahomet. A cause dequoy fut introduite vne secte dissemblable de religion & de ceremonies en Afrique par luy, de celle des Mahumetistes: où elle eut cours tant que luy & sa posterité tint la Principauté de Cairaran, qui fut comme on dit par l'espace de 130. ans. On recite outreplus qu'il se fit donner outre le tiltre de Calife le surnom de Elmahdi, qui signifie Applanissant, pource qu'il se vantoit de reduire toutes choses à tranquillité, applanissant à son peuple sans offense toutes les difficultez qu'il en pouuoient destourner: en faueur mesme duquel surnom, fit nōmer Elmahdia ou Mehedemia, vne grāde cité qu'il alla fonder sur le riuage de la mer Mediterranee, pour en faire le siege capital de tous les Roiaumes. Mais vn autre faux Prescheur s'esleua bien tost apres contre luy, se nommant le Cheualier del'Asne, & se faisant suiure d'une armee de bien quarante mille combatans. Par lequel il fut si esbranlé, qu'il se trouua sur le poinct d'estre deietté non-seulement de Cairaran, mais aussi de tout ce qu'il tenoit en Afrique, sans le secours qui luy vint bien à poinct d'un Prince de Cordouë, par le moyen duquel il se remit au dessus, & se depecha de son ennemy.

Du Monde.

<i>Du Monde.</i>	5035	<i>Papes.</i>	1	<i>R. des Escossois.</i>	4
<i>De Iesus Christ.</i>	898	<i>E. de Grece.</i>	13	<i>R. des Anglois.</i>	27
<i>Indiction.</i>	1	<i>E. d'Allemagne.</i>	11	<i>Ducs de Venise.</i>	11
<i>De l'Hegire 285. le 27.</i>		<i>R. des François.</i>	1	<i>R. d'Italie.</i>	10
<i>de Ianuier.</i>		<i>R. de Leon.</i>	4	<i>R. de Bourgongne.</i>	10

Le Pape Ican se voulant venger de Sergius & de ses complices, ou bien se munir contre leurs factions & menées, fit ceste année assembler & celebrer vn Synode de 70. Euesques à Rauenne: outre lesquels aussi l'Empereur Lambert s'y trouua & assista. Tellement qu'il y veit son couronnement & consecration ratifiée & confirmée: & celle de l'Empereur Arnoul faicte par le Pape Formose non-seulement abrogée & annulée, mais aussi dicte barbarique, & extorquée par surreption. Nonobstant que le Concile fait par le Pape Estienne sixiesme contre Formose, & les choses faictes & executees contre le corps & contre la memoire d'iceluy furent condamnées & anathematisees: sans toutesfois deroger aux autres actes d'iceluy Estienne; si non que pource que Formose auoit esté cõtre la coustume esleué del'Euesché du Port au siege Romain, fut déclaré que celà s'estoit fait par necessité, & ne deuoit pas estre comme loy ou reigle tiré en consequence. Finalement encore fut ordonné contre l'ordonnance du dernier Pape Adrian, que les Papes apres estre esleuz, ne seroient consacrez que les Deputez ou Ambassadeurs des Empereurs ne fussent presents. En quoy se peult voir qu'il n'y auoit aucun arrest ny tenué es Conciles & decrets des Papes d'alors, trouuans tousiours Euesques souscriuans à leurs volonte & intentions, quand le dernier faisoit ou deffaisoit ce que le premier auoit ordonné ou defendu. Cependant l'Empereur Lambert reuenue de ce Synode, se depescha (ainsi que recite Sigonius, qui a monsté par vne ancienne chartre qu'il n'estoit pas encore decedé ceste année le dernier iour de Septembre) de ses ennemis qui auoient conspiré contre luy en la maniere exposee cy dessus, fut inesperément mis à mort par le fils du feu Comte Magnifroy, duquel il se seruoit de Secretaire: qui pour venger le tort fait à son pere, l'assomma dedans son liest. Au moyen dequoy les prisonniers qu'il tenoit eslargis, aiderent à Berengier à se remettre en possession du Roiaume d'Italie: laquelle il ne faisoit à peine que gouster, quand vne armee de Hongrois se vint par l'Aquilee monsté dedans l'Italie: qui toutesfois en partit bien viste, quand Berengier se fut avec sa puissance présenté deuant eux: ainsi que racompte Luitprand, qui en descriuant au mesme lieu les merites & bonnes parties qui auoient esté en l'Empereur Lambert, dit en bon Prestre, ou selon l'opinion que ceux de sa nation ont coustume d'auoir d'eux: *Quod si non immatura morte praeceptus esset, vnus post Romanos totum sibi terrarum orbem subiecisset.* Nonobstant qu'il n'eust pas eu le moyen de chasser vne poignée de Sarrazins du Fraxinette, où ils faisoient mille maux à toute l'Italie.

EVDES ou Odon, apres auoit gouuetné le Roiaume de France enuiron l'espace de dix ans, mourut (tesmoin Regino) ceste année le troisieme iour de Ianuier, sans enfans. Combien que la vieille Chronique d'Angoulesme afferme qu'il laissa vn fils nommé Arnulfe, bien ieune, qui ne le suruesquit de guerres: ayant déclaré qu'il entendoit que la couronne reuint apres luy à Charles le Simple, à qui elle appartenoit de droit. A cause dequoy il ne se trouua pas vn des Princes de France, ne Robert mesme frere du Roy defunct (comme tesmoignent expressément Vittikinde de Saxe & l'Abbé d'Vrsperg) qui fissent plus du restif à le recognoistre pour Roy, & à luy rendre les devoirs de subiects & vassaux, estant certain que ceux-là se mescomptent qui estiment que Robert ne voulut iamais renoncer au droit qu'il pretendoit luy estre aduenue en la couronne, par la succession de son frere. Car il ne se trouuera point en autheur ancien, que luy ne ses successeurs l'ayent iamais querrelée souz le pretexte d'iceluy. Cependant Charles se trouuant ainsi remis au throsne de son pere, non moins par le benefice d'autrui que de son propre droit, & que les forces & la dexterité luy defailloient par son imbecillité & simplicité, à remettre la dignité Royale en sa grandeur ancienne: aduint que ce que chacun auoit occupé ou obtenu du domaine

XX

Royal souz les Rois precedents, ou pesché entre les troubles du Roiaume, cōmença souz luy (d'autant qu'il estoit contrainct ou de le consentir ou de le diffimuler) non-seulement de le retenir, mais aussi de le posséder comme heritage & patrimonial à leur posterité. En telle façon que les grandes dignitez, Duchez, Comtez, & gouuernemens des prouinces, qui ne se donnoient auparavant qu'à vie & en tiltre d'estat, deuindrent hereditaires & domaniales à ceux qui en estoient ia saisis & possesseurs : tesmōin qu'au Roy Eudes succeda en la Comté de France Robert son frere : & en la Duché de Bourgogne, Rodolphe à Richard son pere : & le Comte Herbert aux estats du Comte Herbert son pere, du viuant mesmes dudit Roy Charles : tellement qu'ils ne reseruoient au Roy que le serment de fidelité, & la recognoissance d'estre leur seigneur domināt & souuerain. Ce que l'Annaliste de Reims appelle en diuers lieux *Regi subdi, sese cōmittere, suos effici subiectionem polliceri* : où il me semble que ces manieres de parler signifioient les ceremonies & manieres de faire obseruees par les vassaux, en rendans leurs deuoirs de ligeance & d'hōmage à leurs seigneurs. Dont il semble aussi qu'on ne peult tirer d'ailleurs le commencement & origine des fiefs de la France & leurs degrez & qualitez : par lesquels ils sont dictz Royaux, principaux ou superieurs, moindres ou inferieurs & subalternes. Quoy que ie n'entens pas qu'ils ayēt esté establiz & confermez tous ensemble ou tenuz à vn coup, mais biē les vns apres les autres, selon les occasions & incidences des temps. Qui d'auāture n'en voudra excepter la Comté de Flandres (s'il est vray qu'elle ait esté donnee en heritage par Charles le Chauue) ou aucuns autres fiefs dōt les Rois & Empereurs precedents pourroiet auoir gratifié de grace speciale (s'il n'y a eu quelqu'autre consideration) quelques de leurs fauoris. Mais ie ne peux encore penser qu'ils n'ayent esté d'autre nature & cōdition, ou plus modifiez que les derniers : ou bien si petits & en si petit nombre, qu'ils n'ont semblé dignes d'estre mis en compte. Ce qui s'entendra facilement en comparant l'estat du Roiaume tel qu'il a esté deuant le trespas de l'Empereur Louys le Begue, avec celui qui s'est veu souz Charles le Simple & ses successeurs. Car au precedent tout estoit quasi domaine Royal, & les prouinces autrement departies, le Roy faisant la part à ses subiects comme bon luy sembloit. Mais souz ledit Charles le Simple on le veit distribué en sept grandes & principales prouinces, dictes Comtez, Marquisats & Duchez. Au domaine Royal & en plusieurs moindres & petites Comtez, dont les vnes dependoient des sept plus grandes comme fiefs subalternes, ainsi que les Comtez de Touraine, d'Aniou, de Blois, & autres semblables de la Comté de France : (Ce qui me fait soupçonner estre la cause pourquoy les Comtes d'Aniou ne tindrent lieu entre les Pairs depuis Hugues Capet, ne les Comtes de Champagne pour raison de leurs Comtez de Tours) la Comté de Montreuil du Comte Herbert : les autres du domaine Royal, comme celles de Noyon & de Laon, ausquelles les Rois donnerent encore long temps depuis leurs Comtes, qui estoiet comme Chastelains, à la façon & coustume ancienne. Et d'autres encore qui estoient de telle qualité que les sept grandes, reprenans immediatement de la courōne, telle que semble auoir esté la Comté de Senlis. Quāt aux grandes, la premiere & principale des sept, fut celle qu'on disoit de France & de Paris, qui comprenoit du commencement souz soy le pays d'entre la Seine & la Loire, iusques aux frontieres de Normandie. Mais Hugues le Grand l'estēdit iusques bien auant dedans la Picardie. Les autres estoient la Duché de Bourgogne, la Normandie, Flandre, l'Aquitaine, le Languedoc, qui se nommoit lors la Gothie, & celle que le Comte Hebert auoit entre ses mains souz le tiltre que noz Annalistes luy donnent de Comte de Vermandois : encore que son estendue allast iusques à la pluspart de la Champagne, Brie & Picardie. Car ce qui restoit (excepté possible la Comté de Senlis, quelques places que les Archeuesques de Reims s'attribuoient) estoit compté du domaine du Roy, qui ne l'auoit ailleurs. De sorte que ny Charles le Simple, ny les Rois Louys d'Outre-mer & Lothaire, ne se sont veuz faire leur residence & domicile ordinaire, qu'és pays qui sont au iourd'huy de la Picardie, de la Champagne & de la Brie. Mesmement que la cité de Paris n'a iamais esté siege Royal souz eux, comme ont esté Laon, Noyon, Compiègne, & autres, qui sont expressement nommees és Annales de Reims, *Regalis sedes oppida*. Or comme les sept prouinces que nous venons de nommer estoient les plus grandes & principales de toute la France : aussi ceux qui les obtindrent ne furent faictz seulement par icelles les principaux & plus puissans d'entre les seigneurs de la France, mais aussi s'attribuerent quant-

quant-&-quant le tiltre & nomination de Princes, Primats & Potentats superieurs de France: ensemble aussi Princes de leurs prouinces & des subiects à qui ils commandoient. Tellement que celuy qui estoit Duc ou Comte, ou Marquis de France, de Normandie, d'Aquitaine & de Gothie, s'appelloit aussi Prince desdits pays; & le conuertirent d'vsurpation en droit: si bien qu'ils entrèrent en ialousie de ce que Charles le Simple voulut eleuer vn de ses Conseillers à leur parage, iusques à se departir tous de luy l'an 920. Ce que vn ancien autheur François, duquel l'Abbé d'Yrsparg fait mention, recite en ceste sorte: *Cum Carolus iam totum ferè colligeret regnum, cepit quendam Haganonē ex mediocribus extollere, & supra omnes Principes diligere, adeo ut magnatibus quibusque absistentibus solus Regio lateri haberet, multaque Regij iuris ad suum ius torqueret. Vnde Primates indignati, cum nullatenus possent eum ab eius dilectione auertere, querebant illum de regno abijcere.* Mais l'Annaliste de Reims dit: *Omnes pœnè Franciæ Comites Regem suum Carolum apud urbem Sueffionicam, quia Haganonem Consiliarium suum quem de mediocribus potentem fecerat dimittere nolebat, reliquerunt.* Qui plus est, la dignité Royale fut tellement abaissée par eux, qu'ils se veirent quasi plus puissans en force & en territoire, que les Rois mesmes, depuis ledit Charles le Simple iusques à Hugues Capet: & souz les enfans d'iceluy Capet iusques à Louys le Gros & son successeur presque egaux, ne leur portans tel respect qu'ils ont fait depuis, & se maintenans en quelque concurrence de grandeur & auctorité avec eux, tant par leur propre puissance, que par le moyen des intelligences qu'ils auoient entr'eux & avec leurs voisins. Tellement que quand la nomination de Pairie ne leur auroit esté donnée au respect de la dignité Royale, ains seulement de l'auctorité commune, & egalemeut departie entr'eux, & aussi grande en l'un qu'en l'autre, encore ne leur eust-elle pas conuenu mal pour l'effect de l'egalité qu'ils auoient avec les Rois. Cependant qui prendra garde aux droits, qualitez, conditions & priuileges dont chacun d'eux se faisoient iouyr en vertu de leur primauté & principauté, ne trouuera que la dignité de Pairie en ait emporté d'autres avec soy depuis Hugues Capet, ny que qualité de Pairie (si ça esté comme on dit vne qualité de fief appelé par les anciens fief ou dignité Royale, à sçauoir qui dependoit nuement & immediatement de la couronne) ait plus ne moins esté qu'estoit la qualité de Prince maieur ou superieur, à cause des grand fiefs Royaux: à sçauoir Comtez & Duchez qu'ils tenoient de la couronne. Ce qui nous a fait dire aussi en nostre Chronique de Bourgogne Latine, qu'on les pouuoit dire Pairs: comme semblablement on a veu que les Pairs se sont appelez Princes de France: si d'auanture les degrez de precedence, & la declaration des offices d'un chacun Pair au couronnement des Rois ne semble auoir mis quelque difference. Brief, ne qu'il y ait eu aucun Pair de ceux qu'on appelloit Laics; ne fief dict Pairie, qui ne fust Prince ou successeur d'aucun de ceux qui l'estoient: & ce à raison aussi de mesme fief, deuant que Hugues Capet vint à la couronne. De sorte que s'il se fust aduisé de donner le Duché de France à aucun de ses enfans, sans la reünir & reincorporer au domaine Royal: nous eussions aussi eu sept Pairs, pource qu'il y auoit eu sept grands & principaux Princes auparauant. A cause dequoy le Comte ou Duc de Bretagne n'a esté mis au nombre des Pairs, encore que sa prouince fust des principaux & plus anciens fiefs de la France: d'autant que depuis Charles le Gros iusqu'audit Capet, elle fut comme nonchallee & abandonnée des Rois; au moyen des affaires qui leur estoient de plus pres: & qu'elle n'eut aucuns Princes certains ny durables, tant pour raison des guerres ciuiles & estrangeres qu'ils eurent quasi continuellement entr'eux, & contre les Normans delà la Loire (auxquels elle semble auoir esté pluſtost donnée souz le Roy Rodolfe, qu'à ceux de la Neustrie) qui par icelles en furent expulsez, ou se dechassoient & destruisoient l'un l'autre. Aussi quand elle fut en fin venue entre les mains de ceux qui apres l'auoir totalemēt deliurée de la puissance des estrangers, sans moyen d'autrui, la reduirent fermement en leur obeissance, ils desdaignerent de se confesser vassaux de la couronne de France. Dont on sçait bien qui fit acquerir le surnom de Mauclerc à Pierre Comte de Bretagne, de la race des Comtes de Dreux du temps du Roy saint Louys.

Cependant il n'y a doute que les Comtes de Champagne n'ayent succédé au lieu & degre que le Comte Herbert tenoit entre les Princes de son temps: d'autant que sa Principauté fut departie & diuisee apres son trespas entre ses enfans, en tant de pieces & lopins, qu'elle perdit sa Primauté: & que Thibault le Vieil, dict aussi le Trichard, Côte de

Tours & de Chartres, qui auoit espousé l'une de ses filles, sembla s'estre aduancé en son lieu, estant deuenu opulent de possessions en la Champagne & Brie, tant possible de ce qu'il en peut auoir du dot de sa femme, que d'usurpations qu'il fit sur le domaine Royal en temps des guerres qui furent entre Louys d'Outre-mer & Hugues le Grand, & d'acquisitions souz le Roy Lothaire: duquel il fut grandement aimé & fauorisé, dont nous auons tesmoignage qu'il s'appelloit ia Prince & Primat de France dès l'an 964. Nonobstant que Hugues le Grand fust encore son seigneur. (Ce que les Annales de Reims disoient *Seniorem*) pour raison de ses Comtez de Tours & autres qu'il tenoit de la Duché de France. Ioinct que finalement les fils du Comte Herbert decederent les vns apres les autres sans enfans: ou ceux qu'ils eurent ne durerent gueres apres eux. Au moyen dequoy leur succession reuint partie à Hugues Capet, partie à Odon second (que l'on dit auoir esté premier portât tiltre de Comte de Champagne; encore que son pere Eudes ou Odon fils de Thibauld le Vieil, eust esté surnommé le Champenois) qui se disoit de droict maternel heritier d'eux. De sorte que Eudes s'empiea souz ce pretexte des Côtez de Troye & de Meaux. Par mesme raison aussi se peult entendre comment la Primauté des Marquis de Gothie est venuë aux Côtes de Tolose: pource qu'il est certain que les Tolosains, soit de leur part, soit des Comtes de saint Gilles, prenoient l'origine de leur race des Marquis, & que la Comté de Tolose estoit le principal membre du Marquisat de Gothie, qui fut depuis appelée la Comté de saint Gilles, & se nomme maintenant le Languedoc. Qui plus est, ce que quasi tous les Comtes de Tolose & de saint Gilles porterent le nom de Raymond ou de Ragemund, m'est indice de l'honneur & faueur qu'ils portoient à la memoire de ce premier Ragemund, qui fit le Marquisat hereditaire: s'estimans prendre la source de leur race & maison en luy. Qui pourroit aussi estre la cause pourquoy le nom des Guilleaumes fut cōme hereditaire en la famille des Ducs d'Aquitaine. Somme qu'on peult par ce que nous venons de dire assez probablement entendre pourquoy les Comtes de Tolose & de Champagne ont esté du nombre des Pairs & Princes de France. Quant à la nomination de Pairie, comme ie ne sçay bonnement, ne quand, ne souz quel Roy elle a esté premierement donnee aux plus grands Princes de France, ne qui a esté l'auteur de la reduire au nombre de douze: adioustant six Ecclesiastiques aux six Seculiers: ne mesmes qui a departy & designé son degré & office à chacun d'eux, aux Sacres & Couronnements des Rois: aussi ne voudrois-je point debattre que quicōques a esté l'instituteur des Clercs, ne les ait voulu apparier aux autres, ou en l'honneur de l'Eglise, ou pour resdre la Cour plus celebre, & le nôbre de ses Pairs plus venerable & auguste, par l'association des Ecclesiastiques avec les Laics. Ensemble aussi qu'il n'ait choisi d'entre les Ecclesiastiques ceux qui estoient lors ses Conseillers plus fauoris & en plus grand credit enuers luy, donnant pour l'amour d'eux ce mesme rang hereditaire à leurs successeurs. Neantmoins toutesfois ie me tiens bien acertené que ceste institution estoit ia faicte deuant l'an 1200. cōme ie pourrois facilement demonstrier par beaucoup de bons tesmoignages, si d'autres ne m'auoient exempté de ce labeur. Outre lesquels ie ne sçay si i'oserois faire mise d'un que i'ay trouué en vne ancienne Chronique non imprimee, qui semble auoir esté faicte quelque peu apres l'an mil trois cens; qui declare que les Electeurs de l'Empire estoient vulgairement appelez Pairs: & qu'il y en auoit douze qui eslissoient l'Empereur, & le presentoiēt au Pape pour estre couronné: mesmement dès l'an 1192. (dont on pourroit presumer que les Pairs de France ont esté instituez à l'imitation de ceux d'Allemagne: ou bien ceux d'Allemagne à l'imitation ou emulation de ceux des François:) d'autant que ie n'ay trouué le semblable auoir esté escrit en aucun autre auteur: & qu'il seroit bien mal-aisé de prouuer qu'il n'y eut que douze Electeurs des Empereurs deuant qu'ils fussent reduits au nombre de sept. Nonobstant que ie ne suis pas hors d'opinion qu'il n'y ait eu de l'emulation de la part des François ou des Allemans en l'erection de leurs Pairs & Electeurs: & que ceux qui ont esté introduits les premiers n'ayēt suscitē l'enuie de faire venir les autres bien tost apres. Car on peult bien aisément remarquer es plus fideles Histoires, qu'on n'a pas commencé de parler des vns guerres de temps deuant les autres. Si est-ce toutesfois qu'il ne greuera rien de voir icy les propres mots de nostre auteur, afin qu'on en iuge ce qu'on voudra: lesquels il adioute sur la fin, apres auoir exposé la forme, ceremonies & manieres de faire qui furent tenuës au couronnement de l'Empereur Henry fils de Frederic

deric Barberouffe 1192. *Eligitur autem & præsentatur Imperator saltem per litteras à XII. Principibus Alemanie, qui vulgariter Pares vocantur.* Combien qu'il se pourroit faire que les Efcruains auroient là mis XII. pour VII. & que l'auteur auroit estimé que les Empereurs s'eslisoient auparavant, comme de son temps. Cependant celà est digne d'observation, que de tous les Prelats de la France il n'en a esté mis aucun au nombre des Pairs, que de ceux dont les Eueschez & villes cathedrales estoient anciennement comprises souz les villes & pays qui furent reseruez à Charles le Simple & à ses fils, pour leur siege & domaine Royal, où ils faisoient leur manoir & domicile ordinaire: ou pour le moins qui ne releuoient leurs fiefs & terres beneficales que du Roy: comme ie pense auoir demonsté plus clairement & particulierement en nostre Chronique de Bourgogne. Qui est cause de me faire-faire icy ce propos plus court.

A P R E S le Duc Guy Adalgise occupa la cité de Beneuent, & en fut possesseur l'espace de deux ans. Chronique du Mont Cassin.

Du Monde.	5036	Papes.	2	R. des Esglises.	5
De Iesus Christ.	899	E. de Grece.	14	R. des Anglois.	28
Indiction.	1	E. d'Allemagne.	12	Ducs de Venise.	12
De l'hegire 186. le 16.		R. des François.	2	R. d'Italie.	1
de Ianuier.		R. de Leon.	5	R. de Bourgogne.	11

CONSTANTIN fils de l'Empereur Leon nasquit enuiron ce temps, & fut baptisé par le Patriarche de Constantinople. Cedrenus.

ZVENDIBOLCH Roy de Lorraine, faisant mauuais mesnage avec les Lorrains, donna occasion au Roy Charles de mener vne armée contre luy, qui le deiecta quasi totalement de son Roiaume. Si est-ce toutesfois que tant de gens s'entremeslerent de les mettre d'accord, que par la conclusion d'iceluy, Charles remena son armee en France: estât l'Empereur Arnoul si fort apprehendé lors de maladie, qu'il en mourut le 27. ou selon d'autres le 30. iour de Decembre, laissant vn fils legitime nommé Louys, aagé seulement de sept ans, que les Princes de l'Empire declarerent Empereur au lieu de son pere, apres luy auoir ordonné Othon Duc de Saxe & Harro Archeuesque de Mayence, tuteurs & gouverneurs de sa ieunesse. Tellement que l'Empire fut gouverné tant par luy qu'en son nom l'espace de douze ans. Marianus Scot. Herman Contract.

LES Hongrois ayans tasté de l'Italie, furent affriandez d'y retourner ceste année en plus grand nombre qu'auparuant. De sorte qu'ils firent cruellement sentir à toute la Lombardie leur barbarie. Si est-ce toutesfois que quād Berengier eut amené toute la puissance d'Italie contre eux, qu'ils demanderent de se retirer en leur pays, à composition de laisser tout le pillage qu'ils auoient fait. Ce que leur estant refusé, force leur fut de combattre l'armée des Italiens, si desesperément qu'ils la mirent honteusement en route, apres en auoir fait vne horrible boucherie: dont ils contraignirent le Roy Berengier de composer avec eux d'une grāde somme de deniers pour les faire retirer en leur pays. Or pource que le desastre sembloit estre aduenü à l'Italie par la faulte & negligence de Berengier: & d'auantage qu'il se monstroït trop addonné à ses plaisirs & voluptez, les inimitiez des Italiens (qui sont de tout temps coustumiers de se reuolter pour peu d'occasion contre leurs Princes) se commencerent à resouldre contre luy plus asprement que iamais. De sorte qu'Albert Marquis d'Iuree, espoux de sa fille unique Gilla, fut l'un de ceux qui avec beaucoup d'autres Princes d'Italie, enuoyerent Ambassades expressees à Louys Roy de Prouence, fils du Roy Boson, pour le faire venir prendre les affaires d'Italie en sa main. A quoy il ne faillit, s'y estant transporté avec vne bonne armee. Mais Berengier n'estoit encore si abandonné, qu'il ne luy mist au deuant vne plus grande armee que la sienne: qui le fit tellement deffier de sa fortune, qu'il aima mieux (cōme recite Luitprand liu. 1. ch. 11. & liu. 2. ch. 4. 5. 6.) composer avec Berengier de remener son armee en son pays, par promesse de ne plus rien venir chercher puis apres, ny quereller au Roiaume d'Italie, que de commettre sa cause au

hazard du combat. Combien que Regino & Marianus Scotus en parlent bien autrement: selon lesquels le Prouençal fit longuement la guerre à Berengier, iusques à ce qu'il l'eut luy-mesme contrainct de quitter l'Italie & s'enfuir en Allemagne. Cependant nous rapportons l'arriuee d'Iceluy en Italie à ceste annee, suiuant le tesmoignage d'Onufrius & de Sigonius.

<i>Du Monde.</i>	5037	<i>Papes.</i>	1	<i>R. des Escossois.</i>	6
<i>De Iesus Christ.</i>	900	<i>E. de Grece.</i>	15	<i>R. des Anglois.</i>	29
<i>Indiction.</i>	3	<i>E. d'Allemagne.</i>	1	<i>Ducs de Venise.</i>	13
<i>De l'Hegire</i>	287. le 5. de	<i>R. des François.</i>	3	<i>R. d'Italie.</i>	2
<i>Ianvier.</i>		<i>R. de Leon.</i>	6.	<i>R. de Bourgogne.</i>	12

Les Lorrains ne pouuans plus dissimuler du mauuais traitement que Zuendibolch leur Roy leur faisoit, se donnerent à l'Empereur Louys son frere, qui enuoya vne armee pour les prendre en sa protection. Et pource que Zuendibolch se voulut defendre, force fut de luy donner bataille, en laquelle il fut tué au mois d'Aoust: laissant son frere en possession paisible par sa mort du Royaume de Lorraine. Regino.

D'AVTANT que Louys Roy de Prouence auoit esté legerement abandonné des Princes & Seigneurs d'Italie, qui l'y auoient fait venir, d'autant aussi fut legerement remandé par eux pour y retourner: ainsi que recite Luitprand & Sigonius. Tellement que se fiant en leurs promesses, il repassa avec plus grandes forces qu'auparauant en l'Italie: où il fit quitter la ville de Paue à Berengier, pour s'aller sauuer à Veronne. Parquoy les Princes & Seigneurs de son party le firent couronner Roy d'Italie. Ce qui se prouue par les anciennes chartres estre aduenue ceste annee.

A v mesme temps Adelgise Prince de Beneuent mourut, laissant sa succession à vn Atenulfe Gouverneur & Chastelain de Capua, & à son fils Landulfe, qui la possederent avec leur posterité iusques à 162. ans apres, qu'ils en furent deiettez par les Normans: nonobstant que les Sarrazins leur donnassent beaucoup de facheries: au commencement desquels mesmes ils receurent vne lourde estrille ceste annee en vne rencôtre. Leon d'Hostie en sa Chronique du Mont Cassin.

ENVIRON ce mesme téps le pays de Castille fut erigé en Comté côme il est de present, par Ferdinand Consaluc, qui la prit en fief du Roy Leon, & s'en nomma Comte. Franciscus Tarafa.

Les Hongrois souz pretexte de vouloir reduire en l'obeissance du ieune Empereur les Morauiens & leurs Princes, qui s'en estoient de nouveau estrangez, entrerent souz la conduite de leur Roy Cusula à grande puissance dedans la Morauie: mais c'estoit pour la prendre pour eux-mesmes, comme ils firent. Car apres qu'ils eurent tué en vne rencontre les deux Princes, Moemarus & Suatebogus, ils ne se contenterent pas seulement de s'en enfaifiner, mais aussi passans le Danube entrerent dedans le Roiaume de Bauiere: où ils firent des maux si estranges & horribles par leur barbarie, qu'il n'y eut armee qui s'osast presenter deuant eux. Au moyen dequoy ils se mirent encore en possession de la basse Pannonie, dicté maintenant Autriche, qui estoit lors dependante du Roiaume de Bauiere: laquelle leur demeura iusques au temps de Henry 2. Duc de Bauiere. Abbé d'Vrsperg, Auentin liu. 2.

VNE armee de Sarrazins partie d'Afrique aborda au pays de Calabre: la pluspart de laquelle ils mirent en leur puissance, & tindrét la ville de Cossence assiegee en voye de l'emporter, si leur Roy n'eust esté frappé & occis de la foudre du ciel, qui les fit retirer: selon Sabellic. Mais Glaber Rodolfe moine de Clugny, qui commence son Histoire ceste annee, parle bien diuersement de ceste descente de Sarrazins en Italie: lesquels il dit y estre venuz souz la conduite d'un Roy nommé Algalif, & s'en estre retournez avec luy en Afrique, apres l'auoir pillée, saccagée, bruslée & ensanglantée de meurtres & occisions, iusques à Beneuent, sans trouuer rencontre ny empeschement. Nonobstant que quelques Princes d'Italie se fussent assemblez & mis aux champs pour les repousser: mais ils ne les

osèrent

oferent approcher. Ains comme il dit, *ut sapius mos est istis modernis Italicis fugæ potius quam belli petiere remedium*. Ce qui fit trouver si bonne amorce à ceux de ceste nation là en Italie, qu'ils ne cessèrent oncques depuis de la reuenir souuent visiter, & traicter de semblables venues iusques au temps de leur Prince Almuzar, (les autres l'ont appelé Almanfor) & de l'Empereur Henry 2.

A v mesme temps Abdallia Roy de Cordouë & grand Miramolin des Sarrazins d'Espagne mourut, s'il a regné comme dit Valsus apres les Chroniques d'Alfonse 25. ans, & luy succeda à ses estats vn nommé Abderramen, qu'ils ne disent point s'il a esté son fils ou non. Combien qu'il doit selon Roderic auoir commencé de regner plustost, à cause possible que il regnoit ja avec cet Abdalia, & qu'il mena au nom d'iceluy l'armée contre dom Ordogne Roy de Leon. Ils disent aussi qu'il regna 50. ans. Mais ie ne voy point qu'aucun ait certainement parlé du temps de son regne.

A v lieu d'Antoine Patriarche de Constantinople decedé, Nicolas surnommé Mistic fut subrogé qui presida 2. ans. Zonare.

En ce temps Cyrille compagnon de Methodius Euesque de Morauie estant à Rome, pria le Pape au nom des Boëmiens de leur permettre que le seruice diuin leur fust fait en langue Boëmique. Ce qui leur eut esté denié sans vne voix qu'on ouyt en l'air, disant. *Omnis spiritus laudet Dominum, & omnis lingua confiteatur eum*. Aeneas Siluius, Dubrauius.

Du Monde.	5038	Papes.	2	R. des Escossois.	7
De Iesus Christ.	901	E. de Grece.	16	R. des Anglois.	30
Indiction.	4	E. d'Allemagne.	2	Ducs de Venise.	14
De l'Hegire 288. le 15.		R. des François.	4	R. d'Italie.	3
Decembre.		R. de Leon.	7	R. de Bourgongne.	13

LOUYS Roy de Prouence apres auoir en plusieurs rencontres & batailles deffait toute la puissance du Roy Berengier, le contraignit à la parfin de s'en fuir au pais de Bauière, l'ayant fait sortir ceste année de Veronne le 22. iour d'Aoust. Au moien dequoy il s'alla faire couronner Empereur d'Italie à Rome par le Pape Benoist quatriesme. Regino, Onufrius, & Sigonius.

LES Hongrois n'estans ignorans des dissensions qui estoient entre les Potentas d'Italie, se guiderent de ceste occasion pour y retourner faire leur fardeau comme ils auoient fait auparauant. De sorte qu'ayans passé en grand nombre par la Carinthie arriuerent en la Lombardie : où ils firent vne horrible desconfiture de gens du pais, qui s'oserent presenter en bataille deuant eux souz la conduite de l'Euesque de Verseil, qui demeura du nombre des tuez. Et apres auoir rauagé comme ils voulurent, s'en retournerent avec leur butin en leur pais. Regino, Sigebert, Bonfinius Blondus, & Sabellic, adioustent qu'ils assiegerent à ce voyage ou à l'autre la cité de Venise : laquelle fut si brauement defendue souz la conduite du Duc Pierre Tribun, que force leur fut de la laisser à leur grande honte & confusion.

LE Comte de Flandres ne pouuoit dormir de bon somme s'il n'auoit vengé la mort de son frere qui auoit esté tué cy deuant, de sorte qu'il leua ceste année vne armee par le moie de laquelle il reprit la ville d'Arras sur le Comte Hebert : lequel preoccupant la faueur du Roy Charles le fit armer à son secours. En sorte qu'il se fit par iceluy restituer non seulement la ville de Peronne : mais aussi oster la ville d'Arras aux Flamens, qui fut donnée à vn Côte qu'on nommoit Albumare. Dequoy le Comte de Flandres tant plus enflammé à vengeance, n'eut point de honte d'employer l'un de ses gens à faire assassinement tuer le Comte Herbert ou Heribert, à qui succeda en ses Comtez de Peronne & de saint Quentin, son fils Heribert (que nos Annalistes ont appelé Comte de Vermandois) qui fut l'un des sept principaux Princes de la France souz Charles le Simple, & Louis d'Outremer. Regino, Jaques Meyer.

ALFREDE ou Alfrede Roy des Anglois mourut en la 28. année, ou selon d'autres en la 30. de son regne ayant vn fils nommé Edouard qui luy succeda à sa couronne, & regna

vintg quatre ans, estant le 23. Roy depuis Cerditius, & qui par sa vaillance adiousta le Roiaume des Merciens & des Saxons Occidentaux au sien, & subiugua les peuples de Gaules. Polydo. Virgilius, Baleus, Guill. de Malmesberie.

<i>Du Monde.</i>	5039	<i>Papes.</i>	3	<i>R. des Escossois.</i>	8
<i>De Iesus Christ.</i>	902	<i>E. de Grece.</i>	17	<i>R. d'Angleterre.</i>	1
<i>Indiction.</i>	51	<i>E. d'Allemagne.</i>	3	<i>Ducs de Venise.</i>	15
<i>De l'Hegire 289. le 4.</i>		<i>R. des François.</i>	5	<i>R. d'Italie.</i>	4
<i>Decembre.</i>		<i>R. de Leon.</i>	1	<i>R. de Bourgongne.</i>	14

L'EMPEREUR Louïs estant contraint d'obuier aux entreprises des Hongrois, leua vne armee de laquelle Luitbold Duc de Bauiere eut la charge : lequel s'allant trouuer en la Carinthie où les Hongrois deuoient passer à leur retour d'Italie, en deffit vn grand nombre, & auant que le Roy Cassal, ou Cusal en fut aduerty, alla dōner sur son armee qui estoit delà le fleuve Ister, si inopinément qu'il la mit en routte, demeurant ledit Cusal occis sur le champ. De sorte que s'il eust secu pourfuiure la victoire il pouuoit facilement exterminer le reste des Hongrois. Mais pource qu'il se retira, il leur donna moien de se rallier, & de se creer deux Rois au lieu du defunct nommez Dursac & Bogol. Herman Contraët, Auentin, liure 4.

MAIS l'autre Louïs Empereur d'Italie apres auoir faict retirer Berengier en Allemagne, se mit en telle confiance qu'il ne luy pourroit plus nuire, qu'il rompit son armee & licencia ses gardes à la suggestion mesme del'Euesque Adelard de Veronne. Ce que Berengier n'eut pas plustost sceu qu'il repassa soudainement d'Allemagne en Italie (s'assurant en l'inconstance & instabilité des Italiens) & le surprit si à point dedans la ville de Verōne (par le moien que les citoiens & leur Euesque aussi hōme de bien luy donnerent d'y entrer) que le tenāt entre ses mains, il luy fit creuer les yeux le 21. iour de Iuillet: afin qu'il n'eust plus moie de se reuenger ny quereller le Roiaume d'Italie. Comme tesmoignent avec Regino qui viuoit en ce temps, Marianus Scotus, & Othon de Frisingen. Mais Luitprand & Sigonius se sont efforcez de blanchir ceste desloyauté & cruauté dont les Italiēs vsferēt enuers ce Prince qui estoit venu à leur mandemēt, souz couleur de ce qu'il estoit retourné en Italie contre son serment. Et que s'estant trouué en la maison d'Aldelbert Marquis de la Toscane, & prins garde aux richesses & magnificences qu'il y voioit, auoit dit en l'oreille à vn sien amy, que ce Marquis là sembloit son Roy plustost que son Marquis. Tellement qu'il auoit esté incité par ce mot à donner aide & moien à Berengier de venir surprēdre la ville de Veronne. Somme qu'estant ainsi mal accoustré, mourut bien tost apres soit à Rome ou ailleurs. Onufrius conuient avec les Autheurs precedens que ce fut l'an 904. seulement. Mais Sigonius s'est persuadé que ce fut ceste annee par le tesmoignage d'vne chartre dattee de l'an DCCCXI. du regne de Berengier, xv. du vii. iour d'Aoust, qui monstre qu'il estoit ja de retour & restably en Italie dès ladicte annee. Cependant la Chronique de Flodoard tesmoigne qu'il laissa vn fils qu'elle nomme Carles Constantin, qui tint cy apres la Comté & principauté de Viēne en Dauphiné: pource qu'elle dit notāmēt qu'il estoit fils de Louïs l'Aueugle. Il semble aussique le mesme Autheur nous veult signifier que Hugues fils) au rapport de Luitprand, Cuspiniā, Onufrius & Sigonius) de Lothaire Roy de Lorraine (duquel nous auons parlé cy deuant, qui fut Comte d'Arles & de Prouence) tint deuant luy la Cōté de Vienne aussi bien que celle de Prouence, à cause possible du droit qu'il y pretendoit de par son pere. Dont il s'est peu faire que par quelque accord faict entr'eux, Hugues laissa Vienne à l'autre & se retint la Prouence. Et de ce Constantin aussi i'ay quelque opinion qu'est issue la race & famille des Comtes qui portent l'Aigle en leurs armoiries, combien que d'autres les disent estre descendus de Girard de Roussillon. Lequel point toutesfois ie ne tiens pour assuré comme l'autre, que Carles Constantin fut fils de Louïs l'Aueugle, l'ayant monstre par bon tesmoignage. Nonobstant lequel toutesfois Belle-forest pour se monstrier quelque habile homme en histoire, s'est voulu opposer page 321. de ses Annales: disant

disant que cela ne se peut faire:veu que dés ce que Louïs fils de Boson fut mort (ce sont ses paroles (il y eut vn Hugues (on l'estime à tort estre issu du sang du Roy Lothaire de Lorraine) qui se fit Seigneur & Comte d'Arles & de Vienne. A quoy ie luy respondray, quâd il aura prouué sa cōclusion,& que le tesmoignage que i'ay allegué n'est pas si certain que ses faulces imaginations:& pourquoy aussi il les doit proposer pour le regard d'Hugues Comte d'Arles au iugement des Autheurs,& des raisons que nous auons allegues cy deuant.Il se fait aussi mention en vne chartre(que quelques-vns disent auoir esté veuë à Clugny,dattee de l'an 929.souz l'Abbé Odo)d'un Rodolfe fils de l'Empereur Louïs:laquelle estant vraie, qui ne pensera qu'il a esté vn autre fils dudit Louïs l'aueugle.

Les inimitiez se haussèrent en telle sorte entre les Comtes Albert de Babenberg avec ses freres Henry & Adelhard fils de Henry Duc de Franconie contre Ebrach Euesque de Vircebourg & ses freres Princes de Hesse,qu'ils se trouuerent tant d'une part que d'autre accompagnez de leurs amis & alliez en rang de bataille pour debatre leur querelle si pres les vns des autres,qu'ils ne se departirent sans combat.Auquel le Comte Albert perdit ses deux freres.Mais Ebrard y fut aussi mis à mort ayât vn frere nommé Rodolfe qui luy succeda en son Euesché. Regino.

ALFONSE Roy de Castille preferant la vie monastique à la royale, resigna volontairement son Roiaume à Dom Raymire son frere pour entrer en vn monastere, plustost qu'à son propre fils Dom Ordogne:pource qu'il estoit trop vitieux,& de mauuaise vie.Si est-ce toutesfois que comme la repentance le prit bien tost de l'auoir laissé,aussi la deuotion luy reuint de le recouurer.En laquelle poursuite il fut pris de son frere, & mis en prison: où l'on luy creua les yeux,comme on fit aussi aux fils du feu Roy Froilla, lesquels estans sortis de minorité, faisoient monstre de se vouloir remettre au Roiaume de leur pere.Au moien dequoy Raymire demeura possesseur du Royaume de Leon par l'espace de 19.ans,2.mois, qui commencerent au rapport de Roderic en l'Ere 939.L'on racompte qu'il ne fut guerres sans auoir guerre aux Maures,lesquels il estrilla d'une telle façon pres la ville d'Osma,qu'il en fit vne grande desconfiture,par le moien de laquelle Abenare ou Benaia,selon d'autres Aben Alia Roy de Sarragosse,fut contraint de se rendre son tributaire apres qu'il eut pris la ville de Madric sur luy.

GORMO 3.du nom Roy de Dannemarc regnoit en ce temps,lequel espousa la fille du Roy Edouard d'Angleterre,nonobstant laquelle toutesfois il ne laissa pas d'estre ennemy tres-cruel des Chrestiens iusques à la fin de sa vie,qu'on dit auoir esté si longue qu'il perdit les yeux de vieillesse. Albert Crants.

VNE armee de Sarrazins entree dedans les prouinces de l'Empire de Grece fut brauement deffaicte,& quasi toute taillee en pieces le 6.iour d'Octobre par Himerius Lieutenât de l'armee de l'Empereur Leon & son grand Logothete. Cedrenus.

NICOLAS Mistic Patriarche de Constantinople, ne voulant donner la communion de la Cene à l'Empereur Leon,pource qu'il auoit espousé quatre femmes l'une apres l'autre, ou plustost pour auoir fait Edict qui permettoit de ce faire,fut depose, & vn nommé Euthimius Sincellus substitué en son lieu,qui fit toutesfois reuoker à l'Empereur l'Edict precedent,par lequel il remettoit en la liberté d'un chacun de conuoler iusques aux quatriemes nopces par le moien d'un Synode d'Euesques Grecs qui fut assemblée pour ce differend:duquel nous pouuons entendre quels bons Theologiens estoient lors les Grecs,lesquels se formalizerent encor cy apres tellement pour ce fait,qu'il fut cause de faire assembler 33.ans apres vn autre grand Synode qui annulla le decret de cestuy-cy. Cedrenus, Zonare.

Du Monde.	5040	Papes.)	1	R. des Escossois.	9
De Iesus Christ.	893	E. de Grece.	18	R. des Anglois.	2
Indiction.	6	E. d'Allemagne.	4	Ducs de Venise.	16
De l'Heure 291. le 23. de		R. des François.	6	R. d'Italie.	5
Novembre.		R. de Leon.	2	R. de Bourgongne.	15

CONSTANTIN fils de l'Empercur Leon fut en ce temps designé Empereur Auguste par son pere, & couronné de la couronne Imperiale par le Patriarche Euthemius au iour de la solemnité de Pentecoste. Zonare, Cedrenus.

RODOLFE Euesque de Vvircebourg fut avec ses freres spolié & expulsé de ses biens & seigneuries par Albert Comte de Babenberg. Regino.

FOVLQVES Archeuesque de Reims se delibérant retenir la ville d'Arràs & l'Abbaye de S. Vast qui luy estoit donnee par le Roy Charles, depuis qu'elle eut esté ostee au Comte de Flandres, fut ceste annee mis à mort par les gens dudit Comte. Ce qui excita vn grand tumulte & scandale en France. Lequel fit que les Euesques furent assemblez à vn Synode, auquel celuy qui auoit tué Fulco qu'on nommoit Vinemare fut excommunié : Lors aussi fut substitué en l'Archeuesché de Reims au decedé Heriuee. Regino, Flodoard, Jaques Meyer.

VNE armée d'Esclauons courut ceste annee le país de Saxe. Marianus Scotus.

LES Sarrazins plus irritez que vaincus par le desastre precedent, se remirent aux chāps avec nouuelle armee pour s'aller venger souz la conduicte de Leon Triopolite. De sorte qu'ils rencontrèrent Himerius avec son armee pres de l'isle de Samos, & le mirent honteusement en routte. Cedrenus, Zonare.

BENOIST 4. Pape mourut le 8. iour d'Auril. Son successeur fut Leon 5. qui fut depose 4. iours apres son election de la Papauté, & mis en prison, où il mourut de regret par vn Prestre de l'Eglise Romaine nommé Christofle, qui se mit luy-mesme sans election le 25. iour de May en son lieu à l'aide d'un grand nombre de ruffiens & de mauuais garçons, qui remplirent la cité de Rome de meurtres & de scandales, pour paruenir à l'effect qu'il pretendoit. Ce qui vint si bien à propos pour Sergius 3. du nom de la race des Comtes de Tusculane (qui auoit esté cy deuant repoussé par deux fois de la Papauté) qu'il ne fit point de conscience de s'aider de la puissance & autorité qu'auoit Marozia femme de Guy Marquis de la Toscane, courtisane tres-renommee & effrontee (à qui il seruoit aussi de ruffien) en la ville de Rome, à se mettre au siege Papal en la façon que l'autre s'y estoit mis, apres qu'il luy eut fait quitter la place le 24. iour de Decembre de la mesme annee. Auquel il se maintint encore si puissamment, qu'il y demeura iusques à sa mort par l'espace de 7. ans, 3. mois, 16. iours. Luitprand tesmoigne que Marozia engendra vn fils de luy, qui fut cy apres Pape souz le nom de Iean 11. ou 12. Et qu'il fit ce beau mesnage enuers le corps du Pape Formose decedé 8. ans auparauant, que tous les escriuains de l'histoire des Papes ont recité, & que nous auons monstré cy deuant auoir esté fait souz vn autre Pape. Mais c'est possible pource qu'il fut autheur & instigateur de ce faire. Platine dit que l'aïse & les delices esuelles l'Eglise estoit plongee en ce siecle par l'affluence des richesses, avec la licence & impunité de malfaire: pource qu'il ne se trouuoit Prince aucun qui peust ou osast reprimier la dissolution des Ecclesiastiques, engendrerent les monstres qui occuperent le siege Papal. A cause dequoy la Chronique intitulee *Fasticulus Temporum*, appelle ce siecle le téps effeminé, auquel la foy & la religion Chrestienne deuint grandement refroidie & diminue: ouurant l'entree à sectes & heresies nouuelles. Mais la barbarie & ignorance des bonnes lettres & sciences tant diuines qu'humaines, qui y fut en regne beaucoup plus qu'és precedens, a fait iuger à Sabellie qu'elle y amena le comble d'infelicité. De sorte qu'il se trouue peu de choses dignes de recommandation enuers la posterité auoir esté faites en iceluy, soit par les personnes constituees es superioritez & preeminences ciuiles, soit par ceux qui faisoient profession des bonnes lettres & disciplines. De façon mesme que la memoire des choses faites de ce temps se voit ou confusement & lourdement escrite, ou à moitié oubliée & perdue.

Du Monde.	5041	Papes.	1	R. des Escossois.	10
De Iesus Christ.	904	E. de Grece.	19	R. des Anglois.	3
Indiction.	17	E. d'Allemagne.	5	Duc de Venise.	17
De l'Heure	292. le 12. de	R. des François.	7	R. d'Italie.	6
Nouembre.		R. de Leon.	3	R. de Bourgogne.	16

LEON

LEON surnommé le Philosophe, pource qu'il estoit grandement versé és sciences de Philosophie, mesmement aussi de l'occulte, par laquelle il s'estoit acquis quelque sçavoir des choses futures, mourut l'onzième iour de May, ayant resigné par son testament l'empire à Constantin son fils, qui fut 8. du nom, aagé lors d'environ 7. ans, & à son frere Alexandre, qui n'estoit qu'en la 20. année de son aage: duquel il ne fut surueſcu que de 13. mois, selon qu'il luy auoit predit luy-mesme en expirant: car il dit qu'il le verroit en autant de réps apres. Zonare, Cedrenus, Ioan. Curopal.

VVALGRIN Comte d'Angoulesme mourut en ce temps, laissant deux fils Alduin qui luy succeda au Comté d'Angoulesme, & Guillaume qui obtint le Comté de Perigort, & fut espoux de la fille de Guillaume Comte de Tolouse. Vieille Chroniq. d'Angoulesme.

ENVIRON cetéps Benaia Roy des Maures de Sarragosse se rebella contre le Roy Dō Raymire d'Espagne souz la cōfiâce qu'il auoit au secours du roy Abderramé de Cordouë: Nonobstant lequel Raymire le vint rencontrer de telle hardiesse, qu'il tailla en pieces 30. mille de ses gens, & le retint luy-mesme prisonnier deuant la ville de Simaucas, au iour qu'on celebrait la feste S. Iust, qui estoit le 7. d'Aoust, qui fut aussi remarquable pour vne eclipse de soleil qui s'y fit. Roderich, Alphonse.

<i>Du Monde.</i>	5042	<i>Papes.</i>	2	<i>R. des Eſcoſſois.</i>	11
<i>De Iesus Christ.</i>	905	<i>E. de Grece.</i>	1	<i>R. des Anglois.</i>	4
<i>Indiction.</i>	8	<i>E. d'Allemagne.</i>	6	<i>Ducs de Venise.</i>	18
<i>De l'egire 293. le 1.</i>		<i>R. des François.</i>	8	<i>R. d'Italie.</i>	1
<i>Novembre.</i>		<i>R. de Leon.</i>	4	<i>R. de Bourgongne.</i>	17

ALEXANDRE Empereur de Grece s'estant corrompu par quelques excez, mourut le 6. iour de Iuin, laissant son nepueu Constantin 8. en possession totale de l'Empire Oriental: lequel il gouerna premierement souz la tutelle de l'Imperatrice Zoe sa mere l'espace de 13. ou 14. ans. Et puis avec l'Empereur Romanus environ l'espace de 26. & depuis le trespas d'iceluy 15. Mais à supputer depuis le premier iusques au dernier iour de son Empire, nous trouuons qu'il a regné en tout 54. ans, 5. mois, 3. iours: d'autant qu'il mourut au rapport de Zonare, Cedrenus & Iean Curopal. en la 3. Indiction.

A v resté Alexandre auoit tellement irrité deuant son trespas Simeon Roy de Bulgarie, refusant de confermer l'alliance que l'Empereur son frere auoit faicte avec luy, qu'il recommença de faire la guerre à bon escient aux Grecs. Cedrenus.

CONRAD Duc de Franconie (frere comme aucuns ont pensé) de l'Empereur Louïs, voulant defendre la querelle des Seigneurs de Hesse contre les Comtes de Babenberg, se trouua le 26. iour de Feurier en bataille contre le Comte Albert de Babenberg nepueu du Duc Othon de Saxe, où il fut tué. De quoy l'Empereur fut si courrouſſé, qu'il fit venir le Comte Albert à luy souz belles paroles, & puis le fit executer à mort. Comme recite Marianus Scotus & Othon de Frisingen avec Regino Abbé du Prumieu en Lorraine, qui finit aussi sa Chronique en la mesme année, en laquelle il viuoit & florissoit. Cependât Conrad qui fut cy apres Empereur, fut fils de celuy qui mourut ceste année: & du Comte Albert son ennemy sont issus les Marquis d'Autriche.

DONALD 6. Roy d'Eſcoſſe mourut en l'onzième année de son regne. Au moien de quoy Constantin 8. du nom fils d'Ethialipe fut ſuiuât la couſtume d'Eſcoſſe ſubrogé en son lieu auquel il regna enuiron 40. ans. Au cōmencement deſquels le Roy Edouard d'Angleterre luy commença guerre. Mais il se defendit si brauement qu'ils furent en fin tous deux contrains de se mettre d'accord. Hector Boëtius liu. 11. Polidore.

LES Hongrois peuplerent en ce temps de leurs gens la Pannonie qui est aupres du Danube, apres en auoir dechassé les anciens habitants. Auentin.

EVTHIMIVS Patriarche de Constantinople fut par l'Empereur Alexandre demis de la dignité Patriarchale, laquelle fut rendue à Nicolas Mistic, qui l'exerça encores iusqu'à l'Indiction 3. par l'espace de 12. à 13. ans. Ioh. Curopal. Zonare, Cedrenus.

<i>Du Monde.</i>	5403	<i>Papes.</i>	3	<i>R. des Escossois.</i>	1
<i>De Iesus Christ.</i>	906	<i>E. de Grece.</i>	1	<i>R. d'Angleterre.</i>	5
<i>Indiction.</i>	9	<i>E. d'Allemagne.</i>	7	<i>Ducs de Venise.</i>	19
<i>De l'Hegire 294. le 21.</i>		<i>R. des François.</i>	9	<i>R. d'Italie.</i>	2
<i>d'Octobre.</i>		<i>R. de Leon.</i>	5	<i>R. de Bourgongne.</i>	18

P O U R C E que l'Empereur Constantin ne pouoit encore pour l'imbecillité de son aage gouverner les affaires de l'Empire de soy-mesme, sa mere, qui estoit l'Imperatrice Zoe, fut rappee à la cour pour auoir l'esgard & la superintendance d'icelles. Auquel temps Constantin Ducas, qui estoit domestique des escoles d'Orient (qui vault autant à dire que Coronal des Legions d'Orient) fils d'Andronicus se voulut rebeller contre l'Empereur, & se donner luy-mesme le tiltre d'Empereur. Mais il fut incontinent pris & mis à mort par ses complices, en la mesme maniere & façon que l'Empereur Leon luy auoit cy deuant predit. Cedrenus, Michael Glyca.

C E P E N D A N T les Bulgariens vindrent encore avec leur Roy Simeon courir iusques deuant la cité de Constantinople, d'où les Gouverneurs & Conseillers de l'Empereur les firent retirer souz certaines pactions. Cedrenus.

L E Roiaume de Lorraine ne fut en ce temps moins troublé de guerre & dissentiōs intestines que l'Allemagne estoit, à l'occasion du different qui estoit entre Conrard Duc de Mosellane avec ses freres, Gerard & Cōrard d'une part, & Gerard & Macrofide son frere de l'autre part; de sorte qu'ils se donnerent bataille. Auentin.

V N E nouuelle armee de Normans souz la cōduite de deux cousins nommez Rollon & Gerlon descendit ceste annee par la bouche de la Seine en la Neustrie, où ils assiegerent la cité de Roüen, & la presserent de si près que les habitans se voyans eslongnez d'espoir de secours de France, se rendirent à eux par composition. Qui fut cause qu'une partie de la Neustrie fit apres le semblable, où Rollon fit fortifier quelques chasteaux à fin d'y faire sa retraicte: pource qu'il se deliberoit d'aller guerroyer delà les autres païs de la France, cōme il fit par l'espace de quelques annees iusques à ce qu'il eut receu le baptesme. Cependāt nous constituons son arriuee en France en ceste annee, suiuant l'autorité de quelques Chroniques de France, encores que d'autres l'ayent voulu rapporter à l'an DCCCXII. ou DCCCLXXXVI. ou DCCCXCVI.

A T H E N O L D E frere du Roy Edouard d'Angleterre, se laissant persuader des promesses des Dannois, se rebella contre son frere, qui se defendit si vertueusement qu'il le mit nō seulement en fuite, mais aussi le contraignit de s'enfuir totalement hors d'Angleterre. Au moien dequoy il n'eut plus affaire qu'aux Dannois qui tenoient la Northumbellande & l'Angleterre Orientale. Lesquels il mena de si bonne façon qu'il les desfit avec leur Roy Eric, & mit leur Roiaume en son obeissance.

Z I E M O V I T E fils de Piaſt Roy de Pologne mourut (selon Hagerus & autres) ceste annee apres auoir regné 31. an, ou selon le tesmoignage d'autres 20. ans: laissant vn petit fils nommé Lesko 4. qui regna sur les Polaquies apres luy. Ceux qui ne reçoient le tesmoignage dudit Hagecus disent, que Piaſt mourut l'an 913. On adioute que Ziemouite fut fort vaillant & belliqueux, qui reforma la discipline militaire, recouura tout ce qui auoit esté aliéné de la principauté de Pologne, & en conquesta dauantage sur la Morauie: puis osta par force d'armes aux Prussiens ce qu'ils auoient auparauant vsurpé sur les Polonois.

<i>Du Monde.</i>	5044	<i>Papes.</i>	4	<i>R. d'Escoffe.</i>	2
<i>De Iesus Christ.</i>	907	<i>E. de Grece.</i>	2	<i>R. d'Angleterre.</i>	6
<i>Indiction.</i>	10	<i>E. d'Allemagne.</i>	8	<i>Ducs de Venise.</i>	20
<i>De l'Hegire 295. le 10.</i>		<i>R. des François.</i>	10	<i>R. d'Italie.</i>	63
<i>d'Octobre.</i>		<i>R. de Leon.</i>	6	<i>R. de Bourgongne.</i>	18

DAMIAN

DAMIAN Amiras des Sarrazins de Tir, fit la guerre en ce temps aux Prouinces de l'Empire de Grece, où il assiegea la ville de Strobclion, qui se trouua au danger d'estre prinse, s'il ne fust decedé deuant. Qui fut cause que les gens se retirerent, & que l'Imperatrice Zoe eut plus facilement moien de faire trefues avec les Sarrazins: afin d'emploier toutes les forces de l'Empire contre les Bulgariens, qui ne cessoient de faire des entreprises continuelles sur la Thrace. Si est-ce toutesfois qu'elle ne fit qu'esmouuoir les Patzinaces à leur faire la guerre. Ce qui n'empescha cependant que la ville d'Adrianapoli ne fust prise & saccagee par eux: & qu'il ne la fallust apres retirer de leurs mains pour vne certaine somme de deniers. Cedrenus, Zonare.

LES Hongrois trouuoient si bonne amorce au pays de Bauiere, qu'on ne les pouuoit empescher de reuenir souuent chercher leur proye. De sorte qu'il faillut que l'Empereur Louis assemblast toute la puissance d'Alemagne pour l'opposer à eux, laquelle encore que elle eust fait son deuoir de les cōbatre par plusieurs iours iusques au dernier bout, si est-ce qu'elle fut en fin miserablement deffaite le 9. iour d'Aoust deuant la ville d'Ausbourg, qui est en la frontiere du pais de Bauiere. De sorte que la pluspart de la noblesse & des Princes de la Germanie y fut mise en pieces. Entre lesquels Luitpold Duc de la Bauarie Orientale fut le plus regretté, es estats duquel succederent ses deux fils Arnould (qui fut bien tost apres Roy de Bauiere) & Bertold. Somme que le desastre fut si grand pour les Allemans à ceste deffaite, qu'ils ne peurent empescher lesdicts Hongrois d'aller courir & rauager iusqu'au milieu des pais de Saxe & de la Turingie. Supplément de Regino, Marianus Scotus, Lambert Scaffuab, Abbé d'Vrsperg, Auentin.

ALAIN surnommé le grand Duc de Bretagne mourut ceste annee, ayant laissé deux fils Iudicael & Colledoc qui luy succederēt, en la Duché, & moururent à la fin tous deux sans enfans, demeurāt vn nepueu qu'on a nommé Alain Barbetorze (fils de leur sœur, qui estoit mariee à Matridous Comte de Pohel) lequel tint la Bretagne apres eux. En laquelle cependant les Normans entrerent ceste annee, & y firent tant de maux, que les deux Ducs furent contraincts s'enfuir. Chroniques & Annales de France.

Du Monde.	5045	Papes.	5	R. des Escossois.	3
De Iesus Christ.	908	E. de Grece.	3	R. des Anglois.	7
Indiction.	11	E. d'Allemagne.	9	Ducs de Venise.	21
De l'Hegire	296. le 29.	R. des François.	11	R. d'Italie.	4
de Septembre.		R. de Leon.	7	R. de Bourgongne.	20

LES Sarrazins de la Sicile n'estans ignorans des troubles de la Grece, recommencerēt à faire des courtes & brigandages sur les terres que l'Empereur tenoit en la Pouille & en la Calabre. Lequel n'ayant lors le moien pour les occupations qu'il auoit d'ailleurs, d'enuoier forces suffisantes en Italie pour la defendre, se contenta d'enuoier vn sien patrice nommé Eustathius pour traicter d'appoinctement avec eux. Qui fut en fin conclud souz condition de certain tribut que l'Empereur leur deuoit payer tous les ans: qui aussi apres celà fit demeurer vn autre sien Patrice nommé Iean Mizalon en Italie, pour gouuerner en son nom les prouinces qui y estoient de son appartenace. Cedrenus.

Du Monde.	5046	Papes.	6	R. des Escossois.	4
De Iesus Christ.	909	E. de Grece.	4	R. des Anglois.	8
Indiction.	12	E. d'Allemagne.	10	Duc de Venise.	22
De l'Hegire	297. le 18. de	R. des François.	12	R. d'Italie.	5
Septembre.		R. de Leon.	8	R. de Bourgongne.	21

YY

LES Normans souz la c^{on}duicte de Rollon assiegerent la cité de Paris en la 12. année du Roy Charles. Mais ils furent contrains (comme on dit) de se retirer pour aller au secours du Roy d'Angleterre. Au retour duquel ils voulurent derechef recommencer leur siege. A cause dequoy le Roy entra en terme d'appoinctement avec eux, qui ne vint toutesfois à effect, pource que le Comte Robert de Paris & le duc Ebles d'Aquitaine l'empescherent. Ce qui leur fut bien tost apres vendu cher en vne bataille qu'ils perdirent contre lesdits Normans: comme tesmoignent les Chroniques de Normandie & les Annal. d'Aquitaine, avec Albert Crants. C'est merueilles toutesfois que ny le continuateur de Regino, ny celuy de Aimoinus, ny Sigebert, ny aucun autre escriuain ancien qui soit en lumiere, n'ont fait aucune mention de ces occurrences si memorables. Joint qu'on n'est pas encores bien asseu: é qu'il y ait eu en ce temps vn Duc Ebles d'Aquitaine, par ce que nous dirons de Guillaume le Piteux cy apres. Combien que la composition qui sera faicte cy apres avec Rollo, tesmoignée par beaucoup de bons Autheurs, peult faire croire que les Normans auoient fait auparauant plusieurs exploits de guerre & entreprinse sur la France.

<i>Du Monde.</i>	5407	<i>Papes.</i>	6	<i>R. des Escossois.</i>	5
<i>De Iesus Christ.</i>	910	<i>E. de Grece.</i>	5	<i>R. d'Angleterre.</i>	9
<i>Indiction.</i>	13	<i>E. d'Allemagne.</i>	11	<i>Ducs de Venise.</i>	13
<i>De l'Hegire 298. le 7.</i>		<i>R. des François.</i>	13	<i>R. d'Italie.</i>	6
<i>Decembre.</i>		<i>R. de Leon.</i>	9	<i>R. de Bourgongne.</i>	22

LES Princes d'Allemagne derechef assemblez sur les marches de Franconie & de Bauiere pour resister aux entreprinse & aggressions des Hongrois, furent encore miserablement desconfits par eux avec vne pitoiable perte de gens, entre lesquels fut Gebrard Duc de Franconie. A cause dequoy l'Empereur ne trouua plus expedient que de faire appoinctement avec lesdits Hongrois, lequel il fallut acheter à beaux deniers comptans. Supplément de Regino, Marian. Scot. Auentin.

LES Normans estans venus courir en ce temps iusques en la Bourgongne, furent deffaits avec grande perte de gens par Richard Duc de Bourgongne au terroir de Tonnerre, au lieu dit Argentueil pres S. Florentin. Supplément d'Aimoinus, Chronique de S. Benigne, Glaber.

GUILLAUME surnommé le Piteux ou le Deuot, Duc d'Aquitaine & Comte d'Auuergne, natif de Bourgongne, fonda ceste année le monastere de Clugny en son propre heritage qu'il auoit au finage de Mascon. Et l'ayant fait magnifiquement construire, le renta de grands reuenus des biens qu'il auoit, pource qu'il estoit sans enfans & hors d'espoir d'en auoir. Le premier qui y fit l'office d'Abbé fut Berno, que l'on dit auoir esté auparauant Côté de Bourgongne, comme nous trouuons escrit en la Chronique des Abbez de Clugny de Gerardus de Aruernia, & en quelques fort anciens monumens dignes de foy. Sigebert toutesfois & les Annales d'Aquitaine rapportent cecy à l'an huit cens nonante cinq. Mais ce qu'elles disent que le Duc Guillaume mourut bien tost, ayant institué Ebles premier du nom son heritier & successeur en la Duché d'Aquitaine, n'a aucune apparence de verité.

<i>Du Monde.</i>	5048	<i>Papes.</i>	1	<i>R. des Escossois.</i>	6
<i>De Iesus Christ.</i>	911	<i>E. de Grece.</i>	6	<i>R. des Anglois.</i>	10
<i>Indiction.</i>	14	<i>E. d'Allemagne.</i>	12	<i>Ducs de Venise.</i>	1
<i>De l'Hegire 299. le 27.</i>		<i>R. des François.</i>	14	<i>R. d'Italie.</i>	7
<i>d'Aoust.</i>		<i>R. de Leon.</i>	10	<i>R. de Bourgongne.</i>	23

LES

Les Normans estans venus assieger la ville de Chartres, l'auoient reduicte au danger d'estre prise, si Robert Comte de France & Richard Duc de Bourgongne n'eussent amené vne armee pour la secourir: où ils firent si bien leur deuoir, qu'ils taillerent en pieces neuf mille Normans par vn dixneufiesme iour d'Aoust: & prindrent ostages de ceux qui estoient restez, à fin qu'ils se retirassent sans malefice. Ce que le Supplément d'Aimoinus & la Chronique de saint Benigne disent estre aduenue enuiron 10. ans deuant le trespas de Richard Duc de Bourgongne.

IL se voit tiltre en vne Abbaye de Champagne nous acertenant la 14. annee du regne de Charles le Simple estre bien rapportee à l'an 911. disant: *Actum mense Iunio 5. Idus Iunij, die Dominico, anno 14. Regnante Domino Carolo Rege pijssimo.* Car ceste annee la lettre Dominicale fut F. qui tomba sur le 9. de Iuin.

RODOLPHE Roy de la Bourgogne Transurane mourut (au rapport de deux fort anciennes Chroniques non imprimees) ceste annee le 25. iour d'Octobre, laissant vn fils nommé aussi Rodolfe qui luy succeda en son Royaume. Lazius tesmoigne qu'il l'eut de sa femme Adelahide, de laquelle aussi il laissa vne fille nommée Agnes, qui fut femme de Bertold Comte de Brisgau. Mais le ieune Rodolfe espousa Berthe fille de Bertold Duc de Suaube, qui luy engendra le Roy Conrard son successeur, comme nous auons plus amplement déclaré en nostre Chroniq. de Bourgongne.

ENVIRON ce temps Elfreda Roine des Merciens mourut sans enfans apres auoir gouverné son Roiaume l'espace de quelques annees depuis le trespas du Roy Ethelrede son mary. Au moien dequoy Edouard Roy de Kents s'empara dudit Roiaume, & l'annexa au sien. Parquoy il ne resta quasi plus que l'Ecosse, que toute l'isle d'Angleterre ne fust reduicte souz sa puissance. Polidore.

AV Seigneur Pierre Tribun Duc de Venise decedé succeda en la dignité Ducale le Seigneur Orson Badouer, dit aussi (par Blondus) Patritiaque, du consentement des citoyens: laquelle il exerça deuant que la quitter l'espace de 19. ou 20. ans. Blondus, Sabellic.

SERGIVS 3. Pape mourut le 9. iour d'Auil, & eut pour successeur Anastasius 3. fils d'un citoien de Rome, qui fut esleu le 15. iour du mesme mois, duquel l'on fait compte qu'il presida 2. ans, 1. mois. Onufrius.

VVIMMO moine de Corbic en Saxe, homme de grand sçauoir, estant fait Archeuesque de Brene, alla prescher l'Euangile aux Goths & Sueffiens. Tritemius.

Du Monde.	5049	Papes.	2	R. d'Ecosse.	7
De Iesus Christ.	912	E. de Grece.	7	R. d'Angleterre.	11
Indiction.	15	E. d'Allemagne.	1	Ducs de Venise.	2
Del' Hegire 300. le 16.		R. des François.	15	R. d'Italie.	8
d'Aoust.		R. de Leon.	11	R. de Bourgongne.	1
				R. de Nauarre.	1

LOVVS Empereur dernier de la race de Charlemagne en Allemagne, mourut au rapport de la plupart des Autheurs sur la fin de la precedente annee, ou comme a noté Auentin le 21. iour de Ianuier en la ville de Ratisbonne. Et pource qu'il ne laissa aucun heritier de son corps, Charles le Simple Roy de France luy deuoit legitiment succeder. Mais d'autant qu'il estoit assez empesché à se bien gouverner contre les Normans, les Princes d'Allemagne n'ayans plus enuie de retourner souz la subjection des François comme ils auoient esté souz Charlemagne & ses successeurs, se trouuerét tous d'aduis de faire prendre l'Empire à Orthon Duc de Saxe, come celuy qui sembloit par le merite de sa vertu le plus digne d'une telle charge. Laquelle toutesfois il refusa fort magnanimement, s'excusant sur sa vieillesse & sur l'imbecillité de son corps. Et leur donna conseil de le donner à Conrard Duc de Franconie, fils de celuy qui auoit esté cy deuant tué pour la querelle de Babenberg: nonobstant qu'ils fussent pour raison d'icelle ennemis. Suiuant lequel aduis qui

YY ij

sembloit estre procedé d'un droit iugement, Conrard fut déclaré Empereur & couronné à Aix la chapelle par l'Archevesque de Majence. De sorte qu'on faict compte que l'Empire a esté gouverné sans luy l'espace de 7. ans. Cependant le pais de Baviere estant destitué de Prince legitime par la mort du defunct Empereur, les estats d'iceluy assemblez esleurent d'un consentement Arnoul fils de Luitpold, cy devant occis par les Hongrois, pour leur Prince. De sorte qu'il prit (selon le tesmoignage d'aucuns) le nom de Roy de Baviere, & selon les autres de Duc tant seulement, sous lequel il defendit fort vaillamment son pais contre les Hongrois. Si est-ce toutesfois qu'il fut de ceux auxquels l'eslection de l'Empereur Conrard despleut, & qui s'esleua contre luy avec Bourchard Duc de Suabe, Euerhard de Franconie, & Gislebert ou plustost Ragnere pere d'iceluy Duc de Lorraine. Mais le Duc Othon de Saxe les appaisa & reconcilia par sa prudence avec l'Empereur un peu devant son trespas, qui aint en la mesme année, laissant un fils nommé Henry, qui fut surnommé Loiseleur, lequel luy succeda en ses estats, & fut Empereur apres Conrard. Supplément de Regino, Marianus Scotus, Herman Contrac, Othon de Frising. Abbé d'Ursperg, Auentin.

La puissance des Normans prenoit tel accroissement en la France par les victoires continues qu'ils gaignoient sur les François, que le Roy Charles fut contraint suivant l'advis de tous ses Princes faire appoinctement avec eux par l'entremise de Vvictō (que les autres ont mal appelé Francon) Archevesque de Roüen. Dont les conditions furent, que le pais de Neustrie borné de la riuere d'Epte d'un costé, & de l'autre de la mer Ocean demoureroit à Rollon en tiltre de Duché; pour la tenir à foy & hommage de la couronne de France, moyennant aussi que luy & sa gent se feroient baptizer. A cause de quoy il fut nommé Robert au Baptême du nom du Comte Robert qui fut son parrain. De là prit son commencement la nomination du pais de Normandie. Au surplus on tient que Rollon avoit un sien parent & compagnon nommé Gerlon, à qui la Comté de Blaye fut donnée, & une grande Dame François en mariage, de laquelle il eut Thibauld surnommé le Vieil ou le Trichard, qui fut pere d'Odon le Champenois, desquels les Comtes de Champagne sont issus. Aucuns ont estimé que la petite Bretagne fut aussi bien donnée que la Neustrie à Rollon: mais on cognoist par les Annales de Reims qu'elle fut long temps depuis donnée à d'autres Normans. Flodoard, Glasber, Guillaume de Malmesberie, Guillelmus Gemetirensis en une Epistre au Roy Guillaume le Bastard. Chroniq. de France & de Normandie.

De l'origine & commencement du Royaume de Navarre.

LE pays que les anciens appelloient Asturie & Cantabrie, prit (comme ont estimé Anthoine de Nebrisse & Garney en son histoire d'Espagne) le nom de Navarre à cause de son assiette: d'autant que les Espagnols disent en leur lague Navas les terres qui sont en planure & en estendue d'une large campagne raze, & environnées de costaux & montagnes ou de bois de haulte fustaie en pais montueux: Et Errie terre de quoy fut faict premierement le mot de Navarre, pource que c'est un pais plein entouré de montagnes. Lequel cependant luy semble avoir esté donné ou confirmé & estably au temps que les Maures Mahometans occuperent l'Espagne par les Espagnols, qui pour ne tomber en leurs mains se sauverent es sommets des Monts Pyrenées: où apres s'estre habituez, aperceuvans d'iceux les vallons & planures qu'ils environnoient, les nommerent Nauaerries. Ce qui s'est si bié continué, qu'ils ont tousiours depuis retenu ceste appellation. Or comme ce pais là fut reuenu entre les mains des Sarrazins depuis le trespas de l'Empereur Louis le Debonnaire, & que les Rois qu'on disoit de Sobrarbie, qui occupoient aussi une partie d'iceluy, eussent esté par eux deffaits & ostez, aduint qu'un Gentilhomme, ou selon d'autres, Côte de Bigorre en Gascogne, qui se nommoit Ennic ou Enech

ou

ou Enechon, ayant toute sa vie fait profession des armes, & s'y estant acquis vne bonne reputation, eut enuie de l'augmenter sur les ennemis de nostre religion. Parquoy apres auoir fait leuee de quelque troupe de gens de guerre des pays de Bigorre, d'Armignac, de Foix, de Comminge, & des autres villes de Gascongne qui se rangerent volontairement souz luy pour suiure sa fortune, descendit en ce temps avec eux des Monts Pyrenees en la pleine qu'on nome Nauarre, où il fit vne telle preuue de sa vaillâce qu'il en chassa & defnichâ tous les maures & Sarrazins qui y cōmādoiet, aiât fait vne grāde boucherie de ceux qui se voulurent opposer à luy. En faueur de quoy les habitans du pais le firent leur Prince & souuerain: dōt on dit qu'il a esté le premier qui a porté le tiltre de Roy de Nauarre (duquel aussi sont sortis les Rois d'Arragon) prenant pour ses armoiries à l'exēple de son ayeul vne croix blanche, qu'il disoit auoir veuē en l'ar. Et pource qu'il estoit rude & fort es combats, le surnom d'Areste ou d'Arista luy fut donné. Or ie sçay que Roderic de Tolette cōmence le regne d'iceluy long temps deuant l'an 900. Mais d'autāt qu'il ne dit quand ny cōbien son regne & celuy de son fils ont duré, ie me suis arresté à la supputatiō de Marineus Siculus & de François Tarafe, qui le font cōmencer ceste annee au tēps de Charles le Simple. Lesquels aussi conuiennent avec Roderic de Tolette qui estoit Nauarrois, & Alfonse Cartagena qu'il estoit fort du pais de Bigorre en Gascongne. Qui est cause de m'auoir fait arrester à leur opinion, plustost qu'à celle de Vassus & de ses Autheurs, qui renuoient son regne à l'an 839. & disent qu'il fut esleu incontinent apres le trespas de Sancius Gargias dernier Roy de Sobrarbie. Ioint que Vassus ne semble pas auoir eu bonne preuue de son opinion: & qu'il semble que ceux desquels il la tient, l'ont mise en auant plus pour l'honneur de leur pais, que pour certain tesmoignage qu'ils aient de ce qu'ils en tiennēt. Belle-forest qui se veut meller de rapporter ensemble les histoires, nous deuot faire entendre de qui il a pris, que Dom Enech dressa l'estat roial en Nauarre lors que Vermord Roy de Leon, accompagné de Dom Garfie Comte de Castille, fit la guerre au Roy Almanzor.

<i>Du Monde.</i>	5050	<i>Papes.</i>	1	<i>R. des Escossois.</i>	8
<i>De Iesus Christ.</i>	913	<i>E. de Grece.</i>	8	<i>R. des Anglois.</i>	12
<i>Indiction.</i>	1	<i>E. d'Allemagne.</i>	2	<i>Ducs de Venise.</i>	3
<i>De l'Hegire</i>	302. le 5.	<i>R. des François.</i>	16	<i>R. d'Italie.</i>	9
<i>d'Aoust.</i>		<i>R. de Leon.</i>	12	<i>R. de Bourgongne.</i>	2
				<i>R. de Nauarre.</i>	2

Les Hongrois pensans comme à leur accoustumee venir faire leur moisson dedans le pais de Bauicre, furent lourdement repoussez par le Duc Arnould. Parquoy voyans que l'entree de l'Allemagne leur estoit fermee pour ce coup firent paix avec luy.

ANASTASIVS Pape mourut le 6. iour de Iuin. Et eut pour successeur au siege Papal Lando fils d'un Tamus du pais des Sabins, qui fut esleu le 9. iour du mesme mois. Mais il ne vesquit que 6. mois 22. iours apres son eslection pource qu'il mourut le 28. de Decembre en la mesme annee n'ayant laissé de quoy parler de luy. Si ce que Godefroy, Sebellic, Platine, Schedelius ont escrit n'est vray, que par son moien Rodolfe Roy de Bourgogne, qui amena souz luy vne armee en Italie, fut appoincté avec Berengier contre lequel il venoit.

A Iamfrede 2. du nom Comte de Barcelonne decedé succeda son fils nommé Miron, qui dura en ce Comté l'espace de 17. ans. Franc. Tarafa.

<i>Du Monde.</i>	5051	<i>Papes.</i>	1	<i>R. des Escossois.</i>	9
<i>De Iesus Christ.</i>	914	<i>E. de Grece.</i>	9	<i>R. des Anglois.</i>	13
<i>Indiction.</i>	2	<i>E. d'Allemagne.</i>	3	<i>Duc de Venise.</i>	4
<i>De l'Hegire</i>	303. le 25. de	<i>R. des François.</i>	17	<i>R. d'Italie.</i>	10
<i>Iuillet.</i>		<i>R. de Leon.</i>	13	<i>R. de Bourgongne.</i>	3
				<i>R. de Nauarre.</i>	3

ESTANT l'Allemagne toute troublee de guerres & de dissentiōs ciuiles Charles Roy de France fut incité par Regnier ou Ragnier d'Ardenne de retirer à soy le Roiaume de Lorraine qui luy appartenoit comme estant le vray heritier de la lignee de Charlemagne: pour raison dequoy l'Abbé d'Vrsperg l'appelle *Partium Caroli fidiſſimus tutor*. Au moien dequoy il se mit dedans avec son armee, & apres en auoir pris possession laissa le gouuernement d'iceluy en son nom audit Regnier & à son fils Gillebert, tesmoin l'histoire de Lorraine & maistre Richard de Vvassebourg, selō lequel, aussi vn Seigneur Lorrain excita au mesme temps de grands troubles en Lorraine par ses menees & factiōs. Ce que toutesfois me semble estre aduenū cy apres seulement par Boson fils du Duc Richard de Bourgogne. Mais ie conuiens bien du premier point avec iceluy, & que pour ceste occasion Regnier fut deslors appellé Duc de Lorraine, qui estoit autant à dire que Lieutenant & Gouverneur d'icelle. Mais ie nie qu'il fust auparauant, ne qu'il s'intitulast *Dux Lotharingie superioris ac Mosellanicæ inferioris*, ne que ce fief là luy fust venu de ses ancestres hereditairement: ainsi qu'on nous a voulu faire croire par plusieurs chartres, lesquelles nous auons ailleurs par plusieurs certaines notes & argumens demonſtré fausses. Ioint qu'il n'estoit encore en ce siecle là nouvelles aucunes de la Lorraine Mosellanique, ny de la diuision d'icelle en superieure & inferieure: laquelle se fit seulement lors qu'une partie d'icelle fut donnee à Charles de France frere du Roy Lothaire par l'Empereur Othon 2. Cependant ie ne debats point que ce Regnier n'ait eu vn grand patrimoine assis en la Lorraine, tant en celle qui fut depuis appelee Mosellanique, qu'en la superieure, ensemble aussi es Prouinces de Ardenne, de Hasbain, de Buillon, Liege, Luxembourg & Guerrie, qui consistoit en terres, villes, chasteaux, seigneuries allodiales & feodales: pour raison desquelles il estoit le plus grand seigneur de ceste contree là. Mais ie n'accorde que le tout d'icelle luy fust affecté comme vn patrimoine.

BERENGIER de Roy se fit ceste annee ou plustost au commencement de la suiuiante couronner Empereur d'Italie à Rome le 25. iour de Decembre par le Pape Iean 10. selon que tesmoigne Onufrius en son histoire Ecclesiastique, qui toutesfois en son liure des Empereurs dit que ce fut par le Pape Sergius 3. Tellement qu'il commença deslors à compter les ans de son Empire avec ceux de son regne, ou plustost comme Sigonius a monſtré dès le mois de Septembre de l'annee ensuiuant.

Vn peu auparauant les Hongrois apres auoir faict paix avec les Bauariens estoient reuenus tempeſter l'Italie & n'y auoit eu moien de les faire retirer que par vne grāde somme de deniers qu'ils receurent de Berengier. Supplément de Regino, Auentin.

JEAN Musalon Gouverneur de la Pouille & Calabre pour l'Empereur de Grece se comportant trop rigoureusement ou tyranniquement en sa charge, fut massacré par ceux du pais qui se donnerent à Dandulſe ou Landulſe Duc de Beneuent, que Cedrenus appelle Roy d'Italie. Ou bien se mirent en sa protection & en alliance avec luy pour se defendre contre les Sarrazins du Gariglian, qui leur faisoient plus de maux & de fascheries que iamais. De sorte que Sigonius escrit que Atenulphe Prince de Beneuent & de Capua, pere de ce Landulſe, fut contraint ceste annee de demander secours à l'Empereur Constantin & aux Spoletins aussi & Camertins pour resister à ceste sorte de gens, qui ne faisoient pas moins de fascheries à leur pays qu'au sien. Mais auāt que ce qu'il attendoit d'eux fust venu, il mourut, demourant sa succession à son fils Landulſe.

JEAN 10. ou 11. fils (selon Pierre de Premonſtré) du Pape precedēt qui l'auoit engendré, comme il dit, en adultaire) ou (selon Onufrius) d'un citoien de Rauenne nommé Iean, fut ceste annee contre les ordonnances des Papes precedens, car il estoit d'une Eglise estrāgere, estably au ſiege Papal le 24. iour de Ianuier. Luitprand liu. 2. chap. 13. tesmoigne que ce fut par le credit & autorité qu'une courtizane fort renommee qui se nommoit Theodora, belle-mere du Marquis Albert, auoit en la cité de Rome en faueur de l'intelligence qui estoit entr'eux deux. Somme qu'on faict compte que l'Eglise Romaine a esté gouuernee par luy l'espace de 14. ans, 2. mois, 16. iours. Onufrius.

Du Monde

<i>Du Monde.</i>	5052	<i>Papes.</i>	2	<i>R. des Escossois.</i>	10
<i>De Iesus Christ.</i>	915	<i>E. de Grece.</i>	10	<i>R. des Anglois.</i>	14
<i>Indiction.</i>	3	<i>E. d'Allemagne.</i>	4	<i>Ducs de Venise.</i>	5
<i>De l'Hegire 303. le 14.</i>		<i>R. des François.</i>	18	<i>R. d'Italie.</i>	11
<i>de Juillet.</i>		<i>R. de Leon.</i>	14	<i>R. de Bourgogne.</i>	4
				<i>R. de Navarre.</i>	4

LA demande du Prince de Beneuent ayant semblé opportune aux affaires de l'Empereur, fut cause qu'il depescha vn sien Patrice nommé Nicolas, avec armee pour venir secourir ses pays d'Italie: lequel trouuant Athenulfe decedé, se ioignit avec son fils, à qui aussi estoit venu vn autre grand secours, tant de la part du Pape souz la conduite du Marquis Albert, que du Roy Berengier & des Calabrois, Camerins, Spoletins & de Gaymare Prince de Salerne. Au moyen dequoy il alla assieger les Sarrazins iusques dedans le fort qu'ils auoient au Gariglian, où ils faisoient leur principale retraite: & les mena de telle façon, qu'ils furent en fin contraincts de sortir hors de leur nid par faulte de viures, pour se hazarder contre son armee: laquelle aussi les receut de si bonne volonté, qu'ils furent quasi tous hachez en pieces: ne restant pas aucun d'eux pour plus tenir leur fort cōtre les Chrestiens. Tellement qu'il fut pris & razé, demeurant l'Italie deliuree pour vn temps des voleries qui se faisoient de ceste part-là. Chronique du Mont Cassin, liure premier, chapitre 55.

LES Hongrois ayans laissé l'Italie, vindrēt ceste annee fouldroyer toute l'Allemagne: de sorte qu'ils ietterent leur tempeste sur la Saxe & Turingie; & furent iusques à l'Abbaye de Fulden. Supplément de Regino.

MANASSIER Comte en Hainault, seigneur du pays de Rhetel & d'Yvoy, mourut, laissant sa succession à son fils nommé Ragnier au long col. Richard de Vvassebourg.

EN la mesme annee les villes d'Arras & de sainct Omer furent remises entre les mains de Bauldoun Comte de Flandre, au moyen de l'appoinctement qu'il fit avec le Comte Herbert de Vermandois. Par lequel fut entr'autres poincts traité & conclud le mariage de madame Aleyt fille dudit Herbert, avec Arnoul, qui fut cy apres dict le Vieil, fils du Comte Bauldoun. Nouvelle Chronique de Flandre.

<i>Du Monde.</i>	5053	<i>Papes.</i>	3	<i>R. des Escossois.</i>	11
<i>De Iesus Christ.</i>	916	<i>E. de Grece.</i>	11	<i>R. des Anglois.</i>	15
<i>Indiction.</i>	4	<i>E. d'Allemagne.</i>	5	<i>Ducs de Venise.</i>	6
<i>De l'Hegire 304. le 4. de</i>		<i>R. des François.</i>	19	<i>R. d'Italie.</i>	12
<i>Juillet.</i>		<i>R. de Leon.</i>	15	<i>R. de Bourgogne.</i>	5
				<i>R. de Navarre.</i>	5

LES dissentions & rebellions se rallumerent ceste annee contre l'Empereur Conrard plus fort qu'auparauant. De sorte que Henry fils du defunct Othon Duc de Saxe se trouua du party des rebelles. Pource (comme semble vouloir dire Vvittikinde liu. 1.) l'Empereur refusoit de luy accorder & confermer tous les estats & dignitez que son feu pere auoit tenuz: cherchant aussi tous les moyens de le mettre à mort. Tellement qu'il enuoya en fin vne armee contre luy en Saxe, souz la conduite du Comte Ebrard son frere: laquelle fut honteusement deffaicte. Qui fut cause de faire aller l'Empereur luy-mesme en personne pour venger sa perte. Mais il y fit encore aussi mal ses affaires qu'auoit fait son frere: dont il luy fut force de reuenir entendre à Eringier & Bertold freres du Duc Burchard d'Allemagne, qui s'estoiēt cependant emparez de tout le pays de Suaube & de l'Alsatie. Mais pour venir mieux à chef de ses ennemis, il se recōcilia fort prudemmēt aucuns

YY iij

d'eux : & puis mena son armee contre Arnoul Duc de Bauiere ; lequel il chassa de la Duché , & la mit en son obeissance : puis en donna le gouuernement à son frere Ebrard. Cependant les Hongrois qui estoient entrez dès l'annee passée en l'Allemagne, trouuerent moyen de passer le Rhin & de se desborder en la Lorraine & au pays d'Aussay, où ils mirent à feu & à sang la cité de Basle. Ce qui mit l'Empereur en telle perplexité, qu'il fut contrainct de les faire retirer par vne grande somme de deniers. Au moyen dequoy il se remit à pourfuiure ses ennemis , non-seulement par les armes militaires, mais aussi par les Ecclesiastiques. Car vne partie des Prelats d'Allemagne s'assemblerent en sa faueur au mois d'Octobre en la ville d'Althaim au pays des Grisons, où ils excommunierent du consentement du Legat du Pape, qui y presidoit , tous ses aduersaires & rebelles. Supplément de Regino, Marianus Scotus, Auentin.

<i>Du Monde.</i>	5054	<i>Papes.</i>	4	<i>R. des Escossois.</i>	12
<i>De Iesus Christ.</i>	917	<i>E. de Grece.</i>	12	<i>R. des Anglois.</i>	16
<i>Indiction.</i>	5	<i>E. d'Allemagne.</i>	6	<i>R. d'Italie.</i>	13
<i>De l'Hegire 305. le 23.</i>		<i>R. des François.</i>	20	<i>Ducs de Venise.</i>	7
<i>de Iuin.</i>		<i>R. de Leon.</i>	16	<i>R. de Bourgogne.</i>	6
				<i>R. de Nauarre.</i>	6

CONRAD pourfuiuant encore ses aduersaires, prit Eringer & Bertold freres du Duc Bourchard de Suaube, auxquels il fit trancher la teste.

ROLLON dict premier Duc de Normandie mourut, laissant vn fils nommé Guillaume, à qui on a donné le surnom de Longue Espee, qui luy succeda en la Duché : mais il la gouerna du commencement souz la tutelle de Robert Comte de France, pource qu'il estoit encores en fort bas aage, ainsi que son pere auoit ordonné par son testament. Chronique des Normans.

RAGNERVS ou Ragenherus seigneur d'Ardenne & de Mosellane, Gouverneur aussi du Roiaume de Lorraine pour le Roy Charles le Simple, mourut, laissant plusieurs fils, entr'autres Gislebert qui estoit l'aîné, & Richninus : desquels Gislebert succeda du consentement & vouloir du Roy Charles, aux estats & honneurs de son pere : & eut comme on dit pour sa portion patrimoniale tout le pays où est de present située la Duché de Lorraine, avec le pays qui est enuiron du Liege. Mais son frere fut seigneur du pays qu'on appelle Guerrie, où sont Ardennes, Bouillon, Luxembourg, selon Richard de Vassebourg. Ce qu'il faut entendre des terres, villes, places & seigneuries particulieres allodiales & beneficiales, que leur pere auoit esdictes prouinces qui n'estoient pas encor de ce temps-là patrimoniales & hereditaires entierement : mais bien aucunes pieces d'icelles seulement. Combien que quant aux grands estats du pere, Charles peult encor auoir permis à ses fils de les departir en plusieurs, & les tenir de luy à tel tiltre & cōdition que leur pere les auoit tenuës. Dōnant toutesfois la principale partie d'iceux à leur aîné Gislebert, avec sa Lieutenāce sur toute la Lorraine : comme declare l'Abbé d'Vrsperg par ces mots : *Hac tempestate Regenherus vir nobilis, partium Caroli fidiſſimus tutor vitæ finem accepit. Cuius exequiis Carolus interfuit: hiisque peractis Gifilberto eius filio iam adulto paternum honorem coram Principibus qui confluxerant liberaliſſimè contulit.* Parquoy il ne se fault arrester à l'opinion de ceux qui le dient auoir esté. *Lotharingæ Mosellanicæ Hasbanicæ Ducem.* Et afin qu'on sçache cōme il en va ; On ne doit faire doute que l'estat du Roiaume de Lorraine n'ait esté semblable à celuy de France, depuis l'erection d'iceluy, tant souz les Rois de la lignee de Charlemagne qui l'ont possedee, que sous les Rois de la nation Germanique depuis qu'ils l'eurent attiré à eux : & que les changemens & alterations qui aduindrent à l'vn, comme à l'endroit des grands & moindres fiefs & dignitez, ne soient semblablement aduenuës à l'autre, par les mesmes causes & occasions qui ont esté recitees cy dessus, souz l'an 898. Suiuant lesquelles, comme les grandes dignitez, Duchez, Comtez & Gouuernements de prouinces qui ne se donnoient auparauant à vie & en tiltre d'estat à ceux qui en estoient saisis & possesseurs au Roiaume de France, que les Allemans appelloient lors des Carlingiens. Aussi se peult-il autant aisément remarquer és bonnes Histoires, que le mesme

fort

fort tomba sur les fiefs, dignitez & gouvernements des provinces du Roiaume de Lothaire. Tellement que ceux qui en auoient esté inuestiz à tiltre d'estat souz les Rois de Germanie de la lignee de Charlemagne, qui l'auoient possédé depuis le trespas de Louys le Begue, commencerent de les retenir en hereditaires & patrimoniaux, lors que Charles le Simple vint retirer à soy le dit Roiaume, en la maniere que nous auons exposée. Pource qu'ayât esté aidé & incité à ce faire par les Princes & Gouverneurs d'iceluy Roiaume, qui luy portoient plus de faueur qu'aux Allemans, il les laissa tant plus volontiers iouyr de estats & gouvernements qu'ils auoient ia obtenuz souz les Rois precedents. Mais les troubles qui luy suruindrent bien tost apres, tant en France contre ses propres subiects, qu'en la Lorraine contre les Empereurs Allemans, & qui le detindrent iusques à son trespas, l'empescherēt de remettre au dessus & en son entier l'auctorité & les droicts Roiaux, tant en l'un qu'en l'autre Roiaume. Pour lesquelles causes semblablement les Empereurs d'Allemagne qui retirerent apres luy le Roiaume de Lorraine des mains des François, furent contraincts de laisser l'estat d'iceluy en tel point qu'ils le trouuerent auoir esté souz luy, afin de ne salier les cœurs & affections des Lorrains.

BERGIVS Comte de Reingelheim, vainquit en ce temps les Rois de Dannemarc, & deliura le pays de Saxe de leur seruitude. Chronique de Saxe.

<i>Du Monde.</i>	5055	<i>Papes.</i>	5	<i>R. d'Ecosse.</i>	13
<i>De Iesus Christ.</i>	918	<i>E. de Grece.</i>	13	<i>R. d'Angleterre.</i>	17
<i>Indiction.</i>	6	<i>E. d'Allemagne.</i>	7	<i>Ducs de Venise.</i>	8
<i>De l'Hegire 306. le 12. de</i>		<i>R. des François.</i>	21	<i>R. d'Italie.</i>	14
<i>Iuin.</i>		<i>R. de Leon.</i>	17	<i>R. de Bourgogne.</i>	7
				<i>R. de Navarre.</i>	7

LES Bulgariens ne se deportās de faire des courses & entreprinſes sur l'Empire de Grece, furent cause que l'Empereur & sa mere se mirent d'appointement avec les Sarrazins, afin de pouuoir mieux employer toutes leurs forces sur lesdits Bulgariens. De sorte que la charge fut donnée à Leon Phocas Capitaine des Legions domestiques, de leur faire la guerre. Lequel s'en acquitta si heureusement pour le commencement, qu'il gagna vne grande bataille sur eux le 6. iour d'Aoust, par laquelle ils furent mis en fuite. Mais en s'en fuyans, leur Roy Simeon s'aduīsa du mauuais ordre que les Grecs tenoiēt à le pourſuiure. Qui le fit se rallier avec ses gens, & retourner viſage si brusquement, qu'il remit non-seulement en fuite ceux deuant qui il fuyoit : mais aussi se vengea grandemēt sur eux de la perte qu'il auoit faicte. Et pource que Romanus Lagapenus Capitaine de l'armee de mer que on diſoit Dromgaire, sembla s'estre mal mis en deuoir de les ſecourir, il fut cassé & démis de ses estats. Cedrenus, Zonare.

L'EMPEREUR Conrard n'eut pas pluſtoſt mis le pied hors du pays de Bauiere, que le Duc Arnoul y entra, & en chassa le Comte Ebrard, apres s'estre remis en la cité de Ratibonne. Mais l'Empereur ne l'y voulāt laisser fortifier, retourna avec son armee, avec laquelle il remit derechef tout le pays en son obeissance, & cōtraignit le Duc Arnoul se retirer à ſauuētē vers les Hongrois; où il demeura iusqu'apres le trespas de l'Empereur.

BAVLDOVIN le Chauue 2. du nom, & du tiltre du Comté de Flandres, mourut à Gand, le 2. ou 3. iour de Ianuier, laissant deux fils, qui firent partage entr'eux du domaine de leur pere : par lequel Arnoul ou Arnulfe, qui estoit l'aîné, obtint la Comté de Flādres : & l'autre qui s'appelloit Adolfe, les Comtez de Therouēne & de Boulongne. Chroniques de Flandres. Mais la nouuelle Chronique de Flandres attribue la mort du pere à l'ensuiuant : dont il fault que les precedentes ayent compté à la mode de France.

FOVLQVES surnommé le Roux 3. Comte d'Anjou de ce moyēné fils d'Ingelherius, mourut, laissant pluſieurs enfans : l'aîné desquels nommé Foulques le Bon, luy ſucceda en ses estats. Annales d'Anjou.

GILLES Euesque de Tusculane, Legat du Pape, conuertit ceste annee les Polonois à la Religion Chrestienne, selon Onufrius. Ce que les autres toutesfois referent cy apres.

<i>Du Monde.</i>	5056	<i>Papes.</i>	6	<i>R. des Eſcoſſois.</i>	14
<i>De Ieſus Chriſt.</i>	919	<i>E. de Grece.</i>	14	<i>R. des Anglois.</i>	18
<i>Indiction.</i>	7	<i>E. d'Allemagne.</i>	1	<i>R. d'Italie.</i>	15
<i>De l'Hegire 307. le 1. de</i>		<i>R. des François.</i>	22	<i>Ducs de Veniſe.</i>	9
<i>Iuin.</i>		<i>R. de Leon.</i>	18	<i>R. de Bourgongne.</i>	8
				<i>R. de Nauarre.</i>	8

Les Bulgariens vſans de leur victoire, vindrent courir iuſques deuant la cité de Conſtantinople: mais ils furent lourdement repouſſez par la vaillance de Leon Phocas, lequel en deuint ſi preſomptueux, qu'il commença de ſ'eſtimer digne de plus grande fortune. Parquoy ſe ſentant appuyé de l'alliance qui eſtoit entre luy & le grand Chambellan de l'Empereur, fit paroître par beaucoup d'indices qu'il aſpiroit à l'Empire. Pour à quoy obuier l'Empereur Conſtantin remit Lagapenus en ſa charge, & le fit venir aupres de ſa perſonne, pour ſ'en ſeruir contre ledit Phocas; qui en voulât touſiours pourſuiure ſon entreprinſe, n'en fut pas ſeulement rebutté, mais auſſi mis à mort par Lagapenus: lequel par ceſt exploict gaigna ſi bien la bonne grace de l'Empereur, qu'il oſta la ſuperintédance des affaires del'Empire à ſa mere pour la remettre ſur luy.

CONRAD Empereur d'Allemagne mourut ceſte annee ſur la fin du mois de Iuin. Combien que Marianus Scotus & Tritemius ont eſtimé que ce fut le 23. iour de Decembre de l'an precedent. Ce qui ſemble auſſi eſtre confirmé par Vvittikinde, qui dit qu'il reuint tellement bleſſé, en la guerre qu'il eut contre le Duc de Bauiere, qu'il en mourut: Tant y a que ce fut ſans laiſſer aucun heritier de ſon corps. A cauſe dequoy il donna conſeil deuant que mourir aux Princes de l'Empire, de faire prendre l'Empire à Henry ſurnomé l'Oiſeleur, fils du Duc Othon de Saxe, par le iugement duquel il auoit eſté eſleué à la dignité Imperiale, rédant au fils (qui luy eſtoit aduerſaire) ce que ſon pere luy auoit preſté lors qu'il eſtoit ſon ennemy. Parquoy auſſi ſon aduis ne ſe trouua deſaduoué de perſonne, qui ne baillaſt ſa voix à Henry pour eſtre Empereur. Lequel eſtant en ceſte ſorte eſteu, regna enuiron 17. ans. Supplément de Regino, Herman Contract, Marianus Scotus, Othon de Friſing. Abbé d'Vrſperg. C'eſt pour plaiſir que Belleforeſt a eſcrit que ce Henry fut celuy qui guerroya les tyrans qui vſurpoient l'Italie, ſ'eſtant allié de Raoul Roy de Bourgongne, lequel fut depuis vſurpateur de la couronne de France: & que ce fut au meſme temps que Berengier ſecond du nom ſe portant pour Roy d'Italie, prit & fit creuer les yeux à Louys fils de Boſon. Car vn tel perſonage que luy ne vouldroit pas auoir fait à bô eſciant tant & de ſi lourdes fautes en ſi peu de lignes.

ALAIN & Berengier Comtes (comme on dit) ſeudaux de la petite Bretagne ſouz le Duc Guillaume de Normandie, meſpriſans ſa ieuneſſe, ou deſpitez (comme d'autres ont eſcrit) de ce qu'il prenoit à eſpouſe Sporta fille de Bernard Comte de Senlis, ſe rebellerēt apertement contre luy pour ſe remettre en l'obeiſſance du Roy de France. A cauſe dequoy il mena ceſte annee ſa puiſſance contr'eux, par laquelle il ne les deiſſa pas ſeulement de tout leur pays, mais auſſi contraignit Alain ſ'enfuir en Angleterre, pardonnant toutes-fois à Berengier, pource qu'il fut trouué le moins coupable de ceſte rebellion: ſelon que recitent les Chroniques de Normandie & de la petite Bretagne. Mais les Annales de Reims qui compronnent la memoire des choſes faiſtes & aduenues en la France depuis ceſte annee iuſques à l'an 966. (en tout le quel tēps l'auteur d'icelles nommé Flodoard ou Floard, qui eſtoit Chanoine de Reims a veſcu) recitent ſeulement que les Normans coururent, pillerent & ſaccagerent toute la coſte marine de ladiſte Bretagne, qu'on appelle le pays de Cornoüaille, & en emmenerent, ou vendirent, ou chafferent tous les habitans. Selon leſquelles auſſi les Hongrois en diuerſes bādes coururent & fouldroyerent à leur accouſtume, l'Italie & le Roiaume de Lorraine.

La guerre ſ'eſtant embracee entre Rodolfe Roy de Bourgongne & Bourchard (qu'aucuns eſtiment auoir eſté le premier portāt tiltre de Duc de Suaube ou d'Allemagne) leurs armees ſe rencontrerent & donnerent bataille pres la ville de Vvinterture en la Duché de Suaube, qui fut perduë pour le Bourguignon: ſelon que recite Herman Contract. En fin il ſemble

semble que ce differend s'appointa par le mariage de Berthe fille de Bourchard avec le Roy Rodolfe.

ARNOLD s'estant remis en la Duché de Bauiere par la faueur des Bauariens, apres le trespas de l'Empereur Conrard, ne desistoit encore de se nommer Roy. A cause dequoy le nouveau Empereur l'alla trouuer avec sa puissance. Mais en parlementant amiablement avec luy, ils tomberent d'accord finalement, que le Bauarien s'abstenant du nom de Roy, se contenteroit d'oresnanant du tiltre de Duc, & recognoistroit tenir sa Duché de Bauiere de l'Empire. Ce qu'on dit estre aduenü 130. ans apres qu'elle eut esté erigee en Roiaume. Auentin, Sigebert.

ENNICVS ou Enecho, selon d'autres Yningue, surnomé Arista premier Roy de Nauarre, deceda, laissant vn fils nommé Garcias Ennicus ou Yningue, qui ne forligna en rien des vertuz de son pere, & regna dix ans. Iceluy fut espoux d'une femme de race Royale nommee Vrraca. Roderic de Tolette, Alfonse, Franc. Tarafa.

PHATLAMVS Amiras ou Roy des Sarrazins d'Afrique en ce temps fit accord avec l'Empereur de Grece, par lequel il luy remit vne partie du tribut qu'on auoit accoustumé de luy payer pour la Sicile. Cedrenus.

RODOLFE moine de Flaiiac, & Rathot Euesque d'Vtrairz (le successeur fut Rutgerus, qui compila les decrets en vn liure) personages notables en sçauoir, florissoient en ce temps. Onufrius.

<i>Du Monde.</i>	5057	<i>Papes.</i>	7	<i>R. des Escossois.</i>	15
<i>De Iesus Christ.</i>	920	<i>E. de Grece.</i>	15	<i>R. des Anglois.</i>	19
<i>Indiction.</i>	8	<i>E. d'Allemagne.</i>	2	<i>Ducs de Venise.</i>	10
<i>De l'Egire 308. le 21.</i>		<i>R. des François.</i>	23	<i>R. d'Italie.</i>	16
<i>de May.</i>		<i>R. de Leon.</i>	19	<i>R. de Bourgongne.</i>	9
				<i>R. de Nauarre.</i>	1

ROMANVS Lagapenus fit si bien son profit de l'auctorité que l'Empereur Constantin luy auoit donnee, qu'apres luy auoir fait prendre en mariage sa fille Helene, se donna le nom d'Empereur le 24. iour de Septembre, en l'Indiction 8. & au mois de Decembre prit la couronne Imperiale des mains du Patriarche Nicolas. Puis encore en la mesme Indiction, à sçauoir au mois de May, designa l'un de ses fils nommé Christophle Empereur comme luy. De sorte qu'ils ne laisserent plus à Constantin que le tiltre nud d'Empereur seulement; retenans le vray effect de la principauté deuers eux. Mais on fait compte que l'Empire a esté tenu en ceste maniere par eux tous ensemble l'espace de 26. ans. Luitprand liu. 3. chap. 7. 8. 9. Cedrenus, Zonare, Ioan. Curopal.

A l'occasion de ce que le Roy Charles s'estoit si fort affecté à vn de ses Conseillers nommé Haganon, qu'il se laissoit totalement gouverner & manier par luy, qu'il le respectoit plus que pas vn des Princes & Primats de son Roiaume, au parage mesme desquels il sembloit le vouloir esleuer: tous les autres s'en trouuerent si fort scandalisez, que voyãs qu'il n'y auoit moyen aucun de reuocquer le Roy de sa fantasie, se departirent tous ensemble de luy, lors qu'il estoit en la ville de Soissons. Parquoy cōme il ne se trouuaist suiuy ny accompagné d'aucun de sa noblesse, force luy fut de se retirer aux terres & places d'Herinee Archeuesque de Reims, qui soustint luy & son train l'espace de sept mois, iusques à ce que il se fust reconcilié ses Princes & Barons. Si est-ce toutesfois que Robert Comte de France ne semble pas auoir depuis oublié le maltalent qu'il en auoit conceu contre luy. Cependant il fut entendu que Henry Empereur d'Allemagne brassoit quelque entreprinse sur le Roiaume de Lorraine: & que Gislebert & la pluspart des Seigneurs & Prelats Lorrains s'entendoient ia avec luy, ayant esleu ledit Gislebert pour leur Prince. Et pource que Hilduin, à qui il auoit donné nouuellement l'Euesché du Liege, estoit du nombre des declarez contre luy, il transféra son Euesché à vn Abbé nommé Richarius. Ce qui fit encore plus estrāger Gislebert de luy, qui fauorisait à l'autre. Si est-ce neātmoins que Charles, tant par belles promesses que par presents & par donation des fiefs que tenoit Gisle-

bert, regaigna à la parfin les cœurs & volôtez des Lorrains. De sorte qu'ils l'accompagne-
rent au siege de Harbourg sur la Meuse, où ledit Gislebert s'estoit enclos : lequel ne s'y te-
nant assez seur, se retira seerètement à l'Empereur, qui refit sa paix avec le Roy. Nonob-
stant laquelle vne partie des estats & seigneuries qu'il auoit, demurerent à ceux à qui le
Roy les auoit donnees. Annales de Reims, Vvittikinde de Saxe, avec vn autheur François
cité par l'Abbé d'Vrsperg.

L A G A P E N V S étant paruenue à l'Empire de Grece, depescha vn de ses Patrices nommé
Cosine, avec armee pour aller reduire la Pouille & Calabre en son obeissance. Mais il y
trouua le Duc Landulfe de Beneuent, si fort, qu'il fut par luy dechassé (comme dit Sabel-
lic) honteusement d'Italie. Combien que Cedrenus recite seulement qu'il fit tant par ses
belles remonstrances, que Landulfe reprit le party de son maistre. Cependant Luitprand
liu. 2, chap. 12. confesse que l'Empereur ayant enuie d'auoir sa raison des Pouillois & Cala-
brois, appella vne troupe de Sarrazins d'Afrique à son aide : par le moyé desquels il vint
à chef de ses intentions. Mais apres en auoir fait, vne partie d'eux affriandez de l'air d'I-
talie, s'arrestèrent & fortifierent au mont Gargan, d'où ils commencerent de courir, pil-
ler & saccager, & reduire à leur subiection les villes & pays tant de la Pouille & Calabre,
que de la Campagne & autres contrees de l'Italie.

E S T A N T la ville de Talanera au Roiaume de Tolette en Espagne assiegee par le Roy
Dom Raymire, les Maures de Tolette se vindrent à grande armee presenter pour faire le-
uer le siege : mais Raymire les soustint si vertueusement, qu'il en tailla en pieces 12. mille,
& en retint 7. mille prisonniers. Apres laquelle victoire il se retira en son Roiaume, où il
mourut la veille des Rois, en l'Ere (selon Roderic & Alfonse) 958.

<i>Du Monde.</i>	5058	<i>Papes.</i>	8	<i>R. des Escossois.</i>	16
<i>De Iesus Christ.</i>	921	<i>E. de Grece.</i>	16	<i>R. des Anglois.</i>	20
<i>Indiction.</i>	9	<i>E. d'Allemagne.</i>	3	<i>Ducs de Venise.</i>	11
<i>De l'Hegire 309. le 11.</i>		<i>R. des François.</i>	24	<i>R. d'Italie.</i>	17
<i>de May.</i>		<i>R. de Leon.</i>	1	<i>R. de Bourgongne.</i>	10
				<i>R. de Navarre.</i>	2

L E S Hongrois courans, saccageans & destruisans quasi toute l'Allemagne, depuis l'vn
des bouts iusques à l'autre, furēt en fin combatuz pres la ville de Mersbourg par l'Empe-
reur Henry, si heureusement qu'il y demeura sur la place vn nombre tel qu'on n'eust sceu
compter. A cause de quoy ceux qui estoient demeurez en leur pays afin de r'auoir les pri-
sonniers, furent contraincts de faire trefues pour neuf ans avec l'Empereur. Auentin, Si-
gebert, Vvittikinde.

C E P E N D A N T le Roy Charles retourna en Lorraine, où il se saisit de certaines places,
desquelles l'Euesque Hilduin se seruoit contre luy. Et puis auant qu'en partir, fit trefues de
quelques mois avec l'Empereur Henry, qui furent transmues en vne paix, deuant que
l'annce fust expirée. Qui semble auoir esté lors que Charles enuoya à l'Empereur le bras
de saint Denis, en la maniere que recite Vvittikinde, qui demonstre si elle est vraye, que
le corps dudit Saint n'auoit esté transporté au pays de Bauierre souz l'Empereur Ar-
noul.

A v mesme temps Robert Comte de France mena vne armee contre les Normans,
qui se tenoient sur le pays de la riuere de Loire; & les assiegea l'espace de cinq mois de-
dans leurs Forts, iusques à ce qu'ils eurent fait composition avec luy de quitter le pays que
ils occupoient, & s'aller habiter en la Bretagne, qu'ils auoient cy deuant gastee : laquelle
il leur donnoit, avec le pays de Nantes. A quoy se condescendirent principalement ceux
qui voulurent receuoir la Religion Chrestienne : selon que recitent les Annales de Reims,
qui signifient en celà, que ceste partie de la Bretagne n'auoit pas encore esté donnée au
Duc Rollon, ou que son fils n'en estoit encore en possession.

R I C H A R D premier Duc & Marquis de Bourgongne, mourut le premier iour de Se-
ptembre, laissant sa memoire fort recommandable à la posterité, pour deux poincts ex-
posez en la Chronique de saint Benigne : l'vn, de ce qu'il ne brôcha iamais de foy ny de
loyauté

loyauté envers le Roy Charles. De sorte que de son vivant le Comte Robert n'osa jamais entreprendre contre luy. L'autre, de ce qu'il eut l'observation de la justice en si grande recommandation, qu'il en fut surnommé le Justicier. Sa femme nommée Adelya ou Adelhide, le rêdit pere de quatre fils qui se trouuèrent l'auoir surueſcu. Rodolfe qui par son droit d'aisneſſe luy ſucceda à la Duché de Bourgongne, ayant eſpouſé Emma fille du Comte Robert. Autres diſent que le Roy Charles l'auoit tenu ſur les Fons à ſon baptême. Boſon, Hugues ſurnommé le Noir; & en la Chronique de Dijon le Teſtu, & Richard; leſquels eurent leurs partages en diuers lieux; Boſon en la haulte Bourgongne du coſté de Voge, quaſi iuſques en Lorraine & en la Champagne. Pour raiſon dequoy il fut pluſieurs fois en guerre & en différend avec le Duc Giſlebert, l'Eueſque de Verdun & l'Empereur Henry. Hugues eut ſes droits en vne partie de la Duché qu'on diſoit anciennement la baſſe Bourgongne, & porta le nom de Duc apres le trespas de Rodolfe ſon frere. Quant à Richard, Laziſ dit qu'il fut Comte en la haute Bourgogne. Laziſ en ſon liure des Transmigrationſ fait mention d'une chartre, qu'il dit auoir eſté veuë en l'Abbaye de Clugny, qui ſemble appartenir à ceſte Adelaſis, & monſtrer qu'elle a eſté ſœur du premier Roy Raoul de Bourgongne, qui eſt telle: *Ego Adelaſis Dei dono Comitiffa do per præſentes in dominium & prouidentiam Monachorum & per omnia transfundo, &c. Odonis venerabilis Abbatis & fratrum eius ſub eius regimine degentium: Ea dñtaxat ratione ut ipſi Monachi prout poterunt ſtudeant reformari. Hæc igitur fundationem pro Dei amore in primis facio. Deinde pro anima mei domini Rodolphi Regis, ac pro villa Regina. Dehinc pro me, pro Rodolfo Rege nepote meo.* Le doute qu'il ne faille lire icy *filio* pour *nepote*: d'autant qu'il vient apres, *Pro aliis quoque filiis meis Hugone, Boſone & Ludouico nepote meo.* Et puis elle met ſur la ſir, *Adelaſidis Comitiffæ Regiæ matris ſignum, Luceuræ filiæ Rodolphi Regis ſignum, Hugonis Comitis ſignum, Rodolphi Ludouici Imperatoris filij ſignum, regnante Rodolfo glorioſiſſimo Rege, Indictione 2. Actum in villa Bonalacu, anno ſalutis humanæ 1009.* Laquelle chartre j'ay bien voulu inferer icy, pource qu'elle a fait abuſer tant Laziſ que Paradin, qui ont eſtimé par icelle qu'il y a eu plus de Rodolfes Rois de Bourgongne; qu'il ne ſ'en trouue à la verité: & qu'elle fut faicte ſouſ le dernier Raoul de Bourgongne, à cauſe de la datte de l'an 1009. Car il eſt certain qu'ils n'ont veu que la coppie mal tranſcrite: pource que ſi elle eſt vraye, il y fault neceſſairement lire 929. qui ſe rapporte juſtemēt avec la 2. Indiction, & au temps qu'Odo eſtoit Abbé de Clugny, qui y fut eſleu l'an 926. & y preſida 12. ans, & n'y en a point eu depuis de meſme nom que luy. Mais ſ'il ne fault lire cy deſſus *filio* pour *nepote*, j'eſtime qu'elle a entendu parler du ieune Rodolfe, qui regnoit lors en la Bourgongne Tranſiurane: où que celà nous feroit douter ſi le Roy Raoul de France a eſté ſon nepueu pluſtoſt que ſon fils, & que Richard l'eut eu d'une autre femme que d'elle. Il eſt certain que le meſme Rodolfe eut vn fils nommé Louys, qui mourut deuant ſon pere: qui ſemble eſtre celuy qu'elle a appellé ſon nepueu.

Les Sarrazins deſcendans du mont Gargan, vindrent à grâde puiſſance courir iuſques deuant la cité de Rome, pour taſter ſ'ils y trouueroient à mordre. Ce qui mit le Pape Iean en telle perplexité, que ſ'accommodant au conſeil de Landulfe Duc de Beneuent, & d'Arnulfe Prince de Capua, pria l'Empereur Conſtantin de le ſecourir: le quel le fit aſſiſter d'un ſien Capitaine nommé Romain, & des forces qu'il auoit en Italie. Aufquelles ſ'eſtans ioinctes celles du Pape, & le ſecours que luy amena le Marquis Alberic de Hettrurie, allerent toutes enſemble donner d'une grande hardieſſe dedans le camp des Sarrazins. De ſorte qu'ils en firent boucherie d'un grand nombre, & mirent le reſte en route; qui ſe retirerent en leur Fort du mont Gargan, dict maintenant S. Ange: où ils ſe maintindrent encores long temps deuant qu'en pouuoir eſtre totalement deſnichés. Luitprand liu. 2. ch. 14. Blondus & Sabellic. Selon leſquels auſſi Adelbert dict le Riche Marquis de la Toſcane, mourut, laiſſant de ſa femme (qui auoit eſté auparauant mariee à Lothaire le ieune, fils du ſecond Roy Lothaire de Lorraine) deux fils, Vvido ou Guy, qui ſucceda du conſentemēt du Roy Berengier au Marquiſat de ſon pere: & Lambert avec vne fille nommée Ermen-garde, qui eſpouſa Adelbert Marquis d'Iuree apres le decez de Giſile fille du Roy Berengier ſa premiere femme: de laquelle il auoit Berengier le ſecond. Sigonius toutesfois rapporte tout cecy aux années 915. & 917.

PAR le trespas de Dom Raymire Roy de Leon, Dom Ordogne ſon fils de ſa premiere femme prit la poſſeſſion de ſon Roiaume, & en iouyt l'eſpace de 5. ans, 6. mois; contre tout l'empêche-ment que Dom Sancio ſon frere de pere ſ'eſforça de luy donner, à l'aide de

Dom Garcie Roy de Nauarre son oncle, & de Ferdinand de Consalue Comte de Castille. Mais il vint à la parfin au dessus d'eux, & repudia sa femme, qui estoit fille du Comte Ferdinand. Puis apres mena son armee contre les Galliciens, qui s'estoient aussi formalisez cōtre luy en ce differend. Roderic, Alfonse, Franc. Tarafa.

ZIPTINEVS Duc de Boëme fut ceste annee conuerty à la Religion Chrestienne: & puis apres laissa vn fils nommé Vatislaus, par les autres Vvenceuslaus, qui se fit fort renommer pour sa saincteté de vie: qui n'empescha neantmoins qu'il ne fust mis à mort par son frere Bolizlaus, comme Sigebert recite. Combien que les Histoires de Boëme appellent Vvenceuslaus fils d'Vratisslaus, qui auoit succédé à son frere Spiligneus au Duché de Boëme, decédé sans enfans: lequel aussi auoit esté successeur de Boriuorius 12. ou 13. mais premier Prince Chrestien (à leur dire) de boëme.

<i>Du Monde.</i>	5059	<i>Papes.</i>	9	<i>R. d'Escoffe.</i>	17
<i>De Iesus Christ.</i>	922	<i>E. de Grece.</i>	17	<i>R. d'Angleterre.</i>	21
<i>Indiction.</i>	10	<i>E. d'Allemagne.</i>	4	<i>Ducs de Venise.</i>	12
<i>De l'Hegire 310. le 30. d'A-</i>		<i>R. des François.</i>	25	<i>R. d'Italie.</i>	18
<i>uail.</i>		<i>R. de Leon.</i>	2	<i>R. de Bourgongne.</i>	11
				<i>R. de Nauarre.</i>	3

Le camp des Bulgariens estant encore deuant Constantinople, les Grecs firent vne faille sur eux, si à propos qu'ils en deffirent vn grand nombre. Cependant vne autre armee de Bulgariens prit par composition la ville d'Adrianopoly, laquelle fut aussi biē tost apres retiree de leurs mains. A la parfin accord se fit entre l'Empereur & le Roy de Bulgarie: moyennant lequel les Bulgariens se retirerent en leur pays. Cedrenus.

GISLEBERT Duc de Lorraine & son frere Othon, ne se pouans voir tousiours depouillees des possessions & seigneuries qu'ils auoient cy deuant possedees, faisoient tous leurs efforts (quelque accord qu'ils eussent fait avec le Roy Charles) de les recouurer par toutes manieres d'hostilité, & de ioindre l'Empereur Henry à leur cause. Pour à quoy remedier le Roy Charles mena vne armee en Lorraine, qui porta tout l'hyuer iusques à Pasques grands dommages aux terres de ses ennemis: & puis s'en reuint à Laon, où il entra derechef en differend avec Robert Comte de Paris, & aucuns des autres Princes; à l'occasion de son Haganon, à qui il auoit donné l'Abbaye de Gole ou de Chelles, que Hugues le Blanc fils du Comte Robert vouloit estre sienne, pource qu'elle auoit esté possedee par sa belle-mere Rothilde. De sorte qu'il prit les armes pour maintenir son droit, ayant intelligence avec Herinee Archeuesque de Reims, & aucuns Comtes de France. Et poursuiuit avec deux mille hommes le Roy, qui emmenoit son Haganon à sauueté iusqu'en Lorraine, où il entra en confederation avec le Duc Gislebert. L'Abbé d'Vrsperg dit, suiuant le telmoignage d'un autheur François: que le Comte Robert fut par luy cōseillé & instigué de ne plus debatre sinon que pour la couronne. Comment qu'il en soit Charles ramena vne bonne armee de Lorrains en France, à laquelle le Comte Herbert se vint encore avec les gens ioindre. Robert ne se trouua pas moins suiuy ny accompagné que luy de ceux de son party, ayant les Bourguignons & leurs Princes Rodolfe & ses freres avec luy. Les deux armees se trouuerent à Elpernay, & deuant Reims, si proches l'une de l'autre, qu'il ne tint qu'à Charles qu'elles ne chocquerent fermement. Mais le deffuy qu'il auoit de ses gens, le desconseilla de tenter la fortune. A cause de quoy tout s'en alla par escarmouches & algarades seulement que firent les vns sur les autres: en l'une desquelles la compagnie d'Haganon fut mise en route par Hugues le Noir frere du Duc Rodolfe de Bourgongne. Si est-ce toutesfois que Charles apres auoir perdu le Chasteau de Laon & tout espoir de le recouurer, que les gens de Robert luy auoient surpris, s'apperceuant que ses gens s'escouioient, que les Lorrains l'abandonnoient à la file, & que ses ennemis multiployent de plus en plus, fut contrainct de se retirer en Lorraine; donnant moyen au Comte Robert de se faire conduire & accompagner par les Princes, Prelats & Seigneurs de sa faction à Reims: où ils l'esleurent & proclamerent Roy, & puis le firent consacrer & couronner à la mode accoustumee, le vingtneufiesme iour de Iuin, par l'Archeuesque Herinee, qui alla

qui alla 3. iours apres rendre compte à Dieu de ce faict. Cependant pource que Charles tenoit assiéger le duc Gislebert dedans le Chasteau de Cheuremont en Lorraine, Robert y fit aller Hugues le Blanc son fils, qui leua le siege, & receut quelques Lorrains au party de son pere. Annales de Reims.

So v z le Roy dom Ordonio de Leon, vn Capitaine Sarrazin nommé Almanfor, cōmença de se faire renommer par ses vaillances sur les Chrestiens : car il vint avec vne armee assieger la ville de Castille, mais il en fut ceste fois lourdement repoussé par le Comte Ferdinand Gonsalue. Vasæus.

Le Pape s'attribuant tout l'honneur de la victoire obtenue cy deuant contre les Sarrazins, entra en pique pour ceste occasion avec le Marquis Alberic, qui de despit se retira de Rome, & fit venir en Italie vne grande troupe de Hongrois : lesquels auant que s'en retourner y firent beaucoup de maux, sans toucher à la Lombardie, à cause de l'accord qu'ils auoient avec le Roy Berengier : selon que recitent Blodus & Sabellic. Mais Luitprand tesmoigne que luy-mesme en fit venir vne autre grande troupe à son seruice, souz la conduite de leurs Rois Burgat & Durfac, pour s'aider d'eux contre les Princes d'Italie, lesquels s'enuyans de luy sollicitoient le Roy Rodolfe de Bourgogne à venir prendre les affaires de l'Italie en sa main. de sorte qu'il leur fit donner bataille, en laquelle Adalbert Marquis d'Iuree son gendre, & Gislebert ses principaux ennemis demurerent prisonniers. Mais ils euerent bien tost apres des mains de leurs ennemis, & se rendirent au Roy Rodolfe. Auquel ils firent faire telle diligence, qu'il fut en Italie le 30. iour apres leur prinse : où il n'y eut ville en tout le Roiaume de la Lombardie, qui ne le receust pour son Roy, excepté celle de Veronne, où Berengier demeura le plus fort. Les Annales de Reims tesmoignent que Rodolfe entra seulement ceste annee en Italie, & les Hongrois aussi, qui y allerent en faueur de Berengier.

<i>Du Monde.</i>	5060	<i>Papes.</i>	10	<i>R. des Escossois.</i>	18
<i>De Iesus Christ.</i>	923	<i>E. de Grece.</i>	18	<i>R. des Anglois.</i>	22
<i>Indiction.</i>	11	<i>E. d'Allemagne.</i>	5	<i>R. d'Italie.</i>	1
<i>De l'Heure 311. le 19. d'Avril.</i>		<i>R. des François.</i>	26	<i>Ducs de Venise.</i>	13
		<i>R. de Leon.</i>	3	<i>R. de Bourgogne.</i>	12
				<i>R. de Nauarre.</i>	4

Le Prince Robert se portant pour Roy de France, s'en alla parlementer en Lorraine avec l'Empereur Henry, où ils firent ligue & alliance ensemble. Et auant qu'en partir accorda trefues de quelques mois aux Lorrains, qui tenoient le party du Roy Charles. Pour lesquelles neantmoins ils ne laisserent de le suiure & accompagner bien tost apres : allant avec toute sa puissance contre Robert, en si grande diligence qu'ils le trouuerent aupres de la ville de Soissons, ne se doutant ny donnant garde de leur venue : n'ayant aussi toutes ses forces assemblees, ne ceux mesme qui estoient avec luy en estat & disposition de combattre. Si est-ce toutesfois qu'avec ce peu qui se rallia souz luy, il se presenta si brusquement deuant eux, qu'il fit tomber grand nombre des premiers qui s'auancerent sur luy, iusques à ce que la multitude fut si grande, que toute sa prouesse ne le peut garantir d'estre enfoncé & transpercé de toutes parts de leurs glaives. Pour celà neantmoins le Prince Hugues son fils, le Comte Herbert & les autres Seigneurs de leur faction, avec le reste de leurs gés, perdirent si peu courage, que Charles fut en fin contrainct de leur quitter le champ, la victoire, son camp & son bagage, pour le gagner à la fuite : comme tesmoignent les Annales de Reims, selon lesquelles celà se fit vn iour de Dimanche, qui estoit (au dire d'Odorānus & d'une autre fort ancienne Chronique non imprimee) le 15. iour de Iuin. Combien que Vvittikinde de Saxe & autres ont escrit que la victoire fut à Charles : dont il sceut mal faire son profit, ayant fait tomber dix mille de ses ennemis, sans perdre que sept mille de ses gens. C'est merueilles que Glaber dit qu'il auoit Othon de Saxe (qui fut cy apres Empereur, fils du Roy Henry) avec soy, & qu'il se trouua à la mort de Robert, veu la trefue & alliance faicte avec l'Empereur Henry son pere : & qu'il declare aussi ailleurs que le mesme Othon estoit fils de la fille de Robert.

Sōme que Charles comme vaincu, fit par tous les plus beaux moyens qu'il peut, solliciter le Comte Hebert, l'Archeuesque Seulf de Reims, & les autres seigneurs de leur alliance de se reconcilier à luy. Qui au lieu d'y entendre, appellerent le Duc Rodolfe de Bourgongne à eux: avec lequel ils allerent empescher le passage de l'Isare aux Normans, qui venoient au secours de Charles. Lequel se voyant encore frustré de cest espoir, se retira tout desconfit en Lorraine. Au moyen dequoy ses aduersaires firent à la poursuite (comme dit la Chronique de saint Benigne & l'Abbé d'Vrsperg) de Hugues le Blanc (qui ou pour l'exemple de son pere, ou pour sa ieunesse, ne s'osoit pas ingerer de pretendre à la couronne, quoy que Glaber dise que ce fut pour gratifier à sa sœur femme du Duc Rodolfe: laquelle luy respondit comme il l'interrogeoit, lequel elle aimeroit le mieux ou de luy ou de son mary estre Roy: qu'elle baiseroit plus volontiers les genoux de son mary Roy, que de son frere) prendre le tiltre de Roy audit Duc Rodolfe, & le couronnerent le treziesme iour de Iuin, ou plustost de Iuillet, comme a noté Yues Euesque de Chartres, en vne de ses Epistres, à Soissons. De sorte que nous trouuons que le Roiaume a esté tenu par luy depuis ce temps-là iusques à son trespas, non moins de l'espace de treze ans. Nonobstant que Charles n'eust pas encore renoncé à la couronne (comme on a faullement creu iusques icy.) Mais il ne demeura gueres apres à se venir prendre dedans les filets du Comte Herbert, se fiant aux belles paroles souz lesquelles il l'enuoya querir par son cousin Bernard Comte de Senlis fils du Comte Pepin, l'un de ceux par qui il auoit esté cotronné Roy à Reims à la premiere fois.) De façon qu'il fut retenu premierement en la ville de S. Quentin, & puis enuoyé tenir prison à Chasteau-Thierry sur Marne. Glaber raconte tout au long la fraude dōt on vſa pour le prendre: & dit aussi que le Comte Herbert proféra plusieurs fois à l'heure de son trespas: *Duodecim fuimus qui in prodicionem Caroli iurando consensimus.* Cependant le Roy Rodolfe fit vne grande leuee de Bourguignons, lesquels il mena faire la guerre avec Hugues le Blanc aux Normans iusques dedans leur pays. D'où il fut incontinent reuocqué pour aller satisfaire aux Ambassadeurs des Lorrains, qui se venoient offrir à son obeissance. Parquoy les seigneurs & Prelats de Lorraine se trouuerent tous (excepté le Duc Gislebert & Rotgare Archeuesque de Treues) deuers luy à Moson, pour luy faire le sermēt. Au moyen dequoy il fut accompagné d'eux à faire la guerre aux terres de ses ennemis: sur lesquels il prit le Chasteau de Zabrene en Auslay à la requeste de Vvitgeric Euesque de Metz: & puis mena son armee courir & rauager iusques apres de Vormes & de Majence. Nonobstant que le Continuateur de Regino s'est persuadé faullement que ce fut le Roy Charles qui fit ce voyage-là. A la parfin comme il fut de retour en France, l'Empereur Henry se trouua au mandement du Duc Gislebert & de ses complices dedans la Lorraine, en intention de la reduire à sa deuotion. Si est-ce toutesfois qu'il ne peut tant faire ne de bon ne de mal-gré, qu'aucun des Seigneurs & Prelats se voulust addonner à luy. Occasion pourquoy force luy fut (mesmement au bruit du retour du Roy Rodolfe contre luy, accompagné de la puissance de France & de Bourgongne) de se retirer hastiement en son Roiaume, apres auoir gasté les terres de ceux qui ne s'estoient voulu soubmettre à luy. Au reste le Roy Charles auoit vn fils nommé Louys, lequel estāt aduertty de la prinse de son pere, se sauua avec sa mere en Angleterre: où il fut de sejour iusqu'apres le trespas du Roy Rodolfe.

On a iusques icy faullement estimé que la Neustrie donnée à Rollon & à sa gent, rendit le reste de la France garenty depuis & preserué des aggressions & inuasions des Normans. Mais il est certain que beaucoup d'autres compagnies de Normans que de sa suite, resterent aussi bien que luy en France, à qui on n'auoit pas encore assigné aucunes terres pour s'y habiter. A cause dequoy ils s'estoient fortifiez en certains Forts sur la riuere de Loire, où se faisoit la retraite de leurs voleries & brigandages, qu'ils alloient faire quand bon leur sembloit sur les prouinces & pays tant lointains que prochains de la France, souz la conduite de diuers Capitaines. Ce que la France experimenta ceste année autant qu'elle eust point encore fait: ne receuant pas moins de fascheries par eux que des guerres ciuiles: pource qu'une grande troupe d'eux sortit premierement de leur tasnier, pour s'aler aduanturer sur tout le pays de Guienne & d'Auuergne: où ils perdirēt bien 12. mille de leurs compagnons, en vne charge que Guillaume Duc d'Aquitaine & Ragemund Marquis de Gothie firent sur eux. Dequoy toutesfois les autres semblerent faire si peu de cas, que quand le Roy Charles les eut appelez à son secours, souz de grandes promesses (car il assignoit

assignoit terres à ceux qui n'en auoient point encore, & augmentation aux autres qui en auoient ia) ils se trouuerent assemblez en merueilleux nombre delà la riuere d'Isare ou d'Oise, souz l'enseigne d'un Ragenold (qu'on pourroit prendre pour celui que les Histoires de Normandie nomment Rioul du Mans) pour s'aller ioindre à luy. Et se voyans empêchez de ce faire par l'armee du Roy Rodolfe & de ses alliez, ils se desborderent de telle rage sur les autres pays, auquel l'accez ne leur estoit fermé, que ce fut horreur du mesnage qu'ils y firent, iusques à ce que les Capitaines & soldats que le Comte Herbert auoit en ses chasteaux, se furent ruez sur eux, si à point qu'ils recouurerent grand nôbre du pillage & des prisonniers qu'ils emmenoiêr. Et que le Comte Adelelin de Noyon en eut mis six cens par terre, de ceux qui s'estoient aduancez sur ses terres. Qui fut cause de faire retirer les autres avec Ragenold en leurs Forts: d'où ils ne peurent neantmoins estre gardez de tousiours mal-faire à leurs voisins. De sorte qu'il fallut à la parfin que les Comtes Hugues & Herbert avec Seulfe Archeuesque de Reims conuinssent de trefues, par lesquelles en peust composer de quelque meilleure paix avec eux.

En ces entrefaictes Boson frere du Roy Rodolfe, tua de guet-à-pant un Côte de Lorraine nommé Ricuin, qui pourroit estre celui q les historiés Lorrains disent auoir esté frere du Duc Gislebert: dont pourroit aussi estre procedee la cause de la haine que Gislebert portoit au Roy Rodolfe, & qui le garda de se soubmettre à luy côme les autres Lorrains.

RODOLFE Roy de Bourgogne & d'Italie, se comportant en diuerse façon enuers ses subiects d'Italie, sembla bon aux vns & trop rigoureux aux autres: qui fut cause d'esmouoir plusieurs partialitez entre les Italiens, pour luy & contre luy. Qui vindrét à tel effect, quel'Euesque de Plaisance prit les armes en faueur de Berengier. Mais le Roy Rodolfe ayant à son aide le Comte Boniface & le Duc de Spolet, qui auoit espousé sa sœur Vvaldrade, luy donna bataille aupres de Plaisance, le 29. iour de Iuillet: de laquelle il gagna la victoire aux despens de ses ennemis, qui firent vne grande perte de gens. Par le moyen de laquelle estimant son faict bien assuré en Italie, s'en alla reuoir son Roiaume de Bourgogne: comme recitent Luitprand liu.2.chap.17.& 18. Mais les Annales de Reims cōfessent seulement que Rodolfe gagna ceste annee vne grâde bataille, où furent tuez quinze cens hommes sur Berengier: qui au moyen de ceste aduersité fut chassé totalement d'Italie.

Du Monde.	5061	Papes.	11	R. d'Escoffe.	19
De Iesus Christ.	924	E: de Grece.	20	R. d'Angleterre.	23
Indiction.	12	E. d'Allemagne.	6	Ducs de Venise.	14
De l'Hegire 312. le 8.		R. des François.	1	R. d'Italie.	2
d'Aouiril.		R. de Leon.	4	R. de Bourgogne.	13
				R. de Nauarre.	5

L'EMPEREUR Henry ayant mené son armee contre les Esclauons dictz Heuelliens, qui s'estoient esleuez contre luy, prit la ville de Brennaburg, & gagna vne grande victoire sur eux: par le moyen de laquelle furent contraincts se rendre ses tributaires. Sigebert, Vvittikinde de Saxe.

LA paix se fit avec les Normans de la France, moyennant vne grâde somme de deniers qu'il leur fallut deliurer contant: laquelle fut leuee sur les pays & prouinces de France. De là le Roy Rodolfe s'achemina avec sa puissance contre le Duc Guillaume d'Aquitaine, qui ne l'auoit encore voulu recognoistre pour Roy. Si est-ce qu'il se trouua tellement estonné de sa puissance, à laquelle la sienne n'estoit correspondante, qu'apres quelques abouchements il luy fit les deuoirs de soubmission que portoit l'estat qu'il tenoit de la couronne. En faueur dequoy le Roy remit la Comté de Bourges entre ses mains, qu'il luy auoit osté cy deuant à l'aide de Robert, lors qu'il n'estoit encore que Comte de France. Et pour contenter les Comtes Hugues le Blanc & Herbert, donna la ville & Comté du Mans à l'un, & la ville de Peronne à l'autre. Mais il fallut que celle du Mans avec la ville de Bayeux, fust bien tost apres accordée aux Normans de Rouën, pour confermer la paix avec eux. Cependant Rodolfe estant de retour en Bourgogne, fit assieger le Chasteau de Mont saint Iean, duquel le Comte Ragenare s'estoit emparé par les Côtes Vvallon, Maneffes, & Gisle-

bert, iusques à ce qu'ils l'eussent retiré. Et puis au partir de l'assemblée des Estats du Roiaume, qui se tint à Attigny, se fust trāsporté au Roiaume de Lorraine (où la guerre estoit fort eschauffee, tant entre le Duc Gislebert & Ragenier son frere, qu'entre les Comtes Boson & Othon, qui se guerroyoient l'un l'autre à toute outrance) si vne longue & perilleuse maladie ne l'eust retenu à Reims.

A v mesme temps Ragenold Prince des Normans de dessus la Loire, ne se tenant satisfait de l'accord fait avec les Normans de Rouën, se ietta avec ses gens dedās le pays d'entre la Seine & la Loire, qui estoit la prouince du Comte Hugues fils de Robert : & y fit tāt de maux, que non-seulement Hugues, mais aussi le Duc d'Aquitaine, furent cōtraincts de faire accord avec luy pour la seureté de leurs prouinces. Auquel (pource que les autres ne furent comprinses) il n'estima point contreuenir en prenant son chemin vers la Bourgogne pour s'y aduanturer. Annales de Reims.

BERENGIER desirant recouurer le Roiaume d'Italie, & se venger de ses ennemis, fit venir vn nombre infiny de Hongrois à son aide, souz la conduite d'un Capitaine nommé Salart : par lesquels la Lombardie fut miserablement gastee : les villes de Bresse, Bergame (specialement Paue) d'une horrible façon pillées, saccagees, destruićtes & bruslees, sans pardonner à aucune creature qui fut trouuee dedans. Et pource que le Roy Rodolfe n'estoit lors en Italie, voulurent venir acheuer de saouler leur rage es pays de deçà les Alpes. Mais ils le trouuerent au Piedmont, accompagné de Hugues Comte de Vienne & de Prouence, & de sa puissance, qui les attendoit. De sorte qu'il leur fit cherement payer l'amēde de l'estre venu chercher : & ne fussent eschappez de ses mains s'ils n'eussent trouué le moyē de se sauuer au Languedoc, où la peste & les maladies acheuerent de les accabler quasi tous. Cependant les Veronnois esperans complaire au Roy Rodolfe, firent par les mains du Comte Flambert meurtrir le Roy Berengier, qui se pensoit tenir bien asseuré en leur ville. Luitprand afferme que ce fut au mois de Decembre deuant la prise de Paue. Mais les Annales de Reims declarent que ce fut apres, & qu'il fut luy-mesme le conducteur de ceste armee de Hongrois en Italie. Somme que ce fut enuiron 36. ans apres qu'il eut pris le nom de Roy d'Italie.

<i>Du Monde.</i>	5062	<i>Papes.</i>	12	<i>R. des Escossois.</i>	20
<i>De Iesus Christ.</i>	925	<i>E. de Grece.</i>	21	<i>R. des Anglois.</i>	24
<i>Indiction.</i>	13	<i>E. d'Allemagne.</i>	7	<i>Ducs de Venise.</i>	15
<i>De l'Hegire 313. le 28.</i>		<i>R. des François.</i>	2	<i>R. d'Italie.</i>	3
<i>de Mars.</i>		<i>R. de Leon.</i>	5	<i>R. de Bourgongne.</i>	14
				<i>R. de Nauarre.</i>	6

LES Bourguignons souz la conduite des Comtes Vvarnier & Manasses d'Ansegise Euesque de Troye, ensemble d'un autre nommé Gerselin, combattirent les Normans, qui gastoient leur pays en Charrolois (selon les grandes Chroniques:) combien que les Annales de Reims disent que ce fut aupres du Mont Calaus. Mais tant y-a qu'ils en mirent par terre huit cens, nonobstant qu'ils perdirent le Comte Vvarnier. Pour celā neantmoins le Roy Rodolfe ayant amené avec soy la gendarmerie de France, avec les Comtes Hugues & Herbert, n'osā tenter la fortune de les combattre derechef : & encores qu'il fust proche d'eux, les laissa euader & se retirer bagues sauues en leurs maisons. Cependant les autres Normans de Rouën, cōtreuenans à l'accord fait nouuellement avec eux, firent des courses sur le pays d'Amiens & Beauuoisin. Mais ils furent lourdement repoussez des faubourgs de la ville de Noyon, par vne saillie que les habitans firent sur eux. Suiuant laquelle occasion ceux de Bayeux se retirans de leurs mains, firent vn pareil rauage dedans leur pays qu'ils faisoient aux autres. Et les Parisiens à leur exemple ne s'espargnerent à faire paroistre sur la Normandie la haine qu'ils portoient aux Normans : qui par ce moyen furent cōtraincts de reuenir garder leurs maisons : estant toute la France si esmeuē de leur infidelité, que la guerre leur fut d'un commun accord & consentement de tous les Princes & Primats du Roiaume declaree ouuertement. En sorte que non-seulement les Comtes Hugues & Herbert, mais aussi Arnoul de Flandres, & Hilgaud Comte de Monstreul

streul avec les autres gouverneurs des frontieres maritimes mirent toute leur gendarmerie dehors, assaillirent les Normans de divers endroits, & prindrent aucunes villes & chasteaux: entre lesquels la forteresse d'Auga qui estoit situee sur la coste de la mer, se laissa prendre avec plus de peine & de temps, pource qu'elle estoit plus forte & munie de gens de guerre, qui à la prise d'icelle furent quasi tous taillez en pieces. A la fin estant la nouvelle de la rebellio des Lorrains venue, force fut de faire trefues avec eux. Pource que nonobstant que le Comte Herbert eust auparavant mis d'appoinctement le Duc Gislebert & son frere Othon avec le Roy Rodolfe, l'Empereur Henry toutesfois dès qu'il sceut l'empeschement qui estoit en France à l'occasion des Normans, s'estoit venu jetter dedans la Lorraine, & auoit tant fait qu'il s'estoit rendu amy du Duc Gislebert, luy baillant (cōme on dit) la fille Gerberge en mariage. Au moien dequoy les Lorrains de la haulte Lorraine se mirent bien tost apres en son obeissance, n'estant possible aux François d'y remedier pour les Normans: comme declarent les Annales de ce temps; qui est la maniere plus vray-semblable par laquelle la Lorraine vint aux Allemans, plustost que par la concession du Roy Charles, que le continuateur de Regino & Sigebert ont faussement escrit auoir esté faite l'annee precedente.

ADALBERT Marquis d'Iuree mourut en ce temps, ayant espousé en seconde nopces Hermangarde fille d'Albert Marquis de la Toscane, qui estoit si excellemment belle & si prodigue aussi de sa beauté apres le decez de son mary, qu'elle acquit par la faueur qu'elle en faisoit, aussi grande autorité & puissance en Italie que le Roy Rodolfe y auoit, lors mesmement qu'il estoit encore en son Roiaume de Bourgongne. De sorte que quand il fut retourné en Italie, il se trouua enuironné de tant de rebelles & aduersaires qu'elle luy auoit suscitez, que toute la cité de Paue renoit pour elle. Dont il fut contraint de leuer armee, & de l'assiéger dedans: où elle ioua si dextrement son personnage, qu'elle le fit venir vne nuit coucher avec elle au desceu de ses gens. Et cependant fit faire par les siens vne saillie sur son armee, laquelle ils mirent par le defect de son chef facilement en desordre & en confusion. Dequoy les Princes de son party furent si scandalizez (ioint l'inclination naturelle de l'Italien à garder peu constamment sa foy à ses Princes) qu'ils se laisserent biē tost persuader par Lambert Archeuesque de Milan de mander Hugues Comte d'Arles & de Vienne (fils de Berthe, qui l'auoit eu en premieres nopces d'un Lothaire Comte (cōme dit Sigonius) d'Arles, fils de Lothaire, qui fut excommunié par le Pape pour auoir repudié sa femme (comme tesmoignent Luitprand, Cuspinian, Onufrius) pour se venir mettre en possession du Roiaume d'Italie. Lequel à leur mandement se rendit incontinent par mer à Pise, & de là à Paue: où il fut au mois de Iuillet salué & couronné Roy d'Italie par les Legats du Pape Iean, & par les ennemis du Roy Rodolfe. Qui ne voulant ainsi quitter le ieu, fit venir Bourchard Duc d'Allemagne à son aide avec vne armee d'Allemans. Mais deuāt que l'employer, Bourchard s'ingera luy-mesme d'aller en habit dissimulé descouurir l'estat & la contenance des Milannoïs & de leur ville: où il fut recogneu & mis à mort. Au moien dequoy la Duché fut donnee par l'Empereur à vn Herman, qui espousa sa vesue. Luitprand liure 3. chap. 3. & 4. Ce que le Supplément de Regino & Onufrius estiment estre aduenue ceste annee: les Annales de Reims avec Sigonius en la suiuite. Cependant Luitprand tesmoigne que Berthe mere du Roy Hugues, qui fut espouse en seconde nopces d'Albert Marquis de la Toscane, mourut au temps que son fils entra en possession d'Italie, laissant trois fils de son second mary Vvido ou Guy, qui succeda le premier es estats de son pere, & Lambert avec la belle Hermangarde leur sœur, qui ne deuoit gueres en impudicité à sa mere, non plus que sa belle sœur Marozia femme de Guy à l'une & à l'autre.

EDOUARD Roy des Anglois de Kents mourut, laissant pour tous enfans masles vn fils naturel nommé Adelstanus ou Ethelstan: à qui les Anglois permirent de tenir le Roiaume apres son pere. De sorte qu'on compte qu'il regna 16. ans en reputation de Prince vertueux, & qui ne fut ignorant des bonnes lettres & sciēces liberales. Guillaume de Malmesberie commence son regne à l'an 924.

LESKO 4. du nom fils de Ziemouite Roy de Pologne mourut, & luy succeda son fils nommé Ziemosiflaus ou Zemomisle, qui regna enuiron 40. ans, fut pere de Miccilaus premier Roy Chrestien de Pologne, qui nasquit aueugle, & recouura la veuē au 7. an de son aage. Martin Cromer.

NICOLAS surnommé Mistic Patriarche de Constantinople mourut le 15. iour de

77. iiii

May. Cedrenus dit que ce fut en l'Indiction troisieme apres auoir presidé 13. ans. Mais il semble qu'il faut lire pour 13.23.& pour 3. Indiction 13. Somme qu'Estienne Euesque d'Amasie tint son lieu apres luy deux ans onze mois depuis la creation, qui fut faicte au mois d'Aoust.

<i>Du Monde.</i> 5063	<i>Papes.</i> 13	<i>R. des Escossois.</i> 21
<i>De Iesus Christ.</i> 926	<i>E. de Grece.</i> 22	<i>R. des Anglois.</i> 1
<i>Indiction.</i> 14	<i>E. d'Allemagne.</i> 8	<i>Ducs de Venise.</i> 16
<i>De l'Hegire</i> 314. le 17. de	<i>R. des François.</i> 3	<i>R. d'Italie.</i> 1
<i>Mars.</i>	<i>R. de Leon.</i> 1	<i>R. de Bourgongne.</i> 15
		<i>R. de Nauarre.</i> 7

LA trefue faicte l'annee passée avec les Normans, ne comprenoit que les terres de l'appartenance du Comte Hugues. A cause dequoy ne s'estimans y contreuenir, firent ceste annee des courses sur les autres: & se jeterent en grand nombre dedans le pais d'Arras, où le Roy Rodolfe accompagné du Comte Herbert & d'aucuns Comtes maritimes les alla enfermer en vn destroit. Mais ils faillirent si brusquement sur luy, qu'ils le blessèrent, & tuerent le Comte Hilgaud de Monstereul, & se retirerent où ils voulurent, perdans toutesfois vnze cens de leurs gens. En fin force fut encore d'achepter la paix d'eux pour vne somme de deniers qui fut leuee sur la France & Bourgongne, à fin que le Roy peust mener sa puissance contre le Duc d'Aquitaine qui s'estoit rebellé contre luy: sur lequel toutesfois on n'eut moië que de retirer la ville de Neuers que tenoit son frere appelé d'aucuns Ebso: pource que le bruit qui vint que les Hongrois auoient passé le Rhin pour venir en France, garda le Roy d'aller plus auant. Cependant Herluin fils de Hilgaud succeda à son pere en la Comté de Monstereul, de laquelle les Annales de ce temps monstrent qu'il fut feodal du Comte Herbert. Rotgare Comte de Laon mourut. Hugues le Blanc Comte de Paris prit en mariage la fille du Roy Edouard d'Angleterre, sœur de la femme du Roy Charles. Guillaume de Malmesberie s'est abusé, prenant Hugues Capet qui espousa la fille du Roy Edouard, pour son pere: & en ce qu'il dit aussi que Louis Duc d'Aquitaine espousa vne autre fille dudit Roy. Car il n'y a point eu de Louis, mais bien vn Guillaume duc d'Aquitaine en ce temps.

A v mesme temps l'Empereur Henry enuoia le Comte Ebrard en Lorraine pour administrer la iustice aux Lorrains, & pour les contenir en paix. Annales de Reims.

RODOLFE se voyant totalement decheu de l'esper de recouurer le Roiaume d'Italie, se retira en son Roiaume de Bourgongne. Au moien dequoy Hugues en demeura possesseur paisible, & y regna enuiron l'espace de 20. ans, tant seul qu'avec son fils Lambert, qu'il eut de sa femme Alda, qui estoit issuë des Princes de Germanie: Paradin a monstre par vne chartre, qu'il prist au mesme temps le tiltre de Roy de Bourgongne.

A D O M Ordogne 3. du nom Roy de Leon en Espagne decedé en l'Ere 963. succeda son frere Dom Sanchio ou Sanche, qui regna 12. ans: lequel estoit si gras qu'il n'eust sceu se mouoir ne s'aider de son corps. A cause dequoy aucuns des Seigneurs de son Roiaume se rebellerent contre luy, faizans leur retraicte aux montagnes de Nauarre. Parquoy il fut conseillé de Dom Garcias (que Roderic & autres ont mal pris pour celui qui fut surnommé le Trembleur) Roy de Nauarre, de s'aller faire penser de sa graisse par les medecins du Roy Abderramen de Cordouë, qui auoient le bruit d'estre les plus experts en la profession qu'ils faisoient de tout le monde. Ce qui luy succeda si bien, qu'il reuint non seulement en vn meilleur point qu'il n'estoit; mais aussi obtint vne armee du Roy Abderramen, par laquelle il se remit en son Roiaume, que Dom Ordogne dict le Mauuais fils du feu Roy Alfonse l'Aueugle, & gendre de Ferdinand Comte de Castille, auoit occupé en son absence. Lequel semblant l'auoir trop laschement defendu, en receut vn si maigre recueil de son beau pere, qu'il luy osta encore sa fille nommee Vrraca ou Virague, que le feu Dom Ordogne auoit repudiee, ne luy laissant autre moien que de se retirer vers les Maures. Roderic, Alfonse, Ant. Benthier.

HARALD

HARALD 6. du nom fils de Gormo troisieme, fut Roy de Dannemarc. en ce temps. Albert Crants liu. 4. chap. 19. de l'histoire Dannoise.

A v mesme temps Marocia veufue du feu Marquis d'Alberic ou Albert de la Toscane, se maria en secondes nopces avec Guy Marquis de la Toscane: lequel elle incita à aller occuper le gouvernement de la cité de Rome, ainsi que son feu mary l'auoit eu. Dont il entra en picque & en dissension avec le Pape. Sigonius.

Du Monde.	5064	Papes.	14	R. des Escossois.	22
De Iesus Christ.	927	E. de Grece.	23	R. des Anglois.	2
Indiction.	15	E. d'Allemagne.	9	R. d'Italie.	2
De l'Hegire 315. le 6. de		R. des François.	4	Ducs de Venise.	17
Mars.		R. de Leon.	2	R. de Bourgongne.	16
				R. de Navarre.	8

A l'occasion de ce que le Roy Rodolfe donna la Comté de Laon à Rotgere fils du Comte Rotgare defunct, le Comte Herbert de Vermandois deuint son ennemy: pource qu'il desiroit qu'elle fust donnee à son fils Odon: de sorte que s'accompagnant du Comte Hugues le Blanc, alla trouuer l'Empereur Henry en Lorraine pour prendre son alliance. Et pource qu'à son retour l'entree luy fut encore denice dedans le chasteau de Laon, il mit le Roy Charles hors de prison, & s'en alla avec luy trouuer le Duc Guillaume de Normandie pour se liguier ensemble contre le Roy Rodolfe. Cependant le Comte Hugues faisoit la guerre aux Normans de dessus la Loire, lesquels il assiegea l'espace de cinq mois dedans leurs Forts, qu'ils furent en fin contraincts d'abandonner, & se retirer par accord fait avec eux au pais de Nantes, qu'on leur donnoit. Il se voit vne chartre en vne Abbaye du diocese de Troyes de ce Roy Rodolfe, contenant les donations & immunités concedees par les Rois ses predecesseurs à ladicte Abbaye: de laquelle il nous a semblé bon extraire aucunes clausules, & les adiouster icy: pource qu'elles conferment le temps dudit Rodolfe, & nous demonstrent les pouuoirs & facultez qu'auoient encor les Rois en ce temps là sur les Comtez, qui n'estoient encore hereditaires, comme estoit celle de Troye, ainsi qu'il s'ensuit.

RODVLVS diuina propitiante gratia Francorum Rex &c. Si fidelium nostrorum iustis petitionibus aurem nostre serenitatis accommodamus, regium exequimur cultum: & eos ad nostram fidelitatem promptiores esse putamus. Quapropter notum sit omnium tam presentium quam futurorum solertia, quoniam adfuerunt ad nostram serenitatem Auspicijs Trecaßina vrbe Pontifex atque Richardus eiusdem loci Comes: petierunt à nobis &c. Süntque res ipsæ quas à nobis expetunt de Comitatu Trecaßino. Nos verò petitiones eorum annuëtes decernimus fieri, & iussimus eis hoc nostre potestatis præceptum inde conscribi, per quod præcipimus atque iubemus sicut in illorum præceptis continetur, ita auctoritate nostra corroboraretur, non solùm in Comitatu Trecaßino, ubi prædictus locus esse dignoscitur, sed & in alijs Comitatibus ubi aliqua habere videntur. Præcipimus omnino atque iubemus, ut nec Comes, nec Vicecomes, nec centenarius, nec vlla iudiciaria potestas ab eis exigere audeat telonem, pontaticum, trabaticum, nec non rotaticum, nec vllas redhibitiones quæ ad fiscum nostrum pertinere videntur. Exceptis illis xx. denarijs, quibus in beati Petri festiuitate Comiti illius loci suprafati Trecaßini persolvere videtur. Vt autem hæc mea iussionis auctoritas firmior habeatur, veriusque credatur & diligentius obseruetur, manu propria subter firmavimus, & annulli impressione sigillari iussimus. Signum Rodulfi Regis gloriosissimi, Richardus ad vicem Albonis pontificis recognouit. Actum vrbe Senonis IIII. Id. Decembris, Indictione 21. anno 4. regnante Rodolfo.

D.
RE. OVS
L

GVILLAVME Duc d'Aquitaine mourut selon les Annales de Flodoard, qui ne font point mention de celui qui luy succeda en sa Duché d'Aquitaine. Mais i'ay deux anciennes Chroniques non imprimees, dont l'une est celle que i'ay cy deuant appelée d'Angoulesme, lesquelles declarent que ce Guillaume deceda sans enfans, estant celui qu'on a surnommé le Deuot, qui auoit fondé l'Abbaie de Clugny, & possédé la Comté d'Auvergne avec l'Aquitaine. Au moien dequoy la principauté d'Aquitaine escheut à son nepueu Ebles fils de feu Ranulfe son frere: lequel venant aussi à mourir au mesme tēps, Adenare Cōte de Poictou (duquel nous auons parlé cy deuant) ioignit icelle Comté avec les deux autres qui luy auoient esté laissées par son oncle. Elles tiennent semblablement qu'il espousa Adele fille de Rollon premier Duc de Normandie, qui luy engendra son fils Guillaume surnommé Teste d'Estoupes.

A v mesme temps Alduin tenoit la Comté d'Angoulesme, laquelle il laissa à son trespas à son fils Guillaume surnommé Coupe-fer. Mais la Comté de Perigord estoit possedee par vn autre Guillaume frere dudit Alduin, tous deux fils du Comte Valgrin. Cest Ademare, fit rebastir les murailles de la ville d'Angoulesme qui auoient esté minees par les Normans. Son fils Coupe-fer fut ainsi surnommé, pource qu'il auoit coupé vn Normand armé par le milieu du corps d'un seul coup de son espee. Comme tesmoigne vne ancienne Chronique faicte du temps du Roy Robert par quelq'un mesme du pays d'Angoulesme, laquelle continue celle que nous appellons la vieille d'Angoulesme, qui finit en ce temps.

Les Sarrazins du Mont Gargan s'estans par succession de temps remontez de forces & de nombre de gens, recommencerent à faire la guerre aux villes d'Italie comme auparavant: de sorte qu'ils prindrent & saccagerent les villes d'Otrante & de Beneuent, & puis se mirent en chemin pour aller à Rome. Qui fut cause que le Pape Iean appella le Marquis Guy de la Toscane à son secours, & avec luy s'en alla au deuant des Sarrazins: lesquels il chargea de si grande hardiesse, qu'il les fit honteusement retirer. Et puis s'en retourna en maniere de triomphe à Rome, se glorifiant si arrogamment de ceste victoire, qu'il ne sembloit en attribuer l'honneur qu'à luy. Ce qui luy acquit la haine du Marquis & de ses gens d'armes, de laquelle proceda sa ruine. Comme Luitprand liu. 3. chap. 12. recite.

Les Sorabes, Esclauons & Venedes faisans coustume & ordinaire de rautager, courir & piller les marches du pays de Saxe & de Turingie, mirent en fin l'Empereur Henry en necessité d'obuier à leurs malefices. De sorte qu'il mena vne armee contr'eux, qui prit la ville de Brandebourg: dont ils entrerent en tel deffy de leurs affaires, qu'ils se rendirent à tel appoinctement qu'il voulut, par lequel ils furent faicts vassaux & tributaires de l'Empire, & leur pays diuisé en certaines prouinces & Marquisats. Abbé d'Vrsperg, Gaspar Peucer. Sigebert tesmoigne que ce fut en la mesme annee qu'il prist la ville de Gana ou Grona en la Dalmatie, & qu'il rendit les Dalmatiens tributaires en la maniere que recite Vvit-kindeliure 1.

<i>Du Monde.</i>	5065	<i>Papes.</i>	15	<i>R. des Escossois.</i>	23
<i>De Iesus Christ.</i>	928	<i>E. de Grece.</i>	24	<i>R. des Anglois.</i>	3
<i>Indiction.</i>	1	<i>E. d'Allemagne.</i>	10	<i>Ducs de Venise.</i>	18
<i>De l'Heure 316. le 23.</i>		<i>R. des François.</i>	5	<i>R. d'Italie.</i>	3
<i>Feurier.</i>		<i>R. de Leon.</i>	3	<i>R. de Bourgongne.</i>	17
				<i>R. de Navarre.</i>	9

La fin de la guerre Sclauonique fut le commencement de la Boëmique, que l'Empereur Henry commença aux Boëmiens, qui se vouloient desbaucher de son obeissance. De sorte qu'il les alla visiter avec si bonne compagnie, qu'il se fit rendre par composition la cité de Prague, qui estoit la capitale de leur pays: où se trouua leur Duc Vveneslaus, selon les autres Vratisslaus frere de Spitigneus, & pere de Bolefflaus. Lequel se constituant vassal & tributaire de l'Empire, fut remis en liberté. Comme recitent le Supplément de Regino, Abbé d'Vrsperg, Albert Crants liu. 3. chap. 7. de la Saxo. & Gaspar Peucer. Mais les Annales de Reims tesmoignent, que l'Empereur amena aussi en la mesme annee vne grande armee

armée d'Allemands de la Lorraine, pour faire la guerre à Boson frère du Roy Rodolfe, qui ne se vouloit en aucune maniere souzmettre ny obeyr à ses commandemens. De façon qu'il prit de force sur luy le chasteau de Durfoft. Si est-ce toutesfois qu'il le luy rendit bien tost apres, l'aimant mieux gagner par gracieuseté que par contraincte, apres l'auoir par belles promesses fait venir vers luy, & receu promesse de fidelité & obeissance de luy. Au moien dequoy il le reconcilia avec le Comte Gislebert, & les autres Princes de Lorraine.

R O D O L F E Roy de France, ayant mis sus vne armée de Bourguignons, reuint au milieu de l'hiver chercher ses ennemis en France. Qui fut cause que Hugues le Blanc s'entremist de le pacifier avec le Comte Herbert; & les ayant par trois fois faict parler ensemble, fit tant qu'ils tombèrent d'accord à la troisieme. Pource que la Roine Emme quitta le chasteau & ville de Laon à Herbert: ce qu'elle n'auoit voulu faire auparauant. Au moien dequoy les Comtes Hugues & Herbert se vindrent encore trouuer à vn embouchement avec les Normans, à fin de conclure quelque appoinctement avec eux: nonobstant lequel le Comte Herbert ne peut rauoir son fils Odon, qui estoit en ostage vers le Duc Guillaume, qu'il n'eust fiancé le party du Roy Charles, & promis de le mettre en liberté avec aucuns Comtes & Prelats de France (si c'est ce que les Annales de Reims veulent dire souz ces mots, *Donec se Carolo committit*) lequel il pourmenoit lors avec soy par la France, cōme l'ayant mis en liberté: ayant auparauant signifié par message exprès au Pape Iean à Rome (qui luy auoit commandé avec menaces d'excommunication, de le remettre en son honneur & liberté) qu'il emploieroit toute sa puissance à ce faire. Si est-ce toutesfois qu'estant reconcilié au Roy Rodolfe, il le remit bien tost apres en garde. Combien que les mesmes Annales tesmoignent que Rodolfe l'alla depuis visiter en la ville de Reims, & faire paix avec luy, remettant Atigni entre ses mains, & l'honorant de presens, pour faire possible croire qu'il auoit consenty qu'il regnast.

H U G U E S Roy d'Italie fut (comme recite Luitprand liu. 3. chap. 13.) aduertie que les Barons d'Italie qui l'auoient à cœur, sollicitoient le Roy Rodolfe de Bourgongne de reprendre le soin du droit qu'il auoit en Italie. A cause dequoy le voulant diuertir de ceste entreprise, fit accord avec luy, par lequel il luy quittoit & transportoit tout le droit qu'il pouuoit auoir es pays de la Gaule deça les Alpes, moyennant qu'il se deportast de plus rien pretendre au Roiaume d'Italie. Ce que Paradin dit par vn ancien tesmoignage auoir esté faict ceste année. Pource que Rodolfe aima mieux se contenter du certain, que d'aller esprouuer de rechef l'inconstance des Italiens. De laquelle conuention toutesfois il faut que la prouince de Vienne ait esté exemptee: pource que les Annales de Reims recitent que Hugues la donna au Comte Herbert pour son fils Odon, qui se trouua au colloque que luy & le Roy Rodolfe de France eurent ensemble ceste meisme année, si c'est ce qu'elles veulent dire souz ces mots: *Hugo Rex colloquium habes cum Rodulfo Heriberto Comiti prouinciâ Viennensem dedit vice filij sui Odonis*. Combien qu'il ne se trouue point qu'il en ait iamais iouy non-plus que l'autre Rodolfe de la Prouence: si d'auanture ce Boson que Luitprand appelle Comte d'Arles, ne fut son fils (qui est l'opinion d'aucuns historiens Prouençaux) duquel Berthe niepce & heritiere des richesses du Roy Hugues, estoit vefue, quand il fut dechassé d'Italie: Ou si le contract ne portoit que le Roiaume de Prouence ne reuiendroit seulement à Rodolfe ou à ses hoirs qu'apres le trespas du Roy Hugues, comme il fit en la personne du Roy Conrad.

C O N S T A N T I N Roy d'Ecosse ayant intelligence avec le peuple de Galles, qui auoient lors vn Vidual pour leur Roy, s'osa esmouuoir en ce temps contre le Roy Adelstanus d'Angleterre: lequel ne faisant du restif à se defendre, eut aussi soudainement mis son armée aux champs que les Ecossois. De sorte qu'il les vainquit, & contrainit à la parfin de receuoir tel appoinctement de luy qu'il voulut, leur rendant leurs roiaumes à les tenir en fidelité de luy. Polidore, Guillaume de Malmesberie.

G U Y Marquis de la Toscane, ayant grande puissance & autorité en la ville de Rome, fut incité (comme tesmoigne Luitprand) par sa femme Marozia, qui desiroit esleuer au siege Papal vn Bastard qu'elle auoit eu du Pape Sergius, de deietter celuy qui y estoit ja assis. De sorte qu'il le fit prendre & mettre en prison par ses soldats, ayant faict tuer deuant ses yeux son frere nommé Pierre. Onufrius estime qu'ils l'estoufferent aussi ceste année le sixiesme iour d'Auril. Mais les Annales de Reims, auxquelles ie m'arreste plus volontiers

en ce point, tefnoignent expreffément qu'il fut feulemēt emprisonné ceste année, & qu'il mourut en la fuiuante.

<i>Du Monde.</i>	5066	<i>Papes.</i>	1	<i>R. des Eſcoſſois.</i>	24.
<i>De Ieſus Chriſt.</i>	929	<i>E. de Grece.</i>	25	<i>R. des Anglois.</i>	4.
<i>Indiction.</i>	2	<i>E. d'Allemagne.</i>	11	<i>Duc de Veniſe.</i>	19
<i>De l'Heſire</i> 317. le 13. de		<i>R. des François.</i>	6	<i>R. d'Italie.</i>	4
<i>Feurier.</i>		<i>R. de Leon.</i>	4	<i>R. de Bourgongne.</i>	18
				<i>R. de Nauarre.</i>	10

CHARLES ſurnommé le Simple, Roy legitime des François, mourut fort miſerablement à Peronne ſelon les Annales de Reims. L'Abbé d'Vrſperg auſſi confeſſe ſuiuant vn hitorien François, que ce fut en la 5. année de ſa detention. Du Tillet dit le 7. d'Octobre. Lequel a eſté repris par Belle-foreſt de ce qu'il a eſcrit qu'il laiſſa vn fils baſtard nommé Roric ou Roricon, qui fut Eueſque de Laon. Mais il ſe doit adreſſer à Flodoard qui le dit ainſi ſouſ l'an 949. *Laudunenſes qui fidelitati Ludowici Regis attendebant, eligunt ſibi præſulem Roriconem ipſius Regis fratrem.*

BOSON frere du Roy Rodolfe fit quelques torts & falcheries aux ſubieſts de Rothilde belle-mere du Comte Hugues nouuellement decedee: à l'occafion dequoy la guerre luy fut commencee par iceluy & par le Comte Herbert. De ſorte qu'ils prirent de force le chateau de Vitry ſur luy: & puis firent trefues avec luy iuſques à la fin de May. Au moien deſquelles il alla trouuer l'Empereur Henry, où il luy fut forcé de iurer la paix avec luy. Mais les Comtes Hugues & Herbert allerent aſſieger cependant le Comte Herluin fils de Hilgand en ſon chateau de Monſtreuil, iuſques à ce qu'ils l'euffent contrainct de compoſer avec eux. Neantmoins ils entrerent bien toſt apres en querelle l'un contre l'autre pour luy, pource qu'eſtant vaſſal de Herbert, Hugues le prit avec ſa terre en ſa protection. Qui fit auſſi que Herbert receut à foy le Comte Hilduin vaſſal de Hugues. *Annal. de Reims.*

LE païs d'Auſtriche fut ceste année premierement erigé en Marquiſat par l'Empereur Henry, qui en inueſtit Leopold ſurnommé le Noble ou Illuſtre, qui en fut le premier Marquis. *Cuſpinian.*

ESTIENNE & Constantin fils de Lagapenus furent par leur pere declarez Auguſtes, & faiſts conſors de ſa dignité Imperiale, le 25. iour de Decembre, en la 2. Indiction.

EN laquelle auſſi Simeon Roy de Bulgarie mena vne armee iuſques deuant Conſtantinople. Mais apres que Lagapenus eut parlementé avec luy, ils tomberent d'accord, ſuiuant lequel il ſe retira en ſon païs. *Cedrenus, Ioannes Curopalates.*

GARCIA S Ennicus ou Eningue Roy de Nauarre, fut en la 10. année de ſon regne occis en vne rencontre où il ſe trouua contre les Maures, ayant ſa femme Vrraca enceinte, qui mourut auſſi ſoudainement du regret qu'elle receut de ſa mort. Mais elle fut ſi diligemmēt aſſiſtee par vn gentilhomme, que l'enfant qu'elle portoit fut tiré de ſon ventre en vie, & nommé au Baptême Sanctius ou Sanches Garcias, puis apres ſurnommé Abarca. Tous les Autheurs confeſſent qu'il fut heritier & ſucceſſeur de ſon pere, apres qu'on eut eſté biē acertené qu'il eſtoit vraiment ſon fils. Mais ils ne conuiennent ny du temps ny combien il a regné. D'autant que Tarafa diſt en vn endroiſt qu'ils regna cinquante ſix ans, en vn autre quarante ſix. Roderic de Tolette 25. ſeulement, leſquels il commence à l'Ere 918. Mais ſil faut prendre garde aux années que ſon pere & les ſucceſſeurs de luy ont regné, le nōbre de Roderic ſe trouuera le plus veritable, pourueu qu'au lieu de l'Ere 918. nous liſions 967. ou 968.

MIRON Comte de Barcelonne fils de Iamfrede 2. deceda, laiſſant vn fils qui fut Iamfrede 3. encore enfant ſouſ la tutelle de ſon frere Sunyere Comte d'Vrgelle, à l'occafion de laquelle il gouerna ladiſte Comté l'eſpace de 16. ans. *Franc. Tarafa.*

GVY Marquis de la Toſcane mourut en ce temps, ayant encore vn frere nommé Lambert, qui luy ſucceda en ſon Marquiſat. Mais ſa femme qu'on nommoit Marozia demeura en auſſi grande autorité à Rome à cauſe de ſa beauté, de laquelle elle faiſoit prodigalité, qu'elle eut bien la puiſſance de retenir encore quelque temps (comme diſent les Annales de Reims)

de Reims) le Pape Iean en prison : où elle le fit en fin mourir ceste année pour establir (au dire de Luitprand & des autres) son bastard qu'elle auoit eü du Pape Serge en son lieu. Mais le peuple ne le Clergé ne le voulurent recevoir, donnans leurs suffrages à Leon sixiesme pour estre Pape. Qui fut cause qu'il ne dura gueres. Car comme il commençoit à pacifier les troubles de la cité de Rome, il ne se peut donner de garde du breuuage empoisonné qu'elle luy fit boire (duquel il mourut au septiesme mois de son Pontificat) pour trouuer le chemin de ramener son bastard au Papat. Si est-ce toutesfois qu'elle ne peut faire qu'un Estienne qui fut 7. ou 8. du nom, ne luy fust encore ceste fois prepôsé. Luitprand, Platine.

<i>Du Monde.</i>	5067	<i>Papes.</i>	1	<i>R. des Escossois.</i>	25
<i>De Iesus Christ.</i>	930	<i>E. de Grece.</i>	26	<i>R. des Anglois.</i>	5
<i>Indiction.</i>	3	<i>E. d'Allemagne.</i>	12	<i>Ducs de Venise.</i>	1
<i>De l'Hegire 318. le 2.</i>		<i>R. des François.</i>	7	<i>R. d'Italie.</i>	5
<i>de Feurier.</i>		<i>R. de Leon.</i>	5	<i>R. de Bourgongne.</i>	19
		<i>R. de Nauarre.</i>	1	<i>R. de Bulgarie.</i>	1

LES Normans qui habitoient la coste de la Loire, festans jettez à grande foule dedans le pays d'Aquitaine pour y faire leurs degasts accoustumez, furent en vne rencontre qui se fit au pays de Limoges, quasi tous taillez en pieces par le Roy Rodolfe. Qui fut cause que les Aquitains se souismirent tant plus volontiers à luy. Cependant la guerre se demenoit fort asprement par la France entre les Comtes Hugues & Herbert. Mais quand Rodolfe fut de retour d'Aquitaine, il fit tant d'allees & de venues qu'il les remit d'accord entr'eux & avec son frere Boson. Lequel fut rompu tout Incontinent, pource qu'Herbert reprit par trahison le chasteau de Vitry qu'il auoit esté tenu de rendre à Boson, & luy osta encore de mesme façon le chasteau de Coucy. A cause dequoy les Lorrains venans souz la cōduicte du Duc Gislebert au secours du Comte Hugues, se firent rēdre pour luy la ville de Douay par oppugnation, que défendoit le Capitaine Arnould, pour le Comte Herbert. Qui aussi en la mesme saison reperdit le chasteau de Vitry, ensemble celui de Moson, de mesme maniere qu'il l'auoit regagné. Annales de Reims.

LE Seigneur Orson Badoer 3. du nom Duc de Venise, prenant degoust des honneurs de ce monde quitta volontairement sa dignité pour faire profession de la vie monastique. Au moien dequoy Pierre Candian fils de celui qui fut cy deuāt mis à mort par les Istriés, fut subrogé en la dignité Ducale, laquelle il exerça l'espace de 7. ans. Sabellic.

SITRIC Roy de la nation Dannoise en Northumbellande mourut, laissant deux fils Analaphe & Godefroy, qui ne se peurent si bien defendre qu'ils ne fussent dechassez du Roiaume de leur pere par Adelstan Roy de Kents ou de Cantorbie: ne tant faire aussi que ils le peussent puis apres recouurer par l'armée qu'ils amenerent d'Escoffe pour cest effect. Polidore.

SIMON Roy de Bulgarie mourut au retour du voyage qu'il fit contre les Chrobates, où il auoit perdu l'armée qu'il auoit menee. Ayant vn fils nommé Pierre qui luy succeda à la couronne, & pour l'acquiescer bruit remit sus en grande diligence vne armee qu'il mena contre les Grecs. Mais l'Empereur & luy s'appointerent finalement ensemble, par le mariage qui se fit de luy & de la fille de l'Empereur en la cité de Cōstantinople le 8. iour d'Octobre. Cedrenus & Ioannes Curopalates.

SELON lesquels aussi Nicolas Patriarche de Constantinople mourut en la mesme Indiction le 15. iour de May, ayant tenu le siege Patriarchal l'espace de 23. ans (qui se doiuent lire au lieu de 13. fils ne se sont mescontez de l'Indiction.) Tant y a cependant qu'Estienne auparauint Archeuesque d'Amasie luy fut subrogé au mois d'Aoust, qui presida enuiron trois ans.

ESTIENNE Pape de Rome ne fessant faict rien plus aduisé par l'exemple de son predecesseur, se laissa mener par le mesme chemin à la mort, qui luy aduint selon Onufrius ceste année le 8. iour de Decembre. Au moyen dequoy Iean 11. du nom bastard

AAA

du feu Pape Sergius troisieme, & de Marozia (que Luitprand appelle putain effrontee) se remit sans contredit au siege Papal, & y presida encore quatre ans, dix mois, quinze iours, pource que sa mere luy auoit si bien aplany le chemin, qu'il ne se trouua plus personne pour s'opposer à luy, afin que souz son nom elle tint toute la ville de Rome en sa main, pour y gouverner tant le spirituel que temporel à sa guise. Dont on ne peut douter que toutes choses n'ayent esté souz elle fort sainctement & religieusement ordonnees. Luitprand.

<i>Du Monde.</i>	5068	<i>Papes.</i>	1	<i>R. des Escossois.</i>	26
<i>De Iesus Christ.</i>	931	<i>E. de Grece.</i>	27	<i>R. des Anglois.</i>	6
<i>Indiction.</i>	4	<i>E. d'Allemagne.</i>	13	<i>R. d'Italie.</i>	6
<i>De l'Hegire 319. le 22. de</i>		<i>R. des François.</i>	8	<i>Ducs de Venise.</i>	2
<i>Janvier.</i>		<i>R. de Leon.</i>	6	<i>R. de Bourgongne.</i>	20
		<i>R. de Nauarre.</i>	2	<i>R. de Bulgarie.</i>	2

DES querelles des Princes de France s'ensuiuirent de grandes mutations, qui agiterent l'estat de la France de diuers effects de guerre. Car apres que Hugues le Blanc eut receu la ville de Donay par les Lorrains, les anciennes querelles se renouellerent entre Boson & Gislebert: pource que Boson se rappointa avec Herbert, qui fit que Gislebert surprint sur luy le chasteau de Durfozt: & fit encore que Herbert laissa son alliance pour prédre la siene. Occasïo pourquoy Boson laissa aussi le party de l'Empereur pour se reioindre à la cause du Roy Rodolfe son frere. Qui fut pareillemēt cōtrainct d'estre de la partie: d'autant que Herbert se declara tout d'un mesme train contre luy. Ce qui ne se fit sans prise de plusieurs places & forteresses des vns sur les autres: iusques à ce que s'estans leurs armées trouuees l'une deuant l'autre deuant la ville d'Arras (que Rodolfe accompagné du Prince Hugues vouloit assieger, & l'autre estoit venu avec les Lorrains pour la defendre) se donnerent trefues pour vn peu de temps: à l'issue desquelles pource que Herbert cogneut que Rodolfe luy dressoit vn nouveau mesnage sur l'Archeuesché de Reims, il fallā de despit mettre en la protection de l'Empereur Henry. Ce que toutesfois n'admena de rien sa cause. D'autant que Hugues alla aussi vers luy de la part du Roy, qui le fit retirer en Allemagne sans se mesler de leur different. Au moien dequoy le Roy fit si bien valloir sa puissance, qu'il reduisit en sa main les villes de Reims, Chaallons, & Laon. Et apres auoir de son autorité faict eslire Artold Archeuesque de Reims au lieu de Hugues fils de Herbert, qui ne sembloit capable d'une telle dignité par son aage, s'en alla mettre d'accord les Aquitains qui se mutinoient ensemble. Cependant la Bourgongne ne fut non plus que la France exempte de troubles, à cause que Gislebert (qui semble estre celuy qu'on a estimé faussement auoir esté Duc de Bourgongne apres Rodolfe) fils du Comte Manasses, & Richard fils de Vvaruaire se reuolterent contre le Roy pour raison du chasteau d'Auallon que la Roine Emme leur osta: Comme recitent les Annales de Reims, lesquelles aussi nous declarent que Charles Constantin fils de Louys l'Aueugle Empereur d'Italie fut au mesme temps Prince & Seigneur de la cité de Vienne en Dauphiné. De sorte qu'il la reprit à foy & hommage du Roy Rodolfe de France, qui l'alla voir pour cest effect. Mais on ne sçait point comme elle vint es mains d'iceluy, veu que Hugues Roy d'Italie l'auoit cy deuant donnee à Odon fils du Comte Herbert.

A v mesme temps aussi les reliques des Bretons qui estoient restez souz la seruitude des Normans es Prouinces maritimes de Bretagne, ayans faict vne conspiration ensemble, coupperent au iour de saint Michel la gorge à tous les Normans qui dominoient sur eux, sans espargner leur Roy Felecan. Qui fut cause de faire partir Incon Prince des autres Normans de dessus la Loire avec eux, pour aller venger l'injure faicte à leur nation. Ce qu'ils firent en telle sorte qu'apres auoir deffaict & taillé en pieces tout ce qu'ils peurent attraper de Bretons, se mirent en possession de leur pays, selon les Annales de

de Reims. Mais les Annales de Bretagne estiment que ce fait aduint par Iuhael Berengier fils d'Alain le grand autrefois Duc de Bretagne, qui faisoit sa demeure en la ville de Rennes.

Les Venitiens souz la conduite de leur Duc commencerent en ce temps à estendre & dilater leur seigneurie & domination sur la Liburnie, Dalmatie, Esclauonnie, & sur toute la coste de la mer Adriatique: tellement qu'on estime que les Iustinopolitains furent alors subiuguez par eux. Blondus, Sabellic.

La marche ou Marquisat de Brandebourg fut ceste année erigee contre les Venedes & Esclavons, (qui semblent estre ceux qu'Vvitikinde appelle Henelles) par l'Empereur Henry, qui en institua Sigefroy, ou selon d'autres Henry frere de sa femme, premier Marquis: Comme Gaspar Peucer & Irenicius liure 3. chapitre 57. de son *Exegesis Germanie* tesmoignent. Selon lesquels aussi les Marquisats de Misnie & de Lusatie furent erigez au mesme temps. Mais quant à l'opinion de Melancthon, qui est aussi celle dudit Peucer, que les Venedes sont procedez de nom & d'origine (ainsi que les Venitiens) des anciens peuples de la Paphlagonie, qu'on nommoit Henetes, elle a si peu de fondement en raison & apparence de verité, qu'elle ne merite ny qu'on la recoiue ny qu'on la refute. Car tous les Auteurs de ce siecle & du precedent tesmoignent, que les Venedes ou Vvinides estoient de la nation des Esclavons: & est certain qu'il n'estoit plus de memoire ne du nom ne de la nation des Henetes au temps que les Esclavons commencerent à faire parler d'eux.

L'ARMEE que l'Empereur de Grece enuoia contre les Sarrazins qui tenoient par leurs courses toute l'Italie en subiection depuis plusieurs années, les poursuivit si asprement tant par mer que par terre, qu'elle les desnichia en fin & du Fraxinere & des Alpes où ils faisoient leur retraicte, & en deliura totalement l'Italie. Annal. de Reims.

MAIS enuiron le mesme temps Iean Curcuas Capitaine des Legions domestiques de Syrie, apres auoir gagné plusieurs victoires sur les Sarrazins d'Orient, assiegea la cité de Melitene. En laquelle l'Amiras ou Souldan Apocaps se trouua reduit à telle extremite, qu'il fut contraint de rechercher de paix l'Empereur de Grece, par qui elle luy fut accordée. Cedrenus.

Les Hongrois dictz Turcs, Seruiens & Chrobates informez de la mort du Roy Simeon de Bulgarie, commencerent à faire guerre à bon escient aux Bulgariens. Cedrenus.

Du Monde.	5069	Papes.	2	R. des Escossois.	27
De Iesus Christ.	932	E. de Grece.	28	R. des Anglois.	7
Indiction.	5	E. d'Allemagne.	14	Ducs de Venise.	3
De l'Hegire 325. le 11.		R. des François.	9	R. d'Italie.	3
de Ianuier.		R. de Leon.	7	R. de Bourgongne.	21
		R. de Nauarre.	3	R. de Bulgarie.	3

VNE nation de gens nommez Redariens ayans esté cy deuant subiuguez se soufleuerent en ce temps contre l'Empereur Henry, en si grand nombre qu'on estima qu'ils faisoient deux cens mille combatans. Si est-ce toutesfois que l'armée qu'il enuoia contr'eux souz la conduite de deux Capitaines Bernard & Thietmare, en fit vn si grand & horrible eschec, que ceux qui estoient en bransle de faire comme eux, furent bien tost contraincts de se reserrer. Sigebert. Vvitikinde de Saxe liure 1. dit que l'Empereur fit espouler au mesme temps la niepce d'Adelstan Roy d'Angleterre nommee Orgid ou Ottealba à son fils Othon.

ARNOLD Duc de Bauiere, à la sollicitation de Katherius Euesque de Veronne & de autres Seigneurs d'Italie (lesquels apres auoir failli à faire reuenir le Roy Rodolfe en Italie, l'estoient allé embabouiner de leurs promesses) passa avec vne armee en Italie, souz espoir de s'en faire Roy. Mais à la premiere escarmouche qu'il eut avec les gens du Roy, il se trouua si rudement traicté qu'il perdit l'enuie de tenter plus outre sa fortune: de sorte qu'il s'en retourna en son pais, comme il estoit venu. Au moien dequoy Hugues recouura la ville de Veronne, qui s'estoit donnée à son ennemy: où il declara bien tost apres son fils

AAA ij

Lothaire Roy d'Italie, & puis s'en alla recevoir la principauté & domination que luy donna la putain Marocia en la prenât en mariage, encore qu'elle eust esté femme de son frere. De sorte qu'il y comanda l'espace de quelque temps, iusques à ce qu'il en fut dechassé par son beau fils. Luitprand liu.3.chap.12.&14.

R O D O L F E Roy de France retournant en Bourgogne osta quelques chasteaux aux Comtes Gislebert & Richard qui estoient rebelles contre luy. Au moien dequoy il les contraignit de venir reprendre leur appoinctement de luy. Cependant le Comte Herbert s'empara du chasteau de Ham sur Ebrard frere du Comte Erluim de Monstreul: qui fut cause que Hugues le Blanc accompagné de quelques Euesques alla mettre le siege devant la ville d'Amiens. Et apres l'auoir battue quelque temps, & faict quelque accord avec ceux qui la tenoient, transporta son camp devant saint Quentin, qu'il assiegea de si court, qu'elle luy fut au bout de deux mois rendue par composition. De sorte qu'il voulut encore aller esprouver la ville de Peronne, pource que son armee fut grandement renforcée par les Lorrains que le Duc Gislebert luy amena. Mais elle fut si brauement defendue, qu'il n'en remporta que honte & perte de Lorrains. Qui fit que Gislebert apres auoir salué le Roy Rodolfe, remena le reste en son pays. Pendant lequel temps Boson frere du Roy & Bernuin Euesque de Verdun se guerroyerent fort cruellement l'un l'autre, au grand dommage de leurs pays & subiects. Auparavant Ragemund ou Raymond & Ermingaud Princes de Gothie, qu'on dit auourd'huy Languedoc, vindrent avec Loup dict Lacinare, Prince de Gascongne, (qui au bruit qui en estoit, se seruoit d'un cheual aagé de cent ans encore fort vigoureux) presenter leur seruice & deuoir au Roy Rodolfe. Annales de Reims. Selon lesquelles le Comte Herbert s'en alla au mesme temps en Allemagne vers l'Empereur Henry, pour (comme tesmoigne Vvitikinde de Saxe liu.1.) auoir quelque faueur de luy enuers le Roy Rodolfe. Tellement qu'il le fit venir à ceste intention parlementer avec le Roy en France, mais il dit que ce fut apres la deffaiete des Hongrois.

E S T A N T Apocaps Amiras de Melitene decédé, les Sarrazins rompirent l'accord qu'il auoit faict avec l'Empereur. Qui fut cause que Curcuas alla derechef assieger la ville de Melitene: qui fut si mal defendue, qu'il la reprit & remit en l'obeissance de son maistre. Cedrenus.

L E S Rois de Danhemarc ou de Noruerge & des Aboderites se firent en ce temps Christianiser & baptiser à l'instance & requeste de l'Empereur Henry: comme tesmoignent le Supplément de Regino, & Marianus Scotus. Si est-ce toutesfois qu'on ne peut entendre par l'histoire de Dannemarc qui furent lesdicts Rois, si les Dannois n'en auoient eu plusieurs en mesme temps.

<i>Du Monde.</i>	5070	<i>Papes.</i>	3	<i>R. des Escossois.</i>	28
<i>De Iesus Christ.</i>	933	<i>E. de Grece.</i>	29	<i>R. des Anglois.</i>	8
<i>Indiction.</i>	6.	<i>E. d'Allemagne.</i>	15	<i>Ducs de Venise.</i>	4
<i>De l'Hegire</i>	321. le 20. de	<i>R. des François.</i>	10	<i>R. d'Italie.</i>	8
<i>Decembre.</i>		<i>R. de Leon.</i>	8	<i>R. de Bourgogne.</i>	22
		<i>R. de Nauarre.</i>	4	<i>R. de Bulgarie.</i>	4

L E S Hongrois apres les trefues qu'ils auoient avec l'Allemagne expirees, furent si irritez du tribut accoustumé qu'on ne leur vouloit plus donner, qu'ils sortirent de leur pays en trois espouuantes bandes: l'une desquelles prit le chemin d'Italie: les deux autres se vindrent espandre par toute l'Allemagne, où ils firent des maux si horribles qu'il sembloit que la foudre & tempeste eust tombé es lieux où ils auoient passé. Le Supplément de Regino tesmoigne, que non seulement l'Allemagne, mais aussi la Bourgogne & une partie de la Lorraine se resentoient de ceste calamité, iusques à ce que l'Empereur eut assemblé toutes ses forces, avec lesquelles il les chargea d'une telle furie qu'il n'en laissa retourner que sept tous mutilez en leur pays porter nouuelles de la desconfiture des autres. Desquels les 36. mille demurerent sur le champ: les autres furent noiez es riuieres prochaines ou massacrez par les payfans. Ce qui fit qu'ils n'oserent plus selon leur coustume se venir

venir iouer en Allemagne. Les Annales de Reims l'attribuent à ceste année; les autres à la suivante.

HUGUES Roy d'Italie estant à Rome fit quelque iniure assez legere au fils de sa femme nommé Alberic, qu'elle auoit eu du Marquis Alberic, luy jettant au visage l'eau qu'il luy versoit pour lauer ses mains: qui la prit si à cœur, qu'il fit que les Romains chasserent son beau-pere hors de leur ville, & luy en laisserent auoir le gouuernement, souz tiltre de Cōsul, qu'ils remirent au dessus. Au moien dequoy il se disposa de la tenir & defendre contre luy, tenant sa mere & le Pape qui estoit son frere, en garde: Selō que Luitprand recite & les Annales de Reims, qui l'attribuent à ceste année.

A v mesme temps la ville de Vienne en Dauphiné fut mise par ceux qui la tenoient entre les mains du Roy Rodolfe de France. Auquel aussi Guillaume Duc de Normandie luy vint presenter son seruite & obeissance: en faueur dequoy le pays maritime des Bretons luy fut donné, selon que tesmoignent les Annales de Reims. Qui est à dire, que toute la Bretagne n'auoit esté donnée à son pere par le Roy Charles. Cependant le chasteau de S. Quentin fut surpris par le Comte Herbert: qui toutesfois le reperdit aussi soudainement qu'il l'auoit regagné, quand le Prince Hugues en fut approché. Qui se fit aussi rendre au mesme voiage la forteresse de Ranga. Autant en aduint de Chasteau-Thierry, qui fut rendu au Roy Rodolfe, & puis repris de Herbert. A cause dequoy le Prince Hugues l'alla de rechef assieger.

ENVIRON aussi le mesme tēps s'esleua vne forte guerre en la Duché de Beneuēt, entre Landulfe Duc & les gens de l'Empereur de Grece. A cause dequoy Landulfe fit venir Theobald Duc de Spolet à son secours, lequel faisoit couper les genitoires à autant de Grecs qu'il en tomboit entre ses mains: iusques à ce que la femme d'un qu'il tenoit captif, luy eut remonstré avec lamentations qu'il faisoit iniustement en chastrant les hommes de ce qui n'estoit pas à eux, ains à leurs femmes: veu qu'il pouuoit punir les hōmes par autres de leurs parties, esquelles leurs femmes receuroient moins d'interest. Sigonius.

ANALAF fils de Setrif, qui auoit esté cy deuant Roy de Northumbellande, desirant se remettre en possession de l'estat de son pere, incita le Roy Constantin d'Ecosse de luy donner aide à poursuiure son entreprinse. Tellement qu'ils entrerent eux-deux ensemble avec vne grande armee dedans le Roiaume d'Angleterre, où le Roy Atelstan les combatit en bataille rangée pres Gronningfeld, de si grand cœur qu'il obtint vne glorieuse & memorable victoire d'eux. D'autant que les Ecossois y perdirent leur Roy, au dire de Guillaume de Malmesberie, avec 12. de ses Comtes. Mais les historiens d'Ecosse, comme Hector Boëtius & Ioannes Maior, confessent seulement que leur Roy prist tel desplaisir de ceste défaite qu'il renonça au monde & à sa dignité roiale, pour faire profession de la vie monastique. Parquoy Ieā Maior semble auoir mieux obserué que l'autre, que celà se fit ceste année. Mais l'un & l'autre conuiennent que Malcolm premier du nom, fils du dernier Roy Douald luy fut subrogé par les Ecossois. Tellement qu'il regna, par le tesmoignage des deux mesmes Auteurs 15. ans. Cependant pource qu'ils ne sont pas biē d'accord en leurs supputations, & que ie n'ay pas tesmoignages certains pour demōstrer celle qui doit estre preferée à l'autre, pour le regard des Rois ensuiuans, ie les confrontray l'une avec l'autre.

ARTOLD Archeuesque de Reims receut ceste année le Pallium Archiepiscopal du Pape. Qui monstre que les Eglises de France se priuerent elles-mesmes de leur liberté par leurs dissensions. Car ses ancestres n'auoient encore voulu reprendre leur dignité des Papes, si d'auanture il n'y en a eu quelqu'un depuis Hincmare, nonobstant qu'on n'en ait aucun tesmoignage.

ESTIENNE Patriarche de Constantinople mourut le 6. iour de May, ou selon d'autres le 15. de Iuillet: tant y a qu'on conuient que ce fut en ceste Indiction. Et qu'on substitua en son lieu un moine nommé Tryphon pour exercer seulement le Patriarchat, iusques à ce que Theophilaète fils de l'Empereur Lagapenus fust venu en aage de le pouuoir tenir & exercer luy-mesme. Cedrenus, Ioannes Curopalates.

KATHERIVS natif de France, Euesque de Veronne, hōme docte, florissoit en ce tēps: auquel il escriuit contre les heresies qui y auoient vogue, signamment contre les Antropomorphites.

<i>Du Monde.</i>	5071	<i>Papes.</i>	4	<i>R. des Escossais.</i>	29
<i>De Iesus Christ.</i>	934	<i>E. de Grece.</i>	30	<i>R. des Anglois.</i>	9
<i>Indiction.</i>	7	<i>E. d'Allemagne.</i>	16	<i>Ducs de Venise.</i>	5
<i>De l'Hegire</i>	322. le 10.	<i>R. des François.</i>	11	<i>R. d'Italie.</i>	9
<i>de Decembre.</i>		<i>R. de Leon.</i>	9	<i>R. de Bourgongne.</i>	23
		<i>R. de Navarre.</i>	5	<i>R. de Bulgarie.</i>	5

LA ville de Chasteau-Thierry assiegee pour la seconde fois par le Roy Rodolfe, luy fut en fin renduë en eschange du chasteau de Han & de Peronne, qui fut aussi rendu au Comte Herbert par le moien des trefues que les Comtes Gislebert & Ebrard avec aucuns Euesques de Lorraine (enuoiez de la part de l'Empereur) moiennerent entre les Princes de France, lesquelles furent encores prolongees iusques à l'annee ensuiuant. Autrement le Prince Gislebert eust amené les Lorrains au secours du Comte Herbert. Ce qui semble estre procedé de la finesse de l'Empereur, qui vouloit tenir les partialitez de France en egalité, se doutant que la tranquillité de France ne luy eust troublé l'estat de la Lorraine. Cependant Emme femme du Roy Rodolfe & sœur du Prince Hugues mourut. *Annal. de Reims.*

LES Narentins faisans continuellement des entreprinſes sur les terres des Venitiens, furent en ce temps subiuguez par eux. *Sabellic.*

AV meſme temps les Bulgariens furent en mauuais meſnage avec leur Roy à l'occasion de ses freres. Mais les Hongrois que les Grecs appelloient aussi Turcs, furent courir en grand nombre au mois d'Auril deuant la cité de Constantinople: où ils causerent vn tel espouuamment, que l'Empereur fut contrainct de faire appointement avec eux. *Cedrenus.*

<i>Du Monde.</i>	5072	<i>Papes.</i>	5	<i>R. des Escossais.</i>	30
<i>De Iesus Christ.</i>	935	<i>E. de Grece.</i>	31	<i>R. des Anglois.</i>	10
<i>Indiction.</i>	8	<i>E. d'Allemagne.</i>	17	<i>Ducs de Venise.</i>	6
<i>De l'Hegire</i>	323. le 29. de	<i>R. des François.</i>	12	<i>R. d'Italie.</i>	10
<i>Nouembre.</i>		<i>R. de Leon.</i>	10	<i>R. de Bourgongne.</i>	24
		<i>R. de Navarre.</i>	6	<i>R. de Bulgarie.</i>	6

QUELQUES Seigneurs d'Aquitaine se reuoltans contre le Roy Rodolfe prindrent vn chasteau nommé Viriliac, pour le defendre contre luy. Qui fut cause qu'il l'alla assieger. De sorte qu'il le regagna, & le rendit au Comte Geoffroy à qui il appartenoit. Et puis se vint trouuer au Parlement general qui se tint à Soissons. A l'issüe duquel il se transporta encore en Lorraine, où l'Empereur & le Roy Rodolfe de Bourgongne luy auoient assigné iour de colloque; auquel ils renouellerent & confermerent leurs anciennes alliances. Mais ils remirent d'accord le Prince Hugues avec le Comte Herbert, luy faisant rendre vne partie de ce qu'on luy auoit osté, comme aussi fut fait au Comte Boson frere du Roy Rodolfe par l'Empereur. Si est-ce toutesfois que Herbert à l'aide des Lorrains & d'aucuns Comtes de Saxe qui luy estoient amis, assiegea bien tost apres le chasteau de saint Quentin (pource que Hugues ne le vouloit quitter volontairement) de si grande puissance qu'il le regagna par composition. Et eust eu encore toute la ville de Laon, si les menaces du Roy Rodolfe (qui venoit de reprendre le chasteau que certains Comtes de Bourgongne luy auoient emblé, & chasser les Hongrois qui estoient entrez en son pays, où ils faisoient vn piteux meſnage) ne l'eussent fait desister de son entreprinſe. Ayans lesdicts Hongrois repris la route d'Italie, d'où ie pense aussi qu'ils estoient partis. Cependant vne troupe de Normans qui

qui s'estoient iettez dedans le pays de Lorraine & de Bourges, furent si brauement surpris par les payfans, qu'ils demourerent quasi tous taillez en pieces. Annales de Reims.

E BLES Comte d'Auuergne, de Poitou & Duc d'Aquitaine mourut, laissant d'Adela sa femme, fille de Rollon Duc de Normandie, deux fils; Guillaume (qui fut surnommé teste d'Estoupes, qui luy succeda à ses tiltres & estats, ausquels il adiouta la Comté de Perigort, avec aucunes autres seigneuries) & Ebles son frere, lequel suiuit l'estat d'Eglise. Tellement que la Chronique que nous suiuous, dit que *Annunte Ludouico Rege Pontifex Lemo-nice factus est.* Qui est pour monstrier quel droit les Rois de France auoient encor de ce temps-là sur l'Aquitaine. Mais son frere luy bailla plusieurs Abbayes en Poitou, où il fit eriger plusieurs chasteaux. Je sçay que plusieurs autres Chroniques font ce Guillaume teste d'Estoupes fils d'un autre Guillaume: mais ie m'arreste plus à celle que ie viens d'alléguer, comme à la plus ancienne.

V N E armee de Danois étant venue prendre terre en Frise, fut desconfite par l'Empereur. Au moyen dequoy il fit Chrestienner leur Capitaine nommé Chulpia ou Nuba, que Sigebert apres Vvittikinde appelle Roy. Mais il est certain qu'il n'estoit point Roy general des Danois.

L E pays de Gueldres, anciennement comprins souz le Roiaume d'Austrasie, fut ceste annee erigé en Comté par l'Empereur, qui en inuestit vn nommé Begrin, qu'on estime en auoir esté le premier Comte. Irenicus en son *Exegesis Germania.*

I G O R fils de Rurich tenant toute la Monarchie de Russie, dicte maintenât Moscouie, depuis le trespas d'Olech, qui la luy auoit detenuë souz ombre de tutelle iusqu'à sa mort, eut enuie en ce temps d'esprouuer sa puissance sur les Grecs, sçachant que leurs forces estoient distraictes & occupees contre les Sarrazins. De sorte qu'il vint avec plus de mille vaisseaux, & vn nombre effroyable de gens, assieger la cité de Constantinople: où ils se camperent le quatorziesme iour de Iuin. Mais l'Empereur leur donna tant d'algarades par mer & par terre, & de fascheries par le feu Gregeois, qu'en fin force leur fut de se retirer bien honteusement en leur pays, avec vne perte incalculable de gens, & de leur appareil de mer. Cedrenus, Zonare, Luitprand, Sigebert.

I E A N II. Pape de Rome mourut, au rapport d'Onufrius, ceste annee, le 25. iour d'Octobre: & eut pour successeur Leon 7. natif de Rome, qui presida 3. ans, 6. mois, 10. iours depuis son election, qui fut faicte le 27. iour du mesme mois. Combien que les Annales de Reims declarent que ce ne fut que l'annee ensuiuant. Lesquelles aussi tesmoignent que Hugues Roy d'Italie vint apres le trespas du Pape Iean, avec vne grande armee assieger la cité de Rome, pour essayer ou de la remettre entre ses mains, ou de venger la honte (comme escrit Luitprand) qu'on luy auoit fait cy deuant en icelle.

L E discord qui auoit esté souz l'Empereur Leon en l'Eglise Grecque, pour raison de l'edict des quatriemes nopces, fut cause de faire assembler en ceste Indiction vn autre grand Synode à Constantinople. Auquel les Euesques & Prelats de l'Eglise Grecque se trouuerent quasi tous: lesquels conuindrent qu'il n'estoit loisible de se marier pour la quatrieme fois: ny aussi pour la troisieme, depuis le quarantieme an de l'aage passé. Theodore Balsamon.

Du Monde.	5073	Papes.	1	R. des Escossois.	31
De Iesus Christ.	936	E. de Grece.	32	R. des Anglois.	11
Indiction.	9	E. d'Allemagne.	1	Ducs de Venise.	7
De l'Hegire 325. le 18.		R. des François.	1	R. d'Italie.	11
de Novembre.		R. de Leon.	11	R. de Bourgongne.	25
		R. de Nauarre.	7	R. de Bulgarie.	7

H E N R Y premiet du nom surnommé l'Oiseleur, mourut le 2. ou selon d'autres le 5. iour de Iuillet, ayant par son testament déclaré & institué le Prince Othon son fils aîné (à qui le surnom de Grand fut cy apres donné) son heritier & successeur en la dignité Imperiale. De laquelle toutesfois son puîné nommé Henry, voulut debatre contre luy, alleguant que son frere estoit nay deuant que leur pere fust Empereur. Mais la cause d'Othon fut

A A A iiii

approuuée de la pluralité des Princes & Barons d'Allemagne. De sorte qu'on fait compte que son regne a duré l'espace de 36. ans, 10. mois, 6. iours. Les Annales de Reims, Diemare, Supplément de Regino, Herman Contract, Marianus Scotus, Othon de Frisingen, Abbé d'Ursperg, conuiennent avec les dattes des anciennes chartres, que ce cy aduint ceste année. Glaber affirme qu'Othon fut fils de la fille de Robert pere de Hugues le Grand. Dequoy les Historiens d'Allemagne ne conuiennent.

HUGUES Roy d'Italie ayant longuement tenu la ville de Rome assiegée, fut en fin par disette de viures, cōtrainct de leuer & retirer son camp, apres auoir fait paix avec le Comte Alberic, moyennant sa fille Alde qu'il luy donnoit en mariage, esperant le surprendre par icelle. Ce que toutesfois ne rencontra selon son souhait, à cause de ses soldats qui ne le seruoient fidelement. Mais il fit bien tost apres empoisonner son frere Boson, sur l'aduerissement qu'il eut qu'il machinoit contre son estat, encore qu'il luy eust fait auoir le Marquisat de la Toscane apres le trespas de leur autre frere Lambert, qu'il auoit mesmement fait mourir, à la suscitation dudit Boson : au lieu duquel il institua quant- & quant vn Hubert Marquis de la Toscane. Annales de Reims, Luitprand.

RODOLFE Roy de France & Duc de Bourgongne, mourut, au rapport des Annales de Reims, ceste année. Nous auons des anciens tesmoignages (mesmement le Martyrologe de l'Abbaye de sainte Colombe de Sens, où il fut enterré) qui disent que ce fut le 12. de Ianuier, ou selon d'autres le 15. Tant-y-a qu'il ne laissa aucuns enfans. A cause dequoy les Princes de France firent (à l'instance de Hugues le Grand dict le Blanc) reuenir Louys fils du feu Roy Charles (que sa mere Theatgine auoit mené en Angleterre vers le Roy E douard, au tēps de la calamité de son pere, dont il fut surnommé d'Outre-mer) pour prédre la courōne de France qu'ils auoient enuie de luy rendre. De sorte qu'ils l'allerēt receuoir au port de Boulongne : & s'estans soubmis à luy, l'amenerent couronner à Laon par Artold Archeuesque de Reims, le 19. iour de Iuillet, en presence des Princes & de plus de 20. Euesques de France. Et puis fut accompagné de Hugues le Blanc pour aller reprendre la ville de Langres, que Hugues le Noir frere du feu Roy Rodolfe auoit occupée : qui luy fut réduite sans grande force. Au moyen dequoy il receut encore les deuoirs & hommages des Seigneurs & Prelats de la Bourgongne, auant que venir faire son entrée à Paris. Ce que les Annales de Reims disent que biē tost apres les deux Hugues faisant paix ensemble, departirent la Bourgongne entr'eux, nous fait non-seulemēt croire que le Roy en auoit donné vne partie à Hugues : qui est le premier droit que luy & sa posterité y ont eu, laissant le reste à l'autre, en faueur du droit qu'il y auoit, & de par soy & par la mort de son frere : mais nous donne aussi à entendre que Gislebert ne fut fils ne successeur en la Duché de Bourgongne du Roy Rodolfe : ains que son frere seulemēt porta durant sa vie le tiltre de Duc apres luy. Il y a tiltre d'une donatiō faicte par Gislebert à l'Abbaye de Mōstier-Amey estant en la ville de Chaalons sur Saone, où il s'intitule seulemēt Comte, en la 15. année du Roy Louys, en ceste sorte : *Ego Gislebertus Dei gratia Comes, &c. Actum Camillonis ciuitate, anno 15. regnante Ludonico Rege Francorum.* Ce qui nous fait coniecturer qu'il estoit seulement Comte de ceste partie de la Bourgongne.

CEPENDANT les Bretons qui pour la crainte des Normans s'estoient cy deuant retirez en Angleterre, se vindrent avec le secours du Roy Alstane d'Angleterre, remettre ceste année en leur pays : selon les Annales de Reims. Les Annales de Bretagne estiment que ce fut souz la conduite d'Allain surnommé Barbe-torte, fils du feu Duc Mathuedore & de la fille d'Allain le Grand. Mais les Chroniques de Normandie se persuadent que Guillaume Duc de Normandie luy permit, & aux siens, à la priere du Roy d'Angleterre, de r'entrer en leur pays, suiuant le decret du Synode precedent. Il semble que ce fut en ceste Indiction que fut faicte par les Empereurs Constantin & Romain à Constantinople, la cōstitution qui interdisoit à toutes personnes les quatriēsmes nopces : & qui ne permettoit pas mesmes de conuoler aux troisiēsmes depuis le trentiēme an de l'aage : si ce n'est qu'il n'y eust aucuns enfans des deux premiers liēs : comme il se voit au liure du Droit Oriental : où il semble que celà est mal rapporté à l'an 6429. de la creation du Monde : ou que les Grecs n'ont pas esté d'accord en leurs supputations des ans du Monde.

VNE grande armée de Sarrazins partie d'Afrique, vint prendre terre en Italie : où ils destruirent & saccagerent la cité de Gennes, & furent rauager iusques en Allemagne. Mais vne de leurs troupes s'estant venue trouuer deuant Paue, souz l'enseigne d'un Capitaine qui

qui se nommoit Sagitte, fut lourdement deffaicte & mise toute en pieces. Annales de Reims, Luitprand.

ENVIRON ce temps la prouince de Temesne en Afrique, qui est au Roiaume de Fez, se rebella à l'instigation d'un Predicateur heretique nommé Chemin fils de Manual (qui se vantoit estre Prophete) contre le Roy de Fez, lequel il disoit estre tyran & inique. De sorte que le peuple de Temesne se rengeant souz sa conduite, luy commença la guerre, & le mena si rudement, qu'il fut réduit à la necessité de laisser toute la prouince de Temesne en l'obeissance du Predicateur, qui y regna & resida l'espace de trentecinq ans: la laissant encores apres sa mort à ses heritiers, qui la possederent enuiron l'espace de cent ans, iusques au temps de Ioseph premier Roy de Maroc. Ce que Iean Leon liu. 3. tesmoigne estre aduenu l'an 323. de l'Hegire.

<i>Du Monde.</i>	5074	<i>Papes.</i>	2	<i>R. des Escossou.</i>	32
<i>De Iesus Christ.</i>	937	<i>E. de Grece.</i>	33	<i>R. d'Angleterre.</i>	12
<i>Indiction.</i>	10	<i>E. d'Allemagne.</i>	2	<i>Ducs de Venise.</i>	1
<i>De l'Hegire 326. le 7.</i>		<i>R. des François.</i>	2	<i>R. d'Italie.</i>	12
<i>Nouembre.</i>		<i>R. de Leon.</i>	12	<i>R. de Bourgongne.</i>	26
		<i>R. de Nauarre.</i>	8	<i>R. de Bulgarie.</i>	8

RAOVL ou Rodolfe Roy de la Bourgogne Iurane mourut, laissant (selon les Annales de Reims) vn fils en fort bon aage nommé Chonrard, qui luy succeda à sa couronne, & regna enuiron 56. ou 57. ans. Luitprand tesmoigne qu'il laissa aussi vne fille nommee Adelahide, laquelle Hugues Roy d'Italie fit espouser à son fils Lothaire apres le trespas de son pere. Duquel aussi il prit la vefue pour soy, qui se nommoit Berthe fille de Bourchard Duc de Suaube. En faueur pareillement de laquelle ie presume qu'estant mort, son fils qu'il auoit vnique en Italie, & ne luy restant aucune autre heritier de son corps, qu'il resigna son Roiaume d'Arles apres son trespas, avec le droit aussi possible qu'il pretendoit en la principauté de Vienne audit Conrard son beau-fils. Car nous n'auons peu encore scauoir moyen plus probable par lequel le Roiaume d'Arles luy aduint. La Chronique de Suisse (suivant le tesmoignage du testament de ladite Berthe) adioust deux autres fils audit Rodolfe: l'un nommé Rodolfe, qui eut son partage en la petite Bourgongne: duquel on dit que la mere accoucha apres le trespas du pere: l'autre, Bouchard, qui fut homme d'Eglise. Le Supplément de Regino, Herman Contract, le Supplément d'Idatius, & les anciens memoires de l'Eglise de Lofanne, & Othon de Frisingen, conuiennent avec les Annales de Reims, & Vvittikinde, que ledit Rodolfe mourut ceste année: lequel elles appellent Roy de la Gaule Cisalpine, & Glaber Roy des Austrasiens. Les memoires de Provence donnent encore audit Rodolfe vn autre fils nommé Boson, qui fut mary de Berthe niepce du Roy Hugues d'Italie, & en faueur d'elle institué Comte d'Arles.

ARNOVL surnommé le Mauuais, Duc de Bauiere, mourut le quinziemesme iour de Iuillet laissant trois fils; Ebrard, Arnoul, & Herman: le premier desquels estant l'aîné, s'empara de toute la succession de son pere; sans en faire aucune reserue à ses freres, ne sans l'aller reprendre de l'Empereur, comme le droit des fiefs le commandoit. Lequel ne voulût laisser son auctorité ainsi foulée, le pria luy & ses freres de la Duché de Bauiere, & en inuestit leur oncle Berthold. Qui fut cause de les faire declarer ennemis de l'Empereur: contre lequel s'esleuerent au mesme temps Tangard son frere naturel (mal-content de ce qu'il ne luy vouloit laisser retenir le Marquisat de Brâdebourg, duquel il s'estoit nouvellement emparé, par le trespas du Marquis Sigefroy decedé sans enfans) avec Euerard Comte Palatin Duc de Franconie: ausquels se ioignit encore Gislebert Duc de Lorraine, non-obstant qu'il eust espousé la sœur de l'Empereur. D'autant qu'il ne pouuoit voir, comme on dit, de bon œil, la race de Charlemagne (de laquelle il se disoit aussi estre extrait) spoliée du Roiaume de Lorraine. Somme qu'ils se delibererent de commencer la guerre & d'assaillir premierement le pays de Henry frere de l'Empereur. Vvittikinde, Supplément de Regino, Sigebert, Auentin.

CEPENDANT Louys Roy de France voulût gouverner son Roiaume par soy-mesme,

le deffit de la compagnie du Comte Hugues, faisant venir sa mere à Laon, pour vser de son conseil en ses affaires. Ce qui fit penser à Hugues plus auant : à cause dequoy il se reconcilia avec le Comte Herbert, à qui par ce moyen Chasteau-Thierry fut rendu. Annales de Reims.

LORS vne compagnie de Hongrois, ayant rauagé l'Allemagne, se vint fourrer du costé de la Bourgongne dedans la France, faisant maux inenarrables où ils passerent : & puis repasserent en Italie, où ils firent vn semblable mesnage, iusques à ce que les Marfès & Pelligniens s'estās assemblez ensemble, leur dresserent des embusches ; par le moyen desquelles il les deffirent quasi tous. Annales de Reims, Marianus Scotus, Vvittikinde, Leon d'Hostie.

MAIS les Bretons reuenuz d'Angleterre, se mirent à guerroyer les Normans qui tenoient leur pays, si desesperément qu'ils gagnerent plusieurs belles victoires sur eux, par le moyen desquelles ils recouurerent la plupart de leurs villes ; mesmement la ville de Nantes : comme disent les Annales de Bretagne. En laquelle ils esleurent bien tost apres le Prince Alain pour leur Duc : encore que Iuhael Berengier se dist ja Duc des autres Bretons en la ville de Rennes.

AV seigneur Pierre Candian Duc de Venise decedé succeda en la dignité Ducale le seigneur Pierre Badoer fils du seigneur Orson iadis Duc, laquelle il exerça l'espace de 3. ans. Sabellic, Contarin.

ENVIRON le mesme temps Abderramen Roy de Cordouë & grand Miramolins des Sarrazins d'Espagne mourut, laissant plusieurs enfans : l'aîné desquels nommé Halihtan tint son estat apres luy l'espace de seze ans : comme tesmoigne Vaseus. Je ne voy rien de ce que luy & les autres escriuent du temps de ces Miramolins : car ils ne s'accordēt les vns avec les autres, ny eux avec eux-mesmes. Autres rapportent cecy à l'an 939.

VVITZLAVS premier Prince de Rugie en la Vvandalie, ou pluſtoſt Sclauonie, qui estoit Payen, regnoit en ce temps. Munſter.

JEAN Curcuas Coronal des Legions domestiques d'Orient, fut pour quelques occasions legeres demis de ses estats & du gouuernement des provinces d'Orient, duquel il s'estoit vaillamment & heureusement acquitté par l'espace de vingtdeux ans, qu'il auoit ramené quasi toute la Syrie en l'obeſſance de son maistre : & fut en son lieu substitué vn nommé Pantherius parent de l'Empereur Romain. Cedrenus.

<i>Du Monde.</i>	5075	<i>Papes.</i>	3	<i>R. d'Eſcoſſe.</i>	33
<i>De Ieſus Chriſt.</i>	938	<i>E. de Grece.</i>	34	<i>R. d'Angleterre.</i>	13
<i>Indiction.</i>	11	<i>E. d'Allemagne.</i>	3	<i>Ducs de Veniſe.</i>	2
<i>De l'Hegire 327. le 27.</i>		<i>R. des François.</i>	3	<i>R. d'Italie.</i>	13
<i>d'Octobre.</i>		<i>R. de Leon.</i>	1	<i>R. de Bourgongne.</i>	1
		<i>R. de Nauarre.</i>	9	<i>R. de Bulgarie.</i>	9

OTHON s'estant mis en chemin avec son armee pour aller contre les Princes de Bauiere, fut contrainct de retourner contre les Ducs Euerard & Gislebert, qui auoient affiegeé & pris de force le Prince Héry son frere, en vn Chasteau : lequel toutesfois ils lascherent aussi tost qu'ils entendirent la venuë d'Othon : ayant reduit tout le pays de Brandebourg en son obeſſance, où le Prince Tangard auoit esté occis, & se retirerent en leur pays. Qui fut aussi cause de faire reprendre le chemin de Bauiere à l'Empereur : laquelle se ſoumit ſans grande reſiſtance à luy. Au moyen dequoy il enuoya Ebrard en exil, & conferma l'ineſtiture d'icelle à Berthold. Autheurs precedents.

LE Roy Louys par l'interceſſiō du Comte Hugues, receut le Comte Herbert en ſa grace, qui luy rendit quelques places qu'il detenoit au Roiaume de Lorraine. Nonobſtāt celā toutesfois il ne laiſſa pas de faire paroître en beaucoup de ſortes le maltallent qu'il gardoit encores en ſon cœur contr'eux : d'autant qu'il eut quelques colloques ſecrets avec Arnoul Comte de Flandres, & qu'il prenoit touſiours de force quelque choſe ſur Herbert. Qui fut cause de faire rechercher l'alliance de l'Empereur Othon au Prince Hugues, prenāt ſa ſœur en mariage, ſouz conſiance de laquelle Herbert ſe mit à guerroyer fort aſprement les

les terres & places de l'Archeuesché de Reims, en haine de l'Archeuesque Artold. Qui fit que le Roy vint assieger la forteresse de Laon, où Herbert auoit encore sa garnison : & la battit de si grande furie, qu'il en fut finalement maistre : & la laissa toutesfois en garde à Odon fils dudit Herbert, qui s'estoit venu donner à luy pour aller parlementer avec Hugues le Noir Duc de Bourgogne, qu'il vouloit ioindre à son party. Lors Gislebert amena vne armee de Lorrains au secours de Hugues le Blanc & de Herbert, qui prit en leur faueur le chasteau de Pierre-pont. Mais auant que les choses s'enaigrissent dauantage, le Comte de Flandres fit tant qu'ils prindrent trefues entr'eux iusqu'à la fin de Ianuier. Depuis n'y eut oncques paix certaine ny durable entre le Roy & Hugues : mais ceux qui estiment que Hugues poursuivoit le droit que ses ancestres luy auoient laissé à la couronne, semblent par le recit des Annales de ce temps se tromper.

A M A L A P H E & Godefroy fils de Sutrich, iadis Roy de Northumbellande, ayant par la faueur des Escossois remis sus vne armee pour recouurer le Roiaume de leur pere, furent derechef desconfits & chassés par le Roy Alstan ou Adelstan, qui demeura tousiours depuis en possession paisible dudit Roiaume, & de tous les autres pays & côtrees de l'Isle, excepté de l'Escoffe : & sa posterité consequemment par l'espace de cent vingt six ans, iusques au Roy Harald, qui en fut dechassé par Guillaume le Normand. Polydore Virgile.

V V E N C E S L A V S premier fils d'Vratislaus treziesme Duc de Boëme, fut pour s'estre réduit trop subiect de l'Empereur, ceste annee mis à mort par son frere Boleslaus, qui par ce moyen s'empara de la Duché de Boëme : dont il fut en guerre, qui dura l'espace de quatorze ans contre l'Empereur Othon. Son frere auoit esté, comme on dit, de si bonne vie, qu'il fut canonisé entre les Saints apres sa mort. Tellement que les Histoires de Boëme afferment que ce fut la principale occasion, pour laquelle son frere le fit cruellement massacrer, à la suggestion de leur propre mere nommee Drahomira, femme cruelle & ennemie de toute vertu : comme Vvittikinde de Saxe, Sigebert & Dubrauius tesmoignent avec Æneas Syluius, qui adioute Boleslaus s'estant emparé de la principauté de Boëme, la posseda trentedeux ans, s'estant fait par ses mauuaises mœurs surnommer le Cruel.

S O V Z l'Empereur Othon premier (car celà n'a esté autrement spécifié par les auteurs) Eric surnomé Sergessel ou le victorieux, regna apres le trespas de son pere Eric au Roiaume de Suesse & de Gotlandie, tenant le 110. lieu entre les Rois, lequel fut à son aduenement guerroyé par Agnere fils de Regnier Roy de Dannemarc, qui le vouloit chasser de son Roiaume. Mais il se defendit si vertueusement, qu'il le deffit & occit en vne bataille. Apres laquelle victoire il fallut qu'il se defendist derechef contre vne armee de Liuniens, Finniens, Estoniens, Curetes & Prussiens, qui vint surgir en son Roiaume, estimans que les Sueffiens fussent alliez des Danois, contre lesquels leur principale intention estoit d'aller, pour venger les iniures & fascheries qu'ils auoient receu d'eux sur la mer. De sorte qu'il entra en champ de bataille contr'eux : dont il gagna la victoire sur eux. Au moyen de laquelle il se mit sur la mer avec ses forces, & alla reduire leur pays en son obeissance. Ce qui luy acquist vn si bon bruit, que l'Empereur Othon enuoya demander son alliance & amitié : comme Ioannes Magnus recite liure dixseptiesme, chapitre treze & quatorze, où il estime que la premiere guerre aduint souz Iuar & Siuar freres Rois de Dannemarc : & la seconde souz Harald fils de Gormo le Cruel, lequel estimant que ceste alliance fut faicte à son preiudice avec l'Empereur, mena vne armee en Suesse. Qui fut cause aussi que l'Empereur Othon en mit vne autre dedans le Roiaume de Dannemarc ; où elle fit bien plus : d'autant qu'ayant fait reuenir Harald defendre son pays, elle le deffit en vne grosse bataille, le reduisant à telle extremité, que pour n'estre pirement traité il prit la religion Chrestienne, & se fit baptiser avec son fils Suenon, à qui l'Empereur fit prédre au baptême le nom de Suenotho. Mais Albert Crants en sa Metropolitaine rapporte le baptême à l'an neuf cens quarantehuit : Et en l'histoire Danoise, le motif de ceste guerre au Marquisat de Sclesuig, que les Danois auoient pris sur les Saxons, apres le trespas de l'Empereur Henry. Neantmoins Ioannes Saxo, Polydore & autres racomptent que Suenon se reuolta bien tost apres non-seulement contre la religion Chrestienne, mais aussi contre son pere, le contraignant d'abandonner son Roiaume, & se retirer avec vne partie de la noblesse Danoise, qui l'aimoit mieux accompagner que viure souz la subiection du fils en

la Normandie, où le pays de Constance luy fut donné pour sa demeure. En laquelle ils disent encore qu'il seruit de beaucoup au ieune Duc Richard contre le Roy de France, qui fut par luy deffaiët & retenu prisonnier. Mais il n'appert point par les Annales de ce temps, & par la Chronique des Normans, que Harald soit luy-mesme venu en France. Ioinët que Helmödius & Albert Crants confessent qu'il fut tué en son pays par sondiët fils, qui regna encore plus de cinquante ans apres luy. Qui sert pour monütrer que toute l'histoire Danoise & Gothique est confusément & indistinctement écrite. Ioinët que le Supplément de Regino tesmoigne que Harald fut fait Chrestien souz le regne de l'Empereur Henry.

DOM Sancio ou Sanche Roy de Leon en Espagne, mourut, au rapport de Roderic, en l'Ere neuf cens septante cinq, laissant vn fils nommé Ranimire, en l'aage de cinq ans, qui regna souz la tutelle de sa mere Therasia l'espace de vingtcinq ans: par le cõseil aussi de laquelle il conferma la paix que son pere auoit faiët avec Abderramen Roy de Cordouë. Du temps de son pere le pays de Castille s'estoit affranchy de la subiection du Roy de Leon, au moyen d'une grande somme d'argët qu'il deuoit à Fernand Conäalue Comte de Castille, qui auoit esté auparauant fait feudataire du Roiaume de Leon par le Roy precedent.

<i>Du Monde.</i>	5076	<i>Papes.</i>	1	<i>R. des Escossois.</i>	34
<i>De Iesus Christ.</i>	939	<i>E. de Grece.</i>	35	<i>R. des Anglois.</i>	14
<i>Indiëtion.</i>	12	<i>E. d'Allemagne.</i>	4	<i>Ducs de Venise.</i>	3
<i>De l'Hegire 328. le 16.</i>		<i>R. des François.</i>	4	<i>R. d'Italie.</i>	14
<i>d'Octobre.</i>		<i>R. de Leon.</i>	2	<i>R. de Bourgongne.</i>	2
		<i>R. de Nauarre.</i>	10	<i>R. de Bulgarie.</i>	10

LE Roy Louys ayant Hugues le Noir & les Bourguignons avec luy, s'achemina contre Hugues le Blanc & le Duc Guillaume de Normandie. Si est-cé toutesfois qu'il ne se fit rien pour ce coup, au moyen qu'ils prolongerent encore leurs trefues iusques au mois de Iuin. Nonobstant lesquelles le Comte de Flandre prit d'emblee le chasteau de Monstreuil sur le Comte Erluin. A cause dequoy le Duc de Normandie luy presta vne troupe de ses gens par lesquels il le recouura. Ce qui fut la source de la haine que le Flamand conceut contre le Prince Normand.

CEPENDANT le Duc Gislebert de Lorraine s'estant rallié avec le Comte Euerard, fit tant par ses belles promesses que Henry frere de l'Empereur se mit de leur ligue. Et puis pour fortifier leur cause incita les Lorrains de se mettre en la puissance du Roy de France. Qui toutesfois ne les osa pas du premier coup recevoir: à cause de l'accord qu'il auoit fait auparauant avec l'Empereur par le Comte de Flandres. Mais il se condescendit à eux quand Gislebert & son frere Othon avec les Comtes Isaac & Theodoric se furent eux-mesmes venuz offrir à luy. Toutes les Histoires conuiennent que celà fut cause de faire venir par deux fois l'Empereur Othon en la Lorraine avec vne puissante armee. Mais les Annales de ce temps ne disent point qu'il y ait autre chose faiët que gaster le pays, & parlementé avec les Comtes Hugues, Herbert, Arnoul de Flandre & Guillaume de Normandie, auant que se retirer la premiere fois. Combien que les Historiens Allemans, comme Vvittikinde, le Supplément de Regino, Marianus Scotus, l'Abbé d'Vrsperg afferment, qu'il rencontra ses ennemis, & les mit en route: contraignant son frere de s'enfuir en Allemagne, où il l'alla assieger dedans le chasteau de Mersbourg, si chaudement qu'il le prit & le mit en garde. Somme qu'apres son depart le Roy Louys fit son tour comme luy avec son armee en la Lorraine, où il receut les deuoirs & submissions de la pluspart des Seigneurs & Prelats de Lorraine, & se fit rendre que de gré que de force plusieurs places (entre lesquelles estoit le chasteau de Brisac en Auülay) deffit quelques compagnies d'Allemans, laissa ses garnisons, parlementa avec Hugues Roy d'Italie, & s'en

& s'en retourna à Laon, ayant donné moyen à Gislebert & Euerard de se remettre sus. De sorte qu'ils s'osèrent aller auanturer delà le Rhin, où le malheur acheua leur ruine: car s'estans attaquez aux Comtes Vde & Conrard le Sage, Euerard fut occis sur le champ, & Gislebert mis en fuite; qui en se sauuant se noya dedans le Rhin. Qui fut cause de faire retourner le Roy Louys en Lorraine, où il prit Gerberge la vefue d'iceluy, qui estoit sœur de l'Empereur Othon pour sa femme, auant qu'auoir fait aucun accord avec luy. Car il reuint encore depuis à si grande puissance en Lorraine, qu'il remit toute la haute en son obeissance, ne laissant au Roy que la pluspart de la basse. Et ne se trouuant qui luy fist résistance en icelle, que l'Euesque Adalbero de Metz frere de Frederic, qui fut cy apres Duc de Lorraine. Ce que tous les auteurs precedents tesmoignent en beaucoup d'endroits estre aduenu ceste année: combien que Sigebert l'a aimé mieux departir és quatre années ensuiuantes.

A v mesme temps les Bretons gagnerent vne grande victoire sur les Normans: par le moyen de laquelle ils recouurerent encore aucuns chasteaux sur eux. Mais l'armée que le Roy Adelstan d'Angleterre auoit enuoyee par mer, pour conforter les affaires du Roy Louys, apres auoir longuement en vain couru la coste maritime de France, s'en retourna sans autre chose faire.

LA cité de Magdebourg fut ceste année fondee & edifiée par l'Empereur Othon, laquelle il nomma autrement Parthenopolis: tesmoin Sigebert. Albert Crants dit qu'il la fit aussi Metropolitaine du pays de la Vandalie, pource qu'il estime que les Esclauons estoient venuz des Vandales. Ce que nous auons prouué ailleurs estre faux. Parquoy il deuoit plustost dire qu'il la fit Metropolitaine des Esclauons de ceste marche-là: lesquels mesmement les Annales de ce temps appellent Sarmates.

LE Roy Hugues d'Italie, de qui (ce dit Sigonius) la destinee estoit d'auoir ceux-là pour plus aspres ennemis auxquels ils auoient fait plus de bienfaits, ayant perdu son temps à faire ses efforts de rentrer dedans Rome, tomba en fin en crainte de la puissance & temerité du Comte Auscare frere germain du ieune Berengarius Marquis d'Iurce. Tellement que pour s'asseurer de luy, il l'investit du Marquisat de Spolet & de Camerin, apres le trespas du Marquis Theobald nouvellement decédé. Mais il luy attiltra aussi quant-&-quât vn competeur nommé Sarlion, qui souz pretexte de ceste querelle le tua. Ce que Berengier remarqua si bien, qu'il commença de tramer des besongnes au Roy Hugues: non-obstât qu'il eust espousé sa niepce dictée Villa, qui estoit fille du Marquis Boson. Lesquelles toutesfois furent si mal secrettes, qu'elles fussent bien tost retôbees sur la teste de l'auteur, s'il n'eust preuenu le danger par sa fuite en Allemagne: où il fut présenté & recommandé à l'Empereur Othon par Herman Duc de Suabe. Ce que Sigebert tesmoigne estre aduenu ceste année. Combien que Luitprand liure cinquiesme, chapitre cinq, estime que ce fut au temps que l'Empereur de Constantinople enuoya demander la fille du Roy Hugues en mariage pour son fils. Qui fut selon Cedrenus en la seconde Indiction.

VNE armée de Normans souz la conduite d'un Roy qu'on nomme Gundired, descendit ceste année au pays de Gallice en Espagne, où ils firent vn piteux & horrible meurtre. Mais Dom Fernand Gonsalues Sanchie premier Comte de Castille, avec vne autre armée d'Espagnols, les chargea l'année ensuiuant de telle animosité qu'il les tailla tous en pieces, sans en laisser eschapper vn pour porter les nouvelles en leur pays: comme Roderic & les autres histoires d'Espagne recitent. Selon lesquels aussi ce Dom Fernand Gonsalues premier Comte de Castille mourut bien tost apres ceste victoire par luy obtenue: laissant vn fils nommé Dom Garças Ferdinand, qui posseda ses estats l'espace de 41. an apres luy.

LE 8 septiesme du nom Pape de Rome, mourut le sixiesme iour de May, & eut pour successeur Estienne huit ou neufiesme, natif (selon Herman Contract) d'Allemagne. Combien qu'Onufrius estime qu'il estoit Romain. Qui fut esleu vn mois apres le trespas de son predecesseur, & presida trois ans, quatre mois, cinq iours. Les Annales de Reims tesmoignent qu'il donna le *Pallium* Archiepiscopal de l'Archeuesché de Reims au fils du Comte Herbert: encore que le Pape Iean son predecesseur l'eust cy deuant donné à Artold, qui n'estoit encore decédé.

BBB

<i>Du Monde.</i>	5077	<i>Papes.</i>	2	<i>R. des Eſcoſſois.</i>	35
<i>De Ieſus Chriſt.</i>	940	<i>E. de Grece.</i>	36	<i>R. des Anglois.</i>	15
<i>Indiction.</i>	13	<i>E. d'Allemagne.</i>	5	<i>Ducs de Veniſe.</i>	1
<i>De l'Hegire 329. le 5.</i>		<i>R. des François.</i>	5	<i>R. d'Italie.</i>	15
<i>d'Octobre.</i>		<i>R. de Leon.</i>	3	<i>R. de Bourgongne.</i>	3
		<i>R. de Nauarre.</i>	11	<i>R. de Bulgarie.</i>	11

GUILLAUME Duc de Normandie eſtant venu rendre ſes ſubmiſſions & deuoirs au Roy Louys, receut ſemblablement de luy l'ineſtiture de ſa Duché. Lequel auſſi donna au meſme temps à l'Archeueſque Artold & à ſes ſucceſſeurs la Comté de Reims, avec le droit de faire battre monnoye en icelle. Neantmoins les Princes Hugues le Blanc, & Herbert avec le Duc meſme de Normandie, accompagnez d'aucuns Eueſques de France & de Bourgongne, vindrent aſſieger la ville de Reims, de telle puiffance qu'elle leur fut renduë le ſixieſme iour. Au moyen dequoy ils reſtituerent l'Archeueſché au fils de Herbert, l'ayant fait quitter audiët Artold, & puis transporterent leur camp deuât Laon. D'où le Roy Louys accompagné des Comtes Hugues le Noir & Guillaume d'Aquitaine, & de plus grandes forces que les leur, les fit en fin deſplacer, & ſe retirer vers l'Empereur Othon en Lorraine. Lequel apres en auoir laiſſé le gouuernement d'icelle au Prince Henry ſon frere, reuint avec eux, ſuiuy d'un oſt de diuerſes nations, pour ſuiure le Roy & ſes alliez iuſqu'en Bourgongne. De ſorte qu'il ſe campa iuſques aupres de la Seine, où il extorqua ſerment & oſtages de Hugues le Noir, qu'il ne ſe formaliferoit plus contre les Comtes Hugues & Herbert qui s'eſtoient mis en ſa protektion. Qui ſemble eſtre ce que Sigebert & l'Abbé d'Vrſperg ont apres Vvittikinde voulu dire ſouz l'an neuf cens quarantecinq, que l'Empereur Othon ſubiugua la Bourgongne, l'ayant avec ſon Roy redui-cté en ſa puiffance. D'autant qu'on ne le peult entendre de la Bourgongne Iurane, pour ce que les Annales de Reims teſmoignent que le Roy Conrard l'accompagna en tout ce voyage: lequel il retenoit ia de long temps ſans le laiſſer eſloigner de ſoy, s'eſtant cauteuſement comme mis en ſaiſine de ſa perſonne. Si eſt-ce que celà n'empescha que le Roy Louys n'allat eſſayer apres leur depart d'auoir ſa reuanche de ceſte brauade ſur la Lorraine. De ſorte qu'il ſe fit rendre de force le chasteau de Pierre-pont; & entra ſi auant, qu'il fit repartir d'Allemagne l'Empereur, pour s'opposer à luy. Qui fut lors que leurs amis, en eſpoir d'une plus parfaite paix, les firent prendre trefues entr'eux. Et quel'Empereur Othon donna l'eſtat du gouuernement de la Lorraine, que le feu Duc Giſlebert auoit eu au Prince Henry ſon frere ſouz tiltre de Duc. Mais les Lorrains ne le voulurent accepter, aimans mieux en auoir un de leur pays. A cauſe dequoy il fut contrainct de leur donner un des Princes de leur nation nommé Othon, fils (au rapport de Vvittikinde, Dittmare & Abbé d'Vrſperg) de Ricuin, avec la charge de la tutelle & nourriture du ieune Henry fils du feu Duc Giſlebert, qui eſtoit encor en bas aage. Parquoy ſi ce Ricuin duquel nous venons de parler, eſtoit frere du meſme Giſlebert, comme ſe perſuadent les Hiſtoriens Lorrains, il n'eſt pas croyable que s'il eſtoit encor viuant (ſelon leur opinion) que ſon fils luy euſt eſté preferé, tant au gouuernement du Roiaume de Lorraine que du ieune Henry ſon nepueu. Argumēt qui me fait croire que ledit Ricuin eſtoit decedé aupara-uant, & que ce ſont fables de ce que leſdits Hiſtoriens ont eſcrit de luy.

LUITOLPH fils de l'Empereur Othon, prit en mariage la fille vniue de Herman Duc de Suaube. Luitprand.

AV Seigneur Pierre Badoer Duc de Veniſe decedé, ſucceda en la dignité Ducale le Seigneur Pierre Candian fils de Pierre Candian iadis Duc; laquelle il exerça, au compte de Contarin, que nous enſuiuons, 17. ans.

Du Monde.

Du Monde. 5078	Papes. 3	R. d'Escoffe. 36
De Iesus Christ. 941	E. de Grece. 37	R. d'Angleterre. 1
Indiction. 14	E. d'Allemagne. 6	Ducs de Venise. 2
De l'Hegire 330. le 24. de	R. des François. 6	R. d'Italie. 16
Septembre.	R. de Leon. 4	R. de Bourgongne. 4
	R. de Nauarre. 12	R. de Bulgarie. 12

PAR le decret du Synode de Soissons, l'Archeuesché de Reims fut adiugé & confirmé à Hugues fils du Comte Herbert. En ces entrefaictes le Roy estant en Bourgongne, la ville de Laon fut derechef assiegee par ses aduersaires. Mais sçachans qu'il s'approchoit pour la secourir, sans se donner garde d'eux, ils l'allerent charger si improuistement, qu'ils le mirent avec son armee en route: qui fut bié le plus grand fruit de leur victoire; pour ce que la ville de Laon qu'ils esperoient se deuoir rendre, leur fit encore la figue. Parquoy quand ils sçeuient que le Roy faisoit de nouueaux preparatifs cōtre eux, & que Charles Constantin l'auoit receu en la ville de Vienne; mesmement que les Aquitains s'allerēt offrir à luy, leur aduis fut, duquel ils conuindrent avec les Princes de Normandie & de Flandres, de faire aller le Comte Herbert vers l'Empereur Othon, pour l'entretenir tousiours en volonté enuers eux. Annales de Reims.

ADELSTANVS Roy d'Angleterre deceda sans hoirs de son corps. Au moyé dequoy son frere qui se nommoit Edmund, homme fort vertueux & religieux (comme on dit) luy succeda à sa courōne, & regna six ans & demy: selon Polydore & Guillaume de Malmesberie, qui estime qu'il commença de regner dès l'annee precedente. Combien qu'Hector Boëthius estime que Adelstan viuoit encore du temps de Malcoline Roy d'Escoffe, successeur de Constantin troisieme.

L'EMPEREUR Othon desirant auoir sa raison de Boleslaus vsurpateur du Duché de Boême, enuoya souz la conduite d'un Æsic vne grande armee contre luy. De qui elle obtint du commencement vne grande victoire: mais elle fit si bien oublier le deuoir de se garder à ses gens, qu'ils donnerent bien tost apres moyen à l'ennemy de les surprendre, & de faire vne grande desconfiture d'eux: par laquelle l'Empereur perdit sondict Lieutenant. Vvittikinde, Sigebert.

Du Monde. 5079	Papes. 4	R. des Escoffois. 37
De Iesus Christ. 942	E. de Grece. 38	R. des Anglois. 1
Indiction. 15	E. d'Allemagne. 7	R. d'Italie. 17
De l'Hegire 331. le 19. de	R. des François. 7	Ducs de Venise. 3
Septembre.	R. de Leon. 5	R. de Bourgongne. 5
	R. de Nauarre. 13	R. de Bulgarie. 13

LE Roy Louys ne pouuant impetrer paix de ses aduersaires, encore qu'il eust les Aquitains à son commandement, se tenoit en Bourgōgne, qui estoit lors son seul refuge; n'ayāt quasi place ny pays en tout le reste de la France, fors la ville de Laon, où il eust peu librement consister. Qui fut cause que le Pape Estienne commāda par lettres & par ses Legats, aux peuples & Princes tant de la France que de la Bourgongne, de le reprendre & restituer en ses droicts, souz peine des plus griefues censures Ecclesiastiques. Lesquelles eurent tant de pouuoir enuers plusieurs, que le Prince de Normandie fut le premier des Princes esmeu à se reconcilier avec le Roy. De sorte qu'il le receut royalement en la ville de Rouën: & puis avec le Duc Guillaume d'Aquitaine & les Princes de Bretagne, qui se vindrēt aussi offrir à luy, l'accompagnerent au Parlement qu'il eut sur la riuere d'Isare, avec les Princes Hugues & Herbert (ayans avec eux le Duc Othon de Lorraine) sur la pacificatiō de leurs

B B B ij

differends. Ce qui vint à tel effect, que s'en estans remis au iugement de l'Empereur Othon, qu'ils allerent trouuer les vns apres les autres en Lorraine, receurent l'accord dont il fut moyenné: par lequel il sembla que la France deust iouyr d'une plus longue & heureuse paix qu'elle ne fit. Annales de Reims.

Les Northumbriens à l'occasion de la ieunesse du Roy d'Angleterre (car on dit qu'il n'estoit aagé que de dixhuit ans quand il commença de regner) se rebellerent contre luy, reprenans le Prince Analafe pour leur Roy, qui s'estoit apres son malheur precedent retiré en Hibernie. Qui fut cause que le Roy Edmund enuoya vne armee contre; qu'ils chassia si bien de leur temerité, qu'ils furent contraincts de recognoistre leur faute: & Analafe avec Ramald fils du feu Roy Gorma se venir rendre à la mercy du Roy; pour auquel gratifier ils se firent baptiser: mais ils retournerent l'année d'apres à leur erreur. Occasion pourquoy le Roy les dechassa derechef de tout son Roiaume: & puis apres donna le pays de Cumberlande au Roy Malcoline d'Escoffe, pour le tenir & garder en fidelité & hommage de luy. Qui est vn tesmoignage que Malcoline estoit ia Roy. Guillaume de Malmesberie.

Les Sarrazins qui occupoient le Fraxinete en Italie, continuoient tousiours à faire tât de maux aux Italiens, qu'ils firent en fin perdre toute excuse au Roy Hugues de ne faire son deuoir de les desnicher de leur giste. A cause dequoy il receut vne armee de mer de l'Empereur de Grece: par le moyen de laquelle, & du feu Gregois qu'on luy enuoya, il brusta toutes les nauires des Sarrazins, & les eust peu (s'il eust voulu) exterminer du tout. Mais il les aima mieux transporter aux montagnes qui font le passage d'Allemagne & de France en Italie, afin d'empescher par eux le retour du ieune Berengier. Qui fut cause de la ruine d'une infinité de personnes, qui alloient & venoient d'Italie: comme Luitprand liu. 5. chap. 7. recite. Les Annales de Reims confessent qu'ils furent chassez ceste année de Frazinete. Mais elles declarent aussi qu'ils occupoient ia beaucoup d'années auparavant les passages des Alpes.

ESTIENNE 8. du nom Pape de Rome, mourut le 21. iour d'Octobre, au moyen du mauuais traitement, & de quelques playes qu'il receut en son corps par ses ennemis: & eut pour successeur Marin, que les autres ont appellé Martin 3. natif de Rome, qui fut esleu le premier iour de Nouëbre: depuis lequel on tient qu'il a presidé 3. ans, 6. mois, 14. iours. Si ainsi est qu'il n'ait pas duré dauantage, ceux-là s'y sont mescomptez, qui estiment qu'il estoit encore Pape quand l'Empereur Othon passa en Italie contre Berengarius.

<i>Du Monde.</i>	5080	<i>Papes.</i>	1	<i>R. d'Escoffe.</i>	38
<i>De Iesus Christ.</i>	943	<i>E. de Grece.</i>	39	<i>R. d'Angleterre.</i>	3
<i>Indiction.</i>	1	<i>E. d'Allemagne.</i>	8	<i>Ducs de Venise.</i>	4
<i>De l'Hegire 332. le 2. de</i>		<i>R. des François.</i>	8	<i>R. d'Italie.</i>	18
<i>Septembre.</i>		<i>R. de Leon.</i>	6	<i>R. de Bourgoigne.</i>	7
		<i>R. de Nauarre.</i>	14	<i>R. de Bulgarie.</i>	14

La mort des deux des principaux & puissans Princes de la France troubla derechef le repos d'icelle à sçauoir du Duc Guillaume de Normandie, qui fut desloyalement massacré en vne isle de la riuere de Somme où il estoit allé de bonne-foy parlementer avec le Côte de Flandre le 1. iour de Ianuier selon Albert Crants. Glaber afferme qu'il fut mis à mort par Thibault dict le Tricheur Comte de Tours. Lequel apres ce fait là alla demander la vefue d'iceluy pour femme au Comte Hebert de Troyes son frere, qui la luy accorda; & eut d'elle son fils Odon le Champenois. Mais Flodoard le iustifie de ce crime là, l'attribuât à vn autre qui fut l'année d'apres occis par les propres mains du Comte Etluin. Quant à l'autre Prince decedé, ce fut le Comte Herbert (que noz Annalistes disent de Vermadois) que ses fils enterrent à S. Quentin. D'autât q le Roy Louys declara le ieune Richard fils naturel de Guillaume, en default d'autres enfans, que luy auoit engendré vne concubine, (encore que les autres Histoires tesmoignent qu'il l'auoit eu de Sporta sœur de Bernard Comte de Senlis sa femme legitime) successeur & heritier de son pere en la Duché de Normandie: & en la terre de Bretagne semblablement, qui appartenoit aux Normas: car

Flodoard

Flodoard le declare en ceste sorte : *Rex Ludovicus filio ipsius Vvillelmi nato ex cōcubina terram Britanniam Normanorum dedit.* Qui fut cause que beaucoup de seigneurs Normans ou Bretons se mirent en la protection du Roy mesme : & que d'autres se soubmirēt aussi au Duc Hugues. Mais la pluspart du reste, souz la conduite d'un seigneur qui se nommoit Termode & d'un Roy Danois nommé Setric encore payen (qui semble estre celuy que la Chronique de Normandie chap. 30. appelle Sucur fils de Herold Roy de Dānemarc, qui s'estoit du vivant du Duc Guillaume retiré en Normandie, ayant esté dechassé par son père) mesprisans la ieunesse du nouveau Duc, commencerent non-seulement en reprenāt le Paganisme à contraindre les autres & leur Prince mesme à le reprendre, mais aussi à dōner demonstrations euidentes de vouloir deuenir en la maniere de leurs ancestres ennemis de la France : qui firent en fin prendre les armes au Comte Hugues contr'eux, & leur commencer la guerre à si bon escient, qu'il perdit beaucoup de ses gens de pied en plusieurs rencontres qu'il eut avec eux, desquels ils payerent bien l'amende plus qu'au double : avec ce qu'il leur osta le chasteau d'Eureux, qu'il remit entre les mains du Roy, qui bien tost apres le vint seconder de telle façon, qu'il acheua de deffaire le reste de ces mutins par vne bataille, où Termode & Setric furent tuez. Au moyen dequoy la ville de Rouën se mit entre ses mains : & la laissant en la garde du Comte Erluin, s'en retourna à Compiègne, où il reprit en sa grace (par l'intercession du Comte Hugues & du Duc Othon de Lorraine) les fils du feu Comte Herbert : à sçauoir Odon, Adalbert, Hugues, Herbert & Robert, estant merueilleusement courroucé contr'eux, pour vn Rodolfe de Gangliac qu'ils auoient mis à mort, l'estimant vouloir entreprendre sur la succession de leur pere. Finalement cōme le Roy eut esté apres celà detenu d'une grande & lōgue maladie à Paris, le deuoir possible que le Prince Hugues fit lors enuers luy, l'incita de le faire non-seulement son compere d'une fille dont la Roine accoucha au mesme temps, mais aussi de le declarer Duc de France, ou (comme disent les Annales de Reims) de luy donner la Duché de France, adioustant toute la Bourgogne à sa domination. De sorte que luy qui n'auoit encore porté que le nom de Comte, non-plus que son pere, ne Hugues Capet son fils iusques à ce qu'il fut Roy, n'oserent depuis porter d'autre tiltre que de Duc de France. Qui estoit, comme estime du Tillet, autant à dire, que Duc & Superintendant ou Commandeur sur tous les autres Ducs & Comtes de France. Et parce qu'il auoit la superintendance & commandement sur tout le Roiaume apres le Roy, il estoit aussi appelé Maire du Palais, de Meyer, mot du bas Allemand, qui signifie Superintendant. Qui est cause qu'on voit en aucuns tiltres où Richard Duc de Normandie appelle Hugues le grand Maire du Palais, son Seigneur, Duc & Prince de France. C'est merueilles toutesfois que toute la Bourgogne luy fut ainsi donnee, viuant encores Hugues le Noir. Cependant le Comte de Flandres qui estoit en la mauuaise grace du Roy pour la mort du Duc Guillaume, refit sa paix avec luy, par l'interposition du Duc Hugues, ayant esté auparauant bien lourdement estrillé en vne rencontre par le Comte Erluin, où fut occis celuy qui de sa main auoit fait le meurtre du Prince Normand : tefmoin les Annales de Reims.

Les inimitiez commencerent à se ressourdre entre l'Empereur Othon & le Roy, à cause d'aucuns subiects du Roy, qui furent trouuez auoir dressé des embusches à l'Empereur.

Les Hongrois qu'on disoit aussi Turcs, estans venuz courir iusques deuant Constantinople, s'en retournerent sans autre chose faire, par vn appoinctement que l'Empereur fit avec eux. Cedrenus.

ENVIRON ce temps Pierre Candian fils de Pierre Duc de Venise, fut du consentement du peuple, adioinct en la dignité Ducale à son pere. Sabellic.

BBB iij

<i>Du Monde.</i>	5081	<i>Papes.</i>	2	<i>R. des Escossois.</i>	39
<i>De Iesus Christ.</i>	944	<i>E. de Grece.</i>	40	<i>R. d'Angleterre.</i>	4
<i>Indiction.</i>	2	<i>E. d'Allemagne.</i>	9	<i>Ducs de Venise.</i>	5
<i>De l'Hegire 333. le 22.</i>		<i>R. des François.</i>	9	<i>R. d'Italie.</i>	19
<i>d'Aoust.</i>		<i>R. de Leon.</i>	7	<i>R. de Bourgongne.</i>	7
		<i>R. de Navarre.</i>	15	<i>R. de Bulgarie.</i>	15

LE Roy Louys ayant enuie de recommencer la guerre aux fils du Comte Herbert, à cause, comme ie-croy, de ce que Hugues Archeuesque de Reims auoit osté quelques chasteaux aux freres & parents d'Artold depuis leur pacification, s'alla premierement asséurer du Marquis Ragemund de Gothie & des Princes d'Aquitaine, & reconcilia les Comtes de Montreuil & de Flandres ensemble. Puis par intelligence se vint mettre dedans la ville d'Amiens, & dedans aucunes autres places que tenoient lesdits fils de Herbert. De sorte que par ce moyen la guerre fut r'ouuerte non-seulement contr'eux, mais aussi contre le Duc Hugues, qui auoit la defense de leur cause comme de ses propres neveux en recommandation. A cause dequoy faisant paix avec les Normans, il s'allia semblablement d'eux, prenant & donnant ostages pour seureté de leur alliance. Les Chroniques de Normandie disent que celà se fit lors que le ieune Richard Duc de Normandie fut euadé des mains du Roy, qu'il tenoit emprisonné à la suggestion du Comte de Flandres, quoy qu'il l'eust emmené avec luy souz pretexte de le vouloir nourrir & instruire à sa Cour. Dequoy noz Annales de Reims ne font aucune mention, recitans seulement que ceste alliance faicte, le Prince Hugues enuoya consequemment ses Ambassadeurs vers l'Empereur Othon, lequel s'estoit venu lors trouuer à Aix la Chappelle: qui executerét si dextrement leur charge, qu'ils le firent declarer pour luy; nonobstant que ceux du Roy y fussent allez pour le reuocquer de leur parti. Mais ce qui fit que l'Empereur s'enclina plus tost à la cause du Prince Hugues, fut qu'un des Ambassadeurs d'iceluy nommé Manasses, fit sçauoir comme le Roy auoit nagueres auparauant donné charge d'aller porter de sa part à l'Empereur paroles de reproches & d'iniures: par lesquelles il luy impropéroit sa foy rompuë, & les accords qu'ils auoient fait entr'eux violez: dont il fut tellement irrité qu'il fit defense à tous ses subiects de n'aller au seruice du Roy, ny de luy bailler aucun aide ny faueur. Somme que plusieurs exploits de guerre se firent deslors reciproquement des vns sur les autres en diuers endroits. En aucuns desquels Herman Duc de Lorraine, qui auoit succédé en la dignité du Duc Othon nagueres decédé, se trouua pour le Prince Hugues, avec grand nombre de Lorrains & Allemans, iusques à ce que se presenta occasion au Roy de faire reuenir la Normandie à soy de la puissance des Normans. Les Chroniques de Normandie disent que ce fut le Comte de Flandres (lequel pensant preuenir le danger qui le menaçoit de la part du Duc de Normandie) luy mit ceste impression en teste: & le conseilla pour l'amener plus facilement à chef, de se rappointer avec le Duc Hugues (sans lequel il sçauoit que ceste entreprinse ne se pourroit pas effectuer, luy permettant qu'il s'emparast de la ville & Comté de Bayeux en telle maniere comme il voudroit, pour la retenir sienne, en donnant aide au Roy à faire sa volonté en la Normandie. Ce qui vint à tel effect, que le Roy fut le premier dedans, luy estant l'entree gaignee par le Comte de Flandres, qui mit en route pres la ville d'Arques ceux qui la vouloient defendre. Au moyen dequoy les habitâs de Rouën & des autres villes se soubmirét en peu de temps à luy, excepté que quelques vns aimerent mieux aller prédre leur fortune ailleurs, que de demeurer souz sa subiection. Parquoy s'estimant estre venu à chef de ses intentions sans l'aide du Duc Hugues, ne voulut pas seulement qu'il acheuast de reduire en sa puissance la ville de Bayeux, qu'il tenoit encoré seulement assiegee, mais aussi retira de luy la ville d'Eureux, qui estoit ia sienne de plus long temps. Qui fut cause de les faire r'entrer en plus grande pique l'un contre l'autre que deuant: comme les Annales de ce temps recitent. Mais la Chronique des Normans declare, que ce nouveau discord fut suscité par la ruz de Bernard Comte de Senlis, qui vouloit apprestier moyen au Duc Richard de recouurer son pays par l'alienation de ces deux Princes.

C E P E N D A N T les Princes Alain & Berengier de Bretagne estans entrez en diffension

diffension l'un contre l'autre, s'engendrèrent le moien de leur ruine de tous deux donnans si bonne occasion aux Normans avec qui ils auoient paix, de les assaillir à leur auantage, qu'ils receurent vne lourde estrille d'eux avec perte de la ville de Dole. Et fut le pis que l'esperant vanger, s'acheuerent de peindre par vne troiesime rencontre qu'ils eurent avec eux, où ils furent quasi tous mis en pieces, nonobstant qu'ils eussent eu l'auantage de vne seconde. De sorte que leur pais demeura possédé de certains Dannois nouuellement arriuez des contrees d'Oltre-mer.

I A M F R E D E 3. du nom sortant de minorité prit le gouuernement de la Comté de Barcelonne en sa main, & la tint iusques à sa mort l'espace de 19. ans. Franc. Tarafa.

C E S T l'annee (selon Sigebert) Ranimire Roy de Leon en Espagne gangna vne grande bataille sur Abdaram Roy des Maures de Cordouë, au temps que se fit vne horrible Eclipse de Soleil. Combien que Luitprand liure 5. chap. 1. estime que ce fut l'annee que l'Empereur Othon obtint la victoire derniere de ses ennemis, par laquelle il fit son frere Henry prisonnier. Mais il semble par les histoires d'Espagne que ceste desconfiture fut faicte sur les Normans, qui entrerent au pais de Gallice l'an 939. plustost que sur Abdaram, avec lequel elles disent expressement que Ranimire reconferma la paix & alliance que son pere auoit contractee avec luy, qui dura encores quelques annees depuis, iusques à ce que les Maures s'aduifans du pais de Castille qui s'estoit distrait & aliené du Roiaume de Leon, y entrerent de toute leur puissance, & y prirent les villes de Simaucas, Dueguas, Sepulueda, Gormas, & aucunes autres, qui les amorcerent encore d'aller taster du Roiaume de Leon, rompsans l'accord qu'ils auoient avec Ranimire. De sorte qu'ils luy osterent la ville de Zamora, sans faire toutesfois mention d'aucune desconfiture de Sarrazins.

L E S Hongrois sortans de leur pais se departirent en deux bandes, l'une desquelles s'alla fourrer dedans le pais de Bauiere, l'autre en la Carinthie: où ils furent aussi bien traictez en l'un qu'en l'autre, tant par Bertold Duc de Bauiere, que par ses Lieutenans. De sorte qu'on ne pense pas qu'ils eussent encore receu vne plus lourde estrille auparauât ny ailleurs. Supplément de Regino, Herman Contract, Auentin.

R O M A N U S fils de Constantin Empereur de Grece & petit fils de Lagapenus, espousa en ce temps, à sçauoir en la seconde Indiction, la fille de Hugues Roy d'Italie. Cedrenus, Luitprand liu. 5. chap. 7.

L A ville d'Edessa assiegee des Grecs eschappa d'estre prise par eux, pource que les habitants d'icelle rendirent l'effigie de nostre Seigneur Iesus Christ qu'ils auoient imprimee dedans vn linge. Cedrenus.

E N la mesme Indiction Theophilaëte fils de Romanus Lagapenus Empereur de Constantinople, estant paruenue en aage suffisant, fut institué au mois de Feurier Patriarche de Constantinople, par la resignation de Triphon: laquelle dignité il exerça l'espace de 23. ans. Cedrenus, Zonare, Jean Curopal.

<i>Du Monde.</i>	5082	<i>Papes.</i>	3	<i>R. des Escossois.</i>	40
<i>De Iesus Christ.</i>	945	<i>E. de Grece.</i>	41	<i>R. des Anglois.</i>	5
<i>Indiction.</i>	3	<i>E. d'Allemagne.</i>	10	<i>Duc de Venise.</i>	6
<i>De l'Hegire</i>	334. le 11.	<i>R. des François.</i>	10	<i>R. d'Italie.</i>	20
<i>d'Aoust.</i>		<i>R. de Leon.</i>	8	<i>R. de Bourgongne.</i>	8
		<i>R. de Navarre.</i>	16	<i>R. de Bulgarie.</i>	16

C O N S T A N T I N fils de Leon cherchant les moiens de recouurer le gouuernement de l'Empire qui luy auoit esté frauduleusement desrobé par Romanus Lagapenus, ne trouua plus propre expedient que de se seruir d'un des fils à l'encontre du pere. De sorte que se trouuant celuy qui se nommoit Estienne plus enclin à sa volonté, il luy fit donner le fault à Romanus le 16. de Decembre en l'Indiction 3. l'enuoiant faire profession de la vie monachale en vne isle. Au moien de quoy Constantin estant venu à ce premier point, iouïa si bien encore le reste de son personnage, que deuant que les deux mois fussent passez, il fit faire au fils le mesme fault que son pere auoit fait, l'ayant le 27. iour de Ianuier de la mesme Indiction si bien reduit en sa puissance, qu'il l'enuoia avec son frere Constantin en exil. De

B B B iij

forte que l'Empire d'Orient fut deslors derechef à luy seul, iusqu'à son trespas l'espace de 15. ans. Ce qu'on dit estre aduenu l'an de la creation du monde, cōme comptent les Grecs, 6453. Cedrenus, Zonare, Jean Curopal.

Le Roy Louis estant encore à Rouën, eut vn fils nommé Charles; duquel sa femme accoucha. Cependant Bernard Comte de Senlis, & Thibault (surnommé le Vieil, ou le Trichard) Comte de Tours, se donnans au party du Duc Hugues & des fils de Herbert, commencerent à faire actes de guerre sur le Roy & sur ses pais. De sorte qu'ils reprindrēt le chasteau de Montigny: & firent la ville de Compiègne, qui se disoit ville roiale, estre de leur costé. Qui fut cause que le Roy amena vne armee de Flamans & Normans contr'eux, accompagné des Comtes Arnould, Erluin, Bernard le Dānois & Theodoric son nepueu: avec lesquels il tint la ville de Reims l'espace de quelque temps assiegee, iusques à ce qu'il leua son camp par certain traicté, & le remena (ayant faiēt trefues avec ses aduersaires depuis la sainct Jean iusques à la my-Aoust) en Normandie, qui remuoit mesnage contre luy, pour l'enuie que les Normans auoient de se reuoir avec leur Duc en leur premiere liberré. Mais estant arriué à Roüen il se laissa si lourdement surprendre par vn Capitaine Normād nommé Hagrold, qui auoit la ville de Bayeux en garde (la Chronique des Normans dit qu'il estoit fils du Roy de Dannemarc nouuellement arriué au mandement du Duc Richard) souz pretexte d'vn colloque de paix qu'il enuoia prier luy-mesme le Roy de luy assigner. Auquel le Roy alla avec peu de gens non armez, ne se doutant d'aucune fraude. Mais l'autre l'y trouua si bien accompagné, & au lieu de parlemēter fit si furieusement donner sur les gens du Roy, qu'ils furēt tous taillez en pieces. Entre lesquels fut le Côte Erluin: à qui la Chronique normāde dit qu'ō en vouloit principalemēt, pource qu'il se rēdoit trop ingrat enuers le fils, duquel le pere auoit esté occis pour sa querelle. Ce nonobstāt le Roy se sauua seul de ceste meslee, par le moiē d'vn Normād qui le rēdit à Roüen où il pēsoit estre à seureté. Mais ceux qu'il auoit estimé luy deuoir estre fideles, le retindrent prisonnier, iusques à ce que le Duc Hugues se fut à la priere de la Roine Gerberge interposé pour sa deliurance: laquelle toutesfois il ne peut obtenir qu'en leur donnant son 2. fils avec l'Euesque de Soissons pour ostage: & en remettant les Normans & leur Duc en leurs libertez, & en l'estat auquel ils estoient auparauant. Neantmoins ils le relascherent en telle façon, que le Duc Hugues le reprist entre ses mains, & le donna en garde au Côte Thibault de Tours, par lequel il fut encore detenu l'espace d'vn an. Sigebert avec Vvitikinde estiment que ce fut en la ville de Lion: mais il y a plus d'apparance que ce fut à Laon. Somme que cela sembla de si mauuaise grace à l'Empereur Othon, qu'il ne voulut voir ny recevoir le Duc Hugues desirant aller parler à luy, ains enuoia Contrard Duc de Lorraine pour entendre ce qu'il vouloit dire. Qui fut cause qu'il sen retourna (au dire des Annales de ce temps) malcontent de l'Empereur. Tel est le pretexte que l'Empereur Othon semble auoir eu de la cause du Prince Hugues, qu'il auoit auparauant embrassée. Mais qui prendra garde à ses deportemens precedens, il se verra auoir occasion d'estimer qu'il a tousiours de conseil deliberé soustenu & releué la partie la plus foible & abbaissée, afin de les retenir toutes deux en contrepoids: à ce que l'vne empeschast l'autre de luy venir donner trouble en la Lorraine, ou que se consommās l'vn l'autre egallement il vint à recueillir le fruit de leur ruine sans danger.

RICVINVS frere du feu Duc Gislebert de Lorraine, Comte d'Ardenne de Bouillon & de Verdun, mourut laissant deux fils: l'aîné desquels nommé Godefroy, qui fut surnommé à la barbe, luy succeda en ses estats. L'autre dict Otho ou Odon fut Duc hereditaire de Moselane, comme se persuade faussement Richard de Vassebourg. Car il fut seulement Duc, c'est à dire Gouverneur ou Lieutenant general de l'Empereur Othon au Roiaume de Lorraine apres Gislebert. Estant certain qu'il estoit decedé selon Flodoard & Sigebert dès l'annee precedentē, ou comme veult le continuateur de Regino l'an 943. Autrement il faudroit qu'il fust decedé deuant son pere: ou que son pere mourut plustost que n'a escrit l'auteur preallegué: ou bien que ledit Othon fut fils d'vn autre que de Ricuin. A cause de quoy nous auons estimé, que c'est luy qui fut cy deuant mis à mort par Boson, frere du feu Roy Rodolfe. Cependant on tient que ledit Othon laissa vn fils nommé Frederic en fort bas aage, qui succeda és estats de son pere, & fut gendre cy apres de la fille de Hugues Capet. Les Annales de Reims monstrēt que Cōrard dict le sage, gendre de l'Empereur

pereur fut en la mesme annee fait Duc de Lorraine. En laquelle aussi le mesme Empereur donna la Duché de Bauiere à son frere Henry avec Iudith fille du Duc Bertold nouvellement decedé sans autres enfans: Selon le Supplément de Regino.

Les Italiens degoustez de la domination du Roy Hugues, (nonobstant que tous leurs historiens confessent qu'il estoit Prince fort prudent & modeste) sollicitèrent le ieune Berengarius à venir prendre leur Roiaume entre ses mains. A cause dequoy luy estant permis de faire vne puissante armee en Allemagne, se fit par icelle reconduire en Italie: où il trouua les affections si enclines enuers luy, que Hugues cogneut qu'il n'y faisoit plus bon pour luy. Parquoy aimant mieux faire volontairement, ce qu'il luy eust faillu faire de force, conuint avec ses aduersaires qu'il renonceroit au droict qu'il auoit en Italie, pourueu qu'on laissast regner son fils Lothaire de puissance & autorité esgalle avec le ieune Berengier: Comme Luitprand, Sigebert & Onufrius tesmoignent. Les Annales de Reims monstrent que Hugues demeura encore ceste annee depuis cest accord en Italie: pource qu'elles disent qu'il s'appointa l'annee ensuiuant avec le Prince Alberic, qui tenoit la ville de Rome. Parquoy l'opinion de Sigonius pourroit estre plus certaine, qui monstre qu'il ne partit d'Italie que l'an 947.

<i>Du Monde.</i>	5083	<i>Papes.</i>	1	<i>R. des Escossois.</i>	13
<i>De Iesus Christ.</i>	946	<i>E. de Grece.</i>	42	<i>R. des Anglois.</i>	5
<i>Indiction.</i>	4	<i>E. d'Allemagne.</i>	11	<i>Ducs de Venise.</i>	7
<i>De l'Hegire</i>	335. le 1.	<i>R. des François.</i>	11	<i>R. d'Italie.</i>	1
<i>d'Aoust.</i>		<i>R. de Leon.</i>	9	<i>R. de Bourgongne.</i>	9
		<i>R. de Navarre.</i>	17	<i>R. de Bulgarie.</i>	17

A la priere & instance de Edmund Roy d'Angleterre, le Duc Hugues ayant fait venir Hugues le Noir, remit le Roy en sa liberté & en son honneur, se soumettant avec les autres Princes de France à luy, moyennant qu'il quittast le chasteau de Laon, que la Roine Gerberge auoit tousiours voulu garder. Neantmoins l'Empereur Othon estoit ja tellement incité par la Roine Gerberge sa sœur, qu'il auoit vne puissante armee, qui estoit selon Vvitikinde composee de 32. Legions, ja toute preste: laquelle il amena en France contre les ennemis du Roy. Et ayant faillly à prendre la ville de Laon (quoy que Vvitikinde ait fausement escrit qu'il la prist, prenant Lion pour icelle) assiegea la cité de Reims, de telle puissance qu'elle fut rendue par Hugues fils de Herbert. Au moien dequoy apres auoir remis l'Archeuesque Artold en son siege, il voulut encore aller sonder la ville de Senlis; qui se monstra si bien pourueu de defense, qu'il ne sy osa longuement arrester. Qui fut tout ce qu'il fit de plus memorable en ce voiage, sinon vn grand degast du pais du Duc Hugues & de la Normandie, sans s'affronter aux villes que ses ennemis (qui n'auoient forces bastantes pour mettre en campagne deuant luy) defendoient si gaillardement, qu'il ne s'en retourna pas sans perte d'une bonne partie de ses gens, qui luy furent par eux tuez en saillies & en escarmouches. Les Annales de Reims tesmoignent qu'il fut accompagné de Conrad Roy de la Bourgongne Iurane en tout ce voiage: Selon lesquelles aussi cecy aduint ceste annee, encore que Sigebert l'ait rapporté à l'an 949.

A v mesme temps les fils de Herbert departirent entr'eux, par l'aduis du Duc Hugues leur oncle, la succession de leur pere. De sorte que P. Emile estime que Albert, ou Adalbert, obtint ce qu'il auoit en la Comté de Vermandois. Mais les Annales de ce temps monstrent, que Herbert & Robert eurent leurs portions en la Brie & Champagne. De sorte que la ville de Troyes aduint à Robert, qui semble en auoir esté le premier Comte.

Le Roy Hugues estat party d'Italie se retira avec ses thresors & richesses en son pais de Prouece: où il fut bié receu de ses subiects. Annal. de Reims. Leon d'Hostie en sa Chronique du Mont Cassin adioust, qu'il se rendit moine apres son retour, en vne Abbaye qu'il fit fonder à ses despens en l'honneur de S. Pierre.

EDMUND Roy d'Angleterre mourut ceste annee au rapport des Annales de Reims, estant malheureusement mis à mort par vn voleur, laissant deux fils Eduin & Egdare, souz

le gouvernement & tutelle de leur oncle Eldrede, à cause qu'ils estoient encor en fort bas aage: lequel les gouverna fort sagement & prudemment, l'espace de 9. ans & demy, estant si redouté pour sa prouesse & vaillance, que ny les Escossois ny les autres peuples ne fesoient oncques esmouuoir contre luy. Les historiens Escossois, comme Hector Boëtius & Ioannes Maior, estiment que le Roy Edmund vescu en mesme temps que Malcoline Roy d'Escoffe successeur de Constantin 2. auquel il rendit la Cambrie. Mais si ledit Constantin renonça à la Roiauté au compte dudit Hector en la 40. année de son regne, il ne peut auoir cessé de regner plustost que l'année precedente. Dont il semble que sa supputation soit fort incertaine en cest endroit: d'autant mesmement qu'il recite qu'il perdit vne grande bataille à Brouningfeld contre le Roy Adelstan d'Angleterre pere de Edmund, de regret de laquelle il renonça au monde & à la dignité roiale pour faire profession de la vie monastique. Parquoy leā Maior semble auoir mieux obserué que cela se fit l'an 933. A ceste cause nous receurons sa supputation en cest endroit.

Les Hongrois se donnans espoir par la mort de Bertold Duc de Bauiere, de pouoir vanger les pertes passees qu'ils auoient cy deuant faictes au pais de Bauiere, sortirent de rechef de leur pais souz la conduite de Toxie ou Toxon leur Roy., pour aller reuoir les Bauariens. Mais le Duc Henry les receut si brauement, qu'il les traicta d'une telle façon en deux rencontres, qu'il leur fit perdre l'enuie de plus vouloir aller reuoir le pais de Bauiere. Auentin. Cependant les historiens de Hongrie estiment que Toxis estoit fils de Zultan, duquel estoit pere Arpad fils d'Almus, souz lequel les Huns estoient reuenus en Hongrie l'an 744. Ce qui pourra estre vray, si ces trois ont vescu ensemble plus de 200. ans: & si les Hongrois de ce temps se sont voulu laisser gouverner par la race des anciens Huns, qu'ils auoient jettez de leur pays.

MARIN Pape de Rome mourut le 14. iour de May, & eut pour successeur Agapetus ou Agapitus 2. du nom, qui fut esleu le 18. iour du mesme mois, & presida 9. ans, 7. mois, 10. iours.

<i>Du Monde.</i>	5084	<i>Papes.</i>	2	<i>R. des Escossois.</i>	14
<i>De Iesus Christ.</i>	947	<i>E. de Grece.</i>	43	<i>R. des Anglois.</i>	1
<i>Indiction.</i>	5	<i>E. d'Allemagne.</i>	12	<i>Ducs de Venise.</i>	8
<i>De l'Hegire 336. le 21. de</i>		<i>R. des François.</i>	12	<i>R. d'Italie.</i>	2
<i>Iuillet.</i>		<i>R. de Leon.</i>	10	<i>R. de Bourgongne.</i>	10
		<i>R. de Nauarre.</i>	18	<i>R. de Bulgarie.</i>	18

Le Duc Hugues ayant mené vne armee en Flâdres, perdit son temps & sa peine deuant quelques chasteaux qu'il voulut assieger: Comme aussi fit le Roy estant allé au mesme temps tenter avec les Lorrains le chasteau de Moson, que tenoient les fils de Herbert. Ce que toutesfois ne les destourba d'aller encore esprouuer leurs forces ailleurs. De sorte que Hugues s'en reuint affronter à Reims le Roy accompagné du Comte de Flandres, au chasteau de Monstreuil. Mais si l'un se trouua frustré de son attente, l'autre ne remporta pas gueres plus de profit de la sienne. En fin l'Empereur s'estant venu trouuer en vn Colloque avec le Roy sur la riuere du Chaire en Lorraine, les fit venir là, qu'ils remirent le different de l'Archeuesque de Reims au iugement d'un Synode, qui fut pour cest effect assemblé à Verdun: demeurans cependant, iusques à ce qu'il en eust dict, en abstinence & surseance de guerre entr'eux. Nonobstant que ce ne fut l'intention de Hugues fils de Herbert, de se rapporter là de sa cause, ne doutant point de ce qui luy en aduiendroit. Aussi ne s'y voulut il aucunement représenter. Annales de Reims. C'est moquerie ce que Vvitikinde & Sigebert ont escrit, que Hugues se trouua tellement lors estonné des forces & de la puissance de l'Empereur, qu'il se soumit de tout point au plaisir d'iceluy. Car l'effect a montré le contraire.

CONRAD dict le Sage Duc de Lorraine espousa ceste année Luitgrande fille de l'Empereur Othon. Supplément de Regino.

LE

Les Sarrazins de Carthage & de Cirene se guerroyerent en ce temps fort asprement les vns contre les autres. Cedrenus.

O d o moine de saint Benoist sur Loire, natif d'Angleterre, fut ceste annee ordonné Archeuesque de Cantorbie : lequel s'aduisant que les Prestres & gens d'Eglise estoient en moindre estime enuers le populaire que les moines, à cause de ce qu'ils ne s'abstenoient du mariage comme eux, commençà diffamer le mariage des Ecclesiastiques, disant qu'il estoit reprouvé de Dieu. Balæus.

<i>Du Monde.</i>	5086	<i>Papes.</i>	3	<i>R. des Escossois.</i>	15
<i>De Iesus Christ.</i>	948	<i>E. de Grece.</i>	44	<i>R. des Anglois.</i>	2
<i>Indiction.</i>	6	<i>E. d'Allemagne.</i>	13	<i>Ducs de Venise.</i>	9
<i>De l'Heure</i>	337. le 10.	<i>R. des François.</i>	13	<i>R. d'Italie.</i>	3
<i>de Juillet.</i>		<i>R. de Leon.</i>	11	<i>R. de Bourgongne.</i>	11
		<i>R. de Navarre.</i>	19	<i>R. de Bulgarie.</i>	19

ROMANVS Lagapenus cy deuant Empereur mourut en ceste Indiction : En laquelle aussi l'Empereur Constantin fit couronner Empereur son fils nommé Romanus, qui fut 3. du nom. Cedrenus.

D'AVTANT que Hugues fils d'Herbert ne se vouloit soumettre au decret du Synode de Verdun, ny d'un autre qui fut à mesme fin tenu aupres du chasteau de Moson ceste annee, mesmement qu'il ne sembloit point se vouloir laisser tirer en Iustice: la chose rapportee au Pape fit qu'il enuoia son Legat à l'Empereur, pour suiuant son aduis conuoquer vn Synode general, qui fut tenu au mois d'Aoust en la ville d'Ingelheim : auquel toutesfois ne se trouuerent que les Euesques de Lorraine & d'Allemagne, avec l'Empereur Othon & le Roy Louis, qui ne vouloient pas seulement faire discuter par eux la cause de l'Archeuesque de Reims, mais aussi de tout le different qui estoit entre le Roy & ses aduersaires. De sorte qu'apres que le premier procez eut esté examiné & iugé au delauintage du fils de Herbert, & au profit de sa partie: le Roy luy-mesme proposa son fait, remontrant le miserable traitement que luy faisoit le Duc Hugues & ses aduersaires. Lesquels l'ayant eux-mesme fait venir d'Outremer prendre la couronne de son pere, & l'ayant estably au siege roial, l'en auoient neantmoins bien tost apres dejeté, ne luy laissant de toutes les villes du domaine roial que le chasteau de Laon, qu'il fut encore à la fin contraint leur abandonner pour sortir de leurs mains, apres qu'ils l'eurent miserablement detenu l'espace d'un an, l'ayans frauduleusement reduit en leur puissance, sans toutesfois qu'il les eust oncques prouoquez de la moindre offense à vser de telles indignitez enuers luy. Estant si assuré de son innocence & du droit de sa cause, qu'il se presentoit à la verifier par telle preuue que le Synode & l'Empereur vouldroient ordonner, fust-ce par le combat de corps à corps. Suiuant laquelle exhortation iour fut solemnellement assigné au Duc Hugues pour venir respondre à un autre Synode qui se tint bien tost apres à Treues : si ne se mettoit premierement à raison avec le Roy. Mais tant s'en faut qu'il fit cas de ceste procedure, qu'il donna bien à entendre que son intention estoit de mieux defendre son droit par armes que par plaider deuant ses ennemis, mesmement ceux qui n'auoient que cognoistre des affaires de la France. De sorte qu'il se donna encore moins de peine de l'excommunication, qui fut proclamée contre luy, & contre ses adherens, à faute d'auoir comparu à son assignation. Car quand le Roy eut impetré de l'Empereur vne grande armee de Lorrains, avec le Duc Conrard, pour le reconduire en son Roiaume: il se trouua si soudainement prest (ayant les Normans avec soy pour s'opposer à eux) qu'il ne leur donna loisir (estans venus iusques à Laon) que de prendre le chasteau de Moson sur les fils de Herbert, & de Montaigu sur le Comte Thibault leur beau-frere, & se retirer en Lorraine: luy laissant traicter le pais de ses ennemis à sa guise, quand il eut failly à prendre la ville de Soissons. Annual. de Reims. Cependant toutesfois Albert Crants afferme en son histoire de Danemarck & de Saxe, que l'Empereur Othon mena en personne ceste armee au pais de Dannemarck, signamment en la contree de Inthie (où feu son pere auoit estably vn Marquisat avec un

Marquis qui faisoit sa résidence en la ville de Heideba, qu'on diët maintenant Slesrig) contre le Roy Harald & son fils Zuenon, qui festoient rebellez contre luy, ayans mis à mort ledit Marquis avec toute la garnison qu'il auoit avec luy. Mais quand il vit la puissance que luy amenoit l'Empereur sur le dos, il se vint libalement offrir à recevoir la religion Chrestienne avec toute sa famille, afin de faire plus facilement la paix. A cause dequoy l'Empereur les vit luy-mesme baptiser, & tint au baptême le fils de Harald, luy faisant prendre le nom de Zueno Ortho. Ce qui fut la fin de ceste entreprise, laquelle toutesfois j'aimerois mieux attribuer à l'année ensuiuât, mais la rebellion des Dannois pourroit estre aduenue ceste année.

T O X I S Roy des Hongrois ayant esté mal traité au pais de Bauiere, se voulut aller recompenser sur l'Italie: où le Duc Henry le poursuiuit si chaudement qu'il gagna encore deux grandes victoires sur luy. Au moien desquelles il prit la ville d'Aquilee, & se retira comblé de butin en son pais. Comme Sigebert apres Vvitikinde liure 2. tesmoigne. Mais Blondus estime que la puissance de Berengier fut cause de le faire retirer: Combien que Luitprand liu. 5. chap. 15. recite qu'il ne peut faire le semblable avec Toxis que par vne grande somme de deniers qu'il luy deliura.

<i>Du Monde.</i>	5086	<i>Papes.</i>	4	<i>R. des Escossois.</i>	1
<i>De Iesus Christ.</i>	949	<i>E. de Grece.</i>	45	<i>R. des Anglois.</i>	3
<i>Indiction.</i>	7	<i>E. d'Allemagne.</i>	14	<i>R. d'Italie.</i>	4
<i>De l'Hegire 338. le 29. de</i>		<i>R. des François.</i>	14	<i>Ducs de Venise.</i>	10
<i>Iuin.</i>		<i>R. de Leon.</i>	12	<i>R. de Bourgongne.</i>	12
		<i>R. de Navarre.</i>	20	<i>R. de Bulgarie.</i>	20

P A R la liberalité & industrie de l'Empereur Constantin les sciences & bonnes lettres qui estoient esteintes & enseuelies, comencerent derechef à renaistre & florir en la Grece. Cedrenus.

HERMAN Duc d'Allemagne & de Suaube mourut au mois de Decembre sans laisser aucuns enfans masles. Au moien dequoy l'Empereur Othon donna sa Duché à son fils Luitolphe, luy faisant espouser à ceste charge la fille du defunct. Supplément de Regino, Herman Contract, Abbé d'Vrsperg.

L E S habitans d'Amiens ne se contentans point de leur Euesque, se remirent à l'occasion de luy entre les mains du Roy: lequel voyant aussi que ses ennemis se preparent à nouvelles entreprises contre luy, enuoia derechef demander secours à l'Empereur Ortho, par la Roine Gerberge sa femme: En attendant lequel, il alla surprendre la ville de Laon. Mais le chasteau luy eschappa. Qui fut cause de le rendre plus enclin à recevoir les trefues, que Conrard Duc de Lorraine vint moiennner entre luy & le Prince Hugues. Lesquelles expirees, ses ennemis prindrent les chasteaux de Coucy & d'Altmont sur l'Archeuesque Artold. Mais quand Hugues eut failly à reprendre Laon, le Roy Senlis, ils se donnerent finalement d'autres trefues, à durer iusqu'au prochain Printemps, qui furent pourchassées par Guy Euesque d'Auxerre & Ansegise Euesque de Troie: de la part de Hugues, & par le Comte Ragenold pour le Roy. Nonobstant lesquelles le Pape Agapit tint vn Synode à Rome, par lequel il conferma le decret des Conciles precedens d'Ingelhim & de Treues, declarant le Prince Hugues & ses adherens excommuniez iusques à ce qu'ils fussent reue-nus en raison avec le Roy. Annales de Reims.

B E R E N G I E R Roy d'Italie fit souz le Pape Agapit guerre aux Venitiens: en laquelle il faida de Pierre Candian fils du Duc de Venise, qui festoit retiré vers luy, aiant esté en-uoié en exil, pour auoir machiné quelque chose contre son pere. Ce que toutesfois Blondusa mal rapporté à l'an 932.

M A L C O L I N E Roy d'Escoffe fut ceste année occis en vne bataille. Au moie dequoy les Escossois luy substituerent Indulfe fils de Constantin 3. qui regna 12. ans, selon Iean Ma-ior. Ce qui ne s'accorde à la supputation d'Hector Boëtius, qui ne luy en donne que 9. & commence son regne l'an 960.

ESTANT

ESTANT le tribut qu'on auoit accoustumé de paier aux Sarrazins qui tenoient la Sicile, refusé par l'Empereur de Grece, l'Amiras & Prince desdicts Sarrazins, fit aller vne armee en la Calabre, à laquelle l'Empereur en opposa vne autre, souz la conduite du Patrice Malacon, à qui s'estoit ioinct Paschal Gouverneur du pais: qui se porterét si mal contre leurs ennemis, qu'ils furent par eux honteusement desconfits. De sorte que ce fut à l'Empereur de les enuoier rechercher d'appoinctement, qui se fit souz certaines capitulations. Lors Abulchare estoit Amiras & Prince des Sarrazins d'Afrique apres Phatlumus. Cedrenus.

Du Monde.	5087	Papes.	5	R. des Escossois.	5
De Iesus Christ.	950	E. de Grece.	46	R. des Anglois.	4
Indiction.	8	E. d'Allemagne.	15	Ducs de Venise.	11
De l'Hegire 339. le 19.		R. des François.	15	R. d'Italie.	5
de l'uin.		R. de Leon.	12	R. de Bourgongne.	13
		R. de Navarre.	21	R. de Russie.	1

LE Roy Louis se lassant ja de la longueur de la guerre qu'il soustenoit contre ses ennemis, sollicita l'Empereur Othon de se faire intercesseur de paix, entre luy, & le Duc Hugues. De sorte que Conrard Duc de Lorraine, eut charge de les faire parlementer ensemble aupres de la riuere de Marne: où aussi il fit tant avec l'aide de Hugues le Noir & des Euesques Adalbero & Fulbert, qu'ils tomberent d'accord non seulement entr'eux, mais aussi avec le Comte de Flandres, & l'Archeuesque Artold: par lequel le chasteau de Laon fut remis entre les mains du Roy. Lequel toutesfois rentra bié tost apres en vn nouveau mescontentement, à l'occasion du Comte Thibault de Tours, qui prit d'emblee le chasteau de Coucy, sur l'Archeuesque Artold, & ne le voulut en aucune maniere rendre tant estoit obstiné à la cause de ses beaux freres. De sorte qu'il faillut que le Roy digeraist celà malgré luy.

L'EMPEREUR festinant deliuré des pensemens des troubles de la France, se mit en deliberation de mettre à fin la guerre de Boëme. De sorte qu'il y accompagna mesme son armee en personne. Ce qui mit le Duc Boleslaus en tel deffi de ses affaires (apres qu'il eut esté lourdement vaincu en vne grosse bataille qui luy fut donnee le 23. de Septembre) qu'il l'alla rendre à sa mercy. Au moien dequoy il fut receu en grace en reprenant à foy & hommage sa terre de l'Empereur. Qui fut la fin de ceste guerre, qui auoit duré 14. ans, tesmoin le Supplément de Regino, Sigebert & l'Abbé d'Vrsperg. Qui semble estre ce que les Annales de ce temps escriuent souz ceste annee, que l'Empereur Othon soufmit à foy les Venedes, & leur Roy avec les Hongrois: ayant assiégué vne de leur ville nommee Proade, par Vvitikinde de Saxe liu. 3. Noua, en laquelle le fils du Roy Boleslaus s'estoit enfermé. Selon lequel toutesfois ceste guerre vint d'une seconde rebellion du Boëmien; tellement que ce fut aussi la seconde expedition que l'Empereur fit contre luy. Combien qu'il se pouuoit faire qu'il mena aussi enuiron le mesme temps son armee contre les Esclauons dictz Vvinites, qui habitoient le pais maritime d'Allemagne: Comme Albert Crants mesme confesse en sa Chroniq. de Saxe, qu'il fit au retour du voiage qu'il auoit fait en Dannemarc, & que les ayans vaincus en vne grosse bataille avec leurs voisins les Vvagriens, Obodrites & Polabes, les contraignit de receuoir la religion Chrestienne, & luy rendre tribut tous les ans.

FOVLQVES dict le Bon Comte d'Anjou mourut, laissant vn fils qui se nommoit Godefroy Grisegonnelle, qui luy succeda à sa Comté, au rapport des Annales d'Anjou: & obtint cy apres du Roy Lothaire l'estat de grand Seneschal de France pour luy & pour ses successeurs. Neantmoins du Haillain se persuade que Godefroy a esté le premier Comte d'Anjou. Mais les Annales de Reims appellent long temps deuant cecy Foulques pere de Vvido Euesque, Comte d'Anjou.

LOTHAIRE Roy d'Italie, fils de Hugues Comte ou Roy de Prouence, fut ceste annee empoisonné par le ieune Berengarius, dont il mourut. Au moien dequoy ledit Berengier

CCC

demeura seul en possession du Roiaume d'Italie, & le tint encore apres luy tellement quellement l'espace d'environ 14. ans. Cuspinian fust le premier de ce temps aduisé que l'Italie n'a eu que deux Berengiers qui ayent tenu le Roiaume d'icelle : encore que les autres Chroniqueurs en eussent mis quatre. Luitprand adioust que le second fustant en ceste sorte (coustumiere aux Italiens) depesché de son compagnon, fit incontinct emprisonner la vefue d'iceluy nommee Adelheide, qui estoit sœur de Conrard Roy de Bourgogne; afin que luy ostant le moien de se remarier, elle ne peust transporter le droict du Roiaume d'Italie à son second mary, ne la principauté de Paue qu'elle possedoit comme son patrimoine. Mais elle eschappa de ses mains, & enuoia demander secours à l'Empereur Othon en Allemagne.

CEPENDANT pource que ce Roy Lothaire mourut sans enfans, & que son pere n'auoit laissé autre que luy, il semble que par la mort d'iceux Conrard Roy de la Bourgogne Transjurane luy succeda aux droicts & tiltres de la souueraineté du Roiaume d'Arles, & qu'il le posseda deslors & vint avec le sien, soit par l'accord fait cy deuât entre le Roy Hugues & Rodolfe, ou par la resignation que le pere & le fils luy en auoient faicte, en faueur de sa mere & de sa sœur que l'un & l'autre auoit espousee. Comment qu'il en soit, Luitprand tesmoigne expressement que le Roy Hugues laissa par son testament tous ses tresors & richesses à vne sienne niepce, qui auoit esté mariee auparauant à vn Boson Comte d'Arles, qui est à dire qu'il ne vesquit pas iusques au temps de Hugues Capet (comme aucuns ont voulu dire). D'autant mesmement que le mesme Autheur declare que ceste Berthe, qui estoit de singuliere beauté, se maria tout incontinct apres à Raymond Duc d'Aquitaine: ie ne sçay s'il a voulu dire Gothie ou Septimanie: pource que Guillaume Duc d'Aquitaine viuoit encore lors. Cepédât on n'est pas d'accord de qui estoit fils ce Boson premier mary de Berthe. Car l'Autheur qui a nouuellement écrit les Antiquitez de Prouence, estime qu'il estoit fils de Rodolfe second Roy de la Bourgogne Transjurane, à qui son pere auoit cédé le droit que Hugues luy auoit resigné au Roiaume d'Arles, nonobstât qu'il fust abstenu du tiltre de Roy du viuât du Roy Hugues oncle de sa femme, se contentât d'estre appelé Comte d'Arles seulement. Mais Onufrius le fait fils d'un autre Boson, qui estoit frere dudit Hugues. Outre-plus on est encore en doute si de ce Boson & de Berthe nasquit vn autre Boson qui leur succeda à la Côte d'Arles: ainsi qu'aucuns ont mis par écrit, qui tiennent qu'il viuoit encore du tēps de Hugues Capet. Mais ie croy ou qu'il deceda plustost, ou que il se nommoit Guillaume: pour autant que Glaber nous donne vn Duc d'Arles, qu'il nomme Guillaume, ja homme parfait, & conduisant armee dès deuant le trespas de l'Empereur Othon premier, declarant mesmement qu'il fut pere de cet autre Guillaume Côte d'Arles, de qui fut fille la Roine Constance femme du roy Robert, & fils d'un troisieme Guillaume son heritier & successeur en la Comté d'Arles.

A v mesme temps Haliatan grand Miramolin des Sarrazins d'Espagne fit vn Edict par lequel il commanda à tous les Chrestiens qu'on appelloit Mosarabes qui viuoient souz sa domination, de renoncer à leur religion, ou qu'ils fussent mis à mort. Qui fut cause qu'on en fit cruellement mourir vn grand nombre. Vaseus.

ENVIRON ce temps Igor ou Iuger, fils de Rurich Roy de Moscouie & de Ruthenie, fut occis par Malditto Prince de Dreulanie: laissant vn fils en fort bas aage nommé Suatoslaus ou Suentoslaus souz la tutelle de sa mere, qui se nommoit Olga ou selon Cedrenus Elga: laquelle trouua le moien par vne vertueuse ruse de venger la mort de son mary par celle dudit Malditto, qu'elle feignit vouloir espouser, & puis subiugua & annexa son pays au sien. Sigismond Baron en son liure des Moscouites. Autres toutesfois attribuent cecy à l'an 964.

CESTE annee fut suscitée en l'Eglise d'Angleterre vne dispute concernant la doctrine de la Cene. Qui vint de ce qu'aucuns estimoient que la premiere substance du pain ne se pert ou esuanouist aucunement en icelle, demeurant figure & sacrement du corps & du sang du Seigneur. Et que Odon Archeuesque de Cantorbie s'efforça de maintenir le contraire par vn liure qu'il fit, où il se sert de beaucoup de songes, de visions & de miracles pour venir à ses fins. Cependant Elfer Prince des Merciens s'affectionnoit si bien à la cause des Prestres mariez, qu'il leur fit rendre le gouuernement des Eglises qu'on leur auoit osté pour le mettre entre les mains des moines. Guillelmus malmesberiensis, Ranulfe, Vincet, Balæus.

De Monde.

<i>Du Monde.</i>	5088	<i>E. de Grece.</i>	46	<i>R. des Anglois.</i>	5
<i>De Iesus Christ.</i>	951	<i>E. d'Allemagne.</i>	16	<i>Ducs de Venise.</i>	12
<i>Indiction.</i>	9	<i>R. des François.</i>	16	<i>R. d'Italie.</i>	6
<i>Del'Hegire</i>	340. le 8.	<i>R. de Leon.</i>	14	<i>R. de Bourgongne.</i>	15
<i>de Iuin.</i>		<i>R. de Nauarre.</i>	22	<i>R. de Bulgarie.</i>	26
<i>Papes.</i>	6	<i>R. des Eſcoſſois.</i>	3	<i>R. de Ruſſie.</i>	2

L'EMPEREUR Othon se delibérant faire le voyage d'Italie tant pour reioindre le Royaume d'icelle souz l'Empire des François qui en auoit esté distrait par le premier Berengier, que pour mettre en liberté la sœur du Roy Contrard, veufue du feu Roy Lothaire, & pour espouser aussi ses droicts avec elle, declara prealablement le Prince Luitolfe son fils son heritier, & successeur en la Monarchie Germanique, luy faisant deslors receuoir souz ce tiltre les sermens & deuoirs des Princes de l'Empire. Et puis se rendit avec vne grande armee en Italie, où il desconfit le ieune Berengier deuant la ville de Paue: laquelle au moien de ceste victoire se rendit à luy. De sorte que la Roine Adélheide se trouua dedans, laquelle il prit à femme. Deslors Othon porta avec ses autres tiltres le nom de Roy d'Italie. Comme tesmoignent Luitprand, Vvitolinde, Flodoard, continuateur de Regino, Sigebert, Othon de Frisingen, Abbé d'Vrsperg, Auentin, Onufrius & Sigonius. Tous lesquels (hors les deux premiers qui n'ont point denoté l'annee) ont avec tous les autres bons Chroniqueurs rapporté expressement ce premier voyage d'Othon en Italie à ceste annee: & ne s'est trouué que Belle-forest qui m'a repris en ses Annales de France de les auoir ensuiuis, le rapportant au temps du Pape Agapete, à la sollicitation duquel il se persuade qu'il fut fait. Car si ce fut (dict-il) par Pape Iean 12. il faudroit que cecy eust esté fait l'an 954. Ce que ie croy plustost qu'autrement: suiuant ce qu'en dit Luitprand, que ie vous conseille de fueiller. Et moy en recompense de si bon conseil, ie l'admoneste de prendre icy acte de son ignorance, afin qu'on ne l'accuse de pis.

CEPENDANT quelques Seigneurs du Roiaume de Lorraine, nommément Raginere au grand col, Comte de Monts en Hainault, entrerent en different côté Contrard Duc de Lorraine, se desplaisant (comme on dit) d'obeir à luy qui estoit estranger. Dont ils vindrent en fin là qu'ils se donnerent bataille pres la riuere de Meuse, qui fut perdue par le Comte. Au moien dequoy il fut chassé de tout son pais, selon Richard de Vvassebourg. Les Annales de Reims disent seulement que Contrard offensé de quelques Lorrains abbatit aucuns de leurs chasteaux, priua quelques vns du Verdunois de leurs estats, osta au Comte Raginere vn de ses chasteaux, & fit assieger les autres. Somme qu'il se trouue que Contrard s'en alla trouuer l'Empereur en Italie apres cela.

LE Roy s'en allant en Aquitaine s'accompagna d'une armee, ou pour la seureté, ou pour receuoir & experimenter les deuoirs & volonteés des Aquitains, qui n'auoit de long temps visitez. Tant y a que Charles Constantin Prince de Vienne, Estienne Euesque d'Auuergne, fallerent avec presens offrir & soumettre à luy en ce voyage. Auquel aussi Guillaume Comte de Poitiers, alla au deuant de luy le receuoir. Mais vne maladie qui le surprint & detint aucun temps, le garda d'aller gueres auant. D'autant qu'à lissuë d'icelle les nouuelles que Frederic qu'on dict Duc de Mosellane, frere de Adalbero Euesque de Mets, espoux de Beatrix fille du Duc Hugues, faisoit sans son mandement construire vn fort es marches de son Roiaume (qui pourroit estre le chasteau de Bar le Duc, que Richard de Vvassebourg dict auoir esté par luy construit au mesme temps) duquel il commençoit à faire ja des fascheries sur ses voisins, le firent soudainement retourner en France, pour obuier aux entreprinſes d'iceluy. De sorte qu'il le fit desauouer de l'Empereur, ne pouuant venir à bout d'appointer le Comte de Flandres avec le Duc Hugues, irrité de ce qu'il detenoit le chasteau de Monstreuil à Rotgare fils du feu Comte Erluin, moienna en fin trefues pour certain temps entr'eux. Flodoard en ses Annales de Reims.

VNE armee de Hongrois ayant passé l'Italie se vint par les Alpes rendre au pays d'Aquitaine, & apres auoir faict autant de maux qu'elle peut, s'en retourna le mesme chemin qu'elle estoit venue, selon les Annales de Reims. Mais au mesme temps les mesmes Hongrois, que les Grecs appelloient aussi Turcs, ne cessoient de mesme façon de molester par leurs courses & entreprises les Prouinces d'Orient, signamment de la Grece, qu'ils faisoient les pais d'Occident, iusques à ce qu'il prit deuotion à deux de leurs Princes nommez Bulozudes & Gilas d'aller à Constantinople, où ils se firent baptizer. En faueur dequoy l'Empereur les receut au nombre de ses Patrices. Neantmoins à leur retour en leur pais Bulozudes reuint en son impieté, continuât à faire les maux qu'il auoit accoustumé sur les nations Chrestiennes. Mais Gilas demeura ferme en la religion. Cedrenus. Ce Bulozudes semble estre celuy qu'Auentin appelle Bultzko, qui regnoit à son dire sur les Hongrois en ce temps.

<i>Du Monde.</i>	5089	<i>E. de Grece.</i>	48	<i>R. des Anglois.</i>	4
<i>De Iesus Christ.</i>	952	<i>E. d'Allemagne.</i>	17	<i>Ducs de Venise.</i>	13
<i>Indiction.</i>	10	<i>R. des François.</i>	17	<i>R. d'Italie.</i>	7
<i>De l'Hegire 341. le 27.</i>		<i>R. de Leon.</i>	15	<i>R. de Bourgongne.</i>	15
<i>de May.</i>		<i>R. de Navarre.</i>	23	<i>R. de Bulgarie.</i>	23
<i>Papes.</i>	7	<i>R. des Escossois.</i>	4	<i>R. de Russie.</i>	3

L'EMPEREUR Othon ayant enuoié semondre les Romains de le recevoir, receut autre responce d'eux qu'il n'eust voulu. Qui le fit laisser l'Italie & aller recevoir l'Allemagne avec sa femme, laissant la garde de Paue & de ce qu'il auoit conquis en Italie avec la charge de poursuiure la guerre contre Berengier au Duc Conrard son gendre, à qui Berengier se vint rendre. A cause dequoy il le fit aller vers l'Empereur ou selon Vvitikinde le mena luy-mesme : qui ne le receut pas seulement en sa grace, mais aussi souz certaine capitulations luy rendit le Royaume d'Italie, à le tenir à foy & hommage de luy : retenant seulement la Marche de Veronne & d'Aquilee : qu'il laissa souz le gouuernement du Duc de Bauiere son frere. Ce qu'on dit que le Duc Conrard prit en si mauuaise part, qu'il fit entrer l'Intolphe fils de l'Empereur en jalousie de ce que son pere s'estoit remarié, & qu'il sembloit porter plus de faueur au Duc de Bauiere qu'à luy. Cependant on trouue que ledit Conrard apres son retour d'Italie se trouua avec son armee au siege du chasteau de Marolé sur la Marne avec le Duc Hugues. Lequel ils poursuiuirent si asprement qu'en fin ils se le firent rēdre, par le Comte Ragenold qui le tenoit : & puis le ruinerent. Auquel tēps le Roy fit bastir vn fort à l'opposite de Vitry, pour brider les courses & entreprises que ceux de la garnison faisoient ordinairement sur ses terres & de ses allies. Annales de Reims, Supplément de Regino, Auentin liu. 5.

ENVIRON ce temps Alain surnommé Barbetorte s'empara de toute la Duché de Bretagne, apres en auoir (comme on dit) dechassé les Normans, & en iouyt l'espace de 28. ans : Comme recite les Annales de ladite Bretagne. Neantmoins nous auons ja monsté qu'il en estoit Seigneur en partie cy deuant.

ABVTHANIN surnommé Mehezidinala 5. Calife de Cairaan en Afrique, de la lignee de Hali, succeda enuiron le mesme temps à la dignité de Calife : & regna quasi entierement sur toute la Barbarie : d'autant que toute la Numidie luy fut assubjectie par la vaillance & prouesse d'un sien esclau, Esclauon de nation, nommé Gehar ou Gehoar. Guillaume de Tir, Jean Leon.

Av mesme temps Halihathan grand Miramolin des Sarrazins d'Espagne à Cordouë mourut, & luy succeda à son estat son fils nommé Hissen, & surnommé Zoëda, qui regna au compte de Vaseus trente trois ans quatre mois. Or pource qu'il estoit en bas aage, on luy bailla pour curateur & conducteur de sa ieunesse vn vaillant Seigneur nommé Mahomet Ibue Halmur, qui se fit surnommer Alhagih Almanzor, lequel on dit auoir esté le plus excellent Roy des Maures qui oncques iamais regna en Espagne. A cause dequoy ils

ils le laisserent gouverner le Roiaume de Cordouë tout le temps qu'il vesquit, qui fut de 25. ou 26. ans. Tellemēt que Hissen n'en fut Roy que de nom. D'autres rapportent la mort de Hali Hatan à l'an 959.

<i>Du Monde.</i>	5090	<i>E. de Grece.</i>	49	<i>R. des Anglois.</i>	5
<i>De Iesus Christ.</i>	953	<i>E. d'Allemagne.</i>	18	<i>Ducs de Venise.</i>	14
<i>Indiction.</i>	11	<i>R. des François.</i>	18	<i>R. d'Italie.</i>	8
<i>De l'Hegire</i>	342. le 17.	<i>R. de Leon.</i>	16	<i>R. de Bourgongne.</i>	16
<i>de May.</i>		<i>R. de Navarre.</i>	24	<i>R. de Bulgarie.</i>	24
<i>Papes.</i>	8	<i>R. des Escossois.</i>	5	<i>R. de Russie.</i>	4

LVITOLPHE imprima tellemēt en son imagination les faux donnez à entēdre, & des esguillōs qu'on luy donnoit, mesmement que son pere se deliberoit ja de luy preferer le fils qu'il auoit nouvellement eu de sa nouvelle femme, qu'il se declaira tout appertement contre luy, estant secondé & supporté de beaucoup de grands Seigneurs Allemās & Lorrains: signamment du Duc Conrard. Qui fut cause que l'Empereur luy osta la Duché de Lorraine. Et que le Comte Raginere ou Ragenare s'esleua tant plus hardiment contre luy à l'occasion de leur ancienne querelle. De sorte qu'il assiegea l'un de ses chasteaux. Qui sembloit de telle consequence à Conrard, qu'il amena vne armee pour le secourir, laquelle toutesfois fut defaictē & mise en route, & luy contraint se sauuer à Majence; où l'Empereur le vint encore assieger. En telle deliberation qu'il n'en fust bougé qu'il ne l'eust reduit entre ses mains, sans que le Duc de Bauiere son frere le reuoqua, pour l'aller secourir cōtre le Prince Luitolphe son fils: qui auoit ja reduit en sa puissance vne bonne partie des villes de Bauiere, mesmement de Ratisbonne. Si est-ce toutesfois qu'il ne voulut partir qu'il ne l'eust fait sousmettre à quelque accord avec luy. Nonobstant lequel il ne laissa pas d'aller surprendre la ville de Metz, & la rançonner comme il voulut bien tost apres.

CEPENDANT la guerre prit fin en France par vn appoinctement qui se fit à Soissons, entre le Roy & le Duc Hugues, suiuant les conditions duquel le Fort que le Roy auoit fait contre Vitry, fut osté. Annales de ce temps, Vvitikinde, Supplément de Regino, Auentin liure 5. Selon lesquels aussi Bruno Archeuesque de Cologne fut par l'Empereur Othon son frere fait Duc de Lorraine au lieu de Conrard.

L'AN 6463. de la creation du monde selon la supputation des Grecs que suiuent les Moscouites, Elga ou Olga Roine de Russie & de Moscouie s'en alla à Constantinople: où elle se fit instruire & baptizer en la religion Chrestienne, prenant le nom d'Helene, avec lequel elle s'en retourna en son païs, où elle ne peut si bien faire enuers son fils Sucutossaus qu'il voulut prendre le baptēme, Selon Cedrenus & Zonare. Mais Sigismund Baron & Martin Cromer estiment que cecy aduint souz l'Empereur Iean Zimisces: le Supplément de Regino souz Romanus. Cecy toutesfois selō la supputation de Iohannes Curpal. ne seroit aduenue que deux ans apres.

<i>Du Monde.</i>	5091	<i>E. de Grece.</i>	50	<i>R. des Anglois.</i>	6
<i>De Iesus Christ.</i>	954	<i>E. d'Allemagne.</i>	19	<i>Duc de Venise.</i>	15
<i>Indiction.</i>	12	<i>R. des François.</i>	19	<i>R. d'Italie.</i>	9
<i>De l'Hegire</i>	343. le 6.	<i>R. de Leon.</i>	17	<i>R. de Bourgongne.</i>	17
<i>de May.</i>		<i>R. de Navarre.</i>	25	<i>R. de Bulgarie.</i>	25
<i>Papes.</i>	9	<i>R. des Escossois.</i>	6	<i>R. de Russie.</i>	5

Le Duc Conrard falliant des Hongrois en fit venir vne grande troupe à son aide: qui gasterent toute la Lorraine & vne partie du Roiaume de France. Mais la pluspart furent en fin consommez de maladies & par escarmouches. Le reste se retira par la Bourgōgne en Italie. Cependant l'Empereur Othon apres auoir chassé son fils de la Duché de

Suaube le poursuivit encore iusques en Bauiere, si asprement qu'il le tint assiéé dedans Ratisbonne l'espace de deux mois: iusques à tant qu'il l'eut réduit à l'extremité de se rendre à sa mercy. Qui fut la fin de la rebellion: d'autant que Conrard reconnoissant sa faute se vint aussi bien tost apres reconcilier avec l'Empereur, qui le receut en sa grace, encore qu'il eust ja esbranlé les Hōgrois à venir gaster l'Allemagne. Autheurs precedens. En ces entrefaictes les Esclavons nommez Vchres festans voulus esmouuoir contre l'Empereur, furent par le Lieutenant d'iceluy nommé Geron vaincus & subiuguez. Vvitikinde.

LOVVS 32. Roy de France surnommé d'Oultremer ayant regné l'espace d'environ 19. ans, mourut d'une longue & hideuse maladie, à sçauoir de Ladrerie, qui luy suruint d'une merueilleuse aduantage, pource que venant de Laon à Reims il luy sembla voir vn Loup qui alloit deuant luy, lequel il se mit à poursuiure à course de cheual de si grande roideur qu'il tomba & se froissa le corps, en telle sorte qu'il n'eut oncques bien depuis. Somme qu'on tient qu'il expira au mois de Septembre, ou selon d'autres le 12. de Novembre: laissant de la Roine Gerberge sa femme deux fils, Lothaire qui estoit l'aîné, & Charles: le premier desquels succeda par la prerogative de son aage à la couronne. Du consentement toutesfois des Princes & Prelats de France, ainsi que les Annales de Reims tesmoignent expressément, signamment de Hugues le Grand, duquel la puissance & autorité estoit lors si grande, qu'elles disent que Gerberge le pria d'interposer sa faueur à faire admettre son fils à la royauté, tellement qu'il fut couronné par l'Archeuesque Artold à Reims (tesmoin Aimoinus) le 12. de Novembre, en presence de son oncle Bruno Archeuesque de Colongne, du Duc Hugues & des autres Princes & Prelats de France, de Bourgongne & d'Aquitaine. Neantmoins toutesfois la France n'estoit pas encore bien nette de troubles: à cause de certains chasteaux, comme Rouey & Montfelix, que le Comte Herbert & Ragenold se prindrent l'un sur l'autre, iusques à ce qu'ils se les fussent rendus au pourchas du Duc Hugues: à qui le nouveau Roy fit au mesme temps (comme disent les Annales de Reims) donation de l'Aquitaine & de la basse Bourgogne, c'est à dire de celle partie qui luy auoit ja esté donnée auparauant par Louis d'Oultremer. Car l'autre qu'auoit tenue Hugues le Noir, fut donnée à Gislebert par le mesme Roy Lothaire.

ALBERIC Patrice & Prince de Rome mourut, laissant vn fils nommé Ostauiā, qui luy succeda à la principauté de Rome: & fut encore cy apres successeur du Pape Agapit au siege Papal. Annales de ce temps. Dont Platine & Sigonius se sont abusez, qui estiment qu'il fit son fils Pape deuant que mourir.

A Dom Sancio Garcias Roy de Nauarre & d'Arragon decedé succeda son fils nommé Garcias Sancio dict le Trembleur, (pource qu'il estoit fort craintif en guerre, encore qu'il fust fort vaillant) lequel regna 25. ans selon Roderic, qui semble auoir failli commençant son regne à l'Ere 943. au lieu possible de 993.

En ce temps Cabdan Soudan & Amiras de Tharse & d'Allappe, faisoit beaucoup de maux aux Chrestiens d'Orient ayant gagné quelques victoires sur les Capitaines de l'Empereur de Grece. Mais Bardas Phocas Coronal des Legions d'Orient avec son fils Nicephore & Leon le poursuiurent en fin si vaillamment, qu'ils le desconfirent avec toute son armee. Au moien de quoy ils retirerent grand nombre de pais des mains des Sarrazins. Cedrenus.

<i>Du Monde.</i>	5092	<i>E. de Grece.</i>	5	<i>R. des Anglois.</i>	1
<i>De Iesus Christ.</i>	955	<i>E. d'Allemagne.</i>	20	<i>Ducs de Venise.</i>	16
<i>Indiction.</i>	13	<i>R. des François.</i>	2	<i>R. d'Italie.</i>	10
<i>De l'Hegire</i>	344. le 25.	<i>R. de Leon.</i>	18	<i>R. de Bourgongne.</i>	18
<i>d'Auil.</i>		<i>R. de Nauarre.</i>	1	<i>R. de Bulgarie.</i>	26
<i>Papes.</i>	10	<i>R. des Esgois.</i>	7	<i>R. de Russie.</i>	6

Les Hongrois remplis d'espoir de mieux faire leurs affaires en Allemagne qu'ils n'auoient cy deuant, tant par l'exemple de ceux qui l'auoient trauesee sans aucune rencontre l'annee passée, que par les esguillons & belles paroles que leur auoit donnees le Duc Conrard & vn Euesque de Bauiere qui s'estoit retiré à eux, furent facilement esbranlez

esbranlez de sortir de leur pays, en plus grand nombre qu'ils n'auoient iamais fait, souz la conduite de leur Roy Butzko, & de quatre principaux Capitaines qu'il auoit souz luy, nommez Lælius, Sura, Toxis & Schaba, pour venir glaner l'Allemagne & la France à leur mode accoustumee : faisant leur compte qu'il ne se trouueroit puissance aucune qui les peust soustenir, ne si hardy qui leur voulust faire visage. Somme qu'ils se vindrent souz ceste confiance ietter en maniere d'une horrible foudre ou tempeste dedans le pays de Bauiere, faisans maux si estranges & espouuantables, que l'Empereur Othon fut reduit à la necessité d'exposer toute la puissance d'Allemagne, & de ses alliez & subiects contr'eux : entre lesquels se trouuerent Bolislaus Prince de Boëme, avec l'eslite de la gendarmerie de son pays. De sorte qu'on les alla rencontrer en bataille rangee pres la riuere du Lic, qui passe par la ville d'Ausbourg en Bauiere, de si bonne deliberation que les Hongrois n'auoient receu choc depuis deux cens ans plus cruel ne sanglant pour eux. D'autant qu'on ne pense point que de toute leur troupe il en soit eschappé dix, pour porter la nouuelle de leur desconfiture en leur pays : estans tous demeurez sur le champ ou pris prisonniers, qui toutesfois n'en eurent meilleur marché que d'une plus fascheuse & ignominieuse mort, qu'on leur fit receuoir de sang froid, mesmement à leur Roy & à ses quatre satrapes : pour expier (comme si Dieu eust expressement fait venir la vengeance à son poinct) le grand carnage que leurs ancestres auoient fait des Chrestiens 48. ans auparauant, souz l'Empereur Louys troisieme, au mesme iour & en mesme lieu que cestui-cy leur aduint. Car tous les auteurs conuiennent que ce fut le dixiesme d'Aoust : qui toutesfois fut assez chèrement payé, par la perte qu'on fit de grand nombre de grands Seigneurs, signammét de Conrard cy deuant Duc de Lorraine, qui pour recompenser sa faulte estoit venu presenter son seruice à ce besoin à l'Empereur ; & de Bourchard Duc de Suaube, gendre du Duc Henry de Bauiere, qui mourut enuiron trois mois apres luy : à sçauoir le premier iour de Novembre, laissant vn fils de mesme nom que luy, qui fut dict le Mutin, qui luy succeda en sa Duché, du consentement de l'Empereur son oncle : comme recitent Vvittikinde, le Supplément de Regino, Herman Contract, Marianus Scotus, Lambert de Scaffu, Othon de Frisingen, Abbé d'Vrsperg avec Auentin liu. 5. & les Annales de ce temps. Selon lesquelles aussi l'Empereur Othon gagna encore en la mesme annee vne autre grâde bataille sur deux Rois d'Esclauons, qu'elles disent de Sarmates : l'un desquels se nommoit, selō Vvittikinde Naco. Qui semble estre ce que Sigebert a voulu dire que les Bauariens combattirent heureusement les Esclauons. Combien que Vvittikinde declare que ce furent plustost les Saxons qui firent cest exploit souz la conduite du Comte Hermon : & que l'Empereur apres la deffaiete des Hongrois, marcha encore en personne contre lesdits Esclauons, pour acheuer de mettre ceste guerre à fin ; d'autât qu'un sien nepueu nommé Vigneran avec un Comte Erbert s'estoient retirez vers eux.

Le Roy Lothaire apres auoir fait son entree à Paris es festes de Pasques, où il fut receu avec sa mere en grande pompe & magnificence par le Duc Hugues, se laissa mener par luy en Aquitaine, pour induire par sa presence les Aquitains à se soubmettre plus volontiers souz le gouuernement d'iceluy, auquel il les auoit donnez. Mais le Comte ou Duc Guillaume s'estoit ia si bien disposé à defendre sa maintenue, qu'il ne voulut ouurir les portes de la cité de Poitiers, ny au Roy ny au Duc, l'ayant si biē munie de toute defense, qu'il les fit demeurer iusques à tant ou que faute de viures, ou qu'un horrible & inespéré orage de temps (comme dit le Supplément d'Aimoinus) les contraignit de leuer leur camp pour le remener en France. Ce qui fit prendre la hardiesse au Duc Guillaume de venir avec son armee donner sur la queue. Mais il se trouua si lourdement festoyé, que force luy fut de se sauuer honteusement avec bien peu de ses gens, laissant le reste pris ou mort. Flodoard en ses Annales de Reims. Ceux s'abusent tout cōtant avec leurs discours imaginaires, par faute de n'auoir leu Flodoard, qui veulent faire deux voyages de Hugues le Grand en Poitou pour cestui-cy, attribuant le premier à l'an 951.

Cependant que l'Empereur Othon estoit empesché contre les Hongrois, Berengier Roy d'Italie oubliant la fidelité qu'il luy auoit iuree, se mit à troubler l'estat de l'Italie, afin de trouuer moyen de recouurer l'auctorité qu'il y auoit perduë. Tellement qu'il commença de faire la guerre aux Seigneurs qui luy auoient esté les plus ennemis ; sans espargner le Pape ny les terres de l'Eglise. Dont ils furent contraincts d'aduertir l'Empereur Othon,

qui toutesfois ne peut si tost entendre à eux, pour les empeschemens plus vrgents qu'il eut ailleurs. Luitprand.

ESTANT Aldrede Roy d'Angleterre decedé, Eduin son nepueu fils du feu Roy Edmund, se mit en possession du Roiaume qui luy appartenoit; & le posseda quatre ans seulement. Polydore, Guillaume de Malmesberie.

Commencement du compte des anneés des Rois de Hongrie.

LES HONGROIS qui resterent en leur pays depuis la desconfiture du Lie, se trouuerent tellement estonnez d'une si lourde perte, que force leur fut de penser plustost aux moyens de se defendre d'oresnauant, & se fortifier contre les nations estranges, que de les aller assaillir comme ils auoient desia fait depuis l'espace de cinquante cinq ans. A cause dequoy ils creerent au lieu de leur Roy Bultzko le fils de Toxis nommé Geyzon, des autres Geiza ou Geicza, qui fut pere du Roy saint Estienne. Lequel Geicza, combien qu'il ne fust Chrestien, neantmoins il se monstra fort benin & gracieux enuers les Chrestiens; estant (comme dit Bonfinius) amateur de paix, de iustice & de sainteté: tellement qu'il fit son regne comparable de celuy de Numa. Au moyen dequoy il se fit finalement amy de l'Empereur Othon. Luitprand, Auentin liu. 5. Bonfinius.

THEOPHILACTE Patriarche de Constantinople, mourut en ceste Indiction, le 27. iour de Feurier. Au moyen dequoy on luy subrogea en son lieu le troisieme iour d'Auril vn moine Eunuche nommé Polyenchus, ou (selon Ioannes Curopalates) Cōstantin, qui presida quinze ans. Cedrenus.

<i>Du Monde.</i>	5093	<i>E. d'Allemagne.</i>	21	<i>R. d'Italie.</i>	11
<i>De Iesus Christ.</i>	956	<i>R. des François.</i>	3	<i>R. de Bourgongne.</i>	19
<i>Indiction.</i>	14	<i>R. de Leon.</i>	19	<i>R. de Bulgarie.</i>	27
<i>De l'Hegire 345. le 14.</i>		<i>R. de Nauarre.</i>	2	<i>R. de Russe.</i>	7
<i>d'Auril.</i>		<i>R. des Escossois.</i>	8	<i>R. de Hongrie.</i>	1
<i>Papes.</i>	1	<i>R. d'Angleterre.</i>	2		
<i>E. de Grece.</i>	52	<i>Dues de Venise.</i>	17		

HUGUES Duc de France dict le Blanc, qui fut aussi surnommé le Grand, à cause des haults-faicts par luy mis à fin, ayant grandement aggrandy sa maison, & vaillamment soutenu & repoussé tous ses aduersaires, mesmement l'Empereur Othon, & le Roy, mourut le 16. iour de Iuin, laissant quatre fils, Hugues surnommé Capet, Othon, Odon, & Henry. Desquels Hugues luy succeda au Ducat de France; Othon à la Duché de Bourgongne. De laquelle il obtint bien tost apres l'investiture par le Roy Lothaire: comme tesmoignent les Annales de Rcims. Nonobstant que le Supplément d'Aimoinus estime qu'elle luy aduint par sa femme Leudegarde fille de Gislebert, qu'il estime auoir esté Duc de Bourgongne. Ce qui est aussi l'opinion d'Odorannus, lequel tesmoigne semblablement qu'il mourut en la mesme année: combien qu'il le nomme seulement Comte. Mais du Tillet declare qu'il estoit Duc de Bourgongne, ayant succédé du consentement du Roy Lothaire à la portion de Bourgongne, qu'auoit tenuë en son viuant Hugues le Noir, ou Capet frere du

re du feu Roy Rodolfe. Dont il fault entendre que cest Othon fut en ceste sorte fait possesseur, tant de la portion de Bourgongne qui auoit esté à son pere, q̄ de celle de son beau-pere. Ce qui n'empesche point que ce que nous en auôs dit en nostre Chronique de Bourgongne ne soit vray, que les Ducs Hugues le Grand & Othon son fils obtindrent la Duché de Bourgongne par le don du Roy.

P I E R R E Candian fils du Duc de Venise, estant banny de sa patrie s'estoit retiré vers le Roy Berengier, duquel il receut vne armee pour faire la guerre à sadiète patrie. Dequoy son pere fut si desplaisant, qu'il s'en laissa mourir de tristesse. Neantmoins le peuple de Venise changeant de volonte, rappella son fils, & le cōstitua en la dignité Ducale: laquelle il exerça l'espace de 17. ou 18. ans: selon Sabellic & Blodus, qui estime que celà se fit vn peu deuant le trespas du Pape Agapit, lequel toutesfois mourut, au compte d'Onufrius, à la fin de l'annee precedente, ou au commencement de ceste-cy (s'il la fault commencer au 25. de Decembre) pource qu'il dit que ce fut le 27. de Decembre. Tant y-a que son successeur fut Octauius fils d'Alberic Prince de Rome, qui se fit eslire le 9. iour de Ianuier, plus par l'auctorité qu'il auoit dedans Rome, que par quelque bonne opinion qu'on eust de luy. D'autant qu'il auoit tellement institué sa vie à la cōformité des mœurs de son ayeule Marozia, qu'on n'eust sceu pouruoir le siege Papal d'un plus pernicieux monstre, & composé de plus de sortes de vices que luy. Si est-ce toutesfois qu'il a esté toleré iusqu'à sa deposition l'espace de sept ans & enuiron vnze mois: cōme tous les authens qui ont escrit l'histoire des Papes cōfessent vnanimemēt. Toutesfois Onufrius luy fait cest honneur d'estimer que c'est de luy que les Papes qui sont venuz apres, ont pris l'exemple & coustume de prendre vn autre nom (quand ils viennent au Papat) que celuy qu'ils ont apporté de leur baptisme: pource que laissant le nom d'Octauius, se nomma Iean douzieme. Ayāt aussi reprouué l'opinion de ceux qui ont estimé que ceste coustume estoit venue du Pape Sergius, qui auparauant se nommoit Groin de Porc. Luitprand liu. 6. chap. 6. recite la vie & les mœurs de ce Iean, plus conformes à celles d'un Heliogabalus, que d'un Chrestien. Je sçay aussi que Sigonius rapporte le faict de Pierre Candian à l'an 957. & 58. & au temps du Pape Iean, mais il n'en dit la raison.

<i>Du Monde.</i> 5094	<i>E. d'Allemagne.</i> 22	<i>R. d'Italie.</i> 12
<i>De Iesus Christ.</i> 957	<i>R. des François.</i> 4	<i>R. de Bourgongne.</i> 20
<i>Indiction.</i> 15	<i>R. de Leon.</i> 20	<i>R. de Bulgarie.</i> 28
<i>De l'Hegire</i> 347. le 3. iour	<i>R. de Nauarre.</i> 3	<i>R. de Russie.</i> 8
<i>d'Auril.</i>	<i>R. d'Ecosse.</i> 9	<i>R. de Hongrie.</i> 2
<i>Papes.</i> 2	<i>R. d'Angleterre.</i> 2	
<i>E. de Grece.</i> 53	<i>Ducs de Venise.</i> 1	

L' E M P E R E U R Othon faisant la guerre aux Esclauons dictz Redariens, gaigna quelques batailles sur eux, où leur Roy fut tué, avec la pluspart de ses Capitaines. Au moyen dequoy force leur fut de se soubmettre à ses cōmandements. Cependant pource que le Roy Berengier se comportoit de si mauuaise façon enuers les Italiens, que les clameurs en vindrēt iusques audit Empereur, à leur petitiō il fit aller son fils Luitolphe avec vne armee en Italie, pour la deliurer de la tyrannie dudit Berengier. Où il fit si bien, que la pluspart estoit ia reduiète en sa puissance, ayant vaincu & mis en route l'armee de son ennemy, quād la maladie le surprit, qui luy fut (comme on a estimé) moyennée par vn poison que Berengier luy fit donner, de laquelle il mourut laissant son entreprinse imparfaicte. Supplémēt de Regino, Annales de Reims, Vvittikinde liu. 3.

E S T A N T le Roy Lothaire allé en la haute Bourgongne, vn nouveau trouble s'esleua en France entre Baudouin fils d'Arnoul Comte de Flandres, & Rotgare fils du feu Comte Erluin de Montreul, à cause du chasteau d'Amiens que l'un & l'autre se vouloit attribuer.

RAGINERE ou Ragnier Comte de Monts en Hainault, faisant mal son deuoir d'obtemperer aux iussions & commandemens de l'Archeuesque Brunon Duc de Lorraine, l'incita à luy faire la guerre: de telle façon qu'il le prit à la parfin, & l'enuoya en exil delà le Rhin. Annales de Reims.

<i>Du Monde.</i>	5095	<i>E. d'Allemagne.</i>	23	<i>R. d'Italie.</i>	13
<i>De Iesus Christ.</i>	958	<i>R. des François.</i>	5	<i>R. de Bourgongne.</i>	21
<i>Indiction.</i>	1	<i>R. de Leon.</i>	21	<i>R. de Bulgarie.</i>	29
<i>De l'egire 347. le 24.</i>		<i>R. de Nauarre.</i>	4	<i>R. de Russie.</i>	9
<i>de Mars.</i>		<i>R. des Escossois.</i>	10	<i>R. de Hongrie.</i>	3
<i>Papes.</i>	3	<i>R. des Anglois.</i>	3		
<i>E. de Grece.</i>	54	<i>Ducs de Venise.</i>	2		

LA mort de Luitolfe & les empeschemens que l'Empereur Othon auoit encore cōtre les Esclauons, firent entrer le Roy Berengier en telle confiance de ses affaires, qu'il entreprit de s'emparer de la Duché de Spolet, & la ioindre à sa domination: tellement qu'il y mena vne armee pour la mettre en sa main. Mais le Pape Iean qui y pretendoit quelque droit, s'opposa à luy, dont ils entrerent en guerre à bon escient l'un contre l'autre. Luitprand, Sigonius.

RAGINERE ayant enuie de se remettre au dessus, & venger sa honte souz quelque espoir de meilleure fortune, rassembla vne grosse armee, avec laquelle il entra dedans le pays, que le feu Duc Gislebert auoit laissé pour douaire à la Roine Gerberge. Mais l'Archeuesque Brunon enuoya ses Lieutenants & Capitaines contre luy, qui l'estrillerent encores aupres de Valenciennes; de telle façon qu'ils l'acheuerent de peindre. Au moyen dequoy il fut déclaré proscript, ses biens confisquez, sa Comté donnée à deux Seigneurs du pays, nommez Garnieri & Reinold. A cause dequoy ses deux fils Ragnier le ieune & Lambert, se retirerent vers le Roy Lothaire, lequel ils inciterent cy apres à recouurer la Lorraine. Supplément de Regino, Richard de Vassebourg.

ARNULFE le vieil diët le Grand, Comte de Flandres, se sentant cassé de vieillesse, institua son fils Bauldouin grand Gouuerneur & Comte de Flandres, lequel restitua & reedifia les villes de Hippre, Furnes, Bergues, Aldembourg, & autres: restablit les Foires de Courtray, Tournay & Caslet. De son temps les marchans vserēt de permutation de marchandise par faute d'argent, comme auoient fait auparauant les Sarmates & Allemans. Chronique de Flandres.

LE chasteau de Coucy osté d'emblee au Comte Thibault de Tours, par les subiects de l'Archeuesque Artold, fut cause qu'il en deschargea son courroux sur le terroir de Laon & de Soissons, & qu'il se mit en possession du chasteau de la Fere, en mesme façon qu'on luy auoit desrobé l'autre, nonobstant qu'il appartint à l'Euesque de Laon. Qui fut cause que le Roy s'entremist de le luy faire rendre, par l'intercession des Comtes Robert & Heribert beaux-freres de Thibault, que l'on cognoist par celà auoir ia esté grand Seigneur, & puissant en la Champagne & en la Picardie. Bien tost apres l'Archeuesque Brunon accompagné d'une armee de Lorrains, vint par la France parlementer avec le Roy son nepueu en la Bourgongne. Annales de ce temps.

VN Seigneur nommé Vicgman ayant quitté cy deuant la suite de l'Empereur, duquel on dit qu'il estoit nepueu, s'estoit retiré au pais des Esclauons qui sont delà la riuere d'Elbe: & encore que les ayant incitez à se rebeller & prendre les armes pour luy, eut esté lourdement vaincu avec eux, & cōtrainct les laisser pour se retirer à sauueté vers le Duc Hugues en France. Si est-ce qu'ayant veu derechef son bon, s'en retourna derechef à eux, & les sermonna si bien, qu'ils reprindrent pour la troisieme fois les armes contre l'Empereur. Qui aussi les alla derechef guerroyer à si bonnes enseignes, qu'il r'emporta vn glorieux triomphe d'eux, les ayāt vaincuz en bataille rangee, où il en prit sept cens avec leur Roy: ausquels il fit trancher la teste. Neantmoins toutesfois il receut à mercy ledit Vicgman (tesmoin

(tesmoin Vvittikinde) à condition de luy estre d'oresnauât loyal & fidele. Ce que les Annales de Reims & Sigebert rapportent à ceste annee. D'autres toutesfois estiment que Vigman fut tué par Misicas ou Misilaus 27. Roy des Herules & Vvandales (duquel on dit estre issuë la race des Princes Megapolitains) qui estoit lors au seruice du Roy Othon. Lequel (tesmoin Helmodus) fit aussi vne autre expedition enuiron le mesme temps cōtre les Danois, pource que leur Roy Harald s'estoit rebellé contre luy, ayant fait massacrer ses Ambassadeurs. Dont il se fit faire telle raison qu'il voulut, ayant vaincu son ennemy.

ENVIRON le mesme temps Constantin Empereur de Grece, enuoya vne grande armee contre les Sarrazins, souz la conduite du Capitaine Bardas, qui fit si bien son deuoir en ceste charge, qu'il retira beaucoup de pais & de bōnes villes de leurs mains, mesmemēt la ville d'Adapa. Mais vne autre armee qui alla en la Crete, fut par la lascheté & pusillanimité du conducteur rompuë & deffaicte. Cedrenus.

Du Monde. 5096	E. d'Allemagne. 24	R. d'Italie. 14
De Iesus Christ. 959	R. des François. 6	R. de Bourgongne. 22
Indiction. 2	R. de Leon. 22	R. de Bulgarie. 30
De l'Hegire 348. le 13. iour	R. de Nsuarre. 5	R. de Russie. 10
de Mars.	R. d'Ecosse. 11	R. de Hongrie. 4
Papes. 4	R. d'Angleterre. 4	
E. de Grece. 55	Ducs de Venise. 3	

Le Roy Lothaire s'estant faisi de quelques chasteaux de Bourgongne, entra en differēd de celà avec les fils du feu Duc Hugues ses cousins : qui fut cause de faire reuenir l'Archeuesque Brunon leur oncle à Compiègne, pour les mettre d'accord. Neantmoins apres son depart, Robert Comte de Troye s'osa faisir par surprinse du chasteau de Dijon, ayant chassé les gardes que le Roy y auoit. Qui fut encore occasiō que Brunon faisant office de tuteur de ses nepueux, retourna derechef en France avec vne grāde armee de Lorrains & Saxons : par le moyen de laquelle il remit ledit chasteau entre les mains du Roy. Et puis à l'instance d'Ansegise Euesque de Troye (qui pour vn differend qu'il auoit avec le Comte Robert s'estoit retiré vers luy) fit aller assieger au mois d'Octobre la ville de Troye par le Comte Helpon son Lieutenant : laquelle fut si brauement defenduë, que venant Ramard le vieil Comte de Sens avec vne autre armee au secours, fut deliuree du siege par la deffaicte dudit Helpon, qui demeura sur le chāp, & de ses gens : cōme tesmoigne le 5. liu. d'Aimoinus. Cōbien que les Annales de ce temps disent seulement que la ville de Troye fut assiegee. Selon lesquelles aussi le mesme Brunon donna le gouuernement de toute la Lorraine souz soy à vn Comte Frederic, pource que les Lorrains se vouloient mutiner cōtre luy, à la suscitation d'un Innuo qui auoit esté autrefois son Conseiller, à cause des nouvelles charges & exactions qu'il leur imposoit. Et à raison de ceste Lieutenance, ce Frederic fut appellé Duc de Lorraine, ainsi qu'il se voit nomē en la Chronique de Sigebert, souz l'an 945. es memoires de l'Abbaye de S. Michel, & en plusieurs chartres alleguees par Richard de Vvassebourg : & en vne autre de l'Empereur Othon, dattee de l'an 960. & non Duc de Mosellane en Lorraine, comme ledit de Vvassebourg & autres se sont persuadez. D'autant que pour la mesme occasion, Brunon se voit estre semblablement appellé en Sigebert souz l'an 959. Archeduc de Lorraine. Ce que les paroles de Flodoard, où il dit cecy, declarent encor plus euidentement, qui sont : *Quibus postmodū euocatus* (il parle des Lorrains) *Fridericum quēdam Comitem eis vice sua prefecit.* Au reste l'auteur de la vie dudit Brunon adioust qu'il remit Ansegise en son siege Episcopal, duquel il auoit esté deietté, au grand contentement de son peuple.

Les mauuaises complexions du Roy Eduin d'Angleterre le rendirent tellemēt odieux à ses subiects, que les Merciens & Northumbriens se rebellerent contre luy, prenant son frere Egdare pour leur Roy : dequoy il prit vn tel desplaisir qu'il en mourut. Au moyē dequoy Egdare se mit en possession de tout le reste du Roiaume d'Angleterre : où il regna,

comme on dit, fort heureusement l'espace de 16. ans. Polydore Virgile. Les autres adjoûtent qu'il parvint à ce degré par les moyens que les Moines luy preparerent ; pource qu'il se laissoit totalement mener & gouverner par eux : iusques à les tellement favoriser, qu'il leur fit auoir le gouuernemēt de toutes les dignitez des Eglises Cathedrales de son Roiaume, l'ayant osté aux Prestres mariez : encore que ce fust avec grand tumulte & scandale. De façon qu'il s'en trouua qui ne voulurent aucunement obtemperer à la volōté du Roy en ce cas, ne se departit de leur ancien droit: comme on dit que firent le Doyen de l'Eglise Eligēse, & les Prestres mariez de son college. Desquels est venuē la Metamorphose que aucuns ont voulu autresfois reciter pour histoire, qu'ils furent tous avec leurs femmes & enfans conuertiz en Anguilles. Qui ont tousiours fait depuis nommer le diocese où celā se fit, Anguillaire. Guillelmus Malbesberienfis, Ioannes Capgranus, Balæus.

HELEINE Roine de Russie enuoya ceste annee ses Ambassadeurs à l'Empereur Othon, pour auoir des Euesques de son pays, par qui elle & son peuple fussent enseignez & instruits en la Religion Chrestienne. Supplément de Regino.

CONSTANTIN II. du nom fils de l'Empereur Romanus, qui cy apres regna avec son frere Basile, nasquit ceste annee. Cedrenus.

SMARAGDVS, Serlon, & Fridegedus moines Anglois, estoient en ce temps en bruit, pour la reputatiō qu'on auoit de leur sçauoir és saintes lettres. Neantmoins on escrit que Serlon escriuit vn liure fort aspre & inuectif contre les vices & hypocrisies des moines. Lelandus, Balæus.

Du Monde.	5097	E. d'Allemagne. 25	R. d'Italie.	15
De Iesus Christ.	960	R. des François. 7	R. de Bourgongne.	23
Indiction.	3	R. de Leon. 23	R. de Bulgarie.	21
De l'Hegire 349. le 2.		R. de Nauarre. 6	R. de Russie.	11
de Mars.		R. des Ecossois. 12	R. de Hongrie.	5
Papes.	5	R. d'Angleterre. 12		
E. de Grece.	1	Ducs de Venise. 4		

CONSTANTIN Porphyrogenite 8. du nom, estant allé visiter le mont Olympe, en reuint tellement malade qu'il en mourut, le 9. iour de Novembre, de l'Indiction 3. de l'an de la creation du Monde, au compte des Grecs 6468. Mais le 959. de nostre Seigneur n'estoit encore expiré, laissant vn fils nommé Romanus troisiēme, qui fut dict le leune, ensemble aussi Porphyrogenite, qui tint l'Empire apres luy trois ans, quatre mois, cinq iours: comme tesmoignent Zonare, Cedrenus, Michaël Glyca, Constantinus Manasses, & Ioannes Curopalates. Si Onufrius qui estime qu'il a seulement regné deux ans (pource qu'il constitue le commencement d'iceux à l'an 962.) auoit quelque meilleur autheur de son opinion, il le deuoit produire. Tant-y-a qu'il est certain que Romanus fit en la mesme annee couronner le iour de Pasques son fils Basile Empereur comme luy.

LES Princes d'Italie offensez grandement de la tyrannie du Roy Berengier & de son fils Adelbert, enuoyerent avec le Pape Iean leurs Ambassadeurs vers l'Empereur Othon, pour les receuoir en sa protection & sauuegarde, & leur enuoyer secours. Supplément de Regino, Luitprand.

HERMAN grand Maistre de la maison de l'Empereur Othon, fut institué ceste annee premier Duc de la Marche de Lunebourg, afin de retenir les Venedes en leur deuoir & obeissance: & pour les empescher aussi d'entreprēdre sur les païs de Saxe. Albert Crants, Funccius. Plusieurs estiment que les Venedes tenoient leur nom & origine des anciens Vvādales. Mais nous auons ia declaré cy deuant qu'ils procedoiēt des Esclauons: nonobstant que Vvittikinde de Saxe ne monstre point que les Esclauons qui occupoient toute ceste marche-lā en ce temps, se nommassent Venedes: & encore qu'il les distingue en diuers noms, comme de Redariens, Vchres, Abodrites, Vvarins, Licicanikiens (desquels Miscia estoit Roy) Lusikiens: neantmoins il ne fait mention en aucun lieu desdits Venedes.

Outre-

Outreplus il ne declare point que ledit Herman ait esté spécialement institué Duc de la Marche de Lunebourg. Mais bien qu'il estoit dès long temps auparauât le principal Gouverneur du païs de Saxe.

ROBERT Comte de Troye ayant repris le chasteau de Dijon par trahison, lors qu'il estimoit l'Archeuesque Brunon bien empesché, le perdit aussi derechef par la puissance que Brunon amena pour le retirer. Lequel apres cela desirât oster toute occasion de querelle, qui eust peu naistre entre le Roy & les fils du Duc Hugues ses cousins, fut autheur que le Roy receuant les deuoirs & soubmissions d'eux, declara Hugues Capet Duc de France, adioustant la Comté de Poitiers à son domaine : & donna à son frere Othon la Duché de Bourgongne, reserué le chasteau de Dijon, & autres certaines places qu'il retint à soy : qui semble auoir esté lors du domaine Royal : en luy faisant espouser (comme dit du Tillet) la fille de Gislebert. Cependant suruindrent aucuns troubles en la Lorraine, qui y firent aller l'Archeuesque Brunon pour les esteindre.

A v mesme temps Richard Duc de Normandie prit en mariage l'une des filles du feu Duc Hugues le Grand, sœur de Hugues Capet : selō les Annales de Reims. Combien que la Chronique de Normandie tesmoigne qu'il l'auoit prise long temps auparauant.

DVNSTANVS Moine & Musicien fut ceste annee, pour l'opinion qu'on auoit de son sçauoir, institué Archeuesque de Cantorbie apres le trespas d'Odon. Neantmoins à cause qu'il deferoit grandement à l'auctorité du Pape, il voulut estre le premier qui receut sa confirmation & inuestiture de luy, avec le *Pallium* Archiepiscopal. En faueur dequoy il employa toute sa puissance à entretenir & confermer les ceremonies & traditions de l'Eglise Romaine, en l'Eglise d'Angleterre. Mais se ressentant encore de l'affection qu'il auoit portee à la vie monastique, lors qu'il en faisoit profession, il ne s'estudia pas moins à favoriser & esleuer les moines par dessus les autres gens d'Eglise. De sorte que pour paruenir plus facilement à son but, il fit venir ceste mesme annee vn rescrit & mādāt bien authentique du Pape Iean, par lequel il luy estoit permis d'interdire le mariage aux ministres de l'Eglise : & les contraindre de faire vœu de continence perpetuelle : autrement de les priver & despoüiller de leurs benefices. Ce mandat-là toutesfois ne s'obtint pas, comme on dit, sans grande difficulté : laquelle se trouua encores beaucoup plus grande à le mettre sus, & le faire obseruer audict Roiaume, comme nous dirons cy apres. Ioannes Capgranus en son catalogue des Saints d'Angleterre, Polydore liure sixiesme, Balæus.

Du Monde.	6098	E. d'Allemagne.	26	R. d'Italie.	16
De Iesus Christ.	961	R. des François.	8	R. de Bourgongne.	24
Indiction.	4	R. de Leon.	24	R. de Bulgarie.	32
De l'Hegire 350. le 19.		R. de Nauarre.	7	R. de Russie.	12
de Feurier.		R. des Escossois.	1	R. de Hongrie.	6
Papes.	6	R. des Anglois.	2		
E. de Grece.	2	Ducs de Venise.	5		

OTHON estant en termes de faire le second voyage en Italie, fit assembler vne Diette des Princes d'Allemagne à Vvormes, à laquelle (qui fut le vingtneufiesme iour de May) il declara & fit couronner Roy de Germanie, qu'on a dit depuis des Romains, son fils Othon second du nom, aagé lors seulement de sept ans : qui cōmença deslors de compter les ans de son regne avec ceux de son pere. Lequel encor apres celà l'alla faire eslire & couronner Roy de Lorraine. Ainsi fault entendre ce qu'en escrit le Supplément de Regino : *Rex in Italiam ire disponens, maximam suorum fidelium multitudinem coadunauit, ubi cōsensu & unanimitate regni procerum totiusque populi filius eius Otho Rex eligitur. Inde quoque progrediens cōuenientia quoque & electione omnium Lothariensium Aquis Rex ordinatur. Ordinato vero filio, &c.* comme on voit par les anciennes Panchartes. Celà fait, son pere fit passer les Alpes à son armee : laquelle estant entree en la Lombardie, contraignit Berengier & son fils

DDD

de s'enfermer dedans les villes & places fortes, n'ayant puissance de mesme pour defendre la campagne. Si est-ce toutesfois que la ville de Pauie ne se peut si bien maintenir, que elle ne fust en fin apres quelques assauts prinse de force, dōnant exemple à beaucoup d'autres villes de se rendre deuant que se faire battre. Au moyen dequoy l'Empereur fit rebastir le Palais que Berengier auoit fait cy deuant ruiner à Pauie. Supplément de Regino.

VNE assemblee des Princes & Prelats de la France, fut par le Roy Lothaire tout expressement tenuë à Soissons pour y attraper le Duc Richard de Normandie. Qui n'eust pas failly de s'y trouuer, sans l'aduertissement qu'il receut de ce qui s'y brassoit contre luy. Parquoy estant l'entreprise faillie, le Roy s'en alla en Bourgogne: où les Primats & Prelats d'Aquitaine s'allerent offrir à luy. Cependant Artold Archeuesque de Reims mourut. Pour celà toutesfois son competeur Hugues ne fut remis en son siege; encore que ses freres & Hugues Capet se missent en deuoir de le faire reintegrer; selon les Annales de Reims: lesquelles ne font aucune mention de ce qui s'ensuiuit du complot qui s'estoit fait contre le Duc Normand. Combien que plusieurs anciennes Histoires tesmoignent qu'il y en eut guerre esmeuë. Mais d'autant qu'elle fut appaisée l'an neuf cens soixante-neuf, il est vray-semblable qu'elle ne se commença si tost.

BAVLDOVIN le leune troisieme du nom, grand Gouverneur de Flandres souz le Comte Arnulfe son pere, mourut, laissant vn fils nommé Arnoul ou Arnulfe dict le Ieune, qui sera cy apres Comte de Flandres. Mais pource qu'il estoit lors encore en bas aage, son ayeul tout vieil & caduc qu'il estoit, reprit le Gouvernement de Flandres, & le retint iusques à sa mort. Chronique de Flandres.

INDVLFE Roy d'Ecosse fut malheureusement occis en vne bataille par vne armee de Danois, qui estoit entree dedans son Roiaume souz la conduite de deux Capitaines, Hagon de Noruerge & Helric Danois. Au moyen dequoy son Roiaume reuint selon la coustume d'Ecosse à Duffus fils du dernier Roy Malcolm, homme vertueux & paisible, qui regna, selon Hector Boëthius & Ioannes Maior, cinq ans. Combien que Hector rapporte le commencement du regne d'iceluy à l'an 970.

EN ce temps les Galliciens se rebellerent contre Dom Ranimire Roy de Leon, prenant son cousin Vermundes ou Veremund fils du feu Roy Dom Ordogno. De sorte que ils se maintindrent opiniastrément souz luy iusqu'à la mort de Ranimire, iusques à en combattre en bataille rangee. Roderic.

VNE armee de Grecs enuoyee par l'Empereur de Grece contre les Sarrazins de Crete, souz la conduite de Nicephore Phocas, fit de beaux exploits de guerre; par lesquels la pluspart de l'Isle fut subiuguee: & eust acheuë de reduire le reste en peu de temps, si l'Empereur ne l'eust reuocqué pour aller contre Chabdan Souldan de Chalep (selō nous d'Alappe ou Alep) en Asie, qui auoit commencé guerre aux Grecs: où il se porta encore si vaillamment, qu'il le deffit, avec vne grande boucherie de Sarrazins. Au moyen dequoy il se fit rendre la puissante ville de Chardaca, le 7. iour de Mars, en la 7. Indiction. Cedrenus, Ioan. Curopalates.

DVNSTANVS Archeuesque de Cantorbie, faisant vertu du rescrit du Pape, & de l'assistance qu'il receuoit du Roy Egdare: ensemble aussi du confort que luy donnoient Osuald Euesque d'Yort, & Etheluald Euesque de Vvintou, les ayans adioincts en sa cōmission, chassa par force tous les Prestres mariez (qu'il appelloit vaisseaux de fornication) avec leurs femmes des Eglises Cathedrales. Et au lieu d'eux y substitua des Moines, qui viuoient en celibat. Ce que toutesfois ne se fit sans tumulte & scandale: à cause que les Prestres ne quitterent leur cause sans la bien debattre, nommément vn certain Escossois. Auteurs precedents.

Du Monde.

<i>Du Monde.</i>	5099	<i>E. d'Allemagne.</i>	27	<i>Ducs de Venise.</i>	6
<i>De Iesus Christ.</i>	962	<i>R. des François.</i>	9	<i>R. de Bourgogne.</i>	26
<i>Indiction.</i>	5	<i>R. de Leon.</i>	25	<i>R. de Bulgarie.</i>	33
<i>De l'Hegire 351. le 8. de</i>		<i>R. de Navarre.</i>	8	<i>R. de Russie.</i>	13
<i>Feurier.</i>		<i>R. des Eſcoſſois.</i>	2	<i>R. de Hongrie.</i>	7
<i>Papes.</i>	7	<i>R. des Anglois.</i>	3		
<i>E. de Grece.</i>	3	<i>R. d'Italie.</i>	17		

BERENGIER voyant la reuolte des villes d'Italie à l'encontre de luy, se retira en quelques lieux où il estoit malaisé de l'auoir : mais son fils s'alla rendre aux Sarrazins de Fraxinete. Qui fut cause que Othon apres auoir aucunement redressé l'estat d'Italie, se transporta à Rome : où il fut salué & couronné Empereur Auguste, le iour qu'on solennisoit la memoire de la Natiuité de nostre Seigneur, qui faisoit l'entree de l'an 962. par le Pape Iean. A cause dequoy les Italiens l'ont dit auoir esté le premier legitime Empereur, depuis que la race de Charlemagne eut esté despoüillée de l'Empire. Pource que ceux qui s'attribuerent ce tiltre, n'auoient esté sacrez ne couronnez du Pape. Cependant pource que l'Empereur se doutoit bien de la legereté & desloyauté du Pape, ne voulut partir de Rome qu'il n'eust premierement tiré serment de luy, qu'il ne se raccointeroit iamais de Berengier, ne de son fils, ny aussi leur porteroit aucune aide ny faueur contre luy. Neantmoins il n'eut pas plustost le pied tourné contre la Lombardie pour aller poursuiure Berengier (qui s'estoit fortifié en vn lieu dict le mont Lion, ou le môte Feltrato) qu'il fit paroistre par beaucoup de commencemens de menées & de praticques, l'enuie qu'il auoit d'empescher que l'Empereur ne paruint à la fin de sa victoire; preuoyant bien que toute l'Italie reduicte souz l'obeissance d'iceluy, son auctorité en deuiendroit beaucoup moindre à Rome qu'elle n'estoit auparauant; & qu'on dissimuleroit moins de sa vie. D'autant mesme que les principaux de l'Eglise Romaine auoient ia telle honte du scandale qu'elle receuoit par luy, qu'ils incitoient l'Empereur à bon escient de la deliurer d'un tel mōstre. Lors la femme de Berengier ayant esté prise en l'isle qu'on disoit de saint Iulian, qui est au Lac Maiour, fut amenee à l'Empereur, qui la renuoya à son mary, esperant qu'elle le rendroit plus enclin à se rendre. Mais elle l'incita plus fort à se disposer d'attendre tous les derniers hazards de la guerre. Supplément de Regino, Flodoard, Luitprand, Marianus Scotus, Osmarius. Deslors seulement les Historiens d'Italie disent & ont fait compte, que l'Empire d'Italie fut transporté des François aux Allemands ou Teutoniques: comme tesmoigne la Chronique du Mont Cassin liu. i. chap. dernier.

Le Roy Lothaire suiuant le conseil de son oncle Brunon ne voulut aucunement permettre que l'Archeuesché de Reims fust restitué à Hugues fils de Herbert, qui en auoit esté cy deuant deietté. Mais estant bien tost apres allé trouuer le Comte Arnoul de Flandres, le reconcilia avec vn sien nepueu qui s'estoit esleué contre luy, pour son frere qu'il auoit fait executer à mort, le soupçonnant de luy estre desloyal. Pour laquelle cause mesme les Annales de ce temps disent que ledit Comte remit lors toute sa terre entre les mains du Roy, se reseruant seulement la possession & vsufruit d'icelle iusques à sa mort: encore que l'histoire de Flandres n'en ait fait aucune mention. Cependant selon les mesmes Annales vn certain Comte nommé Thetbal ou Thibault, vassal du Duc Hugues, s'osa ingerer de faire la guerre aux Normans; par lesquels il fut vaincu & mis en route. Et pource que le Duc Hugues son Seigneur estoit grandement pour celà indigné contre luy, il se retira vers le Roy, qui le receut benignement, & luy suruint en ceste necessité. Les Annales de France toutesfois semblent attribuer ceste guerre à l'an 967. qu'elles racomptent auoir esté entre Thibault Comte de Chartres & de Blois, & Richard Duc de Normandie, pour raison de la ville d'Eureux, que le Comte prit d'emblee sur le Normand: dont ils entrerent en champ de bataille l'un contre l'autre pres Hermouille, qui fut perdue (comme a esté dit) par le Comte. Au moyen dequoy le Normand mena

DDD ij

ion armee deuant Chartres, où il mit en vne escarmouche l'un des fils de son ennemy à mort. Finalement il semble que le Roy Lothaire qui en vouloit aux Normans, commença deslors de fauoriser & aduancer ce Comte Thibault contr'eux (duquel on tient estre procedez les Comtes de Châpaigne, pource qu'il fut pere d'Odon ou Eudes dict le Châpenois.) De sorte qu'il paruint bien tost apres au parage des Princes. Deslors aussi peult estre venuë l'origine de la haine & malvueillance que ce Thibault & ses successeurs ont (comme dit Glaber) porté à Hugues Capet & à ses enfans.

CHABDAN ayant remis sus vne armee de Sarrazins, entra dedàs les prouincès de l'Empire. A cause dequoy Nicephore fut derechef enuoyé contre luy, qui le deffit en vne bataille aussi honteusement qu'à la premiere fois: & le chassa de la Syrie non-seulemēt, mais aussi prit la ville de Berrhera sur luy. Cedrenus.

RANIMIRE Roy de Leon en Espagne mourut, tefmoin Roderic, en l'Ere 1000. sans laisser aucuns enfans. Au moyen dequoy Dom Bermuder ou Veremund son cousin 2. du nom, fils d'Odogne 3. qui tenoit ia le Roiaume de Gallice, s'empara de celuy de Leon, du consentement du peuple du pais, & y régna 17. ans. Auquel temps Alcorrexi Roy de quelques Maures d'Espagne, gasta le pais de Portugal. Roderic, Alfonse, Carthagène.

<i>De Monde.</i>	6000	<i>E. d'Allemagne.</i>	28	<i>R. d'Italie.</i>	18
<i>De Iesus Christ.</i>	963	<i>R. des François.</i>	10	<i>R. de Bourgogne.</i>	27
<i>Indiction.</i>	6	<i>R. de Leon.</i>	1	<i>R. de Bulgarie.</i>	34
<i>De l'Hegire</i>	352. le 28. iour	<i>R. de Nauarre.</i>	9	<i>R. de Russie.</i>	14
<i>de Ianuier.</i>		<i>R. d'Ecosse.</i>	3	<i>R. de Hongrie.</i>	8
<i>Papes.</i>	8	<i>R. d'Angleterre.</i>	4		
<i>E. de Grece.</i>	1	<i>Ducs de Venise.</i>	7		

ROMANVS Empereur de Constantinople, s'abandonnant par trop à excès & voluptez, tomba en vne maladie, dont il mourut le 15. iour de Mars de la sixiesme Indiction, laissant deux fils en bas aage nommez Basile & Constantin, souz la tutelle de leur mere Theophanon; lesquels luy deuoient succeder, si elle postposant le deuoir qu'elle deuoit faire à la conservation de leur droit pour satisfaire à sa lubricité, n'eust présenté les moyens à Nicephore Phocas fils de Bardas (souz l'espoir de iouyr de l'amour d'iceluy) de s'emparer de l'Empire. De sorte qu'il en fut couronné, & mis en possession, au dire de Jean Curopalates, le leziemes iour d'Aoust: ou selon les autres le quatorziemes de la mesme Indiction de l'an 6471. de la creation du Monde, selon la supputation des Grecs, s'estant (comme dit Cedrenus) fait proclamer Empereur par les Legions d'Orient le second iour de Iuillet. Au moyen dequoy il regna en ceste façon l'espace de six ans, cinq mois, sept ou neuf iours, apres auoir espousé l'Imperatrice Theophanon le vingtiesme de Septembre ensuiuant. Auteurs precedents, avec Zonare.

LE Pape au lieu de faire son profit des amiables remonstrances que l'Empereur Othon luy enuoya faire de sa mauuaise vie, fit, lors qu'il l'estimoit bien engagé au siege de Montlion, où estoit Berengier, venir Albert fils d'iceluy tout expres à Rome, pour conferer avec luy des moyens de remettre leurs affaires au dessus. Ce qui fit si bien perdre patience à l'Empereur, que laissant vne partie de son armee à la continuation du siege, mena l'autre droit à Rome. Mais il ne peut estre si habile, que le Pape ayant senty le vent de sa venue, ne luy eust quitté la place, s'estant de viffesse avec ses complices retiré à Capua: apres auoir deuant son depart fait de grande felonnie coupper le nez à vn Cardinal, & le poing à vn autre, les estimans les principaux delateurs de ses faicts. A cause dequoy l'Empereur se trouuant dedans Rome, fut conseillé de purger le siege Papal d'un tel monstre. Parquoy suiuant l'aduis d'un Synode d'Euesques qui furent assemblez par son auctorité au mois de Nouembre à Rome, il le fit par trois fois solennellement citer à venir respondre aux accusations qui se propoioient à l'encontre de luy, qui estoient d'homicide, sacrilege, perjure, incest, paillardise & autres crimes enormes; comme d'auoir idolatré & inuqué les diables. Et puis en default de se représenter (ayant seulement signifié qu'il excommuniât ceux qui se voudroient ingerer d'essire vn autre Pape en son lieu) le condamne par contumace, & declare à iamais incapable, indigne & inhabile d'exercer la dignité qu'il occupoit

occupoit en l'Eglise. Laquelle par mesme moyen on transféra à vn Leon huitiesme (que les actes du Concile de Reims appellent Neophite) qui tenoit lors l'estat de grand Thresorier de l'Eglise de Latran, qui fut declaré Pape le sixiesme de Decembre, ayant esté son predecesseur depesé le vingtdeuxiesme de Nouembre: comme Luitprand recite. Ce que le Supplément de Regino avec Onufrius tesmoigne estre aduenu ceste annee. Dôt il fault que la Bulle de la donation faicte par ledit Leon, aye esté faicte en la 7. Indiction plustost qu'en la 6. si on veut faire croire qu'elle soit vraye.

Les Esclauons furent ceste annee subiuguez par les Lieutenants de l'Empereur, pendant qu'il estoit en Italie. Supplément de Regino.

ENVIRON lequel temps aussi vne troupe d'autres Esclauons passa au Roiaume de Naples, où ils vindrent iusqu'au mont Gargan, & au bras de Siponte; d'où ils chasserent les Sarrazins, apres auoir fait vne grande desconfiture d'eux, auant que se retirer en leur pais. Mais vne autre armee de Hongrois vint incontinent apres eux tenant leur mesme brisec, qui dechasserent le reste des Sarrazins qui s'estoient ramassez ensemble de toute ceste contree-là. De sorte qu'ils gaignerēt les villes qu'ils y tenoient; lesquelles ils reuendirent aux Grecs à beaux deniers comptans. Blondus, Collinutio, Sabellic.

La ville de Chaalons en Champagne fut ceste annee prise & destruite par les Comtes Herbert & Robert. En despit possible de ce que l'Euesque Gibuin auoit esté l'un des principaux qui auoit le plus empesché que Hugues leur frere ne fust remis en l'Archeuesché de Reims. Annales de Reims. De là aussi nous coniecturons qu'elle estoit encore alors du domaine Royal.

ENVIRON ce temps Eric surnommé Sergessel ou le Victorieux, fit guerre à Suenotho Roy de Dannemarc, de telle sorte qu'il le chassa hors de son Roiaume, le cōtraignant s'enfuir en Escosse, où il demeura en exil l'espace de sept ans. Tout lequel temps le Roiaume de Dannemarc fut occupé & detenu par Eric: comme Saxon le Danois, Albert Crants, & Ioannes Magnus recitent, sans specifier le temps où celà est aduenu. Cōbien que Funcius le refere à l'an neuf cens septantequatre. Mais il y a coniectures qui me le font aduancer deuant.

Le chasteau de Luxembourg fut ceste annee erigé en Comté en la personne de Sigefroy ou Gilbert fils de Ricuinus Duc de Mosellane & Ardenne: comme le tiltre de ladite erection porte, duquel est faicte mention par Richard de Vassebourg.

Du Monde.	6001	E. d'Allemagne.	29	R. d'Italie.	1
De Iesus Christ.	964	R. des François.	11	R. de Bourgongne.	28
Indiction.	7	R. de Leon.	2	R. de Bulgarie.	1
De l'Hegire 353. le 17.		R. de Nauarre.	10	R. de Russie.	15
de Ianuier.		R. des Escossois.	4	R. de Hongrie.	9
Papes.	1	R. des Anglois.	5		
E. de Grece.	2	Ducs de Venise.	8		

L'EMPEREUR Othon ayant estably le Pape Leon au siege Papal, renuoya la plupart de la gendarmerie qu'il auoit amenee avec luy en la Lombardie, retenant bien peu de soldats pour sa garde, de peur d'estre onereux aux Romains: lesquels toutesfois corrompuz de leur legereté naturelle, par les praticques du Pape Iean absent, qui leur enuoya faire promesse de leur distribuer les tresors de l'Eglise, en prirent plustost la hardiesse de se mutiner contre luy. De sorte qu'ils le mirent avec le Pape Leon en vn extreme danger: duquel ils fussent malaisément eschappez, si la vaillance du peu de soldats qui leur estoient restez, n'eust lourdemēt rembarré l'effort de ce coyon populaire, par l'eschec merueilleux qu'ils en firent. Lequel neantmoins ne le peut encore deterrer apres que l'Empereur fut retourné contre Berengier & son fils, de rappeler le Pape Iean en leur ville. De façon qu'il s'y trouua le plus fort au mois de Feurier, où il eut le pouuoir d'assembler vn Synode des Euesques de sa sequelle, & de ceux mesmes qui l'auoient cy deuant degradé & condamné: par lequel il condamna toute la procedure faicte cy deuant contre luy. En fin menant

DDD iij

toujours sa vie accoustumée, fut tellement blessé par le mary d'une femme avec laquelle il le surprit en adultere, qu'il en mourut : comme Luitprand liure sixiesme recite. Onufrius estime que ce fut le quatorzième iour de May. Mais la soubscription de la Bulle du Pape Leon, qui contient la donation qu'il fit à l'Empereur Othon le vingtneufiesme iour d'Auril de la septiesme Indiction (comme il semble qu'il faut lire au lieu de la sixiesme, si elle n'est faulse) le desaduouë manifestement. Tant y-a cependant que les Romains adioustas crime sur crime, furent encore si osez, qu'ils esleurent Benoist, qu'on dit estre cinquiesme du nom, Diacre lors de l'Eglise Romaine, pour tenir le Papat en son lieu. Qui fut cause que l'Empereur apres auoir reduit le Roy Berengier en sa main : (lequel il confina en exil perpetuel en Allemagne) ramena toute son armee deuant Rome, laquelle voulant tenir bõ fut prise de force le vingttroisiesme iour de Iuin. Au moyen dequoy il prit telle amende des rebelles qu'il voulut. Et puis par le iugement d'un Synode, desnichâ le Pape Benoist du siege Papal, pour y remettre le Pape Leon. Qui fut lors qu'il rendit à l'Empereur & à tous ses successeurs la puissance & prerogative d'eslire les Papes ainsi que Charlemagne l'auoit eue, de donner l'investiture aux Euesques des prouinces de son appartenace, & d'ordonner tout ce qui appartient au siege Romain, afin d'obuier à la malice & legereté des Romains, qui se laissoient mener en l'ellection des Papes par corruptions, menaces, faueur & mauuaises praticques, plus que par droit iugement, & pour extirper aussi toutes occasions des seditions qui s'y esmouuoient coustumierement : remettant outre-plus entre ses mains tout le droit des Regales, biens temporels, & reuenuz : ensemble toutes les prouinces, pais, places, ou villes que les Papes se disoient auoir en Italie, par les concessions, bienfaicts & donations faictes à l'Eglise Romaine, tant par l'Empereur Iustinian (sans faire mention de Constantin) & les Rois des Lõbards, que par Pepin, Charlemagne & leurs successeurs Rois de France. Bref, ce dit Robert Barus, tout ce que les Papes de Rome n'auoient iamais tenu ne possédé, & n'eussent peu maintenir ne garder, afin que les Empereurs tinssent toujours l'Italie en seureté & en repos : comme tesmoigne la Bulle de ceste donation, qui se list en plusieurs auteurs, meismement en Theodoric, de Nieng. Combien qu'il y a beaucoup de choses en icelle, qui me la rendent fort suspecte, comme la soubscription qui est de la 11. Indiction du 29. d'Auril de la 2. année de l'Empereur Othon & du Pape Leon aussi faicte dedans le Palais à Rome. Outre ce qu'elle comprend ce qui ne fut iamais donné aux Papes par aucun Roy ou Empereur, & qu'ils n'auoient iamais eu en leur puissance tel qu'est l'Isle de Venise & la Duché d'Istrie & Dalmatie. Et contient aussi certaines appellations qui ne semblent pas auoir esté de ce siecle-là en vñage, comme est la Duché de Ferrare, & ce qu'elle appelle *Capitanatam Apuliam* : Ioinct qu'elle ne se rapporte pas par tout avec la forme de la donation qu'on dit auoir esté faicte par Louys le Debonnaire, dõt Sigonius a representé la coppie : & qu'on ne sçait aussi qui a esté ce Roy Rupert, des donations duquel elle fait mention : encore qu'il y ait en Albert Crants Aritpert. Le surplus est extraict du Supplément de Regino, Lãbert de Scaffuab, Othon de Frising. Sigebert & Luitprãd de Pauie, qui suiuit en cest endroit le 6. & dernier liu. de l'hist. de son tẽps.

THIBAVLT Comte de Tours & de Chartres, diët le Vieil, selõ les autres le Trichard, pere du Comte Odon surnõ mēle Champenois, fut excõmunié pour certaines places & possessions qu'il detenoit de l'Archeuesché de Reims. Qui fut cause que le Cõte Heribert rendit le chasteau d'Esp̃ernay, qu'il en occupoit. Annales de Reims.

L'EMPEREUR Nicephore mena en ceste Indiction vne armee contre les Sarrazins, qui entra au mois de Iuillet dedãs la Cilicie, où il fit beaucoup de beaux exploits de guerre, & conquesta maintes puissantes villes. Mais il fit aller cepẽdant le Patrice Nicetas avec vne autre armee en l'isle de Cypre, laquelle il reduisit en son obeissance, l'ayant deliuree de la puissance des Sarrazins. Cedrenus, Ioannes Curopalates.

S E L O N lesquels aussi Pierre Roy de Bulgarie mourut, apres auoir renouellé son alliance avec le nouveau Empereur de Grece ; laissant deux fils nõmez Borisan & Romain, qui luy succederent en son Roiaume. Cedrenus toutesfois fait bien tost apres mention de Simeon & de Pierre Rois de Bulgarie quasi en mesme temps. Sigebert aussi tesmoigne souz l'an 967. que Pierre & Baian (lequel il a possible voulu prendre pour Borizan) fils de Simeon, regnoient en la Bulgarie, estant ledit Baian grand Magicien.

Du Monde.

Du Monde.	6002	E. d'Allemagne. 30	R. d'Italie.	2
De Iesus Christ.	965	R. des François. 12	R. de Bourgongne.	28
Indiction.	8	R. de Leon. 3	R. de Bulgarie.	2
De l'Hegire 354. le 26.		R. de Navarre. 11	R. de Russie.	16
de Decembre.		R. des Escossois. 5	R. de Hongrie.	10
Papes.	1	R. des Anglois. 6	R. de Pologne.	1
E. de Grece.	3	Ducs de Venise. 9		

L'EMPEREUR Othon ayant comme il pensoit reduit l'Italie en estat de tranquillité s'en retourna en Allemagne, où il tint sa cour imperiale à Cologne, à laquelle le Roy Lothaire avec la Roine Gerberge sa mere, & le Duc Hugues aussi se trouuerent: tellement qu'il ne se vit iamais (ce dit P. Æmile) vne plus amiable conionction entre le François & l'Allemand. Cependant la noblesse de la Lombardie n'ayant pas accoustumé de garder vne longue loiauté à ses Princes, & s'accommodant (comme dit Sigonius) beaucoup plus difficilement souz la nation d'un modeste estranger que d'un insolent domestique, ne s'énuia bien tost de la subjection des Allemans. De sorte qu'Albert fils de Berengier se trouua bien tost incité de reprendre le tiltre de Roy d'Italie, & eut moien de le defendre & maintenir tellement quellement. De façon qu'il n'y eut moié de le luy faire quitter de plus de 3. ans apres. Nonobstant que l'Empereur eust faict passer ceste annee vne armee contre luy, souz la conduicte de Bouchard Duc de Suaube, qui gangna bien vne grande bataille sur luy, où il perdit son frere nommé Vido. Mais il ne peut entierement estouffer leur faction. Comme recite le Supplément de Regino: Selon lequel aussi Bruno Archeuesque de Cologne, & Duc de la haute Lorraine, mourut l'onzième iour du mois d'Octobre. Mais il semble qu'il y a faute où il dit que ce fut en la ville de Reims. Pource que l'Annaliste de Reims ne l'eust oublié. Quoy que l'Autheur de la vie d'iceluy dise qu'il s'y estoit trāsporté, pour rappointer & reconcilier ses nepueux ensemble, qui estoient en discord, & pour appaiser tous leurs differens.

ARNULFE dict le vieil Comte de Flandre mourut, laissant au dire des histoires de Flandre sa succession à Arnould ou Arnulfe le ieune fils de Bauldouin son fils, qui estoit decedé deuant luy. Mais les Annales de Reims tesmoignent qu'il auoit faict cy deuant donation de sa terre au Roy Lothaire, qui à ceste occasion se trāsporta ceste annee apres son decez en Flandre, où il se fit rendre les deuoirs & submissions de fidelité & d'obeissance des Seigneurs & Barons du pais. Combien que Sigebert nous faict estimer que ce fut par force: pource qu'il dit qu'il affligea & gasta griefuement la Flandre: & retira aussi à soy au rapport de Meier les villes d'Arras, Therouenne, Douay & Boulogne, qu'il disoit estre de son domaine. Adioustant encore la nouvelle Chronique de Flandre, qu'il reduisit en son obeissance tout le pais de Flandre iusques à la Lyse, laissant le reste au ieune Comte aux prieres des Ambassadeurs de Flandre, qui vindrent vers luy. Selon laquelle aussi le ieune Comte espousa Rosale ou Lutgarde fille de Berengier Roy d'Italie.

OTHON Duc de Bourgongne mourut fort ieune, auant qu'auoir eu lignee de sa femme Leudegarde fille du feu Comte Gislebert: à cause dequoy sa Duché vint à son troisieme frere nommé Henry, vers qui les Gouverneurs du defunct se retirerent, comme disent les Annales. Qui est pour monstrier que la Duché n'estoit venue à son frere de par sa femme: laquelle aussi se remaria quelque temps apres à Rodolfe de Dijon, de qui elle eut (au rapport d'Odorannus) Pepin. Desquels toutesfois la Chron. de S. Benigne ne faict aucune mention.

L'EMPEREUR Nicephore poursuiuant ses victoires reduisit en fin toute la Cilicie en son obeissance, & puis entra dedans la Syrie, où il conquesta les villes de Tharse & d'Alep, Mopsuestie, Rose & Nabarra. Mais il se rendit les villes de Tripoli en la Phenicie & de Damas tributaires. Cedrenus faict aussi mention d'une grande victoire que Iean Tzimisca domestique des Legions d'Orient gangna enuiron le mesme temps sur les Turcs & Sarrazins en la Cilicie: & d'une autre armee que l'Empereur fit passer en Italie souz la conduite

DDD iiij

du Patrice Manuel pour dechasser les Sarrazins de la Sicile. Aufquels il auoit honte de payer le tribut, aufquels ses ancestres s'estoient obligez enuers eux, afin qu'ils laissassent les Prouinces d'Italie en paix. Mais son intention fut malheureusement executee en cest endroict: pource que son armee fut rompuë & dechassée par ceux qu'elle vouloit dechasser.

Commencement du compte des anneés des Rois de Pologne.



ZIMOVISLAVS dernier Duc ou Roy Païen de Pologne mourut, laissant vn fils nommé Miesko ou Mieslaus, selon Ditmare Misico, qui demanda en mariage la fille du Duc Boleslaus de Boëme nommée Dambrouke, qui signifie bonne en nostre langue: laquelle luy fut accordée à condition qu'il delaisseroit l'idolatrie Payenne. A cause dequoy il se fit baptizer avec tous ses Barons à vn mesme iour en la ville nommée Guesna, où il espousa quant & quant celle pour laquelle il se faisoit Chrestienner. Et puis apres fit par vn edict expres mettre bas toutes les idoles qui se trouuerent en son Roiaume, le diuisant consequemment en 9. Eglises Cathedrales, dont les deux furent Metropolitaines, à sçauoir de Guesna & de Cracouie. Ce que toutesfois ne se fit que les anneés ensuiuantés, tesmoin les Chroniq. de Pologne & Martin Cromer, selon lesquels aussi Miesko regna 35. ans, ou selon d'autres 37.

DOM Vermund, ou Bermudes Roy de Leon, fut si addonné (comme on dit) aux femmes, qu'il en repudia plusieurs les vnes apres les autres: & fit des enfans à deux siennes sœurs. Dont on estime que Dieu suscita contre luy vn Prince Maure nommé Mahommet Ibne Aben Hamur, qui gouerna le Roiaume de Cordouë au nom du ieune Hissen Miramolín d'Espagne. A cause dequoy il se fit nommer Alhagib, qui vaut autant à dire que Vice-roy, & Almanzor qui signifie le defenseur de son Roy. Pour raison dequoy Iean Leon dit qu'il fut aussi appelé le Conseiller de Cordouë, lequel pource que Dom Hermude se forçoit de reconquerir les terres que les Maures auoient gangnees sur son predecesseur, assembla avec soy si grand nombre de gens, qu'il fit trembler toute l'Espagne au bruit de son nom: mesmement les païs de Castille, Leon & Nauarre, où il fit vn piteux rauage, deuant qu'aucun se presentast deuant luy. Si est-ce toutesfois que le Roy Veremund accompagné de Fernand Comte de Castille le vint en fin combattre de si grande vaillance qu'il le mit avec son armee en routte. Mais bien tost apres il en releua vne autre, avec laquelle il leur rendit bien amplement ce qu'ils luy auoient presté, par vne autre bataille qu'il gangna sur luy aupres d'un fleuue nommé Etole. Au moien dequoy il assiegea la ville de Leon, laquelle le mauuais temps luy fit laisser ceste fois. Ce qui donna occasion à d'autres Maures d'aller assaillir le Comte Borelle en sa Comté de Barcelonne. De sorte qu'apres l'auoir mis en routte, ils prindrent la cité de Barcelonne le premier iour de Iuillet: nonobstant qu'ils en furent bien tost apres dechassés par luy-mesme, & de toutes les places qu'ils tenoient en son païs, lesquelles il posseda paisiblement iusques à sa mort. Roderic, Alfonse Cartag. Dom Anton. Benter. Lesquels disent que cest Almanzor (qui est appelé par Glaber, Almuzar) entra durant le temps qu'il eust l'administration du Roiaume de Cordouë 52. fois avec armee dedans les terres des Chrestiens, venant courir quasi iusques sur les frontieres de France, dont il fut en telle reputation enuers les Maures, qu'ils le laisserent tousiours en l'autorité qu'il auoit, ne laissant à Hissen surnommé Ixeca que le nom & tiltre de Roy.

LEON 8. Pape mourut selon Onufrius le 17. iour de Mars, laissant son siege vacquant l'espace de 6. mois, 15. iours: pource que les Romains attendirent que l'Empereur luy eust donné vn successeur, qui fut Iean 13. du nom, natif de la ville de Narnia, fils selon plusieurs d'un Euesque nommé Iean, & selon d'autres du Pape Iean 11. Qui fut déclaré le secôd iour d'Octobre. Neantmoins pource qu'il se monstra possible trop addonné au party de l'Empe-

pereur,

pereur, où qu'il commença selon le Supplément de Regino à se comporter trop insolemment envers les Romains, encores que tous les autres aient dit qu'il fut fort studieux de modestie & de paix. Pierre Patrice & Gouverneur de Rome avec son fils, & les deux Consuls, les douze Senateurs, & Iofrede ou Rotfred Comte de la Campagne, le prindrent, & enuoierent tenir prison en la Torre de labeur l'espace de 11. mois. Cependant on fait compte qu'il a tenu le siege Papal iusques depuis son election iusqu'à sa mort l'espace de 6. ans, 11. mois, 5. iours.

<i>Du Monde.</i>	6003	<i>E. d'Allemagne.</i>	31	<i>R. d'Italie.</i>	3
<i>De Iesus Christ.</i>	966	<i>R. des François.</i>	13	<i>R. de Bourgongne.</i>	29
<i>Indiction.</i>	9	<i>R. de Leon.</i>	4	<i>R. de Bulgarie.</i>	3
<i>Dé l'Hegire</i>	356. le 15.	<i>R. de Navarre.</i>	12	<i>R. de Russie.</i>	17
<i>de Decembre.</i>		<i>R. des Escossois.</i>	1	<i>R. de Hongrie.</i>	11
<i>Papes.</i>	1	<i>R. des Anglois.</i>	7	<i>R. de Pologne.</i>	2
<i>E. de Grece.</i>	4	<i>Ducs de Venise.</i>	10		

BERENGIER cy deuant Roy d'Italie mourut en la ville de Babenberg en Allemagne lors que l'Empereur Othon faisoit ses apprests pour aller mettre en liberté le Pape Jean. Mais les Romains informez de sa venue remirent ledit Pape en son siege. Ce qui ne empescha toutesfois que l'Empereur ne les allast voir: & que estant entré dedans leur cité sur la fin de ceste année ne fist vne rigoureuse punition des Autheurs de l'iniure faicte au Pape. Supplément de Regino, Sigebert, Blondus, Auentin.

Cependant Vigman nepueu de l'Empereur s'estant depuis sa reconciliation contenu iusques icy en paix, rentra derechef en sa felonnie contre son oncle, souz l'opinion que les affaires qu'iceluy auoit en Italie, luy donneroient le loisir de faire ce qu'il pretendoit du costé de Saxe. Tellement qu'il fit tous ses efforts d'induire le Roy Harald de Danemarck à son party. Qui toutesfois n'y voulut aucunement entendre. Mais au mesme tēps estant persuadé par la vertu d'un miracle qu'on dit qu'un Prestre nommé Poppe fit deuant luy, se conuertit à la religion Chrestienne. Tellement qu'il fut baptisé. Lors Vigman s'alliant de quelques peuples d'Esclauons, commença de faire apertement la guerre à Misica ou Misca Prinée (comme dit Vvitikinde) des Esclauons dictz Licicauikiens (lequel toutesfois Albert Crants appellé Misilaus 27. Roy des Heruliens & Vandales, duquel il estime estre issue la race des Princes Megalopolitains) pource qu'il estoit amy & allié de l'Empereur: Et le poursuivit de si cruelle façon qu'il gangna deux grandes batailles sur luy, en l'une desquelles le frere d'iceluy fut occis. Cependant Geron Gouverneur d'une des marches de Saxe pour l'Empereur, faisant la guerre aux Esclauons dictz Lusikiens, les vainquit & subiugua de si lourde façon, que force leur fut de se soumettre sans aucune exception souz l'obeissance & subjection de l'Empereur. Vvitikinde.

DVFFE Roy d'Escoffe s'estant mis à la poursuite de quelques brigands qui faisoient beaucoup de maux en son Roiaume, fut malheureusement mis à mort en un chasteau: à l'occasion dequoy les estats d'Escoffe firent regner en son lieu Culon, qui fut plus luxurieux qu'un Sardanapalus: à cause dequoy son regne fut de peu de duree. Iohannes Maior, Hector Boëtius liu. 11.

Le Roy Lothaire espousa ceste année Hemina, ou selon les Annales de Reims, Emma, fille d'un autrefois Roy d'Italie: c'est à sçauoir de Lothaire second, & d'Adelchide femme de l'Empereur Othon. Lesquelles Annales aussi finissent en la mesme année, tesmoignans que leur Autheur estoit lors âgé de 73. ans. Mais aians esté iusqu'à maintenant perdues par la negligence des siecles passez, ie suis le premier qui les ay remis en lumiere, par le benefice de feu Monsieur Begat President & Conseiller du Roy en la cour de Parlement à Dijon. L'appendix d'iceluy tesmoigne qu'il mourut en la mesme année le vingt troisieme iour de Iuillet.

Le chasteau & forteresse de Lunebourg au païs de Saxe, fut enuiron ce temps fondé & edifié par le Duc Herman. Albert Crants, Funccius.

ESTANT Nicephore Empereur de retour à Constantinople de son voiage contre les Sarrazins en ceste Indiction : ses Capitaines, mesmement Burza, qu'il auoit laissez deuant la cité d'Antioche, firent si bien leur deuoir à la battre, qu'elle leur fut en fin rendue. Cedrenus.

ENVIRON le mesme temps la ville de Cossence en la Calabre fut prise, saccagée & bruslée par vne armee de Sarrazins d'Afrique, qui vindrent descendre en Italie. Blondus, Pandolfo Collinutio.

LES Bretons nommez Valliens ou Gallois se creerent en ce temps vn Prince de leur nation, lequel toutesfois recognoissoit le Roy d'Angleterre pour son Souuerain. Polidore Virgil.

ALMANSOR Roy de Cordouë remettant son armee aux champs rentra derechef dedans le Roiaume de Leon : où par vn long siege il prit la cité de Leon, laquelle il mit en ruine. Et puis de là se transportant par les autres prouinces d'Espagne subiuqua & soumit à soy les villes d'Asturia ou Astorgua & Coiaea, qu'on dit maintenant Valence en Leō, avec Saufagium : & en Castille Osma, Alcobetla, Berlanga, Atienza, avec la ville meisme de Castille. Mais il faillit à prendre Luna, Alaba, & Abnello. Somme qu'il conquesta en ceste sorte la plus grande part de ce que tenoient les Chrestiens en Espagne. Et le posseda l'espace de 12. ans : tout le temps desquels il fit aussi guerre aux Chrestiens à son aduantage, sans les laisser iamais rien gagner sur luy. Selon Roderic & Dom Anton. Benthier. Il semble au reste que cest Almanfor soit celuy que Iean Leō liu. 4. appelle Cōseiller de Cordouë. Mais on ne le peut estimer (ainsi que Cœlius Secundus s'est fait accroire) auoir esté vassal de Mansor Roy de Maroc en Afrique, pource qu'il fut long temps depuis.

ERIC Sergerfel surnommé le Victorieux 110. Roy de Suesse & de Gotlandie, mourut enuiron ce temps (car l'annee n'a point esté notee) laissant vn fils nommé Eric & surnommé Aorsel ou Stenchil, qui luy succeda à sa couronne, & fut merueilleusement affectionné à la religion Chrestienne : tellement qu'elle prit souz luy vn grand accroissement en son Roiaume. Mais pource qu'elle ne plaisoit à plusieurs des Princes de son sang, ils se banderent tous contre luy, en telle façon qu'ils le firent mourir. Quant au Roiaume de Dannemarc, on racompte que Suenotho apres auoir couru grande varieté de fortune en son exil, se repentit sincerement de son apostasie, & se retourna à la religion Chrestienne. Qui a fait estimer qu'il fut restitué en son Roiaume par la clemence diuine apres le trespas dudit Eric. Tellement qu'il pourroit encore auoir regné depuis la restitution les 50. ans dont Helmodius a fait mention. Saxo le Dannois, Albert Crants, Ioannes Magnus liure 7. chap. 17. de son hist. Gottique.

Du Monde.	6004	E. d'Allemagne.	32	R. d'Italie.	4
De Iesus Christ.	967	R. des François.	14	R. de Bourgongne.	30
Indiction.	10	R. de Leon.	5	R. de Bulgarie.	4
De l'Hegire	359. le 4.	R. de Nauarre.	13	R. de Russie.	18
de Decembre.		R. des Escossois.	1	R. de Hongrie.	12
Papes.	2	R. des Anglois.	8	R. de Pologne.	3
E. de Grece.	5	Ducs de Venise.	11		

L'EMPEREUR estant allé à Raunce avec le Pape, y fit enuiron les festes de Pasques assembler vn Synode d'Euesques. En presence desquels il rendit & restitua au Pape & à ses successeurs toute la ville, & ce qui estoit de l'Exarchat de Raenne, avec ce qu'on auoit osté & retenu aux Papes precedens par longues annees : comme recite le Supplément de Regino, qui finit en la mesme annee : apres auoir encore dict que l'Empereur enuoia au mesme temps ses Ambassadeurs à Constantinople pour demander Theophania, fille de l'Empereur de Grece dernièrement decedé, en mariage pour son fils. Onufrius toutesfois a estimé que le Concile duquel nous venons de parler, a esté célébré à Rome. Mais Sigonius monstre qu'il y en eut vn célébré à Rome pour donner ordre à la police d'icelle aussi bien qu'à Raenne.

SELIBV

S E L I B V R Prince des Esclavons dictz Vvararins estant entré en quelque different avec Mistan Prince aussi des Esclavons Abodrites, s'en remit au iugement du Duc Herman de Saxe: lequel ayant donné sentence pour son aduersaire, en conceus vn tel despit, qu'il se mit en société de guerre avec Vigman. De sorte qu'il receut de luy quelque nombre de gens pour le defendre contre le Duc Herman, qui le vint assaillir. Nonobstant lesquels toutesfois il fut si viuement poursuiuy, qu'il fut dechassé de son pais. En fin Vigman ne se pouuant contenir de bailler de toutes parts de la besongne aux Lieutenans de son oncle, incita les Esclavons dictz Vvloins de faire la guerre au Prince Misica. Lequel à ceste occasion fit venir quelques cornettes de Reistres que luy enuoia le Roy de Boëme son gendre à son aide, avec lesquels il se defendit si brauement, que Vigman s'osant par escarmouches trop souuent & temerairement hazarder contre luy, tóba en fin entre ses mains, où il trouua la fin de sa vie. Qui fut aussi celle de la rebellion & esmotion des Esclavons contre l'Empereur. Vvitikinde liu. 3.

C V L E N Roy d'Escoffe deuenue par sa turpitude pire qu'un Sardanapale, trouua ses subjects si mal disposez à supporter ses complexions, qu'il y eut vn pere qui le tua comme il estoit venu violer sa fille. A cause dequoy les Escossois substituerent en son lieu Kenede 2. fils du feu Roy Malcome, qui regna au compte de Hector Boëtius 25. ans.

M A T H I L D E sœur du Roy Lothaire espousa Conrard Roy de Bourgongne: dont elle eut Rodolfe dit Ignaue, qui fut dernier Roy de Bourgongne. La Chronique de S. Benigne dit qu'elle luy porta la cité de Lion avec ses dependances pour son dot. Mais on ne sçait en quelle annee cela se fit.

S V E N T O S L A V S ou Stoslaus, appelé par Cedrenus Suhendosthlabus, Roy ou Prince de Russie & de Moscovie, fut tellement incité par l'Empereur de Grece de faire la guerre à Pierre, ou plustost aux fils de Pierre Roy de Bulgarie, que s'estant resolu en ceste deliberation de partir premierement ses Prouinces & Seigneuries entre ses enfans, assignant la Kiouie à Ierapolch, la Dresslaue à Olega, & la Nonogardie à Vvoldomire son bastard. Et puis se mit avec son armee dedans la Bulgarie, où (selon Cedrenus) il fit vn merueilleux degast, & en remporta vn grád butin en son pais. Mais les histoires de Pologne disent qu'il y prit 70. forteresses deuant qu'en partir.

B O L E S L A V S fils de Mieslaus Roy de Pologne nasquit ceste annee. Martin Cromer.

B O L E S L A V S premier du nom & 14. ou 17. Duc de Boëme (qui auoit fait massacrer son frere Vvenceslaus premier du nom) mourut laissant vn fils nommé Boleslaus 2. qui luy succeda à ses estats, & regna 32. ans. En l'espace desquels il fit construire plusieurs temples, dont il fut surnommé le Religieux. Hist. de Boëme, Martin Cromer.

L E S Sarrazins en haine de l'Empereur Nicephore bruslerent vif Iean Patriarche de Hierusalem, & demolirent le Temple de nostre Seigneur apres qu'ils eurent pris plusieurs villes en la Cilicie & Syrie. Cedrenus, Ioan. Curopaletes. Selon lesquels aussi Elnir estoit Calife de Bagadet ou Baldac en ce temps.

A v mesme temps l'Empereur Othon desirát dompter la felonnie des Boëmiens, mena vne armee contr'eux qui fit si brauement son deuoir qu'elle luy acquist vne glorieuse victoire de ses ennemis le vingtcinquieme iour de Septembre. Au moien de laquelle il fit venir le Roy de Boëme à telle raison qu'il voulut. Vvitikinde de Saxe liu. 2.

Du Monde.	6005	E. d'Allemagne.	33	R. d'Italie.	5
De Iesus Christ.	968	R. des François.	15	R. de Bourgongne.	31
Indiction.	11	R. de Leon.	6	R. de Bulgarie.	5
De l'Hegire 358. le 24. de		R. de Navarre.	13	R. de Russie.	19
Nouembre.		R. des Escossois.	2	R. de Hongrie.	13
Papes.	3	R. des Anglois.	9	R. de Pologne.	4
E. de Grece.	6	Ducs de Venise.	12		

L' E M P E R E U R Othon ayant fait venir son fils Othon 2. du nom en Italie, le fit sa-

crer & couronner Empereur Auguste par le Pape Iean le iour qu'on celebroit la memoire de la Natiuité nostre Seigneur, qui faisoit le comencement de la 968. année d'iceluy. Et puis apres alla contre Adelbert qui se disoit encore Roy d'Italie, lequel il deffit derechef en bataille rangee. Au moien dequoy il fut de tous poincts depossédé de ce qu'il tenoit en Italie: & mourut bien tost apres, prenant fin en luy le Roiaume d'Italie. Mais Othon suiuant le conseil de Pandolfe Prince de Capua, enuoia son armee avec le ieune Othon son fils au Roiaume de Naples, qui chassa les Sarrazins hors de toute la Pouille & Calabre, & se rendit les Beneuantains subjects. Sigebert, Pandolfo Collinutio, Blondus, Onufrius.

Les mines d'or & d'argent furent premierement trouuees & descouuertes au pais de Saxe pres la ville de Goslar par le commandement de l'Empereur. Sigebert, Othon de Frisingen.

Le Calife de Cairan en Afrique nommé par Iean Leon Elchain, & par Guillaume de Tir Abuthamin surnommé Ebuthedinalla, qui estoit de la lignee de Hali, & commandoit quasi entierement à toute la Barbarie, apres auoir grandement estendu, & amplifié les limites de son Roiaume, par le moien & vaillance d'un sien Esclaue, & Lieutenant, Esclaue de nation nommé Gehoar Elchetib, ou Ioar, luy donna vne armee de 80. mille combatans: laquelle ayant passé les deserts sans trouuer grande resistance, subiugua en peu de temps, & rendit tributaires à son maistre, toutes les prouinces d'Egypte, & les prochaines d'icelle, qui sont de la Syrie, apres en auoir chassé le Lieutenant que le Calife Eluir de Bagadet auoit en icelle. Mais pour les mieux retenir en la subjection d'iceluy, fit fonder & edifier à cinq lieux des vieilles ruines de la cité de Memphis, vne autre forte, & puissante ville qu'il noma ElChaira, qui vault autant à dire à l'opinion du Tyrien, que Vainqueresse: ou selon l'aduis de Iean Leon, Pouille couuante. La renommee de laquelle estant puis apres diuulguee par toute l'Europe, elle fut appelée le Grand Caire. Lequel a esté tellement accru dedans & dehors de bourgades & de maisons, qu'en toutes les parties du monde ne se trouue cité qui se puisse en grandeur esgaller à elle. Ce que ledit Guillaume Euesque de Tir liu. 19. chap. 14. & 21. de son histoire sainte tesmoigne estre aduenu l'an 358. du regne de Mahomet. Combien que P. Æmile liu. 5. semble auoir leu en iceluy 368. Mais Iean Leon liu. 1. & 8. de son histoire d'Afrique semble par les autres occurrences qui se verront cy apres, auoir plus mal compté que ce fut l'an 400. de l'Hegire.

<i>Du Monde.</i>	6006	<i>E. d'Allemagne.</i>	34	<i>Fin des R. d'Italie.</i>	
<i>De Iesus Christ.</i>	969	<i>R. des François.</i>	16	<i>R. de Bourgogne.</i>	32
<i>Indiction.</i>	12	<i>R. de Leon.</i>	7	<i>R. de Bulgarie.</i>	6
<i>De l'Hegire</i>	359. le 13.	<i>R. de Nauarre.</i>	14	<i>R. de Russie.</i>	20
<i>de Novembre.</i>		<i>R. des Escossois.</i>	3	<i>R. de Hongrie.</i>	14
<i>Papes.</i>	4	<i>R. des Anglois.</i>	10	<i>R. de Pologne.</i>	5
<i>E. de Grece.</i>	7	<i>Ducs de Venise.</i>	13		

NICEPHORE Empereur de Grece Prince belliqueux & mieux nourry aux affaires de guerre que de paix, ne se donnoit pas beaucoup de peine, de s'accommoder aux affections de sa femme Theophania: mesmemet vouloit (dit Marianus Scotus) faire chastier les deux ieunes Princes Basile & Constantin fils d'elle, & de l'Empereur defunct, pour leur oster l'espoir de plus paruenir à l'Empire. Dont il l'irrita de telle façon, que pour se vanger de luy mit en teste à Iean surnommé Zimisces domestique des Legions d'Orient, de se hazarder de le venir massacrer dedans le Palais Imperial, où elle le fit entrer par le dessus des murailles, y estant monté dedans vne corbeille l'onzieme iour de Decembre, estant la 13. Indiction commencee depuis la fin de Septembre, & le 369. de nostre Seigneur non encor expiré. Ioannes Curopalates & Michael Glyca adioustent, que ce fut l'an 6478. de la creation du monde, selon la supputation des Grecs. Tant y a qu'ayant en ceste maniere acheué son entreprise, se mit en possession de l'Empire, se faisant donner la couronne Imperiale le iour de la Natiuité de nostre Seigneur par le Patriarche Polyeucte: qui toutesfois ne luy voulut accorder ce point, qu'il n'eust premierement receu les fils de l'Empereur Romanus

en

en société d'Empire avec luy, & enuoïé leur mere en exil. Comme Zonare, Cedrenus & Ioan. Curopalates recitent. Lesquels aussi attribuent audit Zimisces 6. ans, 6. mois de regne. Mais fil mourut, comme ils disent aussi, au mois de Decembre en la 4. Indiction, il ne peut auoir regné d'auantage de 6. ans entiers, & quelque peu de iours, qui pourroïent estre les six qu'on deuroit compter pour des mois.

THIBAVLT Côte de Chartres portoit vne haine immortelle à Richard Duc de Normandie, soit pource qu'il se sentoît coupable de la mort du pere d'iceluy, soit pour l'enuie qu'il auoit sur la grandeur d'iceluy ou autrement. Tellement qu'apres auoir failly à le faire tomber en plusieurs embusches qu'il auoit dressées contre luy, incita finalement le Roy Lothaire de luy commencer ouuertement la guerre: tellement qu'il mist son armee aux champs, qui prist la ville d'Eureux, & alla souz la conduite du Comte Thibault assieger la ville de Rouën. Où les Chroniques de Normandie disent qu'elle fut mise en route par le Duc, qui au moien de ceste victoire s'en reuint assieger la ville de Chartres avec son armee qui estoit accompagnée d'une grande troupe de nouveaux Normans, lesquels Harald Roy de Dannemarc luy auoit enuoiez pour le secourir, qui firent tant de maux es pais où ils passerent, que le Roy fut contraint par les clameurs du peuple de chercher les moiens de mettre fin à ceste guerre: laquelle fut finalement appointee ceste annee, moiennant la restitution de la ville d'Eureux au Duc, qui aussi fut tenu de faire nouveau hommage de toutes ses terres au Roy. Lequel accord fait, plusieurs des Normans nouveaux venus se firent baptizer pour demeurer en Normandie: les autres s'en aimerent mieux retourner en Normandie. Tefmoin vne fort ancienne Chronique non imprimee. Il semble que ce fut en ceste guerre que Godefroy surnommé Grifegonnelle Comte d'Anjou combatit corps à corps vn Dannois nommé Ethelulfe, qui estoit de si grâde stature qu'il sembloit vn Geant: lequel toutesfois il vainquit & occit. Dont il fut fort bien venu enuers le Roy Lothaire iusques à son trespas, qui luy aduint en la 17. annee du Roy Lothaire: comme tefmoigne Pactius Auteur ancien en sa vie.

L'EMPEREUR Othon ayât enuoïé vne partie de son armee en la Pouille pour receuoir Theophanie fille de feu Romanus Empereur de Grece, qu'il auoit enuoïé demander pour son fils, les Grecs qui estoient lors en Italie se jetterent dessus, & la mirent quasi toute en pieces. Qui fut cause que l'Empereur renuoia vne autre plus grande armee contr'eux, souz la conduite d'un Gonthare & Sigefroy: qui en fit vne si grâde boucherie, qu'il n'y en resta plus qui peussent empescher que la Pouille & Calabre ne fust reduite en la puissance des Allemans. Occasion pourquoy (côme dit Sigebert apres Vvitikinde) les Grecs qui estoient à Constantinople se rebellerent, & tuerent Nicephore: & son successeur, pour se reconcilier l'Empereur Othon, luy enuoia Theophania qu'il fit espouser à son fils. Blondus, Pandolfo Collinutio, Sigonius.

ESTIENNE fils aîné du Roy Geicza de Hongrie, nasquit ceste annee, & fut baptizé du consentement de son pere (qui commençoit ja de prendre goust à la religion Chrestienne) par Adalbert Archeuesque de Prague en Boëme. Son pere spirituel fut Theodat de la race des Comtes de Sanseuerin en la Pouille, qui estoit là retiré. Bonfinius deca. 2. liu. 1. Abraham Baska.

AMROISE Ausbert moine natif de Frâce, qui demouroit en Italie, laissa en ce temps plusieurs liures tefmoins de son erudition. Onufrius.

<i>Du Monde.</i>	6007	<i>E. d'Allemagne.</i>	35	<i>R. de Bourgongne.</i>	33
<i>De Iesus Christ.</i>	970	<i>R. des François.</i>	17	<i>R. de Bulgarie.</i>	7
<i>Indiction.</i>	13	<i>R. de Leon.</i>	8	<i>R. de Russie.</i>	21
<i>De l'Hegire 360. le 2.</i>		<i>R. de Nauarre.</i>	15	<i>R. de Hongrie.</i>	15
<i>de Novembre.</i>		<i>R. des Escossois.</i>	4	<i>R. de Pologne.</i>	6
<i>Papes.</i>	5	<i>R. des Anglois.</i>	11		
<i>E. de Grece.</i>	1	<i>Ducs de Venise.</i>	14		

LES Sarrazins de toutes les parties d'Orient & du Midy, desirans auoir leur reuanche de tant de pertes qu'ils auoient receuës de l'Empereur Nicephore, ioingnirent leurs puis-

EE

sances ensemble, & en firent vne armee espouuantable, qu'ils enuoierent contre les Grecs, touz la cōduite d'un Capitaine le plus renommé entr'eux, qui estoit Prince de Carthage, se nommant Zochar (lequel pourroit possible estre Gehoar, duquel nous auons parlé cy dessus) qui s'alla camper deuant la ville d'Antioche situee sur le fleuue de Daphne en intention de l'emporter. Mais l'Empereur Zimisces enuoia vne armee avec son Patrice Nicolas contr'eux. Laquelle leur fit honteusement leuer leur siege, apres les auoir mis en routte, encore qu'elle fust beaucoup moindre en nombre de gens. Cedrenus.

G V I L L A V M E Duc d'Aquitaine & Comte de Poictiers & d'Auuergne, mourut (selon vne fort ancienne Chronique & les Annales d'Aquitaine) ceste annee, laissant vn fils de mesme nom que son pere, qui succeda aux estats d'iceluy, estant au dire desdictes Annales surnommé Teste d'estoupe. Mais l'autre Chronique nous enseigne que ce fut plustost son pere qui estoit ainsi surnommé. Si nous ne voulons estimer qu'il y ait eu trois Guillaumes l'un apres l'autre. Car les Annales de Reims nous en ont ja baillé deux cy deuant. Parquoy la Chronique du Sieur de la Haye de Poictou, ou son Auteur, nous a mal donné vn Guy pour successeur en la Duché d'Aquitaine audit Guillaume Teste d'estoupe son pere, que il auoit eu de sa seconde femme.

S V E N T O S L A V S Prince de Ruffie guerroya ceste annee fort asprement les Bulgariens. Martin Cromer.

P O L Y E N C T V S Patriarche de Constantinople mourut, & fut esleu en son lieu vn moine nommé Basile, qui presida 4. ans. Cedrenus, Ioannes Curopal.

E N ce temps plusieurs Hongrois furent conuertis à la religion Chrestienne par la predication de Pilgrin Prestre de l'Eglise de Laureac en Bauiere. Auentin.

T H E O D O R I C Euesque de Mets estant en Italie transporta de là grand nombre de corps saincts avec plusieurs reliques, comme du sang de saint Estienne, des cheueux, & de la chaire de S. Pierre, & vne partie du gril de S. Laurêt, desquelles le Pape luy fit part. Sigebert.

V N certain moine nommé Bernard fit ceste annee par deuotion le voiage de Hierusalē, où il trouua que les Chrestiens viuoient en grande liberté souz l'obeissance des Sarrazins. moiennāt le tribut qu'ils leur paioient, estās gouuernez par leur Patriarche qui se nommoit Theodose successeur d'un Salomō. Au tēps duquel l'Eglise d'Alexādie auoit encor vn Patriarche nommé Michel, qui fut contraint de transporter son siege en la ville de Babylone d'Egypte. Il se voioit encore alors en Hierusalē vn monastere qui y auoit esté fondé aux despens de Charlemagne, avec vne fort belle librairie de grande despence. Estāt de retour il mit sa peregrinatio par escrit, auquel il fait mentiō du feu celeste qui venoit esclaire dedans les Lampes du Temple que les Chrestiens auoient là, sans qu'on l'y eust mis, toutes les veillies de la solemnité de Pasques, comme il se dit auoir veu. Dequoy rendent aussi tesmoignage les Escriuains qui ont escrit l'histoire de la guerre sainte.

<i>Du Monde.</i>	6008	<i>E. d'Allemagne.</i>	36	<i>R. de Bourgogne.</i>	35
<i>De Iesus Christ.</i>	971	<i>R. des François.</i>	18	<i>R. de Bulgarie.</i>	8
<i>Indiction.</i>	14	<i>R. de Leon.</i>	9	<i>R. de Russie.</i>	21
<i>De l'Hegire</i>	3 ^e 1. le 22.	<i>R. de Nauarre.</i>	16	<i>R. de Hongrie.</i>	16
<i>d'Octobre.</i>		<i>R. des Escossois.</i>	5	<i>R. de Pologne.</i>	7
<i>Papes.</i>	7	<i>R. des Anglois.</i>	12		
<i>E. de Grecs.</i>	2	<i>Ducs de Venise.</i>	15		

L E S Ruffiens apres auoir subiugué le Roiaume de Bulgarie, y voulurent establir leur demeure, contreenās aux Paches qu'ils auoient faictes avec l'Empereur de Grece. Qui fut cause qu'il enuoia contr'eux vn siē Lieutenant nommé Bardas Duruē, accompagné d'une armee beaucoup moindre que la leur, qui estoit de trois cens mille cōbatans. Laquelle il mit en routte, tant par sa sage conduite, que par prouesse & vaillance, voire en si peu de tēps qu'il eut encore le loisir en la mesme annee de remener son armee en Asie cōtre Bardas Phocas frere de l'Empereur Nicephore, qui s'estoit esleu, & auoit pris le nom d'Empereur contre Zimisces, lequel il vainquit encore, & amena à tel point qu'il voulut. Cedrenus.

O L A V V S

OLA VVS Roy de Noruerge en ce temps.

ESTANT la cité du Caire acheuee, le Calife Elcain ou Abuthamin se transporta d'Afrique en icelle, & y establit son siege royal & pōtifical. De sorte que luy & ses successeurs y firent leur demeure tousiours depuis, iusques à ce qu'ils furent toalemēt priuez de la dignité de Calife par le Soldan Saladin. Aians par ce moien les Égyptiens leur Calife, qui non seulement s'esgalloit, ains aussi se preferoit à celuy de Bagader, ou de Baldac. Luy au reste & ses successeurs viuans en oisueté se reposoit du maniemēt de toutes les affaires de son Roiaume sur ses Lieutenāts & Cōnestables qu'on appelloit Souldans. Lesquels estoiet ne plus ne moins enuers eux, que les anciens Connestables & Maires de France enuers les Rois. Guillaume de Tyr, Jean Leon.

LA ville de Magdebourg fut ceste annee fondee & edifiee sur la riuere d'Albis au païs de Saxe & faicte tout ensemble Metropolitaine & siege Archiepiscopal des Vvandales & Esclauons par l'Empereur, apres qu'il les eut vaincus & subiuguez, suiuant (comme on dit) le conseil de sa femme Edithe, & en fut vn moine nōmé Adelbert premier Archeuesque. Helmodius, Albert Crants.

Du Monde.	6009	E. d. Allemagne.	37	R. de Bourgongne.	36
De Iesus Christ.	972	R. des François.	19	R. de Bulgarie.	9
Indiction.	15	R. de Leon.	10	R. de Russie.	23
De l'Hegire.	362. le 11.	R. de Nauarre.	17	R. de Hongrie.	17
d'Octobre.		R. des Escossois.	6	R. de Pologne.	8
Papes.	8	R. des Anglois.	13		
E. de Grece.	3	Ducs de Venise.	16		

ZIMISCES n'estant encores satisfait de la victoire que les gens auoient ja gangnee sur les Russiēs, se mit encore en teste de les dechasser de la Bulgarie. De sorte qu'il voulut estre luy-mesme le conducteur de ceste entreprinse, menant de prinsault son armee deuant Persthlaba (que les Moscouites appellent Perçtaflavv) cité roiale de Bulgarie, qu'il fit nommer Ioannopolis, apres se l'estre faict rendre, s'estant Borizes Roy de Bulgarie trouué dedans. Et puis alla trouuer l'armee des Russiens qui venoient au deuant de luy, lesquels il deffit & mit en routte avec grand carnage, le iour auquel les Grecs celebrent la feste de S. George. Au moien dequoy tout le Roiaume de Bulgarie se rendit à luy, apres qu'il eut encore faict vne autre grande desconfiture desdicts Russiens deuant la ville de Dorostole. Ainsi furent les Bulgariens pour vn temps reduicts souz la puissance des Grecs. Cedrenus, Ioannes Curpalates. Cependant on escrit que Olga mere de Suatoflaus Roy de Russie vint du tēps de l'Empereur Zimisces à Constantinople, où elle se fit baptizer en la religion Chrestienne, & fut nommee Helene.

THEOPHANIA fille de l'Empereur Romanus espousa ceste annee en la ville de Rome le ieune Empereur Othon. Sigebert.

MAIOLVS Abbé de Clugny fit en ce temps vn voiage par deuotion à Rome, au retour duquel il fut pris par les Sarrazins qui tenoient le Fraxinete en Italie: lesquels le retindrēt iusques à ce que Guillaume Duc ou Comte d'Arles les vint assieger avec vne grāde armee, de si bonne façon qu'il les prist tous par assault dedans leur fort, & les fit passer par le fil de l'espee. Comme tesmoigne Glaber, qui dit aussi que celà se fit vn peu deuant le trespas de l'Empereur Othon premier, & en parle en ceste sorte. *Qui paulo post in eodem Fraxino obsessi ab exercitu Villelmi Ducis Arelatensis omnes ad internecionem deleti sunt, & paulo post Otho Magnus Imperator obiit.* Lesquels mots i'ay bien voulu adioster pour Sigonius, qui dict bien que l'Empereur Othon apres auoir marié son fils à la Princesse de Grece, leua vne grande armee pour l'enuoier contre les Sarrazins du Fraxinete, afin d'acheuer de deliurer l'Italie des reliques de ceste nation là, à cause de la mort de sa mere, & du Prince Guillaume son fils, qui le firent laisser ceste entreprinse pour s'en retourner en Allemagne. Mais il se peut faire qu'il laissa la conduite de ceste armee à ce Guillaume pour la paracheuer. Pour laquelle occasion Vvitikinde dit que l'Empereur Othon gangna en ce temps-là quelques victoires sur les Sarrazins en Italie. Cependant on peut douter par cecy que ce Guillaume

E E E ij

Comte d'Arles estoit vassal de l'Empereur, puis qu'il estoit au service d'iceluy : si ce n'est que la vaillance dont il estoit estimé, ait incité l'Empereur de le faire venir pour luy donner la charge de ceste guerre. Je croy aussi que c'est luy que Glaber appelle pere de Guillaume Comte d'Arles, qui fut pere de Constance femme du Roy Robert : & pource qu'il le dit aussi Duc d'Aquitaine, cela me persuade qu'il fut fils de Raimond Duc d'Aquitaine qui espousa Berthe niepce du Roy Hugues de Prouence, vesue de son nepueu Bolon Côte d'Arles, par laquelle il obtint ladite Comté d'Arles. Si quelqu'un nous informe mieux que nous ne sommes de la genealogie, nous le croirons.

JEAN 13. de ce nom mourut selon Onufrius le 6. de Septembre, & eut pour successeur Donus ou Domnus 2. du nom, natif de Rome, qui fut esleu le 20. de Septembre. Et dura si peu qu'il n'eut loisir de laisser de quoy faire parler de luy, pource qu'il mourut le 19. de Decembre. A cause de quoy on mit dès le iour ensuiuant en son lieu Benoist 6. fils d'un Hildebrand citoyen de Rome, où il presida 1. an, 3. mois. Combié que la plupart des autres l'ont colloqué deuant Domnus.

SOVZ le Pape Iean 13. la coustume de baptizer & donner noms aux Cloches fut introduite. Pource que le ieune Empereur Othon apres son couronnement donna son nom à la grosse cloche de l'Eglise de Latran. Balæus.

<i>Du Monde.</i>	6010	<i>E. d'Allemagne.</i>	1	<i>R. de Bourgongne.</i>	37
<i>De Iesus Christ.</i>	973	<i>R. des François.</i>	20	<i>R. de Bulgarie.</i>	1
<i>Indiction.</i>	1	<i>R. de Leon.</i>	11	<i>R. de Russie.</i>	1
<i>De l'Hegire 363. le 30.</i>		<i>R. de Navarre.</i>	18	<i>R. de Hongrie.</i>	18
<i>de Septembr.</i>		<i>R. des Escossois.</i>	7	<i>R. de Pologne.</i>	9
<i>Papes.</i>	1	<i>R. des Anglois.</i>	14		
<i>E. de Grece.</i>	4	<i>Ducs de Venise.</i>	17		

OTHON premier du nom Empereur de Germanie surnommé le Grand, à cause de ses grands faicts, estant aduerty de la mort de sa mere Mathilde, de Guillaume Archeuesque de Majence son fils, qui gouvernoit les affaires de la Germanie en son absence, & de Herman Gouverneur de Saxe, partit d'Italie pour sen retourner en Allemagne, afin de obuier aux troubles qui y eussent peu suruenir. Mais il y eut esté bien peu, qu'il tomba en la maladie de laquelle il mourut le septiesme iour de May, laissant la succession de son Empire à son fils Othon 2. qui fut surnommé La mort des Sarrazins, ou plustost (comme dit Sigonius) le sanguinaire pour la raison que nous dirons cy apres, lequel regna 10. ans, 7. mois, 2. iours. Comme tesmoignent Marianus Scotus, Herman Contract, Sigebert, Othon de Frisingen, Abbé d'Vrsperg, Auentin & Cuspinian. Combien que Helmodius a estimé que Othon 1. mourut l'an 974. Vvitikinde moine de l'Abbaye de Corbie en Saxe, qui a escrit l'histoire de ses faicts & de son pere en trois liures, la finit à sa mort, auquel temps il florissoit. Les Historiens d'Italie confessent qu'il a esté le principal Autheur & instituteur des fiefs & dignitez tant petites que grandes d'Italie. Comme des Duchez, Comtez, Marquisats, Baronnies; & de la police qui s'est gardee es villes & communautez iusques à plus de 300. ans depuis.

BOVRCHARD Duc de Suaube & d'Allemagne mourut. Au moié de quoy l'Empereur donna sa Duché à son cousin Othon fils de Luitolph, qui estoit fils aîné de l'Empereur Othon. Herman Contract.

PIERRE Candian Duc de Venise ayant repudié sa premiere femme sans occasion legitime, auoit espousé au lieu d'elle la sœur de Hugues Marquis d'Heturie. Dont il fit concevoir vne si mauuaise opinion de luy au peuple qui pensoit qu'il se voulust par ce moien dresser le chemin à la tyrannie, qu'il s'esleua contre luy, & mit le feu dedans le Palais où il s'estoit retiré: qui fit vn si beau mesnage, que non seulement le Palais, mais aussi le temple de S. Marc, & plus de trois cens maisons prochaines, furent bruslees. Et pource que le Duc eschappa ce peril, il tomba en fin entre les mains du peuple, mesme qui le deshacha fort cruellement en pieces avec vn sien petit fils qu'il tenoit entre ses bras. Ce que Blondus & Contarin rapportent à ceste annee.

Les Russiens mattez de tant de pertes & defastres, demanderent en fin paix à l'Empereur, qui la leur octroya. Mais en s'en retournant en leur païs furent quasi tous taillez en pieces au païs des Patzinaces, que les autres disent Piccziniges, par leur Prince nommé Cures. De sorte que le Roy Stolaus, selon d'autres Suratoslas ou Spheudosthlabus, fut du nombre des tuez. De sorte qu'on fit du crane d'iceluy vne couppe enchassée en or, où furent grauez ces mots:

*Comme il rauist d'autrui le bien,
Il pert sa vie avec le sien.*

Laissant deux fils legitimes Ieropolch, & Olga ou Olégai, qui tomberent incontinent en discord l'un contre l'autre, pour raison de la succession de leur pere. A l'occasion dequoy Olga fut mis à mort par les siens. Au moïé dequoy Ieropolch se mit en possesiō de la Monarchie de Russie, laquelle luy demeura bien peu de tēps: pource q son frere bastard Vvalodimire le fit bien tost apres mourir, par trahison par le moien du secours qu'il amena de la Vvaregiē, où il s'en estoit fuy, apres la mort de son frere Olga, reduisant toute la Russie en sa main: par laquelle il eut le moien puis apres de faire la guerre aux Bulgariens, Croaciēs, Dulepiens, Viatiques & Iazyges, pour les faire ses subjects & tributaires. Au reste on tient que ce fut luy qui fit fonder la grande cité de Vvolodimerie, qui a esté vn long temps le siege principal de tout le païs. Comme recitent Cedrenus, Ioan. Curopal. Zonare, Sigismund Baro, & les histoires de Pologne: Selon lesquels le defastre de Spheudosthlabus aduint l'an 6480. de la creation du monde, selon la supputation des Grecs & Russiens.

<i>Du Monde.</i>	6011	<i>E. d'Allemagne.</i>	2	<i>R. de Bourgongne.</i>	37
<i>De Iesus Christ.</i>	974	<i>R. des François.</i>	21	<i>R. de Bulgarie.</i>	2
<i>Indiction.</i>	2	<i>R. de Leon.</i>	12	<i>R. de Russie.</i>	2
<i>Del'Hegire</i>	364. le 20.	<i>R. de Nauarre.</i>	19	<i>R. de Hongrie.</i>	19
<i>de Septembre.</i>		<i>R. des Escoffois.</i>	8	<i>R. de Pologne.</i>	10
<i>Papes.</i>	1	<i>R. des Anglois.</i>	15		
<i>E. de Grece.</i>	5	<i>Ducs de Venise.</i>	1		

La Germanie troublee par la mort de l'Empereur Othon, donna occasion à Ragnier & Lambert enfans de feu Ragnier au long col, Comte de Mont en Hainault, de se remuer & de faire quelque amas de gens pour se remettre es biens & seigneuries de leur pere, desquels ils auoient esté exheredez par l'Archeuesque Brunon. Et de faict vindrent trouuer les detenteurs d'icelles pres Peronne, qui estoient Garnier, & Ramold: lesquels ils tuerent tous deux en vne bataille. Au moien dequoy ils se remirent en possession de leur patrimoine, faisans estat de le bien defendre & garder. A cause dequoy ils firent fortifier le chasteau de Buxide sur la riuere de Han. Mais le nouueu Empereur estant party de Saxe, apres auoir (comme dit Albert Crants) reprimé les Esclauons, qui se vouloient à cause de la mort de son pere esmouuoir à rebellion, pour venir asseurer ses estats, enuoia vne armee contr'eux, souz la conduicte des Comtes Arnould de Flandres, & Godefroy de Verdun, ou d'Ardenne: qui prindrent, & raserent ledit chasteau de Buxide, & remirent toute la Cōté de Hainault en l'obeissance de l'Empereur: laquelle il leur donna en recōpence de leur seruice. Sigebert, Richard de Vvassebourg, Iacques Meyer.

HENRY surnommé le mutin Duc de Bauiere, s'estant allié de Boleslaus Prince de Boēm, de Mieslaus Roy de Pologne, (lesquels Lambert de Scaffuab appelle Bolisclaiō & Misico) & de Harald Roy de Dannemarc, print la hardiesse de se reuolter contre le ieune Empereur son nepueu, iusques à se donner luy-mesme le nom d'Empereur, & se faire couronner souz ce tiltre, par les Euesques de son païs. Mais Othon l'ayant fait venir à soy, souz sauconduit, l'enuoia en exil, prenant la Duché de Bauiere en sa main. Qui fut cause que Harald Roy de Dannemarc qui auoit ja pris les armes, & mis vne armee dedans le païs de Saxe, taicha bien tost de retirer ses pieces. Mais pour refaire sa paix avec l'Empereur, il faillut qu'il se rendist son tributaire. Comme tesmoignent Lambert Schaff. & Auētin: lesquels doiuent auoir pris Harald pour Suenotho son fils, qui regnoit selon Helmodius en ce temps.

LES Venitiens festans deliurez de leur Duc, en esleuerent vn autre en son lieu : qui fut le Seigneur Pierre Orselin 4. qui à ses propres despens fit refaire le Palais Ducal, & exerça sa dignité l'espace seulement de deux ans. Durant lesquels on dit que les Sarrazins entrerent avec deux armées en Italie. L'une desquelles apres auoir pris la ville de Capua au Royaume de Naples alla mettre le siege deuant la ville de Bari, que les Venitiens secoururent premierement de munitions, & puis enuoierent leur armée se ioindre aux Grecs : avec lesquels elle cōtraignit les Sarrazins de leuer leur siege & se retirer. Sabellic, Contarin.

L'AN 365. de l'Hegire les Califes de Cairaoan en Afrique furent en guerre l'un contre l'autre : Selon Iean Leon liure 4. Ce que nous estimons qu'il fault entendre du gouuernement qui estoit de la lignee des Sauhages, que le Calife Elcain auoit laissé pour soy en Afrique : quand il se retira en Egypte, lequel se reuolta contre luy, & enuoia rendre honneur & hommage au Calife de Bagadet, lequel à ceste occasion le constitua Roy de toute l'Afrique.

BASILE Patriarche de Constantinople fut pour quelques crimes depose, & en son lieu vn nommé Antoine Studites substitué, qui presida 6. ans. Cedrenus, Ioan. Curopal.

BENOIST 6. ayant esté pris & emprisonné dedans le chasteau S. Ange par vn Cynthius des plus puissans citoyens de Rome, qui pensoit par ce moien remettre la cité de Rome en son ancienne liberté, mourut le 19. iour de Mars, de paureté, & de misere. Combié que Onufrius estime qu'il fut depose seulement : & que 10. iours apres Boniface 7. fils de Franco Fercucio de Rome fut substitué en son lieu. Auquel tous les Auteurs tesmoignent qu'il paruint par brigues, corruptions & mauuaises pratiques. De sorte qu'il fut appelé au Concile tenu à Reims l'an 992. Maleface, monstre horrible surmontant tous les humains en meschancerez, & qui s'estoit ensanglanté du sang de son predecesseur. Qui fut cause que plusieurs citoyens de Rome, signamment ceux de la faction des Comtes de Tusculane, se esleuerent contre luy, & le contraignirent s'enfuir à Constantinople, portât avec soy tous les plus precieux tresors de l'Eglise S. Pierre qu'il auoit desrobez. Au moie desquels il s'ourit encore le retour à Rome : & y estant entré le 8. mois apres son depart, se fit par ses dons & presens remettre en son siege, qui auoit esté occupé en son absence par Iean 14. Combié qu'Onufrius estime qu'il ne retourna à Rome qu'apres le trespas de Benoist 7. Ce qui semble estre approuué par le Concile de Reims.

Du Monde.	6012	E. d'Allemagne.	3	R. de Bourgongne.	38
De Iesus Christ.	975	R. des François.	22	R. de Bulgarie.	3
Indiction.	3	R. de Leon.	13	R. de Russie.	3
De l'Hegire	365. le 9.	R. de Nauarre.	20	R. de Hongrie.	20
de Septembre.		R. des Escossois.	1	R. de Pologne.	11
Papes.	1	R. des Anglois.	16		
E. de Grece.	6	Ducs de Venise.	2		

S'ESTANT le Duc Henry par l'absence de l'Empereur remis en possession de la Duché de Bauiere, fut cause que l'Empereur retourna derechef contre luy avec telle puissance qu'il remit en sa main sadiete Duché : & puis la laissa en garde à son cousin Othon, fils de Luitolf, qui estoit Duc de Suaube. Herman Contract, Sigebert, Auentin liu. 5.

EGDARE Roy d'Angleterre mourut en la 16. annee de son regne, laissant vn fils nommé Edouard, qui fut 2. du nom, & 29. Roy depuis Cerditius, lequel regna seulement 3. ans & demy. Polidore Virgile, Guillaume de Malmesberie.

BONIFACE 7. apres auoir tenu le Papat 1. an, 1. mois, 12. iours, fut contraint de le quitter ceste annee, l'onzieme iour de May. Les actes du Concile de Reims mentionné cy dessus, font mention qu'il fut condamné par vn grand Synode & chassé, & qu'il ne reuint qu'apres le trespas de l'Empereur Othon. Tant y a que suiuant sa deposition Benoist 6. ou 7. fils d'un des Comtes de Tusculane, qui auparauant se nommoit Dieu-donné, fut estably en son lieu du consentement de l'Empereur le premier iour de Iuin, où il presida 9. ans, 1. mois, 10. iours.

N'ESTANT

N'ESTANT le differend qui estoit entre les Prestres & les Moines d'Angleterre accordé, pource que les Prestres faisoient tout ce qu'il leur estoit possible pour estre remis en leurs reuenuz & possessions; desquelles ils auoient esté deiettez par les Moines, au default de se vouloir separer d'avec leurs femmes : Dunstanus fit à ceste occasion assembler deux Synodes, l'un à Vvinton, l'autre à Calue. A l'un desquels, comme les Prestres defendissent fort asprement leur cause par tous moyens à eux possibles, vne voix fut ouye sortant de la bouche d'un Crucifix qui estoit attaché contre vne paroy, disant: (tesmoin Polydore liu. 6) que ceux failloient qui tenoient pour la cause des Prestres. Ou selon Ranulfus, que la cause de Dunstanus estoit la meilleure. Par lequel miracle les Prestres furent grandement estonnez & refroidis: mais ils le furent encores plus au second Synode, par vn autre aussi estrange miracle que le precedent, qui bailla cause gaignee aux Moines: encore qu'ils fussent secondez & soustenuz par vn Euesque nommé Ratbot venu d'Escoffe: comme recitent Mamelmurensis liu. 2. Ranulfe liu. 6. chap. 11. Polydore liure 6. Balæus, & autres.

ENVIRON ce temps la grande cité de Calecut, qui est au pays des Indes en la prouince de Malabar, fut fondée & edifiée par vn Roy du pays qui se nommoit Calic Comodri: lequel nom mesme ceux de sa famille qui à present peuuent paruenir à la couronne, fault qu'ils portent: ainsi qu'edit André Theuet en sa Cosmographie vniuerselle; & que cecy aduint enuiron 600. ans deuant qu'il fist son œuvre.

<i>Du Monde.</i> 6013	<i>E. d'Allemagne.</i> 4	<i>R. de Bourgogne.</i> 39
<i>De Iesus Christ.</i> 976	<i>R. des François.</i> 23	<i>R. de Bulgarie.</i> 4
<i>Indiction.</i> 4	<i>R. de Leon.</i> 14	<i>R. de Russie.</i> 4
<i>De l'Hegire</i> 360. le 28. iour	<i>R. de Nauarre.</i> 21	<i>R. de Hongrie.</i> 21
<i>d'Aoust.</i>	<i>R. d'Escoffe.</i> 2	<i>R. de Pologne.</i> 12
<i>Papes.</i> 2	<i>R. d'Angleterre.</i> 17	
<i>E. de Grece.</i> 1	<i>Ducs de Venise.</i> 1	

Les citez de la Syrie qui auoient esté faictes tributaires de l'Empire, avec le pays de Damas, se voulurent en ce temps emanciper de ceste subiection. A cause dequoy l'Empereur Zimisces fit vn voyage en Syrie, qu'il paracheua à son honneur. Mais au retour il fut empoisonné par vn Eunuque: de sorte qu'il mourut au mois de Decembre, estant la 4. Indiction commencee, & l'an 975. de nostre Seigneur non encore expiré, ny aussi 6484. de la creation du Monde. Parquoy l'Empire demoura entre les mains de Basile le Jeune, & de Constantin 10. son frere, dict Porphyrogenite, fils de l'Empereur Romanus 3. Lequel ils possederent ensemble iusques à la mort dudit Basile, qui estoit l'aîné, & (pour ce respect) precedoit son frere l'espace de cinquante ans. Ioan. Curopal. Zonare, Cedrenus, Michaël Glyca.

L'EMPEREUR Othon estimant l'estat d'Allemagne bien asseuré, mena vne armee contre les Princes de Boëme & de Pologne: pource qu'ils auoient eu intelligence avec le Duc Henry. Lesquels il estonna tellement de ses forces, qu'il les fit venir à telle composition qu'il voulut: tesmoin Lambert de Scaffuab & Auentin. Mais selon Aeneas Syluius, il semble que Boleslaus fils de Boleslaus qui auoit fait mourir S. Venceslaus son frere, tenoit lors la principauté de Boëme apres son dict pere, duquel il se rendit autant dissemblable en bonté de vie, que semblable à son oncle. Car il s'efforça de remettre au dessus le Christianisme en Boëme, qui y estoit decheut. Souz luy aussi vesquit Adelbert Archeuesque de Prague, fort renommé pour sa sainteté de vie, & pour son zele à la religion Chrestienne. Finalement on tient que ledit Boleslaus regna 32. ans, & puis laissa sa principauté à Boleslaus 3. du nom son fils, qui fut 16. Duc de Boëme.

CEPENDANT les deux freres Ragnier & Lambert, qui depuis leur dernier desastre s'estoient retirez vers le Roy Lothaire de France (qui leur fit espouser Geberge fille de Charles son frere à Lambert, & Hannie fille de Hugues Capet à l'autre) receurent de luy vne grosse flotte de gens pour se remettre par eux en leurs biens. Et allerent pour ce faict

E E E iiii

donner bataille pres le chasteau de Castrilloc aux deux Comtes, (qui le detenoïët) laquelle fut combatuë si opiniastrément, qu'on ne sçait pour qui certainement fut la victoire: combien que les Comtes semblerent auoir celà dauantage, qu'ils ne laisserent rien gagner sur eux aux deux freres en ce voyage: selon Sigebert. Mais l'appendix de Flodoard, dit que l'armee de Godefroy receut beaucoup plus grande perte de gens que l'autre: mesmes que ledit Godefroy y fut si lourdemët blessé, qu'il ne se porta oncques bien depuis. Il semble aussi que ce fut en la mesme annee que le Roy Lothaire declara son fils vnique nommé Louys Roy: & le fit regner deslors actuellement avec luy, voulât possible obuier aux entreprinſes que son frere Charles eust peu faire contre luy apres son trespas: & que de là Odorannus, Aimoinus, & Hugues de Flory pourroient auoir pris occasion de s'abuser, escriuans en leurs Chroniques que le Roy Lothaire mourut ceste annee, & que son fils regna neuf ans apres luy. D'autant mesmement que nous sommes aduertiz par du Tillet, qu'il y a tiltre à Paris, du Roy Lothaire & de son fils regnans ensemble: & que nous en auons trouué vn semblable au Chartulaire de l'Abbaye de Monstier-Armeſ, qui est au diocese de Troyes, duquel nous auons extraict ceste clausule: *Actum Trekarum ciuitate publice sub die 7. Id. Nouembris, anno XXI. regnante domino nostro Lothario Rege, filioque eius gloriosissimo Ludouico regnante cum patre pio, anno 3.* Ioinct les autres raisons que nous alleguerons encor cy apres.

Le seigneur Orselin Duc de Venise, estant surpris du degoust des honneurs de ce monde, resigna volontairement sa dignité pour aller faire profession de la vie Monastique au pays d'Aquitaine. A cause dequoy les Venitiens esleurent en son lieu le seigneur Vital ou Vidal Candian fils de Pierre Candian, qui auoit esté cy deuant occis. Le temps de la dignité duquel a esté diuerſement compté. Mais pource que Sabellic afferme que le commencement & fin d'iceluy aduindrent souz l'Empereur Othon 2. nous retenons les 8. ans qu'il dit en ses Enneades qu'il a duré.

ALHAGIB diët Almanſor Roy de Cordouë, ayant tenu quasi toute l'Eſpagne en subiection par l'espace de 12. ans (pource que les Chrestiens ne faisoient pas grand compte de se ioindre entr'eux pour s'opposer à sa puissance) voulut en la 13. annee mener vne armee dedans le pays de Gallice & de Portugal: mais vne peste se mit en son camp, qui en fit mourir la pluspart. A quoy le Roy Veremund prit si bien garde, qu'il entuoya donner sur le reste par vne troupe de sa caualerie. De sorte que tout fut mis en pieces ou en route, estant Almanſor contrainct se sauuer honteusement à Cordouë. Roderic, Alfonſe, Anth. Benthier.

Vn Synode fut derechef assemblé ceste annee en Angleterre par Dunstanus Archeueſque de Cantorbie. Auquel pource qu'il estoit quasi venu à chef de ses intentions, il fit ordonner que les ministres des Eglises, signamment des Eueſques & Chefs des Eglises Cathedrales, qui ne vouldroient s'obliger à viure en celibat, & se separer de leurs femmes, seroient exclus & spoliez de leurs benefices & reuenuz. De sorte que la charge fut donnee de mettre à execution ce statut, ſuiuant le reſcrit du Pape Iean trezieſme (mentionné cy deuât) à Ofuuald Eueſque d'Yort, & Ethelvald Eueſque de Vvinton, qui n'estoient pas moins affectionnez à ceste poursuite que Dunstanus. Somme que les Prestres perdirent en fin en ceste sorte leur cause; nonobstant toutes leurs raisons, oppositions, defenses, repliques, & l'Apologie que l'Eueſque d'Eſcoſſe fit pour le mariage des Prestres. Qui fut cause que Dunstanus entreprit encore d'introduire en son Eglise vn chant nouveau de la Meſſe, avec plusieurs autres choses recitees par Vincent de Beauuais, liure 24. chapitre 8. 60. 77. & 94. de son Miroir hiſtorial, & par Antonin de Florence, Para. 3. tiltre ſezieſme, chapitre ſix.

Du Monde.

<i>Du Monde.</i>	6014	<i>E. d'Allemagne.</i> 5	<i>R. de Bourgogne.</i> 40
<i>De Iesus Christ.</i>	977	<i>R. des François.</i> 24	<i>R. de Bulgarie.</i> 1
<i>Indiction.</i>	5	<i>R. de Leon.</i> 15	<i>R. de Russie.</i> 5
<i>De l'Hegire 367. le 18.</i>		<i>R. de Nauarre.</i> 22	<i>R. de Hongrie.</i> 22
<i>d'Aoust.</i>		<i>R. des Escossois.</i> 10	<i>R. de Pologne.</i> 13
<i>Papes.</i>	3	<i>R. d'Angleterre.</i> 3	
<i>E. de Grece.</i>	2	<i>Ducs de Venise.</i> 2	

BARDAS Selerus ou Durus, domestique des Legions d'Orient, se rebella cōtre l'Empereur Basile, prenant luy-mesme le nom & tiltre d'Empereur. Pour laquelle audace reprimier, Basile depeſcha vn autre sien Lieutenant nommé Leon Phocas contre luy : qui le guerroya si rudement, que la victoire balançant vne fois pour l'vn, vne fois pour l'autre : en fin Bardas fut vaincu & contrainct se retirer vers Gofroé Souldan, ou comme autres disent, Calife Amermumne ou Emir Elmamin de Babylone; qui toutesfois le mit en prison, comme recitent Cedrenus & Ioan. Curopal. Combien que Iean Leon liure premier appelle Elnir le Calife qui estoit à Bagadet en ce temps. Auquel aussi Apothulphe estoit Souldan ou Amiras d'Amide, & Apotagle de Martyropoli. Cedrenus.

L'EMPEREUR Othon ayant affaire en plusieurs lieux, preuoyoit que ce luy seroit prejudice d'estre tousiours occupé à la defense de la Lorraine contre les François. A cause dequoy pour se desuelopper de ce scrupule, & pour tailler aussi de la besongne au Roy Lothaire, donna toute la basse Lorraine en tiltre de Duché à son frere Charles, qui tenoit & mouuoit en souueraineté de l'Empire : afin de se le rendre obligé, & moins affectionné enuer son frere. Sigebert.

ALMANSOR ayant enuie de reparer la perte & hôte qu'il auoit receuë l'annee passée, reuint avec vne armee dedans le pays de Castille. A cause dequoy les Rois Veremund de Leon & Garcias de Nauarre (lequel est appelé en Glaber, possible par la faulte des Eſcriuains, Guillaume le Sainct pour Garſie Sance) avec le Comte Fernand de Castille, assemblerent leurs forces ensemble, & le combattirent aupres de Calateiacor, de si bōne façon qu'ils mirent encore toute son armee en pieces ou en route, gaignans son camp & tout son bagage. Ce qu'il prit si à cœur, qu'il en mourut biē tost apres, laissant vn fils nommé par Roderic & les autres Histoires d'Eſpagne Abdemelic, & par Ieā Leon Mudafir, qui appelle son pere Conseiller de Cordouē : lequel luy succeda à sa couronne, & regna comme luy six ans six mois. Roderic dit en quelque endroit, que Almazor mourut l'an trois cens soixantesept des Arabes : ce qui s'accorde avec les vingt cinq ans qu'on dit qu'il a regné, & avec le temps que Vasaus dit que Hissen commença de regner. Combien que luy-mesme ny les autres Historiens Espagnols ne s'accordent pas bien de l'annee du trespas d'iceluy.

LA mort de Zimisces diuulguee, donna occasion aux Bulgariens de se vouloir emanciper de la subiection des Grecs, chassant les Officiers & Gouverneurs qu'il leur auoit laissé. De sorte qu'ils se rangerent souz la conduite de quatre freres nommez Samuël, Dauid, Moyse & Aaron, dictés Comitopules; pource qu'ils estoient fils d'un Comte du pays. Mais les trois derniers moururent de diuers accidens en peu de temps les vns apres les autres, restant Samuël seul, homme belliqueux & sans repos : lequel prenant garde aux troubles qui estoient en la Grece à cause de la rebellion de Bardas, se mit avec vne armee dedans la Grece, où il courut & rauagea toute la Thrace, Macedone, & Theſſalie. Cedrenus, Ioannes Curopalates.

<i>Du Monde.</i>	6015	<i>E. d'Allemagne.</i>	6	<i>R. de Bourgogne.</i>	41
<i>De Iesus Christ.</i>	978	<i>R. des François.</i>	25	<i>R. de Bulgarie.</i>	2
<i>Indiction.</i>	6	<i>R. de Leon.</i>	16	<i>R. de Russie.</i>	6
<i>De l'Hegire 368. le 7. iour</i>		<i>R. de Nauarre.</i>	23	<i>R. de Hongrie.</i>	23
<i>d'Aoust.</i>		<i>R. des Escossois.</i>	11	<i>R. de Pologne.</i>	14
<i>Papes.</i>	4	<i>R. des Anglois.</i>	4		
<i>E. de Grece.</i>	3	<i>Ducs de Venise.</i>	3		

LE Roy Lothaire ne s'estimant satisfait du party que l'Empereur Othon auoit fait à son frere, mena vne grosse armee en Lorraine, pour recouurer le droict qu'il y pretendoit, si couuertement & en telle diligéce qu'il s'en fallut peu qu'il ne surprist l'Empereur dedans la ville d'Aix : tellement qu'il n'eut loisir que d'en sortir & se sauuer, la laissant en pillage aux François. Qui fut cause qu'il assembla ses forces apres leur depart, & les mena en France, gastant & ruinant tout par où il passoit, depuis le premier iour d'Octobre iusqu'au premier de Decembre. Mais estant arriué dedans Paris, pource qu'il y perdit vn sien neveu avec vne bonne partie de ses gens, par vne faillie que les Parisiens firent sur luy, & que le Roy Lothaire se vint avec la puissance de France, (accompagné de Hugues Capet & Henry Duc de Bourgogne) presenter deuant luy ; force fut qu'il se retirast, estant si asprement poursuiuy, que toute son arriere-garde fut deffaite, & son bagage destrouffé : comme Sigebert avec les Histoires de France, Aimoinus & Glaber tesmoignent amplement.

LA sainteté de mœurs du Roy Edouard ne peut diuertir le malin courage de sa belle-mere Alfrede, de luy pourchasser sa mort par ses maudictes practiques : afin de faire tomber le Roiaume d'Angleterre entre les mains de son fils Ethelrede, selon Glaber Adalrad, qui deuoit estre son heritier, comme il fut. Et pource qu'il estoit autant despourueu des bonnes conditions & perfections qui estoient en son frere, que remply de celles qui deshonorent vn Roy, il fut cause que la vigueur & excellence de son Roiaume prit tel declin & decroissement avec luy, qu'il ne peut cy apres soustenir ny repousser l'inuasion des Danois, qui le vindrent derechef assaillir, sinon en s'obligeant de leur payer certain tribut tous les ans pour le laisser en paix. Nonobstant celà toutesfois il regna trentesept ans, comme Guillaume de Malmesberie a compté, ou trentecinq ans selon Polydore Virgile liu. 7. Cependant il semble que c'est luy que Ioannes Magnus liure 17. chap. 18. de son Histoire Gotthique appelle Mildrede & Etheldrede, qui enuoya (comme il dit) Sigfride Archesueque de Vvaruich aux Sueffiens, pour les conuertir à la Religion Chrestienne.

BOLES LAVS Duc de Boëme se vint ceste annee mettre & rendre en l'obeissance & protection de l'Empereur Othon. Lambert de Scaffuab.

ABDEME LIC fils d'Almanfor, desirant ennoblir le commencement de son regne par quelque memorable entreprinse à la reparation de la honte aduenue à son pere, recommença la guerre au Roy Veremund : qui le soustint si brauement, avec l'aide de Dom Garcia Comte de Castille, qu'il le mit en route, le faisant plustost penser à se defendre d'oresnauant, qu'à assaillir les autres Rois. Roderic, Anth. Benthier,

<i>Du Monde.</i>	6016	<i>E. d'Allemagne.</i>	7	<i>R. de Bourgogne.</i>	42
<i>De Iesus Christ.</i>	979	<i>R. des François.</i>	26	<i>R. de Bulgarie.</i>	3
<i>Indiction.</i>	7	<i>R. de Leon.</i>	17	<i>R. de Russie.</i>	7
<i>De l'Hegire 370. le 27. iour</i>		<i>R. de Nauarre.</i>	24	<i>R. de Hongrie.</i>	24
<i>d'Aoust.</i>		<i>R. d'Escoffe.</i>	12	<i>R. de Pologne.</i>	15
<i>Papes.</i>	5	<i>R. d'Angleterre.</i>	1		
<i>E. de Grece.</i>	4	<i>Ducs de Venise.</i>	4		

PENDANT

PENDANT que l'Empereur Othon estoit empesché à la guerre de France, les Empereurs de Grece firent passer vne armee en Italie, qui estoit accompagnée d'une grãde troupe de Sarrazins, par l'aide desquels la ville de Bari fut premierement prise & saccagée, & Mathera ruinée. Ce qui fit que les autres villes de la Pouille & Calabre se rendirent aux Grecs. Blondus, Sabellic.

ESTANT la race des Marquis d'Austriche faillie & decedee, Albert Côte de Bamberg fut inuesty du Marquisat d'Austriche par l'Empereur. Munster.

VEREMUND ou Bermudes second du nom Roy de Leon, mourut, tefmoin Roderic, en l'Ere 1017. qui se rapporte iustement avec ceste année, laissant vn fils nommé Alphonse cinquieme, aagé lors seulement de cinq ans, qui luy succeda souz la tutelle de sa mere Geloira, & de Consalues Mende Comte de Castille. On dit qu'il eut vne sœur nommée Terasia, laquelle il voulut contraindre cy apres par mauuais conseil d'espouser Abdalla Roy de Tolette, afin d'estre fauorisé & secouru de luy contre le Roy de Cordouë. Mais elle ne le voulut oncques recognoistre pour mary, ny le laisser vser d'elle comme de femme. A cause dequoy elle fut renuoyee & rendue religieuse. Roderic & les autres.

HERIGERVS moine, Vvilligise Archeuesque de Majence, & Radulfe moine de Fulden, hommes doctes & illustres florissoient en ce temps, avec Rosuita religieuse natifue de Saxe, que l'on dit auoir eu assez bonne cognoissance des lettres Grecques & Latines; mesmement auoir composé en vers poetiques les faicts & gestes de l'Empereur Othon premier. On tient aussi que Herard moine de Lunebourg & docteur assez fameux viuoit avec eux.

Du Monde. 6017	E. d'Allemagne. 8	R. de Bourgongne. 43
De Iesus Christ. 980	R. des François. 27	R. de Bulgarie. 4
Indiction. 8	R. de Leon. 1	R. de Russie. 8
De l'Hegire 371. le 27. iour	R. de Nauarre. 25	R. de Hongrie. 25
d'Aoust.	R. d'Ecosse. 13	R. de Pologne. 16
Papes. 7	R. d'Angleterre. 12	
E. de Grece. 5	Ducs de Venise. 5	

L'EMPEREUR Othon estant aduertý de l'arriuee des Grecs en Italie, trouua les moyens de se mettre d'appoinctement avec le Roy Lothaire, à vn Parlement qu'ils eurent ensemble sur la riuere du Charre: où l'on dit que le Roy Lothaire renonça au droit qu'il auoit en la Lorraine, contre la volonté des Princes de France, mesmement du Duc Charles son frere: selon Sigebert & les Annales de France.

ALAIN surnommé Barbetorte Duc de la petite Bretagne, deceda, laissant deux fils naiz hors mariage, nommez Hoël & Guerec: desquels Hoël luy succeda en la principauté de Bretagne, estant son frere Euesque de Nantes: comme recitét les Annales de la petite Bretagne. Combien que les Annales de France rapportent la mort d'Alain bien long temps deuant. Ce qui semble plus pertinent, pource qu'il est difficile de croire qu'il ait tant vescu.

BILVG Prince ou Roy des Esclauons dictz Vvinides, Vviltzes, Obodrites & Vvagriés, qui habitoient toute la coste maritime de la Germanie depuis la riuere de Vistula iusques aux côfins de Dannemarc, & qui auoit le premier receu la Religio Chrestienne en ces marches-là, mourut, laissant trois fils, Misizla, Naccon & Sederich: qui partagerent les biens & seigneuries d'iceluy entre eux. Mais Misizla obtint les Obodrites. Albert Crants liu. 2. chap. 40. de la Vvandalie.

DOM Garcias Sancio surnommé le Trembleur Roy de Nauarre & du pays d'Arragon, mourut, tefmoin Roderic, en la 25. année de son regne: combien qu'il dit que ce fut en l'Ere 968. Mais il est certain qu'il y a faulte, pource qu'il confesse qu'il se trouua au secours du Roy Veremund contre le Roy Almanfor. Dont il semble qu'il a voulu plustost escrire 1018. d'autant mesmement qu'il dit aussi que Dom Sanchio le Grãd son fils, qui luy suc-

ceda à son Roiaume, mourut en l'Ere 1053. ayant regné trentecinq ans. Lequel fut si vaillant & heureux en guerre, qu'il deiecta & desnichâ les Sarrazins de tout ce qu'ils tenoient encore es pays de Nauarre, Arragon, Castille, Cantorbie & Gasconne. Dont François Taraffa s'est persuadé qu'il se fit appeller Empereur des Espagnes.

ANTOINE Studites Patriarche de Constantinople, renonça volontairement à la dignité Patriarchale, apres l'auoir exercee six ans. A cause dequoy on dit qu'elle demeura vacquante l'espace de 4. ans. Zonare, Ioan. Curopal.

<i>Du Monde.</i>	6018	<i>E. d'Allemagne.</i>	9	<i>R. de Bourgongne.</i>	44
<i>De Iesus Christ.</i>	981	<i>R. des François.</i>	28	<i>R. de Bulgarie.</i>	5
<i>Indiction.</i>	9	<i>R. de Leon.</i>	2	<i>R. de Russie.</i>	9
<i>De l'Hegire 371. le 5. de</i>		<i>R. de Nauarre.</i>	1	<i>R. de Hongrie.</i>	26
<i>Iuillet.</i>		<i>R. des Escosson.</i>	14	<i>R. de Pologne.</i>	17
<i>Papes.</i>	7	<i>R. d'Angleterre.</i>	3		
<i>E. de Grece.</i>	6	<i>Ducs de Venise.</i>	6		

OTHON ayant ses forces prestes pour les faire passer en Italie, au recouurement de la Pouille & Calabre, qu'il pretendoit luy appartenir par le dot de sa femme, mit premiere-ment vne partie de son armee sur mer, qui courut toute la coste de la Dalmatie & Escla-uonnie : tescmoin Blondus. Et puis voulut, au dire de Sabellic, assieger la cité de Venise, & la matter par famine, à l'oprat d'un Caloprinus banny de ladite cité. Mais les Histoires de France & de Lorraine disent, que deuant qu'il eust commencé ce voyage, afin d'oster toute occasion à Charles frere du Roy Lothaire de remuer mesnage en son absence, pource qu'il estoit malcôtent de l'accord que son frere auoit fait avec luy, qu'il renouuella le traité qu'il auoit fait cy deuant avec luy, l'accordant en telle sorte qu'il designa certaines terres en celle partie qu'il tenoit du Roiaume de Lorraine, situees entre la Meuse & le Rhin, es lieux circonuoisins de Mets, Toul, Verdun, & Nancy iusques à l'Alsatie: & signamment celles qu'on estime que le feu Duc Gislebert auoit tenuës de son patrimoine. Toutes lesquelles il erigea en Duché, & en donna les souuerainetez & preéminences audit Charles, qui prit deslors pour deuise le Bras armé sortant des nuës: & à icelles adiousta tout ce qu'il tenoit de son patrimoine en la basse Belgique: qui estoit vne grande partie de Flandres & de Brabant, qu'on appelloit auparauant la basse Lorraine. De façon que deslors le nom de Roiaume en Lorraine fut supprimé & conuert en Duché; retenant toutesfois sa souueraineté. Auquel on adiousta depuis le tiltre de Marquis, qui ne semble signifier autre chose (quoy qu'aucuns veulent dire) que ce qu'il estoit comme la Marche des 2. Roiaumes de France & d'Allemagne. Chroniques de France & de Lorraine, Richard de Vassebourg. Par lequel moyen Charles s'estant fait vassal des Allemans, perdit la bienveillance des François, qui l'estimerent deslors comme estranger. Mais d'autant qu'un Frederic ou Ferry auoit esté dès le temps de l'Empereur Othon premier, fait Gouverneur du Roiaume de Lorraine par l'Archeuesque Brunô, souz tiltre de Duc de Lorraine qu'il portoit: i'estime que lors que Charlemagne fut ainsi pourueu de ceste partie de Lorraine (dôt il prit le nom de Duc) que cest Empereur laissa encore audit Frederic l'autre partie qui est entre la Meuse & Moselle, à la tenir comme auparauant de l'Empire, souz tiltre de gouvernement ou de fief propriétaire; par lequel il fut appellé Duc de Mosellan en Lorraine. Ce qui a fait penser aux Historiens de Lorraine, qu'il l'estoit dès auparauant, l'ayât obtenuë de la succession de son pere. Mais ie ne voy point qu'aucun d'eux l'ait prouué par vn seul bon tesmoignage; ny que ceste diuision de la Lorraine Mosellanique eust oncques esté dès auparauant; ne qu'il setrouue aucune mention faicte de la Lorraine Mosellanique en aucun ancien autheur deuant ce temps-cy.

I V H A E L Berengier Comte de Rennes, qui se donnoit aussi bien le tiltre de Duc de Bretagne, que faisoit Alain, mourut, ayant vn fils nommé Connan, qui luy succeda à sa

à la Comté & à ses tiltres & droicts: dont il luy fut force d'entrer en querelle avec le Duc Hoel, qui le vouloit contraindre à reprendre de luy comme de son souverain seigneur. A cause dequoy il trouua moyen de le faire mourir en trahison. Neantmoins Guerech ayant renoncé à l'estat de Prestre, pour prendre la succession de son frere, ne laissa ledit Connan en repos de toute sa vie iusques à ce qu'il l'eust fait mourir par poison, en vengeance de la mort de son frere. Annales de Bretagne.

LA ville de Hasle au pays de Saxe, fut ceste année fondée & edifiée. Chroniques de Saxe.

HERMAN Duc de Lunebourg ou de la basse Saxe, mourut, avant deux fils, qui luy succederent à ses estats, à sçavoir Luther & Benno: lequel espousa Geila fille du Duc de Stefin, dont il eut Bernard, qui luy succeda à ladite Duché avec Bruno & Thietmare. Albert Crants.

<i>Du Monde.</i>	6019	<i>E. d'Allemagne.</i>	10	<i>R. de Bourgongne.</i>	45
<i>De Iesus Christ.</i>	982	<i>R. des François.</i>	29	<i>R. de Bulgarie.</i>	6
<i>Indiction.</i>	8	<i>R. de Leon.</i>	3	<i>R. de Russie.</i>	10
<i>De l'Hegire</i>	372. le 25. iour	<i>R. de Navarre.</i>	2	<i>R. de Hongrie.</i>	27
<i>de Juin.</i>		<i>R. d'Ecosse.</i>	15	<i>R. de Pologne.</i>	18
<i>Papes.</i>	8	<i>R. d'Angleterre.</i>	4		
<i>E. de Grece.</i>	7	<i>Ducs de Venise.</i>	7		

OTHON ayant commencé à faire la guerre aux Grecs pour le recourement de la Pouille & Calabre, fit qu'ils se mirent aux champs en grande armée, ayans les Sarrazins avec eux, & le vindrent rencontrer le treiziesme iour de Juillet au pays de Beneuent, où il fut honteusement deffait & mis en route par la trahison ou couïardise des Italiens, qu'il avoit avec luy, qui se mirent en fuite sans combattre (ainsi qu'estoit leur coustume de faire) comme dit Glaber, nonobstant que luy & les Allemans fissent vertueusement leur devoir. Somme que son armée fut tellement rompue, qu'il fut contrainct de se mettre à nage sur mer pour se sauver: où il tomba entre les mains de quelques mariniers Grecs, desquels toutesfois il eschappa: aucuns ont voulu dire que ce fut sans estre cogneu. Mais Dirmare dit que si fut, neantmoins qu'il euada par subtil moyen, s'estant ietté hors du navire, & sauué à nage à l'aide d'un marchand Esciaun. Ce que d'autres disent qu'il retomba encore entre les mains de quelques corsaires Sarrazins, qui le menerent en Sicile, & le deliurerent en fin pour vne petite somme de deniers, ne l'ayant non-plus cogneu que les autres. On dit que si les Grecs en poursuivant leur victoire fussent venuz deuant Rome, qu'ils l'eussent facilement prise. Mais tant-y-a que la Pouille & Calabre revint derechef par ce moyen entre les mains des Empereurs de Grece, qui y amenerent de nouveaux Gouverneurs qu'on nommoit Capitaines. Sigebert, Abbé d'Ursperg, blondus, Sabellic, Pand. Coll.

LES Venedes (que certains Historiens Allemans aiment mieux appeller Vandales) entrerent à grande puissance dedans la marche de Brandebourg, souz la conduite de leur Prince nommé Muskano, où ils prindrent & ruinerent les villes tant de Brandebourg que d'Auespourg. Chroniques de Saxe.

L'AN 373. de l'Hegire, Auincenna Prince des Medecins Arabes nasquit à bocchare ville du Roiaume de Perse, lors que regnoit en icelle, & à Corrasan le Roy Nuch. Sorfanus en sa vie.

LIBATIVS moine de S. Aubin de majence, homme docte selon ce temps, fut ordonné pour aller prescher la Religion Chrestienne aux Russiens par le Pape benoist. Au temps duquel aussi florissoit Algerus moine de Corbie en Saxe, qui a composé quelques traictez du Liberal arbitre & du Sacrement de l'Autel. Tritemius.

FFF

Du Monde.	6020	E. d'Allemagne. 11	R. de Bourgogne. 46
De Iesus Christ.	983	R. des François. 30	R. de Bulgarie. 7
Indiction.	11	R. de Leon. 4	R. de Russie. 11
De l'Hegire 373. le 14. de		R. de Navarre. 3	R. de Hongrie. 28
Inin.		R. des Eſcoſſois. 16	R. de Pologne. 19
Papes.	9	R. d'Angleterre. 5	
E. de Grece.	8	Ducs de Venise. 8	

OTHON estant de retour à Rome, rallia le residu de son armee, qui estoit esgaree : & l'ayant rafraischie & refaict d'un nouveau supplément de gens de guerre, prit, saccagea & brulla la ville de Benevent; pource que les Beneuentins estoient de ceux qui l'auoient abandonné a la iournee precedente. Et puis retourna, au dire d'aucuns, cōbatre les Grecs, ou selon les autres, les Sarrazins : desquels il fit, à ce qu'ils disent, vne si grande boucherie, qu'elle luy en fit auoir le surnom de Mort des Sarrazins, ou de Sanguinaire : combien que d'autres le referent à la punition cruelle qu'il prit des Romains, qui l'auoient comme les Beneuentins abandonné. Ce qui semble plus vray-semblable que ce que Sigonius en escrit pour pallier l'infamie des siens. Combien que Ditmare ne fait aucune mention de toutes les occurrences precedentes ; disant seulement que l'Empereur apres auoir esté mis en liberté, tint vne Diette à Veronne, où les Princes de son Empire l'allerent trouuer. Puis rappella Henry Duc de Bauiere son frere de l'exil où il auoit esté enuoyé, & fit designer son fils aîné Othon son successeur à la dignité Imperiale par tous les Princes. Et cela fait, apres les auoir renuoyez, laissa sa mere à Paue, & retourna à Rome, où il fut apprehendé de la maladie dont il mourut le septiesme de Decembre, soit de facherie ou plustost de bleiſeure qu'il auoit receu, ainsi que semble signifier son Epitaphe, qui se trouue entre les Epistres de Gerbert :

*Cuius ad Imperium tremuere Duces, tulit hostis
Quem dominum populique sui nouere parentem,
Ocho decus diuum Caesar clarissime nobis
Immeritis rapuit te lux septena Decembris.*

Laissant trois enfans, à ſçauoir Othon troisieme de ce nom, qui pouuoit estre lors au douzieme an de son aage. Le second Hugues, qui fut Duc de Saxe, qui est mal appellé Othon par Ditmare : & vne fille nommee Alasie ou Alyſie, qui fut, comme aucuns ont escrit, femme d'Alram fils de Vittikinde, & arrierefils de Vvaubert Duc de Saxe, apres qu'il l'eut rauie (dont on dit que sont descenduz les Marquis de Monferrat.) Or pource que le ieune Othon ne sembloit à cause de son aage encore capable de l'adminiſtratiō de l'Empire, quelques Princes en haine de sa mere Theophanie l'en vouloient frustrer, & attribuer à Henry Duc de Bauiere nepueu du premier Othon, qui pour ſes demerites auoit esté enuoyé en exil par Othon 2. Et par sa mort s'estoit non-seulement remis en ſes eſtats, mais aussi ſaiſi cauteleuſement de la personne du ieune Othon, ſouz pretexte que la tutelle luy en appartenoit. En fin toutesfois la pluralité des Princes obtint que l'Empire demoureroit audit Othon : pource meſmement que nonobſtant ſa ieuneſſe il estoit d'une telle moderation & promptitude d'eſprit, que les excellences qui estoient en luy, le firent ſurnommer Les merueilles du Monde. De ſorte que l'Empire Occidental fut gouuerné par luy l'eſpace de 17. ou 18. ans, 1. mois, 21. iour. A cause que des auteurs que nous enſuiuons, les vns eſtiment qu'il mourut en l'an 1001. les autres le 1002. Marianus, Scotus, Herman Contraſt, Lambert Scaffu, Othon de Friſingen, Sigebert, Abbé d'Vſperg, Auentin, Cuſpinian, Onufrius.

OTHON Duc de Suaube retourné du voyage d'Italie, auquel il auoit accompagné l'Empereur, mourut le dernier iour d'Octobre; & luy ſucceda son fils Conrard.

ENVIRON ce temps Eric ſurnommé Aorſel ou Stenchil 3. Roy de Sueſſe & de Gothie, fut mis à mort par les ſeigneurs de son Roiaume: pource qu'il les vouloit cōuertir à la Religion Chreſtienne : & luy ſucceda à ſa couronne son fils (au dire des autres) frere ſeulement nommé Olaue, & par Munſter Eric ſurnommé Schotkonnus, qui fut autant affectonné

ctionné à la Religion Chrestienne que son predecesseur. Tellement que par sa prudence & benignité il vint à bout de la faire recevoir en toutes les parties de ses Roiaumes, & d'exterminer ce qui y restoit de l'idolatrie Payenne. Qui est cause que plusieurs l'ont estimé auoir esté le premier Roy Chrestien de Suesse, qui fut mesme nommé Iacques au baptême : & qui fit venir Sigfride Euesque de Vvaruich en Angleterre avec aucuns autres gens de bien, que luy enuoya le Roy Ethelrede pour prescher l'Euangile à luy & à ses subiects. Cependant estant ainsi parvenu à la couronne, la vefue du Roy defunct qui se nommoit Sigrita, fut demandee en mariage par Olaue Roy de Noruege surnommé Trigonis, & par Sucnon aussi Roy de Danneinarc, qui fit tant par son astuce, qu'il vint à fin de sa poursuite. Ce que son competeur prit si à cœur, qu'il luy commença guerre, en laquelle il fut deffait par le Danois, à l'aide que luy donna le Roy de Suesse. Qui au moyen de cela s'empara du Roiaume de Noruege, & l'annexa au sien de Suesse & de Gotthie. Ioan. Magnus liu. 17. chap. 17. & 18. de son Histoire Gotthique.

Ayant l'Eglise de Constantinople demouré quelques années sans Patriarche, vn nommé Nicolas Chrysoberges fut esleu pour Patriarche, lequel presida 12. ans, 8. mois, selon Zonare & Cedrenus.

AbdemeLIC surnommé Abundazin fils d'Almanzor Gouverneur de Cordouë, & Lieutenant du Miramolin d'Espagne, mourut, laissant sa succession à vn sien frere nommé Abderramen; qui fut si vicieux qu'on ne le laissa en possession d'icelle qu'environ demy an. Vaseus.

Du Monde.	6021	E. d'Allemagne.	1	R. de Bourgongne.	47
De Iesus Christ.	984	R. des François.	31	R. de Bulgarie.	8
Indiction.	12	R. de Leon.	5	R. de Russie.	12
De l'Heure 374. le 3. iour		R. de Navarre.	4	R. de Hongrie.	19
de Iuin.		R. des Escossois.	76	R. de Pologne.	20
Papes.	1	R. des Anglois.	7		
E. de Grece.	9	Ducs de Venise.	1		

LOTHAIRE Roy de France estimant que la mort de l'Empereur Othon & la jeunesse de son fils luy presentassent le moyen & l'opportunité de radoubier le mescontentement qu'il auoit donné de foy aux Princes de son Roiaume, par la renonciation qu'il auoit faite du Roiaume de Lorraine; entreprit de le retirer à foy. De sorte qu'il se mit dedans avec vne armee, avec laquelle il prit la ville & Comté de Verdun & le Comte Godefroy en icelle, lequel il emmena avec foy en France. Sigebert, Cuspinian.

FREDERIC fils d'Othon, cy deuant Duc general de Lorraine, & depuis Duc de Mosellane, ensemble cousin germain de Godefroy le ieune, Comte d'Ardenne, que plusieurs ont appelé premier Comte de Bar, mourut, laissant vn fils nommé Theodoric du nom, qui succeda en la Duché de Mosellane & Comté d'Ardenne. Rich. de Vvaslebourg.

Le seigneur Vital Candian tomba en vne dangereuse maladie, de laquelle il n'esperoit retourner à conualescence. A cause dequoy il resigna volontairement sa dignité, pour acheuer le reste de ses iours en vn monastere. Au moyé dequoy le seigneur Iribon Memo fut subrogé en son lieu par les suffrages des citoyens. De sorte qu'on fait cōpte qu'il exerça la dignité Ducale l'espace de 14. ans. Sabellic, Cōtarin. Ce q d'autres rapportét à l'an 979.

BOLES LAVS fils de Mieslaus ou Miseco Roy de Pologne, espousa en ce temps Iudith fille de Geissa Roy de Hongrie. Chronique de Pologne. Lequel Miseco s'alla au mesme temps avec Boleslaus Duc de Boëme & Mistvvi des Obodrites presenter au seruire de Henry Duc de Bauiere, qui s'estoit fait declarer Roy de Germanie contre le ieune Othon son nepueu par ses complices. Ditmare.

BENOIST septiesme du nom Pape de Rome, mourut, selon Onufrius, ceste année, le dixiesme iour de Iuillet, & eut pour successeur Iean quatorziesme, qui fut esleu le seziemesme iour du mesme mois. Lequel se nommoit auparauant Pierre, estant Euesque de Paue

(comme avec ledit Onufrius tesmoignent les actes du Concile tenu à Reims) l'an neuf cens quatre vingts & douze ; où il est appelé personnage insigne & Apostolique. Neantmoins le Clergé & peuple de Rome furent si mal affectionnez envers luy, qu'aussi tost qu'ils reçurent Boniface cy deuant deietté (qui s'osa ingerer de reuenir à Rome apres le trespas d'Othon) qu'ils ne l'abandonnerent pas tant-seulement, & contraignirent s'enfermer dedans le chasteau saint Ange, mais aussi aiderent audit Boniface à le tirer dehors, & à le mettre en vne cruelle prison : où il le laissa miserablement mourir, apres luy auoir inhumainement creué les yeux : nonobstant qu'il se fust rendu volontairement à luy à fiance.

ABDERRAMEN frere d'Abdemelic, & fils du Roy Almanzor, se comportant mal en sa charge, en fut deietté par les Maures. Ce qui se fit lors que Hissen Ixeca grand Miramolins estoit en la trentetroisieme annee de son regne. Qui fut cause de faire esleuer plusieurs contre luy pour paruenir à son estat. Tellement qu'il en fut en fin debouté par vn Capitaine nommé Zulenja, à l'aide de Dom Sance Comte de Castille : lequel par ce moyen se mit en son lieu. Duquel aussi il en fut quelque mois apres deietté par vn Almohadi, lequel y remit Hissen, qui en fut encore quelque temps apres démis par vn Hali, & ce Hali par vn Calin. Au moyen desquels changements les Sarrazins d'Espagne furent long temps à se guerroyer cruellement les vns les autres, tant que le regne des Miramolins à Cordouë en prist fin. Valæus.

<i>Du Monde.</i>	6022	<i>E. d'Allemagne.</i>	2	<i>R. de Bourgongne.</i>	48
<i>De Iesus Christ.</i>	985	<i>R. des François.</i>	32	<i>R. de Bulgarie.</i>	9
<i>Indiction.</i>	13	<i>R. de Leon.</i>	6	<i>R. de Russie.</i>	13
<i>De l'Hegire 375. le 23. iour</i>		<i>R. de Nauarre.</i>	5	<i>R. de Hongrie.</i>	20
<i>de May.</i>		<i>R. d'Ecosse.</i>	18	<i>R. de Pologne.</i>	21
<i>Papes.</i>	1	<i>R. d'Angleterre.</i>	8		
<i>E. de Grece.</i>	10	<i>Ducs de Venise.</i>	2		

LE Roy Lothaire estant aduertie que l'Empereur Othon party d'Italie, venoit avec grande armee contre luy pour retirer le pays de Lorraine, ou se desiant de ses forces, ou ne se voulant mettre au hazard de la guerre, quitta volontairement ce qu'il auoit pris de Lorraine, & mit en liberté le Comte Godefroy, luy redant sa Comté. Lequel mourut bien tost apres sa restitution, ayant plusieurs enfans nays en legitime mariage : l'un desquels, qui se nommoit Godefroy à la Barbe comme luy, succeda es Comtez d'Ardenne & de Bouillon. A l'occasion desquelles il s'intituloit (comme on dit) Duc Marchis en Lorraine. L'autre appellé Frederic fut Comte de Verdun. Histoire de Lorraine, Rich. de Vvassebourg. Voilà ce que disent Sigebert & les Histoires de Lorraine. Mais puis qu'il n'y a aucun auteur qui ait expressement déclaré que l'Empereur soit venu avec armee en la Lorraine, ne qu'il soit party d'Italie : qui plus est, estant bien certain qu'il n'estoit pas encore bien estably en son Empire : car Henry Duc de Bauiere le tenoit encore entre ses mains, comme declare Ditmare, qui montre qu'il ne le mit en liberté que ceste annee : il n'est pas vray-semblable qu'au seul bruit de sa venue le Roy Lothaire se soit tellement intimidé, qu'il en ait lasché sa prise ; ains plustost que son trespas, qui vint au commencement de l'annee ensuiuant, moyenna la deliurance du Comté. Qui plus est, j'ay quelque opinion que ce tumulte fut suscité par Charles Duc de Lorraine, qui voulut possible faire quelque entreprinse sur le Roiaume de France, pour la haine qu'il portoit à son frere, dont nous auons exposé les causes cy dessus.

HENRY Duc de Bauiere, ayant remis en liberté & entre les mains de sa mere Adelaide le ieune Empereur Othon, fit sa paix ceste annee avec iceluy en la ville de Francfort. Ditmare & la Chronique de Saxe. Selon lesquels aussi Miseco ou Miesco Roy ou Duc de Pologne, se vint au mesme temps presenter à l'Empereur Othon, & se declarer son vassal. Tellement qu'il l'accompagna à deux voyages qu'il fit contre ses ennemis.

LA ville

LA ville de Barcelonne fut prinse ceste annee par les Sarrazins, le premier iour de Juillet, & regaignee sur eux par le Comte Boroello, qui chassa consequemment tous lesdits Sarrazins hors de son pays, & le posseda paisiblement & heureusement iusques à sa mort. Franc. Taraffa.

JEAN quatorze ou quinzième du nom, Pape, mourut en la sorte recitee cy dessus, le seizième iour de Mars, ayant tenu le siege Papal huit mois. Au moyen dequoy son ennemy Boniface se remit en iceluy, par largesse qu'il fit des tresors de l'Eglise qu'il auoit emportez avec luy. Si est-ce qu'il en receut vn bien bref contentement, pource qu'il mourut le vingt & vnième iour de Juillet, faisant place à Jean quinzième du nom, qui fut establi au siege Papal le premier iour d'Aoust. Onufrius estime qu'il fut fils d'un Prestre nommé Leon, & qu'il presida neuf ans, six mois, dix iours. Cōbien que d'autres estiment que ce fut Jean seze ou dixseptième.

<i>Du Monde.</i>	6023	<i>E. d'Allemagne.</i>	3	<i>R. de Bourgongne.</i>	49
<i>De Iesus Christ.</i>	' 986	<i>R. des François.</i>	1	<i>R. de Bulgarie.</i>	10
<i>Indiction.</i>	14	<i>R. de Leon.</i>	7	<i>R. de Russie.</i>	14
<i>De l'Heure 376. le 12.</i>		<i>R. de Nauarre.</i>	6	<i>R. de Hongrie.</i>	31
<i>de May.</i>		<i>R. des Escossois.</i>	19	<i>R. de Pologne.</i>	22
<i>Papes.</i>	1	<i>R. des Anglois.</i>	9		
<i>E. de Grece.</i>	11	<i>Ducs de Venise.</i>	3		

L'EMPEREUR Basile ayant enuie d'auoir la raison des fascheries que Samuel Roy de Bulgarie auoit faictes aux Grecs, s'achemina luy-mesme avec vne armee en la Bulgarie. Mais il en reuint sans rien faire, par l'empeschement qui luy suruint par la malice de l'un de ses Capitaines. Cedrenus. Michael Glyca tesmoigne qu'il se fit en la mesme annee, qui estoit la 6494. de la creation du Monde: selon le compte des Grecs, vn horrible tremblement de terre à Constantinople.

LES Boemiens furent ceste annee subiuguez par l'Empereur Othon, qui mena vne belle & puissante armee contr'eux. Laquelle eust passé outre, si Miseco ou Miellaus Roy de Pologne ne fust venu au deuant de luy avec presents de grande valeur. Lambert Scaffu.

LES Perles pour estre de long temps priuez de leur liberté par les Sarrazins, n'auoient pas neantmoins encore perdu le desir de la recouurer, & de se deffaire de la seruitude desdits Sarrazins. De sorte qu'ils estoient tousiours aux escoutes quād le temps leur enuoyeroit occasion pour ce faire; qui se presenta par vn ieune Chosroé Souldan ou Calife de Babylone, fils & successeur d'un autre Chosroé nouvellement decedé, qui entendoit assez mal au gouuernement de son Empire. A laquelle aussi les Perles & la nation des Achemenides ne faillirent de se reuolter contre luy, souz la conduite d'un nommé Inargus: lequel prenant à son seruice vingt mille Turcs Oriétaux, avec la gendarmerie de son pais, commença la guerre à si bon escient à Chosroé, qu'il gagna beaucoup de belles victoires sur luy: qui le mirent en telle perplexité, qu'estant contrainct de se seruir de tous moyens, tira de ses prisons le Capitaine Bardas, Durus & les autres Grecs qu'il y detenoit, pour se defendre par eux contre ses ennemis. Dont si bien luy prit, qu'ils luy acquerent la victoire, ayant fait mourir Inargus. Mais aussi tost que Phocas eut trouué la clef des champs, il se retira dedans les prouinces de l'Empereur Basile; avec lequel moyen luy vint de refaire la paix apres le trespas de Bardas Phocas: selon que Cedrenus recite. Combien que Ioānes Curopalates estime que cecy aduint souz Chosroé le pere, qui mourut bien tost apres, laissant la succession au ieune Chosroé son fils, enuiron l'Indiction 15. lors que Phocas fut esleu.

LOTHAIRE trentetroisième Roy de France, aagé de quarantecinq ans au plus, mou-

rut en la trentedeuxiesme annee de son regne, qui est à dire qu'il n'estoit pas si aagé ne si plein de iours qu'Aimoinus a escrit. Il se trouue vne epistre de sa femme, à l'Imperatrice Adelehide vefue de l'Empereur Othon premier, qui declare que ce fut le second iour de Mars. En laquelle aussi elle dit que les Princes de France auoient fait serment à elle & à son fils. *Noueritis* (dit-elle) *Francorum Principes mihi ac filio meo sacramento firmasse. In hoc & in reliquis quæ sequenda, quæ vitanda sint, vestro iudicio utemur, ut non solum Emma Regina, sed omnium dicamini mater regnorum.* Et pource elle estoit conseillce de l'aller trouuer, & parlermenter avec luy le dixhuitiesme iour de Iuin prochain, en la compagnie de son fils; c'est à sçauoir Louys, que son pere auoit fait regner avec luy, & pour l'imbecillité de son aage & entendement le recommanda à sa mort, & commit en la garde & protection de Hugues Capet Duc de France (à ce que disent Odorannus & Hugues de Flori) qui estoit si puissant, qu'il se voit vne chartre à saint Cornille de Compiègne, où le Roy Louys dit qu'il l'a fait par le conseil de ce Hugues Duc de France, qui est en tous ses pays & Roiaumes de son obeissance le second apres luy. Il se trouue vn Epitaphe du Roy Lothaire entre les Epistres de Gerbert, qui est tel:

*Cuius ad obsequium coiere Duces: bonus omnis
Quem coluit: sate Caesaribus monumenta doloris
Cæsar Lothari pretendis, luce secunda
Terrifici Martis quod erat conspectus in ostro.*

<i>Du Monde.</i>	6024	<i>E. d'Allemagne.</i>	4	<i>R. de Bourgongne.</i>	50
<i>De Iesus Christ.</i>	987	<i>R. des François.</i>	2	<i>R. de Bulgarie.</i>	11
<i>Indiction.</i>	15	<i>R. de Leon.</i>	8	<i>R. de Russie.</i>	15
<i>De l'hegire 377. le 1. iour</i>		<i>R. de Nauarre.</i>	7	<i>R. de Hongrie.</i>	32
<i>de May.</i>		<i>R. des Escossois.</i>	20	<i>R. de Pologne.</i>	23
<i>Papes.</i>	2	<i>R. des Anglois.</i>	10		
<i>E. de Grece.</i>	12	<i>Ducs de Venise.</i>	4		

PLVSIEURS Princes & Capitaines de Grece, s'estimans auoir esté mesprizez & postposez à d'autres au voyage que l'Empereur auoit fait en la Bulgarie, firent vn monopole ensemble contre luy: par lequel ils creerent & proclamerent Empereur Auguste le Capitaine Bardas Phocas, le quinzième iour d'Aoust, en l'Indiction quinze: & puis se mirent à faire la guerre à l'Empereur Basile, afin de le deieter totalement de l'Empire. Ce que Iean Curopalates estime estre aduenü l'an de la creation du Monde, selon vne supputation des Grecs six mille quatre cens septantequatre: où il fault y auoir du mescompte: d'autant qu'il estime aussi que Phocas fut tué en la seconde Indiction, l'an du Monde 6493. Mais il semble qu'on doit lire au premier 6493. ou 94. & au second 6498.

A v mesme temps l'Empereur Othon retourna derechef avec vne grande armee contre les Boëmiens: laquelle estant entree dedans leur pays, le mena de telle façon, qu'ils furent contraincts de se ranger au poinct que l'Empereur demandoit, qui estoit de se submittre à luy.

LOYS trentequatriesme Roy de France, mourut, (comme plusieurs ont estimé) de mesme façon que son pere, le vingtdeuxiesme iour de Iuin, au quatorzième mois de son regne, par le moyen de sa femme nommee Blanche (ce que Glaber peult faire estimer vray-semblable, qui dit qu'elle l'auoit laissé, l'ayant trouué de peu d'entendement) sans laisser aucuns enfans capables de luy succeder. Odorannus l'a surnommé Fai-neant, pource qu'il n'eut loisir de faire aucune chose memorable à la posterité, pour la briefuete de son regne, ou pour la raison que nous auons alleguee cy dessus de Glaber. Cependant toutesfois, encore que Charles Duc de Lorraine son oncle paternel fust le plus prochain

prochain de droit à luy succéder à la couronne, si est-ce que Hugues Capet fils de Hugues le Blanc Duc de France se rendit partie contre luy, prétendant (comme aucuns ont mis par escrit avec Odorannus) que Louis luy auoit resigné la couronne par son testamēt. Mais tous les autres sont d'avis que sentant la puissance & autorité qu'il auoit en la France, la faueur que luy portoit le peuple & la noblesse François, le mescontentement qu'on auoit de son competeur, qui estoit trop affecté au party des Allemans, ayant comme renoncé à sa patrie en se faisant vassal d'un Prince estrange, & tenu le party d'iceluy contre la France, & ce qu'il fut trop tardif à venir recueillir la succession du Roiaume qui luy estoit escheuë, avec le mal qu'il luy vouloit particulièrement, pource (comme dict le Supplémēt d'Aimoinus) qu'il auoit pris la fille de Herbert Comte de Troyes qui n'estoit pas amy de leur maison, l'inciterent à debatre de la couronne de France contre luy. De sorte que se trouuant suiuy & fauorisé en son entreprinse, alla faire (cōme nous trouuons escrit en aucuns exemplaires non imprimez d'Aimoinus) declarer Roy à Noyon par les Princes, Barons & Prelats de France: & puis oindre & consacrer en la ville de Reims le 7. iour de Iuillet. Où il fit pareillement encore sacrer & couronner Roy comme luy l'aîné de ses fils nommé Robert, enuiron demy an apres, assauoir le premier iour de Ianuier.

Nous auons tesmoignage certain que le peuple, la gendarmerie & tous les Prelats firent serment de fidelité à Capet contre tous, signamment contre Charles de Lorraine, & que les Prelats ne donnerent pas seulement leur serment, mais aussi par escrit signé de leur main. Ce qui me fait estimer que l'election de Capet se fit du contentement volontaire de tous les estats de la France, pour le moins de la plus grāde & meilleure partie, signamment des Princes & Seigneurs qui occupoient les grandes Prouinces du Roiaume: la puissance desquels estoit lors establie en telle grandeur qu'ils pouuoient donner la loy au Roy mesme. De sorte qu'il sembloit que depuis Charles le Simple & auparauant ils n'eussent quasi eu de puissance & autorité, qu'autant & à mesure qu'ils leur en permettoient ou faisoient auoir. Dont il est bien vrai-semblable que Capet n'eust osé aspirer à la couronne cōtre un tel competeur sans leur adueu & consentement volontaire: & si son ennemy pour l'estre obligé & accommodé aux Allemans, & pour auoir esté en faueur d'eux ennemy de son feu frere & de sa patrie, n'eust esté mal au gré des François, qui auoient biē autresfois respondu au Pape Adrian, lors qu'il vouloit defendre au Roy Charles le Chauue d'entreprendre sur le Roiaume de Lorraine: *Nos Francos non iubeat seruire, cui nolumus seruire. Quia istud iugum sui antecessores nostris antecessoribus non imposuerunt. Et nos illud portare non possumus: qui scimus scriptum esse in sanctis libris, ut pro libertate & hereditate nostra usque ad mortem certare debeamus.* Ioinct qu'il n'y a aucun tesmoignage d'Autheur anciē mis en lumiere, qui declare que pas un des plus signalez Princes du Roiaume se soit en ceste controuersie du Roiaume en aucune façon déclaré & formalisé pour Charles contre Capet: sinon d'auātūre que Herbert Comte de Troyes ait eu couuertement intelligence avec luy. Ou mesmes aussi qu'aucun d'eux ait oncques differé de recognoistre Capet pour Roy, excepté possible le Comte de Flandre. Combien que nous declarerons cy apres qu'il ne fault pas du tout croire ce qu'on a escrit. Ains au contraire Glaber declare qu'estans les Rois Lothaire & Louis decedez, la charge du Roiaume tomba sur les bras du Duc Hugues, qui auoit son frere Duc de Bourgongne, lequel s'assemblant avec les autres Princes du Roiaume allerent faire sacrer Roy ledit Hugues. Les paroles de cest Autheur sont: *Mortuis Lothario ac Ludouico Regibus, totius Franciæ regni dispositio incubuit Hugoni Parisiensi Duci. filio videlicet illius Magni Hugonis. Cuius etiam frater nobilissimus Burgundiæ Dux Henricus erat: qui simul cum totius regni primatibus conuenientes prædictum Hugonem in Regem inungi fecerunt.* Autant en dict la Chronique d'Angoulesme, laquelle nous alleguerons cy apres. *Rex Lotharius terminans vitam, filium reliquit Ludouicum, qui vno anno supernixit. Et regnum pro eo accipere voluit Carolus, sed nō potuit: quoniam Dominus meliorem elegit occulto iudicio. Nam Franci inito consilio eum abijciunt, & Hugonem ducem filium Hugonis eligunt.* Dauantage on conuient que Richard fut amy & allié de Capet. Mais Guillaume de Malmesberie s'est abusé, escriuant que Louis Duc d'Aquitaine estoit son beau frere, ayant espousé la sœur de sa femme, qui estoient toutes deux filles de Edouard Roy d'Angleterre. Car il a pris là Capet pour le Grand son pere. D'autant mesmement que la femme de Capet, qui se nommoit Adeleide, dont il auoit son fils Robert, estoit (à ce que dit Hilgandis) issue d'une bonne & noble maison d'Italie. Somme que Hugues Capet paruint en ceste maniere à la couronne de France avec son fils. Les dattes des

chartres & instrumens qui furent faictes souz le Roy Robert, declarerent que ce fut l'an neuf cens quatre vingts huit . Pource qu'elles prennent commencement de son regne en icelle, qui aura duré par ce moien iusques à son trespas l'espace de quarante trois à quarante quatre ans. Mais le Roy Hugues son pere mourut huit ou neuf ans, & enuiron cinq mois apres son couronnement. Combien qu'un Aimoinus non imprimé dict vnze ans. Apres auoir totalement transporté le sceptre de France de la race de Charlemagne en sa personne, à la troisieme lignee des Rois qui l'ont possédé depuis le grand Clouis : encore que sa mere & grande mere fussent du sang dudit Charlemagne. Ce que nous trouuons estre adueni cinq cens trois ans apres le commencement du regne de Clouis, & deux cés trente huit ans apres que Pepin eut vsurpé la couronne. Cependant toutesfois le ieune se departit sans coup frapper : pource que Sigebert & Volucien Historiographe que nous auons, tesmoignent que le Duc Charles debatit & poursuivit fort asprement son droit par armes, l'espace de quatre ans deuant qu'il tombast entre les mains de son ennemy.

<i>Du Monde.</i>	6025	<i>E. d'Allemagne.</i>	5	<i>R. de Bourgongne.</i>	51
<i>De Iesus Christ.</i>	988	<i>R. des François.</i>	1	<i>R. de Bulgarie.</i>	12
<i>Indiction.</i>	15	<i>R. de Leon.</i>	10	<i>R. de Russie.</i>	16
<i>De l'Hegire</i>	378. le 20.	<i>R. de Nauarre.</i>	8	<i>R. de Hongrie.</i>	33
<i>d'Avril.</i>		<i>R. des Escossois.</i>	21	<i>R. de Pologne.</i>	24
<i>Papes.</i>	3	<i>R. des Anglois.</i>	11		
<i>E. de Grece.</i>	13	<i>Ducs de Venise.</i>	5		

HUGUES Capet ne fut pas plustost estably au siege royal de France, que plusieurs de ceux qui l'auoient entierement fauorisé à sa reception, & *quos prius* (comme dict Glaber) *in vniuersis habuerat subditos*, vindrent à le mesconnoistre. Mais comme il estoit vaillant & adroit de sa personne, & accort aussi d'entendement, il ioua si dextremét son personnage enuers eux, qu'il les amena tous à la parfin les vns apres les autres à soy. Car ce fut la principale occasion qui l'incita (tesmoin le mesme Autheur) de se ioindre si tost son fils à la roiauté, afin de les regagner par luy plus aisément, pource qu'il estoit fort aimé & agreable à tous, à cause des bonnes parties qui reluisoient en luy, comme la prudence, pieté enuers Dieu, liberalité & debonnaireté, accompagnées d'un sçauoir non mediocre en ce siecle là, des bonnes lettres & sciences liberales, & d'une douce grace de bien dire. Neantmoins il eut encore affaire grandement contre le Duc Charles, qui amena vne grande armee en France pour recouurer son droit. De sorte qu'il s'épara premierement de la ville de Laon par le moien d'Arnulphe fils naturel du feu Roy Lothaire, qui estoit chanoine de Laon, où auoit quelque office en cest Euesché là. Dont il en est parlé en ceste sorte au 26. ch. des actes du Concile cy apres tenu à Reims. *Arnulphus Remorum Archiepiscopus famosus apostata factus, locum Iude traditoris olim in ecclesia tenet, qui filius quondam Ecclesie Laudunensis cum Episcopum suum fraude deceperit, & Ecclesiam eius persuserit &c.* A quoy aussi se doit rapporter, ce qui est en l'Epistre de Gerbert à l'Empereur Othon, laquelle nous alleguerons cy dessous : *Arnulphus Lotharij Regis' ut fama est) filius, quod suum Episcopum dolo & fraude circumuentum cum propria vrbe captiuauit &c.* Où Hugues le voulut aller assieger avec sa puissance (tesmoin Sigebert) ceste annee. Mais il fit en fin vne si brusque saillie sur luy, qu'il le mist honteusement en route avec toute sa compagnie. A ce que disent Aimoinus & les autres historiens, avec l'Autheur precedent. Parquoy si Arnulphe ou Arnoul le ieune second du nom Côte de Flandre, mourut le treizieme iour de Mars de ceste annee, ainsi que tesmoigne son Epitaphe qui est sur son tombeau, avec Jacques Meier & les autres Chroniqueurs de Flandre, il est bien mal vrai semblable que ce que quelques historiens ont mis en auant soit adueni, escriuans que Hugues luy fit guerre, pource qu'il ne s'estoit pas voulu condescendre à son eslection, ny trouuer à son couronnement : Tellement qu'il luy osta la ville d'Arras avec plusieurs autres places : & luy vouloit encore faire pis sans le Duc Richard de Normandie, à la priere & instance duquel le Roy le receut en sa grace, en luy rendant ce qu'il luy

luy auoit osté, moiennant qu'il le recogneust pour son souuerain. Car si Hugues estoit lors si fort empesché, comme nous venons de monstrier, contre le Duc Lorrain; quel moien & loisir a il peu auoir d'aller assaillir le Flament iusques chez soy? Ioinct qu'il ne se trouue aucune histoire Flamande mise en lumiere faisant mention de ceste guerre. Mais commēt qu'il en soit, on conuient qu'il laissa vn fils nommé Baudouin, qui fut quatriesme de ce nom, & surnommé Belle-barbe. Lequel luy succeda à son estat, & eut (à ce qu'on dit) beaucoup d'affaires en son temps à ranger ceux du Courtrai.

L E O P O D surnommé l'illustre, premier Marquis d'Austriche, mourut, & luy succeda son fils nommé Henry en son Marquisat, qui fut surnommé le Mutin. Ioannes Cuspinian.

Du Monde. 6026	E. d'Allemagne. 6	R. de Bourgongne. 52
De Iesus Christ. 989	R. des François. 2	R. de Bulgarie. 13
Indiction. 2	R. de Leon. 11	R. de Russie. 17
De l'Hegire 379. le 10.	R. de Nauarre. 9	R. de Hongrie. 34
d'Auril.	R. des Escossois. 22	R. de Pologne. 25
Papes. 4	R. des Anglois. 21	
E. de Grece. 14	Ducs de Venise. 6	

L E s forces des Princes rebelles à l'Empereur de Grece assemblees ensemble, rencontrerent deuant la ville d'Abide l'armee de l'Empereur, & la combätirent de telle opiniastreté, que l'issuë en eust esté fort douteuse, si Bardas Phocas n'eust esté mis à mort, qui adiuagea la victoire aux Imperiaux au mois d'Auril en la seconde Indiction. Au moie de quoy l'Empereur s'en retourna victorieux à Constantinople, emmenant avec soy les principaux chefs de ses ennemis. Cedrenus, Ioh. Curop.

C H A R L E S Duc de Lorraine sembloit pour la victoire precedente estre deuenue le plus fort en la campagne. De sorte qu'il alla prendre d'assault le chasteau de Montagu: & puis apres auoir couru & pillé tout le terroir de Soissons & de Reims, s'en retourna comblé de butin à Laon. Sigebert.

E N la mesme année Adalbero Archeuesque de Reims mourut. Au moien de quoy Adalbero Euesque de Laon consacra Arnulphe fils naturel du Roy Lothaire Archeuesque de Reims, du consentement & vouloir du Roy Hugues, qui esperoit par ce benefice le retirer à soy, & le distraire d'avec son ennemy, ou bien vser de luy pour faire quitter volontairement par quelque composition plustost que par armes son entreprinse au Duc Charles. De sorte qu'il prist promesse dudit Arnulphe de sa fidelité par vn grand serment escrit de sa main, & iuré de sa bouche: lequel il fit souscrire par le peuple & par la noblesse du diocese de Reims. Ainsi qu'il est déclaré en l'Epistre de Gerbert à l'Empereur Othon, & au vingtcinquiesme chapitre des actes du Concile de Reims. Le contenu de laquelle Epistre ie veux bien icy inferer pour beaucoup de bonnes occasions, qui est tel: *Arnulphus Regis Lotharij (ut fama est) filius propter quod suum Episcopum dolo & fraude circumuentum cum propria vrbe captiuauit post multum cruorem humani sanguinis à se effusi, post pradas & incendia in conuentu Episcoporum totius Gallie damnatus est. Ac deinde post obitum beatae memoriae Adalberonis à solo Adalberone Episcopo Laudunensi reconciliatus, spe obtinendae pacis metropoli Remorum donatus est, acceptis ab eo terribilibus sacramentis & liberali professione pro fide suis Regibus conseruanda, quam viua voce in conuentu Ecclesiae recitauit, & propria manu subscribendo corroborauit. Nec dum à sua ordinatione sextus mensis elapsus erat, & ecce quasi tempestas urbem ab eo proditam hostis inuasit, sanctuarium domini polluit, spolia diripuit, populum captiuauit. Post haec verò Arnulphus suos predones sub anathemate pascuit, atque ut idem facerent Galliarum Episcopis imperauit. Pradia Ecclesiae quae per sacramentum suis militibus dederat, abstulit, hostibus contulit. Coniuratorum manum contra suum Regem eiusque exercitum in aciem sub signis produxit. Interea legatis & literis synodicis Romanus Pontifex ut Ecclesiae turbatae subueniat, ammonetur. Sed neque legatis neque literis consulentibus consulit. Itaque grauium Episcoporum facto consulto legatis & literis synodicis cum miti ammonitione*

Arnulphus conuentus decem & octo continuis mensibus ut à cæpto furore desisteret, seque à sceleribus proditiōis & rebellioni quibus impetebatur regulariter purgaret, noluit. Sed cum à se maximos nequitia suæ fautores discedere sensit, territus Regem adiit, nouisque sacramentis ac nouis rerum conditionibus regie mensæ particeps factus est. Atque ita Regis ira sedata, omni sese crimine exutum credidit. Indèque mox rediens, fidem sacramentorum rupit conditionibus non seruatus. Atque hi quorum intererat toties se decepti, toties bonis suis priuari agere ferentes, Lauduni arcem occupant. Arnulphus inter hostes Regis inuenitur, Synodo representatur, pro tot tantisque flagitiis rationem reddere deposcitur. Qui diu secum atque cum suis familiaribus multum deliberans, sua sponte in confessionem peccatorum suorum erupit, suisque confessoribus alios testes adhibuit. Crimina sua in libellum retulit, eique à se uiua voce coram Ecclesia recitato subscripsit. Insignia sacerdotij deposuit, eoque se abdicauit confessoribus ac testibus attestantibus & respondentibus, Secundum professionem tuam cissa ab officio.

C E C Y ayant esté escrit au plus grand Monarque de la Chrestienté, & à vn Prince estimé l'un des plus iustes & sages de son siècle avec telle assurance, pour luy faire entendre le cours de la controuersé qui estoit entre Arnulphe & Gerbert, laquelle estoit vne avec celle d'entre Hugues Capet & Charles de Lorraine, ut (comme le même Gerbert auoit escrit deuant ce que nous venons de reciter) *toto genere causæ cognito iudicium diligens haberi possit, cui parti faueat æquitas*: Nous demonstre que ledit Empereur auoit meilleure opinion de la iustice de la cause de Capet, que de celle de Charles: pource que Gerbert ne pouuoit pas ignorer ce qu'il en estimoit: & que de là dependoit le iugement qu'on deuoit faire de la faute d'Arnulphe. A ceste cause il le verra cy apres que Empereur l'appelle en vne sienne Epistre le fils de deception. Au reste Adalbero Eueque de Laon ayant esté pris en icelle ville par Charles de Lorraine, s'estoit eschapé de ses mains, & puis venu rendre à Hugues Capet.

ENVIRON cetemps le Gouverneur que le Calife Elchain auoit laissé pour soy en la Barbarie, se souleua contre luy, rendant honneur & hommage au Calife de Bagadet nommé Eluic: en faueur dequoy il le constitua Roy de toute l'Afrique. De despit dequoy l'autre Calife donna permission & dispense aux Arabes (ce qui leur auoit esté défendu par les Califes precedens) de passer le Nil avec leurs familles & pauillons, & se fourrer dedans l'Afrique: à condition de luy payer vn ducat pour teste, & de faire tout le sanglant pis qu'ils pourroient à ses ennemis, & signamment à son Lieutenant qui l'estoit aliéné de luy. Au moien dequoy dix lignees Arabes sortans de l'Arabie deserte se transporterent en Afrique: & y trouuerent si peu de resistance, qu'ils reduirent grand nombre de villes en leur puissance, mesmement la cité de Cairaran, où l'ennemy le plus recommandé du Calife fut mis à mort. En sorte qu'il ne se trouua plus personne qui les empeschast de se faire Seigneurs de tout le pais, qui demoura souz leur subiectiō iusques au temps que la succession du Roiaume de Maroc escheut à Iuseph premier Roy de Maroc, l'ayant diuisé & departy entr'eux. En telle façon toutesfois qu'il se reseruerent la campagne pour leur demeure. Et imposerēt à chacune cité de gros tributs & subsides: Comme Iean Leon liure 1. de son histoire d'Afrique recite, où il estime que cecy aduint l'an quatre cés de l'Hegire. Mais pource qu'il adioust en son cinquiesme liure enuiron le meime temps la cité de Cairaran fut destruite & ruinee par lesdicts Arabes 350. ans apres la fondation, de sorte que celuy qui l'auoit en son gouvernement prist la fuite deuers le Ponant, où il occupa le Roiaume de Buggie, & subiugua toutes les marches prochaines, cependant toutesfois que vne famille de la lignee demoura dedans Thunes, qui quelque temps apres se mit en possession du domaine de Cairaran, cela nous faict entendre que cecy est aduenu enuiron l'an trois cens quatre vingts de l'Hegire.

Du Monde.	6027	E. d'Allemagne.	7	R. de Bourgogne.	53
De Iesus Christ.	989	R. des François.	3	R. de Bulgarie.	14
Indiction.	3	R. de Leon.	12	R. de Russie.	18
De l'Hegire	380. le 30.	R. de Nauarre.	10	R. de Hongrie.	35
de Mars.		R. des Escossois.	23	R. de Pologne.	26
Papes.	5	R. des Anglois.	22		
E. de Grece.	15	Ducs de Venise.	7		

Le sixième mois apres l'election d'Arnulphe n'estoit expiré, que le Duc Charles se tenant assuré de l'intelligence qu'il auoit avec luy, amena son armee deuant la cité de Reims; & estant entré dedans, par la trahison de l'Archeuesque Arnulphe, qui luy fit ouvrir les portes par vn sien prestre nommé Adalgere, y trouua quelques Seigneurs de Frâce qu'il emmena comme captifs à Laon, avec l'Archeuesque qui vouloit bien estre veu innocent de ceste prinse. De laquelle comme toute la France fust grandement scandalizee à cause du pillage qu'on y auoit fait, les Euesques Diocesains de la prouince de Reims assembles à vn Synode à Senlis, prononcerent vne horrible excommunication contre tous les Autheurs coupables & consentans de ladicte trahison, nommément contre le Prestre Adalgere (qu'on scauoit notoiremēt auoir mis les ennemis dedās la ville) sans toutesfois y nommer l'Archeuesque, pource que son fait n'estoit pas bien encore auéré, & qu'il se faisoit encore detenir comme prisonnier par le Duc Charles, ayant honte d'auoir rompu la foy qu'il auoit promise au Roy Hugues & à son fils, comme il est expressément tesmoigné es actes du Concile tenu à Reims chap. 25. & 26. Et en l'Epistre de Gerbert qui diēt: *Nec dum à sua ordinatione sextus mensis elapsus erat, & ecce tempestas urbem ab eo proditam inuasit hostis* &c. Parquoy ceux-là se sont trompez qui ont estimé que ce fut l'Archeuesque Adalbero qui fut prins dedans Reims & emmené prisonnier à Laon, à cause de ce qu'il est ainsi diēt en la sentence du Concile de Senlis. Mais il faut lire en icelle Arnulphe pour Adalbero.

La cité de Milan estoit en ce temps gouuernée (iuiuant la police que l'Empereur Othon premier y auoit establie) par vn Lieutenant de l'Empereur portant le nom de Duc: & celuy qui exerçoit lors ceste dignité estoit vn Bonicius, lequel, estant l'Archeuesché de Milan vacant, en voulut faire inuestir vn sien fils nommé Landulphe par la faueur de l'Empereur Othon. Mais pource qu'il n'estoit au gré du peuple, vne telle sedition s'en ensuiuit, que plusieurs y furent tuez, nommément le Duc: & furent tous les fils d'iceluy contraincts d'abandonner la ville. Au moien dequoy les citoiens commencerent de se gouuerner d'une nouvelle façon, eslisans pour leur souuerain Magistrat certain nombre de Consuls à la maniere d'aucunes autres villes qui se conduisoient ja de telle façon en Italie. Mais de ceste sedition ne vint pas seulement ce nouveau changement de police, ains aussi vne diuision & dissention entre le peuple & la noblesse, qui a tousiours depuis tenu les Milannois en assez mauuais mesnage entr'eux. Outre ce qu'il a esté cōme vn feu, qui a embrasé par succession de temps les autres villes d'Italie de pareille maladie.

En la mesme année Theophanie mere de l'Empereur Othō troisième deceda au mois de Iuin. Dittmare.

La plus grande partie de la Hongrie fut en ce temps conuertie à la religion Chrestienne, à la poursuite & diligence du Roy Geissa & de sainct Estienne son fils. Abraham.

Les Soudans de Damas, de Tyr, de Tripoli, & de Baruth, informez des guerres civiles qui estoient entre les Grecs, se liguerent ensemble, & firent vne armee, avec laquelle ils assiegerent la cité d'Antioche, qui se trouua si bien munie de gens & de defense, que leur entreprinse reuint à nul effect, encore qu'ils eussent tué le Gouverneur d'icelle nommé Damian en vne escarmouche. Cedrenus.

Du Monde.	6028	E. d. Allemagne.	8	R. de Bourgogne.	14
De Iesus Christ.	991	R. des François.	4	R. de Bulgarie.	15
Indiction.	4	R. de Leon.	13	R. de Russie.	19
De l'Hegire 381. le 19.		R. de Navarre.	11	R. de Hongrie.	36
de Mars.		R. des Escossois.	24	R. de Pologne.	27
Papes.	6	R. des Anglois.	13		
E. de Grece.	16	Ducs de Venise.	8		

La guerre qui depuis quatre ans se demenoit pour la couronne de France entre le Duc Charles de Lorraine & le Roy Hugues, semble seulement par les indices que proposerons, auoir esté acheuée ou à la fin de ceste année, ou plustost au commencement de la

suiuante. Car la Chronique d'Angoulesme tesmoigne que ce fut en la sepmaine deuant Pasques, soit par la mort de Charles qui deteda (comme ont escrit Sigebert & l'Abbé d'Vrsperg, sans faire mention de son emprisonnement en icelle) soit pour la prinse d'iceluy: laquelle aduint (comme Aimoinus, Hugues de Flory & les autres historiens vulgaires de France ont escrit) quand Hugues cognoissant qu'il luy seroit malaisé de venir à bout de son ennemy par force ouuerte, pratiqua Anselin ou Anselme Euesque de Laon de mesme façon comme il auoit pratiqué Arnulfe Archeuesque de Reims. De sorte qu'il le mist avec son armee dedans la ville de Laon, où il fut pris & mené tenir prison à Orleans avec sa femme Anne ou Agnes, fille du Comte Herbert de Troye: laquelle luy fut (à leur dire) si libre & gratieuse, qu'il y engendra deux enfans nommez Charles & Louis. Mais d'autant que Sigebert & l'Abbé d'Vrsperg tesmoignent vnanimement qu'il mourut ceste annee, sans faire mention de sa prinse ny de son emprisonnement, celà m'a fait il y a plus de huiet ans estimer en mon Chronicon de Bourgogne, que par la mort d'iceluy la ville de Laon fut facilement reprise par Capet, & la guerre qui estoit entr'eux pour la couronne terminée: estant Arnulphe Archeuesque de Reims trouué entre les ennemis du Roy à ceste prinse, apres que les Euesques de France l'eurent par l'espace de dixhuiet mois inuité & sollicité à se venir iustifier de la trahison & perfidie dont il estoit accusé. Pource que celuy qui estoit Euesque de Laon en ce temps se nommoit Adalbero, & que ceux qui l'ont nommé autrement, ont aussi escrit plusieurs choses d'Arnulfe Archeuesque de Reims & du Concile de Reims, que nous monstrerons estre notoirement faulces. Tant y a cependât comme nous sommes acertenez par les actes dudiect Concile de Reims, que la ville de Laon estoit ja prise & reduicte en la puissance de Hugues lors qu'il fut assemblé contre Arnulphe, qui en fut amené, n'ayant voulu partir depuis la prinse de Reims. Aussi l'Epistre que le Roy Hugues escriuit vnze mois deuant au Pape Ieā, signifie qu'elle n'estoit pas encore ceste annee au mois de Iuillet ou d'Aoust rendue: d'autant que parlant dudiect Arnulphe qui ne se vouloit venir iustifier au synode de la trahison qu'on luy imputoit: Si ainsi est (dict-il) qu'il soit en la puissance d'autrui, comme il veut qu'on estime, pourquoy cōtrainct-il les bourgeois & gens de guerre (parlant de ceux de Reims) de se parier? Pourquoy se prepare-il à la guerre contre nous? S'il est captif, que ne permet-il qu'on le deliure? Si l'ennemy le detiēt par force, que ne veult-il qu'on luy subuienne? On l'appelle à la cour, & il ne fait compte de venir. Les Archeuesques l'inuitent, & il respond qu'il n'a que faire à eux.

Le Pape toutesfois sembla faire si peu de cas de ces lettres du Roy, qu'il en est escrit entre les actes du mesme Concile chap. 27. en telle sorte. *Sed legatos tantum scripta Romano Pontifici porrexisset, primoque se blandē acceptos esse, postea verò quā Heriberti Comitis legati equum corpore praestantem, nūcū colore insignem, cum aliis muneribus obtulerunt Pontifici, se per triduum ante ianuam Palatii defatigatos nec admissos infecto negotio rediisse.* Cependant si Charles a eu deux fils de la fille du Comte Herbert, qui moururent (comme aucuns ont voulu dire) avec ou bien tost apres luy en la prison d'Orleans, il ne se peut faire, ou qu'il ne les ait engendrez deuant sa captiuité, ou qu'il soit decedé ceste annee, comme a estimé Sigebert. Qui est l'opinion que ie voudrois suiure. Car aiant depuis n'agueres recouré vn ancien fragment de Chronique par le moien de Monsieur de Sauoie Pithou (qui semble auoir esté faite du temps du Roy Robert) escriuant de la prinse de Laon par la trahison de l'Euesque Ascelin, & de l'emprisonnement & decez du Duc Charles à Orleans, ensemble aussi des deux fils qu'il y engendra: en la mesme façō que Hugues de Flory & Aimon l'ont recitee, sinō que elle nomme l'vn des deux fils Hugues, que les autres appellent Charles, m'a contrainct pour son antiquité de me departir de ma premiere opinion pour adherer au tesmoignage d'iceux: d'autant mesmement qu'elle nous aduertit que ces deux fils de Charles ne moururent pas à Orleans avec leur pere (comme aucuns autres ont creu) ains en furent chassés apres le trespas d'iceluy, & contraincts se retirer vers l'Empereur, avec lequel ils habiterēt. Dont nous monstrerōs cy apres que ce sont eux, desquels l'histoire des Lātgraues de Turingie fait mention, & qui nous informe que l'vn d'iceux, à sçauoir Louis, fut fait premier Comte de Turingie, & les descendans d'iceluy Lantgraues d'icelle. Mais pour oster le scrupule qu'a peu apporter la diuersité qui se trouue au nom de celuy qui estoit Euesque de Laon, au temps duquel nous parlons, ie croy que Charles s'estant saisi de la ville de Laon, y mist vn autre Euesque à sa poste, que celuy qui y estoit (qu'on nomme Adalbero) pource qu'il estoit affectionné au Roy Hugues, se nommant le sien Anselme ou Ascelin: leque-

(au rapport

(au rapport d'Aimoin) estoit vn des ses Conseillers. A cause dequoy la mesme Chronique d'Angoulesme dit qu'il trahit & liura son Seigneur entre les mains de son ennemy en la grande sepmaine deuant Pasques, de mesme sorte qu'auoit fait Iudas à nostre Seigneur Iesus Christ. Ce qui ne se peut attribuer à Adalbero, qui estoit lors avec les autres Euesques de France. Tant y a toutesfois qu'il laissa de sa premiere femme nommee Bonne-fille de Godefroy l'ancien Comte d'Ardene, vn fils appelle Othon, qui luy succeda au Duché de Lorraine, & deux filles, l'une dicte Gerberge, qui fut femme de Lambert Comte de Hainault fils de Ragnier: l'autre Hermangarde, qui espousa Aubert Comte de Namur, desquels issit cent ans apres Baudouin Comte de Namur, qui fut pere d'Ysabeau femme du Roy Philippe Auguste. Grandes Chroniques de France, Bernardus Guidonic, Richard de Vassebourg.

LANDULPHE Prince de Beneuent & de Capuë, fut ceste annee cruellement massacré par ses subjects, dedans vn temple où il faisoit ses deuotions. Au moien dequoy son frere Landulphe se declara son heritier & successeur: & pour venger aussi la mort d'iceluy print secours de quelques Comtes & Seigneurs ses voisins, avec lesquels il assiegea la ville de Capua, & pource qu'elle se defendoit opiniaistrement, l'Empereur Othon luy enuoia l'annee ensuiuant vn nouveau renfort de gens souz la conduite de Hugues fils de Sigebert Marquis d'Este: par le moien duquel il contraignit les Capuëns de luy rendre les coupables du meurtre de son pere, desquels il print tel supplice qu'il l'aduisa. Sigonius.

LE Roy d'Angleterre ayant espouse la fille de Richard Duc de Normandie, qui luy auoit engendré beaucoup de beaux enfans, la traitoit mal. Dont le Duc Richard son pere en prist querelle contre le Roy son mary. Lequel ne se voulant laisser brauer par luy, mit sus vne grande armee de mer, laquelle (comme declarent Nangis en sa Chronique, & Thomas de Valsingham) il fit aller descendre en Normandie, avec commandement de gaster & brusler tout le pais, & de luy amener le Duc prisonnier. Mais elle fut lourdement repousee à leur dire. Lors arriua vn Legat de la part du Pape Iean 15. vers les deux Princes pour les mettre d'accord: lequel executa si bien sa charge, que l'Anglois se soumit à vn appoinctement, qui fut receu, accordé, escrit & signé le premier iour de Mars de ceste annee neuf cens quatre vingts vnze, Indiction 4. à Rouën par le Duc Richard. Suiuant lequel l'un & l'autre deuoient demourer en bonne paix sans receuoir aucuns de leurs ennemis ou subjects vers eux: comme il se voit en l'histoire de Guillaume de Malmesberie. Qui nous monstre que les deux precedens se sont abusez aux temps & au fait de ceste guerre, la descriuant autrement, & la rapportant à l'an 1000.

En ce temps Volodimire appelle par Cedrenus Bladimere, Monarque de la Russie, s'estant transporté à Constantinople, espousa la Princesse Anne (selon Ditmare Helene) sœur de l'Empereur de Grece, qui auoit esté promise à l'empereur Othon troisieme, apres s'estre fait baptizer en la religion Chrestienne, & auoir prins au baptesme le nom de Basile, & rendu aussi à l'Empereur ce que ses ancestres auoient prins sur la Grece. De sorte qu'on tient qu'il regna encore depuis cela iusques à son trespas enuiron vingt sept ans. Tesmoin Sigismundus Baro en son liure des Moscouites, & la Chronique de Pologne liure 2. chapitre 3. Theuet a mal compté que cecy aduint l'an quatre cens quatre vingt quinze de la creation du Monde. Mais ce n'est pas la premiere ne la derniere faute qu'il fait en ses supputations.

Du Monde.	6029	E. d'Allemagne.	9	R. de Bourgongne.	55
De Iesus Christ.	992	R. des François.	5	R. de Bulgarie.	16
Indiction.	5	R. de Leon.	14	R. de Russie.	20
Del'Hegire 382. le 8.		R. de Navarre.	12	R. de Hongrie.	37
de Mars.		R. des Escossois.	25	R. de Pologne.	28
Papes.	7	R. des Anglois.	14		
E. de Grece.	17	Ducs de Venise.	9		

GGG

La guerre contre Charles finie, les villes de Reims & de Laon reprinses & reduictes, Hugues tenant en sa puissance l'Archeuesque Arnulphe de Reims, fit assembler vn Synode des Prelats de France à Reims le dixseptiesme iour de Iuin en la 4. Indiction, 9. annee de l'Empereur Othon, & en la 4. aussi comme on a noté de son regne (Combien qu'il semble qu'il faut plustost lire 5.) pour faire le procez audiect Arnulphe qu'on accusoit d'auoir trahy la ville de Reims aux ennemis du Roy, en contreuenant à la promesse & au serment scellé de son signet qu'il luy auoit faict de luy estre à iamais fidele & loyal, sans prester aide, faueur, ne secours, ny de faict ny de conseil à aucun de ses ennemis contre luy. De sorte que l'ayans conuaincu par sa confession propre de ceste accusation, le deposèrent de sa dignité, & substituerent en son lieu Gislebert ou Gerbert natif d'Aquitaine, cy deuant Prestre de l'Eglise de Reims, qui lors estoit precepteur du Roy Robert, & le fut depuis de l'Empereur Othon, homme de grande erudition & sçauoir, mesmement es sciences Philosophiques, Geometrie & mathematiques (qui aussi luy firét possible auoir le bruit à tort d'auoir grandement pratiqué les sciences reprouuees de Magie, & d'estre cy apres paruenue par le moien d'icelles au Papat) encore que Seguin Archeuesque de Sens eust grandement debatue par les constitutions & traditions Papales, que ceste condamnation ne pouuoit estre vallable sans le consentemēt & autorité du siege Romain, à qui la cognoissance de telles causes appartenoit. Mais Arnulphe Euesque d'Orleans (qui auoit lors le renom du plus eloquent & mieux aduisé des Euesques de France) remonstra fort grauement & eloquemment par plusieurs raisons & argumens, mesmement par les anciennes coustumes des Eglises, par les decrets & statuts des autres Conciles, nommémēt du 6. de Carthage, & par le tesmoignage des anciens Peres, qu'il n'y auoit point de raison d'attendre la sentence du Pape en ceste cause & que *ab eo responsa petere* (Ce sont les propres mots) *Marmora consulere est*. Adioustant, *Certe in Belgica & Germania quæ vicinæ nobis sunt, summos sacerdotes Dei in religione admodum præstantes inueniri in hoc sacro conuentu testes quidam sunt. Proinde si Regum dissidentium animositatis non prohiberet, inde magis Episcoporum iudicium petendum fore videtur, &c.* Ce qui se peut voir plus amplemēt es actes dudiect Concile, qui furent redigez en escrit par Gerbert mesme, qui fut cy apres Pape. Que nous n'auons voulu plus particulierement extraire pour euitier plus grande prolixité. Lesquels cependant nous informēt qu'il est faulxement escrit en Aimoinus qu'Arnulfe fut depose pource qu'il estoit bastard, & que le Roy Hugues luy dressa ceste partie pour l'enuie qu'il auoit d'exterminer toute la race du Roy Lothaire: veu que luy-mesme l'auoit faict Archeuesque de Reims: & qu'il ne s'est point escrit qu'il ait faict aucune fascherie à Bruno Euesque de Langres, ny à Gotesman Euesque d'Amiens pour estre nepueu du mesme Roy Lothaire. Lesquels mesmes se monstrent des plus aigres enuers Arnulfe en sa cause. De pareil alloi est ce qu'il dict, que Seguin Archeuesque de Sens ne voulut aucunement souzsigner à la condamnation & deposition d'iceluy. Combien que ie ne nye pas qu'il n'ait grandement battu qu'elle ne se deuoit faire souz l'autorité du Pape. Lequel semblablement semble auoit esté incité pour ceste cause d'excommunier tous ceux qui auoient souzscrit à la conclusion de ce Concile. S'il est vray qu'il l'ait faict (ainsi que dit ledit Autheur) il la faict annuller par vn autre, plustost que pour le tort faict au condāné. Dont i'accorderay tāt plus difficilement aux autres, qui ont estimé que le Roy Hugues le fit emprisonner à Orleans avec l'autre. Car s'il n'osa pas chastier de sa propre autorité sinon par le iugement des Euesques celuy qui l'auoit en tant de sortes offensé, il n'est pas croiable qu'il ait osé attenter sur l'autre sans autre occasion, & sans le iugement des Euesques. Ioint mesmement qu'il luy estoit lors expedient de fermer les yeux à beaucoup de choses, pour mieux confermer & establir son estat. De sorte qu'il fut aussi contrainct de laisser non par quelque permissiō écrite ou verbale, ains seulement par tolerance tenir à vn chacun ce qu'il possedoit ja de fief de la couronne de France, à tel droit que luy-mesme l'auoit occupee. Signamment de reconnoistre les grands Princes ou Primats & Potentats: assauior ceux qui estoient en possession des grands fiefs Royaux, comme des Duchez & Comtez, comme ses pairs & esgaux: horsmis le serment de fidelité qu'ils demourerent tenuz de luy prester. Dont est possible procedee par succession de temps la nomination des Pairs, qui n'ont esté que six militaires pour les raisons exposees cy deuant. D'autant que Hugues reünit & reincorpora la Duché de France au domaine royal, qui en auoit esté desmembree par ses ancestres. De sorte que la cité de Paris recommença par luy d'estre cité roiale, qui auoit auparavant

auparavant cessé de l'estre : encore que Glaber dise que la ville d'Orléans fut du temps de Capet la cité royale, où il faisoit plus sa résidence, à cause de la beauté & fertilité du terroir d'icelle: Ce qui donne aussi à entendre pourquoy ny les Ducs d'Anjou ny d'Orléans, ny de Chartres ou de Tours, n'ont iamais esté mis au rang & nombre des Pairs, d'autant qu'ils dependoient de la Duché de France.

LA cité de Brandebourg fut ceste année assiégée par l'Empereur Othon. Constantin Phrigo.

ENVIRON le même temps les peuples de la coste de l'Esclavonie, Istrie, & Liburnie estans incessamment molestés des brigandages & voleries que les Narantins faisoient sur eux, se mirent en la protection & obéissance des Venitiens : à condition d'estre maintenus par eux en sécurité & liberté contre leurs ennemis. Pour raisou dequoy les Venitiens commencerent la guerre ausdits Narantins : de laquelle leur Duc Orselin eut la conduite, qui s'en acquitta si heureusement à l'avantage & augmentation de l'Empire de la republique, qu'il fit en fin recevoir la loy de luy à ses ennemis, & se rendre tributaires des Venitiens, après leur avoir fait renoncer à la maîtrise de la mer, pour laquelle ils avoient combattu entr'eux l'espace de 170. ans, selon que recite Sabellic sans spécifier l'année où cela est advenu.

MIESLAVS appelé par Ditmare Miseco premier Roy Chrestien de Pologne, deceda (au rapport d'iceluy, que ie croy plus volontiers que les autres, parce qu'il vivoit lors) ceste année, qui estoit aussi la neuvième de l'Empereur Othon, laissant trois fils, Miseco, Suentopule & Boleslaus : qui partagerent son Roiaume entr'eux. Mais Boleslaus fit en fin la petite part à ses freres, attirant le tout à soy. Tellement qu'il est compté par les Historiens de Pologne pour le successeur de son pere, luy donnant le surnom de Chabri avec vingt-cinq ans de son regne. Mais si son pere mourut ceste année, il luy en faut attribuer trente trois.

Du Monde.	6030	E. d'Allemagne.	10	R. de Bourgogne.	3
De Iesus Christ.	993	R. des François.	56	R. de Bulgarie.	16
Indiction.	6	R. de Leon.	15	R. de Russie.	21
De l'Hegire	383. le 25.	R. de Navarre.	13	R. de Hongrie.	38
de Février.		R. des Escossois.	24	R. de Pologne.	2
Papes.	8	R. des Anglois.	15		
E. de Grece.	18	Ducs de Venise.	10		

CONRAD Roy de la Bourgogne Transjurane mourut (selon que nous trouvons écrit en aucuns anciens memoires de l'Eglise de Lorraine) ceste année. Ce que nous interpretons de la fin d'icelle: pource qu'ils tesmoignent encore avec Herman Contract & les memoires du Dauphiné faites par Thomassin, qu'il laissa vn fils unique nommé Rodolfe, à qui le surnom d'Ignauc ou de Faineant fut donné. (Quoy que Lazius estime faulxement qu'il fut fils d'un autre Rodolfe dict le Saint) qui commença de regner l'an neuf cés quatre vingts quatorze après luy. A quoy aussi se rapporte la souscription d'aucunes chartres qui sont mentionnées par ledit Thomassin, datées des vingt & trentième années du regne d'iceluy, & des 1013. & 123. de nostre salut. Ensemble aussi d'une dont j'ay veu ailleurs l'original, qui est de la 19. d'iceluy, & de la 1011. de l'Incarnation de l'Indiction 5. & du vingt-cinquième iour d'Aoust: où il se dict fils de Conrad, ayant trois sœurs: l'une nommée Berthe, qui fut femme d'Othon ou Eudes dict le Champenois Comte de Chartres: & l'autre Gisele ou Gisle, qui fut femme de Héry le Mutin Duc de Bauier, & mere de l'Empereur Héry 2. La dernière Garpyrge ou selon la genealogie de S. Arnoul, Guepa, mariée à vn Herman Duc de Suabe, dont il eut Gisele, qui fut en premières nopces femme d'Ernest Duc de Suabe: & en secondes de Conrad surnommé Saligne qui fut cy après Empereur. La genealogie de S. Arnoul adioute encore à icelles une Mathilde qui fut mere d'Arnoul Comte de Flandres. Lesquelles son pere avoit eues, & luy aussi, tesmoin Glaber & la Chronique de saint Benigne, de la Princesse Mathilde sœur du feu Roy Lothaire. Mais quant à luy il succeda à tous les tiltres & estats de son pere, sous lesquels non seulement

GGG ij

la Bourgongne Transjurane & vne partie de la franche Comté, mais aussi tout le Roiaume d'Arles, qui contenoit toute la Prouence, le Dauphiné & le Lionnois estoient compris & nommez. Combien que ie ne suis pas encore bien liquidement informé, ne quand, ne à quel tiltre ces deux roiaumes furent vniz & incorporez ensemble souz le Roy Conrard : d'autant qu'il ne semble pas qu'il ait eu aucun droit en la Prouence deuant le Roy Hugues, ny en la Vienne sinon depuis Charles Constantin, qui semble mesmement l'auoir tenu en fidelité de la couronne de France, souz les Rois Rodolfe, Louis d'Outremer & Lothaire. Si ce n'est que l'une & l'autre luy soient aduenues apres le trespas de tous deux, ou en vertu du traicté que le Roy Hugues fit avec le Roy Rodolfe second l'an neuf cens vingt-neuf. Ou bien que ledict Hugues luy-mesme apres auoir perdu son fils unique en Italie, & n'ayant plus aucun heritier de son corps luy ait resigné tous ses droits apres sa mort, en faueur de ce qu'il estoit son beau-fils, ayant espousé la Roine Berthe mere d'iceluy en secondes nopces. A quoy l'Empereur Othon eust aussi adiousté son autorité, en consideration de leur alliance. Ou bien que la Princesse Mathilde sa femme luy ait porté en dot la principauté de Vienne aussi bien que de Lyon.

ENVIRON la mesme année moururent Eudes ou Eudon & Eon, surnommé le Champenois, fils de Thibault le Trichard Comte de Tours, Chartres, Blois, & Beauuois, laissant vn fils de mesme nom que luy, qu'il auoit eu de Berthe fille de Conrard pere dudict Rodolfe, qui luy succeda à ses estats : & Herbert ou Heribert son oncle, Comte de Troyes & Meaux, qui rendit l'esprit le vingtsixiesme iour de Decembre, laissant vn fils nommé Estienne, qui fut ses Comtes apres luy. Glabert tesmoigne qu'ils auoient esté les plus aduersaires & contraires que Hugues & Robert ayent point eu : quoy qu'eux & leur pere Thibault eussent eu leurs principaux aduancemens & honneurs par Capet & par son pere. Glaber adioute qu'au mesme temps que ceux-là, mourut vn Marquis d'Italie nommé Hugues, qu'il appelle *Marchionum optimum*. Ie ne sçay si c'estoit le Marquis d'Este.

BORRELO Comte de Barcelonne mourut, laissant deux fils : l'aîné nommé Regnault Borrello, qui tint sa Comté apres luy l'espace de vingt-quatre ans. L'autre Ermangault fut Comte de Vigelle. Franc. Taraffa. De cest Ermangaut Glaber fait mention.

VN puissant Seigneur Maure nommé Mahomet se rebellant contre Culema ou Zulema usurpateur du Roiaume de Cordouë, luy osta la ville de Tolette, qu'il remit en Roiaume, établissant son siege roial en icelle enuiron 150. ans apres qu'elle eut esté soumise aux Miramolins de Cordouë. Et puis pour se preualoir contre les forces de Culema s'allia des Rois Chrestiens d'Espagne. A l'aide desquels toutesfois le mesme Culema fit la guerre bien tost apres audit Mahomet : & l'ayant vaincu, se remit en son siege, duquel il auoit esté dejeté par iceluy, qui y auoit restitué Hifem. Hist. d'Espagne.

LES Russiens firent en ce temps la guerre aux Polonois, estans entrez avec grande armée dedans leur païs. Chronique de Pologne.

Du Monde.	6031	E. d'Allemagne.	11	R. de Bourgongne.	1
De Iesus Christ.	994	R. des François.	7	R. de Bulgarie.	17
Indiction.	7	R. de Leon.	16	R. de Russie.	22
De l'Hegire 384. le 14.		R. de Navarre.	14	R. de Hongrie.	39
de Feurier.		R. des Escossois.	1	R. de Pologne.	3
Papes.	9	R. des Anglois.	16		
E. de Grece.	19	Ducs de Venise.	10		

L'VN des plus puissans citoyens de Rome nommé Crescentius estant fait Consul de la cité par les Romains, tenoit toute la dominatiō d'icelle en sa main : & pource qu'il estoit mal affecté à l'Empereur, il s'efforçoit par tous moiens d'induire les Italiens à se rebeller contre luy, pour se remettre (comme il songeoit) en leur ancienne liberté, & pour faire reuenir l'Empire d'Italie à eux, ainsi qu'il en estoit party. Ce que le Pape Iean ne peut dissimuler. A cause dequoy il se retira de la ville en la Toscane, d'où il sollicita l'Empereur qui estoit

estoit lors en Allemagne, par messages de venir remedier aux affaires d'Italie. Cependant Crescentius esperant amander son marché, le pria de retourner à Rome: ce qu'il fit. Mais l'Empereur ne laissa pourtant de poursuivre son voyage d'Italie. Blondus, Sabellic.

D'AUTANT mesmes qu'il y estoit appelé d'ailleurs, assauior par Landulfe Archeuef-que de Milan lequel ayant mis sus vne grande armee pour contraindre les Milannois de le receuoir, auoit esté lourdement vaincu & mis en routte par eux en vne bataille qu'il leur auoit donnee. Dont force luy estoit d'aller à refuge vers l'Empereur.

KEMNETHE ou Kenede Roy d'Escoffe, aiant enuie que son fils Malcome succedast à la couronne d'Escoffe apres luy, voulut faire casser la loy, par laquelle nul n'estoit habile, à succeder au Roiaume, qui ne fust en aage competant de gouverner. Mais si les enfans du Roy qui decedoit, estoient encore en bas aage, le plus proche du sang apres eux prenoit le Roiaume. A cause dequoy ceux qui auoient interest en ceste loy, luy sceurent si mauuais gré de ceste entreprinse, qu'ils trouuerent moien de le faire mettre à mort par la Comtesse Auguste sa parente nommee Fercella, qu'on estimoit estre forciera, en la 25. annee de son regne. Au moien dequoy Constantin le Chauue, fils du feu Roy Culme ou Culen, se declara Roy suiuant la coustume ancienne, sans attendre le consentement des estats d'Escoffe. Occasion pourquoy ils luy susciterent pour competeur son oncle Kenede & Malcolme Duc de Combrie, fils aîné du feu Roy Kenede. Ce nonobstât on tient qu'il regna malgré eux l'espace de 18. mois. Lesquels Ioannes Maior & Buchanan commencent ceste annee.

HERIGERVS Abbé de S. Lob composa en ce temps vn traité du corps & du sang de nostre Seigneur avec certains autres: dont l'un estoit intitulé de la dissonance de l'Eglise. Vn autre de l'office diuin. Aimonius moine de l'Abbaye de saint Benoist sur Loire viuoit au mesme temps, lequel composa vn liure des miracles dudit saint Benoist avec Albo son Abbé qui a escrit du Cicle Paschal. Tritemius.

ODILO fut enuiron le mesme temps fait Abbé de Clugny apres Maiolus, qui s'estoit entremis de remettre la reigle de S. Benoist en son entier.

<i>Du Monde.</i>	6032	<i>E. d'Allemagne.</i>	12	<i>R. de Bourgogne.</i>	52
<i>De Iesus Christ.</i>	995	<i>R. des François.</i>	8	<i>R. de Bulgarie.</i>	18
<i>Indiction.</i>	8	<i>R. de Leon.</i>	17	<i>R. de Russie.</i>	23
<i>De l'Heure 385. le 3.</i>		<i>R. de Nauarre.</i>	13	<i>R. de Hongrie.</i>	40
<i>de Feurier.</i>		<i>R. des Escossois.</i>	2	<i>R. de Pologne.</i>	4
<i>Papes.</i>	1	<i>R. des Anglois.</i>	17		
<i>E. de Grece.</i>	20	<i>Ducs de Venise.</i>	11		

LE Pape Iean auoit tellement à cœur la deposition d'Arnulphe cy deuant Archeuef-que de Reims, pource qu'elle auoit esté faite sans son consentemēt & autorité, dont elle sembloit d'autant mesprisee & abaissée, qu'il n'auoit cessé depuis de tenter tous moies pour en auoir sa raison par autres Synodes & Conciles: tellement qu'il en auoit fait premiere-ment assigner vn à Aix la Chappelle pour y attirer les Euesques de France. Mais d'autant que c'estoit hors de leur fumier, aucun d'eux n'y voulut comparoir, nomplus qu'à Rome, où il les voulut aussi appeller, à cause cōme i'estime que le lieu & le iuge leur estoit suspect. Parquoy il fauifa de le denoncer à la ville de Moson, qui est au pais de Lorraine. Pource qu'elle est du diocese de la prouince de Reims. Neantmoins pour quelle occasion que ce soit, aucun n'y alla que Gerbert seul de la France. Mais la pluspart des Prelats de Lorraine & de la basse Germanie s'y trouuerent avec vn grand nombre d'Abbez d'Italie qui y accompagnerent vn Leon Abbé de S. Boniface de Rome delegué par le Pape Iean pour tenir son lieu en ceste assemblee, qui se tint le second iour de Iuin: où Gerbert exposa & defendit fort amplemēt sa cause par vne grande harangue, qui pour se voir imprimee me gardera d'en dire dauantage, sinon que ce fut son principal but de faire entendre que les Euesques de France n'auoient procedé au fait de sa partie aduersē & au sien que suiuant

GGG iij

les constitutions canoniques & decrets des Papes precedens: & qu'il n'y auoit point eu de leur faute, ayans passé outre sans attendre le consentement du Pape Iean present. Pource qu'eux & le Roy Hugues auoient fait leur deuoir de l'en aduertir & solliciter de faire son office. Qui toutesfois auoit fait le sourd à toutes leurs lettres, sans vouloir seulement voir ny ouyr leurs Ambassadeurs. Ce nonobstant apres qu'un Euesque nommé Aimon eut recité les lettres du Pape Iean à ce Synode, & exposé en langue Françoisse vulgaire les causes qui auoient iceluy esmeu à le faire assembler: qui estoient afin d'estre informé par son vicaire de la verité & iustice de la controuersie d'entre Arnulfe & Gerbert, sans vser d'aucune autre procedure, fut aduisé au conseil (auquel le Comte Godefroy assista, que l'estime celuy qu'on appelloit lors Côte de Verdun) qu'un autre Synode seroit celebré à Reims le premier iour du mois de Iuillet ensuiuant. Et que pour cest effect un des moines du Legat Leon nommé Iean iroit vers les Rois de France. Et que pendant ce terme il seroit interdict à Gerbert de faire l'office diuin. Dont il se trouua si mal edifié, qu'il dist au Legat sur le champ: *Non esse in potestate cuiusquam Episcopi & Patriarchæ & Apostolici quemquam fidelium à communione remouere, nisi sponte confessum & conuictum, & ad concilium venire nolentem. Sibi autem nihil ob stare horum: quippe qui ne confessus, nec conuictus, & qui solus de Gallia ad concilium venerit.*

NEANTMOINS Lodulfe Archeuesque de Treues l'admonesta si gracieusement, qu'il l'accorda de patienter iusques alors. Tellement qu'il se retira de là vers l'Empereur Othon en Allemagne, en attendant l'issuë du Concile assigné: où les Euesques de France redirent raison de la procedure faite contre Arnulfe par vne harangue prononcée en leur nom, qui touchoient les mesmes poincts qu'auoit fait Gerbert en la sienne. Laquelle toutesfois eut si peu d'effect, que le legat obtint par ses raisons qu'Arnulfe seroit remis en son siege, & Gerbert depose, dont il fit de grandes querimonies, entre lesquelles se voit entre les Epistres d'iceluy celle qui s'en suit.

ET nunc quidem mala pro bonis contribuantur ab eis, quos pacis amatores, innocentium protectores, impiorum propugnatores existimabimus, pressa iacet tyrannide omnis Gallorum ecclesia. Atqui non à Gallis, sed ab iis quos sperabamus. Sed vana salus hominis. Tua est Christe salus, ipsa Roma omnium Ecclesiarum hætenus habita mater bonis maledicere, malis benedicere fertur, & quibus nec aue minimè dicendum est, communicare, tuamque legem zelantes damnare, abutens ligandi atque soluendi potestate à te accepta, apud te non sententia sacerdotum, sed reorum vita quaratur: nec possit esse hominis impium iustificare, iustumque damnare.

OR nous auons dict que durant ceste interdiction Gerbert s'estoit retiré vers l'Empereur en Allemagne. Mais ce qui nous le fait croire est Glaber qui le dit en vne de ses Epistres audit Empereur: en laquelle il traite fort doctement vne question Dialectique, assauoir si vser de raison est chose plus vniuerselle qu'estre capable de raison. Pource qu'il écrit ce qui s'en suit au commencement & à la fin d'icelle Epistre.

DOMINO & glorioso Othoni Casari semper Aug. Romanorum Imperatori, Gerbertus Episcopus debita seruitutis obsequium. Cum feruentioris in Germania anni tempore demoraremur Imperialibus adstricti obsequiis, ut semper sumus semperque erimus, nescio quid arcani diuina mens vestra secum tacite retractans, motus animi in verba resoluit, & quæ ab Aristotele summiisque viris difficilissimis erant descripta sententiis in medium protulit, ut mirum foret inter bellorum discrimina, quæ contra Sarmatas parabantur, aliquid mortalium hos mentis recessus habere potuisse: à quibus tam subtilia, tam præclara velut quidam riuus à purissimo fonte profluerent. Meministi enim & meminisse possumus, affuisse tunc multos nobiles scholasticos & eruditos, inter quos nonnulli aderant Episcopi sapientia præclari & eloquentia insignes. Eorum tamen vidimus neminem qui earum questionum vllam dignè explicuerit. Quod quidem nimis ab usu remota nec dubitationem ante habuerint, & quædam sæpenu-mero ventilata dissolui non potuerint. Vestra itaque diuina prudentia ignorantiam sacro Palatio indignam iudicans, ea quæ de rationali & ratione vti diuerso modo à diuersis obiectabantur, me discutere imperauit. Quod quidem tunc & langor corporis & grauiora distulerunt negotia, nunc secunda valetudine reddita inter reipublicæ & priuatas curas in hoc ipso itinere Italico positus comæque obsequio futurus, quæ de hac questione cœcepi breuiter describere, ne sacræ Palatii torpuisse putet Italia, & ne se solum iactet Græcia in Imperiali Philosophia & Romana potentia, nostrum est Romanum Imperium. Dant vires ferax frugum Italia, & ferax militum Gallia & Germania, nec Scythia desunt nobis fortissima regna. Noster es Casar, Romanorum Imperator & Aug. qui summo Græcorum sanguine ortus

Græcos

Græcos Imperio superas, Romanis hereditario iure imperas, utrosque ingenio & eloquio præuenis. Puis sur la fin : *Hæc generositas ; hæc vestri animi prudentia subtilius intellexisse visa est, cum me remotum vixque solo nomine cognitum fidi interpretis dulci alloquio recreastis. Mea cōmoda & incommoda exponi vobis curastis, eoque præstanti officio palàm fecistis, cui & quanto Heluetia sacerdoti pareat. Depoſam igitur apud tanti iudicis aures moderni temporis malorum materiam, quidve diſſidentes cōueniat, quidve in controuerſia ſit : ut toto genere cauſæ cognitio iudicium diligens haberi poſſit, cui parti faueat æquitas, &c.* Le reſte de l'Epître eſt ce que nous auons allegué cy deſſus.

La prolixité que ie me ſuis propoſé d'euter en ceſt œuure, ne m'a peu empêcher d'inſerer en ce lieu les eſchantillons de la lettre prementionnée, non tant pour le poinct que j'auois propoſé de prouuer par icelle, que pour pluſieurs autres fort remarquables qui ſe pourroient malaiſément apprendre d'ailleurs, dont il m'a ſemblé qu'ils ne deſplairoient aux Lecteurs diligents & curieux. Tant-y-a que nous ſommes aſſez informez par iceux que Gerbert au partir du Synode de Moſon, ſe retira en Allemagne vers l'Empereur Othon, lequel il ſuiuit auſſi de là en Italie, où les Eueſques de France & la Roine Adelarde luy eſcriuirent pour le faire reuenir en ſon Eueſché, luy ſignifiants toutesſois quelques conditions qui ne luy furent agreables : leſquelles pourroient eſtre celles qui auoient eſté ordōnées au Synode de Reims : ainſi qu'il ſe voit par la reſponſe qu'il leur fit, que j'adiouſte icy toute entiere, pour d'autres non moins grandes conſiderations que les precedentes. Entr'autres, pource qu'elle ſemble faire paroître que lors qu'elle fut eſcrite, Hugues Capet eſtoit decedé : d'autant qu'il ne fait mention de luy en icelle. Ce qu'il n'eût fait autrement, lors qu'il ſe met ſi auât en propos du Roy Robert ſon fils. Et ſi dōne auſſi à entendre quel chemin le Legat & ſes aduerſaires vouloient tenir pour faire remettre Arnulfe en ſon lieu. Outre ce qu'elle nous dōnera occaſiō d'expoſer quel fut le nouueau mariage du Roy Robert, & de contempler la conformité d'eſtudes & de mœurs qui eſtoient entre luy & l'Empereur Othon. Voicy ce qu'elle contient :

Domine & glorioſæ Adelardi Regina ſemper Auguſtæ Gerbertus Dei Gratia Rhemenſis Episcopus, & omnibus ſuis coepiscopis Rhemorum dioceſeos bene valere in Chriſto. Vreſtri nominis læta principia prætulit, monita ſalubria habuit, ſed triſti ſine concluſa. Suauem quippe animi vreſtri affectum circa me oſtendit : ut ad propriâ ſedem reditum maturarem admonuit. Sed quid ſibi voluit tam acerba concluſio? Ita enim ſe habet. Cognoscite quia ſi modo huiusce monita parui pendimus, utemur noſtrorum & rebuſ & conſiliis abſque crimine noſtri. Me vrbi Rhemorum præſidente quando non licuit, licet & licebit uti & conſiliis & rebuſ mihi commiſſis? An melius licuit Arnulfo eam obtinente? Sed ille eam vobis dolo & fraude abſtulit. Ego contra multorum dolos & fraudes vobis eam multis vigiliis, multoque labore conſeruauui. Mirum nimis eſt vos vreſtrorum hoſtium non ſentire inſidias. Qui enim Arnulfum ad regni vreſtri conſuſionem reſtituere quærunt : nec ſibi hoc tutum fore putant, niſi prius me qualibet occaſione perdunt. Quod multum veriſimile eſſe duplici capimus argumēto : & quia me Rhemis nuper poſito eum abſoluere decreuiſtis : & quia Leo Romanus Abbas ut abſoluatur, obtinuit ad cōfirmandum ſenioris mei Roberti Regis coniugium, ut mihi à Rhemenſibus per literas ſignificatum eſt. Accedit ad hoc diſcrimen fides à præſentibus certè à Geburno peruſa. Inſinitus credo villarum numerus erat, nec ad poſſidendum ſufficere poterant Rhemenſes, niſi ad Colonias obtinendas inuitarentur Catalaunenſes. Quid ergo ſi Arnulfus abſoluendus eſt, vel ſi G. aut alius quilibet in mea ſede intronizandus eſt, reditum ſine capitis mei periculo non eſt intelligere. Quod ita eſſe ſi vos minus, aduertere nō debeo. Noui enim ſtudia vreſtra omnibus mortalibus prædicanda. Noui animi vreſtri dulciſſimos affectus circa me, quibus ſi reſpondere nequeo meritis, reſpondebo votis. Quocirca ut mea vobis minus ingeram, deque me omnino taceam, quem diuina gratia periculorum immenſitate liberat, & in quantum ad me ſolum attinet, in omni felicitàte diſponit & conſeruât. Per terribile nomen omnipotentis Dei oro & deprecor, ut Rhemenſi Eccleſiæ deſolatæ & attritæ ſi quolibet modo valeatis, ſubueniatis. Quæ quoniam Regni Francorū eſt caput, ſi deperierit, ut membra ſequantur neceſſe eſt. At quomodo nō deperierit, quæ ſub nomine duorum (quasi inter malleum & incudem diſpoſita, dum eorum neutrum rectorē approbat velut inter undas maris ſine remige fluctuat. Quid porro fieri putatis, ſi tertius ſine iudicio Eccleſiæ ad numerum acceſſerit? Neque verò hæc loquor quasi augur aut diuinus. Memini etiam meos conſpiſſe non ſolum milites, ſed etiam clericos, ut nemo mecum comederet, neque ſacris intereſſet. Taceo de vilitate atque contemptu : nihil dico de grauiffimis iniuriis ſæpè mihi à pluribus illatis. Ad hæc ut redeam prouocatis, & ut grauiora patiar minas ſuperaddit epistoſa. Quid ô diuina maietas adeo me inſatuatum & à te abalienatum putant, ut & gladios imminentes non videam, & Eccleſiam tuam ſchiſmate confundam? Ego verò & improborum verſutias acutè conſpicio, & contra omnia ſchiſmata vnitatem Eccleſiæ, ſi

GGG iiij

sic decretum est, morte mea defendo. Peto ergo ô Domina semper Augusta, item à fratribus meis qui pro causa traditoris Arnulfi siue iuste siue iniuste sub anathemate positi sunt, ut me iudicium Ecclesiæ expectantem patienter ferant. Neque enim Ecclesiam quam Episcoporum iudicio regendam accepi, sine Episcoporum iudicio relinquere volo. Nec rursus contra Episcoporum iudicium, ubi maior auctoritas adsit, eam quasi per vim retinere dispono. Quæ iudicia dum expecto, exilium quod à multis fœlix putatur, nō sine multo dolore tolero. Occurrit enim senioris mei Regis Roberti clara facies, lætus aspectus, usitata colloquia, sermones vestri sapientia & gravitate pleni. Tum Principum & Episcoporum gratia, affabilitas: quæ dum mihi eripiuntur, ipsa quodammodo vita onerosa. Sola mihi solatio est clarissimi Cæsaris Othonis pietas, benevolentia, liberalitas: qui tanto amore vos vestraque diligit, ut dies noctesque mecum sermonem conferat, ubi & quando vos familiariter videre possit. Coænum sibi & studiis cōsimilem senio rem meum & eum Robertum alloqui & amplexari. Si ergo Romanum iter quod causa plurimum Synodi me detinet, hoc tempore dilapsus fuerit; circa Nouembris Calendas me expectabitis: at harum rerum interpretem fidiſſimum & per omnia vobis obedientem.

PAR ceste lettre Gerbert donna à entendre les causes qui le retardoient de retourner en son Euesché, deuant la determination du Concile de Rheims. Or estât icelle aduenue telle qu'il la predisoit; & par icelle Arnulfe absous & remis en son siege, il ne fault douter que celà ne l'ait de tout poinct fait demourer avec l'Empereur Othon en Italie. Lequel nous auons veu par la premiere lettre s'y estre transporté apres les grâdes chaleurs d'esté. Dont il fault estimer qu'il n'y estoit arriué dès le commencement de ceste année: comme Sigonius & Onufrius ont estimé, apres Blondus & Sabellic, qui ne se sont pas moins abusez, escriuans que le Pape Iean estoit decedé dès le second iour de Feurier de ceste mesme année, estant leur erreur manifeste par le temps auquel le Synode de Moson fut celebré. Auquel ce que nous auons recité cy dessus monstre qu'il n'estoit encore decedé: & ne fault pas douter qu'il ne soit ainsi, puis qu'Onufrius conuient avec nous de l'année que fut tenu ce Synode, comme aussi tous les autres qui en ont fait mention: & que nous trouuons expressement noté es Epistres de Gerbert, que ce fut en la 8. Indiction. Parquoy si ce Pape deceda ceste année, ce ne peult auoir esté que sur la fin ou bien au commencement de l'an suiuant. Mais ie ne veux point debattre que l'Empereur Othon n'ait esté sollicité par luy de reuenir avec vne grande armee en Italie: qui causa (comme veult Sigonius) vn tel estonnement aux Milanois, qu'ils se reconcilierent avec leur Archeuesque. Au moyen dequoy il entra en paix dedans leur ville, où il se fit couronner de la premiere couronne.

EN ces entrefaictes le Pape Iean mourut. Au lieu duquel les Romains substituerent incontinent en son lieu Iean 16. du nom, fils d'un citoyen de Rome nommé Romain, qui mourut, au compte d'Onufrius, quatre mois apres son election. Mais Sigonius ne fait aucune mention de luy, & croy qu'il a eu raison de ce faire: pource que l'Empereur estât en Italie, il ne se fust pas voulu laisser frauder de son droit. Parquoy il y a plus d'apparence qu'il fit incontinent par son auctorité substituer à Iean 15. au siege Papal, vn sien parent (que Dirmare appelle nepueu) nommé Bruno, fils d'Othon Duc de Saxe: lequel prit le nom de Gregoire 5. Souz lequel nous ne pouuons pas dire combien il a presidé, pource que ie ne conuiens pas avec les precedents, du temps qu'ils disent qu'il commença. Mais tant y-a que c'est à luy que la plupart des Historiens ont voulu attribuer l'institution des 7. Electeurs de l'Empire d'Allemagne, afin qu'il ne peust estre plus trāsporté ailleurs. Laquelle opinion toutesfois me semble auoir esté iustement reprouuee par Auentin premieremēt, & puis par Onufrius: quoy que Richard l'ait voulu maintenir & defendre contre eux: comme nous prouuerons cy apres en plusieurs passages de ceste Histoire. Encore que Dirmare & Glaber, qui viuoient de ce temps-là, nous demōstrent assez euidentement par leurs Histories ce qu'il en fault croire. Cependant nous auons à dire que ce Gregoire ne fut pas moins animé qu'auoit esté son predecesseur, à poursuiure que Gerbert fust depōsé du siege Archiepiscopal de Rheims, & Arnulfe restitué en iceluy. Tellement qu'il vint à chef de son entreprinſe, par le moyen d'aucuns du Clergé de France, qui se ioignirent avec luy, signamment Albo Abbé de saint Benoist sur Loire: comme il tesmoigne luy-mesme en vne Epistre qu'il luy escriuit, où il dit: *Quod ego venerabilis Pater canens vestri animi sensa fideliter simplicitérque ut præcepistis deprompsi. Nec animositatem Regis perhorruī, dum fidem quam vobis promiseram, ex asse seruauī: quandoquidem nihil addidi, nihil minui, nihil mutauī, nihil reliqui. Horum omnium testis est ipse Arnulfus Rhemensis Archiepiscopus, liber & absolutus, cui vestrum:*

vestrum Pallium eo tenore detuli, quo illud acceperam ex sanctis manibus vestris. Testis etiam dominus meus Robertus Rex Francorum inclytus, vester utique in Christo spiritualis filius, qui vobis parcere decreuit.

A ceste cause estant Gerbert destitué de party, l'Empereur Othon luy escriuit pour le retenir à son seruice la lettre qui s'ensuit.

GERBERTO diuinorum peritissimo atque tribus philosophiæ partibus laureato Otho sibi amatissimus. Vestra dilectionis omnibus venerandam nobis adiungi volumus excellentiam, & tanti patroni nobiscum sempiternam stabilitatem adoptamus, quam vestra doctrinæ nostræ simplicitati semper fuit haud fastidians auctoritas. Attamen ut omni ambage dimota ad vos nudæ veritatis feramus loquelam, iudicauimus ut hæc manifestet vobis huiusce nostræ voluntatis Epistola, quod in hac re summa nostræ petitionis & singularitas est. Quatenus nobis indoctis & malè disciplinatis vestra solers prudentia in scriptis necnon & dictis nec præter solitum adhibeat studium correctionis, & in Republica consilium summæ fidelitatis. Huius ergo nostræ voluntatis in non neganda insinuatione volumus, vos Saxonica rusticitatem abhorre, sed Græciscam nostram subtilitatem ad id studij magis vos pronocare. Quoniam si est, qui suscitetur illam, apud nos inuenietur Græcorum industriæ aliqua scintilla. Cuius rei gratia huic nostro igniculo vestræ scientiæ flamma abundanter apposita humili prece deposcimus, ut Græcorum vniuersi ingenium domino adiutore suscitetur, & nos Arithmeticæ librum edoceatis, ut pleniter eius instructi documentis aliquid principiorum intelligamus subtilitatis. Versus nunquam composui, nec studio habuimus in usu habuero, & in eis florero, quot viros habet Gallia, tot mittam vobis carmina.

Les lettres cy dessus allegues de Gerbert à la Roine Adeleide, & de l'Abbé Albo au Pape Gregoire, semblent assez presenter d'argument pour croire que Hugues Capet 35. Roy de France estoit decedé au temps qu'elles furent écrites. Ce qui n'est pas fort esloigné du tesmoignage de Sigebert, des exemplaires du moine Aimon non imprimez, & des autres Historiens de France, qui rapportent son decez au vingtdeuxiesme iour de Novembre de l'an ensuiuant. Tant-y-a qu'on est assuré qu'il fut enterré avec ses ancestres en l'Abbaye de saint Denis: laissant le Roiaume à son fils Robert, homme fort deuotieux, modeste, & selon le temps d'alors lettré: qui les gouerna encore tres-sagement & vertueusement l'espace de trentecinq ans ou enuiron. Duquel Glaber a rendu le tesmoignage qui s'ensuit: *Erat Robertus Rex tunc iuuenis, prudens atque eruditus, dulcisque eloquio ac pietate insignis, sed diuina providentia & clementia huiusmodi virum ad Catholica plebis regimen Regum omnium dominus illo præcipue in tempore dignatus est destinare. Nam diebus regni ipsius elementorum etiam signis præcedentibus immodica clades incubuere Christi Ecclesiæ. Quibus nisi idem Rex domino iuvante restitisset, seuiendo multipliciter in longinquum processisset.*

HILGANDVS moine qui viuoit au mesme temps, & a escrit sa vie, rend vn tout semblable tesmoignage d'iceluy. Cependant nous sommes deuëment informez par vne Epistre du Roy Hugues son pere, qui se trouue entre celles de Gerbert, qu'il auoit eu enuie de son vivant de marier sondit fils, à quelque dame du sang des Empereurs d'Allemagne. Pour raison dequoy il luy fit espouser, du conseil & aduis des Prelats de France, Berthe sœur du Roy Raoul de Bourgogne, vefue d'Eudon Comte de Chartres, duquel elle auoit eu Eudon le Champenois. Et croy que c'est ce *nouum coniugium* duquel s'est fait mention cy dessus en l'Epistre à la Roine Adelaide, qu'on voulut faire confermer & approuuer par l'Abbé Leon Legat du Pape. Neantmoins luy estant remonsté bien tost apres, si-gnamment par Albo Abbé de saint Benoist sur Loire, qu'il y auoit alliance spirituelle entr'eux par eommerage avec consanguinité corporelle, encore qu'elle fust esloignée, il la delaiissa. Ioinct que le Pape Gregoire s'en mesla, qui reprit les Euesques qui auoient consenty à ce mariage. Dont il leur fallut aller à Rome pour s'en faire absouldre: selon qu'il se voit tesmoigné en vne Bulle du Pape Leon neufiesme, au Roy Henry, qui est en la Panormie d'Iues de Chartres. Parquoy le Roy Robert prit au lieu d'elle, Cōstance (on dit que ce fut à cause de sa beauté) fille de Guillaume Cōte d'Arles, (Glaber dit en autre endroit d'Aquitaine) & de Blanche niepce ou cousine de Foulques Comte d'Anjou. Duquel Cōte d'Arles estoit pere vn autre Guillaume Duc d'Aquitaine: selon que tesmoigne Glaber, lequel nous informe semblablement que ceste Cōstance fut femme haultaine, imperieuse, auare & malicieuse, qui se vouloit faire croire de tout, mesmement par dessus son mary. Tellement qu'on a escrit qu'il aduertissoit souuent ceux qui receuoient de ses bienfaits, qu'ils se gardassent bien que Constance ne le sceust. Qui fut cause de plusieurs querelles & differends qu'elle auoit avec luy, avec ses fils & les Princes du Roiaume de France, tant

du viuant de luy qu'apres son trespas. Et pource aussi qu'elle estoit venue d'un pays où les hommes estoient fort dissoluz, tant en habits qu'en mœurs, toute la Court de France & de Bourgongne (où la modestie & honnesteté s'obseruoient plus estroitement qu'en autre lieu) se veit en peu de temps corrompue & bigarree de façons de faire estranges, que telles gens qui l'auoient suiue y amenerent. Dont le Roy Robert fut fort seuerement repris par Guillaume Abbé de saint Benigne de Dijon, qui estoit alors renommé par dessus tous les hommes de sa profession, tant pour la vie austere qu'il menoit, que pour son grand sçauoir es sciences Mathematiques & Philosophiques. Occasion pourquoy la charge luy fut commise de reformer quasi tous les autres Monasteres de France. Glaber parle de ce que nous venons de reciter, en ceste sorte: *Ceperunt confluere gratia eiusdem Regina in Frāciam atque Burgūdiam ab Aruernia & Aquitania homines omni leuitate, moribus, & veste distorti, armis & equorum phaleris incompofiti, à medio capitis comis nudati histrionum more, barbīs rasi, caligis & ocreis turpissimī, fidei & pacis fœdere omni vacui. Quorum itaque infanda exemplaria gens Francorū nuper omnium honestissimā ac Burgundiorum sitibunda rapuit. Quod cū Robertus Rex toleraret, ob id à Vvillmo Abbate grauitè increpat⁹ est, cur talia in suo regno permitterent fieri: quippe quòd ceterorum honestissimū honore & religiositate diutius clauerat regnorum.*

H B N R Y furnômé le Mutin Duc de Bauiere, fils de Henry frere aîné de l'Empereur Othon premier mourut le cinquiesme iour d'Octobre, laissant vn fils nommé Henry, qui luy succeda premierement en sa Duché, & fut Empereur apres Othon troisieme. Auentin.

N I C O L A S Chrysorberges Patriarche de Constantinople, mourut en la 8. Indiction. Au moyen dequoy Sifinius homme excellent, signamment en la science de Medecine, fut substitué en son lieu: auquel il presida trois ans, & appaisa le schisme qui auoit tenu l'ong temps l'Eglise Grecque en trouble, à l'occasion des quatriemes nopces. Cedrenus, Zonare. Ioan. Curopalates adioute que cecy aduint l'an 6503. de la creation du Monde, selon la supputation des Grecs.

Du Monde. 6033	E. d'Allemagne. 13	R. de Bourgongne. 6
De Iesus Christ. 996	R. des François. 1	R. de Bulgarie. 19
Indiction. 9	R. de Leon. 18	R. de Russie. 24
De l'Hegire 386. le 23. iour.	R. de Nauarre. 16	R. de Hongrie. 41
de Ianuier.	R. d'Ecosse. 4	R. de Pologne. 5
Papes. 2	R. d'Angleterre. 18	
E. de Grece. 21	Ducs de Venise. 12	

L'EMPEREUR Othon apres auoir estably Gregoire au siege Papal, fut incité (cōme disent Blondus & Sabellic) de s'acheminer avec vne armee au Roiaume de Naples contre les Capuans & Beneuentins: où il les contraignit par force de s'appoincter avec les Romains, & de se deporter de les plus molester comme ils faisoient auparauant. Mais Sigonius escrit qu'il y alla pour chastier les Capuans, qui auoient mis à mort leur Prince Landulfe, & receu en son lieu le frere d'iceluy Landulfe, qui s'estoit aussi fait soupçonner d'auoir conspiré contre la Majesté de l'Empereur. Lequel à ceste occasion l'enuoya en Allemagne, & colloqua en son lieu vn Ademare son domestique, natif de la ville de Capoue. Je croy semblablement que ce fut au mesme temps que le mesme Gerbert escriuit vne autre lettre à l'Empereur Othon, qui se commence: *Domino & glorioso Othoni Cæsari semper Aug. Romanorum Imperatori, Gerbertus Episcopus debita seruiens obsequium: Absentiam vestram longitudine terrarum disiuncti omnino molestè fecimus, & quod fama nimium deuia rerum præclare quidem à vobis gestarum ut semper nec vllam nobis scintillam attulit, &c.* Et que l'Empereur luy respondit par ceste-cy, *Gilberto præ omnibus dilecto magistro, necnon & Archiepiscopo amantiſſimo, Otho discipulorum fidiſſimus perseuerantiam & stabilitatem. Si rerum euentus vestro voto obsecundat, nemo est mortalium qui plus nobis gaudeat. Si autem (quod nolumus) vestris bonis meritis discordat, simili vobis tristitia affectamur. Nominis ergo, & caute vestra prouidentia, industriam de nostrarum habitu rerum, non minimam curam habere. Idcirco volumus vobis quoquomodo vestra fini insinuare.*

insinuare, & realiter, usque dicemus, si quidem & si coacti, quod aduersarius vester Arnulfus filius deceptionis, iam dirigit iter suum ad Papam, quod Leone Abbate renunciante cognouimus. Cuius rei gratia hæc est consilij nostri ratio, ut Nuntius noster cum ipso Leone ad Papam dirigatur, qui pro vobis fidei intercessor habeatur. Viuas, valeas, & in æternum fœlix permaneas.

ESTANT l'Empereur Othon arriué en Italie, l'Abbaye de Bobie, qui est en la Lombardie, se trouua vacquante. A cause dequoy les moines d'icelle esleurent Gerbert pour leur Abbé, qui fut cōfermé par l'Empereur. Au moyen dequoy il demeura avec eux pendant qu'il alla faire son voyage en la Pouille: & semble que ce fut lors qu'il escriuit l'Epistre qui s'ésuit à Pierre Euesque de Pauie: *Quod Abbatiam sancti Columbani habere videremur, Italorum nulli gratias agimus. Si ante dominum nostrum à vobis laudati sumus, non indebitas sæpius vobis reddidimus laudes. Mutua exposcimus colloquia, & à rapinis nostræ Ecclesiæ non cessatis. Nostra velut propria militibus diuiditis, qui diuisa in integrum reuocare debuistis. Rapite, prædamini, vires Italie contra nos concutite, opportunum tempus nacti estis dominus noster, bellorum certamine occupatur. Nos nec manus paratas eum iuuare detinebimus, nec quod eius officij est, temerè usurpabimus: si pace voti poterimus, seruitio nostri Cæsaris operam dabimus: cum præsentibus, cum absentes, si in eius tantum præsentia nostra, solabitur inopia. Et quoniam (ut ait ille) nusquam tuta fides: & quia fingantur, nec visa, nec audita, voluntatem nostram non nisi scriptis aperiemus, nec vestram obiter recipiemus.*

CEPENDANT cest Empereur apres auoir appaisé les affaires de Capuë, s'en reuint à Rome, où il se fit (au rapport de Sigonius) couronner de la couronne Imperiale avec sa femme le troisieme iour de May, auquel on solennisoit lors la feste de Pentecoste, par le Pape Gregoire. Et de là s'en reuint en la Lombardie: où estât suruenu le trespas de Jean Archeuesque de Rauène, il substitua ledit Gerbert eu siege d'iceluy. Ce qui luy fit vn degré pour paruenir bien tost apres au Papat. Ce qu'Onufrius me semble auoir mal attribué à l'an 991.

GODEFROY de Viterbe & Sigonius nous font estimer semblablement qu'aduint au mesme temps ce qu'ils recitent du supplice que l'Empereur Othon fit receuoir à sa femme, qui en accusant faulxement vn Comte de Mutine de l'auoir sollicité de son deshonneur, auoit esté cause de la faire executer à mort; encore que ce fust elle-mesme qui eust fait la faulte. A cause dequoy la femme d'iceluy se vint offrir à verifier son innocence par l'espreuue du feu ardent, qui fit connoistre la verité du faict, & receuoir à l'Imperatrice la peine de son crime & faulx accusation.

OR pource que lors le mesme Empereur sejournoit en Italie, les Esclauons prindrent d'emblee & puis taccagerent & bruslerent la ville de Beriabourg en la Marche de Misnie, ainsi que tesmoigne Ditmare, & que celà causa vn effroy en toute la Germanie. Il donna occasion audit Empereur de se transporter en Allemagne, pour obuier aux entreprinſes des ennemis. Mais il n'eut pas plustost tourné le dos à l'Italie, que les Romains, suiuant leur inconstance fondee sur le despit (à ce qu'on dit) de se veoir reduits souz le gouuernement d'un Pape estranger, firent reprendre l'administration de leur cité à Crescentius, souz le mesme tiltre qu'il portoit auparauant de Consul ou Patrice. Lequel aussi pour leur gratifier, ietta hors du siege Papal, le Pape Gregoire, & le contraignit d'aller retrouver l'Empereur en Allemagne. Puis establit vn autre en son lieu, qui se nomma Jean 17. ou 18. estant auparauant Euesque de Plaifance, nommé Arnoul Grec de nation, hōme de grandeliterature & fort pecunieux. De sorte qu'il occupa en ceste sorte la Papauté plusieurs mois, pendant que les affaires d'Allemagne detenoient l'Empereur, à qui Gerbert escriuit au mesme temps la lettre qui s'ensuit, soit d'Italie ou d'ailleurs. *Domino & glorioso Othoni Cæs. semper Aug. Gerb. Singuli dies singulos mihi annos efficiunt, dum Legati mei non redeunt, nec noui à vestra maiestate superueniunt, plenus curarum, plenus sollicitudinum dies noctesque perfero. Augget curas Scythicus axis, Italia multiplicat. Si Scythas relinquimus, metuo. Si Italos non adimus, reformido. Quia Italici. Ecce enim eorum legati, dum proprias iniurias nunciant, vestras prædicant. Quid hoc oro per nostram gratiam est, quod Imperialis maiestas tam pertinaciter despicitur? At à quibus? Mirabor abusos impunè patientia vestra, qui virtutem putant ignauiam: Cum sint, quod omnes nouimus, & dicere non est necesse. Porro ad harum euidentiam rerū, missam mihi vobis Epistolam, & si meæ describuntur iniuriæ, magis tamen vestrae sunt: nec omnino meas accipio, in quantum vestras puto, & cetera.*

SAMVEL Roy de Bulgarie entra avec vne armee dedans la Grece, qui deffit deuant la ville de Thessalonique deux armées de Grecs qui se presenterent l'une apres l'autre de-

uant luy, souz la conduite du Patrice George, & de son fils. A cause dequoy l'Empereur renuoya contr'eux Nicephore vray Coronal de ses Legions d'Orient : par lesquels ils furent honteusement deffaiçts & mis en route. Ioan. Curopalates.

MALCOLME Duc de Cumbrie en Escosse, estant allé au secours du Roy d'Angleterre, contre les Danois qui l'auoient assailly dedans son Roiaume, sembla auoir presenté occasion à Constantin Roy d'Escosse, de reduire en sa puiffance la Cumbrie. Mais il y trouua Benede frere naturel de Malcolm, ayant charge de la defendre : qui s'en acquitta si constamment, qu'ils se tuerent l'un l'autre en vne bataille. Au moyen dequoy Grinus ou Grimonus nepueu du dernier Roy Dufus, ou selon d'autres dudit Benede, se presenta si à poinct, que les Escossois le prindrent pour leur Roy. Qui fut cause que Malcolm entra en contendance cōtre luy, laquelle fut en fin appoinctee par l'entremise d'un Prelat d'Escosse, à condition que le Roiaume reuiendrait à Malcolm apres le trespas de Grinus. Ioānes Maior, Buchanan, Hector Boëthius.

Du Monde.	6034	E. d'Allemagne.	14	R. de Bourgongne.	7
De Iesus Christ.	997	R. des François.	2	R. de Bulgarie.	20
Indiction.	10	R. de Leon.	19	R. de Russie.	25
De l'Hegire 387. le 12. iour		R. de Nauarre.	17	R. de Hongrie.	1
de Ianuier.		R. des Escossois.	5	R. de Pologne.	6
Papes.	3	R. des Anglois.	19		
E. de Grece.	22	Ducs de Venise.	13		

L'EMPEREUR indigné de l'iniure faicte au Pape Gregoire, s'en reuint en Italie avec vne grande armee, & se trouua dedans Rauenne aux mois d'Auril & de May; où il assista à vn Synode d'Euesques, que Gerbert fit tenir pour la reformation des affaires de son diocese. Durant lequel temps l'Antipape Iean pensant se garentir de la nuée qui venoit tomber sur ses bras, fit tenir propos de composition à l'Empereur, ainsi que nous entendons d'une Epistre d'un quidam, qui est entre celles de Gerbert, qui contient : *Te non potuisse ad nos hactenus venire, impossibilitati ascribimus, tuæque erga me beneuolentiæ gratias habemus. Quando verò id facere possis, præscribere nescimus. Quia enim plurimæ Scytharum gentes Imperio nostri Caesaris subdere se gestiunt, & ille Ioannes Grecus quod nobis placuerit, se facturum pollicetur. Adhuc dubium est quoniam vertere expeditos exercitus debeamus.*

Si est-ce toutesfois que ce propos-là ne viendroit à aucun effect. A cause dequoy l'Empereur fit marcher son armee deuant Rome, qui mit les Romains en tel effroy, qu'ils le laisserent entrer sans resistance en icelle, n'estant leur coustume de se monstrier plus constants & magnanimes aux dangers que loyaux en amitié. Qui fut cause que l'Antipape Iean & Crescentius se sauuerent au chasteau S. Ange, qu'ils auoient fait auparauant fortifier : où ils furent si asprement assiegez, qu'ils ne se peurent garentir d'estre prins. Parquoy quand l'Empereur les eut entre ses mains, il fit assembler vn Concile d'Euesques à Rome; par sentence duquel l'Antipape fut degradé & remis entre les mains de l'Empereur, qui le laissa bourreller au peuple. Combien que d'autres ont escrit qu'il l'enuoya avec son Crescentius en exil en Allemagne, qui sont plus croyables que ceux qui ont escrit qu'il le fit mourir contre la foy qu'il luy auoit donnee : encore qu'il eust assez de iuste occasion de ne la garder à celui qui la luy auoit tant de fois si legerement rompuë. Tant-y-a que par ce moyen le Pape Gregoire se remit au siege Papal. Herman Contract, Marianus Scotus, Othon de Frisingen, Abbé d'Vrsperg.

BOLESLAVS surnommé le Religieux ou Deuotius, mourut (au rapport de Dubravius) en ce temps, apres s'estre auparauant (à ce qu'il dit) emparé de la ville de Cracouie sur Mefco, qui pourroit estre Mifeco ou Mieslaus Roy de Pologne. Nō obstant que les Histoires Polonoises n'en font aucune mention. Mais tant-y-a qu'on conuient qu'il laissa 3. fils nommez Boleslaus, Iaromire ou Iamire, & Vldaric, qui luy succederent tous l'un apres l'autre en la Principaulté de Boëme, estant Boleslaus le premier qui preceda, qu'on compt

compte le troisieme de ce nom. A qui Ditmare donne le surnom de Rousseau, l'auteur precedent d'Aueugle, pource que s'estant par sa niaiserie & simplicité laissé tomber entre les mains du Roy de Pologne son ennemy, eut les yeux creuez par iceluy. Au moyen dequoy son frere Jaromire se mit en son lieu, qui en fut semblablement deietté bien tost apres, avec la perte de sa veüe, par son dernier frere Vldarich, lequel est par Æneas Syluius & Dubrauius liu. 21. appellé le 17. Duc de Boëme.

A Richard premier du nom Duc de Normandie, Prince vaillant, vertueux & paisible, decedé cinquantedeux ans apres le trespas de son pere, l'an precedent, succeda en la mesme Duché Richard son fils. Chroniques de Normandie.

GEICZA ou Geisla Duc ou Roy de Hongrie, mourut, ayant resigné la succession à son fils aîné nommé Estienne, qui regna les trois premiers ans souz tiltre de Duc seulement. L'on tient qu'il fut de si bonne vie, & si affectionné à la Religion Chrestienne, que celà le fit canoniser entre les Saints apres sa mort. Bonfinius, Abraham Baska.

<i>Du Monde.</i>	6035	<i>E. d'Allemagne.</i>	1	<i>R. de Bourgongne.</i>	5
<i>De Iesus Christ.</i>	998	<i>R. des François.</i>	3	<i>R. de Bulgarie.</i>	21
<i>Indiction.</i>	11	<i>R. de Leon.</i>	20	<i>R. de Russie.</i>	26
<i>De l'Hegire 389. le 1. iour</i>		<i>R. de Navarre.</i>	18	<i>R. de Hongrie.</i>	2
<i>de Janvier.</i>		<i>R. d'Ecosse.</i>	3	<i>R. de Pologne.</i>	7
<i>Papes.</i>	1	<i>R. d'Angleterre.</i>	20		
<i>E. de Grece.</i>	23	<i>Ducs de Venise.</i>	1		

DEUX Princes issus de la maison de Saxe, estans pour diuerses occasions contraincts de s'absenter de l'Allemagne, se retirerent enuiron ce temps en la Bourgongne Transurane, & au Piedmont: où l'un nommé Berard fils (comme on dit) de Hugues Duc de Saxe, qui auoit esté frere de l'Empereur Othon 2. obtint par la permission du Roy Rodolfe la contrée de Morienne en Sauoye, & le Marquisat de Thurin, d'où il fut le premier appelé Comte de Morienne. De sorte qu'il la laissa à ses successeurs, qui furent apres luy appelez Comtes & Ducs de Sauoye. Mais l'autre nommé Aleran, ayant enleué la fille de l'Empereur Othon troisieme, alla faire sa retraicte au pays où est auourd'huy le Marquisat de Montferrat, qui luy fut en fin donné par le mesme Empereur, en tiltre & appennage de Marquisat. De façon qu'on ne fait doute que la noble famille de la maison de Montferrat n'en soit procedee. Histoire de Sauoye, Sabellic. Sigonius toutesfois rapporte l'Histoire d'Aleran à Othon premier. Ce qui me semble auoir plus de verissimilitude, si le recit qu'on en fait est veritable. D'autant mesmement qu'il ne se sçait point qu'Othon ait eu aucuns enfans, au moins legitimes.

SESTANT le seigneur Tribon Memor demis volontairement de la dignité Ducale de Venise, les citoyens subrogerent en son lieu le seigneur Pierre Orselin, qui exerça ceste dignité l'espace de 18. ans, selon Contarin & Sabellic. Sigonius toutesfois tesmoigne qu'il estoit ia Duc dès l'annee precedente, en laquelle il auoit mené vne armee de Mer en l'Istrie & Dalmatie, au secours des Cornates & Narantains, contre leurs ennemis. En laquelle expedition il se porta si heureusement, qu'il reuint victorieux, ayant reduit souz l'obeissance de sa patrie tout le reste de l'Istrie & Dalmatie. Car les Fadertiniens estoient ia dès auparauant subiects des Venitiens.

ADELBERT Euesque de Boëme, homme de grande pieté & deuotion, apres auoir longuement presché & annoncé la foy & doctrine Chrestienne aux Boëmiens & aux Hongrois, voulut aller faire le mesme office enuers les Prussiens. Mais il fut en fin inhumanement mis à mort par eux le 21. iour d'Auril. Histoire de Pologne.

GREGOIRE cinquiesme apres auoir tenu le siege Papal deux ans, huit mois, trois iours, mourut le dixhuitiesme iour de Feurier, selon Ditmare, le quatriesme du mesme mois. Et pource que les Romains auoient esté si bien chastiez cy deuant par l'Empereur de leur presumption, ils ne s'oserent ingerer de prendre autre Pape que celuy que l'Empe-

HHH

leur leur ordonna de sa main, qui fut Gislebert ou Gerbert Archevesque de Rauenne, cy deuant precepteur & instituteur de sa ieunesse & du Roy Robert de France. Lequel entra en la Principaulté souz le nom de Sylvestre second, le premier iour de Novembre : & y présida quatre ans, six mois, douze iours, apres que le siege eut vacqué l'espace de 8. mois, 10. iours. Aucuns ont escrit qu'il estoit du pays d'Aquitaine, & qu'il auoit esté premiere-ment Moine à saint Benoist sur Loire. Mais luy-mesme nous fait entendre en ses Epistres qu'il n'en est rien : où il demonstre bien en l'une d'icelles à l'Empereur Othon troisieme, qu'il auoit seruy luy dès son enfance son pere & son ayeul Othon le Grand, deuant qu'il se vint rendre au seruice d'Adalbero Archevesque de Rheims : car voicy comme il en parle : *Tribus (ut ita dicam) ætatibus, scilicet vobis patri & ayo inter hostium tela fidem purissimam exhibui. Meam quantulumcumque personam, Regibus furentibus, populis insanientibus pro vestra salute opposui. Per inuia & solitudines, per incursum, & occursum præd-nunfame, & siti, vi frigoris & æstus excruciatum, infractum, inter tot tempestates extiti, ut mortem potius præoptarem quam filium cæsaris tunc captiuum imperantem non viderem : vidi & gauisus sum, & utinam liceat usque in finem gaudere, & vobiscum dies meos in pace finire.* Celà nous donne à entendre qu'il estoit encore au seruice du ieune Othon, au temps qu'il fut tenu en garde, & comme captif, par Henry Duc de Bauiere son oncle, incontinent apres le decez de son pere : dont il fault presumer qu'il fut contrainct de s'en retourner, à cause de la ieunesse d'iceluy, lors qu'estant mis en liberté l'Imperatrice Adelaide sa grand' mere, & Theophania sa mere, le prindrent en leur tutelle & gouuernement, & possible pour quelque sinistre opinion qu'on eut de luy. Ce que nous donne à coniecturer vne de ses lettres à ladiète Adelaide, où il dit : *Multa quidem patrata mea ante Deum : sed contra dominam meam quæ ? cur à seruitio eius repellar ? fidem promissam nunquam violavi, commissam non prodidi, pietatem sine auaritia exercere me putavi. Si erravi contra voluntatem vestram, modicum quidem : fecit hoc improvidentia non deliberatio : sint-que vobis satis continuata iam pœnitenti quadragesima. Quod certè sic confido esse. Præualuit ad tempus nobilium quorundam pauperum ceca cupiditas. Nunc præualeat vestra quæ semper fuit circa iustitiam pietas. Fauet ad hoc diuinitas, regna vobis concilians, & Reges potentes vestro Imperio subdens. Mea sententia hæc est : Quam quidem filio dominae meæ Adelaidis seruavi, eam matri seruabo, si non præsens, saltem absens, bene loquendo, bene optando, bene orando.*

C E P E N D A N T il declara en la harâgue qu'il fit au Synode de Moson, qu'il fut au seruice d'Adalbero Archevesque de Reims apres le trespas de l'Empereur Othon, qui luy dōna premierement l'ordre de Prestre, & puis à son trespas le designa son successeur en presence de beaucoup de personnes illustres. Mais il dit q̄ *Simoniacha hæresis in Petri soliditate me statem inueniens, me repulit, Arnulfum prætulit.* Au seruice duquel il se rangea cōme de son predecesseur, & s'y entretint iusques à ce qu'il eut violé la foy & le serment qu'il auoit donné au Roy Hugues & à son fils. Au moyen dequoy il fut subrogé au lieu d'iceluy par la voix de tous les Euesques de France, apres qu'ils l'eurent condamné & dégradé. Pour laquelle cause il escrit en quelque autre endroit : *Cur ita factum sit, si requiras, nescire me fateor. Fateor inquam me nescire. Cur egenus & exul, nec genere, nec diuitiis adiutus ? multis locupletibus, & nobilitate parentum conspicuis prælatus sum. Nunquid tui muneris est bone Iesu qui de stercore erigis pauperem, ut sedeat cum Principibus, & solium gloriæ teneat. Tu omnium bonorum dator & distributor : tu pacis, & charitatis auctor : Tu scis me Germaniam & Belgicam semper honorasse, ut dominam coluisse, ut matrem pro earum aduersis palluisse : pro secundis latam mentem tulisse. Et nunc quidem à te dulces affectus quos perdidi, reposco : tuumque Antistitem gratia indebita amissa reconciliatorem fieri oro meæ interpretem innocentie coram Præsulibus, coram Rege suo, cui fauendo tempore Regis Lotharij gladiis hostium addictus sum.*

Par le Roy duquel il parle icy, il entend l'Empereur Othon, qui estoit Roy d'Allemagne, & de la basse Belgique : & par les Prelars, les Euesques d'icelle, qui auoient esté assemblez cōtre luy à Moson. Et par le reste signifie ce que nous auōs déclaré cy dessus. Mais les causes & occasions qui inciterent les Euesques de France à l'eslire, furent exposees par eux-mesmes, lors qu'ils souscriuirent à son eslection, où ils dirent : *Nobis Archiepiscopum Abbatem Gerbertum eligimus ætate maturum, natura prudentem, docibilem, affabilem, misericordem. Nec præferimus illi vagam adolescentiam, ambitiose se extollentem, omnia temere ministrantem, imò nec talibus patienter audita perferimus. Huius vitam ac mores à puero nouimus, studium in diuinis ac humanis rebus experti sumus, &c.*

I' A Y tout expreffément voulu produire en ieu les tefmoignages precedents, tant pour donner à entendre l'eflat & cours de la vie de ce Gerbert, qu'on auoit ignoree iufques icy, que pour les confronter contre les autres qu'on a efcrit de luy, qui tiennent qu'il employa la principale eftude en la pratique des fciences reprouuees de Magie, qu'il auoit, à leur dire, apprinfes à Seuille en Efpagne. Tellement que ceux qui ont fait ce rapport de luy, ne font point de doute qu'il n'eust communication avec les efprits: d'autant mefmemét que Benno Cardinal (qui viuoit au temps du Pape Hildebrand) au discours qu'il a fait de la vie des Papes qui ont esté depuis ce Gerbert iufques à luy, afferme que l'opiniõ qu'on eut de celà, donna vne telle enuie à ceux qui estoient à la fuite de la cour fouz ledit Gerbert, de les apprendre, qu'il n'y eut autre principale eftude depuis en toute la centaine d'annee fuiuante. Pour confirmation de laquelle opinion, Guillaume de Malmesberie, qui a vefcu enuiron fix vingts ans apres luy, dit: *Is in Gallias repatrians ab Hispania ubi Magicas artes à Sarracenis didicerat, publicas Scholas professus, artem magisterij attigit.* Puis apres il racompte le bruit qui couroit de la maniere comme il auoit appris la Magie en Efpagne, signamment par vn liure de ceste science, qu'il auoit defrobé à son maistre, & apporté avec grand danger en France. Ce nonobstant il declare à la fin qu'il ne le tient pour certain, comme ie croy auffi qu'on doit faire, ayant esgard aux tefmoignages alleguez cy dessus, qui demonstrent qu'il auoit esté nourry dès sa ieunesse avec les trois Othons Empereurs, & apres eux vint en France. En tout lequel temps il ne fault douter qu'il n'ait esté si bien esclairé, qu'il luy eust esté impossible de faire profession de ceste science en si long temps, fans estre descouuert; & que celà ne luy eust esté reproché par ses aduerfaires, ou ne l'eust empesché d'estre appelé à tant de dignitez Ecclesiastiques l'une apres l'autre. Parquoy il semble auoir esté iustement iustificié de ce blasme par Onufrius, signamment pour le regard de la sorte de mort qui luy a esté imputée: d'autant mefmemét que son Epitaphe qui se voit encore à Rome, lequel fut fait par quelqu'un de ses contemporains, donne argument de croire le contraire. Ioinct que Hilgaudus qui viuoit en ce temps, se monstre n'en auoir entédu aucun vent, rendant au contraire vn excellent tefmoignage d'iceluy en la vie du Roy Robert, où il dit: *Is ad apostolatum conscendens multa in eo virtutum operatus est insignia, & præcipue in elemosyna sancta quam fortiter tenuit, dum fideliter vixit. Inter cætera de se, latus, & hilarius in littera lusit.*

Transit ab R. Gerbertus ad R. fit Papa regens R.

On ne voit point auffi que Dittmare & Glaber ayent sceu ny entendu aucun mauuais bruit de luy. A ceste cause il y a bien apparence que les Romains, ausquels il n'estoit possible agreable, tant pour estre estranger, que pource que l'Empereur le leur auoit dõné pour Pape, sans leur eslection; & ce qu'il se monstra trop plus affectionné & constant au seruice d'iceluy que leur inconstance n'eust voulu, luy presterent ceste charité, le cognoissant & sçachant estre fort verfé & entendu és sciences Geometriques & en l'Astronomie, qu'ils prenoient par l'ignorance qu'ils auoient d'icelles, pour sciences damnables & reprouuees. Car Glaber tefmoigne, liure second de son Histoire, que *Italicis mos semper fuit, artes negligere, cæteris Grammaticam sectari.* Somme que ce peu d'escrits qui restent de luy, tefmoignent qu'il a esté ou le premier ou l'un des premiers personnages de son siecle, tant en conseil & affaires d'estat, qu'en sçauoir & literature des choses diuines, humaines, & liberales: lesquelles il accompagna d'une eloquence & d'un style d'escire, qui le feroit penser auoir vescu en vn autre siecle que le sien. De tous ces poincts-là nous auons de belles preuues en ses Epistres, où il traicte quelques questions d'Astronomie, d'Arithmetique & de Dialectique. Onufrius afferme auoir ven aucuns liures de Mathematique composez par luy. Dittmare dit: *Optimè callebat Astrorum cursus discernere, & contemporales suos varia artis notitia superare.* Guillaume de Malmesberie Anglois: *Primus Abacum à Sarracenis rapiens regulas dedit, quæ ab Abacistis vix intelliguntur.* Et puis dit encore: *Habebat com philosophos & socios Constantinum Abbatem Monasterij sancti Maximini, quod est iuxta Aurelianos, ad quem edidit regulas de Abaco: Adelbadum (ut dicunt) Episcopum Vvirciburgensem, qui & ipse ingenij monumenta dedit, in Epistola quam facit ad Gerbertum de questione Diametri super Macrobiū, & in nonnullis aliis: Dauantage: Extant apud Ecclesiam Rhemensem doctrina ipsius documenta, horologium arte mechanica compositū, & organa hydraulica, ubi mirū in modū per aquæ violentiam ventus emergens implet cōcavitatē barbiti, & per multiforaciles concentus ærea fistula modulatos clamores emittunt.* Outre les

HHH ij

precedents, Gerbert eut encore vn autre sien compagnon ou disciple és sciences Geometriques & Mathematiques nommé Bernelinus, qui composa quatre liures *De Abaco & numeris*. Desquels se peult apprendre l'origine de Chiffre dont nous vsions aujourd'huy és comptes d'Arithmetique: lesquels liures monsieur de Sauoye Pithou m'a assuré auoir en sa Bibliotheque; & recognoistre en iceux vn sçauoir & intelligence admirable de la science qu'ils traictent. Et pource qu'auec ceux-là furent encore fort renommez au mesme temps en la France, plusieurs autres grands personnages, à cause de leur grand sçauoir és mesmes sciences Philosophiques & Mathematiques: côme Albo Abbé de S. Benoist sur Loire, qui a escrit du Sicle Paschal; ensemble Guillaume Abbé de saint Benigne de Dijon, & celuy qui fut son successeur en icelle Abbaye: ce nous est vn tesmoignage que les sciences liberales florirent grandement en ce siecle-là en France: & que s'il fut si barbare & ignorât qu'il n'y en a point eu de plus depuis la ruine de l'Empire Romain: comme afferment les Historiens modernes d'Italie, que celà se doit seulement entendre de leur pays.

A S I S T N N I V S Patriarche de Constantinople decedé, succeda en son Patriarchat vn nommé Sergius ou Eulogius, qui presida vingt ans. Cedrenus, Zonare.

E N ce temps Odilo Abbé de Clugny fit vn voyage de deuotion en Hierusalem: au retour duquel il fut aduertty des bruits & manieres de cris qui s'entendoient du mont Gibel de la Sicile, qu'il estima estre des ames qui sont en Purgatoire. A cause dequoy aucuns ont voulu dire qu'il institua la feste des Trespassez en son Monastere, qui se celebre le lendemain de la Toussaincts. Sigebert, Vincent de Beauuais, Polydore Virgile liure 6. chapitre 9. de Inuentori.

<i>Du Monde.</i>	6036	<i>E. d'Allemagne.</i>	16	<i>R. de Bourgongne.</i>	6
<i>De Iesus Christ.</i>	999	<i>R. des François.</i>	4	<i>R. de Bulgarie.</i>	22
<i>Indiction.</i>	12	<i>R. de Leon.</i>	21	<i>R. de Russie.</i>	27
<i>De l'Hegire 389. le 11. de</i>		<i>R. de Nauarre.</i>	19	<i>R. de Hongrie.</i>	3
<i>Decembre.</i>		<i>R. des Escossois.</i>	4	<i>R. de Pologne.</i>	8
<i>Papes.</i>	1	<i>R. des Anglois.</i>	21		
<i>E. de Grece.</i>	24	<i>Ducs de Venise.</i>	2		

L'EMPEREUR de Grece enuoya en ce temps vne armee en Bulgarie, où elle prit & subiugua beaucoup de places & forteresses, & s'en retourna avec vn grand butin. Cedr.

V N Gentilhomme François nommé Gaultier, Gouverneur de la Côte de Meleun, pour le Comte Bouchard, le mit entre les mains du Comte Odon de Chartres, qu'on estime estre celuy qui porta le premier le nom de Comte de Champagne. Et pource qu'il fit refus de la rendre à son Seigneur le Roy Robert, avec l'aide du Duc de Normâdie, il la reprit de force, & la restitua audit Bouchard. Supplément d'Aimoinus.

R E G N A V L T ou Ramard surnommé le Mauuais, Comte de Sens en Châpagne, mourut, ayant vn fils nommé Fromund, qui luy succeda en sa Comté.

M I S I Z L A Prince des Esclauons Obodrites & Vvinides mourut, laissant 2. fils, Mistovvo & Mizzidrach, qui luy succederent en ses biens & estats: lesquels à l'occasion du rude traictemēt que leur faisoient les Ducs de Saxe, delaisserent avec leur peuple la Religion Chrestienne cy apres, & se retournerent à leur ancienne idolatrie. Albert Crants.

E N la mesme annee aussi Adelehis fille de Rodolfe second Roy de Bourgongne, & femme en secondes nopces de l'Empereur Othon premier, Princesse de grande & singuliere vertu, mourut le premier iour de Ianuier. Odilo Abbé de Clugny en sa vie. Mais Ditmare attribué celà au 16. des Cal. de Ianuier de l'annee precedente.

Du Monde.

<i>Du Monde.</i>	6037	<i>E. d'Allemagne.</i>	17	<i>R. de Bourgongne.</i>	7
<i>De Iesus Christ.</i>	1000	<i>R. des François.</i>	4	<i>R. de Bulgarie.</i>	23
<i>Indiction.</i>	13	<i>R. de Leon.</i>	22	<i>R. de Russie.</i>	28
<i>De l'Heure 391. le 30.</i>		<i>R. de Navarre.</i>	20	<i>R. de Hongrie.</i>	4
<i>de Novembre.</i>		<i>R. des Escossois.</i>	5	<i>R. de Pologne.</i>	9
<i>Papes.</i>	2	<i>R. des Anglois.</i>	22		
<i>E. de Grece.</i>	25	<i>Ducs de Venise.</i>	3		

L'EMPEREUR Basile esperant encore faire bien ses affaires en la Bulgarie, y enuoya derechef vne armee souz la conduite de Theodore Crame l'un de ses Patrices, & de Nicephore Protospataire surnommé Xiplida. Lesquels prindrent & subiuguerent les principales & capitales villes de Bulgarie; à sçauoir Pereistavv ou Pesthlaba & Pliscoba. Et puis s'en retournerent victorieux en la Grece, en l'Indiction huit, l'an 6508. de la creation du Monde, selon la supputation des Grecs. Cedrenus.

L'EMPEREUR Othon estant aduerty des merueilles qui se faisoient de iour en iour au sepulchre de saint Adelbert Archeuesque de Pologne, qui auoit esté martyrizé par les Prussiens trois ans auparauant, partit tout expres d'Italie pour l'aller visiter. Et pource qu'il fut recueilly fort honorablement & magnifiquement du Prince Boleslaus: en faueur de ce il luy donna la couronne Imperiale, & la posa solennellement sur son chef. Chronique de Pologne. Martin Cromer, l'auteur des Annales de Silesie estime qu'on a escrit beaucoup de points de ce voyage, qui ne semblent vray-semblables. Cependant Sigonius recite que lors qu'il estoit ainsi absent de l'Italie, qu'une armee de Sarrazins vindrent descendre au pais de Naples, où elle prit de force la cité de Capua. Qui fut cause de le faire reprendre ses erres vers l'Italie.

A v mesme temps mourut à Vienne en Dauphiné le Prince Girard de Viéne, qui s'intituloit aussi Comte de Vienne ainsi que son epitaphe tesmoigne. Thomassin en ses Memoires du Dauphiné estime que de luy sont issuz les nobles de Bourgongne, qui s'appellent de Vienne. Il pourroit estre celuy que Lazius appelle Gerard second, qui fut fils de Falco, & arriere-fils du Comte Theodoric; ensemble aussi pere de Gauthier, de qui fut gendre (à ce qu'aucuns veulent dire) Regnault Comte de Bourgongne, fils d'Othe Guillaume.

ENVIRON la mesme année vne controuersé se mit entre les Eglises de France & d'Espagne, pour la celebration de la feste de la Conception ou Annonciation qu'on dit de nostre Dame: pource que les Espagnols la solennisioient le 19. iour de Decembre, & les François le 25. de Mars, comme toute l'Eglise Romaine fait encore auourd'huy. Glaber.

GRECH Comte de Nantes en Bretagne, ayant recommencé la guerre à Conan Comte de Rennes, fut par les pratiques d'iceluy, empoisonné environ ce temps, sans laisser aucuns enfans ny heritiers, que deux nepueux fils naturels de son frere Hoël nommé Iudichaël & Hoël. Au moyen dequoy ledit Conan reduisit en son obeissance toute la Duché de Bretagne, & s'en fit appeller Duc. Annales de Bretagne.

LES Sarazins Numerites & Ataphites firent en ce temps plusieurs courses tât sur la Barbarie que sur la Syrie. A cause dequoy l'Empereur Basile enuoya Nicephore Vran pour gouverner & defendre la ville d'Antioche contr'eux. Cedrenus.

ALBERT Moine de Lob, & puis Abbé de Gemblac, Bouchard son disciple & auditeur, qui fut Euesque de Vormes, lequel compila les anciens decrets de l'Eglise, & Guillaume Abbé de saint Benigne de Dijon, florissoient en ce temps en reputation de gens de sçauoir, tel qu'on pouuoit auoir alors.

HHH iij

<i>Du Monde.</i>	6038	<i>E. d'Allemagne.</i>	18	<i>R. de Bourgongne.</i>	8
<i>De Iesus Christ.</i>	1001	<i>R. des François.</i>	5	<i>R. de Bulgarie.</i>	24
<i>Indiction.</i>	14	<i>R. de Leon.</i>	23	<i>R. de Russie.</i>	29
<i>De l'Hegire 392. le 19. iour</i>		<i>R. de Nauarre.</i>	21	<i>R. de Hongrie.</i>	5
<i>de Novembre.</i>		<i>R. d'Escoffe.</i>	6	<i>R. de Pologne.</i>	10
<i>Papes.</i>	3	<i>R. d'Angleterre.</i>	23		
<i>E. de Grece.</i>	26	<i>Ducs de Venise.</i>	4		

L'EMPEREUR Othon estant de retour en Italie, marcha en telle diligence contre les Sarrazins, qu'il les dénicha aussi heureusement que vaillamment des places qu'ils auoient occupees : & les ayant totalement fait vider de l'Italie, s'en vint à Rome au mois de Decembre, pour obuier aux mutineries & seditions que les Romains suscitoient contre le Pape Syluestre. Nonobstant que l'Abbé Rimalte qui estoit lors en bruit de grande sainteté de vie, l'eust admonesté que s'il y alloit, qu'il en rapporteroit la cause de sa mort. Cependant on tient que quand il y fut, il se trouua grandement empesché à eschapper des mains des Romains, qui prirent les armes contre luy. De sorte qu'on pense qu'il en fust malaisément sorty sans mauuaise rencontre, sans la vertu & vaillance de Henry Duc de Bauiere, & de quelques autres Seigneurs de sa suite : selon Sigonius. Mais la Chronique du Mont Cassin dit qu'il fut honteusement repoussé ceste année de deuant la ville de Beneuent, qu'il voulut assieger.

HISEN Roy de Cordouë se pensant remettre en son estat, fit guerre aux Maures d'Afrique, qui tenoient le party de Zulema son aduersaire. Et puis s'adressa à Obeydalla Roy de Tolerte successeur de Mahomet, qu'il vainquit & occit. Au moyen dequoy vn Hayran se mit en la place d'iceluy. Cependant comme Hisen s'estimoit estre venu au dessus de ses affaires, vn Maure nommé Haly se vint esleuer contre luy, souz le support de ceux d'Afrique : tellement qu'il le chassa derechef de son siege, auquel luy-mesme s'introduisit. Garibey, Alfonse.

L'ARMEE que l'Empereur de Grece enuoya pour la troisieme fois en la Bulgarie, conquesta le pays de Seruie, avec la ville de Borree, & autres fortes places, apres auoir mis toute l'armee du Roy Samuel en route. Cedrenus.

ENVIRON ce temps aussi Sueinotho fils de Harold Roy de Dannemarc mena vne armee au pays de Saxe, qui vainquit les Saxons en vne grande bataille. Chroniq. de Saxe.

BOIESLAVS aussi Roy de Pologne, subiugua l'Esclauonnie, qui est outre le fleuve d'Odora, avec vne partie de la Russie & Prussie. Helmodius.

ESTIENNE Duc de Hongrie fut par les siens appelé Roy, & souz cetiltre couronné, quatre ans apres le trespas de son pere, en l'Eglise Metropolitaine de Strigon, qu'il auoit fondee. De façon qu'on fait compte qu'il a regné deslors en nom de Roy l'espace de 37. ou 38. ans : ayant esté, comme recitent les Histoires de Hôgrie, si scrupuleux, qu'il ne voulut iamais accepter ny porter le nom de Roy, qu'il n'en eust receu la permission & consentement du Pape. Bonfinius, Abraham Baska.

<i>Du Monde.</i>	6039	<i>E. d'Allemagne.</i>	1	<i>R. de Bourgongne.</i>	9
<i>De Iesus Christ.</i>	1002	<i>R. des François.</i>	6	<i>R. de Bulgarie.</i>	25
<i>Indiction.</i>	15	<i>R. de Leon.</i>	24	<i>R. de Russie.</i>	30
<i>De l'Hegire 393. le 8. de</i>		<i>R. de Nauarre.</i>	22	<i>R. de Hongrie.</i>	6
<i>Novembre.</i>		<i>R. des Escoffois.</i>	7	<i>R. de Pologne.</i>	11
<i>Papes.</i>	4	<i>R. d'Angleterre.</i>	24		
<i>E. de Grece.</i>	27	<i>Ducs de Venise.</i>	5		

OTHON faisant ses apprests à Rome pour retourner en Allemagne, receut des gants empoisonnez de la vefue de Crescéti (qui se desplaisoit d'estre fraudée & de l'enuie & de l'espoir qu'elle auoit d'estre espousée de luy) qui luy causerent sa mort le 28. de Ianuier. Au moyen

moyen dequoy d'autant qu'il ne laissa aucuns enfans, Henry surnommé le Boiteux Duc de Bauiere & Comte de Babenberg, fils de Henry le mutin, s'empara comme plus proche de son sang, de l'Empire, sans attendre la declaration des Princes d'Allemagne. De sorte mesmement qu'il se fit donner par force le manteau, & les habillemens Imperiaux par l'Archeuesque de Cologne, & puis s'alla faire l'annee ensuiuant couronner à Aix la Chapelle par l'Archeuesque de Majence. Tellement qu'il demoura tousiours depuis en possession de la dignité Imperiale iusques à sa mort, laquelle on fait compte qu'il l'a exercee l'espace de vingtdeux ans, six mois, seize iours. Helmodius, Herman Contract, Lambert Scaff, Marianus Scotus, Supplément d'Idatius, Othon de Frisingen. Aucuns desquels ont estimé avec Onufrius, que cecy aduint l'annee precedente. Mais les anciennes chartres tesmoignent que ce fut ceste-cy: Car j'ay veu la souscription d'une, qui est dattee du 18. des Cal. de Feurier, de l'an de l'Incarnation M. III. du regne du Roy Henry I. & de l'Indiction premiere. Ausquelles aussi fauorise le tesmoignage de Glaber, & de Ditmarus qui vivoient lors, lequel nous fait bien entendre qu'il n'estoit point encore de ce temps aucune mention des 7. Electeurs ne de leur Institution. Au contraire ils tesmoignent que quand Henry fut esleu, il fut créé par la multitude du peuple: *Henricum Dei auxilio & iure hereditario regnaturum.*

LA ville de Pydina en la Bulgarie assiegee par les Grecs se defendit si longuement: qu'ils furent huit mois deuant que la prendre. Cependant le Roy Samuel esperant faire leuer le siege, alla avec sa puissance courir iusques dedans le pais de Thrace. De sorte qu'il vint iusques deuant la ville d'Adrianopoli, où il fit vn merueilleux butin. Mais en se retirant, se pensant vn iour estre bien campé en lieu fort & assure, se trouua surprins si improuisément par l'Empereur, qu'il ne se peut garentir d'estre mis en routte avec son armee. Cedrenus.

ENVIRON ceste annee plusieurs Gentilshommes de la Normandie de France en nombre de quarante personnes, esmeuz de deuotion se mirent de compagnie pour aller visiter la cité de Hierusalem. Au retour duquel voyage ils vindrent descendre au port de la ville de Salerne en la Pouille qu'ils trouuerent assiegee par les Sarrazins. Qui fut cause que ils prirēt Guaymare qui en estoit Seigneur, de leur prester armes & cheuaux pour se prouuer contre les infideles qui l'assiegeoient: auquel exploict ils firent vne telle demonstration de leur proüesse & vaillance, qu'ils mirent tout leur camp honteusement en routte, apres en auoir fait passer vn nombre incroyable par le tranchant de l'espee. Au moien dequoy le Salernitain se voyant contre toute opinion humaine deliuré d'un si gros fardeau d'ennemis par vn si petit nombre d'hommes, les eut en telle admiration qu'il se força de les faire demeurer avec soy, par tous les plus beaux moiens dont il se peut aduier. Mais eux qui se contentoient de sestre exposez en deuoir auquel ils festimoient obliger par leur pieté, enuers la cause commune de la Chrestienté, ne peurent estre ny arrestez ny mesmes induits à receuoir aucun des presens qu'il leur vouloit faire en recompense de leur merite. Occasion pourquoy il s'aduisa de les faire accompagner iusques en leur pays de quelques siens Ambassadeurs, qui menerent & porterent plusieurs beaux presens, comme habits precieux, avec de beaux coursiers richement & magnifiquement enharnachez, & des fruiets naissans en la terre de laquelle y estoient: afin d'atrirer & affriander par iceux les autres vaillans hommes que la Normandie produisoit lors, de venir chercher leur bonne auanture en Italie. Ce qui fut le premier motif & occasion d'en faire partir plusieurs les vns apres les autres pour y aller. Tesmoin Leō d'Hostie en sa Chronique du Mont Cassin liu. 2. chapitre 28.

HHH iij

De l'origine de la nation des Turcs, & du commencement de leur regne.



V temps que Basile Porphyrogenite occupoit le siege Imperial de Constantinople, comme l'Empire des Sarrazins fut diuisé en beaucoup de Principautez, & que de long temps quatre des principaux Potentats du Mahumetisme fussent en vne cruelle contenance entr'eux de la dignité de Calife: guerre s'esmeut entre Nahmet & Muchmet fils d'Imbrael Soudan & dominateur des Perles Chorasmiens, Oretaniens, & Medes: & Pissassirius Calife de Syrie tenant son siege à Bagadet dicté auparauant Babylone: Lequel se seruant de Sclerus Capitaine Grec, & d'aucuns autres qu'il auoit en ses prisons, gangna l'auantage sur son ennemy: dont il fut contrainct d'appeller vn nombre de Turcs à son seruice, qui y vindrēt souz la conduicte d'un Tangrolipix ou Tragrolipax fils de Nucalet. Et le seruirent si vaillamment, qu'ils luy firent auoir par leur moien la victoire du Babylonien. A cause dequoy il les voulut encore employer contre les Indiens: faisant estat de les y mener par force puis qu'ils n'y vouloient aller de bon gré; ayans mieux se retirer en leur maison. La fin fut qu'eux n'ayaus pas le moien de passer le fleuve d'Araxes, pour rentrer en leur pais, s'emparerent par desespoir de quelques fortes places de la Perfide; où se mirent (selon d'autres) au desert Carbonitide. Et y commencerent de grand courage à faire la guerre aux Perliens. De sorte que Muchmet fut contrainct d'enuoier vne armee de vingt ou trente mille hommes contr'eux. Lesquels toutesfois ils mirent lourdement en routte: nonobstāt qu'ils ne fussent que trois mille en tout. Dequoy le Soudan fut si despitueusement courroucé contre les Chefs & Capitaines, que le supplice qu'il leur en fit receuoir, fut cause que leurs soldats fallerent rendre & ioindre à ses ennemis. Ausquels ce premier bon heur augmenta encore si fort le courage, qu'ils se mirent aux champs pour aller trouuer le Soudan mesme auant qu'il les vint chercher. De façon qu'ils le rencontrerent accompagné de toute sa puissance, qui pouuoit estre de cinq cens mille combattans Perles, Sarrazins, Arabes, & Cabixiens, avec cent Elephans tous portans Tours chargees d'hommes sur leurs doz. Et le chargerent nonobstant leur petit nombre si brusquement qu'ils le mirēt à mort. Au moien dequoy tout le reste de son armee se rendit à Tangrolipix, le receuant pour Prince, & Seigneur, iusques à luy faire prendre le nom de Soudan. Suiuant lequel exemple les citez, peuples & nations qui auoient obey au Soudan defunct, se soussmirent aussi à luy. Qui pour se fortifier encore & agrandir dauantage en ceste preeminence, fit soudainemēt ouurir les passages & entrees à vne autre grande nouuelle troupe de Turcs, qui le vindrent à son mandement trouuer de son pais. Par lesquels il fassura non seulement de l'estat de son predecesseur. Mais aussi alla guerroyer Pissassirius Calife de Bagadet, iusques à ce qu'il l'eut vaincu en beaucoup de rencontres, & en fin mis à mort. Par laquelle il amena toute la Mesopotamie avec la principauté de Babylone à ses autres conquestes. Qui est-ce que les Autheurs Grecs, comme Scillax, Cedrenus, Zonare & Iean Curopalates nous ont laissé par escrit de l'origine & commencement de l'Empire, & domination des Turcs. Lesquels ils estiment estre procedez de la nation des Huns, qui habitoient en la Scythie Orientale par delà les Monts Caspiens. Ou deuers la coste Septentrionale du Mont Caucaze, viuant à la maniere des Nomades en deserts & solitudes sans villes, chasteaux, ny bourgades, sans ciuilité & forme de republique, changeans ordinairement selon les pastures & herbages. De façon qu'aucuns ont voulu tirer leur appellation de là. Mais les autres l'attribuent à vne ville de Perse nommée Turca, en laquelle ils habiterent premierement: les autres au Roiaume de Turquesten, qui confronte le pais de Perse. Duquel Haitonus d'Armenie tesmoigne qu'ils partirent en grand nombre, pour aller au secours du dernier Roy de Perse, quand les Sarrazins occuparent premierement son Roiaume. Et pource qu'ils se trouuerent

le trouuerent arriuez apres sa deffaicte, ils se mirent en possession de la Terre de Corasem, laquelle les Califes leur permirent de retenir pour leur demeure. A condition de la tenir en vasselage d'eux par certain tribut qu'ils leur payoient tous les ans. Au moien dequoy, ils se multiplierent par succession de temps en telle abondance de personnes, qu'ils deuindrent en fin redoutables aux Califes. Qui fut cause que pensans pouruoir à leur seureté, tenterent tous moiens de les faire retirer en leur ancien pais, par surcharge d'impôts, tributs & exactions. Et apres que les premiers n'eurent sorty aucun effect, leur commanderent (comme recite Guillaume de Tyr liure 1. de la guerre sainte) par vn edict fort estroit de vider sans delay hors du pais de Perse, & aller reprendre les terres de leur premiere demeure. A quoy il ne leur fut loisible de contreuenir. Mais ils n'y furent pas plustost arriuez, qu'ils esleurent d'un consentement vn Roy pour les gouverner nommé par Haitonus Sadoch (qui signifie Iuste, & par l'Euesque de Tyr Selduc: Souz lequel ils rentrerent puis apres (à leur dire) dedans le Roiaume de Perse qu'ils trouuerent si troublé à raison des dissensions qui estoient entre les Potentats des Sarrazins, qu'ils n'eurent pas grâde peine à le reduire à leur subjection, non-plus que les autres Roiaumes qu'il confirmoient, sans faire toutesfois autre outrage au Calife que de luy oster le gouvernement du temporel des provinces, qu'il tenoit auparauant, en luy laissant la superintendance du spirituel: apres qu'il eut déclaré Sadoch Soudan & Empereur des provinces qu'il auoit occupees sur les Sarrazins. L'on dict outre-plus qu'ils abolirent le nom de Sarrazin en la Perse, remirent l'ancienne appellation, souz laquelle eux-mesmes voulurent estre comprins. Si ainsi est, on ne peut autrement estimer que Tangrolipix des Grecs ne soit Sadoc ou Selduc de Haitonus, & de l'Euesque de Tyr, qu'ils estiment auoir esté esleu l'an 1051. de nostre salut. Ou pource qu'il estoit alors encore en regne, ou qu'il fut déclaré Soudan par le Calife de Bagader, encore qu'ils ne soient pas en tout d'accord du fait. Cependant puis que par le tesmoignage expres des Grecs Tangrolipix commença seulement de faire parler de luy souz l'Empereur Basile Porphyrogenite, & qu'il n'estoit encore decédé à la fin du regne de Constantin Monomach, ceux là se sont mescomptez qui ont voulu rapporter son aduantage à l'an 960. ou 970.

<i>Du Monde.</i>	6040	<i>E. d'Allemagne.</i>	2	<i>R. de Bourgogne.</i>	10
<i>De Iesus Christ.</i>	1003	<i>R. des François.</i>	7	<i>R. de Bulgarie.</i>	26
<i>Indiction.</i>	1	<i>R. de Leon.</i>	25	<i>R. de Russie.</i>	31
<i>De l'Hegire</i>	394. le 25.	<i>R. de Nauarre.</i>	23	<i>R. de Hongrie.</i>	7
<i>d'Octobre.</i>		<i>R. des Esgoïs.</i>	8	<i>R. de Pologne.</i>	12
<i>Papes.</i>	1	<i>R. des Anglois.</i>	25		
<i>E. de Grece.</i>	28	<i>Ducs de Venise.</i>	6		

Les Princes & Potentats de la Lombardie s'estimans par la mort de l'Empereur Othon affranchiz de la seruitude des Empereurs Allemans, suiuirent le conseil d'Arduin fils de Dodo Marquis d'Iuree, ou (selon Onufrius) de Milan, qui les sollicitoit de ne se plus laisser empescher souz la subjection d'aucun autre Prince estranger. Tellement que pour ce bon aduertissement qu'il leur donnoit, ils l'esleurent luy-mesme souz ceste intention Roy d'Italie, afin d'estre souz luy maintenuz en leur liberté. Mais pource qu'Arnulfe Archeuesque de Milan ne fut appelé à l'assemblée où ceste eslection estoit faite, il s'en trouua tellement offensé (pource qu'il se disoit auoir le droit & autorité de conuoquer les Princes & Prelats d'Italie, quand il seroit question d'eslire vn nouveau Roy) qu'il appella tous les Prelats de sa province à vn Synode qui fut tenu à Lande. Où apres leur auoir remonstré le tort qu'on luy auoit fait contre son ancien droit, lequel il fondeoit sur vn ancien decret faulxement attribué à saint Gregoire, (si d'auanture Sigonius n'impute faulxement l'allegation d'iceluy à cest Euesque) qui portoit selon ces mots, *ut vacante Italia regno Archiepiscopus Mediolani intra dies quatuordecim suffraganeos aduocet, atque ex illorum sententia*

regem Italia creet. Il fit declarer par eux que Arduin auoit esté illigittimement & contre raison esleu & declaré Roy: d'autant que le droict du Roiaume d'Italie appartenoit iustement à Henry Duc de Bauiere, que les Princes de Germanie auoient subrogé à l'Empereur defunct. Pour raison dequoy eux aussi le confermoient, & establissoient en iceluy selon leur ancienne coustume par leur approbation & consentement. Qui fut cause que Arduin se mit en equipage, tant pour maintenir sa cause, que pour offenser ceux qui se voudroient formaliser contre luy. Or f'estoit ce que nous venons de reciter faict (selon Sigonius) dès l'annee precedente. Parquoy l'Empereur Henry auoit faict amas de grandes forces, pour recouurer l'Italie, lesquelles entrèrent ceste annee en icelle souz la conduicte du Duc Othon, pour couper l'herbe souz le pied à son ennemy. Mais il se trouua si fort, qu'il auoit ja vne autre aussi grande armee route dressée, qu'il mit en barbe aux Allemans, & les combatit de telle animosité qu'il les vainquit & mit honteusement en route, contraignant le reste de ceux qui eschaperent de ceste rencontre, de se retirer hors d'Italie plus viftement qu'ils n'y estoient venuz: où Arduin demeura regnant iusques à ce que l'Empereur Henry eut l'opportunité de renuoyer d'autres forces contre luy, qui ne se presenta que neuf ou dix ans apres. Si Sigonius doit estre creu (de qui nous tenons tout ce que nous venons de raconter) plustost que Herman Contract, Marianus Scotus & l'Abbé d'Vrsperg, qui ne font aucune mention de ceste defaict d'Allemans, ains au contraire, disent expressement sans faire mention d'Arduin que l'Italie fut l'annee ensuiuant subiuguee par Henry: ou que ceux de son pais mesmes, comme Palmerius, Georgius Merula, Donatus Bossius & Onufrius, qui declarent expressement que Arduin fut vaincu enuiron ceste annee, & bien tost apres mis à mort, dequoy conuient pareillement Dittmare, Glaber & la Chronique de S. Benigne: dont ne l'Autheur d'icelle, ne moy, ne nous sommes trôpez en rapportant ceste rebellion d'Italiens à ce temps. Comme Belle-forest nous veut faire croire en ses Annales de France, preferant l'opinion d'un Bernard Corie Milannois au tesmoignage de tous bons Autheurs. Mais c'est au lecteur à iuger, si vne telle ignorance audacieuse est excusable.

HENRY Duc de Bourgogne, oncle paternel du Roy Robert, mourut (tesmoin Glaber) ceste annee au mois d'Octobre. Tous avec Odorannus & Aimoinus & la Chron. de S. Benigne cōuiennēt qu'il ne laissa aucuns enfans. A cause dequoy il auoit adopté pour son fils heritier & successeur Othe Guillaume surnommé l'Estranger, fils de sa derniere femme Gerfinde ou Gerberge, Comtesse de Dijon; qui en vertu de ceste adoption & souz le port & faueur de Landry Comte de Neuers son gendre, & de Bruno Euesque de Langres, duquel il auoit espouse la sœur (aucuns adioustent encores d'Eudes Comte de Blois) se voulut emparer de la Duché de Bourgogne. Tellement que Landry se rendit le plus fort dedans la ville d'Auxerre: & auoit la pluspart de la noblesse de la Bourgogne à son party. Or cest Othe Guillaume estoit (à ce qu'escriit Glaber) fils d'un Adelbert Duc de la Lōbardie, lequel un certain moine auoit apporté furtiuement dès son enfance à sa mere en Bourgogne, où il f'estoit si bien avec l'aage auancé à vertu, qu'il f'estoit rédu l'un des plus puissans de la Bourgogne en richesses & en vaillance. Occasion pourquoy plusieurs grands Seigneurs ne desdaignerent son alliance. Comme les deux Guillaumes Comtes d'Arles & d'Aquitaine, qui espouserent deux de ses filles, & Richard Duc de Normandie qui donna sa fille à l'un de ses fils nommé Rainald ou Regnault. Ce qui me faict estimer pour certain que cet Adelbert de la Lombardie son pere, fut fils de Beragier second Roy d'Italie, qui porta aussi le mesme tiltre avec iceluy contre l'Empereur Othon premier, par lequel semblablement il en fut spolié & chassé hors d'Italie. Qui est la cause pourquoy il en fallut retirer son fils sacrettement, de peur qu'il ne tombast entre les mains d'Othon ou des ennemis de son pere. Car ie ne voy point à quel autre ce tiltre de Duc de Lōbardie pourroit appartenir.

BERNARD fils de Bruno ayant nouuellement succedé à son pere decedé, tenoit la Duché de Saxe. Lequel fut un de ceux qui se voulurent formaliser contre l'Empereur Henry. Ce qui donna aussi occasion aux Esclauons Vvagriens, Vvinides, Obodrites & autres, (lesquels Albert Crants appelle pour son plaisir Vvandalas) de fesmouuoir contre luy pour se descharger des trop grandes charges qu'il leur imposoit, comme à ses vassaux & subiects. Tellement qu'eux & leurs Princes Mistivvoi & Mizidrach commencerent de
là à

la à prendre vn grand desgoustement de la religion Chrestienne. Lequel avec vne autre occasion qui suruint bien tost apres, la leur fit du tout reietter.

HAYMON le Vicomte frere vterin des feux Comtes de Bretagne Hoel, & Guerech, ayant enuie tant de vanger leur mort, que de remettre ses nepueux Hoel & Iudicael en la principauté de Nantes, fallia du Comte d'Anjou, à l'aide duquel il commença la guerre au Prince Conan. De sorte qu'ils se donnerent bataille: où ils furent tous deux mis à mort Iudicael. Qui fut cause que le fils que laissa Conan nommé Geofroy, s'empara de la principauté de Bretagne apres le trespas de son pere l'espace de seize ans. Mais Iudicael demoura en possession de la Comté de Nantes. Voilà ce que disent les Annales de Bretagne de ceste guerre. Mais Glaber la racompte bien d'autre façon, disant que Foulques Comte d'Anjou surnommé par les autres Nerra, donna vne sienne sœur en mariage audit Conā, lequel deuint si orgueilleux & presumptueux de ceste alliance, qu'il s'en rendit odieux à toute la noblesse de son païs, iusques à s'oser faire imposer le Diademe royal sur sa teste: & encore en deuint ennemy de l'Angeuin son beau frere, occupant (à ce que disent les autres) aucunes de ses places. Tellement qu'ils se menerent vne cruelle guerre l'un à l'autre, iusques à ce qu'ils se furent assignez iour & lieu de bataille. Souz lequel lieu les Bretons firent faire vne large & profonde fosse, qu'ils cachèrent & couvrirent si dextrement, qu'ils faisoient leur compte d'y faire tomber les Angeuins, & par ce moien les deffaire sans danger. Ce qui eust succédé selon leur intention, si Dieu n'eust permis que le nombre des Angeuins qui tomberent, ne fut si grand qu'ils auoient esperé. Et que ceux qui resterent souffrirent si vertueusement avec leur Comte le choc de leurs ennemis, qu'ils le mirent honteusement en routte, demeurant le Prince Conan leur prisonnier avec Berte d'une de ses mains qui luy fut coppee en la bataille. Neantmoins il nous signifie que celà estoit aduenue deuant l'an mille.

HENRY fils de Leopold second Marquis d'Austriche, indigné de voir l'Empire occupé par Henry à qui il n'en pouoit bien desirer, pour raison de la Duché de Bauiere dont il s'estimoit estre frustré par luy, ne se pouoit accommoder à le recognoistre pour Empereur, ayant intelligence avec plusieurs grands Princes d'Allemagne, mesmement avec les deux Boleslaus Roy de Pologne & le Duc de Boëme, ensemble Herman Duc d'Allemagne & de Suaube. Si est-ce toutesfois que l'Empereur en fut si peu retardé de luy faire guerre, qu'il le contraingnit en fin à recevoir ses commandemens. Ditmarus, Lambert Scaffu, Cuspinian, Auentin liu. 5.

CONTRE Hali qui s'estoit emparé du Roiaume de Cordouë s'esleua vn autre Hali Hatan, qui se mit traistrement à mort. Dequoy les Maures irritez esleurent pour Roy vn cousin de Hali nommé Cacin ou Calin, qui eut de son costé les Maures d'Afrique nommez Berberuzes. Mais l'autre fut supporté de ceux d'Espagne. Nonobstant lesquels il sollicita Abderrahen Almotada de s'emparer du Roiaume de Cordouë. De sorte que receuant aide & secours du Roy de Sarragossé & d'Almundar Roy d'Aben Alfaie, ensemble des citez de Tolose & Valence, quoy qu'elles fussent de l'appartenance du Roiaume de Cordouë, se fit Seigneur d'une grande partie d'iceluy Roiaume. De laquelle toutesfois il ne iouyt pas longuement. Car il fut bien tost apres mis à mort en vne entreprinse sur la ville de Grenade, & sa teste portee à son ennemy à Cordouë. Geribey & autres.

GIVLA Duc de la Transsiluanie, oncle de Roy Estienne, luy voulant mal de ce qu'il auoit laissé la religion Payenne, se rebella contre luy. A cause dequoy son nepueu enuoia vne armee contre luy en la Transsiluanie qui le vainquit, & le ramena prisonnier avec sa femme & ses enfans. Bonfinius decade 1. liu. 2.

SYLVESTRE 2. Pape mourut selon Onufrius le douziesme iour de May. Ceux qui escriuent l'histoire des Papes racomptent que quand il se sentit surpris de la maladie de la mort, qu'il recogneut publiquement ses fautes & meffaiçs. Beno afferme que celuy qui luy succeda au siege Papal nommé Iean 18. ou 19. & surnommé Sicco (dont l'election fut faicte le septiesme iour de Iuin) y paruint de mesme façon qu'auoit faict son predecesseur: nonobstant que beaucoup de ses compagnons eussent brigué contre luy. A cause dequoy ils le laisserent durer si peu qu'il mourut par leurs pratiques, quatre mois vingt cinq iours apres son eslection. A cestuy decédé le dernier iour d'Octobre, succeda l'un des Cardinaux nommé Fafanus, lequel prist le nom de Iean 18. ou 19. Et presida au siege Papal 5. ans, 7. mois, 29. iours: ayant esté esleu le vingtiesme iour de Nouembre. Beno Cardinal parle de mer-

veilleuse façon des Papes de ce temps, & des manieres comme ils paruenoient à ce degré. Je ne sçay fil est Autheur qu'on doive croire.

Du Monde.	6041	E. d'Allemagne.	43	R. de Bourgongne.	11
De Iesus Christ.	1004	R. des François.	8	R. de Bulgarie.	27
Indiction.	2	R. de Leon.	26	R. de Russie.	32
De l'Hegire 395. le 17.		R. de Nauarre.	24	R. de Hongrie.	8
d'Octobre.		R. des Ecossois.	91	R. de Pologne.	13
Papes.	1	R. des Anglois.	26		
E. de Grece.	29	Ducs de Venise.	7		

OTHON fils de Charles Duc de Lorraine, qui auoit espousé Blanche, ou Sidoine fille du ieune Comte Guillaume d'Arles, niepce de Constance femme du Roy Robert, mourut sans auoir laissé aucuns hoirs. Au moien dequoy Godefroy le ieune dict à la Barbe, fils aîné de Godefroy l'Ancien, Comte d'Ardenne & de Bouillon, & de Verdun, fenzaizina de la Duché de Lorraine par le consentement de l'Empereur Henry : nonobstant que les Comtes Lambert de Brabant & Aulbert de Namur, maris de Gerberge & Hermangarde sœurs & heritiers du deffunct, querellassent le droit de ladicte Duché, estans supportez du Roy de France & du Comte de Flandre, comme estoit leur aduerfaire de l'Empereur. Chronique de Lorraine & de Flandre.

Le Roy Robert faisant estat de la Bourgongne comme de succession roiale & hereditaire, ne voulut faillir à l'occasion de la recouurer. De sorte qu'ayant sa puissance assemblee avec vne grosse troupe de Normans en nombre de trente mille, qui luy fut amenée par leur Duc, vint entrer dedans la Bourgongne, où l'exploict qu'il y fit est diuersement recité par les Autheurs. Car Aimoinus ensuiui de noz Chroniqueurs & Annalistes, dict qu'il se rendit maistre & possesseur de toute la Duché de Bourgongne, apres auoir opprimé toute la faction de ses ennemis, receu la ville d'Auxerre par composition, & le chasteau d'Aualon par la cheute des murailles d'iceluy qui tomberent sans violence comme miraculeusement deuât luy. Lequel fait Belle-forest a tellemēt encore amplifié de gloses fantastiques, qu'il l'a d'autant plus esloigné de la verité qu'il s'est moins voulu contenir en la simplicité de l'histoire, & du tesmoignage des Autheurs precedens. D'autant que Odorannus qui viuoit en ce temps, escrit seulement que Robert assiegea la ville d'Auxerre, & rauagea le pais de Bourgongne. Et Glaber declare qu'il faillit à la prendre, l'ayât assiegee : & qu'il fut aussi miraculeusement repoussé de deuant le chasteau Saint Germain : dont il fut contrainct de remener son armee en France, sans auoir fait chose plus memorable, sinon vn grand degast de pais. Nonobstant que les Bourguignons se recogneurent aucun temps apres & se rendirent à son obeissance, ne s'estant trouué de toute la noblesse de Bourgongne que Hugues Euesque d'Auxerre fils vnique de Lambert Comte de Chaallon, qui luy aida grâdement à paruenir à chef de ceste entreprinse. Mais il ne fait point mention qu'il pretēdist droit audit Duché ainsi qu'escrit, Du Tillet : ne qu'il le querellast pource qu'il estoit cousin de la Roine Constance. A cause que les Comtes de Prouence estoient issus du premier sang de Bourgongne. Car celà est de la glose de Belle-forest, ains seulement que *fuit idem Hugo Episcopus Altissiodori, regensque Comitatum patris ex Imperio Regis, quoniam prater eum, pater eius non habebat sobolem sexus masculini. Idcirco hostibus Regis contrarius, quoniam Regi fidelissimus parebat in omnibus.*

Les peuples de Florence, de Pise & de Gennes, commencerent en ce temps à se faire congnoistre, & se renommer par dessus les autres peuples d'Italie par leurs faicts & entreprinse : Les Florentins en s'elargissant & aggrandissant sur leurs voisins, & les Pisans & Geneuois en s'appliquant & exerçant au faict de la marine. Auquel ils se firent si bien valloir, que les Pisans s'oserent hazarder d'entreprendre de retirer l'isle de Sardaigne des mains des Sarrazins, & les Geneuois celle de Corse. Mais ils se trouuerent frustrez de leur entreprinse, estant la Sardaigne vaillamment defendue par le Roy qui y regnoit nommé Musacte. Ioinct que les Lucquois firent departir trop tost les Pisans de leur entreprinse, estans

estans allez assieger leur ville en leur absence, dont ils payerent l'amende à leur retour. Blondus, Sabellic, Sigonius.

GRIMVS Roy d'Escoffe trompant par sa mauuaise vie l'espoir qu'on auoit eu de luy à son aduenement, s'estrangea si bien les cœurs de toute la noblesse Escossoise, que Malcolm ou Malcombe fut incité de s'esleuer contre luy. De sorte qu'ils se donnerent bataille, où Grimus fut tué. Au moien dequoy la couronne d'Escoffe demeura à Malcolm nommé par Glaber Melculo, qui se la fit confermer par tous les estats du pais ceste annee. Tellement qu'il regna depuis legitiment l'espace de plus de 30. ans. Ioannes Maior, Buchanan. Glaber dit en ces mots: Qu'il estoit *viribus & armis validus, & quod potissimum erat, fide atque opere Christianissimus*. Et qu'il defendit vaillamment son Roiaume cy apres contre Canut Roy des Dannois.

LE Roy Estienne de Hongrie desirant tenir son Roiaume en paix & en tranquillité, fit plusieurs edicts & ordonnances à ceste fin, nommément contre les larrons, brigans, homicides, adulteres, & autres infracteurs du repos public.

BOLESLAVS Roy de Pologne fit en ce temps guerre à Boleslaus Duc de Boème sur-nommé le Roux, & gagna quelques victoires sur luy. Au moien desquelles il assiegea en fin avec son fils (selon les autres, frere) Iaromire dedans la ville de Prague. Mais ils se defendirent si longuement qu'ils ne peurent estre pris que deux ans apres. Qui fut cause que le Polonois fit creuer les yeux au pere, & retint le fils en ses prisons, reduisant toute la Duché de Boème en sa main: où il mit des gouverneurs en son nom. Neantmoins quelque temps apres il le remit à la priere de l'Empereur Henry, l'un des fils dudit Boleslaus en liberté, nomme Vlderic ou Vdalric, luy rendant avec celà la Duché de Boème pour la tenir en foy & hommage de luy: Comme Martin Cromer recite. Combien que les Chroniqueurs de Boème parlent bien diuersement de ceste guerre, & eux-mêmes aussi non guerres moins entr'eux que les Polonois d'eux. Car Dubrauius afferme que la ville de Prague fut prinse sur Iaromire, & que cependant que les Polonois la tenoient, que son frere Vdalric eschappa de la cour du Roy Henry, où il demeuroit: & s'en vint deliurer l'estat de Boème de la puissance des Polonois. Au moyen dequoy il s'en mist en possession, apres auoir fait creuer les yeux à son frere Iaromire, afin qu'il ne peust plus rien repe-ter de luy.

LES Pisans se confias en leurs forces s'osèrent derechef enuiron ce tempsingerer d'aller assieger la ville de Rezzo en Calabre, que les Sarrazins tenoient. Mais il leur fut force de quicter ceste entreprinse pour retourner defendre & restaurer leur ville, que Musacte Roy de Sardaigne estoit venu prendre d'emblee, saccager & bruller en leur absence. Blondus, Sabellic, Sigonius.

Du Monde.	6042	E. d'Allemagne.	5	R. de Bourgongne.	12
De Iesus Christ.	1005	R. des François.	9	R. de Bulgarie.	28
Indiction.	3	R. de Leon.	27	R. de Russie.	33
De l'Hegire 396. le 6.		R. de Navarre.	25	R. de Hongrie.	9
d'Octobre.		R. des Escossois.	1	R. de Pologne.	14
Papes.	2	R. des Anglois.	27		
E. de Grece.	30	Ducs de Venise.	8		

BOLESLAVS Roy de Pologne, ayant occupé le Roiaume de Boème sur le Roy Boleslaus se monstroient encore ennemy de l'Empereur Henry en toutes façons, retirant à foy tous les rebelles & ennemis, & les fauorifant, signamment Henry Marquis d'Autriche: à l'instance duquel il faisoit plusieurs courses sur le pais de Bauiere. Qui fut cause que l'Empereur mena vne armee contr'eux au commencement de ceste annee, qui entra dedans la Misnie qu'il auoit aussi occupee: d'où elle reuint sans auoir rien fait, par l'empeschement des eaux & des pluyes. Parquoy estant pressé de la rebellio des Italiens, & de leur Arduin qu'ils auoient fait Empereur contre luy, il se remit à mettre sus vne autre puissante armee,

III

avec laquelle il passa les monts malgré tous les empeschemens que ses ennemis luy voulurent donner; & estant en fin entré en la Lombardie, contreignit Arduin & ses adherens de prendre la fuite deuant luy. Au moien dequoy toutes les villes luy vindrent faire recongnissance. Tellement qu'il fit son entree, & fut receu Imperialement en toutes les principales. Mais il se trouua en grand danger dedans celle de Paue, s'estant le populaire esleué contre luy en faueur d'Arduin. Dont il en eschapa par la vaillance de ses gens aux despens des mutins & de leur ville, qui fut pillée & saccagée avec grande effusion de sang des citoiens. Nonobstant qu'il perdit en ce tumulte-là, Gisilbert frere de sa femme. Puis apres s'estre allé faire couronner à Milan, & auoir receu les deuoirs & sermens de fidelité des Magistrats & Potentats de la Lombardie, s'en reuint en diligence en Allemagne, incité à ce faire par les nouuelles qu'il receut de la mort de Herman Duc d'Allemagne, qui ne laissoit qu'un fils de mesme nom que luy en fort bas aage. Comme tesmoigne Dittmarus avec Glaber qui viuoient lors. Ce qui est bien le contraire de ce que Sigonius a escrit de ce premier voyage de l'Empereur en Italie. Mais tant y a que l'Empereur mena encore outre celà deuant la fin de l'annee son armee en Boëme contre le Roy Boleslaus qui l'occupoit, où l'heur luy dist si bien qu'il contraignit l'vsurpateur d'icelle de s'enfuir en son Roiaume de Pologne. Au moien dequoy il rendit la principauté de Boëme à l'aromire frere de feu Boleslaus le Roux. Et l'en ayant mis en possession, ramena son camp en la Misnie, où il fut arresté l'espace de quelque temps deuant la ville de Budissime, qui luy fut finalement rendue, & tout le reste du pais. Consequemment en la mesme annee l'Empereur receut le Marquis d'Autriche en grace, & institua Henry frere (comme dict Herman Contract) de sa femme, Duc de Bauiere. Le ne sçay pourquoy Dittmare l'appelle gendre dudit Empereur.

ENVIRON ce mesme temps le Pape Iean tira certain nombre de personnes de cinq villes de la Toscane, assauoir de Florence, Peruse, Arece, Volaterre & Cluses : desquelles il fit peupler la ville de Sienne. Blondus.

FROMVND Comte de Sens mourut, laissant vn fils nommé Ramard ou Regnault, qui luy succeda en sa Comté, lequel ne fut gueres amy des gens d'Eglise qui estoient en ses terres. Annales de France.

Du Monde.	6043	E. d'Allemagne.	6	R. de Bourgongne.	13
De Iesus Christ.	1006	R. des François.	10	R. de Bulgarie.	29
Indiction.	4	R. de Leon.	1	R. de Russie.	34
De l'Hegire 397. le 26.		R. de Nauarre.	26	R. de Hongrie.	10
de Septembre.		R. des Escossois.	2	R. de Pologne.	15
Papes.	3	R. des Anglois.	28		
E. de Grece.	31	Ducs de Venise.	9		

BAUDOUIN Comte de Flandre prenât à cœur le tort qu'on faisoit aux filles du feu Duc Charles de Lorraine, desquelles il estoit parent, les desheritant de la succession de leur pere, dressa en faueur d'elles vne puissante armee : avec laquelle il conquesta les villes qui sont sur l'Escault, comme Vallenciennes, Dinant, Brachant & autres qui tenoient de l'Empereur & de Godefroy vsurpateur du Duché de Lorraine. Qui fut cause de faire partir d'Allemagne l'Empereur avec sa puissance, pour secourir le Duc Godefroy, & le Roy de France, accompagné du Duc de Normandie pour assister au Comte Baudouin. De sorte qu'ils contraignirent les Allemans de leuer leur siege de deuant Vallenciennes, qu'ils vouloient reprendre. Mais ils le transporterent deuant la ville de Gand, qui estoit de l'appennage du frere du Comte Baudouin : où ils gangnerent aussi peu qu'à l'autre. En fin appointement se fit, par lequel l'Empereur retira la ville de Vallenciennes, qu'il rendit quelque téps apres au Comte de Flandre, avec le pais de Vallacrie, & les Isles de Zelande, à les tenir à foy & hommage de l'Empire. Qui fut occasion d'un grand discord,

cord, qui dura entre les Flamans & Hollandois, lesquels pretendoient droict en la Zelande par la donation qu'ils disoient que l'Empereur Lothaire fils de Louis le Debonnaire leur en auoit fait. Ditmarus, Sigebert, Chroniques de Flandre, de Lorraine & de France.

ALFONSE Roy de Leon en Espagne, tenant le chasteau de Visæo en Portugal que les Maures occupoient assiéger, fut blessé : dont il mourut (au rapport de Roderic) en l'Ere mil quarante quatre, laissant vn fils nommé Veremund ou Vermudes troisieme, qui luy succeda à la couronne, & regna dix ans avec vne fille appelée Sainte ou Sancia, qui fut fiancée à vn Garcias fils de Sancio ou Sanche Comte de Castille, qui mourut deuant qu'il l'espouser. A cause dequoy elle fut donnée puis apres à Ferdinand fils de Sancius le grand Roy de Nauarre, qui par son moien obtint cy apres le Roiaume de Leon, qu'il fit appeller de Castille. Pource qu'il fut fils de Geloira fille aînée dudit Comte Sancius de Castille, qui ne laissa que le susdict Garcias, lequel mourut enuiron ce temps deuant que d'estre espousé. A cause dequoy le Comte de Castille vint hereditairement à sa sœur Geloira, femme de Sancius ou Sanche le grand Roy de Nauarre. Roderic de Tolette.

<i>Du Monde.</i>	6044	<i>E. d. Allemagne.</i>	7	<i>R. de Bourgogne.</i>	17
<i>De Iesus Christ.</i>	1007	<i>R. des François.</i>	11	<i>R. de Bulgarie.</i>	30
<i>Indiction.</i>	5	<i>R. de Leon.</i>	2	<i>R. de Russie.</i>	35
<i>De l'Hegire 398. le 15.</i>		<i>R. de Nauarre.</i>	27	<i>R. de Hongrie.</i>	11
<i>de Septembre.</i>		<i>R. des Escossois.</i>	3	<i>R. de Pologne.</i>	16
<i>Papes.</i>	4	<i>R. des Anglois.</i>	29		
<i>E. de Grece.</i>	32	<i>Ducs de Venise.</i>	10		

LES Venedes ou Esclauons se reuoltans contre la religion Chrestienne qu'ils auoient receuë souz l'Empereur Othon, retournerent à leur premiere superstition. A cause dequoy l'Empereur Henry mena vne armee contr'eux, qui les intimida de telle façon que force leur fut d'obtemperer à ce qu'il leur voulut commander, Selon Gaspar Peucer. Mais Ditmare au liure sixiesme de son histoire rapporte celà aux Luiticiens ou Lufatiens. Selon lequel aussi l'Empereur à la fin de ce voyage-là fit entrer son armee dedans le Roiaume de Pologne, mesmement dedans la Pofnanie, où il fit vn grand degast. Qui fut cause que le Roy Boleslaus enuoia vers luy pour faire paix, laquelle luy fut accordée. Mais il declare que celà se fit deuant la guerre qu'il mena au Comte Baudouin de Flandre.

VERMUND Roy de Leon accompagné de Raimond Comte de Barcelonne combatit les Maures en champ de bataille pres la ville de Cordouë, de laquelle il emporta la victoire, faisant demourer sur le champ vn grand nombre de ses ennemis. Fran. Taraffa.

A v mesme temps Cacin ou Calin Roy de Cordouë deceda. Parquoy Hyaia fils de Mahomet, duquel a esté parlé cy deuant, fut receu en son lieu par le moien des Berberuzes. Qui fut aussi cause que les Maures d'Espagne luy susciterent contre luy Buz Prince de Grenade, par les pratiques duquel Hyaia fut mis à mort en la cité de Malaga. Au moien dequoy Abderramen 4. du nom fut receu en son lieu, où il ne demeura qu'un mois dixsept iours, pource qu'il en fut desarçonné par Mahomet 4. du nom. Les richesses & auarice duquel luy causerent & auancerent sa ruine seize mois apres qui eut esté estably au siege de Cordouë : pource qu'on luy bailla pour successeur vn Hifen troisieme du nom, qui ne fut pas de plus longue durée que les precedens, non tant pour sa faulte que de celle de son Lieutenant, qui voulut traiter son peuple trop cruellement. En haine dequoy on luy opposa vn Almudit deuxiesme du nom, qui pour auoir demandé d'estre receu Roy vn iour entier seulement & le lendemain mis à mort s'ils vouloient, fut dès l'heure mesme qu'on l'auoit esleu massacré. Ce qui n'amenda en rien le fait de Hifen : pource qu'ils le prindrent & mirent en prison avec ses enfans. Tout lequel tumulte dura depuis ceste année iusques à l'an 1012. Estienne Gariuey.

EN ce temps viuoit Hilperic, qui compoſa les regles de computer, Bourchard Eueſque de Vvormes diſciple d'Albert compilateur des anciens decrets de l'Egliſe, qui furent depuis abregez & corrompuz par Gratian, avec Herman moine de ſainct Gal, à qui on attribue la compoſition du *ſalue Regina*, & de *Alma redemptoris*: Comme on faiſt à Fulbert Eueſque de Chartres (qu'aucuns diſent auoir eſté Chancelier du Roy Robert, duquel vn liure d'Epitre a eſté remis en lumiere depuis nagues) les Cantiques, *Chorus noua Hieruſalem*, & *ſtirps Ieſſe*, qui eſtoit auſſi du meſme temps: Auquel meſme le Roy Robert ſ'adonna auſſi à compoſer Proſes, & autres Reſponſoires qui ſe chantent eſ Eglifeſ. De ſorte qu'on eſtime que *ſancti ſpiritus adſit nobis gratia*, le Reſpons de Noel, *Iudea & Hieruſalem*, enſemble *O conſtantia martyr*, & *Cornelius Centurio*, ſont de luy: & qu'il les alla luy-meſme en vn pelerinage qu'il fit à Rome preſenter ſur l'autel de ſainct Pierre en preſence du Pape & des Cardinaux. Sigebert, Triterius, Mer des hiſtoires.

Du Monde.	6045	E. d'Allemagne.	3	R. de Bourgogne.	15
De Ieſus Chriſt.	1008	R. des François.	12	R. de Bulgarie.	31
Indiction.	6	R. de Leon.	3	R. de Ruſſie.	36
De l'Hegire 399. le 4.		R. de Nauarre.	28	R. de Hongrie.	12
de Septemore.		R. des Eſcoſſois.	4	R. de Pologne.	17
Papes.	5	R. des Anglois.	30		
E. de Grece.	33	Ducs de Veniſe.	11		

HENRY frere de Chunegunde Emperiere, à qui l'Empereur auoit donné la Duché de Bauiere, ſe rebella toutesſois contre luy ſouz l'appuy & intelligence qu'il auoit avec aucuns autres Princes & Prelats, pretendans qu'il dilapidoit le douaire de ſa ſœur en donations qu'il faiſoit aux Eglifeſ. D'autant qu'il vouloit eriger la ville de Babembert en la Franconie, qu'il auoit donnée en dot à ſa femme, en Eueſché: tellement qu'il en fit pour ceſt effect aſſemblé vn Synode à Francfort, où ce qu'il demandoit ne luy fut accordé. En ces entreſaictes mourut Luitolf Archeueſque de Treues, qui fut cauſe qu'une partie du Clergé d'icelle Eglife delà eſleut Adalbero frere de l'Imperatrice pour ſucceſſeur d'iceluy: lequel l'Empereur ne voulut confermer, ains donna l'Archeueſché à vn Menigaud, & de là vint vne autre occaſion de la reuolte dudit Henry qui eſtoit auſſi frere de ceſt Adalbero. Tellement qu'apres qu'iceluy Adalbero ſe fut emparé de la ville de Treues, & en ouſt eſté chaffé par l'Empereur Henry, ſ'alla jeter dedans Strasbourg, qu'il ſaccagea. Et puis ſ'empara de la cité d'Ausbourg. Mais l'Empereur ayant leué ſes forces, alla rencontrer ſes aduerſaires, auxquels il donna auſſi bataille. Dont il gangna la victoire, par le moié de laquelle il expolia le Duc Henry de la Duché de Bauiere, & la retint quelque temps entre ſes mains deuant que de la luy rendre. Auentin. Cependant Triterius en ſon Chronicon Hiriſagieneſe appelle ledit Duc Henry Ecelin, eſtimant qu'il eſpouſa Melchide fille de Theophania, ſœur de l'Empereur Othon troiſieſme. De laquelle il eut pluſieurs enfans, nommément vn Ludolſe, qui fut ſon ſucceſſeur & heritier au Palatinat du Rhin.

GEOFFROY Comte ou Duc de Bretagne, ayant eſpouſé la ſœur de Richard Duc de Normandie, pourſuiuit à l'ayde d'iceluy tellement par armes Iudicael Comte de Nantes, qu'il le contraingnit à la fin, apres l'auoir vaincu en bataille, de ſe ſouſmettre à luy, & de le recognoiſtre pour ſon Seigneur Lige, en reprenant ſa Comté de luy à foy & hommage. Au moié de quoy toute la Duché de Bretagne demeura touſiours depuis paſſible ſouz l'obeiſſance dudit Geoffroy. Annal. de Bretagne.

EN ce temps les Sarrazins d'Afrique deſcendirent à grande puiſſance en Italie, & ſe diuiſans en deux bandes, l'une aſſiegea la ville de Capua, l'autre Bari. Mais vn Capitaine nommé Gregoire enuoie par l'Empereur de Grece ſe ioignant avec Pietro Vrſcolo Duc de Veniſe, ſecourut de ſi bonne ſorte Bari, que ce fut à la honte & conſuſion deſdits Sarrazins. Blondus, Pandolfo Collinutio, Sabellic.

A v meſme temps Boleslaus Roy de Pologne commença guerre à Iaroflaus Prince de Ruſſie pour la reſtitution des freres d'iceluy, qu'il auoit dechassez. Tellement qu'il le vainquit & deffit. Au moien dequoy il ſe fit rendre la ville de Kionie. Martin Cromer. Mais Ditmare attribue celà à l'annee deuant que l'Empereur fiſt ſon ſecond voiage en Italie, & mōſtre qu'il faut entendre celà de Vlodimire.

TEDALD Marquis de la Toſcane mourut, laiſſant deux fils, Boniface & Conrard: deſquels Boniface fut le plus grand, riche & puiſſant terrien de tous les Seigneurs d'Italie en ſon temps. Car il ſe diſoit Marquis & Duc de la Toſcane, Marquis de Ferrare & Comte de Canoſſe, de Parme & de Mantouë. Celle qu'on a appelee cy apres la Comteſſe Mathilde, fut fille & heritiere d'iceluy. Teſmoin Sigonius.

<i>Du Monde.</i>	6046	<i>E. d'Allemagne.</i>	8	<i>R. de Bourgongne.</i>	16
<i>De Ieſus Chriſt.</i>	1009	<i>R. des François.</i>	13	<i>R. de Bulgarie.</i>	32
<i>Indiction.</i>	7	<i>R. de Leon.</i>	4	<i>R. de Ruſſie.</i>	37
<i>De l'Heſire</i>	400. le 23.	<i>R. de Navarre.</i>	29	<i>R. de Hongrie.</i>	13
<i>d'Aouſt.</i>		<i>R. des Eſcoſſois.</i>	5	<i>R. de Pologne.</i>	18
<i>Papes.</i>	1	<i>R. des Anglois.</i>	31		
<i>E. de Grece.</i>	34	<i>Ducs de Veniſe.</i>	12		

ADALBERO Eueſque de Mets & de Verdun fils de Frederic Duc de Moſellane, auoit à ſon trespas reſigné ſon Eueſché à Theodoric ſon nepueu fils de Theodoric ſon frere, qui auoit ſuccedé à leur pere en la Duché de Moſellane : & pource qu'il eſtoit encore fort ieune, il luy auoit auſſi laiſſé pour gouuerneur & curateur Theodoric beau-frere de l'Empereur Henry. Qui au lieu de conſeruer le droit qui luy eſtoit donné en garde, ſ'en mit en poſſeſſion comme de ſon propre, & prit priſonnier le Duc Theodoric le pere qui ſe vouloit oppoſer pour ſon fils. Et d'autant auſſi qu'il eſtoit de la ligue des Princes qui ſ'eſtoient rebellez contre l'Empereur : celà fut cauſe qu'il mena ſon armee deuant Mets qu'il tint ſi longuement aſſiegee, que force fut en fin audit Theodoric d'obtemperer à ce qui luy fut ordonné de faire. Sigebert, Auentin, Richard de Vaſſebourg.

BOLESLAVS Roy de Pologne apres auoir rendu la ville de Kionie qu'il auoit priſe à Stopole frere de Iaroflaus, remenoit ſon armee en Pologne, quand Iaroflaus le vint pourſuire derechef avec vne nouuelle armee qu'il auoit aſſemblee à Nouogrod : & l'ayant attainct ſur la riuiere de Boge, luy donna bataille, laquelle les Polonois ſouſtindrent ſi vertueuſement, qu'ils en obtindrent la victoire par vne merueilleuſe deſconfiture qu'ils firent de Ruſſiës. Hiſtoire de Pologne. Mais Ditmarus teſmoigne qu'il rompit au meſme temps la paix qui luy auoit eſté cy deuât accordee par l'Empereur Henry, tellemēt que la guerre luy fut ſignifiee. A cauſe dequoy il ſe jettā dedans la Miſnie & y priſt la ville de Budiffine par vn long ſiege à faute d'eſtre ſecouru.

LES Pyrates de Noruerge qu'on diſoit Normans, ayant priſ terre en la Friſe, y ſaccagerent & bruſlerent la ville de Tile. Sigebert.

JEAN 18. ou 19. Pape receuant (comme on diſt) le payement de ce qu'il auoit preſté à ſon predeceſſeur en meſme monnoye, mourut le dixhuietieme iour de Iuillet, & eut pour ſucceſſeur les fils d'un citoien de Rome nommé Martin, qui prit le nom de Sergius 4. ſouz lequel il preſida au ſiege Romain deux ans, neuf mois, vnze iours. Platine & les autres font honorable mention de luy: Nonobſtant que Beno Cardinal n'eſtime pas qu'il ſoit paruenū au Papat par autre chemin que ſes derniers predeceſſeurs. Ditmarus qui viuoit lors afferme, que c'eſt luy qui a eſté ſurnommé Groin ou Bouche de Porc.

L'ORDRE & congregation des moines Camaldulenſes fut ceſte annee inſtituee en Italie par Romuald. Onufrius.

<i>Du Monde.</i> 6047	<i>E. d'Allemagne.</i> 9	<i>R. de Bourgongne.</i> 17
<i>De Iesus Christ.</i> 1010	<i>R. des François.</i> 14	<i>R. de Bulgarie.</i> 33
<i>Indiction.</i> 8	<i>R. de Leon.</i> 5	<i>R. de Russie.</i> 38
<i>De l'Hegire</i> 401. <i>le 13.</i>	<i>R. de Navarre.</i> 30	<i>R. de Hongrie.</i> 14
<i>d'Aoust.</i>	<i>R. des Eſcoſſois.</i> 6	<i>R. de Pologne.</i> 19
<i>Papes.</i> 1	<i>R. des Anglois.</i> 32	
<i>E. de Grece.</i> 35	<i>Ducs de Venise.</i> 13	

LES Normans retournent derechef en la Frise, prirent & bruslerent la ville d'Ultrait. Sigebert.

LES Florentins ayant de long tēps enuie de reduire la ville de Fesules en leur puissance, pource que les citoyens d'icelle leur estoient aduersaires, leur donnerent trefues: par le moien desquelles ils surprindrent leur ville d'emblee: & puis l'ayant ruinee transporterent tout le peuple d'icelle à Florence, qui fut tellement fortifiée par iceluy, qu'elle prist de là le commencement & origine de la grandeur où elle est depuis paruenue.

GEOFFROY surnommé Grifegonnelle, Comte d'Anjou, mourut, ayant vn fils nommé Maurice qui luy succeda en sa Comté. Chronique d'Anjou. Mais ce que nous auons dict cy deuant de Foulques oncle de la Roine Constance, nous faiet congnoistre que cestuy-cy deceda long temps auparauant, & que ceste Chronique n'est pas certaine.

AZIZIVS (selon les Grecs) ou comme veult Guillaume Euesque de Tyr, Hequem, selon d'autres Axius, Calife, voulant faire paroistre le zele qu'il portoit à sa religion, afin de effacer le soupçon que ses gens eussent peu auoir de luy, estant fils d'une Chrestienne mere d'Orestes Patriarche de Hierusalem, rompit les trefues qu'il auoit avec l'Empereur de Grece, & fit ruiner & demolir le Temple des Chrestiens en la ville de Hierusalem, se declarant en toutes sortes leur ennemy. Cedrenus tesmoigne que cecy aduint en ceste Indiction, Ioannes Curopal. l'an du monde au compte des Grecs 6618. Blondus & Sabellic ont mal estimé que Hierusalem fut au mesme temps prise par les Turcs. Mais Glaber qui viuoit en ce temps dict que cela se fit l'an 1009. à la suscitation d'aucuns Iuifs qui habitoient en France: lesquels enuoierent de leurs gens vers luy pour l'inciter à faire la guerre aux Chrestiens. Ce qu'estant ſceu, fut cause qu'on fit vn grand massacre de Iuifs par toute la France. Neantmoins l'annee d'apres la mere de ce Calife qui se nommoit Marie, fit tant enuers son fils, qu'il permit que le mesme Temple fut rebasty & remis sus.

<i>Du Monde.</i> 6048	<i>E. d'Allemagne.</i> 10	<i>R. de Bourgongne.</i> 18
<i>De Iesus Christ.</i> 1011	<i>R. des François.</i> 15	<i>R. de Bulgarie.</i> 34
<i>Indiction.</i> 9	<i>R. de Leon.</i> 6	<i>R. de Russie.</i> 39
<i>De l'Hegire</i> 402. <i>le 2.</i>	<i>R. de Navarre.</i> 31	<i>R. de Hongrie.</i> 15
<i>d'Aoust.</i>	<i>R. des Eſcoſſois.</i> 7	<i>R. de Pologne.</i> 20
<i>Papes.</i> 2	<i>R. des Anglois.</i> 33	
<i>E. de Grece.</i> 36	<i>Ducs de Venise.</i> 14	

VN Capitaine de l'Empereur de Grece, en Italie fit en ce temps edifier la ville qu'on nomme maintenant Troia en la Pouille, au lieu qui se nommoit anciennement Castra Hannibalis, comme lieu fort propre à la retraicte des Grecs, & pour tenir la Pouille & la Calabre en bride. Cependant le Lieutenant de l'Empereur esdicts pais nommé Meles, qui ordinairement faisoit sa residence en la ville de Bari, & estoit natif du mesme pais, aidé par vn sien cousin Gentilhomme nommé Dattus, ne se pouuant comporter souz la seruitude des Grecs, fit enuiron le mesme temps rebeller tout le pais de Beneuent & la Calabre aussi

aussi contre son maistre : & se rendit si fort, qu'il deffit en bataille rangee vne grãde armee de Grecs, qui fut enuoyee contre luy souz la conduite de Basile Argire & Contoleon. Cedrenus, Ioannes Curopalates, Blondus, Leon d'Hostie en sa Chronique du Mont Cassin. Combien que Cedrenus semble rapporter cecy apres la seconde Indiction.

ENVIRON le mesme temps, Sancius Comte de Castille mourut, laissant vn fils nommé Garfias, qui luy succeda à la Comté, estant en l'age de treze ans: lequel fut tué bien tost apres à la court du Roy Veremund de Leon, où il estoit allé demander la sœur d'ice-luy en mariage nommee Sancia. Au moyen dequoy Sance le grand Roy de Nauarre luy succeda au Comté de Castille par le droict de sa femme, qui estoit sœur du defunct, nommee Elmra, ou selon d'autres la Grande: dont il prit le tiltre de Castille. Mais il ne s'en fit pas nōmer Côte, ains Roy, estant le premier qui donna le tiltre de Royauté à la Castille. Puis fit en sorte que Sancia sœur du Roy Veremund qui auoit esté promise à feu Garfias, fut donnee en mariage à son 2. fils Ferdinand ou Fernand, qui par le moyen d'elle succeda cy apres à la couronne de Leon, & l'incorpora avec la Castille. Roderic de Tolette, Valsæus.

Av mesme temps les Noruegiens se rebellerent pour se remettre en liberté contre Olaus Roy de Sueffe, à l'appetit d'un seigneur Noruegeois nommé Olaus fils de Harald Grenska, qui fut en apres canonisé entre les Saints. Souz lequel ils prindrent les armes, & donnerent bataille aux Sueffiens dedans leur pays. Mais ils furent vaincuz & rechassez. En se retirant toutesfois ils s'emparerēt de l'isle de Gotlandie, & de là s'en allerēt au service du Roy d'Angleterre contre les Danois, demeurans cependant affranchiz de la subiection des Sueffiens, souz le gouvernement dudit Olaus. Ioannes Magnus liure 17. chap. 21. & 22. de l'Histoire Gotthique. Albert Crants toutesfois est d'aduis que Eric estoit lors Roy des Sueffiens, qui auoit quelque temps auparauant chassé Suenon Roy de Danne-marc hors de son Roiaume. Ce que luy ayant fait penser à ses fautes, il s'estoit retourné à la Religion Chrestienne, qu'il auoit cy deuant abiuree & persecutee.

Du Monde.	6049	E. d'Allemagne.	11	R. de Bourgongne.	19
De Iesus Christ.	1012	R. des François.	16	R. de Bulgarie.	35
Indiction.	10	R. de Leon.	7	R. de Russie.	40
De l'Hegire 403. le 22. de		R. de Nauarre.	32	R. de Hongrie.	16
Iuillet.		R. des Escossois.	8	R. de Pologne.	21
Papes.	1	R. d'Angleterre.	34		
E. de Grece.	37	Ducs de Venise.	15		

LES guerres & autres affaires qui auoient cy deuant empesché l'Empereur Henry, tāt contre les Esclauons que contre ses ennemis & aduersaires, depuis que son armee eut esté deffaite en Italie, & retardé de vacquer au recouurement d'icelle, donna moyen à son ennemy Arduin, qui auoit pris le tiltre de Roy d'Italie, de s'aggrandir & fortifier en telle sorte qu'il se mit à faire la guerre aux Milanois, pour les contraindre de se soubmettre à luy. Qui fut cause que l'Archeuesque sollicita l'Empereur de les venir secourir; luy remōstrant par lettres qu'il y alloit de son estat & honneur, s'il les laissoit tōber entre les mains de son ennemy. Ce qui eut tel pouuoir enuers luy, ioinct qu'il se trouuoit deliuré lors de toutes autres guerres, qu'il commença de dresser vne armee pour la conduire luy-mesme l'annee ensuiuant en Italie. Sigonius.

SANCIUS Roy de Nauarre se trouuant grandement accru de sa puissance par la Comté de Castille qui luy estoit aduenue, se mit à faire la guerre aux Maures plus asprement qu' auparauant. Ce qui luy apporta vn grand trouble à sa maison, pource que lors qu'il vacquoit à ses guerres, son fils aîné Dom Garfias conceut vn grand despit contre sa mere, pource qu'elle luy refusa vn cheual que son pere luy auoit grandement recomman-dé. Tellement qu'il l'accusa enuers luy à son retour de s'estre forfait de son honneur : & comme elle fut condamnée à prouuer son innocence, ou par le combat de corps à corps,

ou par la voye de iustice, & que personne ne s'osast presenter pour la defendre contre ses propres fils : il y eut vn des autres fils de son mary nommé Ranimire, qu'il auoit eu d'une autre femme, ou d'une concubine, qui s'offrit à combattre pour son innocence. Dont elle luy sceut si bon gré apres qu'elle eut esté iustificée, qu'elle luy resigna du consentement de son mary le pais d'Arragon qui luy appartenoit de son estoc, pour le tenir avec tiltre de Roy apres le trespas de son pere. Roderic, Valsus.

HERMAN dict le Jeune, Duc de Suaube, mourut sans enfans. A cause dequoy l'Empereur conféra sa Duché à Erneste ou Ariouiste, mary de Gifala, niepce de Rodolfe Roy de Bourgongne. Auquel temps la Comté de Carinthie fut dōnée par le mesme Empereur à Adalbero apres le trespas du Marquis Cōrard decedé sans enfans. Herman Cōtr. Auétin.

EN la mesme année Iaromire Prince de Boëme fut dechassé de son pais par son frere Vdalric ou Othelric, & en pensant se retirer vers l'Empereur, fut par vn Euesque de Baviere retenu & mis en prison, sans le sceu de l'Empereur. Lequel receut bié tost apres le frere d'iceluy en sa grace, & luy cōferma la principauté de Boëme, q̄ il auoit vsurpee. Ditmare.

BOLSLAVS Roy de Pologne fit guerre aux Saxons, pour retirer à soy les terres que leurs ancestres auoient autresfois occupees sur les siens. Martinus Cromerus. Mais Ditmarus rapporte celà aux années precedentes, & à celle-cy plustost, le voyage que l'Empereur fit faire contre luy par les Ducs de Saxe, Marquis de Brandebourg, & Iaromire Prince de Boëme, qui en retournerent victorieux : dont il fut en fin contrainct de refaire sa paix avec l'Empereur.

SVEVON premier du nom, fils de Harald Roy de Dannemarc, estant informé du mauuais gouuernement du Roiaume d'Angleterre, par la pusillanimité de son Roy, fut incité de s'y aller aduanturer. De sorte qu'il y descendit avec vne grande armee, & gagna beaucoup de victoires sur les Anglois. Au moyen desquelles il les eust bien tost reduits souz sa puissance, si faulte de viures & de prouisions de camp ne l'eussent empêché de paruenir à la fin de sa victoire. Si est-ce que les Anglois furent contraincts d'acheter la paix de luy, auant qu'il se retirast en son pais, moyennant certain tribut qu'ils s'obligèrent de luy payer : comme tesmoigne Polydore Virgile, avec Ditmare liure second, qui viuoit lors. Mais Ioannes magnus en son Histoire de Noruerge, afferme qu'il fut à ceste fois dechassé d'Angleterre par l'aide que Olaus Roy de Noruerge donna aux Anglois.

QUELQUE malheur qui fust adueni à ceux qui auoient voulu cy deuant regner à Cordouë, si est-ce qu'il se trouuoit tousiours quelque maladié, qui pour y regner exposoit prodigalement sa vie à tout danger : ainsi que fit ceste année vn maure natif d'Algafur appelé Iohar, qui se laissa installer au siege de Cordouë, où il demeura deux ans. Ce qui sembla beaucoup, veu le temps que ses predecesseurs y auoient duré. Qui donna moyen & opportunité à Dom Sanches Roy de Nauarre & Comte de Castille, de faire vne bonne partie de ce qu'il voulut sur les maures d'Espagne. Estiène Gariuey en son Hist. d'Espagne.

A Maurice Comte d'Anjou decedé sans enfans, succeda son frere nommé Foulques, dict Neira, en sa Comté. Annales anciennes.

A Sergius decedé le 29. iour de may, succeda au siege Papal Benoist sept ou huitiesme du nom, fils d'un Gregoire Euesque du Port, qui estoit de la lignee des Comtes de Tusculane. Beno n'a point eu honte d'escrire qu'il paruint à ce degré à l'aide d'un sien nepueu nommé Theophilaëte, de Iean Gratian, Laurens Malficain, Brasulus, & autres, tous disciples de Syluestre ; lesquels auoient grand pouuoir en la Court de Rome. Somme qu'Onufrius cōpte qu'il a presidé 11. ans, 8. mois, 21. iour. Glaber luy veult attribuer d'auoir fait le decret par lequel nul ne pouuoit estre ny se dire Empereur, que celuy que le Pape auroit esleu & choisi pour les bones mœurs vtile à la chose publique, & auquel il auroit présenté le signe Imperial. Les mots de l'auteur sont : *Nullus Imperator dici aut esse valeat, nisi quem Papa, morum probitate delegerit, aptum Reipublicæ, eique commiserit insigne Imperiale*. Or il dit encore que ce signe Imperial s'estoit fait auparauant de plusieurs & diuerses façons : mais que ce Pape fut le premier qui le fit fabriquer en forme de Pomme ronde : sur laquelle fut posée vne croix, & donne la signification d'iceluy. *Licet (dit-il) illud insigne Imperiale diuersis speciebus prius figuratum fuisset, à venerabili tamen P. P. Benedicto sedis Apostolicæ fieri iussu est admodum intellectuâli specie. Præcepit enim fabricari quasi aureum pomum atque circumdari per quadræ preciosissimis quibusque gemmis, ac desuper auream crucem iussit inferi. Erat autē instar speciei huius mundanæ molis: quæ videlicet in rotunditate consistere perhibetur: ut dum siquidē respiceret illud, Princeps*

Princeps terreni Imperij, foret ei documentum non aliter debere Imperare vel militare in mundo, quam ut dignus haberetur vivifica Crucis tueri vexillum. In ipso etiam diuersarum gemmarum decoramine, videlicet Imperij culmen plurimarum virtutum speciebus exornari oportere. Lequel tesmoignage i'ay bien voulu inserer en ce lieu, pource que ie ne l'ay veu escrit ailleurs, ny en aucun auteur qui soit mis en lumiere, ainsi qu'il semble donner à entendre qu'il n'estoit lors encore mention de l'institution des sept Electeurs: car il en eust aussi bien parlé que de ce que nous venons de reciter.

Ce qu'aucuns ont escrit de dixhuit personnes, lesquels s'estans mis à dancier le iour de Noël pendant qu'on chantoit la Messe, demeurèrent par la malediction du Prestre tousiours dançans sans intermission iusques au bout de l'annee, aduint (comme ils disent) ceste annee. Vincent de Beauuais.

Du Monde.	6050	E. d'Allemagne.	12	R. de Bourgogne.	20
De Iesus Christ.	1013	R. des François.	17	R. de Bulgarie.	36
Indiction.	11	R. de Leon.	8	R. de Russie.	41
De l'Heure 404. le 11 iour		R. de Navarre.	33	R. de Hongrie.	17
de Iuillet.		R. des Escossois.	9	R. de Pologne.	22
Papes.	2	R. des Anglois.	35		
E. de Grece.	38	Ducs de Venise.	16		

L'ARMEE de l'Empereur Henry partant d'Allemagne, se rendit au Printemps de ceste annee en la Lombardie, deuant laquelle Arduin se vint presenter avec la sienne aupres de Veronne, ayant en sa compagnie le Marquis Hugues avec ses deux fils Azo & Opizo, pour le combattre, esperans que la fortune leur deust estre encore autant fauorable ceste fois contre luy-mesme, qu'elle auoit esté cy deuant contre ses Lieutenants. Mais le contraire leur aduint: car ils furent si lourdement vaincuz, que Arduin apres auoir veu son armee rompuë ou mise en pieces, n'eut loisir que de se sauuer tout seul à Pauie, dont il luy fut encore force de se retirer bien soudainement en son pays d'Iuree. Au moyen dequoy toute la Lombardie se rendit en peu de temps à l'Empereur. Dont il se fit couronner Roy d'icelle par l'Archeuesque de Milan. Et apres s'estre fait faire & construire vn Palais à Pauie, tint vne Diette à Romalie des estats d'Italie, où il fut aduisé & ordonné du gouuernement & police de ce Roiaume. Telle fut la cause & succez de la premiere venue de cest Empereur en Italie: selō qu'elle a esté exposée par Glaber & Sigonius, qui me semble auoir mieux atteint la verité que Sigebert, Blondus, & Pandolfo Collinutio, qui ont escrit que les Sarrazins gastans & destruisans l'Italie, firent que l'Empereur Henry passa les Monts avec vne grande armee pour les dechasser. De sorte qu'il les alla trouuer deuant la ville de Capua, qu'ils tenoient assiegee: où il les traita si rudement, qu'ils furent contraincts d'abandonner l'Italie: adioustant Pandolfo Collinutio qu'il prit au mesme voyage, à l'instance du Pape Boniface la ville de Troye en la Pouille, nouvellement fortifiée par les Grecs: d'autant qu'il appert par Glaber, Herman Contract, Marianus Scotus, & l'Abbé d'Vrsperg, que celà aduint seulement, & que Ditmare declare qu'il n'alla point en la Pouille.

Cependant Lambert Comte de Louvain esperant faire son profit de l'absence de l'Empereur, entreprit de recouurer la Duché de Lorraine. De sorte qu'ayant Ragnier Comte de Monts en Hainault & son cousin Gerard Comte de Castinach à son aide, comença de remuer mesnage en Lorraine. A cause dequoy l'Empereur renuoya le Duc Geoffroy contr'eux, qui les fit retirer, & assiegea la ville de Louvain sans la pouuoir prendre. Sigebert.

L'EMPEREUR Henry allant en Italie, fut (omme racompte Albert Crants liu. 2. de la Vvandalie), accompagné de Bernard Duc de Saxe: à la suite aussi duquel s'estoit mis Mistouy Prince des Esclauons pour luy faire seruice, souz l'espoir qu'il obtiendrait vne sienne niepce en mariage. Mais quand il fut de retour de ce voyage, Theodoric Marquis

de Brandebourg, empêcha que la fille qu'il auoit demandee luy fust donnee, disant qu'il n'appartenoit d'allier leur parenté avec vn chien. De laquelle iniure luy & tous ceux de la nation se sentirent tellement offenze, qu'elle leur fit comme par vne furie renier tout d'un complot la Religion Chrestienne, qu'ils auoient embrassée depuis l'Empereur Othon, l'espace de 70. ans: & que prenans les armes, massacrerent autant de gens d'Eglise qu'ils auoient en leur país. Puis aussi se souleuerent entierement de la subiection tant du Duc de Saxe que du Marquis de Brandebourg, lequel mesme ils tuerent en vne rencontre, apres auoir fait vn horrible rauage & degast de país en Holfatie. Helmodus, Albert Crants.

BRIANVS Roy de Hibernie fut ceste annee mis à mort le 23. d'Auril. Marianus Scotus.

LES Pomeraniens, Prussiens, & Cassubiens, furent en ce temps subiuguez par les Polonois, souz la conduite de leur Roy, qui mena vne armee contr'eux; & contraincts recevoir la Religion Chrestienne, & se rendre aussi leurs tributaires. Chroniques de Pologne liure 2. chap. 8.

Du Monde.	6051	E. d'Allemagne.	13	R. de Bourgongne.	21
De Iesus Christ.	1014	R. des François.	18	R. de Bulgarie.	37
Indiction.	12	R. de Leon.	9	R. de Russie.	42
De l'Hegire 405. le 1. de		R. de Nauarre.	34	R. de Hongrie.	18
Iuillet.		R. des Escossois.	10	R. de Pologne.	13
Papes.	3	R. des Anglois.	36		
E. de Grece.	39	Ducs de Venise.	17		

L'EMPEREUR de Grece n'auoit cessé depuis long temps de faire tous les ans vn voyage en la Bulgarie, & y auoit reduit la puissance du Roy Samuël, en tel estat qu'il ne s'osoit plus trouuer deuant luy. Si est-ce toutesfois qu'il se voulut en fin r'esuertuer, se proposant de forclorre le passage aux Grecs, par lequel ils s'estoiēt accoustumez d'entrer en son país. Mais l'Empereur vint à son retour donner sur luy si hardiment, qu'il acheua de deffaire le reste de la puissance des Bulgariens, faisant creuer les yeux à quinze mil d'eux, qui tomberent entre ses mains. Ce qui causa vn tel desplaisir au Roy Samuël, qu'il en mourut bien tost apres, à sçauoir le 29. iour de Iuillet, en la douziésme Indiction. Cedr.

LE Pape Benoist ayant esté expulsé de son siege, & de la ville de Rome par ses ennemis, s'en vint au mois de Ianuier trouuer l'Empereur Henry, qui estoit encore en Italie, & fit tant qu'il le mena iusques à Rome; où il luy donna la couronne Imperiale le 25. iour de Feurier: tesmoin Ditmare. Dont on commença deslors à compter les ans de son Empire. Herman Contract, Supplément d'Idatius, Onufrius, Chroniq. du Mont Cassin. Parquoy il y a mal escrit en Glaber, qu'il fut créé Empereur Auguste en la 9. annee de son regne. Combien que nous sçauons par luy que ce fut ceste fois que le Pape luy presenta le signe Imperial, en presence du peuple Romain, & que l'Empereur en le receuant luy dist: *Optime Pater, istud facere decreuisti, nostra portentando innuens Monarchia, qualiter sese debeat moderari perdocuisti. Deinde manu gerens illud auri pomum subiunxit. Nullos (inquit) melius hoc praesens donum possidere, ac cernere congruit, quam illi qui pompis mundi calcatis crucem expeditius sequuntur Saluatoris. Qui protinus misit illud ad Cluniacense Monasterium Galliarum, quod etiam tunc temporis habebatur religiosissimum caterorum.* Ditmarus adioutte que quād il se presenta pour estre couronné deuant le Pape, il estoit *A duodecim Senatoribus vallatus, quorum sex rasi barba, alij prolixa mystice incedebant cum baculis.* Et puis declare qu'apres celà il s'en reuint en la Lombardie, où il celebra la solennité de Pasques à Paue: & de là s'en retourna en Allemagne. Qui fut cause qu'Arduin se remit aussi tost sur pieds. Tellement qu'il se saisit de la ville de Verseil, où il commença de ioüer ses ieux. Le mesme autheur parlât des mœurs des Italiens d'alors, dit: *Multa sunt pro dolor in Romanis atque Longobardia insidiae, cunctis huc aduentibus exigua patet charitas. Omne quod ibi hospites exigunt, venale est: hic cum dolo multique toxico hic pereunt adhibito.*

S'ESTANT le Duc Godefroy retiré du pais de Brabant, le Comte Lambert rassembla son armee, & la mena dedans le pais du Liege: où il prit la ville d'Hugarde avec son Euesque Baldrich, qui tenoit le party de l'Empereur. Mais Godefroy accompagné de Gozelon son frere nouvellement retourné des Itales, ne faillit de se mettre aux champs pour l'aller trouver: & en son chemin rencontra l'armee de Gerard Comte de Castinach, qu'il mit en route le 27. iour d'Aoust, demeurant le fils dudit Comte occis sur le champ; duquel on dit estre descenduz les Comtes de Vaudemont, selon Sigebert & Richard de Vassebourg. Mais Ditmare attribue cela à l'an 1018.

BOLES LAVS Roy de Pologne ayant enuie de rompre l'appoinctement qu'il auoit avec l'Empereur, sollicita le Prince de Boëme de se joindre & entendre avec luy: & à cest effect enuoya son fils Miseco vers luy. Lequel gardant la foy qu'il deuoit à l'Empereur, le retint, & puis le remit entre les mains dudit Empereur, qui le renuoya à son pere. Ditmare.

IOHAR estant en la seconde année de son regne à Cordouë, mourut, & eut pour successeur (ce qui n'estoit aduenü depuis long temps auparauant) son fils appelé Mahomet 5. du nom, qui fut le dernier Roy Maure de Cordouë, lequel dura iusques à l'an 1027.

SVEVON Roy de Dannemarc, ayant rafraischy son armee, la remena derechef en Angleterre, où il mit les Anglois en telle perplexité, que la pluspart d'eux se rendirent à luy, n'estans les autres gueres asseurez. Qui fut cause que le Roy Ethelrede ou Adalrad, se retira en Normandie avec sa femme nommée Anne ou Emme sœur du Duc Richard, & ses deux fils, Edouard & Aleurede. Au moien dequoy Sueuon reduisit tout le Roiaume d'Angleterre en sa puissance, souz laquelle il demeura enuiron l'espace d'un an seulement, pource qu'il mourut ayant vn fils nommé Canute, selon d'autres, Othon Canute, ou comme Glaber dit, Canuc, Ditmare Cunt, qui fut surnommé le Grand, que les Danois firent regner sur eux au lieu de son pere: selon Polydore Virgile liu. 7. Mais Ditmare luy donne encore vn autre fils nommé Harald, lesquels il auoit eu de la sœur de Boleslaus Roy de Pologne sa femme.

<i>Du Monde.</i>	6052	<i>E. d'Allemagne.</i>	14	<i>R. de Bourgongne.</i>	22
<i>De Iesus Christ.</i>	1015	<i>R. des François.</i>	19	<i>R. de Bulgarie.</i>	1
<i>Indiction.</i>	13	<i>R. de Leon.</i>	10	<i>R. de Russie.</i>	43
<i>De l'Heure 406. le 20. iour</i>		<i>R. de Navarre.</i>	35	<i>R. de Hongrie.</i>	19
<i>de Iuin.</i>		<i>R. des Escossois.</i>	11	<i>R. de Pologne.</i>	24
<i>Papes.</i>	4	<i>R. des Anglois.</i>	37		
<i>E. de Grece.</i>	40	<i>Ducs de Venise.</i>	18		

Le depart de l'Empereur d'Italie donna occasion à Arduin de se vouloir remettre sur pieds, pour rechercher sa fortune. Tellement qu'il sortit du pays d'Iuree avec vn grand nombre de gens: par lesquels il occupa la ville de Verseil, prit Come d'assault, & se fit rendre Nouarre par composition: dont il commença de donner beaucoup d'algarades & fascherries aux Milanois; & puis à l'Euesque d'Ast decedé, en substitua vn autre à sa poste, qu'il enuoya consacrer à Rome, iusques à ce que l'Euesque de Milan eust assemblé vne armee, signamment comme ie croy des garnisons que l'Empereur auoit laisses en Italie. Avec laquelle il le rembarra si viuement, qu'il cogneut qu'il n'y auoit plus de ressource en son fait. Parquoy il s'alla remettre & recacher en vn Monastere de Piedmont de la Frutturie, d'où il ne partit oncques depuis: comme recite Sigonius avec aucuns autres Historiens d'Italie. Mais la Chronique de S. Benigne de Dijon appelle le Monastere où il se retira, mourut & fut enterré, Vulpian, qui auoit esté (à ce qu'elle dit) nouvellement basti par Guillaume Abbé dudit S. Benigne.

A v mesme temps les Pisans apres auoir possédé l'isle de Sardaigne enuiron l'espace de trois ans, en furent dechassez par le Roy Mulaète, qui y reuint à l'improuiste avec vn grand secours de Sarrazins. Qui fut cause que les Pisans se mirent de ligue avec les Geneuois, pour la recouurer: & estans derechef entrez en icelle, la reduirent en leur puissance, tou-

chant le Roy Mufacte en leus mains. Au moyen dequoy ils la departirent avec les Geneuois, ou selon d'autres, la retindrent pour eux; & quitterent tout le pillage qui fut trouué en icelle aux Geneuois. Sigonius.

GODEFROY pourſuiuant ſa victoire, courut avec ſon armee tout le pays de Hainault. A cauſe dequoy le Comte Lambert & ſon parent Raignier furent contraincts de le combattre en bataille rangee : laquelle ils perdirent, & demeura le Comte Lambert occis ſur le champ, ayant vn fils nommé Henry, qui luy ſucceda à la Comté de Louvain, & pourſuiuit le droit qu'il ſon pere auoit pretendu au Duché de Lorraine. Auteurs precedents, Ditmarus.

EN la meſme annee Rodolfe Roy de Bourgongne accompagné de ſa femme & de 2. fils qu'elle auoit de ſon premier mary, alla trouuer l'Empereur Henry ſon nepueu, fils de Giſale ſa ſœur, à Strasbourg : ou d'autant qu'il n'auoit aucune lignee, il l'inſtitua ſon heritier & ſucceſſeur de ſon bien & de ſon Roiaume apres ſa mort, luy recommandant les fils de ſadiſte femme : laquelle (ſelon que recite Ditmare en ces mots, que ie veux bien alleguer, pource qu'il eſt malaiſé de ſçauoir qu'il veult dire par iceux :) *Dilectis ſibi militibus hoc totum dedit in beneficium, quod ſibi ab auunculo ſuo conſeſſum : & quod Vvillermus Piſtaniensis hactenus habuit Regio munere præſtitum.* Et ſemble auſſi que Rodolfe n'inſtitua pas ſeulement l'Empereur ſon heritier pour l'aduenir, mais auſſi l'en voulut mettre en poſſeſſion de preſent. Tellement que le meſme auteur dit que l'Empereur apres l'auoir renuoyé en ſon Roiaume, le ſuiuit avec vne armee qui arriua iuſques à la ville de Baſula : (ie croy qu'il entend Baſle) où il fut aduertie que Guillaume Comte de Bourgongne ſ'eſtoit mis en poinct de luy defendre l'entree de la Bourgogne, ayant fait fortifier & munir toutes les villes tenables. Qui fut cauſe q' l'Empereur ſe mit à gaſter & bruſler le plat pays. Mais il ne luy fut poſſible de faire autre choſe, eſtant en fin contrainct de ſ'en retourner honteuſement en Allemagne. Parquoy Rodolfe n'eut pas moyen de mettre tout à effect la donation qu'il luy auoit faiſte de ſon Roiaume, à cauſe de ceſt empeſchement, & de ce qu'il auoit ſi peu de puiſſance qu'il en eſtoit plus Roy de nom que d'effect. Au contraire ce Guillaume ſ'y faiſoit plus obeir que luy, & ne ſ'y faiſoit que ce qu'il vouloit. Pour raiſon dequoy il ne voulut pas que le Roiaume de Bourgongne vint entre les mains de l'Empereur & des Allemas, de peur qu'ils ne luy rabbaiffaſſent ſa puiſſance. Et pource qu'il ſe ſçait par ſon Epitaphe qu'il fut appellé Duc & Comte, & que quelques-vns l'ont interpreté, pource qu'il pretendit au Duché de Bourgongne, i'adiouſteray la vraye occaſion que l'auteur preallegué ſemble en donner, recitant l'eſtat de ce Roiaume-là, comme il eſtoit lors : duquel auſſi on pourroit entendre d'où eſt venu le tiltre de Franche attribué à la Franche-Côté. *Nullus enim (dit-il) ut audio qui ſic præſit in regno, nomen tantum & coronam habet : & Episcopatus his dat qui à Principibus his eliguntur, ad ſuam verò utilitatem pauca tenens, ex impenſis Anſtiſtium viuit, & hos vel alios in aliquo extrinſecus laborantes eripere nequit : unde hi manibus complicatis, cunctis Primatibus velut Regi ſuo ſeruiunt, & ſic pace fruuntur. Ob hoc ſolum talis Rector inter eos dominatur, ut eo liberius malignorum furor vagetur, & ne lex noua alterius Regis ibi adueniat, quæ inolitam conſuetudinem rumpat. Vvillermus de quo prædixi miles eſt Regis nomine, & dominus terre. Et in his partibus nullus vocatur Comes, niſi is qui Ducis honorem poſſidet, & ne illius poteſtas in hac regione paulominus minueretur, conſilio & actu Imperatoria maiestati ſicut prædixi reſiſtatur.*

CHARLES de France cy deuant Duc de Lorraine, eſtant detenu priſonnier à Orleas, il auoit engendré deux fils deuant ſon treſpas, nommez par vne ancienne Chronique faiſte en ce temps Louys & Charles : leſquels eſtans expulſez de la France, ſe retirerent vers l'Empereur, qui eſtoit leur parent de par ſa mere, fille de Conrard Roy de Bourgongne, & d'une des ſœurs du Roy Lothaire : en faueur dequoy il les receut & entretint avec ſoy, comme recite ladite Chronique en ces termes, où elle parle dudit Charles : *Qui Aurelianus in carcere truſus uſque ad mortem, ibi genuit filios, carolum & Ludovicum, & mortuus eſt. Et expulſi ſunt filij eius à Francis, proſectique ſunt ad Imperatorem Romanorum, ac habitauerunt cum eo.* Or ſe trouuant eſcrit en toutes les Hiſtoires qui ſe ſont faiſtes des Lantgraues de Turingie, que 2. freres François de nation delà le Rhin, de la race Carolingienne des Rois de France, ſe retirerent en ce temps vers l'Empereur, duquel ils eſtoient parents, qui les entretint quelque temps avec ſoy & à ſa ſuite, celà me fait croire qu'il les fault prendre pour les deux freres prementionnez : d'autant meſmement qu'ils nommēt l'un d'iceux Louys, nonobſtant qu'ils appellēt l'autre Hugues, par l'erreur poſſible des Eſcriuains. Ce qui m'a ſemblé

semblé digne d'estre obserué: pource que ce Louys fut le premier Comte de Turingie, duquel les Lantgraues de Turingie & de Hesse sont descenduz en ligne masculine, comme nous monstrerons encôre cy apres.

LA ville & Comté de Sens fut ostee au Comte Ramard, à cause des violences qu'il faisoit à son Archeuesque par le Roy Robert, & confisquée au domaine Royal. Aimoinus, Glaber.

A Samuël Roy de bulgarie decédé, succeda son fils nommé Gabriel, qui se fit couronner le quinzième iour de Septembre, en la treizième Indiction. Si est-ce toutesfois qu'il ne peut empescher que l'Empereur de Grece ne soubmist à soy ceste annee la pluspart de la Bulgarie: du reste aussi de laquelle il ne peut iouyr qu'un an; pource qu'il fut traistrement mis à mort par son cousin Iean Bladislabe fils de son oncle Aaron, à qui il auoit autresfois sauué la vie. Au moyen dequoy la couronne de Bulgarie tomba entre les mains dudit Iean, qui la garda deux ans, cinq mois. Cedrenus.

ERNESTE Duc de Suaube ou d'Allemagne, estant à la chasse fut casuellement nauré, dont il mourut, laissant deux fils, Erneste & Herman, qui succederent, du consentement de l'Empereur leur oncle, aux estats de leur pere: car leur mere Gisale estoit fille de la sœur de la femme de l'Empereur nommée Iapuga, sœur aussi de Rodolfe de Bourgogne.

L'EMPEREUR Henry deliuré d'affaires, mena vne armee contre les Polonois, qui auoient cy deuant couru le pays des Saxons. Lâbert de Scaffuab. Les exploits de ce voyage exposez par Ditmare liure septiesme, ont monsté que l'issuë n'en fut pas trop heureuse à l'Empereur, & qu'apres son depart l'armee des Polonois vint courir iusques en la Misnie.

A v mesme temps aussi Bernard Duc de Lunebourg & le Marquis de Vandalie se rebellerent contre ledit Empereur. Chronique de Saxe.

SANCIVS surnommé le Grand Roy de Nauarre, mourut, au rapport de Roderic de Tolette, en la trentecinquième annee de son regne, & en l'Ere 1053. qui vient à l'an 1015. de nostre salut: laissant deux, ou selon d'autres, trois fils legitimes de l'Infante Geloira de Castille, à sçauoir Garfias l'aîné, qui luy succeda au Roiaume de Nauarre: Dom Fernand le deuxiesme, qui eut la Comté de Castille pour son appennage: & Sancius le dernier, qui regna souz tiltre de Roy és pays que son pere tenoit en la Gascongne, en Bearn, & en la Sobrarbie. Mais Raymire (que François Taraffa estime auoir esté fils de sa premiere femme, Roderic son fils naturel seulement) obtint pour sa portion le pays d'Arragon, pour la cause que nous auons declaree cy deuant, duquel il se fit nommer Roy, & fut le premier qui porta tiltre de Roy d'Arragon: où il regna, au compte dudit Taraffa, quarantesix ans. De Garfias Roy de Nauarre descendirēt successiement Sancius, Ranimire mary de la fille de Rodrigue, Didaco de Valence, & Dom Garfias. Ranimire, qui recouura le Roiaume de Nauarre, dont son ayeul auoit esté spolié apres le trespas d'Alfonse Roy d'Arragon.

ETHELREDE aduertty de la mort du Roy Sueuon, repassa au mandemēt des Anglois en son Roiaume, accompagné de forces competantes pour en dechasser les Danois. A cause dequoy Canute ou Canuc ou Cunto, sentant les siennes non bastātes pour les soutenir, laissa vne partie de ses gens à la garde d'un port, & se retira incontinent en son Roiaume de Dannemarc, pour y releuer nouuelles forces. Polydore, Guillaume de Malmesberie.

Du Monde. 6053	E. d'Allemagne. 15	R. de Bourgogne. 23
De Iesus Christ. 1016	R. des François. 20	R. de Bulgarie. 1
Indiction. 14	R. de Nauarre. 1	R. de Russie. 1
De l'Hegire 407. le 9.	R. d'Arragon. 1	R. de Hongrie. 20
de Iuin.	R. des Escossois. 12	R. de Pologne. 25
Papes. 5	R. des Anglois. 1	R. de Castille. 1
E. de Grece. 41	Ducs de Venise. 1	

KKK

L'EMPEREUR de Grece estant de retour à Constantinople, enuoya vne armee souz la conduite de Mongo en la Catzarie, lequel la reduisit à l'obeissance de son maistre, à l'aide de Spiengus frere de Vvolodimire Prince de Ruffie. Au moyen aussi de ce que George Tzule Prince de Catzarie, fut pris en la premiere rencontre qu'il eut contre les Grecs. Cedrenus.

CANUTE, Gunto & Harald son frere, avec nouvelle armee de trois cens quarante nauires repassa en Angleterre, de laquelle il reconquista la pluspart, au grand desplaisir du Roy Ethelrede, qui en mourut. Glaber dit que ce fut au pays de Dannemarc, Guillaume de Malmesberie dit le iour saint gregoire en Careme: ayant deux fils, Edmund & Edouard, qui estoient vers le Duc Richard en Normandie leur oncle. Mais les Anglois rappellerent Edmund comme l'aîné, pour tenir le lieu de son pere. Auquel toutesfois il ne dura qu'un an durant. Lequel apres auoir beaucoup de fois tenté la fortune de la guerre contre le Roy Canute, fut en fin contrainct de faire accord avec luy, par lequel ils partagerent entr'eux le Roiaume d'Angleterre par moitié: selon Polydore & Guillaume de Malmesberie. Combien que Dirmare appelle le frere de cest Edmund Ethelstein: & dit que ce fut luy qui recouura le Roiaume d'Angleterre, ayant son frere occis en vne rencontre de mer par vn corsaire Danois, qu'il appelle Thurgut.

Commencement des Roiaumes de Castille & d'Arragon.

VERMUND ou Bermudes Roy de Leon, desirant recouurer quelques places de son Roiaume que le feu Roy Sancius de Nauarre y auoit autrefois ostees, entra sur ce differend en grosse querelle contre son beau-frere Fernand Comte de Castille. De sorte qu'ils se donnerent bataille, où Bermudes fut tué sans laisser aucuns enfans. Au moyen dequoy Fernand ou Ferdinand s'empietra par le droit de sa femme sœur du defunct, du Roiaume de Leon; lequel il annexa à la Comté de Castille, & en fit des deux vn autre Roiaume, qui fut nommé Castille, duquel il voulut estre appellé le premier Roy, & s'en fit couronner le vingtdeuxiesme iour de iuin, en l'Ere 1054. De sorte que Roderic fait compte qu'il y a regné quarante ans, six mois. Ainsi fut abolie l'appellation du Roiaume de Leon. Au reste vn autre differend suruint bien tost apres entre luy & Garcias Roy de Nauarre son frere, à l'occasion duquel se donnerét bataille, où Garcias fut tué. En vertu dequoy il s'empara encore de son Roiaume, & n'en laissa à son fils Sancius ou Sanche que certaine contree, qui est entre les monts Pyrenees. Mais il semble que cela ne se fit que sept ans apres.

Au mesme temps les Bourguignons se rebellerent contre le Roy Robert de France. A cause dequoy il mena vne armee en Bourgogne, qui fit vn grand degast es enuirs de Dijon, iusques à ce qu'il les eut contraincts de reuenir en son obeissance: comme tesmoigne la Chronique de saint Benigne. Qui fut possible lors qu'il designa le secōd de ses fils, qui estoit Henry, Duc de Bourgogne.

L'EMPEREUR de Grece voulant ramener les Calabrois & autres en son obeissance, qui s'en estoient soustraiets, par l'induction de Meles, fit passer vne seconde armee en Italie, souz la conduite d'un Capitaine nommé par les grecs Boioiannes, & par Leon d'Hostie Baianus: lequel prenant le nom de Capitaine, qui estoit le tiltre dont s'appelloient les gouuerneurs de ce pays-là pour l'Empereur: Glaber le nōme Cataponte, qu'il estime signifier gouuerneur des peuples maritimes, commença de faire la guerre aux habitans de Bary, où l'origine de la rebellion auoit pris son commencement. Lesquels se trouuerent tellement estonnez de sa venue, qu'ils se rendirent honteusement à luy, & eussent fait le semblable de Meles & de Dattus, s'ils n'eussent de bonne heure gaigné la clef des champs, laissant leurs femmes & enfans, qui furent menez à Constantinople. Cependant Meles se retira vers le Prince de Capuë, & Dattus vers l'Abbé du Mont Cassin, qui le fit mettre par le Pape Benoist dedans la forteresse du Gariglian. Cedr. Leō d'Host. Sigon.

EN CES

EN ces entrefaictes l'Empereur Henry s'en alla en Saxe pour parlementer avec les E-sclauons Vvinides & autres de mesme nation, où il les toucha de si belles paroles qu'il les fit retourner souz l'obeissance du Duc de Saxe. Mais il ne les peut encore induire à repré-dre la Religion Chrestienne: comme tesmoignent Helmodus & Albert Crants en sa Vvandalie. Mais en sa Chronique de Saxe il dit que le Duc Bernard deffit en vne grosse bataille, à l'aide que l'Empereur luy enuoya, le Prince Mistivvoi: dont luy & les E-sclauôs furent contraincts de luy payer le tribut qu'ils auoient accoustumé, sans toutesfois pou-voir estre forcez de reuenir au Christianisme.

VVOLODIMIRE Prince de Ruffie & de Moscouie, fut en ce temps desloialement mis à mort par Iean Roy de Bulgarie (tesmoin Cedrenus:) ayant douze fils; entre les-quels il auoit departy dès son viuant ses pays & seigneuries. Mais son aîné nommé Vvis-selaus, à qui il auoit donné la Nouogradie, estoit decedé auant luy. A cause dequoy elle fut à Iarossaus, qui le suiuit d'age: les freres duquel furent Hassaus, Stopolcus, ou Suna-topolche, Iaromire, Borissus ou Boris, Glebo ou Cleph, Stossaus, Vvisienolodus, Mes-sissaus, Stanislaus, Studissaus & Posuissus, qui eurent leurs partages ailleurs. Desquels tou-tesfois ils ne se voulurent contenter apres le trespas de leur pere. De sorte que Stopolcus ou Suentopelcus occit deux de ses freres, Boris & Cleph en ce differend, & occupa le pays de Kionie sur eux. Mais Iarossaus en vengeance de leur mort, ne les chassa pas seule-ment de la Kionie, mais aussi de tout ce qui luy estoit adueni de la part de son pere: le contrainçant se retirer vers Boleslaus Roy de Pologne, duquel il auoit espoué la fille. Chronique de Pologne. Ce que toutesfois Dittmare attribue à Vvolodimire.

LES Noruergiens estans demeurez quelque temps en liberté, esleurent S. Olaus pour leur Roy. A caute dequoy le Roy Olaus de Suesse, enuoya vne armee contr'eux, qui re-tourna sans rien faire, à cause que le Capitaine d'icelle mourut en chemin. Finalement toutesfois la paix se fit entr'eux, au moyen que le Roy de Noruerge prit en mariage la fille du Roy de Suesse, par laquelle il fut conuert y à la Religion Chrestienne, & ses subiects semblablement. Ioan. Magnus liu. 17. chap. 23.

ESTANT Pierre Orselin Duc de Venise decedé, son fils nommé Othon Orselin non-obstant qu'il n'eust lors que dixhuit ans d'age, fut en memoire des bienstaiets de son pere à la Republique, subrogé au lieu d'iceluy en la dignité Ducale: laquelle il exerça l'espace de dixneuf ans. Contarin.

Du Monde.	6054	E. d'Allemagne. 16	R. de Bourgongne. 24
De Iesus Christ.	1017	R. des François. 21	R. de Bulgarie. 2
Indiction.	15	R. d'Arragon. 2	R. de Russie. 2
De l'Heure 408. le 29. de		R. de Navarre. 2	R. de Hongrie. 21
May.		R. des Escossois. 13	R. de Pologne. 26
Papes.	6	R. d'Angleterre. 1	R. de Castille. 2
E. de Grece.	42	Ducs de Venise. 2	

L'ARMEE que l'Empereur de Grece renuoya en la Bulgarie, gaigna quelques victoi-res sur le Roy Iean, & prit au nom de l'Empereur quelques villes & places tortes qui a-uoient tenu contre luy. Cedrenus.

HVGVES fils aîné du Roy Robert de France, fut ceste année designé successeur de la couronne par son pere, qui le fit couronner à Compiègne, & regner deslors avec soy. Tellement qu'on y commença de compter les regnes de l'un & de l'autre ensemble: com-me il se voit par vne chartre qui est en l'Abbaye de Beze, dont la datte est telle: *Acta Lin-gonis 16. Cal. Maij, Indictione 2. regnante Roberto 32. anno, & Hugone filio eius 3.* Hildegard en la vie de Robert tesmoigne que ce couronnement se fit le iour de Pentecoste à Compie-gne, adioustant vn excellent tesmoignage des bonnes parties qui estoient en iceluy. Il y en a qui disent qu'il estoit seulement aagé de dix ans quand il fut couronné.

VNE querelle s'estant esmeuë entre Eudes Comte de Blois, & Richard Duc de Nor-mandie, fut cause que le Normad ayant fait venir les Bretôs à son aide, fit bastir & edifier vn

KKK ij

chateau nommé Tuillieres aupres de Dreux, où il laissa deuant que s'en retourner en Normandie vne grosse garnison, de laquelle furent Capitaines Nigelle & Radulfe, qui ne cesserent de faire des courses & pilleries sur le pays du Comte. Qui fut cause qu'il assembla ses forces, auxquelles se joignirent les Comtes Hugues de Mans & Valeran de Meleun, pour assieger ledit chateau. Mais ceux qui estoient dedans firent vne sortie sur son camp, si à poinct qu'ils le mirent en route : tescmoin les Chroniques de Normandie.

Vn Baron de Normandie nommé Gislebat ou Batterius, ayant rüé en querelle vn autre Seigneur son voisin nommé Guillaume, & surnommé par Hugues de Flory Repostel, fut pour crainte du Duc Richard, contraint de s'absenter de sa maison & de son pays : & pource qu'il estoit aduerty par l'occasion recitee cy deuant, que les gens de guerre de sa nation estoient bien desirez en la Pouille & Calabre, quatre de ses freres nommez Ranulfe, Asclitun, Osmund & Rodolfe, avec vn bon nombre d'autres Gentils-hommes & soldats Normans, se mirent de partie avec luy pour aller courir ensemble vne mesme fortune. Tellement que suiuant ceste deliberation ils se rendirent ceste annee en la Pouille à la cour de Pandolfe Prince de Capua, qui les appointa bié tost à son seruice, pour les employer en la guerre qu'il se deliberoit faire aux Grecs, pour les chasser hors d'Italie, à la sollicitation de Meles, qui estoit lors avec luy : comme recite Leon d'Hostie en sa Chronique du Mont Cassin liu. 3. chap. 38. Dequoy conuiennent aussi Glaber, Orderic Vital Anglois en son Histoire Ecclesiastique, & Hugues de Flory : sinon que cestuy est appelé Osmund & Drengot ceux qui firent le meurtre de Guillaume, & qui furent auteurs de faire aller ceste premiere flotte de Normans en la Pouille. Mais il semble avec Leon l'auoir mal rapporté au temps de Robert Duc de Normandie, puis que Leon declare que ce fut en la . . . annee de l'Abbé Athenulfe du Mont Cassin. A cause dequoy Glaber l'a mieux attribué au Duc Richard ; lequel estant (dit-il) courroucé contre Rodolfe (sans faire mention des autres) le contraignit se retirer avec vne troupe de ses cōpagnons en Italie vers le Pape Benoist, qui les enuoya au Prince de Beneuent. Autant en dit vne autre Chronique ancienne de ce temps.

A v mesme temps aussi l'Empereur Henry retourna derechef avec armee cōtre les Polonois, sur lesquels il gaigna quelques victoires : au rapport de Lambert Scaffua. Combié que les Historiens de Pologne le nient. Ditmare declare que son armee fut iusques en la Silesie, où elle assiegea la ville de Glogonie, sans la pouuoir prendre. Tellement qu'il fut en fin cōtrainct de ramener son camp en Boëme, pour la defendre contre vne armee de Polonois, qui estoit entree souz la conduite de Misico fils du Roy Boleslaus.

En la mesme annee vne armee de Sarrazins vint descendre en l'Italie, où ils prindrent la ville de Lune, & commencerent courir de là tous les enuirs. Qui fut cause que le Pape Benoist assembla tout ce qu'il peut des forces d'Italie ; avec lesquelles il les chargea de telle façon qu'il les mit en pieces, & en deliura le pays. Ditmarus.

RAIMOND Borrelle Comte de Barcelonne mourut, & luy succeda en sa Comté Berengier son fils : qui pour s'addonner peu à l'exercice des armes, fut chassé de la pluspart de son pays par les Sarrazins. Franc Taraffa.

EDMOND Roy d'Angleterre mourut de mort subite, ou fut mis à mort le iour saint André. Au moyé dequoy le Roy Canute ou Cunto, s'empara par force de tout le Roiaume d'Angleterre : duquel il s'en fit couronner Roy ceste annee, apres auoir dechassé les fils du Roy defunct, & fait punir ceux qui l'auoient occis. Mais afin de se reconcilier les Normans, il espousa Anne ou Emma veue du feu Roy Ethelrede, & sœur dudit Richard. De sorte qu'il regna en ceste façon l'espace de vingt ans. Polydore, Glaber, Guillaume de Malmesberie.

Du Monde.

Du Monde. 6055	E. d. Allemagne. 17	R. de Bourgongne. 25
De Iesus Christ. 1018	R. des François. 22	R. de Bulgarie. 1
Indiction. 1	R. de Castille. 3	R. de Russie. 3
De l'Hegire 409. le 18.	R. d'Arragon. 3	R. de Hongrie. 22
de May.	R. des Escossois. 14	R. de Pologne. 27
Papes. 7	R. des Anglois. 2	
E. de Grece. 43	Ducs de Venise. 3	

RODOLFE Roy de la Bourgongne Transiurane, se voyant n'auoir point d'enfans, & hors d'espoir d'en iamais auoir, alla trouuer l'Empereur Henry son nepueu, (car il estoit fils de sa sœur Gifale) à Majence, accompagné de sa femme, des fils d'icelle, qu'elle auoit eu d'un autre liēt, & des grands seigneurs de son Roiaume. Et en presence d'eux luy resigna son sceptre, sa couronne, & tous les droicts de son Roiaume: ou plustost reiterra & cōferma la donation qu'il luy en auoit ia faicte auparauant: comme recite Ditmare au liure 7. de son Histoire.

LES Normans qui estoient en la Poüille, (s'estans venuz ioindre à eux quelques Italiés de la Poüille, Calabre, & de Beneuent) commencerent souz la conduite de Meles à faire la guerre aux Grecs. Qui fut cause que le Lieutenant de l'Empereur de Grece en ceste contrec-là, souz le tiltre de Catapaue, qui se nommoit en son propre nom (selon les Grecs) Boioiannes, & selon les Italiés Bubaganus, se mit aux champs avec ses forces, pour s'opposer à eux: & les ayant rencontrez aupres de Tremula, faisoit son compte de les auoir bien tost accablez, par le grand nombre de gens qu'il auoit avec soy. Mais la vertu & prouesse du peu de Normans, se fit plus valoir que toute sa multitude. Tellement qu'il ne fut pas seulement vaincu & mis en route ceste fois, mais aussi pour la seconde à Ciuita, & pour la troisieme à Vvaccaricia, s'estant rallié & remis sus par autat de fois. Au moyen desquelles victoires Meles gaigna plusieurs villes sur les Grecs; & mit le reste en branle de se rendre bien tost à luy, si son heur l'eust tousiours accompagné de mesme faueur. Leon d'Hostie. Glaber fait mention de ces trois victoires obtenues par les Normans. Mais il declare que la premiere fut cause d'inciter vne autre grande compagnie de Normans de sortir de leur pays avec leurs femmes & enfans, par la permission de leur Duc Richard, pour s'aller ioindre aux premiers; auxquels ils aiderēt à gaigner les deux secōdes victoires.

THEODORIC Comte de Gand, faisant guerre aux Frisons qui auoient mis à mort le Comte Arnoul son pere, frere de Baudouin Comte de Flandres, requit aide à l'Empereur Henry, allié lors aux Flamens. A cause dequoy fit aller le Duc Godefroy de Lorraine avec bonne suite à son secours. Lequel toutesfois fut comme miraculeusemēt deffait par vne petite troupe de Frisons, qui mesme le retindrent prisonnier. Sigebert.

HENRY premier du nom & 2. Marquis d'Austriche, mourut, & luy succeda en son Marquisat son fils aisné nōmé Adelbert, qui s'acquit le surnom de Victorieux ou de Fort guerrier. Ditmare, Ioannes Cuspinian.

GEOFFROY Comte ou Duc de Bretagne, mourut, laissant deux fils, Alain 3. qui luy succeda quand il fut venu en aage: & Eudes, qui eut pour son partage la Comté de Ponthieure, avec le pays de Gresslo. Annales de Bretagne.

ENVIRON cete temps Ferdinand Roy de Castille mena son armee en Portugal, qu'il rendit quasi tout sien, l'ayant retiré de la puissance des Maures. Et puis s'achemina contre le Roy de Tolette, qu'il fit estre son tributaire. Roderic de Tolette.

EDOUARD 2. fils du feu Roy Ethelrede, incité de quelque espoir de recouurer le Roiaume de son pere, mena en cete temps vne armee de Normādie en Angleterre: laquelle toutesfois il ramena sans rien faire, aimant mieux (comme il dist à ses amis) viure sans dignité, que regner par le moyen d'une grande effusion de sang. P. Æmile.

OLAVS surnommé Scokominus 112. Roy de Sueffe, mourut, ayant vn fils nay (selon Munster) hors mariage, qui se nōmoit Amund, à qui le surnom del' Ancien, ou de Charbonnier fut donné: lequel succeda en son Roiaume, du consentement des Seigneurs de Sueffe & de Gotthie. Ioan. Magnus liu. 17. ch. 23. & liu. 18.

IAROSLAUS Prince de Russie, prenant à cœur le recueil que Boleslaus Roy de Pologne auoit fait à ses freres, luy commença la guerre. De sorte qu'il entra avec vne armee dedans la Pologne, où l'heur le seconda si mal, qu'ayant osé liurer bataille aux Polonois, fut honteusement vaincu par eux, & rechassé ignominieusement en son pays : où il eut tellement crainte d'estre poursuivy, qu'il enuoya rechercher le Roy de Pologne d'appointement, qui luy fut accordé moyennant certain tribut qu'il deuoit payer tous les ans : cōme Martinus Cromerus liu. 3. recite; estimant que la premiere guerre contre Iaroslaus prit fin l'an 1018. & que la premiere cōmença 1008. Ce qui ne peult estre vray, si Vvolodimire pere de Vvolodimire mourut selon le tesmoignage des Historiens Grecs l'an 1016. Parquoy il faudroit estimer que Iaroslaus auroit commencé la premiere dès le viuant de son pere. Mais il y a plus d'apparence que le Chroniqueur Polonois s'est abusé en sa cotte : d'autant mesmement qu'il semble encor auoir parlé autrement de ceste guerre qu'il ne fault; si nous croyons Dirmare qui viuoit lors, & finit sa Chronique qu'il a comprise en sept liures à la fin de ceste guerre; apres auoir déclaré que ce fut le Polonois, qui mena vne armee en Russie, où elle mit en route celle des Russiens. Au moyen dequoy il prit & sacca gea la grande cité de Kionie, qui estoit à Iaroslaus son beau-frere, ayant trouué en icelle la belle-mere d'iceluy, & plusieurs de ses filles.

JEAN Roy de Bulgarie fut mis à mort en vne escarmouche, où il se trouua deuant la ville de Dirrachium, qu'il estoit osé aller assiéger; laissant plusieurs fils & filles en bas aage, souz la tutelle de sa femme. Ce qui se fit, selon Cedrenus, en ceste Indiction, selon Ioānes Curopalates, l'an de la creation du Monde, au compte des Grecs 6526.

<i>Du Monde.</i>	6056	<i>E. d'Allemagne.</i>	18	<i>R. de Bourgongne.</i>	26
<i>De Iesus Christ.</i>	1019	<i>R. des François.</i>	23	<i>R. de Bulgarie.</i>	2
<i>Indiction.</i>	2	<i>R. d'Arragon.</i>	4	<i>R. de Russie.</i>	4
<i>De l'Hegire 410. le 7. de</i>		<i>R. de Navarre.</i>	4	<i>R. de Hongrie.</i>	23
<i>May.</i>		<i>R. des Escossois.</i>	15	<i>R. de Pologne.</i>	28
<i>Papes.</i>	8	<i>R. d'Angleterre.</i>	3	<i>R. de Castille.</i>	4
<i>E. de Grece.</i>	44	<i>Ducs de Venise.</i>	4		

L'EMPEREUR Basile informé de la mort du Roy de Bulgarie, mena derechef vne armee contre les Bulgariens; qui les estonna de telle façon qu'ils se rendirent en son obeissance, mettrās leur Roine & ses enfans entre ses mains : lesquels il mena avec luy en triomphe à Constantinople, en la 2. Indiction, apres auoir ordonné Gouverneurs & Officiers de sa main aux Bulgariens, qui demeurerent par ce moyen souz l'obeissance des Grecs long temps depuis. Cedrenus.

GODEFROY Duc de Lorraine estant deliuré de la prison des Frisons, mourut, laissant pour tous enfans vne fille nommée Itte, qui fut mariee à Rapoton Comte de Hapsbourg, par lequel le chasteau de Hapsbourg en Hargaulles fut edifié. Au moyen dequoy Gozelon ou Gotthelon frere dudit Godefroy estant ia Comte d'Ardenne, luy succeda à la Duché de Lorraine. Sigebert, Richard de Vvassembourg.

CONRAD Duc de Franconie, avant espousé Gisale vefue de feu Ernest Duc de Suaube, entreprit la guerre contre Albero Comte de Carinthie, pour venger la mort de son feu mary. De sorte qu'il le combatit en bataille rangée, & le mit en route. Herman Contract, Auentin.

Du Royaume

Du Royaume de Maroc en Afrique.

EN VIRON l'an quatre cens dix del'Hegire Ioseph fils de Ieffin ou Terzin surnommé Ligneets, qui regnoit en Afrique sur la gent ou race des Zangages appelée Luntunne, lequel on disoit estre de la lignee des Almoranides, s'esleua contre les Arabes qui dominoient en Afrique souz le gouuernemēt des successeurs de Gehoar: & fit tant par sa vaillance qu'il les dechassa de leurs citez, & leur osta toute la domination d'icelles: S'adonnant de tout son pouuoir à prester secours ou faueur à ceux qui se disoient auoir esté parens ou amis du Gouverneur qui festoit cy deuant rebellé contre le Calife Elcain. Puis apres subiugua les peuples de Buggie, laissant ceux Thunes en leur estat. Auquel ils se maintindrent tant que dura la lignee dudit Ioseph. En faueur de ce qu'ils festoient monstrez humbles & gracieux enuers luy. En fin se voiant le plus grand Monarque del'Afrique, fit fonder & edifier la noble & puissante cité de Maroc, estimée l'une des plus grandes villes du monde par l'aduis & conseil des plus industrieux Architectes de son temps, la deputant au siege presidial de son Roiaume. A cause dequoy il est appelé le premier roy de Maroc. En la Seigneurie de laquelle luy succeda son fils Hali, apres lequel elle paruint entre les mains d'Abraham fils dudit Hali, qui fut mis à mort par Habdul Mumen disciple d'Elmadi ou Elmahel heretique, qui fut le second occupateur de la ville de Maroc. Comme nous auons extrait du liure 1.2. & 3. de l'histoire d'Afrique de Jean Leon, qui adioute au liure 3. que la ville de Tenesme fut destruite & ruinee incontinent apres la fondation de Maroc par ledict Ioseph. Au moien dequoy elle demeura deshabitee par l'espace de 180. ans. Autres toutesfois ont estimé que ce fut Tezzin pere de Ioseph qui commença le premier deuant son fils de reduire l'Afrique souz son obeissance, estant ja auparauant Roy de Luntunne.

OLAUS Roy de Noruerge desirant d'obuier à l'accoissement des affaires de Canute Roy de Dannemarc, mena vne armee dedans le pais des Dannois, qui fit partir Canute d'Angleterre pour le venir secourir. De sorte qu'estant arriué en son Royaume donna bataille aux Noruergiens, de laquelle il gangna la victoire. Au moien dequoy il ne les dechassa pas seulement de son pais, mais aussi les alla poursuiure dedans leur, si chaudement qu'il le reduisit en sa puissance, contraignant le Roy Olaus se retirer vers le Roy de Suesse son beau frere. Qui en sa faueur mena en personne vne armee contre le Dannois, duquel elle fut aussi lourdement traitée que l'autre. Parquoy force fut à Olaus d'aller chercher recours en ses affaires vers Iezislaus (que nous prenons pour Iaroslau, ou Isaslau son frere, Prince de Russie) qui auoit espoué sa sœur. Lequel apres l'auoir tenu quelque temps en sa maison, luy bailla en fin vne nouvelle armee, qui le remit & reintegra en son Roiaume; où il fut bien tost apres mis à mort par les Noruergiens à la suscitation du Roy Canute, qui en recompense leur donna son fils Sueuon pour les gouuerner, souz la domination duquel ils furent en grande & cruelle seruitude sans s'en pouuoir deliurer. Ioannes liure dixhuitiesme, chapitre quatriesme & cinquiesme. Polidore Virgil.

SERGIVS Patriarche de Constantinople mourut au mois de Iuillet, Indiction 2. Au moien dequoy Eustachius Doyen des Prestres de la Chapelle de l'Empereur fut substitué en son lieu, auquel il presida huit ans, selon Cedrenus & Zonare.

KKK iij

Du Monde. 6057	E. d'Allemagne. 19	R. de Bourgongne. 27
De Iesus Christ. 1020	R. des François. 24	R. de Bulgarie. 33
Indiction. 3	R. d'Arragon. 5	R. de Russie. 5
De l'Hegire 411. le 26.	R. de Nauarre. 5	R. de Hongrie. 24
d'Auril.	R. des Escossois. 16	R. de Pologne. 29
Papes. 9	R. des Anglois. 4	R. de Castille. 5
E. de Grece. 45	Ducs de Venise. 5	

RODOLFE Roy de Bourgongne irrité des desobeissances & rebellions de ses subiects enuers luy, fut sur le poinct de dōner son Roiaume à l'Empereur Héry son nepueu, si la feinte repentance de ses subiects ou les causes alleguees cy dessus ne l'eust retenu de passer plus outre, comme escrit Sigebert. Combien que Herman Contract & Auentin sont tesmoins qu'il prist vne armee de l'Empereur souz la conduite de Vvarnier Euesque de Strasbourg : laquelle vainquit les Bourguignons, & le temit malgré eux en son Roiaume. Mais ceste rebellion vint possible de la cause que recite Glaber, que pource qu'on voyoit le Roy Rodolfe hors d'espoir de iamais auoir lignee, Eudes ou Eudon Comte de Blois & de Chartres qui estoit son nepueu, se voulut ingerer de le contraindre par force plustost que de bon gré de luy resigner sa couronne, ayant gagné la plupart des grands Seigneurs du Roiaume d'iceluy par presens & par donations à luy fiancer leur consentement. Lesquels toutesfois luy manquerent bien tost de promesse : d'autant que (comme dict le mesme Autheur) *Gens precipue regni illius assertionem fidei floccipendit, & fœdus pro nihilo ducit.* Ioinct que l'Empereur Henry sy opposa.

LE Comte de Blois s'obstinant à poursuire la guerre contre le Duc de Normandie, fut cause qu'il appella les Rois Lagnian de Suede & Olaue de Noruerge à son aide, qui vindrent descendre ceste annee avec vn grand nombre de nauires & de leurs gens en Bretagne, où ils prindrent guerre malgré les Bretons. Et apres auoir saccagé la vilie de Dole, s'approcherent du pais Chartrain pour y faire la guerre au Comte. Mais le Roy Robert craignant que ce feu ne s'estandist plus auant se mist si bien en deuoit de l'esteindre, qu'il reconcilia le Comte avec le Duc. A cause dequoy les deux Rois estrangers s'en retournerent avec leurs gens en leur pais: apres que celuy de Noruerge se fut fait baptiser à Roüen. Voilà ce que les Chroniques de Normandie escriuent de ceste guerre, mesmement aucunes bien anciennes. Pour raison dequoy ie ne l'ay peu obmettre : nonobstant que ie suis en doute si i'en dois croire quelque chose, tant pource que lesdictes Chroniques se trouuent souuentefois menteuses, que pour autant qu'il ne s'en trouue rien escrit en aucun autre bon Autheur, mesmement en Glaber qui a escrit bien diligemment des affaires de ce temps, auquel aussi il viuoit. Qui toutesfois a bien fait expresse mention de la grande amitié & alliance que le Duc Richard auoit avec les peuples des Isles Septentrionales, le Roy desquels (qu'il nomme Canut) auoit espousé sa sœur. Dont il escrit que, *Cœpit ex illo fieri, ut si qua hostilis necessitas Rotomagorum Duci incumberet, à transmarinis insulis in sui auxilium exercitum sumeret copiosum. Sicque diutius gens Normanorum ac prædictarum populi insularum, pace fidiſſima tuti: ut ipsi potius formidine suæ potentie, plerosque exterarum prouinciarum terrerent populos, quàm terrentur ipsi ab aliis. Nec mirum, quippe qui à quibus bonorū extirpatrix Dei timore expulsa fuerat discordia, in eisdem pace prima Christi, nobile regnum felix obtinuit tripudium.* Ioint que les troubles de la Bourgongne Transiurane donnoient assez d'occasion au Cōte de Blois de penser ailleurs.

PENDANT que Meles faisoit son voiage vers l'Empereur Henry, Pandolfe Prince de Capua se trouua tellement estonné de la puissance des Grecs, qu'il enuoia des clefs d'or à l'Empereur de Constantinople, luy faisant entendre par icelles qu'il mettoit soy, sa ville & sa principauté en sa puissance. Lequel exemple fut incontinent ensuiuy de l'Abbé Atrenulphe du Mont Cassin. Nonobstant qu'il eust pris à son seruice vne partie des Normans qui estoient restez en Italie, pour defendre par eux les terres de son Abbaye contre les Comtes d'Aquin. Or ceste lascheté de ces deux personages là fut encore suiue d'une autre

autre villaine meschanceté: car le Prince Pandolfe prist vne grande somme de deniers du Catapane Bubaganus ou Boioiânes, pour le laisser passer par les terres; afin d'aller assieger Dattus compagnon de Meles dedans le chasteau de Gariglian, lequel il auoit en garde de la part du Pape. Où il le prist si inopinément ne se doutant de ceste venue, qu'il entra dedans le chasteau par force, & en emmena ledit Dattus, qu'il fit bien tost apres mourir du supplice destiné anciennement aux parricides au grand deshonneur & vitupere, tant du Prince que de l'Abbé. Qui fut cause que Meles s'en retourna en Allemagne pour aduertir l'Empereur tant de la reuolte de ce Prince & de l'Abbé contre luy, que du progres des victoires & prosperitez des Grecs en la Pouille, au defauantage de son Empire. Qui ont fait escrire à Cedrenus, que Boioiannes fit lors si bien les affaires de son maistre en Italie, qu'il la reduisit quasi toute iusques à Rome en l'obeissance d'iceluy. Declarant outreplus que du sang de ce Boioiannes vint le secōd qui fut enuoié cy apres en Italie en mesme tiltre que cestuy-cy apres Maniaces. Leon d'Hostie liu. 2. chap. 38. de la Chronique du Mont Cassin.

Du Monde.	6058	E. d'Allemagne. 20	R. de Bourgogne. 23
De Iesus Christ.	1021	R. des François. 25	R. de Russie. 6
Indiction.	4	R. d'Arragon. 6	R. de Hongrie. 25
De l'Hegire 412. le 15.		R. de Navarre. 6	R. de Pologne. 30
d'Auril.		R. des Escossois. 17	R. de Castille. 6
Papes.	10	R. des Anglois. 5	
E. de Grece.	46	Ducs de Venise. 6	

LA nation des Chrobates ou Chorbates fut en ce temps subiuguee & reduite en l'obeissance de l'Empereur de Grece lequel aussi au mesme temps trouua moien de s'emparer de la maistrise de la ville de Syrmium, estant Sermon qui en estoit Seigneur occis en trahison par Diogenes Lieutenant dudit Empereur. Cedrenus.

A v mesme temps vn grand tumulte survint en la Lombardie par l'entue que les Barons du pais portoient au Marquis Boniface: pource qu'ils allerent tuer son frere Cōrard, qui conduisoit à son dit frere la femme qu'il vouloit espouser. Sigonius.

D'AUTRE-PART Canut Roy de Dannemarc ayant reduit en sa main le Roiaume d'Angleterre, voulut encore entreprendre de faire le semblable du Roiaume d'Escoffe environ le mesme temps, par vne puissante armee qu'il mena en Escoffe. Mais le Roy Malcolm ou Mulculo defendit si brauement ses marches, qu'il le fit rerirer à sa honte & confusion. Ce nonobstant celà fut cause que Canut rechercha son alliance & amitié. Glaber.

Du Monde.	6059	E. d'Allemagne. 21	R. de Bourgogne. 29
De Iesus Christ.	1022	R. des François. 26	R. de Russie. 7
Indiction.	5	R. d'Arragon. 7	R. de Hongrie. 26
De l'Hegire 413. le 5.		R. de Navarre. 7	R. de Pologne. 31
d'Auril.		R. des Escossois. 18	R. de Castille. 7
Papes.	11	R. des Anglois. 6	
E. de Grece.	47	Ducs de Venise. 7	

L'EMPEREUR Henry ayant apprehendé le conseil que luy auoit donné Meles, & se voyant en danger de perdre Rome & le reste d'Italie, fil laissoit continuer les Grecs de s'agrandir en icelle, comme ils auoient ja commencé, passa derechef les Monts ceste annee avec vne grande armee, laquelle il diuisa en trois: dont il en donna l'une à Poppo Archeuesque d'Aquilee, qui estoit de vnze mil homes pour la mener par les Maures en la Pouille. Et donna l'autre qui estoit de vingt mil à Petegrin Archeuesque de Coulogne, pour

aller par le chemin de Rome prendre le Prince de Capuë & l'Abbé du Mont Cassin son frere: lequel se doutât de son intentiō, se mist sur mer avec les thresors de son Abbaie pour s'enfuir à Constantinople. Mais il fut noyé par la tormente en chemin. Son frere esperant auoir meilleur marché de sa faulte, & se defiant de ses subiects s'alla rēdre entre les mains de l'Archeuesque qui l'enuoia à l'Empereur, lequel avec son camp auoit pris le chemin de la Marche d'Ancone. Leon d'Hostie, Herman Contract, Abbé d'Vrisperg.

ENVIRON ce temps Ali fils de Abdimelech Roy de Cordouë en Espagne, fut mis à mort dedans vn bain par deux Seigneurs Maures. Au moien dequoy Giohar Barrochiolo se fit Roy de Cordouë, où il regna seulement deux ans; pource qu'il mourut ayant vn fils nommé Nachomat, qui regna treize ans apres luy. Pendant lequel temps aussi Albo Cauzin se fit Roy de Seuille, & y regna quinze ans.

GARSIAS Roy de Nauarre estant entré en guerre contre Dom Fernand son frere Roy de Leon & de Castille, fut occis par iceluy en vne rencontre en la septiesme annee de son regne, laissant vn fils nommé Sancius ou Sance qui luy succeda à vne partie du Roiaume de Nauarre seulement: pource que son oncle Fernād occupa le reste par le moie de la victoire precedente: & y regna cinquante & vn an. Vafæus.

A l'occasion d'une sedition qui s'eueua à Venise, le Duc d'icelle & le Patriarche de Grade son frere furent contraincts d'abandonner la ville, & se retirer au pais d'Istrie: d'où ils furent toutesfois rappelez l'annee ensuiuant, & puis encore quelque temps apres dechassez derechef, tant estoit instable l'estat d'icelle republique.

EN la mesme annee furent pris & bruslez publiquement plusieurs personnages iusques au nombre de quatorze, tant du Clergé que de la Noblesse: entre lesquels on compte dix Chanoines d'Orleans en presence du Roy Robert pour crime d'heresie. Car on escrit que ils parloient mal de Dieu, & des Sacremens, assauoir du baptesme, & du corps & sang de Iesus Christ, ensemble aussi du mariage. Et ne vouloient vser des viandes ayans sang & gresses, les reputans immundes. Le principal d'iceux s'appelloit Estienne. Temoin Glaber & la Chronique de S. Sibar. Selon lesquels plusieurs autres sectaires de la mesme heresie qu'on appelloit des Manichees, furent executez ailleurs, comme à Tolose & en Italie.

Du Monde.	6060	E. d'Allemagne.	22	R. de Bourgongne.	30
De Iesus Christ.	1023	R. des François.	27	R. de Russie.	8
Indiction.	6	R. d'Arragon	8	R. de Hongrie.	27
De l'Empire	414. le 25.	R. de Nauarre.	1	R. de Pologne.	32
de Mars.		R. des Escossois.	19	R. de Castille.	8
Papes.	12	R. des Anglois.	7		
E. de Grece.	48	Ducs de Venise.	8		

L'EMPEREUR Henry estant entré en la Pouille avec son camp assiegea la ville de Troie, que les Grecs auoient commencé depuis quelques annees à fortifier, n'estant leur ouvrage encor acheué. Si est-ce toutesfois qu'elle se defendit si longuement, qu'il ne la peut forcer de se rendre que iusques au mois de Iuillet de ceste annee. Parquoy apres auoir combatu & deffait l'armee des Grecs auprès de Salerne par la vertu & prouesse principalement des Normans qu'il auoit avec luy, (ainsi que Sigonius se dict auoir appris d'un Theodoric, ce qui est aussi tesmoigné par Glaber) fut contrainct de ramener son armee en Allemagne: pource que la peste s'y estoit mise, à cause de l'interperie de l'air, apres auoir donné la principaulté de Capue à vn autre Pandolfe qui estoit des Comtes de Theane: luy laissant dixhuit Capitaines Normans avec leurs soldats (de ceux qui estoient auparauant en la Pouille) pour la garde & defence contre les Grecs, desquels estoient Gislebert, Cofman, Stigand, Balbe, Gaultier & Torstan. Qui pourroit estre celuy que Hugues de Flory appelle Turslin Scitel, que les Normans firent cy apres leur Capitaine. Mais il renuoia les autres avec leur Capitaine Rodolfe, ainsi que Glaber tesmoigne: où il dit, *Normanū quippe cum suo duce Rodulfo reuersi in suam patriam gratanter recepti à proprio principe Richardo.* Leon d'Hostie, Sigonius.

Or cest Empereur estât de retour d'Italie se vint trouuer avec le Roy Robert de Frâce à vn Parlemēt qu'ils eurent ensemble (tesmoin Sigebert) à Iuoy sur la Chere : ou comme veult Glaber sur la riuere de meuse, qui faisoit la limite des deux Roiaumes. Ou ils traictèrent entr'eux tant des affaires de leurs Roiaumes que de l'Eglise: & renouellerent les anciennes alliances & confederations d'entre leurs Empires. Glaber recite les presens qu'ils se firent lors l'un à l'autre en confirmatiō de leur amitié: qui furent de la part de Robert cēt cheuaux excellentement enharnachez avec aucunes petites nauires d'or: Et de la part de Henry, cent liures d'or avec d'autres petites nauires d'or. Et dit aussi que lors qu'ils se trouuerent au lieu où se deuoit faire leur colloque, ils furent chacun à par-soy en suspend à qui appartenoit le premier de partir pour aller trouuer son compagnō. Et que finalement l'Empereur alla trouuer le Roy en sa tante, où il disna avec luy, & laissa ses presens. Puis le lendemain le Roy luy alla rendre la pareille. Lequel exemple de modestie merite bien d'estre recité par les propres mots de l'Autheur de qui nous le tenons. *Fuit pax Roberto Regi cum vicinis suis, nempe cum Henrico Imperatore, cum quo colloquutus est super Mosam flunium, qui limes est utriusque Regni. Et cum plures ex amborum partibus misissent indecens esse ut quis illorum tantorum scilicet Regum semet humilians, quasi in alterius transfret auxilium, hoc etiam ore potissimum ut in medio fluminis nauibus portarentur simul locuturi. Sed viri eruditissimi illud uterque in mente habens, quanto magnus es, humilia te in omnibus. namque mane surgens Imperator transiit cum paucis ad Regem Francorum, &c. postridie Rex Robertus transiit ad illius tentoria &c. firmatōque amicitie fœdere ad propria rediere.* Il adioute consequemment que le Roy Robert fut singulierement amy d'Alrede Roy d'Angleterre & de Guillaume surnommé le Sainct, Roy de Nauarre & des Espagnes (où l'estime qu'il a voulu dire Sancius pour Sâctus) ensemble aussi de Raoul Roy des Austrasiens. Tous lesquels l'honoroient souuent de presens, & luy demandoient secours en leurs affaires, ainsi que l'Empereur auoit demandé de ses Normans, au Duc Richard.

GEORGE Duc d'Abasgie violant la paix qu'il auoit avec l'Empereur de Grece, luy commença la guerre. A cause dequoy l'Empereur mena en personne vne armee contre luy, laissant Nicephore fils de Bardas, Phocas & Xiphias à Constantinople: qui se trouuerent si mal contans d'auoir esté mesprizez par luy en ce voyage, qu'ils exciterent vne rebellion contre luy, laquelle toutesfois fut bien tost assopie: pource qu'il leur ioüa d'une ruse si accortement, que l'un tua l'autre. Au moien dequoy la guerre d'Abasgie se continua & termina, apres que les Abasgiens eurent esté desconfits en deux rencontres: la dernière desquelles se fit l'onzième iour de Septembre en la 6. Indiction. Et que le Duc George eut accepté les conditions de paix que luy voulut donner l'Empereur. Cedrenus.

GODEFROY Comte d'Ardènes mourut le 4. iour de Septembre, laissant trois fils, Godefroy, Gozelon, & Efelon.

AVICENNE Prince des Medecins Arabes, & son contemporain Auerrois, florissoient en ce temps.

Du Monde.	6061	E. d'Allemagne.	1	R. de Bourgogne.	31
De Iesus Christ.	1024	R. des François.	28	R. de Russie.	9
Indiction.	7	R. d'Arragon.	9	R. de Hongrie.	27
De l'Hegire 415. le 13.		R. de Nauarre.	2	R. de Pologne.	33
de Mars.		R. des Escossois.	20	R. de Castille.	9
Papes.	1	R. des Anglois.	7		
E. de Grece.	48	Ducs de Venise.	8		

HENRY 2. du nom surnommé le Boiteux Empereur de Germanie mourut le 13. iour de Iuillet, apres auoir (comme tesmoigne la Chronique du Mont Cassin) recommandé sa femme Chunegunde (avec laquelle il auoit vescu en perpetuelle contenance) à ses amis, leur disans, receuez la pucelle que m'avez donnée. Et fut enterré en la ville de Babenberg sans laisser aucuns enfans. Qui fut caule qu'il conseilla aux Princes d'Allemagne d'essire

apres luy Conrard Duc de Vvormes, issu des Princes de Franconie (dont le furnom de Salique luy fut donné) qui auoit espouſé Gislale fille de Garpirge, ſœur du Roy Rodolfe de Bourgongne, & fille de Mechlde ſœur du Roy Lorthaire de Frâce (encore qu'il n'eust oncques fait cas de luy en ſa vie) pource (comme dit Glaber) qu'il auoit espouſé vne femme qui luy estoit trop pres allice, ayant esté espouſe d'un ſien proche parent. Suiuant lequel aduis qui sembloit estre procedé d'un droit iugement, d'autant qu'il estoit selon les mots de Glaber, *audax animo & viribus ingens, licet fide non multum firmus*. Les Eueſques de Majence & de Bamberg firent que la plupart des Princes de l'Empire se condescendirent à son election, moiennant qu'il se separeroit d'auec ſa femme. Nonobstant que son cousin le Duc Conrard, ou vn nommé (par Sigebert) Cono Duc de Francônie (auquel Erneſte Duc de Suaube & Vvelphe Duc de la partie Orientale de Bauiere fauoriſoient) s'opposast à ſa promotion, aspirant luy-mesme à l'Empire, de ſorte qu'on en vint presque iusque aux armes. Mais ils furent en fin contraincts de quitter le jeu à Conrard que l'on compte auoir par ce moien tenu l'Empire l'espace de 14. ans, 10. mois, 22. iours, depuis le trespas de son predeceſſeur. Comme recitent Glaber, le Supplément d'Idatius, Herman Contract, Marianus Scotus, Lambert de Scaff. Othon de Frisingen, Auentin. Quant à ce que Platine & Sabellic ont dict que l'Empire vauqua trois ans depuis le trespas de l'Empereur Henry, ils se peuuent poſſible entendre du temps que Conrard fut en different avec ſes competeurs, iusqu'à son couronnement par le Pape. Et ſi la datte d'un tiltre qui a esté produit par Sigonius, qui est de l'an 1039. Indiction 7. du quatorzieme an du regne, & 17. de l'Empire d'iceluy, ensemble auſſi du 15. iour du mois de Mars est vraie, il fault qu'il ait ſeulement esté esleu l'an ensuiuant.

LA ville de Florence fut enuiron ce temps augmentee & peuplee de ruines dès la ville de Feſulo: pource que les Florentins apres l'auoir deſtruite, contraingnirent les citoyens d'icelle de venir faire leur reſidance avec eux. Villani, Blondus, Sabellic.

BENOIST 8. Pape de Rome mourut (ſelon Onuſrius) ceste annee le 27. iour de Feurier. Nonobstant que tous les autres Autheurs ont eſtimé qu'il fut chassé de ſon ſiege apres le trespas de l'Empereur Henry, de qui il estoit ſupporté, par quelques Cardinaux qui luy estoient aduerſaires : & qu'il se remit encore malgré eux en ſon ſiege. Son ſucceſſeur fut Iean dixneuſieme qui estoit ſon frere, lequel fut esleu le iour d'apres par le moié & brigues de Theophilaſte leur nepueu ainſi que Glaber a laiſſé par eſcrit. De ſorte qu'on fait compte que ſon pontificat a duré huit ans, neuf mois, neuf iours. Glaber & Beno disent qu'il n'auoit esté auparauât que ſimple Laic, n'ayant paſſé par aucun ordre Eccleſiaſtique, dont on l'appelloit Neophite. Qui fut cauſe que les Romains l'eurent en moindre eſtime: & qu'il receut beaucoup de faſcheries d'eux iusques à tant qu'il eut donné la couronne Imperiale à l'Empereur Conrard, ſouz l'aile duquel il fut touſiours depuis aſſeuré contre tous ſes maluueillans.

Du Monde.	6062	E. d'Allemagne.	2	R. de Bourgongne.	32
De Ieſus Chriſt.	1025	R. des François.	29	R. de Ruſſie.	10
Indiction.	8	R. d'Arragon.	10	R. de Hongrie.	28
De l'Hegire	416. le 3.	R. de Navarre.	3	R. de Pologne.	34
de Mars.		R. des Eſcoſſois.	21	R. de Caſtille.	10
Papes.	2	R. des Anglois.	8		
E. de Grece.	49	Ducs de Veniſe.	9		

VNE armee de Ruſſiens arriuee deuant Constantinople ſouz la conduite de Chriſochir parent de ſeu Bladimere ou Vvladimere Prince de Ruſſie, excita quelques troubles: pource qu'on ne les vouloit receuoir aux gages de l'Empire. Mais ils furent tous bien toſt apres mis à mort. Cedrenus.

LES

Les Princes & Potentats d'Italie desirans s'emanciper de la subjection des Allemans, firent vne ligue & confederation ensemble pour se defendre & maintenir en leur liberte contre les estrangers. Selon Blondus & Sabellic.

G V I L L A V M E Duc d'Aquitaine & Comte de Poictou mourut, laissant vn fils nommé Guy qui luy succeda à ses estats. Mais il mourut en peu de temps, ayant vn fils nommé Guillaume, qui fut son heritier & successeur. Annales d'Aquitaine. Mais si les Comtes d'Arles estoient aussi appelez Ducs d'Aquitaine, il fault qu'il y ait eu deux Ducs ensemble en mesme temps en ceste Duché-là : d'autant que ceste race cy estoit differente de l'autre.

B O L E S L A V S premier du nom & second Roy de Pologne mourut, laissant vn fils nommé Mieslaus deuxiesme du nom, qui regna enuiron neuf ans. Chronique de Pologne.

M I S T E V O ou Mistivvoy Prince des Esclauos Vvinides, Obodrites & Vvagriens, ayât cy deuant regetté la religion Chrestienne à cause de l'iniure que Bernard Due de Saxe luy auoit faicte, & incité par mesme moien son peuple & ses voisins à la rejeter, se trouua en fin touché d'une vraie repentance de sa faulte. Qui le fit derechef apprehender la doctrine Chrestienne de telle constance qu'il se laissa plustost bannir de son pais & de ses estats par ses subiects, que de plus vouloir apostatifer. Au moien dequoy de trois fils qu'il auoit, Vdo, Anatron & Cnee, fut receu en son lieu à tenir l'estat des Esclauons, pour sembler estre plus mal affectionné enuers les Chrestiens que les autres. Tellement que la cruauté dont il vsa enuers eux, luy causa cy apres sa mort par vn Saxon fuitif de son pais, laissant vn fils nommé Godscal, qui en vengeance d'icelle fit plus de maux aux Chrestiens de la Nordambingie & de la Holsatie que n'auoit fait son pere, iusques à ce qu'une telle repentance le prist qu'auoit faict son pere. Qui le fit reconcilier avec les Chrestiens & les Ducs de Saxe. Helmodus, Albert Crants, Chron. de Holsatie.

<i>Du Monde.</i>	6063	<i>E. d'Allemagne.</i>	13	<i>R. de Bourgongne.</i>	33
<i>De Iesus Christ.</i>	1026	<i>R. des François.</i>	30	<i>R. de Russie.</i>	10
<i>Indiction.</i>	9	<i>R. d'Arragon.</i>	11	<i>R. de Hongrie.</i>	29
<i>Del' Hegire 417. le 20.</i>		<i>R. de Nauarre.</i>	4	<i>R. de Pologne.</i>	1
<i>de Feurier.</i>		<i>R. des Escossois.</i>	22	<i>R. de Castille.</i>	11
<i>Papes.</i>	3	<i>R. des Anglois.</i>	9		
<i>E. de Grece.</i>	1	<i>Ducs de Venise.</i>	11		

B A S I L E Porphyrogenite Empereur d'Orient, faisant les apprests pour mener en personne vne armee en Sicile, ou comme l'estimerois plustost en Italie, afin de retirer ce que l'Empereur Henry y auoit conquesté sur luy, fut arresté d'une maladie qui l'emporta de ce monde au mois de Decembre, estant la 9. Indiction commencee, & le 1026. de nostre Seigneur non encore expiré. Mais les Grecs comptoient le 6534. de la creation du monde à leur compte. Cependant pource qu'il ne laissa aucuns enfans, Constantin son frere dixiesme du nom tint l'Empire apres luy, lequel il gouerna en fort mauuaise reputation l'espace de 2. ans, 11. mois, selon Cedrenus, Zonare, Ioannes Curopal. Blondus & Sabellic se sont grandement mescontez constituans en ce temps la fin d'un Empereur, qu'ils nomment Michel, & le commencement d'un autre Michel dit Etheriaque. Ce qui semble aussi auoir esté l'opinion de Glaber, qui declare que l'Empereur Basile perdit la vie par vn poison qu'un sien Chambellan nommé Michel luy fit prendre. Au moien dequoy il usurpa sa couronne apres. Dont il semble qu'il a esté mal aduerty des affaires de la Grece, ou que ce Michel fut incontinent dejetté.

A v temps du Pape Iean, qui gouernoit en ce temps l'Eglise Romaine, Foulques Côte d'Anjou apres estre de retour du voiage qu'il auoit fait par deuotion en Hierusalem, fonda vne Eglise dedás le diocese de Tours. Et puis appella Hugues Archeuesque de Tours pour la venir dedier & consacrer. Lequel fit responce de n'y vouloir venir, qu'il ne luy eust réu quelques vsurpations qu'il auoit faict sur son Eglise,

L L L

GOTHELON Duc de Lorraine & les autres Princes rebelles se reconcilierent avec l'Empereur Conrard: à cause dequoy l'Allemagne commença de iouyr du fruit de la paix. Sigebert.

HENRY Duc de Bauiere & frere de l'Imperatrice Chunegunde mourut le premier iour de Septembre, n'ayant aucuns enfans. A cause dequoy l'Empereur Conrard institua son fils Henry Duc de Bauiere. Auentin.

RICHARD second du nom Duc de Normandie mourut, laissant sa succession à Richard son fils aîné, qui ne vesquit que deux ans apres luy. On tient qu'il laissa encore plusieurs autres fils: l'un desquels qui se nommoit Robert, fut Duc apres son frere Richard, auquel son pere donna à sa mort la Comté d'Oxime. Les autres furent Guillaume Comte d'Arques, selonc aucuns de Monstreuil, & un Maugier qui fut Archeuesque de Rouën. Chroniques de Normandie.

LES peuples de la coste Dalmatique se rebellans contre les Venitiens, entrerent en grande puissance dedans leurs limites. De facon que le Duc Othon Orselin marcha contre eux avec une autre grande armee, & leur donna bataille aupres de Laurette, dont il gangna la victoire: qui fut si preiudiciable aux vaincus, qu'ils ne se peurent oncques depuis remettre sur pieds. De sorte qu'ils commencerent deslors à perdre avec leur liberté le nom d'Adriensés, duquel la mer Adriatique auoit son appellation. Blondus toutesfois rapporte cecy à l'an mille neuf. Sabellic au temps de Benoist huitiesme Pape.

LA mort du Roy Boleslaus donna occasion à Iaroslus & Mescislaus Princes de Russie de se reuolter, non seulement contre les Polonois, mais aussi de chasser leurs garnisons hors des pais qu'ils auoient conquestez sur eux. Qui fut cause que Mieslaus mena une armee sur eux, qui les fit retirer en leur pais par le moien d'une victoire qu'il gangna sur eux. Mais il ne peut totalement les amener au point qu'il vouloit. Martin Cromer.

Du Monde.	6064	E. d'Allemagne.	4	R. de Bourgogne.	34
De Iesus Christ.	1027	R. des François.	30	R. de Russie.	12
Indiction.	10	R. d'Arragon.	12	R. de Hongrie.	30
De l'Hegire	418. le 9.	R. de Nauarre.	5	R. de Pologne.	2
de Feurier.		R. des Esgossois.	23	R. de Castille.	12
Papes.	4	R. des Anglois.	10		
E. de Grece.	2	Ducs de Venise.	12		

LES troubles qui aduindrent en la Germanie apres la mort de l'Empereur Henry, auoient tellement fait prendre enuie aux Italiens de recouurer leur liberté s'emancipant de la subjection des Allemans, qu'ils s'estoient confederez ensemble pour se defendre à bon escient contre ceux qui les voudroient remettre en seruitude. Et à celle fin ils s'efforçoient par toutes manieres d'exercices à se diuire & accommoder au maniment & vsage des armes, & à se façonner au train & mestier de la guerre. Qui fut lors, ce disent Georgius Merula & Corius, que pour suiure & tenir une certaine forme de guerroyer leurs ennemis, ils inuenterent ces manieres de chariots qu'ils appelloient Carrocio, sur lesquels chacune ville ou communauté faisoit porter la banniere ou enseigne. Combien que d'autres rapportent cela cy apres. A cause dequoy l'Empereur Conrard se disposa semblablement à faire le voyage d'Italie, en si bon equipage qu'il la peut reduire en l'estat auquel elle estoit souz ses predecesseurs, & se faire donner la couronne Imperiale par le Pape. Mais afin d'obuier aux euenemens qui pouuoient aduenir d'un & en tel voyage, il declara & ordonna son fils Henry aagé lors seulement de douze ans Roy de la Germanie, auant que partir d'Allemagne, comme Herman Contract, Othon de Frisingen, Sigebert & Lambert de Scaffuab tesmoignent. De sorte que Marianus Scotus dict que cela se fit dès l'annee precedente, au moins à la fin d'icelle.

A quoy

À quoy se rapporte la datte d'une chartre qui est en Auentin liure septiesme en ceste sorte. *Datum xviii. kalend. Maij, Anno Christi M.lxii. Henrici iii. Designationis xxviii. Regni xv. Imperij viii.* Combien qu'Onufrius a estimé que ce fut 1030. le vingtneufiesme iour de Mars. Mais j'ay veu la copie seulement d'une autre chartre du chapitre de Mets, qui semble le referer à l'an mille vingtneuf en ceste sorte. *Anno incarnationis Domini M. lxi. Indictione v. Henrici iii. Regis, Imperatoris verò secundi, ordinationis eius xxiii. Regni xiii. Imperij vi.* Laquelle aussi est confirmée par une autre qui est en Schadus en la description de la Rhoetie, dont la datte est du vingtneufiesme de Ianuier Indiction 13. An de l'Incarnation mille quarante cinq, de l'ordination de Henry troisieme 16. & de son regne 6. Ce qui semble aussi estre l'opinion mesme dudit Auentin, pource qu'il estime que ceste designation se fit incontinent apres le retour du voyage d'Italie. Dont il fault qu'on se soit abusé en l'un ou en l'autre à transcrire lesdictes dattes de leur original. Tant y a cependant que tous conuiennent que Conrard fit passer les Alpes, iusques auxquelles le Pape alla (tesmoin Glaber au deuant de luy) au commencement de ceste annee, à son armee qui estoit si puissante: ayant mesmement avec luy les Rois Rodolfe de Bourgongne & Canute de Dannemarc, d'Angleterre, & de la pluspart des contrees Septentrionnales: qu'elle fit bien mettre bas aux Italiens ceste grande cholere qui les detenoit deuant qu'ils le vissent. De sorte qu'il ne se trouua (comme on dict) aucune ville ny des Alpes ny de la Lombardie, qui ne luy ouurist ses portes sans contrainte, sinon Milan, deuant laquelle il ne se voulut arrester ny engager, qu'il ne fust allé premierement se faire confirmer à Rome, & prendre la couronne Imperiale qui luy fut donnée par le Pape Iean le iour de la feste de Pasques: Selon que tesmoignent les Auteurs precedens avec Onufrius & Sigonius. Mais Blondus & Onufrius adioustent que il se fit couronner au mesme voyage de deux autres couronnes qu'il auoit prises auant la troisieme, l'une à Modetie, qui estoit de paille; & la seconde de fer à Milan: laissant l'exemple & la coustume à ses successeurs de faire le semblable. Ce que Sigonius suiuant la supputation de Marianus Scotus & d'Auentin estime s'estre fait dès l'an 1026. auquel il afferme qu'il arriua en Italie avec son armee, où il se fit premierement couronner de la couronne roiale à Milan, & puis le voulut encor estre derechef à Modetie: respondant à l'Archeuesque Herebert de Milan qui le vouloit destourner de ce faire, qu'il auoit enuie d'ensuiure l'exemple de l'Empereur Charlemagne. Et pource que les Milanois conceurent quelque ialousie de ce second couronnement, ils appellerent la seconde couronne que luy & ses successeurs receurent, la couronne de paille. Il conuiennent toutesfois que le couronnement d'iceluy à Rome se fit ceste annee. Ce qui est aussi confirmé par la datte d'une chartre que nous alleguerons cy apres souz l'an mille trente neuf. Glaber raconte qu'estant à Rome les Princes & Prelats d'Allemagne le sollicitèrent de repudier sa femme, comme il leur auoit dit deuant qu'ils l'esleussent, à cause qu'il leur sembloit qu'elle luy attouchoit de trop pres de parentage. Mais quand il se vit couronné, il leur respondit qu'un Empereur créé ne deuoit estre priué de femme. Tant y a cependant qu'il est certain qu'il n'eut pas grande affaire à reduire toute l'Italie à sa deuotion, comme elle auoit esté souz ses ancestres. Car apres auoir fait son entree es principales villes, & receu les deuoirs & submissions des citoyens, Podestats & Potentats d'icelles, fut de retour au commencement de l'annee ensuiuant en Allemagne.

Au mesme temps Pandolfe cy deuant Prince de Capuë fut à la requeste de ses amis, singnamment de Gaimare Prince de Salerne, mis en liberté. Au moien dequoy il s'en reuint en son pais, où il fit la guerre à l'autre Pandolfe que l'Empereur Henry y auoit mis, iusques à ce qu'il l'en eut dejeté à l'aide dudit Gaimare des Capitaines Ranulfe & Arnolin Normans, Comtes des marches & des gens de guerre de la Pouille. Ausquels le Catapane pour l'Empereur nommé Boian ou Boioiannes se ioignit, tellement qu'ils assiegerent la cité de Capuë l'espace d'un an & demy, deuant que de la pouuoir prendre. Ce fut le mesme Catapane Boian, qui fit fonder, bastir, fortifier, peupler & habiter plusieurs nouuelles villes en celle contree de la Pouille. Qui fut à cause de luy appelée le Catapanat, qu'on dit auourd'huy le Capitanat: Comme Troie, Draconaria, Ciuita, Florentin & autres, esquelles il fit venir des habitans des lieux circonuoisins pour les remplir & habiter. Chronique du Mont Cassin.

BAUDOUIN surnommé le Frise, fils du Comte Baudouin de Flandre (qui estoit encore vivant) espousa ceste année Adelle fille de Robert Roy de France. Puis se rebella contre son pere, en telle façon qu'il le chassa hors de la Comté de Flandre. Mais il se remit bien tost apres à l'aide du Duc de Normandie, par l'entremise aussi duquel il fut reconcilié & mis d'accord avec son fils. Combien que les Flamans ne laisserent pourtant de demeurer en partialitez, tenans les vns le party du pere, & les autres celuy du fils. Chroniques de Flandre.

OTHE Guillaume Comte de Dijon (qui s'estoit cy deuant dit Duc de Bourgogne) fils de la Comtesse Gerfende, mourut le premier iour d'Octobre, tesmoin son Epitaphe, laissant selon la Chronique de Dijon trois fils, Regnault, Ramard ou Rainard & Othon, qui se nommerent Comtes. On tient que les Comtes de Bourgogne prindrent leur origine dudit Regnault. Il semble que par quelque aecord que le Roy Robert fit avec cet Othe Guillaumie, lors qu'il luy fit quitter le droict de la Duché de Bourgogne, qu'il luy laissa les terres qui estoient de ladicte Duché, qui sont delà la Saone iusques à Bezançon, ou bien iusques à la riuere du Doux, à les tenir en fief des Ducs de Bourgogne, & en arriere-fief de la couronne de France, dont il en fut appelé Comte, & se voit aussi que ses successeurs les ont possedees à tel tiltre. Mais il est certain qu'ils ont tenu l'autre partie de la Franche-Comté, qui s'estant iusques au Mont de Iou, ensemble aussi l'autre qui est de là le Iou, qu'on a appelé la Duché de la petite Bourgogne, avec les pais qui contiennent les dioceses des Eueschez de Lozanne, Geneue & de Sion, & la Comté de Vienne, partie par le benefice du dernier Roy de Bourgogne & des Empereurs ensuiuans, partie par alliance avec vn Gerald, duquel nous parleros cy apres, & avec les Comtez de Vienne: dont nous monstrerons cy apres que Guillaume l'enfant, qui a esté le dernier de la race de ce Regnault, qui a obtenu toutes les Seigneuries que nous venons de nommer, s'intituloit Côte de Bourgogne, de Vienne, de Salerne & Seigneur de Salins.

BERALD Prince de la maison & nepueu (comme on'dit) de l'Empereur Othon, premier Prince de Morienne en Piedmont, mourut laissant vn fils nommé Humbert. dict aux blanches mains: lequel on dit auoir esté créé & institué par l'Empereur qui fut en ce temps premier Comte de Morienne: & estre procedé de luy l'origine des Marquis de Suze & Comtes de Sauoye. Paradin.

LES Patzinaces appelez des autres Pietziniges entrerent en cec temps avec grande armee dedans la Bulgarie. A cause dequoy l'Empereur Constantin de Grece enuoia son Lieutenant Diogenes avec vne armee contr'eux, qu'il les mit par quelques rencontres en routte, & les contraingnit de se retirer de là le fleuve Ister. Cedrenus.

VLDERIC ou Vdalric 17. duc de Boëme, qui auoit occis ou auéglé seulement son frere Icomare, ou selon Æneas Siluius Iamiris, pour occuper sa principauté, suiuant l'exemple des Russiens, refusa le tribut qu'il estoit tenu payer au Roy de Pologne, se reuoltant mesme de faict contre luy, apres auoir induit les Morauiens, Cassubiens & Prussiens à faire le semblable. De façon qu'ils chasserent les garnisons Polonoises de leur pais, & se mirent en la protection des Boëmiens. A cause dequoy le Roy Mieslaus mena vne armee grande dedans le pais de Boëme & de Moraue, laquelle sans assieger ne battre ville gasta seulement le plat pais, & puis se retira en Pologne avec vn grand butin, laissant cependant les Boëmiens, Pomeraniens & Prussiens en leur liberté. Martin Cromer. Mais les histoires Boëmiques ne font mention de ceste guerre.

EVSTATHIUS Patriarche de Constantinople mourut. Au moien dequoy on substitua vn moine nommé Alexius en son lieu du consentement de l'Empereur, qui presida 18. ans. Zonare, Cedrenus.

Du Monde.

<i>Du Monde.</i>	6065	<i>E. d'Allemagne.</i>	5	<i>R. de Bourgogne.</i>	35
<i>De Iesus Christ.</i>	1028	<i>R. des François.</i>	31	<i>R. de Russie.</i>	12
<i>Indiction.</i>	11	<i>R. d'Aragon.</i>	13	<i>R. de Hongrie.</i>	31
<i>De l'Heure</i>	419. le 29.	<i>R. de Navarre.</i>	6 21	<i>R. de Pologne.</i>	3
<i>de Janvier.</i>		<i>R. des Escossois.</i>	24	<i>R. de Castille.</i>	13
<i>Papes.</i>	5	<i>R. des Anglois.</i>	11		
<i>E. de Grece.</i>	3	<i>Ducs de Venise.</i>	13		

EN l'absence de l'Empereur Conrard, Bruno Archevesque d'Ausbourg, & Vvelphe Duc de la partie Orientale de Bauiere, troublerent grandement la Germanie par leurs querelles & dissensions, qui l'estoit aussi d'ailleurs par la rebellion d'Erneste Duc de Sûaube & d'Allemagne & d'un autre Comte nommé Vvelphe. Mais au retour de l'Empereur tout fut finalement appaisé à une Diette qui se tint à Vlme, où le Duc Erneste se vint rendre à sa mercy. Auquel il n'imposa autre peine pour sa faute que de l'exil pour certaines années. Mais il osta la Duché de Carinthie au Duc Adalbero, & la donna à son cousin Conrard. Herman Contract, Othon de Frisingen, Auentin.

LA ville de Capua après avoir soutenu le siege du Prince Pandolfe & de ses confederes l'espace de dixhuit mois, se rendit par composition, étant le Comte Pandolfe de Theane trouué dedans lequel le Catapane Boian prist en sa protection, & puis l'enuoia avec sa femme à Naples pour estre illec gardé en seureté par Sergius, qui en estoit Gouverneur pour l'Empereur de Grece, & auoit la charge de l'infanterie Grecque. Chronique du Mont Cassin liu. 2.

HUGUES fils aîné du Roy Robert, que son pere auoit ja designé son successeur, mourut enuiron ce temps. A cause dequoy son dit pere designa son second fils nommé Henry (qu'il auoit auparauant fait Duc de Bourgogne) au lieu d'iceluy son heritier & successeur, le faisant de fait regner deslors avec luy. La Chronique de saint Benigne dict que ce fut six ans deuant le trespas de son pere. Mais toutes les dattes des chartres qui ont esté faites sous luy, tesmoignent qu'on commença seulement à compter les ans de son regne de ceste année. Cependant toutesfois ceste election & couronnement de Henry ne se fit pas sans grand debat & dissension : pource que la Roine Constance qui estoit au dire de Glaber femme auare & extremement audacieuse, le vouloit à toute force empescher, afin de luy preposer son plus ieune frere Robert, à qui elle portoit plus d'affection; allegant qu'il estoit plus capable de la succession pour sa suffisance. Si est-ce toutesfois que l'intention du Roy fut suivie, demeurant Henry en possession de son droit, étant son couronnement fait à Sens en presence des Princes de France.

EN la mesme année deceda Guillaume Comte d'Angoulesme, un peu après son retour du Pelerinage qu'il auoit fait en Hierusalem, laissant sa succession à son fils Alduin: Comme tesmoigne une ancienne Chronique d'Angoulesme qui finit en cet endroit, où l'Auteur d'icelle signifie qu'il viuoit lors.

ROBERT frere de Richard Duc de Normandie s'estant rebellé contre luy, fut assiégué dedans le Chasteau de Fallaize, & contrainct de s'appointer à telle condition qu'il pleut au Duc son frere. Lequel neantmoins il fit bien tost après empoisonner, dont il mourut auant qu'il eust encore eu aucuns enfans. Au moien dequoy il luy succeda en la Duché de Normandie, laquelle il posseda huit ans. Chronique de Normandie, Paul Æmile.

UNE armée de Sarrazins courut en ce temps les Isles Cyclades. Mais le Lieutenant que l'Empereur de Grece auoit en l'isle de Samos les alla charger si vertueusement qu'il les mit en routte. Cependant les autres Sarrazins d'Asie informez de la negligence de l'Empereur Constantin, en firent si bien leur profit, qu'ils retirerent à eux grand nombre de villes & de pais des mains des Grecs. Cedrenus, Michael Glyca.

LLL iij

Avec le trespas de Mahomet fils de Iohar Roy des Maures de Cordouë en Espagne, prist fin ledit royaume qui auoit cōmencé enuiron l'an 758. Et par la ruine d'iceluy se mit au dessus celuy de Tolette, qui auoit lors pour Roy vn appelé Almenō ou Aly Maimon: auquel toutesfois le Roy Fernand de Castille fit si aspre guerre, qu'il luy fit quitter les villes de Salamanca, Vzeda, Guadalazar, Ascala, Madrid & autres: le mettant en tel deffi de ses affaires qu'il le fit rendre son vassal, avec hommage de ce qu'il tenoit en Toledé. Mais auant cela cet Aly Maimō qui s'estoit emparé de Tolette, se maintint si brauemēt en la possession d'icelle, qu'on ne l'en peut dejetter. Et pource qu'il estoit sage & aduisé, ses subjects l'eurent en si grande estime qu'ils le nommerent Miramolin, aussi bien que celuy de Cordouë. Cependant aussi Abubecar Alcain se fit par sa vaillance & prouesse Roy de Vallence & du pais d'alentour. Dom Anthon. Benthier.

Au mesme temps aussi florissoit en Italie Guy Laretin moine de l'ordre de saint Benoist excellent Musicien, que l'on dit auoir le premier inuenté les reigles & la maniere avec la notte que nous auons aujourd'huy pour apprendre la Musique, ou l'art de chanter qu'on appelle la Gamme, & les notes, Vt, Re, Mi, Fa, Sol, La. Sigebert. Tritemius tesmoigne aussi que ce fut luy qui escriuit contre Berengarius.

<i>Du Monde.</i>	6066	<i>E. d'Allemagne.</i>	6	<i>R. de Bourgogne.</i>	36
<i>De Iesus Christ.</i>	1029	<i>R. des François.</i>	32	<i>R. de Russie.</i>	12
<i>Indiction.</i>	12	<i>R. d'Arragon.</i>	13	<i>R. de Hongrie.</i>	32
<i>De l'Heure 420. le 18.</i>		<i>R. de Nauarre.</i>	7	<i>R. de Pologne.</i>	4
<i>de Ianuier.</i>		<i>R. des Escossois.</i>	25	<i>R. de Castille.</i>	13
<i>Papes.</i>	6	<i>R. des Anglois.</i>	12		
<i>E. de Grece.</i>	1	<i>Ducs de Venise.</i>	14		

CONSTANTIN Empereur de Grece se sentant caduque & approcher de la fin de sa vie, fut (pource qu'il n'auoit aucun fils) conseillé de faire espouser sa fille aisnée qui se nommoit Zoe, à vn sien fauorit nommé Romanus & surnommé Argyrus ou Argiopile, en luy resignant l'Empire: en possession aussi duquel il le laissa bien tost apres par sa mort qui luy aduint le 9. ou 12. iour de Nouembre, estant la douziésme Indiction commencée, & l'an 1028. non encor expiré. De sorte qu'on fait compte que ledit Romanus (que Guillaume de Tyr liure premier chapitre sixiésme de l'histoire de la Guerre Sainte, dit aussi auoir esté surnommé Heliopolitain) regna en ceste sorte l'espace de 5. ans, 5. mois, 3. iours. Zonare, Cedrenus, Ioan Curopal.

LES Esclauons se rebellans contre l'Empereur Conrard, & les Hongrois ayans entrepris contre luy, furent cause qu'il mena premierement vne armee contre les vns, & puis apres contre les autres. Marianus Scotus, Sigebert.

ERNESTE Duc de Suaube & de Vvarnier Comte en Suaube, ne se pouuans contenir en repos furent desconfits & ruez le 17. iour d'Aoust, par les gens de l'Empereur Conrard. Au moien de quoy Herman frere dudit Erneste luy succeda en la Duché de Suaube. Herman Contract, Othon de Frising.

PANDOLFE apres s'estre remis & reintegré en la principauté de Capue, se sentit tellement irrité de ce qu'on auoit receu son ennemy à Naples, que sans consideration du secours qu'il auoit receu de l'Empereur de Grece par son Catapane, alla mettre le siege deuant la cité de Naples, qui fut si mal defendue contre luy, qu'il entra dedans & en demeura seigneur & possesseur l'espace de trois ans, festant le Comte de Theane son ennemy, qui estoit en icelle, sauué à Rome, où il mourut. Chronique du Mont Cassin.

REGNIER 3. du nom Comte de Hainault mourut, ayant vne seule fille nommée Richilde, qu'il luy succeda à la Comté. Richard de Vvassembourg.

ROBERT Duc de Normandie engendra ceste année en la fille d'un bourgeois de Fa-laize son fils Guillaume, qui fut dit le bastart, & luy succeda cy apres en la Duché. Chroniques de Normandie.

L'ORDRE

L'ORDRE ou congregation des Moines de la Vallee vmbreuse en Italie, fut en ce temps institué par vn Iean Gilbert. Onufrius.

Du Monde.	6067	E. d'Allemagne.	7	R. de Bourgongne.	37
De Iesus Christ.	1030	R. des François.	33	R. de Russie.	13
Indiction.	13	R. d'Arragon.	14	R. de Hongrie.	33
De l'Hegire 421. le 7. de		R. de Nauarre.	8	R. de Pologne.	5
Ianvier.		R. des Escossois.	26	R. de Castille.	14
Papes.	7	R. des Anglois.	13		
E. de Grece.	2	Ducs de Venise.	15		

ROMANVS voulant recouurer les pertes que ses predecesseurs auoient faiçtes en l'Asie, mena vne armee en Syrie: qui fut tant par l'incommodité du temps que des lieux, & par les alarmes des Sarrazins quasi toute deffaite, l'an de la creation du Monde selon les Grecs 6538. en l'Indiction 13.

A v mesme temps Pinzarach Soudan de Tripoli en Asie, fut guerroyé par Thusper Soudan d'Egypte son maistre: pource qu'il s'estoit reuolté contre luy, ayant pris l'alliance de l'Empereur. Lequel à ceste occasion luy enuoya vn sien Capitaine nommé Theoctiste avec armee, par le moyen de laquelle l'Egyptien fut honteusement rechassé de la Syrie: & vn fort chasteau qu'un Capitaine Sarrazin nommé Muzaraph auoit pris par surprise sur les Grecs pres la ville d'Antioche, regaigné.

CEPENDANT aussi George surnommé Maniaces Gouverneur de la province de Tetriche, gagna vne autre grande victoire sur les Sarrazins d'Orient. Cedrenus, Ioannes Curopalates.

GEORGE Duc d'Abasgie mourut, ayant vn fils nommé Pancratius, qui luy succeda en ses estats, & espousa Heleine niepce de l'Empereur de Constantinople. Cedrenus.

ENVIRON le mesme temps mourut Estienne Comte de Troyes & de Meaux (lequel le Roy Robert appelle en la chartre de Lagny son nepueu) sans hoirs de son corps. Au moyen dequoy Eudes ou Edon second du nom Comte de Blois, s'empara de toute la succession d'iceluy malgré le Roy Robert, qui se pretendoit heritier plus proche. Dont Glaber dit: *Cum obiisset Stephanus Comes Trecurum ac Meldorum Heriberti filius, ipsius Regis consobrinus absque liberis, arripuit idem Odo contra Regis voluntatem vniuersa queque latifundia in Regis videlicet dominium iure cessura.* C'est merueilles toutesfois comme le Roy se laissa si patiemment tondre la laine sur le dos, s'il ne luy fut force de le tollerer, pour le debat qu'il auoit avec ses enfans lors. Cependant il semble que cela augmenta grandement la rancune qui estoit ia & qui a esté quasi tousiours depuis entre les Rois & les Comtes de Champagne: lesquels aussi on peult estimer à raison de ceste succession s'estre faiçts du nombre des six Pairs Ecclesiastiques de France.

QUELQUE temps deuant le trespas du Roy Robert (encore que l'annee n'ait pas esté bien obseruee) s'esleua vne querelle entre Eudes Comte de Champagne & de Chartres, & Foulques Comte d'Anjou, qui vint principalement (comme dit Glaber) *Quoniam uterque tumidus superbia, idcirco & pacis refuga.* Combien que les autres escriuent que ce fut à l'occasion d'un chasteau nommé Montrichard, que faisoit fortifier l'Angeuin, au preiudice (comme il sembloit) du Champenois. De sorte qu'ils se deffierent l'un l'autre: & ayans mis toutes leurs forces aux champs, se rencontrerent & chocquerent pres Pontleuoy, de telle animosité qu'ils firent vn grand eschec de gens l'un de l'autre: mais le Champenois perdit la victoire. Anciennes Chroniques & Annales d'Anjou.

LES Pisans ayans cy deuant reduit l'isle de Sardaigne en leur subiection, l'auoient de-rechef perduë par vn Roy Sarrazin nommé Musat, qui l'auoit recôquise. A cause dequoy ils remirent ceste annee, à l'aide des Geneuois vne grande armee de mer, avec laquelle ils remirent ladite isle en leur obeissance: & donnans plus outre allerent faire la guerre dedans l'Afrique au Roy de Carthage, lequel ils vainquirent & retindrent prisonnier. De sorte qu'ils l'amenerent au Pape, qui le fit baptiser. Leander.

EN la cité de Triburie pres Majence, fut ceste année assemblée vn Synode tant d'Euesques François qu'Allemands, par le commandement de l'Empereur. Les causes furent pour examiner vne heresie nouuellement introduite par certains Euesques de France, qui se vantaient auoir receu du ciel quelques lettres & mandemens, par lesquels tous Chrestiens estoient admonestez de ne porter aucunes armes, & de ne le seruir en aucune maniere d'icelles, leur enjoignant de ieusner tous les Vendredis à pain & eau, & aux Samedis de s'abstenir de manger chair seulement: pource que tels ieusnes leur meritoient & impetroient remission de tous pechez, sans faire autre forme de penitence. Lesquelles impostures furent principalement refutes par Gerard Euesque de Cambray. Sigebert.

Vn Gentilhomme Capitaine Espagnol nommé Rodrigue Biuar ou Viuar, qui fut par les Maures surnommé Cid, qui signifie Seigneur, s'acquit grand bruit & renommee en ce temps par toute l'Espagne, par ses grandes prouesses & vaillances, ayant gagné beaucoup de memoables victoires & en chascun clos de corps à corps, à maintenir les querelles d'autrui & les siennes: & en champ de bataille contre les Maures. De sorte qu'il auoit cy deuant deffait & pris cinq petits Rois Sarrazins, qui estoient venuz assaillir le pays de Castille. Et fut encore moyen ceste année au Roy Ferdinand de chasser & mettre en route non-seulement les Maures de Castille & Gallice, où ils estoient entrez à grand puissance; mais aussi d'aller conquerir & reduire en son obeissance la pluspart du pays de Portugal, & de se rendre le Roy Aly Mainan de Tolette son vassal & tributaire. Mais luy-mesme en continuant ses vaillances se fit en fin par ses propres moyens Seigneur & Prince de la cité de Vallence, & de beaucoup d'autres pays de Castille & d'Arragon, apres les auoir retirez de la puissance des Sarrazins. Au reste on tient que de luy est issuë la noble & illustre famille des Mendozes en Espagne. Dom Anton. Benthier, Franc. Taraffa.

L'AN 424. del'Hegire, les premiers fondemens de la grande cité de Maroc en Afrique furent iertez par Ioseph fils de Tesfin. Iean Leon liu. 2.

<i>Du Monde.</i>	6068	<i>E. d'Allemagne.</i>	8	<i>R. de Bourgogne.</i>	38
<i>De Iesus Christ.</i>	1031	<i>R. des François.</i>	34	<i>R. de Russie.</i>	16
<i>Indiction.</i>	14	<i>R. d'Arragon.</i>	16	<i>R. de Hongrie.</i>	34
<i>De l'Hegire 428. le 17. de</i>		<i>R. de Nauarre.</i>	9	<i>R. de Pologne.</i>	6
<i>Decembre.</i>		<i>R. des Escossois.</i>	27	<i>R. de Castille.</i>	16
<i>Papes.</i>	8	<i>R. d'Angleterre.</i>	14		
<i>E. de Grece.</i>	3	<i>Ducs de Venise.</i>	16		

L'EMPEREUR Conrad mena en ce temps vne armee en Hongrie contre le Roy Estienne. Herman Contra & Lambert de Scaffuab estiment que ce fut pour auoir fauorilé les Italiens contre luy. Mais Bonfinius Dec. 2. liu. 1. afferme que ce fut sans occasiõ valable, & qu'il s'en retourna aussi miraculeusement sans auoir peu rien faire. Combien que Marianus Scotus dit qu'ils se rappointerent premierement ensemble.

LA Roine Constance se comportoit si insolentement enuers le Roy son mary, qu'elle le faisoit tourner où elle vouloit. Ce que ses deux fils prindrent à tel despit, qu'ils se reconcilierent ensemble: & puis se rebellerent tant contre elle que contre leur pere, se faissant de plusieurs villes & chasteaux de son Roiaume. Tellement que Henry se mit dedans le chasteau de Dreux; & l'autre dans plusieurs de la Bourgogne, cõme d'Aualon & Beaune. Dont il fut force au Roy Robert de les aller retirer avec vne grande armee, qui fit vn grand degast en la Bourgogne, iusques à ce que ses fils se furent rappointez avec leur pere: ainsi que recite Glaber. Qui fut possible en ce voyage qu'Aualon fut repris, par la cheute des murailles d'iceluy; qui semblerent, comme les autres ont escrit, estre miraculeusement tombees deuant le Roy; quand il l'assiegeoit. Tant y-a que Glaber declare que cela se fit l'année deuant que le Roy Robert mourust. Mais incontinent apres cest appoinctement, estant Labert Euesque de Lâgres decedé, le 23. iour d'Aoust de ceste année, le Roy Robert de France voulut (cõme recite la Chronique de Dijon) de son auctorité absolüe, contre le droit des electiõs, substituer vn certain Richard en son lieu. Lequel fut pour ce regard

ce regard si desaggreable à ceux de son chapitre, qu'il ne demoura gueres avec eux qu'ils ne le fissent mourir par poison. A cause dequoy le Roy d'une mesme puissance & auctorité leur donna encore vn autre Euesque nommé Hugues, qui estoit de Chartres. Et fit aller le Roy Héry son fils, qui estoit (au rapport de la mesme Chronique) en la sixiesme annee ou plustost cinquiesme seulement de regne avec luy, avec main-forte pour l'establir & instituer au siege Episcopal. Mais deuant quasi qu'il fust arriué à Langres, le trespas adueni de sondict pere le fit soudainement retourner en France, pour obuier aux entreprinſes de la Roine Conſtāce sa mere. Cependāt ce que nous venōs de reciter nous declare que ç'a esté vne refuerie toute notoire mise en auant par l'autheur de la nouuelle Chronique de Flandres, que le Roy Robert declara à sa mort par son testament Baudouin de Flandres son gendre tuteur de Henry son fils, avec vne clause que si ledit Henry venoit à mourir sans enfans, iceluy Baudouin luy succederait à la couronne, à cause de sa femme.

DEUX Capitaines nommez Robert & Richard, partirent (comme a noté Sigebert) ceste annee de la Normandie de France avec grande suite & compagnie de gens de leur nation, pour aller chercher leur fortune ailleurs, afin de deſcharger d'autant leur pays de la multitude du peuple qui y estoit. Et s'en allerent en Italie, ou ils se donnerent au ſeruiſe des Princes Italiens, qui se guerroyoient les vns les autres; faiſans telles preuues de leur vaillance, qu'ils s'y acquerirent vne merueilleuſe reputation au faiſt des armes.

CANUTE Roy d'Angleterre & de Dannemarc, eſtant de retour du pelerinage qu'il eſtoit allé faire par deuotion à Rome, ou poſſible pour accompagner (comme a eſté dit cy deuant) l'Empereur, commença guerre à Melcolme Roy d'Eſcoſſe, en laquelle il le vainquit & ſubiugua. Miroir Historial.

AMER Soudan d'Alep renouuella en ce temps l'alliance qu'il auoit avec l'Empereur de Grece, & se rendit ſon tributaire. Mais les Sarrazins d'Orient firent pluſieurs courſes & entreprinſes en la Meſopotamie ſur les Grecs. Vne autre armee ſemblablement de Sarrazins courut toute la coſte de l'Illyrie iuſques aupres de Courſou, où elle fut rompuë & deſſaiſte par vn Lieutenant de l'Empereur qui auoit le ſecours de Raguius avec luy: & ce qui eſchappa des leurs, fut encore perdu par vne tormente en la mer, ſe penſans ſauuer en Sicile; où ceux qui la tenoient auoient nagueres fait vne grande deſcōſiture de Grecs. Qui fut cauſe que l'Empereur y fit paſſer vne autre armee pour les venger, qui toutesſois n'y fit rien de memorable, par faulte de ſon Capitaine, qui n'entendoit rien au faiſt de la guerre. Cedrenus.

Du Monde.	6069	E. d'Allemagne.	9	R. de Bourgongne.	39
De Ieſus Chriſt.	1032	R. des François.	1	R. de Ruſſie.	17
Indiction.	15	R. d'Arragon.	17	R. de Hongrie.	35
De l'Hegire 423. le 6. iour		R. de Nauarre.	10	R. de Pologne.	7
de Decembre.		R. d'Eſcoſſe.	28	R. de Caſtille.	17
Papes.	9	R. d'Angleterre.	15		
E. de Grece.	4	Ducs de Veniſe.	17		

RAOVL ou Rodolfe Roy de la Bourgongne Iurane, & du Roiaume d'Arles, eſtāt ſur le poinct de mourir, intitua l'Empereur Conrard & ſon fils Henry ſes heritiers & ſucceſſeurs en ſon Roiaume, & leur enuoya à ſa mort ſa couronne & ſon diadeſme, tant pource que le ieune Henry eſtoit fils de ſa ſœur Giſale femme de Conrard, que pource qu'il leur portoit plus d'affection qu'à Eudon Comte de Champagne fils d'une ſienne autre ſœur (qui l'auoit voulu forcer cy deuant.) Qui toutesſois ne fut pour celà deſtourné de pourſuiure le droit qu'il pretendoit en la ſucceſſion d'iceluy. Mais ſe voyant rebuté de tout eſpoir de l'obtenir par raiſon, ſe ietta dedans le Roiaume de Bourgongne, & s'en empara d'une bonne partie, pendant que l'Empereur, qui n'eſtoit encore reueni de Hongrie, ne pouuoit obuier à ſes entreprinſes. Ce que le continuateur d'Idatius, Herman Contract, Lambert de Scaffuab, Marianus Scotus, avec l'Abbé d'Vrſperg, diſent eſtre adueni ceste annee, qui eſtoit la 44. apres que le premier Rodolfe l'eut erigé.

ROBERT 36. Roy de France, estant en l'age de 60. ans, & au 44. de son regne, mourut: tesmoin Glaber & Hilgaudus, ceste année le 20. iour de Juillet: pendant que le Prince Henry son fils estoit encore à Langres, d'où il fut contrainct de partir soudainement, pour venir obuier aux entreprinſes de la Roine Conſtance ſa mere. Laquelle vint (au rapport de Glaber) à rentrer en debat contre ſes deux fils, non (comme la pluſpart des Hiſtoriens vulgaires racomptent) pour auancer ſon puisné nommé Robert à la couronne auât Henry, afin de le frauder de ſon droit qu'il y auoit ia, tant par la prerogatiue de ſon aage, que par la declaratiō de ſon pere. Car le meſme auheur declare qu'elle en vouloit à tous deux de ſa propre malice & mauuaistié, voulant maiſtriſer & commander comme elle auoit fait du viuant de ſon mary. De ſorte que ſouſ le ſupport de Baudouin Comte de Flandres (à ce qu'autres ont eſcrit) & de Eudes Comte de Champagne (à qui aucuns veulēt dire que elle promettoit la ville de Sens) elle s'eſtoit renduē la plus forte dedans les principales villes du Roiaume. Mais il defendit ſi brauement ſon droit, à l'aide du Duc de Normandie, qu'elle fut contraincte de reuenir à raiſon avec luy: d'autant meſmement que Foulques Comte d'Anjou ſon oncle luy chāta ſi bien ſa leçon, qu'elle mit de l'eau en ſon vin, ſe rapointant avec ſes enfans. Au moyen dequoy Henry apres s'eſtre mis en l'eſtat de ſon pere, reſigna la Duché de Bourgongne qu'il tenoit auparauant au Prince Robert ſon frere (tesmoin Glaber) à la tenir en tiltre de fief de France (ce qu'on dit eſtre Pairie.) Auquel il pourroit poſſible auoir adiouſté (ce que ie dis de coniecture ſeulement) par leur accord la primauté & priorité des autres, ce qu'on a depuis appellé Doyenné. Somme que Henry demeura Roy de France, & regna (ſi nous comptons depuis le trespas du Roy Robert) enuiron de 29. à 30. ans. Combien qu'ēs tiltres, edicts & panchartes faiçts ſouſ luy ſon regne ſe comptoit dès l'année que ſon pere l'auoit fait regner avec luy. Lequel avec les deux fils laiſſa encore vne fille dictē Alix ou Adelaide, qui fut femme (ſelō la pluralité des opinions) de Baudouin Comte de Flandres. Ce qui a fait eſcrire faulſemēt à l'auheur de la nouuelle Chronique de Flandres, que le Roy Robert declara à ſa mort par ſon teſtamēt iceluy Baudouin ſon gendre tuteur de Henry ſon fils; avec vne clauſe que ſi ledit Henry venoit à mourir ſans enfans, Baudouin ſuccederoit à la couronne de France, à cauſe de ſa femme.

EN la meſme année Odorannus Moine de Sens, a finy ſon petit Chronicon; où il eſt dit qu'il eſtoit lors viuant.

D'AVTREPART Sergius Capitaine de l'infanterie que l'Empereur de Grece auoit en Italie, trouua moyen de ſe remettre dedans la cité de Naples, de laquelle il auoit eſté deſchacſe par Pandolfe Prince de Capuē trois ans auparauāt. Et pource qu'il fut aidé en ceſt exploict par les Normans, il leur donna la ville d'Auerſa pour s'y habiter & accommoder, & pour y faire la barbe au Prince Pandolfe. Mais il voulut que leur Capitaine nommé Rainulſe en fuſt appellé Comte, apres luy auoir fait eſpouſer vne ſienne parente. Tellement que ce fut luy à qui ſe vindrēt bien toſt apres adreſſer la nouuelle troupe de Normans, qui y arriua ſouſ Guillaume Ferrebrach & ſes freres. Chronique du Mont Caſſin liure 2.

CANUTE Roy d'Angleterre fit en ce temps guerre à Richard Duc de Normandie, pource qu'il auoit (comme on dit) repudié ſa ſœur. Polydore Virgile.

EN ce temps pluſieurs nations Eſclauoniques ſe retirerēt de l'obeiſſance des Polonois, & ſe donnerent à l'Empereur Conrard, où furent poſſible ſubiuguez par luy de force. Ce qui peult eſtre cauſe d'auoir (au dire de Martin Cromer) dōné occaſion aux Hiſtoriographes Allemans, d'eſcrire que le Roiaume de Pologne fut ſubiugué & rendu tributaire par l'Empereur Cōrard, apres qu'il en eut deietté le Roy Mieſlaus, & ſubſtitué en ſon lieu ſon frere Othon. Ce que toutesfois les Hiſtoires de Pologne diſent fermement eſtre faux, niant que Mieſlaus ait eu aucun frere, ny qu'aucun Empereur d'Allemagne ait iamais ſubiugué ny rendu la Pologne tributaire. Ce qui nous fait adherer aux Hiſtoires Polonoïſes, eſt que Helmodus & Albert Crants confeſſent que Conrard fit pluſieurs voyages contre les Eſclauons, qui habitoient la coſte maritime Germanique depuis le Viſtule iuſques à la Holſatie, où il obtint pluſieurs victoires, ſans toutesfois les pouuoir totalement reduire, ny à ſon obeiſſance ny à la Religion Chreſtienne, laquelle ils auoient cy deuant delaiſſee, parce qu'il ne peut matter ces peuples-là; il eſt bien vray-ſemblable que les Polonois ne ſe laiſſerēt non-plus qu'eux ſubiuguer par luy. Outre ce qu'Albert Crants nous declare manifeſtement

nifestement en son Histoire de Saxe, qu'on a pris les Polonois pour les Esclauôs. Qui plus est, Glaber nous enseigne que les peuples auxquels l'Empereur eut affaire ceste annee s'appelloient Lutitiens, qui estoient venuz faire des courses iusques dedans la Germanie.

Les Patzinaces sortans de leur pays à grande puissance passerent le fleuve Ister, & entrèrent dedans la Mœsie, où ils firent vn grand degast de pays, en l'indiction 15. l'an du Monde, au compte des Grecs, 6540. Ioannes Cypopalates, Cedrenus.

Les Sarrazins d'Afrique coururēt & roderent en ce temps toutes les isles & riuages de la mer Mediterranee, avec vn nombre inestimable de vaisseaux; iusques à ce qu'un Lieutenant de l'Empereur de Grece nommé Nicephore Carentanien les eut deffaits & mis en route. Auquel temps aussi George Maniaces Gouverneur pour le mesme Empereur es prouinces d'Orient, conquesta la ville d'Edessa sur les Sarrazins, qui estoit en la garde d'un Turc nommé Salamanes: apres auoir lourdement traité le Soudan de Martyropolis, qui venoit au secours d'icelle. Cedrenus.

JEAN dixneuuesme Pape, mourut le huitiesme iour de Novembre. Au moyē dequoy Theophilaſte son nepueu fut deux iours apres esleué au siege Papal, prenāt le nom de Benoist huit ou neuuesme: souz lequel il presida, au compte d'Onufrius, douze ans, quatre mois, vingt iours.

Du Monde. 6070	E. d'Allemagne. 10	Fin du Roiaume de Bourgongne.
De Iesus Christ. 1033	R. des François. 2	R. de Russie. 18
Indiction. 1	R. de Nauarre. 11	R. de Hongrie. 36
De l'Hegire 425. le 25.	R. d'Arragon. 18	R. de Pologne. 8
de Novembre.	R. des Escossois. 28	R. de Castille. 18
Papes. 1	R. des Anglois. 16	
E. de Grece. 5	Ducs de Venise. 18	

L'EMPEREUR Conrard estant retourné des voyages de Hongrie & d'Esclauonie, mena son armee en la Bourgongne en la saison d'hyuer (comme dit Marianus Scotus.) De sorte qu'il se mit en possession iusques au Rosne de tout ce qui auoit appartenu aux Rois de Bourgongne, apres en auoir dechassé les garnisons du Comte Odon. Et puis se fit rendre par l'Archeueſque de Lion, qui commença le premier, & par les autres Prelats, seigneurs & vassaux du pays; mettant ses garnisons en leurs places & villes, les serments, hommages, deuoirs & submissions. Au moyen dequoy il luy fut encore loisible de mener sa puissance dedans le pays du Champenois, pour prendre sa raison de l'inuasion qu'il auoit faite sur luy; à ce que disent les auteurs precedés. Combien que ie ne puis entendre en quel pays du Champenois il entra: pource qu'ils estoient enclaués dedans le Roiaume de France: & qu'il n'est pas croyable que le Roy Henry, quoy qu'il ne luy eust pas esté amy, eust voulu laisser entrer vne armee estrangere dedans ses marches. Si est-ce toutesfois qu'il le receut en grace & à mercy, quād il s'alla rendre à luy, les moyens de se defendre & le secours de France luy deffaillans. En ceste sorte fut le Roiaume de Bourgongne aboly & annexé à l'Empire. Qui fit que les Empereurs s'attribuerent tousiours deslors les droicts & tiltres d'iceluy. Ce qui n'empescha qu'il ne se diuisast & conuertist bien tost apres en diuerſes principautez domaniales & hereditaires par ceux qui se rendirent proprietaires des prouinces qu'ils ne tenoient qu'à tiltre d'estat & de gouuernement pour les Empereurs. Comme Humbert aux blanches mains fils de Berald, qu'on disoit Comte de Morienne, de la pluspart des pays de Saupye, des Alpes & du Piedmont; Guy le Gras, d'aucunes Comtez & pays cōpris depuis souz ce que les successeurs ont cy apres fait nōmer le Dauphiné: Regnault, que la pluspart ont estimé estre issu de la lignee des Comtes de Vienne: mais nous auons monſtré qu'il estoit fils d'Othe Guillaume de la haute Bourgongne, qu'on dit maintenant la Franche Comté, à laquelle estoit lors annexee vne partie de la Bourgongne Iurane & Transiurane. Quant à la Prouence, ie n'ay encore peu rien apprendre ny par memoire ny par histoire authentique de l'ancien estat d'icelle de-

puis les Rois de Bourgogne. Mais il est certain que ceux-là ont mal entendu quelle a esté l'origine de la Duché de Bourgogne, qui ont osé escrire que par accord qui fut lors fait (à leur dire) entre l'Empereur Conrard & le Roy de France, la Duché demeurant à la couronne fut distinguée de la Comté qui devoit reprendre de l'Empire: pource que la Duché depuis le Roy Charles le Chauue auoit tousiours esté de l'ancien estoc de la couronne de France, n'ayant rien de commun avec le reste de la Bourgogne. Combié que les limites d'icelle alloient lors plus en auant qu'elles ne font auioird'huy: à sçauoir quasi iusqu'à Bezançon, comprenant la cité de Dole avec le pays circōuoisin, & ce qui est maintenant le principal de la Comté.

CONSTANCE Roine de France mourut ceste annee, au mesme mois & au mesme lieu que son mary estoit decedé vn an auparauant. Quelque peu de temps auparauant, lors que le Roy Henry estoit le plus empesché à establir son estat, à l'occasion que Leiteric Archeuesque de Sens, Eudes Comte de Champagne prit la hardiesse & de s'emparer de la ville de Sens & d'y faire substituer vn Archeuesque de sa main au lieu du defunct: quoy que le Roy eust donné charge d'en eslire vn autre, selon le droict qu'il auoit sur ceste ville-là. Qui fut cause qu'il se mit si bien à le poursuiure par armes, qu'il contraignit en fin l'vsurpateur de se deporter de sa prise, & de venir plier le genoüil deuant luy, en se soubmettant à son obeissance. Dequoy Glaber parle en ceste sorte: *Cum primitus ciuitates Trekarum ac Meldorum cum multiplicibus castris illorum proripisset Roberto Regi post mortem eius coniugi & filius illius Senonicam subripuit urbem, quam etiam aduersus illos infamis possessor vallauerat. Quod cernens Henricus acri animi ferocitate tamdiu illum insecutus est debellando, quousque genua flectens ei se subderet, eiusque ditioni obediens pareret.* Dont il semble que celà se fit en la mesme annee que le Roy Robert deceda, deuant que Raoul de Bourgogne fust mort: pource qu'il n'est pas croyable que le Comte eust voulu prendre tant de querelles à la fois sur ses bras. Mais ie croy que ceste entreprinse sur la ville de Sens a donné occasion à noz Chroniqueurs & Anna-listes François d'escrire que ce Comte tenoit le party de la Roine Constance contre son fils, souz la promesse qu'elle luy faisoit de la moitié de la ville de Sens.

VLDRIC ou Vldric Duc de Boëme successeur d'Icomare son frere qu'il auoit fait mourir, s'estoit comme les autres nations Esclauoniques rebellé contre l'Empereur Conrard. Qui fut cause que Henry son fils le prit à son retour de Hongrie, & l'amena deuât son pere à Ratisbone. Auquel en faisant nouveau serment de fidelité & obeissance, fut remis & reintegré en sa Duché: où il mourut quelque temps apres, & eut pour successeur son fils Vratisslaus ou Bretisslaus: comme Auentin recite. Combien qu'Aeneas Syluius en son Histoire de Boëme appelle Bifetisslaus, Dubrauius Breusslaus son fils, qui luy succeda en la principauté de Boëme, de laquelle il le dit auoir esté le dixhuitiesme, ou comme dit l'autre vingtdeuxiesme Duc. Racomptant outreplus bien differemment la cause de la guerre que luy & son pere eurent contre l'Empereur, qu'il estime estre venuë de ce que le fils estoit allé raur & enleuer d'vn Monastere Iuthe fille de l'Empereur Othon, pour la prédre en mariage. Mais il y a plus d'apparence en ce qu'escriit Auentin: d'autant mesmemet que Syluius & Dubrauius afferment que ceste guerre fut faicte par l'Empereur Henry predecesseur de Conrard, souz lequel aussi ils veulent que le rapt fut fait. Outreplus si ceste guerre fut faicte en ce temps souz le Duc Vldric ou Vldric, le tesmoignage d'Aeneas Syluius ne sera pas vray, qui dit qu'il mourut l'an 1030.

ALDA vefue de feu George Duc d'Abasgie, se vint en ce temps rendre à l'Empereur avec vn sien fils nommé Demetrius, & luy mit entre ses mains l'vne des plus grandes fortresses du pays. Cedrenus.

A Hequen Calife d'Egyte decedé en ce temps, succeda son fils nommé Daber ou Amer, qui fut plus gracieux enuers les Chrestiens que n'auoit esté son pere: pource qu'il leur donna permission de rebastir le Têple de Hierusalem. Ce que toutesfois ils ne peurent de long temps apres faire, à cause de leur pauureté. Et renouella l'alliance avec l'Empereur de Grece, que son pere auoit rompuë. Guillaume de Tyr li. i. Cedrenus.

LES Sarrazins d'Afrique se venans ioindre avec ceux de la Sicile, firent plusieurs entreprinse sur les isles Cyclades, & sur les villes maritimes de la Thrace. Mais ils furent en fin rembarrez à leur grande perte & confusion par les garnisons & Lieutenants de l'Empereur. Ioan. Curopalates.

Du Monde.

Du Monde.	6071	E. d'Allemagne.	11	R. de Russie.	19
De Iesus Christ.	1034	R. des François.	3	R. de Hongrie.	37
Indiction.	ē	R. d'Arragon.	19	R. de Pologne.	9
De l'Hegire 426. le 14.		R. de Navarre.	12	R. de Castille.	19
de Novembre.		R. des Eſcoſſois.	30		
Papes.	2	R. des Anglois.	17		
E. de Grece.	1	Ducs de Veniſe.	19		

ROMANVS Empereur de Grece fut par les pratiques de l'Imperatrice Zoé sa femme (à qui il sembloit trop froid pour elle) emprisonné & estouffé en vne estuue le quinzième iour d'Auril, qui estoit lors le cinquiesme de la sepmaine de deuant Pasques, en la seconde Indiction. Au moyen dequoy ladite Zoé se remaria avec vn Michel surnommé des Historiens Italiques Catalaie ou Etheriaces, & des Grecs le Paphlagonien, pource qu'il estoit natif de Paphlagonie, homme de basse condition, à qui toutesfois elle fit auoir l'Empire en ceste maniere, qu'on tient auoir esté gouuerné par eux deux l'espace d'enuirō 7. ans, 7. mois, 25. iours, depuis l'an 6542. de la creation du Monde, au compte des Grecs. Ioannes Curopalates.

A v mesme temps l'Empereur Conrard & Henry Roy de France renouellerent & cōfermerent les alliâces & accords que leurs predecesseurs auoiēt fait entr'eux & leurs peuples : & en ce faisant le Roy Henry prit en mariage vne niepce ou cousine de l'Empereur nommee Mathilde ou Mahault. Glaber.

GOZELO ou Gothelo Duc de Lorraine estant rentré en la bōne grace de l'Empereur, impetra de luy la Duché de Mosellane, qui estoit deuoluë à l'Empire par la mort du dernier Duc Frederic decedé l'an precedent sans enfans. Sigebert.

LES Ducs de Bretagne & de Normandie se guerroyoient en ce temps l'un l'autre, pour raison du chasteau de Pontorſon, que le Normand faisoit edifier au preiudice (comme il sembloit) de l'autre. Chroniq. de Normandie.

MALCOLME Roy d'Eſcoſſe deuint en sa vieillesse si cruel & auare, que quelques vns de ses subiects furent incitez de conspirer contre luy. Tellement qu'ils le mirēt à mort en la 30. annee de son regne : laissant deux filles, qui auoient chacune vn fils nommez Dunnean ou Duncan : la mere duquel se nommoit Beatrix, & l'autre Machab, ou selon aucuns exemplaires de Marianus Scotus, Magfinloech : le premier desquels fut receu Roy des Eſcoſſois. De sorte qu'il regna sur eux, selon la pluralité des auteurs, six ans : avec lequel nous rapportons le trespas de Malcolm ou Malcobe à ceste annee. Qui est aussi l'opinion de Jean Maieur, qui declare que Canute Roy d'Angleterre mourut en la secōde annee du regne de Duncan. A cause dequoy ie ne l'ay pas voulu attribuer avec Hector Boethius à l'an 1004.

MVRCIMIRE Prince de Croatie, faisant la guerre aux habitans & peuples de la ville de Iadra, se trouua toutesfois si foible & impuissant contre le secours que les Venitiés leur enuoyerent souz la conduite de leur Duc Othon, qu'il fut lourdement deffait & vaincu, causant par son deſastre vn tel estonnement aux autres peuples de l'Eſclauonie & Dalmatie, qu'ils furent contraincts de se soubmettre aux loix & commandements des Venitiens. Sabellic.

MIESLAUS Roy de Pologne, accompagné de Bela, André & Leuanta freres du Roy Estienne de Hongrie, ou (selon l'opinion des autres fils de son oncle, qui s'estoiēt retirez vers luy pour se destrapper des embusches de la Roine Gilla) entra avec vne grande armee dedans la Pomeranie, qui s'estoit souleuee contre luy. Et fit en sorte qu'apres auoir deffait les Pomeraniens en certaines rencontres, il la remit en son obeissance comme elle estoit auparauant : & puis l'erigea en Duché, qu'il donna en dot avec sa fille audit Bela. Martin Cromer.

MMM

PINZAKACH Soudan de Tripoli, étant fort durement guerroyé par le Soudan d'Egypte, s'enfuit à Constantinople, où il receut de l'Empereur vne armee pour se reconduire & remettre en son pays. Mais il y en alla par mer vne autre en Egypte, qui y fit beaucoup de maux. Cependant vn Capitaine Sarrazin nommé Aluin, se donna à l'Empereur avec vn fort chasteau qu'il auoit en garde pres la ville de Babylone. Mais pource qu'il n'en receut vne telle recompense qu'il auoit esperée, il se reuolta contre l'Empereur, & se rendit derechef avec son chasteau aux Perses, ayât fait massacrer toute la garnison des Grecs qui estoit dedans. A cause dequoy l'Empereur le fit aller assieger par ses gens, qui en fin le reprindrent & mirent le traistre & son fils à mort. Cedrenus.

<i>Du Monde.</i>	6072	<i>E. d'Allemagne.</i>	12	<i>R. de Russie.</i>	29
<i>De Iesus Christ.</i>	1035	<i>R. des François.</i>	4	<i>R. de Hongrie.</i>	38
<i>Indiction.</i>	3	<i>R. de Nauarre.</i>	13	<i>R. de Pologne.</i>	1
<i>De l'Hegire</i>	427. le 3.	<i>R. d'Arragon.</i>	20	<i>R. de Castille.</i>	20
<i>de Novembre.</i>		<i>R. des Escossois.</i>	1		
<i>Papes.</i>	3	<i>R. des Anglois.</i>	19		
<i>E. de Grece.</i>	2	<i>Ducs de Venise.</i>	1		

LES Luiticiens qu'on nomme maintenant Lusatians, selon Albert Crants, Vvandalas (pource qu'il estime faulxement que le nom de Vvenedes ou Vvinides venoit des Vvandalas) s'estans cy deuant reuoltez de la Religion Chrestienne, sortirent en grand nombre de leur pays, & entrèrent dedans la Saxe, où ils firent vn grand massacre de personnes. Qui fut cause de faire aller l'Empereur contr'eux, accompagné d'une telle puissance qu'il les rōpit & en fit vne merueilleuse desconfiture, selon Herman Cōtract & l'Abbé d'Vrsperg.

ENVIRON le mesme temps Bernard Duc de Saxe prit en vne bataille Godescal Prince de Vvandalie, ou des Vvinides, qui auoit fait mettre les Vvandalas en liberté, & les auoit incitez de faire beaucoup de maux aux Holsatiens, en vengeance de la mort de son pere Vdon, que les Saxons auoient mis à mort. Si est-ce toutesfois qu'il le remit apres en liberté par composition faicte avec luy. Helmodus ch. 19. Au retour de ce voyage le mesme Empereur en fit, ce dit Glaber, vn autre en Italie; où il chastia tous les rebelles qui s'estoient esleuez contre luy.

LE peuple d'Occident ne s'estoit (comme dit Glaber) iamais tant veu embrasé de deuotion d'aller visiter la cité de Hierusalem & les lieux que nostre Seigneur Iesus Christ auoit frequentez en ce monde, qu'il fut en ce siecle-cy. Tellement que non-seulement les gens de bas & mediocre estat; mais les Rois, Ducs, Comtes & Marquis s'y transporterent comme à la foule, & les femmes de pareil estat semblablement. Tellement que Robert Duc de Normandie incité de mesme deuotion, ou possible en penitence du peché qu'il auoit cōmis à l'endroit de son feu frere, s'en alla visiter la cité de Hierusalem. Mais il mourut au retour du voyage à Nicee en la Bithinie, laissant seulement vn fils bastard nommé Guillaume, qu'il auoit à son depart institué son heritier & successeur souz la garde & protection du Roy Héry, encor qu'il eust deux freres legitimes: l'vn Archeuesque de Rouën nommé Maugier, & l'autre (au rapport de Paul Æmile) Comte de Monstreul, ou selon la Chronique de Normandie seigneur d'Arques, appelé Guillaume de Talon: lesquels se maintenans estre les vrais & legitimes heritiers de la Duché, exciterent vne grande guerre en la Normandie pour le debat de leur droit. Mais ils furent en fin cōtraincts de succomber, au moyen du secours que le Roy Henry donna au curateur du bastard, lequel il auoit mis en possession de la Duché apres en auoir receu son hommage. Qui fut cause de faire quitter le pays aux autres, qui aimerent mieux aller chercher leur fortune ailleurs, que de demeurer souz la subiection d'un bastard.

LES victoires precedentes acquirant au lieu de recompense, tant d'enuieux & de mal-vucillans au Duc Othon de Venise, qu'ils feirent tant par leurs pratiques qu'il fut à son retour demis de la dignité Ducale, & enuoyé en exil. Au moyen dequoy le seigneur, Pietro Gradenigo dit Barbolan fut subrogué en son lieu, qui y demeura quatre ans. Sabellic, Contarin.

A Berengier

A Berengier Comte de Barcelonne decedé, succeda en ladite Comté Raimond Berengier son fils, qu'on dit auoir esté si vaillant & heureux en guerre, qu'il retira de la puissance des Maures vne partie de sa Comté qu'ils occupoient: & surmonta douze de leurs petits Rois en vne bataille; les contraignants de se rendre ses tributaires. Qui fut cause de luy acquerir le surnom de Dompteur des Maures, & du rempart des Chrestiens. Franciscus Taraffa.

MIESLAVS Roy de Pologne mourut le quinziesme iour de Mars; laissant vn fils nommé Cazimire en fort bas aage, souz la tutelle de sa mere Richza: laquelle commençant à se comporter trop auarement & insolument enuers les Polonois: ou plustost comme d'autres ont escrit, voulant refrener la trop grande licence de la Noblesse, fut avec son fils dechassée, & contraincte se retirer vers l'Empereur Conrard en Allemagne, portant avec soy vne bonne partie des tresors de son Roiaume. Au moyen dequoy elle enuoya son fils Cazimire estudier és bonnes lettres à Paris, où il deuint si deuotieux qu'il s'alla rendre Moine en l'Abbaye de Clugny. Cependant le Royaume de Pologne demeura sans Roy l'espace de six ans, exposé à toutes sortes de miseres & calamitez, à cause des guerres ciuiles qui le minerent dedans, & des foraines qui le mangerent dehors. Martin Cromer.

VNE armee de Sarrazins prit en cetemps la ville de Mirre en Asie sur les Grecs. Auquel aussi les habitas d'Alappe se rebellerent contre l'Empereur, chassant les Officiers & Gouverneurs qu'il leur auoit imposez. Ce que Cedrenus & Michael Glyca disent estre aduenue en la seconde Indiction l'an de la creation du Monde selon le compte des Grecs 6543.

GEORGE Maniaces Capitaine Grec, fut par l'Empereur commis au gouvernement de la haulte Medie, qu'on disoit Aspracanie. Cedrenus.

<i>De Monde.</i>	6073	<i>E. d'Allemagne.</i>	13	<i>R. de Russie.</i>	11
<i>De Iesus Christ.</i>	1036	<i>R. des François.</i>	5	<i>R. de Hongrie.</i>	39
<i>Indiction.</i>	4	<i>R. d'Arragon.</i>	21	<i>R. de Pologne.</i>	2
<i>De l'Heure 428. le 23.</i>		<i>R. de Navarre.</i>	14	<i>R. de Castille.</i>	21
<i>d'Octobre.</i>		<i>R. des Escossois.</i>	2		
<i>Papes.</i>	4	<i>R. des Anglois.</i>	20		
<i>E. de Grece.</i>	3	<i>Ducs de Venise.</i>	2		

BAUDOUIN surnommé Belle barbe, Comte de Flandre, mourut le quatorziesme iour de Iuillet, ou selon d'autres le trentiesme de May, laissant vn fils nommé Baudouin dict de Frise; pource qu'il nasquit en Frise, où qu'il la soubmit à soy: encor qu'il fut aussi dict le Debonnaire, pour la deuotion qu'il auoit enuers la Religion. Chroniq. de Flandres. Cōbien que la nouvelle Chronique de Flandre rapporte la mort du pere à l'an 1034.

CANUTE Roy d'Angleterre & de Dannemarc mourut en la vingtiesme annee de son regne, faisant comme disent Saxon le Grammarien, Polidore Virgile & Albert Crants, la guerre à Richard Duc de Normandie, qui auoit repudié sa sœur. Mais il fault qu'ils se soient mescomptez és noms & és temps. Tant-y-a cependant que les Anglois firent regner sur eux en son lieu vn sien fils bastart nommé Harald, qui les gouerna quatre ans, quatre mois. Combien qu'Albert Crants l'appelle Suenon nepueu seulement de Canute: nonobstant qu'il eust vn fils legitime nommé Canute ou Kunto; selon Guillaume de Malmesberie Hardacmite, qui estoit l'aisné, que les Danois prindrent pour leur Roy. Mais les Noruergiens se mirent hors de la subiection des Danois, ayant enuoyé querir Magnus fils du feu Roy Olaus en Russie où il estoit, pour le reestabli au siege de son pere. Cependant Alured de qui estoit en Normandie, prit vne grande armee de Normans, pour se faire reconduire en Angleterre, où il fut surpris & mis à mort en trahison des Anglois. Au mesme temps les Sueffiens & Goths estoient gouvernez par leur Roy Amund 2. du nom

MMM ij

surnommé le Vil, qu'ils disoient estre le cent quatorzième de leurs Rois, ayant succédé au feu Roy Amund son pere; nonobstant qu'il fust né hors legitime mariage. Mais il n'en fut pas si bien obey ny aimé; Ioannes Magnus.

DEUX des Princes de Russie nommez Nosithlabus & Hierosthlabus moururent, selon Cedrenus, ceste année; qui pourroient estre ceux que la Chronique de Pologne appelle Iarossaus, & l'un de ses freres qui ont esté nommez cy dessus. Aucuns aussi ont escrit que les Russiens apprirent en la mesme année les lettres & caracteres des Esclavons. Qui fut aussi cause de leur faire apprendre leur langue, pource que l'Empereur Michel le Paphlaginien leur enuoya gens pour les instruire.

DEUX freres Sarrazins nommez Apolaphar, Muchumet & Apochapse, tenoient en ce temps toute la Sicile souz leur gouvernement; qui vindrent en fin en discord l'un contre l'autre. A l'occasion duquel Apolaphar s'allia de l'Empereur de Grece. Dequoy l'autre fut si offensé, qu'il luy commença la guerre à toute outrance. A cause dequoy l'Empereur rappella George Maniax ou Maniaces d'Orient, pour l'enuoyer estre son Lieutenant en Italie, & pour prester aide à Apolaphar; où il n'arriua toutesfois de long temps apres. Cedrenus.

CEPENDANT Daber ou Amer Calife d'Egypte mourut. Qui fut cause que son fils qui luy succeda, & sa mere enuoyerent leurs Ambassadeurs vers l'Empereur de grece pour traicter appoinctement avec luy, qui fut accordé pour trente ans. Mais les Sarrazins de la Mesopotamie firent vne entreprise sur la ville d'Edeffa, qui fust venue entre leurs mains sans le secours que Constantin frere de l'Empereur y mena: Cedrenus.

Du Monde.	6074	E. d'Allemagne.	14	R. de Russie.	12
De Iesus Christ.	1037	R. des François.	6	R. de Hongrie.	40
Indiction.	5	R. d'Arragon.	22	R. de Pologne.	3
De l'Hegire 429. le 12.		R. de Navarre.	15	R. de Castille.	22
d'Octobre.		R. des Esgois.	3		
Papes.	5	R. d'Angleterre.	1		
E. de Grece.	4	Ducs de Venise.	3		

LES Princes d'Italie, nommément de la Lombardie, prenans garde aux affaires que l'Empereur Conrard auoit, firent dès deux ans auparavant ensemble vne conspiration de ne se plus laisser commander par aucun Prince estranger. Qui fut cause de faire passer l'Empereur en Italie, apres qu'il eut mis fin aux autres empeschemens qu'il auoit: en telle diligence & en si bon equipage qu'il n'y eut Italien qui s'osast presenter deuant luy en campagne; se tenans tous enclos dedans les villes de Veronne, Cremonne, Bresse & Milan: de laquelle il brusla les faulxbourgs, ayant failly à la prendre, pource qu'ils voulurent maintenir leur Archeuesque Herebert contre luy, qui estoit vn des principaux de ses ennemis. A cause dequoy il le démit de son Euesché, & mit vn Ambroise qui estoit Cardinal de Milan, en son lieu: donnant charge à tous les Princes & Seigneurs d'Italie de luy assister contre Herebert. Lequel toutesfois ne quitta le lieu pour celà, ains se maintint tousiours en son estat souz la faueur des Milanois. Lors l'Empereur estant à Cremonne, le Pape Benoist l'y vint trouuer pour parlementer avec luy. Herman Contraſt, Sigebert, Auentin, Blondus, Sigonius.

CEPENDANT Odon Comte de Champagne, qui esperoit par l'absence de l'Empereur recouurer ses pertes de la Bourgongne, entra avec vne armee dedans la Lorraine, qui tenoit de l'Empire: où il prit & ruina le chasteau de Cōmarcy: puis se voulut aller auaturer sur la ville de Bar. Mais Gothelon Duc de Lorraine avec ce qu'il peut amasser de gens, le vint combattre de telle puissance, que la victoire luy demoura par la mort du Comte Odon & du Comte de Dammartin, qui demourerent morts sur le champ, & deffaicte de toute leur armee, restans audit Comte deux fils, Thibauld qui estoit l'aîné, lequel luy succeda és Comtez de Chartres & de Tours: & Estienne, qui succeda és Comtez de Meaux en Brie,

en Brie, & de Troye en Champagne. Herman Contract, Lambert de Scaffuab, Marianus Scotus, Sigebert. Glaber adioute que les Italiens auoient enuoyé querir Eudes vn peu auparauant pour se donner à luy, estimans qu'il seroit assez fort & puissant pour les defendre contre leur Empereur.

L'ARMEE que l'Empereur de Grece enuoya ceste annee contre Pancratius Duc d'Abasgie, s'en retourna sans auoir fait aucune chose memorable. Cedrenus.

FERDINAND Roy de Castille, à l'aide de Roderic de Biuar surnommé Cid, conquesta sur les maures la ville de Coimbra: & puis fit guerre à Alimain Roy de Tolette, qui le fit en fin venir au point d'estre son tributaire. Dom Anth. Benth.

De l'arriuee & domination des Normans François au Roiaume de Naples.

D'AVANT qu'Apolaphar auoit demandé secours à l'Empereur de Grece son frere, aussi se pourteut de confort & de defense en Afrique, qui arriua le premier: au moyen dequoy Apolaphar fut vaincu. Qui fut cause de faire aller le Lieutenant nommé Leon, que l'Empereur auoit mandé en la Pouille & Calabre à son secours. Mais auant qu'il fust arriué en Sicile, il fut informé que les 2. freres entroient en termes de reconciliation, qui le fit se retirer avec ses gens en Italie. Sur quoy l'armee de Maniaces aborda en Sicile, que les freres s'estans reconciliez voulurent repousser. Mais il les combatit de si grande vaillance, qu'il obtint d'eux vne memorable victoire. Au moyen de laquelle il regaigna 13. villes de la Sicile de leurs mains: & entra en grand espoir de pouuoir reduire tout le reste à l'obeissance de son maistre. Parquoy il fit venir de la Gaule Transalpine vne compagnie de 500. François, souz la cōduite d'un Capitaine ou Prince nommé Arduin; à l'aide desquels il acheua de chasser les Sarrazins de toute la Sicile: & de receuoir le reste des villes d'icelles les vnes apres les autres en l'obeissance de l'Empereur. De sorte que celà fut mis à fin en la 6. Indiction, l'an de la creation du Monde, selō les Grecs 6546. cōme Zonare, Cedrenus, & Ioan. Curopalates recitent. Mais Leon d'Hostie en sa Chronique du Mont Cassin liu. 2. ch. 68. lequel viuoit souz le Pape Hildebrand, & a peu voir Robert Guischart, declare que ces François estoient nouuellement venuz des Normans de Frāce; lesquels Guimare Prince de Salerne enuoya à Maniaces, estāt de ce requis par luy, souz la cōduite de 3. freres, Guillaume, Drogon, & Roger, fils d'un Tancrede. Et pource que les auteurs Grecs prealleguez disent qu'ils furent menez en Sicile par Arduin, il se peult bien faire qu'il estoit venu avec eux depuis la Lombardie, ou qu'il les accompagna iusques en Sicile; ou bien que caymare le fit leur conducteur. Car le mesme Chroniqueur du Mont Cassin conuient qu'il estoit natif de la Lombardie, vn de ceux qu'on appelloit les subiects de S. Ambroise. Et qu'il se trouua à la guerre de Sicile, où il gaigna sur vn Sarrazin vn beau cheual, lequel maniaces luy voulut oster. Et que ce fut au temps que ceste troupe de Normans y alla (laquelle il ne fait que de trois cens seulement.) mais il nous donne aussi à entendre qu'ils s'estoient venuz rāger souz Ranulfe Comte d'Auersa, (qui estoit le Capitaine des Normans, qui demouroient ia de long temps en Italie, où il s'estoit acquis ceste principauté-là: ainsi que nous auons déclaré cy deuant) pour estre employez & adressez où l'on auroit affaire d'eux. Tellement qu'il escrit encor puis apres que ce Ranulfe donna douze de ses Capitaines (du nombre desquels furent Guillaume & Drogon, avec trois cens soldats Normans) audit Arduin, pour aller conquerir les villes de la Pouille. A cause dequoy quand ils firent le partage de leurs acquisitions, qu'ils reseruerent pour sa part à Ranulfe, *Domino suo Sipontum, &c.* Duquel tesmoignage il me semble que nous apprenons, que Guillaume Ferrebrach & ses freres ne furent fils de Richard 2. Duc de Normandie comme aucunes Annales ont estimé: & que le mesme Guillaume ne fut non-plus celuy qu'on dit auoir esté Comte de Montreuil, ou d'Arques, ou

de Talon; qui volut querreller la Duché de Normandie contre Guillaume le bastard son nepueu. Car outre ce que Guillaume de Malmesberie & la plupart des plus anciennes Chroniques de Normandie nient qu'il ait esté fils legitime du Duc Richard 3, (comme ceux qui sont de l'opinion que nous n'approuuons, se persuadent.) Ils declarent encor que ce Guillaume d'Arques ne fut en differend avec son nepueu que long temps depuis ceste annee. Et puis si pour estre rebuté de sa poursuite par la puissance du Roy Henry, il aimamieux (à ce qu'on a voulu dire) avec la perte de son droit quitter son pays tout ensemble, & aller chercher sa meilleure fortune ailleurs, que de demeurer souz la subiection de celuy de qui, selon toute droicteure, il deuoit estre plustost seigneur. Est-il possible qu'il se fust voulu venir plus bassement soubmettre à Rainulfe? Cependant ie ne veux pas debattre que Guillaume Ferrebrach & ses freres (de quelle tige qu'ils soient sortis) n'ayent esté de la troupe de ceux lesquels ayans le cœur assis en mesme lieu que luy, aimerent mieux abandonner leur patrie que d'y demeurer souz la subiection d'un bastard. Tellemēt qu'ils s'en vindrent chercher leur aduanture en Italie, à l'exemple de ceux qui s'y estoient icy deuant acheminez. Où ils firent de si belles preuues de ce qu'ils sçauoient faire au mestier de la guerre, qu'elle fut en peu de tēps toute comblee de la renommee de leur prouesse & vaillance. De façon qu'elle incita Maniaces (que nous prenons pour celuy que les Histoires d'Italie appellent Maloch) Lieutenant de l'Empereur, de les appeler à son seruice contre les Sarrazins, souz promesse de leur faire part de ce qu'ils conqueroient ensemble en Sicile. Par laquelle esmorce plusieurs autres nouuelles troupes de Normans & François, furent encor puis apres stimulez de partir de la France pour venir participer de la fortune des precedents, par les mesmes traces qu'ils auoient tenuz, souz la cōduite d'un Gentilhomme nommé Robert Guischart seigneur (cōme disent les Chroniques de France & de Normandie avec Roderic de Tolette) de Haute-ville au pays de Constance en Normandie, qui estoit (au rapport d'Othon de Frisingen liu. 1. chap. 3. des gestes de l'Empereur Frederic) de mediocre race de l'ordre des gens de guerre qu'on appelloit Vvaufseurs, ayant avec luy un sien frere nommé Roger, & deux autres seigneurs; l'un nommé Robert de Grosmeuil, & l'autre Guillaume dict Giroie. Tellement qu'apres auoir quelque temps erré & vagué le pays (dont vint ce dit ledit Othon de Frisingen) le nom de Guischart, qui signifie Errant & Vagant çà & là se vindrent en fin rendre & ioindre aux autres en la Pouille, si à poinct qu'ils leur seruirent grandement à cōquister ce que les Grecs tenoient en Italie. Qui est l'opinion qui me semble la plus certaine: d'autant mesmement qu'elle est confermee du tesmoignage de Guibert & de Guillaume de Malmesberie Anglois, qui ont vescu en mesme temps que le Chroniqueur du Mont Cassin. Car Guibert en parle en ceste sorte en son Histoire de la guerre de Hierusalem, disant: *Robertus quem agnominari Vviscaridim diximus, ex Normania extitit oriundus & tenui satis loco. Is à natura quam premisimus regione utrum sponte egressus nescio, an pulsus pedes in Apuliam abiit: ibi equos & arma quibus eques fieret, qua potuit arte comeruit. Inde castella quadam contra Etis iam undecumque qui sibi auxiliaretur prædonibus, non absque nauo tamen proditoris usurpans, aliâque perinde crebris incursionibus fatigata erumpens, etiam vrbes proditas obsedit, & ad necessitatis deditionem impulsit.* Et Guillaume de Malmesberie liure 3. parlant de Guillaume le Bastard, qui conquesta l'Angleterre, dit: *Animabat & exacuebat ipse virtutem suam propter Roberti Guiscardi memoriam, pronuntians pudendum fore si illi fortitudine cederet, quem nobilitate præiret. Siquidem Robertus mediocri parentela in Normania ortus, quæ nec humi reperet, nec altum quid tumeret, paucis ante aduentum Guillelmi in Angliam annis cum quindecim militibus Apuliam adierat, penuriam necessariarum gentis illius ignauæ stipendiis correcturus. Nec multi fluxerunt anni, quod stupendo Dei munere totam terram in potestatem accepit.* Parquoy selō ceste dite opinion, Guillaume Ferrebrach ne fut fils d'un Tancrede, ne frere desdits Robert & Roger, comme Blondus, Pandolf. Collinutio, Platine, Sabellic, Michaël Riccius, & Thomas Fazellus, ont creu, sans auoir pris garde aux absurditez & repugnances qui dependent de leur aduis, comme est celle que les 12. freres aiderēt à conquister la Sicile à Maniaces l'an 1004. & que Tancrede leur pere mourut 1008. & Robert Guischart son fils 1062. en l'age de 60. ans seulement. Roger Bosc Comte de Sicile son frere l'an 1001. âgé de 70. ans. Aussi que les freres firent un accord entr'eux, suivant lequel ils deuoient succeder l'un à l'autre es pays par eux conquestez. Et que Roger neantmoins ne succeda à Guischart, lequel auoit bien eū à leur dire droit & iuste occasion de ne se laisser frauder de son rang & ordre de succeder par son nepueu Bagelard.

Ioinct

Ioint que l'aage de Robert & Roger quand ils sont decedez, declare euidentement qu'ils ne peuuent estre de ceux qui allerent ceste annee au seruice des Grecs en Sicile, ny des douze Capitaines qui conquererent la Pouille bien tost apres Guillaume Ferrebrach, pource que Robert, selon l'aage qu'on luy donne, n'eust sceu estre ceste annee plus aagé de 15. ans, & Roger son frere de cinq. Parquoy ie conuiens bien qu'ils estoient fils de Tangrede, mais non freres de Guillaume Ferrebrach: si ce n'est qu'ils l'aient esté d'alliance. Ainsi que Richard Prince de Capuë a esté appelé frere de Robert Guiscard, pource qu'il auoit espousé sa sœur: ou fil ne faut croire Martin en sa Chronique & Cusantin, qui disent qu'il estoit seulement sorty de la race de Ferrebrach. Volaterranus avec eux tous dit que les Normâs vindrent à plus d'une fois en Italie. Parquoy puis que Thomas Fazellus a voulu estre de l'opinion que nous reprouuons, il se deuroit efforcer de la prouuer par quelques tiltres ou panchartes, puis qu'il en a tant allegué de celles du Prince Roger, esquelles il fait mention de son frere Robert Guiscard sans en nommer aucun autre, signamment en vne où il dit qu'il delaisse des biens à son Eglise pour le salut de son ame, de ses enfans & dudit Robert son frere.

Du Monde. 6073	E. d. Allemagne. 15	R. de Russie. 13
De Iesus Christ. 1038	R. des François. 7	R. de Hongrie. 41
Indiction. 6	R. d. Arragon. 23	R. de Pologne. 4
De l'Hegire 430. le 2.	R. de Nauarre. 16	R. de Castille. 23
d'Octobre.	R. des Escossois. 4	
Papes. 6	R. des Anglois. 2	
E. de Grece. 5	Ducs de Venise. 4	

EN vn tumulte excité à Parme, vn des principaux officiers domestiques de l'Empereur fut mis à mort. Qui fut cause qu'il fit assieger ceste ville là pour reparation de l'iniure qui luy auoit esté faite: laquelle il prist en telle sorte qu'il mit la pluspart d'icelle en cendres. Et puis à la requeste des moines du Mont Cassin, auxquels Pandulfe Prince de Capua faisoit beaucoup de fascheries & de trauerses, approcha de leur Abbaie pour leur en faire faire raison. Et pource qu'il trouua le Prince rebelle & obstiné en son fait, il le vint chercher iusques dedans la ville de Capua, d'où il le contraignit s'enfuir, & se retirer à Constantinople pour en ramener secours. Lequel toutesfois luy fut denié, estant l'Empereur Grec occupé en d'autres plus grandes affaires. Tellement qu'il y demeura sans rië faire iusques au trespas d'iceluy par l'espace de deux ans. Au moien dequoy l'Empereur Conrard conféra la principauté de Capuë à Gaimare, qui estoit ja Prince de Salerne, & apres l'en auoir inuesty & mis en possession, la peste s'estant mise en son camp il fut contraint de s'en retourner en Allemagne: donnant occasion par son depart à Herebert Archeuesque de Milan de faire plus du diable & de l'enragé qu'il n'auoit encor fait. Car il se mit à chercher & pratiquer tous les moiens de se fortifier & maintenir en son droit. Tellement qu'on escrit que ce fut luy qui inuenta lors le chariot qui portoit les enseignes de guerre que les Italiens appellent Caroccio, lequel nous descrirons cy apres, & la maniere de faire la guerre avec iceluy. Or pource que la Seigneurie de Milan appartenoit à l'Euesque d'icelle qui en estoit appelé Comte, & qu'il auoit souz luy vn Lieutenant nommé Vicomte, celuy qui exerça ceste charge souz luy, fut vn Eliprand, duquel on dit que la race des Vicomtes de Milan est procedee, lequel à ce qu'escriuent les historiens d'Italie fut vn vaillant personnage de son temps. Chronique du Mont Cassin.

HERMAN Duc de Suaube beau-fils de l'Empereur Conrard mourut de peste en Italie le 23. iour de Iuillet: & pource qu'il ne laissa aucuns enfans, l'Empereur donna sa Duché à vn Othon nepueu de l'Empereur Othon 3. qui estoit son plus proche parent. Herman Contract.

HENRY fils de Lambert Comte de Louvain fut occis en vn chasteau par vn nommé Herman, qu'il tenoit prisonnier en sa maison, laissant vn fils nommé Othon, qui mourut

MMM iiij

la meime année. Au moien dequoy Lambert 2. du nom son frere luy succeda au Comté de Louvain. Sigebert.

E S T I E N N E premier Roy Chrestien (à ce qu'on dit) de Hongrie, & qui pour sa sainteté a esté canonizé entre les Saints, mourut le iour de l'Ascension nostre Dame, ayât en deffault d'enfans adopté deuant son trespas pour son fils & institué quant & quant son heritier & successeur de la couronne le fils d'une sienne sœur nommé Geila, (selon les autres Pierre, qu'elle auoit eu ce disent les Historiens de Hongrie) de Guillaume frere de Sigismund Duc ou Roy de Bourgogne (duquel toutesfois ne se trouue rien escrit ailleurs.) Qui fut cause que les Hongrois le receurent pour leur Roy. Mais pource que degenerant de la vertu & modestie de son oncle, voulut regner de plus rigoureuse façon qu'il n'a oit fait, ils le prindrent si à cœur qu'ils ne l'endurerent que trois ans. Bonfinius, Abraham Baska.

V N Seigneur de Pologne nommé Maslaus ou Masos, s'empara, durant les troubles de Pologne, par force du pais de Plocie, auquel il donna le nom de Massowie ou Massoffie. Martin Cromer.

C A N U T E ou Knuto Roy de Dannemarc, informé de la mauuaise volonté que les Sueffiens auoient enuers leur Roy, se mit en esperance de le pouoir chasser de son Roiaume, ou pour le moins de luy oster la Schouingie. Occasion pourquoy il fit aller vne armée contre luy souz la conduite d'un Capitaine nommé Vlpho, qui mit en route l'armée des Sueffiens. Au moien dequoy la Schouingie se rendit à luy au nom de son maître, lequel il alla apres ceste conqueste retrouver. Ioannes Magnus liure 18. chapitre 17.

S O V Z l'Empereur Conrard les Pomeraniens & Stargardiens qu'on nommoit anciennement les Riaduriens & Toleuzins, voulans entreprendre sur la liberté des Esclauons leurs voisins, qui habitoient le pais qu'on nomme auourd'huy Rostochie, furent cause que ils se mirent en la protectiō du Roy de Dannemarc, du Duc Bernard de Saxe & de Godofcal Prince des Abodrites, qui les secoururent de si bonne sorte, qu'ils vainquirent leurs ennemis, & les contraignirent de racheter la paix d'eux au pris de quinze mille mares d'argent. Helmodus chap. 21.

A V I C E N N E Prince des Medecins Arabes mourut l'an 428. de l'Hegire, comme témoigne Sorfanus son disciple en sa vie.

<i>Du Monde.</i>	6076	<i>E. d'Allemagne.</i>	16	<i>R. de R. & S. e.</i>	14
<i>De Iesus Christ.</i>	1039	<i>R. des François.</i>	8	<i>R. de Hongrie.</i>	1
<i>Indiction.</i>	7	<i>R. d'Arragon.</i>	24	<i>R. de Pologne.</i>	5
<i>De l'Hegire 431. le 21.</i>		<i>R. de Navarre.</i>	17	<i>R. de Castille.</i>	24
<i>de Septembre.</i>		<i>R. des Ecossois.</i>	5		
<i>Papes.</i>	7	<i>R. des Anglois.</i>	3		
<i>E. de Grece.</i>	6	<i>Ducs de Venise.</i>	1		

Commencement du regne des Normans en la Pouille & à Naples.



C O N R A R D 2. du nom surnommé Salique, Empereur de Germanie & Duc de Franconie, mourut au Trait en Hollande le 4. iour de Iuin. A cause dequoy son fils nommé Henry, qu'on surnomma le Noir, qui fut 2. du nom des Empereurs & 3. des Rois de Germanie, entra en possession de l'Empire, qui fut gouverné par luy souz tiltre premierement de Roy des Romains l'espace de 17. ans, 4. mois, 1. iour, & souz le nom d'Empereur enuiron 10. ans. Herman Contract, Lambert de Scaff. Marianus Scotus, Othon de Frising. avec le Supplémēt d'Idatius, qui

qui a esté continué seulement iusques icy. Parquoy Glaber s'est mesconté qui rapporte la mort de Conrard à l'an 1041.

A L A I N 3. du nom Duc de Bretagne mourut, laissant vn fils nommé Conan en fort bas âge. Ce qui donna occasion à Eudes Comte de Ponthieure son oncle de s'emparer de la Duché de Bretagne, laquelle il posséda 8. ans. *Annal. de Bretagne.*

L E S Princes d'Afrique ayant grand regret à la perte de Sicile, mirent sus vne grande armée pour la recouurer. Laquelle fut encor deffaiete à l'aide des Normans François, qui luy furent lors (comme semble vouloir declarer la Chronique du Mont Cassin) enuoiez par Guaimare Prince de Salerne, apres qu'il eut esté institué Prince de Capuë, & conduicts (selon les Autheurs Grecs) par Arduin, lequel (cōme recite la mesme Chronique) se porta si vaillamment en ceste guerre, qu'il tua vn Sarrazin, & gangna le cheual d'iceluy, qui estoit de grande valeur. Pour raison dequoy Maniaces le luy osta de force avec quelque ignominie: d'autant qu'il ne le voulut lascher de son gré. Combié que Cedrenus semble attribuer celà à Docean successeur de Maniaces: mais tant y a que ceste offense fut la premiere cause & origine de la haine que les Normans conceurent contre les Grecs, qui fut cause de leur ruine en Italie *Autheurs precedens.*

L E nouveau Empereur Henry se trouuant empesché à establir son estat, & menacé de la guerre de Hongrie & de Boëme, laquelle luy ostoit le moien de penser aux affaires d'Italie, enuoia porter parolles de paix à Herebert Archeuesque & Comte de Milan. En vertu desquelles il mit bas les armes, & se tint en repos. *Sigonius.*

L E S deux freres Louis & Charles ou Hugues fils de Charles de France cy deuât Duc de Lorraine, desquels nous auons parlé cy dessus, apres auoir suiuy la cour de l'Empereur Henry, & apres iceluy de l'Empereur Conrard, la femme duquel estoit semblablement leur parente, furent en faueur & à l'instance d'icelle faicts Comtes Palatins & Conseillers de l'Empereur. Et puis l'un d'iceux, à sçauoir Hugues ou Charles, se mit à la suite de la cour de l'Archeuesque de Majence, l'autre s'acquist plusieurs terres, fiefs & seigneuries dudit Archeuesque de Majence en la Turingie lequel le fit aussi son souzseigneur. Mais l'Empereur Conrard luy conceda en fin le tiltre de Comte de Turingie ceste année, & luy conferma souz iceluy & à ses hoirs à perpetuité la possession & propriété des terres qu'il y auoit acquises. Comme il se voit declaré par l'instrument publié qu'il luy en fit faire lors, duquel nous auons extrait les clauses qui l'ensuiuent. *Conradus &c. Notum esse volumus &c. qualiter nos ob incrementum dilectissimæ concertalis nostræ Gisle euidam Ludouico Comiti consanguineo nostro prædium quod ab incolis Turingiæ comparauit, villam scilicet Aldenberg & noualia propè hinc & inde adiacentia, & partem vestræ solitudinis Loybe nostre dominationi subiacentem, quam ei nostra donatione contulimus liberè & quietè perfruenda regia auctoritate stabilita fecimus, quæ his locis & terminis concluduntur &c.* Sur la fin, v. Cal. Maij Anno Incarnat. Domini M. XXXIX. Indict. VII. Anno Domini Coradi Imperatoris Augusti, Imperij XIII. Regni verò XV. Ce qui mōstre que celà se fit bié deuant le trespas d'iceluy. Depuis ce temps là ledit Louis s'intitula Comte de Turingie, lequel on tient auoir esté le premier des Princes laïcs qui porta ce tiltre là. Au reste ce mesme Louis pource qu'il portoit belle longue barbe, fut surnommé le Barbu. Mais ce que les Histoires & Chroniques des Lantgraues de la Turingie l'appellent Comte d'Orleans, comme l'ayant esté auparauant que venir en Allemagne, est pource qu'il auoit pris sa naissance à Orleans, pendant que son pere y estoit prisonnier, & qu'il en estoit party de là, & non pas pour en auoir esté Comte.

L' A N N E E mesme que l'Empereur Conrard deceda, fut rendue memorable pour la mort de plusieurs autres grands Princes de France, à sçauoir de Guillaume Duc d'Aquitaine & Comte de Poictou diët le Pecunieux, qui deceda estant de retour de la captiuité où il auoit esté detenu l'espace de trois ans entre les mains de Godefroy Martel fils de Fulco Comte d'Anjou. Les autres furent Hugues Euesque & Ramald Comte d'Auxerre, qui fut occis par vn plus audacieux & desesperé que luy. Comme tesmoignent Glaber, qui dit que Landry pere de ce Comte Rainald auoit eu en mariage la fille du Roy Robert. Combié que d'autres estiment qu'elle fut aussi femme de Baudouin de l'Isle Comte de Flandre.

L E S amis du Duc Othon Orselin firent tant en son absence par leurs menees & pratiques, qu'ils regagnerent les cœurs & volonteiz du peuple enuers luy. De sorte qu'il s'esleua d'vne grande furie contre Pierre Gradeni Barbolan; & l'ayant degradé de la dignité

Ducale, le confina encore en vn monastere. Et puis remanda le Duc Othon, qui toutes-fois fut trouué decedé. Mais cependant qu'on l'attendoit, Orson gouerna la republique souz tiltre de Duc l'espace (comme dit Contarin) d'un an. Au bout duquel pource qu'il se demit, vn nommé Dominic Ourselin se confiant en la noblesse & autorité de sa race, se rendit si osé que de s'ingerer d'occuper la dignité Ducale, sans la declaration ny consentement des citoyens: qui trouuerent ceste nouueauté de si mauuaise grace, qu'il luy fut bien besoin de n'estre trouué dedans la cité le troisiésme iour apres l'vsurpation de la dignité, autrement c'estoit faict de luy. Parquoy le peuple vsant de son autorité d'eslire le Duc, crea le Seigneur Dominic Gradenig ou (selon Blondus & Sabellic) Flabenic, qui reuenoit fraichement d'exil où il auoit esté enuoié, pource qu'il s'estoit faict instigateur d'y faire aller le Duc Othon. A son aduenement toute la famille des Ourselins fut par vne ordonnâce publique bannie à certain tēps de la cité: & decreté quant & quāt que les Ducs n'auroient plus à l'aduenir de compagnon à exercer leur dignité, laquelle aussi n'iroit plus par succession. Cependant on faict compte qu'il a tenue 10. ans, 4. mois.

G V I L L A V M E 3. du nom Comte de Prouence deceda, laissant vn fils nommé Odon 1. du nom, qui fut son heritier & successeur en la Comté de Prouence, & pere d'un second Odon, qui fut semblablement son successeur en la mesme Comté. *Memoires de Prouence.*

V R A T I S L A V S, selon d'autres Bryetislaus ou Pretislaus & Bisetislaus, 18. Duc de Boëme, se donnant espoir de bien faire ses affaires sur le Roiaume de Pologne au moien des troubles qui y estoient, enuoia sommer les Polonois de luy rendre ce qu'ils auoient vsurpé sur ses ancestres, & à leur refus entra dedans avec vne armee, qui prit & saccagea plusieurs villes, signamment Cracouie & Gnesna, Posnanie & Vratislanie en la Pologne Occidentale & Meridionale. D'autre-part Iarosslaus Prince de Russie infesta les autres contrees d'icelle. *Martin Cromer, Æneas Siluius, Dubrauius, Bonfinius.*

I O S E P H Roy de Maroc en Afrique deffit enuiron ce temps l'armee du Prince de Temesne au Roiaume de Fez, qui estoit venu assieger la cité de Maroc en son absence. *Iean Leon liure 2.*

B E R E N G A R I V S Archediacre d'Angiers, homme presomptueux & opiniastre, quoy qu'au reste de bonne vie & de grand sçauoir, commença en ce temps à dogmatizer du point de l'Eucharistie selon la doctrine que Bertramus & l'Escot auoient 170. ans auparavant enseignée: Que la substance du pain & du vin en l'Eucharistie n'est transsubstantice au vray & naturel corps de nostre Seigneur. Et pource que l'Eglise Catholique croyoit autrement, Lanfrancus Italien Abbé lors de Condon, Humbert Cardinal, Roger & Guimund Religieux, s'esleuerent & opposerent contre ledit Berengarius.

<i>Du Monde.</i>	6077	<i>E. d. Allemagne.</i>	1	<i>R. de Russie.</i>	15
<i>De Iesus Christ.</i>	1040	<i>R. des François.</i>	9	<i>R. de Hongrie.</i>	2
<i>Indiction.</i>	8	<i>R. d. Arragon.</i>	25	<i>R. de Pologne.</i>	6
<i>De l'Hegire</i>	432. le 10.	<i>R. de Nauarre.</i>	18	<i>R. de Castille.</i>	25
<i>de Septembre.</i>		<i>R. des Escossois.</i>	6	<i>Comtes de la Pouille.</i>	2
<i>Papes.</i>	8	<i>R. des Anglois.</i>	4		
<i>E. de Grece.</i>	7	<i>Ducs de Venise.</i>	1		

V R A T I S L A V S Duc de Boëme s'estant allié de Pierre (que les autres disent Geila) Roy de Hongrie s'en tenoit si fort qu'il s'osa declarer ennemy de l'Empereur, faisant la guerre aux Polonois alliez de l'Empire. A cause dequoy l'Empereur depescha vne armee contre luy souz la conduite de deux Capitaines Varnier & Regnault: Combien qu'Æneas Siluius estime que ce fut souz Othard Duc de Saxe & Procopius. Lesquels estans mal informez des chemins qu'ils deuoient tenir pour entrer dedans le pais de Boëme se laisserent tomber és embusches de leurs ennemis. Au moien dequoy ils furent desconfits & mis en routte avec perte de la pluspart de leurs gens: Comme recitent Herman Contrat, Othon de Frising. & Auentin. Mais ce que Benno Cardinal escrit que le Pape se voulant ingerer de

de transporter l'Empire à Pierre Roy de Hongrie, luy enuoia vne couronne avec ce vers Latin, *Petra dedit Petram Petro, tibi Roma coronam*, ne semble auoir apparence de verité: si ce n'est qu'il luy ait voulu enuoier ceste couronne pour se couronner Roy de son Roiaume.

F O U L Q U E S surnommé Nerra ou Neyra Comte d'Anjou, mourut en la ville de Mets, au retour d'un second ou troisieme voiage qu'il auoit fait en Hierusalem, auquel on escrit que pour penitence des fautes qu'il festimoit auoir faites, il se fit attacher vn cordeau au col par vn de ses seruiteurs, & tirer par iceluy iusques au saint sepulchre, ayant le corps nud qu'un autre de ses seruiteurs fouëttoit rudement avec des verges, iusques à ce qu'estant arriué audit sepulchre il cria, Seigneur reçois à pardon & à mercy le miserable pariure & fugitif Foulques. Son successeur fut Geofroy surnommé Martel son fils, qui pour ses forces & vaillances admirables, par lesquelles il surmonta ses ennemis, ainsi que s'il les eust martelez, fut surnommé Martel. Car il vainquit en bataille Thibault Comte de Chartres, & luy osta la cité de Tours, prist les deux Guillaumes Comtes de Poitiers & d'Aquitaine en bataille: & ne voulut lascher le dernier qu'à si dures conditions qu'il se laissa mourir de regret de les auoir accordees. Au moien dequoy il espousa la vefue d'iceluy, & par elle prist en sa main le gouuernement d'Aquitaine, & la tutelle des enfans du defunct. Il eut aussi de grandes guerres avec le Duc de Normandie. De l'issue desquelles ont parlé diuerfement les Chroniques d'Anjou & Guillaume de Malmesberie. Duquel toutesfois nous sommes aucunement informez de quel pariure ledit Foulques se sentoit coupable. Car parlant d'iceluy dit que *Comitatus Andegauensem usque ad obitum rexit multis egregie & industrie gestis, nisi quod improbat quod Herbertum Comitem Cenomanensem Sanctonas sponsione urbis illectum in medio colloquio à satellitibus suis capi, & quibus voluit conditionibus irretiri fecit: cetera sanctus & integer*. Neantmoins Glaber afferme que Foulques mourut en mesme année que Guillaume Côte de Poitiers, & que du viuât d'iceluy son fils Geofroy Martel auoit trois ans auparavant vaincu & pris ledit Comte de Poitiers.

T H I B A U L D Comte de Chartres & Estienne Comte de Troie se rebellerent environ ce temps contre le Roy de France, lequel à ceste occasion s'adressa premierement au Comte Estienne, qu'il vainquit & mit en fuite par vne bataille: puis sen retourna contre Galleran Comte de Meulan, qui tenoit leur party. De façon qu'il le despouilla de sa terre, & l'annexa à son domaine. Vne Chronique écrite à la main, avec les grandes Chroniques. Glaber fait mention de ceste guerre, mais il l'attribue à l'an 1044. ou 1045.

E S T I E N N E surnommé Boistlabus s'enfuit clandestinement de Constantinople, où il estoit detenu, & se retira au pais de Seruie, qu'il fit entierement non seulement rebeller contre l'Empereur, mais aussi il s'en constitua Prince. De sorte qu'estant venu à ce degré, fit encore destrousser vn nombre de finâces, que l'Empereur enuoioit quelque part. Qui fut cause qu'on depescha vne armee contre luy, souz la cōduite d'un Capitaine nommé George Probat, qui entendoit si mal son fait qu'il se laissa par son inconsideration deffaire & mettre en route avec son armee par son ennemy.

E N la mesme façon & année vn Bulgarien nommé Pierre Deloan, qui estoit esclau à Constantinople, s'en estant comme le precedent enfuy en son pais fit accroire qu'il estoit de la lignee du feu Roy Samuel, si à bon escient qu'une partie des Bulgariens s'assurans en son dire le prirent pour leur Roy, & souz sa conduite se rebellerent contre les Grecs. Mais les autres esleurent vn Trichomere, que Pierre fit bien tost après mettre à mort par ses pratiques. Au moien dequoy il fut receu & aduoüé Roy de tous les Bulgariens. Qui firent aussi souz luy vne armee, avec laquelle il donna la chasse à l'Empereur en la Theffalonique. D'où il alla encore courir iusqu'en la Grece: & puis rangea souz son obeissance toute la prouince Nicopolitaine, excepté la ville de Naupaete. Cedrenus.

M A N I A C E S voiant la Sicile deliuree de la main des Sarrazins, renuoia les Normans avec Arduin en Italie, lequel se souuenât de l'iniure qu'il auoit receüe de luy, s'en alla trouuer Ranulfe Comte d'Auerfa, qui estoit Normand de nation, de ceux qui estoient ja arriuez des premiers en Italie, pour l'induire à entreprendre avec tous ceux de sa nation à chasser les Grecs hors de toute l'Italie. Cependant Maniaces commença de se porter tant insollement en sa charge, qu'il fut accusé vers l'Empereur son maistre de machiner contre la majesté d'iceluy par son Admiral, qui estoit avec luy, auquel il auoit tenu quelques propos aigres & fascheux, luy imputant d'auoir par sa faulte laissé euader le chef de l'armee des Sarrazins à la dernière desconfiture qu'il auoit faite d'eux. Tellement qu'il fut rappelé

ignominieusement & mis en prison. Ce qui fut vne seconde occasion de faire renuerfer les affaires des Grecs en Sicile. Car l'Empereur Michel enuoia deux de ses fauorits pour estre les Lieutenans, qu'on appelloit lors Catapanes, l'un en Italie, qui s'appelloit Michel Docean (selon la Chronique du Mont Cassin Ducian) son Protospataire, & l'autre Basile Peadiadite en Sicile, où il deuoit auoir pour adioint Estienne, qui auoit esté Admiral de la mer souz Maniaces & son accusateur. Lesquels mirent si mauuais ordre en leur prouince, qu'ils donnerent par leur pusillanimité & couardise occasion & moien aux Sarrazins d'Afrique de reuenir derechef conquerir & reduire toute la Sicile en leurs mains, reserué la ville de Messine, qui fut vaillamment & heureusement defendue & gardee par vn Capitaine de l'Empereur nommé Catalaco. Quant aux affaires d'Italie, la venue de Docean ou Ducian n'y fut pas gueres plus heureuse pour les Grecs. Car combien qu'à son arriuee les Normas ne fissent aucun semblant de vouloir rien remuer contre luy, & qu'Arduin eust acheté de luy la dignité de Candidat, avec le gouuernemēt de quelques villes de la Pouille, si est-ce toutesfois que l'ardeur de venger l'iniure qu'il auoit receüe de Maniaces sur toute la nation des Grecs, le brusloit tousiours en son cœur, iusques à ce qu'il eust fait sortir le feu. Cōme recite la Chronique du Mont Cassin avec Ioannes Curopalates & Cedrenus : lesquels rapportent le rappel de Maniaces & la venue de ses deux successeurs à l'Indiction huitiesme.

MAGFINLOECH selon Marianus Scotus, ou comme veulent les autres Machabet, ayant mis à mort le Roy Duncan ou Duncard son cousin germain, & chassé ses enfans, s'empara tyranniquement du Roiaume d'Escoffe, & le posseda de mesme façon 16. ou 17. ans. Au rapport de Hector Boëtius, Ioan Maieur & George Buchanan : lesquels nous commençons avec Marianus Scotus ceste annee, qui est aussi l'opinion des autres, fors dudit Hector qui les compte de l'an 1047.

PAR la mort de Herald Roy d'Angleterre, qui deceda au mois d'Auril, Canute ou Kunto, selon Guillaume de Malmesberie Hardamite, son frere, qui tenoit le Roiaume de Dannemarc, se trāsporta en Angleterre, où il fut receu au mois d'Aoust pour Roy de tous les Anglois. De sorte qu'il regna sur eux 2. ans, durant lesquels il fit (au dire de Saxon Gramarien en son histoire de Dannemarc) venir de Normandie le bon Prince Edouard son frere de par mere, & fils du feu Roy Etheldrede, pour le faire regner avec luy. Guillaume de Malmesberie.

LA cité de Lubec en Allemagne fut fondee ceste annee par Gotfcal Prince Chrestien des Abodrites. Munster.

LES estats de Pologne assemblez en la ville de Gnesna pour remedier au miserable estat de leur Roiaume, se trouuerent d'aduis de rappeler leur Prince Cazimire, qui estoit moine à Clugny, pour venir estre leur Roy. Mais pource que la reigle de son ordre ne luy sembloit pas permettre d'accepter ceste charge, on alla au Pape Benoist. Lequel voiant la necessité & importance de l'affaire, ne se fit gueres presser pour donner dispense à Cazimire de laisser son ordre, & de reprendre l'estat seculier, ensemble aussi de se marier & reprendre l'administration de son Roiaume. A condition toutesfois que tous les Polonois seroient tenus d'enuoier tous les ans vne piece de monnoie qu'on appelloit le denier S. Pierre pour chasque teste à luy & à ses successeurs de ceste grace. En memoire aussi de laquelle ils seroient tenus de porter la cheueleure raze à la maniere des moines, & se vestir à toutes les plus solempnelles festes de l'annee d'un surplis blanc comme les prestres. Suiuant lesquelles charges Cazimire sen alla en Pologne, où il fut receu & couronné Roy au grand contentement de tous ses subiects, de facō qu'il regna iusques à sa mort l'espace de 18. ans. Et donna si bon ordre par sa prouidence, que son Roiaume fut en peu de temps reduit en vnion & tranquillité. Martin Cromer liu. 4. Chron. de Pologne liu. 2.

EN la mesme annee vn Synode prouincial des Euesques du Patriarchat d'Aquilee & de Venise se tint à Venise : Auquel fut ordonné qu'aucun Euesque ne seroit consacré deuant l'aage de 30. ans, vn Diacre de 25. Et que le Chresme, l'Eucharistie & les habits sacerdotaux se garderoient enfermez avec la clef dedans les temples. Sigonius.

Du Monde.

<i>Du Monde.</i>	6078	<i>E. d'Allemagne.</i>	2	<i>R. de Russie.</i>	26
<i>De Iesus Christ.</i>	1041	<i>R. des François.</i>	10	<i>R. de Hongrie.</i>	3
<i>Indiction.</i>	9	<i>R. d'Arragon.</i>	26	<i>R. de Pologne.</i>	1
<i>De l'Hegire 433. le 30.</i>		<i>R. de Navarre.</i>	19	<i>R. de Castille.</i>	26
<i>d'Aoust.</i>		<i>R. des Eſcoſſois.</i>	1	<i>Comtes de la Pouille.</i>	3
<i>Papes.</i>	9	<i>R. d'Angleterre.</i>	1		
<i>E. de Grece.</i>	8	<i>Ducs de Veniſe.</i>	2		

MICHEL surnommé le Paphlagonien Empereur de Grece, estant tellement deuenu inualide de son corps qu'il se trouuoit inhabile de pouoir plus porter le faix de l'Empire, s'en demit volontairement enuiron le 5. iour de Decembre, pour à fin d'acheuer le reste de ses iours en vn monastere, où il en eut la fin le 10. iour du mesme mois, estant ja la 10. Indiction commencee (tesmoin Cedrenus) & le 1041. de nostre Seigneur non encore expiré. Au moien dequoy l'Imperatrice Zoé rentra en sa premiere autorité, & adopta pour son fils le nepueu de son mary nommé Michel, qui fut 3. du nom, surnommé Calaphates, qui signifie Calefreteur de nauires: pource que ses parens auoient autresfois fait vn tel estat. Neantmoins apres auoir receu la couronne Imperiale, il se rendit tant ingrat enuers celle de qui il auoit receu vn tel bien, qu'il luy osta du tout le gouuernement de l'Empire, & la chassa de la cour.

L'EMPEREUR Henry ayant enuie d'auoir sa raison du Duc de Boëme, que Lambert de Scaffuab appelle Preuſlaus, mena luy-mesme en personne vne armee contre luy. De sorte qu'il gangna l'entree du pais de Boëme, lequel il mit quasi tout à feu & à sang, iusques à ce qu'il eut contraint son ennemy de luy liurer bataille, qu'il perdit. Au moien dequoy force luy fut de se venir rendre à sa mercy, faisant enuers luy amende honorable de sa faulte, ensemble aussi serment de fidelité & obeissance: & de luy paier tous les ans le tribut que ses predecesseurs auoient accoustumé. Herman Contr. Marianus Scotus, Auentin. Quant à ce qu'Æneas Siluius attribue cecy à l'an 1052. il semble qu'il fault pluſtoſt lire 1042.

VNE sedition excitee en la ville de Milan entre le populaire & les Nobles pour raison du gouuernement que les Nobles vsurpoient, fut cause que le populaire esleut vn Lanzo Curtius pour son chef & Capitaine, auquel il donna deux Consuls pour adioincts, & souz leur conduicte chassa les Nobles de la ville. Qui fut cause qu'ils se rallierent ensemble, & avec l'aide de leurs alliez & amis vindrent assieger leur cité, pour se remettre dedans en l'estat auquel ils y estoient auparauant. Sigonius.

EN la mesme annee en laquelle Glaber tesmoigne que la solemnité de Pasques fut celebree le 22. iour de Mars, vne paix ou trefue generale se fit par toute la France, sans qu'on sceut qui auoit esté l'auteur d'icelle, sinon la crainte & amour de Dieu, qui fit tant que les Rois & Princes, & gens du bas & mediocre estat se souzmirent volontairement à icelle obseruer, sans en estre forcez ny sollicitez. Dont elle fut appelée la trefue ou accord du Seigneur, & dura iusques au temps que le discord d'entre le Roy Héry, & les fils du feu Comte Odon de Champagne le fit rompre, en telle sorte que nul n'eust à ce faire tort, facherie ou violence à aucun. Glaber.

CEPENDANT Pierre Roy de Hongrie fut pour ses cruautéz & mauuaises complexions, mesmement pour le mauuais traictement qu'il faisoit à la Roine Gisale vefue du Roy defunct dechassé des Hongrois, & contrainct se retirer vers le Marquis d'Austriche qui auoit espousé sa sœur, par la recommandation duquel il reuint en grace avec l'Empereur, encore qu'il l'eust grandement offensé par le secours qu'il auoit donné au Duc de Boëme. Mais les Hongrois esleurent pour leur Roy en son lieu Aba, selon les autres Ouo, ou Obo & Albo, beau-frere du feu Roy Estienne. Herman Contract, Othon de Frisingé, Auentin, Martin Cromer.

NNN

Commencement du regne des Normans en la Pouille.

Les Historiens qui semblent auoir plus veritablement remarqué le temps du commencement & de l'establissement du regne & des conquestes que les Normans ont fait es pais de la Pouille & Calabre, ne conuiennent pas bien de la premiere cause & occasion qui les fit esmouuoir contre les Grecs. Car la Chronique du Mont Cassin l'attribue à l'iniure seule faite par Maniaces au Capitaine Arduin. Mais tous les Grecs, comme Zonare, Cedrenus, & Iean Curopalates, en coulpent Michel Docean ou Duclian, lequel voulut à ce qu'ils disent non seulement frauder les Normans des gaiges qui leur estoient deuz pour le seruice qu'ils auoient fait à l'Empereur en la guerre de Sicile, mais aussi fit donner les estriueres audit Arduin, ou à celuy qui estoit leur Capitaine. Les autres Historiens d'Italie & de Sicile disent plus, que ce fut de la portion qu'ils deuoient auoir en la conqueste de la Sicile, suiuant la promesse qu'on leur auoit faite pour les y faire aller, dont on les vouloit cintrer. Mais ils s'accorderent tous de l'effect qui s'en ensuiuit. A sçauoir que Ranulfe (qui estoit lors come le chef & Capitaine general de tous les Normans venus en Italie, & occupoit ja la ville & Comté d'Auersa) incité par les persuasions d'Arduin qui luy faisoit bien gouter la facilité de paruenir à ce qu'il luy promettoit par la pusillanimité & couardise des Grecs, luy donna trois cens de ses Normans seulement avec douze Capitaines choizis & nommez d'entr'eux pour comencer par eux le jeu de l'entreprinse, apres auoir tiré serment d'eux qu'ils departirent par portion egalle entr'eux, ce qu'ils gangneroient & cōquesteroient sur l'ennemy. Parquoy leur premier effort se fit sur la cité de Melphe, qui estoit comme la porte ou clef de la Pouille. Laquelle se vit plustost entre leurs mains, qu'on se doutast d'eux. Au moien dequoy ils se saisirēt encor de tant plus facilement d'aucunes autres villes plus proches d'icelle, comme de Venise, Ascule & Labelle. Qui fut cause que Docean se vint presenter deuant eux pour les cōbatre, avec ce qu'il auoit de gendarmerie, pour la defence de sa prouince, apres de la riuere qu'on appelle lors Oliuent. Où ils le soustindrent si furieusement qu'ils ne laisserēt euader que luy de tous les gens de leurs mains, sans estre morts ou pris. Ainsi que luy auoit ordonné de faire d'eux à ses gens, s'il les eust vaincus. De laquelle lourde perte l'Empereur Botoniates (selon les Autheurs Grecs, plustost que Calafates come Sigonius s'est persuadé, si celà s'est fait ceste annee) aduerty, enuoia vne puissante armee à Docean, pour vanger & reparer la honte de la premiere. Laquelle toutesfois fut encore par eux deffaiete apres du fleuve appellé des Romains Aufide, des Italiens Lafante ou Lofante, au lieu où les Romains perdirēt la iournee de Cannas contre Hannibal. Tellement que la descōfiture que les Grecs y receurent ceste fois, n'ennoblit pas moins le mesme lieu que celle des Romains auoit ja fait: non tant pource que toute leur armee y fut entierement deffaiete, à cause que le cours du fleuve se haussa si prodigieusement depuis qu'ils l'eurent passé, qu'il ne se trouua gueiable lors qu'il leur fut besoin de le repasser, que pour autant qu'ils furent par icelle spoliez de la meilleure partie des provinces qu'ils tenoient en Italie, & n'y peurent oncques depuis reuenir au dessus, ne mesme si bien defendre ce qui leur y resta lors, qu'ils n'en fussent non gueres long tēps apres dechassez. Car au bruit de ce bon-heur aduenü à ces premiers Normans, plusieurs furent affriadez de sortir de leur pais pour se venir ioindre à eux. Tel a esté le commencement des conquestes que les Normans ont fait en la Pouille, lequel nous n'auons pas voulu avec Onufrius rapporter à l'an 1038. Ny comme ont fait Blondus, Pandolfo Collinutio, Sabellic, Michael Ricius, & quasi tous les autres escriuains d'Italie ont à l'an 1004. ou 1008. ains à ceste annee seulemēt. D'autāt que ie voy que les Historiēs Grecs comme Cedrenus & Iean Curopalates (qui afferment expressement que ce fut en la 9. Indiction l'an de la creation du monde selon la supputation Grecque 6549.) en conuiennent avec le Chroniqueur du Mont Cassin. Lequel aussi declare que la prise de Melphe se fit le iour de la feste S. Benoist, qui est le 21. iour du mois de Mars, lequel se trouua ceste dicte annee au grand Samedy veille de Pasques, qui est vne note certaine.


ALVSIAN

ALVSIAN Patrice de Grece, qui estoit fils du feu Roy Aaron de Bulgarie, sçachant le changement qui estoit en son pais, se desroba de la cour del'Empereur, & se retira vers le Roy Delean, qui luy donna la conduicte de l'armee qu'il vouloit enuoier contre la ville de Theffalonique: où l'heur luy dist si mal, qu'il fut honteusement desconfit avec perte de plus de quinze mille de ses gens, par vne saillie que les Theffaloniens firent sur luy. Qui fut cause que Delean entra en deffi de luy. Mais il ne s'en peut si bien donner de garde, qu'il ne se laissast preuenir. De sorte qu'il eut les yeux creuez par iccluy, qui apres ce fait se retira vers l'Empereur, luy faisant si bien entendre l'estat de la Bulgarie, qu'il y enuoia vne armee, qui la reduisit en son obeissance sans grande resistance. Cedrenus.

I E A N Garland Anglois & Campanus, personnaiges de grand sçauoir en Astrologie & és sciences Philosophiques, florissoient en ce temps.

Du Monde.	6079	E.d'Allemagne.	3	R.de Russie.	27
De Iesus Christ.	1042	R. des François.	11	R.de Hongrie.	1
Indiction.	10	R.d'Arragon.	27	R.de Pologne.	16
De l'Hegire	434. le 19.	R. de Nauarre.	20	R.de Castille.	27
d'Aoust.		R. des Escossois.	2	Comtes de la Pouille.	4
Papes.	10	R. des Anglois.	2	R. de Dannemarc.	1
E. de Grece.	1	Ducs de Venise.	3		

Commencement du compte des ans des Rois de Dannemarc.

E peuple de Constantinople trouua de si mauuaise grace le traictement que Calafates faisoit à sa mere Zoé, qu'il s'esleua contre luy en telle sorte qu'il luy creua les yeux, & puis l'enuoia en exil le 21. iour d'Auril de la 20. Indiction, l'an du monde selon les Grecs 6550. apres qu'il eut tenu l'Empire l'espace seulement de 4. mois 5. iours. Au moié de quoy Zoé fut rappelée & remise en son premier estat, auquel elle demeura l'espace de 3. mois. Et puis ne se pouuant passer de mary, espousa en 3. nopces Cōstātin Monomach, qui fut 11. du nom, qui se trouue auoir cōmandé tant seul qu'avec elle l'espace de 12. ans, & enuiron 8. mois. Cedrenus, Zonare, Ioā Curopal. Michael Glyca. Lesquels aussi tesmoignent que les Constantinopolitains portoient vne si grande affection à ceste Zoé, & à sa sœur Theodora, qu'ils les appelloient leurs meres, pource qu'elles s'accommodoient fort bien avec eux, & ne permettoient que les offices & dignitez de iudicature fussent venales.

A B A Roy des Hongrois, comprenant bien que le requeil que l'Empereur Henry faisoit à son ennemy reuiendroit à son preiudice, voulut preuenir ce qu'il auoit opiniō qu'o n luy deust faire, par vne armee qu'il mit dedans le pais de Carinthie & de Bauiere, qui foudroia tout par où elle passa; iusques à ce qu'Adalbert Marquis d'Austriche & son fils Luitpold se presenterent au deuant de luy, avec quelque nōbre de gens qu'ils auoient assemblez. Et les combaterent si vertueusement, qu'il fut mis honteusement en routte avec perte de la meilleure part de son armee. Qui fut cause qu'il eut moins de moien de se defendre & soustenir contre l'Empereur, qui le vint bien tost apres chercher avec sa puissance dedans son Roiaume. De sorte que force luy fut de quitter la place aux Allemans: qui reduirent en ceste sorte le Roiaume de Hongrie au pouuoir de l'Empereur. Mais il le remit entre les mains d'un des nepueux du feu Roy Estienne, prenant serment de fidelité de luy: pource que les Hongrois ne voulurent receuoir en aucune maniere le Roy Pierre. Herman Contract, Marianus Scotus, Lambert de Scaff. Auentin.

LA desconfiture ignominieuse des Grecs en Italie fut cause que l'Empereur Calafates ou plustost Constatin Monomach rappella Michel Docean de sa charge, & renuoia vn autre pour estre Catapane ou son Lieutenant en Italie en son lieu: lequel est nommé par Cedrenus & Iean Curopalate Boioiânes, & par le Chroniqueur du Mont Cassin Exauguste. Duquel nonobstant qu'on eust meilleure opinion que de son predecesseur, si est-ce qu'il y fit aussi mal les affaires de son maistre que l'autre. Car outre ce qu'il fut ignominieusement vaincu & deffait aupres du Mont qu'on appelle Pelu par le moien d'un renfort de gens qui vint (à ce que dit Curopalates) de la Lombardie ou des Alpes aux François & Normans, son malheur fut d'autant plus grand que les precedens, pource qu'il demeura leur prisonnier. Lequel ils donnerent à Atenulfe Prince de Beneuent, lequel ils firent leur chef & conducteur en ceste derniere guerre, afin de s'acquérir la faueur & bien-vueillance des Italiés. Au moien dequoy il tira vne grande rançon de luy, & puis les laissa. Parquoy ils se mirent quelque espace de temps souz la conduite d'un Argire fils d'un Meles, duquel a esté parlé cy dessus. Et apres auoir fait aucunes nouuelles conquestes en la Pouille, ils ne se voulurent plus laisser gouverner par estrangers, ains donnant la superintendâce de leurs affaires avec le tiltre de Comte à vn de leurs Capitaines nommé Guillaume (lequel il appelle mal à mô aduis fils de Tancrede lesquels s'estoit porté avec ses freres le plus vaillamment de tous les autres sur leurs ennemis: tellemēt qu'il s'en estoit acquis le nom de Ferrebrach, se retirerēt avec luy vers Guaimare Prince de Salerne & Rainulfe Côte d'Aversa leur Seigneur, pour par leur aduis & iugemēt departir esgallemēt entr'eux les villes & pais qu'ils auoiēt acquis par armes. Or pource que ce Guillaume fut l'un des douze Capitaines qui subiugerent la Pouille, celà peut auoir donné occasion aux autres historiés d'Italie d'estimer que ses vnze compagnons furent ses freres. Combien que la Chronique du Mont Cassin nous enseigne clerement qu'il n'en auoit que quatre: à sçauoir Drogo, Humfroy, Roger & Robert Guiscard: quoy que Cedrenus & Curopalates ayent voulu dire que ce dernier estoit fils du frere d'Arduin. Et delà semblablement peut estre venue la fable (que plusieurs ont creuë) de l'accord que les douze freres auoiēt fait de se laisser succeder l'un apres l'autre es terres par eux conquestees: pource que Drogo s'est veu succeder à l'estat de Guillaume, & Humfroy à Drogon. Quant au Boioiânes successeur de Docean, l'affinité de son nom avec Bubaganus ou Bubagianus, que les autres historiés d'Italie disēt auoir esté enuoïé par l'Empereur Michel Catalari en la place de Meles, nous dōne assez à entēdre qu'il les faut prédre pour vn mesme. Encore qu'ils se soient abusez en le rapportant au tēps du Pape Benoist 8. Fr. Par qui l'Empereur Henry second fut couronné, n'ayant pas sceu qu'il y en a eu 2. de ce nom là, le dernier desquels estoit de la race du premier, comme declare Cedrenus.

CANUTE ou Knuto Roy d'Angleterre & de Dannemarc mourut la 2. année de son regne, sans laisser aucuns enfans. A cause dequoy les principaux d'Angleterre firent venir de Normandie Alfrede fils du dernier Roy Etheldrede. Mais il ne fut pas si tost arriué, qu'un grand seigneur nommé Godouin le surprit d'aguet & mit en pieces avec toute sa suite de Normans: pource qu'il aimoit mieux que la courōne vint à son frere Edouard Prince paisible & debonnaire, qu'à iceluy. Aussi fut-il appellé & receu au grand contentement de tous les Anglois. De sorte qu'il regna sur eux par ce moien l'espace de 19. ans, au compte qu'en fait Polidore liu. 8. nonobstant qu'il estime qu'il mourut l'an 1066. Dont il faudroit qu'il eust regné les 24. ans que dit vne vieille Chronique non imprimee que j'ay: ou que Alfrede eust tenu beaucoup plus long tēps le Roiaume d'Angleterre qu'il n'a estimé. Encore que la Chronique de Normandie tienne avec P. Æmile, qu'il auoit ja esté mis à mort deuant le trespas du Roy Harald: ou que Edouard fust decedé plustost que 1066. Tant y-a que celà aduint (tesmoin Saxon Grammarien) apres que les Anglois eurent chassé ou mis en pieces tous les Dannois qui estoient en leur pais, faisant vne ordonnance qu'ils n'endureroient iamais qu'aucun Dannois regnast cy apres sur eux. D'autant que Sueuon fils d'Estritte sœur du feu Roy Canute le pere, & d'un Duc Vlpho de Sueffe, à qui la succession du ieune Canute ou Knuto appartenoit de droit de proximité, estoit tellemēt occupé au recouurement du Roiaume de Dannemarc, qu'il ne luy estoit possible d'entēdre à l'Angleterre. Pource que Magnus Roy de Noruege (mettant en auant vn accord fait avec le dernier Canute, par lequel le suruiuant de son compagnon deuoit aussi heriter de son Roiaume) entra en querelle contre luy pour le Roiaume de Dannemarc, ayant la faueur de la noblesse Dannoise pour soy. De sorte qu'il repoussa & mit en route tant de fois l'armée des

des Sueffiens que Sueuon amena contre luy, elle fit en fin deporter Sueuon de sa poursuite iusques apres sa mort. Ioan. Magnus, Guillaume de Malmesberie, Albert Crants, Polidore.

CASIMIRE Roy de Pologne aiant enuie de reduire à son domaine la Duché de Massouie dicté auparavant Plocie, qui en auoit esté aliencé par Maslaus, mena vne armee contre luy, par laquelle il le vainquit en vne bataille, & le contraignit en abandonnant la Massouie se retirer vers les Prussiens & Iazigiens, qui le receurent en leur protection. Martin Cromer.

Le massacre qu'on fit de quelques marchans Russiens à Constantinople, incita le Prince Bladimere de Russie à prendre les armes contre les Grecs. De sorte qu'il mit sus vne armee de cent mille combatans, & d'un grand nombre de nauires, avec lesquels il vint rencontrer & donner bataille à l'Empereur de Grece, qui la soustint si brauement qu'il mit les Bulgariens en routte. Cedrenus.

<i>Du Monde.</i>	6080	<i>E. d'Allemagne.</i>	4	<i>R. de Russie.</i>	28
<i>De Iesus Christ.</i>	1043	<i>R. des François.</i>	12	<i>R. de Hongrie.</i>	2
<i>Indiction.</i>	11	<i>R. d'Arragon.</i>	28	<i>R. de Pologne.</i>	3
<i>De l'egire 435. le 8.</i>		<i>R. de Navarre.</i>	21	<i>R. de Castille.</i>	28
<i>d'Aoust.</i>		<i>R. des Escossois.</i>	3	<i>Comtes de la Pouille.</i>	5
<i>Papes.</i>	11	<i>R. des Anglois.</i>	1	<i>R. de Dannemarc.</i>	2
<i>E. de Grece.</i>	2	<i>Ducs de Venise.</i>	4		

A peine estoit l'Empereur Henry de retour en Allemagne, que le Roy Aba ou Vba se remit sur pieds dedans le Roiaume de Hongrie, chassant le Duc que l'Empereur y auoit laissé. Qui fut cause de le faire entreprendre le second voyage contre luy, auquel il se redit les Hongrois tributaires, & receut le Roy Aba à quelque appoinctement. D'autres estimerent qu'il remit le Roy Pierre en ses estats. Mais Lâbert de Scaffuab estime que ce fut au 3. voyage. Somme qu'au retour de cestui-cy il vint espouser à Majence (Glaber dit à Bezançon) la Princesse Agnes fille du Duc Guillaume de Poitiers: Qui aussi estoit niepce de par mere de Regnault ou Reinald Comte de la haute Bourgogne, qui fut pere de Guillaume son successeur cy apres, & de Guy qui fut Pape nommé Calixte 2. Qui est vn tesmoignage que Regnault estoit fils d'Othe Guillaume. Mais Glaber attribue ce mariage à l'an 1045. avec le voyage de Hongrie deux autres anciens Auteurs François à l'annee ensuiuant.

A v mesmetemps le vaillant Prince Luitolph fils du Marquis Adalbert d'Austriche, surnommé la Terreur des Hongrois, mourut. Herman Contract, Cuspinian.

PAR le partage fait entre les douze Capitaines de l'aduiz & iugement de Guaimare Prince de Salerne, & de Ranulfe le Normâd Comte d'Aversa, la ville d'Ascule fut assignee à Guillaume Ferrebrach pour sa portion, Venise à Drogon son frere, la ville de Labelle à vn des autres Capitaines nommé Arnolin. Mais Hugues eut Monopoli, Pierre Treue, Gaultier Cinita, Rodolfe Cane, Triscam Mont-Pelu, Herue Trigente, Asclitin Acheronce, vn autre Rodolfe S. Archange à Raufroy Monorbin & Ardouin ce qui luy auoit esté promis. Tellement que la Pouille fut en ceste sorte diuisee entre ces douze, ne restans plus que quatre villes, (à ce que confesse Cedrenus) de toutes les autres d'icelle entre les mains des Grecs: à sçauoir Brindes, Tarente, Bari & Ottrante: excepté que la ville de Melphes fut reseruee par eux pour estre cōmune & le premier & cōmun siege de tous. Et la cité de Sipōte avec les dependences d'icelles, ensemble toutes les places & terres d'alentour du mōt Gargan, octroiee par honneur à Rainulfe Comte d'Auerse en consideration de ce qu'il estoit leur seigneur & principal chef. Or estât le Côte Guillaume Ferrebrach qui auoit preeminence sur les autres Capitaines decedé bien tost apres le partage precedēt fait, Drogon son frere luy succeda à son estat & qualite, souz le nom duquel les affaires de tous les Normâs

NNN iij

de la Pouille furent gouvernees & conduictes iusques au trespas d'iceluy. En contemplation dequoy il a esté appelé le premier Comte des Normans en la Pouille par ceux qui n'ont pas voulu mettre en compte son frere, à cause du peu de temps qu'il a iouy de ceste qualité: laquelle si Drogō a exercée iusques au temps qu'a noté Onufrius, il ne peut auoir duré en icelle plus de six ou sept ans, lesquels aussi luy sont donnez par Blondus. La Chronique du Mōt Cassin liu. 3. chap. 15. dit qu'il dōna à Robert Guischart son frere le chasteau S. Marc, qu'il auoit fait construire es cōfins de la Calabre, avec lequel il le declara seigneur de ladiète Calabre. Nous sommes aussi enseigne par la mesme Chronique, que Asclitin fut successeur de Rainulfe en la Comté d'Auerfa apres le trespas d'iceluy: lequel laissa vn fils nommé Richard, qui espousa la sœur de Drogon & de Robert, lequel les anneés ensuiuant fut fait Comte d'Auerfa & Prince de Capua.

C E P E N D A N T l'Empereur Canaphates estāt dejetté del'Empire de Grece, le gouuernement des Prouinces d'Italie qui appartenoiēt aux Grecs, fut rendu (tesmoin Cedrenus) par l'Imperatrice Zoë à George Maniaces, qui s'en acquitta si prudemment qu'il retira vne grande partie de la Pouille de la puissance des Normans. Dequoy toutesfois les histoires d'Italie ne font aucune mention: si ce n'est qu'on vueille rapporter celà à ce que aucuns ont escrit, que Drogon fut vne fois deffait & mis en route avec son armee par vn Lieutenant de l'Empereur nommé Meles. Au moien dequoy il perdit la pluspart de ce qu'il auoit conquesté en Italie. Mais qu'il se remit en fin si bien au dessus avec d'autres nouuelles forces, qu'il regagna par vne autre plus grande bataille non seulement ce qu'il auoit perdu par la premiere, mais aussi acheua de chasser les Grecs de tout ce qu'ils tenoient encore en Italie.

L E S nobles de Milan tenans tousiours leur ville assiegee fort estroictement, firent que Lanzo Capitaine du peuple s'en alla demander secours à l'Empereur Henry, luy promettant de luy rendre la ville à sa deuotion, pourueu qu'il l'enuoiait secourir. Mais auant que le secours fust venu, il reconcilia le peuple avec les Nobles, qui furent remis en leurs maisons. Ainsi le siege cessa: neantmoins toutesfois cest accord dura bien peu. Sigonius.

E S T I E N N E surnommé Boistlabus Prince de Seruie, s'estant fortifié & accommodé dedans les montagnes d'Illyrie, faisoit de là des continuelles entreprinſes sur les Tribelliens & prouinces de la Grece: qui fut cause que l'Empereur Constantin enuoia vne armee de plus de soixante mille combatans contre luy souz la conduite d'un sien Patrice nommé Michel, qui se laissa si imprudemment attirer dedans les destroicts des montagnes que ses ennemis tenoient, qu'il fut honteusement deffait par eux avec vne si horrible perte de ses gens que les deux tiers y demourerent. Cedrenus.

M A S L A V S receuant vne armee des Prussiens se fit par eux reconduire & remettre en la Massouie. Mais quand le Roy Cazimire eut amené sa puissance pour la recouurer, les Prussiens qui l'oserent attendre en bataille rangée, furent si lourdement estrillez par luy, que leur estant force de le rechercher d'appoinctement à fin d'en auoir meilleur marché, mirent celuy par qui ils estoient tombez en ce malheur à mort. Au moien dequoy la Massouie demeura paisible au Roy Cazimire. Martin Cromer.

G O D S C A L fils d'Vdon Prince des Esclauons Vvagriens & Obodrites, qui habitoient en la prouince d'Aldembourg, estant reuenu du païs d'Angleterre où il auoit suiuy & accompagné le feu Roy Canute en toutes ses guerres, trouua son païs occupé par d'autres. Occasion pourquoy il fut contraint de les guerroyer iusques à ce qu'il les eust fait lascher prise. Au moien dequoy dès qu'il fut restably en ses estats, il se mit à remettre la religion & les Eglises Chrestiennes en son païs d'aussi grande affection qu'il les auoit persecutees auparavant. En quoy s'ensuiuit tel effect, que Iesus Christ fut seruy & honoré de ses subjects tout le temps qu'il vesquit. Albert Crants.

A L E X I V S Patriarche de Constantinople mourut le vingtiesme iour de Feurier de l'Indiction onzieme. Au moien dequoy Michel surnommé Cæularius fut le vingt-cinqiesme iour du mois ensuiuant subrogé en son lieu, auquel il presida quinze ans. Cedrenus, Zonare.

V N Synode des Prelats de Germanie fut celebré en la ville de Constance, auquel l'Empereur Henry pardonna à tous ceux qui auoient mespris enuers luy, & fit proclamer paix vniuerselle

uniuerselle par tout son Empire; selon Herman Contract. Ce fut aussi possible lors qu'il fit estroictement (comme dit Glaber) defendre la Simonie, & que nul n'obtint par achapt ou present aucun benefice.

<i>Du Monde.</i>	6081	<i>E. d'Allemagne.</i>	5	<i>R. de Russie.</i>	29
<i>De Iesus Christ.</i>	1044	<i>R. des François.</i>	13	<i>R. de Hongrie.</i>	1
<i>Indiction.</i>	12	<i>R. d'Arragon.</i>	29	<i>R. de Pologne.</i>	4
<i>De l'Hegire 436. le 28. iour</i>		<i>R. de Nauarre.</i>	22	<i>R. de Castille.</i>	29
<i>de Iuillet.</i>		<i>R. d'Ecosse.</i>	4	<i>Comtes de la Pouille.</i>	6
<i>Papes.</i>	12	<i>R. d'Angleterre.</i>	2	<i>R. de Dannemarc.</i>	3
<i>E. de Grece.</i>	3	<i>Ducs de Venise.</i>	5		

THEOPHILE Erotigue Lieutenant pour l'Empereur de Grece en Cypre, s'estant reuolté contre son maistre, fut cause qu'il enuoya son Admiral Constantin surnommé Charges, avec vne puissante armee de mer contre luy: qui fit si brauement son deuoir, que le rebelle chassé, les Cypriots & leur Isle furent derechef reduits en l'obeissance de l'Empereur comme auparauant. Mais la rebellion de Maniaces enuiron le mesme temps fut beaucoup plus perilleuse: pource qu'estant rappellé du gouuernemēt d'Italie d'une trop rigoureuse & ignominieuse façon, il s'en irrita si agrement, qu'il ne fit pas seulement rebeller ses Legions & l'Italie avec luy contre l'Empereur, mais aussi se donna luy-mesme le nom d'Empereur, souz lequel il se transporta semblablement avec son armee en Epire: où sa fortune fut telle, qu'il deffit & mit en route l'armee que l'Empereur Constantin enuoya contre luy. Mais il y eut gés qui le blefferent bien tost apres, sans qu'on sceust d'où cela venoit: de telle façon qu'il en mourut soudainement. Cedrenus, Zonare.

LES Nobles de Milan ayans fait bannir Lanzo Curtius de leur ville, voulurent recommencer de traicter mal le populaire comme auparauant. Qui fut cause qu'il esleut vn autre Capitaine qui se nommoit Landulfe pour se defendre contre eux. Sigonius.

ABA trompant la bonne opinion que ses subiects auoient eu de luy, se rendit par ses vices aussi odieux à la Noblesse Hongroise qu'auoit fait Pierre. De sorte qu'on commença à se repentir à bon escient de luy, tant que plusieurs allerent prier l'Empereur de leur restituer Pierre. Mais vne plus grande occasion luy vint de la part du Roy Aba, d'entreprendre le troisieme voyage contre luy. Auquel l'heur luy fut encore si fauorable, qu'il fit vn horrible & incroyable eschec de l'armee d'iceluy, le quatrieme iour de Iuillet: par le mayen duquel les Hongrois furent contraincts de reprēdre le Roy Pierre. Entre les mains aussi duquel vint bien tost apres le depart de l'Empereur tomber le Roy Aba (qui se pensoit comme aux autres fois remettre sus) où il trouua vne fin condigne à sa miserable vie, laissant la possession du Roiaume à son ennemy, qui la retint encore trois ans. Herman Contract, Lambert de Scaffuab, Auentin liu. 5.

AV mesme temps Gozelo ou Gothelo Duc de Lorraine mourut, laissant trois fils, Frederic qui fut premierement Abbé du Mont Cassin, & puis apres Pape: Gozelo, qui n'auoit l'entendement sain: & Godefroy dict le Breux ou le Barbu, qui succeda à son pere en la Duché de Lorraine & es Comtez d'Ardenne & de Bouillon. Non content desquelles il se voulut encore (comme disent les Chroniques de Lorraine) adioindre la Duché de Mosellane, que son pere auoit resignee à son frere Gozelo. Et pource que l'Empereur ne le voulut permettre, il se rebella contre luy. Sigebert dit seulement que pource qu'on luy dénia la Duché de Mosellane, qu'il renonça au fief qu'il auoit en l'autre Duché, afin de se rebeller. Mais Lambert de Scaffuab ne specifant point la Duché qu'on luy refusa, declare qu'il prit les armes contre l'Empereur. De sorte qu'il vainquit & tua en bataille rangee le Duc Adalbert, que l'Empereur auoit subrogé à son pere. Et fit puis apres de grandes courses & rauages iusques au Rhin. Combien que Sigebert estime que ledit Adalbert fut tué plus de cinq ans apres.

LE Roy Henry de France ayant enuie de rabbaissier la puissance de Thibauld Comte

NNN iiii

de Chartres, cherchoit tous moyens de l'envelopper en affaires. De sorte qu'il excita Godfroy dict Martel ou Tutides Comte d'Anjou à luy faire la guerre, luy donnant la Comté de Tours : qui à son adveu assiegea la ville de Tours l'espace d'un an & demy ; & la mit en tel poinct que Thibauld fut contrainct d'amener toute sa puissance pour la secourir. Mais l'Angeuin ayant pris la banniere de saint Martin pour son enseigne, le chocqua si vivement qu'il mit en pieces 760. de ses gens : & le reste en route, & le retint luy-mesme prisonnier, s'estant le Comte Estienne sauué à la fuite. Au moyen dequoy il se fit deliurer par luy la cité de Tours, & aucuns autres chasteaux pour sa rançon. Ce qui aduint, selo les Histoires de France, ceste année. Combien que ce ne semble pas auoir esté long temps apres la deffaicte du Comte Estienne. Mais Glaber l'attribue à l'an 1046.

RENAVLT ou Reinard premier Comte (comme on dit) de la haulte Bourgogne, & Gerold qui aussi tenoit de grandes seigneuries en la Bourgogne Iurane, prenans les armes contre l'Empereur, assiegerent le chasteau de Montbeliard. A cause dequoy l'Empereur depecha vn sie Lieutenent nommé Louys avec armee pour aller leuer le siege, qui les vainquit & mit en route. Herman Contract. Au reste parce que nous verrons cy apres quand nous parlerons de la mort de Guillaume l'Enfant, comme les successeurs de ce Regnault furent Comtes de Soleurre & de Vienne, ou de la race des Comtes de Vienne en Daulphiné : & qu'ils ne dominoient pas seulement sur la haulte Bourgogne, qui est la Franche Comté, mais aussi sur la petite, où sont situees Berne & Fribourg, & sur le pays de Vaux, qui va iusques delà le Lac de Lausanne : & qu'il se monstrera aussi par vn ancien Epitaphe, que ledit Guillaume l'Enfant s'intituloit Comte de Vienne & de Soleurre, & seigneur de Salins. Et neantmoins que nous auons monstre cy deuant qu'il estoit fils d'Othe Guillaume surnommé l'Estranger : l'ay opinion que par quelque alliance qu'il eut avec Gerold, que ses heritiers obtindrent de par iceluy les tiltres de la Comté de Vienne & de Soleurre, avec la possession de la Bourgogne, qui est aupres de Bezançon, ayans ia auparavant celle qui atouche la Duché.

ESTANT Amund le Vil 114. Roy de Sueffe decedé enuiron ce temps (car l'année n'a esté par aucun specifiee) sans laisser aucun hoir de son corps, les Sueffiens entrerent en cōtrouerse contre les Goths pour l'eslection d'un nouveau Roy : pource que les Sueffiens s'affectionnoient pour Stenchille, qu'ils auoient esleu : les Goths pour vn grand seigneur de leur pays nommé Haquin Rode ou le Roux. Si est-ce qu'ils s'accorderent en fin, souz telle condition que Stenchille, qui estoit le plus ieune, se contiendroit en l'estat auquel il estoit deuant son eslection, iusqu'apres le trespas de son competeur, qui estoit ia fort ancien, donnant apparence de ne la pas deuoir faire fort longue. Ioan. Magnus liu. 18.

<i>Du Monde.</i>	6082	<i>E. d'Allemagne.</i>	6	<i>R. de Russie.</i>	30
<i>De Iesus Christ.</i>	1045	<i>R. des François.</i>	14	<i>R. de Hongrie.</i>	2
<i>Indiction.</i>	13	<i>R. d'Arragon.</i>	30	<i>R. de Pologne.</i>	5
<i>De l'Hegire</i>	437. le 18. iour	<i>R. de Nauarre.</i>	23	<i>R. de Castille.</i>	30
<i>de Iuliet.</i>		<i>R. des Escossois.</i>	5	<i>Comtes de la Pouille.</i>	7
<i>Papes.</i>	1	<i>R. des Anglois.</i>	3	<i>R. de Dannemarc.</i>	4
<i>E. de Grece.</i>	4	<i>Ducs de Venise.</i>	6		

VN Seigneur nommé Iobanesica Prince d'Anie, auoit autresfois souz l'Empereur Basile dernier esté institué Gouverneur de la grande Armenie, souz condition qu'apres son decez ledit Gouvernemēt & la Principauté d'Anie ensemble retourneroient à l'Empereur, pour en disposer à sa volonté. Neantmoins la mort de Iobanesica aduenue, Caci- cius son fils retint en sa possession ce que son pere auoit tenu : gardāt toutesfois fidelité & amitié aux Grecs, iusques à tant que l'Empereur Constantin Monomach fust aduisé du droit qu'il auoit esdites seigneuries, lequel il repeta. Et pource qu'il faschoit à Caci- cius de lascher prise, Michel lasite Gouverneur d'Iberie, eut charge de le poursuiure par armes, lequel se ioignāt Nicolas Coronal des Legiōs domestiques, & Apoplepharius gouverneur de Perfarmenie, mena si rudement son ennemy, qu'il le fit quitter non seulement ce qu'il tenoit, mais aussi se venir rendre à l'Empereur. Nonobstant son exemple toutesfois
Apoplepharius

Apoplespharius voulut retenir pour soy quelques-vnes des places qu'il auoit ostee audit Cacicius; se mettant en si bon deuoir de les defendre, qu'il deffit l'armee qui l'en vouloit debouter. Dont on fut contrainct de le laisser en paix. Cedrenus.

PAR l'entremise & conseil de plusieurs, Godefroy Duc de Lorraine s'alla presenter à l'Empereur pour se reconcilier avec luy. Mais pource qu'il parla plus hautement qu'il sembloit ne deuoir faire, il fut retenu & mis en garde. De laquelle il ne se peut deliurer, qu'en baillant son fils en ostage pour luy, qui y mourut. Cependant l'Empereur se transporta en Bourgonne pour mettre fin à la guerre contre les Princes Regnault & Gerold; lesquels se deffians de leurs forces, se vindrent rendre & reconcilier à luy en la ville de Soleurre, où ils furent receuz en grace. Herman Contract, Lambert Scaffuab, Sigebert, Auentin.

OTHON Comte Palatin, fils de la sœur de l'Empereur Othon 3. fut ceste année inuesty de la Duché d'Allemagne, ou de Suaube, qui auoit esté vacquante iusques icy depuis le trespas du Duc Herman, duquel il estoit le plus proche parent. Herman Contract.

LA dignité Papale (cō me dit Platine) estoit en ce temps venue à ce point, que la vertu, doctrine & sainteté de vie ne seruiēt de rien pour y paruenir, ains seulement la Symonie, la corruption, les presents & le sçauoir de bien finement briguer: tellement que l'Eglise Romaine estoit (au dire de Glaber Rodulfus Moine de Clugny qui viuoit en ce temps, & a finy le cinquiesme & dernier liure de son Histoire en cest endroit) ia fort opprimée depuis 25. ans de ceste maladie de Symonie, qu'il appelle Pestifere. Parquoy comme le Pape Benoist 10. fust accusé & atteint de Symonie & de plusieurs autres crimes & maluerfations, les Romains (au rapport de Herman Contract) le deietterent de son siege le 22. iour de Ianuier, & colloquerent en son lieu Iean Euesque de S. Sabine (par le mesme moyen que l'autre) qui prit le nom de Siluestre 3. Et neantmoins fut 49. iours apres son eslection deietté, à sçauoir l'vnziesme iour de Mars. Pource, comme aucuns ont dit, qu'il estoit homme incapable & inutile. Si ce ne fut d'auanture pour la raison que Glaber allegue, qu'il estoit trop ieune, n'estant aagé de plus de 22. ans. Car il declare que tel estoit celuy qui fut fait Pape deuant Gregoire son successeur. Et en vn autre endroit, *Nam & ipse vniuersalis Papa Romanus, nepos scilicet duorum Benedicti atque Ioannis, qui ei precesserant puer ferme decennis, intercedente thesaurorum pecunia, electus extitit a Romanis. A quibus exinde frequenter electus ac inhonestè receptus, nulla potestate vixit. Et, ut iam superius taxauimus, ceteros tunc temporis Ecclesiarum prelatos aurum potius & argētum exaltabat, quàm meritum.* Mais les autres sont d'aduis que ce fut par les menées & pratiques de Benoist & de ses complices, qui fit tant qu'il se remit & restitua en son premier estat. Estant toutesfois aduerty, comme recite Beno, que l'Empereur (de la volonté duquel il se deffioit) dresseoit son equippage pour venir en Italie: ou se sentant (comme disent Herman Contract & Valtranus Euesque de Namubourg) estre ignare des bonnes lettres, & incapable de la charge qu'il portoit, ceda & resigna son droict à son compagnon Iean Gratian Archeuesque de S. Iean Portelatine fils d'un grand seigneur Romain, moyennant la somme de 1500. liures d'or, qu'il receut tout comptant. Au moyen dequoy les Romains esleurent suiuant ceste resignation ledit Gratian Pape le 1. iour de May. De façon qu'il prit le nom de Gregoire 6. souz lequel on tiēt qu'il a gouuerné l'Eglise Romaine l'espace d'un an, 7. mois, 20. iours. S'il est vray toute fois que l'Eglise ait esté souz eux en vn si vilain schisme qu'ils se soiēt tous trois maintenuz pour Papes en vn mesme temps. Et qu'ainsi (que confesse Herman Contract) chacun d'eux ait tenu son siege à part, Siluestre à sainte Marie Maieur, Benoist au Palais de Latran, Gregoire à S. Pierre. Ce que les autres ont escrit est plus croyable, que Siluestre ne quitta son droict: & que Benoist s'affocia seulement ou institua comme son Vicaire au gouuernement & administration de la Papauté son compagnon Gregoire, qui (comme tesmoigne Pierre de Premonstré fut fort aspre & diligent à nettoyer le pays des voleurs & larrons qui destrouffoiēt les passans allans à Rome: tellement qu'il en fit mourir plusieurs. A cause dequoy ses aduersaires l'appelloient homicide & sanguinaire. Quāt à l'indice que recite Platine, qui aduint en son sepulchre apres son enterrement, qui fit iuger qu'il auoit esté de bonne vie, pour mieux le persuader il eust bien esté expedient qu'ils eussent nommé l'auteur qui a dit qu'il reuint de l'exil (où l'Empereur l'enuoya apres sa deposition) à Rome, & qu'il ne mourut, ainsi que tesmoigne Beno en Allemagne. Combien que Glaber le dit auoir esté tres-religieux.

Du Monde. 6083	E. d'Allemagne. 7	R. de Russie. 31
De Iesus Christ. 1046	R. des François. 15	R. de Hongrie. 3
Indiction. 14	R. d'Aragon. 31	R. de Pologne. 6
De l'Heure 438. le 7.	R. de Navarre. 24	R. de Castille. 31
de Juillet.	R. des Escossois. 6	Comtes de Naples. 8
Papes. 2	R. des Anglois. 4	R. de Dannemarc. 5
E. de Grece. 5	Ducs de Venise. 7	

GODEFROY Duc de Lorraine prenant nouvelle occasion de rebellion contre l'Empereur en la mort de son fils, & en ce que ny le deuoir auquel il s'estoit volontairement submis, ny les prieres & intercessions des Princes, n'auoient peu esmouuoir l'Empereur à luy laisser la Duché de Mosellane, laquelle mesme il auoit donnee à Albert de Namur ou d'Alsatie Duc de Longraistre; il s'allia de Baudouin Comte de Flandre & de Theodoric Marquis de Frise, à l'aide desquels il regaigna la ville & Comté de Verdun, faisant forte guerre à son aduersaire. Albert.

CEPENDANT l'Empereur Henry passa les Alpes avec vné grande armee, pour aller oster avec puissance le schisme & le scandale qui estoit en l'Eglise Romaine. De sorte qu'estant arriué à Pauie, il y fit assembler vn Synode de gens de sçauoir, pour estre informé comme il se deuoit conduire en cest affaire. Et en passant outre il rencontra en chemin le Pape Gregoire qui venoit au deuant de luy, avec lequel il s'arresta en la ville de Sutry, pour y assembler vn second Synode de Prelats, qui fut celebré au mois de Decembre: afin que par eux le schisme & la cause d'iceluy fussent decidez & vuidez. De sorte que par leur iugement les trois Papes furent declarez & iugez coupables de simonie, & incapables de tenir le siege Papal: sans qu'on fist plus de grace à Gregoire, qui fut mesmement mis en prison, & enuoyé de là en exil en Allemagne. Mais Siluestre fut renuoyé en son Euesché: Benoist s'enfuit deuant qu'estre attrappé. Parquoy estant Gregoire en ceste sorte depoué le vingtiesme iour du mesme mois de Decembre, & comme dit Leon d'Hostie en sa Chronique du Mont Cassin en ces propres mots: *Facta discussione diligenti, cum nullus (proh dolor!) inueniretur dignus qui tantæ Ecclesiæ præesset*, force fut pour le mieux de charger l'Euesque de Bamberg nommé Suindigere ou Suidegere, qui estoit natif de Saxe, de ceste dignité, lequel fut le vingttroisiesme iour en apres esleu & substitué canoniquement au lieu d'iceluy, auquel il presida souz le nom de Clement second neuf mois dix iours. Herman Contract, Benno, Marianus Scotus, Lambert de Scaffuab, Othon de Frisingen, Onufrius.

LES Bretons en ce temps retirent le ieune Conan leur Prince des mains du Comte Eudes son oncle, & le firent leur Duc. Ce nonobstant sondit oncle tint encore lóg temps depuis les principales forteresses du pays contre luy. Annales de Bretagne.

PIERRE Roy de Hongrie ne s'estant de rien amendé par les exemples qui luy estoient aduenuz cy deuant, donna en fin vn tel scandale de sa mauuaise vie à ses subiects, qu'ils ne se reuolterent pas seulement contre luy, mais aussi contre la Religion Chrestienne, retournans à leur premiere idolatrie. Mais avec telle forcenerie, qu'ils en firent vn horrible massacre d'autant d'Euesques, Prestres & autres qui ne voulurent renier Iesus Christ, qui peurent tomber en leurs mains. Mesmement aussi s'estans saisis de la personne de leur Roy, ils luy creuerent les yeux, dont il mourut. Puis apres appellerent André & Leuanta freres du feu Roy Estienne, qui estoient à la cour du Roy de Pologne pour regner sur eux, à condition de les laisser viure en l'erreur des Payens. Mais André apres s'estre fait couronner par certains Chrestiens, remit en fin par sa prudence la Religion Chrestienne au dessus: fit rebastir les Temples ruinez, & reuenir ceux qui auoient esté chassez: & chastia les mutins & rebelles, establisant son regne si fermement, qu'il dura douze ans apres qu'il eut enuoyé presenter ses deuoirs & submissions à l'Empereur Henry. Herman Contract, Histoire de Hongrie.

HELMARD Abbé de saint Benigne de Dijon, pour la bonne opinion qu'on auoit de son

son sçavoir & erudition (car il a laissé de grands témoignages qu'il a esté grâdemment entendu és sciences liberales) fut par l'Empereur Henry quatriesme fait Archeuesque de Lion, comme tesmoigne la Chronique de Dijon. La collation duquel siege appartenoit lors audit Empereur, estant le Lionnois compris souz le Roiaume de Bourgongne, depuis qu'il y eut esté annexé par le mariage de Mathilde sœur du Roy Lothaire : & n'en estoit encor retiré ny enclaué és terres appartenantes au Roy de France, comme Belleforest a voulu faulxement débattre contre moy. Car s'il auoit leu Radeunic en son Supplément, d'Othon de Frisingen, il n'eust pas ignoré que l'Archeuesque de Lion alla faire hommage & deuoir de ligeance à l'Empereur Frederic premier, quand il vint prendre possession de la Bourgongne & du Roiaume d'Arles qui luy appartenoit de par sa femme l'an 1157. Ioinct qu'il n'y a faulte d'autres preuues pour conuaincre son ignorance, mesmement de tiltres & panchartes, outre ce qui s'en trouue és memoires de saint Benigne, qui semblét auoir esté mis en escrit de ce temps-là.

Du Monde. 6084	E. d'Allemagne. 8	R. de Russie. 32
De Iesus Christ. 1047	R. des François. 16	R. de Hongrie. 1
Indiction. 15	R. de Nauarre. 25	R. de Pologne. 7
De l'Hegire 439. le 26.	R. d'Arragon. 32	R. de Castille. 32
de Iuin.	R. des Escosses. 7	Comtes de Naples. 9
Papes. 1	R. des Anglois. 19	R. de Dannemarc. 6
E. de Grece. 6	Ducs de Venise. 8	

Le troisieme iour apres l'election du nouveau Pape, auquel on celebrait la feste de la natiuité nostre Seigneur, l'Empereur Henry se fit donner par luy la couronne Imperiale solennellement, & à sa femme aussi. Puis pour obuier aux schismes & scandales qui aduenoient ordinairement aux elections des Papes, il fit tenir vn Synode de Prelats a Rome; où furent faicts aucuns decrets contre les simoniaques. Et puis extorqua des Romains vn grand serment, de ne prendre ny eslire iamais autre Pape que celuy qu'il leur nommeroit; ne mesme aussi qu'ils ne s'assembleroient pour en eslire sans le commandement & permission d'iceluy. Si plustost, comme a confessé Sigonius, ils ne luy firent ce serment de leur propre gré & volonté, en consideration de tant de peines qu'il auoit prises à venir reformer le desordre qui estoit en l'Eglise Romaine. Ce que la Chronique du Mont Cassin a dit, *Ob res tam prosperè, & tam canonicè gestas*. En faueur aussi desquelles ils declarerent qu'ils l'honoreroient quant-&-quant du tiltre de Patrice, & ordonnerent qu'outre la couronne d'or, il porteroit encor le collier d'or. Mais à l'issuë de ce Synode, il s'en alla visiter le pays de la Campagne & de Beneuent; où il conferma les Comtes Drogon & Rainulfe en la possession des pays & domaines qu'ils s'estoient acquis par armes en la Pouille & Calabre. Dont il leur fit passer lettres de sa Chancellerie Imperiale, en faueur de ce qu'ils s'estoient venuz soubmettre à luy, & le recognoistre & honorer par beaucoup de beaux presents. Ce fut aussi au mesme voyage qu'il restitua la principauté de Capuë à Pandolfe, qui en auoit esté despoüillé neuf ans auparauant par l'Empereur Conrard: du gré toutesfois & consentement de Gaimare Prince de Salerne, à qui elle auoit esté transportee. Et pource que ceux de Beneuent ne luy voulurent lors ouurir leurs portes, ny le receuoir en leur ville; ne pouuant leur pis faire, il les fit excommunier par le Pape Clement qu'il auoit avec soy. Duquel aussi la Chronique Montcassine dit qu'il se fit encor accompagner à son retour iusques en Allemagne, où il mourut au bout du neuuesme mois de son Pontificat. Mais les autres tiennent qu'il demeura en Italie, & que les Romains apres le depart de l'Empereur eurent tost trouué moyen de se deffaire du Pape qu'il leur auoit donné, par le moyen du poison que Gerard Brazute (s'il est ainsi que dit Beno) amy & complice du Pape Benoist & de Hildebrand, luy fit aualler: dont il mourut, au rapport de Herman Contract, le huitiesme iour d'Octobre; laissant, au compte d'Onufrius, le siege Papal vacquant

l'espace de neuf mois, sept iours. Durant lesquels Benoist s'en reuint à Rome, où il exerça la Papauté à l'aide de ceux de sa faction, iusques à ce que l'Empereur y eust pourueu.

L'EMPEREUR estant encore en Italie, donna vn Euesque à ceux de Paue, qui auoient nouuellement perdu le leur. Et pource qu'il n'estoit à leur gré, ils ne le voulurent recevoir. Qui fut cause que l'Archeuesque de Milan incontinent apres le départ de l'Empereur, leur commença la guerre sur ceste querelle: & pource qu'ils furent si osez que de se mettre aux champs contre luy, & de le venir rencontrer, il les combatit de telle animosité, qu'il en fit vne merueilleuse occision: d'autant qu'ils estoient beaucoup plus foibles de gens que l'Archeuesque. Au moyen dequoy ils furent contraincts de venir au poinct que on leur demandoit, qui estoit de prendre l'Euesque qu'on leur auoit donné.

L'EMPEREUR estant de retour d'Italie, mena son armee contre Theodoric Marquis de Frise & Godefroy Duc de Lorraine, qui se maintindrent si brauement contre luy, qu'il receut plus de perte & dommage d'eux qu'il ne leur en fit. Car Henry Duc de Baniere y mourut, nonobstant qu'il eust pris deux villes, Elhedhinge & Reinspurg.

A v mesme temps aussi Othon Duc de Suaube & d'Allemagne mourut. Au moyé dequoy l'Empereur conféra sa Duché à vn autre Othon de Suuintforts. Herman Contract, Lambert de Scaffuab, Marianus Scotus, Auentin.

Les Normans se rebellans contre leur Duc, se mettoient en estat de le chasser. Qui fut cause que le Roy Henry mena trois mille hommes seulement à son secours, qui desconfirent trente mille Normans en bataille rangee. Au moyen dequoy force leur fut de se raccomoder avec leur Duc. Grandes Chroniques de France, avec vne autre ancienne non imprimee. Le motif de ceste rebellion vint (à ce qu'escriit Guillaume de Malmesberie) de Guy de Bourgongne, fils de Regnault & frere de Guillaume Comtes de Bourgongne, lequel pour estre de par sa mere cousin du Duc Guillaume, auoit esté nourry avec iceluy: & en consideration de ce parentage il possedoit quelques chasteaux en Normandie. Desquels non cõtent, il se mit de complot avec Nigel Vicomte de Constance & Ranulfe Vicomte de Bayeux, pour s'aggrandir dauantage en Normandie. Tellement qu'il se saisit par force de plusieurs chasteaux. Qui fut cause de faire aller le Roy en Normandie pour defendre le bien du Duc, duquel il estoit tuteur: où ayant vaincu les rebelles en bataille, cõttraignit le Bourguignon s'enfuir en Bourgongne.

BAVDVIN fils aisné de Baudouin Comte de Flandres, espousa Richilde fille de Regnier Comte de Monts en Hainault, & vesue de Herman Comte de Hainault, apres le trespas duquel ledit Baudouin s'estoit emparé de force de ladite Comté. Qui estoit la cause de la querelle qu'il auoit avec l'Empereur. Qui le poursuiuoit si asprement qu'il fut cõttrainct de faire vn conduit souz terre, qui perçoit depuis Lentz en Artois iusques à la mer, pour oster le moyen aux Empereurs d'entrer & se promener dorefnauant si aisément dedans la Flandre qu'ils souloient auparauant. Chroniques de Flandres.

TANGROLIPX Soudan ou Empereur des Turcs, depescha en ce temps vne armee souz la conduite d'un sien nepueu Cutlumus, contre Corbesse ou Corbessen Soudan d'Arabie, qui se maintint si brauement, qu'il mit les Turcs honteusement en route. cõttraignât Cutlumus se sauuer avec le reste de son armee vers la Medie qu'on disoit Baaspracan: où le Gouverneur nommé Estienne, que l'Empereur de Grece y auoit pour luy, leur voulut interdire le passage. Qui fut cause de les faire mettre en telle forcenerie, que ioians à quitte & à double, passerent par dessus le ventre des Grecs, & emmenerent ledit Estienne prisonnier avec eux au Prince Tangrolipix. Cedrenus.

PAR vne reuelation diuine faicte à vn auengle, fut ceste annee (au rapport de Herman Contract) trouué en la ville de Mantouë du sang de nostre Seigneur, qui se conferma estre tel par beaucoup de miracles. On en auoit aussi trouué plus de 200. ans auparauant du viuant de Charlemagne.

Du Monde.

Du Monde. 6085	E.d'Allemagne. 9	R.de Russie. 33
De Iesus Christ. 1048	R.des François. 17	R.de Hongrie. 2
Indiction. 1	R.d'Arragon. 33	R.de Pologne. 8
De l'Heure 440. le 15.	R.de Navarre. 26	R.de Castille. 33
de Juin.	R.des Escossois. 8	Comtes de Naples. 10
Papes. 1	R.des Anglois. 6	R.de Dannemarc. 7
E.de Grece. 7	Ducs de Venise. 9	

Vn nommé Leon dict Tornicius, que l'Empereur de Grece auoit cy deuant pour ses offenses reclus en vn Monastere, ioua si dextrement son personnage enuers les Capitaines des Legions que l'Empereur tenoit en la Thrace, qu'il se fit par eux saluer Empereur, & conduire deuant la cité de Constantinople pour l'assieger. Mais l'armee que l'Empereur Cōstātin fit venir à son secours, leur liura vne si furieuse & aspre bataille, qu'elle les vainquit & mit en route; retenant Tornicius prisonnier, qui eut pour sa temerité les yeux creuez. Cedrenus.

Les deux Henris l'Empereur & le Roy de France se trouuerent ceste annee à vn parlement au pays de Metz; où ils confermerent & renouellerent leurs anciennes alliances pour eux & pour leurs successeurs. Herman Contract, Sigebert.

Albert Comte d'Alsatie ayāt la Duché de Mosellane à charge de poursuiure la guerre contre le Duc Godefroy, se mit avec son armee dedans la Duché de Lorraine: où il trouua le Duc Godefroy en si bonne deuotion de le receuoir, qu'ils se donnerent vne cruelle bataille, où l'Alsatien fut vaincu & occis. A cause dequoy l'Empereur donna la Duché de Mosellane à Frederic de Luxembourg oncle de Baudouin Comte de Flandres: & la Comté d'Alsatie à Gerard troisieme du nom, fils de Gerard secōd Comte de Castinach: comme tesmoigne Sigebert & Richard de Vvassebourg, qui me semblent auoir mieux aduise que Herman Contract & Auentin, qui ont escrit que la Duché de Mosellane auoit esté donnee à Frederic deuant qu'à Albert.

HUMBERT fils du Prince Berald Marquis de Suze de par sa femme, & premier Côte (comme on dit) de Morienne en Sauoye, mourut; laissant vn fils nommé Amé ou Amedee, qu'on surnomma Cauda, qui luy succeda à ses estats. Paradin.

BOMENSOR Elmoïn Stensab Calife ou Soudan d'Egypte, apres auoir par sa puissance subiugué & reduit quasi toute la Syrie en son obeissance, & grandement estendu les limites de son Empire, commanda aux Chrestiens qui habitoient en la ville de Hierusalem, de refaire & de releuer les murailles d'icelle à leurs propres fraiz & despens: avec permission aussi de rebastir leur Temple. Et pource que les moyens leurs defailloient pour satisfaire à vne telle despenſe, l'Empereur Constantin employa tellement sa liberalité enuers eux, qu'ils vindrent à chef de leur entreprinſe: comme recite Guillaume de Tyr liure neuſiesme chapitre dixhuit. Combien qu'il estime que ce fut seulement l'an mil soixantertrois, trentehuit ans deuant la prise de Hierusalem par les Chrestiens. Mais il est certain que les Turcs l'auoient ia lors en leur puissance, si d'auanture il n'auoit escrit 1053. & 48.

Les Romains ayans enuoyé demander à l'Empereur vn Pape, il leur nomma en la ville de Polenthe en Saxe enuiron la feste de Noël Poppo ou Boppo Euesque de Frisingen, natif de Bauiere, que les vns ont nommé Estienne Bagnier, homme (au dire de Herman Contract & d'Auentin) sage & pruden: qui me fait estimer que Platine & autres l'ont taxé à tort de la mort de son predecesseur, pour en descharger ceux de leur nation. Tant y-a qu'il prit le nom de Damasc second: souz lequel il fut conduict d'Allemagne, & consacré le dixseptiesme de Iuliet. Mais pource qu'il ne se trouua pas au gré des Cardinaux, qui ne vouloient que les Papes creez à leur deuotion, & qu'il fut moins fin que sage pour se donner garde d'eux, le Cardinal Brazute le fit par vn mesme morceau aller accompagner son predecesseur en l'autre monde, vingttrois iours apres sa consecration. De sorte que le siege Papal fut depuis sa mort encore vacquant l'espace de six mois, trois

○○○

iours, deuant que l'Empereur y en eust mis vn autre. Ce qui donna moyen & occasion (au dire de Beno) a Theophilaëte cy deuant nommé le Pape Benoist, de reuenir à Rome, & de l'embrafer de troubles & de partialitez pour se remettre au siege.

JEAN Gratian cy deuât Pape Gregoire 6. mourut (au rapport de Beno) ceste annee en Allemagne, où il auoit esté enuoyé en exil, laissant Hildebrand son heritier de ses biens & tresors, par lesquels il s'acquit vne grande puissance & auctorité à Rome. Qui prit encore vn bien plus grand auancement apres que Leon l'eut fait Cardinal & Gardien de l'Eglise S. Pierre: se laissant si bien gouuerner par luy, que Theophilaëte dict le Pape Benoist & Gerard Brazute, reuindrent par son moyen en grace avec luy.

FRANCO du Liege, homme de grand sçauoir és Mathematiques, qui cōposa vn traité de la Quadrature du cercle, florissoit en ce temps avec Odillo Abbé de Clugny, Gnatto Euesque du Liege, & Olbert Abbé de Gemblac. Sigebert.

Du Monde. 6086	E. d'Allemagne. 10	R. de Russie. 34
De Iesus Christ. 1049	R. des François. 18	R. de Hongrie. 3
Indiction. 2	R. d'Arragon. 34	R. de Pologne. 9
De l'Heure 441. le 4. iour	R. de Nauarre. 27	R. de Castille. 34
de Iuin.	R. des Escossois. 9	Comtes de la Pouille. 11
Papes. 1	R. des Anglois. 7	R. de Dannemarc. 8
E. de Grece. 8	Ducs de Venise. 10	

L'EMPEREUR Henry à la requeste des Cardinaux & des Romains, declara Bruno Euesque de Toul fils de Hugues Comte d'Aspurg & d'Etistein, homme simple & de bone nature, Pape à Frisinge en Bauiere. Lequel prit le nom de Leon 9. & souz iceluy s'en alla faire consacrer à Rome le 12 iour de Feurier: depuis lequel Onufrius compte qu'il a tenu le siege Papal 5. ans, 2. mois, 8. ou 9. iours. Aucuns escriuent qu'allât à Rome en habit Pontifical, il rencontra en son chemin Hugues Abbé de Clugny, qui auoit nouuellement succedé à Odillo, accompagné de Hildebrand, qui le sermonnerent de si belle façon, luy faisant entendre qu'il ne pouuoit estre legitimement esleu Pape que par le peuple & Clergé Romain, qu'il se vint derechef faire eslire à Rome; dont il fut mieux venu & receu des Romains. Mais apres qu'il eut celebré deux Synodes à Rome & à Paue pour la reformation de l'estat de l'Eglise, il s'en reuint en France & en Allemagne, tant pour y faire encore le semblable: (car il en tint vn à Reims, & vn autre à Majence, où furent entamees les defences contre les Simoniaques & Nicolaites, desquels nous parlerôs cy apres) que pour trouuer moyen d'appaiser la guerre qui estoit entre l'Empereur & les Princes de la basse Germanie. Ce qui vint à tel effect que le Duc Godefroy cognoissant par le Concile de Reims l'accord qui estoit entre l'Empereur & le Roy de France, ayant aussi le Marquis Theodoric esté tué en vne rencontre par les Euesques de Metz, du Liege & d'Vtrecht, se vint (selon Lâbert de Scaffuab) presenter à l'Empereur en la ville de Majence: où il fut receu en grace par l'intercession du Pape. Nonobstât qu'Auentin dit qu'il fut enuoyé en exil à Treues, où l'on le detint en garde. Qui fut possible la cause pourquoy le Comte de Flandres ne voulut ainsi refaire sa paix, perseuerant tellement en son opiniastrété, qu'il prit encore la Comté d'Alost sur l'Empire, & retira le chasteau de Gand des mains du Capitaine Lambert, que l'Empereur y auoit mis. Chroniq. de Flandres.

CHVNO ou Conrard fut ceste annee le premier iour de Feurier inuesty de la Duché de Bauiere (qui auoit vacqué depuis le trespas du Duc Henry) par l'Empereur. Herman Contract, Auentin.

VN grand Seigneur d'Iberie nommé Lipparite, se rebella en ce temps contre Pancratius, duquel il estoit vassal, à cause qu'il luy auoit fait tort de sa femme: & le guerroya avec vne puissante armee, de telle façon, qu'il le dechassa de tout le pays d'Iberie & Abasgie.

& Abalgie, le contraignant se retirer vers l'Empereur de Grece, par l'auctorité duquel la paix fut faicte entr'eux deux. Cedrenus.

ORTHVLPHÉ Duc de Saxe & de Lunebourg, espouza Gisele fille de Magnus Roy de Noruege, de laquelle il eut deux fils, Othon & le Grand. Funccius.

CYTLVMVS ayant fait esprouue des forces que les Grecs auoient en la Medie, conseilloit au Prince Tangrolipix son oncle d'aller employer sa puissance à la reduire en son obeissance. Mais il estoit entré en vne telle deffiance de luy par le desastre precedent, que il mesprisa ce conseil, qui luy eust esté plus profitable que d'aller esprouuer luy-mesme s'il pourroit auoir la reuanche des Arabes : pource qu'il fut aussi honteusement deffait & dechassé par eux que son nepueu, sur lequel il voulut encore venir descharger son courroux, l'assiegeant en la ville de Pazar des Chorasmiens, qu'il trouua si forte qu'il ne peut mordre sur luy de long temps apres, pource qu'il auoit preueu ceste tempeste. Ainsi vindrent toutes les entreprinſes que fit lors Tangrolipix à vne peu heureuse fin pour luy. Comme fut aussi celle qu'il voulut faire tout en vn mesme temps sur la Medie par vn autre sien nepueu nommé Asanes, accompagné de 20. mille Turcs, qui y furent beaucoup plus piremēt traittez par les Lieutenants de l'Empereur de Grece, pource qu'il en reuint bien peu, y estant mesmement Asanes demeuré. Cedrenus.

Du Monde. 6087	E. d. Allemagne. 11	R. de Russie. 35
De Iesus Christ. 1050	R. des François. 19	R. de Hongrie. 4
Indiction. 3	R. de Nauarre. 28	R. de Pologne. 10
De l'Hegire 442. le 24.	R. d'Arragon. 35	R. de Castille. 35
de May.	R. des Escossois. 10	Comtes de Naples. 1
Papes. 2	R. des Anglois. 8	R. de Dannemarc. 9
E. de Grece. 9	Ducs de Venise. 1	

L'EMPEREUR Henry n'ayant plus affaire qu'au Comte de Flandres, se delibera d'en venir à bout, cōme des autres. De sorte qu'il dressa tous ses efforts contre luy. Qui le firēt entrer en tel deffoy de ses affaires, mesmement quand on cōmença de gaster son pays, qu'il ne s'osa plus opiniastrer dauātage : tellemēt qu'il alla trouuer l'Empereur à Aix la Chappelle, pour se mettre d'appointemēt avec luy. Lequel apres celà tint les estats de Bauiere à Noremberg, pour traiter avec eux de la grace qu'il auoit en fantasie de faire aux Hongrois. Mais il fut là seulemēt resolu que les Bauariens de leurs forces propres feroient premiere-ment refaire, rebastir, fortifier & peupler la ville de Hunnembourg ou Haunembourg, q̄ les Empereurs auoient cy deuant ruinee sur les marches de Hongrie, pour la faire seruir de mōrds & de frein aux Hongrois. Parquoy Gebhard oncle de l'Empereur Euesque de Ratisbonne, avec vne armee d'Euesques, Prelats, Prestres & Moines du pays de Bauiere, alla deuant occuper la place : où il fallut qu'il iouāst des cousteaux sur les Hongrois, qui ne se vouloient ainsi laisser brider. De sorte qu'il en fit vne grande desconfiture : qui fut cause qu'ils se rassemblèrent en plus grand nombre, & vindrent le vingtdeuxiesme iour de Septembre donner d'vne horrible furie dedans le camp du Duc de Bauiere & du Marquis d'Autriche, qui estoient venuz faire escorte à ceux qui auançoient la besongne. Neantmoins ils furent avec vne perte infinie de gens honteusement repoussez. De façon qu'ils ne peurent oncques depuis empescher que la ville ne fust mise en l'estat que vouloient les Bauariens. Cependant l'Empereur faisoit leuee au pays de Saxe d'vne autre armee pour aller au secours des autres, s'il eust esté de besoin, quand il fut faulſement aduertiy que Cazimire Roy de Pologne se preparoit pour retirer la Silesie des mains du Duc de Boëme, à qui l'Empereur l'auoit donnee. Qui eust esté cause de faire tourner toute ceste gresse sur les Polonois, si le Roy ne l'eust preuenue par ses Ambassades, qui firent entendre qu'il n'auoit eu enuie de mesprendre en rien contre l'Empereur. Herman Contract, Auentia liure cinquiesme.

Av Seigneur Dominique Flabaure Duc de Venise decedé, fut substitué en la dignité Ducale par l'eslection des citoyens, le Seigneur Dominic Contarin, qui l'exerça trois ans ou enuiron.

IDAÏM fille de Godefroy Duc de Lorraine, fut par son pere donnee en mariage avec la Comté de Boüillon pour son dot à Eustache Comte de Boulogne sur la mer. Dôt vint le vaillant Godefroy de Boüillon & ses freres. Herman Contrâct, Chroniques de Lorraine.

DROGON premier Comte des Normans en la Poüille, apres auoir tenu ladite Comté (au rapport d'Onufrius) 11. ans, 6. mois, encor que Blôdus & autres ne disent que 7. ans, fut en trahison malheureusement mis à mort le 3. iour d'Aouft par Nason Comte de Naples : à cause dequoy les Normans permirent que son frere Humfroy luy succedast à sa principauté : par lequel ils furent gouuérnez, au tesmoignage du mesme autheur, l'espace de 7. ans : esquels il maintint seulement son estat en la sorte qu'il l'auoit receu, sans le laisser diminuer, ny aussi estudier à l'augmenter. Combien qu'on escrit qu'il fit la guerre aux terres de l'Eglise Romaine, & s'efforça d'en conquerir ce qu'il peut.

TANGROLIPX voulant reparer la perte qu'il auoit faicte en la Medie, l'augmêta au double : pource que la seconde armee (qui estoit plus grande que la premiere) qu'il y enuoya, souz la conduite de son frere Abraim Alim, fut plus lourdement deffaicte par les Grecs : nonobstant qu'ils perdirent vn des Principaux de leurs Capitaines nommé Liparita Prince de Meschie, qui fut mené prisonnier à Tangrolipix. Georgius Cedrenus, Zonare.

LE Pape Leon estant retourné en Italie, fit cōuoquer vn Synode en l'Eglise de Latran à Rome; auquel les Princes & Potentats d'Italie vindrēt prester serment de fidelité & d'obeissance à l'Empereur. Et pource que ceux de Beneuent firent le semblable, il les deslia des censures que son predecesseur auoit prononcees sur eux. Outreplus, la doctrine que preschoit lors Berengarius Archediacre d'Angers touchant le Sacrement de l'Eucharistie y fut mise en examen : pource que les Eglises de France en estoient iagrandement abbruuees, & que beaucoup de gens de nom & de sçauoir l'approuuoient, mesmement vn Frenard, & Vvaldo (duquel aucuns estiment estre l'appellation des Vvaudois procedee) que pource aussi qu'on y presenta vne sienne lettre escrite à Lanfranc Abbé lors de Condon en Normandie, par laquelle il se declaroit approuuer ce que Iean l'Escot auoit long temps deuant escrit de ceste matiere : en reiettant & condamnant la doctrine que l'Abbé Paschasius auoit depuis proposee en auant à l'encontre. Qui fut cause que non-seulement Berengarius, mais aussi la memoire de l'Escot & son liure furent lors condamnez. Mais afin qu'ils ne semblassent auoir esté condamnez sans estre ouys, iour fut donné audit Berengarius de venir respondre de sa cause à vn autre Concile, qui fut tenu en la mesme annee à Verseil en Piedmont au mois de Septembre. Où il ne voulut toutesfois comparoir, craignant (comme aucuns disent) que l'on ne procedast à l'encontre de luy, comme on fit contre deux de ses clerics, qu'il y enuoya pour l'excuser & dire ses raisons; lesquels furent incontinent emprisonnez. Au moyen dequoy Lanfranc dit que le traité de l'Escot de l'Eucharistie fut leu, & derechef condamné : & la sentence de Berengarius aussi exposée & condamnée : par laquelle il maintenoit que le pain & le vin qu'on reçoit en la communion, ne sont vrayement, ains seulement la figure du corps & du sang de nostre Seigneur. Nonobstant laquelle condamnation il ne laissa pas encore long temps depuis de defendre de bouche & par escrits son opiniō. Qui fut aussi cause que Leufrede, Lanfranc, & plusieurs autres se mirent à escrire contre luy. Au partir de Verseil, le Pape s'en alla derechef en Allemagne pour demander secours (comme dit la Chronique du Mont Cassin) à l'Empereur contre les Normans. Lequel luy accorda vne armee : mais Gebhard Eueque d'Estad empescha qu'elle ne luy fust deliuree.

Du Monde.

<i>Du Monde.</i>	6088	<i>E. d'Allemagne.</i>	12	<i>R. de Russie.</i>	36
<i>De Iesus Christ.</i>	1051	<i>R. des François.</i>	20	<i>R. de Hongrie.</i>	5
<i>Indiction.</i>	4	<i>R. d'Arragon.</i>	36	<i>R. de Pologne.</i>	11
<i>De l'Heure 443. le 13. iour</i>		<i>R. de Navarre.</i>	29	<i>R. de Castille.</i>	36
<i>de May.</i>		<i>R. d'Ecosse.</i>	11	<i>Comtes de la Pouille.</i>	2
<i>Papes.</i>	3	<i>R. d'Angleterre.</i>	9	<i>R. de Dannemarc.</i>	10
<i>E. de Grece.</i>	10	<i>Ducs de Venise.</i>	2		

L'EMPEREUR Henry ayant encoeurie de matter les Hongrois à son plaisir, diuisa toute sa puissance qui estoit de François, Allemands, Lombards, Polonois & Esclavons, en deux armées: avec l'une desquelles il entra d'un costé dedans la Hongrie, & l'autre par autre endroit. Mais pource que les Hongrois ne se presenterent en campagne, se tenans clos & couverts en places fortes ou en retraictes faicheuses & inaccessibles. Force luy fut en fin par faulte de viures, n'ayant autre chose fait que gaster le pays, de retirer son camp es pays de son obeissance: comme Herman Contract & Auentin confessent. Mais Bonfinius tesmoigne qu'il fit paix avec le Roy de Hongrie, par l'entremise d'Adelbert Marquis d'Austriche, deuant que partir. Cependant naquit à l'Empereur son premier fils, l'vnziesme iour de Nouembre, qui fut nommé Henry.

BAVDON aussi Comte de Flandres, contreuenant à l'accord qu'il auoit fait avec l'Empereur, s'empara par le moyen de son absence de la ville & Comté de Hagenau, faisant plusieurs autres entreprises sur l'Empire. Sigebert, Chroniq. de Lorraine.

LE Pape Leon à son retour en Italie, s'accompagna de Godefroy Duc de Lorraine, afin de l'employer contre les Normans: lequel à ceste occasion s'alla ioindre à Boniface Marquis d'Herurie ou de Toscane, natif de Lucques, qui estoit lors le plus grand de tous les Potentats d'Italie, tenant en son domaine tout le pays qu'on a depuis appelé le Patrimoine S. Pierre, avec les Commarchies de Mantouë, Ferrare, Lucques, Parme, Rezzo, & autres villes: & luy aida quelque temps à repousser les efforts & entreprises desdits Normans sur les terres & seigneuries de l'Eglise. Histoire de Lorraine, Lambert de Scaffuab.

TYRACHVS Prince des Patzinaces (que les autres disent Pietziniges) portant vne mauuaise enuie & volonté à vn grand Seigneur de son pays nommé Kegenes, à cause seulement de sa vertu & de la bone reputatiō qu'il s'estoit acquise par sa vaillāce enuers ceux de son païs, la fit en fin tellemēt paroistre, qu'il le mit au besoin de se retirer vers l'empereur de Grece: lequel le receut en sa proteccion, apres l'auoir fait instruire & baptiser en la Religion Chrestienne. Au moyen dequoy il se mit avec certain nombre de gens qui l'auoiēt accompagné de son païs à faire plusieurs courses & actes de guerre sur les autres Patzinaces. Qui fut cause que Tyrachus se delibera d'en prendre satisfaction sur l'Empereur de Grece, par vne si grande & puissante armee, qu'on ne peut compter le nombre de gens qu'il y auoit, à laquelle ayant fait passer le fleuve Ister il fit enuahir les pays des Grecs. Mais la trop grande multitude de ses gens fut bien tost cause que la peste se mit dedans son camp, si furieusemēt que c'est chose quasi incroyable du nombre de ceux qui en moururent. Et puis l'hyuer suruint, qui osta le moyen aux autres de repasser le fleuve pour s'aller rafraischir en leur pays. De sorte qu'ils furent en fin tous contraincts avec Tyrachus mesme de se rendre à la mercy des Grecs, qui les despoüillerent de leurs armes, & les disperferent en diuers pays, excepté que l'Empereur en retint quinze mille esleuz, qu'il fit conduire en Orient, pour les employer contre les Turcs. Mais ayans trouué moyen de repasser la mer, s'en retournerent en leur pays: où ils se rallierent & recommencerent de faire la guerre aux Grecs de plus belle que deuant, faisans mille exploits & actes de guerre sur eux. Cedrenus.

MVSACTE cy deuant Roy de Sardaigne, ayant espié l'occasion de recouurer son Roiaume, que les Pisans luy occupoient, lors qu'il aduina qu'on ne se doutoit plus de luy, y estoit retourné dès l'année precedente, si inespérément qu'il les en auoit totalement mis dehors, & s'y estoit restably & remis, avec deliberation de le bien defendre. Neantmoins toutesfois ils y retournerent ceste année avec telle puissance, qu'ils le contrainrent de-

rechef de quitter sa prise, & se retirer ailleurs avec ce qu'il peut emporter de ses meubles. Or pource qu'en faisant ce voyage ils aborderent en la Corse, & en osterent vne partie aux Geneuois. De là vindrent les commencements des guerres & querelles qu'ils eurent cy apres entr'eux.

A la petition de l'Empereur de Grece, Liparita fut mis en liberté par le Soudan, qui enuoya quant-&-quant ses Ambassadeurs à Constantinople, pour traicter de la paix entre luy & l'Empereur : laquelle toutesfois ne se peut conclure, pource qu'ils proposerent des conditions trop superbes & fascheuses, qui furent reiettees. Cedrenus.

<i>Du Monde.</i>	6089	<i>E. d'Allemagne.</i>	13	<i>R. de Russie.</i>	37
<i>De Iesus Christ.</i>	1052	<i>R. des François.</i>	21	<i>R. de Hongrie.</i>	6
<i>Indiction.</i>	5	<i>R. d'Arragon.</i>	37	<i>R. de Pologne.</i>	12
<i>De l'Hegire 444. le 2. iour</i>		<i>R. de Navarre.</i>	30	<i>R. de Castille.</i>	37
<i>de May.</i>		<i>R. des Escossois.</i>	12	<i>Comtes de la Pouille.</i>	3
<i>Papes.</i>	4	<i>R. des Anglois.</i>	10	<i>R. de Dannemarc.</i>	11
<i>E. de Grece.</i>	11	<i>Ducs de Venise.</i>	3		

L'EMPEREUR Henry estant retourné en Hongrie, assiegea par eau & par terre la ville qu'on dit Presburg ou Pisanium : mais elle fut si brauement defenduë, qu'il s'en retira sans y auoir rien fait. Auentin.

CEPENDANT Baudouin Comte de Flandres s'empara de la ville de Horne. Sigebert.

GAIMARE Prince de Salerne, qui estoit Normand, fut en ce temps mis à mort par ses subiects propres. A cause de quoy vn Gisolfhe son fils à l'aide des Normans & d'un sien oncle nommé Guy, luy succeda à sa principauté ; à laquelle on dit qu'il annexa bien tost apres la ville de Beneuent par surprise, qui auoit esté donnée au Pape en eschange. Qui fut cause qu'il mena cy apres vne armee contre luy. Blondus, Pandol. Coll.

BRETISLAUS, selon les autres Prenslaus, & Biserislaus 18. (au compte d'Æneas Silvius) Duc de Boëme, ou comme a compté Dubrauius le 22. mourut enuiron ce temps, le 29. iour d'Auril, laissant cinq fils ; Spitigneus qui estoit l'aîné, Vratislaus, Conrad, Othon, & Iaromire : desquels le premier succeda à l'estat de Boëme, ayans les autres leurs appenages assignez ailleurs.

A v meisme temps Richard Comte d'Auersa, fils d'Asclitin le Normand, & beau-frere de Humfroy Côte de la Pouille, assiegea la ville de Capuë, afin de la reduire en ses mains : tellement qu'il en occupa vne partie ; mais le reste tint encor long temps contre luy. A raison de laquelle vsurpation le Pape l'excommunia avec les autres Normans, qui s'offrent emparer de la ville de Beneuent, laquelle il pretendoit estre sienne : l'ayant obtenuë par eschange fait avec l'Empereur, de quelques autres terres qui luy appartenoiët de propre en Allemagne ; à condition encor de la tenir en tiltre de Vicaire de l'Empire. Au moyen de quoy il institua vn certain Rodolfe Prince de Beneuet. Mais il ne l'en peut mettre en possession.

TANGROLIPIX merueilleusement indigné de ce que ses conditions de paix n'auoiët esté receuës de l'Empereur de Grece, recommença derechef à luy faire la guerre en Iberie. Mais pource que les Grecs se tindrent enfermez dedans les fortes villes, sans se mettre aux champs deuant luy ; force luy fut de se retirer en Medie : où il trouua encore que tout se defendoit par murailles. A cause de quoy il se mit à battre la ville de Mantzichierre, qui fut si brauement defenduë, qu'il n'acquit que honte & perte des meilleurs homes & Capitaines de son camp. Cedrenus.

Vn grand schisme & differend suruint en ce temps entre le Pape Leon & le Patriarche Michel de Constantinople. Sigonius a voulu dire que ce fut pource qu'il vouloit vsurper la primauté sur l'Eglise Romaine. Mais les autres declarent que ce fut pourtant qu'il condamnoit l'Eglise Romaine de ce qu'elle vsoit du pain sans leuain en la Cene, qu'elle obseruoit les Sabbats en Carefme, & interdisoit le mariage aux Prestres : pour laquelle occasiõ

aussi

aussi Leon Atridas ou Atridan Archeuesque de Bulgarie, & Nicetas moine de Constantinople, escriuient chacun quelques liures contre l'Eglise Romaine: esquels ils debatoient fort asprement que le mariage estoit illicitement defendu aux gens d'Eglise. Dequoy le Pape Leon fut si asprement offensé, qu'il fit escrire plusieurs Epistres en son nom pleines de grandes inuectiues à l'Empereur & à son Patriarche, qui furent portees par Frederic de Lorraine son Chancelier, accompagné de Humbert Euesque de Blâche-forest & de deux autres Legats que le Pape enuoioit pour refuter les erreurs des Grecs: les appellans Simoniaques, vendans les dons de Dieu: Valesiens, admettans les chastez en charges Ecclesiastiques: Arriens, rebaptizans les Latins ja baptizez au nom de la Trinité: Donatistes, estimans l'Eglise Orthodoxe estre seulement en la Grece: Nicolaïtes, concedant le mariage aux prestres: & Seueriens, de ce qu'ils maudissoient la loy de Moyle. Sigebert tesmoigne qu'ils s'acquiterent si brauement de leur charge, qu'ils rendirent Nicetas conuaincu & confondu, luy faisant anathematizer son liure mesme en presence de l'Empereur. Mais que le Patriarche ne se voulut trouuer deuant eux pour disputer & maintenir sa cause, occasion pourquoy ils l'excommunierent deuant que s'en retourner. Toutesfois Cedrenus qui viuoit au mesme temps, ny Ioannes Curopal. ny Zonare ne font aucune mention de tout celà: & ne s'est point veu depuis que les Grecs se soient depuis desistez des opinions precedentes. Cependant quelques Epistres enuoiees aux Grecs se trouuent souz le nom de ce Pape Leon inserees au liure des Conciles: esquelles pour magnifier & exalter l'autorité & preeminence de l'Eglise Romaine, il dit que les peres du Concile de Chalcedone offriront au Pape Leon premier & à ses successeurs le tiltre d'Occumenique, lequel toutesfois par humilité il refusa, allegant qu'il ne trouuoit point que saint Pierre se fust iamais appelé Apostre vniuersel: que l'Eglise Romaine est le chef de toutes les autres apres Iesus-Christ. Et consequẽt met en auant à mesme fin ce qu'on escrit de la donation de Constantin, declarant nommément que ledit Empereur en faueur de ce qu'il fut baptizé par le Pape Siluestre, il luy conféra & à ses successeurs tât la puissance & dignité Imperiale, que le manteau & les autres ornemens Imperiaux. Finalement pour respondre à l'argument qu'on faisoit pour le mariage des Prestres, que saint Paul disoit luy estre permis de mener sa femme çà & là avec luy, comme aux autres Apostres: Qu'il interprete celà en tel sens, Que les Apostres ont tousiours eu leurs femmes avec eux, c'estoit à fin qu'elles fussent nourries avec leurs maris par ceux qu'ils instruisoient en la foy de Christ, & non pas pour coucher ensemble ou exercer les actes de mariage. Et que c'est la raison pour laquelle saint Paul a vsé du mot de mener d'un costé & d'autre, plustost que d'embrasser. Au reste il semble que ce fut lors qu'on commença de bailler par iniure & reproche le nom de Nicolaïtes aux prestres mariez. Dequoy fut autheur Humbert en la respõse qu'il fit aux Grecs, leur objectant le tesmoignage d'Epiphanius, que Nicolas vn des sept Diacres ordonnez par les Apostres fut inuenteur de l'heresie, qu'il est licite non seulement aux gens laïcs, mais aussi aux prestres d'vsar indifferemment des femmes. Combien que celà ne se trouue es exemplaires dudit Epiphanius que nous auons aujourd'huy.

L'EMPEREUR Henry estant en la ville de Goslar en Saxe fit pendre publiquemẽt quelques heretiques qui soustenoient suiuant l'opinion des Manichees, qu'on ne peut manger chair d'aucuns animaux sans pecher. Tesmoin Herman Contract.

Du Monde.	6090	E. d'Allemagne.	14	R. de Russie.	38
De Iesus Christ.	1053	R. des François.	22	R. de Hongrie.	7
Indiction.	6	R. d'Arragon.	38	R. de Pologne.	13
De l'Hegire	445. le 21.	R. de Nauarre.	31	R. de Castille.	38
d'Auail.		R. des Escossois.	13	Comtes de la Pouille.	4
Papes.	5	R. des Anglois.	11	R. de Dannemarc.	12
E. de Grece.	12	Ducs de Venise.	4		

PAR l'entremise du Pape Leon qui vint retrouver l'Empereur en Allemagne, la paix se fit entre luy & le Roy de Hongrie, laquelle fut bien tost apres rompuë, pource que

OOO iiii

Conrard estant pour ses fautes & maluerfations priué de la Duché de Bauiere se retira vers le Roy de Hongrie, lequel il n'empescha pas seulement de satisfaire aux conuentions de paix qu'il auoit promises à l'Empereur, mais aussi receut armee de luy, par laquelle il s'empara de la Duché de Carinthie en recompence de sa Duché de Bauiere, laquelle fut donnée à Henry fils aîné de l'Empereur à la diette des Princes de l'Empire que son pere fit tenir en la ville de Triburie, où il le declara & institua semblablement Roy de Germanie; Comme tesmoignent Herman Contract, & Lambert de Scaff. A cause dequoy on comptoit és anciennes panchartes les ans de la designation de Henry 4. Roy de Germanie & 3. Empereur de ceste annee.

MAIS le Pape Leon apres auoir fait toutes ses affaires en Allemagne, receut encore vne armee de l'Empereur, tant pour se reconduire en Italie, que pour l'employer contre les Normans qui faisoient autant d'entreprises sur les Italiens & sur les terres du siege Romain que sur les Grecs: ayant mesmement osé mettre la main sur la ville de Beneuent, qui appartenoit au siege Romain, par l'eschange qu'il en auoit fait cy deuant avec l'Empereur, duquel il impetra pour ceste occasion ladicte armee, luy ayant remonstré (comme Leon Euesque d'Hostie a mis par escrit) que toutes ses excommunications ne luy auoient de rien seruy iusques alors enuers les Normans: dont il ne restoit moien de reprimer leurs insolences, que par cousteaux. De sorte qu'il voulut estre luy-mesme le conducteur de ceste guerre, refusant d'une grauité que Sigonius appelle antique, tout parlement de paix que les Normans demandoient, qu'ils ne luy eussent premierement rendu tout ce qu'ils auoient osté à saint Pierre. A cause dequoy ils vindrent charger luy & son armee de telle animosité, qu'ils la taillerent quasi toute en pieces. Mais ils le retindrent seulement prisonnier, luy faisant vn si gracieux traitement qu'ils le renuoyerent bien tost fort honorablement en liberté en la ville de Beneuent, avant seulement pris de luy absolutiō des censures qu'il auoit fulminees contr'eux. Laquelle deffaite luy aduint comme on a obserué le 18. iour de Iuin, & le 23. ils le rendirent en la ville de Beneuent, où il demeura iusques au mois de Mars ensuiuant. Herman Contract, Lambert Scaff. Auentin. Blondus.

EN ceste guerre Humfroy Comte de la Pouille fut accompagné de son frere Robert & de Richard Comte d'Auersa. Chron. du Mont Cassin.

TANGROLIX n'estant moins mal content de son frere Abraim Aluin, pour la perte qu'il auoit faite en la Medie, qu'il auoit esté de son nepueu Cutlumus, luy faisoit si mauuaise chere qu'il le contraignit se retirer avec ledit Cutlumus. Au moien dequoy ils firent eux deux vne armee qu'ils presenterent deuant le Soudan qui les venoit pourluiure. Mais ils furent vaincus demeurant Abraim prisonnier, à qui on fit trancher la teste: qui fut cause que son fils Melec & Cutlumus se sauuerent en la Perfarmenie, se voulās mettre en la protection de l'Empereur Constantin. Mais pource que leur oncle les alloit là pourluiure, ils reprindrent avec six mille de leurs gens leur chemin en l'Arabie heureuse. Cedrenus.

LE Pape deuant que partir d'Allemagne iugea le different qui estoit depuis 160. ans entre les moines de saint Denis en France & l'Eglise de Ratisbonne en Bauiere, à cause du corps de S. Denis l'Areopagite & de ses compagnons, que les vns & les autres disoient auoir deuers eux si opiniaistrement, que nonobstant que le Pape donnaist sentence pour ceux de Bauiere, les moines de saint Denis toutesfois ne le voulurent iamais accorder: tellement qu'ils en sont encore au mesme point. Abbé d'Vrsperg, Auentin, Annales de France.

<i>Du Monde.</i>	6091	<i>E. d'Allemagne.</i>	15	<i>R. de Russie.</i>	39
<i>De Iesus Christ.</i>	1054	<i>R. des François.</i>	23	<i>R. de Hongrie.</i>	8
<i>Indiction.</i>	7	<i>R. d'Arragon.</i>	39	<i>R. de Pologne.</i>	14
<i>De l'Heure 446. le 10.</i>		<i>R. de Nauarre.</i>	32	<i>R. de Castille.</i>	39
<i>d'Auril.</i>	.	<i>R. des Escossois.</i>	14	<i>Comtes de la Pouille.</i>	5
<i>Papes.</i>	6	<i>R. des Anglois.</i>	12	<i>R. de Dannemarc.</i>	13
<i>E. de Grece.</i>	13	<i>Ducs de Venise.</i>	5		

L'EMPEREUR

L'EMPEREUR Henry apres auoir fait couronner de la couronne roiale son fils qui n'auoit lors que cinq ans, en la ville d'Aix, mena son armee contre le Duc de Flandre : laquelle ayant passé la riuere de l'Escault, mit les Flamans en fuite : & puis s'alla camper deuant la ville de Tournay, qui fut si mal defendue, qu'elle fut prise d'assault, & le Capitaine nommé Lambert qui y estoit pour le Comte avec beaucoup de Noblesse Flamande, lesquels furent tous menez en Allemagne. Qui fut cause que la ville de Louvain se laissa plus facilement prendre, quand le siege fut mis deuant : laquelle auoit vn Comte nommé Lambert second, qui mourut en la mesme annee, ayant vn fils nommé Henry deuxiesme du nom. Sigebert, Chron. de Flandre.

CEPENDANT les Hongrois vindrent souz la conduite de Conrard cy deuant Duc de Baviere faire des courses iusques dedans la Duché de Carinthie de Baviere, où ils firent vne grande deffaiete de Bauariens, qui toutesfois leur fut bien cherement vendue. Auentin.

THIBAUD fils du second Eudes Comte de Champagne, estant allé trouuer l'Empereur Henry à Majence où il tenoit sa cour es festes de Pasques, se fit son Cheualier, à cause de quoy il le receut en sa protection : Comme Herman Contract & Auentin tesmoignent. Dont on pense que pour se fortifier dauantage contre le Roy de France qui ne luy estoit alors gueres amy, & qui l'auoit fait si rudement traicter par le Comte d'Anjou, qu'il prit & rapporta dudit Empereur le tiltre de Palatin de son pais, lequel luy & ses successeurs retindrent souz l'aueu & conuenance des Empereurs, qui se faisoient par ce moien tousiours planche sur leur voisin : Estant l'estat du Roiaume de France souz les enfans de Capet iusques à Louïs le Gros & son successeur, tel que les grands Seigneurs qui se voyoient presque esgaux en territoire à leur Roy, ne luy poisoient tel respect qu'ils firent depuis : mais se maintenoient en quelque concurrence de grandeur & autorité avec luy, tant par leur propre puissance, que par le moien des intelligences qu'ils auoient entr'eux & avec leurs voisins.

LE Roy de France ayant remis sus vne grande armee, retourna derechef avec icelle contre le Duc de Normandie. Mais le voulant assaillir par deux endroiets, departit son camp en deux, dont il en bailla l'un à son frere nommé Odo ou Eudes, lequel le mena deuant le chasteau de Mortemer sur Yonne : où Guillaume Crespin avec vne partie des forces du Duc le vint combattre en bataille rangee, de telle façon qu'il obtint la victoire, ayant mis les François en routte. Qui fut cause de faire retirer le Roy Henry avec son autre camp en France, deuant que d'auoir fait aucun exploit memorable par iceluy. En fin par l'entremise de plusieurs, la paix se refit entre luy & le Duc, par laquelle il fut dit que le Duc retiendroit comme chose sienne, ce qu'il auoit conquis & pourroit conquerir sur le Côte d'Anjou. A ce qu'escriuent les Chroniques de Normandie avec Guillaume de Malmesberie Anglois. De quoy toutesfois toutes les autres histoires ne parlent aucunement, sinon que Sigebert dit seulement qu'il y eut guerre à Mortemer, ceste annee. Lequel j'ay aymé mieux ensuiure, que quelques autres Chroniques qui attribuent cecy à l'an mil soixante.

BONIFACE Marquis d'Heturie ou de la Toscane mourut, ou fut selon d'autres mis à mort, laissant de sa femme Beatrix (niepce selon aucuns, ou sœur de l'Empereur Henry) vne fille vnique heritiere de tous ses biens, nommee Mathilde, pource que le fils nommé Boniface qu'il laissoit avec elle, mourut l'annee ensuiuant. Mais la mere par le conseil, comme on dit, de son feu mary, espousa bien tost apres le Duc Godefroy ou Gozelon de Lorraine au grand desplaisir de l'Empereur, qui se deffioit grandement de luy, si luy eust entré en possession par le droit de sa femme des biens & possessions de son feu mary. A cause de quoy il suscita les Italiens & Lombards de telle façon contre luy, qu'ils le contraignirent abandonner l'Italie, & se retirer en Lorraine, où il fit espouser la ieune Mathilde à son fils Godefroy le Bossu. Et puis les renuoia posseder le patrimoine de leur pere en Italie. Herman Contract, Sigonius toutesfois attribue la mort de Boniface à l'an 1052.

MICHAELAS fils d'Estienne Prince de Seruie & des Triballiens, fallia en ce temps de l'Empereur de Grece, & fut receu au nombre de ses confederes. Cependat l'armee que le mesme Empereur enuoia contre les Patzinaces fut lourdement deffaiete, & comme il en redressoit vne seconde pour aller vanger la premiere, trefues se traicterent entr'eux, qui furent accordees pour 3. ans. Cedrenus.

LE Pape Leon fut du Comte Humfroy conduit honorablement à Capuë, d'où estant de retour à Rome se laissa tellement surmonter du desplaisir qu'il receut du desastre precedent, qu'il en prit vne maladie, de laquelle il mourut le 19. iour d'Auril, laissant son siege vacquant l'espace de 11. mois, 24. iours, comme a estimé Onufrius: pource qu'il ne compte pas le temps des Papes de ce temps, qui furent creéz par l'Empereur du iour de leur creation, mais de leur consecration seulement. Car il est certain que l'Empereur fit ceste mesme annce assembler vn Synode d'Euesques à Majence, par lesquels Gebhard fils d'Arduig Comte de Calbe Euesque d'Eistat en Bauiere fut esleu & nommé Pape, qui prit le nom de Victor 2. A cause dequoy Lambert de Scaff. escrit, que Frederic Archediacre de l'Eglise Romaine, frere du Duc Godefroy de Lorraine, estant ceste annce de retour de Constantinople où il estoit allé en Ambassade pour le Pape defunct, fut si despité de trouuer vn nouveau Pape fait en son absence, qu'il s'en alla rendre moine au Mont Cassin, où il en fut fait Abbé. Mais la Chronique du Mont Cassin declare que ce Victor Pape fut esleu par l'Empereur à la petition des Romains. Lesquels cōme (elle dit) *Quoniam in Ecclesia Romana persona ad tantum officium idonea reperiri non poterat*, enuoierent le Cardinal Hildebrand vers luy, pour demander qu'il leur fust donné, sçachant qu'il estoit homme sage: & pour ceste occasion le plus estimé & chery qu'autre qui fust enuers luy. Dont il ne facha pas moins l'Empereur de le separer d'aupres de soy, qu'au Pape d'en partir. Qui fut cause que l'un & l'autre n'aimerent oncques depuis les moines, pource que Hildebrand estoit de cest ordre là. Et quant à Frederic, le mesme Autheur recite que la cause qui le fit aller rendre moine à Mont Cassin, fut pource qu'il se vit estre entré en ioupçon enuers l'Empereur, à cause de ce qu'il auoit rapporté vne grande somme de deniers que l'Empereur de Constantinople luy auoit donnee, pour en faire present à l'Eglise de S. Pierre de Rome: laquelle il craignoit qu'elle ne deust estre employee contre luy, d'autāt que Godefroy frere de ce Frederic n'estoit pas en bon mesnage avec luy. Tellement que le nouveau Pape auoit charge d'enuoier Frederic à l'Empereur, s'il n'eust eut ce coup en fallāt rendre au monastere du Mōt Cassin. Dont il semble que de ceste souche sourdirent les occasions des grands discords & differents qui furent cy apres entre les Papes & les Empereurs, & de ce que la Comtesse Mathilde adhera tousiours plustost au party des Papes que des Empereurs.

HUMBERT Cardinal, Thomas Euesque Carthaginien, Pierre Damian Euesque d'Hostie, Lanfranc Italien Abbé de Condon, Anselme de Reims, Haimo Anglois, tous Theologiens fameux & colonnes de l'Eglise Romaine en ce temps.

Du Monde.	6092	E. d'Allemagne.	16	R. de Russie.	40
De Iesus Christ.	1055	R. des François.	24	R. de Hongrie.	9
Indiction.	8	R. d'Arragon.	40	R. de Pologne.	15
De l'Hegire	447. le 30.	R. de Nauarre.	33	R. de Castille.	40
de Mars.		R. des Escossois.	15	Comtes de la Pouille.	6
Papes.	1	R. des Anglois.	13	R. de Dannemarc.	1
E. de Grece.	1	Ducs de Venise.	6		

CONSTANTIN II. du nom mourut tesmoin Cedrenus en la 8. Indiction, & si se fut (selon Onufrius) enuiron le commencement de Decembre, l'an 1054. de nostre Seigneur n'estoit encore expiré. Tant y a que par n'auoir eu moien ou loisir de se declarer vn successeur, Theodora sœur de Zoé se mit en possession du gouuernement de l'Empire de Grece, & y demeura quasi iusqu'à la fin de la 9. Indiction par l'espace de pres de deux ans, qui escheurent en la 6564. annce de la creation du monde selon les Grecs. Cedrenus, Zonare, Ioannes Curopalates, Michael Glyca.

L'EMPEREUR Henry à fin de tenir & mettre l'estat d'Italie en tranquillité, passa ceste annce les Alpes, & l'acheua de pacifier toute deuant que de retourner en Allemagne. Et se

Et se trouua au Concile que le nouveau Pape fit celebrer à Florence. Auquel on commença de mettre sur les rangs la defence du mariage aux Prestres, pour lequel on les appella Nicolaites & Concubinaires, & de la Simonie aux gens tenans benefices Ecclesiastiques. Lors aussi l'Empereur fit informer des actions & deportemens de Gozelon de Lorraine, qui auoit espousé la vefue du Comte Boniface: & ne le trouuant conuaincu d'aucune faulte contre luy, le laissa en paix. Car on l'auoit accusé de machiner contre sa majesté, & d'aspirer à l'Empire d'Italie. Cependant il enuoia ses Ambassadeurs à Constantinople pour contracter alliance avec l'Empereur. Mais (comme dict Herman Contract) ils le trouuerent mort. A cause dequoy ils paracheuerent leur charge avec l'Imperatrice, qui luy auoit succédé. Dont il faut mettre es exemplaires dudit Herman pour l'Empereur Michel decédé, Constantin.

LOVVS dit d'Orleans & le Barbu, pour la cause declaree cy dessus, premier Comte de Turingie, deceda laissant de Cecilne fille du Duc de Brusuuig & de Saxe sa femme, trois fils, Louis deuxiesme du nom, qui succeda à son pere à la Comté de Turingie, Beringer, qui fut Comte en Sangerhanfan, & Henry Comte en Raspenberg. Histoire de Turingie.

CEPENDANT aussi Godefroy Duc de Lorraine sentant son opportunité alla ioindre à Bauldouin Comte de Flandre, & eux deux ensemble assiegerent la ville d'Anuers, où estoit Frederic de Luxembourg Duc de mosellane, oncle dudit Baudouin, qui se defendit vertueusement iusques à ce que ses subjects s'assemblerent en si bon nombre qu'ils le vindrent deliurer du siege. Siebert.

VVELPHE Duc de Carinthie retournant d'Italie où il auoit accompagné l'Empereur, comme disent Herman Contract & l'Abbé d'Vrsperg mourut. Mais Auentin tesmoigne qu'il n'estoit point party de Bauiere, s'y estant fait compagnon & consentant d'une conspiration contre le fils de l'Empereur avec Gebhard Euesque de Ratisbonne & plusieurs autres Prelats & Seigneurs, pour reprendre le Duc Conrad & le faire Roy de Bauiere. De laquelle toutesfois il fit aduertir l'Empereur, quand il voulut mourir, l'instituant son heritier par son testament des biens qu'il auoit es Duchez de Bauiere & de Suaube, comme à Rauensperg, Altarf, Vveintgarten & Schongan: pource qu'aussi bien reuenoient ils à luy par sa mort, n'ayant aucun fils male, ains vne seule fille seulement, qui auoit espousé Bertold premier du nom, fils de Bezon ou Betzelin, Comte de Hapsbourg. Qui peut estre la cause pourquoy Naucier estime que l'Empereur luy donna la Duché de Carinthie l'année ensuiuant. Comme aussi il se peult estre fouruoyé, estimant que le vulgaire l'appelloit cy apres la Duché de Zeringen, à cause (comme il dit avec Munster) qu'il fit edifier le chasteau de Zeringen en icelle, duquel il prit son tiltre, laissant celuy de Hapsbourg. Mais il est plus vray-semblable que l'Empereur luy donna seulement les terres que son beau-pere auoit en Suaube & au pais où est la Duché de Zeringen: Nonobstant lesquelles il ne laissa pas de tousiours s'attribuer le tiltre de la Duché de Carinthie, quoy qu'il n'en eust la possession: d'où peult estre venu l'erreur de penser que la Duché de Zeringen ait esté quelque fois dicté Carinthie. Somme qu'on conuient que ce Bertold mourut sans enfans, ayant institué par son testament son heritier & successeur son nepueu Bertold 2. fils de son frere Birtillon, qui eut Bertold 3. de son premier liét, & en secondes nopces espousa Agnes fille de Rodolfe Duc de Suaube, comme nous reciterons cy apres.

A v mesme temps Hildebrand fut enuoie par le Pape Victor en France, où il celebra quelques Synodes contre les Prestres Simoniaques & Nicolaites. Pierre Damian escrit qu'il fit confesser à vn Euesque d'auoir obtenu son Euesché par Simonie en luy commandant de dire *Gloria patri & filio, & spiritui sancto*: pource qu'il ne peut iamais prononcer *spiritui sancto*.

VNE armee d'Esclauons dictz Luticiens sortis de leur pais qu'on dit estre maintenant le Marquisat de Brandebourg, entrerent dedans le pais de Saxe, où ils firent vne grande desconfiture de Saxons, entre lesquels le Marquis Guillaume & le Comte Theodoric furent du nombre des morts, faisans compagnie à beaucoup de grands Seigneurs, selô Herman Contract. Autres pensent que ces Luticiens-cy estoient ceux qui apres auoir fait mourir leur Prince Godescal, auoient repris le Paganisme. Helmodus liu. 1. chap. 22. Combien qu'Albert Crants estime que Godescal mourut du temps de l'Empereur Henry 4. &

qu'il estoit Prince des Vvagriens & Obodrites, sans specifier l'annee, adioustant qu'il laissa vn fils nommé Henry, qui mit tout son pais en combustion de guerre pour venger la mort de son pere.

MAGNVS Roy de Dannemarc & de Noruerge mourut en la Iutie, où il estoit allé pour en dechasser les Vvandales, ou plustost Esclauons, qui y estoient entrez; sans laisser aucun hoir de son corps. A cause dequoy Sueuon 2. du nom, nepueu de Canute le Grand de par sa sœur, qui en auoit esté cy deuant dechassé, luy succeda au Roiaume de Dannemarc, d'autant que la posterité dudit Canute estoit faillie. Funccius a noté que le regne de Sueuon commença ceste annee. Ioannes Magnus dict qu'il espouza Giutga fille de Iugo 117. Roy de Suesse, laquelle toutesfois on luy fit puis apres repudier, pource qu'elle estoit sa trop proche parente.

Du Monde.	6093	E. d'Allemagne.	17	R. de Russie.	41
De Iesus Christ.	1056	R. des François.	25	R. de Hongrie.	10
Indiction.	9	R. d'Arragon.	41	R. de Pologne.	16
De l'Hegire 445. le 20.		R. de Navarre.	34	R. de Castille.	41
de Mars.		R. des Escossois.	16	Comtes de la Pouille.	7
Papes.	2	R. d'Angleterre.	14	R. de Dannemarc.	2
E. de Grece.	2	Ducs de Venise.	7		

La mort de plusieurs Princes & grands Seigneurs rendit ceste annee grandement insigne & remarquable. Entre lesquels fut Theodora Imperatrice de Constantinople, qui mourut le dernier iour d'Aoust de la 9. Indiction, ayant à l'heure de son trespas institué son successeur Michel dit Stratotic, surnommé le Belliqueux, qui fut 6. du nom, lequel gouverna l'Empire l'espace d'un an seulement. Cedrenus, Zonare. Combien que Michael Glyca estime que ce furent les Eunuques du Palais Imperial qui l'esleurent de leur propre mouuement à ce degré, ayas lors tât de pouuoir en la Cour qu'il ne sy faisoit gueres choses d'importance sans leur autorité.

SEMBLABLEMENT aussi Henry 3. du nom surnommé le Noir, Prince vaillant & belliqueux, deceda le 5. iour d'Octobre, ayant tenu l'Empire Occidental l'espace de 17. ans, 1. mois, 22. iours. Son fils aîné Henry, qui fut 4. du nom Roy de Germanie, & 3. Empereur, tint le lieu d'Empereur apres luy 49. ans, 10. mois, 3. iours. Mais il fut les cinq premiers gouverné souz la tutelle de l'Imperatrice Agnes sa mere, femme (comme dit l'Escriuain de ce temps) de courage viril suiuant la dernière volonté de son pere: pource qu'il estoit lors aagé seulement de sept ans. Marianus Scotus, Lambert de Scaff. Sigebert, Othon de Frisingen, Abbé d'Vrsperg, avec Herman Contract Comte de la maison de Veringen qui vivoit au mesme temps.

ALBERT Marquis d'Austriche mourut. Au moien dequoy son Marquisat vint par succession à son frere Ernest. Bernard moine, Auentin.

L'EMPEREUR Henry deuant son trespas parlementa avec Henry Roy de France. Mais ils se départirent (comme dit Lambert de Scaff.) plus mal contans l'un de l'autre que ils n'estoient venus: la raison que dit Auentin apres ledit Lambert, est trop grossiere & iniurieuse, que le Roy repetoit la Germanie, qui auoit esté ostee à ses ancestres: & se plaignoit qu'on auoit contreuenue aux accords faicts avec luy. Surquoy il l'offrit de combattre corps à corps. Neantmoins qu'il s'enfuit de belle nuit sans donner l'adieu à l'Empereur. Car il est certain qu'ils ont voulu plaifanter contre les François par ce dernier trait. Mais il se peut faire qu'ils furent en different pour le Comte de Champagne, que l'Empereur, comme nous auons dit cy dessus, auoit pris en sa protection.

Les Noruergiens, suiuaus la mort du Roy Magnus qui estoit decédé sans enfans, esleurent son oncle Herald pour leur Roy, lequel apres les auoir gouvernez iusques à son trespas, laissa son Roiaume à son fils nommé de mesme nom que luy, qui eut successeur son fils Magnus, qui fut pere d'un autre Magnus, comme disent Albert Crants & Funccius.

Mais

Mais Herman Cōtract & Guillaume de Malmesberie Anglois appellēt Sueuon, surnomé Hardan, celuy qui succeda audit Magnus, lequel n'estoit à leur dire de la race roiale, mais qui se fist par sa dexterité & pour la bonne opinion qu'on auoit de sa vaillance, receuoir Roy des Noruergiens. Tellement qu'il leur commanda par quelques annees. Et puis fit place à Olaus oncle dudit feu Magnus, qu'on dit auoir esté canonizé au nôbre des Saints: duquel Harald surnommé Hamagra fut successeur, qui fut occis en Angleterre par Harald fils de Goduin, laissant deux fils, Olanus & Magnus, qui partagerent entr'eux son Roiaume.

Vn Capitaine Turc nommé Samuc faisoit en ce temps des entreprinſes & actes continuels de guerre sur les prouinces de l'Empire de Grece. A cause dequoy l'Empereur fit aller contre luy vn Capitaine nommé Britannius, qui auoit à sa fouldre vne troupe de Caualerie Françoisē, laquelle s'acquit en ce voyage vn grand bruit de vaillance. Cedrenus.

Av Concile precedent de Florence il auoit esté ordonné qu'on traicteroit derechef de la doctrine de Berengarius à vn Concile qui fut assigné à Tours ceste annee, où le Cardinal Hildebrand presida au nom du Pape (quoy que Sigonius se soit persuadé que le Pape mesme y fut) & donna permission à Berengarius de defendre sa cause. Mais ou la crainte, ou autre occasion luy firent seulement respondre qu'il se tenoit au sens & intelligēce de l'Eglise Catholique, afin de se depestrer par vne telle responce du Cōcile & des Legats du Pape. Neantmoins il ne laissa pas pour celà d'aller son train, & de maintenir entre ses disciples la doctrine qu'il leur auoit enseignee: Comme tesmoigne Lanfranc. On proceda contre luy doucement: car encore qu'il eust esté ja condamné & déclaré heretique, & sa doctrine anathematizee comme vne heresie peruerſe par le Pape & par plusieurs Conciles, & qu'il ne se fust pourtant deporté d'en faire profession comme auparavant, on ne trouue point toutesfois qu'il en ayt esté puny par le Magistrat ny en son corps ny en ses biens.

Du Monde.	6094	E. d'Allemagne.	1	R. de Russie.	42
De Iesus Christ.	1057	R. des François.	26	R. de Hongrie.	11
Indiction.	10	R. d'Arragon.	42	R. de Pologne.	17
De l'Ageire 449. le 9.		R. de Navarre.	35	R. de Castille.	1
de Feurier.		R. des Escossois.	17	Cōntes de la Pouille.	1
Papes.	1	R. des Anglois.	15	R. de Dannemarc.	3
E. de Grece.	1	Ducs de Venise.	8		

La chicheté & illiberalité de Michel Stratiotic enuers ses Capitaines & gens de guerre, le mit en vn tel mespris enuers eux, que toutes les legions de la Grece & d'Orient se reuolterent contre luy, saluant Isacius Comnenus Coronal des Legions Orientales Empereur Aug. le 8. iour de Iuin de la 10. Indiction. A cause dequoy toutes les prouinces d'Orient se rangerent souz luy. Dont il fut force à Stratiotic de mettre en auant toute sa puissance & la hazarder cōtre luy pour maintenir son estat. Mais l'armee qu'il voulut employer à cest effect souz la conduicte de deux Capitaines Theodore & Aaron fut si lourdement traictee par Comnenus, qu'il eut moien d'approcher la sienne de Constantinople, où il mit son ennemy en tel point qu'il ne trouua conseil plus expedient que de se demettre de la dignité Imperiale de tout point, le iour mesme qu'elle luy auoit esté resignee l'an precedent. De sorte que le lendemain qui estoit le premier iour de Septembre de la mesme Indiction où les Grecs cōptoiēt l'an 6366. de la creation du monde à leur mode, Cōnenus fut par le Patriarche de Constantinople couronné de la couronne Imperiale. Ioānes Curupal. & Georgius Cedrenus moine, qui finit son histoire depuis la creation du mōde ceste annee. En laquelle aussi il semble qu'il viuoit.

PAR l'entremise du Pape Victor, qui estoit venu en Allemagne deuant le trespas de l'Empereur defunct & du Roy de France, appoinctemēt fut fait entre le ieune Empereur

PPP

& les Princes Godefroy de Lorraine & Baudouin de Flandre, par lequel Baudouin demeura en possession des terres de delà l'Escault & la Tendre: ensemble aussi des cinq Isles de Zelande, son château de Gand & des Quatre offices. Son fils Baudouin Comte de Hainault de tout le Tornesis. Mais le Pape remena avec luy en Italie du consentement de l'Empereur le Duc Godefroy, pour eux deux ensemble conduire l'estat de l'Italie au nom de l'Empire. Cependant Vto Gouverneur ou Marquis de la Marche de Saxe, qui auoit succédé cy deuant à Guillaume, mourut ayant vn fils portant mesme nom que luy, qui luy succeda à sa charge. Mais il auoit vn oncle nommé Othon, qui s'en reuint de Boëme où il estoit en exil pour le dejetter de ladiëte Marche, se faisant si bien croire des compagnies de gens de guerre Saxons, qui estoient ordonnez à la garde de Saxe contre les nations Septentrionales, qu'ils le cōstituerent leur chef, & se rebelierent encore souz sa conduite contre l'Empereur. De sorte qu'il faillut enuoyer armee contr'eux, par laquelle ils furent deffaits & mis en routte, apres qu'ils eurent veu leur chef mis à mort sur le champ. Lambert de Scaff. Auentin.

CONRAD Duc de Bauiere, frere du ieune Empereur, mourut. Au moien de quoy l'Emperiere Agnes prit en sa main la Duché de Bauiere, & la garda enuiron 4. ans. Mais estans decedez au mesme temps Othon Duc de Suaube & Conrad Duc de Carinthie, elle donna la Suabe à Rodolfe de Reinfelden (qui se disoit estre de la lignee des Rois de Bourgongne) à qui la sœur del'Empereur estoit promise: & à Luitolf cousin dudit Empereur la Carinthie, nonobstant que Bertold de Zeringen la demandast, pretendant qu'il y auoit droit par le pere de sa femme. De sorte que luy & sa posterité en porterent long temps le tiltre: Tefmoin Auentin. Vn ancien Chroniqueur adioust que de despit de s'en voir frustré il troubla lors toute l'Allemagne de seditions & rebellions contre l'Empereur.

A Spitignee Duc de Boëme decedé en ce temps sans enfans, succeda à la principauté de Boëme son second frere nommé par François Vladimire, par autres Bretislaus, mais par le plus grand nombre des Autheurs Vratislaus, qui fut au compte d'Æneas Siluius 20. & selon Dubrauius 24. Duc de Boëme, lequel voulut à son aduenement contraindre son frere Iaromire de se faire homme d'Eglise. Qui fut cause qu'il se retira vers le Roy de Pologne. Ce fut ce mesme Vratislaus à qui l'Empereur Henry donna cy apres le tiltre de Roy. Tellement qu'il fut le premier des Princes de Boëme qui le porta.

HUNFROY second Comte de Naples & de la Pouille mourut (tesmoin Onufrius) en ceste Indiction Blondus & Pandolfe Collin. ensemble Thomas Fasellus estiment que son frere (qu'ils nomment Godefroy) lors que le Pape Leon estoit en vie, luy succeda en son rang par vn accord qu'ils auoient fait entr'eux. Mais ie m'accorde plus volōtiers à la Chronique du Mont Cassin, comme au plus ancien tesmoin que nous aions, & aux autres qui sans faire mention de ce Godefroy recitent que Hunfroy laissa vn fils qui se nommoit Bagelard, qui luy voulut succeder à la principauté de la Pouille. Neantmoins qu'il se trouua si foible pour se maintenir en la possession d'icelle, qu'il en fut desarçonné en la mesme annee à force d'armes par Robert surnommé Guischart, qui signifie au dire d'Othon de Frisingen errant ou (selon les autres) fin & accord d'entendement: lequel ladiëte Chronique declare auoir esté son oncle. Tant y-a qu'on conuient qu'il se rendit maistre ceste annee de la Pouille & Calabre: & qu'apres qu'il en eut porté le tiltre de Comte l'espace de 2. ans seulement, qu'il s'en fit donner le premier le tiltre & nom de Duc. Ioan. Curopalates confesse qu'il acheua de jeter les Grecs totalement des villes qu'ils tenoient encore en Italie.

MALCOM surnommé Cammor fils du feu Roy Duncad d'Escoffe, estant en Angleterre où il auoit demouré banny l'espace de 15. ans, fut inuité par vn nommé Magdulse ou Maluduse de retourner en Escoffe, où la fortune luy dist si bien qu'il vainquit & occit en vne bataille Macchabed Roy d'Escoffe. Au moien de quoy il s'empara de son Royaume, duquel il fut couronné le 26. iour d'Auril du consentement de tous les Escoffois. De sorte qu'il regna selon Hector Boëtius liure 12. enuiron 36. ans. Mais Ioannes Maior en compte trente-neuf: pource qu'il commence son regne l'an 1057. ils cōuiennent de l'annee en laquelle il mourut.

EVDE Comte de Pontieure fut en ce temps contraint par les Bretons de remettre toutes les fortes places du pais qu'il occupoit entre les mains du Duc Conan son nepueu. Annales de Bretagne.

Le Pape Victor estant de retour à Rome mourut le 28.iour de Iuillet, tescmoin Lambert de Scaffuab. Benno afferme qu'il fut empoisonné par le Cardinal Brazutus, qui auoit ainsi faict passer beaucoup des Papes precedens par ses mains. Tant y a que son successeur fut Frederic Duc de Lorraine, que les Cardinaux esleurent le troisieme iour d'Aoust deuant qu'auoir receu la declaration de l'Empereur, qui prit le nom d'Estienne 9. souz lequel il presida seulement 7. mois, 28. iours. Laquelle briefucté de temps l'empescha de mettre à fin beaucoup d'entreprises, desquelles il jetta les fondemens, qui puis apres furent poursuiuies de grande vehemence par ses successeurs. Car son intention estoit (à ce que dit la Chronique du Mont Cassin) de faire son frere Empereur: de remettre la puissance d'eslire les Papes entre les mains du peuple & des Cardinaux: d'empescher que les Euesques & Clercs ne prissent plus l'investiture de leurs benefices de la main des Princes Laicz: & d'interdire à iamais le mariage aux prestres suiuant l'ordonnance des Papes precedens. Les causes de ce faire furent possible la souuenance du mauuais traictement que luy & son frere auoient receu de l'Empereur defunct. Les pretextes de remettre l'Eglise en saliberte & de l'emanciper du ioug des Seculiers, l'abus qui se commettoit en la collation des benefices, lesquels on conseroit ou par argent, ou à gens indignes & inhabiles. Que ce n'estoit aussi pas chose raisonnable d'aller tousiours querir vn Pape en Allemagne. Somme que suiuant ceste deliberation le Cardinal Hildebrand fut enuoie pour commencer à farcler ceste (qu'ils appelloient) zizanie de Simonie & des Nicolaites de l'Italie & de la Bourgongne, où elle auoit grandemēt germé. Lambert de Scaff. Platine, Naucier, Onufrius, Blondus & autres.

<i>Du Monde.</i>	6095	<i>E. d'Allemagne.</i>	2	<i>R. de Russie.</i>	1
<i>De Iesus Christ.</i>	1058	<i>R. des François.</i>	27	<i>R. de Hongrie.</i>	12
<i>Indiction.</i>	11	<i>R. d'Arragon.</i>	43	<i>R. de Pologne.</i>	18
<i>De l'Hegire 450. le 26.</i>		<i>R. de Nauarre.</i>	36	<i>R. de Castille.</i>	2
<i>de Feurier.</i>		<i>R. des Escossois.</i>	1	<i>Comtes de la Pouille.</i>	2
<i>Papes.</i>	1	<i>R. d'Angleterre.</i>	16	<i>R. de Dannemarc.</i>	4
<i>E. de Grece.</i>	1	<i>Ducs de Venise.</i>	9		

Les Frisons se rebelletent contre l'Empereur Henry. Mais apres que les Lieutenans d'iceluy, eurent pris sur eux quelques chasteaux dont ils faisoient bouclier, ils furent facilement subiuguez & reduits en leur premier estat. Sigebert.

G v y de Parme homme de bonnes lettres fut ceste annee institué Chancelier, & Lieutenant de l'Empereur en Italie par l'Imperatrice Agnes. Blondus.

FERNAND ou Ferdinand premier Roy de Castille mourut selon Roderic le 24.iour de Iuin en l'Ere 1095. qui se rapportoit avec le 1057. de nostre Seigneur, laissant trois fils & deux filles. Dom Sancio estoit l'aîné, à cause dequoy le Roiaume de Castille & de Nauarre luy aduint. Le second Dom Alfonse, qui fut Roy de Leon de l'Asturie & d'une partie de la Gothie. Le dernier Dom Garcias, qui fut Roy de Gallice, & de ce que son pere auoit conqueste en Portugal. Les deux filles furent Vrraca qui demeura Princesse de Zamora & de la moitié de l'Infantagüe, qui eut Toro avec l'autre moitié de l'Infantagüe. Or combien que le pere eust ainsi disposé leurs partages apres son trespas, neantmoins Dom Sanchio ou Sance ne s'en voulut contéter, ains dès que son pere eut esté enterré il poursuivit Dom Alfonse son frere, de telle façon qu'il le desherita du tout de sa portion, & le contraignit se retirer vers Almenon ou Alimaimon Roy de Tolette, où il, demeura iusqu'apres le trespas de son frere, qui mourut en la 6. annee de son regne. Roderic, Alfonse, Anton. Benthier.

ROBERT Guischard estant paruenue à la principauté se mit à faire la guerre tant aux villes qui tenoient encore pour les Grecs, qu'aux autres que les Papes disoient estre de leur domaine. Tellement qu'il gangna la ville de Rezzo, & puis se vint mettre en possession de Troie, que les Papes pretendoient leur appartenir. Pour laquelle occasiō le Pape Nicolas l'excommunia. Chronique du Mont Cassin.

Thomas Fazellus. Selon lequel celà semble aussi auoir donné occasion aux Sarrazins de la Sicile voyans que les affaires des Grecs estoient deplorees en la Pouille d'assiéger la ville de Messane ou Messine, qui restoit de toutes les Siciliennes à venir en leur puissance, estant encor tenue par les Grecs de telle puissance, moiennant le secours qui leur vint d'Afrique, qu'ils la prindrent par force, & reduisirent en leur pouuoir, apres auoir faict vn grand meurtre des citoyens d'icelle.

ANDRE Roy de Hongrie declara son fils Salomon aagé seulement de 5. ans, & fit couronner Roy de Hongrie apres luy auoir faict fiancer Sophie sœur de l'Empereur Henry. Bonfinius.

CAZIMIRE Roy de Pologne mourut le 29. iour de Nouembre; laissant quatre fils nommez Boleslaus (qui en faueur de son ainessé luy succeda à sa couronne, & regna 20. ans) surnommé le Hardy, pource qu'il fut belliqueux, Vladislaus, Miesco, & Otho. Martin Cromer.

ENVIRON le mesme temps aussi Iaroslaus Prince de Russie estoit decedé, laissant cinq fils, qui departirent entr'eux la principauté de Russie: tellement que la Kionie aduint à l'aîné nommé Izauslaus: la Perealasuaie à Vseuolodus: la contree de Plocie à Vvifesslaus, lequel fut pour quelque occasion retenu bien tost apres prisonnier par son frere aîné. Mais vne armee de Scythes dictz Polonciens, qui entra dedans la Perealasuaie, & y deffit & mit en routte ses deux freres, fut cause que les nobles de Russie le mirent non seulement hors de prison, mais aussi en possession de la Kionie, contraignant Izauslaus se retirer à sauueté vers le Roy de Pologne. Martin Cromer.

LE Pape Estienne estant allé à Florence pour y assembler vn Synode, à fin de proceder contre les Simoniaques & Nicolaites comme il auoit entrepris, mourut le 29. iour de Mars, ayant auparauant faict iurer à tous les gens d'Eglise qu'ils ne permettroient d'oresnauant estre faict aucun Pape, qui ne fust esleu du consentement du peuple & du Clergé. Ou comme dit la Chronique du Mont Cassin que le Cardinal Hildebrand ne fust de retour du voyage où il estoit allé vers l'Empereur afin d'estre à l'eslection. Neantmoins les Romains, ou comme veult Sigonius les Comtes de Tusculane, à qui il attribue la cause de tous les desordres qui sont aduenus depuis cinquante ans es elections des Papes, aduertis de sa mort, esleurent 6. iours apres contre les constitutions canoniques & sans le consentement du Clergé l'Euesque de Velitre en Italie nommé Mincius, fils de Guy Comte de Tusculane, qui prit le nom de Benoist 9. souz lequel il presida de force 9. mois, 20. iours. Lambert de Scaff. Onufrius.

LE decret du Pape present & de ses predecesseurs contre les prestres mariez diuulgué par les autres Eglises, engendra de grands troubles & schismes, à cause de la desobeissance qui se trouuoit en aucunes gens d'Eglise. Et pource qu'un certain prestre nommé Arial de l'Eglise de Milan se voulut ceste annee ingerer souz la faueur de Landulfe Cotta Capitaine du peuple de Milan d'oppugner la cause des prestres mariez, l'Archeuesque Vido fit assembler les Euesques de son diocese en vn Synode, où il fit determiner que le mariage ne deuoit estre interdit aux gens d'Eglise. Sigonius toutesfois estime que le peuple de Milan fut tellement scandalizé de ce decret contre les Prestres mariez, qu'ils furent d'oresnauant contraincts de chanter la Messe à part en vn lieu qu'on nommoit Pataria, dont ils furent appelez des enfans par moquerie Patarins. Quia esté aussi vn tiltre ignominieux qu'on a donné cy apres aux Vaudois & à aucuns autres qui s'estoient separez de l'vniõ de l'Eglise Romaine, qui sembleroit estre procedé d'une mesme origine, si l'Empereur Frederic 2. en ses constitutions contr'eux n'en auoit donné vne autre denomination, de laquelle nous parlerons cy apres.

Du Monde.

Du Monde. 6096	E. d'Allemagne. 3	R. de Russie. 2
De Iesus Christ. 1059	R. des François. 28	R. de Hongrie. 1
Indiction. 12	R. d'Arragon. 44	R. de Pologne. 1
De l'Hegire 451. le 16.	R. de Navarre. 37	R. de Castille. 3
de Feurier.	R. des Escossois. 2	Comtes de la Pouille. 3
Papes. 1	R. des Anglois. 17	R. de Dannemarc. 5
E. de Grece. 2	Ducs de Venise. 10	

Le 16. Cicle des Arabes 453. commença le 15. iour de Feurier de 1059.

L'EMPEREUR de Grece fit en ce temps guerre aux Hongrois & Patzinaces, lesquels avertis des grands appareils de guerre qu'ils dressaient encore contr'eux, demanderent trefues, qu'ils obtindrent. Esquelles toutesfois vn seul Quanton desdits Patzinaces ne voulut estre compris. Mais se mettans souz la conduite d'un Capitaine nommé Seltenses, donnerent bataille à l'Empereur, qu'ils perdirent à leur grand honte. Zonare.

Les Milannois estans entrez en combustion de guerre contre ceux de Paue, se donnerent bataille, en laquelle il fut occis grand nombre de gens d'une part & d'autre. Lambert de Scaff.

BELA frere du Roy de Hongrie s'estant proposé quelque espoir de paruenir à la couronne des Hongrois apres son frere, trouua le couronnement du ieune Salomon son fils de si mauuaise digestion, qu'il se retira vers le Roy de Pologne, duquel il obtint vne armee, par le moien de laquelle & de la faueur que la pluspart des Hongrois luy portoit, il s'empara du Roiaume de Hongrie, & le posseda trois ans, apres en auoir dechassé le Roy André, qui se retira avec son fils Salomon vers l'Empereur en Allemagne. Bonfinius.

ENVIRON ce temps Tangrolipix, ou selon les autres Selduc ou Sadoc, premier Soudan & Empereur des Turcs mourut. Au moien dequoy son fils ou bien son plus proche parent nommé Axan ou Asan par Zonare, qui semble estre appelé par Guillaume de Tyr Belphe, par Haitonus, Dogrissa, lequel fit guerre aux Grecs de telle façon qu'il leur osta la Mesopotamie avec la Cicilie, & en fit Soudan vn sien parent qui se nommoit Artot, que nous prenons pour Cutlunius, qui s'estoit auparauant rebellé contre son pere.

Le Cardinal Hildebrand estoit allé de la part du Pape defunct vers l'Imperatrice, lors qu'iceluy mourut. & pource qu'il defendit à sa mort de faire eslection d'un nouveau Pape que Hildebrand ne fust premierement de retour pour sy trouuer, & pour la faire par son conseil: celà fut cause que quand il se trouua n'auoir esté attendu, luy & les Cardinaux qui n'estoient pas moins mal contents que luy de telle eslection qu'on auoit faite, se trouuerent d'accord avec luy d'en aller faire vn autre à Sienné, par laquelle Gerard Euesque de Florence natif du Dauphiné fut nommé Pape legitime le troisieme iour de Ianuier, qui prit le nom de Nicolas deuxiesme, souz lequel il conuoqua tout incontinent les Euesques d'Italie à vn Synode en la ville de Sutri, & par leur iugement fit declarer le Pape Benoist indigne d'occuper le siege Papal. De sorte qu'il en fut demis le 24. iour du mesme mois, & contraint par Godefroy Marquis d'Hettrurie de s'en aller en exil à Velitre. Au moien dequoy Nicolas demeura en possession de la papauté: Qui s'en alla encore assembler de là vn autre plus grand Synode en l'Eglise de Latran à Rome au mois d'Auril, où se trouuerent 113. Euesques, suiuant le consentement desquels fut ordonné que les Papes seroient d'oresnauant esleuz par les Cardinaux seulemēt. Mais que le reste du Clergé & le peuple cōfermeroit l'election: en reseruant toutesfois à l'Empereur l'honneur qu'on luy deuoit. Aussi que quicōque fingeroit de paruenir au siege Papal par faueur, ambitio ou autre moié illicite, seroit tenu pour apostat & excommunié. Dauantage fut sur grosses peines inhibé aux prestres qui n'auoient pas encore laissé leurs femmes de chäter Messe & faire aucun office de leur ministere. Finalemēt on vint à Berengarius qui sy osa trouuer, y ayāt esté personnellemēt adiourné, pource qu'on n'estoit pas encore bié satisfait de la responce qu'il auoit faite au Cōcile de Tours. Mais sans autrement defendre sa cause, il fit celle fameuse retractation

PPP iij

qui est contenue au Decret, par laquelle il confessa que le pain & le vin qui sont mis sur l'autel en la S. Messe sont non seulement Sacrement apres la consecratiō, mais aussi le vray corps & sang de nostre Seigneur: Et qu'il est tellement au Sacrement que mesme sensiblement & realement il est entre les mains des prestres, rompu & brisé des dents de ceux qui le reçoient. Le formulaire de laquelle retractation fut (comme dit Lanfranc en son liure contre Berengarius) dicté & composé par Humbert Cardinal natif de Bourgogne. Cōbien que d'autres estiment qu'elle fut faicte souz le Pape Gregoire 7. Mais on cōuient qu'il le fit ou par dissimulation ou par contraincte, pource qu'il composa derechef vn liure par lequel il maintenoit sa premiere opinion, & refutoit celle qu'on luy auoit faict aduouer par son abiuration. Qui fut lors que Lanfranc escriuit son liure contre luy. Si plustost (ce que semble vouloir signifier Guimund Euesque d'Auerſa en son traicté de l'Eucharistie contre ledit Berengarius) il ne voulut interpreter ou plus claiement ou autrement son opiniō qu'il n'auoit auparauant faict, pour monſtrer qu'il n'entēdoit point que le corps de Iesus Christ ne fust exhibé vrayemēt en la communion, ains seulement que la substance du pain & du vin n'y estoit transmue. Ranulfus, Vincent de Beauvais & Vvillelmus Malmesburiensis disent qu'il se reuouqua en fin à bon escient, qu'il laissa l'estude & donna son bien aux pauvres pour gagner le reste de sa vie par le travail de ses mains. Fulbert Euesque du Mans qui estoit son contemporain, a rendu vn si excellent & admirable tesmoignage du grand ſçauoir qui estoit en luy en toutes sciences, de son zele, pieté & saincteté de vie, & des grādes graces que Dieu auoit mises en luy, que ce n'est point de merueille si la plupart des Angeuins & Frāçois qui auoient esté instruits de sa doctrine, ne la voulurent oncques depuis desmordre ne se desister de la maintenir & publier (au dire de Lanfranc) opiniaſtremēt. De sorte qu'il y a bien apparence que Teuchelin d'Anuers, Pierre de Bruis & Henry son disciple avec les Vvaudois l'apprirent cy apres d'eux, & la diuulguerent par toute l'Europe. A cause dequoy Guillaume de Neubrige liu. 2. chap. 13. de son histoire d'Angleterre tesmoigne que dès l'an 1163, toutes les Gaullés, Espagnes, Italie & Allemagne estoient remplies de leurs disciples, le nombre desquels estoit en telle multitude & abondance que l'arene de la mer. Combien que les actes du Cōcile de Tours qui fut tenu en la mesme annee, declarent que la doctrine (qu'ils nomment heresie) qu'il preschoit, auoit pris son origine dès long temps auparauant d'vn auteur incogneu & incertain en la Gascongne es enuiron de la ville de Toloze, d'où elle seſtoit puis apres esbandue par toutes les autres regions de l'Europe. Et ce qui me faict condescendre à ceste opinion, est qu'on attribuoit audit Berengarius de dogmatizer mal aussi bien du baptisme des petits enfans, & du mariage que du Sacrement de l'Eucharistie: tout ainsi comme on a fait aux personnages que nous venons de nommer.

MICHEL Cerulaire Patriarche de Constantinople fut en ce temps depose, & vn nommé Constantin Lichudes substitué en son lieu, qui presida quatre ans, six mois. Zonare. La cause de ceste deposition vint au rapport de Michael Glyca, de ce que Michel estoit monté en tel orgueil & presumption qu'il osoit menacer l'Empereur de le destruire, ainsi qu'il se disoit l'auoir esleué. Et qu'il esgalloit son autorité à celle de l'Empereur, comme n'y ayant de difference entre l'vne & l'autre.

<i>Du Monde.</i>	6077	<i>E. d'Allemagne.</i>	4	<i>R. de Russie.</i>	5
<i>De Iesus Christ.</i>	1060	<i>R. des François.</i>	30	<i>R. de Hongrie.</i>	2
<i>Indiction.</i>	13	<i>R. d'Arragon.</i>	45	<i>R. de Pologne.</i>	2
<i>De l'Hegire 452. le 4.</i>		<i>R. de Navarre.</i>	38	<i>R. de Castille.</i>	4
<i>de Feurier.</i>		<i>R. des Escossois.</i>	3	<i>Comtes de la Pouille.</i>	1
<i>Papes.</i>	2	<i>R. des Anglois.</i>	18	<i>R. de Dannemarc.</i>	6
<i>E. de Grece.</i>	1	<i>Ducs de Venise.</i>	11		

ISAAC Comnene Empereur de Grece fut saisi d'vne maladie, de laquelle il n'esperoit pas reuenir iamais à conualeſcence. Qui fut cause de la faire aller rendre en vn monastere pour y acheuer le reste de ses iours, apres auoir resigné la dignité Imperiale à Constantin

stantin qui fut douziesme du nom, surnommé Ducas, qu'on estimoit estre issu de fort noble race; lequel l'exerça depuis la resignation qui luy en fut faicte au commencement du mois de Decembre, ou selon Onufrius, le iour qu'on celebre la memoire de la natiuité de nostre Seigneur, estant la treziesme Indiction commencee, l'espace de sept ans & environ cinq mois. Ioan. Curopalates tesmoigne que la sixiesme année de son regne se trouua en la troisieme Indiction, l'an de la creation du Monde, au comte des Grecs six mille cinq cens septantetrois.

HENRY 37. Roy de France se sentant aussi trop caduc & rompu de vieillesse pour porter le faix de l'administration des affaires de son Roiaume, resigna dès l'année precedente la couronne à son fils aîné nommé Philippe, qui fut premier de ce nom: nonobstant qu'il fust aagé seulement de sept ans; le faisant sacrer & couronner à Reims en presence des Princes & Prelats de France. Qui escheut lors au vingtneufiesme iour de May, ainsi comme il se voit escrit en la forme qui fut tenue à ce couronnement, laquelle plusieurs ont, apres du Tillet inserée en leurs Histoires, l'ayās extraicte d'un anciē liure de l'Eglise de Beauvais: & pource qu'elle merite d'estre sçeuë, ie l'ay bien aussi voulu coucher en ce lieu Anno 1059. ainsi fault il lire (si elle veult estre vraye) *Indictione 12. Henrico regnante 32. & 4. Cal. Iunij in die Pentecostes, Philippus Rex hoc ordine in maiore Ecclesia ante altare sanctæ Mariæ à venerabili Archiepiscopo consecratus est. Inchoata iam Missa antequam epistola legeretur, dominus Archiepiscopus vertit se ad eum, & exposuit ei Catholicam fidem, sciscitans ab eo utrum hoc crederet & defendere vellet, quo annuente delata est eius professio, quam accipiens ipse legit, dum adhuc septemnus esset, eique subscripsit. Erat autem professio eius hæc: Ego Philippus Deo propiciante mox futurus Rex Fræcorum, in die ordinationis meæ promitto coram Deo & Sanctis eius, quod unicuique de vobis commissis canonicum priuilegium & debitam legem atque iustitiam conseruabo, & defensionem adiuuante domino quantum potero exhibebo, sicut Rex in suo regno unicuique Episcopo & Ecclesiæ sibi commissæ per rectum exhibere debet: populo quoque nobis credito per dispensationem legum in suo iure consistentem nostra auctoritate concessurum. Quæ perlecta posuit eam in manu Archiepiscopi, antestante Archiepiscopo Sueſionensi, &c. Il y a 20. Euesques & plusieurs Abbez y denommez. Puis apres: Accipiens Archiepiscopus baculum sancti Remigij disseruit quiete & pacifice quomodo ad eum pertineret electio Regis & consecratio, ex quo sanctus Remigius Ludouicum baptisauit & consecrauit. Disseruit etiam quomodo per illum baculum hanc consecrandi potestatem & totum Gallie Principatnm Ormisdas Papa sancto dederit Remigio, & quomodo Victor Papa sibi & sue Ecclesiæ concesserit. Tunc annuente patre eius Henrico elegit eum in regem post eum. Legati Romanæ sedis cum id sine Papæ nutu fieri licitum nõ esset, disſertum ibi sit, honoris tamen & amoris gratia tñ ibi affuerunt. Legati Lotharius scilicet Archiepiscopi, Episcopi, Abbates & Clerici Ducis Aquitania, filius & Legatus Ducis Burgundia, Legati Marchionis, & Legati Comitis Andegauensis: post Comites Vadensis, Vermadensis, Ponticensis, Sueſionensis, Aruernensis: H. de illa Marchia Vicecomes Lemouicensis: post milites & populi tam maiores quàm minores uno ore consentientes laudauerunt, res proclamantes, laudamus, volumus, fiat. Or pource qu'il est dict en ce que nous venons de reciter, que Geruais Archeuesque de Reims declara lors à toute l'assistance que le Pape Hormisdas auoit donné à saint Remy, apres qu'il eut sacré & couronné le Roy Clouis la prerogatiue de sacrer les Rois de France, laquelle le Pape Victor second auoit cõfermee audit Geruais: Du tillet a escrit qu'il ne fault douter de la bulle de Victor, trop bien de celle de Hormisdas, qui ne paroist & n'a aucune verisimilitude. Et quant à celle de Victor, qu'elle n'eut suite, d'autant que c'estoit au Roy, non au Pape de donner ceste prerogatiue: laquelle mesmes Yves Euesque de Chartres denia cy apres souz le Roy Louys le Gros. Dauantage parce que les Legats du siege de Rome assisterent à ce sacré & couronnement, fut déclaré que c'estoit par honneur & par amitié, & que le consentement du Pape n'y estoit requis. Quoy qu'il en soit, le Roy Henry, estant ce couronnement fait, mourut à la fin de ceste année. Guillaume de Malmesberie dit que ce fut, *Potionis haustu*, lequel l'appelle aussi *Militem strenuum & bonum*, ayant à son dire & des autres Chroniques de Normandie mené vn peu auparauant pour la troisieme fois vne armee en Normandie en faueur de Godefroy Comte d'Aniou, lequel il defendoit cõtre le Duc de Normandie. Laquelle ils veulent faire croire auoir esté lourdement repoussée & contraincte s'en retourner honteusement en Frâce. Mais pource que les vns & les autres parlent fort diuerſement de ceste guerre, & que les Histoires de Normandie sont pleines d'une infinité de mensonges, ie doute que ce qu'ils ont escrit de ceste guerre n'en soit l'une: d'autant mesmement que les Histoires de France n'en font*

vn seul mot de mention. Tant-y-a que le Roy Henry mourant laissa le ieune Roy Philippe son fils ia couronné, avec son ieune frere nommé Hugues, souz la tutelle & gouuernement de Baudouin Comte de Flandres, qui s'en acquitta fort loyaument à son honneur, & au grand contentement de tout le peuple de Frâce. Mais c'est merueille que telle charge ne fut plustost laissée à Robert Duc de Bourgongne, qui estoit oncle paternel, & viuoit encore, si d'auanture sa vicillesse n'en fut cause. Les chartres & instruments qui se firent souz ce Philippe, commençoient son regne (qu'on dit auoir duré quarāteneuf ans) de l'an 1061. Par icelles aussi on cognoist que le Comte de Flandres exerçant la tutelle qui luy fut donnee s'intituloit *Baldwinus Comes Flandriae, Marchio & Philippi Francorum Regis eiusque regni procurator & Baiulus*. Lequel mot de *Baiulus* ne signifie autre chose que tuteur, protecteur ou garde; comme se prend proprement en nostre langue celuy de Bailly & Baillie:) & qui s'attribuoit aussi à ceux qui auoient comme le bail & gouuernement ou la charge de la personne du Roy en son bas aage.

Le Prince Guischarde apres auoir chassé les Grecs de la ville de Troia en la Poüille, & de Rege en la Calabre: & Richard son frere apres s'estre emparé de la cité de Capua & des dependances d'icelle, l'ayant depuis dix ans tenuë tousiours assiegee; rendit au Pape Nicolas non-seulement les places qu'il pretendoit appartenir à l'Eglise; mais aussi se firent ses vassaux & hommes liges, prenant l'investiture & l'estendart de luy pour la Poüille & Calabre & de la principauté de Capuë. En faueur dequoy il leur institua & nomma le Prince Robert premier Duc de la Poüille; & son frere Prince de Capue. De sorte qu'on fait compte qu'il a regné souz tel nom l'espace de vingt-cinq ans, sept mois. Au commencement desquels il presta vne armee au Pape, par laquelle il contraignit les Tusculans, Nomantins & Prenestins, apres les auoir desconfits en bataille rangee, qui fut donnee aupres de saint Germain, de se remettre en son obeissance, qui s'en estoient soustraits: & reprit Galese d'outre le Tybre, avec autres chasteaux que le Comte Gerard luy detenoit. Chronique du Mont Cassin, Pandolfo Collinu. liu. 3. Platine.

En ces entrefaites les Sarrazins traitans fort mal les habitans de la ville de Messine & Sicile, dōnerent occasiō à aucuns d'iceux d'aller trouuer le Prince Guischarde, pour l'inciter de les retirer de la miserable seruitude des infideles. Mais deuant qu'il fust resolu à ceste entreprinse, vn grand troubles'esmeut en Sicile à cause d'un grand discord qui se mit entre Bettonnene (selon que l'appelle Thomas Fasellus, car la Chronique du Mont Cassin liu. 3. chap. 43. le nomme Belchus, Pandolfo Collinutio Hettimin) Lieutenant à Catane de Vvulnumus (selon Fasellus) Benmeneler Viceroy de la Sicile pour le Soudan des Maures d'Afrique: qui auoit pour conducteur en ceste charge vn Belchanes ou Belchaotz (qui semble estre celuy que le Chroniqueur du Mont Cassin appelle Belchards.) A l'occasion duquel Belchus ou Bettonnene mit à mort le Viceroy (qu'on nommoit autrement Amiras) ou bien fut seulement despoüillé par iceluy de son estat (à ce qu'escriit la Chronique du Mont Cassin) & contrainct s'enfuir vers le Prince Normand, lequel il acheua de persuader de prester l'oreille à la demande des Messins. Tellemēt qu'il passa luy-mesme (selon nostre auteur du Mont Cassin) en Sicile: ou bien comme veulent tous les autres avec Fasellus y fit passer seulement le Prince Roger son frere (auquel il auoit nouvellement donné vne partie de la Calabre) avec vne grande armee en Sicile, où elle deffit aupres de Messine en 2. rencontres les Sarrazins qui le voulurent venir escarmoucher: de sorte que Benneueler ou le frere d'iceluy seulement fut tué à l'vne. Au moyen dequoy Roger avec vn nouveau renfort de gens qu'il receut de son frere, se mit à battre la cité de Messine, de telle furie qu'il entra finalement par force en icelle, quoy que Belchanes ou Belchaotz eut vne plus grande armee que la sienne tout aupres pour la secourir. Ce qui fut la premiere ouuerture de la cōqueste de la Sicile par les Normans, rapportee par Fasellus à ceste annee.

Les payfans de Hongrie s'estans assemblez en grand nombre, voulurent contraindre le Roy Bela de les laisser reprendre leur ancien paganisme. Mais il les traitta de telle façon, que ce fut la derniere fois qu'ils oserent plus faire semblant de se vouloir reuolter contre la Religion Chrestienne: car il leur osta toutes les occasions à l'aduenir de faire ny d'attenter aucune chose contre son estat.

Dom Sanchio Roy de Castille debouta en cetemps son frere Dom Garcias de la
portion

portion qui luy auoit esté assignee de la succession de son pere au Roiaume de Gallice, comme il auoit ia fait son frere Alfonse: comme tesmoigne Roderic. Combien que Franc. Taraffa & Michel Riccius tiennent, que Garfias se defendit si brauement, qu'il vainquit & prit son frere prisonnier. Mais que le Seigneur Roderic Viuar surnommé Cid ramena vne autre armee, par laquelle Garfias fut vaincu & tué en vne seconde bataille, & son frere remis en liberté. Neantmoins Dom Anton. Benthier tesmoigne qu'il fut seulement chassé cy apres de son Roiaume par le Roy Alfonse son frere, pource qu'il estoit homme de peu d'effect.

VVLADIMIRE, ou selon les autres Vratiflaus, se sentant offensé du Roy de Pologne qui auoit receu son frere Iaromire en sa cour, lequel il auoit dechassé, entra avec vne grande armee dedans la Silesie, qui appartenoit aux Polonois. Mais le Roy Boleslaus vint contre luy avec si bonne compagnie, qu'il ne le fit pas seulement avec grande perte de ses gens honteusement retirer, mais aussi le contraignit d'amender sa faute par vn tel appoinctement qu'il luy voulut donner. Suiuuant lequel aussi le Polonois prit en mariage la sœur du Boëmien. Martin Cromer.

PIERRE Damian Cardinal Euesque d'Hostie fut en cetéps enuoyé par le Pape Nicolas à Milan, pour les causes que luy-mesme recite au discours qu'il a fait de ce voyage: à sçauoir pour purger l'Eglise Milanoise de l'heresie Simoniaque & des Nicolaites, lesquels il disoit estre ceux des Prestres, qui contre la reigle de la chasteté Ecclesiastique, s'adioignoient aux femmes, se faisant fornicateurs quand ils les attouchoient de l'indecente couple du mariage: combien qu'ils se rendoient lors dignes seulement de l'appellation des Nicolaites, quand ils vouloient maintenir & defendre par auctorité ceste mortifere peste. Neantmoins quand il eut fait entendre l'intention de sa venuë, toute la cité fut tellement mutinee contre luy par la faction du Clergé, qu'il se trouua reduit en grã danger de sa personne. Pource que le peuple croioit que l'Eglise Ambrosiane n'estoit en rien subiecte aux loix de l'Eglise Romaine: & que l'Euesque Romain n'auoit droit de iuger ny de disposer sur le siege Ambrosien, contestant que ce seroit chose indigne de laisser assubiecir maintenant à leur grande infamie & opprobre leur Eglise, qui iusques alors auoit esté libre souz leurs ancestres aux loix d'une Eglise estrangere. Mais ce feu fut incontinent esteint par la force des remonstrances qu'il leur fit: qui furent telles, que non-seulement le peuple, mais aussi l'Euesque & le reste du Clergé se rendit obeissant à ce qu'il leur voulut enioindre de la part du Pape: d'autant qu'ils se laisserent par luy persuader ceste raison, que l'Eglise Romaine ayant esté fondee par la seule parole du fils de Dieu, qui auoit commis au Portier de la vie eternelle les droicts de l'Empire terrestre & celeste, obtenoit le priuilege & se soustenoit de l'auctorité de celuy qui l'auoit fondee. Parquoy comme c'estoit iniustice de frauder quelque Eglise de ses droicts: aussi estoit-ce heresie de despoüiller l'Eglise Romaine du priuilege qu'elle auoit receu par le souverain Chef de toutes les Eglises; n'y ayant point de doute que celuy-là ne violaist la foy, qui s'opposoit à celle qui estoit mere de la foy: & qui ne fust rebelle à celuy qui l'auoit constituée sur toutes les autres Eglises. Somme que par telles conclusions l'Eglise de Milan se laissa volontairement priver de la liberté en laquelle elle s'estoit conseruee depuis le temps des Apostres, ou (comme aucuns estiment) depuis deux cens ans seulement, se creant ses Archeuesques & Pasteurs sans approbation d'aucun superieur. pour se reduire souz ses loix & commandements du siege Romain. Ce qui fit dire audit Cardinal d'Hostie, qu'il n'auoit point encore trouué de plus grand' energie pour les causes Ecclesiastiques, que bien faire cognoistre le priuilege de l'Eglise Romaine. Qui est vn indice ou que les Papes precedents ne l'auoient pas bien, ou sçeu ou peu faire entendre: ou qu'il eust fallu disposer les Milanois auparauant à le croire par d'autres demonstrations. Extraict de l'escrit dudit Pierre Damian. Qui confesse aussi au mesme lieu qu'il ordonna à l'Archeuesque de Milan pour sa desobeissance vne penitence.

<i>Du Monde.</i>	6098	<i>E. d'Allemagne.</i>	5	<i>R. de Russie.</i>	4
<i>De Iesus Christ.</i>	1061	<i>R. des François.</i>	1	<i>R. de Hongrie.</i>	3
<i>Indiction.</i>	14	<i>R. d'Aragon.</i>	46	<i>R. de Pologne.</i>	3
<i>De l'Heure 453. le 24. iour</i>		<i>R. de Navarre.</i>	39	<i>R. de Castille.</i>	5
<i>de Ianuier.</i>		<i>R. des Ecossois.</i>	4	<i>Comtes de la Pouille.</i>	2
<i>Papes.</i>	3	<i>R. des Anglois.</i>	19	<i>R. de Dannemarc.</i>	7
<i>E. de Grece.</i>	2	<i>Ducs de Venise.</i>	12		

LA chicheté & auarice de l'Empereur Constantin, quoy qu'on die qu'il a esté amateur de iustice & d'équité, qui ne recompensoit pas liberalement les merites de ses Capitaines & gens de guerre, fut cause de tellement abastardir & faire mespriser la discipline militaire souz luy, que son Empire en deuint beaucoup moins redouté qu'il n'estoit auparavant; mais beaucoup plus exposé aux dangers de ses ennemis. Car les Sarrazins & Turcs prenant garde à ses actions, reprindrent la hardiesse de venir fourrager & ravager les provinces de son appartenace. Zonare, Michaël Glyca.

AV mesme temps Robert Guischart apres auoir reduit en son obeissance toute la terre de Labeur, assiegea la cité de Capua, de telle puissance qu'elle luy fut rendue le vingtiesme de May. Au moyen dequoy il s'en declara Prince avec son fils Iordain. Sigonius.

GEORROY surnommé Martel Comte d'Aniou, ayant par faute de laisser aucun hoir de son corps, resigné sa succession à ses deux nepueux fils de sa sœur Adelle: l'aîné desquels estoit nommé Geofroy le Barbu, & le puîné Foulques Rechin, qui signifie en vieil François le Rude. A cause dequoy la Chronique d'Aniou declare qu'ils partagerent la succession entr'eux, ptenant Geofroy le pays de Touraine & de Xaintonge pour sa part, & Foulques l'Aniou & Gastinois: combien que d'autres veulent dire qu'il n'eut que le Gastinois seulement. Dont il fut si mal-content, que s'estimant plus vaillant & hardi que son frere, & se voyant pour ceste occasion plus redouté, aussi qu'il se tenoit fort du peu d'entendement qu'il scauoit estre en iceluy, trouua occasion quelque temps apres de luy faire la guerre si asprement qu'il le deffit en bataille; où l'ayant pris le cōfina en prison perpetuelle. Et puis se mit en possession de toutes les seigneuries au feu Geofroy Martel son oncle; lesquelles il gouerna iusques à son trespas par l'espace de plus de trente ans en grand repos & tranquillité: à l'aide principalement d'un sien fils nommé Geofroy, qu'il eut de sa premiere femme Emengarde de Bourbon, lequel fut tellement redouté pour sa vaillance, qu'il en obtint comme son grand oncle le surnom de Martel. Mais les autres bonnes conditions qui furent encor en luy, le firent dauantage aimer. De sorte que Guillaume de Malmesberie Anglois escrit de luy, que *Cognomentum Martelli hereditarium sortitus suis sudoribus ampliauit, tanta pace & quiete per terras illas parta, quam nemo vidit, nemo visurus sit.* Ce qui me fait estimer que c'est de luy plustost que du premier Martel que fut fait cest Epitaphe:

*Dum vixit tua, dum vixit Martelle potestas,
Fraus latuit, pax magna fuit, regnavit honestas.*

On tient finalement que la marastre Bertrade fille du Comte de Montfort, laquelle son pere espousa en secondes nopces apres son Ermengarde, le fit traistreusement mettre à mort, afin que le fils d'elle, qui fut nommé Foulques, demeurast seul heritier de son pere.

LA prise de Messine incita le Prince Roger de poursuivre sa victoire. Tellement qu'il reduisit totalement en sa puissance la ville & contree de Remetta (appellée par Leon d'Hostie Rimettum:) & puis fit le semblable de quelques autres côtrees, iusques à ce qu'il paruint deuant la ville d'Enna: où il luy fut force de faire pause, à cause de la grand' armée q' luy vint opposer l'Amiras Belchanes ou Belchaotz, qui estoit (à ce qu'escrit Leō d'Hostie) composée de quinze mille cheuaux, & de cent mille hommes de pied: combié que Fasellus ne dit que de quinze mille cōbatans en tout. Ce qui estoit toutesfois beaucoup pour celle des Normans, qui ne pouuoit estre que d'environ trois mille. A cause dequoy le Prince

le Prince Robert se vint ioindre à son frere: & eux-deux soustindrēt le choc des ennemis, si vertueusement qu'ils en firent demeurer environ dix mille sur le champ, sans perte d'un seul des leur, & mirent le reste en route, qui se sauuerent avec Belchances à Enna, où ils furent poursuiuis & assiegez long temps; mais leur trop grand nombre fit qu'on ne les peut prendre. Parquoy les Princes Normans remenerent leur armee à Messine, d'où le Duc Robert repassa en la Pouille avec son frere, laissant Bettumēne avec leur armee pour continuer la guerre aux Sarrazins. Leon d'Hostie, Thomas Fasellus.

LA Duché de Bauiere fut ceste année donnée à Othon Comte de Northemen, par l'Empereur Agnes, selon la Chronique de Saxe: combien que l'Abbé d'Vrsperg estime que ce fut 1069.

ANDRÉ Roy de Hongrie ayāt impetré secours de l'Empereur Henry pour se remettre en son Roiaume, deuoit estre reconduit par Guillaume Marquis de Turingie & les Ducs de Boëme & de Bauiere tout ensemble, avec l'armee qui leur estoit ordonnée pour ce faire. Mais le Turingien sans attendre le Boëmien & sa compagnie, entra le premier avec les Bauariens seulement dedans la Hongrie, où du commencement il fit si bien qu'il desconfit grand nombre de Hongrois. Neantmoins il fut réduit en lieu si aduantageux par Bela (à qui le Roy de Pologne donnoit secours en personne) que toute son armee fut miserablement deffaite, demeurant luy-mesme prisonnier entre les mains de ses ennemis, avec grand nombre de Seigneurs Allemans, & le Roy André tué sur le champ. Au moyen dequoy Bela apres auoir fait bonne guerre aux captifs qu'il tenoit, se fit courōner Roy de Hongrie en la ville de Bellegrade: où il fut le premier qui y fit battre monnoye d'argent. Lambert de Scaffuab, Bonfinius decad. 2. liu. 3. Auentin, Martin Cromer.

LES Turcs apres auoir dompté & réduit en leur obeissance tous les Roiaumes d'Oriēt, descendirent finalement en Syrie pour opprimer les Califes d'Egypte. Mais ils se saisirent seulement en ce temps de la cité de Hierusalem, & de quelques autres prochaines. Guill. de Tyr liure premier chap. 7.

EDOUARD Roy d'Angleterre receut vn mandement du Pape; auquel il se rendit si obeissant, qu'il chassa de l'Eglise cathedrale d'Oxone les Chanoines seculiers qui y estoient, pource qu'ils estoient mariez, & ne se vouloient separer de leurs femmes: & substitua en leur lieu, comme Ranulphe tesmoigne en son Polichro. des Chanoines qu'on disoit Reguliers, qui faisoient profession de continence. Or pource que les Histoires sont toutes pleines de tesmoignages des Chanoines reguliers qui furent en ce siecle instituez en diuerses Eueschez, il a semblé à aucuns que ce furent ceux qui firent les premiers profession de chasteté & du celibat que l'on mit au lieu des Chanoines mariez, qu'on appelloit Seculiers es Eglises cathedrales. A cause dequoy les Annales de France tesmoignent que les Chanoines furent instituez ceste année en l'Eglise de saint Vincent de Senlis. Onufrius dit que les Chanoines de l'ordre de saint Augustin furent aussi restituez l'année ensuiuant à Lucques & par toute l'Italie par le Pape Alexandre.

ESTANT Pierre Damian Legat du Pape departy de Milan, le Clergé de l'Archeuesché de Milan fut tellement mal edifié de son Prêlat, de ce qu'il auoit (à leur dire) trahy la liberté de son Eglise, qu'ils ne luy vouloient rendre aucun honneur ny obeissance. Qui fut cause qu'il ne voulut entretenir la promesse qu'il auoit cy deuāt faicte; laissant les Prestres mariez avec leurs femmes comme auparauant: ainsi que tesmoigne Pierre Damian en vne de ses Epistres à aucuns du Clergé de Milan, où il dit ces mots: *Ecce qui prius Nicolaitarum & Simoniacæ hæreseos laqueis tenebantur, nunc ad perditionis suæ cumulum sunt etiam violato sacramento periuri: quod tamen in Mediol. mensi Ecclesia non est nouum, quæ semper diuersi dogmatis homines habuit, initio ab Auxentio & Ambrosio inchoato.*

BERNARD Duc de la basse Saxe mourut environ ce temps, ayant tenu sa Duché plus de quarante ans. Aux biens duquel succederent deux fils qu'il auoit: Ordulfe, qui estoit l'aîné, à cause dequoy il tint la mesme Duché apres luy iusques à sa mort l'espace de douze ans. Et Herman, qui fut Comte en Saxe. Albert Crants.

NICOLAS deuxiesme Pape mourut le troisieme iour de Iuillet. Benno afferme que ce fut par le poison qu'il receut de Brazute compaignon du Cardinal Hildebrand. Et pource que plusieurs des Cardinaux s'aduisoient (comme il dit) de son ambition, ils sollicitèrent l'Empereur de leur donner vn Pape de sa main. De sorte qu'il fit vne assemblee l'Euesques pour cest effect à Balle; par le iugement desquels Cadolus Euesque de Parme

fut créé Pape, qui se nomma Honorius 2. & fut conduit (ce dit Lambert de Scaffuab) par Bucio Euesque de Halberstad à Rome, apres que les Euesques de la Lombardie l'eurent receu, approuvé & confirmé en vn Synode qu'ils tindrent à Milan. Combien que Platine estime que ce furent eux les premiers qui l'esleurent. Mais tant-y-a que son eslection fut si peu agreable au peuple Romain & aux autres Cardinaux, nommément à Hildebrand, qu'ils esleurent de leur propre auctorité le dernier iour de Septembre Anselme Euesque de Lucques natif de Milan pour Pape, en faueur (au dire de Platine) des bonnes parties qui estoient en luy. Qui firent qu'il obtint en fin victoire de son ennemy, retenant le Papat souz le nom d'Alexandre 2. iusques à sa mort l'espace de 11. ans, 6. mois, 22. iours. Auentin toutesfois tesmoigne liu. 5. que le Cardinal mesme par qui il fut consacré, alla l'annee d'apres rapporter le quinziésme d'Aoust à l'Empereur que la cité de Rome estoit par luy troublée de guerre ciuile, à cause qu'il auoit occupé la chaize Papale sans le cōsentement de l'Empereur; & l'ayant acheté par les Normans, le retenoit par force & par armes, se monstrant Loup, & larron pour Pasteur, & tyran pour Pape. Ce nonobstant la Chronique du Mont Cassin atteste que le Pape Alexandre fut esleu deuant le Pape Honoré, par la mencee du Cardinal Hildebrand, auât mesme que l'Empereur en eust esté aduertý: qui fut cause qu'il esleut l'autre.

Du Monde.	6099	E. d'Allemagne.	6	R. de Russie.	5
De Iesus Christ.	1062	R. des François.	2	R. de Hongrie.	4
Indiction.	15	R. d'Arragon.	46	R. de Pologne.	4
De l'Heure.	454. le 14.	R. de Nauarre.	40	R. de Castille.	6
de Ianuier.		R. des Escossois.	6	Comtes de Naples.	3
Papes.	1	R. des Anglois.	20	R. de Dannemarc.	8
E. de Grece.	3	Ducs de Venise.	13		

ENCORE que l'Empereur Henry fust sagement & vertueusement institué & nourry par sa mere, & les affaires de l'Empire gouuernées par vn bon ordre, comme tesmoigne l'escriuain de ce temps: neâtmoins les Princes d'Allemagne stimulez d'enuie plustost que de quelque bonne consideration, ne pouuoient prendre goust au gouuernement d'une femme. De sorte que Auno Archeuesque de Cologne se tenant asseuré de la volonté de la plus grande partie des Princes & Prelats, trouua moyen de soustraire le ieune Prince de la compagnie de sa mere, pour la despoüiller de la garde d'iceluy & du gouuernement de l'Empire, afin qu'il passast d'oresnauant par leurs mains. Ce qui fut la source & le commencement des maux que l'Allemagne & l'Italie endurerent plus de cinquante ans apres par les dissensions & guerres qui surindrent entre l'Empire & l'Eglise, qui reüssirent au detriment de la dignité Imperiale, & à l'aggrandissement de la puissance & auctorité Papale, par la subtilité de ceux qui manierent les affaires du siege Romain, qui firent dextrement leur profit du mauuais mesnage qui se mit par tout l'Empire, par la faulte de ceux qui en le gouuernant postposerent le bien public à leurs commoditez & affections particulieres, laissant degenerer & abastardir en vne vie desreiglee & difforme la bonne nourriture que leur Prince auoit apprinse de sa mere. Laquelle ainsi traittee, renonça aux honneurs de ce monde, & s'en alla passer le reste de ses iours à Rome. Herman Contract, Lambert de Scaffuab, Abbé d'Ursperg, Auentin autheur de la vie de l'Empereur Henry.

LES Gascons obeissans fort enuy au Comte de Flandres Gouverneur de France, faisoient monstre de se vouloir mutiner & rebeller. Qui fut cause qu'il mit vne armee aux champs souz pretexte de la vouloir faire passer au nom du Roy en Espagne contre les Sarrazins. Mais quand elle fut en la Gascongne, il la fit seruir à telle façon qu'il rompit & dissipa le commencement des seditions qui y estoient, & la remit en tranquillité, & se retira puis apres sans autre chose faire en France. P. Æmile, Annales de France.

DOM Ranymire premier Roy d'Arragon mourut en la quarantesixiesme annee de son regne, tesmoin Franc. Taraffa, qui s'est toutesfois abusé, estimant qu'il fut tué en vne bataille

taille par Ferdinand Roy de Castille son frere. Mais tant-y-a que Dom Sanchio son fils aîné luy succeda au Roiaume d'Arragon, où il regna trentecinq ans, ayant vn autre frere nomme Conſalue, qui fut d'Eglise, & deux ſœurs; l'une deſquelles (qui se nommoit Tireſia) fut mariee au Comte de Prouence, & l'autre Sainte, qui fut femme du Comte de Tolose.

Le Prince Roger eſtant de retour de la Poüille en Sicile avec vn nouveau nombre de gens, mena son camp, deuant la ville de Troina, laquelle luy fut réduite (au dire de Faſellus) le premier iour de ceste annee, à ſçauoir le vingtcinquième de Decembre: qui fut cauſe que Petralia fit le ſemblable. Parquoy il s'en retourna derechef en Calabre pour eſpouſer Eremberge ſœur du Comte de ſainte Fimie. Auquel temps il entra en querelle & en guerre (au dire dudit Faſellus) contre le Duc Robert son frere. Tellement qu'ils ſe guerroyoient à outrance l'un l'autre, à cauſe de ce que Robert n'auoit donné la moitié entiere de la Calabre ſelon ſa promeſſe à Roger, iuſques à ce que Robert ſe fut laiſſé prendre fort imprudemment dedans la ville de Gerace. Car il luy fut force d'accorder lors à son frere ce qu'il voulut. Le ſuis toutesfois en doute de ce que ie doy croire de ceste guerre: d'autant que Leon d'Hoſtie n'en fait mention, qui dit ſeulement que le Duc Robert à son retour de Sicile vint aſſieger la ville de Bari iuſques à ce qu'elle luy fut rendue: ioinct l'amitié & reuerſce que Roger ſe void auoir porté à la memoire de son frere, ainſi que teſmoignent la pluſpart des chartres faiçtes par luy, qui nous ont eſté alleguees par ledit Faſellus, en l'une deſquelles ſe liſent ces mots. *Pro ſalute &c. necnon &c. ſui Ducis, fratris videlicet mei, cuius beneficio totius honoris mei ſummam retineo.* Et vn autre, *Pro ſalute anime mee &c. fratris mei nobiliſſimi Ducis Roberti Guſcardi, à quo omnis honor &c. gloria mea proceſſit.* Tellement que les Hiſtoriens de Sicile pourroient bien auoir excogité ceste guerre par affection. Comment qu'il en ſoit, Roger fut contrainct s'en retourner en Sicile pour obuier à la rebellion de pluſieurs villes qui ſe vouloient remettre entre les mains des Sarrazins apres le trespas de Bettumene, qui auoit eſté mis à mort en ſon abſence deuant la ville de Cutelio. Tellement qu'il eut fort affaire à faire reuenir les Troiniens en ſon obeiſſance, qui auoient ia receu les Sarrazins dans leur ville.

Les Pruffiens meſpriſans la ieuneſſe du Roy de Pologne, non-ſeulement ſe rebellerent contre luy, mais auſſi enuahirent la Pomeranie. Tellement que le Roy Boleslaus fut contrainct de mener ſa puiffance contre eux; qui fit ſi vaillamment ſon deuoir, que les Pruffies furent lourdement vaincuz, & cōtraincts de laiſſer la Pomeranie, & ſe remettre en l'obeiſſance du Roy Boleslaus. Martin Cromer.

CADOLVS ſoy diſant Honoré deuxieſme Pape, ſe voulant mettre en poſſeſſion totale de la papauté, ſe fit par vne armee de Lombards conduire à Rome, où il auoit beaucoup de partiſans, qui ſ'eſtoient (comme dit Auentin) ſaiſis ia pour luy de la tour de Creſcence. Mais ceux qui tenoient pour Alexandre ſortirent contre luy, leſquels il ſouſtint ſi brauement qu'il les mit en route. Au moyen dequoy il ſe fuſt fait le plus fort dedans Rome, ſi Godefroy Marquis d'Hettrurie ne fuſt ſuruenue, qui les fit poſer les armes, & aller debatre leur droit deuant l'Empereur, apres les auoir fort aigrement repris de ce qu'eſtans Paſteurs des brebis de Ieſus Chriſt, & de la laine deſquels ils ſe veſtoient, & du lait ſe nourriſſoient, neantmoins les faiſans s'entr'occire l'un l'autre, violoient la paix que Dieu leur auoit laiſſee, & polluoient toute pieté. Somme que Anno Archeueſque de Cologne fut enuoyé en Italic, pour faire entendre que la volonté de l'Empereur eſtoit, que les deux contendans ſe tinſſent en paix iuſques à ce que leur differend fuſt iugé par vn Synode. Cependant qu'Alexandre demeureroit au ſiege Papal. Lequel ne ſe contentant de ceste recreance, fit aſſembler les Eueſques de ſa ſequelle à vn Concile à Rome: auquel ſon ennemy fut condamné & excommunié comme brigueur de la dignité papale, & homicide. Qui fut cauſe qu'il aſſembla auſſi les ſiens à Parme, où il tenoit ſon ſiege: & fit par eux rendre le change à Alexandre pour auoir occupé le ſiege Romain ſans conſentement de l'Empereur, l'ayant achepté par les Normans. De ſorte que chacun d'eux celebrait (comme recite Lambert de Scaffuab) ſes Meſſes à part, faiſoit ſes ordonnances, & enuoyoit ſes mandemens & decrets aux Eglises à la maniere des Papes ordinaires.

CEPENDANT ſi les Milanois & Lombards ont tellement fauoriſé le Pape Honoré contre Alexandre, qu'ils l'ayent mené & conduit ceste annee conſacrer à Rome, au mois d'Auril, ſouz la cōduite de leur Gouverneur nommé Gibert (ainſi que dit Sigonius, & qu'ils

1 QQQ

l'ayent ramené de Rome, où il ne pouuoit pas estre en seureté, y estans ses ennemis plus forts que luy : comme se pourra faire que pour la declaration qu'on dit que le Pape Alexandre enuoya en la mesme année aux Lombards contre les Simoniaques, que le peuple de Milan se soit si furieusement mutiné souz la conduite de son Archeuesque Erlembauld Botta, contre les Prestres mariez, qu'ils les ayent tous banniz & expulsez de leur ville en ladite année, encor qu'ils fussent supportez des Nobles?

<i>Du Monde.</i>	6100	<i>E. d. Allemagne.</i>	7	<i>R. de Russie.</i>	6
<i>De Iesus Christ.</i>	1063	<i>R. des François.</i>	3	<i>R. de Hongrie.</i>	1
<i>Indiction.</i>	1	<i>R. d'Arragon.</i>	1	<i>R. de Pologne.</i>	5
<i>De l'Hegire.</i>	455	<i>R. de Nauarre.</i>	41	<i>R. de Castille.</i>	6
<i>Papes.</i>	2	<i>R. d'Ecosse.</i>	6	<i>Comtes de la Pouille.</i>	4
<i>E. de Grece.</i>	4	<i>R. d'Angleterre.</i>	21	<i>R. de Dannemarc.</i>	9
		<i>Ducs de Venise.</i>	14		

BELA Roy de Hongrie mourut, selon les Histoires Hongroises, d'une cheute, ayant 3. fils, Geissa (selon Lambert de Scaffuab. Ioas) Ladislaus & Lambert. Le premier desquels, qui estoit l'aîné, se voulut mettre en possession du Roiaume apres son pere. Mais l'Empereur Henry ayant ia dressé vne armee pour remettre Salomon fils du feu Roy André au siege de son pere, l'amena luy-mesme (n'estant encore qu'en la 13. année de son aage) en Hongrie : & y fit si bien, qu'apres plusieurs escarmouches & rencontres les Hongrois furent contraincts de receuoir Salomon pour leur Roy. De sorte qu'il regna sur eux l'espace de 13. ans, s'estans au dire d'aucuns Geissa & ses freres retirez vers le Roy de Pologne. Mais les autres sont tesmoins qu'ils quitterent par accord la couronne à Salomon, à condition que les premiers tiltres & biens que leur pere auoit possédez, leur demourassent. L'Empereur estant de retour de ce voyage, se laissa gouverner à l'appetit de certains Euesques, qui en abusant de son nom ne faisoient part des graces de l'Empire qu'à eux, se distribuans entr'eux les plus grasses Abbayes & benefices ; & ne laissant aller aux autres que ce qu'il leur plaisoit. Qui fut cause d'engendrer vne grande semente de malcontentemens, de despits, de malvueillances & de seditions enuers l'Empereur. Mesmement pource qu'ils ne laissoient passer les negoces de l'Empire que par leurs mains. Ce que les Princes & grands Seigneurs de Saxe commencerent les premiers à prendre le plus à cœur, s'estimans en celà trop mal respectez. Herman Contract, Lambert de Scaffuab, Othon de Frisingen, Abbé d'Ursperg, Auentin, Gaspar Peucer.

LES Sarrazins de Sicile ayans remis sus vne plus grande armee que la precedente (car on escrit qu'elle estoit de plus de 30. mille cōbatans) vindrent assieger la ville de Lyramine, où Serlo nepueu de Roger s'estoit mis avec 30. cheuaux seulement accompagné, desquels il fit vne faillie sur le camp ennemy, si à propos qu'il mit en pieces vne bonne partie d'iceluy. Qui fut cause que Roger avec ce qu'il auoit de gēs, vint charger le reste de si desesperée façon, qu'ils acheuerent de le deffaire & mettre en route : estant la victoire qu'il obtint lors si merueilleuse, à cause du grand nombre des infideles, & du peu des siens, qu'il s'estima l'auoir acquise miraculeusement plustost que par vaillance humaine. En consideration dequoy il prit pour sa deuise ces mots, *Dextera Domini fecit virtutem: Dextera Domini exaltauit me* : comme recite Thomas Fasellus. Selon lequel les Pisans enuoyerēt au mesme temps offrir secours au Prince Roger, s'il vouloit assieger la cité de Panorme. Mais ce qu'il adioust au mesme lieu, que ces Pisans auoient quelque peu auparauant fait la guerre au Soudan d'Egypte, & conquis sur luy la cité de Hierusalem, avec la pluspart de la Palestine & Syrie, le demonstre auoir esté peu studieux de sçauoir ou d'escire la verité des choses.

ROBERT second fils de Baudouin l'ancien Comte de Flandres, espousa Gertrude veue de Florent Comte de Hainault, estant par traicté de son mariage institué Seigneur de Hollande. & tuteur ensemble des mineurs dudit Florent. Mais son pere luy assigna pour son appennage & portion de ce qui luy deuoit aduenir pour sa succession les cinq isles de Zelande : qui sont Vvallachrie, Chaldie, Zimdbouere, Noord, Boouere & Borseillie, avec a Comté d'Alost : souz condition & protestation qu'il ne pretendroit plus rien cy apres contre

contre son frere Baudouin, ny au Comté de Flandres, ny au reste des autres Seigneuries de leur pere. De sorte que dès cest accord le surnom de Phryse fut donné à Robert. Chroniq. de Flandres.

CONAN Duc de Bretagne mourut environ ce temps, sans laisser aucuns enfans. Au moyen dequoy Hoël Comte de Nantes, qui auoit espousé sa sœur qui se nommoit Har-doïse, se mit en possession & saisine de la Duché de Bretagne. Annales de Bretagne.

DOM Sanchio Roy de Castille, voulant oster la ville de Zamora à sa sœur Vrraca que son pere luy auoit donnée, fut occis en trahison par vn de ses gens, (aucuns disent que ce fut par vn berger allant à la chasse:) sans laisser aucun hoir de son corps. Roderic dit que ce fut en l'Ere 1101. Au moyen dequoy son frere Alphonse qui fut 6. du nom, qui se tenoit lors à Tolette, apres auoir iuré au roy Sarrazin de ne luy iamais faire guerre, se vint mettre en possession du Roiaume de Castille, avec lequel il rassembla celui de Leon. De sorte qu'on fait compte qu'il regna 43. ans, ayant espousé Zaide fille du Roy de Seuille apres s'estre fait Chrestienne. Roderic, Anton. Benthier.

L'ARCHEUESQVE de Cologne s'en estant retourné en Allemagne, la guerre se renouuella entre les deux Papes, pource qu'Honoré ne se pouuoit contenter que la recreance du siege demeurast à son aduersaire. De sorte qu'il remena derechef vne armée à Rome comme il auoit ia fait; & donna bataille aux Alexandrins, desquels il fit vne grande boucherie. Mais le Marquis Godefroy reuint encore à leur secours, qui fit retirer l'autre par force. Lambert de Scaffuab.

Du Monde. 6101	E. d'Allemagne. 8	R. de Russie. 7
De Iesus Christ. 1064	R. des François. 4	R. de Hongrie. 2
Indiction. 2	R. de Nauarre. 42	R. de Pologne. 6
De l'Hegire 456. le 13. de	R. d'Arragon. 2	R. de Castille. 1
Nouembre.	R. des Escossois. 7	Comtes de Naples. 5
Papes. 3	R. des Anglois. 1	R. de Dannemarc. 10
E. de Grece. 5	Ducs de Venise. 15	

CADOLE qui se nommoit le Pape Honoré, n'eut tant le cœur failly pour la bastonnade precedente qu'il auoit receuë à Rome, qu'il n'eust encore enuie de l'aller surprendre ceste année. Tellement qu'il se transporta si secrettement, qu'il fut dedans deuât qu'on eust senty le vent de sa venue. Si est-ce toutesfois que les Romains qui tenoient pour Alexandre, le festoyerent encore si rudement, qu'il ne fust eschappé de leurs mains, si Centius fils du Preuost de la ville qui s'entendoit avec luy, ne l'eust mis dedans le chasteau saint Ange. Parquoy comme l'Empereur fust grandemēt sollicité de faire mettre fin à leur differend, Anno Archeuesque de Cologne eut derechef la charge de passer en Italie, avec auctorité de pacifier ce schisme par vn iugement Ecclesiastique. De sorte que iour fut donné aux Euesques tant d'Allemagne que d'Italie & de la Lombardie à Mantouë, pour selon les loix Ecclesiastiques adiuger le droit de la papauté à qui il pouoit appartenir. Et pource que Cadole, de deffy possible de son droit, ne s'y voulut trouuer qu'il ne luy fust premierement promis qu'il y presideroit comme le vray Pape, Alexandre qui y alla plus hardiment, obtint de tant plus facilement gain de sa cause, tant pource q'personne ne s'osa presenter deuant luy pour l'accuser, que de ce qu'il fut receu en iustification par son serment des poincts dont on le chargeoit: qui estoient d'auoir achepté la dignité Papale par argent, & de s'estre allié des Normans pour la retenir & defendre par leur moyen si on l'en vouloit deietter. De sorte qu'il fut par ce moyen confirmé & déclaré Pape legitime. Cōbien que quelques Euesques voulurent esmouuoir quelque sedition pour Cadole, proferrans contre Alexandre paroles iniurieuses: mais toute leur entreprinse s'en alla bien tost en fumee. Platine estime que tout y fut si bien appoincté, qu'Alexandre receut Cadole en grace, & luy donna l'Archeuesché de Rauenne. Mais Lambert de Scaffuab tesmoigne qu'on ne le peut iamais faire accorder ny consentir à se deporter de son droit. Cependant plusieurs statuts furent faicts au mesme Concile, qui tendoient à mesme fin que les precedents, pour arracher totalement le mariage aux Prestres, & pour oster aussi la

puissance aux Princes seculiers de conferer les benefices : entre les autres toutesfois il y en eut vn qui seroit bien à desirer d'estre mieux obserué qu'il n'est , à sçauoir que les ordres & benefices Ecclesiastiques se donnassent gratuitement seulement à gens doctes & de bonne vie, sans les vendre ne pour argent ne pour pretexte d'aucun honneste contract. Herman Contract, Lambert de Scaffuab, Platine, Auentin, Sabellic, Liure des Conciles.

PENDANT que le Pape estoit empesché au Concile de Mantouë, le Prince Robert de la Poüille s'empara (comme disent Blondus & Sabellic) de plusieurs terres qui estoient de l'obeissance de l'Eglise Romaine, comme de Capuë & de Beneuent. Qui fut cause que le Pape Alexandre enuoya le Cardinal Hildebrand vers luy, qui fit si bien que tout fut rendu. Qui fit soupçonner que tout cela se fit par feinte, afin de mieux iustifier le Pape de ce dont on le soupçonnoit, d'auoir intelligence avec les Normans. Ce que Sigonius voulant reparer, ne fait point mention de Hildebrand; ains dit que Godefroy Marquis de la Toscane fut enuoyé cõtre les Normans, avec vne armee pour empescher leurs entreprises : où il se porta en telle sorte, qu'il les guerroya en diuers euenement l'espace de 18. iours. Au bout desquels accord se fit avec les Normans, moyennant vne somme de deniers qu'ils deliurerent à Godefroy, qui apres s'estre retiré, mourut l'annee ensuiuant; laissant la iouissance & administration de toutes les terres & seigneuries, qu'il auoit en Lorraine & en Italie à la Comtesse Mathilde sa femme, & à sa mere Beatrix.

EDOUARD Roy d'Angleterre (que Sigebert semble appeller Godefroy) mourut ceste annee sans enfans, ayant (comme on dit) institué par son testament Guillaume le Bastard Duc de Normandie heritier & successeur de sa couronne, en faueur du bon traitement qu'il auoit receu de luy au temps de son exil. Mais les Anglois ne se rengens pas volontiers souz le gouuernement d'un estranger, aimerent mieux que Harald fils de Godouin Prince fort aimé & de la Noblesse & du peuple, fust leur Roy. De sorte qu'ils laisserent occuper leur Roiaume par luy. Mais Albert Crants liu. 4. de son Histoire de Dannemarc estime qu'il mit à mort le Roy Edouard. Somme que Guillaume Duc de Normandie luy enuoya demander son droit, & le sommer de l'accord qu'il auoit cy deuant fait avec luy, lors qu'il fut transporté par la tormente en Normandie : par lequel il s'estoit obligé de le faire iouyr de la couronne d'Angleterre apres le trespas d'Edouard. Mais il s'arresta à la maxime de Cesar, Que s'il faut violer le droit, c'est quand il est question de regner. A cause dequoy le Normand enuoya remõstrer la iustice de sa cause au Pape Alexãdre, qui sans auoir ouy sa partie la conferma par vn estendart qu'il luy fit tenir de sa part, cõme s'il l'eust par iceluy inuesty de la couronne d'Angleterre. Guillaume de Malmesberie.

ENVIRON le mesme temps Iugo 117. Roy de Sueffe, qui auoit succedé à Stenchil ou Stenkil, fit guerre à Vvaldemare dict aussi Iarislans Roy de Ruthenie. De sorte qu'il gagna plusieurs victoires sur luy, par le moyé desquelles il retira la Skouingie de ses mains & la reincorpora à son Roiaume. Ioan. Magnus liu. 18.

ZOLMIRE aussi Roy de Dalmatie, estant guerroyé par les Carinthiens, demanda secours aux Ducs Geissa & Ladislaus ses beaux-freres : lesquels y accompagnerent le Roy Salomon; & firent si bien par leur vaillance, que Zolmire demeura victorieux de ses ennemis, Bonfinius liu. 3. dec. 2.

PLVSIEURS Euesques & Seigneurs d'Allemagne accompagnerent ceste annee Sigefroy Archeuesque de Majence, au voyage qu'il fit par deuotion en Hierusalem. Auquel ils furent bien durement traittez par les Arabes. De sorte qu'ils reuindrent en beaucoup moindre nombre qu'ils n'y estoient allez. Mais parce qu'on escrit de ce voyage, il semble que la ville de Hierusalem estoit encore en la puissance du Soudan d'Egypte: Lambert de Scaffuab.

VUILRAME de Fulden, Bernard de Corbie en Saxe, Gunthier de S. Amand, Arnould de S. Medard de Soissons, Alfane moine du Mont Cassin, Marbod Euesque de Reiden, Marianus Scotus Moine reclus, avec ses compagnons, Iean Candide Clement, Douald, Magnald & Isaac, personnages de grãd sçauoir, & renommez en sainteté monachale en ce temps.

De Monde.

<i>Du Monde.</i> 6102	<i>E. d'Allemagne.</i> 9	<i>R. de Russie.</i> 8
<i>De Iesus Christ.</i> 1065	<i>R. des François.</i> 5	<i>R. de Hongrie.</i> 3
<i>Indiction.</i> 3	<i>R. d'Arragon.</i> 3	<i>R. de Pologne.</i> 7
<i>De l'Hegire.</i> 457	<i>R. de Navarre.</i> 42	<i>R. de Castille.</i> 2
<i>Papes.</i> 4	<i>R. des Escossois.</i> 8	<i>Comtes de la Pouille.</i> 6
<i>E. de Grece.</i> 6	<i>R. des Anglois.</i> 2	<i>R. de Dannemarc.</i> 11
	<i>Ducs de Venise.</i> 16	

FREDERIC Duc de Mosellane oncle de Baudouin Comte de Flandres, mourut sans aucun hoir masle de son corps. A cause dequoy l'Empereur conféra la Duché de Mosellane à vn sien parent nommé Gerard d'Alsatie. Mais la Comté de Luxembourg demeura à Ermanson fille du defunct, qui espousa Godefroy Comte de Namur, fils de Gilbert Comte de Namur qu'on disoit estre descendu d'Ermangarde fille de Charles premier Duc de Lorraine. Sigebert, Richard de Vvassebourg.

HARALD Roy d'Angleterre auoit vn frere nommé Tosto; lequel ayant esté à son occasion cy deuant enuoyé en exil par le Roy Edouard, s'en voulut en ce temps ressentir. De sorte qu'avec quelque nombre de nauires & de gens de guerre il vint descendre en l'isle de Veste & au pays de Kentz. Mais les payfans le repousserent si rudement, que force luy fut de se sauuer en Escosse: où ne trouuant ce qu'il cherchoit pour faire venir à chef ses proiects, s'en alla rendre au Roy Harald de Noruerge (appelé par Sigebert Harvich Roy des Nordaminbriens) qui se laissa si bien sermonner par luy, qu'il se mit en deliberation d'aller esprouuer sa fortune en Angleterre, avec la plus grande armee de mer qu'il peut faire en son Roiaume: de façon qu'on estime qu'elle fut de mille nauires. Neantmoins Harald le receut de si bonne sorte; qu'il mit quasi toute son armee en pieces, se trouuant luy-mesme avec Tosto entre les morts. Mais ceste victoire fut si chere aux Anglois, qu'elle les rendit beaucoup plus foibles à repousser les Normans de la France, qui auoient ia leur armee toute preste pour venir prendre terre en Angleterre. Guill. de Malmesberie, Mathieu Paris, Polydore, Albert Crants.

HARALD Roy de Noruerge occis en la maniere que nous venõs de reciter, laissa 2. fils, nommez Olaue & Magnus; qui partagerent son Roiaume entr'eux: mais Olaue laissa bien tost après sa portion à Magnus par son trespas. Au moyé dequoy tout ledit Roiaume fut reüni souz la main de ce Magnus, qui le gouerna iusques à sa mort par l'espace de plus de trente ans: & puis le laissa à ses deux fils, Hasten & Siuard. Guillaume de Malmesberie.

VNE nation de Scythes nommee des Vzes sortit en ce temps de leur pays en grande multitude, pour venir chercher leur fortune dedans les prouinces des Grecs. De sorte qu'ils passerent le fleuve Ister; & ayans mis en route vne armee de Grecs que l'Empereur leur fit opposer, eussent encor donné beaucoup plus d'affaires à l'Empereur de Grece, si vne furieuse pestilence ne se fust mise en leur camp, qui en accabla tout le meilleur: demeurant le reste en si pauvre estat, qu'ils furent facilement mis en pieces par les Bulgariens & Patzinaces. Zonare.

LE Pape étant de retour à Rome, y fit celebrer vn Synode d'Euesques; auquel le mariage fut interdict à tous les gens d'Eglise; & defendu qu'aucun n'eust à chanter Messe, Euangile ny Epistre, ny faire aucun office en l'Eglise, qui ne viuroit en celibat. Lequel decret fut aussi prononcé contre les Simoniaques.

QQQ iij

<i>Du Monde.</i> 6103	<i>E. d. Allemagne.</i> 10	<i>R. de Russie.</i> 9
<i>De Iesus Christ.</i> 1066	<i>R. des François.</i> 6	<i>R. de Hongrie.</i> 4
<i>Indiction.</i> 4	<i>R. de Navarre.</i> 43	<i>R. de Pologne.</i> 8
<i>De l'Hegire</i> 458. le 2. de	<i>R. d'Arragon.</i> 4	<i>R. de Castille.</i> 3
<i>Decembre.</i>	<i>R. des Escossois.</i> 9	<i>Comtes de Naples.</i> 7
<i>Papes.</i> 5	<i>R. des Anglois.</i> 3	<i>R. de Dannemarck.</i> 12
<i>E. de Grece.</i> 7	<i>Ducs de Venise.</i> 17	

LORS que l'Empereur Henry fut mis hors de la tutelle de sa mere, les Princes d'Allemagne conuindrent entr'eux pour oster toute occasion de discorde & de ialousie que les Princes & Euesques tiendroient par tout le gouuernemēt de l'Empereur, & le maniemēt des affaires de l'Empire entre leurs mains. Mais quand Albert Archeuesque de Breme fut entré en son rang, l'esmorce qu'il y trouua luy fit oublier le deuoir de laisser venir les autres à leur tour: ayant si bien engagé le cœur de l'Empereur enuers soy en luy complaisant & gratifiant en toutes ses voluptez, qu'il ne vouloit estre gouuerné que par luy, commençant ia de s'estranger des autres Princes, de traiter mal les nobles; d'esleuer les plus petits aux haultes charges & dignitez, & de negliger de tout poinēt l'administration & entretenement de la iustice par tout son Empire. Qui fut cause que les autres Princes & Euesques assemblez à la suggestion des Archeuesques de Majence & de Cologne en la ville de Triburie, conclurent que l'Empereur seroit contrainēt ou de gré ou de force de se separer de la compagnie de l'Archeuesque de Breme, & de laisser reuenir le gouuernement de l'Empire au train où il estoit auparauant. De sorte que s'il ne se fust de bōne heure raccommodé avec eux, la guerre ciuile s'en ensuiuoit. Ce qui ne peut toutesfois effacer ny le malcontentement, ny la malvueillance que plusieurs auoient ia conceu contre luy: comme Lambert de Scaffuab & Auentin recitent. Qui est l'endroiēt où Herman Contract de la maison des Comtes de Veringen, moine & homme de sçauoir pour son temps a finy son Chronicon, qu'il auoit deduit depuis la creation du Monde. Naucler dit que le *Salve Regina* qui se chante auioird'huy en l'Eglise, fut composé par luy.

GVILLAVME Duc de Normandie dict le Bastard, ayant esté institué successeur & heritier du feu Roy Edouard, s'estoit bien resolu de ne se laisser frauder de son droit par faulte de le poursuiure & debatre. De sorte qu'ayant fait armee des pays & seigneuries qu'il auoit en la France (à laquelle aussi s'estoient volontairemēt ioinctes plusieurs troupes & compagnies Françoises & de Flamens) il la fit descendre en Angleterre au temps quasi que les Noruegeois furent deffaits par Harald: lequel esperant venir aussi heureusement à bout des Normans que des autres, leur vint, apres auoir rafraischy son armee quelque temps, donner bataille, où il fut tué, & les forces des Anglois deffaites. Au moie de quoy les Normas (à qui ceste memorable victoire aduint le quatorzieme iour d'Octobre) demeurerent seigneurs de toute l'Angleterre; estans les Anglois contraincts de se soubmettre à eux. Guill. de Malmesberie, Matthieu Paris, Polydore Virgile, Lilius, Albert Crants, P. Æmyle.

LES Boëmiens souz la conduite de leur Duc Bretislaus ou Vratislaus, oserēt faire quelques courses & entreprinſes sur le Roiaume de Hongrie. Mais le Roy Salomon se trouua si prest à les receuoir, qu'il ne les fit seulement retirer plus viste en leurs marches, qu'ils n'en estoient partiz, mais aussi leur alla rendre leur change iusques dedans, sans s'oser presenter deuant luy. Bonfinius.

LES Esclauons (qu'Albert Crants appelle pour son plaisir Vandales) prenans garde aux troubles & au mauuais gouuernemēt de la Germanie. A cause de la ieunesse de l'Empereur, & ayans moins de crainte de celuy qui estoit lors Duc de Saxe, nommé Ordulfe, de qui ils estoient tributaires, qu'ils n'auoient eu de son pere: se souleuerent tout d'un cōplot cōtre luy, sans luy plus vouloir rēdre tribut ny obeissance. Et pource qu'ils en vouloient aussi à Godscal fils d Vdon, à cause qu'il s'efforçoit d'auācer & de maintenir en son pays,

païs, ils le mirent cruellement à mort deuant la riuere d'Albea: & puis d'une mesme furie massacrerent ou martyriserent tous les prestres ou moines qui se trouuerent en la contree de laquelle Godfcal auoit esté Seigneur. Qui fut cause que ses deux fils qu'il auoit laissez de deux femmes, à sçauoir Buthee & Henry se mirent en deuoir de venger la mort d'iceluy. Mais toutes les nations Esclauonnes s'esleuerent toutes ensemble contr'eux, & contraignirent l'aîné se sauuer vers Ordulphe Duc de Saxe, & le plus ieune qui estoit Henry en Dannemarc, d'où sa mere estoit partie, apres auoir cruellement pillé, faccagé & mis à feu & à sang toute la Nordalbingie & Holstie avec la ville de Slesvion. Et puis prindrent pour leur Prince vn Crito fils de Grime, qui auoit espousé la sœur de Buthee, sous lequel ils repousserent fort heureusement tous les efforts qu'Ordulfe Duc de Saxe voulut faire sur eux, pour les reduire derechef en son obeissance comme ils estoient auparauant. Tellement qu'ils le rembarrerent lourdement toutes les fois qu'il alla contr'eux. Albert Crants.

<i>Du Monde.</i>	6014	<i>E. d. Allemagne.</i>	11	<i>R. de Russie.</i>	10
<i>De Iesus Christ.</i>	1067	<i>R. des François.</i>	7	<i>R. de Hongrie.</i>	5
<i>Indiction.</i>	5	<i>R. d. Arragon.</i>	5	<i>R. de Pologne.</i>	9
<i>De l'Hegire</i>	459. le 21.	<i>R. de Nauarre.</i>	44	<i>R. de Castille.</i>	4
<i>de Novembre.</i>		<i>R. des Escossois.</i>	10	<i>Comtes de la Pouille.</i>	8
<i>Papes.</i>	6	<i>R. des Anglois.</i>	1	<i>R. de Dannemarc.</i>	8
<i>E. de Grece.</i>	1	<i>Ducs de Venise.</i>	18		

CONSTANTIN 12. surnommé Ducas, Empereur de Grece mourut telmoin Ioannes Curopalates au mois de May, laissant trois fils, Michel, Andronic, & Constantin, souz la tutelle & gouvernement de leur mere Eudoxia: pource qu'ils estoient encore fort ieunes, luy ayant fait promettre qu'elle leur reseruerait l'Empire sans le laisser venir en autres mains. A cause dequoy elle le gouerna seule l'espace de 7. mois & aucuns iours. Ioannes Curopalates.

L'EMPEREUR Henry espousa ceste annee Berthe fille d'un Othon Marquis de Piedmont & d'Adheleide: qui fut aussi au dire de Lambert de Scaff, mere de Adelaus ou d'Amедee Comte de Morienne: mais on ne sçait si ce fut en premieres ou secondes nopces, ou si cest Othon fut celuy que Paradin appelle Humbert fils de Berald.

PAR la mort d'Othon Marquis de Turingie ledit Marquisat fut donné à Egbert cousin de l'Empereur. Funccius.

BAVDVIN l'Ancien surnommé de Phryse Comte de Flandre & Regent en France mourut. Au moien dequoy la Comté de Flandre vint à son fils aîné Baudouin de Mers. Chronique de Flandre.

Commencement du regne des Normans en Angleterre.



LE Roiaume d'Angleterre réduit en la puissance des Normans par la victoire precedente, rien n'empescha que le Duc Guillaume ne s'en fit couronner Roy par l'Euesque de Vvaruich le iour auquel ou celebrait la Natiuité de nostre Seigneur, qui faisoit le commencement de la 1067. annee de nostre Seigneur. De maniere qu'on fait compte qu'il regna deslors en Angleterre l'espace de 21. an: l'ayant policee & ordonnee de telles loix qu'il estima les plus conuenables à l'entretienement de son estat. Ce qui fut la fin du regne de la nation des Anglois & des Saxons audit Roiaume, nommément de la posterité du Roy Cerditius & des Saxons en Angleterre souz Hengistius. Polydore Virgil. liu. 3. & Lilius. Guillaume de Neubrige

Q Q Q iiii

Anglois commence son histoire des gestes des Anglois, laquelle il a comprise en cinq liures, au temps que Guillaume conquesta le Roiaume d'Angleterre, & la continue iusques à l'an 1197.

Les Vvallachiens estans entrez à grande puissance dedans le Roiaume de Hongrie, en furent vaillamment repoussez par le Roy Salomon. Bonfinius.

Svevo Roy de Dannemarc mourut, laissant quatorze fils: deux desquels (à sçavoir Harald & Canute) entrèrent en controuersé l'un contre l'autre pour la couronne de leur pere: d'autant que Canute qui estoit le plus ieune s'estimoit la mieux meriter pour sa vaillance en faict de guerre, & pour les grandes choses qu'il auoit ja faictes à l'honneur & utilité du Roiaume. Mais Harald par le iugement de la plupart des estats de Dannemarc fut déclaré Roy. Qui fut cause que Canute se retira vers Halstan 118. Roy de Sueffe ou Suede (qui auoit nouvellement succédé à son frere Iugo, que les Schouingiens auoient occis en trahison dedans leur pais) lequel luy bailla vne armee pour la mener contre les Russiens & peuples Orientaux. Cependant Harald regna seulement l'espace de 2. ou 3. ans. Comme tesmoignent Albert Crants & Funcius: ou selon Guillaume de Malmesberie trois, qui declare aussi que Sueuon venant à mourir fit iurer à tous les Princes de son Roiaume, que ils feroient succeder par ordre à sa couronne tous ses fils l'un apres l'autre (desquels il en laissoit quatorze) s'il auenoit que tous les plus ieunes suruesquissent les premiers, & que par ce moien Harold ou Harald obtint la roiauté le premier deuant Canut, qu'il appelle Cnut. Quant au Royaume de Suede Ioannes Magnus dit que Halstan gouerna depuis son Roiaume en grande tranquillité tout le temps de sa vie, par le moyen des bonnes & saintes loix qu'il y ordonna.

D'AVANT que c'estoit chose que les Prestres faisoient fort enuy que de laisser leurs femmes, auxquelles ils estoient ioincts par mariage, & fort difficile de s'en passer à ceux qui les auoient accoustumees, mesmement pour les enfans qu'ils en auoient: de tant plus aussi les Papes prenoient ceste matiere à cœur, cōme s'il y allast de tout l'honneur de l'Eglise, fils ne venoient à bout de ce qu'ils auoient commencé. De sorte qu'il se passa peu d'annees en ce siecle qu'ils ne celebrassent plusieurs Synodes en diuers lieux, auxquels entre les autres Canons & constitutions, pour les abuz qui se commettoient aux benefices, estoit tousiours faict defence de les prendre de la main des Princes seculiers. De laquelle façon furent deux qu'on tint ceste annee à Melphes & à Milan. Auquel toutesfois se fit vn autre statut, à sçavoir qu'il n'y eust aucun prestre ou clerc admis aux ordres par presens ou par argent, ny Curé aucun qui osast prendre present ou salaire pour donner la benediction ou le Chresme. Cependant Sigonius sans faire mention du Synode de Milan, dit que le populaire de Milan se mutina encore de telle sorte ceste annee contre les prestres mariez & contre leur Archeuesque qui defendoit leur cause, qu'ils le contraignirent & de se desister de sa poursuite & de se demettre de sa dignité Archiepiscopale pour viure en priué.

<i>Du Monde.</i>	6105	<i>E. d'Allemagne.</i>	12	<i>R. de Russie.</i>	11
<i>De Iesus Christ.</i>	1068	<i>R. des François.</i>	8	<i>R. de Hongrie.</i>	6
<i>Indiction.</i>	6	<i>R. d'Arragon.</i>	6	<i>R. de Pologne.</i>	10
<i>De l'Hegire 460. le 10.</i>		<i>R. de Nauarre.</i>	45	<i>R. de Castille.</i>	5
<i>de Novembre.</i>		<i>R. des Esgossois.</i>	11	<i>Comtes de la Pouille.</i>	9
<i>Papes.</i>	7	<i>R. d'Angleterre.</i>	2	<i>R. de Dannemarc.</i>	2
<i>E. de Grece.</i>	1	<i>Ducs de Venise.</i>	19		

L'IMPERATRICE Eudoxia estoit assez fine & accorte pour conseruer l'Empire à ses enfans, si elle eust voulu. Mais soit qu'elle eust plus d'esgard au bien public, qui requeroit vn Empereur d'aage, vaillant & belliqueux pour defendre l'Empire contre la puissance des Turcs, desquels il estoit menacé: ou qu'elle ne se peust encore passer de mary, son affection se mit en fin si bien en vn vaillant Capitaine nommé Romain & surnommé Diogenes, que non seulement elle l'espousa, mais aussi le declara Empereur. Ioannes Curopalates dit

dit que ce fut le 1. iour de Ianuier de la 6. Indiction & de l'an du monde selon les Grecs 6576. De façon qu'ils regnerent ensemble l'espace de 3. ans, 8. mois, 12. ou 13. iours. Mais il faillut qu'il marchast en la mesme année contre les Turcs. Pource que Axan ou Asan appelé par Guillaume de Tyr Belphe, par Haitonus Dogrissa successeur de Trangrolipix, ayant réduit en son obeissance toutes les hautes parties d'Orient, vint descendre avec vne puissance inestimable qu'il departit en deux bandes, en la Syrie & Cappadocie: faisant son compte qu'il ne se trouueroit rien qui peust durer deuant luy: ne que l'Empereur nouveau ne seroit pas meilleur que les precedens. De façon que l'une & l'autre de ses armées conquisterent ou gasterent & destruisirent plusieurs places & villes avec vne grande estendue de pais tant sur les Grecs que sur le Calife d'Egypte, auant qu'ils vissent quelqu'un qui les peust garder d'aller auant. Si est-ce toutesfois que la venue de Diogenes contr'eux avec les forces desquelles ils se doutoient qu'il fust accompagné, leur firent si soudain rebrousser chemin, qu'ils ne se donnerent le loisir d'emmener avec eux, ne leur butin ne leur propre bagage, de peur de perdre le deuant. A cause dequoy il les poursuivit iusques dedans la Syrie, où il eut rencontre avec Machmut Soudan ou Amiras de Chalep (que les nostres disent Alape) qu'il mit honteusement en routte: & en remporta vne memorable victoire le 20. de Nouembre, étant la 7. Indiction commencée. Ioannes Curopalates, Zonare.

Les Princes Normans ne festimans pas auoir beaucoup fait en Sicile tant que le principal siege d'icelle seroit encore entre les mains des Sarrazins. A ceste cause apres auoir mis les affaires de la Pouille en quelque tranquillité. Le Duc Robert passa avec vne partie de ses forces en Sicile, & se ioignant avec Roger mirent le siege deuant la cité de Panorme: laquelle se trouua si bien munie & de nombre de gens de guerre & de toutes autres prouisions de defence, qu'ils furent acculez plus de trois mois deuant sans y rien faire, sinon vne grande desconfiture de leurs ennemis à vne saillie qu'ils oserent faire sur eux. Laquelle n'empescha qu'il ne leur fallust à la parfin leuer leur siege, apres auoir miserablement gasté & brulé tout le terroir d'alentour, & pris quelques autres petites villes d'alentour, pour retourner en la Pouille assieger les villes de Bary & Tany, lesquelles restans encor de toutes celles d'Italie entre les mains des Grecs, auoient durant le siege de Panorme fait plusieurs entreprinse sur eux. A cause dequoy l'un des freres prist la conduite du siege de l'une d'icelles, & l'autre de l'autre: lequel ils poursuivirent de toute opiniastrété, iusques à ce qu'elles leur furent toutes deux rendues. Thomas Fasellus.

BOLES LAUS Roy de Pologne se trouuant en paix avec tous ses voisins, prit en imagination de soumettre à soy la Russie. Et pour paruenir plus facilement à ses projects, il se allia par mariage d'une Princesse nommée Vvisseslaua, qui estoit heritiere vniue d'une des moindres contrees de la Russie. Et puis souz pretexte de vouloir remettre le Prince Izauslaus en ses estats, entra avec toutes ses forces dedans la Kionie: causant vn tel estonnement au Prince Vvisseslaus, qu'il s'enfuit, laissant le moien à son frere de se remettre en la possession d'icelle, & de quelques autres prouinces aussi. Martin Cromer.

Du Monde.	6106	E. d'Allemagne.	13	R. de Russie.	12
De Iesus Christ.	1069	R. des François.	9	R. de Hongrie.	7
Indiction.	7	R. d'Arragon.	7	R. de Pologne.	11
De l'Hegire 461. le 30.		R. de Navarre.	46	R. de Castille.	6
d'Octobre.		R. des Escossois.	12	Comtes de la Pouille.	10
Papes.	8	R. des Anglois.	3	R. de Dannemarc.	1
E. de Grece.	2	Ducs de Venise.	20		

PAR la victoire precedente l'Empereur Diogenes recouura les villes de Melitene, de Hierapoli & de Chalep en Syrie sur les Turcs. Et pource qu'un peu apres vne troupe de ses gens fut en vne escarmouche defaite par les Turcs, le Gouverneur qu'il auoit mis pour luy en la ville de Calep, estimant que la perte fust plus grande, remit la ville entre les mains

des Turcs, qui de ces deux succez vindrent si presumptueux, qu'ils l'oserēt non seulement attendre, mais aussi venir assieger dedans son camp. Neantmoins ils se laisserent si bien surprendre par luy, qu'ils furent vaincus & mis en routte. Au moien dequoy il se fit encore rendre quelques autres villes: & apres auoir laissé garnison avec vne citadelle en la ville de Hierapoli, s'en retourna à Constantinople. *Authours precedens.*

Les Turingiens estans de la iurisdiction Ecclesiastique de l'Archeuesché de Majence, se disoient estre exempts & priuilegiez de ne payer dismes. Mais Othon Marquis de Turin-gie en acceptant son Marquisat apres le trespas de son frere, auoit esté contrainct de promettre à l'Archeuesque qui luy payeroit dismes à la maniere des autres, & qu'il contraindroit aussi ses subjects de faire le semblable. Ce que toutesfois le Marquis Ecbert successeur d'Othon ne les autres ne voulurent iamais faire. Parquoy comme l'Archeuesque se disposast à le vouloir contraindre par armes, l'Empereur s'offrit de faire ceste guerre en sa faueur, à condition aussi qu'il le fauoriserait en la repudiation de sa femme. Ainsi furent les Turingiens avec leur Marquis contraincts par la puissance de l'Empereur qui mena luy-mesme son armee dedans leur pais, de satisfaire à la volonté de leur Archeuesque: lequel toutesfois ne peut pas si bien satisfaire à la promesse qu'il auoit faicte à l'Empereur. Car ayant faict assembler vn Synode à Majence pour iuger des causes que l'Empereur proposoit pour repudier sa femme, Pierre Damian Legat du Pape suruint, qui empescha que l'intention de l'Empereur ne fust ensuiuite. Lambert de Scaffuab, Auentin. Le voyage que Sigebert dit qu'il fit ceste annee contre les Lufatiens, semble se deuoir entendre des Turingiens.

Le mauuais traictement que Guillaume Roy d'Angleterre faisoit aux Anglois, fut cause que beaucoup de grāds Seigneurs (comme Edouin, Morchare, Egdare, qui estoit du sang roial des Anglois ou des Dannois) se retirerent vers Malcolm Roy d'Ecosse, & que d'autres se rebellerent apertement au pais de Northumbellande, où ils deffirent vne bone troupe de gens avec leur Capitaine que le Roy enuoioit contr'eux. Qui fut cause qu'il y alla en personne, & qu'il prit telle raison des rebelles qu'il voulut. Aucuns desquels furent contraincts de se rendre à sa mercy, comme Egdare & Morchare. Guillaume de Malmesberie & Polydore.

Les Bulgariens ayans fait quelques courses dedans la Hongrie, souz la faueur des habitans de Belgrade, qu'on disoit Naudoralbe, qui appartenoient lors à l'Empereur de Grece, semblerent auoir donné occasion raisonnable au Roy Salomon d'aller faire la guerre aux Belgradiens, & de s'opiniastrer si extremement deuant leur ville, qu'il n'en voulut decamper qu'il ne l'eust entierement submise à soy & annexee à son domaine. Bonfinius.

La guerre des deux freres de Russie terminee, le Roy Boleslaus avec ses Polonois se mit dedans la Premissie qui appartenoit à sa femme. Et fit en sorte apres plusieurs exploits de guerre, qu'elle fut rendue en sa puissance. Martin Cromer.

HARALD fils de Sueuon Roy de Dannemarc mourut en la seconde annee de son regne. A cause dequoy les Dannois rappellerent son frere Canute, selon Guillaume de Malmesberie, Cnuto, & le constituerent Roy sur eux. De façon qu'il les gouerna l'espace de 10. ans, durant lesquels il eut de grādes guerres contre les peuples Orientaux, Samboniés, Curetes & Estoniens, non pour autre occasion que pour les amener à la cognoissance de Iesus Christ. A quoy toutesfois il ne peut onques paruenir. Cependant on tient que sa vie fut si saincte & loüable, qu'elle fut cause de le faire canoniser entre les Sainets apres sa mort. Albert Crants, Funccius, Munster. Guillaume de Malmesberie dit aussi, qu'il mit bien tost apres son arriuee à la couronne vne grande armee de mer qui estoit de mille nauires, laquelle il voulut faire passer en Angleterre pour recouurer le droit que ses ancestres y auoient eu: mais qu'elle fut tousiours par l'espace de deux ans repousee, & empeschee d'y aborder par les vents: qui fut cause de le faire deporter de son entreprinse, estimant qu'elle fust desplaisante à Dieu. Mais on luy fit entendre bien tost apres que ce destourbier luy auoit esté procuré par sorcelerie de quelques femmes.

Les Normans acheuerent en ce temps de reduire en leur puissance le reste des villes que les Grecs tenoient encore en la Pouille & Calabre: En l'une desquelles qui se nommoit Vestie, le Lieutenant de l'Empereur fut pris par le Prince Guischar. Pádolfo Collinutio.

Du Monde.

<i>Du Monde.</i> 6107	<i>E.d'Allemagne.</i> 14	<i>R.de Russie.</i> 13
<i>De Iesus Christ.</i> 1070	<i>R. des François.</i> 10	<i>R.de Hongrie.</i> 8
<i>Indiction.</i> 8	<i>R.d'Arragon.</i> 8	<i>R.de Pologne.</i> 12
<i>De l'Hegire</i> 462. le 19.	<i>R. de Navarre.</i> 47	<i>R.de Castille.</i> 7
<i>d'Octobre.</i>	<i>R.des Escossois.</i> 13	<i>Comtes de la Pouille.</i> 11
<i>Papes.</i> 9	<i>R.des Anglois.</i> 4	<i>R.de Dannemarc.</i> 2
<i>E. de Grece.</i> 3	<i>Ducs de Venise.</i> 21	

Les Turcs continuans à faire des entreprinſes ſur les prouinces d'Orient, firent entreprendre à l'Empereur Diogenes vn ſecond voyage contr'eux. Auquel il en deſſit vne grande troupe en la prouince de Ceſaree:& mena ſon armee iuſqu'aupres de l'Euphrates, où il en laiſſa vne partie ſouz la charge d'vn ſien Capitaine nommé Philaret, ſ'accompa- gnant du reſte iuſqu'en vne autre contree. Cependant les Turcs vindrent tellement dōner ſur la troupe de Philaret, qu'ils le mirent en routte:& entrans en la Cappadocie ſaccage- rent & deſtruirent la ville d'Iconium avec pluſieurs autres: pource qu'ils ne les voulurent garder, ſçachans que Diogenes reuenoit contr'eux. Neantmoins ils furent tous deſtrouf- ſez & deſualifez en ſ'en retournant par l'Armenie. Ce que Zonare teſmoigne eſtre aduenu l'an du monde 6578. ſelon les Grecs.

PLVSIEURS Princes d'Allemagne incitez de diuerſes cauſes, ſignamment de ialou- ſie du gouuernement de l'Empire, firent vne conſpiration enſemble contre l'Empereur. De laquelle Othon Duc de Bauiere eſtoit le principal promoteur. Si eſt-ce toutesſois que luy & les compagnons laiſſerent commencer le jeu ſeulement à deux Princes de Saxe, Theodon & Albert Marquis,& à leurs ſubjects & allies, qui ſe rebellerent apertemēt ſouz pretexte de defendre leur liberté que l'Empereur ſembloit leur vouloir oſter, faiſant faire pluſieurs forts ſur leurs terres, ſans reſprimer cependant les insolences de ſes officiers, & les extorſions qu'ils faiſoient ſur eux. Qui fut cauſe que l'Empereur à eux ſ'adreſſa, de ſi bonne façon qu'après auoir pris & reduit toutes leurs places en ſa main, les contraignit de ſe ve- nir rendre à ſa mercy, ausquels il fit quelque grace, pource qu'ils l'informerent de tout le faiēt & des complices de leur conſpiration, qui les auoient abandonnez au beſoin. Mais le Duc de Bauiere fut enſcore deſcouuert par vn autre qui ſ'offrit de prouuer ſon teſmoigna- ge par le combat de corps à corps. Qui fut cauſe qu'en default qu'il n'eſt oſa venir iuſtifier, que l'Empereur entra avec main forte dedans la Duché de Bauiere,& ſe fit le plus fort, s'e- ſtant le Duc Othon retiré à ſauueté eſ cachettes de la foreſt Hercinie, où il ſe cōſtitua chef de quelques troupes de vagabons qu'il mena dedans la Turingie, où il fit vne grande deſ- confiture de Turingiens, qui l'oſerent attendre en champ de bataille le 2. iour de Septem- bre. Lambert de Scaff. Abbé d'Vrſperg. Auentin liu. 5.

Av meſme temps les Piſans entrerent en guerre contre les Geneuois pour l'isle de Cor- ſegue qu'ils vouloient aſſubjectir: tellement qu'ils ſe donnerent deux rencontres ſur mer, où les Geneuois eurent le pire. Sigonius.

GODEFROY le Preux diēt le Barbu, Duc de Lorraine & Gerard d'Alſatie 3. du nom, Comte de Caſtinach & Duc de Moſellane, pour raiſon dequoy il s'intituloit auſſi Duc de Lorraine Moſellanique, moururent, demeurant vn fils à Godefroy portant meſme nom que luy, qu'on ſurnomma le Boſſu, qui luy ſucceda à la Duché de Lorraine, poſſedant ja de grandes terres en Italie par le moien de ſa femme Mathilde. Mais à Gerard ſucceda ſon fils Theodoric en la Duché de Moſellane, qui en fut en grande controuerſe contre ſon frere nommé Gerald. De ſorte qu'ils ſ'en firent la guerre l'vn à l'autre. Sigebert, Richard de Vvaſſebourg. Sigonius toutesſois eſtime que Godefroy eſtoit ja decedé auparauant.

Av meſme temps auſſi Baudouin de Monts Comte de Flandre, voulant (comme reci- te Lambert de Scaffuab) chaffer ſon frere Robert du païs de Friſe, pource qu'il eſtoit trop proche de luy, le contraignit de ſe ſi brauement defendre, qu'il fut par luy vaincu & occis en champ de bataille. Suiuant laquelle occaſion il ſ'empara encore de la Comté de Flan- dre, contraignant la veſue & les fils de ſon frere ſe retirer vers le Roy de France. Mais les

histoires de Flandre avec Guillaume de Malmesberie disent seulement que Baudouin mourut de sa mort naturelle, laissant deux fils nommez Arnoul 8. qui estoit l'aîné, & Baudouin en fort bas aage, souz la tutelle testamentaire de Robert de Phrise. Ou comme veut ledit de Malmesberie (ce qui est le plus vray-semblable) souz la tutelle de sa mere & du Roy de France, ensemble d'un Baron d'Angleterre ou de Normandie nommè Guillaume fils d'Osberne. Mais tant y-a qu'entre Robert & la vesue du defunct nommee Richilde, un grand different se mit pour le gouvernement des mineurs que la mere se vouloit retenir. A cause dequoy l'Oncle se declara son ennemy. Qui fit qu'elle se faisoit de la Comté d'Alost, & des Isles de Zelande, faisant punir ceux qu'elle sceut adherer à son ennemy. Qui se trouua cependant empesché à guerroyer au pais des bas Phrisons pour la querelle des enfans de sa femme. De façon (comme dit Sigebert) qu'il perdit une grande bataille avec grand nombre de Phrisons contre Godefroy le Bossu Duc de Lorraine.

CANUTE Roy de Dannemarc incité par quelques bannis d'Angleterre, qui s'estoient retirez vers luy, fit une armee de mer de deux mille nauires (comme on dit) qu'il alla faire descendre en Angleterre, où elle se ioignit les autres bannis qui estoient en Escosse. De sorte qu'ils commencerent tous ensemble à gagner pais. Mais ils se trouuerent bien tost rembarrez si rudement de l'armee que le Roy Guillaume presenta deuant eux, qui n'estoit que d'Anglois conduict par un Anglois, n'ayant voulu qu'il y eust aucun de ses Normans, pource qu'il se vouloit deffaire de ses ennemis par ses ennemis, que force leur fut de regagner plus viste leurs nauires qu'ils ne les auoient laissees, payans cependant à leurs ennemis bien cherement l'amende de leur venue par la perte qu'ils firent de beaucoup de leurs gens: nonobstant qu'ils vendirent aussi bien cherement leur perte, ayans occis grand nombre d'Anglois avec leur Capitaine. Au moyen dequoy le Roy Guillaume fit apres leur depart une cruelle punition de ceux qui se trouuerent auoir eu intelligence avec les bannis. Guillaume de Malmesberie, Polydore Virgile.

BRETISLAUS ou plustost Vratisslaus Duc de Boëme, & le Marquis de Morauie Conrad son frere entrerent en ce temps en grande controuersie contre Leopold Marquis d'Autriche, pour raison de leurs limites. Qui les firent si fort animer l'un contre l'autre, qu'ils se donnerent bataille, qui fut perdue par les Austrichois. Bonfinius.

VDO Marquis de Saxe retira en ce temps la ville de Brandebourg de la puissance des Vandales. Chronique de Saxe.

LE Pape entra ceste annee en different contre l'Empereur & les Euesques d'Allemagne, pour raison du crime de Simonie. De laquelle l'Euesque de Bamberg fut accusé deuant le Pape, comme s'il eust payé argent pour son Euesché. De sorte qu'il fallut qu'il en allast à Rome, d'où l'on n'esperoit pas qu'il deust reuenir à meilleur marché que de la perte de son honneur & de sa dignité. Mais il se defendit si bien contre les accusations & calomnies de ses malvueillans & ennemis, que non seulement il se trouua innocent de ce dont on l'auoit accusé, mais aussi s'en retourna en son Euesché avec le Pallium Archiepiscopal & autres enseignes de la benedictio Papale. Comme recitent Lambert de Scaff. & l'Abbé Tritemius en son Chronicon Hirsaugienſe.

ANNO Archeuesque de Cologne estoit en ce temps en fort bon bruit pour les vertus & bonnes complexions qui estoient en luy. On raconte qu'il fit creuer les yeux à certains iuges qui auoient iniustement condamné une pauvre femme, ne laissant seulement à l'un d'iceux qui estoit son compere, que l'un de ses yeux, afin qu'il peust remener les autres. Naucler.

AV mesme temps aussi furent en bruit Anselme Archeuesque de Cantorbrie, Alberic & Constantin d'Afrique medecin, lequel a laissé plusieurs liures traictans de la medecine. Il estoit natif de Carthage, & apres auoir estudié l'espace de plus de 29. ans es sciences des Arabes & des Perses, se vint rendre moine au Mont Cassin. Onufrius, Chronique du Mont Cassin liu. 3.

Du Monde.

Du Monde. 6108	E. d'Allemagne. 15	R. de Russie. 14
De Iesus Christ. 1071	R. des François. 11	R. de Hongrie. 9
Indiction. 9	R. d'Arragon. 9	R. de Pologne. 13
De l'Hegire 463. le 8.	R. de Navarre. 48	R. de Castille. 8
d'Octobre.	R. des Escossois. 14	Comtes de la Pouille. 12
Papes. 10	R. des Anglois. 5	R. de Dannemarc. 3
E. de Grece. 4	Ducs de Venise. 22	

Les Turcs festans mis derechef à ravager les provinces des Grecs, furent vaincus & mis en route par Michel Comnene Capitaine des Legions d'Orient, à qui l'Empereur sceut si pauvre gré de ce bon devoir qu'il avoit fait, qu'il l'envoia par envie en vne autre contree, où il fut vaincu & pris par les Turcs: lesquels toutesfois se trouverent tellement estonnez du retour de l'Empereur contr'eux, que leur Soudan luy envoia ses Ambassadeurs pour traicter de la paix avec luy, se soumettant à de grandes & avantageuses conditions pour les Grecs, lesquelles neantmoins l'Empereur ne voulut accepter. Qui fut cause que les Turcs convertissans la crainte qu'ils avoient de luy en vn despit furieux, le vindrent combattre de toute leur puissance auprès de Criapega. De façon qu'ils le vainquirent & retindrent prisonnier par la lascheté d'aucuns de ses Capitaines. Mais sa prise luy fut plus prejudiciable envers les siens propres, que envers ses ennemis: pource que le Soudan Asan (par vn exemple recommandable à la posterité d'une admirable clemence d'un ennemy barbare envers son prisonnier) ne luy fit pas seulement vn traitement gracieux entre ses mains, mais aussi le renvoia fort honorablement, n'ayant pris autre rançon de luy qu'une vne ferme paix & amitié qu'il esperoit avoir avec luy à l'advenir. Si Diogenes n'eust trouué toutes choses renversées contre luy par son absence à Constantinople, pource que Michel septiesme du nom dict Parapinace fils de Constantin Ducas mit le pied en l'arçon de l'Empire, à l'aide de Jean Cesar son oncle, & envia vne armee contre Diogenes, qui faisoit estat de se remettre par armes en son siege, lequel elle vainquit avant qu'il eust eu loisir de se faire fort. Et puis le poursuivit en vne ville, où il se retira si chaudement que force luy fut de se rendre par composition: contre laquelle toutesfois on luy creua les yeux apres qu'il eut abiuré l'Empire au mois d'Octobre (estant la 10. Indiction selon Ioannes Curopalates ja commencee.) De façon qu'il fut gouverné deslors souz le nom dudit Michel (surnommé des Grecs Parapinacien, à cause d'une grande famine qui fut souz luy en la Grece, & des Italiens Diocris ou Dioctize) l'espace de 6. ans & environ 6. mois. Zonare, Ioan. Curopalates, Michael Glyca.

Le Duché de Bauiere ostee au Duc Othon pour sa felonnie, fut mise entre les mains de Vvelphe Comte d'Este Marquis d'Italie gendre d'iceluy par l'Empereur: afin qu'il luy fust plus fidele que son beau pere. A qui toutesfois fut faite quelque grace par l'intercession d'aucuns Princes, luy estant quelques-vnes de ses terres rendues pour son entretenement. Lambert de Scaffuab.

ESTANT la Pouille & Calabre toute reduite souz la puissance des Princes Normans, envie les reprist de retourner derechef esprouver leurs forces sur la ville de Panorme: laquelle n'estât pas moins munie de defence de gens & de toutes autres munitiōs de guerre qu'auparavant, les eust encore certainement frustrez de leur entreprise, si quelques soldats Chrestiens que les Sarrazins avoient à leur service, festans rendus maistres de la citadelle, ne l'eussent mise entre les mains des Normans: par le moyen de laquelle s'ensuiuit la prise & reddition de tout le reste de la cité, laquelle le Duc Robert retint pour soy en quittant à son frere tout ce qu'ils avoient ja conquesté en Sicile: Comme recite T. Fasellus, qui cōvient avec la Chron. du Mont Cassin, que ceste prise de Panorme se fit ceste annee, & en la 9. Indictiō, ayant le siege duré selon ladicte Chron. liu. 3. ch. 43. 5. mois iusques en Juillet (cōme veult Fasel.) Cest exploit fait le Duc Robert s'en retourna en la Pouille, pour obuiar aux esmotiōs des Seigneurs du pais & de ses alliez mesmes. Cependāt Roger demeura en Sicile, pour faire paracheuer plusieurs forteresses cōtre les villes que tenoient les Sarrazins.

R R R

La pluspart des Flamans ne se voyans pas volontiers gouvernez par femme, se sentoient encore plus greuez des nouuelles impositions & maletostes qu'elle faisoit sur eux. Qui fut cause de diuiser la Flandre en deux factions: L'une desquelles, qui tenoit le party de Robert de Phrise, se nommoit la Germanique, pource que les Flamans qui parloient la langue Allemande, la faisoient: Et l'autre la Françoisse, que tenoient les Valons de la partie de Richilde. De sorte qu'il s'en ensuiuit vne cruelle guerre: En laquelle Robert donna premierement la chasse à la Comtesse & à ses fils. Mais elle ayant recouré nouuelles forces qui luy vindrent de France, ils se donnerent vne autre bataille aupres de Castelet dont la victoire fut esgale: pource que la Comtesse & Robert furent pris de chacune des deux pars. Qui furent rendus en eschange l'un del'autre. Au moien dequoy la Comtesse releua encore à l'aide du Roy de France (qui la mena en personne) vne troisieme armee qu'elle osa derechef hazarder contre son ennemy le 22. iour de Feurier pres la ville S. Omer. Ce qui l'acheua de peindre, pource qu'elle y perdit son fils aîné avec la victoire, demeurant le Comte Eustache de Boulongne, qui estoit venu à son aide prisonnier, lequel auoit son frere Euesque de Paris & Chancelier de France nommé Godefroy, qui pour moyenner plus facilement sa deliurance obtint du Roy Philippe qu'il ne se mesleroit plus des affaires de Flandre (avec lequel mesme il fallia, ce dit Guillaume de Malmesberie, luy donnant sa belle fille en mariage, dont il eut son fils Louis le Gros.) Ce qui fit qu'elles allerent si mal pour la Comtesse, que force luy fut de quitter la place à son ennemy, & se retirer avec son autre fils Baudouin en la Comté de Hainault. Comme recitent Sigebert, Jacq. Meyer, P. A. mile & les Chron. de Flandre. Lambert de Scaffuab adioust qu'ils allerent de là implorer l'aide de l'Empereur, qui donna charge à l'Euesque du Liege & aux Princes de Lorraine de les remettre en leurs biens. Mais que la puissance des François les empescha de venir à chef de leur entreprinse.

La guerre qui s'estoit allumee entre les Boëmiens & les Austrichois, fut par l'autorité de l'Empereur appaisée. Funccius.

Les Euesques de Constance & de Heildeshein avec aucuns Abbez, se trouuans conuaincus d'auoir obtenu leurs Eueschez & benefices par argent, furent par le decret d'un Synode tenu à Mayence deposez. Lambert de Scaff. Auentin.

Du Monde.	6109	E. d'Allemagne.	16	R. de Russie.	15
De Iesus Christ.	1072	R. des François.	12	R. de Hongrie.	10
Indiction.	10	R. d'Arragon.	10	R. de Pologne.	14
Del' Hegire.	464. le 27.	R. de Nauarre.	49	R. de Castille.	9
de Septembre.		R. d'Ecosse.	15	Comtes de la Pouille.	13
Papes.	11	R. d'Angleterre.	6	R. de Dannemarc.	4
E. de Grece.	1	Ducs de Venise.	23		

Le Soudan des Turcs se sentit tant offensé du tort qu'on auoit fait à l'Empereur Diogenes, & que la paix qu'il auoit faite avec luy ne s'entretenoit, qu'il se delibera d'employer toute sa puissance à reduire les prouinces d'Orient en son obeissance. Et se trouua l'opportunité si fauorable à ses intentions, qu'il luy fut loisible en peu de temps de se redre Seigneur de toutes les prouinces qui sont depuis la ville de Laodicee en Syrie, iusques à l'Hellespont, qui comprennent l'Antiochie, la Cappadocie, Bithinie, Lycie, Pisidie, Lycaonie, Paphlagonie, Galatie avec les deux Cilicies & le pais du Pont, & generalement toutes les nations qui sont contenues souz ce que les Grecs appelloient Anatolie, les Turcs auourd'huy Turquie, qui tient en longueur depuis la Cilicie iusques au bras S. George 30. iournees, & en largeur 10. & 15. sans qu'il se presentast aucune armee qui peust arrester le cours de ses conquêtes. Pource que celle que l'Empereur y voulut enuoier, fut destourbee de faire aucune chose vallable par l'un de ses Capitaines, qui estoit François, se nommant Rufelius: qui pour certaines causes se reuolta avec ses gens contre l'Empereur, estant cause qu'Alexius Comnenus qu'on luy auoit donné pour adioint, fut tant plus facilement vaincu & pris par les Turcs. Et que l'Empereur mesme se trouua contrainct d'entendre à luy, plustost qu'aux Turcs, desquels mesmes il fallut qu'il prit en fin aide pour le vaincre & deffaire.

D'autant

D'autant que la premiere armee qu'il auoit faict aller contre luy, fut deffaite & son oncle Iean Cesar qui en auoit la conduite, pris par luy prisonnier.

OTHON cy deuant Duc de Bauere, retombant en felonnie fit encore recidiuer les Saxons en rebellion avec luy contre l'Empereur. De sorte qu'ils se faiserent des fortes places de leur pais: & puis se mirent aux champs, en si bon nombre qu'ils firent sortir l'Empereur bien hastiuement de leurs marches, & en fin le contrainrent de leur accorder vne telle paix qu'ils voulurent. Pource qu'il failloit qu'il menast vne armee en Hongrie pour remettre le Roy Salomon en son Roiaume, que ses cousins auoient dechassé: Comme Auentin recite. Combié que les autres, ne les histoires d'Hongrie ne font point mention de ce voyage de Hongrie, sinon cy apres.

RICHILDE Comtesse de Flandre, accompagnée de Godefroy de Bouillon & de plusieurs autres Seigneurs tant de Hainault que d'ailleurs, retourna derechef contre le Côte Robert son aduersaire. Mais ce fut avec aussi malheureuse issue qu'auparauant. D'autant que elle reuint son armee deffaite & vaincue, laissant son ennemy possesseur paisible de la Flandre, par l'aide qu'il receut (au dire de Lambert de Scaff.) du Roy de France.

ENVIRON ce temps mourut Ordulphe Duc de Saxe, laissant sa succession à son fils nommé Magnus, lequel fut sollicité par Buthne cy deuant Prince des Esclauons, Obodrites & Vagriens, de le remettre en son pais. A cause dequoy il luy donna les Holsatiens, Sturmariens & Thietmarsiens, pour le reconduire. Mais il se laissa avec eux vaincre, descôfrire & puis assieger dedans vn fort. Où il fut encore pris & malheureusement mis à mort, encore qu'il se fust rendu par composition. Au moien de laquelle victoire Crito se rendit la Nordalbingie & les Holsatiens, Sturmariens & Thietmarsiens tributaires. Albert Crâts.

ENVIRON ce temps Almenon ou Alimaymon Roy des Sarrazins de Tolette en Espagne, mourut laissant vn fils nommé Isen, qui luy succeda en son Roiaume. Auquel tēps aussi les autres Maures d'Espagne se guerroyerent l'vn l'autre, de telle façon que Almudafar Roy de Sarragosse augmenta grandement son domaine des conquestes qu'il fit sur les autres Rois de sa nation. Tellement que ses fils firent apres sa mort deux beaux Roiaumes de sa succession: dont l'aîné qui se nommoit Abenalfange, eut celui de Sarragosse: & l'autre appelé Alculima ou Columela les pais qu'il fit nommer le Roiaume de Denia, auquel estoit adiointe la cité de Torlosa. Ce fut semblablement lors que le vaillant Dom Roderic Biuar Cid conquesta le chasteau d'Alcofer sur Abubecar Roy de Valence: lequel ayant enuie de le recouurer, donna vne armee à deux petits Rois ses subjects nommez Fare & Gualbes, qui se ioignirent avec d'autres Rois, entre lesquels estoit celui de Molina, qui vindrent tous ensemble assieger ledit chasteau. Mais Cid qui estoit dedans, fit vne saillie sur eux, si a point qu'il les mit en routte avec toute leur armee, demeurant le Roy de Molina son prisonnier, qui en se faisant son vassal fut mis en liberté. Mais Abubeca Roy de Valence prit tellement à cœur ceste perte, qu'il s'en laissa mourir de regret: ayant commis le gouuernement de la cité de Valence à vn Capitaine de la Iustice dit Abubecar Abdalla Adis. A la fin Cid deuint si puissant au moyen de ceste bonne rencontre, qu'il osa auanturer sur le Roiaume de Sarragosse, y faisant tant de sortes d'algarades, que le Roy Almudafar fut réduit à la necessité de se rendre son vassal. Ce qui luy aduint vn peu deuant son trespas, par lequel ses deux fils Alculima & Abenalfange luy succedans demurerēt en mesme condition enuers Cid qu'auoit esté leur pere. Dom Antho. Benth.

A l'occasion que Malcome Roy d'Ecosse receuoit & supportoit les bannis d'Angleterre, le Roy Guillaume s'en trouua tellement offensé, qu'il mena vne armee contre luy: par laquelle il le mena de si rude façon, qu'il le cōtraignit en fin, pour s'exempter de pis, de luy faire hommage avec serment de fidelité. Polydore Virgile.

Vn Synode prouincial des Euesques d'Angleterre fut celebré ceste annee en presence du Roy Guillaume & d'un Legat du Pape, sur le differēt qui estoit entre Lāfranc Euesque de Dorombrie & Thomas de Varuic, pour la primauté & superiorité de leurs Eueschez. Guillaume de Malmesberie.

PLVSIEURS pelerinages se faisoient en ce temps par deuotion en Hierusalem. Lambert de Scaffuabourg moine tesmoigne en sa Chronique, qu'il fit le mesme voyage avec d'autres.

RRR ij

<i>Du Monde.</i>	6116	<i>E. d'Allemagne.</i>	17	<i>R. de Russie.</i>	16
<i>De Iesus Christ.</i>	1073	<i>R. des François.</i>	13	<i>R. de Hongrie.</i>	11
<i>Indiction.</i>	11	<i>R. d'Arragon.</i>	11	<i>R. de Pologne.</i>	15
<i>De l'Heure 465. le 16.</i>		<i>R. de Navarre.</i>	50	<i>R. de Castille.</i>	10
<i>de Septembre.</i>		<i>R. des Escossois.</i>	16	<i>Comtes de la Pouille.</i>	14
<i>Papes.</i>	1	<i>R. des Anglois.</i>	7	<i>R. de Dannemarc.</i>	5
<i>E. de Grece.</i>	2	<i>Ducs de Venise.</i>	1		

ANNO Archeuesque de Cologne homme vertueux & prudent, se despleut en telle façon de voir que tout allast à la cour de l'Empereur contre iustice & raison, qu'il se retira volontairement en sa maison: Comme Lambert de Scaffuab recite. L'Abbé d'Vrsperg toutesfois afferme, qu'il reuint au mesme temps d'Italie, où il estoit allé receuoir les droicts & reuenus de l'Empereur: à qui il rapporta vn mandement du Pape Alexandre, qui luy commandoit de se deporter doresnauant de plus vendre les benefices Ecclesiastiques de son Empire, ny de s'ingerer d'en conferer aucun sans l'autorité du siege Apostolique. Somme quel'Empereur se sentant depestré de luy, comme d'un Contrerolleur trop seuer, se laissa plus licentieusement conduire par ses plaisirs qu'il n'auoit point encore fait. Car il se mit premierement en fantasie de recommencer querelle aux Turingiens, pour les decimes qu'il vouloit qu'ils payassent à l'Archeuesque de Majence, afin qu'il eust part au gasteau: si les ayant fait condamner par vn Synode d'Euesques fait à sa poste en la ville d'Erford au mois de Mars, n'eussent esté contraincts par la crainte de ses menaces de s'accommoder à sa volonté. Cependant l'accord fait cy deuant avec les Saxons se rompit, estant la rebellion si grande que non seulement le populaire, mais aussi les Princes, Seigneurs & Prelats furent de la partie, sans se vouloir ne par remonstrances, promesses, colloques & menaces reconcilier à luy, iusques à luy denoncer la guerre, non pour seulement s'il ne se desistoit de les fascher, mais s'il ne vouloit amander sa vie qu'ils appelloient desbordee. Finalement encore se firent ils si osez, qu'ils l'allerent assieger dedans la ville de Goslar: où ils l'eussent attrapé, s'il n'eust fait vn pertuis en la nuit. Ce qui donna occasion aux Turingiens de ne plus craindre ne differer de prendre les armes comme les Saxons cõtre luy. De façon que toute l'Allemagne fut embrasée de guerre ciuile.

A V Seigneur Dominic Contarini Duc de Venise decedé, succeda en la dignité Ducale le Seigneur Dominic Selue ou Siluie, lequel l'exerça au cõpte de Contarin & de Sabellic l'espace de 15. ans, combien que d'autres en ont compté 22. ou 23.

I Z A S L A V S Prince de Russie dechassé pour la seconde fois de son pais par ses freres, fut aussi cause que le Roy Boleslaus de Pologne entreprit de le restituer derechef par vne armee qu'il mena pour cest effect en Russie, qui se porta si heureusement & vaillamment que les Russiens furent en fin contraincts de se rappointer avec leur Prince, signamment ses freres Lusque & Igor. Martin Cromer.

A S A N ou Belpheer Empereur des Turcs desirant aller reuoir ses Roiaumes de Perse, mit fin à ses conquestes, les laissant en la garde & au gouuernement de ses plus proches parens & fauorits. De sorte que son nepueu Alphasal, qui voulut estre nommé Solimanfa, selon nous Soliman, obtint toute la Turquie pour en faire comme vn rempart des Turcs contre les Grecs: vn autre nommé Ducath toutela Tetrarchie de Damas contre le Soudan d'Egypte. Mais vn de ses principaux Capitaines qui s'appelloit Axian, demeura gouuerneur de la Tetrarchie de Damas: Comme Assaugure, qui fut grand pere du fameux Noradin, de celle de Calep ou d'Alappe, avec permission à luy & à ses compagnons de porter le nom de Soudan. Comme Guillaume de Tyr liure premier, chapitre neuuesme, & liure quatriesme, chapitre onzieme de son histoire sainte recite. Combien que Haitonus attribue la conqueste de la Turquie & Cappadocie à Aspasalem, qui auoit succedé à son pere Dogrissa: & à Metecle fils & successeur dudit Aspasalem, la prise d'Antioche

d'Antioche souz la conduïte toutesfois de Soliman son nepueu & d'Artot Soudan de Mesopotamie. Sigebert aussi rapporte seulement ceste prise d'Antioche à l'an mil septante neuf. Mais il est bien vray-semblable que toutes les conquestes se firent en plusieurs années.

Le Pape Alexandre mourut le vingtdeuxiesme d'Auril. Benno Cardinal tesmoigne qu'il fauança luy-mesme l'occasion de sa mort, ayant déclaré qu'il auoit regret de s'estre laissé faire Pape sans le consentement de l'Empereur, & qu'il se deliberoit faire confermer par luy. Pource que le Cardinal Hildebrand & les ennemis de l'Empereur l'accuserent souz ce pretexte d'estre indigne de tenir le siege Papal; & l'ayant fait déposer, le mirent en vne prison, où il trouua sa mort par le traitement qu'il y receut. Ce que toutesfois selon Platine, Onufrius, Sigonius & les autres qui ont escrit l'histoire des Papes ne semblera estre vray, lesquels aussi ne sont pas moins appoinctez contraires en l'histoire de son successeur Hildebrand premierement moine de Clugny, & puis apres Archediacre des Cardinaux, natif du pais de Sienne, qui se donna le nom de Gregoire 7. avec ceux qui ont defendu la cause de l'Empereur Henry contre luy. Car comme ceux qui le fauorisent, afferment qu'il fut esleu & estably au siege papal canoniquement apres le trespas de son predecesseur par la voix des meilleurs Cardinaux & les mieux affectionnez au bien de l'Eglise contre sa volonté, ne s'estimant digne d'une si pesante charge, en consideration seulement des bonnes parties qui estoient en luy, comme la grande doctrine, la pieté, prudence, modestie, sobriété, constance, continence, iustice, religion. Selon lesquelles aussi ils disent qu'il exerça si sainctement sa dignité, qu'on ne doute point qu'il n'ait esté agreable à Dieu: les miracles qu'il a fait apres sa mort testifiants de la saincteté & innocence de sa vie. Et que le tiltre de pere & protecteur des pauvres, des vefues & des orphelins, de restituteur & propugnateur de la liberté de l'Eglise contre la tyrannie & oppression des mauuais Princes, ne luy soit iustement deuë & attribuee. Les autres au cōtraire ont escrit selon leurs passions & maladies d'esprit, qu'il fut le premier qui contre les constitutions canoniques & sans l'election du Clergé ne des Cardinaux, n'estant son predecesseur encor ensepueli, se colloqua par force à l'aide de bon nombre de soldats qui se trouuerent à son seruice, souz l'intelligence qu'il auoit avec les Normans de la Pouille, & la confiance en la puissance de la Comtesse Mathilde, au siege Papal. De peur que s'il eust plus differé, vn autre ne luy eust esté preposé. De sorte que l'Abbé d'Vrsperg recite qu'on parloit de luy en ceste sorte. Il est certain (dit-il) que Hildebrand n'a point esté esleu de Dieu: qu'il s'est poussé de soy-mesme par fraude & à force d'argent: qu'il a renuersé l'ordre Ecclesiastique, a troublé l'Empire Chrestien, a procuré la mort d'un Roy pacifique, a maintenu des parricides, a entretenu les querelles, guerres & dissensions, semé des discordes, suscité les scandales, & fait des diuorces. Et a dauantage esbranlé & renuersé tout ce qui sembloit estre bien ordonné entre ceux qui viuoient bien sainctement. Mais ceux qui luy ont fait la guerre en sa vie, l'ont bien encor osé qualifier de tiltres plus criminels, l'appellant heretique, hypocrite, antechrist, tyran, sanguinaire, necromancien, simoniaque. Or combié qu'il soit bien possible que ses ennemis l'ayent en faueur de l'Empereur fait beaucoup plus noir qu'il n'a esté, si est-ce que ceux mesmes qui ont tenu son party & defendu sa cause par leurs escrits (comme a fait Paulus Beruritenis) n'ont peu dissimuler qu'il n'ait esté trop arresté à ses intentions. Dont Guillaume de Malmesberie dit qu'il fut *Vir apud Deum felix gratia, & apud homines austeritatis fortasse nimia*. L'election si precipitee telle qu'a esté la sienne, ayant esté faite (par le tesmoignage mesme d'Onufrius) le iour propre que son predecesseur mourut, la rendit suspecte & contre les constitutions des Papes precedens. On le blasme aussi de ce qu'il a esté tout le tēps de son pōtificat en guerre & en dissentiō perpetuelle avec l'Empereur, sans chercher ny apprehēder les moiēs qui se sont presentez de se pacifier à cōditions tolerables avec luy. A cause dequoy Guillaume de Malmesberie qui luy en veut aussi, dit de luy. *Que quod alij inuistauerant, ille palam extulit, excommunicans electos, qui inuestituram Ecclesiarum de manu laici per annulum & baculum acciperent*. Et les Liegeois en se defendāt contre ceux qui les guerroyoient, escriuent, que *Solus Hildebrandus Papa ultimam manū sacris canonibus imposuit, quem legimus praecepisse Mathildi Marchionissae in remissionem peccatorū suorū vti debellaret Henricum Imperatorem*. Et puis encor: *Exemplo Gregorij primi, qui noluit se in mortē Longobardorum immiscere, omnes post illum Papae contenti utebantur solo gladio spirituali usque ad ultimū Gregorium, id est Hildebrandum, qui primus se & suo exemplo alios Pontifices contra Imperatorem*.

R R R iij

accinxit gladio belli. Mais il y en a d'autres qui eurent opinion qu'il auoit vn esprit prophetique en luy, par lequel il scauoit les pensees & cogitations des personnes. Dont Guillaume de Malmesberie en racompte vn exemple, qu'il afferme auoir esté ouy de la bouche de Hugues Abbé de Clugny, lequel disoit s'estre vne fois trouué à la suite de ce Hildebrand, lors qu'il n'estoit encor que Chancelier de l'Eglise Romaine, & faisoit estat de Legat en France. Et que le voyant suiuy d'une grande compagnie d'hommes qui s'estudioient de le caresser & honorer de toutes façons, il ne se peult tenir de s'esmerueiller, disant en son cœur, *homuncionem exilis stature, despectabilis parentela, quo Dei iudicio tot dimitā sepi famulatio, timere illum proculdubio, & metiri altiora merito pro tot obambulatorum obsequio.* Mais que tout aussi tost que ceste pensée fut partie de luy, que Hildebrand qui marchoit deuant avec son train, s'arresta tout court, & vint dire à l'Abbé: *Tu malè cogitasti, falso infamans huiusce rei duntaxat innocentem. Non enim mihi hanc gloriam, si gloria dici potest, que cito transit, sed ego imputo & ab aliis imputari volo, scilicet beatis Apostolis, quorum exhibetur privilegio.* Puis répondit encore à l'Abbé qui s'esmerueilloit comment il auoit peu scauoir sa pensée, qu'elle auoit esté portee de la bouche d'iceluy comme par vne canule iusques à ses oreilles.

Du Monde.	6111	E. d'Allemagne.	18	R. de Russie.	17
De Iesus Christ.	1074	R. des François.	14	R. de Hongrie.	12
Indiction.	12	R. d'Arragon.	12	R. de Pologne.	16
De l'Hegire 466. le 6.		R. de Navarre.	31	R. de Castille.	11
de Septembre.		R. des Esgosses.	17	Comtes de la Pouille.	15
Papes.	2	R. d'Angleterre.	8	R. de Dannemarc.	6
E. de Grece.	3	Ducs de Venise.	2		

TANT plus l'Empereur Henry venoit en auant, tant plus aussi le nombre de ses ennemis & rebelles s'augmentoient. De sorte que l'Archeuesque de Majence & Rodolfe Duc de Sueue commençoient ja de s'estranger de luy, ayans intelligéce avec eux. Nonobstât que ce Rodolfe eust espousé la sœur de l'Empereur, laquelle luy auoit esté donnée (cōme dit vn Escriptain de ce temps) en mariage *cum Regno Burgundia, ut Regi Henrico filio suo esset tanto fidelior, quanto affinitate simul & beneficiis coniunctior.* Qui fut cause que l'Empereur mena son armee contre les Saxons, qui se monstroient les plus audacieux & obstinez enuers luy, cōme ils firent encore paroistre lors qu'il les alla trouuer. Car ils se presenterent deuant luy en si bon nombre & en si bonne contenance, que sans oser tenter la fortune contr'eux, il fut contraint de leur accorder vne paix, à telles conditions qu'ils voulurent. Laquelle toutesfois ils violerent bien tost après, sans qu'ils eussent occasion valable de ce faire, sinon par les suggestions du Pape, avec l'empêchement qui luy vint cōtre les Hungrois. Pource que le Roy Salomon estant rentré par faux donner à entendre en mauuais mefnage cōtre ses cousins Geiffa (ou selon Lambert de Scaff.) Ioas & Ladislaus, les contraignit de se retirer vers Brétislaus Duc de Boême, lequel leur donna vne armee, par le moien de laquelle ils chasserent le Roy Salomon de son Roiaume, l'ayans vaincu en trois rencontres. Qui fut cause que l'Empereur (vers qui il se retira à refuge) entreprit de le remettre derechef en son Roiaume par l'armee qu'il mena luy-mesme en personne au depart de Saxe & Hongrie, dont elle reuint toutesfois sans auoir fait aucune chose memorable, tant par la desobeissance de ses soldats, que pour la disette de viures à laquelle il se trouua réduit: Comme recitent Lambert de Scaff. Auentin & Bonfinius: selō lesquels aussi cecy aduint ceste annee, & non comme Abraham Baska a estimé 1072.

EN ce temps estoient Rois à Seuille en Espagne Almuncamuz Aben Amet, & à Grenade Amundafar, à Valence Abubacar, qui estoit vassal du Roy de Tollette: contre lesquels le vaillant Cid Capitaine Espagnol combatit heureusement plusieurs fois, & conquist bon nombre de places sur Almūdacar Roy de Sarragosse. Esti. Garney en son histoire d'Espagne.

BOLES LAVS Roy de Pologne poursuiuant sa victoire assaillit de route sa puissance la Kionie, & fit en telle sorte qu'elle luy fut rendue, quelque resistance que les Russiens peussent faire. Au moyen dequoy il la remit entre les mains du Prince Izauslaus & de ses fils, à charge de luy en rendre certain tribut tous les ans. Martin Cromer.

LA nation des Crobates ou Corbates dictz Seruiens, estant sortie de Scythie, s'esleua ceste annee contre l'Empereur, & entra à grande puissance dedans le Roiaume de Bulgarie. Mais elle y fut si lourdement rembarree, qu'ils n'eurent loisir que d'aller retrouver leur pays plus viftement qu'ils n'en estoient venuz. Zonare, Ioannes Cuiropalates.

LE Pape preuoyoit bien que si l'Empereur estoit vne fois deliuré de toute autre affaire, qu'il en auroit avec luy, pour s'estre cõtre son auctorité intronisé au siege. Aussi se voulut il premunir des moyens de maintenir sa cause. Car prenant garde aux affaires que l'Empereur auoit en Allemagne & en Hongrie, prit intelligence avec les ennemis & malvucillans d'iceluy, estant cause que la paix nouvellement faicte avec les Saxons fut mal long temps gardée; & que plusieurs commencerent à son occasion de s'esbranler avec les rebelles. Finalement pour luy tailler encor plus de besongne, se delibera d'entrer luy-mesme en lice contre luy, par les sentiers que ses trois predecesseurs luy auoient ia apllaniz. Qui estoit souz pretexte de vouloir confermer & faire obseruer leurs decretz & ordonnances, mesmement ceux qui s'adressoiẽt aux Prestres Nicolaites & Simoniaques, & de maintenir l'Eglise en ses libertez & franchises: annuller de tout poinct le priuilege que l'Empereur se disoit auoir par ses ancestres depuis Charlemagne de confermer les Papes, & de cõferer toutes les Prelatures & dignitez Ecclesiastiques à qui bon luy sembloit: alleguant que les choses sacrees ne se deuõient traiter ne manier par mains profanes. Outre laquelle cause toutesfois la Chronique du Mont Cassin liu.3.chap.48. (l'auteur de laquelle viuoit lors) recite encor vne autre de la source & origine de la querelle qui s'esmeut entre le Pape & l'Empereur. Qui est telle, *Mathilda* (dit-il) *Comitissa Imperatoris exercitum timens, Liguriam & Tusciam prouincias Gregorio Pape & sanctæ Romanæ Ecclesiæ deuotissimè obtulit: unde in primis causa seminandi inter Pontificem & Imperatorem odi initium fuit. Quapropter Pontifex opportunitatem nactus, eundem Imperatorem quod sibi iura Ecclesiæ usurparet, communionem priuauit.* De sorte qu'il assembla souz ceste intention vn Synode de grand nombre d'Euesques en l'Eglise de Latran à Rome; par le iugement desquels furent declarez coupables & attaincts de l'heresie Simoniaque ceux qui contre les ordonnances des Papes precedents auoient achepté ou vendu aucune dignité Ecclesiastique: ou qui les auoient receu seulement de la main d'un Prince seculier. Defenses aussi expresse adioustees & reiterees sur peine d'excommunication, de plus contreuenir à ceste ordonnance à quelque personne que ce fust. Laquelle mesme ils luy enuoyerent (comme dit Marianus Scotus) signifier en si grande bobance & brauade, que les Legats qui furent deputez à en faire le rapport, ne voulurent communier à la Table avec luy, ne manger ou conferer avec l'Euesque de Babenberg, les estimans heretiques & excommuniez. Ce qui fut l'Helene, pour laquelle l'Allemagne & Italie entrerẽt en vne Iliade de miseres & de maux par le discord des Empereurs & des Papes, qui ne peut oncques depuis prendre fin que iusques à ce que les Papes ont obtenu pleine victoire de leur cause, par laquelle ils n'ont pas seulement osté aux Empereurs & aux autres Princes seculiers le priuilege de conferer les dignitez Ecclesiastiques, mais aussi l'ont transferé à eux-mesmes, encore qu'ils ne l'eussent iamais eu, ou querellé, ny osé se l'attribuer auparauant. Et en defendant la liberté de l'Eglise, ont tellement opprimé la dignité Imperiale, qu'elle s'est trouuee finalement reduicte souz leur ioug: & les Empereurs en tel estat souz eux, qu'ils estoient auparauant souz les Empereurs. Au surplus pource que le Concile precedent ordonna aussi d'autres statuts contre les Prestres mariez qu'on appelloit Cõcubinaires & Nicolaites, par lesquels ceux qui ne se voudroient separer d'avec leurs femmes estoient declarez degradez de leurs ordres, & priuez de leurs offices & prebendes: est arresté que nul ne pourroit estre admis d'oresnauant aux ordres Ecclesiastiques, qui ne fist vœu de continence & de chasteté perpetuelle. D'auantage aussi defendu fort estroitement aux Laics de plus ouyr la Messe d'un Prestre marié. Cela sembla estrange & fascheux, ce dit Sigebert, à plusieurs Ecclesiastiques, qui ne vouloient quitter leurs femmes, lesquels disoient que c'estoit vn nouveau exemple, & de preiudice inconsideré contre la doctrine des saincts Peres, qui ont escrit que les Sacraments de l'Eglise recoiuent leur efficace seulement par l'operation du saint Esprit, & non du merite du ministre qui les dispense. Dõt aussi il suruint vn tel scádale en l'Eglise, qu'elle n'auoit esté iamais troublee si griefuement d'aucune heresie ny d'aucun schisme. A ceste cause Lambert de Scaffuab tesmoigne que quand ces Decrets furent portez aux Euesques d'Allemagne & des Gaules pour les faire obseruer de poinct en poinct en leurs dio-

ceses, que la pluspart du Clergé s'esleua d'une terrible façon en murmure, appellant le Pape autheur d'une pernicieuse & damnable constitution : qui contre la permission expresse que nostre Seigneur a declaree par ceste parole, que tous ne pouuoient pas comprendre : & de sainct Paul, qui ne se peult contenir se marie, pource qu'il vault mieux se marier que brusler, vouloit par une force tyrannique contraindre les hommes de composer leur vie à la reigle des Anges : & en leur déniant le cours accoustumé de nature leur laschoit la bride à fornication & immundicité. C'estoit là leur querelle & complainte : cependant toutesfois il ne se desistoit par messages continuels de haster les Euesques de faire accomplir son mandement, vsant de reproches & de menaces, si ce qui leur estoit enioinct n'estoit bien tost mis à execution. Ce qui mit l'Archeuesque de Majence en une merueilleuse perplexité, cognoissant bien que ce n'estoit pas une petite affaire que de desraciner tout à coup une coustume si enuieillie. Tellement qu'il mit en auant du commencement les plus gracieux moyes dont il se peut souuenir, leur donnant terme de s'aduiser en un demy an : & les admonnestant de s'accommoder volontairement à ce où la necessité les feroit en fin venir, s'ils donnoient occasion au Pape de proceder de plus rigoureuse façon enuers eux. Finalement ayant assemblé un Synode en la ville d'Erphurd au mois d'Octobre, se voulut pleinement acquitter de sa commission, sans vouloir prendre en payement aucune de leurs raisons & supplications, iusques à ce qu'il les veit entrez en telle forcenerie, que s'il n'eust quitté le ieu par promesse de s'interposer enuers le Pape pour les faire laisser en paix, iamais n'eust eschappé vif de leurs mains.

<i>Du Monde.</i>	6112	<i>E. d'Allemagne.</i>	19	<i>R. de Russie.</i>	18
<i>De Iesus Christ.</i>	1075	<i>R. des François.</i>	15	<i>R. de Hongrie.</i>	1
<i>Indiction.</i>	13	<i>R. d'Arragon.</i>	13	<i>R. de Pologne.</i>	17
<i>De l'Heure 467. le</i>		<i>R. de Nauarre.</i>	52	<i>R. de Castille.</i>	12
<i>37. d'Aoust.</i>		<i>R. des Escossois.</i>	18	<i>Comtes de la Pouille.</i>	16
<i>Papes.</i>	3	<i>R. des Anglois.</i>	9	<i>R. de Dannemarc.</i>	7
<i>E. de Grece.</i>	4	<i>Ducs de Venise.</i>	3		

L'EMPEREUR estant de retour de Hongrie, fut contrainct de mener son armee de rechef contre les Saxons, qui auoient non-seulement reprins les armes contre luy, mais aussi vsoient de si estranges façons de faire enuers luy, comme s'ils luy eussent voulu donner la loy. Si est-ce toutesfois que sa venue vers eux, avec la puissance qu'il menoit, les rendit si humbles, qu'ils se vindrent soubmettre sans exception à sa mercy. Ce qui le fit penser qu'ils auoient enuie de luy estre plus obeissans à l'aduenir qu'apresent. Qui fut cause qu'vsant plus de douceur que de rigueur, ne prit autre satisfaction d'eux que de leur faire poser les armes. Lesquelles neantmoins ils reprindrent encor aussi legerement qu'ils les auoient laissees, dès que luy & son armee eurent mis le pied hors de leur pays, recommençans à iouer leurs ieux contre luy, d'aussi grande furie que s'ils eussent esté iustement provoquez à ce faire. Dequoy les Princes qui s'estoient iusques alors secrettement entenduz avec eux, signamment le Duc Rodolfe de Suaube, furent si scandalisez qu'il ne s'en trouua point d'autres qui accompagnassent l'Empereur de meilleur vouloir & avec plus belle suite au retour qu'il fit contr'eux, ne mesme qui ayent fait mieux leur deuoir à la iournee qu'il leur donna le 9. iour de Iuin pres la riuierre d'Ouestre ou d'Unstrut en la Turingie : où ils furent lourdement deffaits par la perte qu'ils y firent de la pluspart de leur fanterie & du Prince Gebrard, pere (comme on dit) de Lothaire cy apres Empereur. Cōbien qu'on estime qu'ils la vendirent bien cherement, parce qu'une bonne part aussi de la Noblesse qui estoit avec l'Empereur, nommément Ernest Marquis d'Autriche (de qui Luitolph son fils fut heritier & successeur) y demeura. Tant-y-a cependant que les Saxons furent si lourdement menez par l'Empereur, au moyen de ceste malheureuse rencontre, que force fut en fin, apres plusieurs remises & retardements à leurs Princes & Chefs se venir mettre sans cōdition entre ses mains; souz promesses toutesfois que le Duc de Suaube & autres :

& autres grands Seigneurs leur firent, qu'ils ne receuroient qu'un honneste traitement, sans qu'on touchast à leurs biens & libertez. Tellemēt que les Euesques de Magdebourg & d'Halberstat, avec les Ducs Othon de Baviere & Magnus Duc de Saxe fils d'Ordulfe, duquel Bernard auoit esté pere, & Frederic Comte Palatin, outre beaucoup d'autres Seigneurs se presenter souz la mesme confiance deuant l'Empereur, qui les tint seulement du commencement en garde honneste. Mais il les dispersa bien tost apres en diuers lieux, & exposa leurs biens en proye à leurs ennemis. Qui plus est, fit bastir & edifier plusieurs nouvelles forteresses en Saxe, pour tenir le reste des Saxons en crainte & en seruitude. Lambert de Scaffuab, avec un autre escriuain de ce temps, Marianus Scotus, Abbé d'Uperg, Auentin.

ROBERT premier du nom Duc de Bourgongne, fils du feu Roy Robert de France, mourut, ayant eu un fils nommé Henry, qui estoit ia decedé, duquel estoient demourez deux fils, Hugues & Othon : le premier desquels, par le droit de son ainesse, succeda à son ayeul en la Duché de Bourgongne.

RAIMOND Berengier Comte de Barcelonne, mourut, & luy succeda en sa Comté Raimond Berengier son fils surnommé Teste d'estoupes, qui eut en mariage la fille de Robert Guischart de Naples. Franc. Taraffa.

EN ce temps dominoit en vne partie du pays qu'on appelle auourd'huy le Dauphiné, un Guignes dict le Vieil & surnomé le Gras, qui estoit Comte de Grisyualdan : lequel mit aussi la cité de Grenoble avec toute la iurisdiction d'icelle entre ses mains. Tellement qu'il se rendit l'un des grands Seigneurs du pays. Duquel nous auons bien voulu faire memoire en ce lieu, pource que c'est luy qu'on dit auoir esté le tronc & la tige des Dauphins de Viennois. Car il eut un fils de mesme nom que luy, lequel ayant espousé la fille d'un Seigneur qui portoit le surnom de Dauphin, & estoit Comte d'Albon & d'Auvergne, prit le surnom & les armes d'iceluy, quand il luy eut succedé en vertu de sa femme es Comtez d'Albon & de Viennois, & autres seigneuries qu'il tenoit. Lesquelles il annexa avec celles qu'il herita de son propre pere. Dont elles furent dictes par succession de temps en faueur du surnom d'iceluy Dauphiné : ainsi que tesmoigne Thomassin en ses memoires du Dauphiné.

UNE armee de Sarrazins partie d'Afrique vint descendre en Sicile, où elle prit d'emblee quelques petites villes : qui furent cause de faire partir le Prince Roger d'aupres de la ville d'Enna, qu'il tenoit assiegee, pour les venir rembarrer. Tellement qu'il les fit retirer honteusement d'où ils estoient venuz. Thomas Fasellus.

EN la mesme annee le Roy d'Angleterre descendit avec vne grande armee en la petite Bretagne, où il assiegea le chasteau de Dol. Mais il fut contrainct de leuer son siege par le Roy de France, qui luy couppa les viures. Parquoy il s'en alla de là faire la guerre en la Normandie au Prince Robert son fils, qui la vouloit occuper sans son consentement. Mathieu Paris.

SALOMON Roy de Hongrie estant (selon Sigebert) tombé entre les mains des Hongrois, y trouua un fort mauuais traitement. Au moyen dequoy Geicza fils aîné du feu Roy Bela, prit le tiltre de Roy de Hongrie, souz lequel il regna apres s'estre fait couronner en la ville de Belgrade l'espace de 3. ans, 7. mois : comme Bonfinius & les autres Historiens de Hongrie tesmoignent.

BOLISLAUS Roy de Pologne estoit fort belliqueux & vaillant : mais si addonné à ses plaisirs & voluptez, que ses gens mesmes ne le pouuoient supporter. Tellement que la pluspart de ceux qui l'auoient accompagné en la Kionie, l'abandonnerent auant qu'il en fust party. Combien qu'on estime que ce fut pour aller venger l'iniure que leurs femmes leur faisoient en leur absence, s'abandonans à leurs seruiteurs. Mais tant-y-a qu'il fut aussi contrainct d'en sortir honteusement, & se retirer en son Roiaume : où en voulant prendre vengeance de ceux qui l'auoient delaisé, s'acquit la haine de tous ses subiects par sa cruauté. Martin Cromer.

AV mesme temps Demetrius Roy des Rutheniens, ou comme nous estimons Russiens, estant chassé de son Roiaume par son frere, se retira (tesmoin Lambert de Scaffuab) vers l'Empereur. Il semble que c'estoit l'un des freres d'Izassaus Prince de Russie.

UN Gouverneur de la marche d'Istrie se rebella en ce temps contre l'Empereur, & vint

avec vne armee iusques deuant Constantinopie. Mais apres auoir couru le pays de Thrace & de Macedone, se retira au pays des Pazinaces. Zonare.

L'ARCHEUESQVE de Majence fut tellement pressé & sollicité du Pape, que force luy fut de tenir vn Synode à Majence au mois d'Octobre avec tous les Prestres de sa province, pour leur proposer derechef le mesme mandement qu'il leur auoit fait dès l'annee passée, en presence de l'Euesque de Curie Legat du Pape. Mais l'vn & l'autre y furent encore tellement rembarrez & estonez de paroles & de menaces, qu'ils compterent le danger où ils se veirent pour l'vn des plus grands qu'ils eussent iamais eschappé. De sorte qu'ils se resolurent de laisser paracheuer ceste poursuite au Pape par autre moyen que par eux: comme recite Lambert de Scaffuab. Qui fut cause (dit Marianus Scotus) qu'il celebra vn second Synode en l'Eglise de Latran à Rome, auquel fut estroitement defendu que nul Chrestien n'eust à ouyr la Messe d'un Prestre marié: & que sur peine d'excommunication nul n'aspirast à la dignité d'Euesque ou s'en voulust charger, qui ne se proposeroit de ne fauoriser ny aucunement endurer aucun Prestre marié. De sorte mesme que l'Euesque de Constance fut excommunié & depose pour auoir trop negligemment fait effectuer ceste ordonnance en son diocese. Laquelle toutesfois se trouua de si peu d'efficace à l'endroit de plusieurs du Clergé, qu'ils aimerét mieux demeurer excommuniés, que de laisser leurs femmes: De là toute l'Eglise fut embrasée d'un si horrible schisme & sedition, qu'elle n'en auoit point depuis les Apostres experimenté de semblable.

Du Monde.	6113	E. d'Allemagne.	20	R. de Russie.	19
De Iesus Christ.	1076	R. des François.	16	R. de Hongrie.	2
Indiction.	14	R. de Nauarre.	43	R. de Pologne.	18
De l'Heure 468. le 15.		R. d'Arragon.	14	R. de Castille.	13
d'Aoust.		R. des Escossais.	19	Comtes de Naples.	17
Papes.	4	R. des Anglois.	10	R. de Dannemarc.	8
E. de Grece.	5	Ducs de Venise.	4		

LE Pape bien informé du malcontentement que la plupart des Princes d'Allemagne auoient de l'Empereur, tant pour ses mauuaises façons de faire, que pour le mauuais traitement qu'il faisoit aux Seigneurs de Saxe, qui s'estoient renduz à luy contre les promesses qu'ils leur auoient faictes, se resolut de tendre la main à l'occasion qui se presentoit pour le pousser au dessus de ses pretentes. Mesmement quand les Saxons & aucuns Euesques luy eurent enuoyé faire leurs plainctes & doléances des iniures & fascheries que l'Empereur leur faisoit, l'incitant de prendre cognoissance de leur cause & des crimes, iniquitez, meschancetez & tyrannies. Par lesquelles estoit (disoiēt-ils) la dignité Imperiale polluee par l'Empereur: luy remonstrans semblablement qu'il ne pouuoit estre Empereur, n'ayāt pris sa dignité du siege Romain ne des Romains à qui elle appartenoit. De sorte qu'il luy enuoya souz ce tiltre donner iour de se venir représenter à Rome, sur peine d'excommunication, pour respondre aux accusations qu'on vouldroit proposer à l'encontre de luy. Et pource qu'il y fit aller seulement quelques gens pour respōdre en son nom aux criminations de ses aduersaires, le Pape apres les auoir (comme l'Empereur mesme a escrit en vne Epistre à l'Archeuesque de Cologne, qui est imprimée avec sa vie) affligez de froid, de faim, & de soif en prison, où il les detint quelque temps, les dechassa fort ignominieusement de Rome, avec menaces qu'il dist publiquement qu'il osteroit la vie & l'Empire tout ensemble à l'Empereur, ou qu'il mourroit en la peine; au grand murmure & scandale tant de plusieurs du Clergé & des Cardinaux, que du Senat & du peuple de Rome. Tellemēt qu'un Cardinal nommé Hugues, qui scauoit toute la vie, la conuersation & les deportemens du Pape, s'alla rendre à l'Empereur. Lequel estant ia assez animé à maintenir son auctorité, fut encore plus incité par luy de conuoquer les Prelats, Abbez & gēs de scauoir d'Allemagne à Vvormes, pour conuenir avec eux des moyens de rembarrer les desseins de son

de son aduersaire. Dont ils firent sortir en public le decret qui s'ensuit contre luy, portant ces mots : Decret des aduersaires du Pape. Qu'en consideration de ce qu'il s'estoit colloqué au siege Papal sans le vouloir & consentement de l'Empereur, cõtre la coustume des anciens Canons & des loix & constitutions Ecclesiastiques; mesmement par astuce, par brigue, par faueur, corruptions & par force, qu'il auoit contaminé & deshonoré toute sa vie de malefices, de meschancetez & vilennies: qu'il troubloit par ses deportements le repos de la Chrestienté, confondant les choses sacrees & prophanes, diuines & humaines, corrompant la Religion Chrestienne de nouuelles doctrines: & en appliquant faulsemēt l'intelligence des saintes Escritures à sa cause; mesmement aussi de ce qu'il s'attribuoit à luy seul la puissance de lier & deslier en l'Eglise, sans respect des autres Euesques: & qu'il ne tenoit ne pour Prestre ne pour Euesque ou ministre de l'Eglise qui ne fust institué & ordonné de luy. Finalement de ce qu'il auoit fait son entree au Papat par trois pariures: & se faisoit iuge, tefmoin, accusateur & ennemy tout ensemble de l'Empereur, conuertissant la puissance Ecclesiastique en Royauté, ou plustost tyrannie: ensemble aussi pource que toute l'Eglise estoit scandalisée de sa trop grande & trop familiere conuersation avec vne femme (par laquelle s'entendoit la Comtesse Mathilde.) De sorte que le bruit voloit par tout le monde que tous iugements & decrets se faisoient par elle au siege Papal, & les droicts du monde & de l'Eglise administrez. Toute ceste assemblée qui estoit de 24. Euesques, sans les Abbez & autres gens de sçauoir, le iugea & declara indigne d'estre plus reconnu pour Pape, & de pouuoir plus legitimement exercer le Papat, ne faire aucunes censures, decrets ou ordonnances qui fussent de valeur. Tellement que sur cest arrest furent composees lettres au nom de tous les Euesques qui l'auoient prononcé; & enuoyees avec d'autres de l'Empereur à Rome, pour signifier la deposition du Pape. Qui l'estonnerent si peu, qu'estant venu le iour qu'il auoit assigné à l'Empereur, il tint vn Synode de 110. Euesques à Rome. Auquel apres auoir gaigné à soy la bonne grace du peuple Romain par vne belle harangue, fit prononcer excommuniez & degradez non-seulement tous les Euesques & autres qui auoient souscript à la sentēce du Cõcile de Vormies, mais aussi l'Empereur mesme, qu'il declara outreplus priué & decheu de la dignité Imperiale, & ses subiects absouls du serment & obligatiõ de fidelité & obeissance qu'ils luy deuoiēnt: afin que par ce moyen il leur ostast, mesmement aux Princes de l'Empire, le scrupule qu'ils eussent peu auoir de se rebeller contre luy. Ce qui sembla (ce disent Marianus Scottus & l'Abbé d'Vrperg, avec l'autheur qui a escrit sa vie) merueilleusement estrange & nouueau à ceux qui ne s'affectionnoient pour aucune des parties, pource qu'on n'auoit iamais veu ny ouy dire qu'un Empereur eust iamais esté excommunié par le Pape. Mais Sigebert, qui estoit des partisans declarez de l'Empereur, ne s'est pas feint de dire que c'estoit vne nouuelle façon de proceder illicite & non iamais ouye au monde, que d'enseigner que le subiect n'est pas non-seulement tenu de ne rendre obeissance à son Prince qui est mauuais, & non pariure s'il ne luy tient la foy qu'il luy a iuree, mais aussi excommunié s'il luy est obeissant & fidele. D'autres aussi (comme recite Lambert de Scaffuab) tenoient l'excommunication du Pape pour iniuste & de nulle valeur, pource qu'il auoit excommunié d'une façon precipitee ceux qui n'estoiēt canoniquemēt appelez au Synode, ny aceusez, ny examinez, ny ouys, ny conuaincuz. Et que qui plus est, comme adioust vñ Escriuain de ce temps, *Suscepit in accusatione Regu scripta hostium suorum, & proinde excommunicauit eum. Quandoquidem sacri Canonēs constituant non posse aliquos qui ante hesternū diem aut nudius tertius inimici fuerunt, vel accusatores vel testes fieri, nec debere per scripta ullius accusationem suscipi, nec accusatore absente aduersarios audiri.* A cause dequoy Beno Cardinal afferme qu'elle se fit sans le consentement & approbation des Cardinaux, cõtre toute forme de droit & sans l'observation des ordonnances canoniques: adioustant que quand le Pape se leua pour la prononcer, que le siege sur lequel il estoit assis se rompit d'une prodigieuse façon: nonobstant qu'il fust nouuellement fait & de pieces de bois fortes & puissantes. Tant-y-a cependant que souz pretexte de ceste excommunication, plusieurs Princes & des Prelats mesme qui auoient iusques là dissimulé le mauuais vouloir qu'ils portoient à l'Empereur, firent librement paroistre ce qu'ils auoient en leur cœur, comme incitez à ce faire des miseres des Saxons que l'on traitoit tousiours de pis en pis. De sorte que ceux qui auoient les Princes de Saxe en leur garde, les mirent en liberté. En fin le monopole fut si grand, que Rodolfe Duc de Suaube & son gendre Bertold de Zeringen (à qui il auoit resigné la Duché de Suaube

en dot de sa fille) se tournerent de leur party. Et encores que l'Empereur fist tous ses devoirs de les rallier amiablement à soy, ne peut tant faire qu'ils ne s'assemblassent le 16. iour d'Octobre en la ville de Triburie ou d'Oppenheim avec les Legats du Pape, pour cōclure de ne le plus recognoistre pour Empereur ne pour Magistrat souverain, s'il ne se iustificoit dedans le premier iour de Feurier prochainement venant, des crimes qui luy estoient imputez : & le faisoit absoudre du Pape souz les conditions qui luy seroiēt imposees, s'abstenant cependant iusques alors de l'administration des affaires de l'Empire. Ce qui fut le commencement de la victoire que les Papes ont en fin obtenuë sur les Empereurs : selon Lambert de Scaffuab, Marianus Scotus, Abbé d'Vrsperg, Auentin.

C E P E N D A N T que le Pape s'entendoit à donner des affaires à l'Empereur, Robert Prince des Normans de la Poüille s'aduisa que l'occasion de reduire la ville de Salerne à son obeissance se presentoit mieux que iamais. Qui fit qu'il mena son armee deuant, accompagné de Richard Prince de Capuë son frere. Et la battit de si grande puissance, que Gislulphe frere de sa femme qui en estoit Comte, apres l'auoir defenduë en toute opiniastré, sans vouloir obtemperer au mandement du Pape Gregoire, qui luy commandoit d'appointer en quelque façon avec le Prince Normand, ne peut empêcher qu'il n'entraist dedans au bout d'un long siege, & qu'il s'en fit maistre. Au moyen dequoy il s'alla encore auanturer sur le reste des villes que les Grecs tenoient en Italie, sçachant bien qu'ils auroiēt malaisément moyen de les secourir à cause de leurs dissensions. Tellement qu'il se les fit rendre par ceux qui les auoient en garde : comme Spinarba, Ottrante & Tarente : selō la Chronique du Mont Cassin, Pádolfo Collinu. Sigonius. Parquoy Thomas Fasellus a mal rapporté ceste prise de Salerne à l'an 1072. En quoy il ne s'est pas moins abusé qu'en ce qu'il a estimé que Bagelard & Herman fils du feu Comte (qui se trouuerent en icelle & se sauuerent à Constantinople, où ils moururent bien tost apres) estoient les nepueux de par leur pere. Mais ie ne veux pas debatre que le Prince Roger n'ait aussi conquesté ceste année plusieurs villes sur les Sarrazins en Sicile, signamment celle de Drepane, apres auoir gaigné vne grande victoire sur les Sarrazins de la garnison de Syracuse.

G O D E F R O Y (selon Lâbert de Scaffuab) Gozelo Duc de Lorraine, allié de Baudouin Comte du Mont, mena en faueur de luy vne armee, tescmoin Sigebert, au pays de Frise contre Robert Comte de Flandres, sur lequel ils gaignerent vne grosse victoire pres la ville de Donan. Mais le Duc Lorrain fut en fin traistrement mis à mort par un Capitaine nommé Richarius. Lambert dit que ce fut le 26. iour de Feurier, en la ville d'Anuers, au grand interest de l'Empire, duquel il estoit le rempart & ornement, n'y ayant aucun de tous les autres Princes qui fust à comparer à luy en vaillance, sagesse, prudence & sobriété. Et pource qu'il ne laissa aucuns enfans, l'Empereur reprit la Duché de Lorraine entre ses mains, & la retint pour son fils Conrard l'espace de 12. ans. Mais il donna le Marquisat d'Anuers à Godefroy Duc de Bouillon fils d'Eustache Comte de Boulogne & d'Idain sœur du Duc defunct, pource qu'il l'auoit nommé & institué son heritier auant son trespas : qui s'employa si bien au seruice de l'Empereur contre ses ennemis, qu'il merita que toute la succession de son oncle luy fust puis apres renduë.

A M E ou Amedee second Comte de la Morienne & Marquis de Suze, surnommé Cauda, mourut (selon Paradin) ceste année, laissant un fils nommé Humbert, qui fut troisieme Comte de Morienne. Combien que Lambert de Scaffuab l'appelle Amedee, Platine Adelaus, si d'auanture ils ne l'ont voulu nommer du nom de son pere. Cependant ils cōfessent qu'il dominoit encore l'année ensuiuant au pays de Piedmont & de Sauoye souz le gouvernement de sa mere, qui estoit aussi belle-mere de l'Empereur.

S V I V A N T l'ordonnance d'un Synode tenu ceste année à Londres en Angleterre, les Euesques & Prelats commencerent de faire leur demeure & residence aux villes, laquelle ils souloient faire auparauant aux villages. Fabian en sa Chronique.

L E S Euesques de la Lōbardie assemblez à Paue, confermerent la sentence du Synode de Vvormes contre le Pape Gregoire.

Du Monde.

Du Monde. 6114	E. d'Allemagne. 21	R. de Russie. 20
De Iesus Christ. 1077	R. des François. 17	R. de Hongrie. 3
Indiction. 15	R. d'Aragon. 15	R. de Pologne. 19
De l'Hegire 469. le 4.	R. des Eſcoſſois. 20	R. de Caſtille. 14
d'Aouſt.	R. des Anglois. 11	Comtes de la Pouille. 18
Papes. 5	Ducs de Veniſe. 5	R. de Dannemarc. 9
E. de Grece. 6		

L'EMPEREUR s'estoit trouué reduit en tel deſtroict, qu'il ne ſe vdyoit pas en pouuoit eſchapper, ſ'il ne ſe fuſt condeſcendu aux conditions que ſes ennemis luy propoſerent à la Diette de Triburie. Neantmoins ſentant qu'il trainoit encor ſon lien, & que ce ne ſeroit pas ſon plus court d'attendre le iour auquel le Pape & ſes plus obſtinez aduerſaires deuoient eſtre accuſateurs & iuges de ſa cauſe, ne que l'an de ſon excommunication ſe paſſaſt deuant qu'eſtre abſous: ſon plus expedient fut d'aller trouuer le Pape, & prendre abſolution de luy, en quelque façon que ce fuſt. De ſorte qu'il partit ſouſ ceſte deliberation d'Allemagne au commencement de ceſte annee; & ayant paſſé par la Franche Comté (dont eſtoit poſſeſſeur Guillaume oncle maternel de ſa mere) & par la Sauoye (où il fut contrainct de donner au Comte Amedee & à ſa mere vne certaine portio de la Bourgogne, qui leur eſtoit fort commode, afin d'auoir le paſſage ouuert par leurs terres) ſe rendit en la Lombardie, qui le recueillit d'autant plus honorablement qu'on penſoit qu'il fuſt là venu tout expreſ pour donner de l'affaire au Pape; qui au meſme temps ſortit de Rome pour aller en Allemagne au mandement des Princes. Mais la venuë de l'Empereur le fit arreſter au chasteau de Canoſſe, qui appartenoit à la Comteſſe Mathilde, laquelle (comme dit Lambert de Scaffuab en ces propres mots:) *Lateri illius pæne comes indiuidua erat, illūque miro colebat affectu, unde euadere non potuit inſeſti amoris ſuſpicionem.* Ce qui a eſté ſemblablement declaré par celui qui a fait le liure *De unitate Eccleſiæ conſeruanda*, diſant, Que le Pape Hildebrand *propter frequens cum ea & familiare colloquium generauit plurimis ſeu ſuſpicionis ſcandalum, dum non obſeruauit altariſus diuinum illud Lucij Papæ mandatum: duo Presbyteri (inquit) & tres diaconi in omni loco non deſerant Episcopum propter teſtimonium Eccleſiaſticum.* Tellement que l'Empereur l'y alla trouuer en eſtat d'une perſonne bien penitente & humilice: d'autant qu'il ne portoit ne marque ne ſigne aucun qui fiſt paroître qu'il ſe reſſentiſt de ſa condition, afin d'eſtre plus facilement reconcilié avec luy. Neantmoins il fallut qu'il demeurat l'eſpace de 3. iours conſecutifs & entiers depuis le matin iuſques au veſpre nuds pieds & à ieun en froid extreme (pource que ce fut le vingthuitieſme iour en Ianuier, à la porte du chasteau, deuant qu'il luy fuſt permis ny d'entrer ny de parler à ſa Saincteté. Ce qui eſt auſſi conſermé par la Chronique du Mont Caſſin, qui dit que *Triduo ante Pontificis Curiam, qui tunc in vnā Mathildæ munitiſſimā arcem ſe contulerat, idem Auguſtus diſcalciatus perſiſtens pacem expoſcebat, hoc per ſe, hoc per Imperij Principes, hoc per Apoſtolici familiares poſtulabat.* Et par Guillaume de Malmesberie ſemblablement, diſant que *illum nudipedem & forcipes cum ſcopis portantem nec in foribus admiſerit, abominatus hominem ſacrilegum.* Mais il voulut bien eſtre veu à la priere & interceſſion de ladite Comteſſe, de l'Abbé de Clugny & du Comte de Sauoye, luy auoir fait ceſte grace, que de luy preſter audience au quatrieſme iour. Avec laquelle il ſe deſſia bien de ſes cenſures, ſans le reſtituer pourtant ny reintegrer en ſa dignité. De laquelle meſme il luy defendit de faire plus eſtat, ny d'vſer des habits & ornements Imperiaux, qu'il ne ſe fuſt premierement iuſtifié publiquement deuant les Princes d'Allemagne des crimes & des faultes dont ils l'accuſoient. Combien qu'un Eſcriuain de ce temps dit, que l'Empereur lors *Supplicem ſe per omnia ac pœnitentem obtulit, nec omni officio humanitatis impenſa deſtitit, donec in gratiam cum Papa rediit, & ad comprobandum Eccleſiaſtica reconciliationis teſtimonium ſacram communionem corporis & ſanguinis Domini*

SSS

de manu Pontificis accepit, mensam cū eo adiit, ac deinde dimissus est in pace, non qualem Christus reliquit : l'ayant fait premierement obliger par serment solennel, que quand la dignité Imperiale seroit renduë, d'estre à iamais obeissant au siege Romain : souz des conditions encor & façons de faire qui semblerent si desraisonnables & honteuses à toute la Noblesse d'Italie, qu'on y fut en termes de faire son fils Empereur, s'estrangeant de tout poinct de luy : puis qu'ayant esté pris, comme on disoit, pour protecteur de iustice & conseruateur des loix Ecclesiastiques, il auoit ainsi vilainement prostitué la Maiesté Royale, & trahi par vne si vergongneuse soubmission la foy Catholique, l'auctorité de l'Eglise & la dignité de la chose publique, à vn qu'ils appelloient diffamé de tous vices, & que leurs Euesques auoient auparauant à iuste tiltre excommunié. Somme qu'il fallut que l'Empereur apres auoir excusé son faict des plus belles paroles qu'il peut, qu'il regaignast le cœur des Italiens, se rendant derechef ennemy du Pape avec eux. De sorte qu'ils luy estoupperent si bien tous les passages, qu'il ne luy fut possible de passer comme il pretendoit en Allemagne. Combien que Leon d'Hostie qui viuoit lors, & estoit des partiaux de ce Pape, liure troisieme chapitre quaratehuit de sa Chronique du Mont Cassin, luy attribue la cause totale de la rupture de l'accord fait avec l'Empereur, disant : *Pacis autem ille tenor erat, ut si quid utrinque fuisset admissum, solueretur : demumque Caesar fidelitatem Romano Pontifici iuraret. Cumque negotium effectus mandatum esset, Pontifex Mathilde consiliis adiutus, quendam ex suis ultra montes dirigens, & Rodolfo Duci Imperij coronam mittens, aduersus Augustum rebellare suasisit.* Ce qui est aussi confirmé par vn autre Escriptain de ce temps, lequel recitant comme les Legats des Princes ennemis de l'Empereur, qui estoient avec le Pape lors qu'il traittoit ceste paix, s'efforçassent par tous moyens de le dissuader de la conclure, dit qu'il leur respondit en ces termes : *Ne solliciti sitis, quoniam culpabiliorum eum reddo vobis.* Pource comme le mesme auteur explique, qu'il luy auoit defendu de s'abstenir des ornemens Imperiaux iusques à certain temps : *Huius scilicet intencionis gratia, ut sic aut cōtempribilior esset ipsius Regis in regno persona, donec roboraretur regnū quod iam parabatur in electione alterius Regis, dum fuerat legitimus Rex in Italia. Aut si non permissus à se regalia, resumeret ornamenta, certiorum perinde haberet exercenda circa eum causam excommunicationis.* Tant-y-a que le Pape enuoya le Cardinal Damian avec l'Euesque de Marseille pour inciter les Princes à faire vn autre Empereur : lesquels suiuant ceste licence se trouuerent avec les Legats du Pape en la ville de Forcheim, le 10. des Cal. ou selon Lambert de Scaffuab le 3. des Ides de Mars : où ils esleurent Rodolfe Duc de Suaube, selon aucuns de la petite Bourgogne, aussi Empereur, & le menerent couronner à Majence le vingt & vnieme d'Auril (si Auentin n'a mieux obserué que ce fut l'vnzieme de Mars.) Ce qui est cōfermé par vn Escriptain de ce temps-là, qui declare que ce fut le Dimanche de la my-Caresme en Mars. Qui fut lors que l'Archeuesque de Majence luy posa sur la teste le Diademe enuoyé tout expres par le Pape, auquel estoit graué ce vers : *Petra dedit Petro, Petrus diadema Rodolfo.* Tant-y-a que les Maientins trouuerent ceste nouuelle election si estrange, qu'ils chasserent leur Prelat avec son Empereur nouveau à grandes bastonnades de leur ville. Combien que l'auteur allegué cy dessus afferme que ce furent eux-mesmes qui porterent les coups, estans repoussez, chassez & massacrez, polluant de leur sang l'Eglise où s'estoit fait ce couronnement. A l'exemple desquels plusieurs autres peuples chasserent aussi leurs Euesques, en faueur du legitime Empereur. Qui par tant d'occasions retourna si diligemment en Allemagne, qu'il r'entra dedans le pays de Bauiere le premier iour de Iuillet : & l'ayant reduit en son obeissance, mit tels Gouverneurs qu'il voulut en son nom. Et puis se vint ioindre au secours que Godefroy de Bouillon luy amena des pays de Lorraine, par le moyen duquel il dénicha encor ses ennemis de la Duché de Suaube, la laissant entre les mains de Frederic de Stauffen, en faueur de sa fille Agnes, qu'il luy fit espouser. Ce que Bertold de Zeringen à qui elle auoit esté ia resignee par Rodolfe son beau-pere, prit si à cœur, qu'il en mourut de desplaisir, laissant vn fils de sa premiere femme Richumare, nommé Bertold troisieme ; qui se porta pour heritier de ses tiltres & droicts, nommément de la Duché d'Vchtland, qu'on disoit la petite Bourgogne : comme recitent Marianus Scotus, Abbé d'Vrsperg, Auentin, Nacler, avec Lambert de Scaffuab Allemand, qui finit en ceste annee sa Chronique, où il recite assez amplement les choses memorables qui aduindrent en Allemagne de son temps.

DEUX Capitaines Grecs, l'un nommé Nicephore Briennius Gouverneur de Durazzo, & l'autre Nicephore Botoniates Coronal des Legions d'Orient, se rebellerent en cet éps contre l'Empereur Michel, & se mirent en chemin pour venir assiéger Constantinople. Mais l'armée de Briennius y arriva la première, qu'il y envoya sous la conduite de son frère Jean, lequel fut vaincu & défait par Rufelius Capitaine François, que l'Empereur avoit delivré & remis en sa charge. Neantmoins Botoniates ne fut pourtant retardé d'y amener aussi la sienne, qui estoit accompagnée de grand nombre de Turcs, sous la conduite de Cutlunus parent du Soudan de Perse. De sorte que Jean Curopalates témoigne qu'il arriva devant Constantinople au mois d'Octobre en l'Indiction première, où il fut par son armée salué & proclamé Empereur, ainsi que l'interprete, afin qu'il ne soit en cela repugnant avec Zonare, comme nous montrerons cy après.

LE Pape irrité de la prise de Salerne par les Princes Normans, v'sa premièrement de sa puissance à les excommunier; & puis voyant qu'ils n'en tenoient compte, se mit à faire leue de gens pour les mener luy-même (comme dit la Chronique du Mont Cassin) contre eux, après que la Comtesse Mathilde l'eut (à ce qu'écrit Sigonius) ramené avec ses forces à Rome. Qui fut cause de faire encor entreprendre aux deux Princes Normans la réduction des villes du pays de Naples & de la Terre de labour à eux. Tellement qu'ils diuiserent leur puissance en deux armées; l'une desquelles avec le Duc Robert se campa devant Benevent, & l'autre avec Richard son frère devant Naples. Chronique du Mont Cassin.

LE Duc de Pologne à l'occasion des guerres civiles qui estoient en Allemagne, se rebella (comme recite Lambert de Scaffuab) contre l'Empereur, duquel il estoit tributaire, & prenant le tiltre de Roy, se fit sous iceluy couronner le vingt-cinquième jour de Decembre, par quinze Evêques de son pays. Mais les Histoires de Pologne nient fermement ne que leur Roiaume ait esté jamais tributaire des Allemans, ne que leurs Princes ayent seulement commencé des lors à se nommer Rois.

CINCIVS fils du Preuost de Rome, incité par Gilbert Archevesque de Rauenne, prit le Pape Gregoire chantant Messe le jour de Noël, & le detint quelque espace de temps en une forte tour, iusques à ce que le peuple se fust esleué pour sa delivrance, qui rua bas la maison de Cincius, & le contraignit avec toute sa famille se retirer vers l'Empereur: nonobstant qu'il en demeura six, qui furent penduz par le commandement du Pape devant l'Eglise de saint Pierre. Beno.

Du Monde.	6115	E. d'Allemagne.	22	R. de Hongrie.	1
De Iesus Christ.	1078	R. des François.	18	R. de Pologne.	20
Indiction.	1	R. d'Aragon.	16	R. de Castille.	15
De l'Heure 470. le 24.		R. des Escosses.	21	Comtes de Naples.	19
de Juillet.		R. des Anglois.	12	R. de Dannemarc.	10
Papes.	6	Ducs de Venise.	6		
E. de Grece.	1				

BOTONIATES tint de si pres la cité de Constantinople assiegee, que l'Empereur Michel se trouva en fin réduit au point de ne pouvoir plus durer cōtre luy. A cause dequoy il se demit de l'Empire, & entra en un Monastere. Parquoy Nicephore Botoniates qui se vantoit estre de la lignee de Phocas, fut receu pour Empereur, par le peuple & Senat de Constantinople le jour de la solennité de Pasques, ainsi que Zonare a noté, qui fut célébré lors, selon Onufrius, le septiesme jour d'Auril, & couronné trois iours après par le Patriarche Cosmas, qui avoit nouvellement succédé en la dignité Patriarchale à Jean Xiphilin decédé (tesmoin Jean Curopalates) au commencement du mois de Mars de la même Indiction. En ceste sorte Botoniates occupa l'Empire Grec, & le posseda environ trois ans.

Richard Prince de Capuë frere de Robert Guischart, tenant la ville de Naples assiegee, mourut, laissant un fils nommé Iordain, qui luy succeda à sa Principauté: lequel failât paix avec

le Pape leua le siege de deuant Naples, que son pere y auoit mis: & puis se liguant avec les autres Seigneurs & Barons de la Pouille contre le Duc Robert son oncle, fit leuer le camp d'iceluy de deuant Beneuët. Qui fut cause de faire partir l'oncle de la Calabre où il estoit, pour reuenir chasser ses ennemis de la Pouille. Et comme il s'employoit à regagner ce qu'ils auoient pris sur luy, Didier Abbé du Mont Cassin se transporta vers le Pape, duquel il impetra l'absolution du Duc Robert, en faueur de laquelle il se reconcilia avec luy & avec les autres aduerfaires. Chronique du Mont Cassin.

L'EMPEREUR Henry s'eschauffant à poursuiure ses ennemis, les vint trouuer avec son armee dedans le pays de Franconie aupres de la ville de Vvircebourg qu'ils tenoient assiegee; où il leur donna bataille le septiesme iour d'Aoust. Qui fut si sanglante, que plusieurs Princes, Ducs, Archeuesques & Prelats demourerent pris & occis sur le champ, notamment de la part de Rodolfe, Magnus Duc de Saxe & son oncle Herman, avec l'Archeuesque de Magdebourg auteur principal de la rebellion. Mais Sigefroy Archeuesque de Majence & les Euesques de Vormes & de Megesbourg demourerent prisonniers; enuers lesquels l'Empereur usa d'une grande debonnaireté, qu'ils recogneurent fort mal. Cependant l'Abbé d'Vrsparg estime que la victoire fut incertaine. Combien que Marianus Scotus & l'auteur de la vie de l'Empereur l'attribuent à Rodolfe, disant que les gens de Henry se mirent en route d'eux-mesmes, courât le bruit que l'Empereur estoit tué par ses gens mesmes: Auentin & les autres à Henry.

GEICZA Roy de Hongrie estoit de si bonne conscience, que cognoissant qu'il vsurpoit iniustement le Roiaume qui ne luy appartenoit, en voulut composer fort benigne-ment avec le Roy Salomon. Mais cependant que les allees & venuës se faisoient pour traiter de la paix d'entr'eux, il mourut le vingtsixiesme iour d'Auril. Toutesfois les estats de Hongrie assemblez ne voulurent consentir que le Roy Salomon se remit au Roiaume, iacquoit qu'il fust proche d'eux. Mais esleurent d'un consentement Ladislaus frere du defunct pour leur Roy, ayans vne singuliere deuotion à luy, à cause de sa preud'homme & modestie: qui luy fit fort longuement refuser leur eslection, & ne l'accepter que par grande importunité. De sorte qu'il regna enuiron dixhuit ans. Bonfinius, Funccius.

CUTLUMVS nepueu de Tangrolipix premier Soudan des Turcs entra (tesmoin Iean Curopalate) en differend contre Axan son parent, grand Soudan des Turcs, en ceste Indiction, pour raison de leurs seigneuries. Tellement qu'ils se vouloient faire la guerre l'un à l'autre, si le Calife de Bagadet ne se fust entremis de les appointer, en telle sorte qu'Axan retenant la souueraineté de l'Empire Turquesque, deuoit aider son cousin de toutes ses forces és prouinces de l'Empire Grec. Au moyen dequoy il se rendit maistre en peu de temps de toute la Medie: & enuoya vn sien Lieutenant nommé Zacha avec quelques nauires, qui luy assubiectit les isles de Chio, Samos, Rhodes, Cypre & Crete. Lesquelles toutesfois ne demourerent gueres long temps entre ses mains: comme Zonare recite. Qui me fait estimer que Cutlumus est celuy que Haitonus appelle Artot, à qui il dit que le Soudan Dogrissa donna la propriété des terres par luy conquises. Tellement qu'il se fit appeller Soudan de Mesopotamie, & establit son siege en la cité de Mercedin. Basile Herold s'est mespris, l'estimant fils de Masulus Soudan d'Iconie, qui fut cy apres du temps de l'Empereur Iean fils d'Alexius.

DEUX Conciles assemblez ceste annee en l'Eglise de Latran à Rome par le Pape Gregoire, reiterent les mesmes censures que les precedents contre les Prestres mariez & Simoniaques, & contre aucuns Euesques qui ne s'accordoient aucunement avec luy. Onufrius.

HVGVS Candide Cardinal, ayant esté degradé par le Pape, pource qu'il s'estoit adonné au party de l'Empereur, composa en ce temps vne Tragedie fort picquante, en laquelle il le depeint comme il luy plaist. Chronicon Hirsaugiense.

Du Monde.

Du Monde. 6116	E. d'Allemagne. 23	R. de Hongrie. 2
De Iesus Christ. 1079	R. des François. 19	R. de Pologne. 21
Indiction. 2	R. d'Arragon. 17	R. de Castille. 16
De l'Heure 471. le	R. des Eſcoſſois. 22	Comtes de la Pouille. 20
14. de Iuillet.	R. des Anglois. 13	R. de Dannemarc. 1
Papes. 7	Ducs de Veniſe. 7	
E. de Grece. 2		

BOTONIATES n'estimant son estat asſeuré tant que Briennius qui n'auoit encore renoncé au tiltre de l'Empire, ſeroit ſur pied, enuoya contre luy Alexius Comnenus, qu'il auoit fait ſon Megadomeſtique (qui eſtoit, au rapport de Guillaume de Tyr, office tel que de grand Senéſchal de France lors) lequel le deſſit, & luy creua les yeux, mettant Nicephore Baſilace au gouuernement de Durazzo pour l'Empereur, qui ſe voulut encore bien toſt apres à l'exemple de ſon predeceſſeur rebeller, & prendre le nom d'Empereur. Mais Alexius retourna auſſi contre luy, & le mena de ſi pres, qu'il le prit par ſiege dedans la ville de Theſſalonique, où il luy fit receuoir le meſme ſupplice qu'à l'autre. Zonare, Michaël Glyca, Conſtantine Manafſes.

Les forces de l'Empereur Henry & de Rodolfe rasſemblees, ſe dōnerent derechef bataille aupres d'un lieu nommé Loreheim ou Fladeheim, le vingthuitième iour de Ianuier. Dont l'issue fut telle, que Rodolfe fut avec ſes Saxons mis en route, perdant ſa lance Royale, qui fut par Vratſlaus Duc de Boême releuee. En faueur de quoy l'Empereur luy bailla permiſſion de la porter, rāt luy que ſes ſucceſſeurs, en ſymbole ou ſigne de leur principauté. Abbé d'Vrſperg, Marianus Scotus, Auentin.

Le pays de Gueldres fut ceſte annee erigé en Comté par l'Empereur Henry, en la perſonne d'Othon Comte de Nanſſau, qui fut le premier qui porta le nom de Comte de Gueldres. Munſter.

La Comteſſe Mathilde eſpouſa en ce temps Azzo Marquis d'Eſte. Mais le Pape Hildebrād les fit l'annee d'apres de ſon auctorité ſeparer, alleguant qu'ils eſtoient en quatrieme degre de conſanguinité.

Les Normans ſe ſentans trop rudement gouuernez par leur Duc Robert, en allerent faire leurs doléances au Roy Guillaume d'Angleterre ſon pere, lequel à ceſte occaſion ſe fit conduire par vne armee en Normandie: où il donna bataille à ſon fils, en laquelle ils ſe chocquerent l'un l'autre. De ſorte que le fils abbatit le pere par terre de ſa lance. Mais ſ'eſtans recogneuz, ſe reconcilierent enſemble. Polydore Virgile. Mathieu Paris rapporte cela à l'an 1075.

Les Iutiés ſe rebellerent contre Canute Roy de Dannemarc, qui les vouloit cōtraindre de luy donner le dixième de leur bien, irrité de ce qu'il eſtimoit que ſon armee euſt eſté cy deuant deſtourbee de paſſer en Angleterre par les ſorceleries d'anciennes grandes dames de ſon Roiaume. A cauſe de quoy il mena vne armee contr'eux; mais ils ſe defendirent ſi courageuſement, qu'ils le tuerent en vne bataille, ſelon que les vns ont eſcrit. Mais Guillaume de Malmesberie afferme qu'il fut mis à mort par les grāds Seigneurs de ſon Roiaume, leſquels il traittoit mal à cauſe de la mauuiſe opinion qu'il auoit de leurs femmes. Au moyen de quoy ſon frere nommé Olaue luy ſucceda au Roiaume de Dannemarc, où il regna dix ans; durant leſquels il fut grandement affligé de famine. Albert Crantsliure quatre chapitre trentehuit, & Funccius. Mais le moyen comme Olaue ſucceda à ſon frere, eſt déclaré par Guillaume de Malmesberie, diſant; *Homicida, vt inuidiam faceret aliquo bono compenſarent, Olauum à vinculis decem millibus marcarum argenti redemerunt.* Où il dit auſſi qu'il regna ſeulement huit ans, ayāt eſté enuoyé par ſon frere tenir priſon en Flandres entre les mains de Robert de Friſe gendre d'iceluy.

STANISLAUS Archeueſque de Cracouie, remonſtrant trop librement au Roy Boeſlaus de Pologne ſa mauuiſe vie & ſes cruautéz, fut par ſon commādement mis à mort le 8. iour de May. A cauſe de quoy le Pape l'excommunia, & tous ceux qui auoient exercé

son mandement en ce meurtre, priuant quant-&-quant le Roiaume de Pologne du tiltre Royal : tellement qu'il fut plus de 200. ans apres deuant qu'aucun s'appellast Roy de Pologne. Mais il canonisa le defunct entre les Saincts. Martin Cromer.

EN ce temps fut commencé & institué l'ordre des Chanoines reguliers de saint Augustin en l'Eglise saint Quentin de Beauuais par Yues Preuost de ladite Eglise, qui fut cy apres Euesque de Chartres, homme des plus renommez en sçauoir de ce siecle : comme les escrits & Epistres monstrent. Entre lesquels il composa vn œuure sur le decret nommé *Panormia Iuonis*, que les autres appellent le decret d'Yvon : auquel est reduit en Epitome le grand volume des Decrets des Apostres, Papes & Conciles. Qui auoit esté autresfois fait par Isidore, & sur lequel on dit que Gratian compila cy apres son decret. Mer des Histoires.

Du Monde.	6117	E. d. Allemagne.	24	
De Iesus Christ.	1080	R. des François.	20	R. de Hongrie.
Indiction.	3	R. d'Arragon.	18	R. de Pologne.
De l'Heure 472. le 3.		R. de Navarre.	40	R. de Castille.
de Iuliet.		R. des Escossois.	23	Comtes de Naples.
Papes.	8	R. des Anglois.	14	R. de Dannemarc.
E. de Grece.	3	Ducs de Venise.	8	

L'EMPEREUR Henry apres la victoire precedente qu'il gaigna sur ses ennemis, enuoya prier le Pape par les Euesques de Verdun & d'Osnoburg en vertu de leur reconciliation, de faire deporter par ses censures Ecclesiastiques son ennemy, de l'vsurpation de la dignité Imperiale. Mais n'estant l'intention du Pape de destruire ce qu'il auoit fait, respondit (tesmoin Platine) qu'il falloit premierement qu'il s'informast du droict de l'un & de l'autre, & qu'il enuoyast ses Nonces en Allemagne pour examiner leur cause, afin d'asseoir iugement sur le rapport qu'ils luy en feroient. Ce qui estoit non-seulemēt reuocquer en doute le droict de l'Empereur, mais aussi bailler cause gaignee à son ennemy, qui ne pretendoit autre droict que celui qu'il se disoit auoir du Pape; qui en ceste façon se fust rendu iuge & partie de ceste controuersie. A cause dequoy l'Empereur ne se voulut aucunement assubiectionner à ceste procedure, que Rodolfe ne se fust premierement demis & deporté de l'Empire qu'il vsurpoit. Dequoy le Pape fut tellement irrité, qu'il menaça de faire perdre la vie avec l'Empire à l'Empereur (ainsi qu'il luy reproche en vne Epistre qu'il luy escriuit ceste annee) ou de mourir luy-mesme en la peine. Combien qu'il semble que celà auoit ia esté dit cy deuant. De sorte que pour effectuer sa volonté il assembla le quinzième iour de Mars vn septiesme Synode en l'Eglise de Latran à Rome, auquel il renouella & reitèra l'excommunication qu'il auoit cy deuant prononcée contre l'Empereur & ses adherans : pource qu'il auoit repris le tiltre & les ornemens Imperiaux sans son sceu & consentement; & qu'il ne se vouloit rapporter à son iugement de sa controuersie. Adiuageant consequemment l'Empire à Rodolfe : & les subiects de l'Empire absous du serment par lequel ils auoient obligé leur foy à Henry, lequel il vouloit aussi estre delaisé & abandonné de tous. Platine recite la formule de ceste excommunication en tels termes : Le Pape prie en icelle saint Pierre & saint Paul Princes des Apostres, de monstrier & faire entendre à tous hommes, que comme ils ont la puissance de lier & deslier au ciel, que luy aussi a le pouuoir en terre d'oster & donner les Empires, Roiaumes, Principautez, & tout ce que les mortels peuuent auoir. Adioustant que s'ils ont le pouuoir de iuger les choses qui appartiennent à Dieu, que deura-l'on penser de ce qu'il peult sur les inferieures & prophanes? Neantmoins toutesfois l'auteur de la vie de l'Empereur, tesmoigne que ceste excommunication ne fut pas de grande efficace, pource (comme il dit) que *Non ratio nis sed arbitrij, non amoris sed odij esse videretur*. Cependant Rodolfe s'obstina tellement en son faict, receuant les graces, tiltres, qualitez & promesses que le Pape luy faisoit, comme oracles, que nonobstant qu'il eust receu le huitiesme iour de Feurier és marches de la Turingie vne nouvelle bastonnade bien lourde par Henry en vne rencontre, nonobstant qu'un Escriuain de ce temps dit que *Hoc praelium alterutris Regibus parum prospere cessit, quoniam vnus victoria*

Victoria, alter Saxonia caruit, osa derechef venir encor tenter le hazard d'une bataille, qui se donna le 12. d'Octobre, avec le reste de ses forces contre luy, pres la riuere d'Ellestre en Saxe. Où le malheur l'accompagnant (comme il auoit tousiours faict) iusques là, il trouua la fin & le salaire de sa rebellion. Pource que son armee honteusement desconfite, il fut aussi si fort blessé que sa mort s'en ensuiuit bien tost apres, qui rendit la prediſtion du Pape parfaitement accomplie: lequel auoit (tesmoin Sigebert & Benno) publiquement predit la seconde feste de Pasques (comme s'il luy eust esté diuinement reuelé) que le faux Empereur deuoit estre mort deuant la fin de l'annee: & ne vouloit plus estre estimé Pape, s'il aduenoit autrement. Marianus Scotus, Helmodus chap. 29. avec l'Abbé d'Vrsperg racomptent que Rodolfe se fit apporter sa main, qui luy auoit esté coupee en la bataille deuant que mourir, & en la monstrant aux Princes & Euesques de sa suite, il leur dist. Voilà celle (disoit-il) par qui i'auois iuré & promis foy & loyauté à mon Prince Henry, & le salaire que ie reçois de mon pariure, ayant tant de fois malheureusement combatu contre luy. Maintenant il m'en fault aller avec mes peres. Que mon exemple vous face doresnauant aduisez de mieux vous accommoder avec vostre Prince legitime. Autres ont escrit que ceste main luy auoit esté coupee par Godefroy de Bouillon, qui seruit autant fidelement l'Empereur que vaillamment en ceste guerre. Tant y-a que par ceste victoire toute l'Allemagne se remit à la deuotion de l'Empereur: qui pour appaiser le different qui estoit entre Frederic de Stauffen son gendre & Bertold de Zeringen pour la Duché de Suaube, donna en recompense audit de Zeringen les pais de Nortgan, Daussois, Brisgau en Brisgoie avec le gouuernement Imperial de la ville de Zurich & ses dependances, ensemble toute l'Vélandie qu'on appelloit la petite Bourgongne, avec permission de s'intituler Duc & Recteur de Bourgongne. Naucler, Chroniques des Suisses.

En ce temps la Comté de Tolose estoit tenue & occupee par vn Comte nommé Guillaume fils de Raimond. Comme du Tillet se dit auoir trouué en vn tiltre qui est au thresor des chartres de France de l'an 1080. par lequel ledit Guillaume se voit intitulé non seulement Duc & Comte de Tolose, mais aussi d'Albigeois, Quercy, Perigort, Carcassonne, Astrac & Rhodéz: Et faire mention aussi de Poncegrand Prince & Duc d'Aquitaine son triayeul, fondateur de l'Abaie de S. Pons en Languedoc, depuis erigee en Euesché. Ensemble aussi d'Emme sa femme, fille de Robert Côte de Mortaing, frere vterin de Guillaume le Conquesteur Roy d'Angleterre. Aussi de Raymond Comte de S. Gilles son frere, & de Bertrand fils dudit Raymond, qui espousa Eleſte ou Elene, niepce (comme nous declarons cy apres) de la Comtesse Mathilde. Or si ainsi est que ce Comte Guillaume fust frere de Raymond de S. Gilles, c'est de luy que la Comté de Tolose fut acheptee, comme il vouloit partir pour aller en Hierusalem, long temps deuant la grande entreprinſe de la guerre Sainte: ainsi que declare Guillaume de Malmesberie, qui dit aussi que ces deux freres cy n'estoient pas fils d'un Raymōd, comme du Tillet a estimé, ains d'un autre Guillaume, que il appelle le bien vieil ou l'ancien, qui les auoit eu d'une femme nommee Almodis ou Almodes (laquelle l'espousa en secondes nopces, ayant esté premierement femme du Comte d'Arles, & apres luy fut encor pour la troisieme fois espouse de Raymond Berengier Côte de Barcelonne.) Or de ces deux fils l'aîné qui estoit Guillaume, fut laissé par son pere heritier & successeur de la Comté de Tolose, nonobstant qu'il fust de peu d'entendement: pource qu'il ſçauoit bien que les Tolosains, pour estre ja tout accoustumez à la domination de leur famille, ne le rejetteroiēt. A cause dequoy il ne laissa que la Comté de Cahors à Raymond: lequel ayant l'esprit plus viſ & plus aigu, menagea si dextrement son patrimoine, qu'il l'augmenta en peu de temps, tant par industrie que par vaillance, de quatre autres Comtez, à ſçauoir d'Arles, de Prouence, de Narbonne, & de Limoges: outre la Comté de Tolose qu'il eut par achat de son frere. Car le meſme Autheur afferme qu'il s'exerça continuellement en guerres, sans se lier par mariage à aucune femme, iusques à ce qu'il eut passé la fleur de son aage, lors il espousa l'une des bastardes d'Alfonse 16. Roy de Castille. Cependant il se trouue aussi es memoires qui sont en la chambre des Comptes d'Aix en Prouence, que ceste Comté-là estoit au meſme temps duquel nous parlons possedee par vn Comte nommé Odon, qui fut pere de Gilbert, qui auoit espousé vne Tibursie Comtesse de Rhodéz & de Giuauldan, de laquelle il laissa deux filles, l'une nommee Faroide, qui fut cy apres femme de l'delfonse Comte de Tolose, fils de Raimond, duquel nous venons de parler: l'autre Douce, qui fut mariee à Berengier Raymond Comte de Barcelonne, de-

quelles nous parlerons encore cy apres. Parquoy si Raymond Comte de S. Gilles fut oncques possesseur des Comtez d'Arles & de Rhodéz, il fault qu'il les ait occupees de force sur Gilbert, à cause possible qu'il tenoit le party de l'Empereur, & luy de la Cōteſſe Mathilde. Combien que ie ne peux croire qu'il l'ait iamais acquiſe toute, ains quelque portion d'icelle ſeulement. Ou bien que Gilbert la recouura puis apres.

A v meſme temps Constantin fils du feu Constantin Empereur, eſtant enuoïé avec armee contre les Turcs qui rauageoient les prouinces d'Oriēt par l'Empereur Botoniates, ſe rebella contre luy, prenant le nom d'Empereur. Mais auſſi legerement que ſes ſoldats le luy auoient donné, d'autant auſſi ſoudainemēt fut bien toſt abandonné d'eux. Et au moyē de ce fut demis de tous ſes eſtats, & conſiné en vn monaſtere. Zonare.

ENVIRON cetēps Izem Roy de Tolette en Eſpagne, fils du Miramamolim Alimaimon, mourut (l'annee n'eſtant autrement où cecy aduint ſpecificc) ayant vn frere nommé Hiaie ou Iaiem qui luy ſucceda à ſon Roiaume. Qui fut auſſi quaſi le meſme temps auquel pluſieurs des Maures d'Eſpagne ſeſleuerent contre Auenabeth Roy de Seuille, qu'ils eſtimoient eſtre Chreſtien ſecretement : Pource qu'il auoit donné ſa fille en mariage à Alfonſe Roy de Caſtille, (laquelle en faueur de luy ſ'eſtoit faiēt baptizer, prenant le nom de Marie.) De ſorte qu'il fut contrainēt de demāder ſecours au grād Miramamolin de maroc, qui eſtoit lors Hali fils de Ioseph, lequel luy enuoia vne grande troupe de Maures d'Afrique ſouz la conduicte d'un ſien gendre nommé Benafſa ou Aben Aza, qui ſ'intituloit Capitaine de iuſtice: lequel eſtant arriué en Eſpagne tourna ſa robbe contre Auenabeth & le mit à mort, reduiſant ſon Roiaume en la puiſſance des Maures trāsmarins, & puis ſ'alla tenir à Murtia. D'où il fit guerre au Roy Alfonſe par pluſieurs annees, de ſi grād heur qu'il gangna beaucoup de belles victoires ſur luy. Qui furent cauſe que Hali meſme paſſa cy apres en Eſpagne. Roderic, Dom Anton. Benter. D'autres adiouſtent que ceſt Aben Axa, apres auoir deſſait Auenabech, ſe reuolta contre le Miramamolin d'Afrique ſon maiſtre, prenant le tiltre ancien des Rois de Cordouē: d'autant que la pluſpart des Maures d'Eſpagne ſe ſouſmirent à luy.

LA haine des Polonois ſ'augmenta en telle ſorte contre leur Roy Boleslaus, pource que leur Roiaume eſtoit interdit par le Pape, que pluſieurs de la nobleſſe conſpirerent de le mettre à mort. Qui fut cauſe de le faire retirer en Hongrie. Martin Cromer.

A Dogriſſa ou Axan ſecond Empereur des Turcs decedé enuiron ce temps, ſucceda ſon fils nommé Apſaſalem à l'Empire Turqueſque, lequel auoit vn nepueu qui ſ'appelloit Solimā, ou ſeō d'autres Czar, lequel il enuoia avec vne armee en la Cappadocie; qui tenoit encore pour les Grecs : où il fit ſi bien qu'il acheua de reduire tout le reſte de l'Asie mineur en la puiſſance des Turcs, excepté les prouinces maritimes deuers le Midy & la Cypre. A cauſe dequoy ſon oncle la laiſſa en ſa poſſeſſion, permettant qu'il ſ'en nommaſt Soudan: Comme Haitonus recite. Les autres n'ont faiēt aucune mention dudit Apſaſalem.

L'EMPEREUR Henry ayant eſte excommunié au mois de Mars en la 3. Indiction par le Pape, le voulut auſſi payer en meſme monnoye. Car il fit aſſembler & tenir deux Conciles des Eueſques d'Allemagne & d'Italie, qui tenoient ſon party en la meſme annee, l'un à Majence eſ ſeſtes de Pentecoſte, l'autre à Brexine en Bauiere le 25. iour de Iuin: le iugement deſquels fut tel, que puis qu'il ſe prouuoit que le Pape Hildebrand ſ'eſtoit impudemment intrus au ſiege Papal par fraude, par pecune, par violēce: encore qu'il ſe fuſt auparauant obligé (comme dit l'Autheur de la vie de l'Empereur) par ſerment de ne plus ſ'entremettre de paruenir au ſiege Papal: pource que n'eſtant encore qu'Archidiaque del'Egliſe Romaine, & viuant encore ſon maiſtre, ſ'eſtoit rendu conuaincu d'aspirer à icelle par ambition, qu'il ſubuertifſoit l'ordre Eccleſiaſtique, troubloit le repos de la Chreſtiētē: machinoit la mort de l'ame & du corps d'un Roy Catholique & paciſique: ſouſtenoit un Roy periure: ſemoit diſcordes entre les amis, querelles entre les paciſiques, ſcandales entre les freres, diuorces eſ mariages: approuuoit les periures & homicides: incitoit à ſacrileges & bruſlemens: reuoquoit en doute la verité du corps & du ſang de noſtre Seigneur en l'Euchariftie: eſtoit obſeruateur des ſōges & diuination, & pratiqueur des ſciēces reprouuees de Magie & de Negromāce. Bref de ce qu'il ſcandalifoit la religiō Chreſtienne par ſa mauuaife vie, les peres le condamnoïēt à eſtre demis & depoſé du ſiege Papal, l'excommuniant où il ne ſ'en voudroit volontairement departir. Et puis eſleurent le vingthuiētiefme iour

iour du meſme mois pour tenir ſon lieu Gilbert Archeueſque de Rauenne, qui auoit eſté cy deuant degradé par Hildebrand, pource qu'il ſe formalifoit par trop pour la cauſe de l'Empereur, lequel prit le nom de Clement 3. Et preſida en ſchiſme qu'on dit auoir eſté le 21. tant contre Hildebrand que contre ſes ſucceſſeurs l'eſpace d'environ 22. ans. Marianus Scotus, Abbé d'Vrſperg, Auentin, Onufrius. Au reſte ſuiuant le decret deſdits Conciles l'Empereur eſcriuit deux lettres: l'vne au Clergé & peuple Romain, leur commandant de contraindre le Pape Gregoire de deſcendre du ſiege Papal, & de receuoir celuy qu'il auoit fait eſlire en ſon lieu: l'autre au Pape Hildebrand meſme, le tiltre de laquelle eſt *Henricus non uſurpatiuè ſed pia Dei ordinatione Rex, Hildebrando iam non Apoſtolicè ſed falſo Monacho*. En laquelle il luy reproche du commencement, qu'il a meritè vne telle ſalutation, pour n'auoir laiſſé aucun ordre en l'Egliſe qu'il n'ait contaminé de conſuſion au lieu d'honneur & de malediction pour benediction. Adiouſtant conſequemment entre autres poincts ces mots: *Sed tu humilitatem noſtram timori fore intellexiſti: ideoque & in ipſam regiam poteſtatem nobis à Deo conceſſam exurgere nō timuiſti, quam à nobis auferre auſus es minari, quaſi nos à te Regnum acceperimus, quaſi in tua & non in Dei manu ſit Regnum vel Imperium. Quia Dominus noſter Ieſus Chriſtus nos ad Regnum, te autem non vocauit ad ſacerdotium. Tu enim hiſ gradibus aſcendiſti, ſcilicet aſtutia (quod monaſtica profeſſio abominatur) pecuniam, pecunia fauorem, fauore ferrum, ferro ſedem pacis adiſti, & de ſede pacis pacem turbaviſti, dum ſubditos in prelatos armaſti, &c.* Pluſieurs toutesfois ſe trouuerent qui lors defendirent par eſcrits la cauſe de Hildebrand, du nombre deſquels fut Anſelme Eueſque de Lucques compilateur des Canons, & Guillaume Hirſune. Comme auſſi n'y eut default d'autres à l'oppugner, meſmement vn Theologien de Heruelden.

Du Monde.	6118	E. d'Allemagne.	25		
De Ieſus Chriſt.	1081	R. des François.	20	R. de Hongrie.	4
Indiction.	4	R. d'Arragon.	19	R. de Pologne.	23
De l'Hegire 473. le 22.		R. des Eſcoſſois.	24	R. de Caſtille.	1
de Iuin.		R. des Anglois.	15	Comtes de la Powille.	2
Papes.	9	Ducs de Veniſe.	9	R. de Dannemarc.	3
E. de Grece.	1				

Les enfans de feu Iſaaciſ Comnenus cy deuant Empereur, ſe voyans par les rapports & pratiques de leurs malveillans expoſez en grand danger de leurs perſonnes enuers l'Empereur Botoniatès, ne trouuerent plus expedient pour leur ſauueté que de ſe reuolter ouuertement contre luy, comme ils firent ſe faiſſans de la ville d'Adrianopoli en Thrace: où la pluſpart des Legions de l'Empire ſ'allèrent rendre pour eſtre de leur party. De ſorte qu'elles nommerent le plus ieune des freres qui ſe nommoit Alexius Comnenus, & le proclamerēt Empereur: pource qu'il eſtoit mieux en la grace de toute la gendarmerie, à cauſe de ſa vaillance & experience au faiçt de la guerre. Lequel fit incontinent marcher ſon armee deuant la cité de Conſtantinople, en telle diligence qu'il entra dedans par le moyen de l'intelligence qu'il auoit avec les gardes. Qui luy ouurirent les portes le propre iour, comme pluſieurs ont noté, de la ſolemnité de Paſques, qui ſe trouua lors au 3. iour d'Auril. Combien qu'Onufrius eſtime que ce fut le iour auquel il fut couronné ſeulement, eſtant entré dedans la ville le premier iour du meſme mois. Auquel auſſi il auoit deſpoüillé l'Empereur Botoniatès des habillemens Imperiaux, & puis enſerré en vn monaſtere en l'Indiction 4. & l'an du monde ſelon les Grecs 6589. comme nous trouuons prouué par vne conſtitution Eccleſiaſtique Grecque: Somme qu'il ſacquit par ce moyen l'Empire Oriental, lequel il poſſeda iuſques à ſon treſpas l'eſpace de 37. ans, 4. mois, 15. iours. Au compte que Zonare & Nicetas en ont faiçt: Qui recitent auſſi qu'il fut le premier qui pour honorer ſes freres institua quelques nouuelles dignitez, dont celle qui fut diçte du Sebaſtocrator fut la plus haulte, meſmement que la Ceſarienne. D'autant qu'elle n'eſtoit guere inferieure de l'Imperiale: auſſi ſignifioit elle autant quaſi que Auguſte Empereur, laquelle

son frere aîné Isaaciûs obtint. La seconde du Protosebaste, qui emporte autant que Prim Auguste, son autre frere nommé Adrian. Mais celle d'Auguste simplement, qui estoit moindre que les autres, fut au dernier qui s'appelloit Nicephore, avec l'estat de grand Drangaire de la marine. D'où nous entendons que le tiltre d'Auguste fut fait depuis ce temps de moindre valeur & respect qu'auparavant. Constantin Manasses historien Grec, qui a vécu sous les Empereurs Alexius & son fils Manuel, a continué ses Annales depuis la creation du monde iusques à la deposition de Bottoniates, où il les finit.

L'EMPEREUR Henry ne pensoit pas auoir rien fait en Allemagne tant que le Pape oseroit encore leuer la teste contre luy. Qui fut la cause de le faire passer ceste année avec vne puissante armée en Italie, en intention d'y mettre à effect la sentence des Conciles de Brexine & de Majence. Ce que le Pape ayant preu, auoit fait munir & fortifier beaucoup de places & forteresses pour l'occuper & retenir, si bien qu'il ne peut de long temps approcher de Rome. Mais la force de son armée fut si grande, qu'il ne se trouua obstacle ny empeschement de durée deuant luy, qui le retardast de se venir camper deuant les portes de Rome, plus tard que les festes de Pentecoste, en deliberation de n'en partir, ou qu'il ne s'y fust fait entrée à son plaisir, ou qu'il n'eust pris vne telle satisfactiō du Pape qu'il pretendoit. Aussi fut-il contraint de sejourner deux ans au siege, auant que obtenir la fin de son intention. Pource que le Pape auoit muni la ville signamment celle partie qu'on appelle Leonidie, de gens & de toutes prouisiōs de guerre pour long temps, à l'aide des Normans de la Pouille & de la Comtesse Mathilde. De ce second voyage de l'Empereur en Italie parle l'Auteur du liure intitulé *De unitate Ecclesie* en ceste sorte: *Perempto Rudolfo Rege Saxonum parauit Henricus Rex secundam profectiōem in Italiam, si quo pacto posset flectere ad misericordiam Hildebrandum Papam, ut pacem aliquando diligens miseretur vel Ecclesie vel Reipublice, quæ iandudum fuerant in magna defectione pro imminente bellorum tempestate: aut si id fieri non posset, substituere alium Papam qui euāgelizaret & amaret pacem, cum iam per plures annos bellum undique vastauerit Romanum orbem. Sed ille noluit Regem recipere, imò respuit eum alloqui vel videre, nisi offerret sibi regale sceptrum, & redderet in manus suas Regiam potestatem & honorem & Regnū. Ergo cum Rex obstinatum Papæ animum non posset inclinare ad studium pacis, alia pactiōnis conditione nisi cederet regno quod Deo ordinante obuenerat sibi auita pariter & paterna successione, tunc demum usus est belli necessitate, cum etiam idem Hildebrandus introitum Romanæ ciuitatis sibi obstruxisset, & Romanos ad repugnandum animasset, &c.* Cependant les ennemis de l'Empereur reprenans vigueur par son absence, recommencerent de troubler l'estat d'Allemagne contre luy. Car Luitpold Marquis d'Austriche à la suggestion d'aucuns Euesques se declara ennemy de l'Empereur. Et Velphe cy deuant Duc de Baviere estant eschappé des prisons où il estoit detenu, s'empara de la ville d'Ausbourg: & puis se mit à remuer mesnage en Baviere. Qui fut cause que Conrard Marquis de Morauie, frere du Duc de Boëme Vratisslaus, fallà le premier opposer au Marquis avec vne armée, par laquelle il le vainquit & mit en routte en bataille rangée au païs d'Austriche le 12. iour de May. En faueur dequoy l'Empereur luy laissa le païs d'Austriche en garde. Mais Fredric de Stauffen Duc de Suaube s'estant venu ioindre avec les Princes & Gouverneurs de Baviere pour l'Empereur, donna vne autre grosse charge l'onzième iour d'Aoust pres le Danube à Velphe & à ses adherens: qui fut si cruelle, que Conrard Comte Palatin Lieutenant de l'Empereur en Baviere y perdit son fils nommé Chuno ou Chonrard, avec grand nombre de noblesse, nonobstant que la victoire demeura de son party. Sigebert, Abbé d'Ursperg, Auentin.

EN ce temps Robert Guischart Prince des Normans de la Pouille mena vne armée de mer en la coste de la Grece, non pour restituer l'Empereur Michel (qui l'estoit, à ce que veult dire Thomas Fazellus, venu trouuer) en ses estats par le mandement du Pape, cōme Platine & autres se sont faussement persuadez, mais pour y faire ses affaires à l'occasion des guerres qui estoient entre les Grecs. De sorte qu'il assiegea la ville de Durazzo en la Dalmatie, tant par mer que par terre. Mais son armée de mer fut deffaite à l'aide des Venitiés, sous la conduite de leur Duc Dominic Siluien. A cause dequoy il laissa celle de terre continuer le siege sous la charge de son fils Boëmund, & s'en reuint en Italie remettre sus vn autre equipage de mer. Blondus, Pandolfo Collinutio. Mais la Chronique du Mont Cassin liure 3. chap. 48. dit au contraire qu'il deffit les Grecs en vne grosse bataille, nonobstant que son armée fust de quinze mille combatans seulement, & celle de ses ennemis de cent septante

septante mille: & qu'il n'y eut occasion qui le fit reuenir de ceste guerre, que l'enuie de secourir & deliurer le Pape assiegé à Rome.

BOLES LAVS Roy de Pologne, estant tombé à l'occasion de ses fascheries & calamitez en perclusion d'entendement, fut, comme aucuns ont escrit, mangé des chiens, ou selon d'autres se tua soy-mesme, en la vingttroisiesme annee de son regne. Maistant y-a que sa mort donna occasion aux Russiens de prendre les armes, & de le jeter à grande puissance dedans le Royaume de Pologne souz la conduicte de Basile fils de Boscillaus. Martin Cromer.

D E P V I S le trespas de Hacquin 115. Roy de Suesse, regnerent apres luy successiuemēt audit Royaume, Stenchille, qui gangna trois batailles sur les Dannois, & reforma les loix de son Royaume, Iugo 117. Roy homme belliqueux, qui eut guerre contre Iorisslaus ou Vvaldemare Prince de Russie, & contre Sueuo Roy de Dannemarc. Et puis Halsten son frere 118. qui mourut ceste annee ou la precedente, laissant vn fils nommé Philippe, qui luy succeda à la couronne, souz lequel les Sueffiens vesquirent en grande tranquillité. Ioānes Magnus liu. 13 chap. 13.

C O S M A S Patriarche de Constantinople se deposa volontairement de sa dignité, & fut ordonné en son lieu vn certain moine Eunuque nommé Eustathius, qui presida 3. ans. Zonare.

V N Synode fut celebré ceste annee à Rome souz le Pape Gregoire, pour les mesmes occasions que les precedentes. Onufrius.

<i>Du Monde.</i>	6119	<i>E. d'Allemagne.</i>	26	
<i>De Iesus Christ.</i>	1082	<i>R. des François.</i>	21	<i>R. de Hongrie.</i> 5
<i>Indiction.</i>	5	<i>R. d'Arragon.</i>	20	<i>R. de Pologne.</i> 1
<i>De l'Heure 474. le 11.</i>		<i>R. des Escossois.</i>	25	<i>R. de Castille.</i> 19
<i>de Iuin.</i>		<i>R. des Anglois.</i>	16	<i>Comtes de la Pouille.</i> 23
<i>Papes.</i>	10	<i>Ducs de Venise.</i>	10	<i>R. de Dannemarc.</i> 4
<i>E. de Grece.</i>	2			

L E S Princes & Prelats de Saxe & d'Allemagne rebelles à l'Empereur, s'efforçans de remettre leur cause au dessus, esleurent pour Roy de Germanie au lieu du feu Duc Rodolfe vn nommé Herman, qui estoit grand Seigneur au pais de Lorraine (selon aucuns de la maison de Luxembourg, & pere d'Othon Palatin Comte de Riueche) lequel fut surnommé par moquerie l'Empereur des aux, pource qu'il fut esleu en vne ville où il y auoit grād reuenu d'aux. Ou pource qu'on tenoit peu de compte de luy. Car le liure *De unitate Ecclesie conseruanda* dit, que *talis fuit, & talis exstitit, vt de eo verè secundum literam interpretari posset quod in Daniele legitur: Quia stabit in loco eius despectus & non tribuetur ei honor regius*. S'il estoit au cāp de ses alliez, tout se faisoit sans son sceu & commandement, les Princes ne l'appellans pas à leurs conseils & deliberatiōs, & ne se voyoit pas mesme tenir entr'eux rang de Prince seulement. Dont il respondit vne fois à vn qui le requeroit de quelque faueur, qu'il n'auoit pas plus de moyen de se bien faire qu'à luy. Les principaux des Princes qui l'auoient esleu, estoient le Marquis Egbert de Saxe, & les deux fils de feu Othon Duc de Bauiere. Sa cour se tenoit en la maison des Euesques de Magdebourg & de Halberstad. Cependant l'Empereur Henry continuoit son siege deuant Rome. Autheurs precedens.

G E O F R O Y le Barbu Côte d'Anjou, & Foulques Rechin son frere, fils ou nepueux de Geofroy Martel Comte d'Anjou, se guerroyerent en ce temps l'vn l'autre: pource que le plus ieune se plaignoit de son aîné qui luy faisoit trop petite part de la succession de leur pere. De sorte qu'ils se donnerent bataille sur ceste querelle, qui fut gaignee par Foulques demeurant son frere prisonnier entre ses mains, lequel il detint iusques à sa mort. Au moyē dequoy il s'empara de la Cōté d'Anjou, & puis donna le pais de Gastinois au Roy de France, suiuant le compromis fait entr'eux, s'il ne se mesloit point de leur querelle. Annales d'Anjou.

L'ARMÉE que l'Empereur Alexis mena en personne au secours de la ville de Durazzo pour lever le siege des Normans, fut honteusement desconfite & rompuë par le fils du Prince Guischarde en l'absence d'iceluy. Qui fut cause qu'il s'en retourna à Constantinople, d'où il ramena l'année d'après vne nouvelle armée contre les Allemans, par laquelle il les fit retirer. Michaël Glyca.

LADISLAUS Roy de Hongrie suiuant son bon naturel fit accord avec le Roy Salomon, pour lequel il luy donnoit vne pension royale pour son entretenement, afin qu'il se deportast de plus quereller le Roiaume de Hongrie. Bonfinius.

LES estats de Pologne assemblez pour obuier aux entreprises des Russiens, esleurent pour leur Prince & Seigneur Vladislaus premier du nom, dict Herman, frere du Roy defunct, à qui il ne fut permis ny à ses successeurs de plus de 200. ans apres de porter le nom de Roy par les Euesques, en souuenance & expiation de la mort de S. Stanislaus: pource qu'ils festoient ja acquis si grande autorité au Roiaume qu'on ne les pouuoit appaiser, s'ils ne vengeoient leurs iniures au detrimement de la Republique. Ioinct qu'ils auoient caché la couronne & les ornemens royaux deuers eux: & qu'on ne les pouuoit contraindre de faire les ceremonies qui se deuoient faire au couronnement du Roy. Martin Cromer. Annales de Silesie.

RAYMOND Berengier Comte de Barcelonne fut par son frere nommé Berengier Raymond occis en trahison. A cause dequoy le peuple de Barcelonne apres auoir chassé le meurtrier, receut pour Prince & Seigneur le fils du defunct, ayant vn mesme nom que son pere, lequel tint la Comté de Barcelonne l'espace de 50. ans. Franc. Taraffa.

<i>Du Monde.</i>	6120	<i>E. d'Allemagne.</i>	27	
<i>De Iesus Christ.</i>	1083	<i>R. des François.</i>	22	<i>R. de Hongrie.</i> 6
<i>Indiction.</i>	6	<i>R. d'Arragon.</i>	21	<i>R. de Pologne.</i> 2
<i>De l'Hegire</i> 475. <i>le</i> 31.		<i>R. des Escossois.</i>	22	<i>R. de Castille.</i> 20
<i>de May.</i>		<i>R. d'Angleterre.</i>	17	<i>Comtes de la Pouille.</i> 24
<i>Papes.</i>	11	<i>Ducs de Venise.</i>	11	<i>R. de Dannemarc.</i> 5
<i>E. de Grece.</i>	3			

LES Romains lassés du long siege ne se tenoient si bien sur leur garde qu'il appartenoit à gens assiegez. Ce qu'estant aduisé par les assiegeans, plusieurs sauanturerent d'entrer en la ville par escalade, en telle sorte qu'ils mirent le reste de l'armée dedans le 2. iour de Iuin, auquel on celebrait lors la solemnité de la Pentecoste. Guillaume de Malmesberie Anglois & autres qui ont escrit la vie de Godefroy de Bouillon, afferment que ce fut luy qui entra le premier par escalade dedans Rome: & en recompence du bon seruice qu'il fit à l'Empereur en toute ceste guerre, qu'il luy accorda l'investiture de la Duché de Lorraine, qui auoit appartenu à son grand pere maternel. Neantmoins le Pape se retira avec ses Cardinaux au chasteau saint Pierre, qu'on disoit lors la tour de Crescence, qui estoit si fort qu'il s'y laissa assieger encore long temps. Cependant les Romains ausquels la longueur de ceste guerre estoit trop ennuieuse, firent entamer propos de paix entre le Pape & l'Empereur. De sorte que iour fut assigné au premier de Nouembre pour la traicter, se monstrât l'Empereur assez disposé (au tesmoignage mesme de Platine & de Sigonius) à y entendre. Mais le Pape se trouua encor si reuesche, qu'il n'y eut rien de fait: pource que sans se vouloir presenter deuant l'Empereur, demanda qu'il confessast sa faulte, demandast pardon, & se soumist sans exception à tout ce qu'il luy voudroit ordonner. Ce que les Romains & les Prelats d'Italie trouuerent si defraisonnable, qu'ils se donnerent d'un accord au party de l'Empereur, s'alienant totalement du Pape, en telle façon qu'il fut en fin cōtrainct au rapport de Sigebert, de l'Abbé d'Ursperg & Auentin, se retirer secretemēt à Salerne, pour estre à la protection des Normans. A cause dequoy l'Auteur de la vie de l'Empereur Henry, qui viuoit en ce temps, dit en ces termes: *Fugit Apostolicus, & qui omnes in periculum impulerat, omnes in periculo deseruit.* Mais ie croy bien ce qu'escrit Leon d'Hostie en sa Chronique du Mont Cassin, que les Normans le furent querir & emmener. Car il fit sçauoir au Prince

Robert

Robert Guischart l'extrémité en laquelle il estoit. Qui fut cause qu'il partit de la Grece, où il faisoit la guerre à l'Empereur Alexis, & s'en reuint en Italie avec vne partie de son armée pour le secourir, laissant la charge du reste à son fils Boëmund pour continuer la guerre. Ce qui donna occasion à l'Empereur Alexis de le venir combattre avec son armée infiniment plus grande que la sienne, esperant auoir meilleur marché de luy, qu'il n'eust pas eu de son pere. Dont il se trouua trôpé: car le ieune Boëmund luy fit si brauement sa barbe, qu'il le mit honteusement en fuite, & son armée en routte: Guillaume de Malmesberie.

C E P E N D A N T Herman qui se disoit Roy de Germanie, ayant mis à l'aide de ses confederes vne armée aux champs, la fit entrer dedans la Franconie. Mais on n'a point mis en memoire qu'il y aye fait aucun exploit memorable. Comme recite l'Abbé d'Vrsperg avec Marianus Scotus moine reclus au pais de Bauiere, qui finit sa Chronique depuis la creation du monde en ceste année (où il viuoit aussi) laquelle l'Abbé d'Odechin a cōtinué iusques à plus de 100. ans apres.

H E N R Y 2. du nom, fils de Lambert deuxiesme Côte de Louvain, mourut laissant deux fils nommez Henry 3. qui estoit l'aîné, & Godefroy le Barbu, qui luy succederēt l'un apres l'autre en ladiète Comté. Adrian Barland.

G V I L L A V M E Roy d'Angleterre fit ceste année faire la description ou denombrement de son Roiaume, pour cognoistre le nombre de ses subjects, & le reuenu, rentes, possessions & facultez d'un chacun, lesquels il redigea en vn volume. Balæus.

S A L O M O N cy deuant Roy d'Hongrie ne se pouuant contenter du party que le Roy Ladislaus luy auoit fait, se mit à luy dresser des embusches, qui furent si mal couuertes, que elles retomberent sur la teste de l'autheur, pource qu'elles furent cause de le faire prendre & retenir prisonnier, iusques à ce que Ladislaus vsant plus de clemence que de son droit enuers luy, le fit remettre en liberté, laquelle toutesfois ne luy peut tant faire oublier son mauvais courage, qu'il ne fust encor autheur aux Besses & Vallachiens, & aux Bulgariens puis apres de venir guerroyer les Hongrois. Combien que Ladislaus se sceut si brauement deffaire d'eux, qu'il ne leur laissa remporter de luy que perte & honte. Bonfinius.

L E S citiens de la cité de Tolette, en Espagne qu'on appelloit les Chrestiens Murarades, opprimez de la seruitude de leur Roy Hiaie ou Iaiem fils d'Almenon, implorerent l'aide d'Alfonse Roy de Castille. A cause dequoy il mena son armée deuant leur ville, laquelle se rendit à luy le 25. iour de May en l'Ere 1133. & en la 20. année de son regne, comme tesmoigne Roderic. Combien que ceste année là ne se rapporte avec la 1133. de l'Ere: dont il fault estimer qu'il a escrit 121. ou 122. pour 133. d'autant mesmement qu'il auoit selon luy commencé de regner en l'Ere 1101. & qu'il declare que celà se fit souz le Pape Gregoire 7. Mais Anton. Benthier & autres disent, qu'elle luy fut rendue par Hiaie, souz condition que il luy aideroit de ses forces à recouurer la ville d'Alborasin & la principauté de Valence sur Abubecar. Tellement qu'Alfonse luy donna vne armée, par le moyen de laquelle il regaigna la ville d'Alborasin, mais il ne peut recouurer Valence deuant le trespas d'Abubecar Abdalla Adis; lequel fessant allié de Columela ou Alculima Roy de Sarragosse, faisoit estat souz le support d'iceluy de la retenir pour soy. De sorte qu'il la laissa mesme à son trespas à ses deux fils. Qui se trouuerent de si peu d'entendement & de si mauuaise conduite, que ceux de Valence desgoultez d'eux, se mirēt entre les mains dudit Hiaie en faueur de la mere du feu Miramamolin, Alimaimon ou Alamenon son pere. Au mesme temps aussi Abenalfange Roy de Deuia & de Tortose, fit guerre à Columela Roy de Sarragosse son frere, pour le dechasser de son roiaume. Mais Dom Roderic Biuar dict Cid, duquel il estoit vassal, se rendit à son secours, qui fit deporter Abenalfange de son entreprise.

E S T A N T la ville de Tolette reprise sur les Maures, Bernard en fut esleu Archeuesque: souz lequel l'office diuin & la façon de celebrer la Messe qui auoit esté vsitee par toute l'Espagne depuis le temps des Goths, selon que saint Leandre & Isidore l'auoient ordonnée, fut changee, & le seruice de l'Eglise Romaine introduit au lieu d'icelle. Ce que toutesfois ne se peut faire sans grande mutinerie & clameur du peuple. Qui fut cause que pour le contenter on laissa vne cheze à Tolette, où se continua de chanter l'office à la maniere Gotthique dicté Mozarabe, receuant toutes les autres le seruice de Francé ou de Rome.

TTT

<i>Du Monde.</i>	6121	<i>E. d'Allemagne.</i>	28	
<i>De Iesus Christ.</i>	1084	<i>R. des François.</i>	23	<i>R. de Hongrie.</i> 7
<i>Indiction.</i>	7	<i>R. d'Arragon.</i>	22	<i>R. de Pologne.</i> 3
<i>De l'Hegire.</i>	476. le 21.	<i>R. d'Ecosse.</i>	26	<i>R. de Castille.</i> 21
<i>de May.</i>		<i>R. d'Angleterre.</i>	18	<i>Comtes de la Pouille.</i> 25
<i>Papes.</i>	12	<i>Ducs de Venise.</i>	12	<i>R. de Dannemarc.</i> 6
<i>E. de Grece.</i>	4			

A la requeste du Pape Gregoire le Prince Robert des Normans de la Pouille mena, au dire de Blondus, Platine & de Pandolfo Collinutio, apres la Chronique du Mont Cassin & son Epitaphe, vne armee à Rome, qui fit retirer celle de l'Empereur à Siennes, deliurant ledit Gregoire du siege: & puis l'emmena avec luy à Salerne. Parquoy l'Abbé d'Vrsperg & les autres historiens Allemans ont mal dit au contraire, que l'Empereur mena au mois de Ianuier son armee en la Pouille, où elle fit si bien qu'elle en conquesta vne partie, ayant mis les Normans en routte. Cependant on conuient que l'Empereur apres que Gregoire eut esté mené à Salerne s'en reuint à Rome au mois de Mars, y estant appelé par les Romains, où il conuoqua par le consentement d'iceux le vingtquatriesme iour du mesme mois vn Synode de trente Euesques: par sentence duquel le Pape Gregoire fut déclaré demis & déposé de la dignité Papale, pour les mesmes causes qui ont esté ja declarees cy dessus: & la substitution de Clement en son lieu confirmee & approuee, suiuant laquelle il fut aussi consacré le mesme iour pour Pape legitime. A cause dequoy l'Empereur se fit aussi & à sa femme donner par luy la couronne Imperiale à la maniere des autres Empereurs le dernier iour du mesme mois, qui fut veille de Pasques. Et apres auoir selon ce qu'il luy sembloit bon, donné ordre aux affaires d'Italie, s'en retourna en Allemagne, pour rembarquer les nouuelles entreprises de ses aduersaires. De sorte qu'il assiegea la cité d'Ausbourg, la battant de telle furie qu'elle luy fut rendue deuant la fin de l'annee. Cependant pource qu'apres son depart d'Italie la peste se mit si furieusement dans Rome, qu'elle consumma quasi tous les Allemans qu'il y auoit laissez pour la garde de son Antipape Clement, les Romains suiuaus leur inconstance accoustumee chasserent ledit Clement hors de Rome, & le contraignirent se retirer ailleurs. Ce qui incita le Pape Gregoire de celebrer vn autre Concile en la Pouille, avec les Euesques de son party: auquel il prist sa reuange de celuy qu'on auoit tenu à Rome contre luy, reiterant & aggravant ses excommunications contre ses aduersaires. Supplémēt de Marianus Scotus, Abbé d'Vrsperg, Helmodus, Auentin, Onufrius, Sigonius.

H O E L second du nom Duc de Bretagne trespassa, laissant deux fils, l'aîné desquels nommé Alain quatriesme tint la Duché de Bretagne apres luy. Annales de Bretagne.

E V S T A T H I V S Patriarche de Constantinople fut depose du vouloir de l'Empereur, & vn certain moine nommé Nicolas dict le Grammarien substitué en son lieu, auquel il presida 27. ans. Zonare.

L E S Turcs souz la conduite d'un Capitaine nommé Zachas, conquererent en ce temps la pluspart des Isles de la mer Mediterranee, comme Rhodes, Lesbos, Samos; lesquelles toutesfois furent bien tost apres retirees de leurs mains par l'armee de l'Empereur de Grece. Zonare, Michael Glyca.

Du Monde.

Du Monde.	6122	E. d'Allemagne.	29		
De Iefus Chriſt.	1085	R. des François.	24	R. de Hongrie.	8
Indiction.	8	R. d'Arragon.	23	R. de Pologne.	4
De l'Hegire 477. le 10.		R. des Eſcoſſois.	27	R. de Caſtille.	22
de May.		R. d'Angleterre.	19	Comtes de la Pouille.	1
Papes.	13	Ducs de Veniſe.	13	R. de Dannemarc.	7
E. de Grece.	5				

L'EMPEREUR Henry pourſuiuant ſes ennemis mena vne armée contre les Saxons, qui les eſtonna de telle façon qu'ils demanderent paix ; laquelle leur fut accordée , apres qu'il ſe fut fait rendre la ville de Herfold , avec condition que chacun pourroit rentrer en ſon bien , qui pour cauſe des rebellions precedentes en eſtoit deſcetté. Mais pource que ceſt article ne leur fut pas par tout bien entretenu, il les fit derechef rebeller & reprendre les armes à la ſuggeſtion du Marquis Ecbert parent de l'Empereur. Pluſieurs toutesſois ſ'entremirent de les faire reuenir en voye d'appointement , qui ne vindrent à autre eſſet de leur intention, que de faire aſſembler vn Colloque , auquel ſe deuoit conuenir & decider des differens d'une part & d'autre par certains arbitres : ſi l'opiniaſtre des rebelles n'eut fait reüſſir à rien toute ceſte entreprinſe. Selon le Supplément de Marianus Scotus, Sigebert, Abbé d'Vrſperg. Le liure *De unitate Eccleſie conſeruanda* & Albert Crants declarerent, que ceſte aſſemblée ſe fit le 20. iour du mois de Ianuier en vn lieu qu'on appelloit *Gerſtungum*, *conſentientibus utrinque Episcopis, ut cauſa longa concertationis quæ non poterat confici gladijs, terminaretur libris, latantibus admodum laicis quorum ſanguis effuſus eſt tot prælius, quod ad hoc peruenit ſit ut per ipſos auctores belli contra Regem Henricum decerni debeat, quod ibi iuſtitia ſit unde victoria fuerit. Cum tale iudicium veritatis quod facillimè ex libris agnoſcitur, non poſſit vel falli vel fallere.* Parquoy Chunnard Eueſque du Traict ſe preſenta le premier, faiſant entendre que luy & ſes compagnons eſtoient là venus pour prouuer par le teſmoignage des ſaincts Canons que l'Empereur Henry n'auoit point eſté ne iuſtement ne canoniquement cōdamné & excommunié. D'autant qu'il n'eſtoit pas moins raſſonnable que le droit concedé par les conſtitutions Eccleſiaſtiques ſeruiſt à l'Empereur, qu'il feroit à la moindre perſonne de l'Egliſe. Dont il concluoit que l'Empereur qui ſe trouuoit ſpolié de la pluſpart de ſes biens, & deſcetté de beaucoup de ſes propres païs & prouinces, n'auoit peu eſtre legitimemēt iugé ne tiré en cauſe deuant qu'eſtre reintegré en tous ſes droits, eſtant le fondement de ſa cōcluſion tiré d'un article qu'il allega eſtre dedans les decretſ des Papes de Rome, lequel fut recité & leu tout haultement par Vveſſelin Archeueſque de Majence en ces termes. *Quomodo rebus ſuis aliquis expoliatus, aut à ſede propria vi aut terrore pulſus, nō poſteſt accuſari, vocari, iudicari aut damnari, antequam omnia ſibi ablata reſtituantur, & cum omni priuilegio ſuo ius propriū. & ipſe pacificè diu ſuis fruatur honoribus, propria ſedi regulariter reſtitutus. Quod & Nicenum cōſtituit Concilium, ut nemo Pontificum præſumat aliquem rebus ſuis expoliatum excommunicare aut iudicare.* Laquelle raiſon rendit tellement empelchez tous les Eueſques de partie aduerſe, qu'il ne ſ'en trouua vn ſeul qui peult rien repliquer à l'encontre, non pas meſmes l'Eueſque de Salsbourg nommé Gebbrard, qui pour ſon ſçauoir & eloquence auoit eſté choiſi pour porter la parole pour eux tous. Nonobſtant qu'il eut propoſé que l'Empereur comme mēbre de l'Egliſe Chreſtienne deuoit auoir obey à la ſentence du Synode de Rome, & à la citation qui luy auoit eſté faite au nom d'iceluy : & qu'en default d'auoir rendu obeiſſance à la ſentēce d'excomunicatiō, & par la cōtūmacité la deſpoſitiō ſ'en eſtoit enſuiuie. Dont les Eueſques non ſeulement, mais auſſi les Princes dudit party qui ſe trouuerent à ceſte aſſemblée, entrerent en vn tel debat l'un contre l'autre, à cauſe que les vns recognoiſſoient le tort que on auoit fait à l'Empereur, que pluſieurs y furent tuez, comme vn Comte Thierry beaufrere du Marquis Egbert, avec vn ſien couſin. Qui fut cauſe que toute l'aſſemblée ſe diſſipa ſans autre eſſet.

LES Venitiens redoutans le progrez de la puiffance des Normans, ſe mirent en ligue avec l'Empereur de Grece, pour les empelcher de ſ'eſtendre plus auant. Tellement qu'ils equipperent ſouz ceſte intention vne puiffante armée de mer, laquelle ſouz la conduicte

de leur Duc Dominico Siluio ou Seluo fallà ioindre à celle de l'Empereur de Grece, pour d'un effort aller charger les Normans au port de Durazzo. Mais ils se trouuerent si rudement receuz & soustenus, qu'ils furent honteusement rompus & deffaits. En despit de quoy les Venitiens deposèrent leur Duc, & substituerent en son lieu le Seigneur Virale Phaliero ou Falero, que l'on dit auoir gouuerné la Republique Venitienne l'espace d'environ treize ans: & auoir en ceste charge rendu les Venitiens Seigneurs de la Dalmatie & Croacie, par la permission de l'Empereur de Grece, apres qu'ils les eurent nettoyez de la subjection des larrons & pyrates. Neantmoins les Venitiens ayans voulu recouurer ou effacer le deshonneur de la perte precedente par vne seconde armee plus grande que la premiere, l'augmenterent au triple: pource qu'elle fut plus lourdement & avec plus grande perte de gens & de vaisseaux deffaitte par leurs ennemis deuant l'isle de Sefono. Qui furent les derniers exploits de la vaillance du Prince Robert Guischart, pource qu'il deceda bien tost apres, par le moien du poison que luy donna sa femme qui estoit Italienne, suscitée à ce faire par les presens & promesses de l'Empereur de Grece, qui luy promettoit de l'espouser: Côme tesmoignent Gilbert & Guillaume de Malmesberie Anglois: qui dit aussi que Robert s'estoit fait rendre un peu auparauant la ville de Durazzo, quand il eut fait entendre aux Duraziens qui s'estimoient imprenables, au moie de la forteresse de leurs murailles, & que pour ceste occasion leur ville s'appelloit Durazze, que luy se nommoit aussi Durant, pour durer au siege d'icelle iusques à ce qu'il fust entré dedans. Dont il semble auoir bien meritè la louange de l'Epitaphe qui luy fut fait sur son tombeau, lequel nous a esté proposé par le mesme Autheur & par Guibert:

Hic terror mundi Guischartus, hic expulit vrbe

Quem Ligures Regem, Roma Lemanus habet.

Parthus, Arabs, Macedumque phalanx non texit Alexim:

At fuga, sed Venetum nec fuga nec pelagus.

Tant-y-a cependant que son trespas fut selon qu'a obserué Onufrius au mois de Iuin. Cōbien que Pandolfo Collinutio a estimé que ce fut au mois de Iuillet de l'an 1082. Fasel de 1083, de nostre salut. Mais nous nous arretons au iugement dudit Onufrius, qui le rapporte à ceste annee. D'autant mesme que tous les Autheurs conuiennēt que le Pape Gregoire se retira à Salerne viuant encore ledit Guischart, par lequel mesme il y fut conduit. Qui laissa deux fils Boemund & Roger, lequel vñant de la faueur que le peuple subject à son feu pere, à cause possible de ce qu'il estoit né d'une mere natifue de la Pouille (à ce qu'escriit Guillaume de Malmesberie, & Boemund d'une autre qui estoit Normande) luy donna plus qu'à son frere, qui estoit lors avec l'armee victorieuse en la Dalmatie: s'empara du tiltre & de la possession des Duchez de la Pouille & Calabre, s'en faisant nommer Duc, nonobstant qu'il fut le puisné. Mais leur oncle Roger demeura en possession de la Sicile, souz tiltre de Comte. Le mesme Autheur adioute que ce Roger fils de Guischart fut surnomé le Bourfier, luy ayant esté donné ce surnom par son pere, qui l'auoit cogneu dès sa ieunesse deuoir estre plus cupide d'argent que son frere.

GVILLAVME Roy d'Angleterre s'estant mis sur mer avec armee pour passer d'Angleterre en la Normandie, fut par la tormente jetté en la coste d'Espagne, où il prit terre: & s'y trouuant assailly par les Sarrazins, gaigna vne grande victoire sur eux ceste annee le 24. iour de Iuin. Et puis s'estant rendu en Normandie, se reconcilia avec son fils: Comme recitent vne partie des histoires de Normandie. Aucunes desquelles ont faussement escriit que Pierre l'Hermite fut en Angleterre deuant la mort du Roy Guillaume, où il le mit d'accord avec son fils, & qu'il l'exhorta au voyage d'Oultremer. Et celles aussi qui ont mis en auant un debat qui fut à leur dire entre Louis le Gros & Henry dernier fils du Roy Guillaume en ioüant aux eschets, auquel l'Anglois frappa le Prince François du tablier sur la teste. Parquoy il ne fault pas douter que la guerre qu'on a excogitee sur ceste occasion ne soit de mesme alloy, puis que les histoires de France n'en ont fait un seul mot de mention, nomplus que les plus anciens Historiens d'Angleterre: Comme Guillaume de Malmesberie, qui vesquit bien tost apres, Guillaume de Neubrige & Matthieu Paris. Car le premier d'iceux declare seulement que Robert se rebella ceste annee ou trois ans deuant le trespas de son pere contre iceluy, à cause qu'il ne luy vouloit pas accorder la Normandie, & que pour ceste occasion il s'en alla en Italie pour espouser la fille du Marquis Boniface, afin de estre par le moien d'icelle secouru contre son dit pere: mais icelle luy estant refusee, qu'il incita

incita le Roy de France à le supporter & fauoriser en sa rebellion. Occasion pourquoy son pere le priua de sa benediction & succession à son trespas.

ENVIRON aussi le meisme temps Hali grand Pontife & Miramamolin, ou selon les Grecs Amernunnes, selon d'autres Emir Mumanin & Amiramomenin de Maroc en Afrique, fils de Ioseph de la famille des Almoranides, estant passé avec vne grande puissance en Espagne, faisoit vne fort dure guerre aux Chrestiens, mesmement au Roy Alphonse de Castille, sur lesquels il gaigna plusieurs victoires en beaucoup de rencontres, en l'une desquelles il perdit son fils unique Dom Sancio, qu'il auoit eu de sa sixiesme femme fille de Anenabeth Roy de Seuille, avec bien sept Comtes, qui firent donner le nom des sept Cotes au lieu où ceste deffaicte aduint, qui fut pres la ville d'Aliacar de Consuegra. Qui fut aussi lors que Hiaie ou Iajem Roy de Valence, estant allé assieger à l'aide de quelque nombre d'Espagnols la ville de Sciatina, fut mis en routte par Abelnafange Roy de Denia, qui vint au secours des assiegez: & contraint se retirer à Valence, où il eust esté encore en danger, si le vaillant Dom Rodric Biuar dict Cid ne fust aussi venu à son aide, avec Amocaben fils de Iusaf Aben, qui auoit succédé au Roiaume de Sarragosse à son beau-pere Alculima ou Columela nouvellement decédé, qui firent retirer Abelnafange. Roderic, Dom Ant. Benter. Estienne Gariney liu. 11. chap. 22. de son histoire vniuerselle d'Espagne, rapporte seulement la iournee des sept Comtes à l'an 1089. Combien que la Chronique non imprimée de S. Denis afferme, que ces sept Comtes estoient quasi tous Princes de France, entre lesquels elle nomme les Comtes de Bourgogne, de S. Gilles, Henry de Lorraine & Rocrod du Perche, qui y fit de grands & merueilleux faicts d'armes. Mais elle ne confesse pas qu'ils y ayent esté tuez.

P O U R C E que le colloque precedent de *Gerstungum* s'estoit rompu sans aucun fruit, si n'est quelques Princes & Euesques y auoient esté cōuertis & ramenez au party de l'Empereur. Le Pape Vvibert ou Clement incité de ceste occasion enuoia par l'aduis de l'Empereur ses Legats en Allemagne, pour y celebrer vn Concile à Majence. Auquel furent mandez & appelez tous les Euesques de la Germanie qui s'y trouuerent tous ou enuoierent leur consentement escrit de leur main, excepté quinze qui demurerent arrestez en leur premiere opinion de ne se deporter de la cause du Pape Hildebrand qu'ils auoient embrassée. Les Euesques de Majence, de Cologne & de Treues y presiderent. Le liure *De unitate Ecclesie conseruanda* dit, que *aderat etiam consensus omnium Episcoporum siue de Italia siue de Gallia, in quorum alternis cordibus vinit spiritalis amor & gratia*. La fin fut, qu'apres qu'ils eurent examiné & debatue comme on auoit auparauant la iustice de la cause de l'Empereur, la depositions du feu Pape Gregoire fut approuuée, pour les mesmes causes qu'on auoit ja cy deuant declarées au Synode de Brexine. Et ceux qui persistoient encor en la cōmunion d'iceluy sans se vouloir reünir à la societé de l'Eglise Catholique, anathematizez cōme heretiques, schismatiques, periures & infideles. Pource que selon qu'il fut là dit, *Magna est heresis Dei ordinationi resistere, quod constabat supra scriptos xv. pseudoepiscopos fecisse dum destruere nitebantur Regnum Henrici Regis à Deo sibi collatum, resistendo ei atque repugnando usque ad effusionem sanguinis multorum hominum*. Qui fut cause, à ce qu'escrit Sigebert, que plusieurs Euesques qui fauorisoient au Pape Hildebrand en leur cœur, souscrivirent de bouche & de main à la determinatiō de ce Concile. Mais les autres firent publier vn escrit pour leur defense, par lequel ils se disoient estre de la vraye Eglise, & tous ceux qui adheroient & communiquoient avec l'Empereur Henry & avec son Antipape, excommuniez, heretiques & schismatiques. Qui plus est, afin de se munir contre les effects du Synode precedent, ils en tindrent eux-mesmes au meisme temps vn autre au chasteau de Quidilgebourg en Saxe, en la sepmaine d'apres Pasques: ayans fait venir d'Italie le Cardinal Othon Euesque d'Hostie, qui fut cy apres le Pape Urbain, pour y presider en tiltre de Legat Apostolique. Lequel voulut auant que proceder à autre matiere, faire separer le Roy Herman d'avec sa femme espousee, qu'il disoit luy estre trop proche de parenté. Et puis ordonner que les Saxons & Turingiens restitueroyent aux Eglises & monasteres les biens qu'ils leur auoient ostez & desrobez. Mais les Euesques d'Allemagne l'empescherēt de remuer ceste matiere, de peur de fascher leurs amis, remonstrās qu'il estoit plus de besoin de bien confermer leur cause en iustificiant par toutes sortes de moyens les faicts & la memoire du feu Pape Gregoire, & en reiterant & confirmāt toutes les censures & anathemes qu'il auoit prononcées cōtre l'Empereur Henry & ses adherés. Et pour ceste cause ils declarerent l'Archeuesque de Majence heresiarche, pour auoir dit

au Synode precedent, qu'on ne pouuoit legitiment appeller en iugement ny accuser ny condamner celuy qui estoit spolié de ses biens. A cause dequoy l'assemblée de Majence ne reuint à aucun effect: Autheurs precedens avec l'Abbé d'Vrsperg, Auentin.

A v mesme temps aussi ledit Gregoire septiesme Pape mourut le vingtcinquieme iour de May à Salerne, ayant, comme racomptent Beno Cardinal, Sigebert, Vincent de Beauuais, Antonin de Florence, recogneu ses fautes à sa mort, confessant, comme ils disent, à Dieu & à saint Pierre & à toute l'Eglise, qu'il auoit grandement peché en sa charge, pour auoir à la suggestion de l'esprit maling mis & semé haines, inimitiez & guerres au monde. Mathieu Paris dit en ces mots: *Moriens Cardinalibus aduocatus confessus est se valde peccasse in cura pastoralis, & suadente diabolo contra humanum genus iram & odium Dei concitasse.* Et puis qu'il commanda à vn de ses plus familiers Cardinaux d'aller demander pardon à l'Empereur, luy declarant qu'il le deslioit de l'excommunication qu'il auoit prononcee contre luy. Ce que toutesfois Platine, Sigonius & les autres racomptent autrement. Qui plus est ils disent tous suiuant la Chronique du Mont Cassin, que Hildebrand se trouuant à l'heure de la mort, conseilla aux Cardinaux de sa suite d'eslire apres luy au siege Papal Didier Abbé du Mont Cassin, ou à son refus Hugues Archeuesque de Lion: ou bien en default d'eux, Orthon Euesque d'Hostie. Et que pour le refus que fit Didier à accepter la dignité qu'on luy donnoit, que celà fit vacquer le siege Romain l'espace d'un an. Si est-ce toutesfois que ses aduersaires disoient lors que *fuit subintroducetus ut incendia Hildebrandi iam defuncti resuscitaret, atque schismata illius ex tanti Pontificatus autoritate confirmaret.* Qui fut cause que l'Antipape Clement, qui se disoit le vray Pape, faisoit tous ses efforts de pourueoir de Pasteurs les Eglises qui en estoient destituees. Et enuoia des mandemens aux Euesques de la Germanie pour par assemblees Synodiques faire le procez & le iugement des Euesques qui ne voudroient retourner en l'vnité de l'Eglise: Mais qui (comme il leur imputoit) *exercentes prelia & seditiones & dominationem spernentes, maiestatem autem blasphemantes, extulissent se super altitudinem Regie potestatis, & restitissent ordinationi diuinae dispositionis, transferentes regna & negligentes sacerdotia: qui etiam pessimo suo exemplo quo essent periuri, docuissent obediētes sibi infideles atque fallaces. Qui etiam ut pote violatores Ecclesiasticorum priuilegiorum permisissent fautores partium suarum rapere & bona & res Ecclesiarum, ut eiusmodi homines essent sibi promptiores ad omne nefas audendum.* Tant-y-a que Guillaume de Malmesberie Anglois parlant du Pape Hildebrand & des deux qu'il conseilla eslire apres soy, il dit: *Si vellent hominem in seculo potentē, eligerent Desideriū Abbatem Cassinensem, qui salubriter & in tempore numero militari violentiā Guiberti infringeret. Sin Ecclesiasticum & eloquentem accipere, Episcopum Hostiensem Odonē. Ita obijt vir apud Dominum felicitis gratiæ, apud homines austeritatis fortassis nimia.*

Du Monde.	6123	E. d'Allemagne.	30	R. de Hongrie.	9
De Iesus Christ.	1086	R. des François.	25	R. de Pologne.	5
Indiction.	9	R. d'Arragon.	24	R. de Castille.	23
De l'Heure 478. le 28.		R. des Escossois.	28	Comtes de la Pouille.	2
d'Auril.		R. des Anglois.	20	R. de Dannemarc.	8
Papes.	1	Ducs de Venise.	1	R. de Boëme.	1
E. de Grece.	6				

Les Saxons se comportoient en ce temps quasi de mesme façon enuers l'Empereur Henry, qu'ils auoient autresfois fait enuers Charlemagne. Car quand ils le voyoient auoir l'auantage sur eux, ils demandoient paix, laquelle ils ne gardoient qu'autant que ils n'auoient opportunité de la rompre. Comme ils firent encor ceste annee. Car iceluy les ayant esté reuoir avec son armee iusques dedans leur païs, leurs Princes se vindrent derechef soumettre à la paix, laquelle il leur accorda assez facilement: afin que son armee fust retiree deuant la venue de la Careme. Mais quand ils virent qu'il ne la pourroit si tost rassembler qu'avec grande difficulté, ils se remirent si soudainemēt aux chāps, qu'ils se trouuerēt nombre suffisant en peu de tēps pour assieger la cité de Vviribourg en la Frāconie. Laquelle se defendit si opiniaistemēt, que l'Empereur eut loisir de refaire

refaire vne nouvelle armee pour la venir secourir. Et pource qu'il n'y eut moyé de les faire retirer que par le combat, il leur liura bataille l'vnziesme iour d'Aoust, qui fut la cinquiesme de celles qu'il eut contr'eux : laquelle toutesfois luy fut plus malheureuse que les precedentes, pource que la gédarmerie que les Archeuesques de Majéce & de Treues luy auoient enuoyee, l'abandonnerent laschement & vilainement au besoin. Au moyen dequoy le reste de son armee fut deffaiët & mis en route, & les Vvircebourgeois contrainës de se rēdre à la mercy de l'ennemy. Mais apres qu'il se fut retiré, l'Empereur les retourna si soudainement assieger, qu'il r'entra dedans leur ville, & y remit l'Euesque de sa factiō, sans faire pis à celuy qui s'en disoit Euesque contre luy. Car il le laissa se retirer où il voulut : & puis fit marcher son armee cōtre les Saxons & Turingiens, lesquels ne se trouuās en poinët de se bien defendre contre luy, firent aller le Marquis Egbert de Saxe vers luy, qui promit par vn grand serment de se venir rendre à la Maiehtë dedans la ville de Hersfeld, & recevoir telle cōposition qu'elle luy voudroit accorder, s'il retiroit son camp des pays de Saxe. Ce qu'estant fait, il vint se presenter à l'Empereur où il auoit promis. Et puis aussi tost qu'il veit son camp rompu, il rompit aussi la foy qu'il auoit donnee, souz l'espoir que les Euesques de son party luy donnerent de le faire Roy. Autheurs precedents avec le liure *De unitate Ecclesie conseruanda*.

Commencement du Royaume de Boeme.



RATISLAUS appelé des autres Brétislaus, 20. ou selon Dubrauius 24. Duc de Boëme, ayant fidelement & constamment seruy & assisté l'Empereur en toutes ses guerres & necessitez à l'encontre de tous ses aduersaires, fut en consideration de tant de bons deuoirs en vne assemblee solennelle des Princes de l'Empire tenuë à Maience, déclaré & institué premier Roy de Boëme par l'Empereur, & couronné souz ce tiltre par l'Archeuesque de Treues de couronne Royale le 16. de May, ou selon que veulent d'autres, de Iuin: luy estant pour augmentation de l'estēdue de son Roiaume soubmis le pays de Moraue avec la Lutatie & Silesie, ensemble aussi toute la Pologne; encore que l'Empereur (comme disent les Histoires de Pologne) n'y eust aucun droit. Æneas Syluius chap. 22. de l'Histoire de Boëme. Chronique de Pologne.

AMOCABEN Roy de Sarragosse conceut vn tel despit contre Iaie Roy de Valence, de ce qu'il luy sembloit n'auoir recogneu le bien qu'il luy auoit fait cy deuant, cōme il deuoit, qu'il incita Raimond Berengier Comte de Barcelonne, surnommé Teste d'estoupes, d'assieger la cité de Valence, luy baillant passage par ses terres. Mais le seigneur Dom Roderic Biuar dict Cid, le destourna non-seulement de son entreprinse, mais au cōtempt d'icelle alla faire la guerre aux Roiaumes de Sarragosse & de Denia, où il vainquit en bataille rangee leurs Rois, mesmement Abenalfange Roy de Denia; qui prit tel desplaisir de ce desastre, qu'il s'en laissa mourir. Cependant Iaie se sentit tellement obligé à Cid, pour le bon secours qu'il auoit receu & esperoit encor de recevoir de luy, qu'il luy donna beaucoup de chasteaux & belles places aupres de Valence pour son entretenement; le faisant grand & puissant Seigneur. Dont les Maures de Valence conceurent vne si grande ialousie contre luy, qu'ils appellerent Abenassa ou Abenaxa Capitaine des Maures venuz de Maroc, qui estoit à Murtia, & le mirent dedans leur ville; où il tua Iaie, & s'empara de ses thresors, finissant avec luy la gloire du Miramamolín de Tolette & d'Espagne. Dom Antonius Benthier.

APSALEM troiesme Empereur des Turcs deceda enuiron ce temps, laissant vn fils nommé Melecla ou Melecha, qui pourroit estre celuy que Iean Leon liure 3. appelle Malicha, qui luy succeda à l'Empire Turquesque: souz lequel Artot Soudan de Mesopotamie & Soliman Soudan de Turquie osterent la cité d'Antioche aux Grecs, & acheuerent de les spolier de toute l'Asie mineur; comme Haitonus recite. Combien que Guillaume de

Tyr l'attribuë à Belphe. Mais au dernier chapitre du quatriesme liure il confesse que la ville d'Antioche fut conqueſtee par les Turcs aſſez peu de temps auant l'arriuee des François au Roiaume de Hieruſalem.

Le ſiege Papal vacqua, ce dit la Chronique du Mont Caſſin, depuis le trespas du Pape Gregoire ſeptiesme iuſques au 24. iour de May ceſte annee l'eſpace d'un an. Auquel les Normans s'entendans avec la Comteſſe Mathilde, firent que les Cardinaux qui eſtoient de leur intelligence, ſe trouuans dedans Rome nommerent Pape de leur propre auctorité, Didier Abbé du Mont Caſſin, qui eſtoit fils du Duc de Beneuent, ainſi que Gregoire auoit commandé à ſa mort, lequel prit le nom de Victor troiſiesme, ſouz lequel il ſe porta Pape iuſques à ſa mort l'eſpace d'un an, trois mois, vingt quatre iours. Mais l'auteur de la vie de l'Empereur Henry afferme, qu'eſtans morts de peſte ou de maladie tous ceux que l'Empereur auoit cōmis à la garde & deſenſe de la cité de Rome à ſon depart, ſans qu'il en fuſt reſté vn ſeul, les Romains reprindrent les armes : & ayant chaffé l'Antipape Clement, eleurent vn autre Pape au lieu de Gregoire. Somme que s'il eſt vray ce que ladite Chronique du Mont Caſſin eſcrit de ce Pape Victor, iamais Pape ne ſe fit tant prier pour accepter la Papauté que luy, ny n'eut tant ferme propos à la reſuſer. Tellement meſme que elle declare que quatre iours apres qu'on l'eut eſleu contre ſon gré (ſ'eſtimant indigne d'une telle charge) qu'il ſortit de Rome, & eſtant venu en la ville d'Ardea & à Terracine, ſe deſpoüilla des habillemens Pontificaux, proteſtant qu'il ne ſe diſoit ny vouloit eſtre Pape : puis ſe retira de là au Mont Caſſin, ſans vouloir pour aucune priere ny requeſte des Cardinaux ny d'aucun autre retourner à Rome.

L'ORDRE des Chartreux fut en ce temps inſtitué en France par vn nommé Bruno, natif de Cologne, qui eſtoit Chanoine de Reims & maïſtre des Eſcoles dudit lieu, lequel fonda l'hermitage & la grande Chartreufe du Dauphiné au diocèſe de Grenoble, à l'aide de Hugues Eueſque de Grenoble, qui receut le meſme ordre ſouz luy. Sigebert, Onufrius.

MARIANVS Scotus Hiftoriographe mourut ceſte annee.

<i>Du Monde.</i>	6124	<i>E. d'Allemagne.</i>	31	<i>R. de Hongrie.</i>	10
<i>De Ieſus Chriſt.</i>	1087	<i>R. des François.</i>	26	<i>R. de Pologne.</i>	6
<i>Indiction.</i>	10	<i>R. d'Arragon.</i>	25	<i>R. de Caſtille.</i>	24
<i>De l'Heſpire</i>	479 le	<i>R. des Eſcoſſois.</i>	29	<i>Comtes de la Pouille.</i>	3
<i>17. d'Auril.</i>		<i>R. des Anglois.</i>	21	<i>R. de Dannemarc.</i>	9
<i>Papes.</i>	2	<i>Ducs de Veniſe.</i>	2	<i>R. de Boëme.</i>	2
<i>E. de Grece.</i>	7				

HERMAN ſoy diſant Roy de Germanie contre l'Empereur Henry, eſtant deuenue en meſpris enuers ceux qui l'auoient eſleué à ce degré, meſmement les Princes de Saxe, fut deietté & abandonné d'eux. A cauſe dequoy il ſ'alla rendre à l'Empereur : & en quittant le nom de Roy qu'on luy auoit donné, fut renuoyé en ſon pays, où il fut bien toſt apres mis à mort au ſiege d'une ville, & enterré à Metz. Cependant l'Empereur mena ſon armee contre les Saxons, où il ne fit autre exploict que de gaſter leur pays. Ce qui contraignit le Marquis Ecbert de venir refaire ſa paix avec luy. Mais il ſe retourna tout incontinct ioindre avec les aduerſaires de l'Empereur. Abbé d'Vrſperg.

Les Venitiens firent à la poursuite de leur Duc tant enuers l'Empereur de Grece, qu'il leur ceda & transporta le droit qu'il pouoit pretendre és pays de la Liburnie, Dalmatie, Eſclauonie & Croacie, leſquels il auoit ia conqueſtez auparauant & reduits en leur obeïſſance. Sabellic.

GUILLAVME Roy d'Angleterre ſ'eſtant transporté en la Normandie en deliberation de faire la guerre aux François, & au Prince Robert ſon fils, qui luy eſtoit rebelle, ſe content quelque eſpace de temps ſans ſe mouuoir, iuſques à ce que (cōme eſcrit Guillaume de Malmesberie) il ſe ſentit picqué d'un brocard qu'on luy rapporta, que le Roy de France luy auoit dōné; diſant q le Roy d'Angleterre gardoit le liēt à Rouën cōme vne accouchee, à cauſe qu'il ſe faiſoit medeciner pour raualler la graiſſe de ſon vêtre qu'il auoit fort gros.

Suiuant

Suiuant laquelle deliberation il leua vne grande armee qui entra dedans la Frâce au mois d'Aoust; où elle pillâ, saccagea & brusla tout par où elle passa, sans espargner Temple ny Eglise: tesmoin la ville de Mendon, qui fut bruslee d'une telle rage, qu'une pauvre recluse qui estoit en l'Eglise d'icelle, n'en fut exemptee. *Nihil erat* (ce dit le mesme autheur) *quod furentis animum mitigaret, ut iniuriam insolenter acceptam multorum dispendio ulcisceretur.* Qui plus est il confesse encor qu'il s'eschauffa si excessiuelement apres ces bruslemens, incitant & animant ses gens à les faire, qu'il en prit vne maladie qui le fit mettre fin à ses feux & ravages, pour s'aller penser & medeciner à Rouën, où il mourut, au rapport des plus anciens Historiens d'Angleterre: comme de Vvillelmus Neubrigenis & dudit Vvillelmus Malmesberienis liu. 3. ch. 55. & autres ceste annee: encore que Sigebert (si ce n'a esté par transposition) rapporte sa mort à l'an 1093. le 6. ou selon d'autres le 8. ou 10. iour de Septembre; laissant trois fils, Robert, qui estoit ia Duc de Normandie (laquelle il luy conferma malgré soy à son trespas) Guillaume & Henry, qui eut les meubles & thresors de son pere pour sa part de la succession d'iceluy, avec toutes les possessions de sa mere: lequel seul de tous ses freres eut la benediction de son pere, & luy fit faire ses obseques, & payâ le lieu où il fut enterré à vn qui se plaignoit qu'il luy auoit esté osté iniustement, & qui s'opposa à ce que le corps n'y fust mis. Car Robert estoit lors en guerre contre son pere.

VVLADISLAVS Prince de Pologne espousa en ce temps Sophie sœur de l'Empereur Henry, vesue de Salomon Roy de Hongrie. Martin Cromer.

DOM Roderic dict Cid prit tel regret de la mort de Iaie, qu'il se delibera de la venger: tellement qu'il assiegea en ceste deliberation la cité de Valence, & la tint de si pres que les citoyens tomberent en grande disette de viures. Qui fut cause de luy faire-faire semblant de quitter le siege, se doutant bien qu'il faudroit qu'Abenassa avec ses Arabes se retirast. Mais il reuint apres leur depart si soudainement r'enclorre la ville, qu'il l'emporta le dernier iour de Iuillet. Et y estat entré, y remit non-seulement la Religion Chrestienne, mais aussi la defendit si brauement contre l'armee du grand Miramamolin mesme nommé Ali, qui la voulut venir reprendre en personne avec trente mille Arabes, qu'il les mit hôteusement en route par vne saillie qu'il fit sur eux. Par lequel moyen aussi il deffit encor trois ans apres vne autre beaucoup plus grande armee que la precedente, que Guigues fils dudit Miramamolin amena contre luy. Dom Anton. Bether. A cause dequoy on a escrit que ce Cid fut si redouté & heureux en toutes ses entreprinſes, qu'il n'y auoit Roy ne Prince qui ne tremblast oyant parler de luy: & si graue qu'il ne vouloit permettre, suiuant l'ancienne coustume de ses predecesseurs, que les Maures luy baissassent la main. Autres se disent auoir trouué par escrit que Metabelaa Soudan d'Egypte luy enuoya demander son amitié & alliance, avec plusieurs beaux & riches presents.

BOVRCHARD Euesque de Halberstat, qui estoit l'un des plus opiniaſtres ennemis que l'Empereur Henry eust en toute la Germanie, comme celuy qui s'estoit trouué en 13. voyages & expeditions de guerre contre luy, fut ceste annee le cinquiesme iour d'Auril massacré en vn debat qu'il eut avec aucuns de ses subiects.

LE Pape Victor digne (selō Onūfrius) d'estre successeur du Pape gregoire, nōobſtāt qu'il n'eust accepté son eslection, se trouua à vne assemblée qui se fit au mois de Mars à Capua, tant de Prelats que de grands Seigneurs d'Italie de sa faction: entre lesquels Roger Prince de Naples y fut avec Cincius Consul de Rome. Lesquels tous ensemble à l'issuē de ce colloque le presserent de telle instance, qu'il reprit la Thiare & Chappe Papale, avec laquelle il se laissa confermer le 21. iour du mesme mois. Et puis s'en reuint accompagné des Princes de Capuē & de Salerne & de leur puissance à Rome, où il fut consacré malgré les empeschemens de son Antipape le 9. iour de May. Et apres y auoir sejourné huit iours seulement, il s'en retourna derechef au Mont Cassin, d'où la Comtesse Mathilde le mada pour la reuenir trouuer à Rome, où elle s'estoit transportee souz l'escorte d'une armee, en intention de conferer de leurs affaires par ensemble. Tellement qu'il y fut de retour au mois de Iuin. Et durant le sejour qu'il y fit, la feste ne se passa sans plusieurs escarmouches & attaques que donnerent les vns aux autres ses gens & ceux de l'Antipape, qui tenoit encor vne partie de la cité de Rome. Ce que toutesfois n'empescha Victor d'appliquer son estude & entendement à mettre sus vne grande armee, qui fut assemblée de toutes les parties d'Italie. Laquelle il fit passer souz l'estédart de saint Pierre en Afrique, où elle fit (à ce que dit la Chronique du Mont Cassin liu. 3. chap. 70.) vne desconfiture en bataille rangée

de plus de cent mille Sarrazins, & prindrent & saccagerent vne de leurs plus grâdes villes. Et ce qui rendit plus memorable ceste victoire, fut que la nouuelle d'icelle fut portee en Italie le iour mesme qu'elle fut gaignee. Le succez aussi de laquelle incita dauantage le Pape Victor à se mettre en deuoir de remettre la cause de son predecesseur au dessus, en tenâr la brisee qu'il auoit faicte, afin de satisfaire à l'esperoir & intention de ceux qui l'auoiēt esleu, & de ne laisser son faict en mespris enuers le monde, s'il ne le faisoit reluire par ses faicts & entreprises. Tellement qu'il assembla à cest effect vn grand Synode en la Pouille à Beneuent, qui fut celebré au mois d'Aoust, avec les Euesques de son intelligence : où il confirma les actes & decrets de son predecesseur, & notamment il excommunia l'Antipape Clement, pour auoir (comme il disoit) occupé par force, simonie & periure le siege Apostolique, contre les preceptes Euangeliques, decrets des Prophetes & Apostres, & contre les droicts des Canons & des Pontifes Romains : ensemble aussi pour auoir osé presumer (chose non encor ouye de tous siecles) d'excommunier & condamner le Pape d'heureuse memoire Gregoire. Et pource qu'il auoit iusques là profané la cité de Rome de sacrileges, meurtres, perjures, conspirations & malefices, sans cesser de persecuter Iesus Christ & ses brebis. A quoy on ne sçait quelle responce fit son aduersaire : mais il est bien vray-semblable qu'il ne fut muet ne negligent à defendre sa renommee, la voyant par ce decret diffamée enuers le monde.

A v mesme Synode de Beneuēt, Hugues Archeuesque de Lion (qui estoit l'un de ceux que Gregoire auoit conseillé qu'on esleust apres luy) fut avec l'Abbé de Marseille déclaré excommunié, pource qu'il s'estoit departy & aliéné de la cause du Pape Victor dès qu'ils eurent veu qu'on l'auoit esleu : d'autant qu'ils brusloient d'ambition de paruenir au siege Apostolique. Qui leur fit faire bone mine au Pape Victor tant qu'il fut refusât de la dignité Papale, & puis l'abandonerent & exciterent des seditions cōtre luy apres qu'il l'eut acceptee. Cependant comme Victor se preparast à passer plus outre, vne maladie le surprit, de laquelle il mourut le 16. iour de Septembre, estimâs aucuns que ce fut par vn poison qu'on luy mit dedans le Calice, avec lequel il celebrait la Messe. Car ainsi l'escriit Guillaume de Malmesberie avec plusieurs autres, disant : *Ad primam Missam incertum quo discrimine exanimatus cecidit, calice (si credere dignum est) veneno infecto.* Neantmoins les Cardinaux de sa faction ne luy baillerent point de successeur de cinq mois, vingt trois iours apres : comme dit la Chronique de l'Abbaye du Mont Cassin ; la premiere partie de laquelle, qui est de trois liures, finit en cest endroit : l'autheur desquels a esté Leon Moine dudit ordre, qui fut aussi Euesque d'Hostie, lequel viuoit lors. Car le quatriesme qui y a esté adiousté, est de Pierre Diacre.

Du Monde.	6125	E.d'Allemagne.	32	R.de Hongrie.	11
De Iesus Christ.	1088	R.des François.	27	R.de Pologne.	7
Indiction.	11	R.d'Arragon.	26	R.de Castille.	25
De l'Hegire 480. le 6.		R.des Escossois.	30	Comtes de Naples.	4
d'Auril.		R.des Anglois.	1	R.de Dannemarc.	10
Papes.	1	Ducs de Venise.	3	R.de Boëme.	3
E.de Grece.	8				

*Le dixseptiesme Cicle des Arabes 483. commence le vingtsixiesme iour
de Mars de l'an 1088.*

GUILLAUME 2. du nom surnommé le Roux, second fils du feu Roy Guillaume d'Angleterre, auoit esté laissé en Angleterre lors que son pere en partit, où il s'y en retourna quand son pere voulut mourir. Au moyen dequoy s'estât acquis le port & faueur de Lanfranc Archeuesque de Cantorbie, joinēt la declaration de son pere, s'empara par la mort de sondit pere de la couronne d'Angleterre, & s'en fit couronner par le mesme Archeuesque le 27. ou 28. iour de Septembre, ou comme d'autres ont dit le iour de la feste saint Cosme & saint Damian de l'an precedent, auant que Robert Duc de Normandie qui estoit

estoit son frere aîné, eust loisir de venir prendre possession de son droict d'aînesse. Tellement que s'en retournât en ceste maniere fraudé, le voulut ceste année repeter par armes à la suggestion d'Odon Euesque de Bayeux leur oncle, ialoux de ce qu'il voyoit que l'Euesque de Danneline estoit plus employé q̃ luy au gouuernement des affaires. Et souz ceste intention fit passer vne armee en Angleterre souz la conduite d'Eustache Comte de Boulōgne & autres Seigneurs de France: où elle arriua en si mauuaise saison, qu'elle fut rompue & deffaicte. Au moyen dequoy le Roy Guillaume vint à bout facilement des Princes & Seigneurs qui s'estoient esleuez contre luy en Angleterre, les principaux desquels estoient Roger Comte de Montgōmery, Godefroy Euesque de Constance, & Robert Cōte de Northumbellande son nepueu, lesquels il se reconcilia. Parquoy Odo fut contrainct s'enfuir en Normandie. Guillaume de Malmesberie, Mathieu Paris, Henry de Hunglington, Polydore Virgile.

ОТНОН Moine de Clugny & Cardinal Euesque d'Hostie, natif d'une ville dicte Chastillon au diocese de Reims en France, estant de retour d'Allemagne, où il auoit fait long temps office de Legat du Pape Hildebrand qui l'auoit esleué à la dignité de Cardinal, en faueur & recompense des bons seruices qu'il auoit receuz de luy, ayant esté son disciple & seruiteur domestique. Suiuant aussi l'ordonnance dudit Gregoire, lequel à l'heure de son trespas l'auoit nommé entre les quatre qu'il recommanda estre faicts Papes apres luy. Dont la Chronique du Mōr Cassin escrit qu'il fut esleu *iuxta Gregarij statutum*. Mais les aduersaires d'iceluy dirent que *Precipitanter ambiuit & inuasit sedem Apostolicam, usus manu & auxilio pessimorum, apud quos nec diuinarum nec humanarum valet aliquid cōstitutio legum*. Fut die déclaré chef de l'Eglise Romaine le 12. iour de Mars: d'autant (au dire de Platine) que la doctrine & saincteté de vie le faisoit digne d'une telle charge, & qu'il ne s'en trouuoit de plus idoine pour defendre les droicts & libertez du siege Romain: ou pour maintenir la memoire & les faicts de ses predecesseurs. A quoy il se monstra non moins industrieux que zelé & diligent. De sorte qu'il conduist si bien ses affaires, que l'entreprise de Hildebrand, qui sembloit quasi toute opprimee par l'Empereur, fut remise au dessus, & si bien fortifiée, qu'elle remit en fin souz pied celle des Empereurs: nonobstant qu'il eust esté accusé & condamné ceste année au Concile de Majence de sacrilege & d'impieté par les Euesques de son party contraire. Cependant on fait compte qu'il a presidé au siege Papal vnze ans, quatre mois, dixhuit iours. Sigonius dit qu'il conseilla ceste année à la Comtesse Mathilde se marier à Vvelphes Duc de Bauiere, qui estoit pour acquerir ou entretenir des amis en Allemagne: nonobstant que ce conseil ne luy eust point esté donné auparauant par le Pape Gregoire, & qu'elle luy seruit alors grandement en Italie. Car Guillaume de Malmesberie déclare expressément qu'il fut esleué à la poursuite d'icelle, & qu'il ne subsistoit en Italie que par la puissance d'icelle, disant en ces termes: *Sed equiori ut videbatur cause affuit militia Mathildis, quæ oblita sexus, nec dispar antiquis Amazonibus ferrata virorum agmina in bellum agebat fœmina: eius suffragio Urbanus thronum ascendit, inde plus Apostolicus securum per undecim annos ætitaui ocium*.

Du Monde.	6126	E. d'Allemagne.	33	R. de Hongrie.	12
De Iesus Christ.	1089	R. des François.	28	R. de Pologne.	8
Indiction.	12	R. d'Arragon.	27	R. de Castille.	26
De l'Heure 481. le		R. des Escossois.	31	Comtes de la Pouille.	5
26. de Mars.		R. des Anglois.	2	R. de Dannemarc.	1
Papes.	2	Ducs de Venise.	4	R. de Boëme.	4
E. de Grece.	9				

L'EMPEREUR Henry espousa ceste année en secondes nopces la vefue du feu Marquis Vto, fils du Prince de Russie: & puis mena son armee contre son cousin Ecbert Marquis de Turingie, sur lequel il assiegea le chasteau de Glische, pour duquel le faire leuer Ecbert alla assieger sa nouvelle espouse en la ville de Quintelbourg. Et puis entendant que l'Empereur auoit enuoyé la meilleure part de son armee au secours, souz la conduite de

Hartuing Euesque de Magdebourg (qui s'estoit remis de son party) il s'en alla donner par vn autre chemin sur ce qui demeura au siege de Glishe, si improuisement qu'il le mit totalement en route le vingtquatriesme iour de Decembre, estant l'Empereur contrainct se sauuer à la fuite. Mais Bourchard Euesque de Lausanne (qui fut ce iour-là son Portenseigne) demeura tué sur le cháp. Lequel defastre aduint à l'Empereur par la trahison dudit Euesque de Magdebourg, qui aduertit le Marquis de venir charger l'Empereur lors qu'il seroit party d'avec luy avec la troupe qu'il menoit au secours du chasteau de Quintilingebourg: comme récitent avec le liure *De unitate Ecclesiæ conseruanda*, Sigebert, l'Abbé d'Vrsperg, & le Supplément de Marianus Scotus. Combien que selon le liure *De unitate*, celà doit estre attribué à la fin de l'annee precedente: declarant aussi que ceste-cy la cité d'Ausbourg fut le Lundy deuant Pasques reprise, saccagee & destruite par les ennemis de l'Empereur, qui l'auoit auparauant deliuree de leurs mains, y estans introduits par Vvigtoltz, qui se disoit Euesque d'icelle; lequel receut bien tost apres le salaire de sa trahison, par vne douloureuse mort qui l'osta de ce monde. Mais selon les mesmes auteurs, Godefroy Duc de Boüillon auoit obtenu auparauant de l'Empereur (en faueur & cōsideration du bon seruice qu'il luy auoit fait en toutes ses affaires) la Duché de Lorraine. De sorte qu'il en prit possession actuelle: & puis s'equippa pour aller retirer les autres terres qui auoient appartenu au feu Duc Godefroy le Bossu son oncle, la ville & Comté de Verdun. Ric. de Vvassebourg & Sigebert. Vn ancien Chroniqueur adiouste q̄ l'Empereur declara cesteannee son fils Conrard Roy des Romains, & le fit souz ce tiltre couronner à Aix.

LADISLAVS Roy de Hongrie, eut en diuers temps guerre contre les Russiens, Rutheniens, & Polonois: de toutes lesquelles il sortit à son honneur, & à la confusion de ses ennemis. De sorte qu'il contrainit les Russiens de se soubmettre à luy, & osta l'enuie aux Polonois de plus faire des entreprises sur son Roiaume. Bonfinius.

LE Roy d'Angleterre se voyant auoir pacifié son Roiaume, n'estima pas son esprit satisfait s'il n'auoit pris la raison de son frere, pour le trouble qu'il luy auoit donné. A cause dequoy il trouua moyen de se faire deliurer le chasteau de sainct Valery, & le port qui est proche d'iceluy en la coste de Normâdie par ceux qui le gardoient: & ayant ceste entree, passa avec vne grâde armee en Normâdie, pour faire la guerre à son frere. Qui fut cause qu'il appella le Roy de France à son secours: lequel y voulut aller voir (ce dit Guillaume de Malbesberie Anglois) si le Roy Guillaume ne luy eust enuoyé des presents de grâde somme de deniers, accompagnez de beaucoup de belles promesses, qui le firēt deporter de son entreprinse. Parquoy la guerre se demena longuement en diuers euenements entre les deux freres, iusques à ce que les parents & amis s'entremirent de si bonne sorte de les appoincter, qu'ils tomberent d'accord. Par lequel Robert deuoit laisser à son frere les chasteaux qu'il auoit ia en Normandie, avec l'Abbaye de Fescamp: & le Roy deuoit aider à Robert à conquerir ou se mettre en possession de la Comté du Maine. Tellement que suiuant ceste pacification, les deux freres meritoient ia leur puissance aux champs pour aller assieger la ville du Mans, quand leur dernier frere nommé Henry se despitant de ce qu'ils partagerent ainsi les seigneuries de leur pere, sans auoir honte de ne luy en faire aucune part, se saisit du Mont sainct Michel, & le mit en estat de defense contr'eux. Ce qui les fit laisser leur entreprinse du Mans, pour l'aller assieger avec les forces qu'ils auoient ia apprestees. Contre lesquelles Henry se maintint si brauemēt, qu'il osoit faire souuēt des faillies sur eux. En l'vne desquelles vn de ses lanciers courant sur le Roy Guillaume, qu'il ne cognoissoit, le ietta de son cheual par terre. Dont toutesfois le Roy luy sceut si bon gré, qu'il le prit à son seruice, & le recompensa de beaucoup de biens, tout aussi bien que s'il l'eust bien meritē enuers luy. La rebellion finalement des peuples de Galles contre luy, & le tumulte des Escossois, luy fit donner fin à ce siege, pour aller obuier à leurs entreprises, apres qu'il veit que Robert se monstroit trop froid à le poursuiure: permettāt aux assiegez de recourir cau & viures, lesquels il leur pouuoit oster: Et que l'ayant rancé de ce qu'il faisoit si beau à son ennemy; il luy respondit qu'il ne vouloit pas laisser mourir son frere, lequel mort ils n'en eussent plus eu d'autre.

OLA'VE Roy de Dannemarc mourut en la deuxiesme annee de son regne, ayāt vn frere nommé Henry ou Erric, qui estoit au pays de Suede: d'où les Danois le rappellerent pour estre leur Roy. Tellement qu'il regna sur eux iusques à son trespas l'espace de 9. ans. Lesquels il semble qu'il fault lire pour les 29. qui luy sont attribuez es exēplaires que nous

auons

auons veuz de Guillaume de Malmesberie. Si d'avanture il commença de regner ceste année, comme Albert Crants & Funccius ont escrit. Combien que Mathieu Paris fait mention d'un Roy de Dänemarc qu'il nōme Cnutus, qui fut massacré par ses subiects l'an 1087.

ENVIRON le mesme temps Hali fils de Ioseph, grand Pontife & Miramamolin des Mahumetistes d'Afrique, estant passé avec vne grande armee en Espagne, faisoit vne fort dure guerre aux Chrestiens d'icelle, mesmement au Roy Alfonse de Castille. Qui fut cause de faire partir de France grand nōbre de Princes & Seigneurs pour aller à leur secours; entre lesquels la Chronique non imprimee de S. Denis, nomme 7. Comtes tous Princes: à sçavoir Raymond fils de Guillaume Comte de Bourgogne; Raymond de S. Gilles & de Tholose; Henry de Lorraine, & Rocrod du Perche, qui y fit de merueilleux faicts d'armes: ensemble vn Guillaume, qui fut cy apres en la guerre de Hierusalem surnommé le Charpétier, avec certains autres. Tous lesquels se trouverēt à vne certaine iournee (que aucuns ont estimé auoir esté dicté pour ce regard des 7. Comtes.) Mais les Histoires d'Espagne en parlent autrement. Cependant nous auons tesmoignage de ceste allee de François en Espagne en l'Histoire de Guibert, où elle parle dudit Guillaume le Charpentier, qui y fut, disant: *Is in Hispaniā cum expeditio Francica ad auertendos qui ex Africa ibidem confluerant Paganos morarentur, &c.* Mais les Chroniques & Histoires de Portugal attestēt que ce Henry de Lorraine (duquel nous auons parlé avec les precedents) est celuy à qui le Roy prementionné de Castille donna lors en mariage l'une de ses filles naturelles nommée Therasie, avec vne portion du pays de Gallice, qui est auourd'huy du Roiaume de Portugal, qui n'estoit lors que Comté: lequel fut cy apres erigé en Roiaume par vn fils nommé Alfonse, issu de ce mariage apres qu'il eut conquesté la cité de Lisbonne sur les Sarrazins à l'aide des François. Tellement qu'il en fut appelé le premier Comte, en faueur du bō seruiçe qu'il luy auoit fait en ceste guerre, & des grandes preuues qu'il y auoit dōné de sa vertu & vaillance. Ce nonobstant on est en doute de quelle maison de Lorraine il estoit party: d'autant qu'il ne se voit point auoir esté bien expressement déclaré es anciennes Histoires. Ce qui a fait prendre la hardiesse à Belleforest de taxer (selon la coustume de faire) tous les modernes qui ont escrit qu'il estoit fils de Guillaume Baron de Iainuille, frere de Godefroy de Buillon: cōme n'ayant pas biē obserué les dattes des temps, pour supposer au lieu d'iceluy vn Henry Comte de Lembourg & de la basse Lorraine, qui tint le party de l'Empereur Henry quatriesme, contre Henry cinquiesme son fils. Mais il deuoir sçauoir luy-mesme que ce Henry n'obtint rien en la Lorraine que depuis le trespas de Godefroy de Buillon: & qu'il ne fut contrainct de le quitter qu'apres le trespas dudit Henry 4. qui aduint au mois de Iuillet de l'an mil cent six. Auquel an & mois aussi Roderic de Tollette & Alfonse Cartagene rapportent la mort d'Alfonse Roy de Castille pere de Therasie. Ce qui ne s'accorde pas bien avec ses autres fustes. Au reste les Histoires d'Espagne declarent que le principal motif qui fit passer ce Haly en Espagne, fut pour prendre la raison de Benax Axa ou Benassa, qui s'estoit reuolté contre luy. Tellement que l'ayāt fait tomber entre ses mains, il luy fit trancher la teste, & puis s'empara de Cordoue, Seuille, & de toute l'Andalousie: reünissant tous les Mahumetans d'Afrique & d'Espagne souz son obeissance. Puis de là s'en retourna en Afrique, où il vesquit encor douze ans: selon qu'a escrit Belleforest en la Cosmographie de Munster, où il semble attribuer mal à Iuseph ce qui appartient à son fils.

Le Pape Urbain se deffiant (comme dit Platine) des Romains, se transporta avec sa Court à Melphes: où il celebra vn Synode, auquel il conferma les actes & ordonnances de ses predecesseurs. Et puis mit d'accord le Prince Boëmund avec son frere Roger, qui se vouloient faire guerre pour la succession de leur pere; faisant que Boëmund se contenta d'une partie des villes de la Pouille: demeurāt tout le reste à Roger, avec le tiltre de Duc, à qui il en donna la confirmation, le laissant quant-&-quant souz sa conuiuece se saisir des terres de l'Eglise, qui estoient depuis Tribur iusques à Velitri. Onufrius toutesfois rapporte seulement la celebration du Concile de Melphe à l'an 1091. & de celuy de Capua à ceste année.

V V V

<i>Du Monde.</i> 6127	<i>E. d'Allemagne.</i> 34	<i>R. de Hongrie.</i> 13
<i>De Iesus Christ.</i> 1090	<i>R. des François.</i> 29	<i>R. de Pologne.</i> 9
<i>Indiction.</i> 13	<i>R. d'Arragon.</i> 28	<i>R. de Castille.</i> 27
<i>De l'Hegire</i> 482. le	<i>R. des Eſcoſſois.</i> 33	<i>Comtes de la Pouille.</i> 6
<i>16. de Mars.</i>	<i>R. des Anglois.</i> 3	<i>R. de Dannemarc.</i> 1
<i>Papes.</i> 3	<i>Ducs de Veniſe.</i> 5	<i>R. de Boëme.</i> 5
<i>E. de Grece.</i> 10		

Les Normans & la Comtesse Mathilde stimulez par le Pape Urbain, commencerent à remuer meſnage, & exciter des reuoltes en Italie contre l'Empereur Henry. De ſorte que ils firent vaciller les Romains. Qui fut cauſe de faire repaſſer les Alpes à l'Empereur avec vne grande armee, qui ne partit de ſept ans apres d'Italie, faiſant continuellement la guerre à ſes ennemis. Mais Sigonius recite qu'eſtant arriué en Italie, qu'il eut premierement affaire à la Comteſſe Mathilde, qui s'eſtoit la mieux appreſtee à s'oppoſer à ſes deſſeins. Tellement qu'avec la puiſſance qu'elle auoit, elle luy dōna vne charge ſi aſpre, qu'elle en reuint à ſon honneur, amenant avec ſoy deux Eueſques du party du Pape Clement priſonniers, qui ſe trouuerent en ceſte rencontre. Ce qui irrita de telle ſorte l'Empereur, qu'il la pourſuiuit de plus grande animoſité qu'il ne faiſoit. Au moyen dequoy il reduiſit malgré elle toutes les places & fortereſſes de deçà le Pau : & puis l'ayant contraincte de ſe retirer à Canoſſe, ſe mit à aſſieger la ville de Mantouë, avec deliberation de n'en partir qu'elle ne luy fuſt rendue. Cependant ſes aduerſaires qu'il auoit en Allemagne, ne demurerent endormiz. Car Vvelphe cy deuant Duc de Bauiere ſe mit par emblee dedans la cité d'Aubourg, & la bailla en proye à ſes gens. Herman qui s'eſtoit cy deuant fait Roy de Germanie, voulant exciter de nouveaux troubles contre l'Empereur en la Lorraine, fut tué deuant vne ville qu'il vouloit aſſieger. Comme auſſi fut Egbert Marquis de Turingie, deuant vne autre au pays de Saxe, par vn autre Marquis nommé Henry, à qui il auoit commencé la guerre. Et fut auſſi obſerué, que tous les Chefs, Capitaines & principaux de la rebellion contre l'Empereur, tant ſeculiers qu'Eccleſiaſtiques, moururent en la meſme année : entre leſquels on nomme outre les precedents Luitolf Duc de la Carynthie, qui aſpiroit auſſi bien que le Marquis Egbert à l'Empire, Bertold fils du feu Roy Rodolfe Duc de Suaube, & Hugues Comte d'Altatie, avec les Eueſques Adalbere de Vicebourg, & Herman de Metz, leſquels ne ſe voulurent oncques reconcilier avec l'Empereur. Auentin.

S'ESTANT la ville de Neete en Sicile rendue ceſte année au Prince Roger, toute l'iſle ſe trouua deſlors entierement reduite en ſon obeiſſance. Tellement que luy & ſa poſterité la poſſederent paiſiblement touſiours depuis, iuſques à ce qu'elle en fut deſpoüillee par les Allemans. Mais Roger non content de celà, paſſa incontinent apres la reddition precedente en l'iſle de Malte, laquelle il contraignit ſemblablement de ſe ſoumettre à ſa volonté. Thomas Fazellus.

ODON ſecond du nom Comte de Prouence mourut, laiſſant vn fils nommé Gilbert, qui fut ſon heritier & ſucceſſeur en la Comté de Prouence : lequel eut à femme Tiburſie Comteſſe de Rodes & de Giſiuaudan. Memoires de Prouence.

LES Pruffiens & Pomeraniens s'eſtans reuoltez & mis en armes contre le Prince ou Roy de Pologne, perdirent vne cruelle & ſanglante iournee contre luy, qui fut donnee le quinzième iour d'Aouſt. Laquelle toutesfois ne les rendit mattez pour ceſte fois : car ils ſe maintindrent encor en leur rebellion l'eſpace de quatre ans. De ſorte qu'il les fallut auoir par quatre expeditions. Martin Cromer.

GVINGVES fils d'Ali grand Pontife de Maroc, de la famille des Almoraniſes, & Miramamolin de toute l'Afrique, ayāt enuie de venger la honte q̄ ſon pere auoit receüe 3. ans auparauant deuant Valence par Cid Biuar, paſſa avec vne armee de vingt mille cheuaux & d'vn nombre infiny de fanterie en Eſpagne. Mais eſtant arriué deuant Valence, ſçeut ſi mal

mal faire son profit de l'exemple de son pere, qu'il fut de mesme façon vaincu & mis en route avec toute son armee par son ennemy, luy laissant toutes les richesses de son camp. Dont il prit vn tel regret, qu'il s'en laissa moutir, ayant premierement fait promettre à son frere Bucar, qui luy succeda à ses estats & honneurs, qu'il se hazareroit encore à venger le deshonneur que son pere & luy auoient receu par Cid.

EN la mesme année Bernard Archeuesque de Tolette fit reedifier & restaurer la ville d'Arragon, qu'on disoit anciennement Tarascon (qui auoit demeuree destruite & deserte depuis la premiere entree des Sarrazins en Espagne) du commencement du Pape Urbain. Roderic chap. 77. Dom Ant. Benth.

LANFRANC Archeuesque de Cantorbie, oppugnatureur de la doctrine de Berengarius, deceda, laissant sa memoire fort recommandee en l'Eglise, pour auoir par ses escrits fort asprement defendu la verité d'icelle touchant le Sacrement de l'Eucharistie. On l'accuse d'auoir esté cause de faire spolier le frere aîné de son droit qu'il auoit à la couronne d'Angleterre, pour la faire demeurer au puisné.

LE Pape Urbain partant de Melpes, s'en alla tenir vn Synode à Troye en la Pouille, pour tousiours mieux establir & confermer son auctorité, & deprimer celle de son aduersaire : qui de son costé ne laissoit aucuns moyens en arriere, par lesquels il pouoit faire valoir sa cause. A raison dequoy Sigebert escrit, que cependant qu'ils se guerroyoient ainsi l'vn l'autre, le regne estoit bandé contre l'Eglise; que l'vn excommunioit l'autre, & qu'ils mesprisoient l'excommunication mutuellement l'vn de l'autre par prejudice de sa cause ou de personne. Mesmement qu'ils abusoient de l'auctorité d'excommunier l'vn à l'encontre de l'autre, plus pour satisfaire à leurs passios, que pour le respect de iustice : l'auctorité de celui qui auoit donné la puissance de lier & deslier estoit faicte contemptible & de nul estimé.

<i>Du Monde.</i>	6128	<i>E. d'Allemagne.</i>	35	<i>R. de Hongrie.</i>	14
<i>De Iesus Christ.</i>	1091	<i>R. des François.</i>	30	<i>R. de Pologne.</i>	10
<i>Indiction.</i>	14	<i>R. d'Arragon.</i>	29	<i>R. de Castille.</i>	28
<i>De l'Hegire</i>	483. le 5.	<i>R. des Escossois.</i>	33	<i>Comtes de la Pouille.</i>	7
<i>de Mars.</i>		<i>R. des Anglois.</i>	4	<i>R. de Dannemarck.</i>	2
<i>Papes.</i>	4	<i>Ducs de Venise.</i>	6	<i>R. de Boëme.</i>	6
<i>E. de Grece.</i>	11				

LA mort des principaux aduersaires de l'Empereur, fut cause que les Saxons mirent volontairement bas les armes, & se composerent à la paix : mesmemēt que Vvelphe Prince de Bauiere alla demander pardon de ses offenses à l'Empereur, qui lors poursuiuoit ses ennemis d'Italie, nommément la Comtesse Mathilde, de telle puissance qu'il deffit son armee, luy osta les villes de Florence & de Ferrare, qui se rendirent à luy apres qu'il eut assiégué la cité de Mantouë, si longuement & opiniastrement qu'elle luy fut réduite au bout d'vnze mois. Abbé d'Vrsperg, Sigebert, Sabellic, Auentin.

COMME Foulques surnommé Rechin Comte d'Anjou se fust rendu grandement infame enuers tout le monde, à cause de ses paillardises & adulteres, Dieu vint à le punir d'une autre infamie venant d'un mesme peché. Car le Roy Philippe de France estant non moins que luy addonné aux plaisirs de sa chair, l'alla voir à Tours, où il s'enamouracha de la femme d'iceluy nommée Bertrade, si à bon escient qu'il la fit bien tost apres raur & enleuer par vn Gentilhomme nommé Guillaume Rechin, qui la luy mena, & la retint des lors avec soy comme sa femme, apres qu'il eut fait enfermer sa legitime espouse à Montreuil, qui estoit la place de l'assignation de son douaire. Qui plus est, il vint à se tellement laisser enforceler de l'amour de ceste Bertrade, qu'elle le tenoit coiffé en sorte qu'il ne faisoit rien que par la volonté d'icelle : Et que ny les Euesques, ny les Seigneurs, ny aucuns autres ne peurent par aucune remonstrance qu'ils luy sceurent faire le destourner de ceste folle fantaisie.

BERENGARIUS cy deuant Archediacre de Tours, qui auoit esté condamné & de-

claré heretique par les Papes, à cause de la doctrine touchant l'Eucharistie qu'il auoit publiée, mourut ceste annee catholiquement, avec contrition & desplaisance d'auoir esté si reuesche & arresté en son opinion. Neantmoins il s'est trouué encore apres luy plusieurs disciples de son heresie; entre lesquels se pourroit faire que furent ceux qu'on a nommez Paterins, desquels nous parlerons cy apres: pource que le liure *De unitate Ecclesie conseruanda*, tesmoigne qu'ils s'esleuerent en ce siecle.

<i>Du Monde.</i>	6129	<i>E. d'Allemagne.</i>	36	<i>R. de Hongrie.</i>	15
<i>De Iesus Christ.</i>	1092	<i>R. des François.</i>	31	<i>R. de Pologne.</i>	11
<i>Indiction.</i>	15	<i>R. d'Arragon.</i>	30	<i>R. de Castille.</i>	29
<i>De l'Heure 484. le 23.</i>		<i>R. des Escossois.</i>	34	<i>Comtes de Naples.</i>	8
<i>de Feurier.</i>		<i>R. des Anglois.</i>	5	<i>R. de Dannemarc.</i>	3
<i>Papes.</i>	5	<i>Ducs de Venise.</i>	7	<i>R. de Boëme.</i>	7
<i>E. de Grece.</i>	12				

L'EMPEREUR poursuivant ses conquestes sur la Comtesse Mathilde, entra és terres d'icelle, qui sont delà le Pau; où il prit aucunes villes & places, & en assiegea d'autres à temps, signamment le chasteau de Canosse: d'où il fut honteusement repoussé, & perdit vn sien fils qu'on n'a nommé deuant Carpinete. Dont il fut tellement troublé, qu'il remena son armee deçà le Pau, donnant moyen à la Comtesse de regagner tout ce qu'il auoit pris sur elle de delà: comme recite Sigonius. Les Historiens Allemans n'ont fait aucune mention de ce fils.

Les peuples du pays de Galles se rebellerent en ce temps contre le Roy Guillaume; à cause dequoy il mena vne armee contr'eux, qui ne fit rien de memorable, pource qu'ils se tindrent tousiours cachez és lieux montueux, couuerts de bois & de difficile accez. De sorte qu'il fut contrainct de les laisser faire à leur guise, iusqu'à vne autre opportunité. Polydore Virgile.

GEOFROY Euesque de Chartres estant diffamé & conuaincu de plusieurs paillardises, adulteres & maluersations, fut depoié par le Pape Urbain. Lequel mit en son lieu Iues ou Iuon auparauant Abbé de saint Quentin, homme docte & de bonne reputation, esperant se faire par iceluy planche sur les libertez & franchises de l'Eglise Gallicane. Dont les Euesques de France furent merueilleusement offenzés, qui voyoient bien que par les anciens Canons & coustumes de l'Eglise, que la cause de Geofroy deuoit auoir esté iugée en premiere instance par son ordinaire, plustost que par le Pape, qui au fort aller n'en deuoit auoir que la derniere cognoissance. Et que par ceste inuasion leurs droicts estoient fraudez. A ceste cause Richier Archeueque de Sens & Metropolitain de la prouince où est assise Chartres, s'opposa à la promotion & consecration d'Iues sans le vouloir accepter pour Euesque. Qui plus est, les Euesques de Paris, de Troyes & de Meaux se joignans avec le Metropolitain, voulurent remettre Geofroy en son siege. Dont Iues appella au Pape, ainsi qu'il se list en ses Epistres 5. & 10. Lequel emporta en fin gain de cause, par la tollerance & conuenance du Roy, qui se laissa tordre la laine sur le dos, afin qu'on ne le destourbast de la compagnie de sa Bertrade. Et pource qu'il veit que tous ses subiects en estoient scandalisez, il s'efforça d'obtenir dispense du Pape de l'espouser, sans qu'il y eust diuorce ny separation d'auec son espouse legitime pour cause iustifiée & approuuée iuridiquemēt. Tellement qu'il vint vn Legat en France nommé Roger de la part du Pape; lequel fit tenir vn colloque à Senlis: auquel fut prouué qu'un homme pouoit espouser vne femme que il auroit entretenuë comme sa concubine. Et suiuant ceste conclusion le mariage fut fait & solemnisé publiquement entre le Roy & Bertrade, nonobstāt que Iues qui estoit Euesque de Chartres, n'y voulut aucunement consentir ny l'approuuer, ains fit tous ses efforts de destourner les autres Euesques de faire autrement que luy, selon qu'il se voit escrit en ses Epistres 10. 13. 17. Lequel mariage toutesfois semble s'estre fait les annees ensuiuants, apres le decez de Foulques Comte d'Anjou, qui deceda beaucoup plustost que la Chronique d'Anjou n'a dit.

BVCAR fils du grād Miramamolin d'Afrique, ne voulant māquer à la promesse qu'il auoit faicte à son frere, equippa en deux ans la plus grande armee que son pere & frere eussent

eussent iamais mise en campagne: tellement qu'on fait cōpte qu'il y auoit 22. petits Rois ses subiects & vassaux; lesquels passerent avec luy en Espagne. Et estans arriuez deuant Valance, furent combatus le 29. iour de Mars par Cid, de tel heur qu'ils n'eurent pas moindre marché que des autres. Car ayant taillé en pieces 12. mille de leurs gens, pris dixsept de leurs Rois, & gagné toutes les richesses de leur cāp, mit tout le reste de leur armee honteusement en route. Dom Anth. Benther.

VVALTRAMVS Euesque de Niembourg defendit en ce temps par escrits la cause de l'Empereur Henry contre les Papes, lesquels mesmes il impugnoit d'autāt fort aigrement, qu'un certain Comte nommé Ludouic les defendoit. Supplément de Marianus Scotus. Auquel temps aussi viuoit vn certain Cardinal nommé Benno, qui a escrit la vie des Papes de ce temps, mais avec passion.

IL se fit aussi en la mesme annee vn liure intitulé *De unitate Ecclesie conseruanda*, pour la defense de l'Empereur & de son Pape Clement, auquel il respond aux inuectiues que plusieurs auoient fait contr'eux: dont aucuns estoient moines de l'Abbaie d'Hirsaugie, il se declare en iceluy estre Allemand.

Du Monde.	6130	E. d'Allemagne.	37	R. de Hongrie.	16
De Iesus Christ.	1093	R. des François.	32	R. de Pologne.	12
Indiction.	1	R. d'Arragon.	31	R. de Castille.	30
De l'Hegire 485. le 12.		R. des Escossois.	35	Comtes de la Pouille.	9
de Feurier.		R. des Anglois.	6	R. de Dannemarc.	4
Papes.	6	Ducs de Venise.	8	R. de Boëme.	8
E. de Grece.	13				

LA puissance de la Comtesse Mathilde estoit reuenue telle en ce temps en Italie, qu'elle eut moyen de faire vne puissante armee pour l'opposer aux entreprinles de l'Empereur Henry (ainsi que Blondus & Sabellic recitent.) De sorte qu'elle luy donna bataille, dont (à leur dire) elle gagna la victoire, au moyen de ce que Conrard fils d'iceluy laissa son party, prenant intelligence avec ses aduersaires. Qui fut cause de faire retirer le pere l'annee ensuiuant en Allemagne, menant avec soy son Antipape Guibert. Mais les Historiographes Allemans nient constamment que l'Empereur ait perdu aucune bataille contre Mathilde. Combien que Sigebert confesse que la reuolte de Conrard offusca grandement les victoires de son pere, & attenua sa puissance. Et le Supplément de Marianus Scotus tesmoigne, qu'il s'empara ceste annee de la Lombardie à la suggestion de la Comtesse Mathilde & du Pape, & y regna en la façon qu'auoit fait son pere. Neantmoins il semble que l'Abbé d'Vrsperg a mieux obserué, que l'Empereur demeura sept ans en Italie, & qu'il n'en partit deuant l'an 1097. pource que le Pape Urbain fut au tesmoignage mesme de Guillaume de Tyr, liure 1. chapitre 14. contraint de s'enfuir en France l'an 1095. par l'Empereur qui le poursuuiuoit. Comment qu'il en soit, il ne semble pas non-plus que le fils se soit apertement aliené de son pere deuant son depart d'Italie, si est vray que son pere luy en ait laissé le gouuernement, quand il en partit. Parquoy si ce fut ceste annee, le nombre des 9. ans que regna Conrard en Italie selon l'Abbé d'Vrsperg sera vray: sinon, il fault que on life 6. au lieu de 9.

ROBERT surnommé de Phrise Comte de Flandre mourut, laissant vn fils de mesme nom que de luy, qui fut son heritier & successeur en la Comté de Flandre, lequel fut surnommé de Hierusalem, pource qu'il fut du voyage que les Princes François firent. Chroniq. de Flandre.

FRATISLAUS, ou selon les autres Vratisslaus, premier Roy de Boëme mourut, laissant plusieurs fils, à sçauoir Bretislans, Borisnoius, Vladislaus & Sobieslaus: qui furent deboutez de la succession par Conrard Marquis de Moraue leur oncle, qui s'empara de force du Royaume de Boëme. Encore que Dubrauius estime que ce fut par l'ordonnance du Roy defunct, qui l'auoit preferé à ses propres enfans, nonobstant toutesfois qu'il teuint encor quelque temps apres la mort d'iceluy (qui luy aduint sept mois apres qu'il s'en fut mis en possession) à ses nepueux, qui le tindrent l'un apres l'autre sans s'oser nommer

Rois, ains seulement Princes ou Ducs, iusques à leur nepueu Vladislaus, qui se fit donner la permission de prendre le tiltre royal par l'Empereur Frederic premier enuirō 60. ans apres: Cōme dit l'Abbé d'Vrsperg, Supplémēt de Marianus Scotus, Histoires de Pologne & de Boëme. Le consentement desquels nous donne à entendre, comme Dubrauius par faulte d'auoir bien obserué l'ordre des choses & leurs temps s'est lourdement abusé, de ce qu'il a escrit si proluxement liure 10. & 11. de son histoire de Boëme du Roy Vratisslaus, signāment de ce qu'il dit qu'il a vescu iusques au temps de l'Empereur Lothaire, & qu'il fut déclaré Roy par l'Empereur Henry cinquième. Bonfinius toutesfois en son histoire de Hongrie estime, que Conrard fut chassé de son Roiaume par vn sien parent nommé Suentoplux, & que le Roy Ladislaus qui estoit son beau-pere, festoit mis en equipage pour le restituer, quand la maladie dont il mourut le surprit.

LES Prussiens, Pomeraniens & Cassubiens estans vaincus de toutes façons par les Polonois, furent contraincts de prendre la loy d'eux, mettans fin à leur rebellion: Martin Cromer.

SIMON & Iean, tous deux Grecs, Patriarches de Hierusalem & d'Antioche en ce temps.

<i>Du Monde.</i>	6131	<i>E. d'Allemagne.</i>	38	<i>R. de Hongrie.</i>	17
<i>De Iesus Christ.</i>	1094	<i>R. des François.</i>	33	<i>R. de Pologne.</i>	13
<i>Indiction.</i>	2	<i>R. d'Arragon.</i>	32	<i>R. de Castille.</i>	31
<i>De l'Hegire</i>	486. le 1.	<i>R. des Escossois.</i>	36	<i>Comtes de la Pouille.</i>	10
<i>de Feurier.</i>		<i>R. d'Angleterre.</i>	7	<i>R. de Dannemarc.</i>	5
<i>Papes.</i>	7	<i>Ducs de Venise.</i>	9	<i>R. de Boëme.</i>	1
<i>E. de Grece.</i>	14				

ROGER Duc de la Pouille descendit avec armee en la Sicile, où il prit la ville de Syracuse, & y trouuant la fille de Robert le Friton Comte de Flandre nommee Hala, la fit sa femme, dont il eut apres son fils nommé Guillaume. Pandolfo Collinutio, Blondus.

PREDISLAUS ou Bisetislaus, selon d'autres Bretislaus, fils du feu Vladislaus Roy de Boëme, estant en Hongrie, où il festoit retiré du viuant de son pere, pource qu'il l'auoit courroucé, fut apres le trespas du Roy Conrard son oncle, quoy qu'il eust laissé deux fils Vdalric & Leopold, rappelé des Boëmiens pour regner sur eux. Au moien dequoy quand il se vit bien estably en son estat, il se laissa surprendre de l'enuie de recouurer ce qu'il pourroit du Roiaume de Pologne, où il estimoit auoir quelque droit par la donation que l'Empereur en auoit faicte à son pere. De sorte qu'il se jetta dedās la Silesie, laquelle il soumit facilement à luy auant que le Roy Vladislaus de Pologne fust entierement depeesché de la guerre Pomeranique. Mais à son retour il ne retira pas seulement à soy ce que les Boëmiens luy auoient osté, ains aussi les fit hastier de se retirer en leur país. En laquelle guerre Boleslaus son fils aagé lors seulement de 9. ans, fit contre son aage vne experience merueilleuse de sa vaillance. Martin Cromer.

LES Euesques de France ayans fait grande instance aupres du Roy Philippe pour le separer de sa concubine sans rien effectuer, Hugues Archeuesque de Lion eut charge de la part du Pape de poursuiure cet affaire. Tellement qu'il fit à ceste fin plusieurs assemblees Synodales par la France, qui ne reuindrent à aucun effect. Dont il fut fait commandemēt aux Archeuesques de proceder par censures Ecclesiastiques contre le Roy. Mais il fut aduisé qu'elles seroient differees iusques au Concile de Clermont. Or pource que par tant d'assemblees Synodales les Eglises de France furent grandement chargees & foulees de fraiz, les Euesques en firent de grandes querimonies, signamment pour vne que ce Legat vouloit encore faire outre les autres. Occasion pourquoy Iues Euesque de Chartres en escriuit son Epistre 52. au Roy Philippe: où parlant dudit Legat dit, que s'il le faict, si est-ce que ce sera contre les traditions Apostoliques, & contre toute coustume de l'Eglise: si ce n'est que quelqu'un fust à certain lieu limité & commode appelé par les Legats Apostoliques pour quelque sienne faute: & qu'il n'y puisse auoir aucun subterfuge de comparoistre

sans

sans cause & excuse legitime. Que si aucun veult angarier entre & contre les bornes ordonnees par nos peres, c'est à vous (Sire) de resister avec le conseil à ses iniustes oppressiōs. Afin que ce qui appartient à Dieu, soit rendu à Dieu: & que cependant les Rois iouyssent de l'honneur qui leur est deu.

A v mesme temps le Roy d'Angleterre fit vn voyage avec armee contre Robert Duc de Northumbellande, & contre ceux du pais de Galles: dont il reuint à son honneur & auantage. Matthieu Paris.

ANSELME natif d'Italie, disciple de Lanfrancus propugnateur affectionné de l'autorité des Papes, fut ceste annee selon l'Abbé Dodechin esleu Archeuesque de Cantorbrie, du consentement du Roy. Avec lequel toutesfois il entra tout incontinent en different pource qu'il se voulut aller faire confermer & inuestir par le Pape: afin de luy ouvrir le chemin à se vendiquer l'inuestiture des benefices & prelatures d'Angleterre par la verge & par l'anneau, laquelle le Roy suiuant l'exemple de ses predecesseurs disoit n'appartenir à autre qu'à luy. Tellement qu'il fit assembler souz ceste occasion au milieu de la Careme en la ville de Rotinghan, les Prelats de son Roiaume: qui iugerent ce different au plaisir & volonté d'iceluy. A quoy toutesfois l'Archeuesque ne voulut donner aucun consentement ny approbation. Dont il fut comme rebelle & obstiné non seulement demis de sa dignité, mais aussi enuoié en exil: auquel il se retira vers le Pape Urbain en Italie. Qui à l'occasion de luy, escriuit vne lettre au Roy d'Angleterre pour le faire deporter de l'usurpation de l'inuestiture des benefices: & assembla vn Synode en la ville de Bari en la Pouille, qui fut commencé le premier iour d'Octobre, où l'erreur des Grecs touchant l'article du saint Esprit fut refuté & condamné: Comme Ediuerus en la vie d'Anselme recite. Matthieu Paris en son recueil de ses histoires d'Angleterre adioust, que le Roy Guillaume fut deffors mal affectionné enuers le Pape, tant pour la cause precedente, que pource qu'il faisoit ja estat de demander presens plus que de coustume. De sorte qu'il ne voulut permettre qu'aucun de ses subjects allast à Rome. Ce qui fut aussi l'occasion pourquoy il tint le party de Guibert, & de l'Empereur Henry contre Urbain. Dauantage de ce qu'il se monstra toujours depuis plus farouche & mal benin enuers les gens d'Eglise, qu'il n'auoit fait auparavant. Guillaume de Malmesberie.

Fin de la seconde partie.





TABLE DES CHOSES PLUS
INSIGNES ET MEMORABLES, CON-
TENUES EN CESTE SECONDE
partie de la Bibliotheque
Historiale.

A.

A ron fils d'Aser, & Jaques fils de Neptalis, inueteurs des points & accens hebraïques. 96.	contre le Calife Abdimelech. 309. & 311.
Aaron fils de Madi entre dedans l'Armenie, où il conqeste plusieurs villes. 374. & 375.	Abderamen par son hypocrisie est esleu entre les Mahometistes pour leur Calife. 305.
Aaron Roy des Perses entre dedans les prouinces de l'Empire. 403.	Abderamen pris pour leur chef de guerre par les Maures ou Sarrazins d'Espagne. 327.
Aaron surnommé Resirx, Calife & Empereur des Sarrazins meurt. 407.	Abderamen obtint le Royaume de Cordoue en Espagne. 335.
Aba ou Vba se remet sus pieds dedans le Royaume de Hongrie. 703.	Abderamen fils d'Ambulas, Roy & Miramolin des Maures d'Espagne, recommence guerre avec les François. 421.
Aba se rend odieux à la noblesse Hongroise. 705.	Abderamen grand Miramolin des Maures d'Espagne, meurt laissant 45. fils tous vians, & 42. filles. 419.
Abas capitaine Sarrazin court avec une grande armee les prouinces de l'Empire. 319.	Abderamen ayant remis sus une nouvelle armee, reuiet assaillir le Roy Leon. 510.
Abdala Calife met traitreusement à mort Alhiatem ou Hacem fils de Hali. 300.	Abderamen Roy de Cordoue demande secours au Roy de Tingitanie. 512.
Abdalla fils de Zubedio, selon les autres de Hali, s'esleue contre le Calife Abdemelech. 315.	Abderamen Roy de Cordoue, & grand Miramolin des Sarrazins d'Espagne, meurt. 564.
Abdallas fils de Hali & frere de Salin obtient la principauté de Syrie. 350.	Abderamen frere d'Abdemelech, & fils du Roy Almanzor est deieté des Maures. 618.
Abdalla seigneur de Valence est mis d'accord avec Alcam Roy de Cordoue. 384.	Abdias Euesque Chrestien rompt en Perse le temple, auquel les Perses adoroient le feu. 26.
Abdalla 3. du nom, Roy de Cordoue, & grand Miramolin des Maures d'Espagne meurt. 507.	Abdimelech tient souz sa main & domination toutes les Prouinces des Sarrazins & Mahometistes. 305. & 311.
Abdalla fils de Hab se vient rendre en Afrique desguise en habit de pelerin. 518.	Abdiramen Roy des Sarrazins est occis par les François. 331.
Abdalla Roy de Cordoue, & grand Miramolin des Sarrazins d'Espagne meurt. 525.	Abelaites & Nazariens heretiques. 19.
Abdemelech ayant vaincu Ocha, se remet en possession du gouuernement general des Espagnes. 343.	Abencapella Capitaine Sarrazin met l'Afrique en seureté, & en deieté les Imperiaux. 309.
Abdemelech, fils d'Almanzor, recommence la guerre au Roy Veremund. 612.	les Abodrites reconduirent par le commandement de l'Empereur le Roy Heriold en son Royaume. 420.
Abdemelech surnommé Abundazin fils d'Almanzor Gouverneur de Cordoue, & Lieutenant du Miramolin d'Espagne. 617.	Abubacar Roy de Tolette. 752.
Abderan Roy des Sarrazins d'Afrique, passe avec une grande armee en Espagne. 432.	Abuabala Roy des Maures de Sarragosse en Espagne, estant chassé de son Royaume se retire en France. 371.
Abderacman se souleue au Royaume de Perse	Abubalas diët Muhammad, 18. Calife ou Emir

XXX

Table de la seconde partie

des Sarrazins meurt.	355.	decède.	500.
Abubecar Alcaïn se fait par sa vaillance & proïesse Roy de Valence, & du pais d'alentour.	680.	Adrian 5. Pape 3. part.	380.
Abdulazis Lieutenant general du Calife en Espagne, est mis à mort par ses gens.	326.	AEblus & Asinarius menent une armee de Gascons de là les mons Pyrenees.	425.
Abuchamin surnommé Mehezidinalla 5. Calife de Cairaoan en Afrique, de la lignee de Hali.	582.	AEga Connestable de France meurt, ayant sagement gouverné les affaires du Royaume.	278.
Achaius Roy d'Ecosse contracte aliance avec le Roy Charlemagne.	389.	AEgila Patrice est mis à mort à la suggestion de Brunehilde.	240.
Achaius Roy d'Ecosse meurt.	420.	AEgma seigneur de Saxe met à mort Hermare, Maire du Palais de Haribert.	262.
Acaßius Euesque d'Amidene.	37.	AEtfin Roy d'Ecosse decède.	360.
Acacius Euesque de Berrari.	14.	AEthesir fils de Siroc Roy des Perfes.	260.
Acacius Euesque d'Antioche.	77.	AEtius est pourueu de la charge des guerres, & de toute la gendarmerie d'Occident.	36.
Acacius Patriarche de Constantinople.	89. & 94. 104. 105.	AEtius est rappellé de l'Espagne par l'Empereur.	37.
Acatius ou Archelaus, homme arrogant & inhabile, est enuoyé par l'Empereur au siege de Nufibus.	197.	AEtius grand maistre du Palais est enuoyé vers les Huns. 39. Il seme des diuisions & partialitez.	41.
Acephales, heretiques.	69. & 105.	AEtius contraint les Vuisigots de leuer honteusement le siege de deuant Arles.	41.
Adaarmanes & Thamaschosfroes chefs de l'arme du Roy des Perfes, occis.	208.	AEtius mene une armee contre les François, qu'il rompt & fait retirer.	43.
Adala tient la principauté de Valence.	379.	AEtius est fait Coronal de la gendarmerie Romaine en Occident.	44.
Adadalgisile Gouverneur du Palais d'Austrasie.	273. & 275.	AEtius rappelle la legion Romaine, qui estoit à la garde de Bretagne.	45.
Adalagerion Roy des Baioariens ou Bauariens.	117.	AEtius est vaincu & mis en route.	47.
Adalarius, fils de la Duchesse de Bauiere.	72.	AEtius est rappellé, et remis en ses premiers estats.	48. gaigne une victoire contre les François. ibid.
Adalbero Archeuesque de Reims meurt.	623.	AEtius vainc les Bourguignons en une bataille.	48. Il s'en retourne en Italie.
Adalbero Euesque de Mets & de Verdun, fils de Frederic Duc de Mosellane.	655.	AEtius combat Attila en la plaine de Chaalons, & obtient la victoire.	66.
Adalbert Marquis du Iuree meurt.	549.	AEtius est iniustement mis à mort par le commandement de l'Empereur Valentinian.	70.
Adalbert Euesque de Boëme, homme de grande pieté & deuotio, est mis à mort par les Prussiens.	639.	Agapete 1. du nom Pape à l'instace de Theodat.	155.
Adda Roy de Northumbellande, & ses successeurs.	142.	Il est surpris à Constantinople d'une maladie dont il meurt.	156.
Adalwald fils d'Agilulfe est couronné à Milan Roy des Lombards.		Agapit 2. du nom est esleu Pape.	576. meurt.
Adelgise fils de Didier Roy des Lombards vient en Italie avec une armee de mer.	370. sa mort.	Agathon Pape presida avec Menas à un Concile à Constantinople.	156.
Adelgise & Siconolf appellent à leur secours les Sarrazins.	443. & 453.	Agatho 1. du nom fils d'un Pannonius de Panorme. en Sicile est esleu au siege Papal.	296. Il meurt.
Adelgise estant de retour de la Corsegue se remet en possession de la Duché de Beneuent.	483.		299.
Adelgise occupe la cité de Beneuent.	523. Il meurt.	Agathon Duc de Peruse.	338.
Adelhelms Euesque Anglois, homme de sçauoir.	307.	Agelmond 1. Roy des Lombards est occis.	39.
Adelstanus Roy d'Angleterre decède sans hoirs de son corps.	569.	Agila Roy des Vuisigots occis.	176.
Adeodatus, ou Dieu-donné, fils d'un Iouianus natif de Rome, est esleu pour gouverner l'Eglise Romaine.	292. Il meurt.	Agilulfe Duc & Prince de Turin & de Piedmôt, est Roy des Lombards.	225.
Adouald tient le Royaume des Lombards apres son pere, avec sa mere Theodelinde.	247.	Agilulfe Roy des Lombards poursuit aucuns Ducs qui ne le vouloient recognoistre.	226.
Adrian 1. de ce nom, fils de Theodore citoyen de Rome.	366. 367. Il meurt.	Agilulfe Roy des Lombards fait regner son fils avec luy.	239.
Adrian 2. natif de Rome.	471. Il meurt.	Agilulfe Roy des Lombards comence la guerre à aucuns de ses Ducs qui estoient rebelles contre luy.	235. Il meurt.
Adrian 3. fils d'un citoyen de Rome, Pape.	498. Il		

de la Bibl. historique.

meurt laissant un fils.	247.	Alaric occupe le pais d'Epire & d'Illyrie.	8.	
Agnoetes, heretiques.	69.	Alaric passe avec ses gens en la Dalmatie ou en la Pannonie.	9.	
Agricola Patrice de la Bourgongne.	191.	Alaric sort de la Pannonie, pour venir chercher sa fortune en Italie.	10.	
Agrippine appelée Cologne.	87.	Alaric est espargné par Stilico, afin de l'obliger à son seruice.	12. & 13.	
Ajax natif du pais de Galice, infecte les Sucues de l'heresie Arienne.	83.	Alaric leue son camp de deuant Ast, II. Est mis en route par Stilico. 12. S'en retourne en la Pannonie.	13.	
Aidam ou Edam roy d'Escoffe est occis en une bataille par Edelfrede.	245.	Alaric enuoye sommer Stilico de le payer du salaire qu'il auoit merité.	18.	
Aidatus roy d'Escoffe fils du feu roy Couallus.	206.	Alaric assiege Rome, & le prend. 19. 20. 21. & 105.		
Aidam natif d'Escoffe, premier de ce nom, roy de Northumbellande.	270.	Alaric roy des Visigoths porte enuie à la prosperité & agrandissement des François.	119.	
Aignan Euesque d'Orleans.	66.	Alaric recerche Clouis d'amitié & alliance.	122.	
Aimand Euesque de Bordeaux.	14.	Alaric demeure occis sur le champ des propres mains du Roy Clouis.	125.	
Aino abandonnât son butin se retire en Italie.	203.	Albadalla Zubio est chassé de la cité de Damas.	305. & 311.	
Aison ou Addo, capitaine natif du pais que les François tenoient sur les frontières d'Espagne.	427.	Alberic ou Aulberon fils de Clodion meurt, laissant deux fils.	107.	
Aistulphe est fait roy des Lombards, son frere s'estant rendu moine.	348.	Alberic est cause que Hugues son beau-pere est chassé de Rome.	559.	
Aistulfe denöce guerre tât à l'Eparche qu'au pape, s'il ne luy redoit la cité de Rome tributaire.	350.	Alberic patrice & prince de Rome meurt, laissant un fils nommé Octavian.	584.	
Aistulfe roy des Lombards se veult approcher de la cité de Rome.	352. Il meurt.	356.	Alberic est en bruit pour son scauoir.	746.
Aiub préd l'estat & tiltre de Roy en Espagne.	326.	Albert de Babenberg perd ses deux freres en un combat.	527.	
Alain surnomé le Grand Duc de Bretagne meurt, laissant deux fils.	531.	Albert moine de Lob, et puis abbé de Gemblac.	643.	
Alain & Berengier, Comtes feudaux de la petite Bretagne.	540.	Albert Comte d'Alsatie se met avec son armee dedans la duché de Lorraine.	711.	
Alain & Berengier de Bretagne entrent en dissension l'un contre l'autre.	573.	Albert marquis d'Autriche meurt.	722.	
Alain surnommé Barbetorte s'empare de toute la Duché de Bretagne.	582. Il laisse deux fils naitz hors mariage.	612.	Albert le grand natif du pais de Suaube, nasquit.	3. part. 195.
Alain 3. du nom Duc de Bretagne meurt, laissant un fils en fort bas aage nommé Conan.	665.	Albert patriarche de Hierusalem reforme la reigle des Carmes.	3. part. 213.	
Alains nation scythique.	14.	Alboin fils du Roy Audoin Thorismund & son fils.	144.	
les Alains sarrestent en la Lusitanie & prouince Carthaginoise.	24.	Alboin Roy des Lombards reduit tout le pais de Friul en son obeissance.	194. Il continue ses victoires.	195.
les Alains & Vandales courent & rauagent le pais de Grenade & de Portugal.	37.	Alboin roy des Gepides fait enchasser le test de Comim roy des Lombards pour sen seruir à boire.	176.	
les Alains chassés de la Gaule par Childeric.	99.	Alboin roy des Lombards sort de la Pannonie pour venir conquerir l'Italie.	192.	
Alahis Duc de Trente se rebelle contre les rois de Lombardie.	295.	Alboin mene toute sa puissance deuant Paue.	199.	
Alahis Duc de Trente gagne quelque victoire sur le prince de Bauiere.	303. & 304.	Il erige le pais de Spolet en Duché.	197.	
Alamandarus & Zarethus capitaines Sarrazins.	126.	Alboin Roy des Lombards entre dedans Paue, & y establit son siege royal.	198. Il meurt par les aguets de sa femme.	199.
Alamandarus prince d'un certain canton de Sarrazins se fait baptizer en la religion Chrestienne.	131.	Alcan roy de Cordouë en Espagne meurt, ayant nommé Abderramē qui luy succeda à la couronne.	410.	
Alamandarus roy des Sarrazins fait guerre à Aretas.	163.	Alcā entre en possession du royaume de Cordouë.	380.	
Alamandares & Alethus, rois de quelques Arabes se font guerre l'un à l'autre.	170.	Alcimius Auitus Euesque de Vienne en Dauphiné.	108.	
Alaric apres le sac de Rome meurt.	2.			
Alaric prince des Visigots prend le nom & tiltre du roy. 2. Est d'intelligence avec Stilico.	7.			

XXX ij

Table de la seconde partie

<i>Alcuinus surnommé Albinus, disciple du venerable Bede. 382. Il decede.</i>	402.	<i>ser aucuns enfans.</i>	223.
<i>l'Alcoran traduit par Robertus Ketēensis, par le commandement de Pierre abbé de Clugny.</i>	256.	<i>les Allemans offrent leur service à Honorius, & sont refusez.</i>	8.
<i>l'Alcoran a esté faict en dix ans, & dix. ans ont esté employez à le faire recevoir.</i>	262.	<i>les Allemans font des courses iusques dedans la Bourgongne transiurane.</i>	249.
<i>Alcrede Roy de Nortumbellande en Angleterre est chassé de son Royaume par ses subiects.</i>	362.	<i>Almanfor Roy de Cordouë rentre derechef dedans le royaume de Leon.</i>	600.
<i>Alda veufue du feu George duc d'Abasgie.</i>	686.	<i>Almanfor Roy de Cordouë mene une armee dedans le pais de Gallice & de Portugal. 610. Il reuiet avec une armee dedans le pais de Castille.</i>	611.
<i>Alid capitaine des Sarrazins.</i>	308.	<i>Almaric fils d'Aluric roy des Visigoths.</i>	125.
<i>Aldinus Roy d'une partie de l'Angleterre.</i>	101.	<i>Almaric est desconfit en une grosse bataille, où il est occis.</i>	148.
<i>Alduin, comte d'Angoulesme.</i>	552.	<i>Alpaide damoiselle avec laquelle Pepin commet. toit adultere.</i>	309.
<i>Alexandre euesque d'Antioche.</i>	29.	<i>Alphasal surnommé Solimā, obtient toute la Turquie, pour en faire comme un rempart des Turcs contre les Grecs.</i>	750.
<i>Alexandre gouverneur de l'Italie, plus adonné à remplir ses coffres qu'à se faire aimer des Italiens.</i>	167.	<i>Alpin Roy d'Ecosse est deffait & occis par les Piétes.</i>	435.
<i>Alexandre patriarche d'Antioche.</i>	312.	<i>Almeric frere de Guy de Lusignan, est Roy de Hierusalem.</i>	3. part. 201.
<i>Alexandre Empereur de Grece sestant corrompu par quelques excez, meurt.</i>	529.	<i>Almenon ou Aly Maimon, Roy des Maures de Tolette. 680. Il meurt.</i>	749.
<i>Alexandre 2. du nom pape de Rome. 734. Il meurt.</i>	751.	<i>Almotaraph Roy de Tingitanie, où sont aujour-d'huy le royaume de Maroc & de Fez.</i>	512.
<i>Alexius patriarche de Constantinople meurt.</i>	704.	<i>Almuncamux Aben-amet, Roy de Seuille.</i>	752.
<i>des Alexandrins adheroient à l'erreur d'Eutyches.</i>	165.	<i>Alured de roy des Anglois, trouue son royaume assaillly des Dannois.</i>	486.
<i>Alfrede Roy de Northumbellande en Angleterre meurt.</i>	312. & 314.	<i>Alured le grand Roy des Anglois escrit plusieurs liures de son inuention, & translate d'autres. 489. Il meurt.</i>	525.
<i>Alfonse fils de Pierre duc de Cantabre, gendre du Roy Pelagius.</i>	331.	<i>Alusian Patrice de Grece, fils du feu Roy Aaron de Bulgarie.</i>	701.
<i>Alfonse surnommé le Catholique, 3. Roy de Leon meurt.</i>	352.	<i>Amalaph & Godefroy de Sutrich, iadis Roy de Northumbellande.</i>	565.
<i>Alfonse ou Adelfonse 2. du nom, surnommé le Chaste, est Roy de Leon. 382. Il meurt.</i>	422.	<i>Amalaric ou Amalric fils du roy Alaric, prend le gouuernement de son royaume en sa main.</i>	143.
<i>Alfonse 3. du nom, surnommé le grand Roy de Leon ou de Castille, meurt.</i>	497.	<i>Amalasunthe fille unique de Theodoric roy des Ostrogoths. 52. Est mariee à Eutharic.</i>	135.
<i>Alfonse Roy de Castille, resigne son royaume, pour entrer en un monastere.</i>	527.	<i>Amalasuintha mere d'Athalaric roy des Ostrogoths femme vertueuse & prudente.</i>	152.
<i>Alfonse Roy de Leon en Espagne est blessé, dont il meurt.</i>	653.	<i>Amalberge fille de la sœur de Theodoric.</i>	114.
<i>Alfonse Roy de Castille donne secours à la ville de Tolette.</i>	771.	<i>Amantius grand maistre du palais.</i>	138.
<i>Alfunolde malheureusement mis à mort par les Northumbriens.</i>	376.	<i>Amand euesque de Bordeaux.</i>	82.
<i>Alhacem ou Alhalem, & selon d'autres Husem, fils aîné de Halé & de la fille de Mahomet. 287. Est mis à mort.</i>	300.	<i>S. Amand euesque d'Utrech. 204. Il reprend fort librement Dagobert de ses paillardises.</i>	268.
<i>Alhad Roy des Anglois orientaux meurt en une bataille.</i>	273.	<i>Amand archeuesque de Sens est degradé, & enuoyé en exil.</i>	301.
<i>Alichius euesque de Cahors.</i>	14.	<i>Amatus Patrice Romain. 180. Il est avec son armee de Bourguignons deffait & mis en pieces.</i>	200.
<i>Alidvuse Roy des Estranglois commence à regner.</i>	288.	<i>les Ambassadeurs du pape enuoyez vers Anastasius, reçoient un mauuais traitement.</i>	137.
<i>Alipius euesque de Zagast.</i>	14.	<i>les Am-</i>	
<i>Alitheus euesque de Cahors.</i>	82.		
<i>Alla Roy de Northumbellande augmenta grandement l'estendue de son Royaume.</i>	187.		
<i>Alla 2. Roy de Northumbellande meurt, sans lais-</i>			

de la Bibl. historiale.

les Ambassadeurs du Roy Chilperic retournent de Constantinople avec presens. 211.	Anastasijs 3. fils d'un citoyen de Rome. 533. Il meurt. 535.
Ambirkeletus Roy d'Escoffe. 308. est occis en une bataille. 309.	Anastasiopolis est fondee sur les limites de l'Empire Romain & des Perles. 124.
saint Ambroise Euesque de Milan meurt. 6.	Anatolius & Aspar enuoyez contre les Huns Orientaux. 55.
Ambroise Ausbert moine natif de Frâce, laisse plusieurs liures tesmoins de son erudition. 603.	Anatolius Euesque de Constantinople. 63.
Ambulas ou Abuzali Roy de Cordouë en Espagne enuoie demander la paix à l'Empereur Charles. 409.	Anatolius Lieutenant de Theodose. 36.
Ambulas ou Abuzali, Roy de Cordouë, & de la principale partie d'Espagne, dont il se disoit Miramolin, meurt. 417.	Anatolius patriarche de Constantinople. 66. Il s'attribue la primauté sur tous les Euesques des Eglises d'Orient. 67.
Amé ou Amedee, second Comte de la Morienne, et marquis de Suze, nommé Cauda. 758.	Anaxat citoyen d'Heraclee, homme de grande vertu & de race, est esleu premier Duc de Venise. 308.
Amer Soudan d'Alep se rend tributaire de l'Empereur de Grece. 683.	Anchises ou Ansigises seigneur d'Antrasie & de Moselane, & pere de saint Arnoul. 192.
Amorrhee Roy Sarrazin vient à Narbonne au secours des assiegez. 337.	Anchises renonce au monde pour suivre la vie monastique. 236.
Amphilochus Euesque de Syrie seul impugnateur du decret de Chalcedone. 76.	Anchises fils aîné d'Ausebert & de Blitilde meurt, laissant plusieurs enfans. 242.
Amund le Viel. 114. Roy de Suesse decede, sans laisser aucun hoir de son corps. 706.	Anchises fils aîné d'Arnoul obtient les seigneuries de son pere pres l'Escaut. 249.
Amundasar Roy de Valence. 752.	Anchises ou Anchisifus, heritier de Pepin l'ancien de par sa femme Bega, & pere de Pepin, maire des deux palais. 300.
Analaphe & Godefroy, fils de Sitric Roy de la nation Dannoise. 555. & 559.	Andaquier, ou Odoacre, troisieme forestier de Flandre. 437.
Anastase Euesque de Rome. 7. Il meurt. 11.	Andran Roy de la petite Bretagne meurt. 37.
Anastase l'Empereur se met à molester les Euesques Catholiques. 122.	André premier Chambellan. 138.
Anastase l'Empereur enuoie une grande multitude de gens d'armes en Hierusalem. 133.	André maistre d'escole combat deux cheualiers de Perse l'un apres l'autre. 146.
Anastase est admonnesté de se reconcilier avec l'Eglise. 136.	André Calibite moine, est par le commandement de l'Empereur mis à mort. 360.
Anastasijs Euesque de Hierusalem. 84.	André Roy de Hongrie declare son fils Salomon aagé de 5. ans Roy de Hongrie. 726. Impetre secours de l'Empereur pour se remettre en son Royaume. 733.
Anastasijs est fait Empereur à l'instance de l'Imperatrice Ariadne. 109.	Angers se rend à Childeric. 98.
Anastasijs dresse une faulxe accusation contre Euphemius patriarche de Constantinople. 113.	Angelites, heretiques. 165.
Anastasijs 2. du nom est esleu pour gouverner l'Eglise Romaine. 115.	Angelo patriciacio surnommé Badoer, Duc de Venise. 428.
Anastasijs reçoit le salaire de ses impietez par un feu du Ciel qui tomba sur luy. 136.	Angelomus moine de l'ordre de saint Benoist, homme docte es langues. 455.
Anastasijs patriarche d'Antioche, personnage de grand zele à la defense de la religion Catholique. 186.	Angeo ou Hangio Roy de Lombardie. 502.
Anastasijs archeuesque d'Antioche, depose. 195.	l'Angleterre toute troublee de guerre. 101.
Anastasijs surnommé Sinaite est remis au siege de l'Eglise d'Antioche. 228.	de l'arriuee des Anglois en la grande Bretagne, dictée par eux Angleterre, & du commencement de leur regne en icelle. 62.
Anastasijs premier du nom patriarche d'Antioche meurt. 235.	les Anglois sont desconfits par les Bretons. 111.
Anastasijs patriarche d'Antioche est massacré par les Iuifs. 243. 244.	Anglois conuertis à la religion Chrestienne. 231.
Anastasijs patriarche des Iacobites fait approuuer à l'Empereur l'heresie des Monophysites. 261.	les Anglois sont enseignez de la façon de lire & de chanter es temples, avec l'usage des ceremonies. 296.
Anastasijs disciple de Germain, patriarche de Constantinople. 335.	Anguerrent ou Engleran Comte de Harlebec, fils de Lideric, second forestier de France. 425.
	Anian fait un abbregé de Code de Theodose, et des

Table de la seconde partie

<i>liures des anciens Iuriconsultes Romains.</i>	123.	<i>ce, & est vaincu.</i>	691.
<i>Aniric Roy des Herulicns est mis à mort par ses subiects.</i>	146.	<i>Apfimarvs enuoie presens au roy des Auarois pour luy liurer Iustinian.</i>	313.
<i>Annees comptees par les François depuis le trespas de saint Martin.</i>	11.	<i>Aquilee destruite & saccagee par Attila.</i>	68.
<i>les Ans de la fondation de Rome cessent, & ceux de nostre Seigneur commencent.</i>	165.	<i>Aquilee despoillee du siege patriarchal, lequel est transporté à Venise.</i>	207.
<i>cömmencement des Ans de Iesdagird selon les Perses.</i>	264.	<i>à Aquilee est restituee la dignité patriarchale.</i>	243.
<i>Anno archeuesque de Cologne est en fort bon bruit pour les vertus qui sont en luy.</i>	746.	<i>l'eglise d'Aquilee abiure son erreur.</i>	308.
<i>Anno archeuesque de Cologne se retire volontairement en sa maison.</i>	750.	<i>le royaume d'Aquitaine quels pays contenoit souz soy.</i>	454.
<i>l'Annonciation nostre Dame.</i>	286.	<i>les Aquitains enuoient supplier le Roy de Germanie de les recevoir en sa protection.</i>	455.
<i>Ansegise archeuesque de Sens, homme bien exercé & entendu en la Theologie.</i>	449.	<i>les Arabes content leur annee selon le cours de la Lune simplement.</i>	256.
<i>Anselme archeuesque de Cantorbie.</i>	746.	<i>Aracus Comte d'Auvergne.</i>	447.
<i>Anselme, natif d'Italie, disciple de Lanfrancus, archeuesque de Cantorbie.</i>	789.	<i>Aragise Duc de Beneuent meurt.</i>	380.
<i>Ansgard premier archeuesque de Håbourg meurt.</i>	469.	<i>Aragisus ou Armevisus, capitaine de l'armee Romaine, occis.</i>	59.
<i>Antes & Antares, tenus pour les plus vaillans & belliqueux des Esclavons.</i>	148.	<i>Arator soudiacre de l'Eglise Romaine, poëte.</i>	171.
<i>Antharis fils du Roy Clephe Roy des Lombards.</i>	213.	<i>Arcadius fils aîné de Theodose obtient l'Empire d'Orient souz Constantinople.</i>	1.
<i>Il se conuertit avec sa gent à la religion Chrestienne.</i>	215.	<i>Arcadius defend aux Arriens de faire leurs oraisons & hymnes de nuit.</i>	8.
<i>Il decede par le moien d'une poison.</i>	225.	<i>Arcadius est excommunié par le Pape Innocent.</i>	13.
<i>Anthemius, homme sage & vertueux, conducteur de la ieunesse du ieune Theodose.</i>	17.	<i>Arcadius Empereur d'Orient meurt à Constantinople.</i>	17. & 63.
<i>Anthemius est couronné pour Empereur à Rome.</i>	85.	<i>Arcadius, Probus, Paschatius, & Eutichius mis à mort.</i>	51.
<i>Anthemius s'entremet de refaire appointement avec le Roy Euric.</i>	88.	<i>Archinault ou Encembauld est Connestable de France.</i>	278.
<i>Anthemius & Racuner son gendre en grande dissension.</i>	89.	<i>Aradabure un des principaux capitaines de Theodose.</i>	40.
<i>Antherus Grec de nation, Euesque de Rome.</i>	1. part.	<i>Ardaburius pourueu de la dignité de Cesar.</i>	75.
	790.	<i>Arderic Roy des Gepides.</i>	71.
<i>Anthimius patriarche de Constantinople.</i>	155.	<i>Arduin se saisit de la ville de Verseil, d'où il commence à iouer ses ieux.</i>	660.
<i>Anthimius retourne en son siege de Trebizonde, puis est degradé.</i>	158.	<i>Argilla en Afrique est conqueste sur les Visigoths par les Sarraxins.</i>	319.
<i>Anthimius, & les fauteurs de l'heresie Eutychienne condamnez.</i>	163.	<i>les Aregenses subiugnez par Lenuigild.</i>	200.
<i>Antioche gastee par un horrible tremblement de terre.</i>	143.	<i>Arcobinda, beau-pere d'Olybrius.</i>	121. & 122.
<i>Antoine Casimate patriarche de Constantinople.</i>	435.	<i>Arcobinda est establi gouverneur de l'Afrique.</i>	169.
<i>Antoine patriarche de Constantinople.</i>	525.	<i>Aretha prince des Sarraxins.</i>	121.
<i>Antoine Studites, patriarche de Constantinople.</i>	608.	<i>Arethas Roy des Sarraxins se transporte à Constantinople, pour recommander ses enfans.</i>	188.
<i>Il renonce volontairement à la dignité patriarchale.</i>	614.	<i>Argentine, Strasbourg, ruinee & deserte.</i>	64.
<i>Antropomorphites, & leur heresie.</i>	13.	<i>Adriadné femme de l'Empereur Zenon.</i>	109. &
<i>Apagan decede.</i>	365.	<i>d'Anastasius.</i>	134.
<i>Aperanton, la paix ainsi dictée entre Iustinian & Choroses.</i>	154.	<i>Aribert Roy d'Aquitaine meurt, laissant un seul fils en bas aage.</i>	271.
<i>Aphimarvs, frere d'Heraclius.</i>	319.	<i>Aribert Roy de la Gascogne.</i>	266.
<i>Aphihartodocites, heretiques.</i>	69.	<i>Aribert Roy des Lombards est par ses domestiques mis à mort, laissant deux fils.</i>	286.
<i>Apocaps Amiras de Melitene.</i>	558.	<i>Aribert Roy des Lombards est noyé au passage d'un fleuve.</i>	319.
<i>Apolaphar demande secours à l'Empereur de Grece, & est vaincu.</i>		<i>Aribert Roy des Lombards, fait donation à l'Eglise Romaine des mons Appennins & de la cité de Gennes.</i>	

de la Bibl. historiale.

de Gennes. 285. & 313. elle est confirmee. 323.	Huns. 345.
Ariobuld Roy des Lombards meurt sans laisser aucuns enfans. 267.	Arragon, & le commencement du regne. 664.
Ariulfe Duc de Spolet subiugue la ville de Camerin. 226.	Arfaces Roy d'Armenie est retenu par le Roy de Perse, & confiné en prison. 115.
Arismund Roy des Sueues. 82.	Arsenius Senateur de Rome. 6.
Arisprand ou Ausprand, homme sage & vertueux, tuteur de Luitpert Roy des Lombards. 310.	Artabanes Armenien conducteur d'une armee qui fut par la tormente rompue & dissipée. 176. & 178.
Aristus coronal des Legions d'Illyrie est deffait en Thrace. 119.	Artabasdu se transporte à Constantinople, & est salué & proclamé Empereur par le peuple. 342.
Arles assiegee par les Visigots 41. & constamment defendue par les citoyens d'icelle. 125.	Il a les yeux creuez & aussi ses deux fils. 343.
Arles est saisie par Adouare. 193.	Artemius Empereur enuoyé vers le Calife Vlid pour traicter de la paix. 322. Ses gens se reuoltēt contre luy. 323.
d'Arles, & du commencement de son Royaume. 491.	Artold Archeuesque de Rheims reçoit le pallium archiepiscopal du Pape. 559.
l'Armenie est donnée en tiltre de principauté. 144.	Artus commence à regner en la grande Bretagne. 109.
l'Armenie se soumet au siege Romain 3. part. 171.	Artus roy d'Angleterre, vaillant & heureux en guerre. 116.
Armeniens, heretiques. 69.	Artus de la grande Bretagne meurt. 166.
les Armeniens receuz en la protection de Chosroes. 163.	Artus Duc de Bretagne, fils du feu Duc Godefroy. 3. part. 178. & 211.
les Armoriciens furent reduits & subiuguez par Litorius Celsus capitaine Romain. 75.	Asbadus capitaine Romain deffait par les Esclavons. 174.
Arnandus ou Arnaudus, Gouverneur des Gaules pour l'Empereur, est accusé de leze Maiesté. 87.	Aspar entre dedans Rauenne, & y prend l'usurpateur de l'empire. 41.
Arnestes defait une troupe de Huns, prez la ville de Martianopolis. 65.	Aspar est contraint se retirer à Constantinople, vaincu par les Vandales. 46.
Arnould se fait grandement renommer pour sa sagesse & sainteté. 236.	Aspar est mis à mort avec ses deux fils en la ville de Constantinople. 88.
Arnould succede à son pere Anchises aux seigneuries du royaume d'Austrasie & au païs de Mosellane. 242.	Aspar eust esté Empereur, s'il n'eust esté adonné à l'heresie Arrienne. 75.
Arnould fils d'Anchises apres auoir bien sagement gouverné le royaume d'Austrasie, meurt. 249.	Asprand ou Arisprand impetre une armee du Duc de Bauiere, & vient en la Lombardie. 319.
S. Arnoul Euesque de Mets resigne son Euesché pour viure solitairement. 226.	Astulfe remet sus son armee, avec laquelle il regagne tout ce que Pepin luy auoit osté. 354. est vaincu par Pepin, & contraint se cacher dedans Paue. 355.
Arnould est fait Empereur. 502. & 511. passe pour la seconde fois en Italie. 513.	Asture & Cantabrie a pris le nom de Nauarre. 325.
Arnoul fils de Luipold est esleu par les Hongrois pour leur prince. 534.	Asuar fils d'Eudes, iadis Duc d'Aquitaine, premier comte d'Arragon. 365.
Arnoul sestant remis en la Duché de Bauiere, ne desiste encor de se nommer Roy. 541.	Ataces roy des Alains est occis sur le champ. 31.
Arnoul Duc de Bauiere passe avec une armee en Italie. 557.	Atelnulfe gouverneur & chastelain de Capua. 524.
Arnoul surnommé le mauuais, Duc de Bauiere, meurt laissant trois fils. 593.	Athalaric regne souz le gouvernement de sa mere Amalasuntha. 143.
Arnulfe Roy des Anglois orientaux. 282.	Athalaric par ses excez & dissolutions meurt sans laisser aucuns enfans. 154.
Arnulfe le viel dict le grand, Comte de Flandre. 588. & 597.	Athanagild un seigneur des Goths s'esleue contre le roy Agila. 180.
Arnulfe fils naturel du Roy Lothaire, chanoine de Laon. 622. est consacré Archeuesque de Rheims. 623.	Athanagild s'empare par force du royaume des Visigoths. 183.
Arpad fils d'Almus souuerain & general sur les	Athanagild a guerre aux Imperiaux, qui dure fort long temps. 184.
	Athanagild meurt. 195.

Table de la seconde partie

<i>Athanasie</i> Diacre de Hierusalem est fait mourir. 69.	<i>Auerrois</i> , contemporain d'Avicenne. 673.
<i>Athanasius</i> heretique Euesque d'Alexandrie. 106.	<i>Audoacre</i> , capitaine de quelques Saxons, prend quelque terre vers le quartier d'Anjou. 98.
<i>Athanasie</i> euite le peril de la mort 1. part. 888.	<i>Audefled</i> sœur ou fille de Clouis. 114.
<i>Athaulphe</i> frere de la femme d'Alaric 20. prend à femme Galla Placidia, & est subrogé au lieu d'Alaric. 21.	<i>Audoen</i> de la race des Gauques 10. Roy des Lombards. 141. il meurt. 164.
<i>Athaulphe</i> se saisit du Languedoc, & entreprend de conquieser les Espagnes. 24.	<i>Audoen</i> ou Ouen, Referendaire de Dagobert. 275.
<i>Athaulphe</i> est mis à mort en Espagne par un de ses gens. 27.	<i>Augesalus</i> gouverneur de la lixiere de Baviere du costé de la Moravie. 513.
<i>Athelrede</i> ou Ethelrede tiré de prison par les Northumbriens, pour le faire Roy. 376.	<i>S. Augustin</i> institué Euesque en la ville d'Hippo en Afrique. 4.
<i>Athendegisile</i> Roy des Visigots occis. 176.	<i>S. Augustin</i> compose les livres de la cité de Dieu. 15.
<i>Athenodore</i> rebelle est occis en la Cilicie. 115.	<i>S. Augustin</i> Euesque d'Hippo meurt. 45.
<i>Athenolde</i> frere du Roy Edouard d'Angleterre, se rebelle contre son frere. 530.	le corps de <i>S. Augustin</i> est transporté de l'Isle de Sardaigne à Pavie, par le commandement de Luitpold. 328.
<i>Athen</i> abandonne Narbonne, & se retire bien legerement en Espagne. 337.	<i>Augustin</i> 1. Archeuesque de Cantorbrie meurt. 253.
<i>Atholuald</i> Roy des Saxons occidentaux. 300.	<i>Augustin</i> legat du Pape Gregoire en Angleterre. 235.
<i>Athulfe</i> , ou selon les autres Agilfe, Auvergnac de nation. 74. il est occis. 75.	<i>Augustule</i> quitte & resigne sa dignité à son ennemy, luy demeurant la vie sauue. 95.
<i>Attalus</i> gouverneur de Rome, est declamé Empereur 20. Est despoüillé de la dignité imperiale. 21.	<i>Auitus</i> patrice & senateur d'Auvergne. 41.
<i>Attalus</i> a les poingts coupezz, & est laissé viure en ceste façon. 27.	<i>Auitus</i> induit le Roy Theodoric de leuer son siege. 50.
<i>Atticus</i> Euesque de Constantinople meurt. 41.	<i>Auitus</i> fut Empereur, & beau-pere de Sidonius Apollinaris. 51.
<i>Attila</i> & Bleda freres, deux Ducs des Huns. 10.	<i>Auitus</i> Maximus se fait saluer & proclamer Empereur. 73.
<i>Attila</i> Roy des Huns. 36.	<i>Auitus</i> Euesque de Vienne a laissé plusieurs doctes escrits tesmoins de son erudition. 98.
<i>Attila</i> premier Roy des Huns. 36. & 43.	<i>Auitus</i> Abbé d'Orleans florissoit en ce temps. 124.
<i>Attila</i> est tellement enyuré d'ambition, qu'il fait mourir son frere Bleda. 57.	<i>Avicenne</i> quand il nasquit. 256.
<i>Attila</i> se resout de faire la guerre à toutes les nations de l'Europe. 59.	<i>Avicenne</i> prince des Medecins Arabes. 673. et 694.
<i>Attila</i> arrive deuant les Villes de Mets, Tou & Reins. 64.	<i>Aurelio</i> Duc de Leon en Espagne, meurt sans enfans. 366.
<i>Attila</i> mene son armee deuant la ville d'Orleans. 65. il est vaincu en la plaine de Chaalons. 66.	<i>Aurelius</i> Ambrosius, capitaine Romain, homme modeste. 87.
<i>Attila</i> remet sus une nouvelle armee, & entre en Italie. 68.	<i>Aurelius</i> Euesque de Cartage. 14.
<i>Attila</i> apres auoir laissé l'Italie remene son armee en la Gaule contre les Alains. 69.	<i>Aurelius</i> met les fils de Hengeste en route. 94.
<i>Attila</i> meurt suffoqué d'une grande eruption de sang. 71.	<i>Aurelius</i> Connanus Roi des Bretons. 183. il est occis en une grosse bataille par les Saxons. 185.
<i>Auarus</i> autheur des noms des Auarois, regne sur les reliques des Huns. 136.	<i>Ausbert</i> surnommé le Senateur meurt, laissant quatre fils. 192.
<i>Auarus</i> Roy des Huns Auarois en la Pannonie, meurt. 233.	<i>Ausebert</i> est appelé Senateur, & surnommé Romain. 139.
les Auarois chassé de leur pais demandent à estre receuz terres de l'Empire. 186.	<i>Ausgard</i> moyne de Corbie en France. 434.
les Auarois se font accorder par l'Empereur une pension. 211.	<i>Austrasius</i> Duc de Tongre & de Brabant, gouverneur en la Gaule Belgique pour le Roy Clouis. 123.
les Auarois, Esclauons & autres se mettent d'appointement avec l'Empereur. 295.	<i>Austriche</i> est premierement erigee en Marquisat par l'Empereur Henry. 554.
	<i>Austronault</i> conquiesse & reduit la ville de Carcassonne contre les Visigots. 50.
	<i>Aye</i> & la Princeesse Clotilde. 198.
	<i>Azan</i> ou Belpher Empereur des Turcs, met fin à ses conquestes. 750.
	Azar

de la Biblioth. historique.

Azar capitaine Sarrazin avec dix mille Sarrazins entre dedans la Cilicie. 312.
Axid ou Axidas conducteur de Sarrazins prend le chasteau de Cizium en la Cilicie. 313.
les Aximites, peuple d'Indie, entrent en guerre contre les Homerites. 167.
Axizius Calife fait ruiner & demolir le temple des Chrestiens en la ville de Hierusalem. 656.

B.

B*anes Heptademon liure tout le pais qui estoit en son gouvernement entre les mains des Sarrazins.* 312.
Baderic, Hermenfroy & Bertaire, roys de Turin-gie. 140.
Bagaudes, qu'elle sorte de gens c'estoient. 52.
les Bagaudes vaincus par Aetius. 55.
les Balcariques, assaïoir les isles Maiorque & Minorque sont retirees par les François de la main des Sarrazins. 390.
Baldus homme de grand sçavoir en Escosse. 187.
Balta surnom d'Alaric, signifiant hardy & courageux. 2.
Bamba roy des Visigoths resigne volontairement sa couronne, prenant à mespris les biens & hon-neurs de ce monde. 296.
Banacas entre de rechef au pais d'Isorie, où il def-fait & met en route l'armee des Romains. 366.
Baramenes se rebelle avec son armee contre son maistre. 220.
Barcelonne occupee par Atoulphe. 24.
Bardas Curopalate oncle de l'Empereur Michel, fait que les bonnes lettres & sciences liberales sont remises en leur premier honneur en la Grece. 459.
Bardas fait deposer le patriarche Ignacius, pour a-voir esté par luy redargué de ses vices. 467.
Bardas s'estant fait soubçonner d'avoir voulu ma-chiner contre l'estat de son nepveu, est par l'or-donnance d'iceluy mis à mort. 469.
Bardas Sclerus, domestique des legions d'Orient, se rebelle contre l'empereur Basile. 611.
le corps de saint Barnabé Apostre est trouué en Cypre. 96.
Basile archimandrite, personnage saint. 45.
& 46.
Basile est le dernier personnage priué qui a esté Consul. 165.
Basile prend le nom d'Empereur, lequel est appre-hendé & mené à l'Empereur. 326.
Basile le Macedonien fait perdre la vie à l'Empe-reur Michel. 470. *Mene une armee contre les Sarrazins es parties d'Orient.* 481.
Basile commande à Phocas de chasser d'Italie tous les Sarrazins. 487. *Entre avec une armee en la*

Syrie contre les Sarrazins. 490. *Il meurt.* 500.
un Basile parent de l'Imperatrice Zoé, étant con-naincu d'avoir machiné contre l'Empereur, est puny de son crime. 509.
Basile patriarche de Constantinople est pour quel-ques crimes depose. 608.
Basile l'Empereur informé de la mort du roy de Bulgarie, mene une armee contre les Bulgariens. 668.
Basile Porphyrogenite Empereur d'Orient est ar-resté d'une maladie qui l'emporta de ce monde. 675.
Basilus euesque d'Antioche. 72.
Basiliscus, frere de Verina femme de l'Empereur Leon. 83. & 86.
Basiliscus par les menees & pratiques de sa sœur parvient à l'empire. 93.
Basiliscus reprouue les decrets du Concile de Chal-cedone, & la decision du pape Leon. 94.
Basina femme de Childeric, mere de Clouis. 104.
Basin Roy de Turingie, hoste de Childeric tout le temps de son exil. 87.
Bassus accusateur de Celestin premier, enuoyé en exil. 48.
Bathaias premier roy des Bulgariens decede. 310.
Batobath roy d'Hegias en Arabie, dresse une Aca-demie en la ville de Balberich. 319.
Bauarie ou Bauiere quand prit ce nom. 136.
& 139.
les Bauariens, & Baioariens sont conuertis à la re-ligion Chrestienne. 158.
Bauldoun ayant fait sa paix avec le roy Charles, pour raison du rap. de sa fille, est institué comte de Flandre. 469.
Bauldoun premier du nom, surnommé Bras de fer, gendre de Charles le Chauue, meurt laissant un fils de sa femme Judith. 492.
Bauldoun le Chauue 2. du nom, & du tiltre du comté de Flandre, meurt à Gand, laissant deux fils. 539.
Bauldoun le ieune 3. du nom, grand gouverneur de Flandre sous le comte Arnulfe son pere, meurt.
Bauldoun comte de Flandre en faueur des filles du feu duc Charles de Lorraine conquiste plusieurs villes sur l'Escant. 650.
Bauldoun surnommé le Frise fils du comte Baul-doun de Flandre, espouse Adelle fille de Robert roy de France. 678.
Bauldoun surnommé Belle-barbe, comte de Flan-dre meurt, laissant un fils nommé Bauldoun diét le Frise. 689.
Bauldoun fils aîné de Bauldoun comte de Flan-dre, espouse Richilde fille de Ragnier Comte de Mont en Henault 710.
Bauldoun Comte de Flandre s'empare de la ville de Horne. 716.

Table de la seconde partie

Baudouin Comte de Flandre s'empare de la ville & Comté de Haguenau.	715	Benoist 7. ou 8. du nom est esleu pape de Rome. 658	658
Baudouin, l'ancien surnommé le Frisé, Comte de Flandre & Regent en France meurt.	741.	Estant expulsé de son siege, s'en vient trouver l'Empereur Henry.	660.
Beatrix edifie la ville & le chasteau de Cleues.	317.	Benoist 7. ou 8. Euesque de Rome. 658. meurt.	674.
Bede le venerable, Anglois, personnage de bonne vie & de singulier sçavoir.	338.	Bergor roy des Alains: 76. Est occis en Italie, & ses gens mis en route.	88.
Bala, un Duc des Huns.	10.	Bera comte de Barcelone estant accusé d'infidelité enuers l'Empereur, est enuoyé en xil.	421.
Bala frere du Roy de Hongrie obtient une armee du Roy de Pologne, par le moyen de laquelle il s'empare du royaume de Hongrie.	727.	Berald prince de la maison & nepueu de l'Empereur Othon, premier prince de Morienne en Piedmont meurt.	678.
Bela roy de Hongrie meurt d'une cheute, laissant trois fils.	736.	Berengier est vaincu par Loys Duc de Spolet, & contraint guerroyer l'Italie. 508. Se retire en Allemagne vers l'Empereur.	509.
Bellisarius commence à se faire cognoistre & renommer.	140.	Berengier de roy se fait couronner Empereur d'Italie, à Rome par le pape Iean.	536.
Bellisarius est institué par l'Empereur son lieutenant general en tout l'Orient.	146	Berengier fait venir un nombre infiny de Hongrois, par lesquels la Lombardie fut miserablement gastee. 548. Les Veronnois le font meurtrir. ibid.	
Bellisarius enferme dedans Rauenne Vitiges.	164.	Berengier roy d'Italie fait soux le pape Agapet guerre aux Venitiens.	578.
Bellisarius meurt grandement agé.	189.	Berengier cy deuant roy d'Italie meurt en la ville de Babenberg en Allemagne.	599.
Bellisarius Consul en Orient. 156. Est conducteur de la guerre contre Theodat.	ibid.	Berengarius Archediacre d'Angiers, homme presomptueux & opiniaistre, quoy qu'au reste de bonne vie & de grand sçavoir.	696.
Bellisarius passe en Italie & prend Rome.	157.	Berengarius se retracte, & fait amende honorable.	727.
Bellisarius passe en Italie. 188. entre dedans Rome.	159. Il depose Syluerius.	Berengarius meurt catholiquement.	786.
Bellisarius est renuoyé pour la seconde fois pour faire la guerre aux Goths.	169.	Bergius Comte de Beingelhim vainc les Rois de Dannemarch, & deliure le pais de Saxe de leur seruitude.	539.
Bellisarius enuoye sa femme à Constantinople.	173	Berich seiziesme roy des Saxons Occidentaux depuis Cardicus, est empoisonné par sa femme.	392
Bellazis fils de Musa ou Muca, de capitaine est fait Roy sur l'Espagne.	321.	Berluide femme du roy Clotaire meurt.	256.
Bemba est en guerre contre Renocuide Duc de Celtiberie.	293.	Bernard Comte de Barcelonne est du commandement du Roy Charles occis en trahison.	446.
Benaia roy des Maures de Sarragosse se rebelle contre le Roy dom Zaimire d'Espagne.	529.	Bernard Comte de Poitou, & Aracus son frere Comte d'Auvergne, sont deffaits & occis par le Comte Lambert.	447.
Benca & Balbas, rois des Sarmates.	90.	un Bernard fait le voyage de Hierusalem par deuotion, où il trouua que les Chrestiens y vinoient en grande liberté sous les Sarrazins.	604.
Benedic ou Benoist 1. de ce nom est esleu pour gouverner l'Eglise Romaine.	200.	Bernard fils de Bruno, Duc de Saxe.	648.
S. Benoist, natif d'Italie, habitant au mont Cassin, compose une reigle de la vie monastique.	147.	Bernard Duc de la basse Saxe meurt, ayant tenu sa Duché plus de quarante ans.	733.
S. Benoist abbé du Mont Cassin, fondateur de l'ordre des moines d'Occident, meurt.	167.	Bertaire Maire du Palais de France se rend mal agreable aux seigneurs de France, parquoy il est mis à mort.	203.
Benoist le ieune, disciple & successeur de Benoist premier, en l'abbaye du Mont Cassin.	173.	Bertauld personnage sage & loyal, est fait Connestable du roy Theodoric.	242.
Benoist 2. du nom est esleu pape de Rome. 300. Il meurt.	301.	Bertauld est tué en la bataille, pres la ville d'Estempes.	243.
Benoist 3. fils d'un citoyen Romain. 457. Il meurt.	461.	Berte mere de Charlemaigne & Hildegarde sa femme meurent.	376.
Benoist 4. du nom pape de Rome. 524. couronne à Rome Loys Roy de Prouence. 525. Il meurt.	528.		
Benoist cinquiesme du nom pape.	596.		
Benoist 6. ou 7. du nom pape de Rome est estably.	608. Il meurt.		
Benoist 6. ou 7. ayant esté pris & emprisonné dedans le chasteau S. Ange meurt.	608.		
Benoist 6. ou 7. met en pieces une armee de Sarrazins, & en deliure le pais.	666.		

de la Bibl. historiale.

<i>Bertrich Roy des Saxons occidentaux d'Angleterre.</i>	376.	<i>Cracovie.</i>	638.
<i>Bernfrede occit Edelbald Roy des Merciens en Angleterre, & s'empara de son Royaume.</i>	353.	<i>Boleslaus Roy de Pologne subiugue l'Esclauonie.</i>	644.
<i>Berutius Roy d'une partie d'Angleterre.</i>	101.	<i>Boleslaus Roi de Pologne fait guerre à Boleslaus Roi de Boëme, & occupe son Royaume. 651. Se montre encor ennemy de l'Empereur Henry. ibid.</i>	
<i>les Biens ecclesiastiques anciennement diuisez en 4. parties.</i>	91.	<i>Boleslaus Roy de Pologne obtient une belle victoire sur Ioroslans.</i>	655.
<i>Bilug prince ou Roy des Esclavons meurt, laissant trois fils.</i>	613.	<i>Boleslaus Roy de Pologne fait guerre aux Saxons pour retirer à soy les terres que ses ancestres auoient autrefois occupees sur les siens.</i>	658.
<i>Biorno Roy de Suesse & de Gothie, meurt laissant un fils.</i>	83.	<i>Boleslaus Roy de Dannemarc, ayant rafraichi son armee, la remena en Angleterre.</i>	661.
<i>Biorno Roi de Suesse enuoie demander à l'Empereur Charles des Euesques et gēs de lettres, pour instruire, luy & ses subiets à la religion Chrestienne.</i>	411.	<i>Boleslaus premier du nom, & second Roy de Pologne meurt, laissant un fils Mieslaus 2.</i>	675.
<i>Biorno fils de Regnier Roy de Dannemarc, est receu Roy des Suesiens, puis en est dechassé.</i>	432.	<i>Boleslaus Roy de Pologne veut se soubmettre la Russie.</i>	743.
<i>Bleda & Attila Roy des Huns courent & rauagent le pays de Grece & d'Illyrie.</i>	55.	<i>Boleslaus Roy de Pologne assaut de toute sa puissance la Kionie.</i>	752.
<i>Bleda meurt par l'ambition de son frere Attila.</i>	57.	<i>Boleslaus Roy de Pologne est belliqueux & vaillant, mais adonné à ses plaisirs.</i>	755.
<i>Blitilde fille du Roy Clotaire premier.</i>	192.	<i>Boleslaus Roy de Pologne à l'occasion de ses fascheres & calamitez tombe en perclusion d'entendement.</i>	769.
<i>Boaxier Roine vesue reçoit la religion Chrestienne avec le baptisme.</i>	146.	<i>Boniface Euesque de Rome meurt.</i>	39.
<i>Bodicus Comte de la petite Bretagne.</i>	208.	<i>Boniface 1. du nom Euesque de Rome.</i>	32.
<i>Bodinus Euesque de Tours grand Referendaire de France.</i>	166.	<i>Boniface gouverneur d'Afrique bien expérimenté.</i>	37.
<i>de Boëme, & des Boëmiens.</i>	310.	<i>Boniface entre en deffiance de l'Imperatrice. 41. Incite les Vandales contre l'Empereur sous beau coup de belles promesses.</i>	42.
<i>Boëme, & le commencement d'iceluy Royaume.</i>	777.	<i>Boniface proclamé ennemy de l'Empire.</i>	42.
<i>des Boëmiens & Polonois.</i>	310.	<i>Boniface est remis en la bonne grace de l'Imperatrice Placidia.</i>	44.
<i>les Boëmiens ne se pouuans bien accommoder sous la subiection des François, reprennent de rechef les armes contre eux.</i>	451.	<i>Boniface se retire en Italie vers Placidia.</i>	46.
<i>les Boëmiens sont subiuguez par l'Empereur Otho.</i>	609.	<i>Boniface fait cognoistre qu'il auoit esté accusé à tort. 47. sa mort.</i>	ibid.
<i>les Boëmiens osent faire quelques courses & entreprises sur le Royaume de Hongrie.</i>	740.	<i>Boniface 3. se donne le nom d'Oecumenique ou Vniuersel.</i>	138.
<i>Bæroë en Thrace est restaurée et amplifiée par l'Imperatrice.</i>	376.	<i>Bonifacius nommé des Grecs Agathon natif de Rome, Pape. 148. Il meurt.</i>	151.
<i>Boëthius est par le commandement de Theodoric injustement mis à mort.</i>	142.	<i>Boniface 3. du nom est substitué au siege Romain.</i>	239.
<i>Bogoris Roy des Bulgariens est diuert de la guerre par l'Imperatrice Theodora, & fait que ses subiects renoncent à l'idolatrie.</i>	448.	<i>Boniface 4. fils d'un medecin natif de Valeria.</i>	241.
<i>Boiodurum est miserablement destruite par Hunimund Roy des Sueues & Allemans.</i>	98.	<i>la mort de Boniface.</i>	246.
<i>Bomensor Elmoin Stensab Calife ou Soudā d'Egypte commande aux Chrestiens habitas en Hierusalem de releuer les murailles de ladicte ville.</i>	711.	<i>Boniface 5. est esleu Pape. 249. Il meurt.</i>	254.
<i>Boleslaus fils de Mieslaus Roy de Pologne nasquit.</i>	601.	<i>Boniface archeuesque de Majence fonde grand nombre d'Eglises & monasteres.</i>	347.
<i>Boleslaus premier du nom, Roi de Boëme, meurt laissant un fils nommé Boleslaus 2.</i>	601.	<i>Boniface archeuesque de Majence estant au pays de Frise est occis par certains garnemens ou infidelles.</i>	354.
<i>Boleslaus Duc de Boëme se vient mettre & rendre en la protection de l'Empereur Othon.</i>	612.	<i>Boniface 7. apres auoir tenu le Papat un an, 12. iours est contraint de le quitter.</i>	608.
<i>Boleslaus fils de Mieslaus Roy de Pologne espouse en ce temps Iudith fille du Roy de Hongrie.</i>	617.	<i>Boniface marquis de la Toscane meurt, laissant de sa femme Beatrix une seule fille.</i>	719.
<i>Boleslaus surnommé le Religieux ou Deuotieux, apres s'estre auparauant emparé de la ville de</i>		<i>Bordello Comte de Barcelone meurt, laissant deux fils.</i>	630.

Table de la seconde partie

Borex ⁴ Royne des Huns dictz Sabariens, prend le party des Romains contre le Roy de Perse. 142.	ualadrus. 116.
Borsiuois ou Borinorius. 12. Duc de Boëme, est par la predication de Methodius conuertý à la religion Chrestienne. 515.	les petits Bretons entrent à grande puissance dedans les limites de la France. 209. & 220.
Boson frere de Richilde femme du Roy Charles, est institué Duc de la Lombardie. 485.	les Bretons viennent faire des courses sur les pays de Nantes & de Rennes. 223.
Boson frere du Roy Rodolfe ayant fait quelques torts aux subiects de Rothilde, la guerre luy est denoncee. 554.	les Bretons, qui pour la crainte des Normans estoient cy deuant retirez en Angleterre, se viennent remettre en leur pays. 562.
Boroniates tient de si pres la cité de Constantinople assiegee, que l'Empereur Michel ne peut plus durer contre luy. 761.	les Bretons se mettent à guerroyer les Normans, & gagnent plusieurs belles batailles sur eux. 564. 567.
Bourchard Euesque de Vuirtemberg en la France. 349.	les Bretons nommez Vvalliens ou Gallois se creent un prince de leur nation. 600.
Bourchard Duc de Suabe ou d'Allemagne gagne la bataille contre Rodolfe Roy de Bourgongne. 540.	les Bretons retirent le ieune Conan leur prince des mains du Comte Eudes son oncle. 708.
Bourchard Duc de Saube & d'Allemagne meurt. 606.	Bretislaus ou plustost Vratislaus Duc de Boëme entre en grande controuerse cõtre le marquis d'Austrie, pour raison de leurs limites. 746.
Bourchard Euesque de Halberstat est massacré en un debat qu'il eut avec aucuns de ses subrets. 779.	Brianus Roy d'Hibernie est mis à mort. 660.
la Bourgongne merueilleusement affligée d'une famine non accoustumee. 103.	sainct Brice Euesque de Tours, disciple & successeur de S. Martin, meurt. 37. & 57.
Bourgongne Transjurane, & le commencement de son Royaume. 504.	Bridæus Roy des Piètes est conuertý à la religion Chrestienne. 186.
Bourguignons, habitans en la Germanie, entre les François & Allemands. 15.	Bridæus Roy des Piètes meurt. 303.
les Bourguignons se mettent en possession des provinces de la Gaule voisines du Rhin. 25.	Briennius Empereur d'Orient est deffait & a les yeux creuez par Alexius Comnenus. 763.
les Bourguignons avec huit mille Vvandales deffaits. 49.	saincte Brigide qui estoit de la race des Rois d'Escoffe, meurt. 137.
les Bourguignons sont en grande reputation entre les Gaulois. 70.	Brudus Roy des Piètes meurt de desplaisir de ne pouuoir appaiser les dissensions qui estoient entre les siens. 436.
les Bourguignons demeurent en la subiection des François iusques à la mort de Charles le Gros. 152.	Brunechilde ou Brunchaut, fille du Roy Athanagil, femme du Roy Sigebert. 193.
les Bourguignons combattent les Normans, qui gassoient leur pays en Charrolois. 548.	Brunechilde est aduertie de la mort du Roy Sigibert son mary. 206.
Brandebourg est assiegee par l'Empereur Othon. 629.	Brunechilde desponillee de ses bagues & ioyeux est enuoiee en exil à Rouen. 206.
Bratemund 101. Roi de Suesse & de Gotlandie. 418.	Brunechilde a le gouvernement du Royaume, & de la tutelle des ieunes Rois d'Austrasie. 236.
Braula est occis par Odoacer. 97.	Brunechilde auance son mignon Portadius à l'estat de patrice. 242.
Brendeus Roy des Piètes. 209.	Brunulfe oncle du Roy Aribert est mis à mort par le commandement de Dagobert. 268.
les Bretagnes grande & petite se mettent en liberté. 20.	Brunulfe seigneur du pays de Hainault & Alsatie. 198.
la Bretagne est nettooyee de l'heresie Pelagienne. 44.	Brunulfe Roy des Mer-ciens est deffait & occis en une guerre par Ecbert Roy des Saxons. 427.
la grand Bretagne miserablement affligée de peste. 62.	Brunswich est fondee & construite en Allemagne par Bruno & Dranchmor Ducs de Saxe. 465.
la Bretagne est gouvernee par le Comte Chauar. 173.	Bucar fils du grand Miramolin d'Afrique passe en Espagne avec une grosse armee. 787.
des Bretons & de la Bretagne. 38.	Bude auparavant nommee Sicambrie. 10.
Bretons de la Gaule, & discours d'iceux. 75.	Budic Roy de la petite Bretagne. 37.
les Bretons d'Angleterre gagnent plusieurs batailles sur les Saxons. 87.	Budic Roy de la petite Bretagne meurt. 61.
les Bretons chasséz du Berry par les Goths. 88.	Burdunellus capitaine est deffait par les Vvisigoths en Espagne. 116.
8. rois Bretons, qui ont vesçu iusques au Roy Cado-	Bulga

de la Bibl. historique.

Bulga, rivière qui passoit par le pays où habitoient
premierement les Bulgariens. 296.
les Bulgariens courent & pillent le pays de Thrace.
113.
les Bulgariens deffont en Thrace l'armee de l'Em-
pereur. 119.
les Bulgariens se viennent desborder sur la Panno-
nie. 121.
les Bulgariens gagnent une grande bataille sur les
Romains. 121.
les Bulgariens entrent à grande puissance dedans la
Mésie. 161.
des Bulgariens, & de l'origine & Royaume d'iceux.
296.
les Bulgariens mettēt en route l'armee de Iustinian.
304.
les Bulgariens se vont presenter iusques deuant Cō-
stantinople, sans qu'on ose les aller combattre. 319.
les Bulgariens entrent, souz la conduite de leur Roy
Chrumnus, dedans les prouinces de l'Empire de
Grece. 406.
les Bulgariens affriandez des prosperitez preceden-
tes, viennent deuant Constantinople, mais ils y
furent tous mis en desarroy, & leur Roy fort
blezé. 414. & 415.
les Bulgariens sont ouys par l'Empereur Loys, qui
tendoient à fin de bornage & limitation de leur
pays d'auec celui des François. 426.
les Bulgariens entrent dedans la Pannonie, & occu-
pent le pays des Esclavons. 428.
les Bulgariens sont mis en fuite par Phocas capitai-
ne des legions domestiques. 539.
les Bulgariens viennent courir iusques deuant Con-
stantinople, mais ils sont lourdement repoussez.
540. & 544.
les Bulgariens sont en mauvais mesnage avec leur
Roy à cause de ses freres. 560.
les Bulgariens font quelques courses dedans la Hon-
grie. 744.
Burgos est repeuplee de nouveaux habitās, qui y sont
mis par le Comte Didaco prince de Castille. 483.
Buthaias ou Bathaian Roi des Bulgariens. 296.
Byzacene, Abaritane & Zeugitane, contrees d'A-
frique. 56.

C.

Cabades fils du Roy Perosas, Roy de Perse. 102.
Cabades met une armee dedans la Mesopota-
mie & Armenie. 120.
Cabades & son fils Chosroës portent une haine ir-
reconciliable aux Romains. 137.
Cabades Roy des Peres est en guerre contre les Ibe-
riens. 139.
Cabades Roy des Peres fait massacrer plusieurs
milliers de Manicheens. 141.
Cabades remet sus une nouvelle armee qui est de-
faite. 147.

Cabades Roi des Peres gagne une belle victoire sur
Bellisarius. 150. & 151.
Cabades Roy des Peres meurt, laissant son Royau-
me à son fils. 151.
Cabdan Soudan & Amiras de Tharse & d'Alap-
pe, fait beaucoup de maux aux Chrestiens. 584.
Cacane prince des Huns & Auarrois se vient iet-
ter dedans la Duché de Forli. 247.
Cacin ou Calin Roy de Cordouë decede. 653.
Cadicanus succede à Carentius Roi des Bretons. 197.
Cadolus soy disant Honoré 2. va à Rome pour s'en
mettre en possession. 735. Entre dedās le chasteau
S. Ange. 737.
Cadoualadrus dernier Roy des anciens Bretons, se re-
tire à Rome pour y viure religieusement. 279.
Cadouald Roy des anciens Bretons, commence guer-
re à Eduin Roy de Northumbellande. 265.
Cadouallo Roy des anciens Bretons meurt. 294.
le Caire acheué, le Calife Elcainy establit son siege.
605.
Calandio patriarche d'Antioche, dechassé de son
siege. 107.
Calecut cité au pays des Indes est fondee et edifiee.
609.
les Califes de Cairaoan en Afrique sont en guerre
l'un contre l'autre. 608.
Callinicus est priué des yeux & de sa dignité par
Iustinian. 314.
Capua se rend par composition. 679.
Cambray & le pays des enuirs occupé par Clodion.
46.
Canaquaire ou Ragamir est Comte de Cambres. 94.
Canophates est deieté de l'Empire de Grece. 704.
Cantorbie ville archiepiscopale & metropolitaine
d'Angleterre. 235.
la Cantabrie reduite souz l'obeissance des Visi-
goths. 246.
Canute, Gunto & Harald son frere, avec nouvelle
armee repasse en Angleterre. 664.
Canute s'empare du Royaume d'Angleterre. 666.
Canute Roy de Dannemarc ayant reduit en sa main
le Royaume d'Angleterre, en veut autant faire
de celui d'Escoffe. 671.
Canute Roy d'Angleterre & de Dannemarc, com-
mence la guerre à Marcolme Roy d'Escoffe. 683.
Canute Roi d'Angleterre fait guerre à Richard Duc
de Normandie. 684. Il meurt. 689.
Canute Roy de Dannemarc enuoie une armee en
Suessse. 694. Il meurt sans laisser aucuns enfans. 702.
Canute Roy de Dannemarc descend avec une grosse
armee en Angleterre. 746. & 763.
Cararic avec son fils est tondu & confiné en un mo-
nastere. 131.
Carbades est contraint de faire trefues avec l'Em-
pereur pour sept ans. 122.
Carcöbert Roy des Anglois Orientaux meurt. 289.

YYY

Table de la seconde partie

Cardame Roy de Bulgarie est repoussé de ses demandes. 387.	Cendres qui tombent du ciel à Constantinople. 280
le Carefme observé. 42.	Ceolulfe fils d'Orisch Roi de Northumbellande. 333
le Carefme & feste de Pasques esgalement observez par toutes les Eglises. 175.	Est par ses ennemis tonsuré & reclus en un monastere. 338.
Carlingie quelle partie de la France. 339.	Cerealis Euesque de Castalense, excellent en sçavoir & en sainteté de vie. 74.
Carloman Duc de Tongrie meurt, laissant un fils surnommé Pepin. 253.	Cercaris Euesque de Castille en Afrique. 93.
Carloman frere de Pepin meurt de regret. 353.	Cerdicius capitaine Saxo fonde et erige le 7. Royaume des Saxos dits Occidetaux en Angleterre. 140
Carloman se rend moine au mont Soracte en la Toscane. 347.	Cesarea femme du Roi de Perse vient à Constantinople pour y estre baptizée en la religion Chrestienne. 229.
Carloman Roy d'Austrasie meurt à Salmonce. 365.	Cesaree ville en la Cappadoce est prise & destruite par les Perses. 245.
Carlomā est accusé vers son pere de plusieurs fautes charges. 467.	la ville de Cesaree en la Palestine est prise finalement par les Sarrazins. 274
Carlomā fils du Roy Charles trouble toute la Frâce de meurtres & voleries. 480. Il a les yeux creuez. 481.	Cesarius Euesque d'Arles enuoie en exil à Bourdeaux. 123.
Carloman & Loys troisieme Roi de France. 490.	Cesarius Euesque d'Arles en grande reputation à cause de sa doctrine & bonne vie. 128.
Carthage occupee par Genserich. 53.	Chaallons sur la Saone bruslee. 434.
Carthage prise, puis regagnée sur les rebelles. 257.	Chaallōs en Champagne est prise & destruite. 595
les Cassiotes s'esleuent contre les Maurophores. 360	Chabdan ayant remis sus une armee de Sarrazins, entre dedans les prouinces de l'Empire. 594.
Castille la vieille, & Castille la neufue, & le commencement de Castille. 325.	Chanar Comte de Bretagne, fait mettre à mort tous ses freres. 173.
Castille erigee en Comté. 524.	Chaian prince des Auarois fait cruellement la guerre aux villes d'Illyrie. 212.
commencement des royaumes de Castille & Aragon. 664.	Chaian contre l'accord fait avec l'Empereur, se met à faire la guerre aux villes de la Mesie. 218. Il gagne plusieurs belles victoires sur l'Empire Romain. 219.
Castinus Comte des Domestiques est enuoie contre les François. 27.	Chaian cherche toutes occasions de quereller contre les Romains. 226.
Castinus avec Boniface font teste aux Alains & Vandales. 37.	Chaian deffait un grand nombre de Boioariens. 229.
Castinus entreprend de se vanger sur l'Afrique. 41.	Chaian contracte alliance avec Agilulfe Roy des Lombards. 222.
Castinus est enuoie en exil. 41.	Chaian ayant mis sus ses forces, se ruë dedas la Dalmatie. 234.
Cataric a la seigneurie & les appartenances des Moriniens. 94.	Chanoines instituez premierement. 371.
Canades ou Cābades Roi des Perses, est depose. 113.	Chanoines reguliers de saint Augustin en l'Eglise de saint Quentin de Beauvais. 764.
Canades estant eschappé de prison se remet en son Royaume de Perse. 116.	Charles Nanjion fils d'Austrasius Duc de Tongrie & de Brabant. 123.
Canades fait paix avec l'Empereur Romain. 117.	Charles Nasson mourant laisse trois fils. 160.
Canaladrus Roy de la grande Bretagne. 299. meurt à Rome. 300. & 304.	Charles Martel eschappe des prisons de sa marastre Pleetrude. 322. Il met en route Chilperic. 323. & 324. Vent acheuer de reduire sous sa main ce qu'il restoit du Royaume d'Austrasie. 326
Cazimire Roy de Pologne mene une armee en la Massonie qu'il conquist. 703. Il meurt. 726.	Charles Martel se fait rendre Chilperic. 326. Il contraint Renfroy de venir à composition. 327. Il chastie les Bauariens. 329.
Ceadragō Roi des Abrodites est priué de son Royaume. 422. Il est malheureusement accusé enuers l'Empereur Loys. 427.	Charles Martel fait un merueilleux carnage de Sarrazins deuant Tours. 331. Il mene son armee contre les Bourguignons. 332.
Celarius Euesque d'Arles, personnage docte. 291.	Charles Martel desconfit les Frisons, & reserre les Vuisigoths.
Celestinus I. du nom, fils d'un Priscus citoyen Romain, est esleu Pape. 39. & 40.	
Celestin I. Euesque de Rome meurt. 48.	
Celestinus, disciple de Pelagius, maintient & auance l'heresie de son maistre, en Afrique. 25.	
Celse Iurisqueult, patrice & gouverneur de la Bourgongne. 191.	
Celse retire des mains des occupateurs la ville d'Arles. 193.	
Celrede Roi des Mericiens d'Angleterre meurt. 326	

de la Bibl. historique.

- Vvisigoths.* 334. Il assiege *Auignon.* 335. Il assiege *Athin* dedans *Narbonne.* 336. Il deffait les *Sarraxins.* 337. Il ramene le *Languedoc* en la subiection des *François.* 338. Il meurt à *Paris.* 342.
- Childebrand* oncle de *Charles Martel* poursuit les *Vvisigoths.* 334. & 335.
- Charles* surnommé depuis le *Grand*, fils de *Pepin*, naquit. 342.
- Charles* prèd en mariage la fille ou sœur de *Desier* roi des *Lōbards.* 364. Il mene son armee en *Saxe.* 366.
- Charles* s'en va faire ses *Pasques* à *Rome.* 367. De la donation qu'il fit au *siège Romain.* *ibid.* Il va cōtre les *Saxons.* 369. & 371. Leur fait recevoir la religion *Chrestienne.* 373. Il passe les mōis. 374. Il se delibere de tenir un *Parlement general* tous les ans en *Saxe.* 375.
- Charles* recoit humainement les *Saxons* à composition. 377. Il ramene les *Bretons* à obeissance. 378. Il passe les *Alpes* contre le *Duc de Beneuct.* 379. Il tiēt sa cour à *Vornes.* 382. fait cōstruire à *M.* jence un pont de merueilleuse structure. 384.
- Charlemagne* seul vray *Empereur*, depuis le trespas dudit *Valentinian.* 73.
- Charles* & *Carloman* enfans de *Pepin* sont couronnez à *Rome* par *Zacharie.* 353.
- Charles* mene son armee contre les *Saxons.* 386. Les recoit à *mercy.* 389. Il recoit les presens du patriarche de *Hierusalem.* 391. Il fait des additions à la *loy Salique.* 400.
- Charles* fait partage à ses enfans. 403. Il met plusieurs armees aux chāps. 404. la ville de *Hierusalem* luy est dōnee par le *Roi de Perse.* 405. Trois armees sont par lui enuoiees en autāt de contrees. 410. & 411.
- Charles* tient un *Parlement general* à *Aix la chapelle.* 413. Il meurt. 415.
- Charles le Chauue* est pournen de toute la *France Orientale.* 438. 440. & 444. Il mene une armee en *Aquitaine* cōtre *Pepin* son nepueu, laquelle est deffaite. 445. Il fait accord avec *Neomene* prince des *Bretons.* 449. Il entre pour la 5. fois en la petite *Bretagne.* 454.
- Charles le Chauue* se fait oindre & sacrer *Roy* en la ville de *Limoges.* 457. Il se veut emparer du *Royaume de Prouēce.* 460. Il fait retirer les *Alle-mans.* 461. Il fait celebrer deux conciles. 462. Sous luy les sciences florissent. 463.
- Charles le Chauue* est receu par les *Lorrains* pour leur *Roi.* 473. Il recoit la courōne imperiale. 484. Se veut assseurer de l'estat d'*Italie.* 485. Passe en la *Lombardie.* 487.
- Charles* *Roy de Prouence* meurt sans laisser aucuns enfans. 460.
- Charles* fils de *Pepin d'Aquitaine* ayant exercé l'archeuesché de *Majence* meurt. 467.
- Charles* prince d'*Aquitaine*, fils du *Roy Charles le Chauue*, meurt. 468.
- Charles* fils du *Roy Charles le Chauue* est mis à mort par mesgarde. 481.
- Charles* 3. dit le *Gros*, *Empereur* 7. des *François.* 492 et 499. Il deuient hebetē de sens et d'entendement. 501.
- Charles le Simple* est *Roy de France.* 533. Il est de-laiſſé de tous les princes et primats de son *Royaume.* 541. Il fait paix avec l'*Empereur Henry.* 542. Il meurt. 554.
- Charles Constantin* fils de *Loys l'Aueugle* *Empereur d'Italie.* 556.
- Charles* *Duc de Lorraine* oncle paternel de *Loys* *Fai-neant*, estoit le plus proche à luy succeder à la couronne. 620. & 621.
- Charles de France* cy deuant *Duc de Lorraine*, engendre deux fils estant prisonnier à *Orleans.* 662.
- Charloman* fils de *Charles* surnommé *Hasbain* *Duc de Tongrie* & de *Brabant.* 215.
- Charamnus* s'esleue contre *Clotaire* son pere. 183.
- les *Chartreux* instituez en *Frahce* par *Bruno.* 778.
- Cheuirrede* *Roy des Merciens d'Angleterre*, quitte volontairement son *Royaume.* 317.
- Cherebert* ou *Charibert* *Roy de Paris* meurt. 198.
- les *Chersonesiens* du pont *Euxin* se rebellent contre *Iustinian.* 318.
- Chcuelure* longue, & de façon royale. 34.
- Cherula* enuoie par *Theodoric* pour courir la *Be-thique.* 76.
- Childebert* & *Gontran* ne sont entor bien contents l'un de l'autre. 222.
- Childebert* aîné des enfans de *Clouis* se fait nommer *Roy de Paris.* 133.
- Childebert* se met en possession de la cité de *Clermont* en *Auvergne.* 147.
- Childebert* complotte avec *Clotaire* de faire tondre les enfans du feu *Roy Clodomire.* 153.
- Childebert* & *Clotaire* sont en mauuais mesnage. 162.
- Childebert* fonde l'abbaye de *S. Germain* des prezeux *Paris.* 179.
- Childebert* est retiré de ce monde par la mort. 186.
- Childebert* ou *Cherebert* commence à gouverner le *Royaume d'Austrasie* en son nom. 204.
- Childebert* reconferme l'alliance qu'il auoit iuree avec *Chilperic.* 212.
- Childebert* *Roy d'Austrasie* meurt avec sa femme tout en un mesme iour. 235.
- Childebert* 2. du nom, *Roy de France.* 306.
- Childebert* 2. *Roi de France* fait guerre à *Vvillarius* prince rebelle. 316. Il meurt. *ibid.* & 319.
- Childeric* fils de *Merowee*, *Roi des François.* 60. et 61.
- Childeric* *Roy des François* est rappelé. 87.
- Childeric* fait une grande tuerie des *Saxons.* 98.
- Childeric* *Roy des François* s'appointe avec *Odoacre* & les *Saxons.* 99.
- Childeric* fait factiō avec *Clotaire* pour recouurer le

Table de la seconde partie

Royaume de Bourgogne.	152.	Chosroes Roy de Perse se propose de hazarder toute sa puissance à venger la mort de Maurice.	239.		
Childeric Roy d'Austrasie se fait couronner Roy de France au contentement de tous ses subiets.	291.	Chosroes menace de ne se deporter de guerroyer les Chrestiens.	250.		
Childeric Roy de France est massacré reuenant de la chasse.	294.	Chosroes est acculé au siege de Chalcedone, & en fin contraint en departir sans rien faire.	258.		
Childeric & sa femme sont degradez de la dignité Royale.	351.	Chosroes perd le Royaume de Perse & sa vie, qui luy sont ostez par son fils aisné.	259.		
Chindasuinde, homme puissant & bien apparenté s'empare du Royaume des Visigoths.	274.	Chramne apres s'estre reconcilié à son pere tombe derechef en rebellion.	188.		
Chindasuinde declare son fils Roy & heritier de sa couronne.	277. Il meurt.	281.	les Chrestiens viuans souz les Sarrazins, sont fort durement traictez.	412.	
Childibius capitaine, à qui le gouuernement de la Thrace est donné.	148.	les Chrestiens Espagnols mettent le siege devant la ville de Talapere au Royaume de Castillan de Toled.	508.		
Childibius Lieutenant de l'Empereur Iustinian au pays de Thrace est desconfit & tué par les Esclauons.	153.	les Chrobates sont subinguez & reduits en l'obeissance de l'Empereur de Grece.	671.		
Chilianus moine Escoffois conuertit les Franconiés à la religion Chrestienne.	302.	Chrocin maire du Palais d'Austrasie, personnage vertueux & utile à la republique.	193.		
Chilperic Roy des François.	77.	Chulpia capitaine des Danois est fait Chrestien.	561.		
Chilperic fait paroistre la mauuaise volonté qu'il portoit à ses freres.	190.	Chrumne Roy de Bulgarie cesse de regner.	422.		
Chilperic est le premier qui commence à quereller la succession de leur feu frere.	199.	Chuno ou Conrard est inuesti de la Duché de Baviere.	712.		
Chilperic retire la ville de Tours & autres de dessus la Loire.	200.	Chirurgites, heretiques en vogue entre les Arabes.	287.		
Chilperic se met de confederation avec le Roy Gontran.	202.	Chutinas prince de Mauritanie met toute l'Afrique en trouble.	190.		
Chilperic mene une armee en la Champagne contre le Roy Sigebert.	204. Il se vient mettre dedans Paris.	205.	Chrysargire, tribut aboly par Anastasius.	III.	
Chilperic enuoie Brunehilde en exil à Rouen.	206.	Ciafas parent d'Abdimelech prend Damas, & toutes les autres prouinces des Sarrazins & Mahometistes.	305. Il est dechassé par Abderracman de Perse.	309.	
Chilperic enuoie une armee en la petite Bretag.	209.	Cincius fils du preuost de Rome prend captif le Pape Gregoire.	761.		
Chilperic inuente quatre lettres Françoises.	210.	Cintilla paruiet apres le trespas du ieune Riccard de à la couronne des Visigoths.	256.		
Chilperic retournant de la chasse est massacré.	213.	Circesium assiege par le Roy de Perse.	198.		
Chilperic est renuoié à Charles Martel par Eudes Comte d'Aquitaine.	326.	Claudianus Euesque Chrestien.	5.		
Chilperic est tiré du monastere pour le faire Roy.	322. Il court avec une armee iusques dedas le pais de Cologne.	323. Il est mis en route par Charles Martel.	323. et 324. Il se retire en Aquitaine.	326.	
Chaba fils d'Attila s'en retourne en son ancien pays de Scythie.	85. Ses enfans & successeurs.	ibid.	Clarianus patrice et gouuerneur du pays pour l'Empereur.	100.	
Chochilaic Roy des Dannois est honteusement desconfit par Theodebert.	136.	Claude Euesque de Turin Espagnol de nation.	419.		
Chosroes s'acquiert une grande reputation & renommee à cause de ses victoires.	151.	Clement antipape mis hors de prison.	772. 775. 776.		
Chosroes mene aux Laziens une armee pour en chasser les garnisons Romaines.	166.	Clermont en Auvergne retirée par Theodoric.	153.		
Chosroes veut recouurer les forteresses perdues au pays des Laziens.	182. Il meurt.	ibid.	Clephe est esleu Roy des Lombards.	199. Se met en deuoir d'amplifier le Royaume.	200.
Chosroes depose Nichogran de sa charge, & le fait escorcher tout vif.	184.	les Cloches dediees & consacrees au seruice de Dieu.	606.		
Chosroes Roy des Perfes assiege Circesiu.	198. et 199.	Clodamire fils de Clouis, Roi d'Orleans & de Bourgogne.	133.		
Chosroes signifie la guerre à l'Empereur, & se vient ietter dedans l'Armenie.	204.	Clodomare Roy d'Orleans est mis à mort par les Bourguignons.	144.		
Chosroes se rend odieux à toute la noblesse.	222.	Cloderic fils de Sigebert, surnommé le Boiteux, Roy de Cologne.	125.		
		Clodion fils de Pharamond Roy des François.	46.		
		Clodio mene son armee cõtre ceux de Therouane.	57.		
		Clodion			

de la Biblioth. historique.

Clodion surnommé le Chevelu meurt, laissant 3. fils legitimes. 60.	Pierre & S. Paul fondée par luy à Paris. 133. de ses enfans & du partage d'iceux. ibid.
Clodulfe fils d'Arnoul est heritier des terres de Mosellane. 249.	des quatre fils de Clouis, & de leur partage. 189.
Clodulfe 2. fils de S. Arnoul Duc de Mosellane, & frere du Duc Anchesise, renonce volontairement aux affaires de ce monde. 279.	Clouis 2. du nom fait oster l'or & l'argent de la conuerture de l'eglise S. Denis, pour en subuenir aux indigens & neceſſiteux. 285. Sa mort. 286. & 288.
Clotaire fils de Clouis roy de Soissons. 133.	Clouis fils de Childeric, roy des François. 104.
Clotaire donne secours à son frere Theodoric roy de Mets. 145.	Clouis fils de Chilperic est chassé de Tours. 199.
Clotaire prend en mariage la niece du roy Hermefroy. 147.	Clouis 3. du nom, roy de France meurt. 306.
Clotaire roy de Soissons veut prendre le tiers du reuenue des eglises. 179.	le Code Theodosien compilé, & mis en usage. 49.
Clotaire se met en possession du royaume & des Estats de Theodebal son frere. 182.	le Code de Iustinian, commence de nouveau à prendre cours & auctorité es indications par tout l'Empire. 154.
Clotaire remet son armee aux chaps, & va renouir les Saxons. 185.	S. Colombain moine de la nation d'Escoſſe fonda en Bourgongne un monastere. 246. dechassé de la court d'Austrasie se retire en Alemaigne. 252.
Clotaire monarque des François, meurt. 189.	S. Colombain chassé de la cour du roy d'Austrasie se retire en Alemaigne pour y prescher l'Euan-gile. 252.
Clotaire 2. du nom est déclaré successeur & heritier des estats de son pere. 213.	Colombain conuertit les Piſtes à la religion Chre-stienne. 186.
Clotaire est reduit à grande extremite par les rois d'Austrasie & d'Orleans. 238.	Colonus François de nation est fait patrice de Prouence. 238. & 239.
Clotaire riche, puissant & bien obey de ses sub. ts. 236.	Comete admirable au ciel. 264.
Clotaire assemble les estats de Bourgongne à Troyes en Champagne. 262.	Comte est tiltre de dignite. 99.
Clotaire meurt, laissant deux fils de 2. femmes. 263.	Commentiolus est enuoyé contre les Perses par l'Empereur. 220.
Clotaire roy titulaire de France meurt. 326.	Conund roy des Gepides entre en guerre contre les Lombards. 170.
Clotilde est mariee au roy Clouis. 109.	Conan Duc de Bretagne meurt sans laisser aucuns enfans. 737.
Clotilde induit ses enfans à prendre vengeance de son pere & de sa mere. 144.	Conan le ieune est retiré par les Bretons des mains du Comte Eudes son oncle. 34.
Clotilde par ses prieres empescha que ses enfans ne se donnerent bataille. 162.	2. Conciles d'Euesques celebres, l'un à Turin, & l'autre à Capua. 4.
Clotilde royne de France veufue du feu roy Clouis, meurt. 177.	3. & 4. Conciles de Carthage. 6.
Clouis naquit. 87.	Concile 1. de Tolette. 9.
Clouis reduit en son obeissance toute la Comté de Soissons, avec les dependances d'icelle. 108.	Concile 5. de Carthage. 9.
Clouis fait guerre aux Turingiens, & les cōtraint de prendre la loy de luy. 112.	2. Conciles, un assemble à Chalcedone, & l'autre à Constantinople. 13.
Clouis estend les limites de sa domination iusques à la riuere de Seine. 114.	2. Conciles celebres, un à Constantinople, & l'autre en Alexandrie. 19.
Clouis fit tant par ses prouesses qu'il allongea son royaume iusques en la petite Bretagne. 115.	Deux Conciles en Angleterre sous Anselme archeuesque de Cantorbie. 3. part. 22.
Clouis a guerre contre les Allemans. 117. Se fait baptizer par S. Remy en la ville de Rheins. ibid.	2. Conciles assemblez en Afrique, l'un en Numidie appellé Mileuitain, l'autre à Carthage. 25.
Clouis à l'instance de sa femme deffait le roy Gondebaut en champ de bataille. 119. & 120.	Concile assemble en la ville de Cyrthe en la Numidie. 28.
Clouis & Alaric se promettent amitié & banquettent ensemble. 122.	Concile assemble en la ville de Telea. 29.
Clouis taille l'armee des Visigoths en pieces prez des Poitiers. 125.	Concile prouincial des Euesques de Gaule. 29.
Clouis trouue à Tours les Ambassadeurs d'Anastasius enuoyez avec presens. 127.	Concile 6. de Carthage. 30.
Clouis meurt, & est ensepulture en l'eglise de S.	Concile assemble en la ville d'Hippo contre les Arriens. 39.
	Concile Agatense. 42.
	Concile assemble à Rome contre Nestorius. 45.

Table de la seconde partie

Concile general assemble à Ephese.	46.	2. Conciles provinciaux en la cité de Paris.	186.
le 3. Concile general assemble à Ephese.	47.	le 2. Concile de Tours.	193.
3. Conciles celebres, l'un à Pamphile & à Rome,		le 1. Concile de Lion est celebre.	195.
& l'autre à Antioche.	47.	1. & 2. Conciles de Braccara en Espagne.	198.
un Concile celebre au Liege, un autre en Hierusa-		Concile celebre en l'isle de Grado dependente de	
lem, & deux à Rome.	53.	Venise.	207.
le 1. Concile d'Aurenges en Languedoc.	55.	2. Conciles assemblez, l'un à Paris, l'autre à Bre-	
2. Conciles de Vefense celebres.	56.	miac.	207.
2. Concile d'Aurenges.	57.	Concile des prelates de Bourgongne tenu à Chaallös	
Concile de Carpentras.	57.	sur Saone.	209.
Concile de Constantinople.	62.	le 2. Concile provincial celebre à Lyon.	215.
Concile assemble en Ephese.	63.	le 2. Concile celebre en la ville de Mascon.	217.
Concile general de Chalcedone.	66.	le 3. Concile de Mascon est celebre.	224.
Concile celebre en Orient par les Euesques des dio-		2. Conciles provinciaux sont celebres en France,	
ceses d'Antioche & de Hierusalem.	67.	l'un à Lyon, & l'autre à Poitiers.	226.
le 3. Concile celebre en la ville d'Arles en Pro-		un Concile provincial est celebre à Mets.	236.
uence.	70.	Concile provincial tenu à Luce en Espagne.	243.
Concile Venitien.	76.	Concile tenu à Rome.	244.
Concile celebre en la ville de Tours.	77.	Concile provincial celebre en la ville de Mascon.	
Concile de Beneuent.	780.	245.	
Concile celebre à Rome.	84.	le Concile d'Auxerre.	248.
Concile tenu à Carthage tant par les Catholiques		Concile celebre en l'isle de Mona entre les prelates	
que Arriens.	96.	d'Angleterre & d'Ecosse.	248.
Concile d'Euesques Arriens assemble en Afrique.		le 2. Concile de Senille en Espagne celebre.	253.
102.		Concile assemble au diocese de Hierusalem.	267.
Concile assemble à Rome.	104.	le 4. Concile de Tolette.	268.
Concile assemble à Constantinople.	111.	plusieurs Conciles tenus tant à Rome, qu'en Afri-	
le Concile dict Epamenise est celebre.	113.	que, Numidie & Mauritanie.	270.
Concile assemble à Rome.	114.	Concile provincial celebre en Hierusalem.	270.
Concile celebre à Rome.	114.	le 6. Concile de Tollette est celebre.	272.
7. Conciles celebres, un à Ravenne, & 6. à Rome.		plusieurs Conciles tenus en Afrique.	275.
118.		le 7. Concile de Tolette.	277. & 284.
Concile celebre à Constantinople.	118.	le 8. Concile de Tolette.	285. le 9. 28. le 10. 286.
Concile celebre à Rome.	119.	Concile provincial celebre à Herdfort en Angle-	
Concile tenu à Rome.	120.	terre.	293.
2. Conciles assemblez par Symmachus à Rome.	121.	Concile 11. de Tolette.	294.
2. Conciles celebres en Espagne l'un à Ilerde, &		Concile celebre en l'Archeuesché de Milan.	297.
l'autre à Valence.	123.	Concile de Constantinople que l'on appelle 6. uni-	
Concile tenu à Rome.	134.	uersel.	298.
Concile de Terracin.	135.	le 13. Concile de Tolette.	300.
Concile Gerundese.	136.	le 15. Concile de Tolette.	305.
Concile assemble à Constantinople.	137.	le 17. Concile de Tolette.	307.
Concile de Sarragosse en Espagne.	137.	Concile en la ville de Niden en Angleterre.	308.
Concile tenu en la basse Syrie.	138.	Concile assemble en Angleterre.	317.
Concile de Tolette en Espagne.	148.	Concile assemble en Angleterre.	322.
Concile de Constantinople, & d'Orleans.	163.	Concile assemble à Rome.	327.
le 2. Concile d'Orleans.	156.	Concile des prelates de la Germanie assemble à	
Concile provincial celebre en la ville d'Auvergne.		Maience.	327.
168.		2. Conciles l'un celebre à Rome, & l'autre à Soif-	
Concile provincial assemble à Constantinople.	158.	sons.	346.
Concile d'Orleans est celebre.	174.	Concile tenu à Rome.	364.
Concile de Constantinople.	175. & 177.	Concile tenu à Constantinople.	378.
Concile assemble à Constantinople.	180.	le Concile appelle Elibertin.	385.
le 5. Concile d'Orleans.	180.	Concile assemble en la ville de Salthbourg en Ba-	
2. Conciles provinciaux sont celebres.	180.	uiere.	399.
Concile provincial celebre à Paris.	185.	Cöcile provincial tenu à Halle en Allemagne.	400.
		5. Conciles	

de la Bibl. historique.

5. Conciles provinciaux celebres en autant de villes.	414.	Conrad Duc de Baviere frere du ieune Empereur, meurt.	724.
Concile tenu à Aix la chappelle.	422.	Constans est enuoyé par son pere en Espagne avec Gerontius.	18.
Concile tenu à Aix la chappelle.	430.	Constans assiégedans la ville de Vienne, pris & occis.	23.
Concile assemblée à Soissons.	455.	Constans fait mettre à mort son propre frere Theodose. 285. Il entreprend de faire la guerre aux Lombards.	286.
2. Conciles d'Euesques assemblez, l'un à Valence, l'autre en la Lombardie.	472.	Constans resigne aux Sarrazins le droit qu'il pretendoit en Damas & en la Syrie.	288.
Concile celebré à Maience.	472.	Constans pour ses mauuaises mœurs & exactions est occis.	290.
3. Conciles celebres en France.	487.	L'Empereur Constans fait prendre à son fils le nom d'Auguste. 282. Il mene une armee contre les Esclauons.	284.
Concile provincial celebré à Reims.	511.	Constantin contraint Constantin de renoncer à la dignité imperiale, & se rendre à sa mercy.	23.
Concile assemblée en Angleterre.	610.	Constantius dechasse les tyrans de l'Empire. 26. ses autres faicts.	ibid.
Concile provincial tenu à Venise.	698.	Constantius espouse Placidia la sœur d'Honorius. 26. & 28.	
Conciles assemblez à Rome, à Constantinople & à Ephese.	65.	Constantius prend Fridibalde Roy des Vvandales prisonnier.	29.
Concile des prelates de Germanie celebré en la ville de Constance.	704 & 708.	Constantius se ioignant avec le roy Vvallia, fait guerre aux Vvandales.	31.
Concile celebré à Rome.	709.	Constantius Cesar mary de Placidia est faict participant de la dignité d'Auguste.	32.
Concile assemblée à Basle.	733.	Constantius se laisse mourir de desplaisir.	36.
Concile de Mantouë.	738.	Constantin fait Empereur par les legions Romaines.	16.
Concile de Rome.	739.	Constantin fait venir à son secours un grand nombre d'Allemands & François.	21.
Concile provincial en Angleterre.	749.	Constantin regne seul avec son fils Iustinian. 297.	
2. Conciles assemblez en l'Eglise de Latrā à Rome.	708.	Constantin Pogonat porte le tiltre d'Auguste, & est couronné.	282.
Concile celebré à Rome.	769.	Constantin Syluanus remet au dessus l'heresie des Paulinianistes.	282.
Concile celebré en la Pouille.	772.	Constantin Pogonat meurt.	301.
Concile celebré à Maience.	775.	Constantin I. du nom pape de Rome. 315. Il meurt.	323.
Conference & dispute entre les Catholiques & Donatistes à Carthage.	23.	Constantin est par l'Empereur son pere designé Empereur & couronné.	327.
Congallus roy d'Escoffe meurt, laissant plusieurs enfans.	120.	Constantin l'Empereur entre en defiance d'Artabasdus. 342. & entre de force dedans Constantinople.	343.
Conimbrie prise par le roy des Sueues.	82.	Constantin patriarche de Constantinople. 354. Il depose.	362.
Conan ou Chuno est declaré pape.	302.	Constantin mene une armee en la Syrie. 347. Il assemble un concile à Constantinople pour les images 353. Il seme l'heresie des Paulianistes. 354.	
Conoobre ou Conabo comte de la petite Bretagne.	188.	Il est desconfit par les Bulgariens. 358. Il gaigne sur eux une victoire.	360.
Conranus roy d'Escoffe est occis.	156.	Constantin l'Empereur fait perpetrer de grandes cruautés contre ceux qui maintenoient la veneration des images. 361. Il impugne l'intercession	
Conrad Duc de Franconie est tué en une bataille.	529.		
Conrad Duc de Franconie est esleu Empereur.	533.		
Les dissensions & rebellions se rallument contre luy. 537. Il prend les freres du Duc de Suabe, & leur fait trencher la teste. 538. Il retourne en Baviere, & met tout le pais en son obeissance. 539. Il meurt.	540.		
Conrad dict le sage, Duc de Lorraine, espouse Luitgrande fille de l'Empereur Othon.	576.		
Conrad roy de la Bourgongne transjurane succede à la souveraineté du Royaume d'Arles.	580.		
le Duc Conrad fait venir une grande troupe de Hongrois à son aide, qui gastent toute la Lorraine.	583.		
Conrad roy de la Bourgongne transjurane meurt.	629.		
Sa lignee & posterité.	ibid.		
Conrad Duc de Franconie entreprend la guerre contre Albero comte de Carinthie.	668.		
Conrad l'Empereur mene une armee en Hongrie contre le roy Estienne. 682. Puis en la Bourgongne.	685.		

Table de la seconde partie

Dagobert

de la Bibl. historique.

Dagobert estant au lieu d'Espinau pres la riuere de Saine meurt.	277.	cale de Venise.	359.
Doneuald Roy d'Escoffe meurt.	280.	Dom, tiltre & surnom, dont les Rois, Princes, & seigneurs d'Esbaignent s'accommodent.	325.
la Dalmatie, Seruie & Croatie se rebellent contre l'Empereur de Grece.	462.	Domnus est esleu pour gouuerner l'Eglise Romaine	262. 295. & 296.
Dalmatius Euesque de Rhodes, homme de grande sainteté.	192.	Donald 6. Roy d'Escoffe.	529.
Damian Amiras des Sarazins de Tyr fait la guerre aux provinces de l'Empire de Grece.	531.	Dogrissa ou Axan second Empereur des Turcs.	766.
Dannemarc, & le commencement du cöpte de leurs ans.	701.	la Donation des möts Apennins & de la Ligurie faite à l'Eglise de Rome, est renouvellee & cöfermee.	323.
Daniel Drem Rus, Roy de la petite Bretagne.	334.	les Donatistes sont priuez du droit de tester, & de faire donation de leurs biens.	27.
les rois de Dannemarc ou de Noruerge, & des Abodrites se font baptizer.	558.	Dongal Roy d'Escoffe.	431.
les Dannois abordent premierement en l'isle d'Angleterre, & la pillent.	381.	Dongard 13. Roy d'Escoffe est occis.	84.
les Dannois estans de rechef entrez en Angleterre sont lourdement desconfits.	471. & 481.	Dorstorlogus Roy des Pictes en la grad Bretagne.	423.
les Dannois repassent encore en Angleterre, & s'en font possesseurs.	482.	Dragon premier comte des Normas en la Pouille.	714.
les Dannois estant venus prendre terre en Frise, sont desconfits par l'Empereur.	561.	Duchex, Comtez & gouuernemēs deuient hereditaires.	520.
Datus Archeuesque de Milan, en grande reputatiö de sainte vie.	166.	Duizio fils d'Attila, Roy du reste des Huns.	86.
Decimus Rusticus Agratius, premier secretaire de Iouinius, occis.	24.	Dunstanus moine & musicien est institue Archeuesque de Cantorbie.	591. & 592.
Decimus Rusticus grand maistre de Constantin.	21.	E	
Deira Prouince de Nortübellande erigee en Royaume.	123.	Ebles comte d'Auuergne, de Poitou & duc d'Aquitaine meurt.	561.
Denis Abbé de Rome, fort entendu en l'astrologie, met en auant la demonstration du cycle paschal.	153.	Ebroin höme cruel & malicieux, Maire du Palais de France.	289. & 298.
le corps de S. Denis Arcopagite où il est.	514.	Ebulo Abbé de saint Germain est tué deuant une ville d'Aquitaine qu'il tenoit assiegee.	512.
Didier Euesque de Vienne est mis à mort par le commandement de Theodoric Roy d'Austrasie.	245.	Ecbert ou Ecbreht Roy de Kants en Angleterre.	293.
Didimus & Verianus deux Lieutenans d'Honorius en Esbaigne.	19.	Edebald 6. Roy de Cantebrug.	278.
Diodorus Euesque de Tharse maintient l'heresie de Nestorius.	48.	Edebert Roy de Northumbellande.	179.
les Digestes colligees par Trebonianus.	147.	Edelbert 5. Roy du Kants ou des Anglois orientaux.	194.
Dinanius Euesque d'Angoulesme.	14. & 82.	Edelfrede Roy de Marthumbellan de gangne une grande victoire sur Edun Roy d'Escoffe.	239.
Diogenien Euesque d'Albi.	14. & 82.	il est deffait & occis	250. 252.
Dioscorus dechassé de l'Eglise d'Antioche, est receu par S. Iean Chrysostome.	13.	Edelworlphe dernier Roy de Kants en Angleterre perd son Royaume.	414.
Dioscorus successeur de Ieä troisieme en l'euesché d'Alexandrie.	135.	Edilrede Roy des Merciens fait en ce temps guerre au Royaume du Kants.	294.
Dirrachium, dicté Durrazzo, est merueilleusement gastee du feu du ciel.	140.	Edmond Roy d'Angleterre meurt aiant malheureusement esté mis à mort par un voleur.	575.
Dominique Flabaure Duc de Venise.	713.	Edobecchus conducteur des François.	21.
Domnus ou Domino Euesque d'Antioche.	55.	Edobinochus, capitaine François.	17.
Dominic Leon maistre de la gendarmerie de Venise.	340.	Edouard Roy des Anglois de Kants, meurt.	549.
Dominic Monegarre est degradé de la dignité du-		Edouard 2. fils du feu Roy Ethelrede mene une armee de Normandie en Angleterre.	667.
		Edouard Roy d'Angleterre reçoit un mandement du Pape de chasser les prestres mariéz.	733.

Table de la seconde partie

Edouard Roy d'Angleterre meurt sans enfans. 738.	l'une des femmes de Mahomet. 263. & 266.
Eduin fils d'Atla regne au Royaume de Deire en Angleterre. 158.	Ennicus ou Eneco, surnommé Arista, premier Roy de Nauarre, decede. 541.
Eduin Roy de Northumbellade est institué en la religion chrestienne, & baptizé avec toute sa famille. 259.	Eorix est tué par ses gens. 84.
Eduin est si odieux à ses subiets, que les Merciens & Northumbriens se rebellent contre luy. 589.	Epiphanius Euesque de la ville de Salamine en Cypre. 9.
Egebert Roy des Anglois meurt. 334.	Epiphanius meurt s'en retournant de Constantinople en son diocese. 12.
Egbert Roy des Saxons occidentaux annexe le Royaume de Kants au sien. 414. Il meurt. 438.	Epiphanius Euesque de Pauc, homme de grande reputation. 89. & 116.
Egdare Roy d'Angleterre meurt, laissant un fils nommé Edouard. 608.	Epiphanius Euesque de Constantinople. 140.
Egdius est contraint de quitter Clermont. 93.	Ercembauld maire du Palais de France. 289.
Egdius Senateur de Bourgongne qui nourrit 4 mille pauvres de ses propres facultez. 103.	Erthombert Roy de Canteburge. 278.
Egfrede Roy des Northumbriens en Angleterre, commence à regner. 292.	Eres, dont l'origine se doit prendre 38. ans deuant la Natiuité de nostre Seigneur. 21.
Egfrede mene une armee contre les Piétes en Hibernie. 299. est deffait & occis. 300.	Eric Roy des Vvisigots assiege la ville de Clermont. 93. Il declare son fils son heritier. 105.
Egfrede Roy de Northumbellande estant surpris de deuotion, renonce aux estats de ce monde. 354.	Eric surnommé Arufel, 3. Roy de Sueffe & de Gothie, est mis à mort par les Seigneurs de son Royaume. 616.
Egica Roy des Vvisigots. 304. & 309.	Eringius Roy des Vvisigots. 304.
Eginhard secretaire de l'Empereur Chales, homme docte, & assez bien exercé es deux stiles. 409.	Ermeneric Roy des Suenes est vaincu & mis en route par les Vandales. 29.
Egippius Abbé escrit une reigle pour ses moines. 201.	Ernac fils d'Attila est chassé de la Pannonce. 77.
l'Eglise de Hierusalem est troublée de factions. 69.	Erneste Duc de Suabe ou d'Allemagne est casuellement nauré estant à la chasse. 663.
l'Eglise troublée par l'ambition & auarice des superieurs. 219.	Erneste Duc de Suabe & Vvarnier, Comte en Suabe sont desconfits & tuez. 68.
les Eglises d'Angleterre & d'Escoffe se mettent d'accord. 288.	Esclauons, & de l'origine & commencement de leur nation. 148.
Egna prince fort sage & vertueux, est Maire du Palais de Dagobert. 277.	les Esclauons ayant passé le fleuve Ister, courrent tout le pays de l'Illyrie. 164.
Eirene fille de Chaien, prince de Cazarie, est mariee à Constantin fils de l'Empereur Leon. 337.	les Esclauons s'espandent par les provinces Romaines en deux troupes. 174.
Eirene fait rassembler les Euesques. 380. elle fait commencer le Concile à Nicee en Bethinie. 381. elle meurt. 400.	les Esclauons rauagent le païs iusques aupres d'Adrianopolis. 175.
Eldebald Roy de Kants en Angleterre. 257.	de l'origine & arriuee des Esclauons es païs de Pologne & de Boëme. 176.
Eleuthere Euesque de Tornay. 160.	les Esclauons ayans de rochef passé le Danube, viennent courir & rauager les provinces Romaines. 179.
Eleutherius gaigne la victoire contre Campsin. 249. Il est mis à mort par ses gens. 251.	les Esclauons courent toute la coste de l'Istrie & de l'Illyrie. 240.
Eleuthere fils de Martin se voulant dedier à la vie monastique resigne ses biens à son frere. 308.	les Esclauons entrez dedans la Duché de Friul, mettent en pieces le Duc Fredulfe avec son armee. 313.
Elfreda Royne des Merciens meurt sans enfans. 533.	les Esclauons sont lourdement estrillez par Iulien Duc de Friul. 326.
Ella capitaine Saxon arriue en Angleterre. 101. & 123.	les Esclauons Vvulfes se rendent tributaires des François. 381.
Enbecer ou Enbochara surnommé Abdalla, pere de	les Esclauons qu'on appelloit Liuoniens & Siciliens se veulent emanciper de la subiection des fils de Loys defunct Roy de Germanie. 488.
	les Esclauons courent le pays de Saxe. 528.
	les Esclauons sont subiuguez par les Lieutenans de l'Empereur. 595.
	d'Escoffe

de la Bibl. historique.

d'Escoffe, & de l'origine & commencement d'iceluy Royaume.	38.	Ethelrede Roy des Anglois.	470.
les Escoffois accompagnez des Piétes font beaucoup d'outrages & maux aux Bretons.	58.	Etheluuolphe Roy des Anglois esmeu de deuotion fait un voyage à Rome.	450.
l'Espagne occupee par Constans.	19.	Etheluuolphe commence de faire payer le tribut qu'il auoit assigné au Pape sur son Royaume.	456.
les Espagnes parties entre les Vvandales & leurs compagnons.	24.	Ethus Roy d'Escoffe est confiné par ses subiects en perpetuelle prison.	488.
les Espagnols Chrestiens mettent le siege deuant la ville de Talamere au Royaume de Castille.	508.	Etphord en la Turlingie est fondee.	23.
Estienne 2. & 3. du nom est Euesque d'Antioche.	100.	Euagrius Epiphancensis, surnommé Scholastique.	231.
Estienne 3. du nom, gouuerne l'Eglise Romaine.	363. Il meurt. 366.	l'Euangile de S. Matthieu en Hebreu escrit des propres mains dudit Euangeliste.	96.
Estienne 2. du nom Pape de Rome.	352. & 357.	Euchere, fils de Stilico, attonchoit le sang Imperial de par sa mere.	14. & 18.
Estienne 4. est esleu Pape de Rome.	417. & 418.	Euchere Euesque d'Orleans est depose de sa dignité & enuoyé en exil.	318.
Estienne 5. du nom Pape de Rome.	500.	Euchorius homme de grand sçauoir en Gaule.	56.
Estienne 6. du nom est esleu Pape de Rome.	518.	Euchere Euesque de Lion.	58.
Estienne & Constantin fils de Lagapenus, sont par leur pere declarez Augustes.	554.	Eudes Duc d'Aquitaine a recours aux Sarrazins par le moyen de son gendre, qui estoit leur vassal.	330. Il meurt. 333.
Estienne Patriarche de Constantinople decede.	512. sa mort. 555.	Eudes ou Odon 29. Roy des François. 503. 510. 512. & 519.	
Estienne 8. du nom Pape de Rome.	567. & 570.	Eudes ou Eudon, surnommé le Champenois, fils de Thibault le Trichard Comte de Tours &c.	630.
Estienne fils aîné du Roy Genza de Hongrie naquit, & fut baptizé du consentement de son pere.	603.	Eude Comte de Pontieure est cōtraint par les Bretons de remettre les fortes places du païs entre les mains du Duc Canaen son nepueu.	724.
Estienne Duc de Hongrie est par les siens appelé Roy, & sous ce tiltre couronné.	644.	Eudoxia l'Imperatrice, ennemie de S. Iean Chrysostome.	12.
Estienne premier Roy Chrestien de Hongrie, pour sa sainteté a esté canonizé entre les Saints.	694.	Eudoxia meurt.	13.
Estienne surnommé Boiestlabus s'en fuit clandestinement de Constantinople.	697.	Eudoxia, fille de Leontius sophiste d'Athenes, femme de Theodosius.	36.
Estienne surnommé Bpiestlabus Prince de Seruie, fait des entreprises sur les Triballiens.	704.	Eudoxia femme de Theodose confinee en la ville d'Alia.	57.
Ethelald Roy des Merciens ou de la Marche en Angleterre.	359.	Eudoxia femme du feu Valentinian incite Genferich de venir en Italie.	73.
Ethelalde & Ethelbert Rois des Anglois.	459. & 464.	Euelid Calife des Sarrazins fait tailler en pieces tous les Chrestiens & prisonniers qu'il auoit entre ses mains.	342. Il meurt. 344.
Ethelbert Roy de Kants en Angleterre se fait baptizer avec toute sa famille.	237. & 248. Il meurt. 257.	Eulogius Patriarche d'Alexandrie.	204.
Ethelbert s'empare du Royaume de Northumbellande, & en est par apres deieté.	362.	Euesques de grande condition & pieté.	37.
Ethelrede aduertiy de la mort du Roy Sueuon, repasse au mandement des Anglois en son Royaume.	663.	Eugene premier du nom, Roy de la grād Bretagne.	38.
Ethelrede Roy des Merciens & des Saxons d'Angleterre, se rend moyne.	315.	Eugene deuxiesme Roy d'Escoffe meurt sans enfans.	81.
Ethelrede est deieté du Royaume de Northumbellande.	362.	Eugenius Euesque de Carthage personnage de grād sçauoir.	93.
Ethelrede Roy de Northumbellande en Angleterre est de mesme desloyauté que ses predecesseurs mis à mort par ses subiects.	386.	Eugene 3. Roy d'Escoffe.	195.
		Eugene 4. du nom Roy d'Escoffe meurt, laissant 4. fils.	252.
		Eugene premier du nom natif de Rome Pape.	282.

Table de la seconde partie

<i>Eugene 5. du nom Roy d'Escoffe, & Eugene 6. son fils.</i>	304.	<i>Famine grande en France.</i>	285.
<i>Eugene Roy d'Escoffe est massacr�� dedans son Palais par ses subie��ts.</i>	361.	<i>Felix docteur & professeur de l'erreur des Manicheens en Afrique.</i>	17.
<i>Eugene 2. du nom Pape de Rome. 426. Il meurt.</i>	428.	<i>Felix est fait ma��tre de toute la gendarmerie Imperiale de tout Occident.</i>	41.
<i>Eulalius antipape, demis par Honorius.</i>	32.	<i>Felix est mis �� mort.</i>	45.
<i>Euphemius Patriarche de Constantinople. 106. & 107.</i>	107.	<i>Felix 2. ou 3. du nom Empereur de Rome.</i>	103.
<i>Euphrasius Euesque d'Antioche.</i>	168.		104.
<i>Euphrasius Euesque d'Antioche.</i>	140.	<i>Felix Pape 3. meurt.</i>	148.
<i>Euric Roy.</i>	84.	<i>Felix dict Corinula est pourueu de la dignit�� de ma��tre de la gendarmerie de Venise.</i>	340.
<i>Euric Roy des Visigoths met en route les Bretons.</i>	88.	<i>Felix Espagnol Euesque Aurelitain, met en avant une heresie.</i>	384. & 385.
<i>Euric Roi des Visigoths fait la guerre en Espagne en diuers endroits.</i>	89.	<i>Feltheus Roy des Rugiens, prisonnier.</i>	106. & 107.
<i>Euric Roy des Visigoths fait guerre non seulement aux terres des Romains, mais aussi �� leurs Eglises & pasteurs.</i>	92.	<i>Ferdinand Roy de Castille conq��ste sur les Maures la ville de Coimbra.</i>	691.
<i>Euric Roy des Visigoths reduit en son obeissance les villes d'Arles & de Marseille.</i>	95.	<i>Fergusius & Durstus son frere, Rois d'Escoffe desconfits & mis �� mort.</i>	47.
<i>Eustachius Epiphamensis Historiographe.</i>	19.	<i>Fergusius Roy d'Escoffe est mis �� mort par la ialousie de sa femme.</i>	363.
<i>Eustachius Euesque schismatique & usurpateur de l'Eglise de Hierusalem.</i>	195.	<i>Fernand ou Ferdinand 1. Roy de Castille meurt.</i>	725.
<i>Eustachius Patriarche de Constantinople.</i>	668.	<i>Ferguhard Roy d'Escoffe 253. Il meurt.</i>	262.
<i>Eustachius Patriarche de Constantinople est depos�� du vouloir de l'Empereur.</i>	772.	<i>Ferquhard deuxiesme du nom Roy d'Escoffe meurt.</i>	288.
<i>Eustachius Epiphamensis Historiographe Grec.</i>	121.	<i>Ferrare est ceinte & enuironnee de murailles.</i>	310.
<i>Euthalites estoient limitrophes de la Perside.</i>	96.	<i>la Feste de la Purificati�� est premierement instituee �� Constantinople.</i>	165.
<i>Eutharic de la race royale des Amates, est gendre de Theodoric.</i>	135.	<i>Festus Senateur de Rome est enuoy�� de Theodoric vers l'Empereur Anastase.</i>	118.
<i>Eutiches Abb�� du Monastere de Constantinople.</i>	61.	<i>Fiacre l'Euesque, frere du Roy d'Escoffe, se rend moine.</i>	253.
<i>Euthimius Patriarche de Constantinople est demis de sa dignit�� par l'Empereur.</i>	529.	<i>les Fils d'Hengeste sont mis en route par le Duc Aurelius.</i>	94.
<i>Eutropius ma��tre des Eunuques du Palais, mis au lieu de Ruffin.</i>	4.	<i>S. Firmin Euesque d'Amiens.</i>	6.
<i>Eutropius fait mourir les plus grands personnages & meilleurs seruiteurs de son ma��tre.</i>	4.	<i>Flaccitheus Roy des Rugiens.</i>	73.
<i>Eutropius est cause qu'on oste les pens��es des allies & confederes.</i>	5.	<i>Flaccus Alcuinus surnomm�� Albinus, disciple du venerable Beda, vient en France.</i>	382. & 383.
<i>Eutropius conuaincu de plusieurs maluersations, est execut��.</i>	6. & 7.	<i>les Flagellans, troupe de gens ramassez de diuerses nations. 3. part.</i>	518.
<i>les Eutychiens reiettent & contredisent les decrets du Concile de Calcedone.</i>	68.	<i>Flaudeberus gouuerneur de la Gaule Belgique pour les Fran��ois.</i>	94.
<i>Eutychiens dict��s Monophysites & Acephales.</i>	105.	<i>Flandre peuplee pour la pluspart des forests.</i>	253.
<i>Exarchat de Rauenne.</i>	194.	<i>Flandre est conuertie �� la religion Chrestienne.</i>	277.
<i>Exuperius, Euesque de Tholose.</i>	14.	<i>Flauianus Euesque de Constantinople.</i>	59.
<i>Exuperius Euesque de Tholose.</i>	82.	<i>Flauianus 2. Euesque d'Antioche.</i>	119.
F.		<i>Flauius Blondus de Forli, Historiographe assez renom�� 3. part.</i>	741.
<i>La Faction venetique & prasine.</i>	141.	<i>Florence est augmentee & peuplee des ruines de la ville de Fesulo.</i>	674.
<i>les Factions venete & prasine mettent toutes les prouinces d'Asie & d'Egypte en tumulte & combustion.</i>	242.	<i>les Florentins prennent d'emblee la cit�� de Fesules.</i>	656.
		<i>Formosus</i>	

de la Bibl. historique.

<i>Formosus</i> 1. du nom, Pape de Rome.	509. 512.	<i>Roy Chilperic.</i>	213.
<i>Forqualquier.</i> Beatrix Comtesse de Forqualquier vend toutes ses terres de l'archevesché de Gap. 3. part. 286.		<i>Fredegonde et Brunehilde sont en jalousie ou plus-tost haine mortelle.</i>	236.
<i>Forli</i> prise par les Huns, est mise en miserable estat.	247.	<i>Fredelin</i> fils du Roy ou prince d'Ecosse, & d'Hibernie.	131.
<i>Fortunat</i> patriarche de Grade.	402.	<i>Frederic</i> fils d'Othon cy devant duc general de Lorraine, meurt.	617.
<i>Fortunat</i> faisant profession de l'heresie Arrienne, met toute l'Eglise d'Aquilee en trouble & en erreur.	311.	<i>Frederic</i> Duc de Mosellane oncle de Baudouin Comte de Flandre.	739.
<i>Fortunatus</i> natif d'Italie est fait Evesque de Poitiers.	197.	<i>Fergusius</i> Roy d'Ecosse.	38.
<i>Fortuné</i> ou <i>Fortunien</i> Roy de Sobrabie ou de Nararre.	381.	<i>Fridibalde</i> Roy des Vandales dictz Silingiens seulement.	29.
<i>Foulques</i> archevesque de Reims est mis à mort par les gens du Comte de Flandres.	528.	<i>les Frisons</i> se rebellent contre l'Empereur Henry.	725.
<i>Foulques</i> surnommé le Roux, 3. Comte d'Anjou. 539. & 579.		<i>Froila</i> par la prerogative de son aage obtient le Royaume de Leon apres son pere.	352.
<i>Foulques</i> surnommé Nerra Comte d'Anjou meurt en la ville de Mets.	697.	<i>Froila</i> Roy de Leon fait mourir Dom Vimeran son frere naturel de ses propres mains. 360. Sa mort.	362.
<i>Foulques</i> surnommé Rechin Comte d'Anjou se rend grandement infame envers tout le monde.	785.	<i>Fromund</i> Comte de Sens meurt.	652.
<i>Fraintus</i> Lieutenant de l'Empereur Arcadius.	9.	<i>Froto</i> 6. du nom est Roy de Dannemarc.	494.
<i>France</i> augmenta tousiours depuis qu'elle fut convertie a la religion Chrestienne.	121.	<i>Fulgentius</i> natif d'Afrique, homme docte.	119.
<i>la France</i> reduite sous la puissance & auctorité des Maires.	312.	G.	
<i>les Rois</i> des François se veulent esmouvoir ouvertement contre l'estat d'Honorius.	5.	<i>Gabriel</i> Adorne Duc de Gennes. 3. part.	552.
<i>les François</i> appelez par un Senateur de Treves.	22.	<i>Gabriel</i> Roy de Bulgarie.	663.
<i>de l'entree</i> des François en Gaule.	26.	<i>Gaimare</i> prince de Salerne est mis à mort par ses subiects propres.	716.
<i>commencement</i> du regne des François.	33. & 34.	<i>Gainas</i> conducteur des legions d'Orient.	4.
<i>les François</i> sont rompus par Aetius.	43.	<i>Gainas</i> capitaine Goth met toute la Phrygie en combustion.	7.
<i>les François</i> & Saxons se donnent iournée, qui est fort sanglante pour les deux parties.	241.	<i>Gainas</i> est pris & mis à mort.	9.
<i>les François</i> ne s'accrochent pas volontiers au gouvernement d'une femme.	322.	<i>la teste</i> du tyran Gainas apportee à Constantinople.	10.
<i>les François</i> entrent pour la 4. fois dedans le pays d'Aquitaine.	360.	<i>Gainas</i> ou Gallinicus Evesque d'Alexandrie.	165.
<i>les François</i> denoncent la guerre aux Huns qui se disoient Auarrois.	383.	<i>Gal</i> presche l'Evangile par l'Allemagne, & fonde une abbaye en Suisse.	261.
<i>de la reduction</i> de l'Empire Romain en Occident par les François.	393.	<i>Galaxe</i> Roy des Sarazins de Tolette en Espagne.	348.
<i>les François</i> entrent dedans le pays de Saxe, où elle deffait les Saxons & les Vessphaliens.	401.	<i>Galion</i> capitaine de la legion enuoyee en la Bretagne.	54.
<i>les François</i> sont forts sur la mer Mediterranee.	406.	<i>Galla</i> Placidia, sœur de l'Empereur Honorius, trouuee dedans Rome par les Vuisigoths.	21.
<i>les François</i> entrent dedans la Pannonie, font un grand ravage de pays sans trouver rencontre.	422.	<i>Galla</i> s'investit de force de la dignité Ducale.	354.
<i>Franco</i> du Liege, homme de grand sçavoir és Mathematiques.	712.	<i>Galla</i> citoien de Matamane s'esleue contre Theodat Duc de Venise, & luy creue les yeux. 3. part.	354.
<i>Fredegonde</i> & son adultere Landry font mourir le		<i>les Galliciens</i> se rebellent contre le Roy de Leon.	592.
		<i>les Gantois</i> du pays de Flandre sont convertis à la religion Chrestienne.	266.

Z Z Z

Table de la seconde partie

Garcie, capitaine de loüable memoire de la race des Goths, est en faueur de ses merites creé Roy de Soubrarbie. 332.	triarche de Constantinople. 77. & 89.
Garcie Yniguez succede à la couronne de Nauarre. 357.	Gennadius homme docte a escrit des hommes illustres. 109.
Garcias 2. du nom Roy de Nauarre meurt. 381.	Genferich fait mettre à mort Guntaric Roy des Vandales. 47. Il embrasse l'heresie d'Arrius avec son peuple. 50.
Garcias Roy d'Espagne gaigne une victoire memorable sur les Maures. 498. Il meurt. 502.	Genferich persecute cruellement les catholiques. 51.
Garcias Ennicus Roy de Nauarre est occis en une rencontre. 554.	Genferich s'empare par surprise de la cité de Carthage. 53. Il mene une armee en Sicile. ibid.
Garcias Sancio surnommé le Trembleur, Roy de Nauarre & du pays d'Arragon. 613.	Genferich enuoye requerir Theodose de paix. 55.
Garsias Roy de Nauarre est occis en une rencontre. 672.	Genferich ayant coupé le nez à la fille de Theodose Roy des Visigoths, sa femme, s'allia d'Attila. 64.
Garuard Roy des Piétes de la grande Bretagne, est appelé pour aller vers le Calife Vlid. 319.	Genferich Roy des Vandales vient en Italie, & entre dedans Rome. 73.
Garouald fils de Theodebert occupe une partie de Bauiere. 225.	Genferich fait abattre toutes les murailles des villes d'Afrique. 77.
des Gascons de la France, & de leur origine. 219.	Genferich Roy des Vandales est deffait & mis honteusement en route. 85.
les Gascons vaincuz par les François, sont contrains en perdant leur liberté se soumettre à eux. 240.	Genferich est repoussé de Sicile. 88.
les Gascons s'estans rebellez contre le Roy, sont subinguez & reduits en leur premier estat. 266.	Genferich premier Roy des Vandales en Afrique meurt. 99.
les Gascons sont totalement deffaits & rompuz. 275.	Geofroy Comte ou Duc de Bretagne vainc en bataille Iudicel Comte de Nantes. 654.
les Gascons se desbordent, & font un grand carnage en l'Aquitaine. 449.	Geofroy surnommé Grisegonnelle Comte d'Aniou, meurt. 656.
les Gascons obeissent fort enuy au Comte de Flandre gouverneur de France. 734.	Geofroy Comte ou Duc de Bretagne meurt. 667.
Gaudentius & Iouius mettent bas à Carthage les temples & autels des dieux payens. 7.	Geofroy Duc d'Abasgie commence la guerre à l'Empereur de Grece. 673.
Gauderic Roy des Visigoths, souz lequel ils entrent es Gaules. 25.	Geofroy surnommé Martel, Comte d'Aniou. 732.
les Gaules prises & possedees par Constantin. 18.	Geofroy le Barbu Comte d'Aniou & Foulques Rechin son frere, se guerroyent l'un l'autre. 769.
Gaultier gentilhomme François, gouverneur de la Comté de Melun. 642.	Geofroy Euesque de Chartres est depose par le Pape Urbain. 786.
Geber natif de Grece, philosophe & prince des Alkimistes. 329.	George 2. du nom tient le 48. lieu entre les patriarches d'Alexandrie. 253.
Gebert defend sa cause par une grande harangue. 631. Il se retire en Allemagne. 633. & 640.	George patriarche de Constantinople. 300.
Gedeoch Roy des Lombards. 88.	Georges surnommé Maniaces gagne un grande victoire sur les Sarrazins d'Orient. 681.
Geicz ou Geisla Duc ou Roy de Hongrie meurt. 639.	Georges Maniaces est par l'Empereur de Grece commis au gouvernement de la haute Medie. 689.
Geicz Roy de Hongrie compose fort benigne-ment avec le Roy Salomon. 762.	les Gepides & Auarrois s'accrochent en aucunes villes de la Pannonie. 41.
Gelasius 1. de ce nom Euesque de Rome. III. 113. & 115.	les Gepides & Lombards ont guerre ensemble, où les Gepides sont desconfits. 176.
Gerald capitaine Normand se fait baptizer. 455.	Germanus Lieutenant de l'Empereur en Afrique, deffait les rebelles. 158. Il est rappelé. 162.
Gennadius homme de grande doctrine & pieté, pa-	saint Germain Euesque d'Auxerre passe en Angleterre. 44.
	saint Germain abbaye es Faux-bourgs de Paris, fondee par le Roy Childebert. 179.
	saint Germain Euesque de Paris meurt. 204.
	Germanus

Table de la seconde partie

<i>Germanus capitaine de l'Empereur desconfit une des armées des Perses.</i>	216.	<i>rius.</i>	6.
<i>Germain est fait patriarche de Constantinople, lequel avoit au paravant esté enuoyé en exil.</i>	325.	<i>Glaffo Roy des Lombards, fils de Gedeoch.</i>	102.
<i>la Germanie est en trouble par la mort d'Othon.</i>	607.	<i>Glycerius se depose solennellement de la dignité imperiale.</i>	92.
<i>Gerontius & Antiochus proconsuls de Grece.</i>	2.	<i>Gnerech Comte de Nantes en Bretagne est emprisonné.</i>	643.
<i>Gerontius gouverneur d'Espagne se rebelle.</i>	19.	<i>Goare, roy des Alains, s'appointe au service de l'Empereur.</i>	15.
<i>Gerontius suscite les Vandales à venir en la Gaule.</i>	21.	<i>Goëri parent de saint Arnoul, évesque de Mets.</i>	262.
<i>Gerontius est mis à mort par ses gens.</i>	23.	<i>Godefroy roy de Dannemarc se delibere de soumettre à soy toute la Germanie.</i>	405.
<i>Gertrude fille de Iette, femme de Pepin maire d'Austrasie.</i>	252.	<i>Godefroy roy de Dannemarc se delibere faire la guerre par mer & par terre aux François.</i>	409.
<i>Gertrude prend l'habit de religion, & est canonisée entre les Saints.</i>	276.	<i>Godefroy poursuivant sa victoire, court avec son armée tout le pais de Hainault.</i>	662.
<i>Gesalaric usurpateur de la couronne des Visigoths.</i>	129.	<i>Godefroy Duc de Lorraine estant delivré des prisons meurt.</i>	668.
<i>Gezio 3. du nom, par qui on dit que les habitans de Cypre furent transportez en Syrie.</i>	344.	<i>Godefroy comte d'Ardenne meurt.</i>	673.
<i>Il est occis.</i>	346.	<i>Godefroy Duc de Lorraine regaigne la ville & comté de Verdun.</i>	708.
<i>Gibaltar, auparavant Calpe.</i>	318.	<i>Godefroy le Preux dict le Barbu duc de Lorraine.</i>	745.
<i>Gibica premier Roy qui regna sur les Bourguignons.</i>	25.	<i>Godefroy Goxelo duc de Lorraine mene une armée au pais de Frise.</i>	758.
<i>Gibuldus roy des Allemans.</i>	89.	<i>Godesca se met en possession de la Duché de Benevent par la mort du Duc Gregoire.</i>	340.
<i>Gildard évesque de Rouen.</i>	171.	<i>Godescal fils d'Vdon, prince des Esclavons, Vvagriens & Obodrites.</i>	704.
<i>Gildeoch ou kildoech, roy des Lombards.</i>	84.	<i>Godin fils d'un Connestable de Bourgongne est accusé de leze Maesté.</i>	261.
<i>Gildeoch 5. Roy des Lombards.</i>	88.	<i>Gondebault roy de Bourgongne pille & ravage la Ligurie.</i>	110.
<i>Gildo se declare Empereur en Afrique.</i>	5.	<i>un Gondebault se salue en France qui se dit fils de feu roy Clotaire.</i>	211.
<i>Gildo Goth de nation se rebelle contre son Seigneur.</i>	6.	<i>Gondegisille est pris dedans Vienne, et mis à mort.</i>	120.
<i>Gilles roy des François, & gouverneur de Soissons pour les Romains.</i>	82.	<i>Gondouald ou Gondebald és villes de Prouence & de Gascongne est reconnu pour Roy.</i>	217.
<i>Gilles gouverneur de Soissons pour les Romains meurt.</i>	99.	<i>Gondenar roy des Visigoths paye le droit de nature.</i>	246.
<i>Gilles évesque de Tusculane convertit les Polonois à la religion Chrestienne.</i>	539.	<i>Gordas roy du Bosphore, est mis à mort par ses voisins, de ce qu'il s'estoit fait Chrestien.</i>	147.
<i>Gisio ou Isid, fils d'Abimelech est esleu Calife par les Sarrazins.</i>	328.	<i>Gormo troisieme du nom roy de Dannemarc.</i>	527.
<i>Gisidemur Amiras & Calife des Sarrazins.</i>	332.	<i>Gontran roy de Bourgongne & d'Orleans dispose des Estats de Bourgongne.</i>	191.
<i>Gislebert ou Gisalbert gouverneur du pais d'Aquitaine pour le roy Charles, ravit la fille de l'Empereur Lotaire.</i>	448.	<i>Gontran & Sigebert entrent en picque & different.</i>	193. & 200.
<i>Gislebert Duc de Lorraine & son frere Othon.</i>	544. & 566.	<i>Gontran est contrainct d'aller au devant des accroissemens de Gondebald.</i>	217.
<i>Gislebal un Baron de Normandie, s'absente de sa maison pour un meurtre.</i>	666.	<i>Il est requis de paix des Visigoths.</i>	218.
<i>Gisulfe Duc de Friul restitua la dignité patriarchale à la cité d'Antioche.</i>	243.		
<i>Gisulfe duc de Benevent rompt la paix qu'il avoit avec les Romains, & entre dedans le pais de la Champagne.</i>	312.		
<i>Gisulphe duc de Benevent meurt.</i>	314.		
<i>les combats des Gladiateurs interdits par Hono-</i>			

Z Z Z ij

Table de la seconde partie

Gontran Prince iuste, vertueux & grandement deuotieux meurt.	233.	se met en possession totale du Royaume des Lombards. 287. retire toutes les places que les Grecs auoient cy deuant prises sur luy & les siens. 288.	
Gormo Roy de Dannemarc.	388. & 392.	Grimoald adiouste quelques loix & ordonnances à celles de ses predecesseurs. 290. il meurt estant à Paue.	292.
les Goths occupent aucunes villes du pays de Thraee.	41.	Grimoald fils de Pepin est pourueu de l'estat de grand maistre du Palais de France.	312.
Gothelon Duc de Lorraine se reconcilie avec l'Empereur Conrard.	676.	Grimoald duc de Bauiere meurt.	207.
Gotrich ou Godefroy commence à regner sur les Dannois.	388.	Grimoald cy deuant duc de Beneuent, a permission de l'Empereur de retourner prendre possession de sa duché.	411.
Gozelo Duc de Lorraine meurt, laissant trois fils.	705.	Grimoald est occis.	328.
Gozelo Duc de Lorraine impetre de l'Empereur la Duché de Mosellane.	687.	Grimus Roy d'Escoffe est tué.	651.
Gradacus gouverneur tant de l'Arabie que de la Medie pour le Calife.	334.	le pais de Gueldres est erigé en comté par l'Empereur Henry.	561.
Gratian, Capitaine des legions Romaines.	16.	Guigues fils d'Ali grand pontife de Maroc, & Miramolin de toute l'Afrique.	784.
la Grece rauagee sans pitié par les Visigoths.	2.	Guila Duc de la Transiluanie, oncle du Roy Estienne.	649.
la Grece & l'Asie affligées par un horrible tremblement de terre.	180.	Guillaume surnommé le Piteux, Duc d'Aquitaine & comte d'Auuergne, natif de Bourgongne.	532.
les Grecs cy ins esprouués la vaillance des François, entrent en grande crainte d'eux.	375.	Guillaume Duc de Normandie reçoit du Roy Loys l'investiture de sa Duché.	568.
Gregoire premier de ce nom, fils d'un senateur Romain est esleu pape de Rome. 223. Il institue des prieres publiques pour la peste.	226.	Guillaume Duc d'Aquitaine & comte de Poitiers & d'Auuergne meurt.	604.
Gregoire arrive à Constantinople, confute Eutychius en la presence de l'Empereur. 209. Il meurt.	239.	Guillaume Duc d'Aquitaine & Côte de Poitou, meurt.	675.
Gregoire 2. du nom, fils d'un Marcel citoien de Rome est fait pape.	323. & 336.	Guillaume 3. du nom Comte de Prouence, decede.	696.
Gregoire 3. du nom, natif du pais de Syrie, est esleu pour tenir le siege Romain.	339.	Guillaume Duc de Normandie dict le Bastard, institué successeur & heritier du feu Roy Edouard.	740.
Gregoire enuoye les clefs du sepulchre, & des lieux de S. Pierre au prince Martel. 340. Il meurt.	342.	Guillaume Roy d'Angleterre fait faire le denombrement de son Royaume.	771.
Gregoire 4. natif de Rome est esleu pape. 429. 433. 435. Il meurt 446.		Guillaume Roy d'Angleterre fait guerre au Roy de France.	778. & 779.
Gregoire 5. pape.	631. & 639.	Guillaume 2. du nom surnommé le Roux, s'empare par la mort de son pere de la couronne d'Angleterre.	780.
Gregoire 6. est esleu pape.	709. & 712.	Guiscard & Richard son frere se font vassaux & hommes liges du Pape.	730.
Gregoire 7. est pape.	751.	Gundamond fils de Genzon est Roy des Vandales en Afrique.	106.
Gregoire patriarche d'Alexandrie est déclaré absolt.	213.	Gundamund Roy des Vandales contracte alliance avec Theodoric.	110.
Gregoire patriarche d'Antioche meurt.	228.	Gundebault attrape ses freres, & les met à mort dedans Vienne.	109.
Gregoire fils de Dongald roy d'Escoffe.	514.	Gunderic Roy des Vandales.	22.
Griffon s'empare de la ville de Laon, & estant pris est enuoyé tenir prison en un chasteau des Ardennes.	343.	Gunderic Roy des Vandales donne bataille aux Suenes.	29.
Griffon estant arriué au pais de Bauiere, se saisit facilement de la personne du ieune Tasillon, & de toute la Duché.	348.	Gundioche Roy des Bourguignons.	25.
Grimoald Roy des Lombards deffait par surprise une armee des François.	254.	Gundicarius Roy des Bourguignons, & ses enfans.	65.
Grimoald tient les estats & seigneuries apres son pere Pepin.	276.		
Grimoald a entre ses mains la mairie & le gouvernement d'Austrasie.	279.		
Grimoald estant venu au dessus des deux freres,			

Guy

de la Bibl. historiale.

<i>Guy gouverneur de la petite Bretagne, met toutes les villes & fortes places en l'obeissance du Roy Charles.</i>	390.	<i>Hanmar ayant regné deux ans decede.</i>	328.
<i>Guy Duc de Spolet estant de retour de Frâce en la Lombardie, reprend le nom de Roy d'Italie qu'il auoit quitté.</i>	508.	<i>l'Hegire de Mahomet.</i>	255. & 256.
<i>Guy Adelgise occupe la cité de Beneuent, & en est possesseur.</i>	523.	<i>Helaine Roïne de Rusie demande Euesques pour estre instruite en la religion Chrestienne.</i>	590.
<i>Guy Marquis de la Toscane a grande auctorité & puissance en la ville de Rome. 553. Il meurt.</i>	554.	<i>Helias Euesque de Hierusalem.</i>	0.11
<i>Guy de Parme, homme de bonnes lettres, est institué Chancelier & Lieutenant de l'Empereur.</i>	725.	<i>Helias Archeuesque d'Aquilee se reconcilie avec l'Eglise Catholique.</i>	219.
<i>Guy Laretin moyne de l'ordre de S. Benoist, excellent Musicien.</i>	680.	<i>Helias l'Escossois Euesque d'Orleans.</i>	402.
H.		<i>Helias l'Escossois, Euesque d'Angoulesme, homme docte en la Philosophie.</i>	485.
<i>H Abdalla Calife des Sarrazins, augmente ceste annee les tributs des Chrestiens.</i>	358.	<i>Helie cy devant Euesque de Herusalem meurt en exil.</i>	135.
<i>Hadallas Calife des Sarrazins enuoye vne grande armee en Afrique. 367. Il meurt.</i>	370.	<i>Helmard Abbé de S. Benigne de Dijon, est fait Archeuesque de Lyon.</i>	708. & 709.
<i>Habdallas frere du Calife Mahommat, s'esleue en ce temps contre luy.</i>	409.	<i>Helistree prince & Monarque des Ethiopiens, Chrestien.</i>	151.
<i>Habdallas ayant mis son frere en fuite, demoura possesseur total du Royaume des Perses.</i>	416.	<i>Hengiste Roy des Saxons Anglois est occis.</i>	93.
<i>Habderramon occupe la cité de Cordouë, & se porte pour grand Miramolin d'Espagne.</i>	358.	<i>Heluedius gouverneur de la Sicile, se rebelle contre l'Empereur.</i>	375.
<i>Haimon le Vicomte, frere Vterin des feux Comtes de Bretagne Hoel & Guerech.</i>	649.	<i>Henry l'Empereur mene son armee contre les Escloavons.</i>	547.
<i>Habdimelech renouuelle la paix que ses predecesseurs auoient faite avec l'Empereur.</i>	302.	<i>Henry surnommé le Mutin Duc de Bauiere, se reuolte contre le ieune Empereur.</i>	607.
<i>Habdimelech ayant mis bas vne partie de ses ennemis, enuoye son parent Ciaphas pour suiure les autres.</i>	305.	<i>Henry Duc de Bauiere remet en liberté le ieune Empereur Othon.</i>	618.
<i>Hali gendre de Mahomet se fait esleuer à la dignité de Calife. 283. Il est mis à mort.</i>	286.	<i>Henry surnommé le Mutin, Duc de Bauiere, meurt.</i>	636.
<i>Hali preferé à Mahomet par les parens, alliez & tenans de la maison de Hiskem.</i>	349.	<i>Henry Duc de Bourgongne, oncle paternel du Roy Robert, meurt.</i>	648.
<i>Hali grand Pontife & Miramolin fait vne fort dure guerre contre les Chrestiens en Espagne.</i>	775. & 781.	<i>Henry fils de Leopold, second Marquis d'Autriche.</i>	649.
<i>Hali Hatan s'esleue au Royaume de Cordoue.</i>	649.	<i>Henry frere de Cunegunde Emperiere, se rebelle contre l'Empereur.</i>	654.
<i>Hali Hatā grand Miramolin des Sarrazins d'Espagne commande à tous Chrestiens de ses subiects de renoncer à leur religion.</i>	650.	<i>l'Empereur Henry mene vne armee contre les Polonois.</i>	663.
<i>Hamos ou Heamus est Patriarche de Hierusalem.</i>	229.	<i>Henry l'Empereur s'en va en Italie. 659. Il reçoit la Couronne Imperiale à Rome.</i>	660.
<i>Haste ville du pays de Saxe est fondee & edifiee.</i>	615.	<i>Henry 1. du nom, & 2. Marquis d'Autriche, meurt.</i>	667.
<i>Hasting prince des Dannois sort d'Angleterre, pour chercher sa bonne auenture.</i>	492.	<i>l'Empereur Henry passe les monts avec vne grosse armee. 671. Il assiege la ville de Troye en la Pouille. 672. Il meurt.</i>	673.
		<i>Henry Duc de Bauiere, & frere de l'Emperatrice Chunegunde meurt.</i>	676.
		<i>Henry fils de Lambert Comte de Louvain, est occis.</i>	693.
		<i>le nouveau Empereur Henry met bas les armes. 695. Il mene vne armee contre le Duc de Boëme.</i>	699.
		<i>Henry Roy de France tasche de rabaisser la puissance de Thibault Comte de Chartres. 705. & 706.</i>	

Z Z Z ij

Table de la seconde partie

<i>l'Empereur Henry se fait donner la couronne par le Pape.</i> 709. 710. 711. 712. 716. 717. 772.	<i>Herigerus Abbé de saint Lo a fait quelques écrits.</i> 631.
<i>Henry Roy de France se sentant cassé de vieillesse, resigne sa couronne à son fils Philippe.</i> 729.	<i>Heriold Roy de Dannemarc se fait baptizer en la religion Chrestienne.</i> 427. 428. & 429.
<i>l'Empereur Henry est mis hors de tutelle.</i> 740. Il espouse Berthe fille d'un Othon Marquis de Piedmont. 741. mene derechef son armee contre les Saxons. 754.	<i>Herman Duc d'Allemagne & Suaube meurt, sans laisser aucuns enfans masles.</i> 578.
<i>l'Empereur Henry vient trouuer ses ennemis dedans le païs de Franconie.</i> 762. Il donne derechef bataille, 763. Il enuoye vers le Pape. 764. Il est excommunié. 766.	<i>Herman grand maistre de la maison de l'Empereur Othon, 1. Duc de la Marche de Lunebourg.</i> 590.
<i>Henry 2. du nom, fils de Lambert 2. Comte de Louvain, meurt.</i> 771.	<i>Herman Duc de Lunebourg ou de la basse Saxe meurt.</i> 615.
<i>l'Empereur Henry mene vne armee contre les Saxons.</i> 773. Il est remarié. 781.	<i>Herman dict le ieune Duc de Suaube, meurt sans enfans.</i> 658.
<i>Heraclian. Capitaine d'Honorius a la charge de prendre Stilico.</i> 18.	<i>Herman Duc de Suaube, beau-fils de l'Empereur Courard, meurt.</i> 693.
<i>Heracianus veut aspirer au tiltre d'Empereur, & se faire tyran d'Afrique.</i> 24.	<i>Herman qui se disoit Roy de Germanie, met vne armee aux champs, & la fait entrer dedans la Franconie.</i> 771. est abandonné des princes d'Allemagne. 778.
<i>Heracleon natif de Cappadoce, gouuerneur de l'Afrique.</i> 244.	<i>Hermanfroy Roy du Turingie perd la vie & son estat ensemble.</i> 145.
<i>Heracleon occupe le throne Imperial, & en est puny.</i> 273.	<i>Hermengare Comte d'Empus deffait les Maures d'Espagne.</i> 414.
<i>Heraclius est trouué tât au gré des soldats, qu'il est par eux déclaré Empereur.</i> 244.	<i>Hermenigilde prenant à son secours l'armee que l'Empereur d'Orient auoit en Afrique, commence guerre à son pere.</i> 210.
<i>Heraclius Constantius fils de l'Empereur Heraclius, est déclaré Empereur par son pere.</i> 246. Il est fait Consul. 249.	<i>Hermere, Roy des Sueues en Espagne.</i> 15. & 51.
<i>Heraclius se dispose pour aller en personne contre les Perses.</i> 253. & 254.	<i>Hermeric Roy des Sueues en Espagne meurt.</i> 55.
<i>Heraclius entre derechef dedans le Royaume de Perse, & deffait deux armees.</i> 257.	<i>Hermenigilde est pris & mis cruellement à mort.</i> 216.
<i>Heraclius adonne son esprit à entendre & sçauoir les sciences des deuins & magiciens.</i> 266.	<i>Hermingue Roy des Dannois meurt sans enfans.</i> 412.
<i>Heraclius surpris d'hidropisie meurt.</i> 272.	<i>Hernedetrude fille du Roy Charles est fiancee & promise à Constantin Empereur de Grece.</i> 378.
<i>Heraclius Constantinus, dict le ieune, prince vertueux & Catholique, est receu Empereur.</i> 272.	<i>les Heruliens, & de leur origine.</i> 113.
<i>Heraclius frere d'Aphimarus deffait en Syrie plus de deux mille Sarrazins avec l'armee des Romains.</i> 310.	<i>les Heruliens habituez pres le Danube.</i> 130.
<i>Heraclee est ruinée par vne sedition suruenue à Venise.</i> 400.	<i>Heros disciple de S. Martin, hôte de sainte vie.</i> 24.
<i>Herald 6. du nom fils de Gormo 3. est Roy de Dannemarc.</i> 551.	<i>Herot Roy de Sueffe & Gothlandie meurt.</i> 431.
<i>Herald Roy de Noruege est occis en vne bataille.</i> 339.	<i>Herpon de Bretagne est mis à mort.</i> 252.
<i>Heretiques diuerses en vogue.</i> 228. 238. & 259.	<i>Hesichius moine de grand sçauoir & sainteté.</i> 6. & 14.
<i>l'Heretie de Pelagius & Heluidius resueillee en Espagne.</i> 300.	<i>Hesichius prestre de l'Eglise de Hierusalem.</i> 49.
<i>Herigerus moine, Villigise Archeuesque de Maience, & Radulfe moine de Fulden, hommes doctes.</i> 613.	<i>Hibrain fils d'Euclid conducteur de ceux de la secte de Hali.</i> 349.
	<i>S. Hierosme tombe en grande dissension contre Ruffin.</i> 6.
	<i>S. Hierosme natif de Stridon en la Dalmatie, meurt.</i> 32.
	<i>Hilaire Euesque d'Arles.</i> 58.
	<i>Hilaire 1. du nom est eleu Pape de Rome.</i> 81.
	<i>il meurt.</i> 85.
	Hildebran

de la Bibl. historiale.

Hildebrand est enuoyé par le Pape Victor en Frâce.		Honoric Roy des Vandales en Afrique meurt,	
721.		sans laisser aucuns enfans.	106.
Hildebrand est heritier des biens & tresors de Gre-		Honorius obtient l'Empire de l'Occident sous Ro-	
goire 6.	712.	me.	1.
Hildegard femme du Roy Charles acouche de Loïs		Honorius est enclos & assiégededans la ville d'Ast.	
son fils, qui succeda cy apres à la couronne.		10.	
372.		Honorius s'en vient avec Stilico triumphe à Ro-	
Hilperic compose les reigles de computer.	654.	me.	13.
Hiltrude fille de Charles Martel.	338.	Honorius entre en grande deffiance de Stilico.	18.
Hincmare est accusé enuers le Pape Iean d'auoir		Honorius ne veut conclure l'accord que le Roy A-	
parlé irreuerement des epistres decretales des		laric demandoit.	20.
Papes. 489. Il meurt.	47.	Honorius entre en triomphe dedans Rome.	29.
Hippatus & Pompeius se font proclamer Empe-		Honorius fait accord avec les Visigoths.	31.
reurs.	151.	Honorius Empereur d'Occident meurt.	39.
Hirprand ou Hildebrand est Roy des Lombards,		Honorius 1. du nom Pape de Rome.	254.
mais il en est depose cinq mois apres.	346.	Honorius par vne memorable bataille deffait	
Hislest est Roi des Maures de Cordoue en Espagne.		l'armee des Perses.	254. 256.
370.		Honorius archeuesque de Cantorbrie dispose les pa-	
Hispalis en Espagne prinse d'assaut.	41. & 42.	roisses de sa prouince.	260.
Hissen grand Miramolin des Sarrazins d'Espagne		Honorius premier du nom meurt.	267.
à Cordoue.	582.	Horic et ses freres expulsent Heriold Roy de Dan-	
Hissen Roy de Cordoue fait guerre aux Maures		nemarc de son Royaume.	428.
d'Afrique.	644.	Hormisda natif d'Italie, Euesque de Rome.	133.
Hoel 2. du nom Duc de Bretagne trespassse, laissant		134. 136. 137. 138.	
deux fils.	772.	Hucbald le Chauue moine, professeur de la philo-	
Hoel 3. du nom Roy de la petite Bretagne, meurt		sophie.	402.
263.		Hucbert abbé de saint Richier, frere de la femme	
les Homerites se rebellent contre le Roy de Perse à		du Roy Lothaire, est institué Duc & gouuerneur	
cause de son mauuais traitement.	197.	de la Bourgongne.	462.
Hommes doctes & de sainte vie du regne d'Hon-		Hugobert Duc & prince de Bauiere meurt.	338.
norius & Arcadius.	14.	Hugues Capet usurpe la couronne de France sur la	
cōmencement du conte des annees des Rois de Hon-		lignee de Pepin.	351.
grie.	586.	Hugues bastard du ieune Roy Lothaire, desire se	
Hongrie pour la plus grande partie est conuertie à		mettre en possession du Royaume de Lorraine.	
la religion Chrestienne.	625.	499.	
les Hongrois entrent à grande puissance dedans le		Hugues Roy d'Italie fait accord avec le Roy Ro-	
Royaume de Pologne.	359.	dolfe de Bourgongne.	553.
les Hongrois viennent foudroyer toute l'Allema-		Hugues Roy d'Italie est chassé de Rome. 559. tient	
gne.	537. 542. & 558.	la ville de Rome assiegee.	562. & 567.
les Hongrois sont affriandez de retourner en Italie.		Hugues estant party d'Italie se retire avec ses tre-	
523. & 525.		sors & richesses en Prouence. 575. Il mene vne	
les Hongrois entrent à grande puissance dedans la		armee en Flandre.	576.
Moraue.	524.	Hugues Duc de France dict le Blanc, meurt.	586.
les Hongrois peuplent en ce temps de leurs gens la		Hugues Capet est estably au siege Royal de France.	
Pannonie.	529.	622.	
les Hongrois s'en retournent de deuant Constanti-		Hugues fils aîné du Roy Robert, est designé succes-	
nople sans y rien faire. 571. Ils se departent en		seur de la couronne.	665.
deux bandes pour aller dedans la Bauiere.	573.	Hugues fils aîné du Roy Robert, meurt.	679.
les Hongrois trouuent si bonne amorce au pays de		Hugues Candide Cardinal est degradé par le Pape.	
Bauiere, qu'on ne les peut empescher d'y venir sou-		762.	
uent.	531. 535. & 576.	Hugues archeuesque de Lyon est déclaré excom-	
les Hongrois ayant passé l'Italie, se viennent redre au		munié.	780.
pays d'Aquitaine. 582. Ils vont en Allemagne.		Humbert fils du prince Berald marquis de Suze, &	
585.		premier Comte de Morienne en Sauoye.	711.
les Hongrois viennent faire des courses iusques de-		Humbert Cardinal, & Haino Anglois, theologues	
dans la Duché de Carinthie.	718.	fameux.	720.

Table de la seconde partie

<i>Hume</i> fils de Chaian, prince de <i>Cazarie</i> , se vient rendre dedans l' <i>Armenie</i> . 334.	<i>Epiphanius</i> . 12.
<i>Hunauld</i> gouverneur du pays d' <i>Aquitaine</i> sous tiltre de Duc, s'en veut faire propriétaire. 343.	saint <i>Iean Chrysostome</i> , natif d' <i>Antioche</i> , est esleu Euesque de Constantinople. 7. & 11.
<i>Hunauld</i> cy deuât Duc d' <i>Aquitaine</i> estant eschappé des prisons, s'enfuit vers <i>Didier</i> Roy de <i>Lombardie</i> . 367.	saint <i>Iean Chrysostome</i> est enuoyé en exil. 13.
<i>Hunericus</i> Euesque de <i>Troye</i> meurt. 101.	saint <i>Iean Chrysostome</i> estant en exil meurt. 17.
<i>Hunfroy</i> 2. Côte de <i>Naples</i> & de la <i>Pouille</i> meurt. 724.	<i>Iean Cassian</i> , natif de <i>Sichie</i> , homme de grand sçavoir & erudition. 22.
<i>Hungus</i> regne sur les <i>Pictes</i> de la grande <i>Bretagne</i> , allies & voisins des <i>Escossois</i> . 400.	<i>Iean</i> patriarche de <i>Hierusalem</i> escrit de l'institutio & reigle de viure des moynes. 24.
<i>Hunimund</i> Roy des <i>Sueues</i> en la <i>Germanie</i> est pris prisonnier par les <i>Ostrogoths</i> . 90.	<i>Iean</i> surnommé le <i>Grammairien</i> Euesque d' <i>Antioche</i> . 40.
les <i>Huns</i> & <i>Massagetes</i> assaillent d'une furie espouuentable les prouinces d' <i>Orient</i> . 2.	<i>Iean</i> occupateur de l' <i>Empire Occidental</i> . 40.
les <i>Huns</i> apres auoir subiugué la <i>Dace</i> & <i>Sarmatie</i> , viennent en la <i>Pannonie</i> . 10.	<i>Iean</i> surnommé <i>Cassian</i> moine à <i>Marseille</i> . 49.
les <i>Huns</i> demeurent maistres de la <i>Pannonie</i> . 10.	<i>Iea</i> medecin natif d' <i>Achaie</i> enuoie querir par l'Empereur <i>Leon</i> . 81.
du regne des <i>Huns</i> en la <i>Pannonie</i> . 43.	<i>Iean</i> de <i>Talasota</i> patriarche de Constantinople. 102.
les <i>Huns</i> dictz <i>Saberis</i> se desbordent en l' <i>Armenie</i> . 135.	<i>Iean</i> 3. du nom Euesque d' <i>Antioche</i> . 102.
les <i>Huns</i> entrent en grande multitude dedans l' <i>Europe</i> gastent une infinité de pays. 162.	<i>Iean</i> 2. & 3. Euesques d' <i>Alexandrie</i> . 123.
les <i>Huns</i> dictz <i>Anarrois</i> se remettent en possession de la basse <i>Pannonie</i> . 193.	<i>Iean</i> surnomé <i>Basilides</i> , natif de <i>Cappadoce</i> , Euesque de Constantinople. 137. 138.
les <i>Huns</i> appellent tous leurs Rois par un nom general <i>Chagan</i> ou <i>Chaian</i> . 211.	<i>Iean</i> 1. de ce nom, natif de la <i>Toscane</i> , est esleu Euesque de <i>Rome</i> . 141. 142.
du retour des <i>Huns</i> en la <i>Pannonie</i> , dictz maintenant <i>Hongrie</i> . 345.	<i>Iean</i> 2. de ce nom citoien Romain est establi au siege <i>Papal</i> . 152. & 153. Il meurt. 155.
<i>Herald</i> fils de <i>Sueuon</i> Roy de <i>Dannemarc</i> meurt. 744.	<i>Iean</i> gouverneur d' <i>Afrique</i> refuse la pension au prince de <i>Mauritanie</i> . 190.
<i>Hyce</i> est empoisonné par le Calife <i>Habdallas</i> . 362.	commencement des ans de <i>Iesdagird</i> selon les <i>Perfes</i> . 264.
I.	
I acobites, heretiques quels. 249.	<i>Iean</i> <i>Catzas</i> Lieutenant de l'Empereur en la prouince <i>Osroene</i> . 268.
<i>Iaddus</i> capitaine d' <i>Omar</i> , se fait rendre la ville d' <i>Edeffa</i> . 270. Il paruiet au Royaume de <i>Perse</i> , où il fait plusieurs belles conquestes. 271.	<i>Iestan</i> <i>Mistaco</i> capitaine de l'armee de l'Empereur, deffait les <i>Perfes</i> . 212.
<i>Iamfrede</i> Comte de <i>Barcelonne</i> est mis à mort par aucuns <i>François</i> . 485.	<i>Iean</i> <i>Scholastique</i> patriarche de Constantinople. 202.
<i>Iamfrede</i> 3. du nom sortant de minorité, prend le gouvernement de la Comté de <i>Barcelonne</i> en sa main. 573.	<i>Iean</i> archeuesque de Constantinople se fait declarer Euesque & patriarche uniuersel. 227.
<i>Iaromire</i> prince de <i>Boëme</i> est dechassé de son pays par son frere. 658.	<i>Iean</i> archeuesque de <i>Rauenne</i> repris par <i>Gregoire</i> de ce que sans concession du Pape de <i>Rome</i> il portoit le pallium. 229.
<i>Iaroslav</i> prince de <i>Russie</i> commence guerre au Roy de <i>Pologne</i> . 668.	<i>Iean</i> patriarche de Constantinople, surnommé le <i>Ieusneur</i> . 220. & 232.
<i>Ida</i> premier Roy de <i>Northumbellande</i> . 187.	<i>Iean</i> le <i>Grammairien</i> surnommé <i>Philopone</i> , inuenteur de certaines heresies. 238.
<i>Idas</i> capitaine <i>Saxon</i> , homme fort belliqueux. 124.	<i>Iean</i> <i>Cyprian</i> surnommé l' <i>Ausmonnier</i> patriarche d' <i>Alexandrie</i> . 244.
<i>Idain</i> fille de <i>Godefroy</i> Duc de <i>Lorraine</i> . 714.	<i>Iean</i> 4. du nom, fils d'un <i>Venantinus</i> de la <i>Dalmatie</i> est esleu Euesque de <i>Rome</i> . 270.
<i>Idris</i> nepueu de <i>Hali</i> s'empare de la domination & principauté d' <i>Afrique</i> . 392.	<i>Iean</i> patriarche de Constantinople meurt. 294.
<i>Iean</i> , moine de <i>Grece</i> , en grande reputation. 4.	<i>Iean</i> 3. du nom nommé <i>Catellinus</i> natif de <i>Rome</i> , Pape. 188. & 200.
saint <i>Iean Chrysostome</i> tombe en discord avec	<i>Iean</i> <i>Capsin</i> est combattu par <i>Eleutherius</i> , & occis. 249.
	<i>Iean</i> 5. du nom natif d' <i>Antioche</i> est esleu pour gouverner l'Eglise Romaine. 301.
	<i>Iean</i> 5. du nom Pape de <i>Rome</i> meurt. 302.
	<i>Iean</i> 11. Roy des <i>Saxons Occidentaux</i> s'empare du Royaume

de la Bibl. historique.

Royaume des Bretons.	301.	Iean Garland Anglois & Campanus, personna- ges de grand sçavoir en astrologie.	701.
Iean surnommé Platine ou Platon est établi par Iustinian exarche d'Italie.	302. & 303.	Ignatius Patriarche de Constantinople.	449.
Ian surnommé Platine exarche d'Italie est rappel- lé par l'Empereur.	311.	Igor ou Iuger fils du Roy de Masconie est occis.	580.
Iean 6. du nom fils d'un Petronius natif de Grece, est fait Pape.	311. & 314.	Ilderic Roy des Vuandales en Afrique.	142.
Iean 7. fils d'un Grec nommé Platon, Euesque de Rome.	314. & 315.	les Images cause de sedition par toute l'Italie.	331. & 332.
Iean Tixocope patrice de Constantinople est pour- ueu de l'estat d'exarche d'Italie. 316. il est mas- sacré.	317.	les Images cause d'une sedition à Gand.	352.
Iean Patriarche de Constantinople est depose par Artemius.	323.	les Images & leur question troublēt grandement les Eglises d'Occident, mesmes celles de France.	362.
Iean Damascene surnommé Chrysaoras ou Man- sur se fait bien renommer.	331.	la question de l'usage des Images est aussi bien de- batue par les Espagnes.	385.
Iean Fabriciat maistre de la gendarmerie à Venise, est depose, & a les yeux creuez.	341.	Inas Roy des Saxons Occidentaux & des Anglois, meurt.	329.
Iean fils de Maurice est Duc de Venise avec son pere.	371.	Inas Roy des Saxons Occidentaux, red son Royau- me tributaire au Pape.	341.
Iean Patriarche de Hierusalem.	380.	Indictions admises au lieu des Olympiades.	2.
Iean Symerosiotes Patriarche de Constantinople.	435.	Indulfe Duc de Saxe fonda la premiere cité d'O- strosaxonne.	455.
Iean Duc de Venise est enuoyé en exil. 436. il est rappelé.	437.	Indulfe Roy d'Ecosse est malheureusement occis en une bataille.	592.
Iean Erigene surnommé l'Ecossois homme mer- ueilleusement docte es langues.	461.	Innocent natif de la ville d'Albe en Italie, eleu E- uesque de Rome.	11.
Iean Archeuesque de Raouenne est cité à Rome, & par contumace excommunié.	466.	Innocent Euesque de Rome meurt.	28.
Iean 8. fils de Gundi citoien Romain, Pape.	481.	Ioannes maistre huisier, ou premier secretaire, s'in- uestit de la dignité imperiale d'Occident.	39.
Iean Scotigene, surnommé l'escot, homme de grand sçavoir & iugement, est mis à mort par ses disci- ples.	498.	Ioannes l'occupateur de l'Empire se retire dedans Raouenne. 40. est pris & puny.	41.
Iean Patritiaque Duc de Venise obtient que son frere Pierre luy est adioinct en la dignité Duca- le.	502.	Ioannes Hannulla Euesque d'Alexandrie.	113.
Iean 9. ou 10. du nom, est esleu Pape de Rome. 518. & 519.	518.	Iobanesica prince d'Anic gouverneur de la grande Armenie.	706.
Iean 10. ou 11. est établi au siege Papal.	36. & 561.	Ioannitus moine Grec, homme de grande eruditiō.	449.
Iean Musalon, Gouverneur de la Pouille & Cala- bre pour l'Empereur de Grece, est massacré.	536.	Iohan estant en la seconde annee de son regne à Cordone, meurt.	661.
Iean Curcuas coronal des legions domestiques d'Orient, est demis de ses estats.	564.	Iouinian heretique.	4.
Iean 12. est fait Pape.	587.	Iouinian est condamné, & ses adherens.	29.
Iean 13. du nom est esleu Pape.	198. & 606.	Iouin s'attribue la dignité imperiale en la Gaule.	23.
Iean 14. pape de Rome.	617. & 619.	Ioseph Roy de Maroc en Afrique deffait l'ar- mee du Prince de Temefne au Royaume de Fex.	696.
Iean 15. du nom est établi au siege Papal. 619. 631. & 634.	619. 631.	Iosse fils du Roy de Bretagne.	252.
Iean 16. du nom est Pape.	634.	Iouius capitaine d'Honorius.	13.
Iean 18. ou 19. Pape.	649. & 655.	Isaac Commene Empereur de Grece se rend en un monastere.	728.
Iean Roy de Bulgarie est mis à mort en une escar- mouche.	668.	Isacius Patriarche de Hierusalem.	236.
Iean 19. Pape de Rome.	674.	Isacius l'Exarche se transporte à Rome pour confermer l'election d'iceluy au nom de l'Empe- reur.	269.
		les Isauriens se reuoltent contre l'Empereur. 14.	
		les Isauriens domptez & renduz tributaires.	116.

de la Biblioth. historiale.

<i>Isdigertes roy de Perse, fils de Varanes.</i>	9.	<i>merites. 151. Il a grandement à cuer la mort de Hilderic.</i>	155.
<i>Isdigertes roy de Perse fait abatre tous les temples des Chrestiens.</i>	26.	<i>Iustinian est salué & proclamé Empereur. 135143.</i>	
<i>Isdigertes roy des Peres meurt.</i>	36.	<i>148. 151. 153. 154. 156.</i>	
<i>Isidore prestre.</i>	14.	<i>Iustinian signifie la guerre à Theodat.</i>	156.
<i>Isidore le grand, euesque de Seuille en Espagne. 235 & 247. Il meurt.</i>	258.	<i>Iustinian renuoye pour la seconde fois Bellisarius en Italie 169. 170. Il appelle & assemble les Euesques à Constantinople.</i>	175.
<i>Isuard moyne, compilateur du martyrologe des Saints.</i>	406.	<i>Iustinian tombe en un erreur de conscience. 188. Il meurt.</i>	189.
<i>Italie, & le commencement du regne d'icelle.</i>	93.	<i>Iustinian r'amene l'armee imperiale de Perse chargée de despoilles & de butin.</i>	204.
<i>l'Italie s'accommode aux ans de nostre seigneur. 165.</i>		<i>Iustinian met sus une armee qu'il enuoye pour faire la guerre aux Esclavons & Bulgariens.</i>	302.
<i>Iubilé solennizé. 3. part. 586. 603. 628. 705. 772.</i>		<i>Iustinian rompt la paix qu'il auoit faicte avec les Sarrazins. 305. Il s'assure mal sur une troupe d'Esclavons qu'il auoit fait venir à son seruice.</i>	306.
<i>Iudicael s'empare du royaume de la petite Bretagne. 263. il meurt laissant deux fils.</i>	277.	<i>Iustinian enuoye une armee en l'Armenie.</i>	302.
<i>S. Iues natif de Bretagne aduocat de sainte vie. 3. part. 505.</i>		<i>Iustinian laisse le gouuernement de la cité de Constantinople à un Eunuche nommé Estienne.</i>	307.
<i>Iugo roy de Suesse fait guerre au roy de Ruthenie. 738.</i>		<i>Iustinian s'estant faict odieux aux siens est deieté de l'empire, & enuoyé en exil.</i>	307. & 308.
<i>Iuhal Berengier comte de Rennes, meurt.</i>	614.	<i>Iustinian recouure l'empire de Constantinople, & regne avec son fils Constantin Cesar.</i>	314.
<i>les Iuifs donnent charge d'assembler & de parfaire leur Thalmud.</i>	12. & 13.	<i>Iustinian fait publier les canons du 6. Concile de Constantinople 315. & faict entrer une armee dedans la Bulgarie.</i>	ibid.
<i>les Iuifs & Samaritains massacrent les Chrestiens par la Palestine.</i>	168. & 183.	<i>Iustinian se retire du Chersonnese, ne sçachant à qui se fier.</i>	313.
<i>les Iuifs se mutinans en la cité d'Antioche, massacrent grand nombre de Chrestiens. 243. & 244</i>		<i>Iustinopolis, capitale du païs d'Istrie est fondée.</i>	193.
<i>Iulian & Celestin, disciples de Pelagius.</i>	15.	<i>Iustus Capitaine, mené en Espagne par Constans</i>	19.
<i>Iulian Euesque d'Afenelense maintient & publie l'heresie de Pelagius.</i>	40.	<i>les Iutiens se rebellent contre Canute roy de Danemarc.</i>	763.
<i>Iulian Euesque de Capua en Italie, maintient l'heresie d'Arius.</i>	54.	<i>Iuuenal Euesque de Hierusalem.</i>	41.
<i>Iulian capitaine se rebelle avec les Iuifs & Samaritains contre l'Empereur.</i>	145.	<i>Iuuenal patriarche de Hierusalem est contraint de s'en retourner à Constantinople.</i>	69.
<i>Iulian euesque de Halicarnasse excite l'heresie des Aphetadocites.</i>	228.	<i>Izem selon d'autres Ixeca roy de Cordoue en Espagne.</i>	380.
<i>Iulian Comte de Sebta & de Consnegra en la coste d'Afrique. s'allie des Sarrazins.</i>	318.	<i>Izaslau prince de Russie est restitué en son royaume par le roy de Pologne.</i>	750.
<i>Iulian Ceparin se nomme celuy qui fut 4. maistre de la gendarmerie à Venise.</i>	341.	<i>Izem roy de Tolette en Espagne fils du Miramolin Alimainon meurt.</i>	766.
<i>Iulianus euesque d'Antioche.</i>	91.		
<i>Iulius Nepos esleu Empereur par l'Empereur Leon.</i>	92.		
<i>Iulius Nepos est mis à mort à Solone.</i>	100.		
<i>Iuseph ou Iusaph roy de Cordoue & gouuerneur general des Espagnes.</i>	352.		
<i>Iustin fut le premier qui ioignit la dignité consulaire avec l'imperiale.</i>			
<i>Iustin le ieune ou second du nom fils de la sœur de Iustinian, Empereur.</i>	189.		
<i>Iustin est saisi d'une maladie des iambes, qui le fait mourir.</i>	201.		
<i>Iustin natif de bas lieu au païs de Thrace est faict Empereur.</i>	136. 138. 140.		
<i>Iustinian & Neuiogastes, lieutenans de Constantin sur toute sa gendarmerie.</i>	16.		
<i>Iustinian contracte alliance avec la nation des Ho-</i>			
		<i>K.</i>	
		K <i>Atherius natif de France, Euesque de Veronne, homme docte.</i>	559.
		<i>Kennethe roy d'Escoffe met les Pictes en route.</i>	439. Il meurt.
		<i>Kennete roy d'Escoffe à enuie de faire succeder son fils à sa couronne.</i>	631.
		<i>Kionie.</i>	60.
			<i>Kinuitallus</i>

de la Bibl. historiale.

Kinuitallus roy d'Escoffe meurt. 208.
Kinstode duc de Lituanie entre avec une grande
 armee dedans la Russie, où il fait une cruelle
 guerre aux cheualiers Teutoniques. 3. part.
 547.

L

L *Aamissio* est subrogé à son pere, & regne en la
Rugilandie. 93.
Lagapenus estant paruenue à l'Empire de Grece,
 depesche une armee pour aller reduire la Pouil-
 le & Calabre en son obeyssance. 542.
S. Lambert Euesque d'Vtrecht ou du Liege reprend
 Pepin d'adultere, pour laquelle cause il fut mis à
 mort par le frere de la concubine. 309.
Lambert cy deuant Comte de Nantes ayant esté
 demis de son gouuernement, se rebelle contre le
 Roy Charles. 459.
Lambert fils de Guy Empereur d'Italie est par son
 pere institué & déclaré Roy d'Italie.
 512.
Lambert Roy d'Italie commence à deuenir trop ri-
 goureux enuers ses subiects. 517.
Lambert Comte de Louvain esperant faire son pro-
 fit de l'absence de l'Empereur, entreprend de re-
 couurer la Duché de Lorraine. 659.
Landenulfe Euesque de Capue prie le Pape de met-
 tre la ville de Caiette sous sa iurisdiction.
 488.
Landulfe par la faueur de l'Empereur Othon est
 inuesti de l'Archeuesché de Milan. 625.
Landulfe prince de Beneuet & de Capue est cruel-
 lement massacré par ses subiects. 627.
Lando fils de Charles surnommé le Bel se rebelle.
 77.
Landry Connestable du ieune Roy Clotaire gaigne
 une belle bataille. 233.
Landry Connestable de Clotaire est depesché avec
 une armee pour aller donner sur Bertauld. 242.
 Il perd la bataille pres la ville d'Estampes.
 243.
Lanfranc escrit contre Berengarius du saint Sa-
 crement du corps & sang de nostre Seigneur.
 728. Il decede. 785.
Languedoc au parauant appelée la Septimanie.
 24. & 216.
 la Langue Latine commence à se corrompre, deffail-
 lir & alterer. 204.
 la Langue Latine commence à se corrompre &
 perueruir du tout, à cause du meslange diuers des
 nations. 240. & 241.
Laon prise par la trahison de l'Euesque Ascelin.
 626.
Laurent, prestre de Rome, Pape. 118. 121.
Lazica & ses appartenances est mise entre les mains

des Sarrazins par Sergius. 309.
 les Lazziens se rebellent contre l'Empereur, & se
 mettent en la protection du Roy de Perse. 165.
 & 166. se ioignent puis apres à l'Empereur.
 170.
Leander Euesque de Tolette en Espagne, homme de
 grand sçauoir & doctrine. 209.
Lech & *Zechf* deux freres Esclauons, & Princes
 de leur nation. 176. 178. 179. & 310.
Leccho ou *Lesco* Prince des Esclauons qui habi-
 toient au pays de Boëme. 403.
Lecus 2. fils de Cracus regna sur les Polonois apres
 la mort de son aîné. 310.
Leth 13 Roy des Lombards. 84.
Leger Euesque d'Autun, personnage de sainte vie
 est confiné par Childeric au monastere de Lu-
 xeul. 293.
Legions Romaines establies à la garde d'Angleter-
 re espouuantes de la renommee des Vandales.
 16.
Lemiges exarche d'Italie s'entretient en paix a-
 uec le Roy des Lombards. 245.
Lendegisile est honoré par Goutran du gouuerne-
 ment de prouence avec le Patriciat. 217.
Lendere capitaine de Vitiges. 159.
Lendesie ou *Lendefile*, fils du feu Ercebauld, est
 pris pour Maire du Palais. 294.
Lenfred duc d'Almagne est demis de ses estats par
 le roy Childebert. 227.
Lentharius & *Bultin* causent un grand estonnement
 aux Imperiaux. 181.
Leon diacre de l'Eglise Romaine, esleu Pape. 54.
Leon 1. du nom, natif de Thrace est mis au siege
 Imperial d'Orient. 71.
Leon Pape escrit à l'Empereur pour l'inciter à per-
 seuerer en la doctrine Catholique 76. Il meurt.
 81.
Leon 1. du nom Empereur meurt, laissant Leon le
 ieune son successeur en la dignité Imperiale,
 92.
Leon 3. du nom fils d'un *Azzupius* citoyen de Ro-
 me. 387.
 le Pape Leon enuoya deux Chantres au Roy Char-
 les pour enseigner en France le chant Ecclesia-
 stique dont on vsoit à Rome. 396.
 le Pape Leon ordonna les Regations & processions
 qui se font tous les ans deuant l'Ascension.
 398.
 le Pape Leon tombé en une grande maladie, la po-
 pulace de Rome pille ses mestairies. 416. Il meurt.
 417.
Leon 4. Pape decede. 457.
Leon septiesme du nom Pape de Rome meurt.
 567.
Leon 8. Pape meurt. 598.
 le Pape Leon estant retourné en Italie fait reuo-

Table de la seconde partie.

quer un synode en l'Eglise de Latran à Rome. 714. Il s'accompagne de Godefroy duc de Lor- raine, afin de l'employer contre les Normans. 715.	ques de son Royaume, qu'il en fait une cruelle persecution. 209. Il meurt. 215. & 218.
le Pape Leon est du comte Hunfroy conduit hono- rablement à Capue. 720.	Letanies qui se font le iour S. Marc, sont instituees par le Pape Gregoire. 226.
Leon Iconomache Empereur d'Orient decede. 341.	Libatius moine de S. Aulbin de Maience, homme docte, presche la foy Chrestienne aux Russiens. 615.
l'empereur Leon poussé de certaines causes defend les images & statues de Dieu & des saints. 330.	Liberius conduit une armee en Sicile pour l'Em- pereur. 176.
l'empereur Leon fait assembler un concile de tous les Euesques d'Orient à Constantinople, pour defendre les images. 335.	Libussa fille de Cracus, la mieux instruite de ses sœurs es sciences humaines & politiques. 310.
Leon 4. du nom ne seulement du 25. Ianuier de l'an- nee precedente est declaré Auguste par son pere. 350.	Licinianus Euesque de Carthage, homme de grand sçavoir. 212.
l'empereur Leon, à l'instance du peuple de Constan- tinople, fait couronner son fils Constantin Em- pereur Auguste comme luy. 370.	Liebold surnomé l'Illustre premier marquis d'Au- striche, meurt. 623.
l'empereur Leon mene une armee de cent mille co- batans en la Syrie contre les Sarrazins. 371.	Lindulfe Duc de Saxe meurt laissant trois fils. 462
l'empereur Leon est puny de ses cruautés par une mort estrange. 373.	Lintperth ou Luitpert en fort bas aage regne sur les Lombards sous la tutelle d'un personnage vertueux. 310.
l'empereur Leon commence de rechef à faire la guer- re aux images. 416.	Littorius combat les Goths. 37.
Leon estant paruenue à l'empire depose Photius du siege patriarchal de Constantinople. 502.	Littorius Celsus enuoié à Narbonne. 50. Vent chaf- ser les Visigoths de la Gaule. 52.
Leon Empereur de Grece depesche un sien patri- ce avec une grosse armee pour aller assieger la ci- té de Benueut. 510.	Luiba ou selon d'autre Limba aagé seulement de six ans regna apres son pere sur les Visigoths. 237. On le fait mourir. 239.
l'empereur Leon est quasi massacré en un temple le iour de Pentecoste. 513.	commencement du regne des Lombards. 192.
Leon Hostiensis aucteur de la chronique du mont Cassin, en quel temple vivoit. 396.	les Lombards passent derechef les Alpes en grand nombre. 201.
Leon surnomé le philosophe meurt. 529.	les Lombards viennent en France diuisez en trois bandes. 203.
Leon dict Tornicius, reclus par cy deuant en un monastere, se fait par les capitaines des legions en Thrace saluer Empereur. 711.	les Lombards s'adressent en Italie, & surprennent plusieurs villes. 207.
Leon est la premiere ville que retira Pelage de la puissance des Maures. 325.	les Lombards conuertissent toutes leurs forces sur les villes de la Toscane. 208.
commencement du regne des rois de Leon ou de Ca- stille au lieu des Visigoths. 325.	les Lombards sont tributaires des Eruliens. 110.
Leontius comte des provinces d'Orient, se donne le nom d'Empereur. 104.	les Lombards recherchent l'alliance des François. 213.
Leontius patrice de Iustinian remet l'Armenie en l'obeissance de son maistre. 302.	les Lombards assiegent la ville de Rome, sans y rien profiter. 238.
Leontius patrice estant secondé du patriarche & de tout le peuple, deiette Iustinian de l'Empire. 308.	Longinus frere de l'Empereur Zenon s'esleue con- tre l'Empereur Anastasius. 110.
Leonegild Roy des Visigoths d'Espagne. 159.	les Lorrains se donnent à l'Empereur Loys. 524.
& 197.	Lothaire roy des Anglois. 301.
Leonegild commence la guerre aux peuples & vil- les qui ne luy rendroient l'obeissance. 200.	Lothaire fils de l'Empereur fait son entree à Rome. 424.
& 201.	l'empereur Lothaire estant à Rome ordonne cer- tains iuges & magistrats pour administrer la ius- tice aux Romains. 428.
Leonegild est le premier qui commence d'user de magnificence royale en habits. 204.	l'Empereur Lothaire estât de retour en Frâce veut restituer Ebon en l'archeuesché de Reims. 441.
Leonegild s'anime si asprement contre les Catholi-	Lothaire s'en reuiet d'Allemagne avec son armee en Frâce pour taster s'il viendroit mieux à bout de Charles. 442.
	Lothaire demeure en possession du tiltre & de l'ef- fect de l'empire d'Italie, ensemble de ce qu'il re- stoit en Gaule. 444.
	l'Empereur

de la Bibl. historique.

- | | |
|---|---|
| <p><i>l'empereur Lothaire fait un voyage à Rome, où il chastia les principaux auteurs de la conspiration contre luy.</i> 456.</p> <p><i>Lothaire 3. Empereur des François se demet du soin & de l'administration de l'Empire pour faire profession de la vie monastique.</i> 457.</p> <p><i>l'empereur Lothaire est repris du Synode, dequoy il donnoit des Euesques & pasteurs ignorans aux Eglises.</i> 458.</p> <p><i>Lothaire Roy de Loraine espouse Thietberge sœur d'un abbé de Bourgongne.</i> 459.</p> <p><i>Lothaire Roy de Lorraine s'estant amouraché d'une sienne concubine veut repudier sa femme.</i> 467.</p> <p><i>le roy Lothaire apres avoir fait son entree à Paris, se laisse mener par le Duc Hugues en Aquitaine.</i> 585.</p> <p><i>le roy Lothaire s'estant saisi de quelques chasteaux de Bourgongne entre en differend de celà avec les fils du feu Duc Hugues ses cousins.</i> 589.</p> <p><i>le roy Lothaire ne veut aucunement permettre que l'archeuesché de Reims fust restitué à Hugues fils de Herbert.</i> 593.</p> <p><i>le roy Lothaire espouse Hemina, ou Emma.</i> 599.</p> <p><i>le roy Lothaire mene une grosse armee en Lorraine.</i> 612.</p> <p><i>Lothaire Roy de France entreprend de retirer à soy le Royaume de Lorraine.</i> 617.</p> <p><i>le roy Lothaire quitte volontairement ce qu'il avoit pris de Lorraine, & met en liberté le Comte Godefroy, luy rendant sa Comté.</i> 618.</p> <p><i>Lotho & Conranus vaincus par le Roy Idas.</i> 128.</p> <p><i>sainct Loup est ordonné Euesque de la ville de Troye en Champagne. 43. Il passe en Angleterre.</i> 44.</p> <p><i>Loup Euesque de Troye meurt.</i> 101.</p> <p><i>Loup Duc de Friuli se rebelle contre le Roy Grimoald, & est pris & tué.</i> 291.</p> <p><i>Loys Roy d'Aquitaine faict passer son armee à l'accoustumee en Espagne.</i> 311.</p> <p><i>Loys Roy d'Aquitaine passe avec une armee en Espagne.</i> 398.</p> <p><i>l'empereur Loys reçoit en ses iustifications le Comte Bernard qui se vint trouver & presenter devant luy.</i> 431.</p> <p><i>Loys Roy de Bauiere sollicite la Germanie contre son pere.</i> 432.</p> <p><i>l'empereur Loys faict faire le proces aux Euesques qui l'avoient cy devant iniustement condamné & dégradé.</i> 435.</p> <p><i>Loys Roy de Bauiere se met en deuoir de faire sien tout ce qui estoit de la Germanie de delà le Rhin.</i> 493. & 440.</p> | <p><i>Loys l'Empereur se veut servir des Saxons à la restitution qu'il se deliberoit faire du Roy Harriold.</i> 416.</p> <p><i>l'empereur Loys apres avoir chastié les complices de la rebellion de Bernard Roy d'Italie mene son armee en la petite Bretagne.</i> 419.</p> <p><i>Loys obtient toute la Germanie entierement avec la Hongrie, lesquelles il fit comprendre sous le nom de France Orientale.</i> 444.</p> <p><i>Loys est couronné par le Pape non seulement en tiltre de Roy d'Italie, mais aussi d'Empereur Auguste.</i> 446.</p> <p><i>Loys de Germanie tenoit une diette en Allemagne, à laquelle se trouverent les Ducs de Boëme, qui se firent baptizer.</i> 447.</p> <p><i>Loys Roy d'Italie est par Lothaire son pere déclaré Empereur Auguste.</i> 452.</p> <p><i>Loys fils de l'Empereur Lothaire deffaict en une grande bataille les Sarrazins qui troubloient l'Italie.</i> 453.</p> <p><i>Loys Roy de Germanie mene en personne une armee contre les Sorabes.</i> 454.</p> <p><i>Loys fils de Loys Roy de Germanie, va de l'ordonnance de son pere au mandement des Aquitains.</i> 456.</p> <p><i>Loys Roy de Germanie deffaict en une grande bataille Ratisslaus.</i> 456.</p> <p><i>Loys Roy de Germanie ayant remis sus une grande armee, la mena par le pays des Sorabes contre les Dalmatiens.</i> 458.</p> <p><i>le roy Loys reçoit le Comte Herbert en sa grace.</i> 564.</p> <p><i>Loys Roy de Germanie ayant receu en grace son fils Carloman, va parlementer avec le Roy Lothaire son nepveu à Maience.</i> 465.</p> <p><i>Loys & Charles fils du Roy de Germanie, prennent les armes contre leur pere.</i> 479.</p> <p><i>Loys Empereur des François en Italie reçoit la couronne Imperiale à Rome.</i> 480.</p> <p><i>Loys Roy de Germanie part avec une armee pour aller assieger Rastie Duc des Esclavons de Moravie.</i> 480.</p> <p><i>Loys Empereur des François en Italie fils de Lothaire meurt à Milan.</i> 483.</p> <p><i>Loys Roy de Germanie passe en Italie, où il parla avec l'Empereur son nepveu, & le Pape Iean.</i> 483.</p> <p><i>Loys Roy d'Allemagne veut retourner en Lorraine pour voir si les affaires de France se pourroient représenter à sa deuotion.</i> 493.</p> <p><i>Loys Roy de Germanie conuient de laisser retirer hors de son Royaume les Normans bagues saunes.</i> 494.</p> <p><i>Loys Roy de Prouence contraint à la parfin le Roy Berengier s'enfuir au pays de Bauiere.</i> 525.</p> |
|---|---|

AAAA

Table de la seconde partie

l'empereur Loys leue une armee pour obuier aux entreprises des Hongrois. 526.	succede à la seigneurie de Bretagne. 173. & 181.
Loys Empereur dernier de la race de Charlemagne en Allemagne meurt. 533.	Macclianus & Bodicus Comtes de la petite Bretagne font ensemble une pactiō. 208.
Loys Roi de France voulant gouverner son Royaume par soy mesme, se deffaiēt de la compagnie du Comte Hugues. 563.	Macolme Roy d'Escoffe est occis en une bataille. 578.
le roy Loys ne pouuant impetrer paix de ses aduersaires, se tient en Bourgongne, qui est son refuge. 569.	Madi renuoie une autre armee contre les Grecs. 374. Il meurt. 377.
le roy Loys voulant faire la guerre aux fils du Comte Herbert, s'alla assseurer du marquis de Gothie & des princes d'Aquitaine. 572.	Magdebourg en Allemagne est augmentee & fortifiée par Charlemagne. 375.
le roy Loys estant encor à Roūen a un fils nommé Charles. 574.	Magdebourg est fondee & edifiée par l'Empereur Othon. 567. & 605.
le roy Loys sollicite l'Empereur Othon de se faire intercesseur de paix entre luy & le Duc Hugues. 579.	Magfinbrech s'empare tyranniquement du Royaume d'Escoffe. 698.
Loys 32. Roy de France surnommé d'Outremer meurt. 584.	Maglocunnus Roy des Bretons. 188. & 202.
Loys 34. Roy de France, meurt. 620.	le faux prophete Mahomet commence à diuulguer & prescher clandestinement le poison de sa doctrine. 242.
Loys diēt d'Orleans & le Barbu, premier Comte de Turingie decede. 721.	commencement du regne & de la secte de Mahomet, & des Sarrazins. 255.
Lubec en Allemagne est fondee ceste annee. 698.	Mahomet meurt en la 10. annee de l'hegire, & en la 63. annee de son aage. 262.
Luitprand Roy des Lombards amene secours au prince Charles. 335.	Mahomet depesche quatre de ses capitaines, pour faire la guerre aux nations Chrestiennes. 263.
Luitprand met aux champs une armee pour recouurer la Duché de Spolet. 342. Il meurt. 346.	Mahomet puissant seigneur Maure s'empare de Tolette, y establiſſant le siege de son Royaume. 630.
les Luiticiens qu'on nomme maintenant Lusatiens, s'estans reuoltez de la religion Chrestienne, entrent dedans la Saxe. 688.	Mahomet fils de Iohar Roy des Maures de Cordouē en Espagne. 680.
Luitolphe fils de l'Empereur Othon prend en mariage la fille unique de Herman Duc de Suabe. 568.	Maiolus abbé de Clugny faiēt un voyage à Rome. 605.
Luitolphe se declare tout apertement contre son pere. 583.	Maorianus est Empereur d'Occident. 75. Il faiēt quelque entreprise sur les Vuandales d'Afrique. 76.
Luther & Benno succedent à leur pere Herman Duc de Lunebourg, à ses estats. 615.	les Maires du Palais esleuent leur autorité, en rauallant d'autant la maiesté des Rois. 290.
Luxembourg est erigé en Comté en la personne de Sigefroy. 595.	Maiaces voyant la Sicile deliuree des Sarrazins, renuoie les Normans en Italie. 697.
Lyderic ou Lyderic surnommé Buccense, est le premier qu'on tient auoir porté le nom de Forestier. 253.	Manassier fils d'Albon 2. du nom succede à son pere es seigneuries de Hainault. 494.
M.	
M acharius Euesque de Hierusalem 2. du nom. 172. Il est depose. 177. Il est remis. 187.	Manassier Comte en Henault meurt. 537.
Macharius heretique Monothelite tient le 67. lieu entre les patriarches d'Antioche. 279.	Malasuntha est massacrée par la permission de Theodat. 154.
Macedonius patriarche de Constantinople. 113. & 129.	Malchus Euesque Lombard, prisonnier pour quelque crime. 233.
Macclianus se faiēt eslire Euesque de Viennes, &	Malcome Roy d'Escoffe est faiēt mourir à cause de son auarice. 687.
	Maldra Roy des Sueues est occis. 78.
	Mammert archeuesque de Vienne institue les Rogations. 82. 88. & 226.
	Mandulchus Roy des Huns. 36.
	Manicheens chassez de Rome, & leurs livres bruslez. 57. & 130.
	les Manichees d'Orient se mettent avec le prince Chrisochir

de la Bibl. historique.

Chrisochir dedans les provinces de l'Empire Grec. 479.	Maruan ou Maroan s'empare de la principauté & du Califat des Sarraxins. 346.
Manteaux Archevêques, voyez le mot de Pallium. 234.	Maruan pourfuiuy par ses ennemis est de rechef deffait en une cruelle bataille. 350.
Maratas Evesque de Mesopotamie. 14.	Martyropolis est assiegée par Philippicus, mais nō prise. 216.
Marc Capitaine des legions Romaines. 16.	Mascexel, frere de Gildo mene une armee en Afrique contre son frere. 6.
Marcel Duc de Venise meurt. 330.	Mascexel est par ses gensdarmes mis à mort, se rebellant contre l'Empereur. 7. & 8.
Marcelle, natifue de nobles parens à Rome. 19.	Maslaus ou Masos s'empare de Pologne. 694.
Marcellinus gouverneur de l'Afrique au nom de l'Empereur. 23.	Maslaus receuant une armee des Prussiens se fait par eux reconduire & remettre en la Massouie. 704.
Marceline, compagne de la secte Carpocratienne. 27.	Masalmas entre de rechef avec une armee de Sarraxins dedans les provinces Romaines. 333.
Marcian Evesque des Nouatiens à Constantinople. 4.	Masalmas est vaincu & deffait par les Gazariens. 334.
Marcianus decede en la cité de Constantinople. 75.	Masalmas se met dedans les provinces de l'Empire. 335.
Marcianus qui auoit quelque sçauoir de predire les choses futures, est mis à mort. 108.	Masalmas ayant remis sus une grande armee, l'amene iusques aux portes Caspiennes. 337.
Marcheok est bastie & edifiee sur la riuere de la Marche. 365.	Malasuntha fille de Malasuntha merice par force à Vuitiges. 159.
Marcomire Roy des François, pris & enuoyé prisonnier en la Toscane. 5.	Matilde sœur du Roy Lothaire espouse Conrard Roy de Bourgogne. 601.
les Mardaites se saisissent des sommets des montagnes qui sont depuis le mont Taurus iusques au Liban. 295.	S. Maur disciple de S. Benoist enuoyé en France pour y dresser des monasteres. 148. & 158. Il meurt. 167. & 211.
Marianus Scotus Historiographe. 778.	les Perses gaignent une victoire contre Bellisaire. 150.
Marin, Comte, va en Afrique, pour ordonner de l'estat d'icelle au nom de l'Empereur. 24.	Maurice met l'armee du Roy de Perse en route. 208.
Marius, ou Marianus, gouverneur de la ville d'Arles. 16.	Maurice est fait gendre de l'Empereur, adopté pour son fils & honoré de la dignité de Cesar. 210.
du Royaume de Maroc en Afrique. 669.	Maurice recherche l'alliance des François. 213.
Marcia uesue du feu Marquis d'Albere, se marie en secondes nopces avec Guy Marquis de la Toscane. 551.	Maurice l'Empereur estant odieux au peuple de Constantinople, se sauue en la ville de Chalcedone, où ses ennemis le mettent à mort. 237.
Martianus natif du pays d'Illyrie, Empereur de Constantinople. 63. Il fait paix avec les Perses. 65.	Maurice Comte de Marseille se remet en l'absence de Charles en sa Comté. 340.
Martianus fils d'Anthemius usurpe le nom d'Empereur. 97.	Maurice Comte d'Anjou decede sans enfans. 658.
Martianus Lieutenant de l'Empereur en Afrique, appaise toute l'emotion esleuee. 190. & 197.	Maures d'Espagne font constume d'escumer & courir incessamment les isles & riuages de la mer Thyrrene. 405.
Martia capitaine vaillant & de bonne conduite. 159.	les Maurusiens se rebellent souz la conduite de Stozas. 156.
S. Martin Archeuesque de Tours quand trespassa. 6.	les Maurusiens se rebellent de rechef contre les Romains. 167.
S. Martin Evesque de Tours meurt fort saintement. 11.	Maximian Archeuesque de Rauenne abuse des biens de l'Eglise à son propre usage. 185.
S. Martin en quel temps mourut, & de quelle reputation il a esté en sa vie. 230.	Maximianus Evesque de Constantinople meurt. 49.
Martin 1. de ce nom Pape de Rome fils d'un Fabricius Tudertin. 277. Il conuoque un Synode à Rome. 278.	Maximius gouverneur & coronal est mis à mort par l'armee des Romains en Orient. 32.
Martin 3. du nom Pape. 570. Il meurt. 576.	AAAA ij
Martin 4. Pape de Rome. 489. 390. 391.	
Matrinus gouverneur & President pour les Romains en la Pannonie. 10.	

Table de la seconde partie

<i>Maximus & Seuerinus s'osent inuestir du tiltre & autorité d'Empereur en Espagne.</i>	37.	<i>silc le Macedonien, cherche les moyens de se defaire de luy.</i>	470.
<i>Maximus & Seuerinus chastiez de leur temerité.</i>	37.	<i>Michel surnommé le Paphlagonien, Empereur de Grece, se demet volontairement de son estat & charge.</i>	699.
<i>Maximus le tyrā s'empare de la grād Bretagne.</i>	38.	<i>Michel Stratiotic pour sa chicheté & illiberalité, toutes les legions de la Grece & d'Orient se reuoltent contre luy.</i>	723.
<i>Maximus Euesque d'Antioche.</i>	63.	<i>Michel Cerulaire patriarche de Constantinople est depose.</i>	728.
<i>Maximus Patrice & senateur, s'empare de l'Empire d'Occident.</i>	73.	<i>Mieslaus I. Roy Chrestien de Pologne, meurt.</i>	629.
<i>Maxime est degradé de la dignité Imperiale, & enuoie en exil.</i>	23.	<i>Mieslaus Roy de Pologne entre avec une grande armee dedans la Pomeranie. Il meurt.</i>	689.
<i>Maxime Euesque de Sarragosse, historiographe qui a escrit les gestes des Vuisigoths.</i>	246.	<i>Miron fait guerre aux Ricconiens, lesquels il subiugua.</i>	202.
<i>saincts Medard & Gildard nez d'une vètree Euesques de France.</i>	168.	<i>Miron succede à son pere Iamfrede au Comté de Barcelonne.</i>	535. & 554.
<i>Melaine Euesque de Rennes.</i>	131.	<i>Misiz la prince des Esclauons meurt.</i>	642.
<i>Meles conducteur des Normans gaigne plusieurs villes sur les Grecs.</i>	667.	<i>Misteu ou Mistiuvoy prince des Esclauons se repend d'auoir reietté la religion Chrestienne.</i>	675.
<i>Melitus & Ieā moines de la reigle de S. Benoit, sont enuoiez en Angleterre pour y conuertir le peuple idolatre, à la religion Chrestienne.</i>	231.	<i>Mizixius, qui auoit eu auparauant le gouuernement de l'Armenie, conspire contre l'Empereur Constans.</i>	290.
<i>Melun sur Loire est repris de force par les François.</i>	116.	<i>Mordacus Roy d'Escoffe, homme benin & pacifique meurt.</i>	337.
<i>Menas Euesque de Constantinople.</i>	155.	<i>Modogisil, ou Godigisil, Roy des Vvandales.</i>	15.
<i>Merimar & Mar fils de Rabbi Ase acheuent la compilation du Thalmud Babylonique.</i>	135.	<i>Modogisil premier Roy des Vvandales est tué sur le champ.</i>	21.
<i>Merlin Caledonien dict le sauuage.</i>	202.	<i>Monasteres bastis en France, Allemagne & Angleterre, en grand nombre.</i>	232.
<i>Mermeroës, homme fort vaillant & experimenté au fait de la guerre.</i>	182.	<i>les Monosophites heretiques en grād vogue, & qui sont ses defenseurs.</i>	249.
<i>Merouee 3. Roy des François. 60. Il meurt.</i>	77.	<i>Monothelites heretiques en vogue es pays d'Orient.</i>	192.
<i>Merouee est confiné en un monastere de la ville du Mans, pour y viure souz la reigle monastique. 204. Il en sort & est mis à mort.</i>	207.	<i>les Monothelithes troublent les Eglises d'Orient.</i>	297.
<i>Messes comprend tout le seruice de l'Eglise du matin.</i>	163.	<i>la Morce pillée & rauagee par les Vuisigoths.</i>	2.
<i>Methodius natif d'Illyrie, homme docte & zelé à l'auancement de la gloire de Dieu.</i>	419. & 463.	<i>Moemarus & Suatobogus princes de Morauie comencēt à se guerroyer cruellement l'un contre l'autre.</i>	517.
<i>Michaëlas fils d'Estienne prince de Seruie & des Triballiens, s'allie de l'Empereur de Grece.</i>	719.	<i>commencement du royaume de Mosconie & Russe.</i>	464.
<i>Michel est honteusement vaincu par les Bulgariens.</i>	412.	<i>Muëtar Lieutenant de Gisidan au Royaume de Perse, se rebelle contre son maistre.</i>	299.
<i>Michel Empereur de Constantinople enuoie derechef une armee contre les Sarrazins de Crete.</i>	425.	<i>Muëtar estant vaincu en une grosse bataille, prend la fuite.</i>	304.
<i>Michel Empereur d'Orient renouuelle l'alliance de ses predecesseurs avec les François.</i>	425.	<i>Muhammat perd une grande bataille contre son frere.</i>	411.
<i>Michel surnommé le Begue se trouue conuaincu enuers l'Empereur Leon d'auoir conspiré contre luy. 421. Il meurt.</i>	429.	<i>Muhanias Lieutenant du Calife avec une armee de mer passe en l'Isle de Cypre.</i>	278.
<i>Michel Empereur de Constantinople ne veut recevoir les images.</i>	426.	<i>Muhanias estant retourné en Cypre, rasiegea de plus grande puissance la ville d'Aradus.</i>	279.
<i>Michel fils de l'Empereur Theophile nasquit ceste annee, prenant le nom de Porphyrogenite.</i>	433.	<i>Muhanias Roy des Sarrazins enuoie demander la paix bien humblement à l'Empereur.</i>	295. Il meurt.
<i>l'empereur Michel estant paruenu en aage d'adulescence veut prendre le gouuernement de l'Empire entre ses mains.</i>	458.	<i>Mumolus par sa vaillance & industrie paruiuent à estre</i>	

de la Bibl. historiale.

estre patrice.	201.	uarre.	534.
Mundus Lieutenant de l'Empereur en la marche de Scythie.	147. & 156.	les Navarrois & Gascons estās guerroyez des Sarrazins, sont secourus par le Roy Alfonse.	462.
Mundus capitaine Gepide est ordonné gouverneur de la marche Illyrique.	162.	Nectarius Euesque de Constantinople.	7.
Murcimire prince de Croacie est vaincu faisant la guerre aux peuples de Iadoa.	687.	Normenie prince des Bretons deffait l'armee de Charles.	445.
Murman soy disant Roy de la petite Bretagne, se veult emanciper de la subiection des François.	436. il meurt.	Neomenius ne se contentant du tiltre de Duc, se fait nommer & couröner Roy de la petite Bretagne.	447.
Musa & Tarife estans allez vers le Calife Haurmar s'accusent de maluersation.	327.	Neomenes Prince des Bretons continue d'exploiter sa mauuaise volönté sur la France.	453.
Musacius Roy des Esclauos est enuoyé par Priscus prisonnier a l'Empereur.	229.	Nestorius Euesque de Constantinople, heretique.	44.
Musacte deschasse les Pisans de l'isle de Sardaigne.	661.	Nestorius est condamné & anathematizé avec son heresie a Rome.	45.
Musacte Roy de Sardaigne, en est encor deieté hors par les Pisans.	715.	une nouvelle armee de Normans descéd en la Neustrie, où ils assiegent Rouën. 530. puis Paris. 532.	
Myron succede a Theudemur au Royaume des Sues en Espagne.	201.	la Neustrie donnée a Rollon rend le reste de la France garenty des inuasions des Normans.	546.
Myron Roy de Gallice & des Sueuiens en Espagne demande l'alliance des Rois de France.	209.	Nicephore en la 2. année de son Empire declare son fils Stauratius Empereur Auguste avec luy.	401.
les Mysianiens se mettent en la protection des Perses, puis recognoissent leur faulte.	184.	Nicephore se voyant assiduellemēt molesté des Sarrazins, fait fortifier plusieurs villes.	402.
les Mysiens subiuguez par les Romains.	183.	l'Empereur Nicephore est contraint de reuenir sans rien faire contre les Bulgariens.	405.
• N.		Nicephore gaigne quelques victoires contre Chrunute Roy de Bulgarie.	409.
Nabades Lieutenant du Roy Chosroes.	167.	l'empereur Nicephore reduit toute la Cilicie en son obeissance.	597.
Nabazaius Lieutenant de l'Empereur, met en route les Isauriens.	14.	Nicephore l'Empereur mene une armee contre les Sarrazins. 596. il est massacré.	602.
Narbone est rendue entre les mains des Visigoths.	82.	Nicetius Euesque de Treues, de sainte vie & de bonne doctrine.	166.
Nantes est prise par Noomenie.	445.	Nicetius est fait Patrice & gouverneur des villes & pais que le Roy Childbert auoit en la Provence.	218.
Narnia en Vmbrie est occupee sur les Romains par le Duc de Spolet.	328.	Nicetas Patriarche de Constantinople meurt.	374.
les Narrantins sont subiuguez par les Venitiés.	560.	Nichoragan capitaine du Roy de Perse.	182. & 184.
Narfes & Aratus se viennent rendre au seruice de l'Empereur.	142.	est depösé de sa charge, & escorché tout vif.	184.
Narfes veult contraindre par force l'Euesque de Rauenne de se soubmettre au iugement du siege Romain.	186.	Nicolas 1. du nom Pape 459. il entre en deliberatiö de desponiller Loys de l'Empire, & de le transférer a Charles le Chauue.	466.
Narfes est accusé vers l'Empereur de fausses charges.	191.	Il fait reprendre a Lothaire sa premiere femme.	469. il meurt.
Narfes coronal des legions d'Orient se fait par icelles proclamer Empereur en la ville d'Edeffe.	238.	Nicolas Triuel Anglois de l'ordre des Iacobins.	483.
Narfes se red a Domentiolus capitaine de Phocas, qui le fait mener a Constantinople, où il est mis a mort.	240.	Nicolas surnommé Mistic est fait Patriarche de Constantinople. 525. il est depösé. 527. & 549.	
Narfes un des chambellans de l'Empereur, Eunucque, a la charge de l'armee enuoyee en la Dalmatie. 178. il remet toute l'Italie en l'obeissance de l'Empereur.	179.	Nicolas Chrysorberges patriarche de Constantinople meurt.	636.
Natiös de la Germanie & de la Scythe, qui se debordent sur l'Empereur Romain.	14.	Nicolas 2. meurt.	733.
l'origine & commencement du Royaume de Na-		Nogere Euesque du Liege homme docte & bien versé en philosophie, musique, poësie, astrologie & theologie.	459.
		les Normans font des courses & briganderies en la	AAAA ij

Table de la seconde partie

Gaule Belgique.	391.	Norbert grand maistre du Palais de France.	312.
les Normans retournent en le Vallachie, cōtraignent les habitans de leur payer un grand tribut.	436.	Northumbellande en Angleterre tombe entre les mains d'Ida Seigneur noble & vaillant.	172.
les Normans sous la conduite du capitaine Hastings viennent de rechef entrer dedans la France.	470.	les Northumbriens mettent malheureusement à mort leur Roy Alphumolde.	376.
une armee de Normans aborde en Espagne.	425.	les Northumbriens sont vaincus & subiuguez par Egbert.	429.
les Normans sortent de leur contree pour venir en France.	454.	les Northumbriens à cause de la ieunesse du Roy d'Angleterre se rebellent contre luy.	570.
les Normans surprennent d'emblee la ville de Nantes.	455.	Noruege est en grāde cōfusion pour n'auoir point de Roy.	445.
les Normans reprennent la route de leur pais.	456.	les Noruegiens diēt Normans se meslent avec les Dannois.	402.
une nouvelle armee de Normans entre en la France deffait les Gouverneurs du pais qui s'opposent à eux.	483.	les Noruegiens se rebellent contre Olaus pour se remettre en liberté.	657.
quelques Normans se viennent faire baptizer en France.	486.	les Noruegiens estans demeurez quelque temps en liberté elisent Olaus pour leur Roy.	665.
les Normans se viennent rendre avec leur Roy Sigefroy deuant Paris.	497.	les Noruegiens apres leur Roy Magnus, elisent son oncle Herald pour leur Roy.	722.
les Normans se mettent aux champs pour de se vanger de la mort de leur Roy Godefroy.	500.	O.	
les Normans assiegent la ville de Paris.	508.	O blaire parauant Duc de Venise surprēd l'isle de Veglia.	434.
les Normans eschappent de la Bretagne vont requerrir nouvelle compagnie de gens en leur pais.	509.	les Observations payennes mis hors d'usage.	2.
une compagnie de Normans se transporte en Angleterre sous la conduite de Rollo.	515.	Odon moyne de S. Benoist sur Loire, natif d'Angleterre est ordonné Archeuesque de Cantorbie.	577.
les Normans sont deffaits par Richard Duc de Bourgongne.	532.	Odon comte de Champaigne entre avec une armee dedans la Lorraine.	690.
les Normans sont chasses de deuant Chartres par Robert conte de France & Richard duc de Bourgongne.	533.	Odon 2. du nom comte de Prouence meurt.	784.
les Normans s'accroissent en la France, à cause de leurs continuelles victoires sur les François.	534.	Odilon Duc de Bauiere raut la sœur des Princes Carloman & Pepin.	344.
les Normans sont quasi tous taillez en pieces par le Roy Rodolfe au pais de Limoges.	555.	Odilo Abbé de Clugny fait un voiage par deuotion en Hierusalem.	642.
les Normans descendent au pais de Gallice en Espagne.	567.	Odina deffait & occis en la Dalmatie.	101.
les Normans bruslerent en Frise la ville de Tite.	655. & d'Vtrecht.	Odoacer commence à se nommer & intituler Roy d'Italie.	95.
les Normans de la Pouille cōmencent à faire guerre aux Grecs.	667.	Odoacer, ses faictz & gestes.	97.
de l'armee des Normans François au Royaume de Naples.	691.	Odoacer met en pieces les Rugiens.	106.
commencement du regne des Normans en la Pouille & à Naples.	694. & 700.	Odoacer est pour la 3. fois vaincu, & luy contraint se renfermer dedans Rauenne.	109. où il est assié- gé.
commencement du regne des Normans en Angleterre.	741.	Odoranus moyne de Sēs a fait un petit chronicon.	684.
les Normans acheuent de reduire en leur puissance les villes que tenoient les Grecs en la Pouille & Calabre.	744.	Offa Roy des Merciens en Angleterre suyuant l'exemple de son predecesseur, rend son Royaume tributaire au Pape.	370. Il meurt.
les Normans se sentans trop rudement gouvernez par leur Duc Robert, font leurs doléances au Roi Guillaume d'Angleterre son pere.	763.	Olaue Roy de Damnemarc meurt.	782.
les Normans & la Contesse Matilde commencent à remuer mesnage.	784.	Olaus Roy de Noruege.	605.
		Olaus Roy de Sueffe enuoye une armee contre les Noruegiens.	665.
		Olaus est esleu Roy des Noruegiens.	665.
		Olaus	

de la Biblioth. historique.

- | | |
|---|--|
| <p>Olaus surnomé Scominius Roy de Sueffe meurt. 667.</p> <p>Olaus Roy de Noruege met une armee dedans le pais des Dannois. 669.</p> <p>Olaus Roy de Noruege se fait baptizer à Rouē. 670.</p> <p>Olympiades mises hors d'usage. 2.</p> <p>Olympus Euesque du Carthage sectateur de l'heresie Arrienne. 128.</p> <p>Olympius personnage mal entendu aux affaires de la guerre. 19.</p> <p>Omar poursuivant le cours de ses victoires mene son armee deuant la cité d'Antioche. 268.</p> <p>Omar estant en Hierusalem y fit construire un temple à l'usage de sa religion. 274.</p> <p>Omar estant en un temple de sa religion, est par un soldat mis à mort. 276.</p> <p>Optatus Euesque du Mileu en Afrique. 14.</p> <p>Orestes enuoye defendre les Gaules. 93. Il fait alliance avec le Roy des Vandales. 93.</p> <p>les escrits d'Origene condamnez. 9.</p> <p>les erreurs d'Origene troublent l'Eglise. 175.</p> <p>177.</p> <p>l'Ordre de saint Benoist introduit en France. 158.</p> <p>l'Ordre de Patrice & de Consul, en signe de consideration & alliance. 127.</p> <p>l'Ordre & congregation des moines Camaldulenses instituez en Italie. 655.</p> <p>l'Ordre des Chartreux est institué en France. 778.</p> <p>Orselin Duc de Venise resigne sa dignité, pour aller faire profession de la vie monastique. 610.</p> <p>Orson Radoier 3. du nom Duc de Venise, quitte sa dignité pour faire profession de la vie monastique. 555.</p> <p>les Orthoniens du Royaume des Piétes, se reuolent contre les Escossois. 440.</p> <p>Osca & Otha Rois des Saxons d'Angleterre. 93.</p> <p>Osric & Effrid Rois de Deire & de Bernic en Northumbellande. 269.</p> <p>Osric Roy de Northumbellande voulant mourir resigne son Royaume. 332.</p> <p>Osrede Roy de Northumbellande est malheureusement mis à mort par ses cousins. 320. Il meurt. 326.</p> <p>Ostrogots & Guthungiens prennent les armes contre l'Empire. 5.</p> <p>les Ostrogots diuisez en cantons, habitent en la Pannonie. 73.</p> <p>les Ostrogots entrent dedans le pays de Thrace. 106.</p> <p>Ostrogots en Italie, & le commencement de leur regne. 112.</p> | <p>les Ostrogots contre Iustinian. 554. 156. 157.</p> <p>les Ostrogots eslisent pour leur Roy un seigneur nommé Ildouald. 166.</p> <p>les Ostrogots travaillent à mettre leurs affaires au dessus sous le Roy Totilas. 172.</p> <p>les Ostrogots enuoyent Ambassadeurs pour obtenir secours de Theodobald. 176.</p> <p>Osuald Roy de Northumbellande en Angleterre decede sans hoirs, son Royaume est diuisé en deux. 276.</p> <p>Othe Guillaume Comte de Dijon meurt. 678.</p> <p>Othon se met en chemin avec son armee pour aller contre les Princes de Bauiere. 564.</p> <p>l'Empereur Othon enuoye une armee contre Boleflaus usurpateur du Duché de Boëme. 569.</p> <p>l'Empereur Othon declare le Prince Luitolf son fils son heritier. 581. Il reçoit des Romains autre espouse qu'il n'eust voulu. 582.</p> <p>l'Empereur Othon gagne quelques batailles sur les Escloans. 587.</p> <p>Othon Duc de Bourgongne meurt fort ieune, auant qu'auoir eu lignee. 59.</p> <p>Othon voulant faire un voyage en Italie fait couronner son fils Roy de Germanie. 591.</p> <p>l'Empereur Othon ayant establi le Pape Leon au siege Papal, renuoye son armee en la Lombardie. 595.</p> <p>l'Empereur Othon s'en retourne en Allemagne. 597.</p> <p>l'Empereur Othon mene une armee contre les Princes de Boëme & de Pologne. 609.</p> <p>Othon 2. du nom est sacré & couronné Empereur Auguste. 602.</p> <p>Othon enuoye une partie de son armee en la Pouille, qui est deffaitte. 603.</p> <p>Othon 1. du nom Empereur de Germanie, surnommé le Grand, part d'Italie pour s'en retourner en Allemagne. 606.</p> <p>Othon donne toute la basse Lorraine à son frere Charles. 611.</p> <p>Othon met une partie de son armee sur mer, voulant passer en Italie. 614.</p> <p>Othon commence à faire guerre aux Grecs pour le recouurement de la Pouille & Calabre. 615.</p> <p>Othon Duc de Suabe retourné du voyage d'Italie, meurt. 616.</p> <p>Othon estant de retour à Rome, rallie le residu de son armee. 616.</p> <p>Othon retourne avec une grande armee contre les Boëmiens. 620.</p> <p>l'empereur Othon est incité de s'acheminer avec une armee au Royaume de Naples. 636.</p> <p>l'empereur Othon visite le sepulchre de saint Adalbert archeuesque de Pologne. 643.</p> <p>Othon desfriche les Sarazins des places qu'ils</p> |
|---|--|

Table de la seconde partie

auoient occupees en Italie.	644.	ment.	140.
Il est empoisonné.	ibid.	Paul Euesque d'Alexandrie heretique, & ses se-	
Othon fils de Charles Duc de Lorraine meurt sans		étateurs appelez Pauliens.	168.
laisser aucuns hoirs.	650.	Paul Pape de Rome.	362.
Othon Orfelin âgé seulement de 18. ans est fait		Paul Patriarche de Constantinople meurt.	
Duc de Venise.	665.	378.	
Othon Côte Palatin est inuesty de la Duché d'Alle-		Paul Vvarnefride Diacre de l'Eglise d'Aquilee	
magne.	707.	400.	
Othon Duc de Suaube & d'Allemagne meurt.		Paula, mere d'Eustochium, meurt.	13.
710.		Paulie assiegee & prise par Alboin Roy des Lom-	
Othon Duc de Bauiere retombe en felonnie avec		bards.	196. & 199.
les Saxons.	749.	S. Paulin Euesque de Nola.	37.
Othon moyne de Clugny & Cardinal Euesque		S. Paulin Euesque d'Vvaruic va prescher l'Euan-	
d'Histrie, natif de la ville dicté Chastillon au		gile au Royaume de Northumbellande.	258.
diocese de Reims en France.	781.	Paulinus natif de France, compagnon & familier	
Orthulfe Duc de Saxe & de Lunebourg espouse		du poëte Ansonius.	74.
Gise fille du Roy Magnus.	713.	Pegasius Euesque de Perigueux.	14. & 82.
S. Ouën ou Odoëne Euesque de Rouën, au parauât		Pelaio ou Pelage premier Roy de Leon meurt.	
Referendaire de France.	294.	337.	
P.			
P allodius est ordonné Euesque d'Antioche.		Pelagius natif de la grand Bretagne publie son er-	
109.		reur.	15.
Pallium, quelle sorte de manteau ou accoustremēt.		Pelagius heretique.	19.
229.		Pelagus est avec ses erreurs condamné & anathe-	
Panda fils de Pitba de la race des Saxons d'An-		matizé solennellement par le Pape de Rome.	
leterre donne commencement au Royaume des		28.	
Merciens.	258.	Pelagius fait plusieurs belles conquestes sur les Sa-	
Pandolfe seigneur de Capuë met le siege deuant la		razins de villes & de places.	33.
Cité de Naples.	680.	Pelagius Diacre gouuerne l'Eglise Romaine, tout	
les Pannonies sont regaignees par les Romains.		le temps de l'absence de Vigilius.	170. 171. il
43.		meurt.	188.
les Papes de Rome appelez Archeuesques, puis		Pelagius premier du nom, natif de Rome, est esleu	
Patriarches & œcumeniques ou vniuersels.		pasteur en chef de l'Eglise Romaine.	184.
138.		Pelagius 2. du nom natif de Rome est esleu Pape.	
Papes de Rome priuez de toute puissance temporel-		207. il meurt.	223.
le, subiects aux Empereurs.	194.	l'heresie de Pelagius & Helmodius est renouuel-	
Pasagnateas gouuerneur pour l'Empereur en Ar-		lee en Espagne.	300.
menie fait alliance avec Muhanias.	278.	Pepin 1. du nom, Duc de Tongrie & de Brabāt, en-	
Paschal 1. du nom fils de Bourse natif de Rome est		semble aussi maire d'Austrasie, meurt.	276.
esleu Pape. 418. Il meurt.	426.	Pepin ayant reduit toute la monarchie de France	
Paschasius Diacre de l'Eglise Romaine compose 3.		souz sa main, poursuit son frere Griffon.	347.
liures du S. Esprit.	122.	Pepin ayant repassé les monts avec son armee com-	
Partherith Roy des Lombards meurt.	304.	bat le Roy Aistulphe.	355.
Paternistes & Vincentianistes, heretiques.		Pepin ne veut partir d'Italie que premierement	
20.		Aistulphe n'eust satisfait au concordat qu'il a-	
Patiens Euesque de Lion, loué grandement pour sa		uoit fait avec luy.	356.
charité.	103.	Pepin à son retour d'Italie fit assembler tous les e-	
Patrice, dignité particulièrement donnée en la Frā-		stats de la France en la ville de Compiègne.	
ce.	191.	356.	
Patricius 2. Euesque d'Hibernie.	110.	Pepin acheue de reduire en sa puissance ce qui re-	
Patroclus substitué en l'Euesché d'Arces à Heros.		stoit de villes au Prince Aquitain.	363.
24.		la coniuration que Pepin Bastard du Roy Charles	
Paul Orose compose son histoire.	15.	auoit dresse contre son pere est descouuerte &	
Paul Euesque d'Antioche se depose volontaire-		opprimee.	384.
		Pepin s'estant venu trouuer au sacre de son pere	
		à Rome est pareillement déclaré avec luy & cou-	
		ronné Roy d'Italie.	398.
		Pepin	

de la Bibl. historique.

- Pepin fait passer son armée de mer dedans les is-
les de Venise.. 408.
Pepin étant échappé du monastere de Soissons, est
repris & mis en garde fort estroite à Compie-
gne. 455.
Perpetuus Euesque de Tours. 82.
Peroses Roy des Perses, homme fort belliqueux.
76.
Peroses Roy des Perses est pris. 96.
Persecution des Chrestiens par le Roy de Perse.
32.
les Perses rompent les trefues qu'ils auoient avec les
Romains. 137.
les Perses apres s'estre emparez des villes d'Apa-
mea & d'Edessa, viennent courir deuant An-
tioche. 244.
les Perses reduisent en leur puissance toute la Pa-
lestine & l'Inde avec la Cité de Hierusalem.
248. Ils se iettent puis apres en la Indee. ibid.
les Perses ayans desniché Sarbaras, rendirent le
Royaume à Bornarin. 261.
les Perses sont priuez de leur liberté par les Sarra-
zins. 619.
Petronax citoyen natif de Bresse, Abbé de S. Be-
noist au mont Cassin. 328.
Petronax citoyen de la ville de Bresse en Italie fait
rebastir le monastere de S. Benoist du mont Cas-
sin. 344.
Petronius Euesque de Bologne. 37.
Petrus Gnaffeus prestre, faisant profession de l'he-
resie d'Apollinaris. 82. & 85.
Petrus Fullo Euesque d'Antioche. 91.
Pestharit ou Partharit Roy des Lombards fait re-
gner son fils Chimniberth avec luy. 295.
Pharas Capitaine de Bellisarius. 155.
Pharamond fils du Duc Marcomire. 33. 34. &
35.
Pharamond meurt. 46.
Pharoal Duc de Spolet met le siege deuant la ville
de Rauenne. 324.
Phaulamus Amiras ou Roy des Sarrazins d'Afri-
que fait accord avec l'Empereur de Grece.
541.
Philastrus Euesque de Bresse. 37. & 49.
Philippe Sidites Historiographe des choses Eccle-
siastiques. 51.
Philippicus beau-frere de l'Empereur Maurice
deffait & met en route l'armée du Roy de Per-
se. 211.
Philippicus gaigne deux nobles & memorables
victoires sur les Perses. 213.
Philippicus met le Lieutenant du Roy de Perse, &
toute son armée en route. 216.
Philippicus est vaincu par les Perses avec son ar-
mée deuant la ville de Martyropolis. 220.
Philippique qui estoit Patrice, est enuoyé en exil.
312.
Philippique dissipant les tresors & richesses de
l'Empire, a les yeux creuez par aucuns Senateurs.
322.
Philosophes suiuan les erreurs des anciens Payens,
se retirent vers le Roy Chosroës. 180.
Phocas de centenier de bande se fait proclamer par
les legions de la Grece Empereur. 237.
Phocas prend & exerce la dignité Consulaire sui-
uant la coustume des derniers Empereurs. 238.
Phocas l'Empereur enuoie Bonose Comte d'Orient
contre les Iuifs d'Antioche. 244.
Phranitas patriarche de Constantinople meurt.
106.
des Pictes & Escossois. 38.
les Pictes & Escossois viennent derechef tempe-
ster l'Angleterre. 45.
Pierre Mogge est chassé du siege d'Antioche par
Zenon. 97. 100. & 102.
Pierre archeuesque d'Alexandrie fait valoir en
Egypte l'heresie Eutychienne. 190.
Pierre est cassé de sa charge pour auoir mal conduit
ses affaires contre les Bulgariens. 233.
Pierre patriarche de Constantinople meurt. 289.
Pierre Tradonio ou Gradenigo, natif de Pola, Duc
de Venise. 438.
Pierre Candian fils du Duc de Venise est bany se
retire vers le Roy Berrengier. 587.
Pierre Roy de Bulgarie meurt. 596.
Pierre Candian Duc de Venise ayant repudié sa pre-
miere femme, espouse la sœur de Hugues mar-
quis de Hetrurie. 606.
Pierre Orselin Duc de Venise decede. 665.
Pierre Roy de Hongrie est pour ses cruautés &
mauuaises complexions dechassé de Hongrie.
699.
Pierre Roy de Hongrie donne tel scandale de sa
mauuaise vie à ses subiects, qu'ils se reuolent de
la religion Chrestienne. 708.
les Milanois estans en combustion de guerre con-
tre ceux de Paue, se donnent bataille. 727.
Pierre Damian Cardinal, Euesque d'Hostie. 731.
& 733.
Pinxarach Soudan de Tripoli est durement guer-
royé par le Soudan d'Egypte. 688.
les Pisans assiegent la ville de Rizzo en Calabre.
651.
les Pisans sont dechassez de l'Isle de Sardaigne. 661.
Placidia se retire à Constantinople. 39.
Plinta, Comte & gouuerneur de la Palestine, occis
en une bataille. 29.
les Pomeraniens, Prussiens & Cassubriens sont
subinguez par les Polonois. 660.
les Pointets, notes ou accens des Hebreux, inuentez
en la ville de Tiberiade. 96.
Poitiers ayant fauorisé les Gascons en leur rebellio

Table de la seconde partie

est destruite & ruinee par le Roy Dagobert.
267.
commencement du compte des annees des Rois de
Pologne. 598.
Polyenctus Patriarche de Constantinople.
604.
Polychronius Euesque de Hierusalem. 51.
Pomme ronde fabriquee par Benoist 7. qui est le
signe des Empereurs. 658.
Porphyrius Euesque d'Antioche. 28. & 29.
Possidonius Euesque de Calarmen. 14.
Potidee est ruinee & saccagee par les Huns.
162.
la Pouille & Calabre sont reduites sous la puis-
sance des Normans. 747.
Praillus Euesque de Hierusalem. 30.
Predestinez, & leur heresie. 28.
Pretexte Archeuesque de Rouen. 27. & 217.

Q.

Q Vades ou Cattiens, peuple de Germanie.
30.
Question des images. 362. 385.
Quintrio Lieutenant de Childebert Roy d'Austra-
sie, vaincu. 233. & 238.

R.

R Abanus surnommé Magnentius moyne Ef-
cois, & Haymon Anglois Saxon. 441.
& 459.
Rabbath Roy d'Hegius en Arabie dresse une Aca-
demie. 319.
Rabbi Ase Iuif, dernier des docteurs qu'ils appel-
lent Tannaim. 45.
Rabbi Iehuda, & Rabbi Abraham Aben Esra,
Espagnols. 142.
Rabina & Rabassa, compilateurs du Thalmud. 12.
& 13.
Rachis Duc de Forli deffait les Esclavons. 339.
Rachise Roy des Lombards met une armee aux
champs. 348.
Radugase Roy Payen d'aucuns Goths de la Scythie.
14. 15. & 17.
Radegunde fille du Roy Bertaire, mariee à Clo-
taire. 147.
Radegunde femme de sainte vie meurt. 224.
Radulfe Duc & gouverneur du Royaume de Tu-
ringie pour le Roy Dagobert. 275.
Ragenold Prince des Normans de dessus la Loire.
548.
Ragnerus seigneur d'Ardenne & de Mosellane.
538.

Ragniere au grand col, Comte de Môt en Hainaut.
581. & 588.
Ragumbert Roy des Lombards meurt. 311.
Raimire Roy de Leon est assailly par les Maures.
423. & 429. Il meurt. 594.
Raimond Borelle Comte de Barcelonne meurt.
666.
Raimond Berenger Comte de Barcelonne est occis
en trahison. 755. & 770.
Rancaire 1. du nom meurt, laissant trois enfans.
105.
Ranchingus, un des principaux Barons de la Cour
du Roy Childebert. 220.
Ranimire Roy de Leon en Espagne gaigne une
grande bataille sur les Maures. 573.
Raoul Roy de la Bourgongne Iurane meurt. 563.
& 683.
Rapsendial, ou Rosopendial, Roy des Alains. 15.
& 21.
Rastie Duc de Morauie fait des courses dedans les
marches du Roy de Germanie. 457.
Ratbot Duc de Phrise meurt. 328.
Rauard fils de Biorno Roy de Suesse, Gothie & de
Dannemarc. 101.
l'Eglise de Rauenne se souleue de l'obeyssance
qu'elle rendoit au siege Romain. 278.
Refesuinde Roy des Visigoths meurt. 292.
les Redariens s'esleuent contre l'Empereur Henry.
557.
Referendaire est au iourd'huy appellé Chancelier.
84.
Regnault ou Ramard surnomé le Mauuais, Com-
te de Sens en Champagne. 642.
Regnault premier Comte de la haute Bourgongne.
706.
Regnier Roy de Dannemarc gaigne une bataille
contre le Roy Charles. 432.
Regnier 3. du nom, Comte de Hainaut meurt.
680.
la Religion Chrestienne chargee de ceremonies in-
numerables. 22.
Remiges l'Exarche est mis à mort avec tous ses
domestiques par les citoyens de Rauenne. 248.
S. Remy est ordonné Euesque de la cité de Reims.
90.
saint Remy homme aagé de 94. ans meurt.
171.
Remy moyne & Euesque d'Auxerre, homme do-
cte. 497.
Renda Roy de la grand Bretagne. 39.
Renocinde Duc de Celtiberic rappelle les Iuifs en
Espagne. 293.
Reparatus Euesque de Carthage. 154.
le peuple de la Rhetie ou des Grisons se rebelle.
10. & 11.

Riccardi

de la Bibl. hiftoriale.

Riccardé Roy des Vvifigots dechaffe de son royaume les Arriens. 221. Il meurt. 237.	porte diuerfement entre fes fubiefts. 547. 550.
Riccard ou Riccardé 2. du nom Roy d'Efpagne. 254.	Rodolfe Roy de France. 551. Reuient chercher fes ennemis en France. 553.
Richard 1. du nom, Duc de Normandie, Prince vaillant. 639.	Rodolfe Roy de France ofte quelques châteaux aux Côtes Gislebert & Richard. 558. Il meurt. 562.
Richard deuxiefme du nom Duc de Normandie. 676.	les Rogations. 88.
Richard Prince de Capuë frere de Robert Guifchard. 761. & 768.	Roger mene son armee deuant Troye. 735. Il defcend en Sicile. 788.
Richilde Contefse de Flandres. 749.	Rois des Bourguignons. 25.
Richimire eft Roy d'Efpagne. 263. Il meurt laiffant deux freres. 265.	Rois premiers des François. 33.
Riciarius Roy de Sueues en Efpagne. 61. & 74.	Rollon entre par la bouche de la Seine en la Neuftrie. 516. Il meurt. 538.
Ricila Roy des Sueues en Efpagne. 51. 54. & 55.	Rome faccagee, pillée & bruslée en plusieurs endroits par les Vvifigots. 21.
Ricimer Goth de nation, Patrice Romain, & coronel de toute la gendarmerie Imperiale d'Occident. 74. 83. & 89.	Romanus Exarche d'Italie meurt. 233.
Ricifunde ou Ricefmunde Roy des Vvifigots. 281.	Romanus Lagapenus fe dône le nom d'Empereur. 541.
Ricuinus frere du feu Duc Gislebert de Lorraine meurt. 574.	Romanus fils de Constantin Empereur de Grece. 573. 577. 594. Il est par fa femme empoisonné & eftouffé. 687.
Ripnaires, ou Ripuariens, ou Ribarots. 33.	Romains deffaits par les Oſtrogoths & Guthungiens. 5.
Rithiotime Roy des Bretons eft mis en route. 88.	les Romains oppriment grandement des Lōbards. 211.
Robert fils de Vvittikinde de la race des Saxons, gouverneur du pays d'entre la Seine & Loire. 464.	les Romains gagnent plusieurs victoires contre les Perſes. 216.
Robert fe portant pour Roy de France fait alliance avec l'Empereur Henry. 54.	les Romains font eſtrillez en Eſpagne. 261.
Robert frere de Richard Duc de Normandie, eft aſſiegé dedans le château de Falaiſe. 679. & 680.	les Romains deffont en Syrie grand nombre de Sarrazins. 310.
Robert & Richard deux capitaines Normas vont en Italie. 683.	les Romains ſe ſouſleuent en la ſubiection de l'Empereur de Grece. 332.
Robert 36. Roy de France meurt. 684.	les Romains aſſiegent la ville de Bologne la Grace. 338.
Robert Guifchard paruiet à la principauté. 725.	les Romains ſont aſſiegez. 770.
Robert 2. fils de Baudoin l'ancien Comte de Flandre. 736.	l'Empire Romain reduit en occident par les François. 393.
Robert ſurnommé de Phriſe Comte de Flandre. 787.	Romual Duc d. Beneuent. 299. Il meurt. 310. 305. 307. & 336.
Rodoald Roy des Lōbards. 279. Il est mis à mort. 283.	Romulus Momyllus appellé des Italiens Auguſtus. 93.
Rodulfe Viceroy au Royaume de Turingie pour le Roy d'Auſtraſie. 280.	Rofemunde auance la mort au Roy Alboin ſon mary. 199.
Rodolfe Eueſque de Vvircembourg eft ſpolié de ſes biens. 528.	Rotaire fait un recueil de toutes les loix & ordonnances de ſes predeceſſeurs. 274.
Rodolfe Roy de la Bourgongne Tranſiurane. 533. & 540. 547. 550. 662. 667. & 670.	Rotaire range toute la Ligurie & Toſcane en ſon obeyſſance. 270.
Rodolfe moyne de Flauiac, & Rathot Eueſques d'Vtrec, perſonnages notables en ſçauoir. 541.	Rotigere Comte de Laon. 551.
Rodolfe Roy de Bourgongne & d'Italie ſe com-	Rozuc Capitaine Normand eft faulſement accuſé de deſloyauté enuers l'Empereur. 452.
	Ruffin ſe met en la fantaſie de deſpouiller ſon maſtre de tout poinct de droit de l'Empire Oriental. 2.
	Ruffin preſtre d'Aquilee. 5.
	Ruffin Ambaſſadeur de l'Empereur. 147.
	les Rugiens ſ'habituerent en Auſtriche. 73.

Table de la seconde partie

ruisscau de sang au milieu de la cité de Tholose. 85.	Sanctius Roy de Castille institue l'ordre des freres de la gendarmerie de Calatrana. 59.
Rusie, & le commencement d'iceluy Royaume. 464.	Sancius surnommé le Grand, Roy de Nauarre meurt. 663.
les Rusiens troublent par leurs courses les provinces de la mer Maieur. 468. Ils veulent establir leur demeure en la Bulgarie. 604.	Sapandia est donnee aux Bourguignons. 56.
les Rusiens demandent paix à l'Empereur. 607. Ils font guerre aux Polonois. 630.	Saporius gouverneur de l'Armenie & de la liziere de Perse pour l'Empereur. 290.
les Rusiens sont mis à mort deuant Constantinople. 674.	Sarbaras avec une nouvelle armee se met à costoyer celle de Heraclius. 257.
Ruthart moine de l'Abbaye de Hirsangie, disciple & auditeur de Rabanus. 472.	Sarragosse en Sicile prise & saccagee par les Sarraxins. 500.
Sabbis ou Sabbatius gouverneur de l'Armenie pour l'Empereur. 306.	les Sarraxins appellez Scentes se desbordent sur la Syrie 120. & 126.
Sabinus Roy de Bulgarie est chassé par ses subiects. 360.	les Sarraxins passent leur armee en Egypte. 267.
Sabinianus gouverneur pour l'Empereur en la Marche d'Illyrie. 100.	les Sarraxins entrent en Afrique. 277.
Sabinianus Euesque de Marseille. 108.	les Sarraxins courent les provinces de l'Empire. 283. 288. & 289.
Sabinianus Pape de Rome, natif de la Toscane. 239.	les Sarraxins entrent dedans le pays de Thrace 293.
les Sadduceens & leur heresie. 212. 231.	les Sarraxins entrent en Afrique. 291. Subiuguent les pays de Lydie & Cilicie. 292. Ils se retirent de deuant Constantinople. 293.
Sael Prince des Sarraxins de Crete. 497.	les Sarraxins font plusieurs courses sur les provinces de l'Empire. 308. & 311.
corps des Saints apportez d'Italie en France. 427.	les Sarraxins conduits en la Galatie. 320. Autres Sarraxins passent en Espagne. ibid.
Saius, Capitaine des Goths. 16.	les Sarraxins entrent par diuers lieux dedans les provinces des Romains. 332. Viennent en France au secours des Visigoths. 334.
loy Salique, & François Saliens. 33. & 34.	les Sarraxins entrent en l'Armenie. 359.
Salin Calife & Soudan d'Egypte. 356.	les Sarraxins à grande armee courent iusques dedans l'Isle de Cypre. 382. & en la Cappadocie. 389.
Salomon se retire à refuge en Italie vers Bellisarius. 157.	les Sarraxins d'Asie font de rechef des courses sur l'Empire Romain. 390. & 414.
Salomon Roy de Hongrie est pris & retenu prisonnier. 771.	les Sarraxins viennent courir iusques dedans la Phrygie. 400. Ils rauagent tout le plat pays de l'Isle de Rhodes. 406.
Salonius Archeuesque de Vienne. 58. & 59.	les Sarraxins de Tolette se rebellent contre le Miramolin de Cordoue. 407. les Sarraxins d'Espagne se iettent dedans les Isles de Sardaigne & Segue. 409.
Saluianus Euesque de Marseille. 58.	les Sarraxins courent dedans les provinces de l'Empire. 414.
Salustius Euesque de Hierusalem. 103.	des Sarraxins voyez 435. 436. 444. 449. 450. 452. 467. 469. 471. 498. 502. 510. 513. 524. 527. 528. 531. 543. 552. 562. 570. 577.
Samon un marchand de la ville de Sens en Champagne, est Roy de Carinthie. 259.	des Sarraxins 539. 601. 603. 643. 653. 666. 679. 685. 686. 689. 730. 736. & 755.
Samuc Capitaine Turc fait des entreprises sur les provinces de l'Empire de Grece. 723.	Saul Capitaine des Alains est mis en pieces. 11. & 12.
Samuel Prestre de la ville d'Edeffa. 85.	les Saxons sont deffaits par Clotaire. 184.
Samuel Roy de Bulgarie entre avec une armee dedans la Grece. 637.	
Samuel Roy de Bulgarie decede. 663.	
Sanche Garrit Roy de Nauarre fait une grande desconfiture de Maures. 422.	
Sanchio Roy de Castille deboute ses freres de leurs successions. 730. & 731. Il est occis. 734.	
Sanchio Roy de Castille est occis en trahison. 737.	
Sanchio ou Sancho Garcias Roy de Nauarre est occis en une bataille. 426.	
Sancio ou Sanche Roy de Leon en Espagne meurt. 566.	
Sancius Comte de Castille meurt. 657.	

de la Bibl. historiale.

les Saxons, donnent occasion aux Sueues de s'aller habiter en leur pays.	193.	Seronatus citoyen d'Auvergne accusé de trahi- son.	88. & 89.
les Saxons viennent en France.	203.	Seuerus prestre, & Jean Diacre mis à mort.	57.
les Saxons sont vaincus en deux sanglantes batail- les contre les Sueues.	209.	Seuerus l'Empereur est empoisonné.	83.
les Saxons & Sueuiens se distraient de l'obeyssan- ce des François.	306.	Seuerus Euesque d'Antioche.	131. 132. & 138.
les Saxons sont en termes de se rebeller contre les François.	328. 344. 346. 352.	Seuere Euesque d'Antioche a la langue coupee.	138.
les Saxons se laissent gouverner par douze des plus apparens Princes du pays. 365. Ils taschent à re- couurer leur liberté.	369.	S. Seuerin moine arrive au pays d'Austriche & de Baviere.	72.
les Saxons vaincus par les François.	376.	S. Seuerin natif d'Afrique est esleu Euesque du pays Noric.	98.
les Saxons retombent en leur infidelité coustumie- re.	386. & 389. 423. & 776.	Il meurt.	101. 252.
Scandinauie autresfois dictée Thule.	146.	Seuerinus 2. du nom, Pasteur de l'Eglise Romaine.	26.
S. Scholaistique institue des religieuses & non- nains.	148.	Seuerites.	238.
Scholaistique Patrice de Constantinople, enuoyé en Italie pour y estre Exarche.	322. & 329.	Sextus Aurelius Victor.	2.
Sclanista prince de Boëme entre en debat avec un sien frere pour la succession de leur pere.	460.	Siagrius Comte de Soissons, fils de Gilles le Ro- main, se trouue vaincu & desconfit.	108.
Schisme en l'Eglise.	217. 288. & 359.	les Sicambriens, ce sont les François.	6. 8. & 34.
les Scythes.	112. 136. & 147.	la Sicile tombe en la puissance des Sarrazins.	464.
Sebasian est pris par les Sarrazins sur l'Empereur.	386.	Sidonius Apollinaris Euesque d'Auvergne & se- nateur Romain.	82. 90. & 98.
Sebastien frere de Constantius.	22. & 23.	Sigebert enuoye contracter alliance avec l'Empe- reur Iustin.	195.
Sebastien gouverneur d'Afrique est mis à mort.	49.	Sigebert Roy d'Austrasie met aux champs une ar- mee contre Chilperic.	202.
Septa ostee par les Maures au Comte Iulian.	323.	Sigebert fils bastard du Roy Theodoric d'Austra- sie.	240.
Sedulius, Escossois de nation, homme de grand sca- voir & iugement.	54.	Sigebert Roy des Anglois Orientaux edifie l'es- cole de la ville de Cantorbruge.	268. 280.
Secundus, Patrice, gouverneur des Prouinces d'O- rient.	141.	Sigebert Roy d'Austrasie fonde & rente un grand nombre de monasteres.	281. 282. & 284.
Sens est ostee au Comte Ramard.	663.	Sigebert 14. Roy des Saxons Occidentaux en An- gleterre.	348.
la principauté des Sept introduite en la Breta- gne.	228.	Sigeric succede à la couronne Gottique.	27.
Sergius Iacobite Patriarche de Constantinople, Monothelite.	243. 261. & 264.	Sigismund & Gothomare enfans de Gunde- bault Roy de Bourgongne.	127.
Sergius 1. Pape de Rome.	303. & 311.	Sigismund fonde le monastere de S. Maurice en Valais.	144.
Sergius deuxiesme est esleu Pape.	446. & 450.	Signes prodigieux.	264.
Sergius troisiemes du nom Pape de Rome.	528. & 533.	Signes & prodiges.	360.
Sergius quatriemes du nom Pape de Rome.	655. & 658.	Silingiens surnom des Vandales.	24.
Sergius Patriarche de Constantinople.	669.	Siluerius est depose de siege Papal par Bellisarius.	159. & 160. Il meurt en prison.
Sergius Capitaine de l'infanterie que l'Empereur auoit en Italie.	684.	Simplicius Euesque de Vienne.	14. & 82.
Serenus Euesque de Marseille fait abbatre les ima- ges.	234.	Simplicius seul de ce nom, Pape de Rome.	85.
Serena fille de Stilico mariee à l'Empereur Hono- rius.	7.	Simplicius Pape.	91. & 99.
		Simplicius Euesque de Rome meurt.	103.
		Simplicius de Silicie Philosophe.	180.
		Simplicianus Euesque de Milan.	5.

Table de la seconde partie

Simon Roy de Bulgarie mene une armee devant Constantinople. 554. & 555.	Stilico est declaré ennemy de la Republique. 6.
Simon & Iean tous deux Grecs Patriarches de Hierusalem & d'Antioche. 788.	Stilico combat Alaric & le met en route. 12.
Sindasuinde Roy des Vvisigoths meurt. 281.	Stilico est cause du desbordement des nations Germaniques & Scythiques sur l'Empire Romain. 14.
Sirmium en la Pannonie est prise par les Auarois. 198.	Stilico a la teste tranchee par Heraclian. 18.
Siroé ou Siroc commence à regner. 260.	Stozas assiege & reduit Carthage en sa puissance. 157. Il est tué. 168.
Sisebute contraint tous les Juifs de son Royaume à se faire Chrestiens. 250. Il fait guerre aux Imperiaux d'Afrique. 252.	Strabus Abbé d'Ange, disciple & auditeur d'Alcuin. 441.
Sisinnius ou Zozinius natif de Syrie Pape de Rome. 315.	Suartmannus Roy de Suesse, horriblement cruel envers ses subiets. 101.
Sisinnius Patriarche de Constantinople. 642.	Suartmannus dict le cruel, Roy de Suesse, Gotlandie & Dannemarc. 127.
Sitric Roy de la nation Dannoise en Northumbellande. 555.	Suenon premier du nom va s'avanturer en Angleterre. 658. & 661.
Slaomir est desconfit en une grosse bataille. 420.	Suenon Duc de Dannemarc meurt. 742.
Smaragdus Exarche d'Italie s'en retourne en la Grece. 216.	Suentoslaus Roy ou Prince de Russie & de Moscouie. 601. & 604.
Smaragdus est en la premiere annee d'Heraclius renouqué par luy. 244.	Sueropile Roy de la Dalmatie contraint les Esclavons de se faire Chrestiens. 497.
Spitignee Duc de Boëme decede. 724.	les Sueues s'arrestent au pays de Gallice. 24.
Socrates Historiographe des choses Ecclesiastiques. 51.	les Sueues guerroyent le pays de Portugal & de Gallice. 77.
Sodomites punis & executez à mort. 145.	Suger Abbé de S. Denis. 3. part. 61.
Solemnus Euesque de Chartres, homme de grand zele. 105.	Suintilla Roy des Vvisigoths fait une grande desconfiture de Gascons. 257.
Selibur Prince des Esclavons dictés Vvararins. 601.	Suintilla resigne sa couronne à son fils, & meurt incontinent apres. 263.
Soluatius Roy d'Ecosse decede. 380.	Suintilla deuxiesme du nom Roy d'Espagne du consentement des Vvisigoths. 269. Il meurt. 272.
Sophronius Patriarche de Hierusalem. 261. & 266. Il meurt. 268.	Sulpitius Seuerus natif de la Gaule, disciple & familier de S. Martin. 8. & 51.
les Sorabes, Esclavons & Vvenedes, sont faités vassaux & tributaires de l'Empire. 552.	Sunno mis à mort par ses propres gens au commencement de son entreprise. 5.
le Soudan de Melitene entre dedans les provinces de l'Empire. 462. & 464.	Sunugisile enuoyé par Fredegunde pour tuer le Roy Childebert. 227.
les Soudans de Damas, de Tir, de Tripoli & de Baruch, se liguent ensemble. 625.	Sutrium pris d'emblee par les Lombards sur les Romains. 333.
Sozomenes Historiographe natif de la ville de Salamine en Cypre. 32.	Suze, Iuree & le Piedmont retirez par les Lombards. 254.
Sozomenes Historiographe des choses Ecclesiastiques. 51. & 52.	Sylvestre deuxiesme Pape. 642. & 649.
Stanislaus Archeuesque de Cracouie, est mis à mort. 763.	Symmachus l'orateur, defenseur de la superstition payenne. 15.
Stauratius patrice de Constantinople excite quelque sedition en la Cappadocie. 393.	Symmachus & Boëthius sont iniustement mis à mort. 140. & 142.
Stauratius fils de Nicephore se veut porter pour Empereur. 410.	Symmachus natif de Sardaigne Pape. 118. & 121.
Stellerus Roy des Saxons Anglois. 282.	Synesius Euesque de Cyrene, personnage docte & eloquent. 414. & 23.
Stilico conducteur des affaires & de la gendarmerie d'Honorius. 1.	Syricius Euesque de Rome meurt. 7.
Stilico veut prendre la superintendance de l'estat d'Orient aussi bien que de l'Occident. 2.	Sysinius Euesque de Constantinople. 41.
Stilico rembarre les nations de la Germanie. 3.	T.

de la Biblioth. historiale.

T.

T Alanera au Royaume de Tolette est assiegee par Raimire. 542.
Tarente en Italie est remise sus & aucunement reparee. 172.
Tarif & Musagouverneurs establis par le Calife Vlid. 326. & 327.
Tadat marquis de la Toscane meurt. 655.
Tegan François de nation, archeuesque de Treues. 414.
Telemachus lapidé par le peuple. 6.
Teleric Roy de Bulgarie est baptizé à Constantinople. 370.
Temefne en Afrique se rebelle contre le Roy de Fez. 563.
le grand Temple de Constantinople nommé sainte Sophie est fondé par l'Empereur. 160.
le Temple de S. Pierre, depuis dédié à l'honneur de sainte Genevieve est fondé à Paris. 122.
le Temple & monastere de S. Denis en France est fondé par Dagobert. 269.
le Temple principal des Chrestiens de Damas usurpé par Vlid. 317.
les Temples & Abbayes commencent à estre fondees en la France. 130.
Tephrica perdue par l'Empereur. 492.
Terbellis Roy des Bulgariens. 333.
Tetric ou Dietric de Veronne gouverneur de la Germanie pour l'Empereur. 10.
Thalmud des Juifs. 13. 45. & 135.
Tharasius patriarche de Constantinople. 377. 378. & 404.
Thasillon Duc ou Roy de Bauiere. 201. 223. 225. 230. & 234.
Thasillon est remis en son pays de Bauiere. 223. 225. 230. & 234.
Thasillon 2. du nom Roy de Bauiere, meurt. 279.
Thasillon Duc de Bauiere se soustrait de la subietion des François. 374.
Thasillon est accusé par ses subiets de felonnie. 380.
Theobilphe Roy des Saxons Orientaux est deffait & occis en une bataille. 258.
Theocrite, capitaine, s'ose esleuer contre l'Empereur Iustin. 138.
Theodebald Roy de Mets meurt. 54. & 182.
Theodal est esleu Pape. 246. Il meurt. 249.
Theodat ou Theodahat fils de la sœur du feu Roy Theodoric, prend le nom de Roy. 154.
Theodat requiert fort instamment la paix de l'Empereur. 157.
Theodat maistre de la gendarmerie de Venise. 340.
Theodat Duc de Venise a les yeux creuez. 354.

Theodebert de Mets fait aller une grosse armee au secours des Goths en Italie. 161.
Theodebert entre en mauvais mesnage avec Clotaire. 162.
Theodebert passe les Alpes avec une armee de Bourguignons. 172. il meurt. 176.
Theodebert Roy d'Austrasie laisse apres son trespas plusieurs enfans. 257.
Theodebert amene une armee dedans les terres de Clotaire. 243.
Theodore de Tharse, disciple de S. Iean Chrysostome. 20.
Theodorus ou Theodolus, Euesque & Patriarche d'Antioche. 32.
Theodore, natif de la ville de Mopsocrene, heretique. 172.
Theodore premier du nom, Pape de Rome. 277.
Theodore prestre, Patriarche de Constantinople. 295.
Theodore assez lourd en conduite d'affaires, utile toutesfois à la republique. 324.
Theodore, natif d'Arabie, Patriarche d'Antioche. 351.
Theodore Patriarche de Constantinople. 358.
Theodore Libanites s'esleue contre les Sarazins. 359.
Theodore Euesque de Sion est inuesti du Gouvernement du pais de Valais. 403.
Thodora femme de l'Empereur Iustinian meurt. 172.
Theodora l'Emperiere fait cruellement persecuter les Manicheens. 449.
Theodoret Euesque de la ville nommee Cyrus, homme de grand sçavoir. 36. 40. & 58.
Theodoric est esleu Roy des Vvisigoths. 43.
Theodoric Strabo fils d'un Triarius roy des Goths. 83. & 101.
Theodoric 2. du nom, Roy des Vvisigoths. 71.
Theodoric est contraint de leuer le siege de deuant Merida, pour retourner en Gaule. 75.
Theodoric est occis par ses freres. 84.
Theodoric le ieune entre dedans le pays des Sarmates. 90.
Theodoric Vvalamer Roy des Ostrogoths. 93.
Theodoric conducteur des Ostrogoths demande permission de passer en Italie. 106.
Theodoric Roy des Ostrogoths arriue en Italie, & met l'armee d'Odoacer en route. 108.
Theodoric est institué Lieutenant de Zenon sur toute la gendarmerie Imperiale. 103.
Theodoric regne en Italie. 112. & 114.
Theodoric fait sa premiere entree dedans Rome. 119.
Theodoric Roy d'Italie devient plus rigoureux envers les Romains. 141.
Theodoric Roy de Mets fait guerre à Hermenfray Roy de Turingie. 145.

BBB iij

Table de la seconde partie

<i>Theodoric fait mourir le Pape Iean en une prison.</i>	<i>en la Grece.</i>	100.
142. Il tombe en une grieve maladie dont il meurt.	<i>Theodemire regne sur les Sueues d'Espagne.</i>	196
143.	<i>Theodon prince des Boëmiens & Noriciens.</i>	124.
<i>Theodoric Roy de Mets prend vengeance de la trouffe que Hermanfroy Roy de Turingie luy avoit iouee.</i>	<i>Theodon fils d'Adalagerion, conducteur des Allemans, vassal du Roy Clouis.</i>	128. & 129.
145.	<i>Theodon prince des Boiens ou Bauariens reduit en son obeissance tout le pays de Noric.</i>	139.
<i>Theodoric Roy de Mets fait tuer Munderic de mauuaise guerre.</i>	<i>Theodon 2. du nom Roy de Bauiere meurt, laissant trois fils.</i>	160.
<i>Theodoric Roy de Bourgongne espouse Hermenbergue.</i>	<i>Theodon 6. du nom Roy de Bauiere, meurt, laissant trois fils.</i>	316.
<i>Theodoric veut remuer mesnage sur les Royaumes de son frere.</i>	<i>Theodo 7. du nom Roi d'une partie de Bauiere.</i>	327
248. & 250.	<i>Theodotus Euesque d'Antioche.</i>	40.
<i>Theodoric Roy de France fait conuoquer un Synode.</i>	<i>Theodonald Roy de Bauiere entre avec une grande puissance de gens dedans l'Italie.</i>	190.
301. Il meurt.	<i>Theodonald ou Thibault fils de Grimoald est en la place de Grimoald son pere.</i>	320.
304.	<i>Theofrede Duc de la Bourzogne trāsirane meurt.</i>	229.
<i>Theodoric Roy titulaire de France meurt.</i>	<i>Theopaschites, Iacobites, Armeniens & Chazenzariens, heretiques.</i>	259.
341.	<i>Theophilaëte fils de Romanus Lagapenus, est patriarche de Constantinople.</i>	573.
<i>Theodoric Euesque de Mets apporte d'Italie grand nombre de reliques.</i>	<i>Theophania mere de l'Empereur Orthon meurt.</i>	625
604.	<i>Theophania fille de l'Empereur Romanus.</i>	605.
<i>Theodoric Comte de Gand fait guerre aux Frisons qui auoient mis à mort son pere.</i>	<i>Theophilaëte Chambellan de l'Empereur, est exarche d'Italie.</i>	311.
667.	<i>Theophile Empereur de Grece enuoye plusieurs grāds personages en exil.</i>	433. 437. 438. 439. 443.
<i>Theodose fait reuenir tout l'Empire d'Occident en son obeissance.</i>	<i>Theophile Erotique Lieutenant pour l'Empereur de Grece en Cypre.</i>	705.
I.	<i>Theorismund Roy des Vvisgoths.</i>	67.
<i>Theodose meurt fort religieusement.</i>	<i>Thibault Comte de Tours & de Chartres est excommunié.</i>	596. & 602.
I.	<i>Thibault fils 2. de Eudes Comte de Champagne est fait cheualier de l'Empereur.</i>	719.
<i>Theodose le dernier qui a tenu souz sa main l'Empire entier.</i>	<i>Thibault Comte de Chartres & Estienne Comte de Troye se rebellent contre le Roy de France.</i>	697.
4.	<i>Thoaba Roy de Cordouë.</i>	352.
<i>Theodosius le ieune fils de l'Empereur Arcadius nasquit à Constantinople.</i>	<i>Thomas patriarche de Constantinople.</i>	243.
10.	<i>Thomas surnommé Constantin se fait proclamer Empereur.</i>	422.
<i>Theodosius fils d'Arcadius, estant encor à la mamelle, est déclaré Auguste par son pere.</i>	<i>Thorismund est mis à mort par ses freres.</i>	71.
11.	<i>le Tibre est desbordé.</i>	223.
<i>Theodose 2. du nom prend le tiltre d'Empereur apres la mort de son pere.</i>	<i>Tibere paruiet à l'Empire.</i>	202. Il adioust à ses tiltres le surnom de Constantin.
17.	<i>Il decede.</i>	210
<i>Theodose est mal content de quoy Constantius est déclaré Auguste.</i>	<i>Timothee surnommé Herulus, fauteur de l'heresie Entychienne.</i>	76.
35.	<i>Timothee Euesque d'Alexandrie.</i>	80. & 141.
<i>Theodosius Empereur d'Orient espouse la princesse Eudoxia.</i>	<i>Timothee patriarche de Constantinople.</i>	132.
36.	<i>Tizocope exarche d'Italie est massacré.</i>	317.
<i>Theodose enuoie une armee en Afrique.</i>	<i>Tolette reprise sur les Maures.</i>	771.
55.	<i>Tongrie est auioird'huy le pays de Brabant & des environs du Liege.</i>	32.
<i>Theodose est contrainct de marchander avec les Huns une paix.</i>	<i>Tongrolipix Soudan ou Empereur des Turcs.</i>	714.
56.		716. 718.
<i>Theodose meurt à Constantinople.</i>		
63.		
<i>Theodose fils de l'Empereur Maurice est désigné Auguste.</i>		
224.		
<i>Theodosius ou Theodore archeuesque & patriarche d'Alexandrie.</i>		
240.		
<i>Theodose & Galine deposent de l'Eglise d'Alexandrie.</i>		
168.		
<i>Theodi Roy des Vvisgoths est mis à mort.</i>		
173.		
<i>Theodolinde Royne des Lombards femme de grande vertu, meurt.</i>		
257.		
<i>Theodolinde Royne des Lombards fait conuertir plusieurs de ses subiets à la religion Chrestienne.</i>		
228.		
<i>Theodopert Duc d'une partie de Bauiere meurt.</i>		
203		
<i>Theodomire fait la guerre aux Sarmates.</i>		
91.		
<i>Theodomire Roy des Ostrogoths assiege la ville de Theffalonique.</i>		
92.		
<i>Theodomire Roy des Ostrogoths meurt.</i>		
93.		
<i>Theodemire Roy des Ostrogoths fait un voyage</i>		

Tordo

de la Bibl. historiale.

<i>Tordo Roy de Suesse, fort cruel & inhumain.</i>	127.	<i>tyran Iean.</i>	40.
<i>Torillus ou Totellus</i>	97.	<i>Valentinian, fils de Constantius & Placidia.</i>	39.
<i>Roy de Suesse & Gotlandie.</i>	361.	<i>est créé Cesar par Theodose.</i>	40.
<i>Totilas fait venir plusieurs villes d'Italie en son obeissance.</i>	167. & 170.	<i>prend le nom d'Auguste.</i>	41.
<i>Totilas entre dedans Rome par trahison.</i>	171.	<i>Valentinian épouse Eudoxia fille de l'Empereur Theodose.</i>	50.
<i>Totilas ramene son camp deuant Peruse.</i>	172.	<i>Valentinian donne paix aux Vvandales.</i>	56.
<i>Toxis Roy des Hongrois est vaincu en Italie par le Duc Henry.</i>	578.	<i>Valentinian est mis à mort par les pratiques de Maximus Patrice & Senateur.</i>	72. & 73.
<i>Traian personnage sage est enuoyé vers le Roy de Perse par l'Imperatrice Sophie.</i>	199.	<i>Valentin Diacre de l'Eglise Romaine est créé Pape.</i>	428. & 429.
<i>Transimund est institué Roy des Vvandales en Afrique.</i>	118.	<i>Vallamir Roy des Ostrogots regne en la Pannonie.</i>	77.
<i>Trasimund Duc de Spolet se rebelle contre le Roy Luitprand.</i>	340.	<i>il meurt.</i>	82.
<i>Transilla Roy des Gepides est vaincu & occis avec ses gens.</i>	108.	<i>Vandalouie auparavant appelée Betique.</i>	24.
<i>Transillo Duc des Abodrites est mis à mort en trahison.</i>	406.	<i>les Vvandales chassés de la Betique.</i>	32.
<i>Trebonianus reduit le droit Romain en un corps sous certains tiltres & chapitres.</i>	147. & 153.	<i>Varananes Roy des Perses meurt, & luy succede son fils de mesme nom.</i>	55.
<i>Tremblement de terre horribles à Constantinople.</i>	51.	<i>Varanes Roy des Perses.</i>	36.
<i>un Tremblement de Terre afflige toute la Grece & l'Asie.</i>	180.	<i>S. Vast Euesque d'Arras, fort renommé à cause de la sainteté de sa vie.</i>	194.
<i>Tremblement de terre espouuante la cité de Constantinople.</i>	186.	<i>Vdo Marquis de Saxe.</i>	746.
<i>Tremblement de terre aduenu en Italie.</i>	398.	<i>Vigman nepueu de l'Empereur rentre derechef en sa felonnie contre son oncle.</i>	599.
<i>Tribigil conducteur des Goths en la Phrygie.</i>	7.	<i>les Venedes se reuoltans contre la religion chrestienne, retournent à leur premiere superstition.</i>	653.
<i>Tribon Memo se demet volontairement de la Duché de Venise.</i>	639.	<i>Venerandus Euesque d'Auuergne.</i>	14.
<i>Troye en la Pouille edifiée.</i>	656.	<i>Venise, & de la fondation d'icelle cité.</i>	36.
<i>la Turingie estoit prochaine du Rhin.</i>	140.	<i>Venise diuisee en plusieurs isles & places.</i>	308.
<i>les Turingiës se disent exempts de ne payer dismes.</i>	744.	<i>Commencement des Ducs & de la republique de Venise.</i>	ibid.
<i>les Turcs apres auoir accompagné quelque tēps l'armée d'Heraclius, se retirent en leur pais.</i>	259.	<i>les Venitiens obtiennent vne memorable victoire sur les Sarrazins.</i>	443.
<i>les Turcs sortis des portes Casspies sont combatus par les Sarazins.</i>	362.	<i>le Venitiens commencent à estendre leur seigneurie sur la Liburnie.</i>	557.
<i>de l'origine de la nation des Turcs, & du commencement de leur regne.</i>	646.	<i>les Venitiens se mettent en ligue avec l'Empereur de Grece.</i>	773. 778.
<i>les Turcs descendent en la Syrie.</i>	733. 772. 745. & 747.	<i>Veremund Roy de Leon fait profession de la vie monastique.</i>	382.
<i>Tyrachus prince des Patzinaces.</i>	715.	<i>Veremund 2. du nom, Roy de Leon meurt.</i>	613.
<i>Tyrans de la Gaule.</i>	22. & 23.	<i>Veremund Roy de Leon entre en grosse querelle contre son beau-frere Fernand Comte de Castille.</i>	664.
V.		<i>Vermudes Roy de Leon combat les Maures.</i>	653.
<i>Valence cité du Daulphiné est subiuguee & reduite en la puissance des Gots.</i>	28.	<i>Vethes Roy des Heruliens & autres Rois & Roynes recoiuent la religion chrestienne.</i>	146.
<i>Vallamir Roy des Ostrogots fait un grand carnage de Huns.</i>	86.	<i>Vibius Seuerus Empereur d'Occident.</i>	81.
<i>Valentinian fils de Constantius Cesar & de Placidia nasquit.</i>	31. & 39.	<i>la Victoire des Clotariës contre les Austrasiës.</i>	236.
<i>Valentinian est delaisé sous la tutelle de sa mere Placidia.</i>	36.	<i>Victor Euesque de Numidie en Afrique.</i>	51.
<i>Valentinian est enuoyé avec une armee contre le</i>		<i>Victor natif d'Utique en Afrique.</i>	108.
		<i>Victor Pape de Rome.</i>	723. 725. 776. 779.
		<i>Victorinus Abbé compose les regles pour trouuer le cicle paschal.</i>	82.
		<i>Vienne en Daulphiné est mise entre les mains du Roy de France Rodolfe.</i>	559.
		<i>Vigilance heretique.</i>	4.
		<i>Vigilius Romain de nation, Euesque de Trente.</i>	68.

Table de la seconde partie

<i>Vigilius</i> Pape de Rome fait mourir en prison <i>Siluerius</i> . 161.	<i>Vvaifer</i> ou <i>Gaifer</i> Duc d'Aquitaine fait plusieurs griefs & fascheries aux gens d'Eglise de son pays. 358.359.
<i>Vigilius</i> Pape de Rome enuoie grande quantité de froment aux Romains de la Sicile. 169.	les <i>Vvalachiens</i> sont repoussez du Royaume de Hongrie. 742.
<i>Vigilius</i> emprisonné & enuoie en exil. 170. et 174.	<i>Vvalla</i> homme vaillant & courageux Roy des <i>Vvisigoths</i> . 27.
<i>Vilemund</i> fils de <i>Bera</i> Comte de Barcelonne se joint aux <i>Maures</i> . 428.	<i>Vvalla</i> renuoie à <i>Honorius</i> sa sœur <i>Placidia</i> . 28.
<i>Vilimer</i> se rebelle contre le Roy <i>Hilderic</i> , & fait que les <i>Vvandales</i> l'esleuent pour leur Roy. 152.	<i>Vvalla</i> prend possession de la Septimanie, & de la prouince <i>Narbonnoise</i> . 31.
la robe de saint <i>Vincent</i> martyr donnee à l'abbaye de saint <i>Germain</i> des prez à Paris. 162.	<i>Vvalla</i> Roy des <i>Vvisigoths</i> est surpris d'une maladie dont il meurt. 43.
<i>Vincentius</i> & <i>Paternus</i> , heretiques. 20.	<i>Vvambert</i> 3. du nom, seigneur de <i>Hainault</i> , <i>Cambrési</i> & d' <i>Ardenne</i> . 234.
<i>Vincent</i> <i>Lirinense</i> Gaulois. 49.	<i>Vvalamir</i> Roy des <i>Ostrogths</i> entre avec ses gens dedans le pays d' <i>Illyrie</i> . 83.
<i>Vincent</i> Euesque. 58.	<i>Vvalfride</i> Allemand, abbé de saint <i>Gal</i> , homme de sçauoir. 427.
<i>Vinefride</i> moine d'Angleterre presche & conuertit les nations Germaniques. 326. & 329.	<i>Vvalgrin</i> Comte d' <i>Angoulesme</i> meurt laissant deux fils. 529.
<i>Virech</i> Roy d'une partie des Anglois decede. 332.	<i>Vuallo</i> Euesque de <i>Mets</i> . 482.
<i>Virgilius</i> Euesque de <i>Saltzebourg</i> en <i>Bauiere</i> , homme de grande erudition. 347.	<i>Vuallo</i> Euesque d' <i>Auxerre</i> . 485.
<i>Vital</i> Cadien Duc de <i>Venise</i> resigne sa dignité. 617.	les <i>Vvandales</i> viennent en la <i>Germanie</i> . 15.
<i>Vitallianus</i> s'esleue contre l'Empereur. 132. 134.	les <i>Vvandales</i> estans dedans les <i>Gaules</i> y font un piteux rauage. 16.
<i>Vitallianus</i> <i>Scythia</i> est pourueu de l'estat de <i>Coronal</i> de toute la gendarmerie. 138. & 139.	les <i>Vvandales</i> sollicitent à repasser le <i>Rhin</i> contre <i>Constantin</i> . 19.
<i>Vitallianus</i> est esleu pour gouverner l'Eglise <i>Romaine</i> . 284. 289. & 292.	les <i>Vvandales</i> passent les monts <i>Pyrenees</i> pour faire leurs ieux en <i>Espagne</i> . 20. & 22.
<i>Vitiges</i> mene toutes ses forces deuant <i>Rome</i> en intention de l'assiéger. 161.	les <i>Vvandales</i> s'arrestent en la <i>Betique</i> . 24.
<i>Vitiza</i> Roy des <i>Vvisigoths</i> desbordé en luxure. 313. 314.	les <i>Vvandales</i> recommencent à guerroyer les <i>Sueues</i> . 41.
<i>Voconius</i> Euesque de <i>Mauritanie</i> , excellent en sçauoir. 68.	les <i>Vvandales</i> sont honteusement deffaits & vaincus en <i>Sicile</i> . 84.
<i>Vortigere</i> Roy de la grande <i>Bretagne</i> . 79.	<i>Vvarnaire</i> <i>Connestable</i> de <i>Bourgongne</i> meurt. 261.
<i>Vortimere</i> Roy de la grande <i>Bretagne</i> . 79.	<i>Vvaraton</i> est supplanté de son estat par son fils. 299.
<i>Vlaffo</i> Roy des <i>Lombards</i> meurt. 107.	les <i>Vvarnes</i> peuples de la <i>Germanie</i> subiuguez par les <i>François</i> . 234.
<i>Vlde</i> prince des <i>Huns</i> , tue & acheue de deffaire les compagnons de <i>Gainas</i> . 9. & 10.	<i>Vvanbert</i> , arriere fils du Roy <i>Clodion</i> , meurt laissant deux fils. 139.
<i>Vlderic</i> 17. Duc de <i>Boëme</i> se reuolte contre le Roy de <i>Pologne</i> . 678. 686.	<i>Vvanbert</i> 3. du nom, seigneur du pays d' <i>Ardenne</i> & <i>Hainault</i> , decede. 198.
<i>Vldric</i> monastere d' <i>Ausbourg</i> . 480.	<i>Vvaltrude</i> princesse de <i>Hainault</i> ayant resigné ses biens, suit la vie monastique. 241.
<i>Vlid</i> ou <i>Qualid</i> decede en la ville de <i>Damas</i> . 326.	<i>Vvaltramus</i> Euesque de <i>Niembourg</i> . 787.
<i>Vlphilas</i> , capitaine <i>Romain</i> deffait les <i>François</i> & <i>Allemands</i> . 23.	<i>Vvalthari</i> surnommé <i>Adelingue</i> , Roy des <i>Lombards</i> . 136.
<i>Vniuersel</i> primat ou Euesque, tiltre repris par le Pape <i>Gregoire</i> comme trop superbe & presomptueux. 227. 228. & 232.	<i>Vveda</i> Roy des <i>Merciens</i> , est mis à mort par sa femme. 285.
<i>Vniuersité</i> dressée par <i>Rabbath</i> en la ville de <i>Balberich</i> en <i>Arabie</i> . 319.	<i>Vvelphe</i> Duc de <i>Carinthie</i> meurt. 721.
<i>Vratistlaus</i> Duc de <i>Boëme</i> entre avec une armee dedans le Royaume de <i>Pologne</i> . 697.	<i>Vveltébourg</i> monastere prez le <i>Danube</i> fondé. 201.
<i>Vrbain</i> Pape de Rome. 783. 785.	<i>Vvenceslaus</i> premier fils d' <i>Vratistlaus</i> 13. Duc de <i>Boëme</i> , est mis à mort par son frere. 565.
<i>Vrsin</i> 3. Duc de <i>Venise</i> est rendu odieux au peuple. 339.	les <i>Vvenedes</i> entrent à grande puissance dedans la marche de <i>Brandebourg</i> . 615.
<i>Vtacus</i> Roy des <i>Alains</i> en <i>Espagne</i> est deffait & occis. 40.	<i>Vvesterfelde</i>
<i>Vterpandragon</i> Roy des anciens <i>Bretons</i> . 116.	
<i>Vxes</i> nation de <i>Scythes</i> . 739.	

de la Bibl. historique.

Vvesterfeldie, est la prouince la plus Occidentale du Royaume de Dannemarc. 414.

Vvilfred succede à son pere au Royaume de Kents. 303.

Vvilramie de Fulden & plusieurs autres grands personnages. 738.

les Vvilfes, nation Esclauonique, entrent à grande puissance dedans l'Allemagne. 409.

Vvinir moine de Corbie en Saxe, homme de grand sçauoir. 533.

Vvindemere fils de Theodoric le ieune, se ioint aux Vvisigoths de la Gaule. 91.

Vvidomare est le premier qui exercea l'estat de grand Conseiller de France. 84.

les Vvisigoths, appelez les Confederez sortans de Thrace, se viennent fourrer dedans la Grece. 2.

les Vvisigots ont guerre contre les Romains. 50.

les Vvisigoths gagnent une bataille sur les Sueues. 52.

les Vvisigoths se meslent avec les Alains en l'habitation & cultiuage du pays qu'ils occupoient en Espagne. 29.

Vvitteric ou Bertric se fait Roy des Vvisigoths. 239.

Vvitteric Roy des Vvisigoths est tué par ses ennemis. 245.

Vvittikinde Duc de Saxe fait guerre aux François. 373. Est mis à mort. 405.

Vvitzlaus premier prince de Rugie en la Vvandalie. 564.

Vvladimire entre avec une grande armee en la Silesie. 731.

Vvladislaus espouse Sophie sœur de l'Empereur Henry. 779.

Vvlfoalde ou Vvolfande maire du palais d'Austrasie meurt. 297.

Vvulphere est esleu Roy des Merciens. 285.

Vvolodimire monarque de la Russie espouse la princesse Anne sœur de l'Empereur de Grece. 627.

Vvolodimire prince de Russie & de Moscouie est mis à mort. 665.

Vvortiperius Roy des Bretons. 188.

Vvridicazius Roy des Bourguignons. 49.

X.

X*Enias natif de Perse presche contre les images.* 109.

Xenaias dict Philoxene trouble grandement les Eglises d'Orient. 118.

Xistus natif de Rome, 3. du nom. 48. Il meurt. 54.

Xiste Pape estant accusé d'auoir violé une Nonnain, s'en iustifie par serment. 50.

Z.

Z*Acharie archeuesque de Hierusalem.* 261.

Zacharie, moine natif de Grece, Pape de Rome. 342. 348. 350. 351.

les Zamiens s'allient avec l'Empereur contre les Perses. 147.

les Zamiens sont derechef subiuguez & rendus tributaires. 187.

Zarauagus Roy des Hiberiens contracte alliance avec l'Empereur. 154.

Zathus prince de la nation des Lazziens se fait baptizer. 141.

Zamissir Roy des Lombards. 42.

Zenon gendre de Leon, gouverneur des prouinces Orientales. 82.

Zenon reuiet trouuer son ennemy deuant Constantinople. 94.

Zenon l'Empereur d'Orient meurt. 109.

Zenon fait mettre à mort plusieurs grands personnages. 108.

Zenobius Euesque de Florence. 37.

Zeth 3. Roy des Lombards. 42.

Ziemouiste fils de Pias Roy de Pologne. 530.

Ziemouislaus dernier Duc ou Roy payen de Pologne meurt. 598.

Zimisces se met en teste de dechasser les Russiens de la Bulgarie. 605. & 611.

Ziptineus Duc de Boëme est conuertit à la religion Chrestienne. 544.

Zolmire Roy de Dalmatie. 738.

Zoilus Euesque d'Alexandrie. 174.

Zoximus fils d'un Abraham natif de Grece, Euesque de Rome. 28.

Zoximus fait publier le concile de Carthage par tout le monde. 30. Il meurt. 32.

Zoximus, historiographe Grec, ennemy de la religion Chrestienne. 19.

Zuendebald Duc des Esclauons de Morauie est accusé d'infidelité. 479.

Zuendibolch Roy de Lorraine est deietté quasi totalement de son Royaume. 523.

Zulcimin ou Soliman, capitaine Sarrazin, mene une armee en Armenie. 338. & 339. 340.

Zulcimin meurt deuant la cité de Constantinople. 626.

Zuleima & Abdala freres sont deffaits en Espagne. 390.

Zundibolch Roy des Esclauons de Morauie est inuesti de la Duché de Boëme. 509. 511. & 514.

Fin de la Table de la seconde partie de la Bibliotheque historique.

